


লেখকগণ তাহাদের রচনা

শ্রী অমিয়চন্দ্র চক্রবর্তী		শ্রী নীলেশচন্দ্র গুপ্ত	
—ইউরোপে রবীন্দ্রনাথ (সচিত্র) ...	২৭	—মেঘ ও রৌদ্র (গল্প) ...	২০৫
শ্রী অমিয়জীবন মুখোপাধ্যায়		শ্রী খীরেন্দ্রনাথ রায়	
—মহাত্মা গান্ধী (কবিতা) ...	৮২০	—সন্ন্যাসীর (গল্প) ...	১৫২
শ্রী অমূল্যচরণ বিদ্যাভূষণ		শ্রী নগিনীকান্ত ভট্টাচার্য	
—লক্ষ্মী (সচিত্র) ...	১৬২, ৮৭৪	—ভারতের ইতিহাসে প্রকৃতির প্রভাব ...	৩৪১
শ্রী অমৃতলাল শীল		শ্রী নলিনী রায়	
—পাঠান বৈকুণ্ঠ—রাজপুত্র বিজুলী থা ...	৪২৩	—ভারতে চলচ্চিত্র ...	৫১৫
—মহাকবি হরদাস ...	১২৮	শ্রী নরেন্দ্রনাথ ভট্টাচার্য	
শ্রী অপরূপমণি দত্ত		—ভারতচন্দ্রের কবিতায় 'প্রবচন' ...	৫২
—পুরুষসত্তা ভাগ্য ...	২৭০	শ্রী নারায়ণচন্দ্র দে	
আবু নয়ীম মোহম্মদ বদেলুর রশীদ		—মুন্সের দুর্গ (সচিত্র) ...	৫৬২
—আকাশের বিয়ে (কবিতা) ...	১০২	শ্রী নীলদেব চৌধুরী	
উমা দেবী		—বাংলা দেশ ও ভারতবর্ষ ...	২০
—ছায়া-ছবি (গল্প) ...	৭২	শ্রী প্রভাতমোহন বন্দ্যোপাধ্যায়	
একরামুদ্দিন		—প্রত্যাবর্তন (কবিতা) ...	৮৭৩
—বালদান (গল্প) ...	৫৪৬	শ্রী পাঁচুগোপাল মুখোপাধ্যায়	
শ্রী কালিকারঞ্জন কাছুনগো, এম-এ		—টেউ (গল্প) ...	৬১
—ছত্রমাল বৃন্দলা (সচিত্র) ...	৭৩	শ্রী পদ্মলাল দাস	
—পদ্মিনী উপাখ্যান ও তাহার ঐতিহাসিকতা (সচিত্র) ...	৬৫৩	—চীনযুদ্ধে দফাদার হরিনারায়ণ বহু (সচিত্র) ...	৩১৪
—শাহজাহান-আওরংজেব-সংবাদ ...	৩১০	শ্রী পারুল দেবী	
শ্রী কেন্দ্রাবনাথ বন্দ্যোপাধ্যায়		—ট্রেনের পাঁথে (গল্প) ...	৩২০
—বিচিত্রা (গল্প) ...	৫২৬	শ্রী প্রবোধকুমার সামন্তাল	
শ্রী গির্জাশেখর বসু		—সংসার নাট্য (গল্প) ...	৬১৯
—সবু রক্ত: তথ্য ...	১	শ্রী প্রভাতমোহন মুখোপাধ্যায়	
শ্রী গোপাললাল দে		—কারায় শরণ (কবিতা) ...	৫৭
—ঐশ্বর্য (কবিতা) ...	৩৭৮	—বক্তিত (কবিতা) ...	৫১
শ্রী গোপাল হালদার		শ্রী প্রিয়দর্শনা দেবী	
—বাংলাভাষার ভবিষ্যৎ ...	৩১	—চাঁদ (কবিতা) ...	৪৪
—বাংলাভাষার ভবিষ্যৎ (আলোচনা) ...	৪২৩	শ্রী প্রিয়রঞ্জন সেন, এম, এ	
শ্রী গোরগোপাল মুখোপাধ্যায়		—তুকারাম ও শ্রীচৈতন্য ...	২২৮
—চক্রবৎ পরিবর্ত্তে (গল্প) ...	৭১	শ্রী কণীভূষণ রায়	
শ্রী চারু বন্দ্যোপাধ্যায়		—কুমার সম্ভবে সমাজতন্ত্র ...	৪৫৬
—শব্দতত্ত্বের ব্যংগিকিৎ ...	৫০৮	শ্রী বিনয়েন্দ্র সেন	
শ্রী চারুচন্দ্র ভট্টাচার্য, এম-এ		—ক্রসেলে শতবার্ষিকী উৎসব (সচিত্র) ...	৫৩২
—বিজ্ঞানের নূতন রূপকথা ...	৩১১	শ্রী বিনোদবিহারী মুখোপাধ্যায়	
শ্রী গগন মিত্র		—ক্রেডো (সচিত্র) ...	৪১২
—পঞ্চদশী (গল্প) ...	৪১২	শ্রী বিজুভূষণ বন্দ্যোপাধ্যায়	
শ্রী জ্যোতি সেন		—অপরাজিত (উপন্যাস) ১১৫, ২৫৬, ৩৭২	৩১২
—রিক্তবাহী (গল্প) ...	১৮৬		
শ্রী দ্বিধাকর শর্মা			
—তিনকড়ি-চরিত (গল্প) ...	৬৪৭		

শ্রীবিভূতিভূষণ মুখোপাধ্যায়	—বামনদাস বসু (সচিত্র)	...	৪০৪
—হার-জিত (গল্প)	...	৮২৩	শ্রীলাল তুদাই রায়
শ্রীবিমলাচরণ দেব	—কুকি সংস্কার সমস্যা (সচিত্র)	...	৬২২
—গোধর্ম (আলোচনা)	—কুকিদের সমাজ ও ধর্ম (সচিত্র)	...	২০৮
শ্রীবীরেশ্বর সেন	শ্রীশচাঁদ্র লাল রায়, এম-এ	...	৪৫
—পুরাণে কাল (আলোচনা)	—পণ্ডিত-মূর্খ (গল্প)	...	৫০৫
শ্রীভোলানাথ ঘোষ	শ্রীশৈলেন্দ্রকৃষ্ণ লাহা	...	৫০৫
—স্থানাভাব (গল্প)	—পথহারা (কবিতা)	...	৫০৫
মোতাহের হোসেন	শ্রীসাতা দেবী	...	৫০৫
—প্রকৃতি ও মুসলমান	—মহামায়া (উপন্যাস) ১০১, ২২৭, ৩৮৭, ৪৯৬, ৭২৩,	...	৬৬৫
শ্রীসাহিত্যলাল মজুমদার	—মেয়ের মান (গল্প)	...	৩৪৮
—বাংলাভাষার ভবিষ্যৎ (আলোচনা)	—সমাধান (গল্প)	...	৩৪৮
শ্রীমহেন্দ্রকুমার সিংহ	শ্রীসুধীরকুমার চৌধুরী	...	২৬৮
—মণিপুরী ও কুকি জাতি (আলোচনা)	—নৈপুণ্য (কবিতা)	...	২৬৮
শ্রীযতীন্দ্রমোহন বাগচী	শ্রীসুধীর কুমার সেন	...	২৭৩
—অশোক (কবিতা)	—পাট ব্যবসায়ের মন্দা	...	২৭৩
—পুরাণে কাল	শ্রীসুধীর সেন, বি-এ	...	৩৫২
শ্রীযোগেশচন্দ্র রায়	—ইংলণ্ড ও বর্তমান ভারতীয় আন্দোলন	...	৩৫২
—ইংরেজীর বাংলা	—দ্বীপময় ভারত (সচিত্র) ৮৫, ২২৪, ৫৩০, ৩৫৮	...	৩৫৮
—পৌষ পুর্ণিমা (কবিতা)	শ্রীসুনীতিকুমার চট্টোপাধ্যায়	...	৭৮৫
—চণ্ডীদাসের শ্রীকৃষ্ণকীর্তন	—বলিষ্ঠপের ইতিহাস ও সংস্কৃতি বিষয়ে	...	৭৮৫
আসল না নকল ?	অমুসন্ধান (সচিত্র)	...	৭৮৫
শ্রীরবীন্দ্রনাথ ঠাকুর	শ্রীসুবল চন্দ্র মুখোপাধ্যায়	...	১৬২
—গ্রামবাসীদের প্রীতি	—কবি (কবিতা)	...	১৭৬
—পল্লীসেবা	—রবীন্দ্র বন্দন (কবিতা)	...	১৭৬
—প্রাণলক্ষ্মী (কবিতা)	শ্রীসুবোধ বসু	...	৩৩৫
—বাণী (কবিতা)	—কবি (গল্প)	...	৩৩৫
—রাশিয়ার লোকশিক্ষা	শ্রীসুহরেন্দ্রনাথ ভট্টাচার্য, এম-এ	...	৬, ১৭৮
—রাশিয়ার শিক্ষাবিধি	—কাম্মীরের কথা (সচিত্র)	...	৫৫৫
—রাশিয়ার সকল মানুষের উন্নতির চেষ্টা	শ্রীসুহরেন্দ্র চক্রবর্তী	...	৫৫৫
—রাশিয়ার সর্বব্যাপী নিধনতা	—হসন্তের পত্র	...	৫৫৫
—রাশিয়া সম্বন্ধে রবীন্দ্রনাথের পত্রাবলী	শ্রীসুহরেন্দ্র রায়, এম-এ, বি-এল	...	৫৬
—সাইমন কমিশনে কবুল	—বীমা জগতে মহিলা (সচিত্র)	...	৫৬
—শোভিয়েট রাশিয়ার শিক্ষা ব্যবস্থা	শ্রী যতুনাথ সরকার	...	৮৫৭
শ্রীরবীন্দ্রনাথ মৈত্র	—বন্ধে বগী	...	৮৫৭
—ট্যারা (গল্প)	শ্রীহরলতা চৌধুরী	...	৮৮৮
শ্রীরমেশচন্দ্র দাস	—দেশদ্রোহী (গল্প)	...	২৫৮
—রাত ভিখারী (কবিতা)	—মানের দায় (গল্প)	...	২৫৮
শ্রীবামপদ মুখোপাধ্যায়	শ্রীহরির শেঠ	...	৬৭
—দীপশিখা ও তৈল (গল্প)	—ভারতে বাস্পীয় জাহাজ পরিচালনের	...	৬৭
—বহুসংস্কৃতি (গল্প)	প্রথম যুগ (সচিত্র)	...	৬৭
—রাজমাতা (গল্প)	শ্রীহরিশঙ্কর মুনসী	...	৪৬৮
শ্রীরামানন্দ চট্টোপাধ্যায়	—মরা গাঙ (কবিতা)	...	৪৬৮
—বন্ধে মুসলমান ও অমুসলমান (সচিত্র)	শ্রীক্ষতিমোহন সেন	...	৮৪১
...	—বাংলার প্রাণবন্ত	...	৮৪১

নন্দী কলিকাতা
১৯৬৬-৬৭

কলিকাতা, ১৯৬৬





“সত্যম্ শিবম্ সুন্দরম্”

“নায়াগ্না বলহীনেন লভ্যঃ”

৩০শ ভাগ

২য় প্রভ

কাৰ্ত্তিক, ১৩৩৭

১ম সংখ্যা

সত্ত্ব রজঃ তমঃ

শ্রীগিরীন্দ্রশেখর বসু

কাচঃ সপিং কাঞ্চনমেক স্ত্রে
প্রপত্তি মূঢ়াঃ কিন্তু চিত্রম্
অশেষবিং পাণিনিরেক স্ত্রে
ধানম্ যুবানম্ মঘবানমাহ।

মূঢ় ব্যক্তি কাচ, মপি ও কাঞ্চন একই স্ত্রে গাঁথে—
ইহা বিচিত্র কি? অশেষবিং পাণিনি একস্ত্রে কুকুর
যুবা ও ইন্দ্রের উল্লেখ করিয়াছেন।

শব্দ (কুকুর), যুব (যুবা) ও মঘব (ইন্দ্র) শব্দকে
পাণিনি যে একবর্গে ফেলিয়াছেন তাহার কারণ অবশ্য
এই যে ইহাদের শব্দরূপ একই নিয়মে নিপ্পন্ন হয়। কি
উদ্দেশ্য লইয়া পদার্থের জাতি নির্ণীত হইয়াছে জানা না
থাকিলে অনেক সময়েই শ্রেণীভুক্তি বিসদৃশ মনে
হইতে পারে। শ্রেণী বিভাগ বা জাতি নির্ণয়ের কতকগুলি
লক্ষণ আছে। এই-সকল লক্ষণ পাওয়া না গেলে বুঝিতে
হইবে যে জাতি-নির্ণয় ঠিক হয় নাই। বিভিন্ন উদ্দেশ্য
লইয়া একই পদার্থ-সমষ্টির বিভিন্ন প্রকারের জাতি বিভাগ
হইতে পারে। গহনা তৈয়ারি করা উদ্দেশ্য হইলে ধাতুর
জাতি-বিভাগ একপ্রকার হইবে, আবার অস্ত্র নির্মাণ
হিসাবে ধাতুর উপযোগিতা নির্ণয় করিতে হইলে

বিভাগ অন্তরূপ হইবে। অমরকোষে যে-সমস্ত শব্দ এক
পর্ধ্যায়ে আছে, পাণিনিতে তাহার ভিন্ন পর্ধ্যায়ভুক্ত
হইয়াছে। অতএব জাতি-নির্ণয় ঠিক হইল কি না বিচার
করিতে হইলে জাতি-বিভাগের উদ্দেশ্য স্বরণ রাখিতে
হইবে। যে পদার্থ-সমষ্টির জাতি বিভাগ করা হইতেছে
তাহার অন্তর্ভুক্ত একটি পদার্থও বাদ দেওয়া চলিবে না।
অপরপক্ষে জাতির অন্তর্গত বিভিন্ন বিভাগের ব্যাপ্তির
সীমা পরস্পর হইতে পৃথক রাখিতে হইবে। যেমন ধাতুর
জাতি বিভাগ করিতে বসিলে লৌহ বা অস্ত্র কোন ধাতুকে
বাদ দিলেও চলিবে না অথবা ধাতুকে বহুমূল্য অল্পমূল্য
ও সূদৃশ্য—এইরূপ তিন পর্ধ্যায়ে ফেলাও চলিবে না।
কারণ যে ধাতু বহুমূল্য অল্পমূল্য তাহা সূদৃশ্যও হইতে
পারে। মূল্য ও সূদৃশ্যের ব্যাপ্তি পরস্পর হইতে সম্পূর্ণ
পৃথক নহে। বিভাগে অতিব্যাপ্তি দোষ ঘটাইবে।
বিভিন্ন শ্রেণীর ব্যাপ্তি মনে না রাখিলে জাতি-বিভাগ
ছষ্ট হইবে।

জাতি বা শ্রেণী বিভাগের উপরিউক্ত লক্ষণগুলি মনে
রাখিয়া প্রকৃতির গুণত্রয়ের বিচার করা যাইতে পারে।

সত্ত্ব রজ তম কথাকয়টি সাধারণের মধ্যে এতই প্রচলিত যে অনেক সময়ে তাহাদের অর্থসঙ্গতির দিকে লক্ষ্য না রাখিয়া আমরা সেগুলির প্রয়োগ করি। প্রকৃতির গুণের এই তিন বিভাগ কি উদ্দেশ্যে করা হইয়াছে তাহা বিচার্য। এই বিভাগ দুই কিনা তাহাও আলোচ্য। প্রকৃতির সমস্ত গুণই কি এই তিন বিভাগে পড়ে, এবং সত্ত্ব রজ ও তমের ব্যাপ্তি কি পরস্পর হইতে বিভিন্ন? প্রথমেই প্রশ্ন উঠে, যে উদ্দেশ্য লইয়া প্রকৃতির গুণবোঝার এই ত্রিবিধের বিভাগ কল্পিত হইয়াছিল তাহা কি আমরা জানি? সত্ত্ব রজ ও তমের যে ব্যাখ্যাগুলি সাধারণতঃ প্রচলিত দেখা যায়, তাহাদের লক্ষণ বিচার করিলে মনে সন্দেহ হয় যে, শাস্ত্রকারগণের উদ্দেশ্য আমরা ভুলিয়া গিয়াছি। অধিকাংশ ব্যাখ্যার মতে সত্ত্ব প্রকৃতির প্রকাশ-গুণ, রজ ক্রিয়া-গুণ এবং তম জড়তা মোহ বা অজ্ঞান। সত্ত্বের দ্বারা জ্ঞান উদ্ভাসিত হয়; ইহা নিম্নলিখ লঘু ও অনাময়। রজ আমাদের লোভ ও তৃষ্ণার বশীভূত করে এবং তম গুরু গুণবিশিষ্ট ও অত্যাধিক নিদ্রা বা আলস্যের কারণ। এখানে লঘু ও গুরু শব্দের অর্থ কি তাহা ঠিক বোঝা যায় না। পদার্থবিৎ (physicist), কিমিতিবিৎ (chemist), মনোবিৎ (psychologist) প্রকৃতির বিভিন্ন প্রকারের অসংখ্য গুণের বিচার করেন। এই সমস্ত গুণই কি সত্ত্ব রজ ও তমের অন্তর্গত? প্রকৃতির কোন্ গুণে জল বরফে পরিণত হয়? কুইনি-এর গুণ সত্ত্ব, রজ না তম? সত্ত্ব যদি জ্ঞানের প্রকাশক হয় ও তম যদি জ্ঞানের আবরক হয়, তবে গুণের জ্ঞান বিভাগে রজের স্থান কোথা? কারণ প্রকাশক ও আবরক—এই দুই বিভাগের মধ্যেই প্রকৃতির বাবতীয় গুণকে ফেলা যাইতে পারে। তদ্রূপ, রজকে কক্ষশীলতা ও তমকে জড়তা বলিলে শ্রেণী-বিভাগে সত্ত্বের স্থান থাকে না। আবার সত্ত্ব ও রজ, অর্থাৎ জ্ঞান ও ক্রিয়াকে একই বর্ণে ফেলিবার উদ্দেশ্য কি? শব্দ ও মন-এর স্থায় এই দুই গুণের একত্র সমাবেশ বিসদৃশ মনে হওয়া স্বাভাবিক। সত্ত্ব রজ ও তমের সাধারণ প্রচলিত অর্থ ধরিলে শ্রেণী বিভাগে ব্যাপ্তিদোষ ঘটে।

শাস্ত্রকারগণের শ্রেণীবিভাগ যে দুই তাহা মনে

করিবার পক্ষে যথেষ্ট বাধা আছে। শ্রেণীবিভাগের মূলমন্ত্র তাহারা ভালরূপই জানিতেন। অতএব অস্বাভাবিক করা যাইতে পারে, তাহাদের উদ্দেশ্য ঠিক বুঝিতে না পারিয়াই আমরা গোলে পড়িতেছি। এই প্রশ্নের সহুত্তর কোথাও দেখিয়াছি বলিয়া আমরা মনে হয় না, অনেক অভিজ্ঞ ব্যক্তিকে প্রশ্ন করিয়াও সন্দেহ নিরাকরণ করিতে পারি নাই। ম্যাক্সমুলার লিখিয়াছেন:—“আমি এই তিন গুণের ব্যাখ্যা দিবার চেষ্টা করিয়াছি কিন্তু আমি স্বীকার করিতে বাধ্য যে, ইহাদের প্রকৃতি আমার নিকট মোটেই স্বস্পষ্ট নহে, কিন্তু দৃষ্টান্তক্রমে ভারতবর্ষীয় দার্শনিকদের কাছে ইহাদের অর্থ এতই স্পষ্ট বলিয়া বোধ হয় যে তাহারা কোন ব্যাখ্যা দেওয়াই আবশ্যক বিবেচনা করেন না।”* আমার নিজের মনে যে ব্যাখ্যা জাগিয়াছে এখানে তাহাই বিবৃত করিব। শাস্ত্র অনন্ত এবং আমার শাস্ত্রজ্ঞানের পরিসরও নিত্য অল্প। হয়ত কোথাও এই প্রশ্নের সদ্ব্যখ্যা আছে, কিন্তু আমার তাহা জানা নাই।

প্রথমেই সত্ত্ব রজ তম—এই শ্রেণী বিভাগের উদ্দেশ্য বিচার করিব। প্রকৃতির গুণাবলীর বিশ্লেষণের চেষ্টার ফলে সত্ত্ব রজ তমের কল্পনা। শাস্ত্রকারগণ পদার্থবিৎ বা কিমিতিবিৎ হিসাবে প্রকৃতিকে দেখেন নাই। প্রকৃতির লীলা তাহাদের কাছে দার্শনিক সমস্যা। কি করি? প্রকৃতির উদ্ভব হয় ও কি গুণে তাহা পুরুষকে অভিভূত করে তাহাই তাহাদের প্রশ্ন। মনে রাখিতে হইবে, সাংখ্য বেদান্ত প্রভৃতি শাস্ত্রে প্রকৃতির সমস্ত মনোবোঝার দিক দিয়াই বিচার করা হইয়াছে। বাহিরের প্রকৃতির অস্তিত্বের জ্ঞান শেষ পর্যন্ত আমরা নিজেদের অন্তঃকরণের সাহায্যেই বুঝিতে পারি।

যাবৎ সম্ভাষ্যতে কিঞ্চিৎ সত্ত্বং স্বাবরজজন্ম।

দেহদেহৈক্যসংযোগাৎতদ্বিক্তি ভরতর্কঃ।

গীতা ১৩।২৬

*“I have tried to explain the meaning of the three Gunas before, but I am bound to confess that their nature is by no means clear to me, while, unfortunately, to Indian Philosophers they seem to be so clear as to require no explanation at all.”

—Collected Works of Max Muller—The Six Systems of Indian Philosophy, (1903), p. 357.

—হে ভরতর্ষভ, যাঁহা কিছু স্থাবর জন্ম পদার্থ সম্ভাত হয়, তাঁহা

ক্ষেত্রক্ষেত্রের সংযোগের ফলে, ইহা জানিবে।

আত্মাই ভূমি। তাহাই সমগ্র প্রকৃতিকে পরিব্যাপ্ত করিয়া
আছে। প্রকৃতির ব্যাপ্তি সে তুলনায় সর্গীয় ও সীমাবদ্ধ।
আত্মা ও প্রকৃতির পরস্পর সম্বন্ধের জ্ঞানই প্রকৃত জ্ঞান।
ইহাই শাস্ত্র-বন্দেব আলোচ্য। এই জ্ঞানলাভেই মুক্তি।

য এবং বেত্তি পুরুষঃ প্রকৃতিঃ গুণৈঃ সহ

সকলথা বর্তমানোহপি ন স ভূয়োহভিজায়তে ॥

গীতা ১৩ঃ৩


—যিনি এই প্রকারে পুরুষকে এবং গুণের সহিত প্রকৃতিকে জানেন,
তিনি সর্ব অবস্থায় বর্তমান থাকিয়াও (যে-কোন ব্যাপারে নিযুক্ত
কিয়াও) পুনরায় জন্মান না।

আত্মসাক্ষ্যকারই ব্রহ্মসাক্ষ্যকার। আত্মজ্ঞানই ব্রহ্মজ্ঞান।
যাত্মাকেই জানিতে হইবে। আত্মানং বিদ্ধি। এই
দৃশ্য মনে রাখিয়া সত্ত্ব রজঃ তমের বিচার করিতে
হইবে।

মাতৃয়ের মন প্রকৃতি হইতেই উৎপন্ন। আত্মা ভিন্ন
শ্রবীর সকল বস্তুই জড়পদার্থ। মনও হৃদয় জড়
। আত্মা বা চৈতন্যের সংস্পর্শে আসিয়া মন
জসিত হয়—ইহাই শাস্ত্র-মত। প্রকৃতি-জাত এই
মন সাহায্যেই বদ্ধ জীব আত্মজ্ঞান লাভের চেষ্টা
করে।

আত্মা শুদ্ধ জ্ঞান স্বরূপ। বিশুদ্ধ না হইলেও ইন্দ্রিয়জ
জ্ঞানই মাতৃবকে আত্মদর্শনের পথে লইয়া যায়। প্রকৃতির
গুণেই যেমন জ্ঞানলাভ সম্ভব হয়, তেমনি আবার
প্রকৃতিরই অগুণ জ্ঞানলাভে বাধা স্বরূপ হইয়া দাঁড়ায়।
জ্ঞান ও অজ্ঞান পরস্পর বিরোধী। অতএব প্রকৃতির
দুই গুণ আছে। এক গুণ হইতে জ্ঞান ও অপর গুণ হইতে
অজ্ঞান উৎপন্ন হয়। এই অজ্ঞানই তম। মাতৃয়ের জ্ঞান
দুই প্রকার। এক বহিমুখ ও অপর অন্তর্মুখ। তম এই
দুই প্রকার জ্ঞানের বিরোধী। আমার মতে প্রকৃতির
যে গুণের বশে মাতৃয়ের জ্ঞান বহিমুখ হয় তাহাই
রজোগুণ এবং যে গুণের বশে জ্ঞান অন্তর্মুখ হয় তাহাই
সত্ত্বগুণ। গুণের শ্রেণী বিভাগ এখন নিম্নলিখিত প্রকার
দাঁড়াইল :—

প্রকৃতির গুণ



ক্ষেত্র অর্থাৎ প্রকৃতি ও ক্ষেত্রজ্ঞ অর্থাৎ আত্মা উভয়ের
সংযোগেই যখন প্রকৃতির সমস্ত ব্যাপার প্রতিভাত হই,
তখন প্রকৃতির গুণ আত্মাপক্ষ বা প্রকৃতিপক্ষ যে দিক
দিয়াই দেখা যাক না কেন তাহাতে কিছু যায় আসে না।
অজ্ঞান হইতে তমের উৎপত্তি বা তম হইতে অজ্ঞানের
উৎপত্তি—দুই বলা চলে।

অন্তর্মুখ জ্ঞান ও বহিমুখ জ্ঞান কাহাকে বলে এখন
তাঁহা বিচার করিব। অন্তর্মুখ জ্ঞান আমাদের নিজের
শুদ্ধ অহুভূতির জ্ঞান, এবং বহিমুখ জ্ঞান বস্তুজ্ঞান।
উদাহরণ-স্বরূপ বলা যাইতে পারে যখন আমরা ঘণ্টার
শব্দ ও বাঁশীর শব্দের পার্থক্য বিচার করি, অর্থাৎ যখন
শব্দের স্বরূপ নির্ণয়ের চেষ্টা করি, তখন মাত্র শব্দের
শুদ্ধ অহুভূতি হয় ও তখন শব্দজ্ঞান অন্তর্মুখ হইয়াছে
বলা যায়। যখন বহিবস্তু হিসাবে ঘণ্টা ও বাঁশীর প্রভেদ
বিচার করি তখন শব্দায়মান বস্তুর দিকেই মন যায়
অর্থাৎ জ্ঞান বহিমুখ হয়। বহিবিষয় হইতে মনকে অন্তরের
অহুভূতির দিকে লইয়া যাওয়াকে গীতাকার ইন্দ্রিয় সংহরণ
বলিয়াছেন।

যদা সংহরতে চার্য কুণ্ধ্যোৎসাদানীব সর্বশঃ ॥

ইন্দ্রিয়ার্গপ্রিয়ার্থেভ্যন্তস্ত প্রজ্ঞা প্রতিষ্ঠিতা ॥ ২৫৮

কল্প যেমন সর্বকিছ হইতে নিজ অঙ্গ ধীর অভ্যন্তরে গুটাইয়া
লয় সেইরূপ যিনি যাবতীর ইন্দ্রিয়ব্রীষ বস্তু হইতেই ইন্দ্রিয়গণকে
সংহরণ করিয়া লইতে পারেন তাহারই প্রজ্ঞা প্রতিষ্ঠিত হইয়াছে
জানিতে হইবে।

শাস্ত্রমতে মন অন্তর্মুখ না হইলে আত্মজ্ঞান লাভ
হয় না। অন্তর্মুখ মনের দ্বারা আমরা ইন্দ্রিয়
প্রত্যক্ষের শুদ্ধ অহুভূতির জ্ঞান লাভ করি। এই
অহুভূতিতে কোন বহিবস্তুর বোধ নাই। শুদ্ধ অহুভূতি

হইতে ক্রমে বিশুদ্ধ জ্ঞান জন্মে। কেবল অল্পভূতির জ্ঞান ও বিশুদ্ধ জ্ঞান উভয়ের মধ্যে প্রভেদ আছে। ইন্দ্রিয়জ প্রত্যক্ষের জ্ঞান শুদ্ধ হইলেও তাহাতে নানা গুণ আছে। রূপ, রস, গন্ধ ইত্যাদিতে পৃথক পৃথক গুণ বর্তমান। কিন্তু বিশুদ্ধ জ্ঞানে কোন নানাত্ব নাই। ইহা নানাত্ব কিঞ্চন। এই বিশুদ্ধ জ্ঞানই আত্মজ্ঞান বা ব্রহ্মজ্ঞান। ইহাই আত্মার স্বরূপ। আত্মজ্ঞান লাভ করিতে হইলে মন অন্তর্মুখ করিতে হইবে। অন্তর্মুখ হইলে মন প্রথমে বহির্বস্তু হইতে সরিয়া আসিবে ও ইন্দ্রিয়জ প্রত্যক্ষের শুদ্ধ অল্পভূতি জাগিবে। ক্রমে ইন্দ্রিয়জ শুদ্ধ অল্পভূতির নানাত্ব লোপ পাইয়া কেবল জ্ঞানের বা আত্মজ্ঞানের উদয় হইবে। ইহাই ব্রহ্মদর্শন।

কঠোপনিষদে আছে, স্বয়ম্ভূবদানে মাতৃসের হৃদ্রিয়দার বহিমুখ হইয়াছে সেজন্ত বহিবি ময়ে আমাদের মন দাবিত হয়। কদাচিৎ কোন দীর ব্যক্তি অমৃত সন্ধানে চক্ষু আবৃত করিয়া প্রত্যক্ আত্মার দর্শন পান। বহিবিয়ে আসক্তি অন্তর্দর্শনের এক প্রধান বাধা। এক হিসাবে ইন্দ্রিয়জ প্রত্যক্ষ অল্পভূতিও বিষয়াল্পভূতি। মনের সমস্ত ব্যাপার শাস্ত্রমতে স্ফুটজড়ের ক্রিয়া। এই স্ফুট বিষয়াল্পভূতিতে আবদ্ধ থাকিলে আত্মজ্ঞান জাগিবে না। এই জন্তই সত্ত্ব গুণকে অতিক্রম না করিতে পারিলে আত্মদর্শন সম্ভবপর হয় না। কৌণিত্যকী উপনিষদ বলিতেছেন—

“বাক্কে জানিতে চেষ্টা করিবে না, বস্তুকে জানিতে চেষ্টা করিবে ; গন্ধকে জানিতে চেষ্টা করিবে না, আত্মাতাকে জানিতে চেষ্টা করিবে ; রূপকে জানিতে চেষ্টা করিবে না, রূপবিৎকে জানিতে চেষ্টা করিবে ; শব্দকে জানিতে চেষ্টা করিবে না, শ্রোতাকে জানিতে চেষ্টা করিবে ; অন্নরসকে জানিতে চেষ্টা করিবে না, অন্নরসের বিজ্ঞাতাকে জানিতে চেষ্টা করিবে ; কন্ধকে জানিতে চেষ্টা করিবে না, কণ্ঠকে জানিতে চেষ্টা করিবে ; স্পর্শকে জানিতে চেষ্টা করিবে না, স্পর্শকে জানিতে চেষ্টা করিবে ; গন্ধকে জানিতে চেষ্টা করিবে না, গন্ধকে জানিতে চেষ্টা করিবে ; মনকে জানিতে চেষ্টা করিবে না, মনকে জানিতে চেষ্টা করিবে।”---

ঐযুক্ত নীতানাত্ম তত্ত্বভূষণ মহাশয়ের অনুবাদ, ৩য় অ. ৮।

প্রকৃতির যে গুণের বশে জ্ঞান অন্তর্মুখ হইয়া জীবকে কৈবল্যের বা আত্মদর্শনের পথে লইয়া যায় তাহাই সত্ত্ব

গুণ। বহিমুখ জ্ঞান রজ হইতে উৎপন্ন। এই জ্ঞান বিষয়বস্তু উপলব্ধি করায়। যদিও বস্তুজ্ঞান জীবের মনেই প্রতিভাত হয় তথাপি এই জ্ঞানের বশে জীব নিজ হইতে ভিন্ন এক বহির্জগতের অস্তিত্ব জানিতে পারে। অন্তর্মুখ জ্ঞানে বস্তুবোধ-নিরপেক্ষ জ্ঞানমাত্র উপলব্ধ হয়, আর বহিমুখ জ্ঞানে জ্ঞানের দিকটা প্রকাশ না পাইয়া জ্ঞান-নিরপেক্ষ বস্তুবোধ জন্মে। প্রত্যেক বস্তুর উপলব্ধির সহিত তাহার বিশেষ ইন্দ্রিয়জ অল্পভূতি জড়িত থাকে। চোখ বন্ধ করিয়া বসিয়া আছি, হাতে ভিজা কঠিন ও ঠাণ্ডা স্পর্শ বোধ হইল। মনে ভাব আসিল বরফ ছুইয়াছি। বহিবস্তুতেই মন গেল। বরফ-রূপ বস্তু আছে এই বোধ মনের বহিমুখিতার ফলেই উৎপন্ন হইল, অতএব ইংগ রজের ক্রিয়া। মনে হইল ঠাণ্ডা লাগিতেছে ; নিজের অল্পভূতির দিকেই মন ছুটিল। মনের এই অন্তর্মুখিতা সত্ত্বগুণ-জাত। রোগে হাত অসাড় হওয়ার বরফ ঠেকিলেও বরফ ছুইয়াছি বা ঠাণ্ডা লাগিতেছে কিছুই মনে হইল না। এক্ষেত্রে উভয় প্রকার জ্ঞানই বাধা প্রাপ্ত হইল। অতএব তমের গুণ প্রকাশ পাইল।

বিষয়জ্ঞান বা বস্তুবোধ হইতেই আমাদের যাবতীয় কাব্যের চেষ্টা জন্মে, এইজন্যই কন্ধচেষ্টার মূলে রজ আছে বুঝিতে হইবে। তম অজ্ঞানজ বলিয়া জ্ঞানগুণ-যুক্ত সত্ত্ব ও রজ উভয়েরই বিপরীত। এজন্য তমের ক্রিয়া দুই প্রকার। অল্পভূতির উপলব্ধিতে বাধা দিয়া তম অপ্রকাশ জন্মায় এবং বস্তুর প্রকৃত জ্ঞান নষ্ট করায় কন্ধে অপ্রবৃত্তি বা দুস্প্রবৃত্তি আনয়ন করে। গীতার চতুর্দশ অধ্যায়ের নিম্নলিখিত শ্লোকগুলিতে আমার বক্তব্য স্পষ্ট হইবে :—

সর্ববাস্তু দেহেহৈশ্বর্য প্রকাশ উপজায়তে।

জানং যদা তদা বিদ্যাদবিপ্লবঃ সন্নিভূতঃ ॥ ১৪।১১

যখন এই দেহে সর্বদ্বারে (সর্ব ইন্দ্রিয়ে) যাথার্থ্য-নিরূপক জ্ঞান উপস্থিত হয়, তখন সত্ত্বই প্রবল, এই জানিবে।

লোভঃ প্রযুক্তিরারম্ভঃ কন্যামশয়ঃ স্পৃহা।

রজস্তেতানি জারন্তে বিবুদ্ধে ভরতবর্ষতঃ ॥ ১৪।১২

হে ভরতগড়, লোভ, প্রযুক্তি (কর্মপ্রবণতা activity)। নানাকর্মের উদ্যোগ, অশান্তি (সর্বদা

অভাব বোধ), স্পর্শ (বিষয়-ভূষণ) রজোগুণ প্রবল হইলে এই সকল জন্মায় ।

অপ্রকাশঃপ্রবৃত্তিঃ প্রমাদো মোহ এব চ ।

তমস্তেভানি জায়ন্তে বিবুদ্ধে বরুণন্দন ॥ ১৪।১৩

হে বরুণন্দন, অপ্রকাশ (জ্ঞান-আবরণ), অপ্রবৃত্তি (আলস্য), প্রমাদ (অনবধানতা, কর্তব্যে অকর্তব্য বিভ্রম) এবং মোহ (ভ্রান্ত ধারণা), তমোগুণ প্রবল হইলে এই সকল জন্মায় ।

সদ্ব্যং সঞ্জায়তে জ্ঞানং রজসৌ লোভ এব চ ।

প্রমাদমোহৌ তমসৌ ভবতৌঃজানমেব চ ॥ ১৪।১৭

সত্ত্বগুণ হইতে জ্ঞান সঞ্জাত হয়, এবং রজোগুণ হইতে লোভ; তমোগুণ হইতে প্রমাদ ও মোহ হয়, এবং অজ্ঞান ।

B. X.

রজোগুণ হইতে বস্তুজ্ঞান এবং বস্তুজ্ঞান হইতে কৰ্ম-প্রবৃত্তি জন্মায় । অতএব সমস্ত কৰ্মের মূলে রজোগুণ স্বীকার করা যায় । সমস্ত কৰ্মই যদি রজ-উদ্ভূত হইল, তবে তামসিক ও সাত্ত্বিক কৰ্ম বলিয়া কি কিছু নাই? পূর্বে বলা হইয়াছে যে তম বিষয়জ্ঞানে ভ্রান্তি জন্মাইয়া দুঃপ্রবৃত্তি আনয়ন করিতে পারে । এই দুঃপ্রবৃত্তিজাত সমস্ত কৰ্মকেই তামসিক বলা যাইতে পারে । কৰ্ম ভিন্ন কেহ মুহূর্ত-মাত্রও বাঁচিতে পারে না, কিন্তু কলাকাজ্ঞা-রহিত কৰ্ম আত্মজ্ঞানলাভে সহায়ক হয় এইজন্তই এইরূপ কৰ্মকে সাত্ত্বিক কৰ্ম বলা যাইতে পারে । সত্ত্ব রজ তম শ্রেণীবিভাগের উদ্দেশ্য মনে রাখিলে কোন্ কৰ্ম সাত্ত্বিক, কোন্ কৰ্ম রাজসিক, কোন্ কৰ্মই বা তামসিক তাহা বিনা শাস্ত্রবিচারেও সহজে বোঝা যাইতে পারে ।

আধুনিক যে-সকল বিদ্যার আলোচনা হয় তাহার মধ্যে যন্ত্রবিদ্যা স্থপতিবিদ্যা শিল্পকলা সমস্তই রাজসিক বলা যাইতে পারে । সমস্ত ব্যবহারিক বিজ্ঞান রাজসিক । পদার্থবিদ্যা কিমিতিবিদ্যা প্রভৃতি শুদ্ধ বিজ্ঞান বহির্বস্তু লইয়া কারবার করে, এজন্ত ইহার মূলত রাজসিক । কিন্তু পদার্থবিৎ বা কিমিতিবিৎ পক্ষপাত ও কলাকাজ্ঞা বিরহিত হইয়া কার্য করেন বলিয়া তাঁহাদের কার্য সাত্ত্বিক, জ্ঞানবুদ্ধি তাঁহাদের মূল উদ্দেশ্য । মনোবিৎ অন্তর্দর্শনের চেষ্টা করেন । মনোরাজ্যের ব্যাপারই তাঁহার আলোচ্য । এজন্ত মনোবিদ্যাও সাত্ত্বিক,

মনোবিদের কার্যও সাত্ত্বিক । মন-চিকিৎসকের কৰ্ম রাজসিক কৰ্ম ।

শুদ্ধ সত্ত্ব রজ তম দেখা যায় না । সমস্ত ব্যাপারেই এই তিন গুণ অল্পবিস্তর সংমিশ্রিত হইয়া আছে । বিভিন্ন মাত্রায়ের স্বভাবে এই তিন গুণের প্রভাব বিভিন্ন মাত্রায় দেখিতে পাওয়া যায় । সত্ত্বগুণ অধিক পরিমাণে থাকিলে স্বভাবকে সাত্ত্বিক বলা হয়, সেইরূপ রাজসিক ও তামসিক স্বভাবও আছে । গীতায় এই বিভিন্ন স্বভাবের ব্যক্তির কার্যাবলীর আলোচনা আছে । সাত্ত্বিক রাজসিক ও তামসিক স্বভাবের ব্যক্তিদের কি কি খাদ্য প্রিয়, গীতাকার তাহাও আলোচনা করিয়াছেন । যোগীদের মতে বিশেষ বিশেষ খাদ্য এই তিন গুণের পৃথকভাবে বৃদ্ধি বা হ্রাস হইতে পারে । এতদিন পর্যন্ত কোন বিশেষ খাদ্য সাত্ত্বিক বা তামসিক নির্ণয় করিবার উপায় অজ্ঞাত ছিল । শাস্ত্রের ও যোগীদের কথাই বিনা বিচারে মানিতে হইত, কিন্তু সত্ত্ব রজ তমের আমি যে মূলতত্ত্ব নির্দেশ করিয়াছি, তাহাতে খাদ্যের সাত্ত্বিক ইত্যাদি গুণ মনোবিদের পরীক্ষাগারে নির্ণীত হইতে পারিবে । পরীক্ষ্যমান ব্যক্তিকে যদি বিশেষ বিশেষ খাদ্য দিয়া দেখা যায় যে তাহার অন্তর্দর্শনের (introspection) ক্ষমতা বৃদ্ধি পাইয়াছে, তবে সেই সেই খাদ্য সাত্ত্বিক প্রমাণিত হইবে । তদ্রূপ রাজসিক ও তামসিক খাদ্যেরও পরীক্ষা হইতে পারে ।

শব্দকারেরা বলেন, আত্মোপলব্ধির পক্ষে প্রকৃতির তিন গুণই বাধা । তমের বাধা সৰ্বাপেক্ষা প্রবল; তার নীচে রজের, তার নীচে সত্ত্বের । পূর্বে সত্ত্বগুণকে আত্মজ্ঞানলাভের সহায়ক বলা হইয়াছে । কিন্তু ইন্দ্রিয়জ্ঞানে যদি আসক্তি জন্মায়, তবে বিস্তৃত জ্ঞান বা কেবল জ্ঞানের উপলব্ধি হওয়া সম্ভব হয় না । সত্ত্বগুণই আত্মোপলব্ধির বাধা হইয়া দাঁড়ায় । পথের মায়া না কাটাইলে গন্তব্যস্থানে পৌঁছানো যায় না । গীতায় আছে,—

গুণানৈতানভীত্য ত্রীন যেহী মেঘসমুদ্ভবান্ ।

জগদুজ্জ্বলয়ন্তীর্থধিভুক্তোহিব্রতবধূতে । ১৪।২০

— যে সমুদ্ভব এই তিন গুণকে অতিক্রম করিয়া যেহী (মেঘের আদ্য) জগৎ জ্বলন্ত হইতে বিনুত হইয়া অন্তর জ্বলন্ত হইয়া (অমৃতত্ব লাভ করেন) ।

কাশ্মীরের কথা

অধ্যাপক শ্রীশুরেন্দ্রনাথ ভট্টাচার্য, এম-এ

সম্রাট জাহাঙ্গীর দিল্লী হ'তে কাশ্মীর আসতেন হাতীতে চড়ে ছ'মাসে, কারণ পথের উপর কার্পেট বিছিয়ে দেওয়া হ'ত, পাছে তাঁর হাতীর পায়ে লাগে। আমরা এসেছি ট্রেনে ও মোটরে। শীঘ্রই সেদিন আসবে যখন হাওয়াই জাহাজের রূপায় বোম্বাই, মাদ্রাজ ও কলিকাতা-বাসী এই ভূস্বর্গ কাশ্মীরে পৌঁছে যাবেন কয়েক ঘণ্টায়।

বর্তমান যুগে আমরা বিশেষ ব্যস্তবাগীশ হ'য়ে উঠেছি। পথের শেষে পৌঁছানোর জন্ত আমরা ব্যস্ত; কিন্তু পথে কি আনন্দ নেই? যে পথ আমাদের গন্তব্যস্থানে পৌঁছে দেয়, তারও দাবী আছে। যখন গরুর গাড়ী, একা, টাঙ্গা ও ঘোড়াই ছিল পথের সঙ্গী তখন পথের প্রত্যেক অংশের সঙ্গে মাতৃস্নেহের পরিচয় হ'ত।


এখনও এ পথে টাঙ্গা চলে, গরুর গাড়ী মাল নিয়ে চলে রাত্রি, দিনে বিশ্রাম করে, প্রায় পনের দিন লাগে শ্রীনগর পৌঁছতে। ডমেলের নিকট দেখলাম দুজন ইংরেজ-মহিলা হাতে ক্যামেরা নিয়ে হেটে চলেছেন, পাশে টাঙ্গা চলেছে। দুবলাম এদের সৌন্দর্য্যপিপাসু মন মোটরে সন্তুষ্ট হ'তে পারেনি, কাজেই এই দীর্ঘ পথ এরা পায়ে হেটে ও টাঙ্গায় অতিক্রম করতে চান।

রাওয়ালপিণ্ডি থেকে শ্রীনগরের পথ ১২৮ মাইল। এই পথটি অনেক দিনের; পথে অনেকগুলি ডাকবাংলো আছে। ব্যস্তবাগীশেরা একদিনেই মোটরে এই পথ অতিক্রম ক'রে গৌরব বোধ করেন।

পেশোয়ার এক্সপ্রেস রাওয়ালপিণ্ডি পৌঁছায় সকাল ছ'টায়। ষ্টেশনে সামান্য কিছু জলযোগ ক'রে তক্ষশীলা দেখতে যাওয়া উচিত। মোটরপথে পঁচিশ মাইল, ট্রেনেও যাওয়া যায়। হিন্দু ও বৌদ্ধযুগে নগর নির্মাণ-কৌশল কেমন ছিল তার পরিচয় এখানে পাই। পাহাড়ের উপর সুন্দর প্রাকৃতিক আবেষ্টনের মধ্যে বৌদ্ধ বিহার নির্মিত হ'য়েছিল, তার ধ্বংসাবশেষ এখনও আছে। ভাস্করেরা

যে কত বড় সাধক ছিলেন তাঁদের খোদিত বোধিসত্ত্বের মূর্তিতেই তার পরিচয় পাই।

তক্ষশীলা মাজিয়মটি বড় সুন্দর। অতীতের এত



খিলমের গর্জ

অমূল্য সম্পদ এমন চমৎকার ক'রে সাজিয়ে রাখা হয়েছে যে, তার জন্ত মাশাল সাহেবকে ধন্যবাদ না দিয়ে থাকা যায় না। এখান থেকে বেলা ১১টায় রাওয়ালপিণ্ডিতে ফিরে বেলা ২টা নাগাৎ শ্রীনগর যাত্রা করা যায়।

মোটরের ভাড়া সম্বন্ধে কিছু স্থির করা কঠিন ব্যাপার। সাধারণতঃ মে ও সেপ্টেম্বরে ৮০ টাকা (টোল

সমেত ব্রিটিশ সীমানায় ৩৬০০ ডোমেলে ২২ এই ১২৬০) পাওয়া যায়। মেলবাহী 'বসে' সিট ১৫, অত্যাচ্চ 'বসে' সিট ৮ হতে ১২ এবং ১২ seater পূরা 'বস' ১০০ টাকায় পাওয়া যায়। জুলাইয়ে শ্রীনগর থেকে ফিরবার সময় পূরা

কাছে ঝিলমের মূর্তি দেখলে ভয় হয়; পাহাড়ের গা ঘেঁষে রাস্তা গিয়েছে; ১৫ ফিট নীচে ঝিলম ঘেরা মনমত্তা মাতঙ্গিনীর মত উদ্যমবেগে ছুটে চলেছে। তারপরেই কোহালা ব্রীজ। কোহালায় ডাকবাংলো আছে, কোহালা-

সেতু পার হ'লেই কাশ্মীর-রাজ্যের সীমানা, সেতু পার হ'য়ে একমাইল দূরে বরনালা ডাকবাংলো।




বারমুলা

মোটরকার ১৫ টাকায়, এমন কি পূরা বস ১৫ টাকায় পাওয়া যায়। কাশ্মীরে দুইটি ভাল সময় মে ফুলের season, সেপ্টেম্বর ফুলের season. ভারতবর্ষের বিভিন্ন প্রদেশ থেকে বিশেষতঃ পাঞ্জাব থেকে অনেকেই কাশ্মীরে যান এই সময়ে। মোটর-ওয়ালারা ভাড়া ঠিক করে যাত্রীদের। ফিরবার পথে যাত্রী পাওয়া কঠিন। কাজেই নাম মাত্র ভাড়ায় তারা যাত্রী নিয়ে ফেরে। সেই রকম জ্বনের শেষে বা অক্টোবরের শেষে যখন কাশ্মীর থেকে সকলে ফেরেন, তখন কাশ্মীরে যাওয়ার ভাড়া -সেই অল্পপাতে খুবই কম হয়।

হয়েছে। কিশনগঙ্গায় ব্রিটিশ-রাজ্যের সীমানা শেষ হ'য়ে গেল। ডমেল হ'তে ঝিলমের উত্তর তীরই কাশ্মীর-রাজ্যের অন্তর্গত। ডমেল থেকে উরি পর্যন্ত রাস্তা বড়ই বিপদজনক, ঘটায় ১০।১৫ মাইল, এমন কি

কিশনগঙ্গা নদী ঝিলমে মিলিত



ঝিলমের বাঁধ

পিণ্ডি হতে মরী ৩৭ মাইল, পথে প্রায় দুই ঘণ্টা লাগে।

এখান হতে পথ নীচে নামতে থাকে; কোহালা পর্যন্ত ব্রিটিশ সীমানা। দক্ষিণে দূরে ঝিলমের একটি অতি কীর্ণ ধারা দেখা যায়; ক্রমেই তা স্থলপট হয়ে ওঠে। কোহালায়

অনেক জায়গায় ৪৫ মাইলের বেশী জোরে যাওয়া যায় না। মোটরচালকের বিশেষ সাবধানত্যা প্রয়োজন, ঝিলমের দুই মাইল সামান্য গোলমালে বিপদ ঘটতে পারে।

রাস্তা বৃষ্টির জল প্রায়ই খাবাপ হয়ে থাকে, অনেক জায়গায় বিলমের ‘গজ’ হাজার দেড়হাজার ফিট নীচে; সামান্য একটু ভুল হ’লেই বিলমে সমাধিস্থ হ’তে হয়। অনেক ছুটনায় মোটর বা মোটর-আরোহীদের চিহ্ন পধ্যস্ত পাওয়া যায়নি।

কিন্তু বিপদের ভয় যেখানে বেশী প্রকৃতি তাঁর সৌন্দর্য্যসম্ভার সেইখানেই সাজিয়েছেন বেশী করে।



হাউস বোট

রাস্তার এক একটা ঝাঁক যেই চোখে পড়ে মনে হয় যেন একথানা দৃশ্যপট বদলে গেল, কোন্টা বেশী সুন্দর বলা কঠিন হয়ে ওঠে। বরসাদা থেকে উরি ডাকবাংলোয় চার-পাঁচ ঘণ্টায় পৌছানো যায়। এই রাস্তার বাংলাতে জন-পিছু তিন ঘণ্টার জল ১০, ২৪ ঘণ্টার জল এক টাকা ভাড়া দিতে হয়। তা ছাড়া ডিনার বা লাঞ্চ প্রভৃতির চার্জ স্বতন্ত্র। উরি হতে ২ মাইল দূরে মাজরায় ইলেক্ট্রিক্যাল পাওয়ার হাউস, এইখানে কাঠের নলের (flume) মধ্যে দিয়ে বিলমের জল ছ’ মাইল দূরে নিয়ে প্রপাতের সৃষ্টি করে বৈদ্যুতিক শক্তি সঞ্চয় করা হয় এবং ৫৩ মাইল দূরে শ্রীনগর এই শক্তিতেই আলোকিত হয়। এর পর রাস্তা বিলমের সঙ্গে লুকোচুরি খেলে, একবার পাশে আসে আবার দূরে চলে যায়। দেড় ঘণ্টায়, বারমুল্লায় পৌছানো যায়। কাশ্মীর উপত্যকার আরম্ভ এইখানে, উম্মাদিনী বিলম এখানে শাস্ত্রমূর্তি। তাই বারমুল্লা হ’তে থানবল ১০২ মাইল বিলমে নৌকা চলে। অনেকে এইখানেই হাউস বোট নেন এবং উলার হ্রদের মধ্য দিয়ে শ্রীনগরে

পৌছান। নৌকাপথে ত্রি-তিন দিনেই শ্রীনগর পৌছান যায়।

বারমুল্লা থেকে দেখা যায় ৩৫ মাইল দূরে হরমুখ পর্বত ও ৭০ মাইল দূরে তুষারশীষ বিরট নান্দা পর্বত।

শ্রীনগরের ৫ মাইল দূর থেকে দেখা যায় চারিদিকে বাদা জলের মাঝে মাঝে উইলো গাছ।

শ্রীনগরের আয়তন দৈর্ঘ্যে, প্রায় ৫ মাইল। বিলমের বামে বসতি কম, দক্ষিণে বসতি খুব বেশী। এই যদি শ্রীনগর, তবে না জানি বিস্ত্রী নগর কি? শ্রীনগর দেখলেই মনটা দমে যায়। ইংরেজেরা অস্থবাদ করেন City of the Sun। শ্রী কোথায় সূর্য্য হয়েছেন আমার জানা নেই। শ্রী হলেন তন্ত্রদেবী, যেমন শ্রীক্ষেত্র। এ নগরও যে এককালে তন্ত্রক্ষেত্র ছিল, তা সহজেই অনুমান করা যায়। চিত্রে ছাড়া শ্রীনগরের আর কোথাও সৌন্দর্য্য নেই। তবে নলীর উপর দু-একখানা বাড়ী মাঝে মাঝে দেখা যায়, যাতে কাঠের উপর কাঁকশিল্পের কিছু নিদর্শন আছে। এখানকার বাড়ী অতি পলকা, ভিত পাথরের, কাঠের ফ্রেমে ইট বসান, ছোট ছোট দরজা ও জানালা; তিন-চার তলা বাড়ীই বেশী। এই শহরে প্রায় দেড় লক্ষ লোকের বাস। জাপানের মত একটা ভূমিকম্পে শহরটা যদি ভূমিসাৎ হয়ে যায় তবেই শ্রীনগর সত্যিকার শ্রীনগরে পরিণত হইতে পারে। এমন আদর্শ নোংরা শহর পৃথিবীতে আর কোথাও আছে কি না সন্দেহ।

প্রশ্ন উঠবে তবে মানুষ এখানে আসে কেন? শ্রীনগর কাশ্মীর নয় ব’লে! শ্রীনগরকে বাদ দিয়ে “যে দিকে তাকাই আঁধি তোমার মহিমা দেখি।” কাশ্মীরের আকাশে বাতাসে, তৃণ-লতায়, জলে-স্থলে এমন সৌন্দর্য্য যে, বিশ্বে তার তুলনা নেই। ক্যামেরা সঙ্গে এনেছিলাম, দেখলাম একজন্মে ছবি তোলা শেষ হবে না, কারণ প্রকৃতি এখানে তাঁর সমস্ত সৌন্দর্য্যসম্ভার নিঃশেষে উজাড় করে দিয়েছেন। এদেশের সৌন্দর্য্য-বর্ণনায় মানুষের অত্যাতি অলঙ্কার পরাজিত, নতশির। ব্রহ্ম সম্বন্ধে ঋষির বলছেন, “যতো বাচো নিবর্তন্তে অপ্ৰাণা মনসা সহ,” কাশ্মীর সম্বন্ধেও সেই কথাই খাটে। এ দৃশ্য দেখলে আত্মা তৃপ্ত হয়, আনন্দে প্রাণ পরিপূর্ণ হয়ে ওঠে।

পদাবলীর ভাষায় বলা যায়, “জনম অবধি হাম রূপ নেহারিছ, নয়ন না তিরপিত ভেল।”

শ্রীনগরে সাতটি সেতু আছে। একটি পাকা, অন্ধ-গুলি কাঠের তৈরি। প্রথম সেতু আমরা কদল, কাশ্মীর গোধূলিয়ার গ্রাম, তৃতীয় সেতু ফতে কদলের নিকট মহারাজ গঞ্জের বাণিজ্যের কেন্দ্র, সপ্তম সেতু সাকাকদল নিকটে একটি সরাই আছে

তাতে ইয়ারখাণ্ড, বোখারা, লডক ও বালতিস্থান থেকে বণিকেরা আশ্রয় গ্রহণ করে।

কাশ্মীরের উত্তর-পশ্চিমে গিলঘিট গিরিপথ, শ্রীনগর হতে ২৩০ মাইল। ঘোড়া বা ইয়াক ছাড়া এপথে অগ্র যান অসম্ভব। গিলঘিট অতিক্রম করিলেই হাজারা ও আফগানিস্থানে যাওয়া যায়। পূর্বদিকে ইয়ারখাণ্ড শ্রীনগর হইতে ৭৭৭ মাইল। উত্তরে গুরাইন্স উপত্যকা (৭৩ মাইল)।

কাশ্মীর সিদ্ধি কিলম চিনাব ও রাভি দিয়ে ঘেরা, উত্তর-পূর্বে মৃত্যাক পাশ দিয়া চীনে পৌছান যায়। সে হইতে পিকিং ৪০০০ মাইল। কর্ণাল ইয়ংহাস্‌ব্যাণ্ড এই পথ অতিক্রম ক’রেছেন।

কাশ্মীর উপত্যকার উত্তরে নান্কা পর্বত, পূর্বে হরমুখ, দক্ষিণে মহাদেও, অমরনাথ, দক্ষিণ-পশ্চিমে পিরপৈজল, তোমমরদান, উত্তর-পশ্চিমে কাজিনাগ (মার্থার-জাতীয় হরিণ শিকারের স্থান)।

এই সব স্থান অতি দুর্গম, অনেক স্থানে খাদ্য মেলে না, জালানি কাঠও মেলে না। সামনে ছাগল ভেড়া চলে (দুধ ও মাংসের জন্ত)। ঘোড়ার পিঠে ঘোড়ার খাত মাল্লবের খাত জালানি কাঠ তাঁবু ইত্যাদি সঙ্গে নিয়ে তবে এ পথে চলা যায়। বদরী, কেদার ও কৈলাস, অমরনাথ ভ্রমণ করে মাছুষ মুক্তির আশায়, এই সব স্থান ঘুরে বেড়াতে হবে কেবল প্রাণের আবেগে উজ্জ্বলিত আনন্দে।

ইউরোপ থেকে মাছুষ এসে গৌরীশঙ্কর, কাকেশ্যের উপর উঠতে চেষ্টা করছে, আর আমবা শিখা আশেপাশিত ক’রে উপদেশ দিচ্ছি, যবনের দ্বারা এ কাজ কি সম্ভবপর হতে পারে?—এ বে দেবাত্মা হিমালয়!

প্রকৃত কাশ্মীর শ্রীনগর শহরের বাইরে। প্রথম সেতু হ’তে মুন্সিবাগ ও সোনোয়ারবাগ পর্যন্ত



চীনার বাগ

কিলমের তীরে যে বাধ তাকে সিভিল লাইন্স বা রেসিডেন্সি এরিয়া বলা হয়। সাহেবদের জীবনকে সুখময় করতে যা-কিছু প্রয়োজন সবই এখানে পাওয়া যায়।

ডাল হ্রদের আয়তন দৈর্ঘ্যে চার মাইল, প্রস্থে আড়াই মাইল। পূর্বে উল্লিয়ে পর্বতমালা, পশ্চিমে নাসিমবাগ ও হরিপর্বত শ্রীনগর, দক্ষিণে নালা, চীলার বাগ ও রেসিডেন্সি। ডু, লরেন্স ইয়ংহাস্‌ব্যাণ্ড ডাল হ্রদের বর্ণনায় সহস্রমুখ। সব সৌন্দর্যের এমন অপূর্ণ সমন্বয় পৃথিবীতে আর কোথাও আছে কিনা সন্দেহ, তাঁদের মতে হুইন্স হ্রদের দৃশ্য ডালহ্রদের দৃশ্যের কাছে পাঁড়াতেই পারে না।

ডালগেট প্রবেশ করে দুটি স্রোত পাওয়া যায়। দক্ষিণের স্রোতে অগ্রসর হইলে প্রথমে পড়ে গাগরীবলু। শঙ্করাচার্য মন্দিরের পাহাড় বা তক্ত-ই-হলেমান তার তীর থেকে উঠেছে। তার পরেই চশমানাহি হ্রদে

তীর হ'তে প্রায় এক মাইল দূরে উচ্চ পাহাড়ের উপর একটি প্রস্রবণ, তার জল সব চেয়ে হজ্জমী। গাঙ্গরী-বলের পথ দিয়ে অগ্রসর হ'লে পাওয়া যায় নিষাং বাগ, (আনন্দ-কানন) মমতাজের পিতা আসফজার তৈরি। নিষাং বাগ সৌন্দর্যে অতুলনীয়। নিষাং বাগ থেকে ডাল হ্রদের বৃক্কের উপর দিয়ে একটি রাস্তা আছে শ্রীনগর পর্যন্ত। এই রাস্তার দুটি পুল, তার নীচে দিয়ে ডালদিকে



শালামার বাগ

গেলে পৌছানো যায় শালামার (আনন্দ বাগ)। এটি সম্রাট জাহাঙ্গীর ও নূরজাহানের হাতে তৈরি। শালামার স্বন্দর কি নিষাং বাগ স্বন্দর এ তর্কের মীমাংসা বড়ই কঠিন। রবিবারে এই দুই স্থানে প্রচুর লোক-সমাগম হয়। কারণ কোয়ারাগুলি কেবল ঐদিনই খোলা হয়। শালামার থেকে তিন মাইল দূরে হারওয়ান হ্রদ। কাঠের পাইপ দিয়ে শ্রীনগরে বারো মাইল দূরে তার জল সরবরাহ হয়।

শালামার থেকে ডাল হ্রদের তীরে অগ্রসর হ'লে এক মাইল দূরে তেলবল নালা, প্রায় দু-মাইল লম্বা, দু-পাশে উইলো গাছ। আমার এক ফরাসী বন্ধু বলেন, বুয়েনস-য্যারে ঠিক এমনই দেখা যায়। দুঃখের বিষয় এখানে প্রচুর মাছ থাকায় অনেকেই, বিশেষতঃ সাহেব-বিবিদের, ছিপ-হাতে দেখা যায়। কাশ্মীরীরাও বর্ষা দিয়ে মৎস্য

শীকার করে। এমন স্থানে হত্যাক্রীড়া বড়ই অশোভন। তেলবল নালা ছেড়ে পশ্চিমের দিকে গেলেই পড়ে নাসিমবাগ—শ্রীনগরের আশেপাশের মধ্যে শ্রেষ্ঠ স্থান। চীনাদের ঘন বন, তার পাশেই তাঁবু খাটিয়ে বাস করবার জন্ত ঘাটটি স্থান ভাগ করে দেওয়া। আকাশে নীল, পাহাড়ে নীল, পাহাড়ের মাথায় সাদা বরফ, সামনে ডালের কালো জল, চীনাদের বন সবুজ নীচে ঘাস সবুজ। সোনালী রোদের আলো, রূপালি জ্যোৎস্না—সব মিলিয়ে যেন মায়াকানন সৃষ্টি করেছে। সেই স্রোত ধরে দক্ষিণে শিকারা চালালে প্রথমেই চোখে পড়ে হরি পর্বতের কেলা (এখানে কালীবাড়ী আছে) তারপর নগিনা বাগ (যেখানে সাহেবেরা স্নান করেন), তার পরেই রণওয়ারি, স্রোতস্থিনীর দুইতীরে—বসতি ভেনিসের বর্ণনা মনে পড়ে। ভেনিসের বিরাট প্রাসাদ এখানে নেই, কিন্তু জলে স্রোত আছে, লাজনয় উইলো জলের উপর দাঁড়িয়ে জলকে ছুঁতে চাইছে।

ডাল হ্রদের একটি অভাবনীয় দৃশ্য দেখা যায়,—ভাসমান সবজী বাগ। হ্রদে জন্মায় উইলো, এর নীচে হাউস বোট বাধা হয়। তা' ছাড়া পদ্ম, শালুক, পানফল এবং এক রকম 'রীড' (শরের মত) জন্মায়। এই রীড একত্র জট পাকিয়ে জলে ভাসে। উপরের ভাগ কেটে নিয়ে হয় মাহুর তৈরি। নীচের অংশ জলে ভাসে, তার উপর হয় সবজী বাগ। জলের নীচে এক রকম শেওলা আছে, তা জট পাকিয়ে তোলা হয়, এই হ'ল গ্রীন ম্যানিওর। তাতে কিছু মাটি দিয়ে তাল পাকিয়ে তার উপর বীজ দিয়ে এই ভাসমান রীডে এ বসিয়ে দেওয়া হয়। দেখলাম এখানে সোনা ফলে। লাউ, কুমড়া শশা, টমেটো, তরমুজ, খর-মুজের গাছ বেশী বড় হয় না, কিন্তু তার গাঁটে গাঁটে ফল ধরে। শুনলাম এই ভাসমান 'রিড' মেপে বিক্রী হয় এবং কৃষকেরা এগুলি নিজেদের এলাকায় ভাসিয়ে নিয়ে যায়।

এ দেশের মাহুর অত্যন্ত পরিশ্রমী। নবেম্বর থেকে মার্চ পর্যন্ত কাশ্মীর উপত্যকা বরফে আচ্ছন্ন থাকে। এই সময় কাশ্মীরীরা কার্গিশিলে জীবিকা অর্জন করে। এপ্রিলে হয় বসন্তের আরম্ভ, জীবনের উন্মেষ, বাদাম গাছে ফুল ফুটে

ওঠে। বাদাম গাছে যখন ফুল ফোটে তখন কাশ্মীরীরা উৎসব করে। সে ফুল যে কি সুন্দর, তা না দেখলে বোঝা যায় না।

কাশ্মীরে বাড়ী পাওয়া কঠিন। বাধের ধারে যে-সব দোকান আছে তার উপরের ঘর ভাড়া পাওয়া যায়। সাধারণতঃ একা এলে বা অল্পদিনের জন্ত এলে 'প্রতাপ ভবন', ধর্মশালা, খালসা হোটেল, বা গ্র্যাণ্ড হিন্দু হোটেলই প্রশস্ত। সাধুদের জন্ত বাঙ্গালীদের একটি মঠ আছে, নাম 'নারায়ণ মঠ।' কাজেই হাউস বোট ভাড়া নিতে হয়। কিছুকাল পূর্বে কিনার্ড নামে একজন ইংরেজ এই হাউস বোটের প্রচলন করেন। এখন এর সংখ্যা শুনতে পাই প্রায় দুই হাজার। এই বোটে থাকে একটি করে বসবার ও খাবার ঘর, ভাঁড়ার, দুখানি শোবার ঘর ও দুটি বাথ-রুম। তিনখানি



পাহালগামে লিদার নদী

বেড-রুম যে বোটে আছে, তাতে একটি ভিজিটম্ পর্ট থাকে এবং জাহাজের কেবিনের মত শয়ন-ঘরগুলির সামনে একটি চেন থাকে। একটি শয়নঘর-ওয়ালা ছোট বোটও পাওয়া যায়। পাঁচটি ঘরের বোটের ভাড়া মাসিক ১০০ হ'তে ২০০। হাউস বোটের সঙ্গে থাকে একটি রান্নার নৌকা ও একখানি শিকারী এবং শিকারী চালাবার জন্ত একজন লোক পাওয়া যায়।

এ ছাড়া ডুঙ্গা নৌকা আছে, মাত্র দিয়ে টাকা আসবাবপত্র সমেত ডুঙ্গা পাওয়া যায়। তাতে দুই বন্ধু বা স্বামী-স্ত্রী স্বচ্ছন্দে থাকতে পারেন। ডুঙ্গার এক পাশে রাখবার স্থান। ভাড়া মাসিক ৩০ হ'তে ৫০।

বোট বা ডুঙ্গা নানাস্থানে নিয়ে যাওয়া যায়। যারা বহু পরিবার এবং ছোট ছেলেমেয়ে নিয়ে আসেন, তাঁদের উচিত বোট বাধা ঝিলের তীরে আইরিঙকরে, সোনোয়ার বাগে, মুন্সী বাগে বা চীনীর বাগে। এই সব

স্থানে নিত্য প্রয়োজনীয় জিনিষ খুব সহজেই পাওয়া যায়। যারা নির্জনতা ও প্রকৃতির অচূপম সৌন্দর্য উপভোগ করতে চান তাঁরা ডাল হ্রদের গাগরী বলে, নিম্ন বাগে, শালামার বাগে বা নাসিম বাগে বোট রাখতে পারেন। কাশ্মীর-রাজ বোট রাখবার জন্ত ঘাট নির্দিষ্ট করে দিয়েছেন, পাশেই ইলেকট্রিক লাইন আছে, চার আনা

জমা দিলেই আলো পাওয়া যায়। ঘাটে লাগালেই পাচ ছয় টাকা ট্যাক্স দিতে হয়, একদিন বা একমাসে কোন তফাৎ নাই। নির্দিষ্ট ঘাট ছাড়াও বোট লাগান যায়, তাতে ট্যাক্স দিতে হয় না; তবে আঘাটায় বিজলি বাতি পাওয়া যায় না।

যাতায়াতে শিকারাই সব চেয়ে আরামের। টাঙ্গা বা মোটরে প্রচুর ধূলা খেতে হয়। শিকারাগুলি এমন সুন্দর সাজান যে, মনে হয় যেন কোন নবাবকে অভ্যর্থনা করবার জন্তে সাজান হ'য়েছে। শিকারী তৈরী 'ঘুগলের' জন্ত, তবে চার-পাঁচজন যাওয়া যায়। শিকারার ভাড়া প্রতিদিন (আট ঘণ্টা) আট আনা এবং একজন মাঝির মজুরী প্রতিদিন বার আনা। সাধারণতঃ তিনজন হাঁকী প্রয়োজন হয়। এই সব নৌকাচালকদের হান্ধি (মাঝি) বা হান্ধী (হাঁকী) বলা হয়।

যে মাসের প্রথমে বা সেপ্টেম্বরের প্রথমে কাশ্মীরে আসাই উচিত। যেরূপ প্রথমে কাশ্মীরের গণ্য বানিক

(২০০০ ফিট) বরফ জমে থাকে, এবং অক্টোবরের শেষে বানিহাল পাশে বরফ পড়ার সম্ভাবনা থাকে।

কাশ্মীরে কোন পরিচিত বন্ধুবান্ধবকে লিখলে বা কোন এজেন্সি—যথা, কোবার্ণস্ এজেন্সী লিখলে হাউস বোট টিক করে থানেবলে (শ্রীনগর হ'তে ৩১ মাইল) পাঠিয়ে দেওয়া হয়। জম্মু হ'তে থানেবল



কোলাহাই গ্রেসিয়ারের পথে

১৭২ মাইল মোটরে এসে থানেবলে হাউস বোটে আশ্রয় গ্রহণ। হাউস বোট, বাহার নৌকা শিকারা চালাইতে শ্রোতের বিমুখে আট দশজন এবং শ্রোতের মুখে ছ'জন হাজী দরকার। থানেবল থেকে শ্রীনগর তিনচার দিনে পৌঁছানো যায়। ঝিলমের অপূর্ব সৌন্দর্য এই নৌকাপথে না গেলে সম্যক উপলব্ধি হয় না।

শ্রীনগরে জুন, জুলাই আগষ্ট অত্যন্ত খারাপ। ছারপোকা ও মশা প্রচুর পাওয়া যায়। উপত্যকার চারপাশেই উচু পাহাড়, কাজেই হাওয়া কম। গ্রীষ্মে রাত্রে বাইরে শুতে হয়। শ্রীনগরের স্বাস্থ্য তেমন ভাল নয়, জলও বেশ হজমী বলা চলে না। ১শ মার্চসাহী হ'তে সম্ভ্রাহে দু'দিন জল আনিতে নিতে পারলে খুবই ভাল হয়। কাশ্মীরে স্বাস্থ্যাহেয়ী এবং শান্তিপ্রিয় সৌন্দর্য-পিপাসু মানুষের আদর্শ স্থান পাহালগাম। শ্রীনগর

হতে ৬১ মাইল, মোটরে যাওয়া যায়। পাহালগাম হতে অমরনাথ তীর্থ মাত্র ৩১ মাইল, পায়ে হেঁটে, ডাণ্ডি বা ঘোড়াতে তিন দিনে পৌঁছায়। অমরনাথের উচ্চতা ১৩,৫০০ ফিট। সৌন্দর্যপিপাসু, রসিক, প্রেমিক ও ভগবদ্ভক্তের আদর্শ তীর্থ অমরনাথ। শ্রাবণী পূর্ণিমায় মেলা হয়। মনে হয় যিনি অমরনাথ দর্শন করেছেন, পৃথিবীতে তাঁর দেখবার আর কিছু নেই। সেইজন্ম প্রত্যেক শিক্ষিত মানুষের জীবনের সাধনা হওয়া উচিত একবার এই পরম তীর্থ দর্শন। পাহালগাম হ'তে শেয়নাগ নদীর (অন্য নাম পূর্ব-লিদার বা দুবগঙ্গা) তীরে চন্দনওয়ারীর পথের যে সৌন্দর্য তাহার বর্ণনা অসম্ভব। কোথাও বরফের সেতু দিয়ে পার হ'তে হয়। চন্দনওয়ারী হ'তে শেয়নাগ হ্রদ ৫ মাইল, ওয়াজওয়ান ২ মাইল। শেয়নাগ ও ওয়াজওয়ান অঞ্চলে একরকম ফুল ফোটে তার গন্ধ এমন তীব্র যে, অনেকে মুগ্ধিত হয়ে পড়েন, সেইজন্ম জনশ্রুতি যে, ঐ ফুল বিযাক্ত। ওয়াজওয়ানে ঝড় হাওয়ার সম্ভাবনা খুব বেশী। ওয়াজওয়ান হ'তে পঞ্চতরণী ৮ মাইল, পঞ্চতরণী হ'তে অমরনাথ ৫ মাইল। অমরনাথের পথ খুবই বিপদসঙ্কুল, তবে শ্রাবণী পূর্ণিমাতে তীর্থযাত্রীদের সুবিধার জন্ম কাশ্মীর-রাজ যথেষ্ট সর্বদোষান্ত করেন।

পাহালগাম হ'তে কোলাহাই-এর বরফ জমা নদী গ্র্যাসিয়ায় বাওয়া যায়। সঙ্গে তাঁবু নিতে হয়। পাহালগাম হ'তে আড়ু ৭ মাইল, আড়ু হ'তে লিদারভাট ৭ মাইল—এই ১৪ মাইল একদিনে পৌঁছানো যায়। লিদারভাটে তাঁবুতে রাত্রি যাপন। লিদারভাট হ'তে কোলাহাই ছ' মাইল, প্রাতে বা'র হ'লে সন্ধ্যায় লিদারভাটে প্রত্যাবর্তন ও রাত্রি যাপন। যাতায়াতে তিন দিন লাগে। লিদারভাটে প্রচুর ভালুক। রাত্রে তাঁবুর চারিপাশে আগুন জেলে রাখা প্রয়োজন। কোলাহাইকে তুষারের সমুদ্র বলে। এইখানেই লিদার নদীর উৎপত্তি, ৬০ মাইল দূরে ঝিলমে ইহার সমাপ্তি। শেয়নাগ নদী পাহালগামে লিদারে মিশেছে। এই দুই নদীর যে কত রূপ এবং এর সৌন্দর্য যে কি মনোরম বর্ণনা করা যায় না।

পাহালগামের চারিপাশে পাইন, খরপ্রবাহিণী লিদার নদীর কলধ্বনি তুমার-কিরীটি গিরিশ্রেণীর স্তরগাভীয়া মনকে বিম্বয়ে অভিভূত করে। এমন স্বাভাৱ ও হজ্জমী জল ছুঁত। পাহালগামের বিশেষত্ব বেলা ৯টা হ'তে ৫টা পর্যন্ত একটা হাওয়া চলে ঠিক সমুদ্রের তীরে হাওয়ার মত।

এখানে বলা উচিত যে, এই-সব ভ্রমণে ঘোড়াই প্রশস্ত। অবশ্য যাদের পায়ের ও বৃকের জোর আছে তাঁরা পায়ের হেঁটেই আনন্দ পাবেন। যাদের সে সামর্থ্য নেই তাঁদের অশ্বারোহণ ছাড়া গতি নেই। অশ্বারোহণের নাম শুনে আশঙ্কার কোন কারণ নেই। এই পার্কতা ঘোড়া প্রকৃতির অপূর্ণ সৃষ্টি। দুর্গম পথে এই-সব ঘোড়া এত সাবদানে চলে যে, অবাধ হ'য়ে যেতে হয়। এই-সব স্থানে দু-পেয়ে মানুষের চেয়ে চার-পেয়ে জানোয়ারের শ্রেষ্ঠত্ব স্বীকার করতেই হয়।

শ্রীনগর হ'তে পাহালগামের পথে কয়েকটি দৃষ্টব্য স্থান আছে। ৫ মাইল দূরে পাণ্ডুথানের (প্রতিষ্ঠানপুর) মন্দির। আট মাইল দূরে পাম্পোর—এইখানে স্যাক্রনের চাষ হয়। আশ্চর্যের বিষয়, এই পাম্পোরের কয়েক বিঘা জমি ছাড়া আর কোথাও জাক্রানের চাষ হয় না। জমিগুলি 'বরকির' মত কাটা, অক্টোবর মাসে এক যথার্থ অন্তর দুইবার ফুল কোটে। তখন কাশ্মীর উপত্যকা জাক্রানের স্বগন্ধে ভরপুর হ'য়ে ওঠে। এই জাক্রান দেখতেই অনেকে কাশ্মীরে আসেন। ১৭ মাইল দূরে অবন্তীপুর। খৃষ্টীয় নবম শতাব্দীতে কাশ্মীর-রাজ অবন্তীবর্ষন যে প্রকাণ্ড মন্দির নির্মাণ করেন

তার ধ্বংসাবশেষ এখনও বিদ্যমান। কাশ্মীর তুমার ও ভাস্কর্যের নিদর্শন পাওয়া যায়। ১৮ মাইল দূরে বিজবিহার। (মনে হয় ব্রহ্মবিহারের অপভ্রংশ) অনেক মন্দির আছে। এখানে বিলম্ব হ'লে একটি চিনার গাছ আছে, তার পরিধি ৫৬ ফুট মাত্র। ৩৪ মাইল দূরে অনন্তনাগ বা ইসলামাবাদ। কাশ্মীরি ভাষায় চশ্মা ও নাগ অর্থে প্রস্রবণ। নাগপুজার সহিত এই-সব প্রস্রবণ জড়িত; অনন্তনাগ তীর্থক্ষেত্র, পাণ্ডা আছেন এবং জলে অনেক মাছ আছে, পাশেই একটি গন্ধকের প্রস্রবণ আছে, কিন্তু এমন ময়লা করে রাখা যে জল ছুঁতে ঘৃণা হয়। তবুও ধর্মপ্রাণ ও চর্মরোগী মানুষ তাতে স্বচ্ছন্দে নান করে। ইসলামাবাদ বাণিজ্য-কেন্দ্র। এখানে গব্বা নামক এক রকম পশুমে তৈরি আদম ও গালিচা বেশ সস্তায় পাওয়া যায়। এখান হ'তে ৬ মাইল দূরে আচ্চেবল। চারিদিকে জলধারার কলধ্বরে প্রাণ আকুল করে। ৩৮ মাইল দূরে মটনকুণ্ড; তার ১ মাইল উপরে বিখ্যাত মার্ত্তণ্ড-মন্দির। ধ্বংসাবশেষ এখনও বর্তমান। কাশ্মীরের সর্বশ্রেষ্ঠ সম্রাট ললিতাদিত্য ৭ম শতাব্দীতে এই মন্দির নির্মাণ করেন। মন্দির-নির্মাণের জন্য এমন মনোহর স্থান নির্বাচন পৃথিবীতে বোধ হয় আর কোথাও হয়নি। আপনা হইতেই মনে পড়ে—

'প্রতিমা দিয়ে কি পূজিব তোমারে, এ বিশ্ব নিখিল তোমার প্রতিমা' মাথা আপনা হতেই নত হয়ে পড়ে অনন্তের উদ্দেশে।

(আগামীবারে সমাপ্য)



রাজমাতা

শ্রীরামপদ মুখোপাধ্যায়

১

জেলা কোর্টের নামজাদা মুহুরী হরিশবাবু যেদিন এ পৃথিবীর হিসাব-নিকাশ শেষ করিয়া উদ্ধ জগতে উচ্চতর পদের জন্ত সহসা প্রয়াণ করিলেন, তখন তাঁহার বিধবা অনেকগুলি পুত্রকন্যা ও যৎসামান্য অর্থ লইয়া সতাই জগৎ অন্ধকারময় দেখিলেন। সাত পুত্র ও চার কন্যা। সর্বজ্যেষ্ঠ পুত্রের বয়স কুড়ি, এবং একমাত্র আশার বিষয় এই যে, সর্বকনিষ্ঠা কন্যা ব্যতীত আর সকলেই বিবাহিত। বড়টি বিবাহ শেষ করিয়া বৈধব্য আশ্রয় করিয়াছে এবং মায়ের কাছেই বাস করিতেছে।

দূর এবং নিকট সম্পর্কের জ্ঞাতি-কুটুম্ব অনেকেই আছেন; কিন্তু আত্মশান্তির পূর্বে যেরূপ উষ্ণ নিঃশ্বাস ও সজল মহামুহুরীর অভিমুখে সহায়হীন বিধবার অন্তরে ক্ষীণ আশার সঞ্চার করিয়াছিলেন, কাজকর্ম চুকিয়া গেলে তেমনি একযোগে অন্তর্দান করিয়া জানাইয়া দিয়াছিলেন যে, যথার্থই জ্ঞাতি তাঁহারা। স্মৃথ-সম্পদের মধ্যে চিরকাল পাশে দাঁড়াইতে সক্ষম হইলেও, দুঃখ স্বাক্ষায় মাথা পাতিলার সহিষ্ণুতা তাঁহাদের নাই।

প্রতিবাসীরা সাহুনা দিল, “ওপর পানে চেয়ে বুক বাধ মা, তিনিই এদের মাহুয় করে দেবেন। যেটের সাতটি ছেলে মৃত্যু মৃত্যু হয়ে উঠুক—তোমার ভাবনা কিসের? ছিলে রাজবাণী, হবে সাত রাজার মা।”

যে তৈলবিন্দু সঞ্চয় করিয়া সংসার-চক্র নিঃশব্দে স্রশুখলে চলে—অভাব শুণু তাহারই। কঠা হুবিবেচনা করিয়া কথেক বিধা জমি রাখিয়া গিয়াছেন—তাহাতে মোটা ভাত, মোটা কাপড়ের দুঃখ নাই; কনিষ্ঠা কন্যার বিবাহও চাঃ বৎসর পরে দিলেই চলিবে; কিন্তু ভাবী রাজমাতা হইতে হইলে সম্ভানদের বিজ্ঞাশিক্ষার ব্যবস্থা করা প্রয়োজন। সে অর্থ আসে কোথা হইতে? জ্যেষ্ঠ পুত্র কমল মাকে বলিল, “বি-এটা আর দিতে পারলুম না, মা। চাকরীর চেষ্টাই দেখি।”

মা একবারমাত্র ক্ষীণ আপত্তি করিয়া বলিলেন, “আর দুদিন না-হয়—” পুত্র বলিল ‘অবস্থা তুমিও জান— আমিও জানি। আর পাশ করেই বা লাভ কি? সেই তো চাকরী খুঁজে মরতে হবে।’—বলিয়া দীর্ঘনিঃশ্বাস ফেলিল।

জননীও দীর্ঘনিঃশ্বাসে সে প্রশ্নের উত্তর দিলেন।

মেজ শিশিরের পড়াশুনায় কোনকালেই মনোযোগ ছিল না। খাতা পেন্সিল বই বহিয়া, শুণু বাপের তাড়নায় স্কুলে হাজিরা দিত। এক্ষণে মাথার উপর শাসনের বেজ-খানি অন্তহিত হইতেই ঘরের একপ্রান্তে বইখাতা ফেলিয়া মাকে আসিয়া জানাইল,—ওসব কাঁধ্য তাহার দ্বারা হইবে না। সে বরং কোন দোকানে থাকিয়া ব্যবসার মূলমন্ত্র অন্বেষণ করিবে।

জননী কোন উত্তর না দিয়া চৌদ্দ বৎসরের পুত্র অকর্ণের মুখের পানে হতাশাভরে চাহিলেন।

অরুণ তাহাকে জড়াইয়া ধরিয়া বলিল, “বড়-দা ত চাকরী করবে মা, আমি পড়বো। দোহাই তোমার, স্কুল ছাড়িয়ে দিয়ো না।”

মা কোন উত্তর না দিয়া তাহাকে সম্মুখে বুক চাপিয়া ধরিয়া ললাটে স্নিগ্ধ চুম্বন আঁকিয়া দিলেন।

আর চারিটি নিতান্ত ছোট। কেহ পঞ্চম শ্রেণীতে, কেহ সপ্তম শ্রেণীতে, কেহ বা দ্ব্যবর্ণের এবং সর্ব-কনিষ্ঠটি মায়ের কোল পূর্ণ করিয়া আদর-আদারের,—পাঠ লইয়া থাকে। তাহাদের পানে চাহিয়া ভাবী রাজমাতা একটি ব্যাথাভরা দীর্ঘনিঃশ্বাস ফেলিলেন।

কমল অনেক চেষ্টা করিয়া, সৌভাগ্যক্রমেই বলিতে হইবে, একটা মার্কেট আপিসে অল্প মাহিনায় একটি চাকুরী পাইয়াছে। নিজের খরচ চালাইয়া আসে মাসে সে পনেরটি টাকা বাটী পাঠাইয়া দেয়।

শিশির কিছুদিন দোকানে যাতায়াত করিয়া ব্যবসায়ের

মূলস্থজাহ্নস্কান ছাড়িয়া দিয়া সখের থিয়েটারের দলে ঢুকিয়াছে। সংসারের পানে সে চাহিয়াও দেখে না। সময় বা অসময়ে হৈ-হৈ করিয়া আসিয়া দু-বেলা আহার সারিয়া যায় এবং দীর্ঘ দিনমান ও রাত্রি বাহিরেই কাটাইয়া দেয়। উপাঙ্গনের অত্যাধোগ করিলে সাত ভাগের একভাগ জমি দেখাইয়া মাতাকে বুঝাইয়া দেয়—এই অরের গ্রাস তার ত্রাণ্য পাওনা।

অরুণ মনোযোগ দিয়া লেখাপড়া করে। সংসারের দিকেও তার টান আছে। দশমীর রাত্রিতে নিজের জমানো দু-এক পয়সা দিয়া মায়ের জলখাবারের মিষ্টান্ন কিনিয়া আনে, একাদশীর দিন তাঁহাকে কাজকর্ম করিতে দেয় না। ভাইদের আদর করে, পড়া বলিয়া দেয়।

সকলেই বলে, “এই ছেলেই তোমার সকল দুঃখ দূর করবে।”

মা অন্তবামীকে ডাকিয়া মনে মনে বলেন, “রাজরাণী হতে চাই না, ঠাকুর! তুমি শুধু এদের বাচিয়ে রেখো।”

জ্যোৎস্না মেনকা সংসার মাথায় করিয়া রাখিয়াছে। হাড়ি হৈসেল ভাড়ার সমস্তই তার জিম্মায়। ভাই-বোনদের খাওয়ার পরিচর্যা অল্প খরচে নিতানুতন ব্যঞ্জনের আশ্বাদন, রোগে সেবা, রোদনে সাহায্য, সমস্তই তাহার নিপুণ করের স্পর্শে ও স্নেহ স্নাকামল অন্তরের সান্নিধ্যে স্বচাকুরূপে স্বসম্পন্ন হয়।

মধ্যমা উমা বিবাহের পর সেই যে শব্দরবাড়ী গ্রন্থান করিয়াছে, পাঁচ বৎসরের মধ্যে আর পিজালয়ে আসে নাই। বিবাহের সময় দেনাপাওনার কি সামান্য ক্রটি-বিচ্যুতি না-কি খট্টাছিল—তাহারই ফলে তাহার পরমাশ্রয়ের সকল পূজনীয় ব্যক্তিরাই এই ব্যবস্থা করিয়াছিলেন। এমন কি পিতার মৃত্যুর পরও সে ব্যবস্থার বিন্দুমাত্র ব্যতিক্রম হয় নাই।

তৃতীয়া রমার বিবাহ কিন্তু অনেক দেখিয়া-শুনিয়া সং গৃহস্থের ঘরেই দিয়াছিলেন। স্বামী দুই বৎসর হইল এই শুভকার্য সম্পন্ন হইয়াছে। উক্ত পক্ষই যথাসাধ্য সাধ-আলাদা করিয়া সম্প্রীতির সম্পর্ক বজায়

রাখিয়াছেন। পিতার মৃত্যুতে রমা বড় কান্নাটাই বাঁদিয়া ছিল। রমার শব্দর নিজেরই অভিভাবক হইয়া কাজ-কর্মের বিশৃঙ্খলা ঘটিতে দেন নাই। রমার স্বামী পশ্চিমে কোথায় চাকরী করে।

ছোট উমা খেলাঘর বাঁদিয়া—পুতুলের বিবাহ দিয়া, সহ গঙ্গাজল, বকুলফলের সঙ্গে হাসি-কান্না, কলহ-প্রীতির চর্চা করিয়া এইভাবে তাহার ভাবী জীবনকে সত্যকার সংসারের জন্ত তৈয়ারী করিতেছিল। তাহার খেলাঘরে পুতুলের বিবাহ উপলক্ষে ছোট ছোট ভাইগুলি হইতে বড় দিদি পর্যন্ত সাদরে নিমন্ত্রিত হইয়া কাঁকরের চাউন, কাল-কাস্তুর ফলের বোজের ডাউল ও নানাপ্রকার পাতার তরকারী পরিতৃপ্তির সহিত ভোজন করিতেন। আহা হস্তে দক্ষিণার ব্যবস্থা করিতে সে ভুলিত না। কয়েক খণ্ড খোলামকুচি ঘসিয়া ঘসিয়া পয়সার আকারে তৈয়ারী করিয়া রাখিত।

বৃহৎ সংসার কিন্তু দিনে দিনে অচল হইয়া উঠিতেছিল। শিশির বাড়ীতে শুধু যখন-তখন ভোজন করিয়া যাইত না, সঙ্গে সঙ্গে কিছু পয়সাও জোরজবর-দস্তি করিয়া আদায় করিত।

মেনকা বলিত, “হাঁ রে শিশির, সংসারের এই অবস্থা—তুই একবারও ভাবিস্ না। কমল সেই কোথায় না খেয়ে না প'রে দুঃখে কষ্টে রোজপার ক'রে ১৫টি টাকা পাঠায়, তাই না চলে?” শিশির উত্তর দিত,—“ইস্—তাতেই যেন চলে। জমির ধান হয় না? তা থেকে কিছু বেচে পয়সা জমালেই পার। দাও চার আনা আজ একজনকে দিতে হবে।”

তর্কবিতর্ক করিয়া কোন ফল নাই, দিতেই হইত। মেনকা রাগ করিয়া দু-এক দিন পয়সা দেয় নাই, কলে ঘরের দু-একখানা বাসন বা অন্ত কোন মূল্যবান দ্রব্য অন্তর্হিত হইয়াছে। ব্যাধিগ্রস্ত শব্দর মত উহার নিভা ঘোঁরাষা এইভাবেই অভাবের সংসারের সারা বেহে বহন ও চাষের পট করিত।

সেদিন এগারো বছরের বাসন বিক্রয় করিয়া নির্দিষ্টভাবে প্রেরণ করিতে করিতে দাদী শিশির, বাসন বিক্রয় উদ্দেশ্যে জাহাজে করিতে করিতে

ধূল্য লুটাইয়া পড়িল; অরুণ তাহার পিঠের উপর পামস্পর্শ বেত চালাইতে লাগিল। মা ভগ্ন গৃহের দাওয়ায় দাঁড়াইয়া নীরবে এ দৃশ্য দেখিতে লাগিলেন। মেনকা ছুটিয়া আসিয়া অরুণের হাত হইতে বেতগাছা কাড়িয়া লইয়া তাহাকে ধমক দিয়া বলিল, “করছিস্ কি অরুণ? মেরে ফেলবিনাকি?”

অরুণ চীৎকার করিয়া কহিল, “হ্যা,—খুন করব। দাও বেত।” বলিয়া মুখ ফিরাইয়া যেমন সে বেত লইতে যাইবে, অমনি দাওয়ায় দণ্ডায়মানা জননীর নীরব নিখর মুক্তির পানে চাহিয়া চমকিত হইয়া উঠিল। কি করুণ বেদনা ও অসহায় মমতা তাঁহার ভূতি আয়ত নয়নের সজলমিথ্র চাহনিতে ফুটিয়া উঠিয়াছে! কি স্মরণশী মৌন অন্তবেগ তাঁহার মুখের প্রতি রেখাটিতে স্পষ্টরূপে আঁকা!

জতপদে সে মায়ের নিকটে আসিয়া দুই হাতে তাঁহাকে বেঁধেন করিয়া ধরিয়া কাঁদিয়া ফেলিল।

বলিল, “না, বিমলের এমন মতিগতি কেন হ'ল? ক্লাসের ছেলের খাতা, পেন্সিল, বই, কলম বোজাই সে চুরি করেতো। আজ হাতে হাতে দর পড়ে গেল। মাষ্টার-মশায় তাকে কিছু না ব'লে আমায় ভাকিয়ে এনে বললেন, “ছি! তোমার ভাই এমন! একে শাসন ক'রো! মা, আমার যেন লজ্জায় মাথা কাটা গেল।”

মেনকা বলিল, “কই বাড়ীতে ত খাতা, পেন্সিল চুরি করে আনতে দেখিনি!”

অরুণ বলিল, “রোজকে রোজ দোকানে বেচে ফেলত যে।”

মেনকা অঙ্গুটি করিয়া কহিল, “বটে! এরই মধ্যে চুরি বিদ্যো!”

—“তা পয়সায় ওর এত কি দরকার?”

অরুণ বলিল, “ওর পকেটে হাত দিয়ে দেখ, বুঝতে পারবে। এখনও দুটো সিগারেট রয়েছে।”

অসহ্য রোষে মেনকার বাক্যস্মৃতি হইল না। জলন্ত দৃষ্টিতে বিমলের পানে চাহিয়া হাতের বেতগাছা আন্দোলিত করিল।

বিমল ছুটিয়া পলাইল।

মেনকা বলিল, “মেজটাই সবগুলোর মাথা খাবে দেখছি। এখনও বলছি মা, ওটাকে আর বাড়ী ঢুকতে দিয়ো না।”

মা কোন উত্তর না দিয়া অরুণের হাত ধরিয়া নীরবে ঘরের মধ্যে চলিয়া গেলেন।

সন্ধ্যার সময় শিশির বাড়ী চুকিয়া হাকিল, “এই অরো, বিমলকে মেরেছিস্ কেন?”

পাঠ-নিরত অরুণ কোন জবাব দিবার পূর্বেই মেনকা রান্নাঘর হইতে বাহির হইয়া বলিল, “বেশ করেছে, মেরেছে। গুণের নিদি ছেলে বই-খাতা চুরি ক'রে সিগারেট পরেছেন!...বিদ্যো শিখছেন!”

শিশির উচ্চকণ্ঠে কহিল, “তাই ব'লে এমনি ক'রে মারে? ছোড়াটাকে সারাদিন না খেতে দিয়ে বাড়ী থেকে দূর করে দিয়েছে, যেন তাঁদেরই বাবার বাড়ী?”

দারুণ অপমানে মেনকার মুখ রাঙা হইয়া উঠিল। সে-ও উচ্চকণ্ঠে উত্তর দিল, “বেরো বলছি আমার স্বমুখ থেকে, হতভাগা কোথাকার! যেমন গোলায় গেছিস্ আপনি, তেমনি গোলায় দিবি সন্ধ্যাকে! মুখের আর্টঘাট নেই!”

শিশির উঠান হইতে একগাছা মোটা সজিনার ডাল তুলিয়া লইয়া কহিল, “বটে! আমি দূর হব? দেখি কে কাকে দূর করে?”

অরুণ বাহির হইয়া আসিল, সঙ্গে সঙ্গে বাহির হইলেন মা—স্থির-গম্ভীর প্রতিমার মত।

এবার তিনি কথা কহিলেন, “শিশির চূপ কর বলছি, নইলে আমাকেই এর ব্যবস্থা ক'রতে হবে।”

বল্লভানিধী জননীর মুখে এমন দৃঢ়শাসনের স্বর শিশির জন্মাবধি শোনে নাই। সে ক্ষণকাল ত্তম্বিত হইয়া রহিল। পরে উত্তপ্ত স্বরে কহিল, “কি ব্যবস্থা ক'রবে জনি? বাড়ী ঢুকতে দেবে না?”

জননী দৃঢ়গম্ভীর কণ্ঠে উত্তর দিলেন, “হ্যা, তাই। তোমরা জান না বাড়ী আমার নামে, জমিও আমার নামে। আমি ইচ্ছে ক'রলে—” শিশির বলিল, “বেশ, তোমার জমি বাড়ী বুক ক'রে তুমি প'ড়ে থাক। আর যদি ও-বাড়ীতে পা দিই ত আমার অতিবড়

দিব্যা রইল। একেও আমি নিয়ে চল্লম। তোমাদের মার খেয়ে ও এখানে থাকতে পারবে না। যাত্রার দলে গেলে স্বথে-স্বচ্ছন্দে থাকবে। তুমি মা নও—রাক্ষসী। নৈলে, খাবার সময় ছেলেকে এতবড় কথাটা বলতে পারলে ?”

বিমলকে লইয়া শিশির চলিয়া গেল।

অরুণ দেখিল মায়ের দুই চক্ষু বাহিয়া অশ্রুর ধারা বহিতেছে। নিম্পলক নয়ন মেলিয়া তিনি পুত্রের গমন-পথের পানে একদৃষ্টে চাহিয়া রহিয়াছেন।

সে কহিল, “মা, মেজদাকে ডাকি।”

মা ঘাড় নাড়িয়া অসম্মতি জানাইলেন।

মেনকা বলিল, “কিন্তু মা, বিমলটার মাথাও যে থাকে, হতভাগা।”

মা বলিলেন, “অনেক দিনই ও নিজের মাথা নিজে খেয়েছে, যাক। তোরা খেয়ে নিগে যা।”—বলিয়া তিনি আপন শয়নকক্ষের মধ্যে প্রবেশ করিলেন।

রাত্রিতে মেনকা ডাকিল, “মা, ওমা—, ওঠ। একটু জল খাও।”

মা বলিলেন, “তুই খেয়ে আয় বাছা, আমি আজ আর খাব না।”

মেনকা মায়ের মাথায় হাত রাখিয়া বলিল, “তবে আমিও খাব না। ওমা! একি, সব বালিশটা যে ভিজে গেছে! মা, তুমি কাদাছিলে!”

মেনকার হাত ছ’খানি বুকের উপর চাপিয়া ধরিয়া মা বলিলেন, “নাড়ীর যে ওষুধ নেই, মা। স্নেহ অক্ষ, ভাল দন্দ সে বিচার করে না।” বলিতে বলিতে হ-হ করিয়া কাঁদিয়া উঠিলেন।

২

কলিকাতার এক অপরিচরিত সন্ন্যাসী অন্ধকারময় গলির একটা জীর্ণ পুরাতন বাড়ীতে কয়েকজন সমবয়স্কপন্ন ভ্রমলোক মিলিয়া যেস প্রতিষ্ঠা করিয়াছেন। চুণ বালি খসা—খোয়া-ওঠা, দোর-জানালা ভাঙা বাড়ীটিকে দেখিলে বহুদিনকার পরিত্যক্ত জনহীন পুরী বলিয়া মনে হয়। কিন্তু সন্ধ্যার অন্ধকার ভাল করিয়া ফুটিতে-না-ফুটিতে

ইহার ধূমমলিন কক্ষগুলিতে যুদু দীপশিখা জলিয়া উঠিয়া অদূরবর্তী অন্ধকারকে মুখ ভাংচায়। তাদের আড়া বা গান-বাজনার চর্চাও নিয়মিত বসিয়া থাকে এবং মাঝে মাঝে প্রবল অট্টহাস্যধ্বনি বায়ুপ্রবাহে পথের এক প্রান্ত হইতে অপর প্রান্ত পর্য্যন্ত ছুটিয়া চলে। যেমন ধ্বংসের মধ্যে মৃত্যুর প্রবাহ কখনও অতি ক্রীড়া, কখনও বা উদ্‌গমবেগে অবিচ্ছিন্নভাবে বহিয়া যায়, তেমনি ইহারাও অন্ধমৃত দুঃখকষ্ট জর্জরিত প্রাণে সাধ-আল্লাদের শ্রোত বহাইয়া পৃথিবীর হাসি আলো উপভোগ করিতে করিতে সেই মহান মৃত্যুর অভিমুখেই অগ্রসর হইতে থাকে।

কমলের এ হাসি-উল্লাস—এ আনন্দ-উজ্জ্বল ভাল লাগে না। এ যেন জীবনকে লইয়া এক ব্যঙ্গময় কাহিনীর সৃষ্টি! বাহারা সত্যকার হাসিতে পৃথিবীর বুকে নন্দন-কাননের সৃষ্টি করিয়া, মোটরে চড়িয়া, বাগানে বেড়াইয়া, প্রমোদ-ভবনে করতালি দিয়া জীবনটাকে হাস্য ফাহসের মত উড়াইয়া চলিতে থাকে, তাহাদের পাশে এ হাসিকে মনে হয় যেন রিক্ততার ব্যথা সর্বদা মাথিয়া, অন্তরের অভাব দৈন্ত উৎপীড়নে জর্জরিত হইয়া পনীর দুয়ারে কুপাভিখারী কাঙালের মত সঙ্কচিত কর মেলিয়া আসিয়া দাড়াইতে হইয়াছে।

কমল একটি মাছুর টানিয়া লইয়া আপনার ক্ষুদ্র কক্ষের খোলা জানালার ধারে শুইয়া পড়িয়া ভাবে, এ যাত্রার শেষ কোথায়? উচ্চ আকাজ্জ—রঙীন আশা পাশ্যাবস্থায় কত ভাবেই না কল্পনার পাখায় ভর করিয়া কোন্ হৃদয়ে উড়িয়া বেড়াইত, আজ ত্রিশ টাকা মাহিনার কক্ষের চাপে সে তাসের দৌধ ভাঙিয়া পড়িয়াছে। সূচক জীবন-যাত্রার আশাই হইয়াছে আকাশ-স্বপ্ন—জীবনের সাধ-আল্লাদ ত দূরের কথা। তাহার এই সামান্য উপার্জনের পানে চাহিয়া বাড়ীতে অতগুলি প্রাণী ভবিষ্যতের সৌভাগ্য-স্বপ্নে বিভোর হইয়া আছে। হায়রে আশা! মাছুরকে ভুলাইতে, ভুল ভাঙাইতে তোমার মত কুহকী বিশ্ব-সংসারে যে দ্বিতীয় নাই! চিরদিনই কি এই সমগ্রার সঙ্কটে পড়িয়া গতিহীন জীবনের বোঝা ভারাক্রান্ত করিতে থাকিবে? যেমন ওই বৃদ্ধ স্বরেশবাবু বাট টাকায় সকল

আশার সমাপ্তি করিয়া পেন্সনের জন্ত বসিয়া আছেন! যেমন এই কুমুদবাবু, আশুবাবু পঞ্চাশ টাকা আশ্রয় চেষ্টা করিতেছেন! যেমন হরিশঙ্করবাবু ৫ টাকা মাহিনা বন্ধির জন্ত বাজার হইতে পটোল কুমড়া শসা বেগুন কিনিয়া দেশের বাগানের জিনিষ বলিয়া বড়বাবুর শ্রীচরণ-কমলে তৈল নিষেক করিতেছেন! তেমনি কঠিন মূল্য দিয়া কি তাহাকে ও উন্নতি কিনিতে হইবে? হায় উন্নতি! পয়লা তারিখ আসিতে-না-আসিতে পেন্সন ফেল, পান-ওয়ালা, বিড়ি সিগারেটওয়ালা, চা-ওয়ালা আসিয়া পাওনার জন্ত হাত পাতিয়া দাড়াইয়া। আর দাড়াইয়া মোটা লাঠি হাতে দীর্ঘকায় কাবুলের অধিবাসী, আপিসের দ্বারবান বা আপিসেরই কোন সহকারী, তখন এই ষাট টাকা দেখিতে দেখিতে কর্পুরবিন্দুর মত কোথায় উবিয়া যায়। যে দীর্ঘ দিনগুলি, ক্ষান্ত পুত্রকন্যা মাতাপিতৃর গ্রাসাচ্ছাদনের নীরব আবেদন লইয়া মুখের পানে চাহিয়া থাকে, তাহার মিনতি পূর্যাইতে আবার এই সব হৃদয়ের ছয়াই হাত পাতিতে হয়। সারাজীবন নিমজ্জার জাল বুনিয়া তাহারা সংসারে যে শান্তিনীড় রচনা করিতে চাহে, মৃত্যুর পর বংশপরম্পরায় সেই জাল উর্বনাভের মত হৃদয় তন্তুতে ছুঁছড়ি স্বপ্নজালে জড়িত হইয়া বংশধরদের জন্য সেই একই দুঃখদৈন্য ও বিভীষিকা বিস্তার করিয়া দিনের দিন শান্তিকে মরীচিকার মতই দূরে দূরে সরাইয়া লয়।

কিন্তু কমলের আশ্চর্য্য বোধ হয়—পরের পানে চাহিয়া। তাহারই সমুখে বসিয়া সে কাজ করে, মাহিনা পায় এই ত্রিশটি টাকা। সংসারে মাতা, পত্নী ও এক শিশুকন্যা বিদ্যমান। তথাপি ফিটফিট জামা কাপড় পরিয়া, মাথায় টেরি কাটিয়া, এসেস মাথিয়া বেশ স্ফুটিল সঙ্গেই দিন কাটাইয়া দেয়। অনেক দিন সে তাহার পানে চাহিয়া ভাবিয়াছে, একি সত্যই তৃপ্তি না আর কিছু? এ আনন্দ, না দুঃগকে অবহেলা করিতে আনন্দের প্রকাশ?

পরের তাহাকে কতদিন ঠাট্টা করিয়াছে। বলিয়াছে, “জীবন শুধু উপভোগ করিয়া কাটাও, জগতে জুই তাই।”

কমল তর্ক করিয়াছে, “বাড়ীতে তোমার মা বউ মেয়েকে উপোসী রেখেও স্ফুটি আসে?”

পরের হাসিয়া বলিয়াছে, “সে যখন বাড়ী যাব তখন সেখানকার ভাবনা। তা বলে এখানে কেন ছুঁগ করি?” একটু থামিয়া বলিয়াছিল, “আর মা বউ থাকলেই কি খুব মস্ত একটা মায়ার শেকলে মন প্রাণ বাঁধা থাকে? ওই ভাঙ্গা অসমীটার সামনে দাঁড়াও দেখি কমলবাবু, দেখবে, আদর করে ও তোমায় বুকে ফুটিয়ে তুলবে। আবার ওখান থেকে সরে এস দেখবে ওর বুকে এক তিলও ছায়া নেই। এমনি সংসার!”

কমল অসহিষ্ণু কণ্ঠে বলিয়াছিল, “অকৃতজ্ঞেই এই কথা বলতে পারে। প্রকৃত মনুষ্য যার আছে, সে কখনো মায়ের স্নেহে—”

বাধা দিয়া পরশ বলিয়াছিল, “অবিশ্বাস করে না, কেমন এই কথা ত? কিন্তু ঠিক বিশ্বাস অবিশ্বাসের নিক্তি যে আজও জগতে তৈরি হয়ে ওঠেনি, কমলবাবু, তাহলে দেখাতাম কোন্‌খানে তার ব্যবহার কতটা অযৌক্তিক। অর্থের আশায় অনেকখানি স্নেহ ভালবাসা পুষ্টি লাভ করে, কিন্তু ওই আরসীরই মত। যতক্ষণ সে হাতের মুঠোয় ততক্ষণ তার অন্তর্ভব। অপখ্যাপ্ত স্নেহ ভালবাসা যার অক্ষয় কবচ, এ সব নাস্তিকের তর্ক তার হৃদয়ভেদ নাও করতে পারে।”—বলিয়া উচ্চ হাস্য করিয়াছিল।

কমল বুঝিয়াছিল, সে উচ্চহাসির অন্তরালে একটি মেহবুভুক্ষু অন্তরের অতৃপ্ত দীর্ঘশ্বাস লুকানো। প্রীতির সম্পর্ক তাহার ছায়া স্পর্শ করে নাই বলিয়া মমতাকে সে স্বীকার করিতে চাহে না। তাই জীবনের সঙ্কল্পকে একান্ত অবিশ্বাসে মূর্খের প্রলাপ বলিয়া উড়াইয়া দিয়া অপব্যয়ের আনন্দকে চরম জয়পত্র-স্বরূপ দুঃখময় ললাটে আঁকিয়া রাখিয়াছে। তাই কারণে অকারণে ভয় মূর্কুর মত হাসিটুকু ফুটাইতে তাহার আগ্রহ অধিক।

পাশের ঘরে হরিশবাবুদের পাশায় আসর ততক্ষণে সরগরম হইয়া উঠিয়াছে। দান এবং আড়ির উচ্চ কলরবে মাঝে মাঝে ভয়গৃহের ভিত্তি পর্য্যন্ত কাঁপিয়া কাঁপিয়া উঠিতেছিল, কিন্তু সেদিকে জ্রক্ষেপ কাহারও নাই।

পাশার দানে জিংবাজীটাই যেন সব চেয়ে বেশী কাশ্য। জীবনের ক্ষেত্রে যার যতখানি অসাফল্য, এক্ষেত্রে তার উৎসাহ তত বেশী। মাহুস আশা করে যতখানি, নিরাশ হয় সেই পরিমাণে অনেক বেশী, এবং ভুলিয়া থাকিবার জন্য নিতান্ত বাজে বিষয় লইয়া মাতিয়াও উঠে তত শীঘ্র।

পরেশ বেশবিন্যাস শেষ করিয়া কমলকে বলিল, “শুয়ে শুয়ে কি ভাবছ, কমলবাবু? বোধ হয় বুড়োদের খেলার কথা।”

কমল সে কথার উত্তর না দিয়া বলিল, “এত রাত্তিরে বেরবে না কি?”

মুচ্চকি হাসিয়া পরেশ বলিল, “বেশ চান্দনীরাত, একটু ঘুরে আসাই যাক না। হৈ হৈ হট্টগোল ভাল লাগে না। যাবে? চল না।”

কমল বলিল, “না।”

পরেশ হো হো করিয়া হাসিয়া উঠিল, বলিল, “কেন ঘণা হয়? কিন্তু সত্যি বলছি ভাই কমলবাবু, এ বড় ভাল নেশা। জীবনে অনেক ছুংখ কষ্টের হাত থেকে রেহাই দেয়।”

কমল আকৃষ্ট করিয়া তাহার মুখের পানে চাহিয়া অবজ্ঞাভরে বলিল, “যার মাতে ভূপ্তি! দেনা ক’রে ক্ষুদ্রি করার চেয়ে বিষ কিনি খাওয়া ঢের ভাল।”

পরেশ উচ্চৈঃস্বরে হাসিয়া উঠিল, “বাহবা বাঃ! থামা বলেছ, দেনা ক’রে খাওয়ার চেয়ে বিষ কিনি খাওয়া ঢের ভাল। বাঃ বাঃ চমৎকার! তাই ভেবেই ত এ পথ ধরেছি। তবে ত স্নো পয়জন, একটু একটু ক’রে সেই মহাপথেই এগিয়ে দেয়। ছুংখ যন্ত্রণার মধ্যে দিয়ে নয়, আমোদের মধ্যে দিয়ে।”

একটু থামিয়া বলিল, “জানি ভাই, আমাদের সব পথ বন্ধ। ভাল লেখাপড়া জানি না, মোটা মাইনের চাকরি মিলবে না। বাবা পয়সা-কড়ি তালুক-মূলকও কিছু রেখে যাননি, যাতে পায়ের ওপর পা দিয়ে বসে খেতে পারি, ক্ষুদ্রি ক’রতে পারি, জীবনের সার্থকতা খুঁজতে পারি। তবু যখন চলতে হবে, তখন ভারগ্রস্তের মত বুড়ো খুড়খুড়ো হয়ে মুখ ভার ক’রে ছুংখকষ্ট

ময়ে কেন চলবো? এমনি বেশরোয়া ক্ষুদ্রিই ত চাই।—চল, বাবে? একবারটি চল, দেখবে সত্যি ক্ষুদ্রি হয় কি না।”

কমল বলিল, “ছুংপের মধ্যে যে সহিষ্ণুতা থাকলে মাহুস মাহুসের মত চলতে পারে, তা তোমার নেই। অসংযত আনন্দকেই জীবনের সার লক্ষ্য করেছ, তাই বিষ গলায় ঢেলে ভাবছো সুখা খাচ্ছি। কিন্তু সংযমে যে আনন্দ—”

পরেশ বলিল, “রাখ বাজি। আমি হারতে প্রস্তুত আছি। সংযমে কি আনন্দ আমায় বুঝিয়ে দাও। বুঝিয়ে দাও মহাশয় কোন্ পথে? আমি ভালছেলের মত তোমার হাতে মাসে মাসে ত্রিশটি টাকা এনে দেব। বুঝিয়ে দিতে পার?”

কমল প্রশ্ন করিল, “তোমার দেনা কত?”

হাসিয়া পরেশ বলিল, “সে আঙুলের পর্কে গুণে উঠতে পারবে না। বুঝতেই ত পারচ—ত্রিশটি টাকা মাইনে। মেসের খরচ, বাবুগিরি ক্ষুদ্রি; তবু বাড়ীতে অজিও পয়সা, উপাঞ্জনের একটি পয়সাও দিইনি। মাসকাবারে লখা লাঠি ঝুঁকে কাবুলী সেলাম জানায়, দারোয়ান হাত পাকতে, স্বরেশবাবু, স্ববলবাবু খুচরা ছুঁচার আনার জল কত-না মিষ্টি মিষ্টি কথা শুনিতে দেন। উড়ে বেহারাটা পয়সান্ত সেদিন উড়ুনিখানা ছিনিয়ে নিলে। তার ওপর পানওয়ালা, খাবারওয়ালা, বিড়ি-সিগারেটওয়াল: ত আছেই।”

সে পরম আনন্দে মাথা নাড়িয়া বলিতে লাগিল, “পারবে বন্ধু, আমায় টেনে তুলতে? বল ত বাজি রাখি। আজ থেকে মদ সিগারেট বাবুয়ানী, ক্ষুদ্রি সব ছেড়ে দিচ্ছি।”

শুনিতে শুনিতে কমলের দম বন্ধ হইয়া আসিতেছিল। এ যে নিরঙ্কুশ অন্ধকারে গভীর পক্ষে আকর্ষণমণ্ডিত রসাতলের যাত্রী!

কোন্ পল্লীর কুটীরছায়ে প্রাতি প্রভাতে, প্রাতি সন্ধ্যায় বেদনাময় আশা বৃকে বহিয়া বুদ্ধা মা তরুণী ভাষা ইহার উন্নতি শ্রী কামনা করিয়া ভগবানের চরণে ঐকান্তিকী প্রার্থনা জানান! প্রাতি নিঃশ্বাসে কি গভীর বিশ্বাসই

না মঙ্গলময়ের চরণে আত্মনিবেদন করিয়া থাকেন! কিন্তু হয়! মাতৃবের ক্ষুদ্র আশার বস্তিক কি অদৃষ্টের আকাশে চিরদিনই এমনি অক্ষল! ভবিষ্যতের লেখা পাঠ করিবার আলোটিপুও তাহা হইতে নিঃসৃত হয় না।

কমলের চিন্তাচ্ছন্ন মুখের পানে চাহিয়া পরেশ কহিল, “জানি, জানি আমি, তা কেউ পারবে না। এস আমার সঙ্গে, দেখবে হাজার হাজার লোক এই আমোদ-টুকুকে আশ্রয় ক’রে বেঁচে আছে। তারা দরিদ্র, তারা রিক্ত, তাই আমোদও তাদের এমন অপঘাণ্ড। আরে ছাঃ, তুমি যে ভাবতেই লাগলে? থাক তবো!” বলিয়া কোণ হইতে ছড়ি লইয়া ঘুরাইতে ঘুরাইতে শিশু দিতে দিতে বাহির হইয়া গেল।

পার্বের ঘর হইতে হরিবাবু হাঁকিলেন, “কে যায়? পরেশ বুঝি? ছোড়া একেবারে গোলায় গেছে। চলেন রাত দুপুরে এখন নটীর বাড়ী! একটু লজ্জা-সরমও নেই গা?”

শঙ্কর বাবু হাঁকিলেন, “ছ তিন নয়, ছ তিন নয়? এই ছ তিন নয়!” তার পরেই উচ্চহাসের রোল উঠিল।

৩

দুঃখের মধ্য দিয়াই জুটি বৎসর চলিয়া গিয়াছে। কমলের ভগ্ন মেসে পূর্ব ব্যবস্থাই বহাল আছে। পুরাতন দুঃ-একজন গিয়াছে, নতুন কেহ বা আসিয়াছে, কিন্তু সকলের অদৃষ্টই একমুদ্রে গাঁথা। সেই অভাব-অনটন, দেনাকর্জ, একঘেয়ে দুঃখ-রেশের ইতিহাস শুনিতে শুনিতে মনে হয়, বাছিয়া বাছিয়া বিধাতা ভারতবর্ষের মাটিতেই ইহাদের ছাড়িয়া দিয়াছেন জীবনভোর যন্ত্রণা সহিবার জন্ত!

পরেশ তেমনি উচ্ছল। মেসে নামমাত্র সিট আছে, কোথায় থাকে, কি করে, কোন ঠিকানা নাই। মাঝে মাঝে বাড়ী হইতে মায়ে মিনতিভরা পত্র আসে এবং ভাড়া টিনের তোরঙ্গটার এক পাশে শুধুই আবজ্ঞনার স্তপে জমা হইয়া উঠে। পরেশ হয়ত জানে না তার সব কথানির কথা। হাসিয়া বলে, “জানি সব। আমার

স্বথকেজ্রে খোঁচা দেবার জন্ত ওতে দুঃখের বিষাক্ত তীর লুকিয়ে আছে, তাই পড়তে ভয় হয়।”

কমলের মাও চিঠি দেন। তাহাতে দুঃখকষ্টের নামমাত্রও থাকে না। থাকে শুধু প্রবাসী পুত্রের কুশল-কামনা, স্বিষ্ট আশীর্বাদ, আর সাবধানে থাকিবার স্নেহ-সতর্ক উপদেশ।

বাড়ী গিয়া সে স্বচক্ষে সেখানকার অভাব দেখিয়া যদি অনুযোগ করে, ‘হা মা, তোমার কাপড় যে ছিঁড়ে গেছে, একথা লেখনি কেন? মা হাসিয়া বলেন, ‘পাগল ছেলে! এখনও ছ মাস চলবে ওতে। আরও একখানা তোলা আছে, ‘পরি না।’

কিন্তু সেই কাপড়খানি চিরকালই বান্ধবন্দী হইয়া থাকে এবং মাও পুত্রকে নিঃশব্দ করিবার জন্ত হাসিমুখে প্রতিবারেই ওই কথার উল্লেখ করিয়া থাকেন।

মেদিন কিন্তু একখানি পরে দিদি অজ্ঞাত কথার পর লিগিয়াছেন—

তোমার বোধ হয় মনে আছে, অরুণ এবার ম্যাট্রিক দেবে। সেজন্ত ফীয়ে টাকা জমা দিতে হবে। মা ভেবেছিলেন একথা তোমায় জানাবেন না, তাঁর একখানা গহনা বন্দক দিয়ে টাকাতার যোগাড় ক’রবেন। কিন্তু ভাই, এমনি অদৃষ্ট সিদ্ধক যুলে দেখা গেল, চার-পাঁচখানা গহনার মধ্যে একখানাও নেই। মা বুঝতে পারলেন—কার কাজ এ! কিন্তু উপায় ত নেই। কাজেই বললেন,—কমলকে আর লিখি না কিছু, ঘটাটি বাধা দিয়ে টাকা কটার যোগাড় কর। কিন্তু ভাই, তুমি আমাদের উপাঙ্গনক্ষম অভিভাবক; তোমায় না জানানো আমার মতে ভাল নয়, তাই লিখলুম। যদি কোন রকমে যোগাড় করতে পার, ভালই, নইলে ঘটাটি ত আছেই।

তারপর কুশল প্রার্থে ও আশীর্বাদে পত্রের সমাপ্তি। কমল ভাবিতে ভাবিতে আপিস চলিয়া গেল।

মেসের সকলের অবস্থাই সমান। অফিসে টাকা কটা মিলিলেও মিলিতে পারে। কিন্তু অতিরিক্ত হারে স্তদ দিয়া আসল ঋণ ত কোনকালে শোধ করিতে পারিবে না? তবে উপায়?

একমাত্র উপায় বরানগরের মেজদি। তিনি যদি কিছু সাহায্য করেন। কিন্তু সাত বৎসরের মধ্যে আজ সর্ব-প্রথম সেখানে হাত পাতিতে যাওয়া তাহার বড়ই বিসদৃশ ঠেকিল। পিতার মৃত্যুতে সেই অপ্রীতিকর শাবহারটাও মনের মাঝে উঁকি মারিল।

আবার ভাবিল, তাঁরা যাই বলুন না কেন, দিদি ত আমার। ভায়ের দুঃখকষ্ট দেখিলে কোন্ বোন স্থির থাকিতে পারে? যদিও কুটুম্বের নিকট অপমানিত হইতে পারি; আর অপমানই বা কিসের? কন্যাদান করিলেই পদে পদে নতি স্বীকার করিতে হয়। ভাইটিকে মানুষ করিবার জন্ত এটুকু তাহাকে অমানবদনে সহিতে হইবে।

আপাসের ফেরৎ সে বরানগর চলিল।

ঠিক বাড়লোক বলা চলে না, অবস্থাপন্ন গৃহস্থ। দ্বিতল বাড়ীপানি অধিবাসীদের স্থখ-স্বাচ্ছন্দ্যের পরিচয় দিতেছে।

কমল একটু ইতস্তত করিয়া দ্বারের কড়া নাড়িয়া ডাকিল, “কে আছেন?”

একটি তের চোদ বছরের ছেলে দ্বার খুলিয়া জিজ্ঞাসা করিল, “কাকে চান?”

কমল বলিল “আমার বাড়ী অভয়পুরে।”

ছেলেটি একটু বিরক্ত হইয়া কহিল, “কিন্তু চান কাকে?”

কমল মেজদিদির নাম করিতেই দ্বার বন্ধ করিয়া ছেলেটি ভিতরে চলিয়া গেল এবং উচ্চকণ্ঠে কাহাকে বলিল, “ও দিদি অভয়পুর থেকে কে এসেছে, বোদির নাম করছে। কিন্তু এমন ময়লা জামাকাপড়!”

জীকণ্ঠে উত্তর হইল, “বোয়ের ভাই নয় ত? ডেকে বস। বাইরের ঘরে। এতকাল পরে আবার আদর কাড়াতে এলেন কেন,—কে জানে?”

কমলের ইচ্ছা হইল এই মুহূর্ত্তে ফিরিয়া যায়, কিন্তু ভাইয়ের জ্ঞান পারিল না; আবার দীর্ঘদিন পরে যদি দিদির আশ্রয়ে আসিয়াছে ত তাঁহার সঙ্গে একবার দেখা না করিয়া কি করিয়াই বা ফিরিয়া যাইবে? ইহারা হাজার অপমান করুক, নিরপরাধিনী দিদি ত তাহার কোন দোষ করেন নাই।

উষা আসিতেই কমল তাহাকে প্রণাম করিল।

সে কোন আশীর্বাণী উচ্চারণ না করিয়া ভায়ের ছিন্ন-মলিন বেশ ও রুদ্ধ শব্দ মুখের পানে চাহিয়া কহিল, “কুটুম্ববাড়ী একটু করসা জামা-কাপড় পরে আসতে হয়, তোরা এ জ্ঞানটুকু আজও হ’ল না, কমল।”

দীর্ঘ সাত বৎসর পরে প্রথম দর্শনে মেহুময়ী ভগ্নীর এ কি নীরস তিক্ত সন্ধান!

কমল আপনাকে অতি কষ্টে সংবরণ করিয়া আরক্ত নতমুখে উত্তর দিল, “তিরিশ টাকা মাইনের কেরাগীর কাছে এর চেয়ে বেশী আশা করা ভুল, মেজদি। আর কি বাবা আছেন!”—বলিয়া মলিন জামার প্রান্তটা তুলিয়া চোখে দিল।

দিদি বেশ সহজ প্রশান্ত কণ্ঠে কহিল, “বুঝলুম অবস্থা খুবই খারাপ হয়েছে; কিন্তু হঠাৎ আজ কি মনে করে এখানে?”

কমল রুদ্ধকণ্ঠে বলিল, “আমি কেবল ভাবছি, সত্যিই তুমি আমার সেই মেজদি, না—সে কেউ?”

দেয়ালের পানে মুখ ফিরাইয়া কঠিন কণ্ঠে উষা বলিল, “সে সম্পর্ক ত তোমরাই চুকিয়ে দিয়েছ। সামান্য একখানা গহনার জন্ত আজ সাত বছর ধরে এখানে পড়ে আছি। বাপ-মার যেন আরও ছেলেমেয়ে আছে, কিন্তু আমার—” আর সে বলিতে পারিল না। তেমনি মুখ ফিরাইয়া শুক হইয়া রহিল।

কমল বুঝিল মেজদিদি কাদিতেছেন। সাত বৎসরের সঞ্চিত গোপন অশ্রু আজ সকল বাধা ঠেলিয়া মুক্ত অভিমানের সঙ্গে অবিরলধারে বহিতেছে। সে-ও কোন কথা না বলিয়া চুপ করিয়া রহিল।

কিছুক্ষণ পরে উষা মুখ ফিরাইয়া বলিল, “এদের দেওয়া জালা-যন্ত্রণা ত আমার অঙ্গের আভরণ হয়েছে; কিন্তু তোরাও যদি এমন নিষ্ঠুর হ’য়ে থাকবি ত যাই কোথায়? হাঁ রে কমল, মা কি আমার কথা একবারও বলেন না? ছোট ভাইগুলো—তাদের মেজদির কথা জিজ্ঞেস করে না? রমা খন্ডরবাড়ী গিয়ে কেমন আছে? বাবা নিশ্চয়ই আমার কথা—”

নেপথ্য হইতে তীক্ষ্ণ কণ্ঠের শব্দ আসিল, “উহুন যে খা খা ক’রে জলে যাচ্ছে, গেল কোন্ চুলোয়?”

উষা জ্ঞাত হইয়া কহিল, “শুনিলি ত কমল! আমার জগতের সঙ্গে কোন সম্পর্ক নেই, আছে কেবল কাজ—কাজ। তার পুরস্কার ওই গালমন্দ। হাঁ,—তা কি মনে ক’রে, এসেছিস?”

কমল আদ্যোপান্ত সমস্ত বলিল। শুনিতে শুনিতে উষা কতবার অঞ্চলের প্রান্তে চক্ষু মুছিল।

কথা শেষ করিয়া কমল বলিল, “এখন উপায় তুমি-গোটা-চল্লিশ টাকা আমায় জোগাড় করে দিতে পার না মেজ্জদি?”

উষা বিবর্ণ মুখে কহিল, “আমার ত এক পয়সাও নেই, ভাই। না,—না, আমি কোথায় পাব?”

কমল বলিল, “জামাইবাবুকে বলে।”

মান হাসিয়া উষা পিছন ফিরিয়া দাঁড়াইল ও পিঠের কাপড় তুলিয়া দেখাইল। পরে ফিরিয়া হাসিমুখে কহিল, “এ ছাড়া আর কিছু আমি তার কাছে পাই না, ভাই।”

কমল শিহরিয়া বিষময়ঙ্কর কণ্ঠে বলিল, “সে তোমাকে মারে, মেজ্জদি? পশু কোথাকার——”

“চুপ চুপ...দোর-জানলারও কান আছে। এক কথা কমল, আমার মাথার কাঁটা ছুঁতে থুলে দিই, জামার পকেটে ক’রে লুকিয়ে নিয়ে যা। বাড়ী গিয়ে বিক্রী করে টাকাটা নিস।”—বলিয়া মাথা হইতে সোনার কাঁটা ছুঁত থুলিয়া কমলের হাতে দিতে গেল।

কমল হাত সরাইয়া বলিল, “তারপর, তোমার দশা—মেজ্জদি?”

উষা হাসিয়া বলিল, “সে ভাবনা তোর নয়। তুই নে শীগ্গির, কেউ দেখে ফেলতে পারে!”

কমল নত হইয়া তাহার পায়ের ধূলা লইতে লইতে বলিল, “না মেজ্জদি, ও তুমি রাখ। শুধু আশীর্বাদ কর আমাদের, যেন একদিন চাকরিতে উন্নতি ক’রে তোমায় মার কোলে ফিরিয়ে নিয়ে যেতে পারি।”

পরম আগ্রহে তাহার হাত ছুঁনি ধরিয়া কম্পিত কণ্ঠে উষা বলিল, “পার্বি-পার্বি, কমল, একবার আমায় নিয়ে যেতে? আঃ আমি সেই আশায় সব কষ্ট হাসি-

মুখে সহ্য করবো, ভাই। কিন্তু যা শুনে গেলি—দেখে গেলি—এসব কথা মাকে—জানাম্ নে ভাই।”

“না”, বলিয়া কমল ধীরে ধীরে কক্ষ ত্যাগ করিল।

পথে যাইতে যাইতে সে শুনিল সেই তীক্ষ্ণ কণ্ঠের স্বর, —আক্কেলখাগীর কি একটুও আক্কেল নেই মা। কুটুমের ছেলে এলো—জলটুকু না খাইয়ে বিদেয় করুলি। এমন ক’রেই কি লোকের কাছে আমাদের মাথা হেঁট করাতে হয়!” ইত্যাদি।

* * *

শনিবার দিন বাটা আসিয়া কমল সর্বপ্রথম দিদিকে ডাকিয়া চুপি চুপি বলিল, “টাকার ত কোন যোগাড় ক’রে উঠতে পারলুম না, দিদি! ঘটাবাটা বাধা দেওয়ার যোগাড় কর।”

মেনকা বলিল, “সেজ্জা তোর ভাবনা নেই, টাকা পাওয়া গেছে।”

কমল আগ্রহে জিজ্ঞাসা করিল, “কোথায় পেলে?”

মেনকা নিম্নকণ্ঠে কহিল, “রমার শশুর সেদিন রমাকে এখানে রেখে গেছেন। তার আতুর খরচের জন্য ১০০ টাকা দিয়েছেন—তাই থেকে—”

কমল ঘাড় নাড়িয়া বলিল, “সে হয় না, দিদি। তাঁদের টাকা থেকে না ব’লে ক’য়ে নেওয়া আমার ত মত নয়।”

মেনকা বলিল, “সে যা হয় আমি করবো, তোকে কিছু ভারতে হবে না। টাকার জন্তে বরানগর গিছলি না কি।”

কমল ঘাড় নাড়িল।

মেনকা আগ্রহভরে বলিল, “উষাকে কেমন দেখলি? সে আমাদের কথা কি বললে?”

“সে অনেক কথা দিদি! চুপি চুপি আর এক সময় বলবো। তবে এটুকু জেনে রেখো—বড় কষ্টেই তার দিন কাটছে।”

দীর্ঘনিঃশ্বাস ফেলিয়া মেনকা বলিল, “তা আমি জানি। বাংলা দেশে মেয়ে হয়ে জন্মানো—শুধু দুঃখকষ্ট সইতে।”

রমা আসিয়া কমলকে প্রণাম করিল।

কমল তাহার মাথায় হাত রাখিয়া জিজ্ঞাসা করিল,
“ভাল আছি ত?”

রমা বলিল, “হ্যা, কিন্তু তুমি বিশ্রী রোগা আর ঢেঁড়া
হুয়ে গেছ বড়-দা! আপিসের খাটুনি খুব বেশী বুঝি?”

কমল হাসিয়া বলিল, “হ্যাঁ। আর মার কাছে
জিয়ে বসে বসে গল্প করিগে---চল।”

৪

বশার প্রারম্ভ। ম্যালেরিয়ায় সারা পল্লী ছাইয়া
শেলিয়াছে। প্রতিবারই অল্পবিস্তর লোক ম্যালেরিয়ায়
আক্রান্ত হয়। লেপ-কাঁথা চাপা দিয়া কয়েক ঘন্টা
প্রবল জরের পীড়ন সহ্য করে; জর ছাড়িলে নাওয়া-
খাওয়া করিয়া প্রতিবেশীর বাড়ী গল্পগাছা করিতে যায়।
নিত্য সহচরের মত বলিয়া জরকে ততটা ভীষণ বোধ
হয় না।

এবার ম্যালেরিয়া সারা পল্লী ব্যাপিয়া প্রবল প্রাবনের
মত আসিয়াছিল। কে কাহার মুখে জল দেয়, কে
কাহার তত্ত্ব লয়? বাটি বাটি শিউলি পাতার রস, ফাইল-
ভাতি দুইনিম্ন উপহার দিয়াও জরকে দেশত্যাগী করা
গেল না। সে যেন চায় আরও কিছু বেশী, কিছু তাজা
মুত্ৰ টাটকা প্রাণ!

মেনকা ছাড়া এ বাড়ীতে কেহই ম্যালেরিয়ার রূপ
লাভে বঞ্চিত হয় নাই। সকলেই উঠিতেছে, পড়িতেছে
এবং উঠা-পড়ার ফাঁকে নিত্য নৈমিত্তিক কাজকর্মও
করিতেছে। সকলেই জানে, যেক্ষণ মশার অত্যাচার
সহিতে হয়, দারিদ্র্যের দুঃখ বহিতে হয়, মৃত্যুর আতঙ্কে
শহরিতে হয়, ইহাও সেই অদেখা অদৃষ্টের এক নিষ্ঠুর
খেলা মাত্র! ইহা নিয়তির একটা রূপ। জয়ের
পক্ষে মাহুতের ভাগ্যগ্রহে আশ্রয়লাভ করিয়া প্রতি
যুগেই অন্ধ নির্দেশে তাহাকে অনিদিষ্ট মহাপথের
মতিমুখে পরিচালিত করিতেছে। এ পথের যাত্রা
ইচ্ছা বা অনিচ্ছায় মাহুত প্রতিরোধ করিতে পারে না;
রোগ আলস্ত দৌর্য্য লা কিছুই দোহাই মানে না,
মর্থসম্পদেও ইহার শ্রোত ফিরান যায় না। ইহা
নিয়তি।

ছোট থুकी উমা বার-বার যোগের আক্রমণ সহ্য
করিতে পারিল না। ক্ষুদ্র প্রাণে আর কতই বা সহ্য
হয়! একদিন প্রভাতে প্রবল জরে কাঁথা মুড়ি দিয়া
শয্যাশ্রয় করিল। মধ্যাহ্ন অপরাহ্ন ও সারারাত্রি
চলিয়া গিয়া আবার প্রভাত ফিরিয়া আসিল, প্রবল
জরের এতটুকু হ্রাস হইল না।

মেনকা ভীত হইয়া মাতাকে বলিল, “এ ত ম্যালেরিয়া
নয় মা। চক্ষিণ ঘন্টা জরে বেহুশ হয়ে পড়ে আছে,
ভুল বকছে। একজন ডাক্তার ডাকি না হয়।”

মারও তখন সবেমাত্র শীত শীত করিয়া জর
আসিতেছে। একথানা কাঁথা টানিয়া লইয়া থুकीর
পাশে শুইয়া পড়িয়া ক্লিষ্টবরে বলিলেন, “ডাক্তার ডাকবার
পয়সা কোথায় পাবি, মিনি? পারিস ত ডাক, আমার
বাছার মুখে এক ফোটা ওষুধ দে। দেখিস যেন ভুঃখিনী
মার কাছে এসেছিল ব’লে মা আমার অভিমান করে
চলে না যায়! উমা, উমা, মা আমার---” বলিয়া তিনি
অচৈতন্য কন্যাকে বৃকে চাপিয়া ধরিয়া ভ-ভ করিয়া
কাদিতে লাগিলেন।

মেনকা চক্ষু মুছিয়া অরুণকে বলিল, “ঈশানকে ডেকে
নিয়ে আয়, অরু।”

ডাক্তার আসিলেন। বাহুমূল কুড়িয়া ওষুধ দিলেন,
বৃকে মালিশ করিবার মলম দিলেন এবং ভয়-অভয় দুটি
জিনিষেরই অস্তিত্ব জানাইয়া আসন্ন বিপদকে ঘনীভূত
করিয়া বিদায় লইলেন।

নিয়তি।

গোপুলির পবিত্রলগ্নে অশ্রুত শুভ যুই ফুলটি ফুটিবার
পূর্বেই বস্তুচ্যুত হইয়া বরিয়া পড়িল। এখানকার
খেলাঘরের সাজান সংসার রাখিয়া ছোট থুकी চিরদিনের
জনাই চলিয়া গেল।

মা চীৎকার করিয়া কাদিলেন না, আছাড়ি-পিছাড়িও
করিলেন না, শুধু দুটি রোগতপ্ত বাহু দিয়া শিশুর শীর্ণ-
শিথিল হিম দেহখানি আঁকড়াইয়া ধরিয়া ভগ্নবরে
কহিলেন, “ওরে না, না, আমার উমাকে আমি ছেড়ে
দেব না, দেব না রে!”

মেনকা কাদিতে কাদিতে বলিল, “একটু চুপ কর

মা। ওই দেখ তোমার কাঁদতে দেখে রমা কেমন করছে। “অরুণ, অরুণ, শীগগির এদিকে আয়—রমার বোধ হয় ফিট হয়েছে।” মা অতি সন্তর্পণে উমাকে বুকে চাপিয়া ধরিয়া তাহার মুখে শেষ চুখন আঁকিয়া দিলেন। পরে তাহাকে বুক হইতে নামাইয়া রাখিয়া ধীরে ধীরে ঘরের মধ্যে চলিয়া গেলেন।

* * *

কমল এ সংবাদ পায় নাই। সে নিশ্চিন্তমনে নাকে-মুখে ছুটি গুঁজিয়া আপিসে ছুটিত ও প্রতিনিয়ত ভাবিত, কি করিলে কোন্ উপায়ে অপরিখাপ্ত অর্থের সন্ধান পাওয়া যায়। পূর্বকালে কত-না অসম্ভাবিত উপায়ে কপর্দক-হীন ভিখারী অগাধ ধন-সম্পত্তি লাভ করিয়া সমাজের মধ্যে বরণ্য হইয়া গিয়াছেন। সে কৃতবিদ্যা, বৃহৎ বিদ্যা কিংবা সম্রাসীর রূপাদৃষ্টিকে বিশ্বাস করিত না। সে ভাবিত, অর্থের নিহিত তত্ত্ব শুধু ব্যবসায়েই আছে, তা সে ক্ষুদ্র কিংবা বৃহৎ যাহাই হউক না কেন। চাকরিতে ভিক্ষা, কর্কস, কষ্ট, এ ত পরীক্ষিত সত্য। কিন্তু সে দেখিয়াছে এবং বইয়েও পড়িয়াছে—সামান্য সূত্র ধরিয়া বাণিজ্য-লক্ষী কত হতভাগ্য নিরন্নকে অর্থ দিয়াছেন, অন্ন দিয়াছেন, ভাগ্যশ্রী দিয়াছেন। এই কলির শেষযুগে বৃষ্টি আর তাহা সম্ভব নহে। কথায় কথায় বিশ্বাসের অপব্যবহার যেখানে, সেখানে কোন্ ধনবান সরল মুখশ্রী দেখিয়া বা কল্পপটু অন্তর চিনিয়া জীবনযুদ্ধের সহায়তা করিবেন? অর্থ সামান্য মাত্রাও নাই যে সমলে একখানা পানের দোকানও খোলা যায়। আছে শুধু চিন্তা!

শ্রামবাবু বলিল, “লটারীর টিকিট কেন, ভাগ্য ফিরলেও ফিরতে পারে।”

কমল মনে মনে হাসিয়া ভাবে, তাহাই যদি হইবে ত আপিসের গোলামীতে সামান্য মাহিনায় বহাল হইবে কেন? ভাগ্য যদি সুপ্রসন্ন হইত ত অল্প উচ্চতর পদও ত মিলিতে পারিত কিংবা ব্যবসা-বাণিজ্যের সুবিধাও হয়ত হইত, কিন্তু সে কথা যাক। ওই শ্রামবাবু আজ বিশ বছর ধরিয়া কত অর্থই না কত প্রকারের লটারীর টিকিটে অপব্যয় করিয়া আসিতেছেন, কোনদিন কাম্য ফল লাভ করিতে পারিয়াছেন কি? তবে কোন্ আশায়?

উত্তর তাঁহার হয়ত একটা ছিল, সে ওই ভাগ্য! আজীবনের বার্থ চেষ্টা শেষ মুহূর্ত্তে সকল হইতে দেখা গিয়াছে। মাহুয আশার দাস। স্তবরাং চেষ্টা হইতে বিরত হইও না। অনিলবাবু প্রতি শনিবার রেসে খাইতেন। তিনিও কতকটা ভাগ্যের উপর বরাত দিয়া অনেকগুলি কাক্ষাকাঙ্ক্ষার ভরণপোষণ করিতেন। বাক্সের টাকাকড়ি, জ্বীর অলঙ্কার, কলিকাতার ক্ষুদ্র বাস্তুখানি পর্য্যন্ত এই হার-জিতের খেলায় বাজি ধরিয়াছেন, তবু তিনি আশা ছাড়েন নাই। ভাগ্য! কে জানে কোন্ মুহূর্ত্তে ইহার স্রোত ফিরিয়া যায়! তিনিও কমলকে রেস খেলিতে উপদেশ দেন এবং প্রতিশ্রুতি দিয়াছেন যে, নিশ্চিত জয় তাহার ভাগ্যে আনিয়া দিবেন।

কমলের আশালুঙ্গ অন্তর মাঝে মাঝে ঢকল হইয়া উঠে। একবার রেসের টিকিট কিনিয়া ভাগ্যপরীক্ষা করিতে ক্ষতি কি? কত লোকেই কত আশা বুকে বাদিয়া শনিবার দ্বিপ্রহরে উজ্জ্বলসে ওই মাঠের উদ্দেশ্যেই ছুটে! তাহাদের মধ্যে দীনতম ভিখারী হইতে ক্রোরপতি পর্য্যন্ত সকলেই আছেন। ব্যর্থকাম হইলে কেহ কি ওখানে খাইত?

মনে হয় ভাগ্য বলিয়া একটা প্রবল সূত্র কক্ষক্ষেত্রের মধ্যে প্রসারিত রহিয়াছে, যাহার পলকের ইঙ্গিতে স্বখ-দুঃখ হাসি-কান্নার অভিনয় হয়। মনে হয়, জ্ঞানের অতীত, বিদ্যার অনায়ত্ত, বুদ্ধির অনধিগম্য সে ভাগ্য; উদ্যম ও কক্ষের উপরও তাহার প্রভাব বিস্তৃত। এই ভাগ্যই তাহাকে দুঃখের অনলপরীক্ষায় টানিয়া আনিয়াছে, চেষ্টা করিয়া ইহা হইতে উত্তীর্ণ হইতে হইবে।

শনিবার দিন সে অনিলবাবুকে বলিল, “আমায় নিয়ে যাবেন রেস কোর্সে?”

অনিলবাবু সর্বাঙ্গায়ে কহিলেন, “তুমি যাবে? ছব্রে—বেশ, বেশ! এতদিনে বুদ্ধি হয়েছে দেখছি। শিউর টিপ, আজ যদি পকেট ভর্তি না করিয়ে দিই, চল, চল।”

পকেট ভর্তি না হউক বাড়ী ফিরিবার মুখে টাকা গণিয়া দেখা গেল, ত্রিশটি টাকা লাভ হইয়াছে। এক মাসের মাহিনা।

অনিলবাবু সোম্বাসে তাহার পিঠ চাপড়াইয়া বলিলেন,

“ভারী লাগি চাপ ত তুমি! বেশ বেশ—এমনি ত চাই।
আবার আসছে ত শনিবারে?”

কমল বিষন্ন মুখে জবাব দিল, “না।”

—“কেন কেন?”

কমল বলিল, “যা দেখে গেলুম এখানে, সে শিক্ষা
আমি জীবনে ভুলব না। এও একটা নেশা। অন্যান্য
কু-নেশার মত মাতুষের মতুষ্যত্ব পর্য্যন্ত নষ্ট ক’রে দেয়।
জ্যোচ্ছোরি!”

অনিলবাবু হাসিলেন। বলিলেন, “ছোকরা, এই নিয়ে
চুনিয়া চলছে। তোমার গলায় ছুরি চালিয়ে আমি
পকেট ভর্তি করছি, আবার আমায় ঠকিয়ে তুমি সংসার
চালাচ্ছ! যে বেশী নিরীহ, সংসারে ক্ষত বিক্ষত হয় সে-ই
বেশী। ভেবে দেখ দেখি—জ্যোচ্ছোরি কে নয়? পৃথিবী
জুড়ে মারামারি, কাটাকাটি শুধু এই জ্যোচ্ছোরির খেলা।
মনটাকে শক্ত কর, ছোকরা, শক্ত কর, নইলে কটিন
সংসার, এক তিলও টিকে থাকতে পারবে না।”

কমল বলিল, “আমরা জাত-হিসেবে এত ছোট
কেন জানেন? শুধু গড্ডালিকা প্রবাহে ভেসে চলি ব’লে।
আয়ের চেষ্টা এমনি ফাঁকি দিয়ে করি, রাতারাতি
বড়লোক হ’য়ে সব দুঃখ দূর করতে চাই, তাই
এ অধঃপতন। এই ফাঁকি দিয়ে বুদ্ধিমান হবার, লাভ
করবার চেষ্টাই আমাদের অসাপু অবিস্বাসী ক’রে
ভুলেছে, অনিলবাবু।”

সামনেই বাসওয়ালা হাকিতেছিল, “শ্যামবাজার,
বাবু, শ্যামবাজার।”

অনিলবাবু তাড়াতাড়ি কহিলেন, “গোটা-দুই টাকা
দাও ত ধার, কালই দেব। রোগা ছেলের দুটো বেদনা,
ময়দা, চিনিও বোধ হয় ফুরিয়েছে, কিনতে হবে। আর
দেখ না বাসভাড়া এখান থেকে বরানগর—”

কমল তাঁহার হাতে দুটি টাকা দিয়া সাগ্রহে কহিল,
“আপনি বরানগরে থাকেন? একটা খবর দিতে
পারেন?”

অনিলবাবু ততক্ষণে বাসে উঠিয়া বসিয়াছেন।
জানালা দিয়া মুখ বাড়াইয়া বলিলেন,—“কিসের
খবর?”

—“শশধর বাবুঘোদের বাড়ীর সকলে কেমন
আছেন?”

“সে আমাদের বাড়ী থেকে অনেকটা দূর। আচ্ছা,
কাল সকালে জেনে এসে বলবো। গুড্‌নাইট।”

—“গুড্‌নাইট।”

পরদিন অনিলবাবু আপিসে আসিতেই কমল
বরানগরের সংবাদ জিজ্ঞাসা করিল।

অনিলবাবু বলিলেন, “তাঁরা সকলেই ভাল আছেন।
বাড়ীতে দেখলুম সামিয়ানা টাঙানো হ’য়েছে,
শুনলুম—বে।”

কমল বলিল, “বিয়ে? কার বিয়ে?”

অনিলবাবু বলিল, “শুনলুম ত বড়ছেলের। পরশু
গায়ে হলুদ হ’য়ে গেছে। হা, এবার দ্বিতীয় পক্ষ।
তবে ওদের বাড়ীর একটা বিশেষ বদনাম শুনে এলুম।”

কমলের মুখে আর প্রশ্ন করিবার ভাষা যোগাইল না।
সে চিত্রাৰ্পিতের মত অনিলবাবুর পানে চাহিয়া রহিল।

তিনি বলিতে লাগিলেন, “ওরা বউকে না কি
জালা-যন্ত্রণা দেয় খুব। প্রথম পক্ষেরটিকে বিয়ে কর্তব্য
এনে অবধি বাপের বাড়ী পাঠায় নি। কত, গিন্নী
এমন কি ছোট ছেলেটা পর্য্যন্ত গাল দিয়ে বেত মেরে
বৌটির সারা দেহে কালশিটে পাড়িয়ে দিয়েছিল।
ভগবান তাকে শাস্তি দিয়েছেন, বৌটি মরে জুড়িয়েছে।”

কমলের চোখের সামনে দপ্ করিয়া মুহূর্তে পৃথিবীর
আলো নিভিয়া গেল। পায়ের তলায় যেন ঘরের
মেঝেটা কাপিয়া উঠিল এবং অবলুপ্ত চৈতন্তের মধ্যে
শুধু একটি করুণ ক্রন্দনের রেশ আসিয়া কানে বাজিতে
লাগিল, “আমায় নিয়ে যাবি ত ভাই, নিয়ে যাবি ত?”

হায় অভাগিনী দরিদ্র বাংলার মেয়ে! তোমার
লাঞ্ছনা—তোমার বেদনা কি পরপ্রত্যাশী অন্তরে
একটুও বাজে না? তোমার ভীক আশা—অতৃপ্ত ক্ষুদ্র
কামনা কি অভ্যাচারে জর্জরিত হইয়া এমনই মধ্যাহ্নের
তীব্র রৌদ্রে শুকাইয়া যায়?.....

তার পর, জ্ঞান যখন ফিরিয়া আসিল, তখন কমল
একা। সেই ভয় মেষের ক্ষুদ্র গৃহে মলিন শয্যা শুইয়া
আছে। শরীর অবসন্ন—মস্তকে দারুণ যন্ত্রণা, সমস্ত অঙ্গ

যেন দুঃসহ বেদনায় টন টন করিতেছে! পাশের ঘরে প্রতিদিনকার কলরব তেমনি উদ্দাম। পরেশ হয়ত নিত্যকার অভ্যাসমত দুঃখ ভুলিতে বাহির হইয়াছে।

অবহেলিত রোগজঙ্করিত সে পড়িয়া আছে স্বস্থ জগতের বাহিরে, এই ক্ষুদ্র কক্ষই যেন তার সত্যকার বিশ্রামস্থল।

কে একজন কক্ষদ্বারে ঊকি মারিলেন এবং মোটা গলায় বলিলেন, “কেমন আছ কমলবাবু?”

কমল কি বলিতে গেল—স্বর বাহির হইল না।

লোকটি চৌকাঠের উপর এক পা রাখিয়া সম্ভূর্ণে একটু ঝুঁকিয়া বলিলেন, “মুখে যেন সব কি বেরিয়েছে? সব গায়ে কি খুব ব্যথা?”

কমল ঘাড় নাড়িয়া জানাইল,—“হাঁ।”

লোকটি দুই চক্ষু কপালে তুলিয়া বলিল, “তবেই হয়েছে! মার অমুগ্রহ! আমি তখনই বলেছিলাম—” বলিয়া আর ক্ষণমাত্র সেখানে না দাঁড়াইয়া অপরকক্ষে ক্রীড়ারত লোকগুলিকে উদ্দেশ্য করিয়া উচ্চৈঃস্বরে বলিতে লাগিলেন,—“অ মশাই কালীবাবু, শুনছেন কুমুদবাবু, ওহে ক্ষেত্র—আর ত এ মেসে থাকা চলে না। কমলবাবুর মার অমুগ্রহ হয়েছে—এক্কেবারে স্থল পক্ষ। কই ম্যানেজার শঙ্করবাবু গেলেন কোথায়? তিনি এর যাহয় একটা বিহিত করুন।”

কাহারও মুখে বাক্যস্মৃতি হইল না, শঙ্কিত অন্তরে সকলেই বক্তার মুখের পানে চাহিয়া রহিলেন।

ফটাস্ ফটাস্ চটি জুতার শব্দ করিতে করিতে শঙ্করবাবু ছাদ হইতে নামিয়া আসিলেন। কহিলেন, “ভূষণবাবু, এত চীৎকার করছেন কেন? হ’ল কি?”

ভূষণবাবু মুখভঙ্গী করিয়া কহিলেন, “হয়েছে আমার মাথা আর মুণ্ড। দেখুন গে, ওই ঘরে গিয়ে কমলের অবস্থা?”

শঙ্করবাবু কমলের কক্ষের সম্মুখে আসিয়া ডাকিলেন, “কমলবাবু, কমলবাবু?”

আচ্ছরের মত কমল উত্তর দিল, “অ্যা!”

শঙ্করবাবু বলিলেন, “শুনছেন,—আপনার পক্ষ হয়েছে

দেখে মেসের সবাই ভয় খেয়ে গেছেন। রূপাল সকালেই এখান থেকে বাড়ী চলে যাবেন, বুঝলেন? আর এখন সেখানে যাওয়াই আপনার উচিত। সেখানে মা আছেন, বোন আছেন, তাঁরা দেখতে শুনতে পারবেন। আপনার পক্ষেই ভাল।”—বলিয়া উত্তরের অপেক্ষা না করিয়া দ্রুতপদে ছাদের উপর চলিয়া গেলেন।

অনেক রাত্রিতে পরেশ মেসে ফিরিল।

পার্শ্বের কক্ষে সকলেই তখন নিদ্রিত, শুধু কমল শয্যায় শুইয়া—‘জল’ ‘জল’ বলিয়া চীৎকার করিতেছে।

ঘরে ঢুকিয়া আলো জালিয়া কমলের অবস্থা দেখিয়া পরেশের নেশা কাটিয়া গেল। তাড়াতাড়ি কলসী হইতে এক গ্লাস জল চালিয়া রোগীর শিরে বসিয়া স্নেহভরা কণ্ঠে ডাকিল, “কমলবাবু?”

রক্তজাঁখি মেলিয়া কমল হা করিল শু একনিঃশ্বাসে অনেকখানি জল পান করিয়া ক্ষুদ্র একটি ‘আঃ’ বলিয়া স্বস্তির নিঃশ্বাস ফেলিল।

পরেশ তাহার মাথার মধ্যে অঙ্গুলি চালনা করিতে করিতে বলিল, “জরটা কি খুব বেশী হয়েছে? বড্ড যন্ত্রণা হচ্ছে?”

কমল ক্ষীণস্বরে বলিল, “হ্যাঁ। কিন্তু তুমি এখানে থেক না ভাই, বড় ছোয়াচে রোগ।”

পরেশ হাসিয়া বলিল, “সমুদ্রে যার শয্যা—শিশিরে তার কি ভয়! এ লক্ষ্মীছাড়ার জীবন গেলেই বা কি, আর থাকলেই বা কি? কমল, সংসারে যে স্নেহবঞ্চিত তার জীবনের আসক্তি খুব কমই জেনে।”

কমল তাহার হাত দু’খানি চাপিয়া ধরিয়া কহিল, “তুমি জান না ভাই, এই স্নেহই মানুষের অভেদ্য বন্ধ। এরই আচ্ছাদনে শোক দুঃখ অগ্রাহ্য ক’রে সে মহান জীবন-পথের বৃহত্তর লক্ষ্য পৌছাবার আশা করে। ভাই পরেশ, আমায় একবার বাড়ী নিয়ে যেতে পার? আমার মার কাছে, ভাই বোনেদের কাছে?”

পরেশ বলিল, “দেখি চেষ্টা ক’রে।”

পরেশের হাত চাপিয়া ধরিয়া ক্ষীণ আগ্রহোত্তেজিত-কণ্ঠে কমল বলিল, “না—না ভাই, আমায় বাড়ী নিয়ে চল—নিয়ে চল। মার কোলে গিয়ে যেন শেষ নিঃশ্বাস

ফেলতে পারি। আমার মা, দুঃখিনী মা,—কমল, তাঁর
পায়ের ধূলা মাখলে আমার গায়ের জ্বালা জুড়বে।”

পরেশ তাহার মাথায় হাত বুলাইতে বুলাইতে বলিল,
“রাত্রি শেষ হোক, তোমায় যেমন করে পারি আমি
মার কাছে নিয়ে যাবই। স্থির হও ভাই।”

কমল শ্রান্তিভরে পরম তৃপ্তিতে চক্ষু মৃদিল।

৫

শ্রমশ্রানের চিতা তখনও নিবে নাই। রাত্রিশেষে
প্রবল গজ্জন তুলিয়া বাতাস আসিয়াছিল, এখনও তাহার
মন্দীভূত বেগ চিতার নির্ধাপিতপ্রায় অগ্নিরাশিকে উদ্দীপ্ত
করিয়া রহিয়া রহিয়া মুছ বিলাপধ্বনিতে শোঁ—শোঁ
করিতেছিল। নদীতীরে বসিয়া সর্বহারা অভাগিনী
শূন্য দিগন্তের পানে চাহিয়া হয়ত শোকাক্ত প্রকৃতির
ক্রন্দনই শুনিতেছিলেন। পায়ের তলায় অবিরাম কুলু
ধ্বনিতে নদী এই বিলাপ গাথাই গাহিতেছে, আকাশে
পাশু স্তূষ্য মেঘের আড়ালে শোকমলিন,—ওপরের
দূসর দিগন্তও যেন চিতাধূমের বাস্পে স্তব্ধ হইয়া গিয়াছে।
মাঠের পর মাঠ চলিয়াছে—তৃণশূন্য—শস্যশূন্য—ব্যস্তশূন্য।
যেন অভরণহীন। বাংলার সর্বহারা বিধবা!

শ্রমশ্রানের আশেপাশে ধানিকটা জঙ্গল ও দুই চারিটা
বাবলা গাছ। তার চারিপাশে নরককালের রাশি।
ঝোপের মধ্যে দিনের বেলায় শৃগাল মাংসের লোভে
ঘুরিয়া বেড়াইতেছে, কুকুর একটু দূরে একখানা হাড়
লইয়া পরম আরামে চিবাইতেছে, গাছে বসিয়া বিকট
কা—কা স্বরে কাক ডাকিতেছে। মানব-জীবনের
নশ্বরতা এখানে আসিলে যেমন উপলব্ধি হয় এমন
আর কোথাও নহে।

নির্ধাপিতপ্রায় চিতার পানে চাহিয়া শোকস্তব্ধ
জননী বসিয়াছিলেন। নয়নে অশ্রু নাই, হৃদয়ে তরঙ্গ
নাই, মুখে ব্যথার চিহ্ন নাই, যেন ধীর স্থির প্রশান্ত সিদ্ধ।
যেন শ্রামবৃক্ষ পুষ্পপল্লবে বিকশিত হইয়া উঠিয়াছিল,
অকস্মাৎ বজ্র নামিয়া সব জ্বালাইয়া দিয়াছে। যেন
কুলপ্লাবী নদীর স্রোত কে শুষ্কিয়া লইয়াছে! ভূমিকম্পে
নগর শ্রমশ্রান হইয়া গিয়াছে!

হায়রে সংসার! মেহের নীড় বাঁধিয়া কতই না ঘড়ে
মানুষ স্বথকে আয়ত্তে আনিবার চেষ্টা করে, প্রতি
নিঃশ্বাসে সে স্বথ শিথিল বকুল ফুলের মতই পথের
দুলায় লুটাইয়া পড়ে!

ওই পরপারের রাজ্যেও কি কোন নিয়ম নাই?
মানুষের আয়ু কি কোন হিসাবদক্ষ মুহুরীর খাতায়
নির্ভুল করিয়া লেখা থাকে না? মায়ের কোলে আসিয়া
যে পুত্র একদিন জগতের পরিচয় লাভ করে, মায়ের
মেহে যার দেহের প্রতি রক্তকণা বাড়িয়া উঠে, সেই
আবার মায়ের বুকে শেল হানিয়া অকালে সেই মায়ের
কোলেই নয়ন মুদে! বৃদ্ধ পড়িয়া থাকে, শিশু চলিয়া
যায়। কেন এ অনিয়ম?

মেনকা ডাকিল,—“মা, ওঠ, বাড়ী চল।”

স্তব্ধ পাষণমুক্তির মতই মা একদৃষ্টে চিতার পানে
চাহিয়া আছেন।

মেনকা তাঁহাকে জড়াইয়া ধরিয়া কাদিতে কাদিতে
বলিল, “ভগবানের কাছে আমরা কি অপরাধ করে-
ছিলাম, মা, যে এত শাস্তি! উষা গেল, খুকী গেল, এক
মাস যেতে-না-যেতে রমাও আমাদের ছেড়ে গেল।
আবার কমল—”

মা কাদিলেন না, পূর্বের মতই চিতার পানে চাহিয়া
রহিলেন। মেনকা বলিল, “দোহাই মা, তুমি একবার
কাদ, একবার চোঁচিয়ে কাদ। আমি জানি তোমার কি
ব্যথা! বুক ফেটে যাচ্ছে, একবার কাদ।”

মা মেনকার পানে চাহিয়া একটি নিঃশ্বাস ফেলিয়া
বলিলেন, “কাদতে যে আমি পারি না, মা। যেন দম
আটকে আসছে। খুকীর খেলাঘর তেমনি পাতান আছে,
সোদকে চেয়ে চোখে জল আসে না। রমার ছেলের
ছোট কাথা বালিশ জামা মোজা তাকের ওপর তোলা
রয়েছে, সে সবও চেয়ে চেয়ে দেখি; উষা ত অনেকদিন
আগেই সব সম্পর্ক চুকিয়ে দিয়ে গেছে। আবার কমল—”

কথা শেষ না করিয়া তিনি চিতার পানে নিনিমেষ
নয়নে চাহিয়া রহিলেন।

পরেশ আসিয়া মাকে বলিল, “আমি জান্তাম
সংসারে অর্থই সব, সে ভুল আমার ভেঙেছে। মেহ

যে কি অমূল্য জিনিষ, তা বুঝেছি। আমারও বাড়ীতে মা আছেন, তিনিও প্রতি শনিবার আমার আশাপথ চেয়ে থাকেন। হয়ত কত ব্যথা পান—কত কাদেন। আগে ভাবতাম সে-সব মৌখিক। একদিন রাগ করে বলেছিলেন, “অতবড় ধাড়ী ছেলে ঘরে বসে বসে খেতে লজ্জা করে না? সেই যা খেয়ে ঘর ছাড়ি—সেই অভিমানই বুকে পুষে রেখেছি। আজ বুঝেছি কতবড় ভুল করেছি। মা, কমল রোগশয্যায় শুয়ে কেবল বলেছিল, আমায় বাড়ী নিয়ে চল—বাড়ী নিয়েচল। আমি মাকে দেখবো।—সে অমৃত সিঁদুর আশ্বাদ পেয়েছিল বলেই—”

অকস্মাৎ মা আভিনাদ করিয়া মাটিতে লুটাইয়া পড়িলেন। যেন রুদ্ধমুখ আগ্নেয়গিরির দ্রবশ্রোত প্রচণ্ড আলোড়নে সহসা উজ্জ্বল উত্তিবার মুক্তিপথ খুঁজিয়া পাইয়াছে।

সে কি কান্না! নদীতীর প্রতিধ্বনিত করিয়া, দ্রিগন্ত—স্বর্গবিত করিয়া, আকাশ-বাতাস খণ্ড খণ্ড করিয়া চিরিয়া যুগযুগান্ত-সংকীর্ণ সে কি মনোভেদী বুকফাটা হাহাকার!

বায়স কা-কা স্বর ভুলিয়া গেল, শৃগাল বনপ্রান্তে শুক হইয়া দাঁড়াইল, সারমেয় চরুগরত হাড় ফেলিয়া মুখ ভুলিল।

ক্রন্দনের তীব্র বেগ বাড়িতে লাগিল। যেন প্লাবনের মহাসিন্ধু কুলে অনন্ত মিশ্র রজনীতে লেলিহান চিতার সম্মুখে জাত পাতিয়া বসিয়া স্নেহরূপা জননী ধরিয়া দৃষ্টি বিয়োগ বেদনায় হাহাকারে দিগদিগন্তর প্রতিধ্বনিত করিতেছেন।...

* * * *

আবার সেই ভ্রূণগৃহে ভ্রূণসংসারে মা ফিরিয়া আসিয়াছেন। আবার ছুটি বিধবা মিলিয়া তিনটি অপোগণ্ডের লালনপালনের ভার লইয়া পুরাতন শোক ভুলিতে বসিয়াছেন।

অরুণ দারিদ্র্যের প্রতিকার মানসে গৃহত্যাগ করিয়াছে। মাকে পত্র লিখিয়া জানাইয়া দিয়াছে, যদি দোভাগ্যলক্ষ্মীর

স্নেহস্পর্শ তার ভাগ্যে ঘটে, তবেই সে ফিরিবে, নতুবা এই যাত্রাই তার শেষযাত্রা!

গ্রাসাচ্ছাদনের সম্মল সেই কয় বিধা ধানের জমি,—তাহাও বুঝি আর থাকে না। দশ বার বছরের ছেলে ছুটি সর্বদাই শ্রিয়মাণ হইয়া থাকে। কোলেরটি কিছুই বোঝে না, তেমনি হাসিয়া মার গলা জড়াইয়া ধরে, মুখে চুমা দেয়—খিল্ খিল্ করিয়া হাসে—কত চুষ্টামী করে। মাঝে মাঝে দাদা ও দিদির কথা জিজ্ঞাসা করিয়া মাকে ও দিদিকে কাদায়।

নিষ্ঠুর সংসার প্রাণপ্রিয়তম নাড়ী-ছেঁড়া ধন পুত্র-কন্যার শোকে কাঁদিবার অবসর দেয় না, প্রাণ ধারণের সমস্তা জাল পাতিয়া সব ভুলাইয়া দেয়। তাই দিবসের কশ্মকান্ত দেহ যখন নিশীথের নিরালায় সর্ব কশ্ম-বন্ধন হইতে মুক্তিলাভ করে, তখনই পুরাতন শোক নতুন করিয়া জাগিয়া উঠে। তখনই মনে পড়ে তাহাদের স্নেহ ভালবাসা, চাহনি, চলন, কথাবার্তা, বাহারা চিরদিনের তরেই নয়নের অন্তরালে চলিয়া গিয়াছে।

একে একে ধানের জমি বিক্রয় হইয়া বাইতেছে। ছেলেরা বড় হইতেছে, হয়ত মাছুস হইতেছে।

প্রতিবাসীরা পুত্রের মতই চুপে সমবেদনা জানাইয়া বলে, এরাই তোমার সাত রাজার ধন সাগর-ছেঁচা মাণিক। মাছুস হ'য়ে উঠুক, সব দুঃখ ঘুচবে।

মা ভগবানের কাছে মনে মনে কামনা করেন, আমার সাধআহ্লাদ সবই ত তুমি জান, প্রভু! অনেক আশা করেছিলাম, অনেক দাগা খেয়েছি। আর কোন আশা রাখি না, শুধু এদের দুঃখ দূর হোক।

তাঁহাকে দেখিলে মনে হয় যাঁটি বংসরের বৃদ্ধা। চুল সব পাকিয়া গিয়াছে, দাত পড়িয়াছে, গণ্ডের মাংস শিথিল হইয়া ঝুলিয়া পড়িয়াছে, তেমন সোজা হইয়া চলিতেও পারেন না।

নদীতীরের ভগ্ন ঘাটের বহু পুরাতন ছিন্নশাখা দীর্ঘকাণ্ড বট অশ্বখ যেমন শতাব্দীর ঝড়ঝঞ্ঝা বহিয়া সহস্র কদম্ব শিকড়ে মাটি আঁকড়াইয়া ধরিয়া প্রতিদিনকার তরুণ হৃদয়ে নিশাস্তের নতি জানাইয়া বলে, আমি আছি,

তামার প্রথর রৌদ্রের তাপে ক্লিষ্ট পথিককে যদিও আর পূর্বের মত শীতল ছায়া বিলাইয়া পরিতৃপ্ত করিতে পারি না, তবু জগতের মধ্যে নানী হইয়া আছি।—মাও তেমনি যাছেন। ছোট খোকা কাকে সাহস করিয়া আদর করিতে পারেন না, বড়দের রক্ষা মলিন মুখের পানে ফিরিয়াও চান না। কি জানি, উঁহার সর্বনাশা স্নেহের পথ ধরিয়া যাবার যদি ছরস্তু শোক ফিরিয়া আসে? যদি ইহারও উঁহার স্নেহের অমর্যাদা করিয়া পথপ্রান্তে ফেলিয়া চলিয়া যায়?

এমনি করিয়া বছর ঘুরিয়া গেল, অরুণের কোন সংবাদই নাই। মেনকা নিত্য উৎকণ্ঠিতকণ্ঠে প্রশ্ন করে, ‘কি হ’ল মা অরুণের? সে ত তেমন ছেলে নয়। আজ বছরাবদি কোন খবর দিলে না!’ আশঙ্কায় মায়ের মুখ বিবর্ণ হইয়া উঠে। সেই ব্যগ্র প্রশ্নের চরম উত্তরই হয়ত ভগবান অন্তরীক্ষে বসিয়া তৈয়ারী করিয়া রাখিয়াছেন। পূর্বের আর একখানি অস্থি হয়ত পসিয়া পড়িবে।

মা অশ্রু কণা পাড়েন, “আর কটা দিন এমনি ক’রে কাটবে, মিনি! ঘটাঘটি খালাসাম ভমিজমা সবই ত শেষ হয়ে এল,—তারপর?”

মেনকা স্নানমুখে বলিল,—“রায়েদের ছোট গিন্নি পরশু ঘাটে বল্ছিলেন একজন রাবুনী চাই। বেশ বিশ্বাসী জানাশোনা লোক হ’লেই ভাল হয়। আমা ভাবছি—”

মা শাস্ত্রবরে বলিলেন, “ওদের বাড়ী রাখবি?”

তারপর কয়েক মিনিট চুপ করিয়া থাকিয়া বলিলেন, “আমিও তাই ভাব্ছিলাম, এ ছাড়া আর পথ কি? দেখিস্ ত মা, আমারও যদি একটা—”

আর্ন্তবরে মেনকা বলিল, “মা, মা, চুপ কর।”

মা দীর্ঘবরে বলিলেন, “চমকে উঠলি কেন মিনি? যে বাড়ীর বউ—যে লোকের স্ত্রী আদি, সবই জানি। মান-সম্মান কিছুই ভুলিনি, মা। কিন্তু টাকার সঙ্গে যে সে-সব গেছে, মা। নইলে আমার মেয়ে হ’য়ে তুই আমারই মুখের ওপর একথা বললি কি ক’রে? ওরে তুই বুঝবি না—কমলকে হারিয়ে আমি যত না দুঃখ পেয়েছি, তোর এই কথা শুনে তার শতগুণ দুঃখে আমার

বুক ফেটে যাচ্ছে। কিন্তু উপায় কি? আমরা উপোস দিয়ে মরতে চাইলেও এ কাটাগুলো বে ছাড়ে না। এদের যে এখনও মাছুষ করে তুলতে হবে।”

মেনকা কাঁদিতে কাঁদিতে উঠিয়া গেল।

৬

বহুদিন পরে অরুণের পত্র আসিয়াছে।

সে লিখিয়াছে—

মা! আপনাদের নিষ্ঠুরের মত ছাড়িয়া আসিয়াছি। বৎসরাবধি পত্র দিই নাই, আমার এ অপরাধের মাজ্জনা নাই। প্রতিজ্ঞা করিয়াছিলাম—অর্থের জন্ত মমতাকে বিসর্জন দিব, দিয়াছিলামও তাই। এক বৎসর আপনাদের কোন সংবাদ লই নাই। আপনি হয়ত শুনিয়া বিস্মিত হইবেন আমি আজ কোটিপতি, অর্থের সীমা পরিসীমা আমার নাই। কিন্তু, ভগবানের রাজ্যে যে অপরাধ করিয়াছি—তার শাস্তিও সেই সঙ্গে বহন করিয়া চলিয়াছি।—এই দিল্লীর পথপ্রান্তে একদিন একবস্ত্রে রক্ষামণি মুখে আবৃত্ত আমি, সারাদিন—সারারাত্রি ঘুরিয়া বেড়াইয়াছি। কেহ ফিরিয়াও চাহে নাই—কেহ তত্ত্ব লয় নাই। বুঝিয়াছিলাম ভাগ্যকে সঙ্গে বহন করিয়া আনিয়াছি; সে-ও হয়ত নিয়তিকৈ অদৃশ্য শূন্যে সাথী করিয়া আমার পিছু পিছু ঘুরিতেছে, একদিন অনাহারেই উঁহার কোলে চলিয়া পড়িব। কিন্তু নিষ্ঠুরের মত যে কাজ করিয়াছি তাহার পুরস্কার তখনও বাকী ছিল, তাই মৃত্যু আমার হয় নাই।

এক ধনী আমার মুজিত অবস্থায় গৃহে লইয়া আসেন, তাহাদেরই সেবা-যত্নে সুস্থ হই। পরিচয়ে প্রকাশ পায়—তারা বাংলারই অধিবাসী, কিন্তু এখানে পুরুষাভ্যুত্থানে বসতি করিতেছেন, এবং আমাদেরই স্বজাতি। লোকটি সমৃদ্ধ, কিন্তু বাবসায়ী। কাপড়ের কল করিয়া হাজার হাজার কুলি খানিইয়া যে জ্ঞান অর্জন করিয়াছেন, তাহার প্রয়োগ সংসারের সর্বক্ষেত্রেই করিয়া থাকেন। আমার উপরও সেই পরীক্ষা করিলেন। পরীক্ষায় তিনি হইলেন জয়ী,—আর চুরাকাজ্জ আশার তাড়নায় আমি হইলাম পরাজিত। ক্ষমা করিও মা, যদিও জানি আমি ক্ষমাব

অযোগ্য, তবুও আমি ক্ষমা চাই। দিদিকে বলিও ক্ষমা করিতে।... তাঁর একমাত্র কন্যাকে আমি এই সন্তে বিবাহ করিলাম যে, দিল্লী ছাড়িয়া আর কোথাও যাইব না,—বাংলার নাম মুখে আনিব না,—পুরাতন সম্পর্কের কথা ভুলিব। হিতাহিত জ্ঞানশূন্য আমি, অর্থের জন্ত এই সন্তই মানিয়া লইলাম। ভাবিলাম,—আপনাদের গোপনে অর্থ-সাহায্য করিব, কেহই বুঝিবে না, জানিবে না।

তখন কি জানিতাম মোগল-রাজত্ব বাস করিয়া বাদশাহী আইন-কাহ্নে ইহার কেতাদুরস্ত হইয়াছে; বাহাকে বন্দী করে তাহার চিন্তারাজ্য পথ্যস্ত দখল করিয়া বসে।

প্রথম দিন মণিঅর্ডার করিতে গিয়া ধরা পড়ি, তিরস্কৃত হই। আমি কলের মানেজার, মাস মাস হাতখরচ লইতাম—‘দু-শ’ তিন শ’ টাকা। সেই হইতে বিশ পচিশ টাকা বরাদ্দ হইল। শুধু পানের খরচ! মা, শুধু তাই নহে, ~~বনের-শুশ্রূষা~~ কেমন করিয়া বশে রাখিতে হয়, তাহা ইহার ভাল রকমই জানে। আমার সঙ্গে সঙ্গে লোক ফেরে, অলক্ষ্যেও হয়ত ঘোরে এবং দিল্লী স্টেশন অভিমুখে আসিলে ইহাদের সর্বপ্রধান আশঙ্কা হয়—পশু শিকল ছিড়িল বুঝি। হায় রে দাসত্ব! কিসের প্রলোভনে আজ জীবনের উচ্চাকাঙ্ক্ষা পূরণ করিতে গিয়া স্নেহ শাস্তি হারা হইলাম!

আমার বিবাহ! সেও ত বিধাতার অভিশাপ। অর্থও তাই। আজীবন এই অভিশপ্ত স্বপ্নের মধ্যে আমায় অসহ যন্ত্রণায় ছটফট করিতে হইবে। যখনই রাজভোগ মুখে তুলি, মনে হয় ভগ্ন গৃহপ্রাস্তে সেই মোটা চালের ভাত তোমার হস্তের অমৃত পরিবেশন। যখনই অর্থ লইয়া নাড়াচাড়া করি, মনে হয় যেন তীব্র আশীর্ষ আমার প্রতি অঙ্গুলি লেহন করিতেছে। না, শাস্তি আমি পাই নাই—হয়ত এ জীবনে পাইব না। জীবনভোর এই অগ্নিরাশির বোঝা বহিয়া সাদরে লক্ষপতি সাজিয়া থাকিব এবং ভূমিও ইহার খাতিরে রাজজননী আখ্যলাভ করিবে। কিন্তু আমাদের অন্তর ত এক মুহূর্তের তরেও এ কথা ভুলিতে দিবে না,

কত বড় নাঃমরীচিকার পশ্চাতে ছুটিয়া চলিয়াছি ও এই অন্তঃসারশূন্য খ্যাতির মূল্য কতখানি!

আমার হাতখরচের টাকা হইতে কিছু টাকা এক পরিচিত লোকের হাতে গোপনে পাঠাইলাম। মণিঅর্ডার করিতে সাহসী হইলাম না। জানি না, পাইবে কি না? যদি পাও অধম সন্তানের জিনিষ বলিয়া ঘৃণা করিও না, মা, সে উপেক্ষা আমায় মরণাধিক যন্ত্রণা দিবে।.....

সমস্ত পড়িয়া যেনকা ডাকিল, “মা!”

মা একমনে পত্রের কথা শুনিতেছিলেন, নয়ন হইতে দর দর ধারে অশ্রু ঝরিতেছিল। স্নেহ-বঞ্চিত কোটিপতি পুত্রের বেদনায়ও পুত্রসুখাধিনী দুঃখিনী মায়ের ব্যথার অশ্রু ঝরিয়া পড়ে!

সে বাচিয়া আছে এবং জগতের শ্রেষ্ঠতম ঐশ্ব্যে বিশ্বকাম্য স্ব্থের সিংহাসনেই বসিয়া আছে। তথাপি বাহারা এ জগতের প্রান্ত হইতে চিরদিনের তরেই চলিয়া গিয়াছে—তাহাদের শোকের চেয়ে এ কি করুণ—মধ্যান্তিক! জগতের ভিতরে থাকিয়া দিনান্তে যে মাতৃস্নেহের এক বন্দুও উপভোগ করিতে পারে না, মায়ের কুশল-আশীর্বাদ স্নেহ যার চিরদিনের তরেই রুদ্ধ হইয়া গিয়াছে—সে কোটিপতি হইলেও জগতের সর্বশ্রেষ্ঠ ভাগ্যহীন ও সেই পুত্রবঞ্চিত জননার বেদনাও পুত্রশোকের চেয়ে মধ্যান্তিক।

বহুক্ষণ পরে সুদীর্ঘ নিঃশ্বাস ফেলিয়া ধীরস্বরে মা বলিলেন, “জগতে হয়ত এইটাই সম্ভব। কণ্ঠফল কি না—জানি না, ব্যথার উপর মায়ের সৃষ্টি বিধাতাই করেন। আমরা মানুষ্য, না স’য়ে কি ক’রবো, মা। মিনি, এক ছেলে রাগ ক’রে বাড়ী ছেড়ে গেল,—এক ছেলে অভিমান ক’রে জগত ছেড়ে পালালো,—আমার সবচেয়ে দরদী ছেলে অরুণ—আমাদের কষ্ট ঘোচাবার জন্ত নিজেকে এ কি ঠাসে জড়িয়ে ফেললে?”

ছোটখোকা কোথায় খেলা করিতে গিয়াছিল। ছুটিতে ছুটিতে আসিয়া মায়ের কোলে ঝাঁপাইয়া পড়িয়া আদরের সুরে বলিল, “মা খিদে পেয়েছে, খাবার দে।”

মেনকা তাহাকে কোলে তুলিয়া লইয়া কহিল, “আয়, আমি খাবার দিচ্ছি। মা, কাপড় ছেড়ে ফেল, সন্ধ্যা হ’য়ে এল, এখনই ওদের বাড়ী না গেলে কালকের মত বকাবকি ক’রেবে হয়ত। রান্নাও ত অনেক !”

কাপড় ছাড়িয়া উঠানে দাড়াইয়া কণ্ঠাকে ডাকিলেন,— “মিনি, তোর হ’ল ?”

ছোট খোকাকে কোলে লইয়া মেনকা রান্নাঘরের বাহিরে আসিয়া বলিল, “হ্যাঁ,—চল।”

আসন্ন সন্ধ্যার অন্ধকারে মানমুখী মাতা ও কণ্ঠা নিঃশব্দে পথ অতিবাহন করিতে লাগিলেন।

বাংলা ভাষার ভবিষ্যৎ

শ্রীগোপাল হালদার

ভাষার দৈবজ্ঞ-বৃত্তি বড়ই হস্তাকর জিনিষ। বেকন ছিলেন তাঁহার সমকালীন পণ্ডিতদের মধ্যে অগ্রগণ্য। তিনি স্থির সিদ্ধান্তে পৌছিয়াছিলেন যে, পৃথিবীতে তখনকার দিনের কথিত ভাষাগুলি বেশী দিন টিকিবে না, টিকিবে প্রাচীন ল্যাটিন বা গ্রীক কোন দেব-ভাষা। কিন্তু দেবভাষা আজ লোপ পাইয়াছেন, লুপ্ত দেবভাষাও অচল হইয়াছে; এবং সেদিনকার যে আভিজাত্যহীন ভাষায় বেকন গ্রন্থ রচনা করিতে কুণ্ঠিত হইয়াছিলেন, আজ তাহাই প্রায় দেবভাষীন পৃথিবীর দেবভাষা হইতে চলিল! ইহার পরে আর চক্ পাতিয়া ভাষার করকোণার বিচার মূঢ়ের পক্ষেও শোভা পায় না।

ভাষার জীবন মানুষের জীবন অপেক্ষাও জটিল এবং নারীর চরিত্র অপেক্ষাও বিসর্পিত। তাই ভাবীকালের ভাষা লইয়া ভবিষ্যদ্বাণী করিতে যাওয়া হস্তাকর ব্যাপার। তবুও, বর্তমানের ভাষা লইয়া আলোচনা করিলে অদূর ভবিষ্যতে ইহার শ্রোতে কোন ঢেউ উঠিবে-পড়িবে, তাহার কিছু আভাস যাওয়া যায় না কি? ভাষার প্রবাহ ত নিরবচ্ছিন্ন নয়, বর্তমান বাংলা ভাষাও আকাশ হইতে নামিয়া আসে নাই। তাহার জন্ম অনেক আয়োজন চলিয়াছিল। তাহার ফলেই সে তার বর্তমান রূপ পাইয়াছে। তেমনি, ভাবীকালে

বাংলা ভাষা যে রূপ পরিগ্রহ করিবে, আজিকার দিনেই তাহার জন্ম আয়োজন চলিয়াছে। সেই আয়োজন যত সম্পূর্ণ, যত পূর্ণাবয়ব হইবে, ভাবীকালের বাংলা ভাষাও ততই মহীয়ান, ততই হৃসমুদ্র হইবে। এখন প্রশ্ন, তাহা কি হইতে চলিয়াছে?

বাংলা ভাষার বর্তমানের যাহা পুঞ্জিপাটী—যাহার উপর তাহার ভবিষ্যৎ নির্ভর করে, তাহাকে দুইটি দিক হইতে যাচাই করা চলে। এক, ইহার গঠনের দিক—এদিক হইতে দেখা চলে, ইহা সত্যসত্যই জাতীয় ভাষা, না কয়েকটি উপভাষার সমষ্টিমাত্র; ইহা কতটা স্বতন্ত্র, কতটাই বা পরতন্ত্র; ইহা কি পরিমাণে অনড়, কি পরিমাণে বা নমনীয়, ইত্যাদি। দ্বিতীয়ত, উপযোগীতা বা সার্থকতার দিক হইতেও ইহাকে যাচাই করা চলে—এদিক হইতে দেখিতে হইবে, ইহা কত লোকের ভাষা, কত লোকের একমাত্র আশ্রয়; তাহাদের মন ও বুদ্ধির উৎকর্ষে ইহা কতটা সহায়ক; তাহাদের রসবোধ বা হৃদয়ের ধর্মই বা ইহাতে কি পরিমাণে ক্ষুণ্ণীভাব করে; তাহাদের সকল কথাকে, সকল ভাবকে ইহা প্রকাশ করিতে পারে কি না, না ইহাকে আশ্রয় করিলে তাহাদের কোন কোন কথা অকথিত থাকিয়া যায়।

এই দুইটি দিক হইতেই আমরা বাংলা ভাষার ভবিষ্যৎ গণনা করিবার চেষ্টা করিব।

বাংলা ভাষার ঐক্য

বাংলা ভাষা সম্বন্ধে একটু চিন্তা করিলেই এই সন্দেহটা মনে জাগে—বাংলা বলিয়া কি একটা কেন্দ্রীয়, একীভূত, স্বাভাবিক ভাষা আছে, না উহা কেবলমাত্র চট্টগ্রামের উপভাষা, ঢাকার উপভাষা, বীরভূমের উপভাষা, দিনাজপুরের উপভাষা, নদীয়ার উপভাষা, এইরূপ অনেকগুলি উপভাষার সমষ্টিমাত্র? সকল দিক হইতে দেখিলে একথাটা স্বীকার করিতেই হইবে যে, ইংরেজী যে-অর্থে এক ভাষা, ফরাসী যে-অর্থে এক ভাষা, জার্মান যে-অর্থে এক ভাষা, বাংলা সেই অর্থে এক ভাষা কোনদিনই ছিল না এবং আজ পর্যন্তও হইয়া উঠিয়াছে একথা বলা চলে না। ফরাসীভূমির মত, বা ইংলণ্ডের মত কোনও সর্বনিম্ন রাষ্ট্রশক্তি বাংলার অদৃষ্ট কোনও কালে নিয়ন্ত্রিত করে নাই। তাই, একচ্ছত্র শাসনের দৃষ্টান্তপ্রভাবে ফরাসীর মত বাংলাভাষা অঞ্চলবিশেষের ভাষার ছত্রতলে একাকার লাভ করিতে সক্ষম হয় নাই; ইংরেজীভাষীর মত তত নিবিড় এক্যবোধও বাংলা ভাষাভাষী মাত্রই উপলব্ধি করিতে পারে নাই। আমাদের জীবন কোনদিনই কেন্দ্রাগত ছিল না, কেন্দ্রীয় ভাষাও তাই আমাদের মধ্যে থাকা স্বাভাবিক নয়। কথা বাংলা আজ পর্যন্তও সেজন্তই “ফেডারেল” শাসনতন্ত্রের মত “ফেডারেল” ভাষা মাত্র।

কিন্তু এই অন্তর্যমানে আংশিক সত্য বতর্কুই থাকুক, উহা সর্বাংশে সত্য নয়। বাংলা বলিয়া একটা কেন্দ্রীয় ভাষার অস্তিত্ব একেবারেই নাই, একথা নিঃসন্দেহে বলা চলে না। মধ্যযুগ হইতে বাংলাভাষার—অন্তত লিখিত বাংলা পদ্যের ভাষার—একটি সাধারণ রূপ প্রায় স্থির হইয়া আসিতেছিল। ইহার বনিয়াদ পূর্ব ও মধ্যযুগের কথিত ভাষা, কিন্তু সমগ্র বাংলা দেশেই তাহা প্রচলিত। এই মূল প্যান-বেঙ্গলী ভিত্তির উপর সেকালের লেখক যে-অঞ্চলের লোক সময় সময় সে-অঞ্চলের উপভাষার মালমশলা মিশানো চলিয়াছে। তাই, যে-সময় হইতে বাংলা সাহিত্যের নিদর্শন সহজপ্রাপ্য ও বহুল হইয়া উঠিল, সেই সময়

হইতেই দেখা যায়, মোটামুটি বাংলা ভাষার একটি রূপ প্রায় সকল বাঙালীই অন্ততঃ লিখিবার বেলায় মানিয়া লইয়াছে, কেহই উপভাষার উপর ভরসা রাখে নাই। দু-একটি দৃষ্টান্তের উল্লেখ করিলেই চলিবে,—পরগলী মহাভারত ও ছুটিখানী অশ্বমেধপর্ব দুইই বাংলা দেশের পূর্ব সীমান্তে রচিত। ভাষাও বেশ প্রাচীন, কিন্তু সে-ভাষায় স্থানীয় উপভাষার স্পর্শমাত্র নাই। হয়ত রচয়িতা কবিধরের মাতৃভূমি গৌড়াকুল, তাঁহার গৌড়ের রাজসভা হইতেই লঙ্করের সঙ্গে পূর্বাঞ্চলে গিয়াছিলেন ও গৌড়-রাজসভার সংস্কৃতিকেই দেখানো প্রবর্তন করিতে-ছিলেন। তথাপি, পরাগলের বা ছুটিখানের সভায় সকলে এই ভাষাকেই ষ্ট্যাণ্ডার্ড বলিয়া গ্রহণ করিয়া-ছিলেন তাহাও নিঃসন্দেহ। সঙ্কয়ের দেশ, কাল, অস্তিত্ব, লইয়া গবেষণা চলিতেছে, কিন্তু তাহাতেও এই লিখিত পদ্যভাষার ব্যতিক্রম অতি সামান্য, দু-একটি বিভক্তির ছিটে-ফোটা মাত্র। নারায়ণদেবের মনসার গানে উপভাষার রং বেশী। কিয়ৎ কেন্দ্রীয় ভাষা সঙ্গে সঙ্গে চলিতেছে। বিজয়গুপ্তের মনসামঙ্গলের ভাষা ও মালদার বস্তুর ভাগবতের ভাষায় প্রভেদ আছে কি? হুসেন সাহের পূর্ব হইতেই বাংলার এই পদ্যভাষা নিখিল বাংলার ভাষাগত মূলরূপগুলিকে আশ্রয় করিয়া দৃঢ়তা উঠিতেছিল, হুসেন সাহের পর তাহার ভিত্তি পাকা হইয়া আসিল। রোসাদেবের রাজসভায় দৌলত কাজী লোর-চন্দ্রাণীর প্রণয়গাথা ‘গোহারি’ ভাষায় গাহিলে কেহ বুঝিতে পারে না, তাই আদেশ হইল—

“দেশী ভাষে কহ তাকে পাকালীর চন্দ।

সকলে শুনিআ যেন বুঝএ মানন্দ।”

সেই ‘দেশী ভাষা’ খাটি গৌড় ভাষা, রোসাদেবের উপভাষা নয়।

বোকা যায়, উনবিংশ শতাব্দীর পূর্বেও লিখিত বাংলা ভাষার একসাধনের পথে উপভাষা একটা গুরুতর প্রতি-বন্ধক হইয়া দাঁড়ায় নাই। ইহার কারণ বোধ হয় এই যে, রাষ্ট্রশক্তি যদিও বাঙালীর জাতীয় জীবনের ঐক্য সাধন করিতে চেষ্টা করে নাই, তথাপি বিজেতা মুসলমান-গণের মধ্যে গৌড়ের ভাষা বাংলার রাষ্ট্রকেন্দ্রের ভাষা

বলিয়া সহজবোধ্য ও সাদরে গৃহীত হইয়াছিল। হুসেন সাহের রাজসভা তাহার প্রমাণ। আবার হুসেন সাহের দৃষ্টান্তে অনুপ্রাণিত হইয়া তাঁহার অনুচরগণও ঐ ভাষায় রচনায় উৎসাহ দিতেন। এদিকে উচ্চবর্ণের হিন্দু, ষাঁহার সাহিত্য সৃষ্টি করিতেন তাঁহার, বিশেষত ব্রাহ্মণগণ, প্রায় সকলেই রাঢ়ভূমিকে মাতৃভূমি বলিয়া জানিতেন, এবং যত না পূর্বাঞ্চলে বসবাস করুন, অন্তত লিখিবার কালে যথাসাধ্য রাঢ়ীয় ভাষা ব্যবহার করিতেন। তাহা ছাড়া একটি বিশিষ্ট সংস্কৃতির স্বয়ে বাঙালী জাতি চিরদিন পরস্পর আত্মীয়তা বোধ করিয়াছে, আর সেই সংস্কৃতির দ্বারা বেখানে উৎসারিত হইয়াছিল, মধ্য রাতের ভাগীরথী তীরবর্তী সেই স্থানটুকুর মাহাত্ম্য ও নেতৃত্ব মানিতে কোনও প্রত্যন্তবাসী বাঙালীর কোনও দিন বিম্বা হয় নাই। তাই শ্রীষ্টবাসী জগন্নাথ মিশ্রের পুত্র বাঙ্গালদের উচ্চারণ হইয়া পরিহাস করিতে সক্ষম বোধ করেন নাই। আর তাহার পরে? দূর-দূরান্ত সীমায় নদীয়ার চাঁদের নীলারশ্মি যখন অতৃপ্ত বঙ্গবাসী চকোরের মত পান চরিত্রেজিন, তখন নদীয়াব অমিয়মাথা ভাষা সর্বত্র পরিব্যাপ্ত হইয়া পড়িল। আরও তিন শতাব্দী পরে এক নতুন সংস্কৃতি এই একামুখীন বাংলা ভাষাকে এই দিকে পাহায্য করিতে অগ্রসর হইল। তাহার আসনও ভাগীরথীর তীরে প্রতিষ্ঠিত হওয়ায় বাংলা ভাষার প্রাচীন গতি বাধাপ্রাপ্ত হইল না, বরং বলশালী হইল। যখন করিয়া ইংরাজের ইম্পাতমণ্ডিত শাসনপদ্ধতি যমু দেশকে একই শৃঙ্খলার শৃঙ্খলে নিয়ন্ত্রিত করিয়া তাহার একাসাধন করিয়াছে, তেমনি ফোর্ট উইলিয়মের মুদ্রিত পুস্তকের প্রচলনে ও নতুন শিক্ষার প্রসারে বাংলা উপভাষাগুলি একটি মাত্র ভাষার বন্ধনে আবদ্ধ হইয়া আজিকার 'বাংলা ভাষায়' একা লাভ করিতে গিয়াছে। কিন্তু সেই একা আজিও সম্পূর্ণ হয় নাই।

বর্তমান মুহূর্তেও বাঙলা ভাষা ঠিক জাতীয় ভাষা হইয়াছে, একথা বলা যায় না। কেন্দ্রীভূত ও একীভূত বাংলাভাষা আজও কৃত্রিম ভাষা। উহার প্রয়োগ আজও তত্বেই আবদ্ধ। সমগ্র বাঙালী জাতির চিন্তার ও

ভাববিনিয়মের ভাষা এ যুগেও একীভূত হয় নাই। কবে হইবে তাহাও স্থনিশ্চিত বলিবার উপায় নাই।

ভাষার একীকরণের দুইটি উপায় আছে। এক, তাহার বিচ্ছিন্নস্বত্ব উপভাষাগুলির উপর সংস্কৃতির মত একটা অর্ধকৃত্রিম 'সিন্থেটিক' ভাষা চাপাইয়া দেওয়া; অপর, ষ্ট্যান্ডার্ড হইবার যোগ্যতা অথবা শক্তি রাপে একটা উপভাষার সাহায্যে অল্প সকল উপভাষাকে পরাভূত করা। উনবিংশ শতাব্দীর বাংলা বড় বেশী সংস্কৃতির দৃষ্টান্ত অনুসরণ করিতেছিল। বাংলা ভাষার পক্ষে তাহা খুব মঙ্গলজনক হইত না। সৌভাগ্যক্রমে এযুগের সামাজিক ও অর্থনৈতিক বিপ্লবের কালে সে মোড়টা ঘুরিতে বসিয়াছে। সমগ্র বাংলাদেশের মুখ আজ কলিকাতার দিকে; তাহার ভদ্রভাষা সমগ্র বাংলা দেশের ভদ্রভাষা বলিয়া গৃহীত হইতেছে। মুদ্রিত পুস্তকের প্রচারে সেই ভাষার রূপ প্রায় স্থনির্ধারিত হইয়া আসিতেছে; (কথা ও লিখিতভাষার প্রভেদ ভুলিবার নয়; কিন্তু তাহাকে 'বেশী' বড় করিয়া লাভ নাই। এই প্রভেদ প্রধানত ক্রিয়াপদের রূপ লইয়া।) একই রূপ শিক্ষা সমগ্র বাংলা দেশে প্রসারিত হওয়ায় ভাষার এই কেন্দ্রমুখীনতা দিনে দিনে বাড়িতেছে। তাহা ছাড়া, একই শাসনপদ্ধতি ও এই যুগের যানবাহনাদি-বহুল সভ্যতা বাংলা দেশের মনের একাবোপকে স্বদৃঢ় করিতে চেষ্টা করিয়া বাংলা ভাষার একাকেও দৃঢ়তর করিতে চাহিতেছে। এইগুলি কেন্দ্রমুখীন শক্তি; কিন্তু বাংলা ভাষার জীবনে আবার কতকগুলি বিপরীত শক্তিও জটিয়াছে, কথা, লিখিত ও কথা ভাষার দ্বন্দ্ব, উপভাষা মুসলমানী বাংলা, হিন্দুস্থানী ও ইংরেজীর আক্রমণ। তাহাদেরও গণনা করা উচিত।

একো বাধা

ভাগিরথীতীরের কথা ভাষার প্রসার সর্বত্র বাড়িতেছে। কিন্তু এই ভাষার ভিতর এমন একটা দুর্বলতা আছে, তাহার জন্ত উহা সাহিত্যক্ষেত্রে বাংলা লিখিত ভাষার স্থান সম্পূর্ণরূপে অধিকার

করিতে পারে নাই। লিখিত ভাষা দীরগতি ও গম্ভীর, কথাভাষা চপল ও নৃত্যপর; ছু'এরই সময় বিশেষে প্রয়োজন আছে, অথচ, এ দুই কিছুতেই এক হইতে পারিতেছে না—যদিও ইহারা খুব নিকট আত্মীয়।

অগা অগা ভাষায়া উপভাষাগুলি নিস্তেজ হইয়া পড়িতেছে। বোধ হয় কোনও দিন সাহিত্যের ভাষা হওয়ার গৌরব ইহারা দাবী করিবে না। কিন্তু অঞ্চল বিশেষের উপভাষা এখনও বেশ জীবন্ত, বাংলা ভাষার উপরে বহু শব্দ ও বাক্যভঙ্গী চাপাইতে সচেষ্ট। তাহা ছাড়া, সেই সকল অঞ্চলের কথা ভাষা হিসাবে ইহাদের জীবনীশক্তি এখনও কিছুমাত্র ক্ষীণ হয় নাই। ভাগিরথীতীরের কথাভাষা ইহাদের ভিত্তিকে যতটুকু নাড়া দিতে পারিয়াছে, তাহাতে পূর্ববঙ্গের উপভাষা-গুলির যে ক্ষতি হইয়াছে, তাহার অপেক্ষা অনেক বেশী ক্ষতি হইতে চলিয়াছে উহার নিজেই। বাঙ্গাল দেশ জয় করিতে গিয়া পশ্চিম বঙ্গের বাংলা তাহার নিজস্বতা হারায়ে বসিয়াছে। ভবিষ্যতেও উহার প্রকার যতই বাড়িবে, ততই উহার উপর উপভাষার প্রভাব বেশী হইবে। বাঙ্গাল শব্দ ও ইড়িয়ম, উচ্চারণ-ভঙ্গী ও স্বর হয়ত বাংলা ভাষাকে বিশেষ করিয়া পরিবর্তিত করিতে চাহিবে। এই পরিবর্তন কতদূর পর্যন্ত যাইবে আজ তাহা বলা সম্ভব না হইলেও ভবিষ্যতের একীভূত কথা বাংলা ভাষা যে পশ্চিমবঙ্গের আজিকার ষ্টাণ্ডার্ড কথা বাংলা ভাষা হইবে না, তাহা প্রায় অনিশ্চিত।

বর্তমান বাংলা ভাষার অভিধানের শব্দ বিচার করিয়া অধ্যাপক শ্রীযুক্ত সুনীতি কুমার চট্টোপাধ্যায় মহাশয় স্থির করিয়াছেন যে, বাংলা ভাষার শতকরা ৪৪টি শব্দ খাতি সংস্কৃত [তৎসম], ৫১'৪৫টি শব্দ সংস্কৃতজ (তৎভব বা দেশী) শব্দ, ৩'৩০টি শব্দ আরবী-ফারসী ও মাত্র ১'২৫টি শব্দ বিলাতী ইউরোপীয়। কিন্তু বাংলা দেশে এমন একটি সম্প্রদায় আছেন যাহারা প্রতিকাজে নিজেদের সংখ্যা-পাতে বা কোনও বিশেষ ব্যবস্থার বলে ক্ষমতা আয়ত্তের পক্ষপাতী। তাহাদের এই মনোভাব বেশী দিনের নহে, ইহার যৌক্তিকতা বা অযৌক্তিকতা বিচার করিয়াও এই ক্ষেত্রে লাভ নাই। কিন্তু, এই মনোভাবকে ভুলিলে

চলিবে না, ইহার দিকে চোখ রাখিয়াই ইহার কলাকল গণনা করিতে হইবে।

পাঁচশত বৎসর ধরিয়া ক্রমোন্নতির ফলে বাংলা ভাষা আজ যে মূর্তি পাইয়াছে, বাঙালী মুসলমান এই পাঁচ শত বৎসর তাহার গঠনে সহায়তা করিয়া আসিয়াছেন। তখনও তাহারা মনে-প্রাণে বাঙালীত্বকে বড় বলিয়া জানিতেন, তাই আরবীয় রূপদেহ বা আরবী-ফারসী শব্দের প্রতি ভক্তির আড়ম্বর দেখাইবার জ্ঞাত ব্যস্ত হন নাই। তাই কবি আলওয়াল সংস্কৃতের ভাণ্ডার উজাড় করিতে ছাড়েন নাই, দৌলত কাজীও সংস্কৃতজ শব্দের সঙ্গে “তরকে মাওলাত” করিতে চাহেন নাই। বিষয়ভেদে কোনও কোনও হিন্দু ও মুসলমান লেখক ফারসী-আরবীর বেশী করিয়া শরণ লইয়া নিজেদের স্ববুদ্ধিরই পরিচয় দিয়াছেন। হতোম পেচার নক্সার ফারসী শব্দ সংখ্যায় আনুমানিক শতকরা ৭'১, অভিধানের অল্পপাত মত হওয়া উচিত ছিল ৩'১। কিন্তু এ যুগে বাঙালী মুসলমান তাহার পাস্টেটজ-কমা মনোভাবের বশে কতকটা অগুরুপ ভাবিতে চেষ্টা করিতেছেন। যে-সব শব্দ বাংলা ভাষায় কায়েমী হইয়াছে, শুধু তাহাদের ব্যবহারেই তাহারা আর তৃপ্ত নহেন। মনে হয়, বাংলা ভাষায় শতকরা পঞ্চাশটি আরবী-ফারসী শব্দ প্রবেশ না করাইলে তাহাদের সম্প্রদায়গত গৌরববোধ ক্ষয় হইবে। অথচ এ নিতান্তই অশুভবুদ্ধি। বাঙালী মুসলমান সর্বক্ষেত্রে বাঙালী, বাংলা ভাষাও সর্বক্ষেত্রে বাংলা। ইহার বিনিয়াদ সংস্কৃত আখ্য ভাষার উপর, তাহা নষ্ট করিবার উপায় নাই—গ্রামলা বাংলা দেশ কিছুতেই আরবের বালুকা-পাথুর মরুভূমি হইবে না। এই গঙ্গামাটিতেই বাংলা ভাষার গাঁথুনি গাথা হইয়াছে, তাহাতে আরবের বালু ছড়াইয়া লাভ কি? এই গাঁথুনির গায়ে আরবী-ফারসীর নকশা কাটা চলিতে পারে এবং চলুক, ইহাতে কোনও বাঙালীর আপত্তি নাই। তাহার বেশী কিছু সম্ভব নয়। বাঙালী মুসলমান যদি উত্তর ভারতের মুসলমানের অহঙ্করণে স্বভাষাতে যদৃচ্ছা ফারসী শব্দ চালাইতে চাহেন, তাহা হইলে তাহাদের নিজেদের কণ্ঠ রুদ্ধ হইবে, তাহারা বাংলা উদ্ভূত সৃষ্টি করিতে পারিবেন না। বাংলা আমির হাম-জা বা জঙ্গনামার ভাষা অচল,

কিন্তু ময়মর্মসিংহ গীতিকার মুসলমানী গাথাগুলিও স্বচ্ছন্দ, প্রাণবান। অপর পক্ষে চিরদিন যাহারা বাংলা ভাষার সেবা করিয়া আসিয়াছে, তাহারাও পঞ্চান জনের আকস্মিক জ্বরদন্তিতে হটিয়া যাইবে, ইহাও মনে হয় না। তবে সেই পঞ্চান জনের চিন্তা ও জীবন-যাত্রার সহিত সম্পর্কিত আরও কিছু কিছু কথা বাংলা কথাকে গ্রহণ করিতে হইবে—অনেক সংস্কৃত জ্বরদন্তির বদলে। কিন্তু জাতির শতকরা পঞ্চান জন যদি আরবী-কারসীতে বাংলা ভাষাকে প্রসিদ্ধি ক্রিতে দৃঢ়প্রতিজ্ঞ হন, তাহা হইলে বাংলা ভাষার এই বর্তমান একা টিকিবে না।

মুসলমানী বাংলার উপদ্রব অনেকাংশে গত শতাব্দীর পণ্ডিতী গোড়ামির পাট্টা জবাব। ছএরই মতো সত্যাংশ কম। ইহার একটি প্রমাণ এই যে, মুসলমানী বাংলার অনেক শব্দ মোটেই মুসলমানী নয়, উহা হিন্দুস্থানী, যে হিন্দুস্থানী আযাভাষার বংশধর। ইহাতে মুসলমানী বাংলার ফাঁকি ছাড়া অল্প একটি বড় লক্ষণের প্রমাণ পাওয়া যায়—বাংলা ভাষার উপর হিন্দুস্থানীর ক্রম-বর্ধমান প্রভাবের।

ইতিহাসে হিন্দুস্থানী ভাষার স্থান ভারতীয় ভাষার শীর্ষদেশে। উহা যে-অঞ্চলের ভাষার বনিয়াদ লইয়া গঠিত সেই দিল্লী মথুরা অঞ্চলের ভাষাই শৌরসেনী প্রাকৃত, শৌরসেনী অপভ্রংশ প্রভৃতি নামে যুগেযুগে সমস্ত মাধ্যমবস্তুর ভিত্তিভাষা ও পরস্পর আদান-প্রদানের ভাষা বলিয়া স্বীকৃত হইয়াছে। মধ্যযুগে রাজপুত রাজগোষ্ঠি যখন বিভিন্ন অঞ্চলে আপনাদের প্রতিষ্ঠিত করিলেন, তাহাদের প্রাচীন হিন্দুস্থানীও সেই সব অঞ্চলে স্তম্ভাতিষ্ঠিত হইল। বাংলা ভাষার উপর ইহার প্রভাব চিরদিনকার, অক্ষয় হইতে স্পষ্ট। কিন্তু বর্তমান যুগে সেই প্রভাব ভয়ঙ্কর রূপে বাড়িতেছে। বিহার প্রদেশ হিন্দুস্থানীর নিকট স্বেচ্ছায় মাথা লুটাইয়া দেওয়ায় হিন্দুস্থানী একেবারে বাংলা দেশের বৃকের উপর আসিয়া পড়িয়াছে। হিন্দী-ভাষী সহরের মধ্যে কলিকাতার স্থান আজ অগ্রা। পথেঘাটে সর্বত্র ভাড়াহিন্দুস্থানীর সহায়তা আমরা লইতেছি। ইহার কারণ হিন্দুস্থানীদের জীবিকাশেষে উদ্যম। মুটে, মজুর, ব্যবসায়ী হিসাবে

তাহারা কলিকাতাকে অতি সহজেই জয় করিয়াছে; চাষা এবং মজুর হিসাবেও তাহারা কলিকাতার বাহিরে ছড়াইয়া পড়িতেছে। কাজেই তাহাদের ভাষাই কাজের ভাষা হইয়া উঠিতেছে। ইহা ছাড়া এই যুগে আবার ভারতীয় ঐক্যবোধের ভিত্তি হিসাবে আমরা রাষ্ট্রভাষা চাহিতেছি। হয়ত হিন্দী ভাষা আমাদের এই অভাব পূরণ করিতে পারে। মহাত্মা গান্ধীর আশুকল্যে তাই হিন্দুস্থানীর প্রচার বাড়িতেছে। হিন্দীভাষীরাও অপরিসীম উদ্যম ও প্রচারকের নিষ্ঠার পরিচয় দিতেছেন। বাহিরের সকল কাজে বাংলা দেশে হিন্দুস্থানীর প্রতিপত্তি বাড়িতেছে। বাংলা ভাষা যে হিন্দুস্থানী ভাষার আক্রমণকে বিনা ক্ষতিতে নিবারণ করিতে পারিবে এইরূপ মনে হয় না।

কিন্তু স্বয়ং হিন্দীভাষাও তত স্বদৃঢ় ও অনড় হইয়া নাই। এক বৃহত্তর বিপ্লবে হিন্দীও রূপ বদলাইতেছে এবং বাংলা ভাষার গতি এবং মূর্তিও অভাবনীয় রূপে পরিবর্তিত হইতেছে। ইংরেজী ভাষার আক্রমণে বাংলা ভাষার একা অটুট থাকিলেও মনে হয় 'বাংলা' ভাষা আর এক নব কলেবর ধারণ করিবে।

যে-সব ইয়ুরোপীয় শব্দ বাঙালীরা স্বীকার করিয়াছে তাহাদের সংখ্যা অভিধান মতে প্রায় ১ হাজার, অর্থাৎ বাংলা শব্দের মধ্যে ইহার শতকরা প্রায় ১-২৫টি। কিন্তু যে কোনও বাংলা লেখার উপর আজ চোখে বুলাইলেই তাহার বাংলা হরফের মধ্যে রোমান হরফের দুই একটি খেতচন্দন টীকা চোখে পড়িবে। এগুলি যেন বাংলা ভাষার জগতে আই-সি-এস—ইহাদের মনে মনে দৃঢ় বিশ্বাস আছে যে তাহারই রচনাধিকারী ষ্টীল ফ্রেম।

ইহা ছাড়াও বাংলা গ্রন্থে দৃষ্টিপাত করিলেই বাংলা বর্ণমালায় পরিচ্ছদ-পরিহিত অনেক বিদেশী শব্দ চোখে পড়িবে। ইহার যেন সালভেশন আর্মির প্রচারণক, নিজেদের মিশন ও নিজেদের অভিজাত্য হিচেনডমের সেবায় ছাড়িতে রাজী নহে। ইহার অধিকাংশ শব্দই বাঙালীরা স্বীকার করে নাই, ছ-চার পুরুষ পরেও করিবে কিনা ঠিক নাই। এই দুই দলভুক্ত প্রবর্তি বিদেশী শব্দ ও শব্দসমূহ ছাড়াও আমাদের লেখক

আমরা অনেক বাংলা শব্দ ব্যবহার করি যেগুলি মূলত বাংলা নয়, বাংলায় ইংরেজির অনুবাদ মাত্র। ইহাদিগকে প্রচুর বিদেশী শব্দ বলা যাইতে পারে। টাই-কলার পরা বাঙালী সাহেবের মত এই পথ্যায়ের কোনও কোনও শব্দ মনে-প্রাণে বাংলা ভাষার ধর্ম খোঁয়াইয়াছে, কিন্তু কোন কোনটি আবার খাঁটি বাংলা নাগরিক হইয়াছে। ইংরেজী শিক্ষার ক্ষুরে যিনি মাথা মূড়ান নাই তিনি ‘বিশ্ববিদ্যালয়’ বলিতে কোনও বিচ্ছালয়ই বুঝিবেন না। সাধারণ লোকে ইউনিভার্সিটি বলিলেও হয়ত বুঝিতে পারে, কিন্তু যাহার ওই শব্দটি জ্ঞান নাই, তিনি উহার ভাষান্তরিত শব্দটিকেও চিনিবেন না। অথচ, বিশ্ববিদ্যালয় বাংলা ভাষায় পাকা হইয়াছে। ইহার মত সুপ্রচলিত হইতে অধিকাংশ প্রচুর বিদেশী শব্দের অনেক দেরী হইবে। উনবিংশ শতাব্দীর কোনও বাঙালী যদি তাহার চিতাশয্যা ছাড়িয়া আজ উঠিয়া আসেন, তবে তিনি অনেক বাংলা কথাই অর্থগ্রহণ করিতে পারিবেন না। ইহার এক কারণ এই যে, ইতিমধ্যে এক মহাবিপ্লব ঘটয়া গিয়াছে, জাতির জীবনে, রূপে, মনে, ভাবে, ভাষায়। কাজেই রিপ্-ভ্যান্ উইকলের মত তাহার বিষয়ে বিমূঢ় হইবার সম্ভাবনা। মনে রাখিতে হইবে যে, আমরা লেখায় যেমন ছুঁৎমার্গী, কথায় তেমন উদার, কস্মপলিটান। লেখায় আমরা যতদূর সম্ভব বিলাতীভঞ্জন করি, কিন্তু কথায় আমরা অস্তুত তাহার দশগুণ বিলাতী শব্দ ব্যবহার করিয়া শোধ তুলি। ইহা প্রায় আমাদের মজ্জাগত হইয়া উঠিয়াছে। আজ অনেক খাঁটি বাংলার ভাবকেও আমাদের ইংরেজী পোষাক পরাইয়া প্রকাশ করিতে হয়। ‘টেকো’ অপেক্ষা ‘তকলি’ ইংরেজী সংবাদ-পত্রের দৌলতে আজ বেশী প্রচলিত, ‘একঘরে’ অপেক্ষা ‘বয়কট’, ‘এন্না দেওয়া’র অপেক্ষা ‘পিকেটিং করা’ আমাদের মনোপূত। অপর পক্ষে যাহাদের ভাষান্তরিত করিয়াছি, এমন অনেক বাংলা শব্দের অপেক্ষা মূল ইংরেজী প্রতিশব্দ আমাদের সহজবোধ্য, এবং মনে মনে উজ্জ্বল না করিয়া বাংলা শব্দটি শুনিবামাত্র আমরা তাহার অর্থগ্রহণ করিতে পারি না। যে অভিধানখানা বাঙালী সমাজের একটি আদরণীয় জিনিষ হইবে বলিয়া

আশা করা যায়, সেই ‘চলন্তিকার’ যে-কোনও একটি পাতায় চোখ বুলাইলেই ইহার প্রমাণ পাওয়া যাইবে। পাতা উন্টাইতেই ১২৪ পৃষ্ঠা খুলিয়া গিয়াছে, ইহাতে নিম্নোক্ত বাংলা শব্দগুলিকে যথাক্রমে পরবর্তী ইংরেজী শব্দের সহায়ে এইরূপে ব্যাখ্যা করা হইয়াছে! ‘জনপ্রিয়—popular’, ‘জনসাধারণ—the public’, ‘জন্ম—birth’, ‘জন্মগত—innate, congenital’, ‘জন্মদিন—birthday’, লক্ষ্য করিবার বিষয় এই যে, সত্যসত্যই ইংরেজী প্রতিশব্দগুলির সঙ্গে আমরা বেশী পরিচিত। বাংলা ভাষার এই ঝোঁক এত প্রবল হইয়া উঠিয়াছে যে, আজ লবণকে শুধু নুন বলিলেই চলে না, অভিধানকার ‘salt’ বলিয়াও তাহার পরিচয় দিতে বাধ্য হন (চলন্তিকা—পৃঃ ৪৮২)!

তথাপি এই কথা ঠিক যে, ভাষান্তরিত শব্দ, শব্দ-সৃষ্টি, বা ইভিয়ম-গুলি বাংলা ভাষার শ্রীবুদ্ধির সহায়তা করিতেছে। কোনও কোনওটি খাঁটি বাংলা হইতে পারে নাই বলিয়া নির্দিষ্টারে ইংরেজী শব্দগুলিকে নানিয়া লওয়া খুব স্বস্থ অবস্থার পরিচায়ক নয়, ইহাতে বাংলা ভাষাভাষীর মানসিক আনন্দের প্রশ্রয় দেওয়া হইবে এবং ভাষাও জড়তা-প্রাপ্ত হইবে। বাংলা ভাষা প্রতিদিন নব-নব বস্তু ও ভাবের সংস্পর্শে আসিবেই, সেই বস্তু ও ভাবকে প্রকাশ করিবার জন্ত যতটা সে নিজে প্রয়াস করে ততই তাহার পক্ষে আশার কথা। এই কারণেই ‘কাল্‌চার’ অর্থে আমরা ‘সংস্কৃতি’র মত অদ্ভুত শব্দকেও বরণ করিয়া লইয়াছি।

বাংলা ভাষার এই প্রয়াস দুই পথে অগ্রসর হইতে পারে—আত্মসম্প্রসারণ ও আত্মসাতের পথ।

আত্মসম্প্রসারণের উপায়—সংস্কৃতির ভাণ্ডার হইতে সংস্কৃত ও সংস্কৃতজ উপসর্গের বা দু-একটি প্রত্যয়ের যোগে, কিম্বা নিজের দেশীয় দু-একটি উপসর্গ প্রত্যয়ের দ্বারা নূতন শব্দ চয়ন করা। সামান্তরূপে ফারসী শব্দ ও ফারসী উপসর্গাদির দ্বারাও মাঝে মাঝে কাজ চলে। ইহা ছাড়া সমান একটি প্রধান যন্ত্র। কিন্তু নামধাতু বাংলায় প্রায় অচল। ইংরেজীর মত বিশেষ্যকে বিশেষণ বা ধাতুতে, উপসর্গকে ধাতুতে বা

প্রত্যয়-যোগে বিশেষণে পরিণত করার শক্তি বাংলা ভাষা কল্পনা করিতে পারে না। বাংলা এক মাত্রার শব্দেরও ইংরেজীর মত জোর নাই। বাংলা ভাষা শব্দ-সঙ্কোচও করিতে পারে না (যথা, ইংরেজীর *few*, *last*, *many* প্রভৃতি); আবার বহু শব্দকে এক সংক্ষেপ সাঙ্কেতিক শব্দেও পরিণত করিতে পারে না (যথা ইংরেজীর ‘ডোর’)।

বিদেশী বস্তুকে আয়ত্ত্বসাৎ করা বাংলা ভাষার পক্ষে সহজ নয়। বাংলা ভাষা সংস্কৃতের সন্তান হওয়াতে বড়ই ছুঁৎমাগী, উহা প্রোসেলিটাইজিং ভাষা নয়, তাই স্বেচ্ছ শব্দ তাহার উপর চাপিয়া বসে। উহা ঠিক হিন্দুসমাজের মত, এতটা দৃঢ়তা নাই যে বাহিরের বস্তুকে ঠেকাইয়া রাখিবে, এতটা নমনীয়তাও নাই যে বাহিরকে নিজের করিয়া লইবে। তাই বাংলা ভাষা লাক্ষিত হয়, পরিপুষ্ট হয় না। এইখানেই পৃথিবীর বড় বড় জীবন্ত ভাষার সঙ্গে তাহার প্রভেদ। তাহার নিজের ঘরে নিজের জাতিবন্দন লইয়া থাকিতে পারিলেই যেন সে নিঃশ্বাস ফেলিয়া বাচে। কিন্তু এযুগে এমন করিয়া বাচিয়া থাকিবার উপায়ও তাহার আর নাই।

বাংলা ভাষার সার্থকতা

বাংলাভাষার গাঁথুনির দিকটা দেখা গেল; এইবার তাহার সার্থকতার দিকটি বিশ্লেষণ করা বাইতে পারে। বাংলা ভাষার সার্থকতা বাঙালী জাতির জীবন-যাত্রাকে অগুণ্ণভাবে প্রকাশ করার মধ্যে। বাংলা ভাষা কি পরিমাণে বাঙালীর কাজকর্মের, ব্যবসা-বাণিজ্যের, জীবন-যাত্রার, মনের চিন্তার, প্রাণের অনুভূতির ও আত্মার ঐশ্ব্যের বাহন হইয়াছে, বাঙালীর ভাবী জাতীয় জীবনের দাবী বা এই ভাষা কি পরিমাণে মিটাইতে পারিবে,— তাহার উপর বাংলা ভাষার ভবিষ্যৎ নির্ভর করিবে।

সংখ্যার দিক দিয়া দেখিলে বাংলা পৃথিবীর সপ্তম বা অষ্টম ভাষা;—ইংরেজী, উত্তর চীনা, রুষ, জার্মান, স্পেনীয় ও জাপানীর নিয়ে, এবং ফরাসী, ইতালীয় প্রভৃতির উল্লে বাংলা স্থান। ৪ কোটি ২০ লক্ষ লোকের ইহা মাতৃভাষা, ‘ঘরের ভাষা’;—ইহা কম উপযোগিতার কথা নয়। কিন্তু, ইহা কি এই ৪ কোটি ২০ লক্ষ

লোকের সকল কাজের ভাষা হইবার উপযোগী?—বড় হইতে হইলে ইহাকে তাহাই হইতে হইবে।

ঊনবিংশ শতাব্দীর পূর্ব পর্যন্ত বাংলা দেশের জীবন দূর পল্লীগ্রামের বাশবনের আড়ালে, ছায়াবটের তলায়, নদীর তীরে, আন্দোলিত ধান ক্ষেতের মধ্যে শান্তিতে বহিয়া গিয়াছে। বাংলা ভাষা চণ্ডীমণ্ডপে বদ্ধিতা, রাজপ্রাসাদের আদরিণী নন, নগর-সভ্যতার লীলা-সহচরীও নন। তাই বাংলা ভাষার যাহা আসল পুঞ্জিপাটা তাহা একটি প্রাচীন পল্লীজীবনের বস্ত-আড়ম্বর-হীন ও চরিত্রহীন সংস্কৃতির পক্ষে বিশেষ উপযোগী। আজও বাংলার সেই নিজস্ব সহজ জীবন একেবারে লুপ্ত হয় নাই, বাংলা ভাষা তাহার একমাত্র বাহন। কিন্তু মনে রাখা উচিত, বাঙালীর এই সহজ সরল জীবনের উপর যত্ন-ছায়া ঘনাইয়া আসিতেছে। বাংলা ভাষা যদি এই ঘর-ভাঙার দিনেও সেই ঘরকেই আশ্রয় করিয়া ধরোয়া ভাষা থাকিয়া বাইতে চায়, তবে বাংলা ভাষার অদৃষ্ট সুপ্রসন্ন নয়।

বাংলার বর্তমান জীবন খুব সচল নয়। ইহাতে সবে মাত্র উদ্ভিগমুখর পশ্চিম মহাসমুদ্রের ক্ষীণ তরঙ্গাঘাত আসিয়া লাগিতেছে, কিন্তু তাহাতেই বাংলার জীবনে অকল্পিত আলোড়ন আরম্ভ হইয়াছে। যুগ-সভ্যতার এই কেন্দ্রীয় বস্তুপুঞ্জ, ইহার নব-নব আবর্তিত ভাব ও স্বপ্ন বাংলার পূর্বতন জীবনের পক্ষে ধারণাতীত, বাংলার সরল ভাষায় প্রকাশের পক্ষেও সাধ্যাতীত। বাংলা ভাষা কি বাঙালী জীবনের এই প্রথম বিস্ময়, প্রথমে চেতনা, প্রথম জিজ্ঞাসাকেই সুস্পষ্ট করিয়া বাণী দিতে পারিতেছে?

বিংশ শতাব্দীর বাংলা দেশের ইতিহাসের যে একটি কথা বা একটি আইডিয়া সম্বন্ধে ভাবী কাল ভুল করিবে না—তাহা বাঙালীর জাতীয়তার উন্মেষ। সত্য বটে, আজও নিত্য নিকটের জিনিষ হওয়ায় উহার বেঁট মথ্যাচার, তাহা নিমেষে-নিমেষে আমাদের চোখে বড় হইয়া ঠেকিতেছে। কিন্তু একটু দূর হইতে দেখিলেই দেখিতে পাইব যে, বাঙালীর জীবনে ও সাধনায় যাহা কিছু সত্য, যাহা কিছু নিত্য, যাহা কিছু

স্থানকালানুসারে, লাভ-ক্ষতির হিসাবের উপরকার, এই জাতীয়তার অভিযানেই তাহা ক্ষতি লাভ করিয়াছে। এ শুধু রাষ্ট্রীয় আন্দোলন নয়, সমগ্র জাতীয় জীবনের মঙ্গলবোধন—কিন্তু বাংলা ভাষায় তাহার সাড়া পাওয়া যায় কি? একমাত্র স্বদেশীয়ুগের সাহিত্যে ও প্রাক-স্বদেশী সাহিত্যে এই বৃহৎ সত্য স্বীকৃত হইয়াছিল। তাহার পর হইতে সাহিত্য ‘সাহিত্যিক’ হইয়া উঠিয়াছে, ‘বিশ্ব’ ও ‘নিত্যকালের’ ধোঁয়া ছড়াইতেছে। এযুগের জাতীয় জীবনের সঙ্গে এ ভাষা ও সাহিত্যের সম্বন্ধ কোথায়?

সত্য বটে, সাময়িক সাহিত্যের—অর্থাৎ দৈনিক ও সাম্প্রতিক পত্রের পাতায় বাংলার ও ভারতের এই জাতীয় জাগরণের প্রতিধ্বনি বাজিতেছে,—এমন কি যতটা উগ্র তাহার অপেক্ষা বেশী চড়া সুরেই বাজিতেছে। কিন্তু যে-ভাষায় ইহা লিখিত তাহা কি বাংলা? সেখানেও ফাঁকি স্পষ্ট। ইংরেজী না জানিলে কি উহা বোধগম্য হয়? আর আজ কি আমরা আমাদের এই জীবনের ও প্রয়াসের কথা শুধুমাত্র বাংলা দৈনিক ও বাংলা সাময়িক পত্রের মাধ্যমে বলিয়া আমাদের উদ্দেশ্যসিদ্ধি করিতে পারি? বাংলা ভাষা কি বাংলার দৈনন্দিন জীবনের ঘটনাদুর্ভাগ্য বলিয়া উঠিতে পারিতেছে? এই জগৎই বোধ হয়, সত্য বাংলা দৈনিক-পত্র ছাড়িয়া বাঙালী এত ইংরেজী ভাষার জাতীয়-ভাবাপন্ন সংবাদপত্র কিনিতেছে। আসলে সংবাদ-সংগ্রহের দিক হইতেও বাংলা ভাষা যথেষ্ট নয়, জাতীয় ভাবপ্রচারের উদ্দেশ্যেও ইহাকে একমাত্র পুঞ্জি করা-চলে না।

অবশ্য ইহার একটা কারণ আছে। জাতীয় আন্দোলন একান্ত করিয়া বাঙালীরই জিনিষ নয়, উহা সমগ্র ভারতবাসীর সাধনা। বাঙালী যখন জাতীয়তার ভেদী নিনাদিত করিতে যায়, তখন সে সমগ্র ভারতের দিকে চাহিয়া সমগ্র ভারতকে আহ্বান করে। সেই আহ্বান-বাণী তাই বাংলায় হয় না,—ভবিষ্যতে হিন্দী হইবে কিনা জানি না, কিন্তু বর্তমানে এই ‘স্বদেশী’র বাহন বিদেশী ভাষা।

মানুষের কল্পজীবনের মূল কথা জীবিকা। বাঙালীর

জীবিকার ভাষা কি বাংলা? প্রাচীন পদ্ধতির ব্যবসা-পত্রে বাংলা ভাষার অধিকার এখনও অক্ষুণ্ণ আছে; কিন্তু ব্যবসা-বাণিজ্যের নতুন নতুন পথ প্রতিদিন খুলিতেছে, সেখানে বাংলা ঢুকিতে পায় না। টাইপ-রাইটার, শটহ্যাণ্ড-এর সহায়তানা পাইলে ব্যবসা-বাণিজ্যের ক্ষেত্রে বাংলা ভাষার পরাজয় অবগুস্তাবী। অথচ রাজ্য-বিস্তার ও ভাষা-বিস্তার অনেক সময়েই বণিক-শ্রেণীর দ্বারা সাধিত হয়। বাঙালী বণিকই বা কয়জন আছেন?

চিরদিনের ঘরোয়া কথা ছাড়া অল্প কথা বাংলা ভাষা কতটা কহিয়া উঠিতে পারে, তাহার পরীক্ষা এখনও হয় নাই। তবে বাংলা ভাষা যে চিন্তা-জগতের বা জ্ঞান-জগতের প্রবেশ-দ্বার খুলিয়া পাইতেছে না, তাহা স্পষ্ট। কথাটা বিশদ করিবার প্রয়োজন নাই। বাংলাভাষার ও বাংলা সাহিত্যের ইতিহাস রচনা যাহাদের সাধনা হইয়াছিল, অন্তত তাহাদের বাংলা-প্রীতিতে সন্দেহ করা চলে না। শ্রীযুক্ত দীনেশচন্দ্র সেন মহাশয় তাহার বঙ্গভাষা ও সাহিত্যের ইতিহাসের ইংরেজী অনুবাদ প্রকাশ করিতে বাধ্য হইয়াছেন; কিন্তু তাহার ইংরেজীতে রচিত বঙ্গভাষা ও সাহিত্য বিষয়ক প্রায় এক ডজন গ্রন্থের বাংলা অনুবাদ প্রকাশ করিবার প্রয়োজনও হয় নাই। অধ্যাপক সুনীতিকুমার চট্টোপাধ্যায় মহাশয় “Origin and Development of Bengali Language” নামক বাংলা ভাষার স্ববৃহৎ পাণ্ডিত্যপূর্ণ ইতিহাস প্রণয়ন করিয়াছেন। ‘বাংলাভাষা ও বাঙালী জাতির গোড়ার কথা’ নামক একটি বড় বাংলা প্রবন্ধে (সবুজপত্র, ভাদ্র, আশ্বিন, ১৩৩৩) তিনি বাংলাভাষায় উহার সারকথা পূর্ণাঙ্গ লিপিবদ্ধ করিয়াছেন, ‘বাংলা ভাষার ও বাংলা সাহিত্যের কথা’ নামক একটি ক্ষুদ্র প্রবন্ধে সম্প্রতি ছাত্র-সাধারণের জগৎ উহার সারমর্ম পুনঃ-বিবৃত করিয়াছেন। কিন্তু বাংলা ভাষায় বাংলা ভাষার ইতিহাস শুনিবার মত আগ্রহ কোথাও লক্ষিত হয় নাই। হয়ত এইরূপ গ্রন্থ বিশেষজ্ঞদের উদ্দেশ্যে লিখিত হয়; কিন্তু বাঙালী কি নিজ ভাষা সম্বন্ধেও সাধারণ জ্ঞানে তৃপ্ত রহিবে, বিশেষ জ্ঞান লাভ করিতে চাহিবে না?

অবশ্য ইহারও একটা কারণ আছে—শিক্ষিত বাঙালী মাঝেই ইংরেজী শিক্ষিত। চিন্তাপূর্ণ ও পাণ্ডিত্যপূর্ণ গ্রন্থ তাঁহাদেরই উদ্দেশ্যে রচনা করা স্বাভাবিক। কিন্তু, ইহাদের মনের দ্বারা আলোক পৌছায় ইংরেজী ভাষা। বাংলা ভাষা তাঁহাদের গৃহ-কন্দের ও ক্ষণিক চিত্তবিনোদনের সামগ্রী। তাই, বাংলা ভাষায় সৃষ্টিত বা জ্ঞানগর্ভ গ্রন্থের জন্ম দাবী নাই, তাহার পাঠকও নাই। যাহারা পাঠক হইতে পারিতেন, তাঁহাদের ইংরেজীতে উহা পাইলেও আপত্তি নাই।

বাংলা ভাষায় যে জ্ঞান-গভীর গ্রন্থ রচিত হইতেছে না, তাহার অন্য একটি কারণও আছে। পৃথিবীর তদীসমাজের মাতৃভাষা যাহাই হোক, স্বভাষা আছ ইংরেজী, কদাচিৎ ফরাসী বা জার্মান। যিনি সভ্য-সমাজকে কথা শুনাইবেন, তিনি ইংরেজী বা ঐ শ্রেণীর প্রধান ভাষার আশ্রয় লইবেনই। বাঙালী স্ত্রীও কহিবার মত কথা থাকিলে ইংরেজীতে কহেন। বাংলা ভাষায় সে কথা বলিতে হইলে তিনি তাহার দাঁত অনেকটা জল মিশাইয়া তত্বটি বাঙালী পাঠকের উপযুক্ত করিয়া দিতে ভুলেন না। বাঙালী পাঠকের প্রতিও তাহার যেমন শ্রদ্ধা নাই, বাংলা ভাষার প্রতিও তাহার তেমন শ্রদ্ধা অভাব। স্বর্গীয় রামেন্দ্রসুন্দর ত্রিবেদী মহাশয় ভিন্ন কোনও বাঙালী পৃথিবীকে শুনাইবার মত গবেষণা শুধুমাত্র বাংলা ভাষায় নিবদ্ধ রাখিয়া কি ভূপ হইতে পারিয়াছেন?

রামেন্দ্রসুন্দর মাতৃভাষার প্রতি শ্রদ্ধার ও নিজ প্রতিভার প্রতি আস্থার পরিচয় দিয়াছেন, কিন্তু তিনি বাংলা ভাষাকে জ্ঞানী, গবেষক, চিন্তাশীল বাঙালীর বিদ্যার বা বৃদ্ধির বাহন করিতে পারেন নাই, পারিবারিক কথাও নয়। আমাদের শিক্ষার বাহন যতদিন ইংরেজী থাকিবে, ততদিন আমাদের চিন্তার বা শিক্ষার খোরাক জোগাইবার জন্ম আমরা বাংলা ভাষাকে অবলম্বন করিব না। এই কারণেই এই ভাষার প্রাণে যে কতটা শক্তি আছে আজ পর্য্যন্ত তাহা যথেষ্ট রূপে যাচাই করিবারও স্বযোগ হয় নাই। বাংলা ভাষা শিক্ষার বাহন হইলে

এদিকে তাহার একটা পরীক্ষা হইত, এবং সে পরীক্ষায় ডাক পড়িলে এই সদা-সঙ্কচিতা ভাষা নিজের শক্তির পরিচয় দিবার জন্ম বন্ধ-পরিকর হইত। তখন বুঝা যাইত, বাহিরের কত ভাব ও বস্তুকে সে গ্রহণ করিতে পারে বা ঠেকাইতে পারে, নিজেকেই বা কতটা সে প্রসারিত করিতে পারে। কিন্তু বড় দেবী হইয়া যাইতেছে—ভাষা হিসাবে আমরা বৈমাতৃর হইয়া পড়িয়াছি, বিমাতার গৃহেই আমাদের শিক্ষা-দীক্ষা, এমন কি সেখানেই আমাদের স্বমাতৃ-সেবা ও স্বমাতৃ-পরিচয়ের ব্রত উদ্দ্যাপন করিতে হয়। বাংলার বিশ্ববিদ্যালয়ে বাংলা না জানিলেও ক্ষতি নাই, আর বাংলাভাষার উচ্চতম পরীক্ষায় উত্তীর্ণ হইতে হইলে বাংলাভাষায় রচনা করিবার মত শক্তিটুকুরও দরকার নাই। Stepmother's hall—এ যদি মাতৃভাষার ঠাই হইয়া থাকে, তবে সে second language রূপে,—ইহাতে বিন্দুমাত্রও গৌরবের বা ভরসার কারণ নাই। বাংলা ভাষা বাঙালীর জীবনেরও সর্বক্ষেত্রে দ্বিতীয় পথ্যায়ের ভাষা হইয়া আছে।

ইংরেজী ভাষার বাহন স্ব স্বজন করিবার সময় আসিয়াছে, কিন্তু তাহার উপর রাগ করিয়া লাভ নাই। বাংলা ভাষাকে চণ্ডীমণ্ডপের ও চতুষ্পাঠীর গণ্ডী হইতে ইংরেজী ভাষাই টানিয়া বাহির করিয়াছে। তাহা না হইলে, পৃথিবীর আলো-বাতাস বঞ্চিত বাংলা ভাষা পাঞ্চালীর ছন্দে অহুসার বিসর্গের টঙ্কার ও সমাসের শরশয্যায় চিরশয়ন লাভ করিত, বাংলা ভাষার ভবিষ্যৎ লইয়া জল্পনা-কল্পনা করিতে হইত না, কারণ, এ ভাষার বর্তমান বলিয়াও তেমন কিছু থাকিত না।

বাংলা সাহিত্য ও বাংলা ভাষা

বর্তমান বাংলা ভাষার একটা বড় গর্বের বস্তু আছে—তাহা বাংলা সাহিত্য। বাংলা ভাষার অতুরাগী একজন ইংরেজ অধ্যাপক বলিয়াছেন, “ব্রিটিশ সাম্রাজ্যে দুইটি মাত্র ভাষায় সাহিত্য সৃষ্টি হইয়াছে—একটি ইংরেজী, অপরটি বাংলা।”

যে ভাষায় সাহিত্য সৃষ্টি হইয়াছে সে ভাষা হেতু নানা কারণে পৃথিবীর অন্যতম অগ্রগণ্য ভাষা বলিয়া

পরিগণিত না হইতে পারে; কিন্তু সাহিত্যের মত সাহিত্য যদি সৃষ্টি হয়, তবে শত প্রতিকূল অবস্থার মধ্যেও তাহার একটি বিশিষ্ট স্থান থাকিবে। বুঝিতে হইবে তাহার অন্তরে অমৃতের বীজ নিহিত রহিয়াছে, তাহার মৃত্যু নাই; এই পৃথিবীর অমৃত-পিয়াসী অমৃত-সন্তানগণ যুগে যুগে তাহার সুধারস পান করিবার জন্ম তাহার উপলবধি পুড়িবে। তেমনিতির ভাষা গ্রীক, ল্যাটিন, সংস্কৃত। এই সব dead language মরিয়াও অমর।

সাহিত্য তাই খুবই বড় জিনিষ। বাংলা সাহিত্য সম্বন্ধে এই দাবী করিবার অধিকার আমাদের নাই, একজন সদাশর ইংরেজ অধ্যাপকের উদ্ধৃত উক্তিই আমরা যেন এই সত্য বিশ্বস্ত না হই। উক্ত অধ্যাপক মহাশয়ের ঐ মত মানিয়া লইলে মনে হয় যে, বাংলা ভাষার বৈভব তাহার একশত বৎসরের ইতিহাস লইয়া। কারণ, তৎপূর্ববর্তী বাংলা সাহিত্যে এমন কিছু নাই, যাহার তুলনায় তুলসীদাস, সুরদাস ও কবীরের হিন্দুস্থানী, বা অসংখ্য আলোয়াড়-সেবিত তামিল, নরসিংহ মেহতা ও বহু বহু ভক্তের গুজরাতী সাহিত্য একেবারে সাহিত্য নামের অযোগ্য হইয়া যায়। বাংলা ভাষার সম্পদ এই একশত বৎসরের সাহিত্য।

এক শত বৎসর জাতির জীবনে বা ভাষার জীবনে খুব দীর্ঘকাল নয়। কিন্তু গত একশত বৎসর পৃথিবীর জীবন্ত ভাষাগুলির জীবনে এক কল্যাণ সূচিত করিয়াছে। সেই তুলনায় এই একশত বৎসর পরেও বাংলা সাহিত্য নিতান্ত স্বল্প-পরিসর। যে বাংলা সাহিত্য লইয়া আমরা গর্ব করি ও গৌরব বোধ করি তাহার প্রবাহ সঙ্গীর্ণ ও অপরিসর—এতই অপরিসর যে নিতান্ত সন্দানী লোক না হইলে এই বিসপিত রজতরেখা কোনও বিদেশীর চোখে পড়িবার কথা নয়।

উনবিংশ শতাব্দীর মধ্যভাগে যে বাংলা সাহিত্যের পত্তন হয় তাহার ভাব উৎস ইংরেজী-সাহিত্যে উদ্ভূত বাঙালীর কল্যাণ-পুষ্টি। বাংলার যে সাহিত্য প্রক্ষেয় তাহা imaginative literature—কাব্য, বিশেষ করিয়া গুণ কবিতা, কথা-সাহিত্য ও কতকাংশে নাট্য-

সাহিত্য। প্রায় শত বৎসর হইতে চলিল, কিন্তু যে প্রতিভা নব-নব খাদ কাটিয়া বাংলা সাহিত্যের সেই প্রথম প্রবাহকে সুপরিসর করিয়া তুলিবার কথা, বাঙালী-জাতির মধ্যে তাহার আবির্ভাব সম্ভব হয় নাই। রস-সাহিত্যের বাহিরে বাংলা সাহিত্যে যাহা রচিত হয়, তাহাতে প্রাণরসের স্পর্শ নাই, তাহা অতি সামান্য ও নগণ্য।

দৃষ্টান্ত দেওয়া বোধ হয় নিষ্পয়োজন, কিন্তু সকলেই লক্ষ্য করিবেন যে, বাংলায় সত্যাকারের প্রবন্ধ-গ্রন্থ, আলোচনা, সমালোচনা, বাদ-প্রতিবাদ, জীবনী, জীবন-স্মৃতি, রোজনা-মুচা, চিঠি-পত্র, ভ্রমণ-কাহিনী, দেশ-বিদেশের পরিচয়-কথা, প্রাচীন ইতিহাস, সমসাময়িক ইতিহাস, ধর্মতত্ত্ব, পুরাণ, দর্শন, নীতিশাস্ত্র, মনোবিজ্ঞান, বিভিন্ন বিজ্ঞানের নব-নব জয়-লেখা, অর্থবিজ্ঞানের আলোচনা, শিল্প-জগতের উত্থান-পতনের সমস্যা, জীবন-যাত্রার পট-পরিবর্তন, আধুনিক চির-পরিবর্তমান রাষ্ট্র-নীতি, প্রাচীন ও আধুনিক চিত্রকলা, ভাষা ও স্থাপত্যের পরিচয়, শিশু-সাহিত্য, শিক্ষা-সাহিত্য, সঙ্গীত-সাহিত্য, সমর-বিদ্যার সাহিত্য,—সাহিত্যের এই সব শত শত বিভিন্নরূপের কোন নিদর্শনই মিলে না। অর্থাৎ, এই সব বিষয় আমরা যে নিতান্ত গৌণ মনে করি, তাহাও নয়। যিনি ইংরেজীভাষার প্রসাদে বঞ্চিত ও বাংলা সাহিত্যেই যাহার একমাত্র গোরা, তাহার প্রতি আমাদের অবজ্ঞা অপরিমীম। বাংলা সাহিত্য যে অবজ্ঞেয় আমাদের এই মনোভাবটুকি তাহার প্রমাণ নয়?

সাহিত্যের সহস্রধারী মন্দিরের কত ছয়ার যে আজও আমাদের নিকট রুদ্ধ রহিয়াছে তাহা বুঝিতে পারিতাম যদি ইংরেজীর চাবিকাঠি কেহ আমাদের হাত হইতে হঠাৎ ছিনাইয়া লইয়া যাইত। তাহা হইলে দেখিতাম আমাদের সাহিত্য-সরস্বতীর পাদপদ্ম মাসিকপত্রের যে পুষ্পদলের উপর স্থাপিত রহিয়াছে তাহাও শতদল নয়। বাংলা মাসিকপত্র আয়তনে অতিকায় হইয়াছে, কিন্তু তাহাদের সংখ্যায়, বিষয়-নির্বাচনে, বা ক্ষেত্রের পরিধিতে কোথাও ঐশ্বর্যের

পরিচয় নাই। অথচ, এই যুগের বাংলা সাহিত্যের ইহারা ই বাহন। মনে রাখা উচিত, মাসিকপত্র ইংরেজী সাহিত্যের বা ঐরূপ কোনও বড় সাহিত্যের প্রধান বাহন নয়, এবং ইংরেজী ও ঐরূপ প্রধান-প্রধান ভাষার মাসিকপত্রের জীবন প্রথমতঃ পাঠকের শ্রেণীভেদে ও দ্বিতীয়ত লেখার বিষয়ভেদে নিয়মিত হয়। বিশেষ বিদ্যার জ্ঞান বিশেষজ্ঞদের লেখা ও সাধারণ পাঠকের জ্ঞান সাধারণ ধরণে লেখা বহু-বহু মাসিকপত্র রহিয়াছে। বাংলা একেখানা মাসিকপত্রের সহায়ে আমরা ইংরেজীর অন্যান্য চারটি বিভিন্ন ধরণের মাসিকপত্রের কাজ চালাইতে চেষ্টা করিতেছি। অর্থাৎ আমাদের মাসিকপত্রের বিষয়-বৈচিত্র্য অনেকক্ষেত্রেই অনভিজ্ঞ ও অপটু লোকের রূপায়, ইহা economy of efforts নয়। তাই, ইহাতে বাংলা মাসিকপত্রের দৈন্যই চিত্রিত হইতেছে।

বাংলা সাপ্তাহিক পত্র ও দৈনিক পত্র দুইই প্রায় নগণ্য; অথচ বর্তমান যুগের সাহিত্য এই সংবাদপত্রের আশ্রয়েই বাড়িয়া উঠিবার কথা।

অবশ্য বর্তমান বাংলা সাহিত্যের এই সন্ধান স্রোতটুকু দেখিয়া হঠাৎ অবসন্ন হওয়া উচিত নয়। বাংলা সাহিত্য চিরদিনই বড় অপরিচয় পালে চলিয়াছে। প্রাচীন বাংলা-সাহিত্যের বিশেষজ্ঞ বলিতেছেন:—“প্রাচীন বাংলা সাহিত্যে একঘেয়ে ভাবটা বড়ই প্রবল। সেই এক ধামাঘণের শত শত বিভিন্ন অনুবাদ, সেই এক লাউ-সেনের কাহিনী লইয়া পুরুষাচ্ছক্রমে কবিদের একঘেয়ে ‘বাহুবল’, সেই নানা কবির হাতে চৌতিশা স্তোত্র ও বারমাস্তার একই ভাবে বর্ণনা।”

উনবিংশ শতাব্দীর বাংলা সাহিত্য নূতন প্রেরণাবলে নূতন আয়োজন লইয়া খাদ বদলাইয়াছে, কিন্তু নিজের স্বাভাবিক সঙ্কোচ ছাড়িতে পারে নাই। ইহার তুলনায় হিন্দী ভাষাও বেশী সাহসী। তাহার সৃষ্টিতে নিপুণতার অভাব প্রত্যক্ষ; কিন্তু খাল কাটিয়া হিন্দী ভাষা দিব্য-রাশি নিজেকে প্রসারিত করিবার প্রয়াস পাইতেছে। সৃষ্টিতে সে পরাজিত হইলেও সাহসে হার মানিতে চাহিতেছে না।

বাংলা সাহিত্যের একমাত্র আশ্রয় কল্পনা-সৃষ্ট সাহিত্য বা রস-সাহিত্য। কিন্তু মনে রাখা উচিত, রস-বিচারও বাংলা সাহিত্যে স্থলভ জিনিষ নয়। বাংলায় রস-বিচার মাসিকপত্রের পৃষ্ঠায় মাসেকের আয় লইয়া জন্মায়, মাসান্তে তাহার শ্রাদ্ধও শেষ হইয়া যায়; গ্রন্থাগারে নিত্যবস্তু হওয়ার স্পর্ধা বা দাবী এই সব গবন্ধ রাখে না।

রস-সৃষ্টিতেও বাঙালীর কল্পনা মাত্র তিনটি শ্রেণীতে আবদ্ধ—উহার বাহিরে উৎসারিত হয় না। হয় খণ্ড-কবিতা, নয় কথা-সাহিত্য, কদাচিৎ কথানাট্য,—ইহাই আধুনিক বাংলা সাহিত্যের স্বরূপ। ইহার মধ্যেও নাটকের কথা ছাড়িয়া দেওয়া উচিত, কারণ উৎকৃষ্ট বাংলা নাটক এখনও জন্মায় নাই। খণ্ড কবিতা এই ‘কাবিরোগের’ দেশে অসংখ্য, কিন্তু ভাগ্যক্রমে কেহ বড়-একটা পড়ে না। গল্প ও উপন্যাসের সম্বন্ধে ধারণা এই যে, অন্তত বাংলা দেশে ও-বস্তুর অভাব্য হইবে না। কিন্তু, ইহার মাসিকপত্রের সম্পাদকের চৃষ্টিস্তার হেতুর খোজ রাখেন, তাঁহারা বিলক্ষণ জানেন যে গল্পের পরগাছা ও উপন্যাসের আগাছার জ্ঞানও সম্পাদকের কত কাড়াকাড়ি।

অর্থাৎ বাংলা সাহিত্য শুধু বৈচিত্র্যহীন রস-সাহিত্য নয়, এ ঐক্যহীন রস-সাহিত্য। সকল রসের বিকাশও ইহাতে নাই। ইহার রসসৃষ্টিতে রসিকতারই স্থান নাই—ইংরেজীর ‘হিউমার’ বাংলার প্রাণধর্মের অগোচর, ফরাসীর ‘আয়রনি’ও বাংলা-সাহিত্যিকের অমার্জিত মনে ফুটিবার মত নয়। বাংলা সাহিত্যের আশ্রয় চোখের জল—আদিরসের, বীররসের বা করুণ রসের, যে কোনও রসেরই সমাবেশ-প্রয়াসে তাহার দ্যোতনা হোক না কেন। Pure spirit of comedy বা pure spirit of tragedy—দুইই বাঙালী সাহিত্যিক মনের স্বাভাবিক ধর্ম নয়।

কিন্তু পরিসরতাই একমাত্র কথা নয়। সঙ্কীর্ণতীরে বাধাকে মানিয়া লইয়াও জীবনে সার্থকতা লাভ সম্ভব হয় যদি জীবন-প্রবাহে গভীরতা থাকে। সৃষ্টিকর্ম রূপকর্মে উচ্ছ্বাসের প্রয়োজন নাই, আছে গভীরতার—

গভীর দৃষ্টির, গভীর ধ্যানের ও গভীর উপলব্ধির। বাংলা সাহিত্যে তাহাও নাই।

সাহিত্যিক সত্যের নিকষ-পাষণে সমসাময়িক বাংলা সাহিত্যের দাগ কষিলেই বোঝা যায় বাংলা সাহিত্যে কতটা বিষয়-বস্তুর গভীরতা, কতটা দৃষ্টির গভীরতা, কতটা বা ভাবানুভূতির গভীরতার অভাব। গোড়াতেই একটি কৌতুকাবহ ব্যাপার চোখে পড়ে—যে বাংলা দেশ বাংলা দেশ, বাংলা যে সমাজ সত্য-সত্য বাঙালী, বর্তমান বাংলা সাহিত্যে তাহাকেই খুঁজিয়া পাওয়া যায় না।

সাহিত্যে গভীরতার মত আর একটি ধর্মের প্রয়োজন আছে—লিপিকুশলতা, অর্থাৎ, বা যাহা নিছক রূপকর্মের দিক। এ ধর্ম মাতৃষের শিক্ষা, সাধনা, অভাস ও রসবোধের উপর নির্ভর করে। বাংলা সাহিত্যিক এ বিষয়ে একেবারে উদাসীন।

বাংলা সাহিত্যই বাংলা ভাষার গৌরব—কিন্তু সে গৌরবের 'আশ্রয়' কত সামান্য। এই সাহিত্যে (১) সঙ্গীর্ণ, সীমাবদ্ধ; ইহার সাহসও অল্প; (২) ইহার গভীরতা, উদারতা ও গাভীয়া নাই—তাই ইহাতে অল্পকৃতি আছে, সৃষ্টি নাই, ইহা পরগাছা ও আগাছা মাত্র; (৩) ইহা অর্দ্ধশিক্ষিত শ্রদ্ধাহীন অনিপুণ সাহিত্যিকের রচনা, তেমনিতর অর্দ্ধশিক্ষিত শ্রদ্ধাহীন অমার্জিতমনা পাঠকের উদ্দেশ্যে লিপিত।

বাঙালী জাতি ও বাংলা ভাষা

বাংলা ভাষার ভবিষ্যৎ যাহার উপর নির্ভর করে, বাংলা সাহিত্যের ভবিষ্যৎও তাহারই উপর নির্ভর করিতেছে—সে বাঙালী জাতির উপর। বাঙালী যদি বড় জাত হইতে পারে, মুখ্য জাত হইতে পারে, বাঙালীর ভাষাও বড় হইবে, মুখ্য ভাষা হইবে। বাংলা ভাষা ও বাংলা জাতি অতীতে ও বর্তমানে কোন্ স্থান অধিকার করিয়াছে, তাহার একবার সন্ধান লইলে এ বিষয়ে ধারণা পরিষ্কার হইবে।

হাজার বৎসর হইতে চলিল বাঙালী জাতি ও বাংলা ভাষা জন্মিয়াছে—বয়সের দিক হইতে ইহা কম কথা

নয়। বাঙালী জাতি বাংলা ভাষার সহজাত কবচ-কুণ্ডল লইয়া ভূমিষ্ঠ হইয়াছে। নেশানের জন্মকথা যাহারা জানেন তাহারা বলিবেন, এই ভূমির পরিধি ও ভাষার পরিখাই নেশানখ সংরক্ষণের উপায়। তথাপি বাঙালী কেন নেশান হইতে পারে নাই? সে যুগের বাংলা ভাষার অতি সামান্য নিদর্শন মিলে, কিন্তু তাহার অনেক বেশী নিদর্শন পাই অপর একটি ভাষার। কাহ্ন, সরোহ প্রভৃতি যে বৌদ্ধ পণ্ডিতগণ 'চর্যাপদে' দেশী গান গাহিতেছেন, তাহারাও জানেন যে, এ ভাষা নিত্যন্ত প্রাদেশিক। তাই, 'দোহাকোষে' দেখি, যাহা তৎকালীন উত্তরভারতের জানা ভাষা, সভ্য ভাষা, সেই পশ্চিমা অংশে তাহারা গান রচনা করিতেছেন। আরও অনেক পরে বিদ্যাপতি মৈথিলীতে দেশী গান গাহিতেছেন, কিন্তু 'কবীলতা' প্রভৃতি সাহিত্য রচনাকালে তিনি যে 'সবসে মিটটা' 'দেশী বুলির' আশ্রয় লইলেন তাহা সেই 'অবহট্টা'। স্বরণ রাখিতে হইবে এই 'অবহট্টা' প্রাচীন হিন্দুস্থানীর ঠিক পূর্বতন সংস্করণ। যুগে যুগে এই শৌরসেনী অঞ্চল শিক্ষায়, সাধনায়, সংস্কৃতিতে, বলবীৰ্য্যে, সমগ্র আখ্যভারতের রুদ্ধকেন্দ্র বলিয়া স্বীকৃত হইয়া আসিয়াছে; তাহার ভাষাই,—সে শৌরসেনী প্রাকৃতই হোক বা পরবর্তী অপভ্রংশই হোক—সমগ্র আখ্যাবত্তের মূল ভাষা বা আদর্শ ভাষা বলিয়া আদৃত হইয়াছে। সেনরাজ্যে যখন বাঙালী জাতি উত্তর ভারতের মাতৃকোড় ছাড়িয়া আসিল তখনও তাহার দৃষ্টি শৌরসেনী অঞ্চলে নিবদ্ধ। নিজের একটা বৈশিষ্ট্যের সন্ধান সে পাইল কিন্তু ভাষার পরিখায় তাহাকে একান্ত করিয়া লইয়া সে আখ্য-গোষ্ঠীর বাহিরে বড় হইতে চাহিল না, এমন কি হিন্দীভাষী অঞ্চলের ভাষার নেতৃত্বও অস্বীকার করিল না। অর্থাৎ বাঙালী স্বাভাব্য পাইল, বিচ্ছিন্নতা চাহিল না, ডোমিনিয়ন ষ্টেটাস্ লাভ করিল, ইণ্ডিপেণ্ডেন্স কামনা করিল না, নিজের বিকাশের পথ খুঁজিল, কিন্তু ভারতভূমির প্রতি যে greater loyalty আছে তাহা বিসর্জন দিয়া নয়।

জন্মক্ষেপেই বিধাতা বাঙালী জাতির ললাটে যে অদৃষ্ট-

লিপি লিখিলেন তাহার আভাষ দোহাকোষেই পাওয়া গেল—বাঙালী জাতির স্থান চিরদিনই ভারতবর্ষের ছত্রছায়ায়, চিরদিনই তাহার স্থান গৌণ। আৰ্য্য সভ্যতার সীমান্তভূমি হওয়াতে সে যেমন নিজের বৈশিষ্ট্য সম্বন্ধে সচেতন ছিল, তেমনি সে অপরদিকে আৰ্য্যসভ্যতার কেন্দ্রভূমিকে বারবার নমস্কার করিয়াছে। বাংলায় নতুন জীবনচরন হইতেছে, বিশিষ্ট আচারপদ্ধতির উদ্ভব হইতেছে, আর্থ্যের ভাব ও ভাষা ভিড় করিয়া আসিতেছে; কিন্তু তথাপি ভারতের বৃহত্তর আৰ্য্যসমাজের সঙ্গে সে বিচ্ছিন্নতা কামনা করিতেছে না। শতাব্দীর পর শতাব্দী গিয়াছে, কিন্তু এই মনোভাবের বা অবস্থার কোনও পরিবর্তন হয় নাই। হিন্দুর দৃষ্টি চিরপবিত্র উত্তরাপথের দিকে, তীর্থ-মেখলা ভারতভূমিকে সে মনে মনে পবিত্রতা করিয়া চলিয়াছে। মুসলমানসমাজের দৃষ্টি ও দিল্লীর তথ্যের দিকে, শাহজাহান-শাহ-এর মজিল খোঁজে।

একবারমাত্র ভাষা যেন বিপরীত পথে চলিতে আরম্ভ করিয়াছিল। পশ্চিমের বণিক তাহার মানদণ্ড ও রাজদণ্ড লইয়া এই পূর্বদিগেই প্রথম উদ্ভিত হইলেন, এবং তাহার সোনার জীয়েনকাটা বাঙালীর চোখেই প্রথম ছোয়াইলেন। সেই এক মুহূর্তে মনে হইল যমুনার তীর-ভূমি হইতে বাকি ভারতের জীবনকেন্দ্র ভাগীরথীর তীর-ভূমিতে সরিয়া আসিল। তাই, তখনকার বাঙালীর মনে ও পণ্ডিতে ভারতবর্ষের অপেক্ষাও বাংলা বড় হইয়া উঠিয়াছে—বাংলার জল, বাংলার বায়ু, বাংলার আশা ও বাংলার ভাষা ধরা হউক, সত্য হউক, এই প্রাণনা ‘বন্দেমাতরং’ এর কবি হইতে রবীন্দ্রনাথে পন্থান্ত সমভাবে ক্রমিত হইয়াছে। কিন্তু বড় দেবী হইল—এই যুগ পৃথিবীকে আত্মীয়তাসূত্রে বান্ধিবার যুগ, দূরকে নিকট করিবার যুগ, পরকে আপন করিবার যুগ। নেশান হইতে হইলে জাতির যেকোনো-মানসিক সর্ব-বিচ্ছিন্ন উগতার প্রয়োজন, তাহা ইংরেজ রাজত্বের পক্ষে পাওয়া সম্ভব ছিল। এক রাষ্ট্রাধীন হইয়া বাঙালীর পক্ষে ভারতবর্ষের পর হওয়া এই ঐক্য-সাধনার যুগে আর হইয়া উঠিল না। এদিকে যে জীয়েনকাটতে আমরা জাগিয়াছি তাহাতে ভারতের অপরপূর্ণ প্রদেশও জাগিয়া বসিয়াছে। ভারতবর্ষের ঐক্য

আজ শুধুমাত্র culture-এর silken tie মাত্র নারহিয়া একই রূপ আশা ও আকাঙ্ক্ষার, এমন কি একই শাসনপদ্ধতির স্বদৃঢ় ইম্পাত-বন্ধনে দৃঢ়তর হইতে চাহিতেছে। খুব সম্ভব ভারতবর্ষের ভ্রাতৃজাতি-মণ্ডলীর মধ্যে বাঙালী কনিষ্ঠ হইয়া থাকিবে না, কিন্তু বাঙালী এই গোষ্ঠীর একজন মাত্র, একক বা একান্ত হইবার সম্ভাবনা তাহার নাই। যে ভাবী রাষ্ট্রায়মণ্ডলীর সে অন্তর্ভুক্ত থাকিবে সেখানে তাহার ভাষার প্রভাব ও প্রসার অতি সামান্য। এই হিসাবে প্রতীক্ষিত ভারতবর্ষের পটভূমিকায় স্থাপন করিলে প্রতীতি হয়, বাঙালী প্রাদেশিক জাতি ও বাংলা ভাষা প্রাদেশিক ভাষা হইয়া রহিবে। হিন্দুস্থানের মহাভাষা কি হইবে ঠিক নাই, কিন্তু বাংলা হইবে না নিঃসন্দেহ।

ভারতবর্ষের জাতিগোষ্ঠীর হইতে বিচ্ছিন্ন হইতে পারিলেও বাঙালী মুখ্যজাতি হইতে পারিত না। মহাজাতি হইতে হইলে পৃথিবীর মহাজাতিগুলির সমকক্ষ হওয়া চাই। এইরূপ সমকক্ষতা করিতে পারিলেই আমাদের ভাষা মুখ্যভাষা হইয়া উঠিবে। কিন্তু বাঙালী জাতি পৃথিবীর মুখ্যজাতি, ও আমাদের ভাষা এই জয়দন্ত জাতিদের সমকক্ষ, ইহা করিতে হইলে, আমরা কোন্ স্থান হইতে তাহাদের প্রতিদ্বন্দ্বিতায় আস্থান করিব? সেই মহাহবে বাঙালী বলিয়া দাঁড়াইলে কি আমাদের দাঁড়াইবার মত ক্ষেত্র আছে? না। সেই বল-পরীক্ষায় বাঙালী বলিলে আমাদের দাঁড়াইবারও স্থান নাই। দাঁড়াইতে হইলে আমাদের ভারতবাসী বলিয়াই নিজেদের পরিচয় দিতে হইবে, আর সে পরিচয় যদি কোন নিজস্ব ভাষায় দিতে হয়, তবে সে ভাষাও বাংলা হইবে না।

ভবিষ্যতে ভারতবর্ষ রাষ্ট্রগ্রাস মুক্ত হইলে বাঙালীও মুক্ত হইবে, কিন্তু বাঙালীই জয়যুক্ত হইবে না; কেন্দ্রীয় যুগে যুগে ভারতের হৃদয়কেন্দ্র বলিয়া স্বীকৃত হইয়াছে, এবং তাহার ভাষাকে বাঙালীও বারে বারে নমস্কার করিয়াছে, তাহারই জয় হইবে।

উপসংহার

বাংলা ভাষার বর্তমান অবস্থা সম্বন্ধে মোটামুটি একটি হিসাব লওয়া গেল। ইহা হইতে বাংলা ভাষার ভবিষ্যৎ সম্বন্ধে নিম্নোক্ত কয়েকটি আভাস পাওয়া যায় :—

(১) মধ্যযুগ হইতে বাংলা ভাষার যে-রূপ প্রায় স্থির হইয়া আসিতেছিল, উপভাষার বাধা হইতে তাহাকে আর সহিতে হইবে না। উপভাষা ক্রমেই নিবেজ হইয়া পড়িবে। কিন্তু মুসলমানী অপভাষা বাংলা ভাষার একাকে ভাঙিয়া দিতে পারে। আর উপভাষা, হিন্দী ও ইংরেজীর আক্রমণে এ-ভাষার এমন রূপান্তর সম্ভব যে ইহাকে আর চেনা যাইবে না। হিন্দীর রাষ্ট্রভাষা হওয়ার দাবী ও ইংরেজীর বিশ্ব-ভাষা হওয়ার দাবী স্বীকার করিলে বাংলা ভাষার নিজের প্রাণ ও নিজের দাবী সংরক্ষণ সম্ভব কি না, অস্বীকার করিবার মত শক্তিই বা তাহার আছে কি না—ইহাই বাংলা ভাষার বর্তমান সমস্যা।

(২) বাংলা ভাষার প্রধান গৌরব তাহার সাহিত্য। সে সাহিত্য অপারসর, অগভীর ও অশিক্ষিত-পটুদের পরিচায়ক—ইহা শিক্ষাভিমानी বাঙালী সাহিত্যিকের স্বরণ রাখা উচিত। তবে বাঙালীর রসবোধ আছে, যদি জীবন সম্বন্ধে সে serious হয়, তবে তাহার সাহিত্য আয়তনে না হোক গভীরতায় সমৃদ্ধ হইবে। তাহাতে বাংলা ভাষা পৃথিবীর একটি অগ্রগণ্য ভাষা বলিয়া পরিগণিত না হইলেও শ্রদ্ধের ভাষা বলিয়া সম্মানিত হইতে পারে।

(৩) বাংলা ভাষাকে মুখ্য ভাষা হইতে হইলে বাঙালী জাতিকে মুখ্য জাতি হইতে হয়। ঐতিহাসিক ও রাষ্ট্রীয়

কারণে বাঙালী আর তাহা হইতে পারিবে না। বাংলা ভাষা গৌণ প্রাদেশিক ভাষাই থাকিবে।

(৪) বাংলা ভাষা বাঙালী জাতির ‘সব-কাজের’ ভাষা নয়, তাহা হইবার মত শক্তিও তাহার নাই। বর্তমান সভ্যতা ও বর্তমান যুগের দাবী মিটাইবার মত তাহার নূনীয়তা বা ঐশ্ব্য কিছুই নাই।

তাই মনে হয় বাংলা ভাষার অদৃষ্টলিপি এই যে— ইহা বড় জোর এক রসবেত্তা জাতির রস-রচনার ও গৃহকন্মের ভাষা হইয়া থাকিবে, পৃথিবীর কোনও বড় ভাষা বলিয়া গৃহীত হইবে না।

এ গ্রহাচাখ্যের উক্তি নয়—এ নিতান্ত সহজ পুঁজি-পাটার হিসাব, stock-taking, forecast নয়। বাংলা ভাষার ভবিষ্যৎ নির্ভর করে বাঙালী জাতির ভবিষ্যৎের উপর—অর্থাৎ আমাদের বর্তমান জীবনের উপর, সাধনার উপর, শক্তির উপর। বাংলা ভাষার ঐতিহাসিক তাই আমাদের স্বরণ করাইয়া দিতেছেন :—

“এ বিষয়ে প্রত্যেক শিক্ষিত বাঙালীর দায়িত্ব আছে তাহার নিজের প্রতি, তাহার পিতৃপুরুষের প্রতি এবং তাহার ভবিষ্যৎ-বংশীয়গণের প্রতি।” বাঙালী সে দায়িত্ব স্বরণ রাখিবে কি না, রাখিবার মত শক্তি তাহার আছে কি না, ইহাই আজ আমাদের জীবনের সর্বাপেক্ষা গুরুতর প্রশ্ন।

চাঁদ

শ্রীপ্রিয়দেবী

তোমার রূপের জ্যোতি খেলা করে পরানে আমার,
গগো চাঁদ, এত কাছে উজ্জল এমন !
তোমার ওরূপ ঘোরে শিশু করে দিয়েছে আব্বার,
কাঁদিয়া বাড়াই হাত, ধরিবারে মন।
কচি মেয়ে আমি যেন ছ-হাত বাড়িয়ে
তোমাতে বাঁধিতে চাই বুকেতে জড়িয়ে ॥

আজ রাতে কত পাখী গান গেয়ে জাগে বারে বারে,
তোমার আলাতে আঁকা কণ্ঠে মগি-হার
মুখে মোর কথা নাই চলে গেছি শব্দের ওপারে,
অবাক বন্দনা মোর আজি উপহার।
বনানী মুখের হ'ল কোকিলের স্তবে,
আমার অন্তরে প্রেম জাগিছে নীরবে ॥*



৭৭
কলকাতা, ১৯৩৩

পণ্ডিত-মূৰ্খ

শ্রীশচীন্দ্রলাল রায়, এম-এ

১

সেদিন রবিবার। জয়নগর স্থলের হেডপণ্ডিত শ্যামলাল কাব্য-ব্যাকরণতীর্থ স্থল বোডিংয়ের একটি কক্ষে দিবানিদ্রার আয়োজন করিতেছিলেন। আহাৰাদির পর ভরপুর এক ছিলিম তামাক খাইয়া ছিন্ন সতরঞ্চি ঢাকা ক্ষুদ্র তক্তাপোষের উপর সছিদ্র বালিশে মাথা রাখিয়া লম্বা হইয়া শুইয়া পড়িলেন। চোখ দুটি সঙ্গে সঙ্গেই মুদিত হইয়া আসিতেছিল, তবু পার্শ্বস্থিত একখানি দৈনিক বাংলা সংবাদপত্র চোখের সম্মুখে তুলিয়া ধরিলেন; এপাত-ওপাত উন্টাইতেই বড় বড় হরপের হেডলাইন চোখে পড়িল—

শারদা বিল পাশ

দম্ভদম্ভী গৌড়াদের আফালন

ভদ্রমহিলাগণের বাল্য-বিবাহ-নিরোধ

আইনের সমর্থন-স্বচক প্রস্তাব

পণ্ডিত মহাশয়ের চোখের নিদ্রা ফিকা হইয়া আসিল। তিনি মনোযোগসহকারে সমস্ত সংবাদটি খুঁটাইয়া পড়িলেন, হরপের কাগজখানি রাখিয়া দিয়া নিজের কথাই ভাবিতে লাগিলেন। তিনি বছর তিনচার পূর্বে এক ত্রয়োদশ-বর্ষের বালিকার পাণিগ্রহণ করিয়াছেন—অবশ্য দ্বিতীয় পক্ষে। ভাগ্যে এই বিলটি তাহার পূর্বে পাশ হয় নাই। নহিলে হাজারখানেক টাকা জরিমানা—এমন কি একমাস জেল পর্য্যন্ত হইতে পারিত! বয়স তাহার চল্লিশ পার অনেকদিন হইয়া গিয়াছে—এ বয়সে কি জেল খাটিতে পারিতেন। আর অতটাকা জরিমানা দেওয়া—সে তো ভিটাঘাটি বিক্রয় করিয়াও হইয়া উঠিত না। যাহোক, তাহার মস্ত একটা ফাঁড়া কাটিয়া গিয়াছে। তবু এই কথাটি চিন্তা করিতেও তাহার বুকটা কিছুক্ষণ টিপ্-টিপ্ করিতে লাগিল।

তাহার পর পণ্ডিত মহাশয় এই আইন লইয়াই

আলোচনা করিতে লাগিলেন। চোদ্দ বছরের কম বয়সে মেয়ের বিবাহ হইতে পারিবে না—কি অভূত আইন বাপু! যে দেশে এগার বছরের মেয়ের সন্তান জন্মিতেছে—তাদের এত বাড়াবাড়ি কেন? কলিকাল, ঘোর কলিকাল—ধম্ম আর থাকিবে না দেখিতেছি! হ্যাঁ, ছেলের বয়স বাড়াইয়া দাও, আপত্তি নাই। আঠার কেন, আট চল্লিশ কর—বেশ হইবে। তিনিও তো একচল্লিশ বৎসর বয়সে তের বছরের বাসস্তীকে বিবাহ করিয়াছেন—কই একটুও তো বেয়ামান হয় নাই। লোকে বলিয়াছিল—বেশ মানাইয়াছে, যেন হর-পার্কীত। অবশ্য ছুই একটা নব্য ডেপো ছোকরা তাহার সম্মুখেই টিটকারি দিয়াছিল বটে, কিন্তু উহাদের কি চোখের দৃষ্টি আছে! আর বাসস্তীরও তো কোনও দিন মুখভার হইতে দেখা যায় নাই।

স্ত্রীর কথা মনে হইতেই তাহার মনটা কেমন খুঁত খুঁত করিতে লাগিল। একা একা ছেলেমাছুষ কতই না কষ্ট পাইতেছে। বাড়ীতে একটি বয়স্ক পুরুষ মানুষ নাই—মাত্র বার বছরের একটি ভাগ্নে অবলদন। কে-বা উহার স্বত্ব-স্ববিধার দিকে দৃষ্টি দেয়। তবে আর বেশী দিন বিরহ কষ্ট সহ্য করিতে হইবে না—বড়দিনের ছুটিতেই লইয়া আসা ঠিক হইয়াছে। আড়তদার ভোলানাথ সা অমায়িক লোক সে-ই একখানি বাড়ী ছাড়িয়া দিবে কথা দিয়াছে। এইখানে তরুণী পত্নীকে আনিয়া কি ভাবে তাহার কপোত কপোতীর জীবন অতিবাহিত করিবেন—ইহাই মানস নয়নে দেখিতে দেখিতে পণ্ডিত মহাশয়ের চোখ দুটি মুদিত হইয়া আসিল এবং সঙ্গে সঙ্গে নাসিকাধারিণিও প্রবল হইয়া উঠিল।

সন্ধ্যা প্রায় হয়-হয়। সহসা ধড়মড় করিয়া পণ্ডিত মহাশয় উঠিয়া বসিলেন, তাহার পর চক্ষু রগড়াইয়া এদিক-

ওদিক বিহ্বলভাবে চাহিয়া দেখিতে লাগিলেন—সময়টা সকাল কি সন্ধ্যা কিছুই ঠাণ্ড করিতে পারিলেন না। অশ্রুটি স্বরে তিনবার আঙড়াইলেন—‘দুঃস্বপ্নে স্বপ্ন গোবিন্দ।’ এইবার তাঁহার মনে হইল মধ্যাহ্ন আহ্বানের পর দিবানিদ্ৰা দিতেছিলেন—এখন সকাল নয়, সন্ধ্যা। উঃ, কি দুঃস্বপ্নই না দেখিয়াছেন—তাঁহারই চোখের সম্মুখে গুওরা বাসন্তীকে দরিয়া লইয়া গেল। তিনি কিছুই করিতে পারিলেন না। এমন কি *চীৎকার করিতে গেলেও গলা আটকাইয়া আসে। স্বপ্ন, তাই রক্ষা—যদি সত্যই হইত! তাহা হইলে বুক চাপড়াইয়া মরা ছাড়া এই বয়সে আর কি-ই বা করিতে পারিতেন।

তাঁহার সেই সংবাদপত্রের দিকে নজর পড়িল। এই কাগজগুলোই তো রোজ রোজ নারীর প্রতি অত্যাচারের কথা কত রকমে লিপিবদ্ধ করিয়া লোকের মাথা খারাপ করিয়া দেয়। কই আগে এত বাড়াবাড়ি দেখা যাইত না তো। এসব সম্পাদকের কারসাজি—কাগজের কাটতি বাড়াইবার ফিকির! রসাল গল্প কাঁদিয়া হৈ চৈ করাটাই ইহাদের পেশা। তাঁহার দুঃস্বপ্ন দেখিবার হেতু এইবার তাঁহার উপলব্ধি হইল এবং বত রাগ গিয়া পড়িল ঐ কাগজ-খানার উপর। তিনি সেইটি হাতে তুলিয়া পড় খড় করিয়া ছিড়িয়া ফেলিয়া গুম হইয়া বসিয়া রহিলেন। জানালার বাহিরে তাকাইয়া দেখিলেন—তখনও ছেলের দল সম্মুখের মাঠে ছটোপাটি করিতেছে, উল্লাসের যেন তাহাদের অন্ত নাই। কি জানি কেন তাঁহার রাগ ঘুরিয়া ফিরিয়া গিয়া পড়িল সেই ছেলের দলের উপর। মনে মনে ভাবিলেন—কি সব গুণ্ডা ছেলে বাবা! সারাদিন হৈ হৈ রৈ রৈ—এদিকে ‘গজ’ শব্দের রূপ করিতে গেলে মুচ্ছা যায়। দাঁড়াও কাল মজা দেখাচ্ছি তোমাদের—বেতিয়ে পিঠের ছাল তুলে দেব। আর হেড-মাষ্টারটিও ভেতমনি। কড়া ভকুম—ছেলেদের বেত মারতে পারবেন না। মিষ্টি কথায় কি সায়েস্তা হয় ওরা।

হঠাৎ কি মনে করিয়া পাঁজি লইয়া পণ্ডিত মহাশয় জানালার নিকট ক্ষীণ আলোকে যাইয়া বসিলেন। পাঁজি খুলিয়া দেখিলেন—সেদিন পঞ্চমী। তারপর

স্বপ্নফলের পৃষ্ঠাটি বাহির করিয়া দেখিলেন—শুক্রা পঞ্চমীর স্বপ্ন অতি সূত্র সিদ্ধ হয়। সর্বনাশ! তাঁহার বৃকে হাতুড়ির ঘা পড়িতে লাগিল—হাত হইতে পাঁজিটা স্থলিত হইয়া শশকে নীচে পড়িয়া গেল।

হেডমাষ্টার লাইব্রেরীর কক্ষে আলো জ্বালাইয়া বই লইয়া বসিয়াছিলেন—পণ্ডিত মহাশয় শুষ্কমুখে সেই-খানে আসিয়া দাঁড়াইলেন। হেডমাষ্টার মুখ তুলিতেই পণ্ডিতের চেহারা দেখিয়া হাসিয়া উঠিলেন, কহিলেন,—বাঃ এ দশা কে করলে আপনার?

পণ্ডিত মহাশয় হাত কচলাইতে কচলাইতে কহিলেন—আজ্ঞে একটা দুঃস্বপ্ন দেখে মনটা বড্ড খারাপ হয়ে গেল।

হেডমাষ্টার নব্য যুবক, এখনও অবিবাহিত দুঃস্বপ্নের—কথা শুনিয়াই একটা আন্দাজ করিয়া লইলেন, কহিলেন,—দুঃস্বপ্ন দেখেছেন, কিন্তু সারা গায়ে মাথায় তুলে কেন?

পণ্ডিতের সেদিকে ভ্রাস ছিল না—এখন মাথায় ও গায়ে হাত বুলাইতেই ব্যাপারটি বুঝিতে পারিলেন। হায়! এমন সময়ে তাঁহার সাধের বালিশটিও বাদ সাধিয়াছে। তিনি মুখ কাচুমাচু করিয়া কহিলেন—বালিশটি ছেড়া কি না। আর কেই-বা দেখাশোনা করে এখানে, ছিঁড়েছে তো ছিঁড়েই চলেছে।

হেডমাষ্টার সহাস্তে কহিলেন—কিন্তু বালিশটি নিয়ে রীতিমত যুদ্ধ না করলে তো এমন অবস্থা হতে পারে না। কোন ছেলের সামনে পড়েন নি তো?

এই বিজ্ঞপ্তি পণ্ডিতের ক্রোধের উদ্রেক হইল, কিন্তু উপায় নাই। তিনি নম্রস্বরে কহিলেন—স্বপ্নের ঘোরের কি করেছি খেয়াল নাই মশায়। তারপর কিন্তু কিন্তু করিয়া কহিলেন—চার দিনের ছুটি দিতে হচ্ছে মাষ্টার মশায়, একবার বাড়ী থেকে ঘুরে আসি।

হেডমাষ্টার কহিলেন—বলেন কি পণ্ডিত মশায়? এই তো মাসখানেক হ’ল পুজোর ছুটির পর বাড়ী থেকে এসেছেন, আবার কিছুদিন পরেই বড়দিনের ছুটি। এর মধ্যে আবার বাড়ী যাওয়ার প্রয়োজন হ’ল আপনার? না, আপনি হাসালেন দেখছি।

পণ্ডিত মহাশয় ক্ষুধার্তে বলিলেন—ছুটি দেওয়া-না-দেওয়া অবশ্য আপনার হাত। কিন্তু সতিা বলছি মনটা বড় উতলা হয়েছে।

হেডমাষ্টার মনে মনে বিরক্ত হইলেন, কিন্তু তবু হাসিতে হাসিতেই কহিলেন—‘বুদ্ধস্য তরুণী ভাষা’—বিপদ ঐখানেই সে আমি বুঝেছি। আচ্ছা, ছুটি আপনি পাবেন, কিন্তু সন্তীকই আসবেন এবার, বাসা ঠিক করে রেখে যান। কি জানি আবার কোন্ দিন দুঃস্বপ্ন-উপ দেখলে ফ্যাসাদ হবে।

পণ্ডিত মহাশয়ের অন্ধকার মুখে এইবার হাসির রেখা ফুটল, তিনি এইবার একখানি চেয়ার টানিয়া লইয়া বসিয়া কহিলেন না—বলেন! ভোলা মা’র কাছে এখনই যাচ্ছি, ও একটা হিল্লো করে দেবেই। দুঃস্বপ্নটা দেখে বুকেটা এখনও পড়াস পড়াস করছে, পাজির ফলও স্তব্ধে নয়—তাতেই ভগুটা আরও বেড়ে গেল কি না!

হেডমাষ্টার এইবার বইয়ের দিকে ঝুঁকিলেন,—পণ্ডিত ধীরে ধীরে বাহির হইয়া গেলেন।

২

টেনে ঘাইতে ঘাইতেও দুঃস্বপ্নের দোর কাটে না। পরিয়া ফিরিয়া পণ্ডিতের এই কথাই মনে হয় বাড়ীতে গিয়া যদি বাসন্তীকে দেখিতে না পান, শুক্রা-পঞ্চমীর পূর্ণ যদি নতুন পরিণত হইয়া যায়!

দাঁদপথ কাটিতে চায় না। টেনে একটির পর একটি গেশন পার হয়, পণ্ডিত হিসাব করিয়া দেখেন আর কয়টি বাকী। দুই পাশে ক্ষেতের ওপারে গ্রামগুলি দেখা যায়, তাহার প্রতিঘরে স্বামী-স্ত্রী স্বখে শাস্তিতে দিন কাটাইতেছে—তবে কি বিদাতা তাহারই উপর বিরূপ হইয়া উঠিলেন!

আর একটি গেশন বাকী—পণ্ডিত মহাশয় গা ঝাড়িয়া বসিলেন। সঙ্গে একট ক্যানভাসের ব্যাগে—সেইটি খুলিয়া দেখিলেন—স্ত্রীর জন্ত কেনা নতুন নীলাবরীখানি ঠিক আছে কি না। সেইখানি বাহির করিয়া ধীরে ধীরে দুই তিনবার তাহাতে পরম স্নেহে হাত বুলাইয়া সেখানি যথাস্থানে রাখিয়া দিয়া ব্যাগটি বন্ধ করিলেন।

টেনে আসিয়া পরিচিত গেশনে থামিল, পণ্ডিত

মহাশয় ব্যাগ হাতে লইয়া তাড়াতাড়ি নামিয়া পড়িলেন। ক্রোশ-দুয়েক পথ হাটিয়া তবে বাড়ী পৌছিতে হইবে। সন্ধ্যা ঘনাইয়া আসিয়াছে, আকাশে দুই একটি করিয়া তারা ফুটিতেছে। মাঠের রাস্তা দিয়া পণ্ডিত মহাশয় হন্ হন্ করিয়া চলিতে লাগিলেন—আনন্দে ও শঙ্কায় তাহার মন ছলিতে লাগিল। গৃহে পৌছিয়া সব ভাল ভাবে দেখিতে পাইলে তিনি সওয়া-পাঁচ আনা হরির লুট দিবেন মানসিক করিলেন।

তিনি অন্ধকারে রাস্তার দিকে চাহিয়া চলিতেছিলেন, সহসা উপরের দিকে দৃষ্টিক্ষেপ করিতেই দেখিতে পাইলেন—কক্ষচ্যুত একটি নক্ষত্র তীব্ররশ্মি বিকার্য করিতে করিতে ধরিত্রীর দিকে ধাবিত হইয়া অন্ধকারে মিশিয়া গেল। পণ্ডিত মহাশয় সভয়ে চক্ষু মুদিত করিয়া দুর্গা নাম স্মরণ করিলেন। একে তো দুঃস্বপ্ন দেখিয়াই মনটি বিচলিত হইয়াছে, তাহার উপর এই অমঙ্গল দর্শন। এই অশুভ-দর্শনের ফল মিথ্যা অপবাদ। ভগবান ভাগ্যে কি লিখিয়াছেন, তিনিই জানেন। পণ্ডিত মহাশয় কোনও রকমে পাঁচটি ব্রাহ্মণ, নদী, ফুল ও বৈষ্ণবের নাম মনে মনে উচ্চারণ করিয়া এই অশুভের শাস্তি কামনা করিলেন, তারপর দ্রুতপদে পথ চলিতে লাগিলেন।

গ্রামে পৌছিয়া তাহার দ্রুতপদ শিথিল হইয়া আসিতে লাগিল—কোনও রকমে পা টানিয়া টানিয়া গৃহদ্বারে আসিয়া পৌছিলেন। চণ্ডীমণ্ডপে আলো জলিতেছে, সেখানে পণ্ডিত মহাশয়ের ভাগিনেয় উচ্চ স্বরে পাঠ আবৃত্তি করিতেছে। বালকের কণ্ঠনিঃসৃত উচ্চ স্বর তাহার কর্ণে যেন স্থপার ধারা বধণ করিল। না, তাহা হইলে কোনও অমঙ্গলই ঘটে নাই। বালক যখন নিয়মাস্ত্রযায়ী নিত্যনৈমিত্তিক কাৰ্য্য করিতেছে, তখন এ গৃহে কোনওরূপ ব্যতিক্রম হয় নাই। তিনি আশ্বস্ত হইয়া চণ্ডীমণ্ডপে উঠিয়া ব্যাগটি নামাইলেন। বালক মাতুলকে দেখিয়া পাঠ থামাইয়া বিস্মিতভাবে কহিল—মামা!

মাতুল যুহু হাসিয়া কহিলেন—নিমাই, বেশ ভাল আছি! তো?

নিমাই মাতুলের পদধূলি লইয়া কহিল—হ্যাঁ মামা। আর ছুটি পাব। আচ্ছা, তোর মামীমা যেতে চাইবে তোমি অসময়ে যে !

—অসময় আবার কি রে ? তোদের জন্ত মনটা কেমন করছিল তাই দেখতে এলাম। তারপর ভালভাবে বসিয়া কহিলেন—একছিলিম তামাক খাওয়াতে পারিস বাবা ? হ্যাঁ, তোর মামীমা বেশ ভাল আছে তো ?

বালক হাসিয়া বলিল—ভাল আছে বৈকি। আমি মামীমাকে খবর দি।

পণ্ডিত মহাশয় আশ্বস্ত হইয়া কহিলেন—দিলেই হবে, এত তাদাতাড়ি কিসের। সে বোধ হয় রান্না-বাগ্না করছে, না রে ? আচ্ছা, এবার যদি তোদের নিয়ে যাই—কেমন হয় ? একা একা তোদের ভারী কষ্ট হয়, কি বলিস্ ? সেখানে তোরা বেশ থাক্‌বি—বড় ইঞ্চুলে তোকে ভর্তি করে দেব—পড়াশোনা তোর ভালই হবে সেখানে। এখানে তো দেখবার শোনবার লোক নাই।

নিমাই আগ্রহভরে বলিয়া উঠিল—সে বেশ হয় মামা। তুমি এখানেই বস না হয়—আমি তামাক সেজে আনি।

পণ্ডিত উদারভাবে বলিলেন—থাক্ থাক্, তামাক একটু পরে খেলেও চলবে—তোর সাথে একটু গল্পই করি। আচ্ছা, তোর মামীমা আমাকে দেখলে কি বলবে রে ? বিরক্ত হবে না কি ? আচ্ছা, আমার কথা তোকে কিছু বলতো না সে ?

বালক একটু ভাবিয়া কহিল—কই মনে তো পড়ছে না।

পণ্ডিত মহাশয় বোধ করি একটু ক্ষুব্ধ হইলেন, কহিলেন—হঁ। তা বল্‌বারই বা কি আছে। মনে মনে নিশ্চয়ই—। তার পর কি মনে করিয়া নামিয়া গিয়া বলিতে লাগিলেন—এবার সবশুদ্ধ যাওয়াই যাক্, কি বলিস্ ? একা একা তোদের এখানে কেলে রাখা আমার ভাল বোধ হয় না।

নিমাই বুদ্ধি করিয়া কহিল—তাই কি আর হয় মামা। আমাদের নিয়েই চল।

পণ্ডিত উৎসাহিত হইয়া বলিলেন—তাই যাব। আর দুঃস্বপ্ন দেপে মনটা আমার এমনি বিগ্নে গেল যে, দৌড়ে আসতে পথ পাইনে। এরকম বার-বার হ'লে কি

তো ?

বালক কহিল—তা আর চাইবে না—তুমি যে কি বল মামা ! স্বপ্ননের কথা কি বলছিলে যে !

দুঃস্বপ্নের কথাটি এই দ্বাদশবর্ষীয় বালকের নিকট বলা যায় কি না পণ্ডিত মহাশয় ভাবিতে লাগিলেন। এমন সময় অদূরে বাসস্তীর গলার স্বর শোনা গেল—‘কার সাথে বসে বসে গল্প হচ্ছে নিমাই’ এবং সঙ্গে সঙ্গেই চণ্ডীমণ্ডপে আসিয়া স্বামীকে দেখিয়া কহিল—ওমা, তুমি এমন অসময়ে যে !

পণ্ডিত মহাশয় একটু লজ্জিত হইলেন, তবু মুখে কহিলেন—বাড়ী আসবো তার আবার সময় অসময় কিসের। মন ভাল লাগছিল না—ছুটি নিয়ে এলাম চলে। হাঁ রে নিমাই, এইবার তামাক খাওয়া দেখি বাবা।

নিমাই উঠিয়া যাইতেই পণ্ডিত মুখ হাসিয়া কহিলেন—মুখে বলতে লজ্জা হয় বটে, কিন্তু না বলেও পারিনে—তোমাকে ছেড়ে থাকা আমার অসম্ভব। ব্রহ্মতে পারি একটু বয়স হয়েছে, উতলা ভাবও দেখানো যায় না, লোকে হাসবে, কিন্তু মনকে স্থবির রাখাও কঠিন হয়ে পড়ে। তবুও তো মনকে বুঝিয়েই রেখেছিলাম—ফ্যাসাদ ঘটলো একটা স্বপ্ন দেখে। উঃ, কি স্বপ্ন বাবা, ভাবতে গেলেও গায়ে কাঁটা দেয় ! তাই ছুটে এলাম তোমাকে দেখতে।

বাসস্তী ভাবিল—বড়ো বয়সে কত চংই দেখবো। কিন্তু মুখে কহিল—বেশ তো !

পণ্ডিত উৎসাহিত হইয়া কহিল—এবার সঙ্গে করেই নিয়ে যাব তোমাদের। ভোলা-সা বাড়ী দিয়েছে একটা ঠিক করে। আর এই বয়সে কে-ই বা দেখা-শোনা করে আমার—একা একা ভারী কষ্ট হয়। সেদিন চোঁদা বালিশের তুলোয় সারা মাথা একাকার হয়ে গিয়েছিল দেখে হেডমাষ্টারের কি ঠাট্টা ! আমার হয়েছে সবদিকে মুগ্ধিল কি না ! আচ্ছা, সব কথা পরে শুনো। এইবার তোমার কাপড়খানা দেখ পছন্দ হয় কি না। এই বলিয়া তিনি ব্যাগ খুলিয়া নীলাশ্বরীখানি বাহির করিলেন।

কাপড় হাতে লইয়া বাসন্তী সহাস্যে কহিল—আমার
ক রত্নী কাপড় পরার বয়স আছে এখনও ?

পণ্ডিত কহিলেন—শোন কথা ! এই তো যোল বছর
বে উত্তীর্ণ হয়েছে তোমার—এই তো রত্নী কাপড়
পরার বয়স ।

বাসন্তী কাপড়খানি একটু নাড়িয়া চাড়িয়া রাপিয়া
দিয়া কহিল—তা বটে । কিন্তু তোমার স্ত্রী হয়ে এ
কাপড় পরা আমার আর সাজে না ।

পণ্ডিত তাহার কথার অর্থ ঠিক বুঝিতে পারিলেন না,
এর মূখের দিকে চাহিয়া কহিলেন—তার মানে ?

বাসন্তী কিক্ করিয়া একটু হাসিয়া কহিল—সব
ধারণাই কি মানে থাকে—ও আমি এমনি বল্লুম ।
আচ্ছা, আমার জ্ঞান তো কাপড় এনেছ, কিন্তু তোমার
গুণের জ্ঞান কি এনেছ দেখি ।

পণ্ডিত লজ্জিত হইয়া কহিলেন—কিছুই আনা হয়নি
বার, যে তাড়াতাড়ি আসা, সময় পেলাম কখন ।
এর জ্ঞান ভাবনা কি—কাল না হয়— ।

এমন সময় কলিকায় ফু দিতে দিতে নিমাই আসিয়া
পহিত হইল । বাসন্তী কহিল—তোর মামা তো
কি এনেছে দেখেছিস রে নিমাই ?

নিমাই মামার হাতে ছ'কাটি তুলিয়া দিয়া কহিল—
ই না তো মামীমা ।

বাসন্তী নিলাসবীটা তুলিয়া কহিল—এই দেখ ।

নিমাই লজ্জিত হইয়া কহিল—দোহা ! আমি কি
যেনাচুম ?

বাসন্তী খিল খিল করিয়া হাসিয়া কহিল—আচ্ছা,
না পরতে পারিস, তোর বৌয়ের জ্ঞান তুলে রাখবে
বলিস ?

পণ্ডিত হাঁকা হাতে করিয়া গুম হইয়া বসিয়া
গেলেন । বাসন্তী বলিল—তামাক খেয়ে হাত পা ধুয়ে
সে আমি খাবার জোগাড় দেখি । আয় রে, নিমাই
ব আয় ।—এই বলিয়া বাসন্তী সেখান হইতে চলিয়া
গেল । পণ্ডিত মহাশয় নির্ঝাক হইয়া সেইখানেই
থাকি রহিলেন, বাসন্তীর ভাব দেখিয়া হাঁকায় দম
করাও যেন তিনি তুলিয়া গেলেন ।

৩

পরদিন প্রাতে মুখগন্তীর করিয়া পণ্ডিত মহাশয়
বহির্কাটিতে বসিয়াছিলেন । রাত্রে তাঁহার স্ত্রীনা হইয়া
নাই, উপরন্তু বাসন্তীর ব্যবহারটিও কেমন চেয়ারলীর
মত বোধ হইয়াছে । সেই দুঃখপটের কথা বাসন্তীকে
তিনি সালস্বারে বলিয়াছেন । বলিতে বলিতে তাঁহার
বুক কাঁপিয়া উঠিয়াছে, কিন্তু বাসন্তী তাহা শুনিয়া শুধু
উচ্চহাস্য করিয়াছে মাত্র । বিবাহের নতুন আইনটি
লইয়া আলোচনা করিতে গিয়াও তিনি বাসন্তীর
সমর্থন পান নাই, উপরন্তু সে টিটকারি দিয়া বলিয়াছে—
এ আইন যদি আর কিছুদিন আগে হইত ! এই
আইন আগে পাশ হইলে কি হইতে পারিত—পণ্ডিত
মহাশয় তাহা বিলক্ষণ জানিতেন, সুতরাং তিনি স্ত্রীর কথার
গুঢ় অর্থ উপলব্ধি করিয়া মনে মনেই জ্বলিতে লাগিলেন,
কিন্তু মুখ ফুটিয়া কিছুই বলিতে সাহস করেন নাই ।

পণ্ডিত মহাশয় বসিয়া বসিয়া এই সব কথাই ভাবিতে
ছিলেন,—এমন সময় চাপরাস-স্বীটা একটি লোক আসিয়া
কহিল,—এখানে শ্রামলাল ভট্টাচার্য কেউ থাকেন ?

পণ্ডিত উঠিয়া পাড়াইয়া ভীতভাবে কহিলেন—হ্যাঁ,
আমারই নাম শ্রামলাল ভট্টাচার্য ।

লোকটি আগাইয়া গিয়া একখানি ছাপা কাগজ তাঁহার
হাতে দিয়া কহিল—আপনার নামে ওয়ারেন্ট আছে ।

পণ্ডিত সভয়ে ডুই পা পিছাইয়া গিয়া কহিলেন—
ওয়ারেন্ট ! সে কি রে বাবা ! ওয়ারেন্ট কিসের ?
ওয়ারেন্টখানি হাতে লইয়া তিনি ঠক্ ঠক্ করিয়া কাঁপিতে
লাগিলেন । তারপর কাগজখানি এদিক ওদিক উল্টাইয়া
কহিলেন—ভুলতো হয়নি তোমার—আমি তো জানতাম
ধর্মতঃ কোনও অপরাধ করিনি ।

—সে তো জানিনে মশায় । জামিন দেবার ব্যবস্থা
না করলে যেতে হবে আমার সাথে ।

পণ্ডিত ধামিতে লাগিলেন, কোনও রকমে কহিলেন
—এই তো কাল রাত্রে এসে পৌছেছি, এর মধ্যে এমন
কোনও দৃশ্যীয় কাজ তো করিনি বাপু ?

বিরক্ত হইয়া চাপরাশি কহিল—জবাব দেবেন
আদালতে হাজির হয়ে । আমার উপর যা হুকুম আছে

তাই তামিল করতে হবে তো। জামিন দেবেন, না যাবেন আমার সাথে ?

পণ্ডিত কাদো কাদো হইয়া কহিল—জামিন হবে আমার কে ? বাড়ীতে আছে আমার স্ত্রী আর এক ছোট ভাগনে। এদের মধ্যে কেউ—

চাপরাশি হাসিয়া কহিল—আপনার মাথা খারাপ দেখতে পাই। লোক না থাকে চলুন আমার সঙ্গে।

—আচ্ছা দাঁড়াও দেখি বাপু। জ্ঞাতীদের মধ্যে যদি কেউ দাঁড়ায়, চেষ্টা দেখি।

পণ্ডিতকে ঘাইতে উদ্রত দেখিয়া লোকটি কহিল—যাবেন কোথায় ? আপনাকে কি ছাড়তে পারি ? শেষকালটায় সরে পড়ে বিপদে ফেলুন আর কি !

পণ্ডিতের এইবার মর্যাদালায় আঘাত পড়িল। তিনি উষ্ণ হইয়া কহিলেন—আমি ব্রাহ্মণ, পূজা-অংকিক না ক'রে জলস্পর্শ করি, আমার কথা বিশ্বাস কর না ! একটা হাই ইন্সুলের হেডপণ্ডিত আমি, কাব্য-ব্যাকরণের উপাধি আমার আছে—ন্যায়ের পরীক্ষাটাও দিতে দিতে দিইনি। আমি পালিয়ে যাব—এই বিশ্বাস তোমার ?

চাপরাশি হাসিয়া কহিল—একালে কাউকেও বিশ্বাস নেই মশায়।

পণ্ডিত এইবার ঘাবড়াইয়া গেলেন এবং অগত্যা সেইখান হইতেই হাকাতাকি শুরু করিলেন। অনেকেই আসিল এবং তাহার মধ্যে একজন পণ্ডিতের জামিন হইল।

বাসন্তী সবকথা শুনিয়া হাসিয়াই অস্থির। হাসি দেখিয়া শ্রামলাল কাব্য-ব্যাকরণতীর্থের দৈব্য ধারণ করা কঠিন হইয়া উঠিল। কোনও সাদী স্ত্রী কি স্বামীর বিপদে এমন উপহাসের হাসি হাসিতে পারে ? পণ্ডিত মহাশয় জু কুক্ষিত করিয়া বলিতে লাগিলেন—এ আমি জানি, ভ্রংশপ যখন দেখেছি বিপদ একটা হবেই। কিন্তু সবচেয়ে ভয় তুমিও আমাকে উপহাস করুচো !

বাসন্তী দুপ টিপিয়া হাসিয়া কহিল—শুধু ভ্রংশপ নয়, তাবা-খসা দেখলে মিথ্যা অপবাদ তো হবেই।

পণ্ডিত মহাশয় মুখ ভার করিয়া কহিলেন—জঁ। এইবার আমার জেল-টেল হ'লেই তুমি সন্তুষ্ট

হও। কোথায় আমি ছুটতে ছুটতে এলাম তোমারই জন্ত, আর তুমিই কি না—। ভ্রংশে ক্ষোভে তাঁহার চোখে জল আসিয়া পড়িল।

বাসন্তী মহাস্তো কহিল—হাসি তোমার ব্যাপার দেখে। তুমি এতবড় পণ্ডিত—এই টুকুতেই অস্থির! সংস্কৃতের পণ্ডিত কি না ! তার চেয়ে এক কাজ কর, আজই কাথি চলে যাও, দেখে এস কেন তোমার নামে ওয়ারেন্ট হ'ল।

পণ্ডিত বুঝিলেন ইহাই সংযুক্তি। তিনি বিশেষ-কিছু না বলিয়া তাড়াতাড়ি আহালাদি শেষ করিয়া দুর্গানাম স্মরণ করিতে করিতে মহকুমার দিকে যাত্রা করিলেন।

কিন্তু সেখানে গিয়াও বিশেষ কিছু কাজ হইল না। দুইটি টাকা খরচ করিয়া মাত্র এই সংবাদ পাওয়া গেল—বিচার এখানে হইবে না। হইবে তমলুক কোর্টে। আসামীর বাড়ী কাথির অন্তর্গত বলিয়া ওয়ারেন্ট এখান হইতে জারি হইয়াছে। আরও জানা গেল, ফৌজদারী মোকদ্দমা পাঠাচুরি-সংক্রান্ত। প্রথমে সমন জারী হইয়াছিল, আসামী হাজির না হওয়ায় ওয়ারেন্ট বাহির হইয়াছে।

সংবাদ শুনিয়া পণ্ডিত মহাশয় কাদিয়া ফেলিলেন। কাথির উকিল-মোক্তারদের সঙ্গে তবু আলাপ-পরিচয়ও আছে—তমলুকের তো কাহাকেও চেনেন না। কোথায় তমলুকে হইল পাঠাচুরি—তাহারই মতো জড়িত হইলেন তিনি। কি বিপদেই না তিনি পড়িলেন !

বাড়ী ফিরিয়া সেইদিনই তিনি জননগর স্কুলের হেড মাষ্টারকে চিঠি লিখিলেন—‘এক পাঠাচুরির মোকদ্দমায় তিনি জড়িত হইয়া পড়িয়াছেন দয়া করিয়া আর পনেরো দিনের ছুটি যেন মঞ্জুর করা হয়।’

ব্রাহ্মে শয্যায় শুইয়া পণ্ডিত মহাশয় ক্রমাগত সশব্দে দীর্ঘনিঃশ্বাস ফেলিতেছিলেন—বাসন্তী স্বামীর ভাব দেখিয়া কৌতুক অল্পভব করিতেছিল। সে বেশ বুঝিয়াছিল, এই ব্যাপারের মধ্যে বেশ একটু রহস্য রহিয়াছে। কাহারও-না-কাহারও ভুলে তাহার স্বামী এই মোকদ্দমায় জড়িত হইয়া পড়িয়াছেন। এই প্রৌঢ়

পণ্ডিত-শ্রমীর মনের বল উপলব্ধি করিয়া তাহার হাসিও পায়, আবার দুঃখও হয়। কিন্তু মুখ ফুটিয়া সে বিশেষ কিছু বলে না, মাঝে মাঝে সাহসনা দিতে গেলেও তাহার স্বামী বিপরীত বুলিয়া ফৌস করিয়া উঠে।

বাসন্তী কহিল—আমার একটা কথা মনে হচ্ছে।

পণ্ডিত দীর্ঘশ্বাস মোচন করিয়া কহিলেন,—হঁ!

বাসন্তী কহিল—কথায় আছে, স্বপন নিজের সমক্ষে দেখলে পরের হয়। তুমি দেখেছিলে তোমার স্ত্রী চুরি গিয়েছে, কিন্তু গেল অন্যের পাঠা চুরি। আচ্ছা, আমি চুরি গেলেই কি তুমি এর চেয়ে শাস্তি পেতে?

পণ্ডিত মহাশয় বিরক্তবাক্যে কহিলেন—ঢের হয়েছে, আর জালিও না। এ সময়ে তোমার বিদ্রূপ আমি সহ করতে পারছি নে।

বাসন্তী থিলথিল করিয়া হাসিয়া কহিল—ভাল কথা বললেও চা'তে যাও দেখছি। কিন্তু স্বপন দেখে ছুটে আসাটাটা তোমার ঠিক হয়নি। লোকে তো হাসছেই, আমারও যখনই মনে হয়, হাসি পায়। তার উপর এট ছাগল চুরির কাণ্ড! এই বুড়ো বয়সে খুব হাসালে দেখছি।

এই বলিয়া সে পাশ ফিরিয়া শুইল। পণ্ডিত মহাশয় ওম হইয়া রহিলেন—একটি কথাও কহিলেন না।

৪

মোকদ্দমার দিন পণ্ডিত মহাশয় তমলুকে হাজির হইলেন। মোক্তার মিলিতেও বিলম্ব হইল না। মোক্তার সমস্ত শুনিয়া কহিল—আপনি নিশ্চিন্ত হয়ে সানাহার সেরে কোর্টে যাবেন, খালাস আপনাকে করে দেবই। তবে ফী আমাকে চারটি টাকাই দিতে হবে। আগাম দুটি টাকাই দিয়ে যান।

পণ্ডিত মহাশয় উপায়ান্তর না দেখিয়া দুইটি টাকা বাহির করিয়া মোক্তারের হাতে দিয়া কহিলেন—দেখবেন মোক্তারবাবু, শেষটায় বুদ্ধ বয়সে মিথ্যা অপরাধে জেল না খাটি। কাষাস্থল থেকে দ্বিধাদিক্জনশূন্য হয়ে বাড়ী এলাম—তার ফলও পেলাম খুব! দুঃখ দেখে কি করে চুপ করে থাকি বলুন। কিন্তু আমার স্ত্রীর

টিটুকরি আর সহ হয় না মশায়। ঘরে বাইরে দুই দিকেই আমার মুদ্রি কি না! যাক এখন ভরসা আপনি—এখানে তো চেনাশোনা লোক কেউ নাই আমার।

মোক্তার সহাস্যে কহিল—কিছু ভাববেন না আপনি। আজই বাতে বাড়ী ফিরে যেতে পারেন, তার ব্যবস্থা আমি করবো। হাকিমকে বলে-কয়ে প্রথম কাছারীতেই আপনার কেসটি ধরাবো। আদিত্য মাইতির হাতে যখন কেস দিয়েছেন—আপনার আর ভয় নেই। যদি সত্যি পাঠাচুরিটা আপনিই করতেন, তবু আপনার চিন্তা ছিল না! এমন কত আসামীকে প্রতিদিন খালাস করছি—সে এখানকার কে না জানে। সাধে কি আর আট টাকা করে ফী চার্জ করি—তবে আপনার কাছে চার টাকাই নেব।

প্রথম কোর্টেই আসামী শ্যামলালের ডাক পড়িল। ডাক-বাহিনী, শিখা উপবীতধারী প্রৌঢ় ব্রাহ্মণ কাপিতে কাপিতে আসামীর কাটগড়ায় উপস্থিত হইল। হাকিম বিস্মিত হইয়া সেইদিকে চাহিলেন, কোর্টের সমস্ত লোক পাঠাচুরির অভিযোগে অভিযুক্ত আসামীর দিকে বিস্মিত দৃষ্টিপাত করিতে লাগিল।

হাকিম জিজ্ঞাসা করিলেন—তোম—আপনার নাম? করজোড়ে ব্রাহ্মণ কহিল—শ্রামলাল ভট্টাচার্য্য কাব্য-ব্যাকরণতীর্থ।

—আপনার বাড়ী?

—কাথি মহকুমার হরিহরপুর গ্রামে।

—এ মোকদ্দমায় কি আপনিই আসামী?

পণ্ডিত হাতজোড় করিয়া কহিলেন—হজুর আমি জয়নগর হাই ইন্সুলের হেড পণ্ডিত। এক দুঃস্থ দেখে ছুটে ছুটে বাড়ী আসি। পরদিনই আমার নাম ওয়ারেন্ট জারি হয়। শুনলাম, পাঠাচুরির মোকদ্দমায় আমি জড়িত। আমি শুদ্ধসাবিত্ত ব্রাহ্মণ—মাছমাংস স্পর্শ করি না হজুর। এর বিচার আপনি করুন।

হাকিম নথি উন্টাইয়া দেখিলেন—সত্যি ভুল হইয়াছে। আসামীর নাম শ্রামলাল ভট্ট, বাড়ী হরিপুর। চাপরাশি ভুল করিয়া হরিহরপুরের শ্রামলাল ভট্টাচার্য্যের নামে ওয়ারেন্ট জারী করিয়াছে।

তিনি মুছ হাসিয়া কহিলেন—আপনি বুঝাই হয়রাণ হয়েছেন। আসামী আপনি নন—আসামী হরিপুরের শ্যামলাল ভট্ট। চাপরাশির ভুলেই এ ব্যাপার হয়েছে। কিন্তু আপনিও কি গ্যারেটখানা দেখেন নি—কি লেখা আছে ?

পণ্ডিত মহাশয় অকূলে কূল পাইলেন, কহিলেন—হুজুর, সরকার বাহাদুরের আদেশের উপর আমার অগাধ বিশ্বাস। সরকারের কাগজে কোনও ভুল থাকতে পারে এ আমি ধারণা করতে পারিনি।

হাকিম মুখ টিপিয়া একটু হাসিলেন, বুঝিলেন—পণ্ডিত খোসামোদের কথা বেশ বলিতে জানে। তিনি মুছ হাসিয়া কহিলেন—আপনি নেমে আসুন ওখান থেকে, টের সহ্য করেছেন, আর কেন ? হ্যাঁ, তারপর আপনি কি করতে চান—কোনও খেসারতের মামলা আনবেন কি ? যে-লোক আপনার উপর ভুল করে গ্যারেট জারী করেছে তার বিরুদ্ধে মোকদ্দমা করবেন ?

পণ্ডিত মহাশয় কোনওরূপে এই ফাঁদ হইতে পলাইতে পারিলে বাচেন, তিনি উদারভাবে কহিলেন—না হুজুর, সে সরকার বাহাদুরের চাকর, ইচ্ছে করে তো কিছু করেনি। শাস্ত্রে আছে—মুনিবাক মতিভ্রম।

হাকিম সহাস্তে কহিলেন—বেশ, তাহলে আপনি যেতে পারেন।

পণ্ডিত মহাশয়ের অন্তরের ভার লঘু হইয়া গেল—সঙ্গে সঙ্গে তাহার বাসস্তীরই কথা মনে হইল। সে তো ঠিকই বলিয়াছিল—কিছুই হয় নাই, অথচ তিনি ভাবিয়া ভাবিয়া এই কয়দিনেই অর্ধেক হইয়া গিয়াছেন। স্ত্রীর প্রতি এককদিন যে বিরুদ্ধভাব পোষণ করিয়াছিলেন, এইবার তাহা একেবারে নিঃশেষে মিলাইয়া গেল।

আদালতের কক্ষ হইতে বাহির হইতেই মোক্তারের সঙ্গে দেখা। পণ্ডিতকে দেখিয়াই সে কহিল—কি ঠাকুর, এখনও ডাক হয়নি তো ? এই হলো আর কি !

পণ্ডিত গভীরভাবে কহিল—ডাক হয়েছিল—খালাস পেয়েছি।

মোক্তার স্বর খুরাইয়া কহিল—সে তো জানি মশায়—আমি আগে থাকতেই হাকিমকে বলে রেখেছিলাম কি না,

কেমন ? যেমন কথা—সেই রকম কাজ কি না দেখুন। আদিত্য মোক্তারের কথা মিথ্যে হয় না—এ জানবেন। এখন দিন্তো বাকী দুটি টাকা। খুব সন্তায় সারলেন যাহোক। কিন্তু ওদিককার মক্কেল যেন দুই একটা পাই, বুঝলেন।

পণ্ডিত অপ্রসন্নমুখে কহিলেন—কৈ কিছুই তো করলেন না মশায়—শুধু শুধু—

মোক্তার বাধা দিয়া কহিল—ও কথা বলবেন না মশায়, আপনার জ্ঞান যা করেছে সে ভগবান জানেন। দেন দেন দুটি টাকা—তাড়াতাড়ি। আমার আবার ওঘরে একটা কেস আছে কি না।

হাস্তামা বাড়িয়া যাইবে দেখিয়া অগত্যা পণ্ডিতকে দুটি টাকা দিতেই হইল। টাকা দুইটি হস্তগত করিয়া মোক্তার কহিল—হ্যাঁ, তারপর ব্যাপারটা কি দাঁড়িয়েছিল, বলুন তো ?

পণ্ডিত মহাশয় সব খুলিয়া বলিলেন, সমস্ত শুনিয়া মোক্তার কহিল—আস্থন, আস্থন—দিই এক নম্বর মান-হানির মামলা টুকে। কম্বে কম—পাচশ টাকা খেসারৎ পাবেনই। আচ্ছা বের করুন দেখি সওয়া তিন টাকা। দরুন দরখাস্তের কোটফী বার আনা, মুহুরির আট আনা, আর আমার আপাতত দুই টাকা—

পণ্ডিত মহাশয় পলাইতে পারিলে বাচেন, কহিলেন—না মশায়, ওসবের মধ্যে আর যেতে চাইনে, আর হুজুরের কাছেও বলে এসেছি।

মোক্তার এইবার অপ্রসন্ন মুখে কহিল—বেশ তো। আপনার ভালোর জগাই বলছিলাম—আমার আর এতে লাভ কি ? এখনও একবার ভেবে দেখুন।

—বেশ ভেবে দেখেছি মশায়।—এই বলিয়া পণ্ডিত মহাশয় দ্রুতবেগে সরিয়া পড়িলেন।

৫

অত্যন্ত লঘু হৃদয়ে পণ্ডিত মহাশয় বাড়ীর পথে যাত্রা করিলেন। মিথ্যা অপবাদে বোঝা ঘাড় হইতে নামিয়াছে তো ! এই হাস্তাময় পড়িয়া টাকা দশ বারো খরচ হইয়া গেল—ইহাই যা দুঃখের কথা। তবু আর্থিক

ক্ষতির উপর দিয়া তাঁহার ফাঁড়াটি কাটিয়া গিয়াছে মনে করিয়া তিনি প্রীত হইয়া উঠিলেন। বাস্তবিক, বাসন্তী দুঃস্বপ্নটির ব্যাখ্যা ঠিকই করিয়াছিল—নিজের বিষয় দেখিলে পরের হয়। তাঁহার স্ত্রী চুরি না গিয়া গেল অন্যের পাঠা চুরি। আশ্চর্য্য বটে! কিন্তু ভোগটা ভুগিতে হইল তাঁহাকেই। কন্মের ফল আর কি! স্বপ্ন কি আর মিথ্যা হয়!

হাক্কামা তো মিটিল—এখন বাসন্তীকে লইয়া কৰ্ম্মস্থলে পৌছিতে পারিলে আর চিন্তা নাই। বাসন্তী কি যাইতে চাহিবে না? এই কথা মনে করিতেই পণ্ডিতের মুখে হাসি ফুটিয়া উঠিল। যাইতে আবার চাহিবে না—সে তো পা বাড়াইয়াই আছে। কিন্তু মুখে কিছু বলিতে চায় না। মেয়েমানুষের স্বভাবই তো ঐ। নারীর মনের কথা দেবতারাই বুঝিতে পারেন না—মানুষ তো কোন্ ছার!

মনে মনে এইরূপ নানা আলোচনা করিতে করিতে যতই তিনি অগ্রসর হইতে লাগিলেন, ততই তাঁহার ব্যবসা জমিল—বাসন্তীর মত স্ত্রী পাইয়া তিনি ধন্য হইয়া গিয়াছেন। এই বয়সে এমন পত্নীলাভ নেহাৎ লাগ্যের ফল।

পণ্ডিত মহাশয় বাড়ী পৌছিলেন। তাঁহার আগমন-সংবাদে গ্রামের অনেকেই ব্যাপার কি শুনিবার জন্ম আসিয়া উপস্থিত হইল। পণ্ডিত সহাস্যে সমস্ত কথা বিবৃত করিয়া কহিলেন—হাক্কিম অতি অমায়িক লোক—আমাকে দেখেই তিনি অবাক। আসামীর কাঠগড়ায় উঠতেই তিনি শশব্যস্ত হয়ে বল্লেন—নেমে আসুন, নেমে আসুন—গোল হয়েছে একটা। তারপর সমস্ত কাগজপত্র খেঁটে বল্লেন—আমি খেসারতের মামলা আনতে চাই কি না। কিন্তু ক্রোধ কি প্রতিহিংসা এসব নীচ প্ররুতি আমার নাই। আমি বললাম—না মহাশয়, ওসব আমি করবো না। কোটস্থল লোক অবাক! হাক্কিম থ' হয়ে আমার মুখের দিকে চেয়ে রইলেন। কিন্তু মোক্তার একেবারে নাছোড়বান্দা, বলেন—দেব আদায় করে পাচশ টাকা, দিন এক নম্বর মামলা ঠুকে। আমি বলে এলাম—কলিকালেও কুমাই ব্রাহ্মণের ধর্ম্ম। মামলা করলে

লাভ হ'ত মন্দ নয়—হাক্কিম তো আমার দিকেই ছিল—পাচশো কেন হাজার টাকাই আদায় হ'ত নিশ্চয়। কিন্তু অর্থের দিকে লোভ আমার কোনও দিনই নাই কি না।

বাসন্তীও সমস্ত শুনিল, কিন্তু সে কিছুই কহিল না। ইহাতে পণ্ডিত মহাশয় অত্যন্ত ব্যথা পাইলেন। রাত্রেই আহাৰাদি শেষ হইয়া গেলে বাসন্তী দুইখানি চিঠি পণ্ডিতের হাতে দিল। একখানি হেডমাস্টার মহাশয় লিখিয়াছেন—ছুটি মঞ্জুর হইয়াছে, তবে তিনি ব্যাপার জানিতে চাহিয়াছেন। আর একখানি ভোলা-সা লিখিয়াছে—এই চিঠিখানি পণ্ডিত মহাশয় বারংবার পড়িতে লাগিলেন এবং যতই তিনি পড়িতে লাগিলেন, ততই তাঁহার মুখ আনন্দোজ্জ্বল হইয়া উঠিতে লাগিল। ভোলা-সা লিখিয়াছে—

শ্রীশ্রীদুর্গা

জয়নগর

সহায়

২রা অগ্রহায়ণ

শতকোটি ভূমিষ্ট প্রণামান্তে নিবেদন,

পণ্ডিত মহাশয়, এখান হইতে যাইবার পর আপনার কুশল সংবাদ জ্ঞাত নহি। মাতাঠাকুরাণীসহ আপনি কেমন আছেন জানিবার ইচ্ছা। আপনাদের জন্ম বাসা ঠিক করিয়া রাখিয়াছি—আপনার ও মা-জননীর শ্রীচরণের প্লা পড়িলে ধন্য হই। পরে লিখি, এখানে অতি সহর আপনাদের শুভাগমনের পিতিকা করিতেছি। কারণ, গ্রামে একেবারে হলুতুল পড়িয়া গিয়াছে। বিবাহ বিষয়ে সরকার বাহাদুর কি একটা নতুন আইন জারি করিতে মনস্থ করিয়াছেন—খুব সম্ভব আগত বৈশাখ মাসেই আইনটি জারি হইয়া যাইবে। ধর্ম্ম আর কলিতে থাকিল না দেখিতেছি। যাহা ইউক, রাজা যদি ধর্ম্মনাশ করেন—আমাদের বলিবার কি আছে। শুনিতে পাই, দেশের লোকগুলাই সরকারকে খোঁচাইয়া এই আইন করাইতেছে। দেশের লোক দেশের শত্রুর হইয়া উঠিল। এখন কাজের কথা লিখি। আমরা ঠিক করিয়াছি—আইনটি পাশ হইয়া যাওয়ার পূর্বেই আমরা ছেলেমেয়ের বিবাহ দিয়া দিব। আপাততঃ ধর্ম্মরক্ষা ইউক তারপর যাহা হইবার হইবে। আমার নাতনিটির বয়স ছয়

বচ্ছর, আর দুই বচ্ছর পর শুভবিবাহ দিয়া গৌরীদানের পুণ্য লাভ করিব ভাবিয়াছিলাম। কিন্তু আর তো রাখা যায় না। এখন বিবাহ না দিলে আইনের প্যাচে আরও আট বচ্ছর অপেক্ষা করিতে হয়। বাপরে! চতুদশ পুরুষ তাহা হইলে এখন হইতেই নরকে পচুক! পচিতে ত হইবেই একদিন না একদিন, কিন্তু আগে থাকতেই তাহারা কেন কষ্ট পাইবেন। আমরা বারোয়ারি তলায় সেদিন সভা করিয়াছিলাম—সভায় স্থির হয় ইহারই মধ্যে আমরা ছেলেমেয়েদের বিবাহ শেষ করিয়া ফেলিব। এ সং প্রস্তাবে গ্রামের অনেকেই সহানুভূতি আছে। যে সব সম্ভান এখনও ভূমিষ্ঠ হয় নাই, তাহাদের জন্ম বড় দুঃখ হয়। কিন্তু উপায় কি? যাহারা জন্মিয়াছে তাহাদেরই উদ্ধার করা আমাদের সর্বপ্রধান কর্তব্য দাঁড়াইয়াছে। যাহা হউক, আমাদের দেশে পুরোহিতের বড় অভাব—আপনাকে আমাদের সাহায্য করিতে হইবে। বিশেষতঃ প্রায় ঘরে ঘরে বিবাহ সমাধা করিতে হইলে আপনার মত পণ্ডিতের অমুক্সা না হইলে আমাদের উপায় নাই। অবশ্য আপনার জন্ম আমরা বিশেষ দক্ষিণার ব্যবস্থা করিব। আপনার শুভাগমনের পিতৃক্ষায় উৎকটকিত হইয়া আছি। আমাদের এখানে একপ্রকার মঙ্গল। শ্রিচরণের কুশল পাখনীয়। নিবেদন ইতি।

শ্রিচরণের রজপাখী সেবকাদম

শ্রি ভোলানাথ সাহা

আড়তদার

জয়নগর বাজার।

পণ্ডিত যতক্ষণ চিঠি পড়িতে ব্যস্ত ছিলেন বাসন্তী ততক্ষণ শয্যায় শুইয়া পড়িয়াছে। চিঠি হইতে মুগ্ধ তুলিয়া পণ্ডিত বলিলেন—ওগো শুনছো?

বাসন্তী কোন উত্তর দিল না।

—এর মধ্যেই ঘুমুলে না কি। এট বলিয়া পণ্ডিত চিঠিখানি হাতে লইয়া শয্যার উপর গিয়া বসিলেন। নিকটে আসিতেই বাসন্তী বলিল—আমাকে একটু ঘুমুতে দাও, বড্ড মাথা ধরেছে আমার। ভোলা-সার চিঠি আমি পড়েছি, আমাকে নতুন কিছু শোনাতে হবে না।

জীবন ভাদ্র দেখিয়া পণ্ডিত বিরক্ত হইলেন, তবু হাসি

মুখেই কহিলেন—যা হোক, একটা ভাবনা ঘুচলো। নতুন জায়গায় নতুন সংসার পাততে হ'বে, প্রথমটা খরচ-পত্রের টানাটানিই চলতো। কিন্তু সুবিধে হ'ল মন্দ নয়। ওদের যেমন ব্যাপার দেখছি, মাসে অন্ততঃ আট-দশটা বিয়ে হবেই। পাওনাও মন্দ হবে না। এক রকম ওতেই গুছিয়ে নেওয়া যাবে—কি বল?

বাসন্তী হা-না কিছুই কহিল না।

পণ্ডিত বলিতে লাগিলেন—ভোলা সা ভারী বিচক্ষণ ব্যক্তি—ধর্মও মতি খুব। ই্যা, তারপর যাওয়া ঠিক পরশুই তো?

বাসন্তী সহজভাবেই কহিল—তোমার যেদিন ইচ্ছে যেতে পার, আমার যাওয়ার ইচ্ছা নেই।

পণ্ডিত অত্যন্ত বিরক্তিবোধ করিলেন, ক্র ক্রুদ্ধিত করিয়া কহিলেন—ইচ্ছে নাই, তার মানে?

বাসন্তী বলিল—এত সোজা কথাই মানে তোমার মত এতবড় পণ্ডিত বুঝতে পারে না—এইটাই আশ্চর্য।

বাসন্তীর ধীর মুখ কথার ঝঞ্ঝারে পণ্ডিত আর ক্রোধ সংবরণ করিতে পারিলেন না। কহিলেন—বড্ড বাড়ি বাড়ি হয়েছে দেখতে পাই যে! এত হতশ্রদ্ধা ভাল নয় বলে দিচ্ছি। আমার হুকুম—তোমাকে যেতেই হবে।

—বেশ তবে নিয়েই যোগ, দেখা যাবে।

নিরুদ্বেগ শান্ত কর্তৃত্ব! কিন্তু পণ্ডিত মহাশয়ের মনে হইল এই কথাগুলির ভিতর স্নেহ বিক্রপ, উপেক্ষার ভাব কানায় কানায় পূর্ণ রহিয়াছে। তিনি ক্রুদ্ধকণ্ঠে কহিলেন—আচ্ছা দেখেই নিও তুমি।...এই বলিয়া তিনি সরিয়া গিয়া শয্যার অপর প্রান্তে সশব্দে শুইয়া পড়িলেন। কিন্তু নিত্রা কিছুতেই আসিতে চাহিল না। বাসন্তীর ব্যবহার, বাসন্তীর উপেক্ষা, বিক্রপ তাহাকে বড় মর্মান্তিক বিধিতে লাগিল। আপন মনেই জলিয়া-পুড়িয়া কখন যে তিনি ঘুমাইয়া পড়িয়াছেন জানেন না। ঘুম ভাঙিতেই দেখিলেন হুয়ের আলোকে চারিদিক ভরিয়া গিয়াছে। তিনি একবার আড়চোখে চাহিয়া দেখিলেন, বাসন্তী শয্যায় নাই। দুর্গানাম স্মরণ করিয়া শয্যা উঠিয়া বসিতেই তাহার নজরে পড়িল—নিকটেই একখানি কাগজ দোয়াতে চাপা দেওয়া রহিয়াছে। সেটি হাতে তুলিয়া চোখ

দুলাইতেই পণ্ডিতের মাথাটা বোঁ বোঁ করিয়া ঘুরিয়া উঠিল। তিনি টাল সামলাইতে না পারিয়া শব্দার উপর দুরিয়া পড়িলেন। চিঠিতে লেখা ছিল—

ভোলা-সার পণ্ডিত বন্ধু !

আমি আমার নিজের পথ দেখিলাম। তুমি জয়নগর গিয়া একটি ছোট্ট বালিকাকে বিবাহ করিয়া বালিকার পিতার গৌরীদানের পুণালাভ করিবার সহায় হইও। জয়নগর অঞ্চলে বিবাহের যেক্রম পূৰ্ণ পড়িয়া যাইবে তাহাতে তোমার পক্ষে ইচ্ছা কিছুমাত্র কঠিন হইবে না। আমার সঙ্গে নিম্নটিকে লইয়া যাইতেছি, কারণ তোমার কাছে রাখিয়া তাহার পরকাল নষ্ট হইতে দিতে পারি না। আমার জগা বুথা খোঁজাখুঁজি করিয়া লোক হাসাইও না—তাঁহাতে কোনও ফল হইবে না।

‘বাসন্তী’

* * *

গ্রাম অপরাহ্ন। পণ্ডিত মহাশয় একরূপ ছুটিতে ছুটিতে গলদঘুম্ব হইয়া খন্ডুরালয়ে পৌঁছিলেন। গ্রামের প্রতি গৃহে তিনি স্বীয় সন্ধান করিয়াছেন, কিন্তু কোনও ফল হয় নাই, বরং লোকের বিদ্রূপ ও চাপাহাসিতে তিনি বিষমত হইয়া অবশেষে খন্ডুরালয়ে শেষ চেষ্টা করিতে আসিয়াছেন।

উন্মাদের মত বিভ্রান্ত দৃষ্টি পণ্ডিত মহাশয়কে দেখিয়া তাহার সম্বন্ধী জয়নারায়ণ কহিল—এ কি ! ভট্টাচার্য মহাশয় এমন অসময়ে যে ! কবে আসা হ’ল জয়নগর থেকে ?

পণ্ডিতের বুকট সজোরে ধড়াস করিয়া উঠিল। তবে তো বাসন্তী এখানে আসে নাই ! সে আসিলে কি জয়নগর হইতে আসিবার কথাটা অপ্রকাশিত থাকিত !

পণ্ডিত মহাশয় হাঁপাইতে হাঁপাইতে কহিলেন—এক ঘাস জল খাওয়াও তো আগে ভাই !

জয়নারায়ণ কহিল—বিলক্ষণ ! একটু বিশ্রাম করুন, স্থস্থ হন। রোদের মধ্যে আস্তে বড়ই কষ্ট হয়েছে দেখতে পাচ্ছি। তারপর, বাসন্তী ভাল আছে তো ?

পণ্ডিতের এইবার দৈর্ঘ্যধারণ কঠিন হইয়া উঠিল,

তিনি উল্লসিত অশ্রু নিরোধ করিতে করিতে ভগ্নস্বরে কহিলেন—সে নেই !

বিস্মিত জয়নারায়ণ কহিলেন—নেই ? নেই কি ভট্টাচার্য মহাশয়। তবে কি বাসন্তী—। তাহার কর্ণস্বরে ব্যাকুলতা যেন ঝরিয়া পড়িতেছিল।

পণ্ডিত মহাশয় বলিয়া উঠিলেন—না ভাই, সে বেঁচে আছে, কিন্তু আমার কাছ থেকে সে চলে গেছে।

ফিক করিয়া হাসিয়া জয়নারায়ণ কহিল—তবু ভাল। তাই বুঝি নালিশ কবতে ছুটে এগেছেন এখানে, বেশ, বেশ, কালই আপনার সাথে যোগে গোল মিটিয়ে দিয়ে আসবো। বুঝলেন ভট্টাচার্য মহাশয়, বোনটি আমার যেমন দৃষ্টিমতী তেমনি একশ্রুঁয়ে। ওকে একটু তোয়ামোদ করে না রাখলেন—।

পণ্ডিতের আর সঙ্গ হইল না, তিনি আশ্রয়বে বলিয়া উঠিলেন—তবে কি সে এখানে আসেনি ভাই ? আমি যে সকাল থেকে খুঁজে খুঁজে হস্তরণ হয়ে বেড়াচ্ছি। এপাশত পেটে একবিন্দু জল পর্যন্ত পড়েনি।

জয়নারায়ণ কহিল—আপনি অবাক করলেন ভট্টাচার্য মহাশয়। বাসন্তী কেন হঠাৎ আসতে যাবে এখানে। আচ্ছা, ব্যাপারখানা কি বলুন তো ?

—কথা বলবার শক্তি নেই ভাই। এই দেখ। এই বলিয়া তিনি ভোলা-সার ও বাসন্তীর চিঠি তার হস্তে ফেলিয়া দিলেন।

চিঠিখানি পড়িয়া দীর্ঘশ্বাস ফেলিয়া জয়নারায়ণ কহিল—বুঝেছি। আপনার দোষেই বোনকে হারাতে বসেছি। আপনার কি—এরই মধ্যে আর একটা মেয়ের—।

পণ্ডিত মহাশয় করুণকণ্ঠে বলিয়া উঠিলেন—হার কাটা ঘায়ে স্নানের ছিটে দিও না ভাই। আর আমি সঙ্গ করতে পারছি নে যে। সে যদি একবার ভালভাবে বলতো তবে কি আর ভোলা-সার প্রলোভনে—। গলা যে ভকিড়ে আসছে ভাই।

—থাক থাক পণ্ডিত মহাশয়, সব কথা পরে শোনা যাবে। এখন আর ভেবেচিন্তে উপায় কি বলুন। চন্দন এইবার বাড়ীর ভিতর। জলটল খেয়ে তারপর—।

এই বলিয়া জয়নারায়ণ তাঁহার হাত ধরিয়া টানিতে টানিতে বাড়ীর ভিতরে আনিয়া উচ্চস্বরে কহিল—মা, তোমার পণ্ডিত মশাই এসেছে—দেখে যাও। ওরে ও বাসন্তী, শীগ্গির এক গ্লাস জল আনতো দিদি, ভোলা-সার বন্ধু পিপাসায় শুষ্ককণ্ঠতালু হয়ে উপস্থিত হয়েছেন যে!

পণ্ডিতের মাথাটি যেন এইবার নতন করিয়া ঘুরিতে লাগিল। বিহ্বলভাবে এদিক-ওদিক চাহিতে চাহিতে প্রায় মিনিটখানেক পর ব্যাপারটি সঠিক বুঝিতে পারিয়া হো হো করিয়া হাসিয়া উঠিয়া কহিলেন—ভোলা-সার বন্ধু! হ্যা, হ্যা, ভোলা-সার বন্ধুই বটে! যাক, ভাই বোনে তোমরা খুব হাসালে দেখছি।

বীমাজগতে মহিলা

শ্রীমুরেশচন্দ্র রায়, এম-এ, বি-এল, এফ-আর-ই-এস

বিগত মহাযুদ্ধের পরে মহিলারা ব্যবসায়ক্ষেত্রে নানাস্থানে প্রবেশলাভ করিয়াছেন। জাতীয় জীবনে স্ত্রীলোকেরও যে একটা পৃথক অস্তিত্ব আছে তাহা ক্রমেই জনসমাজ উপলব্ধি করিতেছে। পাশ্চাত্য জগতের রমণীরা তাহাদের স্বাদিকার অনেকাংশে লাভ করিয়াছেন। আমাদের দেশে এখনও তাহা হয় নাই। কিন্তু সময় আসিয়াছে।

মানুষের জীবনে প্রতিনিয়ত দৈবের সঙ্গে দ্বন্দ্ব করিতে হয়। মানুষ সর্বদাই নানারূপ উপায় খুঁজিতেছে যাহাতে দৈব তাহাকে বিপদগ্রস্ত করিতে না পারে। এইজন্তই ভবিষ্যতের কথা ভাবিতে হয়। বাদ্ধিক্যে, আকস্মিক দুর্ঘটনায়, অকালমৃত্যুতে যাহাতে নিজের বা পরিবার-বর্গের বিশেষ বিপদ না হয়, তাহার জ্ঞান সংস্থান করিতে হয়। এইজন্তই বীমার বা ইন্সিওরেন্সের প্রয়োজন।

মধ্যযুগে যখন প্রথম বীমার কাজ আরম্ভ হয়, তখন সে সময়ে শাসকগণ মনে করিতেন বীমা করা ভগবানের বিরুদ্ধাচরণ। মানুষের অকালমৃত্যু হইলে তাহার পরিবারবর্গ কষ্ট পাইবে, সংস্থান অভাবে বৃদ্ধবয়সে অনাহার, আকস্মিক দুর্ঘটনায় যাতনাতোষণ এসবই ভগবানের শাস্তি। ইহার প্রতিকারের চেষ্টা মহাপাপ। কিন্তু এ ভ্রান্ত ধারণা মানুষের মন হইতে ক্রমে দূর হইয়াছে। এখন আমরা বুঝিয়াছি ভগবান আমাদের

জগতে পাঠাইয়াছেন নানা বিপদ-আপদের মধ্যে। তিনি বলিয়াছেন, “তোমরা আমার মত বীর সন্তান, বাধা-বিপত্তির মধ্যে দিয়ে তোমাদের সংগ্রাম করে যেতে হবে; এই সংগ্রামে জয়লাভই তোমাদের গৌরব।” কাজেই দৈবের শাসন হইতে নিজেকে রক্ষা করা পাপ নয়, সেটা মানুষের কর্তব্য।

দৈবের সঙ্গে সংগ্রামের অস্ত্র বীমা। বীমার প্রয়োজনীয়তা সম্বন্ধে এখন আর বেশী বুঝাইতে হয় না। তবে বীমা যে কেবল পুরুষদের জন্ত নহে, স্ত্রীলোকের জন্তও ইহার আবগুকতা আছে, এ কথাটা বিশেষ করিয়া প্রাধিকার করা কর্তব্য।

সাধারণ গৃহস্থঘরে স্ত্রীলোকেরা অর্থ উপার্জন করিয়া আনেন না। তবে তাহারা সংসারের যে-সমস্ত কাজ করেন অর্থনৈতিক হিসাবে তাহার মূল্য যথেষ্ট। আমাদের দেশে কত পরিবার যে গৃহিণীর মৃত্যুর পরে ছারখার হইয়া যায় তাহার ইয়ত্তা নাই। গৃহিণীর মৃত্যুতে পরিবারের আয় কমে না, কিন্তু ব্যয়ের মাত্রা বাড়িয়া যায়। যিনি লক্ষীর মত সমস্ত সংসারকে সংবদ্ধ রাখিয়াছিলেন, তাহার অবর্তমানে সেই সংসারের শ্রী অটুট রাখা সম্ভব নয়। অর্থব্যয় করিয়া অবশ্য অনেকটা হ্রবিধা করা যায়; ছোট ছোট সন্তানের লালন-পালনের ভার উপযুক্ত শিক্ষয়িত্রীর হাতে দেওয়া যাইতে পারে,

তাহাদের স্বাস্থ্যের তত্ত্বাবধানের ভার চিকিৎসক বা নাসের উপর ন্যস্ত করা যাইতে পারে, যাহাতে তাহাদের কোন অসুবিধা না হয় সেজন্য দাসদাসী রাখা যাইতে পারে। এ সবেব জন্ম অর্থের প্রয়োজন। গৃহিণীর বর্তমানে এ সবেব কিছুই দরকার থাকে না। তিনি একাধারে শিক্ষয়িত্রী, চিকিৎসক ও দাসদাসী। তাঁহার মৃত্যুতে গৃহকর্তা জন্মিয়া অন্ধকার দেখেন। কাজেই দেশের প্রত্যেক গৃহিণী যদি জীবনবীমা করেন তবে তাহাদের অকস্মাৎ মৃত্যুতে জীবনবীমার টাকায় পরিবারের কষ্ট যথেষ্ট পরিমাণে লাঘব হয়। এ ছাড়া আর একটা বিষয় ভাবিবার আছে। জীবনবীমা (মেয়াদী বীমা বা Endowment Assurance) দ্বারা যে সঞ্চয়ের সুবিধা হয় একথা সকলেই জানেন। অনেক পরিবারেই গৃহিণীর হাতে থরচপত্রের ভার। তাঁহার নিজের জীবনবীমা থাকিলে তিনি থরচের টাকা হইতে কিছু কিছু অংশই সঞ্চয় করিবেন। দশ পনের বা বিশ বৎসর পরে একসঙ্গে কতকগুলি টাকা পাইলে পরিবারের যথেষ্ট মঙ্গল হয়, মেয়ের বিবাহ বা পুত্রের পড়ার থরচের সংস্থান হয়। অনেক স্থানে গৃহকর্তা সঞ্চয় সম্বন্ধে উদাসীন : সেখানে গৃহিণীই কতবা জীবনবীমা করিয়া সঞ্চয়ের ব্যবস্থা করা।

জীবনবীমা ব্যতীত আরও নানারূপ বীমা আছে যাহাতে মহিলাদের স্বার্থ যথেষ্ট। যেমন অগ্নিবীমা— আগুনে বাড়ীঘর নষ্ট হইলে গৃহিণীরই সবচেয়ে বেশী কষ্ট হয়। বাসিক সামান্য কিছু টাকা দিলেই বাড়ীঘর বীমা করা থাকে। আগুনে বাড়ীঘর নষ্ট হইলে বীমা কোম্পানী ক্ষতিপূরণ করিবে। বিলাতে নানারূপ চুরি বীমা আছে। অথবা কোন জিনিষ চুরি হইলে কোম্পানী ক্ষতিপূরণ করিবে। সেখানে অনেক গৃহিণীই নিজেদের গহনার জন্ম এইরূপ বীমা করিয়া থাকেন। দৈবাৎ গহনাপত্র চুরি হইলে তাহাদের মাথায় হাত দিয়া বসিতে হয় না। গত বৎসর আমি যখন ইংলণ্ডে ছিলাম তখন একটি ভদ্রলোকের স্ত্রী যমজ সন্তান বীমা করিয়াছিলেন। তিনি গভবতী ছিলেন, বীমা করিলেন যদি যমজ সন্তান হয় তবে তজ্জন্য অতিরিক্ত থরচের জন্ম বীমাকোম্পানী

এক হাজার পাউণ্ড দিবে। পরে সত্যি তাঁহার যমজ সন্তান হইল এবং তিনি একহাজার পাউণ্ড পাইলেন।

বিলাতে এক প্রকার সংবাদপত্র কূপন বীমা আছে। অনেক গৃহিণীই এইরূপ বীমা করিয়া থাকেন। একটি সংবাদপত্রের গ্রাহক হইলেই এরূপ বীমা করা যায়;



মিস এডিথ বীসলী

সংবাদপত্রের মূল্য ব্যতীত অতিরিক্ত কিছুই দিতে হয় না। এই বীমার ফলে নানারূপ আকস্মিক দুর্ঘটনায় সাহায্য পাওয়া যায়। রান্না করিতে যদি হাত পুড়িয়া যায়, সিঁড়ি হইতে পড়িয়া যদি আঘাত লাগে অথবা যদি আকস্মিক মৃত্যু হয় তবে ক্ষতির পরিমাণে আর্থিক সাহায্য পাওয়া যায়। বিলাতে গৃহিণীরা দৈবের হাতে ভবিষ্যৎ ফেলিয়া রাখেন না। তাহারা বীমা দ্বারা ভবিষ্যতকে করায়ত্ত করিয়া রাখেন। আকস্মিক দুর্ঘটনা তাহাদিগকে সহজে বিপদগ্রস্ত করিতে পারে না। দারিদ্র্যের কবল হইতে উদ্ধারের ব্যবস্থা তাহারা পূর্বেই করিয়া রাখেন।

বীমা-জগতে মহিলাদের আর একটি কাজ আছে। এখনকার দিনে অনেক মহিলাকে নিজেদের নগ্ন-পোষণের জন্ম অর্থোপার্জন করিতে হয়। বিনামূল্যে নানারূপ ব্যবসায়-কাণ্ডে মহিলারা প্রবেশ করিয়াছেন। পোষ্টাফিসের কেবালী, আপিসের টাইপিষ্ট, অদিক-এই মহিলা। সেখানকার বীমা কোম্পানীগুলির আপিসে

বহু মহিলা কাজ করেন। আমার মনে হয় বীমার কার্য স্ত্রীলোকদিগের পক্ষে বিশেষ উপযোগী। যদি মহিলারা বীমা কোম্পানীর এজেন্টরূপে কাজ করেন তবে তাঁহারা সহজেই অনেক অর্থ উপার্জন করিতে পারেন। স্ত্রীলোকেরা নিজেদের বৈশিষ্ট্য বজায় রাখিয়া এবং গৃহের কাজ করিয়াও বীমার কাজ করিতে পারেন। বর্তমানে মহিলারা নানারূপ কাজে বেরূপ কর্মক্ষমতা দেখাইতেছেন



মিস্ মেরিয়ন্ ফ্রেক

তাহাতে মনে হয় বীমার কাজে তাঁহারা সহজেই সাফলা লাভ করিবেন।

পাশ্চাত্য দেশে মহিলারা বীমার কাজে বিশেষ প্রতিপত্তি লাভ করিয়াছেন। বর্তমানে ইংলণ্ডে তিনটি মহিলা বীমাফ্রেম উচ্চপদ লাভ করিয়াছেন মিস্ এডিথ্ বীম্‌লী, মিস্ মারিয়ন্ ফ্রেক ও মিসেস্ বভিল্। প্রথমোক্ত দুইজনদের সঙ্গে আমার লগুনে বিশেষ পরিচয় হইয়াছিল। তাঁহাদের প্রচেষ্টার ফলে অনেক মহিলা বীমার কাজে অর্থোপার্জন করিয়া পরিবারের স্বথস্বাচ্ছন্দ্য বর্দ্ধন করিতে সক্ষম হইয়াছেন।

মিস্ বীম্‌লী প্রথমে লগুনে টাইপিষ্টরূপে কাজ আরম্ভ করেন। তারপরে দক্ষিণ আফ্রিকাতে শিক্ষয়িত্রী হইয়া যান; সেইখানে বীমার কাজ গ্রহণ করেন। যুদ্ধের সময় লগুনে ফিরিয়া নরউইচ ইউনিয়ানে কাজ করেন। আরও কয়েকটি বীমা প্রতিষ্ঠানে কার্য করিয়া বিশেষ যশোলাভ করেন। পরে ১৯২৭ সালের ১লা জানুয়ারী সাদার্ব লাইফ এনোসিয়েশানের গুয়েস্টে যোগ্য মনোজ্ঞারের পদ লাভ করেন। স্ত্রীলোকের পক্ষে এইরূপ উচ্চপদ বীমা-ক্ষেত্রে প্রথম। কাজেই তাঁহার নিয়োগে সর্বত্র বিশেষ সাড়া পড়িয়াছিল।

মিসেস্ বভিলও প্রথমে টাইপিষ্টরূপে কাজ আরম্ভ করেন। সন্ লাইফ অফ কানাডা আপিসে বিশেষ দক্ষতালাভ করিয়া ১৯২৬ সালে ইংলণ্ডের এজেন্সি অ্যাফিক্যান লাইফ এসিওরেন্স সোসাইটির মনোজ্ঞারের পদ লাভ করেন।

লিভারপুল লগুন এও য়োব আপিসের মিস্ ফ্রেকও অতি সামান্যভাবে বীমার কাজ আরম্ভ করেন। কিন্তু কাৰ্যক্ষমতা দ্বারা তিনি এখন উচ্চপদে উন্নীত হইয়াছেন। মিস্ ফ্রেকের চেষ্টায় প্রায় পাঁচশত মহিলা বীমার কার্যে ব্রতী হইয়াছেন। অবসর সময়ে তাঁহারা কাজ করেন এবং তাহারই ফলে অর্থ উপার্জন করিয়া পরিবারের স্বাচ্ছন্দ্য বিধান করেন। সম্প্রতি মিস্ মেরী উইডনস্ নামে একটি তরুণী মিস্ ফ্রেকের সহকারীরূপে কাজ গ্রহণ করিয়াছেন। তিনি কেম্ব্রিজ বিশ্ববিদ্যালয়ে বি-এ ডিগ্রীর জন্য অধ্যয়ন করিতেছিলেন। কিন্তু পাঠ ত্যাগ করিয়া তিনি বীমার কাজ গ্রহণ করিয়াছেন। মিস্ উইডনস্-এর খুব উৎসাহ আছে এবং তিনি আশা করেন এ কাজে তিনি সাফলা লাভ করিবেন।

আমেরিকাতে মহিলারা বীমার কাজে আরও বেশী পারদর্শিতা দেখাইয়াছেন। সেখানে অনেক মহিলা বীমার কাজ করিয়া অর্থোপার্জন করেন। একটি বীমা কোম্পানীর মহিলাদের জন্য স্বতন্ত্র একটি বিভাগ আছে— তাহাতে ৬০ জন মহিলা এজেন্টরূপে কাজ করেন। এই কয়জন মহিলা ১৯২৯ সালে প্রায় ১৪ লক্ষ টাকার বীমার কাজ সংগ্রহ করিয়াছেন। তাঁহাদের মধ্যে আটজন মহিলা

প্রত্যেকে প্রায় পৌনে তিনলক্ষ টাকার কাজ করিয়াছেন। মিসেস্ কিথিয়ান নামে একটি মহিলা এই বিভাগের কর্মী। মিসেস্ কিথিয়ান বীমার কাজ করার সঙ্গে সঙ্গে দুইটি ছেলেকে মানুষ করিয়াছেন। আমাদের দেশের লোকের ধারণা যে, মহিলারা যদি বাহিরের কাজে যান তবে তাঁহারা সংসার দেখিবেন না। আশা করি, মিসেস্ কিথিয়ানের দৃষ্টান্ত এ ধারণা দূর করিবে। তাঁহার অধীনস্থ প্রায় সকল মহিলা-কন্মাই পরিবারের সমস্ত কাজ করিয়া অবসর সময়ে বীমার কাজ করেন। তাহাতেই তাঁহাদের বেশ রোজগার হয়।

পাশ্চাত্য দেশের মহিলাদের এই সব দৃষ্টান্ত আমাদের দেশের মহিলাদের অনুকরণীয়। এখন আমাদের দেশের অনেক মহিলার নিজেদের উপার্জন করিতে হয়। কিন্তু তাঁহাদের কাজের ক্ষেত্র অতিশয় সীমাবদ্ধ। বিদ্যালয়ে শিক্ষয়িত্রীর কাজ ব্যতীত অন্তরূপ কাজের সুযোগ তাঁহাদের পক্ষে কম। আমার মনে হয় বাঁমার কাজ মহিলাদের পক্ষে বিশেষ উপযোগী। পরিবারের গৃহস্থালী কাৰ্য্য করিয়াও অবসর সময়ে তাঁহারা এ কাজ করিতে পারেন। তাহাতে তাঁহাদের উপার্জনের বিশেষ সুবিধা হইবে, দেশেরও বিশেষ মঙ্গল হইবে।

ভারতচন্দ্রের কবিতায় 'প্রবচন'

শ্রীনারায়ণ ভট্টাচার্য্য, এম-এ

প্রাক্তন ভারতচন্দ্র বাংলার প্রথিতনামা কবি। প্রায় দুইশত বৎসর হইল তিনি ধরাধাম ত্যাগ করিয়াছেন, কিন্তু আজ পর্যন্ত তাঁহার কবিতা অক্ষর রহিয়াছে এবং চিরদিন থাকিবে। শব্দের বন্ধন এবং ছন্দের সীমায়িত নৃত্যগতিতে এই কবির কাব্যাবলী লোক-সমাজে এত বেশী আদৃত হইয়াছিল যে, রসপিপাসু বাঙালী তাহা সম্পূর্ণরূপে নিঃস্বন্দ করিয়া লইয়াছিল। তাই আজও বাংলার ঘরে ঘরে, দৈনন্দিন কথাবার্তার মধ্যে ভারতচন্দ্র এত সহজভাবে আত্মপ্রকাশ করেন যে, বন্ধী কিংবা শ্রোতা কেহই তাহা জানিতেও পারে না। আবার বৃদ্ধ বনিতা কথায় কথায় তাঁহার ভাষা প্রবচন-রূপ ব্যবহার করিয়া থাকে। ইহা দ্বারা তাঁহার প্রতি জনসাধারণের গভীর অনুরাগের পরিচয় পাওয়া যায়।

প্রথম উক্তি পোরে, জনসাধারণ ত ভারতচন্দ্রের কবিতা হইতে প্রবচন সংগ্রহ করে নাই; বরং দেশের পাণ্ডিত্য তাহাদের কথায় বাতায় যে সকল প্রবচন ব্যবহার করিত তিনি তাহাই প্রয়োজনমত নিজ কাব্যমধ্যে অন্তর্ভুক্ত করিয়াছেন। সুতরাং এই সকল প্রবচন ধরে তাঁহার প্রতি জনান্তরায় প্রমাণিত হয় না। এই বিষয়টি আমরা সংক্ষেপে আলোচনা করিব।

ভারতচন্দ্রের সময় কোন্ কোন্ কথা জনসাধারণ প্রবচন-স্বরূপ ব্যবহার করিত তাহা জানিবার উপায় নাই। সমসাময়িক সাহিত্য খুঁজিলে হয়ত দুই একটি কথার সন্ধান মিলিতে পারে, কিন্তু ইহাতে আমাদের সমগ্রার পূর্ণ সমাধান হয় না। অতএব দেখা যাইতেছে তাঁহার কাব্যে ব্যবহৃত কোন্ প্রবচনটি স্বকীয়, কোন্টাই বা পরকীয় তাহা বুঝিবার যো নাই। এরূপ অবস্থায় সমগ্রই অনুমানের উপর নির্ভর করিতে হয়। আমরা ধরিয়া লইলাম ভারতচন্দ্রের ব্যবহৃত প্রবচনগুলির মধ্যে অনেকগুলিই তদানীন্তন চলিত কথা হইতে গৃহীত। কিন্তু ইহাতে তাঁহার গৌরব বাড়ে বই কমে না।

এখানে একটি কথা বুঝিতে হইবে। কবি সকল সময়ই কিছু আর নূতন তথ্য আমাদের সম্মুখে ধরেন না; অনেক সময়ই তিনি অগ্নি সাধারণ চলিত কথাগুলিকে স্বকীয় ভাষায় একটি বিশিষ্ট রূপ দান করেন। সেই রূপ যদি দৃঢ়গ্রাহী এবং সর্বাঙ্গসুন্দর হয়, তাহা হইলে জন-মনের উপর কবির প্রভাব অপরিমিত হইয়া পড়ে। জনসাধারণ তাঁহার ভাবকে নিজেদের অজ্ঞাতসারেই আয়ত্ত করিয়া থাকে। ভারতচন্দ্রের অপূর্ণ সময় বাঙালীর চিত্তকে এত মুগ্ধ করিয়াছিল যে, তাহারা

তাহাদের চলিত প্রবচনগুলির প্রাচীন রূপ বিবৃত হইয়া কবির ভাষাকেই সাদরে গ্রহণ করিলেন এবং ভবিষ্যৎ বংশধরগণকে উত্তরাধিকারস্থে তাহা দান করিয়া গেলেন। নিম্নোক্ত পঙ্ক্তিগুলি আমাদের কথার সত্যতা প্রমাণ করিবে। ইহাদের মধ্যে অনেকগুলিই আমরা দৈনন্দিন কথাবাত্তার মধ্যে চালাইয়া থাকি।

- ১। যত আনি তত নাই, না ঘুচিল খাই পাই।
- ২। নারী যার পুত্ররা সে জন জীয়ে মরা।
- ৩। হাভাতে যদপি চায় সাগর শুকায়ে যায়।
- ৪। মাতঙ্গ পড়িলে রমে পতঙ্গ গ্রহণ করে।
- ৫। মস্তুর মাখন কিংবা শরীর পাতন
- ৬। গলে সাপ বাকি চাই, তবু অন্ন নাহি পাই।
- ৭। বুড়া বয়সের বন্ধু অল্পে হয় রোষ।
- ৮। মাটি মুঠা ঘর যদি সোনা মুঠা হবে।
- ৯। একা যাব বন্ধমান করিয়া যতন
- ১০। যতন নাহিলে নাই মিলয়ে রতন।
- ১১। নীচ যদি উচ্চভায়ে ব্রহ্মপুঞ্জ উড়ায় হাঙ্গে।
- ১২। আছিল বিস্তর ঠাট প্রথম বয়সে।
- ১৩। বাতাসে পাতিয়া ফাঁদ কোন্দিল তেজায়।
- ১৪। কড়িতে বাঘের চক্ষু মিলে।
- ১৫। লাভ কে করিতে চায় মূল রাখা হেল দায়।
- ১৬। বাতাসে পাতিয়া ফাঁদ ধরে দিতে পারি চাঁদ।
- ১৭। হুঁস্ফি যখন ধরে ভাল কর্ম মন্দ করে।
- ১৮। তিন কাল গেল মোর এক কাল আছে।
- ১৯। বেড়া নেড়ে যেন গৃহস্থের মন বুঝা।
- ২০। গোড়ায় কাটিয়া মাথায় জল।
- ২১। বড়র পীড়িতি পালির বাপ
অথো হাতে দড়ি অথোকে চাঁদ।
- ২২। যাহার লাগিয়া চুরি করি গিয়া
সেই জন কহে চোর।
- ২২। পূজা না হইতে মাগে আগে ভাগে পর।
- ২৩। বিস্তর হইবে নষ্ট একেরে বধিতে।
- ২৪। ভারত জানয়ে প্রেম এমনি গুণাল
- ২৫। মুখে এক মনে আর।
- ২৬। উত্তম উত্তম মিলে অধম অধমে,
কোথায় মিলন হয় অধম উত্তমে।
- ২৭। ভবিষ্যতে ভাবি কেবা বর্তমানে মরে।
- ২৮। যে কহে বিস্তর মিছা যে কহে বিস্তর।
- ২৯। শিলা গলে ভাসি যায় বানরে সজ্জাত গার
দেখিলেও না হয় প্রত্যয়।
- ৩০। পুরুষের পর যাছা নারী নাকি পারে তাহা।
- ৩১। ভাবিতে উচিত ছিল প্রতিজ্ঞা যখন।
- ৩২। গুণ হয়ে দোষ হইল বিদ্যার বিদ্যায়।
- ৩৩। হয়ে বিধি পাকা আঁন দাড়কাঁকে থায়।
- ৩৪। ছায়ে ভাঁড়াইল মায়।
- ৩৫। যার কর্ম তারে সাজে অজ্ঞ লোকে লাঠি বাজে।

- ৩৬। হাত ছোট আঁত বড় এ বড় প্রমাদ।
- ৩৭। ভেকে ভুলাইয়া পয়ে ভুঙ্গ মধু খায়।
- ৩৮। যে জন আপন বৃক্ষে পরভুখে তারে স্বখে।
- ৩৯। যার লাগি দ্রুতগামী সে অশাগী চায়।
- ৪০। ধায় রায়বাণী.....
- ৪১। নষ্টের এ বড় গুণ পিঠেতে মাথায় চূণ।
- ৪২। ঘরে পোষে চোর, আরো কহে জোর।
- ৪৩। কুটনী গস্তানী বড় যে মস্তানী।
- ৪৪। ছই নারী বিনা নাহি পতির আদর।
- ৪৫। কাজের মাথায় বাগ বাচাইতে দায়।
- ৪৬। নষ্ট হই নষ্ট সঙ্গে হয়েছে মিলন
রাবণের দোষে যেন দিকুর বন্ধন।
- ৪৭। আমার সংসারে সার স্বস্তুরের ঘর।
- ৪৮। তুখে বিনা নহে সুখ।
- ৪৯। ক্রিভূবনে ভূমি ভাল আর সব কাল লো।
- ৫০। একে আরম্ভিতে হয় আরে অবসর।
- ৫১। মাকার না ভাবিয়া যে ভাবে নিরাকার
সোনা ফেলি কেবল আঁচলে গিরা মার।
- ৫২। পরশ পরশে লোহা সোনা করিবারে।
- ৫৩। নগর পুড়িলে দেবালয় কি এড়াইয়।

এইগুলি ছাড়া আরও কতকগুলি পঙ্ক্তি আছে যাহা

মাঝে মাঝে লোকের মুখে শোনা যায়। যথা :—

- ১। কাকীপুর বর্জমান ছয় মাসের পথ
চয়দিনে উত্তরিল অথ মনোহর।
- ২। কে বলে শারদ শশী সে মূখের তুলা
পদ নাপে পড়ি তার আছে কতগুলি।
- ৩। যদি কালী কুল দেন কুলে আগমন।
- ৪। ভারত কহিছে এ ত জানাগনি গো।
পতি লয়ে চ সতীনে হানাহানি গো ॥

ইহারা ত্রিক প্রবচন নহে। সুতরাং ভিন্নভাবে লিপিবদ্ধ হইল।

মহারাজ কৃষ্ণচন্দ্রের রাজসভা এই কবি অলঙ্কৃত করিয়াছিলেন। সমাজনীতির মাপকাঠিতে ইহার কাব্যাবলীর স্থান-বিশেষ শ্রীলতা-বিরুদ্ধ বলিয়া বিবেচিত হইতে পারে। কিন্তু আমাদের স্বরণ রাখা কর্তব্য যে, তৎকালীন বঙ্গসাহিত্যে নাগরিক কবিতার বিস্তর প্রভাব ছিল। ইহাতে কাব্যামোদী পাঠকের রস উপভোগে কোন ব্যাঘাত দৃষ্টিত না। সুতরাং অশ্লীলতার জ্ঞা ভারতচন্দ্র দাম্য নহেন। তিনি চন্দ্রের যে অপূর্ণ ‘তাজমহল’ সৃষ্টি করিয়া গিয়াছেন, তাহাই আমাদের গৌরবের বিষয়। বাঙালী যতদিন বাঁচিয়া থাকিবে, এই কবিও ততদিন অমর হইয়া রহিবেন।

ঢেউ

শ্রীপাঁচুগোপাল মুখোপাধ্যায়

ষ্টেশনটি ছোট, ষ্টেশনের ঘরটিও তাই।

মাষ্টারবাবু বাঙালী; রোগা, লম্বা চেহারা—বৈশিষ্ট্যের মধ্যে গায়ের রঙের তীব্রতাটাই সকলের আগে চোখে পড়ে। বয়স খুব বেশী নয়, কিন্তু ললাটে এরই মধ্যে রেখা পড়েছে; চোখ দুটি ভীক, শক্তিত। চোখে চশমা এবং মাথায় গোলাকার টুপি এঁটে দিবারাত্রি কাজেই বাহ।

কাজই তার জীবনের একমাত্র ‘বোমাস’!

বাংলার সীমানা বহুদূরে ফেঁলে আসতে হয়েছে টিফিনার এই প্রাচ্যে। ষ্টেশনের থানিকদূরে পাহাড়ের শ্রেণী আরম্ভ হয়ে কতদূর পর্যন্ত চলে গেছে, কে তার হিসাব রাখে! গাছপালার আড়ালে চিম্বার চিকন মূর্তি চোখে পড়ে—বিতৃত, বিপুল! তীরের কাউগাছগুলি হাওয়ার দোলায় মথুরিয়ে ওঠে।

কিন্তু এর মধ্যে বৈচিত্র্য কোথায়?

রমেশ আজ সাত বন্সর এইখানেই পড়ে আছে—খিদে একা নয়।

ন’ বছর আগে, দেশে থাকতে সবুসর সঙ্গে রমেশের বিয়ে হয় এবং এই ন’ বছরের মধ্যে তাদের সঙ্গীত সমসারে আরও তিনটি প্রাণীর আবির্ভাব হয়েছে।

পৃথিবীর প্রত্যেক নব-দম্পতির মত গুরাও একদিন আকাশের গুরু-তারার পানে চেয়ে রাত্রি জেগেছে, গল্পনা ও প্রেম-গুস্তনের মধ্যে রাতের আকাশ সন্দিগ্ধ অগোচরে ভোরের আলোয় ভরে উঠত। তারপর ঠিক তেমনি অগোচরেই তাদের মিলন-সমারোহ এল ম্লান হয়ে, কথাবাত্তার মধ্যে একঘেয়েমী এবং পুনরাব্রতী ছাড়া কিছু রইল না।

কিন্তু সবুসর মধ্যে কোন অভাব আবিষ্কার করা হয়নি। এই অপরিস্রুত দেশ ও মাহুয়ের মধ্যে সে নিজেকে সম্পূর্ণ মানিয়ে নিয়েছে। রেল-কোম্পানীর

অপরিমিত কোয়ার্টারের মধ্যেই আজ ধীরে ধীরে গড়ে উঠেছে একটি শান্ত, সুশৃঙ্খল গৃহস্থালী।

পয়েন্টস-ম্যান জগন্নাথের মা সকালে জল তুলে, বাটনা বেঁটে, উছুন ধরিয়ে দেয়, তারপর চলে সবুসর রান্না। ছেলে-মেয়েগুলি পিছন থেকে গলা জড়িয়ে দরে, কেউবা পাশে বসে পা ছড়িয়ে কান্না শুরু করে দেয়। কিন্তু এসব ছোটখাট উৎপাত সবুসর সহ্য হয়ে গিয়েছে।

দুপুরে টেন বড়-একটা থাকে না, রমেশ এই সময়টুকু ঘুমিয়ে নেয়। কাছে কোন ইঞ্চল নেই—সবুসর নিজের মাষ্টার-মশাই সেজে ছেলেদের পড়াতে বসে। নিজের সেলাইয়ের কাজও চলে ঐসঙ্গে।

সবুসর চারিদিকে কাজের পাহাড়। বিকেলে ঘরের প্রত্যেকটি জিনিষ মনোমত করে সাজান, সবুসর শয়ান রচনা, ছেলেদের হাজার রকমের বায়না মেটান, এ-সব ত আছেই। এই নিরবসর কাজের পাহাড়ের আড়ালে সবুসর আপনাকে কোথায় লুকিয়ে রেখেছে সে খোঁজ কে রাখে?

রমেশ মাকে মাকে সবুসর প্রতি মনোনিবেশের চেষ্টা করে।

“খাস্তা, উমাকে দু-চার দিনের জন্তে আসতে লিখলে কেমন হয়?”

উমা সবুসর ছোট বোন—এছর-ভুই আগে কলকাতার এক বানেন্দী ঘরে তার বিয়ে হয়েছে। উমার আশ্চর্য্য সৌন্দর্য্যে অভিভূত হয়ে তাঁরা পয়সার দিকে খেয়াল করেন নি; নইলে অমন ঘরে পড়া উমার পক্ষে একেবারেই সম্ভব ছিল না।

সবুসর ক্ষণকাল তন্দ্রাগ্রস্তের মত চূপ করে বসে থাকা বললে, “কি করবে এসে?”

রমেশ আশ্চর্য্য হয়ে বললে, “নাও কথা, এসে আবার কি করবে? কতদিন তোমার সঙ্গে—”

“সে আমি জানি। তার জন্তে তোমায় ভাবতে হবে না।”

রমেশ রসিকতার চেষ্টা করে।

“কিন্তু ভয়ের কিছু সত্যিই নেই! যাই বল, বোনের প্রতি তোমার এই সম্ভাবটুকু ইতিহাসে লিখে রাখবার মত।”

সরযু উত্তর দেয় না, কিন্তু চোখ দুটি হঠাৎ মেঘ-ময় হয়ে আসে। ক্রমশঃ কালো মুখখানিতে ব্যথার আভাস ফোটে কিনা, সহজে তা বোঝবার উপায় নেই। ঘরের চতুর্দিকে চেয়ে উমার বিলাস-বিকীর্ণ সংসার-শ্রীর কথা ভাবে। বাবাকে সরযুর মনে পড়ে না—মায়ের মুখে তাঁর গল্পই কেবল শুনেছে। মাও আজ নেই। উমার দিদি হিসেবে তাকে মধ্যে মধ্যে নিয়ে আশাই হয়ত উচিত, কিন্তু জীবনের সমস্ত উচিতকে পালন করবার সৌভাগ্য হয় ক’জনের?

রমেশ কনের মাহুয়ের মত খেটে চলে। খাটুনিতেই তার আনন্দ, ছুটি চাইলে পেতে পারে কিন্তু নেয় না। তাই ব’লে সরযুর প্রতি সে একেবারে উদাসীন নয়।

“চল না দিনকয়েক কলকাতা থেকে ঘুরে আসি।”

“থাক, কাজ কি?”

“তোমাদের দেশেও একবার ঘুরে আসা যাবে। কতদিন ত যাও নি।”

“তা বটে। কিন্তু গিয়েই-বা লাভ কি? লোকে হয়ত চিন্তেও পারবে না।”

“তাও সত্যি! অনেকদিন হয়ে গেল নয়? মনে আছে, একবার একরাত্রে জন্তে সেখানে গিয়েছিলাম। অঙ্ককারে যাওয়া এবং সূর্য্যোদয়ের সঙ্গে ফিরে আসা।—কিছুই মনে পড়ে না। তোমার কিছু মনে পড়ে না?”

“উহু! সে কি আজকের কথা!”

রমেশ তা স্বীকার করে। বলে, “উপায়ই বা কি বল! সংসারে ত আর একটা লোক নেই যে দেখে শুনে—ক’টা দিন চালিয়ে নেবে। নইলে তুমিই না হয়—”

সরযু স্নান হাঙ্গি হেসে বললে, “আমি কি তোমায় বলেছি যে, তোমায় দেখলে আমার জর আসে, এখান

থেকে দিনকয়েক হাওয়া খেতে না গেলে আমি বাঁচব না?”

রমেশ গর্ষ অমুভব করে।—“আশ্চর্য্য তোমাদের মন! ছেলেবেলার দেশে ফিরে যেতে একবার ইচ্ছে করে না?”

সন্ধ্যার সময় সরযু কোনদিন ছেলে-মেয়েদের নিয়ে চিকর তীরে ঘুরে আসত, অঙ্ককার খুব বেশী গাঢ় হ’বার আগেই ফিরে আসতে হ’ত। রাত্রে জগন্নাথের মা রুটি বেলতে ব’সে তার জীবনের সহস্র কোটি ঘটনার ইতিহাস বর্ণনা করতে করতে অতিষ্ঠ করে তুলত। কিন্তু বলাই বা যায় কি! ওই এখানে সরযুর একমাত্র সঙ্গিনী, সরযুকে সে মেয়ের চেয়ে বেশী স্নেহ করত। যে-কাহিনীগুলি বহুবার শুনে পুরান হয়ে গিয়েছে, তাও শুনে হ’ত। কত হাসি, কত কান্নায় মধুময় সেই দিনগুলি!

এমনি দীর্ঘকাল! বৈচিত্র্য নেই, উত্তেজনা নেই! বাহিরে যে প্রকাণ্ড পৃথিবীতে মাহুয়ে মাহুয়ে লড়াই বাধে, স্বার্থের সংঘাতে রক্তশ্রোত ছোটে, যে-পৃথিবীতে দম্ভদৃপ্ত রাজশক্তি নিমেষে ধূলিচূষন করে, বিজ্ঞানের সঙ্গে মাহুয়ের প্রতিভার প্রতিযোগিতা চলে—তার সঙ্গে সরযুর পরিচয় অল্প।

রথযাত্রার সময় এই দিকটায় যাত্রীদের যাতায়াত একটু বাড়ে; কতলোক কতদূর থেকে আসে শ্রীক্ষেত্র দেখতে। বালুবেলার কূলে অকুল, নীল সমুদ্র! এখান থেকে মোটেই দূর নয়, কিন্তু এ পর্য্যন্ত সরযুর আর সেখানে যাওয়া হয়নি। রমেশ অবশ্য অনেকবার বলেছে, জগ’র মাকে সঙ্গে নিয়ে যেতে; কিন্তু ছেলেদের ভারই বা নেয় কে, রমেশের খাওয়ার ব্যবস্থা বা হয় কোথেকে? যাবে যাবে করেও কোনবারই যাওয়া হয় না।

এবারও হ’ল না।

যাত্রীদল ফিরে গেল, রমেশের কাজের ভিড় এল কমে। কিন্তু হঠাৎ একদিন এই ছোট্ট সংসারটিকে অত্যন্ত ব্যস্ত হয়ে উঠতে হ’ল। সংবাদ এল উমা আর বিজন আসছে—উমা আর উমার বর।

একেবারে অপ্রত্যাশিত ! কোথেকে আসছে, কেন আসছে সে-সব কিছুই ভাল জানা গেল না, কিন্তু সরযু সে রাতে চোখের জল আর হঠাৎ ধরে রাখতে পারলে না।

কেন আসছে তারা—তাকে দেখতে ? এতদিন পরে উমারই তাকে মনে পড়ল বৃষ্টি !

জগর মায়ের খাটুনীও বেড়ে গেল। কোথায় ভাল দি হয়, সরযু তাকে খুঁজে আনতে পাঠালে; যে গয়লা ভাল চপ দেয় তাকেও খপর দিতে হ'ল !

দু-দিন পরে ঠিক যথাসময়ে উমা আর বিজ্ঞান টেন থেকে নামল।

উমার নখগ্র থেকে মাথার কালো চুলের রাশি পর্যন্ত একটি প্রশান্ত, নিবিড় পরিতৃপ্তিতে ভরা। সমস্ত দেহ ভাঙের ভরানবীর মত কানায় কানায় পরিপূর্ণ। পরনে জরিপাড় দিশি শাড়ী, দামের চেয়ে রুচির পরিচয়ই তাতে প্রচুর।

কিন্তু উমা আজও ঠিক তেমনি ছেলে মানুষটি আছে। প্রণাম করে বললে, “এই দিদি, তোর ছেলেটা কি চপ্পে দেখ, আমার দেখে জিভ বার করে হাসছে ! এই পাজী ছেলে, আমি তোমার কে হই তা জান ?”

সরযু ছেলের দিকে চেয়ে বললে, “বল্ মাসী।”
থোকা অনেক ভেবে এবং অনেক চেষ্টা ক'রে বললে, “তুমি মাচি।”

বিজ্ঞানের সঙ্গে রমেশের কথাবার্তা হ'ল।
“এসেছিলাম রথ দেখতে, হঠাৎ গুর থেয়াল গেল রথের সঙ্গে কল-বিজ্ঞীটাও সেরে আসতে। ভাবলাম তাই ভাল, একসঙ্গে চিন্তা আর আপনাদের—”

রমেশ কি ক'রে তার সৌভাগ্য প্রকাশ করবে ঠিক করতে না পেয়ে বোকার মত চেয়ে রইল।

চমৎকার ছেলে বিজ্ঞান, বিধাতা যেন তাকে ধ্যানে বসে গড়েছেন। রূপের সঙ্গে বিদ্যা, বুদ্ধির সঙ্গে ঐশ্বর্য্য এবং বিনয় মিশে তার অন্তর-বাহিরকে একটি অপূর্ণ শোভান করেছে।

কিছুক্ষণ যেতে না যেতেই বললে, “আঃ, কি টেবিলে

ব'সে ব'সে টিকিটের হিসেব মেলাচ্ছেন ! ও চিরদিন থাকবে, চলুন ভিতরে—”

রমেশ-চশমা জোড়া অকারণে চোখ থেকে নামিয়ে নিয়ে বললে, “এই যে ঘাই, আর একটু—”

উমার সঙ্গে দেখা হবে সরযু যেন ভাবতেই পারেনি। কথায় বলে—রাজায় রাজায় দেখা হয়, কিন্তু বোনে বোনে—

জগর'র মা লুচি বেলছিল। উমা রান্নাঘরে ঢুকে এক-পাশে ব'সে প'ড়ে বললে, “তুমি কি পাগল হ'লে দিদি— এই ছ'পুরে লুচী খাবে কে ? না, না, ও সব হবে না।”

কিন্তু সরযুর আগ্রহের কাছে উমার আপত্তি টিকল না। উমা জগর মাকে তুলে দিয়ে বসে গেল লুচি বেলতে। সরযু ভয়ে, আশঙ্কায় উদ্বিগ্ন হয়ে বললে, “ওসব হ'বে না উমা, তুমি ঘরে গিয়ে ব'স। ছি ছি অসুখ-বিসুখ হ'লে—”

উমা খিল খিল করে হেসে উঠল—বান্দাহীন নিরবিরণীর কলঝঙ্কার ! বললে, “আমাকে কি মনে করছিস্ বল্ দেখি দিদি ! লুচি বেললে মানুষ মারা যায়, না আমরা কখনও—”

এবার সরযুকেই পরাজয় স্বীকার করতে হ'ল।
উমার কলরবে বাড়িটা যেন হাজার বছরের ঘুম থেকে জেগে উঠেছে।

“চল্ না দিদি, চিন্তা দেখে আসি।”
“এখন নয়, রোদ পড়লে।”
“তবে পাহাড়ের তলা থেকে—”

“সে এখান থেকে অনেক দূর। যত কাছে মনে হচ্ছে ঠিক তা নয়।”

উমা যেন একটি লঘু-পক্ষ রঙীন প্রজাপতি !
রান্নাঘরের ধূমজালের মধ্যে ব'সে সরযুর আজ বাল্যের বিক্ষিপ্ত বিচ্ছিন্ন ছবিগুলি মনে পড়ছিল। উমা যেন তাদের সেই ছায়াশিখর পল্লীভবনের উদাস গন্ধটি বহন করে এনেছে।

হ্যা রে উমা, দেশে যাসুনি একবারও ?”
হ্যাঁ, দেশে উমা একবার গিয়েছিল বিজ্ঞানের সঙ্গে তাদের যে বাড়িটি বিজ্ঞী হয়ে গেছে তা আর চেনবার

উপায় নেই। ছিল জীর্ণ একতারা, হয়েছে তিন-মহলা ত্রিতল।

সরযু তার ছেলে-বয়সের সাথীগুলির কথা জানতে চাইল। শাখারীদের রাগ, বোষ্টমপাড়ার দুই কুমলী, বাঁড়ুঘোদের রাখালী?

উমা যথাসাধ্য সংবাদ দিলে।

“আসবার দিন কুমলীর সঙ্গে দেখা, তোর কথা জানতে চাইলে। সেই হাড়-বেরকরা কুমলীটা কি ধুমশোই হয়েছে ভাই! ওইখানেই ওর বিয়ে হয়েছে। কিন্তু মনে ওর এতটুকু স্তম্ভ নেই, দু’টি ছেলে হয়েছিল, কলারায়—”

“তু’জনেই গেল বুঝি?”

“তাই। বললে হাসতে হলে গেছি ভাই, শাশুড়ীর মুখ-নাড়া আর সহ্য হয় না। ছেলে দুটো গেল সে যেন আমারই দোষ! উনিও আর ভাল ক’রে কথা ক’ন না। শুন্ছি আবার বিয়ে করবেন।”

“আর রাগ?”

“ওর সঙ্গে দেখা হয়নি—শুশুরবাড়ীতে আছে। একটা মাতালের সঙ্গে বিয়ে হয়েছিল, মাস-আষ্টেক পরেই বিধবা হয়েছে। ওর মার কাছে শুন্লুম!”

সরযু যেন খাস রোধ হয়ে আসত! যে-পৃথিবীতে ওরা এককালে ছুটোছুটি করে বেড়িয়েছে সে যেন আর নেই! কোথায় গেল সেই নিকরদেগ দিন-রাত্রি; সংসার কেন এমন হয়?

বিকলে চিন্তা দেখতে যাবার কথা।

বিজ্ঞন এসে বললে, “দিদি আপনাকেও যেতে হবে।”

সরযু হাসলে, বললে, “ওর আর নতুনত্ব নেই, দেখে দেখে চোপ পড়ে গেল।”

“তা হোক, আমাদের জন্তে না-হয় আরও একটু যাবে। উঠুন।”

সরযু আপত্তি করতে পারলে না, উঠতে হ’ল হাতের কাজ কেলে রেখে। এমন কি রমেশ পর্য্যন্ত আজ বেরিয়ে পড়ল, ছোট ছেলেমেয়েগুলিও।

সূর্য্য অস্ত গিয়েছে, কিন্তু রক্তরাগ আকাশ থেকে মুছে যায়নি; ছোট ছোট ঢেউগুলির উপর তা’র আভা এসে পড়েছে। জলের মাঝে মাঝে উঠেছে ছোটখাট পাহাড়, তীরে সারি সারি মাছ-খরা নৌকা বাঁধা। অনেক ব’লে-কয়ে তাদেরই একটা ভাড়া নেওয়া হ’ল। মাঝে মাঝে দুই একটি লঘু, খেত-পক্ষ পাখী উড়ে যাচ্ছিল, খানিক দূরে অন্ধকার নামছে—সেদিকটা অস্পষ্ট, কুয়াসাময়। বিজ্ঞন চতুর্দিকে ভাল ক’রে দৃষ্টিপাত ক’রে নিয়ে ব’লে উঠলো, “আমার একটু বেয়াদপি করতে সাধ যাচ্ছে; দিদি যদি ক্ষমা করতে রাজী থাকেন—”

সরযু হেসে জানাল, বে-আদপি যত গুরুতর হোক না কেন, ক্ষমা করতে সে প্রস্তুত।

অল্পকাল পরেই বোঝা গেল, অগ্নায়টি আদৌ ক্ষমার অযোগ্য নয়। বিজ্ঞন গান শুরু করে দিলে।

নৌকা চলেছে—অলস, একটানা গতি। তীর থেকে অনেকখানি এগিয়ে এসেছে—অন্তরবির আলো কখন মিলিয়ে গেল। সন্ধ্যার অনতি-নিবিড় অন্ধকার ছায়ার মধ্যে বিজ্ঞনের গলার স্বর যেন শব্দময় প্রার্থনার মত শূন্যের উদ্দেশে ভেসে যাচ্ছিল। কেউ কথা বলছে না, ছেলেগুলো পর্য্যন্ত কান্না-ভয় ভুলে গেছে। সরযুর চোখের কোলে যে অকারণে একটি ক্ষীণ অশ্রুতরঙ্গ জেগে উঠেছে, সে-কথা ও নিজেই জানত না! ওর সমস্ত মন যেন হৃদের মত ব্যাপ্ত, গম্ভীর হ’য়ে উঠেছিল।

গান থামতে রমেশ প্রায় চীৎকার করে বললে,—
“চমৎকার, চমৎকার! এক কলকাতায় থাকতে ইয়ের মুখে শুনেছিলাম—তারপর...হো’ক্, আর একটা হো’ক্—”

বিজ্ঞন বললে, “একজনের ওপর সমস্ত ভার চাপিয়ে দিলে মাধুর্য্যের হানি হয়। এইখানেই আরও একজন রয়েছেন, তিনি বড় কম যান না।”

বিজ্ঞন উমাকে ইঙ্গিত করলে। রমেশ প্রায় উঠে বসল।

“কে, উমার কথা বলছেন বুঝি? তা’ বেশ ত—কিন্তু উনি কি আপনার হুমুখে—”

বিজন বল্লে, “তাতে বাধবে না; আমি পাওয়ার-অফ-এটর্নী দিলাম!”

বাড়ী ফিরতে প্রায় আটটা বেজে গেল—পাহাড়ের আড়ালে খণ্ডচাঁদ লুকিয়ে গেল। কিন্তু সময় যে এত অন্যায়সে কাটতে পারে তা’ সরযু রমেশ অনেকদিন ভাবতে ভুলে গিয়েছিল। পথে আসতে আসতে সরযু ভাবছিল—কেন সকল মানুষের জীবনযাত্রা এমন সহজ, স্বচ্ছন্দ হয় না! কেন এত সঙ্কীর্ণতা, এত বাধা, এত বাধা?

এ তার অসুখ নয়, যে অতৃপ্তির অঙ্গুর তার গোপন মধ্যে এককাল ঘুমিয়ে ছিল, সে যেন আজ অতি-অকস্মাৎ কণা তুলে আকাশ স্পর্শ করতে চাইল। সরযু নিজের মনে মনে শিউরে উঠল।

রাত্রে দুই বোনে আবার কথাবার্তা হচ্ছিল। উমার বিবৃতির মধ্যে দিয়ে একটি স্বশৃঙ্খল সঙ্কল গৃহচ্ছবি সরযুর চোখের সামনে পরিস্ফুট হয়ে উঠল—ঠিক যেমন আজকের সন্ধ্যায় তাদের নৌকাখানা ভেসে চলেছিল।

সরযু এলোমেলো প্রশ্ন করে চলল—“যে বুড়ো বট-গাছটার কুরি দাঁরে আমরা ঝুলতাম, সেটা আজও বেঁচে আছে? তুই একদিন হাত ফস্কে পড়ে গিয়েছিলি মনে পড়ে?”

“হঁ, সেই ত হাতের এইখানটা ছড়ে গিয়েছিল।”

“তোদের বাড়ীর ছাদ থেকে মন্ডমেন্ট দেখা যায়?”

“দূর পাগল! কেন, তুই কি যাসনি? সব ভুলে গেছিস বুঝি!”

সরযু হাসবার চেষ্টা করল। রমেশ তখন স্টেশনের ঘরে হিসেব মেলাচ্ছিল।

রাত্রি।

পাশের ঘরে উমা আর বিজন; এ ঘরে সরযু রমেশ, তিনটি ছেলেমেয়ে। রমেশ ঘুমে অর্চৈতন্ত, কানের কাছে ভোপ গর্জে উঠলেও তার নিদ্রাভঙ্গের সম্ভাবনা নেই। সরযু ঠিক ঘুমোয় নি, একটু তন্দ্রা হয়ত এসেছিল, কিংবা

আসেনি। ছোট ছেলেটা হঠাৎ কঁদে উঠতেই একেও উঠে বসতে হ’ল। ছেলেকে কোলে তুলে নিয়ে সরযু দোল দিতে লাগল।

বিজন আর উমার অস্ফুট গুঞ্জন শোনা যাচ্ছিল পাশের ঘর থেকে, খোকার কান্নার শব্দে ওদের আলাপের তন্ময়তা দূর হয়নি এতটুকু, হয়ত কানেও পৌঁছায় নি।

আকাশ সাগরের জলের মত নীল স্বচ্ছ, চাঁদের আলোর ভাসছে; জানালা দিয়ে দেখা যায় পাহাড়গুলো অস্ফুট স্তম্ভতার মধ্যে নিশ্চল হয়ে দাঁড়িয়ে আছে।

সরযু সেইদিকে চেয়ে ওদের কাথাবার্তা শোনাবার চেষ্টা করল; কিন্তু কিছুই বোঝা গেল না। শুধু অহুভব করা যায়, একটি অপূর্ণ ভাবের নিবিড়তা তাদের কণ্ঠে সঙ্গীতধারার মত ভুলে ভুলে উঠছে।

খানিক এইভাবে লোভীর মত কান পেতে বসে থাকতে থাকতে সরযুর লজ্জাবোধ হচ্ছিল। ছিঃ, কত নীচ, কত ছোটই না হ’য়ে গেছে তার মন। কেন এমন হয়! কি চায় সে?

ছেলেটাকে কোল থেকে নামিয়ে সরযু স্বামীর শিয়রে এসে দাড়াল। একাধা দুই চোখ মেলে রমেশের মুখের দিকে কিছুক্ষণ চেয়ে রইল।

ও তার ঘুম ভাঙাতে চায়, বাহিরের ঐ জ্যোৎস্না-স্নাত আকাশের দিকে চেয়ে অতন্ত্র চোখে রমেশের সঙ্গে গল্প করতে চায়। কিন্তু লজ্জা এসে বাধা দেয়, ঘুমন্ত ছেলেগুলির দিকে চোখ পড়ে।

পাশের ঘরে উমা ও বিজনের নিশীথ কলরোল তখনও অবিরাম! সরযুর চোখের কোল বয়ে আবার একটি অস্পষ্ট অশ্রুধারা জ্যোৎস্নার আলোকে মুখের ওপর বক-বক করে উঠল।

ঘরে থাকতে না পেরে নিঃশব্দ পায়ে সরযু মৃত আকাশের তলায় এসে দাঁড়াল।

বহুদূর বিস্তৃত শান্ত নিশ্চলতা সরযুর চমৎকার লাগছিল। উতলা হাওয়ায় মস্তিষ্কের এলোমেলো চিপ-গুলি পথ হারিয়ে গেল।

মাত্র দুই-চারিটি দিন—স্বদীর্ঘ জীবনের ইতিহাসে কতটুকুই বা!

তবু এই স্বপ্ন কয়েকটি দিন-রাত্রির মধ্যেই ষ্টেশন-মাষ্টারের সঙ্গীর্ণ কোয়ার্টারটির হাওয়া যেন বদলে গেল। আজ হৃদের মাঝখানে পাহাড়ে চড়া, কাল পাহাড়ের কোলে পিকনিক করা, হাসি গান, ছুটোছুটি... একটি প্রাচুর্য ও পরিতৃপ্তির স্বপ্ন সংসার-শ্রীকে উজ্জল ক'রে তুলেছে—

কিন্তু বিজন আর উমা বেশী দেরি করতে পারলে না। দু-দিন পরেই বিজনকে কলকাতায় একটা 'কেস' লড়তে হ'বে; পৌছিতে না পারলে মক্কেলের কাছে আক্কেল সেলামী দেবার প্রয়োজন হ'তে পারে।

তাই, ধীরে ধীরে বিদায়ের দিনটি—যাত্রার মুহূর্তটি আসন্ন হয়ে এল।

সরযু উমাকে আড়ালে ডেকে এনে বললে, “কমলীর সঙ্গে দেখা হ'লে আমার কথা বলিস—রাখালীকেও। ওরা চিঠি দেয় না কেন, ওদের ঠিকানাই বা কি—জিজ্ঞেস করবি।”

প্রণাম আশীর্বাদ, চোখের জলের মধ্যে হাসি আনবার ব্যথা চেপ্টা, আবার কবে দেখা হবে—এই সব মামুলী ব্যাপারগুলিও শেষ হয়ে গেল।

বিজন ও উমা সরযু এবং রমেশকে ষ্টেশনে দাড় করিয়ে রেখে ট্রেনে উঠে ব'সল। জগর মা জগন্নাথ স্বয়ং চার টাকা করে বক্শিশ পেল। বিজন সরযুর হাতে দেবার জন্তে ছু'খানা নোট বার ক'রে বললে, “খোকা-খুকীদের মিষ্টি কিনে দেবেন—ওদের জন্তে ত কিছুই আনতে পারিনি।”

সরযু বললে, “অত টাকার মিষ্টি ওরা খেতে পারবে কেন! আর খেলেও অস্বস্তি হ'বে—ডাক্তারের খরচ জোগাবে কে। ওটা তোমারই কাছে থাকু ভাই।”

* * * *

—“ভারি বিদ্রোহ! ভাল লাগে না, ভাল লাগে না।”

দিন ও রাত্রিগুলি যেন অকারণ ও অনাবশ্যকভাবে লীর্ণ হয়ে পড়েছে। আশ্চর্য!

উমা আর বিজন—ছোট ছুটি প্রাণী, কিন্তু তারাই যেন এই ক্রান্তকাল সংসারটিকে এলোমেলো ক'রে দিয়ে পালিয়ে গেছে। তাদের অ-বারণ প্রাণের

দুরন্ত খেয়াল দিয়ে তারা ঘটিয়ে দিয়ে গেছে বিরাট পরিবর্তনের স্বপ্ন। উমার মুখে সরযু শুনেছে—বিশ্ময়কর শহরের বিচিত্র পথঘাট, নব-নব ঐশ্বর্যের কথা—যা সে দেখে আসেনি! রাখালী, কমলী, তাদের সেই পচা পুকুর আর বনঝোপে ভরা জন্মপল্লী সব যেন অকস্মাৎ ঘুম-ভেঙে সরযুকে হাতছানি দিয়ে ডাকছে—বৃহত্তর মুক্ত জীবনের দিকে।

রমেশ চিরকালের নিয়ম মেনে কলের ধোড়ার মত থেটে চলেছে; ক'দিনের গোলযোগে ঘেটুকু অবহেলা দেখা গিয়েছিল, সেটুকু সে হৃদহস্ত ভরিয়ে তুলেছে।

বিজন ভারি আমূদে লোক—এ'কথা সে এক এক-দিন স্বীকার করে সরযুর কাছে। উমা মেয়েটিও খাসা।

...এই পর্য্যন্তই, রমেশ আর কিছুই বলে না। ছেলে-মেয়েগুলো তেমনিকরে বিনিয়ে বিনিয়ে কাঁদে—বিশ্রী! দুধ পেতে এক মিনিট দেরি হয়ে গেলে মাটিতে প'ড়ে গড়াগড়ি দেবে আর অবিরাম চীৎকার! ছোটটার সদি কাশি লেগেই আছে—মুখে কালী মাখছে, চোখ দুটে; যেন বুজ্ঞে আসছে—যাবেও হয়ত কোন্ দিন!

কোন কোন রাত্রে সরযুর মনে হয়, এবার সে শ্রাস্ত হয়ে পড়েছে, তার ছুটি চাই—অন্ততঃ কিছুদিনের জন্ত। কিছুদিনের জন্তে সে চায় নিকুংসাহ আলগুটিকে প্রাণভরে উপভোগ করতে!—কিন্তু এ সব তাকে দেবে কে, পাবেই বা কোথায়?

না, মুক্তি নেই—ও একটা মায়া।

সেদিন সন্ধ্যার পর আকাশ মেঘে ছেয়ে গেছে—চিক্কর তীরে গাছগুলোয় ব্যাকুল মন্মথরকনি জেগেছে! বৃষ্টি আসেনি বটে, কিন্তু দেরিও বড় বেশী নেই।

রমেশ দেয়ালগিরির আলোয় ব'সে ব'সে ষ্টেশন-রুমে হিসেব মিলাচ্ছিল। সরযু এসে চেয়ারের পিছনটিতে দাঁড়াল। রমেশের কাঁদে হাত রেখে বললে, “কি করচো?”

কণ্ঠস্বরে একটি মধুর স্নিগ্ধতা! রমেশ ঘাড় না তুলেই হাসবার চেষ্টা করে বললে, “ই কি! একেবারে অন্দর ছেড়ে সদরে! কি খবর বল শুনি!”

সরযু বললে, “খবর এমন মারাত্মক কিছু নেই। চল না একটু চিন্তার ধারে ঘুরে আসি।—যাবে?”

রমেশ কলমটা আর একবার দোয়াতে ডুবিয়ে নিয়ে ছাব দিলে,—“পাগল হয়েচো, এই দুর্জয় মেঘ মাথায় নিয়ে যাবে চিন্তার ধারে!”

একটু থেমে রমেশ আবার বললে, “হঠাৎ এ খেয়াল কেন?”

সরযু উত্তর দিতে গিয়ে একটা কথাও খুঁজে পেল না—নির্বোধের মত নিরর্থক দৃষ্টি মেলে দাঁড়িয়ে বইল।

বাইরে তরু-পত্রের অবিরাম কাকুতি এবং গন অন্ধকার। এই অন্ধকারের মধ্যে চিন্তা হয়ত উদ্ভাস, চঞ্চল হয়ে উঠেছে—নৌকাগুলি তাঁরের বন্ধন ছিড়ে অনিশ্চিতের উদ্দেশে বেরিয়ে পড়বে হয়ত! ঘূর্ণের মত পাহাড়গুলির পায়ে আছাড় খেয়ে অস্থির জল-স্রোত কি কাকুতি নিবেদন করে কে জানে?

হাওয়ার বেগে রমেশের আলোটা যেন খাবি খেতে লাগল।

তখনই রূপি এসে পড়ল।

সরযু নীরবে অন্তরে ফিরে গেল।


ভারতে বাষ্পীয় জাহাজ পরিচালনের প্রথম যুগ

শ্রীহরিহর শেঠ

ইউরোপের সহিত ভারতের সন্ধ ইংরেজ-আগমনের বহু পূর্বেই হইতেই বিদ্যমান ছিল। ষষ্ঠ জন্মের সহস্র বৎসর পূর্বে ইহুদি দেশ-সমূহের সহিত ভারতের বাণিজ্যসন্ধ ছিল বলিয়া পুরাতন লেখায় উল্লেখ পাওয়া যায়। ষোড়শ শতাব্দীর প্রারম্ভে পোর্্তুগীজ বণিকগণের এদেশে আগমনের বহু পূর্বে রূম দেশীয় বণিকগণ এদেশে হইতে মূল্যবান রেশমী বস্ত্র, উৎকৃষ্ট মসলিন, শাল, মশলা ও ঔষধাদি লইয়া যাইত বলিয়া জানা যায়। তৎপরে মিশর ও আরব বণিকগণের দক্ষিণ-ভারতে বাণিজ্যার্থ আগমনের কথাও উল্লেখ আছে। এসব বাণিজ্যের প্রণয়াদি জাহাজেই প্রেরিত হইত।

১৪৮৮ খ্রীষ্টাব্দে ভাস্কো ডা গামার জলপথে ভারতের মালাবার উপকূলে কালিকাটে আগমনের কথা সর্বজন-জ্ঞাত। ইহার পর বহুদিন পর্যন্ত ইউরোপের অগ্রাগ্রহণ হইতে এদেশে এবং এদেশ হইতে অগ্রাগ্রহণ জাহাজ চলাচলের ও পূর্বকালে এদেশে যথেষ্ট পরিমাণে জাহাজ নিষ্পাণেরও বহুল প্রমাণ পাওয়া যায়। ১৭৮২—২০ খ্রীষ্টাব্দে সুপ্রসিদ্ধ পর্য্যটক গ্রাঁপ্পী (Grandpre) যখন

ভারত-ভ্রমণে আইসেন, তখন তিনি কলিকাতায় সেগুন কাঠের জাহাজ নিষ্পাণের অনেক কারখানা দেখিয়া গিয়াছিলেন। কিন্তু এ সমস্ত জাহাজই বায়ুর সাহায্যে বা মনুষ্য-শক্তিতে পরিচালিত হইত।




টেগাস

ইংলণ্ড হইতে ভারতে বাষ্পীয়পাত পরিচালনার প্রথম পরিকল্পনাও বিশেষভাবে আলোচিত হয়

১৮২২ খ্রীষ্টাব্দে। এই উভয় দেশের মধ্যে কি উপায়ে উহা কার্যে পরিণত করা যাইতে পারে জনগণের নামক এক ব্যক্তি তাহার একটি উপায় পরিকল্পনা করেন। পর বৎসর তিনি অর্থসংগ্রহের জন্ত ভারতে আসেন। তখন কলিকাতায় একটি সভায় স্থির হয়, প্রথম যে কোম্পানী বিলাত হইতে ভারতে বাষ্পীয়পোত পরিচালনা করিবেন, তাঁহাদের জন্ত দশ সহস্র পাউণ্ড পুরস্কার ঘোষণা করা হইবে।

দুর্ভাগ্যবশত যে কলের জাহাজ বা ষ্টীমারখানি এদেশে আসে, তাহার নাম “এণ্টারপ্রাইজ”। উহা দুইখানি ঘাট অংশগুলির এঞ্জিন সংযোজিত একখানি



এণ্টারপ্রাইজ

৫০০ টন ভারবাহী জাহাজ। উল্লিখিত জনগণের সাহেবের চেষ্টায় চান্স তুলিয়া ডেপুটি-ম্যাজিস্ট্রেট নগরে উহা নির্মিত হইয়াছিল। উহা ১৮২৭ খ্রীষ্টাব্দের ১৬ই আগষ্ট ফল্গুনা বন্দর হইতে ছাড়িয়া ঐ বৎসরের ৬ই ডিসেম্বর কলিকাতায় আসিয়া পৌছে। মার্শম্যান সাহেব তাহার ভারতবর্ষের ইতিহাসে লিখিয়াছেন—উহা আসিতে ১৩০ দিন লাগিয়াছিল। আবশ্যক হইলে বাহাতে বিনা বায়ু-সাহায্যে চালিত হইতে পারে এইজন্ত এট পোতখানি প্রাচীন পাল দেওয়া জাহাজের আকারেই গঠিত হইয়াছিল।

এই প্রথম বাষ্পীয় চালিত জাহাজখানি আসিবার পথে যাত্রীদের মধ্যে উদ্বেগের কারণ হইয়াছিল।

সেকালে পথে কয়লা লইবার স্থান কম থাকায়, দীর্ঘ পথ যাইতে হইলে ষ্টীমারে অধিক পরিমাণে কয়লা লইবার ব্যবস্থা থাকিত। এণ্টারপ্রাইজ তিনশত টন কয়লা লইয়া বন্দর ত্যাগ করে, কিন্তু উহাতে কয়লা রাখিবার স্থান যথেষ্ট না থাকায় কতকগুলি কয়লা বয়লারের পার্শ্বে রক্ষিত হইয়াছিল। পথে আসিতে উহাতে অগ্নি সংযোজিত হইয়া যাওয়াতেই এই উদ্বেগের সৃষ্টি হয়।

জাহাজখানি সেন্টটোমে আসিয়া পৌছিলে তথায় কয়লার পরিবর্তে জালানি কাঠ লইতে বাধ্য হয়, কিন্তু পূর্ক-অভিজ্ঞতা না থাকায় জাহাজ গন্তব্য স্থানে পৌছিবার পূর্বেই কাঠগুলি নিঃশেষ হইয়া যায়। সুতরাং অন্য উপায় না থাকায় শেষপথ পালের সাহায্যেই চলিতে হয়। এই প্রকারে ইংলণ্ড হইতে ভারতে প্রথম বাষ্পীয় জাহাজখানি আসিয়া পৌছে। কিন্তু একখানি দ্রুতগামী পাল দেওয়া জাহাজের অপেক্ষা ইহাতে সময়ের দীর্ঘতা কিছুমাত্র পরিলক্ষিত না হইয়া এবং ব্যর্থতাই প্রমাণিত হইয়াছিল। এণ্টারপ্রাইজ জাহাজের এঞ্জিনও যথোপযুক্ত ক্ষমতাবিশিষ্ট ছিল না, একথা স্বীকার্য; কিন্তু সময়ের কিছু সুবিধা করিতে যে কল-কলার আবশ্যক তাহাতে বটে তখন অত্যন্ত অধিক বিবেচিত হওয়ার প্রথম ভারতগত বাষ্পীয় পোতে উৎসাহ উদ্দীপনার পরিবর্তে অসাকল্যের কথাই বেশী মনে হইয়াছিল।


এই সময় টমাস গুয়াগহর্ন মদ্যসাগর হইয়া ইংলণ্ড হইতে ভারতে আসিবার নূতন পথে যাত্রাঘাতের প্রস্তাব করেন এবং অচিরে তাহা কার্যে পরিণত হয়। এই কাগোব গুয়াগহর্ন সাহেবের অক্লান্ত চেষ্টা ও পরিশ্রমের ফলে যে সুবিধা হইয়াছিল তাহা বর্ণনাতীত। যদি তিনি এ বিষয়ে মনোযোগী না হইতেন তাহা হইলে নিয়মিত বাষ্পীয়পোত পরিচালনার দ্বারা ভারতের সহিত ইংলণ্ডের যোগাযোগ স্থাপিত হইতে আরও অমৃততঃ বিশ বৎসর দেরি হইত। ১৮৩৮ খ্রীষ্টাব্দে স্নেজে এই কৃতি পুরুষের একটি প্রতিমূর্তি প্রতিষ্ঠা করিয়া তাহার প্রতি সম্মান প্রদর্শিত হইয়াছে।

বর্তমানে পি এণ্ড ও কোম্পানী নামে যে ষ্টীমার কোম্পানী আছে উহাই পেনিনসুলা ষ্টীমশিপ কোম্পানী

এসময় সেকালে প্রতিষ্ঠিত হয়। এই কোম্পানী প্রথমে ইংলণ্ড হইতে আইবেরিয়া উপদ্বীপ পর্যন্ত তাহাদের জাহাজ পরিচালনা আরম্ভ করেন, পরে এলেকজেন্দ্রীয়া পর্যন্ত লাইন খোলা হয়। কতিপয় বৎসর ধরিয়া স্ময়েজ হইতে ভারতবর্ষ পর্যন্ত কোন কোম্পানী কোন নূতন লাইন না খোলায় পরিশেষে হুগু ইণ্ডিয়া কোম্পানী এই কার্যে হস্তক্ষেপ করেন এবং ১৮৩০ খৃষ্টাব্দে 'হিউ লিওনে' নামক ৪১১ টন ভারবাহী দুইখানি ৮০ অশ্বশক্তি সম্পন্ন এঞ্জিন সহ একখানি প্যাডল ষ্টীমার তাহাদের জন্ত নিষ্পত্তি হয়। ভারতীয় নৌ-বিভাগের উইলসন সাহেবের অধিনায়কত্বে উহা উক্ত বালেশ্বর প্রথম বোম্বাই হইতে এডেনে যাত্রা করে। এই ষ্টীমারখানিতে পাঁচ পাঁচ দিনের খরচের উপযোগী কয়লা লইবার স্থান ছিল। বোম্বাই হইতে আরবের সর্দাপেক্ষা নিকটতম বন্দরে পৌঁছিতে তৎকালে আট দিন সময় লাগিত। হুতরাং প্রথমবার জাহাজ ছাড়িবার সময় এগার দিনের প্রয়োজনের মত কয়লা বোম্বাই লওয়া হইয়াছিল। ইহাতে একটু অশঙ্কার কারণ ছিল, কিন্তু বাতাস প্রতিকূল না থাকায় কোন বিপদ ঘটে নাই। উহা মার্চ মাসের ২১শে বোম্বাই ছাড়িয়া ৩১শে এডেন পৌঁছায়। তখন মাত্র ছয় ঘণ্টার উপযোগী কয়লা মজুত ছিল। ২২শে এপ্রেল জাহাজ স্ময়েজ পৌঁছায়। হুতরাং মোট তেত্রিশ দিন সময় লাগে, ইহার মধ্যে লোহিত সাগরের বিভিন্ন স্থানে কয়লা লইতে বার দিন অতিবাহিত হইয়াছিল। জাহাজখানি বোম্বাইয়ে পুনরায় প্রত্যাবর্তন করিতে ৩৭ দিন সময় লাগিয়াছিল। উহার গতি ছিল গড়ে প্রতি ঘণ্টায় ছয় মাইল।

লিওনে ১৮৩১-৩২ ও ৩৩ সালে প্রতি বৎসর একবার হিসাবে আর তিনবার মাত্র স্ময়েজ যাত্রায়াতের পর

অতিরিক্ত ব্যয়ের জন্ত কোট-অব-ডিরেক্টরদের আদেশে উহার পরিচালনা বন্ধ হইয়া যায়। তখন স্থির হয়, বিশেষ আবশ্যক ভিন্ন উহা আর ব্যবহৃত হইবে না। প্রতিবার যাত্রায় গড়ে যে কয়লা খরচ হইয়াছিল, তাহার মূল্য ৪৬,২৫০ টাকা, আর বোম্বাই হইতে স্ময়েজ পর্যন্ত আরোহী-প্রতি ৮০০ টাকা ভাড়া লইয়াও চিঠিপত্রের



বেঙ্গিক

হিসাবে ও আরোহীর ভাড়ায় গড়ে আয় হইয়াছিল মাত্র ১৭,২২৫ টাকা।

এই ষ্টীমার সার্ভিস বন্ধ হইয়া যাওয়ার পর কলিকাতার ব্যবসাদারগণ—যদি ভারত গভর্নমেন্টের নিকট হইতে বাৎসরিক সরকারী সাহায্য ও ডাক লইয়া যাত্রায়াতের জন্ত পাঁচলক্ষ টাকা পাওয়া যায়—তাহা হইলে ভারতবর্ষ হইতে ইংলণ্ড পর্যন্ত বাষ্পীয় মেল সার্ভিস খুলিবার এক প্রস্তাব পাঠান। ইহা সরকার কর্তৃক অগ্রাহ্য হইলে, একখানি বহুজন-স্বাক্ষরিত আবেদন-পত্র কমন্স মহাসভায় ও আর একখানি ষ্টেট-ইণ্ডিয়া কোম্পানীর ডিরেক্টরদিগের নিকট প্রেরিত হয়। ইহার ফলে পরিশেষে ১৮৩৮ খৃষ্টাব্দে বোম্বাই হইতে স্ময়েজ পর্যন্ত মাসিক একবার করিয়া ষ্টীমার যাত্রায়াতের ব্যবস্থা প্রতিষ্ঠিত হয় এবং ভারতীয় নৌ-বিভাগের

কর্মচারীদের বিশেষ অনিচ্ছাসত্ত্বেও তাঁহাদের উপর ইহার পরিচালনার ভার অপিত হয়। একত্র যথেষ্ট পরিমাণ কয়লা রাখিবার স্থানযুক্ত প্রয়োজনানুসারে তিন ষ্টিমার খরিদ হয়। ইহাদের নাম ‘সেমিরেমিস’, ‘বেরিনিস’

হওয়ায় ২০০ টাকা উপরি দিয়া ভোজনাগারের টেবিলের উপর শয়নের ব্যবস্থা করিয়া লইয়াছিলেন। তাহারই নিম্নে দেশীয় চাকরদের নাসিকান্দারের সহিত নিদ্রা দিত। মিস্ অম্মা রবার্টস্-এর বর্ণনা হইতে বেরিনিসের ছরবস্ত্রের কথাও জানা যায়। উহাতে নয়টি ক্ষুদ্র প্রকোষ্ঠ ছিল, প্রত্যেকটিতে অতি-কষ্টে দুইজন করিয়া শয়নের স্থান ছিল, তন্মধ্যে একজনকে মেজেয় শুইতে হইত।

১৮৪১ খ্রীষ্টাব্দে ক্যালকাটা ইণ্ডিয়া ষ্টিম কোম্পানী কলিকাতা হইতে স্বয়ং পথান্ত যাতায়াতের জাহাজ ‘ইণ্ডিয়া’ নামে একখানি ১২০০ টনের ৩২০ অশ্বশক্তি-বিশিষ্ট এঞ্জিনের জাহাজ ৩৫০০০ পাউণ্ড ব্যয়ে নিৰ্মাণ করেন। উহাতে ১২টি কেবিন ছিল, তাহাতে ৮২ জন যাত্রী বাইতে


পারিত। উহা ১৮৪২ খ্রীষ্টাব্দের ১১ই জানুয়ারী প্রথমবার কলিকাতা ছাড়িয়া ১১ই ফেব্রুয়ারী স্বয়ং পৌঁছায়।

১৮৪২ খ্রীষ্টাব্দে পি এণ্ড ও কোম্পানী কলিকাতা-স্বয়ং


ও ‘জেনোবিয়া’। উহাদের গতি বন্টার পৌনে নয় মাইল এবং উহারা প্রায় ৬৫০ টন ভারবাহী।
তৎকালে লোহিত-নাগর হইয়া যে সকল আরোহী আসিত, তাহারা পি এণ্ড ও কোম্পানীর কোন জাহাজে ইংলণ্ড হইতে এলেকজেন্দ্রিয়া পথান্ত আসিত সেকালের এই কোম্পানীর জাহাজগুলির মধ্যে। ‘টেনাস’ অতি প্রাচীন। উহা ছিল ৩০০ টন ভারবাহী, এবং ৩০০ অশ্বশক্তিশালী এঞ্জিন দ্বারা উহা চালিত হইত। ‘জেনোবিয়া’ নামক ষ্টিমারখণ্ডি উহা ইণ্ডিয়া কোম্পানীর খরিদের পূর্বে এন্টারপ্রাইজ হইতে বৃষ্টলে শ্রুত ‘আনিবার’ জাহাজ ব্যবহৃত হইত। ফেন নামক এত জাহাজের এক

জন যাত্রী লিথিয়া গিয়াছেন, তিনি পৃথিবীর মধ্যে আর কোন দেশে এমন খাবার ও মহাব্য কেবিন দেখেন নাই। তিনি প্রথম রাতি ভয় আর নিদ্রা বাইতে সক্ষম না

নামক একটি শাখা ষ্টিমার লাইন খোলেন। উহার প্রথম চালিত ষ্টিমারখানির নাম ‘হিন্দুস্তান’। উহা ৫২০ অশ্বশক্তি-বিশিষ্ট ১৮০০ টনের জাহাজ। উহাতে ১৫০



হিমালয়া



পেতা

জন আরোহীর স্থান ছিল। ১৮৪২, ২৬শে এপ্রিল মিভারপুল্ হইতে উহা প্রথম ছাড়ে। পর বৎসর 'বেটিঙ্' নামে আর একখানি ঠিক এইরূপ ষ্টীমার ছাড়িয়াছিল। উহা দুইটি চিমনি-বিশিষ্ট ছিল। এই জাহাজে একবারে চাক্ষুশ দিনের খরচের মত কয়লা লইবার ব্যবস্থা ছিল। ইহাই বিলাতে প্রস্তুত দুই চিমনি-বিশিষ্ট প্রথম জাহাজ।

১৮৪২ খ্রীষ্টাব্দে ভারতীয় নৌ-বিভাগের জাহাজ বোম্বাই-স্বয়েজ এবং পি এণ্ড ও কোম্পানীর কলিকাতা-স্বয়েজ উভয়ই চলিতে থাকে। ঈষ্ট ইণ্ডিয়া কোম্পানীর পক্ষে সেরিমেরিস্ ও মেমনন্ ভিন্ন হইয়া যায়। শেষোক্তখানি স্বয়েজ যাইবার সময় প্রথম দ্বারাত্তেই বিনষ্ট হয়। এতখানিতেই কোম্পানীর অন্য সব কয়খানির অপেক্ষা অধিকতর ক্ষমতাসালী এগুন সংযুক্ত ছিল। এই সময় পি এণ্ড ও কোম্পানীর কয়েকখানি জাহাজ জলমগ্ন হয়। তাহাদের 'গ্রেট মিভারপুল্' নামক জাহাজখানি ১৮৪৬ খ্রীষ্টাব্দে জলমগ্ন হইয়া ইহাতে একজন ভিন্ন সকলেই বক্ষা পাইয়াছিলেন। ইহাই ইংলণ্ডের প্রস্তুত দুই চিমনি-বিশিষ্ট ষ্টীমারের মধ্যে প্রথম। ইণ্ডাস্ নামক জাহাজখানি ১৮৫৮ খ্রীষ্টাব্দে পথিমধ্যে এল্জিরিয়া হইতে ১১০ মাইল

দূরে বজ্রাহত হইয়া বিনষ্ট হয়, কিন্তু স্থলের বিষয় কাহারও প্রাণনাশ ঘটে নাই।

পি এণ্ড ও কোম্পানীর প্রথম জু ষ্টীমার যাহা এদেশে আসে তাহার নাম 'হিমালয়'। উহা ৩,৫৫০ টনের ষ্টীমার, দৈর্ঘ্য ৩৭২ ফুট, উহাতে ২০০ জন লোকের উপযুক্ত স্থান ছিল। সে সময়ের ইহাই সর্বাপেক্ষা বৃহৎ বাষ্পীয় জাহাজ। উহাতে পালও ব্যবহার হইত। অস্থূল বায়ুতে উহার গতি ছিল ঘণ্টায় কুড়ি মাইল। এই জাহাজখানি পরে গভর্নমেন্ট কর্তৃক গৃহীত হয় এবং পি এণ্ড ও কোম্পানী ১৮৫৬ সালে 'পেরা' (Pera) নামে আর একখানি অপেক্ষাকৃত ছোট জাহাজ উহার পরিবর্তে আনয়ন করেন। উহাও জু ষ্টীমার। ইহার পর ১৮৫৭ ও ৫৮-তে ভেলেটা ও ডেন্টা নামে কোম্পানির আর দুইখানি ষ্টীমার আসিয়াছিল বলিয়া জানা যায়।*

* প্রথম যুগে বাষ্পীয় জাহাজের এই সংক্ষিপ্ত ইতিহাস ১৯২৪ সালের ২৬শে অক্টোবর তারিখে 'The Times of India'তে প্রকাশিত ডেওয়ার (Douglas Dewar) ভগলস্‌এর প্রবন্ধ হইতে প্রদানতঃ গৃহীত হইয়াছে। মূল চিত্রগুলি ১৮৪১-৫৮ এর Illustrated London Newsএ প্রকাশিত হইয়াছিল।

চক্রবৎ পরিবর্তন্তে

শ্রীগৌরগোপাল মুখোপাধ্যায়

সন্ধ্যের থেকে বেরিয়ে সে-রায়ে একটা ট্যাক্সি আর কোনমতেই জোটান গেল না। রুটি হচ্ছিল টিপি মিপি—তবু তারই মধ্যে হেঁদোর দিকে পা চালান গেল; অসহ্য—যদি ক্রামবাজার-ফেরং এক-আধটা মিলে যায়। গাড়ী গাড়ী—যত চাও—বেরিয়ে গেল সামনে দিয়ে, ত চারখানা আটপোরে ফিটনও। ফুটপাথের ধার থেকে হেঁদারজন কোম্পানী হাত নেড়ে ডাকল—নিতান্তই যেন নির্দোষ—গরজের বোঝা সবটাই যেন আমাদের। কিয় ট্যাক্সি?—যত যায় সবই দেখি বোঝাই। না,

আর দৈর্ঘ্য রাখা গেল না। শেষে একখানা খাড়া-কান গাড়ী ডেকে চেপে বসলাম—চলুক আস্তে আস্তে যতক্ষণ যায়। থোলা জানালাগুলো দিয়ে ঠাণ্ডা পশ্চিম-হাওয়া গায়ে লাগতে লাগল—ভারি মিষ্টি একটা পরিবর্তনের গন্ধে ভরা—সেই ভিজ়ে মাটির গন্ধ যা এই বিরাট নগরীর বুকের ভেতর থেকেও চুইয়ে আসে।...ক্রমে ঘোড়ার গবেক একেয়ে আওয়াজ, জানালার খটখটানি ও চাকার গড়ার শব্দ—এই সব মিলে চমৎকার একটা তন্ত্রার আবহাওয়ার সৃষ্টি হ'ল। বাড়িতে এসে যখন গাড়ী থামল তখন আমার

ঘুমের রাজ্যের মাধামাঝি। ল্যাম্প-পোষ্টের আলোতে একটা টাকা ও দুটো সিকি ঠিক উঠল কিনা দেখি—হঠাৎ ওপরের দিকে নজর পড়ল। কোচম্যানের বয়স হ'বে ষাটের কাছাকাছি—মুখটা লম্বা, শীর্ণ। ঝুলে-পড়া পাকা গৌফ-জোড়া ও লম্বা দাড়ি তার জীর্ণ নীল কুর্তীর কলারের ওপর হেলে পড়েছে। সবচেয়ে চোখে পড়ে তার গালের দুটি গর্ভ—গভীর যেন অতল—মুখটায় যেন খালি হাড় আর হাড়—মাংস যেন সব্বই তাদের সংস্পর্শ এড়িয়ে চলেছে। চোখদুটি যে কোথায় ঢুকে গেছে—মনে হয় একেবারে মৃত; জ্যাস্ত মাস্তবের দৃষ্টির ঔজ্জ্বল্য কই ওখানে? তার জায়গাটিতে সে ব'সে আছে—চুপচাপ নিশ্চন্দ। ঘোড়ার লেজের দিকে নিবন্ধ ওর দৃষ্টি।...আর যা' খুচরো রেজকি ছিল সেই দেড় টাকার সঙ্গে তা' দিয়ে দিলাম—নিজের অজ্ঞাতেই যেন। হাত পেতে সে নিল—কথা বলল না কিছুই। তারপর যেই আমরা বাগানের গেটে পা দিয়েছি শুনলাম সে বলছে—“আমার জান্না বাচালেন, হজুর!”

এই আকস্মিক উচ্ছ্বাসের উত্তর কি দেব? গেট বন্ধ ক'রে আবার গাড়ীটার কাছে ফিরতে হ'ল কাজেই—

“কেন, দিনকাল কি খুবই খারাপ?”

সে বললে, তা ছাড়া আর কি! তাদের কটি উঠল এবারে—কেউই চায় না তাদের। চারুকটা তুলে তারপর সে গাড়ী হাঁকাবার উদ্যোগ করলে।

“কতদিন ধ'রে তোমাদের এ দুরবস্থা?”

আবার সে হাত নামাল—ভারি একটা আরামের সঙ্গেই যেন। ভাঙা ভাঙা উত্তর দিল—গাড়ী হাঁকাচ্ছে সে কি আজ থেকে—পরিশ্রমটি বছর ধরে তার এই কাজ—

তারপর হঠাৎ সেই ঘোড়ার লেজের দিকে তাকিয়ে নির্বাক হ'য়ে গেল। ওর যে এ অভ্যাসটি আছে তা' ও জানে না দেখি। অনেক প্রশ্নের পর আবার তার কথা জোগাল, না কারুকেই দৃষ্টি না আমি—ট্যাক্সিকে ও না কারুকেই না। আমাদের তকদিরেই করেছে সব।—সকালে বেরোলাম যখন পরিবারের হাত খালি একেবারে। এই কালই সে বলছিল আমাকে—“এই যে চার মাস গেল তার মধ্যে কামালে কত?” ‘এই ধর হপ্তায় টাকা চারেক’

—“না, পাঁচ টাকাই হ'বে—আচ্ছা না হয় তাই-ই হ'ল”—

“তোমরা তা হ'লে পেট ভরে খেতেও পাও না?”

কোচম্যান হাসল একটু—তার গণ্ডের দুই কোটির মাকথানে এই যে হাসি—তেমন বিচিত্র ভয়াবহ হাসি মাস্তবের মুখে বোধ হয় দেখিনি কেউ। ঘাড় নেড়ে বললে—“প্রায় তাই আর কি। এই দেখুন না—আপনাদের আগে মাত্র একটা বারো আনার ভাড়া খেটেছি—কালকের রোজগার মাত্র দেড়টি টাকা। এর অর্ধেক আবার যাবে গাড়ীর মালিকের পকেটে—তবুও ত কম। অনেক মালিকের অবস্থাও এই আমাদেরই মত—অবিকল। কাজেই ছাড়তে হয় সস্তায় -”

আবার সেই অদ্ভুত হাসি। বলে—কষ্ট হয় তাদের জন্মও—আর ঘোড়া বেচারীদের জন্মও—তবু তাদের মধ্যে বোধ হয় এই জানোয়ারগুলোই আছে ভাল সব-চেয়ে।

আমার সঙ্গীটি পাবলিককে উদ্দেশ্য ক'রে কি-একটা বললেন। শুনে কোচম্যান মুখ ফেরাল—অন্ধকার উত্তীর্ণ হয়ে কোথায় যেন তার দৃষ্টি। “পাবলিক?”—গলার স্বরে তার ক্ষীণ বিশ্বাসের রেশ “তারা ত সব চায় ট্যাক্সি। চাইবেই তা। জলদি পৌছে দেবে—সময়ের দাম ত আছে। সাত ঘণ্টা বসে থেকে তবে আপনাদের ভাড়া পেলাম আর তাও ত আপনারা ট্যাক্সিই খুঁজছিলেন। আমাদের গাড়ীতে যারা আসে, তারা আসে উপায় নেই বলেই—কাজেই মেজাজ ও তাদের খুশী থাকে না। আর আছে দু'চারজন সেকলে লোক—যারা মোটর চাপতে ভয় পায়, কিন্তু তাদের হাত দিয়ে পয়সা গলান কি সোজা কথা?”

আমরা বললাম তোমাদের দুরবস্থায় সবাই ভারি দুঃখিত...আমাদের উচ্ছ্বাসের ধারা বন্ধ হ'য়ে গেল তার কথায়—সে বললে, “কথায় ত চিড়ে ভিজবে না।...কেউ কিন্তু এ সব কথা জানতে চায়নি আগে।”

শীর্ণ মুখটি ও-পাশে ফিরিয়ে নিয়ে বললে, “করবেই বা কি লোকে? তারা ত আর বসিয়ে বসিয়ে তোমায় খাওয়াতে পারে না। শুধু জিজ্ঞেস ক'রেই বা লাভ কি? তা' জানে তারা—তাই করে না। আমার মত

এমন কত আছে—তবে ক্রমেই ক’মে আস্চে এই বা ভালো।”

এই অবলুপ্তির জ্ঞান বেদনা প্রকাশ কর্ব কি না বুঝতে পারি নি। ঘোড়াদের দিকে এগিয়ে গেলাম। অন্ধকারের মধ্যে মনে হল তাদের পাঁজরার হাড়গুলোর যেন অন্ত নেই—অগ্নুন্তি। হঠাৎ আমার সঙ্গীট ব’লে ওঠেন, “এই ঘোড়াদের চেহারা দেখেই লোকে চায় যে ট্যাক্সিতে ট্যাক্সিতেই রাস্তা ছেয়ে যাক।”

কোচম্যান মাথা নাড়লে—এদের গায়ে না কি মাংস ছিল না কোনোদিনই। দানা খেয়েও তাজা হয় না—আজকাল—যদিও খেতে পায় পেট ভরেই—জিনিষ তত হবিধে নয় অবিশি।

“আর তোমার ভাগে বৃষ্টি তাও জ্বোটে না?”

আবার সে চাবুকটা তুলল, নিতান্তই উদাস ভাবে বললে—“এ কাজ ছেড়ে যে অস্ত কিছু কর্ব তারও উপায় নেই আর। শেষ পর্যন্ত ভিক্ষের কুলি।”

আবার সেই বিচিত্র হাসি—তিনবারের বার। হ্যা, যবপত্র খুবই পারাপ বটে। তার নিজের ত কোন দোষ নেই, কিন্তু চলবে এইভাবেই—একটা আসে আর একটাকে তাড়িয়ে দেয় দাকা দিয়ে। ছুনিয়া চলে। তাদের দিন গরিয়েচে তাই ব’লে নালিশ করবার ত কিছু নেই।

তিনবারের বার সে চাবুক তুললে।

“আচ্ছা, তোমার ভাড়ার ওপর যদি আর আট আনা

তোমায় দেওয়া যায় তা হ’লে কি কর?”

খতমত খেয়ে সে নীচের দিকে তাকিয়ে বললে, “কি আর করি—কিছুই না! করার আছেই বা কি?”

“তবে এই যে বললে, তোমার জ্ঞান বেঁচে গেল?”

দীরে দীরে সে উত্তর দিল—“তা’ বলেচি বটে, ভজুর! মনটা বড্ড যেন দ’মে গেচে; ভাবনা যেন জোর ক’রে ঘাড়ে চেপে ব’সে, নড়তে চায় না—যদিও চাই নিজের অবস্থার কথা ভুলে থাকতেই।”

এইবারে ছোট্ট একটি “সেলাম, হজুর” বলে সে ঘোড়ার পিঠে চাবুক লাগাল। হঠাৎ যেন ঘুম থেকে চমকে জেগে উঠে তারা গাড়ী টানতে শুরু করলে। গাছের ছায়া ও গ্যাসের আলোর ঝিলিমিলি-ভরা রাস্তা দিয়ে দীরে দীরে গাড়ী এগোতে থাকল। মাথার উপরে তমিষ আকাশের বৃকে পরিবর্তনের গন্ধে ভরা বাতাসে পাল তুলে মাদা মেঘের ভেলা সারি সারি ভেসে চলেচে। গাড়ীটা চোখের আড়াল হ’য়ে গেচে, কিন্তু হাওয়ায় বাজে আস্চে ওর মহর-গতির মিশিয়ে যাওয়া আওয়াজ।*

* গল্‌মোছাদি।

মহারাজ ছত্রসাল বৃন্দলা

অধ্যাপক দ্বিজেন্দ্রনাথ বসু, কালুনাগো, এম-এ

১৮৭২ খৃষ্টাব্দে কুমার ছত্রসাল ২২ বৎসর বয়সে মাত্র ৩৭ জন অধিবাসী ও ৩০০ পদাতিক সৈন্য লইয়া সম্রাট ঔরঙ্গজেবের বিরুদ্ধে যুদ্ধে নামিলেন। ১৮৭২—১৮৮০ পর্যন্ত ঔরঙ্গজেবের দম ফেলিবার অবকাশ ছিল না। দক্ষিণাত্যে শিবাজী, পঞ্জাবে তেগ বাহাদুর, বর্তমান উত্তর-পশ্চিম সীমান্ত প্রদেশে খুশ্‌হাল খা খাটক, দিল্লীর শেরশাহ সন্ন্যাসী সম্প্রদায়—সকলেই তাঁহাকে বাতিবাস্ত করিয়া তুলিয়াছিল। ইহাদের তুলনায় ছত্রসাল ক্ষুদ্র

শত্রু বলিয়া উপেক্ষিত রহিলেন। তাঁহাকে দমন করিবার ভার বৃন্দলখণ্ড ও মালবের স্থানীয় মোগল ফৌজদার গণের উপর পড়িল। সিরোজের ফৌজদার হাশিম খানকে পরাজিত করিয়া ছত্রসাল সমস্ত জেলা লুণ্ঠ করিলেন। ছত্রসালকে দমন করিতে আসিয়া ধামোনীর ফৌজদার খালিথ নিজেই ধরা পড়িল। কেশো রায় বৃন্দল ছত্রসালকে চৌথ দিতে অস্বীকার করায় প্রাণ হারাইল। প্রতি যুদ্ধের পর ছত্রসালের সৈন্যবল দশগুণ বাহ্যিক

চলিল। তাঁহার বড়ভাই রতন সাহ—যিনি এযাবৎ ছত্রসালকে “লোভাং উদ্ধারিব বামনঃ” বলিয়া রূপা ও অবজ্ঞার চক্ষে দেখিতেন, তিনি এবং আরও দু-একজন বাদশাহী মনসব ছাড়িয়া এ দলে যোগ দিলেন। ১৬৭৮ খৃষ্টাব্দে ধামোনীর ফৌজদার রণদৌলা খাঁ (কুজলা?) এবং যশোবন্ত সিংহ বৃন্দেলা ছত্রসালকে দমন করিবার জন্ত আদিষ্ট হইলেন; কিন্তু কৃতকায্য হইতে পারিলেন না। প্রাকার-বেষ্টিত শহর ও প্রধান দুর্গগুলি ছাড়া বৃন্দেলখণ্ড ও মালবের কিয়দংশে মোগল-শাসন একেবারে লোপ পাইল।

এই বংশের সম্রাট ঔরঙ্গজেব জিজিয়া-কর প্রবর্তন করিয়া অগ্নিতে ঘুতাহতি দিলেন। মন্দিরধ্বংস, হিন্দু ব্যবসায়ীর উপর দ্বিগুণ বাণিজ্য-শুল্ক দাখ্য (শতকরা ৫০), হিন্দু দেওয়ান ও পেশকারদের শতকরা ৫০ জনের পদচ্যুতি ও তাহাদের স্থানে মুসলমান নিয়োগ ইত্যাদি ব্যবস্থার পর এই মুগ-কর হিন্দুদের মপো অসন্তোষ আরও বাড়াইয়া দিল। মিবারের রাণা হইতে দরিদ্র কৃষক পর্যন্ত কেহই এ কর দান হইতে অব্যাহতি পাইল না। বাদশা হিন্দুদিগকে “হাতে ও ভাতে” মারিবার জোগাড় করিতেছেন দেখিয়া তাহারা প্রকাশে অপ্রকাশে বিদ্রোহীদের সহায়তা করিতে লাগিল। যাহারা মুগ-কর দিতে পারিল না তাহারা মুসলমান হইয়া গেল; যাহারা গোয়ার (ধনা—মালবের রাজপুত ইত্যাদি) তাহারা জিজিয়া-আদায়কারী নিরপরাধ কাজীদের দাড়ি গৌক ছিঁড়িয়া লড়াই করিতে প্রস্তুত হইল। ১৬৮১ খৃষ্টাব্দে সম্রাট হিন্দুস্থান হইতে শেষ বিদায় লইয়া দক্ষিণাত্য বিজয়ে চলিলেন। চোরাবালিতে পড়িয়া উঠিবার চেষ্টা করিলে লোকের যে অবস্থা হয়, ঔরঙ্গজেবেরও ঠিক সেই অবস্থা হইল। মারাঠা, আদিল শাহ ও কুতবা শাহর সহিত যুদ্ধ-বিগ্রহে তিনি এতই ব্যস্ত রহিলেন যে, ছত্রসালের বিরুদ্ধে কোন বৃহৎ অভিযান পাঠাইবার তথ্য পাইলেন না। পূর্ববৎ মালবের ফৌজদার তাঁহাকে বাধা দিবার কথঞ্চিৎ চেষ্টা করিতে লাগিল। শের আফকন খাঁ নামক রানোডের ফৌজদার ছত্রসালকে ১৬৯৯ এবং ১৭০০ খৃষ্টাব্দে দুইবার সম্মুখ-যুদ্ধে

পরাস্ত করেন এবং গাগরোণ পরগণা অধিকার করেন। গৃহভেদই বোধ হয় ছত্রসালের পরাজয়ের কারণ। এ সময় ছত্রমুন্ট বৃন্দেলা নামক সর্দার তাঁহার দল ছাড়িয়া মোগলদের সঙ্গে যোগ দেন। ছত্রসাল সাময়িক ভাগ্য-বিপায্যে নিকুংসাহ হইলেন না। ১৭০১ খৃষ্টাব্দে ধামোনীর ফৌজদার খায়ের আন্দেখ খ কালিজুর দুর্গ অবরোধ করিয়া বার্থমনোরথ হইলেন। এই সময়ে গন্দোয়ানায দেবগড়ের রাজা বখ্ত বৃন্দল গন্দ বিদ্রোহী হওয়ায় ছত্রসালের শক্তি আরও বাড়িয় গেল। ১৭০৩ খৃষ্টাব্দে ছত্রসাল মারাঠা-সেনাপতি নীম সিদ্ধিয়াকে নর্মদা পার হইয়া মালব আক্রমণ করিতে উৎসাহিত করেন। ১৭০৫ খৃষ্টাব্দে ঔরঙ্গজেব প্রসিদ্ধ তুরানী সেনাপতি ফিরোজ জঙ্গকে মালব ও বৃন্দেলখণ্ডে প্রেরণ করিলেন। ফিরোজ জঙ্গ নীমা সিদ্ধিয়াকে পরাজিত করিয়া বিতাড়িত করিলেন; কিন্তু ছত্রসালের ক্ষমতা স্বদূত দেখিয়া তাঁহার সহিত একটা আপোষ করিবার জন্ত বাদশাহকে অনুরোধ করিলেন। ৪-হাজারী মনসবদার হইয়া ফিরোজ জঙ্গের মধ্যস্থতায় ঔরঙ্গজেবের সহিত দেখা করিতে গেলেন। মনসবে লোভে তিনি বশতা স্বীকার করেন নাই; ৩০ বংশের যুদ্ধের পর কিছুদিনের জন্ত শান্তিলাভ তাঁহার পক্ষে নিতান্ত প্রয়োজনীয় হইয়াছিল। ছত্রসাল বৃদ্ধিযাছিলেন, মোগল-সাম্রাজ্যের নাতিশ্রাস উপস্থিত হইয়াছে এবং সম্রাটের জীবন-প্রদীপও নিক্সাপোমুখ; সুতরাং ভার্য্য সজ্জস ও বিপ্লবের জন্ত বলসঙ্কয় আবশ্যক।

শিবাজী, শম্ভুজী, রাজারাম মরিলেন, শাহ দূত হইল, সাতারা পানহালা সিংহগড়ে মোগলের বিজয় পতাকা উড়িল, মহারাষ্ট্রভূমি তৃণবৃক্ষশূন্য শবাস্থি-শূন্য স্থানে পরিণত হইল; তবুও মারাঠা জাতি মরিল না। বরং তাহারা এখন বৃদ্ধ সম্রাটকে জগতের অন্নদাতা জ্ঞান করিয়া তাঁহার দীর্ঘ জীবন কামনা করিতে লাগিল, এবং প্রতি সপ্তাহে বাদশাহী রাজ্য লুটের কিয়দংশ তাঁহাদের মঙ্গলার্থ মিষ্টান্ন বিতরণ ও কাঙ্গালী-ভোজনে ব্যয় করিত। কেন-না লুটের বাজার যখন একটু নরম পড়িয়াছিল, তখন তিনি বিজাপুর ও গোলকুণ্ডা ধ্বংস করিয়া তাহাদের

বচরণক্ষেত্র অধিকতর প্রশস্ত ও নিরাপদ করিয়া দিয়াছিলেন। পরোক্ষভাবে তিনি মারাঠা জাতির কানচক্ষু খুলিয়া দিয়া তাহাদিগকে মহারাষ্ট্রের বাহিরে গেলব ও গুজরাটে বৃহত্তর মহারাষ্ট্রের সন্ধান দিয়াছিলেন। ঔরঙ্গজেবের মৃত্যুর কুড়ি বৎসর পরে পেশবা রাজীরাও মহারাষ্ট্র-স্বরাজের ভিত্তি প্রসার করিয়া মাসেমুন্স হিমাচল হিন্দু-পদ-পাদশাহী স্থাপনের স্বপ্ন দেখিতে লাগিলেন। যাহারা এ কার্যে বাজীরাওয়ার সহায়ক হইয়াছিলেন, মহারাজা ছত্রসাল তাহাদের অগ্রাভ্যাস।

১৭০৭ খৃষ্টাব্দে সম্রাট ঔরঙ্গজেবের মৃত্যুর পর ছত্রসাল দেশে ফিরিয়া আসিলেন। বাহাদুর শাহের রাজত্বকালে মোগল দরবারের সহিত তাহার বেশ মতাব ছিল। মলকবি লিখিয়াছেন, শিখদের লোহগড়-দুর্গ বিজয়ে তাহারা করিবার পুরস্কার-স্বরূপ সম্রাট ছত্রসালকে মনসব গ্রহণ করিতে অনুরোধ করায়, ছত্রসাল বলিয়াছিলেন—“জাহাপনা! আমি বাসিক দু-কোটি টাকা খয়ের ভূমির অধিকারী; ইহা ছাড়া গুরু প্রাণনাথজীর এবং পন্নীর পনি পাইয়াছি। যিনি ছুনিয়ার মালিক আমি তাহার মনসবদার; বাদশাহী মনসবে আমার প্রয়োজন নাই।” ইহা কবি-সদয়ের ভাবোচ্ছ্বাসমাত্র, ঐতিহাসিক সত্য নয়। সম্রাট ফরুখশিয়ারের রাজত্বকালে ছত্রসাল সৈয়দভ্রাতাদের সপক্ষে যোগ দিয়া বিশেষ ক্ষমতাপ্রাপ্ত হইয়া উঠিয়াছিলেন।

১৭১৪ খৃষ্টাব্দে তিনি ৬-হাজারী মনসবদারের পদে উন্নত হইলেন। সেকালে হয় মোগল সম্রাটের কন্ডচারী, কিংবা মুক্কাভিযুক্ত স্বাধীন রাজা ব্যতীত অথ কেহ ন্যায় প্রজ্ঞাপ্রদানের অধিকারী বলিয়া স্বীকৃত হইতেন না। যে-কারণে কোম্পানী বাহাদুর স্তবে বাংলা বিহার উড়িষ্যা দণ্ডমণ্ডের কণ্ঠা হইয়াও তাহাদের আশ্রিত ফিরোজ শাহ আলমকে এলাহাবাদের চায়ের টেবিলের উপর বসাইয়া সমগ্রমে তাহার হাত হইতে স্ববাক্সয়ের সোণখানী সন্ম লইয়াছিলেন, ঠিক সেই কারণে ঐষ্টাদশ শতাব্দীর কথ্যত স্বাধীন রাজা, মহারাজা, নবাব, নিজাম ইত্যাদি—যাহারা তলোয়ারের জোরে ভূম্যধিকারী

হইয়াছিলেন—মোগল সম্রাটের সার্বভৌমত্ব স্বীকার করা অপমানজনক মনে করিতেন না।

সম্রাট ফরুখশিয়ারের রাজত্বকালে সৈয়দভ্রাতারদের পরিচালনায় দিল্লী সাম্রাজ্যের পূর্ব গৌরব ও ক্ষমতা অনেক পরিমাণে ফিরিয়া আসিল। স্ব স্ব প্রধান রাজ্য ও নবাবগণ প্রমাদ গণিলেন।

রাজা ছত্রসাল বৃন্দেলা, বৃন্দীরাজ বুদসিংহ হাড়া, গোহড়ের জাট (খোলপুর রাজবংশ), এবং মালবের ক্ষত্র জমীদারগণ এক মণ্ডলী গড়িয়া মুসলমান-প্রাধাণ্য থর্ব করিতে বন্ধপরিকর হইলেন। মহম্মদ শাহের রাজ্যারোহণের পর ১৭১৯ খৃষ্টাব্দে এলাহাবাদের হিন্দু স্তবেদার ছাবিলা রাম নাগরের ভ্রাতৃপুত্র গিরিধর বাহাদুর বিদ্রোহী হইলে এই হিন্দুমণ্ডলী তাহাব পক্ষে যোগদান করিয়া মোগল সৈন্যাদ্যক্ষকে বিব্রত করিয়া তুলিয়াছিল।

১৭২১ খৃষ্টাব্দে ছত্রসাল ৩০ হাজার সৈন্য সহ কালী আক্রমণ করেন এবং এলাহাবাদের নূতন স্তবেদার মহম্মদ খা বঙ্গশের প্রতিনিধি দিল্লীর থাকে পরাজিত ও নিহত করেন। ১৭২৫ খৃষ্টাব্দে তিনি সমগ্র বাঘেলখণ্ড এবং সুবাপাটনার প্রান্ত পর্যন্ত দখল করিলেন। ১৭২৭ খৃষ্টাব্দের ফেব্রুয়ারি মাসে স্বযোগ্য পাঠান সেনাপতি বর রোহিলা সৈন্য লইয়া বৃন্দেলাখণ্ড আক্রমণ করিলেন।

মহম্মদ খার পুত্র কায়ম খা বান্দা জিলা এবং স্বয়ং মহম্মদ খা মহোবার নিকটবর্তী স্থানসমূহ অধিকার করিলেন।

মহোবার ২০ মাইল পশ্চিমে জৈতপুরের নিকটবর্তী পাহাড়ে ছত্রসাল যুদ্ধার্থ প্রস্তুত হইলেন। গোহড়ের জাটরাও তাহাদের ভোপাখানা লইয়া ছত্রসালের সাহায্যার্থ আসিল। জৈতপুরের ৪০ মাইল দূরে প্রথম যুদ্ধ হয়। এ যুদ্ধে ছত্রসাল পরাজিত হইয়া জৈতগড়ের পাহাড়ে প্রত্যাবর্তন করিলেন। ১৭২৮ খৃষ্টাব্দের ১৫ এপ্রিল এখানে এক ভীষণ যুদ্ধ হয়। ৪৫ হাজার সৈন্য ও ভোপাখানা লইয়া ছত্রসাল অতুক্তিভাবে পশ্চিমে সৈন্যকে আক্রমণ করেন। বৃন্দেলা সৈন্য পাঠান-বাহাদুর দক্ষিণ পক্ষ পরাজিত করিয়া শত্রুপক্ষের তাঁবু ও আদার

লুটিয়া লইতে লাগিল। এদিকে মহম্মদ খাঁর অবস্থাও সঙ্কটাপন্ন হইয়া উঠিল।

আশী বৎসরের বৃদ্ধ ছত্রসাল ঘোবনের রণোন্মাদনায় যুদ্ধ করিতে লাগিলেন; কিন্তু তাঁহার হাতী দুইটি তীরবিদ্ধ হওয়ায় অসংযত হইয়া পলাইয়া গেল। মহম্মদ খাঁর পরাজয় জয়ে পরিণত হইল।

১৭২৮ খৃষ্টাব্দের ডিসেম্বর মাসে জৈতপুর দুর্গ পাঠানেরা অধিকার করিল। ছত্রসাল সন্ধি প্রার্থনা করিয়া মহম্মদ খাঁকে ৪০ লক্ষ টাকা কর-স্বরূপ দিলেন। উভয় পক্ষে যুদ্ধ স্থগিত বহিল। দিল্লীতে শুদ্ধব উঠিল, ছত্রসালের সাহায্যে পাঠানেরা তৈমুর-বংশকে সিংহাসন-চ্যুত করিবার আয়োজন করিতেছে। ছত্রসাল দিল্লীর দরবারের মহম্মদ খাঁর শত্রুপক্ষীয় মনোভাব জানিয়া যুদ্ধার্থ উৎসাহিত হইলেন। অব্যোধ্যায় নবাব সাদত খাঁও বৃন্দলাদিগকে অনেক ভরসা দিলেন। ছত্রসাল এ সময়ে পেশবা বাজীরাওয়ের সাহায্য প্রার্থনা করিয়া দূত পাঠাইয়াছিলেন; সন্ধির প্রস্তাব শত্রুকে প্রতারণিত করিয়া সময়লাভের কৌশলমাত্র। ১৭২৯ খৃষ্টাব্দে বাজীরাও এক রহৎ দৈহুদল লইয়া জৈতপুরের নিকটবর্তী পাঠান-শিবির অবরোধ করিলেন। মহম্মদ খাঁর পুত্র বান্দা জেলা হইতে জৈতপুরের ১২ মাইল উত্তর-পূর্বে স্থাপ্য পলায়ন অগ্রসর হইয়াছিল। মারাঠা ও বৃন্দলা সৈন্যের অধিকাংশই কায়েম খাঁকে বাধা দিবার জ্ঞাত ছিল। এই সুযোগে পাঠানেরা শিবির হইতে বাহির হইয়া জৈতপুর দুর্গে আশ্রয় লইল। চারি মাস ধরিয়া মহম্মদ খাঁ অসীম বীরত্ব ও ধৈর্যের সহিত আত্মরক্ষা করিলেন। মৃত্যু ছাড়া অণু প্রাণী সমস্তই নিঃশেষে ভক্ষিত হইল; দুর্গ-রক্ষীরা অন্নভাবে মরিতে লাগিল। মহম্মদ খাঁ সাহায্যের জ্ঞাত ওমরাহগণ ও বাদশাকে বিশেষ করিয়া অনুরোধ করিলেন। খান-দৌরাণ সমসাম-উদ্দৌলা জৈতপুর যাইবেন বলিয়া মহা আড়ম্বর দিল্লীর বাহিরে তাঁবু ফেলিলেন। অথচ গোপনে ছত্রসালকে লিখিলেন—মহম্মদ খাঁর মাথাটি বাদশাহের কাছে পাঠাইয়া দিলে বহু ইনাম মিলিবে; শত্রুকে হাতে পাইয়া ছাড়িলে ভাল

হইবে না। তিনি সম্রাট মহম্মদ শাহকেও বুঝাইয়া দিলেন, পাঠান সেনাপতি যুদ্ধে জিতিলে ভবিষ্যতে শাহী তখতের উপর নজর ফেলিবে। ছত্রসাল চাল-বাজীতে খান-দৌরাণ প্রমুখ দরবারীদিগকে মাংস করিলেন। তিনি বিবেচনা করিলেন, মহম্মদ খাঁ বাচিয়া থাকিলে খান-দৌরাণের পাল্লা ভারী হইতে পারিবে না, রাজনীতিক ক্ষেত্রে স্থায়ী শত্রুতাও নাই, বন্ধুত্বও নাই। মহম্মদ খাঁ কখনও বৃন্দলখণ্ড আক্রমণ করিবেন না কিংবা, কোন কর দাবী করিবেন না—এই প্রতিশ্রুতিমাত্র লইয়া ছত্রসাল সম্মানে তাঁহাকে জৈতপুর ত্যাগ করিতে দিলেন। কয়েক দিন পরে কায়েম খাঁ নূতন ফৌজ লইয়া যমুনা পার হইলেন; কিন্তু পাঠান সেনাপতি পুত্রকে যুদ্ধ হইতে নিরস্ত করিয়া স্বদেশে প্রত্যাবর্তন করিলেন।

মহারাজ ছত্রসাল পেশবা বাজীরাওকে নিজ রাজধানী পাল্লা নগরে আমন্ত্রিত করিয়া অশেষ সম্মান প্রদর্শন করিলেন। পেশবার হিন্দু-পদ-পাদশাহীর স্বপ্ন সফল হইল। আজীবন যুদ্ধ করিয়া ছত্রসাল যে বৃন্দলখণ্ডে মুসলমান-শাসন প্রবর্তন করিয়াছিলেন, বাজীরাও সাহায্যার্থ না আসিলে কালে উহা রোহিলখণ্ডের হায়া পাঠান উপনিবেশে পরিণত হইত। দেশের ও দখলের ভবিষ্যৎ ভাবিয়া তিনি বাজীরাওকে জ্যেষ্ঠপুত্র-রূপে গ্রহণ করিলেন এবং রাজ্যের এক তৃতীয়াংশ তাঁহার নামে লিখিয়া দিলেন। একপ ত্যাগ ও দূরদণ্ডিতার দৃষ্টান্ত ভারতবর্ষের ইতিহাসে বিরল। অনেকে মনে করেন, ইহা “সন্দনাশং সমুৎপাদে গন্ধং ত্যজতি পণ্ডিতঃ” নীতিমাত্র,—স্বচ্ছায় না দিলে পেশবা বাজীরাও কাড়িয়া লইবার শক্তি রাখিতেন। পেশবা বলপূর্বক ছত্রসালের রাজ্যগ্রহণ করিলে উহা উভয়ের পক্ষে অশঙ্ক্য হইত।

মহারাষ্ট্রপতি শিবাজী যেমন কক্ষজীবনে গুরু রামদাসকে পাইয়া ধনা হইয়াছিলেন, মহারাজ ছত্রসালও তেমনি জীবন-সংগ্রামের সঙ্কটপূর্ণ সময়ে মহাত্মা প্রাণনাথজীকে একাধারে গুরু ও মন্ত্রীরূপে পাইয়াছিলেন। কৃতকার্যতার জ্ঞাত শিবাজী রামদাস স্বামীর কাছে যে পরিমাণ স্বর্ণী, ছত্রসালও তদ্রূপ প্রাণনাথজীর কাছে স্বর্ণী।



পাশ্চাত্য স্থাপিত মহারাজ ছত্রসালের প্রস্তর-মূর্তি

প্রাণনাথজীর জন্মস্থান কাথিয়াবাড় প্রদেশের জামনগর। তাঁহার পূর্বাশ্রমের নাম মেহরাজ বা মেঘরাজ। তিনি জীবনের অধিকাংশ সময় কাথিয়াবাড় ও সিন্ধুদেশে কাটাইয়াছিলেন বলিয়া মনে হয়। তাঁহার উপদেশ-গ্রন্থের নাম “কুলজম স্বরূপ।” ‘কুলজম’ আরবী শব্দ—ইহার অর্থ সমুদ্র। এই গ্রন্থে আরবী ও দিল্লী শব্দের বাহুল্য দেখা যায়। প্রাণনাথ নানক পন্থী না হইলেও গুরু নানকের মতের সহিত তাঁহার উপদেশ ও ভাবের অনেকটা মিল আছে।

গুরু নানকের শ্যায় ইনিও আধ্যাত্মিক-রাজ্যে হিন্দু ও মুসলমান ধর্মের সামঞ্জস্য, এবং ব্যবহারিক জগতে পরস্পরের মধ্যে সদ্ভাব বর্দ্ধনের জন্ত চেষ্টা করিয়াছিলেন। প্রাণনাথজী নিজেকে কৃষ্ণ, মহম্মদ, ও যিশুখৃষ্টের সমন্বয় যুগাবতার বলিয়া মনে করিতেন। তিনি কখন বৃন্দলখণ্ডে আসিয়াছিলেন এবং কেন সন্যাস মহারাজ ছত্রসাল তাঁহার প্রথম দর্শন লাভ করেন তাহা সঠিক বলা যায় না। জনপ্রবাদ, পান্নার হীরকখনির সন্ধান প্রাণনাথজীই সর্বপ্রথম ছত্রসালকে দিয়াছিলেন। কথিত আছে, পান্নার ধর্মসাগর হ্রদের তীরে “মন্দারতৃদ্ব” নামক পাহাড়ের পাদভূমিতে এক শিলাখণ্ডের উপর বসাইয়া প্রাণনাথজী ছত্রসালের কপালে “রাজটিকা” পরাইয়া দিয়াছিলেন এবং কোমরে তরবারি বাধিয়া দিয়াছিলেন। মহারাজ ছত্রসালের বংশধর পান্না-নরেশ বিজয়া দশমীর দিন এখানে আসিয়া সেই অস্ত্রের পূজা করিয়া থাকেন, সর্বপ্রথমে এখানে প্রাণনাথজীর নামে পানের বিড়া উৎসর্গ করা হয়, এবং এইস্থান হইতেই বিজয়া দশমীর “সিন্ধু যাত্রা” আরম্ভ হয়।

মহারাজ ছত্রসাল প্রাণনাথজীর কাছে ব্রহ্ম-জ্ঞান লাভ করিয়াছিলেন। তিনি কবিতার একছত্রে নিজেকে “ব্রহ্ম-রস-রত্তা, এক কায়েম ঠিকানে কা,” অর্থাৎ ব্রহ্ম-রস-মগ্ন নিত্যপামবাসী বলিয়াছেন। প্রাণনাথজীর শিষ্যেরা নিজদের “দামী” বলিয়া পরিচয় দেয়। ব্রহ্মবাদী মহাত্মা অনন্ত জু ছত্রসালের জ্ঞান-পরীক্ষার জন্ত কতকগুলি প্রশ্ন করিয়াছিলেন। প্রশ্নোত্তরে মহারাজ লিখিতেছেন :—

হৌ অনন্ত, নহি অন্ত কোউ, অজ্ঞের ছতা অনন্ত
ইত রস মে বস মানিবী, আয় কীজিবী ধন্ত ॥

—হে অনন্ত! “অন্ত” (জ্ঞানীদের ‘বিগত’) কেহই নয়; অক্ষর (ত), ছতা ও অনন্ত (অর্থাৎ আমি ও আপনি) এক। এই (এক-জ্ঞান-জনিত) রসকেই প্রকৃত রস জ্ঞান করিয়া আমাকে দর্শন দিয়া ধন্ত করিবেন।

ছত্রসালের এই একেশ্বরবাদ কবীর ও একনাথের একেশ্বরবাদের ন্যায় সাকার উপাসনা ও অবতারবাদ বিরোধী নহে।

ইতিহাস ও জাতীয়তার দিক দিয়া বিচার করিলে আমরা বুঝিতে পারি, রামদাস ও প্রাণনাথজীর নিকট ভারতবর্ষ কত বেশী শ্মশী। নিষাতিত হিন্দুধর্ম রক্ষাকল্পে মোগল সাম্রাজ্যের কালাগ্নি-স্বরূপ যে অসি কোষমুক্ত হইয়াছিল, তাহা তাঁহারা মন্ত্রবলে সংযত করিয়া মহারাষ্ট্র ও বৃন্দলখণ্ডে কোরাণ ও মসজিদ রক্ষা করিয়াছিলেন। তাঁহারা শত্রুভীত পদদলিত ভারতের ধম্বোপদেষ্টা ছিলেন না। ইচ্ছা করিলে তাঁহারা স্পেনের খৃষ্টান পাদরীর মত জিহাদের বিষ ঢালিয়া মুসলমানকে সমূলে ধ্বংস কিংবা নির্বাসিত করিবার জন্ত হিন্দুজাতিকে উত্তেজিত করিতে পারিতেন। শিবাজী ও ছত্রসাল অবাধে বালকবৃদ্ধ-নির্কিশেযে নিরপরাধ স্বদেশবাসী মুসলমানের রক্তে তাঁহাদের তরবারি কলঙ্কিত করিয়া সাক্ষ্য কল্পি অবতার হইতে পারিতেন।

যেখানে ক্ষাত্রশক্তি এরূপ নৈতিক ও আধ্যাত্মিক শক্তির দ্বারা সুসংযত হয় নাই, সেখানে হিন্দুরা দানবলীলা প্রকট করিয়াছে। রাজারাম জাট আকবর বাদশাহের কবর খুঁড়িয়া ফেলিয়াছিল, এবং তাজমহল ধ্বংসের চেষ্টা করিয়াছিল। তরতপুর-রাজ স্বরাজমলের পুত্র জবাহির সিংহ আগ্রার জুম্মা মসজিদে বাজার বসাইয়াছিল। শিখেরা সরহিন্দ শহরে মুসলমানের কতুলে আম করিয়াছিল। শিবাজী ও ছত্রসাল মুসলমান-শাসন উচ্ছেদ করিয়াছিলেন, ইসলাম ধর্মের প্রতি অশ্রদ্ধা দেখান নাই বা মুসলমানমাত্রকে সর্বশ্রেণে নিধন করিবার সঙ্কল্প করেন নাই।

১৭৩১ সালের ১৪ই সেপ্টেম্বর ৮৩ বৎসর বয়সে

ছত্রশালের দেহান্ত হয়। তিনি স্বদক্ষ যোদ্ধা, চতুর নাই। তিনি সেকালে হিন্দু-মুসলমানের মধ্যে সেতু-স্বরূপ রাজনীতিজ্ঞ এবং স্বশাসক ছিলেন। হিন্দু-মুসলমান-হইয়া জাতীয় ভাবের পুষ্টি করিয়াছিলেন। তাঁহার নীক্ষিংশেই তিনি প্রজাদিগকে পালন করিতেন। ব্যক্তিগত বংশধরেরা আজও পান্না প্রভৃতি বুদ্ধেলখণ্ডের ক্ষুদ্র বিরোধকে তিনি জাতিগত বিবাদ করিয়া তোলেন ক্ষুদ্র রাজ্যে রাজত্ব করিতেছেন।

ছায়া-ছবি

উমা দেবী

১

সোনার তরী

গ্রামকে সহিতে হ'ত শাশুড়ীর শাসন, ননদের বাক্য-বহুধা আর স্বামীর শুদাসীন্না। কিন্তু গ্রামকে কাতর করে কার সাধ্য? তার মনটি অপূর্ণ ভাবরসে সদাই মগ্ন; সে দোপার খাতায় হিসেব লিখতে লিখতে কবিতার পদ লিখে বসে থাকে, নয় তো রান্না-ঘরে রান্না চাপিয়ে বসে গুন্ গুন্ করে গান গায়। তার বালিশের নাচে থাকে একখণ্ড কাব্যগ্রন্থ,—বাপের বাড়ী থেকে আসবার সময় দাদার ঘর থেকে চুরি করে এনেছে। তাদের সে বাড়ীর হাসিয়া ছিল অন্তরকম; তার দাদা সৌন্দর্য্য-তত্ত্ব সংক্ষেপে প্রবন্ধ লিখে তাকে ডেকে ডেকে শোনাতেন; তার ছোট দাদা লিখতেন কবিতা—সে কবিতা যেমনই হোক, আমার কাছে তার আদরের অস্ত ছিল না।

আমার স্বামী পণ্ডিত, তার জ্ঞানের ভাণ্ডার বেদ-বেদান্তে পূর্ণ; কণ্ঠস্থ শাস্ত্রকথা তার রসনার আনন্দ। পণ্ডিতের মতই সে ব্যাখ্যা করে; রসিকের অন্তর তার নেই, আছে পাণ্ডিত্যের স্থূল অহঙ্কার। আমি স্বামীকে ভক্তি করতে চায়, কিন্তু তার শুদ্ধ নীরস জ্ঞানের পথে এগোতে পারে না, পিছনে পড়ে থাকে।

* * * *

একদিন আমার ছোট নন্দ তুলসী এসে তাকে মুখ-মাচা দিয়ে কত অকথ্যই বলে গেল; ও নীরবে শুনে,

তার পরে বললে, “তুলসী কবিতা শুন্বি?” রন্ধার তুলে তুলসী বললে, “আ মরণ! আমার তো খেয়ে-দেয়ে কাজ নেই, তাই শুনতে যাব কবিতা, ভারী পড়ুনী হয়েছি। যে! তবু যদি হতিস্ পণ্ডিতের ঘরের মেয়ে।” দাদার পাণ্ডিত্যে তুলসীর অগাধ ভক্তি।

আমা তুলসীর হাত ধরে বললে, “কবিতা শুনেছিস কখনো? আমার মাথা খা, একটা শুন্বি চল।”

কৌতুহলে তুলসী চললো আমার সঙ্গে। মনিন ছিন্নপ্রায় কাব্যগ্রন্থখানি বের হ'ল আমার বালিশের তলা হ'তে। গভীর শ্রদ্ধাভরে আমি বসলো বই হাতে। একে একে অনেক কবিতা পড়লে, নীরবে তুলসী শুনে; সব শেষে স্বক করলে—

“কোথা হতে ছই চক্ষে ভরে নিয়ে এলে জল,
হে প্রিয় আমার,
হে ব্যথিত, হে অশান্ত, বল আজি গা'ব গান
কোন্ সাধনার?”

তুলসী বাধা দিতে চাইলে, পারলে না; আমার গলা কেঁপে উঠলো, তবু পড়লে,

“এক শয্যা রাজধানী
অধেক আঁচলখানি,
বন্ধ হতে লয়ে টানি
পাতিব শয়ন—”

তুলসী এগিয়ে এসে বইয়ের উপরে ঝুঁকে পড়লো, যেন মধুর সন্ধান পেয়েছে অলি।

আমা পড়ে চললো—

“একটি চুখন গড়ি
দোহে লব ভাগ করি
এ রাজস্বের মরি মরি

কত আরোজন।”

আর পড়া হ’ল না; তুলসী জোর ক’রে বই বন্ধ করে দিয়ে বললে, “দোহাই বৌদি, আর পড়িস্ নে।” ছুটে চলে গেল রামাঘরে—কিন্তু মায়ের কাছে নালিশ করতে পারলে না।

হরিহর পাশের ঘরে বসে সবই শুনে।

* * * *

সমস্ত দিন পরিশ্রমের পর, ক্রান্ত বধু যখন স্বামীর পড়বার ঘরে ঢুকলো, তখন তীব্র দৃষ্টিতে হরিহর তার পানে চাইলে; আনমনা শ্রামা তা’লক্ষ্য করলে না; পিলসুজে আর একটি তেল ঢাললে, শাস্ত্রগ্রন্থগুলি গুছিয়ে রাখলে, স্বামীর পিঠের কাছে একটা তাকিয়া দিলে; তার পরে বললে, “পায়ে এবার তেল দিয়ে দিই?”

রুদ্রস্বরে হরিহর বললে, “থাক্, থাক্—”

শ্রামা ভয়ে ভয়ে বললে, “রাগ করছ কেন? দেরি হয়ে গেছে আজ, মায়ের কোমরে বাখা বেড়েছে, সেক দিয়ে এলুম তাই”—

হরিহর বললে, “সেক দিয়ে এলে, না চাঁদের আলোয় কাব্য করে এলে? যত-সব বাজে চিন্তা দিন-রাত মাথার ভেতর ঘুরচে, হিসেবের খাতায়, দোপার খাতায় এখানে, সেখানে, কবিতা টোকা—ছিঁড়ে ফেলে দেব সব—”

শ্রামা গভীর বাখা পেলে, তবু বললে, “যদি বারণ কর আর করব না, কিন্তু আমায় একটা পথ বলে দাও—”

হরিহর গুর নম্রতায় খুশী হ’ল, বললে, “বেশ তোমাকে আমি জ্ঞানের পথ দেখিয়ে দেব; কি শুনবে বল? গীতার ভাষা না বেদান্তের ভাষা?”

শ্রামা হরিহরের পায়ের কাছে বসে বললে, “শোনো ও যা খুশী”—

গুরুগভীর স্বরে, অসীম শুদ্ধতার সঙ্গে সে তখন স্বর করলে আপন পাণ্ডিত্য প্রচার—সে তো ব্যাখ্যা নয়, সে সহজকে জটিল করে তোলা; শেষে নিজের অক্ষমতায় লজ্জিত হয়ে বললে,—“যাও, যাও, আজ শোওগে, কাল শোনা’ব আর এক অধ্যায়—”

মাথা নীচু করে শ্রামা উঠে গেল।

* * *

অনেক রাতে প্রদীপের অবশিষ্ট তেলটুকু পুড়ে নিশে গেল। তখন হরিহর বই বন্ধ করে উঠলো বিশ্রাম আশায়। শোবার ঘরের দরজার কাছে এসে দেখলে, পরিপূর্ণ শুভ্র চাঁদের আলো এসে পড়েছে বিছানার উপরে, শ্রামা মাথা নীচু করে বসে আছে, সেই আলোর দিকে মুখ ক’রে; যেন এই চন্দ্রালোকে, এই নিশুঙ্ক নিশীথে, সে একান্তে আপন পূজাটি নিবেদন করতে চায়।

হরিহর খুশী হ’ল, ভাবলে, তার আজকের উপদেশ বৃথা যায়নি, শাস্ত্রব্যাখ্যা শ্রামার মনকে ছুঁয়েচে।

ধীরে ধীরে পা টিপে সে ঘরে ঢুকলো; কাছে এসে দেখলে সেই কাব্যগ্রন্থখানি শ্রামার কোলের পরে থোনা; তার দুই চোখ বেয়ে জল ঝরছে; আপনাতো আপনি বিভোর হয়ে সে পড়ছে—“সোনার তরী।”

২

পাখী

মন্দাকিনী শিখিয়েছিল তার পাখীকে একটি মাতৃ বুলি—“বন্ধু।” আর পাখী আপনা হ’তে শিখেছিল, মন্দার হাসির অতুলকরণে তরল মধুর স্বরে হেসে উঠতে— কারণে অকারণে।

সে হাসি যে শোনে সেই চমকে ওঠে। পাড়ার লোকে মানতে চায় না—সে হাসি পাখীর। মন্দার স্বামী নিখিল রাগ করে বলে—“দূর করে দেব ওটাকে, ও কেন তোমার হাসি চুরি করে আমায় কেবলি ঠকাই?”

শীতের ছুপুরে ওদের চটে ঢাকা ছাদের ফাঁক দিয়ে রোদদুর ঝাঁক হয়ে এসে পড়ে, মন্দা সেইখানে পা মেলে বসে, কাঁথা সেঁদাই করে, কখনো আচার শুকোতে দেয়, —কখনো বা বিদেশে মায়ের কাছে চিঠি লেখে। আল্পের গায়ে ঝোলে পাখীর খাচা; পাখী নিবিষ্টমনে ঘাড় ঝাঁকিয়ে মন্দাকে চেয়ে চেয়ে দেখে। তার পর গলা ফুলিয়ে ডাকে “বন্ধু!” মন্দা সাড়া দেয়—“কি বন্ধু?” অমনি দুজনে এক স্বরে হেসে ওঠে—যেন স্বরে ঝাঁপা বীণার তারে তারে ঝঙ্কার পড়ছে।

রোগা বউকে ভোলাবার জন্তে ঐ পাখী এনে দিয়েছিল নিখিল, কিন্তু মন্দার রোগ তো সারবার নয়, বেড়ে চলো দিনে দিনে ; শেষে সে একেবারে বিছানা নিলে।

শেষ কপর্দক খরচ করে স্বামী ওর চিকিৎসা করতে চায় ; বাচবার অনন্ত ইচ্ছে নিয়ে মন্দা এগিয়ে চলে মৃত্যুর পথে।

পাখী আর দোলে না ছাদে, মন্দার ঘরের দামনে ঘরের ওপর বসে বসে বিমোয়। কখনো থিল্‌থিল্‌ করে হেসে উঠে থাকে—“বন্ধু!” কিন্তু সাড়া পায় না। মন্দার গলার পর বন্ধ হয়ে গেছে ; তার চোখের কোণ বেয়ে শুষ্ক হন গড়িয়ে পড়ে।

শেষে একদিন মন্দা চোখ বুজলে নিখিলের কোলে মাথা রেখে ; পাখীটা চেয়ে চেয়ে দেখলে। তারপর হেসে উঠলো, মন্দার স্বরে, ঠিক তেমনি করে। ঠিক-কি নালাগালি ক’রে উঠানের এক পাশে তাকে কুলিয়ে রাখলে।

* * * *

পাশের বাড়ীর ছাদের ঘরে বসে যে ছেলেটি দর্শনে এন-এ পড়ে—আর আকাশের দিকে চেয়ে জগতের যত সমস্যার মীমাংসা করতে চায়—তার কানে এল মন্দার মৃত্যু-খবর—যাকে সে কোনোদিন চোখে দেখেনি, দেখতে ইচ্ছেও করেনি—কিন্তু ক্ষণে ক্ষণে যার হাসির স্বর কানে এসে তাকে আনমনা করে দিয়েছে—যার সেই পাখীকে “বন্ধু” বলে ডাকাতি বুকে মদুর করে বেজেছে। পড়ায় আর মন বসলো না।

বাস্তায় বেঁচে এসে সে দেখলে, নিখিল নিলাম-ঘরে সব বিনিময়পত্র বিক্রী করে ফেলেছে। এতদিন যা’ ছিল তার ঘর জুড়ে, লক্ষ্মীর আসন হয়ে—আজ তা শুধু বোকা গড়িয়ে তুলেছে।

ছেলেটি ছুই চোখে সহায়ভূতি নিয়ে নিখিলের কাছে গিয়ে দাড়াইল।

নিখিল বললে, “চল্লুম মেসে, কার জন্তেই বা মরতে থাকা?”

ছেলেটি বললে, “কিন্তু ঐ পাখীটা? ওটা তো বেচেছেন না?”

বোকাই-করা জিনিষের স্তূপের মাঝখানে মন্দার পাখী বসে আছে খাঁচায় ; রাস্তার গোলমালে, ভয় পেয়ে হাসতে তুলে গেছে।

নিখিল বললে—“না, না ওকে তো সবার আগে বিদায় করব ; যত্ন করতে পারে এমন কাউকে পেলেই দিয়ে দেব।”

পাখীটা নিখিলের শোক দ্বিগুণ করে তুলেছে ; ওর হাসি সে সহিতে পারে না—অবিকল ঠিক তারি স্বর। সে চলে গেল, কিন্তু তার হাসি কেন রেখে গেল পাখীর গলায়?

ছেলেটি চুপ করে ভাবলে ; তার পর বললে, “আমায় দেবেন পাখীটা? আমি কিনব……”

নিখিল অবাক হয়ে বললে, “কিন্তু আপনার পড়া-শুনোর মতো—”

ছেলেটি বললে, “তা হোক, ওকে আমার চাই।”

* * * *

খাঁচা হাতে করে দর্শনের ছাত্র ঢুকলো তার পড়ার ঘরে ; কুলিয়ে দিলে সেটা জ্ঞানালার গায়……ডাকলে—“বন্ধু!” পাখী চমকে উঠে হেসে উঠলো—ঠিক সেই হাসি, মন্দার হাসি।

বন্ধ ঘরে যেন এক দম্কা দক্ষিণে বাতাস ঢুকলো। দর্শন আর সেদিন পড়া হ’ল না।

“তুলো না”

অনন্তের ভারী বধুকে যেদিন অশোক দেখতে গেল, সেদিন দেবর লক্ষণের মত শুধু তার আলুতা-পরা পা-ছপানি দেখতে মনে রইল না ; সে চেয়ে চেয়ে দেখলে, বনলতার শান্ত শ্যাম শ্রী ; তার গলায় একটি সোনার হার চিক্‌চিক্‌ করছে।

সবাই বললে, “বৌদিদির সঙ্গে আলাপ কর, কথা কও”; অশোক মাথা নীচু ক’রে হাসলে। যদি বলতে পারতো ওর কানে কানে—“তোমাকে ভাল লেগেছে খুব” তবে সে কইত কথা ; নইলে কোন্‌ কথাটাই বা ওর যোগ্য?

যেদিন বনলতা বউ হ'য়ে এল, সেদিনকার সানায়ের হ্র অশোকের মনে এক অভাবিত চেতনা জাগিয়ে তুললে। কেবলই সে মনে মনে বললে—এও কি সম্ভব? উনি এলেন আমাদের ঘরে গৃহলক্ষ্মী হ'য়ে যিনি স্বয়ং নারায়ণের ঘরেও অচলা শ্রীতে বিরাজ করতে পারতেন।

বনলতা চায় ছোট দেওরটির সঙ্গে ভাব করতে। পুস্ত্র-বাড়ীর বন্ধ হাওয়ার মাঝখানে ঐ সাদাসিদে ছেলেমানুষ ছেলেটিকে ওর বড় ভাল লাগে; ওর সঙ্গে কথা কইতে পেলে ও যেন মুক্তি পায়; ওর ভিতরকার বালিকা-মনটি খেলা ভুলে অসময়ে কাজের ঘরে এসে পৌছেচে, তাই অশোককে দেখেও সে চকিত হয়ে ওঠে কোন্ হারিয়ে-যাওয়া আনন্দের নেশায়। কিন্তু অশোককে বনলতা ডেকে ডেকেও পায় না। মুখ রাঙা করে অশোক দূর হ'তে চেয়ে দেখে; ঐ ডাকটুকু ওর মনে যে হ্র জাগিয়ে তোলে তারি আনন্দে বিভোর হয়ে ও যেন আস্তে ভুলে যায়।

* * *

শেষে একদিন পরিচয় হ'ল।

সেদিন সকাল থেকে বৃষ্টি পড়ছে—বাড়ীর ছুয়ারে এক হাটু জল; সন্ধ্যা না হতে আঁধার নেমে এসেছে; সমস্ত বাড়ীটা শোকাচ্ছন্ন বিধবার মত থম্ থম্ করছে। বনলতার শাশুড়ী বেলাবেলি ছুয়ার বন্ধ করে শুয়ে পড়েছেন; অনন্ত একথানা ইংরেজী নভেল নিয়ে শুয়ে শুয়ে পড়ছে; বনলতা তার সঙ্গে কথা কইতে এসে জবাব পায়নি। তাই সে ঘুরতে ঘুরতে এল অশোকের ঘরে। সে তখন পড়ার বই খুলে বঙ্গমুখর বাইরের দিকে চেয়ে আছে—কি ভাবছে সে নিজেই জানে না। বনলতা কাছে এসে ডাকলে, “এই শোনো!” অশোক চমকে চাইলে; কতদিন ও মনে মনে ভেবেছে বনলতা এমনি করে একদিন আসবে তার ঘরে—সেদিন সে শুধু তার আসা হবে না, সে হবে আবির্ভাব। যা ওর কল্পনায় ছিল তাই হ'ল আজ সত্য। তাড়াতাড়ি দাঁড়িয়ে উঠে বললে, “বসবে না?”

বনলতা বললে—“মুড়ি খাবে বেগুনি দিয়ে?”

অশোক হেসে বললে, “কোথায় পাবে?”

কাপড়ের আঁচল তুলে বনলতা দেখালে অপরূপ মুখ-রোচক সেই পদার্থ।

তার পর কখন হুজনের সন্ধ্যা কেটে গেল, আলাপ সহজ হয়ে উঠলো।

অশোক বললে, “দেখি না তোমার গলার হার, পদকে কি লেখা আছে—”

বনলতা হার খুলে দিলে, পদকে লেখা “ভুলো না।” অশোক আব্দার করে বললে, “আমায় হারটা দেবে বোঠান—”

বনলতা হেসে বললে, “দূর—”

* * *

এমনি সময় একদিন এল অনন্তের বদলির খবর—বনলতাকে নিয়ে সে চলে যাবে মীরাটে।

যাত্রার আয়োজনে বনলতার মন খুশী হয়ে উঠেছে। পশ্চিমে যাবার জন্তে তার মনে এতখানি ঘুমন্ত বাসনা ছিল তা'তো সে আগে জানে নি। কিন্তু সে চমকে উঠলো হঠাৎ অশোকের মলিন মুখ দেখে। বনলতা যে যাবার কথায় এতখানি খুশী হয়ে উঠেছে—এ দৈ অশোক সহিতে পারছে না। তাই সে যখন বললে, “আবার গরমির ছুটিতে আসব, ভাই—” তখন অশোক বলে উঠলো, “তুমি আসো-আর-না-আসো আমার তা'নে কি?”—

অনন্তের সঙ্গে বনলতাকে যেতেই হবে এ কথাটি অশোক বোঝে; তবু বনলতার উপর অভিমান হয়—কেন ও অত খুশী হয়ে চলে যাচ্ছে!

তাই যাত্রার দিনে সে এল না সামনে। বনলতার উৎসুক ছুটি চোখ গাড়ীর খড়খড়ির ঝাঁক দিয়ে চারিদিক খুঁজলে, কিন্তু তার দেখা পেলো না।

মীরাটে গিয়েই বনলতা চিঠি লিখলে, অশোক জবাব দিলে না। সাত দিন পরে আবার এল চিঠি বড় বড় আঁকাবাকা অক্ষরে; এবার শুধু লিখেছে “বড় মন কেমন করে, চিঠি দিও।” অশোক হাতের মুঠায় চিঠিটা শক্ত করে চেপে রেখে চোখের জল আনতে দিলে না,—ছুটে চলে গেল খেলার মাঠে মাচ্ দেখতে।

* * * * *

তার পর একদিন হঠাৎ অনন্ত ফিরে এল একা। ঝোড়ো কাকের মত তার চেহারা, সর্বহারা ভিখারীর

তার দশা; তিন দিনের জরে বনলতা মারা গিয়েছে।

তরুণীর হয়ে সব শুন্লে অশোক; তার পর জিজ্ঞাসা করলে—“দাদা, আমার কথা কি কিছু বলেছিল বৌদি?”

অনন্ত পকেট থেকে বের করে দিলে অশোকের হাতে এক গাছি সোনার হার, তার পদকে লেখা—“বলো না”।

৪

নিশা

এক দিনে এক লগ্নে দুই বোনের বিয়ে হয়েছিল এক ঘরে; উষা বড়, নিশা ছোট।

উষা সকালবেলার আলোরই মত স্বচ্ছ, উজ্জ্বল; নিশা নিশীথ রাত্রির মত রহস্যময় আবরণে ঢাকা।

কল্যাণদায়ক বাপ স্বর্গের নিখাস ফেলবার আগে, মেয়ের বিচ্ছেদ-বেদনায় কাতর মায়ের চোখের জল শুকোতে-না-শুকোতে, নিশা পরে ফিরে এল—সিঁথির সিঁথির মুখে।

মা একে উঠলেন, নিজের ভাগ্যকে শতবার দোষ দিয়ে বললেন, “পোড়া-কপালি, আমার পেটে জন্মেই তোরা এমন দশা”, বাপ ওকে বুকে টেনে বললেন, “ওক থাক, আমাদের ঘর জুড়ে ও বেঁচে থাক, এ হতাগা পকেট পূর্ণ করতে দেব না।”

* *

নিশা আপন গৃহকোণে তার আগেকার স্থানটুকু ঘেঁষে বসতে চায়, কিন্তু জায়গা পায় না।

মায়ের কটা দিন তাকে অকূল সমুদ্রে ভাসিয়ে চলে গেছে—সে নোঙর-ড়েড়া নৌকোর মত আশ্রয় গুঁজে নেই।

প্রাণের সঙ্গে তার পরিচয় এতই অল্প যে, স্পষ্ট করে কিছু মনে করতে পারে না; স্বপ্নের মতো সে ভেসে উঠায়—সে স্বপ্নে স্থগ নেই, আনন্দ নেই। দুঃখ? তাও নেই। বিয়ের সময় পাওয়া তোরঙ্গ খুলে সাজানো কাপড়

বের করে মাঝে মাঝে দেখে, আবার ভাঁজ করে রাখে। ফুলকাটা আরসি বের করে মুখ দেখে, কখনো বা খোঁপায় দুটো ফুল গুঁজে দেয়। মা যদি সাজিয়ে দিতে চায়—দৌড়ে চলে যায় ছাদে—পাচিলে মুখ লুকিয়ে কাঁদে।

* * *

বছর ঘুরে যায়, নিশার জীবনযাত্রা তেমনি একটানা করুণ ঝৈরবী স্বরে বাজে; সে স্বর মন শিথ করে না, শুধু কাদায়।

এমনি সময় একদিন নিশার বাবা এনে দিলেন তার হাতে এক টুকরো কাগজ, উষার বর টেলিগ্রাম করেছে—সেইদিনই সন্ধ্যাবেলায় তারা এসে পৌঁছবে।

খশীতে নিশার চোখ দুটো উজ্জ্বল হয়ে উঠলো, বিয়ের পর আর সে দিককে দেখেনি, না জানি কেমন আছে সে; তার বর,সে-ই বা কেমন?

মা বললেন, “কি বসে বসে ভাবছিস নিশা, ওঠ না, এইবার, অনিমেষের জন্তে এই ঘরটা সাজিয়ে রাখ, তার পর নারকোল কুরে পিষে দে, খানকতক চন্দর-পুলি গুঁড়ে রাখ।”

নিশার স্বপ্ন ভেঙে যায়, দৌড়ে গিয়ে মায়ের সঙ্গে কাজে লাগে; ওদের ভাড়া ঘরে উৎসবের আনন্দ জেগে ওঠে।

সন্ধ্যাবেলায় দরজায় গাড়ী এসে দাঁড়ালো। নিশা ছাদে দাঁড়িয়ে দেখলে—দিককে অভ্যর্থনা করতে ছুটে গেল না। উষা নিজেই এল। ছোট বোনের নিরাতরণ সজ্জা দেখে, ওর চোখে জল ভরে এল; বল্লে, “নিশা নাচে চল।”

নিশা সবেগে মাথা নেড়ে বল্লে, “না, না ও রোয়েছে বো।”

“ও কে?”

“তোর বর—”

উষা হেসে বল্লে, “ওকে লজ্জা? ওষে তোর জামাই-বাবু!” জোর করে হাত ধরে টেনে নিয়ে গেল বোনকে

* * *

অনিমেষ তার জন্তে সাজানো ঘরটিতে যখন বিশ্রাম করছে, প্রদীপ-হাতে নিশা ঢুকলো ঘরে। পিল্পলিপী

দেয়ালের এক পাশে রেখে মাটিতে গড় হয়ে প্রণাম করলে।

অনিমেষ ভেবেছিলো ছোট শালী এসে পরিহাস করবে, নানা রকম উৎপাতে ওকে জ্বালাতন করে তুলবে; কিন্তু এ কি রকম এর ভাব? নিশার নম্র প্রণতিটুকু ওকে বিষম আঘাত দিলে। চমকে উঠে তার মুখের পানে চাইলে। মনে পড়লো; একবার তাদের বাগানের গাছে একটা বাজ পড়েছিল,—বাইরে থেকে তার বিশেষ ক্ষতি দেখা যায়নি, কিন্তু ভিতরটা ঝলসিয়ে গিয়েছিল—সে গাছে আর পাতা ধরেনি, ফুল ফোটেনি।

নিশা ঘর থেকে বেরিয়ে গেল, অনিমেষ একটা কথাও বলতে পারলে না।

পরদিন সকালে উষা ছুটে গেল—গৃহকর্মে ব্যস্ত মায়ের সাহায্য করতে; এই সুযোগে তার এতদিনকার স্বখ-দুঃখের কথা বলে নেবে।

বাপ গেলেন বাজারে জামায়ের জন্তে মাছ তরকারী কিনতে। অনিমেষ তার ঘরে বড় চৌকিটার উপর থরথর কাগজ নিয়ে বসলো; নিশা এল সেই ঘর সংস্কার করতে।

আপন হাতে সে মেজেটা খাঁট দিলে, জিনিষপত্র ঝেড়ে ঝুড়ে রাখলে, ছাদের দিকে দরজা খুলে, পূর্ব দিনের বাসি ফুল ফেলে দিয়ে, টব থেকে এক গোছা রজনীগন্ধা তুলে রাখলে,—এ গাছ ওর নিজের হাতের পোতা। কুঁছোতে জলভরে আনলে পানের ভিবেতে নতুন-সাজা পান ভরে দিলে; তার পর ঘর থেকে বেরিয়ে গেল, অনিমেষের দিকে একবার চাইলে না পর্যাস্ত।

অনিমেষ ওর এই নীরব সেবা বুকের মধ্যে অমুভব করলে, কাগজ আর পড়তে পারলে না।

বিদায়ের দিন এল।

বাইরে সেদিন মেঘ করেছে; থেকে থেকে বৃষ্টি আসচে; একটা কনকনে পূবে বাতাস মনের ভেতরট অবধি সিক্ত করে তুলেছে। বিকেল থেকে নিশাকে ডেকে ডেকে কাজে পাওয়া যাচ্ছে না। মা রাগ করে বলছেন, “কোথায় গেল নিশা? এসে মোয়া কটা পাকাক না, গাড়ীর সময় হয়ে এল যে।” উষা চোখের জল মুছে বলছে,—“থাক মা, থাক, ওর বোধ হয় মন ভাল নেই, আমি করে দিই।”

অনিমেষ তার ঘরের জান্না দিয়ে গলি পেরিয়ে যে মাঠ, তারই ধারে শ্মারে ভিজে গাছগুলোর দিকে চেয়ে ভাবচে—এ কিসের বাথা তার বুক তোলপাড় করেছে, এর মূল কোথায়?

তারই পাশের ঘরে জান্নার গরাদের গায়ে মাথা রেখে নিশা ভাবচে,—এ কোন্ বেদনা ওর মনকে এমন কাড়াল করে তুলেছে, এর শেষ কোথায়?

বাড়ীর সামনে আবার এসে গাড়ী দাঁড়ালো, মাল-পত্র গুঠানো হ’ল, ভাড়া নিয়ে বকাবকিও হ’ল, তবু নিশা নীচে এল না। উষা নিজেই এসে চুমো খেয়ে বিদায় নিলে। অনিমেষ জোড়হাত করে দূর থেকে নমস্কার করলে—নিশা শূন্যদৃষ্টি মেলে চেয়ে রইল—কথা কইলে না।

সকলি গলির কাদায়-ভরা রাস্তা দিয়ে গাড়ী এগিয়ে চললো, নিঃশব্দ বৃষ্টির জমা জল ছাদের কানিশ বেয়ে জান্নার উপর পড়ে বিচিত্র বেদনাময় শব্দ সৃষ্টি করলে; নিশা শুক শ্রান্ত চোখে বাইরের দিকে চেয়ে রইলো।

শ্রীমুনীতিকুমার চট্টোপাধ্যায়

(୧୦) ବଳିଦ୍ୱୀପ—ବାହୁଞ୍ଜ ଓ ଉବୁଦ

বাহুড়, দক্ষিণ-বলির সব চেয়ে বড়ো শহর। সমগ্র বলিদ্বীপে ইউরোপীয়দের জন্ম একমাত্র হোটেল এই বাহুড়-এই থোলা হ'য়েছে। শহরটা আকারে বা লোক সংখ্যায় যে খুব বৃহৎ তা নয়। একটা প্রধান সড়ক, সাধারণ কতকগুলি দোকান, ফল-তরকারী-মাছের বাজার একটা, কতকগুলি সরকারী আফিস - এই নিয়েই শহর। আমাদের থাকবার ব্যবস্থা হ'য়েছিল এখানকার সহকারী

টহিয়ে নিয়ে, শহর দেখতে বেরুলুম। চীনা দোকানী অনেক। মুদিখানার দোকান, মণিহারীর দোকান, শিল্পকাজের দোকান, সব চীনাদের। বিলিভী কাপড়ের দোকান হ'চ্ছে গুজরাটী খোজাদের। পথে এক চীনা ফটোগ্রাফওয়ালার দোকানে বিলিভীপের লোকজন আর জীবনযাত্রার বিস্তর ছবি দেখলুম। হু-তিন দিন এই লোকটার দোকানে গিয়ে আমরা বেছে বেছে কিছু ছবি কিনি। লোকটার সঙ্গে বেশ ভাব হয়।



উদ্বে নারীগণের শোভাযাত্রা
(শ্রীযুক্ত সুরেন্দ্রনাথ কর কর্তৃক গৃহীত)

কন্টোলাবের বাড়ীতে—তখন বাড়ীটা এই কক্ষচারীর দখলে আসেনি। ইউরোপীয় হোটেল থেকে আমাদের খাবার পাঠাবার বন্দোবস্ত হয়। বাড়ীটা বেশ, পাসাপ্তাহানের মতন, বেশ একটা বড়ো হাভার মধ্যে।

বাণাস্য নিজেরা তিন চার দিনের মতন গুছিয়ে
আধা-বয়সী, এই দেশেই বসবাস আরম্ভ করেছে, একটা
বলিবিপায় মেয়েকে নিয়ে সংসার পেতেছে, ছেনপুলে
হ'য়েছে।—দেশের সঙ্গে আর সংস্পর্শ নেই।

তারপরে বাজারের চত্বরে গেলুম। একটা বড়ো গোছের গুজরাটী খোজার কাপড়ের দোকানে উঠলুম। স্বদেশীয় ব'লে এরা অত্যন্ত খাতির ক'রলে, জোর ক'রে সোডা লেমনেড খাওয়ালে। বোম্বাইয়ে' খোজাদের খান পাঁচেক দোকান আছে বাহুড়-এ। রবীন্দ্রনাথের বলিদ্বীপের আগমনের কথা এদের মধ্যে কেউ কেউ শুনেছে। এতগুলি ভারতবাসীকে দেখে এরা ভারী খুশী হ'য়ে গেল। যে দোকানটাতে আমরা প্রথমে উঠি, তার মালিকের নাম ফিদা হোসেন। লোকটা বেশ। প্রায় বিশ বছর বলিদ্বীপে কাপড়ের কারবার ক'রছেন, এখন বেশ সঙ্গতিপন্ন লোক হ'য়ে দাঁড়িয়েছেন। বাহুড় শহরের একটু পূবে সমুদ্রের ধারে একটা বাগান বাড়ী কিনেছেন, তাঁর এই বাগান বাড়ীর কাছেই মাল নামাবার ছোটো একটা বন্দর আছে; নিজের মোটর ক'রে ফিদা হোসেন আমাদের সেখানে নিয়ে গেলেন। একজন ভারতবাসী এতদূরে এসে কেমন ক'রে নিজের প্রতিষ্ঠা ক'রে নিয়েছেন তা দেখে ভারী আনন্দ হ'ল। ফিদা হোসেন আর তাঁর সঙ্গেকার একটা গুজরাটী দোকানদারের কাছ থেকে বলিদ্বীপের সম্বন্ধে ছুচারটে টুকিটাকি খবর পাওয়া গেল। ১৯০৮ সালে ডচেরা মানোয়ারী জাহাজ থেকে বাহুড় শহরে গোলাবর্ষণ ক'রেছিল, সে কথা আমাদের ব'ললেন। বলিদ্বীপের লোকেদের খুবই প্রশংসা ক'রলেন। ব'ললেন, 'ইয়ে লোগ অচ্ছে হৈ, কোন বড়ং বহাদুর হৈ, ঐর হিন্দু আদমী হৈ, ইস্ বাস্তে ইন্মে সবব্ বহত হৈ—বেশ লোক এরা, জা'ত হিসাবে খুব সাহসী, কিন্তু এরা হিন্দু তাই এদের মধ্যে ধৈর্য্য খুব।' এদের দেশে বরক'নে পরস্পরকে নির্দাচন ক'রে নেয়। বিবাহের রীতি অতি সরল, আর বিবাহ ভঙ্গ সহজেই হয়। বাপ মার অমত হ'লে বিবাহেচ্ছু ছেলে আর মেয়ে কোথাও পালিয়ে গিয়ে একত্র বসবাস করে, আর তাতেই তারা বিবাহিত ব'লে গণ্য হয়। বিয়ের সময় পদওরা আসে, মন্ত্র-টন্ত্র পড়ে। আমাদের একটা খুশী করবার জন্ত ফিদা হোসেন আমাদের ব'ললেন, 'বাবুসাব, এরা হিন্দু বটে, কিন্তু এদের কতকগুলি আদং বড়ো খারাপ, ভারতবর্ষের হিন্দুদের মতন এরা গুন্ডাচারী

নয়।' আমরা বলিদ্বীপে খালি 'সৈর' বা ভ্রমণ ক'রতেই আসি নি,—এদের রীতি নীতিও দেখতে এসেছি, এদেশের—ব্রাহ্মণদের মধ্যে সংস্কৃতির চর্চা আছে কিনা, শাস্ত্র-টাস্ত্র কি আছে সে সব দেখাও উদ্দেশ্য, এই কথা শুনে ফিদা হোসেন ব'ললেন যে বছর কতক পূর্বে ভারতের একজন সাধু বা পণ্ডিত বলিতে এসেছিলেন, তাঁর উদ্দেশ্য ছিল সংস্কৃত পুঁথি সংগ্রহ করা; তিনি আচার-পরায়ণ ব্যক্তি ছিলেন, ফিদা হোসেন যত্ন ক'রে তাঁকে আশ্রয় দিয়েছিলেন, তিনি নিজের রেখে থেয়েতেন। তবে যে-রকম সংস্কৃত বইয়ের খোঁজে তিনি বলিতে এসেছিলেন সে-রকম বই তিনি পাননি। তাঁর নামটা কি, আর কোন প্রদেশের লোক, ফিদা হোসেনের মনে নেই। তাঁর বাগান-বাড়ী মালের গুদাম সব দেখিয়ে ফিদা হোসেন আমাদের ফিরতী পথে 'সানোর' ব'লে একটা গ্রামের ভিতরে নিয়ে গেলেন। সেখানে একজন গুন্ডা কাঠের খোদাই মিস্ত্রী আছে, সে চমৎকার মূর্তি তৈরী ক'রে থাকে। ফিরতী পথে সমুদ্রের তীর আর বাহুড় শহরের মাঝে বা-হাতে একটা ছোটো রাস্তা ধ'রে সানোর গাঁয়ে আমাদের মোটর এল। কাঠের মিস্ত্রি বাড়ীতে ছোটো বড়ো অনেকগুলি মূর্তি দেখলুম,—সম্পূর্ণ তৈরী, আধা তৈরী, সব হাত দেওয়া হ'য়েছে, নানা অবস্থায়। তিন চার জন সহকারী কাজ ক'রছে। শক্ত ভারী কাঠে তৈরী সব মূর্তি। হুরেনবাবু বিশ্বভারতীর কলাভবনের জন্ত গুটি তিনেক মূর্তি কিনলেন। এই খোজারা আমাদের হ'য়ে ব'লে ক'য়ে দরটা গাথা বা শতা ক'রে দিলেন; এঁরা তোমাদেরই সমধর্মী, এঁদের মধ্যে আবার পদও আছে, সাহেবদের কাছে যে দাম নাও সে দাম নিতে পারবে না, ইত্যাদি ব'লে। বাহুড়ে ফিরে এরা আমাদের বাসায় পৌছে দিয়ে গেলেন, আর রবীন্দ্রনাথের সঙ্গে দেখা ক'রে গেলেন। হ্রেউএস এঁদের সঙ্গে মালাই ভাষায় আলাপ ক'রলেন, রবীন্দ্রনাথের সম্বন্ধেও ছুচারটে কথা ব'ললেন। এঁরা কবিকে অভিবাদন ক'রে বিদায় নিলেন। পরে একদিন ফিদা হোসেন স্বয়ং আমাদের জন্ত স্বদেশীয় খাদ্য, চাপাটি কোখা হালুয়া প্রভৃতি এনে দিয়ে গিয়েছিলেন। বিদেশে এসে এই



উগ্দের উৎসব ক্ষেত্রে আগত জনগণ
(শ্রীযুক্ত গুরেন্দ্রনাথ কর কর্তৃক গৃহীত)

মুসলমান বণিকদের কাছে আমরা যে হ্রদাতা যে সৌজন্তের পরিচয় পেয়েছিলুম সে কথা মনে হ'লেই তার জন্ত আমরা বিশেষ কৃতজ্ঞতা অহুভব করি।

সন্ধ্যার সময় কোপ্যারবার্গ তাঁর পরিচিত একজন প্রাচীন বলিদ্বীপীয় শিল্পত্রব্য বিক্রেতীর বাড়ীতে নিয়ে গেলেন। ছোটো শহরটির সদর রাস্তা ছাড়িয়ে একটি গ্রাম্য পথ দিয়ে থানিকটা গিয়ে আমরা এই বাড়ীর কাছে এসে পৌঁছলুম। কতকগুলি বাগান পেরিয়ে বাড়ীর সামনে আসা গেল। অন্ধকার পথ, দুপাশে কলাগাছের চণ্ডা পাতা, আমরা জন চারেক লোকে কথা কইতে কইতে চ'লেছি, রাস্তার কুহুরগুলো ঘেউ ঘেউ ক'রে ডেকে ডেকে পালাচ্ছে। বাড়ীর কাছে পৌঁছুতে গৃহস্থামিনী একটা হারিকেন লঠন নিয়ে এসে আমাদের স্বাগত ক'রলে। আমাদের বৈঠকস্থানায় নিয়ে বসালে। বৈঠকস্থানায় মানে একটি ঘরের সামনেকার দরদালান। একটা টেবিল পাতা, আর তার উপরে একটা কেরাসিনের টেবিল-আলো জ'লছে। আশে পাশে কতকগুলি চেয়ার আর মোড়া; আর ইংরিজি বিস্কুট না কিসের বিজ্ঞাপনের

ছবি একখানা দেয়ালে আঁটা। গৃহস্থামিনী আমাদের খাতির ক'রে এনে চেয়ারে বসালে। আর দু'তিনটি লোক ছিল, ছোকরা, বাড়ীরই ছেলে। একটি ছোকরাকে বেশ শ্রীমান বুদ্ধিমান ব'লে মনে হ'ল। এরা দুজনে ব'সে যবদ্বীপীয় অক্ষরে মুদ্রিত কবি বা প্রাচীন যবদ্বীপীয় ভাষায় কি একখানা বই প'ড়ছিল। আমাদের বসিয়ে দিয়ে বাড়ীর কত্ৰী বাস্ত সমস্ত হ'য়ে আমাদের জন্ত পানীয় আনাতে দিলেন। পরে পানীয় এল; কাছে-পিঠে কোনও দোকানে লিমনেড পাওয়া গেলনা, তাই তার বদলে কয় বোতল বিয়ার এনে হাজির ক'রলে—আমাদের ডচ বন্ধুরা তার সদ্ব্যবহার ক'রতে কুণ্ঠিত হ'লেন না। গৃহকত্ৰী তার পরে ভিতরের ঘরে গিয়ে আমাদের দেখাবার জন্ত তাঁর বিক্রীর জিনিস-পত্র সাজাতে লাগল। গোরবর্ণ মোটা-মোটা প্রোটা রমণী, স্তন্দরী বলা চলে; চণ্ডা লালপেড়ে সাজী প'রে দাঁড়ালে আমাদের দেশে যে কোন অভিজাত ঘরের গিন্নী ব'লে মনে হ'ত। বাস্ত সমস্ত হ'য়ে চলা কেল ক'রতে লাগল। কোপ্যারবার্গের আর হেউএসের



শোভাযাত্রার নারীগণ—আংশিক দৃশ্য
(শ্রীযুক্ত হরেন্দ্রনাথ কর কর্তৃক গৃহীত)

মধ্যস্থতায় আমি ছোকরা দুজনের সঙ্গে আলাপ ক'রলুম। ছোকরাদের মধ্যে যেটাকে বেশী বুদ্ধিমান ব'লে মনে হ'ল, দেখলুম যে সেটা বলিষীপের ভাষায় রচিত আর প্রাচীন যবদ্বীপীয় ভাষায় রচিত সাহিত্য বেশ প'ড়েছে। যে বইখানা প'ড়ছিল দেখানা হ'চ্ছে যবদ্বীপে ছাপা প্রাচীন কবি ভাষায় রচিত Broto Djoeda ('বরট' বা 'ব্রট জুড') অর্থাৎ 'ভারত-যুদ্ধ' বা মহাভারত কথা। রামায়ণ মহাভারতের সমস্ত ঘটনা আর পাত্র পাত্রীদের সম্বন্ধে দেখলুম যে ছোকরা খুব খবর রাখে। 'সটিআকি' বা সাতাকি, 'বুরিঙ্গাউঅ' বা তুরিঙ্গাউঅ, 'ক্রেপা' বা রূপাচার্য্য, 'হুনার্থ' বা হুশার্শ্য, 'স্রেস্তাডিউমনা' হুস্তেদাম, 'সালিঅ' বা শল্য, 'সলুঅ' বা শাল প্রভৃতি মহাভারতের অপ্রধান পাত্রদের সম্বন্ধে এমন সহজ ভাবে উল্লেখ ক'রে যেতে লাগল, যেন এরা তার কতই পরিচিত; দেখে আমি তো বিস্মিত হ'য়ে গেলুম। ক'জন বাঙালী হিন্দুঘরের ছেলে সাতাকি বা রূপাচার্য্যের বা শাষের সম্বন্ধে হুস্পষ্ট ভাবে কিছু বলতে পারে? অথচ এত দূরে এরা এই মহাভারত থেকে কতটা না রস

পেয়েছে, যে এমনি ক'রে তার খুঁটি-নাটা নানা কথা ধ'রে আছে। আমরা ভারতবর্ষ থেকে এসেছি, ভারতবর্ষ থেকে মহাশুরু এসেছেন, এসব কথা শুনে ছোকরা ভারী আশ্চর্য্য আর প্রীত হ'ল। তাদের বাড়ীতে প্রাচীন পুঁথি কিছু আছে কিনা একথা শুধানোতে ছোকরা খানকতক তালপাতার পুঁথি আনলে। একখানি বেশ বড়ো, অতি সুন্দর ছাদে ঝর ঝরে হাতে লেখা পুঁথি দেখলুম, সেখানি নীতিশাস্ত্র বিষয়ক পুঁথি; এটি প্রাচীন বলিষীপীয় ভাষায়। এ-ছাড়া দেখালে বলিষীপীয় ভাষায় Ardjoena-wiwaha 'আজু'না উইহও' বা 'অজু'ন-বিবাহ'—অজু'নের তপস্যা, কিরাতাজু'নীয়, ইস্রায়েলে অজু'নের গমন, নিবাত-কবচ দৈত্যের সঙ্গে অজু'নের যুদ্ধ, আর সুপ্রভা অপসারার সঙ্গে অজু'নের বিবাহ, এই সব ব্যাপার নিয়ে। আর ছোটো ছোটো দু'একখানি পুঁথি দেখলুম। নীতিশাস্ত্রের পুঁথিখানি কেনবার অভিপ্রায়ে প্রকাশ ক'রলুম। ছোকরা তখন বেচতে চাইলে না; কিন্তু পরে এর সঙ্গে এক দিন পথে দেখা হয়, তখন নিজেই উপযাচক হ'য়ে পুঁথিখানি বিক্রী করার কথা



মেয়েদের শোভাযাত্রা
(শ্রীযুক্ত অরেন্দ্রনাথ কর কর্তৃক গৃহীত)

উত্থাপন করে, আর তখন পনেরো গিলডারে—প্রায় টাকা চোদ্দয়—পুঁথিখানি বিশ্বভারতীর গুপ্তগুহাৎ জন্ম আমরা সংগ্রহ করি।

ইতিমধ্যে স্ত্রীলোকটি আমাদের তার জিনিসপত্রের পসরা দেখবার জন্ম বাড়ীর অল্প অংশে ভেঙে নিয়ে গেল। নানান রকমের শিল্প সস্তার, কুড়কুড়ে যেমন সব দেখেছিলুম। কাপড়ে আঁকা পট দেখলুম কতকগুলি, কিন্তু আমার নিজের পছন্দ মতন কিছু পেলুম না। কোপ্যারবার্গ আর দ্রেউএস দু'চারটা কাঠের জিনিস কিনলেন। একটা ঘরের তক্তাপোষে জিনিসগুলি আমাদের জন্ম সাজিয়ে রেখেছিল। ঘরটা যেন একটা অব্যবহৃত ভাড়ার ঘর ব'লে মনে হ'ল; দেয়ালের তাকে নানা হাড়ী-কুঁড়ি, বাক্স, আর খুব ধুলো আশে পাশে। এইরূপে সন্ধ্যা ক'রে আর ছোকরাটির সঙ্গে আলাপ ক'রে খুব খুশী হয়ে আমরা পাসাপাছানি ফিরলুম।

২রা সেপ্টেম্বর ১৯২৭, শুক্রবার।—

সকালে বাজার অঞ্চলটা আমরা একটু ঘুরে এলুম। ফিদা হোসেন আর কতকগুলি গুজরাটী দোকানদার করির

সঙ্গে দেখা ক'রতে এলেন। ইতিমধ্যে একটা বলিদ্বীপীয় স্ত্রীলোক কতকগুলি অতি সাধারণ কাপড় আর অল্প জিনিস নিয়ে আমাদের বেচতে এল। কেমন ক'রে প্রকাশ হ'য়ে গেল যে ফিদা হোসেনই তাকে পাঠিয়ে দিয়েছে, নিজের জিনিসপত্র কিছু এইভাবে আমাদের কাছে বিক্রী হয় কিনা দেখবার জন্ম। এতে একটু পাটোয়ারী বা বেনেতি বুদ্ধির পরিচয় পাওয়া গেল—আমরা হাজার হোক ও দেশে দু'পাঁচ টাকার জিনিস-ও তো কিনবো, তা যদি কিছুটা জিনিস অল্প লোকের কাছ থেকে না কিনে এদের কাছ থেকেই কিনি, তাতে তো আমাদের ক্ষতিবৃদ্ধি কিছু নেই, আর সামান্য কিছু লাভও ওদের ঘরে আসে—বাবসায়ের দিক থেকে ধ'রলে এটা কিছু অজ্ঞান নয়।

দুপুরে কতকগুলি বলিদ্বীপীয় স্ত্রীলোক স্থানীয় শিল্পদ্রব্য বেচতে এল। গতকল্য সন্ধ্যায় আমরা যার বাড়ীতে গিয়েছিলুম, দেখলুম সেই স্ত্রীলোকটাও এই দলে এসেছে। আমাদের বাসার বারান্দায় তাদের জিনিস পত্রের পসরা সাজিয়ে ব'সল। আমরা কিছু কিছু জিনিস নিজে—কাঠের মৃতি, কাঠের মুখস, পুরাতন জরীর কার করা

কাপড়, ইত্যাদি। আমি নিজে দুখানা কাপড়ের উপরে আঁকা পট কিনলুম। এরা যখন এদের জিনিস-পত্র আমাদের দেখাবার জন্ত ভূঁইয়ের উপর সাজিয়ে রেখে ব'সেছিল, তখন একটা জিনিস লক্ষ্য ক'রলুম,—আমাদের ডচ বন্ধুরা কোনও কিছু জিনিস দেখিয়ে তার দর জিজ্ঞাসা করবার কালে পা দিয়ে জিনিসটা দেখাচ্ছিল—এটার দাম কত, ওটার দাম কত। আমরা দাঁড়িয়ে দাঁড়িয়ে সামনে উপবিষ্ট এই পসারিগীদের সঙ্গে কথা কইছিলুম—মাটিতে রাখা কোন কিছু হাত দিয়ে দেখাতে গেলে ঝুঁকে নীচ হ'য়ে দেখাতে হয়, পা দিয়ে দেখানোতে আর ঝুঁকতে হ'চ্ছিল না। আমার কিন্তু এই ধরণটা মোটেই ভালো লাগ'ছিল না, বরঞ্চ অত্যন্ত পীড়া দিচ্ছিল। যারা বিক্রী ক'রতে এসেছে, এতে ক'রে তাদের প্রতি তো একটা অবজ্ঞা আর অশিষ্টতা প্রকাশ করা হ'চ্ছিল-ই; তবে তারা স্থানীয় অশিক্ষিত বা গরীব শ্রেণীর 'নেটিভ' স্ত্রীলোক মাত্র, তাদের সম্বন্ধে অতটা চিন্তা করার দরকার ছিল না; কিন্তু স্বন্দর শিল্প দ্রব্যগুলি, যেগুলি পরম পদার্থ ব'লে কিনে নিয়ে যাবার জন্ত সকলেই ব্যগ্র, সেইগুলির প্রতি; আর যে শিল্পী বা রূপকারেরা জিনিসগুলি বানিয়েছে, তারা সাক্ষাৎ উপস্থিত না থাকলেও তাদের হাতের কাজ জিনিসগুলি যেন তাদের প্রতিভা হ'য়ে আমাদের সামনে বিদ্যমান,—তাদেরও প্রতি যেন অশ্রদ্ধা আর অপমান প্রদর্শন করা হ'চ্ছিল, এইরূপে পা দিয়ে জিনিস দেখানোর দ্বারা। এই প্রসঙ্গে আমার তখন একটা ঘটনার কথা মনে হ'ল, তাতে এসব বিষয়ে একটা etiquette বা ভব্যতা শেখানোর যে দরকার আছে তা বেশ প্রত্যক্ষ হ'বে। বিলেতে অবস্থান কালে, লণ্ডনে আমার প্রেসিডেন্সী কলেজের অধ্যাপক পূজ্যপাদ শ্রীযুক্ত এইচ্ এম্ পাসিভাল মহোদয়ের সঙ্গে মাঝে মাঝে সাক্ষাৎ ক'রতে যেতুম। শ্রীযুক্ত পাসিভাল সাহেব তখন অধ্যাপনা কার্য থেকে অবসর গ্রহণ ক'রেছেন বছর দশেক পূর্বে, লণ্ডন প্রবাসী হ'য়ে আছেন। তাঁর শেষ ছাত্রদের মধ্যে অন্যতম ছিলুম আমি, আর তাঁর বিশেষ স্নেহ লাভের সৌভাগ্য আমার হ'য়েছিল। পাসিভাল

সাহেব আমাদের বাড়লা দেশেরই লোক, ফিরিঙ্গি-জাতীয়। নানা বিষয়ে আলাপ ক'রে এঁর কাছে প্রচুর শিক্ষা আর আনন্দ লাভ ক'রতুম। একদিন সাহেবের ঘরে ব'সে তাঁর সঙ্গে কথা কইছি। তাঁকে একখানি বই এগিয়ে দেওয়ার দরকার হ'ল। যেখানে আমি ব'সেছিলুম, সেখান থেকে তাঁকে বইখানি দিতে গেলে আমার বাঁ হাতে ক'রে বইখানি নিয়ে বাঁ হাতে ক'রেই দেওয়া সুবিধের ছিল, কিন্তু অভ্যাস-মতন বাঁ হাতে বই খানি তুলে নিয়ে, তাঁকে দেবার সময়ে উঠে দাঁড়িয়ে একটু ঝুঁকে ডান হাতে ক'রে থ'রে বইখানি এগিয়ে দিলুম। তিনি এবিষয় চুপ ক'রে লক্ষ্য ক'রলেন; বলা বাহুল্য, আমার কিছুই মনে হয় নি। এর খানিক পরে একখানা বাজে কাগজ ফেলে দেবার দরকার ছিল, কাগজটা নিয়ে মুঠায় ক'রে কুণ্ডলী পাকিয়ে, ঘরের ভিতরে অগ্নিকুণ্ডে আগুন জ'লছিল সেই আগুনের দিকে তাগ ক'রে ছুঁড়ে ফেলে দিলুম, কিন্তু কাগজের কুণ্ডলীটা ঠিক আগুনের মধ্যে গিয়ে প'ড়ল না, অগ্নিকুণ্ডের লোহার রেলিং-এ লেগে ঠিকুরে ফিরে এসে আমার পায়ে কাছে প'ড়ল। সেইখান থেকে পায়ের লাথি দিয়ে ছুঁড়ে দিলেই ওটা আগুনে গিয়ে প'ড়ত, তা না ক'রে অভ্যাস-মতন ডান হাতে ক'রে পাকানো কাগজটা তুলে নিয়ে তার পরে উঠে একটু এগিয়ে গিয়ে হাতে ক'রেই আগুনে ছুঁড়ে ফেলে দিলুম, এবার আগুনে ঠিক প'ড়ল। পাসিভাল সাহেব এটাও লক্ষ্য ক'রলেন। তার পরে তিনি হঠাৎ উঠে দাঁড়িয়ে আমায় ব'ললেন—বেশ একটু বিচলিত না হ'লে তিনি এরকম দাঁড়িয়ে উঠতেন না—‘দেখ স্থনীতি, আমাদের দেশের সভ্যতার প্রকৃতি অনুসারে অনেক পুরুষের শিক্ষা আর সদাচারের ফলে সাধারণ ভব্যতা বা শালীনতা সম্বন্ধে যে-সব ধারণা গ'ড়ে উঠেছে, সেগুলি অতি স্বন্দর, যে কোনো দেশের etiquette বা ভদ্র রীতির চেয়ে সেগুলি খারাপ নয় - সে-গুলিকে প্রাণপণে বজায় রাখবার চেষ্টা ক'রবে; আমাদের সভ্যতার, জুনিয়ার আর মাহুঘের সম্বন্ধে আমাদের attitude বা মনোভাবের পরিচায়ক হচ্ছে আমাদের এই-সব বাহ্য চাল-চলন, ধরণ-ধারণ। এই যে তুমি বইখানি

আমায় বিশেষ ক'রে ডান হাতে ক'রে ধ'রে দিলে, এর পিছনে তোমার মনে আমি একজন মানুষ ব'লে আর আমি তোমার মাননীয় অধ্যাপক ব'লে আমার সম্বন্ধে তোমার যে সাধারণ আর বিশেষ সম্মান-বোধ আছে, সেটি কেমন হৃদয় ভাবে ব্যক্ত হ'ল। আর কাগজের গুটিটা তুমি যে পা দিয়ে 'গুট' না ক'রে হাতে ক'রে তুলে আগুনে ফেলে দিলে, কোনও ইংরেজ ছেলের মনে এরকম করার কথাই আসতে পারত না—এ হচ্ছে আমাদের নিজস্ব ভারতীয় নম্রভাব আর ভাবতা—যাতে ক'রে তুচ্ছ প্রাণহীন মাটির ঢেলাটা খড় বুটাটা পর্যন্তও আমাদের হাতে ভদ্রতার অপেক্ষা করে ব'লে আমরা মনে করি,—যে ব্যক্তি এই প্রকারের জাতীয় সংস্কৃতিগত স্বাভাবিক ভদ্রতায় মণ্ডিত, সে instinctively অর্থাৎ আপন সহজাত বুদ্ধি থেকেই, কাকর দ্বারা বিশেষ বলা-কহার বা চোখে আগুণ দিয়ে শিক্ষা দেওয়ার কলনয়, সমস্ত বস্তুর সম্বন্ধে একটা tenderness অর্থাৎ কোমলভাব পোষণ কবে। আমাদের দেশের সভ্যতা এই সব গুণ-কেই অবলম্বন ক'রে। এই যে বাপের বা অল্প গুরুজনের সামনে ছেলেরা তামাক খায় না, এটা আমার চোখে ভারী চমৎকার লাগে—গুরুজন ঘরে ঢুকলে তাঁদের সম্মাননার জন্ত উঠে দাঁড়ানোর মতই এটা হৃদয় আর মার্কক। আমরা যেন আমাদের ভারতীয় culture-এর একটা প্রধান অঙ্গ এই রকম ভাবতা যা অচেতন বস্তুর সম্বন্ধে আমাদের ব্যবহারকে একটা tenderness-দ্বারায় মণ্ডিত ক'রে দেয়, সেটাকে যেন আমরা না ভুলি, সেকলে পরণ ব'লে যেন সেটাকে আমরা অবজ্ঞা না করি।'

পার্সিভাল সাহেবের এই হৃদয় উপদেশের যথার্থ্য বলিদ্বীপে উপলব্ধি ক'রলুম। ডচ বন্ধুরা যে ইচ্ছা ক'রে তাম্বাখী দেখানোরই মনোভাব নিয়ে পা দিয়ে জিনিসগুলি দেখাছিলেন, তা নয়; কিন্তু পার্সিভাল সাহেবের কথিত tenderness-টুকু এদের ছিল না। হেলে বেলায় দেখেছি, ছোটো খাটো বিষয়ে আমাদের গুরুস্থানীয়েরা কতটা না লক্ষ্য রাখতেন। এখন আমরা আর সে-সব বিষয়ে অবহিত নই। Noblesse oblige : ব্রাহ্মণ-সন্তান ব'লে কত বিষয়ে আমাদের সংযত

হ'য়ে থাকতে আমার ঠাকুরদাদা আর ঠাকুরমা আমাদের উপদেশ দিতেন! আর আমাদের হিন্দু সমাজের মধ্যে tradition বা গতানুগতিক রীতি হিসাবে আর আনুষ্ঠানিক ধর্মের অঙ্গ হ'য়ে কত না হৃদয় প্রথা আমাদের মধ্যে ছিল, এখনও আছে,—কিন্তু আমরা আলস্যের জন্ত আর ফ্যাশানের ধাক্কা প'ড়ে সেগুলিকে অনাবশ্যক আর superstitious অর্থাৎ কুসংস্কারাত্মক ব'লে মনে ক'রতে আরম্ভ ক'রেছি। এই রকম রীতির মধ্যে একটা রীতি আমার কাছে এখন চমৎকার লাগে—বইয়ে পা লাগলে বইখানিকে তুলে মাথায় ঠেকানো। মা সরস্বতী জ্ঞানের আধার বইয়ে অধিষ্ঠান করেন, ইচ্ছায় অনিচ্ছায় পা লাগালে বইয়ের অসম্মানে তাঁরই অসম্মান, বই মাথায় ঠেকিয়ে এই অসম্মানের প্রতীকার ক'রতে হয়—ছেলেবেলায় আর সকলকে দেখে এই শিক্ষা আমরা পেয়েছিলুম। এখন এর অন্তর্নিহিত ভাবটার মাধুর্য আর উচ্চতা, এই পা দিয়ে শিল্পীর সৃষ্টিগুলির অসম্মান করা হ'চ্ছে দেখে পূর্ণভাবে আমার মনে প্রতিভাত হ'ল। আরও মনে হ'ল, মুসলমান তুর্কদেশে আর পারস্যে সেকালে একটা রীতি ছিল—লেখা কাগজের অসম্মান কেউ ক'রত না—কারণ কে জানে কোন্ কাগজে ভগবানের নাম বা কোনও সাধু কথা লেখা আছে; অনেকে এই রকম কাগজ পেলে তাকে অজ্ঞানগ্রস্ত অবমাননা থেকে রক্ষা করবার জন্ত আগুনে পুড়িয়ে ফেলত।

অবাস্তুর প্রসঙ্গ যাক। উত্তরে উবুদের উৎসব দেখতে আমরা যাত্রা ক'রলুম, ছপানা গাড়ী ক'রে, বেলা তিনটেয়। আজকে সকালে কাঁব অত্যন্ত অসুস্থ বোধ ক'রেছিলেন। পরে একটু ভাল থাকলেও, তিনি আমাদের সঙ্গে যেতে পারলেন না। উবুদের পুণ্ডব শ্রীযুক্ত চক্কে স্বপ্নবতীর গৃহে আমরা পড়লুম। ডাক্তার শ্রীযুক্ত খোবস আমাদের প্রদর্শক হ'লেন, শ্রীযুক্ত স্বপ্নবতী নিজে বই ব'লত। এদের বাড়ীটা মস্ত বড়ো। তারই তিনটা মহল ওড়ীদৈহিক ক্রিয়ার আয়োজন চ'লেছে। নানা দেশের মধ্যে ইটগোল ভীড় হৈ-চৈ-এর মধ্যে আমাদের ঘরে ঘরে দেখতে হ'ল। সমস্ত ব্যাপারটার পারদর্শ্য ভালো ক'রে রকম


পারা গেল না। দাহের পূর্বে সাতদিন ধ'রে নানা উৎসব অর্চনা হয়। তিন চার মাস আগেকার মৃতদেহ শবাধারে ক'রে বহির্কীর্টিতে এনে এক বাঁশের মাচার উপরে সাদা মলমল আর নানা রঙীন কাপড় ঢাকা দিয়ে রাখা হ'য়েছে। বৃহৎ এক বাঁশের নাগমূর্তি,---নানা রকম রঙীন কাগজ কাপড় শল্মা চুমকী জগজ্জগা জরী দিয়ে সাজানো; এই নাগমূর্তির ভিতরে শবাধার রক্ষিত। শবাধারের সামনে আশে পাশে মৃতের উদ্দেশে অপিত দ্রব্যসম্ভার—খাদ্যদ্রব্য বসন আর তৈজসপত্রাদি। শবাধারের কাছে পরিবারস্থ মেয়েরা আর অল্প পুরুষ আত্মীয়েরা আর ছ'চার জন পদও র'য়েছেন। শবাধারের সামনে উঠানে এক পাশে একটা উঁচু কাঁচা বাঁশের মাচা, সেটিতে উঠে ব'সে পদগুরা তাঁদের পূজা পাঠ ক'রেছেন; আর একটা আটচালা, তাতে অল্প আত্মীয় স্বজন আর অভ্যাগত সকলে বসে আছেন। এই সব আছে একটা মহলে। তার সামনে দেওয়াল দিয়ে তফাৎ ক'রে দেওয়া আর একটা মহল-- সেখানে মস্ত এক আড়িনা,



রাজবাড়ীর ছতরী হইতে শোভাযাত্রা দর্শন
(শ্রীগুরু বাকে কবুর্ক গৃহীত)


আর কতকগুলি আটচালা; যাত্রা-গানের আসর হয় সেই আড়িনায়, আর বিশিষ্ট অভ্যাগতদের বসবার স্থান সেই আটচালায়। এখানে আজকে ততটা ভীড় নেই। এই মহলের মধ্যেই বাড়ীর সদর দরজা বা তোরণদ্বার, যেটা রাস্তার উপরে প'ড়েছে। এই মহলের একটা কোণে, বাড়ীর সামনের আর বাড়ীর পাশের ছুটি রাস্তা যেখানে মিলেছে সেখানে, একটা প্রাণ্ড pavilion বা ছতরীয়ুক্ত বৈঠকখানা

আছে, সিঁড়ি বেয়ে সেটিতে উঠতে হয়, সেখান থেকে ব'সে ব'সে আমরা রাস্তার নানা শোভা যাত্রা আর সঙ আর জীবন-প্রবাহ দেখি। মৃতদেহ বাড়ীর দরজা দিয়ে বা'র ক'রতে নেই, পাচীলের উপর দিয়ে বাঁশের মাচার মতন এক সিঁড়ি-পথ ক'রেছে, খুব উঁচু--- শবশুদ্ধ শবাধার এনে সেই মাচা বেয়ে দেয়ালের বহু উর্দ্ধে উঠবে, তারপরে দেয়ালের ওপারে রাস্তায় শব-বাহনের জন্ত বাঁশের তৈরী যে বিরাট একটা মালুঘের কাঁধে বহা মঞ্চ তৈরী হ'য়েছে, যাকে Wadah 'ওয়াদাঃ' বলে, তার উপরে রাখা হবে; তখন সেই ওয়াদাঃ-তে ক'রে দাহস্থানে শব শবাধার সমেত নিয়ে যাওয়া হবে। অর্থাৎ মৃতদেহটিকে বিশেষ



শব বহনের জন্ত বিরাট 'ওয়াদাঃ'
(শ্রীগুরু বাকে কবুর্ক গৃহীত)

ক'রে তৈরী উঁচু সিঁড়িযুক্ত মাচার সাহায্যে পাচীল টপকে' বাড়ীর বা'র করা হবে। ওয়াদাঃ যেটা এই উপলক্ষে তৈরী হ'য়েছে সেটা প্রায় আড়াই তাল উঁচু হবে; বিরাট ব্যাপার এটা---নানা রকমের ডাকের



‘ওয়াদা’-তে উঠবার সিঁড়ি

সাজে বড়ী সোনালী রূপালী কাগজে কাপড়ে অলঙ্কৃত, নানা কাঠে খোদা রঙ-করা রাক্ষসের মুখস চারি দিকে লাগানো; ওয়াদা-টীর প্রধান অলঙ্কার হ’চ্ছে, তার মাঝামাঝি পক্ষত্ব বিস্তার ক’রে এক বিরাট গরুড় মূর্তি। ওদিকে যে মহলটিতে শবাধার রক্ষিত হ’য়েছে, সে মহলে রাস্তার দিকে যে দেয়াল, সেই দেয়ালের উপর দিয়ে বাঁশের সিঁড়ি আর মাচা ক’রে একটা পথ করা হ’য়েছে, এইভাবে দেয়াল ডিঙিয়ে রাস্তা থেকে শবাধারের মহলে আসবার জন্ত। একটা অল্পটান আছে—রাজবাটীর মেয়েরা আর গ্রামের মেয়েরা রাস্তায় বিরাট এক মিছিল ক’রে মাথায় নানা দ্রব্য-সস্তার নিয়ে শবাধারের কাছে আসে, তারা তখন তোরণ বা অস্ত্র কোনও দরজা দিয়ে ঢোকে না, এই সিঁড়ির মাচা দিয়ে দেয়ালের উপর দিয়ে টপকে’ তবে শবাধারের মহলে আসে। ডক্টর খোরিসের সঙ্গে এসব দেখলুম। তার পরে তোরণদ্বার দিয়ে ঢুকেই যে প্রথম মহলের কথা ব’লেছি, যে মহলের আঙিনায় যাত্রা-গান হবে, তাতে ঢুকে বা হাতে আর একটা মহল দেখলুম। এটাকে কতকটা যেন অন্দর বা বসন্তের মহল ব’লে মনে হ’ল; বাইরের লোক এখানে বেশী কেউ



বাঁশের সিঁড়ি-পথে স্ত্রীলোকগণ কর্তৃক প্রাচীর উল্লঙ্ঘন
(ঐগৃহ সুরেল্লনাথ কর কর্তৃক গৃহীত)

নেই, কিন্তু ডক্টর খোরিসের অব্যাহতবার। এই মহলে কতকগুলি পৃথক পৃথক অবস্থিত ঘরে, মেয়েরা নানা কাজে ব্যাপৃত। কোথাও বা নৈবেদ্যের আকারে কাঠের খালায় ভাত তরকারী সাজানো হচ্ছে, কোথাও বা ভালপাতা চিরে চিরে নানা রকমের বালার আর অল্প বিচিত্র পত্রময় অলঙ্কার তৈরী হচ্ছে, কোথাও কলাগাছ কেটে কেটে কলার বাসনার পাত্রে পুতার আর অল্প আচার-অমুষ্ঠানের জন্ত নানা জিনিস সাজানো হচ্ছে। সমস্ত বাড়ীটা এখানে একটা উগ্রগন্ধে ভরপুর—কাঁচা ভালপাতার গন্ধ, আর কলাগাছের গন্ধ, আর নানা রকমের ফুলের গন্ধটাই তার মধ্যে প্রধান।

বিকাল ঘনিয়ে' এল, এক বিরাট শোভাযাত্রা যেটা আজকের দিনের প্রধান কার্য সেটা দেখবার জন্ত আমরা পূর্বে চিহ্নিত pavilion বা ছতরীতে গিয়ে দাঁড়ালুম। প্রথমে রাক্ষস-সাজা ধূলে-কাদা চুন-কালী মাথা কতকগুলি লোক গেল; এরা আপসে হুগা চোঁচামেচি ধাক্কাধাক্কি আর মারামারির অভিনয় করছে; শেষে এদের মধ্যে থেকে গলায় দড়ি বাঁধা কতকগুলি লোক এই মারামারির ফলে যেন হেরে গিয়ে উর্দ্ধ্বাসে পলায়ন করলে, আর বাকী রাক্ষস-সাজা মাণ্ডষগুলো তাদের তাড়া করলে। মৃতের আত্মাকে যমালয়ে নিয়ে যাবার জন্ত এই রকম রাক্ষস বা ভূত প্রেতেরা আসে, ইন্দ্রলোক বা বিষ্ণুলোক যা মৃতের কাম্য সেখানকার দেবতাদের সঙ্গে এই রাক্ষসদের যুদ্ধ বাধে, শেষে রাক্ষসেরা পরাজিত হয়ে পালিয়ে যায়—এই ব্যাপারটা হচ্ছে তার-ই অভিনয়। বলিদ্বীপের রেক্সরাজ, এই দু দলে বস্ত্রাচ্ছাদিত গলিত শবদেহ নিয়ে কাড়াকাড়ি করত; উপস্থিত ক্ষেত্রে সেই বীভৎস অমুষ্ঠানটা বর্জিত হয়েছিল। রাক্ষসদের পরে এল, লাল জামার উদ্দিপরা একদল ছত্র আব দণ্ডধারী; বড়ো বড়ো নানা রঙে রঙীন আর সাদা ছাতা এদের হাতে; ছাতাগুলি বেশীর ভাগই অতি সুন্দর দেখতে, সেকলে ছাতা আমাদের দেশের টোকা বা বাশের ছাতার আকারে, কতকগুলি হাল ফ্যাশানের শিকণ্ডালা মোড়া ছাতাও ছিল, এগুলি কিন্তু মোটেই সুদৃশ্য নয়। ছত্র আর দণ্ডধরদের পিছনে মেয়েদের যেন অফুরন্ত

সারি—সে এক অভূতপূর্ব ব্যাপার—এত স্ত্রীলোক যে কোথা থেকে এল বুঝতে পারা যায় না, সংখ্যায় এরা পাঁচ সাত শ'র কম হবে না। সাধারণতঃ এদের বক্ষোদেশে একখণ্ড ক'রে উত্তরীয় জড়ানো, কাঁধ খোলা, পরণে পা পর্যন্ত সারঙ, আবার অনেকে মালাই ধরণের জামা-ও প'রেছে। মাথায় নৈবেদ্য অন্ন নিয়ে একদল মেয়ে; হাতে খোলা ছাতা ধ'রে জামা গায়ে একদল মেয়ে—এরা মাথায় ক'রে কিছু ব'য়ে নিয়ে যাচ্ছে না, শুনলুন এরা রাজা-রাজড়ার ঘরের মেয়ে—এদের সকলের মাথায় খোঁপায় ফুল গোঁজা র'য়েছে দেখলুম; কচি ভালপাতার নানা পূজার উপকরণ নিয়ে আর এক দল; তার পরে চার পাঁচটা মুসলমানদের বড়ো বড়ো তাজিয়ার মতন এল, পাতায় ফুলে সাজানো আর তার উপর সোনালী রূপালী কাগজের কাজ করা; শেষে এলেন শ্রীমদ্বন্দিতা পুস্তক স্বত্ববতীর পরিবারের মেয়েরা—হ'লদে, কালো, আর বেগুনে ফাগের রঙের কাপড় প'রে—এদের চলার ভঙ্গিটা বড়ো অদ্ভুত লাগল—দেহযষ্টি হাঁটুর কাছে একটু যেন ভেঙে-ভেঙে ধীরে-ধীরে এই চলন, খুব



বাশের গিড়ি-পথে শোভাযাত্রার, মেয়েরা

(শ্রীহুস্ত বাকে-কর্জুক গৃহাত)

চরংকার দেখাছিল। দুই একটা অতি সুন্দরী মহিলা ছিলেন এই দলে। এই সমস্ত মেয়ের দল রাত্তা থেকে ধীরে ধীরে মাচার উপর দিয়ে দেয়াল ডিঙিয়ে শবধারের মহলে নামলো। ডচ্ বন্ধুদের সঙ্গে এই মাচার উপর দিয়ে চড়ে দেয়ালের মাথায় উঠে দাঁড়ানুম, মাচার বাঁশের রেলিং ধ'রে রইলুম। পুঙ্খব স্থপবতীও এসে উঠলেন, আর তাঁর বাড়ীর মেয়েরা যখন উঠছিলেন আর নামছিলেন, তখন তিনি তাঁদের হাত ধ'রে ধ'রে সাহায্য ক'রছিলেন। এইরূপে মেয়েদের এই সমগ্র মিছিলটি পাঁচালের উপর দিয়ে গিয়ে, শবধারের পাশে তাদের জিনিসপত্র সব রেখে দিলে। তার পরে এত উপহার দ্রব্যের কি যে হ'ল, সে কথা জানতে পারি নি।

এই শোভাযাত্রা দেখবার জন্য নানান দূর জায়গা থেকে বিস্তর লোকের সমাগম হ'য়েছিল—বিস্তর মেয়ে আর পুরুষ এসেছিল। এদের যে আকর্ষণী শক্তি ছিল, চলা-ফেরায় আর দেহ-ভঙ্গিতে যে সহজ মনোহর ভাব ছিল, তার দিকে দেখবো না মিছিল দেখবো তা ঠিক ক'রতে পারা যাচ্ছিল না। এখানেও সেই বাঙলির শ্রদ্ধা-ক্ষেত্রের মতন চিত্ত অভিভূত হ'য়ে প'ড়ছিল। অনেকগুলি ডচ্ আর অল্প ইউরোপীয় আর দু চার জন আমেরিকান দর্শককেও দেখলুম,—তারাও আমাদের মতনই সমস্ত জিনিসটার রস উপভোগ ক'রছিল, কিন্তু তাদের আর আমাদের মনোভাবে একটু হৃদয় পার্থক্য ছিল;—যতটা আমাদের ব'লে আমরা এই জিনিসটাকে ভাবতে পারছিলাম ততটা নিজের ক'রে দেখা এদের পক্ষে অবশ্য সম্ভব ছিল না। এই ভীড়ের মধ্য দিয়েও আমরা ঘোরা ফেরা খুব ক'রলুম। দু তিনটে ঘাসে ঢাকা বড়ো বড়ো মাঠ, সেখানে সমাগত লোকেরা বসে কোথাও বা থাওয়া-দাওয়া ক'রছে, কোথাও বা বিশ্রাম ক'রছে; দু চারটে ভাত তরকারী আর অল্প খাদ্য দ্রব্যের দোকানও খুলে গিয়েছে; মোটর-লরী ক'রে বাড়ি থেকে আর দূর দূর জায়গা থেকে দর্শনাধীরা দলে দলে আসছে, যাচ্ছে; ডচ্ আর অল্প ইউরোপীয়, আর বিভিন্ন জাত আর ধনী বলিদ্বীপীয় জনগণের মোটর

গাড়ীর সারি। এত লোক জন, কিন্তু গোলমাল বা অভব্যতা কিছুই নেই। আর একটাও পাহারাওয়াল। আজকে চোখে প'ড়ল না।



কতকগুলি যুৱ ওয়াঙ্গা:
(শ্রীমন্ত হরেন্দ্রনাথ কর কর্তৃক গৃহীত)

এই ভীড়ের মধ্যে দিয়ে ঘুরতে ঘুরতে দেখি একটা মাঠের মধ্যে মস্ত নারকেল পাতায় ছাওয়া একটা আটচালার ভিতরে, যাতে ক'রে শব দেহের দাহ-কায়া হবে সেই উদ্দেশ্য প্রকাণ্ড একটা কাঠের গোকর মুঠ তৈরী ক'রে রঙ-চঙ ক'রছে। এই গোকর মুঠটি একটা ছোটো হাতীর মতন আকারে; পিঠের কাছটা দাঁড় ক'রে রেখেছে, সেখানে শবধারটী বসিয়ে দেবে। এটিকে নিয়ে যাবে দাহ-স্থানে। আশে পাশে এই উদ্দেশ্যে অল্প

মূর্তিও তৈরী ক'রছে—মস্ত মাছের মূর্তি, আর সিংহের মূর্তি। এই সঙ্গে অল্প লোকেরা যারা নিজ নিজ আত্মীয়দের সংকার ক'রবে তারা নিজ নিজ জাতি অনুসারে এই সব মূর্তি, দাহ-কাথ্যের জন্ত ব্যবহার ক'রবে।

সন্ধ্যা হ'য়ে যায়, আমরা পুঙ্খব স্মৃতিবতীর কাছে বিদায় নিলুম। আমার সঙ্গে সুরাবায়ার সিদ্ধী বণিক লোকমলের দেওয়া ডচ্ বই—গীতার অম্ববাদ, শাস্তিনিকেতন বিদ্যালয় সম্বন্ধে বই, যোগ কাম্ববাদ ও পুনর্জন্ম সম্বন্ধে থিওসোফিস্টদের ইংরেজি বইয়ের অম্ববাদ, আর রবীন্দ্রনাথের কতকগুলি ছোটো গল্পের ডচ অম্ববাদ—এই বইগুলি শ্রীযুক্ত স্মৃতিবতীকে উপহার দিলুম। আমার সঙ্গে পুঙ্খব স্মৃতিবতীর অল্প-স্বল্প আলাপ হ'য়েছে, ভাষার অভাবে বিশেষ আগ্রহ থাকলেও বেশী কথাবার্তা হ'তে পারেনি—আমি ডচ বা মালাইয়ে কথাবার্তা চালাতে পারি না, আর তিনিও ইংরেজি জানেন না। তিনি বাক্য আর ছেউএসকে দিয়ে প্রস্তাব ক'রলেন—উঃ পিতৃব্যের পারলৌকিক ক্রিয়া উপলক্ষে আমি যদি বেদ পাঠ করি, তা হ'লে তাঁর আর তাঁর আত্মীয়-স্বজনের বড়ো আনন্দ হয়; কত দিন পরে ভারতবর্ষ থেকে ঐ দেশে ব্রাহ্মণের আগমন হ'য়েছে, ব্রাহ্মণের অনুষ্ঠিত ধর্মই তো তাঁরা পালন করেন, অতএব ভারতীয়

ব্রাহ্মণের একটি অনুষ্ঠানও যদি হয়, তা হ'লে তার থেকে আবার নোভুন ক'রে ভারতের সঙ্গে বলিঘীপের যোগ পুনঃপ্রতিষ্ঠিত হ'তে পারে। শ্রীযুক্ত স্মৃতিবতীর এই কথা আমার কাছে বেশ লাগল। যদিও আমি পুরোহিত বা পণ্ডিত নই, তথাপিও কণ্ঠব্য-



শবদাহের জন্ত কাঠ-নির্মিত কুসকার চিতা

স্তম্ভ লক্ষণ ব'লে মনে হ'ল। ডচ বন্ধুরাও এই প্রস্তাবের অনুমোদন ক'রলেন।

সন্ধ্যার পরে উবুদ থেকে বাড়ি—এ আমাদের বাসায় ফিরে এলুম। কবি সকালের চেয়ে শারীরিক আর মানসিক ছরকমেই ঢের ভালো আছেন দেখে আমরা

আরামের নিঃশ্বাস ফেললুম। আমরা যা দেখে এসেছি তার বর্ণনা শুনে তাঁরও উৎসাহ খুব ফিরে এল; আর আমার দ্বারায় বেদ-পাঠের প্রস্তাবের কথা শুনে তিনি

খুব অহুমোদন ক'রলেন আর ব'ললেন যে আমাকে যথাসাধ্য ভালো ক'রে এই কাজটি সাধ ক'রতে হবে।

[ক্রমশঃ]

ইউরোপে রবীন্দ্রনাথ *

শ্রী হামিয়চন্দ্র চক্রবর্তী

২০শে জুলাই, ১৯১০

সম্রাটের মত জাঞ্জেনী পরিক্রমণ করচি—শ্রেষ্ঠ বা-
কিছু আপনিই আমাদের কাছে এসে পড়চে। যেখানে
বা-কিছু হৃন্দর, অরবীয়া; এদেশের মনীষী যারা ভাবচেন,
হাকচেন, লিখচেন রবীন্দ্রনাথের সঙ্গে সহজে সকলের
পরিচয় ঘটচে, আমরাও ভাগ পাচ্ছি। এমন গভীর
ক'রে বিচিন্ত ক'রে য়ুরোপকে জানবার শুভযোগ কখনো
হবে ভাবিনি। মহামানুষের দেশে এসেছি, এরা বড় ক'রে
ভাবতে জানে এবং প্রচণ্ড শক্তি দিয়ে ভাবকে কণ্ঠে
নিয়োগ করে। এদের জাতীয় জাগরণ একান্ত দুর্গতির
মধ্যেও মানবচরিত্রের পূর্ণতাকে অস্বীকার করেনি, শিল্পে
সাহিত্যে সমাজচর্চিতে রাষ্ট্রকিচিন্তায় এরা গোড়া থেকে
কাজে লেগেচে। এমন নতুন ক'বে একাধি সাধনাদ্বারা
এরা নতুন জন্মানীকে গড়ে তুলচে যে, স্তম্ভিত হতে
হয়। বাড়ী বানানো, বই লেখা, দৈনিক সাংসারিক
বিবিবাবস্থা, সকল ক্ষেত্রেই এদের মন সম্পূর্ণ নতুন
চেতনের উজ্জল আলো ফেলেচে, মূল থেকে
প্রাণের সব বদলে গেছে, মূল থেকে প্রাণের উচ্ছ্বসিত,
সজ্জয় বীর্ষ্য চর্দ্দমনীয় হয়ে প্রকাশিত হচ্ছে।
এরা ইংরেজের মত তুষারশীতল ভ্রমতার আড়ালে
গরিত আচ্ছাদিতনায় নির্বাসিত নেই। এরা ফরাসীর
মত চকলচকিত নিয়ত পরিবর্তনশীল নয়, এদের
মধ্যে ভারি একটা চারিত্রবিস্তার আছে, সরল আড়ম্বর-
হীন জয়যান মনুষ্যত্ব আছে। পৃথিবীতে কোথাও রবীন্দ্র-

নাথকে এর চেয়ে বেশী ভালবাসে ভাবতে পারি না;—
'টাগোরে' তুলেই হোটেলের কর্তৃপক্ষ, ট্রামগাড়ীর টিকিট
ক্লার্ক, কলেজের ছেলেমেয়ে অধ্যাপক, বণিক, রাষ্ট্রনেতা
রাজকুলপ্রতিনিধি—এমন কেউ নেই এদেশে যার মুখ
উজ্জল হয়ে না ওঠে; যেখানেই আমরা যাই জয়ধ্বনি
আনন্দ অভ্যর্থনায় এদের পক্ষে উৎসাহ সঞ্চার করা
অসম্ভব হয়ে ওঠে। হাজার হাজার ছেলেমেয়ে পথে
পথে রোদ্রে রুষ্টিতে দাঁড়িয়ে আছে 'টাগোরে'কে দেখবে
বলে—এদেশের শ্রেষ্ঠ প্রতিভা যারা তাঁরা সভয়ে
অপেক্ষা কর'র কাছে এসে শ্রদ্ধা জানিয়ে উৎফুল্লচিত্তে
চলে যান। যার বা-কিছু আছে, ফুলের বাগান,
হৃন্দর বাড়ী, বড় গাড়ী, সমাদর, আতিথ্য অজস্র
হয়ে কবির কাছে ঝরে পড়ে; উনি অনামকচিত্তে
সকলের মধ্য দিয়ে চলে যান, কিছুই ওঁকে বাধে না।
সমস্তক্ষণই এত ইনস্পায়ার্ড থাকেন যে, যখনই যা
বলচেন তা কবিতার মত শ্রেষ্ঠ প্রকাশ পায়। চিন্তার চরম
ঐশ্বর্য্য পথে পথে ছড়িয়ে চলে যান। কোনোপান
থেকে বিদায়কালে রবীন্দ্রনাথের বন্ধনায় যে ককণা,
যে বেদনা লোকের মুখে দেখতে পাই তাতে আমাদের
মন বিকল হয়ে যায়। আমরাও সজ্ঞানে ভালবাসা
পাই, বন্ধুহৃদয়ের দান এমন করে আমাদের কাছে
আসে যে সঙ্কোচ হয়, যোগ্যতার পরীক্ষায় অস্থির
ভুটি হয়ে ওঠে। কি হৃন্দর দেশের মধ্যে দিয়ে
যাচ্ছি কি বলব—এতই বেশী সৌন্দর্য্য দেখেছি, এত
বেশী সহৃদয়তা পেয়েছি যে বহুকাল পূর্বেই আমাদের

* শ্রীমুক সোমনাথ মৈত্রকে লিখিত পত্র হইতে।



রবীন্দ্রনাথের অঙ্কিত একটি চিত্র

কথা ফুরিয়ে গেছে। একদিনের একটি ছোট অভিজ্ঞতা ঘটনা একটুখানিও ভুলি না, কিন্তু ঠিক সেইজন্তই লেখবার বেলায় কেবল দু'চারটে সাধারণ কথা বলা ছাড়া উপায় থাকে না। কেমন করে বোঝাব প্রতিনয়িত কি পাচ্চি, কি বুঝি, জানচি, ভাবচি। হৃদয় কোনোদিন সঞ্চিত অভিজ্ঞতার আলোড়নে কিছু একটা পূর্ণ প্রকাশের আভাস কোনো রচনায় দিতে পারব। কিন্তু এখন নয়। বার্লিন, ড্রেসডেন, ম্যানিক, এটাল, ওবেরআমেরগাউ, ক্রাফফুট, ডামস্টার্ট এবং আশেপাশে কত ছবি, কত লোক, কত কি দেখলাম—এখনো শেষের কাছেও আসিনি। প্রতিদিনই রবীন্দ্রনাথকে নতুন করে চিনচি—কত ভাবে তাঁর প্রতিভার উপর অজস্রদাবী প্রতিক্রিয়া যে আসচে, এবং প্রতিবারই তাঁর চমকিত মনের ঐশ্বর্য বলে উঠচে।

আমরা ডেনমার্ক এবং সুইটজারল্যান্ড হয়ে আরও একটি প্রকাণ্ড নতুন অভিজ্ঞতার রাজ্যে যাব ভাবচি। পুরো ঠিক হয়নি, হ'লেই জানতে পারবেন। জেনেভাবে মন্ত ব্যাপার হবে।


২৬শে জুলাই, ১৯৩০

* * * মারবার্গে এসে এই চিঠি শেষ করচি। পাহাড়ের মধ্যে অতি রমণীয় এই শহর। আজও আবার গভীর রাত্রে চিঠি লিখতে বসেচি। সমস্ত দিনের তরঙ্গিত শত স্মৃতি মনে গুঞ্জন করচে। রবীন্দ্রনাথ সারাদিন ধরে ইংরেজিতে একটি নতুন রকম টেক্সটকে ফিল্মের জন্ত নাটক লিখেছেন। ছবির মত এও তাঁর নতুন সৃষ্টির নেশা। শুনেচেন নিশ্চয় এদেশের শ্রেষ্ঠ মনীষীরা রবীন্দ্রনাথের ছবিকে শিল্পরাজ্যে একেবারে চরম শ্রেষ্ঠ আসন দিয়েছেন। বার্লিন ড্রেসডেন ম্যানিক তিন জায়গায়

একই সঙ্গে প্রদর্শনী চলেচে। এদেশের খবরের কাগজ এই ছবির খবরে উপ্ছে পড়চে, জাৰ্মেনীর সব চেয়ে বড় শিল্পীরা সমন্বরে বলচেন, এ সব ছবির পূৰ্ণাপর নেই, এর মধ্যে পূৰ্ণ পশ্চিম মিলেচে, এর মধ্যে প্রতিভার নতুন নতুন সৃষ্টিতে পরম বিকাশ পেয়েচে। প্যারিসেও এমন মন্ত আন্দোলন হয়েছিল, বার্মিংহামেও তাই, জাৰ্মেনীতে নানা জায়গায় একসঙ্গে প্রদর্শনী খোলাতে উৎসাহ আরও চারিদিকে ছড়িয়ে পড়েচে। তা ছাড়া হয়ত জাৰ্মেনী সব জিনিসকে গভীর ক'রে নিতে জানে, অল্প দেশের চেয়েও বেশী,—জানি না। এদের শিল্প নতুন পথ খুঁজচে, সারা দেশময় আজ নতুন জাগরণের আন্দোলন, রাষ্ট্রিক এবং সামাজিক দৈন্যভূগতি এদের চিন্তকে স্বল্প প্রথর ক'রে রেখেচে। তাই ভাবের গভীর বোধে এরা যেমন ক'রে সাড়া দেয় এমন বোধ হয় আর কোনো জাতির পক্ষে আজ সম্ভব নয়। যে কারণেই হোক, জাৰ্মেনী রবীন্দ্রনাথের শিল্প-প্রতিভায় অভিভূত হয়েছে। এখানে প্রতিদিন লোকের মুখে, খবরের কাগজে, সাহিত্যে, রবীন্দ্রনাথের ছবির বিষয় বা বেরোলে, ভবিষ্যৎকালে তার থেকে স্বেচ্ছাকৃত একটি ভাবের দ্বারা বাংলায় প্রকাশ করা দরকার হবে। যে রকম দেখা যাচ্ছে তাতে মনে হয়, ইংরেজি গীতাঞ্জলি লিখে নোবেল উপহার পাওয়ার সময় যে রকম যুরোপ জুড়ে আন্দোলন হয়েছিল, ছবি প্রকাশ করেও রবীন্দ্রনাথ সেই রকম আন্দোলন তুলেচেন। এ কথাটা ইতিমধ্যে আমাদের দেশে কি ভাবে কতদূর প্রকাশ হয়েছে জানি না, কেন না আমাদের দেশের ইংরেজি খবরের কাগজে খবর প্রকাশ পায় না, মারা পড়ে। আইন্সটাইনের নতুন আবিষ্কারের চেয়ে ইংরেজি লর্ড-লেডীর শোয়াল শিকারের খবর বেশী থাকে। যাই হোক, সমগ্র যুরোপে যে উৎসাহ উচ্ছ্বসিত হয়ে উঠেচে, তার জোয়ার বঙ্গোপসাগরের কুলেও পৌছবেই, এবিষয়ে সন্দেহ নেই। আমিও ভাল করে সব কথা শুন্ডিয়ে জানাতে পারলাম না, এইজন্তে দুঃখ বোধ হচ্ছে। কিন্তু এতটা উত্তেজনার মুখে শাস্তভাবে বিশদ করে বর্ণনা লেখাও অসম্ভব। রবীন্দ্রনাথের ছবি নিয়ে এদেশে কি

কাণ্ড চলেচে, তাড়াতাড়ি ক'রে একটু জানিয়ে দিলাম মাত্র।

অধ্যাপক অটো, ডক্টর ফ্রিক প্রভৃতি ভারত-পরিচিত এবং বহু বিখ্যাত মনীষীর সঙ্গে এখানে পরিচয় হ'ল। তাঁরা রবীন্দ্রনাথকে অভ্যর্থনা ক'রে টেশন থেকে



রবীন্দ্রনাথ অঙ্কিত চিত্রসম্বলিত হস্তাক্ষর

আজ শহরে আনলেন। আগামী পরশুদিন সোমবার সন্ধ্যায় রবীন্দ্রনাথ এখানকার বিশ্ববিদ্যালয়ে বক্তৃতা দেবেন।

এখানেও বহু লোকে ভারতের বিষয় বিশেষভাবে জানে এবং জানতে চায়। রবীন্দ্রনাথ কোথাও গিয়ে কথা বলতে নিরন্তর হন নি। তিনি যেখানে যান, কত সহস্র লোকের মনকে চিরদিনের মত আমাদের সঙ্গে সত্যভাবে গভীরভাবে মেলাচ্ছেন, কেউ কি তা বুঝতে পারে? আজকের দিনে ভারতবর্ষের তরুণ

অগ্নি সকলেই একে একে চিত্তে গ্রহণ করচে, ভারতবর্ষকে প্রণাম করচে। আমরা যদি একান্ত সত্য হয়ে ভারতবর্ষের পূর্ণাঙ্গীন মূর্তিসাধনায় শৈথিল্য না করি, শুধু ভারতকে নয়, সমস্ত জগতকে নতুনতর আশার পথ দেখাবো।

আজ অ'র নয়, তাহ'লে সকালে শয্যা থেকে উঠতে কষ্ট হবে—অনেক রাত হয়েছে।

এলসিনোর, ডেনমার্ক
৭ই আগষ্ট, ১৯৩০

শনিবার দিন কোপেনহেগেনে রবীন্দ্রনাথের চিত্র-প্রদর্শনী খোলা হবে। এখানে খুব সাড়া পড়ে গেছে—নরওয়ে সুইডেন থেকে দলে দলে লোক রবীন্দ্রনাথকে দেখতে এবং তাঁর বক্তৃতা শুনে ও ছবির প্রদর্শনীতে যোগ দিতে আসচে।

বড় ভাল লাগচে। সুন্দর, শ্রামল, সমুদ্রবেষ্টিত দেশ; হেমন্ত ঋতুর সোনার প্রাচ্যেভরা মাঠ, মহর-গতি পরিপুষ্ট গোক চরচে, ঝকঝকে পরিষ্কার গ্রাম্যকুটির, হাসিমুখী ছেলেমেয়ে লোকজন নীল সমুদ্রের ধার দিয়ে পথে চলেচে। এখানকার গ্রামের কৃষক পর্য্যন্ত রবীন্দ্রনাথের বই পড়েছে, তাঁকে গভীরভাবে শ্রদ্ধা করে। প্রতিদিন এমন সব দৃশ্য দেখি, যাতে মন বিচলিত হয়—

কোথায় হৃদয়ে এসেচি কিন্তু এখানেও আমাদের কবিত্বেরা আপন বলেই জানে। সব দ্বার তিনি খুলে দিয়েছেন, যেখানেই যাই রবীন্দ্রনাথের দেশের লোক ব'লে সম্মান সমাদর পাই।

Berlin, Wannse
Friedrich Karlstrasse 18.

১৯শে আগষ্ট, ১৯৩০

এখানে সন্মুখ সময় কাটল। এই বাড়ীর লোকেরা আমাদের আপন হয়ে গেছেন—হৃদের ওপর এদের বাড়ীতে আছি। আইনষ্টাইন কাছেই আছেন, প্রায়ই দেখাশোনা হয়। জাশ্মিনীর স্তাসাত্তাল গ্যালারি রবীন্দ্রনাথের পাচখানি ছবি চেয়ে নিল। হৈ চৈ পড়ে গেছে। ডেনমার্কের ছবির প্রদর্শনী চলেচে—যতদূর সম্ভব সমাদর হচ্ছে।

কাল যাকি জেনেভায়। এসব দেশে এলে শুধু পেচে যেন লজ্জা বোধ হয়, সবক্ষণ কিছু প্রতিদান দিতেই হবে; চলা চাই, বলা চাই, লেখা চাই, সভায় নিমন্ত্রণে স্তম্ভিত হয়ে যাওয়া চাই। এখানে যা পেলাম ধন্যমনে তাই নিয়ে এখন দেশের গাছের ছায়ায় নিভৃত অনামা কুঠারে বসে স্বপ্ন দেখতে চাই।



মহামায়া

শ্রীসীতা দেবী

৩৫

দেবকুমার ট্যাক্সিটাকে বিদায় করিয়া হলের ভিতর আসিয়া দাঁড়াইল। মায়ার দিকে চাহিয়া খানিকক্ষণ যেন তাহার মুখ দিয়া কথা বাহির হইল না। মায়ার কেমন একটা অস্বস্তি এবং সঙ্কোচ বোধ হইতে লাগিল। এত সাজার জন্ত দেবকুমার তাহাকে না জানি কি ভাবিতেছে।

অপ্রস্তুত ভাবটা কাটাইবার জন্ত সে বলিল, “আর দেরি করলে আরম্ভ হয়ে যাবে না?”

দেবকুমার হাতঘড়িটা দেখিয়া লইয়া বলিল, “তা হওয়া সম্ভব। আপনার গাড়ী যদি তৈরি থাকে তাহ’লে বেরিয়ে পড়া যায়।”

মায়া বলিল, “তৈরিই আছে” এবং মিনিট দুইয়ের ভিতর গাড়ী আসিয়া হাজির হইল। আয়াকে রাত্রে তাহার জন্ত অপেক্ষা করিতে বলিয়া দিয়া, মায়া দেবকুমারের সহিত বাহির হইয়া পড়িল।

রাগা জনবিরল, অনেকক্ষণ পরে পরে একজন গৃথিক বা একটা গাড়ী দেখা যায়। দেবকুমার বলিল, “নীরবতার কেমন একটা ‘এফেক্ট’ আছে, নিজেকেও চূপ করে যেতে হয়। অথচ কথা বলতে যে ইচ্ছে করছে না, তা মোটেই নয়।”

মায়া একটু হাসিয়া বলিল, “ইচ্ছে করছে ত বললেই হয়। চূপ করে থাকতেই হবে এমন ত কোনো আইন নেই?”

দেবকুমার বলিল, “কিন্তু যা বলতে চাই তা ব’লে বসলে সেটা বেআইনী বলে গণ্য হতেও পারে।”

মায়ার বকের ভিতরটা দুঃখের করিয়া উঠিল। কি এমন কথা? ইচ্ছা করিলেই সে কথা ঘুরাইয়া লইতে পারত, কিন্তু দেবকুমার কি যে বলিতে চায় তাহা শুনিবার একটা অদম্য আকাঙ্ক্ষা তাহাকে পাইয়া বলিল।

সে বলিল, “কথাটা শুনলে বুঝতে পারি, আইনী কি বেআইনী।”

দেবকুমার বলিল, “তাহ’লে সাহসে ভর ক’রে বললি ফেলি। আমি যে-দেশে ছিলাম সেখানে সুন্দর মানুষ খুব জ্বলজ্বল, কিন্তু সেখানেও আপনার মত সুন্দর মানুষ দেখিনি।”

মায়ার মুখে রক্তোচ্ছ্বাস ঘনাইয়া উঠিল। কি যে সে বলিবে স্থির করিতে না পারিয়া চূপ করিয়া গেল। এই কথাটা শুনিবার ইচ্ছাই কি তাহার মনে মনে ছিল না?

দেবকুমার মিনিট-খানিক পরে জিজ্ঞাসা করিল, “রাগ করলেন? এইজন্তেই আমি বলতে চাইছিলাম না।”

মায়া পূর্ণদৃষ্টিতে তাহার দিকে চাহিয়া বলিল, “একটুও রাগ করিনি।”

কথা না বলিয়া দেবকুমার বেশীক্ষণ থাকিতে পারিত না, কিন্তু সেও অনেকক্ষণ চূপ করিয়াই রহিল। তাহার পর শহরে প্রবেশ করিবার সঙ্গে সঙ্গে বলিল, “এসে ত পড়লাম। মনটা কিন্তু ঠিক নাচ দেখবার উপযুক্ত অবস্থায় নেই।”

মায়ার অবস্থাও দেবকুমারের চেয়ে কিছুমাত্র ভাল ছিল না। সে অনেক কষ্টে একটুখানি হাসিল মাত্র। বাহির হইয়াছে যখন, তখন তাহাকে যাইতেই হইবে এবং তিনঘণ্টা জনপূর্ণ হলে বসিয়াও থাকিতে হইবে। কিন্তু তাহার ইচ্ছা করিতেছিল কিরিয়া বাড়ী চলিয়া যাইতে, এবং একলা একঘরে খানিকক্ষণ মুখ গুজিয়া পড়িয়া থাকিতে।

যে হলটিতে নাচ হইবে, তাহার সম্মুখে তখন ভয়ানক ভীড় জমিয়া গিয়াছে, যেমন গাড়ী ঘোড়া মোটর তেমনি মানুষ। পুলিশের উৎপাতে একখানি গাড়ী আর মিনিটের বেশী দাঁড়াইতে পাইতেছে না। মায়া

গাড়ী দাঁড়াইবামাত্র দেবকুমার তাড়াতাড়ি নামিয়া পড়িয়া বলিল, “চট্ করে নেমে পড়ুন, যা ভীড় হয়েছে।”

মায়া নামিতে যাইবামাত্র পিছনের একটা গাড়ীর ঘোড়া ক্ষেপিয়া উঠিল। দেবকুমার ব্যস্ত হইয়া মায়াকে বাহু ধরিয়া নামাইয়া দিয়া বলিল, “চলুন এইটুকু পার হয়ে যাই। ইন্ কম হ’লেও হাজারখানিক লোক দাঁড়িয়েছে।”

মায়া কোনো উত্তর দিল না। দেবকুমার একটু বিস্মিত হইয়া তাহার দিকে চাহিয়া দেখিল, মায়ার মুখ একেবারে শাদা হইয়া গিয়াছে। কারণটা ঠিক বুঝিতে পারিল না। জিজ্ঞাসা করিল, “ভয় পেয়েছেন না কি?”

মায়া রুদ্ধকণ্ঠে বলিল, “না।” তাহার পা তখন ঠক্ঠক্ করিয়া কাপিতেছে। কোনোমতে ফুটপাথ্ অতিক্রম করিয়া সে হলের ভিতর ঢুকিয়া পড়িল। সৌভাগ্যক্রমে বসিবার জায়গা খুঁজিয়া পাইতে বেশী দেরি হইল না। বসিয়া পড়িয়া মায়া যেন হাঁফ ছাড়িয়া বাঁচিল।

দেবকুমার বলিল, “বাঙালীরা দেখছি conspicuous by their absence, তাদের নাচ ভালই লাগে না বোধ হয়।”

মায়া বলিল, “বাঙালী মেয়ে ত দেখছি একমাত্র আমি।”

দেবকুমার বলিল, “তা আমরা মেয়েদের যা অবস্থায় রেখেছি, তাদের এসব জায়গায় না আনাই ভাল। প্রকাশ্য জায়গায় হাজার লোকের মাঝে তারা যেরকম হৈ চৈ বাধায়, দেখলে ভারি বিরক্ত লাগে। যতদিন বাইরে সম্ভ্রান্তি এবং সহজভাবে চলবার জ্ঞানটা না হয়, ততদিন না বেরনই ভাল।”

মায়া বলিল, “তা বের না করলে কি করে তারা শিখবে?”

এই সময় নাচ শুরু হওয়াতে তাহারা কথা বন্ধ করিল। কিন্তু যদিও মায়ার চোখ ঠেঙের দিকে ছিল, তাহার মন ছিল অন্য কোণে। কি যে দেখিল এবং কি যে শুনিল, তাহা জিজ্ঞাসা করিলে সে বলিতে পারিত কি না সন্দেহ। দেবকুমারের অবস্থাও

প্রায় তাহারই মত, কিন্তু তবু সে মাঝে মাঝে কথা বলিতেছিল, তবে মায়ার কাছে হাঁ না ভিন্ন অন্য কিছু জবাব পাইতেছিল না।

ঘণ্টা তিন পর তাহারা যখন বাহির হইয়া আসিল, তখনও মায়া গম্ভীর হইয়াই আছে। দেবকুমার জিজ্ঞাসা করিল, “আপনার কি ভাল লাগল না?”

মায়া বলিল, “না, বেশ ত লেগেছে।”

দেবকুমার গাড়ীতে মায়াকে উঠাইয়া দিয়া বলিল, “আপনাকে গিয়ে পৌছে দেওয়াই আমার উচিত, এবং তা যাবও, কিন্তু আপনার মুখ দেখে আমার ভয়ানক ভয় করছে। মনে হচ্ছে, কোনো কারণে আপনি যেন ভয়ানক বিরক্ত হয়েছেন।”

মায়া জোর করিয়া হাসিয়া বলিল, “কি যে আপনি বলেন তার ঠিক নেই। বিরক্ত হতে যাব কেন? তার মত কিছু ত হয়নি?”

দেবকুমার গাড়ীতে উঠিয়া বসিয়া বলিল, “তাহ’লে এরকম মুখ করে রয়েছেন কেন? আপনার ভাল লাগবে মনে করে এলাম, অথচ আপনি একটু ‘এন্জয়’ করলেন না, এতে নিজেকে ভারি ‘স্মার্ট’ লাগছে।”

গাড়ীটা কয়েক মিনিটের মধ্যেই শহরের সীমানা ছাড়াইয়া বাহিরে আসিয়া পড়িয়াছিল, মায়া বাহিরের দিকে চাহিয়া বসিয়াছিল, এবার দেবকুমারের দিকে খানিকটা ফিরিয়া বসিয়া বলিল, “আমি এন্জয় করতে যথাসাধ্য চেষ্টা করেছিলাম, কিন্তু কিছুতেই ভাল ক’রে মন দিতে পারলাম না।”

দেবকুমার একদৃষ্টে খানিকক্ষণ তাহার মুখের দিকে চাহিয়া রহিল। তাহার পর বলিল, “আমার জানতে চাইবার কোনো অধিকার নেই, তবু না জিগ্গেস করে আমি থাকতে পারছি না। কেন আপনি মন দিতে পারলেন না, আমায় দয়া করে বলবেন?”

মায়া কিছুক্ষণ চুপ করিয়া রহিল, তাহার পর বলিল, “কয়েক দিন থেকে আমার মনটা ভারি খারাপ হয়ে আছে।”

দেবকুমার বলিল, “দেখুন, আপনি আমাকে অল্পদিন

হল মাত্র চিনেছেন, কিন্তু আমার এই কথাটা আপনি দয়া করে বিশ্বাস করবেন যে, আপনাকে বাজে কথা আমি বলি না। ভদ্রতার খাতিরেও কিছু বলি না। আপনাকে আমি আমার সবচেয়ে বড় বন্ধু মনে করি। আপনার কাছ থেকেও সেটা দাবি করতে পারি কি না জানি না।”

মায়া কম্পিতকণ্ঠে বলিল, “তা পারেন।” দেবকুমার একটু ইতস্তত করিয়া বলিল, “তাহলে, অতঃপর ক’রে আমার একটা কথার উত্তর দেবেন?”

মায়া বলিল, “কি কথা বলুন।” তাহাদের গাড়ী তখন জনহীন পথে দ্রুতবেগে চলিয়াছে। হাওয়ার ব্যাপ্টায় মায়ার শরীর শীতল হইয়া আসিতেছিল, কিন্তু তাহার মাথার ভিতর যেন আগুন ধরিয়া গিয়াছে।

দেবকুমার বলিল, “কেন আপনার মন এত খারাপ হয়ে আছে? আমি কি কিছু করতে পারি?”

মায়ার হাত পা ঠকঠক করিয়া কাঁপিতে লাগিল। কম্পিত হাত হইতে রুমালটা নীচে পড়িয়া গেল। দেবকুমার নীচ হইয়া সেটা কুড়াইয়া মায়াকে দিতে গিয়া, তাহার মুখের ভাব দেখিয়া অবাক হইয়া গেল। এ যে প্রায় মজ্জিত হইয়া পড়িবার উপক্রম করিতেছে। ভয়ে তাহার হস্ত-বোধটাও বোধ হয় চলিয়া গেল, ব্যস্তভাবে জিজ্ঞাসা করিল, “মায়া কি হয়েছে আমায় বল। বিশ্বাস কর, তোমার জন্তে মানুষের সাধ্য কোনো কাজ করতে আমি ত্রুটি করব না।”

মায়ার চোখ বহিয়া ঝরঝর করিয়া জল পড়িতে আরম্ভ করিল। দেবকুমার বুঝিল। তাহার কাছে ধরিয়া আসিয়া পিঠের উপর হাত রাখিয়া বলিল, “তুমি যাত্র আমায় যা দিলে, তা আমার জন্মজন্মান্তরের সব চেয়ে বড় ঐশ্বর্য্য। কিন্তু তোমার বাবার অহুমতি না নিয়ে আমি আর কিছু বলব না। তুমি যদি বল ত, কাল সকালেই তাঁর কাছে যেতে পারি।” মায়া অশ্রুপূর্ণ চোখে তাহার দিকে চাহিয়া বলিল, “যাবেন।”

দেবকুমার আস্তে আস্তে মায়ার একধানা হাত নিজের হাত হাতের মধ্যে টানিয়া গাইল। বলিল, “একেবারে বরফের মত ঠাণ্ডা হয়ে গেছে। মায়া, আমার মত

হতভাগাকে ভালবেসে হয়ত তুমি ঠকলেই। তবু এই সময়টা চোখের জল ফেলো না। তোমার মুখে হাসি দেখলে তবু আমার প্রাণে একটু ভরসা আসে। তোমার বাবার কাছে যেতে আমার খুবই মুশ্কিল বাদবে। আমার এমন কিছু নেই যার জন্তে তিনি খুশি হয়ে তোমাকে আমার হাতে দিতে পারেন। তবু কেন জানি না, আমার আশারও অন্ত নেই। তোমায় প্রথম যেদিন দেখি, তখন থেকে কে যেন আমার বুকের মধ্যে বলে দিয়েছিল তুমি আমারই হবে।”

মায়া কথা বলিল না। দেবকুমার তাহার হাতের উপর হাত বুলাইতে বুলাইতে বলিল, “দেখ, আজ নাচটাচ আমিও কিছু দেখিনি। সারাক্ষণ খালি তোমাকে দেখেছি। ভাল পোরটেট পেণ্টার যদি কেউ থাকত, তাহ’লে এই পোষাক আর এই গহনা পরিয়ে তোমার একটা ছবি তাকে দিয়ে আকিয়ে নিতাম। তুমি সব সময়েই সুন্দর, কিন্তু আজকের মত সুন্দর তোমায় কোনোদিন দেখিনি।”

মায়া চোখ মুছিয়া আরও একটু কাছে সরিয়া আসিল। বলিল, “কাল সকালেই কি আপনি যাবেন বাবার কাছে? একটু, একদিন দেরি করুন।”

দেবকুমার কিঞ্চিৎ বিস্মিত হইয়া বলিল, “তুমি বললে নিশ্চয়ই দেরি করব। কিন্তু কেন দেরি করতে চাইছ মায়া? একেবারে নিশ্চিত ক’রে সব জানা কি ভাল না?”

মায়া বলিল, “আমার আর একজনের কাছে অহুমতি নিতে হবে।”

দেবকুমার জিজ্ঞাসা করিল, “কার কাছে?”

মায়া বলিল, “আমার মায়ের। তিনি বেঁচে নেই, কিন্তু তাঁকে আমি অবহেলা করতে পারব না।”

দেবকুমার জিজ্ঞাসা করিল, “তাঁর অহুমতি তুমি কি ক’রে পাবে?”

মায়া অঙ্গলগ্ন চূপ করিয়া থাকিয়া বলিল, “এ কথা আমি কাউকে বলি না, কিন্তু আপনাকে বলব। মায়ের কাছে মনে মনে যা বলি, তা তিনি জানতে পারেন। তারপরই তাঁকে স্বপ্নে দেখি। কিছু তিনি বলেন না,

কিন্তু তাঁর মুখের ভাব দেখেই আমি বুঝতে পারি, তিনি খুশি হয়েছেন কি না।”

দেবকুমার কিছু বলিল না। গাড়ী যখন প্রায় বাড়ীর কাছাকাছি আসিয়া পড়িয়াছে, তখন মায়ার দুই হাত ধরিয়া জিজ্ঞাসা করিল, “মায়া, হয়ত মায়ের অহুমতি পাবে না। তখন কি করবে? আমার কাছে তাহ’লে আর আসবে না?”

মায়ার চোখ আবার জলে ভরিয়া উঠিল। সে দেবকুমারের দিকে চাহিয়া বলিল, “আপনাকে ছেড়ে আমি দাঁচব না।”

গাড়ী ফটকের ভিতর ঢুকিয়া পড়িল। হলটা খালি, ছোঁকরা শিড়ির এক কোণে বসিয়া ঢুলিতেছে। গাড়ী থামার শব্দে সে চমকিয়া উঠিয়া পলায়ন করিল।

মায়া নীরবেই গাড়ী হইতে নামিয়া আসিল। দেবকুমারও তাহার পিছন পিছন হলে ঢুকিয়া বলিল, “তোমার গাড়ীটাকে আর খাটাও না, ট্যাক্সিওয়ালাটাকে নাটার সময় এখানে আসতে বলে দিয়েছি। ন’টা বাজতে আর বেশী দেরি নেই, মিনিট দশ বারো। ততক্ষণ নীচেই কোথাও বস।”

নিরঙ্কনের আপিস ঘরটা খালি পড়িয়া, তিনি তখনও ফেরেন নাই। মায়া সেই ঘরে গিয়া প্রবেশ করিল, দেবকুমারকে ডাকিয়া বলিল, “এই ঘরে আছেন।”

দেবকুমার ঘরের ভিতরে আসিয়া জিজ্ঞাসা করিল, “আমি কি চিরকালই ‘আপনি’ থাকব না কি?”

মায়ার মুখে একটা ক্ষীণ হাসির রেখা দেখা দিল, সে বলিল, “এখনও সময় উৎরে যায় নি ত? হঠাৎ ‘তুমি’ বলতে কেমন যেন বাধবোধ ঠেকে।”

দেবকুমার উঠিয়া আসিয়া মায়ার চেয়ারের হাতলের উপর বসিয়া বলিল, “তোমার হয়ত হঠাৎ মনে হচ্ছে আমি কিছু গোড়া থেকেই ‘তুমি’ বলতে ব্যস্ত ছিলাম, কাজেই আমার একটুও বাধবোধ ঠেকেনি। ভাগ্যে রাশিয়ান ব্যালেটটা এসেছিল, তাহানা হ’লে আরও কত দিন তোমায় ‘আপনি’ ‘মশায়’ করে কাটাতে হ’ত তা কে জানে? কতজ্ঞতার খাতির আরও একদিন আমাদের যাওয়া উচিত। অবিশিষ্ট নাচ দেখাটা সমানই হবে।”

মায়া বলিল, “যা হবার তা হ’তই, রাশিয়ান ব্যালেট না হোক্ একটা কিছু উপলক্ষ্য করে হ’ত।”

দেবকুমার উঠিয়া পড়িয়া বলিল, “ঐ যে আমার রথ এসে পৌছল দেখছি। লোকটা একটু কম পাংচুয়েল হ’লেও ক্ষতি ছিল না। নিতান্ত তাহ’লে উঠতে হ’ল। তোমার বাবার কাছে কাল তাহ’লে যাব না? কেন জানি না, আমার মনে হচ্ছে গেলে তিনি অমত করতেন না।”

মায়াও উঠিয়া দাঁড়াইয়া জিজ্ঞাসা করিল, “কেন আপনার তা মনে হচ্ছে?”

দেবকুমার বলিল, “তোমাকে ব্যালেটে নিয়ে যেতে অহুমতি দিলেন ব’লে। আমাকে একেবারে একটা ‘গান্‌ডিজ্যারের ব’ল’ মনে করলে কখনও তা করতেন না।”

মায়ারও এই কথা এই কারণে মনে হইয়াছিল, সে বলিল, “হয়ত আপনার কথাই ঠিক। বাবা এর আগে কখনও আমাকে একলা কারও সঙ্গে যেতে দেন নি।”

দেবকুমার হাসিয়া জিজ্ঞাসা করিল, “কেউ নিয়ে যেতে চেয়েছিল কি?”

মায়া বলিল, “তা চায়নি অবশ্য।”

বাহিরে ট্যাক্সিওয়ালা অসহিষ্ণু হইয়া উঠিয়াছে বোঝা গেল। দেবকুমার বলিল, “আচ্ছা, চললাম, কাল না যাই, পরন্তু কিন্তু নিশ্চয় যাব। এর ভিতর তোমার যা করবার করে নিও। কাল কি আসব একবার, না তাও বারণ?”

মায়া বলিল, “না, না, বারণ কেন হবে, আপনি আসবেন।”

দেবকুমার মায়ার দুই হাত ধরিয়া নিজের কাছে টানিয়া আনিয়া বলিল, “আজ রাত্রে খুব ভাল স্বপ্ন দেখে। এতখানি পাবার পরে যদি আবার ফিরে যেতে হয় তাহ’লে সহ করতে কিছুতেই পারব না।”

মায়া দেবকুমারের বুকের উপর মাথা রাখিয়া বলিল, “আপনার চেয়ে আমারই ভয় বেশী।”

দেবকুমার মায়ার চুলের উপর চুষন করিয়া বলিল, “থাক্, ও বিষয়ে ইতর-বিশেষ ঠিক করবার প্রয়োজন না হ’লেই ভাল। যাই তাহ’লে এখন, কেমন? কাল সাড়ে-পাঁচটার মধ্যেই আসব।”

মায়া সিঁড়ি পর্যন্ত দেবকুমারের সঙ্গে সঙ্গে আসিয়া তাহাকে বিদায় দিয়া গেল।

উপরের ঘরে উঠিয়া আসিয়া দেখিল তাহার আয়া কোথা হইতে একখানা ছেঁড়া মাদুর জোপাড় করিয়া আনিয়া কার্পেটের উপর বিছাইয়া দিয়া ঘুমাইতেছে। তাহাকে উঠাইয়া দিয়া বলিল, “আমাকে একটু ওভ্যালটিন্ করে দে। আমি আর কিছু খাব না।”

বুড়ী বক্ বক্ করিতে করিতে নীচে নামিয়া গেল।

মায়া কাপড় গহনা সব খুলিয়া রাখিল। তখনও তাহার শরীর মন প্রকৃতিস্থ হয় নাই। তাড়াতাড়ি শুইয়া পড়িবার জন্য সে মুখ হাত দুইয়া চুল বাধিতে আরম্ভ করিল।

আয়া ওভ্যালটিন্ করিয়া আনিল। মায়া বলিল, “একটু জল দে। আর কিছু দরকার নেই। যাবার সময় সিঁড়ির আলোটা নিভিয়ে দিবে যাসু।”

আয়া আলো নিভাইয়া দিয়া চলিয়া গেল। খোলা জানলার পথে জ্যোৎস্না আসিয়া ঘরখানিকে রহস্যময় করিয়া তুলিল। মায়া খাটের উপর বসিয়া একমনে মৃত্যু জননীর চিন্তা করিতে লাগিল। নিজের হৃদয়ের ব্যাকুল আগ্রহ দিয়া সে যেন লোকান্তরিতাকে সব দেখাইতে চাহিল।

খানিক পরে মাথা তুলিয়া সাবিত্রীর ছবির দিকে চাহিয়া দেখিল। ছবিখানা যেন ছলিয়া উঠিল। তাহার পর কি যে দেখিল সেই-ই শুধু জানে।

পতনের শব্দে আয়া ছুটিয়া উপরে আসিল। মায়া অজ্ঞান হইয়া মেঝের উপর পড়িয়া আছে। নিরঞ্জনও এই সময় আসিয়া পৌঁছিলেন।

৩৬

কোকাইনের বাড়ীর সে শান্তি টুটিয়া গিয়াছে। গৃহকল্যাণ হইতে বি চাকর পর্যন্ত সবাই শঙ্কিত, শশব্যস্ত। মায়ার এখনও ভাল করিয়া জ্ঞান হয় নাই, দুই-তিনবার চোখ খুলিয়া তাকাইয়াছে মাত্র। নিরঞ্জন শহরের যত ডাক্তার ছিল, সব জোপাড় করিয়া আনিয়াছেন, কেহই বিশেষ কিছু করিতে পারিতেছে না, ব্যাপার কি তাহাই ভাল করিয়া বুঝিতে পারিতেছে কি না সন্দেহ।

নিরঞ্জন আসিয়াই মায়াকে অজ্ঞান অবস্থায় দেখেন। তখন ডাক্তার আনিতে পাঠান, কিন্তু ডাক্তার আসিয়াও বিশেষ কিছু করিতে পারেন নাই। তবে এখনই কোনো বিপদের সম্ভাবনা নাই বলিয়া নিরঞ্জনকে নিশ্চিন্ত করিবার চেষ্টা করিয়া গিয়াছেন। বি চাকর কেহই ভাল করিয়া কিছু বলিতে পারে নাই। ছোকরা বলিয়াছে দিদিমণিকে ব্যারিষ্টার সাহেবের সঙ্গে সে ফিরিতে দেখিয়াছে, কিন্তু তখন তাহাকে বিন্দুমাত্রও অসুস্থ দেখায় নাই। ব্যারিষ্টার সাহেব যখন চলিয়া যান, তখনও সে দিদিমণিকে সিঁড়ির কাছে দাঁড়াইয়া হাসিতে দেখিয়াছে। বুড়ী আয়া বলিল, দিদিমণিকে সে ওভ্যালটিন্ করিয়া দিয়া নীচে চলিয়া আসিয়াছিল, পরে কি হইয়াছে তাহা সে কিছুই জানে না। আর কেহ কিছু বলিতে পারিল না। সকাল হইবার আগে আর কিছু করা অসম্ভব। নিরঞ্জন সমস্ত রাত কল্লার শয়নকক্ষে বসিয়াই কাটাইয়া দিলেন।

ভোর হইতেই তিনি দেবকুমারের কাছে চিঠি লিখিয়া গাড়ী পাঠাইয়া দিলেন। বিশেষ প্রয়োজন, সে বৈদ্য একবার নিশ্চয় আসে। মায়াকে সজ্ঞান অবস্থায় সেই কালরাত্রি দেখিয়া গিয়াছে, তাহার নিকট হইতে কোনো খোজ মিলিলেও মিলিতে পারে।

সকালের দিকে আবার ডাক্তার আসিয়া পৌঁছিলেন। মায়া একবার চোখ খুলিয়া চারিদিকে তাকাইল। কিন্তু তাহার দৃষ্টি শিশুর দৃষ্টির মত অর্থশূন্য। কোনো কথা সে বলিল না, কাহাকেও চিনিতে পারিতেছে বলিয়াও বোধ হইল না। নিরঞ্জন জিজ্ঞাসা করিলেন, “এখন কেমন আছ মায়া?”

মায়া কোনো উত্তর দিল না। খানিকক্ষণ পরে আবার চোখ বুজিল। ডাক্তার বলিলেন, “থাক তাড়াতাড়ি করে দরকার নেই। এখনও ‘শক’-এর ‘এফেক্ট’ কাটেনি, আন্তে আন্তে আবার নরম্যাল অবস্থায় আসবেন। শুকে যেন কোনো রকমে ‘ডিসটার্ব’ না করা হয়। একজন নার্স আনতে পাঠান, সেই-ই চার্জ নিয়ে থাকবে। চাকর-বাকর ক্রমাগত ফুকে যেন গোলমাল না করে।”

নিরঞ্জন বলিলেন, “আচ্ছা, আপনিই গিয়ে একজন নার্স পাঠিয়ে দেবেন। আমার চাপরাশীকে আপনার সঙ্গে দিচ্ছি। আপনি আর কাকে কাকে ডাকা দরকার মনে করেন? কলকাতায় টেলিগ্রাম করতে হ’লেও আজই করা ভাল।”

ডাক্তার বলিলেন, “আহা, আপনি অত ভয় পাচ্ছেন কেন? তেমন সিরিয়স্ মনে করলে আমিই কি টেলিগ্রাম করতে বলতাম না? তা আপনি যখন অত ব্যস্ত হচ্ছেন, তখন বিকেলে আমি একেবারে সিবিল সার্জেনকে নিয়ে আসব। আমার মনে হয়, দু-এক দিনের মধ্যে আপনার মেয়ে নিজের থেকেই ভাল হয়ে উঠবেন।”

নিরঞ্জন ডাক্তারের সঙ্গে সঙ্গে নীচে নামিয়া আসিলেন। তাঁহার তখনও চা খাওয়া হয় নাই। ছোকরা আসিয়া জানাইল চা দেওয়া হইয়াছে। নিরঞ্জন চিন্তিত মুখে খাবার ঘরে ঢুকিয়া চেয়ার টানিয়া বসিয়া পড়িলেন। খাওয়ার রুচি তাঁহার ছিল না। এক পেয়ালার দুধ টানিয়া লইয়া আস্তে আস্তে চুমুক দিতে লাগিলেন।

মায়া তাঁহার একমাত্র সন্তান। জীবনের সকল ব্যর্থ স্নেহ, ভালবাসা, সবই এই একমাত্র কন্তাকে আশ্রয় করিয়া এতদিনে সাংক হইয়াছিল। মায়াই ছিল তাঁহার বিশ্বজগৎ। তাহাকে বাদ দিয়া কোনো কিছু তিনি আজকাল ভাবিতেও পারিতেন না। তাহার হঠাৎ এই রকম অস্থখ হইয়া পড়ায় নিরঞ্জনের বুকের ভিতরটা দমিয়া গেল। কেন যে এইপ্রকার হইল, কিছুই তিনি বুঝিতে পারিতেছিলেন না, ডাক্তারদেরও কিছুই বলিতে পারেন নাই। দেবকুমার আসিলে খানিকটা কিছু বোঝা যাইবে মনে করিয়া তিনি তাহার আসার অপেক্ষা করিতেছিলেন।

বাহিরে গাড়ী ঠাড়াইবার শব্দ শোনা গেল। নিরঞ্জন ছোকরাকে বলিলেন, “তুমি ব্যারিষ্টার সাহেবকে এখানেই নিয়ে এস, আর একটা চায়ের পেয়লা দাও।”

ছোকরা পেয়লা সাজাইয়া রাখিয়া চলিয়া গেল এবং মিনিটখানিক পরেই দেবকুমারকে সঙ্গে করিয়া ফিরিয়া

আসিল। দেবকুমারের চেহারা ভাল দেখাইতেছিল না, কোনো কারণে সেও বেশ খানিকটা মুন্ডাইয়া পড়িয়াছে তাহা বোঝাই যাইতেছিল।

ছোকরাকে বিদায় করিয়া দিয়া নিরঞ্জন বলিলেন, “বোসো। চা খেয়ে এসোনি বোধ হয়?”

দেবকুমার বলিল, “না, আপনার চিঠি পেয়েই তাড়াতাড়ি চলে এলাম, চা খাইনি।”

সেও এক পেয়লা চা টানিয়া লইয়া বসিল বটে, কিন্তু খাইবার চেষ্টাও করিল না। খবরের কাগজখানা উঠাইয়া লইয়া উন্টাইয়া পাণ্টাইয়া দেখিতে লাগিল।

নিরঞ্জন বলিলেন, “তোমায় কেন ডেকেছি বুঝতে পারনি বোধ হয়। তাড়াতাড়িতে সব কথা লিখিনি। কাল রাত্রে ব্যালিট থেকে ফিরবার পরই মায়া হঠাৎ ফেঁট করেছে, এখন পর্যন্ত ভাল করে জ্ঞান হয়নি। ডাক্তার বলছেন খুব একটা ‘শক্’ পেয়ে সম্ভবতঃ এরকম হয়েছে। তুমি যদি কিছু বলতে পার, সেইজন্মে তোমায় ডেকে পাঠিয়েছি। বি-চাকররা কিছুই জানে না।”

দেবকুমারের মুখ আশঙ্কায় বেদনায় যেন কালো হইয়া উঠিল। মিনিটখানিক ভাবিয়া লইয়া বলিল, “কালকে ‘এক্সাইটেড্’ হবার মত কারণ তাঁর ঘটেছিল বটে, তবে কিছু শক্ পেয়েছেন বলে ত মনে হয়নি। আমার সঙ্গে যখন ফেরেন তখন ত বেশ ভালই ছিলেন।”

নিরঞ্জন বলিলেন, “এক্সাইটেড কেন হয়েছিল, আমায় বলতে পার?”

দেবকুমার বলিল, “আমি তাঁর কাছে বিবাহের প্রস্তাব করেছিলাম।” সাজাইয়া গুছাইয়া কিছু সে বলিতে পারিল না, তাহার যেন কণ্ঠরোধ হইয়া আসিতেছিল।

নিরঞ্জন বলিলেন, “মায়া কি উত্তর দিয়েছিল?” দেবকুমার আগের মত ভাবেই বলিল, “তিনি অমত করেন নি। বাড়ী পৌছানোর সময় তাঁকে কিছু অস্থস্থ মনে হয়নি।”

নিরঞ্জন বলিলেন, “কেন এরকম হ’ল কিছু বুঝতে পারছ না?”

দেবকুমার বলিল, “কিছু না। এক্সাইটমেন্টের আতিশয্যে এতটা হ’তে পারে না। বিশেষ ক’রে তাঁর যখন অসম্মতি ছিল না। আমি চলে যাবার পর কিছু এমন ঘটেছে সম্ভবতঃ যা তাঁকে খুব শক দিয়েছে।”

নিরঞ্জন বলিলেন, “কি যে ঘটতে পারে তা ত জানি না। চাকরবাকররা তাহ’লে কিছু ত অন্ততঃ নোটিস করত? আর কতটুকু বা সময়? তুমি যাবার পর আধ ঘণ্টার মধ্যেই আমি এসেছি।”

খানিকক্ষণ দুইজনেই চুপ করিয়া রহিলেন। তাহার পর দেবকুমার বলিল, “আমি আজই আপনার কাছে যাব ঠিক করেছিলাম, আপনার অসম্মতি নিতে। শুধু মায়া বারণ করায় একদিন দেরিতে যাব স্থির ছিল।”

নিরঞ্জন বলিলেন, “আমার কিছু অসম্মতি নেই বাবা। সবদিক দিয়েই তুমি মায়ার যোগ্যপাত্র। সেও তোমার প্রতি আকৃষ্ট হয়েছে ব’লেই আমার মনে হয়েছিল। আমার বিশেষ সেকেলে প্রেজুভিন্ নেই, তবু যার-তার সঙ্গে মেয়েকে বেশী মিশতে আমি দিই না, পাছে এর থেকে মায়ার কোনো মনোবেদনার কারণ ঘটে। তুমি যে কখনও সে রকম কিছু ঘটাবে না তা বিশ্বাস করি ব’লেই তোমাকে কিছু বাধা দিইনি। আজকার দিনটা সবদিক দিয়ে আনন্দের দিন হ’ত, যদি মায়ার এই অসুখটা না হ’ত।”

দেবকুমার অবনত হইয়া নিরঞ্জনকে প্রণাম করিল। নিরঞ্জন তাহার মাথায় হাত দিয়া নীরবে আশীর্বাদ করিলেন।

এমন সময় ট্যাক্সি চড়িয়া চাপরাঙ্গী নাস লইয়া ফিরিয়া আসিল। দেবকুমার জিজ্ঞাসা করিল, “ওকে কে দেখছেন?”

নিরঞ্জন বলিলেন, “আমাদের পঞ্চানন ডাক্তার। তিনি বিকেলে সিবিল সার্জেনকে নিয়ে আসবেন বলেছেন। দেখি তাঁরা কি বলেন। দরকার হ’লে কলকাতায় টেলিগ্রাম করিতে হবে।”

দেবকুমার একটু ইতস্তত করিয়া বলিল, “আমি ওকে একবার দেখে যেতে পারি?”

নিরঞ্জন বলিলেন, “চল, ডাক্তার যদিও ওর ঘরে লোকজন যেতে দিতে বারণ করেছেন, তবু তুমি গেলে ক্ষতি কিছু নেই, বরং লাভ হতে পারে।”

নিরঞ্জন দেবকুমারকে লইয়া উপরে উঠিয়া আসিলেন। মায়ার ঘরের দরজার কাছে বুড়ী আয়া আসিয়া নীরবে অশ্রুপাত করিতেছিল, সে দেবকুমারকে দেখিয়া একবার কটমট করিয়া তাকাইল, তাহার পর সরিয়া বসিল। বুড়ীর ধারণা হইয়াছে যে, দেবকুমারের কোনো ক্রটিতেই মায়ার এই দশা হইয়াছে।

দেবকুমারের তখন সে-সব কিছু লক্ষ্য করিবার মত মনের অবস্থা ছিল না। সে নিরঞ্জনের পিছন পিছন ঘরের ভিতর ঢুকিয়া গেল।

মায়া তখনও ঘুমাইতেছে মনে হইল। তবে মুখের রং আর আগের মত অস্বাভাবিক পাণ্ডুবর্ণ নাই। নিঃশ্বাস-প্রশ্বাসও নিয়মিত হইয়া আসিয়াছে। নবগতা নাসটি চুপচাপ এক কোণে বসিয়া আছে, তাহার বিশেষ কিছু করিবার নাই।

দেবকুমার চুপ করিয়া কিছুক্ষণ মায়ার বিছানার পাশে দাঁড়াইয়া রহিল। তাহার পর বাহির হইয়া আসিয়া বলিল, “বিকলে আর একবার আসব, সিবিল সার্জেন ক’টার সময় আসবেন?”

নিরঞ্জন বলিলেন, “সাড়ে চারটা কি পাঁচটায়। তুমি তোমার বাবাকে বোলো আজ সব কাজ দেখতে। আমি একেবারেই যেতে পারব কিনা জানি না। আজ আমার বোনকে আস্তে টেলিগ্রাম করছি। শুধু ‘পেড-ম্যাটেনডেন্টের’ উপর মায়াকে ফেলে রাখতে চাই না। ইন্দু না আসা পর্যন্ত আমার কাজকর্মের খুবই অসুবিধা হবে।”

দেবকুমার চলিয়া গেল। নিরঞ্জন নিজের কাগজপত্র লইয়া উপরেই আসিয়া বসিলেন। দুপুর বেলাটা প্রায় একইভাবে কাটিয়া গেল। মায়া তাকাইল না বা কথা বলিল না, কিন্তু অবস্থার কোনো অবনতিও লক্ষিত হইল না।

বিকালে সিবিল সার্জেনকে সঙ্গে করিয়া পঞ্চানন ডাক্তার আসিয়া উপস্থিত হইলেন। দেবকুমারও কয়েক

মিনিটের মধ্যেই আসিয়া পৌছিল। ডাক্তার মাঝাকে পরীক্ষা করিতেছিলেন বলিয়া সে আর ঘরের ভিতর ঢুকিল না, বাহিরেই ঘুরিতে লাগিল।

সম্প্রতি কোনো বিপদের আশঙ্কা নাই, এর বেশী কিছু সিবিল সার্জনেও বলিতে পারিলেন না। যেমন হঠাৎ অসুখ করিয়াছে, তেমন হঠাৎ সারিয়াও যাইতে পারে, আবার অনেক দেরি হওয়াও কিছু আশ্চর্য্য নয়। নিরঞ্জন তাঁহাকে পরের দিন আবার আসিতে বলিয়া দিলেন।

ডাক্তাররা চলিয়া গেলে, দেবকুমার নিরঞ্জনের কাছে আসিয়া বলিল, “আমাকে দিয়ে কিছু যদি কাজ হয় ত বলুন।”

নিরঞ্জন বলিলেন, “কাজ করবার লোকের ত অভাব নেই, আগলাবার লোকেরই অভাব। ইন্দু না আসা পর্য্যন্ত, আমার দেখছি ঘর থেকে বার হওয়াই দায় হবে। তুমি, যদি কয়েক ঘণ্টা করে সকালে কি বিকেলে ~~হাস্য~~ থাক, তাহলে সেই সময়টা আমি আপিসের কাজগুলো সেরে আসতে পারি। ইন্দু কলকাতাতেই আছে। ইংলিশ মেলে রওনা হলে তিন দিনের মধ্যেই এসে পড়বে।”

দেবকুমার বলিল, “যখন আপনি থাকতে বলবেন তখন থাকব। এখন কি শহরে যাবার আপনার দরকার আছে?”

নিরঞ্জন বলিলেন, “এখন গিয়ে বিশেষ কিছু লাভ নেই, কাল সকালে যাব। তুমি ভোরেই চলে এস, আমি গাড়ী পাঠিয়ে দেব। এখানে এসেই চা-টা খেও।”

দেবকুমার বলিল, “বাবা একবার আপনার সঙ্গে দেখা করিতে আসবেন বন্ধিলেন।”

নিরঞ্জন বলিলেন, “বেশ ত। সন্ধ্যার সময় আসতে পারেন।”

দেবকুমার চলিয়া গেল। নিরঞ্জন একবার উপরে গিয়া মাঝাকে দেখিয়া আসিলেন, তাহার পর বসিয়া কাগজপত্র দেখিতে লাগিলেন।

শিবচরণবাবু আপিসের কাজকর্ম কোনোটো ~~কাজ~~ই সন্ধ্যার পর আসিয়া উপস্থিত হইলেন। নিরঞ্জন

তখন নীচেই ছিলেন। শিবচরণবাবু জিজ্ঞাসা করিলেন, “এখন আমার মা-লক্ষ্মী কেমন আছেন?”

নিরঞ্জন বিঃ ৩:২০ বলিলেন, “সেই একই রকম।” শিবচরণবাবু বলিলেন, “এমন একটা আনন্দের সময় এমন দুর্দ্দিব। আমার কপালেই এই রকম। যখনই ভাল কিছু হয়েছে, তার সঙ্গে তখন মন্দ একটা কিছু ঘটেছে। ছেলে হয় না, ছেলে হয় না করে সে কি কম আপশোষ ছিল। তা ছেলে যদি বা হ’ল, তার মা গেলেন মারা। দেবকুমারের বিয়ে এর চেয়ে ভাল কিছু কল্পনাও করতে পারিনি। তা এই সময় কি না এমন বিপদ। ডাক্তাররা কিছু বলতে পারছে না?”

নিরঞ্জন বলিলেন, “না। ভাল করে জ্ঞান না হলে কিই বা বলবে? কি যে ব্যাপার কিছু বোঝাই যাচ্ছে না।”

শিবচরণ বলিলেন, “দেবকুমারকে অনেক রকম করে জিগ্গেস করলাম, সেও কিছু বলতে পারল না। যাক, ভগবানের কৃপায় মা-লক্ষ্মী আমার শীগগির শীগগির ভাল হয়ে গেলে বাচি। তাঁকে আজ আমার আশীর্বাদ করে যাবার কথা, কিন্তু শুভকায়া এরকম নিরানন্দের মধ্যে করা ঠিক নয়। আজ শুধু তাঁকে দেখে যাই।”

নিরঞ্জন তাঁহাকে উপরে লইয়া গেলেন। নাস নিরঞ্জনের দেখিয়া বলিল, “একটু আগে একবার চোখ খুলে চারিদিকে তাকাচ্ছিলেন। এখনও জেগেই আছেন।”

নিরঞ্জন জিজ্ঞাসা করিলেন, “ওকে খাওয়ানো হয়েছে?”

নাস বলিল, “হ্যাঁ, দুধ খাইয়েছি।”

শিবচরণবাবু বলিলেন, “চেহারা তো কিছু খারাপ হয়নি। মা-লক্ষ্মী শীগগিরই ভাল হয়ে উঠবেন। যেদিন উঠে বসবেন, সেইদিনই আশীর্বাদ করে যাব।”

নিরঞ্জন বলিলেন, “তা ত করবেনই। আপনার আগ্রহে তাড়াতাড়ি যদি সেরে ওঠে ত ভাল।”

তাঁহার বাহির হইয়া গেলেন। মিনিট-পাঁচেক পরে মায়া আর একবার চোখ খুলিয়া তাকাইল। নাস তাড়াতাড়ি তাহার কাছে আসিয়া ইংরেজীতে জিজ্ঞাসা করিল, “আপনার কি কিছু চাই?”



কবীর সাহেবের জীবনী ও বাণী

আচারী সম্রাটের চতুর্থ (কাথো কারো মতে ৫ম বা ৬ষ্ঠ) গুরু ৫ম রামানন্দ। ১৪০০ খৃষ্টাব্দের কাছাকাছি কোনো সময়ে প্রয়াগে দ্বিভূক্ত ব্রাহ্মণবংশে রামানন্দের জন্ম হয়; তাঁর পিতৃদত্ত নাম ছিল রামদত্ত; গুরুদত্ত নাম রামানন্দ।...

গুরু রামানন্দ তাঁর শিষ্যদের নাম রাখলেন “অবধূত” অর্থাৎ নস্কারমুক্ত। গুরু রামানন্দ বাস্তবিক গুরু নামের যোগ্য; তিনি সমাজে পতিতপাবন ছিলেন এবং গুরু রামানন্দের নীচ জাতীয় শিষ্যগণ যত জন ভক্তি ও চরিত্রের দ্বারা ভারতবর্ষকে পবিত্র করে রেখেছেন। গুরু রামানন্দ এইরূপে ভারতে জাতীয় একতার মূল ভিত্তি স্থাপন করে গেছেন।

রামানন্দের শিষ্যদের মধ্যে সর্বাপেক্ষা বিখ্যাত হয়েছেন কবীর। কবীরের জন্ম সম্বন্ধে নামা কিম্বদন্তী আছে। তন্মধ্যে বহুপ্রচলিত জনশ্রুতি এই—কবীর কাশীর এক বিধবা ব্রাহ্মণকন্যার পুত্র। ব্রাহ্মণ-কন্যা আপনাদের কলমচিহ্ন সদ্যজাত পুত্রকে কাশীর লহর তালার নামক পুষ্করিণীতে একটি পদ্মপাতায় শুইয়ে ভাসিয়ে দেন। প্রভাতে নিম্না-নারী একটি জোলা-জাতীয়া স্ত্রীলোক ও তার স্বামী নিক বা মুর আলী ঐ স্থান দিয়ে বিবাহের নিমন্ত্রণে যাচ্ছিল। নিম্না তৃষ্ণার্ত হয়ে ঐ সরোবরে জলপান করতে গিয়ে দেখলে কমলপত্রের কোন্ কমলিনীর লজ্জা ও স্নেহেরদর্শন ধন সদ্যজাত শিশু ভাসিছে। শিশুর “হুম্মর হুরত মোহন মুরত কমল-নৈন” (হুম্মর শ্রী মোহন মূর্ত্তি ও কমল-নয়ন) দেখে মুগ্ধ ও মেহান্ত হয়ে নিঃসন্তান নিম্না ঐ শিশুকে তুলে নিয়ে স্বগৃহে প্রত্যাবর্তন করেন।...

১৪০০ সংবতে (১৩৯৮ খৃষ্টাব্দে) জ্যৈষ্ঠ মাসের শুক্লপক্ষের সোমবারে পূর্ণিমা তিথি বর্ষাকালে প্রকট হয়েছিল, তখন মেঘ ডাকছিল, বিদ্রাঘ হুমকি ছিল, বৃষ্টি পড় ছিল, ঝড় হচ্ছিল। এমন সময়ে লহর-পুষ্করিণীর তলে প্রফুল্ল কমলের মধ্যে কবীর-ভাসু প্রকাশিত হয়েছিলেন।

লৈহর তালার-মে কমল খিলে

তাঁহা কবীর-ভান প্রকাশ ভয়ে।

...জোলা-দম্পতী শিশুকে গৃহে এনে নিজের পুত্রবৎ পালন করতে লাগলেন। তাঁরা শিশুর নামকরণের জন্ত একজন কাজীকে ডেকে আনলেন। কাজী এসে কোরান্ খুলতেই তাঁর দৃষ্টি পড়ল কবীর শব্দের উপর। শিশু সেই নামেই পরিচিত হলেন।

কবীর আরবী শব্দ; তাঁর অর্থ মহান, বৃহৎ বা ব্রহ্ম, পরমেশ্বর।

কাশী হিন্দুপ্রধান স্থান। কবীরের পালক পিতা নিক সেখের প্রতিবাসী প্রায় সকলেই ছিল হিন্দু। বালক কবীর হিন্দু বালকদের সঙ্গেই খেলা করতেন। তাঁর খেলা ছিল ভগবৎপূজন ও ভগবানের নাম কীর্ত্তন। হিন্দু বালকদের সংসর্গে তিনি ভগবানের ভারতবর্ষীয় ভাষার নামই কীর্ত্তন করতেন।...

কবীর জাতে জোলা বলে লোকে তাঁকে উপহাস করত। তার উত্তরে কবীর বলেছিলেন—

কবীর তেরে জাত কো সব-কোই হাসনহার

বলিহারী ওয়া জাত কো জো সিমেরে খজনহার।

ওরে কবীর, তোরা জাতের জন্তে সবাই তোকে উপহাস করে। বলিহারী ঐ জাতের যে সৃষ্টিকর্ত্তাকে মরণ করে। কারণ বহু ভগবান একজন মহাত্মা—

ধরণী আকাশ-কী কারুগাহ-বানারী।

চল সুরঙ্গ চুই নাল চালারী।

ধরণী ও আকাশকে কারুগাহ বানিয়ে তিনি চল্লহা দুই মাক্ হুম্ম চালাচ্ছেন।...

কবীর প্রত্যহ একখানি মাত্র বস্ত্র বয়ন করতেন। এবং সেই বস্ত্র বিক্রয় করে যা পেতেন তা খেতে নিজেদের প্রাণাচ্ছাদনের উপযুক্ত অর্থ রেখে বাকী অর্থ দরিদ্র সেবার দান করতেন।...

কবীর সহজ ভক্তি ও নির্মুক্ত জ্ঞান লাভ করলেও একজন সংস্কৃত লাতের জ্ঞান ব্যাকুল হলেন।...

কবীর রামানন্দের খ্যাতি শুনেছিলেন। কবীর তাঁর শরণাপন্ন হলেন।...

ব্রাহ্মণ রামানন্দ স্বচ্ছন্দে মুসলমানকে শিষ্য বলে স্বীকার করেছিলেন একথা মনে নিতে ছুঁৎমাগী জাতগুরুলাদের মনে লাগে। তাই তারা গল্প রচনা করেছে যে রামানন্দ কবীরকে মস্তরীক দিতে অস্বীকার করেন। কবীর অগত্যা গভীর রাত্রে রামানন্দের বাড়ীর দরজায় গিয়ে শুয়ে রইলেন; প্রত্যুষে রামানন্দ গল্পবান্দে যাবার জন্ত বাহিরে পা দিতে গিয়ে কবীরের গায়ে পদার্পণ করেন। অজ্ঞাতসারে একজন লোকের গায়ে পা দিয়ে সজ্ঞাতে রামানন্দ বলে ওঠেন “রাম রাম।” এই গাভ্রলক্ষণপূর্ণক রাম-নাম উচ্চারণকেই কবীর রামানন্দের মস্তরীক বলে মনে নিয়েছিলেন।

কবীর ভগবানকে রাম (আনন্দময়), প্রভু, মাই (স্বামী), আল্লা, খোদা (স্বা বা আত্মপ্রতিষ্ঠ), পুরা সাহব (অর্থাৎ পূর্ণব্রহ্ম), অনগচিয়া দেবা (অগঠিত বা পরম দেবতা) প্রভৃতি নামে উল্লেখ করেছেন। যিনি নাম-রূপের অতীত সকল নাম-রূপ তাঁরই, এ-কথা কবীর বুকেছিলেন।...

তাঁই কবীর বারম্বার বলেছেন—

অলখ ইলাহী এক হ্যার, নাম ধরায় দোয়।

রাম রহীমা এক হ্যার, নাম ধরায় দোয়।

রুক করীমা এক হ্যার, নাম ধরায় দোয়।

কাশী কাবা এক হ্যার, এঁকে রাম রহীম।

ময়দা এক, পকবান বহ, বৈঠি কবীরা জীম।

অলখ ইলাহী, রাম রহীম, রুক করীম, কাশী কাবা সব এক,— একেরই দুই নাম। যেমন ময়দা এক, কিন্তু ময়দা দিয়ে বহু পকার অন্তত করা হয়, তেমনি। এই কথা জেনে কবীর স্থির হয়ে বসেছেন।...

যো খোদায় মসজিদমে বসতু হ্যার

আউর মুলক কেহি কোরা?

তীরখ মুরত রাম-নিবাসী

বাহর করে কো হেরা?

যদি খোদা কেবল মসজিদেই বাস করেন, তবে অন্য দেশগুলো কার? তীরখের মধ্যে ও মুর্ত্তির মধ্যেই কেবল আনন্দময় বাস করেন? তবে বাহিরটাকে দেখে কে?...

কবীর লেখাপড়া জানতেন না; কিন্তু তিনি সহজ জ্ঞানের ও মূর্ত্ত বুদ্ধির বলে গভীর তত্ত্ব লাভ সত্য ও মধুর কবিত্ব প্রকাশ করে গেছেন।...

কবীরের সময়ে হিন্দু মুসলমান পরস্পর প্রতিবেশী হুজুতে পরস্পরের ধর্মমতের প্রভাব পরস্পরের উপর পড়ছিল। কিন্তু মুসলমান তখন দেশের রাজা, তাঁদের ধর্মবিশ্বাসের ও পৌড়ামির জোর রাজশক্তির সাহায্যে অত্যন্ত প্রবল। কাজেই আত্মরক্ষার জন্ত ব্রাহ্মণগণ আপনাদের আচার ও সামাজিক বিধি দৃঢ়তর নিয়মে বদ্ধ করতে চেষ্টা করছিলেন। এই অতি কঠোর নিয়মের গভীতে সমাজের প্রাণ হাঁপিয়ে উঠেছিল। এই সময় রামানন্দ ও তাঁর শিষ্যগণ ধর্মবিদ্বেষ উপস্থিত করে সর্বব্যপ-সমস্বয় করবার মহৎ চেষ্টা করেছিলেন।

কবীরের প্রভাব তাঁর সমসাময়িক ও পরবর্তী বহু সাধু ভক্তের জীবনের উপর পড়েছে দেখা যায়। আহঁ সমাদেশের দাঁতু কবীরের ভাবে অনুপ্রাণিত হয়ে এক কবীরপন্থীর শিষ্য হয়েছিলেন। কাশীনিবাসী তুলসীদাসের উপরও তাঁর প্রভাব পড়েছিল, কিন্তু তুলসীদাস অধিক হিন্দুভাবাপন্ন ছিলেন। কবীরের মিজ ছিলেন শুদ্ধ সাধু রইদাস চামার। বৃন্দাবনবাসিনী মীরা বাঈ কবীরের ভক্তির কথা শুনে মুগ্ধ হয়েছিলেন। শুদ্ধ নানক দেশপন্থাটেন বাহির হয়ে কাশীতে এসে কবীরের অনুমতমী বাণী শ্রবণ করেন। শিখ গ্রন্থসাহেব কবীরের বাণীতে পূর্ণ। শুদ্ধ নানকের প্রচারিত শিখ ধর্মকে কবীরের প্রচারিত ধর্মের ছায়া ও শাখা বলা যেতে পারে। ঐ চই মহাপুরুষের উদ্দেশ্য ছিল হিন্দু ও মুসলমানের ধর্মসম্বন্ধ ও উভয়কে একই ভূমিকায় মিলিত করা এবং একেশ্বরবাদ ও সর্ব মানবের একজাতিত্ব প্রচার। অযোগ্যের জগজীবন দাস কবীরের ভাবে অনুপ্রাণিত হয়ে সংনামী সম্প্রদায় প্রতিষ্ঠা করেন। মালব দেশের বাবালাল বাবালালী সম্প্রদায়, বীরভান সাধুসম্প্রদায়, গাজীপুরের শিবনারায়ণ শিবনারায়ণী সম্প্রদায়, আলোয়ারের চরণদাস চরণদাসী সম্প্রদায় প্রতিষ্ঠা করে কবীরের উদ্দেশ্য অনেক পরিমাণে সিদ্ধ করে গেছেন। এঁদের সকলের উপদেশের মধ্যে হিন্দু-মুসলমান-ধর্মের সমন্বয় হয়েছে দেখা যায়। এই-সব সাধু মহাজ্ঞানের চোঁতাতে উত্তর-ভারতের হিন্দু-মুসলমানের গোঁড়ামি ও অন্ধ কুসংস্কার যে কত কমেছে তা দাক্ষিণাত্যের হিন্দুদের সঙ্গে তুলনা করলে বুঝতে পারা যায়।...

মনকে নিঃশব্দ পবিত্র ঈশ্বরপারায়ণ না করে কেবল বাঁধ অনুষ্ঠান পালনকে কবীর নিষেধ করেছেন।

ব্রাহ্মণ ভাণ্ডা তো ক্যা ভয়া গলে লপটে হত।

ভক্তি বলা মরম ন জানে মায়ার জঙ্গলী ভূত।

সব হৈলো তো কি হৈলো, কেবল গলার হুতাই লেপটাঁল;
ভক্তি-ভাবের মধ্ব সে জানে না, এমন সে জঙ্গলী ভূত।...

তীর্থ-মে তো সব পানী হৈ,

হোঁবৈ নহী কছু লায় দেখা।

প্রতিমা সকল তো জড় হৈ,

বোলে নহি বোলায় দেখা।

তীর্থ তো কেবল জল, আমি মান করে দেখেছি তাতে কোনো ফল হয় না। প্রতিমা সকল তো জড় মাত্র, ডেকে দেখেছি সাড়া দেয় না।

পূরান কোরান সব বাত হৈ

ম্যা ঘটকা পরদা খোল দেখা।

অনুভব কী বাত কবীর কই

রহ সব হৈ সুখী পোল দেখা।

পূরান কোরান সব তো কেবল মাত্র কথা, তাদের পরদা খুলে আমি তাদের আসল রূপটি দেখে নিয়েছি। কবীর কেবল অনুভব-করা কথা বলছেন—আর সব মিথ্যা ভুল, তা তো অনুসন্ধান করে দেখা গেছে।...

মুসলমানেরা কবীরের বাস্তবিকপে বিব্রত ও ক্রুদ্ধ হয়ে রাজার কাছে নালিশ করলে। তখন দিল্লীর সন্ন্যাসী ছিলেন সিকন্দর শা লোদী (১৪৯৮-১৫১৭)। ১৪৯২ সালে সিকন্দর শা কবীরকে গেরেস্তার করিয়ে জোনপুরে দরবারে হাজির করলেন। কবীর সেখানে উপস্থিত হলেন, কিন্তু রাজাকে সেলাম করলেন না। তোমারোমারো সন্ন্যাসী-সম্প্রদায় বললে—আরে কাকের, রাজা শ্রেষ্ঠ পীর, তাঁকে সেলাম করছ না কেন?

তখন কবীর বললেন—

কবীর তেই পীর হায়, জে জানে পর-পীর

জে পর-পীর ন জানে হী, তে কাকের বে-পীর ॥

হে কবীর, তিনিই পীর যিনি পরের পীড়া বা বেদনা অনুভব করেন; যে ব্যক্তি-বেদন অনুভব করতে পারে না সে ব্যক্তি কাকের।

তখন বাদশাহ কবীরকে প্রহর করলেন—তুমি হিন্দু না মুসলমান? কবীর উত্তর দিলেন—

হিন্দু কহ' তো ম্যার নহী, মুসলমান তী নাহি।

পাঁচ ভুতকা পুতলা গৈবী পেলে মাহি ॥

আমি হিন্দুও নই, মুসলমানও নই। পঞ্চভূতাত্মক পুত্তলিকা আমার মধ্যে অদৃশ্য রহস্যের খেলা চলেছে।

হিন্দু ধ্যাবে দেহরা, মুসলমান হ' মনীত।

দাস কবীর তই ধ্যাবই জই দোনকী পরতীত ॥

হিন্দু মন্দিরে ঈশ্বরের ধ্যান করে, মুসলমান মসজিদে। দাস কবীর সেইখানে ধ্যান করে যেখানে দুজনেরই প্রীতি।...

সিকন্দর লোদী শিক্ষিত বুদ্ধিমান লোক ছিলেন, তিনি কবীরকে সমসাময়িক বিদ্যা দিলেন।...

মহানির্বাণ তন্ত্রে গৃহস্থের লক্ষণ দেওয়া হয়েছে—

ব্রহ্মনিষ্ঠো গৃহস্থঃ স্থানং ভবজ্ঞানপরায়ণঃ।

যদ যদ কৰ্ম্ম অকুৰীত তৎ ব্রহ্মণি সনপর্যয়ে ॥

কবীর এই লক্ষণাধিত গৃহস্থ সম্মানী ছিলেন।

কবীরের স্ত্রীর নাম ছিল লোদী; তিনি ছিলেন বনভক্ত বৈরাগীর পালিতা কন্যা। তাঁদের এক পুত্র ও এক কন্যা ছিলেন।...

কবীর হাটে কাপড় বেচে বাড়ী আসছিলেন। সম্মানী কবীরের ছেলে হয়েছে শুনে তাঁর প্রতি বিরক্ত ব্রাহ্মণ মোল্লা সবাই মিলে হাটের পাশে এগিয়ে গিয়ে বিক্রম করে কবীরকে বললে—কবীর, তোমার ছেলে হয়েছে। তারা ভেবেছিল কবীর এই সংবাদে লজ্জা পাবেন, কিন্তু কবীর ক্ষণকাল গুজ্ব হয়ে দাঁড়িয়ে থেকে অসদৃশ মুখে এই হৃদয় বাণী উচ্চারণ করলেন—

অনহদ মুসাফির পছনা আয়া ধরো মঙ্গল থার।

ঘর-আগুন-কী কদর ভঙ্গ হৈ রাহ হৈ গুলজার ॥

অসীম পথের পথিক অতিথি হয়ে এসেছেন, মঙ্গল-খালা ধরে তাকে বরণ করি। আজ আমার ঘর ও অঙ্গনের আশ্রয় বাড়ুল, আগুন পূর্ণ হলো ফুলের বাগানের মতন উজ্জ্বল শোভাময়।

জনম-মরণ-মোঁ কদম তুফারী অবস ভয়া হৈ কাল।

মেরা ঘর-মোঁ ডেরা লগায়ী পায়ী হৈ হনু কমাল ॥

হে অসীমের মহাবাহাদী আমার পুত্র, জন্ম-মরণে ক্রমাগত তোমার দুই পদক্ষেপ চোখে, মহাকাল অবশ হয়ে ক্ষণকালের জন্য তোমাকে স্থির করেছে। তুমি আমার ঘরে ক্ষণিকের আশ্রয় নিয়েছ। আমি কমাল বা পরিপূর্ণতাকে পেয়েছি।...

কমাল পিতার সাধনার দ্বারা নিজের সাধুজীবনে বহন করে অগ্রসর করে দিয়ে গেছেন। এখন কবীরপন্থীদের সংখ্যা ৪০০০ হাজারের কম নয়।

কমালের পরে কবীরের একটি কন্যা জন্মে। কবীর তাঁর নাম রাখেন কমালী।

কমালী একদিন কুপ থেকে জল আনতে গিয়েছিলেন। এক ব্রাহ্মণের জলের কলসীতে কমালীর হাতের জলের ছিটা লাগে। ব্রাহ্মণের কলসী ছুঁৎ হয়ে যায় এবং ক্রুদ্ধ ব্রাহ্মণ এসে কবীরের কাছে নালিশ করে। কবীর সেই ব্রাহ্মণকে উপদেশ দিলেন—

পণ্ডিত বুঝ পিয় তুম পানী।
তোহে ছুত কহী লপটানী?
জা মাটিকে ঘরমে বৈঠে তামে সষ্ট সমানী ॥

হে পণ্ডিত, তুমি বুঝে হযবে জল খেয়ো। এই জলে কোথা হতে ছুঁত লাগল? যে মাটির ঘরে তুমি বাস করো সেই মাটির সঙ্গে সকল পৃথিবীর মাটির তো সংযোগ রয়েছে।...

এইরূপে পণ্ডিত ও মোল্লা উভয়কে তিরস্কার করে তিনি সকলকে দেশকালাতীত সত্য সনাতন ধর্ম শিক্ষা দেবার চেষ্টা করেছিলেন এবং দেশের সকল লোককে দেশকালের সংস্কার থেকে মুক্ত স্বাধীন নির্মলা বুদ্ধিতে সব কিছুকে বিচার করে দেখতে বলেছিলেন।...

হিন্দু কহত হৈ রাম হমারা, মুসলমান রহিমানা।

আপস-মে' দোউ লড়ে মরত হৈ, মরম কোই নাহি জানা ॥

হিন্দু বলে আমার রাম, মুসলমান বলে আমার রহিম; পরস্পর দুগুনে লড়াই করে মরছে কিন্তু ধর্মতত্ত্ব কেউ বুঝে না।...

কবীর প্রাণের আলা জুড়াবার মতন লোকের সম্মানে তিলপত আফগানিস্থান ডুকিস্থান খোরাসান বালুখ, বুগারা ইরাক প্রভৃতি বহু দূর দুর্ভাগ্য দেশ পযাটন করেন। অংশে অংশে গোরখপুরের নিকটে হিমালয়ের পাদমূলে মগহর গ্রামে গিয়ে উপনিবেশ হন এবং সেখানেই নির্জনবাসে অবশিষ্ট জীবন অতিবাহিত করবার সঙ্কল্প করেন।

কাশীতে মরলে শিব হয় বলে লোকের যেমন ধারণা, তেমনি ক্ষত্রিয়বান আছে যে, ব্যাসকাশী ও মগহরে মানুষ মরলে পর কন্ডো গাধা হয়। তাই কবীর কাশী ত্যাগ করে মগহরে বাস করবেন স্থির করলে তাঁর শত্রুরা যেমন গুণী হয়েছিল ভক্ত শিষ্যগণ তেমনি প্রসংগিত হয়েছিল।

কবীর ভক্তদের এই বলে বোঝালেন যে—হাস্য মুক্ত মজ্জি নেহি সেক্সে—আমি বিনামূল্যে মুক্তি মেবো না। ভগবানের সাধন ভজন না করে কেবল কাশীতে দেহত্যাগ করে স্বানমাহাত্ম্যে মুক্তিলাভ আমি চাই না। যদি ভগবদ্ভক্তি থাকে তবে সেই মূল্য দিয়ে আমি মগহর থেকেই মুক্তি আদায় করে নেবো।...

মগহরে কিছুদিন বাস করার পর কবীরের দেহ অগুট হয়ে এল। তখন তিনি বুঝলেন যে, তাঁর দেহের বিনাশ আসন্ন হয়ে এসেছে।...

কবীর আমি নদীর তীরে পুষ্পখায়ার স্তম্ভে শেষ গান গাইলেন—
গাউ গাউরী চলহা মঙ্গলচারা।
মেরে গৃহ আয়ে রাজা রাম ভতারা ॥

যে কস্তাবাজিদী সঙ্গীত, তোমরা আমার বিবাহের মঙ্গলাচার গান কর। আমার ভর্তা রাজা রাম আমার গৃহে এসেছেন।...

কবীর নিজের শরীর বস্ত্রাচ্ছাদিত করে বিদেহ হয়ে গেলেন। তারপর সেই দেহের সংস্কার নিয়ে হিন্দু-মুসলমানে বিবাদ লাগল—হিন্দুরা বলে কবীর ছিলেন হিন্দু, তাঁর দেহ দাহ করতে হবে; মুসলমানেরা বলে কবীর ছিলেন মুসলমান, তাঁর দেহ সমাধিস্থ করতে হবে। কিশ্বদন্তী আছে যে, বস্ত্রাচ্ছাদন অপসারণ করে দেখা গেল কবীরের দেহ অশুদ্ধার্ন করেছে, কেবল কতকগুলি ফুল পড়ে আছে। সেই ফুল ভাগ করে নিয়ে কতকগুলি ফুল হিন্দুগণ কাশীতে নিয়ে গিয়ে দাহ করে এবং বর্তমান কবীর-চৌরা নামক স্থানে সেই ভস্ম

সমাধিস্থ করে; এবং অর্দেক ফুল মুসলমানেরা নিয়ে সেই মগহরে কবর দিয়ে রাখে। সেইজন্য কাশীর কবীর-চৌরা ও মগহর উভয় স্থানই কবীরপন্থীদের তীর্থ হয়ে আছে।...

ঐতিহাসিকদের মতে কবীরের জন্ম ১৪৪০ খৃষ্টাব্দে, এবং তাঁর মৃত্যু ১৫১৮ খৃষ্টাব্দে। কবীর জন্মান্তর বিশ্বাস করতেন। তিনি জন্মমৃত্যুকে বলেছেন যুলন বা সেলা আর মৃত্যুকে বলেছেন প্রিয় পতির সহিত মিলনের জন্ত যাত্রা এবং জীবন হচ্ছে বিরহের অবস্থা।...

ঈশ্বরের সহিত ভক্তের যোগকে কবীর পতির সহিত সতীর মিলনের সঙ্গে তুলনা করেছেন। সে মিলন শুধু দুজনের; প্রগাঢ় মিলনের আনন্দ অপরকে লিখে বা বলে বুঝান যায় না, এবং সেই আনন্দ-মিলনের কালে বিশ্বরুদ্ধাও বাইরে পড়ে থাকে।

লিখা লিখাকী বাত নাহি হৈ, দেখা-দেখিকী বাত।

চল্হা চল্হিন মিলি গয়ে, ফীকি পরী বরাত ॥

লেখালিখির কথা নয়, কেবল মাত্র অনুভবগম্য ঐ মিলন—বর আর বধু মিলে গেলে, আর বরযাত্রীরা সব নগণ্য হয়ে পড়ল।...

কবীরের জন্ম-মৃত্যুর যুলন কবিতাটি অতি চমৎকার হৃদয়, কিন্তু দীর্ঘ। তারই কয়েকটি কবি এখানে উদ্ধৃত করি—

গ্রহ চল তপন জ্যোত বরত হৈ
হরত রাগ নিরত তার বাজৈ।

নৌবতিয়া বুরত হৈ রৈন দিন হুসমে
কই কবীর পিউ গগন গাজৈ ॥

যথা গ্রহ চল তারা রশ্মিধারা বহিছে,
গাহিছে গৃহী প্রেমের স্বর, বাজায় তাল-বঁরাগী;
শুভাগলে পনিছে নদা ঈকাতান নৌতে,

কবীর কহে বন্ধু মন গগনে সদা রয় জাগি।

কবীরের কাছে জীবন হচ্ছে মৃত্যুর সাধনা—যাকে Plato বলেছেন—
a practice of dying। ভগবানের স্বরূপ লক্ষ্যে কবীরের একটি অন্যতম বাণী উদ্ধৃত করে কবীর-পরিচয় শেষ করি—

ঐসা লো নহি' তৈসা লো,

মৈ কেহি বিধি কহী গস্তীরা লো।

ভীতর কহ' তো জগনয় লাগৈ

বাহর কহ' তো ছুটা লো ॥

তিনি এমনও নন তিনি তেমনও নন; কেমন করে আমি সেই গভীর কথা বলব? যদি বলি তিনি অন্তরে আছেন, তবে বিশ্বজগৎ লক্ষ্য পায়; যদি বলি তিনি বাহিরে তবে যে সে কথাও মিথ্যা হয়।

বাহর ভীতর সকল নিরন্তর

চিত অচিত দউ পীঠা লো।

দৃষ্ট ন মুষ্টি পরগট অগোচর

বাতন কহা ন জাউ লো ॥

বাহির ভিতর সকলের মধ্যেই নিরন্তর হয়ে তিনি বিরাজ করছেন, চেতন অচেতন চুটি তাঁর পাদপীঠ। তিনি দৃষ্টও নন প্রচ্ছন্নও নন, তিনি প্রকটও নন অগোচরও নন বাক্যে যে তাঁকে ব্যক্ত করা যায় না।

(শতদল, চৈত্র, ১৩৩৬)

শ্রীচাকচক্য বন্দোপাধ্যায়

অপরাজিত

শ্রীবিভূতিভূষণ বন্দ্যোপাধ্যায়

(১২)

পরদিন বিবাহ। সকাল হইতে নানা কাজে সে বাড়ীর ছেলের মত খাটিতে লাগিল। নাটমন্দিরে বরাসন সাজানোর ভার পড়িল তার উপর। প্রাচীন আমলের বড় আঞ্জিম ও সতরঞ্জির উপর সাদা চাদর পাতিয়া ফরাস বিছানা, কাচের সেজ ও বাতির ডুম টাঙানো, দেবদাক পাতার খটক-বাঁধা, কাগজ কাটিয়া দম্পতির উদ্দেশে আশীষবাণী রচনা, সকাল আটটা হইতে বেলা তিনটা পর্য্যন্ত এসব কাজে কাটিল।

সন্ধ্যার পূর্বে বর আসিবে। বরের গ্রাম এই নদীরই ধারে, তবে দশ বারো ক্রোশ দূরে, নদীপথেই আসিতে হইবে। বরের পিতা ও অঞ্চলের নাকি বড় গাতিদার, তাহা ছাড়া বিস্তৃত মহাজনী কারবারও আছে।

বেলা পাচটা বাজিলে বরণক্ষের দুজন লোক আসিয়া পৌছিলেন। তাহারা জানাইলেন বরের নৌকা আসিতে একটু বিলম্ব হইতে পারে, সন্ধ্যার পরও হইতে পারে, নানা কারণে নির্দিষ্ট সময়ে রওনা হইতে পারা যায় নাই, অতঃ সব বন্দোবস্ত যেন ঠিক থাকে, প্রথম লগ্নে বিবাহ যদি না হয়, রাত্রি দশটার লগ্ন বাদ যাইবে না।

ব্যাপার বুঝিয়া অপু বলিল—রাত তো আজ জাগতেই হবে দেখচি, আমি এখন একটু ঘুমিয়ে নি ভাই, বর এলে আমাকে ডেকে তুলো এখন। প্রণব তাহাকে তেতলার চিলে কোঠার ঘরে লইয়া গিয়া বলিল—এখানে হৈ চৈ কম, এখানে ঘুম হবে এখন, আমি ঘণ্টা দুই পরে ডাকবো।

ঘরটা ছোট, কিন্তু খুব হাওয়া, সারা দিনের শ্রান্তিতে সে শুইতে না শুইতে ঘুমাইয়া পড়িল।

কতক্ষণ পরে সে ঠিক জানে না, কাহাদের ডাকা-ডাকিতে তাহার ঘুম ডাঙিয়া গেল।

সে তাড়াতাড়ি উঠিয়া চোখ মুছিতে মুছিতে বলিল, বর এসেচে বুঝি? উঃ রাত অনেক হয়েছে তো! কিন্তু প্রণবের মুখের দিকে চাহিয়া তাহার মনে হইল একটা কিছু যেন ঘটিয়াছে, সে বিশ্বয়ের স্বরে বলিল,—কি—কি—প্রণব—কিছু হয়েছে নাকি?

উত্তরের পরিবর্তে প্রণব তাহার বিছানার পাশে বসিয়া পড়িয়া কাতর মুখে তাহার দিকে চাহিল, পরে ছল ছল চোখে তাহার হাত ছুট ধরিয়া বলিল,—ভাই, আমাদের মান রক্ষার ভার তোমার হাতে আজ রাত্রে, অপূর্ণাকে এখনি তোমায় বিয়ে কর্ত্তে হবে, আর সময় বেশী নেই, রাত খুব অল্প আছে আমাদের মান রাখো ভাই।

আকাশ হইতে পড়িলে অপু এত অবাক হইত না।

প্রণব বলে কি!...প্রণবের মাথা খারাপ হইয়া গেল না কি? না—কি সে ঘুমের মধ্যে স্বপ্ন দেখিতেছে!... এই সময় দুজন গ্রামের লোকও ঘরে ঢুকিলেন, একজন বলিলেন—আপনার সঙ্গে যদিও আমার পরিচয় হয়নি, তবুও আপনার কথা সব পুলুর মুখে শুনেচি—এদের আজ বড় বিপদ, সব বল্চি আপনাকে, আপনি না বাচালে আর উপায় নেই—

ততক্ষণ অপু ঘুমের ঘোরটা অনেকটা কাটাইয়া উঠিয়াছে, সে না-বুঝিতে-পারার দৃষ্টিতে একবার প্রণবের, একবার লোক দুইটির মুখের দিকে চাহিতে লাগিল। ব্যাপারখানা কি?

ব্যাপার অনেক।

সন্ধ্যার ঘটনাক্ষণে পরে বরণক্ষের নৌকা আসিয়া ঘাটে লাগে। লোকজনের ভিড় খুব, দু-তিনখানা গ্রামের প্রজাপত্র উৎসব দেখিতে আসিয়াছে। বরকে হাজিরমুখে

সকলে বড় পাঙ্কীতে উঠাইয়া বাজনা বাদ্য ও ধুমধামের সহিত মহা আদরে ঘাট হইতে নাটমন্দিরের বরাসনে আনা হইতেছিল—এমন সময় এক অভূতপূর্ব ঘটনা ঘটিল। বাড়ীর উঠানে পাঙ্কীখানা আসিয়া পৌঁছিয়াছে, ঠাৎ বর নাকি পাঙ্কী হইতে লাফাইয়া পড়িয়া চৈচাইয়া বলিতে থাকে হুকা বোলাও, হুকা বোলাও!!

সে কি বেজায় চীৎকার!

একমুহুর্তে সব গোলমাল হইয়া গেল। চীৎকার হঠাৎ থামে না, বরকণ্ঠা স্বয়ং দৌড়াইয়া গেলেন, বরপক্ষের প্রবীণ লোকেরা ছুটিয়া গেলেন,—চারিদিকে সকলে অবাক, প্রজারা অবাক, গ্রামস্থক অবাক! সে এক কাণ্ড! চক্ষে না দেখিলে বুঝানো কঠিন—আর কি যে লজ্জা, সারা উঠান জুড়িয়া প্রজা, প্রতিবেশী, আত্মীয় বৃন্দ, পাড়ার ও গ্রামের শূদ্র ভদ্র সকলে উপস্থিত, সকলের সামনে—বাছুঘো বাড়ীর মেয়ের বিবাহে এ ভাবের ঘটনা ঘটিবে, তাহা স্বপ্নাতীত, এ উহার মুখ চাওয়া-চাওয়া করে, মেয়েদের মধ্যে কান্নাকাটি পড়িয়া গেল। বর যে প্রকৃতিস্থ নয়, একথা বুঝিতে কাহারও বাকী রহিল না।

বরপক্ষ যদিও নানাভাবে কথাটা ঢাকিবার যথাসাধ্য চেষ্টা করিলেন, কেহ বলিলেন গরমে ও সারাদিনের উপবাসের কষ্টে—ও কিছু নয়, ও রকম হইয়া থাকে... কিন্তু ব্যাপারটা অত সহজে থামা চাপা দেওয়া গেল না, ক্রমে ক্রমে নাকি প্রশংসা হইতে লাগিল যে বরের একটু সামান্য ছিট আছে বটে,—কিংবা ছিল বটে, তবে সেটা সব সময়ে যে থাকে তাহা নয়, আজকার গরমে, বিশেষ উৎসবের উদ্ভেজনায়—ইত্যাদি। ব্যাপারটা অনেকখানি সহজ হইয়া আসিতেছিল, নানা পক্ষের বোঝানোতে আবার সোজা হাওয়া বহিতে শুরু করিয়াছিল, মেয়ের বাপ শশীনারায়ণ বাছুঘোও মন হইতে সমস্তটা বাড়িয়া ফেলিতে প্রস্তুত ছিলেন—তাহা ছাড়া উপায়ও অবশ্য ছিল না—কিন্তু এদিকে মেয়ের মা অথাৎ প্রণবের বড় স্বামীমা মেয়ের হাত ধরিয়া নিজের ঘরে ঢুকিয়া খিল দিয়াছেন,—তিনি বলেন, জানিয়া শুনিয়া তাহার সোনার প্রতিমা মেয়েকে তিনি ও-পাগলের হাতে কখনই তুলিয়া দিতে পারিবেন না, যাহা অদৃষ্টে আছে ঘটবে, সকলের

বহু অল্পনয় বিনয়েও এই তিন চার ঘণ্টার মধ্যে তিনি আর ঘরের দরজা খোলেন নাই, নাকি এমন তেমন বুঝিলে মেয়েকে রাম-দা দিয়া কাটিয়া নিজের গলায় দা বসাইয়া দিবেন এমনও শাসাইয়াছেন, স্ততরাং কেহ দরজা ভাঙিতেও সাহস করে নাই। অপর্ণাও এমনি মেয়ে, সবাই জানে মা তাহার গলায় যদি সত্যি রাম-দা বসাইয়া দেয়ও, সে প্রতিবাদে মুখে কখনো চুঁ শব্দটি উচ্চারণ করিবে না, মায়ের ব্যবস্থা শাস্তভাবেই মানিয়া লইবে।

পিছনের ভদ্রলোকটি বলিলেন আপনি না রক্ষা করলে আর কেউ নেই, হয় এদিকে একটা খুনোখুনি হবে, না হয় সকাল হ'লেই ও মেয়ে দো-পড়া হয়ে যাবে—এ সব দিকের গতক তো জানেন না, দো-পড়া হ'লে কি আর ও মেয়ের বিয়ে হবে মশাই?...আহা, এমন সোনার পুতুল মেয়ে, এত বড় ঘর, ওরই অদৃষ্টে শেষে কিনা এই কেলঙ্কারী!...এ রাত্রে মধ্যে আপনি ছাড়া আর এ অঞ্চলে ও মেয়ের উপযুক্ত পাত্র কেউ নেই—বাচান! আপনি—

প্রণব বলিল, শুধু ভাছড়ী মশাই, আমার বন্ধুকে আমি জানি ভালো করেই। আমি বলছি আমার বোনের যদি খুব শিবপূজোর জোর থাকে, তবেই এর মত স্বামী পেতে পারে, নয় তো নয়—

অপুর মাথায় যেন কিসের দাপাদাপি, মাতামাতি... মাথার মধ্যে যেন চৈতন্যদেবের নগর সংকীর্ণন শুরু হইয়াছে!...এ কি সঙ্কেত তাহাকে ভগবান ফেলিলেন! সকল প্রকার বন্ধনকে সে ভয় করে, তাহার উপর বিবাহের মত বন্ধন!...এই তো সেদিন মা তাহাকে মুক্তি দিয়া গেল—আবার এক বৎসর ঘুরিতেই একি! বিবাহের উপর তাহার একটা দারুণ বিদ্বেষের ভাব আছে, মনে মনে সে বিবাহকে ভয়ও করে।

মেয়েটির মুখ মনে হইল...আজই সকালে দিখীর ঘাটে তাহাকে দেখিয়াছে...কি শাস্ত, স্তম্ভর গতিভঙ্গি! সোনার প্রতিমাই বটে, তাহারই অদৃষ্টে উৎসবের দিনে এই ব্যসন!...তাহা ছাড়া রাম-দা এর কাণ্ডটা...

সে বলিল চল ভাই, যা করতে বলবে, আমি করবো, এস।

নীচে কোথাও কোনো শব্দ নাই, উৎসব-কোলাহল থামিয়া দিয়াছে, বরপক্ষ এবাড়ী হইতে সদলবলে উঠিয়া গিয়া ইহাদের সরিক রামভুল্লভ বাঁড়ুঘোর চণ্ডীমণ্ডপে আশ্রয় লইয়াছেন, এবাড়ীর ঘরে ঘরে থিল বন্ধ। কেবল নাটমন্দিরের উত্তর বারান্দার স্থানে স্থানে দু-চারজন লোক জটলা করিয়া কি বলাবলি করিতেছে, আশ্চর্য্য এই যে সম্প্রদান সভায় পুরোহিত মহাশয় এত গোলমালের মধ্যেও ঠিক নিজের কুশাসন-ধানির উপর বসিয়া আছেন, তিনি নাকি সেই সন্ধ্যার সময় আসনে বসিয়াছেন আর উঠেন নাই।

সকলে মিলিয়া লইয়া গিয়া অপুকে বরাসনে বসাইয়া দিল।

এসব ঘটনাগুলি পরবর্ত্তী জীবনে অপুর তত মনে ছিল না, ব্রাহ্মী খবরের কাগজের ছবির মত অস্পষ্ট ধোঁয়া-ধোঁয়া ঠেকিত। তাহার মন তখন এত দিশাহারা ও অপ্রকৃতিস্থ অবস্থায় ছিল, চারিদিকে কি হইতেছে, তাহার আদৌ লক্ষ্য ছিল না।

আবার দু-একটা যাহা লক্ষ্য করিয়াছিল, যতই তুচ্ছ হোক, গভীরভাবে মনে আঁকিয়া গিয়াছিল, যেমন—সামিয়ানার কোণের দিকে কে একজন ডাব কাটিতেছিল, ডাবটা গোল ও রাঙা, কাটারির বাঁটটা বাশের—অনেকদিন পয্যন্ত মনে ছিল।

রেশমী-চেলী-পর্য্য সালঙ্কার। কতাকে সভায় আনা হইল, বাড়ীর মধ্যে হঠাৎ শাক বাজিয়া উঠিল, উলুধনি শোনা গেল, লোকে ভিড় করিয়া সম্প্রদান সভার চারিদিকে গোল করিয়া দাড়াইল। পুরোহিতের কথায় অপু চেলী পরিল, নতুন উপবাস ধারণ করিল, কলের পুতুলের মত মস্তপাঠ করিয়া গেল। স্বীআচারের সময় আসিল, তখনও সে অত্মমনস্ক, নববধুর মত সে-ও ঘাড় গুঁজিয়া আছে, ব্যাপারটা কি ঘটতেছে চারিদিকে তখনও যেন সে সম্যক ধারণা করিতে পারে নাই—কানের পাশ দিয়া কি একটা যেন শব্দ শির করিয়া উপরের দিকে

উঠিতেছে,—না—ঠিক উপরের দিকে নয়, যেন নীচের দিকে নামিতেছে।

প্রণবের বড় মামী-মা কাদিতেছিলেন তাহা মনে আছে, তিনিই আবার গরদের শাড়ীর আঁচল দিয়া তাহার মুখের ঘাম মুছাইয়া দিলেন, তাহাও মনে ছিল। কে একজন মহিলা বলিলেন—মেয়ের শিবপুজোর জ্বোর ছিল বড়বো, তাই এমন বর মিলিলো। ভাঙা দালান যে রূপে আলো করেছে।

শুভদৃষ্টির সময় সে এক অপূর্ণ ব্যাপার! মেয়েটি লজ্জায় ডাগর চোখ দুটা নত করিয়া আছে, অপু কৌতূহলের সহিত চাহিয়া দেখিল, ভাল করিয়াই দেখিল, যতক্ষণ কাপড়ের ঢাকাটা ছিল, ততক্ষণ সে মেয়েটির মুখে ছাড়া অন্ধদিকে চাহে নাই—চিবুকের গঠন ভঙ্গিটি একচমক দেখিয়াই এত স্বাম ও স্বন্দর মনে হইল। দেবী প্রতিমার মত রূপই বটে, চূর্ণ অলঙ্কার দু-এক গাছা কানের আশে পাশে পড়িয়াছে, হিন্দুল রঙের ললাটে ও কপালে বিন্দু বিন্দু ঘাম। কানে সোনার জল আলো পড়িয়া জলিতেছিল। মুগ্ধতার পবিত্রতা মনে একটা আনন্দের ভাব জাগাইয়া তোলে।

বাসর হইল খুব অল্পক্ষণ, রাত্রি অল্পই ছিল। মেয়েদের ভিড়ে বাসর ভাঙিয়া পড়িবার উপক্রম হইল। ইহাদের মধ্যে অনেকেই বিবাহ ভাঙিয়া যাইতে নিজের নিজের বাড়ী চলিয়া গিয়াছিলেন, কোথা হইতে একজনকে ধরিয়া আনিয়া অপূর্ণার বিবাহ দেওয়া হইতেছে শুনিয়া তাঁহার পুনরায় ব্যাপারটা দেখিতে আসিলেন, একরাত্রে এত মজা এ অকালের অদিবাসীরা ভাগ্যে কখনও জোটে নাই—কিন্তু পথ-হইতে-ধরিয়া-আনা বরকে দেখিয়া এবং তাহার কথা ও গলার স্বর শুনিয়া সকলেই একবাক্যে স্বীকার করিলেন এইবার অপূর্ণার উপযুক্ত বর হইয়াছে বটে।

প্রণবের বড় মামী-মা তেজস্বিনী মহিলা, তিনি থাকিয়া না বসিলে বোধ হয় বায়ুরোগগস্ত পাত্রটির সহিতই আজ তাঁহার মেয়ের বিবাহ হইয়া যাইত নিশ্চয়ই। এমন কি তাঁর অমন রাশ-ভারী স্বামী শশানারায়ণ বাঁড়ুঘো যখন নিজে বন্ধদরজার কাছে দাড়াইয়া বলিয়াছিলেন—

বড়-বৌ, কি কর পাগলের মত, দোর খোল, আমার মুখ রাখো—ছিঃ—তখনও তিনি অটল ছিলেন। তিনি বলিলেন—মা বখনই একে পুলুর সঙ্গে দেখেচি, তখনই আমার মন যেন বলেচে এ আমার আপনার লোক—ছেলে তো আরও অনেক পুলুর সঙ্গে এসেচে গিয়েচে কিন্তু এত মায়া কারোর ওপর হয়নি কখনও—ভেবে দ্যাখো মা, এ মুখ আর লোকালয়ে দেখাবো না ভেবেছিলাম—ও ছেলে যদি আজ পুলুর সঙ্গে এবাড়ী না আসতো—

পূর্বের সেই প্রোচা বাধা দিয়া বলিলেন—তা কি করে হবে মা, ওই যে তোমার অপর্ণার স্বামী, ভূমি আমি কেনারাম মুখবোর ছেলের সঙ্গে ওর সম্বন্ধ ঠিক করতে গেলে কি হবে, ভগবান যে ওদের দুজনের জন্যে দুজনকে গড়েচেন, ও ছেলেকে যে আজ এখানে আসতেই হবে মা—

প্রণবের মামী-মা বলিলেন—আবার যে এমন করে কথা বলবে তা আজ ছুঁটা আগেও ভাবিনি—এখন আপনারা পাঁচজনে আশীর্বাদ করুন, যাতে—যাতে—

চোখের জলে তাঁহার গলা আড়ষ্ট হইয়া গেল। উপস্থিত কাহারও চোখ শুষ্ক ছিল না, অপুও অতিকষ্টে উদ্যত অশ্রুজল চাপিয়া বসিয়া রহিল। প্রণবের মামী-মার উপর শ্রদ্ধা ও ভক্তিতে তাহার মন—মায়ের পরই বোধ হয় এমন আর কাহার উপর কেবল আর একজন আছেন তিনি মেজো বৌরাণী—লীলার মা।

তাহা ছাড়া মায়ের উপর তার মনোভাব, শ্রদ্ধা বা ভক্তির ভাব নয়, তাহা আরও অনেক ধনিষ্ট, অনেক গভীর, অনেক আপন—বর্শ্রশ নাড়ীর বাধনের সঙ্গে সেখানে যেন যোগ—সে-সব কথা বুঝাইয়া বলা যায় না।...যাক্ সে কথা।

বিশ্বাসঘাতক প্রণব কোথা হইতে আসিয়া সকলকে জানাইয়া দিল যে, নতুন জামাই খুব ভাল গাহিতে পারে। অপর্ণার মা তখনই বাসর হইতে চলিয়া গেলেন, বালিকা ও তরুণীর দল একে চায় তো আরো পায়, এদিকে অপু যামিয়া রাঙ হইয়া উঠিয়াছে, না সে পারে ভাল করিয়া বসিয়া কাহারও দিকে চাইতে, না মুখ দিয়া বাহির হয়

কোন কথা। নিতান্ত পীড়াপীড়িতে একটা রবিবার গান গাহিল, তারপর আর কেহ ছাড়িতে চায় না—স্বতঃ আর একটা। মেয়েরাও গাহিলেন, একটি বধূর কণ্ঠস্বর ভারি স্বমিষ্ট। প্রোচা ঠান্দি নববধূর গা ঠেলিয়া দিয়া বলিলেন—ওরে ও নাত্নি, তোর বর ভেবেচে, ও বাঙাল দেশে এসে নিজেই গান গেয়ে আসুর মাতিয়ে দেবে—শুনিয়ে দে না তোর গলা—জারিজুরি একবার দে না ভেঙে—

অপু মনে মনে ভাবে—কার বর ?...সে আবার কার বর ?...এই যে সুসজ্জিতা সুন্দরী নতুনবী মেয়েটি তার পাশে বসিয়া, এ তার কে হয় ?...স্ত্রী...তাহারই স্ত্রী ? কথাটা এখনও যেন সে মনের মধ্যে গ্রহণ করিতে পারিতেছিল না, সবটা মিলিয়া যেন একটা স্বপ্ন বা একটা বড় ঠাট্টা।...

পরদিন সকালে পূর্বতন বরপক্ষের সহিত তুমুল কাণ্ড বাধিল। উভয় পক্ষে বিস্তর তর্ক, বগড়া, শাপাশাপি, মামলার ভয় প্রদর্শনের পর কেনারাম মুখ্য দলবলসহ নৌকা করিয়া স্বগ্রামের দিকে যাত্রা করিলেন। প্রণব বড়মামাকে বলিল—ওসব বড়লোকের মুখা জড়ভরত ছেলের চেয়ে আমি যে অপূর্ণকে কত বড় মনে করি !...একা কলকাতা শহরে সহায়হীন অবস্থায় ওকে যা দুঃখের সঙ্গে লড়াই করতে দেখেচি আজ তিন বছর ধরে—কি পড়াশুনোর টান, আর কি ভয়ানক খাটুনি খাইছে—ওকে একটা সত্যিকার মানুষ বলে ভাবি—অপূর্ণ ঘর-বাড়ি নাই, ফুলশয্যা এখানেই হইল। সে রাত্রে অপূর্ণ ঘরে ঢুকিয়া দেখিল, ঘরের চারিদিকে ফুল ও ফুলের মালায় সাজানো, পালঙ্কের উপর বিছানায় মেয়েরা একরাশ বৈশাখী চাপাফুল ছড়াইয়া রাখিয়াছে, ঘরের বাতাসে পুষ্পসারের মুছ মৌরভ। অপূর্ণ সাগ্রহে নববধূর আগমন প্রতীক্ষা করিতেছিল, বাসরের রাত্রেই তার আর মেয়েটির সহিত দেখা হয় নাই বা এ পর্যন্ত তাহার সঙ্গে কথাবার্তা হয় নাই আদৌ—আজকার রাত্রে তাহার সঙ্গে আলাপের সুবিধা ঘটবে, তাহার সম্বন্ধে সব কথা জানা যাইবে। আচ্ছা, ব্যাপারটা কি রকম ঘটবে ? অপূর্ণ বুক কোঁড়ালে ও আগ্রহে টিপ্ টিপ্ করিতেছিল।

খানিক রাত্রি নববধূ ঘরে ঢুকিল। সঙ্গে সঙ্গে অপূর মনে আর একদফা একটা অবাস্তবতার ভাব জাগিয়া উঠিল। এ মেয়েটি তাহারই স্ত্রী?...স্ত্রী বলিতে যাঁহা বোঝায় অপূর ধারণা ছিল, তা যেন এ নয়...কিংবা হয়ত স্ত্রী বলিতে ইহাই বোঝায়, তাহার ধারণা ভুল ছিল। মেয়েটি দোরের কাছে ন যথোঁ ন তথোঁ অবস্থায় দাঁড়াইয়া ঘামিতেছিল—অপূ অতি কষ্টে স্ফোচ কাটাওয়া মুহূর্ত্তে বলিল—আপনি—তু—তুমি দাঁড়িয়ে কেন? এখানে এসে বসো—

বাঁহায়ে বহু বালিকাকণ্ঠের একটা সম্মিলিত কলহাস্ত-ধ্বনি উঠিল। মেয়েটিও মুহূ হাসিয়া পালঙ্কের একধারে বসিল—লজ্জায় অপূর নিকট হইতে দূরে বসিল। এই সময় প্রণবের ছোট মামী-মা আসিয়া বালিকার দলকে বকিয়া বকিয়া নীচে নামাইয়া লইয়া যাইতে অপূ অনেকটা স্বস্তি বোধ করিল। মেয়েটির দিকে চাহিয়া বলিল—তোমার নাম কি?

মেয়েটি মুহূর্ত্তে নতমুখে বলিল—শ্রীমতী অপর্ণা দেবী—সঙ্গে সঙ্গে সে অল্প একটুখানি হাসিল। যেমন সুন্দর মুখ, তেমনই সুন্দর মুখের হাসিটি—কি রং!...কি গ্রীবার ভঙ্গি! চিবুকের গঠনটি কি অপরূপ—মুখের দিকে চাহিয়া উজ্জল বাতির আলোয় অপূর যেন কিসের নেশা লাগিয়া গেল।

দুজনেই খানিকক্ষণ চুপ। অপূর গলা শুকাইয়া আসিয়াছিল। বুজা হইতে জল ঢালিয়া একগ্রাস জলই সে খাইয়া ফেলিল। কি কথা বলিবে, সে খুঁজিয়া পাইতেছিল না, ভাবিয়া ভাবিয়া অবশেষে বলিল—আচ্ছা আমার সঙ্গে বিয়ে হওয়াতে তোমার মনে খুব কষ্ট হয়েছে—না?

বধূ মুহূ হাসিল।

—বুঝতে পেরেচি ভারি কষ্ট হয়েছে—তা আমার—

—যান—

এই প্রথম কথা, তাহাকে এই প্রথম সম্বোধন!...অপূর সারাদেহে যেন বিহ্বল গেলিয়া গেল, অনেক মেয়ে তো ইতিপূর্বে তাহার সঙ্গে কথা বলিয়াছে, এরকম তো কখনো হয় নাই!...

দক্ষিণের জানালা দিয়া মিঠা হাওয়া বহিতেছিল, চাঁপাফুলের সুগন্ধে ঘরের বাতাস ভরপুর।

অপূ বলিল—রাত ছোটো বাজে, শোবে না? ইয়ে—এখানেই তো শোবে?

মা ও দিদির সঙ্গে ভিন্ন কখনও অল্প কোনো মেয়ের সঙ্গে এক বিছানায় সে শোয় নাই, একা একঘরে এতবড় অনাস্থ্যীয়, নিঃসম্পর্কীয় মেয়ের পাশে এক বিছানায় শোয়া—সেটা কি ভাল দেখাইবে? কেমন যেন বাধবাধ ঠেকিতেছিল। একবার তাহার হাতখানা মেয়েটির গায়ে অসাবধানতাবশত ঠেকিয়া গেল—সঙ্গে সঙ্গে সারা গা শিহরিয়া উঠিল। কোতূহলে ও ব্যাপারের অধীনবতীয় তাহার শরীরের রক্ত যেন টগবগ করিয়া ফুটিতেছিল—ঘরের উজ্জল আলোয় অপূর সুন্দর মুখ রাঙা ও একটা অস্বাভাবিক দীপ্তসম্পন্ন দেখাইতেছিল।

হঠাৎ সে কিসের টানে পাশ ফিরিয়া মেয়েটির গায়ে ভয়ে ভয়ে হাত তুলিয়া দিল। বলিল—সেদিন যখন আমার সঙ্গে প্রথম দেখা হ'ল, তুমি কি ভেবেছিলে?...মেয়েটি মুহূ হাসিয়া তাহার হাতখানা আস্তে আস্তে সরাইয়া দিয়া বলিল—আপনি কি ভেবেছিলেন আগে বলুন?...সঙ্গে সঙ্গে সে নিজের স্ত্যাম, পুষ্পপেলব হাত-পানি বাতির আলোয় তুলিয়া ধরিয়া হাসিমুখে বলিল—গায়ে কাটা দিয়ে উঠেচে—এই দেখুন কাটা দিয়েচে—কেন বলুন না?...কথা শেষ করিয়া সে আবার মুহূ হাসিল।

এতগুলি কথা একসঙ্গে এই প্রথম! কি অপূর রোমান্স এ!...ইহার অপেক্ষা কোন্ রোমান্স আছে আর জগতে, না চিনিয়া, না বুঝিয়া সে এতদিন কি হিজিবিজি ভাবিয়া বেড়াইয়াছে!...জীবনের, জগতের সঙ্গে এ কি অপূর ঘনিষ্ঠ পরিচয়!...তাহার মাথার মধ্যে কেমন যেন করিতেছে, মদ খাইলে বোধ হয় এরকম নেশা হয়...ঘরের হাওয়া যেন...ঘরের মধ্যে যেন আর থাকা যায় না...বেজায় গরম। সে বলিল—একটু বাইরের ছাদে বেড়িয়ে আসি, খুব গরম, না? আসিচি এখুনি—

বৈশাখের জ্যোৎস্না রাত্রি—রাত্রি বেশী হইলেও বাড়ীর লোকে এখনও ঘুমায় নাই, বৌভাত কাল এখানেই হইবে, নীচে তাহারই উদ্যোগ আয়োজন চলিতেছে।

দালানের পাশে বড় রোয়াকে ঝিমেরা কচুর শাক কুটিতেছে, রান্না কোঠার পিছনে নতুন খড়ের চালা বাঁধা হইয়াছে, সেখানে এত রাত্রে পানতুয়া ভিযান হইতেছে—সে ছাদের আলিসার ধারে খানিকটা দাঁড়াইয়া দাঁড়াইয়া দেখিল।

ছাদে কেহ নাই, দূরের নদীর দিক হইতে একটা ঝিমঝিরে হাওয়া বহিতেছে, এ দুদিন যে কি ঘটতেছে তাহা যেন সে ভাল করিয়া বুঝিতেই পারে নাই—আজ বুঝিয়াছে। কয়েক দিন পূর্বেও সে ছিল সহায়শূণ্য, বন্ধুশূণ্য, গৃহশূণ্য, আত্মীয়শূণ্য, জগতে সম্পূর্ণ একাকী, মুখের দিকে চাহিবার ছিল না কেহই। কিন্তু আজ তো তাহা নয়, আজ ওই মেয়েটি যে কোথা হইতে আসিয়া পাশে দাঁড়াইয়াছে, মনে হইতেছে যেন ও জীবনের পরম বন্ধু।

না এ সময় কোথায়?...মায়ের যে বড় সাধ ছিল... মনসাপোতার বাড়ীতে শুইয়া শুইয়া কত রাতে সে-সব কতশাপ, আশার গল্প...মায়ের সোনার দেহ কোদলা-তীরের স্রাবনের চিতাঘ্নিতে পুড়িবার রাত্রি হইতে সে আশা-আকাজ্জার তো সমাধি হইয়াছিল...মাকে বাদ দিয়া জীবনের কোন উৎসব...

তপ্ত আকুল চোখের জলে চারিদিক বাপসা হইয়া আসিল।

বৈশাখী শুক্লা দ্বাদশী রাত্রির জ্যোত্স্না যেন তাহার পরলোকগত জুগ্মিনী মায়ের আশীর্বাদের মত তাহার বিভ্রান্ত হৃদয়কে স্পর্শ করিয়া সরল শুভ্র মহিমায় স্বর্ণ লইতে ঝরিয়া পড়িতেছে।

(২০)

কলিকাতার কঙ্ককঠোর, কোলাহল-মুখর, বাস্তব জগতে প্রত্যাবর্তন করিয়া গত কয়েকদিনের জীবনকে নিতান্ত স্বপ্ন বলিয়া মনে হইল অপুর। একথা কি সত্য গত শুক্রবার বৈশাখী পূর্ণিমার শেষরাত্রে সে অনেক দূরের নদীতীরবর্তী এক অজানা গ্রামের অজানা গৃহস্থবাটার রূপসী মেয়েকে বলিয়াছিল—আমি এ বছর যদি আর না আসি অপর্ণা?...

প্রথমবার মেয়েটি একটু হাসিয়া মুখ নীচু করিয়াছিল, কথা বলে নাই।

অপু আবার বলিয়াছিল—চূপ করে থাকলে হবে না, তুমি যদি বলো আসবো, নৈলে আসবো না, সত্যি অপর্ণা। বলো কি বলবে?

মেয়েটি লজ্জারক্তমুখে বলিয়াছিল—বা রে, আমি কে? মা রয়েছেন, বাবা রয়েছেন, ঠুঁদের—আপনি ভারি—

—বেশ, আসবো না তবে। তোমার নিজের যদি ইচ্ছে না থাকে—

—আমি কি সে কথা বলেছি?

—তা হ'লে?

—আপনার ইচ্ছে যদি হয় আসতে, আসবেন—না হয় আসবেন না, আমার কথায় কি হবে?...

ও কথা ইহার বেশী আর অগ্রসর হয় নাই, অল্প সময় এ ক্ষেত্রে হয়ত অপুর অত্যন্ত অভিমান হইত, কিন্তু এ ক্ষেত্রে কৌতূহলটাই তাহার মনের অল্প সব প্ররক্তিকে ছাপাইয়া উঠিয়াছে—ভালবাসার চোখে মেয়েটিকে সে এখনও দেখিতে পারে নাই, যেখানে ভালবাসা নাই, সেখানে অভিমানও নাই।

সেদিন বৈকালে গোলদীঘির মোড়ে একজন ফিরিওয়াল চাপাফুল বেচিতেছিল, সে আগ্রহের সহিত গিয়া ফুল কিনিল। ফুলটা আত্মাণের সঙ্গে সঙ্গে কিন্তু মনের মধ্যে একটা বেদনা সে স্পষ্ট অনুভব করিল, একটা কিছু পাইয়া হারািবার বেদনা, একটা শূন্যতা, একটা খালি-খালি ভাব।...মেয়েটির মাথার চুলের সে গন্ধটাও যেন আবার পাওয়া যায়।...

অল্পমনঃভাবে গোলদীঘির এক কোণে ঘাসের উপর অনেকক্ষণ একা বসিয়া বসিয়া সেদিনের সেই রাত্তির আবার সে মনে আনিবার চেষ্টা করিল। মেয়েটির মুখখানি কি রকম যেন?...ভারী সুন্দর মুখ—কিন্তু এই কয়দিনের মধ্যেই সব যেন মুছিয়া অস্পষ্ট হইয়া গিয়াছে—মেয়েটির মুখ মনে আনিবার ও রাখিবার যত বেশী চেষ্টা করিতেছে সে, ততই সে-মুখ দ্রুত অস্পষ্ট হইয়া যাইতেছে। শুধু নতপল্লব কৃষ্ণতার চোখদুটির ভদ্রী অল্প অল্প মনে আসে, আর মনে আসে সম্পূর্ণ নতুন ধরণের

সে কি হাঁসিটুকু। প্রথমে ললাটে লজ্জা ঘনাইয়া আসে, ললাট হইতে নামে ভাগর ছুটি চোখে, পরে কপোলে...তার-পরই যেন সারামুখখানি অলক্ষণের জন্ত অন্ধকার হইয়া আসে...ভারী হৃন্দর দেখায় সে সময়...তারপরই আসে সে অপূর্ণ হৃন্দর হাঁসিটি...ওরকম হাঁসি আর কারুর মুখে অপু কখনো দেখে নাই। কিন্তু মুখের সব আদলটা তো মনে আসে না—সেটা মনে আনিবার জন্ত সে ঘাসের উপর শুইয়া অনেকক্ষণ ভাবিল, অনেকক্ষণ প্রাণপণে চেষ্টা করিয়া দেখিল—না—কিছুতেই মনে আসে না—কিংবা হয়ত আসে অতি অলক্ষণের জন্ত—আবার তখনই অস্পষ্ট হইয়া যায়। অপর্ণা—কেমন নামটি?...

জ্যৈষ্ঠ মাসের মাঝামাঝি প্রণব কলিকাতায় আসিল। বিবাহের পর এই তাহার সঙ্গে প্রথম দেখা। সে আসিয়া গল্প করিল, অপর্ণার মা বলিয়াছেন তাঁর কোন্ পুণ্যে এরকম তরুণ দেবতার মত রূপবান জামাই পাইয়াছেন জানেন না—তাহার কেহ কোথাও নাই, কলিকাতায় একা থাকিয়া দারিদ্র্যের সঙ্গে লড়াই করে শুনিয়া চোখের জল রাখিতে পারেন নাই।

অপু খুশী হইল, হাঁসিয়া বলিল—তবুও তো একটা ভাল জামা গায়ে দিতে পারলাম না, সাদা পাঞ্জাবী গায়ে বিয়ে হ'ল—দূর!...না খেয়ে-দেয়ে একটা সিক্কের জামা করালুম, সেটা গেল যখন ছিঁড়ে ছুটে, তখন তুমি এলে তোমার মামার বাড়ীতে নিয়ে যেতে, তার আগে আস্তে পারলে না—আচ্ছা, সিক্কের জামাটাতে আমায় কেমন দেখাতো?

—ও—সাক্ষাৎ এ্যাপোলো বেলভেডিয়া!...চের চের হামবাগ দেখেচি, কিন্তু তোর মত --

কিন্তু একটা কথা। অপর্ণার মা কি বলেন তাহা জানিতে অপু তত কৌতূহল নাই—অপর্ণা কি বলিয়াছে—অপর্ণা?...অপর্ণা কিছু বলে নাই?...হয়ত কেনারাম মুখ্যের ছেলের সঙ্গে বিবাহ না হওয়াতে মনে মনে দুঃখিত হইয়াছে—না?...

প্রণবের মামা এ বিবাহে তত সন্তুষ্ট হন নাই, স্ত্রীর উপর মনে মনে চটিয়াছেন এবং তাহার মনে ধারণা প্রণবই

তাহার মামামার সঙ্গে বড়বয়স করিয়া নিজের বন্ধুর সঙ্গে ঘোনের বিবাহ দেওয়াইয়াছে। নাম নাই, বংশ নাই, চালচলা নাই—চেহারা লইয়া কি মানুষ খুঁইয়া খাইবে?... কিন্তু এসব কথা প্রণব অপুকে বলিল না।

একটা কথা শুনিয়া সে দুঃখিত হইল। কেনারাম মুখ্যের ভাইটি নিজেকে দেখিয়া মেয়ে পছন্দ করিয়াছিল। অপর্ণাকে বিবাহ করিবার অত্যন্ত আগ্রহ ছিল তাহার—কিন্তু হঠাৎ বিবাহ-সভায় আসিয়া কি যেন সব গোলমাল হইয়া গেল, সারা রাত্রি কোথা দিয়া কাটিল, সকালবলা যখন আবার একটু ভাস্ হইল, তখন সে দাদাকে জিজ্ঞাসা করিয়াছিল—দাদা, আমার বিয়ে হ'ল না?

এখনও তাহার অবশ্য ঘোর কাটে নাই...বাড়ি ফিরিবার পথেও তার মুখে ওই কথা—এখন নাকি সে বন্ধ উন্মাদ!...ঘরে ভালো দিয়া রাখা হইয়াছে।

অপু বলিল—হাঁসি কেন, হাম্বার কি আছে?... পাগল তো নিজের ইচ্ছেয় হয়নি, সে বেচারীর আর দোষ কি? ও নিয়ে হাঁসি ভাল লাগে না।

দিন বাইতে লাগিল, অপু লাইব্রেরীর পড়াশোনাতে আর তত মন নাই। ইতিহাস, ভূতত্ত্ব, গ্রন্থসংগ্রহের কথা, এসব ছাড়িয়া আজকাল সে কেবল বাংলা উপন্যাস পড়ে—বিশেষ করিয়া যে-সব উপন্যাসে স্বামী-স্ত্রী সংক্রান্ত প্রণয়ের কথা বেশী। দেখিল, তাহার মত বিবাহ নাটক-নভেলে অনেক ঘটিয়াছে, অভাব নাই। বড়লোক খণ্ডুর, দরিদ্র জামাই, স্ত্রীও যেন তত মানে না, অভিমানে স্বামী নিরুদ্দেশ হইয়া গেল, স্বাক্ষে পত্র লিখিল দূর দেশ হইতে—‘আবার যদি কখনও তোমার উপযুক্ত হইতে পারি’ ইত্যাদি। ও গো নিম্নর, ও গো প্রিয়তম, তুমি যে অভিমান করিয়া চলিয়া গেলে, তুমি কি একটিবারও ভাবো নাই যে—ইত্যাদি। স্ত্রী মৃত্যুশয্যা—বহুদিন পরে স্বামী আসিয়াছে—পা টিপিয়া টিপিয়া সন্ধ্যাপনে স্ত্রীর শয্যার পাশে...স্ত্রী সব সময়ই যেন অপর্ণা, স্বামী সব সময়ই সে।

রাত্রে বিছানায় শুইয়া ঘুম হয় না—কেবলই অপর্ণার কথা মনে আসে। প্রণব এ কি করিয়া দিল তাহাকে? সে যে বেশ ছিল, এ কোন্ সোনার শিকল তাহার মুক্ত,

বদনহীন হাতে পায়ে অদৃশ্য নাগপাশের মত দিন দিন ছড়াইয়া পড়িতেছে ?

পূজার সময় শশুরবাড়ী যাওয়া ঘটিল না। একে তো অর্থাভাবে সে নিজের ভাল জামা-কাপড় কিনিতে পারিল না, শশুরবাড়ী হইতে পূজার তবে যাহা পাওয়া গেল, তাহা পরিয়া সেখানে যাইতে তাহার ভারী বাধবান্ধ টেকিল। তাহা ছাড়া অপর্ণার মা চিঠির উপর চিঠি দিলে কি হইবে, তাহার বাবার দিক হইতে জামাইকে পূজার সময় লইয়া যাইবার বিশেষ কোনো আগ্রহ দেখা গেল না; বরং তাহার নিকট হইতে উপদেশপূর্ণ পত্র পাওয়া গেল যে, একটা ভাল চাকুরি-বাকুরী যেন সে শীঘ্র দেখিয়া লয়, সামান্য পচিশ টাকা বেতনে কোনো ভদ্রসন্তানের চলিতে পারে না, বিশেষতঃ সে যখন বিবাহিত। এখন অল্প বয়স, এই হো অর্থ উপার্জনের সময়, এখন আলস্য ও বাসনে কাটাইলে—এমনি ধরণের নানা কথা। এখানে বলা আবশ্যক, এ বিবাহে তিনি অপূকে একেবারে ফাঁকি দিয়াছিলেন, কেনারাম মুখুয্যের ছেলেকে যাহা দিবার কথা ছিল তাহার সিকিও এ জামাইকে দেন নাই।

শীতকালে বার-তিনেক লোক আসিল, অপর্ণার মা কাদাকাটা করিতেছেন, (অপর্ণা কি করিতেছে সে মথকে সকলে একেবারে নীরাক) কিন্তু সে সময় অপূর দোষ ছিল না, ছুটি চাহিয়াও সে পাইল না।

ছুটি পাওয়া গেল পুনরায় বৈশাখ মাসে। পূর্নদিন রাত্রে তাহার কিছুতেই ঘুম আসে না, কি রকম চুল ভাটা হইয়াছে, আয়নায় দশবার দেখিল। ওই সাদা পাঞ্জাবীতে তাহাকে ভাল মানায়, না এই তসরের কোটটাতে ?

অপর্ণার মা তাহাকে পাইয়া হাতে যেন আকাশের চাঁদ পাইলেন। সেদিনটা খুব রুষ্টি, অপূ নৌকা হইতে নামিয়া বাড়ীর বাহিরের উঠানে পা দিতেই কে পূজার দলানে বসিয়াছিল, ছুটিয়া গিয়া বাড়ীর মধ্যে খবর দিল। এক মুহূর্তে বাড়ীর উপরের নীচের সব জানালা খুলিয়া গেল, বাড়ীতে কি-বৌয়ের সংখ্যা নাই, সকলে জানালা হইতে মুখ বাড়াইয়া দেখিতে লাগিলেন—মুখল দারায় রুষ্টিপাত অগ্রাহ্য করিয়া অপর্ণার মা উঠানে

তাহাকে আগু বাড়াইয়া লইতে ছুটিয়া আসিলেন, সারা বাড়ীতে একটা আনন্দের সাড়া পড়িয়া গেল।

ফুলশয্যার সেই ঘরে, সেই পালঙ্কেই রাত্রে শুইয়া সে অপর্ণার প্রতীক্ষায় রহিল। কিন্তু অপর্ণা একা আসিল না, তাহার পিছনে একদল বাগক-বালিকা উপরে উঠিয়া দোরের বাইরেই নিঃশব্দে দাঁড়াইয়া রহিল।

এক বৎসরে অপর্ণার এ কি পরিবর্তন! তখন ছিল বালিকা—এখন ইহাকে দেখিলে যেন আর চেনা যায় না!...লীলার মত চোখ ঝলদানো সৌন্দর্য্য ইহার নাই বটে, কিন্তু অপর্ণার যাহা আছে, তাহা উহাদের কাহারও নাই। অপূর মনে হইল দু-একখানা প্রাচীন পটে আঁকা তরুণী দেবীমূর্তির, কি দশমহাবিহারে যোড়শী মূর্তির মুখে এ-ধরণের অল্পম, মহিমময় স্নিগ্ধ সৌন্দর্য্য সে দেখিয়াছে। একটু সেকেলে, একটু প্রাচীন ধরণের সৌন্দর্য্য—সুতরাং দুশ্রাপ্য। যেন মনে হয় এ খাটি বাংলার মাটির জিনিষ, এই দূর পল্লীপ্রান্তের নদীতীরের সকল গামলতা, সকল সরসতা, পথিপ্রান্তের বনফুলের সকল সরলতা ছানিয়া এ মুখ গড়া। শতাব্দীর পর শতাব্দী ধরিয়া বাংলার পল্লীর চ্যাতবকুলবীথির ছায়ায় ছায়ায় কত অপরাধে নদীঘাটের যাওয়া-আসার পথে এই উজ্জলগ্রামবর্ণা, রূপসী তরুণী বধূদের লক্ষ্মীর মত আলতা-রাঙা পদচিহ্ন কতবার পড়িয়াছে, মুছিয়াছে, আবার পড়িয়াছে—ইহাদেরই স্নেহপ্রেমের, দুঃখ-স্বপ্নের কাহিনী, বেহুলা লক্ষীন্দরের গানে, ফুল্লরার বারমাস্রায়, স্ববচনীর ব্রতকথায়, বাংলার বৈষ্ণব-কবিদের রাধিকার রূপবর্ণনায়, পাড়াগাঁয়ের ছড়ায় উপকথায়, স্থায়ারাগী দুয়ারাগীর গল্পে।...

অপূ বলিল—তোমার সঙ্গে কিন্তু আড়ি, সারাবছরে একখানা চিঠি দিলে না কেন?...

অপর্ণা সলজ্জ মুহূ হাসিয়া চুপ করিয়া রহিল। পরে একবার ভাগর চোখছুটি তুলিয়া স্বামীর দিকে চাহিয়া চাহিয়া দেখিল। খুব মৃদুস্বরে মুখে হাসি টিপিয়া বলিল—আর আমার বুঝি রাগ হ'তে নেই?...

অপূ দেখিল এতদিন কলিকাতায় সে জারুল কাঠের তক্তাপোষে শুইয়া অপর্ণার যে মুখ ভাবিত—আসল মুখ

একেবারেই তাহা নহে—ঠিক এই অল্পম মুখই সে দেখিয়াছিল বটে ফুলশয্যার রাত্রে, এমন ভুলও হয় !

—পূজোর সময় আসিনি তাই ?...তুমি ভাবতে কি না ?...ও সব মুখের কথা—ছাই ভাবতে !...

—না গো না, মা বললেন তুমি আসবে বষ্টীর দিন, বষ্টী গেল, পূজো চলে গেল, তখনও মা বললেন তুমি একাদশীর পর আসবে—আমি—

অপর্ণা হঠাৎ থামিয়া গেল, অল্প একটু চাহিয়া চোখ নীচু করিল। অপু আগ্রহের স্বরে বলিল—তুমি কি বললে না ?

অপর্ণা বলিল—আমি জানিনে, বল্‌বো না—

অপু বলিল—আমি জানি আমার সঙ্গে বিয়ে হওয়াতে তুমি মনে মনে—

অপর্ণা স্নেহপূর্ণ তিরস্কারের স্বরে ঘাড় ঝাঁকাইয়া বলিল—আবার ওই কথা ?...ওসব কথা বলতে আছে ?—ছিঃ—ব'লো না—

—তা কৈ, তুমি খুশী হয়েচ, একথা তো তোমার মুখে কখনও শুনিনি অপর্ণা ?—

অপর্ণা হাসিমুখে বলিল—তার পর কতদিন তোমার সঙ্গে আমার দেখা হয়েচে গো শুনি ?...সেই আর-বছর বোশেখ আর এ বোশেখ—

—আচ্ছা বেশ, এখন তো দেখা হ'ল, এখন আমার কথার উত্তর দাও ?

অপর্ণা কি-একটা হঠাৎ মনে পড়িবার ভঙ্গিতে তাহার দিকে চাহিয়া আগ্রহের স্বরে বলিল—তুমি নাকি যুদ্ধে যাচ্ছিলে, পুলুদা বল্‌ছিল, সত্যি ?...

—যাইনি, এবার ভাবচি যাবো—এখান থেকে গিয়েই যাবো—

অপর্ণা হাসিয়া বলিল—আচ্ছা থাক্‌ গো, আর রাগ করতে হবে না, আচ্ছা, তোমার কি কথার উত্তর দেব বলো তো ?...ওসব আমি মুখে বলতে পারবো না—

—আচ্ছা, যুদ্ধ কাদের মধ্যে বেধেচে, জানো ?...

—ইংরেজদের সঙ্গে আর জাখানির সঙ্গে—আমাদের বাড়ী বাংলা কাগজ আসে। আমি পড়ি যে।

অপর্ণা রূপার ডিবাতে পান আনিয়াছিল, খুলিয়া বলিল—পান খাবে না ?...

বাহিরে এক পশলা বৃষ্টি হইয়া গেল। এতটুকু গরম নাই, ঠাণ্ডা রাতটির ভিজা মাটির স্বগন্ধে ঝিরঝিরে দক্ষিণ হাওয়া ভরপুর, একটু পরে সুন্দর জ্যোৎস্না উঠিল।

অপু বলিল—আচ্ছা অপর্ণা, চাঁপাফুল পাওয়া যায় তো কাউকে কাল না ব'লো বিছানায় রেখে দেবে ? আছে চাঁপাগাছ কোথাও ?...

—আমাদের বাগানেই আছে। আমি একথা কাউকে বলতে পারবো না কিন্তু—তুমি ব'লো কাল সকালে ওই নুপেনকে, কি অনাদিকে...

—আচ্ছা কেন বলো তো চাঁপাফুলের কথা তুললাম ?...

অপর্ণা সলজ্জ হাসিল। অপূর বৃষ্টিতে দেরি হইল না যে অপর্ণা তাহার মনের কথা ঠিক ধরিয়াছে। তাহার হাসিবার ভঙ্গিতে অপু একথা বুঝিল। বেশ বুদ্ধিমতী তো অপর্ণা !...

সে বলিল—হ্যাঁ একটা কথা অপর্ণা, তোমাকে একবার কিন্তু নিয়ে যাবো দেশে, যাবে তো ?

অপর্ণা বলিল—মাকে ব'লো, আমার কথায় তে হবে না...

—তুমি রাজী কি না বলো আগে—সেখানে কিন্তু কষ্ট হবে। দুখানা মোটে চালাঘর, তাও মা মারা যাওয়ার পর আর সেখানে যাইনি, তোমাদের মত বিচাকর নেই, নিজের হাতে সব কাজ করতে হবে—রাজী আছ কি না ? আমি কিন্তু গরীব, তা আগে থেকেই ব'লে রাখি। তুমি হ'লে জমিদারের মেয়ে—

অপর্ণা এবার একটু দৃঢ়স্বরে কথা কহিল। বলিল—কেন একশোবার ওকথা বলো ?...তুমি কাল মাঝে বাবাকে ব'লে রাজী করাও, আমি তোমার সঙ্গে যেখানে নিয়ে যাবে যাবো, গাছতলাতেও যাবো, আমি তোমার সব কথা জানি, পুলুদা মায়ের কাছে বল্‌ছিল, আমি সব শুনেচি। যেখানে নিয়ে যাবে, নিয়ে যাও, তোমার ইচ্ছে, আমার তাতে মতামত কি ?

রাত্রে দুজনে কেহ ঘুমাইল না।

(ক্রমশঃ)



উষার আলো—স্বামী চন্দ্রধরানন্দ প্রণীত; মূল্য ১০।

এই বইখানি যখন আমার হাতে পড়ল, তখন আমার মনে হল একদয় স্বামীজি কবিত্বপূর্ণ নাম দিয়ে নিশ্চয়ই দর্শন-শাস্ত্রের আলোচনা করেছেন; তিনি যে বড় রকমের দার্শনিক পণ্ডিত, তা জানবার উপভোগ্য আমার হয়েছে। তার পর, স্বামীজির লিখিত 'পরিচয়ে' দেখলাম যে, এখানি তত্ত্ববিজ্ঞার পুঁথি নয়—উপাস্তাস। 'পরিচয়ে' আর একটু এগিয়ে জানতে পারলাম, মূল চরিত্র উপাস্তাস চারটি—স্বত, চিরস্বত, রেণু আর দম্মা। অর্থাৎ এর মধ্যে দুইটি যুবক আছেন, দুইটি যুবতী আছেন। স্বতরাং, আমার ধারণা জন্মাল যে, আমাদের তরুণ-মলের উপাস্তাস-লেখকগণ আমাদের দেশের সর্বজন-শ্রদ্ধেয় শ্রীশ্রীরামকৃষ্ণ মঠের সন্ন্যাসীদের উপরও তাঁদের প্রভাব বিস্তৃত করেছেন—মঠের সাধু-সন্ন্যাসীরাও উপাস্তাস ও গল্প লিখতে আরম্ভ করেছেন। তখন অতীব আগ্রহের সঙ্গে স্বামী চন্দ্রধরানন্দের এই 'উষার আলো' পড়তে আরম্ভ করলাম। ছোট বই; পড়তে বেশী সময় লাগল না। বুঝতে বিলম্ব হ'ল না যে, হৃদয়গত, ধর্মপ্রাণ স্বামীজি উপাস্তাস-রূপ চিনির লেপ দিয়ে সাইকলজি বা মনস্তত্ত্বেরই বিশ্লেষণ করেছেন—উপাস্তাসটা আবরণ মাত্র। এই গল্প-উপাস্তাস-স্রাবিত দেশে স্বামীজির ছাত্র মনস্তত্ত্ববিদের উপযুক্ত কাজই হয়েছে। বইখানি পাড়ে যে আনন্দ পেয়েছি, সে কথা না বললেও চলে। সেই আনন্দের ভাগ দেশের নর-নারীকে দেবার জন্য আমার এই অকিঞ্চিৎকর 'পরিচয়-পত্র'।

শ্রীজলধর সেন

রামচন্দ্র—রায় শ্রীজলধর সেন বাহাদুর প্রণীত এবং মনকুমার চৌধুরী লেন, কলিকাতা হইতে শরচ্চন্দ্র চক্রবর্তী এও সল কর্তৃক প্রকাশিত। মূল্য এক টাকা।

বইখানি ছেলেদের জন্য লেখা। জলধরবাবু প্রসিদ্ধ কথাসাহিত্যিক। তিনি তাঁহার সাহিত্য-শক্তি শিশু-সাহিত্য রচনার নিয়োজিত করিয়াছেন। ফলে 'রামচন্দ্র' নানা দিক দিয়া অপূর্ণ হইয়া উঠিয়াছে। রামায়ণের কথা-আমাদের চির-আবহের বস্তু। ইহা নিরানুতনভাবে আমাদের রস পরিবেশন করিয়া আসিতেছে। তাই রামায়ণ গুনিতে আমাদের কখনও ক্লান্তি আসে না। তাই শৈশবে গোপনে বাগ্গিকা সকল সময়েই রামচন্দ্রের জীবন-কথা আমাদের হৃদয় আকর্ষণ করে। সেই অপূর্ণ কথা স্থললিত ভাষায় এবং মনোহর পদ্ধতিতে বিবৃত করিয়া গ্রন্থকার 'রামচন্দ্র'কে হৃদয়স্বামী রম্য বালক-বালিকাদের পক্ষে সর্বভোগ্য উপভোগ্য করিয়া তুলিয়াছেন। দশরথের কথা এবং রামচন্দ্রের জন্ম হইতে আরম্ভ করিয়া সীতার পাতালপ্রবেশ এবং লক্ষণবর্জনে পর্যন্ত রামায়ণের সকল কথাই সংক্ষেপে এবং সরলভাবে বিবৃত হইয়াছে। বইখানি শুধু শিশুদের নয়, বয়স্কদেরও মনোরঞ্জন করিবে। পুস্তকখানি চিত্রশোভিত। হৃদয় প্রচ্ছদপটখানি আঁকিয়াছেন শিল্পী শ্রীযুক্তসুন্দর সেন।

আলোর পাহাড়—শ্রীরবীন্দ্রনাথ সেন প্রণীত। প্রকাশক ইণ্ডিয়ান প্রেস লিমিটেড—এলাহাবাদ। মূল্য এক টাকা।

এখানি ছেলেদের বই। কতকগুলি ছোট গল্প আছে। রাস্কিনের লেখা প্রসিদ্ধ গল্পটির অনুসরণে প্রথম গল্প 'আলোর পাহাড়' রচিত হইয়াছে। অস্বাস্থ্য গল্পগুলি লেখকের পরিকল্পিত। 'মেঘমালার দেশে' দার্জিলিংয়ের বর্ণনা। কয়েকটি গল্প ছেলেরা উপভোগ্য করিবে।

চাঁয়ের-ধোয়া—শ্রীমদোজেন ভট্টাচার্য প্রণীত এবং ১৬ টাউনসেণ্ড রোড, হাইতে প্রকাশিত। দাম আট আনা।

ছেলেদের জন্য লেখা কতকগুলি ছোটগল্পের সমষ্টি। গল্পগুলি ছেলেমেয়েদের ভাল লাগিবে এবং পড়িয়া হাসিতে পারিবে। লেখকের সরস রচনাভঙ্গী বইখানিক উপভোগ্য করিয়া তুলিয়াছে।

কাব্য-সঞ্চয়ন—সত্যেন্দ্রনাথ দত্ত প্রণীত এবং ১৬ কলেজ স্কোয়ার হাইতে এম-সি-সরকার এও সল কর্তৃক প্রকাশিত। মূল্য সাড়ে তিন টাকা।

সত্যেন্দ্রনাথ দত্তের এইরূপ একখানি কাব্য-চরনিকা প্রকাশ করিয়া প্রকাশক এক দীর্ঘ-অনুভূত অভাব দূর করিয়াছেন। সত্যেন্দ্রনাথ জনপ্রিয় কবি। তাঁহার রচিত কাব্যগ্রন্থের সংখ্যাও ভিত্তান্ত অল্প নয়। ইচ্ছা থাকিলেও সকলের পক্ষে সকল গ্রন্থ সংগ্রহ করা সম্ভবপর নয়। কাজেই 'কাব্য-সঞ্চয়ন' প্রকাশ সমন্বয়যোগী হইয়াছে বলিতে হইবে। এই সংগ্রহে মৌলিক কবিতা ও অনুবাদ দুইই স্থান পাইয়াছে। সত্যেন্দ্রনাথের সকল ভাল কবিতাই নির্দোষ হইয়াছে বহু দ্র-একটি অতি দীর্ঘ কবিতা পরিত্যক্ত হইলেও কতি হইত না। রবীন্দ্র-শিষ্যদের মধ্যে সত্যেন্দ্রনাথ কাব্য-সাহিত্যে একটি বিশিষ্ট স্থান অধিকার করিয়াছেন। তাঁহার দেশপ্রেতিমূলক কবিতাগুলি বিশালাকায় ছাত্রদের কাছেও সুপরিচিত। 'গঙ্গাহৃদি বঙ্গভূমি', 'চরকার গান', 'আমরা বাঙ্গালী' প্রভৃতি কবিতাগুলি বহু সভায় আবৃত্ত হইয়াছে। ছন্দো-নৈপুণ্য এবং শব্দপ্রয়োগে সত্যেন্দ্রনাথ অপ্রতিরূপী। 'ওই সিঁদুর টিপ সিঁহল গীপ কাকনয়ন দেশ' 'অর্ণব' 'পিয়ালোর গান' প্রভৃতি কবিতা চন্দ্র বৈচিত্র্যের উদাহরণ। 'নীল পরী', 'লাল পরী', 'জর্জা পরী', 'সবুজ পরী' প্রভৃতি কবিতায় তাঁহার কাব্য প্রতিভার এক হৃদুমধুর দিক ফুটিয়া উঠিয়াছে। অনুবাদে তাঁহার মত সার্থকতা কেহই লাভ করিতে পারেন নাই।

'সিঁদুরের নোবর আমি গঙ্গা দিদির পাগল ভাই।'

'বীরসিংহের সিঁহ শিশু! দিয়াসাপিরা! বীর।'

'চরকার ঘর ঘরোয় ঘর ঘর।'

ঘর-ঘর সম্পদ, আপনার নির্ভর।'

প্রভৃতি লাইনগুলি লোকের মনের উপর চিরকালের ছাপ রাখিয়া যায়। এই উৎকৃষ্ট নির্বাক গ্রন্থখানি কাব্য সাগরমধ্যেই আদ্যের বস্তু হইবে। এছন্দপটখানি অশুদ্ধ হুন্দর। তৎক্ষণাৎ আপনাতঃ বাঁশের হাত আপনি আয়তারা। এখানি শ্রীযুক্ত যতীন্দ্রকুমার সেনের আঁকা।

সূচীরেখা—(প্রথম ভাগ) শ্রীমতী লেখা দেবী প্রণীত এবং ১৫ কলেজ কোয়ার্টার হইতে এম-সি-সরকার এণ্ড সন্স কর্তৃক প্রকাশিত। দাম আট আনা।

সূচী-শিল্পের এই হৃদয়বহুইথানি দেখিয়া মহিলাগণ বিশেষ আনন্দ লাভ করিবেন। ধীরে ধীরে বিস্তার লাভ করিয়া আজ ঘরে ঘরে এ শিল্পের চর্চা হইতেছে। শ্রীমতী লেখা দেবীর পুস্তকখানি সত্যই কালাপযোগী হইয়াছে। সূচী-শিল্পে হাত থাকিলেও অনেক মেয়েকে ডিজাইন ও প্যাটার্ন লইয়া গোলে পড়িতে হয়। 'সূচীরেখা' সেই বিপত্তি হইতে তাহাদের উদ্ধার করিবে। ব্রাউসের সকল প্যাটার্নই প্রচুর পরিচয়। ডিজাইনগুলি সুচিত্রিত। ইহাতে ব্রাউসের ডিজাইন ছাড়া ছোট ছোট ফুল লতা-পাতা ও অস্থান্য নানা রকম হৃদয় ডিজাইন আছে। কাপড়ে ছবি তুলিবার নিয়ম, বর্ণবিদ্যাশ্রুতি সম্বন্ধে সংক্ষেপে উপদেশ দেওয়া হইয়াছে। বইখানির আদর হইবে।

শ্রীশৈলেন্দ্র কৃষ্ণ লাহা

পারিবারিক চিকিৎসা—কবিবাজ শ্রীহিন্দু বরণ সেন প্রণীত। প্রাপ্তিস্থান—২০নং বলরাম ঘোষ স্ট্রীট, কলিকাতা। মূল্য ৯/০।

পুস্তকখানি সমালোচনার গুরু সম্প্রতি প্রাপ্ত হইলেও ইহা প্রকাশিত হইয়াছে ১৩৩৪ সালে। গ্রন্থকার 'নিবেদনে' লিখিয়াছেন,—“আর্যবর্ষীয় চিকিৎসার বহুল প্রচার উদ্দেশ্যে ইহা লিখিত।”—উদ্দেশ্য সাধু, সন্দেহ নাই। তবে দুঃখ এই যে, ঐ উদ্দেশ্য-সাধনের উপযোগী কোনও ভণের পরিচয় গ্রন্থে পাইলাম না। কতকগুলি রোগের লক্ষণ ও সেই সঙ্গে তাহাদের প্রতিকারকরণে কতকগুলি পানচন ও মুষ্টিযোগের প্রয়োগ-বিধি ইহাতে লিপিবদ্ধ হইয়াছে বটে, কিন্তু পানচন ও মুষ্টিযোগ বলিতে কি বুঝা পানচানির জগৎ কোন দেশ-জাত উদ্ভিদের কোন অংশ কোন সময়ে সংগ্রহ করিতে হয়, এবং কিরূপ স্থানের ও কিরূপ অবস্থার উদ্ভিজ্জ গ্রহণযোগ্য নয়,—এ সব কথার কিছুই ইহাতে নাই। ইহা ছাড়া আরও ত্রুটি আছে। লেখক 'ডেঙ্গুজ্বর' সম্বন্ধে বলিয়াছেন, “এ জ্বরও অনেকটা ইনফ্লুয়েঞ্জার মত।—কঠিন্তজ্ঞির প্রতি বিশেষ দৃষ্টি রাখিয়া প্রের্মা-জ্বর যে-সকল ব্যবস্থা বলা হইয়াছে, ডেঙ্গুজ্বরের সেই সকল ব্যবস্থা করা আবশ্যক।” কিন্তু ডেঙ্গুজ্বর আদি প্রের্মাজ্বর ব্যাধি নয়; বায়ু ও পিণ্ডের মিলিত প্রকোপ-হেতুই ইহার উৎপত্তি। হুতরাং 'ইনফ্লুয়েঞ্জা বা প্রের্মা-জ্বর জ্বরের ব্যবস্থা' ডেঙ্গুজ্বরের পক্ষে যে কুব্যবস্থা, তাহা বলাই বাহুল্য। লেখক একস্থানে লিখিয়াছেন,—“নবজ্বরে এক সপ্তাহ স্থায়ী না হইলে পানচন প্রয়োগ করিতে নাই।” ইহার পর নবজ্বর-প্রসঙ্গে আর একস্থানে বলিয়াছেন,—“যদি জ্বর প্রের্মা-প্রধান হয়, তাহা হইলে লক্ষ্মীবিলাস ১ বড়ি ও মল্লরঙ্গ ১ রতি মিশাইয়া দিন দুই-তিনবার সেবন করাইলে চমৎকার ফল দর্শন।” কিন্তু ঐ দুইটা কথাই ঠিক নয়। নবজ্বরের দুইটি অবস্থা—সাম ও নিরাম। নিরাম জ্বরে লক্ষণও বিধেয় নয়, ঔষধ সেবনও দোষের নয়। আর সাম জ্বরে জ্বর প্রথম সপ্তাহ-মধ্যে প্রয়োগ করিতে নাই বটে, কিন্তু যে-সমস্ত ঔষধ রসের পরিপাককারক বা উপদ্রব-নিবারক, তাহাদের প্রয়োগ নিষিদ্ধ নয়। লেখক প্রের্মাপ্রধান নবজ্বরে লক্ষ্মীবিলাসের যে ব্যবস্থা দিয়াছেন, তাহাও যুক্তি-বিরুদ্ধ। লক্ষ্মীবিলাসে অজ্ঞ ও ধূস্তর বীজ আছে। কিন্তু প্রের্মাপ্রধান নবজ্বরে লৌহ বা অজ্ঞঘটিত ঔষধ দিতে নাই। আর ঐ জ্বর সপ্তাহ পার না হইলে ধূস্তরঘটিত ঔষধ প্রয়োগ করাও অসঙ্গত। তাহাতে অনেক সময় হিতে বিপরীত হয়। একরূপ ভুল ও ত্রুটি গ্রন্থে অনেক আছে, বাহুল্য-ভয়ে আর দেখাইলাম না। লেখক যদি কবিবাজ নগেন্দ্রনাথ নৈ-

জগুপ্তের “পানচন ও মুষ্টিযোগ,” কবিবাজ যশোদানন্দন সরকারের “গৃহস্থের মুষ্টিযোগ ও কবিবাজের চিকিৎসা-গ্রন্থ” ও দ্বারকানাথ বিদ্যারাজের “বিবিধ তীর মুষ্টিযোগ” প্রভৃতি উৎকৃষ্ট গ্রন্থগুলি পাঠ করিয়া এ গ্রন্থ লিখিবার চেষ্টা করিতেন, তাহা হইলে ভাল হইত।

শ্রীঅমরেন্দ্রনাথ রায়

উদিতা—শ্রীমতী মৈত্রেয়ী দেবী প্রণীত। কবিগুরু রবীন্দ্রনাথ লিখিত ভূমিকা সম্বলিত; প্রকাশক, চক্রবর্তী চার্টার্জি এণ্ড কোং, কলিকাতা। দাম—২/ টাকা। পৃষ্ঠা ১৪৪; হৃদয় ছাপা ও বাঁধাই।

বাংলা দেশের যে কয়জন নারী-কবি বাংলা কাব্য-সরস্বতীর গলায় মালা হইয়া চলিতেছেন, তাহাদের সেই মালায় আর একটি মাথী রাখা পড়িলেন। বয়সে ইনি সর্ধকনিষ্ঠা, তাহা সত্ত্বেও ইহার কবিতার মধ্যে পরিণতির যে-সুখাবনা দেখিতেছি, মনে হয় ইহার দ্রুতি একদিন অনেকের প্রশংসা-দৃষ্টি আকর্ষণ করিবে।

সেদিন ভাদ্র মণ্ডপ জন্মদিনে ইহার প্রথম কাব্য-গ্রন্থ “উদিতা” প্রকাশিত হইয়াছে। “উদিতার” অনেকগুলি কবিতা গত চার বৎসর বিভিন্ন সময়ে বিভিন্ন মাসিক পত্রিকায় ছাপা হইয়াছিল; ইহা হইতেই বুঝা যাইবে যে, শ্রীমতী মৈত্রেয়ীর বার বৎসরের সদ্ধ উন্মুখ কবি-প্রতিভা বোলো বৎসর পায়ু যতটুকু পরিণতি লাভ করিয়াছে, তার প্রায় সবটুকু পরিচর এই কবিতাগুলির মধ্যে আছে। বইখানি পড়িলেই একথা সকলের আগে মনে পড়ে যে, কবিতাগুলি কবির বয়সকে অতিক্রম করিয়া গিয়াছে, একটা স্বাভাবিক কবি প্রতিভা যেন কবিতাগুলির দ্বারা ও ছন্দের সীমা হ্রাসলতাকেও ছাপাইয়া সুপরিষ্কৃত হইয়া উঠিয়াছে। এটা একটু বিস্ময়ের কথা সন্দেহ নাই।

ইহা ছাড়াও আর একটি বিস্ময়ের কথা এই কবিতাগুলির মধ্যে আছে। “উদিতা”-র ভূমিকা-লেখক কবিগুরু রবীন্দ্রনাথের কথাতেই তাহা বলা ভাল। “কিছুকাল থেকে তার লেখার একটা যে লক্ষণ দেখা দিয়াছে সেটা তার অবয়বের পক্ষে একেবারেই অনপেক্ষিত। ভাবের ছবিমান অল্পবয়সেও রচিত হইতে পারে, কিন্তু তত্বের গাঁথনি তো তেমন সহজ নয়। কাব্যের মধ্যে তত্বের উকিমুকি চলে, কিন্তু তাকে ডাক দিয়ে ভিতরে নিয়ে আসা প্রায় দেখতে পাওয়া যায় না। যদি বা এমন ঘটে, মৈত্রেয়ীর বয়সে সেটা অসম্ভবের কথা। জ্ঞানের পথে যে-উপগতি, সে তো পরিণত বয়সের অপেক্ষা রাখে বলেই জানি। শুধু চিন্তা করা নয়, চিন্তা করতে রস না পেলে সেটা কাব্যের বিষয় হতে পারে না। মৈত্রেয়ীর কাব্যে ক্রমে তত্বের আনন্দই যদি প্রধান হয়ে উঠে, এ সম্বন্ধে তার রচনার অনন্তপূর্ণতা বঙ্গসাহিত্যের একটা বিশেষ স্থান নিতে পারবে।” কবিগুরু একথা সত্য, কিন্তু ইহার ফলে “উদিতা”র বেশীর ভাগ কবিতাই একটু heavy হইয়া পড়তে বাধা হইয়াছে, এবং তাহাদের সহজ সাবলীল গতি মাঝে মাঝে একটু পঙ্গু হইয়া পড়িয়াছে।

কিন্তু স্বপ্নের কথা এই যে, তত্বের তাড়নায় মৈত্রেয়ীর কল্পনা কোথাও জটিল হয় নাই, ভাববেগ কোথাও শিথিল হইয়া বিকৃত রূপ ধারণ করে নাই; এক কথায় তত্বের আনন্দ কোথাও কাব্যের আনন্দকে লুপ্ত করে নাই। তাহা ছাড়া “উদিতা”র প্রায় প্রত্যেক কবিতাতেই ভাবের এমন একটা গভীরতা, দ্বন্দ্বের ও গতির এমন একটা স্তম্ভ গাভীয়া আছে, যাহা মনকে অভিভূত না করিয়া পারে না। ‘কোন কথা নহে’, ‘উপহার’, ‘আলো’, ‘অন্তর’, ‘পরিণতি’, প্রভৃতি কবিতা এই হিসাবে সত্যই উপভোগ্য। শুধু ভাবের গভীরতা, এবং দ্বন্দ্বের ও গতির গাভীয়াই

এর, কল্পনার এখানেও কবিতাগুলি অপূর্ণ সমৃদ্ধি লাভ করিয়াছে। 'রম্মলীলা' কবিতাটিতে তাহার খুব হৃদয়ের পরিচয় আছে। মনের কোনো বিশেষ ভাব ও ধারণাকে প্রকৃতির বিভিন্ন লীলার মধ্যে ব্যাপ্ত করিয়া দেখিবার ও তাহার মধ্যে একটা সার্থকতা খুঁজিবার মানসের যে একটা সহজ প্রবৃত্তি আছে, এবং তাহার মধ্যে কল্পনার প্রসারের যে-বিচিত্র সুযোগ আছে, শ্রীমতী মৈত্রেয়ী দে-সুযোগকে কোথাও ব্যর্থ হইতে দেন নাই। আর শুধু কল্পনার প্রসারের কথাই বা বলি কেন, এই কবিতাগুলির প্রকাশের ভঙ্গীও খুব হৃদয়ের। 'হুম্মলীলায়

"আজি এই বসন্তের প্রথম সকালে
আকাশ রঙিন হ'লো নীলে আর লালে,
আনন্দ নিন্দুরে
হৃদয়ের করিয়া দিল শিশির বিন্দুরে।
শুকপত্র ঘরে গেল অশ্রবন তলে,
বিকশিত কিশলয়ে আনন্দ উছলে
যে-বীচিটি পড়েছিল প্রাক্ষণের কোণে
সে আজিকে হায়
কখন উঠিল কাঁপি পুষ্পিত লতায়।"

আমি ইচ্ছা করিয়াই অংশ উদ্ধৃত করিয়া কবিতাগুলির পরিচয় দিতে চেষ্টা করিলাম না; শুধু ইহাদের বিশিষ্টতার দিকে একটু ইঙ্গিত করিলাম মাত্র। এই কবিতাগুলির মধ্যে যে সহজ কবি-প্রতিভার পরিচয় আছে, তাহা আমি সানন্দে উপভোগ করিয়াছি, আশা করি সকলেই তাহা করিবেন। প্রার্থনা করি, বাংলা কাব্যাকাশে সদা-উদিতা শ্রীমতী মৈত্রেয়ীর কবি-প্রতিভা জয়যুক্ত হোক।

শ্রীমতীহাররঞ্জন রায়

পঞ্চশর—শ্রীপ্রমোদ মিত্র প্রণীত ও ২০৪ কর্ণওয়ালিস স্ট্রিট, কলিকাতা হইতে রাধহরি শ্রীমানী এণ্ড সন্স কর্তৃক প্রকাশিত। ডবল ক্রাউন বোড্‌শািত ১৫২ পৃষ্ঠা কাপড়ে বাঁধাই দাম পাঁচ টাকা।

প্রেমেন্দ্রবাবুর গল্প লেখার হাত আছে। ইতিপূর্বে তাঁর কয়েকটি ছোট গল্প ভিন্ন ভিন্ন নামে মাসিকপত্রে ছাপা হইয়াছিল, সেগুলিকে সংকলিতভাবে একত্রে গণিয়া "পঞ্চশর" নামে প্রকাশ করা হইয়াছে। বাংলা দেশে ছোটগল্পের বাজার বড়ই নগ্না স্তম্ভিতে পাই তাহ কি গুটিকয় ছোটগল্পকে একটু বড় গল্পের ছাঁচে ঢালাই করার এই কৌশল? ব্যবসাদারি হিসাবে ছয়ত ভালই, কিন্তু সাহিত্যের প্রতি নিশ্চয়ই ইহা অবিকার নয়। সাহিত্যের ধার ধারি না, অথচ সাহিত্য-প্রকাশের উচ্চাকাঙ্ক্ষা আছে, এরূপ ক্ষেত্রে সাহিত্যের যে দুর্গতি ঘটে 'পঞ্চশর' তার প্রকৃষ্ট প্রমাণ। পড়িতে পড়িতে লেখকের প্রতি সত্যই নারী হয়। মুদ্রাকরের হাতে পাও লিপি সঁপিয়া দিলেই প্রকাশকের

কর্তব্য ফুরায় না—প্রকাশক সে-কথা জানেন কি? জানিলে আগাগোড়া মারাত্মক ছাপার ভুলে এবং অজ্ঞবিধ ভুলে—যেমন 'স্পেনিং' এবং 'প্যাগ' ভাগ, বইখানিকে অপাঠ্য করিয়া তুলিয়া লেখক ও পাঠককে বধ করিতেন না।

গ্রন্থের "পঞ্চশর" নাম সার্থক, কারণ গল্পগুলি সমস্তই নরনারীর প্রেমের কাহিনী—নানান স্তরের platonie হইতে physical। স্থানে স্থানে কিছু কিছু ভাবার ত্রুটি সত্ত্বেও প্রায় সবগুলিই সুলিখিত। 'চিত্রা', 'কনোলিয়া', 'নীপুলা', 'গণেশ' এবং 'লতা ও কমল'—এর গল্পে লেখকের শক্তির পরিচয় পাইয়াছি; তার মধ্যে 'চিত্রা' ও 'গণেশ' শ্রেষ্ঠ।

স. ব.

সঙ্গীত-মুকুর—প্রথম খণ্ড, সঙ্গীতচর্চা শ্রীমতাক্ষর বন্দ্যোপাধ্যায় লিখিত। মূল্য আট আনা। শ্রীযুক্ত সত্যাক্ষর বন্দ্যোপাধ্যায় মহাশয়ের অপ্রসিদ্ধ সঙ্গীতজ্ঞ বংশে জন্ম। তাঁহার নিজেরও সঙ্গীতে স্নানধারণ বৃৎপত্তি। আজকাল প্রায় সর্বত্রই সঙ্গীতের আদর ক্রমশঃ বাড়িতেছে। শিক্ষা-বিভাগ হইতেও সঙ্গীতকে শিক্ষার বিষয় রূপে গ্রহণ করা হইয়াছে। সঙ্গীত-মুকুর বিদ্যালয়ে ব্যবহার্য লেখা হইয়াছে। পুস্তকের ভাষা ও শিক্ষা-পদ্ধতি বেশ ভাল এবং ইহার সাহায্যে অজবয়স্ক বালকবালিকারা সহজে সঙ্গীত শিক্ষা করিতে পারিবে বলিয়া মনে হয়। আমরা এই পুস্তকের বহুল প্রচার কামনা করি।

অ. চ.

কুন্তলীন পুরস্কার—১৩৩৭, এইচ বক্স, পারফিউমার কর্তৃক প্রকাশিত, ৬১ বহুবাজার, কলিকাতা।

এবারকার কুন্তলীন পুরস্কারে মোট সাতটি গল্প আছে। প্রথমেই পরশুরামের 'হুম্মানের স্বপ্ন—স্বপ্নেই মত অভিভূত করিয়া ফেলে। স্বপ্নরাজ্যের আবেশে গল্প শেষ হইয়া গেলেও রেশের মত মনে লাগিয়া থাকে। তাহার উৎস শিল্পী যতীন্দ্রকুমার সেনের মোহন তুলিকা গল্পটিকে বাস্তব মুষ্টি দিয়াছে। শৈলজানন্দের 'স্বপ্নরত্ন' গল্পটি বেশ লাগিল, তবে আর একটু অল্প পরিসরের মধ্যে রাখিলে ভাল হইত। দৌরানবাবুর 'পুষ্কর ভাগ্য' গল্পটি হৃদয়ের।

গল্প-সাহিত্যের অনেক অপ্রতিষ্ঠ লেখকের রচনাই কুন্তলীন পুরস্কারে স্থান পাইয়াছে। প্রকাশক মহাশয় নিবেদনে লিখিয়াছেন,—“পুরস্কার প্রকাশ করিয়া শারদীয় মহোৎসবের আনন্দ যদি কিছুমাত্র বাড়াইতে পারি, তবেই আমাদের সমস্ত পরিশ্রম ও অর্বব্যয় সার্থক মনে করিব।” আমাদের মনে হয়—তাঁহার চেষ্টা-যত সার্থক হইয়াছে।

ব.



বাংলা

কেন্দ্রীয় খাদেমুল এনছান সমিতি (কেন্দ্রীয় মানব-সেবক সমাজ), ফরিদপুর—

এ দেশের হিন্দু-মুসলমান সমাজের চরবহুর কথা সকলেই অবগত আছেন। হিন্দুর আজ হিন্দু নাই; মুসলমানের আজ মুসলমানই নাই। আস্ত গোড়ামীর চূড়ান্তই ইহাদের একমাত্র অবলম্বন। ভারত-বাসীর সংকীর্ণতা, বিশেষতঃ মুসলমান ও অসম্মত অসম্মত সম্প্রদায়ের অজ্ঞতা ও বিভ্রান্তি আজ দেশের ও দেশের মুক্তি-পথে এক বিরাট অন্তরায় হইয়া দাঁড়াইয়াছে। এ দেশের মুসলমান সম্প্রদায়ের শেচনীয় জরুরী কথা চিন্তা করিলে ভারতের ভবিষ্যৎ সুখ-শান্তি সম্পর্কে একবারে হতাশ হইতে হয়। দেশের এই বিরাট সম্প্রদায়টি আজ সর্বতোভাবে অসম্মত ও সর্বক্ষেত্রে পশ্চাদগত। এমন নিবিড় অজ্ঞানাকারে যে সমাজ-জীবন আজই আছে তাহার কখনও সত্যের সন্ধান পাইতে পারে না এবং নিজেদের স্বদেশের বা বাহিরের বিপুল বিশ্বের কোন কল্যাণ-কামনাও তাহাদের আগে স্থান পাইতে পারে না।

এই অজ্ঞানাকার ও অসম্মত সম্প্রদায়গুলিকে শিক্ষার প্রভাবে উন্নত ও সজ্জিত করিতে না পারিলে দেশের কোন বৃহত্তর স্থায়ী কল্যাণ ইহাদের দ্বারা সাধন হওয়া অসম্ভব। নিখিল ভারতের এই বিরাট মুসলমান সমাজে প্রকৃত জীবন্ত ও কার্যকরী কোন সেবা ও সংগঠন-প্রতিষ্ঠান ছিল না। দেশের এ হেন ঘোর দুর্দিনে বড় আশা ও সাহসে বুক বাধিয়া “কেন্দ্রীয় খাদেমুল এনছান সমিতি” (অর্থাৎ কেন্দ্রীয় নিখিল মানব-সেবক-সমিতি) নামে একটি উদার প্রতিষ্ঠান প্রায় তিন বৎসরকাল যাবৎ ফরিদপুর শহরে প্রতিষ্ঠা করা হইয়াছে। এই “কে: খা: এনছান সমিতি” কর্তৃক বাংলা ও আসামের বিভিন্ন পার্বত্য প্রদেশে, জিলায়, শহরে ও পল্লীতে “শাখা খাদেমুল এনছান সমিতি” প্রতিষ্ঠা, যাবতীয় সংগঠন, কুসংস্কার নিবারণ, মুষ্টি-চাউল সংগ্রহের প্রথা প্রবর্তন করিয়া পল্লীতে পল্লীতে ভবৈতনিক বিদ্যালয় স্থাপন, বালিকা-বিদ্যালয় স্থাপন, প্রয়োজনানুযায়ী মাস্টার্স স্থাপন, গরীব ছাত্রদিগকে সর্বপ্রকার সাহায্য দান, ডাক্তারি, অনাথ আশ্রম (এটীমখানা) ও দাতব্য চিকিৎসা-কেন্দ্র স্থাপন, নিরাশ্রয় হিন্দু-মুসলমান সন্তের শেখ বাবু, বস্ত্র, ভূমিক ও মহামারীর প্রকোপের সময় দীর্ঘকাল যাবৎ বিপন্নদিগকে সন্ধ্যাভিক্ষা ও সাহায্য দান, গ্রাম্য বিবাদ বিন্যাস পল্লীর শাখা খাদেমুল এনছান সমিতি-সমূহের দ্বারা দালালি বৈঠকে নিষ্পত্তি করিয়া জনসমাজের অর্থ রক্ষা ও শান্তি রক্ষা করিয়া পরস্পরের মধ্যে সার্বজনীন ভ্রাতৃত্ব-স্বস্তির চেষ্টা এবং সামান্য বায়ে বিবাহ, শ্রাদ্ধ (ফাতেহা) প্রভৃতি সম্পন্ন করা হইতেছে। এতদ্বিত্ত বিবিধ প্রকারের শারীর চর্চা ও

স্বাস্থ্যরক্ষার নিয়ম এবং তাঁত প্রতিষ্ঠা করিয়া খন্দর তৈয়ারের নিয়ম প্রণালী জনসাধারণের মধ্যে প্রচার করিতে প্রয়াস পাওয়া হইতেছে।

অনন্তর সম্ভান এই মানুষ অনন্তকে চায়। মানুষের মন অনন্ত, প্রেমও অনন্ত। তাই অনন্তকে বাদ দিয়া মানুষের মন সান্ত্বনের সাধনায় সীমাবদ্ধ থাকিতে একান্ত নারাজ। মানুষের মন-তন্ত্রী দৈনন্দিন জীবনের প্রত্যেক মুহূর্তে অনন্তের গুরু গভীর আজানে ধনিতা উঠিতেছে। সমগ্র মানব-জাতি বাহাতে অনন্তের এই মহানিমন্ত্রণে প্রাণের সহিত সাড়া দেয়, তজ্জন্ত “মোহাজ্জিন” নামক একখানা উৎকৃষ্ট সচিত্র বাংলা সাহিত্য পত্রিকাও ভারতীয় খাদেমুল এনছান সমিতি-সমূহের মুখপত্ররূপে ফরিদপুরের “কেন্দ্রীয় খাদেমুল এনছান সমিতি” কর্তৃক প্রায় তিন বৎসর কাল যাবৎ পরিচালিত হইতেছে।

একাধারে অজ্ঞ ও অসম্মত মানুষ-ভাইকে শিক্ষার প্রভাবে উন্নত, জন-সমাজের সংকীর্ণ মনোবৃত্তিকে উদার ভাব ও উন্নত চিন্তাধারায় উদ্বুদ্ধ, সকল মানুষেরই জীবনপ্রবাহে জিজ্ঞাসা বৃষ্টি, বিবেকের ক্ষুধা নিবৃত্তি এবং সত্য, সমাজ ও সাহিত্যের বিভিন্ন পন্থী সমস্ত-সমাধান-মূলক এই উদারনৈতিক সার্বজনীন মুক্তি-আন্দোলনকে জরথুস্ত্র করণার্থে দেশ-বিদেশে এই সমিতির শাখা গঠন করিতে প্রত্যেক মুসলমানকেই আমরা অনুরোধ করিতেছি—যেহেতু ভারতবর্ষের মুসলমান সমাজে সত্য, সমাজ ও সাহিত্য-সেবার জন্ত হৃদয়খালবদ্ধ ও প্রকৃত জীবন্ত সমিতি এই একটি ভিন্ন আর নাই।

এতদ্ব্যতীত এই জীবন্ত ও কার্যকরী প্রতিষ্ঠানকে যথাসক্তি আর্থিক সাহায্য দান করিতে এবং উক্ত আদর্শ মুখপত্র “মোহাজ্জিন” পত্রিকার গ্রাহক শ্রেণীভুক্ত হইতে দেশের প্রকৃত হিতকামী হিন্দু-মুসলমান সকলের সমীপেই আমরা একান্তভাবে নিবেদন জানাইতেছি। নিবেদন ইতি। ২১ ভাদ্র, ১৩৩৭।


নিবেদক :—

এ-কে, ফজলুল হক ফকির আবাবাখোদেদ রশীদউদ্দীন
(এম-এ, বি-এল, এম-এল-সি, এড- আই মল
ভোকেট, কলিকাতা হাইকোর্ট) (মোলানা গীর বাদশাহ মিয়া
মোহাম্মদ ইউছুক আলী চৌধুরী সাহেব)
(জমিদার) সৈয়দ আবদুর রব, সম্পাদক,

সভাপতি ও কোষাধ্যক্ষ, কে: খা: কে: খা: এনছান সমিতি এবং এনছান সমিতি, ফরিদপুর। মোহাজ্জিন, ফরিদপুর (বাংলা দেশ)।

বাঙালী ছাত্রের কৃতিত্ব—

কাশী হিন্দু বিশ্ববিদ্যালয়ের শ্রীযুক্ত সন্তোষচন্দ্র ভট্টাচার্য্য কলিকাতা বিশ্ববিদ্যালয় হইতে রাধিকামোহন বৃত্তি জয়ী ইঞ্জিনিয়ারিং অধ্যয়ন করিবার জন্ত ইংলণ্ডে গিয়াছেন।



শ্রীশম্ভু চন্দ্র ভট্টাচার্য

প্রবাসী বঙ্গ সাহিত্য সম্মিলন—


প্রবাসী বঙ্গ-সাহিত্য সম্মিলনের নবম অধিবেশন বড়দিনের অবকাশে আগ্রায় হইবে। এই সম্মিলন প্রবাসী বাঙ্গালীর গৌরব ও আদরের জিনিষ। পরিচালক সমিতির পক্ষ হইতে সমগ্র প্রবাসী বাঙ্গালীকে এই সম্মিলনে যোগ দান করিবার জন্ত নিমন্ত্রণ করা হইতেছে। শ্রীযুক্ত হরপ্রসাদ বাগচী মহাশয় উক্ত অধিবেশনের স্থানীয় কার্যাব্যাপক।

প্রবাসী বঙ্গ ছাত্র ও ছাত্রীগণের মধ্যে বাঙ্গালা ভাষা প্রচারার্থ একটি প্রবন্ধ প্রতিযোগিতা হইবে। বঙ্গের বাহিরে সকল ছাত্র ও ছাত্রীগণ, যাহারা প্রবাসী বঙ্গ সাহিত্য সম্মিলনের সদস্য এই প্রতিযোগিতায় যোগ দিতে পারিবেন। যাহারা সদস্য নহেন, তাহারা প্রবন্ধের সঙ্গে অথবা পূর্বে বাৎসরিক টাঙ্গা আট আনা অথবা এক টাকা পাঠাইয়া দিবেন। (ষোল বৎসর হইতে কুড়ি বৎসর বয়স্ক ছাত্র ও ছাত্রীর জন্ত আট আনা, তদুর্ধ্ব বয়স্ক ছাত্র ছাত্রীর জন্ত এক টাকা)। পরিচালক সমিতির কার্যাব্যাপকের নিকট আবেদন করিলে সদস্য হইবার

আবেদন পত্র পাঠান হইবে। প্রবন্ধটি ১৫ই অক্টোবরের মধ্যে পরিচালক সমিতির কার্যাব্যাপকের নিকট পাঠাইতে হইবে।


বিষয় :—(ছাত্রদিগের জন্ত)—“সব যুবকদিগের কর্তব্য কি?” লেখকেরা নিজের মতের সমর্থন বঙ্গ সাহিত্য হইতে করিবেন। প্রথম পুরস্কার স্বর্ণপদক; দ্বিতীয় পুরস্কার রৌপ্যপদক। (ছাত্রীদিগের জন্ত)—“স্ত্রীলোক ও পুরুষের অধিকার সমান হওয়া উচিত, কিবা তাহাতে প্রভেদ থাকিবে?” লেখিকারা নিজ মতের সমর্থন বঙ্গ সাহিত্য হইতে করিবেন। প্রথম পুরস্কার স্বর্ণপদক; দ্বিতীয় পুরস্কার রৌপ্যপদক।

শ্রীযুক্ত জলধর সেন মহাশয় অনুগ্রহ করিয়া বিচারের ভার গ্রহণ করিয়াছেন।




শ্রীমতী লাবণ্য মিত্র

ইনি সভাপ্রবন্ধের জন্ত কার্যাব্যাপকে দণ্ডিত হইরাছেন



ব্যঙ্গ-চিত্র



ভারতবর্ষ ও ব্রিটিশ সাম্রাজ্য

ব্রিটিশজাতি—“আমাদের অস্ত্রশস্ত্র সম্পূর্ণ বিভিন্ন ।
কিন্তু, মিঃ গাঙ্কি, শেষ পর্যন্ত আমাদের দুজনের একজনকে
যেতেই হবে

—Simplicissimus, Munich



অমিক গভর্নমেন্টের সমস্তা—সর্বত্রই পানাপান

—Glasgow Herald



বড়লাট—সব টিক আছে ! (I have the situation will in hand)

—Glasgow Evening News



ভারতবর্ষ ও ব্রিটিশ সাম্রাজ্য

—Kladderatsch, Berlin

নব্য বঙ্গীয় চিত্রকলা

নব্য বঙ্গীয় চিত্রকলাকে এখন আর তেমন নব্য বলা চলে না, এখন উহার পরিচয় সকল বাঙালীরই কিছু-না-কিছু জানা আছে। আর বাঙালীই বা বলি কেন? ভারতবর্ষের চিত্রকলাচর্যাগী রসিক সমাজ ইহাকে আর অবজ্ঞায় ঠেলিয়া ফেলিয়া রাখেন না। বিভিন্ন প্রদেশেও বঙ্গীয় চিত্রপদ্ধতির অমুকরণে ও প্রেরণায় ইহার অমুকরূপ চিত্রকলা জন্মলাভ করিতেছে। কাজেই, ইহাকে নব্য বলিয়া সঙ্কোচ করিবার বা বঙ্গীয় বলিয়া আশঙ্কা করিবার কোনও কারণ নাই। বরং বিপরীত কারণে ভয় হয়, আমাদের নব্য বঙ্গীয় চিত্রশিল্পী সমাজ বুঝি শিল্পের অপেক্ষা তাহার পদ্ধতিটাকেই বড় করিয়া তোলেন এবং আমাদের নিজস্ব চিত্রশিল্প সম্বন্ধে পূর্বেকার অন্ধ অবজ্ঞা বুঝি আজিকার দিনে আবার ক্যান্সান-মাকিক অন্ধ স্ততিতে আসিয়া ঠেকিতেছে।

নব্য বঙ্গীয় চিত্রকলা যদি অবনীন্দ্রনাথ, নন্দলাল প্রমুখ শিল্পাচার্য্যগণের রূপকর্মের অমুকৃতিকেই তাহাদের শিষ্যামুশিষ্যদের একমাত্র আদর্শ বলিয়া স্থির করিয়া দিত তাহা হইলে সত্যসত্যই আশঙ্কার কারণ ছিল। কারণ, আদর্শ যতই মা হৃন্দর ও স্থনিপুণ হাতের কাজ হোক শুধু তার অমুকরণে তার প্রাণকে পরা যায় না। তাই, শিষ্যপরম্পরার এইরূপ অমুকরণে ক্রমশঃই আদর্শের রূপ ও পটভূমির হ্রাস দেখা যাইত। নব্য বঙ্গীয় চিত্রশিল্পীদের কাহারও কাহারও চিত্র দেখিয়া যে এইরূপ আশঙ্কা হয় নাই তাহা নয়। তবে, আশার কথা এই যে, এখনও নতুন চিত্রশিল্পীদের মধ্যে এমন অনেকে আছেন যাহারা এই যুগের ও পূর্বে পূর্বে যুগের শিল্পাচার্য্যগণের আসল শক্তি ও আসল প্রতিভার দ্বারা অমুপ্রাণিত হইয়াই এই পদ্ধতি অবলম্বন করিয়াছেন, নিতান্তই পদ্ধতির চমকদার প্রভাবে প্রভাবান্বিত হন নাই। তাই, তাহাদের প্রাণ এই পথে মুক্তি পাইতেছে, বন্ধী হইয়া পড়িতেছে না।


পদ্ধতি যতক্ষণ পথান্ত প্রাণবান থাকে ততক্ষণ পথান্ত চলিতে ভয় পায় না। আনন্দের কথা এই যে,

নব্যবঙ্গীয় চিত্রকলা যে সচল আছে, তাহার প্রমাণ আমরা পাইতেছি।

বঙ্গদেশের যে তিনটি প্রতিষ্ঠানের আওতায় নব্যবঙ্গীয় চিত্রকলার শিক্ষা ও অমুশীলন হয়, তাহার একটি ওরিয়েন্টাল সোসাইটি অফ আর্টস, অন্যটি কলাভবন, ও তৃতীয়টি কলিকাতা আর্টস স্কুল। ইহার মধ্যে আর্টস স্কুলে সাহেবী ও সরকারী প্রভাব সমধিক ছিল। কিন্তু উহার বর্তমান অধ্যক্ষ শ্রীযুক্ত মুকুল দে মহাশয়ের চেষ্টায় ভারতীয় চিত্রপদ্ধতির শাখা বেশ সজীব হইয়া উঠিয়াছে। অধ্যক্ষ মহাশয় ও তাহার সহকারী শ্রীযুক্ত রমেন্দ্রনাথ চক্রবর্তী মহাশয়ের চেষ্টায় বর্তমানে চিত্রকলার সঙ্গীর্ণ ক্ষেত্র ছাড়াইয়া ভারতীয় কলা কাল্পকলার কার্য্যকরী শিল্পক্ষেত্রেও প্রবেশলাভ করিতেছে। ইহা বড়ই স্থলঙ্গণ। কলাভবনে দেই চেষ্টা পূর্বে হইতেই চলিতেছিল। ওরিয়েন্টাল সোসাইটি অফ আর্টস বর্তমানে বিভিন্ন দেশীয় চিত্রকলা পদ্ধতি সম্বন্ধে বক্তৃতাচর্যের আয়োজন করিতেছেন, আশা করা যায় ইহাতে সোসাইটির ভারতীয় শিল্পের নতুন সাধকগণ নিজ শিল্পকে ঐসব বিভিন্ন শিল্প-পদ্ধতির পটভূমিকায় স্থাপন করিবার অবসর পাইবেম এবং তাহাতে তাহাদের মন স্বচ্ছ ও তাহাদের কলা-নৈপুণ্য আরও খাটি হইবে।

এই সব প্রতিষ্ঠানের যে সব স্কুলী ছাত্র নিজদের শিক্ষার ও সাধনার কৃতিত্ব দেখাইতেছেন, তাহাদিগকে আমাদের অবজ্ঞা করা উচিত নয়। ইহাদের মধ্যে কেহ গুরুগণের প্রতিভার অধিকারী কিনা, তাহা ঠিক নাই। কিন্তু তাই বলিয়া ইহাদেরও যে বৈশিষ্ট্য ও কৃতিত্বটুকু আছে তাহা স্বীকার্য্য। সে বৈশিষ্ট্য উপভোগ্যও।

এইরূপ কয়েকটি শিল্পী শ্রীযুক্ত ইন্দ্ৰ রক্ষিত, শ্রীযুক্ত রিদ্দিক্ষ রাই, তারকনাথ বসু, আত্মামঙ্গল সিংহ ও ননীগোপাল দাসগুপ্ত, তাহাদের দুই একটি শিল্প নির্দশন এখানে প্রকাশ করা গেল—মনে রাখিতে হইবে যে, মূদ্রণের অমুবিধায় তাহাদের শিল্প-স্বমায় যথেষ্ট পরিচয়



গ্রামের দৃশ্য—শ্রীতারকনাথ বসু


ইহাতে দেওয়া সম্ভবপর নয়। ইহা শুধু পাঠক সাধারণের মনের কৌতূহল-বোধকে চরিতার্থ করিবার জন্ত ও রসিকবর্গের দৃষ্টি এদিকে আকর্ষণ করিবার জন্ত।

কিন্তু পূর্বেই উক্ত হইয়াছে, বঙ্গীয় চিত্রকলা আজ আর বাংলারই একান্ত নয়। শ্রীযুক্ত চিত্রা, মথুরাদাস গুপ্তসহিত ইহারই সাক্ষ্য। শ্রীযুক্ত চিত্রা কলাভবনের পূর্বতন ছাত্র; এখন তিনি স্বদেশে মাত্রাজ স্কুল অফ আর্টস-এ কাজ করিতেছেন।

এই সব ভিন্নদেশীয় শিল্পীচিত্রও যে বঙ্গীয় পদ্ধতিতে আপনাদের প্রকাশ-পথ খুঁজিয়া পাইতেছেন তাহা একদিকে যেমন সমগ্র ভারতীয় মনের এক-ধর্মের প্রমাণ, তেমনি আবার বাঙালীর এই কলাপদ্ধতি যে সর্বদা প্রাদেশিক মনোভাবের উর্ধ্বে বিচরণ করিতেছে, তাহাও উপলব্ধি করা যায়। দুইদিক হইতেই ইহা আশার কথা। আশার কথা এই যে ইহাদের দৃষ্টি আড়ষ্ট নয়—অর্থাৎ, এই পথে এমন কিছু নাই যাহা সর্বাঙ্গ ও জড়।



ঠাকুরমা—শ্রীজ্যোতিষ্মতী ক. রায়



রাজপুতনী—শ্রীইন্দু প্রসন্ন



বৈশাখ—শ্রীমদীপোপাল দাস-গুপ্ত




অদীপ—শ্রীসাহানন্দ সিং



চন্দ্রাবতী—শ্রীমথুরাদাস গুহরাটি



দিনের শেষে—শ্রীবীরভদ্র রাও চিত্রা



প্রতাবর্দন—শ্রীহন্দু রচিত




—জীবীরত্ন রায় চিত্রা




ব্যাধ—শ্রীচন্দ্রনাথ দেওয়ান



আয়েশা—শ্রীবিহঙ্গ রাও চিত্রা



নৌকা—শ্রীতারকনাথ বসু



(গ৩)গোল টেবিল বৈঠক

লণ্ডনে ব্রিটেনের কতকগুলি প্রতিনিধি এবং ইংরেজ গবর্নমেন্টের নির্ধারিত কতকগুলি ভারতীয় ও ভারত-প্রবাসী ইংরেজদের যে আলোচনা সভা হইবে, তাহাকে যে গোল টেবিল বৈঠক বলা যাইতে পারে না, তাহা আমরা শ্রাবণ মাসের প্রবাসীর বিবিধ প্রসঙ্গে দেখাইয়াছি। ইংরেজ গবর্নমেন্টের মনোনীত ভারতীয়েরা যে ভারতবর্ষ কর্তৃক নির্ধারিত ভারত প্রতিনিধি বলিয়া আত্মপরিচয় দিতে পারেন না, তাহাও ঐ সঙ্গে প্রদর্শিত হইয়াছে। এখন দেখা যাক, ইংরেজ গবর্নমেন্ট ভারতবর্ষ হইতে কিরূপ কত লোক বাছিয়া তাহাদিগকে এই দেশের প্রতিনিধি বলিয়া জগতে পরিচিত করিতে চান।

ব্রহ্মদেশ সমেত ভারতবর্ষ দুই ভাগে বিভক্ত,—সাক্ষাৎভাবে ইংরেজদের দ্বারা শাসিত অংশ এবং (পরোক্ষভাবে ইংরেজ শাসিত ও) সাক্ষাৎভাবে দেশী রাজাদের দ্বারা শাসিত অংশ। এই বিভাজন ভাষা ধর্ম জাতি প্রভৃতি অনুসারে নহে, কেবল সাক্ষাৎ শাসনকর্ত্তাভেদে এইরূপ ভাগ করা হয়। ব্রিটিশ শাসিত ভারতের লোকসংখ্যা ২৪,৭০,০০,২২০ এবং দেশী রাজ্যগুলির লোকসংখ্যা ৭,১২,৩২,১৮৭। ব্রিটিশ সরকার ব্রিটিশ শাসিত ভারত হইতে ৫০ এবং দেশী রাজ্য হইতে ১৬ জন প্রতিনিধি লইয়াছেন। কিন্তু লোক-সংখ্যা অনুসারে দেশী রাজ্যগুলির ১৫ জন লোকও বৈঠকে পাঠাইবার অধিকার হয় না।

এখন দেখা যাক, কোন ধর্মাবলম্বীদের মধ্য হইতে কত লোক লওয়া হইয়াছে। ব্রিটিশ শাসিত ভারতবর্ষের প্রধান প্রধান ধর্মসম্প্রদায়ের লোকদের সংখ্যা—

লোক-সংখ্যা	তথাকথিত প্রতিনিধি সংখ্যা
হিন্দু	১৬,৩১,৪৪,৭০০
মুসলমান	৫,২৪,৪৪,৩৩১
বৌদ্ধ	১,১৪,২০,৮১৫
আদিম	
জাতিসমূহ	৬২,০৪,১৬৭
খৃষ্টিয়ান	৩০,২৭,৮৮১
শিখ	২৩,৬৭,০২১
জৈন	১১,৭৮,৫২৬
পার্সী	৮৮,৪৬৪
ব্রিটিশ	১,১৫,৬০৬
মোট	২৪,৬২,৬০,২০০

ব্রিটিশ ভারতের মোট লোকসংখ্যার দুই-তৃতীয়াংশ হিন্দু, কিন্তু হিন্দু “প্রতিনিধি” লওয়া হইয়াছে অর্ধেকেরও কম। মুসলমানেরা মোট লোকসংখ্যার সিকিরও কম, কিন্তু তাহাদের মধ্য হইতে গৃহীত “প্রতিনিধি” মোট প্রতিনিধি সংখ্যার শতকরা ২৮ জন অর্থাৎ সিকির অনেক বেশী। ব্রিটিশ ভারতে মুসলমানের সংখ্যা হিন্দুর অর্ধেকের অনেক কম, কিন্তু মুসলমান “প্রতিনিধি”র সংখ্যা হিন্দু প্রতিনিধির অর্ধেকের চেয়ে বেশী। বৌদ্ধদের সংখ্যা হিন্দুদের সংখ্যার প্রায় এক-পঞ্চমাংশ, কিন্তু তাহাদের “প্রতিনিধি”র সংখ্যা মুসলমানদের এক-সপ্তমাংশ। বৌদ্ধদের সংখ্যা খৃষ্টিয়ানদের প্রায় চারিগুন, কিন্তু বৌদ্ধ “প্রতিনিধি” ২ জন, খৃষ্টিয়ান ৩ জন, আদিম জাতিসমূহের মোট লোকসংখ্যা খৃষ্টিয়ান, শিখ, জৈন, পার্সী ও ব্রিটিশদের প্রত্যেকের চেয়ে বেশী, কিন্তু তাহাদের মধ্য হইতে একজনও “প্রতিনিধি” গৃহীত হয় নাই। শিখদের সংখ্যা পার্সীদের চেয়ে অনেক বেশী, কিন্তু তাহাদের “প্রতিনিধি”র সংখ্যা সমান। জৈনরা সংখ্যায় পার্সী ও

ব্রিটিশদের চেয়ে বেশী, কিন্তু তাহাদের একজনও “প্রতিনিধি” নাই। ভারত-প্রবাসী ব্রিটিশরা সংখ্যায় পাসী ছাড়া আর সকলের চেয়ে কম হইলেও তাহাদের “প্রতিনিধি” তিন জন।

সরকারী লোকেরা বলিয়া থাকেন, ভারতবর্ষে হিন্দুদের মধ্যে ৬ কোটি লোক অস্পৃশ্য ও অবনত শ্রেণীর অন্তর্গত। ইহা সত্য হইলে তাহারা উচ্চতর শ্রেণীর হিন্দু ছাড়া আর সব ধর্মাবলম্বীদের প্রত্যেকের চেয়ে সংখ্যায় বেশী। কিন্তু তাহাদের মধ্য হইতে কেবল ১ জন লোককে—ডক্টর আম্বেদকরকে—মনোনীত করা হইয়াছে। সরকারী ও বেসরকারী ইংরেজরা বলিয়া থাকেন, যে, ভারতবর্ষে ব্রিটিশ প্রভুত্ব বিশেষ করিয়া অবনত শ্রেণীর লোকদের এবং আদিম জাতিসমূহের প্রতি গ্ৰায়বিচার ও তাহাদের মঙ্গলের জন্ত আবশ্যিক। কিন্তু (গণ্ড)গোল টেবিল বৈঠকে তাহাদের প্রতি গ্ৰায়বিচার কিরূপ হইয়াছে, তাহা স্পষ্ট। যদি বলেন, তাহাদের মধ্যে এরূপ যথেষ্ট লোক নাই যাহারা বৈঠকের আলোচনায় যোগ দিবার যোগ্য, তাহা হইলে বলিতে হইবে, ইংরেজ গবর্নেন্ট প্রায় দুই শত বৎসর ধরিয়া এমন করিয়া তাহাদের বহু কোটি লোকের উন্নতিসাধন করিয়াছেন, যে, এখনও তাহাদের মধ্যে একটা বৈঠকে হাত তুলিবারও লোক একজনের বেশী মিলে না।

দেশী রাজ্যসমূহ হইতে যাহাদিগকে লওয়া হইয়াছে, তাহাদের ১৬ জনের মধ্যে ১০ জন রাজা মহারাজা নবাব, বাকী ৬ জন তাহাদের মন্ত্রী বা অন্তর্গত কর্মচারী। এই রাজ্যগুলির ৭,১৪,২২,১৮৭ জন প্রজার মধ্যে একজনও মাহুম নাই! রাজা মহারাজারা যদি বলেন, তাহারাই প্রজাদের প্রতিনিধি, তাহা হইলে সেরূপ বাজে কথায় বিশ্বাস করিবার ভাগও সরকারী বেসরকারী ইংরেজ ছাড়া অন্ত কোন লোক করিবে না। দেশী রাজ্যসমূহের প্রজাদের মধ্যে কোন ধর্মের লোক কত, এবং “প্রতিনিধি”দের মধ্যে কতজন কোন ধর্মাবলম্বী তাহার পৃথক পৃথক তালিকা দেওয়া অনাবশ্যক। রাজ্য-নবাবদের মধ্যে হিন্দুর সংখ্যা খুব বেশী। সে হিসাবে ১৬ জনের

মধ্যে ৪ জন মুসলমান “প্রতিনিধি” বেশী হইয়াছে। প্রজাদের মধ্যে ৫,৩৫,৮২,৮৮৬ জন হিন্দু, ২২,২০,২০২ জন মুসলমান। এই দুটি সংখ্যা অল্পস্বল্পেও দেশী রাজ্যসমূহের মুসলমান “প্রতিনিধি”র সংখ্যা বেশী হইয়াছে।

আমরা ব্যবস্থাপক সভা বা অন্ত কোন প্রতিনিধি-সভাসমিতিতে ভিন্ন ভিন্ন ধর্মের ও শ্রেণীর আলাদা আলাদা প্রতিনিধি চাই না। সরকারী ও বেসরকারী ইংরেজরা তাহার সমর্থন করেন, এবং বলেন, যে, গবর্নেন্ট সকলের প্রতি, বিশেষতঃ সংখ্যান্য ও অন্তর্গত শ্রেণী সকলের প্রতি, গ্ৰায়বিচার করিতে চান; এই কারণে আমরা (গণ্ড)গোল টেবিল বৈঠকের সভাদের নামতালিকা বিশ্লেষণ করিয়া আমাদের বক্তব্য বলিতেছি।

ভিন্ন ভিন্ন প্রদেশের প্রতি গবর্নেন্ট কিরূপ ন্যায়-বিচার করিয়াছেন, তাহারও কিছু নমুনা দিতে চাই। প্রদেশগুলির মধ্যে বঙ্গের লোকসংখ্যা সকলের চেয়ে বেশী; তাহার পর যথাক্রমে আগ্রা-অযোধ্যা, মাদ্রাজ, বিহার-উৎকল, পঞ্জাব...। কিন্তু ব্রিটিশ-শাসিত ভারতবর্ষের পঞ্চাশ জন তথাকথিত প্রতিনিধির মধ্যে ১০ জন লওয়া হইয়াছে মাদ্রাজ হইতে। সকলের চেয়ে সংখ্যাবহুল বাঙালীদের মধ্যে হইতে লওয়া হইয়াছে মোটে পাঁচ জন। তাহাদের মধ্যে আবার স্ত্রীর প্রভাসচন্দ্র মিত্র সরকারী লোক, অতরাং তাহাকে কোন দিক দিয়াই বাঙালীদের প্রতিনিধি বলা যায় না। বাকী চারি জনের মধ্যে দুজন মুসলমান, দুজন হিন্দু। পঞ্জাবের লোক-সংখ্যা বঙ্গের অধিকেরও কম। কিন্তু পঞ্জাব হইতে মোট অন্যান্য ছয় জন লোক লওয়া হইয়াছে। বোম্বাইয়ের লোকসংখ্যা পঞ্জাব হইতেও কম। সেখান হইতে অন্যান্য আট জন লওয়া হইয়াছে। “অন্যান্য” বলিতেছি এইজন্য, যে, কে কোন প্রদেশের লোক নামের দ্বারা তাহা সব স্থলে ঠিক করিতে পারিতেছি না।

মুসলমান বাঙালীদের ভাবিবার একটি কথা আছে। ভারতবর্ষে সকলের চেয়ে বেশী মুসলমান বাস করেন বঙ্গে—২,৫২,১০,৮০২। তাহার পর পঞ্জাবে ১,১৪,৪৪,৩২১। কিন্তু পঞ্জাব হইতে তিন জন মুসলমান লওয়া

হইয়াছে, বাংলা হইতে দুজন। বোম্বাই প্রেসিডেন্সীতে মুসলমানের সংখ্যা কেবল ৩৮,২০,১৫০। সেখান হইতে তিনজন মুসলমান লওয়া হইয়াছে। বাংলাদেশ ও অন্ধ্র সব প্রদেশ হইতে যেসব মুসলমান লওয়া হইয়াছে, তাহারা প্রতিনিধিত্বানীয় কি না তাহার বিচার মুসলমানেরা করিবেন।

পঞ্জাবের সকলের চেয়ে বেশী লোক মুসলমান, সংখ্যায় হিন্দু ও শিখদের স্থান যথাক্রমে তাহার নীচে।
যথা—

মুসলমান	১,১৪,৪৪,৩২১
হিন্দু	৬৫,৫২,২৬০
শিখ	২২,২৪,২০৭

কিন্তু “প্রতিনিধি” লওয়া হইয়াছে মুসলমানদের মধ্য হইতে ৩, শিখদের মধ্য হইতে ২ এবং হিন্দুদের মধ্য হইতে ১ জন।

বিহার উৎকলে হিন্দুদের সংখ্যা ২,৮১,৬৬,৪৫২, মুসলমানদের সংখ্যা ৩৬,২০,১৮২। কিন্তু তথাকার হিন্দুদিগের মধ্য হইতে কেবল একজন লোককে লওয়া হইয়াছে, এবং তিনি এক জন অনভিজ্ঞ, অল্পবয়স্ক জমিদার।

ভারতীয় নারীদের মধ্য হইতে দুইজনকে মনোনীত করা হইয়াছে। তাহার মধ্যে একজন মাদ্রাজের এক মন্ত্রী স্ত্রী, সুতরাং তিনি আধা-সরকারী মানুষ। অল্প জন পঞ্জাবের অত্যন্ত প্রধান সাম্প্রদায়িক নেতা শ্রর মহম্মদ শাফীর কন্যা। মনোনীত ভারতীয়দের মধ্যে তিন জন প্রাদেশিক শাসনপরিষদের সভ্য আছেন—বঙ্গের একজন, আগ্রা-অযোধ্যার একজন এবং মধ্য-প্রদেশের একজন। এই তিন প্রদেশে বেসরকারীর যোগ্য লোকদের সংখ্যা কি এতই কম যে, সরকারী লোক আমদানী করিতে হইল ?

জলপথে স্থলপথে মাল আনয়ন ও প্রেরণ, আমদানী রপ্তানী শুদ্ধ, ব্রিটিশ মুদ্রার সহিত ভারতীয় মুদ্রার বিনিময়ের হার, ব্যাঙ্কের ব্যবস্থা, প্রভৃতির দ্বারা ভারতীয়দের কৃষিশিল্প বাণিজ্যের অবনতি বা উন্নতি সাধিত হইতে পারে। এইজন্ত ভারতবর্ষের

ভবিষ্যৎ রাষ্ট্রীয় বিধিতে এমন কিছু থাকি চাই যাহার দ্বারা তাহার শিল্পকৃষিবাণিজ্যের উন্নতি হইতে পারে। কিন্তু (গণ)গোল টেবিল কনফারেন্সের জন্ত ভারতীয় পণ্যশিল্প ও বাণিজ্যে ব্যাপ্ত একজনকেও লওয়া হয় নাই। বোম্বাইয়ের দেশী বণিকগণ সভা করিয়া বলিয়াছেন, এই কনফারেন্সের জন্ত মনোনীত ভারতীয়েরা দেশের প্রতিনিধি নহেন, এবং কনফারেন্স দ্বারা ভারতবর্ষের অনিষ্টই হইবে। বোম্বাই হইতে মনোনীত লোকদিগকে সামাজিকভাবে একঘরো করিবার চেষ্টাও হইতেছে।

যে-সব লোককে মনোনীত করা হইয়াছে, তাহাদের মধ্যে যোগ্য লোক নাই এমন নহে। কয়েকজন যোগ্য লোক আছেন। কিন্তু তাহারা যদি স্ব-স্ব দলের প্রতিনিধি সভার দ্বারা নির্বাচিত হইতেন, তাহা হইলে সেই সেই দলের লোক তাহাদিগকে প্রতিনিধি বলিয়া স্বীকার করিতে পারিত। কংগ্রেস অবশ্য বৈঠককে বয়কট করিয়াছেন; কিন্তু উদারনৈতিক সংঘ, মুসলিমলীগ প্রভৃতি উহাকে বয়কট করেন নাই। গবর্নেন্ট তাহাদিগকে কেন নিজ নিজ প্রতিনিধি নির্বাচন করিতে দিলেন না? সরকার নিজের মনের মত লোক বাছিবেন অথচ বলিবেন, ইহারা ভারতবর্ষের প্রতিনিধি। ইহা হাস্যকর ব্যাপার।

যত লোকের নাম ফর্দে আছে, তাহাদের প্রত্যেকের এবং সকলের সমষ্টির মতের সমর্থক ভারতবর্ষে কত আছে? বেশী নয়। তাহা অপেক্ষা যেনী সমর্থক ও অসুচর কংগ্রেসের আছে। সুতরাং কনফারেন্সে যাহারা যাইবেন, তাহারা ভারতবর্ষের খুব কম লোকেরই প্রতিনিধি। অথচ তাহাদের তর্ক-বিতর্ক ও ক্রিয়া-কলাপ ভারতবর্ষের প্রতিনিধিদের ক্রিয়াকলাপ বলিয়া ব্রিটিশ গবর্নেন্ট ও জাতির দ্বারা জগতে ঘোষিত হইবে।

পঞ্চাশ জনের মধ্যে জো-হুসুম অনেক আছেন, এবং অল্প অনেক আছেন যাহারা ভারতীয় মহাজাতি অপেক্ষা নিজ নিজ সম্প্রদায়ের ক্ষুদ্র স্বার্থকে বড় করিয়া দেখেন। এমন লোকও অবশ্য আছেন যাহারা জাতীয় কল্যাণই চান। কিন্তু অল্প এমন লোক লওয়া হইয়াছে, যাহাদের সহিত তাহাদের মতের এক্ষা স্থাপন অসাধ্য বলিলেও চলে। ইচ্ছা করিয়া গবর্নেন্ট এরূপ

অনেক লোক মনোনীত করিয়াছেন কি না কেমন করিয়া বলিব? পরচিত্ত অন্ধকার। কিন্তু গোল টেবিল বৈঠক **পাণ্ডেপোল** টেবিল বৈঠকে পরিণত হইবার বিশেষ সম্ভাবনা ও আশঙ্কা আছে। তাহা যদি হয়, তখন ব্রিটিশ গবন্মেণ্ট ও জাতি জগৎকে বলিতে পারিবে, “এই দেখ ভারতবর্ষের একটি ক্ষত্ৰাকার নমুনা; ইহার নিজেরাই জানেন না তাহারা কি চায়, সুতরাং আমরাই তাহাদের কল্যাণের জন্য প্রধানতঃ সাইমন রিপোর্ট অনুযায়ী একটি স্বা ব্যবস্থা করিতে বাধ্য হইলাম।” গোল টেবিল বৈঠক **পাণ্ডেপোল** টেবিল বৈঠকে পরিণত হইবার আশা কিংবা তাহাকে **পাণ্ডেপোল** টেবিল বৈঠকে পরিণত করিবার ইচ্ছা অনেক ইংরেজের ছিল ও আছে বলিয়া অনুমান করিবার যথেষ্ট কারণ আছে। তাহাদের একটা মুখপত্র “ইংলিশমানে”র নিম্নমুদ্রিত মন্তব্য পড়ুন। উহা ৮ই সেপ্টেম্বরের “ইংলিশমানে” বাহির হইয়াছে।

“The interests represented are too diverse for agreement, the range of subjects too great for practical consideration in the time at disposal. *Yet it is well that this should be shown to the world. The inevitable consequence will be to give new weight to the Republic’s Commission.*” (Italics ours. Editor, Prabasi.)

তাৎপর্য। “যে-সব লোকসমষ্টির প্রতিনিধি লওয়া হইয়াছে তাহাদের স্বার্থ এত বিভিন্ন যে, ঐকমত্য অসম্ভব; যতটুকু সময় পাওয়া যাইবে তাহাতে এত বেশী বিবেচ্য বিষয়ের “কেজো” বা ফলপ্রসূ বিবেচনা অসম্ভব। **তথাপি প্রতিনিধীকে ইহা প্রদর্শিত হওয়া ভাল।** সাইমন কমিশন রিপোর্টের গুরুত্ব বৃদ্ধি ইহার অনিবার্য ফল হইবে।”

কিন্তু ইহা আইনে এইরূপ বলে, যে, কোন কথা কাজ বা স্বা ব্যবস্থার স্বাভাবিক বা অনিবার্য ফল যাহা, বক্তা কর্মী বা স্বা ব্যবস্থাকারীর উদ্দেশ্য তাহাই ছিল বলিয়া ধরিয়া লওয়া ন্যায়সঙ্গত। ইহা যদি সত্য হয়, তাহা হইলে গোল টেবিল বৈঠকের আয়োজন এবং কতকগুলি নানা মতের লোক তাহাতে হাজির করার উদ্দেশ্য কি এই ছিল, যে, উহা **পাণ্ডেপোল** টেবিল বৈঠকে পরিণত হইয়া ভারতবর্ষের অসামর্থ্য ও মতভেদ জগৎসারী নিকট স্থাপিত করে?

ইঙ্গ-ভারতীয় বৈঠকের কাজ ও কাজের প্রণালী

লওনে ইঙ্গ-ভারতীয় কনফারেন্সে কি কাজ হইবে, কিরূপ প্রস্তাবসমূহের আলোচনা হইবে, আলোচনার প্রণালী কিরূপ হইবে, এবং বৈঠক প্রত্যেক প্রস্তাব সম্বন্ধে মীমাংসা ও সিদ্ধান্তে কিরূপে উপনীত হইবেন, তাহা না জানিয়া যাহারা ভারতবর্ষ হইতে উহাতে যোগ দিবার জন্ত যাইতেছেন, তাঁহাদের কাহারও বুদ্ধি নাই ও স্বদেশপ্রেম নাই বলিতে পারি না; কিন্তু তাঁহাদের বুদ্ধি ও স্বদেশ-প্রেম কি-জাতীয় বৃত্তিতে পারিতেছি না।

লর্ড আক্কাইন বলিয়াছেন, দাসত্ব হইতে আরম্ভ করিয়া পূর্ণস্বাধীনতা পর্যন্ত কোন রকম রাষ্ট্রীয় ব্যবস্থা ভারতবর্ষের উপযোগী তাহার আলোচনা কনফারেন্সে হইতে পারিবে। কথাটা তিনি গম্ভীরভাবে বলিয়াছিলেন, না কিঞ্চিৎ উত্তাক্ত হইয়া বিদ্রূপচ্ছলে বলিয়াছিলেন, জানি না। কিন্তু যেভাবেই তিনি উহা বলিয়া থাকুন, উহার মধ্যে সত্য আছে।

ভারতবর্ষের প্রধান প্রধান রাজনৈতিক দলের মধ্যে কেহই ডোমিনিয়ন টেটাসের কম কিছু চান না। অতীতের অনেক বিখ্যাত ইংরেজ এবং ভারতপ্রবাসী অধিকাংশ ইংরেজ-সমিতি বলিতেছে, যে, বর্তমানে ভারতবর্ষের যে যে অধিকার আছে, তাহাও কমাইয়া তাহাকে মর্লী-মিটো আমলের অবস্থায় বা তাহারও আগেকার অবস্থায় আনা হউক। সাইমন কমিশন রিপোর্টেও ভারতীয়দিগের অধিকার কিছু কমাইবার এবং লাটদের ও আমলাতন্ত্রের ক্ষমতা কিছু বাড়াইবার সুপারিস আছে। সুতরাং লওনের বৈঠকে ভারতবর্ষের কেবল রাষ্ট্রীয় উন্নতির আলোচনাই হইবে, অবনতির আলোচনা হইবে না, এরূপ বলা যায় না। তাহা হইলে আমাদের তথাকথিত প্রতিনিধিরা কি বড়জোর এই বলিতে লওন যাইবেন, “হে প্রভুগণ, আমাদের আরও অবনতির ব্যবস্থা করিও না,” এবং এই প্রার্থনার সপক্ষে যুক্তির অবতারণা করিবেন? এতদিন নিফল ভিক্ষুকতা করিয়া ও তাঁহাদের সাধ মিটিল না?

অবশ্য পূর্ণস্বাধীনতা বা ডোমিনিয়ন টেটাসের

আলোচনাও হইতে পারিবে। কিন্তু আলোচনা ও তাহার শেষ ফল কিরূপে নির্ণীত হইবে? বৈঠকের কার্য-প্রণালীর কোন আভাসই পাওয়া যায় নাই। ভারত-বর্ষ হইতে ৫০ + ১৬ = ৬৬ জন লোক মনোনীত হইয়াছেন, আরও কয়েকজন হইতে পারেন, সরকারী জ্ঞাপনীতে এরূপ আভাস আছে। ব্রিটিশ পক্ষের কতজন লোক বৈঠকে থাকিবেন, জানা নাই। তাঁহাদেরও তিন রাজনৈতিক দলের কি ৬০/৭০ জন লোক বৈঠকের সভ্য হইবেন? এ পর্য্যন্ত কাগজে যাহা বাহির হইয়াছে, তাহাতে মনে হয় না, যে, ব্রিটেনের এত প্রতিনিধি কনফারেন্সে যোগ দিবে।

কিন্তু ভারতীয়দের সংখ্যার চেয়ে ইংরেজদের সংখ্যা যদি কম বা বেশী হয়, তাহা হইলে প্রত্যেক প্রস্তাব সম্বন্ধে শেষ সিদ্ধান্ত কি প্রকারে হইবে? লর্ড আক্কাইনের এক বক্তৃতায় আছে, যে, কনফারেন্সের সর্বাপেক্ষা অধিক ঐকমত্য (এগ্রীমেন্ট) যাহা হইবে, ব্রিটিশ গবর্নমেন্ট তাহাকে ভিত্তি করিয়া পার্লামেন্টে বিল উপস্থিত করিবেন। কিন্তু ঐকমত্যটা কি প্রকারে নির্ধারিত হইবে? যে-যে প্রস্তাবে বৈঠকের সভ্যদের মধ্যে কেহই আপত্তি করিবে না, কেবল তাহাই বৈঠকের সিদ্ধান্ত বলিয়া গৃহীত হইবে? তাহা হইলে ত ঐকমত্যের সম্ভাবনা খুব কম বলিতে হইবে। কারণ, বৈঠকটা পোল ত নহেই, প্রধানতঃ ত্রিকোণ ও ত্রিভুজ। এক বাহু বা পক্ষ ইংরেজ, আর এক বাহু ভারতীয় রাজস্ববর্গ ও তাহাদের কর্মচারীরা, এবং তৃতীয় বাহু ব্রিটিশ-শাসিত ভারতবর্ষ হইতে মনোনীত ভারতীয়েরা। ব্রিটিশ পক্ষে ব্রিটিশ তিন রাজনৈতিক দলেরই লোক থাকিবে। ভারতবর্ষকে কত কম দেখা যায়, সে বিষয়ে মূলতঃ তিন দলের বেশী মতভেদ না থাকিলেও, পুরা ঐকমত্য না হইতেও পারে। ভারতীয় রাজস্ববর্গ নামে রাজা হইলেও তাহারা ইংরেজের সম্বন্ধে ভারতীয় প্রজাদের চেয়ে অধিক মনমোহাবের পরিচয় দিতে বাধ্য। তথাপি সব বিষয়ে তাহারা ইংরেজদের মতে সায় দিতে পারিবেন না, এবং তাহাদের নিজদের মধ্যেও ব্রিটিশ-শাসিত ভারতের লোকদের রাষ্ট্রীয় অধিকার সম্বন্ধে ঐকমত্য হইবার

সম্ভাবনা কম। ব্রিটিশ-শাসিত ভারতবর্ষ হইতে গবর্নমেন্ট যথাসাধ্য নিজদের মনের মত সভ্য নির্বাচন করিয়া থাকিলেও, তাদের সবাই “ধামাধরা” বা “জো-হুহুম” নয়। সুতরাং সবাই একমত হইয়া ইংরেজের মতে সায় দিতে পারিবে না।

অতএব, অনেক প্রস্তাব সর্বসম্মতিক্রমে গৃহীত হইবে না মনে করা যাইতে পারে।

তাহা হইলে কি অধিকাংশের ভোট অনুসারে প্রস্তাবগুলির ভাগ্যান্বিত হইবে? সেই প্রশ্নালী যদি অবলম্বিত হয়, তাহা হইলে ভোটগণনা কি প্রকারে হইবে? ইংরেজ ও ভারতীয় প্রত্যেক সভ্যের এক ভোট, এইরূপ একটা বুঝাপড়া আগে হইতে হইয়া বৈঠকের কাজ আরম্ভ হইবে কি? তাহা যদি হয়, এবং যদি ইংরেজ সভ্যের সংখ্যা অপেক্ষা ভারতীয় সভ্যের সংখ্যা বেশী হয়, তাহা হইলে আপাতদৃষ্টিতে মনে হইতে পারে, যে, কোন কোন বিষয়ে সব ভারতীয় একমত হইলে ব্রিটিশ পক্ষ হারিয়া যাইবে। কিন্তু ভারতীয় রাজা ও প্রজাদের মধ্যে সম্ভবতঃ এত “জো-হুহুম” আছে, যে, এরূপ ‘দুর্ঘটনা’ না ঘটিতেও পারে।

বৈঠকের সভাপতি কে হইবেন, তাহার আলোচনা বিলাতী সংবাদপত্রমহলে হইতেছে। কোন কোন কাগজ লয়েড জর্জকে সভাপতি করিতে বলিতেছে। একখানা কাগজ লিখিয়াছে প্রধানমন্ত্রী ম্যাকডোনাল্ড সভাপতি হইবেন স্থির হইয়াছে। তাহা অসম্ভব নয়। এত বড় একটা সমস্তার সমাধানের চেষ্টা প্রধানমন্ত্রীর সভাপতিত্বে হওয়া সম্ভব। ভারতবর্ষের প্রতি সভাপতির মনের ভাবের উপর ভারতবর্ষের কম-পাওয়া বেশী-পাওয়া বিন্দুমাত্রও নির্ভর করে না, বলিতে পারা যায় না।

কংগ্রেসের নেতাদের সহিত মুখ্যবর্তী সাহায্যে সন্ধির কথাবার্তা নিফল হওয়ায়, বিলাতী অনেক খবরের কাগজে এই গুজব রটিয়াছে, যে, বিলাতী রক্ষণশীল ও উদারনৈতিক দলের নেতারা বৈঠকের সভ্য হইবেন না, তাহাদের দলের অন্য কোন কোন লোককে তাহারা বৈঠকে পাঠাইবেন। এই চালের অর্থ অচুমান করা যাইতে পারে। কংগ্রেসের নেতাদের বৈঠকে যোগ

দিবার কথা যদি স্থির হইত, তাঁহাদের অন্ততঃ কতকগুলি সন্তে গবর্নেন্ট রাজী হইলে তবে তাহা হইত। এই সন্তগুলি ডোমিনিয়ন টেস্টস্ অপেক্ষা কম হইবার সম্ভাবনা ছিল না। তাহাতে গবর্নেন্ট রাজী হইলে, একপ সন্ত পণ্ড করিবার নিমিত্ত বর্তমান শ্রমিক গবর্নেন্টের বিরোধী রক্ষণশীল ও উদারনৈতিক দলের সর্বপ্রধান লোকদের বৈঠকে উপস্থিত থাকা আবশ্যক হইত। কিন্তু এখন কংগ্রেসকে বাদ দিয়া বৈঠক হইতে বাইতেছে। রক্ষণশীল ও উদারনৈতিকরা বেশ বুঝে, যে, কংগ্রেস-বর্জিত বৈঠকে যাহাই স্থির হউক, তাহা সারতঃ কংগ্রেসের মতের ও দাবীর অঙ্গুষ্ঠায়ী না হইলে, তাহার বেশী গুরুত্ব থাকিবে না। স্বতরাং সেরূপ কোন নির্ধারণের জগু তাঁহারা একটুও দায়ী হইবার লাঘব স্বীকার করিতে চান না। অধিকন্তু, যদিই ঘটনাক্রমে ভারতবর্ষকে কিছু বেশী দেওয়া বৈঠকে স্থির হইয়া যায়, তাহা হইলে পালেমেন্টে তাহার প্রতিকূল সমালোচনা করিবার সম্পূর্ণ স্বাধীনতা তাঁহারা নিজেদের হাতে রাখিতে চান। তাঁহাদের দলের লোকেরা বৈঠকে যোগ দিয়া কোন প্রস্তাবের পক্ষে মত দিয়া থাকিলেও দল প্তিরা পালেমেন্টে তাহার বিরুদ্ধাচরণ করিতে অধিকারী থাকিবেন কিনা, বলিতে পারি না। কিন্তু সেরূপ আচরণ অসঙ্গতিদোষ ছুট হইলেও ব্রিটিশ রাজ-নৈতিকদের তাহাতে বাধিবে না।

ভারতবর্ষের উদারনৈতিকদের মধ্যে প্রধান প্রধান কোন কোন ব্যক্তি প্রকাশভাবে লিখিয়াছিলেন, যে, বৈঠকে কংগ্রেস যোগ না দিলে তাহা ব্যর্থ ও নিফল হইবে। অথচ তাঁহাদেরই কেহ কেহ নিমজ্জিত হইয়াছেন এবং সম্ভবতঃ যাইতে রাজীও হইয়াছেন। অন্ততঃ এপর্যন্ত (৩১শে ভাদ্র পর্যন্ত) তাঁহাদের অসম্মতির কোন সংবাদ কাগজে বাহির হয় নাই। ভারতীয় উদারনৈতিক সংঘের গত বার্ষিক অধিবেশনের সভাপতি স্যার ফিরোজ মেথনা এলাহাবাদের ‘লীডার’ কাগজের সম্পাদক শ্রীযুক্ত চিব্রাভারী যজ্ঞেশ্বর চিন্তামণি এইরূপ কথা বলিয়াছিলেন। উভয়েই নিমজ্জিত হইয়াছেন। শ্রীযুক্ত চিন্তামণি নিজের কাগজে লিখিয়াছেন, যে, বৈঠকটাকে

যত দূর সম্ভব সফল করিবার চেষ্টা করা সকলের কর্তব্য। স্যার ফিরোজ মেথনা সম্প্রতি ‘নিউ ইণ্ডিয়া’ কাগজে বৈঠক সম্বন্ধে আশা ও আশঙ্কা উভয়ই প্রকাশ করিয়াছেন; কিন্তু তাহাতে যোগ দিবেন না, এমন কথা এ পর্যন্ত খবরের কাগজে প্রকাশ পায় নাই। ডাক্তার মুঞ্জি হিন্দু মহাসভার অত্যন্ত নেতা। তিনি নিরুপদ্রব আইন লঙ্ঘন আন্দোলনে যোগ দিয়া দণ্ডিত হইয়াছেন। নিমজ্জিতদের মধ্যে তাঁহার নাম দেখিলাম। তিনি যাইবেন না বলিয়াছেন বলিয়া ৩১শে ভাদ্র পর্যন্ত শুনি নাই। হিন্দু মহাসভার প্রধান নেতা পণ্ডিত মদনমোহন মালবীর কারারুদ্ধ হইয়াছেন। হিন্দু মহাসভার কোন অধিবেশনে বৈঠক সম্বন্ধে কোন আলোচনা বা প্রস্তাব ধাৰ্য্য হয় নাই। এ অবস্থায় কেবল মুসলমান সাম্প্রদায়িকরা যাইতেছে বলিয়া ডাক্তার মুঞ্জিরও যাওয়া সম্ভব হইবে মনে করি না। কাহাকেও পরামর্শ দেওয়া বা নিবৃত্ত করার ভার আমাদের উপর নাই। আমরা কেবল আমাদের মত প্রকাশ করিয়া সম্পাদকীয় কর্তব্য সমাপন করি।*

সাইমন কমিশনকে কেবল কংগ্রেস বয়কট করেন নাই, স্যার তেজ বাহাদুর সাফ্রি, শ্রীযুক্ত চিব্রাভারী যজ্ঞেশ্বর চিন্তামণি প্রমুখ উদারনৈতিকরাও উহার সংশ্রব বর্জন করিয়াছিলেন। যাহারা তখন সাইমন কমিশনের সম্মুখে সাক্ষ্য দেওয়া অপমানকর মনে করিয়াছিলেন, এখন তাঁহারা ই ব্রিটিশ রাজনৈতিক ফাঁদে পা দিয়া কার্য্যতঃ লওনে সাক্ষ্য দিতে যাইতেছেন। একথা বলা বিন্দু মাত্রও অযৌক্তিক বা অজ্ঞান নহে। যাহারা যাইতেছেন, তাঁহারা ব্রিটিশ গবর্নেন্টের কোনই প্রতিশ্রুতি পান নাই। “তোমরা বলিবে আমরা শুনিব, আমরা বলিব তোমরা শুনিবে,” ব্যাপারটা এইরূপ। তাহার পর সিদ্ধান্ত কেমন করিয়া হইবে কিছুই জানা নাই। সিদ্ধান্ত কিছু হইলেও তাহাই যে আইনে পরিণত হইবে, তাহারও স্থিরতা নাই।

* উপরোক্ত পংক্তিগুলি লিখিত হইবার পর সংবাদপত্রে প্রকাশ যে, ডাক্তার মুঞ্জি কেবলমাত্র হিন্দুদের স্বার্থসংরক্ষণের জন্যই বৈঠকে যাইতে স্বীকৃত হইয়াছেন।

আমাদের অল্পমান, ভারতবর্ষের প্রধান রাজনৈতিক দল কংগ্রেস দ্বারা বর্জিত বৈঠকে যাহাঁ স্থির হইবে, তাহা কংগ্রেসের দাবীর অল্পরূপ হইবে না; সুতরাং তদনুসারে আইন হইলেও তাহা কাজে পরিণত করা দুঃসাধ্য হইবে। কংগ্রেস দ্বৈরাভ্যাসের (ডায়াকীর) বিরোধী ছিলেন। তাহা চলিল না; আবার নতুন কিছু করা আবশ্যক হইল। এখন কংগ্রেসের বিনা সম্মতিতে যদি অল্প কোন রকম রাষ্ট্রীয় ব্যবস্থা প্রবর্তিত হয়, কংগ্রেস তাহারও বিরুদ্ধাচরণ করিবেন; সুতরাং তাহাও চলিবে না, এবং আবার একটা কিছু করা আবশ্যক হইবে। কেহ যদি মনে করেন, কংগ্রেসকে গবর্নেন্ট পিষিয়া ফেলিতে পারিবেন, সেটা ভুল। কংগ্রেস নামটা মরিতে পারে, জিনিষটা মরিবে না। উহা প্রবলতর ও উগ্রতর মুষ্টি গ্রহণ করিতে পারে।

অতএব যাহারা গবর্নেন্টের কোন নির্দিষ্ট প্রতিশ্রুতি না-পাইয়া লগুন বৈঠকে যাইবেন তাহারা ভুল করিবেন; কেন না তাহাদের শ্রম নিফল হইবে। আমরা পরিয়া লইতেছি নিম্নোক্ত ব্যক্তির অনেক তাহাদের জ্ঞানবুদ্ধি অনুসারে অকপটভাবে দেশের সেবা করিতে যাইতেছেন। যাহারা পরের (অর্থাৎ গরীব ভারতীয়দের) পয়সায় বিলাতে আমোদ প্রমোদ সম্ভোগ করিতে এবং ইংরেজের তোষামোদ করিতে যাইতেছেন, তাহাদিগকে কিছু বলার অসম্মান স্বীকার করিতে আমরা রাজী নহি।

—

সাপ্র-জয়াকরের নিফল মধ্যবর্তিতা

শ্রীরাজ বাহাদুর সাপ্র এবং শ্রীযুক্ত মুন্সুরাম রাও জয়াকর মধ্যবর্তী হইয়া বড়লাটের এবং কংগ্রেস নেতাদের মধ্যে যে শান্তি স্থাপনের কথাবার্তা চালাইতেছিলেন, আশ্বিনের প্রবাসীতে তাহার নিফল হওয়ার সংবাদ দিয়াছি। ঐ সংখ্যায় এই বাখতার জন্ত দুঃখ প্রকাশও করিয়াছি। কেন করিয়াছি তাহা বলা হয় নাই।

গবর্নেন্ট যাহা বলিবেন, তাহাতেই সায় দিয়া কংগ্রেসের আইন লঙ্ঘন প্রচেষ্টা বন্ধ করিয়া দেওয়া

উচিত ছিল, এরূপ যত আমাদের কখনও ছিল না, এখনও নাই। গবর্নেন্ট যদি প্রতিশ্রুতি দিতেন, যে, কংগ্রেসের মূল দাবী গ্রাহ্য করা হইবে, এবং সেই সূত্রে যদি নেতারা আইন লঙ্ঘন প্রচেষ্টা থামাইয়া দিতেন, তাহা হইলে আমরা স্বীকৃত হইতাম। তাহা হইলে দেশের বিস্তর শক্তিমান ও সাহসী লোক নানাপ্রকারে যে দুঃখ পাইতেছেন তাহার নিবৃত্তি হইত, বাণিজ্যের ও অল্প নানাপ্রকারের ক্ষতি নিবারিত হইত, এবং শক্তিমান লোকদের শক্তি দেশের নানাপ্রকার গঠনমূলক সেবায় নিয়োজিত হইতে পারিত। ইহা হইল না বলিয়া দুঃখিত হইয়াছি। নিজে যে দুঃখকে বরণ করিতে পারি নাই, অন্তের জন্ত সেই দুঃখের দীর্ঘজীবন কামনা করিতে পারি না।

কিন্তু লর্ড আর্কলইন যাহা বলিয়াছেন এবং যাহা বলা হইতে নিবৃত্ত আছেন, তাহা বিবেচনা করিয়া একথা আমাদের মনে হইয়াছে, যে, কোনও কংগ্রেস নেতা এরূপ সূত্রে (অর্থাৎ এক প্রকার বিনাসূত্রে) সন্ধি করিতে পারিতেন না। কেহ করিলে তাহা মহা দুঃখের কারণ হইত এবং সেরূপ সন্ধি কংগ্রেস দল কখনও গ্রাহ্য করিত না।

সন্ধির কথাবার্তা নিফল হওয়ার বিলাতী কাগজ মহলে আন্দোলন চলিতেছে। কোন কাগজ সভা ভাষায়, কোন কাগজ বা অভ্যন্তর ভাষায় গাঙ্গীজীকে ও কংগ্রেসকে কড়া কথা শুনাইতেছে। একটা কাগজ ত গাঙ্গীজীকে পাগল বলিতেও ছাড়ে নাই। গোটা দুই কাগজ কংগ্রেস পক্ষের দাবী ভ্রাসবৃত্ত মনে করিয়াছে। নিরুপদ্রব আইন লঙ্ঘন প্রচেষ্টা সম্বন্ধে ভারত-গবর্নেন্টের যে সাপ্তাহিক জ্ঞাপনী বাহির হয়, তাহাতে সরকার বাহাদুর নেতাদের ঘাড়ের সব দোষ চাপাইয়াছেন।

একটা বিলাতী কাগজ বলিয়াছে, যে, নেতারা যেন ব্রিটেনের সহিত যুদ্ধে জরী হইয়া সন্ধির সূত্র নির্দেশ করিতেছেন! ভারতবর্ষের যাহারা অহিংস সংগ্রামে সর্বস্বপণ ও প্রাণপণ করিয়াছে, ইংরেজরা তাহাদের মনের শ্রুতি বৃষ্টিতে পারিতেছে না। সত্যগ্রহীরা ইংরেজদিগকে পরাজিত করিয়া তাহাদের ঘাড়ে নিজেদের

সৰ্গ চাপাইবে, সত্যগ্রহীদের মনের ভাব এরূপ নয়। তাহারা যাহা চায় তাহা তাহারা চাহিতেই থাকিবে, ইংরেজ তাহাদিগকে পিথিয়া ফেলিলেও দাবীটা ঐরূপই থাকিবে। তাহারা নিজে দুঃখ সহিয়া সফলকাম হইতে চায়। মনে করুন, ইংরেজরা সমস্ত সত্যগ্রহীকে কারাকুদ্ধ করিয়া কিংবা ঠেঙ্গাইয়া কাবু করিয়া তাহাদিগকে জিজ্ঞাসা করিল, “এখন বল তোমরা কি চাও। তোমরা সাইমনের প্রস্তাবগুলোতে রাজী কি না বল”; তাহা হইলেও কংগ্রেস পক্ষ হইতে এখনকার মত উত্তরই পাওয়া যাইবে। আমরা সত্যগ্রহীদের মনের ভাব যতটা বুঝিতে পারিয়াছি, তাহাতে আমাদের মনে হয়, তাহাদের বর্তমান চেষ্টা বিফল হইলেও তাহারা বলিবেন, “ইংরেজদের যাহা ইচ্ছা তাহা তাহারা করিতে পারে, কিন্তু তাহা আমাদের মনের মত না হইলে তাহা আমাদের সম্মতিক্রমে করিতেছে, ইহা আমরা কখনও কোন অবস্থাতেও স্বীকার করিব না।”

বিলাতী কাগজওয়ালাদের মত আমাদের দেশের সম্পাদকেরাও বিচার করিতেছেন, সক্ষম কথাবার্তার ব্যর্থতার জন্য কে বেশী দায়ী, বড়লাট না কংগ্রেসনেতারা। বলা বাহুল্য ভারতপ্রবাসী ইংরেজদের কাগজগুলো সব দোষ কংগ্রেসের ঘাড়ে চাপাইতেছেন। তাহা আশ্চর্য্য নহে। কিন্তু দেশী কোন কোন কাগজও যে সব দোষ বা প্রায় সব দোষ নেতাদের ঘাড়ে চাপাইতেছেন, তাহা ভাল লাগিতেছে না।

নেতাদিগকে কেহ কেহ এই জন্য দোষ দিয়াছেন যে, তাহারা ‘ডেলী হেরাল্ডের’ প্রতিনিধি স্লোকুম্‌সাহেবকে যে-সব সৰ্গ দিয়াছিলেন, তাহাদের শেষ সৰ্গ কোন কোন স্থানে তাহা হইতে ভিন্ন। সত্য সত্যই বিশেষ কোন প্রভেদ হইয়াছে কি না, পরীক্ষা করিবার দরকার নাই। মানিফেস্ট লাইল্যাম, কিছু প্রভেদ হইয়াছে। তাহা স্বাভাবিক। কারণ মহাত্মা গান্ধী যে সৰ্গ দিয়াছিলেন এবং পণ্ডিত মোতীলাল নেহরু যে সৰ্গ দিয়াছিলেন, তাহা ব্যক্তিগত ভাবে একা একা দিয়াছিলেন। তাহারা কোথাও বলেন নাই, যে, তাহারা কংগ্রেসের পক্ষ হইতে ঐ সব সৰ্গ দিতেছেন, কিংবা কংগ্রেস উহার দ্বারা বাধ্য। পরে যখন

অন্তান্ত এমন কংগ্রেস নেতাদের সহিত তাহাদের আলোচনা হইল যাহারা তাহাদের অনেক পরে কারাকুদ্ধ হওয়ায় দেশের আধুনিক রাজনৈতিক অবস্থা ও সত্যগ্রহের অবস্থা অধিক জানেন, তখন সৰ্গগুলি কিছু পরিবর্তিত হইবেই। শেষে তাহারা যে সৰ্গ দিলেন তাহাও কংগ্রেসের কার্য-নির্বাহক কমিটি এবং সমগ্র ভারতীয় কমিটির দ্বারা অনুমোদিত হওয়া আবশ্যক তাহাও তাহারা বলিয়াছেন।

নেতারা যে-সব সৰ্গের উল্লেখ করিয়াছেন, একটি একটি করিয়া আলোচনা করিলে তাহার কোনটিই অযৌক্তিক মনে হয় না। তবে একথা অবশ্য উঠিতে পারে, যে, খুঁটাইয়া সবগুলির উল্লেখ করা এখনই দরকার ছিল কি না। আমাদের মনে হয়, নেতারা যদি ভারতবর্ষের জন্য সেই সব ক্ষমতা ও অধিকার চাহিতেন যাহা সব ডোমিনিয়নের বা কোনও ডোমিনিয়নের আছে, তাহাই যথেষ্ট হইত। ইচ্ছা হইলে ডোমিনিয়নগুলি ব্রিটিশ সাম্রাজ্য হইতে স্বতন্ত্র হইতে পারে, ইহা তাহাদের একটি অধিকার। ইহা ইংরেজদের লেখা বহিতে পড়িয়াছি এবং মডারেট নেতা শ্রীনিবাস শাস্ত্রী মহাশয়ও ভারতবর্ষের জন্য এই অধিকার দাবী করিয়াছেন। অবশ্য, ইহাও ঠিক, যে, ইংরেজরা মনে করে, যে, প্রত্যেক ডোমিনিয়নেই এমন অনেক লোক আছে যাহারা ব্রিটিশ সাম্রাজ্য হইতে পৃথক হইতে চায় না এবং তাহাদের বিরোধিতা সত্ত্বেও পৃথক হওয়া কঠিন; সুতরাং খিওরিতে ডোমিনিয়নগুলির পৃথক হইবার অধিকার থাকিলেও কাজ তদনুসারে হয় নাই, হইবে না। কিন্তু ভারতবর্ষও এই অধিকার পাইলেই পৃথক হইবেই, এইরূপ বলা যায় না। সব বিষয়ে স্বাধীনতা ও আত্মকর্তৃত্ব পাইলে পৃথক হইবার আবশ্যক কি এবং তাহাতে লাভই বা কি? ডোমিনিয়নদের পৃথক হইবার ক্ষমতা যে আছে, তাহা আগামী অক্টোবর মাসের সাম্রাজ্যিক কন্ফারেন্সে দক্ষিণ-আফ্রিকার বুয়র নেতা হার্টজগ পরিকার করিয়া লইবেন, বলিয়াছেন।

ভারতবর্ষের সৈন্তদল ও রণতন্ত্রী বিভাগের উপর ক্ষমতা নেতারা চাহিয়াছিলেন। ডোমিনিয়নদের নিজ নিজ আত্ম-রক্ষার বন্দোবস্তের উপর তাহাদের ক্ষমতা আছে।

ভারতবর্ষ পূর্ণ ডোমিনিয়ন হইলে এই ক্ষমতা ও অধিকার তাহার অন্তর্গত থাকিত।

বিদেশী কাগড় ও অন্যান্য জিনিষ বয়কট করিবার ক্ষমতা, বৈজ্ঞানিক ও চিকিৎসার্থ প্রয়োজন ব্যতীত স্থায়ী উৎপাদন ও বিক্রয় বন্ধ করা, লবণেব শুদ্ধ উঠাইয়া দিয়া সকলকে বিনা শুল্কে লবণ প্রস্তুত করিবার অধিকার দেওয়া, প্রভৃতি সমস্তই পূর্ণ ডোমিনিয়নের অন্তর্গত মনে করা অধোক্তিক নহে। অতএব সর্বের মধ্যে এগুলি খুলিয়া না বলিলে বিশেষ ক্ষতি হইত না। কিন্তু খুলিয়া না বলিলেও যে বড়লাট কেবল একমাত্র সর্ব পূর্ণ ডোমিনিয়নের রাজ্যী হইতেন তাহারও কোন সম্ভাবনা ছিল না। কেন-না, তিনি নেতাদের প্রধান একটি সর্বোত্তম রাজ্যী হন নাই, এবং অপ্রধান অনেকগুলিতেও রাজ্যী হন নাই। বস্তুতঃ তিনি নেতাদের চিঠির স্বরের প্রতি বাক্যবাণ প্রয়োগ করিয়াছেন এবং তাহাকে ভিত্তি করিয়া কোন আলোচনা বা কথাবার্তা চালান অসম্ভব বলিয়াছেন।

ভারতবর্ষের সরকারী ঋণ সমূহ এই দেশেরই দ্বারা স্বেচ্ছায়তঃ পরিশোধ্য কিনা, তাহা কোন নিরপেক্ষ আন্তর্জাতিক বা অন্তঃসমিতিদ্বারা পরীক্ষা করাইবার দাবী যে কংগ্রেসনেতারা করিয়াছেন, তাহা ঠিকই করিয়াছেন। ইহা সাক্ষ্যভাবে ডোমিনিয়নের ক্ষমতার অন্তর্ভূত নহে বলিয়া, এবং এই দাবী কংগ্রেসে অস্বীকৃত হইয়াছে বলিয়া, সম্ভবতঃ নেতারা ইহার উল্লেখ করিয়াছেন। কিন্তু এ প্রশ্নটিও ডোমিনিয়ন লাভের পর তুলিলে চলিত। হত্যা, দৈহিক হানি বা উত্তরের চেষ্টা প্রভৃতি হিংসাত্মক অপরাধ ব্যতীত অন্তঃরাজনৈতিক অপরাধের জন্য দণ্ডিত কয়েদীদের মুক্তি, জরিমানা, বাজেয়াপ্ত ছাপাখানা প্রভৃতি ফেরত দেওয়া প্রভৃতি ছোট ছোট দাবী সম্পূর্ণ স্বায়ত্ত্ব। কিন্তু তাহারও সবগুলিতে বড়লাট স্পষ্টরূপে রাজ্যী হন নাই।

বড়লাটের অকপটতা ও বদান্যতা

বিলাতী কোন কোন কাগজ বলিতেছে, বড়লাটের অকপটতা ও মহাহুভব বদান্যতার প্রতিদান নেতারা

করেন নাই। কোন মানুষ কপট কি অকপট তাহার বিচার করা প্রীতিকর নহে, তাহা আমরা করিতে চাই না। বিশেষতঃ বড়লাট কেবলমাত্র নিজের মত অহুসারে কাজ করিতে পারেন না। তাঁহাকে প্রধান সব বিষয়ে নিজের শাসন-পরিষদের সভ্যদের এবং বিলাতী মন্ত্রীদের মত লইতে হয়। সুতরাং তাঁহার কথায় ও কাজে বা ভারত-গবর্নমেন্টের কাজে পূর্ণাঙ্গের সঙ্গতি না থাকিলে তাহার অন্তঃস্বামী তিনি ব্যক্তিগতভাবে কতটা দায়ী, তাহা স্থির করিবার উপায় নাই। তিনি ব্যক্তিগতভাবে আমাদের অন্তরঙ্গ বন্ধুও নহেন। সুতরাং তিনি ব্যক্তিগতভাবে মাহুটি যে কিরূপ তাহা জানি না। অতএব তাঁহাকে কপটও বলিতে চাই না, অকপটও বলিতে চাই না। কিন্তু তিনি যে-সব বক্তৃতা করিয়াছেন এবং মধ্যবর্তীদের মারফৎ বাহা জানাইয়াছেন, তাহার মধ্যে মহাহুভবতা বা বদান্যতার ন্যায় কিছুই কিছুই খুঁজিয়া পাইলাম না। তিনি বলিয়াছেন বটে, যে, ভারতবর্ষের বর্তমান অবস্থায় যে-যে এবং যতদূর রাষ্ট্রীয় অধিকার পরিচালন করিবার যোগ্যতা ও স্বযোগ তাহার আছে, তাহা ভারতবর্ষকে দেওয়াইবার চেষ্টা তিনি করিবেন। কিন্তু এই অতি-অস্পষ্ট প্রতিজ্ঞার মধ্যে মহাহুভবতা কোথায় আর বদান্যতাই বা কোথায়? প্রথমতঃ, তাহার এই অঙ্গীকারের মূল্য কি, তাহা জানা নাই। ইহা কি তাহার ব্যক্তিগত অঙ্গীকার, না ভারত-গবর্নমেন্টের অঙ্গীকার, না ব্রিটিশ গবর্নমেন্টের অঙ্গীকার? ব্রিটিশ গবর্নমেন্ট ত বলেন, যে, পার্লামেন্ট কি করিবেন তাহা অজ্ঞাত বলিয়া তাহারা কোন কথা দিতে পারেন না। দ্বিতীয়তঃ, (এবং ইহাই বিশেষ করিয়া বিবেচ্য), কোন রাষ্ট্রীয় অধিকার পরিচালনের কটটরু যোগ্যতা ভারতবর্ষের আছে, তাহা লইয়াই ত ইংরেজদিগের ও ভারতীয়দের মধ্যে মতভেদ। তাহা অপেক্ষাও ভিত্তিগত মতভেদ এই, যে, আমরা যোগ্য কি অযোগ্য তাহার বিচার করিবার অধিকার কোন বিদেশী জাতির নাই। ভারতবর্ষের চেয়ে কম যোগ্য অথচ স্বাধীন অনেক দেশ পৃথিবীতে আছে। অবশ্য এটা খুবই প্রবল যুক্তি, যে, ভারতীয়দের যোগ্যতার

বিচার করিবার অধিকার কাহারও থাক্ বা না থাক্, ইংরেজরা এখন দেশটার মালিক; সুতরাং ভারতে জাতীয় কর্তৃত্ব স্থাপন করিতে হইলে হয় তাহাদিগকে বুঝাইতে হইবে, যে, আমরা যোগ্য, নয় তাহাদিগকে কোন প্রকার শক্তিদ্বারা আমাদের কর্তৃত্ব স্বীকার করাইতে হইবে। আমাদের যোগ্যতা সম্বন্ধে ইংরেজদের সব আপত্তি বার-বার খণ্ডিত হইয়াছে। এখনও যে-সব ইংরেজ আপত্তি করে তাহারা আমাদের খণ্ডন না-পড়িয়া রা তাহা অগ্রাহ করিয়া পুরাতন আপত্তিরই পুনরাবৃত্তি করিতেছে। সুতরাং ইংরেজ জাতিকে বুঝাইয়া-সুঝাইয়া জাতীয় কর্তৃত্ব প্রতিষ্ঠিত করিবার কোন আশা নাই মনে করিয়া কংগ্রেস সত্যগ্রহের শক্তি প্রয়োগ করিতেছেন। প্রথম চেষ্টায় ইহা ব্যর্থ হইতেও পারে, কিন্তু ইহা কালক্রমে সফল হইবেই।

বলিয়াছি, কোন দিকে ভারতবর্ষের যোগ্যতা অযোগ্যতা কিরূপ ও কত, সে-বিষয়ে ইংরেজ ও ভারতীয়-দের খুব মতভেদ আছে। সুতরাং “তোমাদের যোগ্যতা অল্পসারে তোমরা রাষ্ট্রীয় ক্ষমতা পাইবে,” বড়লাটের এই প্রতিশ্রুতি কার্যতঃ অর্থহীন ও মূল্যহীন। ইহার এক-মাত্র পরিষ্কার মানে এই হইতে পারে, “আমরা তোমাদিগকে আমাদের হুবিধা ও ইচ্ছা অল্পসারে যাহা দিতে চাই তাহাই তোমাদিগকে লইতে হইবে।” কথাটা দৃষ্টান্তদ্বারা বিশদ করা যাক্। সব রাজনৈতিক দলের ইংরেজ বলেন, ভারতবর্ষ রক্ষার ভার (অর্থাৎ উহা ইংরেজদের জাতীয় জমিদারী সম্পত্তি রূপে তাহাদের নিজ হস্তে উহার স্বত্ব রক্ষার ভার) সাম্রাজ্যের অর্থাৎ ব্রিটেনের হাতে থাকিবে, সৈন্যদল ও রণতরী বিভাগের উপর ব্যবস্থাপক সভার কোন প্রভাব ও ক্ষমতা থাকিবে না। তাঁহারা আরও বলেন, শান্তি ও শৃঙ্খলা রক্ষার ভার গবর্নমেন্টের বড়লাট ছোটলাট প্রমুখ রাজপুরুষদের হাতে থাকিবে, এবং অনির্দিষ্ট কালের জন্য এইরূপ থাকিবে। ইহার মানে, তোমরা যত ইচ্ছা বকিতে ও লিখিতে পার, তোমাদিগকে সায়েস্তা করিবার ক্ষমতা আমাদের হাতে থাকিবে। এরূপ অবস্থা যে ডোমিনিয়ন স্টেটস্ বা কোনও প্রকার স্বায়ত্তশাসন নামের যোগ্য নহে, তাহা

বলাই বাহুল্য। মডারেট নেতা শ্রীনিবাস শাস্ত্রী মহাশয়ও এইরূপ কথাই বলিয়াছেন।

ইংরেজরা আরও বলেন, দেশী রাজ্যগুলির সহিত সম্বন্ধ রক্ষা এবং সেই সম্বন্ধ অল্পসারী কাজ করিবার ক্ষমতা ব্রিটেনের রাজা ও রাজপ্রতিনিধির থাকিবে। অর্থাৎ ব্রিটিশ-শাসিত ভারতবর্ষ ডোমিনিয়ন হইলেও, ভারতবর্ষের দেশী রাজ্যগুলির উপর ব্রিটেন প্রভুত্ব করিতে থাকিবেন। সুতরাং সমগ্র ভারতে কখনও কোন অঞ্চল জাতীয় প্রভুত্ব ও কর্তৃত্ব স্থাপিত হইতে পারিবে না।

ইংরেজপক্ষের আর একটা কথা এই, যে, পররাষ্ট্র-সমূহের সহিত সম্বন্ধ স্থাপন রক্ষণ ভঙ্গন প্রভৃতি কাজও ব্যবস্থাপক সভার এলাকার বহির্ভূত এবং ইংরেজ শাসনকর্তাদের ক্ষমতার অঙ্গীভূত থাকিবে। সুতরাং এদিকেও ভারতের জাতীয় কর্তৃত্ব অসম্পূর্ণ থাকিবে।

এই সকল ও অন্যান্য বিষয়ে যদি বড়লাটের, ভারত-গবর্নমেন্টের ও ব্রিটিশ গবর্নমেন্টের মত ইংরেজ সাধারণের মত হয়, তাহা হইলে তাঁহার অস্পষ্ট প্রতিশ্রুতির মূল্য কি যে আছে বলিতে পারি না। তাঁহার মত যে অল্প অধিকাংশ ইংরেজদের মত হইতে মূলতঃ ও সারতঃ ভিন্ন, তাহারও কোন প্রমাণ পাওয়া যায় নাই।

আরও কয়েকটা কারণে তাঁহার গুণকীর্তনে যোগ দেওয়া কঠিন হইয়াছে। মধ্যবর্তীদের মারফতেই হউক বা সাক্ষাৎভাবেই হউক, বাহাদুরের সহিত রক্ষা ও সন্ধির কথা হইতেছে, তাহাদের প্রতি অসৌজন্য প্রদর্শন—অভদ্রতা হউক বা না হউক—বিবেচকজনোচিত, বিজ্ঞ-জনোচিত, এবং প্রকৃষ্ট রাজনৈতিক রীতির অন্তিমোদিত নহে। কিন্তু বড়লাট সন্ধিবিষয়ক পত্রের সত্যগ্রহ-প্রচেষ্টার অনিষ্টকারিতা ও অজ্ঞান অখ্যাতি রটনা করিয়াছেন, এবং নেতাদের চিঠির হরের নিন্দা করিয়াছেন। বাহাদুরের সহিত রক্ষা ও সন্ধির কথা হইতেছে, তাঁহাদের ও তাঁহাদের কাজের প্রতি এইরূপ ভাষাপ্রয়োগ পরাক্রমের পরিচায়ক হইতে পারে, কিন্তু সৌজন্য, হুবিবেচনা ও রাজনীতিজ্ঞতার পরিচায়ক বলিয়া স্বীকার করিতে পারি না।

তাঁহার পর গবর্নমেন্টের দুই একটা কাজেরও পরিচয়

লউন। পণ্ডিত মোতীলাল নেহরু নরম ও ভদ্রভাষায় স্নেহস্বৰূপ সাহেবকে নিজের সৰ্ভগুণি জানাইবার পরই তাঁহাকে জেলে নিক্ষেপ করা হইল। ইহা কিরূপ সৌজন্য ও বিজ্ঞতার পরিচায়ক? যদি বলেন, তিনি বেআইনী কাজ করিয়াছেন বলিয়া তাঁহার জেল হইল, ইহাতে আশ্চর্য্য কি, অসৌজন্যই বা কি? উত্তরে বলি, তাঁহার জেল হইবার কয়েক মাস পূর্বে তিনি ছুন তৈরী করিয়া লবণ আইন ভঙ্গ করিয়াছিলেন ও অস্বাস্থ্য বেআইনী কাজ করিয়াছিলেন। তখন সরকার বাহাদুর তাঁহাকে জেলে পাঠান নাই। এত মাস যদি সরকার অপেক্ষা করিয়া থাকিতে পারেন, তাহা হইলে আরও কয়েক দিন অপেক্ষা করিলে কি সাম্রাজ্য উদ্ভিষ্ট হইত? অথবা কোন আমলা কি মনে করিয়াছিলেন পণ্ডিত মোতীলালকে জেলে দিলে তাঁহার সৰ্ভ ও স্তর আরও নরম হইবে?

ইহা গেল রফা ও সন্ধি আরম্ভ হইবার আগেকার কথা। রফা ও সন্ধির কথাবার্তা যখন চলিতেছে, তখন দুজন মহিলা সভা ব্যতিরেকে কংগ্রেস কার্যনির্বাহক কমিটির (সভাপতিসম্মত) সমুদয় সভাকে গ্রেপ্তার করিয়া জেলে পাঠান হইল। এই কাজটি কোন প্রাদেশিক গবর্নেন্ট করেন নাই। ভারত-গবর্নেন্টের, বড়লাটের, থাম এলাকাভুক্ত দিল্লীতে এই কাজ হইয়াছে। এই কাজটির মধ্যে বুদ্ধিমত্তা, বিবেচকতা, রাজনীতিজ্ঞতা, ও মহাহুভবতার কোন প্রমাণ আমরা পাই নাই। কংগ্রেস কার্যনির্বাহক সমিতি দিল্লীতে আগে হইতে বেআইনী ঘোষিত ছিল না; ঐ সহরে তাহার অধিবেশন হইবার প্রাকালে উহাকে বেআইনী ঘোষণা করা হইল এবং তাহার পর সভাদিগকে গ্রেপ্তার ও কারাবদ্ধ করা হইল। তখন রফা ও সন্ধির কথাবার্তা চলিতেছিল। কংগ্রেস কার্যনির্বাহক সমিতি অবশ্য কয়েক মাস যাবৎ বেআইনী কাজ করিয়া আসিতেছিলেন। কিন্তু দিল্লীতে যখন উহা এতদিন বেআইনী বলিয়া ঘোষিত হয় নাই, এতদিন উহার অধিবেশন নিষিদ্ধ হয় নাই, তখন আরও কয়েক দিন অপেক্ষা করিলে সাম্রাজ্য লুপ্ত হইত না। ইহাও মনে রাখিতে হইবে, উক্ত ঘোষণার সময় ডাঃ আন্দারী কমিটির সভাপতি ছিলেন এবং পণ্ডিত

মদনমোহন মালবীয়া উক্ত অস্ত্রভয় সভা ছিলেন, ইহারা সভ্যগ্ৰহের আইন লঙ্ঘন কার্যে বহুদিন যোগ দেন নাই। তাঁহাদিগকে উচ্চমতি মনে করিবার কারণ নাই। তাঁহারা সভ্যগ্ৰহ প্রচেষ্টাকে কোন্ পথে চালান, তাহা দেখিবার জন্য দুদিন অপেক্ষা করিলে কি ক্ষতি হইত?

অবশ্য আমলাতন্ত্র তাঁহাদের প্রেষ্টিজের কথা ভাবিয়া থাকিবেন। ইহাও তাঁহাদের কেহ কেহ ভাবিয়া থাকিতে পারেন, কার্যনির্বাহক কমিটির পুরুষসভাদিগকে জেলে পাঠাইলে ভারতীয়েরা বুঝিতে পারিবে গবর্নেন্ট ভয় পান নাই। গবর্নেন্টও এখন বোধ হয় নেতাদের সৰ্ভগুণি হইতে বুঝিয়া থাকিবেন, যে, তাঁহারাও ভয় পান নাই। ঠিক কংগ্রেসের কাগজ এখন একখানাও নাই বলিলেও চলে। কিন্তু বাহাদুরের মত কংগ্রেসের সহিত কতকটা মিলে, সেই সব কাগজের লেখা হইতেও গবর্নেন্ট বুঝিয়া থাকিবেন, কংগ্রেসপক্ষীয় লোকেরা এবং তাহাদের সহিত সহানুভূতিসম্পন্ন লোকেরাও ভয় পায় নাই, এবং সন্ধির কথাবার্তা নিফল হওয়ায় নিরাশ হয় নাই।

রফা ও সন্ধির কথাবার্তার সময়ের মধ্যে সরকার বাহাদুর নেতাদিগকে যেমন কণ্ডাক রেহাইও দেন নাই, তেমনি সর্বসাধারণের উপরও দমননীতি প্রবলতর বেগে চালাইয়া আসিয়াছেন এবং নূতন নূতন অঞ্চলে কোন-না-কোন অভিজ্ঞাল জারী করিয়া আসিতেছেন। গবর্নেন্ট যে ভয় পান নাই বা পরাজিত হন নাই, ইহা দেখাইবার জন্য এই সমস্তই আবশ্যক বিবেচিত হইয়া থাকিতে পারে। কিন্তু গবর্নেন্ট-নামধের মাহুতগুলির মত কংগ্রেসনেতা-নামধের মাহুতগুলিও রক্তমাংসে নির্মিত মাহুত। ইংরেজ বা ভারতীয় কেহ কেন একরূপ মনে করেন, যে, গবর্নেন্টের পক্ষে উগ্র হইতে উগ্রতর মুষ্টি গ্রহণ করা আবশ্যক ও সম্ভব, কিন্তু নেতাদের পক্ষে তাঁহাদের সৰ্ভগুণি একটুও কড়া করা সম্ভব নহে? কেহ কেন একরূপ আশা করেন, যে, গবর্নেন্টের দমননীতি বড়ই কঠোর হইবে, নেতাদের সৰ্ভগুণি ততই নরম ও লঘুপাক হইতে থাকিবে?

ব্যাজপ্রশংসা ?

বড়লাটের একটি চিঠি সম্প্রতি তিনি খবরের কাগজ-সকলের মারফতে প্রকাশ করিয়াছেন। উহা সন্ধির কথা-বার্তা উপলক্ষে মধ্যবর্তীদের আচরণ সম্বন্ধে। তিনি চিঠি-খানার গোড়ায় তাঁহাদের খুব প্রশংসা করিয়াছেন। আমরাও তাঁহাদের সার্বজনিক কার্যে সময় ও শক্তি ব্যয় এবং তাঁহাদের ধৈর্যের প্রশংসা করি। তাহার পর, চিঠির ল্যাঞ্জে হল থাকা সম্বন্ধে ইংরাজী প্রবাদ অহুসারে বড়লাট মধ্যবর্তীদের দোষ দেখাইয়াছেন। তাঁহার মতে তাঁহাদের সহিত বড়লাটের যে-সব কথা গোপনীয় ভাবে হইয়াছিল, তাহারা তাহাও তাঁহার অহুমতি না লইয়া কংগ্রেস নেতাদিগকে বলিয়াছেন ও সর্বসাধারণের নিকট প্রকাশ করিয়াছেন। ইহার উত্তর মধ্যবর্তীরা ঠিক দিতে পারিবেন, আমাদের মন্তব্য কেবল এই, যে, রাজনৈতিক দর কষাকষি স্বাভাবিক লিখিত আকারে হওয়াই বাঞ্ছনীয়, এবং যৌথিক কিছু হইলে তাহা অনতিবিলম্বে লিখিত আকারে বাহাদের মধ্যে কথা হইয়াছে, তাহাদের দ্বারা স্বাক্ষরিত হওয়া আবশ্যিক; এবং কোনটি প্রকাশিতব্য ও কোনটি গোপনীয় তাহাও প্রত্যেক লিখিত জিনিষটির প্রত্যেক পাতার মাধ্যমে লেখা থাকা দরকার, নতুবা ভবিষ্যতে বাঙ্গালীরা ও মনোমালিঙ্গের সম্ভাবনা ঘটে।

সকলের চেয়ে ভাল হইত, যদি বড়লাট সাক্ষাৎভাবে সেই সব কংগ্রেস নেতাদের সহিত কথা কহিতেন বাহাদের অন্ত মধ্যবর্তীদের সাহায্যে জানা হইয়াছে। তাঁহাদিগকে মুক্তি দিয়া, কিংবা কয়েদের অবস্থাতেই একত্র করিয়া, তিনি ইচ্ছা করিতে পারিতেন। তাহা হইলে কাহারও ভুল বুঝিবার অবসর থাকিত না। ইহার বিরুদ্ধে এই একটি আপত্তি হইতে পারে, যে, তাহা হইলে লোকে বলিত, গবর্ণর-এ প্রথমে অগ্রসর হইয়া সন্ধি করিতে চাহিয়াছিলেন। কিন্তু এখনও যে লোকের মনে সে সন্দেহ নাই, এরূপ বলা যায় না।

বড়লাট ঈর্ষাতঃপর মধ্যবর্তীরা তাঁহাকে না দেখাইয়া তাঁহাদের একটি নোট প্রকাশ করিয়াছেন বলিয়া আমাদের প্রকাশ করিয়াছেন। নোটটি তাঁহাকে

দেখাইয়া তাহার পর ব্যবহার করিবার কথা ছিল কিনা মধ্যবর্তীরা বলিতে পারিবেন।

সর্বশেষে বড়লাট একটি বিশেষ বিষয়ে মধ্যবর্তীদের লেখা হইতে সর্বসাধারণের ভ্রম জন্মিতে পারে বলিয়াছেন। বিষয়টি এই, নেতারা চাহিয়াছিলেন, ভারতবর্ষের সরকারী সব ঋণ নিরপেক্ষ কোন পক্ষ দ্বারা পরীক্ষিত হইয়া স্থির হইবে, কোন ঋণ ভারতবর্ষ পরিশোধ করিতে ত্রাণতঃ বাধ্য, কোন ঋণ পরিশোধ করিতে ভারতবর্ষ বাধ্য নহে। মধ্যবর্তীরা বলেন, বড়লাট তাঁহাদিগকে বলিয়াছিলেন, ভারতবর্ষের সমুদয় সরকারী ঋণ এই প্রকারে অস্বীকার করিতে দিতে তিনি অসম্মত, কিন্তু কোন কোন দফা সম্বন্ধে কেহ ইচ্ছা করিলে গোলটেবিল বৈঠকে প্রশ্ন উত্থাপন করিতে পারেন। বড়লাট তাঁহার চিঠিতে বলিতেছেন, এমন কথা হইতে লোকে মনে করিতে পারে, তাঁহার মতে কোন কোন ঋণ অস্বীকার করা যাইতে পারে; কিন্তু বাস্তবিক তাঁহার মতে প্রত্যেক সরকারী ঋণই ভারতবর্ষ শোধ করিতে বাধ্য। মধ্যবর্তীরা বলিতে পারিবেন, এবিষয়ে তাঁহাদের সহিত বড়লাটের কি কথা হইয়াছিল।

স্বতিবিভ্রম, ভাষার অস্পষ্টতা, বুঝিবার ভুল, বা অজ্ঞ কারণ হইতে উৎপন্ন ভুল কেবল মধ্যবর্তীদেরই হইতে পারে, বড়লাটের হইতে পারে না, এমন নয়। বরং দুজন মাসের একসঙ্গে ভুল হওয়ার চেয়ে একজনের ভুল হওয়ার সম্ভাবনা বেশী।

সরকারী ঋণ অস্বীকার করা যাইতে পারেই না, এমন নহে। কোন সময়ে কোন দেশের উপর বাহাদের কর্তৃত্ব থাকে তাহারা অস্বীকার করিয়া যদি এমন কতকগুলি ঋণ সেই দেশের উপর চাপাইয়া থাকে, যাহা সেই দেশের উপকারের জন্য করা হয় নাই বা বাহার দ্বারা সেই দেশ উপকৃত হয় নাই, এবং যদি সেই দেশের লোককে পূর্ববাহু-ক্রমে সেই ঋণগুলির সুদ দিতে বাধ্য করা হয় এবং পরিশেষে আসল টাকাটা দিতে বাধ্য করা হয়, তাহা হইলে তাহা নিশ্চয়ই অস্বাভাবিক। কশিয়ার বর্তমান গবর্ণর-এ আগেকার সরকারী ঋণ অস্বীকার করিয়াছে। গত মহাযুদ্ধের সময় ব্রিটেন আমেরিকার নিকট অনেক বেশী টাকা ধার করিয়াছিল। তাহা অস্বীকার না করিলেও এখন ব্রিটিশ

প্রধান মন্ত্রী মহোদয় তাহা অপেক্ষা কম কিছু লইতে আমেরিকাকে রাজী করিতে চেষ্টা করিতেছেন। সুতরাং কোন গবর্নেন্ট কোন দেশের নামে কিছু ধার করিলেই সেই দেশের লোক তাহা পুরুষাঙ্কমে হুদে আসলে শোধ করিতে বাধ্য, বিধাতার এমন কোন বিধান নাই। যদি সেই দেশের গবর্নেন্টের উপর সেই দেশের লোকদের কোন কর্তৃত্ব না থাকে, তাহা হইলে ত বিশেষ বিশেষ সরকারী ঋণের পরিশোধনীয়তা সম্বন্ধে প্রশ্ন উঠিতেই পারে।

ভারতবর্ষের সরকারী ঋণ

ইংরেজ আমলের আগে ভারতবর্ষের কোন সরকারী ঋণ ছিল না। রাজা-মহারাজা নবাব-বাদশাহদের কাহারও কাহারও ঋণ অবশ্যই ছিল। কিন্তু প্রজা-সমষ্টি তাহা শোধ করিতে বাধ্য ছিল না। অবশ্য নৃপতি তাহাদের সম্পত্তি লুটপাট করিয়া ঋণশোধ করিবার চেষ্টা করিতে পারিতেন। সে কথা স্বতন্ত্র।

ইষ্ট ইণ্ডিয়া কোম্পানীর আমলেই প্রথম ভারতবর্ষের উপর সরকারী ঋণ চাপান হয়। এগুলি সমস্তই কোম্পানী নিজের রাজ্য ও প্রভুত্ব বৃদ্ধির জন্ত যুদ্ধের ব্যয়নির্বাহার্থ করিয়াছিলেন। প্রজাদের হিতের সহিত ইহার কোন সম্পর্ক ছিল না। ১৭২২ খৃষ্টাব্দে এইরূপ ঋণের পরিমাণ ছিল ৭০ লক্ষ পাউণ্ড। ১৮৫৮ সালে ইহার পরিমাণ হয় ছয় কোটি পচান্নকোটি লক্ষ পাউণ্ড। সিপাহী বিদ্রোহ দমন করিবার খরচ ইহার অন্তর্গত নহে। তাহা আলাদা। এই সমস্ত ব্যয় কোম্পানীর নিজের বহন করা উচিত ছিল। সিপাহীদের সঙ্গে যুদ্ধের ব্যয়ও ভারতবর্ষের ঘাড়ে চাপান হয়। তাহাতে ভারতের সরকারী ঋণ দশ কোটি পাউণ্ডের উপর হইয়া যায়। ঋণ যেমন যেমন বাড়িতে থাকে, প্রত্যেক ঋণের উল্লেখ করিয়া তাহার বোঝা ভারতবর্ষের উপর চাপাইবার ভাষ্যতা অজ্ঞাততার বিচার করিব না। পাঠকেরা স্বয়ং তাহা বুঝিতে পারিবেন।

সিপাহী যুদ্ধের অবসানে ভারতবর্ষে কোম্পানীর রাজত্বের অবসান হয় এবং এই দেশে ইংলণ্ডের রাজার রাজত্ব স্থাপিত হয়। ইষ্ট ইণ্ডিয়া কোম্পানী এই সম্পত্তি

হস্তান্তর করিয়া দিবার সময় কতিপয়-স্বরূপ এককোটি কুড়ি লক্ষ পাউণ্ড প্রাপ্ত হন। এই এক কোটি কুড়ি লক্ষ পাউণ্ড কোম্পানীকে দিয়া ইংলণ্ডের অথবা ব্রিটিশ জাতি ভারতবর্ষের রাজস্ব পাইলেন; কিন্তু টাকার ঋণস্বরূপ ভারতবর্ষের ঘাড়ে চাপান হইল। সম্পত্তির মালিক যিনি বা হাহার হইলেন তাঁহার মূল্য দিলেন না, মূল্য দিল ভারতবর্ষ। এই দেশ কোম্পানীর অধীনতার বিনিময়ে ইংলণ্ডের অধীনতা পাইল এক কোটি কুড়ি লক্ষ পাউণ্ড দিয়া।

আবিসীনীয় ও চীন যুদ্ধগুলার খরচও ভারতবর্ষকে ঋণ করিয়া বহন করিতে হয়, যদিও ইহাতে ভারতের কোন স্বার্থ ছিল না। এইসব খরচ সরকারী রেলওয়ে ও খাল নির্মাণের ব্যয়, দুর্ভিক্ষে সাহায্যদানের ব্যয় প্রভৃতিতে উনবিংশ শতাব্দীর শেষে মোট ঋণ একুশ কোটি কুড়ি লক্ষ পাউণ্ড হয়। বর্তমান বৎসরের ৩১শে মার্চ পর্যন্ত ঋণের পরিমাণ ঠাড়ায় পচাশি কোটি পাউণ্ড। পাউণ্ড ও টাকার বর্তমান বিনিময়ের হারে ইহা ১,১৩২ (এগার শত বত্রিশ) কোটি টাকার সমান।

ঋণ এত বাড়িয়া যাইবার একটা প্রধান কারণ গত মহাযুদ্ধ। ভারতবর্ষ ইংলণ্ডের অধীন বলিয়া ইংলণ্ড ভারতবর্ষকেও এই যুদ্ধে টানিয়া ছিল। নতুবা জায়েনী ও ভারতবর্ষের মধ্যে কোন শত্রুতা ছিল না। ঋণ বাড়িল দুই প্রকারে। যুদ্ধের কয়েক বৎসর সামরিক বিভাগের খরচ খুব বাড়িয়া যায়। বার্ষিক চলিত রাজস্ব হইতে তাহা সম্পূর্ণ নির্বাহ করিবার সম্ভাবনা না থাকায় ঋণ করিয়া তাহার অধিকাংশ নির্বাহিত হয়। তদ্বিন্ন, যুদ্ধের সময় ব্রিটিশ গবর্নেন্ট ভারতবর্ষের নিকট হইতে ধোক দেড়শত কোটি টাকা “বেচ্ছাকৃত” দান রূপে গ্রহণ করেন। যুদ্ধ শেষ হইবার পরবর্তী দশ বৎসরে ঋণ মোটামুটি কুড়ি কোটি পাউণ্ড অর্থাৎ প্রায় তিনশত কোটি টাকা বাড়িয়াছে। ইহার কারণ, সামরিক ও অসামরিক ব্যয় যত বাড়িয়াছে, রাজস্ব তদনুরূপ বাড়ি নাই, সুতরাং কতক খরচ ঋণ করিয়া চালাইতে হইয়াছে।

ভারতবর্ষের সরকারী সব ঋণই অ-লাভজনক এবং অজ্ঞায় করিয়া ভারতবর্ষের ঘাড়ে চাপান হইয়াছে, এরূপ

বলা যায় না। কিন্তু অনেক ণত কোটি টাকা অন্নায় করিয়া ভারতবর্ষের স্বল্পে চাপান হইয়াছে, এবং অনেক শত কোটি টাকা খণ করিয়া সামরিক ও অন্ত্র ব্রিটিশ প্রয়োজনে রেলওয়ে ও অন্ত্র এমন পূর্তকার্য করা হইয়াছে, বাহা লোকসানের ব্যাপার। এই জন্ত কংগ্রেস ও কংগ্রেসনেতারা চান যে, কোন নিরপেক্ষ আন্তর্জাতিক আদালত বা কমিটি সব খণ ও তাহার ব্যয় পরীক্ষা করিয়া বলিয়া দিউন, কোন কোনটি ভারতবর্ষ দ্বারতঃ পরিশোধ করিতে বাধ্য। তাঁহারা প্রত্যেক সরকারী খণই নির্দিষ্টারে অস্বীকার করিতেছেন না, প্রত্যেকটির ভ্রাত্যতা অন্নায্যতার পরীক্ষা চাহিতেছেন।

—

পণ্ডিত মোতীলাল নেহরুর কারামুক্তি

পণ্ডিত মোতীলাল নেহরু কঠিন ধীড়ায় আক্রান্ত হওয়ায় ভার নীলয়ন সরকার প্রমুখ বেসরকারী চিকিৎসকদিগের মত গ্রহণ করেন। সেই মতের প্রভাবে গুবয়েন্ট তাঁহার রোগ স্বল্পে সরকারী ডাক্তারদের মত লয়ন। তদমুসারে তাঁহার কারামুক্তি হইয়াছে। সমগ্র ভারতবর্ষ অচিরে তাঁহার রোগমুক্তি কামনা করিতেছে। গুবয়েন্ট তাঁহাকে মুক্তি দিয়া স্ববিবেচনার কাজ করিয়াছেন।

—

কলিকাতা বিশ্ববিদ্যালয়ে পুলিশের কাজ

সম্প্রতি কলেজ ষ্ট্রীট ও গোলদীঘিতে পুলিশ যখন মিছিল ও জনতা ভাঙিতেছিল, তখন কলিকাতা বিশ্ব-বিদ্যালয়ের আওতাধীন অট্টালিকা হইতে কাহারো নাকি “শেম শেম” (“ধিক্ ধিক্”) বলিয়া চোঁচাইয়াছিল এবং পুলিশের উপর ইট-পাটকেল ছুঁড়িয়াছিল। পুলিশের অভিযোগ এইরূপ। ইহার সত্যতা পরীক্ষিত হয় নাই। আওতাধীন অট্টালিকায় বিশ্ববিদ্যালয়ের বি-এ এম-এ পাশ-করা ছাত্রেরা পড়ে, সেখানে ইট-পাটকেল সঞ্চিত থাকে না। ছাত্রেরাও তাহা সঙ্গে করিয়া আনে না। বাহিরের লোক সেখানে ঐসব “অস্ত্র” লইয়া ঢুকিয়াছিল কিনা, তাহারও কোন প্রমাণ প্রকাশিত হয় নাই। পুলিশ যখন তাহাদের কাজ সারিয়া চলিয়া গেল, তখন

সেখানে অর্ধাংশ অট্টালিকাটির বারান্দা ও কামরাঙুলিতে অস্ত্রভঃ ২৪টা টিল ও পড়িয়া ছিল কিনা, তাহাও কাগজে পড়ি নাই।

যাহা হউক, ধরিয়া লইলাম পুলিশ যাহা বলিয়াছে তাহা সত্য। কিন্তু কোন জায়গায় কোন লোকে ধিক্ ধিক্ বলিলে বা টিল ছুঁড়িলে অপরাধীকে গ্রেপ্তার করিবার অধিকার পুলিশের আছে। কে অপরাধী তাহা স্থির করিতে না পারিলে, উপস্থিত সকলকেই না-হয় পুলিশ গ্রেপ্তার করিতে পারে। তাহাতে যদি তাহার বাধ্য দেখ বা বল প্রয়োগ করে, তখন পুলিশের পক্ষে (সরকারী ভাষায়) “নানতম” বল প্রয়োগ করিবার কারণ ঘটে। কিন্তু আওতাধীন অট্টালিকার এরূপ কিছু ঘটে নাই। ধবরের কাগজে বাহির হইয়াছে, যে, পুলিশ তাহার ভিতর ঢুকিয়াই অনেক ছাত্রকে বেদম প্রহার করে, অনেকে গুরুতর আহত হয়। ভাইস্-চ্যান্সেলার লেকটেন্যান্ট-কর্নেল ডাক্তার স্বরাণ্ডালী স্বয়ং সেখানে রক্তের দাগ দেখিতে পান। কয়েক জন ছাত্রকে হাসপাতালে বাইতে হয়। তাহার পর বাহা বাহা ঘটিয়াছে তাহা পাঠকেরা ধবরের কাগজে পড়িয়াছেন। পুলিশের কাজের সরকারী বা বেসরকারী* তদন্ত কিরূপ হইল বা না হইল, হইয়া থাকিলে তাহার ফল কি হইল, তাহা এলা আশিন পর্যন্ত ধবরের কাগজে দেখিতে পাই নাই। কাগজে কেবল দেখিয়াছি, যে, ভাইস্-চ্যান্সেলার এই ইত্তাহার প্রকাশ করিয়াছেন, যে, অতঃপর বিশ্ববিদ্যালয়ের কোন বাড়ীতে বে-আইনী কিছু হইতেছে বলিয়া পুলিশের মনে হইলে পুলিশ তৎক্ষণাৎ সেখানে না গিয়া বিশ্ব-বিদ্যালয়ের নির্দিষ্ট কোন-না-কোন ভারপ্রাপ্ত কর্তৃপক্ষকে সংবাদ দিবেন। তাঁহার দ্বারা প্রতিকার না হইলে তখন পুলিশ স্বয়ং কিছু করিতে পারিবেন। ইহা ভবিষ্যতের কথা, এবং এরূপ নিয়ম ভাল। কিন্তু অদূর অতীতে যাহা হইয়া গিয়াছে বলিয়া সংবাদপত্রে প্রকাশিত হইয়াছে, তাহাতে পুলিশের দোষ থাকিলে তাহার কোন প্রতিকার হইবে না?

* কাগজে দেখিলাম বিশ্ববিদ্যালয়ের তদন্ত কমিটির রিপোর্ট প্রস্তুত হইয়াছে, এবং তাহা আগ ২৪ আশিন ওত্রবার সীডিকেট কর্তৃক বিবেচিত হইবার কথা।

ঢাকায় ছাত্রনিগ্রহের অভিযোগ

ঢাকায় দুজন পুলিশ কর্মচারীকে কে গুলি করায় এবং একজন মেডিক্যাল ছাত্র তাহা করিয়াছে বলিয়া পুলিশের সন্দেশ হওয়ায় মেডিক্যাল ছাত্রাবাসগুলিতে পুলিশ খানাতল্লাশ করে। তৎসম্বন্ধে এই সংবাদ বাহির হয়, যে, পুলিশ বহুসংখ্যক ছাত্রকে 'এরূপ প্রহার করে, যে, কয়েক ডজন ছাত্রকে হাসপাতালে বাইতে হয়। এরূপ অভিযোগও হইয়াছে, যে, পুলিশ তাহাদের অনেক জিনিষপত্র ও টাকাকড়ি লইয়া গিয়াছে। তাহাদের আঘাতপ্রাপ্তির সরকার পক্ষের বর্ণনা অসুযায়ী এই কারণও কাগজে বাহির হয়, যে, পুলিশ খানাতল্লাশ করিতে আসিতেছে বলিয়া আস্তকে ছাত্রেরা দিগ্বিদিক জ্ঞানশূন্য হইয়া পলাইতে চেষ্টা করার নিজে নিজেই আঘাত পায়। এই কারণটির উল্লেখ পড়িয়া আমাদের স্থলজীবনের একটি ঘটনার কথা মনে পড়িল। হেড মাষ্টার মহাশয়ের নিকট একটি ছাত্র নালিশ করে, যে, অপর একজন ছাত্র তাহার কানে কামড়াইয়া দিয়াছে। হেডমাষ্টার মহাশয় অভিযুক্ত ছাত্রটিকে ডাকাইয়া জিজ্ঞাসা করায় সে বলে, "না, স্ত্রার, ও নিজেই নিজের কানে কামড়াইয়াছে।" আমাদের সন্দেশ হয়, ঢাকার মেডিক্যাল ছাত্রেরা পুলিশের বদনাম রটাইবার জন্য পরস্পরকে আঘাত করিয়া হাসপাতালে ভর্তি হইয়া থাকিবে।

থবরের কাগজে প্রকাশিত হইয়াছে, ঢাকার নতুন পুলিশ সাহেব সহায়ত্ব সহকারে ছাত্রদের অভিযোগ শুনিতেছেন ও তদ্বিষয়ে অল্পসন্ধান করিতেছেন এবং ছাত্রেরাও তাঁহার এইরূপ আচরণ ভাল চক্ষে দেখিতেছে। এরূপ স্থলে, বিশেষ প্রমাণ না পাইলে কাহারও সহায়ত্বের আন্তরিকতা সম্বন্ধে সন্দেশ পোষণ বা প্রকাশ করা অসুচিত। সুতরাং তাহা আমরা করিতেছি না। কিন্তু বার-বার পুলিশের নামে অভিযোগ হইবে, এবং তাহার পর পুলিশের কোন বড় কর্তা সহায়ত্ব সহকারে অল্পসন্ধান করিবেন, ইহা ভাল নয়। পুলিশের নামে অভিযোগ তিন প্রকারে নিষারিত হইতে পারে। প্রথম, একটা জুডিসিয়াল জারী করা, যে, থবরের কাগজে

পুলিসের নামে অভিযোগ প্রকাশ দণ্ডনীয় হইবে; দ্বিতীয়, পুলিশের লোকদের সর্বত্র এইরূপ ব্যবহার করা যাহাতে সভ্য অভিযোগের কারণ না ঘটে; তৃতীয়, বেশরকারী লোকদের নামে আদালতে নালিশ যে প্রকারের হইতে পারে, পুলিশের নামে নালিশও সেই প্রকারে হইতে পারিবে, এইরূপ আইন করা। বর্তমানে আইন ঠিক এরূপ নাই।

ঢাকায় পুলিশের নামে নালিশ অগ্রাহ্য

কিছু দিন পূর্বে আঘাতের ফলে অজিতনাথ ভট্টাচার্য নামক ঢাকা বিশ্ববিদ্যালয়ের একটি ছাত্রের মৃত্যু হয়। আঘাতের বিবরণ ছুরকম পাওয়া গিয়াছিল। এক, পুলিশ ঢাকা বিশ্ববিদ্যালয়ে অরণ্য আইন ভঙ্গের সংবাদ পাইয়া তদন্ত করিতে যায়। তখন পুলিশের সঙ্গে অন্য লোকদের সংঘর্ষ হয় এবং সংঘর্ষজাত ধস্তাধস্তিতে অজিতনাথ সাংঘাতিক আঘাত পাইয়া হাসপাতালে মারা যান। অন্য বৃত্তান্ত এই, যে, অজিত অন্য কতক লোকদের সঙ্গে দর্শকরূপে পাড়াইয়াছিল, পুলিশকে কোন প্রকার বাধা দেয় নাই বা অন্য প্রকারে উত্তেজিত করে নাই। তথাপি পুলিশ অজিত ও অন্যান্য দর্শকদের প্রতি ধাওয়া করিয়া প্রহার আরম্ভ করে। অজিতের উপর প্রহার সাংঘাতিক হওয়ায় সে মারা পড়ে। অজিতের ভ্রাতা শ্রীযুক্ত হরেন্দ্রনাথ ভট্টাচার্য একজন সার্জেন্ট এবং কয়েকজন কন্টেবলের নামে দরখাস্ত করেন। সেই দরখাস্ত অগ্রাহ্য হইয়াছে। তিনি ঢাকার তাৎকালিক পুলিশ সুপারিন্টেন্ডেন্ট হড্‌সন্ সাহেবের নামে ফৌজদারী আদালতে নালিশ করিবার জন্য বাংলা-গবন্মেণ্টের নিকট অস্থায়ী প্রার্থনা করেন। বাংলা-সরকার সে প্রার্থনা আগেই নামমাত্র করিয়াছিলেন।

মৃত ছাত্রটির ভ্রাতার উক্ত উভয় চেষ্টা বিফল হওয়ায় লোকের এ বিশ্বাস উৎপাদিত হইল না, যে, পুলিশের কাহারও কোন দোষ ছিল না। উভয়পক্ষের সাক্ষ্য ও উক্তি প্রকাশভাবে পরীক্ষিত হইবার সুযোগ বন্ধ করিয়া দিলে লোকের সন্দেশ দূর না হইয়া দৃঢ় হইয়া যায়।

বেসরকারী পেশাওয়ার তদন্ত কমিটির রিপোর্ট

ব্যবস্থাপক সভার ভূতপূর্ব সভাপতি পটেল মহাশয়ের সভাপতিত্বে পেশাওয়ারের হাঙ্গামার যে তদন্ত হয়, তাহার রিপোর্ট কোন কোন প্রাদেশিক গবর্ণমেন্ট বাজেয়াপ্ত করিয়াছেন। তাহার পূর্বে কমিটির সিদ্ধান্ত-গুলি লাহোর দিল্লী, এলাহাবাদ ও বোম্বাইয়ের কোন কোন কাগজে বাহির হইয়াছিল। রিপোর্ট পুস্তকটিরও অনেক খণ্ড দেশের নানা জায়গায় এবং বিদেশে গিয়া থাকিবে। সুতরাং কমিটির বক্তব্য খুব জানা না-পড়িলেও অনেকে জানিয়াছে, এবং যতগুলি বহিঃধরা পড়ে নাই তাহাও নিশ্চয়ই হাতে হাতে ফিরিতেছে। অতএব, একদিকে কমিটি যেমন সর্বসাধারণকে নিজেদের সিদ্ধান্ত ভাল করিয়া জানাইতে পারেন নাই, অন্যদিকে তেমনি গবর্ণমেন্টও জিনিষটি সম্পূর্ণ চাপা দিতে পারেন নাই।

এই বেসরকারী রিপোর্ট প্রকাশিত হইবার এবং আমেরিকা পৌছবার পূর্বে একখানি প্রসিদ্ধ আমেরিকান সামন্ত্যাহিকের একজন সম্পাদকের লেখা “অমৃতসর ও পেশাওয়ার” শীর্ষক প্রবন্ধ পড়িয়াছি। তাহাতে পেশাওয়ারের ঘটনা সম্বন্ধে গান্ধীজির ইয়ং ইণ্ডিয়া কাগজের বৃত্তান্তই প্রামাণিক ও বিশ্বাসযোগ্য বলিয়া ধরিয়া লওয়া হইয়াছে। ইহা হইতে বুঝা যাইতেছে, যে, লংবার চাপা দেওয়া দুঃসাহ্য।

বঙ্গের মডারেট নেতার একটি মন্তব্য

শ্রীযুক্ত যতীন্দ্রনাথ বসু বঙ্গের মডারেট দলের নেতা এবং ভারতসভার সভাপতি। তিনি ভারতসভার গত বার্ষিক অধিবেশনে ধীরভাবে সংযত ভাষায় একটি বক্তৃতা করেন। তিনি কংগ্রেস দলের প্রতি ইচ্ছা করিয়া অবিচার না করিলেও কংগ্রেস সম্বন্ধে সম্পূর্ণ নিরপেক্ষ কথা বলিতে পারিয়াছেন মনে করি না। যাহা হউক, এই বিষয়ের আলোচনা আমাদের উদ্দেশ্য নহে। গবর্ণমেন্টের লোকদের লেখায় ও বক্তৃতায় এই ধারণা জন্মাইবার চেষ্টা দেখা যায়, যে, পুলিশ ও শাসক কর্মচারীরা খুব ধীর ও সংযত-ব্যবহার করিতেছেন, দাঙ্গা মারপিট রক্তপাত ইত্যাদি অল্প বেসরকারী লোকেরা—বিশেষ করিয়া

কংগ্রেসের লোকেরা—দায়ী। অতএব দেশের অশান্ত অবস্থার কারণ সম্বন্ধে একজন ধীর ও শান্ত মডারেট নেতার মত জানা ভাল। যতীন্দ্রবাবু ভারতসভার বার্ষিক অধিবেশনে তাহার বক্তৃতায় অন্তান্ত কথার মধ্যে বলেন :—

In spite of the banning of public meetings in many localities and the difficulties placed in the way of the public press, the facts as to the violence committed by men employed under the executive administration receive widespread publicity leading gradually to an attitude which does not incline men to peace. Compared with the violence displayed towards the people, the violence on the part of the people has been negligible.

বিদেশী কাপড় বর্জন

বিলাতী ও দেশী নানা কাগজে প্রকাশিত বিবরণ পড়িয়া বৃদ্ধিতে পারা যায়, ভারতবর্ষে বিদেশী কাপড়ের আমদানী অনেকটা কমিয়াছে। সব রকম কাপড় প্রস্তুত করিবার যথেষ্ট উপকরণ দেশে আছে। সেইজন্য আশা করিতেছি, বিদেশী কাপড়ের আমদানী একেবারে বন্ধ হইতে পারিবে। তাহা বাহাতে হয় তাহার চেষ্টা বিক্রেতা ক্রেতা সকলকেই করিতে হইবে। পূজার কেনা-বেচা আরম্ভ হইয়া গিয়াছে। আগামী কয়েক দিনের মধ্যে উহা শেষ হইবে। এই সময়, সকলের উচিত নিজে বিদেশী কাপড় ক্রয় হইতে নিবৃত্ত থাকা এবং অন্য সকলকেও সৌজন্যসহকৃত যুক্তিধারা নিবৃত্ত করা। শুধু বিলাতী ও অন্য বিদেশী কাপড় নহে, বৎসরের সকল সময়ে এবং বিশেষ করিয়া পূজার আগে অন্য অনেক রকম বিদেশী জিনিষ ভারতীয়েরা ক্রয় করেন যাহা হয় অনাবশ্যক বিলাসপ্রব্য কিংবা দরকারী জিনিষ হইলেও যে জাতীয় জিনিষ দেশীও পাওয়া যায়। এই সব বিদেশী জিনিষ বর্জনীয়।

পাটের দর

এ বৎসর নানা কারণে পাটের দর একরূপ কমিয়াছে, যে, তাহাতে পাট উৎপন্ন করিবার খরচের অর্ধেকও

পোলায় না। সেইজন্য এবং অনেক জায়গায় বস্ত্র হওয়ায় পাটচাষীদের মধ্যে বড় অল্পকষ্ট হইয়াছে শুনা যাইতেছে। ইহারা প্রধানতঃ পূর্ব ও উত্তর বঙ্গের লোক এবং মুসলমান। পাটচাষীদের এই বিপদে কি প্রকারে তাহাদের সাহায্য করা যাইতে পারে, তাহার আলোচনা করিবার নিমিত্ত সম্প্রতি কলিকাতার আলবার্ট হলে একটি সভার অধিবেশন হইয়াছিল। তাহাতে গবর্নমেন্টকে উচিত মূল্যে চাষীদের পাট কিনিয়া রাখিতে অনুরোধ করা হইয়াছে। কিশোরগঞ্জের বহু গ্রামের হিন্দুরা মুসলমানদের দ্বারা প্রহৃত ও হতসরস হওয়ার কারণ সরকারী মতে চাষীদের অল্পকষ্ট। এই কারণ সত্য হইলে, চাষীরা স্বাবলম্বনেরই একটা উপায় আবিষ্কার করিয়াছিল বলিতে হইবে। অনেক লুণ্ঠনকারী দ্রুত ও দণ্ডিত এবং লুপ্তিত ধন ফেরত দিতে বাধ্য হয় নাই। দাঙ্গা হউক, উক্ত উপায়েও কিশোরগঞ্জ মহকুমার চাষীদেরও অল্পকষ্ট সম্ভবতঃ দূর হয় নাই; যে-সব জায়গায় লুণ্ঠন হয় নাই, সেখানকার ত কথাই নাই। সুতরাং পাটচাষীরা তাহাদের জিনিষগুলির উচিত মূল্য যাহাতে পায়, তাহার ব্যবস্থা করা গবর্নমেন্টের নিশ্চয়ই উচিত। আলবার্ট হলের সভা জমিদারদিগকেও অনুরোধ করিয়াছেন, তাহারা যেন কৃষকদিগকে ধার দিয়া ও অল্প প্রকারে সাহায্য করেন। গবর্নমেন্টকে আর একটা অনুরোধ সভা করিয়াছেন, যে, ভবিষ্যতে প্রতি বৎসর যথা সময়ে যেন চাষীদিগকে পাটের সম্ভাবিত চাহিদা অনুসারে কম বা বেশী পরিমাণ জমিতে উহার চাষ করিতে বলিয়া দেওয়া হয়।

(গণ)গোল বৈঠকের সভ্যবৃদ্ধি ও হ্রাস

লণ্ডনের ইক্স-ভারতীয় কনফারেন্সে নিমন্ত্রিত ব্যক্তিদের যে তালিকা আগে বাহির হইয়াছিল, তাহার উপর এলাহাবাদের অধ্যাপক শাকাত আহমদ খানের নাম নতুন যোগিত হইয়াছে। অতএব, এখন ইতিপূর্বেই অতিরিক্ত মুসলমান সভ্যের দল আরও পুরু হইল।

লণ্ডন হইতে খবর আসিয়াছে; যে, শ্রীযুক্ত দেওয়ান

চমনলাল বৈঠকে যোগ দিবার নিমন্ত্রণ গ্রহণ করেন নাই। তিনি বলিয়াছেন, ওরূপ কনফারেন্সে তাঁহার বাঙ নিষ্পত্তি অরণ্যে রোদনের মত হইবে।

উৎকলবাসীরা বলিতেছেন, একজন উৎকলীয়কেও ডাকা হয় নাই, অল্পমত শ্রেণীসমূহের লোকেরা বলিতেছেন, তাঁহারা সংখ্যায় মুসলমানদের সমান হইলেও তাঁহাদের মধ্য হইতে কেবল একজনকে ডাকা হইয়াছে। এই সব অসন্তুষ্ট মানব-সমষ্টি হইতে কোন এক ব্যক্তিকে ডাকিয়া দেওয়ান চমনলালের শুল্ক আসনে বসান হইবে কি?

বোবার শত্রু নাই ইহা যেমন সত্য কথা, মুকের मित्र নাই ইহাও রাজনৈতিক ব্যাপারে সেইরূপ সত্য। সেইজন্য সাওতাল কোল ভীল মুণ্ডা প্রভৃতি আদিম অধিবাসীদের মধ্য হইতে একজনকেও ডাকা হয় নাই। তাহারা এজন্য চেষ্টামুচিও করিতেছেন না। তাহার কারণ এই হইতে পারে, যে, তাহাদের অতিবিশেষ বন্ধু ইংরেজ জাতি তাহাদের এরূপ উন্নতি ও শ্রীবৃদ্ধি করিয়া দিয়াছে, যে, তাহারা স্বতঃ মসগুল ও বাহুজগৎ জ্ঞানশূন্য হইয়া পড়ায় কোণ-বিহীন কনফারেন্সের খবরই রাখে না।

সেনেটর রেনের প্রস্তাব

আমেরিকায় ইউনাইটেড্‌ স্টেটসের সেনেটর রেন তথাকার সেনেটে ভারতবর্ষ সম্বন্ধে এইরূপ প্রস্তাব করেন, যে, ভারতবর্ষ স্বাধীনতা ঘোষণা করিলে আমেরিকা যেন তাহা মানিয়া লয়, ভারতীয়েরা অহিংস উপায়ে স্বাধীনতা লাভের যে চেষ্টা করিতেছে ব্রিটিশ গবর্নমেন্ট বলপ্রয়োগ দ্বারা যেন তাহা দমন না করেন, ইত্যাদি। এই প্রস্তাব সম্বন্ধে শেষ মীমাংসা ও সিদ্ধান্ত এখনও হয় নাই। এই প্রস্তাবের সমর্থন জন্ত রেন সাহেব ভারতবর্ষীয় কতকগুলি কাগজ হইতে গুলি চালান, লাঠি চালান প্রভৃতির বর্ণনা একত্র করিয়া তাহা তাঁহার প্রস্তাবের সহিত নথিভুক্ত করিবার অনুরোধ করেন। সর্বসম্মতিক্রমে এই অনুরোধ অনুসারে কাজ হইবে, এবং সেনেটের সরকারী কার্যবিবরণে ভারতবর্ষীয় সংবাদপত্রসমূহ হইতে গৃহীত বৃত্তান্তগুলি মুদ্রিত ও প্রকাশিত হইবে।

দেশী ও বিদেশী জীবনবীমা কোম্পানী

সম্পূর্ণ বিশ্বাসযোগ্য দেশী জীবনবীমা কোম্পানী অনেক থাকিতেও আমাদের দেশের অনেক লোক এখনও বিদেশী কোম্পানীতে জীবনবীমা করেন। ইহা দেশের পক্ষে বড় অনিষ্টকর। বিদেশী জীবনবীমা কোম্পানীগুলি ভারতবর্ষের বীমাকারীদিগের নিকট হইতে বৎসরে মোটামুটি পাঁচ কোটি টাকা পান। এই টাকা বিদেশে চলিয়া যায়, কিংবা ভারতবর্ষে বিদেশীদের এমন সব কারবারে খাটে যাহার দ্বারা ভারতবর্ষের ধন আরও বেশী করিয়া তাহারা আহরণ করিতে পারে। এইজন্য বাহায়া জীবনবীমা করিতে চান, তাহাদের কোন-না-কোন দেশী কোম্পানীতে বীমা করা উচিত।

গবন্মেণ্ট সম্প্রতি একটা বহি বাহির করিয়াছেন যাহার দ্বারা দেশী কোম্পানীগুলির ক্ষতি এবং বিদেশী কোম্পানী সমূহের সুবিধা হইতে পারে। সরকারী পুস্তকে দেখক দেশী কোম্পানী হইতে টাকা পাইবার বিলম্ব প্রভৃতি নানা অসুবিধার কথা লিখিয়াছেন, দেশী কোম্পানী কোথায় কবে ফেল হইয়াছে লিখিয়াছেন, ইত্যাদি। কিন্তু বিলম্ব যে সব স্থলে হয় না, এবং যখন হয় তখন তাহার কারণ যে কোম্পানীদের শৈথিল্য বা বেবন্দোবস্ত ছাড়া আর কিছু হইতে পারে, তাহা বলেন নাই। যে-যেরকমের তথ্য দিয়া দেশী কোম্পানীগুলিতে বীমা করার অসুবিধা গবন্মেণ্ট প্রকারান্তরে লোককে জানাইতে চাহিয়াছেন, বিদেশী কোম্পানীদের সম্বন্ধে সেরূপ কোন তথ্য দেন নাই।

আমরা এই পুস্তক দেখি নাই। দেশী জীবনবীমা কোম্পানী সমূহের যে-একটি প্রতিষ্ঠান সম্প্রতি প্রতিষ্ঠিত হইয়াছে, তাহার সম্পাদক মহাশয়ের লেখা একটি চিঠি হইতে প্রাপ্ত জ্ঞান হইতে উপরের প্যারাগ্রাফটি লিখিত।

বিশ্বভারতীতে উৎসব

সম্প্রতি বিশ্বভারতীতে হলকরণ উৎসব যথারীতি সম্পন্ন হইয়া গিয়াছে। উৎকৃষ্ট বলদের জন্ত ও চাষের জন্ত কয়েকজন চাষীকে পুরস্কার দেওয়া হইয়াছে। বিশ্বভারতীর কৃষিবিভাগের জন্ত যে বিদ্যুত ভূখণ্ড ক্রয় করা হইয়াছে, তাহার মধ্যে পাঁচখানি সাঁওতাল গ্রাম

পড়িয়াছে। এই সব গ্রামের পুরুষ ও নারী উৎসবে যোগ দিয়াছিল। উৎসবান্তে বিশ্বভারতীর পক্ষ হইতে সাঁওতাল কৃষকদিগকে ভোজ দেওয়া হইয়াছিল।

বার বৎসর পূর্বে প্রাসাদ-নামক একটি বালক শাস্তিনিকেতনের নিকটবর্তী ভুবনভাঙ্গা গ্রামে অল্পমত শ্রেণীর বালকদিগের জন্ত একটি বিদ্যালয় স্থাপন করে তাহার নামে সেটি এখনও চলিতেছে। একটি বালিকা-বিদ্যালয়ও ঐ গ্রামে স্থাপিত হইয়াছে। উভয় বিদ্যালয়ের পুরস্কার বিতরণ সম্প্রতি হইয়া গিয়াছে। শ্রীমুক্তা হেমলতা দেবী ছাত্রী ও ছাত্রীদিগকে পুরস্কার বিতরণ করেন।

এই অল্পমত উপলক্ষ্যে সম্পাদক যে প্রতিবেদন পাঠ করেন, তাহা হইতে জানা যায়, যে, ভুবনভাঙ্গা গ্রামে, যে-সব নারী ইচ্ছুক আসিতে পারেন না, তাহাদিগকে শিক্ষা দিবার ভারও বিশ্বভারতীর ছাত্রীরা লইয়াছেন। তা ছাড়া, বিশ্বভারতীর ছাত্রছাত্রীদের পল্লীসেবাসংঘ গ্রামের স্বাস্থ্যের উন্নতির জন্ত নানা কাজ করেন ও করান, রোগীর চিকিৎসা ও সেবার বন্দোবস্ত করেন, ছেলেদের খেলার আয়োজন করেন, এবং অগ্রগত উপায়ে পল্লীবাসীদের সহিত সদ্ভদ্রয়তা বৃদ্ধির চেষ্টা করেন।

মুসলমান বন্ধুগোষ্ঠী

কলিকাতায় সম্প্রতি অধ্যাপক আবদুর রহিম সত্বীক কতকগুলি বন্ধুকে চায়ের নিমন্ত্রণ করেন। উদ্দেশ্য, কোন দল গঠন নহে, কিন্তু এমন একটি মিত্রগোষ্ঠী গঠন যাহারা নিজেদের মধ্যে এবং তাহাদের প্রত্যেকের মহান্নয় সামাজিক ও রাষ্ট্রীয় সংস্কারের ও মত গঠনের চেষ্টা করিবেন। ইহারা সাম্প্রদায়িক গোঁড়ামি চান না, বিশুদ্ধ ইসলামের এবং তদনুযায়ী ভারতীয় স্বাধীনতা-পক্ষপাতী। এই মিত্রগোষ্ঠীর সাফল্য বাঞ্ছনীয়।

প্রবাসী কার্যালয়ের ছুটি


প্রবাসী কার্যালয় আগামী ১১ই আশ্বিন ২৮শে সেপ্টেম্বর হইতে ২৫শে আশ্বিন ১২ই অক্টোবর পর্যন্ত বন্ধ থাকিবে। ২৬শে আশ্বিন ১৩ই অক্টোবর হইতে সমুদয় কাজ আরম্ভ হইবে।



যুদ্ধে পায়রার ব্যবহার—

পায়রা রাত্রিতে উড়ে না ইহা এতদিন স্বতঃসিদ্ধ ছিল, কিন্তু বাহুদের পাল্লার পড়িরা পায়রাকে সে সংস্কার ভাগ করিতে হইয়াছে। গত যুদ্ধে পায়রা সংবাদবাহকের কাজ করিয়াছে। বেতার টেলিগ্রাফ,

টেলিফোন, টেলিগ্রাফ কিংবা মানুষ সংবাদবাহকের চেয়ে বেশী সংবাদ তাহারা বহন করিয়াছিল। কিন্তু পত যুদ্ধের পায়রাও রাত্রিতে উড়িতে জানিত না। যুদ্ধের অভিজ্ঞতার ফলে বুঝা যায়, যে রাত্রির হইলে পায়রার সংবাদবাহকের কাজ আরও অনেক ভাল করিতে পারিবে। তাই যুদ্ধের পর আমেরিকার রাত্রির একদল পায়রা স্থপ্তি



এরোপেন হইতে পায়রাকে ছাড়া হইতেছে



একটি সংবাদবাহী পায়রা। ইহার নাম লিলি। এই পায়রাটি রাত্রিতে সংবাদ লইয়া ঘাইবার আদ্যাকারণ ক্ষমতার পরিচয় দিয়াছে।



গাড়ীতে বসান পায়রার খোপ



উপরে—পায়রাব পায়ে একটি চোঙ্গের মধ্যে চিঠি পাকড়া দেওয়া হইয়াছে।
 নীচের ছবিটি 'শের খান' নামক পায়রাব।

করিবার চেষ্টা আরম্ভ হয়। বড় পরিশ্রম ও চেষ্টার পর কতকগুলি পাক্রিচর পায়রা তৈরী হইয়াছে। এই সকল চিঠি পায়রাবকে মনোযোগে গ্রহণ হইতে ছাড়া হয়। ১৩ মাইল দূর হইতে রাস্তার অন্ধকারে তাহারা ঠিক ঠিক তাহাদের খাচায় ফিরিয়া আসে। এদের মধ্যে একটি মর চেয়ে কম সময়—১০ মিনিটের মধ্যে ফিরিয়া আসে। জাহাজী ভগ্নের পায়রাবের পানামা ফিলিপাইন, হাওয়াই প্রভৃতি নৌ-কেন্দ্রে পাঠাইয়া দেওয়া হইয়াছে। সেখানে তাহারা অনেক বেশী রাস্তাতে উড়িবার কৃতিত্ব দেখাইয়াছে।

মার্কের ছবিতে 'আব্দুল হান' এর পা হইতে চিঠি বাহির করা হইতেছে। ইহা যুদ্ধের সময়ে একটি বৈজ্ঞানিক ব্যাপার।

বান্দারবাহা পায়রা রাস্তার হওয়ার সবচেয়ে বড় সুবিধা এই যে তাহারা রাস্তার আড়ালে শত্রুর দৃষ্টি এড়াইয়া সংবাদ বহন করিয়া পারে। পত যুদ্ধে তাহারা এবং মিরদল উভয় পক্ষই যুদ্ধা পায়রাবগুলি করিয়া নানিয়াছে। এমন কি জাহাজগণ ইহাদের মারিবার বাজ এবং শিকরে লাগাইয়াছিল, অবশ্য বাজ এবং শিকরেরা এই মির পায়রাবতে অফাৎ করিতে পারত কি না বলা শক্ত।

পায়রাব রাস্তার ভয় দূর করিবার জন্য প্রথম রীতিমত গবেষণা হয়। পর যুদ্ধে সে যে পানী সন্ধান দিকে বাড়ী ফিরিয়া



উপরে—পাস্তোর ইনস্টিটিউটে আমেরিকা হইতে আগত একজন
বিদ্যাগিণী পরীক্ষায় নিযুক্ত।

নীচে—একজন সামরিক কর্মচারীকে জলাতক রোগের জন্ত
চিকিৎসা করা হইতেছে।

তাহাদের ইতিহাস সংগ্রহ করা হয়। সেই সব পাখী এবং তাহাদের
সম্ভ্রান্ত-সম্প্রদায়ের মধ্যে একটা সন্ধ্যায় উড়িবার পরীক্ষা হয়। যাহারা
কৃতিত্ব দেখায় তাহাদের সম্ভ্রান্ত উৎসাহনের জন্ত রাখা হয়।

কেবল সন্ধ্যায় উড়িবার পরীক্ষা পাশ করার দরশই তাহাদের গ্রহণ
করা হয় তাহা নয়। ইতিপূর্বে তাহারা এক জেনেরেশান সংবাদবাহী
পায়রা সৃষ্টি করিয়াছে কি না তাহাও দেখা হয়। এই পরবর্তী

বংশধরদের দুইটি বুদ্ধিই খুব প্রবল হয়, একটি সন্ধ্যার অন্ধকারে কিরা,
দ্বিতীয়তঃ, তাহাদের ঘরের আকর্ষণ। দেহের দিক হইতেও তাহারা
খুব পরিশুষ্টি হয়। এক শ' মাইল তাহারা অনায়াসে উড়িয়া বাহিতে
পারে।

রাত্রিরদের শিক্ষা অতি অল্পবয়সে আরম্ভ হয়। আঠার দিন
বয়সেই খাঁচা হইতে বাহির করিয়া সন্ধ্যার অন্ধকারে তাহাদের বসাইয়া
রাখা হয় যাহাতে তাহারা সন্ধ্যার জগৎটাকে চিনিতে পারে। অতি



পাস্তোর ইনস্টিটিউট-এ রোগের বীজাণুকে বোতলে বন্ধ করিয়া
চিকিৎসা ও পরীক্ষার জন্ত রাখা হয়। বীজাণুগুলিকে
সতের রাখিবার জন্ত তাহাদিগকে নলে করিয়া একটু একটু
জল দেওয়া হইতেছে।

নীচের ছবিতে 'সেরাম' ও ভ্যাক্সিন তৈয়ারী করিবার যন্ত্রাদি।

অল্পসময়ের জন্য তাহাদের এই স্বাধীনতাটুকু দেওয়া হয়। তার
পরেই তাহাদের আবার খাঁচায় পুরা হয়। এই খাঁচার দরজা ৪ ইঞ্চি
লম্বা ১ ইঞ্চি চওড়া। কতরাং দরজা খোলা থাকিলেও স্বাধীনমত
তাহারা কিছুতেই বাহিরে আসিতে পারে না। রাত্রির প্রকৃতিকে
চিনিবার সুযোগ ছয় সপ্তাহ দেওয়া হয়। উড়িবার ক্ষমতা হইলে
তাহাদের আধ ঘণ্টা ধরিয়া উড়ান হয়। অন্ধকার হইয়া গেলে খাবার
ভরা টিনের বাজাইয়া নীচে নামাইয়া খাওয়ান হয়।

উড়িতে শিখিবার দুই সপ্তাহ পরে আধ মাইল দূরে পাড়পালা
ঘর বাড়ী ছীন মরুদানে লইয়া গিয়া উহাদিগকে ছাড়িয়া দেওয়া হয়।
অমনি ছাড়িয়া দিলে তাহারা চিরকালের সংস্কার মত অন্ধকারে চুপচাপ
বসিয়া থাকে কিন্তু জোরে আকাশের দিকে ছুড়িয়া দিলে অন্ধকার
সত্ত্বেও তাহারা উড়িতে বাধ্য হয়। এবং উড়িয়া বাড়ী ফিরিয়া আসে।
দ্রুত ক্রমেই বাড়ান হয়, ১০০ মাইল হইলে তাহাদের শিক্ষা সমাপ্ত হয়।



এই বানরটির উপর একটি ঔষধের পরীক্ষা হইতেছে

শিক্ষাকালে অন্ধকারে উড়িয়ার দিকে যেমন নজর দেওয়া হয় পাখীদের ঘরে ফিরিবার রুস্তিকাকে খুব প্রবল করিবার চেষ্টাও চলে। ইহার জন্ত তাহাদের ২৪ ঘণ্টা খাবার না দিয়া উড়ান হয় এবং ঘরে ক্রিতেই তাহাদের পাইতে দেওয়া হয়। দ্বিতীয়তঃ যখন জোড়া বাখিয়া উড়ে তখন স্বামী স্ত্রীকে পৃথক করিয়া দেওয়া হয়। ইহাতেও তাহাদের ঘরের প্রতি আকর্ষণ বাড়ে।

হ্রস্বমিত পাখী ঘণ্টায় ৫০ মাইল উড়িতে পারে। গতবার আমেরিকার পাখীর ঘেসে 'ডোবস' নামে একটা পাখী ঘণ্টায় ৬০ মাইল উড়িয়াছিল। "টোপেকো হেন" সব চেয়ে বেশী দূর ১৫০০ মাইল উড়িয়াছিল। স্ট্রিফ্ট আর একটি বিখ্যাত পাখী।

গত যুদ্ধের দুইটি দরবন্দাতা মাত্র বাঁচিয়া আছে। দি মকার 'বোম্বের' যুদ্ধে একটি চোপ হারাইয়া ও সংবাদ লইয়া যথাস্থানে পৌছায় এবং তাহার ফলে বহু আমেরিকান সৈন্তের প্রাণ বাঁচিয়া যায়। 'স্পাইক' ৫২টি অতি দরকারী খবর বহন করিয়াছিল। 'শের আমি ছিল সব চেয়ে বিখ্যাত পাখী। তাহার বৃকে একটি গুলি লাগিলে

এবং একটা পা উড়িয়া গেলেও একটি খবর সে দেয় যাহাতে একটি সৈন্তদলের ২৫০ জন লোকের প্রাণ বাঁচে।

প্যারিসের পাস্তোর ইনষ্টিটিউট---

প্যারিসের পাস্তোর ইনষ্টিটিউট পৃথিবীর শ্রেষ্ঠ রোগনিবারক ঔষধের কারখানার অন্যতম। বেট্টেরিওলজি বিজ্ঞানের শ্রদ্ধা লুই পাস্তোরের বিজ্ঞানাগার রূপে প্রায় ৫০ বৎসর আগে দেশের লোকের অর্থে ইহা স্থাপিত হয়। ১৮৯৫ খ্রীষ্টাব্দে পাস্তোরের মৃত্যুর পর হইতে তাহার উদ্ভাবিত ঔষধ প্রস্তুত করিবার জন্ত ইহা ব্যবহৃত হইতেছে। পপুলার সায়েন্স নামক আমেরিকার একটি পত্রিকায় এই কারখানার ছবি প্রথম বাহির হয়। এই কারখানার সঙ্গে একটি বিজ্ঞানাগার আছে সেখানে পৃথিবীর শ্রেষ্ঠ চিকিৎসকগণ রিসার্চ করিতেছেন এবং পাস্তোরের পর আরও বহু নতুন জ্ঞান অর্জন করিতেছেন।

গীতাগোবিন্দের একটি দৃশ্য
একখানি প্রাচীন চিত্র

অবাসী গোস্বামী, কলিকাতা



“সত্যম্ শিবম্ সুন্দরম্”

“নায়মাত্মা বলহীনেন লভ্যঃ”

৩০শ ভাগ
২য় খণ্ড

অগ্রহায়ণ, ১৩৩৭

২য় সংখ্যা

রাশিয়ায় লোকশিক্ষা

শ্রীরবীন্দ্রনাথ ঠাকুর

(১)

কল্যাণীয়েষু

রবী, রাশিয়ায় অবশেষে আসা গেল। যা দেখিচি আশ্চর্য্য ঠেকচে। অল্প কোনো দেশের মতোই নয়। একেবারে মূলে প্রভেদ। আগাগোড়া সকল মানুষকেই এরা সমান করে জাগিয়ে তুলচে। চিরকালই মানুষের সভ্যতায় একদল অখ্যাত লোক থাকে, তাদেরই সংখ্যা বেশি, তারাই বাহন; তাদের মানুষ হবার সময় নেই; দেশের সম্পদের উচ্ছিষ্টে তারা পালিত। সবচেয়ে কম খেয়ে কম পরে কম শিখে বাকি সকলের পরিচর্যা করে; সকলের চেয়ে বেশি তাদের পরিশ্রম, সকলের চেয়ে বেশি তাদের অসম্মান। কথায় কথায় তারা উপোষে মরে, উপরওয়ালাদের লাখি ঝাঁটা খেয়ে মরে—জীবনযাত্রার জন্ত যত কিছু সুযোগ সুবিধে, সব-কিছুর থেকেই তারা বঞ্চিত। তারা সভ্যতার পিলস্বজ, মাথায় প্রদীপ নিয়ে খাড়া দাঁড়িয়ে থাকে—উপরের সবাই আলো পায়, তাদের গা দিয়ে তেল গড়িয়ে

মস্ত

পড়ে। আমি অনেক দিন এদের কথা ভেবেচি, মনে হয়েছে এর কোন উপায় নেই। এক দল তলায় না থাকলে আরেক দল উপরে থাকতে পারে না, অথচ উপরে থাকার দরকার আছে। উপরে না থাকলে নিতান্ত কাছের সীমার বাইরে কিছু দেখা যায় না;—কেবলমাত্র জীবিকানির্ভাহ করার জন্তে ত মনুষ্য নয়। একান্ত জীবিকাকে অতিক্রম করে তবেই তার সভ্যতা। সভ্যতার সমস্ত শ্রেষ্ঠ কলম অবকাশের ক্ষেত্রে ফলেচে। মানুষের সভ্যতায় এক অংশে অবকাশ রক্ষা করার দরকার আছে। তাই ভাবতুম, যে সব মানুষ শুধু অবস্থার গতিকে নয়, শরীর-মনের গতিকে নীচের তলায় কাজ করতে বাধ্য এবং সেই কাজেরই যোগ্য, যথাসম্ভব তাদের শিক্ষা দ্বারা স্বাধীন হবার জন্তে চেষ্টা করা উচিত। মুসল এই, দয়া করে কোনো স্বার্থী জিনিষ করা চলে না; বাইরে থেকে উপকার করতে গেল পদে পদে তার বিকার ঘটে। সমান হতে পারলে তবেই সভ্যতার সহায়তা করা সম্ভব। যাই হোক আমি ভাল করে কিছুই ভেবে পাইনি—অথচ অধিকাংশ

মাহুসকে তলিয়ে রেখে, অমাহুস করে রেখে তবেই সভ্যতা সমৃদ্ধ থাকবে একথা অনিবার্য বলে মনে নিতে গেলে মনে দিকার আসে। ভেবে দেখ না, নিরস্ত ভারতবর্ষের সঙ্গে ইংলণ্ড পরিপুষ্ট হয়েছে। ইংলণ্ডের অনেক লোকেরই মনের ভাব এই যে ইংলণ্ডকে চিরদিন পোষণ করাই ভারতবর্ষের সার্থকতা। ইংলণ্ড বড় হয়ে উঠে মানব-সমাজে বড় কাজ করচে এই উদ্দেশ্য সাধনের জন্তে চিরকালের জন্তে একটা জাতিকে দাসত্বে বন্ধ করে রেখে দিলে দোষ নেই। এই জাতি যদি কম খায় কম পরে তাতে কি যায় আসে, তবুও দয়া করে তাদের অবস্থার কিছু উন্নতি করা উচিত এমন কথা তাদের মনে আসে। কিন্তু একশো বছর হয়ে গেল না পেলুম শিক্ষা, না পেলুম স্বাস্থ্য, না পেলুম সম্পদ। প্রত্যেক সমাজের নিজের ভিতরেও এই একই কথা। যে-মাহুসকে মাহুস সম্মান করতে পারে না সে-মাহুসকে মাহুস উপকার করতে অক্ষম। অন্তত যখনই নিজের স্বার্থে এসে ঠেকে তখনই মারামারি কাটাকাটি বেধে যায়। রাশিয়ায় একেবারে গোড়া ঘেঁষে এই সমস্ত সমাধান করবার চেষ্টা চলচে। তার শেষ ফলের কথা এখনও বিচার করবার সময় হয় নি, কিন্তু আপাতত যা চোখে পড়চে তা দেখে আশ্চর্য্য হচ্ছি। আমাদের সকল সমস্তার সবচেয়ে বড় রাস্তা হচ্ছে শিক্ষা। এককাল সমাজের অধিকাংশ লোক শিক্ষার পূর্ণ স্বযোগ থেকে বঞ্চিত—ভারতবর্ষ ত প্রায় সম্পূর্ণই বঞ্চিত। এখানে সেই শিক্ষা কি আশ্চর্য্য উদ্যমে সমাজের সর্বত্র ব্যাপ্ত হচ্ছে তা দেখলে বিস্মিত হতে হয়। শিক্ষার পরিমাণ শুধু সংখ্যায় নয়, তার সম্পূর্ণতায় তার প্রবলতায়। কোনো মাহুসই যাতে নিঃসহায় ও নিষ্কর্ম হয়ে না থাকে এ জন্তে কি প্রচুর আয়োজন ও কি বিপুল উদ্যম। শুধু যেত রাশিয়ার জন্তে নয়—মধ্য এশিয়ার অর্ধ-সভ্য জাতের মধ্যেও এরা বস্ত্রার মতো বেগে শিক্ষা বিস্তার করে চলেচে—সায়ন্সের শেষ ফল পর্যন্ত যাতে তারা পায়, এইজন্তে প্রয়াসের অন্ত নেই। এখানে থিয়েটারে অভিনয়ে বিষম ভিড়, কিন্তু যারা দেখচে তারা কৃষি ও কাম্যদের দলের। কোথাও এদের অপমান নেই।

ইতিমধ্যে এদের যে দুই একটা প্রতিষ্ঠান দেখলুম সর্বত্রই লক্ষ্য করেছি এদের চিন্তের জাগরণ এবং আত্মমর্য্যাদার আনন্দ। আমাদের দেশের জনসাধারণের ত কথাই নেই—ইংলণ্ডে মজুর-শ্রমিকের সঙ্গে তুলনা করলে আকাশ-পাতাল তফাৎ দেখা যায়। আমরা ত্রীনিকেনে যা করতে চেয়েছি এরা সমস্ত দেশ জুড়ে প্রকৃষ্টভাবে তাই করচে। আমাদের কর্মীরা যদি কিছুদিন এখানে এসে শিক্ষা করে যেতে পারত তাহ'লে ভারি উপকার হত। প্রতিদিনই আমি ভারতবর্ষের সঙ্গে এখানকার তুলনা করে দেখি আর ভাবি কি হয়েছে আর কি হতে পারত। হারি টিমস' এখানকার স্বাস্থ্যবিধানের ব্যবস্থা আলোচনা করচে—তার প্রকৃষ্টতা দেখলে চমক লাগে—আর কোথায় পড়ে আছে রোগতপ্ত অজুত হতভাগ্য নিরুপায় ভারতবর্ষ। কয়েক বৎসর পূর্বে ভারতবর্ষের অবস্থার সঙ্গে এদের জনসাধারণের অবস্থার সম্পূর্ণ সাদৃশ্য ছিল—এই অল্পকালের মধ্যে দ্রুতবেগে বদলে গেছে—আমরা পড়ে আছি জড়তার পাকের মধ্যে আকণ্ঠ নিমগ্ন। এর মধ্যে যে গলদ কিছুই নেই তা বলিনে—গুরুতর গলদ আছে। সেজন্তে একদিন এদের বিপদ ঘটবে। সংক্ষেপে সে গলদ হচ্ছে শিক্ষাবিধি দিয়ে এরা ছাচ বানিয়েচে—কিন্তু ছাচে ঢালা মল্লময় কখনো টেকে না—সজীব মনের তত্ত্বের সঙ্গে বিদ্যার তত্ত্ব যদি না মেলে তা হলে হয় একদিন ছাচ হবে ফেটে চুরমার, নয়, মাহুসের মন যাবে মরে আড়ষ্ট হয়ে, কিম্বা কলের পুতুল হয়ে দাঁড়াবে।

আমাদের সত্যিকার কাজের ক্ষেত্র হচ্ছে ত্রীনিকেন এই কথা আমাদের মনে রাখা চাই। শিক্ষা-সজ্জকে সকল দিকে পরিপূর্ণ করে তুলতে হবে। একটুখানি ছিটেফোটা শেখানো না—গোড়া থেকেই বিজ্ঞান ধরিয়ে দেওয়া দরকার—বিশেষত ফলিত বিজ্ঞান। ম্যাডাম দিনা আমাদের ইলেকট্রিসিটি ও জল দেবেন কথা আছে, এরই কলধরের কাজে ছেলেদের হাত পাকাতে হবে। আমাদের ওখানে যে ছাপাখানা আছে তাতেও পালা করে ছেলেদের শিক্ষানবিশি করা উচিত, তা ছাড়া মোটরের কাজ—শুধু গাড়ি চালানো নয়, ওর যন্ত্রতত্ত্ব।

কলম ধরা ছাড়া আর সব বিষয়ে আমাদের ছেলেদের হাতে হুটে। থাকে আড়ষ্ট, সর্বদা কল নাড়াচাড়া করে এইটে ঘোচানো চাই। সমবায় প্রশালীর তত্ত্ব ওদের শিক্ষার প্রধান অঙ্গ করতে হবে; তারপরে শারীর বিজ্ঞান। এখানকার ছেলেদের মধ্যে বিভাগ করে কণ্ঠের ভার দেওয়া হয়েছে দেখলুম, ওদের আবাসের ব্যবস্থা সম্বন্ধে একদল স্বাস্থ্য, একদল ভাঙার ইত্যাদি নানা রকম তদারকের দায়িত্ব নেয়, কর্তৃত্ব সবই ওদের হাতে কেবল একজন পরিদর্শক থাকে। শান্তিনিকেতনে আমি চিরকাল এই সমস্ত নিয়ম প্রবর্তন করতে চেট্টা করেছি—কেবলি নিয়মাবলী রচনা হয়েছে, কোনো কাজ হয়নি। তার অন্ততম কারণ হচ্ছে, স্বভাবতই পাঠবিভাগের চরম লক্ষ্য হয়েছে পরীক্ষায় পাস করা, আর সব-কিছুই উপলক্ষ্য; অর্থাৎ হলে ভালোই, না হলেও ক্ষতি নেই—আমাদের অলস মন জবরদস্ত দায়িত্বের বাইরে কাজ বাড়াতে অনিচ্ছুক। তা ছাড়া শিশুকাল থেকেই আমরা পুথি-মুখস্থ বিদ্যাতেই অভ্যস্ত। নিয়মাবলী রচনা করে কোনো লাভ নেই—নিয়ামকদের পক্ষে যেটা আকর্ষক নয় সেটা উপেক্ষিত না হয়ে থাকতে পারে না। গ্রামের কাজ ও শিক্ষাবিধি সম্বন্ধে আমি যে সব কথা এতকাল ভেবেচি এখানে তার বেশী কিছু নেই, কেবল আছে শক্তি, আছে উদ্যম, আর কার্যকর্তাদের ব্যবস্থাবুদ্ধি। আমার মনে হয় অনেকটাই নির্ভর করে গায়ের জোরের উপর—ম্যালেরিয়ায় জীর্ণ অপরিস্টিত দেহ নিয়ে সম্পূর্ণ বেগে কাজ করা দুঃসাধ্য—এখানকার শীতের দেশের লোকের হাড় শক্ত বলেই কাজ এমন করে সহজে এগোয়—মাথা গুণতি করে আমাদের দেশের কৃষীদের সংখ্যা নির্ণয় করা ঠিক নয়—তারা পুরো একখানা মানুষ নয়।...

ইতি ২০ সেপ্টেম্বর ১৯৩০

শ্রীরবীন্দ্রনাথ ঠাকুর

(২)

ও

"ব্রেমেন" জাহাজ

কল্যাণীয়েষু

নন্দলাল, আমাদের দেশে পলিটিক্সকে যারা নিছক

পালোয়ানি বলে জানে সব রকম ললিতকলাকে তারা পৌরুষের বিরোধী বলে ধরে রেখেছে। এ সম্বন্ধে স্বরেনকে আমি আগেই লিখেছি। রাশিয়ার জার ছিল একদিন দশাননের মতো সম্রাট, তার সাম্রাজ্য পৃথিবীর অনেকখানিকেই অজগর সাপের মত গিলে ফেলেছিল, ল্যাজের পাকে যাকে সে জড়িয়েচে তার হাড়গোড় দিয়েচে পিষে। প্রায় বছর তের হ'ল এরই প্রতাপের সন্ধে বিপ্লবীদের কুটোপুটি বেধে গিয়েছিল। সম্রাট যখন গুপ্তিহীন্দ্র গেল সরে তখনো তার সাক্ষোপাঙ্গরা দাপিয়ে বেড়াতে লাগল, তাদের অস্ত্র এবং উৎসাহ জোগালে অপর সাম্রাজ্যভোগীরা। বুঝতেই পারচ ব্যাপার-খানা সহজ ছিল না। একদা যারা ছিল সম্রাটের উপগ্রহ, ধনীর দল, চাষীদের'পরে যাদের ছিল অসীম প্রভুত্ব, তাদের সর্বনাশ বেধে গেল। লুটপাট কাড়াকাড়ি চলল, তাদের বহুমূল্য ভোগের সামগ্রী হারবার করবার জন্তে প্রচার্য হনো হয়ে উঠেছে। এত বড়ো উচ্ছ্বল উৎপাতের সময় বিপ্লবী নেতাদের কাছ থেকে কড়া হুকুম এসেচে—আট সামগ্রীকে কোনোমতে যেন নষ্ট হতে দেওয়া না হয়। ধনীদের পরিত্যক্ত প্রাসাদ থেকে ছাত্ররা অধ্যাপকেরা অর্ধ-অভুক্ত শীতলিষ্ট অবস্থায় দল বেঁধে যা-কিছু রক্ষাযোগ্য জিনিষ সমস্ত উদ্ধার করে যুনিভার্সিটির ম্যাজিয়েমে সংগ্রহ করতে লাগল।

মনে আছে আমরা যখন চীনে গিয়েছিলুম কি দেখেছিলুম। যুরোপের সাম্রাজ্যভোগীরা পিকিনের বসন্ত-প্রাসাদকে কি রকম ধূলিসাৎ করে দিয়েছে, বহু যুগের অমূল্য শিল্পসামগ্রী কি রকম লুটেপুটে ছিঁড়ে ভেঙে দিয়েছে উড়িয়ে পুড়িয়ে। তেমন সব জিনিষ জগতে আর কোনোদিন তৈরি হতেই পারবে না। সোভিয়েটরা ব্যক্তিগতভাবে ধনীকে বঞ্চিত করেছে, কিন্তু যে-ঐশ্বর্য্যে সমস্ত মানুষের চিরদিনের অধিকার, বর্করের মতো তাকে নষ্ট হতে দেয় নি। এতদিন যারা পরের ভোগের জন্তে জমি চাষ করে এসেচে এরা তাদের যে কেবল জমির স্বত্ব দিয়েচে তা নয়, জ্ঞানের জন্যে আনন্দের জন্যে মানবজীবনে যা-কিছু মূল্যবান সমস্ত তাদের দিতে চেয়েচে। শুধু পেটের ভাত পত্তর

পক্ষে যথেষ্ট, মানুষের পক্ষে নয়—একথা তারা বুঝেছিল এবং প্রকৃত মনুষ্যত্বের পক্ষে পালোয়ানির চেয়ে আর্টের অল্পশীলন অনেক বড়ো একথা তারা স্বীকার করেছে।

এদের বিপ্লবের সময় উপরতলার অনেক জিনিষ নীচে তলিয়ে গেছে একথা সত্য, কিন্তু টিকে রয়েছে এবং ভরে উঠেছে ম্যাজিয়ম, থিয়েটার, লাইব্রেরি, সঙ্গীতশালা। আমাদের দেশের মতোই একদা এদের গুণীর গুণপনা প্রধানত ধর্মমন্দিরেই প্রকাশ পেত। মোহন্তেরা নিজের স্থল রুচি নিয়ে তার উপরে যেমন খুসি হাত চালিয়েছে। আধুনিক শিক্ষিত ভক্ত বাবুরা পুরীর মন্দিরকে যেমন চূর্ণকাম করতে সজ্জিত হয় নি, তেমনি এখানকার মন্দিরের কর্তারা আপন সংস্কার অল্পসারে সংযুক্ত করে প্রাচীন কীর্তিকে অবাধে আচ্ছন্ন করে দিয়েছে—তার ঐতিহাসিক মূল্য যে সর্বজনের সর্বকালের পক্ষে একথা তারা মনে করেনি, এমন কি পুরোনো পূজার পাত্রগুলিকে নতুন করে ঢালাই করেছে। আমাদের দেশেও মঠে মন্দিরে অনেক জিনিষ আছে ইতিহাসের পক্ষে যা মূল্যবান। কিন্তু কারো তা ব্যবহার করবার জো নেই—মোহন্তেরাও অতলম্পর্শ মোহে যম—সেগুলিকে ব্যবহার করবার মতো বুদ্ধি ও বিদ্যার ধার ধারে না। ক্ষতিবাবুর কাছে শোনা যায় প্রাচীন অনেক পুঁথি মঠে মঠে আটক পড়ে আছে, দৈত্যপুরীতে রাজকন্যার মতো, উদ্ধার করবার উপায় নেই।

বিপ্লবীরা ধর্মমন্দিরের সম্পত্তির বেড়া ভেঙে দিয়ে সমস্তকেই সাধারণের সম্পত্তি করে দিয়েছে। যেগুলি পূজার সামগ্রী সেগুলি রেখে বাকি সমস্ত জমা করা হচ্ছে ম্যাজিয়মে। একদিকে যখন আত্মবিপ্লব চলছে, যখন চারিদিকে টাইফয়িডের প্রবল প্রকোপ, রেলের পথ সব উৎখাত, সেই সময়ে বৈজ্ঞানিক সন্ধানীর দল গিয়েছে প্রত্যন্ত প্রদেশ সমস্ত হাণ্ডিয়ে পুরাকালীন শিল্পসামগ্রী উদ্ধার করবার জন্যে। কত পুঁথি, কত ছবি, কত খোদকায়ীর কাজ সংগ্রহ হ'ল তার সীমা নেই।

এতো গেল ধনীগৃহে ধর্মমন্দিরের যা-কিছু পাওয়া

গেছে তার কথা। দেশের সাধারণ চাষীদের কষ্টকর কৃত শিল্পসামগ্রী পূর্বতন কালে যা অবজ্ঞাভাজন ছিল তার মূল্য নিরূপণ করবার দিকেও দৃষ্টি পড়েছে। শুধু ছবি নয় লোকসাহিত্য লোকসঙ্গীত প্রভৃতি নিয়েও প্রবলবেগে কাজ চলছে।

এই তো গেল সংগ্রহ, তার পরে এই সমস্ত সংগ্রহ নিয়ে লোকশিক্ষার ব্যবস্থা। ইতিপূর্বেই হরেনকে তার বিবরণ লিখেছি। এতকথা যে তোমাকে লিখছি তার কারণ এই, দেশের লোককে আমি জানাতে চাই, আজ কেবলমাত্র দশ বছরের আগেকার রাশিয়ার জনসাধারণ আমাদের বর্তমান জনসাধারণের সমতুল্যই ছিল, গোভিয়েট শাসনে এই জাতীয় লোককেই শিক্ষার দ্বারা মানুষ করে তোলবার আদর্শ কতখানি উচ্চ। এর মধ্যে বিজ্ঞান সাহিত্য সঙ্গীত চিত্রকলা সমস্তই আছে,—অর্থাৎ আমাদের দেশের ভদ্রনামধারীদের জন্য শিক্ষার যে আয়োজন তার চেয়ে অনেক গুণেই সম্পূর্ণতর। কাগজে পড়লুম সম্প্রতি দেশে প্রাথমিক শিক্ষা প্রবর্তন-উপলক্ষ্যে হুজুম পাস হয়েছে প্রজাদের কান মলে শিক্ষা-কর আদায় করা, এবং আদায়ের ভার পড়েছে জমিদারের 'পরে। অর্থাৎ যারা অমনিতেই আধমরা হয়ে রয়েছে শিক্ষার ছুতো করে তাদেরই মার বাড়িয়ে দেওয়া। শিক্ষা-কর চাই বই কি, নইলে খরচ জোগাবে কিসে? কিন্তু দেশের মঙ্গলের জন্যে যে কর, কেন দেশের সবাই মিলে সে কর দেবে না? সিভিল সার্ভিস আছে, মিলিটারি সার্ভিস আছে, গবর্নর, ভাইসরয় ও তাঁদের সদস্তবর্গ আছেন কেন তাঁদের পরিপূর্ণ পকেটে হাত দেবার জো নেই? তাঁরা কি এই চাষীদের অল্পের ভাগ থেকেই বেতন নিয়ে ও পেঙ্গন নিয়ে অবশেষে দেশে গিয়ে ভোগ করেন না? পাটকলের যে সব বড় বড় বিলাতী মহাজন পাটের চাষীর রক্ত দিয়ে মোটা মুনকার সৃষ্টি ক'রে দেশে রওনা করে, সেই মৃতপ্রায় চাষীদের শিক্ষা দেবার জন্যে তাদের কোনই দায়িত্ব নেই? যে-সব মিনিটার শিক্ষা-আইন পাস নিয়ে ভরাপেটে উৎসাহ প্রকাশ করেন তাঁদের উৎসাহের কানাকড়ি মূল্যও কি তাঁদের নিজের তহবিল থেকে দিতে হবে না?

একেই বলে শিক্ষার জন্তে দরদ ? আমি তো একজন জমিদার, আমার প্রজাদের প্রাথমিক শিক্ষার জন্তে কিছু দিয়েও থাকি—আরও বিদ্যুৎ তিনগুণ যদি দিতে হয় তো তাও দিতে রাজি আছি, কিন্তু এই কথাটা প্রতিদিন তাদের বুঝিয়ে দেওয়া দরকার হবে যে আমি তাদের আপন লোক, তাদের শিক্ষায় আমারই মঙ্গল, এবং আমিই তাদের দিচ্ছি, দিচ্ছি না এই রাজ্যশাসকদের সর্বোচ্চ থেকে সর্বনিম্ন শ্রেণীর একজনও এক পয়সাও।

সোভিয়েট রাশিয়ায় জনসাধারণের উন্নতিবিধানের চাপ খুবই বেশি, সেজন্তে আহা-বিহারে লোকে কষ্ট পাচ্ছে কম নয়, কিন্তু এই কষ্টের ভাগ উপর থেকে নীচে পর্যন্ত সকলেই নিয়েছে। তেমন কষ্টকে তো কষ্ট বলব না, সে যে তপস্যা। প্রাথমিক শিক্ষার নামে কণামাত্র শিক্ষা চালিয়ে ভারত-গবর্মেণ্ট এতদিন পরে ছুশো বছরের কলক মোচন করতে চান, অথচ তার দাম দেবে তারাই যারা দাম দিতে সকলের চেয়ে অক্ষম, গবর্মেণ্টের প্রত্ন লালি-বহাশী বাহন যারা তারা নয়, তারা আছে গৌরব ভোগ করার জন্তে !

আমি নিজের চোখে না দেখলে কোনোমতেই বিশ্বাস করতে পারতুম না যে অশিক্ষা ও অবমাননার নিম্নতম তল থেকে আজ কেবলমাত্র দশ বৎসরের মধ্যে লক্ষ লক্ষ মানুষকে এরা শুধু ক খ গ ঘ শেখায় নি, মনুষ্যত্ব সম্বন্ধিত করেছে। শুধু নিজের জাতকে নয়, অগ্র জাতের জন্তেও এদের সমান চেষ্টা। অথচ সাম্প্রদায়িক ধর্মের মাহুষরা এদের অধার্মিক বলে নিন্দা করে। ধর্ম কি কেবল পুঁথির

মন্ত্বে, দেবতা কি কেবল মন্দিরের প্রাক্ষেপে ? মাহুষকে যারা কেবলি ফাঁকি দেয় দেবতা কি তাদের কোনোখানে আছে ?

অনেক কথা বলবার আছে। এ রকম তথ্য সংগ্রহ করে লেখা আমার অভ্যাস নয়, কিন্তু না-লেখা আমার অভ্যাস হবে বলে লিখতে বসেছি। রাশিয়ার শিক্ষাবিধি সম্বন্ধে ক্রমে ক্রমে লিখব বলে আমার সম্বন্ধ আছে। কতবার মনে হয়েছে আর কোথাও নয় রাশিয়ায় এসে একবার তোমাদের সব দেখে যাওয়া উচিত। ভারতবর্ষ থেকে অনেক চর সেখানে যায়, বিপ্লবপন্থীরাও আনাগোনা করে, কিন্তু আমার মনে হয় কিছুই জন্ত নয়, কেবল শিক্ষা সম্বন্ধে শিক্ষা করতে যাওয়া আমাদের পক্ষে একান্ত দরকার।

যাক, আমার নিজের খবর দিতে উৎসাহ পাইনে। আমি যে আর্টিষ্ট এই অভিমান মনে প্রবল হবার আশঙ্কা আছে। কিন্তু এ পর্যন্ত বাইরে খ্যাতি পেয়েছি, অন্তরে পৌছয় না। কেবল মনে হয় দৈবগুণে পেয়েছি নিজ গুণে নয়।

ভাসচি এখন মাক্স-সমুদ্রে। পারে গিয়ে কপালে কি আছে জানিনে। শরীর ক্লান্ত, মন অনিচ্ছুক। শূন্য ভিক্ষাপাত্রের মতো ভারী জিনিষ জগতে আর কিছুই নেই, সেটা জগন্নাথকে শেষ নিবেদন করে দিয়ে কবে আমি ছুটি পাব ? ইতি এই অক্টোবর ১৯৩০

শ্রীরবীন্দ্রনাথ ঠাকুর



কবি

শ্রীম্ভবলচন্দ্র মুখোপাধ্যায়

কা'র কথা ?—কাহারি সে মরমের অবরুদ্ধ গান,

ভনিব প্রান্তর-তীরে বসি ?

কোন্ আলো, রজনী রূপসী

‘অমার অঞ্চল মেলি সচকিয়া করিছে সন্ধান ?

কা'র সে নিঃশব্দ রূপ, প্রাণ ভরি হেরিছে ধরণী ?

নাহি জানি কি সে মোহ !—হেবি দূরে নীলকান্ত মণি

অন্ধকার-অজগর শিরে ।

সিকুর ফেনিল কালো নীরে,

বিজলী বলকি উঠে মধ্যান্ত শিহরে ।—পদধ্বনি,

ভনি শুধু—সেথা কোন্ মায়াবিনী অমরী পরীর ।

কল্পনা-বিহগী বৃষ্টি শিহরিছে আকাশ-শরীর

বদ্ধহীন ডানার ঝাপটে ।

ছায়াগ্নান হৃদর পর্বতে,

নিঝর-কিষ্কিণী বাজে !—উদাসীন দক্ষিণ সমীর,

ফিরিছে মাধবীবনে ;—দূরে বাজে বধূর মঞ্জীর !

লক্ষ্মী *

শ্রী অমূল্যচরণ বিদ্যাভূষণ

১

লক্ষ্মীপূজা হিন্দুর একটা বিশিষ্ট পূজা। লক্ষ্মীদেবী
স্বরাবর হিন্দুগৃহে পূজিতা হইয়া আসিতেছেন। প্রতি
গৃহে লক্ষ্মীপূজার বিধি আছে। গৃহই লক্ষ্মীর মন্দির,
কাজেই লক্ষ্মীর আর স্বতন্ত্র মন্দিরের প্রয়োজন হয় নাই।
সুতরাং লক্ষ্মীদেবীর পৃথক মন্দির আমাদের দেশে
দেখিতে পাওয়া যায় না। অবশ্য মন্দিরে অস্ত্র দেবতার
সহিত লক্ষ্মী বিরাজিতা থাকিবার কোন বাধা নাই।

লক্ষ্মীর অনেক নাম—শ্রী, পদ্মা, পদ্মালয়া, হরিত্রিয়া,
ইন্দ্রিয়া, মা, লোকমাতা, কীরাক্তিতনয়া, রমা ইত্যাদি।
এই নামগুলির মধ্যে শ্রী ও লক্ষ্মী সকলের চেয়ে পুরাতন।

ঋগ্বেদে শ্রী শব্দের প্রয়োগ আছে। লক্ষ্মী শব্দেরও
প্রয়োগ আছে। কিন্তু কোথাও এ দুটা শব্দ সৌভাগ্যদেবী

অর্থে প্রযুক্ত হয় নাই। ঋগ্বেদে শ্রী শব্দের প্রয়োগ
অন্ততঃ ৮১ বার আছে। এই সমস্ত জায়গায় শ্রী বলিতে
‘শোভা’ বা ‘শোভাময়’, ‘সৌন্দর্য’ বা ‘সৌন্দর্যময়’
বুঝাইয়াছে। কোথাও ‘শ্রী’ বিশেষ্য, কোথাও বা বিশেষণ-
রূপে ব্যবহৃত হইয়াছে। এ ছাড়া ক্রিয়াহিসাবে ‘শ্রী’র
প্রয়োগ অন্ততঃ ২১ বার আছে। ম্যাকডোনেল ও কীথ
তাঁহাদের সম্বন্ধ সঙ্কলিত ‘বৈদিক সূচী’তে (Vedic
Index’এ) বলিয়াছেন—ঋগ্বেদে, ‘শ্রী’ শব্দের অর্থ
‘prosperity’ এবং ইহার প্রয়োগ ঋগ্বেদে মাত্র
একবার। এই একটীমাত্র প্রয়োগ তাঁহারা পাইয়াছেন
অষ্টম মণ্ডলের দ্বিতীয় সূক্তের উনবিংশ [১ বিংশ]
ঋকে। এই ঋকটীতে আছে “অশ্রীর ইব জামাতা।”
ইহার অর্থ ‘কুৎসিত জামাতার স্ত্র্য’—‘দরিদ্র জামাতার
স্ত্র্য’ নয়। দ্বিবাভাগে জামাই কেন খণ্ডরবাড়ী যায় না,
সম্ভার পরই যায়, এসকল দেখিলে বোঝা যায় কুরুপই

* লক্ষ্মী সম্বন্ধে কয়েকজন পণ্ডিত অল্প-বিস্তর আলোচনা
করিয়াছেন। তন্মধ্যে বৃক্ষশাস্ত্রী, আনন্দ কুমার স্বামী, হপ্কিন্স, বর্ণদত্ত
মোহিনীনাথ রাও প্রভৃতির নাম বিশেষভাবে উল্লেখ্য। বর্তমান প্রবন্ধে
প্রয়োজনানুসারে স্থানে স্থানে তাঁহাদের সংগৃহীত উপকরণ হইতে
কিছু কিছু সাহায্য লইয়াছি। একান্ত আমি তাঁহাদের নিকট কৃতজ্ঞ।

+ ন শ্রীরশ্রীঃ। তদস্তাশ্রীতাস্রীঃ। মন্বতীযো রঃ। শুনিবহীনঃ
কুৎসিতো জামাতা।—সারণ

তাহার কারণ। দারিদ্র্য নয়। শ্রী শব্দের বহুল প্রয়োগের মধ্যে ছ'পাঁচ জায়গায় শোভা-সৌন্দর্যের সঙ্গে ধনবর্ধের যে সম্পর্ক নাই তাহা নয়, তবে এখানকার অর্থ—দেখিতে কুৎসিত। কিয়দা হিসাবে 'শ্রীণাহি' (৮.২.১১), ত্রিগুণি (১.৮.১১; ৮.৬২৩; ৯.৮৪৫; ৯.৯৩.৩) প্রভৃতির প্রয়োগ আছে; 'শ্রী'ধাতু-নিষ্পন্ন 'শ্রীতঃ' (৮.৮২৫) ও 'শ্রীতাঃ' (৮.২.২৮) আছে। এই সমস্ত স্থানে 'শ্রী' ধাতুর অর্থ সোমের সহিত দুগ্ধ সংমিশ্রণ করা, বৈদিক পরিভাষায় ইহাকে 'অভিষবণ' করা বলে।

তবে ঋগ্বেদে 'লক্ষ্মী' শব্দের প্রয়োগ একবার মাত্রই আছে; আর সেখানে তিনি সৌভাগ্যদেবীও নন। ঋগ্বেদ বলেন—

“ভৈরবঃ লক্ষ্মীনিহিতাধি বাচি”—১০.৭১.২

'তাঁহাদের বাক্যে [বাক্য-রচনায়] অতি চমৎকার লক্ষ্মী নিহিত আছে।' এ লক্ষ্মীর অর্থ দেবী নয়, অগুরুপ।

পাপিলক্ষ্মী—পুণ্যা লক্ষ্মী

অথর্ববেদে সৌভাগ্য বা দুঃখ-গণের রমণীকে 'লক্ষ্মী' বলা হইয়াছে। লক্ষ্মী কখন ভাল, কখন মন্দ। অথর্ববেদে (৭.১১৫.১) লক্ষ্মীকে 'পাপিলক্ষ্মী' বলিয়া সম্বোধন করিয়াছেন—

‘প্র পতেতঃ পাপি লক্ষ্মি নমুতঃ শ্রামুতঃ পত।’

এই বেদে (৭. ১১৫.৪) ‘পুণ্যা লক্ষ্মী’ও আছেন—

‘রমন্তাঃ পুণ্যা লক্ষ্মীধাঃ পাপীশ্চা অনোনশম্’

‘অপ ক্রামতি যুযুতা বীধঃ পুণ্যা লক্ষ্মীঃ’

—১২.৫.৬

শতপথ-ব্রাহ্মণেও (৮—৪.৪. ১১; ৮—৫.৪.৩) লক্ষ্মীকে ‘পুণ্যা লক্ষ্মী’ বলা হইয়াছে। ব্রাহ্মণ-গ্রন্থে সর্বপ্রথম শ্রীকে শরীরিণী রূপে দেখিতে পাই। শতপথ-ব্রাহ্মণে (১১.৪.৩.১) শ্রী প্রজাপতি হইতে সজ্জাত বলিয়া বর্ণিত হইয়াছেন।

প্রজাপতিবৈষ্ণবঃ স্বরূপানোহিতপাত। তস্মাক্ষাভ্যন্তোপানাক্ষী-
হুজ্জামংসা দীপ্যমানা ব্রাহ্মণানা লোম্যন্ত্যতিতুস্তাঃ দীপ্যমানাঃ
ব্রাহ্মণানাঃ লোম্যন্ত্যঃ দেবা অভ্যাবান।”

প্রজাপতি প্রজাযন্তির জন্ত তপ করিলেন। তিনি তপঃ-
খ্যাত হইলে শ্রী সজ্জাত হইলেন।

কম্পমানা শ্রীর জ্যোতিষতী যুক্তি দেখিয়া তাঁহাকে

পাইবার জন্ত দেবতাদের লোভ হয়। তাঁহারা প্রজাপতির নিকট প্রস্তাব করেন যে, তাঁহারা শ্রীকে মারিয়া তাঁহার দানগুলি আশ্রুসাৎ করিতে চান। প্রজাপতি বলিলেন,— পুরুষ সাধারণতঃ স্ত্রীলোককে মারে না, শ্রীকে প্রাণে না মারিয়া তাঁহার দানগুলি তিনি লইতে বলেন। ফলে অগ্নি তাঁহার অন্ন, সোম—রাজ্য, বরুণ— সাম্রাজ্য, মিত্র—ক্ষত্র, ইন্দ্র—বল, বৃহস্পতি—ব্রহ্ম-বচস, সবিতা—রাষ্ট্র, পৃথ্বী—ভগ, সরস্বতী—পুষ্টি, ষ্টা—রূপ লইলেন (শতপথ-ব্রাহ্মণ ১১.৪.৩.৪)। শ্রী বলিলেন, প্রজাপতি, আমার সকলই ইহার লইল। প্রজাপতি বলিলেন, ‘যজ্ঞেনৈনানু পুনর্ধাচত’—যজ্ঞে তুমি এগুলি ফিরাইয়া পাইবে। শ্রী সফলকামা হইলেন।

যজুর্বেদে শ্রী দেবীরূপে কথিত হইয়াছেন। ইহাতে তাঁহার রূপের কোন উল্লেখ নাই। সংহিতা-গ্রন্থে শ্রী ও লক্ষ্মী উভয়েরই উল্লেখ আছে। তাঁহাদের আকৃতির কোন বর্ণনা সংহিতাতে না থাকিলেও তাঁহারা যে শরীরিণী তাহা বেশ বুঝিতে পারা যায়, কিন্তু তাঁহারা তখন অভিন্ন ছিলেন না। বাজসনেয়ী সংহিতাতে (৩১.২২) লক্ষ্মী ও শ্রীকে আদিত্যের পত্নীদ্বয় করা হইয়াছে। তৈত্তিরীয় সংহিতায়ও লক্ষ্মী ও শ্রী আদিত্যের দুই স্ত্রী।

অতঃপর পরবর্তী বৈদিক সাহিত্যে স্তলক্ষণ হিসাবে শ্রী-লক্ষ্মী-র উল্লেখ একত্র দেখিতে পাওয়া যায়। শ্রীযজ্ঞে শ্রী ও লক্ষ্মী অভিন্ন দেবতা। শ্রীযজ্ঞের পাঠের এত গও-গোল যে, শ্রীযজ্ঞের কাল-নির্ণয় অত্যন্ত দুর্লভ ব্যাপার। তবে শ্রীযজ্ঞ যে বৌদ্ধযুগের বহু পূর্ববর্তী গ্রন্থ তাহা নিঃসন্দেহে বলিতে পারা যায়। এই শ্রীযজ্ঞে সর্বপ্রথম পদের সহিত শ্রী বা লক্ষ্মীর সম্পর্ক। ইহার পূর্বে কোথাও পদের সহিত শ্রীর সংঘর্ষ নাই। শ্রীযজ্ঞে তিনি ‘পদস্থিতা’ এবং পদের উপর দণ্ডায়মান।

শ্রী ও লক্ষ্মী পূর্বে এক দেবতা ছিলেন না। স্বয়ংব্রহ্মের কাল পর্য্যন্ত শ্রী ও লক্ষ্মী পৃথক দেবতা ছিলেন। তৈত্তিরীয় আরণ্যকে (১০.৩৫) পাই “শ্রিয়ং আবাহয়ামি গায়ত্র্যা।” শাখ্যায়ন-গৃহ-সূত্রেও (২.১৫) তাহাই প্রতীক্ষণিত করিয়াছে। বোধায়ন-খণ্ডসূত্রেও (২.৫.২.১০) আছে— “শ্রিয়ং দেবীং তর্পয়ামি।”

বাজসনেরী সংহিতাতে (৩১.২২) শ্রী ও লক্ষ্মীকে একত্রে দেখিতে পাওয়া যায়। তখনও তাঁহারা অভিন্ন নন। বৈদিক সাহিত্যে শ্রীকে অগ্নির সহিত দেখা যায় (১.৭২.১০ ; ২.১.১২ ; ৮.৩ ; ১০.১)। বাজসনেরী সংহিতা (৩১.২২ ; ৩২.৪), তৈত্তিরীয় সংহিতা (১.৫.২), তৈত্তিরীয় ব্রাহ্মণ (২-৪.৬.৬), শতপথ-ব্রাহ্মণ (১৪-৩.২.১২ ইত্যাদি), বৌধায়ন-ধর্মসূত্র (২-৫.২.১০), মহানারায়ণ-উপনিষৎ (৩৫.২), হিরণ্য-কেশি-গৃহ-সংহিতা (১.১১.১) ও শক্তি-উপনিষদে শ্রী সম্বন্ধে কিছু কিছু আলোচনা আছে। শ্রীর নিকট বলির কথা শাঙ্খায়ন-গৃহ-সূত্রে (২-১৪.১০ ইত্যাদি) আছে। শাঙ্খায়ন-মতে শয্যার শিরোদেশে শ্রীর নিকট বলিদানের বিধি। ইহা হইতেই সম্ভবতঃ মহাসংহিতায় (৩.৮২) লক্ষ্মীর নিকট বলির সূচনা হইয়া থাকিবে। মহুও তাই বলিয়াছেন—

উচ্ছ্রীর্গকে শ্রিঃ কুর্যাদ্ভ্রকালৌ চ পাসতঃ ।
ব্রহ্মবাস্তোপ্তিত্যস্ত্যস্ত্য বস্ত্রমধ্যে বলিঃ হরৎ ॥

গৃহের উত্তর-পূর্ব কোণে ‘শ্রিঃ নমঃ,’ দক্ষিণ-পশ্চিম কোণে ‘ভদ্রকালৌ নমঃ’ এবং গৃহমধ্যে প্রাঙ্গণে ‘বাস্তোপ্তিত্যঃ নমঃ’ বলিয়া বলি প্রদান করিবে।

শ্রীর জন্ত প্রার্থনাও উপনিষদে আছে। তৈত্তিরীয়-উপনিষৎ (১.৪) উপদেশ করেন—

“বাসাসি মম গাবন্ত। অরপানে চ সর্কদা। ততো মে জিন্নমাবহ।”

আমার নিকট শ্রীকে আনয়ন কর,—কেন না তিনি বাস, গো ও অরপান আনিয়া দিয়া থাকেন।

শ্রী ও লক্ষ্মী অভিন্ন হইতে অনেক সময় লাগিয়াছিল। বৈদিক যুগ হইতে রামায়ণ মহাভারতের যুগ পর্যন্ত শ্রী ও লক্ষ্মীর সম্বন্ধে যে-সমস্ত সিদ্ধান্ত পাওয়া যায় তাহাদের কয়েকটা উল্লেখ করিতেছি।

দানবগণ শ্রীকে হারাইয়া ফেলেন

আমাদের শাস্ত্রের মতে অহুরেরা দেবতাদের বড় ভাই; তাঁহারা কখনও কখনও দেবতাদের মত উদারহৃদয় ও বিক্রমশালী হইয়া থাকেন, পূজার্ত্তনার সময়ে দেবতাদের

মত তাঁহারাও শ্রদ্ধা পাইয়া থাকেন (রামায়ণ ২.২৫, ১৬)। পুরাণে পাই, দানব অহুরগণ প্রথমে ধার্মিক ছিলেন। অহঙ্কারের চরম সীমায় উপনীত হইয়া তাঁহারা পাপলিপ্ত হইয়া ওঠেন এবং সেইজন্য তাঁহারা স্বর্গ হইতে বিতাড়িত হন। এই অপরাধে শ্রী তাঁহাদিগকে পরিত্যাগ করেন।

শ্রী ইন্দ্রকে উপদেশ দিয়া থাকেন যে, চরিত্র-বলেই কোন কার্যে কৃতকার্য হওয়া সম্ভব; দানবগণ যখন ধার্মিক ছিলেন তখন তিনি তাঁহাদের সহিত বাস করিতেন, কিন্তু তাঁহারা যখনই দুষ্চরিত্র হইয়া ওঠেন তখনই শ্রী তাঁহাদিগকে ত্যাগ করিয়া যান।

সমুদ্রোত্তীর্ণ শ্রী

দেবগণ মাগ্নুষের যুদ্ধবিগ্রহে কদাচিৎ যোগদান করেন, তবে শাস্ত্রে আছে, পুরাকালে কয়েকটা যুদ্ধে তাঁহারা যোগদান করিয়াছিলেন, দেব ও দানবে যে সমুদ্র মন্বন হইয়াছিল (মহাভারত, ১.১৮) তাহাতে প্রথমে চন্দ্র ওঠেন, পরে শ্রী ও বারুণী, এবং সর্কশেষে স্বর্গবিনা স্তম্বাপাত্ত লইয়া সমুদ্র হইতে উত্তীর্ণ হন (রামায়ণ)।

শ্রী স্ত্রী

মহাভারতে আছে—শ্রী স্ত্রী বলিয়া কথিত। স্বামী স্ত্রীলোকের আদর্শ দেবতা, মাতাপিতাও পুত্রকন্যাগণের নিকটে দেবতার প্রতিমূর্ত্তি। * এই সকল অতি-সাধারণ বিষয়ের দৃষ্টান্ত দিবার কোন প্রয়োজন নাই। নারী নিজেই দেবত্বের প্রতিমূর্ত্তি, সেইজন্য শ্রী স্ত্রী বলিয়া উক্ত হইয়াছেন (১৩.৪৬.১৫)।

ব্রাহ্মী শ্রী

ঋষি এবং ব্রহ্মর্ষির মধ্যে যে সামান্য পার্থক্য আছে, ব্রহ্মর্ষি এবং দেবর্ষির মধ্যেও সেই রকম অতি সামান্য পার্থক্য আছে। এই ঋষিগণকে প্রায় সর্কস্থানে দেখা যায়। দৃষ্টান্তস্বরূপ বলা যাইতে পারে কৃষ্ণ যখন পথ অতিক্রম করেন, তিনি পথের উভয়পার্শ্বে দেবর্ষি এবং রাজর্ষিগণকে দেখিতে পান। তাঁহারা সাধারণ মাগ্নুষের মত পথ অতিক্রম করিতে থাকেন এবং তৎকালে তাঁহাদের সঙ্গে ব্রাহ্মী শ্রী ছিলেন।



পদ্মা



সামান্ত লক্ষ্মী—মহাবলিপুরম্



পরিবার দেবতা-রূপে লক্ষ্মী



লক্ষ্মী-নরসিংহ



লক্ষ্মী-গণেশ



বরাহী



বিষ্ণুমূর্তিতে লক্ষ্মী




তন্তুগাত্রে গজলক্ষ্মী - সাঁচী



লক্ষ্মী-নারায়ণ



কোন্নাপুর-মহালক্ষ্মী



মুদ্রায় গজ-লক্ষ্মী



কুবের ও লক্ষ্মী

শ্রী লক্ষ্মী বলিয়া উক্ত

দানবগণ যতদিন ধর্মপরায়ে ছিলেন শ্রী তাঁহাদের প্রতি কৃপাপরবশ ছিলেন, কিন্তু তাঁহারা যখন চরিত্রহীন হইয়া পড়েন তখনই তাঁহারা শ্রীভ্রষ্ট হন।

রামায়ণে (১.৭৭.৩৭) আছে, লক্ষ্মী অথবা শ্রী বিষ্ণুর স্ত্রী বলিয়া কথিত। শ্রী শুভ বস্ত্রাচ্ছাদিত হইয়া সমুদ্র হইতে উখিত হন এবং তাঁহাকে লাভ করিবার জন্য দেব ও দানবগণ পরস্পর অত্যাচার প্রদর্শন করেন। মহাভারতে (১০.৬১.৪৪; ৬৭.১৫৬) পাণ্ডা যায়, শ্রী ভাগ্যদেবী, তিনিই শ্রীকৃষ্ণের স্ত্রী স্মৃষ্ণীণী এবং প্রহ্লাদ-জননী। লক্ষ্মী-দেবী ধাতা এবং বিধাতার ভগিনী। তিনি কেবলমাত্র বিষ্ণুর সহধর্মিণী এ কথা সত্য নয়, যেহেতু তিনি ধর্মের পত্নী বলিয়াও উক্ত হইয়াছেন। লক্ষ্মী সৌন্দর্য্য বৃদ্ধি করেন এবং যাহারা কষ্টে তাঁহাদের প্রতি দয়া প্রদর্শন করেন। লক্ষ্মী পদ্ম হইতে জাত, পদ্মের ভক্ত, তিনি তাই পদ্মালয়া, পদ্মহস্তা বলিয়া উক্ত হইয়াছেন, (৪.১৪.১৬)।

শ্রী—ধনদাত্রী দেবী

দেবরাজ ইন্দ্র স্বর্ণরুপ্তি করেন ইহা একটা কিংবদন্তী। ধনেশ্বর কুবেরের সঙ্গেও তাঁহাকে তুলনা করিতে দেখা যায়। কুবেরের শ্রী আছে এবং এই শ্রী অর্থে ‘ধনরত্ন’ বুঝায়। বায়ু এবং অগ্নির সহায়তায় স্রষ্টিকা হইতে ধনরত্ন তোলা হয় এবং অগ্নি-দেবতার পূজা করিলে মনুষ্যসিদ্ধকে ধনরত্ন দান করা হয়।

শ্রী—পদ্ম

মহাভারতে (৩.২৩৩.১২) আছে বিষ্ণু খুব স্বন্দর এবং কমনীয়। তিনি পদ্মনাভ এবং তাঁহার স্ত্রী পদ্ম-নাভি হইতে জন্মগ্রহণ করেন। তাঁহার ললাটের পদ্ম হইতে ধর্মের পত্নী শ্রী জন্মগ্রহণ করেন। রামায়ণ (৫.৭.১৫) বলেন, পদ্মহস্তা শ্রী মোহনহারিণী বৃষ্টি ধনেশ্বর কুবেরের রথে কোমল-রহিয়াছে। পদ্মহস্তা হলকর্ণা।

লক্ষ্মী ও অলক্ষ্মী

লক্ষ্মী শান্তির স্ত্রী এবং বাসের জননী, মহাভারতে (৫.১৪৭.১২) এ কথাও আছে। কালী দুর্ভাগ্যের সূচনা করেন এবং অলক্ষ্মী বলিয়া কথিত। লক্ষ্মী দেবগণের নিকটে এবং অলক্ষ্মী দানবগণের নিকটে আসেন; অলক্ষ্মীর সঙ্গে সঙ্গে কালী আসেন এবং সমস্ত বস্তু ধ্বংস করিয়া ফেলেন, যুদ্ধাবস্থে কালী-মূর্ত্তির আবির্ভাব হয় এবং সেইজন্যই প্রাণহানি ঘটে। যখন সঙ্গুণরাজি বিনষ্ট হয় তখন কালীর আবির্ভাব হয়।

শ্রী ও ইন্দ্র

শ্রী ইন্দ্রের সহিত উপবিষ্টা আছেন, ইহা দেখিতে পাণ্ডা যায় (মহা-১২.২২৮.৮২)। কিন্তু শ্রী বলেন “লক্ষ্মীতিমামাহ” তিনি লক্ষ্মী (১২.২২৪.৮), এবং সেইজন্য হুগ্গ-সম্বন্ধির অধিষ্ঠাত্রী দেবী বলিয়া তিনি পূজিতা হন।

লক্ষ্মী ও শ্রী পৃথক্ দেবতা

শ্রী, শ্রী, কীর্ত্তি, দ্রুতি, পুষ্টি, উমা, লক্ষ্মী এবং সুরম্যতা তোমাকে রক্ষা করুন, মহাভারতে (২.৪৫.১৩) এইরূপ উক্তি আছে। ইহা হইতে বুঝিতে পারা যায় যে, লক্ষ্মী এবং শ্রীকে পৃথক্ দেবতা আখ্যা দেওয়া হইয়াছে।

কুবের ও লক্ষ্মী

রামায়ণে (৫.৭.১৪) কুবেরের রথে পদ্মহস্তা লক্ষ্মী সংস্থাপিতা আছেন।

কুবেরকে লক্ষ্মীর সহিত দেখা যায়, কিন্তু তখনও উভয়ের স্বামী-স্ত্রী সম্বন্ধ স্থাপিত হয় নাই।—মহাভারত (৩.১৬৮.১৩০)।

মহাভারতে (২.১০.১২) কুবেরের কার্যসম্পন্ন লক্ষ্মীকে নলকুবেরের সহিত দেখিতে পাওয়া যায়। কুবেরের সহিত ধরার মূর্ত্তি স্থাপত্যে লক্ষ্মীকে কেহ কেহ লক্ষ্মী নামে অভিহিত করেন।

রামায়ণে কথিত তপোবনে দেবদেবীর প্রতিমূর্ত্তি দেখিলে বুদ্ধিতে পারা যায় যে, সত্যই দেবতাদের মূর্ত্তির পূজা

হইত। রাম যখন অগস্ত্য-দর্শনে গমন করেন তখন তিনি তাঁহার আশ্রমে ব্রহ্মা, অগ্নি, বিষ্ণু, মহেশ্বর, বিবস্বান, সোম, ভগ, কুবের, ধাতা, বিধাতা, বায়ু, বায়ুকি, অনন্ত, গায়ত্রী, বসুগণ, বরুণ, কাঠিকৈয় এবং ধর্ম—এই আঠারজন দেবতার মূর্তি ও আয়তন (মন্দির) দেখিতে পান। নারদ বলেন যে, তিনি নিজে এই সমস্ত দেবতার পূজা করেন এবং বরুণ, বায়ু, আদিত্য, অগ্নি, স্থাপু, স্বন্দ, লক্ষ্মী, বিষ্ণু, ব্রহ্মা, বাচস্পতি, চন্দ্রমা, অপ, ক্ষিত্তি, এবং সরস্বতীর পূজা করিতে অপরকে উপদেশ প্রদান করেন।

রামায়ণে (১.৭৭.৩০) শ্রী বিষ্ণুর সহধর্মিণী। কখনও কখনও লক্ষ্মী এবং শ্রীকে পৃথক্ দেবতা বলিয়া ধরা হয়। মহাভারতের (১.১৮.৩৫) মতে শ্রী শ্বেতবজ্রাচ্ছাদিত হইয়া সমুদ্র হইতে উথিত হন এবং তাঁহাকে লাভ করিবার জন্য দেবাসুরে ভীষণ যুদ্ধ হয়। তিনি স্থপ-সমৃদ্ধির অধিষ্ঠাত্রী দেবী। মহাভারত বলেন, তিনিই শ্রীকৃষ্ণের সহধর্মিণী রুক্মিণী এবং প্রত্নায়-জননী। বজ্রবর্ষে (ঐতঃ সং ৭.৫.১৪.৩; বাজ্রসেনেয়ী সং ২২.৬০) বিষ্ণুর পত্নী ছিলেন অদিতি। তিনি বিষ্ণু-পত্নীরূপে বলি গ্রহণ করিতেন। তিনি ছিলেন, আদিত্যের মাতা (একবার ভগিনী বলিয়াও উল্লেখ আছে), মিত্র ও বন্ধুণের মাতা, দক্ষের মাতা বা কন্যা, দেবতাদের মাতা, রাজা ও পুত্রগণের মাতা। প্রত্নাত পৃথ্বীদেবীর স্তায় মাতৃস্বয়ী তাঁহার মধ্যে পরিপূর্ণরূপে ফুটিয়া উঠিয়াছে। তাঁহাকে পৃথ্বীর সহিত অভিন্না বলা হইয়া থাকে। ধনের জন্ত তাঁহার স্তুতি করা হইয়া থাকে। শ্রী বা লক্ষ্মী যখন বিষ্ণুর পত্নী হইলেন তখন এই সমস্ত ধর্মও তাঁহার প্রতি আন্তোপিত হইল।

লক্ষ্মীই রুক্মিণী

রুক্মিণী দেবী লক্ষ্মী—অংশ-বিশেষ।

লক্ষ্মী দেবসেনা

স্বন্দ কব্জের তনয় এবং কৃত্তিকাস্থত বলিয়া অভিহিত হন; দৈত্যসেনার ভগিনী দেবসেনা তাঁহার স্ত্রী;

দেবসেনার অপর নাম লক্ষ্মী। দেবসেনাকে রক্ষা করিবার জন্ত ইন্দ্র কেশীকে আহত করেন। ইন্দ্র দেবসেনার বিবাহের জন্ত চেষ্টা করেন এবং জয়গ্রহণের ছয় দিনের মধ্যেই যখন স্বন্দ সমগ্র জগৎ জয় করেন তখন তিনি স্বন্দের হস্তে দেবসেনাকে সমর্পণ করেন। পঞ্চমী তিথিতে বৃহস্পতি এই বিবাহের মন্ত্র পাঠ করেন। শ্রী আশীর্বাদ করেন। তাই এই বিবাহের স্মারক শ্রীপঞ্চমী।

সৃষ্টি-কারণে লক্ষ্মী

কীর্তি, লক্ষ্মী, ধৃতি, মেধা, পুষ্টি, শ্রদ্ধা, ক্রিয়া, বুদ্ধি, লজ্জা, মতি ইহার ধর্মের পত্নী। শম, কাম ও হর্ব ধর্মের সন্তান, প্রাপ্তি, রতি ও নন্দ ইহাদের স্ত্রী; ইহারাই জগতের সৃষ্টির কারণ।

বিভিন্ন শাস্ত্রে লক্ষ্মী

ভূমিদেবী বিষ্ণুর দ্বিতীয়া স্ত্রী, ইহার একটি হস্তে পদ্ম এবং ইহার অপর হস্ত নিম্নদিকে অবনত, তাঁহার মস্তকে মুকুট এবং তাঁহার কক্ষ কেশদাম চরণচূষী—তিনি একটি পদ্মের উপরে দণ্ডায়মান। ভূমিদেবী লক্ষ্মীর নামান্তর মাতা; অর্থবর্ষে (১১.৪) প্রজাপতির সহিত প্রাণের সাদৃশ্য দেখানো হয়। উক্ত বেদের বহুস্থানে এই প্রকার দৃষ্টান্ত দেখিতে পাওয়া যায়। শতপথ-ব্রাহ্মণে (১১.৪.৩) শ্রীকে সৌন্দর্য এবং সমৃদ্ধির দেবী বলিয়া প্রথমে উল্লেখ করা হইয়াছে।

পদ্ম-পুরাণের উত্তর খণ্ডের একটি অধ্যায়ে ভগবদ্-মাহাত্ম্য কীর্তিত হইয়াছে। এক অধ্যায়ে বিষ্ণুর সহস্র নাম আছে, অপর একটি অধ্যায়ে রাখার সহিত লক্ষ্মীদেবীর সাদৃশ্য দেখানো হইয়াছে; তাঁহার জন্মদিন ক্রি ভাবে উদ্ঘাষিত হইয়াছিল তাহাও বর্ণিত হইয়াছে। নিম্নলিখিত উপখ্যানটি প্রচলিত আছে—

“ব্রহ্মা বিষ্ণু এবং শিবের মধ্যে কে বড় তাহা লইয়া ঋষিদের মধ্যে বিবাদ উপস্থিত হয়। তাহার দৃষ্টিকে দেবতাদের কাছে পাঠান। ভৃগু প্রথমে কৈলাস-পর্বতে শিবের সহিত দেখা করিবার জন্ত যান। শিব পত্নী-প্রেমে

তদ্বয় হইয়াছিলেন বলিয়া ঋষির সহিত কোন প্রকার বাক্যলাপ করেন নাই। এইরূপে অপমানিত হইয়া শিবকে অভিশাপ দেন যে, তিনি ব্রাহ্মণের জাতিকর্তৃক লিঙ্গরূপে পূজিত হইবেন। তারপর ভৃগু ব্রহ্মার নিকটে যান। সেখানে ব্রহ্মাও যথোপযুক্ত শ্রদ্ধা দেখান নাই। তারপর ভৃগু মন্দার-পর্বতে বিষ্ণুর কাছে যান। সেখানে তিনি দেখেন যে, বিষ্ণু নাগের উপরে অধিষ্ঠিত এবং লক্ষ্মী তাঁহার পদসেবা করিতেছেন।*

ব্রহ্মবৈবর্তের প্রকৃতিখণ্ডে প্রকৃতি সপক্ষে যথেষ্ট আলোচনা আছে। ইহাতে উল্লেখ আছে যে, প্রকৃতি কৃষ্ণের আশ্রয় দুর্গা, লক্ষ্মী, সরস্বতী, সাবিত্রী এবং রাধা এই পঞ্চমূর্তিতে বিভক্ত হন।

অধ্যাত্ম-রামায়ণে অদ্বৈত এবং রামভক্তি মূর্তির পথ বলিয়া বর্ণিত হইয়াছে। বাস্মীকি-রামায়ণের মত উক্ত গ্রন্থ সাত ভাগে বিভক্ত। তন্মধ্যে ছায় ইহা শিব এবং উমার, কথোপকথনে পরিপূর্ণ। রামকে বিষ্ণু বলিয়া কল্পনা করা হইয়াছে, রাবণ যে সীতাকে চুরি করিয়াছিলেন তাহা নাম্যামাত্র। এই গ্রন্থের শেষে সীতার অগ্নি-পরীক্ষার সময় প্রকৃত সীতা লোকচক্ষুর গোচর হন।

পদ্ম-সংহিতায় ও লক্ষ্মী-তন্ত্রে লক্ষ্মী বিষ্ণু-নারায়ণের শক্তি এবং জগৎকারণ বলিয়া পূজিতা হইয়াছেন।*

মহানীলগণতন্ত্রে ব্রহ্মাকে সর্বোচ্চ দেবতা বলা হইয়াছে। শাক্ত দার্শনিকগণের মতে তিনিই শক্তি। শক্তি যে শুধু ত্রীবাচক তাহাই নয়। শক্তিই জননী; এই শক্তিই শিবের সহধর্মিণী পার্ৱতী, উমা, দুর্গা, কালী; বিষ্ণুর সহধর্মিণী লক্ষ্মী এবং কৃষ্ণের সহধর্মিণী কৃষ্ণা।

রামায়ণে শ্রী-সম্প্রদায় স্থাপন করেন এবং এই সম্প্রদায়ভুক্ত মানবগণ শ্রীবৈষ্ণব বলিয়া পরিচিত। এই সম্প্রদায়ের ধারণা যে, প্রভু তাঁহার সহধর্মিণী লক্ষ্মীর মধ্য দিয়া সত্য প্রকাশ করেন। রামায়ণে বলিয়াছেন—
“লক্ষ্মীদেবীর প্রতি ভক্তি শ্রদ্ধা আমার হৃদয় যেন পরিপূর্ণ হয়।”

রামায়ণে শ্রীকে ক্ষীরাক্ষিতনয়া নামে আখ্যাত করা

হইয়াছে, কেন-না, তিনি সুরাসুর কর্তৃক সমুদ্র মথিত হইলে উথিত কেনরাশির মধ্য হইতে অপরূপ রূপলাবণ্যবতী মূর্তিতে উথিত হন। পুরাণের আখ্যানসমূহ হইতে তিনি যে ভৃগু ও খ্যাতির দুহিতা এবং তিনিই যে রামের সমস্ত অবতার-কালে তাঁহার পত্নী ছিলেন, তাহা স্পষ্ট বৃত্তিতে পারা যায়। এই বর্ণনাগুলি সমস্তই অপেক্ষাকৃত একালের, কেন-না, ঋগ্বেদে লক্ষ্মী শব্দের উল্লেখ দেখা গেলেও ইহা ঠিক যে সৌভাগ্যের অধিষ্ঠাত্রী অর্থে প্রযুক্ত হইয়াছে এরূপ নহে।

বিষ্ণুর পত্নী অথবা শক্তি-স্বরূপা লক্ষ্মীকে পীতবর্ণে চিত্রিত করা হয়, তাঁহার আসন পদ্ম বা কমল, হস্তে কখনও কমল, কখনও শঙ্খ, আবার কখনও বিষ্ণুর পদ্ম। জন্মের সময় তাঁহার এরূপ রূপলাবণ্য ছিল যে, সমস্ত দেবতাই তাঁহার প্রতি অম্লরক্ত হন, পরিশেষে বিষ্ণুই তাঁহাকে লাভ করেন। শ্রী অর্থাৎ ঐশ্বর্যের অধিষ্ঠাত্রী দেবীকে যে পদ্মা বা কমলা বলা হয়, তাহার কারণ পদ্ম তাঁহার অতি প্রিয়বস্ত্র; তিনি বরাহীও বটেন, যেহেতু বিষ্ণুর বরাহ অবতারে তিনিই শক্তি; তিনি যখন বরাহের অঙ্কে উপবেশন করিয়া থাকেন, বরাহ তাঁহাকে আলিঙ্গন করেন। তিনি আদ্যামায়া, জগতের মাতা, তিনি নারায়ণী, বিজ্ঞানী, ইত্যাদি। কখনও তাঁহাকে ভৃগুবক্তা বলিয়া বর্ণনা করা হইয়াছে; কিন্তু দেবরাজের উপর দুর্ব্বালার অভিশাপের ফলে, ত্রিত্ববন পরিত্যাগ করিয়া তাঁহাকে ক্ষীরাক্ষিতলে আত্মগোপন করিতে হইয়াছিল। তাঁহার অন্তর্ধানে পৃথিবী শস্ত্রত্রিশূভা হয়। পরে সমুদ্রমন্ধানকালে তিনি অপূর্ণ রূপ ধারণ করিয়া পুনর্জন্মিত হন, এইরূপ প্রসিদ্ধি।

জাতি ও সম্প্রদায়ে লক্ষ্মী

বৈষ্ণবেরা লক্ষ্মীকে জগদমাতা বলিয়া পূজা করেন; তাঁহারা বলেন, ইনি আদিমাতা বাহিনী বৈষ্ণবতন্ত্রে থাকিয়াও শক্তি-উপাসক হইয়া ইহাকে অনন্তের প্রতিমূর্তি কল্পনা করিয়া পৃথগ্ভাবে পূজা করিয়াছেন।

জৈনগণ পূর্বে শ্রী ও লক্ষ্মীকে পৃথক দেবতা বলিয়া

মনে করিতেন। তাহাদের ত্রৈলোক্য নীলিকা, লক্ষ্মী, সখী, ইত্যাদি আছে, জীবজগৎতরঙ্গ দক্ষিণপক্ষে, দেবী হইতেছেন—ঐ, হী, ধৃতি, আর উত্তরপক্ষে দেবী হইতেছেন—কীর্তি, বুদ্ধি, লক্ষ্মী। বর্তমানকালে নীলিকান্ত সমস্ত জৈনমণ্ডিরের মধ্যে লক্ষ্মী-পূজার রীতি আছে। সেই সময়ে ইহার ইহাদের হিসাবপত্রের খাতা একটি বেদীর উপর সজ্জিত করেন। পুরোহিত আসিয়া জৈনের কপালে, লোমহীতে ও খাতায় চন্দনের তিলক আঁকিয়া দিলে তিনি তাহার হিসাবের খাতার পাতায় পাঁচ সাত বা নয় বার লক্ষ্মী নামটি লিখিতে থাকেন। পরে একটি রক্তমুদ্রা ও খাতার পাতার উপরে রাখা হয়। এই রক্তমুদ্রাই লক্ষ্মী পূজার স্থাপনাই লক্ষ্মীপূজা, এইরূপ তখন ধারণা করিয়া গণ্য হয়।

জৈনমণ্ডিরের আদি দেবতা লক্ষ্মী। বিশেষ বিশদ-আপদ উপস্থিত হইলে ভিলরমণীরা ইহাকে স্তুতি করিয়া থাকে।

জৈনমণ্ডিরের আগরওয়ালামণ্ডিরের জাতীয় দেবতা লক্ষ্মী।

জৈনমণ্ডিরের যখন ব্রহ্মপুত্র উপত্যকার প্রবেশ করে, তখন তাহার বারভূইয়ার রাজ্য অবসরভের মন্ত্রী নীলকান্ত বংশধর বলিয়া আত্মপরিচয় দেয়। কথিত আছে, নীলকান্তের পুত্র রত্নসিংহ বিতাড়িত হইলে সমুদ্রই নিবাসিন অধিকার করেন। সমুদ্রের পুত্র মনোহর। এই মনোহরের কন্যা লক্ষ্মী স্বর্গের ভার্য্যা হন। শাস্ত্র অনুসারে ইহারই দুই পুত্র।

মাতাজের মাল জাতি ছয়টি পাত্র তুপীকৃত করিয়া লক্ষ্মীকে প্রতিষ্ঠা করে।

গুজরাতে লক্ষ্মী পূজায় বেশ ধুমধাম হয়। লক্ষ্মী-পূজায় গুজরাতীদের অনেক আমোদ-আহ্লাদের ব্যবস্থা থাকে। ইহাদের লক্ষ্মী কিন্তু আমাদের মত নয়। তাহার হস্তে বীণা থাকে। গুজরানীতিসারে বীণাহস্তা লক্ষ্মীর একটি খ্যাতি আছে।

গুজরাতের কোন কোন প্রদেশে লক্ষ্মীকে চান্দ-সৌরবর্ষের অধিষ্ঠাত্রী করিয়া করা হইয়া থাকে, ঠিক যেমন স্বর্গী সৌরবর্ষের অধিষ্ঠাত্রী; তবে এই রূপকটা লক্ষ্মী দেশের পণ্ডিতেরা প্রত্যাখ্যান করিয়াছেন;

তাঁহার নামের সহিত চন্দ্রের কোণও সংযোগই ইহার স্বীকার করেন না।

লক্ষ্মীর কোন মন্দির না থাকিলেও, তিনি প্রাচুর্য্য ও লোভাগোর দেবী বলিয়া অমরাবর্তের সহিত সম্পৃক্ত হন; সুতরাং তাহার প্রতি অমরাবর্তের কারণ পাওয়া যায় না। আশ্বিন মাসের পূর্ণিমা তিথিতে তাহার পূজা হইয়া থাকে।

উত্তর-ভারতে আহীররা ইলানমর্ষে দীক্ষিত হইলে ঘোষী নাম প্রাপ্ত হয়। ঘোষাইয়ে ঘোষীরা বিবাহ ও জন্মকালে অনেক হিন্দুগ্রন্থ পালন করিয়া থাকে। দশহরতে তাহারা যেমন “দেবী” পূজা করে, সেইরূপ দীপালি উৎসবে তাহারা লক্ষ্মী পূজা করে।

রোমানদের সিরিস যেমন শতশস্ত্রারের প্রতিমূর্তি বলিয়া কল্পিত ও অঙ্কিত হন, সেইরূপ লক্ষ্মীও আমাদের নিকট আরাধ্য দেবতা—শস্ত্রোৎপাদনের প্রত্যেক ব্যাপারে তাহার নাম প্রচারিত।

বেলগাঁও প্রদেশে ঊনবিংশ শতকের প্রথম ভাগে মহালক্ষ্মীকে ভূমির উর্বরাশক্তি বলিয়া জ্ঞান করা হইত। তখন প্রত্যেক বার বৎসর অন্তর তাহার উদ্দেশ্যে সমারোহে যাত্রা দেওয়া হইত। এই যাত্রায় মহিষ, ছাগ, এবং নানা পক্ষী বলি দেওয়া হইত। শেষে ভূমির উৎপাদিকা-শক্তির রক্ষাকল্পে ইহাদের রক্ত ভাতের সহিত মিশাইয়া ক্ষেত্রে ক্ষেত্রে ছড়াইয়া দেওয়া হইত।

মহারাষ্ট্র কৃষকেরা এখনও তাহার পূজার প্রতি আস্থাহীন হয় নাই। রবিশস্ত্র বেশ জমাইলেই, তাহারা তাহাদের ক্ষেত্রে গিয়া একটি বৃক্ষের নিচে পাঁচটা পাথর একত্র করে ও তাহার উপর দিঘরের চিকু ঘেঁষে ও কিছু গমের যন্ত্র রাখা। এইগুলিকে তাহারা পঞ্চপাণ্ডু বলিয়া পূজা করে। বিকালে তাহারা ঘবনালের কয়েকটা শীর্ষ লইয়া গৃহে ফিরিয়া যায়, সঙ্গে অবশ্য একটা কাপড় দিয়া ঘেরা প্রদীপ থাকে। ইহাই তাহাদের লক্ষ্মী। এই উৎসব অমাবস্তা তিথিতে মাসের ২৮এ তারিখে অচ্যুত হয়।

রাজপুতানায় একটি উৎসবে লক্ষ্মীকে অরপূর্ণা মূর্তিরূপে অর্চনা করা হইয়া থাকে। কৃষিজীবীরা

তাঁহার প্রতিমূর্তি-স্বরূপ একটি পুষ্প ও ধাতুপূর্ণ শস্ত-
পরিবাপক 'খারী' স্থাপিত করে; আর তাঁহার প্রতি-
কৃতিকে লাজাইতে হইলে তাঁহার পদ্ম-রূপেই লাজায়,
হাতে তখন একটি পদ্ম থাকে। সমুদ্রমন্ডনের সময়
চৌক-মণির মধ্যে লক্ষ্মীও উদ্ধৃত হইয়াছিলেন বলিয়া
তাঁহার তাঁহাকে রত্না বলিয়া থাকে; ইহাতে
একটু ভুল করা হয়। এক জল-মুদ্র হইতে
সমুখিত হইলেও তাঁহার সমান নহেন; একজন
ঐশ্বর্যের অধিষ্ঠাত্রী, অপরজন সৌন্দর্যের। লক্ষ্মী বিষ্ণুর
পত্নী বলিয়া তাঁহাকে প্রলয়-পয়োধি-শয্যা শায়িত বিষ্ণুর
চরণতলে অবস্থিত করিয়া দেখানো হয়।

ইণ্ডো-চীনের অন্তর্বর্তী চম্পা একটি প্রাচীন নগরী।
এই চম্পাবাসিগণ চাম নামে পরিচিত। চামদিগের
ধর্মশাস্ত্রে লক্ষ্মীর স্থান অতি উচ্চ। কোচিন চীনে
ইহার একটি প্রতিমূর্তি আছে। ইহার মস্তকে মুক্তার
মুকুট, করে বলয়। ইনি চতুর্ভুজা। উপরের দুই হাতে
শঙ্খচক্র, নীচেকার দুই হাতে গদা। কয়েকটি সমাধি-
মন্দিরের ভিত্তিপাত্রেরও ইহার প্রতিকৃতি দেখা যায়,
পদ্মপাণি হইয়া ইনি নাগজাতকের তলে বসিয়া থাকেন।

লক্ষ্মী-মূর্তি

হিন্দু দেব-দেবী সম্বন্ধে আলোচনা করিলে জানিতে
পারা যায় যে, প্রত্যেক দেবতার সঙ্গে আরও কোন-
না-কোন দেবতার সম্পর্ক আছে। সৃষ্টি-কারণ ব্রহ্মার
মুখে বিদ্যার অধিষ্ঠাত্রী দেবী সরস্বতী বাস করেন,
বিষ্ণুর সহধর্মিণী লক্ষ্মীও বাস করেন এবং তাঁহারই
প্রভাবে জগতের স্বধ-সমৃদ্ধি বৃদ্ধি পায়।

লক্ষ্মী এবং পৃথ্বী বিষ্ণুর দুই পত্নী; লক্ষ্মী রক্ত-
পদ্মাসীনা, চতুর্ভুজা। তাঁহার উপরের দুইটা বাহুতে
দুইটা পদ্ম এবং অপর দুইটা বাহুতে বরাতয় মুদ্রা।
স্বধালাভ করিবার উদ্দেশ্যে যখন সমুদ্রমন্ডন হয় তখন
তিনি উখিত হন। পৃথ্বীর মাজ দুইটা হস্ত আছে—দক্ষিণ
হস্তে তিনি অভয়দান করিতেছেন এবং বাম হস্তে দাড়ি-
ফল ধারণ করিয়া থাকেন। তাঁহার বাম পদ একটি
রক্ত-স্থালীর উপর প্রসারিত। যখন লক্ষ্মীদেবী বিষ্ণুর

সহিত অবস্থান করেন তখন তাঁহার দুইটা হস্ত দেখিতে
পাওয়া যায়।

গজ-লক্ষ্মী

দু'একটা ধ্যানে চারিটা হস্তেরও উল্লেখ আছে।
লক্ষ্মীর অষ্ট-রূপও শাস্ত্রে বীজিত। ঐশ্বর্যের মধ্যে
গজ-লক্ষ্মীর মূর্তিই সচরাচর প্রচলিত। তিনি
চতুর্ভুজা এবং বিনায়কের দ্বারা একটি প্রস্তুতিত পদ্মের
উপরে সমাসীনা। তাঁহার দক্ষিণ হস্তে একটি পদ্ম
এবং বাম হস্তে স্বধা-পাত্র। দেবীর অপর দুই হস্তে বিব-
ফল এবং শঙ্খ। তাঁহার পশ্চাতে দুইটা হস্তী কলসী হইতে
তাহাদের শুণু দিয়া দেবীর মস্তকে জলবর্ষণ করিতেছে।
মুদ্রায়ও এরূপ মূর্তি বিরল নহে। চৌচর ও তন্তুগাত্রেরও
গজ-লক্ষ্মীর মূর্তি আছে। সাঁচীতে এইরূপ একটি গজ-
লক্ষ্মী আছে। 'বিহু-বিশিষ্ট' গজ-লক্ষ্মীকে সামান্ত লক্ষ্মী
বলিয়া বর্ণনা করা হয়। শিল্পসারে ইহাকে ইন্দ্র-লক্ষ্মী
বলিয়া অভিহিত করা হইয়াছে।

মহাবলিপুরুষ সামান্ত-লক্ষ্মীর একটি স্বন্দর মূর্তি
আছে। এই মূর্তির মধ্যভাগের মূর্তিটা সামান্ত-লক্ষ্মীর।
দেবী দ্বিভুজা, বিরসনা, সাগরোদ্ধৃত পূর্ণবিকসিত
পদ্মাসনের উপরে উপবিষ্ট। আসন ও পদ্ম-পাত্র অসম্পূর্ণ
বলিয়া মনে হয়। তাঁহার মস্তকাবরণ একটু অসাধারণ।
কর্ণে বৃহৎ ও গোলাকার হুণ্ডল এবং অঙ্গে আভরণ।
দেবীর হস্তদ্বয়ে দুইটা পদ্ম-কোরক সংস্থাপিত। চারিজন
বিবসনা সহচরী তাঁহার সেবাতৎপর।

তাঁহার উভয় পার্শ্বে দুইটা বিশালকায় হস্তী শুণু
দিয়া দেবীর মস্তকের উপরে জল ঢালিতেছে।
দেবীর দ্বিতীয়া সহচরীর হস্তে একটি পদ্ম এবং দক্ষিণ
ভাগের অপর সহচরীর হস্তে চন্দন, হরিত্রা অথবা
অম্র কোন প্রকার ফলক অথবা ত্রাধিবার স্বস্ত একটি
সুদৃশ পাত্র। সহচরীদ্বয়ের শিরোভূষণ এবং অলঙ্কার
আড়ম্বরবিহীন এবং উল্লেখযোগ্য—ইহা হইতে পদ্ম-
যুগের পরিমার্জিত রুচির বিশিষ্ট পরিচয় পাওয়া যায়।

বিবসনা দ্রুমিষ্ঠগুলির সহিত লক্ষ্মী-স্থাপত্যের রূক-
মণ্ডলস্থ গোপীদিগের মধ্যে সামান্য পার্থক্য আছে। এ দুই

সমসাময়িক হওয়াই সম্ভব। পদ্মাকৃতা স্বধ-সমৃদ্ধির অধিষ্ঠাত্রী দেবী, বক্ষাভারে আনতা, পদ্ম-নয়না, শ্বেত-বস্ত্রাচ্ছাদিতা, হেমপাত্রজলসিক্তা, পদ্ম-হস্তা প্রভৃতি বাক্যে লক্ষ্মীদেবীর বন্দনা ক্রী-স্বক্তে গীত হইয়াছে। মনীষী হ্যাভেল মহাবলিপুরমের মূর্তিটিকে “স্বর্ণোখিতা লক্ষ্মীর মূর্তি” বলিয়া মনে করেন।

মহা-লক্ষ্মী

মহা-লক্ষ্মী অষ্টলক্ষ্মীর অপর একটি মূর্তি, তাঁহার চারিটা হস্তে পাত্র, কোমোদকী অসি এবং ক্রীকল। মহা-লক্ষ্মীর বৈশিষ্ট্য এই যে, তাঁহার মস্তকে লিঙ্গ আছে। পদ্মের উপরে দণ্ডায়মানা অথবা অধিরূঢ়া, এবং বরাভয়া মূর্তি হইলে সেই মূর্তির নাম হয়—বীর-লক্ষ্মী। শিল্পসারে কথিত আছে যে, কোল্লাপুর-মহালক্ষ্মী বড়ভুজা। তাঁহার তিনটা হাতে গদা, অসি এবং মধ্যপাত্র। অষ্টভুজা বীর-লক্ষ্মীর আটটা হস্ত আছে। প্রত্যেক হস্তের কিছু-না-কিছু বৈশিষ্ট্য আছে।

জ্যোষ্ঠা-লক্ষ্মী •

জ্যোষ্ঠা-লক্ষ্মী লক্ষ্মীর জ্যোষ্ঠা ভগিনী। তাঁহার এক হস্তে লৌহ-নিখিত পদ্ম এবং অপর হস্তখানি তিনি আসনের উপরে রাখেন। কিন্তু কখনও কখনও তাঁহার উভয় হস্তে পদ্ম থাকিতে দেখা যায়।

দেবীর পদদ্বয় কথঞ্চিৎ প্রসারিত। তাঁহার দক্ষিণ দিকে একটি বৃষমূখী মূর্তি আছে। এই মূর্তিটা তাঁহার সন্তানের। জ্যোষ্ঠার বামভাগে তাঁহার রূপবতী কন্তার মূর্তি। কখনও কখনও দেবীকে রক্তবর্ণরূপে দেখিতে পাওয়া যায়, তখন তাঁহাকে রক্ত-জ্যোষ্ঠা আখ্যা দেওয়া হয়।

দেবদেবীগণের মধ্যে সরস্বতীর কেশবন্ধ দেখিতে পাওয়া যায়। লক্ষ্মী-দেবীর কেশবন্ধ কুন্তলা-প্রাণালীতে হইয়া থাকে।

বিষ্ণুমূর্তিতে লক্ষ্মী

দক্ষিণ পার্শ্বে লক্ষ্মী এবং বাম পার্শ্বে ভূমিদেবীকে লইয়া বিষ্ণু সিংহাসনে উপবিষ্ট, এরূপ মূর্তি বিরল নহে।

যদি নারদ, কামিনী, সনক এবং সনৎকুমার প্রভৃতি

মূর্তি-সংলিষ্ট না থাকে তাহা হইলে বিষ্ণুকে মধ্যম শ্রেণীভুক্ত করা হয়; আর যদি ব্রহ্মা, শিব, লক্ষ্মী, ভূমিদেবী, সূর্য্য এবং চন্দ্র মূর্তির সহিত না থাকে তাহা হইলে তাহাকে অধম শ্রেণীভুক্ত করা হয়।

বিষ্ণুর বীরশয়ন-মূর্তিতে তাঁহার বর্ণ কৃষ্ণ; তাঁহার একটি হস্ত উপাধানের কার্য্য করে এবং অস্ত্র হস্তে চক্র থাকে; বামদিকের একটি হস্তে শঙ্খ এবং আর একটি হস্ত সরলভাবে প্রসারিত থাকে। বিষ্ণুর পাদমূলে লক্ষ্মী এবং ভূমিদেবী উপবিষ্টা থাকেন।

অধম ভোগস্থানক মূর্তিতে বিষ্ণুর হস্তে চক্র এবং শঙ্খ থাকে। মধ্যভাগের বিষ্ণুর দক্ষিণ দিকে লক্ষ্মীর মূর্তি এবং বাম দিকে ভূমিদেবীর মূর্তি। লক্ষ্মীদেবীর বামহস্তে একটি পদ্ম এবং ভূমিদেবীর দক্ষিণ হস্তে একটি নীলোৎপল থাকে।

ভোগাসন-মূর্তিতে চালুক্যদের রাজধানী বাদামীতে প্রাপ্ত বিষ্ণুর মূর্তিতে বিষ্ণু ‘অধিশেষ’ নাগের উপরে আরুঢ় আছেন। বিষ্ণুর বামপদ প্রসারিত নয় এবং নাগের উপরে তাঁহার দক্ষিণ পদ বিন্যস্ত রহিয়াছে।

আইহোলের মন্দিরে বিষ্ণুর বীরাসন-মূর্তি দেখিতে পাওয়া যায়। কুন্তকানমে বিষ্ণুর অধিশেষ নাগের উপরে উপবিষ্ট একটি মূর্তি আছে। এই মূর্তির পশ্চাত্তের দক্ষিণ হস্তে চক্র এবং পশ্চাত্তের বাম হস্তে শঙ্খ; বামপদ নিম্নদিকে সর্পের মস্তকের উপরে প্রসারিত রহিয়াছে। দক্ষিণ হস্ত দক্ষিণ জাহ্নবীর উপরে প্রসারিত এবং বাম হস্ত, বাম উরুর উপরে রহিয়াছে, বিষ্ণুর দক্ষিণ ও বাম দিকে লক্ষ্মী ও ভূমিদেবীকে উভয়দিক অবস্থায় দেখা যায়। ইহাই বীরাসন-মূর্তির অধম শ্রেণীভুক্ত।

অগ্নি পুরাণে বরাহ-বিষ্ণুর মূর্তির বেশ স্পষ্ট বর্ণনা আছে। ইহাতে উল্লেখ আছে, বিষ্ণুর দক্ষিণ এবং বাম হস্তে যথাক্রমে শঙ্খ ও পদ্ম অথবা লক্ষ্মী থাকিবে। বিষ্ণুর বাম হস্তে লক্ষ্মী উপবিষ্টা এবং তাঁহার পদতলে ভূমিদেবী এবং অধিশেষের মূর্তি।

বরাহ-মূর্তি শ্বেতবর্ণের এবং চতুর্হস্ত। এই চারিটা হাতের দুইটিতে শঙ্খ এবং চক্র থাকে। বরাহ-দেব সিংহাসনের উপরে উপবিষ্ট এবং বহু অলঙ্কারে সুসজ্জিত।

দক্ষিণ দিকে কাঞ্চন-বর্ণের লক্ষ্মী-মূর্তি উপবিষ্টা। লক্ষ্মীর বাম হস্তে পদ্ম এবং দক্ষিণ হস্ত আসনের উপরে থাকে। যজ্ঞবরাহ-মূর্তির বাম দিকে কৃষ্ণবর্ণা ভূমিদেবী উপবিষ্টা থাকেন।

বরাহ-মূর্তির দক্ষিণ উরুদেশের উপর দেবী বহুমতী উপবিষ্টা থাকেন। শিল্প-শাস্ত্রে উল্লেখ আছে যে, লক্ষ্মীদেবীও বরাহের পার্শ্বে উপবিষ্টা থাকেন।

কখনও কখনও গিরিজা-নরসিংহ মূর্তিকে সিংহাসনে উপবিষ্ট দেখিতে পাওয়া যায়। ইহার চারিটি হস্ত, এবং পশ্চাতের দক্ষিণ এবং বাম হস্তে যথাক্রমে চক্র এবং শঙ্খ থাকে। নরসিংহ-মূর্তির দক্ষিণ দিকে একই আসনে উপবিষ্টা লক্ষ্মীমূর্তি বিরাজিত থাকেন।

লক্ষ্মীনরসিংহ-মূর্তি পদ্মাসনের উপরে উপবিষ্টা; তাঁহার দক্ষিণ পদ নিম্নদিকে বিলম্বিত এবং বাম পদ আসনের উপরে প্রসারিত। নারায়ণের ক্রোড়ে লক্ষ্মী উপবিষ্টা এবং তাঁহার প্রত্যেক পদ পদ্মের উপরে সংস্থিত। লক্ষ্মীর দক্ষিণ হস্ত নরসিংহের দেহ আলিঙ্গন করিয়া থাকে এবং তাঁহার বাম হস্তে একটি পদ্ম থাকে।

‘নারদ-পক্ষরাশ্রে’ লক্ষ্মীকে বাহুদেবের নায়িকা বলিয়া উল্লেখ করা হইয়াছে।

লক্ষ্মী-নারায়ণ মূর্তি হইতে সহজেই উপলব্ধি করা যায়, নারায়ণের সহিত লক্ষ্মী দেবী থাকেন। লক্ষ্মী নারায়ণের বাম ভাগে উপবিষ্টা; তাঁহার দক্ষিণ হস্ত নারায়ণের কণ্ঠ আলিঙ্গন করিয়া থাকে। নারায়ণের বাম হস্তও দেবীকে আলিঙ্গন করিয়া থাকে। তাঁহার বাম হস্তে পদ্ম সংস্থিত। দিক্‌টির স্বভাবতঃ সুন্দর এবং অলঙ্কার-বিভূষিত মূর্তি চামর-হস্তে লক্ষ্মী-নারায়ণের-সম্মুখে দণ্ডায়মান। নিম্নদিকের কিঞ্চিৎ দক্ষিণে গরুড়ের মূর্তি। বিষ্ণুর জলশায়ি-মূর্তিতে সংস্থিত শাস্ত্রের নিয়মামুসারে লক্ষ্মী বিষ্ণুর পদতলে এবং ভূমিদেবী শিরোভাগে উপবিষ্টা।

দেবী নানাভাবে পূজিতা হইয়া থাকেন। পূজা-পদ্ধতির নিয়মের তারতম্যামুসারে দেবীর বিভিন্ন নামান্তর হয়। মার্কণ্ডেয় পুরাণে উক্ত আছে—গুপ্ত-রূপি-দেবী তিন প্রকার আকার গ্রহণ করেন, যথা, লক্ষ্মী, মহা-কালী এবং সরস্বতী; ইহার। যথাক্রমে রজঃ, সত্ত্ব এবং

তমোগুণের আধার। গুপ্তরূপী দেবী মহাকালী এবং মহামারী; তিনি ধনদাত্রী লক্ষ্মী এবং যশোহারিণী অলক্ষ্মী নামেও পরিচিতা।

শিল্পরস্বে উল্লিখিত হইয়াছে, লক্ষ্মীর বর্ণ শুভ্র এবং তাঁহার বাম হস্তে পদ্ম এবং দক্ষিণ হস্তে বিষ-ফল, তাঁহার কণ্ঠদেশে মুক্তার হার এবং দুইজন সহচরী তাঁহাকে চামর দ্বারা বাজন করিতেছেন। বিষ্ণুর পার্শ্বে লক্ষ্মীদেবী থাকিলে তাঁহাকে দ্বিহস্তবিশিষ্টা দেখা যায়। কিন্তু একটি পৃথক মন্দিরে তাঁহার পূজা করিলে তাঁহাকে চতুর্হস্তা হইতে দেখা যায়; তখন তিনি সিংহাসনে পদ্মের উপরে অধিষ্ঠিত থাকেন, তাঁহার মস্তকেও পদ্ম থাকে, কেয়ুর এবং করুণ দ্বারা তিনি বিভূষিত থাকেন।

লক্ষ্মী, সরস্বতী এবং পার্শ্বতীকে একই দেবী বলিয়া কল্পনা করা হয়।

লক্ষ্মী-গণপতি

শক্তি-গণেশ বলিতে লক্ষ্মী-গণপতি, উচ্ছিষ্ট-গণপতি, মহা-গণপতি, উৰ্দ্ধ-গণপতি এবং পিঙ্গল-গণপতি বুঝায়। লক্ষ্মী-গণপতির আটটি হাত আছে। আটটি হাতে শুকপক্ষী, দাড়িধ, পদ্ম, স্বর্ণপাত্র, অম্বুশ, পাশ, কলকলতা এবং বাণ আছে। মস্তমহোদধিতে উল্লেখ আছে, লক্ষ্মী-গণপতির তিনটি চক্ষু আছে। দুইটি হস্তে দণ্ড এবং চক্র থাকিবে এবং তিনি তৃতীয় হস্তে অভয় দান করিবেন। কিন্তু চতুর্থ হস্তে কি থাকিবে সে সম্বন্ধে কোন উল্লেখ নাই। সম্ভবতঃ চতুর্থ হস্ত দ্বারা গণপতি লক্ষ্মীকে আলিঙ্গন করিবেন। লক্ষ্মী-গণপতির বর্ণ স্বর্ণের মত হইবে। লক্ষ্মী-দেবীও গণেশকে আলিঙ্গন করিবেন এ কথাও উক্ত আছে।

লক্ষ্মী-গণপতির প্রস্তর-মূর্তি বিশ্বনাথ-স্বামী মন্দিরে দেখিতে পাওয়া যায়। এই মন্দির ১৪৪৬ খৃঃ অব্দে পাণ্ডুদেশীয় রাজা অরিকেশ্বরী পরাক্রম পাণ্ডবদেব কর্তৃক নিৰ্ম্মিত হইয়াছিল। মূর্তিটিও এই সময়ে স্থাপিত হইয়াছিল। এই মূর্তিটির ছয়টি হস্তে চক্র, শঙ্খ, শূল, পরশু, দন্ত এবং পাশ আছে। অবশিষ্ট চারিটি হস্তে কি আছে তাহা ঠিক বলা যায় না। গণপতির শুণ্ডে একটি পান-পাত্র আছে।

বহুবারভে

শ্রীরামপদ মুখোপাধ্যায়

কান্ডনের প্রথমে রসময় সহসা একদিন পাঁচ স্নানসামান্য লেনে একটা মেসে প্রবেশ করিল এবং কয়েক মিনিট মধ্যে আপনা আপনি বিখ্যাত হইয়া উঠিল। কুল স্বচ্ছবধর্মে ফোটে, বায়ু গন্ধ বিলাইয়া দিকে দিকে ফুলের বাহাওয়া প্রচার করে।

বিনীত রসময় আদিয়াই ভবেশকে ব্রিজাসা করিল, —সীট খালি আছে?

ভবেশ বলিল,—আছে।

রসময় পুনরপি পরম বিনীতভাবে বলিল,—ধেখুন, আমি একটু ইয়ে চাই,—বেশ নিরিবি।

এরূপে বিনীত ভাবটাই কোতূকের কারণ—কথার ধরণটাও কেমন কেমন যেন। ভবেশ হাসিয়া বলিল,—সিটেক্স সীটের ঘর তো খালি নেই। তবে ছুজনে থাকতে পারেন।

রসময় অকারণ পুলকের উচ্চাসে টেবিল চাপড়াইয়া কহিল,—অল রাইট। তাই ভাল। কাল—না আজ বিকেলে এসেই হাজির হব।

ভবেশ বলিল,—যদি মাপ করেন তো একটা কথা জিজ্ঞেস করি।

রসময় বলিল,—বিলক্ষণ! কি বলবেন বলুন না। আমাকে ওসব নেচারের লোক মনে করবেন না। একদম ফ্র্যাঙ্ক।

ভবেশ বলিল,—খালি ঘর খুঁজছেন, কাবাটা বা লেখা অভ্যাস আছে না কি?

রসময় হো-হো করিয়া হাসিয়া উঠিল। সে হাসি অস্বাভাবিক হইতে চাহে না। যেন এত বড় মহৎ সম্মানের কথা সে কল্পনাই করিতে পারে নাই।

হাসির বেগটা মন্দীভূত হইল কহিল,—না, না—এখনি চাইছিলুম। কি জানেন—আমি একটু বেকারের ফ্র্যাঙ্ক কি না—অর্থাৎ—

ভবেশ হাসিয়া বলিল,—বুঝেছি। তা এ মেসে সে-সব ভয় নেই, অনেক প্রফেসরও থাকেন কি না। নমস্কার।

—নমস্কার। আজই ও-বেলা—বাকী কথাটা ইসারায় সারিয়া সে ফ্রুডপদে নামিয়া গেল।

বৈকাল চারিটায় বিচানাপত্র, বই খাতা লইয়া রসময় এই মেসের একটি সীট দখল করিয়া মহা উৎসাহে পড়া শুনার মনোযোগ দিল।

প্রফেসর থাকিলেও রসময়ের ফ্র্যাঙ্ক অর্থাৎ—এর ভয় কাটিল না। অবশ্য সেজন্ত রসময়কে কেহ এক তিলও দুঃখ করিতে দেখে নাই।

মেসের মধ্যে যে কয়টি সম-বা অসমবয়সী ব্যক্তি ছিলেন, সকলেই এই অনাস্থীয় যুবকের নিকট কিছু-না-কিছু উপহার পাইয়াছিলেন। কেহ আপত্তি করিলে সে বলিত,—আজ্ঞা এ ফ্রেণ্ড আমি দিচ্ছি, না নিলে বাস্তবিক দুঃখিত হব। যদি না নেন তো—ইত্যাদি। অগত্যা লইতে হইত।

কাহারও উপহাসের মাত্রাধিক্য ঘটিলে রসময় পরদিনই তাহাকে মূল্যবান একটা কিছু উপহার দিয়া তাহার মুখ-বন্ধের চেষ্টা করিত। এইরূপে তাহার উপহারের দ্রব্য-গুলিতে মেসের প্রত্যেক কক্ষের প্রান্তিটি সীট পর্য্যন্ত ভরিয়া উঠিয়াছিল।

রসময় আত্মপরিচয় দিয়াছিল,—তাহারা তিন ভাই। বা আছেন—বাপ নাই। অস্ত্র ছই ভাই রীতিমত পুত্রকন্তা লইয়া সংসারী, শুধু রসময় পাঠা-জগতের প্রাণী। তথাপি সংসার সযত্নে তাহার জ্ঞান কোনো সংসারীর অপেক্ষা কিছুমাত্র মৃদু নহে। সংসারের এত খুঁটিনাটি হিসাব-নিকাশের কথা সে বলিতে পারিত যে, মনে হইত, সেবারকার বাহা-কিছু জ্ঞাতব্য বিষয় তাহার সীমা সে লক্ষ্যন করিয়াছে। কাব্য-সাহিত্যেও তাহার অদ্বৈত

অতুলনীয়। সে সম্বন্ধে সমালোচনা যাহা করিত, তাহা যে-কোনো সবজাস্তা মাসিক সমালোচনার চেয়ে কঠোর ও তাহার মতে পক্ষপাতশূন্য। শোকে-স্বখে হাসিতে-কান্নায় গানে-গল্পে সৰ্ব্বক্ষণই সে সকলের পাশটিতে অকুণ্ঠিতভাবে দাঁড়াইয়া সহায়ভূতির প্রলেপ মাখাইতে দক্ষ ছিল।

বাড়ী তাহার এই কলিকাতারই অপর প্রান্তে। কলেজ দূর বলিয়া এবং সেখানে হট্টগোলের মধ্যে পড়া-শুনার অন্ত্রবিধা হয় বলিয়া সে মেসে আশ্রয় লইয়াছে।

বিমলের সঙ্গে তাহার ভাবটা হইয়াছিল কিছু বেশী। এই কম-বেশীর কথা লইয়া অনেক দিন অনেক তর্ক হইয়াছে। সে বলিয়াছে,—তাহার উদার অন্তরে ভালবাসিবার ধারাটুকু কখনও কোনো তীর ঘেঁষিয়া যায় নাই, এবং তীরের শ্রামল শস্তসম্ভারের শ্রীতে মুগ্ধ হইয়া সে স্রোত মুহূর্তের তরেও নিশ্চল হইয়া দাঁড়ায় নাই। তাহা চলিয়াছে—আপনা ভুলিয়া—তটিনীর ছুটি তীরে সম্পদ রচনা করিয়া সকলকে সমানভাবে পরিতৃপ্তি বিলাইয়া অবিরাম অশ্রান্ত গতিতে।

কিন্তু বিমলের টেবিলে উপহারের মাহাদিক্য দেখিয়া সকলে স্থিরনিশ্চয় করিয়াছিল,—এখানে নদীর স্রোতটা কিছু প্রবল এবং ভগতটের ক্রোড়ে যে এতটুকু স্থান রচনা করিয়াছে তাহার মধ্যে কুলুকুলু ধ্বনিটুকু আবদ্ধ হইয়া গিয়াছে।

মেসে সকলেরই স্বতন্ত্র একটা মত থাকে এবং তাহা লইয়া অবসর-মুহূর্তে তুমুল তর্কের সৃষ্টি হইয়া থাকে। রসময়ের কোনো স্বতন্ত্র মত ছিল না, অথচ যে-কোনো বিষয় লইয়া সে কয়েক ঘণ্টা অনর্গল তর্ক করিতে পারিত।

কেবলমাত্র বিবাহ-প্রসঙ্গে সে কোনো তর্ক করিত না। নিজের আর্থিক অবস্থা বিষয়ে মুখে যে কথা বলিত, কথাক্ষেত্রে অনেকস্থলেই তাহার ব্যতিক্রম দেখা যাইত।

হয়ত কোনোদিন সত্যার্থের নিকট আসিয়া চুপি চুপি কহিত,—আজ ছুটি টাকা না দিলেই নয়। বাড়ী থেকে খরচ আসতে দেবী হয়ে গেছে, জামার দোকানে—ইত্যাদি।

সে দিত। এবং কয়েক ঘণ্টা পরে সারা মেসটিতে

প্রচার হইয়া পড়িত—রসময়ের সদ্যজ্ঞীত ফাউন্টেন পেনটি অমুককে উপহার প্রদত্ত হইয়াছে।

ঋণদাতা যদি আড়ালে ডাকিয়া বলিত,—এই তোমার জামার দোকান?

সে শশবাস্তে বলিত,—চুপ চুপ! উনি শুনেল হুঃখু পাবেন। কদিন থেকে বলছিলেন কি না, না দিলে কি মনে করবেন।

সকলকে সন্তুষ্ট করিবার এই প্রয়াস তাহার মজাগত হইয়া গিয়াছিল।

সেদিন সকালেই বৃষ্টি নামিয়াছিল। এমন দিনে বাতায়নে বসিয়া বিরহী যক্ষের কল্পনা করায় তৃপ্তি আছে ও মেসের মধ্যে অলকার কল্পনা-প্রসারও বেশ বাড়িয়া চলে। বাতায়ন-বাহিরে অবিরাম ধারা বর্ষণে ধূম্রাকার মেঘের মধ্যে অ-দেখা প্রিয়ার মূর্তিখানি অস্পষ্টপ্রায় হইয়া জাগিলেও, মনটাকে এক মুহূর্তে উদাস করিয়া ফেলে। ইচ্ছা হয় সমস্ত পরিত্যাগ করিয়া ছুটিয়া যাই সেই একটি প্রিয় গৃহকোণে এবং মুখোমুখী বসিয়া এই ধারার সঙ্গে মনের উল্লাস মিশাইয়া দিয়া কয়েকটি মুহূর্তের স্বর্ণ সৃষ্টি করি।

হরিশের ঘরে জনককে জড় হইয়া রসময়কে ধরিয়া বসিল, এমন বাদলার দিনে একটি মুখরোচক গল্প না হ'লে মানায় না, যা হয় কিছু বল।

কে একজন বলিল,—যা হয় কিছু নয়, ওর সঙ্গে রোমান্স থাকা চাই।

রসময় বলিল,—একটি রোমান্সের কথা মনে আছে। তবে তাকে ঠিক রোমান্স বলা চলে না, কেন-না বাঙ্গালীর জীবনে ওটার একান্ত অভাব।

সকলে বলিল,—মধু অভাবে গুড়। তাই যথেষ্ট। বল। রসময় যাহা বলিল—

কলিকাতারই একটা গলি। এ-পার ও-পার দুখানা বাড়ী। একটির অধিবাসীরা বহুদিন হইতে এখানে বাস করিতেছে, অতটর প্রায়ই ভাড়াটিয়া বদল হইয়া থাকে। কারণ ভা়ার হারটা কিছু অত্যধিক। লোকে মাথা গুঁজিবার জন্ত প্রথমে দু-এক মাস এখানে আশ্রয় লয়—পরে সুবিধা বুঝিয়া অন্তঃস্থ চলিয়া যায়। সুতরাং ঐ বাড়ীর

অধিবাসীদের সঙ্গে পাড়ার কাহারও বিশেষ পরিচয়ের অবসর ঘটয়া উঠে না। এমন প্রায়ই আসে যায়। সেবার শ্রাবণ মাসেই হইবে বোধ হয়—যাহারা আসিল তাহাদের সঙ্গে সামনের বাড়ীর আলাপটা সহসা ঘটয়া গেল। উপলক্ষ্য সামান্য। ও-বাড়ীর একটি দশ-বারো বৎসরের ছেলে ঘুড়ি উড়াইতেছিল। বাড়ীর ছাদের আলিসায় ঘুড়িখানি বাধিয়া গেল। বালকের ক্ষুদ্র চেষ্টায় তাহা মুক্ত না হওয়াতে সে সাহায্যের জগ্গ তাহার দিকিকে ডাকিল। সে আদিশ্যও অনেক চেষ্টা করিল, কিন্তু বিশেষ সুবিধা হইল না। তখন তরুণীর দৃষ্টি পড়িল এ বাড়ীর ত্রিতলের ক্ষুদ্র ঘরখানির ভিতর। একটি কুড়ি-বাইশ বৎসরের যুবক বসিয়া একমনে পাঠ মুখস্থ করিতেছিল। ওই ছাদের কলরব কোলাহল তাহার পাঠের কোনো ব্যাঘাত জন্মাইতে পারে নাই।

তরুণী তাহার ভাইটিকে সে কথা বলিল।

থোকা উঠিয়াই হাকিল,—ও মশাই শুনছেন, ও মশাই।

সে-চীৎকারে যুবকের তন্ময়তা ভাঙিল। মুখ তুলিয়া সে চাহিল। দেখিল, ছাদের আলিসায় ভর দিয়া দুখানি ব্যগ্র উৎসুক মুখ তাহারই পানে চাহিয়া আছে। একটি বালকের, অপরটি তরুণীর। কল্পনার প্রসার যুবকের কতদূর ছিল জানি না, কিন্তু সেই মুহূর্ত্তে তাহার মনে হইল—তরুণী সন্দরী! শ্রাবণ-অপরাক্তে সূর্য্যের রক্তিমচ্ছটা সে সৌন্দর্য্যকে সুপ্রকাশিত না করিলেও তাহা চাহিয়া কিছুক্ষণ দেখা যায়। হয়ত বা বয়সের স্বাভাবিক ধর্ম্ম এই দেখিবার ব্যাকুলতাকে দমন করিতে পারে না।

যাহা হউক, যুবক অস্বরোধ রক্ষা করিয়া তরুণীর পানে আর একবার চাহিল। সে-মুখখানিতে তখন কৃতজ্ঞতার মধুর হাসি ফুটিয়া উঠিয়াছিল। সেই প্রসন্নতার স্পর্শ লাগিয়া তাহারও অন্তর উজ্জল হইয়া উঠিল। কিন্তু সম্ভাবণের ভাষা যখন ফুটিল, তখন তরুণী দৃষ্টির অন্তরালেই চলিয়া গিয়াছে।

তারপর, প্রতিদিনই বালকটির ঘুড়ি লাটাই বহিয়া তরুণীকে সে ছাদের উপর ছুটাছুটি করিতে দেখিত।

চকিতদৃষ্টিতে তাহার ত্রিতলের নিম্নক কক্ষখানির মধ্য বিদ্ধ করিতে সে ক্রটি করিত না। উচ্চহাস্তের লহর তুলিয়া পাঠের ব্যাঘাত জন্মাইত।

তবু যুবকের মনে হইত, নীরস পাঠ্য-পুস্তকের অন্তরালে যে লুপ্তপ্রায় সরস্বতী নদীটি এতকাল অন্তঃ-সলিলা বহিতেছিল, তাহার এই অকস্মাৎ প্রকাশ কিছুমাত্র বিচित्र বা আশোভন নহে। ইহা পাঠেরও পরিপন্থী নহে। তপস্কার জগতে এমনি একটি কামাফল আশ্র-গোপন করিয়া থাকে, তপস্যা শেষে যাহা বরষরূপ লাভ করিয়া তপস্বী ধন্য হয়।

বালকটিকে মধ্যস্থ করিয়া আলাপ জমিল। কিন্তু না জমিলেই ব্যথি ভাল হইত। কল্পনায় যাহা অনায়াসলব্ধ ছিল, বাস্তবের স্পর্শে তাহাই দুরাশায় পরিণত হইল। দুইটি মিলন-তৃষাতুর অন্তরে ধর্ম্মের গভ্রী একটি উচ্চ প্রাচীর তুলিয়া জগতের কঠোরত্ব বুঝাইয়া দিল।

যুবক কিন্তু মরিয়া হইয়া উঠিল। তরুণীকে লাভ করিতে সে যে-কোনো উপায় অবলম্বন করিতে মনস্ত করিল।

পিতা ছিলেন না, ভাইয়েরা অভিভাবক। কিন্তু তাদের সামনে একথা বলা যায় না। বৌদিদিদের সুপারিশ ধরিল।

বড়টি পরিহাস করিয়া বলিল,—ঠাকুরপো কি স্বয়ম্বর হবে না কি?

ছোট বলিল,—কিন্তু ওরা যে খুষ্টান।

যুবক বলিল,—খুষ্টান নয়, ব্রাহ্ম। ওরাও হিন্দু—

দুজনে ঘৃণায় নাসিকা কুঞ্চিত করিয়া কহিল,—ওমা, ছি ছি ছি! তা কি হয়?

—কেন হয় না! দোষ কি?

ছোট বলিল,—তা ঠাকুরপোর ত এখন একটি মেম টিচারই দরকার। পড়া-টুড়া বলে দেবে।

ক্রুদ্ধ হইয়া যুবক বলিল,—কি যে ঠাট্টা কর! দাদাদের বলবে কি না?

উভয়ে খিল খিল করিয়া হাসিয়া উঠিল। সে হাসি আর থামিতে চাহে না।

যুবক রাগ করিয়া উঠিয়া দাঁড়াইল।

বড়-বোঁ বলিল,—তুমি যে দেখছি মরিয়া হয়ে গেছ গো।—সঙ্গে সঙ্গে আবার খিল্ খিল্ করিয়া হাসিল।

বিরক্ত হইয়া যুবক চলিয়া গেল।

পরদিন কথাটা বাড়ীর ছোটবড় সকলেই শুনিল এবং তাহার ফলস্বরূপ ত্রিতলের ঘরখানিতে বৃহৎ একটি তাল। কুলিতে লাগিল। যুবক বুলিল—তাঁহার অদৃষ্টের দ্বারও উহার। এমনি নিশ্চয় করে রোধ করিতে চাহে।

ছানের উপর অস্থির পদে খানিক পায়চারী করিয়া সে নামিয়া আসিতেছে, এমন সময় অন্ধ ছাদ হইতে মৃদু আহ্বান আসিল।

সন্ধ্যার প্রায়স্ফটিকের নিশ্চল দেহটি মিশাইয়া সে আলিনার উপর কঁকিয়া পড়িয়াছে। মুখের বিষম রেখাগুলি দৃষ্টিগোচর হয় না, কিন্তু কণ্ঠের সুরে বিষমতা দূর। পড়ে।

যুবক আসিয়া এদারে দাড়াইল।

কিছুক্ষণ নিশ্চলতার মধ্যে কাটিয়া যাওয়ার পর মেয়েটি মৃদু কণ্ঠস্বরে কহিল,—আমার একটি অল্পরোধ রাখবেন?

যুবক উত্তর না দিয়া তীক্ষ্ণ দৃষ্টিতে চাহিল। তরুণী একটি খামিয়া পুনরায় কহিল,—এই আলাপের কথাবার্তা কি ভুলে যেতে পারেন না?

যুবক চঞ্চল হইয়া কহিল,—কি বলছেন আপনি, ভুলে যাব?

তরুণী বলিল,—কেন ভুলবেন না? আমরা ত কাল বাদে পরস্পর উঠে যাব। মাত্র দুদিনের জ্ঞাত এসেছিলুম,—কেন চিরদিনের জ্ঞাত—

অধীর কণ্ঠে যুবক কহিল,—চিরদিনের পরিচয় দুদিন কেন, একটি মুহূর্তে দৃঢ়তর হয়। সে কি জীবনভোর চেষ্টা করলে ভোলা যায়?

তরুণী বলিল,—কিন্তু বাড়ীর লোকের উপরও একটা কষ্টব্য আছে।

যুবক ঈর্ষ উত্তেজিত কণ্ঠে বলিল,—তোমায় গোপন করবো না,—হয়ত তুমি সবই শুনেছ। আমার বাড়ীতে কারও ইচ্ছা নয়, এ বিয়ে হয়। তাঁদের আপত্তি ধর্ম নিয়ে। আমি কিন্তু ধর্মের গোঁড়ামী সহ করতে পারি না।

তরুণী মিষ্ট স্বরে বলিল,—ধর্ম যে জাতির প্রাণ।

যুবক স্নেহের হাসি হাসিয়া বলিল,—ধর্ম কোথায়? আছে শুধু প্রাণহীন আচার-অনুষ্ঠান। নইলে এতবড় ধর্মের অবমাননা কোন্ পুণ্ডির পাতায় লেখা আছে? একটা জীবনকে ব্যর্থ করে দিয়ে কোন্ মহা ধর্ম সাধিত হবে বলতে পার?

কয়েক মুহূর্ত নীরবে কাটিল। প্রশ্নের কোনো উত্তর মিলিল না।

যুবক স্বর নামাইয়া কোমল কণ্ঠে কহিল,—আমি এই ধর্ম ত্যাগ করবো। যদি তোমার অমত না থাকে—

তরুণী ত্র্যস্ত হইয়া কহিল,—না, না।

সবিশ্রমে যুবক বলিল,—কি, না?

তরুণী ততক্ষণে আপনাকে সম্বৃত করিয়া লইয়াছে। স্থির স্বরে বলিল,—বেদনার সৃষ্টি করে কোনো কাজ করলে জীবনের শাস্তি নষ্ট হয়ে যায়। আপনি বুদ্ধিমান, তবে দেখুন। হয়ত কিছুদিন পরে এই উচ্ছাসটুকু থাকবে না, তখন—

যুবক গম্ভীর মুখে বলিল,—এ তোমার অন্তায় সন্দেহ। এ সত্যকে উচ্ছাস বলতে চাও,—বল—কিন্তু দুদিনের বলা না। এ চিরদিনের।

তরুণী বলিল,—আমরা কাল উঠে যাব। যদি আর দেখা না হয় অহুগ্রহ করে দোষত্রুটি—

ব্যথিত কণ্ঠে যুবক কহিল,—অমন ক'রে বললে সত্যিই ব্যথা পাই। তুমি নিশ্চিন্ত থাক—দেখা আমাদেরই হবেই। কোনো বাধাই আমার আটকে রাখতে পারবে না।

উপরে ক্ষীণ চন্দের ছায়াটুকু ততক্ষণে মেঘের আড়ালে লুকাইয়া পড়িল।

তরুণী আর কোনো উত্তর না দিয়া ধীরে ধীরে নামিয়া গেল। পরদিন। যুবক আসিয়া ও-বাড়ীতে উপস্থিত হইল। গৃহকর্তা—বোধ হয় তরুণীর পিতা—বাহিরের ঘরে বসিয়া চাকরটিকে জিনিষপত্র গুছাইয়া লইবার জ্ঞাত গম্ভীরভাবে উপদেশ দিতেছিলেন। মুখখানি তাঁর অসম্ভব রকম গম্ভীর। চোখের চশমা ও

মুখের দাড়ি-গোঁফ সে গাভীরাধাকে রূপ দিয়াছে। গলার স্বরটিও শ্রুতিস্থখকর নহে।

যুবক তাহার সম্মুখে পড়িয়াই একটু ধতমত খাইয়া গেল। এ যেন নারিকেলের শুক রসহীন আবরণ। ইহাকে ভেদ করা দুর্লভ এবং শ্রমসাপেক্ষ।

গৃহকর্তা আগন্তকের পানে চাহিয়া বসিতে বলিলেন না। স্বভাবসিদ্ধ কর্কশকণ্ঠে প্রশ্ন করিলেন,—কাকে চান?

যুবক মনে করিল এমন রূঢ় অভ্যর্থনাটিত প্রশ্ন সে জীবনে শোনে নাই। কিন্তু কণ্টকে গঠিত যুগল—ইহা সে জানিত।

একটু ইতস্তত করিয়া সে প্রশ্ন এড়াইয়া কহিল,—আমি আপনাদেরই সামনের বাড়ীতে থাকি, একটু আলাপ করতে এলুম।

লোকটি নিম্প্রভাবে উত্তর দিল,—কিন্তু দেখেছেন ত এখন অসময়—আজই আমরা উঠে যাব।

—কেন বিশেষ স্তুতি হ'ল না এখানে?

—সে কথা বলাই বাহুল্য।

এমন কাটা-কাটা জবাব—কতক্ষণ আর ধৈর্য রাখা যায়। একটা ক্ষুদ্র নমস্কার করিবার ইচ্ছা ছিল, কিন্তু ধৈর্যাহারা যুবক নমস্কার না করিয়াই বেশ একটু ক্রন্তপদে বাহির হইয়া গেল।

দোর-গোড়ায় থোকর সাথে দেখা। সে আনন্দে কলরব করিয়া উঠিল,—কোথায় গিয়েছিলেন,—আসুন না।

কিন্তু ঝুনা নারিকেলের রুঢ় তাহার উৎসুক দন্তের পীড়া উৎপাদন করিয়াছিল,—সে আর পিড়াইতে চাহিল না।

টানাটানিতে থোকর হাত হইতে গোটা-দুই মাথার কাটা ও একটি চিরুণী খসিয়া মাটিতে পড়িল।

যুবক সে ছুটি তুলিয়া কহিল,—এ কার জিনিষ থোকা?

থোকা কহিল,—দিদির। এখনি দিদির সঙ্গে যগড়া করতে করতে দোতলার জানালা দিয়ে ফেলে দিয়েছিলাম। দিদি রাগ করলে তাই কুড়িয়ে নিয়ে যাকি।

যুবক এক মুহূর্ত্ত কি ভাবিয়া কহিল,—এ ছুটি আমার কাছে থাক। তোমার দিদিকে বলো।

অশঙ্কায় বালকের মুখ শুকাইয়া গেল। যুবকের হাত

ধরিয়া সে বলিল,—না, না আমায় দিন। নইলে দিদি বড় রাগ করবে, কথা কবে না।

বালককে সান্ত্বনা দিয়া সে কহিল,—আচ্ছা, আমার কথা বলো, তা হ'লে আর কিছু বলবে না। আচ্ছা ছাদে গিয়ে আমি তাকে এখনি বলছি—তুমি তাকে পাঠিয়ে দাওগে ত।

অবিলম্বে দুই ছাদে দুইজনের আবির্ভাব হইল। তরুণী হাসিয়া কহিল,—আজকাল ডাকাতী করতে আরম্ভ করেছেন দেখচি।

যুবক বলিল,—কাজেকাজেই। রত্নলাভের চেষ্টা পৃথিবীর সব জাতিই সর্বসময়েই এমনি ক'রে করে। সাক্ষী তার ইতিহাস।

তরুণী কহিল,—সাক্ষী-সাবুদের দরকার নেই। আমার সামান্য মাথার কাটাটা কি এমন মহামূল্য রত্ন—

যুবক স্নানহাস্তে কহিল,—সব জিনিষের মূল্য সকলের চোখে ত সমান নয়। আমার কাছেও অমূল্য। তোমার সঙ্গে আলাপের ওই স্মৃতিটুকুই আজীবনের সঞ্চল হয়ে থাকবে।

তরুণী সবিস্ময়ে বলিল,—সে কি! আপনি পাগল। না, ন', ও-সব যা-তা বলবেন না জ্যোষ্ঠামশায়ের কাছে একবার—

যুবক তাড়াহাড়ি উৎফুল্লবশে কহিল,—তিনি তোমার জ্যোষ্ঠামশায়। যাক, বাঁচলুম।

তরুণী অবাক হইয়া তাহার পানে চাহিল।

যুবক ভাবাবেগে বলিতে লাগিল,—ওই ঝুনা নারিকোলটাকে তোমার বাবা মনে ক'রে এমন কষ্ট পাচ্ছিলাম!

তরুণী ব্যথিতকণ্ঠে কহিল,—উনি বড়ই স্নেহশীল। বাইরে দেখতে গম্ভীর, কিন্তু মনটি গুঁর ছোট্টছেলের মতই কোমল।

যুবক ঈষৎ অপ্রতিভ হইয়া বলিল,—না না তা বলছি নে। তখন হয়ত খুব ব্যস্ত ছিলেন, যাক ওসব কথা। পরে ঈষৎ আবেগকম্পিত কণ্ঠে কহিল,—বোধ হয় এই আমাদের শেষ দেখা।

তরুণী ছলছল নেত্রে কহিল,—বোধ হয়।

তারপর বহুক্ষণ চূপচাপ কাটিয়া গেল। কতক্ষণ এ ভাবে দুজনে দাঁড়াইয়া থাকিত বলা যায় না, মধ্যাহ্নের উত্তপ্ত রৌদ্র প্রথরতর হইয়া বাহ্য জগতের চৈতন্য আনিয়া দিল। জন্মের শোধ শেষ দেখা দেখিয়া দুটিতে পরস্পরে দৃষ্টির বাহিরে চলিয়া গেল।

রসময় সহসা নিস্তব্ধ হইয়া গেল। একটি দীর্ঘনিঃশ্বাস তাহার বুক ঠেলিয়া উঠিয়া সকলকে সচকিত করিয়া দিল। সকলে বক্তার মুখের পানে চাহিয়া দেখিল—নয়নে তাহার দুটি অশ্রুবিন্দু পতনের আবেগে টলটল করিতেছে।

হরিশ বলিল,—তা হ'লে এ উপস্থাসের নায়ক তুমি স্বয়ং।

রসময় বিহ্বলদৃষ্টিতে তাহার পানে চাহিয়া শুদ্ধকণ্ঠে কহিল, হাঁ।—অমনি সমবেত বিস্ময়বিম্ব কণ্ঠে প্রশ্ন উঠিল,—গল্পটা ঘোমাঠে মারা গেল। তারপর, কোথায় বা গেল সেই তরুণী—

রসময় বলিল,—তা ত জানি না।

রমেন বলিল,—কি নাম তাঁর ?

—তাও জানি না।

সকলে হো-হো করিয়া হাসিয়া উঠিল।

রসময় তাড়াতাড়ি কহিল,—নাম না জানলেও স্মৃতি তার অক্ষয় হয়ে আছে, জীবনের শেষ মুহূর্ত্ত পয্যন্ত তা থাকবে—

ভূপেন বলিল,—কিন্তু সেই চিরুণী—কাটা—

পকেট হইতে কাগজের একটি মোড়ক বাহির করিয়া সে বিছানার উপর রাখিল। সকলের সম্মুখে সেই মুহূর্ত্তে বাদলধারা ভেদ করিয়া একটি জীবন্ত কাহিনী যেন দৃষ্টিয়া উঠিল; একটি তরুণীর মোহময় মুখ,—চক্ষের বিলাসবিহ্বল অঙ্গবিকশিত দৃষ্টি, অধরের স্ফুটগ্র কম্পন ও পুষ্পসারের অলক-গঙ্গাবাহী সৌরভ।

সকলেই সাগ্রহে মোড়ক খুলিয়া ফেলিল। বাহির হইল একটি ছোট চিরুণী ও দুটি কাটা। ঘরের স্নান খালোকেও তাহা চক্চক করিয়া উঠিল।

হরিশ বলিল,—এয়ে নতুন রে,—একদম।

দীর্ঘনিঃশ্বাস ফেলিয়া রসময় বলিল,—একদিন মাত্র সে ব্যবহার করেছিল।

ভূপেন চিরুণীখানা হাতে তুলিয়া লইয়া কহিল,—কিন্তু এখানা বড় ছোট্ট দেখাচ্ছে যে! বোধ হয় ন-দশ বছরের মেয়ের মাথার।

বোমা-কাটার মত শব্দ করিয়া ক্রুদ্ধ রসময় বলিল,—চূপ চুপিড। আমার পবিত্র স্মৃতির এমনভাবে অপমান করিস না।

এবং পরমুহূর্ত্তে ছো মারিয়া আমাদের হাত হইতে জিনিষ কয়টি কাড়িয়া লইয়া দ্রুতপদে আপনার কক্ষে চলিয়া গেল।

এমনভাবে রাগিতে কেহ তাহাকে কোনদিন দেখে নাই। সকলেই স্তম্ভিত হইয়া রহিল। বুঝিল আঘাতটা যেমনই অতর্কিত, তেমনই নির্ধম হইয়াছে। ভূপেনকে সকলে তিরস্কার করিতে লাগিল।

ভূপেন তাহাতে একটুও দমিল না। কহিল,—আচ্ছা দাঁড়াও, এ রহস্য যদি ভেদ না করি ত আমার নাম ভূপেন নয়। ওর আশাড়ে গল্পের না কিছু করেছে!—বলিয়া বাহির হইয়া গেল।

এমনভাবে বাদলার আনন্দটা মাটি হইয়া যাওয়ায় সকলেরই মন কেমন যেন ভারাক্রান্ত হইয়া পড়িল। চূপচাপ ঘে বাহার সীটে পড়িয়া রসময়ের দুঃখময় জীবনের কথাই ভাবিতে লাগিল।

পরদিন প্রাতঃকালে এক ব্যক্তি আসিয়া জিজ্ঞাসা করিল,—রসময় এখানে থাকে ?

ভূপেন কলতলায় মুখ ধুইতেছিল, অগ্রসর হইয়া আগন্তকের সঙ্গে আলাপ করিতে লাগিল। বহুক্ষণ ধরিয়া তাহারা আলাপ করিল। অবশেষে ভদ্রলোককে লইয়া হরিশের ঘরে চুকিয়া ভূপেন সমবেত চা-পান-নিরত যুবকবৃন্দের পানে চাহিয়া মুহূর্ত্ত হাসিয়া বলিল,—ইনি রসময়ের মেজদা। কালকের চিরুণী-রহস্য এঁর কাছে থেকেই শুনতে পাবে।

সকলে তাঁহাকে সম্মান করিয়া বসাইল ও তাঁহার আগমনের উদ্দেশ্য জিজ্ঞাসা করিল।

তিনি বসিয়া বলিলেন,—যাক্, সন্ধানটা পেলাম নিশ্চিন্ত! ছোড়া এমনি ভাবিয়ে তুলেছিল! ভদ্রলোকের কাছে অপমান আর কি ?

সকলে জিজ্ঞাসা করিল,—কেন ?

তিনি বলিলেন,—আর বলেন কেন মশায়,—ভাইটির আমার মাথায় একটু ছিট আছে। অবশ্য আগে খুব ভালই ছিল। বৌমাটি মারা যাওয়ার পর থেকেই এই অবস্থা।

বৌমা! তবে কি রসময় বিবাহিত? সেই ছাদের প্রান্তে রোমান্সের রমণীয় কাহিনী—ত্রিতলের পাঠকক্ষ, ঘুড়ির কথা, বুনা নারিকেলের তথ্য—সমস্তই গত কল্যাকার বৃষ্টির মত কয়েক ঘণ্টার মায়া-রহস্ত!

ভদ্রলোক বলিতে লাগিলেন,—অবশ্য বেশী দিনের কথা নয়, বৌমাটি আমার মারা গেছেন—গেল পৌষমাসে, অর্থাৎ মাস দুই হ'ল। মা আমার বড়ই শান্তশিষ্ট ছিলেন। 'আহা! ন'দশ বছরের বেলায় এসেছিলেন আমাদের বাড়ীতে।……ভাইয়ের অবস্থা দেখে আমরা ত মাঘ মাসেই বিয়ের সব ঠিক করি। কিন্তু দেনা-পাওনার সামান্য গুণগোলে সে জায়গার সঙ্গ গেল ভেঙে। এই আর কি, ওর হ'ল রাগ। ফাস্তনের প্রথমেই বাড়ী ছেড়ে মেসে এসে উঠেছে। কত জায়গায় না খুঁজেছি, কিন্তু কোথাও সন্ধান পাইনি।

সকলের চোখে চোখে কোতুক-হাস্য পেলিয়া গেল। ভূপেন গম্ভীরভাবে বলিল,—তারপর?

ভদ্রলোক বলিলেন,—মা ত ছেলের জন্ত কাদাকাটি করতে লাগলেন। অবশেষে আমরা দুভাবে বাছাবাছি না করে একটি সখম স্থির করে ফেলেছি। তাকে কদিন ধরে খুঁজিছি—কাল কলেজে সন্ধান পেয়েছি। ইচ্ছে আছে ফাস্তনের শেষেই বিয়েটা দেব। সে কোথায় এক-বার ডেকে দিন না।

জন-চারেক ছোকরা লাফাইতে লাফাইতে ঘর হইতে বাহির হইয়া গেল এবং পরমুহুর্তেই ফিরিয়া আসিয়া কহিল,—না, সে ত মেসে নেই। ঠাকুর বললে, এই মাত্র তিনি বেরিয়ে গেলেন। আপনাদের ঘরের কাছে চূপ করে দাঁড়িয়ে অনেকক্ষণ ধরে কি শুনলেন, পরে ছুটতে ছুটতে বাড়ী থেকে বেরিয়ে গেলেন।

ভদ্রলোক যুক্তকরে সকলকে অভিবাদন করিয়া বলিলেন,—বাক, আর ভাবনা নেই। সে যখন বিয়ের কথা শুনেছে, তখন ঠিক বাড়ী গিয়েই হাজির হবে। বড় উপকার করলেন—নমস্কার।—বলিয়া তিনি হাসিমুখে বাহির হইয়া গেলেন।

সেইদিন হইতে রসময়কে আর কেহ এ মেসে খুঁজিয়া পায় নাই।

কাশ্মীরের কথা

শ্রীমুরেন্দ্রনাথ ভট্টাচার্য্য, এম্-এ

(২)

মটন থেকে কিছুদূর গেলেই বামে লিদার নদীর অপূর্ণ সৌন্দর্য্য নয়ন-মন এক নিমেষেই অভিভূত করে, স্বল্পতোয়া কলনাদিনীর উচ্ছল গতিবেগে মনে পড়ে।

“আমি ভাড়িৰ পাশাংকারা।

আমি টালিৰ কৰুণা ধাৱা।

আমি জগৎ প্রাৰিষা বেড়াব গাহিয়া,

আদুল পাগল পাৱা।”

নদীর মাঝে উইলো গাছ, তীরে চীনার, নদীর মাঝের

জল বরফ-গলা, স্ফটিকস্বচ্ছ, তীরের জল লালচে, যেন লালপাড় প্রবাহিণী শাড়ী।

মটন হ'তে ১১ মাইল দূরে আইশ মুখম জনপদ—পৰ্ব্বতগাত্রে যেন সাজিয়ে রাখা হ'য়েছে। এই স্থান হ'তে দেখা যায় মার্ত্তণ্ড ক্যানাল্। আইশ মুখম হতে পাহালগাম পর্য্যন্ত পথের পাশে এই স্রোতস্বিনীর লীলা যে কি মধুর তাহা বোঝান যায় না। এই ক্যানাল লিদার হ'তে বাহির হ'য়ে মার্ত্তণ্ড মন্দিরের পাশ দিয়ে গিয়ে মিশেছে ঝিলমে। কাশ্মীরের জল-সরবরাহ সহজ ও স্বাভাবিক, চারিপাশেই

প্রশ্রবণ ও ছোট ছোট গিরিনদী, সামান্য চেষ্টাতেই ক্ষেতে জল দেওয়া যেতে পারে। কাশ্মীরে বৃষ্টি হয় বৎসরে মাত্র ২৭ ইঞ্চি। শালী বা ধানই এখানকার প্রধান শস্য এবং কাশ্মীরবাসীর একমাত্র অন্ন। কাশ্মীরীরা রুটি খায় না, যে গম জন্মায় তাহাও উৎকৃষ্ট নয়। পূর্বে অনাবৃষ্টিতে প্রায় দুর্ভিক্ষ হ'ত। কাশ্মীর-রাজ বহু অর্থব্যয়ে জল-সরবরাহের এমন সুব্যবস্থা করেছেন যে মনে হয় কাশ্মীরের কোন শস্যই জলের অভাবে নষ্ট হয় না। অতিবৃষ্টি ও অতি তুষারপাতই কৃষককে দুঃখ দেয়।

পাহালগামে খালসা হোটেল আছে। বেশ পরিষ্কার পরিচ্ছন্ন, গাওয়াও মন্দ নয়। কাঠের ঘর, চারটি কুঠরীর ভাড়া নীচের তলায় দৈনিক ২, উপরের তলায় ৩, মাসিক ১০০, টাকায় সব খরচ চলে। তবে সপরিবারে গেলে তাবু ভাড়া নিয়ে পাটনের নীচে বাস করাই ভাল; মাসিক পনের কড়ি টাকা ভাড়ায় ডব্লু ফ্রাই টেন্ট পাওয়া যায়। ঘারা তাবু নেবেন যেন খুব ভাল ক'রে শোধন ক'রে নেন। খালসা হোটেলে কোন যক্ষা-রোগীকে থাকতে দেওয়া হয় না। পাহালগামে ছদ্ম, দই,



অমরনাথের পথে বরফের সেতু

মাখন ও মধু বেশ সস্তা। জালানি কাঠও শ্রীনগরের তুলনায় খুব সস্তা।

শোনা যায় কাশ্মীরে মার্চ ও এপ্রিলের সৌন্দর্য্য না কি অনবজ্ঞ অবর্ণনীয়। তবে বাঙ্গালীর পক্ষে প্রবল শীত সহ্য করা কঠিন হয়ে উঠতে পারে।

শ্রীনগর হতে একটি প্রোগ্রাম করা দরকার।

(১) সিন্ধু নদীর উপত্যকা প্রায় ৪০ মাইল বিস্তৃত। সোনামার্গ ও গঙ্ঘর্কল এই সিন্ধু নদীর তীরে। গঙ্ঘর্কল নদীপথেই যাওয়া ভাল। হাউসবোট নিয়ে ঝিলম্ ও সিন্ধু নদীর সঙ্গম (সাদীপুর) হ'য়ে



চন্দনওয়ারীর পথে

গঙ্ঘর্কল পৌছতে দেড়দিন সময় লাগে। সিন্ধু নদীর জল শাদাটে ও হজমী। গঙ্ঘর্কল স্থানটি বেশ নির্জন, পাণীর কাকলী ছাড়া আর কোনো কোলাহল নেই। ছদ্ম ও মাছ সস্তা। গঙ্ঘর্কলের খুব নিকটেই এক টিম্বরণা আছে, তার জল বেশ হজমী। গঙ্ঘর্কল হতে তিন মাইল দূরে ক্ষীরভবানীর মন্দির, মন্দিরের কোন বিশেষত্ব নাই। আষাঢ় শুক্লাষ্টমীতে মেলা হয়। এই মেলাতে কাশ্মীরী পণ্ডিত ও পণ্ডিতানীদের একত্র সম্মেলন হয়। কাশ্মীর হিন্দু সম্প্রদায়ের আচার-ব্যবহার ও মেলামেশা দেখবার এই সুযোগ হারান উচিত নয়। গঙ্ঘর্কল হ'তে সাত মাইল দূরে মানস্বেল হ্রদ। কাশ্মীরেও এমন স্বচ্ছ জলের

হ্রদ আর নাই। কুড়ি-বাইশ ফিট জলের নীচে পর্যন্ত মাছের খেলা দেখা যায়।

গন্ধর্বল হতে সাদীপুরে ফিরে হাউসবোট ছেড়ে কেবল রান্নার নৌকা ও শিকারী নিয়ে উলার হ্রদ



অমরনাথ তীর্থের অভ্যন্তর

দেখতে যেতে হয়। উলার সোপোর জনপদের তীর পর্যন্ত বিস্তৃত, প্রায় ১৪ মাইল ইহার পরিধি। বিলম্ব উলার হ্রদের একপ্রান্তে প্রবেশ করে অল্প প্রান্তে বাহির হয়ে বারামুলা অভিমুখে প্রবাহিত। উলার হ্রদে অপরাহ্নে নৌকা চালান বিপজ্জনক, কারণ ঝড়ের সম্ভাবনা খুব বেশী, নৌকাগুলির তলা চেষ্টা কাজেই সামান্য ঝড়েই ডুবে যায়। মনে আছে ভাল হ্রদ পার হবার সময় এমন ঝড় আসে, ভাসমান বাগানের আশ্রয় না পেলে সেদিন সমাধিস্থ হতে হ'ত। এই সব হ্রদে সাঁতার দেওয়া যায় না, কারণ জলের নীচে পদ্ম শালুক ও অনেক রকম 'জড়' (weeds) জন্মায়, একবার পা আটকালে আর ছাড়ান যায় না। ভারতে উলার হ্রদের মত বিরাট সুন্দর হ্রদ আর নেই।

গন্ধর্বল হতে যেতে হয় সোনামার্গ ও বাল্‌তাল। সোনামার্গ থেকে একদিনে অমরনাথ পৌঁছান যায় এবং কোলাহাই শ্রেণিগাব-পথে লিদারভাট হ'তে সোনামার্গ একদিনে পৌঁছান যায়, তবে পথ এত দুর্গম যে সহজে কেহ এ পথ অতিক্রম করতে সাহস করেন না। মে মাস ছাড়া এ পথে যাওয়া এক রকম অসম্ভব। গন্ধর্বল হ'তে সোনামার্গ ৩৫ মাইল, পথে কাদন ও গুণ্ডে ডাকবাংলো আছে। সোনামার্গ হ'তে বাল্‌তাল ২ মাইল।

সোনামার্গে ডাকবাংলো, পোষ্ট ও টেলিগ্রাফ আপিস আছে। দুধ, মাখন, আটা, চাউল, ডিম, মাছ ও মাংস পাওয়া যায়। বিশেষ স্বাস্থ্যকর স্থান, তবে অশ্বখান ও তাঁবুর ঝগাটের জন্ত খুব কম লোকই এখানে যান।

এই সব ডাকবাংলোয় সকলেই আশ্রয় নিতে পারেন। দৈনিক জন-পিছু ১২ টাকা। চক্ষিশ ঘণ্টার মধ্যে কারও সাধ্য নাই কাউকে সরিয়ে দেবার। তবে চক্ষিশ ঘণ্টার পর আর থাকবার অধিকার নেই। নতুন আগন্তুক এলেই বাংলো ছেড়ে দিতে হবে। তবে যদি বাংলো খালি থাকে, তবে যতদিন ইচ্ছা থাকা যায়।

শ্রীনগর থেকে ৪২ মাইল দূরে হরমুক্ট গঙ্গা, হিন্দুরা এখানে আত্মীয়স্বজনের অস্থি নিক্ষেপ করেন।

গুলমার্গ। শ্রীনগর হতে ট্যাঙমার্গ বাসে ২৮ মাইল, ট্যাঙমার্গ হ'তে গুল্‌মার্গ বোড়ায় বা ডাঙিতে ৩ মাইল, গুল্‌মার্গের অর্থ গোলাপের ময়দান। চারিদিকে



পাহালগানের পথে লিদারের দৃশ্য


পাহাড়, মাঝে একটি নালা প্রবাহিত। মনে হয় একটি বাঁধ দিয়ে এই নালা বন্ধ করলেই গুল্‌মার্গের অস্তিত্ব লোপ পায় এবং একটি হ্রদের সৃষ্টি হয়। এককালে যে এটি হ্রদই ছিল এই অল্পমানের যথেষ্ট কারণ আছে।

গুল্মার্গের উচ্চতা প্রায় ৮৫০০ ফিট। ঠাণ্ডা খুব বেশী, বাদলা বৃষ্টিও বেশী, সূর্যের মুখদর্শন সৌভাগ্যের বিষয়। কাজেই ইংরেজেরা এ স্থান বিশেষ পছন্দ করেন। গুল্মার্গকে ইংরেজের বত্তি বললেই মানায়। ভারতীয় লোক খুব কমই এখানে বাস করেন। এখানকার পানীয় জলে লৌহ খুব বেশী থাকায় ভয়ানক কোষ্ঠকাঠিন্য হয়। সেইজন্য সোডা হাইড্রিপারীদেবরই এসব স্থান পোষায়। গুল্মার্গ দেখলে শিলং মনে পড়ে। চোখ জুড়ান সবুজ ময়দান, পাশে পাইনের ঘন বন। সৌন্দর্য অতুলনীয়। পাশেই গিলেনমার্গ, আল্পাথর ও আপার-ওয়াটারের চিরতৃণ, মনে হয় হাতবাড়ালেই বরফ পাওয়া যায়। বিশ্বয়ে ও আনন্দে আকুল হয়ে উঠতে হয়। আনন্দের বিষয় এই সব অপূর্ণ রমণীয় স্থানে সহজেই যাওয়া যায়। বরফের উপর গঁড়াগড়ি নেওয়া বা স্কেটিং করার মতো এচুটা নতুন আনন্দ অন্বেষণ করা যায়। গুল্মার্গ হ'তে নান্দা পর্বত ও হরমুখ দেখা যায়। উলার হ্রদ ও ঝিলু উপত্যকার ছবি চোখের সামনে ভেসে উঠে। যারা কাশ্মীর-ভ্রমণে আসেন তাঁদের প্রধান কতৃবা গুল্মার্গ দর্শন। সত্যিকার আনন্দ পাবেন। তবে এখানে কিছুদিন বাস করার অনেক অসুবিধা আছে। যারা একদিনেই ফিরতে চান তারা যেন গিলেনমার্গ দেখেন। গুল্মার্গ হ'তে গিলেনমার্গ মাত্র ৩ মাইল।

শ্রীনগরে শঙ্করাচার্য মন্দির দ্রষ্টব্য। রাত্রে মনে হয় যেন একখান বড় হীরা ঝলমল করছে, কারণ উহা বৈজ্ঞানিক আলোকে উদ্ভাসিত। উপর থেকে শ্রীনগর শহর ও ঝিলমের দৃশ্য বড়ই সুন্দর। এখানকার রেশমের কারখানা দেখবার জিনিষ। সরকার থেকে পাস নিতে হয়। প্রতি বৎসর প্রায় ১৫ হাজার মণ রেশম এই কারখানায় উৎপন্ন হয়। দুঃখের বিষয় প্রায় সব রেশমই বিদেশে রপ্তানী হয়। কলিকাতার উল্টাডান্ডার আরিফ ত্রাদাস এই রেশমের কাপড় তৈরি শুরু করেছে। লালমণ্ডি বা কাশ্মীরের বাতুঘরে অনেক দেখবার জিনিষ আছে। সাহ হামদানের জিয়ারাট বা মসজিদের কারুশিল্প উপভোগ্য।

সংস্কৃত সাহিত্যের একমাত্র ইতিহাস কহলনের

রাজতরঙ্গিনীতে কাশ্মীরের ধারাবাহিক ইতিহাস পাওয়া যায়। পৃথিবীর ইতিহাসে কাশ্মীরের মত দুর্ভাগ্য আর কোন দেশেরই হয় না। সম্রাট ললিতাদিত্য ও অবন্তীবর্ধন প্রভৃতি কয়েকজন রাজাকে বাদ দিলে কাশ্মীরের রাজাদের নররাক্ষস বললেও কোন অত্যাচার হয় না। নিত্য দুর্ভিক্ষ, অতি-শোষণ ও পাশবিক অত্যাচারে প্রজাদের দুঃখের সীমা ছিল না। ১৩৩৯ খৃষ্টাব্দে মুসলমান রাজত্বের আরম্ভ, সঙ্গে সঙ্গে ভীষণভাবে হিন্দু নির্যাতন শুরু। সিকান্দার শাহ নামে



সোনামার্গ

এক ব্যক্তি হিন্দুদের কীর্তি ধ্বংস করে ফেললে, হিন্দুদের জোর করে প্রায় সকলকে মুসলমান ধর্মে দীক্ষিত করলে। মাত্র এগারটি ব্রাহ্মণ পরিবার আত্মরক্ষা করিয়াছিল। পঞ্চদশ শতাব্দীতে জনৈক মহাপ্রাণ মুসলমান সম্রাট হন। তাঁর নাম জাইন-উল আবেদিন। তিনি সম্রাট আকবরের চাচা উন বৈদিক ছিলেন। পঞ্চাশ বৎসর রাজত্ব করেন; প্রজারা তাঁর রাজত্বকালে সুখে ছিল।

১৫৮৬ খৃষ্টাব্দে আকবর কাশ্মীর জয় করেন। সম্রাট জাহাঙ্গীর ও নূরজাহান কাশ্মীরকে বড় ভাল-বাসতেন। তাঁদেরই হাতে-গড়া সালামার বাগ আছেবল

ও ভেরীনাগ তাঁদের স্বল্প সৌন্দর্য্যবোধের পরিচয় দেয়। কাশ্মীর পাঠানদের হস্তগত হ'লে আবার অত্যাচার শুরু হয়। ১৮১২ সালে শিখদের হাতে আসে। শিখরাজহেও প্রজাদের দুর্গতির অন্ত ছিল না।

১৮৪৮ সালে দ্বিতীয় শিখযুদ্ধে ব্রিটিশ-রাজ ক্ষতি-

রাজ্যের আয়কেও ছাড়িয়ে যাবে। উপযুক্ত মম্বীর পরিচালনায় উপর এই রাজ্যের কল্যাণ নির্ভর করছে।

বহুকালের অত্যাচারে জর্জরিত কাশ্মীরীর মেরুও ভেঙে গিয়েছে। ১৮৩৬ সালে মেকলে বাঙালী চরিত্রের

উপর যে তীর মন্তব্য প্রয়োগ করেন, আজ কাশ্মীরীদের

সম্মুখেও সেই কথাই থাকে। অথচ

এমন সুশ্রী এবং এত তীক্ষ্ণবুদ্ধি মানুষ

ভারতে আর নেই। কিন্তু পাঞ্জাবী

দোকানদার বলে “আমাদের এক

দাম, আমরা পাঞ্জাবী, কাশ্মীরী নই।”

কাশ্মীরীদের আদবকায়দা ও ব্যবহার

বিশেষ মোলায়েম, তবে এদের কথায়


ও কাজে তফাৎ বড় বেশী। অবশ্য

শিক্ষিত সম্প্রদায়ের কথা স্বতন্ত্র।

দারিদ্র্য দূর হ'লে এবং শিক্ষিত

হ'লে এরাই আদর্শ মানুষ হ'য়ে

উঠবে। সাফ্র ও নেহরুর নাম ত



মানসবল হ্রদ

পূরণ দাবী করায় ভোগরা রাজপুতবংশীয় জম্মুর রাজা গুলাব সিং ক্ষতিপূরণ-স্বরূপ দেড় কোর টাকা দেওয়ায় ব্রিটিশ রাজ কাশ্মীর বিক্রয় করেন। উপস্থিত মহারাজ হরি সিং জম্মু ও কাশ্মীরের অধীশ্বর। অতীত ও বর্তমানের আলোচনা এবং তুলনা করলে মাত্র এই সত্যটুকু বলা যায় যে, কাশ্মীরের ভাগ্য এমন অশাসন আর কখনও হয়নি।

কাশ্মীর ও জম্মুর আয়তন প্রায় ৮৪,০০০ একর। লোকসংখ্যা প্রায় ৩০ লক্ষ। কাশ্মীরে শতকরা ৯৩ জন মুসলমান, ৭ জন হিন্দু। কাশ্মীর ও জম্মু মিলিয়ে শতকরা ২৭ জন হিন্দু, ৭৩ জন মুসলমান। নিজামের সঙ্গে বলল করলে মন্দ হয় না। কারণ তা'তে সমধর্ম্মার রাজত্ব হয়। কাশ্মীরের ভবিষ্যৎ খুবই উজ্জল। বর্তমান আয় পৌনে তিন কোর। কাশ্মীরে কয়লা, পেট্রোলিয়াম, নীলকান্তমণি এগেট মৌনা রূপা প্রভৃতি প্রায় সব খনিজ পদার্থই পাওয়া যায়। এই সব ভাজিন ফীন্ড হতে যেদিন তাহাদের অমূল্য সম্পদ উদ্ধৃগটিত হবে, আশা করা যায় সেদিন কাশ্মীরের আয় নিজাম-

আজ জগতে ছাড়িয়ে পড়েছে। এদের শরীরের গঠন, মুখশ্রী, নাসিকার গঠন এবং গায়ের রং অনবদ্য বললেও অত্যাশ্চর্য্য হয় না। সাধারণতঃ মুসলমানদের চেয়ে হিন্দুদের রং ফরসা। চেনা যায় কাশ্মীরী পণ্ডিতের কপালের ফোঁটায় এবং কাশ্মীরী পণ্ডিতানীদের কোমরবন্ধে। সাধারণ মুসলমানদের অবরোধ নেই। কাশ্মীরী ব্রাহ্মণমেয়েরা অন্তঃপুরবন্ধ হওয়ায় তাঁদের রং ক্যাকাশে শাদা, এবং গঠন কেমন আলগা ব'লে মনে হয়। লালচে আভা নেই। মুসলমান-মেয়েদের খোলা হাওয়ায় কষ্ট জীবন যাপন করায় দেহ বেশ অগঠিত এবং মুখে লালচে আভা দেখা যায়। চোখ কতকটা ইরাণীদের মত। তবে এদের পরিচ্ছদে কোনো স্পন্দতি ও সৌষ্ঠব নেই। স্ত্রী-পুরুষ উভয়েই একটা ঢিলা আঁকরাখা ব্যবহার করে। এ রকম পরিচ্ছদেরও বিশেষ প্রয়োজন আছে। দারিদ্র্য বড় বেশী, শীতের দেশ, উপযুক্ত গরম কাপড় সংগ্রহ করার সামর্থ্য নেই। একমাত্র সব কাড়ী। একটা মাটির গামলা উইলো। (বেতের মত) দিয়ে ঢাকা। তাতে

আঙুন থাকে এবং সেটা তারা চিলা আঙ্গুরাধার মধ্যে নিয়ে শরীর গরম করে। অসাবধানতায় অনেক সময় গৃহ ভস্মীভূত হয় এবং মানুষও পুড়ে মরে। অধিকাংশ কাশ্মীরীর পেট আঙুনের আঁচে পুড়ে যায়।

এক উড়িয়া ছাড়া ভারতে কাশ্মীরীর মত গরীব আর নেই। এরা দুবেলাই ভাত খায়। এক রকম শাক এদের প্রধান তরকারী। কাশ্মীরী মেয়েরা বহু সন্তানবতী হয়, লোকে বলে এই শাকই নাকি কাশ্মীরীদের বহু প্রজা ও সৌন্দর্যের মূল। এই কারণেই কাশ্মীরী কুলি মজুর, হাঁজী বা ঘোড়ার সইসদের সঙ্গে দরকষাকষি করতে কষ্ট হয়। কাজ অল্পসারে বক্শিস্ দেওয়া ভাল। চাকুরের আনন্দ 'উপরি'তে, সাহেবদের আনন্দ এলাওয়েস্কে, কাজেই খুব উদারভাবে এই গরীব-দুঃখীদের বক্শিস্ দেওয়া উচিত। ঘোড়ার সঙ্গে যে-সব সইস যায়, কি কষ্টই না সহ করে

তারা। আরোহী যাতে কোনো কষ্ট না পায়, তার জন্য প্রাণপণ চেষ্টা করে। ইউরোপ ও আমেরিকা 'টিপস্' না দিলে কোনো কাজই হয় না। আমাদের দেশের লোক কত অল্পে সন্তুষ্ট হয়। যারা সামর্থ্য সঙ্গেও বক্শিস্ দিতে কাতর হন, বুঝতে হবে তাঁরা জন্মহীন।

কাশ্মীরীরা বড় মোলায়েম স্বভাবের লোক। ঝগড়া, মারামারি খুবই কম। মজঃফরাবাদ শহর বাদ দিলে খুনজ্খম হয় না বল্লেও অত্যুক্তি হয় না। ছোট ছেলেদের মধ্যে বদমাইসি নাই বল্লেও চলে। অধিকাংশ মামলাই বিষয়-ঘটিত।

গিলঘিট ও স্কাহু মুসলমানপ্রধান। লে ও লডক্ বৌদ্ধপ্রধান। লডক্ তিব্বতের একটা অংশ মাত্র। এখানে উকিল নাই, আদালত নাই, জেল নাই; ভারী শাস্ত এখানের মানুষ। লে শহর মনে হয় পৃথিবীর সর্বোচ্চ অধিত্যকায় অবস্থিত। নয় হাজার হইতে তের

হাজার ফিট উচ্চে মানুষের বসতি। এখানে নারী সাধারণত চারজন স্বামী গ্রহণ করে। মনে হয় জতুগৃহ-দাহের পর পাওবেরা এই তিব্বত অঞ্চলে আশ্রয় গ্রহণ করেন, কাজেই দ্রোণদীর পঞ্চপতিতের তাঁদের সংস্কারে বাধে নাই। এখানে খাদ্য উৎপন্ন হয় খুব কম, কাজেই প্রজাবৃদ্ধি সম্ভবপর নয়। স্কাহু ও গিলঘিটে মুসলমান বহুপত্নীক।




গুলমার্গ

কাশ্মীরের প্রধান সম্পদ তাহার শিল্প। এক চীন ছাড়া এত হস্ত শিল্পকাজ আর কোথাও হয় কি না সন্দেহ। এত কম মজুরী পৃথিবীর আর কোনো মজুর পায় না। অথচ এই মজুররা যেন বাহুকর। কোনো শিল্পীই তিন আনা হতে আট আনার বেশী মজুরী পায় না। এত অপূর্ণ সৌন্দর্যের স্রষ্টা যে, সে মরে অনাহারে, নিঃশ্রম নিয়তির এই পরিহাস! শালে, টেবিল-ক্লে, পালঙ-পোশে, শাড়ী কাঠের ও রূপার উপর কাশ্মীরী শিল্পী যে কাজ করে তা দেখলে আলাদীনের প্রদীপ মনে পড়ে। পাপিয়ার মাশে ও কাঠের উপর রঙের কাজ খুবই সুন্দর। পাপিয়ার মাশে বস্তুটি হচ্ছে ছেঁড়া কাগজ ও ছেঁড়া ছাকড়ার রাসায়নিক সংমিশ্রণে কম্পাউণ্ড বিশেষ, বেশ হাল্কা। দেখতে কাঠের মত।

এখানে কোনো জিনিষ কেনা বড়ই কঠিন ব্যাপার, কারণ প্রতিপদেই ঠকবার ভয়। কাশ্মীরী ব্যবসায়ের চীনা বাজারের ব্যাপারীদেরও হারিয়ে দেয়। দাড়ি

ছুয়ে মুসলমান শপথ করে, কিন্তু দর অর্দ্ধেক কমিয়ে দিলেও জিনিষ বিক্রী করে। পাঞ্জাবী দোকানদার যথা কানাদ কোম্পানী, হাঁসরাজ সোনি ও কাশ্মীর ডিপোতে (তিনটিই আমিরা কদলে) এক দর এবং মনে হয় বেশ ত্রাঘা দাম। এইখানে যাচাই করে ফেরিওয়ালাদের কাছে জিনিষ কেনা যেতে পারে। অনেক সময়ই ঠকতে হয়, তবে প্রতিযোগিতায় সত্যতাও

ব্যবহার করেন, অতীত হিন্দুদের স্থিতির গৌরবে হিন্দুর উপাধিও পীর হয়। হু-জন কেরীওয়াল উল্লেখযোগ্য; পণ্ডিত নারায়ণ ভজু সংস্কৃত ও পারস্যীয়ান শ্লোকের বৃষ্টি করেন, এবং মহম্মদ শোভানার দৃষ্টি মনে রাখবার জিনিষ। এদের প্রধান সম্পদ কতকগুলি বড়লোকের প্রশংসাপত্র, এরা এইরূপে ক্রেতাদের মনে শ্রদ্ধা জাগিয়ে কার্যসাধন করে।



লডক প্রদেশের প্রধান সহর লে'র দুর্গ

পাওয়া যায়। বড় দোকানদারদের দোকানে জিনিষ দেখা দরকার, কারণ ষ্টাণ্ডার্ড বোঝা যায়, কাঠের কাজ গানীমেদী ও পীর এবং রূপার কাজের জ্ঞান থিজির মহম্মদের দোকানই সব চেয়ে বড়। ধনী লোকদের উচিত এই সব দোকানে কেনা। ছোট দোকানে বা কারিগরের বাড়িতে জিনিষপত্র বেশ সস্তায় পাওয়া যায়।

কাশ্মীরী সিন্ধের যে বিজ্ঞাপন থাকে, তা সম্পূর্ণ মিথ্যা, কারণ কাশ্মীরী সিন্ধ প্রায় সবই বিদেশে রপ্তানী হয়। ইটালী, জার্মানী ও জাপান হাতে সিন্ধ আমদানী হয় কাশ্মীরে, কাশ্মীরীরা তাতে বুনে তার উপর শুল্ক কারুকাষ্য করে। সাধারণতঃ দশ টাকা হাতে পঞ্চাশ টাকা শাড়ীর দাম। হাঁসরাজের দোকানে সব চেয়ে ভাল প্যাটার্ন পাওয়া যায়। শাল সম্বন্ধে পণ্ডিত গুলাম মহম্মদ নূরুদ্দীনই সর্বশ্রেষ্ঠ ব্যবসায়ী, এমন অমায়িক ভদ্রতা কাশ্মীরেও চুল্লভ। এখানে অনেক মুসলমান 'পণ্ডিত' উপাধি

ইত্যাদিও শিকারা করে পৌছে দেয়। মাস মাস বিল দেয়।

বে-কোন শৈলনিবাস অপেক্ষা কাশ্মীর সস্তা বলেই মনে হয়। কাশ্মীরী চাল টাকায় আট দশ সের, ঘির সের ১১০, ভাল ছুধ টাকায় ৫৮ সের, মাছ ১৮/০, মাংস ৮০। ভারতের অগ্রান্ত প্রদেশ হাতে যে সব জিনিষ আমদানী হয় তার দাম টাকায় চার আনা বেশী মনে হয়। ঘি ও মাছ ভাল নয়। ডিম প্রধান খাদ্য ডজন ১৮/০। মে জুন মাসে চেবরী, ষ্ট্রবেরী, খোবাণী পাওয়া যায়, সেপ্টেম্বর অক্টোবরে আপেল আঙ্গুর প্রভৃতি পাওয়া যায়। ফল খুব বড় হয় এবং দাম সস্তা। জৈনক মাদ্রাজী বজু বললেন যে দেড় মাসে তাঁর সর্বদমেত খরচ হয়েছিল এক শত টাকা।

কলিকাতা থেকে ট্রেনে তৃতীয় শ্রেণী এবং মোটর বাসে পচিশ-বিশ টাকায় কাশ্মীরে পৌছান যায়।

কাশ্মীরী পণ্ডিত ও বাঙালী ব্রাহ্মণের অনেকটা সাদৃশ্য

আছে। উভয়েই মাহ-মাংস খায়। বাঙালী ব্রাহ্মণ-পরিবারে যদি কাশ্মীরী পণ্ডিতকন্ডা বরূপে পাওয়া যায় বড়ই ভাল হয়। সৌন্দর্য ও ইউজেনিকসের দিকে কল্যাণ হওয়ারই সম্ভাবনা।

কাশ্মীরের শাল প্রসিদ্ধ। কাশ্মীর-রাজাকে এখনও প্রতি বৎসর ছ'খানা শাল ভারত-সম্রাটকে উপঢৌকন বা কর দিতে হয়। শাল তৈরি হয় পশমিনায়। পশমিনার গজ চার টাকা হইতে একশ' টাকা। পশমিনা তিস্ত ও লাদাক অঞ্চল হ'তে আমদানী হয়, ছাগলের লোম হইতে তৈরি। এই সব ছাগলের লোম খুব বড়। বাহিরের অংশ মোটা এবং খন্ডসে, ভিতরের অংশ মোলায়েম। ভিতরের অংশকে তিন চার ভাগে কাটা হয়, চামড়ার খুব নিকটের যে লোম তা হতে সর্বোৎকৃষ্ট পশমিনা তৈরি হয়। শালে যে পশমিনা লাগে তার প্রস্থ ৫৮ ইঞ্চি, বৈধা সাড়ে তিন গজ। দশ টাকা হ'তে পনের টাকা গজের বেশ ভাল পশমিনা পাওয়া যায়। "চার স্ত্রী কা তাকতা" অর্থাৎ ছুটো পশমিনা স্ত্রী পাকিয়ে এক স্ত্রী করা হয় এবং এইরূপ ছুই পাকান স্ত্রীর টানা-পড়েনে যে কাপড় তৈরি হয় তাহাই চার স্ত্রীর তাকতা, ইহা বেশ মজবুৎ কাপড়। ব্রিশ চল্লিশ টাকা মজুরীতে বেশ সূক্ষ্ম কাজ পাওয়া যায়। ৭৫ টাকায় বেশ শাল পাওয়া যায়। ২০০ টাকা খুব ভাল শাল মেলে। তবে যে পশমিনার গজ ১০০ টাকা, তার দোরোথা শালের দাম সাত-আট শ' টাকা। এত মোলায়েম যে হাতের মুঠোর মধ্যে রাখা যায়। তা ছাড়া মেয়েদের ব্যবহারের জুতা রিং শাল পাওয়া যায়, ইহা পশমিনা ও রেশমে তৈরি, দাম ব্রিশ-চল্লিশ টাকা, আংটির মধ্যে গলে যায়। তাছাড়া ৬০ হ'তে ৮০০ টাকা এক জোড়া তোপের দাম, খোসার ও মলিদার দাম ১৫ হ'তে ২৫। কাশ্মীরী পটু বড় চমৎকার জিনিষ। কানাদ কোম্পানীক লিখলে নমুনা পাওয়া যায়। একটাকা গজের বেশ ভাল পটু পাওয়া যায়। ৮ গজের সূট তৈরি হয়। জাম্বান পশম কাশ্মীরে আমদানী হয়, তাকে র্যাফেল বলে, খুব মোলায়েম, কিন্তু মজবুত নয়।

পালংপোষ ও টেবিলক্লেথে যে পশমের কারুকর্মা হয়, তাহা ব্যাপারীরা বলে পশমিনা বা র্যাফেল, কথা সর্বৈব মিথ্যা। শ্রীনগরে যে পশম পাওয়া যায় সাধারণতঃ তাহাই এই সব কাজে ব্যবহৃত হয়। সুপেয়ানু অঞ্চলে যে পশম হয় তাহা অপেক্ষাকৃত মোলায়েম। এই দুই পশমেই কাজ হয়, এবং রেশমের কাজও হয় একা



নিধাং বাগ

শুইবার সাধারণ পালংপোষ পাঁচ টাকা হইতে দশ টাকার মধ্যে পাওয়া যায়।

কাশ্মীর হ'তে ফিরবার পথে বানিহাল হ'য়ে জম্মুই প্রাপ্ত। মধ্যাহ্নে শ্রীনগর হ'তে বাহির হ'লে ৫০ মাইল দূরে ভেরীনাগ দেখা প্রয়োজন। ইহাই ঝিলমের উৎপত্তিস্থল। একটি ক্ষীণধারা মাত্র, প্রায় ২৫ মাইল নীচে সম্মিলে লিদার নদীর সহিত মিলিত হ'য়ে নতুন রূপ ধরেছে। লিদারের জলেই ইহার পুষ্টি, কিন্তু লিদারের নাম হারিয়ে গেছে ঝিলমে।

লোয়ার মুণ্ডা পর্য্যন্ত পথ সমতল। তার পরেই চড়াই, প্রায় চার হাজার ফিট উঠতে হয় বানিহাল টানেল

পৌছতে। এই ৪০০০ ফিট উঠতে ও নামতে দু-দিকে হুড়ি মাইল ক'রে রাস্তা তৈরি ক'রতে হয়েছে। এই বানিহালই কাশ্মীর ও জম্মুর সীমান্ত প্রাচীর। স্বাক্ষ্রে বানিহাল ডাকবাংলোতে বিশ্রাম। প্রাতে যাত্রা ক'রে রামবানে চীনাবের সঙ্গে দেখা হয়। প্রায় দশ-বার মাইল রাস্তা চীনাবের তীরে, ঝিলমের গর্জ্-মনে পড়িয়ে দেয়। চীনাবের উপত্যকা ২৫০০ ফিট নীচে, তার পর আবার চড়াই আরম্ভ। পথে পড়ে আতোং, ডাকবাংলো আছে, ঘন পাইনের বন, বিশেষ স্বাস্থ্যকর স্থান, কাজেই যক্ষ্মা রোগীর আড্ডা (উচ্চতা ৬০০ ফিট), প্রায় ৮০০০ ফিট উঠে তারপর উৎরাই শুরু হয়। হুড়ি ডাকবাংলোতে মধ্যাহ্নের স্নানাহার সমাপন ক'রে তিন-চার ঘণ্টায় জম্মু পৌঁছান যায়। বানিহাল

পথের প্রাকৃতিক সৌন্দর্য্য রাওয়ালপিণ্ডি পথের চেয়ে অনেক বিষয়ে শ্রেষ্ঠ। জম্মুতে একদিন কাটান যেতে পারে। জম্মুতে কতকগুলি হিন্দুর মন্দির আছে। দূর হ'তে সন্ধ্যালোকে মনে হয় যেন আরব্য উপজ্ঞানের কোন যাদুকরের হাতে তৈরি। জম্মু হ'তে ওয়াজিরাবাদ ৫২ মাইল।

কাশ্মীর সম্বন্ধে হু'খানি গাইড আছে। Dr. Atri's Guide, দাম ১৯০, Neve's Guide ৩৯০, Col. Young-husband এর বই সাধারণ পাঠকের পক্ষে বিশেষ উপভোগ্য। ত্রিবর্ণ চিত্রে ভরা। কত কবি চিত্রকর যুগে যুগে কাশ্মীরের সৌন্দর্য্য ফুটিয়ে তুলতে চেষ্টা করেছেন, কিন্তু কাশ্মীর চোখে দেখলে মনে হয় তাঁদের চেষ্টা ব্যর্থই হয়েছে। কাশ্মীর সত্যিই ভূ-স্বর্গ।

রিত্ত রাহী

শ্রীজ্যোতি সেন

একলার জীবন, নিঃসঙ্গ পথেরই যাত্রা, চলিতে চলিতে চলার আনন্দ ফুরাইয়া যায়, পা দুটি অচল হইয়া ওঠে, পথ আর কাটে না। কিরণেরও ঐ দশা।

একলা লোক, একাকীই সংসার পাতে, কিছুতেই জমিয়া ওঠে না। ছড়াইয়া পড়িয়া সব ছারখার হইয়া যায়।

নদীতীরে প্রকাণ্ড একটা অশ্বখ গাছের নীচে বাড়ীখানি; একেবারে নির্জন। সেই জনপ্রাণীহীন বাড়ীতে তার একলার জীবনযাত্রা,—কখনো চলে, কখনো যেন থামিয়া দাঁড়ায়।

জীবনের স্বচ্ছন্দগতি পঙ্কর মত খোঁড়াইতে থাকে।

একলা লোকের সংসার,—একটা ঘরেরই সব। শোওয়া, বসার, কাজকর্ম, যাকিছু ঐ একটি ঘরে। ঘর আরও

আছে, উপরে নীচে সাত আটখানা, কিন্তু থাকিয়াও নাই, খালিই পড়িয়া থাকে।

বাড়ীই আছে, নারী ত নাই, কে আর গুছাইয়া সংসার করে? ঘরখানা দেখিলেই ঘরের লোকটিকে চেনা যায়। মেঝের উপর এদিক-ওদিক জিনিষপত্রগুলি যে-যার মনে ছড়াইয়া পড়িয়া থাকে, মিল বা মিছিল বলিয়া ঘরের ভিতর কিছু নাই।

দরজার পাশেই জোড়া-দুই জুতা একপরত ধূলা-কাদা গায়ে যেন চোখ বুজিয়া রহিয়াছে। লোকটিরও সেদিকে চোখ পড়ে না, তত্তাপোষের গা ঘেঁষিয়া ছাতি, লাঠি ও লঠন শিয়রের কোণটিতে খাড়া হইয়া আছে—পাহারাই দেয় না কি, অগ্নি থাকে। বাসনপত্র বাস্ত তোরঙ্গ যে যেখানে ঠাই পাইয়াছে সে সেখানেই রহিয়াছে, দিনের মধ্যে দশবার নড়িয়াও ঠিক স্থায়ীয়ায় আসে না।

রান্না করিবার অল্প রাঁধুনি আছে, কিন্তু এ কাজ ত তার নয়; দেজ্ঞা বি রহিয়াছে, ঠিকা বিও দায় সারিয়াই যায়, তাই ঘরখানা দুর্দশার চরমে আসিয়া চেষ্টা করিয়াছে। গৃহস্থের সংসারে এমন হয় না।

কিন্তু কে-ই বা গৃহস্থ আর কারই বা সংসার—কিরণ কাহাকেও কিছু বলে না।

বি যেমনই হোক, বামুন-ঠাকুরাণী তেমন নয়। ব্রাহ্মণের বিধবা,—যত্নাভি একটু করে। সাড়ে সাত টাকা মাহিনায় শুধু রান্না করিবারই কথা, প্রয়োজন হইলে বাজারে যায়, ভাত লইয়া বসিয়াও থাকে। কিন্তু প্রায়ই তাহাকে বসিয়া থাকিতে হয়। লোকটির স্নান করিতে থাইতেই যত আলসা। আলসা ভাঙিয়া তেল মাখায় দিয়া যদি বা স্নানে যায় ত গামছা খুঁজিতে আবার দেরি হয়।

বামুন-ঠাকুরাণী আর চুপ করিয়া থাকিতে পারে না, বলে—তোমার যে কি, তুমিই জান। সারা ঘর ত ঘুরচ, কিন্তু কেন ঘুরচ তাও হয়ত মনে নেই। ঐ ত গামছাটা, ঝুলচে ঐ জানলার ওপর, দেখতে পাও না, না কি,—কোন রাজ্যে থাক ?

কিরণ হাসে, বামুন-ঠাকুরাণীর কথায় রাগ করে না, মনে যে কোন রাজ্যে থাকে তাহা তারও জ্ঞানের অগোচর।

জবাব না দিয়া কিরণ কলতলায় চলিয়া যায়।

স্নান করিয়া কাপড় পরিতে গিয়া দেখে কাপড়খানা পরিবার অযোগ্য হইয়াছে, পরা যায় না। চোঁচাইয়া বলে,—একখানা কাপড় দিয়ে যান ত, এ-খানা ছেঁড়া। বামুন-ঠাকুরাণী কাপড় লইয়া কলতলায় গিয়া ভীক্ককণ্ঠে বলে,—কাপড়খানাও একটু দেখে নিতে পার না ? কি রকম তুমি ? এমন হ'লে চলে ?

কিরণ স্নান হাসিয়া জবাব দেয়, -চলছে ত।

কিন্তু সন্ধ্যাকালে রান্না করিতে আসিয়াই বামুন-ঠাকুরাণী চোঁচাইয়া বলিয়া ওঠে,—চলছে ত ! এ'কে আবার বলে চলা ?

কিরণ অপ্রস্তুত হইয়া পড়ে, বিজ্ঞাপা করে—কি হ'ল ? চোঁচামে'চ কেন ?

বামুন-ঠাকুরাণী বাক করিতেও পটু, হাত নাড়িয়া মুখ ঘুরাইয়া বলে,—চোঁচাই আমার মাথা খারাপ হ'য়েচে ব'লে, ঘরে যে কিছু নেই, বাঁদরে খেয়ে সব শেষ করেছে, এখন থাকে কি ? যাও বাজারে যাও, সন্ধ্যাবেলা আমি বেরুতে পারব না।

না গিয়া উপায় নাই, কিরণকেই উঠিতে হয়। কিন্তু বিরক্ত হইয়া পড়ে, রাগ করিয়া বলে,—জ্বালাতন আর কি !

বামুন-ঠাকুরাণী মুখ টিপিয়া হাসে, বলে,—জ্বালাতন বই কি,—সংসারী না ঝকমারী; সহ্য কতে না পার সন্নৈদী কেন হও না ?

হওয়াই উচিত,—বলিয়া কিরণ অঙ্ককারে হোঁচট খাইতে খাইতে সিঁড়ি দিয়া নামিয়া যায়।

বাজার হইতে ফিরিয়া আসিলে বামুন-ঠাকুরাণী বলে,—বে-খা একটা কর, নইলে কে তোমার সংসার দেখবে ?

—কাউকে দেখতে হবে না, নিজেরই দেখতে পারব, বলিয়া লঠনটা বিছানার উপর তুলিয়া তাক হইতে বই লইয়া কিরণ পড়িতে বসে।

বামুন-ঠাকুরাণী হাসে। রাগ কম নয়, কিন্তু রাগের কথাটা কি হ'ল ?

কিরণ জবাব দেয় না।

বামুন-ঠাকুরাণী আগের পুরাতন কথাটা নুতন করিয়া আবার শুরু করে, নিজেরই দেখবে। যা দেখচ তা আর বলে' কাজ নেই। নিত্য তিরিশ দিন আমার ঐ ঝগট ভুগতে হয়। তারপর একটু খামিয়া একটু গভীর হইয়া অভিভাবিকার মতই ভারি-কণ্ঠে বলে,—সত্যি বলছি কিরণবাবু, বিয়ে তোমার করা দরকার। বলে,—পুরুষ আর নারী, এই দু'য়ে সংসারী।

মিথ্যাও নয়। নারীহীন বাড়ী একটা গৃহ, না সে আবার সংসার ?

কিরণ বই হইতে মুখ তুলিয়া বামুন-ঠাকুরাণীর মুখের পানে তাকায়। মুখ দেখিবার অল্প নয়—হয়ত একটা নারীর কথা মনে পড়িয়া যায়, আর শূন্যস্থানে তাকাইয়া থাকে। ভাবে, সে কি এই সংসারে আসিবে ?

আসিতেও পারে। কিন্তু না আসাও ত কিছু বিচিত্র নয়।

একদিন একটা তুচ্ছ ঘটনাতেই ত একত্র হইয়াছিল, তারপর ঘনিষ্ঠতা! কি সে ছুনিবার আকর্ষণ, দেখা না হইলেই দিন কাটিত না।

ভালবাসা ছাড়া আর কি!

কিন্তু কোথা হইতে স্থদীর আসিল, স্থদীর আসিয়া আভিনার আলোটুকু আড়াল করিয়াছে। কোন্ এক সময়ে আলোটুকুও মুছিয়া যাইবে,—তার হয়ত দেরিও নাই।

একখানি গৃহের পরিকল্পনা, এতদিনের পরিচয় আগাগোড়াই দৃশ্যপের মত মনে হয়। বিবাহে আর উৎসাহ থাকে না।

বামুন-ঠাকুরাণীই যেন মাথাব্যথা, কিরণ উৎসাহ না দিলেও তার উৎসাহের সীমা নাই। বলে,—বিয়ে তোমাকে কভেই হবে। কথায়ই আছে—মা বউ স্নেহ, তারে বলে গেহ। মা নেই, বউ নেই—এমনিভাবে মাছুষ বাঁচে। মা ত আর পাবে না, বউ একটি নিয়ে'স।

কিরণ চূপ করিয়াই থাকে।

সেদিন ছপ্পরে খাইতে বসিলে বামুন-ঠাকুরাণী পুরাতন প্রসঙ্গটি উত্থাপন করিল। 'বিয়ে যদি কর ত বল, মেয়ে দেখি।'

কিরণ হাসিয়া বলিল,—দেখুন না, দেখতে দোষ কি? আছে না কি মেয়ে?

বামুন-ঠাকুরাণীর গাল-ভাড়া মুখে পুলকের বান ডাকিল। বলিল,—মেয়ের আবার অভাব? পথে ঘাটে,—তুলে আনলেই হয়—

কিরণ কহিল,—কই আমার চোখে ত পড়ে না। কি জানি, আমারই হয় ত চোখ নেই। তা বেশ ত পণ থেকেই না হয় একটা কুড়িয়ে নিয়ে আসা যাবে— কি বলেন?

কথাটা একটা পরিহাস বুঝিতে পারিয়া বামুন-ঠাকুরাণী গম্ভীর হইয়া বলিল,—তুমি ঠাট্টা করচ, কিন্তু ঠাট্টার কথা এ নয়।

না-ও হইতে পারে। কিরণ চূপ করিয়া রহিল। এই নীরবতাও বামুন-ঠাকুরাণীর সহ্য হয় না, বলিল,—তুমি থানে করেছ আমি কিছু জানিনে বা বুঝিনে। ... সব খবরই রাখি।

—রাখেন না কি? তা'ত আর জানি না, তা' বেশ ত গোপন করবারও কিছু নেই।—বলিয়া কিরণ মুখ বাকাইয়া হাসিল।

বামুন-ঠাকুরাণী কহিল, ওরা যে বেঈশ্বর, বেঈশ্বরের কি আবার—বলিতে গিয়া বামুন-ঠাকুরাণী সীমা ছাড়িয়া যা তা বলিতে লাগিল।

স্পষ্টা বটে। কিরণের মুখখানি মুহূর্তে অন্ধকার হইয়া উঠিল, রাগে মুখ দিয়া তার কথা আসিল না। ভালবাসার কাছে যে জাতিবিচার নাই বামুন-ঠাকুরাণী তার কি বুঝিবে? কিরণের রাগটা কিছুতেই তার সমীচীন মনে হইল না, বলিল, তুমি মিছে রাগ করচ, আমি কি এমন অশ্রদ্ধা কথা বললুম?

কিরণ আর কথা কহিল না।

কথা বলিবার কচি আর থাকে কি? কিন্তু ও যে বেচারী,—উহার উপর রাগ করিয়া লাভ নাই। নিশেবে খাইয়া উঠিয়া নীরবে নতমুখে এক কোণে বসিয়া থাকে। কিন্তু মনের চাকলা লইয়া বসিয়া থাকাও যায় না। ঘরের ভিতর পায়চারী করিতে শুরু করে। বেড়াইতে বেড়াইতে ভাবে।

ভাবনার কি অন্ত আছে? জীবনের শূন্যতার ফাঁক দিয়া ভাবনাগুলিই বার-বার ঊর্ধ্ব মারিতে থাকে, মনের ভিতর জীবনের যত-রকম প্রশ্ন ও দৃষ্টিস্তা সদর রাস্তার ভিড়ের মত জড় হইয়া মনটাকে ভারাক্রান্ত করিয়া তোলে।

মমতার কথাই মনে পড়ে। মমতার জগৎ স্থদীরকে লইয়া হয়ত গড়িয়া উঠিতেছে। আর তার জগৎ? সে জগৎ মমতার ছায়ায় আচ্ছন্ন হইয়া আছে, সে নাই।

বেলা পড়িলে কিরণ ছাদে গিয়া বসিল।

খোলা ছাদ। অশ্বখ গাছের ডালগুলি আসিয়া ছাদের উপর ঝুঁকিয়া পড়িয়াছে। অশ্বখ-ডালের ফাঁক দিয়া গন্ধার জল আর বালুচর দেখা যায়। বালুচর

ছাড়াইয়া বিতর্প শক্তিতে। তারই কিছুদূরে একটা প্রাসাদ।...প্রাসাদ ত নয়, যেন মায়াপুরী। একদৃষ্টিতে তাকাইয়া রহিল।

মনের ভিতর একটা দ্বঃসহ আকাজ্জা জাগিতেছিল। ঐ রকম পুরীই ত চাই। ওইখানেই জীবনের স্বপ্ন সত্যিকার রূপ পাইতে পারে। জীবন ওখানেই হাত পা ছড়াইয়া চলে, জীবনের স্বাদও মাহুস পায়।

তখন বেলা যায় যায়, সন্ধ্যা হইয়া আসে, গন্ধায় একটা ছুটি করিয়া অনেক নৌকা ভাসিয়াছে। কিরণ গন্ধার পানে তাকাইল। তাকাইতেই সহসা দেখিতে পাইল একখানি নৌকায় মমতা, মমতার ভাই ও সুধীর। সুধীর আর মমতা বড় কাছাকাছি বসিয়াছে। সুধীর খুব হাসিতেছে, হাসির শব্দটাও যেন কানে আসিয়া পৌছে।

কি এত কথা? কেনই বা এত হাসি? কে জানে, কি? একদিন তাহার সঙ্গেও—

ভাবিতেই বুকের ভিতরটায় কি একটা দাহ উপস্থিত হইল, মনে হইতেছিল বুকেটা বুঝি বা পুড়িয়া যাইতেছে। না দেখিলেই যেন ছিল ভাল। সহ্য হয় না। অশ্বখের একটা শাখায় দুই হাত রাখিয়া কিরণ তার ভিতর মুখ গুঁজিয়া চোখ বুজিল। চোখ বুজিয়াও থাকা যায় না, মাথা তুলিয়া আবার দেখে। চোখে জল আসে, সব ঝাপসা হইয়া যায়।

অন্ধকার ঘনীভূত হইয়া উঠিল। ছাদ হইতে নামিয়া রাস্তায় ঘুরিতে শুরু করিল। কোথাও যেন একটু দাঁড়াইবার জায়গা নাই।

গন্ধার ঘাটে একবার এ-ঘাট আবার ও-ঘাট করিয়া অনেকবার হইয়া গেল। তবু যেন কোথাও বসিতে পারে না। যখন বাড়ীর দিকে ফিরিল তখন অনেক রাত্রি হইয়াছে।

নির্জন পল্লী রাত্রির অন্ধকারে ঘুমাইতেছিল। তারই এক প্রান্তে অশ্বখের ডালপালায় ঢাকা জন-মহুমহীন বাড়ীখানি যেন আড়ষ্টভাবে চোখ বুজিয়া তার প্রতীক্ষা করিতেছে। পাশের সেই বাড়ীটার ছাদে পদধ্বনি শোনা গেল। গা ছম্ ছম্ করিতে লাগিল।

অতি সন্তর্পণে তাল শিকল খুলিয়া ঘরে প্রবেশ করিল। প্রবেশ করিয়াই দেশলাই জালিয়া বিছানাটা দেখিয়া নিঃশব্দে শুইয়া পড়িল।

ঘর অন্ধকার। মনটা তার চেয়েও বেশী। শুইয়াও সেই কথাই মনে হইতে লাগিল। ক্ষুধার পেট জলিতেছিল। তবু ভাতের থালাটা গামলার নীচেই চাপা পড়িয়া রহিল। ভাবিতে ভাবিতে রাত্রি গভীর হইয়া আসিল, কিন্তু ঘুম আসিল না। মনটা অন্ধকারে নামিয়া একটা কল্পনার পৃথিবী গড়িতে বসিল। জীবনে যাহা হয় নাই, হয় ত হইবেও না, সেই সব এই অখ্যাত জগতের অলক্ষিত আবাসে বাস্তবের মতই গড়িয়া উঠিতে লাগিল। একখানি গৃহ, একটি গৃহশিল্পী নারী, একটা সংসার!

কিন্তু কিসের সংসার—কার?—ভাবিতেই সব অন্ধকারে মিলাইয়া গেল, একটা দীর্ঘশ্বাসে সমস্ত অন্তর নিঃশেষে বাহির হইয়া আসিয়া সব শূন্য করিয়া দিল।

সকালবেলা উঠিয়াই কিরণ চিঠি লিখিতে বসিল। মমতাকে ইহাই তার প্রেরণ করিবার বিষয়,—বিবাহে তাহার সম্মতি আছে, কি, নাই। খুব আবেগের সঙ্গে লিখিল। প্রথমেই এই রকম—

“কি বলিয়া যে সন্মোদন করিব খুঁজিয়া পাই না, যে সন্মোদন করিতে ইচ্ছা হয়, সে সন্মোদন করিবার সময় আসে নাই, কাজেই—,

এই যে চিঠি লিখিতেছি তাহাও জ্ঞায় কি অন্তায় কিছুই বুঝিতে পারি না, অন্তায় হইলে মার্জনা করিবেন।...

.....ভালবাসার কথা মুখে বলি নাই, নাটকীয় অভিনয়ের ভঙ্গীতে নিজের অন্তরের কথা ব্যক্ত করিতে যেন বাধে। বোধ হয় না বলিলেও কাহারও কিছু বুঝিতে বাকী নাই।.....

.... ভালবাসা অনেক কিছু দাবী করে,—দাবী করা অসম্ভবও নয়। আপনার কি মনে হয়?.....

....সমস্তটা পাকা করাই সন্মোদন ও সংসারের দিক দিয়া মঙ্গল।...মনের অবস্থা বড়ই গারাপ, বুঝি দিয়াও

কিছু বিচার করিবার ক্ষমতা আজ নাই, তাই সরলভাবে অন্তরের কথা খুলিয়া বলিলাম, আপনার যাহা ভাল মনে হয় করিবেন। ...

...অন্তরের উপর জবরদস্তি চলে না, সব দিক বিবেচনা করিয়া আমাকে আপনার ইচ্ছা অনিচ্ছা জানাইবেন।"

চিঠিখানা ডাকে না দিয়া নিজের হাতেই মমতাকে দিবে স্থির করিয়া বাহির হইল।

মমতা তখন ঘরে বসিয়া একখানা শিল্পের চাদরে কি একটা হাতের কাজ করিতেছিল। নীচে কিরণের কণ্ঠ শুনিয়া তাড়াতাড়ি বারান্দায় রেলিঙের ধারে আসিল। কহিল—আম্নন, সবাই ওপরে রয়েছেন।

কিরণ উপরে উঠিয়া গেল।

মমতার বাবা স্নেহে কহিলেন—তোমাকে আজকাল আর দেখতেই পাই না। কি হ'ল তাই ভাবি। কাজের চাপ পড়েছে বোধ হয়? খবর কি? চেহারাও খারাপ দেখছি। অস্থখ করেছিল কি?

কিরণ মাথা নাড়িয়া কহিল—অস্থখ, না অস্থখ করেনি, এমন—

মমতার মা বসিয়াছিলেন।

একটু হাসিয়া তিনি বলিলেন,—ব্যবসা কেমন চলছে? নীরেন বললে খুব নাকি কাজ পড়েছে? একটু মন দিয়ে কাজ কর। এইত তোমাদের সময়।

কিরণ বলিল,—কাজ? তা আছে। অনেক কাজই আসে। কিন্তু কি জানি কেন পেরে উঠি না।

ঐ ত তোমার দোষ,—বলিয়া মমতার মা স্নান একটু হাসিয়া মুখ ফিরাইলেন, একটু বিরক্তি ও অবজ্ঞা যেন সেই হাসির গা ঘেঁষিয়া আছে।

কিরণের সেদিকে মন ছিল না। ভাবিতেছিল কি করিয়া মমতাকে চিঠিখানা দিবে।

স্ববিধাও হইয়া গেল।

মমতার মা কি একটা কাজে চলিয়া গেলেন। দুই একটা কথা বলিয়া তার বাবাও শেষে উঠিলেন। ঘর শূন্য হইল।

কিরণ মমতার প্রতীক্ষায় বসিয়া রহিল। মমতা

আসে না। শিল্পের চাদরে পাড় তৈরি করা তখনও চলিয়াছে।

ধানিকক্ষণ একভাবে বসিয়া থাকিয়া কিরণ উঠিয়া পাড়াইল। মমতা বোধ হয় লক্ষ্য করিয়া থাকিবে, তাড়াতাড়ি আসিয়া বলিল—ওকি—চলে যাচ্ছেন যে? বহ্নন। হাতের এই কাজটা একটু,—এই এক্ষুনি আস্চি,—একটু বহ্নন।

নাঃ, যাই,—বলিয়া কিরণ তার হাতের ওপর চিঠিখানা একরকম ছুঁড়িয়া ফেলিয়াই চলিয়া যাইতেছিল।

মমতা চমকিয়া উঠিল। বলিল,—একি! এটা?

যাইতে যাইতে কিরণ মুখ ফিরাইয়া কহিল,—পড়ে দেখবেন,—তারপর সিঁড়ি দিয়া নামিয়া চলিয়া গেল।

জবাব আসিল না।

কিরণের মনটা আশায় ও আশঙ্কায় ছুলিয়া ছুলিয়া ক্লান্ত হইয়া উঠিল।

দিন-দুই কোনরকমে কাটিয়া গেল। তারপর মমতার ভাই আসিয়া খবর দিল, তার বাবা একবার যাইতে বলিয়াছেন।

চিঠির জবাবে চিঠিই আশা করিতেছিল। আবার ডাকিয়া পাঠাইবে,—মনেও ভাবে নাই। লক্ষ্য ও কুণ্ঠায় মনটা কি রকম হইয়া উঠিল।

পরদিন সকালবেলা চা না খাইয়াই বাহির হইয়া পড়িল। কি জানি দেৱীই যদি হয়!

বাড়ীর দরজায় পাড়াইয়া অভ্যাসমত একবার দুইবার ডাকিল। সেই ছেলেটি দরজা খুলিয়া দিয়া কহিল—আম্নন।

উপরে উঠিয়া ঘরে ঢুকিতেই পাশের ঘরের দরজাটি বন্ধ হইয়া গেল। হাতখানি দেখিয়া বুঝা গেল, ভিতর হইতে মমতার বোন বন্ধ করিয়া দিয়াছে। বৃদ্ধ কাজ করিতেছিলেন, খাতাপত্র হইতে মুখ তুলিয়া অস্বাভাবিক গম্ভীর কণ্ঠে কহিলেন—বস।

কিরণ বলিল।

ঘরখানা নিস্তব্ধ। দীর্ঘকাল কাটিয়া গেল কোন কথাবার্তা নাই। মমতার মা-ও কি—একটা হিসাবের

ধাতায় একেবারে ডুবিয়া গিয়াছেন। কেহই কথা বলে না। ঘণ্টা-দুই এভাবেই কাটিল। কিরণের মনটা অবসাদে ও ছশ্চিন্তায় একেবারে যেন শুইয়া পড়িল।

তারপর হঠাৎ মমতার বাবা তার সেই চিঠিখানা বাহির করিয়া রুদ্ধ কণ্ঠে কহিলেন,—তোমাকে ভাল ব'লেই জানতুম; কিন্তু তুমি যে এমন হবে, বুঝতে পারিনি। তোমার ব্যবহারে মমতা ভারি ক্ষুণ্ণ হয়েছে, অপমানিত বোধ করেছে। কে তোমাকে চিঠি লিখবার অধিকার দিলে? এই নাও, ফেরৎ নিয়ে যাও তোমার চিঠি। চিঠি সে পড়েও নি।

বজ্রপাত হইলে যেমন হয়, হয়ত তাই হইল। কিরণের মুখে কথা নাই। কথা বলিবার ক্ষমতা কি করিয়া যেন লুপ্ত হইল, বলিতে গিয়াও মুখে আসিল না। অত্যা? হয়ত তাই—

তিনি আবার কহিলেন—তোমার চিঠি পেয়ে কৈদে-কেটে সে থায়নি—ঘণায় তোমার কাছে বেরুতে পারে না।

তারপর আরও অনেক কথা, মাতৃঘের দুর্জলতা সম্বন্ধে কত কি,—

কিন্তু শুনিবার অবস্থা সে নয়। সবই শুনিয়াছে, একটা কথাও তার ভিতরে পৌছে নাই।

কি করিয়া যে সে মেয়েটির অপমান করিল, তাহা কোন রকমেই বুঝিতে পারিতেছিল না। অপমান যদি হইয়া থাকে, তবে অপরাধ ত নিশ্চয়ই।

সমস্ত ঘরখানা সহসা যেন ঝাপসা হইয়া উঠিল, কি বলিতে গিয়া কি বলিল তাহারও ঠিক নাই। মুখ দিয়া শুধু এই কথাগুলিই বাহির হইল,—আমার ভুল হয়েছে, অপমান করা হবে বুঝলে কখনও লিখতাম না, মার্জনা করবেন।—বলিয়া গায়ের চাদরটা কুড়াইয়া লইয়া টলিতে টলিতে পথে নামিয়া পড়িল।

পাথরের রাস্তাটা বার-বার পায়ে আঘাত করিতে লাগিল, তারও যেন কত বড় আক্রোশ, মার্জনা করিতে পারে না।

কিরণ শতবার নিজেকে ধিকার দিল।

কেন তার এ দুর্ভাগ্য হইল? কেনই বা অকারণে ওই

মেয়েটিকে মর্খপীড়া দিল? সত্যি, এ অন্তায়ের মার্কনা নাই।

নিজের মুখখানি দেখিবার স্থান্য নিজের মনেই ছোট হইয়া পড়ে। বেশ হইয়াছে। ইহাই তার শাস্তি। দেনা-পাওনার কথা আর মনে আসিবে না।

ভালবাসা? তুচ্ছ এ জিনিষ। কে চায়?

ঘরে আসিয়া বসিল। অপমানের বজ্রগা বৃকের ভিতর গীড়া দিতেছিল, হতাশায় চোখের জল গড়াইয়া ছুই পাশ দিয়া বর্ষ বর্ষ করিয়া পড়িতে লাগিল।

মাঘ মাস। খুব শীত পড়িয়াছে। শীতের বেলা দেখিতে-না-দেখিতে বাড়িয়া যায়, কিরণ লেগ মুড়ি দিয়া গুড়িগুড়ি মারিয়া তখনও বিছানাতে পড়িয়াছিল। বামুন-ঠাকুরাণী আসিয়া বালিশের নীচ হইতে টাকা লইয়া গিয়া বাজার করিয়া ফিরিল, রান্না চড়াইল, তার পর তার রান্নাও প্রায় শেষ হইয়া আসে, কিরণ তথাপি উঠে না। ইচ্ছাও যেন নাই। কিছুদিন ধাবৎ এই রকম চলিয়াছে। কোন ব্যাপারেই যেন ইচ্ছা বা উৎসাহ দেখা যায় না।

বামুন-ঠাকুরাণী রান্নাঘর হইতে আসিয়া ছুই কিনিবার ডাকিয়া গিয়াছে, এবার লেপটা টানিয়া মুখের উপর হইতে সরাইয়া দিয়া কহিল—আজ কি বিছানায়ই পড়ে থাকবে?

কিরণ বিরক্ত হইয়া চোখমুখ বিকৃতি করিয়া একটা ধমক দিল—ওকি, সবটাকেই বাড়াবাড়ি। ভারি আশ্পর্ক।

—ওঠো, বিছানা তুলি।

—আপনার তুলতে হবে না, যান, বলিয়া কিরণ বিছানায় উঠিয়া বসিল।

বামুন-ঠাকুরাণী হাসিল।

কিরণ বিরক্তিতে জোর করিয়াই যেন হাত মুখ ধুইতে কলতলায় চলিয়া গেল। বামুন-ঠাকুরাণী বিছানাটা বাড়িয়া উল্টাইয়া রাখিয়া আবার রান্নাঘরে ফুকিল।

জানালা দিয়া ঘরের ভিতর বোধ আসিয়াছে, কিরণ মুখ ধুইয়া আসিয়া ঘরের ভিতর জানালার কাছে রোদে পিঠ দিয়া বসিল।

সকালবেলার রোদ চারকোণা হইয়া মেঝের উপর পড়িয়াছে। রোদে তার ছায়া জানালায় বাজু ও গরাদগুলি সমেত ছবির মত দেখাইতেছিল।

কিরণ ছায়াগুলির পানে তাকাইয়া একভাবেই বলিয়া রহিল। কিছুই যেন করিবার নাই। কার জন্তই বা করিবে?

যে-নারীকে জীবনে কামনা করিয়াছিল, সে কামনায়ই রহিয়া গেল। এই অখ্যাত সংসারে গৃহরচনা করিতে সে আসিবে না। তবে? যে পাখী উড়িয়া চলিয়া যায় তাহাকে ধরিয়া আনিয়া নীড় রচনা করা যায় না,— লাভও নাই।

যে যায় তার পথ ছাড়িয়া দাও—ইহাই ভাবিতেছিল। বামুন-ঠাকুরাণী আসিয়া তাহাকে ঐ অবস্থায় দেখিয়া জিজ্ঞাসা করিল,—তোমার হয়েছে কি?

কিরণ বামুন-ঠাকুরাণীর কথায় জবাব দিল না। মাথা নোয়াইয়া চূপ করিয়া বসিয়া রহিল।

বামুন-ঠাকুরাণী কহিল—আমাকে ত বলবেই না, কিন্তু বুঝি সবই।

বুঝে থাকেন ত ভালই,—বলিয়া কিরণ উঠিয়া দাঁড়াইল।

বামুন-ঠাকুরাণী কহিল,—কেনই-বা বুঝব না? আয়নার কাছে গিয়ে নিজেই একবার চেহারাখানা দেখ ত। নাওয়া-খাওয়া কাজকর্ম সব ছেড়ে ঘরে বসে রয়েচ, বুঝতে কিছু বাকী থাকে? কিন্তু লাভ কি?

—কিছুই না।

—তবে? নিজের সর্বনাশ কেন করচ? কি হবে?

এই প্রশ্নের উত্তর দেওয়া যায় না, কিরণ চূপ করিয়া থাকে।

বামুন-ঠাকুরাণী আবার বলে,—আবেগের উপর যা-তা করচ, কিন্তু কোনদিকে ফিরেও তাকাও না যে কি হয়ে যাচ্ছে। কতকগুলো দেনা করে বসেছ, তাও ত শুধতে হবে? সেদিন একজন হিন্দুস্থানী এসেছিল, বললে অনেক টাকা না কি পাবে। জলদি না দিলে রেহাই নেই।

—এসেছিল না কি?

কিরণের মুখখানা ম্লান ও নিস্তেজ হইয়া গেল, হতাশায়

ও অবসাদে কণ্ঠটি বোধ হয় শুকাইয়া উঠিল, বলিল—কই বলেন নি ত? কিন্তু কোথা থেকেই বা দিই? অনেক টাকাই হয়েছে। যাকগে, যা হবার হবে।

কিরণ ব্রাকেট হইতে একটা রূপার টানিয়া লইয়া বাহির হইয়া পড়িল। বামুন-ঠাকুরাণী চীৎকার করিয়া বলিল,—ওকি, এখনই আবার বেরুচ্ছ? খেয়ে তারপর যাও, ভাত নিয়ে আমি বসে থাকতে পারব না। রোজই ওই, আমার আর সহ্য হয় না।

কিরণ পথে নামিয়া তখন অনেক দূর গিয়াছে, শুনিতে পাইয়াও কান দিল না।

শীতের বিপ্রহর। রোদের তাপটা ছুঁচের মত বিধিতেছিল। সেই রোদে একলা উদ্দেশহীন ঘুরিয়া বেড়াইতে লাগিল।

তারপর নীরেনদের বাড়ী গিয়া উপস্থিত হইল।

নীরেন কিরণের পানে সবিস্ময়ে তাকাইয়া রহিল। দীর্ঘ স্বকোমল দেহখানি অনাহারে ও অভ্যাচারে ক্ষুধা লিকলিকে হইয়াছে। স্নান না করায় মাথাটা উকুথুদ, চোখ দুটি ছল ছল করিতেছে।

নীরেন জিজ্ঞাসা করিল—একি হয়েছে, চোখমুখ ও রকম কেন—খবর কি?

কিরণ মাথার চুলগুলিতে হাত বুলাইতে বুলাইতে কহিল—খবর? সব খবরই হয়ত শুনেছ।

—কই? না।

কিরণ আগাগোড়া খুলিয়া বলিল।

নীরেন কিছুক্ষণ চূপ করিয়া থাকিয়া বলিল—ভারি ভুল করলে।

কিরণ চূপ করিয়া রহিল।

নীরেন কি একটু ভাবিয়া পুনরায় কহিল—কিন্তু মমতার কথা ভেবেও আমি আশ্চর্য হয়ে যাই। অপরাধই বা এমন কি যে তার জন্ত এত বড় শাস্তি দিতে পারে? তুমি দুঃখিত হয়ো না ভাই,—পাওনি, তার জন্তে দুঃখ কি, কি আসে যায়? পাওয়াটাই কি সব চেয়ে বড়? ভালবাসতে পারাটা কি তার চেয়েও মহৎ নয়?

কিরণ চূপ করিয়া শোনে।

ভালবাসিতে পারা, সবাই হয়ত পারে, কি এর সার্থকতা? ধারণায় আসে না। বলিল,—মাছুষ পাওয়ার জন্তেই ভালবাসে না?

নীরেন হয়ত অন্তর নিয়াই কথাটা ভাবিল, বলিল,—না পেলেও কতি নেই।

পথে বাহির হইয়া কিরণ ভাবিতে লাগিল। সমস্তাটার কিছুতেই মীমাংসা হয় না। নীরেনের কথার হয়ত অর্থ আছে, দিয়াই লাভ,—কিন্তু লোকদানের কাছে তার দাম কতটুকু? তুচ্ছ মনে হয়।

কিরণ মমতার ছায়া মনে হইতে মুছিয়া ফেলিতে চেষ্টা করে। মুছিলেও যায় না, যায় কি?

অন্তরের আড়িনায় যাহাকে ডাকিয়া আনিয়া মাতৃয় আসন পাতিয়া দেয়, আসনে সে না বসিলেও আড়িনায় তার স্থতিটুকু ধুলার সঙ্গে মিশিয়া থাকে।

মমতার সঙ্গে বাহিরের সম্পর্ক ঘুচিয়া গিয়াছে, এখন যেটুকু আছে সেটুকু শুধুই অন্তরের,—তার একলার। মনে হয় এটুকুই ভাল। সবই ত গিয়াছে, কোনো আশাই নাই, এটুকু যতদিন আছে, থাক্ না।

বামুন-ঠাকুরাণী বলিল। বলিল,—বিয়ে কর, বিয়ে করে সংসারী হও, কেন হুঃখ পাও?

কিরণ বামুন-ঠাকুরাণীর অহেতুক স্নেহের কারণ খুঁজিয়া না পাইয়া একটু স্নেহের সহিত বলিল,—আপনি যে ভারি ব্যস্ত হয়ে পড়েছেন,—কেন বলুন ত?

বামুন-ঠাকুরাণীর মনে হয়ত আঘাত লাগে—মুখখানি ক্যাকাसे হইয়া যায়। বলে,—বিয়ের কথা বলেছি, অত্যাট কি হয়েছে? বিয়ে তুমি করবে না, এমন ত নয়।

কিরণ চুপ করিয়া থাকে।

বিবাহ কোনদিন হয়ত করিবে, কিন্তু আজ এখনই তার কি? বিবাহের কথা হইলে মমতার কথাই যে মনে পড়ে। তাহাকে বাদ দিয়া গৃহ-রচনার কল্পনা যেন জন্মে না। সেও ত ভালবাসিত, হোক সে পথেরই ভালবাসা,—কি আসে যায়, ভালবাসাইত। প্রেমের জগতে তার কি কোনোই স্থান নাই?

সে আসিবে না, নাই-বা আসিল। যে যায় তার পথ ছাড়িয়া দিতে হয়। উপায় কি!

বামুন-ঠাকুরাণী পুনরায় বলিল,—বিয়ে না করে কি হবে, তাতে কিই-বা আছে? যা-নয় তাই নিয়ে যদি মাছুষ অনর্থ ছিটি করে, তাতে অনর্থই বাড়ি।

নারী একটি ঘরে আনিতেই হইবে? কিন্তু আনিতেই কি হয়? নারীমাত্রই কি পুরুষের যথেষ্ট।

শুধু তাও নয়—

একটা সংসারের বোঝা বহন করা, বা একটা পুরুষকে চরিতার্থ করা, এইটুকুতেই একটি নারীর সার্থকতা নয়। কিন্তু বামুন-ঠাকুরাণী তাহার কি জানে?

বসিয়া ভাবে, কোন কাজে মন বসে না।

ব্যবসাটি যায়-যায় হইয়াছে, পাওনাটারের তাগাদাও বাড়িয়া গিয়াছে। হিন্দুস্থানীটি আবার আসিয়াছিল, বলিয়া গিয়াছে আর সবুর করিবে না, আবার কাজ করিতে চেষ্টা করে, নিজের বিলাত-বাকী আদায় করিতে বাহির হয়, কিন্তু এতদিনের তাচ্ছিল্যে বাহা বিকল হইয়া আছে তাহা সহজে বাগে আসে না।

আজকাল বাড়ীর সঙ্গে সদ্ভাব কম। পাওয়া-দাওয়ার প্রতি ঘোটেই লক্ষ্য নাই। বামুন-ঠাকুরাণীর সঙ্গে প্রায়ই লাগে।

বামুন-ঠাকুরাণী বলে,—তোমার জন্তে সবস্বত্ব হুতোগ ভুগ্বে একেন?

কিরণ রাগিয়া বলে,—আমি কাউকে ভুগতে বলি নে, কেন ভোগেন? ছেড়ে দিলেই পারেন?

বামুন-ঠাকুরাণী গালে হাত দিয়া বসে, বলে,—একদিন হয়ত তাই হবে। কথাবার্তারও তোমার লাগাম নেই।

সকালবেলা হইতেই মাথা ধরিয়াছে, কিন্তু আজ আর ঘরে বসিয়া থাকার উপায় নাই, গ্রাহকদের কাজ অসমাপ্ত ও অর্ধসমাপ্ত রহিয়াছে, না দিলেই নয়।

কাজ করিতে করিতে বেলা পড়িয়া গেল। তারপর কিরণ টাকার তাগাদায় বাহির হইল, সন্ধ্যাই কিছু টাকা পরিশোধ করিতে হইবে। দুই এক আয়গায় যাইতেই অনেক দেবী হইল।

যখন ফিরিল তখন রাত্রি অনেক।

গায়ে প্রবল অর, চোখ দুটি রক্তবর্ণ।

বামুন-ঠাকুরাণীর চোখ দুইটি বোধ হয় রাগে দুঃখে তার চেয়েও রক্তবর্ণ হইয়াই ছিল। কিরণের অবস্থাটা সে অস্বস্তি করিতে পারিল না, বলিল,—তোমার বিবেচনা ভাল, নিজেও সারাদিন উপোস করে কাটালে, আর আমাকেও বেশ শান্তি দিলে।

কিরণের চৈতন্ত হইল, বামুন-ঠাকুরাণীর হস্ত থাওয়া হয় নাই, কহিল,—আমার জন্তে কেনই-বা শুকিয়ে রইলেন? রাত ত অনেক হয়েছে,—হোক, কিছু মিষ্টি না-হয় আপনার জন্তে নিয়ে আসি, ভাত ত আর থাকেন না।

—দয়কার নেই আমার মিষ্টিতে।

থানিকক্ষণ নীরব থাকিয়া বামুন-ঠাকুরাণী পুনরায় বলিল,—কিন্তু লক্ষ্মীছাড়া হ'লে কি মানুষের এমনই হয়? ঘর-সংসারও মনে থাকে না?

কিরণের শরীরটা বিম্বিম্ব করিতেছিল, বিছানাটার উপর বসিয়া পড়িয়া কহিল,—লক্ষ্মীছাড়া মানুষের আবার ঘরসংসার কি?

বামুন-ঠাকুরাণী রুদ্ধ কণ্ঠে বলিল,—ঘর-সংসার না থাকে না ই থাক, কিন্তু আমি আর তোমার সংসার তৈলতে পারব না, আজ চাল অভাবে রান্না হয়নি। সেই সকালে বেরিয়েছ, আর এই এলে, একবার খোজও নাও নি যে ঘরে কিছু আছে কি নেই। ভাঁড়ার-ঘরের চাষিটা আর হিসেবের খাতাটা ঐ তাকে রইল। সাড়ে সাত টাকা মাইনের জন্ত মাসের ভেতর সাড়ে সাতদিন এ দুর্ভোগ আমার সয় না, বলিয়া বামুন-ঠাকুরাণী বাহির হইয়া গেল।

কিরণ নিঃশব্দে বিছানায় বসিয়া রহিল।

জবাব দেওয়ার মত কথা হয়ত ছিল, কিন্তু শরীরের অবস্থাটা তেমন ছিল না।

শীতিল শরীর। বসিয়া থাকা যায় না, শুইয়া পড়িল।

শুভ ঘর, মনটাও শুভ।

স্নানোত্তীর্ণ গরম হইয়া আছে, এই শীতেও একটু বাতাস না হইলে আর চলে না। কিন্তু কে দেয়?

বামুন-ঠাকুরাণীর দোষ নাই। লক্ষ্মীছাড়ার খেয়াল লইয়া সকলেরই আর চলে না। কিন্তু কিরণের যেন

লোকজন অভাবে আজ সব অচল হইয়া আসে। এই সংসারের শূন্য আঙিনায় মনটা আজ কোন এক স্নেহময়ীর জন্ত যেন বার বার কাদিয়া ওঠে। আজ যেন একটু স্নেহ না হইলে আর চলে না।

স্নেহ যে কি অনেক দিন হইতে তার কোনো পরিচয় নাই, মন হইতে যেন তাহা মুছিয়া গিয়াছে। যা যখন ছিল তখন স্নেহ ও হয়ত কিছু পাইয়াছে। কিন্তু সে আর কয়দিন? জন্মের ছয় মাস পরেই মায়ের মৃত্যু হইয়াছে। ছয় মাসের সঞ্চয়, সারাজীবনের পক্ষে কতটুকু?

মায়ের মুখখানি মনেই পড়ে না, একখানি ছবি পর্যন্ত নাই। ছেঁড়া-খোঁড়া পুরাতন একখানি পুঁথির পৃষ্ঠায় মায়ের নিজের হাতের লেখা নামটি রহিয়াছে। ঐটুকুই মায়ের স্মৃতি।

অতিকষ্টে বিছানা হইতে কোনরকমে উঠিয়া কিরণ বাক্সটা খুলিল, খুলিয়া ভিতর হইতে কাগজে মোড়া বইখানির নাম-লেখা পাতাটা উন্টাইয়া উহা বৃকে চাপিয়া ধরিল।

তারপর জরের ঘোরে বিছানায় আসিয়া অর্চৈতন্ত হইয়া পড়িয়া রহিল।

পরদিন প্রভাতে রাজির ব্যাপার দুঃস্বপ্নের মত মনে হইতে লাগিল; ধীরে ধীরে বিছানা ছাড়িয়া উঠিল। উঠিয়া গন্ধার দিকের জানালাটা খুলিয়া দিল।

সেই জল,—সেই বালুচর,—যেন জীবন ও মৃত্যু তৈলাঠেলি করিয়া দাঁড়াইয়াছে।

বেশীক্ষণ তাকাইয়া থাকিতে পারিল না, মাথাটা ঘুরিতে লাগিল। বিছানায় আসিয়া আবার শুইয়া পড়িল।

ভাবিল, বামুন-ঠাকুরাণী আসিবে। বেলা যতই বাড়িতেছিল ততই ক্ষুধা পাইতেছিল। কিন্তু বামুন-ঠাকুরাণী আসিল না।

সাতদিনে সেই জ্বর ছাড়িল। নীরেন আসিয়া ঔষধ পথ্য দিয়াছে। বামুন-ঠাকুরাণী আর আসেই নাই।

কিরণ তারপর নিজের হাতেই রান্না করে, নিজেই লইয়া খায়।

কিছু খাওয়া প্রায়ই হয় না।

নীরেন বলে,—লোক রাখ। এমনি আর ক'দিন কাটাবে?

একটা চাকরও জুটিয়া গেল।

লোকটার কাজ মোটেই পছন্দ হয় না, সে গুছাইয়া কাজ করিতে জানেও না। তারপর ভাতগুলি কোনদিন গলিয়া যায়, কখন ও বা ডাল ধরিয়া যায়। বামুন-ঠাকুরাণীর এ সব হইত না। যত্নও সে করিত, আর এ কেবল দায় শোধ করে।

কিন্তু কি আর করা?

ছন্নছাড়া সংসার আরও বিস্ত্রী হইয়া ওঠে।

বসন্তকাল। অশ্বখের শাখায় হাওয়া লাগিয়াছে। কচি পাতাগুলি বিবুবিবু করিয়া কাঁপিতেছে। পাশের বাড়ীর ছাদে শীতের ঝরা রশিকৃত শুকনো পাতা এক একটা নমুকা হাওয়ায় সবু সবু শব্দে উড়িয়া উড়িয়া পথের উপর ছড়াইয়া পড়িতেছে।

কচিপাতার মুহু গুল্লনের পাশে ঝরা পাতার করুণ কর্কশ ধনি মিলন-সঙ্গীতের কাছে বিদায়ের আর্তনাদেরই মত মনে হয়।

মধুর নয়। কিন্তু বিস্ত্রীই বা কি?

এটাই ত নিয়ম। প্রতিদিন পৃথিবীর বুকে ইহাই ত চলিয়াছে। কিরণের ভালই লাগিতেছিল।

ছাদের ওপর বসিয়া গন্ধার পানে তাকাইয়া আছে। গন্ধার ঘাটে পাথর-বোঝাই বড় বড় নৌকাগুলি আসিয়া লাগিয়াছে। একটা শূন্য করিয়া সমস্ত পাথর তীরে রাখিয়া আবার ভাসিল, আবার হয়ত পাথর লইয়া আসিবে।

এমনি করিয়াই হয়ত মাহুঘও একবার নৌকা বোঝাই করে, আবার শূন্য করিয়া দিয়া যায়। কিন্তু তার নৌকা হয়ত আর বোঝাই হইবে না, শূন্যই থাকিয়া যাইবে।

চাকর আসিয়া সংবাদ দিল—বামুন-ঠাকুরাণী আসিয়াছে।

আসে,—আসুক। কিরণ বসিয়াই রহিল।

বামুন-ঠাকুরাণীই উপরে উঠিয়া আসিল। কহিল,—তোমার সঙ্গে রাগ করেও থাকা যায় না, দুমাস অল্প

জায়গায় চাকরি করলুম, কিছু ভাল লাগলো না, আট টাকা মাইনে আর খাওয়া, হলে হয় কি? তোমাকে একলা কেলে কি থাকতে পারি?

কিরণ হাসিল। জরে যখন অচেতন্ত হইয়া পড়িয়াছিল, তখন সে একলা ফেলিয়াই চলিয়া গিয়াছিল। দুই মাসের কথা। এত শীঘ্র মাহুঘ ভোলে না। বলিল,—আমি ত অত মাইনে আর খোরাক দিয়ে আপনাকে রাখতে পারব না।

—মাইনে আমি চাই না।

কিরণের কানে অদ্ভুত শোনাইল, কথাটা বিশ্বাস হইল না। বলিল,—আপনি না চাইলেও আমি পারি না।

বামুন-ঠাকুরাণী সরেহে কহিল,—রাগ করেছ?

কিরণের গা জ্বালা করিতে থাকে।—আপনার ওপর রাগ করব? কেন? এমন রাগ আমার নেই।

বামুন-ঠাকুরাণীর মুখখানি ঘেন হঠাৎ অমাবস্তার মত অন্ধকার হইল। কিরণ তার মুখের পানে তাকাইয়া দেখিল, বলিল,—জগতে কারুর উপর আমার রাগ নেই, কিসের জন্ত রাগ করব?

বামুন-ঠাকুরাণী কহিল,—তোমার রাগ আমি চিনি না? না তোমাকেই চিন্তে পারি নি? সে যাক। তাড়িয়ে দিচ্ছ, দাও। কিন্তু আমার অবস্থা ভেবে দেখো, বলিয়া বামুন-ঠাকুরাণী ধীরে ধীরে ছাদ হইতে নামিয়া চলিয়া গেল।

কিরণ ডাকিল না। চূপ করিয়া বসিয়া রহিল।

কাহারও জন্ত কিছু ঠেকিয়া থাকে না।

কিরণের একলার জীবনযাত্রা কোথাও ঠেকে না। কিন্তু থাকা যায়। সেদিন ঘরে আসিয়া দেখিল ঘর খোলা, চাকর নাই, কোথায় উধাও হইয়াছে। কিছু টাকা এবং জিনিষপত্রও সরিয়া গিয়াছে।

তবু সবই ঠিক আছে, ঠিক রাখিতেই হয়। নিজের হাতেই রান্না, নিজের হাতেই বাসন-মাজা—সব।

রুপ বোধ হয় না।

সকালে আটটায় জানালা দিয়া প্রভাত দেখা দেয়, পথে সন্ধ্যা নামে, রাত্রি এগারটায় সন্দের আলোতে সন্ধ্যাদীপ জলে। হয়ত জলেও না।

সত্যই লক্ষীছাড়া হইয়া পড়িয়াছে।

কিন্তু মাছুষ লক্ষীছাড়া হয় কেন? কে করে?
নারী? নারী না হইলেই কি পুরুষের চলে না?

চলে না বোধ হয়।

কিন্তু কোনও বিশেষ একটি নারী না হইলেই যে
কোনো নরের জীবন অচল হইয়া থাকে, তাহাও হয়ত নয়।

স্বধামার কথাটা এ এই।

বামুন-ঠাকুরাণীও ইহাই বলিত।

কিরণ বুঝিতে পারে। মমতাকে ভুলিতে চেষ্টা করে,
কিন্তু ভোলা সহজ নয়। রাজ্রির অন্ধকারে মমতা
যেন তার মনে মুগ্ধিমতী হইয়া ওঠে। রাজ্রিগুলিই
স্বপ্নময়ী, স্বপ্ন লইয়া আসে। এক একটা রাজ্রি কিরণের
সম্মুখে এক একটা যুগের বিরহজর্জরিত বেদনা লইয়া
উপস্থিত হয়।

সন্ধ্যা হইলেই বিশ্রী লাগিতে থাকে, যতক্ষণ ঘুম
না আসে, ততক্ষণ সেই এক আচ্ছন্নতা।

বিছানায় শুইয়া লণ্ঠনের আলোতে পড়ে, পড়িতে
পড়িতে অন্তমনস্ক হইয়া স্বধামার কথাটা ভাবে।

একটি নারীর জন্ম একটা পুরুষের জীবন বার্থ হয়
না। কিংবা একটা পুরুষের জন্মও একটা নারী নিঃশ্ব
হইয়া পড়ে না। জীবনের যাত্রাপথে নরনারী প্রেমের
উপাদান হুড়াইয়া চলে, কোনটা রাখে, কোনটা-বা
ফেলিয়া যায়।

স্বধামার কথাগুলিতে সোজাছজি কোন সাঙ্ঘনা না
থাকিলেও সত্যের আশ্বাস-বাণী আছে। ভাল লাগে।

তার কাছে গিয়াই বসে।

গ্রীষ্মকাল। দিনের অসহ্য উত্তাপ রাজ্রির গায়েও
উষ্ণতা রাখিয়া যায়। ঘরে শোয়া যায় না, বাহিরে
ওইতে হয়।

কিরণ সেই খোলা ছাদে অশ্বখগাছের শাখাটার
নীচে একটা মাহুর পাতিয়া বালিশ মাথায় দিয়া শুইয়া
পড়ে। অশ্বখের শাখায় একটু একটু হাওয়া লাগে,
পাতাগুলি সেই হাওয়াটুকু হুড়াইয়া লইয়া কিরণের গায়
হুড়হুড় দেয়।

কোথায় কে যেন হতভাগ্যের জন্ম এতটুকু স্নেহ
বুকে করিয়া আছে, অসহায় মানব-সন্তানটিকে সে হয়ত
অবজ্ঞা করে না।

কিন্তু তামসী রাজ্রির দুঃস্বপ্নময় আচ্ছন্নতা কোথা
হইতে আসে, কল্লিত সংসারের দুয়ারে রিক্ত মাছুষটিকে
লইয়া মায়া সৃষ্টি করিয়া খেলিতে থাকে। সেদিনও
সেই খেলাই চলিয়াছে।

এই কল্পনায় মমতার আঁচল ওড়ে না। অন্তরের
অজানা আলেয়ে ঘে-নারীর অচেনা মুখ মাঝে মাঝে
মাছুষকেও আনমনা করিয়া ফেলে,—সেই নারীটি
যেন বাহির হইয়া আসিয়া তাহার সঙ্গে ভাব করে,
ভালবাসা দেয়, আর বাস্তব নারীর জন্ম মনটাকে লুপ্ত
করিয়া তোলে।

চোখে ঘুম নাই।

পাশের বাড়ীতেও বুঝি বা সেই অবস্থা।

খোলা জানালার ভিতর দিয়া একটি নারীমূর্তি
দেখা গেল, বোধ হয় জানালার ধারেই চুপ করিয়া
বসিয়া আছে।

ভিতরে যেন লণ্ঠনও একটা জলিতেছে, তারই আলো
নারীটির দেহের ও মুখের একপাশে পড়িয়াছে, ওদিকটা
রাজ্রির অন্ধকারে ঢাকা। অস্পষ্ট, তবু চেনা যায়।

কেন জাগিয়া আছে? উত্তরটা মনে মনেই
খোজে। হয়ত কাহারও প্রতীক্ষায়।

বিরহ? হইবেও বা।

কত অন্ধকার রাজ্রিই কত নরনারী একত্রে অনন্ত
বিরহ বেদনায় জাগিয়া থাকে,—কে কার খোজ রাখে?

অকারণেই যেন কিরণের মনে একটা পুলক দেখা
দিল—কবেকার পুরোনো একটা বিরহের স্মরণ মনের মধ্যে
সঞ্চার করিতে লাগিল, তাহারই গুণধ্বনি গান হইয়া
কণ্ঠ হইতে নামিয়া আসিল।

গানটি খামিতেই কিরণ শুনিত পাইল নারীটি চাপা-
কণ্ঠে গুনগুন করিয়া গাহিতেছে—

গানের কথাগুলি ভারি কল্পণ,—

—তোমার কণ্ঠে ওকি বেদনার স্মরণ,—হে বিরহী,
তোমার বাখা যেন জন্মন হইয়া আমার অন্তরকে

উদ্বেলিত করিয়াছে,—এই অন্ধকার ধরণীর হৃদয় বক্ষে কার
জন্ত কাঁদিয়া মর,—কে সেই নির্ভর প্রিয়া তোমাকে চির-
কামার তরঙ্গায়িত সায়ের ভাসাইয়াছে ?

এ যেন শুধুই গান নয়, গানের পেছনে একটা প্রাণও
হয়ত মুখ বাড়াইয়া আছে।

পরদিন প্রভাতে ঘুম ভাঙিতেই দেখে তরুণীটি স্নান
করিয়া আসিয়া ভিজা শাড়ীখানি ছাদে মেলিয়া দিতেছে।

চোখোচোখি হওয়ায় তরুণীটি হাসিয়া মুখ ফিরাইল
—আজ আর আত্মগোপন করিবার মত কোনই লক্ষণ
নাই, অতি পরিচিতের মত ভাব। শাড়ী মেলিয়া
দিয়া যাইবার সময় জিজ্ঞাসা করিল,—বামুনদিককে
আবার রাখতে পারেন কি ? লোকজন ছাড়া আপনার
কি করে চলবে ? কিরণ বিস্মিত হইয়া তার মুখের
পানে তাকাইয়া রহিল—হঠাৎ জবাব দিতে পারিল না।

তরুণীটি কহিল,—কি ভাবচেন ? বামুনদিকের
মুখেই সব শুনেছি—আশ্চর্য্য হবার কিছু নেই। বলুন,
রাখবেন ? আমার চেয়ে আপনারই দরকার বেশী,
বলেন ত আমি ছেড়ে দিতে রাজী আছি। পুরুষ মানুষের
কি রান্নাবান্না ঘরবাড়ি দেওয়া অতশত কাজ পোষায় ?

—পোষায় না সত্যি। কিন্তু না পোষালেও কার কি
আসে যায় ? তরুণীটি লজ্জিত হইল।

কহিল,—আপনার খুব কষ্ট হয়, তাই বলছিলুম, কিছু
মনে করবেন না।

কিরণ শুক একটু হাসিয়া মাথাটাকে বার-দুই এদিকে
ওদিকে নাড়িয়া কহিল,—না না, মনে করবার কিছু নেই,
থাকলেও সে আপনার উদারতার কথাই মনে করব।
কিন্তু কষ্ট ত পাটুনের জন্তে নয়, কষ্টের কথা বলে আর
কাজ কি !—বলিয়াই থামিল, তারপর কি ভাবিয়া
পুনরায় বলিল—একটা কথা, কিছু মনে না করেন ত
জিজ্ঞাসা করি। দেখছি আপনার খুব স্নেহ—আমার
সঙ্গে কোনো সংশয় নেই তবু আপনার কি টান—অথচ
আমি ত আপনাকে চিনি না—জানি না—

তরুণী হাসিয়া কহিল,—জেনে আপনার লাভ কি ?

লাভ ? কিরণ কহিল,—লাভ-লোকসানের কথা ছেড়ে
দিন, আজ সে কথা আলোচনা করে কল নেই।
জানতে ইচ্ছে হয়, এই। এর পর আর ত ইচ্ছা-অনিচ্ছার
কথা থাকবে না। আজই শেষ।

—কেন ?

—আর দেখা হবে না।

তরুণীটির মুখখানি শুক ফুলের মতই যেন স্নান ও
বিবর্ণ হইয়া গেল, কণ্ঠটিও ভিজিয়া উঠিল, কহিল,—কেন,
কেন দেখা হইবে না ?

কিরণ তার আত্ম চোখের পানে তাকাইয়া নিজেও
হয়ত আত্ম হইয়া গেল, বলিল,—এখান হতে চলে যাচ্ছি—
আর ফিরব না, দেনার দায়ে বাড়ী বিক্রী হয়ে গেছে,
দাঁড়বার জায়গা আর নেই—

তরুণীটির যেন কি হইল—মুখেও কথা নাই,
চলিয়া যাইবারও তাড়া নাই, জলভরা চোখে পথটার
পানে তাকাইয়া রহিল।

সন্ধ্যা ঘনাইয়া আসিল। কিন্তু কোথায় যাইবে কিছুই
ঠিক নাই, যাইতে হইবে ইহাই জানা আছে। এই বৃহৎ
সংসারের কোথাও কি এতটুকু ঠাই নাই, কিন্তু কোথায় ?

এই ঘর, ঘরের সংসার, বুধাই সব ; ফেলিয়া যাইতে
হইবে। লইয়া যাইবার জায়গা নাই।

বাক্স খুলিয়া মায়ের নাম লেখা বইখানা আর মমতার
মুখের একটুকরা ছবি বাহির করিয়া সঙ্গে লইল, ছয়ছাড়া
ঘরখানার পানে সন্নেহে একবার তাকাইয়া বইখানা ও
ছবির টুকরাটি বুকে চাপিয়া বাহির হইয়া পড়িল।

অজ্ঞাতের যাত্রা—নিভাস্তই দিশাহীন। তার কোনো
বাঁধাধরা পথ নাই।

যাইতে যাইতে অন্ধকার নগরীর পানে দুই হাত
তুলিয়া প্রণাম করিল, তারপর চোখ মুছিয়া অন্ধকারে
চলিতে লাগিল।

মহাকবি সূরদাস

শ্রীঅমৃতলাল শীল

পৃথিবীবাসী ধর্মসংস্কারের মহাযুগে যখন সমস্ত ভারতে হিন্দু-মুসলমান উভয় সম্প্রদায়ের নানাপ্রকার সংস্কার হইতেছিল, এবং ভারতের হিন্দুদের মধ্যে জ্ঞানমार्গকে পদদলিত করিয়া ভক্তি ও প্রেমমার্গ আপনার আধিপত্য স্থাপন করিতেছিল, সেই সময়ে প্রেমের অবতার চৈতন্যদেবের আবির্ভাবের সহিত বঙ্গদেশে বৈষ্ণব পদাবলী রচনার খণ্ডযুগ আরম্ভ হইয়াছিল ও পদাবলীর সাহায্যে সাহিত্যের উন্নতি হইয়াছিল। সে সময়ে যে কেবল বঙ্গদেশেই এরূপ হইয়াছিল তাহা নহে, যুক্ত-প্রদেশেও ভক্তি ও বৈষ্ণব ধর্মের প্রবল বন্তা আসাতে অনেকগুলি লক্ষপ্রতিষ্ঠ কবির উদয় হইয়াছিল। চৈতন্যদেব [১৪৮৬ হইতে ১৫৩৪ ঈশাব্দ] যখন পুরীতে বসিয়া মধুর রসের প্রেম বিলাইতেছিলেন, তখন তাঁহার সম-সাময়িক তৈলঙ্গী বিপ্রলোদ্যব বঙ্গভাচার্য্য [১৪৭৩ হইতে ১৫৩০ ঈশাব্দ] পুতুলিলা গঙ্গা-যমুনা সঙ্গমে বসিয়া বাৎসল্য রসের ভাণ্ডার উন্মুক্ত করিয়া দিয়াছিলেন। বঙ্গদেশে ও উড়িষ্যাতে যেমন “মহাপ্রভু” শব্দে চৈতন্যদেবকে বুঝায়, সেইরূপ এ অঞ্চলে “মহাপ্রভু” শব্দে বঙ্গভাচার্য্যকেই বুঝায়। বঙ্গভাচার্য্যের মৃত্যুর পর তাঁহার জ্যেষ্ঠপুত্র গোপীনাথ তাঁহার উত্তরাধিকারী হইলেন, কিন্তু অতি অল্প কাল মধ্যেই (১৫৩২ ঈ) তিনি মৃত্যুমুখে পতিত হইলে আচার্য্যের কনিষ্ঠপুত্র বিট্টলনাথ [জন্ম ১৫১৫, মৃত্যু ১৫৭৬ ঈ] সম্প্রদায় শাসন করিতে লাগিলেন। বঙ্গভাচার্য্য প্রয়াগের বেণীতীরে অর্যাল * গ্রামে বাস করিতেন, এখনও সেখানে গঙ্গা ও যমুনার তটের কাছে তাঁহার আশ্রম আছে। চৈতন্যদেব যখন বৃন্দাবনের ফেরৎ প্রয়াগে দশ দিবস (জাহ্নয়ারি : ৫১৬, সৌর মাঘ ২০ হইতে ২৩শে) বাসকালে রূপ

গোসাক্ষিকে শিক্ষা দিতেছিলেন, তখন তাঁহাকে বঙ্গভাচার্য্য এক দিবস নিমন্ত্রণ করিয়া এই আশ্রমে ভিক্ষা দিয়াছিলেন। এখন ঐ আশ্রম “মহাপ্রভুর গদী” নামে প্রসিদ্ধ। তিনি শেষ বয়সে কাশীতে বসিয়া প্রচার করিয়াছিলেন। তাঁহার পুত্র বিট্টলনাথ গুজরাট, কচ্ছ, রাজপুতানা ইত্যাদি দেশ পর্য্যটন করিয়া ১৫৬৪ ঈশাব্দ হইতে বৃন্দাবনের কাছে গোকুলে বাস করিয়াছিলেন, ও তাঁহার প্রধান গদী স্থাপন করিয়াছিলেন। সেইজন্ত তাঁহার বংশজরা এখনও “গোকুলে গোসাক্ষি” নামে প্রসিদ্ধ।

বঙ্গভাচার্য্য ও বিট্টলনাথ উভয়েই বৈষ্ণব পদ রচনা করিতে কবির উৎসাহিত করিতেন। তাঁহার পূর্বেই গুরু রামানন্দ রাম নামে উপাসনা ও বৈষ্ণব ভক্তিদর্ম প্রচার করিয়াছিলেন। তিনিই সর্বপ্রথমে ভক্তিমার্গ হইতে জ্ঞান-পুরুষ ও জ্ঞান-বিচার তুলিয়া দিয়া সর্ব জাতীয় শিষ্য করিয়াছিলেন। তিনি বলিতেন : -

জাত পাত পুছে নহি কোই।

হরিকো ভজে,সো হরি কা হোই।

তাঁহার বার জন প্রধান শিষ্যমধ্যে একজন মুসলমান, একজন চর্মকার, একজন রাজপুত, একজন জাট, একজন নাপিত, দুইজন স্ত্রীলোক ও পাঁচজন বিপ্র ছিলেন। ইহার মধ্যে মুসলমান বৈষ্ণব কবীর ও চর্মকার রবিদাস [রইদাস, কইদাস, কহিদাস] আপনারদের স্বতন্ত্র “পদ” স্থাপন করিয়াছিলেন। সে সময়ে তাঁহার জ্ঞানবিচার অমাত্র করিবার প্রভাব এত বেশী হইয়াছিল যে, রাজপুত-কুলগৌরব, মারবার নন্দিনী, মেবার বধু, রাজমহিষী স্বনামখ্যাতা ভক্তকবি মীরাবাই চর্মকার-নন্দন রবিদাসকে আপনার শিক্ষানাতা গুরু বলিয়া স্বীকার করিতে বিধা-বোধ করেন নাই।

রামানন্দী সম্প্রদায়ের মুখপাত্র কবি তুলসীদাস তাঁহার অমর গ্রন্থ সাহায্যে সমস্ত ভারতের হিন্দীভাষী

* চৈতন্যচরিতামৃতে ইহার নাম বোধ হয় ভ্রমক্রমে আঙী লেখা হইয়াছে।

রাম-উপাসক বৈষ্ণবদের এখনও শাসন করিতেছেন। রাম-উপাসকদের কবি যেমন তুলসীদাস, কৃষ্ণ-উপাসক বৈষ্ণবদের সেইরূপ, বা তদপেক্ষা উচ্চশ্রেণীর কবি সুরদাস। তুলসীদাস যেমন বাল্মীকীয় রামায়ণ হইতে মূল বিষয় লইয়া আপনার ইচ্ছামত “রামচরিত-মানস” ইত্যাদি পাঁচখানি গ্রন্থ রচনা করিয়াছেন, সুরদাস সেইরূপ ভাগবতের ছায়া অবলম্বন করিয়া শ্রীকৃষ্ণের জীবনের পুঙ্খানুপুঙ্খ বর্ণনা তাঁহার “সুরসাগরের” পদে করিয়াছেন। শ্রীকৃষ্ণের শৈশবের ঘটনাগুলি এমন হৃদয়গ্রাহী মধুর ও স্বাভাবিকভাবে বর্ণনা করিয়াছেন যে সেগুলি পড়িতে বসিলে মনে আনন্দের ঢেউ খেলিতে থাকে, এবং ঘটনাগুলি যেন চক্ষের সম্মুখে দেখিতে পাওয়া যায়।

সুরদাস সুর-সারাবলীর একস্থানে লিখিয়াছেন, “শিব বিধান তপ করেউ বহুত দিন, তউ পার নহি লীন।” ইহাতে বোধ হয় তিনি প্রথম বয়সে শৈব ছিলেন ও শৈবমতে বহুকাল তপস্যা করিয়াছিলেন। পরে, বরভাচার্য্যের প্রভাবে কৃষ্ণ-উপাসনা আরম্ভ করিয়াছিলেন। বিট্ঠলনাথ আপনার পিতার চারজন ভক্ত শিষ্য ও কবি সুরদাস, কুন্তনদাস, পরমানন্দ দাস, ও কৃষ্ণ দাস, এবং আপনার চারজন ঐরূপ শিষ্য ভীত স্বামী, গোবিন্দ স্বামী, চতুর্ভূজ দাস ও নন্দ দাসকে লইয়া এক কবি-সম্মেলন করিয়াছিলেন। সুরদাস বলিয়াছেন,—

থাপি গোসাঞি করি মেরি আঠ মধ্যে ছাপ

অর্থাৎ গোসাঞি কবিদের “অষ্ট ছাপ” স্থাপন করিয়া আমাকে তাহার মধ্যে রাখিলেন। এই অষ্ট ছাপের কবিমধ্যে প্রধানতম কবি সুরদাস ছিলেন। বিট্ঠলনাথ তাঁহাকে “সাগর” উপাধি দিয়াছিলেন অথবা আদর করিয়া সাগর বলিয়া ডাকিতেন, সেইজন্ম তিনি এই নামেও প্রসিদ্ধ হইয়াছেন। মহাকবি সুরদাস সত্বে পরবর্ত্তী কালের কোনো সমালোচক বলিয়াছেন,—

সুর সুর, তুলসীদাস, উড়গণ কেশবদাস।

অব কে কবি ধন্যোতম, কহি কহি কর্যা প্রকাশ।

অর্থাৎ কবিদের মধ্যে সুরদাস সর্বাধিক, তুলসীদাস চন্দ্রসম ও কেশবদাস তারাসম। এখনকার অল্প কবিরা ধন্যোৎ-

সম, মধ্যে মধ্যে বা কোথাও কোথাও একটু উজ্জল হইয়া ওঠেন আবার নিবিয়া যান।

সুরদাসের জীবন সম্বন্ধে বেশী কথা জানা নাই, কেননা আমাদের দেশে কবিদের জীবনী সংগ্রহ করার নিয়ম কোনকালে ছিল না। কবির কবিতা পড়িয়া তাঁহার ভাবে মুগ্ধ হইয়াই ভারতবাসীরা তৃপ্ত, কবির জীবনী জানা প্রয়োজনীয় মনে করে না। কবির চরিত্র পূত কি দূষিত, ভারতবাসী তাহার বিচারে প্রবৃত্ত হয় না, সে কেবলমাত্র তাহার অমৃতময় বাণী শুনিতে চাহে। পাশ্চাত্য প্রথা অনুসারে আধুনিক কবিদের জীবনের খুঁটিনাটি ঘটনা লেখা হইতেছে, কিন্তু আমাদের প্রাচীন কবি সম্বন্ধে আমরা নাম ছাড়া বেশী কিছু জানি না। সংস্কৃত-সাহিত্যে এমন অনেক কবিতা আছে যাহার রচয়িতার নামও জানা নাই। কবি কালিদাসের নাম পৃথিবীর সকল সভ্য ও শিক্ষিত সম্প্রদায়ের সকলে শুনিয়াছে, তাঁহার কাব্যের রসগ্রহণও অনেকে করিয়াছেন, কিন্তু তিনি কোন্ দেশবাসী ও কোন্‌কালে জন্মগ্রহণ করিয়াছিলেন তাহাও নিশ্চয়রূপে জানা নাই। ইহা ছাড়া সুরদাস বৈষ্ণব-ভক্ত ছিলেন ও বৈষ্ণবদের মত বিনয়ী ছিলেন, তিনি স্বয়ং কখনও আপনার কীর্তি বা যশ প্রকাশ করিতে ইচ্ছুক হন নাই, অল্প ভক্ত লেখকরাও সে-সকল কথা লেখেন নাই বা লেখা প্রয়োজনীয় মনে করেন নাই। তবে, এ প্রদেশে সুরদাস সম্বন্ধে নানা প্রবাদ এখনও মুখে মুখে শুনিতে পাওয়া যায়, সেগুলি ঐতিহাসিক না হইলেও একেবারে ভিত্তিশূন্য নহে।

সুরদাসের সমস্ত পদগুলি আজ পর্য্যন্ত একত্র হয় নাই। যাহা সংগ্রহ করা হইয়াছে তাহাতে একখানি প্রকাণ্ড পুস্তক হইয়াছে। এখনও এ অঞ্চলের সাহিত্যিকরা সংগ্রহ করিবার চেষ্টা করিতেছেন। তাঁহার জীবনী সম্বন্ধে নিশ্চয়রূপে অতি অল্প কথাই জানা গিয়াছে। ভিন্ন ভিন্ন সাহিত্যিকরা সুরদাসের জীবনী সংগ্রহ করিবার চেষ্টা করিয়াছেন, কিন্তু প্রায় দেখা যায় যে, সারস্বত ব্রাহ্মণ সংগ্রহকারী তাঁহাকে সারস্বত ব্রাহ্মণ,

ও কনোজিয়া ব্রাহ্মণ লেখক তাঁহাকে কনোজিয়া ব্রাহ্মণ প্রমাণ করিবার চেষ্টা করিয়াছেন, অর্থাৎ অনেকেই এই প্রসিদ্ধ ভক্ত-কবিকে আপনার জাতির লোক প্রমাণিত করিবার চেষ্টা করিয়াছেন। মারবার (যোধ্যপুর) ইতিহাস-বিভাগের রাজকর্মচারী কায়স্থ-কুলোদ্ভব স্বর্গীয় মুনশী দেবীপ্রসাদ “বংশাংশু” রাজপুতানার ইতিহাস সম্বন্ধে একজন সচল এনসাইক্লোপিডিয়া ছিলেন। তিনি জীবনব্যাপী অহুসঙ্কানে অনেক সত্য আবিষ্কার করিয়া গিয়াছেন। তিনি কবি হরদাস প্রণীত একটি পদ “দৃষ্টিকূট” নামক গ্রন্থে খুজিয়া পাইয়াছেন, ও তাহাকে প্রাক্ষিপ্ত সন্দেহ করিবার কারণ খুজিয়া পান নাই। তাহাতে কবি আপনার বংশ-পরিচয় লিখিয়াছেন, অতএব এই পরিচয়ই বিশ্বাস্য বোধ হয়। দেবী-প্রসাদ এই কবিতা প্রকাশিত করিলে গ্রিয়রসনও ইহাকে হরদাসের রচনা বলিয়া স্বীকার করিয়াছেন। কবি স্বয়ং লিখিয়াছেন,—

চোহান-সম্রাট পৃথ্বীরাজের সভাতে “ব্রহ্ম ভট্ট” বা “রাও” অর্থাৎ ভাট-জাতীয় বরদাই কবি চন্দ রাজসভাসদ ও রাজকবি ছিলেন। সম্রাট তাঁহাকে জালা দেশ [পঞ্জাবের আধুনিক জলন্ধর জেলায় জালামুখী পর্বতের চারিদিকের দেশ] দান করিয়াছিলেন, ও তাঁহার জ্যেষ্ঠ পুত্রকে সেখানকার রাজা করিয়া দিয়াছিলেন। চন্দের চার পুত্রমধ্যে দ্বিতীয় পুত্র গুণচন্দ্র, তাঁহার পুত্র শীলচন্দ্র, তাঁহার পুত্র বীরচন্দ্র পৃথ্বীরাজের বংশধর, রণধর্মের রাজা বীরবর হাম্মীরের বাল্যসূচর ছিলেন। “তাহ বংশ অনুপ ভয়ে হরিচন্দ্র অতি বিখ্যাত।” অর্থাৎ তাঁহার বংশে অতি বিখ্যাত হরিচন্দ্র জন্মগ্রহণ করিয়াছিলেন, তিনি আগ্রাতে আসিয়া বাস করিয়াছিলেন। এখানে বীরচন্দ্রের কয় পুরুষ পরে হরিচন্দ্র তাহা লেখা নাই, কিন্তু দু-এক পুরুষের বেশী হইবে না, কেননা, হাম্মীর যুবক অবস্থায় ১৩০১ ঈশাব্দে অলাও-উদীন খিলজীর সহিত যুদ্ধে নিহত হইয়াছিলেন, ও হরদাসের জন্ম ১৫০০ ঈশাব্দের কাছাকাছি কোনো সময়ে হইয়াছিল। যাহা হউক, হরিচন্দ্রের পুত্র বীর রামচন্দ্র গোপাচলে [গোয়ালিয়রে] বাস করিয়াছিলেন। রামচন্দ্রের সাতপুত্র উৎপন্ন হইয়া-

ছিল, প্রথম ছয় পুত্র কৃষ্ণচন্দ্র, উদারচন্দ্র, রূপচন্দ্র, বুদ্ধিচন্দ্র, দেবচন্দ্র ও সংসৃতচন্দ্র দেশের রাজা লোদী পাঠানদের অধীনে যোদ্ধা ছিলেন, বিদেশী আক্রমণকারী মোগল বাবরের সহিত যুদ্ধে তাঁহারা সকলেই বীরগতি প্রাপ্ত হইয়াছিলেন।

সো সময় করি শাহিসেবক, গয়ে বিধি কে লোক।

রহে হরজচন্দ্র, দৃগুর্ভে হীন, ভর বর শোক ॥

কেবল সর্বকনিষ্ঠ দৃষ্টিহীন হরজচন্দ্র [বা হরদাস] শোকাবল হইয়া জীবিত রহিলেন।

গোপাচল বা গোয়ালিয়র সেকালে সঙ্গীত-বিদ্যায় কেন্দ্র ছিল, বোধ হয় রামচন্দ্র এই বিদ্যাতে পারদর্শী হইবার আশাতেই সেখানে বাস করিয়াছিলেন। তিনি ইহার পর উচ্চশ্রেণীর গায়করূপে প্রসিদ্ধ হইয়াছিলেন। রামচন্দ্র বৈষ্ণবধর্মে দীক্ষিত হইয়া রামদাস নাম গ্রহণ করিয়াছিলেন। আইন-ই-আকবরীতে আবুলফজল তাঁহাকে “বাবা রামদাস গোয়ালিয়ারী, গোয়েন্দা” লিখিয়াছেন। গোয়েন্দা অর্থে “গায়ক”। সম্ভবতঃ তিনি সাধুদের মত জীবনধারণ করিতেন বলিয়া লোকে “বাবা রামদাস” বলিত, কিংবা অতিবুদ্ধ ছিলেন বলিয়া লোকে সম্মান করিয়া “বাবা রামদাস” বলিত। এ প্রথা এ অঞ্চলে এখনও প্রচলিত আছে। আকবরের সময়ের প্রসিদ্ধ ঐতিহাসিক বদাউনীও তাঁহার উল্লেখ করিয়াছেন। যাহা হউক রামচন্দ্রের সপ্তম ও সর্বকনিষ্ঠ পুত্রের নাম স্বর্ধ্যচন্দ্র, স্বর্ধ্যদাস, হরদাস বা হরশ্যাম, এই চার প্রকারে কবির নাম ভিন্ন ভিন্ন স্থানে পাওয়া যায়।

হরদাস অন্ধ ছিলেন, তিনি ঐ পদে লিখিয়াছেন, আমার ছয় ভ্রাতা বীরগতি প্রাপ্ত হইলেন, কেবল আমি অন্ধ, শোক করিতে বাঁচিয়া রহিলাম।

পেরা কূপ, পুকার কাহু গুনি না সংসার।

সাতরে দিন আর বহুগতি কান আপ উদ্ধার ॥

একদিন আমি কূপে পড়িয়া গিয়াছিলাম, পড়িয়া অনেক চোঁটাইলাম, কিন্তু কেহ শুনিতে পাইল না। সপ্তম দিবসে স্বয়ং ভগবান যদুপতি আসিয়া আমাকে উদ্ধার করিলেন। এ পদের এরূপ অর্থও হইতে পারে, যে, আমি সংসার-রূপ কূপে পড়িয়াছিলাম, আমি অনেক কাঁদিলাম, কিন্তু সংসার আমার ডাক শুনিল না, তখন

আর্ন্ত হইয়া ভগবানকে ডাকিতে লাগিলাম । সপ্তম দিবসে,
অর্থাৎ শেষে স্বয়ং ভগবান আমাকে উদ্ধার করিলেন ।

দিয়ো চখ, দ্যা কহি শিশু শুন মাপ বর যো চাই ।

হৌ কলী প্রভু ভকতী চাহত, শক্র নাশ হতাই ।

তিনি আমার চক্ষু দান করিলেন, ও বলিলেন, “রে
শিশু, শুন, আপনার ইচ্ছামত বর চাও ।” অথবা তিনি
আমাকে জ্ঞান-চক্ষু দান করিলেন ও বর চাহিতে আজ্ঞা
করিলেন । আমি বলিলাম, “প্রভু, আমি ভক্তি চাই ও
আমার শক্রনাশ হউক ।”

ভুলের ন রূপ দেখৌ দেখি রাখেছাম ।

শুনত করুণাসিন্ধু ভাবী, “এবমন্ত” হুশাম ।

“আমি রাধাশ্রাম রূপ দর্শন করিয়া সেই চক্ষে আর
অন্ত কোন রূপ দেখিতে চাহি না । এই কথা শুনিয়া
করুণাসিন্ধু ভগবান আমার উচ্চা পূর্ণ করিয়া বলিলেন,
“এবমন্ত” । তিনি আমার শক্রনাশ সম্বন্ধে বলিলেন,—

প্রবল দক্ষিণ বিপ্রকুল তে’ শত্রু হইহে নাশ ।

দক্ষিণ দেশের প্রবল বিপ্রকুলের হাতে তোমার শত্রু
নাশ হইবে । [সুরদাসের ভ্রাতৃভাতী শক্র মোগল-
রাজবংশ এ ঘটনার ও রচনার বহুকাল পরে দক্ষিণাত্যের
বিপ্রকুলোদ্ভব প্রবল পেশোয়ারদের হাতে লাক্ষিত ও
বিস্বস্ত হইয়াছিল । অথবা, তাহার অজ্ঞান-রূপ শত্রু
দক্ষিণ-দেশীয় বিপ্রকুলোদ্ভব গুরু বরভাচার্য্য নাশ
করিয়াছিলেন ।]

ভগবান আমাকে বর দিয়া বলিলেন,—

অকৃত বুদ্ধি বিচার বিদ্যা মান মানো সাঙ্গ ।

তোমার অক্ষয় বুদ্ধি, বিচার-শক্তি, বিদ্যা ও মান
হইবে । তাহার পর

নাম রাধো মোর সুরজদাস, সুর, হুশাম ।

আমার নাম রাখিলেন, সুরজদাস (সুখদাস), সুর,
ও হুশাম । তাহার পর তিনি অন্তর্দান করিলেন, আমি
ব্রজে বাস করিতে লাগিলাম । কিন্তু এই কবিতার
সহিত তাহার “সুরশারাবলী”র অন্ত স্থানের উক্তির
[শিব বিধান তপ করেউ বহুত দিন] ঠিক সামঞ্জস্য
হয় না । এ কবিতাম্বারে তিনি শিশুকাল হইতেই
‘বহুপতি’ উপাসক, ‘বহুত দিন’ শিব বিধান তপ’ আর
হয় না ।

এই পদ আবিষ্কৃত হইবার বহুকাল পূর্বের একটি
প্রবাদ আছে, যে, সুরদাস বাল্যে চক্ষুহীন ছিলেন না ।
প্রথম যৌবনে তিনি এক মন্দিরে একটি পরমাত্মনরী
যুবতী পূজারীগকে দেখিয়া মুগ্ধ হইয়াছিলেন । তিনি
তাহাকে অনেককাল পলকহীন নেত্রে দেখিতে লাগিলেন ।
যখন পূজারিগী মন্দির ত্যাগ করিয়া গৃহে যাইতে
লাগিল, সুরদাসও তাহার পশ্চাৎ পশ্চাৎ যাইতে
লাগিলেন । সে আপনার গৃহের নিকট পৌছিয়া,
সুরদাসের কাছে আসিয়া কঠোরভাবে বলিল, “তুমি
ব্রাহ্মণ-কুমার ও বিদ্বান বোধ হইতেছে, কি উদ্দেশে
আমার পশ্চাতে পশ্চাতে আসিয়াছ ?” সুরদাস লজ্জিত
হইয়া বলিলেন, “একটি ভিক্ষা করিতে আসিয়াছি, দিবে
কি ?” যুবতী বলিল, “যদি দিবার মত হয়, নিশ্চয় দিব,
কি চাও বল ।” সুরদাস বলিলেন, “দেখ, আমার এই
দুইটি চক্ষু আমার পরম শত্রু, ইহার আমাকে অধর্মের ও
নরকের পথে টানিয়া লইয়া যাইতেছে, আমি ভিক্ষা
করিতেছি, তুমি একটি ছুঁচ আনিয়া আমার চক্ষু দুটি
অন্ধ করিয়া দাও ।” সেই সময় হইতে তিনি অন্ধ ।

বিষমদল সম্বন্ধে অনেকটা এইরূপ গল্প বাকালী
লেখকরা কল্পনা করিয়াছেন । বোধ হয় একরূপ প্রবাদ
আরও অন্ত সাধু, বিশেষতঃ অন্ধ সাধু সম্বন্ধে আছে ।
অতএব ইহার কোনো ঐতিহাসিক ভিত্তি আছে বলিয়া
বোধ হয় না, তবে সুরদাস নামের সহিত অন্ধত্বের
এত ঘনিষ্ঠ সম্বন্ধ হইয়া গিয়াছে যে যুক্তপ্রদেশে লোকে
অন্ধ, বিশেষতঃ অন্ধ গায়ক ও সাধুকে [সে ধনবান
হউক বা ভিখারী হউক] সুরদাস বলিয়া সম্বোধন
করিয়া থাকে ।

যাহা হউক, দিল্লীর নিকট সিহী গ্রামে ব্রহ্মভট্ট বা
ভাট কুলে সুরদাস জন্মগ্রহণ করিয়াছিলেন । অন্ত এক
প্রবাদ আছে যে, তিনি আগরা হইতে নয় কোশ দূরে
মথুরার পথে, যমুনাতীরে গউঘাট নামক গ্রামে বাস
করিতেন । তিনি জন্মাক হউন বা না হউন, তিনি যে
বিদ্বান ছিলেন তাহাতে সন্দেহ নাই । তিনি সংস্কৃত-
সাহিত্য, ব্যাকরণ, কাব্য, অলঙ্কার জানিতেন, পুরাণে
তাহার ভাল জ্ঞান ছিল । ইহা ছাড়া তিনি

ফার্সী ভাষাও অল্প-বিস্তর জানিতেন। তাঁহার বাল্যাবস্থায়, অথবা জন্মের কিছু পূর্বে, যুক্তপ্রদেশের ও পঞ্জাবের হিন্দুরা—বিশেষতঃ কায়স্থ ও খেত্বীরা—লোদী সম্রাটদের উত্তেজনা ফার্সী ভাষা শিক্ষা করিতে আরম্ভ করিয়াছিল, ও রাজসরকারে লেখকদের পদে নিযুক্ত হইতে আরম্ভ করিয়াছিল। এইরূপ ফার্সী-শিক্ষিত হিন্দু যুবকদের মধ্যে আকবরের রাজস্ব-বিভাগের মন্ত্রী ও সেনাপতি খেত্বী-কুলোদ্ভব রাজা টোডর মল্ল টম্রন লর্দাপেক্ষা বেশী উন্নতি লাভ করিয়াছিলেন। আকবরের মোগল-সামন্তরা আপনার আপনার জায়গীরের হিসাব রাখিতে হিন্দু দেওয়ান নিযুক্ত করিতেন। ইহার পূর্বে মুল্লের ভাষা শিক্ষা করিয়া সমাজে পতিত ও অপবিত্র হবার ভয়ে ব্রাহ্মণরা, মসিদ্বারা জীবিকা অর্জন করিয়া বীরঘনাশের ভয়ে অসিজীবী কৃত্তিররা ফার্সী ভাষা শিক্ষা করিতেন না। অল্প জাতীয় লোকেও আপনার আপনার জাতীয় ব্যবসায় লইয়াই সন্তুষ্ট থাকিত। “স্বধর্মো নিবনং শ্রেয়ঃ পরধর্মো ভয়াবহঃ” উক্তির সমর্থন করিতে সকলে ব্যস্ত থাকিত। একান্ত নিরুপায় না হইলে কেহ চাকরি করিতে চাহিত না, চাকরিকে সকলেই দাসত্ব, কষ্টকর ও হীন ব্যবসায় মনে করিত। অতএব রাজসরকারের লেখকদের কাজ বিদেশী ইরানীদের একচেটে ছিল। বিদেশী বলিয়া তাহাদের যেমন বেশী বেতন দিতে হইত, সেইরূপ তাহারা এ কাজে দক্ষ, ও প্রকাশ্যে উৎকোচ বা নজরানা গ্রহণ করিতে সিদ্ধহস্ত ছিল।

তিনি “স্বসারাবলী” পুস্তক সমাপ্ত করিয়া লিখিয়াছেন—

শুধু প্রসাদ হোং ইয়হ দরদন, সরসটি বরস প্রবীণ

অর্থাৎ ৬৭ বৎসর বয়সে এই পুস্তক শেষ করিলাম। এই গ্রন্থখানি তাঁহার বৃহত্তম গ্রন্থ “স্বসাগরের” সংক্ষিপ্ত সংস্করণ। ইহার পর, তিনি স্বসাগরের কতকগুলি কুট পদ একত্র করিয়া “সাহিত্য-লহরী” নামে প্রকাশিত করিয়াছিলেন। সাহিত্য-লহরীর প্রণয়ন-কাল যে-সম্রাটের বাক্ত করিয়াছেন তাহা দেখিয়া অনেকে ১৬০৭ সন্থে স্থির করিয়াছেন, কিন্তু আমার বিবেচনায় তাহার পাঠে কিছু ভুল আছে, একটু পরিবর্তন করিলে বা লেখার সামান্য ভুল থাকিলে সন্থ

১৬৩৭ দাঁড়ায়, ও অল্প ঐতিহাসিক ঘটনার সহিত অনেকটা মিলিয়া যায়। ১৬৩৭ ঠিক হইলে, ও সে সময়ে ৬৭ বৎসর বয়স হইলে তাঁহার জন্মকাল ১৫৭০ সন্থে অথবা ১৫১৩ দৈশাব্দ হয়। কিন্তু এরূপ স্লোকে তিথি নক্ষত্র থাকিলেও ঠিক সময় জানা যায় না, কেন না একখানি পুস্তক রচনা করিয়া তাহাতে তারিখ দিয়া প্রকাশকের হাতে তুলিয়া দিবার প্রথা সেকালে ছিল না। পুস্তক শেষ হইবার ও তারিখের স্লোক-রচনার পরও যতকাল কবি রচনাক্ষম বা জীবিত থাকিতেন, পুস্তকের পরিবর্তন ও পরিবর্দ্ধন চলিত, কিন্তু তারিখ আর বদলান হইত না। কবি বিহারীলাল প্রণীত “সতসঙ্গ” ইহার উৎকৃষ্ট উদাহরণ। ঐ পুস্তকখানি শেষ হইয়াছে সন্থে ১৭১২ চৈত্র কৃষ্ণাষ্টমী সোমবার [মার্চ . ৬৬৩ ঐ] কিন্তু তাহাতে ১৬৬৭-৬৮ দৈশাব্দের ঘটনা বর্ণিত আছে। অতএব ১৬৩৭ সন্থতে যে তাঁহার ৬৭ বৎসর বয়স ছিল তাহা নিশ্চয়রূপে বলা যায় না।

স্বদাসের গুরু বল্লভাচার্য্য শেষবয়সে কয়েক বৎসর কালীতে ছিলেন। তিনি বৃন্দাবন বাসকালে ১৫২৮ দৈশাব্দের পূর্বে স্বদাসকে দীক্ষিত করিয়া থাকিবেন। তিনি ১৫৩০র শেষে বা ১৫৩১ আরম্ভে দেহ-রক্ষা করিয়াছেন। ১৫১৩ স্বদাসের জন্ম হইলে দীক্ষার সময়ে ১৫ বৎসরের বেশী বয়স হয় না; অতএব “শিব বিধান তপ করেউ বহুত দিন” এই কথার অর্থ হয় না। আবার ১৬০৭ ঠিক হইলে তাঁহার জন্ম ১৪৮৩ দৈশাব্দে হয়। বেরমের সময়ে (১৫৬০ দৈশাব্দে) তাঁহার বয়স ৭৭।৭৮ হয়। তিনি আপনার পিতার সপ্তম ও শেষ পুত্র, অতএব সে সময়ে তাঁহার পিতা বাচিয়া থাকিলে তাঁহার বয়স এক শত হইতে অনেক বেশী হইয়া যায়। ওরূপ বৃদ্ধের গান শুনিয়া লক্ষ টাকা দান করা বিশ্বাস হয় না। অতএব এ সকল উক্তির সামঞ্জস্য হইতেছে না।

আবুলফজল লিখিত আইন-ই-আকবরীতে আকবরের সময়ের কবি, সাধু, গায়ক, বাদক ইত্যাদির নামের তালিকা আছে, কিন্তু তাহাতে কেবল এরূপ লোকেরই নাম আছে যাহারা রাজকোষ হইতে কোনপ্রকার বৃত্তি পাইত। ঐ তালিকাতে তুলসীদাসের নাম নাই, কিন্তু

আকবর যে তুলসীদাসের অস্তিত্বের সংবাদ রাখিতেন তাহার নানা প্রমাণ আছে। তুলসীদাস আকবরের সেনাপতি আবদুল রহীম খানখানার বন্ধু ছিলেন। রহীম খানখানার স্বয়ং হিন্দী ভাষার একজন বড় কবি ছিলেন ও কবিদের সন্ধান রাখিতেন। আইন-ই-আকবরীতে সূরদাসের পিতার নাম “বাবা রামদাস গোয়ালিয়ারী, গোয়েন্দা” ও সূরদাসের নাম “সূরদাস, পিসর বাবা রামদাস গোয়েন্দা” এইরূপে লেখা আছে, অর্থাৎ উভয়ের নাম গায়ক-শ্রেণীমধ্যে পাওয়া যায়। প্রবাদ আছে, যখন বুদ্ধ বয়সে তিনি ত্যাগী সাধুরূপে বৃন্দাবনে বাস করিতেন, বিষয়ীদের কাছেও যাইতেন না, তখন আকবর বাদশা স্তূথ্যতি শুনিয়া তাঁহাকে ডাকাইয়া পাঠাইয়াছিলেন, কিন্তু তিনি যাইতে অস্বীকার করিলেন। বৃন্দাবনের মুসলমান-শাসনকর্তা তাঁহাকে বলিলেন, “আপনি সাধু, সম্রাট আপনার কিছুই করিতে পারিবেন না, কিন্তু আপনি না যাইলে আমার চাকরি যাইবে, আমার অন্ন মারিবেন না।” তিনি জিজ্ঞাসা করিলেন সম্রাট কেন যাইতে বলিয়াছেন। শাসনকর্তা আজ্ঞাপত্র দেখাইলেন, তাহাতে এইমাত্র লেখা ছিল, “শুনিয়াছি বৃন্দাবনে সূরদাস নামে ভাল কবি ও গায়ক বাস করিতেছেন, তাঁহাকে আমার কাছে পাঠাইবে।” ইহার পর পাকী ঘোড়া ইত্যাদি যে যান-বাহনের প্রয়োজন হয় তাহার ব্যবস্থা করিবার আজ্ঞা ছিল। সূরদাস ফতেপুর-সীকরীতে আসিয়া সম্রাটের সহিত দেখা করিলেন। বাদশা গান শুনিতে চাহিলে তিনি তানপুরা সঙ্গতে মুখে মুখে রচনা করিয়া গান ধরিলেন,—

সীকরী মেঁ কথা ভগৎ কো কাম ?
 আওৎ যাং পনইয়েঁ কাটা, ভুল গয়ো হরিনাম ॥
 জা কো মুখ দেখে হোয় পাতক, তাকো কয়ো পরনাম ॥
 কির কতয়ে এইনী জিন করিও, সূরদাস কে স্থান ॥
 সীকরী মেঁ কথা ভগৎ কো কাম ?
 কহা ভগৎ কো কাম ?

সীকরীতে ভক্তের কি প্রয়োজন ? যাইতে আসিতে জুতা ছিড়িল যাত্র, ও হরিনাম ভুলিয়া গেল। যাহার

মুখদর্শনে পাতক হয়, তাহাকে প্রণাম করিতে হইল।
 হে সূরদাসের শ্রাম, আর কখন এমন করিও না।
 সীকরীতে ভক্তের কি প্রয়োজন ? এই গান গাহিবার
 সময়ে তিনি যেমন প্রাণ চালিয়া বাহুজ্ঞানশূন্য
 হইয়া গাহিয়াছিলেন, সেইরূপ বাদশা ও সভাসদরা
 নিস্তব্ধ ও বাহুজ্ঞানশূন্য হইয়া শুনিছিলেন। গান
 শেষ হইলেও কিছুক্ষণ সকলে নিস্তব্ধ ছিলেন, পরে
 বাদশা বলিলেন, “আমি পূর্বে তোমার দুইটি গুণের
 কথা শুনিয়াছিলাম যে, তুমি ভাল কবি ও ভাল গায়ক,
 আজ দেখিলাম, তোমার আর একটি গুণ আছে, তুমি
 ভাল ফকীর [সাধু] ও বটে।” বাদশা তাঁহাকে এক-
 শতী “মনসব” পুরস্কার দিলেন। একশতী মনসবের
 তিনটি শ্রেণী ছিল, তাহার মাসিক বেতন ৫০০, ৬০০ ও
 ৭০০ টাকা। মনসবদাররা সময়-বিভাগের কর্মচারী-
 রূপে গণিত হইত। একশতী মনসবদারকে যুদ্ধের
 জন্ত দশটি * ঘোড়া, তিনটি হাতী, দুইটি উট ও পাচটি
 ভারবাহী বলদের গাড়ী রাখিতে হইত, যুদ্ধের সময়ে
 তাহারা সম্রাট-নিযুক্ত সেনাপতির অধীনে যুদ্ধ করিত,
 কিন্তু সাধুদের এসকল রাখিতে হইত না, তাহারা
 বেতনের পুরা টাকা পাইত। সূরদাস বলিলেন, “আমি
 ভিখারী সাধু, আমি এ মনসব কি করিব ? আমি লইব
 না।” আকবর হাসিয়া বলিলেন, “আমি বুঝিয়াছি
 তুমি প্রকৃত সাধু, তোমার অর্থের প্রয়োজন নাই, সেই-
 জন্ত লইতেছি না। তুমি সাধু বলিয়া সাধুর গর্ব ত্যাগ

* একশতী মনসবদারকে রাখিতে হইত—দুইটি ইরাকী,
 দুইটি মুজরিন, দুইটি তুর্কী, দুইটি ইরাব [ছোট ঘোড়া, টাট]
 ও দুইটি তাজী বা আরব-দেশীয় ঘোড়া, দশটি ঘোড়াতে দশজন
 অঝরোহী সৈনিক যুদ্ধের অস্ত্রশস্ত্র সহিত। তিনটি হাতী—একটি
 সাগা [সাধারণ] ও একটি বাখোলা [মাঝারী] ও একটি
 করহা [ছোট]। প্রত্যেক হাতীতে তিনজন লোক, একজন
 ঘোড়া অস্ত্রশস্ত্র সহ একজন সাহু ও একজন বর্ধাধারী সেবক।
 করহা বা ছোট হাতী প্রায় ভারবহন করিত। দুইটি সাধারণ উট,
 প্রত্যেক উটের সহিত একজন লোক। পাঁচটি অরাবা, অর্থাৎ
 ভারবাহী বলদের ছ্যাকড়া গাড়ী। প্রত্যেক গাড়ীর সহিত দুইটি
 বলদ ও একটি লোক। ইহাদের বেতন দিয়া যাহা বাঁচিত, তাহা মন-
 সবদারের বেতন। [আইন-ই-আকবরী]। এ নিয়ম কিছু পরিবর্তিত
 আকারে হায়দরাবাদে পুর্বে ছিল, এরূপ সেনাকে Irregular Army
 (বেকদার কোশ) বলিত, এখন আর নাই।

করিতেছ না; কিন্তু আমিও বাদশা, আমি বাদশার মান ছাড়িব কেন? তোমাকে এ মনসব লইতে হইবে, তবে তোমার অর্থের যদি প্রয়োজন না থাকে, তুমি দান করিও।”

এই গান সম্বন্ধে নানা প্রবাদ আছে। এক প্রবাদ মতে বাদশা তাঁহাকে গান গাহিতে বলিলে তিনি, “মন রে, কর মনসবসে শ্রীতি” গান ধরিলেন। সভাসদরা বলিলেন, “ও নহে, রাজার গুণবর্ণনা করিয়া একটি গান গাও।” সুরদাস মুখে মুখে নতুন গীত রচনা করিয়া গাহিতেন, পূর্বরচিত গীত এমন অবস্থায় গাহিতেন না। তিনি দ্বারিকাতে রাজবেশে শ্রীকৃষ্ণের বর্ণনা করিয়া একটি গান গাহিলেন। সভাসদরা আবার বলিলেন, “ও হইল না, তোমার সম্মুখে সম্রাট বসিয়া, তাঁহার গুণ-বর্ণনা করিয়া একটি গান গাও।” কিন্তু সুরদাস মৌন ধারণ করিয়া বসিয়া রহিলেন। সুরদাসের সঙ্গী সেবক বা শিষ্যেরা বলিলেন, “সুরদাসজী সাধু হইবার পর ভগবানের গুণগান ছাড়া আর কাহারও গুণকীর্তন করেন নাই।” আকবর এই কথা শুনিয়া সন্তুষ্ট হইলেন, আর পীড়ন করিলেন না।

এই গল্পে বোধ হইতেছে, যে, সুরদাস ১৫৭৪ ও ১৫৮৩ খ্রীশাব্দের মধ্যে বাচিয়াছিলেন, কেন না কতেপুর-সৌকরী ১৫৭৩ হইতে ১৫৮৩ পর্য্যন্ত রাজধানী ছিল, ও ১৫৭৪ খ্রীশাব্দে মনসব-রীতি স্থাপিত হইয়াছিল। এ সময়ে তাঁহার বৃদ্ধাবস্থা, কিন্তু জয় বা যত্নের ঠিক সময় জানা নাই। ইহার পর কোনো সময়ে সুরদাস গোকুলে দেহরক্ষা করিয়াছিলেন।

সুরদাস প্রথম বয়সে, শৈব থাকা কালে, নল-দময়ন্তীর গল্প কবিতায় লিখিয়াছিলেন, কিন্তু এখন সে পুস্তক পাওয়া যায় না। পরিণত বয়সে বৈষ্ণবধর্মে দীক্ষিত হইবার পর শ্রীকৃষ্ণ-বিষয়ক গৌর পদ ছাড়া আর কিছু রচনা করিতেন না। মধ্যে মধ্যে কেবল কয়েকটি দোহা রচনা করিয়াছিলেন। স্মরণ রাখিতে হইবে যে, সুরদাসের পূর্বজ পণ্ডিতেরা সংস্কৃতভাষায় কবিতা রচনা করিতেন, হিন্দীতে গৌর পদ ছাড়া কবিতা-রচনা-প্রথা তখনও প্রচলিত হয় নাই। হিন্দীতে ছন্দ ও অলঙ্কার শাস্ত্র এই সময়েই কবি কেশবদাস প্রচলিত করিয়াছিলেন।

সুরদাসের “সুরসাগর” প্রকাণ্ড গ্রন্থ, তাহাতে কবি শ্রীমন্তাগবতে বর্ণিত শ্রীকৃষ্ণের জীবনের প্রত্যেক ছোট-বড় ঘটনা বর্ণনা করিয়া বহু স্থললিত পদ রচনা করিয়াছেন। প্রবাদ আছে, পুস্তকখানি যখন রচিত হইয়াছিল তখন তাহাতে একলক্ষ [মতান্তরে ১,২৫,০০০] পদ ছিল, কিন্তু এখন পাঁচ হাজার অপেক্ষা বড় বেশী পাওয়া যায় না। তবে এখনও সব সংগ্রহ করা হয় নাই, এ অঙ্কলের সাহিত্যিকরা এখনও চেষ্টা করিতেছেন। হিন্দী ভাষাতে সুরদাসের পদের মত ছন্দগ্রাহী কবিতা আর নাই বলিলেই হয়। একজন কবি উহাকে লক্ষ্য করিয়া বলিয়াছেন,

কিধোঁ হুর কো সর লগো? কিধোঁ হুর কা পীর?

কিধোঁ হুর কো পদ শুনো? যো অস বিকল শরীর?

তোমার কি হইয়াছে? তুমি কি কোনো সুরবীরের শরাঘাতে পীড়িত? কিংবা তোমার কি শূলবেদনা হইয়াছে? কিংবা তুমি কি সুরদাসের পদ শুনিয়াছ, যে তোমার শরীর এত বিকল হইয়াছে?

বাঙ্গালী সাহিত্যে শ্রীকৃষ্ণের ও চৈতন্যদেবের শৈশব ও কৈশোর লীলার অনেক মধুর পদ আছে, তাহাতে সমস্ত জীবনের সত্য ও কল্পিত ঘটনাগুলি অতি মধুর ভাষাতে বর্ণিত হইয়াছে। সেইরূপ সুরদাসের হিন্দী পদগুলিও অতি জদয়গ্রাহী ভাষায় বর্ণিত। সেগুলি ভক্ত গায়কের মুখে শুনিতে বড় মধুর। এ দেশের গ্রামে গ্রামে বালক-বালিকা হইতে তানসেনের মত গায়কেরা পর্য্যন্ত অতি আনন্দের সহিত ঐ পদ গাহিয়া থাকে। প্রবাদ আছে, আকবর বাদশা মিক্কা তানসেনের মুখে সুরদাসের পদ শুনিতে ভালবাসিতেন।

যখন শ্রীকৃষ্ণ দুগ্ধপোষ্য শিশু, দোলায় শুইয়া থাকেন, তখনকার বর্ণনা করিয়া সুরদাস গাহিতেন,—

যশোদা হরি পালনে ম্লানগর্ভে,

ইহি অন্তর অকুলার উঠে হরি যশোমতি মধুরে গাওরে ॥

যখন শ্রীকৃষ্ণ কিছু বয়স বাড়িয়াছে, তখন নন্দরাজা তাঁহার হাত ধরিয়া দাঁড়াইতে ও হাঁটিতে শিক্ষা দিতেছেন, শিশু পড়িয়া বাইতেছে, তিনি আবার তুলিয়া দাঁড় করাইয়া দিতেছেন, বার-বার একটা কথা বলাইয়া কথা কহিতে শিখাইতেছেন,—

করিয়া ধীরে ধীরে ঘাড় নাড়িতে লাগিল) ভয় নেই রে, ভয় নেই; সে তেমন মেয়েই নয়। তবে কি জানিস, হয়ত রে ছোরাটা নিয়ে নিজের বুকই ডুইভ (চালনা) করে দিতে পারে (নূপেন পুনরায় শিহরিয়া উঠিল। শান্তকর ভাবিলেও এমন রোমাঞ্চকর অদ্ভুত কথা সে কল্পনাও করিতে পারিত না। ইস! মিনতির প্রেম কত গভীর, কত সুন্দর! কি অদ্ভুত মেয়ে ঐ মিনতি, মরি মরি, যেন মুক্তিমতী প্রেম—ধন্য বিপিন, ধন্য তাহার অদৃষ্ট, ধন্য তাহার রোমান্স!)—বিপিন সগৌরব ও গদগদকণ্ঠে আপন মনেই যেন কহিয়া চলিল—এমনই অভিমानी মিনতি আমার! (ক্ষণেক ধামিয়া দীর্ঘনিঃশ্বাস পরিত্যাগপূর্বক) তাই ভাব-ছিলুম, তোকে আড়ালে কোথাও পাড় করিয়ে রাখবো ভাই, বিপদ বুঝলে একটা হুইসেলের তীব্র শব্দ করলেই তুই চক্ষের নিম্নেবে নক্ষত্রবেগে এসে মিনতির ছোরাহুক হাতখানা ধাঁ করে ধরে ফেলবি।”

হুইসেল বাজাইয়া তাহাকে ডাকিবার আগে বিপিন নিজেই যে কাজটা সমাধা করিয়া ফেলিতে পারে—মনটা রোমাঞ্চকর রোমান্স-অন্তর্ভূতির উচ্চতম স্তরে ইতিপূর্বেই চড়িয়া বসায়—নূপেন একথাটা আর ভাবিবার অবসরই পাইল না। গর্বে ও আনন্দে সে নাড়িয়া চড়িয়া বসিল। কথাটা সকলেই শুনিয়াছে,—সে মিনতির কোমলপেলব, সুন্দর, সুগোল, মধুর হাতখানি একবার ধরিতে পাইবে। সে কল্পনায় অভিভূত হইয়া চক্ষু মুদ্রিত করিল।

মিনতি আসিল, চলিয়াও গেল; কিন্তু কিছুই হইল না। বিপিনের অকস্মাৎ সে সময় বাহিরে দরকার পড়ায় আনের ঘরে গিয়া খিল দিল এবং নূপেন নীচেকার একটা ঘরে একখানা খোলা রেলওয়ে টাইম টেবলএর সম্মুখে বসিয়া চক্ষু মুদ্রিয়া দেখিতে লাগিল—কোমল, পেঁপে, সুন্দর, সুগোল, নিত্যন্ত সুকুমার একখানি কোমল একটা ইম্পাত-কঠিন ছোরার সংস্পর্শে আসিয়া লক্ষ্যমতী লতার ন্যায় কেবলই যেন সজ্জিত এবং আরাম হইয়া উঠিতেছে।

কথাটা বশাসময়ে, অর্থাৎ তাহার পরদিনই সন্ধ্যার মনোদেব বৈঠক-গৃহে বসিয়া ‘ফ্রেণ্ড সারকেলের’ সন্ধান নিল।

ফোক্রে ওরফে ফকিরচন্দ্র প্রায়ই পাড়ার মেয়ে সঙ্গে প্রেমে পড়ে। অর্থাৎ ‘দক্ষিণ জানালার ধ’ ‘সিঁড়ির পাশে’, ‘তিনটে টোকা’ ‘পাঁচবার হাতত’ ‘আবেস্তা’, ‘ওভারলট’ ইত্যাদি বাক্য সম্বলিত, তরুণীকে লিখিত, বিশেষ গোপনীয় পত্র আনিয়া সারকেলের মধ্যে মাঝে মাঝে পাঠ করে। সব ক’টা কহিল—রেখে দাও না বাবা, তোমার প্রেম পকেটে তুলে। ‘মঞ্জুরী’-সম্পাদকের রূপসী কন্যা রাণী প্রেমে পড়লেন কি না শেষকালে আমাদের বিপিনচন্দ্রের সঙ্গে! মরণ নেই আর কি!

মদনা মহাবীরের চেলা। বয়স প্রায় কুড়ি হইবে। একসারসাইজ করে, অতএব কুখ্যাত জন্ম ভাঙের গুলিও মাঝে মাঝে গলাধঃকরণ থাকে। নিত্যকার বৈঠকে সে কথা ক’রে শুধু মাঝে মাঝে তালু ও জিহবার সাহায্যে ইকাইবার মত একপ্রকার চ্যাক চ্যাক বলে—“হুঁ হুঁ বব্বা, ইয়ারকী?” পালো হাতে টাঙে কহিল—“তাই না ভাই, ওয়া (সহজ কণ্ঠে) আমাদের ঝামা-বোলাদে প্রেমে পড়া রোমান্স জোটে? (মদনটান্ডলীদের মত নাড়িয়া কোমল ও বিচিৎর হয়ে) —

সেই হাতে হাতে তৈরি

ভীক চোখে চেয়ে দেখা

গোপন হৃদয়-কোণে বৃহৎ শিহরণ?

বিপিন, নূপেন এবং হৃদয়বান্ধব ছাড়া সকলেই হাসি উঠিল।

হৃদয়বান্ধব, ওরফে রিদে, মদনার সমবয়সী। সে পলিটনের ম্যাট্রিক ক্লাসে তিন বৎসর থাকিয়া অভিজ্ঞ মূল্য সঞ্চয় করিতেছে। তা ছাড়া সে স্বদেশী পুস্তক, নীতি ও অর্থনীতি সম্বন্ধীয় যোটা যোটা ইংরেজি প্রায়ই তাহার বগলে দেখিতে পাওয়া যায়। ফোক্রে ষ্টুপিডটা কাজলোমি করিয়া তাহাকে ‘ইয়া’

তাহার কণ্ঠে “ভইন্” আছে; টেবিল অভাবে বা হাতের চেটোর মুঠবন্ধ ডানহাত ঠুকিয়া সকল প্রসঙ্গেই সে জনদগম্বাবধরে বলিতে পারে—“কেবল বিয়েরী আর বক্তৃতায় কিছুই হইবে না, প্র্যাক্টিস চাই প্র্যাক্টিস,—প্র্যাক্টিস না হইলে অভাগা জাতির মনুষ্যে বরাজ—”

শ্রী-কাজিল ফোক্রেটা একদিন খামখা রিদেকে ফিরিয়া বলিয়াছিল—“হ্যারে, সকলকে যে খন্দর প’লে বেড়াস, তুই নিজে তো কক্ষনো পরিস না?”

বলিয়াছিল—“কেন-না, আমি ভগ্নাত্মীকে ঘৃণা করি।

এবং প্রতি যে আমার শ্রদ্ধা আছে, খন্দর প’রে লোককে শুধিবে বেড়ানকে আমি—হাঁ,—ভগ্নাত্মী ও ধুষ্টতারই চাক ব’লে মনে করি।” নাছোড়বান্দা ‘রাসকেল’ ক’রেটা ক্র বাক্যইয়া বলিয়াছিল—“তাহ’লে ন্যাপেনোন টাকে (জাতীয় পতাক) খন্দরের বানিয়ে একটা ক’রে

—মুক কংগ্রেস প্যাণ্ডেলে ঢুকলেই তো লোকে চারা গাছকেও তাহ’লে আর চরকা, স্ত্রে বাঙালীদের গালাগাল খেতে হয় শুক্লিক ক্ষোভ প্রকাশ করিয়া রিদে বলিয়াছিল ক’রে করেই তো দেশটা গেল!—কেবল বর থিয়েরী!’

“রদি” অর্থাৎ হৃদয়বান্ধবও বিপিনের জন্ত ‘ফীল’ ফোক্রেদের বাক্যোক্তি, মদনীর সভঙ্গিম কবিতা-এবং সকলের হাসিতে অতিমাত্র বিরক্ত হইয়া সে জ গম্ভীর কণ্ঠে কহিল,—“বুঝলে? তোমরা টেনে বসে ওখানে কবিতাই ওড়াও আর থিয়েরী। লাভ করে কি দেশটার—”

স্তম্ভিত রিদের মুঠবন্ধ হাতখানা সজ্ঞারে টেবিলের বসিয়া পড়িতে ছুটিল; কিন্তু হায়, মধ্যপথে প-ল্যাম্পটার উত্তপ্ত চিম্নিটা হাতে ঠেকিতেই থলিয়া হাতটা সরাইয়া লইবার সঙ্গে সঙ্গেই যুগপৎ কণ্ঠের ‘হাঁ! হাঁ!’ শব্দ ও প্রসারিত হস্তের ঠলি লম্বেও ল্যাম্পটা গড়াইয়া বনঝন্ শব্দে পড়িয়া গেল। মুহূর্তে সব অন্ধকার এবং শুষ্ক!

ল্যাম্প আবিতে আনন্দ হইল,—হুইটি

বিপরীতগামী ট্রেনে যেন কলিসন্ লাগিয়াছে। একটা প্রচণ্ড শব্দের সঙ্গে সঙ্গে ততোধিক প্রচণ্ড একটা ধাক্কা, সমবেত কণ্ঠের আতঙ্ক রোল, গোলমাল, লণ্ডণ্ড—তারপর সব অন্ধকার।.....ভাড়া গাড়ীর শুপীকৃত লোহালঙ্কড়ের তলায় একটা বড় হুন্দর মধুভার যেন তাহার কণ্ঠলয় হইয়া আঠিকণ্ঠে কহিতেছে—
“বিপিন প্রি-য়-ত-ম!”

বিপিন গদগদকণ্ঠে কহিল—“মিনতি প্রি-য়-ত-মে!

৮

“ওগো, তোমার একখানা কি সরকারী চিঠি এয়েছে দেখ।”

বিপিনের মা বিপিনের পিতা শ্রীযুক্ত মহেশচন্দ্রের ঘরে ঢুকিলেন; আর ঢুকিল—বিপিনের দিদি বিপিনের বোন, বিপিনের ভাইঝি—সরযু, অশিমা, খুকী। ঢুকিয়া মহেশচন্দ্রকে ধিরিয়া দাঁড়াইল।

শ্রীর হাত হইতে একখানা লম্বা খাম লইয়া তিনি কহিলেন—“এয়ে দেখচি ‘মঞ্জরী’ আপিস থেকে এসেচে!” খুলিয়া একটা সাদা কাগজ টানিয়া বাহির করিতেই সকলের চোখে পড়িল—নীল পেন্সিলের মোটা হরফে লেখা—“স্থানাভাব”। কাগজটির ভাজ খুলিয়াই তিনি পড়িতে আরম্ভ করিলেন—হিয়া-প্রিয়া মধুময়ী মিনতি আমার—

“দূর ছাই, ব্যাটারা—”

তা বিরক্ত হইবার কথাই। যেয়ে, নাতনী ... মহেশবাবু বাহির হইয়া গেলেন।

তাহার পর ঠাকুমা, পিসিমারা সব চিঠিখানার উপর খুকিয়া পড়িলেন, দাদাবাবু আবার ঘরে ঢুকিয়া পত্রটা লইয়া গেলেন, ‘মিনতি মঞ্জরী’ আরও কত-কি-সব কথা হইল খুকী ভাল বুঝিতে পারিল না। দ্বিতীয় ভাগটা পড়া থাকায় মোটা হরফের “স্থানাভাব” কথাটা সে আগাই পড়িয়া লইয়াছিল, এখন পিসীমাদের মুখে একাধিবার তাহার মেজ-কাকা বিপিনের নামটাও শুনি। বাস, তাহাই যথেষ্ট! মহানন্দে সে বিপিনের খোজে বাহির হইয়া গেল

বার্থপ্রেমিক উদাসী বিপিন তখন ছাদের আলিসার উপর বসিয়া বার্থপ্রেমিকের সনাতন রীতাহুয়ারী দেশ-ভ্রমণে বাতির হইয়াছে।

দেখিতে দেখিতে দেখিতে দেখিতে দিনের পর দিন, সপ্তাহের পর সপ্তাহ, মাসের পর মাস, বছরের পর বছর ঘুরিয়া যায় বিপিনের দেশ-ভ্রমণ আর শেষ হয় না। চলিতে চলিতে শ্রান্ত হইলে গাছের ছায়ায় বসিয়া বিশ্রাম করিয়া লয়, তৃষ্ণার্ত হইলে জলাশয় হইতে অঞ্জলি ভরিয়া জল পান করে। এমনই করিয়াই তাহার দিন যায়।

হঠাৎ একদিন। এক ঘন-জলদজ্বালাচ্ছ বাদল সন্ধ্যায় রুটিবাত্যাবিতাড়িত হইয়া স্বদূর দেশের এক গৃহস্থ দুটারেব বহিরলিন্দে উঠিয়া দাঁড়াইতেই তাহাকে অতিমাত্রায় চকিত ও বিস্মিত করিয়া দিয়া “বাইরে দাঁড়িয়ে ভিজছেন কেন, ভিতরে এসে দাঁড়ান,” বলিয়া স্থপাতীত সম্ভাবনায় বৈদ্যকীর্ণবই মত মিনতি আসিয়া দরজা খুলিয়া দাঁড়াইল। কোলে তাহার একটি শিশু-সন্তান, সিঁথিতে সিঁচুর। স্বীয় হস্তস্থিত প্রদীপের

কীর্ণরশ্মি প্রতিফলিত বিপিনের স্বন্দর (?) মুখের দি। দৃষ্টি পড়িতেই “এ কি, বিপিন-দা!” বলিতে বলিতে হস্তস্থিত দীপশিখার সঙ্গে সঙ্গে মিনতির সর্ব্বাঙ্গ কঁপিয় উঠিল; প্রদীপ ও শিশুটিকে মাটিতে বসাইয়া বিপিনের পাদমূলে প্রণতা হইয়া মুখে আঁচল শুষ্কিয়া সে ফোপাইয়া ফোপাইয়া কাঁদিয়া উঠিল।

অতঃপর বিপিনও যথারীতি এ করুণ দৃশ্যে আপনাকে আর সংবরণ করিতে না পারিয়া কোথায় নিঃশব্দে কুণ্ড বাত্যাবিদ্যুৎ রাজপথের স্ফুটভেদে অন্ধকারে ঘীরে ধীরে অদৃশ্য হইয়া যাইবে—না—কোথা হইতে পোড়ারমুখীটা দুপদাপ করিয়া ছাদে আসিয়া ইপাইতে ইপাই নিতান্ত বেরসিকেরই মত কহিয়া বাসিল—“মেজকা! মেজকা, তোমার স্থানাভাব এয়েচে।”

তাহার পর কি ঘটিয়াছিল ঘটনাচক্রেই তা জানিতে পারা যায় নাই, তবে বিপিন আর কখনো কাহারও প্রেমে পড়ে নাই, এ-কথা লেখক বিদ্যৎ অবগত হইয়াছেন।

রবীন্দ্রনাথের কয়েকটি পত্রাংশ

কলিকাতা

নিজেই ওস্থানিত তপস্কার

...মেহেরা নিঃস্বয় মানবে না এ কখনো হতে পারবে না, কিন্তু স্বকল ভদ্রে নিয়মই তারা নিজের অন্তরের ভদ্রতা থেকেই গ্রহণ করবে এইটাই আমি প্রত্যাশা করি। ছাত্রীদের প্রতি আমার একান্ত বিশ্বাস ও সর্বাস্বঃকরণের ক্ষেত্র আছে। শুচিতা ও শোভনতার আদর্শ মেয়েদের অন্তরের জিনিষ, চিরদিন আমি এই সংস্কারকেই মনে রেখেছি। এইজন্যই বাইরের শাসন অতি কঠিন করে আমি তাদের অসম্মান করতে বেদনা পাই। কিন্তু ওরা নিজের স্বভাবের দৌন্দর্য ও নির্মলতার নিয়মসংঘম

ওদের কেবল কর্তব্য না হয়।

[ছেলেমেয়েদের একা নিয়ে যাদর মনে উদ্বেগ লিখেছেন—]

...তর্ভাগ্যক্রমে এ সম্বন্ধে বই নিয়ে আলোচনা করচেন যান যে, পশ্চিম মহাদেশে জী-ঘটবে, বিদ্যালয়ে তার আবেশ সম্ভ্রতি এসম্বন্ধে নীতি-বিপক্ষ

ক দেখতে দেখতে সমাজের ভিত্তি বদলে যাচ্ছে—
 ও পৌছবে কেউ বলতে পারবে না। সেখানকার
 ও চিত্তবৃত্তি দিয়ে এখানকার অবস্থার বিচার
 না। চরিত্রের আদর্শ সন্ধান মেয়েদের মনে বহু-
 লের যে আদর্শ সংস্কারগত হয়ে গেছে আমাদের দেশে
 মনো তার মূলে আঘাত পড়েনি, অবশ্য আমাদের
 সভাবের মধ্যে আশঙ্কার কোনো কারণ নেই একথা বলা
 অতীতি, কিন্তু তাকে নিয়ে বাইরে থেকে যত অতিরিক্ত
 বাধাবিধি করতে যাব ততই সেটা ব্যাধিতে এসে দাঁড়াবে।
 এই সংশয়কে অগ্রাহ্য করার দ্বারাই এ'কে বিনাশ করা
 যায়। পরস্পরকে বিশ্বাস করার দ্বারাই সমাজের হাওয়া
 নির্মল হয়। একথা কখনোই সত্য নয়, যে, তুচ্ছস্থানের কড়া
 পাহারার আড়ালেই মেয়েদের মনের শুচিতা রক্ষিত
 য়; ঠিক তার উল্টো। যাকে বিশ্বাস করিনে সে
 খাদের অযোগ্য হয়; যতই অযোগ্য হয় ততই
 আবার কড়াকড় করতে হয়। মানবচরিত্রের
 স্রের ভিতরে ও বাইরে সর্বত্রই আছে,
 র উত্তেজনা আরো বেশি। বস্তুতঃ
 মাছুষের মনকে বিমুগ্ধ করা যায় না,
 না বাড়িতে চরিত্রের মূলে দুর্বলতা ও
 দুচ্ছা আছে। ভিতরের মাছুষের পরেই
 রোয়ানের পরে নয়। যারা চরিত্রকে
 স্নায় রাখতে চায় তারা গোড়া
 ব্যবস্থা করে। সংশয়-কণ্টকিত
 লেই ভিতরে ভিতরে মাছুষের
 ফলা হয়। আমি মেয়েদের
 এইজন্ত তাদের আমি সন্দেহের
 রাখতে দেখলে ব্যথা পাই।
 গনো ছনিবার লক্ষণ কারো
 ধ্বংস সঙ্গে স্নেহের সঙ্গে তাকে
 র দিতে হবে। যেখানে সে
 কোনো ফল হয় না, যেখানে সে
 রূক করতে হয়। তা করতে
 চেয়ে মাছুষের প্রতি শ্রদ্ধাই
 জে চাই চিরসহিষ্ণু অমূল্য।

খোলা বাতাসে কোনো কোনো অতি দুর্বলবে
 রোগে ধরে—তাই বলেই নিখিলের পক্ষে বন্ধ বাতাসই
 নিরাময় ও নিরাপত্তা বলে গণ্য করতে পারিনে। খোল
 বাতাসেই ব্যাধির বিরুদ্ধে শরীর সজুত হয়। মেয়েদের
 আন্তরিক আত্মগোঁড়ব আমরা যেন কিছুতেই দুর্বল ন
 করি। যাক—এ সব কথা বিশেষ করে বার-বার করে
 বলার দরকার হয় তার কারণ বাহ্যিক আশুফললাভের
 লোভে আমরা আভ্যন্তরিক সফলতাকে প্রায় নষ্ট করে
 ফেলি। ইতি ২৮শে ফেব্রুয়ারি, ১৯৩০।

[শ্রীমতী আশা দেবীকে লিখিত]

—

বারি

ভারতবর্ষের যে শিক্ষাপ্রণালী ও শিক্ষাব্যবস্থা আছে
 তার পঙ্কতা আমরা সবাই জানি। কিন্তু উপায় নেই
 পেটের দায়ে ছেলেরা এই ব্যর্থতা স্বীকার করে নিতে
 বাধ্য—কিন্তু জীবিকার জন্তে শিক্ষা মেয়েদের তেমন
 অপরিহার্য হয়নি। এইজন্ত বর্তমান অবস্থায় আমাদের
 দেশে বিদ্যাদানের উৎকৃষ্ট প্রণালী মেয়েদের জন্তেই
 প্রবর্তন করা সম্ভবপর। যদি করে তুলতে পারি তবে
 এবারকার মতো এইটেই আমার শেষ সাধকতা হবে।

ভাঙ্গুসিংহের পত্রাবলী সেদিন আমার হাতে এসে
 পৌঁচেছে। পড়তে পড়তে শান্তিনিকেতন আমার
 চারদিকে মূর্তিমান হয়ে উঠল। ভুলে গেলুম যে আহি
 পশ্চিম সমুদ্রের পারে। আমার কোনো লেখাতেই শান্তি-
 নিকেতনের রূপ এমন রসপূর্ণ হয়ে জাগেনি। নিজের
 কীর্তি নিয়ে অহংকার করা শাস্ত্রে নিষিদ্ধ আছে, তবু সত্যের
 খাতির বলতেই হচ্ছে, এই চিঠিগুলির পরিবি দুই ডাক-
 ঘরের দুই কিনারার মধ্যেই পরিসমাপ্ত নয়—আর
 কালের যে-সীমানা আমার আকস্মিক সাতাশ বছর বয়সের
 মধ্যেই কিছু দিনের জন্তে আবদ্ধ ছিল, পত্রাবলী তাকে
 অনেক দূর ছাড়িয়ে গেছে। রাগকে যে চিঠিগুলি
 লিখেছিলুম, বঙ্গবাণীর নিত্য ঠিকানায় সেগুলি পৌঁচেছে।
 ইতি ৫ই সেপ্টেম্বর, ১৯৩০।

[শ্রীমতী ভক্তি দেবীকে লিখিত]

বারি হইতে ডাকে প্রেরিত

...বাইরের সকল কাজের উপরেও একটা জ্ঞানয

হচ্ছে যেটা আত্মার সাধনা। রাষ্ট্রিক আর্থিক নানা শিল্পশালা যখন মনটা আবিল হয়ে ওঠে তখন তাকে স্পষ্ট দেখতে পাই নে বলেই তার জোর কমে যায়। আমার মধ্যে সে বিপদ আছে, সেইজন্তেই আসল জিনিষকে আঁকড়ে ধরতে চাই। কেউ বা আমাকে উপহাস করে, কেউ বা আমার উপর রাগ করে, তাদের নিজের পথেই আমাকে টেনে নিতে চায়। কিন্তু কোথা থেকে জানিনি আমি এসেছি এই পৃথিবীর তীর্থে, আমার পথ আমার তীর্থ-দেবতার বেদীর কাছে। মাস্তবের দেবতাকে স্বীকার করে এবং প্রণাম করে যাব আমার জীবন-দেবতা আমাকে সেই মন্ত্র দিয়েচেন। যখন আমি সেই দেবতার নির্খালা ললাটে পরে যাই তখন সব জাতের লোকই আমাকে ডেকে আসন দেয়, আমার কথা মন দিয়ে শোনে। যখন

ভারতবর্ষীয়ের মুখোস পরে দাঁড়াই তখন বাধা বিস্তার। যখন আমাকে এরা মাছুষরূপে দেখে, তখন এরা আমাকে ভারতবর্ষীয় রূপেই শ্রদ্ধা করে; যখন নিছক ভারতবর্ষীয় রূপে দেখা দিতে চাই তখন এরা আমাকে মাছুষরূপে সমাদর করতে পারে না। আমার স্বার্থ পালন করতে গিয়ে আমার চলবার পথ তুল বোঝার দ্বারা বন্ধুর হয়ে ওঠে। আমার পৃথিবীর মেয়াদ সন্নিবিষ্ট হয়ে এসেছে; অন্তত এক আমাকে সত্য হবার চেষ্টা করতে হবে, প্রিয় হবার নয়।

আমার এখানকার খবর সত্য মিথ্যা নানাভাবে দেশে গিয়ে পৌছয়। সে সখস্বে সব সময় উদাসীন থাকতে পারিনে বলে নিজের উপর দিক্কার জন্মে। বার-বার মনে হয়, বাণপ্রস্থের বয়সে সমাজস্থের মতো ব্যবহার করতে গেলে বিপদে পড়তে হয়। ইতি ২৬ আগষ্ট, ১৯৩০

[শ্রীরামানন্দ চট্টোপাধ্যায়কে লিখিত]

সাইমন কমিশনের কবুল

[প্রবাসী-সম্পাদককে লিখিত একখানি চিঠি]

শ্রীরবীন্দ্রনাথ ঠাকুর

ও

অতলান্তিক মহাদাগর

প্রকাশ্যে

রাশিয়া থেকে ফিরে এসেছি, চলেছি আমেরিকার পথে। রাশিয়া-যাত্রায় আমার একটিমাত্র উদ্দেশ্য ছিল—ওখানে জনসাধারণের শিক্ষাবিস্তারের কাজ কি রকম চলচে আর ওরা তার ফল কি রকম পাচ্ছে সেইটে অল্পসময়ের মধ্যে দেখে নিতে চেয়েছিলুম।

আমার মত এই যে, ভারতবর্ষের বুকের উপর যত কিছু দুঃখ আজ অম্লভেদী হয়ে দাঁড়িয়ে আছে তার একটি মাত্র ভিত্তি হচ্ছে অশিক্ষা। জাতিভেদ, ধর্মবিরোধ, কর্তৃত্বভেদ, আর্থিক দৌরল্য—সমস্তই আঁকড়ে আছে এই শিক্ষার অভাবকে। সাইমন

কমিশনে ভারতবর্ষের সমস্ত অপরাধ

করে ব্রিটিশ শাসনের কেবল একটি

করেচে।* সে হচ্ছে যথেষ্ট পরিমাণে

কিন্তু আর কিছু বলবার দরকার

যদি বলা হয়, গৃহস্থ সাবধান হতে

আর এক ঘরে যেতে চোকাঠে ছিঁট

খেয়ে পড়ে, জিনিষপত্র কেবলি হারা

পায় না, ছায়া দেখলে তাকে জুঁজু বটে

ভাইকে দেখে চোর এসেচে বলে ল

যায়—কেবলি বিজ্ঞান আঁকড়ে পড়ে

বেড়াবার সাহসই নেই, ক্ষিধে পায় বি

* তাহাও স্পষ্ট ভাষায় নহে।—প্রবাসী

আছে খুঁজে পায় না, অদৃষ্টের উপর অন্ধ নির্ভর করে থাকে ছাড়া অন্য সমস্ত পথ তার কাছে লুপ্ত—অতএব নিজের গৃহস্থালির তদাবকের ভার তার উপর দেওয়া চলে না। তারপরে সবশেষে গলা অত্যন্ত খাটো করে যদি বলা হয়, আমি ওর বাতি নিবিয়ে রেখেছি, তাহলে খট্টা কেন্দ্র হয়? ওরা একদিন ডাইনী বলে নিরপরাধাকে মেরে, পাপিষ্ঠ বলে বৈজ্ঞানিককে মেরে, ধর্মমতের বক্তব্যকে অতি নিষ্ঠুরভাবে পীড়ন করেছে, নিজেরই ধর্মের ভিন্ন সম্প্রদায়ের রীত্বাদিকারকে খর্ব্ব করে রেখে, এ ছাড়া কত অন্ধতা কত মূঢ়তা কত কদাচার মধ্যযুগের ইতিহাস থেকে তার তালিকা সুপাকার করে তোলা যায়—এ সমস্ত দূর হল কি করে? বাইরেরকার কোনো কোর্ট অফ ওয়ার্ডসের হাতে ওদের অক্ষমতার সংস্কার-সাধনের ভার দেওয়া হয়নি, একটিমাত্র শক্তি ওদের এগিয়ে দিয়েছে, সে হচ্ছে ওদের শিক্ষা। জাপান এই শিক্ষার অল্প কালের মধ্যেই দেশের রাষ্ট্রশক্তিকে সর্ব্বোচ্চ ইচ্ছা ও চেষ্টার সঙ্গে যুক্ত করে দিয়েছে, দেশের শাসনের শক্তিকে বহুগুণে বাড়িয়ে তুলেছে, বর্তমান প্রবল বেগে এই শিক্ষা অগ্রসর করে দিয়ে ধর্ম্মাঙ্কতার বোঝা থেকে দেশকে মুক্ত করবার পথে চলেছে। শুধুই ঘুমায়ে রয়।” কেননা ঘরে আলো আসতে হয়নি,—যে আলোতে আজকের পৃথিবী জেগে, তা ভারতের রক্তস্রাবের বাইরে।

বাক্স করলুম খুব বেশি আশা করিনি।

এবং অসাধ্য তার আদর্শ ব্রিটিশ মি পেয়েছি। ভারতের উন্নতিসাধনের এ সে কথা স্বয়ং খৃষ্টান পাত্রি টমসন্ সমস্ত পৃথিবীর কাছে জানিয়েছেন। হয়েছে দুর্ভাগ্য আছে বই কি, নইলে শা হবেই বা কেন? একটা কথা রাশিয়ায় প্রজাসাধাবণের উন্নতিবিধান বেশি দুর্ভাগ্য বই কি নয়। প্রথমত যারা ভ্রত্বের শ্রেণীতে ছিল আমাদের গীর লোকের মতোই তাদের অন্তর এই রকমই নিরক্ষর নিরুপায়, পূজা

অর্চনা পুরুত পাণ্ডা দিনক্ষণ ভাগ্যভাবিজ্ঞে বৃহত্তর সমস্ত চাপা পড়া, উপরিওয়ালাদের পায়ের ধুলোতেই মলিন তাদের আত্মসন্মান, আধুনিক বৈজ্ঞানিক যুগের সুযোগ সুবিধা তারা কিছুই পায়নি, প্রপিতামহদের ভৃত্যে পাওয়া তাদের ভাগ্য, সেই ভৃত্য তাদের বৈধে রেখেছে হাজার বছরের আগেকার অচল খোঁটায়, মাঝে মাঝে হিন্দী প্রতিবেশীদের পরে খুন চেপে যায় তখন পাশবিক নিষ্ঠুরতার আর অস্ত থাকে না। উপরিওয়ালাদের কাছ থেকে চাবুক খেতে যেমন মজ বৃৎ, নিজেদের সমস্ত্রণীর প্রতি অগ্রায় অত্যাচার করতে তারা তেমনি প্রস্তুত। এই তো হোলো ওদের দশা,—বর্তমানে যাদের হাতে ওদের ভাগ্য, ইংবেজের মতো তারা ঐশ্বর্য্যশালী নয়, কেবলমাত্র ১৯১৭ খৃষ্টাব্দের পর থেকে নিজের দেশে তাদের অধিকার আরম্ভ হয়েছে—রাষ্ট্রব্যবস্থা আটখাটে পাকা হবার মতো সময় এবং সম্বল তারা পায়নি—ঘরে-বাইরে প্রতিবুদ্ধতা—তাদের মধ্যে আত্মবিত্রোহ সমর্থন করবার জন্তে ইংরেজ এমন কি আমেরিকানরাও গোপনে ও প্রকাশ্যে চেষ্টা করেছে। জনসাধারণকে সক্ষম ও শিক্ষিত করে তোলবার জন্তে তারা যে পণ করেছে তার “ডিসকান্ট” ভারত-কর্তৃপক্ষের ডিসকান্টের চেয়ে বহু গুণে বড়ো। অতএব রাশিয়ায় গিয়ে বেশি কিছু দেখতে পাব এরকম আশা করা অনায়াস হোত। কিই বা জানি কিই বা দেখেছি যাতে আমাদের আশার জোর বেশি হতে পারে! আমাদের দুঃখী দেশে লালিত ভক্তি দুর্ভল আশা নিয়েই রাশিয়ায় গিয়েছিলুম। গিয়ে যা দেখলুম তাতে বিশেষে অভিভূত হয়েছি। Law and order কি পরিমাণে রক্ষিত হচ্ছে বানা হচ্ছে তার তদন্ত করবার যথেষ্ট সময় পাইনি—শোনা যায় যথেষ্ট জবরদস্তি আছে, বিনা বিচারে দ্রুত পদ্ধতিতে শাস্তি দেও চলে, আর সব বিষয়ে স্বাধীনতা আছে কিন্তু কর্তৃপক্ষের বিধানের বিরুদ্ধে নেই। এটা তো হোলো। টাদের কলঙ্কের দিক কিন্তু আমার দেখবার প্রধান লক্ষ্য ছিল আলোকের দিক। সে দিকটাতে যে দীপ্তি দেখা গেল সে অতি আশ্চর্য্য—যারা একেবারেই অচল ছিল তারা সচল হয়ে উঠেছে। শোনা যায়

যুরোপের কোনো কোনো ভীষণভাবে দৈবকুপায় এক মুহূর্তে চিরপঙ্ক্ত তার লাঠি কেলো এসেচে—এখানে তাই হোলো; দেখতে দেখতে খুঁড়িয়ে চলবার লাঠি দিয়ে এরা ছুটে চলবার রথ বানিয়ে নিচে—পদাতিকের অধম যারা ছিল তারা বছর দশেকের মধ্যে হয়ে উঠেছে রথী। মানবসমাজে তারা মাথা তুলে দাঁড়িয়েছে, তাদের বুদ্ধি স্ববশ, তাদের হাত হাতিয়ার স্ববশ। আমাদের সম্রাট-বংশীয় খুঁটান পাত্রেরা বহুকাল ভারতবর্ষে কাটিয়েছেন, ডিক্কাণ্টিন্ যে কি রকম অন্যতর তাঁরা দেখে এসেছেন। একবার তাঁদের মস্তো আদ্য উচিত। কিন্তু এল বিশেষ ফল হবে না—কারণ বিশেষ করে কলক দেখাই তাঁদের ব্যবসাগত অভ্যাস, আলো চোখে পড়ে না, বিশেষত যাদের উপর বিরাগ আছে। ভুলে যান তাঁদের শাসনচক্রে ও কলক খুঁজে বের করতে বড়ো চেষ্টার দরকার করেনা। প্রায় সমস্ত বছর আমার বয়স হোলো—এককাল আমার ধৈর্যচ্যুতি হয়নি। নিজেদের দেশের অতি দুর্ভিক্ষমূর্ত্তার বোঝার দিকে তাকিয়ে নিজের ভাগ্যকেই বেশি করে দোষ দিয়েছি। অতি সামান্য শক্তি নিয়ে অতি সামান্য

প্রতিকারের চেষ্টাও করেছি কিন্তু জীর্ণ আশার রথ যত মাইল চলেছে তার চেয়ে বেশি সংখ্যায় দড়ি ছিঁড়েছে, চাকা ভেঙেচে। দেশের হতভাগাদের দুঃখের দিকে তাকিয়ে সন্তুষ্ট অভিমান বিসর্জন দিয়েছি। কর্তৃপক্ষের কাছে সাহায্য চেয়েছি, তাঁরা বাহবাও দিয়েছেন, যেটুকু ভিক্ষে দিয়েছেন তাতে জাত যায় পেট ভরে না। সব চেয়ে দুঃখ এবং লজ্জার কথা এই যে, তাঁদের প্রণাদনালিত আমাদের স্বদেশী জীবরাই সব চেয়ে বাধা নিয়েছে। যে দেশ পরের কর্তৃপক্ষে চালিত সেই দেশে সব চেয়ে গুরুতর ব্যাধি হোলো এই—সে সব জায়গায় দেশের লোকের মনে যে ঈর্ষা, যে ক্ষুদ্রতা, যে স্বদেশ-বিরুদ্ধতার কলুষ জন্মায় তার মতো বিষ নেই।

যাই হোক এদেশের “এনথ্রাস ডিক্কাণ্টিজে”র কথা বইয়ে পড়েছিলুম, কানে শুনেছিলুম, কিন্তু সেই ডিক্কাণ্টিজ অতিক্রমের চেহারা চোখে দেখলুম ৮ ইতি ৪ অক্টোবর, ১৯৩০।

আপনাদের
শ্রীরবীন্দ্রনাথ ঠাকুর

মহামায়া

ত্রীশো গ দেবী

(৩৭)

মঙ্গলবার ছুপুরে রেঙ্গুনে ইংলিশ মেল ষ্টীমার আসিয়া পৌছায়। অল্প ষ্টীমারগুলি চার দিনের দিন পৌছায়, এটি সে জায়গায় তৃতীয় দিনে আসে; এই জল্প যাত্রীদের তাড়াতাড়ি থাকে তাহার। ইংলিশ মেল ষ্টীমার ধরিতে যাত্রীরা চেষ্টা করে। এই কারণে এই জাহাজটিতে অস্বাভাবিক ভীড় হয়।

মঙ্গলবার, বেলা প্রায় তিনটা। জাহাজ-ঘাট লোক লোকারণ্য। গাড়ী, মোটর, রিক্সা, হুলি মন্ডর

ও যাত্রীদের অস্বাভাবিকারীর দল মিলিয়া এমন এক ভীড় এবং কোলাহলের সৃষ্টি করিয়াছে যে, পারতপক্ষে সেখানে কেহ দাঁড়াইতে বা কান পাতিতে চায় না। জাহাজ চোখে দেখা যাইতেছে বটে, তবে এখনও ঘাট ভিড়ে নাই।

বাহিরে একখানি মোটরে নিরঞ্জন বসিয়াছিলেন। তাহার মুখ শুক ও বিষন্ন, নিতান্ত অন্তমনস্কভাবে একখানা খবরের কাগজ উন্টাইতেছিলেন।

খানিক পরে মুখ তুলিয়া ড্রাইভারকে বলিল

“আর একবার গিয়ে দেখে এস, জাহাজ ভিড়তে কত দেরি। আমার এক ঘণ্টার মধ্যে একবার আপিসে না গেলেই চলবে না।”

ডাইভার আবার জেটের ভিতরের দিকে চলিল। কিন্তু সে ফিরিয়া আসার আগেই জাহাজের সিঁড়ি নামানোর ঘড়-ঘড়-শব্দ, কুলি এবং জনতার চীৎকার নিরঞ্জনকে জানাইয়া দিল যে, জাহাজ ভিড়িয়া গিয়াছে। তিনি মোটরের দরজা খুলিয়া নামিয়া পড়িলেন, সঙ্গে একটি মাল্‌দাকী ভৃত্য আসিয়াছিল, তাহার জিন্সায় কাড়ী রাখিয়া ভিতরের দিকে অগ্রসর হইলেন। মাঝ-মাঝে ডাইভারকেও ফিরিয়া যাইতে দেখিলেন।

আজ ইন্দুর আসিবার কথা, সঙ্গে কলিকাতা হইতে জন বিখ্যাত চিকিৎসকও আসিতেছেন। ইনি ল প্রকার স্নায়বিক রোগের বিশেষজ্ঞ। রেজুনের চিকিৎসকগণ যখন মায়ার অসুস্থতা সহজে বিশেষ কিছুই লিখে পাবেন না, তখন নিরঞ্জন বহু অর্থব্যয়ে এই বিশেষজ্ঞ চিকিৎসকটিকে আনয়ন করিবার ব্যবস্থা করিলেন। মায়াকে এই অবস্থায় লইয়া যাওয়াও কঠিন, এবং লইয়া গেলে নিরঞ্জনেরও সঙ্গে যাওয়া প্রয়োজন। বারে বারে কাজ ফেলিয়া কলিকাতায় গিয়া বসিয়া থাকিলে কাজের বড়ই ক্ষতি হয়, সেইজন্য কলিকাতা যাইবার চেষ্টা আর করেন নাই।

যাত্রীরা যেখানে নামে, বাহিরের লোককে সেখানে হইতে দেওয়া হয় না। কাঠগড়ার বাহিরে তাহারা ডাইয়া থাকে, যাত্রীরা নামিবার ছাড়পত্র সমর্পণ করিয়া তাহার পর কাঠগড়া পার হইয়া আত্মীয়স্বজনের সঙ্গে দেখা করিতে পারে। নিরঞ্জন রেলিং-এর কাছে আসিয়াই জাহাজের ডেকের উপর ইন্দুকে দেখিতে পাইলেন। সে ব্যগ্র হইয়া জনতার দিকে চাহিয়াছিল, তাহাকে কেহ লইতে আসিয়াছে কি না দেখিবার জন্যই বোধ হয়। তাহার পাশেই এক জন বন্ধর-পরিহিত যুবক দাঁড়াইয়া কথা বলিতেছে দেখিয়া নিরঞ্জন কিঞ্চিৎ বিস্মিত হইলেন। আর কাহারও ত আসিবার কথা ছিল না? জাহাজে ইন্দু ইহার সহিত আলাপ করিয়াছে, তাহাও সম্ভব নয়। হিন্দুধর্মের মেয়ে সে, হাজার বদস

হইলেও কখনও নিজে অগ্রসর হইয়া অপরিচিত পুরুষের সঙ্গে আলাপ করিবে না। পরিচিত কেহ হইলে নিরঞ্জনও তাহাকে চিনিতেই পারিতেন। ডেক-যাত্রীর চৌলাঠেলি একটু কমিতেই ইন্দু এবং সেই যুবকটি নামিয়া আসিলেন। চিকিৎসক ডাক্তার মিত্রের সহিত নিরঞ্জন সাক্ষাৎভাবে পরিচিত ছিলেন না; কাজেই তিনি আসিয়াছেন কি না, এবং নামিয়াছেন কি না, তাহা নিরঞ্জন বুঝিতে পারিলেন না।

কাছাকাছি আসিয়া পড়িতেই ইন্দু রেলিং-এর ওপাশ হইতে জিজ্ঞাসা করিল, “মেজদা, মায়্যা এখন কেমন আছে?”

নিরঞ্জন বলিলেন, “প্রায় একই রকম। তবে এখন নাইচে খাচ্ছে। আসল রোগ যা তা ত কিছু সারবার লক্ষণ দেখা যাচ্ছে না। ডাঃ মিত্র এসেছেন?”

ইন্দু ও তাহার সঙ্গী যুবকটি ছাড়পত্র জাহাজ-ঘাটের কর্মচারীর হাতে সমর্পণ করিয়া ভিতরে ঢুকিয়া পড়িল। কুলি তাহাদের জিনিষপত্র আনিয়া গাদা করিয়া এক জায়গায় রাখিতে লাগিল। ইন্দু এতক্ষণ পরে নিরঞ্জনের প্রশ্নের উত্তরে বলিল, “না, ডাঃ মিত্র এর পর্বের ষ্টামারে আসছেন, শুক্রবারে এসে পৌছবেন। আমার সঙ্গেই আসছিলেন, কলকাতায় খুব জরুরী ডাক এল একটা, তাই আসতে পারলেন না। ভাগ্যে প্রভাস আসছিল, তাই তার সঙ্গে আসতে পারলাম, নইলে আমাকেও আটকে থাকতে হত।”

যুবক অগ্রসর হইয়া আসিয়া নিরঞ্জনকে প্রণাম করিল। নিরঞ্জন এতক্ষণে তাহাকে চিনিতে পারিয়া বলিলেন, “ও তুমি প্রভাস! এত বছর আগে তোমাকে দেখেনি। যে, মোটেই চিনিতে পারিনি। তা বেশ, তোমাকে দেখে খুব খুশী হলাম। মায়্যা যদি শীগগির সেরে ওঠে, তাহলে তোমাদের কাজকর্মের কথাও হতে পারবে।”

প্রভাস বলিল, “মায়ার অসুখের কোনো কথাই আমি শুনিনি। আগে যেমন ঠিক ছিল, সেই অনুসারে আসা ঠিক করে কলকাতায় এসেছিলাম, নিতান্ত পিসীমায় সঙ্গে দেখা করতে গিয়েছিলাম বলেই এ কথা শুনলাম। তখন টিকিট কিনে ফেলেছি আর পিসীমাও আসবার

সদী পাচ্ছেন না দেখে চলেই এলাম। নইলে এখন না এসে মায়া সারবার পরে এলেও চলত।”

নিরঞ্জন বলিলেন, “এসেছ, ভালই হয়েছে। আশা ত করছি মায়া শীগগির সেরেই উঠবে। আর লোকের অভাবে ইন্দুর আসা না হ’লে, আমাকে বড় মুস্থিলে পড়তে হ’ত। ওকে দেখবার শুনবার কেউ নেই, মাইনে-করা লোকের হাতে ভরসা করে বাড়ী থেকে বেরতেও পারি নে। তারা সব বোঝেও না, কোন্ অবস্থায় কি করতে হবে, কিছু না বুঝে ভাবাচাচা খেয়ে থাকে।”

ইন্দু বলিল, “তা ত হবেই। বান্ধালী ঝি-চাকর হলেও বা কথা ছিল, এরা ত কথাই বুঝবে না অর্ধেক। তা চল গাড়ীতে গিয়ে বসা যাক। যা ভীড়, এর ভিতর দাঁড়াতেই কেমন একটা অসোয়াস্তি লাগে। প্রভাস আমাদের সঙ্গে যাবে ত?”

নিরঞ্জন বলিলেন, “নিশ্চয়ই। আমার বাড়ী ছাড়া ও আবার কোথা যাবে? ও ত ঘরেরই ছেলে।”

মান্দ্রাজী ভৃত্য একটা ট্যাক্সি জোগাড় করিয়া আনিল। তাহাতে করিয়া জিনিষপত্র সব চাকরের সহিত চালান করিয়া দেওয়া হইল। নিরঞ্জন, ইন্দু এবং প্রভাস বাড়ীর গাড়ী করিয়া রওনা হইলেন।

ইন্দু গাড়ী ছাড়িতেই আবার জিজ্ঞাসা করিল, “মায়ার কি অস্থখ তা’ত ভাল করে লেখনি কিছু চিঠিতেও। টেলিগ্রাম থেকে ত কিছুই বোঝা যায় না। খুব কি ঘন ঘন মুচ্ছা হচ্ছে?”

নিরঞ্জন বলিলেন, “না সে রকম কিছু নয়। একবার মাত্র মুচ্ছা হয়েছিল, সেটা ভাঙতে কয়েক ঘণ্টা দেরি হইছিল। কিন্তু মুচ্ছা ভাঙার পর থেকে কেমন যেন অস্থিত হয়ে আছে, কাউকে চিন্তে পারছে না, কোনো কথা মনে আনতে পারছে না।”

ইন্দু ভীতভাবে বলিল, “ও মা, সে কি কথা! তোমরা ত ও সব মান না, কিন্তু গায়ের লোকে শুনলে বলবে ভুতে পেয়েছে। থাকে, থাকে, ঘুমুচ্ছে ত ঠিক মতন?”

নিরঞ্জন বলিলেন, “খাওয়া-দাওয়া করছে বটে, তবে ঠিক স্বাভাবিকভাবে নয়। সবকিছু নিয়েই গোলমাল

করছে। ঝি-চাকর কারও হোঁওয়া কিছু খেতে চায় না, কাউকে ঘরে ঢুকতে দিতে চায় না। বামুন ঠাকুর একটা আছে, তাই রক্ষা, সে-ই খাবার-টাবার এনে দিচ্ছে, অন্য সব কাজ নিয়েই হয়েছে মুস্থিল।”

ইন্দু বলিল, “এতদিন কে চিকিৎসা করছিলেন? ঠাৱা কি বলেন?”

নিরঞ্জন বলিলেন, “এখানকার সব ডাক্তারকে ত দেখলাম। কেউ বিশেষ কিছু বলতে পারে না। সেই জন্মেই ভাঃ মিত্রকে আনাছি।”

বাড়ী পৌছিতে অনেকক্ষণ লাগিল। ইন্দু বলিল, “বাগানটা ত খুব বাহারের হয়েছে দেখছি।”

নিরঞ্জন বিষন্নভাবে বলিলেন, “সব মায়ার নিজের হাতে করা। কত জায়গা থেকে যে ফুলগাছ আনিয়ে-ছিল, তার ঠিক-ঠিকানা নেই। এর পর সব অর্থের নষ্ট হবে আর কি।”

চাকর-বাকর আসিয়া জিনিষপত্র নামাইতে লাগিল। নিরঞ্জন ছোকরাকে বলিলেন, “আপিস-ঘরের পাশের ঘরে এই বাবুর জিনিষপত্র সব নিয়ে রাখ। একটা খাট সেখানে পেতে দে। তুমি আসবে তা ত জানা ছিল না প্রভাস, কাজেই ভাত এখনই পাবে না। জলটল খাও, ইন্দু ত রান্না করবেই, তখন তুমিও খেয়ো। বামুন-ঠাকুরের রান্না রাত ন’টার আগে কিছুতেই আজকাল আর হয় না।”

ইন্দু বলিল, “বেলা পড়ে এল, এখন আবার রান্না করে পিণ্ডি গিলতে বসতে পারব না। সন্ধ্যার পর জলটল খাব এখন। সঙ্গেই ফল, মিষ্টি অনেক আছে। প্রভাসকে ভাল করে চা খাইয়ে দিও এখন, তারপর ঠাকুরের রান্না যখন হয় খাবে। কাল থেকে সব ঠিক কর্তে হবে, একজন মেয়েমাছুর সংসারের মাথায় না থাকলে চাকর-বাকর কখনও ঠিক করে কাজ করে না।”

প্রভাস বলিল, “কি আশ্চর্য! আমার খাওয়াটা এমন একটা কি ব্যাপার যার জন্মে সবাই এত ব্যস্ত হচ্ছেন? ইমারের আমি একবার খেয়েওছি, এর পর যখন হয় খাব। বিশেষে কাজ করি, সারাক্ষণ আমার

নাওয়া-খাওয়া দেখবার জন্তে কে বসে থাকে? কতদিন ত না খেয়েই কেটে যায়।”

ইন্দু বলিল, “সেখানে কাঁটে ব’লে কি এখানেও কাটবে? যাও, এখন হাতমুখ ধোও গিয়ে। ও কি দাদা, তুমি আবার এখনি বেরবে না কি?”

নিরঞ্জন বলিলেন, “আমায় একটু আপিসে যেতে হবে, শীগ্গিরই ফিরে আসব। চল, একবার উপরে মায়াকে দেখে আসবি।”

ইন্দু বলিল, “ওমা সত্যি, যার জন্তে এলাম, তার সঙ্গে খোজ নেই, নীচে দাঁড়িয়ে বাজে বকছি। চল, চল।”

প্রভাস তাহার নির্দিষ্ট কক্ষে চলিয়া গেল, নিরঞ্জন ইন্দুকে লইয়া মায়ার কাছে চলিলেন।

মায়ার শয়নকক্ষের বাহিরে বুড়ী আয়া বসিয়াছিল। সে কাছে গেলে মায়া এখন চটিয়া ওঠে, কাছেই ঘরের ভিতর সে বড় একটা যায় না। কিন্তু একজন স্ত্রীলোক রোগিনীর কাছাকাছি থাকা দরকার, স্ততরাং বেশীর ভাগ সময় সে ঘরের বাহিরে বসিয়া থাকে।

ঘরের সাঙ্কসজ্জা প্রায় আগের মতই আছে; তকাতের মধ্যে এককোণে মেঝের উপর একটা সালাসিদা বিছানা পাতা, তাহার উপর মায়া শুইয়া আছে।

ইন্দু ব্যস্ত হইয়া বলিল, “ওমা, মাটির উপর শুয়ে কেন? অস্থখ শরীরে আবার ঠাণ্ডা-টাণ্ডা লেগে একখানা কাণ্ড করুক। খাটে শোয়াওনি কেন?”

নিরঞ্জন বলিলেন, “কিছুতেই ওকে শোয়ান যায় না। কি যে সব বলতে আরম্ভ করে, অর্ধেক কথা বোঝাই যায় না। ওর কোনো কারণে ধারণা হয়েছে, এটা হাসপাতাল, তাই সব তাতেই তার ভয় আর আপত্তি। তুই ব’লে দেখ না একবার, যদি কথা শোনে।”

ইন্দু ডাকিল, “মায়া, মায়া!”

মায়া ঘুমায় নাই, এমনই চোখ বুজিয়া পড়িয়াছিল। ইন্দুর ডাকে চোখ মেলিয়া চাহিয়া বলিল, “কেণা? কেন ডাকছ?”

ইন্দু বলিল, “ওমা, আমায় চিনতে পারছিস না? পিসীমাকে এরই মধ্যে ভুলে গেলি?”

মায়া ভাড়াভাড়ি উঠিয়া বলিল। ইন্দুকে ভাল করিয়া

দেখিয়া লইয়া বলিল, “তাই ত, পিসীমাই ত! কি করে এখানে এলে?”

ইন্দু বলিল, “তোব অস্থখ শুনে দেশ থেকে এসাম দেখতে। এখন কেমন আছিস?”

মায়া বলিল, “আছি ত ভালই এক রকম। কিন্তু এখানে সব তাতে বড় অস্থবিধে। সব ছোয়া-নেপা করে একাকার করে রাখে, বড় ঘোরা করে। এত জায়গা থাকতে হাসপাতালে কেন যে আমাকে নিয়ে এল, এখানে কি হিন্দুর মেয়ে টিকতে পারে?”

ইন্দু অবাক হইয়া তাহার দিকে চাহিয়া রহিল। এ যেন সেই সাত-আট বৎসর পূর্বের মায়া, যাহাকে লইয়া সে প্রথমে রেঙ্গুনে আসিয়াছিল। সব তাতেই তাহার ভয়, সব তাতেই তাহার বিতৃষ্ণা। জীবনের মান্বখান হইতে আটটা বৎসর তাহার কেমন করিয়া মুছিয়া গিয়াছে। শিক্ষিতা বাকপটু মায়া আর নাই, তাহার স্থলে পল্লীগামের অশিক্ষিতা, কুসংস্কারাপন্ন বালিকা আবার ফিরিয়া আসিয়াছে।

নিরঞ্জন বলিলেন, “সারাক্ষণই এই ধরণের কথা বলে। কি যে ব্যাপার ভাল ক’রে বুঝতেই পারছি না। এখানকার ডাক্তাররাও কেউ কিছু বলতে পারছে না। ডাঃ মিত্র এলে কিছু যদি বলতে পারেন।”

নিরঞ্জন যদিও কথাগুলি ইন্দুকে লক্ষ্য করিয়াই বলিতেছিলেন, তথাপি মায়া তাহা শুনিতে পাইল। খানিকটা ঘেন্না বিরক্ত হইয়া বলিল, “বাবার এক কথা। নিজে দেশ ছেড়ে, ধর্ম ছেড়ে সাহেব হয়েছেন ব’লে সবাই তাই হবে না কি? আমাকে হৃদয় কোথায় এনে তুললেন দেখ না! যত-সব স্নেহ কারগানা। এ খাটে কত মানুষ শুয়ে গেছে তার ঠিকানা নেই। আর রাশ-রাশ যত ফিরিঙ্গী-আনার কাপড়-চোপড়। এসব অন্যের পরা জিনিষ আমি কেন পরব? এতে কি আচার থাকে? কত কষ্টে আমার বান্ধটা খুঁজে বার করেছি জান না। আমার যা কাপড় আমি তাই পরছি।”

ইন্দু লক্ষ্য করিয়া দেখিল, মায়ার কথাই ঠিক। শুধু যে সে মাটিতে বিছানা করিয়া শুইয়া আছে তাহা নয়, কাপড়-চোপড়ও পরিয়াছে পাড়ারায়ের।

ধরণে। একখানা লালপেড়ে শাড়ী এবং একটা লেশ-বসান পুরাতন সেমিজ ভিন্ন তাহার গায়ে কিছুই নাই। সেমিজটা তাহার বহু পূর্বের সম্পত্তি, রেঙ্গুন আসিবার সময় সে গ্রামের লোকান হইতে কিনিয়া আনিয়াছিল।

নিরঞ্জন বলিলেন, “কোন কালের এক পুরনো বাস্তু গর ড্রেসিং-রুমের কোণে পড়েছিল, সেটাকে টেনে এনেছে। তার ভিতর যত ছেড়া কাপড় ছিল, সব বার করে পরছে। তুই পারিস ত ওকে একটু বোকা, আমি আপিসের কাজ সেরে আসি।”

ইন্দু মায়ার পাশে বিছানায় বসিয়া বলিল, “মায়া, উঠে তোর খাটে শো দেখি। এটা হাসপাতাল কেন হতে যাবে, এত মেজদার বাড়ী? তোর জন্যে এত ক’রে ঘরদোর সাজিয়েছে, এত কাপড়-জামা করিয়েছে, ই কিছু ব্যবহার করবি না?”

মায়া মুখ বাকাইয়া বলিল, “আমার প্রবৃত্তি হয় না, পিসিমা, কেমন যেন গা ঘিন্ ঘিন্ করতে থাকে। গাবা যে কিছু বোঝেন না। তিনি ধর্ম ছেড়েছেন বলে সবাই কি তা চাড়াবে? হিন্দুর মেয়ে আমরা, ধর্মই হ’ল আমাদের আসল জিনিষ।”

ইন্দুর গায়ে কাটা দিয়া উঠিল। এ যেন পরলোকগতা সারিঞ্জী তাহার কন্যার মুখ দিয়া কথা বলেতেছে। নিরঞ্জন তাহাদের একমাত্র সন্তানকে বিদেশী সভ্যতার আদর্শে গড়িয়া তুলিতেছিলেন, সারিঞ্জী কি লোকান্তরে থাকিয়াই এমনি করিয়া প্রাতিশোধ লইতে বসিল?

বহুকাল পূর্বে সে মায়াকে যেমন করিয়া বুঝাইতে বসিয়াছিল, আজ আবার তেমনি করিয়া বুঝাইতে বসিল। বলিল, “তাত বটে, তাই বলে কি বাপ-ভাইয়ের মনে কষ্ট দিতে হবে? হিন্দুর মেয়ের আসল ধর্ম ভালবাসার ধর্ম। যারা ভালবাসার পাত্র তাদের জন্তে সব করতে পারা উচিত। একটু চাল-চলন বদলালে তোর বাপ যদি খুঁসি হন, তা কেন তুই পারবি না? এটা সত্যি কিছু হাসপাতাল নয়, এঁ সব জিনিষপত্র সব তোর জন্তেই তৈরি করা, কেউ আগে ব্যবহার করেনি। এ সব নিলে, তোর

কোনো আচারের ক্রটি হবে না। আমি ত হিন্দুর ঘরের বিধবা, আমার চেয়ে ত আচার-বিচারের খুঁটিনাটি তুই ভাল বুঝিস না? আমি বলছি তোর কোনো অজ্ঞার হবে না। তুই খাটে উঠে শো দেখি, আমিও তোর সঙ্গে শোব এখন। খাওয়া-দাওয়া ত তোর বামুনেই জোগাড় করে দেয়, তবে আর মুক্তিলা কি? আর এ ছেড়া কাপড়খানা ছেড়ে কেল, আলমারী থেকে ভাল কাপড়-জামা বার করে দিই, প’রে বোস। চুলগুলো বাঁধ, এমন করে শরীর নষ্ট করিস নে। বাপের মনে কষ্ট দিয়ে কোনো লাভ আছে কি?”

মায়া খানিকক্ষণ কি যেন চিন্তা করিল, তাহার পর বলিল, “কি জানি পিসিমা, ঠিক কিছু বুঝতে পারি না। বাবার মনে কষ্ট দেওয়া ঠিক না, কিন্তু মাকেই কি ভুলে যাওয়া উচিত? তিনি কত দুঃখ পেয়ে গেলেন, স্বামীহৃদ্য তাঁকে তাগ করলেন, তবু ত তিনি ধর্ম ছাড়েন নি।”

ইন্দু জুড়কণ্ঠে বলিল, “থাম্ থাম্, আর ভট্‌চায়ির মত বক্তৃতা রিতে হবে না। মা ভারি কৌণ্ডিই করেছেন। আজন্ম স্বামীকে আলান বুঝি ভারি ভাল? হিন্দুর মেয়ে, হিন্দুর মেয়ে ক’রে বড় বে কড়্‌কড়ি করিস, হিন্দুর ছেলেমেয়ে মা-বাপের জন্তে কি না করেছে? রাজা ছেড়েছে বনে গেছে। রামের গল্প পড়েছিস, পুরুষ গল্প পড়েছিস? একটু খাটে উঠে শোওয়া আর একখানা ফর্সা কাপড় পরতেই তোদের প্রাণ বেরিয়ে যায়?”

মায়া অশ্রুপূর্ণ চোখে ইন্দুর দিকে তাকাইয়া রহিল। তাহার পর বলিল, “আচ্ছা আমি খাটে উঠে শুছি, কাপড় ছাড়ছি। কিন্তু ওসব সাদা, জ্যাকেট আমি পরব না এখন। একটা সেমিজ আর শাড়ী দাও। কিন্তু আমার মায়ের নামে এমন করে বোলো না। তোমরা তাকে দেখতে পায়তে না, কিন্তু তিনি আমার মা ত।”

ইন্দু আলমারী খুলিয়া কাপড়জামা বাহির করিতে করিতে বলিল, “দেখতে পারব না কেন? সে কি আমাদের পর ছিল? তবে অজ্ঞার দেখলে বলব না?

এই নে, এই কাপড়, জামা তোর পছন্দ হয়?" মায়া বলিল, "আচ্ছা দাও।" ইন্দুর সাহায্যে কাপড়চোপড় বদলাইয়া সে খাটে উঠিয়া গুইল। ইন্দুর আদেশে বড়ী আয়া মেঝের পাতা বিছানাটা উঠাইয়া লইয়া গেল।

(৩৮)

প্রভাস রেঙ্গুনে আসিয়া মহা ফাঁকরে পড়িয়াছিল। যে কাজের জন্ত আসিয়াছিল, তাহা হওয়া এখন অসম্ভব। মায়া এখন পর্যন্ত সারিবার কোন লক্ষণই দেখায় নাই। ইন্দু একদিন প্রভাসকে উপরে লইয়া গিয়াছিল, কিন্তু তাহার নাম শুনিবামাত্র মায়া মুখ লাল করিয়া পিছন ফিরিয়া বলিল, কিছুতেই তাহাকে প্রভাসের দিকে ফিরান গেল না। অগত্যা প্রভাস নামিয়া আসিল, তাহার পর আর মায়ার সঙ্গে দেখা করিবার চেষ্টা করে নাই। নিরঞ্জন তাহাকে মায়ার গাড়ীখানা ছাড়িয়া দিয়াছিলেন। সে খাওয়া-শোওয়া বাদে বাকী সব সময়টাই বেড়াইয়া কাটাওয়া দিত। কিন্তু ইহাও তাঁহার বিশেষ ভাল লাগিত না, একলা একলা আর কাঁহাতক্ ঘোরা যায়? সঙ্গে যাইবার কেহ নাই, বাড়ীর সকলেই বিষয়, বিব্রত, গল্প করিবার সময় পর্যন্ত তাহাদের নাই। অল্প দু-একবার প্রভাসের সঙ্গে গিয়াছিল বটে, কিন্তু তাহারও পরীক্ষার বৎসর, বেশী সময় সে নষ্ট করিতে সাহস করিত না।

চলিয়া যাউতেও প্রভাস পারিতেছিল না। কিছু কাছের দেশ নয়, একবার ফিরিয়া গেলে আবার কবে যে আসিতে পারিবে, তাহার কিছুই ঠিক-ঠিকানা নাই। অথচ মায়ার এই ইচ্ছাটা কার্যে পরিণত করার উপরে তাহার সমস্ত মন পড়িয়াছিল। অল্প অনেক গ্রামে সে এই সকল জনহিতকর অস্থগঠন করিয়া বেড়াইয়াছে, নিজেরদের গ্রামেই এতদিন অর্থের অভাবে কিছু করিয়া উঠিতে পারে নাই। এমন একটা স্থযোগ তাই চট করিয়া ছাড়িয়া দিতে তাহার মন উঠিতেছিল না। মাসখানেক ছুটি তাহার ছিল, যদিই ইহার মধ্যে মায়া সারিয়া ওঠে, এই ভরসাই সে করিতেছিল।

আজ শুক্রবার, কলিকাতার ডাক্তার আসিবার কথা।

নিরঞ্জন চা খাইয়া, তাঁহাকে আনিতে যাইবার জন্ত প্রস্তুত হইতেছিলেন। ইন্দু বসিয়া তাঁহাকে খাওয়াইতেছিল। প্রভাস চা খায় না, সে জলযোগ শেষ করিয়া বসিয়া খবরের কাগজ পড়িতেছিল।

ছোঁকরা এমন সময় আসিয়া খবর দিল, "হজুর, ব্যারিষ্টার সাহেব।"

নিরঞ্জন বলিলেন, "এই কামরামে লে আও।"

ইন্দু তাড়াতাড়ি উঠিয়া যাইবার জোঁগাড় করিতেছে দেখিয়া নিরঞ্জন বলিলেন, "তুই যাসনে, ছেলেটি আমাদের আত্মীয় হবার খুব সম্ভাবনা আছে, যদি ভগবান্ দয়া করেন।"

বিবাহের নামগন্ধ পাইলে কৌতুহলী না হয় এমন নারী জগতে ছল্ভ। ইন্দু আবার বসিয়া পড়িল। প্রভাস নিরঞ্জনের কথায় খবরের কাগজ হইতে মুখ তুলিয়া তীক্ষ্ণ দৃষ্টিতে আগন্তুককে দেখিতে লাগিল। হাঁ, দেখিবার মত চেহারা বটে, রূপে অন্ততঃ মায়ার উপযুক্ত পাত্রই হইবে। দেবকুমার নিকটে আসিতেই নিরঞ্জন বলিলেন, "এই যে। কাল সারাদিন এসনি যে?"

দেবকুমার বলিল, "বড় কাজের চাপ পড়েছিল, সেই জন্তে আসতে পারিনি। বাবার আবার জ্বর এল, তাঁকে দেখবার কেউ ছিল না।"

নিরঞ্জন বলিলেন, "আজ কেমন আছেন?" দেবকুমার বলিল, "এখন ত বেশ ভালই দেখে এলাম।"

নিরঞ্জন ইন্দুকে দেখাইয়া বলিলেন, "এই মায়ার পিসী, মঙ্গলবারের ঠামারে এসেছেন।"

দেবকুমার যদিও সাহেব সাজিয়াই আসিয়াছিল, তবু তাড়াতাড়ি উঠিয়া গিয়া ইন্দুকে অবনত হইয়া প্রণাম করিল। ইন্দু তাহাকে আশীর্বাদ করিয়া বলিল, "বেঁচে থাক বাবা, যেমন রাজপুত্রের মত চেহারা, তেমনি কপাল হোক। তুমি আমাদের আপনার জন হবে শুনে বড় আনন্দ হচ্ছে, এখন ঠাকুরের রূপায় মেয়েটা শীগ্গির শীগ্গির সেরে উঠলেই হয়।"

দেবকুমার একটু হাসিবার চেষ্টা করিয়া বলিল, "বিশেষ ভাল আশীর্বাদ করলেন না, পিসিমা, আজকালকার দিনে রাজপুত্রদের যা কপাল, তা বেশী লোভনীয় নয়।"

নিরঞ্জন বলিলেন, “তা বটে। আচ্ছা দেবকুমার বোসো, আমি একবার হোয়াক্কে যাচ্ছি, ডাঃ মিত্রকে আনতে। যদিও কি ক’রে তাঁকে চিন্বে জানি না, তিনিও আমাকে কখনও দেখেন নি।”

দেবকুমার উঠিয়া পড়িয়া বলিল, “চলুন, আমি আপনার সঙ্গে যাচ্ছি। ডাঃ মিত্রকে আমি চিনি, বিলেত যাবার আগে বেশ আলাপ ছিল।”

নিরঞ্জন বলিলেন, “তা হ’লে ত ভালই হয়। প্রভাসের সঙ্গে পরিচয় করে দেওয়া হ’ল না ত। প্রভাস, এই আমাদের শিবচরণবাবুর ছেলে দেবকুমার, এখানে প্র্যাকটিস আরম্ভ করেছেন। দেবকুমার, ইনি আমাদের গ্রামেরই ছেলে প্রভাস গাঙ্গুলি, সোশ্যাল ওয়ার্কে খুব উৎসাহী। তাঁর সাহায্যে মায়া গ্রামে একটা স্কুল ক’বে ঠিক করেছিল, সেই সম্বন্ধে কথাবার্তা কইতেই এর আসা। মায়া অস্থখ করে পড়াতেই মুগ্ধ হইয়েছে।”

দেবকুমার প্রভাসকে নমস্কার করিয়া বলিল, “আজ বিকেলে এসে আপনার সঙ্গে কথা বলব। এই কাজগুলি আমার নিজের খুব ভাল লাগে, যদিও হুবিদার অভাবে কিছু করতে পারিনি। ওদেশে ঘুরে ঘুরে ওদের কাজের ধরণধারণ অনেকটা দেখে এসেছি।”

প্রভাস প্রতিনমস্কার করিয়া বলিল, “তা হ’লে আপনার কাছেই আমি অনেক নূতন কথা শুনতে পাব।” বেশী কিছু বলিতে তাহার ইচ্ছা করিল না। অন্য সকলে দেবকুমারকে দেখিয়া যতই উচ্ছ্বসিত হইয়া উঠুন, তাহার নিজের এই বিলাত-ফেরৎ যুবকটিকে মোটেই ভাল লাগিল না। রূপবান্ বটে, কিন্তু পুরুষমানুষের দাম ত রূপের উপর নির্ভর করে না?

নিরঞ্জন দেবকুমারকে লইয়া বাহির হইয়া গেলেন। ইন্দু বলিল, “দিবিা খাশা ছেলেটি, না প্রভাস? ঘর আলো করা জামাই হবে। এখন মেয়ে সারুলে বাঁচি। যাই দেখি গিয়ে কি করছে। আমি ধরে-বেধে না খাওয়ালে ত খাবেও না কিছু। তুমি কি এখন বেরুবে?”

প্রভাস বলিল, “দূরে কোথাও যাব না। এই লেকের ধারে একটু ঘুরে আসি।” অকারণেই তাহার মনটা বড়

ভারি লাগিতেছিল, সে একটা ছড়ি হাতে করিয়া বাহির হইয়া গেল। ইন্দু ছোকরাকে টেবিল পরিস্কার করিতে আদেশ করিয়া উপরে চলিল।

মায়া মুখ ধুইয়া, কাপড় ছাড়িয়া ঘরের কোণে চুপ করিয়া বসিয়া ছিল। ইন্দুর সঙ্গে তাহার যে-সকল দেবদেবীর পট, পূজার সামগ্রী প্রভৃতি ছিল, সব এখন মায়া দখল করিয়াছে। ঘরের এক কোণে ঠাকুরের সিংহাসন পাতিয়াছে, সকালে অঞ্জলি, বিকালে আরতি প্রভৃতি সুরু করিয়াছে। তাহার পুরাণালের যে সকল বাংলা সংস্কৃত বই ছিল সব বাহির করিয়াছে, মাঝে মাঝে সে সব খুলিয়া বসে। তবে মিনিট পাচ সাতের বেশী মন দিতে পারে না, আবার তুলিয়া রাখে। পোষাক-পরিচ্ছদেরও বিশেষ বদল হয় নাই, তবে পুরান ছেঁড়া কাপড়গুলি ত্যাগ করিয়া এখন আলমারীর কাপড়-চোপড় ব্যবহার করিতে আরম্ভ করিয়াছে। মুখের ভাব পূর্বেরই মত, কিসের আঘাতে যেন তাহার চেতনা অর্ধ-আচ্ছন্ন হইয়া আছে।

ইন্দু ঘরে ঢুকিয়া বলিল, “কি রে কিছু খাসনি যে বড়? সব ত দেখছি সাজানো রয়েছে।”

মায়া নাক সিঁটকিয়া বলিল, “যা সব নোংরা বাসন-কোসন। ভাল করে মাজে না কিছু না, তেল ব্যাড্ ব্যাড্ করছে। ওতে কি মাছুয়ে খেতে পারে?”

ইন্দু জানিত মায়ার সঙ্গে এ অবস্থায় তর্ক করা বৃথা। তাহাকে নাওয়াইতে খাওয়াইতে হইলে তাহার মতে চলিতে হইবে। সুতরাং আর কথা না বলিয়া সে আবার নীচে নামিয়া গেল, এবং আলমারী খুলিয়া শ্বেত পাথরের রেকাবী, বাটি, গেলাস সব বাহির করিয়া নূতন করিয়া খাবার গুছাইয়া উপরে লইয়া আসিল। ছোকরা মহানন্দে আগেকার খাবারগুলি তুলিয়া লইয়া চলিয়া গেল, এগুলি এখন তাহারই ভোগে লাগিবে।

মায়া থাইতে বসিল। থাইতে থাইতে হঠাৎ জিজ্ঞাসা করিল, “পিসিমা, তিনি কি এখনও আছেন নাকি?”

ইন্দু বলিল, “তিনিটা কে আবার? তোর বর?”

মায়া মুখ লাল করিয়া বলিল, “পিসিমা কি রকম ক’রে যে কথা বল।”

ইন্দু হাসিয়া বলিল, “তা কি রকম করে বলতে হবে তুইই শিখিয়ে দে না। তোদের সব হাল ফ্যাশানের নিয়ম-কানুন ত আমি জানি না।”

মায়া বলিল, “যা-তা বল কেন? আমি আবার কবে থেকে হাল ফ্যাশানের হল্যাম? ও সব শুনলে আমার হাড় আঁলা করে।”

ইন্দু বলিল, “তা না হয় বলব না, তুমি তেকেলে বড়ীই যখন। তা দেবকুমার এসেছে তা তুই জান্দি কি করে? সে ত উপরে মোটেই আসেনি।”

মায়া বিন্মিতভাবে জিজ্ঞাসা করিল, “দেবকুমার কে পিসিমা? কই আমি ত জানি না কেউ এসেছে ব’লে।”

ইন্দু একেবারে অবাক হইয়া গেল। বলিল, “তবে তুই কার কথা জিগ্গেশ করছিলি? দেবকুমারের সঙ্গে তোর বিয়ে হবে তা যেন জানিস না? তোর বাবা এখন আমায় বললেন, আগে ত শুনিও নি। দিবা খাসা রাজপুত্রের মত চেহারা, আবার পড়াশুনোয়ও তেমনি।

মায়া উত্তেজিতভাবে বলিল, “বাবা যদি আমার ইচ্ছার বিরুদ্ধে অন্য কারও সঙ্গে বিয়ে দেন, তাহ’লে আমি গলায় দড়ি দিয়ে মরুব। হিন্দুর মেয়ে একবার যাকে স্বামী ব’লে জানে, তাকে ছাড়া আর কাউকে বিয়ে করিতে পারে না।”

ইন্দু এতক্ষণে ব্যাপারটা একটু বুঝিতে পারিল। দারুণ একটা অমঙ্গলের আশঙ্কায় তাহার বুকের ভিতরটা যেন শুখাইয়া উঠিল। ভগবান এ কি করিলেন? এমন হৃদয় দুটি জীবনকে এমন নিঃশব্দভাবে ধ্বংস করিতে ব’সলেন? মায়া নিজের মাঝখানের কয়েক বৎসরের জীবনকে কি করিয়া এমন সম্পূর্ণভাবে হারাইয়া ফেলিল? দেবকুমারের সহিত বিবাহের সন্ধকে করিয়াছে তাহা ইন্দু ঠিক জানে না। কিন্তু নিরঞ্জনকে যতদূর সে জানে, মায়াই ইচ্ছার বিরুদ্ধে বিবাহের কোনো সন্ধ নিশ্চয়ই তিনি করেন নাই। বিবাহের কোনো তাড়াতাড়ি তাহার ছিল না। মায়া এবং দেবকুমার নিজেরাই কথাবার্তা কহিয়া থাকিবে, তিনি সম্মতি দিয়াছেন মাত্র। কিন্তু এ সমস্ত স্বত্বই কি মায়াই মন হইতে লুপ্ত হইয়া গিয়াছে?

দেবকুমারের নাম তাহার মনে কোনো পরিচয়ের স্বত্বই জাগায় না, তাহার প্রতি ভালবাসার কোনো চিহ্নই এই অদ্ভুত বালিকার ভিতর এখন পাওয়া যায় না। কোথায় এ নিদারুণ সমস্তার সমাধান?

শুধু দেবকুমারকে যে মায়া ভুলিয়াছে তাহা নহে। কবে কোন্ কৈশোরে যে-মাছুষটি সন্ধে সামান্ত অহুরাগের অস্থুর তাহার মনে জাগিয়া উঠিয়াছিল, তাহারই মূর্তি এত দিনের পর আবার মায়াই জীবনে অনেকখানি জায়গা জুড়িয়া বসিয়াছে। মায়া যে প্রভাসের কথাই এতক্ষণ জিজ্ঞাসা করিতেছিল, সে বিষয়ে ইন্দুর সন্দেহমাত্র ছিল না। সে ভাবিয়া কোনো কূল দেখিতে পাইল না। ভয়ে উদ্বেগে তাহার মাথার ভিতরটা যেন ঝিম ঝিম করিতে লাগিল। মায়া তখনও মুখ লাল করিয়া বসিয়া আছে। বেশী উত্তেজনায় পাছে তাহার কিছু অনিষ্ট হয়, এই ভয়ে ইন্দু তাড়াতাড়ি বলিল, “আচ্ছা থাক, ও সব কথা পরে হবে এখন। কিছু কি আর ঠিক হয়েছে? আমি অননি ঠাট্টা করছিলাম। তোর ইচ্ছার বিরুদ্ধে কখনও কি বিয়ে হতে পারে? মেজদার মত কি তুই জানিস না? তুই এত বড় মেয়ে হয়েছিস, যা তুই বলবি সেই অহুসারে কাজ হবে।”

মায়া এতক্ষণ খাওয়া ফেলিয়া হাত গুটাইয়া বসিয়া ছিল। ইন্দুর কথায় খানিকটা যেন আশ্বস্ত হইয়া আবার ধাইতে আরম্ভ করিল। বলিল, “তাই হলেই ভাল। শুধু শুধু একটা গোলমাল বাধাতে আমিই চাই নাকি? তাই ব’লে আমাকে নিয়ে যা-তা করলে চলবে কেন? কই তুমি ত বললে না তিনি আছেন। ক না?”

ইন্দু অভ্যস্ত সংক্ষেপে বলিল, “আছে।” মনে মনে বলিল, “এমন উৎপাত হবে জানলে কে ও আপদকে সন্ধ করে আনত? না-হয় দু-দিন পরেই আস্তাম। আহা, দেবকুমার ছেলেটি চমৎকার! এমন চেহারা লাখে একটা দেখা যায় না। ব্যারিষ্টারও হয়েছে। টাকাকড়ি আছে কি না কে জানে। তা মেজদার যা-কিছু, সব ত ঐ মায়াই পাবে? টাকা থাকলেই বা কি, না থাকলেই বা কি? এ ছেলের কাছে কি আর প্রভাস লাগে? কোনো টুলো পণ্ডিতের মেয়েকে বিয়ে করবে,

সেই ওকে মানাবে। এখন এ পোড়া রোগ সার্বলে ধাচি। এমন কাণ্ড জন্মে শুনি নি বাপু।”

মায়ার খাওয়া-দাওয়া হয়ে গেলে আমার ঘরে এস, কেমন? একটু যোগবাশিষ্ট রামায়ণ শুনব তোমার কাছে।”

ইন্দু বলিল, “দেখি, সময় পাই ত আসব। আজকের জাহাজে কে এক ডাক্তার আসছে তোর জন্যে, মেজদা একটু আগে তাকে আনতে গেল। তাদের সব খাওয়া-দাওয়া হোক, তোকে দেখা হোক, তারপর সময় থাকে পড়ব। বাগানে একটু বেড়ালেও পারিস? সারাক্ষণ এই একটা ঘরের মধ্যে বসে আছিস্। এতে ত শরীর আরও খারাপ হয়।”

মায়ী বলিল, “কেন তোমরা ডাক্তার-বন্দি দেগিয়ে টাকা নষ্ট করছ, তা তোমরাই জান। আমার ত কিছু হয়নি? মাথাটা মাঝে মাঝে একটু ভার লাগে—এই যা। বাগানে যাব বিকেলে, সকালে অনেক সব বাইরের লোকজন থাকে, যেতে লজ্জা করে।”

ইন্দু বলিল, “নিজের কি অস্থখ, সব কি নিজে বোঝা যায়? তুই কেমন যেন হয়ে গেছিস্, কি সব আবোলতাবোল বকিস্, তাই ত মেজদা এত ডাক্তার ডাকাডাকি করে।”

মায়ী বলিল, “তোমার পছন্দ-মত কথা না হলেই বালতাবোল হ’ল? আমি কি ক্ষেপেছি যে আবোলতাবোল বকব?

ইন্দু বলিল, “যাক্ গে সে কথা। তুই এখন কি করবি? আমি ত নীচে যাচ্ছি। ভাঁড়ার দেব, তরকারি ছুটব, তারপর স্নান করে নিজের রান্না চড়াব। ততক্ষণ একলা থাকবি?”

মায়ী বলিল, “করবার ত কিছু খুঁজে পাই না। ঘরের কাজ সব ত চাকরবাকরেই করছে, তার উপর তুমি রয়েছ। আমার যে-ক’খানা বই ছিল, তা ত পড়ে পড়ে মুখস্থ হয়ে গেল।”

ইন্দু বলিল, “ওমা, বইয়ের অভাব নাকি ভারি? তোর ওদিককার পড়বার ঘরে, নীচে লাইব্রেরী-ঘরে

বই ঠাসা রয়েছে, এসে পড় না? তাহ’লে ত সময় বেশ কাটে। চলনা আমার সঙ্গে, বই নিয়ে আসবি।”

মায়ী একটু ইতস্তত করিয়া বলিল, “আচ্ছা চল।”

ইন্দু তাহাকে সঙ্গে করিয়া তাহার পড়িবার ঘরে লইয়া গেল। মায়ী ঘুরিয়া ঘুরিয়া সব বইয়ের আলমারী-গুলি দেখিতে লাগিল। বলিল, “বাবার টাকা যেন কামড়ায়, না পিসিমা? বই কিনেই কত টাকা উড়িয়েছেন দেখ? আমার জন্তে এত বইয়ের দরকার ছিল? সাতজন্মেও পড়ে শেষ করতে পারব না।”

ইন্দু বলিল, “শেষ করতে পারবি না কেন? এয় অনেকগুলোই ত তোর কলেজের বই বলে শুনি।”

মায়ী খানিকক্ষণ ইন্দুর দিকে ইং করিয়া চাহিয়া রহিল। তাহার পর জিজ্ঞাসা করিল, “কিসের বই বললে পিসিমা?”

ইন্দু বলিল, “কলেজের বই, কলেজের বই। কানেও আজকাল কম শুনিছিস্ নাকি?”

মায়ী বলিল, “কম শুন্তে যাব কেন? কিন্তু কি তুমি যে সব বলতে শুরু করেছ! আমার কলেজের বই মানে কি? আমি আবার কবে কলেজ গেলাম? বাবার কলেজের বই?”

ইন্দু ভীতভাবে বলিল, “তুই একখানা বই খুলে দেখ না, পড়তে ভাল লাগে কিনা।”

মায়ী আলমারীর দরজা টানিয়া খুলিয়া একখানা বই বাহির করিল। অনেকক্ষণ উল্টাইয়া-পাল্টাইয়া দেখিয়া বলিল, “পিসিমা, তুমি আমার সঙ্গ চালাকি করছ। এ সব ত ইংরিজি বই। আমি কোথা থেকে পড়ব? নীচের ঘরে বাংলা বই যদি কিছু থাকে, তাই চল নিয়ে আসি গে।”

ইন্দু বজ্রাহতের মত দাঁড়াইয়া রহিল। খানিক পরে অনেক কষ্টেই যেন জিজ্ঞাসা করিল, “কিছু পড়তে পারছিস না?”

মায়ী হি হি করিয়া বোকার মত হাসিয়া উঠিল। বলিল, “পিসিমা, তুমি কি পাগল হয়েছ? আমি কি বি-এ, এম-এ, পাশ যে ইংরিজী পড়ব?”

কবিতা পাত্র



মূর্থ শতক

সংস্কৃত-সাহিত্যে সকল বিষয়েই একটা শাস্ত্র আছে, সেইরূপ মূর্থেরও একটা শাস্ত্র আছে, তাহার নাম মূর্থশতক। এই পুস্তকখানি ছাপা হইয়াছে। গুপ্তভাতের লোক ব্যবহারচতুর বলিয়া এই পুস্তকের গুপ্তভাতী তর্জনা পর্য্যন্ত হইয়া গিয়াছে।...বইখানির পশ্চিম-ভারতে বেশ সম্মান আছে। কে যে এইরূপ অপরাধ গ্রহ লিখিয়াছিলেন, তাহার নাম জানা যায় না, কিন্তু বহুকাল হইতে, সম্ভবতঃ খৃষ্টীয় দ্বাদশ শতাব্দী হইতে, বইখানি চলিয়া আসিতেছে।

বইখানি অত্যন্ত ছোট, মাত্র ২৭টি পৃষ্ঠা, কিন্তু ভারি দরকারী। এক-একটি পৃষ্ঠায় চারি প্রকারের মূর্থের লক্ষণ দেওয়া আছে; তাহা ছাড়া গোড়ার একটি আর শেষে একটি পৃষ্ঠায় উপক্রমণিকা ও উপসংহার-হিসাবে দেওয়া আছে। পুস্তকখানি হইতে বুঝা যায়, সেকালেও অনেকরকম মূর্থ ছিল এবং মূর্থদের মোটামুটি একশত ভাগে ভাগ করা হইত। মূর্থলোক খাহাতে মূর্থের পরিহার করিয়া ব্যবহারচতুর হইতে পারে এবং অভিজ্ঞভাবে সংসারব্যাপী নিকাহ করিতে পারে, তাহারই জন্য এই উপদেশের গ্রন্থখানি বিমুগ্ধিত হইয়াছিল।...

মূর্থশতকের প্রত্যেক ছন্দে এমন মূল্যবান ও সারগর্ভ উপদেশ নিহিত আছে যে, তাহা সারাজীবন মানুষের কার্যোপযোগী হইতে পারে। বইখানি বড় বড় অক্ষরে ছাপাইয়া পাত্যাক গৃহস্থের বাড়ীতে টাঙ্গাইয়া রাখা উচিত।...

১। সামর্থ্যে বিঘাতোন্মোহঃ।—বাহার সামর্থ্য বা ক্ষমতা সত্ত্বেও উৎসাহ নাই। পরমা রাজ্যকার করিবার ক্ষমতা সত্ত্বেও যে-সব লোক আসলো কাল কাটায় এবং নির্ধন থাকে; পাঠারি করিবার ক্ষমতা, বুদ্ধিবৃত্তি থাকে সত্ত্বেও বাহার পড়াশুনা না করিয়া হেলার আপনাদের ভবিষ্যৎ নষ্ট করে, তাহারাই প্রথম প্রকারের মূর্থ।

২। ধন্যবী প্রাজ্ঞপর্ষদী।—যে ব্যক্তি পণ্ডিতগণের সমাজ বসিয়া নিজের গাথা করিয়া থাকে, এমন ব্যক্তি যত বড়ই শাস্ত্রজ্ঞ হউন না কেন তিনি মূর্থ হইবেনই।

৩। বেস্তাবচনী বিশ্বানী।—বেস্তার কথার যিনি বিশ্বাস করেন এবং তাহারের প্রেমে মুগ্ধ হন এক সংসার হারেখারে ঘেরা তিনি মূর্থ।

৪। প্রভাতী দম্ভভরণে।—যিনি দম্ভ ও আড়ম্বর দেখিয়া আসল জিনিষের কথা ভুলিয়া যান।

৫। দূতাদি চিন্তবন্ধানঃ।—দূত বা জুহাতে নিশ্চয় টাকা পাইবার আশার যিনি বসিয়া থাকেন তিনি একজন মূর্থ।

৬। কৃষান্যাদেবু সশরী।—যিনি কৃষিকর্ম হইতে লাভ হইবে কি না সন্দেহ করিয়া সে কার্য হইতে বিরত থাকেন।

৭। নিবৃদ্ধিঃ শ্রোতকাব্যার্থী।—বুদ্ধিহীন হইয়াও যে বড় বড় কার্য করিতে যায় সে একটা মূর্থ।

৮। বিবিভক্তসিকো বশিক।—যে ব্যবসায়ীর হইয়াও অরসিক সে একজন মূর্থ।

৯। বর্ণেন হাবরক্রেতা।—ধার করিয়া হাবর সম্পত্তি যে ক্রয় করে সে একজন মূর্থ।

১০। হবিঃ ক্রম্ভকাবরঃ।—যে বৃদ্ধ তরুণী বিবাহ করিয়া ঘরে আনে সে একটা মূর্থদিগের সেরা।

১১। ব্যাখাতা চাক্ষতে গ্রহে।—যে অজ্ঞান শাস্ত্রের ব্যাখ্যা করিবার চেষ্টা করে সে একটা মূর্থ, কারণ তাহা নিজেই জানে না তাহা অপরকে বুঝাইবে কি?

১২। প্রতাহকর্ষেহ পাপহুবী।—যিনি কোন ঘটনা প্রত্যক্ষ দেখিয়াও তাহা বিশ্বাস করিতে চাহেন না তিনি একটা মূর্থ।

১৩। চপলাপতিরীর্ঘ্যাপুঃ।—কুলটা বিবাহ করিয়াও যিনি জীৱ প্রতি ঘেব করেন তিনি একটা মহামূর্থ।

১৪। শতশত্রেয়শক্তিতঃ।—প্রবল শত্রু থাকে সত্ত্বেও যিনি নিঃশঙ্কচিত্তে কাল ব্যাপন করিয়া থাকেন তিনি একজন মূর্থ।

১৫। দম্বা ধনাত্মহুশী।—টাকা দান করিয়া যিনি পরে অশ্রুশোচনা করিয়া থাকেন তিনি একটা মূর্থ।

১৬। কবিনা হৃৎপাঠকঃ।—যিনি নিজে অপণ্ডিত হইয়াও পণ্ডিতে সহিত হঠকার করিয়া তর্কে প্রবৃত্ত হন।

১৭। অপ্রস্তাবে পটুবজা।—কোন প্রসঙ্গ বা কারণ ব্যতিরেকে যিনি বক্ বক্ করিয়া প্রচুর বকিতে থাকেন, তিনি একটা উজ্জ্বল।

১৮। প্রস্তাবে মৌনকারকঃ।—যখন প্রসঙ্গ বা কারণ উপস্থিত হয় তখন কথাবার্তা না কহিয়া যিনি মৌনাবলম্বী হন, তিনি মূর্থ বলিয়া পরিগণিত হন।

১৯। লাভকালে কলহকৃৎ।—লাভের সময় উপস্থিত হইলে যিনি লাভভাতার সহিত কলহ করিয়া লাভের পথ বন্ধ করেন তিনি একটা মূর্থ।

২০। মন্যমানু ভোজনকণে।—ভোজন করিবার সময় যিনি রাগিয়া আঙন হইয়া যান তিনি একটা হস্তিমূর্থ।

২১। কীর্ত্যঃ কুলজাতেন।—সামান্য লাভের জন্য যিনি অজ্ঞ অর্থ ব্যয় করিয়া থাকেন তাহাকে মূর্থ বলা হইয়া থাকে।

২২। লোকোক্তো দ্বিষ্টঃসংবৃতঃ।—লোকের উক্তিতে যিনি দ্বিষ্ট হইয়া থাকেন তিনি একজন মূর্থ।

২৩। পুত্রার্থেন ধনে দীনঃ।—পুত্রের হাতে ধনসংকল্প সমর্পণ করিয়া যিনি শেষে কষ্ট পাইয়া থাকেন, তিনি মূর্থ বলিয়া গণ্য হন।

২৪। পত্ন্যাবস্তার্যব্যচয়ঃ।—পত্নীর নিকট একবার কোন জিনিস বা অর্থ দিয়া আবার তাহার নিকট হইতে যে চাহে সে মূর্থ বলিয়া গণ্য হয়।

২৫। ভাধ্যাখেদ্যং কৃতোঘাতো।—এক ভাধ্যার বিরক্ত হইয়া দ্বিতীয়বার স্বপ্নের আশার যিনি দারপরিগ্রহ করিয়া থাকেন, তিনি মূর্থশ্রেণীভুক্ত হন।

২৬। পুত্রকোপাং তদন্তকঃ।—যিনি পুত্রের উপর রাগ করিয়া তাহার আশ্রয় করিয়া থাকেন, তিনি মূৰ্খ বলিয়া গণ্য হন।

২৭। কামুকস্পর্দয়া দাতা।—যে-ব্যক্তি কামীলোকের সহিত মেধাযেব করিয়া বেষ্ঠা-আদিকে ধনপ্রদান করিয়া থাকে সে মূৰ্খ শ্রেণীভুক্ত হইয়া থাকে।

২৮। গৰ্ভবান্ মার্গগোক্তিঃ।—যে ব্যক্তি কৃপাকাঙ্ক্ষার চাট-বাক্যে আপনাকে গৰ্ভিত বোধ করিয়া থাকে তাহাকে মূৰ্খ বলা হইয়া থাকে।

২৯। ধীদগমি হিতশ্রোতা।—আপনাকে বুদ্ধিমান বলিয়া মনে করিয়া দৰ্পে যিনি হিতবাক্য শ্রবণ না করিয়া বিপদে পড়েন, তিনি মূৰ্খদবাক্যে হইয় থাকেন।

৩০। কুলোৎসেকাদিসংকঃ।—কুলগর্বে গৰ্ভিত হইয়া প্রয়োগন হইলেও যিনি চাকুরি করিতে চুপা বোধ করেন এবং দেখে দিনবাপন করেন, তিনি মূৰ্খদবাক্যে হইয়া থাকেন।

৩১। দদ্যর্থান্ দ্রলভান্ কানী।—যে কামীপুত্র দ্রলভ সামগ্রী দিয়া আপনার কামচরিতার্থ করে সে একটি গোমূৰ্খ।

৩২। দদ্য শুদ্ধমনাংগঃ।—যে বাবনায় মালের উপর সরকারী শুদ্ধ দিয়াও গুপ্তমার্গে দিয়া মাল লইয়া গিয়া অনর্থের ব্যক্তি করিয়া থাকে তাহাকে মূৰ্খ বলিয়া গণ্য করা হয়।

৩৩। লুকে ভূজি লাভার্থী।—যে রাজাকে অত্যন্ত লোভী জানিয়াও তাহার নিকট হইতে কোনরূপ লাভের আশা করিয়া থাকে, সে একটি মহামূৰ্খ।

৩৪। আয়াদী' চুপ্তশান্তি।—যেখানে শাসক চুপ্ত ও অত্যাচারী তাহার নিকট হইতে যে আয়বিচার আশা করিয়া থাকে সে একটি আস্ত মূৰ্খ।

৩৫। কায়স্থে মেঘবজ্রাণঃ।—এতলে কায়স্থ বলিতে রাজকপুত্রের বজ্র, বিশেষতঃ যাহারা খাজনা আদায় করিয়া থাকে। ইহারা প্রজাদের উপর অতিরিক্ত উৎপীড়ন করিত এবং বিশেষ অত্যাচারী ছিল। অতএব যিনি কায়স্থের মেঘের উপর নির্ভর করিয়া কোন আশা হৃদয়ে পোষণ করিয়া থাকেন, তিনি মূৰ্খ বলিয়া গণ্য হন।

৩৬। কুরে মস্রি নিভয়ঃ।—রাজার মন্ত্রী কুর প্রকৃতির হওয়া সত্ত্বেও যে লোক নির্ভয়ে বিচরণ করে সে মূৰ্খ।

৩৭। কৃতত্ত্ব প্রতিকার্যার্থী।—যে ব্যক্তি কৃতত্ত্বের জন্য উপকার করিতে ব্যগ্র হয়, সে একটি আসল ইদা।

৩৮। নীরসে গুণবিজ্ঞা।—যে-ব্যক্তি রসগ্রহণ করিতে জানে না তাহার নিকট নিজের গুণের পরিচয় দেওয়া মূৰ্খের কার্য বলিয়া গণ্য হইয়া থাকে।

৩৯। স্বাহো বৈদ্যক্রিয়াস্বো।—যে হুহ অবস্থায়ও নানারূপ ঔষধাদি সেবন করিয়া শরীরে যন্ত্রাদির বিকার ঘটাইয়া থাকে, তাহাকে মূৰ্খ বলা হয়।

৪০। রোগী পথ্যপরাঙ্মুখঃ।—যে রোগী রোগের ভোগকালে পথ্য সেবন না করিয়া নিজের ইচ্ছামত খাওয়া-দাওয়া করিয়া বিপদ আনয়ন করে সে মূৰ্খশ্রেণীভুক্ত হয়।

৪১। লোভেন স্বজনত্যাগী।—লোভের বশবর্তী হইয়া যে আপনাদি স্বজনকে ত্যাগ করে সে মূৰ্খ।

৪২। বাচা মিত্রবিরাগকুং।—পরষবাক্য প্রয়োগে যিনি বন্ধুর সহিত মনোমালিন্য করিয়া থাকেন, তাহাকে মূৰ্খ নামে অভিহিত করা হইয়া থাকে।

৪৩। লাভকালে কৃতালস্যঃ।—লাভের সময় আগত দেখিয়াও যিনি আলস্যবশতঃ লাভ নষ্ট করিয়া থাকেন, তাহাকে মূৰ্খ বলা হইয়া থাকে।

৪৪। মহক্তিঃ কলহপ্রিয়ঃ।—অশেষ ধনশালী হইয়াও যিনি সামান্য অর্থ লইয়া হেঁচকাহেঁচড়ি করিয়া থাকেন তাহাকে মূৰ্খ বলা হইয়া থাকে।

৪৫। রাজার্থী' গণকল্যোক্তেঃ।—গণক 'রাজ্যার্থে আছে' বলিয়াছে বলিয়া যিনি তাহার কথায় নির্ভর করিয়া রাজ্যপ্রাপ্তির আশায় বলিয়া থাকেন তিনি গণমূৰ্খ বলিয়া পরিগণিত হন।

৪৬। মূৰ্ঘবস্ত্রে কৃতানয়ঃ।—যিনি মূৰ্ঘের বা অনভিজ্ঞ লোকের পরামর্শ গ্রহণের কার্য করিয়া বিপদে পড়েন তাহাকে মূৰ্খশ্রেণীভুক্ত করিতে হয়।

৪৭। গুরো' দুৰ্ভলসাপথ্যে।—যিনি দুৰ্ভলের উপর অত্যাচার করিয়া আপনাকে বার বলিয়া পরিচয় দিয়া থাকেন, তাহাকে মূৰ্খ-শ্রেণীভুক্ত করা হইয়া থাকে।

৪৮। দৃষ্টদোষাঙ্গনারতঃ।—যে স্ত্রীলোকের একবার চরিত্রদোষ দেখা গিয়াছে তাহার সহিত যিনি তাহা সত্ত্বেও আসক্ত থাকেন তাহাকে মূৰ্খ বলিয়া অভিহিত করা হয়।

৪৯। ক্ষণরাগী গুণাভ্যাসে।—ভাল কাব্য বা গুণের অভ্যাসে যাহার আসক্তি অল্পকালের মধ্যেই বিলীন হইয়া যায়, তিনি একটি মূৰ্খ।

৫০। সঙ্কয়েতঃ কৃতবায়ঃ।—বাপদাদার সঙ্কিত অর্থদান্ধি যিনি উড়াইয়া দেন তাহাকে মূৰ্খ বলা হইয়া থাকে।

৫১। নৃপানুকরী মানেন।—সকলে সম্মান করে বলিয়া গর্বের রাজার বেশভূষাদি বাঁহারা অনুকর। করিয়া থাকেন, তাহারা মূৰ্খ।

৫২। জনে রাজাদিনিমলকঃ।—যে ব্যক্তি প্রকাশে রাজা, রাজমন্ত্রী ইত্যাদির নিন্দা করে সে মূৰ্খ।

৫৩। দুঃখে দর্শিতদৈন্তাঙ্কিঃ।—দুঃখে বা দারিদ্র্যে পড়িয়া যে দারিদ্র্যদুঃখ সকলের নিকট ব্যক্ত করে, তাহাকে মূৰ্খ বলা হয়।

৫৪। হুখে বিষ্মতদুর্গতিঃ।—হুখের সময় আগত হইলে যিনি পূর্বের কষ্টের কথা বিষ্মত হন তিনি একজন মূৰ্খ।

৫৫। বহব্যয়োহল্পরক্ষার্থম্।—সামান্য জিনিস রক্ষা করিতে গিয়া প্রচুর ব্যয় করিয়া ফেলা একটি মূৰ্খের লক্ষণ।

৫৬। পত্নীক্ষায়ে বিবাহনঃ।—বিবাহ হইলে শরীরে কি হয় পরীক্ষা করিবার জন্য যে ব্যক্তি কোতুলপরবশ হইয়া বিব ভঙ্গ করে এবং করিয়া বিপদাপন্ন হয় তাহাকে পণ্ডিতেরা মূৰ্খনামে অভিহিত করিয়া থাকেন।

৫৭। দক্ষার্থী ধাতুবাধেন।—নিকট ধাতু হইতে সোনা বাহির করিবার চেষ্টায় যিনি আপন অর্থাদি ভক্ষীভূত করিয়া কেলেদ তাহাকে পণ্ডিতেরা মূৰ্খ-শ্রেণীভুক্ত করেন।

৫৮। রসায়নে রসক্ষী।—রসায়নাদি ভীষণীয়া কবিরাজী ঔষধাদি সেবন করিয়া যিনি শরীরে রসাদির ক্ষয় সাধন করিয়া থাকেন তাহাকে পণ্ডিতেরা মূৰ্খ নামে অভিহিত করিয়া থাকেন।

৫৯। আঙ্গস্তানবাস্তকঃ।—নিজেকে একজন মন্ত বড়লোক বা

পণ্ডিত মনে করিয়া যিনি সর্বদাই ফুলিয়া থাকেন, তাঁহাকে লোকে মূৰ্খ বলিয়া থাকে।

৬০। ক্রোধান্বিতবোধাদ্যতঃ।—ক্রোধবশতঃ যিনি আত্মবাতী হইতে যান, তিনি মূৰ্খ বলিয়া পরিচিত হন।

৬১। নিত্যং নিফলসংকারী।—যিনি নিত্যই কোন কার্য্য না থাকা সত্ত্বেও কেবলই ভববৃক্ষের ছায়া টো টো করিয়া ঘুরিয়া বেড়ান তাঁহাকে মূৰ্খ নামে অভিহিত করা হইয়া থাকে।

৬২। যুদ্ধপ্রেক্ষী শরাস্তঃ।—যুদ্ধ করিতে গিয়া শরের আঘাত পাইয়াও যিনি যুদ্ধ দেখিতে থাকেন তাঁহাকে মূৰ্খ বলা হয়।

৬৩। শরী শত্রুবিরোধেন।—প্রবল শত্রুর সহিত বিরোধ করিয়াও যিনি নিশ্চিন্তমনে নিদ্রা গাইয়া থাকেন তাঁহাকে পণ্ডিতের মূৰ্খ বলিয়া অভিহিত করেন।

৬৪। স্বল্পার্থক্ষীভবঃ।—অতি অল্প আয় থাকা সত্ত্বেও যিনি অত্যন্ত আভরণ ও চাকচিক্য বাহিরে দেখাইয়া থাকেন তাঁহাকে লোকে মূৰ্খ বলিয়া থাকে।

৬৫। পণ্ডিতোহস্মীতি বাচালঃ।—আপনাকে পণ্ডিত মনে করিয়া যিনি সদাসর্বদা বাচালতা করিয়া থাকেন, তিনি পণ্ডিত হইলেও মূৰ্খ বলিয়া পরিগণিত হন।

৬৬। হৃষ্টটোহস্মীতি নির্ভয়ঃ।—যিনি আপনাকে ভাল যোদ্ধা মনে করিয়া নির্ভয়ে বিচরণ করিয়া থাকেন তাঁহাকে মূৰ্খ শ্রেণীভুক্ত করা হয়।

৬৭। প্রমুগ্ধিতোহস্মীতিভিঃ।—যিনি চাটুকারের তোষামোদ-বাক্যে অত্যন্ত হর্ষপ্রাপ্ত হন তাঁহাকে বোকা বলা হয়।

৬৮। মৰ্দ্দভেদী স্মিতোক্তিভিঃ।—কেহ উপহাস করিয়া কথা বলিলে তাহার মৰ্দ্দভেদী উত্তর যে দেয় তাহাকে অজমূৰ্খ বলিতে পারা যায়।

৬৯। দরিত্রহস্তস্তার্থঃ।—যে ব্যক্তি অত্যন্ত দরিদ্রের হস্তে অর্থ-সম্পত্তি গচ্ছিত রাখে তাহাকে লোকে মূৰ্খ বলিয়া চিনিতে পারে।

৭০। সন্নিবেহেহর্থং কৃতব্যঃ।—বাহার কৃতকার্য্যতা বিষয়ে বিশেষ সন্দেহ আছে এরূপ বিষয়ে অর্থ ব্যয় করা মূৰ্খের লক্ষণ।

৭১। স্বব্যয়ে লেখ্যকালস্তো।—যিনি আপনার জমাখরচাদি লিপিতে আলস্য করিয়া থাকেন তাঁহাকে মূৰ্খনামে অভিহিত করা যায়।

৭২। দৈববশাৎ তাক্তপৌরুষঃ।—দৈবের উপর নির্ভর করিয়া যিনি পুরুষকারকে বিদায় দেন তিনি একজন মূৰ্খ।

৭৩। গোষ্ঠীরতিদরিত্রশ্চ। যে দরিত্র হইয়াও বড় বড় লোকের সহিত, বড় বড় সমাজে মেলামেশা করে তাহাকে পণ্ডিতের মূৰ্খ বলিয়া থাকেন।

৭৪। দৈবস্তে বিশ্বতভোজনঃ।—শোক বা তাপ পাইয়া যিনি আহারের কথা নিশ্চয় হন তাঁহাকেও মূৰ্খ বলিতে পারা যায়।

৭৫। গুণহীনঃ কুলমাযী।—নিগুণ হইয়াও যে-ব্যক্তি আপনার কুলের দ্বাৰা করিয়া থাকে সে একটি নিরৈট মূৰ্খ।

৭৬। গীতগোবী ধরমঃ।—গাধার মত গলা লইয়া যিনি অনবরত গদ্যভাষা গিণি ভাজিতে থাকেন তাঁহাকে মূৰ্খ বলিয়া অভিহিত করা হয়।

৭৭। ভাৰ্য্যাত্তম্যমিবিধাযী।—স্ত্রীর ভয়ে যে টাকাকড়ি গোপনে রাখিয়া দেয়, বা টাকাকড়ির কথা গোপন রাখে তাহাকে মূৰ্খ বলা হইয়া থাকে।

৭৮। কার্পণ্যোনাগ্ন্যর্থঃ।—অতিরিক্ত কার্পণ্যবশতঃ যিনি চতুদ্দিকে দুৰ্গম কিনিয়া থাকেন তাঁহাকে মূৰ্খ বলা হয়।

৭৯। বাক্যদোষজনস্বাধী।—যে ব্যক্তি দোষ জনসমূহে বাক্য হইয়াছে, এইরূপ লোকের স্থপাতি যিনি করিয়া থাকেন তিনি একটি আস্ত বোকা বলিয়া লোকসমাজে পরিচিত হইয়া থাকেন।

৮০। সভ্যমধ্যার্থনির্গতঃ।—সভাতে বসিয়া সভ্যশেষ হইবার পূর্বে যিনি সকলের সমক্ষে বহির্গত হইয়া যান তাঁহাকে অনভ্য বলিয়া লোকে মূৰ্খ-শ্রেণীভুক্ত করিয়া থাকে।

৮১। দূতো বিশ্বতসন্দেশঃ।—যে দূত নির্দিষ্টস্থানে আসিয়া কি খবর দিতে আসিয়াছে তাহা ভুলিয়া যায় তাহাকে মূৰ্খ বলা হয়।

৮২। কানবাংশোচিরাকরতঃ।—কানির বায়রাম থাকা সত্ত্বেও হে রাতে ঘরে সিঁদ গিয়া চুরি করিতে যায়, সে একটি খাজামূৰ্খ।

৮৩। ভুরিভোজ্যবঃ কীৰ্ত্তেঃ।—যিনি শুধু নাম হইবে বলিয়া বাড়ীতে খুব খাওয়ান-নাওয়ান করেন, তিনি একটা মূৰ্খ।

৮৪। শ্লাঘাট্রে স্বল্পভোজনঃ।—নিজের খাতি ও পোরব বিস্তৃত হইবে বলিয়া যিনি অত্যন্ত পরিমাণ আহার করিয়া থাকেন তিনি একটা অজমূৰ্খ।

৮৫। স্বল্পে ভোজ্যোতিহতিরসিকঃ।—যে তরকারি অতি অল্প রান্না হইয়াছে তাহাই বারবার যিনি চাহিয়া থাকেন তিনি একটা মূৰ্খ।

৮৬। বিক্ষিপ্তশৃঙ্গলটিভিঃ।—লুক্কায়িত চাটবাক্যে যিনি বিক্ষিপ্ত-চিত্ত হইয়া আপনার কর্তব্য ভুলিয়া গিয়া থাকিয়া থাকেন তাঁহাকে মূৰ্খ নামে অভিহিত করা হয়।

৮৭। বেস্তাভ্যাপারকলহী।—বেস্তাবিটত ব্যাপার লইয়া বাঁহারা আপনা-আপনি হিতর প্রকাণ্ডে কলহ করিয়া থাকেন তাঁহারা নিতান্ত অজমূৰ্খ বলিয়া গণ্য হন।

৮৮। ঘষায়সে তৃতীয়কঃ।—ছইজনে যেখানে গোপন পরামর্শ করিতেছেন তেঁইখানে বাঁহারা হাজির হওয়া একটা মূৰ্খের কার্য্য।

৮৯। রাজপ্রদাদে দ্বিরবীঃ।—রাজা কোনরূপ অগ্রহ প্রকাশ করিলে যিনি কৃতজ্ঞতা প্রকাশ না করিয়া অকৎস চিত্তে বসিয়া থাকেন তাঁহাকে মূৰ্খ বলা হইয়া থাকে।

৯০। অন্ত্রায়েন বিবন্ধিযুঃ।—কোনরূপ অন্ত্রার কার্য্য করিয়া যিনি উন্নতির আশা করিয়া থাকেন তাঁহাকে মূৰ্খ বলিয়া অভিহিত করা হয়।

৯১। অর্ধহীনোহর্থকাধাযী।—অর্ধহীন হইয়াও যিনি ব্যয়বহুল কার্য্যে নিযুক্ত হন তাঁহাকে মূৰ্খ বলা হয়।

৯২। জনে গুহ্যপ্রকাশকঃ।—যিনি গোপন কথা প্রকাণ্ডে প্রকাশ করিয়া নিজেকে ও আত্মীয়-স্বজনকে বিপদে ফেলিয়া থাকেন তাঁহাকে খাজামূৰ্খ বলা হইতে পারে।

৯৩। অজ্ঞাতপ্রতিভূঃ কীৰ্ত্তেঃ।—শুধু কীৰ্ত্তি বা নাম হইবে বলিয়া যিনি অজ্ঞাত লোকের হইয়া জামিন হন তিনি একটা মূৰ্খ।

৯৪। হিতবাদিনি মৎসরী।—হিত উপদেশ দিতে আসিলে যিনি উপদেশকের প্রতি ক্রুদ্ধ হইয়া থাকেন, তিনি একটা মূৰ্খ।

৯৫। সর্বত্র বিশ্বস্তমনাঃ।—যিনি সদাই সকলকে বিশ্বাসের চক্রে দেখেন, যিনি অত্যন্ত সরলপ্রকৃতি, ভাল ও খারাপ লোকের তত্ত্ব বুঝিতে পারেন না, ভাল ও মন্দ কার্য্যের পার্থক্য উপলব্ধি করিতে পারেন না, তাঁহাকে মূৰ্খ বলা হয়।

৯৬। ন লোকব্যবহারবিৎ।—যিনি লোক-ব্যবহার জ্ঞানেন না তাঁহাকে মুখ'বলা হয়।

৯৭। ভিক্ষুকশোকাভোজী চ।—যে ভিক্ষুক হইয়াও সর্বদা উচ্চ-ভোজন করিতে চাহে, তাহাকে মুখ'বলা হয়।

৯৮। গুরুশ্রুত শিপিলাক্রিয়ঃ।—যে-গুরু গুরুগিরি করিতে থাকিলেও ক্রিয়াকলাপ ও সন্দাচার বর্জন করিয়া থাকেন তাঁহাকে মুখ'বলা হয়।

৯৯। কুকর্মপাণি নিলজ্জঃ।—কুকর্ম করিয়া যিনি অপ্রস্তুত হন না, এবং নিলজ্জের মত কুকর্মের সমর্থন করিয়া থাকেন, তিনি একটি গাধা।

১০০। সান্ন্যাস্ত্র সহাদগীঃ।—যিনি আত্মাদে গোপালের মত অনবরতই হ্যা হ্যা করিয়া হাসিয়া কথা কহিয়া থাকেন তিনি সভাসমাজে একটি গণ্ডমুখ'বলিয়া পরিচিত হন।

(গণপুস্প—আশ্বিন, ১৩৩৭)

শ্রীবিনয়তোষ ভট্টাচাৰ্য্য

প্রাচীন শিল্প-কলার রেখা-ছন্দ

...চিত্র বা ভাস্কর্যের মধ্যে রেখা-ছন্দ কি ভাবে শিল্পী দ্বারা থাকেন তার দৃষ্টান্ত অঙ্ক ক'রে দেখানো সম্ভব নয়, তবে ছবি বা ভাস্কর্যটি দেখলে তার মধ্যে শৃঙ্খলা বা উচ্ছিন্নতার ভাবটি দেখলে সাধারণ লোকেরও বুঝতে দেবী হয় না। যেমন কোনো Futurist School-এর চিত্রে বা অতি-আধুনিক ইউরোপীয় মূর্তিকলায় আমরা দেখি ছাদ-বাঁধটি বেশ আছে,—নেই কেবল তার ভিতর সাধারণ চোখে দেখা কানেন-শোনা ছনিয়ার সাধারণ জিনিষের রূপ। সে এক অতি মাত্রায় অতি-নাট্যবিক বা বেশীমাত্রায় বে-বস্তুর চেহারা। সেখানে শিল্পী abstract ভাবে দেখাতে চেয়েছেন রেখা-ছন্দের গতি (dynamic motion)—খুব ভীষণ বেগে তখন তুলি-কলম চালিয়ে গেছেন শিল্পী। এই গতি (dynamic) ও স্থিতি (static) এই দুয়ের খেলাই হ'ল শিল্পীর খেলা। রেখা-ছন্দ এই দৃশ্য ও ছন্দের উপরই দাঁড়িয়ে আছে। তাই দেখা যায় ভাস্কর্য ও চিত্রকলার নিয়ম-প্রণালীটি একটি কোনো শিল্পীর একচেটে হয়ে যায় নি।...কায়ের ছন্দ এমন ছাদে বাঁধা যে তার শব্দ অর্থ যোজনা ছাড়া কেবল অর্থশূন্য ধ্বনির সঙ্গে ছন্দ জুড়ে চলেলে তা' একেবারে অচল হয়ে যায়। কিন্তু শিল্পকলায় একটি যদি ছন্দ-লতা (arabesque) বিনা তাৎপর্যে ও নিঃসঙ্গ-বাস্তবায়নায় ঝাঁকায়,—কেবল তার abstract ছন্দ-কলার স্বকুমার সমন্বয়েই অতি অপূর্ণ হয়ে উঠতে পারে। তবে এরূপ ছন্দ-লতাটি চিত্রকলা বা ভাস্কর্যের অঙ্গস্বাক্ষরপই হয়, যদিও তাকে বড় একটা উঁচু স্থান দেয়া হয় না।...ছন্দ-লতা ও ছন্দ-রেখা এ দুয়ের মধ্যে পার্থক্য এই যে একটি হ'ল আরটির বাহন। ছন্দ-রেখা যোজনা দ্বারা ছন্দ-লতার চরনা করা হয় গালিচার উপর, পর্দার উপর। নানান গৃহ-সজ্জা, আসবাবপত্র ছন্দ-লতার স্থান ব্যবহারিক শিল্পকলায় এবং কখনো কখনো চিত্র ও ভাস্কর্যের শোভাবর্ধনের জন্য, কখনো স্রোতের উপর কখনো বা তার pedestal-এর গায়ে এবং স্থাপত্য-কলার শোভনতায়। ছন্দ-লতাকে সাধারণতঃ মণ্ডনলতা বা কারিকরের ভাষায় "মুড়ী" বলা হয়।

ইউরোপে আজ মাড়া পড়ে গেছে রেখা-ছন্দের বোঁহের, এমন কি তার ভিত্তি পর্যন্ত তাঁরা নাড়াচাড়া করেন। এগষ্টাইনের ভাস্কর্য এবং কয়েকজন অতি-আধুনিক ইউরোপীয় ভাস্করের ভাস্কর্যকলা

দেখলে দেখা যায় তাঁরা এখন আগ-ঐতিহাসিক যুগের সমস্তাদের বাদন-কোমরের গায়ে আঁকা, গুহা-গহ্বরের গায়ে আঁকা চিত্র ও কারুকলার দ্বারা অমুপ্রেরণা লাভ করেন। তাঁরা অন্ততঃ এটা তাদের কাছ থেকে শিখেছেন যে, রেখা-ছন্দের বাজে পরচরিত্রে রেখা-ছন্দের অন্তরায়।...এঁরা গতাত্ত্বিক পন্থায় প্রত্নতত্ত্বের হুবহু নকল করে স্থপান না, এঁরা সেই চিরন্তন সত্যের সন্ধান করছেন,—যার সন্ধান আমাদের দেশের অতি-প্রাচীন শিল্পীরা খৃষ্টপূর্ব পাঁচশত বৎসর থেকে খৃষ্টীয় অষ্টম শতাব্দী পর্যন্ত করে গেছেন; এবং তার পরবর্তী কালেও কিছু রাজপুত ও মোগলের মধ্যে গতিশীল ছিল, এবং পরে একেবারে ফক্সবারার মত আপাততঃ লুপ্ত হয়ে গিয়েছিল।...

ইউরোপ আজ যে ছন্দ-রেখার জ্ঞান অতি প্রাচীন আগ-ঐতিহাসিক যুগের শিল্পের ভিতর পেয়েছেন, আমাদের দেশের কবি-শিল্পীরা বহুগুণ পূর্বে যে তার ধ্বনি আবিষ্কার করে গিয়েছিলেন তার জাঙ্ঘল্যমান প্রমাণ হচ্ছে প্রাচীন বুদ্ধমূর্তি। তাঁরা যখন এই মূর্তিটি গড়েছেন তখন ইউরোপের শিল্পকলার শৈশব স্বস্থা; তখন তাঁরা মানুষের শরীরের পেশীর হুবহু নকল এবং অক্লান্ত পরিশ্রমে মূর্তিগুলির মধ্যে খুঁটিনাটি রেখার ভঙ্গী দেখানোর চেষ্টা করেছেন। এদিকে আমাদের কবি-শিল্পীরা রেখার সংযম এবং রেখা-ছন্দের (significant form-এর) গতিশীলতার ভিতর এই মূর্তিটিকে জীবন্ত করে তুলেছেন। তাঁরা Anatomy-র গোড়ার কথা proportion, মাপ বা প্রমাণটিক বজায় রেখে খুঁটিনাটি পেশীসংস্থানের বাহার না দেখিয়ে সহজ রেখার ছন্দ গতিতে ফুটিয়ে তুলেছেন একটি সিংহের মত বীর ও নিবাত-নিম্পন্দ দাঁপের শিখাটির মত স্থির গৌতমের সৌম্যমূর্তি।...

আধুনিক ভারতের শিল্পীরা ইউরোপীয় সভ্যতার এবং ইউরোপীয় শিল্পসিকদের মাপকাঠিতে দেশের শিল্পের বিচার করার নেশের শিল্পকে বুঝতে আমাদের এত বেগ পেতে হচ্ছে। বুদ্ধমূর্তির পেশী-সংস্থান হুবহু টিক না হ'লেও যে প্রমাণ বা proportion-এর ভিত্তির উপর মূর্তিটি দাঁড়িয়ে আছে, সেটির প্রতি কাঙ্ক্ষই লক্ষ্য নেই। আধুনিক শিল্পীরা যারা দেশের আটের চর্যা করেন তাঁরা এই সভ্যটি একেবারে লক্ষ্য করেন না বলেই দেখা যায় যে, তাঁদের কারো বা চিত্রে হাত-পাগুলি হাড়গোড়-ভাঙ্গা দিয়ে পরিণত হচ্ছে—কার বা লতানে scroll-এর মত জড়িয়ে যাচ্ছে—কার বা ধোঁয়াকালীতে ঢাকা একটা ফাঁকা কাঁহুরের মত উড়ে চলে—ইত্যাদি ইত্যাদি।...

সংযত রেখা-সকলন-প্রচেষ্টা প্রাচীন ভারত-শিল্পের এক প্রধান প্রতীক। অজস্র প্রাচীন চিত্রকলায়, মার্চি, ভরত, অনরাবতীর প্রস্তরচিত্রের ভিতর এই রেখা-সংযম ও টিক প্রয়োজনমত ভাববাস্তব অতি অবহেলায় শিল্পীরা যা' করে গেছেন তা' এখনো পর্যন্ত কোনো দেশে কোনো শিল্পী করতে পারেন নি। তবে কোনো শিল্পকলার নকল হ'লেই সেটা নকলই থেকে যায়, তার আর প্রাণ বা গতিশীলতা থাকে না। তাই ভারতবর্ষে কোনো একটি ধরনের শিল্প একভাবে ধারাবাহিক চলে আসেনি এবং চোটাও বোধ হয় বাস্তবীয় নয়। ভাববাস্তবতার আতিশয্য ভারত-শিল্পে দেখা যায় না। টিক বতখানি ভাব (expression) কোটানোর প্রয়োজন শিল্পীরা বুঝেছেন টিক ততটাই ফুটিয়েছেন। দর্শকের কল্পনার উপর আস্থা তখনকার শিল্পীদের ছিল।...

রেখার অপব্যয় না করে রেখা-ছন্দের স্রোতের ক্ষমতালাভ করা যে কত বড় কথা তার পরিচয় প্রাচীন ভারতের ছবিগুলি, অশোক-

প্রতিষ্ঠিত পাথরের রেলিং প্রভৃতিতে বেশ দেখতে পাওয়া যায়। এগুলিকে কোনো কোনো ইউরোপীয় শিল্পী অসভ্য (primitive) বলে থাকেন এবং আমরাও তাই সেগুলিকে রূপার চক্ষে দেখতে থাকি। আসলে এই অতি-প্রাচীন ভারত-শিল্পেরই ছিটেফোঁটা যদি আজ কোনো দেশের শিল্পীর বোধগম্য হ'ত এবং তিনি যদি সেইমত আপনার পথ কেটে নিতে পারতেন, তাহলে আজ আবার বুকের মত প্রতিমূর্তি, নটরাজের মত মূর্তি নতুন ক'রে গড়তে দেখতে পাওয়া যেতো। নটরাজের মূর্তির ভিতর অতি-প্রাচীন যুগের সেই সহজ সরল রেখা-ছন্দর যা গতি দেখতে পাওয়া যায়, তা' যে-কোনো দেশের যে কোনো কালের শিল্পী ও রসিককে অভিভূত করণেই করবে। তাই আজ রোঁদা ফরাসী দেশের বিখ্যাত শিল্পী হরদে ভারতের এই ভারতীয় যা নটরাজের ভিতর দিয়ে শিল্পী কত শত বৎসর পূর্বে প্রচার করে গেছেন তার রসাবাদ করে ধন্য জ্ঞান করেছেন। এ বিষয় তাঁর ফরাসী ভাষায় লেখা প্রবন্ধ পাঠে বেশ জানা যায়। তিনি এই মূর্তিটির রেখা-ছন্দ ধরবার জন্তে কখনো এটিকে তীব্র আলোকে, কখনো ছায়ায়, কখনো মোমবাতি জ্বলে পুঙ্খানুপুঙ্খরূপে দেখেছিলেন এবং তাঁর স্থললিত ভাষায় সেই সব ভাব প্রকাশ করে গেছেন। মূর্তিটির প্রতি-অঙ্গ যেন তাঁর কাছে কথা কয়েচে বলে মনে হয়। ভাবব্যঞ্জনার আতিশয়া এর কিন্তু কারণ নয়। মূর্তিটি যারা দেখেচেন তারা দেখেচেন যে শিব জটাজুট এলিয়ে তাণ্ডব-মৃত্যু রত। শারীরিক খুঁটিনাটি গঠনের ভিতর কোনো চাকলা নেই, অথচ সমগ্র ভঙ্গী ও মাংগটির ভিতর এমন একটি গতি ফুটে আছে যে, খানিকক্ষণ লক্ষ্য করলে মানুষের মনকে যে কোথায় নিয়ে যায় তা' বলা যায় না। এতে ডানা লাগিয়ে মাৎস্য-পরীর গুড়ার মত বিকটভাবে গতিচাকলা দেখানো হয় নি—এতে সংযত রেখা-সঞ্চালনের ফলেই মূর্তিটি এত মূর্ত হয়ে উঠেচে।

রেখা অর্থে এখানে সব বস্তু এবং চিত্রের ভিতর যে সীমারেখা আছে সেটা রঙেরই হোক বা কোন বস্তুরই হোক তাকেই আমরা রেখা বলছি। তাঁর হৃৎসংযত প্রয়োজনই হ'ল রেখা-ছন্দ। ছবি বা মূর্তি গড়তে গেলেই তাঁর ভিতর এই রেখা-সংস্থান আপনা থেকেই আসবে। এখন এই রেখার ভিতর কতটা প্রয়োজন এবং কতটা

অপ্রয়োজন বিচার করার শক্তিই শিল্পীর শক্তি। ছোট ছোট শিশুরা নানা-প্রকার ছবি আঁকে; এমন কি কোনো কোনো শিশু বেশ ভালই ছবি আঁকে; কিন্তু তাদের সেই রেখার ছন্দ-বিচার থাকে না বলেই সেগুলিকে আঁটের কোঠায় ফেলা হয় না।...তবে বড় শিল্পীরা খেলার ছলেই বড় বড় কাজ জগতে রেখে গেছেন। প্রাচীন ভারতের মূর্তি বা ছবিগুলি দেখলে মনে হয় না যে, সেগুলি খুব পরিশ্রম করে তৈরী করেচেন শিল্পীরা। মনে হয় যেন অতি অবহেলায় সেগুলি রচনা করা। এই স্বতঃস্ফূর্ত ভাবটিকে আমরা সকল সময় সকল শিল্পীর দ্বারা হয় না।...খাজুরাহো, কোণার এই দুটি প্রাচীন মন্দিরের গোপদাঁই কাজের ভিতর যে কাজের আনন্দ আছে তা' তার খোদিত চিত্রের বিষয়গুলিকে ছাড়িয়ে গেছে।...তা' ছাড়া ভারতের রেলিঙের মতো কমলের ভিতর লক্ষী ও দেবতার মূর্তিগুলি কি সহজ ও সরল রেখাভঙ্গীতে গঠিত যে মনে হয় ইউরোপের অতি-আধুনিক শিল্পী এপষ্টাইন আর এব চেয়ে কত নূতন তথা এই বিংশ শতাব্দীতে আবিষ্কার করতে পারবেন?

আমাদের বিশ্বাস, এই সকল প্রাচীন শিল্পীরা খৃষ্টপূর্ব ৫০০ বৎসরেরও পূর্বে তাঁদের অতি-প্রাচীনতম শিল্পীদের নিকট এই রেখা-ছন্দের শিক্ষালাভ করেছিলেন, নতুবা এমন শিক্ষাজ্ঞান কয়েক শতাব্দীর মধ্যে কখনো তাঁরা সহসা অর্জন করতে পারেন নি। দেখা যায় যে, রেলিংগুলির গঠন প্রভৃতিতে তাঁরা অতি-প্রাচীন কাঠের তৈরী রেলিঙের ভাব বহুায় রেখেছিলেন।...

কিন্তু আসল কথা হ'ল এই যে, প্রাচীন শিল্পের রেখা-ছন্দের সংযম এবং ভাব-ব্যঞ্জনার গাভীয়া বোধবার ও ভাববার বিষয়। ইউরোপ আমাদের বোঝাবে তার সাধনার দ্বারা সেই আশায় ব'সে না থেকে নিজেদের সাধনা করতে হবে এই আমাদের একান্ত ইচ্ছা। আনন্দের উৎস যেখানে সেখানে পুনরায় যা দিতে হবে, তাহলে সেই প্রাচীন শিল্পের ছন্দ-কথা আমাদের কাছে সোনার জীবনকাটি গোয়া রাজকন্য়ার মতই জীয়াত হয়ে উঠবে।

(বঙ্গলক্ষ্মী—কার্তিক, ১৩৩৭)

ক্রী.অসিতকুমার হালদার





‘বাংলা ভাষার ভবিষ্যৎ’

গত কাস্তিক সংখ্যার প্রবাসীতে শ্রীযুক্ত গোপাল হালদার মহাশয় ‘বাংলা ভাষার ভবিষ্যৎ’ সম্বন্ধে যে গবেষণা করিয়াছেন, তাহাতে লেখকের যে চিন্তা ও উৎকর্ষার পরিচয় পাইলাম তাহার তুল্য তাঁহাকে ধন্যবাদ জানাইতেছি; “সেহে: পাগশক্কা”---বাংলা ভাষার প্রতি ঐকান্তিক মনোহা ইহার এই অত্যধিক আশঙ্কার কারণ বলিয়া মনে হয়। তথাপি প্রবন্ধটি ভালো করিয়া পড়িয়া লেখকের মনোভাব সম্বন্ধে কৃতনিশ্চয় হইতে পারিলাম না; তাই এ বিষয়ে একটি আলোচনা করিতে অগ্রসর হইয়াছি। বাংলা ভাষার স্বতীত ও বর্তমান, তাহার শক্তি ও বিশেষ করিয়া অশক্তি সম্বন্ধে, তিনি যে-সকল তথ্য-প্রমাণ ও কারণ সন্ধান দিয়াছেন, তাহাতে এ ভাষার ভবিষ্যৎ লইয়া উদ্ভিন্ন ভাবের মধ্যে কারণ আছে বলিয়া মনে হয় নাই; অথচ এই তথ্যগুলিকে তিনি ঠিক উঠা সিদ্ধান্তের পরিণামরূপে দাঁড় করাইতে চেষ্টা করিয়াছেন। ইহার যে কারণ আমরা অনুমান করিতে পারি তাহা এই—বাংলা সাহিত্যের বর্তমান অবস্থা ও ইহারই প্রভৃতি ভাষার তুলনায় তাহার দৈনন্দিন একটা সুদৃঢ় আধার অনুভব। উনবিংশ শতাব্দীর মধ্যভাগে ইংরেজীশিক্ষিত বহু বাঙ্গালীর যে মনোভাব—নিজ ভাষার প্রতি অনাস্থা প্রবল হইয়া উঠিয়াছিল, যদি আরও সেই মনোভাব শিক্ষিত বাঙ্গালীকে অভিভূত করে তবে তাহা যে বড় গুণের বিষয়, তাহাতে সন্দেহ নাই। পাণ্ডিত্য, চিন্তাশীলতা, যুক্তিপ্রাণতা এ সকল গুণ শিক্ষিত বাঙ্গালীর পক্ষে যেমন বাস্তব্য, তেমন সেই সকল গুণের অতিরিক্ত অশুণ্যলনে যে এক ধর্মের cynicism জন্মে, তাহা কন অনিষ্টকর নহে। নিম্নম, অপকৃপা, যুক্তি-বিচার যদি অজ্ঞা সন্মুখতা ও অন্তর্দৃষ্টি (imagination)-সম্পন্ন না হয়, তবে সত্য-সন্ধান বার্থ হয়। আমরা সকলেই জানি, সাদাকে কালা, এবং কালোকে সাদা করিবার পক্ষে যুক্তির অতীব ঘটে না—সত্যসন্ধান করিতে হইলে নিজ বাস্তবগত ক্রটি, অভিমান, বা অভিপ্রায় সম্পূর্ণ বর্জন করিতে হয়। লেখক মহাশয়ের নিচেরই তথ্যবিচারে যে স্পষ্ট আশার সূচনা প্রকাশ পাইয়াছে তাহাকে স্বাকার না করিয়া তিনি নিরাশার দিকেই মুঁকিলেন কেন তাহা আমরা বুঝিয়া উঠিতে পারিলাম না।

এই প্রবন্ধে তিনি দুই দিক দিয়া এই মেরাগের কারণ দর্শাইয়াছেন—(১) বর্তমানে এই ভাষার অন্তর্বিবোধ ও বহির্বিবোধ; (২) এই ভাষার সর্বপ্রথম-প্রকাশকতার অভাব ও এই ভাষায় রচিত সাহিত্যের অতিমাত্র সঙ্কীর্ণতা।

প্রথমটির প্রথমশ্রেণীর আলোচনায় তিনি একটি অতিমব ধারণার প্রবর্তন করিয়াছেন—বাংলা ভাষা বাঙ্গালীর ‘জাতীয়’ ভাষা হইতে পারে নাই, অর্থাৎ বহু উপভাষার অজ্ঞাত স্বতন্ত্র থাকায় ভাগীরথী তীরের উপভাষা সমধিক প্রাধান্য লাভ করিতে পারে নাই; এতদ্বারা বাঙ্গালী জাতির একটা সাধারণ ভাষা এখনও গড়িয়া উঠে নাই। স্পষ্টই বুঝা যাইতেছে, লেখক এই ভাষার প্রাধান্য বা সমগ্র বাঙ্গালী জাতির ভাষা হইবার দাবী স্বীকার করিতে কুণ্ঠিত; এবং তাহার পক্ষে তিনি নানা যুক্তি সংগ্রহ করিয়াছেন।

কিন্তু এ-সকল যুক্তির পূর্বে তিনি স্বীকার করিতে বাধ্য হইয়াছেন যে, এই ভাষা ডুইফোড ভাষা নয়, ইহার একটা বনিয়াদী প্রতি আছে (যেমন আর কোনও উপভাষার নাই)—এই রাতের ভাষাকেই আশ্রয় করিয়া পূর্বকাল হইতেই একটা সাহিত্যিক আদর্শ ভাষা সুপ্রতিষ্ঠিত হইয়াছিল এবং তাহার প্রাধান্য সর্বত্র স্বীকৃত হইয়াছিল; সেই রাতের ভাষাই পরবর্তী যুগের ভাগীরথ-সভ্যতার সৃষ্টির সাহায্যে বর্তমান বাংলা ভাষায় সমৃদ্ধি লাভ করিয়াছে। লেখকের সংশয়ের কারণ এই ভাষার কথা-রূপ লইয়া,—সাহিত্যিক ভাষা-হিসাবে ইহা যে আপন প্রাধান্য বজায় রাখিয়াছে, তাহাতে বোধ করি তাহার অসম্মতি নাই; বরং এক ক্রিয়াপদ ছাড়া, আর কোনও ভুক্তিতে ইহাকে কথাভাষার অনুসারী করিবার চেষ্টা যে ফলবতী হয় নাই তাহা তিনিও বলিয়াছেন। কিন্তু এই উপভাষার কথা-রূপটিই সাহিত্যিক রূপে বিবর্তিত হইয়াছে—সাধুভাষার মণিমালার মধ্যে তাহার ডোবটির মত প্রচ্ছন্ন রহিয়াছে—এতদ্বারা বাংলা-সম্প্রতির নিত্যাবহর্তা স্বীকৃত বলিষ্ঠভাবে এই উপভাষা যে অবলম্বনীয়, তাহা স্বীকার করিতে আপত্তি কি? প্রাদেশিক উপভাষা কোন্ দেশে প্রচলিত নাই? সেদিক দিয়া দেখিতে গেলে, কোন্ দেশের standard উপভাষা জাতীয় ভাষা হইতে পারিয়াছে? কলিকাতার (?), কথা-ভাষা সভা ও শিক্ষিত বাঙ্গালী-সমাজের একমাত্র অবলম্বন হইতে বাদ্য, তাহার কারণ এই ভাষার অপেক্ষিক নমনীয়তা, ইহার বাক্যসির সরসতা এবং ইহার শব্দ-সজ্জায় মার্জিত মনোগতি, ভাবুকতা, ও রসিকতার সহজ বিকাশ; এক-কথায় বাংলার এই একমাত্র উপভাষাই বহুদিন বর্ষরতর অবস্থা উত্তীর্ণ হইয়াছে, ইহা শব্দ-ভাষা না রহিয়া মানব-ভাষার পরবর্তী আরোহণ করিয়াছে। যেহেতু, ইহা যে প্রদেশের ভাষা সেই প্রদেশবাসীর কোন বিশেষ গোঁরবের কারণ হয়ত নাই, কতকগুলি অযোগ্য সুবিধার ফলে এই দৌভাগ্য তাহাদের ঘটিয়া থাকিতে পারে—ভাষাকে বাণী-দৌলদারদান করিতে হইলে জাতির যে রসবোধ, মার্জিত রচি ও আধ্যাত্মিক সৃষ্টির প্রয়োজন, তাহা হয়ত এ প্রদেশবাসীর একচেটিয়া নহে; কিন্তু যে ঘটনা ঘটনাতে তাহার বিরুদ্ধে কিছু বলিবার বা করিবার নাই। সব দেশেই এইরূপ ঘটে, এবং এ প্রাধান্য শিরোধার্য করিতেই হয়। বর্তমান যুগে কলিকাতা বাংলা-কালচারের কেন্দ্র হওয়ায় সকল বাঙ্গালীর পক্ষে এই ভাষার পরিচয় লাভ এবং তদ্বারা বাংলা-কালচারের উৎকর্ষের দিকটিকে আয়তন করিবার অযোগ্য ঘটনা, ইহা তাহাদের বড় ভাগ্য। আজ যে সমগ্র বাংলা দেশের শিক্ষিত বাঙ্গালী তাহাদের আশা-আকাঙ্ক্ষা বাদ-বিসম্বাদ রাগ-দেহ প্রকাশ করিবার একটা ভদ্র জাতীয় ভাষা লাভ করিয়াছেন, তাহাও ইহারই ফলাফল—এমন কি এই ভাষারই বিরুদ্ধে আলোচনা করিবার কারণ ও উপায়, উন্নয়নই মিলিয়াছে ইহারই প্রসার। এই ভাষাই যে পরিমাণে দূরতম প্রদেশে প্রসারিত হইবে সেই পরিমাণে বাঙ্গালী শিক্ষিত সমাজের আয়তন বিস্তৃত হইবে; যে বাঙ্গালী এই ভাষায় মনোভাব প্রকাশ করিতে পারিবে তিনই শিক্ষিত বাঙ্গালী বলিয়া পরিচিত হইবে! এখনও ঠিক তাহা হইতেছে না, তাহার কারণ আর কোনও উপভাষার

মহিমা নয়; মাতৃভাষার ইচ্ছত অপেক্ষা ইংরেজী ভাষার ইচ্ছত বেশী বলিয়া। কিন্তু এদিকেও যে হাওয়ায় পরিবর্তন শুরু হইয়াছে, তাহা সকলেই লক্ষ্য করিয়াছেন—দূরতম প্রদেশের বাঙ্গালীও কলিকাতার ভাষা আয়ত্ত করিতে যত্ববান হইতেছেন। ইহা অবশুসংসারী। দৃষ্টান্ত-স্বরূপ ইংরেজী standard [জাতীয়?] ভাষার কথাই দূর যাক। ইংরেজের কথা ছাড়িয়া দিই, ফরাসিওবাঙ্গার পক্ষেও বিস্কন্ধ ইংরেজী আয়ত্ত করা সম্ভব হইয়াছে শিক্ষা ও চর্চার ফলে; কোনও প্রদেশবাসী ইংরেজ বা স্বচ্ছ ভাষালোক যদি এই ভাষাকে আয়ত্ত না করিয়া থাকেন, তবৈ তাহাতে ওই ভাষার চর্চ্চলতা বা অনুপ্রাণিতা প্রমাণিত হয় না—ব্যক্তিবিশেষের শিক্ষার অভাবই হুতি হয়। কথা উঠিতে পারে, এইরূপ একটা standard ভাষা দেশময় প্রচলনের যে সুযোগ ও আবশ্যকতা থাকেও ছিল বা আছে, তাহা বাংলায় আছে কি? যদি তাহা না থাকে এবং কখনও তাহা না হয়, তবে তাহার কারণ একই—বাঙ্গালী জাতির জাতীয়তাবোধের বিকাশে বিলম্ব, বাংলা ভাষার মধ্য দিয়াই জাতির সর্গবিধ আন্দোলন সাধনের ব্যবস্থার অভাব। ইহা যদি সম্ভব না হয়, তবে থানা কেন, এই জাতির জাতীয় জীবনই সম্ভটাপন্ন হইবে। কিন্তু এ সম্বন্ধে একটা কথা এখনই জোর করিয়া বলা চলে, তাহা এই—বহু উপভাষার মধ্যে একটা উপভাষাই যে প্রাধান্য লাভ করে, তাহা যে রাষ্ট্রনৈতিক বা সামাজিক প্রয়োজনের কারণেই হউক—মূলে তাহা একটা accident-এর মত হইলেও—তাহার গূঢ়তর কারণ ঐ ভাষারই অগ্নিনিহিত শক্তি। বাংলা ভাষার ইতিহাসে যে উপভাষা এই চক্রবর্তির লাভ করিয়াছে, শক্তিত সমাজের মনোভাব-প্রকাশে সেই ভাষার প্রভাব কোনও সাম্প্রদায়িক বা প্রাদেশিক অভিমানে দ্বারা ই ক্ষুদ্র হইবার নয়; বাহা নিজ শক্তি দ্বী ও সমৃদ্ধিবলে একবার প্রতিষ্ঠিত হইয়া গিয়াছে, তাহার সহিত আর কোনও উপভাষার প্রতিদ্বন্দ্বিতা অস্বাভাবিক বলিয়াই তাহা অসম্ভব। বর্তমানে এই ভাষার উপর প্রাদেশিক ভাষার যে উপজীব লেখক-মহাশয়ের দৃষ্টি আকর্ষণ করিয়াছে, তাহাতেও শেষ পর্যন্ত কোনও আশঙ্কার কারণ নাই। লেখক-মহাশয় যে 'উপভাষার' প্রাধান্য সম্বন্ধে সন্দিহান হইয়াছেন—ইহা তাহার সেই প্রাধান্যেরই একটি স্পষ্ট প্রমাণ। প্রাদেশিক ভাষাভাষী বাঙ্গালী এই ভাষাকেই আয়ত্ত করিবার একান্ত আগ্রহ স্বত্বেও, এখনও সম্পূর্ণ সফল হইতে পারিতেছেন না, তাই বহু অন্তর্দ্বন্দ্ব প্রকাশ তাহাদের ভাষায় ও রচনায় এখনও দেখা যাইতেছে—কেহ কেহ হয়ত এই অক্ষমতাকেই প্রাদেশিক ভাষার স্থায়ী অধিকার বলিয়া দাবী করেন। কিন্তু কতকগুলি গ্রন্থযোগ্য শব্দ এই উপায়ে ভাষার অঙ্গীভূত হইয়া গেলেও, ভাষার রীতি প্রকৃতি বা গঠনে 'প্রাদেশিকতা' কখনই জরী হইবে না; তার কারণ, বাংলা দ্বিতীয় যত প্রসার ঘটবে, ততই সকল প্রদেশের বাঙ্গালীই এই প্রাদেশিকতার বিরোধী হইবে—ভাষাগত শালীনতাবোধের সঙ্গে সঙ্গে এইরূপ অজ্ঞান-প্রভৃত অভিমান দূর হইবে। বিভিন্ন প্রাদেশিক বলির কোনো কোনো শব্দ হয়ত বিনা আপত্তিতেই এই ভাষায় প্রবেশ করিবে; 'প্রাণপণে'র পাশে 'আপ্রাণ' টাকিয়া থাকিবে; 'সঙ্গে'র সঙ্গে 'সাথে' এবং 'করলে' বা 'বললে'র স্থানে বিকরে 'করল' 'বলল'—এমন কি 'মোটামুটি'র সঙ্গে 'মোটামোটি'ও হয়ত চলিবে; কিন্তু 'দোকান দিয়াছে', 'দালান দিয়াছে' চলিবে না। 'তার'—এর স্থানে 'ওর', অথবা 'আলাদা' অর্থে 'আলগা', 'চোখ টান করে', 'বুক টান করে' প্রভৃতি বিস্কন্ধ বলির ব্যতিক্রম হিসাবেই গণ্য হইবে। এ বিষয়ে বর্তমান উচ্ছৃঙ্খলতার আর একটা কারণ—বাংলা ভাষার বিস্কন্ধ রক্ষা-মূলক কোনও প্রতিষ্ঠান এখনও কোনো দিক দিয়াই গড়িয়া উঠে নাই।

লেখক-মহাশয়ের মতে বাংলা ভাষার ঐক্যবিশোধের আর এক

অস্ত্রায় পর-ভাষার আক্রমণ। এ বিষয়ে তিনি মুসলমানী বাংলা ও হিন্দী এই দুই-এর উপজীব আশঙ্কা করিয়াছেন। মুসলমানী বাংলা সম্বন্ধে ভাবিবার আছে বটে, কিন্তু বাংলা ভাষা ও সাহিত্যের জীবনধারণার মূল নিয়ম অবগত আছেন, তাহারা এ সমস্তায় বিচলিত হইবেন না। বাঙ্গালী মুসলমান যদি বাঙ্গালী না হ'ন, তবে তাহারা এই দেশে বাস করিয়া কখনও সেই শক্তি সেই প্রতিভার অধিকারী হইবেন না, যাঁরা দ্বারা এক্ষেত্রে সত্যকার প্রতিদ্বন্দ্বিতা করা সম্ভব। বাংলা ভাষাকে জোর করিয়া আরবী ফারসী উর্দুর ছাঁচে ঢালিয়া সাজিবার চেষ্টা বাংলা করিবেন তাহাদের সংখ্যাখণ্ডা যেমনই হউক, আমার মনে হয়—তাহারা 'নিহতাঃ পূর্বমেব', তাহাদের দ্বারা ভাষার মত এত বড় একটা জীবন্ত সত্য বস্তুর কোনও হানি হইতে পারে না। তাহাদের এইরূপ experiment-এর ফলে, আবশ্যকমত আরও কিছু বিদেশী শব্দ বাংলা ভাষার পুষ্টিসাধন করিতে পারে, কিন্তু তদ্বারা বাঙ্গলা ভাষার আত্মা বা প্রাণ-শক্তির কোনও ক্ষতি হইবে না। বর্তমানের সাম্প্রদায়িক আশঙ্কান ও চড়াহাড়ি যে কখনও নিতাকার সত্য হইতে পারে না, সে বিষয়ে চিন্তাশীল ব্যক্তিমত্রেদেরই সন্দেহ নাই। এই উত্তর সম্প্রদায়ের মিলনে বাঙ্গালীর জাতীয়তাই আরও ব্যাপক হইয়া উঠিবে, এবং তাহার ফলে বাংলা ভাষা ও সাহিত্যের গতি-প্রকৃতি আরও বিচিত্র, আরও বেগবান হইবে বলিয়া আশা করা যায়। নোটের উপর বাংলা ভাষা যদি এখনও সেই শক্তি সক্ষম করিয়া না থাকে, যাঁরা দ্বারা সর্ব প্রথায় নিজ জাতি-রক্ষা সম্ভব, তাহা হইলে, বাংলা ভাষা কেন—বাঙ্গালী জাতিই ভবিষ্যৎ নাই বলিতে হয়। বাংলা ভাষার ভবিষ্যৎ সম্বন্ধে তাহাদের আশঙ্কা ঘটয়াছে, তাহারা যে বাঙ্গালীর জাতিগত বৈশিষ্ট্যবোধেরও আশঙ্কা করিবেন ইহাই যুক্তিসঙ্গত; সম্ভবতঃ উপস্থিত আলোচনার বাদ-প্রতিবাদে সেই বিতর্কই উঠিবে, অতএব এখানে এ প্রসঙ্গে আমি আর অধিক কিছু বলিব না। বর্তমানে আমরা এমন এক সমস্তার সম্মুখীন হইয়াছি যাহার সমাধান না হওয়া পর্যন্ত কলাকল সম্বন্ধে স্থিরসিদ্ধান্ত করা দুসাহসময়। আমাদের নৈনম্ন-স্পৃহায় মূলে যে বিজাতীয় প্রভাবের চাকলা যুগবন্ধের ভাড়ায়া ঘটতে বাধা, তাহাকেই বড় করিয়া দেখাও দেখানো যে যে-কোনো ব্যক্তির পক্ষেই সহজ—এবং নানী কারণে কাহারও কাহারও জাতীয় আয়-চেষ্টা আচ্ছন্ন হওয়াও বিচিত্র নয়; এজন্য সমস্ত অমুকরণ-কল্পের অন্তরালে জাতির নিজস্ব প্রগতি ও ঐতিহ্য-সংস্কার বা স্বপ্ন কি ভাবে নুতন করিয়া পথ খুঁজিতেছে তাহা বুঝিয়া লইতে হইলে কেবল কতকগুলি হলভ ও প্রত্যক্ষ তথ্য-প্রমাণের উপর নির্ভর করিলে চলিবে না, এ ক্ষেত্রে কেবলমাত্র তর্ক-যুক্তির দ্বারা সত্য-সন্ধান হইবে না।

লেখক-মহাশয় এই প্রসঙ্গে হিন্দীর সঙ্গে বাংলার শক্তি-পরীক্ষার কথাও বলিয়াছেন। কিন্তু তিনি বাংলা ভাষার জন্ম-মূলে শোরসেনী প্রাকৃতের প্রভাব উল্লেখ করিয়া, আজিও সেই কারণে বাংলার হিন্দী-মুখীনতার যে সিদ্ধান্ত করিয়াছেন, ভাষাতত্ত্ব বা ভাষার ইতিহাসে সত্যক অধিকার না থাকিলেও আমি এই সিদ্ধান্ত অতিশয় অজুত বলিয়া মত প্রকাশ করিতে দৃষ্টিত নহি। নদী-প্রবাহ যে পুনরায় উৎসমুখে ফিরিয়া যায়, এমন কথা বোধ হয় evolution-বাদীরাও স্বীকার করেন না। যে মূলভাষা হইতে ইংরেজীর উদ্ভব হইয়াছে, জর্মান ভাষা তাহার নিকটতর বংশধর বলিয়া ইংরেজী কি কোনও অস্বাভাবিক পুনরায় জর্মানজ লাভ করিবে? না, ইংরেজী যে ধরনের একটা স্বতন্ত্র ভাষা-হইয়া উঠিয়াছে—বাংলা এখনও ভাষা-হিসাবেও সে স্বাভাবিক লাভ করেন নাই? লেখকবাঙ্গালী না হইয়া যদি কোনও

বিদেশী গবেষক হইতেন, তাহা হইলেও বোধ হয় তাহার নির্ধম যুক্তিমত্তা এতদূর অগ্রসর হইত না। লেখক কলিকাতার মত শহরে কুলি ও দোকানদারদের সংস্পর্শে যে ধরণের যে হিন্দী বুলির আক্রমণ আশঙ্কা করিয়াছেন, সাম্রাজ্য অঞ্চলে সে ধরণের ইংরেজী বুলির প্রচলন বোধ হয় আরও বেশি; কিন্তু সেজন্য তামিল বা তেলগুর জাতি যাইবার আশঙ্কা হইয়াছে কি? জানি না, যদি হইয়া থাকে তবে সে ভাবার জন্ম গ্রহণ হয় বটে কিন্তু পরিচালকের কারণ নাই। হিন্দী ও বাংলা এবং ইংরেজী ও তামিলের সম্বন্ধ একরূপ নয় জানি, কিন্তু প্রভাবের ধরণ উভয়ই একই—এইরকম এ দুটাত্ত দিলাম। আমার মনে হয়, পূর্ববঙ্গের কোনও কোনও প্রাদেশিক ভাষায় গ্রাম্য হিন্দীর যে উৎকট প্রভাব দেখা যায়, লেখক তাহাই স্মরণ করিয়াছেন। কিন্তু তাহাতে বাংলা ভাষার জাতিভূতি ঘটে নাই এবং ঘটবেও না; তাহাতে কেবল ইহাই প্রমাণ হয় যে, এ সকল অঞ্চলের বাঙ্গালীরা মূল বাঙ্গালী সভ্যতা বা কালচার হইতে লুপ্ত হইয়া আছেন, তাহারই ফলে ভাষার এই মলিনতা ঘটয়াছে। ‘কুতা’, ‘বকরা’—এমন কি ‘বিজয়দশমী’র পরিবর্তে ‘দশেরা’ প্রভৃতি যে অগণ্য অ-বাঙ্গালী বুলির প্রচলন দেখানো দেখা যায়, তাহাতে কেবল ইহাই মনে হয় যে, এ সকল অঞ্চলে ‘শুদ্ধির প্রয়োজন আছে।

কিন্তু ভারতীয় রাষ্ট্রভাষার প্রভাবে যে কোনও প্রাদেশিক ভাষার পূর্ণ প্রভাবে বাধা ঘটবার যে সম্ভাবনা আছে তাহা আমারও মনে হয়; এবং ইহাও মনে হয়, যদি সেইরূপ কোনও একটা রাষ্ট্রভাষার সত্যই উদ্ভব হয় তবে বাংলা যে স্থান অধিকার করিবে না। কিন্তু এ বিষয়েও যথেষ্ট সন্দেহ আছে—ভারতের ভাগবিভাজ্য রাষ্ট্রীয় ব্যবস্থার যে কি বিধান করিবেন সে সম্বন্ধে কল্পনাকে বাস্তব করিয়া তুলিয়া লাভ কি? বাঁহারা ধীর চিন্তাশীল ব্যক্তি তাহাদের মধ্যেও অনেকে বর্তমান আন্দোলনের বাহ্য আকারের অন্তরালে সারা-ভারতের একায়-সাধন অপেক্ষা একটা উগ্র প্রাদেশিক স্বাতন্ত্র্যলাভের চেষ্টা লক্ষ্য করিতেছেন; পরিণামে কি ঘটবে, ভারতীয় রাষ্ট্র ব্যবস্থার জাতীয়তার কোন মূর্তি দেখা দিবে সে সম্বন্ধে এখন নিশ্চিত কিছু বলা যায় না। পূর্বকালে রাষ্ট্রীয় একাধাধের অভাবে, হিন্দু-সংস্কৃতিমূলক যে বন্ধনমাত্র একটা মহাভারতের প্রতিষ্ঠা হইয়াছিল, আজিকার এই রাষ্ট্রীয় স্বাধিকার আকাঙ্ক্ষার ফলে সেই আত্মীয়তা কি ভাবে কতটুকু বজায় থাকিবে, সে বিষয়ে ভাবনার কারণ আছে। অতএব এখনই রাষ্ট্রভাষার জন্ম চিন্তিত হইবার প্রয়োজন নাই। তথাপি যদি সেরূপ কোনও রাষ্ট্রভাষার প্রাধান্য ভবিষ্যতে স্বীকার করিতে হয়, তাহা হইলেও কতক পরিমাণ আত্মসম্বোধের ফলে বাংলা ভাষা যে পতিত হইয়া থাকিবে, বাঙ্গালীর প্রাণের ভাষারূপে তাহার সাহিত্যিক সমৃদ্ধি অথবা ঘরোয়া প্রয়োজনের পক্ষে তাহার উপযোগিতা হ্রাস হইবে, এমন আশঙ্কার কারণ দেখি না। জগতের আর কোনও বৃহত্তর ধরবারী ভাষার পাশে আসন না পাইলেও একটা জাতিবিশেষের ভাষারূপে তাহার মূল্য নির্ভর করিবে এই জাতির নিজস্ব প্রতিষ্ঠা ও প্রাণ-মনের উৎকর্ষের উপর। বাঙ্গালী সেই নিজস্ব প্রতিষ্ঠার পরিচয় ইতিপূর্বে নানাক্ষেত্রে দিয়াছে—একটা জাতিগত বৈশিষ্ট্যের সম্যক বিকাশ বাঙ্গালীকে ভারতীয় অপর সকল জাতি হইতে স্বাতন্ত্র্য দান করিয়াছে। এ সম্বন্ধে ইতিহাসিক প্রমাণও যথেষ্ট আছে; বাঙ্গালী আত্মবিশুদ্ধ জাতি, তথাপি আজিকার দিনে তাহার বশ ও কর্তি পরিচয় নিতান্ত দ্রুত নয়। বাঙ্গালী জাতির ইতিহাস এখনও লিখিত হয় নাই, কিন্তু যে-পরিমাণ মালমসলা ইতিমধ্যে সংগৃহীত হইয়াছে, তাহা হইতে অন্ততঃ বাঙ্গালী জাতির বৈশিষ্ট্য সম্বন্ধে নিঃসন্দেহ হওয়া যায়। কয়েক বৎসর পূর্বে ‘বঙ্গবাণী’ পত্রিকার

৩পাঁচকড়ি বন্দোপাধারের যে প্রবন্ধগুলি প্রকাশিত হইয়াছিল— অন্ততঃ সেইগুলিই আমি সকল বাঙ্গালীকে পড়িয়া দেখিতে বলি। লেখক-মহাশয় উত্তর-ভারতের যে কালচার ও হিন্দী ভাষার প্রভাবকে বাঙ্গালীর জন্মগত স্বাক্ষর বলিয়াছেন, বাঙ্গালী যে তাহার নিকটতম মাথা মুড়াইয়া এবং প্রতিষ্ঠানান্ত করিয়াছে, তাহা সম্পূর্ণ সত্য নহে। বাংলার আধা-সংস্কৃতিও বিশেষভাবে বাঙ্গালিমাত্রের রক্ষিত— হাজার বৎসর ধরিয়া বাঙ্গালী এই সংস্কৃতিকে আপনার মত করিয়া আয়ত্ত করিয়াছে। বাঙ্গালীর ধর্ম-সাধন, পূজা-পার্বণ, স্মৃতি-সংহিতা, আহার-বিহার, আচার-ব্যবহার, বেশ-ভূষা—সর্বত্র যে স্বাতন্ত্র্য ফুটিয়া উঠিয়াছে, ততখানি স্বাতন্ত্র্য আর কুত্রাপি দেখা যায় না। ইহার মূলে কতটা বেদবিবোধী বৌদ্ধ-তান্ত্রিক মনোভাব শেষ পর্যন্ত লুপ্ত হইয়াছে, সে সম্বন্ধে পণ্ডিতগণ সাক্ষ্য দিবেন। এ কথা ছাড়িয়া দিলেও, আর একটা কথা কি কেহ অস্বীকার করেন?—কেবল ধর্ম ও আধ্যাত্মিকতার শাসনে এককালে কতকটা উপকার হইলেও সেই শাসনে কোনও জাতির বৈশিষ্ট্য কখনও লোপ পায়? য়ুরোপে Holy Roman Empire কি টিকিয়াছে? এমন যে সর্ববৈচিত্র্য-ধ্বংসকারী ইস্লাম—এই ইস্লামও কি মিসরে, পারস্যে, ভারতে ও চীনে সকল বৈশিষ্ট্যের একাকার সাধন করিতে সত্যই সক্ষম হইয়াছে? বাঙ্গালী যে উত্তরাপন্থের শাসন সম্পূর্ণ মানিয়া লয় নাই, তাহার আর এক প্রমাণ—বাংলার বাহিরে কোথাও বাঙ্গালী ব্রাহ্মণ আর্ধ্যত্বের সম্মান লাভ করে নাই; বাঙ্গালী হিন্দুমান্যের প্রতি পশ্চিমাঞ্চলের বৌদ্ধী সম্রাটদেরও সম্মান প্রদান করিয়াছিলেন। আমরা উত্তর-ভারতের সংস্কৃতি বা হিন্দী ভাষার সঙ্গে বাঙ্গালীর ভাষা বা কালচারের দাঁত-সম্বন্ধ স্বীকার করিবার কোনও কারণ দেখি না।

লেখক-মহাশয়ের আশঙ্কার প্রধান দিকটার আলোচনা করিলাম। তিনি যে অপারদিক, অর্থাৎ বাংলা ভাষা ও সাহিত্যের মজাগত দৈন্তের উল্লেখ করিয়াছেন, সে সম্বন্ধে সংক্ষেপে কিছু বলিব। যিনি কোনও ভাষা বা সাহিত্যের কণ্ঠস্বর বিচারে প্রবৃত্ত হইয়াছেন, তিনি যদি সেই ভাষার স্বভাবের সহিত তুলনায় বর্তমানের ত্রী-সম্পদ পুষ্টে তাহার গতিপরিণতির ধারা লক্ষ্য না করেন, কেবলমাত্র কোনও মোহাভাষা ও সমৃদ্ধিশালী পরভাষার দিকে চাহিয়া নিজ ভাষা সম্বন্ধে অশ্রদ্ধা ও হতাশা পোষণ করেন, তবে দীন-হীন আমরা সে অপব্যব নীরবে সহ্য করিব,—না করিয়া উপায় নাই; কিন্তু তাই বলিয়া এ ভাষা ও সাহিত্যের সম্বন্ধে তাহার ভবিষ্যৎ-বাণী গ্রাহ্য করিব না। কারণ, বাংলা ভাষার দৈন্ত তাহার মজাগত নয়; এবং বাংলা সাহিত্যের যে বৈশিষ্ট্য এখনও ঘুচে নাই তাহার কারণও কোনও বংশাত্মকমিক বাধা নয়। ভাষা ও সাহিত্য অস্বাভাবিকপক্ষে হইলেও এ দুইএর শক্তি-মূল স্বতন্ত্র। কোনও ভাষা অতি সমৃদ্ধ হইলেও (যেমন সংস্কৃত ভাষা) তাহাতে যেমন অল্প কারণে সাহিত্য-সৃষ্টি বাধা পাইতে পারে, তেমনি ভাষা এককালে অপরিপুষ্ট থাকিলেও জাতির জীবনোন্নতির ফলে সেই ভাষাতেই সাহিত্যের বান ডাকিয়া থাকে। বাংলা ভাষা গত শতাব্দী হইতে যে শক্তির পরিচয় দিয়াছে তাহাতেই তাহার potential সামর্থ্য সম্বন্ধে সন্দেহ করিবার কোনও কারণ আর নাই। যদি প্রতিফুল অবস্থার বশে জাতির প্রাণ-মনের শক্তি কোনকালে ক্ষীণ হইয়া পড়ে, এবং তজ্জন্য সাহিত্য-সৃষ্টির ধারা বাধাগ্রস্ত হয়, বা নানা কারণে ভাষাকে জীবনের সকল ক্ষেত্রে প্রসারিত করিবার সুযোগ না ঘটে, তবে সেটা ভাষার অপব্যব নয়। যাঁহা এখনও সন্দেহ হয় নাই তাহা যে কখনো সম্ভব হইবে না, এবং তাহার প্রধান কারণ যে ভাষারই মজাগত অশক্তি—বাংলা ভাষার সম্বন্ধে সে অভিযোগ করিবার সময় এখনও আসে নাই। বরং এই

ভাষার যেটুকু শক্তি, এই সাহিত্যের যে অপরূপ রস-লীলা আমরা ইতিমধ্যে প্রত্যক্ষ করিয়াছি, তাহাতে এই প্রশ্নই জাগে—যে জাতি তাহার ভাষার এবিধ জীবনীশক্তির পরিচয় দিয়াছে, সে জাতি কি মরিবে? লেখক-মহাশয় এই ভাষা ও সাহিত্য বিচারে একটু ভুল করিয়াছেন বলিয়া মনে হয়; তিনি ভাবিয়া দেখেন নাই যে, যে-ভাষার সত্যকার রসবৃষ্টি সম্ভব হইয়াছে সে ভাষা দ্বিজদ্র লাভ করিয়াছে—সে ভাষার অমৃত-সংস্কার হইয়া গিয়াছে; এই শক্তি ও দৌভাগ্য জগতের যে কোনও ভাষায় যদি একবার ঘটে তবে সে ভাষার আর বিনাশ নাই; জাতির প্রাণ-মনের স্বাধীন স্ফূর্তির সঙ্গে ভাবের রাজ্যে সে ভাষার অস্তিত্ব অপ্রতিহত হইবে। লেখক-মহাশয় বাংলা ভাষার সর্বপ্রথমপ্রকাশক্ষণটার যে অভাব লক্ষ্য করিয়া নানিকটা ক্লান্ত করিয়াছেন, সেটা ভাষার চর্চার উপর নির্ভর করে; সে শক্তি অস-মাপেক্ষ, অতিভা-মাপেক্ষ নয়। যে ভাষায় literature of power সৃষ্টি হইতে পারে, সে ভাষায় literature of knowledge হইতে পারে একটা সমস্তার ব্যাপার নয়। Literature of knowledge—এর ভুল ভাষাকে সর্ববিধাব্যাবস্থাবিধির উপযোগী করিবার জন্ত, তাহাকে দৈনন্দিন বাহ্যিক জীবনযাত্রার কারখানায় মজুর-বৃত্তি করাইতে হয়—ইহা প্রয়োজনমাপেক্ষ, উজ্জমমাপেক্ষ, জাতির পুরুষকার-মাপেক্ষ। এই জ্ঞানের মজুর-বৃত্তি কোনও

ভাষাকে জোর করিয়াও করানো যায়, কিন্তু যাহা জোর করিয়া ইচ্ছামাত্রে করানো যায় না—সেই দ্রষ্টব্য রস-সৃষ্টির পরিচয় আমরা বাংলা ভাষায় যে-ধরণের যেটুকু পাইয়াছি, তাহা যে-কোনও ভাষার পক্ষে গৌরবজনক, এজন্ত বিধাতাকে ধন্যবাদ। যে ভাষার সে শক্তি আছে সে-ভাষা যে প্রয়োজনের তাড়নায়, জাতির দৃঢ়দৃঢ়তার, তাগিদে অপর শক্তিও লাভ করিতে পারিবে না, ইহা আমরা বিশ্বাস করি না। এই শক্তি বর্জন করিবার উদ্দেশ্যে যেখানে যে পরিমাণ বিদেশী শব্দের সহায়তা গ্রহণ ছায়া হইবে তাহাতে ভাষার ধর্মহানি হইবে না—যাহা অনাবশ্যক বা ভাষার স্বধর্ম-সঙ্গত নয় তাহা আপনিই ঝরিয়া যাইবে।

লেখক-মহাশয়ও ভাষার ভবিষ্যৎকে জাতির ভবিষ্যতের সহিত জড়িত বলিয়া মনে করেন, এবং অনেকস্থলে তিনি নিজ নৈরাগের প্রতিষেধক মুক্তিও উপাধন করিয়াছেন, তথাপি তিনি যে কেন মহা বাংলা ভাষার ভবিষ্যৎ সংক্ষেপে এমন আতঙ্কিত হইলেন, উহাই আশ্চর্য। আমার মনে হয়, তিনি বাংলা ভাষার ভবিষ্যৎ চিন্তা না করিয়া তাহার বর্তমান দৃঢ়তার আলোচনা করিলে এমন বিদাগন্ত হইতেন না।

শ্রীমোহিতলাল মজুমদার

দ্বীপময় ভারত

শ্রীমুণীতিকুমার চট্টোপাধ্যায়

(১০) বলিদ্বীপ—বাছুঙ ও উবুদ

৩রা সেপ্টেম্বর ১৯২৭, শনিবার।—

সকালে দীরেনবাবুর সঙ্গে বাসা থেকে বাছুঙ শহরে একটু ঘুরতে বেরলুম। শহরের হাট বা বাজারের চত্বরেই যা কিছু দেখবার। বাজারের মধ্যে খানিক ঘুরলুম—ঘুরে ফিরে বলিদ্বীপের জীবনের নানা বর্ণে উজ্জল ও মধুর চলচ্চিত্র উপভোগ ক'রলুম। বাজারে এদের নানা রকমের শিল্প দ্রব্য দেখলুম। তার মধ্যে হাতী, সিংহ আর ঘোড়া-মুগো স্থপারী-কাটা জাতি কিনলুম—কালো লোহার উপরে সাদা টিনের কোফং-গারী রেখাপাতে, আর জন্তুগুলির মুখের গড়নের প্রাণবান মৌন্দ্যে এই জাতিগুলি বাস্তবিকই উচ্চ অঙ্গের তৈজস-শিল্পের নিদর্শন। মালাইদেশে কুআলা-লুম্পুরের সংগ্রহশালায় মালাই শিল্পের সমাবেশের মধ্যে এই

রকম জাতি আমরা দেখে প্রশংসা ক'রেছিলুম। অল্প পিতলের আর তামার জিনিসও ছু একটা নিলুম—চন্দ্রপুলি জাতীয় মেঠাইয়ের উপরে নকশা কাটবার জন্ত ছোটো একরকম চাকা; পান ছেঁচবার জন্য পিতলের হামানদিস্তা; আর দেবতাদের মূর্তি আঁকা পেটা তামার পাত্র, পঞ্চপাত্রের মতন—এদের পূজায় ব্যবহার করে,—পূর্ব যবদ্বীপের Tenggler তেঙ্গের অঞ্চলের লোকেরা এখনও মুসলমান হ'য়ে যায় নি, তাদেরও পূজা অহুষ্ঠানে এই ধরণের পাত্র এখনও ব্যবহৃত হয়।

সকালেই বাকেরা কোপ্যারব্যার্গ আর সুরেনবাবুর সঙ্গে উবুদ রওনা হলেন। আমরা মধ্যাহ্ন ভোজনের পরে কবির সঙ্গে যাত্রা ক'রলুম। সকালটায় আমাদের বাসার বারান্দায় ব'সে লোক-চলাচল দেখতে লাগলুম। হঠাৎ

দূর থেকে গামেলানের ধনি কানে এল; ছোটো একটা মিছিল রাস্তা দিয়ে গেল, গামেলান বাজনা বাজাতে বাজাতে রঙীন সারং পরা কতকগুলি পুরুষ, থোপার নান রঙের ফুল পরে কতকগুলি স্ত্রীলোক, আর কতকগুলি ছোটো ছেলে, সকলেই উৎসবের বেশে সজ্জিত; মেয়েদের মাথায় কাঠের বারকোষে আর হাড়ি আর ঝুড়িতে নানা ফল-ফুলুরী, মঙ্গল উপচার; দলের সঙ্গে সঙ্গে কতকগুলি থোলা ছাতি, সব লাল কাপড়ে মোড়া সেকলে তালপাতার ছাতি। সকালের মিষ্টি রোদুরে এই শোভাযাত্রাটা অজন্টার যেন এক জীবন্ত প্রতিক্রম হ'য়ে চোখের সামনে দিয়ে চ'লে গেল, কি অপরূপ সুন্দর লাগল যে কি আর বলবো। কবিও মুগ্ধ হ'য়ে প্রশংসা ক'রতে লাগলেন।

বেলা আড়াইটেয় আমরা উবুদ যাত্রা ক'রলুম। গৃহদামী পুঙ্গব সুখবতী কবিকে স্বাগত ক'রে নিয়ে বসালেন। রাস্তায় তখন ভীড় আর ধরে না। সুখবতীর বাড়ীর কোণে চৌরাস্তার ধারে pavillion বা

ছতরীতে চেয়ার দিয়ে কবির বসবার জায়গা ক'রে দেওয়া হ'ল। আমাদেরও কবির কাছে বসবার ব্যবস্থা ক'রেছিল। ডচ্ ডক্স মহিলা ও পুরুষ যারা উৎসব দেখতে এসেছিলেন তাঁদেরও অনেকেও ছতরীতে এসে ব'সলেন। কবির সঙ্গে এঁদের আলাপ হ'তে লাগল। এদের মধ্যে ডচ্ Official Tourist Bureau-র কর্তা শ্রীযুক্ত P. J. van Baarda আর তাঁর সহধর্মিণী, আর শ্রীমতী Demont নামে একটি ডচ্ মহিলা, যিনি বান্দুঙ শহর থেকে এসেছিলেন আর আমাদের নিয়ে কবিকে বান্দুঙে তাঁরই বাড়ীতে অতিথি হ'তে নিমন্ত্রণ ক'রেছিলেন, ইনিও ছিলেন, পুঙ্গব সুখবতীর



পুঙ্গব সুখবতীর প্রাসাদের কোণের ছতরী রাস্তায় মেয়েদের শোভাযাত্রা
(শ্রীযুক্ত বাকে কর্তৃক গৃহীত)



পুঙ্গব সুখবতীর ডাই
(শ্রীযুক্ত সরেন্দ্রনাথ কর কর্তৃক গৃহীত)

একটি ছোটো খুঁড়তুতো ভাইকে দেখলুম—অতি সুপুরুষ নব যুবক, দাদার হ'য়ে হাঙোজ্জল মুখে আভিজাত্যপূর্ণ নৌজ্ঞের সঙ্গে অভাগতদের কাছে কাছে আছে। এর পরিধানে সোনার জরীর বড়ো বড়ো ফুল তোলা বেগুনে রঙের 'হুত্র' বা রেশমের কাপড়, সেই রকম রঙীন জরীদার উত্তরীয় কোমরে জড়িয়ে বাঁধা, গায়ে সাদা রেশমের পাঞ্জাবীর মতন একটা হাত-কাটা জামা, কোমরে একখানা ক্রিস বাঁধা, আর মাথায় রঙীন রুমালের ছোটো একটা পাগড়ী বাঁধা। ছেলেটির সঙ্গে পরে আমার আলাপ হ'য়েছিল। কিছু কিছু ইংরিজি বলতে পারে। যবদ্বীপে Malang মালাং শহরে একটা উচ্চ শ্রেণীর বিদ্যালয়ের ছাত্র, সেখানে ডচ আর অল্প ইউরোপীয় ভাষা পড়ানো হয়। এর ডাক-নাম Tjokorde Rake চক্কে রাখে।

রাস্তায় আজকেও মেয়েদের শোভাযাত্রা হ'ল। এই 'যাত্রা' বা মিছিল এদের সমস্ত উৎসব-অনুষ্ঠানের প্রধান অঙ্গ। তবে আজ গত কালের মত অত ভীড় ছিলনা শোভা-যাত্রাটিতে। রাজবাড়ীর মেয়েরা আজকেও শোভাযাত্রায় যোগদান ক'রেছিলেন। কালকের মতন আজও বাঁশের মাচা পথ বেয়ে দেয়াল ভিত্তিয়ে তবে মেয়েদের শোভাযাত্রা রাজবাড়ীতে প্রবেশ ক'রলে। পুঙ্খব স্তম্ভ-বতীর ভাই উপরে উঠে দাঁড়ালেন, রাজবাড়ীর মেয়েদের নামবার সময়ে সাহায্য ক'রতে। সমস্ত বাপারটি, আর তার সঙ্গে রাস্তার দুধারে দাঁড়িয়ে বলিদ্বীপীয় মেয়ে পুরুষের ভীড়, সবটাই একটা মনোহর শ্রী আর শালীনতা দেখে কবি খুব খুশী হ'য়ে যথেষ্ট সাধুবাদ দিলেন।

শোভাযাত্রা চুকে যাবার পরে বাঁশের আর রঙীন কাগজের কতকগুলি পুতুল নিয়ে বেরুল—লম্বা লম্বা ক'রে বানানো এলো-চুল রক্তদস্তিকা রাক্ষসীর মূর্তি, রাক্ষসের মূর্তি; এই সব পুতুল নিয়ে ভীড়ের মধ্যে ঘোরাঘুরি ক'রতে লাগল, কোথাও বা ছ'চারটে পুতুল একত্র ক'রে একটু পুতুল-নাচ বা নাট্যভিনয়ও ক'রলে। দু'ব পাড়াগাঁ থেকে আগত বলিদ্বীপীয় মেয়ে পুরুষ আর ছেলের দল হা ক'রে এই পুতুল-নাচ দেখতে লাগল।

আমরা ছত্রীতে আর বেশীক্ষণ বসে রইলুম না, ভীড়ের মধ্যে ঘুরতে লাগলুম। সুরেনবাবু আর বাকে ক্যামেরা এনেছিলেন, ছবি তুলতে লেগে গেলেন।

তারপরে রবীন্দ্রনাথ পুঙ্খবের বাড়ীতে অতিথিদের বসবার ঘরে একটু বিশ্রাম ক'রে বাহুড়ে ক'রে গেলেন। আমরা র'য়ে গেলুম। পুঙ্খবের অরুরোধমতো আজকে আমায় বেদপাঠ ক'রতে হবে। পূজোর জিনিস-পত্র নিয়ে গিয়েছিলুম। পাঠের জন্ত বইও সঙ্গে ছিল। পঞ্চপ্রদীপ, ধূপদান, পঞ্চপাত্র,—এসব ছিল। সাধারণ পাঠে পঞ্চপ্রদীপের দরকার হয় না, কিন্তু বাহ্যল্য ক'রে সেটি জালিয়ে রেখে দিয়ে পাঠ ক'রবো স্থির ক'রেছিলুম। পঞ্চপ্রদীপ জালবার জন্ত একটু ঘী পাওয়া যাবে কিনা জিজ্ঞাসা ক'রলুম। শুনলুম ও দেশে ঘীয়ের নামও কেউ জানে না—হুই খায় না তো ঘী পাবে কোথা থেকে? পদগুরা কি দিয়ে হোম করে জিজ্ঞাসা করায় বললে যে হোম প্রায় অজাত, আর যদি বা কখনও কখনও কোনও বিশেষ অনুষ্ঠান উপলক্ষে একটু হোম করে, তা হ'লে নারকেল তেলেই 'মন্দাভাবে শুড়ম্'-এর মতো ঘৃতভাবে নারকেল তৈল দিয়েই কাজ চালায়। সন্ধ্যা হবার কিছু পবে আমাকে যে আঙিনায় পদগুরের বসবার মাচা হ'য়েছে সেইখানে নিয়ে গেল। সমস্ত আঙিনাটায় লোক গিগ্গিশ ক'রছে। আজকে ঔর্দ্ধদেহিক ক্রিয়া সম্পর্কে পূজা পাঠ অনুষ্ঠানাদির ঘটনা একটু বেশী। আমি মাচার উপরে উঠে পাঠের ব্যবস্থা ক'রে নিলুম। ভক্তির খোরিস্ ও উঠলেন। মাচার উপরে চারিদিকে একটু বারান্দার মতন স্থান, আর মাঝে একটু উঁচু জায়গা—বারান্দা থেকে একহাত আন্দাজ উঁচু হবে। বিজলীর বাতি জ'লছে, আর্ক ল্যাম্প ও আছে। মাচার উপরে উঠে উঁচু জায়গাটিতে ব'সে, ওদেরই দেওয়া একটা ছোটো কতকটা ডমরু আকারের একটি-পায়াযুক্ত কাঠাধারের উপরে একখানি কাঠের বারকোষ রেখে পাঠের জন্ত পুস্তকাধার ক'রে নেওয়া গেল। প্রচুর ফুল ছিল, বারকোষের উপরে বই ক'খানি রেখে বইয়ের চারিদিকে ফুলগুলি সাজিয়ে রাখলুম। পঞ্চপ্রদীপ জেলে পুস্তকাধারের পাশে রেখে দিলুম। কি কি প'ড়বো তা আগে থেকেই ঠিক ক'রে রেখেছিলুম।

পুন্ডব স্তম্ভবতী, তাঁর কতকগুলি আত্মীয় আর তাঁর কতকগুলি পদও—এঁরা ভারতবর্ষের ব্রাহ্মণের বেদপাঠ শোনবার জন্ত মঞ্চের উপরে এসে দাঁড়ালেন। আমি ডাক্তার খোরিসকে বুঝিয়ে দিলুম—ইংরাজীতে—যে কঠোপনিষৎ আর গীতা থেকে কিছু কিছু প'ড়বো—কঠোপনিষদের প্রথম গোটা দুই বহ্লী, আর গীতার দ্বিতীয় অধ্যায় আর একাদশ অধ্যায় (বিশ্বরূপ দর্শন); আর শেষ ঋগ্বেদের দশম মণ্ডলের ষোড়শ স্তব্ধের কতকগুলি ঋক্ প'ড়বো, সেগুলি অস্ত্যোষ্টি-ক্রিয়ায় পঠিত হ'য়ে থাকে; আর 'মধু বাতা ঋতায়তে' এই স্তব্ধ দিয়ে আমার পাঠ সাক্ষ ক'রবো। পঠিতব্য অংশগুলির আশয়ও কিছু কিছু ব'লে দিলুম। শ্রীযুক্ত খোরিস মালাইয়ে পুন্ডব আর পদওদের সংক্ষেপে বুঝিয়ে দিলেন। আমি আচমন ক'রে যথাবিধি ব'সে নিয়ম-মতন স্বর করে উপনিষৎ আর গীতা থেকে প'ড়লুম—আর বেদ থেকে সাদাসিধে ভাবে প'ড়লুম—স্বাধ্যায় করা আমার জানা নেই, সেরকম ক'রে পড়বার চেষ্টা ক'রলুম না। আত্মিনায় সমাগত বলিদ্বীপীয় লোকেরা চুপ ক'রে শুন্নে—গোলমালের লেশও ছিল না। ব্যাপারটা এদের আছে অবশ্য খুবই নোতুন ছিল। আমার উচ্চারণ আর পাঠের রীতি এদের কাছে সম্পূর্ণ রকমে অজ্ঞাত, বইগুলিও অজ্ঞাত—তাত্ত্বিক কতকগুলি মন্ত্র নিয়েই এদের পদওদের কারবার। আমি মিনিট পনের কুড়ির বেশী সময় নিই নি। এর মধ্যে ঘুরতে ঘুরতে কতকগুলি ডচ আর আমেরিকান দর্শক সেই আত্মিনাটীতে হাজির হ'ল। চশমাচোখে, মুগার পাঞ্জাবী গায়ে, স্বর ক'রে অজ্ঞাত ভাষায় আমি পাঠ ক'রছি, গৃহকর্ত্তা আর স্থানীয় পুরোহিত দুই এক জন পাশে দাঁড়িয়ে—এরা দেখেই অবাক। পরে মাচা থেকে নেমে তাদের বলাবলি ক'রতে শুন্লুম—a Brahmin Priest who has come from India. পাঠশেষে, পুন্ডব স্তম্ভবতী আমার সামনে কতকগুলি কাপড়চোপড় এনে ধ'রলেন—এদেশের “বেনারসী জোড়”

বলা চলে, স্থানীয় কাজ; তাঁতে বোনা স্তোর বেগুনী রঙের কাপড় একখানা, তাতে চওড়া রূপালী জরীর পাড় আর লাল হ'লদে আর সবুজ রেশমের আর রূপালী জরীর বড় বড় ফুল তোলা; এখানা উত্তরীয়-স্থানীয়, বুকে বাদতে



উবুদের পুন্ডব কতক উপহৃত বলিদ্বীপীয় পরিচ্ছদে
(শ্রীযুক্ত হরেন্দ্রনাথ কর কর্তৃক গৃহীত)

হয় এখানা; একখানা হ'লদে স্তোর কাপড়, তার পাড়টা জরীর, আর তাতে সবুজ রেশমের ঘরে লাল আর বেগুনে আর জরীর ফুল তোলা,—এটা পরণের জন্ত; আর একখানা ঐ ধরণের রঙীন আর জরীর ফুল তোলা হ'লদে কাপড়, মাথায় পাগড়ীর মতন বাঁধবার জন্ত; আর লাল আর হ'লদে জরীর চওড়া ফিতার কোমরবন্ধ দুটো। এছাড়া পদওদের বসবার আসন একটি,—এটা সোনালী ছাপ করা রঙীন কাপড়ের পাড়বানো একখানি গদী; আর

একখণ্ড সোনালী ছাপা কাপড়; সবগুলি একটি রঙ-করা ফুল-আঁকা কাঠের খালার উপরে ছিল। আমি সেগুলি ডানহাত দিয়ে স্পর্শ করে বীকার করলুম। পরের দিন আমাদের মোটরে সেগুলি পুঙ্খ স্বথবতী তুলে দেন। প্রতিদিনে আমিও আমার সঙ্গে করে আনা পূজার তৈজসপত্রগুলি পুঙ্খবকে উপহার দিই। এই কাপড়-চোপড়গুলি বলিদ্বীপে একবার পরেছিলুম। পুঙ্খ স্বথবতী ডচ ভাষায় অনেকগুলি ডবিওয়ালা একখানি ছোট বই প্রকাশিত করেছেন—Hoe die Balier zich kleedt 'বলিদ্বীপীয়েরা কিভাবে কাপড় পরে'। এই বইয়ে তিনি ব'লছেন যে বলির জীবনযাত্রা শীঘ্র শীঘ্র বদলাচ্ছে, লোকদের পোষাক পরিচ্ছদও তাই ব'দলে অল্প ধরণের হ'য়ে যাবে—এই জ্ঞাত ভবিষ্যৎ কালের লোকদের উদ্দেশ্যে বলিদ্বীপীয়দের প্রাচীন পোষাক পরিচ্ছদের একটি সচিত্র বর্ণনা তিনি লিখে রেখে যাচ্ছেন। স্মরেন বাবু এদের কাপড় পরার রীতি দেখে শিখে নিয়েছিলেন। তারই সাহায্যে পুঙ্খ স্বথবতীর দত্ত কাপড় প'রেছিলুম, আর স্মরেন বাবু সেই কাপড় পরিয়ে আমার এক ছবিও নিয়ে ছিলেন। মাথার কুমালের পাগড়ী, আর বলিদ্বীপীয় কাণ্ডায় পাগড়ীর নীচে পরা জবাফুলটা বাদ দিয়ে, পুঙ্খবের প্রদত্ত বস্ত্র আর উত্তরীয় প'রে বাঙলা দেশে পূজাবাড়ীর দালানে, বা ভারতের কোনও দেবমন্দিরে হাজির হ'লে,—বিদেশীয় বা অভ্যন্তরীণ পোষাক প'রে এসেছি একথা কেউ ব'লতে পারত না। কাপড়ের কাঙ্কটা আমাদের দেশের পক্ষে একটু অসাধারণ হ'লেও, আমাদের ভারতীয় চেলী বা বেনারসী বা অল্প ধরণের জরীতোলা রঙীন পটবস্ত্রের সঙ্গে এ জিনিস বেশ চ'লে যায়—মোট্টেই বেখাপ বা বেমানান হয় না।

সাতটা সাড়ে সাতটায় আমার পাঠ শেষ হ'ল। আগে থেকেই ঠিক ছিল, কোপারবার্গের পরামর্শ-মতন, সন্ধ্যার পরে যে যাত্রা নাচ গান অভিনয় সাধারণের জ্ঞাত রাজপ্রাসাদে ঢালাও ভাবে হবে, আমরা সে সব দেখবো। দেখে শুনে ফিরতে রাত হবে, তাই আমরা সঙ্গে করে কিছু খাবার এনেছিলুম—পনীরের স্নাউচ, ডিম সিদ্ধ, কলা। পাঠের পরে, রাজবাড়ীর আর এক

আঙিনায় দেখি, মুখস-পরা 'তোপেড' যাত্রার আসর ব'সেছে। ডচ আর আমেরিকান দর্শক কতকগুলি র'য়েছেন; এই ক'দিনে অনেকের সঙ্গে আমাদের পরিচয় হ'য়েছে। এদের জ্ঞাত কতকগুলি চেয়ারের ব্যবস্থা ক'রে দিয়েছে। একটা তক্তপোষের মতন কাঠের বসবার জায়গায় অভিজাত শ্রেণীর বলিদ্বীপীয় অভ্যাগতেরা ব'সেছেন; সাধারণ লোকে ভূঁয়ে ব'সেছে। 'তোপেড' যাত্রা গিয়াত্রারে আগেই দেখেছি, এখানেও সেই রকমের। অভিনেতাদের চেয়ে দর্শক আর শ্রোতৃবর্গ আমাদের কৌতুহল আকৃষ্ট বেশী ক'রছিল। ডচ চিত্রকর Sayers তাঁর এক পরিচিত ব্যক্তির সঙ্গে আলাপ ক'রিয়ে দিলেন। এই ব্যক্তিটা আমেরিকান, নাম A. Roosevelt, গত আড়াই বছর ধ'রে বলিদ্বীপে আছেন—একটা Tourists' Agents-এর আপিস আছে এ'র; বিদেশী যাত্রীদের বলিদ্বীপ দেখবার ব্যবস্থা সেখান থেকে করা হয়। এ ছাড়া লোকটা নিজের একজন চিত্রকর আর ভালো ফোটোগ্রাফর। বলিদ্বীপের লোকদের প্রতি এর খুবই টান। ব'ললে, আমি তো 'বালিনীজ' হ'য়ে গিয়েছি। বলিদ্বীপের লোকদের অনেক রীতিনীতির খুবই প্রশংসা ক'রলে। তবে বলিদ্বীপ আর যে সত্যযুগের স্বর্গরাজ্য থাকছে না, কালধায়ে সবই বদলাচ্ছে, সে কথাও ব'ললে। ব'ললে—মশায়, এই আসরে এখন দেখছেন প্রায় দু'আনা লোকে—কি মেয়ে কি পুরুষ—গায়ে একটা ক'রে জামা চড়িয়েছে; দেড় বছর দু'বছর পূর্বে এদেশে যখন প্রথম আসি, তখন এত বড়ো আসরটায় দুজন লোকের গায়েও জামা থাকত না, সব নিজেদের দেশের চমৎকার 'বাতিক' কাজের ছোবানো কাপড়ের একখানা ক'রে উত্তরীয় মাত্র কাঁধে কেলে বা কোমরে জড়িয়ে আসত। লোকদের মতিগতি যে এখন আধুনিক জগতের উপযোগী হ'য়ে উঠছে, তা তাদের এই পোষাকের ফ্যাশান বদলানো থেকে বুঝতে পারা যায়।

'তোপেড' যাত্রায় বেশীকণ লাগল না, শীগ'গির শীগ'গির শেষ ক'রে দিলে। এর পরে Hardja 'হার্জা' ব'লে একরকম গীতিনাট্য হবে, সেটা ব'সতে অল্প কিছু দেরী হবে। আমরা তখন আমাদের মোটরে গিয়ে

আহার সেরে এলুম। বাক-দম্পত্য অতি পূর্বেই কবির সঙ্গে চ'লে গিয়েছিলেন। আহা! চুকে, যে দরদালানে শবাবার রাখা হ'য়েছে, তারি আঙিনায় গিয়ে উপস্থিত হ'লুম। পূজার মাচার ব'সে এক পদগু-শিব আর এক পদগু-বুদ্ধ—শিবের আর বুদ্ধের পুরোহিত—খুব ঘটা ক'রে পূজা আরম্ভ ক'রে দিয়েছেন। মাচার পাশে একটা আটচালার মতন, তার উচু দাওয়ায় শপ বিছানো, সেখানে কি পাঠ হ'চ্ছে—সেখানে গিয়ে দাঁড়ালুম। Lontar 'লোস্তার' বা তালপাতার পুথির পাতা তুলে ধ'রে স্বর ক'রে ক'রে একজন কি প'ড়ছে, আর কালো কোট গায়ে একজন বুদ্ধ, তাঁর মাথায় ঝুঁটি তাতে ক'রে বুল্লুম তিনি হ'চ্ছেন একজন শৈব-পদগু, এক একটা শ্লোক বা পদ পড়বার পরে তার ব্যাখ্যা ক'রে সকলকে বুঝিয়ে দিচ্ছেন। ছোট্টো আটচালাটিতে কতগুলি ভক্তলোক চুপ ক'রে ব'সে ব'সে শুনছেন। গিয়াগারের রাজ্যও সেখানে এসেছেন দেখলুম—তিনি আমায় ডেকে সেখানে শ্রোতাদের মধ্যে স্থান ক'রে বসালেন। যা পাঠ হ'চ্ছিল, অল্পমানে আঁচ ক'রাইলুম যে রামায়ণই পাঠ হ'চ্ছিল। ব্যাখ্যাতা বুদ্ধ খানিক পরে নিরন্ত হ'লেন, পিতলের সৰু চোঙের মতন হামানদিতায় পান-সুপারী পুরে একটা সৰু পিতলের ডাটি দিয়ে ঐ পান-সুপারী ছেঁচে খেঁতো ক'রতে লেগে গেলেন। তখন একটা অল্পবয়সী লোক তারপরে ব্যাখ্যাতা হ'ল। কি পাঠ হ'চ্ছে আমি জিজ্ঞাসা ক'রলুম। শুনলুম, রামায়ণ পাঠ হ'চ্ছে, প্রাচীন বলিদ্বীপীয় ভাষায়, পালা হ'চ্ছে অশোকবনে সীতার সঙ্গে হনুমানের সাক্ষাৎ, লক্ষায় হনুমানের ক্রিয়াকলাপ।

এই রামায়ণ পাঠের আসরে একটা প্রবীণ-বয়সী পদগুর সঙ্গে আলাপ হ'ল। বৈটেখাটো চেহারার লোকটি, পরণে একখানা 'বাতক'-এর রঙীন কাপড়, কোমরে একখানা বেগুনে রঙের জরীর বৃটীদার উত্তরীয়। ভাঙা ভাঙা মালাইয়ে দু এক কথার পরে আমাকে নিয়ে গেলেন পূজামঞ্চে—যেখানে পদগু ছজন পাশাপাশি ব'সে পূজা ক'রছেন। এই পদগুদের পূজা খানিকক্ষণ ধ'রে দেখলুম। পদগু-শিব কোনও মূর্তি

নিয়ে বসেন নি, খালি তাঁর সামনে কাঠের একপায়া গোল চৌকির উপরে একটা অষ্টদল সাদা ফুলের মধ্য দিয়ে তালপাতার ছোটো একটা শিবলিঙ্গের মতন দেবপ্রতীক সজ্জিত র'য়েছে। পদগু-বুদ্ধ কিন্তু পিতলের ছোটো ছোটো দু তিনটা মূর্তি সামনে রেখে দিয়েছেন—দাঁড়ানো মূর্তি, কোন কোন দেবতার তা বুঝতে পারলুম না, সুবিধা ক'রে কাউকে জিজ্ঞাসাও ক'রতে পারলুম না। প্রচুর জল ছিটিয়ে আর ফুল ছড়িয়ে, আর বিড় বিড় ক'রে মন্ত্র আউড়ে, আর দুহাতের আঙুল দিয়ে নানা রকমের মুদ্রা ক'রে পদগু ছজন একমনে পূজা ক'রে যাচ্ছেন। যে বুদ্ধ পদগুটি আমায় এবার উপরে নিয়ে এলেন, তাঁকে অষ্টদল ফুলটার উপরে তালপাতার দেবতা প্রতীকটি কি তা জিজ্ঞাসা ক'রতে, তিনি উর্দ্ধ আর অধঃ নিয়ে দশ দিকের সঙ্গে শিবের দশটি রূপের নাম ব'লতে লাগলেন—'ঈশ্বর' বা ঈশ্বর, 'হারা' বা হর, 'সাবুউ' বা শর্ক, ইত্যাদি; তার পরে আর কি কি মালাই মিশ্র বলিদ্বীপীয় ভাষায় ব'ললেন, তা ধ'রতে পারলুম না,—তার মধ্যে মধ্যে 'অংকসা' বা 'আকাশ', 'ব'ম' বা 'ভূমি' এই রকম বিকৃত উচ্চারণে দু একটা সংস্কৃত শব্দ কানে এল। তান্ত্রিক পূজার কোনও মণ্ডল ব্যাখ্যা ক'রে বুঝিয়ে দেবার চেষ্টা ক'রছেন ব'লে মনে হ'ল। অষ্টদল ফুলটার আটটা পাপড়ী ভিন্ন ভিন্ন নামে আট দিকের অধিষ্ঠাত্রী দেবতারূপে কল্পিত অষ্টমূর্তি শিবের প্রতীক, এইটেই যেন তাঁর বলবার উদ্দেশ্য। তারপরে পদগুটি মুদ্রা সঞ্চয়ে আমায় প্রশ্ন ক'রলেন, আমি কি কি মুদ্রা জানি। এই ব'লেই সাধা হাতে অবলীলাক্রমে নানা মুদ্রা ক'রে আমায় দেখাতে লাগলেন। আমি এই বিষয়ে অতি সহজেই পঞ্চাঙ্গ স্বীকার করলুম—বললুম যে আমি সামান্য ব্রাহ্মণ মাত্র, পুরোহিত বা পদগু শ্রেণীর পূজা আচারে দক্ষ ব্রাহ্মণ নই, সুতরাং মুদ্রা ক'রতে শিখিনি। এই পদগুটি আমায় পাঠ ক'রতে দেখেছিলেন,—বিদেশী লোক, হঠাৎ একদিনের জন্ত পুণ্ড্রবের কাছে এতটা খাতির পেয়েছি তাও দেখেছিলেন—আর বোধ হয় সেটা এর ভালো লাগেনি। মুদ্রা বিষয়ে আমার অজ্ঞতা ধরা পড়ে যাওয়ায় এখন বোধ হয় ভক্তলোক মনে মনে একটা


আত্মপ্রসাদ লাভ করলেন। তারপরে প্রশ্ন করলেন, ‘মহাশূর’ অর্থাৎ রবীন্দ্রনাথ নিশ্চয়ই পূজার অন্তর্ধানের সব মুদ্রা করিতে পারেন, আর নিশ্চয়ই তিনি এমন অনেক মুদ্রা জানেন যা বলিদ্বীপের পদগুণের অজ্ঞাত। আস্তে আস্তে মালাই ভাষায় এই প্রশ্নটি আমায় বার দুই করা হ’ল; আমি বঝলুম তাঁর জিজ্ঞাসাটা কি। রবীন্দ্রনাথের সঙ্গে দেখা করে পূজার মুদ্রা সম্বন্ধে কিছু উপদেশ নেবারও ইচ্ছা প্রকট করলেন। আমি ভাবলুম—এইবারে সার্বলে! আর একে সব কথা বোঝাই বা কি করে? এমন সময়ে আমেরিকান কন্সভেটকে সেই আড়িনায় দেখে ইশারা করে ডাকলুম। পূজার মাচার তলায় আসতে তাকে ব’ললুম—একটু দোভাষীর কাজ করুন। সে ব’ললে—আমার মালাইয়ের দোড় অতদূর নেই—তবে একজন দোভাষী খুঁজে আনছি। এই ব’লে পাশের মহল থেকে তার পরিচিত একজন ডচ ছোকরাকে ডেকে নিয়ে এল। ছোকরা ইংরিজি বেশ জানে, ডচ সরকারে কি একটা কাজ করে, মালাইও ভালো জানে। মুদ্রা বিষয়ে আমাদের গভীর আলোচনা পূজারত পদগুণের বিরক্ত না করে যাতে নির্বিবাদে হ’তে পারে সে জন্ত এই পদগুণটিকে নিয়ে পূজার মাচা থেকে নেমে ডচ ছোকরাটির সঙ্গে একটু নিরিবিলি জায়গা খুঁজে নিয়ে আমরা ব’সলুম—একটি আট-চালার রোয়াকে। একে তখন ব’ললুম—রবীন্দ্রনাথ যে ভাবে পূজাচর্চনা করেন, তাতে তিনি মুদ্রার বা আগমোক্ত মন্ত্রের প্রয়োগ করেন না। তবুও এ ছাড়বেনা, একবার গিয়ে মুদ্রা-সম্বন্ধে তাঁর সঙ্গে আলাপ করবে। আমি ব’ললুম, আচ্ছা, সে পরে দেখা যাবে। তারপরে ভারতবর্ষের হিন্দুধর্মের সম্বন্ধে কথা উঠল। এই পদগুণ ব’ললেন, আমাদের বলিদ্বীপের আচার-অন্তর্ধান সব দেবতা আর ঋষিদের কাছ থেকে পাওয়া—অর্থাৎ সনাতন। মনে মনে পদগুণটির staunch patriotism অর্থাৎ তার এই কিছুতেই-হ’ঠবে-না এমন স্বদেশের মধ্যাদা বোধটিকে প্রশংসা না করে থাকতে পারলুম না। ভারতবর্ষের দাবী কেন অত সহজে মানবে? কোথাকার কোন্ দূর দেশ থেকে আমরা এসেছি;

ডচ অফিসার থেকে পুস্তকেরা আর পদগুণেরা সকলেই আমাদের স্বীকার করে নিচ্ছে; একটু যাচাই হওয়া দরকার, আমরা ঠিক কি, আর আমাদের যোগ্যতা আর দাবীই বা কতটুকু। এই ব্যাপারটি নিয়ে আরও একটু তর্ক করবার ইচ্ছায় পদগুণটি আমাদের আর সঙ্গের ডচ ছোকরাটিকে হাত ধরে টেনে নিয়ে গেল আর একটি মহলে। সেখানে দেখি, একটি ঘরের দাওয়ায় অত্র কতগুলি পদগুণ ব’সে আছেন। তাদের সঙ্গে আমাদের এই পদগুণটি দেশভাষায় কি কথাবার্তা করলে। আমি তখন ইংরিজিতে ডচ দোভাষী বন্ধুটিকে ওদের এই কথাগুলি ব’লতে অন্তরোধ করলুম।—আমি খানিকটা খানিকটা করে বলি, আর সে মালাইয়ে অন্তরবাদ করে যায়।—আমি ব’ললুম—‘আমি আসছি ভারতবর্ষ থেকে; অনেক দিনের পথ সে দেশ; আমাদের দেশে যে ধর্ম প্রচলিত, যেরকম অন্তর্ধানাদি আছে, বলিদ্বীপের সঙ্গে সে সব বিষয়ে আশ্চর্য মিল দেখা যায়। রামায়ণ মহাভারত আর পৌরাণিক কাহিনী, বেদ আর আগম আমাদের দেশে আছে; পুরাণে আর ইতিহাসে বর্ণিত সব দেশ নগর নদী পর্বত আমাদের দেশে এখনও বিদ্যমান; মন্ত্রের ভাষা সংস্কৃত আমরা এখনও চর্চা করি; আর আমাদের ভাষাও এই সংস্কৃত থেকে হ’য়েছে। নানা দিক থেকে বুঝতে দেবী হয় না যে বলিদ্বীপের সভ্যতা ধর্ম রীতি নীতির মূল সূত্রগুলি ভারতবর্ষ থেকেই এসেছে। এক সময়ে যবদ্বীপে এই সভ্যতা আর ধর্মের জয়জয়কার ছিল; এখন আর নেই, ওদেশের লোকেরা মুসলমান হ’য়ে গিয়েছে। ভারতবর্ষ থেকে যখন ধর্ম সভ্যতা আর সংস্কৃত ভাষা এ অঞ্চলে আসে, সে হ’চ্ছে দেড় হাজার দু হাজার বছর পূর্বেরকার কথা। তার পরে প্রায় আট ন’শ’ কি হাজার বছর ধরে ভারতবর্ষ আর বলিদ্বীপে কোনও যোগ ছিল না। এর মধ্যে আমাদের দেশে নানা ঝড় ব’য়ে গিয়েছে; দু হাজার দেড় হাজার বছর আগে আমাদের পূর্ব-পুরুষেরা যে রকমের ধর্ম পালন করতেন, যে সব অন্তর্ধান করতেন,—সেগুলি যে অবিকৃত ভাবে কোনও পরিবর্তন না করে যথাযথ রূপে

ব্রিটিশ স্বর্গে দুর্ভাবনা

সহ্যারাদি ভিক্টোরিয়া (সমুদ্র এডোয়ার্ডের প্রতি)—এডোয়ার্ড,
একবার নীচের দিকে চেয়ে দেখ তো, আমি
এখনও ভারতবর্ষের সম্রাজ্ঞী আছি কিনা

—*Kladderadatsch*, Berlin



অমিক গভর্ণমেন্ট ভারতবর্ষের সহিত সৌহার্দ স্থাপন করিতে উৎসুক

—*Pravda*, Moscow



নাবিকহীন নৌকা—

পোর্টসুমাখের নৌবহর প্রদর্শনীতে বিরাটকার যুদ্ধের জাহাজগুলি যখন নিম্নলিখিত হইয়া দাঁড়াইয়া আছে, তখন এই ৩২ ফুট মোটরবোট-খানি নাবিকহীন হইয়াও ভূতচালিতের মত চলাফিরা শুরু করিল। চারিটি মানুষ দেখিয়া অবশ্য অনেকেই আশ্চর্য করিল যে অদৃশ্য হস্তখানি বেতার-বার্তার। কেবল 'এই নৌকাখানিই নয়, ইতিপূর্বে এরোপ্লেন, মোটরকার এবং ট্যাক প্রভৃতিও বেতারে চালিত হইয়াছে। যুদ্ধের সময় এই রকম একটি নৌকাকে বিস্কোরকে বোঝাই করিয়া শত্রুর মধ্যে ছাড়িয়া দিলে একগুচ্ছ মেঘনাদের মত আড়ালে থাকিয়া অল্প পক্ষের অনেক সর্বনাশ করিতে পারিবে।

কৃত্রিম সমুদ্রের সৃষ্টি, এবং একটি ঘন ও আবিকৃত হইয়াছে যাঁহা নাকে যুগে লাগাইয়া জলের ভিতর দিয়া উপরে উঠা সম্ভব হইবে।

সমুদ্র সৃষ্টি করা হইয়াছে এই বিরাট মিনারটির মধ্যে। ইহা প্রায় তের তালার সমান উঁচু এবং ব্যাসে ১৮ ফিট। ইহা সমুদ্রের লোণী জলে ভক্তি। সাবমেরিনের নাবিকদের কৃত্রিম ফুস ফুস নাকে দিয়া ইহার মধ্যে নামাইয়া দেওয়া হয়। ইহার নীচে সাবমেরিনের মত অবিকল একটি কুঠুরী আছে, সেই কুঠুরী হইতে তাহারা উপরে উঠা অভ্যাস করে। প্রথম একটা দড়ি বাধা 'বমা' ছাড়িয়া দেয়, তারপর সেই 'বমা'র দড়ি ধরিয়া উপরে উঠিতে থাকে।



বেতার টেলিগ্রাফের সাহায্যে চালিত নাবিকহীন নৌকা

কৃত্রিম সমুদ্র—

বিগত যুদ্ধের পর আজ পর্যন্ত এগারটি সাবমেরিন দুর্ঘটনা ঘটয়াছে। তাহাতে ৪৩৮ লোক প্রাণ হারাইয়াছে। দুর্ঘটনার কারণ এই, যে, জলের নীচে দিয়া চলিবার সময় কোন রকম যন্ত্র বিকল হওয়ার্তে জলের উপর উঠা সাবমেরিনের পক্ষে সম্ভব হয় নাই। হুতরাং বাতাসের অভাবে কিছুকালের মধ্যে লোকদের প্রাণনাশ ঘটয়াছে। এই রকম দুর্ঘটনার সময় বাহাতে লোকগুলি সাবমেরিন হইতে বাহির হইয়া উপরে উঠিতে পারে, সেই রকম শিক্ষা দিবার জন্য


এই মিনারটি তৈরী করিতে খরচ পড়িয়াছে এক লক্ষ কুড়ি হাজার ডলার। ইহা ষিলের তৈরী। বাহিরে এলুমিনিয়াম রং দেওয়া। ভিতর আলো দিবার জন্য এবং জল গরম রাখিবার জন্য ব্যবস্থা আছে। বাহিরেও ইহাকে আলোকিত করা হয় এবং এরোপ্লেনের পথনির্দেশের জন্য এখন হইতে 'বাকন' লাইট ফেলা হয়।



জলমগ্ন সাগরেবিন হইতে বাতির হইয়া
আদিবাহ উপায় শিক্ষা দিবার
কৃত্ত নিশ্চিত বিনার



বিনারের ভিতরের দৃশ্য



পারস্য ও তুরস্ক দেশের মৃৎশিল্প—

ছবিতে পারস্য এবং তুরস্ক দেশীয় কতকগুলি প্রাচীন চিত্রিত মাটির বাসন দেখান হইয়াছে। তুর্কী বাসনগুলি ষোড়শ ও সপ্তদশ শতাব্দীতে আনাতোলিয়া অর্থাৎ বর্তমান এশিয়া মাইনরে নিৰ্ম্মিত হইয়াছে। এই যুগ অটোমান সাম্রাজ্যের চরম সম্প্রসারণের সময়। এই সময়ের শিল্প খুব উন্নত ছিল। তুর্কদের নিজের কোন শিল্পকলা ছিল না। অটোমান প্রভাবেই তাহাদের শিল্পকলা গড়িয়া উঠে। তুর্কদের নিজস্ব পদ্ধতির জন্ত পারস্যের আর্টও কম দায়ী নয়। আবার এদিকে ইতালীয় আর্টের বাস্তবিকতাও তাহাকে প্রভাবান্বিত করিতে ছাড়ে নাই।




একটি পারস্যদেশীয় কূঁজা (ত্রয়োদশ শতাব্দী)

আগে একটা ভুল ধারণা ছিল যে এই জাতীয় সব ‘পটাব্রী’-ই বোডস বীপে তৈরী। এমন কি এমন পর্য্যন্ত ইহাদের রোডীয় বাসন বলা হয়। এখন অবশ্য জানা গিয়াছে যে নিসিয়া ইহাদের জন্মস্থান। নিসিয়ার পুরাতন নাম ইল্লিক।


এক রকম অল্প ধূসর বর্ণ মাটির বাসন গোড়াইয়া শক্ত করিয়া তৈরী হইতে ইহাদের তৈরী করা হয়। গোড়া বাসন গুলির উপর একটা সাদা ‘সেল’ কোটিং দিয়া কাজ করা হয়। নীল, সবুজ, লাল এবং



তুরস্কদেশীয় একটি থালা (ষোড়শ শতাব্দী)



তুরস্কদেশীয় একটি থালা (ষোড়শ শতাব্দী)



একটি তুরস্কদেশীয় কুজা (ষোড়শ শতাব্দী)



তুরস্কদেশীয় মগ (ষোড়শ শতাব্দী)



পারস্যদেশীয় একটি বাটির ভিতরের কারুকার্য (ত্রয়োদশ শতাব্দী)



পারস্যদেশীয় একটি বাটির ভিতরের কারুকার্য (ত্রয়োদশ শতাব্দী)

ঘনকাল চটকহীন রূ-এ অল্প রিলিকে কাজ পোরসেলিন-এর মত গুজ্র জারির উপর অতি সুন্দর দেখায়।

রচনার মধ্যে কাল্পনিক বোধচিত্র, ফুল পাতা এবং কতিং চিত্রিত লিপি দেখা যায়। ইহাই সাধারণতঃ ইসলামীয় রচনার ধারা। এই শিল্পের সব চেয়ে অভিনব এবং বিশিষ্ট রচনা লতাপাতার চব্বিকে একটা কৃত্রিম ভঙ্গিতে সাজাইয়া একটি অপূর্ণ প্যাটার্ন সৃষ্টি করা। জলের ফুল, গোলাপ, পিঙ্ক এবং দেবদারু গাছ এই গুলি এই আর্টে খুব বেশী প্রচলিত। মানুষ, পশুপক্ষী প্রভৃতি এ আর্টে প্রায় বর্জিতই বলা যাইতে পারে।

পারসী বাসনগুলি তুর্কী হইতে বেশী পুরাতন। ঐশ্বর্যশালী শতাব্দীতে পারস্যের মোগল বিজয়ের পর হইতে এই শিল্প অবনতির পথে

চলে। স্থলভানাবাহ এবং বেগেস এই দুইটি ভারগাই এ শিল্পের প্রধান কেন্দ্র, পারস্যের নির্মাণশক্তি তুরস্ক হইতে খুব বেশী বিভিন্ন নয়, তবে ডিজাইনের দিক হইতে যথেষ্টই তারতম্য দেখা যায়। বেগেসের বাসনগুলিতে সোমালি এবং অক্সান্ড রঙে অতি নিপুণ-ভাবে বাদশাহী মীষনের চিত্র আঁকা হইয়াছে। অক্সান্ড রচনা যাহা দেখা যায় তাহা বেশীর ভাগই জামিন্তিক। পারস্যের দিয়া সম্প্রদায় ভুক্ত। তাই তাহাদের সজীব প্রাণীর ছবি আঁকিতে কোন বাধা ছিল না। কতকগুলি বাসনে অতি সুন্দর জারির কাজ করা হইয়াছে। জারির ঝাঁকগুলি সাদা অনেক রঙীন স্বচ্ছ রঙ্গ দিয়া ভরিয়া দেওয়া হইয়াছে, এই গুলিকে পারসী শিল্পের শ্রেষ্ঠ নির্দশন বলা যাইতে পারে।

মানের দায়*

শ্রীশ্রীশ্রীশ্রীশ্রী

স্পেনদেশে টলিডো নামক একটি শহর আছে। চতুর্দশ শতাব্দীর মধ্যভাগে ডন্ এন্রিক ডি ট্রাষ্টামারা টলিডো অবরোধ করেন। কিন্তু নগরের অধিবাসীরা বিশেষ সাহসের সহিত এই আক্রমণে বাধা দিতে লাগিলেন।

শক্রসৈন্য টেগস্ নদীর অপর পারে সিগারেলেস্ নামক সুন্দর স্থানে তাঁবু গাড়িয়াছিল। নগরের সহিত এই প্রান্তর সান্ মাটিনের সেতুর দ্বারা সংযুক্ত। নগরবাসীরা প্রায়ই এই সেতু অতিক্রম করিয়া ডন্ এন্রিকের সৈন্য-দলের উপর গিয়া পড়িত এবং তাহাদিগকে বিধ্বস্ত করিয়া ফিরিয়া আসিত। টলিডো শহর সুন্দর প্রাসাদ, তোরণ প্রভৃতির জন্ত বিখ্যাত। তাহারও মধ্যে এই সেতুটি সৌন্দর্যের জন্ত প্রসিদ্ধ ছিল।

সিগারেলেস্ প্রান্তরটিতে বহুসংখ্যক ফুল ও ফলের বাগান, বাগান-বাড়া, প্রমোদোদ্যান প্রভৃতি ছিল। ইহার সৌন্দর্যে মুগ্ধ হইয়া অনেক কবি ইহার বিষয়ে সঙ্গীত ও কবিতা রচনা করিয়াছেন।

ডন্ এন্রিক টলিডোবাসীদের আক্রমণে ব্যতিব্যস্ত হইয়া অবশেষে স্থির করিলেন যে, তিনি সান্ মাটিন সেতুটি ধ্বংস করিয়া ফেলিবেন।

অন্ধকার রাত্রে তাঁহার সৈন্যেরা প্রান্তরের শোভা-বর্জনকারী গাছগুলি কাটিয়া ফেলিয়া সেতুর উপর শুপাকারে সাজাইয়া দিল। প্রভাত হইতে-না-হইতে সেতুর উপর ভীষণভাবে আগুন জলিতে আরম্ভ করিল। উহা ক্রমেই বাড়িয়া চলিল, এবং উহার ভয়াবহ আলোকে শক্রসৈন্যদল, টেগস্ নদীর জল, রাজপ্রাসাদ প্রভৃতি সব আলোকিত হইয়া উঠিল। বিবিধ কারুকাঁচাখচিত খিলান ও স্তম্ভগুলি যখন মডমড করিয়া উঠিল, তখন বোধ হইতে লাগিল, কলালস্বাই যেন বর্করের অত্যাচারে আতর্জনাদ করিতেছেন।

এই ভীষণ দৃশ্য দেখিয়া নগরবাসীরা দৌড়িয়া নদীতীরে গিয়া সমবেত হইল, যদিই কোনো উপায়ে ঐ সুন্দর সেতুটিকে ধ্বংসের হাত হইতে রক্ষা করা যায়। কিন্তু তাহাদের সকল চেষ্টাই বিফল হইল। ঘোররবে সেতুটি ভাঙিয়া পড়িয়া নদীগর্ভে অদৃশ হইয়া গেল।

সুখ্যালাকে যখন রাজধানীর কুম্ভারাজি উদ্ভাসিত হইয়া উঠিল, তখন নগরের অধিবাসিনীরা কলস লইয়া নদীতীরে জল আনিতে গিয়া উপস্থিত হইল। কিন্তু নদীর জল আর পূর্বের মত স্বচ্ছ ও নির্মল নাই, ঘোলা ও পঙ্কিল হইয়া উঠিয়াছে এবং সেতুর ধ্বংসাবশেষে জলরাশি

* স্প্যানিশ গল্প হইতে

তখনও পরিপূর্ণ। রমণীয়া জল না লইয়াই শোকাবুল-
চিত্তে গৃহে ফিরিয়া আসিল।

টলিডোবাসিগণ ক্রোধে কিপ্তপ্রায় হইয়া উঠিল;
কারণ এই সেতুটিই সিগারেট প্রাস্তরে খাইবার একমাত্র
পথ ছিল। নিজের সকল বল একত্র করিয়া তাহারা
শত্রুদলের উপর ঝাঁপাইয়া পড়িল এবং তাহাদিগকে
ছিন্নভিন্ন করিয়া পলায়ন করিতে বাধ্য করিল।

সান মার্টিনের সেতু ধ্বংস হইবার পর বহু বৎসর
কাটিয়া গেল। রাজা ও প্রধান ধর্মযাজক বহুবার আর
একটি সেতু নির্মাণের চেষ্টা করিতে লাগিলেন, কিন্তু
প্রধান প্রধান স্থপতিগণও তাঁহাদের ইচ্ছা কার্যে পরিণত
করিতে পারিল না। পূর্বের ত্রায় সুন্দর সেতু কিছুতেই
নির্মিত হইল না। নদীর পরস্রোতে কাঠের ভায়া কিছুতেই
টিকিতে চায় না, খিলান নির্মাণ আরম্ভ হইবার পূর্বেই
জলস্রোত কাঠরাশিকে ভাসাইয়া লইয়া যায়।

টলিডোর প্রধান ধর্মযাজক দেশে দেশে দূত প্রেরণ
করিলেন, যে-কোনো দেশীয়, যে-কোনো ধর্মাবলম্বী
স্থপতি আসিয়া সেতু নির্মাণকার্য গ্রহণ করিলে, তাহারা
প্রভূত অর্থদান করিতে সম্মত আছেন। কিন্তু কোনো
ফল হইল না। সেতু-নির্মাণের পথে বাধা—টেগদের
তীব্র স্রোত, উহা অতিক্রম করা কাহারও সাধ্যাত্ত
বলিয়া বোধ হইল না।

অবশেষে একদিন একটি পুরুষ ও একটি রমণী কাশুন
তোরণ দিয়া নগরের ভিতর প্রবেশ করিল। উহারা
সকলেরই অপরিচিত। তাহারা অনেকক্ষণ দাঁড়াইয়া
সেতুর ধ্বংসাবশেষ দেখিল, পরে ছোট একখানি ঘর ভাড়া
করিয়া সেইখানেই ঘর-করণা পাতিয়া বসিল। ঘরখানি
সেতুর নিকটেই।

পরদিন লোকটি সোজা প্রধান ধর্মযাজকের প্রাসাদে
গিয়া উপস্থিত হইল। সেদিন প্রাসাদে দরবার চলিতেছে।
বিভিন্নদেশীয় পণ্ডিত, ধর্মযাজক, যোদ্ধা প্রভৃতি উপস্থিত
হইয়াছেন। বিদেশী একজন স্থপতি তাঁহার দর্শনপ্রার্থী
হইয়া উপস্থিত হইয়াছে। শুনিয়া প্রধান ধর্মযাজক
অত্যন্ত আনন্দিত হইলেন। আগন্তুককে তৎক্ষণাৎ
তাঁহার সমীপে লইয়া আসিতে আদেশ করিলেন এবং

অভিবাদনাদি হইয়া যাইবামাত্র তিনি স্থপতিকে বসিতে
অনুরোধ করিলেন।

বিদেশী বলিলেন, “সদাশয় প্রভু, আমার নাম জুয়ান
ডি আরেভালো। এই নাম আপনার অপরিচিত। আমি
স্থপতি, এই কারণে আপনার নিকট উপস্থিত হইয়াছি।”

ধর্মযাজক জিজ্ঞাসা করিলেন, “আমি সেতু নির্মাণ
করিবার জন্য নিমন্ত্রণ-প্রচার করিয়াছিলাম, আপনি কি
তাহা শুনিয়া এ স্থানে আসিয়াছেন?”

“হ্যাঁ, এই আহ্বান শুনিয়াই আমি টলিডোতে
আসিয়াছি।”

ধর্মযাজক জিজ্ঞাসা করিলেন, “সেতু-নির্মাণকার্যে
যে বাধা আছে, তাহা আপনি জানেন?”

স্থপতি বলিলেন, “আমি ঐ বাধার কথা শুনিয়াছি,
কিন্তু উহা অতিক্রম করিতে পারিব।”

ধর্মযাজক জিজ্ঞাসা করিলেন, “আপনি স্থপতিবিদ্যা
শিক্ষা করিয়াছেন কোথায়?”

স্থপতি উত্তর করিলেন, “সালামান্কাতে।”

ধর্মযাজক জিজ্ঞাসা করিলেন, “আপনার নির্মিত কোনো
প্রাসাদ আমাকে দেখাইতে পারেন? আপনার নৈপুণ্য
কিরূপে উহা হইতে আমি বুঝিতে পারিব।”

স্থপতি বিষমভাবে বলিলেন, “প্রভু, সেরূপ কিছুই
আমি দেখাইতে পারিব না।”

ধর্মযাজক অসহিষ্ণুভাবে হাত নাড়িলেন। তাহার
মুখের ভাবও সন্দেহাকুল হইয়া উঠিল। তাহা
দেখিয়া বিদেশী স্থপতি বলিলেন, “প্রভু, যৌবনে
আমি যুদ্ধব্যবসায়ী ছিলাম। কিন্তু স্বাভ্যস্ত হওয়ায়
আমাকে উক্ত ব্যবসা ত্যাগ করিয়া জন্মভূমি ক্যাষ্টাইলে
ফিরিয়া আসিতে হয়। সেখানে আমি স্থপতিবিদ্যা শিক্ষা
ও স্থপতির কার্য করিতে আরম্ভ করি।”

ধর্মযাজক বলিলেন, “আপনি যে নিজের নির্মিত
কোনো বিখ্যাত প্রাসাদের নাম করিতে পারিলেন না,
ইহাতে আমি বিশেষ দুঃখিত হইলাম।”

স্থপতি বলিলেন, “টর্থেস এবং ডুমারোতে অনেকগুলি
প্রাসাদ আছে, যেগুলি অল্প স্থপতির কীর্তি বলিয়া বিখ্যাত,
কিন্তু সেগুলির যশ এই হতভাগ্যেরই প্রাপ্য।”

ধর্মযাজক বলিলেন, “আপনার কথা ঠিক বুঝিতে পারিলাম না।”

জুয়ান ডি আরেভালে বলিলেন, “আমি দরিদ্র এবং অধ্যাতনামা ছিলাম, উদরারের বেশী আর কিছু আকাজক্ষা করিতে পারি নাই। যশ অগ্ৰেই অর্জন করিয়াছিল।”

ধর্মযাজক বলিলেন, “আপনাকে এতবড় কাজের ভার দিয়া আমরা যে ঠিকি ব না, ইহার ত কোনো প্রমাণ আপনি দিতে পারিলেন না। কাজ দিতে না পারায় আমি বিশেষ দুঃখিত হইলাম।”

স্থপতি কিছুক্ষণ চিন্তা করিয়া বলিল, “মহাশয়, আমি এমন একটি জমিন দিতে পারি যাহাতে আপনিও সন্তুষ্ট হইবেন।”

প্রধান ধর্মযাজক বলিলেন, “কি সে?” স্থপতি উত্তর করিল, “আমার প্রাণ।”

ধর্মযাজক বলিলেন, “ভাল করিয়া বুঝাইয়া বলুন।”

স্থপতি বলিল, “সেতুর মধ্যস্থ থিলানের নীচের কাঠের ভার যখন সরানো হইবে, আমি তখন তাহার উপর দাঁড়াইয়া থাকিব। সেতু যদি ভাঙিয়া পড়ে, আমিও উহার সহিত সমাধিস্থ হইব।”

ধর্মযাজক বলিলেন, “ভাল কথা, আমি আপনার প্রাণেব সম্মত হইলাম।”

স্থপতি বলিলেন, “প্রভু, আপনি আমার উপর বিশ্বাস স্থাপন করিয়া দেখুন, আমি নিশ্চয়ই কাজটি স্থসিদ্ধ করিতে পারিব।”

ধর্মযাজক স্থপতিকে প্রচুর সৌজন্যসহকারে বিদায় দিলেন। যুবক আশাপূর্ণ হৃদয়ে গৃহে ফিরিয়া চলিলেন। তাঁহার স্ত্রী উবিগভাবে তাঁহার অপেক্ষা করিতেছিলেন। বহু দুঃখকষ্ট সহ করা সত্ত্বেও শিল্পী-পত্নী অতুলনীয় রূপসী ছিলেন।

স্থপতি ছুটিয়া আসিয়া তাঁহাকে বাহুবন্ধনে বাধিয়া বলিলেন, “প্রিয়তমা ক্যাথারিন, এই নগরের শোভাবর্ধনকারী যে-সকল স্থাপত্যের নিদর্শন থাকিবে, তাহার ভিতর একটি আমার নাম চিরস্মরণীয় করিবে। আমি সেতু নিশ্চয় করিবার আদেশ পাইয়াছি।”

দিন কাটিয়া চলিল। টেগস্ নদীর ধারে দাঁড়াইয়া নগরবাসীরা আর বলিত না, “এইখানে এককালে সানু মাটিনের সেতু বিরাজ করিত। নতুন সেতু নিশ্চিত হইতেছিল, মাঝের থিলানটি এখন স্পষ্টই দেখা যাইত। যদিও সেতুর নিম্নে ও চারিপাশে তখনও কাঠের মঞ্চ বাধা ছিল, তবু উহার সৌন্দর্য্য বুঝা যাইত। পুরাতন সেতুর ধ্বংসের উপরেই নতুন সেতুটি নিশ্চিত হইতেছিল।

রাজা, প্রধান ধর্মযাজক ও নগরবাসী সকলে মিলিয়া স্থপতিকে প্রশংসা করিতেছিলেন এবং তাঁহার উপর উপহার বর্ষণ করিতেছিলেন। টেগসের খরস্রোতের বাধা অতিক্রম করিয়া শিল্পী অসাধারণ নৈপুণ্যসহকারে নতুন সেতু নিশ্চয় করিতেছিলেন। ইহাতে তাঁহার সাহসেরও যথেষ্ট পরিচয় পাওয়া যাইতেছিল।

টলিডো নগরের রক্ষাকর্ত্তা সাধু ইডেলফান্সোর বাৎসরিক উৎসবের দিন আসিয়া পড়িল। জুয়ান ডি আরেভালে প্রধান ধর্মযাজককে জানাইলেন যে সেতুর কাজ শেষ হইয়াছে, এখন কাঠের ভাঙুলি সবাইয়া লইলেই হয়। ধর্মযাজক এবং নগরবাসীরা এ সংবাদে অত্যন্ত আনন্দিত হইলেন। ইটপাথরের গাঁথনির নীচের কাঠের ভার সরানো ব্যাপারটা যথেষ্ট বিপদজনক, কারণ গাঁথনি উপযুক্ত পরিমাণ দৃঢ় না হইলে কাঠের ভার সরানোমাত্রই নদীর ভীমস্রোতের আঘাতে সমস্ত সেতুটি ভাঙিয়া পড়িবে। কিন্তু স্থপতি নিজেই থিলানের উপর দাঁড়াইয়া থাকিবেন বলিয়া অঙ্গীকার করিতে কেহই কোনো বিপদের আশঙ্কা করিতে ছিলেন না। স্থপতিও পরিপূর্ণ বিশ্বাসের সহিত কাজ করিতেছিলেন।

পরদিন সেতুটিকে পবিত্র বারিসিকুন করিয়া ও আশীর্বাদ করিয়া সাধারণের যাতায়াতের জন্ত উন্মুক্ত করা হইবে বলিয়া স্থির করা হইল। টলিডো শহরে যশগুলি গির্জা ছিল, প্রত্যেকটিতে আনন্দসূচক ঘণ্টাধ্বনি হইতে লাগিল। নগরবাসীরা উচ্ছ্বাসে উঠিয়া আশাপূর্ণ হৃদয়ে সিগারেল্‌স্ প্রান্তরের দিকে চাহিয়া দেখিতে লাগিলেন। প্রান্তরটি বহু বৎসর নিস্তর ও জনহীন অবস্থায় পড়িয়া ছিল, কারণ সানু

মাটি'নেব সেতু ধ্বংস হওয়ায় সেখানে যাইবার কোনো উপায় ছিল না। সকলে আশা করিতে লাগিলেন যে, পরের দিন হইতে আবার প্রান্তরটি আনন্দময় জন-কোলাহলে মুখরিত হইয়া উঠিবে।

রাত্রিকালে জুয়ান ডি অরোভানো সেতুর নিকটে আসিয়া মধ্যের খিলানটির উপর আরোহণ করিয়া চারিদিকে দেখিতে লাগিলেন। কলাকার উৎসবের জন্ত সমস্ত ঠিক আছে কি না তাহাই তিনি দেখিতে-ছিলেন। গুন্‌গুন্‌ করিয়া গান করিতে করিতে তিনি এদিক ওদিক ঘুরিয়া ঘুরিয়া দেখিতে লাগিলেন। হঠাৎ তাঁহার মুখের ভাব সংশয়াকুল হইয়া উঠিল। একটা কথা মনে হইয়া তাঁহার ধমনীর রক্ত যেন হিমশীতল হইয়া আসিল। সেতু হইতে নামিয়া পড়িয়া তিনি তাড়াতাড়ি বাড়ী চলিয়া গেলেন।

ঘরের সম্মুখে আসিতেই তাঁহার স্ত্রী সহাস্রমুখে তাঁহাকে অভিনন্দন করিবার জন্ত অগ্রসর হইয়া আসিলেন, কিন্তু তাঁহার চিন্তাকুল মুখ দেখিয়া তিনি ভয়ে বিবর্ণ হইয়া গেলেন।

তিনি ব্যাকুল কণ্ঠে জিজ্ঞাসা করিলেন, “প্রিয় জুয়ান, তোমার কি হইয়াছে? কোনো পীড়া হইয়াছে কি?”

স্থপতি নিজের চকলতা দুমন করিবার চেষ্টা করিতে করিতে বলিলেন, “না, আমার কিছুই হয় নাই।”

তাঁহার স্ত্রী বলিলেন, “আমাকে প্রতারণা করিবার চেষ্টা করিও না। তোমার মুখ দেখিয়াই আমি বুঝিতে পারিতেছি যে, কোনো কিছু বিপদ ঘটয়াছে।”

স্থপতি বলিলেন, “আজ বড় ঠাণ্ডা পড়িয়াছে, আর এই কয়দিন আমার অতিরিক্ত পরিশ্রম গিয়াছে, এই কারণে অসুস্থ দেখাইতেছে।”

তাঁহার স্ত্রী বলিলেন, “তুমি ভিতরে আগুনের ধারে আসিয়া বোসো, আমি খাবার গুছাইয়া আনিতেছি। আহা! ও বিশ্রাম করিলেই তুমি আবার সুস্থবোধ করিবে।”

জুয়ান যেন আপন মনেই বলিয়া উঠিলেন, “সুস্থবোধ করিবই বটে।” তাঁহার স্ত্রী তখন আগুনে আরও

কাঠ দিয়া টেবিলটি তাহার ধারে টানিয়া দিয়া খাবার গুছাইতে ব্যস্ত ছিলেন। জুয়ান নিজের মানসিক বিবাদ দূর করিবার চেষ্টা করিতে লাগিলেন, কিন্তু পারিলেন না। তাঁহার স্ত্রীকে আর প্রতারণা করা গেল না। তিনি বলিলেন, “আমাদের বিবাহিত জীবনে এই প্রথম দেখিতেছি যে, তুমি আমার নিকট হইতে কিছু গোপন করিতে চাহিতেছ। আমি কি আর তোমার ভালবাসা ও বিশ্বাসের যোগ্য নই?”

স্থপতি মাথা তুলিয়া বলিলেন, “ক্যাথারিন, তোমার প্রতি আমার ভালবাসাকে সন্দেহ করিয়া আর আমার হৃৎকের উপর দুঃখ বাড়াইও না।”

স্থপতির পত্নী আবেগপূর্ণকণ্ঠে বলিলেন, “যেখানে পরিপূর্ণ বিশ্বাস নাই, সেখানে ভালবাসা কি করিয়া থাকিতে পারে?”

স্থপতি বলিলেন, “আমার এবং তোমার মঙ্গলের জন্তই আমি এই দুঃখ গোপন করিতেছি, ইহা জানিতে চাহিও না।”

তাঁহার স্ত্রী বলিলেন, “অন্ত কোনো কথা হইলে জানিতে চাহিতাম না। কিন্তু তোমার গোপন দুঃখ আমি জানিতে চাই, জানিয়া উহা লাঘব করিতে চাই।”

স্থপতি ব্রান হাসি হাসিয়া বলিলেন, “অসম্ভব। এ দুঃখের কোনো প্রতিকার নাই।”

পত্নী বলিলেন, “আমার অসীম ভালবাসার কাছে অসম্ভব বলিয়া কোনো জিনিষ নাই।”

স্থপতি বলিলেন, “ভাল, তবে শোন। কাল আমার প্রাণ নষ্ট হইবে, সঙ্গ সঙ্গ মানও নষ্ট হইবে। সেতুটি কাল নদীগর্ভে ভাঙিয়া পড়িবে, এবং আমিও উহার সঙ্গ সলিল-সমাধি লাভ করিব। সেতুটি বহু যত্নে, বহু আশা লইয়া আমি রচনা করিয়াছি, কিন্তু উহাই আমার মৃত্যুর কারণ হইবে।”

তাঁহার পত্নী চীৎকার করিয়া উঠিলেন, “না, না, তাহা কখনও হইতে পারে না।” তিনি ছুই হাত দিয়া স্বামীকে জড়াইয়া ধরিয়া নিজের মনের অসহ বেদনাকে শান্ত করিবার চেষ্টা করিতে লাগিলেন।

স্থপতি বলিলেন, “হাঁ, প্রিয়তমে, যে সময় আমি সফলতা সম্বন্ধে সর্বাপেক্ষা স্থিতিশীল ছিলাম, সেই সময়েই আবিষ্কার করিলাম যে গণনায় আমি একটি ভীষণ ভুল করিয়াছি এবং উহার জন্য কাল যখন কাঠের ভার্য্য সন্ধান হইবে, তখন সেটুকু ভাঙিয়া পড়িবে এবং উহার সঙ্গে সঙ্গে উহার নির্মাতা এই হতভাগ্য স্থপতিও ধ্বংস লাভ করিবে।”

তাহার পত্নী বলিলেন, “সেই ভাঙিয়া নদীগর্ভে বিলীন হইতে পারে, কিন্তু তোমার প্রাণ নষ্ট হইবে না। আমি নতজাহু হইয়া প্রধান ধর্ম্মযাজকের নিকট তোমার প্রাণ ভিক্ষা করিব।”

জুয়ান বলিলেন, “তোমার প্রার্থনা সফল হইবে না। প্রধান ধর্ম্মযাজক যদি আমাকে মুক্তিদান করিতে স্বীকারও করেন, তথাপি আমি স্বীকৃত হইব না, সম্মানহীন জীবন অপেক্ষা মৃত্যুই শ্রেয়।”

ক্যাথারিন বলিলেন, “তোমার প্রাণ এবং মান দুই-ই আমি রক্ষা করিব।”

রাত্রি গভীর হইয়া চলিল। জুয়ান দুঃখে, উদ্বেগে পরিশ্রান্ত হইয়া অবশেষে ঘুমাইয়া পড়িলেন। ঘুমও তাহার দুঃখে পূর্ণ, উহাতে কোনো আরাম বা বিশ্রাম ছিল না।

ক্যাথারিনও ঘুমের ভাণ করিয়া শুইয়াছিলেন। কিন্তু তিনি জুয়ানকে উদ্বিগ্নভাবে দেখিতেছিলেন। যখন স্থির বৃত্তিতে পারিলেন যে, জুয়ান নিদ্রিত হইয়াছেন তখন অতি সন্তপণে উঠিয়া রন্ধনশালায় প্রবেশ করিলেন। ধীরে ধীরে জান্না খুলিয়া বাহিরে চাহিয়া দেখিতে লাগিলেন।

রাত্রি ঘন অন্ধকার, মধ্যে মধ্যে বিদ্যুতের তীব্র আলোকে আকাশ উদ্ভাসিত হইয়া উঠিতেছে। টেগসের জলশ্রোতের ভীম গর্জন ভিন্ন অন্য কোনো শব্দ শোনা যায় না।

ক্যাথারিন জান্না বন্ধ করিয়া দিলেন। উনান হইতে একখানি জলন্ত কাঠ বাহির করিয়া লইয়া, আপাশমন্তক কক্ষবর্ণ গাত্রাবরণে ঢাকিয়া তিনি নিঃশব্দে দ্বার খুলিয়া বাহির হইয়া গেলেন। তাহার হৃৎপিণ্ড যেন

বুকের ভিতর আছড়াইয়া পড়িতেছিল, তবুও তিনি সাহসে ভর করিয়া চলিতে লাগিলেন।

কোথায় তিনি চলিয়াছেন? তিনি কি ঘোর অন্ধকারে পথ খুঁজিয়া লইবার জন্যই জলন্ত কাঠখানি বহন করিয়া লইয়া চলিয়াছিলেন? পথটি অতি দুর্গম, উহার মধ্যে মধ্যে বিশাল প্রস্তরখণ্ড ছড়ানো এবং উহা অতি অসমান। কিন্তু তিনি জলন্ত কাঠখানিকে যেন অদ্বাবরণের তলে গোপন করিবারই চেষ্টা করিতে লাগিলেন।

অবশেষে তিনি সেতুর নিকটে আসিয়া পৌঁছিলেন। বাতাস তখনও তীব্রবেগে বহিতেছে এবং নদীর তরঙ্গরাজি সেতুর উপর রুদ্ধ আকোশেই যেন আছাড় খাইয়া পড়িতেছে। পারিলে সে এ সমস্তই ভাদাইয়া লইয়া যায়।

ক্যাথারিন সেতুর প্রবেশ-পথে আসিয়া দাঁড়াইলেন। তাহার দেহ তখন কম্পিত হইতেছিল। তিনি উত্তাল তরঙ্গমালার সম্মুখে দাঁড়াইয়াছিলেন বলিয়াই এত ভয়? না, তিনি মহন্তে ধ্বংসের আগুন জ্বালাইতে যাইতেছেন বলিয়াই এত ভয়? এতদিন পর্য্যন্ত শাস্তিময় গৃহস্থালীর কাজ ভিন্ন আর কিছুই তিনি করেন নাই। ঠিক সেই সময়েই দিগন্তপ্রতিক্রমিত করিয়া বজ্রনিদাদ শোনা গেল। ঐ শব্দেই কি রমণীর ক্ষীণ, দেহবৃষ্টি কাঁপিয়া উঠিল? জলন্ত কাঠখানি লইয়া তিনি সেতুর নীচের কাঠের ভারতে সংযুক্ত করিলেন। কাঠমঞ্চটি শীঘ্রই ধরিয়া উঠিল, এবং বাতাস অত্যন্ত তীব্র থাকায় অগ্নিশিখা অবিলম্বেই গগনভেদ করিয়া উঠিল। সেতুর থলান প্রভৃতি সমস্তই দেখিতে দেখিতে ধরিয়া উঠিল।

ক্যাথারিন তখন দ্রুতবেগে সেস্থান ত্যাগ করিলেন। আগুনের আলোতে এবং বিদ্যুতের জ্যোতিতে তাহার পথ দেখিতে পাইবার কোনোই বাধা হইল না, তিনি অবিলম্বেই বাড়ী আসিয়া পৌঁছিলেন। তিনি যেমন নিঃশব্দে বাহির হইয়া গিয়াছিলেন, তেমনি নিঃশব্দে ফিরিয়া আসিয়া দরজা বন্ধ করিয়া দিলেন। জুয়ান তখনও গভীর নিদ্রায় অভিভূত, তিনি পত্নীর বাহিরে গমন বৃত্তিতেও পারেন নাই। ক্যাথারিন তাড়াতাড়ি আসিয়া

বিজ্ঞানায় শুইয়া নিদ্রার ভাগ করিয়া রহিলেন, যেন তিনি মোটেই শয়নগৃহ ত্যাগ করিয়া যান নাই।

কয়েক মুহূর্ত পরেই নগরের পথগুলি জনকোলাহলে মুগ্ধ হইয়া উঠিল। নগরবাসিগণ উর্দ্ধ্বাশ্রমে সেতুর দিকে দৌড়িয়া চলিয়াছে। প্রতি গির্জা হইতে ঘোররবে বিপদ-হুচক খণ্টাধ্বনি হইতে লাগিল। কিছুক্ষণ পরে ভয়ানক শব্দে সেতু ভাঙিয়া পড়িল। বহু বৎসর পূর্বে শত্ৰুসৈন্য কর্তৃক সেতু বিধ্বস্ত হওয়ার সময় টলিভোবাসিগণ বৈরূপ আর্ন্তনাদ করিয়া উঠিয়াছিল, আজও সেইরূপ আর্ন্তনাদ শোনা গেল।

জুয়ান চমকিয়া জাগিয়া উঠিলেন। তাঁহার পত্নী তাঁহার পার্শ্বে গভীর নিদ্রায় অভিভূত, এত কোলাহলেও তিনি জাগরিত হন নাই। স্থপতি যথাসম্ভব শীঘ্র পোষাক পরিয়া বাহিরে দৌড়িয়া গেলেন। সংবাদ শুনিয়া তিনি বিস্ময়ে হত হইয়া গেলেন। অগ্রসর হইয়া দেখিলেন, অগ্নিরাশি তখন আকাশ চূষন করিয়াছে। মনে মনে তিনি অত্যন্ত আনন্দিত হওয়া সত্ত্বেও মুখে কিছু বলিতে পারিলেন না।

প্রধান ধর্মযাজক এবং নগরবাসিগণ মনে করিলেন, খিলানের উপর বজ্রপাত হওয়াতেই কাঠমন্ডপে আগুন ধরিয়া গিয়াছে। সকলের চুংখের সীমা রহিল না। সকলেই স্থপতির গম্ভীর চুংখ এবং নিরাশায় সহায়ত্বিত প্রকাশ করিতে লাগিল। প্রচুর যশ লাভের মুহূর্তেই

কি না তাঁহার ভাগ্যে এমন বিপৎপাত হইল। নগর-বাসীরা কোনোদিনই নিশ্চয় করিয়া জানিতে পারিল না যে, সেতু ভাঙের আগুনেই ধ্বংস হইল, না, মাতৃঘের হাতও তাঁহার ভিতর ছিল। কিন্তু জুয়ান দৈবদর্শী-বিশ্বাসী এবং সংচরিত্র পুরুষ ছিলেন, তাঁহার দৃঢ়বিশ্বাস হইল যে, তাঁহার জীবনরক্ষা করিবার জন্তই ভগবান সেতুটি বিনষ্ট করিলেন, বজ্রপাতেই এই অগ্নিরাশির সৃষ্টি হইয়াছে।

সেতু ধ্বংস হওয়াতে জুয়ানের যশ অর্জন করার দিন এক বৎসর পিছাইয়া গেল মাত্র। পরের বৎসর, ঐ একই উৎসবের দিনে, তাঁহার নির্মিত নতুন সেতু উন্মুক্ত হইল। প্রধান ধর্মযাজকই উন্মোচনের কার্য করিলেন। আনন্দিত নগরবাসিগণ সেতু অতিক্রম করিয়া দলে দলে সিগারেটস প্রান্তরে গিয়া উপস্থিত হইতে লাগিল, বহু বৎসর তাহারা এ স্থান হইতে বিচ্ছিন্ন ছিল। প্রধান ধর্মযাজক সেদিন সমস্ত নগরবাসীকে নিমন্ত্রণ করিলেন। তাঁহার দক্ষিণ দিকে জুয়ান ও কাণথারিন বসিয়া আহার করিলেন। পরে ধর্মযাজক জুয়ানকে প্রচুর সাধুবাদ দিয়া একটি বক্তৃতা করিবার পর, নগরবাসিগণ আনন্দহুচক কোলাহল করিতে করিতে জুয়ান এবং কাণথারিনকে তাঁহাদের গৃহে পৌছাইয়া দিয়া আসিল।

তাঁহার পর পাঁচ শত বৎসর কাটিয়া গিয়াছে, কিন্তু জুয়ানের সেতু এখনও থরশ্রোতা টেগসের উপর দণ্ডায়মান। দ্বিতীয়বার আর গণনায় তাঁহার কোনো ভুল হয় নাই।

পুস্তক-পরিচয়

দেশীয় রাজ্য—স্বপ্নীয় কর্নেল ঠাকুর মহিমচন্দ্র দেববর্ম্ম কর্তৃক ওঁদা। উষ্টর রায় শ্রীযুক্ত দীনেশচন্দ্র সেন বাহাদুর কর্তৃক লিখিত ভূমিকা-সম্বলিত। প্রকাশক শ্রীসোমেন্দ্রচন্দ্র দেববর্ম্ম, এম-এ (হার্ভার্ড), কনেল-হাউস, আগরতলা, স্বাধীন ত্রিপুরা রাজ্য। ডবল-ক্রাফট ১৬ পেজী ৩৩৩ পৃষ্ঠা। কাপড়ে বাঁধা। সচিত্র। মূল্য তিন টাকা মাত্র।

গ্রন্থকাণ ত্রিপুররাজ্যের পার্শ্বচর এডিকং ছিলেন। সেই সুযোগে তিনি বহু দেশীয় রাজ্য পরিদর্শন করেছিলেন এবং দেশীয় রাজ্যের বহু মহারাজা মহারানী মহাদ্রব্যবাহী ও ব্রিটিশ গভর্নমেন্টের বহু পলিটিক্যাল এজেন্ট ডেপুটিলাট বড়লাট প্রভৃতির ঘনিষ্ঠ পরিচয় লাভ করেছিলেন। গ্রন্থকারের সঙ্গে আমার ঘনিষ্ঠ পরিচয় লাভ

করিবার সৌভাগ্য হইছিল; তাকে আমার স্বকীয় অভিজ্ঞতা থেকে আমি জানি যে তিনি সত্যবাদী, বিনয়ী, সহনশীল ও বুদ্ধিমান ছিলেন। এই সকল গুণ থাকতে তিনি উচ্চগদস্থ মাতৃ ব্যক্তির সহিত ও সাধারণ লোকের সহিত তুল্যভাবে মিশিতে পারতেন। এইরূপ মেলামেশার ফলে তিনি যে-সব অভিজ্ঞতা ও তথ্য সংগ্রহ করেছিলেন সেইগুলি মাঝে মাঝে মাসিক-পত্রে প্রবন্ধ লিখে প্রকাশ করেছিলেন। লোকের সুযোগ্য পুত্র পরম স্নেহপ্রাজ্ঞ শ্রীমান্ দোমেন্দ্র দেববর্ম্ম পিতার সেই রচনাগুলি একত্র সংগ্রহ ও সুবিস্তৃত করে পুস্তকাকারে প্রকাশ করে পিতৃ ঋণ কিংবা পরিশোধ করতে চেষ্টা করেছেন; লোকের বহু রায় বাহাদুর উষ্টর শ্রীযুক্ত দীনেশচন্দ্র সেন ভূমিকায় এই পুস্তকের পরিচয়-দান-প্রসঙ্গে লিখেছেন, “দেশীয় রাজ্যগুলির অবস্থা সম্বন্ধে এরূপ



বাসুকী
এন, মল্লিক

প্রবাসী প্রেস, কলিকাতা।

আমাদের সম্বন্ধে নাই। কিন্তু 'রামবান' প্রস্তুত করিতে হইলে এই ইহার উপাদান-সমূহকে কাঁচা তৈতুলের রস উত্তমরূপে মাড়িয়া লইতে হয়। অথচ কাঁচা তৈতুলের গুণ-সম্বন্ধে শাস্ত্রকারেরা একাধিক বক্তব্য রাখেন, "ইহা পিত্তকফজনক ও রক্তদ্রষ্টিকারক।" এখন কথা হইতেছে এই যে-উষধ পিত্তকফজনক ও রক্তদ্রষ্টিকারক অর্থাৎ আছে, সে উষধ তৎক্ষণাতঃ নাশ করিতে কেন সমর্থ তাহা যখন লেখক বলেন নাই, তখন তাহার ইচ্ছামত কতকগুলি উষধের কতকগুলি উপাদানের অঙ্গস্পর্শ গুণ-পরিচয়-দ্বারা প্রস্তুত অথবা স্কাঁত না করিলেই ভাল হইত। বরং ইহার পরিচয় প্রস্তুতকার যদি কবিরাজী চিকিৎসার মূলমন্ত্রকু সম্বন্ধে বুঝাইবার চেষ্টা করিতেন, তাহা হইলে আয়ুর্বেদ-শিক্ষার্থীর উপকার হইত। লেখক 'মেগ' সম্বন্ধে ইহাতে লিখিয়াছেন, 'এই রোগ হইবামাত্র রাজদ্বারে সংবাদ দেওয়া অবশ্যকর্তব্য।'—মেগ-চিকিৎসার সহিত রাজদ্বারের সম্পর্ক কি, বুঝিলাম না।

শ্রী অমরেন্দ্রনাথ রায়

সমবায় ও পল্লীসংস্কার—শ্রীমহেশচন্দ্র সেন, বি-এ

প্রণীত। প্রকাশক—বঙ্গীয় সমবায় সংগঠন সমিতি, নটন বিল্ডিংস, লালবাগান, কলিকাতা। মূল্য ১০ আনা।

যে যে উপায়ে দেশের আশু অথচ স্থায়ী কল্যাণ সাধিত হইতে পারে সমবায় তাহাদের মধ্যে একটি। সমবায়ের প্রচলন না হইলে পল্লীসংস্কার মাত্র কথার কথা হইয়া দাঁড়ায়। কারণ সমবায় হইতে সম্বল-শক্তি জন্মে, এবং এই সম্বল-শক্তিই পল্লীসংস্কারের গোড়ার কথা। সুবাদেবো ইন্দ্রানী এইদিকে মনোনিবেশ করিয়াছেন, এবং সমবায়ের বার্তা সর্বত্র প্রচার করিতেছেন। আলোচ্য গ্রন্থগণিতে সমবায়ের ইতিহাস কথ্য প্রণালী এবং বিধি-ব্যবস্থা সরল ভাষায় বিবৃত হইয়াছে। সমবায় প্রকল্পের উৎপত্তি, বিভিন্ন পদের ব্যাপ্য, গ্রাম্য কো-অপারেটিভ ব্যাংক, স্বল্প খাসল নগরী কথা, কো-অপারেটিভ আইন ও তৎসংক্রান্ত নিয়মাবলী, বিভিন্ন প্রকারের সমিতি, গ্রাম্য সমিতি পরিচালনের নিয়ম, স্থপারভাইজারদের কর্তব্য সম্বন্ধ শিক্ষা, পল্লীর স্বাস্থ্যোন্নতি, আয়গৃহীতির উপায়, উপবিধি সংশোধন সম্বন্ধে উপদেশ প্রভৃতি বিষয়ের আলোচনা পুস্তকগণিতে আছে।

বঙ্গদেশের সমবায়-সমিতি-সমূহের রেজিষ্টার শ্রীযামিনীমোহন মিত্র মুখবন্ধে বহিখানির এইরূপ পরিচয় দিয়াছেন :—"ইহা সমরোপযোগী হইয়াছে এবং ইহাতে অনেক মূল্যবান কথা আছে। ইহাতে কেবল সমিতি চালাইবার কথাই বলা হয় নাই; পরন্তু বিশেষ দরকারী কথা, যথা—পল্লীর স্বাস্থ্যোন্নতি, শিক্ষা, সঞ্চয়ী হইবার এবং আর বৃদ্ধি করিবার উপায় প্রভৃতি কথা আছে। স্থপারভাইজারদিগকে যেভাবে কার্য করিবার উপদেশ দেওয়া হইয়াছে সেগুলি ব্যাংক হেঁদিকে লম্বা রাখিয়া কার্য করাইলে গ্রাম্য সমিতির উন্নতি হইবে এবং সঙ্গে সঙ্গে গ্রামেরও উন্নতি হইবে। স্থপারভাইজার প্রত্যেক সমিতিতে বাইয়া এই পুস্তক লিখিত বিষয় লইয়া আলোচনা করিলে এবং কৃষকদিগকে তদনুসারে উত্তর করিয়া তুলিতে পারিলে অনেক সমিতিই আদর্শস্থানীয় হইবে। ইহা ছাড়া সমবায় সম্বন্ধে

বাঁহাদের কোন জ্ঞান নাই, তাহারাই ইহা পাঠ করিলে অনেক কিছু জানিতে পারিবেন।"

সরল কৃষিশিক্ষা—শ্রীসন্তোষবিহারী বহু প্রণীত।

প্রাপ্তিস্থান বঙ্গীয় সমবায় সংগঠন সমিতি, নটন বিল্ডিংস, কলিকাতা। মূল্য ১০ টাকা।

শ্রীযুক্ত সন্তোষবিহারী বহু প্রায় কুড়ি বৎসর ধরিয়া নানারূপ কৃষিকাৰ্য্যে ব্যাপৃত আছেন। বঙ্গীয় কৃষিবিভাগের কর্মচারীরূপে এবং বিশ্বভারতীর শ্রীমহোদয় কৃষি-প্রতিষ্ঠানের অধ্যক্ষরূপে দীর্ঘকাল কর্ম করিয়া তিনি কৃষি বিষয়ে যে অভিজ্ঞতা লাভ করিয়াছেন, আলোচ্য পুস্তকখানি তাহার ফল। বইখানিতে কৃষিবিষয়ক এই সকল অবশ্য-জ্ঞাতব্য তথ্য সন্নিবেশিত হইয়াছে—উদ্ভিদের খাদ্যের উপাদান, বিভিন্ন উপাদানের উপকারিতা, মৃত্তিকার প্রকারভেদ, মাটির পরিচর্যা, সারের প্রকারভেদ, সার দিবার মোটামুটি নিয়ম, সার দিশাইবার নিয়ম, সব্জ সার, সেচন, জমীর রস সংরক্ষণ, নিড়ান, চাষ-আবাদ, শস্তপরিচয়, বীজ-নির্বাচন, ফসলের রোগ ও তাহার প্রতিকার, কৃষি যন্ত্রাদি।

কৃষিবিভাগের ডেপুটি ডিরেক্টর শ্রীযুক্তনাথ সরকার ভূমিকায় বহিখানির পরিচয়ে লিখিয়াছেন :—“সন্তোষবাবু এই গ্রন্থে প্রত্যক্ষ-ভাবে তাহার কার্যকরী কৃষিতে লিপ্ত থাকিবার অভিজ্ঞতা-ফল সরল ভাষায় বিবৃত করিয়াছেন। আশ্চর্য্যকর যে সকল মধ্য-ইংরেজী স্কুলে কৃষিশিক্ষার বন্দোবস্ত হইতেছে সেই সকল স্কুলের ছাত্রদের পক্ষে বইখানি বিশেষ উপযোগী বলিয়া মনে হয়, আর যে-সকল শিক্ষিত ব্যক্তির ভিতর কৃষির দিকে অমুরাগ জাগিয়া উঠিবার উপক্রম প্রকাশ পাইতেছে, তাহাদের পক্ষেও বইখানি বিশেষ সহায়তা করিবে বলিয়া মনে করি। যে সকল সহজ-প্রণালী অবলম্বন করিলে, উৎপন্ন ফসলের মাত্রা বাড়ান যায়, কোন্ জমি ও কোন্ ফসলের পক্ষে কি সার উপযোগী, অল্প খরচে জল সিক্কনের প্রকৃষ্ট উপায়, এবং বীজ-নির্বাচন প্রভৃতি, বাহ্য বর্তমান জীবন-সংগ্রামের দিনে কৃষিতে অত্যাৱশ্যকীয়, সে সমস্তই হৃদয়ভাবে লিপিবদ্ধ করা হইয়াছে। মোটামুটিভাবে উদ্ভিদ-জীবনী, ফসলের রোগ ও তাহার প্রতিকার, বাহ্য প্রত্যেক শিক্ষিত কৃষকের অবশ্যশিক্ষণীয়, তাহাও এই সরল কৃষিশিক্ষায় সন্নিবেশিত হইয়াছে।"

এরূপ পুস্তকের বহুল প্রচার বাঞ্ছনীয়।

র. চ.

সম্পাদকীয় মন্তব্য—কান্তিকের প্রবাসীতে "পারিবারিক চিকিৎসা" নামক বহির যে সমালোচনা বাহির হইয়াছে, তাহার, তাহার লেখকের এবং প্রবাসীর সম্পাদকের বিরুদ্ধে কয়েকটি চিঠি পাইয়াছি। পুস্তক সমালোচনার সমালোচনা প্রকাশ করা আমাদের নিয়ম নহে বলিয়া চিঠিগুলি মুদ্রিত হইল না।

প্রবাসীর সম্পাদক

অপরাজিত

শ্রীবিভূতিভূষণ বন্দ্যোপাধ্যায়

(২১)

বধূকে লইয়া সে রওনা হইল। স্বস্তর প্রথমটা আপত্তি তুলিয়াছিলেন—নিয়ে তো যেতে চাইচ বাবাজী, কিন্তু এখন নিয়ে গিয়ে তুলবে কোথায়? চাকরী-বাকরী ভাল করো, ঘর দোর ওঠাও, নিয়ে যাবার এত তাড়া-তাড়িটা কি?

সিঁড়ির ঘরে অপর্ণার মা স্বামীকে বলিলেন—হ্যাঁগা, তোমার বুদ্ধিগুদ্ধি লোপ পেয়ে যাচ্ছে দিন দিন—না কি? জামাইকে ও-সব কি কথা বলেচো? আজকালকার ছেলে-মেয়েদের ধরণ আলাদা, তুমি জান না। ছেলেমাছুষ জামাই, টাকাকড়ি চাকরী-বাকরী ভগবান যখন দেবেন তখন হবে। আজকালের মেয়েরা ও-সব বোঝে না, বিশেষ করে তোমার মেয়ে সে ধরণেরই নয়, ওর মন আমি খুব ভাল বুঝি। দাও গিয়ে পাঠিয়ে ওকে জামাই-এর সঙ্গে—ওদের স্ত্রু নিয়েই স্ত্রু।

উৎসাহে অপুর রাত্রে ঘুম হয় না এমন অবস্থা। কাল সারাদিন অপর্ণাকে লইয়া রেলে ষ্টামারে কাটানো—উঃ! .. শুধু সে আর অপর্ণা, আর কেউ না। রাত্রে অস্পষ্ট আলোকে অপর্ণাকে ভাল করিয়া দেখিব্যবহই স্ত্রুযোগ হয় না, দিনে দেখা হওয়া এ বাড়ীতে অসম্ভব—কিন্তু কাল সকালটি হইতে শুধু তাহারা দুজনে—মাঝে আর কোন বাধা ব্যবধান থাকিবে না।

কিন্তু ষ্টামারে অপর্ণা রহিল মেয়েদের জায়গায়। তিন ঘণ্টা সে ভাবে কাটিল। তার পরেই রেল।

এইপানে অপু সর্কপ্রথম গৃহস্থালী পাতিল স্ত্রীর সঙ্গে।

টেনের তখনও অনেক দেবী। যাত্রীদের রান্না খাওয়ার জন্তু টেন হইতে একটু দূরে ভৈরবের ধারে ছোট ছোট খড়ের ঘর অনেকগুল—তারই এষ্ট চার আনায় ভাড়া পাওয়া গেল। অপু দোকানের খাবার আনিতে যাইতেছে, বধু বলিল—তা কেন? এই তো এখানে উছন আছে,

যাত্রীরা সব রেখে খায়, এখনও তো তিন চার ঘণ্টা দেবী গাড়ীর, আমি রাখবো।

অপু ভারি খুসী। সে ভারি মজা হইবে! এ কথাটা এতক্ষণ তাহার যে কেন মনে আসে নাই!

মহা উৎসাহে বাজার হইতে জিনিষপত্র কিনিয়া আনিল। ঘরে ঢুকিয়া দেখে ইতিমধ্যে কখন বধু স্নান সারিয়া ভিজাচুলটি পিঠের উপর ফেলিয়া, কপালে সিন্দূরের টিপ দিয়া লাল-জরিপাড় মটকার শাড়ী পরিয়া বাস্তু-সমস্ত অবস্থায় এটাওটা ঠিক করিতেছে। স্বামীকে দেখিয়া হাসিমুখে বলিল—বাড়ীওয়ালী জিগোস্ করচে, উনি তোমার ভাই বুঝি? আমি হেসে ফেলতেই বুঝতে পেরেচে, বলচে,—জামাই! তাই তো বলি!—আরও কি বলিতে গিয়া অপর্ণা লজ্জায় কথা শেষ করিতে না পারিয়া হাসিয়া ফেলিল।

অপু মুগ্ধনেত্রে বধুর দিকে চাহিয়া ছিল। কিশোরীর তনুদেহটি বেড়িয়া স্টুটনোকুথ যৌবন কি অপূর্ব স্ত্রুয় আত্মপ্রকাশ করিতেছে! স্নন্দর নিটোল বাহু দুটি, চুলের খোঁপার ভাঁজটি কি অপরূপ। গভীর রাত্রে শোবার ঘরে এ-পযান্ত দেখাশোনা, দিনের আলোয় স্নানের পরে এ অবস্থায় তাহার স্বাভাবিক গতিবধি লক্ষ্য করিবার স্ত্রুযোগ কখনো ঘটে নাই—আজ দেখিয়া মনে হইল অপর্ণা সত্যিই স্নন্দরী বটে।

কাঁচা কাঠ কিছুতেই ধরে না, প্রথমে বধু, পরে সে নিজের, ফুঁ দিয়া দিয়া চোখ লাল করিয়া ফেলিল। প্রৌঢ়া বাড়ীওয়ালী ইহাদের জন্য নিজের ঘরে বাটনা বাটিতে গিয়াছিল। ফিরিয়া আসিয়া দুজনের দুর্দশা দেখিয়া বলিল—কগো মেয়ে, সর বাছা, জামাইকে যেতে বল। তোমাদের ও কি কাজ মা? সর আমি দি ধারয়ে।

বধু তর্গদ দিয়া তাহাকে স্নানে পাঠাইল। নদী হইতে ফিরিয়া সে দেখিল ইহার মধ্যে কখন বধু বাড়ীওয়ালীকে

দিয়া বাঙার হইতে রসগোল্লা ও ছানা আনাইয়াছে, রেকাবতে পেঁপে-কাটা, শাবার ও গ্লাসে নেবুর রস মিশানো চিনির সরবৎ। অপু হাসিয়া বলিল—উঃ ভারী গম্ভীপনা যে!...আচ্ছা তরকারীতে হুন দেওয়ার সময় গম্ভীপনার দৌড়টা একবার দেখা যাবে। অর্পণা বলিল—আচ্ছা গো দেখো, দেখো—পরে ছেলেমানুষের মত ঘাড় ঢুলাইয়া বলিল ঠিক হোলে কিন্তু আমায় কি দেবে?

অপু বৌতুকের স্বরে বলিল, ঠিক হোলে যা দেবো, তা এখনি পেতে চাও?

—যাও, আচ্ছা তো ছুঁ?

একবার সে রন্ধনরত বধুর পিছনে আসিয়া চুপি-চুপি দাঁড়াইল। দৃষ্টটা এত নতুন, এত অভিনব চৈকিতেছিল তাহার কাছে! এই স্ত্রীম, স্নন্দরী পরের মেয়েটি তাহার নিত্য আপনার জন—পৃথিবীতে একমাত্র আপনার জন! পরে সে সন্তর্পণে নীচু হইয়া পিঠের উপরে এলানো চুলের গিঁঠটা ধরিয়া অতর্কিতে এক টান দিতেই বধু পিছনে চাহিয়া কৃত্রিম কোপের স্বরে বলিল—উঃ! আমার লাগে না বুঝি?...ভারী ছুঁ তো?...রান্না থাকবে পড়ে বলে দিচ্ছি যদি আবার চুল ধরে টানবে—

অপু ভাবে, মা ঠিক এই ধরনের কথা বলিত—এই ধরনেরই, স্নেহ-প্রীতি বরা চোখে। সে দেখিয়াছে, কি দিদি, কি রানু-দি', কি নিরুপমা-দি', কি লীলা, কি অর্পণা—এদের সকলেরই মধ্যে মা যেন অল্পবিস্তর মিশাইয়া আছে—ঠিক সময়ে ঠিক অবস্থায় ইহারা একই ধরনের কথা বলে, চোখেমুখে একই ধরনের স্নেহ ফটিয়া ওঠে।

একটি ভ্রমলোক অনেকক্ষণ হইতে প্রাটিক্ষে পায়চারী করিতেছিলেন। টেনে উঠিবার কিছু পূর্বে অপু তাঁহাকে চিনিতে পারিল, দেওয়ানপুরের মাষ্টার সেই সত্যেনবাবু। অপু খাউরুশে পড়িবার সময়ই ইনি আইন পাশ করিয়া স্থলের চাহুরী ছাড়িয়া চলিয়া গিয়াছিলেন, আর কখনো দেখা হয় নাই। পুরাতন ছাত্রকে দেখিয়া খুঁসি হইলেন, অনেক জিজ্ঞাসাবাদ করিলেন, অন্তান্ত ছাত্রদের মধ্যে কে কি করিতেছে শুনিবার আগ্রহ দেখাইলেন।

তিনি আজকাল পাটনা হাইকোর্টে ওকালতী

করিতেছেন, চালচলন দেখিয়া অপু মনে হইল বেশ দুঃখসা উপার্জন করেন। তবুও বলিলেন, পুরানো দিনই ছিল ভাল, দেওয়ানপুরের কথা মনে হইলে কষ্ট হয়। ট্রেন আসিলে তিনি সেকেন্ড ক্লাসে উঠিলেন।

অর্পণা কখনও কলিকাতা দেখে নাই। তাহাকে সব ভাল করিয়া দেখাইবার জন্তু ষ্টেশনে নামিয়া অপু একথানা ফিটন গাড়ী ভাড়া করিয়া থানিকটা ঘুরিল। রিপণ কলেজের কাছে গাড়ী থামাইয়া দর্পের স্বরে বলিল—এই দাপ্তর না আমাদের কলেজ, এখান থেকে পাশ দেওয়া হয়ে গিয়েচে আমার, দেখেচো কত বড় কলেজটা! অর্পণা বিষম-ভরা ডাগর চোখে বাড়ীটা চাহিয়া চাহিয়া দেখিল।

অপু একটা জিনিস লক্ষ্য করিল; অর্পণা কখনও কিছু দেখে নাই বটে, কিন্তু কোনো বিষয়ে কোনো অশোভন ব্যগ্রতা দেখায় না। দীর্ঘ, স্থির, সংযত, বুদ্ধিমতী—এই বয়সেই চরিত্রগত একটা কেমন সহজে গাণ্ডীয়া—বাহার পরিণতি সে দেখিয়াছে ইহারই মায়েদের মধ্যে; উছলিয়া পড়া মাতৃহের সঙ্গে চরিত্রের সে কি দৃঢ়তা, অটলতা!

মনসাপোতা পৌছিতে সন্ধ্যা হইয়া গেল। অপু বাড়ীঘরের বিশেষ কিছু ঠিক করে নাই, কাহাকেও স'বাদ দেয় নাই, কিছু না—অথচ হঠাৎ স্ত্রীকে আনিয়া হাজির করিয়াছে। বিবাহের পর মাত্র একবার এখানে ছুদিনের জন্ত আসিয়াছিল, বাড়ীঘর অপরিষ্কার, রাত্রি-বাসের অশুপযুক্ত। উঠানে ঢুকিয়া পেয়ারা গাছটার তলায় সন্ধ্যার অন্ধকারে বধু দাঁড়াইয়া রহিল, অপু গরুর গাড়ী হইতে তাহার তোরঙ্গ ও কাঠের হাতবান্ধটা নামাইতে গেল। উঠানের পাশের জঙ্গলে নানা পতঙ্গ কুশর করিয়া ডাকিতেছে, ঝোপে-ঝাপে জোনাকীর ঝাঁক জলিতেছে।

কেহ কোথাও নাই, কেহ আসিয়া তরুণ দম্পতীকে সাদরে বরণ ও অভ্যর্থনা করিয়া ঘরে তুলিয়া লইতে ছুটিয়া আসিল না। তাহারাই ছদ্মনে টানাটানি করিয়া নিজেদের পেটরা তোরঙ্গ মাত্র দেশলাই-এর কাটির আলোর সাহায্যে ঘরেবা দাওয়ায় তুলিতে লাগিল। তবুও অপু মনে হইল কিছুকি বার্তাসের সঙ্গে, সত্যকোটা

বিষপুষ্পের স্নগন্ধের সঙ্গে, নির্জন পল্লীপ্রান্তের শান্তি ও নীরবতার সঙ্গে, অদৃশ্য মাতৃ-আশীর্বাদ যেন মিশাইয়া আছে। সে আজ কাহাকেও ইচ্ছা করিয়াই খবর দেয় নাই, ভাবিয়াছিল—যা যখন বরণ করে নিতে পারলে না আমার বৌকে, অত সাধ ছিল মার—তখন আর কাউকে বরণ করতে হবে না, ও অধিকার আর কাউকে বুঝি দেবো ?

* * * *

তেলিদের বাড়ীতে কেউ ছিল না, তিন চার মাস হইতে তাহারা কলিকাতায় আছে, বাড়ীতে তালাবদ্ধ, নতুবা কালরাতে ইহাদের কথাবার্তা শুনিয়া সে-বাড়ীর লোক আসিত। সকালে সংবাদ পাইয়া ও-পাড়া হইতে নিরুপমা ছুটিয়া আসিল। অপু কৌতুকের স্বরে বলিল—এসো এসো, নিরুদিদি, এখন মা নেই, তোমরা কোথায় বরণ করে ঘরে তুলবে, দুখে-আলতার পাথরে দাঁড় করাবে, তা না তুমি এখন সকালে পান চিবুতে চিবুতে এলে। বেশ যা হোক! নিরুপমা অহুযোগ করিয়া বলিল—তুমি ভাই সেই চোদ্দ বছরে যেমন পাগলটি ছিলে, এখনও ঠিক সেই আছ। বৌ নিয়ে আস্চো তা একটা খবর না, কিছু না। কি কোরে জান্বে তুমি এ অবস্থায় একজন ভদ্রলোকের মেয়েকে এই ভান্না ঘরে হপ্ করে এনে তুলবে? ছি ছি, চাখো তো কাণ্ডখানা! রাগে ঘেঁরইলে কি করে এখানে, সে কেবল তুমিই পার। নিরুপমা গিনি দিয়া বৌ-এর মুখ দেখিল।

অপু বলিল—তোমাদের ভরসাতেই কিন্তু ওকে এখানে রেখে যাবো নিরুদি। আমাকে সোমবার চাকরীতে যেতেই হবে। নিরুপমা বৌ দেখিয়া খুব খুসি, বলিল—আমি আমাদের বাড়ীতে নিয়ে গিয়ে রেখে দেবো বৌকে এখানে থাকতে দেবো না! অপু বলিল—তা হবে না, আমায় মায়ের ভিটেতে সন্দেহে কে তা হ'লে? রাগে তোমাদের ওখানে শোবার জন্তে নিয়ে য়েও। নিরুপমা তাতেই রাজী। চৌদ্দ বছরের ছেলে যখন প্রথম চেলী পরিয়া তাহাদের বাড়ী পূজা করিতে গিয়াছিল, তখন হইতে সে অপুকে সত্যসত্য স্নেহ করে, তাহার দিকে টানে। সৰ্ব্বজন্মার মৃত্যুর সময় সে এখানে ছিল না, স্বস্তরবাড়ী হইতে আসিয়া সব

শুনিয়া ভারী দুঃখিত হইয়াছিল, আরও দুঃখিত হইয়াছিল অপুর ঘরবাড়ী ছাড়িয়া চলিয়া যাওয়ায়। মেয়েরা গতিকে বোঝে না, বাহিরকে বিশ্বাস করে না, মাছুষের উদ্যম ছুটিবার বহিমুখী আকাঙ্ক্ষাকে শান্ত সংযত করিয়া তাহাকে ঘর গৃহস্থালী পাতাইয়া, বাসা বাঁধাইঘার প্রবৃত্তি নারীমনের সহজাত ধর্ম, তাহাদের সকল মাধুর্য্য, ঘেহ, প্রেমের প্রয়োগ-নৈপুণ্য এখানে। সে শক্তিও এত বিশাল, যে খুব কম পুরুষই তাহার বিরুদ্ধে দাঁড়াইয়া জয়ী হইবার আশা করিতে পারে। অপু বাড়ী ফিরিয়া নীড় বাঁধাতে নিরুপমা স্বত্তির নিঃশ্বাস ফেলিল।

কলিকাতায় ফিরিয়া অপুর আর কিছু ভাল লাগে না, কেবল শনিবারের অপেক্ষায় দিন গুণিতে থাকে। মনে হয় বন্ধুবান্ধবদের মধ্যে যারা নব-বিবাহিত, তাহাদের সঙ্গে কেবল বিবাহিত জীবনের গল্প করিতে ও শুনিতে ভাল লাগে। কোনো রকমে এক সপ্তাহ কাটাইয়া শনিবার দিন সে বাড়ী গেল। অপূর্ণার গৃহিণীপনায় সে মনে মনে আশ্চর্য্য না হইয়া পারিল না। এই সাত আট দিনের মধ্যে অপূর্ণা বাড়ীর চেহারা একেবারে বদলাইয়া ফেলিয়াছে! তেলি বাড়ীর বুড়ীঝিকে দিয়া নিজের তত্ত্বাবধানে ঘরের দেওয়াল লেপিয়া ঠিক করাওয়াছে। দাওয়ায় মাটি ধরাইয়া দিয়াছে, রাঙা এল-মাটি আনিয়া চারিধারের রঙ করাওয়াছে, নিজের হাতে এখানে তাক্, এখানে কুলুঙ্গি গাঁথিয়াছে, তক্তপোষের তলাকার রাশীকৃত ইটরের মাটি নিজের হাতে উঠাইয়া বাহিরে ফেলিয়া গোবর-মাটি লেপিয়া দিয়াছে। সারা বাড়ী যেন ঝক্ ঝক্ তক্ তক্ করিতেছে। অথচ অপূর্ণা জীবনে এই প্রথম মাটির ঘরে পা দিল। পূর্ব গৌরব যতই ক্ষুদ্র হউক, তবুও সে ধনীবংশের মেয়ে, বাপ-মায়ের আদরে লালিত, বাড়ী থাকিতে নিজের হাতে তাহাকে কখনো বিশেষ কিছু করিতে হইত না।

মাসখানেক ধরিয়া প্রাতি শনিবারে বাড়ী যাতায়াত করিবার পর অপু দেখিল তাহার যাহা আয়, কি শনিবার বাড়ী যাওয়ার খরচ তাহাতে কুলায় না। সংসারে দশ বারো টাকার বেশী মাসে এ পর্য্যন্ত সে দিতে পারে নাই। সে বোঝে ইহাতে সংসার চালাইতে অপূর্ণাকে

দস্তুরমত বেগ পাইতে হয়। অতএব ঘন ঘন বাড়ী যাওয়া বন্ধ করিল।

শ্রাবণ মাস গেল। তাহার ছোট দরটির সামনে মিত্তিরদের প্রকাণ্ড বাড়ীর কটকেব পাশে কম্পাউণ্ডের দেওয়ালের ধারে চাঁপাগাছের ডালে ডালে ফুল ধরিল, প্রতি রাত্রে খোলা জানালা দিয়া সুমিষ্ট গন্ধটা ঘরে আসিতেই তাহার বৃকের মধ্যে বেদনাটা জাগিয়া উঠে— একটা দারুণ যন্ত্রণা, ছট্‌ফট্‌ করিতে থাকে, রাতিমত ছট্‌ফট্‌ করে। কত রাত্রি পথান্ত জাগিয়া আসিবার পূর্বদিন রাত্রে অপর্ণার সঙ্গে কি কথা হইয়াছিল, শুধুই সে কথা ভাবে।

ডাকপিয়নের থাকির পোষাক যে বৃকের মধ্যে হঠাৎ একপ ঢেউ তুলিতে পারে, ব্যগ্র আশার আশ্বাস দিয়াই পরমুহুর্তে নিরাশা ও দুঃখের অতলতলে নিমজ্জিত করিয়া দিতে পারে, পনেরো টাকা বেতনের হারিসন রোড পোষ্টাপিসের পিওন যে একদিন তাহার দুঃখস্বখের বিধাতা হইবে, এ কথা কেবু ভাবিয়াছিল? পূর্বে কালেভদ্রে মায়ের চিঠি আসিত, তাহাব জ্ঞান একপ ব্যগ্র প্রতীক্ষার প্রয়োজন কিছু ছিল না। পরে মায়ের মৃত্যুর পর বৎসর খানেক তাহাকে একখানি পত্রও কেহ দেয় নাই। উঃ, কি দিনই গিয়াছে সেই একবৎসর! মনে আছে, তখন তখন রোজ সকালে চিঠির বাস্য বৃথা আশায় একবার করিয়া খোজ করিয়া হাসিমুখে পাশের ঘরের বন্ধকে উদ্দেশ করিয়া উচ্চৈঃস্বরে বলিত—আরে, বীরেন বোসের জন্মে তো এ বাসায় আর থাকা চলে না দেখি?—রোজ রোজ যত চিঠি আসে তার অর্ধেক বীরেন বোসের নামে?

বন্ধু হাসিয়া বলিত—ওহে পাচজন থাকলেই চিঠিপত্র আসে পাচদিক থেকে। তোমার নেই কোনো চুলোয় কেউ, দেবে কে চিঠি?

বোধ হয় কথাটা রূঢ় সত্য বলিয়াই অপূর মনে আঘাত লাগিত কথাটায়। বীরেন বোসের নানা ছাদের চিঠিগুলি লোলুপদৃষ্টিতে চাহিয়া চাহিয়া দেখিত—সাদা খাম, সবুজ খাম, হলুদ খাম, মেয়েলি হাতে লেখা পোষ্টকার্ড। এক একবার হাতে তুলিয়া লোভদমন

করিতে না পারিয়া দেখিয়াছেও—ইতি তোমার দিদি, ইতি তোমার মা, ইতি আপনার স্নেহের ছোট বোন সুনী ইত্যাদি। বীরেন বোস মিথ্যা বলে নাই, চারিদিকে আত্মীয় বন্ধু থাকিলেই রোজ পত্র ঘণ্টে—তাহার চিঠি তো আর আকাশ হইতে পড়িবে না? আজকাল আর সেদিন নাই। পত্র লিখিবার লোক হইয়াছে এতদিনে।

বাছিয়া বাছিয়া পচিশখান ভাল খাম ও চিঠির কাগজ কলেজস্ট্রীটের একটা দোকান হইতে সে কিনিয়া আনিল। যখনই বড় মন উতলা হয়, তখন একখানা করিয়া চিঠি লেখে ত্রাকে। তাহার পর চাতকের মত উত্তরের প্রত্যাশায় থাকে, প্রায়ই ঠিক হিসাব মত দিনেই উত্তর পাওয়া যায়, কিন্তু যেদিন না আসে! ভগবান সে-সব দিনের সৃষ্টি করেন কোন্‌ প্রাণে?

জন্মাস্তমীর ছুটিতে বাড়ী যাওয়ার কথা, কিন্তু দিনগুলা মাসের মত দীর্ঘ।

যেদিন জন্মাস্তমীর ছুটি আসিয়া যাইবে, সেদিনটার কথা ভাবিতেই পারা যায় না! শিয়ালদহ স্টেশনটা সেদিন পথান্ত থাকিলে বাঁচি, উঠিয়া না যায়!

* * *

অবশেষে জন্মাস্তমীর ছুটি আসিয়া গেল। এডিটারকে বলিয়া বেলা তিনটার সময় সে আপিস হইতে বাহির হইয়া স্টেশনে আসিল। পথে নববিবাহিত বন্ধু অনাথ বাবু বৈঠকখানা বাজার হইতে আগ কিনিয়া উল্লস্বাসে ট্রাম ধরিতে ছুটিতেছেন। অপূর কথার উত্তরে বলিলেন—সময় নেই, তিনটে পনেরো ফেল্‌ কল্‌ আবার সেই চারটে পচিশ, দুঃখ! দেবী হয়ে যাবে বাড়ী পৌছিতে—আচ্ছা আসি নমস্কার।

দাড়িটা ঠিক কামানো হইয়াছে তো?

মুখ যোঁড়েরে ধুলায় ও ঘামে যে বিবর্ণ হইয়া যাইবে তাহার কি? কি গাধাবোট গাড়ীখানা, এতক্ষণে মোটে নৈহাটি? বাড়ী পৌছিতে প্রায় সন্ধ্যা হইতে পারে। খুশির সহিত ভাবিল চিঠি লিখে তো যাচ্ছিনে, হঠাৎ দেখে অপর্ণা একবারে অবাক হয়ে যাবে এখন—

বাড়ী যখন পৌছিল, তখনও সন্ধ্যার কিছু দেবী। বধু বাড়ী নাই, বোধ হয় নিরুপমাদের বাড়ী কি পুকুরের ঘাটে

গিয়াছে। কেহ কোথাও নাই। অপু ঘরের মধ্যে চুকিয়া পুঁটলি নামাইয়া রাখিয়া সাবানখানা খুঁজিয়া বাহির করিয়া আগে হাত মুখ ও মাথা ধুইয়া ফেলিয়া তাকের আয়না। চিরুণীর সাহায্যে টেরী কাটিল। পরে নিজের আগমনের সকল চিহ্ন বিলুপ্ত করিয়া বাড়ী হইতে বাহির হইয়া গেল।

আধবন্টা পরেই সে ফিরিল। বধু ঘরের মধ্যে প্রাণীপের সামনে মাদুর পাতিয়া বসিয়া কি বই পড়িতেছে। অপু পা টিপিয়া টিপিয়া তাহার পিছনে আসিয়া দাঁড়াইল। এটা অপূর পুরাণো রোগ, মায়ের সঙ্গে কতবার এরকম করিয়াছে। হঠাৎ কি একটা শব্দে বধু পিছন ফিরিয়া চাহিয়া ভয়ে ধড়মড় করিয়া উঠিবার চেষ্টা করিতে অপু হো হো করিয়া হাসিয়া উঠিল।

বধু অপ্রতিভের স্বরে বলিল—ওমা, তুমি! কখন—
কৈ—তোমার তো—

অপু হাসিতে হাসিতে বলিল—কেমন জন্ম। আচ্ছা তো ভীতু!

বধু ততক্ষণে সামলাইয়া লইয়া হাসিমুখে বলিল—বারে, ওই রকম কোরে বুঝি আচম্কা ভয় দেখাতে আছে? কটার গাড়ীতে এলে, এখন—তাই বুঝি আজ ছ' সাতদিন চিঠি দেওয়া হয় নি—আমি ভাবছি—

অপু বলিল—তারপর তুমি কি রকম আছ বলো? মায়ের চিঠি পত্র পেয়েচ?

তুমি কিছ রোগা হয়ে গিয়েচ, অস্থ-বিস্তৃপ হয়েছিল বুঝি?

—আমার এবারকার চিঠির কাগজটা কেমন? ভালো, না? তোমার জন্তে এনেচি পঁচিশখানা। তারপর রাত্রে কি খাওয়াবে বলো?

—কি খাবে বলো? যি এনে রেখেচি, লুচি ভেজে দি, আর আলুপটলের ডালনা করি—আর দুধ আছে—

মায়ের মৃত্যুর পরে এমন যত্ন অপূর অদৃষ্টে ঘটে নাই।

পরদিন সকালে উঠিয়া অপু দেখিয়া অবাক হইল, বাড়ীর পিছনের উঠানে অপর্ণা ছোট ছোট বেড়া দিয়া শাকের ক্ষেত, বেগুনের ক্ষেত করিয়াছে। দাওয়ায় ধারে ধারে নিজের হাতে গাঁদার চারা বসাইয়াছে।

রান্নাঘরের চালায় পুঁইলতা, লাউলতা উঠাইয়া দিয়াছে। দেখাইয়া বলিল, আজ পুঁইশাক খাওয়াবো, আমার গাছের ওই দোপাটীগুলো দ্যাখো? কত বড়, না? নিরুপমা দিদি বীজ দিয়েচে আর একটা জিনিস দ্যাখোনি—এস দেখাবো—

অপূর সারাশরীরে একটা আনন্দের শিহরণ বহিল। অপর্ণা যেন তাহার মনের গোপন কথাটি জানিয়া বুঝিয়াই কোথা হইতে একটা ছোট টাপা গাছের ডাল আনিয়া মাটিতে পুঁতিয়াছে, দেখাইয়া বলিল—দ্যাখো কেমন—হবে না এখানে?

—হবে না আর কেন? আচ্ছা, কিন্তু এত ফুল থাকতে টাপা ফুলের ডাল যে পুঁততে গেলে? অপর্ণা সলজ্জমুখে বলিল—জানিনে—যাও।

অপু তো লেখে নাই, পত্রে তো একথা অপর্ণাকে জানায় নাই, যে মিত্তির বাড়ীর কম্পাউণ্ডের টাপাফুল গাছটা তাহাকে কি কষ্টই না দিয়াছে এই দু মাস! টাপা ফুল যে হঠাৎ তার এত প্রিয় হইয়া উঠিয়াছে, একথাটি মনে মনে অল্পমান করিবার জন্ত এই কথবাস্ত, সদা হাসিমুখে মেয়েটির উপর তার মন ক্রতজ্ঞতায় ভরিয়া উঠিল।

অপর্ণা বলিল—এখানে একটু বেড়া দিয়ে বিরে দেবে? মাগো, কি ছাগলের উৎপাতই তোমাদের দেশে! চারা-গাছ থাকতে দেয় না, রোজ খেয়ে দেয়ে সারা ছুপুর কক্কি হাতে দাওয়ায় বসে বসে ছাগল তাড়াই আর বই পড়ি—ছুপুরে রোজ নিকদি আসে, ও-বাড়ীর মেয়েরা আসে, ভারী ভাল মেয়ে কিন্তু নিক দিদি।

আজ সারাদিন ছিল বধা। সন্ধ্যার পরে একটানা বৃষ্টি নামিয়াছে, হয়তো বা সারারাত্রি ধরিয়া বধা চলিবে। বাহিরে কুম্ভাষ্টমীর অন্ধকার মেঘে ঘনীভূত করিয়া তুলিয়াছে। বধু বলিল—রান্নাঘরে এসে বসবে? গরম গরম সেক দি—অপু বলিল—তা হবে না, আজ এস আমরা দুজনে একপাতে খাবো। অপর্ণা প্রথমটা রাজী হইল না, অবশেষে স্বামীর পিঁড়ীতে বাদ্য হইয়া একটা থালায় রুটি সাজাইয়া খাবার ঠাই করিল। অপু দেখিয়া বলিল, ও হবে না, তুমি আমার পাশে বসো, ও-রকম বসলে চলবে না।

বধু হাসিয়া বলিল—আচ্ছা তোমার এত বদখেয়ালও মাথায় আসে, মাগো, মা ! দেখতে তো খুব ভালো-মাছঘটি

লাভের মধ্যে বধুর একরূপ খাওয়াই হইল না সে-রাত্রে। অনামনস্ক অণু গল্প করিতে করিতে থালায় রুটি উঠাইতে উঠাইতে প্রায় শেষ করিয়া তুলিল—পাছে স্বামীর কম পড়িয়া যায় এই ভয়ে সে বেচারী খান-তিনের বেশী নিজের জন্য লইতেই পারিল না। খাওয়া-দাওয়ার পর অপর্ণা বলিল—কই কি বই এনেচ বল্লে দেখি ?

মাদুরটা বিছিয়ে এস দুজনে বসি মেজেতে—তোমাকে আজ পড়াশুনোর সব নিয়ম বলে দেবো, অপর্ণা। রোজ রাত্রে থানিকটা কোরে পড়বে, দু তিন মাসে কত শিখতে পারবে দেখো। পড়াশুনোর আগ্রহ অপর্ণারও খুব। সে ইংরাজি জানে না, শিখিবার খুব ইচ্ছা। কোন্ বইখানা আগে পড়িতে হয় ? দুজনেই কৌতুকপ্রিয়, সমবয়সী, স্বস্থ-মন, বালক বালিকার মত আমোদ করিতে, গল্প করিতে, সারারাত জাগিতে, অকারণে অর্থহীন বকিতে দুজনেরই সমান আগ্রহ, সমান উৎসাহ। অণু একখানা নতুন-আনা বই খুলিয়া বলিল—পড়ো তো এই পদ্যটা ?

অপর্ণা প্রদীপের সলতেটা চাপার কলির মত আঙুল দিয়া উদ্ধাইয়া দিয়া পিলস্কজটা আরও নিকটে টানিয়া আনিল। পরে সে লজ্জা করিতেছে দেখিয়া অণু উৎসাহ দিবার জ্ঞা বলিল—পড়ো না কই দেখি ?

অপর্ণা যে এত হৃদয় কবিতা পড়িতে পারে অপূর তাহা জানা ছিল না। সে ঈষৎ লজ্জাজড়িত স্বরে পড়িতেছিল—

গগনে গরজে মেঘ ঘন বরষা

কূলে একা বসে আছি নাহি ভরসা

অণু পড়ার প্রশংসা করিতেই অপর্ণা বই মুড়িয়া বন্ধ করিল। স্বামীর দিকে উজ্জলমুখে চাহিয়া কৌতুকের ভঙ্গিতে বলিল—থাক্গে পড়া, একটা গান করো না ?

অণু বলিল—একটা টিপ পরো না থুকী ? ভারী হৃদয় মানাবে তোমার কপালে ?

অপর্ণা সলজ্জ হাসিয়া বলিল—যাও—

—সত্যি বল্চি অপর্ণা, আছে টিপ—

—আমার বয়সে বুঝি টিপ পরে ? আমার ছোট বোন শান্তির এখন টিপ পরবার বয়স তো—

কিন্তু শেষে তাহাকে টিপ পরিতে হইল। সত্যি ভারী হৃদয় দেখাইতেছিল, প্রতিমার চোখের মত টানা, আয়ত, হৃদয় চোখ দুটির উপরে দীর্ঘ, ঘনকালো, জোড়াভুরুর মাঝখানটিতে টিপ মানাইয়াছে কি হৃদয় ! অপূর মনে হইল এই মুখের জন্তই জগতের যত টিপ যষ্টি হইয়াছে—প্রদীপের স্নিগ্ধ আলোয় এই টিপ-পর্য্য মুখখানি বার বার সতৃষ্ণচোখে চাহিয়া দেখিবার জন্তই।

অপর্ণা বলে—ছাই দেখাচ্ছে, এ বয়েসে কি টিপ মানায় ? কি করি পরের ছেলে, বল্লে তো আর কথা শুনবে না তুমি ?

—না গো পরের মেয়ে, শোনো, একটু সরে এসো তো—

—ভারী দুষ্ট—

অণু হঠাৎ হাসিমুখে বলিল—আচ্ছা আমায় দেখতে কেমন দেখায় বলো—না সত্যি—কেমন মুখ আমার ? ভালো, না পেচার মত ?

অপর্ণার মুখ কৌতুকে উজ্জল দেখাইল—নাক সিটকাইয়া বলিল—বিশ্রী, পেচার মত।

অণু কৃত্রিম অভিমানের স্বরে বলিল—আর তোমার মুখ তো খুব ভালো, তা হলেই হয়ে গেল। যাই, শুইগে যাই—রাত কম হয়নি—কাল ভোরে আবার—

বধু খিল্ খিল্ করিয়া হাসিয়া উঠিয়া সম্মুখে অপূর হাত ধরিয়া বসাইয়া বলিল—মাগো, তুমি কি ! এতেই হয়ে গেল রাগ ?

এই রাত্রিটা গভীর দাগ দিয়া গিয়াছিল অপূর মনে। মাটির ঘরের আনাচে কানাচে, গাছে পালায় বাশবনে, ঝিম্ ঝিম্ নিশীথের একটানা বধীর ধারা। চারি ধার নিস্তন্ধ। পূর্বদিকের জানালা দিয়া বর্ষাসজ্জ বাদল রাতের দম্কা হাওয়া মাঝে মাঝে আসে—মাটির প্রদীপের আলোতে, খড়ের ঘরের মেজেতে মাদুর বিছাইয়া সেও অপর্ণা।

বধু ভাবে তাহার এই শিশুর মত সরলপ্রাণ স্বামী কত কষ্টই না পাইয়াছে একা একা—সে সব কথা

পুলু-দার মুখে সে শুনিয়াছে। যা হইবার হইয়া গিয়াছে, এই বার থেকে সে যখন আসিয়াছে, আর কোনও কষ্ট হইতে দিবে না।

অপু বলিল—দ্যাখো, আজ রাত্রে মায়ের কথা বড় মনে হয়—মা যদি আজ থাকতো ?

অপর্ণা শান্ত হুরে বলিল—মা সবই জানেন, যেখানে গিয়েছেন, সেখান থেকে সবই দেখেছেন। পরে সে কিছুক্ষণ চুপ করিয়া থাকিয়া চোখ তুলিয়া স্বামীর মুখের দিকে চাহিয়া বলিল—দ্যাখো, আমি মাকে দেখেছি।

অপু বিশ্বাসের দৃষ্টিতে জীর দিকে চাহিল। অপর্ণার মুখে শাস্ত, স্থির বিশ্বাস ও সরল পবিত্রতা ছাড়া আর কিছু নাই।

অপর্ণা বলিল দ্যাখো, একদিন কি মাসটায়, তোমার সেদিন চিঠি এল দুপুর বেলা, বিকেলে আঁচল পেতে পান্‌চালার পিঁড়েতে শুয়ে ঘুমিয়ে পড়েছি—সেদিন সকালে উঠোনের ঐ লাউগাছটাকে পুতেছি, কন্ধি কেটে তাকে উঠিয়েছি, খেতে অনেক বেলা হয়ে গিয়েছে, বুঝলে ? স্বপ্নে দেখছি একজন কে দেখতে বেশ সুন্দর, লালপেড়ে শাড়ীপরা, কপালে সিঁদুর, তোমার মুখের মত মুখের আদল, আমায় আদর করে মাথার চুলে হাত বুলিয়ে বলছেন, ও আবাগীর মেয়ে, অবেলায় শুয়ো না, ওঠো, অস্থবিস্থ হবো আবার ? তারপর তিনি তাঁর হাতের সিঁদুরের কোটো থেকে আমার কপালে সিঁদুর পরিয়ে দিতেই আমি চমকে জেগে উঠলাম—এমন স্পষ্ট আর সত্যি বলে মনে হোল যে তাড়াতাড়ি কপালে হাত দিয়ে দেখতে গেলাম সিঁদুর লেগে আছে কি না—দেখি কিছুই না—বুক যেন ধড়াস্ ধরে উঠল—চারিদিকে অবাচ্ হয়ে চেয়ে দেখি সন্দেহ হয়ে গিয়েছে—বাড়ীতে কেউ না—খানিকক্ষণ না পারি কিছু কর্তে—হাত পা যেন অবশ—তার পরে মনে হল এ মা,—আর কেউ না, ঠিক মা। মা এসেছিলেন এয়োতির সিঁদুর পরিয়ে দিতে। কাউকে বলিনি, আজ বললাম তোমায়।

বাহিরে বধাধারার অবিশ্রান্ত রিম্বিম্ শব্দ। একটা কি পতঙ্গ বৃষ্টির শব্দের সঙ্গে তান রাখিয়া একটানা ডাকিয়া চলিয়াছে, মাঝে মাঝে পূবে হাওয়ায় দম্কা, অপর্ণার মাথার চুলের গন্ধ।

জীবনের এইসব মুহূর্ত বড় অজুত। অনভিজ্ঞ হইলেও অপু তাহা বুঝিল। হঠাৎ ক্ষণিক বিদ্যুৎ চমকে যেন অন্ধকার পথের অনেকখানি নজরে পড়ে। এমন সব কথা, এমন সব চিন্তা মনে আসে, সাধারণ অবস্থায়, স্বস্থ মনে সারাজীবনেও সে সব চিন্তা মনে আসিত না।... কেমন একটা রহস্য-জন্ম মৃত্যু...আত্মার অদৃষ্টলিপি... একটা বিরাট অসীমতা...

কিন্তু পরক্ষণেই অপু চোখ জলে ভরিয়া আসিল। সে কোনো কথা বলিল না। কোন মন্তব্য প্রকাশ করিল না, কেহই কোনো কথা বলিল না।

খানিকটা পরে সে বলিল, আর একটা কবিতা পড়ো—শুনি বরং—

অপর্ণা বলিল—তুমি একটা গান করো—

অপু রবীন্দ্ৰকবীর গান গাহিল একটা, দুইটা, তিনটা। তারপরে আবার কথা, আবার গল্প। অপর্ণা হাসিয়া বলিল—আর রাত নেই কিন্তু—ফসাঁ হয়ে এল—

—ঘুম পাচ্ছে ?

—না। তুমি একটা কাজ করো না ? কাল আর যেও না—

—আপিস কামাই করবো ? তা কি কখনো চলে ?

ভোর হইয়া গেল। অপর্ণা উঠিতে যাইতেছিল, অপু কোন সময় ইতিমধ্যে তাঁহার আঁচলের সঙ্গে নিজের কাপড়ের সঙ্গে গিঁঠ বাদিয়া রাখিয়াছে, উঠিতে গিয়া টান পড়িল। অপর্ণা হাসিয়া বলিল—ওমা তুমি কি ! আচ্ছা ছুটু তো ?...এখনি হারাণের মা কাজ কত্তে আসবে—বুড়ী কি ভাববে বেলো দিকি ? ভাববে এত বেলা অবধি ঘরের মধ্যে—মাগো মা ছাড়ো, আমার লজ্জা করে—ছিঃ—অপু ততক্ষণে অগ্রদিকে মুখ ফিরায়া শুইয়া পড়িয়াছে।

—ছাড়ো, ছাড়ো, লক্ষ্মী—ছিঃ—এখনি এলো বেল বুড়ী—পায়ে পড়ি তোমার, ছাড়ো—

অপু নিরীকার।

এমন সময়ে বাহিরে হারাণের মায়ের গলা শোনা গেল। অপর্ণা ব্যস্তভাবে মিনতির স্বরে বলিল—ওই

এসেচে বড়ী—ছাড়া ছিং—লক্ষীটি—ওরকম দুষ্টমি করে
না—লক্ষী—

হারানের মা ঘরের গায়ে ধাক্কা দিয়া বলিল—ও বৌমা
ভোর হয়ে গিয়েচে। ওঠো, ওঠো, ঘড়ায়টাগুলো বার
করে দেবে না ?

অপু হাসিয়া উঠিয়া জাঁচলের গিঁঠ খুলিয়া দিল।
আপিস্ কামাই করিয়া সেদিনটাও অপু বাড়ীতেই রহিয়া
গেল।

ক্রমশঃ

পাটব্যবসায় মন্দা

প্রতিবিধানের পথ

শ্রীশুধীরকুমার সেন

পৃথিবীব্যাপী এক অভূতপূর্ব আর্থিক অসচ্ছলতার
ফলে কাঁচা মাল হিসাবে ও কলের তৈরী জিনিষ হিসাবে
পাটের রপ্তানী কমিয়া যাওয়ায় এবং পাটের চাষ খুব
বেশী করিয়া হওয়াতে পাটের উৎপাদন বাড়ায় বাংলা
দেশে পাট-ব্যবসায় ভয়ানক মন্দা পড়িয়াছে।

চাষী দেখিতে পাইতেছে যে, পাট যেদরে বিক্রী
হইবে তাহাতে শুধু যে চাষের খরচ পোষাইবে না
তাহাই নয়, ক্ষেতের পাট কাটিয়া ঘরে তোলাও ভুল
হইবে।

গত কয়েক বৎসর লক্ষী খুব কৃপা করিয়াছিলেন।
সুসময়ে আশংকরূপ বৎস হইয়াছিল, উৎপাদনও হইয়াছিল
প্রচুর। যে-বৎসর চড়াবাজার থাকিত তার পরের
বৎসর দর ততটা উঠিত না, তবুও বৎসরের পর বৎসর
পাটে বেশ ভাল লাভ পাওয়া গিয়াছে। খুব আয়
দেখা যাইতেছিল, পাটচাষের জমিও দিন দিন বাড়িতে-
ছিল, এই বৎসর দেখা গেল যে, ১৯২৬ সনের পরে আর
কখনও বেশী পরিমাণ জমিতে পাটচাষ হয় নাই,
এবারকার শস্তও হইয়াছে চমৎকার। কিন্তু বেচাকেনা
এবার বেশী নাই—একেবারেই নাই বলিলেই চলে।

অবস্থা যখন এই ঠাড়াইয়াছে তখন প্রত্যেকেরই
ইহার প্রতিবিধানের উপায় চিন্তা করা উচিত, কারণ,
ইহার একটা সমাধান হইলে সকলেরই সমস্যা মিটিবে।
যে-জমিদার সদর খাজনা জোগাইবেন তিনি নিজে
খাজনা আদায় করিতে পারিতেছেন না। অনাহারে

মৃত্যু ও সর্বনাশের পথে বসিয়া চাষী আজ এক পয়সাও
খাজনা দিতেছে না। মহাজন, মাড়োয়ারী, সমবায়
ঋণদান সমিতি ও সমবায় পাট সমিতিগুলিরও দুর্দিন
উপস্থিত। প্রত্যেক ব্যবসায়েরই অবস্থা সঙ্কটময়; চাষীর
হাতে টাকা না থাকিলে—বাংলা দেশের শতকরা
সত্তরটি লোকই চাষী—ব্যবসায়ের জোর ধরে না।
সরকারের পরোক্ষভাবে অনেক টাকা লোকসান হইবে,
কারণ আমদানী-রপ্তানী না থাকায় রেলপথের ও ডাক
বিভাগের আয় কমিয়া যাইতেছে।

অনেক দিক হইতেই অনেকরূপ প্রস্তাব আসিতেছে।
ভারত-সরকার রাষ্ট্রীয় গোলমালে, আয়ত্রেসে ও আইন-
অমাত্য আন্দোলনের ঘূর্ণপাকে পড়িয়া স্পষ্ট কহিয়াছেন
যে, তাঁহারা কোনোরূপ সাহায্য করিতে পারিবেন না।
বাংলা সরকার বোধ হয় সামান্য কিছু ‘তাকাভি’ বীজ
শস্ত্রের ঋণ দিয়া গৃহস্থদিগকে সাহায্য করিবেন; কিন্তু
যে জমিদারবর্গ সদর খাজনা বিষয়ে কিছু স্ববিবেচনার
দাবী করিতেছে তাঁহারা বা চাষীরা কেহই তাহাতে
সম্মত হইবে না। গৃহস্থদের ঋণদান করিলে
মহাজন বা ব্যবসায়ীদের হয়ত একটু সুবিধা
হইতে পারে; কিন্তু তাহাও এত কম যে ধর্তবোর
মধ্যে নয়।

প্রস্তাবগুলি প্রধানত এই ধরণের—(ক) শস্ত কাটিবার
জন্ম টাকা সরবরাহ করা ও শস্ত মজুত করিয়া রাখা;
(খ) আগামী বৎসরের জন্ম উৎপাদন-হ্রাসের ব্যবস্থা করা;

(গ) জমিদারের ও সরকারের সমানরূপে এবারকার খাজনা মাফ করা।

এই সব প্রত্যাশায়ী কাজ হইলে দুর্দশার কতকটা লাঘব হইবার কথা, কিন্তু ইহাতে উহার প্রতিকার হইবে না। ভাল বর্ষণ হইলেও যখন ধানের দর লাভজনক হয় না, তখন যতই না বারণ করা যাউক, আমাদের চাষীরা নিশ্চয়ই পাট সমানভাবেই বুনিয়াদ চলিবে এবং প্রত্যেক বৎসরই পাটের উৎপাদন এইরূপ বেশী থাকিবে। হিসাব করিয়া দেখা যায় যে, যদি এবারকার সব শস্য কাটিয়া তোলা হয় তাহা হইলেই বৎসরান্তে যাহা মজুত থাকিবে তাহাতে আগামী বৎসর ত চলিবেই, এমন কি তারপর বৎসরের চাহিদাও তাহাতে মিটিবে। চাষ-বারণ করিলেও কিছু হইবে না, এইরূপ বারণ কোনও দেশেই টিকে নাই। কফি, চা, রবার, কর্পূর nitrates, Hennequen-এর উৎপাদন-খরচের চেষ্টায় কি ফল হইয়াছে তাহাই ইহার প্রত্যক্ষ প্রমাণ। পাট অবশ্য আমাদের একচেটিয়া জিনিষ, সে হিসাবে উহার সহিত চা বা কফি চাষের তুলনা চলে না। কিন্তু একচেটিয়া জিনিষ লইয়াও এইরূপ উৎপাদন-খরচ করিলে কারবারী একচেটিয়া দেশেরই ক্ষতি হয়। আর যেখানে চাষী অশিক্ষিত, ক্ষেত চষিয়াই ছুবেলা দুমুঠা আহার যোগাইবার চেষ্টা করিবে, সেখানে এইরূপ বারণশূন্যক আদেশ কাজে লাগানো খুব শক্ত কথা। পাট চাষ ত খুব বড় বড় খোঁজ কারবার বা খুব বড় ধনীদেব জীবিকার উপায় নয় যে দু-এক বৎসর ঘরের টাকা খাইয়া উৎপাদন করিয়া সুদিনের অপেক্ষায় বসিয়া থাকিতে পারিবে। শস্ত্রের উৎপাদন হ্রাস সম্ভব হইলেও নিত্যন্তই সাময়িক ব্যবস্থা। পাটের ব্যাপারে উহা সম্ভবও নয় এবং উহা কোনও রূপ স্থাব্যবস্থাও নয়।

সদর খাজনা বা জমিদারের খাজনা মাফ করাও সাময়িক ব্যবস্থা মাত্র—উহা প্রতিকার নয়।

তাহা হইলে এই অবস্থার প্রতিকার হইবে কিরূপে? পাটের বাজারে অস্বাভাবিক চড়া দর দেখা দিলেই আবার পাটের চাষ চলিবে, এইরূপ অধিকতর পরিমাণ জমিতে যদি স্ববর্ষণ হয়, উৎপাদন বাড়িবে, এবং ভবিষ্যতে

এইরূপ দুর্দশাই দেখা দিবে। আমরা কি তাহা হইলে চিরদিনই এমনিতর অনিশ্চয়তার মধ্যে থাকিব? এক বৎসর লাভ ও পর বৎসর সর্বনাশ ইহাই কি নিয়ম হইয়া দাঁড়াইবে?

শুনা যায়, হেনরি ফোর্ড নাকি স্থির করিয়াছেন, যে ব্যবসায়ক্ষেত্রে চড়া অস্বাভাবিক চাহিদা (boom) নিবারণ করিতে পারা যায়, এবং তাহা যদি সম্ভব হয় তবে অতি-জোগানের (slump) ফলে বাজারে মন্দাও দেখা দিবে না। তাঁহার অভিমত এই যে, উৎপাদন, প্রয়োজন প্রভৃতি হিসাব বিভাগের বিভিন্ন শ্রেণীর হিসাবের অঙ্কগুলির সংযোগ সাধন করিয়া জাতির যতটা চাহিদা ততটা পরিমাণ শস্ত্র বা শিল্পজাত উৎপাদন করিতে হইবে। যদি এইরূপ ছুঃসাধ্য হিসাব সম্ভবও হইত, তাহা হইলেও অস্বাভাবিক চাহিদা ও জোগানের দাক্ষ্য ইহার গুলট-পালট হইয়া যাইত। কিন্তু, কোনও দেশ স্বাধিকার-সম্পন্ন হইলেও কাষ্যতঃ এই মতের দ্বারা ব্যবসায়ক্ষেত্রে নিয়ন্ত্রিত করিতে পারে কি না সন্দেহ। আজকালকার শিল্পজগতের একটি স্থপরিচিত কথা—ম্যাস্ প্রডাকশান্। হেনরি ফোর্ড-এর মত কাষ্যে পরিণত হইলে এইরূপ ম্যাস্ প্রডাকশান্ থরক হইবে। যদি হিসাবের ফলে উৎপাদন থরক করা যায় তাহা হইলে তাহা বেশী উৎপাদন হইবে না, থরকিত (restricted) উৎপাদন হইবে।

আমাদের কৃষিজাত ও কাঁচা মালে এমন কি আমাদের শ্রমজাত শিল্পদ্রব্যে পর্যন্ত আমরা যে বরাবর অত্যধিক উৎপাদনের সমস্তা সৃষ্টি করিতেছি, তাহার প্রতিকার চিন্তা করা কর্তব্য।

ম্যাস্ প্রডাকশান্ থরক করা ব্যর্থ। তাহা না করিতে হইলে প্রতিকারের পথ ম্যাস্ ডিষ্ট্রিবিউশান ও ম্যাস্ সেল্। প্রতিদিনমেঘে ভাবিতে হইবে কাঁচা মালকে নতুন কি কাজে লাগানো যাইতে পারে, নতুন কি দ্রব্য তাগাতে প্রস্তুত সম্ভব, নতুন কি পন্থা অবলম্বন করিলে জনসাধারণ এই সব দ্রব্য বেশী কিনিবে। আমরা পাট উৎপাদন করি বেশী, কিন্তু কাজে লাগাই কম। আমরা কাঁচা পাট ও পাটের

শিল্পজাত রপ্তানী করি। কিন্তু পাটের নতুন উপযোগিতার ক্ষেত্র আমরা সৃষ্টি করি না, কিংবা পাট হইতে নতুন শিল্পজাত তৈয়ারীর চেষ্টাও আমরা দেখি না। আজ আমাদের মস্ত হওয়া উচিত “পাট কাজে লাগাও” (পাটের জিনিষ ব্যবহার করুন)। বাংলা দেশ ও সমগ্র ভারত-বর্ষে এই এক কথাই ধ্বনিত হওয়া উচিত। পাটের নতুন-নতুন ব্যবহারের উপায় কি—ইহাই লোকের ভাবনার বিষয় হওয়া উচিত। কি করা আবশ্যক সে সম্বন্ধে আমরা নিম্নোক্ত কয়েকটি প্রস্তাব উত্থাপন করিতেছি।

১। তসর তৈয়ারীতে পাটের দরকার। পাট ও রেশম একটর পর একটি, এইরূপ টানা-পোড়েনে দিলে উৎকৃষ্ট পরিচ্ছদের বস্ত্র হইবে।

২। রাশান্ ক্রাশ্ নামীয় বস্ত্রে কিছু কিছু পাট মিশ্রিত।

৩। কার্পেট পাট হইতে আরও বেশী পরিমাণ তৈয়ারী করা চলে।

৪। রঙীন পাটের আঁশ দিয়া সতরঞ্চি তৈয়ারী করা যায়।

৫। ঝাড়িবার পুঁছিবার কাজে ঢাকড়ার পরিবর্তে পাট ব্যবহার করা চলে। নাকড়ার পুতুল, ক্রিকেটের কোচি কোচি বল এবং যেখানেই কোনও রূপ গদীর প্রয়োজন, সেখানেই পাটের প্রয়োগ চলে।

৬। পাটের রঙীন ভোরাকাটা চিকণ আঁশের দ্বারা জার্মানীতে এক সময় ওয়াল-পেপারের কাজ চালানো হইত।

৭। চামড়ার পরিবর্তে জুতার শুকতলা পাটের

হওয়া সম্ভব। চটিজুতার ঐরূপ শুকতলা হওয়া উচিত।

৮। ‘টেপ্’-এর বা কিতার পরিবর্তে পাট ব্যবহার করা যায়।

৯। যেখানে ক্যানভাস ও বিদেশের ক্যানভাস প্রয়োগ চলিতেছে, সেখানেই মোটা আঁশের পাট ব্যবহার করা উচিত।

১০। আস্তর ও চূণকাম করিলে মোটা আঁশের পাট দিয়া বেড়া দেওয়া যায়।

১১। রঙীন আঁশের পাটের থলি দ্বারা ক্যানভাসের বা বিলাতি চামড়ার ব্যাগ বা ছেলেনের বইয়ের থলির কাজ চলে।


১২। পাটের বর্ণাতি বোধ হয় চমৎকার ম্যাকিণ্টশ বা তেরপলের কাজ দিবে।

১৩। শীতবস্ত্র পাটের সূতায় তৈয়ারী করা যাইতে পারে। নাতিশীতের দেশে পাতলা পশম ও টুইড্ কাপড়ের স্থান এইরূপ পাটের শীতবস্ত্র অধিকার করিতে পারে।


১৪। টেনিস্, ব্যাডমিন্টন্ ও মাছধরার জাল আলকাংরা ছোপানো পাটের সূতায় তৈয়ারী করা যায়।

১৫। পর্দা ও জানালার কাপড় পাটে তৈয়ারী হইতে পারে।

১৬। পাট হইতে বিছানার আবরণ হওয়া সম্ভব। যদি পাটের সুন্দর রঙীন ছিট বুনা যায়, তাহা হইলে ‘বেজ্’-এর পরিবর্তে উহাতে শেজের ঢাকনা করা চলে।



বিখ্যাত এয়ারশিপ "আর ১০১"-এর অভ্যন্তর ও ধ্বংসাবশেষের দৃশ্য



ডায়েরী "আর ১০১"-এর বসিবার ও খাটাবার ঘর। মধ্যে—"আর-১০১"-এর ধ্বংসাবশেষ।

নং ৫—(১ম চিত্র) "আর-১০১"-এর

ভারতবর্ষ ও বাংলা

শিক্ষাকার্য্যে দান—

কৌশিল অব্‌ স্ট্রেটের সমস্ত এবং কাম্পতির ডি. লক্ষ্মীনারায়ণ শিল্পশিক্ষার উন্নতিকল্পে নাগপুর লক্ষ টাকা দান করিয়াছেন।

অধ্যাপক শ্রীবসন্তকুমার দাস, ডি-এস-সি (কলিকাতা বিশ্ববিদ্যালয়ের প্রাণীবিজ্ঞানের শ্রীবসন্তকুমার দাস মহাশয় লণ্ডনের ইম্পেরিয়াল বিশ্ববিদ্যালয়) যে বৈজ্ঞানিক গবেষণা করিয়াছিলেন বিশ্ববিদ্যালয় তাঁহাকে একটি স্বর্ণপদক, প্রস্তাবলী




অধ্যাপক শ্রীবসন্তকুমার দাস

যন্ত্র পুরস্কার দিয়া সম্মানিত করিয়াছেন। আপেলি ও জগতত্ত্ব সম্বন্ধে তাঁহার কাষাপ্রণালীর মৌলিকতার শ্রেষ্ঠত্ব ডাক্তার দাসের গবেষণার বৈশিষ্ট্যই তাঁহাকে বৈজ্ঞানিক জগতে যশের অধিকারী করিয়াছে।

ডাক্তার বসন্তকুমার দাস যুক্তপ্রদেশের গবর্নমেন্টে পাইয়া এখান হইতেই যাবতীয় উপকরণ বিলাত যান এবং তথাকার বিজ্ঞানাগারে সম্পূর্ণ সজ্জানে প্রবৃত্ত হন। বিবর্তনবাদ সম্বন্ধে তাঁহার বৈজ্ঞানিকদিগের বর্তমান ধারণায় কিছু পরিবর্তন

গ্রেটব্রিটেনে প্রাণীবিদ্যা অধ্যয়নকারী মধ্যে একমাত্র তিনিই জন্তুবিদ্যাভূমীলক বাতীত তথাকার জগৎবিখ্যাত রয়াল সোসাইটিতে তিনবার নিমন্ত্রিত হইয়া বক্তৃতা করিয়াছিলেন। উক্ত সভায় তিনি তাঁহার সর্বপ্রথম প্রতিপত্তি করিয়াছিলেন যে, কোন কি প্রকারে জলে নিমজ্জিত করিয়া ডুবাইয়া



ন্যাস ও কংগ্রেসের উদ্দেশ্য

সম্প্রদায়ের কেবল একটি কথাই আমরা
করিব। কি কারণে এই অর্ডিন্যান্স
তাহা বর্ণনা করিতে গিয়া লর্ড আক্কাইন

the declared intention of the
a still greater damage and suffering
I have considered it my duty to
powers as, in the opinion of my
assist in checking the activities
organizations, through which effect
to the mischievous programme of
obedience movement and other
nents."

লিখেছেন,*যে, কংগ্রেস সর্বসাধারণের
করিবার এবং সর্বসাধারণকে আরও
উদ্দেশ্য ঘোষণা করায় তিনি আরও
করা নিজের কর্তব্য মনে করিয়াছেন।
অসমর্থ করিবার নিমিত্ত নিজেই নিজের
ইচ্ছা ক্ষমতা গ্রহণ করুন, সে বিষয়ে
হেতু নাই। কিন্তু আমরা জানিতে
ব, কোথায়, কাহার মুখ দিয়া সর্ব-
দিবার ও ক্ষতিগ্রস্ত করিবার উদ্দেশ্য
ন। মানুষ খুব ভাল উদ্দেশ্যে কাজ
ন সর্বসাধারণের ক্ষতি হয় ও নানাবিধ
ও তাহার মিত্র রাজ্যসমূহ, তাহাদের
করিয়াছিলেন পৃথিবীতে স্থায়ী শান্তি
নিমিত্ত, জগতে গণতন্ত্র প্রতিষ্ঠিত
সব জাতিতে নিজ নিজ দেশের শাসন-
করিবার ক্ষমতা দিবার নিমিত্ত।
মহৎ উদ্দেশ্য থাক বা না-থাক, আমরা
উদ্দেশ্য এইরূপই ছিল। কিন্তু তাহা
হচ্ছে, ঐ যুদ্ধে ইংলও ও তাহার মিত্রদেশ-
গত হত ও আহত হইয়াছে, তাহাদের
পাইয়াছে, ঐ সব দেশের বাণিজ্যিক
হ, এবং ইংলও এখনও কুড়ি লক্ষেরও
হার রহিয়াছে। ঐ সব দেশের বুদ্ধিমান

ও চিন্তাশীল লোকেরা জানিতেন, যে, মহাযুদ্ধে এরূপ দুঃখ ও ক্ষতি অনাবধ্য। কিন্তু তা বলিয়া কি কেহ এরূপ বলা সম্ভব মনে করেন, যে, ইংলণ্ডের গবন্মেণ্ট যুদ্ধ ঘোষণা করিবার সময় ইংলণ্ডের সর্বসাধারণকে ক্ষতিগ্রস্ত করিবার ও দুঃখ দিবার অভিপ্রায় ঘোষণা করিয়াছিলেন, ফ্রান্সের গবন্মেণ্ট যুদ্ধ ঘোষণা করিবার সময় ফ্রান্সের জনসাধারণকে দুঃখ দিবার ও ক্ষতিগ্রস্ত করিবার অভিপ্রায় ঘোষণা করিয়াছিলেন, ইত্যাদি ?

তেমনি ইহা সত্য কথা, যে, অহিংস আইনলঙ্ঘন প্রচেষ্টা আরম্ভ হওয়ায় অনেকে ক্ষতিগ্রস্ত হইতেছে ও দুঃখ পাইতেছে, কিন্তু এইরূপ দুঃখ দেওয়া ও ক্ষতি করা কংগ্রেসের ঘোষিত (বা অঘোষিত গুপ্ত) অভিপ্রায় ? কখনই নহে। কংগ্রেসের ঘোষিত উদ্দেশ্য দেশে স্বরাজ প্রতিষ্ঠিত করা। গবন্মেণ্ট কিংবা অল্প কেহ সেই উদ্দেশ্যে বিশ্বাস না করিতে পারেন। কিন্তু অল্প সকল দেশের স্বাধীনতা-সংগ্রামে যে-সকল ক্ষতি ও দুঃখ হইয়াছে, তাহা যেমন স্বাধীনতা-সংগ্রামের নেতাদের উদ্দেশ্য ছিল না, কেবল আত্মরক্ষিক ব্যাপার মাত্র ছিল, কংগ্রেসের অহিংস সংগ্রাম সফল হইলে তাহাই মনে করা ও বলা যায় সম্ভব। অস্বচিকিৎসক দেহের অঙ্গবিশেষে যখন অস্ত্র প্রয়োগ করেন, তখন রোগীর কষ্ট হয়, কিন্তু কষ্ট দেওয়াটাই চিকিৎসকের উদ্দেশ্য ছিল, ইহা কোন বুদ্ধিমান সত্যবাদী ব্যক্তি বলিবেন না। অস্বচিকিৎসককে কখন কখন মাল্লের হাত পা চোখোঁকান কাটিয়া ফেলিতে হয়। তাহাতে তাহার অঙ্গহানি হয়। কিন্তু এইরূপ ক্ষতি করাটাই চিকিৎসকের উদ্দেশ্য ছিল বলিলে সত্য কথা বলা হয় না। উদ্দেশ্য, মাল্লকে নীরোগ করা, তাহার হিত করা।

—

নবম অভিন্যাসের ফল

নবম অভিন্যাস জারি করিবার কারণ বর্ণনা করিতে গিয়া বড়লাট বলিয়াছেন, যে, সর্বসাধারণের মত অহিংস আইনলঙ্ঘন প্রচেষ্টার বিরুদ্ধে ক্রমশই অধিক পরিমাণে প্রযুক্ত হইতেছে, এবং যদি তাহা আরও জোরের সহিত ইহার বিরুদ্ধে চালিত হয়, তাহা হইলে শীঘ্র দেশে এরূপ শৃঙ্খলা ও শান্তির অবস্থা পুনঃস্থাপিত হইবে, যাহাতে তিনি অভিন্যাসের মত রাজবিধি অনাবশ্যক বিবেচনা করিতে সমর্থ হইবেন। লোকমত ক্রমশঃ অধিক পরিমাণে কংগ্রেসের বিরুদ্ধে যাইতেছে, বড়লাট সরকারী খবর এইরূপ পাইয়াছেন। আমরা সেরূপ খবর পাই

নাই। আমরা ভারতীয় বলিয়া এবং সমস্ত দেশ হইতে খবর পাইবার যেরূপ ব্যবস্থা ভারত-গবন্মেণ্টের আছে, আমাদের তাহা নাই বলিয়া আমাদের ভ্রম হইতে পারে। কিন্তু বিলাত হইতে বিখ্যাত সাংবাদিক মিঃ ব্রেলস্‌ফোর্ড স্বয়ং গুজরাট ও বোম্বাই প্রেসিডেন্সীর অল্প কোন কোন অঞ্চল দেখিয়া লিখিয়াছেন, সমগ্র হিন্দু অধিবাসী কংগ্রেসের পশ্চাতে দাঁড়াইয়া উহার সমর্থন করিতেছে, এবং মুসলমানদেরও অল্পক—বিশেষতঃ শিক্ষিত ও তরুণ মুসলমানেরা—কংগ্রেসের সমর্থক। বড়লাট বা তাঁহার শাসনপরিষদের কোন সভ্য ব্রেলস্‌ফোর্ড সাহেবের মত স্বচক্ষে কোন অঞ্চল দেখেন নাই। স্বতরাং কাহার কথা অধিকতর ভ্রমশূন্য হইবার সম্ভাবনা, তাহা সহজেই বুঝা যায়। বস্তুতঃ বড়লাটের নিকট খবর প্রাদেশিক লাটদের নিকট হইতে আসে, তাঁহারা খবর পান কমিশনার ও জেলা ম্যাজিষ্ট্রেটদের নিকট হইতে, এবং শেষোক্ত হাকিমরা পুলিশ সুপারিন্টেন্ডেন্টের মারকং অধস্তন পুলিশ কর্মচারীদের নিকট হইতে পান। দেশে শৃঙ্খলা ও শান্তি পুনঃস্থাপনের ভার আছে পুলিশের উপর। তাহারা কি স্বীকার করিবে, যে, তাহাদের চেষ্টা বিফল হইতেছে ? তাহাদের পক্ষে ইহা বলাই স্বাভাবিক, যে, প্রচেষ্টাটার জোর ক্রমশঃ কমিয়া আসিতেছে। উহার জোর কমিবার একটা প্রমাণ এই দেওয়া হয়, যে, সত্যগ্রহীদের বিরুদ্ধে মোকদ্দমার সংখ্যা কমিতেছে। কিন্তু মোকদ্দমা কমান বাড়ান তো সম্পূর্ণরূপে পুলিশের হাতে ; এবং মোকদ্দমার সংখ্যার কোন বিশ্বাসযোগ্য বিবরণ প্রকাশিত হয় নাই। গ্রেপ্তার ও মোকদ্দমা না করিয়া পুলিশ অধিকতররূপে লাঠি চালান ও “ন্যূনতম বলপ্রয়োগের” অস্ত্রাস্ত্র স্ববিধিত উপায় অবলম্বন করিতেছে কি না তাহার কোন প্রমাণ নাই। বোম্বাইয়ের খবরের কাগজগুলিতে দেখা যায়, সেখানে লাঠিপ্রয়োগ পূর্বাপেক্ষা বাড়িতেছে।

সে যাহা হউক, নবম অভিন্যাসের ফল কিরূপ হইতেছে, তাহাই এখন বিবেচ্য। এই অভিন্যাস জারি হইবার আগেই পুলিশ কলিকাতায় কংগ্রেসের ও তৎসংশ্লিষ্ট কয়েকটি সমিতির আফিসে তালা লাগাইয়াছিল। এখন তাহাই সর্বত্র হইতেছে। আগেও পুলিশ খানাতল্লাসী করিয়া কাগজপত্র ও অস্ত্রাস্ত্র জিনিষ লইয়া যাইত, এখনও লইয়া যায়। কার্যতঃ বেশী তফাৎ হয় নাই। তবে আগে কাহারও মোটরগাড়ী বাজেয়াপ্ত হয় নাই, এখন তাহা হইতেছে। অবশ্য কংগ্রেসের আফিস পুলিশ আগে সর্বত্র বন্ধ করে নাই, এখন তাহা করিতেছে। তাহাতে কিন্তু এখনও কংগ্রেসের কাজ

অচল হয় নাই; কোথাও মাঠে, কোথাও গাছ-তলায়, কোথাও রাস্তায় আফিস বসিতেছে। কংগ্রেসের সংবাদপত্রসকলও বাহির হইতেছে। বোম্বাই প্রেসিডেন্সীতে সত্যাগ্রহের জোর বেশী; সেখানে কংগ্রেসের আফিস করিবার বাড়ীর অভাব হইতেছে না—বিশেষতঃ বোম্বাই শহরে ও আহমেদাবাদ শহরে। বোম্বাইয়ে পুলিশের সহিত লোকে পরিহাসও করিতেছে। পুলিশ সেখানকার একটি বড় বাড়ীতে স্থাপিত কংগ্রেস আফিস থানাতল্লাস করে ও তল্লাসের পর তাহা তালাবদ্ধ করে। জিনিষপত্র সেখানে কিছুই ছিল না, কেবল একগাদা পুরাতন জুতা ছিল। বোম্বাইয়ে ও আহমেদাবাদে অনেক গৃহস্থ নিজের নিজের বাড়ীতে “কংগ্রেস আফিস” বলিয়া সাইনবোর্ড ঝুলাইয়াছে।

সত্যাগ্রহকে গবন্মেণ্ট বৈপ্রতিক ব্যাপার বলিতেছেন। যাহাদের পাখি বিষয়সম্পদ বেশী, তাহারা ই বিপ্রবকে সন্মাপেক্ষা বেশী ভয় করে। কিন্তু সত্যাগ্রহের জোর বোম্বাইয়ে সকলের চেয়ে বেশী হওয়া সত্ত্বেও তথাকার বিদেশী কাপড়ের বাজার অনিদিষ্ট কালের জন্ত বন্ধ আছে, পুলিশ খুলাইতে পারে নাই। এবং “ব্যাপারী মহামণ্ডল” নামক সেখানকার সকল বণিক্‌সমিতির সংঘ বড়লাটকে তারযোগে নবম অক্টোবরের বিরুদ্ধে একটি দীর্ঘ সমালোচনা ও প্রতিবাদ পাঠাইয়াছেন।

বিলাতী কাপড় ও অহান্য কোন কোন বিলাতী মালের কাটুতি কিরূপ কমিয়াছে এবং ক্রমশঃ কিরূপ কমিতেছে তাহার বৃত্তান্ত খবরের কাগজে বাহির হইয়াছে।

—

গুজরাটে সত্যাগ্রহ

গুজরাটের বারদোলী এবং অন্যান্য তালুককার অনেক গ্রামের চাষী গৃহস্থেরা সরকারী জমীর খাজানা না দিয়া ঘরবাড়ী জমী জায়গা ছাড়িয়া অন্যত্র চলিয়া গিয়াছে। তাহাদের সংখ্যা পঞ্চাশ হাজারেরও অধিক। ব্রেসলফোর্ড সাহেব স্বয়ং এই সকল গ্রাম দেখিয়া তাহাদের অবস্থা বর্ণনা করিয়াছেন। তিনি বলিয়াছেন, হাজার হাজার লোকের এই প্রকারে স্বেচ্ছায় ঘরবাড়ী ছাড়িয়া অন্যত্র চলিয়া যাইবার দৃষ্টান্ত কোন দেশের ইতিহাসে পাওয়া যায় না। তাহার নিকট গুজরাটী গ্রামবাসীরা পুলিশের ন্যূনতম বলপ্রয়োগের যে সকল বর্ণনা করিয়াছেন, তিনি তাহা লিপিবদ্ধ করিয়াছেন। তত্ত্বাত্ত্বিক কমিশনার গ্যারেট সাহেব তাহার নিকট এই সব বৃত্তান্ত শুনিয়া স্বয়ং দেখিবার জিনিষের নিমিত্ত কোন কোন জায়গায় যান। তাঁহাকে

চাষীরা স্পষ্টভাবে বলিয়াছে, স্বরাজ না পাইলে তাহারা খাজানা দিবে না। বলপ্রয়োগের বর্ণনা তিনি অসত্য বলিতে পারেন নাই, অথচ পুলিশ কেন প্রহার করিল তাহাও নাকি বুঝিতে পারেন নাই। পুলিশের কোথাও কোথাও লাঠি চালাইবার এই একটা কারণ তিনি অস্বীকার করেন যে, সেখানে হয়ত আন্দোলনকারী কোন কোন লোক ছিল। কিন্তু আন্দোলনকারী কোথাও থাকিলে পুলিশ তাহাকে ঠেঙাইতে পারে, ইহা কোন আইনে বা অভিজ্ঞানে নাই। যে আইন লঙ্ঘন করে, কোন কোন অপরাধের জন্ত তাহাকে গ্রেপ্তার করিবার অধিকার পুলিশের আছে। কিন্তু আন্দোলনকারী মাছেই আইন-লঙ্ঘক বা ঐক্যপূর্ণ অপরাধী নহে। দৃষ্টান্তরূপ বলি যাইতে পারে, ভারতবর্ষের দেশী বিদেশী প্রত্যেক সম্পাদক কোন না-কোন প্রকার আন্দোলন করে, কিন্তু তাহাদিগকে ঠেঙাইবার ব্যবস্থা কোন আইন বা উপআইনে নাই।

—

গুজরাটের গৃহত্যাগীদিগকে ফেরত চাওয়া

গুজরাটের বারদোলী ও অহান্য কোন কোন অঞ্চলের অনেক চাষী গৃহস্থ বড়োদা রাজ্যে নিজ নিজ আত্মীয়-কুটুম্বদের বাড়ীতে আশ্রয় লইয়াছে। খবরের কাগজে বাহির হইয়াছে, যে, বোম্বাইয়ের গবন্মেণ্ট বড়োদা গবন্মেণ্টের নিকট এই সব গৃহত্যাগী প্রজাদিগকে ফেরত পাঠাইতে বলিয়াছেন। বড়োদা গবন্মেণ্ট কি করিবেন জানি না। কিন্তু বড়োদা ভারতীয় করদ ও মিত্ররাজ্য-সমূহের অন্তর্ভুক্ত না হইয়া যদি স্বাধীন দেশ-সমূহের মধ্যে খুব ছোটো হইত, তাহা হইলেও ব্রিটিশ গবন্মেণ্ট তাহার নিকট হইতে গৃহত্যাগী প্রজা ফেরত চাহিতে পারিতেন না। কারণ, এই সকল গুজরাটী গৃহস্থ চুরি ডাকাতী জাল জুয়াচুরি খুন লুণ্ঠ বা গুরুতর আঘাত প্রভৃতি কোন রকমেরই অপরাধ করে নাই। তাহাদের কাহারও কাহারও কাছে বোম্বাই গবন্মেণ্ট যে সামান্য খাজানা পাইবেন, তাহা অপেক্ষা অনেক বেশী মূল্যের ঘরবাড়ী জমী তাহারা রাখিয়া গিয়াছে; তাহা হইতেই খাজানা আদায় হইবে। ভিন্ন ভিন্ন দেশের মধ্যে একটা ভিত্তির অর্থাৎ বিদেশ হইতে আগত অপরাধীকে দেশের কষ্টপক্ষে হস্তে সমর্পণের যে ব্যবস্থা আছে, তাহাও রাজনৈতিক—বিশেষতঃ অহিংস রাজনৈতিক—অপরাধের জন্ত প্রযুক্ত হইতে পারে না।

—

“ন্যূনতম বলপ্রয়োগ”

বড়লাট বলিয়াছেন, পুলিশ বাধ্য হইয়া “ন্যূনতম বলপ্রয়োগ” করিয়া থাকে। অল্প কোন কোন লাটও এইরূপ কথা বলিয়াছেন। এইরূপ উক্তি সম্বন্ধে সাধারণভাবে জিজ্ঞাস্য এই, যে, ভারতীয় ব্রিটিশ কোন আইন বা অর্ডিন্যান্স অনুসারেও যাহারা কোন দোষ করে নাই, তাহাদের অনেকের প্রতিও পুলিশ বলপ্রয়োগ করিয়াছে ও করে কি না? যাহারা গ্রেপ্তারে কোন বাধা দেয় না এবং যাহাদিগকে গ্রেপ্তার করিলেই চলে, তাহাদের প্রতি ন্যূনতম বা অধিকতম কোন প্রকার বলপ্রয়োগের প্রয়োজন, ত্রাঘাতা ও বৈধতা কোথায়? কি প্রকার বলপ্রয়োগকে ন্যূনতম বলপ্রয়োগ বলে? ন্যূনতম ও তদপেক্ষা অধিক বলপ্রয়োগের মাপকাঠি কি? বোম্বাইয়ের একটি দৃষ্টান্ত লওয়া যাক।

বোম্বাইয়ের চিকিৎসক সম্মেলনের (Bombay Medical Union) কাযনির্বাহক কমিটির ২২শে অক্টোবর ১৯৩০ অবিশেষণে উহার অবৈতনিক সম্পাদক ডাক্তার দেশমুখ, এম ডি (লণ্ডন), এফ আর সি এস (লণ্ডন), মহাশয়ের সভাপতিত্বে নিম্নলিখিত প্রস্তাবটি গৃহীত হয়:—

“That the Managing Committee of the Bombay Medical Union looks upon with horror and disgust the very high percentage (62 p. c.) of head injuries inflicted on the public by the police during their lathi charges on Sunday the 26th October, 1930.”

তৎপাশ্বে, “বোম্বাই চিকিৎসক সম্মেলনের কাযনির্বাহক কমিটি, ২৬শে অক্টোবর সর্বসাধারণের উপর পুলিশের লাঠি প্রয়োগ দ্বারা আহত লোকদের মধ্যে মৃত্যুকে আঘাতের সংখ্যা (শতকরা ৬২), বীভৎস ও বিভীষিকাজনক মনে করেন।”

এইরূপ মনে করিবার কারণ এই, যে, চিকিৎসা-শাস্ত্রের ইহা একটি সর্ববাদিসম্মত সত্য, যে, মৃত্যুকে সামান্য আঘাতেরও ফল গুরুতর হইতে পারে বলিয়া তাহাকে অকিঞ্চিৎকর মনে করা উচিত নয়।

বোম্বাইয়ে পুলিশ কোন তারিখে লাঠি চালাইয়া আহত লোকদের মধ্যে কত জনের মৃণা জখম করিয়াছিল কমিটি তাহার একটি তালিকা দিয়াছেন; যথা, বর্তমান বৎসরের

২১শে জুন	শতকরা	১০	জনের মৃণা জখম
১১ই জুলাই	”	১৩	”
২রা আগষ্ট	”	১৯	”
১৮ই সেপ্টেম্বর	”	২০	”
২৬শে অক্টোবর	”	৬২	”

মৃতরাং কমিটি এই সিদ্ধান্তে উপনীত হইয়াছেন, যে, “২৬শে অক্টোবর বোম্বাই পুলিশ যে বলপ্রয়োগ করিয়াছিল, সর্বসাধারণকে যথাসম্ভব গুরুতর আঘাত করিবার জন্যই তাহা করিয়াছিল।” এই সিদ্ধান্ত সম্বন্ধে বোম্বাই গবন্মেণ্টের মত জানা যায় নাই।

পুলিসের ন্যূনতম বলপ্রয়োগের ফলে কেবল যে বোম্বাইয়েই অনেকে গুরুতর আঘাত পাইতেছে তাহা নহে, অন্তান্ত প্রদেশেও ইহা ঘটিতেছে; যেমন আসামের শ্রীহটে, বঙ্গের ঢাকা শহরে, মেদিনীপুর জেলার নানা গ্রামে, ইত্যাদি। আসামে ও বঙ্গে ন্যূনতম বলপ্রয়োগের বৃত্তান্ত বাংলা দৈনিক কাগজে বাহির হইয়াছে। এই সকল বৃত্তান্তে কেবল লোকদের দৈনিক আঘাত এবং স্থল-বিশেষে মৃত্যুর অভিযোগই যে আছে, তাহা নহে, সম্পত্তিনাশের অভিযোগও আছে। শ্রীযুক্ত যতীন্দ্রনাথ বসুকে সভাপতি করিয়া যে অতঃসন্ধান কমিটি নিযুক্ত হইয়াছিল, তাহাদের রিপোর্টে এই সব কথা আছে। রিপোর্টগুলি বড়লাট ও বঙ্গের লাটকে পাঠান হইয়াছে বলিয়া প্রকাশ। তাহারা তাহা পাইয়া কি করিয়াছেন, জানা যায় নাই।

নারীদের প্রতি দুর্ব্যবহারের অভিযোগে বোম্বাই-লাট

বোম্বাই শহরে ২৬শে অক্টোবর জাতীয় পতাকা অভিবাদন উপলক্ষে পুলিশ সভাস্থ মহিলাদের হাত হইতে পতাকাগুলি কাড়িয়া লইবার জন্ত তাহাদের গায়ে হাত দেয় ও ধমকাদম্বি করে, এবং কতকগুলি মহিলাকে একটা মোটরগাড়ী করিয়া একটা জঙ্গলে ছাড়িয়া দিয়া আসে, এইরূপ সংবাদ বোম্বাইয়ের কাগজে বাহির হয়। বোম্বাইয়ের মেয়র ও দেশীয় বণিকদের চেম্বারের সভাপতি শ্রীযুক্ত হোসেনভাই লালজি বোম্বাই-লাটকে জানান যে, এই কারণে শহরে খুব উত্তেজনা হইয়াছে এবং তাহাকে জিজ্ঞাসা করেন, এ বিষয়ে গবন্মেণ্ট কি মনে করেন এবং কি প্রতিবিধান করিতে ইচ্ছা করেন। উত্তরে বোম্বাই-লাট স্তার ফ্রেডরিক সাইক্স লিখিয়াছেন, যে, “তিনি দুটি ঘটনা সম্বন্ধেই পূরা তদন্ত করাইয়াছেন এবং তদ্বারা জানিতে পারিয়াছেন, যে, খবরের কাগজে প্রকাশিত সংবাদ অত্যন্ত অত্যুক্তিপূর্ণ। একটা অপরাধের জন্ত মহিলাদিগকে গ্রেপ্তার করা হয়, এবং তাহাদের বিচার করিয়া জেলে না পাঠাইয়া তাহাদিগকে পুলিশের একটি গাড়ীতে করিয়া বড় রাস্তার এমন এক জায়গায় ছাড়িয়া

দেওয়া হয় যেখানে সর্বদা গাড়ী চলাচল হয়। সুতরাং তাহাদের কোন বিপদের সম্ভাবনা ছিল না। ইহাকে অমানুষিক দুর্গাবহার বলা যায় না। কিন্তু ইহাতে সর্বসাধারণের মন উত্তেজিত হওয়ায় পুলিশ কমিশনার বলিয়াছেন, যে, এরূপ আর করা হইবে না।”

লাটসাহেবের এই কৈফিয়টের কোন মূল্য নাই। পুলিশের ব্যবহার অমানুষিক না হইতে পারে—আমরাও ওজন না করিয়া কড়া-কড়া বিশেষণ ব্যবহারের পক্ষপাতী নহি—কিন্তু ইহা যে দুর্গাবহার তাহাতে সন্দেহ নাই। যদি উহা দুর্গাবহার না হইবে, যদি উহা নিতান্ত অনাবশ্যক ও উচ্ছৃঙ্খল বেআইনী কাজ না হইবে, তাহা হইলে “উহা আর করা হইবে না” কেন বলা হইতেছে? লোকের মন উত্তেজিত হইতেছে, অতএব ইহা আর করা হইবে না, বলায় কেহ ভুলিবে না। লাঠিপ্রয়োগেও ত সর্বসাধারণের মন উত্তেজিত হইতেছে, কিন্তু তাহা ত বন্ধ করা হইতেছে না। তাহার কারণ এই যে, গবর্নমেন্ট মনে করেন সত্যগ্রহ দমন করিবার তাহা একটা উপায়।

বোম্বাই-লাট যে তদন্ত করাইয়াছেন, তাহা সম্ভবতঃ পুলিশের বা তথিধ সরকারী চাকরাদের দ্বারা। তাহারা যাহা বলিবে, তাহাই বেদবাক্য। এক্ষেত্রে এই সরকারী তদন্তের ফল সত্য বলিয়া বোম্বাইয়ের কোন শ্রেণীর লোক যে বিশ্বাস করে না, তাহার প্রমাণ এই যে, বোম্বাইয়ের মিউনিসিপালিটির সভায় কেবল তিন জন ছাড়া সব সভ্যের মতে পুলিশের বিরুদ্ধে প্রস্তাব গৃহীত হইয়াছে, পারসীদের সভায় পুলিশের কাজের নিন্দা হইয়াছে, বোম্বাইয়ের বহুসংখ্যক নাইটদের পত্নী লেডিদের ও অন্তঃসম্ভ্রান্ত মহিলাদের দ্বারা আহৃত এক বৃহৎ নারীসভায় পুলিশের কাজ নিন্দিত হইয়াছে, এবং বোম্বাইয়ের পঁচিশ হাজার লোকের স্বাক্ষরযুক্ত এক অনুরোধপত্র তথাকার শেরিফকে এই ঘটনার আলোচনা করিবার জন্য নগরবাসীদের এক সভা আহ্বান করিতে বলা হইয়াছে। [পরে প্রকাশ, অনুরোধ বন্ধিত হয় নাই।]

মহিলাদিগকে গ্রেপ্তার করিয়া জেলে না পাঠাইতে ত কেহ অনুরোধ করে নাই, অনেক মহিলাকে ত জেলে পাঠান হইয়াছে। আইন যেমনই হউক, আইন অঙ্গসারে কাজ হইলে ত সত্যগ্রহীরা তাহাতে আপত্তি করে না। জঙ্গলের কাছে না হইলেও শহর হইতে দূরে মহিলাদিগকে ছাড়িয়া দিয়া আসাটা কি রকম ব্যবহার? তাঁহারা ইটিয়া বাড়ী পৌছিবেন এরূপ কেন মনে করা হইয়াছিল? কিংবা ভাড়াটিয়া গাড়ী জুটিবে এবং মহিলাদের কাছে ভাড়াও থাকিবে, ইহাই বা কেন ধরিয়া লওয়া হইয়াছিল?

বস্তুতঃ কিন্তু মহিলাদিগকে জঙ্গলের ধারে ছাড়িয়া দেওয়া হইয়াছিল, এবিষয়ে কোন সন্দেহ নাই। বোম্বাইয়ের সম্ভ্রান্ত হাজার হাজার পুরুষ ও মহিলা মিথ্যা কথা বলিতেছেন এবং পুলিশের লোকেরাই সত্য কথা বলিতেছে, ইহা বিশ্বাসযোগ্য নহে।

এই রকম ব্যাপার নূতন নহে। মেদিনীপুর জেলায় কতকগুলি মহিলাকে পুলিশ গ্রেপ্তার করিয়া গাড়ী করিয়া লোকালয় হইতে অনেক দূরে লইয়া গিয়া ছাড়িয়া দিয়াছিল। লক্ষ্যেতে পুলিশ কতকগুলি মহিলাকে অন্ধকার রাত্রিতে শহর হইতে দূরে মাঠে ছাড়িয়া দিয়া আসিয়াছিল।

জাতীয় পতাকা কাড়িয়া লইবার জন্য মেয়েদের গায়ে হাত দেওয়া ও ধস্তাধস্তি করা সম্বন্ধে বোম্বাই-লাট বলেন, “আমি দেখিতেছি, কোন স্থলেই ন্যূনতম বল অপেক্ষা বেশী বল প্রযুক্ত হয় নাই। একটি বে-আইনী সভা দ্বারা জাতীয় পতাকা অভিযান অচুচানের বন্দোবস্ত হইয়াছিল, এবং ঐ অচুচান নিষেধ করা হইয়াছিল। ঐ নিষেধাজ্ঞা লঙ্ঘনে বাধা দিবার জন্য পুলিশকে পতাকাগুলি কাড়িয়া লইতে হয়। মহিলারা তাহাতে যথাস্থিতি বাধা দিতে-ছিলেন। সুতরাং কিছু টেলেঠেলি কাড়াকাড়ি অনিবার্য হইয়াছিল। নারীদের প্রতি বলপ্রয়োগে আমার চেয়ে কেহ বেশী দুঃখিত নহে। কিন্তু যাহারা নারীদিগকে আইনলঙ্ঘকের অবস্থায় স্থাপিত করেন দায়িত্ব তাঁহাদের। অতীত কয়েক মাস ধরিয়া কংগ্রেস মহিলাদিগকে সামনে খাড়া করিতেছেন, বে-আইনী সভা মিছিল প্রভৃতি কাজে তাঁহাদিগকে যোগ দেওয়াইতেছেন। অতঃপরে সব দেশে নারীরা আইন অগ্রাহ্য করায় ব্যাপ্ত হইয়াছিল, সেখানে পুলিশ যেরূপ প্রণালীতে কাজ করিয়াছিল, এখানে তাহারা তাহা অপেক্ষা কম কড়া ব্যবহার করিতেছে। সর্বসাধারণের মধ্যে সাধারণ বিবেচনা ও কাণ্ডজ্ঞানের জয় হইবে, আশা করা যায় না কি? যদি পুরুষ ও নারীরা আইন ভঙ্গ করিতে থাকে, তাহা হইলে, আমার আশঙ্কা হয়, উভয়ের বিরুদ্ধেই সমভাবে আইনের মধ্যাদা রক্ষা করা ভিন্ন উপায় নাই।”

কর্জপন্দের মুখে আইনের মধ্যাদা রক্ষার কথা শুনিলে হাসি পায়।

যেখানে বলপ্রয়োগের কোনই প্রয়োজন ছিল না, সেখানে প্রযুক্ত বলটা ন্যূনতম বা অধিকতম ছিল, তাহা বিবেচনা করা অনাবশ্যক। যেসকল মহিলার হাতে জাতীয় পতাকা ছিল, তাঁহাদিগকে গ্রেপ্তার করিলেই হইত। অন্তঃসম্ভ্রান্তদের মত তাঁহারা তাহাতে বাধা দিতেন না। ব্রিটিশ সাম্রাজ্যের অন্তর্গত সব

স্বশাসক ভোম্বীনিয়নের এক একটা জাতীয় পতাকা আছে, এবং ভারতসচিব ওয়েজউড বেনের মতে গত দশ বৎসর ভারতবর্ষ কাৰ্য্যতঃ ভোম্বীনিয়নয় ভোগ করিতেছে। তাহা হইলে ভারতবর্ষের লোকদের একটি জাতীয় পতাকা কেন থাকিবে না? যাহা ভারতবর্ষের জাতীয় পতাকা বলিয়া অহিংস আইনলঙ্ঘন প্রচেষ্টার আগে হইতেই ভারতবর্ষের সব প্রদেশে ব্যবহৃত হইয়া আসিতেছে, এ পর্য্যন্ত তাহা আইনবিরুদ্ধ বলিয়া কোন আইনে অভিযান্ত্রে বা হাইকোর্টের রায়ে ঘোষিত হয় নাই। সুতরাং তাহা কাড়িয়া লইবার আইনসম্মত অধিকার পুলিশের নাই। আইনসম্মত অধিকারের কথা বলিতেছি এই জন্য, যে, বোম্বাই লাট স্বয়ং আইনের মৰ্যাদা রক্ষার কথা তুলিয়াছেন।

তাহার পর মেয়েদের গায়ে হাত দেওয়া ও ধস্তাধস্তি করা। আগেই বলিয়াছি, জাতীয় পতাকা কাড়িয়া লইবার অধিকার পুলিশের নাই। মহিলারা পতাকাগুলি নিজেদের হাতে রাখিবার যে চেষ্টা করিয়াছিলেন, তাহা সম্পূর্ণ আইনসম্মত। কেহ তাঁহাদের বসন-ভূষণ কাড়িয়া লইবার চেষ্টা করিলে তাহা রক্ষা করিবার অধিকার যেমন তাঁহাদের আছে, নিজ নিজ হস্তস্থিত জাতীয় পতাকা রক্ষার অধিকারও তেমন আছে। মহিলারা অন্য দেশে আইন ভঙ্গ করিলে পুলিশ আবও অধিক কঠোর ব্যবহার করিয়াছে, বোম্বাই লাট বলিয়াছেন। কিন্তু পাশ্চাত্য দেশে নারীরা—যেমন ইংলণ্ডের ভোটলাভাধিনী সাক্সাফ্রেট মহিলারা—যে আইনলঙ্ঘন করিয়াছিলেন তাহা নিকপদ্রবভাবে নহে, এবং তাঁহাদিগকে পুলিশ গ্রেপ্তার করিতে গেলে তাহাতে তাঁহারা বাধা দিয়াছেন। সুতরাং তাঁহাদের সম্বন্ধে গায়ের জোর খাটান চলিয়াছিল বলিয়া ভারতবর্ষের নিকপদ্রব সত্য-প্রিয়াদের প্রতিও বল প্রযুক্ত হইতে পারে, ইহা যুক্তিসম্মত নহে। বোম্বাই-লাট আর একটা কথা তুলিয়া যাইতেছেন। ভারতবর্ষের মহিলাদের ও পাশ্চাত্য মহিলাদের অঙ্গস্পর্শ সম্বন্ধে সংস্কার সম্পূর্ণ পৃথক্। পাশ্চাত্য দেশে যে-কোন পরিচিত পুরুষের সহিত ভদ্র মহিলাদেরও হাত দিয়া অঙ্গ স্পর্শ করিয়া মৃত্যু করা চলিত রীতি। আমাদের দেশে পুরুষদের সহিত শেক্ষাণ্ড (করকম্পন) করাও ভদ্রমহিলাদের চলিত রীতি নহে। সুতরাং এ দেশে মহিলাদিগকে ঠেলাঠেলি করা গুরুতর অশিষ্টতা।

বামনদাস বস্তু

পূজার ছুটির জগৎ কাণ্ডিকের প্রবাসী কার্তিক মাস আরম্ভ হইবার পূর্বেই প্রকাশিত হইয়াছিল। এইজগৎ আমরা যথাসময়ে প্রয়াগনিবাসী শ্রীযুক্ত বামনদাস বস্তু মহাশয়ের মৃত্যু-সংবাদ প্রবাসীতে মুদ্রিত করিতে পারি নাই। তাঁহার মত বিদ্বান, চরিত্রবান, কৃত্তী ও দেশ-ভক্ত ব্যক্তির মৃত্যুতে প্রবাসী বাঙালী সমাজের মুহূর্তমনি ধসিয়া পড়িয়াছে, ভারত-আকাশের অন্যতম জ্যোতিষ্ক অন্তমিত হইয়াছে।

মেজর বস্তু মহোদয়ের সম্বন্ধে পৌষের প্রবাসীতে একটি সচিত্র প্রবন্ধ প্রকাশিত হইবে। এইজগৎ এখন আর কিছু লিখিলাম না।

নিরালম্ব স্বামী

গৃহস্বাম্যে নিরালম্ব স্বামীর নাম ছিল শ্রীযতীন্দ্রনাথ বন্দ্যোপাধ্যায়। বর্ধমান জেলার চন্না নামক গ্রামে তাঁহার



নিরালম্ব স্বামী

জন্ম হয়। মৃত্যুকালে তাঁহার বয়স প্রায় তিন্মাস বৎসর হইয়াছিল। প্রবাসীর সম্পাদক এলাহাবাদের কায়স্থ

পাঠশালা কলেজের প্রিন্সিপ্যাল থাকিবার সময় শ্রীমান যতীন্দ্রনাথ তাঁহার ছাত্র ছিলেন। তিনি বুদ্ধিমান ছাত্র ছিলেন, লিখিবার ক্ষমতাও তাঁহার ছিল; কিন্তু পরীক্ষার জগৎ পঠনীয় পুস্তক পাঠে তেমন মনোযোগী তিনি ছিলেন না। কলেজ ছাড়িয়া যাইবার পর তাঁহার জীবনের সকল ঘটনা অবগত নহি। তিনি কিছু কাল বড়োদা রাজ্যের সৈনিক বিভাগে কাজ করিয়াছিলেন এবং আধুনিক রণকৌশল অনেকটা আয়ত্ত করিয়াছিলেন। তিনি যখন বড়োদায় ছিলেন, তখন শ্রীযুক্ত অরবিন্দ ঘোষ তথাকার শিক্ষা-বিভাগে উচ্চপদে অধিষ্ঠিত ছিলেন। কথিত আছে, শ্রীযুক্ত অরবিন্দ ঘোষ যতীন্দ্রনাথের নিকট হইতে ভারতবর্ষের স্বাধীনতা মন্ত্র লাভ করেন। অরবিন্দ, তাঁহার ভ্রাতা বারীন্দ্র, উরাসকর দত্ত, প্রভৃতি যখন আলিপুরে রাজদ্রোহের মড়ক আদি অভিযোগে অভিযুক্ত হন, তখন যতীন্দ্রনাথও অভিযুক্ত হইয়াছিলেন। তাঁহার বিরুদ্ধে কোন প্রমাণ না থাকায় তাঁহাকে ছাড়িয়া দেওয়া হয়।

নিরালম্ব স্বামী শেষজীবনে শ্রামাকান্ত বন্দ্যোপাধ্যায় ওরফে সোহহম স্বামীর শিষ্য গ্রহণ করেন। তিনি আত্মগণনির্মাণ, তিব্বত এবং নির্বটবত্তী অজ্ঞাত দেশে ভ্রমণ করিয়াছিলেন। তিনি দীপাক্রান্তি নির্ভীক পুরুষ ছিলেন। প্রবাসীতে কয়েকটি প্রবন্ধ লিখিয়াছিলেন। ১৩১২ সালে প্রয়াগে যে কুস্তমেল। হয়, সেই সময় তিনি প্রবাসী-সম্পাদকের যেটা পাচার বাসায় থাকিতেন। দিবসের অধিকাংশ সময় নিজের কামরায় দরজা বন্ধ করিয়া থাকিতেন। নিজের গৈরিক বসন এবং একটি কি দুটি কথল তাঁহার একমাত্র সঞ্চল ছিল। তিনি সম্যাসী বলিয়া সম্যাসীদের ব্যবহৃত নানা কথা তাঁহার জানা ছিল। সম্যাসী বলিয়াই তাঁহার সঙ্গে গেলে বৃষ্টিমেলার সমুদয় আথাড়া আদি দেখিবার সুবিধা হইবে বলিয়া একদিন আমরা তাঁহার সঙ্গে মেলা দেখিতে গেলাম। নৌ-চালনায় তিনি দক্ষ ছিলেন। মাঝিকে বিশ্রাম দিয়া নিজেই একটা নৌকা চালাইয়া আমাদের নিকট আসিয়া জায়গায় লইয়া গেলেন। সম্যাসী হইলেও সাংসারিক বৃহৎ ব্যাপার সম্বন্ধে তিনি মনটাকে নিলিপ্ত করেন নাই। তাঁহার দেশভক্তি প্রবল ছিল। যত সাধু সম্প্রদায়ের আথাড়ায় তিনি আমাদের নিকট আসিয়া যাইতেছিলেন, সর্বত্রই মোহন বা অল্প প্রধান সাধুদিগকে জিজ্ঞাসা করিতেছিলেন, তাঁহাদের গ্রন্থাদিতে এবং সাধুসন্তদিগের বাণীতে ভারতবর্ষ কখন স্বাধীন হইবে সে বিষয়ে কিছু উক্ত আছে কি না। প্রায় সকলেই উত্তর দেন, ওরূপ সাংসারিক বিষয় সম্বন্ধে

তাঁহারা উদাসীন এবং কিছু জানেন না। কেবল গরীবদাসী সম্প্রদায়ের একজন প্রৌঢ় সাধু, সম্যাসী যতীন্দ্রনাথ নির্বন্ধাতিশয় প্রকাশ করায়, বলিলেন, “আমাদের একখানি গ্রন্থে [বা একটি সম্ভবানীতে, ঠিক কিসে বলিয়াছিলেন, এখন মনে নাই] আছে, ভারতবর্ষ আটাশ বৎসর পরে স্বাধীন হইবে।” সন ১৩১২ হইতে আটাশ বৎসর ১৩৪০ সনে পূর্ণ হয়। ভবিষ্যদ্বাণীর সম্ভাব্যতা ও সত্যতায় ঠাহারা বিশ্বাস করেন না, মনের মত ভবিষ্যদ্বাণীতে তাঁহাদেরও কতকটা গুপ্ত বিশ্বাস থাকিতে পারে। স্মরণ্য বলা বাহুল্য, সাধুটির কথা শ্রোতাদের ভাল লাগিয়াছিল।

নিরালম্ব স্বামীর আগ্রহ তাঁহার জন্মগ্রাম চন্নাতেই অবস্থিত ছিল। গত ১২শে ভাদ্র তিনি দেহরক্ষা করেন।

শান্তিনিকেতনে জুজুংস শিক্ষা

শান্তিনিকেতনে শ্রীযুক্ত এম্‌ তাকাগাকি জাপানী ব্যায়াম ও কুস্তি জুজুংস শিক্ষা দিয়া থাকেন। জাপানে এই ব্যায়াম শিক্ষা দিবার যত খুব বিখ্যাত শিক্ষক আছেন, তিনি তাহার মধ্যে একজন। শান্তিনিকেতনে অনেক ছাত্র ও ছাত্রী এবং অল্প কোন কোন ব্যক্তি তাঁহার নিকট হইতে এই বিদ্যা শিক্ষা করেন। বালিকা ও বালকদের মধ্যে অনেকে ইতিমধ্যেই জুজুংস শিক্ষায় অনেক দূর অগ্রসর হইয়াছে। গত সেপ্টেম্বর মাসে জাপানী শিক্ষকের ছাত্রছাত্রীরা এই বিদ্যা কিরূপ আয়ত্ত করিয়াছে তাহা দেখাইবার জন্ত নানা প্রকার কৌশল প্রদর্শন করা হয়। জাপানী শিক্ষক শ্রীযুক্ত তাকাগাকির দুই জন জাপানী বন্ধুও কুস্তিতে যোগদান করেন। তাঁহারাও এ বিষয়ে ওস্তাদ।

যথানিয়মে জুজুংস অভ্যাস করিলে স্বাস্থ্যের উন্নতি হয়, ও শরীর বলিষ্ঠ হয়, এবং আততায়ীর কোন কোন প্রকার আক্রমণ হইতে জুজুংস দ্বারা বেশ আত্মরক্ষা করা যায়। এই জন্ত বাহা বা জুজুংস জানে তাহাদের সাহস ও মনের দৃঢ়তা বৃদ্ধি পায়। আমাদের দেশের পালোয়ান ও কুস্তিগীররা যে-প্রকার মল্লযুদ্ধ করে এবং যত প্রকার প্যাচ জানে ও ব্যবহার করে, তাহার সহিত জুজুংসের নানা প্যাচের কিরূপ সাদৃশ্য ও প্রভেদ আছে তাহা কোন ভারতীয় বিশেষজ্ঞ চর্চা করিলে বলিতে

পারিবেন, এবং জুজুংছ হইতে আমাদের দেশী
রীতি কী উন্নতি হইতে পারে কি না তাহাও
স্থির করিতে পারিবেন।



জুজুংছর একটি কোশল



শ্রীযুক্ত এস তাকাগাকি



শ্রীযুক্ত তাকাগাকি শিষ্যগণের জুজুংছ খেলা দেখিতেছেন

পাটের মূল্য হ্রাস

পাট বাংলা দেশের একটি প্রধান ফসল। যখন চাষীরা ইহার ভাল দাম পায়, তখনও পাটের ব্যবসায়ে এবং পাট হইতে মিলে নানাবিধ জিনিষ প্রস্তুত করিয়া যে লাভ হয়, তাহার তুলনায় চাষীরা সামান্য টাকাই পাইয়া থাকে। চাষীদের অজ্ঞতা এবং জোট বাধিয়া উপযুক্ত সময়ের অপেক্ষা করিয়া উপযুক্ত দরে ইহা বিক্রয় করিবার ক্ষমতার অভাব ইহার কারণ। বর্তমান বৎসরের মত যখন পাটের দর অত্যন্ত কমিয়া যায়, তখন ত চাষীদের মজুরীও পোষায় না।

এ বৎসর পাটের দর খুব কমিয়া যাওয়ায় চাষীদের খুব অন্নকষ্ট হইয়াছে। কোন কোন স্থান হইতে অনশনে মৃত্যুর সংবাদ পাওয়া যাইতেছে। কেবল চাষীরাই যে বিপন্ন হইয়াছে, তাহা নহে। তাহারা খাজানা দিতে না পারায় অনেক জমীদারের বিপদ হইয়াছে। কাহারও কাহারও জমীদারী নীলামে চড়িয়াছে বলিয়া সংবাদপত্রে খবর বাহির হইয়াছে। যত পাট দরকার তাহা অপেক্ষা উহা বেশী উৎপন্ন হইলে দর কমিবে, ইহা বুঝা সহজ। কোন্ বৎসর কত পাট দরকার হইবে যদি আগে হইতে তাহা অনুমান করিয়া উপযুক্ত পরিমাণ জমীতে পাটের চাষ করা হয়, তাহা হইলে অতিরিক্ত ফসল উৎপাদন হেতু দর কমিবার সম্ভাবনা থাকে না, ইহা বলাও সহজ। সব জেলায় চাষীদের কাছে এই কথাটা পৌছাইয়া দেওয়া ব্যয়সাধ্য ও শ্রমসাধ্য হইলেও দুঃসাধ্য নহে। কিন্তু পাটের চাষ কমান্ধিতে বলিলেও কোন্ জেলায় কোন্ গ্রামে কোন্ চাষী কত পরিমাণে কমান্ধিবে তাহা স্থির করা এবং স্থির হইলে সেই সিদ্ধান্ত অনুসারে সব চাষীকে কাজ করিতে বাধ্য করা যায় কিনা, তাহা বিবেচ্য। পাট চাষের পক্ষে কাহারও জমী ভাল, কাহারও মাঝারি গোছের, কাহারও মন্দ। কাহারও জমীতে কেবল পাটই হয় বলিয়া তাহারই উপর তাহার নির্ভর। কাহারও জমীতে বা অল্প ফসলও হয়। কাহারও নগদ টাকার বেশী দরকার, কাহারও হয়ত খাদ্য শস্তের প্রয়োজন বেশী। এবিধ ও অল্প নানা কারণে ভিন্ন ভিন্ন গ্রামের ভিন্ন

ভিন্ন চাষীর অবস্থার বিভিন্নতা ও বৈচিত্র্য আছে। হতরাং একটা সাধারণ ব্যবস্থা সর্বত্র সুপ্রযুক্ত হইতে পারে না। বস্তুতঃ পরামর্শ যিনিই দেন এবং সাধারণ বিধান যিনিই প্রদান করুন, তাহার প্রয়োজন থাকিলেও কৃষকেরা নিজে শিক্ষিত ও চিন্তাশীল না হইলে যথাযোগ্য প্রতিবিধান হইবে না। আমরা এ বিষয়ে বিশেষজ্ঞ নহি, হতরাং অধিক লিখিব না।

এ বিষয়ে শ্রীযুক্ত সুধীরকুমার সেনের লেখা যে-প্রবন্ধটি অল্প প্রকাশিত হইল, তৎপ্রতি পাঠকদের দৃষ্টি আকর্ষণ করিতেছি। পাট আমরা যত বেশী প্রকার প্রয়োজনসিদ্ধির জন্ত ব্যবহার করিতে পারি, ততই উহার আদর ও মূল্য বাড়িবার সম্ভাবনা। অতএব ঐ প্রবন্ধে যত রকম জিনিষের উল্লেখ আছে, তাহা ভিন্ন আরও কত রকম জিনিষ কেবল পাট হইতে বা পাট মিশাল দিয়া আমরা প্রস্তুত করিতে পারি, কেহ কেহ তাহার আলোচনা করিলে ভাল হয়। বিদেশীদের মিলের সাহায্য না লইয়া কি করিতে পারা যায়, তাহাই বিশেষ করিয়া বিবেচ্য। এরূপ আলোচনা আমরা মুদ্রিত করিতে ইচ্ছুক। ঐহারা লিখিবেন, তাঁহারা দয়া করিয়া সংক্ষেপে কেবল কাজের কথাই লিখিবেন।

গল্পলেখকদিগের প্রতি

ঐহারা প্রবাসীতে প্রকাশের জন্ত গল্প লিখিয়া পাঠান, তাঁহাদিগকে একটি বিষয়ের প্রতি বিশেষ দৃষ্টি রাখিতে অনুরোধ করি। প্রত্যেক গল্পে চারি হাজারের বেশী শব্দ না থাকা আবশ্যক। তাহা অপেক্ষা কম হইলে ক্ষতি নাই, বরং ভাল। ঐহারা গল্প পাঠাইবেন, তাঁহারা উহাতে কত শব্দ আছে লিখিয়া দিলে বাধিত হইব। এক একটি গল্পের জন্ত প্রবাসীর আট পৃষ্ঠা অপেক্ষা বেশী স্থান দিলে অস্ববিধা হয়। ইহার আট পৃষ্ঠায় চারি হাজার অপেক্ষা কিছু কম শব্দ ধরে। ঐহারা চারি হাজার অপেক্ষা বেশী শব্দের গল্প পাঠাইবেন, তাঁহাদের গল্প অপঠিত অবস্থায় ফেরত গেলে তাঁহারা বিস্মিত হইবেন না।

লেখকগণের প্রতি

অতীত পুরাতন মাসিক পত্রিকার মত প্রবাসীর কাৰ্যালয়ে অনেক প্রবন্ধ, গল্প, কবিতা, প্রতিবাদ প্রভৃতি আদিয়া থাকে। ষাঁহারা এই সকল লেখা পাঠান, তাঁহারা **ভাষার সঙ্গেই** দয়া করিয়া লিখিয়া দিবেন, যে, রচনাটি মনোনীত বা প্রকাশিত না হইলে তাহা ফেরত চান কিনা; যদি ফেরত চান তাহা হইলে রচনাটির সঙ্গেই যথেষ্ট ডাকটিকিট দিবেন, নতুবা অমনোনীত হইলে উহা নষ্ট হইবে। কোন কোন লেখক লেখেন, লেখাটি অমনোনীত হইবার সংবাদ তাঁহাকে জানাইলে তিনি উহা ফেরত পাঠাইবার জন্য ডাকমাশুল পাঠাইবেন। এইরূপ সংবাদ দিবার ব্যবস্থা আমাদের নাই।

—

সত্যগ্রহে নারীদের স্থান

বোম্বাই-লাটের একটি অভিযোগ এই, যে, সত্যগ্রহ প্রচেষ্টার নানা কাজে মহিলাদিগকে পুরোভাগে স্থান দেওয়া হয়। মহাত্মা গান্ধী প্রথম প্রথম নারীদিগকে এই বিপৎ-সঙ্কল অভিযানে যোগ দিতে দেন নাই। তাঁহারা নিজেই স্বাধীনতার আহ্বানে, দেশভক্তির প্রেরণায়, যেচ্ছায় এই প্রচেষ্টায় যোগ দিয়াছেন। পাশ্চাত্য অনেক লোকের ধারণা আছে, যে, নারীর সম্মান করিতে তাহাঁরাই জানে। ইহা ভ্রান্ত ধারণা। ভারতবর্ষে যে সমাজে নারীর সম্মানিত স্থান আছে, তাহা আমরা ত জানিই, এক শতাব্দীরও পূর্বে অভিজ্ঞ ইংরেজ রাজ-পুরুষেরা তাহা লক্ষ্য করিয়াছিলেন। ১৮১৩ খৃষ্টাব্দে পার্লামেন্টের সম্মুখে সাক্ষ্য দিবার সময় স্ত্রীর (তখন **কর্ণেল**) টমাস মনরো বলিয়াছিলেন :—

“.....if a good system of agriculture, unrivalled manufacturing skill, a capacity to produce whatever can contribute to convenience or luxury; schools established in every village for teaching reading writing and arithmetic; the general practice of hospitality and charity among each other; and above all a treatment of the female sex, full of confidence, respect and delicacy, are among the signs which denote a civilized people, then the Hindus are not inferior to the nations of Europe:...”

অন্যান্য দেশের মত এদেশেও নারীদের অসম্মান কখন কখন হইয়া থাকে; কিন্তু যদি কোন কাজে পুরুষ ও নারী উভয়েই যোগ দেন, তখন নারীদিগকে সম্মানিত স্থান দেওয়াই সুনিয়ম। তন্নিম্ন যদি তাঁহাদিগকে, সামনে না রাখিয়া অন্যত্র রাখা হয়, তাহা হইলে কি ইংরেজ সরকার তাঁহাদিগকে শাস্তি দিতে বিরত থাকেন? পিকেটিং প্রভৃতি মহাত্মা গান্ধী বিশেষ করিয়া নারীদের জন্যই নির্দেশ করিয়া দিয়াছেন এই জন্য, যে, তাহা হইলে পিকেটাররা উপদ্রব ভয় প্রদর্শন মারপিট করিতেছে এই মিথ্যা অভিযোগের স্(?)যোগ পুলিস কম পাইবে?

ইংরেজরা কি বলিবে না বলিবে, অবশ্য আমরা তাহা মনে রাখিয়াই কাজ করি না। কিন্তু মহিলারা যদি সত্যগ্রহে যোগ না দিতেন, তাহা হইলে ভারতবর্ষকে সেই কারণেও স্বরাজের অযোগ্য বলা হইত—বলা হইত, ভারতবর্ষ এরূপ অশিক্ষিতের ও অসভ্যের দেশ যে, মুষ্টিমেয় বাবুরা লক্ষ্যবশ্ত করেন বটে, কিন্তু তাঁহাদের গৃহের মধ্যে অন্ধকার। আমরা সকলেই খুব উন্নত, বলিতেছি না; কিন্তু স্বাধীনতালাভের চেষ্টায় ভারতীয় মহিলারা যাহা করিয়াছেন, তাহা অনেক ভারতীয় পুরুষকেও বিস্মিত করিয়াছে। এখন কাহারও কোন সন্দেহই থাকিতে পারে না, যে, স্যোগ পাইলে ভারতীয় মহিলারা জাতীয় ও সামাজিক জীবনের প্রত্যেক কাৰ্য্যক্ষেত্রে সেইরূপ উচ্চ স্থান লাভ করিবেন পারিবারিক ও দাম্পত্য জীবনে খেরুপ উচ্চ স্থান তাঁহারা বহুদূর ধরিয়া অধিকার করিয়া আছেন।

—

পুলিসের নামে দোষারোপ

গবন্মেণ্ট পুলিসের চোখ দিয়া দেখেন। বর্তমানে পুলিস-রাজত্ব চলিতেছে। কলিকাতা হাইকোর্টের এক জন জজ তাঁহার একটি রায়ে এমন কথাও বলিয়াছেন, যে, পুলিসের প্রতি অবজ্ঞা বা বিদ্বেষ যাহাতে উৎপন্ন হয় এরূপ কিছু বলিলে গবন্মেণ্টের প্রতিই অবজ্ঞা বা বিদ্বেষ উৎপন্ন করা হয়। সুতরাং পুলিসের প্রতি দোষারোপ করা বিপৎসঙ্কল ব্যাপার। তাহা সত্ত্বেও

সব প্রদেশের কাগজে প্রত্যহ পুলিশের প্রতি দোষারোপ-
যুক্ত সংবাদ বাহির হইতেছে। অবশ্য প্রত্যেক পুলিশ
কর্মচারী শোষী ইহা কেহ বলিতেছে না। কিন্তু কাগজে
যে-সব বৃত্তান্ত বাহির হয়, তাহাতে কোন্ তারিখে
কোন্ স্থানে পুলিশ কি করিয়াছে, তাহা লিখিত থাকে।
হুতারাং কোন্ কোন্ কনষ্টেবল ও উচ্চতর কর্মচারীর
উপর দোষারোপ করা হইতেছে, তাহা নির্ণয় করা
গবর্নমেন্টের পক্ষে সুসাধ্য। কিন্তু গবর্নমেন্ট এই সব
দোষারোপ সম্বন্ধে এবং বেসরকারী তদন্তকমিটিসকলের
রিপোর্ট সম্বন্ধে কোন অনুসন্ধান করেন কিনা, জানা
যায় না। তবে, ইহা দেখা যাইতেছে, যে, যেখানে
যেখানে অত্যাচার হইয়াছে বলিয়া কথিত হইয়াছে,
বিভাগীয় অনুসন্ধানের ফলে তথাকার কোন হাকিম বা
পুলিস কর্মচারীর কোন প্রকার শাস্তি হইয়াছে বলিয়া
খবরের কাগজে সংবাদ বাহির হয় নাই। অতএব,
ইহাই মনে করিতে হইবে, যে, তদন্তকমিটিসমূহের
সভ্যেরা, তাঁহাদের কাছে যাহারা সাক্ষ্য দিয়াছেন
তাঁহারা, সংবাদপত্রের সংবাদদাতারা এবং যাহাদের
নিকট হইতে তাঁহারা সংবাদ সংগ্রহ করিয়াছেন তাঁহারা—
সকলেই মিথ্যাবাদী কিংবা ভ্রান্ত।

কিন্তু ফোটোগ্রাফগুলোও কি মিথ্যা কথা বলে?
ফোটোগ্রাফেও কিছু প্রতারণা চলে জানি, কিন্তু
তাহা ধরা ছুঃসাধ্য নহে! ভিন্ন ভিন্ন প্রদেশের
কাগজে ভ্রম লোকদের ছবি বাহির হইয়া
থাকে, বন্ধেও হয়। তাহা না হয় সম্পূর্ণ নির্দোষ ও
আইনসঙ্গত নূনতম বলপ্রয়োগের ফল। কিন্তু বিধ্বস্ত
ও লুপ্তিত ঘরবাড়ীর ছবি যে-সব বাহির হয়—যে রকম
ছবি কয়েক দিন পূর্বেও কলিকাতার আনন্দবাজার
পত্রিকায় প্রকাশিত হইয়াছে—সেই সকল ছবিতে যে
বলপ্রয়োগের প্রমাণ পাওয়া যায়, সেইরূপ বলপ্রয়োগের
জাযাযা, আইনানুযায়িত্ব এবং প্রয়োজন কি? এই
ফোটোগ্রাফগুলি অলীক কাল্পনিক ঘরবাড়ীর ফোটোগ্রাফ
বলিয়া প্রমাণ না করিতে পারিলে আমাদের জিজ্ঞাসা
মিটিবে না।

পুলিসকে দোষ দিয়া আমাদের স্বপ্ন হইয়া না, গোরব

বাড়ে না। পুলিশের অধিকাংশ লোক আমাদের স্বদেশ-
বাসী জাতি ভাই। তাহাদের কাহারও সত্য যাহা
কলঙ্ক, তাহা আমাদেরই কলঙ্ক। উদারমের জন্ম অপকর্ম
করিবার বিস্তর লোক এদেশে বহুকাল হইতে জুটিয়া
আসিতেছে বলিয়াই তঁ আমাদের জাতির এত দুর্দশা
ও লাঞ্ছনা।

পুলিসের অনেক লোক জানেন তাঁহারা আমাদেরই
ভাই। বোম্বাই ক্রমিক্রে একজন পুলিশ ইন্স্পেক্টরের
সহিত বোম্বাইয়ের সম্রাট মহিলা সত্যাগ্রহী কুমারী মিঠু
বেন পেটিটের যে কথোপকথন মুদ্রিত হইয়াছে, তাহা
এই প্রসঙ্গে উল্লেখযোগ্য। এই ইন্স্পেক্টরটির নাম
ইসমাইল দেশাই। তিনি সরভোগ নামক স্থানে গিয়া
শ্রীমতী মিঠু বেনকে ডাকিয়া পাঠান। তাহার পর
উভয়ের মধ্যে এইরূপ কথাবার্তা হয়।

মিঃ ইসমাইল—আপনার কেন পিকেটিং করছেন।

মিঠুবেন—দেশের জন্য। আমাদের কাজে বাধা দেবেন না। বেশী
কথা বলার সময় আমাদের নাই। যদি আমাদেরকে প্রেস্তার করার
পরোক্ষাণা থাকে তবে বের করুন, আমরা প্রস্তুত।

মিঃ ইসমাইল—আপনার মেয়েমানুষ, তাই আমার কষ্ট হয়।

মিঠুবেন—আমরা এ সময়ে মেয়েমানুষ নই। আমরা পুরুষরূপে
দেশের স্বাধীনতার জন্য যুদ্ধ করব, হুতারাং আপনার যা ক্ষমতা থাকে
তা প্রয়োগ করতে পারেন।

মিঃ ইসমাইল—আমার সঙ্গেই যখন আপনারা এভাবে কথা বলছেন,
তখন পুলিশের অন্য লোকেরা আপনারাদের কথা হইবে কেনম ক'রে?

মিঠুবেন—তাঁদের সহিত কোন কথা বলার প্রয়োজন আমাদের
নেই।

মিঃ ইসমাইল—আমি আপনারদের জাতীয়রূপ, আপনাদিগকে
পিকেটিং হ'তে দ্বাংস্ত থাকতে অনুরোধ করছি।

মিঠুবেন। আমি আপনার ভগ্নীরূপে আপনাকে চাকরীতে ইস্তফা
দিয়ে ভগ্নীর পাশে এসে দাঁড়াতে অনুরোধ করছি। অনুরোধ ক'রে
আমার জাতীয়বধূকে আমাদের সঙ্গে পিকেটিং করতে পাঠাবেন।

মিঃ ইসমাইল—আপনারদের মত ভিক্ষুক আমার বেতন যোগাতে
পারবে না।

মিঠুবেন—দেশের স্বাধীনতা লাভের জন্য কোন বেতনের প্রয়োজন
নাই।

মিঃ ইসমাইল—আপনাদিগকে যদি কষ্ট দিবে থাকি, তা হলে
ক্ষমা করবেন।

ইসমাইল দেশাইয়ের মত লোকেরা বেতন ভিন্ন আর
কিছু বুঝে না। বেতনভোগী লোকদের দ্বারা যদি
সত্যাগ্রহের পথে স্বরাজ অর্জন সম্ভবপর হইত, তাহা
হইলে বেতনের অভাবও হইত না। কারণ, বলা
বাহুল্য, কুমারী মিঠু বেন পেটিট স্বেচ্ছায় পারিত্রিকত

গ্রহণ করিয়াছেন। তিনি বিখ্যাত সম্ভ্রান্ত ধনী পারসী পরিবারের কন্যা। ইম্মাইল দেশাইয়ের মত অনেক লোককে ভূতা রাখিবার সক্তি তাঁহাদের আছে।

সীণ্ডিকেট ও ছাত্রপ্রহারের প্রতিকার

আন্তঃভাষ ইমারতে অনধিকার ও অকারণ প্রবেশ করিয়া কলিকাতা পুলিশের কতকগুলি লোক নিরপরাধ ছাত্রদিগকে যে প্রহার করিয়াছিল, সে সম্বন্ধে কলিকাতা বিশ্ববিদ্যালয়ের সীণ্ডিকেট তদন্ত কমিটির রিপোর্টে বিশ্বাস স্থাপন করিয়াছিলেন। তাহার পর তাঁহারা কি করিলেন? বঙ্গের গবর্ণর বিশ্ববিদ্যালয়ের চান্সেলার। তাহার মানহীজ্জত রক্ষা এবং ছাত্রদিগকে রক্ষা করা তাঁহার কর্তব্য। তিনি সহায়ভূতির সহিত এই বিষয়টি বিবেচনা করিবেন বলিয়াছিলেন। তিনিই বা কি করিলেন? আমাদের বিবেচনায়, সীণ্ডিকেট যখনই বুঝিলেন, যে, নির্দোষ ছাত্রেরা প্রকৃত হইয়াছে, তখনই নির্দিষ্ট সময়ের মধ্যে প্রতিকার না হইলে বিশ্ববিদ্যালয়ের সব ক্লাস বন্ধ থাকিবে এইরূপ প্রতিজ্ঞা তাঁহাদের করা উচিত ছিল, এবং প্রতিকার এখনও না হওয়ায় সব ক্লাস বন্ধ করিয়া দেওয়া উচিত ছিল। সমুদয় ছাত্রদেরও দলবদ্ধ হইয়া ক্লাসে যাওয়া বন্ধ করা উচিত ছিল। মান ও প্রাণ হাতে লইয়া ক্লাসে না গেলেও মানুষ বাঁচিয়া থাকে, যেমন রাত্তার দিন-মজুরেরা বাঁচিয়া আছে।

বার-বার বেশী হুদে ঋণগ্রহণ

ভারত-গবর্নমেন্ট বার-বার বেশী হুদে ইংলণ্ডে ঋণ গ্রহণ করিতেছেন। ঋণগ্রহণের একটা কারণ, রাজস্ব যত আদায় হইতেছে, তাহাতে সরকারের চলতি খরচও চলিতেছে না; তাহার উপর পুরাতন কোন কোন ঋণ শোধের সময় আসায় নূতন ঋণ করিয়া তাহা শোধ করিতে হইতেছে। ইংলণ্ডে ঋণগ্রহণের কারণ একাধিক। একটা কারণ এই হইতে পারে, যে, গবর্নমেন্ট এদেশে যথেষ্ট টাকা ধার পাইবেন কি

কিনা সে বিষয়ে রাজপুরুষদের সন্দেহ আছে। তাহার সভ্য জগৎকে জানাইতেছেন বটে, যে, ভারতবর্ষের অধিকাংশ লোক গবর্নমেন্ট-ভুক্ত আছে, বিশেষতঃ সম্পত্তিশালী লোকেরা। কিন্তু সম্পত্তিশালী লোকদের যদি গবর্নমেন্টের উপর বিশ্বাস ও তাহার প্রতি অস্থির থাকে, তাহা হইলে তাহার গবর্নমেন্টকে টাকা ধার দিবে না কেন? ভারতের অধিকাংশ লোক খুব গরীব হইলেও, ৪০।৫০ কোটি টাকা ধার দিবার মত ধনী-সমষ্টি এদেশে আছে। তাহার যদি যথেষ্ট ধার না দেয়, তাহা হইলে গবর্নমেন্টের বাজার-সম্মত ও রাজনৈতিক প্রতিপত্তি নষ্ট হইবে, হয়ত এই ভয়ে এদেশে ধার লইবার চেষ্টা হয় নাই। বিলাতে টাকা ধার করিবার আর এক অহুমিত কারণ, ইংরেজ-সরকারের স্বদেশবাসীরা যাহাতে হুদের টাকাটা পায়। সেখানে ভারতবর্ষের চেয়ে বেশী ধনী লোক ও ধন আছে, সুতরাং তথা হইতে ধার পাওয়া অপেক্ষাকৃত সহজ। বেশী হুদ দিবার কারণ, যাহাতে নিশ্চয়ই ধার পাওয়া যায়। কেননা, ধার না পাওয়া গেলে অসুবিধা ত ছিলই, অধিকন্তু গবর্নমেন্টের রাজনৈতিক প্রতিপত্তি এবং বাজার-সম্মতও নষ্ট হইত। হুদ যে অতিরিক্ত দেওয়া হইয়াছে, তাহার প্রমাণ, ঋণের কাগজের মূল্য প্রকৃত মূল্য অপেক্ষা বেশী হইয়া গিয়াছে। ঋণ গ্রহণ করা উচিত কিংবা অতুচিত, আবশ্যিক কিংবা অনাবশ্যক, ইত্যাদি বিষয়ের আলোচনার জন্ত ঋণ-গ্রহণের প্রস্তাব ভারতীয় ব্যবস্থাপক সভার সম্মুখে স্থাপিত করা হয় নাই। অথচ এই সব ঋণের জন্ত ভারতীয়দিগকেই দায়ী করা হইবে। আমাদের দিগকে জিজ্ঞাসা না করিয়া তোমাদের ইচ্ছা ও সুবিধা মত তোমরা নিজের দেশে ধার করিবে, এবং তাহা হুদে আসলে শোধ করিতে বাধ্য থাকিবে আমরা—ইহা অতি স্ববন্দোবস্ত! কংগ্রেস যে বলিয়াছেন, গবর্নমেন্টের কোন ঋণ গ্রহণ ও আমাদের পরিশোধ্য, তাহা কোনও নিরপেক্ষ স্বাধীন পক্ষ দ্বারা নির্ধারিত হওয়া উচিত, তাহা অত্যন্ত অমৌতিক কথা!

পিকেটিঙের জন্য বেত্রাঘাত

সত্যাগ্রহীদের সরকারী আদালতে বিচারের সময় তাঁহারা আত্মপক্ষ সমর্থন না করায় এবং দণ্ডদেশের বিরুদ্ধে আপীল না করায় কোন কোন স্থলে বিচারের যে প্রতিকার হইতে পারিত তাহা হয় না। ইহা আমরা সাধারণভাবে বলিতেছি। তাঁহারা যে ব্রিটিশ আইন আদালত মানেন না, সমুদয় সরকারী কাজকৰ্ম্মকেই ইংরেজদের অনধিকার চৰ্চা মনে করেন, তাহা তাঁহারা ভাল করেন বলিয়াই তাঁহাদের বিশ্বাস। সে বিষয়ে আমাদের কোন বক্তব্য নাই।

সত্যাগ্রহঘটিত আইনভঙ্গের জন্ত আগে আগে বঙ্গের বাহিরে কয়েক জায়গায় অভিযুক্ত কয়েক ব্যক্তির বেত্রাঘাত দণ্ড হইয়াছিল। সম্প্রতি কলিকাতায় একজন বাঙালী ম্যাজিষ্ট্রেট পিকেটিঙের জন্ত দুজন বালককে বেত্রাঘাত দণ্ড দেন, বেত মারাও হইয়া যায়। তাহার পর একজন উকীল প্রধান প্রেসিডেন্সী ম্যাজিষ্ট্রেটের নিকট বলেন, যে, পিকেটিঙের জন্য বেত্রাঘাতের ব্যবস্থা কোন আইনে বা অর্ডিন্যান্সে নাই। প্রধান ম্যাজিষ্ট্রেট বিবেচনা করিবার জন্য সময় লইয়া পরে বলেন, যে, দণ্ড দাতা ম্যাজিষ্ট্রেট ভুল করিয়াছেন। চমৎকার ভুল! ছেলে দুটি যে বেত খাইল, তাহার কি প্রতিকার হইবে? দণ্ড-দাতা ম্যাজিষ্ট্রেটের কিছু শাস্তি, অন্ততঃ পদাবনতি হওয়া উচিত নয় কি? যে-সব অপরাধ দুর্নীতিমূলক, তাহার জন্যই পাকা বদমায়েসদের বেত মারিবার ব্যবস্থা আছে, এবং তাহাও সভ্যদেশসমূহে বর্জিত হইতেছে। অতএব পিকেটিঙের জন্য বেতমারা যে কত বড় অন্যায্য কাজ তাহা সহজবোধ্য।

বোম্বাইয়ের পুলিশ কমিশনারের ধমকানি

গবন্মেণ্ট কংগ্রেসকমিটি প্রভৃতি যে-সকল সভা সমিতিতে বেআইনী বলিয়া ঘোষণা করিয়াছেন, তাহাদের কাজের সংবাদ, তাহাদের অধিবেশনে গৃহীত প্রস্তাব, আগে হইতে তাহাদের ভবিষ্যৎ অস্থায়নের সংবাদ প্রভৃতি মুদ্রিত করায় বোম্বাইয়ের পুলিশ কমিশনার বোম্বাইয়ের তিন

খানি দেশী দৈনিক ইংরেজী কাগজকে ধমক দিয়াছেন, যে, এরূপ কাজ কোজদারী কার্যবিধি আইনের মধ্যে পড়ে। বোম্বাইয়ের সাংবাদিকগণ পুলিশ কমিশনারের এই ধমকের প্রতিবাদ করিয়াছেন।

কোন কাজ যে কি আইন বা অর্ডিন্যান্স অনুসারে দণ্ডনীয়, তাহা বলিবার কোন প্রয়োজন দেখি না। কারণ, সরকারের অনভিপ্রেত যে-কোন কাজের জন্য দণ্ড দিবার মত ব্যবস্থা আইনে বরাবর আছে। তাহা থাকা সত্ত্বেও, অধিকন্তু, অতি সহর নূতন নূতন অর্ডিন্যান্স জারি হইতে পারে।

বোম্বাইয়ের পুলিশ-সদ্বার যে-সব সংবাদ ছাপা আইনবিরুদ্ধ বলিতেছেন, তাহা প্রেস অর্ডিন্যান্সেও নিষিদ্ধ ছিল না, এবং প্রেস অর্ডিন্যান্স বলবৎ থাকার সময়েও অনেক কাগজ সেরূপ সংবাদ ছাপিয়া দণ্ডিত বা তিরস্কৃত হয় নাই। কিন্তু এই পুলিশ-সদ্বারের মত যদি ঠিক হয়, তাহা হইলে আগে হইতেই কোজদারী কার্যবিধি মজুত থাকা সত্ত্বেও প্রেস অর্ডিন্যান্স জারি করিবার এমন কি বিশেষ প্রয়োজন ঘটয়াছিল?

কোন প্রকার অস্থাবর সম্পত্তির দ্বারা কোন বেআইনী সভাসমিতির কাজের সাহায্য হইলে নবম অর্ডিন্যান্স অনুসারে পুলিশ তাহা বাজেয়াপ্ত করিতে পারে, এবং যে গৃহে ঐ সাহায্য হয় তাহার বর্তমান অধিকারীকে তাড়াইয়া দিয়া তাহা দখল করিতে পারে। বোম্বাইয়ের পুলিশ কমিশনার তাহা হইলে ইহাও বলিতে পারেন, যে, যেহেতু বম্বে ক্রিমিক, ফ্রীপ্রেস জর্নাল এবং ইণ্ডিয়ান ডেলীমেলের প্রেস ইত্যাদি এইরূপ সাহায্য করিতেছে, অতএব তৎসমুদয় বাজেয়াপ্ত হইল, এবং ঐ কাগজ তিনখানির প্রেসের বাড়ী ও আফিস-বাড়ী পুলিশের আয়ত্ত হইল।

গোল টেবিল বৈঠক ও দমনের প্রকোপ

অনেক বার বলিয়াছি, প্রতি সপ্তাহে গবন্মেণ্ট বলেন, আইনলঙ্ঘন প্রচেষ্টা দুর্বল হইতেছে, এবং তাহার সঙ্গে সঙ্গে নূতন নূতন অর্ডিন্যান্সও জারি

হইতেছে—ইহার রহস্য বুঝা ভার। যাহা মরিতে বসিয়াছে, তাহাকে মারিবার জন্য সম্প্রতি সকল প্রদেশেই দমননীতি খুব জোরে চালান হইতেছে। ইহারও রহস্য বুঝা ভার।

কোন ছুটা ঘটনা বা ব্যাপার সমসাময়িক হইলে, কিংবা কালে একটা অন্যটার কিছু পূর্ববর্তী হইলে, উভয়ের মধ্যে কার্যাকারণ সম্পর্ক থাকিবেই, এরূপ বলা যায় না। সেই জন্য, ১২ই নবেম্বর গোলটেবিল বৈঠকের অধিবেশন ও তাহার আগের কিছু দিন হইতে দমন কার্য প্রবল ভাবে চালান, এই দুইয়ের মধ্যে কোন সম্বন্ধ নিশ্চয়ই আছে বলা যায় না। কিন্তু সম্বন্ধ থাকিতেও পারে। ইংরেজ সাংবাদিক ব্রেলস্‌ফোর্ড সাহেব ভারতবর্ষে সত্যগ্রহ প্রচেষ্টা সম্বন্ধে সাক্ষাৎ জ্ঞানলাভ করিতে আসিয়াছেন। তাঁহার মতে কংগ্রেস গোলটেবিল বৈঠকে যোগ না দিয়া অবিজ্ঞের কাজ করিয়াছেন। এহেন ব্যক্তিও বলিতেছেন, গোলটেবিল বৈঠকে সফল করিতে হইলে ভারতবর্ষে রাজ-নৈতিক বন্দীদিগকে খালাস দিয়া দেশের মধ্যে একটা শান্ত ভাব আনা উচিত। তিনি ইংরেজ এবং রাজনীতিজ্ঞ বলিয়া সাংবাদিক মহলে ইংরেজীভাষী জগতে তাঁহার নামও আছে। অতএব গোলটেবিল বৈঠকের উদ্দেশ্যসিদ্ধির জন্ত ভারতবর্ষকে ঠাণ্ডা করা যে দরকার, তাহা মানিয়া লওয়া যাইতে পারে। তিনি বলিতেছেন, রাজনৈতিক কয়েদীদিগকে মুক্তি দিয়া দেশকে শান্ত করিতে। কিন্তু ঠাণ্ডা করিবার আর একটা উপায় আছে। যথা, দমননীতি খুব জোরে চালাইয়া দেশে এমন অবস্থা উৎপন্ন করা যাহাতে কেহ টু শব্দটি করিতে না পারে। এই প্রকারে দেশকে শান্ত করার অল্পপ্রকার সার্থকতাও আছে।

যখন এক দল লোক চূড়ান্ত স্বাধীনতা চায়, এবং তাহাদের কাজের দ্বারা দেখায় যে তাহারা পূর্ণস্বরাজ্যের জন্ত সর্বত্যাগে প্রস্তুত হইয়াছে এবং প্রাণপণ করিয়াছে, তখন অল্প কতকগুলি লোককে দেশের প্রকৃত প্রতিনিধি বলিয়া জগতের কাছে ঘোষণা করিয়া তাহাদিগকে স্বরাজ্যের মত কিছু একটা দিবার অঙ্গীকার করিয়া

হাত করা আবশ্যক হয়। কিন্তু যদি “মরিয়া” দলের লোকদিগকে “ঠাণ্ডা” করিয়া ফেলা যায়, যদি তাহাদের সাড়াশব্দও কেহ আর না পায়, তাহা হইলে সহজে ভুলায়িতব্য * মডারেটদিগকে বিশেষ কিছু দিবার অঙ্গীকার করা দরকার হয় না। চরমপন্থীদের সাড়াশব্দ কিছু আর না পাওয়া গেলে, মডারেটদেরও স্বর বেশী চড়াইবার সুযোগ থাকে না—তাঁহারা পরোক্ষভাবে এ ভয় দেখাইতে পারেন না, যে, তাঁহাদের দাবী অগ্রাহ্য করিলে চরমপন্থীদের দল পুরু হইবে এবং প্রভাব বৃদ্ধি পাইবে। কিন্তু চরমপন্থীরা কার্যক্ষেত্রে সক্রিয় থাকিলে, মডারেটরা জানেন তাঁহাদের দাবী বেশ উঁচু না করিলে দেশে ফিরিয়া তাঁহারা ভাড়া কল্‌কেও পাইবেন না।

অতএব, এই সব কারণে চরমপন্থী সত্যগ্রহীদিগকে “ঠাণ্ডা” করিয়া গোলটেবিল-বেটনকারী নরম ব্যক্তিদিকে নরমতর বা নরমতম করা আবশ্যক বিবেচিত হইয়া থাকিতে পারে।

ইতি (গণ্ড)গোল টেবিল বৈঠকের প্রাক্কালে দমননীতির প্রকোপ-বৃদ্ধির আত্মমানিক নিদান।

কংগ্রেস কার্যানির্বাহক কমিটির বাঙালী সভা

কাগজে দেখিলাম, শ্রীযুক্ত যতীন্দ্রমোহন সেনগুপ্ত পুনর্বার কারাকন্ড হওয়ায় কংগ্রেস কার্যানির্বাহক কমিটিতে সভ্যের যে পদটি খালি হইয়াছে, তাহাতে শ্রীযুক্ত হেমপ্রভা মজুমদার নিযুক্ত হইয়াছেন। তাঁহার বিরুদ্ধে আমাদের বলিবার কিছু নাই। আমাদের কেবল ইহাই মনে হয়, যে, কংগ্রেস কার্যানির্বাহক কমিটির কাজ করিতে হইলে প্রত্যেক সভ্যের ইংরেজীতে কিংবা অন্ততঃ হিন্দুস্থানীতে করণীয়াসব কাজের ভাল করিয়া আলোচনা করিবার ক্ষমতা থাকা চাই—সভ্যের পদ কেবল সম্মানের পদ নহে। সংবাদটি পড়িলে এই প্রশ্নও মনে আসিবার কথা, যে, বঙ্গের অন্যতম প্রধান কংগ্রেস-নায়ক বঙ্গীয় প্রাদেশিক কংগ্রেস কমিটির

* বৈদ্যকরণেরা মাদ করিবেন।

সভাপতি শ্রীযুক্ত স্ভাষচন্দ্র বসুকে কেন কমিটির সভ্য করা হইল না। সভা নিয়োগ করিবার ক্ষমতা কাহার হাতে, জানি না। তিনি বা তাঁহারা যদি স্ভাষবাসুকে ডিঙাইয়া অন্য কাহাকেও মনোনয়ন করিয়া থাকেন, তাহা হইলে তাঁহার প্রতি তাত্ক্ষল্য প্রদর্শিত হইয়াছে কিনা বিবেচ্য। আর যদি স্ভাষবাসুকে প্রথমে জিজ্ঞাসা করায় তিনি গররাজী হইয়া থাকেন, তাহারও কারণ জানিতে লোকের কৌতূহল হইবে। অবিলম্বে নিশ্চিত কারাদণ্ডকে তিনি ভয় করেন, ইহা বলা চলিবে না। কিন্তু এরূপ অনুমান করা যাইতে পারে, যে, তিনি দীর্ঘকাল অবিচ্ছিন্ন ও অব্যাহত ভাবে কলিকাতার মেয়রের পদে অধিষ্ঠিত থাকা এবং যথাসম্ভব কংগ্রেসের কাজ করা বেশী পছন্দ করেন।

—

কলিকাতা বিশ্ববিদ্যালয়ের রেজিষ্ট্রার

ওনিলাম, কলিকাতা বিশ্ববিদ্যালয়ে বর্তমান রেজিষ্ট্রারের কার্যকাল শেষ হইয়া আসায় শীঘ্রই একজন নূতন রেজিষ্ট্রার নিযুক্ত হইবেন। বিশ্ববিদ্যালয়ের কোন কিছু সম্বন্ধে আমরা যে মত প্রকাশ করি, বিশ্ববিদ্যালয়ের অনেকে ঠিক তাহার উল্টা কাজ করাই শ্রেয়ঃ মনে করেন। তাহা সত্ত্বেও সম্পাদকের কর্তব্য পালন জন্ত আমরা এ বিষয়ে সাধারণ ভাবে কিছু বলিব। নূতন রেজিষ্ট্রারের যে-যে রকম যোগ্যতা ও গুণবত্তা থাকা দরকার, কোন-না-কোন বিদ্যায়তনের আফিসের কাজ সম্বন্ধে অভিজ্ঞতা অবশ্য তাহার অন্তর্গত। তাহার উপর, সং চরিত্র, পাণ্ডিত্য প্রভৃতি যে-যে গুণে অধ্যাপকেরা ছাত্রদের শ্রদ্ধা আকর্ষণ করিতে পারেন, রেজিষ্ট্রারেরও তাহা থাকা আবশ্যক। পূর্বে যে-সব স্থপণ্ডিত ও চরিত্রবান ব্যক্তি এই পদ অলঙ্কৃত করিয়া গিয়াছেন, তাঁহাদের কথা মনে রাখিয়া ইহা লিখিতেছি।

—

বিনা বিচারে বন্দীদের দশা

বাংলা দেশের যুবকদের ভাগো অনেক দুঃখ আছে। সাধারণ আদালতের বিচারে অনেক সচরিত্র যুবক শাস্তি

পাইয়া থাকে। তাহার উপর আছে পেশখাল ট্রিবিউনালের (বিশেষ আদালতের) বিচার। তাহাতে নির্দোষের শাস্তি হইবার সম্ভাবনা কিছু বেশী। সর্বোপরি সেই বিধি যাহার বলে বিনা বিচারে অনির্দিষ্ট কালের জন্য যে-কোন ব্যক্তিকে আটক করিয়া রাখা যাইতে পারে। সম্প্রতি কলিকাতা গেজেটে সরকার বাহাদুর ছাপাইয়া দিয়াছেন, কোন্ কোন্ শ্রেণীর পুলিশ কর্মচারী ও হাকিম সন্দেহ হইলেই মানুষকে বিনা বিচারে আটক করিতে পারিবেন।

যাহাদিগকে সাধারণতঃ এই ভাবে বন্দী করা হয়, তাহারা দাগী বদমায়েস ও নিম্ন শ্রেণীর লোক নহে, শিক্ষিত ও ভদ্র শ্রেণীর লোক, এবং সাধারণতঃ সচরিত্র বলিয়াই পরিচিত। সাধারণ বা বিশেষ, কোন প্রকার আদালতের বিচারেই তাহারা অপরাধী বলিয়া প্রমাণিত হয় নাই।

অতএব, এই আশা স্বভাবতই করা হয়, যে, গবন্মেণ্ট তাহাদিগকে আটক রাখিয়াই ক্ষান্ত হইবেন এবং তাহারা যাহাতে স্বস্থদেহে ও স্বস্থমনে বাঁচিয়া থাকিতে পারে, তাহার বন্দোবস্ত করিবেন। কিন্তু দুঃখের বিষয়, বাংলা গবন্মেণ্ট তাহাদিগকে আটক রাখিবার জন্ত বন্ধা দুয়ারের দুর্গ মনোনীত করিয়াছেন। ইহা ভূটান ও ইংরেজাবিকৃত বাংলা দেশের সীমান্তে অবস্থিত। স্থানটি অত্যন্ত অস্বাস্থ্যকর, ম্যালেরিয়া কাশাকর প্রভৃতির জন্য বিখ্যাত। এরূপ স্থানে বিনা বিচারে বন্দীকৃত লোকদিগকে আবদ্ধ করিয়া রাখিবার যদি বিশেষ কোন উদ্দেশ্য থাকে, তাহা ঠিক করিয়া কেবল ভগবান এবং ইংরেজ কর্তৃপক্ষ জানেন।

বন্দীদিগকে কি ভাবে থাকিতে হইবে, তাহার কতকগুলি নিয়মও সরকারী কলিকাতা গেজেটে বাহির হইয়াছে। তাহার কোন কোনটি অনাবশ্যক—যথা বন্দীদিগকে পরিষ্কার পরিচ্ছন্ন থাকিতে হইবে; কারণ, পরিষ্কার পরিচ্ছন্ন থাকিবার উপায় থাকিলে বাঙালী ভদ্রলোকের ছেলেরা স্বভাবতঃ পরিষ্কার থাকিতেই চায়। একটি নিয়মে আছে, যে, কেহ এমন কিছু করিতে পারিবেন না যাহা হইতে দুর্ভলতা আদি জন্মে। ইহার

উদ্দেশ্য বোধ হয় প্রায়োপবেশন বন্ধ করা। কিন্তু বন্দীরা আপনাদিগকে লাহিত ও উৎপীড়িত মনে করিলে যদি উপবাস দিয়া প্রতিবাদ করিতে এবং প্রতিকার না হইলে মরিতে চায়, তাহা হইলে তাহাদিগকে বাচাইয়া রাখা দুঃসাধ্য। আর, যাহাদিগকে কখন ছাড়িয়া দিবে তাহার স্থিরতা নাই, তাহাদের মরণেও বাদ সাধিবার এত বেশী প্রয়োজন আছে কি? সরকারী কি রকম কোন্ লোক বন্দীদের নিকটস্থ হইলে দাঁড়াইয়া উঠিয়া সেলাম আদি করিতে হইবে, তাহারও নিয়ম আছে। অন্তঃস্থানের কোন ক্রটিই নাই। বন্দীরা যে কর্তৃপক্ষের অগোচরে কোন চিঠি লিখিতে বা পাইতে পারিবে না, তাহাও নিয়মের মধ্যে আছে।

বন্দীরা পলাইবার চেষ্টা করিলে তাহাদের পলায়ন বন্ধ করিবার নিমিত্ত তলোয়ার বন্দুক আদি তাহাদের বিরুদ্ধে ব্যবহৃত হইতে পারিবে, এই নিয়মটিই সকলের চেয়ে দরকারী। একজন সাধারণ কনেটবলেরও যদি এরূপ মনে করিবার যুক্তিসঙ্গত কারণ থাকে, যে, পলাতক কোন বন্দীর বিরুদ্ধে তলোয়ার না চালাইয়া বা তাহাকে গুলি না করিয়া তাহার পলায়ন বন্ধ করা যাইবে না, তাহা হইলে তলোয়ার ও বন্দুক ব্যবহৃত হইতে পারিবে। অতএব, দেখা যাইতেছে, যে, কোন কোন স্থলে কোন কোন বিনা-বিচারে বন্দী ব্যক্তির কার্য্যতঃ প্রাণদণ্ড হওয়া না-হওয়া সাধারণ একজন পাহারাওয়ালার মনের ধারণার উপর নির্ভর করিতে পারে। “প্রাণদণ্ড” বলিতেছি এইজন্ত, যে, নিয়মাবলীর মধ্যে এই অত্যাবশ্যক কথাটি নাই, যে, রক্ষীরা পলায়ন নিবারণ করিবার নিমিত্ত কেবল শরীরের নিম্নদেশ লক্ষ্য করিয়াই গুলি ছুঁড়িবেন বা তলোয়ার চালাইবেন, বুক বা মাথাঘ আঘাত করিবেন না। হিংস্র সিংহ বাঘ ভালুক খাঁচা হইতে পলাইলে মানব-সমাজকে নিরাপদ রাখিবার জন্য ঐসব পলায়িত জন্তুকে মারিয়া ফেলিতে কেহ ইতস্ততঃ করে না। এই বন্দীরা মানুষ হইলেও বাঘ ভালুক সিংহের মত। অথচ বন্দী হইবার আগে তাহারা সব তোমার আমারই মত মানুষ-ভাই ছিল।

নামজাদা ইংরেজ লেখক রেভারেণ্ড এডওয়ার্ড টমসন

(আজকাল তিনি রেভারেণ্ড অর্থাৎ “ভক্তিতাজন” শব্দটি তাঁহার পুস্তকাদির আখ্যাপত্রে নিজের নামের আগে ব্যবহার করেন না—লোকে তাঁহাকে আর ভক্তি করে না এই সম্বন্ধে কি?) তাঁহার নব প্রকাশিত “ভারতবর্ষের পুনর্গঠন” (Reconstruction of India) শীর্ষক বইয়ের এক জায়গায়, মহাত্মা গান্ধী লর্ড আকবরকে ব্রিটিশ গবর্ণমেন্টের ভারতবর্ষের প্রতি সাধু ইচ্ছার প্রমাণস্বরূপ যে এগারটি সংস্কারের স্বত্বপাত করিতে বসিয়াছিলেন, তাহার সমালোচনা করিতে গিয়া লিখিয়াছেন (পৃঃ ১৭০), মিঃ গান্ধী এরূপ কথা বলিতেছেন যেন তিনি আকবর বা আওরংজেবের সহিত ব্যবহার করিতেছেন বলিয়া মনে করেন। কিন্তু আকবর ও আওরংজেব যে যুগে জীবিত ছিলেন, সে-যুগে শাসনকর্তাদের বৈরিতা সম্বন্ধে লোকমত যেরূপ ছিল, তাহার তুলনায় ঐ বিষয়ে বর্তমান গণতান্ত্রিক যুগের লোকমত বিবেচনা করিলে লর্ড আকবর, এমন কি প্রাদেশিক গবর্ণররাও, আকবর বা আওরংজেবের চেয়ে কম অনিয়ন্ত্রিত শাসনশক্তিবিপণিত নহেন। তাহারা হাতীর পায়ের তলায় মানুষকে ফেলিয়া তাহার প্রাণবধ করিবার কিংবা তাহাকে ফুটন্ত তেলে ভাজিবার কিংবা জীয়েন্তে দেওয়ালাে গাঁথিয়া ফেলিবার হুকুম দিতে পারেন না বটে। কিন্তু বড়লাট অভিজ্ঞান্স দ্বারা মানুষকে কোন বা সকল প্রকার স্বাধীনতা হইতে বঞ্চিত করিতে পারেন, কোন কোন নির্দোষ এমন কি সংস্কারকেও অপরাধে পরিণত করিতে পারেন, এবং সাধারণ বিচারপ্রণালী যে-কোন সময়ে থামাইয়া (যেমন লাহোর ষড়যন্ত্র মামলায়) প্রাণদণ্ড হইতে পারে এইরূপ অভিযোগে অভিযুক্ত আসামীর বিচার স্থবিচারের জন্ত প্রয়োজনীয় অনেক বাধাবাধি-নিয়ম-মুক্ত স্পেশাল ট্রিবিউনাল দ্বারা করা হইতে পারেন। তন্নিম্ন বন্ধে বিনা-বিচারে-বন্দীদের জন্ত যেরূপ সব নিয়ম হইয়াছে, তাহা বিবেচনা করিলে প্রাদেশিক গবর্ণররাও বর্তমান গণতান্ত্রিক যুগের পক্ষে খুবই বৈরশাসক।

ব্রিটিশ প্রধান মন্ত্রীর মুখব্যাচন

লণ্ডনের মেয়র তথাকার গিডহলে বার্ষিক একটি হোজ্জ দিয়া থাকেন। এবারকার ঐ ভোজে ব্রিটিশ প্রধান মন্ত্রী যে বক্তৃতা করেন, তাহাতে যে-যে বাক্যে ভারতবর্ষের উল্লেখ ছিল, তাহা নীচে উদ্ধৃত করিতেছি।

The task of broadening liberty which had engaged the attention of the Imperial Conference would be undertaken at the forthcoming Indian Round Table Conference.

One conference ends and another begins. Enormous burden lies on the shoulders of His Majesty's ministers and their tasks call for keen spiritual understanding, not merely the understanding of the logic of affairs, but understanding of the spirit of the peoples of the Dominions—the bone of our bone, the flesh of our flesh—and in addition to it the glorious and the gorgeous and ancient historical colouring and ancestry, the Indian colleagues who have come to confer with us. Unless we have that spiritual understanding, we may play and may build but we shall have no contentment in our quarters.

While we are regretfully bidding farewell to Dominion Premiers we are welcoming the Aga Khan and his colleagues. We shall be in conference with the representatives of the people with whom we have been thrown in the closest contact for centuries, whose history we have moulded, the ways of whose destiny we have changed and whose minds we have influenced—with their representatives and their princes. We shall be engaged in the same task of broadening liberty so that we may live with them under the same Crown, they enjoying the freedom in self-government which is essential for national self-respect and contentment. I must say in one sentence what must make my position clear. It is very regrettable that attempt should be made not by conference and deliberation but by disintegration in order to gain this end. These things rouse enmity, cause loss and suffering and put obstacles in the way of those who claim their rights and those who wish with all their heart to grant them. Those who have come here to deliberate and negotiate deserve the fullest meed of gratitude both of India and of Great Britain.—*Reuter*.

বঙ্গভাষ্যবিশিষ্ট কথার কুহেলিকায় প্রধান মন্ত্রী তাঁহার আসল সঙ্কল্পটি লুকাইয়া রাখিয়াছেন। গোপনের এই চেষ্টা হইতেই বুঝা যাইতেছে, তিনি ভারতীয় মডারেটদের দাবীও গ্রাহ্য করিতে চান না। তিনি ভারতবর্ষের দর্শন, তাহার প্রাচীন ইতিহাস ইত্যাদির উল্লেখ করিয়াছেন; কিন্তু বর্তমানে ভারতবর্ষে যে যুগান্তরকারী আন্দোলন চলিতেছে, তাহার সম্বন্ধে নির্দীক! ভারতের ইতিহাস ইংরেজ

জাতি গড়িয়াছে, ভারতীয়দের মনের উপর তাহারা প্রভাব বিস্তার করিয়াছে এবং তাহাদের ভাগ্যের ধারা পরিবর্তিত করিয়াছে, তিনি বলিয়াছেন। কিন্তু ভারতীয়েরা যে অনেক দিন হইতে নিজেদের ইতিহাস গড়িতেছে, একজন ভারতীয় যে ভারতীয়দের মনের উপর সর্বাঙ্গীণ প্রভাবশালী এবং তিনি ও তাঁহার সহকর্মীরা যে ভারতের ভাগ্যচক্র নিজেদের বাহ্যিক পথে চালাইতেছেন, এসব কথা সম্বন্ধে প্রধান মন্ত্রী নির্দীক।

তিনি ভারতের স্বাধীনতা বিস্তৃত করিতে চান না, তাহাও সহজেই অস্বীকার। ভারতবর্ষের লোকদিগকে বিষয়কর জাতি বলিয়া, এবং তাগদিগকে ও তাহাদের প্রাচীন দর্শনশাস্ত্র, জন্মকাল প্রাচীন ঐতিহাসিক বর্ণনামাশে ও তাহাদের পূর্বপুরুষদিগ হইতে উদ্ভব বুঝা আবশ্যক বলিয়া, তিনি এদেশের লোকদের মন ভুলাইবার চেষ্টা করিয়া থাকিবেন। কিন্তু কথায় চিড়ে ভিজেনা।

ভারতবর্ষ হইতে যাহাদিগকে গবর্নেন্ট নিমন্ত্রণ করিয়া লইয়া গিয়াছেন, তাঁহাদের মধ্যে কেবল আগা খান নাম করিয়া অন্য সকলকে তাঁহার সহকর্মী বলা হইয়াছে। ইহা বলায় অন্য সকলের অপমানই করা হইয়াছে। আগা খান ভারতবর্ষে থাকেন না, ভারতবর্ষ হইতে লব্ধ টাকার সাহায্যে ফ্রান্সে ও অন্যান্য আমোদ-প্রমোদ ঘোড় দৌড়ের খেলা করিয়া বেড়ান। ভারতবর্ষের স্বখ-দুঃখের সহিত তাঁহার কোনই সম্পর্ক নাই। ভারতবর্ষের অন্য লোকদের কথা দূরে থাক, মুসলমানদের জন্যও তিনি কিছু স্বার্থভাগ বা পরিশ্রম করেন নাই। মুসলমানদের মধ্যে অল্প লোকদের সংখ্যা বেশী বলিয়া তাঁহাকে অনেক মুসলমান আপনাদের নেতা মনে করে। তিনি ‘হিজ হাইনেস’ বলিয়া অভিহিত হন, কিন্তু তাঁহার একহাতপরিমিত রাজ্যও কোথাও নাই। প্রজাদের হিতকারী রাজা কোন কোন দেশী রাজ্যে আছেন। তাঁহাদের নাম না করিয়া আগা খান নাম করিয়া ব্রিটিশ প্রধান মন্ত্রী তাহাদিগকে খুব সম্মানিত করিয়াছেন।

গবর্নেন্টের বাড়াই করা লোকদিগকে ভারতবর্ষের প্রতিনিধি বলা মিথ্যা কথা। ভারতবর্ষের কোন


রাজনৈতিক দল বা ধর্মসম্প্রদায় বা দেশী রাজ্য নিমন্ত্রিতদের এক জনকেও প্রতিনিধি নির্বাচন করে নাই। রাজনীতি বিষয়ে যাহারা চিন্তা করে, এরূপ ভারতীয়দিগের প্রায় সকলেই প্রেক্ষাগৃহে বা গোপনে কংগ্রেসের পৃষ্ঠপোষক। কংগ্রেসকে বাদ দিয়া ভারতবর্ষের রাষ্ট্রীয় ব্যবস্থার জন্য কনফারেন্স করা রামশূন্য রামায়ণের অভিনয়। গবর্নেন্ট বলিতে পারেন না, যে, কংগ্রেস-ওয়াল রা এই বৈঠকে যোগ দেন নাই—কংগ্রেসকে বা ব্যক্তিগত ভাবে কংগ্রেসওয়ালাদের এক জনকেও গবর্নেন্ট ডাকেন নাই।

স্বশাসনের অধিকার ভোগ জাতীয় অস্বাস্থ্যমানের পক্ষে একান্ত আবশ্যক, ইহা বলিয়া প্রধান মন্ত্রী ঠিক কথাই বলিয়াছেন। এই অধিকার ব্রিটেন ভোগ করে, ডোমিনিয়নগুলিও ভোগ করে। ভারতবর্ষও তাহা ভোগ করিয়া এক রাজার অধীনে তাহাদের সহিত বাস করিবে মিঃ মাক্‌ডনাল্ড এই কথা বলিয়াছেন। ইহা পুরাতন মাযুণী কথা। কখন ভারতবর্ষ স্বশাসক হইবে, তাহা না জানিলে এ সবই ফাঁকা কথা। তারিখ-বিহীন অঙ্গীকার অঙ্গীকারই নহে। ডোমিনিয়নের লোকের সহিত ব্রিটিশজাতির অস্থি মাংসের সম্পর্ক, প্রধান মন্ত্রী বলিয়াছেন, ইহা অনেকটা ঠিক। যাহারা একজাতীয় তাহারা একরাজার অধীনে থাকিবে, ইহা স্বাভাবিক হইতে পারে। কিন্তু যাহারা জাতি ধর্ম ভাষা আচার ব্যবহারে স্বতন্ত্র, তাহারা সেই রাজার বরাবর অধীন থাকিবে, ইতিহাস কি এ আশাকে সমর্থন করে?

সর্বশেষে অবশ্য কংগ্রেসের নেতা ও কর্মীদের নিন্দা আছে। তাহারা নাকি শত্রুভাব উত্তেজিত করিতেছেন, এবং ক্ষতি ও দুঃখের কারণ হইতেছেন। তাহারা নাকি খণ্ডবিখণ্ড ও চূর্ণিত করেন, পরামর্শ ও আলোচনা করিতে

চান না। ইংরেজদের মতে সায় দিয়া আলোচনা না করা মহা অপরাধ বটে। যাহারা অধিকার দাবী করেন এবং যাহারা সমুদয় হৃদয়ের সহিত তাহা মঞ্জুর করিতে প্রস্তুত, কংগ্রেস নাকি তাহাদের পথে কাটা দিতেছেন। “সমস্ত হৃদয়ের সহিত” ই বটে; এই হৃদয়টা কিন্তু খুঁজিয়া বাহির করাই কঠিন—এই যা দুঃখ।

“অভ্যর্থনা!”



‘আমরা কি ভুক্তাবশেষষ্টকুণ্ড পাব না।’

[গোলটেবিল বৈঠকের প্রতিনিধিগণ এরোপ্লেন বাহিনীর খেলা দেখিতে গিয়া বসিবার জায়গা কিংবা খাদ্যাদি কিছুই পান নাই। ইংলণ্ডের প্রধান মন্ত্রী তখন ডোমিনিয়নের প্রতিনিধিগণকে অভ্যর্থনা করিতে বাস্তব ছিলেন। একজন ইংরেজ সরকারী কর্মচারী আশিয়া মহ্যাদেশের ভূতপুঙ্গ গবর্নর শ্রীযুক্ত তাকে জিজ্ঞাসা করে, তিনি এবং তাহার সঙ্গীগণ ইংরেজী বলিতে পারেন কি না।]

লণ্ডন বৈঠকের ভারতীয় সভ্যগণ

(গও)গোল টেবিল বৈঠকের সভ্যগণ এখনও (১১ নবেম্বরের খবর অল্পসারে) গোড়াতেই কি প্রধান দাবী উপস্থিত করিবেন, সে বিষয়ে একমত হইতে পারেন নাই। গবর্নেন্ট ভারতবর্ষ হইতে যে রকম লোক বাড়াই করিয়া লইয়া গিয়াছেন, তাহাতে এরূপ ফল হইবে অল্পমান করিয়াছিলাম ও লিখিয়াছিলাম। অল্পমান করিয়াছিলাম, গবর্নেন্ট জগদাসীকে বলিতে পারিবেন, “দেখ, ভারতীয়েরা একমত হইতে পারে না; অতএব আমরাই তাহাদের জ্ঞা একটা কিছু করিব।” আর

তেজবাহাদুর সফ্র বলিতেছেন, পূর্ণ ডোমীয়নিয়ন ষ্টেটাস ভিন্ন অল্প কোন জিনিষেই তাঁহার মন বসিতেছে না। অনেকে চান, যে, ব্রিটিশ প্রতিনিধিরা পূর্ণ ডোমীয়নিয়ন ষ্টেটাস দিবেন কিনা তাহা গোড়াতেই বলুন; তাহা অস্বীকার না করিলে অল্প আলোচনা করিয়া কোন লাভ নাই। মুসলমান সভেরা মিঃ জিন্নার ১৪ দফা দাবীতে অল্প সকলকে আগে রাজী করিয়া তবে সমগ্র ভারতের দাবীতে যোগ দিবার বিষয় বিবেচনা করিতে চান। সবাই কি পাইবে তাহা স্থির হইবার আগেই তাঁহারা নিজের পাওনাগুণা ঠিক করিয়া লইতে চান। ইহা কালনেমির লক্ষ্যভাগের মত।

ভারতীয় সভাদের স্থায়ী সভাপতি হইয়াছেন আগা খাঁ। শ্রীনিবাস শাস্ত্রী, তেজবাহাদুর সফ্র প্রভৃতির মত লোক পড়িয়া রহিলেন; সভাপতি হইলেন এমন একজন লোক যিনি বাসনী ও বিলাসী বলিয়াই পরিচিত, এবং যিনি ভারতীয় জাতির বা মুসলমান সম্প্রদায়ের স্বাধীন মহাশয়লভ অধিকার স্বাভাবিক জগৎ কিছুই করেন নাই, বরং যখন সুযোগ পাইয়াছেন কর্তৃপক্ষের দমননীতির সমর্থন করিয়াছেন।

গুজরাট ও মেদিনীপুর

গুজরাটের চাষী গৃহস্থেরা সত্যগ্রহ করিয়া খাজানা না-দেওয়া হির করায় ধরবাড়ী ছাড়িয়া হাজারে হাজারে অন্ত্র চলিয়া যাইতেছে। ইহার উল্লেখ আমরা অন্ত্র করিয়াছি এবং বিশেষ বৃত্তান্ত পাঠকেরা দৈনিক কাগজে দেখিয়াছেন। বাংলা দেশের কোন কোন স্থানে লোকেরা খাজনা ও ট্যাক্স না-দিবার চেষ্টা করিতেছে। মেদিনীপুর জেলার অনেক গ্রামে এই চেষ্টা হওয়ার তথাকার সত্যগ্রহীরা এরূপ নানা ছুৎ ও ক্ষতি সহ করিতেছে, যাহার বর্ণনা খবরের কাগজে সচরাচর প্রকাশিত হইতেছে না কিন্তু যাহা অল্প সত্রে জানা যাইতেছে। তাহা এ প্রকারের, যে, গুজরাটের নিকটেই যেমন দেশী রাজ্য আছে, মেদিনীপুরের পার্শ্বেই যদি সেইরূপ দেশী রাজ্য থাকিত, তাহা হইলে মেদিনীপুরের ঐ সকল গ্রামের লোকেরা সেই দেশী রাজ্যে চলিয়া যাইত।

এশিয়ার মহিলাদের কনফারেন্স

আগামী জানুয়ারী মাসের শেষ সপ্তাহে লাহোরে এশিয়ার সমস্ত দেশের মহিলাদের কনফারেন্স হইবে। এশিয়ার নানা দেশ হইতে মহিলাদের সম্মতিজ্ঞাপক চিঠি পাওয়া গিয়াছে। প্রতিনিধিদিগের অভ্যর্থনা, তাঁহাদিগকে আরামে রাখিবার ব্যবস্থা প্রভৃতির উদ্যোগ চলিতেছে। সংক্ষেপে এই কনফারেন্সের উদ্দেশ্য—(১) এশিয়ার নারীদের মধ্যে প্রাচ্য সভ্যতা ও কৃষ্টির (culture-এর) একা সম্বন্ধে বোধ জন্মান; (২) প্রাচ্য সভ্যতার সদগুণাবলী (সাদাসিধা জীবনযাত্রা, প্রণালী, দর্শন, ললিতকলা, গার্হস্থ্য ধর্ম, মাতৃহের প্রতি ভক্তি, আধ্যাত্মিক চৈতন্য ইত্যাদি) নির্দারণ করিয়া জাতির এবং সমুদয় পৃথিবীর সেবার জগৎ তৎসমুদয় সংরক্ষণ; (৩) বর্তমানে প্রাচ্য সভ্যতায় দৃশ্যমান দোষত্রুটি (অস্বাস্থ্য, নিরক্ষরতা, দারিদ্র্য, শ্রমিকদিগকে কম মজুরী দেওয়া, শিশুমৃত্যু, বিবাহের নানা কুপ্রথা, ইত্যাদি) আলোচনা করিয়া তাহার প্রতিকারের উপায় অন্বেষণ; (৪) পাশ্চাত্য প্রভাব হইতে (শিক্ষা, পরিচ্ছদ, চলাকিয়ার স্বাধীনতা, বায়োস্কোপ, কলকারখানা প্রভৃতি হইতে) প্রাচ্যের উপযোগী জিনিষ বাছিয়া লওয়া; (৫) এশিয়ার নানাদেশের আর্থিক, ধর্ম-নৈতিক, রাষ্ট্রীয় এবং আধ্যাত্মিক বিষয়ে নারীদের অবস্থা সম্বন্ধে পরস্পরের সহিত তথ্য ও অভিজ্ঞতার বিনিময় দ্বারা পরস্পরকে শক্তিশালী করা; এবং (৬) পৃথিবীব্যাপী শান্তির দিকে মানবজাতিকে অগ্রসর করা।

প্যালেস্টাইন, সিরিয়া, সিংহল, নেপাল, জাপান, ব্রহ্মদেশ, ইরাক, শ্রামদেশ, কাশ্মিরা, আনাম, মালয়, হাওয়াই, পারস্ত, বালুচীস্থান, জাভা প্রভৃতি দেশ হইতে কনফারেন্সের অঙ্কুল পত্রোত্তর পাওয়া গিয়াছে। ইহা হইতে শুভফলের আশা করা যাইতে পারে। বাংলা দেশ হইতে যাহাতে অনেক মহিলা প্রতিনিধি যান, তাহার চেষ্টা এখন হইতে করা উচিত। মাঘ মাসে লাহোরে শীত বেশী। অতএব প্রতিনিধিদের থাকিবার জায়গা ভাল হওয়া যেমন দরকার, তাঁহাদের খুব গরম পরিচ্ছদ লইয়া যাওয়াও তেমন দরকার।

সব দেশেই কনফারেন্স-জাতীয় সভায় এমন লোকের আবির্ভাব হয়, যাহারা ঠেলাঠেলি করিয়া সামনে দাঁড়াইতে ও নিজের মত জাহির করিতে চায়। এক্ষেত্রেও তাহা হইবার সম্ভাবনা আছে। বাংলা দেশে অবরোধ প্রথা থাকায় ও অন্যান্য স্বাভাবিক কারণে নারীদের মধ্যে বিচ্ছিন্ন-বুদ্ধিতে ও চরিত্রগাষ্ঠীধো প্রভেদে অনেক মহিলা আত্ম-গোপন করেন। সেইরূপ মহিলাদিগকে লাহোরে পাঠাইতে পারিলে ভাল হয়। তাঁহারা যদি সংক্ষেপে কিছু লিখিয়াও পড়েন, তাহা হইলে তাহাতে সকলে উপকৃত হইবে।

চৈনিক নারী

অল্প কয়েক বৎসরে চীন দেশে আশ্চর্য্য পরিবর্তন ঘটিয়াছে। চৈনিক স্বাভাবিকতা এই একটা বড় কাজ করিয়াছে, যে, সমাজে নারীদিগকে পূর্ণাঙ্গ পক্ষা উন্নত স্থান দিয়াছে। জীবনের সকল কার্যক্ষেত্রে তাহারা পুরুষদের মত চিকৎসক, আইনজীবী, শিক্ষক সরকারী কাম্‌চারী, এবং ব্যাঙ্কারের কাজ করে। শাংখাইতে একটি ব্যাঙ্ক আছে, যাহার সমুদয় কাজ কেবলমাত্র নারীদের দ্বারা নিৰ্বাহিত হয়। একজন চৈনিক মহিলা ডাক্তার নিজেই নিজের মোটর চালাইয়া রোগী দেখিয়া বেড়ান। প্যারিসে আইনের উপাধিপ্রাপ্ত ব্যারিষ্টার কুমারী সুমী চেং শাংখাই জেলার এমন একজন আইনজীবী যাহাকে সমব্যবসায়ীরা ভয় করে। অনেক চৈনিক বালিকা খুব ভাল কৃতিত্বের হইতেছে। গত বসন্তকালে হাংচাউয়ে বায়ামপটু লোকদের তিনসপ্তাহব্যাপী এক সম্মেলন হয়। তাহাতে চীনের নাম প্রদেশ হইতে দুহাজার বালক ও বালিকা প্রতিযোগিতা করিবার জগ্‌ উপস্থিত হইয়াছিল।

ইঙ্গ-ভারতীয় বৈঠকের আরম্ভ

গত ২৬শে কাস্তিক (১২ই নবেম্বর) গোলটেবিল বৈঠক নামে অভিহিত ইঙ্গ-ভারতীয় কনফারেন্সের প্রারম্ভিক অধিবেশন হইয়া গিয়াছে।

ভারতবর্ষে সমগ্র মানবজাতির প্রায় একপঞ্চমাংশ লোক বাস করে। ইহা অনেক হাজার বৎসর ধরিয়া সভ্যদেশ বলিয়া পরিচিত। চিন্তা ও ভাবের রাজ্যে ইহা মানবজাতিকে অনেক শ্রেষ্ঠ বস্তু উপহার দিয়াছে। মানবজীবনের এমন কোন বিভাগ নাই, যাহাতে অগ্রগণ্য মানুষ এদেশে জন্মগ্রহণ করে নাই। এ পর্য্যন্ত মানুষের ইতিহাসে শ্রেষ্ঠস্থানীয় যে অল্পসংখ্যক লোক জন্মগ্রহণ

করিয়াছেন, তাঁহাদের মধ্যে কোন একটি দেশ ভারতবর্ষ অপেক্ষা অধিক ব্যক্তির মাতৃভূমি নহে। ভারতবর্ষের পরাধীন অবস্থাতেও, পৃথিবীতে বিখ্যাততম যাহারা, তাঁহাদের মধ্যে ভারতীয়দের স্থান কাহারও নিম্নে নহে। মরুভূমিতে বনস্পতি জন্মে না, বৃক্ষবহুল স্থানেই জন্মে। ভারতবর্ষে যে পূর্বকাল হইতে মহামানবের জন্ম হইয়া আসিতেছে, তাহাতেই প্রমাণ হইতেছে, যে, মনুষ্যোচিত গুণ ভারতবর্ষীয় সাধারণ মানুষদের মধ্যেও বিরল নহে। বর্তমান সময়ে ভারতবর্ষে দেশভক্তির, আত্মোৎসর্গের, সাহসের, সাহস্কৃত্যের, মানবপ্রকৃতির উৎকর্ষে বিশ্বাসের, আশীশীলতার এবং সাতিস্বর্য উত্তেজনা সঙ্গেও ক্ষমা ও অহিংসার অভূতপূর্ব দৃষ্টান্ত লক্ষিত হইতেছে। এমন যে দেশ ও জাতি, তাহার ভাগ্যবিধানের চেষ্টা বিদেশে বিদেশীর আশ্রানে ও কড়িয়ে হইতেছে, ইহা গৌরবের বিষয় নহে। বিদেশীর সহিত সহযোগিতা ও মৈত্রী আমাদের অনভিপ্রেত নহে। কিন্তু তাহা প্রকৃত সহযোগিতা হওয়া চাই; তাহা আচ্ছন্নতার নামান্তর হইতে পারে না। যাহারা দেশের জন্য সর্বাপেক্ষা অধিক আত্মোৎসর্গ, সাহস ও দুঃখসহিষ্ণুতার দৃষ্টান্ত দেখাইয়াছেন, তাঁহাদের অমূল্যগুণিত্তে দেশের ভবিষ্যৎ নিঃশঙ্কচিত্তে ভারতবর্ষের পক্ষে সম্মানকর নহে।

ইংলণ্ডের পঞ্চম জর্জ বৈঠকের প্রথম অধিবেশনে প্রারম্ভিক বক্তৃতা করেন। তিনি সমবেত ভারতীয় সভ্যদিগকে ভারতীয় দেশী রাজ্যসবলের নৃপতি ও প্রধানদের এবং ভারতবর্ষের জনগণের প্রতিনিধি বলিয়া স্বাগত সম্ভাষণ করেন। ইংলণ্ডের রাজারা এরূপ সভায় যাহা বলেন, তাহাতে তাঁহাদের নিজের চিন্তা ও মনের ভাব কিছুই প্রকাশ পায় না, বলা যায় না; কিন্তু এককাল সভায় রাজার বক্তৃতা মন্ত্রীমণ্ডলের মতামতসমূহ হইয়া থাকে। মন্ত্রীমণ্ডল যাহা বলেন, রাজা তাহাই বলেন। ভারতীয় সভ্যদিগকে তিনি প্রতিনিধি বলিতে বাধ্য ছিলেন। কারণ, তাহার মন্ত্রীরা, স্বতরাং তিনি, জগতের কাছে বলিতে পারেন না, “আমরা ভারতবর্ষ হইতে আনান্দেন্দ্র চান্দা মনোনীত কয়েকজন লোকের সহিত পরামর্শ করিতেছি।” কেননা, তাহা হইলে জগৎকে বলা হইবে, যে, ভারতবর্ষকে তাহার ভবিষ্যৎ নির্ধারণে নিজের মত জানাইবার কোন স্বযোগ দেওয়া হইতেছে না। এইজগৎ প্রকৃত সেল্ফ-ডিটার্মিনেশনের (প্রত্যেক জাতির রাষ্ট্রীয় ব্যবস্থার স্বনির্ধারণের) পরিবর্তে ব্রিটিশ মন্ত্রীমণ্ডল তাহার একটি মেকী অনুকরণ জগতের সম্মুখে স্থাপন করিতেছেন। ইংলণ্ডে স্বয়ং এই অনুষ্ঠানে যোগ দিয়াছেন। তাহার পদমর্যাদা অতি উচ্চ, এবং ব্রিটিশ রাজনৈতিক প্রথা অনুসারে তিনি

কোন দলের লোক নহেন, অথবা সব দলেরই মাছুষ তিনি। ইহা স্বয়ং রাগিয়াও বলিতে হইতেছে, যে, বৈঠকে উপস্থিত ভারতযেবা ব্যক্তিগত ও সমষ্টিগত ভাবে ভারতবর্ষের প্রতিনিধি নহেন। সত্য বটে, ব্রিটিশ-শাসিত ভারতবর্ষের ভিন্ন ভিন্ন রাজনৈতিক দল ও ধর্মসম্প্রদায়কে যদি প্রতিনিধি নির্বাচনের ভার দেওয়া হইত, তাহা হইলে বৈঠকে উপস্থিত কেহ কেহ নিষ্কাচিত হইতেন। কিন্তু নির্বাচনের অধিকার যখন কাহাকেও দেওয়া হয় নাই, তখন কেহই কাহারও প্রতিনিধি নহেন এবং যিনি যাহা বলিবেন, তাহা তাঁহার নিজের মত—তাহা কোন দল বা সম্প্রদায়ের মত বলিয়া গ্রহণীয় নহে। ইহাও মনে রাখিতে হইবে, যে, সভাদের মধ্যে বিদ্যাবুদ্ধি এবং রাজনৈতিক বিচক্ষণতার অধিকারী কয়েকজন লোক থাকিলেও, কংগ্রেসের মত ও কার্য-প্রণালীর সমর্থক, অল্পবর্ষক ও অল্পজ্ঞাতাদের তুলনায় তাঁহাদের মতের অল্পবর্ষকের সংখ্যা নগণ্য। কংগ্রেসের মতের জন্য লোকে ধনপ্রাণ দিতেছে এবং দিবার জন্য প্রস্তুত। এবিধ নানা বিষয় বিবেচনা করিলে ইঙ্গ-ভারতীয় বৈঠকে সববেত ভারতীয়দিগকে ভারতবর্ষের প্রতিনিধি বলিলে যথার্থ কথা বলা হয় না।

ইংলণ্ডেশ্বরের বক্তৃতার কথাগুলি সুনির্বাচিত। এইজন্ত তাঁহার প্রত্যেকটি কথা পরাক্ষা করিলে অগ্নায় হয় না। তিনি “রেপ্রেজেন্টেটিভ্‌স্ অব প্রিন্সেজ, চীফ্‌স্ এণ্ড পীপল্‌ অব ইণ্ডিয়া” কথাগুলি ব্যবহার করিয়াছেন। “ইণ্ডিয়া” কথাটির মধ্যে যদি দেশী রাজ্যগুলিও তাঁহার অধি-প্রস্থে হয়, তাহা হইলে বলিতে হইবে, যে, ব্রিটিশ-শাসিত ভারতবর্ষের যদি বা এমন কেহ কেহ বৈঠকে গিয়াছেন যাহারা দলবিশেষের ও সম্প্রদায়বিশেষের দ্বারা মনোনীত হইতে পারিতেন, দেশী রাজ্যগুলি হইতে বেসরকারী প্রজাপক্ষীয় এমন একজনও যান নাই, যিনি দেশী রাজ্য-সকলের প্রজাদিগের প্রতিনিধি হইতে পারিতেন। বস্তুতঃ এই সাত কোটির অধিক লোকের অন্তর এই বৈঠকে উপেক্ষিত হইয়াছে।

ইংলণ্ডেশ্বরের বক্তৃতায় কয়েকটি খাটি সত্য কথা আছে। তিনি বলিয়াছেন, কোনও জাতির জীবনে দশ বৎসর অতি অল্প সময়; কিন্তু গত দশ বৎসরে, শুধু ভারতবর্ষে নহে, ব্রিটিশ সাম্রাজ্যের অধিবাসী অল্পজ্ঞ জাতিদের মধ্যেও, জাতীয়ত্বের যে সব ধারণা ও আশঙ্কা জন্মিয়াছে, জাগিয়াছে ও বৃদ্ধি পাইয়াছে, তাহা কালের মামুলী মাপকাঠি দ্বারা মাপা যাইতে পারে না। গত মহাযুদ্ধের সময় মিঃ লয়েড জর্জ বন্ধিচ্ছিলেন, সে সময়ে কোন কোন জাতি এক এক বৎসরে বহু শতাব্দী

অতিক্রম করিতেছে, অর্থাৎ সাধারণতঃ বহু শতাব্দীতে যে পরিবর্তন ও বিবর্তন ঘটে, এক এক বৎসরে তাহা ঘটিয়াছে। পক্ষম জর্জও এই মর্মের কথাই বলিয়াছেন। তিনি তাঁহার বক্তৃতার শেষের দিকে বলিয়াছেন, যে, সকলেরই ন্যায্য দাবার কথা মনে রাখিয়া তিন কথা বলিতেছেন—সংখ্যাভূগুণ ও সংখ্যালঘুদের, নাগরিকদের ও গ্রাম্য ভূকষকদের, পুরুষদের ও নারীদের, জমীদারদের ও রায়বাদের, বলিষ্ঠদের ও দুর্বলদের, ধনীদিগের ও দরিদ্রদের, এবং সকল জাতির; জাতিত্বের ও ধর্মশ্রাণের। কেবল ধর্ম ও শ্রামিকদের নাম বিশেষ কারণে উল্লিখিত হয় নাই। শ্রামিক গবন্মেণ্টের আমলে শ্রামিকদের অল্পলক্ষ্য লক্ষ্য করবার বিষয়। তাহার পর তিনি বলিতেছেন:—

“I cannot doubt that the true foundation of self-government is the fusion of such divergent claims into mutual obligations and in their recognition and fulfilment.”

তাত্পর্য্য। “আমার কোন সন্দেহ নাই, যে, এই সব পরস্পরবিরোধী দাবীর দ্রবীভবন ও সংমিশ্রণ হইতে পরস্পরের প্রতি বাধ্যবাধকতা ও কর্তব্যবোধ জন্মিলে এবং তাহা মানিয়া লইয়া তদনুসারে কাজ করিলে, তাহাই স্বায়ত্তশাসনের প্রকৃত ভিত্তি।”

ইহা সত্য কথা, যে, কোন দেশে স্বায়ত্তশাসন সকল হইতে পারে না, যদি সে দেশের লোকেবা কেবল নিজের নিজের দাবীর ও অধিকারের বিষয়ই ভাবে—অপর সকলের প্রতি প্রত্যেকের কর্তব্যের বিষয়ও ভাবিতে হইবে, এবং সেই সকল কর্তব্য পালন করিতে হইবে।

ইংলণ্ডেশ্বরের বক্তৃতা শেষ হইবার পর তাঁহার প্রধান মন্ত্রী মিঃ মাকডোনাল্ড বৈঠকের সভাপতি নিষ্কাচ হন। তাঁহার বক্তৃতার মধ্যে তিন বলেন:—

“Declarations made by British sovereigns and statesmen from time to time that Great Britain's work in India was to prepare for self-government have been plain. If some say that they have been applied with woeful tardiness, I reply that no permanent evolution has seemed to any one going through it to be anything but tardy.”

তাত্পর্য্য। “ভারতে ব্রিটেনের কাজ হইতেছে তাকে স্বশাসনের জন্য প্রস্তুত করা, ব্রিটিশ নৃপতি ও রাজপুরুষদের দ্বারা মধ্যে মধ্যে উক্ত এই মর্মের কথা স্মৃষ্ট। কেহ যদি বলেন, এইরূপ কথা অল্পসারে কাজ বড়ই মন্দগতিতে হইয়াছে, তাহার উত্তরে আমি বলি, যে-কেহ কোন স্বামী

বিবর্তনের কথা দিয়া গিয়াছেন, তিনিই উহা বড় আন্তে আন্তে হইয়াছে বলিয়া অনুভব করিয়াছেন।”

এ রকম বাজে যুক্তির উত্তর ইংরেজী ও বাংলাতে অনেকবার দিয়াছি।

পুনরাবৃত্তি অনাবশ্যক—বিশেষতঃ ইংরেজদের জন্ত, যাহারা দেখে না শুনে না, কিংবা দেখিতে শুনিতে হইবে বলিয়া চোখ কান অন্ধদিকে ফিরাইয়া বা বন্ধ করিয়া আছে।

পাদরী এডওয়ার্ড টমসন্ ভারতবর্ষের পুনর্গঠন সম্বন্ধীয় তাঁহার পুস্তকে ইংরেজদের কোন কীড়ির উল্লেখ করিতে বিরত হন নাই, কিন্তু তিনিও স্বীকার করিতে বাধ্য হইয়াছেন, যে, ইংরেজ গবন্মেণ্ট ভারতবর্ষকে বরাবর স্বশাসন শিখাইবার চেষ্টা করেন নাই। তাঁহার কথাগুলি উদ্ধৃত করিতেছি।

“This is the penalty of having let resentment and wounded self-esteem fester through so many decades and grow to intolerable exacerbation, of having for so long refused to give any considerable training in self-government or any fair expression to promises often made and with especial solemnity set forth by Queen Victoria and each succeeding King Emperor.”—*The Reconstruction of India*, P. 41.

সমস্ত বাক্যটির অনুবাদ দিবার প্রয়োজন নাই। যেখানে লেখক বলিতেছেন, গবন্মেণ্ট এত দীর্ঘকাল স্বশাসন শিক্ষা দিতে অস্বীকার করিয়াছেন, সেই কথাগুলি উপরে বাক্য অক্ষরে ছাপিয়া দিয়াছি। যাহা সভ্য কথা, তাহা চাপা দিবার চেষ্টা প্রধান মন্ত্রী না করিলেই ভাল হইত।

তাঁহার আর একটা উক্তির সংক্ষিপ্ত আলোচনা করিব। তিনি বলিয়াছেন :—

“Men who co-operate are pioneers of progress, civil disorder is the way of reaction. It destroys social mentality, wherefrom all constitutional development derives its source and whereupon all stable internal administration is based.”

এই কথাগুলিতে মন্ত্রী মহাশয় নাম না করিয়া মহাত্মা গান্ধীর ও তাঁহার প্রবর্তিত প্রচেষ্টার নিন্দা করিয়া, কো-অপারেশন অর্থাৎ সহযোগিতার প্রশংসা করিয়াছেন।

তাঁহার মনে রাখা উচিত ছিল, যে, গান্ধীজী ইংরেজ জাতিকে বিশ্বাস করিয়া ২৯ বৎসর পরিয়া সহযোগিতা করিয়া ছিলেন—কখন কখন প্রাণ হাতে লইয়া করিয়া ছিলেন—বৈঠকের কোন ভারতীয় সভ্য তাহা করেন নাই। গান্ধীজী বিশ্বাস করিয়া ইংরেজের সহযোগিতা করিয়া ছিলেন, কিন্তু ইংরেজ জাতি তাঁহার সহযোগিতা না করায় এই প্রচেষ্টার উৎপত্তি।

সিবিল বিশৃঙ্খলার নিন্দা মিঃ ম্যাকডনাল্ড করিয়াছেন। কিন্তু উহা আংশিক সত্য। গান্ধীজী সশস্ত্র সংগ্রাম ঘোষণা করেন নাই, কেবল অহিংসভাবে কোন কোন আইন অমান্য করিয়াছেন ও করাইয়াছেন। যে সব পরাধীন জাতি সশস্ত্র যুদ্ধ করিয়া স্বাধীন হইয়াছে, তাহাদেরও “মোশাল মেটালিটি” অর্থাৎ সমাজের অনুকূল মনোভাব বিনষ্ট হয় নাই; তাহারা স্বাধীন হইয়া সামাজিক কর্তব্য পালন দ্বারা উন্নতি করিতেছে ও অগ্রসর হইতেছে। তাহার বিস্তারিত দৃষ্টান্ত চোখের সম্মুখে রহিয়াছে। সশস্ত্র যুদ্ধের ফলে পরাধীনতা হইতে স্বাধীনতা প্রাপ্ত জাতিদেরও মনোভাব যখন সমাজবিরোধী হইয়া যায় নাই, তখন অন্তর্গত অহিংসপ্রচেষ্টার ফলে ভারতীয়েরা সমাজবিধ্বংসী মনোভাব প্রাপ্ত হইবে, এরূপ মনে করিলে ইতিহাস হইতে সেরূপ সিদ্ধান্তের কোন সমর্থন পাওয়া যাইবে না।

গোল টেবিল বৈঠকের ভারতীয় সভ্যেরা নিজ নিজ প্রাসাদে হৃদয়ের পোষাক পরিয়া আরামে থাকুন ও ইংরেজদের সঙ্গে খানাপিনা করিয়া সহযোগিতা করুন। গান্ধীশিয়েরা কোটি কোটি অর্জন করিয়া লোকের ভগ্ন কুটারে গিয়া তাঁহাদের সহিত কার্যগত ভ্রাতৃত্ব করিয়া প্রকৃত সামাজিকতা সৃষ্ট করিতেছেন।

ভবিষ্যৎ ভারতশাসনবিধি সম্বন্ধে

ভারত-গবন্মেণ্টের মন্তব্য

ভবিষ্যতে ভারতশাসনবিধি কিরূপ হওয়া চাই, সে বিষয়ে রিপোর্ট করিবার নিমিত্ত সাইমন কমিশন নিযুক্ত

হয়। তাহার রিপোর্ট, তাহার সহিত “সহযোগিতা” করিবার নিমিত্ত নিযুক্ত ভারতীয় কেন্দ্রীয় ব্যবস্থাপক সভার কমিটির রিপোর্ট, নেহরু কমিটির রিপোর্ট, এবং অন্যান্য মত বিবেচনা করিয়া ভারত গবর্ণমেন্ট এদেশের ভাবী শাসন-ব্যবস্থা সম্বন্ধে ভারতসচিবকে আপনাদের একটি দীর্ঘ মন্তব্য পাঠাইয়াছেন। ইহা ২৭শে কাঠিক রাত্রি চট্টার সময়ে রাইটার্স বিল্ডিং প্রবাসী কার্যালয়ের একজন কর্মচারীকে দেওয়া হয়, ২৮শে প্রাতে সম্পাদকের হস্তগত হয়, এবং এই ২৮শেই প্রবাসীর ছাপা শেষ হইতেছে। এই মন্তব্যটি ২০৮ পৃষ্ঠা পরিমিত। উহার এক এক পৃষ্ঠায় মোটামুটি প্রবাসীর এক এক পৃষ্ঠার সমান শব্দ আছে। মূল মন্তব্যটি ছাড়া স্ফটী ১০ পৃষ্ঠা এবং ৬৮ পৃষ্ঠা ব্যাপী কয়েকটি পরিশিষ্ট আছে। এতবড় একটি মন্তব্যের মোটামুটি ধারণা যাহাতে হইতে পারে, সংক্ষেপে তাড়াতাড়ি এরূপ কিছু লেখা যায় না। তবে, পাঠকেরা জানিয়া রাখুন, ভারত-গবর্ণমেন্ট ডোমিনিয়ন স্টেটস্ দিবার ধার দিয়াও যান নাই, গবর্ণমেন্টকে দেশবাসীদের নিকট প্রকৃতপ্রস্তাবে দায়ী করিতেও চান নাই; সাহসন কমিশন যাহা বলিয়াছে, তাহারই কিছু অদলবদল, তাহাতেই কিছু জোড়াতাড়ি ইহাতে আছে। কংগ্রেসের স্বাধীনতাবাদীর দল, সত্য-গ্রহীর দল ভারত-গবর্ণমেন্টের মন্তব্যে সন্তুষ্ট হইবেনই না, মডারেটদের অগ্রণী অগ্রসর লোকেরাও সন্তুষ্ট হইবেন না।

ভারত-গবর্ণমেন্টের মতে, যাহারা স্বাধীনতা লাভের জন্য অহিংস আইনসজ্জনের বা অস্ত্রব্যবহারের—অর্থাৎ কোন প্রকার শক্তিপ্রয়োগের—পক্ষপাতী, তাহাদের সঙ্গে

কোন বুঝা পড়া, কোন বন্দোবস্ত অসম্ভব। আমরা তাহা মনে করি না। গবর্ণমেন্টের মন্তব্যের কথাগুলি এই :—

“It must be recognized that there is, particularly among the younger men, a considerable body who have adopted independence not as a phrase but as a settled aim, who are fundamentally hostile to the British connection and who, though they may not all favour or believe in the efficacy of the methods of terrorism which many of them are prepared to pursue, are at any rate convinced that it is by force applied in some form or other that they can achieve their end. With such men it would be idle to expect that any settlement is possible.” P. 9.


এখানে সরকার বাহাদুর অহিংস শক্তি প্রয়োগেরও বিরুদ্ধে মত দিতেছেন, এবং পরবর্তী বাক্যে উপরে বর্ণিত চরমপন্থীদের সম্বন্ধে এই আশা প্রকাশ করিতেছেন,

“that gradually through experience of a constitution, which gives a considerable degree of self-government, they may come to realize that more can be achieved by working the constitution than by endeavouring to overthrow it.”

ইহার মানে বুঝিয়াছি। কিন্তু পর পৃষ্ঠায় যে বলা হইতেছে,

“The time has passed when it was safe to assume the passive consent of the governed. The new system must be based as far as possible on the willing consent of a people whose political consciousness is steadily being awakened.”

জনগণের যে রাজনৈতিক জাগৃতির ফলে গবর্ণমেন্টকে উক্ত সিদ্ধান্তে উপনীত হইতে হইয়াছে, তাহা শাসনযন্ত্র-পরিচালনের (working the constitution-এর) ফল, না অহিংস শক্তিপ্রয়োগের ফল?



থাউ ক্রাস বন্দী ১৯৬০ খ্রিস্টাব্দে

শ্রীকান্ত দেশাই

প্রবাসী প্রেস, কলিকাতা



“সত্যম্ শিবম্ সুন্দরম্”

“নায়মাত্মা বলহীনেন লভ্যঃ”

৩০শ ভাগ

২য় খণ্ড

পৌষ, ১৩৩৭

৩য় সংখ্যা

রাশিয়ার সর্বব্যাপী নিধনতা

শ্রীরবীন্দ্রনাথ ঠাকুর

কল্যাণীয়াসু—

রাণী, স্থান রাশিয়া। দৃশ্য, মস্কোয়ের উপনগরীতে একটি প্রাসাদভবন। জানলার ভিতর দিয়ে চেয়ে দেখি, দিক্‌প্রান্ত পৰ্য্যন্ত অরণ্যভূমি, সবুজ রঙের ঢেউ উঠেছে, ঘন সবুজ, ফিকে সবুজ, বেগুনির সঙ্গে মেশামেশি সবুজ, হলদের আমেজ-দেওয়া সবুজ। বনের শেষ সীমায় বহুদূরে গ্রামের কুটারশ্রেণী। বেলার প্রায় দশটা, আকাশে স্তরে স্তরে মেঘ করেছে, অবৃষ্টিসংরত্ত সমারোহ, বাতাসে ঝঙ্কুয়া পপলার গাছের শিখরগুলি দোহুলামান। মস্কোয়েতে কয়দিন যে-হোটেলে ছিলুম, তার নাম গ্র্যাণ্ড হোটেল। বাড়িটা মস্ত, কিন্তু অবস্থা অতি দরিদ্র। ঘেন ধনীর ছেলে দেউলে হয়ে গেছে। সাবেক কালের সাজ-সজ্জা কতক গেছে বিকিয়ে, কতক গেছে ছিঁড়ে, তালি-দেওয়ারও সঙ্গতি নেই, ময়লা হয়ে আছে, ধোবার বাড়ির সম্পর্ক বন্ধ। সমস্ত শহরেরই অবস্থা এই রকম—একান্ত অপরিচ্ছন্নতার ভিতর দিয়েও নবাবী আমলের চেহারা দেখা যাচ্ছে, যেন হেঁড়া জামাতেও সোনার বোতাম

লাগানো, যেন ঢাকাই ধুতি রিফু করা। আহায়ে ব্যবহারে এমন সর্বব্যাপী নিধনতা যুরোপের আর কোথাও দেখা যায় না। তার প্রধান কারণ, আর আর সব জায়গায় ধনী দরিদ্রের প্রভেদ থাকতে ধনের পুঞ্জীভূত রূপ সবচেয়ে বড়ো করে চোখে পড়ে—সেখানে দারিদ্র্য থাকে যবনিকার আড়ালে নেপথ্যে; সেই নেপথ্যে সব এলোমেলো, নোংরা, অস্বাস্থ্যকর, ছুখে ছুঁদ্রশায়, দুর্গন্ধে নিবিড় অন্ধকার। কিন্তু বাইরে থেকে গিয়ে আমরা যেখানে বাসা পাই সেখানকার জানলা দিয়ে যা-কিছু দেখতে পাই সমস্তই স্বভদ্র, শোভন, সুপরিপুষ্ট। এই সমৃদ্ধি যদি সমানভাবে ছড়িয়ে দেওয়া যেত তাহলে তখনই ধরা পড়ত, দেশের ধন এত কিছু বেশি নয় যাতে সকলেরই ভাত কাপড় যথেষ্ট পরিমাণে জোটে। এখানে ভেদ নেই বলেই, ধনের চেহারা গেছে ঘুচে, দৈন্তেরও কুশ্রীতা নেই, আছে অকিঞ্চনতা। দেশ-জোড়া এই অধন আর কোথাও দেখিনি বলেই প্রথমেই এটা আমাদের চোখে খুব পড়ে। অন্তর্দেশে যাদের

আমরা জনসাধারণ বলি, এখানে তারাই একমাত্র। মন্সোয়ের রাস্তা দিয়ে নানা লোক চলেচে। কেউ ফিট-ফার্ট নয়, দেখলেই বোঝা যায় অবকাশভোগীর দল একেবারে অন্তর্ধান করেছে, সকলকেই স্বহস্তে কাজকর্ম করে দিনপাত করতে হয়, বাবুগিরির পালিশ কোনো জায়গাতেই নেই। ডাক্তার পেট্রোভ ব'লে এক ভদ্রলোকের বাড়ী যেতে হয়েছিল, তিনি এখানকার একজন সম্মানী লোক, উচ্চপদস্থ কর্মচারী। যে-বাড়িতে তাঁর আপিস সেটা সকালের একজন বড়লোকের বাড়ি, কিন্তু ঘরে আসবাব অতি সামান্য, পারিপার্শ্বিক কোনো লক্ষণ নেই—নিষ্কার্পেট মেঝের এক কোণে যেমন তেমন একখানা টেবিল; সবস্বচ্ছ, পিত্তবিশোধে ধোবানাপিতবস্ত্রিত অশৌচদশার মতো শয্যাসনশৃঙ্খলা, যেন বাইরের লোকের কাছে সামাজিকতা রক্ষার কোনো দায় নেই। আমার বাসায় আহারাদির যে ব্যবস্থা তা গ্রাণ্ড হোটেল নামধারী পান্থবাসের পক্ষে নিতান্তই অসম্ভব। কিন্তু এজ্ঞে কোনো কুণ্ঠা নেই—কেমনা সকলেরই এক দশা। আমাদের বাল্যকালের কথা মনে পড়ে। তখনকার জীবনযাত্রা ও তার আয়োজন এখনকার তুলনায় কতই অক্লিষ্টকর, কিন্তু সে জ্ঞে আমাদের কারো মনে কিছুমাত্র সন্দেহ ছিল না; তার কারণ, তখনকার সংসারযাত্রার আদর্শে অভ্যস্ত বেশি উচুনীচ ছিল না—সকলেরই ঘরে একটা মোটা-মোটা রকমের চালচলন ছিল—তফাৎ যা ছিল তা বৈমন্ধ্যর অর্থাৎ গান বাজনা পড়াশুনো ইত্যাদি নিয়ে। তাছাড়া ছিল কৌলিক রীতির পার্থক্য অর্থাৎ ভাষা ভাব ভঙ্গী আচারবিচারগত বিশেষত্ব। কিন্তু তখন আমাদের আহার-বিহার ও সকল প্রকার উপকরণ

যা ছিল তা দেখলে এখনকার সাধারণ মধ্যবিত্ত লোকদের মানও অবজ্ঞা জাগতে পারত। ধনগত বৈষম্যের বড়াই আমাদের দেশে এসেচে পশ্চিম মহাদেশ থেকে। এক সময়ে আমাদের দেশে যখন হাল আমাদের আপিস-বিহারী ও ব্যবসাদারদের ঘরে নতুন টাকার আমাদানি হ'ল, তখন তারা বিলিতি বাবুগিরির চলন স্বীকৃত করে দিলে। তখন থেকে আসবাবের মাপেই ভদ্রতার পরিমাপ আরম্ভ হয়েছে। তাই আমাদের দেশেও আজকাল কুলশীল রীতিনীতি বুদ্ধিবিদ্যা সমস্ত ছাপিয়ে চোখে পড়ে ধনের বিশিষ্টতা। এই বিশিষ্টতার গৌরবই মানুষের পক্ষে সবচেয়ে অগৌরব। এরই ইতিহাস যাকে মজ্জার মধ্যে প্রবেশ না করে, সেজ্ঞে বিশেষ সাবধান হওয়া উচিত। এখানে এসে যেটা সবচেয়ে আমার চোখে ভাল লেগেছে সে হচ্ছে এই ধন-গরিমার ইতিহাস সম্পূর্ণ তিরোভাব। কেবলমাত্র এই কারণেই এদেশে জনসাধারণের আত্মমর্যাদা এক মুহূর্তে অব্যাহত হয়েছে। চাষাভূষা সকলেই আজ অসম্মানের বোঝা ঝেড়ে ফেলে মাথা তুলে দাঁড়াতে পেরেচে। এইটে দেখে আমি যেমন বিস্মিত তেমন আনন্দিত হয়েছি। মানুষে মানুষে ব্যবহার কী আশ্চর্য সহজ হয়ে গেছে। অনেক কথা বলবার আছে, বলবার চেষ্টা করব—কিন্তু এই মুহূর্তে আপাতত বিশ্রাম করবার দরকার হয়েছে। অতএব জানলার সামনে লগ্না কেন্দ্রার উপর হেলান দিয়ে বসব, পায়ে উপর একটা কঞ্চল টেনে দেব—তারপরে চোখ যদি বুজে আসতে চায় জোর করে টেনে রাখতে চেষ্টা করব না। ইতি ১২ সেপ্টেম্বর, ১৯৩০।

[শ্রীমতী নিখিলকুমারী মহলানবীসকে লিখিত]

রাশিয়ায় সকল মানুষের উন্নতির চেষ্টা

শ্রী বীজনাথ ঠাকুর

কল্যাণীয়েষু—

প্রশান্ত, বহুকাল গত হ'ল তোমাকে আর রাণীকে পত্র লিখেছিলুম। তোমাদের সম্মিলিত নৈশব্দ্য থেকে অনুমান করি সেই যুগলপত্র কৈবল্য লাভ করেছে। এমনতরো মহতী বিনষ্টি ভারতীয় ডাকঘরে আজকাল মাঝে মাঝে ঘটেছে বলে শঙ্কা করি। এই কারণেই আজকাল চিঠি লিখতে উৎসাহ বোধ করিনে। অন্তত তোমাদের দিক থেকে সাড়া না পেলে চূপ করে যাই। নিশ্চয় রাজ্যের প্রহরগুলোকে দীর্ঘ বলে মনে হয়— তেমনিতোই নিশ্চিঠি কাল কল্পনায় অত্যন্ত লম্বা হয়ে উঠে। তাই থেকে থেকে মনে হয় যেন লোকান্তরপ্রাপ্তি হয়েছে। তাই পাজি গেছে বদল হয়ে, ঘড়ি বাজচে লম্বা তালে। দ্রৌপদীর বস্ত্রহরণের মত আমার দেশে যাবার সময়কে যতই টান মারচে ততই অফুরান হয়ে বেড়ে চলেচে। যেদিন ফিরব সেদিন নিশ্চিতই ফিরব— আজকের দিন যেমন অব্যবহিত নিকটে সেদিনও তেমনিই নিকটে আসবে, এই মনে করে সান্ত্বনার চেষ্টা করি।

তা হোক, আপাতত রাশিয়ায় এসেছি—না এলে এ জন্মের তীর্থদর্শন অত্যন্ত অসমাপ্ত থাকত। এখানে এরা যা কাণ্ড করচে তার ভালোমন্দ বিচার করবার পূর্বে সবপ্রথমেই মনে হয়, কি অসম্ভব সাহস! সনাতন বলে পদার্থটা মানুষের অস্থিমজ্জায় মনে প্রাণে হাজারখানা হয়ে আঁকড়ে আছে, তার কত দিকে কত মহল, কত দরজার কত পাহারা, কত যুগ থেকে কত ট্যাক্সো আদায় ক'রে তার তহবিল হয়ে উঠেচে পর্বতপ্রমাণ। এরা তাকে একেবারে জটে ধরে টান মেয়েছে—ভয় ভাবনা সংশয় কিছুই মনে নেই। সনাতনের গদি দিয়েছে ঝাঁটিয়ে, নৃতনের জন্তে একেবারে নৃতন আসন বানিয়ে দিলে। পশ্চিম মহাদেশ বিজ্ঞানের জাহুবলে দুঃসাধ্য

সাধন করে, দেখে মনে মনে তারিফ করি। কিন্তু এখানে যে প্রকাণ্ড ব্যাপার চলচে সেটা দেখে আমি সবচেয়ে বেশি বিস্মিত হয়েছি। শুধু যদি একটা ভীষণ ভাঙচুরের কাণ্ড হ'ত তাতে তেমন আশ্চর্য্য হতুম না, কেননা নাস্তা-নাবুদ করবার শক্তি এদের যথেষ্ট আছে; কিন্তু দেখতে পাচ্ছি বহুদূরব্যাপী একটা ক্ষেত্র নিয়ে এরা একটা নৃতন জগৎ গড়ে তুলতে কোমর বেঁধে লেগে গেছে। দেরি সহিচেনা, কেননা জগৎ জুড়ে এদের প্রতিকূলতা, সবাই এদের বিরোধী—যত শীঘ্র পারে এদের খাড়া হয়ে দাঁড়াতে হবে—হাতে হাতে প্রমাণ করে দিতে হবে এরা যেটা চাচ্ছে সেটা ভুল নয়, ফাঁকি নয়, হাজার বছরের বিরুদ্ধে দশ পনেরো বছর জিৎবে বলে পণ করেছে। অস্ত্র দেশের তুলনায় এদের অর্থের জোর অতি সামান্য, প্রতিজ্ঞার জোর দুর্দ্বন্দ্ব।

এই যে বিপ্লবটা ঘটল এটা রাশিয়াতে ঘটবে বলেই অনেক কাল থেকে অপেক্ষা করছিল। আয়োজন কতদিন থেকেই চল্চে। খ্যাতি অখ্যাতি কত লোক কত কাল থেকেই প্রাণ দিয়েছে, অসহ্য দুঃখ স্বীকার করেছে। পৃথিবীতে বিপ্লবের কারণ বহুদূর পর্য্যন্ত ব্যাপক হয়ে থাকে, কিন্তু এক একটা জায়গায় ঘনীভূত হয়ে ওঠে। সমস্ত শরীরের রক্ত দূষিত হয়ে উঠলেও এক একটা দুর্বল জায়গায় ফোড়া হয়ে লাল হয়ে ওঠে। যাদের হাতে ধন, যাদের হাতে ক্ষমতা, তাদের হাত থেকে নিধন ও অক্ষমেরা এই রাশিয়াতেই অসহ্য যন্ত্রণা বহন করেছে। দুই পক্ষের মধ্যে একান্ত অসাম্য অবশেষে প্রলয়ের মধ্যে দিয়ে এই রাশিয়াতেই প্রতিকার-সাধনের চেষ্টায় প্রবৃত্ত। একদিন ফরাসী বিদ্রোহ ঘটেছিল এই অসাম্যের তাড়নায়। সেদিন সেখানকার পীড়িতেরা বুঝেছিল এই অসাম্যের অপমান ও দুঃখ বিশ্বব্যাপী। তাই সেদিনকার বিপ্লবে সাম্য সৌভ্রাত্য ও স্বাভিজ্ঞের বাণী স্বদেশের গণ্ডী

পেরিয়ে উঠে ধ্বনিত হয়েছিল। কিন্তু টিকল না। এদের এখানকার বিপ্লবের বাণীও বিশ্ববাণী। আজ পৃথিবীতে অস্তুত এই একটা দেশের লোক স্বাভাৱিক স্বার্থের উপরেও সমস্ত মানুষের স্বার্থের কথা চিন্তা করচে। এ বাণী চিরদিন টিকবে কি-না কেউ বলতে পারে না। কিন্তু স্বজাতির সমস্ত সমস্ত মানুষের সমস্ত স্বার্থের এই কথাটা বর্তমান যুগের অন্তর্নিহিত কথা। একে স্বীকার করতেই হবে।

এই যুগে বিশ্ব-ইতিহাসের রঙ্গভূমির পর্দা উঠে গেছে। এতকাল যেন আড়ালে আড়ালে রিহাস্যাল চলছিল, টুকরো টুকরো ভাবে, ভিন্ন ভিন্ন কামরায়। প্রত্যেক দেশের চারদিকে বেড়া ছিল। বাহির থেকে আনাগোনা করবার পথ একেবারে ছিল না, তা নয়, কিন্তু বিভাগের মধ্যে মানব-সংসারের যে চেহারা দেখেছি আজ তা দেখিনে। সেদিন দেখা যাচ্ছিল একটি একটি গাছ, আজ দেখছি অরণ্য। মানব-সমাজের মধ্যে যদি ভার-সামঞ্জস্যের অভাব ঘটে থাকে সেটা আজ দেখা দিচ্ছে পৃথিবীর একদিক থেকে আর একদিক পর্যন্ত। এমন বিরাত করে দেখতে পাওয়া কম কথা নয়।

টোকিয়োতে যখন কোরীয় যুবককে জিজ্ঞাসা করে-ছিলুম, তোমাদের দুঃখটা কি? সে বললে, আমাদের কাঁধে চেপেছে মহাজনের রাজত্ব, আমরা তাদের মুনকার বাহন। আমি প্রশ্ন করলুম, যে কারণেই হোক তোমরা যখন দুর্বল তখন এই বোঝা নিজের জোরে ঝেড়ে ফেলবে কি উপায়ে? সে বললে, নিরুপায়ের দল আজ পৃথিবী জুড়ে, দুঃখে তাদের মেলাবে—যারা ধনী যারা শক্তিমান তারা নিজের নিজের লোহার সিন্ধুক ও সিংহাসনের চারদিকে পৃথক হয়ে থাকবে, তারা কখনো মিলতে পারবে না। কোরিয়ার জোর হচ্ছে তার দুঃখের জোর।

দুঃখী আজ সমস্ত মানুষের রঙ্গভূমিতে নিজেকে বিরাত করে দেখতে পাচ্ছে, এইটে মন্ত কথা। আগেকার দিনে নিজেকে বিচ্ছিন্ন করে দেখেচে বলেই কোনমতে নিজের শক্তিরূপ দেখতে পায়নি—অদৃষ্টের উপর ভর করে সব সহ্য করেচে। আজ অত্যন্ত নিরুপায়ও অস্তুত সেই স্বর্গরাজ্য কল্পনা করতে পারচে যে-রাজ্যে পীড়িতের পীড়া

যায়, অপমানিতের অপমান ঘোচে। এই কারণেই সমস্ত পৃথিবীতেই আজ দুঃখজীবীরা নড়ে উঠেচে।

যারা শক্তিমান তারা উন্নত হয়ে উঠেচে। দুঃখীদের মধ্যে আজ যে শক্তির প্রেরণা সঞ্চারিত হয়ে তাদের অস্থির করে তুলচে তাকে বলশালীরা বাইরে থেকে ঠেকাবার চেষ্টা করচে—তার দূতদের ঘরে ঢুকতে দিচ্ছে না, তাদের কণ্ঠ দিচ্ছে রুদ্ধ করে। কিন্তু আসল যাকে সবচেয়ে ওদের ভয় করা উচিত ছিল সে হচ্ছে দুঃখীর দুঃখ—কিন্তু তাকেই এরা চিরকাল সবচেয়ে অবজ্ঞা করতে অভ্যস্ত। নিজের মুনকার খাতিরে সেই দুঃখকে এরা বাড়িয়ে চলতে ভয় পায় না, হতভাগ্য চাষীকে হুভিক্ষের কবলের মধ্যে ঠেসে ধরে শতকরা দুশো তিনশো হারে মুনকা ভোগ করতে এদের হৃৎকম্প হয় না। কেননা সেই মুনকাকেই এরা শক্তি বলে জানে। কিন্তু মানুষের সমাজে সমস্ত আতিশয্যের মধ্যেই বিপদ, সে-বিপদকে কখনোই বাইরে থেকে ঠেকানো যায় না। অতিশয় শক্তি অতিশয় অশক্তির বিরুদ্ধে চিরদিন নিজেকে বাড়িয়ে চলতেই পারে না। ক্ষমতাশালী যদি আপন শক্তিমদে উন্নত হয়ে না থাকত তাহ'লে সবচেয়ে ভয় করত এই অসাম্যের বাড়াবাড়িকে—কারণ অসাম্যসা-মাত্রই বিশ্ববিধির বিরুদ্ধে।

মর্কো থেকে যখন নিমন্ত্রণ এল তখনো বলশেভিকদের সম্বন্ধে আমার মনে স্পষ্ট কোনো ধারণা ছিল না। তাদের সম্বন্ধে ক্রমাগতই উন্টো উন্টো কথা শুনেছি। আমার মনে তাদের বিরুদ্ধে একটা খটকা ছিল। কেননা গোড়ায় ওদের সাধনা ছিল জ্বরদত্তির সাধনা। কিন্তু একটা জিনিষ লক্ষ্য করে দেখলুম ওদের প্রতি বিরুদ্ধতা যুরোপে যেন অনেকটা ক্ষীণ হয়ে এসেচে। আমি রাশিয়াতে আস্তি শুনে অনেক লোকেই আমাকে উৎসাহ দিয়েচে। এমন কি অনেক ইংরেজের মুখেও ওদের প্রশংসা শুনেচি। অনেকে বলেচে ওরা অতি আশ্চর্য্য একটা পরীক্ষায় প্রবৃত্ত। আবার অনেকে আমাকে ভয় দেখিয়েচে—কিন্তু প্রধান ভয়ের বিষয় আরামের অভাব, বলেচে আহাৱাদি সমস্তই এমন মোটা রকম যে, আমি তা সহ্য করতে পারব না। তা ছাড়া এমন কথাও অনেকে বলেচে আমাকে যা

দেখাবে তার অধিকাংশই বানানো। এ কথা মানতেই হবে, আমার বয়সে আমার মতো শরীর নিয়ে রাশিয়ায় ভ্রমণ দুঃসাহসিকতা। কিন্তু পৃথিবীতে যেখানে সবচেয়ে বড়ো ঐতিহাসিক যজ্ঞের অস্থলান সেখানে নিমন্ত্রণ পেয়েও না আশা আমার পক্ষে অমার্জনীয় হ'ত।

তা ছাড়া আমার কানে সেই কৌরীক যুবকের কথাটা বাজছিল। মনে মনে ভাবছিলুম ধনশক্তিতে দুর্জয় পাশ্চাত্য সভ্যতার প্রাক্গণ্যেরে ঐ রাশিয়া আজ নির্ধনের শক্তি-সাধনার আসন পেতেছে সমস্ত পশ্চিম মহাদেশের ক্রকটাকুটিল কটাক্ষকে সম্পূর্ণ উপেক্ষা করে, এটা দেখবার জন্মে আমি যাবো না তো কে যাবে? ওরা শক্তিশালী শক্তিকে, ধনশালী ধনকে বিপর্যস্ত করে দিতে চায়, তাতে আমরা ভয় করব কিসের, রাগই করব বা কেন? আমাদের শক্তিই বা কি, ধনই বা কত? আমরা তো জগতের নিরন্ন নিঃসহায়দের দলের। যদি কেউ বলে দুর্বলের শক্তিকে উদ্বোধিত করবার জন্মেই তারা পণ করেছে তাহ'লে আমরা ফোন্ মুখে বলব যে, তোমাদের ছায়া মাড়াতে নেই? তারা হয়ত ভুল করতে পারে—তাদের প্রতিপক্ষেরাও যে ভুল করবে না তা নয়। কিন্তু আমাদের বলবার আজ সময় এসেছে যে, অশক্তের শক্তি এখনই যদি না জাগে তাহ'লে মানুষের পরিভ্রাণ নেই, কারণ শক্তিমানের শক্তিশেল অতিমাত্র প্রবল হয়ে উঠেছে—এতদিন ভুলোক উত্তপ্ত হয়ে উঠেছিল, আজ আকাশকে পর্যাস্ত পাপে কলুষিত করে তুললে; নিরুপায় আজ অতিমাত্র নিরুপায় হয়ে উঠ'ছে, সমস্ত সুযোগ সুবিধা আজ কেবল মানব সমাজের এক পাশে পুঞ্জীভূত হয়ে উঠল, অল্প পাশে নিঃসহায়তা অন্তহীন।

এরই কিছুদিন পূর্বে থেকে ঢাকার অত্যাচারের কাহিনী আমার মনের মধ্যে তোলপাড় করছিল। কী সব অমানুষিক নিষ্ঠুরতা, অথচ ইংলণ্ডের খবরের কাগজে তার খবরই নেই—এখনকার মোটর গাড়ীর দুর্ঘ্যোগে দুটো একটা মানুষ মলে তার খবর এদেশের এক প্রান্ত থেকে অপর এক প্রান্ত ছড়িয়ে পড়ে, কিন্তু আমাদের ধন প্রাণ মান কি অসম্ভব সস্তা হয়ে গেছে! যারা এত সস্তা তাদের সযত্নে কখনো সুবিচার হতেই পারে না। আমাদের

নাশি পৃথিবীর কানে উঠবার জো নেই, সমস্ত রাস্তা বন্ধ। অথচ আমাদের বিরুদ্ধ বচন জগতে ব্যাপ্ত করবার সকল প্রকার উপায় এদের হাতে। আজকের দিনে দুর্বল জাতির পক্ষে এও একটি প্রবলতম মানির বিষয়। কেননা আজকের দিনের জনশ্রুতি সমস্ত জগতের কাছে ঘোষিত হয়, বাক্যচালনার যন্ত্রগুলো যেসব শক্তিমান জাতির হাতে তারা অধ্যাত্তির এবং অপঘণের আড়ালে অশক্তজাতীয়দের বিলুপ্ত করে রাখতে পারে। পৃথিবীর লোকের কাছে একথা প্রচারিত, যে, আমরা হিন্দু মুসলমানে কাটাকাটি মারামারি করি, অতএব ইত্যাদি। কিন্তু যুরোপেও একলা সম্প্রদায়ে সম্প্রদায়ে কাটাকাটি মারামারি চলত—গেল কি উপায়ে? কেবলমাত্র শিক্ষা-বিস্তারের দ্বারা। আমাদের দেশেও সেই উপায়েই যেত। কিন্তু শতাব্দিক বৎসরের ইংরেজ শাসনের পরে দেশে শতকরা পাচজনের কপালে শিক্ষা জুটেছে, সে-শিক্ষাও শিক্ষার বিড়ম্বনা। অবজ্ঞার কারণে দূর করবার চেষ্টা না করে লোকের কাছে প্রমাণ করা যে আমরা অবজ্ঞার যোগ্য, এইটে হচ্ছে আমাদের অশক্তির সবচেয়ে বড়ো ট্যাক্সো। মানুষের সকল সমস্যা সমাধানের মূলে হচ্ছে তার শিক্ষা। আমাদের দেশে তার রাস্তা বন্ধ, কারণ law and order আর কোনো উপকারের জন্মে জায়গা রাখলে না, তহবিল একেবারে ফাঁকা। আমি দেশের কাজের মধ্যে একটি কাজকেই শ্রেষ্ঠ বলে মনে নিয়ে-ছিলুম। জনসাধারণকে আত্মশক্তিতে প্রতিষ্ঠা দেবার শিক্ষা দেব বলে এতকাল ধরে আমার সমস্ত সামর্থ্য দিয়েছি। এজন্মে কর্তৃপক্ষের আত্মকুল্যও আমি প্রত্যাখ্যান করতে চাইনি, প্রত্যাশাও করেছি—কিন্তু তুমি জান কতটা ফল পেয়েছি। বৃষ্ণতে পেয়েছি হবার নয়। মন্ত আমাদের পাপ, আমরা অশক্ত।

তাই যখন শুনলুম রাশিয়াতে জনসাধারণের শিক্ষা প্রায় শূন্য অঙ্ক থেকে প্রভূত পরিমাণে বেড়ে গেছে, তখন মনে মনে ঠিক করলুম ভাঙা শরীর আরো যদি ভাঙে তো ভাঙুক, ওখানে যেতেই হবে। এরা জেনেছে অশক্তকে শক্তি দেবার একটি মাত্র উপায় শিক্ষা—অন্ন স্বাস্থ্য শাস্তি সমস্তই এরই পরে নির্ভর করে। ফাঁকা law

and order নিয়ে না ভরে পেট না ভরে মন। অথচ তার দাম দিতে গিয়ে সর্বস্ব বিক্রিয়ে গেল।

আধুনিক ভারতবর্ষের আবহাওয়ায় আমি মাহুষ, তাই এতকাল আমার মনে দৃঢ় ধারণা ছিল, প্রায় তেত্রিশ কোটি মূর্খকে বিদ্যাদান করা অসম্ভব বললেই হয়, এজন্য আমাদের মন্দ ভাগ্য ছাড়া আর কাউকে বুদ্ধি দোষ দেওয়া চলে না। যখন শুনেছিলুম এখানে চাষী ও কস্মীদের মধ্যে শিক্ষা হ্রু করে এগিয়ে চলেছে আমি ভেবেছিলুম সে শিক্ষা বুদ্ধি সামান্য একটুখানি পড়া ও লেখা ও অঙ্ককথা—কেবলমাত্র মাথা গুন্ডিতেই তার গোরব। সেও কম কথা নয়। আমাদের দেশে তাই হলেই রাজাকে আশীর্বাদ করে বাড়ি চলে যেতুম। কিন্তু এখানে দেখলুম, বেশ পাকারকমের শিক্ষা, মাহুষ করে তোলাবার উপযুক্ত, নোট মুদ্রা করে এম-এ পাশ করবার মতন নয়।

কিন্তু এসব কথা আর একটু বিস্তারিত করে পরে লিখব, আজ আর সময় নেই। আজই সন্ধ্যাবেলায় বালিন অভিমুখে যাত্রা করব। তার পরে ৩রা অক্টোবর আটলান্টিক পাড়ি দেব—কতদিনের মেয়াদ আজও নিশ্চিত করে বলতে পাচ্চিনে। কিন্তু শরীর মন কিছুতে সাহস দিচ্ছে না—তবু এবারকার স্বেচ্ছা ছাড়তে সাহস হয় না—যদি কিছু কুড়িয়ে আনতে পারি তা হলেই বাকি যে কয়টা দিন বাঁচি বিশ্রাম করতে পারব। নইলে দিনে দিনে মূলধন খুইয়ে দিয়ে অবশেষে বাতি নিবিয়ে দিয়ে বিদায় নেওয়া সেও মন্দ প্রান নয়—সামান্য কিছু উদ্ভিষ্ট ছাড়িয়ে রেখে গেলে জিনিষটা নোংরা হয়ে উঠবে। সম্বল যতই কমে আসতে থাকে মাহুষের আন্তরিক হৃদয়তা ততই ধরা পড়ে—ততই শৈথিল্য স্বগভীরতাটি পরস্পরের বিরুদ্ধে কানাকানি। ঔদার্য্য, ভরা-উদার উপরে অনেকটা নির্ভর করে। কিন্তু যেখানেই যথার্থ সিদ্ধির একটি চেহারা দেখতে পাই সেখানেই দেখা যায় সেটা কেবলমাত্র টাকা দিয়ে হাটে কেনবার নয়—দারিদ্র্যের ভ্রমিতেই সে সোনার ফসল কলায়। এখানকার শিক্ষাব্যবস্থায় যে অক্লান্ত উদ্যম, সাহস, বুদ্ধিশক্তি, যে আত্মোৎসর্গ দেখলুম তার অতি অল্প

পরিমাণ থাকলেও কৃতার্থ হতুম। আন্তরিক শক্তি ও অক্লান্ত উৎসাহ যত কম থাকে টাকা খুঁজতে হয় ততই বেশী করে।

একটা কথা বলতে ভুলে গেছি। এখানে আমার ছবির আদর অত্যন্ত জায়গার চেয়ে বেশি বই কম হয়নি। এদের গ্যালারির জন্তে চারখানা ছবি কিনবে বলে এরা যথেষ্ট চেষ্টা করচে—কিন্তু এদের অর্থাত্তাব প্রায় আমাদের বিশ্বভারতীরই মতো—তবু কোনো রকম করে জোগাড় করবার জন্তে উঠে পড়ে লেগেছে। ইতি ২৫শে সেপ্টেম্বর ১৯৩০।

[শ্রীযুক্ত প্রশান্তচন্দ্র মহলানবীসকে লিখিত]

বার্লিন

কল্যাণীয়েষু—

প্রশান্ত, মন্সৌ থেকে তোমাকে একটা বড়ো চিঠিতে রাশিয়া সম্বন্ধে আমার ধারণা লিখেছিলুম। সে চিঠি যদি পাও তো রাশিয়া সম্বন্ধে কিছু খবর পাবে।

এখানে চাষীদের সর্বস্বাধীন উন্নতির জন্ত কতটা কাজ করা হচ্ছে তারই বিবরণ রাণীকে কিছু দিয়েছি। আমাদের দেশে যে শ্রেণীর লোক মুক, মূঢ়, জীবনের সকল স্বেচ্ছা থেকে বঞ্চিত হ'য়ে যাদের মন অন্তর বাহিরের দৈত্যের তলায় চাপা প'ড়ে গেছে এখানে সেই শ্রেণীর লোকের সঙ্গে যখন আমার পরিচয় হ'ল তখন বুঝতে পারলুম সমাজের অনাদরে নান্নয়ের চিত্ত-সম্পদ কত প্রভূত পরিমাণে অবলুপ্ত হয়ে থাকে—কি অসীম তার অপব্যয়, কি নিষ্ঠুর তার অবিচার।

মন্সৌতে একটি কৃষিভবন দেখতে গিয়েছিলুম। এটা ওদের ক্লাবের মতো। রাশিয়ার সমস্ত ছোটো বড়ো সহরে এবং গ্রামে এরকম আবাস ছড়ানো আছে। এসব জায়গায় কৃষিবিদ্যা সমাজতত্ত্ব প্রভৃতি সম্বন্ধে উপদেশ দেবার ব্যবস্থা আছে; যারা নিরক্ষর তাদের পড়াশুনা শেখানোর উপায় করেছে, এখানে বিশেষ বিশেষ ক্লাসে বৈজ্ঞানিক রীতিতে চাষ করার ব্যবস্থা কৃষাগণের বুঝিয়ে দেওয়া হয়। এই রকম প্রত্যেক বাড়িতে প্রাকৃতিক সামাজিক সকল প্রকার

শিক্ষণীয় বিষয়ের স্থানিয়ম, তা ছাড়া চাষীদের সকল প্রকার প্রয়োজনের উপযোগী পরামর্শ দেবার স্বযোগ ক'রে দেওয়া হয়েছে।

চাষীরা কোনো উপলক্ষ্যে গ্রাম থেকে যখন শহরে আসে তখন খুব কম খরচে অন্তত তিন-সপ্তাহ এই রকম বাড়িতে থাকতে পারে। এই বহুব্যাপক প্রতিষ্ঠানের দ্বারা সোভিয়েট গভর্নমেন্ট এককালের নিরক্ষর চাষীদের চিন্তকে উদ্বোধিত ক'রে সমাজব্যাপী নবজীবন প্রতিষ্ঠার প্রশস্ততম ভিত্তি স্থাপন করেছে।

বাড়িতে ঢুকে দেখি খাবার ঘরে কেউ কেউ ব'সে থাকে, পড়বার ঘরে একদল খবরের কাগজ পড়তে প্রবৃত্ত। উপরে একটা বড়ো ঘরে আমি এসে বসলুম—সেখানে সবাই এসে জমা হ'ল। তারা নানা স্থানের লোক, কেউ বা অনেক দূর প্রদেশ থেকে এসেছে। বেশ সহজ ওদের ভাবগতিক; কোনো রকম সন্দেহ নেই।

প্রথম অভ্যর্থনা ও পরিচয় উপলক্ষ্যে বাড়ির পরিদর্শক কিছু বললে, আমিও কিছু বললুম। তারপরে ওরা আমাকে প্রশ্ন করতে আরম্ভ করলে।

প্রথমেই ওদের মধ্যে আমাকে একজন জিজ্ঞাসা করলে, ভারতবর্ষে হিন্দু-মুসলমানের মধ্যে রগড়া হয় কেন?

উত্তর দিলুম, “যখন আমার বয়স অল্প-ছিল কখনো এরকম বর্বরতা দেখিনি। তখন গ্রামে এবং শহরে উভয় সম্প্রদায়ের মধ্যে সৌহার্দ্যের অভাব ছিল না। পরস্পরের ক্রিয়াকাণ্ডে পরস্পরের যোগ ছিল, জীবন-যাত্রায় স্ব্থে ছুঁতে তারা ছিল এক। এসব কুংসিত কাণ্ড দেখতে পাচ্ছি যখন থেকে আমাদের দেশে রাষ্ট্রীয় আন্দোলন শুরু হয়েছে। কিন্তু প্রতিবেশীদের মধ্যে এই রকম অমাহুয়িক দুর্ক্যবহারের আশু কারণ যাই হোক, এর মূল কারণ হচ্ছে আমাদের জনসাধারণের মধ্যে অশিক্ষা। কিন্তু যে-পরিমাণ শিক্ষার দ্বারা এই রকম দুর্ক্য দূর হয় আমাদের দেশে বিস্তৃতভাবে তার প্রচলন করা আজ পর্যন্ত হয়নি। যা তোমাদের দেশে দেখলুম তাতে আমি বিশ্বস্ত হয়েছি।”

প্রশ্ন। তুমি তো লেখক, তোমাদের চাষীদের কথা কি কিছু লিখেচ? ভবিষ্যতে তাদের কি গতি হবে?

উত্তর। শুধু লেখা কেন তাদের জ্ঞান আমি কাজ ফেঁদেচি। আমার একলার সাধ্যে যতটুকু সম্ভব তাদের শিক্ষার কাজ চালাই, পল্লীর উন্নতিসাধনে তাদের সাহায্য করি। কিন্তু তোমাদের এখানে যে প্রকাণ্ড শিক্ষাব্যাপার যে আশ্চর্য্য অল্প সময়ের মধ্যে তৈরি হয়েছে তার তুলনায় আমার এ উদ্যোগ অতি যৎসামান্য।

প্রশ্ন। আমাদের দেশে কৃষিক্ষেত্রের একত্রীকরণের যে চেষ্টা চলছে সে সম্বন্ধে তোমার মত কি?

উত্তর। মত দেবার মতো আমার অভিজ্ঞতা হয়নি, তোমাদেরই কাছ থেকে শুনতে চাই। আমার জানবার কথা এই যে, এতে তোমাদের ইচ্ছার উপর জবরদস্তি করা হচ্ছে কি না?

প্রশ্ন। ভারতবর্ষে সবাই কি এই ঐকত্বিকতা এবং সাধারণভাবে এখানকার অন্য সমস্ত উদ্যোগের কথা কিছু জানে না?

উত্তর। জানবার মতো শিক্ষা অতি অল্প লোকেরই আছে। তা ছাড়া তোমাদের খবর নানা কারণে চাপা পড়ে যায়। এবং যা কিছু শোনা যায় তাও সব বিশ্বাস-যোগ্য নয়।

প্রশ্ন। আমাদের দেশে এই যে চাষীদের জন্য আবাস ব্যবস্থা হয়েছে, এর অস্তিত্বও কি তুমি আগে জানতে না?

উত্তর। তোমাদের কল্যাণের জন্য কি করা হচ্ছে মন্দো এসে তা প্রথম দেখলুম এবং জানলুম। যাই হোক, এবার আমার প্রশ্নের উত্তর তোমরা দাও। চাষী প্রজ্ঞার পক্ষে এই ঐকত্বিকতার ফলাফল সম্বন্ধে তোমাদের মত কি, তোমাদের ইচ্ছা কি?

একজন যুবক চাষী, যুক্তেন প্রদেশ থেকে এসেছে, সে বললে, “দু বছর হ'ল একটি ঐকত্বিক কৃষিক্ষেত্র স্থাপিত হয়েছে আমি তাতে কাজ করি। এই ক্ষেত্রের মধ্যে ফল ফসলের বাগান আছে তার থেকে আমরা সবজির জোগান দিই সব কারখানা ঘরে। সেখানে সেগুলো টিনের কোঁটায় মোড়াই হয়। এছাড়া বড়ো বড়ো

ক্ষেত আছে সেখানে সব গমের চাষ। আট ঘণ্টা ক'রে আমাদের খাটনি, প্রত্যেক পঞ্চম দিনে আমাদের ছুটি। আমাদের প্রতিবেশী যে-সব চাষী নিজের ক্ষেত নিজে চাষে, তাদের চেয়ে আমাদের এখানে অন্তত দু'নো ফল উৎপন্ন হয়। প্রায় গোড়াতেই আমাদের এই ঐকত্বিক চাষে দেড় শো চাষীর ক্ষেত মিলিয়ে দেওয়া হয়েছিল। ১৯২৯ সালে অর্ধেক চাষী তাদের ক্ষেত ফিরিয়ে নিলে। তার কারণ সোভিয়েট কম্যুন দলের প্রধান মন্ত্রী স্ট্যালিনের উপদেশ আমাদের কর্মচারীরা ঠিক মতো ব্যবহার করেনি। তাঁর মতে ঐকত্বিকতার মূল নীতি হচ্ছে সমাজবদ্ধ স্বেচ্ছাকৃত যোগ। কিন্তু অনেক জায়গায় আমলারা এই কথাটা মনে না রাখাতেই গোড়ার দিকে অনেক চাষী ঐকত্বিক কৃষিসম্বন্ধ ছেড়ে দিয়েছিল। তার পরে ক্রমে তাদের মধ্যকার সিকির ভাগ লোক আবার ফিরে এসেছে। এখন আগেকার চেয়ে আরো আমরা বল পেয়েছি। আমাদের দলের লোকের জন্তে নতুন সব বাসা, একটা নতুন ভোজনশালা, আর একটা ইস্কুল তৈরি আরম্ভ হয়েছে।”

তারপরে সাইবীরিয়ার একজন চাষী স্ত্রীলোক বললে, “সমবেত ক্ষেতের কাজে আমি প্রায় দশ বছর আছি। একটা কথা মনে রেখো ঐকত্বিক কৃষিক্ষেত্রের (collective farm) সঙ্গে নারী উন্নতি প্রচেষ্টার ঘনিষ্ঠ যোগ আছে। আজ দশ বছরের মধ্যে এখানে চাষী মেয়েদের বদল হয়েছে যথেষ্ট। নিজের উপর তাদের অনেক বেশি ভরসা হয়েছে। যে-সব মেয়ে পিছিয়ে আছে, ঐকত্বিক চাষের যারা প্রধান বাধা, এরাই তাদের মন গড়ে তুলেছে। আমরা মেয়ে ঐকত্বিকরা দল তৈরি করেছি, তারা ভিন্ন ভিন্ন প্রদেশে ঘুরে বেড়ায়, মেয়েদের মধ্যে কাজ করে, চিন্তের এবং অর্থের উন্নতি সাধনে ঐকত্বিকতার সুযোগ কত তা ওদের বুঝিয়ে দেয়। ঐকত্বিক দলের চাষী মেয়েদের জীবনযাত্রা সহজ ক'রে দেবার জন্ত প্রত্যেক ঐকত্বিক ক্ষেত্রে একটি ক'রে শিশুপালনাবাস, শিশুবিদ্যালয় আর সাধারণ পাকশালা স্থাপিত হয়েছে।”

সুখোজ প্রদেশে জাইগান্ট নামক একটি স্ববিখ্যাত সরকারী কৃষিক্ষেত্র আছে। সেখানকার একজন চাষী

রাশিয়ায় ঐকত্বিকতার কি রকম বিস্তার হচ্ছে সেই সম্বন্ধে আমাদের বললে, “আমাদের এই ক্ষেতে জমির পরিমাণ একলক্ষ হেক্টার (hectares)। গত বছরে সেখানে তিন হাজার চাষী কাজ করতো। এবছরে সংখ্যা কিছু কমে গেছে, কিন্তু ফসলের ফলন আগেকার চেয়ে বাড়বার কথা। কেননা কৃষিতে বিজ্ঞানসম্মত সার দেবার এবং কলের লাঙল ব্যবহার করবার ব্যবস্থা হয়েছে। এই রকম লাঙল এখন আমাদের তিনশোর বেশি আছে। প্রতিদিন আমাদের আটঘণ্টা কাজ করবার মেয়াদ। যারা তার বেশি কাজ করে তারা উপরি পারিশ্রমিক পায়। শীতের সময় ক্ষেতের কাজের পরিমাণ কমে, তখন চাষীরা বাড়ি-তৈরি রাস্তা-মেরামত প্রভৃতি নানা কাজে শ্রমের চলে যায়। এই অল্পপস্থিতির সময়েও তারা বেতনের এক-তৃতীয়াংশ পেয়ে থাকে আর তাদের পরিবারের লোক তাদের নির্দিষ্ট ঘরে বাস করতে পায়।”

আমি বল্লেম, “ঐকত্বিক কৃষিক্ষেত্রে আপন স্বতন্ত্র সম্পত্তি মিলিয়ে দেওয়া সম্বন্ধে তোমাদের আপত্তি কিছা সম্মতি যদি থাকে আমাদের স্পষ্ট করে বলো।”

পরিদর্শক প্রস্তাব করলে হাত তুলে মত জানানো হোক। দেখা গেল যাদের সম্মতি নেই এমন লোকও অনেক আছে। অসম্মতির কারণ তাদের বলতে বললুম—ভালো করে বলতে পারলে না। একজন বললে, আমি ভালো বুঝতে পারিনে। বেশ বোঝা গেল অসম্মতির কারণ মানব চরিত্রের মধ্যে। নিজের সম্পত্তির প্রতি নিজের মমতা, ওটা তর্কের বিষয় নয়, ওটা আমাদের সংস্কারগত। নিজেকে আমরা প্রকাশ করতে চাই, সম্পত্তি সেই প্রকাশের একটা উপায়। তার চেয়ে বড়ো উপায় যাদের হাতে আছে তারা সম্পত্তিকে গ্রাহ্য করে না। সমস্ত খুঁইয়ে দিতে তাদের বাধা নেই। কিন্তু সাধারণ মানুষের পক্ষে আপন সম্পত্তি তার আপন ব্যক্তিত্বের ভাষা—সেটা হারালে সে যেন বোবা হয়ে যায়। সম্পত্তি যদি কেবল আপন জীবিকার জন্তে হ'ত, আত্মপ্রকাশের জন্তে না হ'ত, তাহ'লে যুক্তির দ্বারা বোঝানো সহজ হ'ত যে ওটা ত্যাগের দ্বারাই জীবিকার উন্নতি হ'তে পারে। আত্মপ্রকাশের উচ্চতম উপায়, যেমন বুদ্ধি, যেমন

গুণপনা, কেউ কারো কাছ থেকে জোর করে কেড়ে নিতে পারে না, সম্পত্তি কেড়ে নেওয়া চলে, ফাঁকি দেওয়া চলে। সেই কারণে সম্পত্তি বিভাগ ও ভোগ নিয়ে সমাজে এত নিষ্ঠুরতা, এত ছলনা, এত অস্বহীন বিরোধ। এর একটি মাঝামাঝি সমাধান ছাড়া উপায় আছে বলে মনে করিনে—অর্থাৎ ব্যক্তিগত সম্পত্তি থাকবে অথচ তার ভোগের একান্ত স্বাতন্ত্র্যকে সীমাবদ্ধ করে দিতে হবে। সেই সীমার বাইরেরকার উচ্চতর অংশ সর্বসাধারণের জন্তে ছাপিয়ে যাওয়া চাই। তা হলেই সম্পত্তির মমত্ব লুকুতায় প্রভাবপায় বা নিষ্ঠুরতায় গিয়ে পৌছয় না। সোভিয়েটরা এই সমস্যাতে সমাধান করতে গিয়ে তাকে অস্বীকার করতে চেয়েছে। সেজন্তে জবর-দস্তুর সীমা নেই। একথা বলা চলে না যে, মানুষের স্বাতন্ত্র্য থাকবে না, কিন্তু বলা চলে যে স্বার্থপরতা থাকবে না। অর্থাৎ নিজের জন্তে কিছু নিজস্ব না হ'লে নয়, কিন্তু বাকি সমস্তই পদের জন্তে হওয়া চাই। আত্ম এবং পর উভয়কেই স্বীকার করে তবেই তার সমাধান সম্ভব। কোনো একটাকে বাদ দিতে গেলেই মানব-চরিত্রের সত্যের সঙ্গে লড়াই বেধে যায়। পশ্চিম মহাদেশের মানুষ জোর জিনিসটাকে অত্যন্ত বেশি বিশ্বাস করে। যে-ক্ষেত্রে জোরের বার্থ্য কাজ আছে সেক্ষেত্রে সে খুবই ভালো, কিন্তু অগ্রজ সে বিপদ ঘটায়। সত্যের জোরকে গায়ের জোরের দ্বারা যত প্রবলভাবেই আমরা মেলাতে চেষ্টা করি, একদা তত প্রবলভাবেই তাদের বিচ্ছেদ ঘটে।

মধ্য-এশিয়ার বাকির রিপাব্লিকের (Bashkir Republic) একজন চাষী বললে, “আজও আমার নিজের স্বতন্ত্র ক্ষেত্রে আছে, কিন্তু নিকটবর্তী ঐকত্রিক কৃষিক্ষেত্রে আমি শীঘ্রই যোগ দেব। কেননা দেখেছি স্বাতন্ত্র্যিক প্রণালীর চেয়ে ঐকত্রিক প্রণালীতে ডের ভালো জাতের এবং অধিক পরিমাণে ফসল উৎপন্ন করানো যায়। যেহেতু প্রকৃষ্টভাবে চাষ করতে গেলেই যত্ন চাই, ছোটো ক্ষেতের মালিকের পক্ষে যত্ন কেনা চলে না। তা ছাড়া, আমাদের টুকরো জমিতে যন্ত্রের ব্যবহার অসম্ভব।”

আমি বললুম, “কাল একজন উচ্চপদস্থ সরকারী

কর্মচারীর সঙ্গে আলোচনা হ'ল। তিনি বললেন, মেয়েদের এবং শিশুদের সর্বপ্রকার সুযোগের জন্তে সোভিয়েট গবর্নমেন্টের দ্বারা খেরকম সব ব্যবস্থা হয়েছে এরকম আর কোথাও হয় নি। আমি তাঁকে বললুম, তোমরা পারিবারিক দায়িত্বকে সরকারী দায়িত্ব করে তুলে হয়ত পরিবারের সীমা লোপ করে দিতে চাও। তিনি বললেন, সেটাই যে আমাদের আশু সঙ্কল তা নয়—কিন্তু শিশুদের প্রতি দায়িত্বকে ব্যাপক করে দিয়ে যদি স্বভাবতই একদা পরিবারের গণ্ডী লোপ পায় তা হ'লে এই প্রমাণ হবে সমাজে পারিবারিক যুগ সঙ্গীর্ণতা এবং অসম্পূর্ণতা বশতই নবযুগের প্রসারতার মধ্যে আপনাই অন্তর্ধান করেছে। যা হোক, এ সম্বন্ধে তোমাদের কি মত জানতে ইচ্ছে করি। তোমরা কি মনে করো যে তোমাদের একত্বীকরণের নীতি বজায় রেখে পরিবার বজায় থাকতে পারে?”

সেই যুক্তিনিদার যুবকটি বললে, “আমাদের নতুন সমাজব্যবস্থা পারিবারিকতার উপর কি রকম প্রভাব বিস্তার করেছে আমার নিজের দিক থেকে তার একটি দৃষ্টান্ত দিই। আমার পিতা যখন বেঁচেছিলেন শীতের ছয় মাস তিনি শহরে কাজ করতেন আর গ্রামের ছয় মাস ভাই বোনদের নিয়ে আমি ধনীর চাকরি নিয়ে পশ্চাচরণ করতে যেতুম। বাবার সঙ্গে আমাদের দেখা প্রায়ই হ'ত না, এখন এরকম বিচ্ছেদ ঘটে না। শিশুবিদ্যালয় থেকে আমার ছেলে রোজ ফিরে আসে, রোজই তার সঙ্গে দেখা হয়।”

একজন চাষী-মেয়ে বললে, “শিশুদের দেখাশোনা ও শেখানোর স্বতন্ত্র ব্যবস্থা হওয়াতে স্বামী-স্ত্রীর মধ্যে ঝগড়া-ঝাঁটি ডের কমে গেছে। তা ছাড়া, ছেলেদের সম্বন্ধে দায়িত্ব যে কতখানি তা বাপ মা ভালো করে শিখতে পারচে।”

একটি ককেশীয় যুবতী মোভাবীকে বললে, “কবিকে বলা, আমরা ককেশীয় রিপাব্লিকের লোকেরা বিশেষ করেই অস্বভব করি যে, অক্টোবরের বিপ্লবের পর থেকে আমরা বার্থ্য স্বাধীনতা এবং স্বথ পেয়েছি। আমরা নতুন যুগ সৃষ্টি করতে প্রবৃত্ত, তার কঠিন দায়িত্ব খুবই

বৃষ্টি, তার জন্তে চূড়ান্ত রকমের ভাগ্যস্বীকার করতে আমরা রাজি। কবিকে জানাও, সোভিয়েট সম্মিলনের বিচিত্র জাতির লোক তাঁর মারফৎ ভারতবাসীদের 'পরে তাদের আন্তরিক দরদ জানাতে চায়। আমি বলতে পারি যদি সম্ভব হ'ত আমার ঘরজুয়ার, আমার ছেলেপুলে সবাইকে ছেড়ে তাঁর স্বদেশীয়েদের সাহায্য করতে যেতুম।"

দলের মধ্যে একজন ছিল তার মস্কোলীয় ছাঁদের মুখ। তার কথা জিজ্ঞাসা করতেই জবাব পেলুম, "সে খিরগিজ-জাতীয় চাষীর ছেলে, সে মস্কো এসেচে কলে কাপড় বোনার বিদ্যা শিখতে। তিন বছর বাদে এঞ্জিনিয়ার হয়ে তাদের রিপাব্লিকে ফিরে যাবে—বিপ্লবের পরে সেখানে একটি বড়ো কারখানা স্থাপিত হয়েছে সেইখানে সে কাজ করবে।"

একটু কথা মনে রেখো, এরা নানা জাতির লোক কলকারখানার রহস্য আয়ত্ত করবার জন্তে এত অবাধ উৎসাহ এবং স্বেচ্ছা পেয়েছে তার একমাত্র কারণ যন্ত্রকে ব্যক্তিগত স্বতন্ত্র স্বার্থসাধনের উদ্দেশ্যে ব্যবহার করা হয় না। যত লোকেই শিক্ষা করুক তাতে সকল লোকেরই উপকার, কেবল ধনীলোকের নয়। আমরা আমাদের লোভের জন্তে যন্ত্রকে দোষ দিই, মাংসামির জন্তে শাস্তি দিই তালগাছকে, মাষ্টার মশায় যেমন নিজের অক্ষমতার জন্ত বেকির উপরে দাঁড় করিয়ে রাখেন ছাত্রকে।

সেদিন মস্কো কৃষি-আবাসে গিয়ে স্পষ্ট করে স্বচক্ষে দেখতে পেলুম দশ বছরের মধ্যে রাশিয়ার চাষীরা ভারতবর্ষের চাষীদের কত বহুদূরে ছাড়িয়ে গেছে। কেবল বই পড়তে শেখেনি, ওদের মন গেছে বদলে, ওরা মাছ হতে উঠেছে। শুধু শিক্ষার কথা বললে সব কথা বলা হ'ল না, চাষের উন্নতির জন্তে সমস্ত দেশ জুড়ে যে প্রভূত উল্লাস সেও অসাধারণ। ভারতবর্ষেরই মত এদেশে কৃষিপ্রধান দেশ, এইজন্তে কৃষিবিদ্যাকে যতদূর সম্ভব এগিয়ে দিতে না পারলে দেশের মাছকে বাচানো যায় না। এরা সে কথা ভোলেনি। এরা অতি দুঃসাধা সাধন করতে প্রবৃত্ত।

সিভিল সার্ভিসের আমলাদের দিয়ে এরা মোটা মাইনের

আপিস চালাবার কাজ করচে না, যারা যোগ্য লোক, যারা বৈজ্ঞানিক তারা সবাই লেগে গেছে। এই দশ বছরের মধ্যে এদের কৃষিচর্চা বিভাগের উন্নতি ঘটেছে, তার খ্যাতি ছড়িয়ে গেছে জগতের বৈজ্ঞানিক মহলে। যুদ্ধের পূর্বে এদেশে বীজ বাছাইয়ের কোন চেষ্টাই ছিল না। আজ প্রায় তিন কোটি মন বাছাই-করা বীজ এদের হাতে জমেছে। তা ছাড়া নূতন শস্তের প্রচলন শুধু এদের কৃষিকলেজের প্রাক্ষেপে নয়, দ্রুতবেগে সমস্ত দেশে ছড়িয়ে দেওয়া হচ্ছে। কৃষি সম্বন্ধে বড়ো বড়ো বৈজ্ঞানিক পরীক্ষাশালা আজরবাইজান, উজবেকিস্তান, জর্জিয়া, যুক্তেন, প্রভৃতি রাশিয়ার প্রত্যন্ত প্রদেশেও স্থাপিত হয়েছে। রাশিয়ার সমস্ত দেশ-প্রদেশকে জাতি-উপজাতিকে সক্ষম ও শিক্ষিত করে তোলবার জন্তে এতবড় সর্বব্যাপী অসামান্য অক্লান্ত উদ্যোগ আমাদের মতো ব্রিটিশ সাম্রাজ্যের স্বদূর কল্পনার অতীত। এতটা দূর পর্যন্ত করে তোলা যে সম্ভব এখানে আসবার আগে কখনো আমি তা মনেও করতে পারিনি। কেননা শিশুকাল থেকে আমরা যে law and Order-এর আবহাওয়ায় মানুষ, সেখানে এর কাছে পৌছতে পারে এমন দৃষ্টান্ত দেখিনি। এবার ইংলণ্ড থাকতে একজন ইংরেজের কাছে প্রথম শুনেছিলুম সাধারণের কলাণের জন্তে এরা কিরকম অসাধারণ আয়োজন করেছে। চোখে দেখলুম—এও দেখতে পেলুম, এদের রাষ্ট্রে জাতিবর্ণ-বিচার একটুও নেই। সোভিয়েট শাসনের অন্তর্গত বর্ষরপ্রায় প্রজার মধ্যে শিক্ষাবিস্তারের জন্ত এরা যে প্রকৃষ্ট প্রণালীর ব্যবস্থা করেছে ভারতবর্ষের জনসাধারণের পক্ষে তা দুর্ভ। অথচ এই অশিক্ষার অনিবার্য ফলে আমাদের বুদ্ধিতে চরিত্রে যে দুর্বলতা, ব্যবহারে যে মূঢ়তা, দেশবিদেশের কাছে তার রটনা চলচে। ইংরেজিতেই কথা চলিত আছে, যে কুকুরকে ফাঁসি দিতে হবে তাকে বদনাম দিলে কাজ সহজ হয়। যাতে বদনামটা কোনোদিন না ঘোচে তার উপায় করলে যাবজ্জীবন যেয়ার ও ফাঁসি দুই-ই মিলিয়ে নেওয়া চলে। ইতি ১লা অক্টোবর, ১৯৩০।

[শ্রীযুক্ত প্রশান্তচন্দ্র মহলানবীসকে লিখিত]

বিজ্ঞানের নূতন রূপকথা

শ্রীচারুচন্দ্র ভট্টাচার্য্য, এম-এ

প্রচলিত কথা হইতে বিভিন্ন কোন নূতন কথা যখনই বিজ্ঞান বলিতে গিয়াছে, তখনই জনসাধারণ উহাকে রূপকথা বলিয়া ধরিয়া লইয়াছে—বিজ্ঞানের ইতিহাসে ইহা বরাবরই দেখা যায়; অবশ্য কালের প্রবাহে এই রূপ-কথাই শেষে অপরূপ সত্য কথা বলিয়া প্রতিভাত হইয়াছে। তবে গ্যালিলিওর যুগে নূতন কথা বলার জন্ত বক্তাকে নির্ধাতিত হইতে হইত,—পণ্ডিতমণ্ডলীর নিকট হইতেও, আর এখনকার কালে জনসাধারণ যাহাই বলুন না কেন, বৈজ্ঞানিক মহলে তাহার রীতিমত যাচাই চলিতে থাকে। সেকালে গ্যালিলিও দূরবীক্ষণ যন্ত্র প্রস্তুত করিয়া আকাশে নূতন ব্রহ্মাণ্ড দেখিবার জন্ত পণ্ডিতমণ্ডলীকে যখন নিমন্ত্রণ করিলেন, তখন তাঁহারা সে-নিমন্ত্রণ গ্রহণ করিলেন না, পাছে ইজিপ্তের সাক্ষ্য তাঁহাদের চিরদিনের পোষিত ধারণাকে আঘাত দেয়; কিন্তু একালে জাখানি হইতে আইনষ্টাইন যখন তাঁহার নূতন আপেক্ষিক-তত্ত্ব প্রকাশ করিলেন ইংলণ্ডের এডিংটন পরীক্ষা দ্বারা তাহাকে প্রতিষ্ঠিত করিতে লাগিয়া গেলেন, অথচ ইংলণ্ড ও জাখানির মধ্যে তখন তুমুল সংগ্রাম।

আইনষ্টাইনের আপেক্ষিক-তত্ত্ব ব্রহ্মাণ্ডের ধারণাটা একেবারে বদলাইয়া দিয়াছে, প্রাকৃতিক ঘটনাকে একেবারে নূতন করিয়া ব্যাখ্যা করিয়াছে। এই তত্ত্ব কতকগুলি ভবিষ্যদ্বাণী করিয়াছিল যাহা পরীক্ষায় সত্য প্রতিপন্ন হইয়াছে, কয়েকটি অমীমাংসিত ব্যাপার ছিল এই তত্ত্ব তাহার মীমাংসা করিয়া দিয়াছে। দেশকাল সম্বন্ধে মানবের পূর্নধারণায় আমূল পরিবর্তন করিয়া—এ অরূপ সম্বন্ধে এই তত্ত্ব নূতন রূপ কল্পনা করিয়া—নূতন করিয়া গতিশাস্ত্র রচনা করিয়াছে। এই গতিশাস্ত্র হইতে এমন সব ব্যাপার দাঁড়ায়, যাহা জনসাধারণের নিকট শুধু দুজ্জয়ের নয়, একেবারে প্রহেলিকা, রূপকথা।

এক ফুট লম্বা একটা লাঠি সামনে পড়িয়া আছে, তুমি বলিবে এক ফুট, আমি বলিব এক ফুট, যে-কেহ

দেখিবে বলিবে এক ফুট, এই তো সোজাছজি কথা। কিন্তু আইনষ্টাইনের তত্ত্ব হইতে এই দাঁড়ায় যে, এরোপ্লেনে উড়িয়া যাইতে যাইতে যদি তুমি এই লাঠিটা দেখে তো আর তোমার নিকট উহা এক ফুট বলিয়া বোধ হইবে না এবং যত দূরে তুমি চলিয়া যাইবে তত ছোট বলিয়া উহা মনে হইবে; আমি অবশ্য বরাবরই এক ফুট দেখিতে থাকিব এবং এরোপ্লেন হইতে নামিয়া আসিয়া যদি তুমি দেখ, তাহা হইলে তোমার নিকটও উহা সেই এক ফুট বলিয়াই মনে হইবে। আলোর বেগ হইল প্রতি সেকেন্ডে ১,৮৬,০০০ মাইল; তোমার এরোপ্লেনের গতি যদি আলোর বেগের সমান হয় তাহা হইলে এই লাঠিটা হইবে শূন্য, উহা একেবারে মিলাইয়া যাইবে। আর আইনষ্টাইন বলেন যে, আলোর অপেক্ষা অধিক গতিসম্পন্ন কিছু হইতে পারে না। গতি কত হইলে উহা কি পরিমাণ ছোট হইবে আইনষ্টাইন অঙ্ক কষিয়া ঠিক করিলেন। তোমার এরোপ্লেন, মনে কর, সেকেন্ডে ১,৬১,০০০ মাইল বেগে চলিতেছে এবং এরোপ্লেন যেদিকে চলিতেছে তুমি সেইদিকে লম্বা হইয়া স্টান্ডেয়া আছ। পৃথিবীতে দাঁড়াইয়া যদি নিমেষের মধ্যে তোমাকে দেখা সম্ভব হয় তো দেখিব তুমি লম্বায় ছয় ফুটের জায়গায় তিন ফুট হইয়া গিয়াছ, কিন্তু চওড়ায় যেমন তেমনি আছ—অপরূপ চেহারা! তুমি কিন্তু বলিবে সামনে আয়না রাখিয়া আমি তো বরাবরই দেখিয়াছি কই, চেহারার তো কোন বৈপরীত্য ঘটে নাই; তামা তুলনী গজাজল লইয়া জোর গলায় তুমি এই কথা বলিবে, আমিও তেমনি গলায় বলিব যে, আমি দেখিয়াছি তুমি খ্যাংড়া হইয়া গিয়াছ; এ সম্বন্ধে মীমাংসা হইবে না, কারণ কেহই ভুল দেখি নাই; এ ধাঁধা বা মরীচিকা নয়; যে যাহা দেখিয়াছে ঠিকই দেখিয়াছে এবং এ রকম দেখিতেই হইবে। আর তুমি এরোপ্লেন হইতে আমাকে এবং পৃথিবীর লোককে কি রকম দেখিবে? তুমি যেদিকে

চলিয়াছে সেইদিকে যদি মুখ বা পিছন করিয়া আমরা দাঁড়াইয়া থাকি তো তুমি দেখিবে আমরা ঝাড়াইএ, চড়ড়ায় ঠিক আছি, তবে একেবারে চেপটা হইয়া গিয়াছি, পেটে পিঠে প্রায় ঠেকিয়া গিয়াছে।

সময়ের দিক দিয়াও আমরা অদ্ভুত পরিবর্তন সব দেখিব। পৃথিবী হইতে দেখিব এরোপ্লেন মধ্যে তোমার নড়াচড়ার গতিবিধি খুব টিমচালে চলিতেছে—বেড়াইতেছ টুকটুক করিয়া ধীরপদবিক্ষেপে, হাই তুলিতে হাঁ করিয়া আছ তো আছই, মুখের বিড়ি শেষই আর হয় না। অবশ্য তুমি বলিবে—আরে, আমি যে তোমাদের সম্বন্ধে অবিকল ঐ রকমই দেখিতেছি। সময়ের দিক দিয়াও আইনষ্টাইনের আপেক্ষিক-তত্ত্ব হইতে এমন সব মজার মজার কথা আসিয়া পড়ে যাহা শুনিতে একেবারে রূপকথা ভিন্ন আর কিছুই মনে হইবে না। মনে কর, একখানা এরোপ্লেন করিয়া বহুদিনের জন্ত খাবার জিনিষপত্র লইয়া শূন্যপথে তুমি যাত্রা করিলে; তোমার এরোপ্লেন যাইবে আলোর বেগ অপেক্ষা কিছু কম বেগে; ঘড়ি তোমার সঙ্গে আছে। তোমার ঘড়ির পাঁচ বৎসর কাল অবধি সটান চলিয়া বাড়ীমুখে রওনা হইলে এবং দশ বৎসর পরে এই পৃথিবীতে তোমার বাসস্থানে ফিরিলে। যাত্রার সময় তোমার এই অভিযান লইয়া কাগজে খুব সরগরম পড়িয়া গিয়াছিল, তুমি ভাবিয়াছিলে ফিরিবারাত্রি টাউন হলে তোমাকে এক বিরাট সভায় এক প্রকাণ্ড অভিযান দেন্ডা হইবে, খবরের কাগজের পাতাগুলো তোমার আগমন-বার্তায় ভরিয়া যাইবে; কিন্তু হরি, হরি, একি! ফিরিয়া দেখিলে কেহ তোমাকে চেনে না; তুমিও কাহাকেও চেন না, তোমার যাত্রার কথা কাহারও মনে পড়ে না; লোকজনের রীতিনীতি, দেশের ব্যবসা-বাণিজ্য সব বদলাইয়া গিয়াছে; বহুকষ্টে বাড়ী ফিরিয়া আসিয়া দরজায় যে বৃদ্ধটিকে দেখিলে পরিচয়ে জানিলে তোমার পোত্র। বাড়ীতে ক্যালেন্ডার দেখিলে ১০০ সাল, তোমার দশ বৎসরে পৃথিবীতে ১০০ বৎসর চলিয়া গিয়াছে।

এরোপ্লেনের গতি আলোর অপেক্ষা কম না হইয়া যদি আলোর সমান হয় তাহা হইলে ব্যাপারটা আরও

অদ্ভুত দাঁড়ায়। ধর, দুই যমজ ভাই, প্রত্যেকেরই বয়স ২০ বৎসর; একজন এরোপ্লেনে আলোর সমান গতিতে যাত্রা করিল। পৃথিবীর সময়ের পঞ্চাশ বৎসর পরে সে ফিরিয়া আসিয়া দেখিল তাহার ভাই এখন ৭০ বৎসরের বৃদ্ধ; কিন্তু সে নিজে যে কুড়ি সেই কুড়িতেই রহিয়া গিয়াছে; দেহে, প্রাণে, সে যে নবীন ছিল, সেই নবীনই আছে; সময় যে চলিয়া গিয়াছে সে জানিতেও পারে নাই, তাহার নাড়ী টিক্‌টিক্‌ করে নাই, বৃক দপদপ করে নাই, কাল তাহার নিকট এতটুকুও অগ্রসর হয় নাই। হে তরুণ, তুমি যদি চিরনবীন থাকিতে ইচ্ছা কর, যাত্রা কর একখানি এরোপ্লেন লইয়া, দেখিও এরোপ্লেনের গতি যেন সেকেন্ডে ১,৮৬,০০০ মাইল হয়, তাহার পর পৃথিবীর সময়ের যতদিন ইচ্ছা ঘুরিয়া পৃথিবীতে ফিরিয়া এস, ৫০৬০৭০ বৎসর—তুমি সেই তরুণ—দেহে, মনে, প্রাণে; শুধু সাবধান, ফিরিয়া তোমার পূর্ব তরুণীর সহিত আলাপ করিতে যাইও না, তিনি এখন পুরুষের, লোলচর্মা, গলিত-দশনা বৃদ্ধ।

আধপোয়া রোজ! কে একজন প্রণয়ী তাহার প্রণয়িনীর রূপ চাহিয়াছিল—এক সের চাঁদের আলোতে এক ছটাক 'তিলোত্তমা'র রঙ মিশাইয়া স্বর্ণকটাহে জ্বাল দিয়া আধপোয়া থাকিতে নামাইলে যাহা দাঁড়ায়। কিন্তু আইনষ্টাইনের তত্ত্ব অহুসারে আধপোয়া রোজ বলিলে আর বিশেষ দোষের কিছু হইবে না। আইনষ্টাইন দেখাইলেন শক্তি হইল পদার্থের রূপান্তরমাত্র, এবং কতখানি পদার্থ লোপ পাইলে কতখানি শক্তি পাওয়া যাইবে আইনষ্টাইন তাহাও কথিয়া দিলেন। অনেকে মনে করেন যে, সূর্য যে প্রতিনিয়ত প্রচণ্ড তাপ দিতেছে তাহার কারণ সূর্য একটু একটু করিয়া ক্ষয় হইতেছে এবং তাহার পদার্থ শক্তিতে পরিণত হইতেছে। এই হিসাবে দেখা যায় যে, এক মিনিটে সমস্ত পৃথিবী যে রোজ-কিছু পায় তাহা আধপোয়া সূর্য পদার্থ-ক্ষয়ের সমান। সুতরাং আধপোয়া সূর্য্যকিরণ কথাটা একেবারে অচল নয়।


আইনষ্টাইন বলেন, এই যে আকাশ (space) উহা সমাকার নয়—বক্রাকার—কলে দাঁড়াইতেছে যে,

আকাশস্থিত কোন সরলরেখাকে আর ইউক্লিডের সরলরেখার সংজ্ঞা দিলে চলিবে না; ত্রিকোণের তিনটি কোণ আর ১৮০ ডিগ্রী নয়; বৃত্তের ব্যাসগুলি আর পরস্পর সমান নয়; সমান্তরাল সরলরেখাদ্বয় যে একেবারে মিলে না, তাহা নয়। 'দেশ'ের সহিত 'কাল' জড়িত এবং 'ঘনমাত্রা' (mass) 'দেশ' ও 'কালে'র সহিত সংশ্লিষ্ট।

আইনষ্টাইনের আর এক কল্পনা হইল যে, এই ব্রহ্মাণ্ড অনন্ত নয়। অবশ্য মনে রাখিতে হইবে পদার্থ-কল্পনা করিবার ধারা আইনষ্টাইন তব্দে সম্পূর্ণ বিভিন্ন,—সেখানে 'দেশ' ও 'কাল' পৃথক নয়, একটার সহিত আর একটা জড়িত। যাহা হউক, তাঁহার মতে ব্রহ্মাণ্ড অনন্ত নয়, কিন্তু ইহা অসীম। পাঠক সব বুঝিলেন তো? মানব এতদিন যেরূপ চিন্তার ধারায় অভ্যস্ত ছিল সব একেবারে ওলট-পালট খাইয়া গেল।

কিন্তু এসব কথা যে রূপকথা নয়, ইহা যে বৈজ্ঞানিক সত্য তাহার প্রমাণ কিছু আছে কি? অবশ্য আছে, তবে এ সবার প্রত্যক্ষ (direct) প্রমাণ তো কিছু থাকিতে পারে না, আনুমানিক (indirect) প্রমাণ আছে। আইনষ্টাইনের এই তত্ত্ব হইতে আরও কতকগুলি বিষয় আসে যাহা পরীক্ষায় যাচাই করা যায়। আইনষ্টাইনের আলোচনার একটা সিদ্ধান্ত এই যে, আলোকরশ্মিও মাধ্যাকর্ষণের হাত এড়াইতে পারে না। পৃথিবীর পাশ দিয়া যে আলোকরশ্মিটা যাইতেছে পৃথিবী উহাকে টানিতেছে তবে এই টানটা এতই কম যে উহা পরীক্ষায়

ধরা যায় না। আচ্ছা, পৃথিবী ছাড়িয়া অল্প পদার্থ ধর—যাহা পৃথিবীর তুলনায় অনেক বেশী ভারী, যেখানকার আকর্ষণ এই পৃথিবীর আকর্ষণ অপেক্ষা অনেক প্রবল, যেমন সূর্য। আইনষ্টাইন হিসাব করিয়া দেখিলেন যে, কোন নক্ষত্র হইতে আলো যদি সূর্যের খুব কাছ দিয়া আসিয়া পৃথিবীতে পৌঁছায় তবে সূর্যের আকর্ষণ-দ্রবণ ঐ রশ্মির ঘে বাকটা হইবে তাহার পরিমাণ প্রায় দুই সেকেন্ড, এক ডিগ্রীর প্রায় দুই হাজার ভাগের প্রায় এক ভাগ; খুব কম হইলেও সূর্য যত্নে উহা ধরা পড়িতে পারে। পূর্ণ সূর্যগ্রাসের সময় যখন সূর্যের আলো নক্ষত্রের আলোককে ঢাকিয়া দিতেছে না তখন নক্ষত্রের আলোকরশ্মি সূর্যের কাছ দিয়া আসিতে বাঁকিয়াছে কি-না ইহা বার-বার পরীক্ষিত হইয়াছে; দেখা গিয়াছে উহা বাঁকিয়াছে এবং আইনষ্টাইন যতটা বলিয়াছিলেন ঠিক ততটাই বাঁকিয়াছে। আর একটা ব্যাপার; নিউটনের গতিশাস্ত্র অনুসারে বৃহস্পতির যে পথে চলা উচিত বরাবর দেখা যাইতেছিল উহা অবিকল সেই পথে চলে না, একটু ব্যতিক্রম হয়; ইহার কারণ কিছু পাওয়া যায় নাই। আইনষ্টাইনের হিসাবে এ গরমিল আর নাই। আরও দু-একটা বিষয়ে আইনষ্টাইনের তত্ত্বের ফলাফল পরীক্ষায় যাচাই হইয়াছে এবং এই তত্ত্ব দৃঢ়রূপে আপনাকে প্রতিষ্ঠিত করিয়াছে। এই তত্ত্বের ফলাফলের যে-সব কথা রূপকথা বলিয়া মনে হয়, তাহা শুধু এইটাই প্রমাণ করে যে অনেক সময় রূপকথা অপেক্ষা সত্যকথা অধিক বিশ্বাস্যকর।



চীনযুদ্ধে দফাদার হরিনারায়ণ বসু

ডাক্তার পান্নালাল দাস, জয়পুর, রাজপুতানা

১৯০১ সালের চীনযুদ্ধে পুরস্কৃত শ্রীযুক্ত হরিনারায়ণ বসু মহাশয় এখনও ৭৩ বৎসর বয়সে রাজপুরে (দেরাহুন) স্ব-অজ্ঞিত বিশ্রাম লাভ করিতেছেন।

১৮৫৭ সালের ভীষণ সিপাহী-বিদ্রোহের সময় ইহার পিতা ৮স্বর্ধাকুমার বসু ঝাঁসি জিলায় ডাক-বিভাগের সুপারিন্টেন্ডেন্টের পদে প্রতিষ্ঠিত ছিলেন। বিদ্রোহী সিপাহীগণ ডাক লুণ্ঠন ও ডাক-বিভাগের কর্মচারীদের প্রাণবধ করিবার যত্ন করত। তিনি তাহা অবগত হইয়া সপরিবারে আসামপ্রসবা স্ত্রী ও শিশু পুত্রকে (শ্রীযুক্ত হরিনারায়ণ বসুর জ্যেষ্ঠ ভ্রাতা) লইয়া রাজিযোগে প্রাণভয়ে গোপনে ঝাঁসি পরিত্যাগ করেন। তখন সহর ছাড়া চতুর্দিকই দুর্গম অরণ্যে আচ্ছন্ন ছিল। তিনি দাতিয়া ও ওরাই জিলার মধ্যবর্তী জঙ্গলপথ দুরতিক্রম্য হইলেও নিরাপদ ভাবিয়া সেই পথই অবলম্বন করিলেন। সপ্তাহকাল এই অরণ্যপথ অতিক্রম করিবার পর হরিনারায়ণ বাবুর মাতার গর্ভবন্ত্রণা অসহ্য হওয়ায়, তাহারাই সেই স্থানেই বিশ্রাম করিতে বাধ্য হন। অল্পকণ্ঠেই তিনি ওরাই জেলার বনে লোকাবাস হইতে বহুদূরে একটি পুত্র সন্তান প্রসব করেন (৮ই নভেম্বর, ১৮৫৭ সাল)। নব-প্রসূত এই বালকটি আমাদের আধ্যাতিকার নায়ক। জনমানবশূন্য বনে যদিও হিংস্র জন্তু হইতে রক্ষা পাইলেন কিন্তু তাহা হইতে ভীষণতর লুণ্ঠকিগের কবল হইতে নিস্তার পাইলেন না। ভূমিষ্ঠ হইবার দুই দিন পরে কয়েক জন লুণ্ঠনকারী সৈন্য এই জঙ্গলপথ দিয়াই যাইতেছিল, তাহার গোয়ান দেখিয়া এই অসহায় বিপদগ্রস্ত পরিবারের সন্ধান পাইয়া তাহাদের সর্ব্ব্ব লুণ্ঠ করিয়া ঐশ্বর্য্য ছাড়িয়া দিয়া চলিয়া গেল। অদূরের এই ভীষণ তাড়নাতোও স্থিরমতি স্বর্ধাকুমার বাবু, নিরাপদ ভাবিয়া যে জঙ্গলের আশ্রয় লইয়াছিলেন তাহা

তাগ করিয়া, কানপুর অভিমুখে যাত্রা করিলেন, এবং নভেম্বর মাসের শেষভাগে অতিকষ্টে কানপুর পহুঁছিয়া এলাহাবাদে আসিলেন। বিদ্রোহ উপশমিত হইল, স্বর্ধাকুমার বাবু তথায় একটি বসতবাটি ও কিছু সম্পত্তি ক্রয় করিয়া জীবনের অবশিষ্ট ভাগ অতিবাহিত করিতে স্থির করিলেন, কিন্তু কালের কুটিল গতির প্রভাবে দুইটি শিশু পুত্র বৃদ্ধা মাতা ও স্ত্রীকে দুঃখসাগরে ডাঙাইয়া ইহজগৎ পরিত্যাগ করিলেন।

হরিনারায়ণ বাবুর বয়স তখন একবৎসর মাত্র। মাতা মাতঙ্গিনী বিবধ অসুবিধা ও কষ্টে পড়িয়াও সময়োপযুক্ত শিক্ষার জন্ত, যখন হরিনারায়ণ বাবুর বয়স ৫ বৎসর, তখন তাহাকে নিকটস্থ এক বাংলা পাঠশালায় এবং ১০ বৎসর বয়সে জ্যেষ্ঠ পুত্র রামনারায়ণকে বাঙ্গালীদের স্কুলে পাঠাইলেন। দুই ভ্রাতা সকালে বাংলা ইংরাজী পড়িয়া বিকালে মাদ্রাসায় উর্দু শিক্ষা করিতে লাগিলেন। কিছু দিন পরে উভয় ভ্রাতাই বাংলা স্কুল ছাড়িয়া কাটরা মিশন হাই স্কুলে ভর্তি হন। ১১ বৎসর বয়সে হরিনারায়ণ চার্ট মিশন স্কুলে প্রবেশ করেন। এই সময় তাহার জ্যেষ্ঠ ভ্রাতা খাজাকীখানায় শিক্ষানবীশ নিযুক্ত হইলেন। চার্ট মিশন স্কুলটি তখন বর্তমান কায়স্থ পাঠশালার নিকট ছিল। ১৮৭৫ সালে এখান হইতে হরিনারায়ণ বাবু প্রবেশিকা পরীক্ষোত্তীর্ণ হইলে তাহার জ্যেষ্ঠ ভ্রাতা তাহাকে মাতুলালয় গোয়াড়ী-কৃষ্ণনগরে কলেজে পড়িবার জন্ত পাঠান, কিন্তু তাহাতে অকৃতকার্য্য হওয়াতে তিনি পাঠ ত্যাগ করেন, এবং কাহারও গলগ্রহ হইয়া থাকিতে না হয় এই উদ্দেশ্যে মাতুল মহাশয়কে একটি কর্ম্ম জোগাড় করিয়া দিবার জন্ত অস্বরোধ করিলেন। সৌভাগ্যক্রমে কৃষ্ণনগর কলেজিয়েট স্কুলে ৩০ খ্রিষ্টাব্দে বেতনে অধ্যক্ষের পদ প্রাপ্ত হন (১৮৭৮ সাল)। অল্পদিনেই কিছু শিক্ষা কার্য্য পরিত্যাগ করিয়া স্বাধীন-

পেশা শিথিলার জন্ম কলিকাতা ক্যাথলিক মেডিক্যাল স্কুলে ডাক্তারী পড়িতে ভর্তি হন। নিষ্ঠার সাহিত পাঠ করিয়া ১৮৮৩ অব্দে পরীক্ষায় উত্তীর্ণ হন। স্বাধীন জীবিকা-উপার্জনকারী বিদ্যা শিক্ষা করিয়াও কোন কার্যে মনোনিবেশ করিতে তাঁহার প্রবৃত্তি হইল না। কেবল কি করিয়া বাঙ্গালীর দুর্ভাগ্য যুদ্ধবিদ্যা শিক্ষা করিয়া যুদ্ধক্ষেত্রে যাইতে পারেন তজ্জন্ম মন উৎকণ্ঠিত হইল। হরিনারায়ণ বাবুর এইরূপ মানসিক চঞ্চলতা দেখিয়া তাঁহার মাতা ও মাতুল তাঁহাকে কলিকাতায় বিবাহবন্ধনে আবদ্ধ করিলেন। তাঁহার জ্যেষ্ঠ ভ্রাতারও এই সময় বিবাহ হইল। জ্যেষ্ঠ ভ্রাতা এলাহাবাদে প্রত্যাবর্তন করিলেন এবং তিনি মাতুলশ্রমে গোয়াড়ী-কৃষ্ণনগর গেলেন। কিন্তু কিছু দিন পর তাঁহার জ্যেষ্ঠ ভ্রাতার অসুস্থতার সংবাদ পাইয়া তিনি এলাহাবাদে যান। জ্যেষ্ঠ ভ্রাতা আরোগ্য লাভ করিলে মিরাতে বদলী হইলেন এবং সেই সঙ্গে হরিনায়ণ বাবু অন্ত্য পরিবারবর্গের সহিত মিরাতে আসেন এবং ক্রমে সৈন্যদলে যোগদান করিয়া যুদ্ধবিদ্যা শিখিত পারেন তাহার চেষ্টা করিতে থাকেন। ১৮৮৪ সালে সৌভাগ্যক্রমে মিরাত জেলার প্রধান সেনানায়কের অফিসে ৩০ ত্রিশ টাকা বেতনে দ্বিতীয় কেরাণীর পদ লাভ করিলেন। ইহার কিছুকাল পর, ১৮৮৬ সালে, তাঁহার জ্যেষ্ঠ ভ্রাতার অকাল মৃত্যু ঘটিলে তাঁহার উপর সমস্ত সংসারের ভার পড়িল। ১৮৮৮ সালে তাঁহার কার্যকুশলতায় তিনি বড়বাবু অর্থাৎ প্রধান কেরাণীর পদে উন্নীত হইলেন। তদানীন্তন ষ্টাফ অফিসার ক্যাপ্টেন রবার্ট দেশী অথারোহী পদত্যাগ করিয়াছিলেন। হরিনারায়ণ বাবুর কার্যপটুতায় সন্তুষ্ট হইয়া এবং তাঁহাকে স্বস্থ সবলকায় দেখিয়া এক দিন জিজ্ঞাসা করেন, “তুমি সৈনিকদলে সৈনিকরূপে ভর্তি হইতে চাও?” এই অবাচিত ও অপ্ৰত্যাশিত প্রশ্ন শুনিয়া তিনি মনে করিলেন যে, ভগবান তাঁহার মনের ঐচ্ছাসিক ইচ্ছা এত দিনে পূর্ণ করিবার জন্য এই প্রশ্ন ক্যাপ্টেন রবার্টের দ্বারা উত্থাপিত করিয়াছেন। পরমেশ্বরকে আন্তরিক ধন্যবাদ দিয়া ক্যাপ্টেন সাহেবকে আনন্দের সহিত সম্মতি জ্ঞাপন করিলেন। এক সপ্তাহ মধ্যেই

তাঁহার নাম কেরাণী হইতে সৈনিকরূপে পরিবর্তিত হইল। তিনি প্রথম বেঙ্গল ল্যান্সার সৈন্যদলে সম্মিলিত হইলেন। সৈন্যদলে ভর্তি হইবার সময় তাঁহাকে বাধ্য হইয়া একটু কৌশল অবলম্বন করিয়া নাম ধাম কিছু অজ্ঞাত রাখিতে হইয়াছিল। কারণ খাঁটি বাঙ্গালী যোদ্ধারূপে ভর্তি হওয়া তখন একপ্রকার অসম্ভব ছিল। তিনি সৈন্যদলে, মৈনপুরী জিলা অধিবাসী রাজপুত্র হরনারায়ণ সিং হইলেন। এবার তাঁর আন্তরিক ইচ্ছা পূর্ণ হইবার সুযোগ ঘটিল। সৈনিকদলে তাঁহার সংখ্যা হইল ১১৩৭। অন্ততঃ তিন বৎসর কার্য করিতে হইবে এবং ভারতে বা ভারতের বাহিরে যেখানে সৈন্যদল যাইবে সেখানেই যাইতে হইবে এইরূপ সর্ভে আবদ্ধ হইতে হইল। অতঃপর হরিনারায়ণ বাবুর নিজের ভাষাভেদেই তাঁহার চীন যাত্রার বৃত্তান্ত দিতেছি।

১৯০০ খৃঃ যখন চীনদেশে অশান্তি উপস্থিত হয় তখন আমাদের সৈন্যদলকে চীন-অভিযান কোজের সঙ্গে যাইবার জন্ম প্রস্তুত হইতে হইল। যুদ্ধক্ষেত্রে দেখিবার যে আমার সাধ ছিল তাহা এতদিনে পূর্ণ হইবার সুযোগ দেখিয়া ভগবানকে মনে মনে ধন্যবাদ দিতে লাগিলাম। ডাক্তারী পরীক্ষায় যোগ্য সাব্যস্ত হইয়া আমি কোমর বাঁধিলাম। আমার বৃদ্ধা মাতা ও পরিবারবর্গ এই সংবাদ পাইয়া মহা অনর্থ বাধাইলেন। যুদ্ধযাত্রায় নিরস্ত করিতে অনেক চেষ্টা করিলেন কিন্তু আমার স্থির প্রতিজ্ঞা হইতে কেহই আমাকে টলাইতে পারিলেন না। অনেক প্রবোধ দিয়া যুদ্ধযাত্রা করিলাম। ১লা জুলাই লঙ্কো হইতে রেলযোগে কলিকাতা পহুঁছিয়া ৩রা জুলাই খিরিয়ারপুর ডেকে জাহাজে আরোহণ করিলাম। চারিখানি জাহাজ আমাদের রেজিমেন্টকে লইয়া রওনা হইল। ১০ই জুলাই বৈকালে চারটার সময় জাহাজ সিঙ্গাপুর বন্দর ছাড়িয়া মাকাও বন্দরের কাছাকাছি আসিলে, হংকং ব্রিটিশ পাইলট বোট হইতে বিপদসূচক সংকেত পাইয়া জাহাজকে আবার নোঙ্গর করিতে হইল। চীনারা তথাকার সমুদ্রে ডাইনামাইট ছড়াইয়া রাখিয়াছিল। ব্রিটিশ পাইলট-বোট যখন ডাইনামাইটগুলির তার কাটিয়া রাস্তা পরিষ্কার করিয়া দিল তখন আবার জাহাজ অগ্রসর হইল, এবং হংকং

বন্দরে ১৩ই জুলাই প্রাতে পহছিল। পহছিলামাত্র তথাকার ব্রিগেড-মেজর আমাদের জাহাজকে ওয়েই-হাই-ওয়েই নামক বন্দরে—যেখানে আমাদের পূর্বগামী জাহাজ তিনখানি অপেক্ষা করিতেছিল—বাইতে আদেশ দিলেন। ১৮ই জুলাই তথায় পহছিলে টাকু দুর্গ অভিমুখে অতি সাবধানের সহিত অগ্রসর হইবার হুকুম হইল। চিলি উপসাগরে পহছিলে আমাদের জাহাজের মাস্তুলের একটি রজ্জু টিলা হইয়া পাটাতনে পড়িয়া ষাণ্ডায় জাহাজখানি ভাল চলিতেছিল না, তাই এক নাবিক-বালক দড়িটি লইয়া ৭০ ফুট উচু মাস্তুলের আগায় বাধিবার জন্ত চড়িতে চড়িতে হঠাৎ হাত ফসকাইয়া একেবারে সমুদ্রগর্ভে পড়িয়া আমাদের চক্ষের অগোচর হইয়া গেল। জাহাজের কাপ্তেন তখনই জাহাজখানি দাঁড় করাইয়া তিনখানি লাইফ-বোট নামাইয়া দিলেন এবং বালকটিকে সমুদ্র-কবল হইতে উদ্ধার করাইলেন। আমরা সকলে আশ্চর্য হইলাম যে, বালকটি কোন রূপ ভীত বা বাধিত না হইয়া সহস্রমুখে জাহাজে উঠিল। টাকু দুর্গের নিকট পহছিলে আমরা কামান দাগার শব্দ শুনিতে পাইলাম। ২০শে জুলাই তথায় পহছিয়া আমাদের পূর্বগামী তিনখানি জাহাজকে দেখিতে পাইলাম। তাহারা কামানের গোলার লক্ষ্য হইতে তকাৎ থাকিয়া আত্মরক্ষা করিতেছিল। আমাদের জাহাজ কয়েকখানি ও অস্ত্রাশয় শক্তির জাহাজগুলি এইরূপে এক পক্ষ কাল নিশ্চেষ্ট হইয়া আবদ্ধ রহিল। রুশিয়া ও জাপান শক্তিদ্বয় পাণ্ডটিং হইতে যুগপৎ আক্রমণ করিয়া চীনা-দিগকে পরাভূত করিয়া টাকু দুর্গ দখল করিলে ৬ই আগষ্ট সাত্বেতিক বার্তা পাইয়া আমাদের জাহাজগুলি নিরাপদে টাকু দুর্গের দিকে অগ্রসর হইল। ৮ই আগষ্ট প্রাতে টাকু বন্দরে পহছিল। মধ্যাহ্নে আমরা জাহাজ হইতে নামিয়া সেদিন সেখানেই বিশ্রাম লইয়া ২ই আগষ্ট বেলা ১১টার সময় পাঁচখানি খোলা স্বীয় রেলগাড়ীতে লণ্ডন হইয়া সন্ধ্যা ৭টার সময় টিনসিন পহছিলাম। আকাশ তখন মেঘাচ্ছন্ন, বুঝ বুঝ করিয়া বৃষ্টি পড়িতেছে। আমরা গাড়ী হইতে নামিয়া চার মাইল দূরস্থ শিবির স্থানের অভিমুখে যাত্রা করিলাম। উর্দি ও স্কোর

সমস্তই ভিজিয়া গেল। সৌভাগ্যক্রমে তখনই আমাদের ছোট ছোলদারী খাড়া করিতে আজ্ঞা পাইলাম। ছোলদারীটির মাপ ছিল ৬ ফুট × ৪ ফুট × ৪ ফুট। কেবল দুই জন সৈনিক মাত্র সরঞ্জাম থাকিতে পারে। আমাদের ঘোড়া ছুটি ছোলদারীর সামনে ও ভারবাহী খচ্চরটি পিছনে বাধিয়া সব গুছাইয়া লইয়ামাত্র ঘোড়া পরিচর্যার ভেরী বাজিল। আমরা নিজেরাই ঘোড়ার সেবা করিতে নিযুক্ত হইলাম। দুই ঘোড়ার একটি সহিস। সে এখন খচ্চরটির সেবায় নিযুক্ত হইল। অর্ধ ঘণ্টা অতীত হইতে না হইতেই দানা ঘাস দিবার সঙ্কেত হইল। ভিজা কাপড়েই সব কাজ শেষ করিয়া সন্ধ্যার পর আমরা বিশ্রামের অস্থমতি পাইলাম।

মাথার পাগুড়ী, পায়ের বুট ও ভিজা কাপড় ছাড়িয়া একটু আরাম পাইলাম এবং বৃষ্টি থামিবার অপেক্ষা করিতে লাগিলাম। ঘণ্টাখানিক পরে বৃষ্টি থামিলে আমরা বাহিরে আসিয়া সেই আর্দ্র জমির উপর রসুইএর বন্দোবস্থ করিবার উদ্যোগ করিলাম। আমার সঙ্গী রাজপুত সৈনিকটি উছন্ন তৈরি করিয়া কাপড়েই আটা মাখিয়া ত্রিশটি আটার গুলি লিপুটিয়া বা বাটি সেকিয়া লইল। আমরা তিন জনে, ২জন সৈনিক ও একজন সহিস, সেগুলি ভাগ করিয়া ঘি ছুন ও লকা দিয়া খাইতে লাগিলাম। আমি কোন ক্রমে চারটি মাত্র গলাধঃকরণ করিয়া বাকি ছয়টি ভবিষ্যতের ব্যবহারের জন্ত থলেতে রাখিয়া দিয়া, কাঠে মাথা রাখিয়া সে রাত্রির জন্ত নিদ্রাদেবীর আরাধনা করিতে লাগিলাম। প্রাতে নয়টার সময় হুকুম আসিল, বেঙ্গল ল্যান্সার সৈন্যদের সাতটা দলকে ১৬০ মাইল দূরস্থ গ্যাংচ্যাং বাইতে হইবে এবং অষ্টম দলটিকে ৮ মাইল দূরস্থ পেইচ্যাং নামক স্থানে বাইতে হইবে। এই অষ্টম দলে আমি ছিলাম। ১০ই আগষ্ট, ১৯০০ সাল, প্রাতে চারটার সময় পেইচ্যাংস্থিত চীনা-সৈন্যবাস আক্রমণ করিতে আমরা আদিষ্ট হইলাম। আমাদের দলটির ২০ জন সৈন্যের ভিতর ১২ জন অস্বারোহী, বিপক্ষদের সৈন্য-সংখ্যা সাত-সরঞ্জাম প্রভৃতির অস্থলস্থান লইবার জন্ত আগেই রওনা হইল। বাকি সৈন্য কিছু পরে চলিল এবং ২০ মাইল পথ অতিক্রম

করিবার পর অগ্রগামী সৈন্যদের নিকট খবর পাওয়া গেল যে, আমাদের বিপক্ষ সৈন্যদের সংখ্যা প্রায় পাঁচ শত, তাহারা দশবারটা পুরান ধরণের কামান এবং বর্শা ছোরা প্রভৃতি দ্বারা সজ্জিত। তাহাদের সঙ্গে বারটা ঘোড়া ও ১২০ খচ্চর আছে।

পথমধ্যে কিছুক্ষণ বিশ্রাম করিতে পাইলাম। কেননা পঁছিবামাত্র শত্রুশিবির আক্রমণ করিতে হইবে। সন্ধ্যা ৬টার সময় পাঁচ মাইল দূরে এক বাগানে কুচ করিলাম এবং অর্দ্ধ ঘণ্টা বিশ্রাম লাভ করিবার পর অগ্রসর হইতে প্রস্তুত হইলাম। অনতিবিলম্বে খবর আসিল যে, বিপক্ষ সৈন্য পরিখা (ট্রেঞ্চ) মধ্যে আহারাদি করিতে মনোনিবেশ করিয়াছে এবং পরিখাসন্নিবিষ্ট গ্রহরীরাও কর্তব্য কর্মে কিছু অমনোযোগী হইয়াছে। আমরা অস্বারোহণ করিয়া সাবধানে দু-তিন মাইল অতিক্রম করিলে শত্রুশিবির দৃষ্টিগোচর হইল। তখন রাতি নয়টা। আমাদের নায়ক তীরবেগে অশ্ব চালাইয়া শত্রুবাহ আক্রমণ করিতে ছুঁতুম দিলেন। আজমাত্রই আমরা ভীমবেগে তাহাদের উপর আসিয়া পড়িলাম। তাহারা অপ্রস্তুত থাকিলেও অসমসাহসিকতার সহিত চার পাঁচ ঘণ্টা লড়াই করিয়া পরাভূত হইল। কতক মরিল, কতক জখম হইল, কতক পলাইল এবং ২০ জন আমাদের বন্দী হইল। বারটি কামান, ১৫০ বন্দুক এবং দশটি রাইফল এবং সমস্ত সরঞ্জাম আমাদের দখলে আসিল। এই যুদ্ধে আমি বাম পদে আহত হইয়াছিলাম; কিন্তু উৎসাহাধিক্যে কিছু কষ্ট কিয়ৎকাল অনুভব করিতে পারি নাই।

কয়েক ঘণ্টা পর যখন টিন্সিন শিবিরস্থানে প্রত্যাবর্তন করিয়া সঙ্গীদের সহিত কথাবার্তায়া নিযুক্ত ছিলাম তখন এক জন সৈনিক আমার আহত পদ ও রক্তাক্ত পটি প্রভৃতির দিকে আমার দৃষ্টি আকর্ষণ করিয়া দিল। আমাদের নেতাদের আজ্ঞায় আমার ক্ষতস্থান পরীক্ষা হইল। তখন আমার মাথা ঘুরিয়া আসিল। তিনি ডুলি করিয়া তৎক্ষণাৎ আমাকে টিন্সিন হাসপাতালে পাঠাইয়া দিলেন। সেদিন ১২ই আগষ্ট, ১৯০০ সাল। যখন ভর্তি হইলাম তখন বেলা তিনটা। হাসপাতালে নিয়মিতরূপে চিকিৎসা হইতে লাগিল, কিন্তু আমার

ছূর্তাগাবশত ক্ষত বিধাক্ত হওয়াতে ভয়ানক প্রদাহ হইয়া জ্বর হইতে লাগিল। হাসপাতালে দেড়মাস চিকিৎসার পর আরোগ্য না হওয়াতে আমাকে ওয়েই-হাই-ওয়েই সাধারণ হাসপাতালে পাঠান হইল।



দফাদার হরিনারায়ণ বহু

১লা অক্টোবর যাত্রা করিয়া ৬ই তথায় পঁছিয়া ভর্তি হইলে আমার রীতিমত চিকিৎসা হইতে লাগিল। রোগী-সংখ্যাগুলি দেখিলাম সবই আহত সৈন্যবৃন্দে পূর্ণ। কয়েক দিন চিকিৎসার পর আমার জ্বর ছাড়িল ও ক্ষতও ভাল হইতে লাগিল; কিন্তু সঙ্গীবিহীন ও নিকশা

ধাকাতের মানসিক প্রকৃতি নষ্ট হইল। কৰ্মচারীদের মধ্যে কয়েকজন বাঙ্গালী ছিলেন। তাঁহারা রোগীদের পথ্যাদি পরিদর্শন করিতে আসিতেন। আমাকে তাহারা বাঙ্গালী বলিয়া জানিতে না পারায় আমার সহিত আলাপ করিবার কোন প্রয়াস করিলেন না দেখিয়া আমিই আলাপ করিতে উৎসুক হইলাম। সৌভাগ্যক্রমে এলাহাবাদনিবাসী কমিসারিয়েটে-র কৰ্মচারী বাবু বামাচরণ খোষ নামক একটি ভদ্রলোককে চিনিতে পারায় আমার আর আনন্দের সীমা রহিল না। আমি যে আহত, পীড়িত হইয়া হাসপাতালের বোণী হইয়া আছি তাহা তুলিয়া গেলাম। বামাচরণ বাবু হাসপাতালের প্রধান পৰিচর্য ছিলেন। আমি এতদিন ধরিয়া রোগীর পথ্য, দুধ সাগু খাইতেছিলাম, পরদিন প্রাতে ডাক্তার আসিয়া আমার অবস্থার উন্নতি দেখিয়া পথ্য পরিবর্তন করিয়া রুটি-ঝোলের বন্দোবস্ত করিলেন। কিন্তু আমাকে আর হাসপাতালের পথ্য খাইতে হইল না। বামাচরণ বাবু তাঁহার নিকটস্থ বাসাতে আমায় মধ্যাহ্ন ভোজনের নিমন্ত্রণ করিলেন। বেলা বারটার সময় যখন বামাচরণ বাবুর লোক আমাকে তাঁহার বাসায় লইয়া যাঁইতে আসিলেন তখন যেন আমি সম্পূর্ণ সুস্থ, লাফাইয়া শয্যাভাগ করিয়া তাহার সহিত চলিলাম। বাসায় পহঁছিলে তিনি আমার পরিবেশ পরিবর্তন আদি ও স্নানের বন্দোবস্ত করিয়া দিলেন। অনেকদিন স্নান না করার পর আজ স্নান করিয়া যেন নতুন জীবন লাভ করিলাম। পাবার ঘরে গিয়া দেখিলাম, দশখানি পাতায় বাঙ্গালী রুচি-মূলত শাকচক্রি অন্ন নিরামিষ হইতে আমিষ বিবিধ ব্যঞ্জনের আয়োজন হইয়াছে। বামাচরণ বাবু তাঁহার অজ্ঞাত বন্ধুর সহিত আমাকে সমাদরের সহিত খাইতে বসাইলেন। পাঁচ মাস পর এইরূপ উপদেষ্ট ভোজন পাইয়া আমি সমস্তই পরম পরিতোষের সহিত গলাধঃকরণ করিলাম। আশ্বিনাশ্বে বিশ্রামের সময় বামাচরণ বাবু আমার যুদ্ধে অসার ও আহত হওয়ার গল্প শুনিয়া আশ্চর্য হইলেন। হাসপাতাল বাস কালে তিনি প্রতিদিনই মধ্যাহ্ন ভোজন বাহাতে তাঁহার সহিত করি, তৎপূর্ণ বিশেষ করিয়া অহুরোধ করিলেন, এবং রাহির আহার

হাসপাতালেই আমার কাছে পাঠাইবার বন্দোবস্ত করিলেন। আরও মাসাবধি আমাকে হাসপাতালে থাকিতে হইয়াছিল; প্রত্যহ এইরূপ উপদেষ্ট খাদ্য খাইয়া আমার স্বাস্থ্যের বিলক্ষণ উন্নতি হইল। তিনদিন হাসপাতাল হইতে যখন আমি আদি তখন আমার ওজন ছিল ১ মণ ১৭ সের, এখন সাড়ে তিন মাস পরে আমার ওজন হইল ১ মন ৩৬ সের, অর্থাৎ ১৯ সের ওজনে বাড়িয়াছিলাম। ১৯০০ সালের ডিসেম্বর মাসের শেষে শেষে একদিন ডাক্তার সমস্ত রোগীর অবস্থা পরীক্ষা করিয়া ৬২ জনকে ছুটির উপযুক্ত সাবাস্ত করিলেন এবং জিজ্ঞাসা করিলেন, কাহারো যুদ্ধক্ষেত্রে এবং কাহারাই বা দেশে, অর্থাৎ ভারতবর্ষে প্রত্যাবর্তন করিতে ইচ্ছুক। আমি পুনরায় যুদ্ধক্ষেত্রে ফিরিতে ইচ্ছা প্রকাশ করিলাম; ২৩শে ডিসেম্বর কর্মে যোগদান করিলাম। ২৬শে তারিখ হুয়াংচুয়াংতে যুদ্ধক্ষেত্রে যাঁইতে আদিষ্ট হইয়া ২রা জানুয়ারি, ১৯০১, যুদ্ধে লিপ্ত আমাদের রেজিমেন্টের সহিত মিলিত হইলাম। হুয়াংচুয়াং তিনদিন হইতে ৭৫মাইল এবং পেকিং হইতে প্রায় ২৫ মাইল দূরে স্থিত। ৩রা জানুয়ারি হুয়াংচুয়াং হইতে ১০ মাইল পশ্চাৎভাগে, অর্থাৎ সম্মিলিত সৈন্যবাহিনীর পৃষ্ঠদেশে যাঁইতে হইল। আমরা অত্যন্ত সাবধানে যাত্রা করিয়া বাহপৃষ্ঠে ভূটাক্ষেত্রে প্রকৃত অবস্থায় খুঁজিয়া পাইলাম। সেখানে দুইদিন আমাদের পক্ষে প্রায় অত্যাধিক ত্যাগ করিয়া কাটাইতে হইল। থলের ছোলাভাজা ও বোতলের জলই আমাদের ক্ষুধাপিপাসা ব্যতিক্রম নিবারণ করিল। ৬ই জানুয়ারি রাত্রি এগারটার সময় আলোক-সঙ্কেতে আদিষ্ট হইয়া আমরা তৎক্ষণাৎ পিকিং অভিমুখে ধাবিত আমাদের প্রধান সৈন্যবাহিনীর সহিত যোগদান করিতে চলিলাম। রাত্রি দেড়টার সময় ঐ সৈন্যবাহিনীর সহিত মিলিত হইয়া আমাদের নেতা সকলকেই বৃট জুতা খুলিয়া নাগরা জুতা পরিয়া সাবধানে ডবল মার্চ করিয়া পিকিং অভিমুখে চালিত করিলেন। ৭ই অতি প্রত্যুষে আমরা পিকিং চিহ্নে গেটের সমুপস্থ টাংচাও নামক স্থানে উপনীত হইলাম। একটি পরিখা (খাল) উত্তীর্ণ হইয়া পিকিং দুর্গের উন্নত প্রাচীর দেখিতে

পাইলাম। প্রাচীর এত উচ্চ যে, শীঘ্র প্রহরীবর্গ তলদেশ হইতে মাত্র দুই ফুট পুস্তলিকা-শ্রেণীর মত দেখাইতেছিল। আমরা ধীরে প্রাচীরের সাঙ্গদেশে উপস্থিত হইয়া চিহ্ন দরজার সামনে কিছুক্ষণ লুকাইয়া থাকিয়া অনতিদূরে তোপধ্বনি শুনিতে পাইলাম। উত্তরে জাপানী সৈন্য এবং দক্ষিণ ভাগ হইতে জাশ্মান সৈন্য কিল্লা আক্রমণ করিয়াছিল। আমাদের নেতা দুরবীন সহযোগে কিয়ৎক্ষণ দেখিয়া বুঝিতে পারিলেন যে, চিহ্ন ফটকের উপরিত্ত প্রহরীগণ উত্তর ও দক্ষিণ প্রান্ত হইতেই দুর্গ আক্রান্ত হইয়াছে ভাবিয়া তদভিমুখে দাবিত হইতেছে, এবং স্বেযোগ বুঝিয়া একদল সাপার মাইনার সৈন্যকে রজ্জু-সোপানদ্বারা দুর্গপ্রাচীর উন্নয়ন করাইয়া ভিতর দিক হইতে দুর্গদ্বার উন্মোচন করাইলেন। এইরূপে দ্বার উন্মুক্ত পাইয়া আমাদের সৈন্যদল নিঃশব্দে দুর্গে প্রবেশ করিল। দুর্গে পহুছিয়া দেখিলাম, দুর্গবাসী ভীত ত্রস্ত বিশৃঙ্খল এবং পলায়নোন্মুখ। শুনিলাম রাণীমাতা প্রধান মন্ত্রী সহিত অঙ্গরাত্রের ৮ই জাভুয়ারি ১৯০১ তারিখে) প্রাসাদ ত্যাগ করিয়া মাকুরিয়া অভিমুখে যাত্রা করিয়াছেন। আমাদের সৈন্যদল ৮ই জাভুয়ারি প্রাতঃকাল পাচটার সময় অনায়াসে প্রাসাদ ও ধনাগার দখল করিয়া প্রাসাদ চুড়ায় ইংরেজ-পতাকা রোপিত করিল। বহিঃস্থিত সমস্ত শক্তি গুলি—জাপান, রুশিয়া, জাশ্মানি, ইটালী, আমেরিকা, ফ্রান্স—যাহারা প্রাণপণে যুদ্ধ করিতেছিল, তাহারা সহসা প্রাসাদ-শীর্ষে ইংরেজ-পতাকা উড্ডীয়মান দেখিয়া ত্রস্ত ও বিফলমনোরথ হইয়া যুদ্ধ হইতে বিরত হইল। ব্রিটিশ-বাহিনীর প্রথম বেঙ্গল ল্যান্সারদের এই অদ্ভুত কীর্তি দূরে স্থিত প্রধান সেনাপতিকে জানান হইলে তিনি এই ব্রিটিশ-জয় সমস্ত জগতে ঘোষণা করিয়া দিলেন।

এইরূপে দুর্গ অধিকৃত হইলে, প্রাসাদ, ধনাগার, সহর প্রভৃতির রক্ষণাবেক্ষণ জন্ত প্রহরী নিযুক্ত হইল। সহরের একটি মাত্র দ্বার, অর্থাৎ চিহ্ন গেট, যাতায়াতের জন্ত খোলা রহিল, এবং পাশ বিনা কোন বিদেশীর প্রবেশ নিষিদ্ধ হইল। আমাদের প্রথম ল্যান্সার সৈন্যদল চিহ্ন গেটে পাহারায় নিযুক্ত হইল।

পিকিং অধিকৃত হইলে কিছুদিন লুটপাট চলিয়াছিল, কিন্তু শাসনের গুণে সকলকেই লুটের মাল ফিরাইয়া দিতে হইয়াছিল। জাভুয়ারি হইতে মার্চ (১৯০১) পর্যন্ত তিনমাস আমরা পিকিং অধিকার করিয়া রহিলাম, পরে চীনে শাস্তি ঘোষণা হইলে ২৫শে মার্চ দুর্গ চীনের হস্তে প্রত্যর্পণ করিয়া আমাদের পল্টন টিনসিন অভিমুখে চালিত হইল। ৩১শে মার্চ টিনসিন পহুছিয়া প্রায় দুইমাস তথায় দূত করিয়া রহিলাম। তখন চতুর্দিক হইতে বিভিন্ন শক্তির সৈন্যদল অত্যন্ত কোতূহলী হইয়া আমাদের বিজয়ী প্রথম ল্যান্সার সৈন্যদের দোঁধিতে আসিতে লাগিল। একদিন একজন জাশ্মান সৈনিককে বলিতে শুনিলাম, ইহাদের ঘোড়া-গুলি ত গাধার মত এবং সওয়ারগুলি কাঠের পুতুলের মত দেখিতে। আশ্চর্যের বিষয় এই যে, ইহারা কি প্রকারে শোয়াবীঘো এত খ্যাতি লাভ করিল!

এপ্রিল হইতে ২৫শে জুন পর্যন্ত আমাদের পল্টন টিনসিনে থাকিয়া হংকং যাইতে আদিষ্ট হইল।

৫ই জুলাই নির্বিঘ্নে বেলা একটার সময় হংকং উপস্থিত হইলাম।

যখন আমাদের পল্টন পিকিং-এ অবস্থান করিতেছিল তখন ফেব্রুয়ারি মাসের দ্বিতীয় সপ্তাহে আমি ও আমার সঙ্গী চারজন নন-কমিশন্ড অফিসার এক সপ্তাহের ছুটি লইয়া জাপান বেড়াইতে যাই। জাপান হইতে প্রত্যাবর্তন করিয়া রাজি নয়টার সময় পিকিং পহুছি। দুর্গদ্বারে যখন পহুছিলাম তখন দেখিলাম দ্বাররক্ষী চারজন শাস্ত্রী উন্মুক্ত রূপাণ হস্তে পাহারায় নিযুক্ত রহিয়াছে। আমাদের দেখিয়া কঠোর কণ্ঠে আমাদের পরিচয় চাহিল। “বন্ধু” এই পরিচয় দিলে মশালের আলো দিয়া আমাদের চিনিয়া দুর্গে প্রবেশ করিতে দিল। পনের মিনিট মধ্যে আমরা আমাদের সৈনিক-আবাসে পহুছিলাম। ইম্পেরিয়াল সিটির কাছে সৈনিক-আবাসের নিকট আর এক দল প্রহরী আমাদের গতিরোধ করিয়া সৈনিক-আবাসে প্রবেশের সাক্ষেতিক কথা জিজ্ঞাসা করিল। সে রাত্রের, অর্থাৎ ২০শে ফেব্রুয়ারি, ১৯০১র সাক্ষেতিক কথা ছিল “কলিকাতা”। তাহা বলিয়া আমরা

আমাদের নির্দিষ্ট ঠাঁবুতে রাজি দশটা পনের মিনিটের সময় পহঁছিলাম। পর দিন অতি প্রত্যুষে আমাদের হাজরী করিতে হইল। ঠিক সময় হাজির না হইলে দণ্ড ভোগ করিতে হয়।

১৩ই জুলাই হইতে ২৫শে আগষ্ট ১৯০১ পর্যন্ত—আমাদের পন্টনকে হংকং থাকিতে হইল। এই অবসরে তথাকার বহুবিধ শিক্ষাপ্রদ ও কৌতূহলজনক বিষয় দেখিয়া শুনিয়া সময় অতিবাহিত করিতে লাগিলাম। ভারতে প্রত্যাবর্তন করিবার তারিখ আমাদের পাঁচ দিন পূর্বেই জানান হইয়াছিল। আমাদের জাহাজ ৪ঠা সেপ্টেম্বর, ১৯০১, বেলা এগারটার সময় নিরাপদে খিদিরপুর ভকে পহঁছিল। আত্মীয় বন্ধুবান্ধবের সঙ্গে দেখা করিবার ইচ্ছায় নেতার নিকট দশ দিনের ছুটি চাহিলাম। তাহাতে তিনি আমায় জিজ্ঞাসা করিলেন,

“তুমি মৈনপুরী জিলা-নিবাসী, তোমার কলিকাতায় আত্মীয়স্বজন কে?” আমার অভীষ্ট সিদ্ধ হইয়াছিল, আমি যুদ্ধক্ষেত্র দেখিয়াছি। তাই এখন সরলভাবে জানাইলাম, “না মহাশয়, আমি মৈনপুরী-নিবাসী রাজপুত নই। আমি ২৪ পরগণা জিলার বারাসত নিবাসী বান্ধালী।” তাহাতে তিনি কৌতূহলের সহিত আমার মুখের দিকে তাকাইয়া অতুগ্রহ করিয়া ছুটি মঞ্জুর করিলেন। ৫ই হইতে ১৪ই সেপ্টেম্বর পর্যন্ত আমি ছুটি পাইলাম। ৪ঠা তারিখে আমাদের পন্টন লক্ষ্মী যাত্রা করিল। আমি মংগলদ্বীপের আমায় নির্বিশেষে দেশে প্রত্যাবর্তনের বার্তা এবং ছুটি লইবার বিষয় তারযোগে জানাইলাম। মাতাঠাকুরাণী এই সংবাদ পাইয়া দানখান করিলেন ও ৩সত্যনারায়ণের পূজা দিলেন।

ট্রেনের পথে

শ্রীপারুল দেবী

“দেখেছ একবার ব্যাপার—যত ভিড় এইদিকে!”

কনক জলন্ত দৃষ্টিতে যাত্রীদের দিকে তাকিয়ে রইল, ইচ্ছা যে তার উইলকোসের প্রভাবে কেউ আর সে কামরার দিকে এগুতে সাহস না করে। একটি ধুতি-পাঞ্জাবী-পর্যায় ছোকরা গাড়ীর পাদানিতে উঠে উঁকি মেয়ে ট্রেনের ভিতরটা একবার দেখে নিল; তারপর গাড়ীর দরজার সামনে দাঁড়িয়ে ভিতরে ওঠবার জন্তে দরজা খুলতে গেল। কনক অগ্নিবর্ষী দৃষ্টিতে তার দিকে তাকিয়ে রইল, সবলও না, কথাও বলল না। ছোকরা দরজাটা নাড়া দিয়ে বললে, “সকল না মশাই, দরজা আটকান কেন?” কনক তবু সরে না। ছোকরাও নড়তে চায় না, সে উঠবেই ঐ গাড়ীতে। কনকের ইচ্ছা করছিল ছোটো ঘুষি মেয়ে লোকটাকে তাড়িয়ে দেয়; কিন্তু তা না করে গম্ভীরভাবে অত্যন্ত

যত্নস্বরে বলল, “যান্ না মশাই অত্ন জায়গায়। কেমন ভদ্রলোক? দেখছেন এ গাড়ীতে মেয়েরা রয়েছেন, তবু এ গাড়ীতে ওঠা চাই!” ছোকরা চলে গেল; বকতে বকতে গেল, “মেয়েরা রয়েছেন। মেয়েরা রয়েছেন তো গাড়ী রিজার্ভ করে নিয়ে যেতে পারেন না? রিজার্ভ করতে পয়সা লাগে কি না! চোখ রাঙানি দিয়ে রিজার্ভের কাজ চালাচ্ছেন।” কনক কান দিল না। ‘নীচ যদি উচ্চ ভাষে, স্ববুদ্ধি উড়ায় হেসে।’ কিন্তু এ ছাই পৃথিবীতে কি বেশীক্ষণ হাসবার জো আছে? কারু তা সহ্য হয় না। ছোকরাকে তাড়িয়ে কনক একটা ভূপ্তির দীর্ঘনিঃশ্বাস ফেলেছে কি না-ফেলেছে অমনি আবার একটি মাড়োয়ারি বাবুর আবির্ভাব। তিনি তাঁর বিপুল দেহ নিয়ে দরজার হাতল ঘুরিয়ে ভিতরে ওঠবার চেষ্টা করতেই কনক দরজা খুলে

একলাফে প্রায় তাঁর ভূঁড়ির উপর দিয়ে প্র্যাটফরমে নেমে পড়ল। উইলকোসের প্রভাবে জেত্বার ভরসা কম দেখে হঠাৎ স্তরটা নরম করে এনে বললে, ‘মশাই, ওদিকের গাড়ীতে সব চের জায়গা খালি পড়ে, এই দেখে আসছি। যান না মশাই দয়া করে ওদিকে,—এ গাড়ীতে মেয়েরা রয়েছেন কি না।’

আসলে ‘মেয়েরা’ কথাটি গৌরবে বহুবচন। একটি মাত্র মেয়ে, তাও এত রোগা যে আঁখ্যানি বললেও চলে,—ওধারের বেকিতে বসেছিল একথানা মাসিকপত্র দিয়ে নিজের মুখখানা যথাসম্ভব আড়াল করে।

কনক অস্থিরপদে সেই গাড়ীর সাম্নেই প্র্যাটফরমে পায়চারি করে বেড়াতে লাগল, গাড়ীতে উঠে দাঁড়াতে সাহস হ’ল না। উইলকোসটোস ওসব বাজে কথা, কোনই কাজে লাগে না, স্পষ্টই দেখা গেল। এখন এই নীচ থেকে বিনয় বচন বলে কয়ে যদি আরোহীদের ঠেকান যায় সেই চেষ্টা দেখাই ভাল। গাড়ীতে দাঁড়িয়ে ওসব কথা তো বলা যায় না, মেয়েটি শুনতে পাবে যে! ভাববেই বা কি? কনক একজন অপরিচিত পুরুষ, যখন মেয়েটির গাড়ীতে উঠতে পেরেছে, তখন আর পাঁচজনেই বা কেন পারবে না? এর কোনো সহজ উত্তর হয়ত মেয়েটি খুঁজেই পাবে না। কিন্তু কনকের মন তো আর তা বোঝে না। সে হ’ল কনক—সে আলাদা—তাই বলে ঐ মাড়োয়ারী, বাবুর মত যত বাজে লোক এসে এই গাড়ীতে ভিড় করবে?—ছি! তার এখন দেখা উচিত যাতে মেয়েটি প্রজন্মে নিজের গন্তব্য স্থানে পৌঁছতে পারে, কোনো রকম অসুবিধা তার না হয়। সে ভদ্রলোক, তার উপর বাঙালী,—এবং মেয়েটির মুখ দেখে ও শাড়ী পরবার ভঙ্গী দেখে ঠিক বোঝা না গেলেও সে যখন বাংলা কাগজ পড়ে তখন তাকেও বাঙালী বলেই ধরে নেওয়া যায়। কাজেই তাকে রক্ষা করবার অধিকার কনকের যেমন আছে, আর পাঁচজনের কেমন করে তা থাকতে পারে?

নিজের অধিকারের গর্বে মনটাকে নাড়া দিয়ে কনক আর একবার গাড়ীর ভিতরটা দেখে নিল। মেয়েটি তেমনি করেই বসে আছে।

গাড়ীও ছাড়ে না ছাই। থার্ডক্লাস প্যাসেঞ্জারগুলো তখনও ঠেলাঠেলি করে ভিড় করছে, বোঁচকা-বঁচকি মালপত্র তখনও প্র্যাটফরমে সব ছড়ানো। নাঃ, এ বড় অম্মায়। ঐ রকম ক্লাসের যাত্রীদের জন্তে ট্রেন লেট হবে?—এটা অন্তত কর্তৃপক্ষের দেখা উচিত। ট্রেন লেট হবার দরুন উচু ক্লাসের যাত্রীদের কত ক্ষতি হতে পারে। এদের ছুটো বোঁচকা পড়ে থাকলেই বা কি! কি-ই বা আছে ওতে? কাঁসার ঘটি, পান সাজবার সরঞ্জাম, বড়জোর একটা আড়াই টাকা দামের কবল—এই তো? কান্নর যদি তা পড়েই থাকে তো কনক জানতে পারলে তখন তাকে তিনটে টাকা দিয়ে দিতে পারে। তাই বলে এই সব তুচ্ছ কারণে গাড়ীটা এতক্ষণ দেরি করান? না, ইংরেজের রাজত্বে আজকাল চারদিকেই বিশৃঙ্খলা, চারদিকেই অনিয়ম!

হাতঘড়িটার দিকে তাকিয়ে দেখল, তখনও পাঁচ মিনিট দেরি আছে ট্রেন ছাড়তে। ওঃ—তাহলে সময় এখনও পার হয়নি! কিন্তু এতক্ষণ ট্রেনটা দাঁড় করিয়ে রাখবারই বা মানে কি, তাও তো বোঝা যায় না।

যাক্, ভদ্রলোকেরা সকলেই যে যার গাড়ীতে উঠে রয়েছে, এ গাড়ীতে নতুন করে আর কান্নর আসবার সম্ভাবনা কম। কনক দরজা খুলে লাফ দিয়ে গাড়ীতে উঠে পড়ল। মেয়েটি চকিত হয়ে কাগজখানা মুখের উপর থেকে সরিয়ে তাকালে।

মুখখানি সুন্দর হয়ত বলা যায়; কিন্তু সুন্দর কি অসুন্দর সে প্রশ্ন মনে জাগবার আগেই চোখে পড়ে তার মুখের ভাবের অত্যন্ত আত্মনির্ভরশীলতা। সে যে কোনো কিছুতে ভয় পায় না, তার গাড়ীতে কতজন পুরুষ যাত্রী উঠল কি না-উঠল সে বিষয়ে যে তার বিন্দু-মাত্র কৌতূহলও নেই, উদ্বেগও নেই, বিপদে পড়লে নিজেকে রক্ষা করবার স্বাভাবিক কৌশল কি শক্তি অপর সকল প্রাণীর মতই যে তারও আছে—একবার তার মুখের সবটা দেখতে পেয়েই কনক সে কথাটা এক মুহূর্তে বুঝে নিলে। এই মারহাটী-ধরণের মেয়েটিকে রক্ষা করবার জন্তে কনকের এ গাড়ীতে ওঠার সম্পূর্ণ নিশ্চয়োজ্ঞতা উপলব্ধি করে তার মনটা অগ্রসর হয়ে উঠল।

মেয়েটি আবার পড়াতে মন দিলে। ট্রেন চলতে শুরু করেছিল, ক্রমেই তার বেগ বাড়তে লাগল। মেয়েটির আর কিছু দেখা যায় না, শুধু কপালটি আর চুল আঁচড়াবার সহজ ভঙ্গীটি। চুলটা ভাল করে আঁচড়াবার কোনো চেষ্টাই চোখে পড়ে না, সামনের দিকে টেনে খোঁপা বাঁধা। মেয়েটির মুখটিও যেমন মারহাটি মেয়েদের মত, চুলও সেই রকম টেনে বাঁধা। মুখের ভাবের নির্ভীকতাও ঠিক মারহাটি মেয়েদের সঙ্গে খাপ খায়—মেয়েটি মারহাটিই নয় তো? মারহাটি হ'লে তো কথা কইবার...? কনক যা হিন্দী জানে তাতে তো কোনো ভদ্রমহিলার সঙ্গে আলাপ করা চলে না। হাম্ তুম্ করে চাকরদের সঙ্গে কোনো রকমে কথা চালাতে পারা যায়। এই অবধি—তাও একটি। কিছু কথা চাকরদের বোঝাতে হ'লে হিন্দী ভাষার চেয়ে হাত পা নাড়াই তার কাজে লাগে বেশী। মেয়েটি মারহাটি হ'লে তো...? কিন্তু হ'লেই বা তার কি? কনক তো আর মেয়েটির সঙ্গে ঘনিষ্ঠতা করবার অভিপ্রায়ে এখানে ওঠে নি। মারহাটি হোক, হিন্দুস্থানী হোক তাতে কনকের কি? একটি অসহায় মেয়ে একলা যাচ্ছে, তাকে আগলাতেই এ গাড়ীতে আসা—মেয়েটির গোত্র বর্ণের খোঁজে তার দরকারই বা কি!

কিন্তু মন উসখুস করে। কেবল মনে হয় মেয়েটি কে? কি গুর দরকার! কোথায় যাবে? একলা কেন যাচ্ছে? যে বাড়ীতে যাচ্ছে কে আছে সেখানে?

কথাই-বা বলা যায় কি করে? কেবল কপালটির দিকে তাকিয়েই যে সময় চলে গেল—কে জানে কোন ষ্টেশনে কখন নেমে পড়বে হঠাৎ। কিছুই জানা হবে না। কিন্তু কি বলা যায়? “জানলাটা খুলে দেব কি?” আর “পাখাটা বন্ধ করে দেব কি না” এই দুটি মাত্র সম্ভবপর প্রশ্ন কনকের মনে এলো, তার মধ্যে কোনটা বলা যায়? মেয়েটি যে-বেষ্টিতে বসেছিল সে দিকের ছটা জানলা বন্ধ ছিল। কিন্তু বাইরে যা রোদ, গরম হাওয়াও বোধ হয় চলছে—জানলা খুলতে যাওয়াটা কি ঠিক সময়োপযোগী হবে? কিন্তু “পাখাটা বন্ধ ক'ব কি না” যে জিগেসই করা যায় না। এই

দুপুর রোদ, আগুন গরম। মনে হচ্ছে আরও দুটো পাখা থাকলে সে দুটোও খুলে দিতে পারলে ভাল হ'ত। এমন সময়ে পাখা বন্ধ করব কি না জিজ্ঞাসা করলে মেয়েটি তাকে আস্ত পাগল ভাববে যে। তা'লে ঐ একটি প্রশ্নই বাকি রইল, ‘জানলাটা খুলে দেব কি?’ ও ছাড়া আর উপায় নেই। কনক প্রশ্নটা মুখে আনবার চেষ্টা করতে লাগল। কিন্তু এমনও বিপদ! কত বড় বড় জটিল প্রশ্ন এ জীবনে কনক কতবার কত লোক-ক জিজ্ঞাসা করেছে; কিন্তু এই অত্যন্ত একটা মামুলি কথা ‘জানলাটা খুলে দেব কি’ এইটে আর গলা দিয়ে সহজভাবে বেরোতেই চায় না। কনক নড়েচড়ে বসল, মাথার চুলটা হাত দিয়ে টেনে টেনে পেছন দিকে চালিয়ে দিল, কোটের সামনের দিকটা ধরে টেনে সোজা করে দিয়ে বেশ শক্ত হয়ে বসে প্রাণপণ চেষ্টায় কেমন যেন অস্বাভাবিক জোরে বলে উঠল, ‘জানলাটা খুলে দেব কি?’

মেয়েটি চমকে উঠল। প্রশ্নটা হয়ত ভাল করে বুঝতেই পারে নি। নিজের উচ্চ কণ্ঠস্বরে অপ্রতিভ হয়ে তাড়াতাড়ি সংশোধন করে নেবার অভিপ্রায়ে কনক বিনীত স্বরে বলল, ‘আপনার দিকের জানলা দুটো বন্ধ রয়েছে, হয়ত গরমে আপনার কষ্ট হচ্ছে। কোনোটা খুলে দেব কি?’ মেয়েটি অত্যন্ত সহজভাবে উত্তর দিল, ‘হ্যাঁ বেশ তো, দিন না।’ কনক খুশী হয়ে দুটো জানলা খুলে দিয়ে হস্থানে এশে বসল। মেয়েটি মুহূষরে ধন্যবাদ দিয়ে আবার পড়ায় মন দিলে। আবার সব চূপচাপ। কনক হতাশ হয়ে পড়ল, আর তো কথা চালাবার কোনো পথই নেই। জানলাটা শুধু খুলে দিয়ে কি-ই বা হ'ল? মেয়েটি বাঙালী, বাংলা জানে ও সহজভাবে বাংলায় উত্তর দেয়, এ ছাড়া, আর তো কিছুই জানা গেল না। তার যে আরও কত কি জানবার লি।

ট্রেনটা একটা ঝাঁকানি দিলে। মেয়েটির হাত থেকে কাগজখানা ছটকে নীচে পড়ে গেল। কনক শশব্দে সেটাতুলে নিতেই মেয়েটি মুহূ হেসে বললে ‘ধন্যবাদ।’ কনক বইখানি মেয়েটির হাতেই ফিরিয়ে দিতে যাচ্ছিল, কিন্তু দেখলে বড় ধুলো লেগে গেছে, ঝেড়ে তবো তো দেওয়া উচিত। নিজের ক্রমাল বেয় করে ঝাড়তে

ঝাড়তে চোখে পড়ল যে পাতায় উপুড় হয়ে বইটা পড়ে-ছিল, সেটা হ'ল একটা গল্পের আরম্ভের পৃষ্ঠা; গল্পের শিরোনাম 'ট্রেনের পথে,' আর নীচে লেখকের নাম 'শ্রীকনক দাস।'

আরে, এ যে তার নিজেরই নাম! চট করে মেয়েটির সঙ্গে কথা চালাবার একটা উপায় মনে এল।

বইখানা মেয়েটিকে ফেরৎ দিতে দিতে কনক যুঁহু হেসে বললেন, 'কি পড়ছিলেন ট্রেনের পথে?' মেয়েটিও ভদ্রতাচ্ছক 'হ্যাঁ' হাসি হেসে বললে, 'হ্যাঁ। কিন্তু আপনি কেন নিজের কন্মাল দিয়ে পুণো ঝাড়তে গেলেন? আপনার কন্মাল নিশ্চয় একেবারে নষ্ট হয়ে গেছে। গাড়ীর নীচেটা যা হয়ে রয়েছে ধুলোয় বুলোয়।'

কনক সে কথার উত্তর না দিয়ে বললে, 'নিজের লেখা কেউ পড়ছে। এর আগে কোনোদিন দেখবার সৌভাগ্য হয়নি, তাই আপনি গল্পটা এত মন দিয়ে পড়ছেন দেখে বেশ নতুন রকম মনে হচ্ছে।'

মেয়েটি সোজা হয়ে বসল—কথাটা বোধ করি বা বুঝতে তার দেরি হ'ল; একবার মানিক পদ্মখানার দিকে তাকাল। আবার কনকের মুখের দিকে তাকাল। বলল, 'ট্রেনের পথে' গল্পটা বুঝি আপনার লেখা? আপনি বুঝি একজন বড় লেখক?' কনক উত্তর দিল, 'লিখলেই যখন লেখক হওয়া যায়, তখন সে নামটা এড়াই কি করে? কিন্তু বড় কি ছোট সে বিচারের ভার তো আপনাদেরই হাতে। তবে গল্পটা আপনি যখন মন দিয়ে পড়ছেন, তখন নিজেকে ভাগ্যবান বলেই তো মনে হচ্ছে।' মেয়েটি একটু কৌতূহলের স্বরে বললে, 'হ্যাঁ, গল্পটার প্রটটা বেশ নতুন ধরণের। এ ধরণের গল্প তো আমাদের বাংলায় বেশী দেখি না, বরং ইংরেজী ম্যাগাজিনে দেখা-টেগা যায়। তা আপনি এ প্রট পেলেন কোথায়? নিজের জীবনের অভিজ্ঞতায় লিখেছেন না কি?'

গল্পটার প্রট নিয়ে কথা চালাবার ইচ্ছা কনকের মোটেই ছিল না। কি যে তার প্রট, আর কি বা তার নতুন, যা নাকি ইংরেজী ম্যাগাজিনের পাতায় ছাড়া দেখবার জো-ই নেই, তা তার একেবারেই অজানা! কথা কইতে গিয়ে একটা বিপদ ঘটাক্ আর কি! তবু

উত্তর তো একটা দিতে হয়! সংক্ষেপে সে বললে, 'কতকটা বটে।'

মেয়েটি চাড়ে না। আবার সেই কথাই। বলল, 'কিন্তু এ-রকম অভিজ্ঞতা তো আমাদের দেশে হওয়া শক্ত। মেয়েটির বা চিত্র দিয়েছেন আপনি, এ-যেন ইংরেজ মেয়ে ব'লে মনে হয়; বাঙালীর ঘরের মেয়ে ঠিক এ-রকমতো প্রায় দেখা যায় না। কা'কে দেখে লিখেছেন বলুন তো!'

ভাল-রে-ভাল! কে এক কনক দাস এক বাঙালীর মেয়েকে মেন সায়েবের মত ক'রে খাড়া ক'রে কি গল্প লিখেছে—তা সে-ই জানে; এখন তার কৈকিয়ৎ দিতে হবে কনককে? 'উদার পিণ্ডি বুদোর ঘাড়' আর কাকে বলে? এর চেয়ে যে কথা না-কওয়াই ছিল ভাল। কপাল আর চুল দেখেই সময়টা কাটিয়ে দিলে ভাল হ'ত। যে জগ্নো কথা কওয়া,—মেয়েটি কে, কোথায় যাবে, একলাই বা যাওয়া-আসা করে কেন, সে-সব কথা তো 'যে তিমিরে সেই তিমিরে'ই রইল। মাঝ থেকে কে এক কনক দাসের 'ট্রেনের পথে'র মেন-ভাবাপন্ন নায়িকা নিয়ে তার প্রাণ যায়!

যাহোক কিছু একটা উত্তর না দিলেও নয়। কনক বলল, 'সবটাই কি আর ব্যক্তিগত অভিজ্ঞতা? লিখতে বললে কত কি তো মন থেকে গড়েও নিতে হয়। আর তা ছাড়া বাঙালীর মেয়ের মধ্যে কি আর ইংরেজ-রমণীস্বভাব কোনো গুণ থাকা এতই আশ্চর্য? ধরুন, আপনাকে নিয়েই যদি গল্প লেখা যায় তাহ'লে ঠিক বাঙালী মেয়েদের সেই জড়সর ভাব আর সন্মোচ বজায় রেখে আপনার চিত্র আঁকতে গেলে কি তা ঠিক সত্যি হবে?'

নিজের কথা বলবার কুতিয়ে কনক উৎফুল্ল হয়ে উঠল। ঠিক প্রসঙ্গেই তো এসে পড়া গেছে। এইবার তো মেয়েটিকে নিজের সম্বন্ধে এই প্রশ্নের একটা কিছু উত্তর দিতে হবে! চট করে কথা মনে আসা, চট করে মাথায় বুদ্ধি খেলা—এই সবই তো হ'ল লেখকদের গুণ! সে সব গুণই তো কনকের চরিত্রে বর্তমান দেখা যাচ্ছে। তাই যদিও ঠিক ঐ 'ট্রেনের পথে' গল্পটা তার নিজের লেখা নয়, তবু লেখকস্বভাব সকল গুণ বর্তমান রয়েছে

ব'লে কোনোদিন কনক ঐ রকম একটা গল্প লিখে ফেলতেও পারে তো। আচ্ছা, বাড়ী গিয়ে এবারকার এই ব্যাপারটাই একটু রং-চং দিয়ে শুদ্ধিয়ে লিখে কোনো মাসিক পত্রিকায় ছাপাবার জন্তে পাঠিয়ে দিলে তো হয়! তাই দেবে। হয়ত এই কাগজেই দেবে। কিন্তু সম্পাদক আবার নতুন লেখকদের লেখা নেন না—শুনেছে কনক। তা সেও তো এক কনক দাস! এই তো এক কনক দাসের লেখা বেরিয়েছে দেখা যাচ্ছে, তাহ'লে তার লেখা পেলে বোধ হয় সম্পাদক বুঝতেই পারবে না যে, এ কনক দাস আবার ভিন্ন, এবং তার এই প্রথম হাতেখড়ি। যা হোক ভাবা যাবে এ বিষয়ে। চেষ্টা করলে কি না হয়?

মেয়েটি সহজ উত্তর এড়িয়ে গিয়ে পাল্টে জিজ্ঞাসা করলে, “তাই তো বলছি আপনার এ প্লট এই রকম ধরণের কোনো মেয়েকে দেখে তবেই বোধ হয় মাথায় এসেছে—কে সে মেয়েটি? হয়ত চিন্তেও পারি নাম শুনলে, তাই জিগেস করছি।”

কনক একটু ভেবে নিয়ে বললে, “সে একবার আমি এই রকম ট্রেনে করে আসছিলাম এই অল্পদিন আগে। আপনারই মত একটি সহযাত্রিনী পাবার স্বযোগ আমার সে-বারও হয়েছিল,—আমার ভাগ্যটা তাহ'লে দেখতেই পাচ্ছেন, এবিষয়ে বেশ সুপ্রসন্ন। আপনার এই নিশ্চয় ব্যবহার, সঙ্কোচহীন আলাপের ধরণ, সহজ কথা বলবার ভঙ্গী, সবই আমার সেবারকার সহযাত্রিনীটিকে স্মরণ করিয়ে দিচ্ছে। তাই আসছে মাসের কাগজেতে যদি ট্রেনের পথে দ্বিতীয় খণ্ড প্রকাশিত দেখেন তাহলে কিছু আশ্চর্য্য হবেন না। যাক, আপনি জানতে চান সেই মেয়েটির কথা? তা সে বিষয়ে আমারই ভাল করে জানা নেই, তা আপনাকে আর কি বলব? এই ধরুন না কেন, আপনাকে মনে করে যে গল্প লিখব মনে করছি, তা আপনার সম্বন্ধে কিছু কি জানলাম আমি? কিছুই না। তবে আপনাকে দেখেই যে আইডিয়াটা আমি ফর্ম করে নিয়েছি, গল্পটার ভিত্তি করতে হবে তারই উপরে তো! অবিশিষ্ট আর কিছু জানতে পারলে তো কত সময়ে কত সুবিধেই হয়—তা সে রকম সুবিধে তো আর সকল সময়ে জোটে না। কাজেই যেটুকু পাওয়া যায় তার উপর

কল্পনার সাহায্য নিয়েই আমাদের কাজ চালাতে হয় আর কি। তবে আপনি যদি দয়া করে—” বলতে বলতে গাড়ীর বেগ মন্দীভূত হয়ে আসছে দেখে কনক একটু চমকে বাইরের দিকে তাকাতেই দেখে যে একটা স্টেশন এসে গেছে। কনক অসমাপ্ত বাক্য শেষ করবার আগেই মেয়েটি উঠে গিয়ে জানলার ধারে মুখ বাড়িয়ে দাঁড়াল। একটি সাহেবী পোষাক-পরা কনকেরই বয়সী ছেলে এসে গাড়ীর সামনে দাঁড়াতেই মেয়েটি হেসে দরজা খুলে দিয়ে সরে দাঁড়াল। ছেলেটি একলাফে ভিতরে উঠে দরজা বন্ধ করে দিলে। মেয়েটির সামনে দাঁড়িয়ে বললে, “আজ ট্রেনটা যেন মনে হচ্ছিল আর আসবে না। আমি যে কতক্ষণ ধরে দাঁড়িয়ে আছি! থেকে থেকে কত ভাবনাও হচ্ছিল! খালি ভাবছিলাম একলা যেতে দেওয়াটা ঠিক হয়নি।

তৃতীয় ব্যক্তি যে বর্তমান সেদিকে লক্ষ্য মাত্র না ক'রে ছেলেটি মেয়েটির হাত ধরে নিয়ে গিয়ে সেই বেরিকটার উপর দুজনে বসল। মেয়েটির অগ্রহাতে কাগজখানা রয়েছে দেখে সেটা টেনে বলল, “বাং, এই যে এ মাসের ‘প্রবাসী’ পেয়ে গেছ। তোমার সে গল্পটা বেরিয়েছে নাকি—সেই ‘ট্রেনের পথে?’ আমি এতক্ষণ কেবলি ভাবছিলাম সেবারে তো প্রায় রোম্যান্স হবার যোগাড়—এবার আবার না জানি কি হয়! তোমার আর কি বল—এসে দিবি তাই নিয়ে গল্প লিখে কাগজে পাঠিয়ে দেবে—নাম হবে কত! আর আমার এদিকে ‘হিংসাবিষে জর্জরিত হয় সখি এ জুদয়!’ খোঁজ রাখছ না, ভাল ফল হবে না কিন্তু এর, তা বলে রাখছি। কই গল্পটা কই? দেখাও না।”

মেয়েটি লজ্জিতভাবে অত্যন্ত যত্নস্বরে বললে, ১৩৫ পাতায়।’

কনক গাড়ীর মধ্যে চারিদিকে তাকিয়ে দেখল। আড়াল করবার মত কোনো জায়গা নেই। এক মুহূর্তে উঠে পড়ে ধাঁ করে গাড়ীর দরজাটি টান মেরে খুলে লাফিয়ে পড়ল প্রাটিকরমে। গাড়ী সব চলতে আরম্ভ করেছে তখন। জায়গা থাকে, সময় পাওয়া যায়, উঠে পড়বে অল্প একটা কামরায়—না হয় স্টেশনেই থাকবে দাঁড়িয়ে, পরের ট্রেনে যাবে।

অশোক

শ্রীযতীন্দ্রমোহন বাগচী

ক্রুদ্ধ অশোক কলিঙ্গরণে

ঘেরিয়া দন্তপুর,
অবরোধে ভরি' রচিল নগরী
নব অন্তঃপুর !

রুদ্ধ করিতে ক্ষুদ্র জয়ার
পুরবাসী যবে আটিল ছয়ার,
ফুসিতে লাগিল শত্রুবাহিনী
মৃত্যুপিপাসাতুর !

তিন মাস ধরি' মগধসৈন্য
আগলি' রহিল দ্বার ;
নগরবাহিরে বাহিরিয়া আসে—
এহেন সাধা কার ?
অসহ কষ্টে স্বেচ্ছাবন্দী
তবু চাহিল না করিতে সন্ধি,
হেলার চক্ষে বিপক্ষদলে
করিল অস্বীকার !

দুর্গ-কবাট প্রতিজ্ঞাসম
কিছুতে দিল না পথ,—
বন্যার মুখে শিলাগাঁথা যেন
হিমাদ্রি পর্বত !

ক্ষুদ্র নৃপতি জলদভিমান
গর্জি' উঠিল সিংহ-সমান—
সারা কলিঙ্গ করিয়া আশান
পুরাইব মনোরথ ।

দিকে দিকে ধেয়ে চলিল অমনি
অসংখ্য সেনা তার ;
কুর্থাবিহীন লুণ্ঠনে উঠে
ঘরে ঘরে হাহাকার !

কোথায় শস্য, কোথা সম্পদ—
শূন্য হইল যত জনপদ ;
চারিদারে বেড়ি' বিজয়ী সৈন্য
সাধে শুণু সংহার !

রাজ্য জুড়িয়া রাত্রিদিবস
শুণু হায় হায় রব ;
শোণিতপক্ষে সারা কলিঙ্গে
প্রলয়ের তাণ্ডব !
ভরি' উঠে দেশ হিংসার গানে,
শোনে তা অশোক তৃপ্ত পরাণে,—
যত শোনে কানে, তত বেড়ে' উঠে
বিজয়ের উৎসব !

—কিস্ত কে ঐ ?—দেখ' তো মন্ত্রী—
কিসের ভিক্ষা চায় ?
চোখ দুটি গুর বড় সুন্দর,
বিধ্বল করুণায় !...
বৌদ্ধ ভিক্ষু—আবার এখানে ?
শুধাও দেশের কি বারতা জানে ;
নূতন তথ্য এলে সন্ধানে,
বার্থ না ফিরে' যায় ।

—না, ও কিছু নয়—মিথ্যা সময়
লইও না সম্রাসী ;
যুদ্ধাবসানে সংবাদ লয়ে
সাক্ষাৎ করো' আসি' ;
রক্তে রঙীন আঞ্জি এ গোথুলি,
শাস্তির কথা রাখো তব ভুলি' ;
—খাদ্য পানীয় চাহ যদি, লহ,
থাকো যদি উপবাসী ।

—কি বুঝিবে তুমি সংসারত্যাগী

ভারতের সম্মান ?

দেশমাতা মোর শুধু কি জননী ?—

সে মোর মনঃপ্রাণ !

শক্তির মূল, মুক্তির আশ,

চক্ষের আলো, মস্তকের স্বাস,

ভারত আমার বিশ্বাসী বুকে

স্বর্গের সন্ধান !

—জানো কি, অশোক আত্ম-আহত

দেই ভারতের পায়ে ?

রক্তভিলক পরালো সে যারে

বলি দিয়া নিজ ভায়ে !

ছার কলিঙ্গ—কি ছার মেদিনী ?

পাদপীঠে তার ত্রিজগৎ জিনি’

বিশ্বের রাণী চাহে সে করিতে

সাজাইয়া সেই মায়ে !

ফিরায়ে নয়ন, বাধাগুপ্তের

আদেশ করিলা ডাকি’—

পাটলিপুত্রে বার্তা পাঠাও

লক্ষ সৈন্ত লাগি’ ;

যেখানে যা থাকে খণ্ডরাজ্য,

জিনি’ ভরি’ তোলে’ এ সাম্রাজ্য,—

আজি হ’তে জয় জপো নির্ভয়

দিবসযামিনী জাগি’ !

—দেখ তো মন্ত্রী, ফিরে’ গেল না কি

সম্রাটী খালি হাতে ;

যাবার সময় কি যেন দেখিছ

অদ্ভুত আঁখিপাতে !

—কি বলিয়া গেল ? শাস্তির পথ

করুণায় ছাড়ি’ জানে না জগৎ !

—কি বলিল শেষে ? যুদ্ধের জয়

মরে সে আত্মঘাতে !

শুষ্ক নৃপতি তিন দিন ধরি’

রহিল বিমনা হয়ে ;

পারিষদ দল আসে, ফিরে’ যায়

যে যার বারতা কয়ে ;

যুদ্ধ-সচিব কহি’ সংবাদ

মুখপানে চেয়ে গণে পরমাদ !

রাধাগুপ্তের মন্ত্রণা—সেও

ফিরে ব্যর্থতা বয়ে !

২

সেদিন আকাশে মেঘ করেছিল,

দেৱীতে ফুটিল তারা ;

থেকে থেকে বয় এলোমেলা বায়

উদাসীন দিশাহারা !

শিবিরবাহিরে প্রস্তরাসনে

সম্রাট একা ভাবে আনমনে—

ঐ যে উর্দ্ধে নীরব দৃষ্টি—

অতি দূরে—ওরা কারা ?

মনে পড়ে’ যায় সহসা প্রেমসী

মূর্তি স্নানদার—

নির্ঝাসিতা সে সীতারই মতন,

হৃঃসহ দুঃখভার !

পত্নীরে যার হেন ব্যবহার —

সাজে কি তাহার রাজ-অধিকার ?

ভারতের নামে এও করে তবে

নিজেরই অহংকার !

হৃত মহেন্দ্র, কণ্ঠা মিত্রা—

একে একে তারা আসি’

কলিঙ্গজয়ী রাজা অশোকের

চক্ষে উঠিল ভাসি’ !

—রে আত্মঘাতী, ওরে উদাসীন,

তোরি সন্তান—তারা আজি দীন !

মৃত সম্রাট, এই আদর্শে

ভূলাবি জগৎবাসী ?

—মিথ্যা, মিথ্যা, সকলই মিথ্যা,
মিথ্যা উচ্চ নাম ;—
দেশের ছলনে চাহিস্ সাধিতে
আপন মনস্কাম !—
কে গাহিছে ঐ ?—“হে মুক্তিকামী,
সন্ধ্যার ছায়া আসিতেছে নামি’ ;
লহ বুদ্ধের শাস্তির বাণী—
আনন্দ অভিরাম !”

সেই বীরসেন—করদ ভৃত্য—
এহেন দর্প তার !—
মুখের বাক্য সহসা কুধিল
বাহিরের ছকার !
কলকোলাহল বিদরে গগন,
স্তনিত পৃথ্বী, ধ্বনিত পবন,
অরিতে বাহিরে আসিয়া অশোক
নেহারিল চারিধার ।



৩

সপ্তাহশেষে—সন্ধ্যা তখন—
হৃদয় অস্তে যায়,
কালো জল আরো কালো হয়ে উঠে
দূরে পুর-পরিখায় ;
সারি’ অবরোধ পরিদর্শন
মৌন নৃপতি বিষন্ন মন,
ধীর পদে আসি’ পশিলা শিবিরে
ভ্রমণক্লান্ত কায় ।

ব্যস্ত চরণে আনিল মন্ত্রী
নব সংবাদ বহি’,—
বাঙ্গলার রাজা—প্রজা বীরসেন
হইয়াছে বিজ্রোহী !
কলিঙ্গরাজ যে স্বয়ম্বরে
কত্মারে তার সঁপিতে যে করে
চেয়ে বলেছিল—শূত্র রাজার
সেবাদাস আমি নহি !

রাত্রির ভালে লক্ষ মশালে
চক্রে পড়িল ধরা—
প্রহরারের পুরোভাগভূমি
অস্বারোহীতে ভরা !
বঙ্গভূমির তরবারি-জাঁকা
উজ্জ্বল ছলিছে সবুজ পতাকা ;
—ঐ বীরসেন জ্যোতিষসম
শ্বেত উষ্ণীয়-পরা !

মশাল-আলোকে চমকিয়া চোখে
ক্ষিপ্ত সে তরবার
অপ্রস্তুত মগধসৈন্যে
কাটি’ চলে চারিধার !
ঘন ঘন উঠে বজ্রের জয়,
মৃঢ় সেনাদলে হানি’ বিস্ময়
নিজ বল লয়ে পহুছিল বীর
যেথায় পুরদ্বার !

যন্ত্রচালিত ছুগ্‌ছুয়ার
 অমনি সে গেল খুলি',—
 মস্ত্রে যেন-বা চক্ষের ধনে
 বক্ষে লইল তুলি';
 অতি অপূর্ণ রণকৌশলে
 স্তম্ভিত করি' বিক্রম বলে
 বীরসেন আজি শত্রুর চোখে
 ছড়াইয়া দিল ধূলি !

ক্ষণেকের তরে অশোকের মনে
 জলিয়া উঠিল রোষ,
 দিক্কার হানি' স্বীয় আলম্বে
 জাগিল অসন্তোষ।
 ক্ষুদ্র করদ—এত তেজ তার !
 এ হেন দস্ত—সম্মুখে কার ?
 তথাপি ধন্য বীরা তাহার
 নিভীক নিদোষ !

কহিল মন্ত্রী—রুতস্নতার
 দিতে হবে প্রতিকল,—
 কলিঙ্গসাথে বঙ্গের মিল
 ঘটাবে চোখের জল !
 কহে সম্রাট—ঐ বীরকে
 বৈরতে নয়, বান্ধি' মমত্রে
 ভাবিতেছি মনে, সাধিব কেমনে
 মগধের মঙ্গল।

সুখাল মন্ত্রী—এই কি শাস্তি
 বিশ্বাসঘাতকের ?
 উত্তর এল—ভাবিনি সে কথা—
 ভেবেছি বীরব্রত !
 ক্ষুণ্ণ মন্ত্রী ভাবে, এ কি কথা !
 কোন্ পথে পাব মনের বারতা ?
 মুহু গম্ভীরে রাজা কহে ধীরে—
 রাজি হয়েছে ঢের।

৪

অর্ধরাত্রে উদিল চন্দ্র
 ছুগ্‌প্রাকারপারে ;
 শ্রোতের মতন শোভিছে শিবির
 আব্‌ছা অন্ধকারে ;

প্রহরী হাঁকিছে দণ্ডে দণ্ডে,
 ঘণ্টা বাজিছে কাংসাকণ্ঠে ;
 একা সম্রাট স্তব্ধ বিরাত
 চাহি' বোমপারাবারে।

দূরে উঠে গান—“কেন মিছে নর
 ছুগ্‌খের ভার বহ ?
 মুক্তিসাগরে কর নির্ঝণ
 বাসনা স্তম্ভসহ ;
 প্রতি নিঃশ্বাসে দিন যে ফুরায়,
 ডাক' এই বেলা, বাথা যে জুড়ায়,
 প্রভু হৃগতের ছ'টি রাঙা পাখ
 লহ রে শরণ লহ।”

—গান নয়, যেন কাদিছে করুণা
 বেদনাসাগরতীরে,
 স্তব্ধ বিমান, নিশীথের প্রাণ
 কাটিছে শিশিরমীরে ;
 রাজা অশোকের বজ্রবক্ষে
 মর্ষপূরী কক্ষে কক্ষে
 ফিরে' ফিরে' করে পরশন তারি
 বার বার ধীরে ধীরে !

৫

ছুটি বৎসর গেছে তারপর
 কলিঙ্গ-রণভূমে ;
 জেগেছিল যারা বিশ্রামহারা,
 ঘুমায় গভীর ঘুমে !
 সম্রাট তার যজ্ঞের শেষে
 বিজয়মালা পরিয়াছে কেশে ;
 শবসাধনার শেষের আছতি
 নির্ঝণ চিতাধুমে।

কলিঙ্গ শুধু পিঙ্গ নয়নে
 চাহিয়া উর্দ্ধপানে,—
 মরুভূমি যেন নির্মোখাকাশে
 দৃষ্টিশায়ক হানে !
 মাঠে নাহি ঘাস, পাতা নাহি গাছে,
 শূন্য পুরীতে মহামারী নাচে ;
 শ্রাস্ত অশোক ঘুরছে আপন
 কীর্তির সন্ধানে !

ঐ সে কীর্তি!—শূভবনে
জননীর বাহুপাশে—
শবের বক্ষে—শিশু কঙ্কাল
চুষিছে স্তন্য আশে!
কে বা তার কাছে তরুণ তাপসী
করণ নয়নে কাঁদিতেছে বসি' ?
ঐ না মিত্রা—আপন পুত্রী
শ্মশানদেবার বাসে!

ঐ সে আবার!—অন্য পুরীতে
ভিন্ন মৃতিখানি!
থাকিতে জীবন, হিংস্র স্বাপদে
কারে করে টানাটানি!
নিরন্ন দেহে নাহি কোনো বল,
কে কারে নিবारे? সে আশা বিফল!
স্বাপদের চোখে পড়িল নৃপতি
নিজ অন্তরবাণী!

ঐ আরবার!—মৌন নগরে
শূন্য প্রাসাদমারি;
রিক্ত কক্ষে মুমূর্ষু তার
চাহিছে শেষের বারি!
মুণ্ডিতশির শিশু সন্ন্যাসী
বাস্তবাকুল জল দিল আসি',—
মুক্তির পানে চাহিয়া অশোক
চিনিল কুমােরে তারি!


দীর্ঘ ভ্রমণ শেষ নাহি হয়
কীর্ত্তিভীর্থে আর;
ঘুরে' ঘুরে' দেখে সম্রাট তার
নবজিত ভাণ্ডার!

খুঁজিয়া মন্ত্রী পশিল সেথায়,—
কহে মহারাজ, লগ্ন যে যায়!
এই বেলা জয় না করিলে নয়—
সুযোগ মিলেছে তার!

কানে আসে গান—“রাজার পুত্র
ভিখারী সেজেছে আজ!
ছিল নররাজ, আজি বিশ্বের
মহারাজ-অধিরাজ!
সুব মিছে, শুধু দুঃখ সত্য—
জানিয়াছে সেই পরম তথ্য;
সবার দুঃখে, সবার বক্ষে
জাগিছে তাহারি কাজ!”

হা হা করি' হাসি' কহিলা অশোক—
মন্ত্রী, আরো কি চাহ?
আজিও তোমার মহা নরমেধ
হ'ল না কি নির্বাহ!
শোনো—আমি নর, নহি নরপতি,
ঐ তো সমুখে দেহ-দুর্গতি!
মন্ত্রী, কোথায় ফিরাবে আমারে?
হইয়াছে গৃহদাহ!

জননী ভারত, নতন ছন্দে
এবারে গাব মা গান!
আর রাণী নহ, দেবী করে' আজি
দিব তোরে সম্মান।
ভুলেনি অশোক অতীতের পণ,
রণজয়ে আর নাহি তার মন;
ধর্মবিজয়ে জিনিয়া ভুবন—
চরণে করিব দান।



শাহজাহাঁ-আওরংজেব-সংবাদ

শ্রীকালিকারঞ্জন কানুনগো, পি-এইচ, ডি

শাহজাহাঁর জীবন-নাটকের নট ও নাট্যকার স্বয়ং সম্রাট শাহজাহাঁ। দারা ও আওরংজেব তাঁহারই দ্বি-মুষ্টি—প্রকৃত সত্তার কোমল-কঠোর প্রতিবিম্ব। জাহানারা মমতাজের প্রতিচ্ছবি—সাক্ষাৎ প্রীতি ও সেবা; রোশনারা মৃতিমতী ঈশা। যোগ্যতমের জয়লাভ, এই শাস্ত্র প্রাকৃতিক নিয়ম ব্যর্থ করিবার জন্য শাহজাহাঁর জীবন-ব্যাপী বিফলপ্রয়াস এই বিয়োগান্ত নাটকের মূলসূত্র। সম্রাটের মনের নিভৃততম প্রদেশে পরস্পরবিরোধী দুই মনোবৃত্তিসমূহের যে সংঘর্ষ তাঁহার অজ্ঞাতসারে চলিতেছিল, অন্তঃপুরের বড়ঘর, দরবারে দলাদলি এবং সাম্রাজ্যে ভ্রাতৃবিরোধ—সেই সংঘর্ষেরই ক্রমবিকাশ ও পরিণতি। তাঁহার পুত্রকন্যাগণ তাঁহারই এক একটি মনোবৃত্তি। তাজের সৌন্দর্য্য, মোগল-চিত্রকলার চমক, সাহিত্য ও সঙ্গীতের আসরে হিন্দু-মুসলমানের অপূর্ণ সম্মিলন, মোগল-দরবারে জাতিধর্ম্মনির্ধেয়ে পণ্ডিত-সমাজের সমাদর, জয়সিংহ ও যশোবন্তের অভ্যুদয়—এই সমস্ত দেখিয়া অনেক সময় শাহজাহাঁকে আকবর কিংবা দারা বলিয়া ভ্রম হয়। কিন্তু প্রকৃতপক্ষে শাহজাহাঁ প্রচ্ছন্ন আওরংজেব। তাঁহার বাহিরের দিক্‌টা দারা; কিন্তু ভিতরটা আওরংজেব; আওরংজেবের মধ্যেই আওরংজেবের পূর্ববিকাশ ও চরম পরিণতি। পিতার প্রধান গুণগুলি,—যথা নীতিানুযায়িত শৌর্য্য, লোকচরিত্রে সূক্ষ্মদৃষ্টি, মন্ত্রণা ও ভাবগোপনে চতুরতা, শাসনকার্য্যে অনালস্য ও দক্ষতা ইত্যাদি—আওরংজেবই পাইয়াছিলেন। শরিয়তের প্রতি অশেষ শ্রদ্ধাবান, দেবমন্দির ও মৃতিভঙ্গ্যকারী, জিহাদ ও ইসলাম-প্রচারে উৎসাহী সম্রাট শাহজাহাঁর উত্তরাধিকারী ও প্রিয়তম পুত্র দারা না হইয়া আওরংজেব হওয়াই উচিত ছিল। কিন্তু ভালবাসার উপর মায়াবীর হাত নাই, শাহজাহাঁরও ছিল না। সেজন্য যোগ্যতার অনুপাতে তিনি আওরং-

জেবকে সর্বাধিকার কম এবং দারাকে সবচেয়ে বেশী ভাল-বাসিতেন। ইহাতে স্বতঃই মনে প্রশ্ন উঠে, আওরংজেবের পিতৃদ্বেষ কি শাহজাহাঁর পুত্র-নির্ধাতনের স্বাভাবিক প্রতিক্রিয়া? পুত্রবৎসল শাহজাহাঁ অকারণ আওরংজেবের অনিষ্ট চিন্তা করিতেন,—একথা বিশ্বাসযোগ্য নহে। অথচ আওরংজেব যে পিতার ইচ্ছার বিরুদ্ধে কাজ করিয়াছিলেন, তাঁহার ব্যবহারে ও চিঠিপত্রাদিতে পিতার প্রতি কোন অসম্মান কিংবা হুরভিসন্ধি প্রকাশ পাইয়াছে,—ইহারও সন্তোষজনক প্রমাণ নাই। আওরংজেব দারার সৌভাগ্যে ঈর্ষান্বিত ছিলেন এবং তাঁহার প্রত্যেক কাঁচাই সন্দেহের চক্ষে দেখিতেন। ইহাতে শাহজাহাঁর এই ধারণা বদ্ধমূল হইয়া গিয়াছিল যে, তৃতীয় পুত্র তাঁহার বংশের কালস্বরূপ হইবে। দারার চরিত্রমাদুর্ঘ্য শাহজাহাঁর হৃদয় জয় করিয়াছিল। তাই তিনি দারার দোষ দেখিয়াও দেখিতেন না; পক্ষান্তরে আওরংজেবের ক্রটি না থাকিলেও অস্বস্তি করিয়া লইতেন। “আদব-ই-আলমগিরী” গ্রন্থে এমন কতকগুলি চিঠিপত্র আছে যাহা সপ্রমাণ করে যে শাহজাহাঁ বাস্তবিকই অমূলক সন্দেহের বশবর্ত্তী হইয়া অনেক সময় পুত্রের প্রতি অবিচার করিয়াছিলেন। স্ত্রীর যত্ননাথ তাঁহার রচিত আওরংজেবের ইতিহাসে বাহুল্য ভয়ে যে-সমস্ত ঘটনার ইঙ্গিতমাত্র করিয়া গিয়াছেন তৎসম্পর্কীয় কয়েকখানি চিঠি এই প্রবন্ধে আলোচিত হইবে।

বাদশা-পছন্দ আমগাছ

বুরহানপুরের শাহীবাগে একটি আমগাছ ছিল—ইহার নাম বাদশা-পছন্দ। ১৬৫৩ খৃষ্টাব্দে আওরংজেব যখন দ্বিতীয়বার দাক্ষিণাত্যের স্বাধীন পদে নিযুক্ত হন, সেই সময়ে সম্রাট তাঁহাকে বাদশা-পছন্দ আম-

গাছটির কথা বিশেষভাবে বলিয়া দিয়াছিলেন। শাহজাদা সুবায় পৌঁছিয়া চিঠি লিখিলেন, আমার হেফাজতের জন্ত লোক নিযুক্ত করা হইয়াছে, মোহম্মদের সময় বাছা বাছা আম যথাসম্ভব সত্বর হজুরে পাঠান হইবে। কিন্তু আমার ডালি যখন শাহজাহাঁর নিকট পৌঁছিল, তিনি আওরংজেবের উপর ভয়ানক অসন্তুষ্ট হইলেন, কারণ আম ছিল সংখ্যায় কম, আবার তাহার মধ্যেও কয়েকটি পচা। ইহার কৈফিয়তের জবাবে শাহজাদা লিখিলেন—“এ বৎসর দক্ষিণ দেশে আম ভাল হয় নাই। বাদশা-পছন্দ গাছেও অল্পাত্ম বৎসরের মত আম ফলে নাই। সুবার সংবাদ-লেখকের বিবরণে হজুর এ সংবাদ নিশ্চয়ই জ্ঞাত হইয়াছেন। মূলতকৎ খার আশ্রয় মীর সাবির ও মীর দারাব এখন ব্রহ্মপুত্রে আছে; তাহাদের লিখিয়াছি যেন খুব সাবধানে ভাল আম ডাকচৌকীর দ্বারা পাঠাইয়া দেয়।” ইহাতেও সম্রাটের মনের সন্দেহ দৃঢ়ি না—তিনি মনে করিলেন বাদশা-পছন্দ আম আওরংজেব নিজেই খাইতেছে এবং আম পাঠাইতে অবত্থেলা করিতেছে। তিনি রাগিয়া শাহজাদাকে লিখিলেন, “আমের হেফাজতের জন্ত আগামী বৎসর দরবার হইতেই একজন লোক পাঠাইব ইচ্ছা করিয়াছি।” এক ঘা চাবকের চেয়েও এই মন্তব্য অপমানজনক ও অসহ্য। কিন্তু আওরংজেব ইহার পরও পিতার সন্দেহ দর করিবার জন্য লিখিলেন,—“সম্রাট একাধারের জন্য স্বয়ং লোক নিযুক্ত করিবার ইচ্ছা করিয়াছেন, ইহা অতি উত্তম কথা। দরবারে পাঠাইবার উপযুক্ত কি না দেখিবার জন্ত এ বৎসর বাদশা-পছন্দ গাছের মাত্র তিনটি আম আমি আনিয়াছিলাম। এবার বাদশা-পছন্দ গাছের মাত্র একটি শাখায় আম ফলিয়াছে। বাকী ডালগুলি ঝড়ে ভাঙিয়া গিয়াছে। শাহান্শাহ যে-আম পছন্দ করেন তাহা এখানে অপচয় হইতে দেওয়া এ অধীনের পক্ষে ; করিয়া প্রীতিকর হইতে পারে ?”

শাহজাহাঁ এখন পুত্রের অল্প ক্রটি খুঁজিতে লাগিলেন—আম না হয় কম ফলিয়াছে, কিন্তু ডালি পৌঁছিতে দেরি হয় কেন, আর আমই বা পচা হওয়ার

কারণ কি ? জাহানারা আওরংজেবের কাছে লিখিলেন—“বাবা বলিতেছেন এবার ভাল আম আসে নাই। বোধ হয় আম কাঁচা অবস্থায় পাড়া হইয়াছে, কিংবা ডাকচৌকী-ওয়ালা দেরি করিয়াছে, না হয় আমার ডালি মাটিতে রাখিয়াছে, অথবা আম ব্রহ্মপুত্রে হইতে দৌলতাবাদ হইয়া দিল্লীতে আসিয়াছে।” আম সম্বন্ধে বাদশার অভিযোগ শুনিয়া আওরংজেব নিজের অতিবিশেষ এবং চতুর কণ্ঠচারী মহম্মদ তাহিরকে ব্রহ্মপুত্রে পাঠাইয়া-ছিলেন। লোকে বলে ‘ঘাটি বুদ্ধি নাটি’; ঘাটের সংখ্যা পার হওয়ার পর শাহজাহাঁরও বোধ হয় বুদ্ধিব্রংশ হইয়াছিল, নতুবা ব্রহ্মপুত্রে হইতে প্রেরিত আম দৌলতাবাদ হইয়া দিল্লীতে আসিবার কল্পনা করিতে পারিতেন না। জাহানারার পুত্রের উত্তরে আওরংজেব লিখিলেন—“মহম্মদ তাহির ব্রহ্মপুত্রে পৌঁছিবার পূর্বে যে-সমস্ত ডালি রওনা হইয়াছে তাহাতে কাঁচা আম থাকিতেও পারে; কিন্তু এখন কেন কাঁচা আম পাড়া হইবে ? ডাকচৌকীর উপর আমি হুকুম দিয়াছি, ডালি যেন আট নয় দিনের মধ্যে হজুরে পৌঁছান হয়। সরকারী উকিল কিংবা অল্প কাহাকেও আদেশ করা হউক তাহারা যেন স্বতন্ত্র চিঠিতে ডালি রওনা হইবার সময়টা লিখিয়া দেয়। ডালি পৌঁছিবার তারিখের সহিত মিলাইয়া যদি সময়ের পার্থক্য দেখা যায়, ডাকচৌকী-ওয়ালাদের শাস্তি দেওয়া হইবে। আমার ঝুড়ি যাহাতে মাটিতে রাখা না হয় সে-বিষয়ে সতর্ক দৃষ্টি রাখিবার জন্ত সিরোঞ্জ ও আগ্রায় লোক মোতায়েন করা হইয়াছে। ...ব্রহ্মপুত্রে ও তন্নিকটবর্তী স্থানের আম মহম্মদ তাহির ব্রহ্মপুত্রে হইতে, এবং দৌলতাবাদ ও তন্নিকটবর্তী স্থানের আম আমি স্বয়ং দৌলতাবাদ হইতে পাঠাইয়া থাকি। ব্রহ্মপুত্রে আম দৌলতাবাদ হইয়া দরবারে পাঠাইবার কি সার্থকতা থাকিতে পারে ?”

যাহা হউক পিতা পুত্রের ঝগড়া অবসানের সঙ্গে আমার মোহম্মদও বোধ হয় ফুরাইয়া গিয়াছিল।

জিতাশঙ্কর [জতসংগ্রাম ?] হাতী

শাহজাহাঁ শুনিলেন জাটিয়ার রাজা কিশোরী সিংহের

দুইশত হাতী আছে; তাহার মধ্যে জিতসংগ্রাম নামে হস্তীটির জোড়া হিন্দুস্থানে নাই। কিশোরী সিংহের কয়েক বৎসরের কর বাকী পড়িয়াছিল। সেই অজুহাতে তাহার বিরুদ্ধে সৈন্য প্রেরণ করিয়া তাহার সমস্ত হাতী—বিশেষতঃ জিতসংগ্রাম হাতীটি—দিল্লী পাঠাইয়া দিবার জন্ত সম্রাট আওরংজেবকে ভ্রম করিলেন। শাহজাদা কিশোরী সিংহের রাজ্যে খুব বিখ্যাতী নোক পাঠাইয়া জিতসংগ্রাম হাতীর বড় অস্থসন্ধান করিলেন। শেষে বাদশাকে জানাইলেন, “জিতসংগ্রাম নামক হাতীর সন্ধান ঐ দেশের কেহই বলিতে পারিল না। কেহ কেহ বলে, ঐ মূল্যে এই নামে প্রসিদ্ধ পাহাড়ের উপর একটি কিল্লা আছে (১)। কিশোরী সিংহের নিকট এতগুলি হাতী থাকার সম্ভাব বলিয়া মনে হয় না। যদি বাস্তবিকই এরূপ কোন হাতী থাকিত, তবে যে-বৎসর শাহনওয়াজ খাঁ আপনার ভ্রম-মত এ স্তবার সমস্ত ফৌজ লইয়া ঐ রাজ্য আক্রমণ করিয়াছিলেন তখন অবশ্যই বাদশাহী নজর-স্বরূপ হাতীগুলি লইয়া আসিতেন।...যে-ব্যক্তি কিশোরী সিংহের হাতীর কথা ভ্রমের জানাইয়াছে এবং জিতসংগ্রাম হাতীর এত প্রশংসা করিয়াছে, তাহাকে অধীনের কাছে পাঠাইবার আদেশ হউক। সে বাদশাহী ফৌজের সহিত গিয়া কোথায় ঐ সমস্ত হাতী আছে দেখাইয়া দিলে বড় ভাল হয়।...” শাহজাহা মনে করিলেন, হয়ত শাহজাদা কোনো মতলবে কিশোরী সিংহের বিরুদ্ধে ফৌজ পাঠাইতে অনিচ্ছুক। তিনি উত্তরে আওরংজেবকে এক কড়া চিঠি লিখিলেন—“মহম্মদ সুলতান এবং হাদিদাদ খাঁকে যেন অবিলম্বে বাদশাহী ফৌজের সহিত দেওগড় (নাগপুরের অন্তর্গত কিশোরী সিংহের রাজধানী) আক্রমণে পাঠান হয়।” বান্দার রাজ্য শত্রুতাবশে কিশোরী সিংহের বিরুদ্ধে এই সমস্ত কারসাজি করিতেছিল, ইহা আওরংজেবের অজ্ঞাত ছিল না। তিনি লিখিলেন, “ফৌজের সঙ্গে গিয়া বান্দার রাজ্য হাতী সনাক্ত করুন এবং যে প্রকারে হউক ঐ হাতী কিশোরী সিংহের নিকট হইতে হস্তগত করুন।”

এই জিতসংগ্রাম হস্তীর জন্ম ১৬৫৫, ২২শে অক্টোবর দুইদল ফৌজ বিভিন্ন দিক হইতে কিশোরী সিংহের

রাজধানীর দিকে অগ্রসর হইল। কিশোরী সিংহ বিনা যুদ্ধে মোগল-সেনাপতির কাছে আত্মসমর্পণ করিলেন। আওরংজেব শেষ চিঠিতে সম্রাটকে জানাইলেন, “মিজ্জা খার সহিত জাটিয়ার রাজা আসিয়া আমার সঙ্গে দেখা করিয়াছেন। সর্বসম্মত তাহার কাছে যে বিশটি হাতী ছিল সমস্তই সঙ্গে আনিয়াছেন এবং শপথ করিয়া বলিতেছেন যে তাঁহার কাছে অল্প কোনো হাতী নাই; এ কয়টি ছাড়া তাঁহার কাছে অল্প কোন হাতী আছে,—ইহা যদি কখনও প্রকাশ পায় বা কেহ দেখাইয়া দিতে পারে তাহা হইলে তিনি দণ্ডনীয় হইবেন। বান্দার রাজা এবং তাঁহার উকিল দুদা নায়ক বোধ হয় দরবারে পৌছিয়াছেন; তাহার কথাপ্রসঙ্গে হাদিদাদ খার কাছে প্রকাশ করিয়াছেন যে, জিতসংগ্রাম ও জাটিয়া-রাজের অজ্ঞাত হাতীর কথা তাঁহার কিছুই জানেন না,—কেহ বাদশার কাছে মিথ্যা সংবাদ দিয়া থাকিবে। হাদিদাদ খাঁ আমার কাছে এ কথার উল্লেখ করিয়াছেন। তাঁহার চিঠিতেই শাহান শা সমস্ত বৃত্তিতে পারিবেন।”

জাহাজ-নিষ্কাশ

সম্রাট কোনো সূত্রে জানিতে পারেন, আওরংজেব সুরাট বন্দরে সরকারী কাঠের সাহায্যে একটি নূতন জাহাজ তৈয়ার করাইতেছেন। আওরংজেব নিজ পুত্র মহম্মদ সুলতানকে লিখিলেন, “আমি সুরাট বন্দরে কোনো নূতন জাহাজের ফরমাইশ দিই নাই। মোগল খার আমলের একটি জাহাজ তাতা (সিন্ধু দেশের অন্তর্গত প্রসিদ্ধ বন্দর) বন্দরে ভাঙিয়া যাওয়ায় ককরালা পরগণার লোকদের হাতে পড়িয়াছিল; ঐ ভাঙা জাহাজ খালুসা-ই-শরিকা বা খাস সরকারী সম্পত্তি; বাদশাহের নিকট হইতে ইনাম-স্বরূপ আমি উহা পাইয়াছিলাম। কিছুদিন হইল সালামৎ-রস নামক জাহাজের সহিত বাধিয়া ইহা সুরাট বন্দরে আনাইয়াছি। ঐখানকার মৃতসন্ধী আমার আদেশমত উহার প্রয়োজনীয় সংস্কার আরম্ভ করিয়াছে। ঐ জাহাজ মেরামত করা যদি বাদশার ইচ্ছাবিরুদ্ধ হয়, তবে কাজ বন্ধ করিয়া দেওয়া যাইবে। এ পর্যন্ত মাত্র কয়েকখানি তক্তা উহার সজ্জার জন্য ব্যবহৃত হইয়াছে।”

বুরহানপুরের কাপড়ের কারখানা

সেকালে বস্ত্রশিল্পের জন্ম বুরহানপুরের প্রসিদ্ধি ছিল। সম্রাট ও তাঁহার অন্তঃপুরের প্রয়োজনীয় বস্ত্রাদি বুরহানপুরের খাস কারখানায় তৈরি হইত। দাক্ষিণাত্যের সুবাদারও তথায় কারখানা স্থাপন করিয়া নিজের প্রয়োজনীয় কাপড়, খেলাং এবং সম্রাটকে উপহার দিবার বস্ত্রাদি তৈয়ার করাইতেন। বুরহানপুরের এই বস্ত্র-ব্যবসায় সরকারের একরকম একচেটিয়া ছিল। আওরংজেব যখন সুবাদার হইয়া দ্বিতীয়বার দাক্ষিণাত্যে গেলেন তখন সম্রাট তাঁহাকে জানাইলেন, “দরবার হইতে পুনঃ পুনঃ তোমাকে বিশেষভাবে লেখা হইতেছে যে, বুরহানপুরে বাদশাহী কারখানার অতিরিক্ত আর দু-একটি ছাড়া যেন অন্য কারখানা সেখানে খোলা না হয়।” নূতন কারখানা খুলিবার পর বাদশাহর মনে সন্দেহ জন্মিল শাহজাহাদ বাদশাহী কারখানার অনিষ্ট করিবার চেষ্টায় আছেন। মীর নসীর (ডাকনাম নসীরা) নামক একজন লঘুচিত্ত চাটুকারকে সম্রাট বুরহানপুরের বাদশাহী কারখানার পরিচালক (দারোগা), এবং স্ত্রীবার ‘ওয়াফিয়ানবীস’ (সংবাদ-লেখক) করিয়া পাঠাইলেন। এখনকার দিনে লাটসাহেবেরাও যেমন এসোসিয়েটেড প্রেসকে সমীহ করিয়া চলেন, মোগল সাম্রাজ্যের সুবাদারেরা ওয়াফিয়ানবীস বা সরকারী সংবাদ-লেখককে সেইরূপ খাতির করতেন; কেননা বাদশাহ তাহাদের চোখ দিয়া দেখিতেন, তাহাদের কান দিয়া শুণিতেন। নসীরা বুরহানপুরে আসিয়াই কারখানা সন্মুখে নানা রকম মিথ্যা অভিযোগ দরবারে জানাইল। উজীর সাহুদা খাঁ বাদশাহর আদেশ-মত আওরংজেবের কাছে ইহার কৈফিয়ৎ চাহিয়াছিলেন। আওরংজেব সাহুদা খাঁকে লিখিলেন, “মীর নসীর বাদশাহকে জানাইয়াছে যে, আমার কর্মচারীরা বুরহানপুরের বাদশাহী কারখানার জন্ত দড়ি ইত্যাদি সরঞ্জাম যোগাইতে অবহেলা করে। মীর নসীরের অভিযোগ এবং এই অশোভন ব্যাপার সন্মুখে অস্বস্তিকান করিয়া বাহাতে এরূপ পুনরায় না ঘটে তাহার ব্যবস্থা করিবার জন্ত সম্রাট আমাকে আদেশ করিয়াছেন। আপনি জানেন, তাহার লিখিত বিষয়ের

যাথার্থ্য এবং সম্রাটের কার্যে আমার কর্মচারীদের আসল্য ও অমনোযোগিতা প্রদর্শন, কল্পনারও অতীত। আমার কর্মচারীদের সন্মুখে যে যাহা লেখে বা বলে তাহাই বিশ্বাসযোগ্য বোধে ঐ সকল বিষয়ের জন্ত আমার কাছে কৈফিয়ৎ তলব করাই যদি এখন দরবারের নিয়ম হইয়া থাকে, তবে এক্ষেত্রে আমার কিছু বলিবার বা লিখিবার কোনো সার্থকতা নাই। যেরূপ অবস্থা দাঁড়াইয়াছে তাহাতে যতদিন হরনালা নামক কস্‌বা (ছোট শহর) আমার জাগীরের অন্তর্ভুক্ত আছে, ততদিন এই ঝগড়া শেষ হইবার নয়, কেননা (বুরহানপুর জেলার মধ্যে) হরনালাতেই সবচেয়ে ভাল সূতা পাওয়া যায়। কারখানার দারোগার মনগড়া মিথ্যাপবাদও দরবারে বেশ বিকায়; হুতরাং সে কখনও এ কার্যে নিবৃত্ত হইবে না। সে দড়ির মামলায় রং ফলাইয়া ও তাহার সঙ্গে আরও দুই-চারটা মিথ্যার ভাঁজ দিয়া আমার প্রতি বাদশাহর মন বিরূপ করিয়া দিবে।……যদি সম্রাটের হুকুম হয়, হরনালা কস্‌বাকে খাল্‌সা-ই-শরিফ বা বাদশাহী খাসমহালের সামিল করিয়া আমি পাইন-ঘাটের দেওয়ানের দখলে ছাড়িয়া দিতে রাজি আছি এবং উহার পরিবর্তে অন্য জায়গা গ্রহণ করিতে পারি। তাহা হইলেই কারখানার প্রয়োজনীয় সরঞ্জাম দারোগার মজ্জি-মাফিক পাওয়া যাইবে এবং তাহার মিথ্যা ও চুক্লির রাস্তাটাও বন্ধ হইবে। বাদশাহর কাছে নজরের উপযুক্ত কাপড় প্রস্তুত হইবে—শুধু এই উদ্দেশ্যে আমি এখানে কারখানা খুলিয়াছি। যদি তাঁহার অভিপ্রেত হয় আমি নিজের কারখানা বন্ধ করিয়া দিতে পারি। এ সমস্ত কথা আশা করি আপনি (সাহুদা) সম্রাটের কর্ণগোচর করিবেন।”

এই সামান্য ব্যাপার এতদূর গড়াইল যে, আওরংজেবের কারখানা একেবারে বন্ধ করিয়া দিয়া শাহজাহাঁ তাঁহাকে প্রকাশভাবে অপমানিত করিলেন।

মহম্মদ সুলতানের লাল পাগড়ী

শাহ সুলতান কত গুলকথ বাস্তব সহিত আওরংজেবের জ্যেষ্ঠপুত্র মহম্মদ সুলতানের নিম্নং বা বাগ্মান করা

হইয়াছে শুনিয়া শাহজাহাঁ অত্যন্ত অসন্তুষ্ট হইলেন। শাহজাদা সম্রাটের ক্রোধশাস্তির জন্ত মহম্মদ সুলতানকে দরবারে পাঠাইয়া দিলেন। বালকের মাখায় বুরহানপুরের জরোয়া রঙীন লাল পাগড়ী দেখিয়া শাহজাহাঁ পৌত্রকে ঠাট্টা করিয়া জিজ্ঞাসা করিলেন, “এ পাগড়ী কি জায়েজ ? শরিয়তে কি ইহার বিধি আছে ?” বাদশাহ দেখাদেখি দরবারী আমীর ও আলেম সম্প্রদায় শরিয়ত তুলিয়া মুচকি হসিলেন এবং সাহেবজাদাকে লক্ষ্য করিয়া অহুচ্চয্যে কিছু বলাবলি করিলেন। বালক পিতামহের প্রশ্ন ও দরবারীদের ঠাট্টার মর্ম্ম বুঝিতে না পারিয়া ব্যাপারটি সংক্ষেপে পিতার কাছে লিখিয়াছিলেন। কিন্তু অল্প লোকের মারফৎ আওরংজেব সব কথা জানিতে পারিয়া পুত্রের কাছে লিখিলেন, “তোমার লাল পাগড়ীর বিষয়ে বাদশাহ তাঁহার আলেমদিগকে কি বলিলেন এবং তাঁহার মুখ দিয়া কি কি কথা বাহির হইয়াছিল, এ সমস্ত কথা বিস্তারিতভাবে আমাকে জানানো উচিত ছিল। এ কথা প্রকাশ হইয়াছে যে, মোলানারা বলিয়াছেন, ‘এই এক বৎসর মাত্র ঐ রকমের পাগড়ী বুরহানপুরে শরিয়ৎ অনুসারী বলিয়া চলিয়া আসিতেছে। এই রেয়াজটাও এক বৎসর পূর্বে ঐ দেশে পৌছিয়াছে; এ ব্যাপারের পর এই পাগড়ী সম্ভবতঃ শরিয়ৎ-বিরুদ্ধ বলিয়া বিবেচিত হইবে!’ আশ্চর্যের বিষয়, তুমি এ ঘটনার প্রকৃত অর্থ সম্যক না বুঝিয়া ইহাকে সামান্ত কথা মনে করিয়াছ। যে সময় বাদশাহ মোলানাদিগকে লাল পাগড়ী জায়েজ কি-না জিজ্ঞাসা করিয়াছিলেন, তুমি তোমার ঠাকুরদাদাকে বলিতে পারিতে, ‘হাঁ, ইহা জায়েজ; ইহার বিধি আমি আপনাকে দেখাইব।’ শেখ নিজাম তোমার সঙ্গে এইরূপ কাজের জন্তই প্রেরিত হইয়াছেন। যদি এখনও সময় থাকে তাঁহাকে বলিও যেন কেতাব হইতে প্রমাণ সংগ্রহ করিয়া এ রকম পাগড়ীর ব্যবহার যে শরিয়ৎ-বিরুদ্ধ নয়, এ কথা যেন বাদশাহকে নিবেদন করেন।

আওরংজেবের হস্তাক্ষর

শাহজাদারা সম্রাটের কাছে যে-সব চিঠিপত্র লিখিতেন সেগুলি তাঁহাদের নিজ হাতেই লিখিবার রীতি ছিল। একখানি চিঠিতে আওরংজেবের হস্তাক্ষর একটু খারাপ ও ভিন্ন রকমের লক্ষ্য করিয়া শাহজাহাঁর সন্দেহ হইল, চিঠিখানি বোধ হয় শাহজাদা তাঁহার জ্যেষ্ঠপুত্র মহম্মদ সুলতানকে দিয়া লেখাইয়াছেন। আওরংজেব ইহার জবাবে লিখিলেন, “ইহার পূর্বে যে নিবেদন-পত্র আপনার কাছে পৌছিয়াছে উহা আমি নিজ হাতেই লিখিয়া-ছিলাম। ঐ সময়ে আমার ডানহাতের বুড়ো আঙুলে ব্যথা থাকায় হস্তাক্ষর ভাল হয় নাই। যদিও আপনার পৌত্র মহম্মদ সুলতান বয়সের অল্পপাতে খারাপ লেখে না, তবুও তাহার কিংবা অন্য কাহারও দ্বারা আপনার কাছে চিঠি লেখানো কি সম্ভবপর হইতে পারে ?” আর একবার শাহজাহাঁ আওরংজেবের চিঠিখানা আগাগোড়া পড়িয়া স্থির করিলেন, চিঠির সবটা শাহজাদার হাতের লেখা বটে, কিন্তু তারিখটি বোধ হয় অন্য হাতের লেখা। মহম্মদ সুলতান এই সময় বাদশাহের কাছে ছিলেন। তাঁহাকে জিজ্ঞাসা করায় তিনিও বলিলেন, তারিখটি অন্য হাতের লেখা হইতেও পারে। ছেলোমাম্মদের কোনো দোষ ছিল না, কেন-না দিল্লীস্থর যদি বলিতেন—যমুনার জল বধায় উজান বহিতেছে, পোত্র হউক আর গোলামই হউক কাহারও বলিবার সাধ্য ছিল না যে, ভাটি যাইতেছে। চিঠির তারিখ অন্য হাতের লেখা কি না, ইহার জবাবে আওরংজেব লিখিতেছেন, “আমার হাতের লেখা আপনি বেশ চিনিতে পারেন এবং ইহাও জানেন যে দরবারে যত নিবেদন-পত্র পৌছিয়াছে, উহার কোনটিতেই অন্তের কলমের দাগ নাই।……এই চিঠির তিন বর্দ্দ আমি নিজের হাতে লিখিতে পারিলাম, শুধু এই দুইটি শব্দ অন্য হাতের লেখা কেন হইবে ?”

আওরংজেব দুই পান করিয়া বিবোধগম্য করিয়া-ছিলেন কি না পাঠক বিচার করিবেন।

কবি

শ্রীশ্রবোধ বসু

বিনয় তখন ঘরে বসিয়া পড়া তৈয়ারী করিতেছিল। রাত প্রায় ন'টা হইবে। হঠাৎলর বারান্দায় যে জটলা চলিতেছিল তাহারই কোলাহল তাহাকে বার-বার উন্নয়ন করিয়া তুলিতেছিল, কিন্তু তবু সে বাহির হইয়া গেল না। অনেকদিন চেষ্টার পর আজ ঠিক সন্ধ্যাবেলা পড়িতে বসিয়া প্রতিজ্ঞা করিয়াছে—আজ কোন মতেই সময় নষ্ট করা হইবে না। আকর্ষণ যতই প্রবল হউক, এ প্রতিজ্ঞা সে কোন মতেই ভাঙিতে রাজী হইল না, এবং আজই শেষ করিয়া ফেলিবে ভাবিয়া সমাপ্ত-প্রায় একটা বইয়ের পাতায় ক্ষত চোখ বুলাইয়া যাইতে লাগিল। আর পচিশ পাতা পড়িলেই শেষ!

এমন সময় বাহির হইতে দরজায় ধাক্কা দিবার শব্দ আসিয়া শব্দিত বিনয়কে আশু বিস্ময়ের ভাবনায় বিরক্ত করিয়া তুলিল। না খুলিয়াই সে কহিল, 'কে?'

বাহির হইতে একটি ছেলে কহিল, 'আমি। দরজা খোলো।'

তেমনি করিয়া বিনয় কহিল, 'না ভাই, আজ আর জ্বালাতন ক'রো না, পড়'ব ভাবছি।'

বাহির হইতে প্রত্যুত্তর আসিল, 'আজ রাতে যে কবির ঘরে তোমার ডিউটি, তোমাকে আমি ডাক্তে এলাম।'

'কবি' একটি ছেলের সঙ্গীদের দেওয়া নাম। তাহার আসল নাম পরিমল। কলেজের পত্রিকায় একবার তাহার একটি কবিতা বাহির হইয়াছিল। তারপর বন্ধুদের উপহাসে সে বোধ হয় লেখাই ছাড়িয়া দিয়াছে, কারণ তাহার আর কোনো কবিতা কোন দিন বাহির হয় নাই, কিন্তু তাহার ব্যক্তের কবি-নাম আর ঘুচিল না। লাজুক ছেলেটির কাছে তাহা একেবারে অপবাদে মত হইয়া কোণ হইতে তাহাকে আরও কোণে ঠেলিয়া দিল। অস্বাভাবিক হাসিবিজ্ঞপে যে আপত্তি করিবে অতটুকু শাসনও তাহার ছিল না।

সেই ছেলেটিরই অসুখ। পালা করিয়া এক একজনকে রাত জাগিতে হয়। বিনয় ভুলিয়াই গিয়াছিল যে, আজ তাহাকে জাগিতে হইবে। কিন্তু মনে পড়িয়া সে একটুও খুশী হইল না। বইটা যে আজও অসমাপ্ত পড়িয়া রহিল তাহাই তাহার সবার চাইতে বড় দুঃখের কারণ হইয়া উঠিল।

দরজাটা খুলিয়া আগন্তুককে কহিল, 'আমার ক'টা থেকে ক'টা অবধি, ভাই?'

উপায় নাই। একান্ত অনিচ্ছায় বিনয় বইটা বন্ধ করিয়া কহিল, 'আজ ওর অবস্থা কেমন?'

—'জরটা একটু কমেছে বোধ হয়, কিন্তু সন্ধ্যা থেকে যা-তা সব প্রলাপ বকছে।'

ছেলেটি বিনয়কে শুক্রবা-সংক্রান্ত কয়টা উপদেশ দিয়া চলিয়া গেল। বিনয় বই-খাতা গুছাইয়া রাখিয়া আলোটা নিবাইয়া বাহিরে যাইবে ভাবিতেছিল, এমন সময় চঞ্চল আসিয়া ঘরে ঢুকিয়া কহিল, 'বিছনা, থবর জানেন? আমাদের কবির একটা কবিতা আজ শিখার আপিস থেকে ফেরত এসেছে।'

বিনয় কহিল, 'তুমি জানলে কি ক'রে?'

—'চিঠির বাস্তবে পড়েছিল, আমি সংগ্রহ করে নিয়ে এসেছি।'

—'ওরা কি লিখেছে?'

চঞ্চল বিছানার উপর বসিয়া পড়িয়া কহিল, 'বা লেখা উচিত ছিল আমার মনে হয় ঠিক কবি লিখেছে। পড়ে তো আমাদেরই কাষ্ট-ইয়ারে, এদিকে কবিতার নাম হচ্ছে "প্রেম"। লিখেছে, আপনি বা বৃক্ষের প্রেমের বেটা সম্পূর্ণ মামুলি গৎ; বয়স, কলন, আর জ্ঞান, অধিকার বাড়লে লিখে পাঠাবেন, বিবেচনা করে দেখুন।—আমার তো মনে হয় রাইটলি সার্ড্‌!'

বিনয় কহিল, 'ওকে কবিতাটা ফিরিয়ে দিয়ে এসেছ ?'

দুই হাসিয়া চঞ্চল কহিল, 'এখনি ? আগে হোক ও ভাল, তারপর ওর চোখের জলে নাকের জলে এক না করি তো নাম বদলে রাখব ।'

পরিমলের পাশের ঘরের সহপাঠীটি পড়া ফেলিয়া তাড়াতাড়ি উঠিয়া আসিল। কহিল, 'আর জানিস ? আমাকে প্রায় একমাস ধরে ও বলে আসছে যে, ওর একটা কবিতা 'শিখা'তে ছাপাবে বলেছে ।'

চঞ্চল কহিল, 'রাজ্যে আর রাবিশ্ নেই, তাই ওর ছড়া নেবে 'শিখা'তে ? আর কবিতার নাম হচ্ছে প্রেম । ইয়া, প্রেমের রূপ আঁকবার লোক ওই তো বটে ! অস্থখ না হ'লে 'ফুলস্ প্যারাডাইজ' যে কেমন ক'রে ভাঙে সেটা ওকে বেশ করে বুঝিয়ে দিয়ে আসতাম । তা রোসো না, ভাল হ'লে সভা ডেকে সবাইকে ওর কবিতা আওড়ে শোনাব ।'

বিনয় চূপ করিয়া ইহাদের কথাবার্তা শুনিয়া ঘাইতেছিল। কহিল, 'ও না কবিতা-লেখা তোদের আলায় ছেড়ে দিয়েছিল রে ?'

চঞ্চল কহিল, 'আমরা তো তাই ভাবতুম । তারপর একদিন স্থখী এসে বললে, গভীর রাতে জেগে জানুয়ার ধারে বাতি জালিয়ে বসে বসে রোজই প্রায় ঐ করে । জর কি আর সাধে হয় ? এমন চেহারা, এত যে ঠাট্টা করি তবু লজ্জা হয় না !'

অপর ছেলেটি কহিল, 'কবিতার চোটে একেবারে জর ?'

তাজিল্যের হুঁরে চঞ্চল কহিল, 'তাকে কবিতা ব'লে কবিতার আর অপমান করো না । বাজী রাখুন বিহুদা, ছুঁকটোর অমন এক জজন কবিতা আমি লিখে দিতে পারি । যা-তা খানিকটা ছড়া মিলালেই হবে ?'

তারপর একটু ঢোক গিলিয়া কহিল, 'সবুয়ই কর না বাবু ! কবিতা লিখতে সাধ, বেশ তো বয়স তো আর পার হুঁরে যাচ্ছে না । বত ডে'পোমী ছেলেগুলোর—'

এমন সময় নটা বাজিল। বিনয় আলোচনা বন্ধ করিয়া ডিউটি দিবার জন্ত বাহির হইয়া পড়িল । পড়াটা

নষ্ট হইল বলিয়া তখনও মনটা ধারাপ। একটা অকাল-পক্ষ ছেলে রাত জাগিয়া কবিতা লিখিয়া অস্থখ ক'রে বলবে, তাহারই দায় সামলাইতে হইবে অস্ত্র সকলকে মিলিয়া !

ঘরের তক্তাপোষের উপর পরিমল তখন আচ্ছন্ন মত পড়িয়া ছিল। গায়ে একটা ইটালীয় রাগ। মাথার ধারে ছোট্ট একটা তেপায়ার উপর শুধু-পত্র, জয়ের চার্ট। প্রথর বলিয়া ঘরের বিজলী বাতিটা নিবানো রহিয়াছে, টেবিলের উপর ক্যাণ্ডেল-ষ্ট্যাণ্ডে একটা বাতি মিট মিট করিয়া জ্বলিতেছে। বিনয় আসিয়া বিছানার ধারের চেয়ারটায় বসিয়া পড়িয়া সেটা নিবাইয়া দিল।

তখন বন্ধ-করা কাচের জানুলাটা ভেদ করিয়া বাহিরের রূপালী জ্যোৎস্না ঘরের ভিতর আসিয়া ছড়াইয়া পড়িয়াছে। বাহিরের গাছের শীর্ণ ডালের ছায়াগুলি আসিয়া সেই জ্যোৎস্নার ভিতর কাঁপিয়া কাঁপিয়া উঠিতেছে। কাচের ফ্রেমের ভিতর দিয়া বাহিরটাকে একটা ছবির মতই দেখায়, কবির রোগশীর্ণ মুখখানিও কেমন করুণ হইয়া চোখে পড়িতেছিল।

এমনি করিয়া বসিয়া বসিয়া অনেকক্ষণ কাটিয়া গেল। ইহারই ভিতর কোন এক সময় বিনয়ের অসতর্ক চোখ দুটি তন্দ্রায় জড়াইয়া আসিয়াছিল। সহসা পরিমলের কণী-কণের ডাক শুনিয়া সে চমকাইয়া উঠিয়া কহিল, 'কি চাই, বল ?'

—'চাই না কিছুই বিহুদা ; আমার ঘুম আসছে না তাই তোমাকে ডাকলুম।'

—'ও :'

—'তুমি কি ঘুমুচ্ছিলে বিহুদা ? তবে ঘুমোও না একটু, আমার তো কোন দরকার নেই এখন।' বিনয় আপত্তি করিয়া সোজা হইয়া উঠিয়া বসিল, কহিল, 'না, আমার ঘুমোবার দরকার নেই, কিন্তু তোমার কি ঘুম ভেঙে গেল ?'

পরিমল রাগুটা গলার ধার পর্যন্ত টানিয়া দিয়া কহিল, 'আমি তো ঘুমোইনি বিহুদা, ঘুম আমার আসছে না।'

বিনয় হাত-পাখাটা উঠাইয়া লইয়া কহিল, 'হাওয়া কর্ব পরিমল ?'

—'দরকার নেই, বিহুদা।'

একটুকু নিঃশব্দে কাটিল। তারপর পরিমল বাহিরের আলোকোৎসবের পানে একবার চাহিয়া দেখিয়া ধীরে ধীরে কহিল, 'আজ কোন্ তিথি বিহুদা ? পূর্ণিমা ?'

—'না, আজ একাদশী।'

পরিমল মুখ চোখে বাহিরের দিকে তাকাইয়া রহিল। তারপর একটা দীর্ঘশ্বাস গোপন করিয়া ঠিক ছেলেমানুষের আশ্বাসের স্বরে কহিল, 'বিহুদা দাওনা খুলে একবার জান্না ছটো, জ্যোৎস্না একেবারে ভিড় ক'রে আসুক।'

বিনয় কহিল, 'না, না, ওটা খুললে শেষে তোমার ঠাণ্ডা লাগবে। ওটা বন্ধই থাক।'

পরিমল কোন আপত্তি করিল না। ও-পাশ ফিরিয়া জ্যোৎস্নার দিকে মুখ করিয়া শুইয়া পড়িল। হঠাৎ তার কোন একটি ছেলে তখন বাঁশীতে রাতের স্বর তুলিয়াছে তাহাই তাদের কানে আসিয়া পৌছিতেছিল। স্বপ্নে রাতের কেমন একটা শব্দ শোনা যায়। দেওয়ালে মাঝে মাঝে টিকটিকিগুলি শব্দ করিতেছে। কখনও কখনও বা এক-একটা নিশাচর পাখী ডাকিয়া উঠিতেছে।

—'বিহুদা ?'

—'কি ?'

—'বাইরের জগৎ আজ কি মধুর হয়ে উঠেছে, বিহুদা, পৃথিবী যেন করিতা পড়ে যাচ্ছে। আজ ছাড়া কি অস্বপ্ন আর আমার কোনদিনই হ'তে পারুল না ?'

—'কি করবে, ভাই ?'

—'না বিহুদা, কিছু তো করবার নেই জানি। কিন্তু চৈত্র মাসের এই রাতগুলির আশায় আমি যে কতদিন ধরে দিন গুণছি। আশা বার্থ হ'লো এই দুঃখ বিহুদা।'

বিনয় চুপ করিয়া রহিল। পরিমলের গলার স্বর গভীর হইয়া আসিল। জ্যোৎস্না রাতটা বার্থ হইয়া সতাই যেন একটা বেদনায় পরিমলের বুকের ভরসা গিয়াছে। ইহাকে উপহাস করিতে তাহার কচি হইল না।

—'আজ আমার অস্বপ্ন না হ'লে কি করতুম জানো বিহুদা ?'

—'কি করত, ভাই ?'

—'জান্না দিয়ে অল্প জ্যোৎস্না এসে যখন মেঝেতে লুটিয়ে পড়ত, আমি তারই ভেতর পা ছড়িয়ে বসে সারা রাত ধরে কবিতা লিখতুম। হয়ত দক্ষিণের বাতাস এসে গায়ে চন্দনের পরশ বুলিয়ে যেত, হয়ত রজনীগন্ধার সুবাস ভেসে আসত। তোমার কি মনে হয় না বিহুদা, চাঁদের আলোয়, পাতার মর্মরে, ফুলের গন্ধে জড়িয়ে কবিতা আমার সরস হয়ে উঠত ?'

—'হ্যা, মনে হয় বই কি ?'

একটা দীর্ঘশ্বাস ছাড়িয়া তেমনি মুহু গলায় পরিমল কহিল, 'কিন্তু সে শুভলয় বার্থ হ'লো, বিহুদা।'

বিনয় তাহাকে ঘুমাইবার চেষ্টা করিতে কহিল। কিন্তু সে ঘুমাইল না। করুণ-চোখে বাহিরের পানে তাকাইয়া রহিল। একটু আগে কোন্ এক ঘড়িতে বারোটোর ঘটা বাজিয়াছে। রাস্তার বিরল যানবাহন বিরলতর হইয়া আসিয়াছে। হয়ত মাঝে মাঝে রিক্সার টুংটাং শোনা যায়, দু-একটা মোটর সোঁ সোঁ কারিয়া ছুটিয়া চলে। নিম্নম্ন রাজির একটা প্রণাস্ত যেন এখন স্পর্শ পধ্যস্ত করা চলে।

পরিমল অনেকক্ষণ পধ্যস্ত নিঃসাড়ে পড়িয়াছিল। একবার নীরবতা ভাঙিয়া ডাকিল, 'বিহুদা !'

—'কি ভাই, মাথায় যন্ত্রণা হচ্ছে ?'

—'না।'

—'তবে ?'

—'সবার উপর মাহুস সত্য, ভাই না বিহুদা ?'

বিনয় চুপ করিয়া রহিল। রোগী কি যে বলিতে চাহে সে-ই জানে। পরিমল একটু চুপ থাকিয়া কহিয়া গেল, 'এই যে জ্যোৎস্না ওটা, হাওয়ায়-হাওয়ায় গাছের পাতার বিরবিরাগি, ফুলের গন্ধ, —মাহুস না থাকলে এদের কিই বা আদর হ'ত, কেই-বা সম্মান দেবারতো, কেই-বা কবিতা লিখতো! মাহুসের অস্বপ্ন আর কল্পনাতেই তো এদের সত্যিকারের দাম, সত্যিকারের রূপগুণ ?'

—'তা তো ঠিক, ভাই।'

পরিমল খুশী হইয়া যেন একটু উজ্জ্বলিত হইয়া উঠিল,

কহিল, ‘জানো বিহুদা, এই জ্যোৎস্নাকে আমার মনে হয় যেন বনজ্যোৎস্নার হাসি। এ আমার কল্পনার রূপ, সেই রূপই আমি চাঁদের আলোতে দেখি। তুমি বনজ্যোৎস্না জানো না, বিহুদা?’

—‘না।’

ঠিক আদারে একটি মেয়ের মত করিয়া পরিমল কহিল, ‘তার নামেই তো আমি কবিতা লিখি, বিহুদা, বনজ্যোৎস্নার নামে।’

বিনয় চমকিয়া উঠিল। এই মুখ-চোরা ভীক ছেলেটি আজ তাহাকে সহসা এসব কি কথা বলিতেছে! সে কোনদিন কাহারও কাছে কবিতা লেখে বলিয়াই স্বীকার করিত না। তবে আজ কি জরের ঘোর মনের দমন্ত গোপন-কথা প্রকাশ করিয়া দিবে?

বিনয় তাড়াতাড়ি বলিয়া উঠিল, ‘তুমি বেশী কথা কয়ে না পরিমল, তাতে জর বাড়বে।’

পরিমল পাশ ফিরিয়া অভয়-দেওয়ার স্বরে কহিল, ‘না বিহুদা, আজ আমার চুপ করতে বলা না, আজ আমার ভেতর কথার জোয়ার এসেছে।’

বিনয় চুপ করিয়া বসিয়া রহিল। পরিমল ক্ষীণস্বরে বলিয়া চলিল, ‘তার নাম বনজ্যোৎস্না, কিন্তু আমার ছন্দের কোঠায় তাকে আমি একটু বদলে দিয়েছি।—তোমার শৌরসেনী শুনতে ভাল লাগে না বিহুদা! সেই,—হলা পিয় সহি?’

—‘লাগে।’

—‘তাইতে তো তার নাম দিয়েছি বনবাসিনী। কথ মূনির আশ্রমের লতারই মত। নীল রঙের শাড়ি সে পরে, তেমনিতর তলুদেহ। না বিহুদা, রঙ তার জ্যোৎস্নার মত নয় সত্যি, কিন্তু হাসি তো ওরই মত।’

বিনয় নীরবে শুনিয়া গেল। পরিমলের কণ্ঠে একটা তৃপ্তির স্বর জাগিয়া উঠিয়াছে, বাধা দিয়া তাহা দ্বন্দ্ব করিতে তাহার মন উঠিতেছিল না। বাহিরের জ্যোৎস্না কেমন আগর-জ্বাল হইয়া উঠিয়াছে। তাহারই এক ঝলক সরিয়া আসিয়া রুদ্র পরিমলের মুখের উপর পড়িল।

গলাটা পরিষ্কার করিয়া পরিমল কহিল, ‘জানো বিহুদা, আমার কবিতাগুলি কিন্তু আমার মনেরই কথা।

সে কথাগুলো গোপনে মনের ভেতর মোমাছির মত শুনশুনিয়ে বেড়ায় তাদেরই আমি ছন্দের ভেতর দিয়ে বাইরে আনতে চাই। কিন্তু যে-সব কথা মনের ভেতরে একেবারে ঝলমল করে, বাইরে এলে তার রূপ যেন লান হয়ে যায়। সে আমার কি দুঃখ বিহুদা! তবু কেন লিখি জানো?’

—‘কেন?’

—‘আমার এ আনন্দ বাইরে প্রকাশ না ক’রে আমি থাকতে পারি না বিহুদা।’

বিনয় স্তব্ধ বিষ্ময়ে আবছা বিছানাটার পানে চাহিয়া রহিল। পরিমলের চোখদুটি জ্যোৎস্নালোকে যেন ছলছল করিতেছে। সে যে হাঁ-না কি বলিবে তাহাই ভাবিয়া পাইল না। রজনী গভীর হইয়াছে। পৃথিবীর বুকে জীবনের একটু স্পন্দনও নাই। আর রুদ্র পরিমল কবিতার মত করিয়া বোধ হয় বা প্রলাপই বকিয়া যািতেছে। কথার ভিতরও কেমন একটা জড়তা।

—‘বিহুদা!’

—‘কেন?’

—‘তার কথা ভেবেই তো আমি কবিতা লিখি বিহুদা, কিন্তু সে খবরও একটুও জানে না।’

—‘তুমি শুকে বলনি?’

—‘আমি বলব? না বিহুদা, অত সাহস তো আমার নেই। ওর চোখে চোখেও কি আমি চাইতে পারি? শুকে তো আমি এড়িয়েই চলি। কিন্তু তোমাকে আমার মনের কথাটি বললুম বিহুদা, বনজ্যোৎস্নাকে আমি ভালবাসি।’

যে কাহিনী অন্য সময় শুনিলে বিনয় ছোট্ট ছেলেটার পকতায় আর দুঃসাহসে বিরূপ হইয়া উঠিত তাহা আর এই নিম্নরূপ রাতে জ্যোৎস্নালোকে তেমন দোষের মনে হইল না। এ স্বরের ভিতর উপহাসের স্বভাব নাই, শুধু কেমন একটা করুণতার আভাস জাগিয়া উঠিয়াছে।

ইহার পর চুপ করিয়া দুজনে আরও ধানিকরণ কাটাইল। ঘুম-ভাঙা একটা পাখী শিশ দিয়া দূর হইতে

সুদূরে চলিয়া গেল। একটু আগে রাত একটা ব্যজিবাব শব্দ কানে আসিয়াছিল। জগতে যে কোন মানুষ জাগিয়া আছে তাহাও মনে হয় না। স্বপ্নের মত একটা আচ্ছন্নতা কেবল যে রাতের গায়েই লাগিয়াছে তাহা নয়, বিনয়ের মনের ভিতরও লাগিয়াছিল। বিনয়ের দিকে পাশ ফিরিয়া পরিমল মুচুকঠে কহিল, ‘আমি কিন্তু এখনও ঘুমোইনি বিহুদা।’

—‘ঘুমোও ভাই, আর জেগো না।’

—‘কিন্তু তোমাকে একটা কথা না ব’লে ঘুম আমার কোনমতেই আসবে না।’

—‘কিসের কথা?’

—‘আমার একটি কবিতার কথা। সেটিই আমার সবার চাইতে প্রিয় কবিতা, আমার দরিদ্রভাণ্ডারের মানিক্য। সেটি কবে লিখেছিলুম তুমি জানো বিহুদা?’

—‘কবে?’

—‘যেদিন তার সঙ্গে আমার প্রথম দেখা। সেদিন এমনিতর কুল-ভাঙা জ্যোৎস্নায় পৃথিবী ভরে গিয়েছিল, হয়ত একাদশী তিথিই; সেদিন যে জগৎটা কেমন ক’রে সম্পূর্ণ বদলে গিয়েছিল বিহুদা, তা আমি আজও ভেবে পাইনে। এতদিনের চেনা-জগৎ হ’তে জাগর-স্বপ্নের কোন এক মায়ালোকে যে চ’লে গেলাম—তার পথে পথে ফুলের রেণু ছড়ানো, তার আকাশ রামকেলীর হুরে ছেয়ে গেছে। আমার কবিতায় সে আনন্দেরই রূপ দিতে গিয়েছিলুম।’

—‘ওঃ।’

—‘কবিতা না লিখে তো সেদিন আমার উপায় ছিল না, মনের ভেতরটা অবধি যে তখন বীণার মত বাজছিল। জানো বিহুদা, সেই লেখাটার যাত্রারম্ভে কোন শুভচিহ্ন দেখেছিলুম?’

—‘কোন শুভচিহ্ন?’

—‘বললে তুমি বিশেষ করবে না, বিহুদা, সেদিন এই তরুণ কবিটিকে কবিগুরু নিজের আলীকর্দাস পাঠিয়ে দিয়েছিলেন। টেবিলের উপর মাথা রেখে সে-রাতের অকারণে ফুলে ফুলে যখন কাঁদুচি, তখন আমার মনে হ’ল বিহুদা, দেওয়ালে টাঙানো কবির পট-হ’তে গুঁর

হাতখানা সজীব হয়ে এসে আমার মাথাটি স্পর্শ করে গেল। সত্যি সত্যি চমকে উঠেছিলুম বিহুদা। সেই আলীকর্দাস নিয়েই তো আমার কবিতাটি তৈরি, সে-আলীকর্দাসই হয়েছিল আমার ছন্দ-পথের পাথর।’

—‘সেটিই বুঝি তোমার সবার চাইতে প্রিয় কবিতা?’

—‘সবার চাইতে। তার ভেতরই তো বনজ্যোৎস্নার প্রথম আলো পড়েছে। সে কবিতাটির নাম কি জানো, বিহুদা?’

—‘কি?’

—‘তার নাম দিয়েছি “প্রেম”, আমার মনের প্রেমের সেই তো স্বপ্নভঙ্গ, গুহার ভেতর বনজ্যোৎস্নার আলো পড়েছিল কি না?’

বিনয় নাম শুনিয়া একবারে চমকিয়া উঠিল। সেই নামেই তো বোধ হয় একটা কবিতা আজ ফেরৎ আসিয়াছে বলিয়া পরিমলের কটি বন্ধু বলিয়া গেল। সে নিজেও তো এই প্রত্যাখ্যানে কৌতুক বোধ করিয়াছিল, কিন্তু নতুন আবেষ্টনে সে যেন এখন অস্তরূপ লইয়া আসিয়া দাঁড়াইল। তাহার বলিবার আর কিছুই রহিল না।

পরিমল কহিল, ‘জানো বিহুদা, কোন কবিতাই আমি কোন দিন ছাপতে পাঠাই না, যারা আমার মনের গোপন কথা, তারা সজোপনেই থাকে। কিন্তু ঐ কবিতাটিকে আমি কাগজে পাঠিয়ে দিয়েছি।’

একটা দীর্ঘশ্বাস গোপন করিয়া বিনয় কহিল, ‘গুটাই বা পাঠাতে গেলে কেন পরিমল, ওরা যদি না নেয়?’

আত্মবিশ্বাসের হুরে পরিমল কহিল, ‘না বিহুদা, সে ভয় নেই তোমার। ওরা নেবে এ আমার মন বলছে। আমার মনের ভিতরকার পদের সবটা রূপ হয়ত কোটেনি, তাতে কিন্তু মনের কথা বাইরে আনতে যদি কিছু পাপড়ি ঝরে থাকে, যদি কিছু গন্ধের অপচয় হয়ে থাকে, তবু তাকে চেনা যাবে না এমন নয়, বিহুদা! শুধু আমার ভয় কি জানো?’

‘কি?’

—‘বসন্ত চলে যাবার পর যদি রোরোর ভবেই আমার

দুঃখ। এ জ্যোৎস্নার গান কি কালবোশেখীর দিনে
মানাবে, বিহুদা।”

বিনয় বেদনা-করুণ মুখে পরিমলের অশ্রুট শীর্ণ
মুখের পানে চাহিয়া রহিল। নিজের কবিতার কত
বড় যে একটা দাম দিয়া তাহারই প্রকাশ হওয়ার
আশায় সে বসিয়া রহিয়াছে তাহা ভাবিয়া তখন আর
বিনয়ের একটু হাসিও পাইল না। মনের ভিতর কোথায়
যেন বেদনা বাজিতেছে।

পরিমল কহিল, ‘তুমি বলছিলে কেন আমি ছাপাতে
গেলাম, তাই না? তবে তোমাকে আমার মনের গোপন
অভিলাষটুকু বলি, বিহুদা।’

—‘বলো।’

পরিমল একটু চুপ করিয়া কি ভাবিল। তারপর
কহিল, ‘ঐ কাগজটা যে বনজ্যোৎস্না পড়ে।’

—‘ওঃ।’

—‘তাইতেই তো শুধু ওতেই আমার লিখতে
যাওয়া। ভাবি আমার কবিতা লেখা কাগজখানি
যখন ওর হাতে পড়বে, বিহুদা, তখন জ্যোৎস্না উঠেছে,
হাওয়া জেগেছে। জানলার ধারে বসে বসে সে পড়ছে
আমার কবিতাটি, দুপাশ দিয়ে চুল এসে বইয়ের পাতার
উপর লুটিয়ে পড়ে, সোনার চুড়িটি লাগে ছাপার আখরের
উপর তেবুচ্ছা করে। মুখখানা তার আনন্দের আভাষ
উজ্জ্বল, চক্ষু জ্বলে ভর-ভর, মনের ভেতরটা কমঝুম
করে বাজছে।’

পরিমল এক মিনিট চুপ করিয়া যেন দম্ সংগ্রহ
করিয়া লইল। বিনয় একেবারে চিন্তিত উৎকর্ণ হইয়া
জ্যোৎস্নার আলো করিয়া উঠিয়া বসিয়াছে। কবি যে সত্যি-
কারেরই কবি হইয়া উঠিল। হর করিয়াই যেন কথাগুলি
বলিতেছে।

পরিমল গলা পর্য্যন্ত রাগটা টানিয়া লইয়া কহিল,
‘আমার কবিতা তবেই সার্থক হয়, বিহুদা। ছন্দ দিয়ে,
রঙ দিয়ে আমার সমস্ত ভাললাগা দিয়ে সে কল্পনার
রাজ্যটি আমি সৃষ্টি করেছি, হর করে পড়তে পড়তে বন-
জ্যোৎস্নার কল্পনা যদি আমার গড়া কল্পনাকে এক নিমিষের
অন্ত ছুঁয়ে যায় তবেই আমি ধন্ত হয়ে যাব।’

বিনয় কিছুই বলিবার পাইল না। এমনিতর কথা
যে কাব্যের পুঁথিতে ছাড়া আর কোথায়ও আত্মপ্রকাশ
করিতে পারে তাহা তাহার কল্পনায়ও ছিল না। কিন্তু
এই মধ্যম্যম নিশায় জ্যোৎস্নারূপান্তরিত ঘরে একটি
শীর্ণ রুগ্ন কিশোর যখন হয়ত অরোরই ঘোরে এই সব কথা
তাহাকে বলিয়া গেল তখন তাহার মনের ভিতরটা
বেদনায় টনটন করিয়া উঠিল। এতক্ষণ পরে পরিমলের
কবিতাটি প্রত্যাখ্যাত হওয়ার করুণ দিকটা মর্যাস্তিক
হইয়া প্রকাশ পাইল। কতখানি আশা যে পরিমলের
বার্থ হইয়া গেল তাহা ভাবিতে বিনয়ের কষ্ট হইতেছিল।

কবি হয়ত সারারাত ধরিয়া এমনই করিয়া প্রলাপের
পর প্রলাপ বকিয়া যাইত। কিন্তু আর একটি ছেলে
বিনয়কে রিলিভ করিতে আসিলে কথাটা সেইখানেই
থামিয়া গেল। অবসরের মত পরিমল তখন পাশ
ফিরিয়া শুইল; শুধু একটি দীর্ঘশ্বাস আসিয়া বিনয়কে
এই খবরটি জানাইয়া গেল যে, পরিমলের অনেক কথাই
না বলা রহিয়া গেল।

বিষম মনে ধীরে ধীরে বিনয় উঠিয়া চলিয়া আসিল।
যে কবিতাটি তাহার চোখেও পড়ে নাই তাহার
অনুপ্রাঙ্গণগুলি মনের ভিতর ঝঙ্কত হইয়া উঠিতেছে,
কেমন একটা করুণ-ছন্দে মনটা ব্যাথিয়া উঠিল।
কবিতাটি যখন পরিমলের সমস্ত অহুভূতি দিগা রচিত,
তখন এ কবিতার অমর্যাদা সে করিবে কি
করিয়া! পরিমলের কৈশোর-স্বপ্নের রঙের আভাষ
তাহা যে উষার আকাশের মত রাঙিয়া আছে। হয়ত
উজ্জ্বাসের শ্রোতে ছন্দ উজ্জ্বল, ভাষা হয়ত সুরের
মোহে উদ্যম, কল্পনা হয়ত অসংযত, কিন্তু সকল ক্রটি
সম্বোধ পরিমলের ঐ প্রত্যাখ্যাত রচনাটিকে সে কবিতা
বলিয়া একান্তভাবে মানিয়া লইল। ঘরে গিয়া বিনয়
দেখিল, অসমাপ্ত বইটা টেবিলের উপর পড়িয়া আছে।
কিন্তু তখন মন আর ইহাতে নাই।

পরদিন বিনয় চঞ্চলকে ডাকিয়া কহিল, ‘পরিমলের
সেই কবিতাটি কই রে?’

—‘পড়বেন?’

—‘হ্যাঁ।’

—‘আচ্ছা, আমি নিয়ে আস্চি, কিন্তু আপনি জোরসে পেটে বেন্ট আঁটুন,—হাসতে হাসতে তা না হ’লে কিন্তু—’

চঞ্চল তাড়াতাড়ি কবিতাটি আনিতে ছুটিল।
কহিয়া গেল, ‘আমি কিন্তু পড়ব বিহুদা।’

চঞ্চল একদল ছেলে লইয়া ফিরিয়া আসিল। আশ্চর্য্য হইয়া বিনয় কহিল, ‘এরা কেন?’ হাসিয়া চঞ্চল কহিল, ‘ওরা সব সমজদার। রবীন্দ্র-পরিষদের মত পরিমল-পরিষদ গড়ব ভাবটি।’

তারপর সে পরিমলের সেই ফেরত-আসা কবিতাটি চোখের সম্মুখে ধরিয়া কহিল, ‘শুধুন তবে,—আর এই দেখুন সতীশ এর ভাব-বস্তুর এরই ভিতর কেমন কাটুন একে ফেলেছে।’

বিনয় তার হাত হইতে কবিতাটি টানিয়া লইল।
ক্ষণকাল স্তব্ধ থাকিয়া কহিল, ‘চঞ্চল, এই কাবতা আমি ছিঁড়ে ফেলছি।’

—‘নানা ছিঁড়বেন না যেন। সমস্ত মজা মাটি হয়ে যাবে।’

—‘তা যাক,’ বলিয়া বিনয় কাগজটিকে কুটি কুটি করিয়া ছিঁড়িয়া জানলা দিয়া বাহিরে ফেলিয়া দিল।

চঞ্চল কোন্ডে হুঃখে রাগে কহিয়া উঠিল, ‘কি করলেন!’

বিনয় কহিল, ‘ভালই করেছি চঞ্চল, একজনকে ঠাট্টা করে কি লাভ ব’ল?’

—‘কিন্তু ও যে একশো বার ঠাট্টার যোগ্য! আপনি একবার পড়লেনও না?’

বিনয় ধানিকঙ্কণ চূপ করিয়া রহিল। তারপর কহিল, ‘না ভাই, না পড়ে ভালই করেছি। পড়লে হয়ত তোমাদের মতই আমারও হাসি পেত, কিন্তু আমি জানি হাসবার মত কবিতা ও নয়, হাসলে অভ্যায় হ’ত, অকরণ হ’ত।’

চঞ্চল রাগত ভাবে কহিল, ‘না পড়ে তবুও জানলেন আমাদের চেয়ে বেশী?’

—‘হ্যাঁ ভাই, না পড়েই জেনেছি’—বলিয়া বিনয় সেখান হইতে ধীরে ধীরে চলিয়া গেল।

চঞ্চল কোন্ডে চোখ রক্তবর্ণ করিয়া সেখানেই দাঁড়াইয়া রহিল। বার্থ আগন্ধকের দল বিবর্ত্ত হইয়া বলিতে লাগিল, ‘বিনয় রায় তিন বছরের সিনিয়র হ’য়ে খুব চাল দিচ্ছে।’

ভারতের ইতিহাসে প্রকৃতির প্রভাব

শ্রীমলিনীকান্ত ভট্টশালী

ছেলেবেলায় আমরা অধরবাবুর ভারতের ইতিহাস পড়িয়া ভারতের ইতিহাসে প্রথম জ্ঞানলাভ করিয়াছি। তাহাতে প্রথম দিক দিয়াই এই ধরণের কথা ছিল যে, ভারতবর্ষের প্রাকৃতিক অবস্থাই এই রকম যে, ইহার অধিবাসীরা দুর্বল এবং পরপদানত হইতে বাধ্য। বর্তমানে যে-সকল ইতিহাস-পুস্তক পড়িয়া আমাদের শ্রীমানগণ ম্যাট্রিকুলেশন পাশ করে তাহাতেও ঐ একই কথার পুনরাবৃত্তি দেখিতে পাই। ভারতের ভাগ্যে যত দুর্গতি ঘটয়াছে, ভারতের প্রাকৃতিক অবস্থাই তাহার জন্ত দায়ী। বাহির হইতে ভারতবর্ষ যে বার-বার আক্রান্ত হইয়াছে,

ভারতের প্রাকৃতিক অবস্থার প্রভাবই তাহার কারণ। আবার ভারতবাসী যে একতায় মিলিত হইতে পারে নাই এবং বার-বার পরাভিত হইয়া পরপদানত হইয়াছে, তাহার জন্তও দায়ী ভারতের প্রাকৃতিক অবস্থা। এমনি হতভাগ্য দেশে আমরা বাসী বাধিয়াছি যে, প্রকৃতিদেবীর চক্রান্তেই আমরা ক্রমশঃ পৌরুষ ও সহস্রাব্দ হারাষ্টয়া বদি এবং প্রত্যেক দিগ্বিজয়ীর সম্মুখে নতজাহ্ন নতমস্তক হওয়া ছাড়া আমাদের ভাগ্যে অস্ত্র বিধান নাই! পাঠ্য-পুস্তকের গোড়ার দিকটাত্তেই এই তথ্যের সহিত বালকেরা পরিচিত হয়, তাহাদের মস্তকে এই তথ্য পড়ারভাবে

মুদ্রিত হইয়া যায়। কিশোর বয়স হইতেই তাহার জ্ঞানিয়া রাখে, পরাজয় এবং পরাধীনতাই ভারতে বিধাতার বিধান। বড় হইয়া তাহার বধন স্বাধীনভাবে চিন্তা করিতে শিখে, তখন এই তথ্য সত্য কি-না, এই বিতর্ক তাহাদের মনে উদিতই হয় না।

বর্তমানে প্রচলিত কতকগুলি ম্যাট্রিকুলেশন পাঠ্য-পুস্তক হইতে উদ্ধৃত করিতেছি। শ্রীযুক্ত ডাক্তার রমেশচন্দ্র মজুমদার মহাশয়ের “ভারতবর্ষের সংক্ষিপ্ত ইতিহাস” বহুলপ্রচার পাঠ্যপুস্তক। তাহাতে আছে :—

“প্রকৃতির প্রভাব। ভারতে বিস্তৃত উর্বর ভূমি আছে। এইখানে নানাপ্রকার শস্য এবং মানুষের প্রয়োজনীয় বহুবিধ দ্রব্য উৎপন্ন হয়। আবার খনির সম্পদেও ভারত সমৃদ্ধ। এই দেশে লোহ, তাম্র, স্বর্ণ, রৌপ্য, মণিমাণিক্য, মুক্তাহীরকাদি প্রচুর পরিমাণে পাওয়া যায়। ভারতসমুদ্রের উপকূলে অনেকগুলি উৎকৃষ্ট বন্দর আছে। এই সকল কারণে এককালে ভারতবর্ষ ধনসম্পদে ও ঐশ্বর্য্যে পৃথিবীর সমস্ত দেশকে অতিক্রম করিয়াছিল।

“প্রকৃতির এই অপরিণাম দানে ভারতের ভাগ্যে শুভ ও অশুভ, দুই প্রকার কলই কলিয়াছে। খাদ্যদ্রব্য সহজলভ্য হওয়াতে ভারতবাসী প্রকৃতির নয়নমণিমোহন অতুলনীয় সৌন্দর্য্যে বিভোর হইবার অবসর পাইয়া কাব্য ও দর্শনের চর্চায় নিবিষ্ট হইতে পারিয়াছিল এবং এইজন্যই ভারতে ব্রহ্মবিদ্যা, দর্শন, শিল্প ও নাহিত্যের অসাধারণ উন্নতি সম্ভবপর হইয়াছিল। কিন্তু এই কারণেই আবার ভারতের জনসাধারণ উত্তরের পার্শ্বত জাতিসমূহের মত কর্মহীন ও কষ্টসহিষ্ণু হইতে পারে নাই; কাজেই ভারতের সমৃদ্ধি-হারী আকৃষ্ট হইয়া ঐ সকল পার্শ্বত জাতি অগাধায়ে বার-বার ভারতবর্ষ জয় করিয়াছে।

“এতদ্ব্যতীত এদেশের ভূমি ও জলবায়ু সহজ জীবনযাত্রার পক্ষে অনুকূল হওয়ার প্রকৃতির সহিত মানবের সংগ্রাম অল্প দেশের জ্ঞায় ভারতবর্ষে কখনও তীব্র হইয়া উঠে নাই। তাই পদার্থ-বিজ্ঞানের দিকে লোকের দৃষ্টি বিশেষভাবে আকৃষ্ট হয় নাই এবং এই বিষয়ের চর্চা ইউরোপের জ্ঞায় এদেশে তেমন প্রচার লাভ করে নাই।

“এই দেশের আরতন বিশাল। ইহার পর্ব্বতসমূহ গগনস্পর্শী, ইহার নদীগুলি দৈর্ঘ্যে ও বিস্তৃতিতে অতুলনীয়, এই সকল বাধার ফলে সমগ্র ভারতবাসী এক বিরাট সম্মিলিত জাতিতে পরিণত হইয়া উঠিতে পারে নাই। অতীতকালে সমগ্র ভারতবর্ষ বা ইহার অধিকাংশ ভাগকে এক রাজশক্তির অধীনে আনয়ন করিবার চেষ্টা অনেকবার হইয়াছে। কিন্তু কোন স্থায়ী ফললাভ হয় নাই। বহু আরাস সহকারে যে সাম্রাজ্যের প্রতিষ্ঠা হইত, অনতিবিলম্বেই তাহা পুনরায় ধ্বংসপ্রাপ্ত হইত। দেখিতে দেখিতে ভারত বহু ক্ষুদ্র রাজ্যে বিভক্ত হইয়া পড়িত এবং উহাদের মধ্যে যুদ্ধবিগ্রহের আর অন্ত থাকিত না। এইরূপে দেখা যায় যে, ভারতবর্ষের প্রাকৃতিক অবস্থা দেশবাসীর ইতিহাস ও সভ্যতা গঠনে বিশেষ প্রভাব বিস্তার করিয়াছিল।”

পৃঃ ৪-৫

অধ্যাপক শ্রীযুক্ত গুরুদাস ভট্টাচার্য্য তাঁহার ম্যাট্রি-

কুলেশন পাঠ্য “ভারতবর্ষের নূতন ইতিহাস” নামক পুস্তকে এই সকল কথাই পুনরাবৃত্তি করিয়াছেন।

রায় শ্রীযুক্ত খগেন্দ্রনাথ মিত্র বাহাদুর তাঁহার ম্যাট্রি-কুলেশন পাঠ্য ভারতবর্ষের ইতিহাসে লিখিয়াছেন :—

“ভারতবর্ষ তিনটিকে সমুদ্র-পরিবেষ্টিত হইলেও ভারতীয়েরা কোনও দিন নৌ-সাধনে বিশেষ দক্ষতা লাভ করিতে পারে নাই।...কিন্তু দুই একটি জাতি বাতীত ভারতবাসীরা সমুদ্রের এত সাহসিক্য সঙ্গেও নাবিকবিদ্যায় দক্ষ হইতে পারে নাই। জলপথে বহিঃশত্রুর আক্রমণ হইতে আতঙ্কিত করিবার মত নৌবল কোনও দিন যে ভারতবাসীর ছিল, তাহা বোধ হয় না।...তাহার কারণ, প্রথমতঃ ইহার তটভাগ স্বর্গীয় হইলেও, বৃহৎ বৃহৎ অর্ধবৃত্তপাতের আশ্রয়হীন হইতে পারে এরূপ সুবিধাজনক স্থান বড় বেশী নাই। দ্বিতীয় কারণ, এদেশের ভূমি স্বভাবতঃই শস্তাশালিনী হওয়াতে লোকের উদ্যমশীলতার অভাব। তৃতীয় কারণ এই মনে হয় যে ভারতবাসীরা চিরদিনই শান্তিপ্ৰিয়। সমুদ্র পার হইয়া অল্প জাতিতে পরাভব করিয়া অর্থসম্পদ বৃদ্ধি করিতে হইবে, এরূপ কল্পনা তাহাদের মনে আসিত না।”

এইবার এই ম্যাট্রিকুলেশন পাঠ্য পুস্তকের উপরে উদ্ধৃত উক্তিগুলি পরীক্ষা করিয়া দেখা যাক, ইহাদের মধ্যে কতখানি সত্য আছে।

(১) পৃথিবীর অগ্ন্যস্ত্র সভ্য জাতি অপেক্ষা ভারতবাসী অতীতে কষ্টসহিষ্ণুতার অভাব অথবা ভীকৃত্যের পরিচয় দিয়াছে কি না।

কোন জাতি কষ্টসহিষ্ণু এবং সাহসী কি না, তাহা সেই জাতির অতীত ইতিহাস আলোচনা করিলেই বুঝিতে পারা যায়। জগতে সম্ভবতঃ এমন জাতি বা দেশ নাই যাহা কোন-না-কোন-সময়ে অল্প কোন প্রবলতার জাতি কর্তৃক বিজিত হয় নাই। যে-ব্রিটিশ সাম্রাজ্য আজ পৃথিবীব্যাপী তাহারই মূল দেশ ইংলণ্ডের কথা ধরুন না কেন। ইতি-হাসের আদি যুগ হইতে ইংলণ্ড বার-বার পরপদানত হইয়াছে। কিন্তু সেজন্য একথা কোনদিনই কেহ বলিতে সাহস করেন নাই যে, ইংলণ্ডের প্রাকৃতিক অবস্থার কোনো মারাত্মক ত্রুটির জন্য ইতিহাসের আদিযুগ হইতে ইংলণ্ড এইরূপে বার-বার পরপদানত হইতে বাধা হইয়াছে।

এইবার ভারতের কথা বিচার করা যাউক। ইতিহাসে বলে, ভারতবর্ষ আর্ধ্যগণের আদিনিবাস নহে, আর্ধ্যগণও এদেশে আগন্তুক যাত্রা। আর্ধ্যগণ বধন এদেশে আগমন করেন তখন ভারতবর্ষ ব্রাবিড়গণের অধিকারে ছিল। আর্ধ্যগণ সম্ভবতঃ সভ্যতায় ব্রাবিড়গণ অপেক্ষা হীনতর

ছিলেন, কিন্তু তাঁহারা লোহার ব্যবহার জানিতেন এবং তাঁহাদের আর একটি প্রবল যুদ্ধ-সহায় ছিল অশ্ব। এই অশ্ব ও লোহাশস্ত্রের সহায়তায় আর্ধ্যগণ দ্রাবিড়গণকে উত্তরাপথ হইতে হটাইতে লাগিলেন। কিন্তু দ্রাবিড়গণ কি সহজে পরাজয় স্বীকার করিয়াছিলেন? দ্রাবিড় ও আর্ধ্যগণের ভয়ঙ্কর সংঘর্ষের কোলাহল আজিও ঋগ্বেদে অমর হইয়া আছে। ভারতবর্ষে বাসহেতু দ্রাবিড়গণ অপদার্থ হইয়া পড়েন নাই। প্রাণপণে লড়িয়া প্রবলতর আর্ধ্যগণকে তাঁহারা উত্তরাপথ ছাড়িয়া দিতে বাধ্য হইলেন বটে, কিন্তু দক্ষিণপথ হইতে আর্ধ্যগণ তাঁহাদিগকে বিতাড়িত করিতে সমর্থ হন নাই। আজ পর্যন্ত দক্ষিণপথে দ্রাবিড়গণই প্রবল।

ভারতবর্ষ কালক্রমে আর্ধ্যগণের নিজ বাসভূমি হইয়া উঠিল। আর্ধ্য আক্রমণের পরে প্রায় দুই হাজার বছর পর্যন্ত বাহির হইতে আর কেহ এই দেশ আক্রমণ করিয়াছেন এমন কথা ইতিহাসে পাই না। দুই হাজার বছরে ভারতের জলবায়ুর প্রভাবে আর্ধ্যগণের স্বভাবের কোনো পরিবর্তন হইয়াছে কি না খ্রীষ্টপূর্ব ষষ্ঠ শতাব্দীতে তাহা জানিবার সুযোগ উপস্থিত হয়। ৫১৮ খ্রীষ্টপূর্বাব্দে প্রবলপ্রতাপ পারস্ত-সম্রাট দরায়ুস পঞ্জাব আক্রমণ করিয়া উহার কতক অংশ অধিকার করেন। যগ্ধে তখন শৈশুন্যগ বংশ রাজত্ব করিতেছিল। তাহাদের রাজত্ব পঞ্জাব পর্যন্ত বিস্তৃত ছিল এমন কোনো প্রমাণ পাওয়া যায় না। আলেকজান্ডার যখন ভারত আক্রমণ করিতে আসেন, তখন এই অঞ্চল ক্ষুদ্র ক্ষুদ্র রাজ্যগণের অধিকারে ছিল। দরায়ুসের আক্রমণকালেও সম্ভবতঃ পঞ্জাবের অবস্থা ঐ প্রকারই ছিল। পঞ্জাবের ছোট ছোট রাজ্যদিগকে পরাজিত করিয়া পঞ্জাব অধিকার প্রবলপ্রতাপ পারস্ত-সম্রাটের পক্ষে একটা অসাধারণ বীরত্বের কাজ বলিয়া গণ্য হইতে পারে না। পারস্ত-সম্রাট কর্তৃক আক্রান্ত হইয়া পঞ্জাবের রাজগণ কি করিয়াছিলেন, কতখানি বাধা দিতে পারিয়াছিলেন, তাহা জানিবার উপায় নাই। দুই শতাব্দী পরে আলেকজান্ডার পারস্ত-সাম্রাজ্য আক্রমণ করিয়া অধিকার করিলেন। তাঁহার ভারত আক্রমণ পারস্যের ভারতীয় রাজ্যখণ্ড অধিকার করিবার চেষ্টা

ভিন্ন আর কিছুই নহে। তবু, পারস্যের অধীনতা হইতে মুক্ত হইবার পর এত অল্পকাল মধ্যে যে পঞ্জাবের ক্ষুদ্র রাজগণ জগদ্বিজয়ী আলেকজান্ডারকে এতটা বাধা দিতে পারিয়াছিলেন, তাহা দেখিয়া পঞ্জাবের এই ক্ষুদ্র রাজগণের প্রতি শ্রদ্ধার জন্ম ভরিয়া উঠে।

ক্ষুদ্র রাজা পুরুর সহিত জগদ্বিজয়ী আলেকজান্ডারের যুদ্ধ গ্রীক ঐতিহাসিকগণ এবং আধুনিক বিদেশী ঐতিহাসিকগণ সকলেই সমান শ্রদ্ধার সহিত বর্ণনা করিয়াছেন এবং কেহই পুরুর বীরত্বের সমাদর করিতে ক্রটি করেন নাই। ভারতে বাস করিয়া আর্ধ্যগণ ভারতের প্রাকৃতিক অবস্থার দৌরাণ্যে বলহীন হইয়া পড়িয়াছিলেন কি না এই বশ-কাহিনীতে অতি স্পষ্টরূপে তাহা বুঝা যায়।

জগদ্বিজয়ী আলেকজান্ডার ক্ষুদ্র রাজা পুরুর অধীনতা স্বীকার করিবার জন্য দ্রুতগুণে আত্মন করিলেন। দর্পিত পুরু উত্তর দিলেন, “যুদ্ধক্ষেত্রে তরোয়ালের মুখে এই আত্মনের উত্তর দিব।” সিদ্ধনদের দুই শাখা চিনাব ও ঝিলামের মধ্যস্থলে পুরুর ক্ষুদ্র রাজ্যটি অবস্থিত ছিল। রাজ্যটির আয়তন ৫০×১০০ মাইলের বেশী নহে। বাঙ্গালী পাঠক এই বলিলেই ভাল বুঝিবেন যে, এই রাজ্য আয়তনে বাঙ্গালার একটি জেলা, মেদিনীপুর জেলার প্রায় সমান এবং ময়মনসিংহ জেলা অপেক্ষা ছোট ছিল। বাঙ্গালা দেশে বারভূঞার আমলে দুই-একজন ভূঞার রাজ্যও ইহার অপেক্ষা অনেক বড় ছিল। এই ক্ষুদ্র রাজ্যের রাজা যে সাহস করিয়া পৃথিবী-বিজয়ী সেনা ও সেনাপতিগণ সহায় অধিভূতীয়া বীর আলেকজান্ডারের সম্মুখীন হইতে সাহসী হইয়াছিলেন, ইহাতেই বুঝা যায় যে প্রকৃতির প্রভাবেই যে ভারতবাসী অমায়ুষ হইয়া যায় বলিয়া কোনো কোনো ঐতিহাসিক মত প্রকাশ করিয়া থাকেন, তাহা একেবারেই মিথ্যা।

পুর ও আলেকজান্ডারের যুদ্ধের বিচিত্র কাহিনী আমরা গ্রীক ঐতিহাসিকগণের প্রসাদেই জানিতে পারিয়াছি। ক্ষুদ্র রাজ্যের অধিপতি পুরু কোনরকমেই জগদ্বিজয়ী বীর আলেকজান্ডারের সমকক্ষ প্রতিদ্বন্দ্বী নহেন। তবু

এই স্বদেশের কাহিনী পড়িয়া প্রত্যেক ভারতবাসীই গৌরব অনুভব করিবেন। ডাঃ ভিজেট স্থিতি প্রমুখ ঐতিহাসিকগণ পুঙ্কর এই পরাজয় লক্ষ্য করিয়া প্রাচ্য ভারতীয়ের উপর পাশ্চাত্য গ্রীকের স্বাভাবিক শ্রেষ্ঠত্ব বর্ণনা করিয়া অনেক কথাই বলিয়াছেন। ক্রীষুত ডাক্তার রমেশচন্দ্র মজুমদার মহাশয়ই প্রথম দেখাইয়াছেন যে, তুলনা যদি করিতে হয় তবে তুলনা করা উচিত সেই-খানে, যেখানে যুদ্ধ সমানে সমানে হইয়াছিল।* চন্দ্রগুপ্ত মৌর্য যখন ভারত হইতে গ্রীকদিগকে তাড়াইয়া সমগ্র উত্তর-ভারত জুড়িয়া সাম্রাজ্য প্রতিষ্ঠা করিয়া ফেলিলেন, তখন আলেকজান্ডারের রাজ্যের পূর্বাংশের অধিপতি সেলিউকাসের সহিত তাঁহার যুদ্ধ উপস্থিত হইল। সেলিউকাস আলেকজান্ডারের সেনাপতিরূপে শত যুদ্ধের নায়কতা করিয়া যুদ্ধবিজয় নিপুণ হইয়াছিলেন। নিজ বাহুবলে তিনি আলেকজান্ডারের প্রকাণ্ড সাম্রাজ্যের পূর্বাংশ অধিকার করিয়া বৃহৎ এক রাজ্য গড়িয়া তুলিয়াছিলেন। কাজেই সেলিউকাস ও ভারতের নবীন সম্রাট চন্দ্রগুপ্তকে সমকক্ষ যোদ্ধা বলিয়া বিবেচনা করা যাইতে পারে। এই উভয়ের যুদ্ধের ফল সকলেই জানেন। চন্দ্রগুপ্তকে কাবুল, কান্দাহার ও বালুচীস্থান ছাড়িয়া দিয়া এবং সম্ভবতঃ নিজের কন্যা চন্দ্রগুপ্তকে সম্প্রদান করিয়া সেলিউকাস সন্ধি করিতে বাধ্য হইলেন। চন্দ্রগুপ্ত-সেলিউকাস প্রসঙ্গে আমরা ইহাই স্পষ্ট দেখিতে পাই যে, চন্দ্রগুপ্তের যুগে প্রাকৃতিক প্রভাবে ভারতীয়গণ কাবু হইয়া পড়ে নাই। উপযুক্ত নায়ক পাইলে তৎকালীন জগতের শ্রেষ্ঠ যোদ্ধাদিগকেও তাহারা পরাজিত করিতে সমর্থ।

মৌর্য-বংশের পতন এবং গুপ্ত-বংশের উত্থানের মধ্যবর্তী যুগের ভারতের ইতিহাস নিতান্ত অস্পষ্ট। এইমাত্র জানা যায় যে গ্রীক, পারস ও শক জাতীয় অনেকগুলি রাজবংশ পর পর বা একই সময়ে ভারতের উত্তর-পশ্চিমাংশ অধিকার করিয়া রাজত্ব করিয়া গিয়াছে। ভারতীয় বীরগণ এই সমস্ত রাজ্যলোলুপ বিদেশীয়গণকে

কি পরিমাণ বাধা দিতে পারিয়াছিল, তাহার সবিশেষ বিবরণ জানিবার কোনই উপায় নাই। কেবলমাত্র উজ্জয়িনীরাজ গর্দভিল্লের পুত্র বিক্রমাদিত্য* শকারির কাহিনী হইতে জানা যায় যে, শক, পারস প্রভৃতি “কষ্টসহিষ্ণু পার্শ্বত্যা জাতি”কে উপযুক্ত শিক্ষা প্রদান করিতে ভারতীয়গণ উপযুক্ত নায়কের পরিচালনার অপেক্ষা রাখিত মাত্র। বিক্রমাদিত্য শকদিগকে তাড়াইয়া উত্তর-ভারতে একচ্ছত্র হন এবং বিক্রম সম্বতের প্রতিষ্ঠা করেন।

তথাপি ইহা স্বীকার করিতেই হইবে যে, শকগণ এক সময়ে ভারতের সমগ্র পশ্চিমাংশ অধিকার করিতে সমর্থ হইয়াছিল। শক-জাতীয় কুষাণ-সম্রাট কনিষ্কের রাজত্ব উত্তরাপথের মধ্যভাগ পর্যন্ত প্রসারিত হইয়াছিল। শক আক্রমণের এই ভীষণ ঝটিকার সম্মুখে ভারতীয়গণের নত হইতে হইয়াছিল সন্দেহ নাই। পৃথিবীর ইতিহাসে শক-জাতির এই পররাষ্ট্র আক্রমণ শুধু প্রবল ঝটিকার সহিতই উপমিত হইতে পারে। প্রবলতর ইউটি জাতির আক্রমণে যখন তাহারা নিজবাসভূমি হইতে বিতাড়িত হইল তখন নূতন রাষ্ট্র জয় তাহাদের পক্ষে জীবন-মরণের সমস্যা হইয়া উঠিল। তখন মরিয়া হইয়া তাহারা মধ্যএশিয়া ও ভারতের মধ্যবর্তী গ্রীক ও অন্যান্য জাতির দ্বারা প্রতিষ্ঠিত পার্শ্বত্যা রাজ্যগুলি আক্রমণ করিল এবং ঝড়ের মত ঐগুলিকে উড়াইয়া লইয়া গেল। ঝড় বহিতে লাগিল এবং অবশেষে ভারতবর্ষে আসিয়া তাহার আঘাত লাগিল। ভারতের পশ্চিমাঙ্গের উপর দিয়া প্রবলবেগে বহিয়া অবশেষে ঝড়ের গতি

* এই গর্দভিল্ল বংশের বংশাবলি পুরাণে উদ্ধৃত হইয়াছে, তথাপি এ পর্যন্ত ঐতিহাসিকগণ এই বিক্রমাদিত্যের কাহিনী এবং তাহার দ্বারা বিক্রমাব্দে প্রতিষ্ঠার কথা ঝড় বোঝা বিশ্বাস করেন নাই, ম্যাট্রিকুলেশন পাঠ্য ইতিহাসগুলিতেও বিক্রমাদিত্য স্থানলাভ করেন নাই। অনতিপূর্বে প্রকাশিত *Cambridge History of India* গ্রন্থের প্রথম খণ্ডে বিক্রমাদিত্যের ঐতিহাসিকত্ব স্বীকৃত হইয়াছে। পণ্ডিত স্ট্রেন কনন্ট সম্পাদিত সমগ্রপ্রকাশিত *Epigraphia Indica* দ্বিতীয় খণ্ডে বিজ্ঞ সম্পাদকপ্রবর, অসদ্বিক্রম জোরের সহিতই বিক্রমাদিত্যের ঐতিহাসিকত্বের সমর্থন করিয়াছেন।

* *Outline of Ancient Indian History and Civilisation* by Dr. R. C. Majumdar, p. 133.

ধামিল। এই বিষয় শক-ঝটিকা প্রতিরুদ্ধ করিতে পারে এমন জননায়ক এই যুগে ভারতে জন্মগ্রহণ করে নাই।

খ্রীষ্টাব্দের চতুর্থ শতকের প্রারম্ভে গুপ্ত-সাম্রাজ্যের উত্থানে প্রায় দুইশত বৎসর পর্যন্ত ভারত বিদেশীয় আক্রমণ হইতে মুক্ত ছিল। ইহার অনেক পূর্বে হইতেই কিন্তু পৃথিবীর ইতিহাসের এক বিখ্যাত ঘটনা—হুন-ঝটিকা বহিতে আরম্ভ হইল। এই ঝটিকার আঘাতে পৃথিবী প্রতিষ্ঠিত রাজ্যগুলি ধর ধর করিয়া কাপিতে লাগিল। তরঙ্গের পর প্রবলতর তরঙ্গের মত মধ্যএশিয়া হইতে এই হুণ-আক্রমণ প্রসৃত হইতে লাগিল। ৩৭৫ খ্রীষ্টাব্দে এই তরঙ্গের আঘাত প্রথম ইয়ুরোপে অল্পভূত হয়। এশিয়াতে হুণগণ পারস্ত-রাজ্য অভিভূত করিয়া আফগানিস্থানের পার্শ্বতা প্রদেশস্থ কুষাণ-রাজ্যগুলি উন্মূলিত করিয়া প্রবলবেগে আসিয়া ভারতের গুপ্ত-সাম্রাজ্যকে আঘাত করিল। মহাবীর স্কন্দগুপ্ত কিন্তু এই আঘাতে বিচলিত হইলেন না, সাম্রাজ্যের সমস্ত শক্তি সঞ্চিত করিয়া তিনি এই বর্বর হুণ-ঝটিকাকে প্রতিঘাত করিলেন। হুণগণ পরাজিত হইয়া পলায়ন করিল। এইরূপে, ৪৮০ খ্রীষ্টাব্দের নিকটবর্তী কোন বৎসরে শতাব্দীকাল অব্যাহত গতিতে বহিয়া ভারতেই প্রথম হুণ-ঝটিকা প্রতিহত হয়। কিন্তু স্কন্দগুপ্তের পরে গুপ্ত-সাম্রাজ্যের দারুণ হ্রাস উপস্থিত হয়। পূর্ববর্তী গ্রীক ও শক আক্রমণেরই যত এই হুণ-আক্রমণও কিছুদিন পর্যন্ত অপ্রতিহত গতিতে অগ্রসর হইয়াছিল। ভারতের উত্তর-পশ্চিমাংশেই মাত্র এই আক্রমণের প্রভাব অল্পভূত হইয়াছিল। ক্রমশঃ বড়ের বেগ কমিয়া আসিল, ভারতীয়গণ এই প্রচণ্ড ঝটিকার প্রথম আঘাতে যেন অনেকটা হতবুদ্ধি হইয়া পড়িয়াছিল, তাহাদের এই জড়ভাব ক্রমশঃ কাটিয়া যাইতে লাগিল। হুণদের বিরুদ্ধে ভারতীয় শক্তি জাগিতে লাগিল, গুপ্ত-বংশজ বালাদিত্য এবং মালবের নবোদিত ভূপতি যশোধর্মণ্যের নায়কতায় হুণ-নায়ক মিহিরকুল সম্পূর্ণ পরাজিত হইলেন, ভারতে হুণদের প্রতিপত্তি ফুরাইয়া

গেল। খ্রীষ্টীয় ষষ্ঠ শতাব্দীতেও পর্যন্ত দেখা যায় যে, প্রকৃতির প্রভাবে ভারতীয়গণ মহাযত্ন হারাইয়া বসে নাই।

আরবে উৎকর্ষগতিতে মুসলমান শক্তির অভ্যুত্থান পৃথিবীর ইতিহাসে এক আশ্চর্য ঘটনা। এক শতাব্দীর মধ্যে দেখিতে দেখিতে স্পেন হইতে আরম্ভ করিয়া ভারতের সীমান্ত পর্যন্ত মুসলমান সাম্রাজ্য বিস্তৃত হইয়া পড়িল এবং গ্রীক বা স্পেনিস কোন জাতিই মুসলমান বীরগণের গতিরোধ করিতে পারিল না। ভারতের সিন্ধুদেশে প্রথম ৭১২ খ্রীষ্টাব্দে মুসলমান-ঝটিকা আসিয়া আঘাত করে। আর তারাইনের যুদ্ধে ১১৯৩ খ্রীষ্টাব্দে ঘোরীর হস্তে পৃথ্বীরাজের পরাজয় হয় এবং এই পরাজয়েই ভারতে মুসলমান সাম্রাজ্যের ভিত্তি স্থাপিত হয়। ভারতবর্ষ যে অবশেষে মুসলমানের অধীনতা স্বীকার করিতে বাধ্য হইয়াছিল, ইহার জন্ম কি ভারতের প্রাকৃতিক প্রভাবের দোষ দিব? না, যে মুসলমান আক্রমণ সহিয়া আক্রান্ত কোন দেশই বেশীদিন স্বাধীনতা রক্ষা করিতে পারে নাই, তাহাকে দীর্ঘ চারি শতাব্দী কাল বাধা দিয়া রাখিতে পারিয়াছিল বলিয়া ভারতীয়গণের বীরত্বের গুণ গাহিব? গুজর-প্রতিহারবংশীয় রাজগণ যে-ভাবে প্রকৃত প্রতিহারীর কাজ করিয়া সুদীর্ঘকাল ধরিয়া ভারতের স্বারক্ষা করিতে সমর্থ হইয়াছিলেন, পঞ্জাবের ব্রাহ্মণ শাহী-রাজবংশ গজনীর সর্বকৃতিগণের এবং অসাধারণ যুদ্ধবিশারদ সুলতান মামুদের বিরুদ্ধে যে-ভাবে ভারতীয় রাজগণের শক্তিকে দলবদ্ধ ও জাগ্রত করিতে সমর্থ হইয়াছিলেন, মহাবীর পৃথ্বীরাজ প্রথম বারের যুদ্ধে ঘোরীকে যে-ভাবে হারাইয়া দিয়াছিলেন, এই সমস্ত ব্যাপার পর্যবেক্ষণ করিয়া এই কি মনে হয় না যে, প্রাকৃতিক প্রভাবে ভারতীয়গণ দুর্বল হইয়া পড়িয়াছে এই কথা একেবারে মিথ্যা? ভারতে সাহস ও বীরত্বের অভাব কোনদিনই হয় নাই; কিন্তু যুদ্ধজয় শুধু সাহস ও বীরত্ব থাকিলেই হয় না। যোদ্ধারা যতই বীর হউক না কেন, সেনাপতি যদি মস্তিষ্কহীন হন এবং যুদ্ধকৌশল না বুঝেন, তবে যুদ্ধে

পরাজয় অনিবার্য হইয়া উঠে। তারাইনের যুদ্ধের বিবরণ পড়িয়া বুঝা যায় যে, সমুখ যুদ্ধে ঝড়ের মত আক্রমণে পৃথ্বীরাজ খুব ওস্তাদ ছিলেন, কিন্তু দীর্ঘকাল স্থায়ী যুদ্ধ পরিচালনায় যে মস্তিষ্ক, চিন্তাশক্তি, সুব্যবস্থা ও কৌশল দরকার হয়, হয়ত পৃথ্বীরাজের তাহা ছিল না। যুদ্ধকালে ঘোরী ছিল বল কৌশল তিনিই প্রয়োগ করিতেন, পৃথ্বীরাজ বুঝিতেন কেবল বল। ঘোরী ছিলেন অসাধারণ দৃঢ়সঙ্কল্প কঠোর প্রকৃতি পুরুষ, আর পৃথ্বীরাজ ছিলেন সংগ্রামে বীর, বিরামে বিলাসী ব্যাসনী পুরুষ। যুদ্ধকৌশলী সেনাপতি জানেন, যুদ্ধে হার জিত দুই-ই আছে, তাই এক যুদ্ধে হারিলে আবারও যাহাতে যুদ্ধ চলিতে পারে তাহার ব্যবস্থা রাখিয়া তিনি যুদ্ধে অগ্রসর হন। এই আয়লের হিন্দু নায়ক-গণের মস্তিষ্কে যেন এই কথাটার উদয়ই হয় নাই। এক যুদ্ধে তাঁহারা সর্বস্ব পণ করিয়া বসিতেন। তারাইনের দ্বিতীয় যুদ্ধে ঘোরীর ছলে এবং সেনাপতিত্ব কৌশলে পৃথ্বীরাজ যখন পরাজিত হইলেন, তখন ঘোরীকে বাধা দিবার মত আর কেহ রহিল না। দিল্লী আজমীর অঞ্চল অনায়াসে ঘোরীর অধিকারে আসিয়া গেল। এইরূপে এক যুদ্ধে সর্বস্ব পণ করার ফলেই পাঁচ শত বৎসর পরে তালিকোঠার যুদ্ধে দাক্ষিণাত্যের সমৃদ্ধ বিজয়নগর সাম্রাজ্য ধূল্যবলুপ্ত হইয়া গিয়াছিল। প্রাকৃতিক প্রভাবে, এমন কি দীর্ঘকালব্যাপী পরাধীনতায়ও যে ভারতবাসী অমোহন হইয়া যায় নাই এবং সমতল গরম দেশের অধিবাসীও যে পার্শ্বত্যাগ কর্তব্য জাতিকে দমনে রাখিতে পারে, পৃথ্বীরাজের পতনের ৫০০ শত বৎসর পরেও পঞ্জাবকেশরী রণজিৎ সিংহের সেনাপতি হরিসিং ছলিয়া তাহা দেখাইয়াছিলেন।

(২) পাঠ্যপুস্তকগুলির অপর একটি বিষয় যাহার বিচার আবশ্যক, তাহা এই যে, এই দেশের আয়তন অতি বিশাল এবং ইহার উন্নত পর্বত ও বিস্তৃত নদীগুলি ভারতীয়গণকে একতাবদ্ধ হইতে দেয় নাই। কিছুদিনের জন্ত একতাবদ্ধ হইলেও অবিলম্বে দেশ নানা রাজ্যে বিভক্ত হইয়া পড়িয়াছে এবং ঐ রাজ্যগুলি পরস্পরের মধ্যে যুদ্ধ-বিগ্রহে মাতিয়া রহিয়াছে

সকলেই জানেন যে, রুশিয়া দেশটি বাদ দিলে ইয়ুরোপ যতটা বড়—একা ভারতবর্ষই ততটা বড়। ইয়ুরোপের রুশিয়া-বিক্ষিত অংশে অনেকগুলি স্বাধীন রাজ্য আছে, যথা—জার্মেনী, ফ্রান্স, অষ্ট্রিয়া, স্পেন, ইতালি, ইত্যাদি। আবার খুব ছোট ছোট স্বাধীন দেশও ইহাদের মধ্যে আছে—পর্্তুগাল, হল্যান্ড, বেলজিয়ম, নরওয়ে, সুইটজারল্যান্ড, ইত্যাদি। ইহাদের প্রায় সমস্তগুলি রাজ্যই রোমান অধিকারকালে রোমান সাম্রাজ্যের অন্তর্ভুক্ত ছিল। ঊনবিংশ শতাব্দীর প্রারম্ভেও ইহাদের অনেকগুলি রাজ্য মিলাইয়া নেপোলিয়ন এক সাম্রাজ্য গঠিত করিয়াছিলেন। এই সকল রাজ্য ধর্ম্মে এক, সভ্যতায়ও এক। ভারতীয় প্রাদেশিক ভাষাগুলির সহিত সংস্কৃতের যে সখ্য, এই ইয়ুরোপীয় রাজ্যসমূহের ভাষাগুলির সহিত ল্যাটিন ভাষারও সেই সখ্য। রোম সাম্রাজ্য ভাঙিয়া এইস্থানে যদি এতগুলি স্বাধীন রাজ্য গড়িয়া উঠিতে পারে এবং পরস্পরের মধ্যে ঘন ঘন যুদ্ধ-বিগ্রহ চলাইয়াও স্বাধীন অস্তিত্ব বজায় রাখিয়া চলিয়া আসিতে পারে, ঐতিহাসিকগণ যদি ইহাতে আপত্তি করিবার কিছুই না দেখেন, তবে ইহাদেরই মিলিত আয়তনের সমান ভারতবর্ষের বেলায়ই যত আপত্তি উঠে কেন? ভারতের কোনো সাম্রাজ্যই দীর্ঘকাল টিকিতে পারে না, উহা ভাঙিয়া বিভিন্ন রাজ্যে পরিণত হইবেই। ইহাই স্বাভাবিক। মধ্যে মধ্যে সময়বিশারদ অসাধারণ বীর সম্রাটগণ দেশটাকে একচ্ছত্র করিয়াছেন বটে, কিন্তু চন্দ্রগুপ্ত মৌর্য, সমুদ্রগুপ্ত, এমন কি হর্ষবর্দ্ধনের মত অসাধারণ প্রতিভাশালী যোদ্ধা কোনো দেশের ইতিহাসেই স্থলভ নহে। তাঁহারা যে স্থায় প্রতিভা ও বীৰ্য্যবলে উত্তর-ভারত একচ্ছত্র করিতে পারিয়াছিলেন ইহাতে এই বুঝা যায় যে, ‘‘...’’ জুলিয়াস সিজার, নেপোলিয়ন ইত্যাদি ইয়ুরোপীয় বীরগণের সহিতই তাঁহাদের আসন। ইহাদের লৌহ-মুষ্টি শিখিল হইবামাত্র যে ভারতবর্ষ স্বাভাবিকভাবে বিভিন্ন রাজ্যে বিভক্ত হইয়া গিয়াছে, তাহার জন্ত ভারতের উন্নত পর্বতসমূহ (পেশাওয়ার হইতে চাটগাঁ পর্য্যন্ত উত্তর-ভারতে বিশেষ কোনো উন্নত পর্বতের অস্তিত্ব যদিও দেখা যায় না) এবং বিস্তৃত নদীসমূহকে গালি পাড়িবার

আবশ্যকতা নাই। মেদিনীপুর জেলার সমান আয়তনের একটি ক্ষুদ্র রাজ্যের অধীশ্বর পুরু জগদ্ধিকারী আলেকজান্ডারকে কি পরিমাণ বাধা দিয়াছিলেন তাহা আমরা দেখিয়াছি। পরবর্তী কালে খ্রীষ্টীয় দশম শতাব্দীর শেষে প্রায় সমগ্র পঞ্চনদ প্রদেশ জুড়িয়া এক ব্রাহ্মণ রাজবংশের রাজা বর্তমান ছিল। ইহাদিগকে শাহী-বংশ বলিত। ইহাদের রাজধানী ছিল উদকভাণ্ডপুর বা বর্তমান ওহিন্দে। এই রাজ্যেরই রাজা জয়পাল উত্তর-ভারতের অগ্ৰাণ্য রাজগণের সহিত মিলিত হইয়া আমির সবুক্তিগিনের পার্শ্বতা গজনিরাজ্য আক্রমণ করিয়াছিলেন। এই প্রত্যস্ত রাজ্যের রাজা এইরূপে নিজের কর্তব্য ভাল করিয়াই করিয়াছিলেন। দৈব দুর্যোগে তিনি সফলকাম হইতে পারেন নাই, সে কথা স্বতন্ত্র। কাজেই বিভিন্নরাজ্যে বিভক্ত হইয়া ভারতের পতন হইয়াছে, অথবা রাজ্যগুলি প্রয়োজনকালে একত্র মিলিয়া কার্য্য করিতে পারে নাই, ইহা সত্য নহে।

(৩) পূর্বে তিন নম্বরে রায় বাহাদুর শ্রীযুক্ত মিত্র মহাশয়ের পুস্তক হইতে যেটুকু উদ্ধৃত করিয়াছি তাহা সত্য কি না, তাহা শ্রীযুক্ত মিত্র মহাশয়কেই পুনরায় বিবেচনা করিতে অনুরোধ করিতেছি। ভারতীয়েরা কোনদিন নৌবিদ্যায় দক্ষতা লাভ করিতে পারে নাই, ইহা কি সত্য? অতীতে ভারতবাসীর উদ্যমশীলতার অভাবের অভিযোগটাও কি সত্য? ভারতবাসী কি সমুদ্র পার হইয়া দূর দেশে যাইয়া ঐ সকল দেশ অধিকার করিবার কল্পনা কখনও করে নাই? এই ইতিহাসই কি আমাদের দেশের ভবিষ্যৎ আশাশূলগণকে শিখিতে হইবে?

ভারতীয়গণ বিদেশ জয় করিয়াছে অধিকাংশস্থলেই সভ্যতা বিস্তার দ্বারা। মারিয়া-কাটিয়া দেশবাসিগণের রক্তে দেশ রঞ্জিত করিয়া দেশজয় করাকেই আমরা প্রকৃত বিজয় বলিয়া ভাবিতে অভ্যস্ত। তাই ভারত হইতে জ্ঞানের প্রদীপ হাতে লইয়া অসহ কষ্ট সহ্য করিয়া অসীম দৈর্ঘ্যের সহিত যে-সকল অধুনাবিস্মৃত মহাপ্রাণ মহাপুরুষ ভারতের নিকটবর্তী দেশসমূহে যাইয়া ঐ সকল দেশকে আলোকিত করিয়াছেন বা তাহাতে নবপ্রেরণা

জাগাইয়াছেন, তাঁহাদের বিজয় বৈজয়ন্তী কোনদিনই আমাদের চোখে তেমন কারিয়া পড়ে না। অবশ্য ভারতের দেশ-বিজয় ব্যাপার সর্বত্রই এইরূপ রক্তপাত ছাড়া হয় নাই। ভারতের পূর্ব-দক্ষিণে, ভারত-মহাসাগরের দ্বীপগুলিতে এবং নিকটবর্তী দেশগুলিতে প্রচলিত প্রথামত রক্তের স্রোত বহাইয়াই রাজ্য বিস্তার করিতে হইয়াছিল।

ভারতীয়গণ কোনদিনই নৌবিদ্যায় দক্ষতা লাভ করে নাই এবং সমুদ্র পার হইয়া রাজ্যজয় করে নাই, এমন কাঁচা কথা মিত্র মহাশয় কি করিয়া লিখিলেন? সিদ্ধাপুর, হুমাত্রা, জাভা, বলি, শ্রাম, কাবোজ, চম্পা ইত্যাদি স্থানে হিন্দুরাজ্যের বিস্তার তবে কেমন করিয়া হইল? এই সকল স্থানে হিন্দুরাজ্যের প্রতিষ্ঠা খ্রীষ্টাব্দের আরম্ভের দিকটায়, অথবা তাহারও পূর্বে হইয়াছিল। আমাদের কিন্তু মনে হয়, মিত্র মহাশয় যাহা বলিয়াছেন, ঐতিহাসিক সত্য ঠিক তাহার বিপরীত। সমুদ্রপারের ভারতীয়গণ অতি প্রাচীন কাল হইতে নৌবিদ্যায় অসাধারণ দক্ষতা লাভ করিয়াছিল এবং তাহাদের চেষ্টায় ভারত-মহাসাগরের দ্বীপসমূহে এবং নিকটবর্তী দেশগুলিতে ভারতীয় প্রভুত্ব ও সভ্যতা প্রতিষ্ঠিত হইয়াছিল।

মুসলমানগণ ভারতবর্ষ জয় করিয়া পঞ্চ শতাব্দীর অধিক কাল এই দেশ অধীনে রাখিতে সমর্থ হইয়াছিল। মুসলমানগণের পতনকালে দেশটা যখন ভিতরে বাহিরে সমস্ত রকমে পচিয়া গাঁজিয়া উঠিয়াছিল, ঐ স্থযোগে ইংরেজগণ দেশের মালিক হইয়া বসে। এইরূপে পর পর দুইটা বিজয় সম্মুখে রাখিয়া বিদেশী ঐতিহাসিক যখন ভারতের ইতিহাস লিখিতে বসিলেন, তখন তিনি কারণ খুঁজিতে আরম্ভ করিলেন যে, এই দেশটা এত সহজে পরপদানত হয় কেন? ঐতিহাসিক প্রাকমুসলমান যুগের ভারতের ইতিহাসের কথা একেবারে ভুলিয়া গিয়া সিদ্ধান্ত করিয়া বসিলেন যে, এই দেশের প্রাকৃতিক অবস্থাই খারাপ—উহাতেই যুগে যুগে দেশবাসিগণকে দুর্বল করিতেছে এবং পরপদানত করিতেছে।

আমার মনে হয়, প্রাচীন ভারতের প্রকৃত দুর্বলতার কারণ অন্তর্বিধ। জাতিভেদ প্রথার এক ফল এই

দাঁড়াইয়াছিল যে, যুদ্ধ-ব্যবসাটোও জাতিগত হইয়া গিয়াছিল। ব্যবসা বংশগত হইলে অল্পই যেমন হয়, এখানেও তেমনি হইয়াছিল। পুরুষ-পরম্পরায় যোদ্ধার অতিশয় বৃদ্ধিনিপুণ ও একান্ত নির্ভীক হইয়াছিল; কিন্তু যোদ্ধার জাতিতেই এই সকল গুণ আবদ্ধ হইয়া রহিয়াছিল। দেশের জন্ত যুদ্ধ করা যে দেশবাসী সকলেরই কর্তব্য, এই জাতীয় ভাব দেশের মধ্যে সঞ্চারিত হইতে পারে নাই। যোদ্ধার জাতিও আবার যুদ্ধে যত নিপুণ হইত, মস্তিষ্ক-পরিচালনায় ততটা হইত না। ফলে যুদ্ধে সেনাপতিত্ব গুণের অভাব প্রায়ই পরিলক্ষিত হইত এবং বৈদেশিক আক্রমণকালে যোদ্ধার জাতি যুদ্ধে মারা গেলে বা পরাজিত হইলে শত্রুকে বাধা দিতে পারে, দেশে এমন আর কেহ থাকিত না। বাধামুক্ত হস্তার মত তখন শত্রু আসিয়া দেশ ছাইয়া ফেলিত, শাস্ত্রগতপ্রাণ ব্রাহ্মণ অথবা বাণিজ্যগতপ্রাণ বৈশ্যের এমন সাধা থাকিত না যে একবারও তাহাদের বিরুদ্ধে দাঁড়ায়।

পৃথিবীতে কিছুই চিরস্থায়ী নহে। প্রবলতম সাম্রাজ্য সমুহেরও পতন হইয়াছে, বর্তমানে যে-সাম্রাজ্যের লোহাৰ গাঁথুনি দেখিয়া মনে হয় উহা কিছুতেই ভাঙিতে পারে না, তাহাতেও কালক্রমে মহাকালের হস্তচিহ্ন স্পষ্ট হইয়া উঠে। তথাপি দেখা যায়, কোনো কোনো প্রাচীন সভ্যতা ও জাতি আজিও টিকিয়া আছে। চীন সভ্যতাও চীন জাতির কথা এই প্রসঙ্গে স্বতঃই মনে হয়। এই অতিবৃদ্ধ জাতির সঙ্গে আবার যেন যৌবনের জোয়ার আসিয়াছে। জাতি হিসাবে ভারতীয়গণও বৃদ্ধ হইয়াছে। বিরুদ্ধ মুসলমান সভ্যতার সংঘাতেও উহা কিছু কিছু নূতন জীবনের পরিচয় দিয়াছিল। পাশ্চাত্য সভ্যতার সংঘাতে উহা নানা দিকেই নবযৌবনচাকলা প্রকাশিত করিতেছে। ইতিহাসের শিক্ষা ভারতীয়গণ যদি ভুলিয়া না যায়, তবে ভারতে নবীন জীবন ফিরিয়া আসিবেই আসিবে, ভারতের প্রাকৃতিক অবস্থা উহার প্রাতিবন্ধক হইতে পারিবে না।

সমাধান

শ্রীসীতা দেবী

মিঞাদের সংসারটা ছিল সমস্তায় ভরপুর। কোনো ব্যাপারই সেখানে সোজাহুজুরূপে দেখা দিত না। অল্পান্ত পরিবারে যাহা গতাহুগতিকভাবে চলিয়া যাইত, মিঞা-পরিবারে তাহাই হইয়া দাঁড়াইত গভীর সমস্তা।

বাড়ালীর ঘরে ছেলেমেয়ে জন্মাইলেই তাহাদের বিবাহ হয়। স্বতন্ত্রাং রাধামোহন মিঞের পুত্র কালীমোহনও যে সময় হইলেই বিবাহ করিবে এ বিষয়ে তাহার পিতামাতার সন্দেহ ছিল না। কিন্তু বিবাহের বয়স হইবামাত্র মহা গোলমাল বাধিয়া গেল। ছেলে প্রথমতঃ বলিল, সে বিবাহ করিবে না, বিলাত যাইয়া ভাল করিয়া পড়াশুনা করিবে।

রাধামোহন চটিয়া জিজ্ঞাসা করিলেন, তাহাদের চতুর্দশ পুরুষ যখন বিলাত না যাইয়া বিবাহ করিতে

পারিয়াছেন, তখন কালীমোহন এমন কি কণজয়া যে এই সামান্য কাঁজটা করিতে পারিবে না?

কালীমোহন বলিল, “সামান্য একটা বি-এ পাসের কি মূল্য? পরিবার প্রতিপালন করবার মত উপার্জন কিসের গুণে করব?”

কথা হইতেছিল বাপের সঙ্গে নয়, মায়ের সঙ্গে। মা দুই চোখ কপালে তুলিয়া বলিলেন, “শোন ছেলের কথা। কর্তারা কে কবে বিলেত গিয়েছেন? তা ব’লে আমাদের সংসার কি চলনি? তুই ত এক ছেলে, দু’নি ত দু’নি বাদে স্বত্তরঘর করতে যাবে, শুখন সবই হবে তোর। এতে আর তোর সংসার চলবে না?”

কালীমোহন বলিল, “চোখপুরুষ যা করেছেন, টিক

তাই কবুতে হবে? তার বেশীও কিছু করবার জো নেই, কমও না? তোমাদের সংসার যেমন ক'রে চলছে, আমার যদি তার চেয়ে ভাল ক'রে চালাবার ইচ্ছে থাকে? দেশে ত মেয়ের মড়ক উপস্থিত হয়নি যে, চারটে বছর লব্ধ করলেই আর বিয়ে হবে না?"

মা ছেলের নবাবী মেজাজ, সাহেবী পছন্দ ইত্যাদিকে প্রচুর পরিমাণে গাল পাড়িয়া, তখনকার মত তাহাকে বিদায় করিয়া দিলেন। কিন্তু সমস্যাটা থাকিয়াই গেল। মাযের শরীর দিন দিন ভাঙিয়া পড়িতেছে, কন্ঠা ভুবন এখন অনেক সাহায্য করে বটে, কিন্তু তাহার ত বিবাহের বয়স ছাড়াইয়া যাইতেছে, আর ক'দিন তাহাকে ঘরে রাখা যাইবে? তাহার পর একলা হাতে সংসার চালাইবেন কি করিয়া?

ছেলে এই যুক্তির উত্তরে বলিল, "একটা বি রাখ।"

মা বলিলেন, "ঝি-চাকর রাখার রেওয়াজ আমাদের নেই বাছা। ঘরের কাজ চিরকাল আমাদের মেয়ে শোয়েই করেছে। মোটা ভাত, মোটা কাপড়, গতর খাটিয়ে খাওয়া, এই আমাদের নিয়ম। চাকর-ঝির মাইনে গুনতে আমরা পারি না।"

কালীমোহন বলিল, "ঝির মাইনে দেবার ক্মতা নেই ত বউ পুষবে কি ক'রে?"

মা বলিলেন, "তোমার মত বেহায়া সাতজন্মে দেখিনি। একটু লাজসরম নেই, নিজের বিয়ের কথা নিয়ে সারাক্ষণ কোমর বেঁধে অগড়া করছে। তুই বউ নিয়েই আয়, তারপর পুষতে পারি কি না দেখা যাবে।"

কালীমোহন চুপ করিয়া রহিল। মা একটু ভরসা পাইয়া বলিলেন, "বোন্দের সেজ-কর্তার মেয়ে লক্ষ্মীর বিয়ের বয়স হয়েছে। মেয়ে নামেও লক্ষ্মী, কাজেও লক্ষ্মী। এমন সুন্দরী, ঠিক যেন পটের ছবিটি। তা ব'লে অশ্রু যে কিছু তা নয়, মাত্র বারো বছর বয়স, এরই মধ্যে রান্নাবান্না সব কেমন চমৎকার শিখেছে। বললে তারা অশ্রুই দেয়।"

কালীমোহন রূপসী কণ্ঠা বধু সন্ধ্যা কোনও উৎসাহ না দেখাইয়া চলিয়া গেল। দিনরাত একই কথার আগোচনায় তাহার হাড়-জালাতন করিয়া

গিয়াছিল। মাকে তবু বক্তৃতা করিয়া কোনো মতে দমাইয়া দেওয়া যায়, বাপের কাছে চুপ করিয়া থাকা ছাড়া উপায় ছিল না। হাজার সাহেবী মেজাজের হইলেও, কালীমোহন এখন পর্য্যন্ত বাপের মুখের উপর কথা বলিতে সাহস পাইত না। রাধামোহন ছেলের মতামতের অপেক্ষা না করিয়াই পাত্রীর খোঁজ শুরু করিয়াছিলেন, এ খবর সে পাইতেছিল, কিন্তু নিফল আক্রোশে গর্জন করা ছাড়া তাহার উপায় ছিল না।

পাত্রী, ঠিক হইয়া গেল, রসময় দস্তের মেয়ে। মস্ত কারবার, শহরে পাকা বাড়ী, গ্রামে পাকা বাড়ী, ঐ এক মেয়ে। ছেলে অবশ্য আছে, তবু মেয়ের নামে দস্তবাবু বেশ-কিছু লিখিয়া দিয়াছেন বলিয়া শোনা যাইত। কথাটা সম্ভবতঃ সত্য, কারণ ছেলেটি তাঁহার প্রথম পক্ষের, মেয়েটি দ্বিতীয় পক্ষের। দ্বিতীয়া পত্নী বাচিয়াই আছেন, তিনি কি আর মেয়ের জন্ত বেশ-কিছু ওছাইয়া না লইয়া ছাড়িয়াছেন? তাহার উপর মেয়েটির চেহারা সুশ্রী নয়, এবং মেজাজটাও কিছু উগ্র বলিয়া বদনাম আছে। সুতরাং বেশ-কিছু হাঁতে না পাইলে এমন মেয়েকে কে ঘরে বরণ করিয়া আনিবে? মেয়ের মা কোনো এক নিমন্ত্রণ-বাড়ীতে কালীমোহনকে দেখিয়া পছন্দ করিয়াছেন, ঐ ছেলেটিকে তাঁহার জামাই করিয়া দিতেই হইবে। স্বয়োগারীর আবদার, কাজেই রাধামোহন মিত্রের কাছে ঘটক আসিয়া জুটিতে বেশী দেরি হয় নাই।

এবার কিন্তু কালীমোহন মাকে দলে পাইল। গৃহিণী কর্তার কাছে গিয়া কাঁদিয়া পড়িলেন, "কোথাকার এক বড়মামুষের কালো পেত্নী মেয়ে নিয়ে আসছে, আমার হাড় জালাতে? সে কি কুটো ভেঙে দুখান করবে? আমি কি বুড়ো বয়সে বউয়ের বাদীগিরি করব? লক্ষ্মীকে হ'লে কেমন মানাত আমার ছেলের পাশে। একে ত সে বিয়ে করতে চায় না, তার উপর সুচ্ছিত্ত বউ হ'লে, ঘরেই নিতে চাইবে না।"

রাধামোহন চটিয়া বলিলেন, "লক্ষ্মী কত নামেই, বাপের ট্যাক হাতড়ালে ত একটা পাই-পক্ষা পাওয়া যায় না! বউয়ের রূপ নিয়ে কি ধুয়ে থাকে? দেবদত্ত ঘরের বউ,

মাঝামাঝি হলেই হ'ল। এদিকে যে হাতীর মত মেয়ে ঘরে পুবে রেখেছ, তাকে পার করবে কি দিবে? তিন বছর উপরি উপরি অজন্না গেল, মহাজনের কাছে চালের খড়্‌খড় বাঁধা পড়েছে, এ সব ছাড়াবো কোথা থেকে? দস্তরা পাঁচ হাজার নগদ দিচ্ছে, সে খবর রাখ? ছেলের গুণ ত কত, তিনি আবার কালো বউ ঘরে নেবেন না। কেমন না নেন, তাই দেখে। চামড়াটা একটু কটা হয়েছে কি না, তাই ধরাকে সরে দেখছেন।"

ভুবনের বিবাহের কথা উঠিবামাত্রই গৃহিণী চূপ করিয়া গেলেন। সত্যিই ত মেয়ে পার হইবে কেমন করিয়া? তিনি ত আর বাপের বাড়ী হইতে দু-দশ হাজার আনিয়া দিতে পারিবেন না। স্বতরাং বউ যতই কালো হোক, দস্তের মেয়ের সঙ্গে বিবাহে তাঁহাকে মত করিতেই হইবে। অদৃষ্টে স্বথ থাকিলে, এই বউ নইয়াই ছেলের স্বথ হইবে।

তিনি ছেলেকে বুঝাইতে গেলেন, সে কাঁথিয়া উঠিয়া বলিল, "নিজদের স্ববিধার জন্তে বউ আনছ, তোমরা খুশী হলেই হ'ল। আমি বিয়ে করতেই চাই না, জোর ক'রে যখন দিচ্ছ, তখন যেমন হোক আমার কিছু এসে যায় না।"

কথাটা ঠিক, তবু মা বাবা ছেলের বেয়াদবীতে চটিয়া গেলেন। পিতৃকৃত্তির খাতিরেও কালীমোহনের একটু খুশী হওয়া উচিত ছিল। কিন্তু নিজদের অন্তায়টাও বোধ হয় তাঁহারা মনে মনে বুঝিতেছিলেন, কাজেই এ লইয়া আর বেশী কথা-কাটাকাটি করা যুক্তিসঙ্গত বোধ করিলেন না।

কালীমোহনের বিবাহ ঘটা করিয়া হইয়া গেল। বৌভাতও রাখামোহনের অবস্থার পক্ষে ঘটা করিয়াই হইল। কালীমোহন একেবারে চূপ মারিয়া গেল, এমন কি বাসরঘরে পর্যন্ত সে কথা বলিল না। শালী শালাজ পাড়ার মেয়ে সকলে রসিকতা করিয়া করিয়া হাররাগ হইয়া বলিল, "ওমা, একেই এত পছন্দ করে আনা হ'ল? এ যে মাকাল ফল। রূপ থাকলে কি হয়, বোবা যে? ওরে লতি, বেশ বর হয়েছে তোরা, যত খুশী বন্ধুতা শোনাস, কথার জবাব দেবে না।"

নববধূ লতিকা মনে মনে খুবই চটিল, কিন্তু কনে মাঙ্ঘ, তখন ত আর কিছু বলিতে পারে না, বাধা হইয়া চূপ করিয়া গেল। পনেরো বৎসর বয়সেই সে রাগী স্বভাব এবং একশুঁয়েমীর জন্ত গ্রামে বিখ্যাত হইয়া উঠিয়াছিল। কেবলমাত্র মায়ের দোৰ্দ্দও প্রতাপে বাড়িতে কেহ তাহাকে একটা কথা বলিতে ভরসা করিত না, না হইলে এতদিন তাহার পিঠে চেলা কাঠ পড়িতে স্বপ্ন হইত। মায়ের এক সন্তান, আদরে আদরেই তাহার দিন কাটিত, লেখাপড়া বা কাজকর্ম শিখিবার সুবিধা হয় নাই।

লতিকার বরকে দেখিয়া খুব পছন্দ হইয়াছিল। কিন্তু কথা লুকানো থাকে না, বর যে বিবাহ করিতে চায় নাই, নিতান্ত টাকার লোভে তাহার মা বাপ জোর করিয়া বিবাহ দিতেছে, এ কথা কেমন করিয়া লতিকার কানেও পৌছিয়াছিল। কালীমোহনের নীরবতায় এ কথায় সে আরও সায় পাইল। রাগে তাহার সর্বাঙ্গ জ্বালা করিতে লাগিল। তাহার মত আদরিণী রাজনন্দিনীকে এত অবহেলা? না-হয় চেহারাই ভাল, তাই বলিয়া এত দেমাক আবার ভাল নয়। তাহাকে ত আর মাগনা ঘরে নিতেছে না? পাঁচ হাজার টাকা পণ, গহনা, কাপড়, বরাভরণ, আসবাব, তৈজসে আরও কোন্ পাঁচ ছয় হাজার না যাইতেছে তাহার সঙ্গে? সুবিধা পাইলে স্বামীকে যে-সকল চোখা চোখা কথা শুনাইয়া দিবে, লতিকা তাহা মনে মনে স্থির করিয়া রাখিল।

কালীমোহনের মা খুব ঘটা করিয়া বরণ করিয়া বউ ঘরে তুলিলেন। সকলকে শুনাইয়া শুনাইয়া বলিলেন, "রংটাই যা শ্রামবর্ণ, নইলে চেহারায় খুব শ্রী আছে।" লতিকা যে পরিমাণ সোনা রূপা সঙ্গে করিয়া আনিয়াছে, তাহাতে ইহার কম কিছুতেই তাহাকে বলা চলে না। পাড়াপ্রতিবেশী সকলেই তখনকার মত স্বীকার করিয়া লইল যে, বধূর চেহারায় সত্যিই বেশ লক্ষ্মীশ্রী আছে।

কিন্তু ঘড় লইয়া সমস্তা বাধিতেও দেরি হইল না। বউ মুখ বুজিয়া সারাদিন কাজ করিবে, হাজার গালা-গালিতে চুঁ শব্দ করিবে না, তবে না সে বউ? হইলই বা স্বপ্নমাত্রের মেয়ে, বিবাহ হইয়াছে যখন গরীবের ঘরে, তখন তাহাকে সেইভাবে চলিতে হইবে, এবং

যত্ন, শান্তি, স্বামী সকলকে ভক্তি করিতে হইবে।

লতিকা কিন্তু এই সহজ কথাটা কিছুতেই বুঝিল না। তাহার বাবা মা এত টাকা ঢালিয়া বিবাহ দিয়াছে, আবার সে কাজও করিবে? একে ত এই বিশ্রী খড়ের ঘরে তাহার প্রাণ বাহির হইয়া আসিতেছে, এখানে থাকিবার কোনোই সুবিধা নাই। পুতুরে গিয়া স্থান করিতে কাপড় কাচিতে হয়, থাকিয়া থাকিয়া উইমাটির ঢেলা মাথার উপর ঝরিয়া পড়ে, একদিন না কি সাপও একটা রান্না-ঘরের চাল হইতে পড়িয়াছিল। পাড়াগাঁয়ের মেয়ে হইলে কি হয়, সে এতদিন দিবা আরামে যত্নে থাকিয়াছে, তাহার এ সব বড়ই অসহ্য ঠেকিতে লাগিল। চুপ করিয়া থাকিবার মেয়ে সে নয়, কথাবার্তা মনের ভাব বেশ ফুটিয়া বাহির হইতে লাগিল। সন্দের বি-টা স্বপ্ন এমন নাক সিঁটকাইয়া রহিল যেন সেও স্বয়ং নবাব খাঞ্জা খার প্রপৌত্রী।

গৃহিণী ছুটিলেন কর্তার দরবারে নালিশ করিতে। সব শুনিয়া কর্তা ছ'কাটা হাত হইতে নামাইয়া রাখিয়া বলিলেন, “এই বকম যে হতে পারে সে ভয় আমার ছিল। তা দেখ, আমাদের এখনি কিছু বলতে যাওয়া ভাল দেখায় না। বদনাম রটে যাবে যে এক কাড়ি টাকা গিলে এখন মেয়েটাকে কষ্ট দিচ্ছি। দত্তজাকেও রাগাতে চাই না, টাকাওয়ালা মাছধ, খাতির রাখলে অনেক সুবিধা হয়ে যেতে পারে। এখনকার মত চেপে যাও। বরং কালীকে আড়ালে ভেকে বল, সে বুঝিয়ে বললে বউ শুনবে।”

গৃহিণী গরগর করিতে করিতে চলিয়া গেলেন, “ওমা, এমন কাণ্ড কখনও শুনিনি, মা! বাপের টাকা আছে বলে কি বউ মাথায় চড়ে নাচবে? এই যে আমার ভাই-বোঁরা এসেছিল কত বড়মাছধের ঘর থেকে, কিন্তু সাত চড়ে তাদের মুখে রা শুনেছ কেউ?”

ছেলেকে ডাকিয়া বলিলেন, “দেখ কালু, তুই বউকে একটু বুঝিয়ে বল, যেন সামলে চলে। আমি কিছু বলতে গেলে বউকাট্‌কা ব'লে নাম বেরবে এখনি। আর ঐ বি মাগীকে বিদায় করতে বল, আমাদের সংসারে ও-সব পোষাবে না।”

কালীমোহন বলিল, “আর ত দুদিন পরে ওরা চলেই যাবে, তার জন্তে এত হাঙ্গাম কেন? ছ'টা দিন যখন কেটেছে, তখন বাকী ক'টা দিনও কাটবে।”

গৃহিণী বলিলেন, “শোন কথা, একি দুদিন চারদিনের ব্যাপার নাকি? ঝিটাই না হয় আর আসবে না, বউও কি আসবে না, না কি? এই পুজোর মাসটা পার হয়ে গেলেই তাকে আবার নিয়ে আসব না?”

ছেলে বলিল, “তোমাদের খুশী। আমি সামনের সপ্তাহে কলকতায় যাচ্ছি, একটা ছেলে পড়ানোর কাজ জুটেছে। এম-এ পড়ব ঠিক করেছি। পাশ করে, চাকরি-বাকরী জুটলে তবে স্ত্রী নিয়ে যাব। ততদিন যেখানে তোমাদের এবং তাদের সুবিধে হয়, ব্যবস্থা কোরো। বোঝাতে-টোঝাতে আমি পারব না, বড়-লোকের মেয়ে যখন এনেছিলে তখন এ সবের জন্তে তৈরি থাকাই উচিত ছিল।”

মায়ে ছেলেয় একপালা ঝগড়া হইয়া গেল। কালীমোহন বাহির হইয়া গেল এবং পাশের ঘরে বসিয়া লতিকা প্রতিজ্ঞা করিল যে, স্বামী যদি না থাকেন, তাহা হইলে তাহাকে কাটিয়া ফেলিলেও সে এই অজ পাড়াগাঁয়ে আর আসিবে না।

কার্য্যতঃ হইলও তাহাই। মেয়ে লইয়া গিয়া রসময় দত্ত রাখিয়াই দিলেন। রাধামোহন যতবার লইয়া যাইবার নাম করিলেন, একটা-না-একটা বাধা উপস্থিত হইল। কখনও মেয়ের অসুখ, কখনও তার মায়ের অসুখ, কখনও বা ভাইয়ের বিয়ে, কখনও বা দিন ভাল নয়। আসল ব্যাপার বুঝিতে কর্তা গিন্নীর বাকি রহিল না, তাঁহাদের সংসারের খাটুনি খাটিতে বড়মাছধের মেয়ে আসিবে না।

গৃহিণী চটিয়া বলিলেন, “ছেলের আবার বিয়ে দেব। ঠাকার দেখ না, মেঘের বিয়ে দিয়েছে যখন, তখন তার উপর দাবি কিসের?”

কর্তা বলিলেন, “ছেলে ভাল হ'লে কি আর এত লাজনা সইতে হ'ত? কেমন বউ না আসত দেখ তাম। একবার বিয়ে দিতেই জিব বেরিয়ে গিয়েছে, তার আবার বিয়ে দেব। কুলাদ্বার পেটে ধরেছিলে!”

কালীমোহন সেই যে বিবাহের পর বাড়ী ছাড়িয়াছিল আর ঘরমুণো হয় নাই। জীকে মাঝে মাঝে কর্তব্যের খাতিরে এক একখানা চিঠি লিখিত, কিন্তু তাহাতে রসকব বেলী থাকিত না। লতিকার বন্ধুবান্ধবরা বরের চিঠি দেখিবার জ্ঞান জ্বলুম করিলে সে মুখ ফুলাইয়া থাকিত। এমন নীরস চিঠি সে দেখাইবে কি করিয়া? স্বামীকে এ লইয়া অমুযোগ দিতে তাহার অভিমানে বাধিত, তবু মনের ঝাঁকটা একটু-আধটু প্রকাশ পাইত মাঝে মাঝে। কালীমোহন দুঃখিত হইত বটে, কিন্তু চিঠির জ্বর বদলাইত না। দুইটা বছর দেখিতে দেখিতে কাটিয়া গেল। ইহার ভিতর তুবনের বিবাহ এবং তাহার মাতার মৃত্যু, এই দুইটি ঘটনাতে কালীমোহনদের সংসার উলটপালট হইয়া গেল। কালীমোহন খুব ভাল ভাবেই পাশ হইয়াছিল, নানাস্থানে কাজের জ্ঞান আবেদন করিয়াছিল, কিন্তু মাতার মৃত্যু-সংবাদে সে সব ফেলিয়া তাড়াতাড়ি গ্রামে চলিয়া আসিল।

রাখামোহন গ্রাম ছাড়িয়া নড়িতে চাহিলেন না। বুড়ী বয়সে কোথায় তিনি শহরে গিয়া মরিবেন? ছেলের কাজ হয় ভালই, সে যেন বউ লইয়া গিয়া ঘর-সংসার করে, তাহার ছেলের সংসারে থাকিবার সখ নাই।

শান্তদীর প্রাচ্যোপলক্ষে লতিকা না আসিয়া পারে নাই। শব্দের কথা ইঙ্গিত সে বুঝিল, কিন্তু তখন সবাই শোকে ভ্রিয়মাণ, কাহাকেও কথা শুনাইবার স্থযোগ সে পাইল না। স্বামীর চাকরি হইবে এবং সে তাহার সঙ্গে শহরে গিয়া বাস করিতে পারিবে, এই সংবাদটায় অবশ্য তাহার মন খানিকটা খুশী না হইয়া পারিল না।

প্রাক্ত হইয়া গেল। তাহার পর লতিকাকে আবার বাপের বাড়ী চালান করিয়া কালীমোহন কলিকাতায় কিরিয়া আসিল। কপালগুণে তাহার একটা লেকচারারের কাজ জুটিয়া গেল। ছুটি মাসের সংসার এক রকম করিয়া চলিয়া যাইবে আশা করিয়া কালীমোহন বাড়ি ভাড়া করিয়া, জীকে আনিবার জ্ঞান এই প্রথমবার যত্নরালয়ে যাত্রা করিল।

শব্দর বাড়ীতে আদরময় অবস্থা খুবই পাইল, কিন্তু

চারিদিকে বড়মাসুখীর আতিশয্য দেখিয়া তাহার মন খুঁৎখুঁৎ করিতে লাগিল। এত বিলাসের ভিতর পালিত যে মেয়ে, সে কি স্বামীর অল্প আয়ের সংসারে থাকিতে পারিবে? জীর কাছে কথটা কি ভাবে পাড়া যায় ভাবিতে ভাবিতে সে লতিকার ঘরে গিয়া ঢুকিল। সে তখন জিনিষ গুছাইতে মহা ব্যস্ত। একটু হাসিয়া বলিল, “জিনিষ যা গুছিয়ে তুললে তা ধরাতে একখানা মার্কেল প্যালেস্ দরকার। আমার ত্রিশ টাকা ভাড়ার বাড়িতে ত কুলোবে না।”

লতিকা বাস্তব হইতে মুখ না তুলিয়াই বলিল, “এই ক’টা জিনিষও ধরবে না? তাহ’লে বাড়ি বদল করতে হবে শীগগিরই দেখছি।”

কালীমোহন বলিল, “বড় বাড়ির বড় ভাড়াটা আসবে কোথা থেকে?”

লতিকা জ্বাক করিয়া বলিল, “যতদিন বাবা-মা বেঁচে আছেন, ততদিন সে ভাবনা ভাবতে হবে না।”

কালীমোহনের মুগের হাসি মিলায়া গেল, সে ঘর হইতে বাহির হইয়া গেল। ভাল করিয়াই বুঝিল, তাহার সংসার শাস্তির হইবে না। যাহা কিছু প্রতি তাহার বিরাগ, লতিকার সেইগুলির উপরেই অমুরাগ। কিন্তু ভাবিয়া আর হইবে কি? এই জী লইয়াই তাহাকে ঘর করিতে হইবে। বাপ মা জোর করিয়া বিবাহ দিয়াছেন বটে, কিন্তু মন্ত্র পড়িয়া পাণিগ্রহণ সেই করিয়াছে। সে নিজে ধর্ম্মত এবং আইনত দায়ী, এ বন্ধন হইতে মুক্তি-লাভের উপায় তাহার নাই।

ঘর-সংসার চলিতে লাগিল এক রকম। শাস্তি ইহার মধ্যে বিশেষ ছিল না বটে, কিন্তু স্বখ কিছু কিছু ছিল। লতিকার আর যতই দোষ থাক, স্বামীকে সে ভালবাসিত। কালীমোহনও একসঙ্গে বাসের ফলে তাহার প্রতি ক্রমেই আকৃষ্ট হইয়া পড়িতেছিল। কিন্তু লতিকার বড়মাসুখী আর হিন্দুয়ানী ফলানোর ঘটাতে তাহাদের মিলনের পথ কণ্টকাকুল হইয়া উঠিয়াছিল।

কালীমোহন হয়ত আসিয়া বলিল, “লতি, বায়স্কোপে যাবে?”

লতিকা বলিল, “যত সব বেহায়া ছবি দেখতে কি

যে তোমার ভাল লাগে। আর ওখানে ত মেয়েদের আলাদা বসবার জায়গা নেই? তার চেয়ে থিয়েটারে চল বরং।”

কালীমোহন বলিল, “ছবির বেহায়াপনাতে যত দোষ, আর আসল মানুষের বেহায়াপনায় দোষ নেই? তাও যে-চরিত্রের সব মানুষ! আমাদের দিশী থিয়েটারে মা বোন, স্ত্রী নিয়ে কারো যেতে নেই। ওর হাওয়াতে বিষ আছে।”

লতিকা দেখিল, স্বামী অসন্তুষ্ট হইতেছে, কাজেই রক্ষা করিবার চেষ্টায় বলিল, “তবে বন্ধে চল, হাজারটা পুরুষ মানুষের সঙ্গে আমি বসতে পারব না।”

কালীমোহন উঠিয়া পড়িয়া বলিল, “ধাক, তোমার আর গিয়ে কাজ নেই। আমার ত বাপের জমিদারী নেই, বন্ধটক আমার পোষায় না।”

“কথায় কথায় খুব বাপ তুলতে শিখেছ,” বলিয়া লতিকা রাগে গরগর করিতে করিতে চলিয়া গেল।

দিন এইভাবেই কাটিতে লাগিল। লতিকার একটি মেয়ে হইল। চমৎকার স্নন্দরী মেয়ে, যে দেখিলে নেই মুগ্ধ হইল। লতিকার বাপের বাড়ীর লোকেরা বলিল, “লতি, তোকে ত ওর মা মনে হয় না, মনে হয় ঐ। এ যেন জামাইয়ের চেয়েও স্নন্দর হয়েছে।”

অল্প কারও সন্দেশে এমন কথা তাহাকে শুনিতে হইলে লতিকা রক্ষা রাখিত না। কিন্তু নিজের পেটের মেয়ে, তার উপর ত আর হিংসা করা চলে না। বরং সে যে স্নন্দর হইয়াছে তাহাতে মায়ের প্রাণ আনন্দে ভরিয়া উঠিবার কথা। খুশী সে হইয়াও ছিল, তবে দু-একবার মনের ভিতর একটা রাগের ভাব যেন ঊকি মারিয়া গেল, এত বেশী স্নন্দর না হয় নাই হইত। তাহার মেয়ে বলিয়া বোঝা গেলে ক্ষতি ছিল কি?

আফ্লাদ করিয়া মেয়ের নাম রাখিল সে অপ্সরা। ইহা লইয়াও ঝগড়া বাধিয়া গেল। কালীমোহন নাক সিটকাইয়া বলিল, “ও আবার কি স্ত্রীর নাম হ’ল? তদ্বধরের মেয়ের অমন বিটকেল নাম রাখা উচিত নয়।”

লতিকা চটিয়া বলিল, “সব তাতে খুঁতধরা তোমার এক স্বভাব হয়েছে। অপ্সরা নাম আমি কত বাড়িতে

শুনছি, তারা তোমার চেয়ে কিছু কম ভদ্র নয়, অপু বলে ডাকলেই হবে।”

কালীমোহন বলিল, “তবু হাঁড়ির ভিতর ঐ অপূর্ণ নামটি লুকিয়ে রাখা চাই-ই? কি এমন দায় উপস্থিত হয়েছে?”

মেয়ে যখন আধ আধ কথা বলিতে শিখিল, তখন নাম জিজ্ঞাসা করিলে বলিত, “আপুছারা।” কালীমোহন হাসিয়া বলিত, “তার চেয়ে বল না কেন ‘হাঁফ ছাড়া!’ তুমি না হাঁফ ছাড়, আমি ছাড়ব বটে, যা না তোমার চমৎকার নাম!”

মেয়ে পাঁচ বছরের হইল। স্ত্রীর সহিত ঝগড়া করিয়া কালীমোহন মেয়েকে স্থলে ভর্তি করিতে চলিল। অপূর্ণ কান্নায় ব্যথিত হইয়া তাহার মা বলিল, “এখন খনা লীলাবতী করে না তুললে চলবে না? মেয়েটা যে কেঁদে খুন হ’ল? দশটা নয় পাঁচটা নয়, একটা ত মেয়ে। বাড়িটা একেবারে খাঁ খাঁ করবে। আর দু-বছর তর সইল না?”

কালীমোহন বলিল, “খনা, লীলাবতী হ’তে সময় লাগবে, একদিনেই কিছু হবে না। বাড়ি বসে বসে ত খালি বোকামী শিখবে, তার চেয়ে স্থলেই থাক।”

লতিকা মেয়েকে ঠেলিয়া দিয়া বলিল, “যাও গো বাছা, বিদুষী হও গে। আমার কাছে ত খালি বোকামী শিখবে, তোমার বিদ্বান বাপের পছন্দ হবে না।”

অপূর্ণ কাদিতে কাদিতে গাড়ীতে গিয়া উঠিল। স্থলে ভর্তি করিবার সময় কালীমোহন মেয়ের নাম লিখাইল “অপরূপা।” অপূর্ণ খানিকটা অবাক হইয়া গেল, কিন্তু মন্ত বড় একবাক্স চকোলেট ঘুস পাইয়া সে এই নামটাই মানিয়া লইল।

হঠাৎ একদিন লতিকার মাথায় বাজ ভাঙিয়া পড়িল। খবর আসিল তাহার বাবা সন্ধ্যা রোগে মারা গিয়াছেন। কয়েকদিন পরে মায়ের চিঠিতে আরও জানিতে পারিল যে, বাবা তাহার নামে কিছুই লিখিয়া দিয়া যান নাই।

লিখিয়া দিবার একটা কথা ছিল বটে, কিন্তু এমন অসময়ে এমন হঠাৎ যে তিনি ঘাইবেন তাহা কেহ মনে করে নাই। সতীনপোর হাতে তোলায় তাহাকে ইহার

পর বাগ করিতে হইবে বলিয়া লতিকার মা ঢের আক্ষেপ করিয়াছেন।

লতিকা একেবারে শয়্যাগ্রহণ করিল। কালীমোহন জীকে যথাসাধ্য সাধনা দিবার চেষ্টা করিতে লাগিল, কিন্তু বেশী কিছু করিয়া উঠিতে পারিল না। জীর পিঠে হাত ব্লাইতে ব্লাইতে বলিল, “বাপ মা কারোই চিরদিন থাকেন না। তবে তোমার বাবা একটু বেশী অসময়ে গেলেন বটে। দুঃখ ক’রে কি করবে বল, জগতের নিয়মই এই।”

লতিকা কাদিতে কাদিতে বলিল, “গেলেন যে আমার একেবারে পথে বসিয়ে গেলেন।”

কালীমোহনের কানে কথাটা বড় কটু শুনাইল। বাপের শোকের চেয়ে লতিকার টাকার শোকই বেশী হইল না কি? আত্মাভিমানের তাহার একটু আঘাত লাগিল। অল্প সময় হইলে হয়ত শক্ত কথাই বলিয়া বসিত, কিন্তু লতিকা এখন শোকে কাতর, তাহাকে কড়া কথা বলা অমানুষের কাজ হইবে। জীর পিঠের উপর হইতে হাতখানা শুধু সে সরাইয়া লইল এবং বলিল, “পথে বসতে যাবে তুমি কি দুঃখে? তোমার স্বামী ত এখনও মরেনি?”

কালীমোহনের অভিমানটা লতিকা ঠিক বুঝিল কি না সন্দেহ। বলিল, “তবু এর পর আর নিজের বলতে কিছু রইল না। এতদিন যাহোক্ একটা ভরসা ছিল যে তুমি দূর করে দিলেও খাবার পরবার ভাবনা থাকবে না। এখন ত তুমি ঝাঁটা মারলেও এইখানেই পড়ে থাকতে হবে।”

এত দুঃখও কালীমোহনের হাসি পাইল। লতিকা তাহাকে ভাল চিনিয়াছে বটে। এতদিন যেন লতিকাকে কেবলমাত্র তাহার বাবার টাকার লোভে সে ঝাঁটা মারিয়া ভাড়াইয়া নাই। এখন যখন আর সে বাধা রহিল না, তখন ঝাঁটা মারিতে অবিলম্বেই স্বরূপ করিবে। জীকে আর কিছু না বলিয়া সে আন্তে আন্তে ঘর হইতে বাহির হইয়া গেল।

লতিকা কেমন যেন হইয়া গেল। টাকার শোকটা তাহার বড় বেশী রকমই লাগিয়াছিল। সারাক্ষণ মুখ

ভার করিয়া থাকিত, ভাল করিয়া কথা বলিত না, সংসারের কিছু দেখিত না। কালীমোহন একদিন বলিল, “টাকা পেলে না ব’লে এখন কোথায় আরও গুছিয়ে চলবে, না তুমি যে দেখছি আরো গা ঢেলে দিলে?”

লতিকা বলিল, “কিছু আর ভাল লাগে না। সংসারটা যে আমার তা আর মনেই হয় না।”

কালীমোহন বলিল, “বেশ আছ তুমি। স্বামী, মেয়ে কিছু তোমার নিজের নয়, টাকাটাই খালি নিজের ছিল। সেটা যেতেই জগৎ সংসার ফুটাইয়ে গেল?”

লতিকা মুখ ভার করিয়া বলিল, “তা খানিকটা হ’ল বৈকি।”

কালীমোহনের আর সহ হইল না, বলিয়া উঠিল, “টাকা পেলে, আমাদের আর বোধ হয় তোমার কোনো দরকার থাকবে না?”

লতিকা স্বামীর কথার ঝাঁঝে বুঝিল সে রীতিমত চটিয়াছে। কোনো উত্তর না দিয়া সে তাড়াতাড় দর ছাড়িয়া চলিয়া গেল। কালীমোহন আশা করিয়াছিল জী অন্ততঃ এত বড় অভিযোগ মানিয়া লইবে না। কিন্তু লতিকা কিছু না বলাতে তাহার হৃদয়ে যেন একটা বিযাক্ত তীর ফুটিয়া গেল। মনে মনে ভাবিল, এতদিন সে ভুল বুঝিয়াছিল। লতিকা তাহাকে কোনোদিনও ভালবাসে নাই, ভালবাসিবার ক্ষমতাই তাহার নাই। কালীমোহনেরও পরিবর্তন আরম্ভ হইল। এতদিন জীকে নিজের কাছে টানিবার তাহার একটা চেষ্টা ছিল, সকল দিক দিয়া জীকে বুঝিবার এবং নিজেকে বুঝাইবার একটা প্রয়াস ছিল। এখন সে এ সবই যেন ত্যাগ করিল, অলক্ষিতে দূরে সরিয়া যাইতে লাগিল। লতিকা এটা লক্ষ্য করিল, কিন্তু কারণটা বুঝিল উঠা রকম। ব্যথিত মনে ভাবিল, “এখন ত হেলাফেলা করবেই? রূপেপুণে ত যুগ্মি ছিলাম না, টাকার লোভে আমার এনে-ছিল। সে টাকার আশাও যখন গেল, তখন আর আমার কি মান থাকল?” তাহার চালচলন আরও যেন বিগড়াইয়া গেল।

এতদিন টাকা জমানো বা প্রয়োজনের অতিরিক্ত অর্থ উপার্জন করিবার দিকে কালীমোহনের কোনো

ঝাঁক ছিল না। এখন কিন্তু সেইদিকে তার উৎসাহ খুব বাড়িয়া গেল। লতিকা অবশ্য এ সকলের খবর বড় একটা পাইত না। আজকাল স্বামী-স্ত্রীতে কথাবার্তা খুবই কম হইত।

টাকার নেশাটা কালীমোহনকে কেন যে হঠাৎ এমন করিয়া পাইয়া বসিল, তাহা তাহার বন্ধুবান্ধব কেহ বুঝিয়া উঠিতে পারিল না। একজন জিজ্ঞাসা করিল, “কিহে ব্যাপার কি? এত টাকার খোঁজে মেতে গেলে যে? আর সব সখই যে এর তলায় তলিয়ে গেল? মেয়ের বিয়ের ভাবনা উপস্থিত হয়েছে না কি এরই মধ্যে?”

কালীমোহন বলিল, “সময় থাকতে প্রস্তুত হওয়া ভাল ত? মেয়ের মায়ের যে রকম পছন্দ, হয়ত রাজা বা জমিদার ছাড়া আর কাউকে পছন্দই হবে না, তাঁদের খাই মেটাবার ব্যবস্থা এখন থেকে করতে হবে ত?”

বন্ধু বলিল, “নিজে তাহ’লে তোমায় পছন্দ করলেন কেন? বড়মামুষ বলে ত পুরাকালে বিখ্যাত ছিলে না?”

কালীমোহন হাসিয়া বলিল, “তিনি ত স্বয়ংরা হননি।”

লোকে নানারকম কানাঘুসা শুরু করিল। হঠাৎ এত টাকার দরকার পড়িল কেন? বদখেয়াল-টেয়াল জুটিতেছে না কি? লতিকার কানেও দুচার-জন শুভাধিনী আভাসে ইজিত্তে নানা কথা পৌছাইয়া দিতে লাগিলেন।

লতিকা কোমর বাঁধিয়া ঝগড়া করিতে চলিল। হইলই বা মুখ, নিঃসবল, তাই বলিয়া স্বামী যা খুশী তাই করিবে নাকি?

কালীমোহন তাহার কথায় একটু হাসিয়া বলিল, “টাকাই ত চাও? তাহ’লে টাকা রোজগারে মন দিয়েছি বলে চট্ট কেন?”

লতিকা ঝাঁঝিয়া বলিল, “হ্যা গো হ্যা, বিহুবি না হলেও একেবারে গাধা নই। আমাকে খুশী করবার জন্তেই তোমার এত মাথাব্যথা পড়েছে বটে!”

কালীমোহন বলিল, “আর কেউ খুশী হবার লোক

ত দেখছি না, এক যদি অপুটী হয়। তা তার টাকার মহিমা বোঝবার মত বয়স এখনও হয়নি।” স্ত্রীর ঝগড়াকে আমলই সে দিল না।

ইদানীং লটারীর টিকিটও সে বার-বার কিনিতে আরম্ভ করিয়াছিল। লটারীর টাকা পাইতে প্রায় কাহাকেও শোনা যায় না, কিন্তু কেউ-না-কেউ পায় ত! হয়ত সেও পাইতে পারে। তাহার মনিব্যাগের ভিতরটা গোলাপী ও নীল কাগজের টুকরায় ভরিয়া উঠিতেছিল। কোনোটা বা গল্ জিমখানার, কোনোটা মান্দালের, কোনোটা বিদেশের।

কথায় বলে বিড়ালের ভাগ্যে কখনও শিকা ছেঁড়ে। কালীমোহন হঠাৎ টেলিগ্রামে খবর পাইল যে, সে আশী হাজার টাকা পাইয়াছে। এতবড় সুখবরেও তাহাকে বেশী বিচলিত দেখাইল না; যেন পাইবে বলিয়া এতদিন স্থিরই ছিল। টাকা দিয়া সে কি করিবে, তাহার প্র্যানও সব প্রস্তুত আছে।

টেলিগ্রামখানা কুড়াইয়া লইয়া সে ভিতরের দিকে চলিল। মাঝপথে অপূর সঙ্গে দেখা হইল। সে পা ভাঙা একটা পুতুলকে পরম বাৎসল্য সহকারে কোলে করিয়া বসিয়া ছিল। কালীমোহন জিজ্ঞাসা করিল, “অপু মা, তোমায় একটা খুব ভাল প্রজেক্ট দেব, তোমার কি চাই বল ত?”

অপু বিন্দুমাত্র ইতস্ততঃ না করিয়া বলিল, “বড় ডলি।”

কন্নার উচ্চাকাঙ্ক্ষার অভাব দেখিয়া কালীমোহন হাসিয়া ফেলিল। বলিল, “আজ্ঞা, তাই দেওয়া যাবে।”

শয়নকক্ষে ঢুকিয়া দেখিল লতিকা মেয়ের জন্ম দ্রুকে ফুল তুলিতে বসিয়াছে। স্বামীর হাতে টেলিগ্রামের হলদে কাগজ দেখিয়া ব্যস্ত হইয়া জিজ্ঞাসা করিল, “কার কি হ’ল আবার? ও কাগজ দেখলেই যেন বুকের রক্ত জল হয়ে যায়।” কালীমোহন বলিল, “খালি কি ধারাপ খবরই আসে? সুখবরও আসে দুচারটা।”

লতিকা বিমিতভাবে জিজ্ঞাসা করিল, “কি সুখবর এল আবার?”

কালীমোহন জিজ্ঞাসা করিল, “কি হ’লে তুমি সব চেয়ে খুশী হও?”

লতিকা মিনিটখানেক চুপ করিয়া থাকিয়া বলিল, “কি জানি বুঝি না। কিছুতেই এখন আর বেশী খুশী লাগে না। মেয়েটার একটা খুব ভাল বিয়ে হ’লে খুশী হই, কিন্তু তার এখনও ডের দেরি। তাকে ধিক্বী না ক’রে ত তুমি বিয়ে দেবে না।”

কালীমোহন বলিল, “বেশ, মেয়ে জন্মতে-না-জন্মতে বিয়ের ভাবনা। যাক সে ভাবনা পরে ভেবো। সম্প্রতি হাজার পঞ্চাশ টাকা পেলে খুশী হও?”

লতিকার চোখ ঠিকুরাইয়া বাহির হইয়া আসিবার জোগাড় করিল। খানিকক্ষণ হাঁ করিয়া থাকিয়া তাহার পর জিজ্ঞাসা করিল, “পাগল হয়েছ নাকি? হঠাৎ অত টাকা এল কোথা থেকে?”

কালীমোহন বলিল, “লটারী থেকে। আশী হাজার পেয়েছি, পঞ্চাশ হাজার তোমায় লিখে দেব, দশ হাজার অপূর ভগ্নে থাকবে, আর কুড়ি হাজার আমার।”

লতিকা এইবার আনন্দে দিশাহারা হইয়া উঠিল। ক্রকট এককোণে ছুঁড়িয়া ফেলিয়া দিয়া উঠিয়া আসিয়া কালীমোহনের একথানা হাত ধরিয়া বলিল, “যাক, ভগবান এতদিনে মুখ তুলে চেয়েছেন।”

কালীমোহন হাতটা ছাড়াইয়া লইয়া বলিল, “কিন্তু একটা সৰ্ত্ত আছে।”

লতিকা ব্যগ্র হইয়া জিজ্ঞাসা করিল, “কি?”

কালীমোহন বলিল, “এই টাকার বদলে আমায় মুক্তি দিতে হবে। আমি ইউরোপ চলে যাব। পাঁচ-ছ’ বছর সেখানে থাকব, নানা জাগরণে বেড়াব। অপূর ভাল ব্যবস্থা করে যাব, সে বোর্ডিং থাকবে, ছুটিতে তুমি আনতে চাইলে তোমার কাছে আসবে। মোটের উপর তোমার ঘাড়ে কোনও ভার রইল না। কিন্তু আমার উপর আর কোনো দাবি রেখো না। যদি দেশে ফিরি, তাহ’লেও আলাদাই থাকব।”

লতিকা ধপ করিয়া মেঝের উপর বসিয়া পড়িল। তাহার মুখ একেবারে বিবর্ণ হইয়া গেল। খানিক পরে অফুটবয়ে বলিল, “আমাকে তাহ’লে ত্যাগ করলে?”

কালীমোহন বলিল, “আমি তোমায় ত্যাগ করিনি লতি, তুমিই আমায় ত্যাগ করেছ, অনেক দিন আগেই। আমি কেবল অবস্থাটা পরিষ্কার করে বললাম এই যা। একবাড়িতে আমরা এতদিন ছিলাম বটে, কিন্তু দুজনের মনের সঙ্গে দুজনের কোনো সম্পর্কই ছিল না। তুমি ছিলে তোমার ভাবনা নিয়ে, আমি ছিলাম আমার ভাবনা নিয়ে। সাংসারিক অবস্থার গতিকে এতদিন বাধ্য হয়ে একসঙ্গে ছিলাম। এখন আর যখন সে প্রয়োজন রইল না, তখন কেন আর কষ্ট পাওয়া?”

লতিকার চোখ দিয়া বরবর করিয়া জল পড়িতে লাগিল। অপু এই সময় দৌড়িয়া ঘরে ঢুকিয়া ব্যাপার দেখিয়া অবাক হইয়া গেল। ব্যস্ত হইয়া বাপকে জিজ্ঞাসা করিল, “বাবা, মা কেন কাঁদছে? তুমি মাকে বকেছ?”

কালীমোহন বলিল, “না, আমি বিলেত যাব কিনা তাই তোমার মা কাঁদছে।”

অপু নাচিতে নাচিতে দৌড়িয়া আসিয়া কালীমোহনকে জড়াইয়া ধরিল, বলিল, “আমিও বিলেত যাব তোমার সঙ্গে, আমি এখানে থাকব না। মাও যাবে, না মা?”

লতিকা মুখ তুলিয়া চাহিল। বলিল, “টাকা আমার চাই না। টাকা নিয়ে কি করব? তোমাদের স্বথের জগ্রেই টাকা টাকা করতাম, নইলে আমার নিজের কিসের দরকার? স্বামী যাকে ছেড়ে যাচ্ছে, সে পোড়ারমুখী টাকা নিয়ে কি করবে?”

কালীমোহন খানিকক্ষণ চুপ করিয়া থাকিয়া বলিল, “আমাদের বাদ দিয়ে টাকা চাও না?”

লতিকা সজোরে মাথা নাড়িল, তাহার মুখ দিয়া কথা বাহির হইতেছিল না।

কালীমোহন তাহার হাত ধরিয়া তুলিয়া বলিল, “তুমিও চল আমার সঙ্গে।”

লতিকা বলিল, “যাব। আমি ত লেখাপড়া কিছু জানি না। আমায় নিয়ে কি করে চলবে?”

কালীমোহন বলিল, “ক’দিনেই শিখে নেবে। তা হ’লে সপরিবারে যাবার ব্যবস্থা করি?”

লতিকা বলিল, “আচ্ছা।”

কালীমোহন বলিল, “যাক এতদিনে এই প্রথম দেখলাম যে আমাদের বাড়ির একটা সমস্তার অন্ততঃ সমাধান হ’ল।”

লতিকা বলিল, “গায়ের জোরে সমাধান

করতে চাইতে এতদিন, তাই হয়নি। না হ’লে ভাল কথায় মেয়েমানুষকে বোঝালে, সে কবে বোঝে না?”

বঞ্চিত

শ্রীপ্রভাতমোহন বন্দ্যোপাধ্যায়

শুধু যাব চলে—

চির-পুরাতন কথা ভেঙে চূরে ছন্দে গেঁথে বলে ?

শুধু যাব একে—

চির-পুরাতন ছবি সহস্রের পদপ্রান্তে থেকে ?

শুধু কি তাহারই তরে, এত দীর্ঘ বর্ষ ধরে অন্তরে আমার পূজার আসন পাতা ? এত মন্ত্র স্তবগাথা, এত উপচার ?

যত কাদি যত ডাকি, দেবতা আসিবে না কি ?

বুঝিবে না বাধা ?

দগ্ধ গাঁথা শতক্ষতি, এই তাপ পরিণতি ? এই নিফলতা ?

আমার ঐশ্বর্য্য তবে, চিরদিনই স্বপ্নে ববে,

মিলিবে না খোজ ?

ভাগ্যে তবে চিরদিন শুধু লেখা লজ্জাহীন,

এ উচ্ছিষ্ট ভোজ ।

সব বার্থ্য্য হবে ?

সমস্ত জীবন ধরি, যাব অভিনয় করি মিথ্যার উৎসবে ?

কেন অযাচিত

এত বর্ষ, এত আশা, এত প্রীতি, এত ভাষা

এল তবে চিতে ?

কেন মোরে ছল করি, সভায় আনিল ধরি,

লজ্জা দিল কেন ?

যদি শুনাবার মত বাণী নাহি, নাই হতো অভিনয় হেন !

প্রাণ লয়ে দীর্ঘ বেলা এমন নিষ্ঠুর খেলা নাই হতো মিছে ;

দীপ নাহি দিতে তারে, যে-ভিখারী অন্ধকারে

আজ্ঞায় ভ্রমিছে !

কারও খেয়ালের বশে, নাই হতো অপযশে দুরাশার শেষ ।

বিভবনা কেন এই, ঘরে যার অন্ন নেই, তার রাজবেশ ?

যাচ্ছে গীত বাদ্য হাসি, আনন্দিত পুরবাসী,

সাজানো আসর

যাচ্ছে যাহা-কিছু চাট, শুভলগ্নে শুধু নাই বিবাহের বর !

এ কি নির্ধাতন !

কেন দেওয়া স্বর্ণঝারি, যদি তাহে নাহি বারি,

জুড়াতে জীবন ?

কে তুমি নির্ধম ?

অদৃশ গোপনবাসী হাসিয়া নিষ্ঠুর হাসি বেদনায় মম

খেলায় আনন্দ আছে, কে যে মরে, কে যে বাঁচে

খেলিবার ঘূঁটি,

অত কি দেখিলে চলে ? ঘোরে ফেরে দলে দলে

করে ছুটোছুটি,

শুধু তব ইচ্ছামত ; যত চাও দাও তত, উচ্চপদ তারে ;

পুনঃ মুহূর্ত্তক গতে তুলে লয়ে সেথা হ’তে ফেলো একধারে,

কি হইবে বুঝা হুঁহি ? খেল বন্ধু যত খুশী, শুধু দয়া করে

কর বুদ্ধিহীন জড়, দেখাযো না কিছু বড়, অধম ছোট রে ।

দান ফিরে নাও

তোমার দয়ার পাশে, শাসকরূপ হয়ে আলে দাও মুক্তি দাও !

কেন এ ছলনা ?

আর কত কাল মোরে, রাখিবে এমন করে দহিতে বল না ?

দণ্ড যদি প্রাপ্য হয়, দাও দণ্ড হে নির্দয় ! অধম, নিলাঞ্জে,

নিষ্ঠুর চরণাঘাতে, আনো ফিরে চেতনাতে পথ-ধূলিমাঝে !

চূর্ণ হোক সব আশা, মৌন হোক সব ভাষা

শাস্ত হোক প্রাণ ;

ঘুচাও ঘুচাও লাজ, নীরব হউক আজ ছন্দহীন গান ।

বাসনার ভগ্নতূপে বন্দী করি অন্ধরূপে রাখো অন্ধবৎ

ক্ষণে ক্ষণে রক্ত ঘরে, চোখে যেন নাহি পড়ে বাহিরের পথ ।

মোরে দাও অধিকার বিশ্বমাঝে আপনার মূল্য বুঝে নিতে ;

সত্য যদি দেয় শোক, যত অকরুণ হোক পারিবে সহিতে ;

অন্তরে বাহিরে নিতা, ছলনায় জলে চিত্ত সরা তৃপ্তিহীন,

শূণ্যগর্ভ মঞ্জুষার বহিতে পারিনে ভার, আর রাত্রি-দিন ।

সজ্জা লও কেড়ে

সহস্রের ভিড় ঠেলি নিজের লুকায়ে ফেলি,

সভা যাই ছেড়ে ।

১লা ভাষ

দ্বীপময় ভ'রত

শ্রীমুনীতিকুমার চট্টোপাধ্যায়

বলিদ্বীপ—বাছুঙ্ ও উবুদ

৪ঠা সেপ্টেম্বর, রবিবার।—

সকালে চিত্রকর Sayers, আমেরিকান Roosevelt আর একজন জার্মান ইঞ্জিনিয়ার কবির সঙ্গে দেখা ক'রতে এলেন। বলিদ্বীপের লোকদের কথা হ'ল। রুস্‌ভেট তো উচ্ছ্বসিত ভাবে প্রশংসা ক'রলেন। ব'ললেন, দেশটা একেবারে paradise, স্বর্গ। কবি বললেন, স্বর্গ তো বটে, কিন্তু বাইরের হাওয়ার সঙ্গে সঙ্গে আর ইউরোপীয় সভ্যতার 'সংস্পর্শে' নানা অভাব আর অসন্তোষও তো আছে—এইবারে এই স্বর্গের উদ্যানের দিকে নানা দুঃখ আর অশান্তির বিষ নিয়ে শয়তান-রূপ

সর্প আস্তে আস্তে ঢুকবে। রুস্‌ভেট ব'ললেন— আস্তে আস্তে কি ব'ললেন—the Serpent is galloping fast into this Eden—ঘোড়া ছুটিয়ে শয়তান এই প্রাদেশ্য এল' ব'লে; বড়ো বড়ো সব দোকান খুলছে, তাতে নানা শস্তা-মাগুগি ইউরোপীয় চটকদার জিনিস, ইউরোপীয় কাপড়-চোপড়, জুতো, মোটরগাড়ী, ঝুটো গহনা-টহনা সব এসে এদের চিত্তবিভ্রম ঘটিয়ে দিচ্ছে; এদের জীবনের সাবেক সারল্য আর থাকছে না। এই-সব জিনিসের আবশ্যকতা-বোধের সঙ্গে সঙ্গে পয়সারও অভাব ঘ'টবে—তখন বলিদ্বীপ আর



বলিদ্বীপের পুরোহিতের দেবার্চনা




বলিবিপের ভোজের ব্যবস্থা—তরকারী কোটা
(শ্রীযুক্ত হরেন্দ্রনাথ কর কর্তৃক গৃহীত)

বলিবিপ থাকবে না। আমি বললুম যে, বিদেশী tourist যে দলে দলে আসতে অরম্ভ করছে, তাদের লা-পরওয়া হয়ে দু হাতে খরচ করা টাকার প্রভাবও এ দেশের লোকেদের পক্ষে কতকটা খারাপ হচ্ছে। কনভেন্ট নিজে টুরিস্টদের পাণ্ডা, এ কথায় তার ঘোরতর আপত্তি হ'ল।

আমাদের বাসার পাশে বলিবিপীয়দের পল্লীতে কার বাড়ীতে বিবাহ উপলক্ষ্যে একটা উৎসব আছে—তার ভোজ আজ হবে। তার জন্ত ঠিক আমাদের বাড়ীর হাতার পাশেই একজননের বাড়ীর আঙিনায় রান্নাবান্না হচ্ছে। আমরা দেখতে গেলুম। তরকারী রান্নাই হচ্ছে চার পাচ দল লোক নানা কাজে ব'সে গিয়েছে। কাজা বাঁশের মাচার মতন একটা বসবার জায়গায় ব'সে কতকগুলি লোক তরকারী হুটছে, না'রকল হুটছে। দেখলুম, নারকল-কোরাটা এরা তরকারীতে বড্ড বেশী ব্যবহার করে। দু-তিনটে আটচালা আছে, সেখানে হয় রান্না চ'লেছে, না হয় সব জিনিষপত্র আগুনে চড়াবার জন্ত ব্যবস্থা হ'চ্ছে। বড়ো বড়ো কাঠের বারকোয়ে,

বাঁশের আর বেতের চাঙারীতে আর মাটির গামলায় সব তরী-তরকারী না'রকল-কোরা স্তুপাকার করে রেখে দিয়েছে। কলাপাতা, মোচার খোলা, কলার বাসনা, না'রকলের বালদো পাত্ররূপে খুব ব্যবহার হ'চ্ছে। বলি-



তরকারী রান্না
(শ্রীযুক্ত বাক কর্তৃক গৃহীত)

দ্বীপের লোকেরা মাটিতে বসার চেয়ে তক্তাপোষের মতো উঁচু জায়গায়—মাচার বা রোয়াকে—ব'সেই কাজকর্ম বা

গল্প-গুজব ক'রতে ভালোবাসে। এক জায়গায় মাটি খুঁড়ে ছোটো কতকগুলি নালার মতন করেছে, নালাগুলি কাঠকয়লার আগুনে ভরা; আর বাঁশের পাতলা



যজ্ঞবাড়ীর রত্নইকর
(শ্রীযুক্ত বাকে কর্তৃক গৃহীত)

চাঁচাডীতে মশলাযুক্ত মাংসের কীমা লাগিয়ে সারি সারি বিশ পঁচশটা কীমাওয়ালা চাঁচাডী ছুটো বাঁখারীর ভিতর লটুকে' নালার আগুনের উপরে রেখে সীক কাবাবের মতন ক'রে রাখছে—একটা দিক রান্না হ'লে বাঁখারী-শুদ্ধ চাঁচাডীগুলি একত্রে উটে নিয়ে আর একটা দিক আগুনে রাখছে। এ রকম ক'রে মাংসের সীক কাবাব রান্না অতৃত লাগল। মাংস হ'চ্ছে সামুদ্রিক কচ্ছপের—আমাদের বাংলাদেশের কর্ম-বাড়ীতে মাছ কোটার মতন কচ্ছপের মাংস টুকরো টুকরো ক'রে কাটছে, কীমা ক'রছে—কচ্ছপের খোলাও বিস্তর প'ড়ে র'য়েছে। আমরা ঘুরে ঘুরে এই যজ্ঞ বাড়ী দেখলুম। এরা কিছু গ্রাহ্যই ক'রলে না, নিজের নিজের কাজেই নিযুক্ত রইল। বাকে আর সুরেনবাবু কতকগুলি ছবি তুললেন। জিনিসটা বেশ কোতুককর লাগল। একটা জিনিস লক্ষ্য ক'রলুম—রাখছে কুটনো কুটছে জল প্রভৃতির যোগান দিচ্ছে পুরুষেরা—এখানে একজনও মেয়ে নেই। রান্নাবাড়ীর এদিকে উদিকে কতকগুলি কুকুর ঘোরাঘুরি ক'রছে।

উবুদে অস্তোষ্টি ব্যাপারের আজ শেষ দিন—আজ

বিকালে, সন্ধ্যার দিকে দাহ হবে। পুন্ডব স্তম্ভবতী আজ বিস্তর ইউরোপীয় আর অল্প অভাগতদের নিমন্ত্রণ ক'রেছেন, মধ্যাহ্ন ভোজনের জন্ত। আমরা এগারোটার সময়ে যাত্রা ক'রলুম। পুন্ডব স্তম্ভবতীর নিমন্ত্রিতেরা দব জড়ো হ'য়েছেন; তাঁর প্রাসাদের একটা আড়িনায় একটা বড়ো আটচালায় চৌকী দিয়ে বসবার জায়গা করা হ'য়েছে। বলিদ্বীপ আর লঙ্ককের রেসিডেন্ট শ্রীযুক্ত কারন ছিলেন (এ'র সঙ্গে বলিদ্বীপে পঁউছুবার প্রথম দিনেই বাড়'লির পুন্ডবের বাড়ীর আদর্শক্ষেত্রে দেখা হ'য়েছিল)। আমাদের জাহাজে যে ডচ ব্যারনটা ছিলেন তিনিও সপরিবারে এসেছিলেন, অত্যন্ত পরিচিত ডচ কণ্ঠচরী অনেকে ছিলেন—এদের সব সাদা জীনের গলা-জাঁটা কোট পরা, ধবধবে সাদা পোষাক। বলিদ্বীপীয় অত্যন্ত পুন্ডব রাজা আর বিশিষ্ট ব্যক্তিও ছিলেন। তিন চার দল নানা রকমের গামেলান-বাজিয়ে' ছিল। শ্রীযুক্ত কারনের সঙ্গে কবির আলাপ হ'ল। খানিকক্ষণ গল্প-গুজব করার পরে, আহারের জন্ত ডাক প'ড়ল। আর একটা বাড়ীতে টেবিলে ইউরোপীয় কায়দায় খাবার জায়গা হ'য়েছে। পুন্ডব স্তম্ভবতীর



মাটিতে আগুন করিয়া মাংস রান্নার প্রক্রিয়া
(শ্রীযুক্ত বাকে কর্তৃক গৃহীত)

স্ত্রী সেখানে আমাদের স্বাগত ক'রলেন। ইউরোপীয়ানদের পরিচয়ের সঙ্গে-সঙ্গে কর্মমর্দন ক'রলেন, আমরা ভারতীয় প্রথায় নমস্কার ক'রলুম, তিনিও প্রতি-নমস্কার ক'রলেন। অতি ক্লশা মহিলা, পরণে গাছপালার নকশা-যুক্ত যব-

দ্বীপীয় বাতিক কাপড়ের সারং, গায়ে সাদা ডুরে কাপড়ের মালাই কোষ্ঠা, মাথার চুলে এলো খোঁপা, তাতে গোটা দুই গন্ধগাজ ফুল; ছুটি জিনিস বড়ো বিসদৃশ ঠেকল— দাঁতগুলি পান খেয়ে একেবারে কালো রঙ পেয়ে গিয়েছে, আর বাঁ হাতে নখগুলি মস্ত বড়ো ক'রে রাখা। ধনীর ঘরের মেয়ে-পুরুষদের খেটে খেতে হয় না, তাই চীন-দেশে তাদের মধ্যে অনেকে এই রকম বড়ো বড়ো নখ রাখত; হয়তো চীনের প্রভাবে এ প্রথা বলিদ্বীপেও এসে থাকবে।

আহারের পদগুলি মিশ্র ইউরোপীয় আর বলিদ্বীপীয়। আহার চুকল বেলা আড়াইটের দিকে। কবি তারপরে আর থাকতে পারলেন না, পাছে তাঁর আবার শরীর অসুস্থ হয় সেই ভয়ে বিশ্রাম করবার জন্ত তাঁকে বাসায় নিয়ে গেল। কোপ্যারবার্গ সঙ্গে গেলেন—তিনি আজকেই যবদ্বীপে ফিরবেন—যবদ্বীপের জাহাজ ধ'রবেন। সেখানে তাঁর Java Institute-এর বাৎসরিক সভা আছে, Institute-এর সম্পাদক হিসাবে তাঁকে সভায় উপস্থিত থাকতেই হবে। এ ছাড়া, কবির যবদ্বীপ ভ্রমণের অনেক ব্যবস্থা তাঁকেই ক'রতে হবে। কবি এত দূর এসেও বলিদ্বীপের অস্থ্যেষ্টিক্রিয়ার শেষ অস্থ্যেষ্টিগুলি দেখতে পেলেন না, তাই আমরা আপনে চুংক ক'রছিলুম। শ্রীযুক্ত কার্ন ব'ললেন যে, তাঁর স্বাস্থ্যর দিকে প্রথম ও প্রধান লক্ষ্য রাখা কর্তব্য।

তার পরে শবদেহ Wadah 'ওয়াদাঃ' বা বিরাট শবরাহী তাজিয়াতে তুলে মিছিল ক'রে গ্রামের বাইরে দাফস্থানে গিয়ে দাফ করা হ'বে। এসব অস্থ্যেষ্টি চুকতে অনেকক্ষণ লাগবে। সকলে তৈরী হ'লে আমরা এই শেষ অস্থ্যেষ্টি দেখতে এলুম।

বাইরে রাস্তায় বিরাট এক মিছিল তৈরী হ'য়ে র'য়েছে; মাথায় নানা উপচার ব'য়ে মেয়েদের দল; বগা বরম ধ'রে দোকলে বলিদ্বীপীয় পোষাক প'রে পাইক বা সেপাইয়ের দল; নানা ইতর ভদ্র ব্যক্তি। নানা মস্ত উচ্চারণ ক'রে অনেক পর্দা সাদা কাপড়ে জড়ানো শবদেহ ব'মণ্ডপে এ কয় দিন ছিল সেখান থেকে বার'করা হ'ল! ব'র ক'রে গানের ঢঙে বলিদ্বীপীয় ভাষায় আর ভাঙা

সংস্কৃতে মন্ত্র প'ড়তে প'ড়তে দুই তিনটা তোষণ পার হ'য়ে ভিন্ন ভিন্ন মহল পেরিয়ে শবদেহকে পাঁচীলের উপরের বাঁশের সিঁড়ি-পথ ধ'রে ব'য়ে নিয়ে গিয়ে শেষে ওয়াদা-র উপরে তোলা হল। তারপরে সে বিরাট



উরুদু—গ্রাসাদের ভিতরে একটি তোষণ
(শ্রীযুক্ত সরেন্দ্রনাথ কর কতৃক গৃহীত)

ওয়াদাঃ নিয়ে তার দেড় শ' আন্দাজ বেহারা চ'লল, শোভা-যাত্রা শুরু হ'ল। রঙীন কাগজে কাপড়ে আর সোনো রূপার ডাকের সাজে এই ওয়াদাটা দেখতে চমৎকার হ'য়ে ছিল। এর প্রধান অলঙ্কার ছিল, বিরাট পক্ষপুট প্রসার ক'রে এক গরুড় মূর্তি; আর তা ছাড়া মুখের ধাঁচে তৈরী বিস্তার কাঠের রাক্ষস আর দেবতার মুখও ছিল। অশানভূমিতে পড়ুছুলে, আগে

এই ওয়াদা: লুট হ'ত, দর্শকরা ইচ্ছে হ'লে যে যা পারত ভেঙে চুরে পছন্দ মত ওয়াদার অলঙ্কার নিয়ে যেতো ;



উবুদ সাদা কাপড়ে জড়ানো নীরমান শবদেহ
(ঐগুস্ত বাকে কর্তৃক গৃহীত)

কারণ ওয়াদাটাও আগুনে পুড়িয়ে ফেলবার নিয়ম। পুঙ্খব স্তম্ভবতী কিন্তু স্থির ক'রেছিলেন, এইরকম ক'রে অত যত্নের সঙ্গে খোদা কাঠের মূর্তিগুলি নষ্ট না ক'রে, বা যাকে তাকে না দিয়ে, ওগুলি আগুন লাগাবার পূর্বে আন্তে আন্তে থলে নিয়ে বাতাবিয়ার যাহ্নবরে পাঠানো হবে, সেখানে চিরকালের জ্ঞাত বলির শিল্পকলার নিদর্শন-হিসাবে রক্ষিত হবে।

মাথার দিকটায় টলমল ক'রতে ক'রতে ওয়াদা: তো শোভা-যাত্রা-সঙ্গে বেরুলো। আমরা এগিয়ে এসে শোভা-যাত্রা দেখতে লাগলুম। এই শোভা-যাত্রায় সেই মনোহর-গতি লীলাময়ী জনপদ কন্ঠা ও বধূদের সারি।—কালকের রাক্ষস-মূর্তি পুতুলের সং ছিল। হাল-ফ্যাশানের পোষাক পরা—অর্থাৎ মাথায় রঙীন রুমালের পাগড়ী, গায়ে গলা-আঁটা (বা টাই-কলার-যুক্ত গলা-খোলা) সাদা জ্বানের কোট,

পরণে রঙীন সারণ, পায়ে চাপলী—বা সাবেক-ধরণের পোষাকপরা, অর্থাৎ খালি গা, খালি মাথা বা মাথায় একটা রঙীন কমাল বাঁধা, কানের পাশে ফুল গৌজা, কোমরে রঙীন উত্তরীয় জড়ানো, পরণে রঙীন ধুতি, খালি পা—এই দু রকম বেশে বলিষীপীয় অভিজাত আর ভদ্র জনগণ। বিস্তর গের্মো লোকও এসেছে। ঘুরতে ঘুরতে দেখি, এক জায়গায় রাজবাড়ীর মেয়েরা দাঁড়িয়ে আছেন, সঙ্গে ছাতি ধ'রে কতকগুলি দাসী চাকর; পুঙ্খব স্তম্ভবতীর পত্নীকেও দেখলুম। এদের সঙ্গে অতি ফুটফুটে স্তম্ভবতী একটি ছোটো মেয়ে র'য়েছে, মাথায় তার একটি বলমলে সোনার ফুলের মুকুট-পরা; শুনলুম, এটা পুঙ্খব স্তম্ভবতীর মেয়ে। এঁরা মিছিলের জ্ঞাত দাঁড়িয়ে আছেন, মিছিল একটু দেখে



শববাহী 'ওয়াদা:'
(ঐগুস্ত বাকে কর্তৃক গৃহীত)

তারপরে দাহ-স্থানে যাবেন। বাকে, স্থরেনবাবু, আর ইউরোপীয় দর্শকেরা খুব ফোটোগ্রাফ নিচ্ছেন। আমাদের

পরিচিত বাহুঙ-এর সেই চীনা ফোটোগ্রাফরকেও দেখি, খুব ছবি নিতে ব্যস্ত।

আমরা দাহ-স্থানে গিয়ে পৌছলুম। সদর রাস্তার



উবুদে অস্তোষ্টিফিরার স্থান
(শ্রীমুক্ত বাকে কতৃক গৃহীত)

ধারে একটা বড়ো মাঠে দাহের ব্যবস্থা হ'য়েছে। খোলা ঘাসে ঢাকা মাঠ, দু দিকে গাছপালা। মাঠের মাঝখানে



চিতাগুহ
(শ্রীমুক্ত বাকে কতৃক গৃহীত)

খড়ে ছাওয়া একটা মন্দিরের মতন বাড়ী করা হ'য়েছে—যেন বাড়লা দেশের দু-প্রস্থ ছাদবিশিষ্ট ঝ'ড়ো ঘর। এটা হ'চ্ছে চিতা-গৃহ। এর ভিতরে ইটের বেদির উপরে বিরাট একটা কাঠময় কৃষ্ণবর্ণ রূষ-মূর্তি। ঘরের সামনেই বাঁশের উচু একটা সিঁড়ি-পথ। ওয়াদাটিকে এনে এই সিঁড়ি-পথের সামনে রাখা হয়। তারপর শবদেহ উচু ওয়াদা: থেকে এই বাঁশের সিঁড়ি পথ বেয়ে সরাসরি চিতাগৃহের কাঠময় রূষ-মূর্তির খোদাই করা ফাঁপা পিঠের ভিতরে নামিয়ে রাখা হয়। চিতাগৃহের পিছনে খানিক দূরে বাঁশের আর একটা ঘর বানিয়েছে, এটাতে রাজবাড়ীর মেয়েরা এসে সমবেত হ'লেন। আর তার অপর পাশে বিদেশী আর স্বদেশী অভাগতদের বসবার জায় একটা চালাঘর তৈরী করা হ'য়েছে। ইতস্তত: লোকজন ঘুরে বেড়াচ্ছে—এই দাহস্থানে চার দিক থেকে লোকেরা এসে উপস্থিত হ'য়েছে। বাহুঙ থেকে বোম্বাইয়ে' খোজার দল, চীনে দোকানীর দল, আরব ফেরিওয়ালারা—সব এসেছে। দাহস্থানে মাঠের মধ্যে ছোটোখাটো আরও কতকগুলি চিতাগৃহ তৈরী হ'য়েছে; আর যারা থরচ ক'রে খড়ের ঘর তুলতে পারে নি, তারা অমনি একটা মাচা বেঁধে তার উপরে রূষ বা সিংহ বা মন্ত্র মূর্তির শবাধার সাজিয়ে রেখেছে। জনকতক ভারি ক্কে চেহারার ব্যক্তি ঘুরে বেড়াচ্ছেন, খালি গায়ে, রঙীন উত্তরীয় আর কাপড় পরা, বোধ হয় এরা এই অঞ্চলের পদগু বা মাতঙ্গর ব্যক্তি হবেন।


সন্ধ্যার দিকে, মাইল দেড়েক দূর রাজপ্রাসাদ থেকে মিছিলের মধ্যে শবাধার দাহস্থানে এসে পৌছল। ওয়াদার উপরে ব'সে আর দাঁড়িয়ে সাদা কাপড়-পরা জনকতক পদগু, আর পুঙ্খব স্তবতীর ভাইটি—বার কথা আগে উল্লেখ ক'রেছি। ওয়াদাটিকে চিতাগৃহের সংশ্লিষ্ট সিঁড়ি পথের সঙ্গে মিলিয়ে দাড় করালে। শ্বেতবস্ত্রে জড়িত শবদেহ কাঁধে ক'রে নিয়ে আন্তে আন্তে সিঁড়ি-পথ দিয়ে নীচে নামালে। দেহের সঙ্গে দুই রাজ-ছত্র চ'লল। দেহ নীচে নামিয়ে কাঠময় রূষের অভাস্তরে রাখা হ'ল। সেখানে



উপদ—দাষ্ট্রহানে জনকতক মাতঙ্গর বাক্তি
(শ্রীগুপ্ত হরেন্দ্রনাথ কর কতৃক গৃহীত)

অন্ত পদও ছিলেন। ভারে ভারে তীর্থ-জল নিয়ে মেয়েরা ছিল। মন প'ড়ে প'ড়ে এই তীর্থ-জল দিয়ে বস্ত্রাচ্ছাদিত

মৃত দেহের স্নান চ'ল—অনেকক্ষণ ধ'রে। ইতি মধ্যে ওয়াদাটিকে সরিয়ে নিয়ে একটু দূরে রেখে দিলে, আর তার অলঙ্কার-স্বরূপ কাঠের মূর্তি-টুর্তি আন্তে আন্তে থুলে নিলে। তারপরে তার অন্ত অলঙ্কার রঙীন কাগজ আর জগজগা আর ডাকের সাজ নিয়ে সমাগত বলিদ্বীপীয়দের মধ্যে খানিক কাড়াকাড়ি প'ড়ে গেল। আমাদের মধ্যে বাকি গিয়ে খানিকটা ডাকের সাজের বালরের মতন সংগ্রহ ক'রে নিয়ে এলেন।



ওয়াদাঃ হইতে শব্দেহের অবতরণ
(শ্রীগুপ্ত বাকি কতৃক গৃহীত)

বড়ো ওয়াদার সঙ্গে-সঙ্গে ঐ অঞ্চলের অন্তান্ত মৃত ব্যক্তিদের আত্মীয়দের যার যেমন সামর্থ্য তদনুসারে ছোটো আকারের আরও কতকগুলি ওয়াদাঃ এল। যারা নেহাং গরীব, তারা কেবল মাথায় ক'রে মৃতের আত্মার 'পুষ্প' বা প্রতীক নিয়ে এল—তাদের আত্মীয়দের মৃতদেহ মৃত্যুর সঙ্গে সঙ্গেই মৃত্তিকাসাং ক'রে দেওয়া হ'য়েছে। এই সকল ওয়াদাঃ বা 'পুষ্প', যার যার চিতা-গৃহের কাছে বা চিতা-বৃষ, চিতা-সিংহ বা চিতামংস্যের কাছে নিয়ে গেল। সেখানেও এই রকম তীর্থজলে স্নানের আর মন পাঠের ধূম চ'ল।

মন্ত্রপাঠ আর অভিব্যেক যখন শেষ হ'ল, তখন



চিত্তা-বৃষের উপর শবদেহ স্থাপন
(শ্রীযুক্ত হরেন্দ্রনাথ কর কর্তৃক গৃহীত)

শ্রাদ্ধাধিকারী-হিসাবে পুঙ্খব স্তম্ভবতী চিত্তায় আগুন দেবার জন্ত এলেন। ইনি সাধারণ দৈনন্দিন পোষাকেই ছিলেন, পায়ে জুতাও ছিল, গায়ে সাদা কোট, পরণে রঙীন শারৎ, মাথায় রুমাল বাঁধা—আমাদের দেশের মত অশোচ-পালনের কিছু দেখলুম না। কতকগুলি লম্বা কাঠির তাড়ায় আগুন জেলে কাষ্টময় বৃষের পেটের তলায় দিলেন, আর চাকর-বাকর আর অগ্র লোকেরা খড় কাঠ নিয়ে বৃষমুণ্ডির চারদিকে স্তপাকার করে রাখলে, নিমেষের মধ্যে দাউ দাউ করে আগুন জ'লে উঠল। ওদিকে বিরাট ওয়াদাটিতেও আগুন ধরিয়ে দিলে। আর ঐ সঙ্গে অগ্রাচ্চ চিত্তা আর ওয়াদাঃও জ'লে উঠল।

সন্ধ্যা ঘনীভূত হ'য়ে এল। ক্রমে অন্ধকার রাত্রি এসে প'ড়ল। আমরা ব'সে ব'সে বা ঘুরে ফিরে দেখতে লাগলুম। চারিদিকে অগ্নিকাণ্ড। এতগুলি চিত্তা, ছোটো আর বড়ো, ক্ষুদ্র আর বিরাট এত অগ্নিস্তূপ এক জায়গায় কখনও দেখিনি। আগুনের লাল আভার গায়ে দূর

থেকে চলা-ফেরা ক'রছে বলিছাপীয় লোকদের কালো ছায়ার মতন দেখাতে লাগল।

দু-তালার সমান উঁচু ওয়াদাটি সর্ব্বাঙ্গে কাগজে আর কাপড়ে মোড়া হওয়ায় একসঙ্গে সবটা জ'লতে লাগল। সে এক মনোহর দৃশ্য—যেন গগনস্পর্শী অগ্নিময় মন্দির। তারপরে খুব খানিকটা পুড়ে এই বৃহৎ আগুনের পাহাড়—তার বাঁশের সমস্ত কাঠামো সমেত এক পাশে ঝুঁকে প'ড়ল, আর তার পরে হয় তো ভূমিসাৎ হ'য়ে যেত, কিন্তু তা না হ'য়ে পাশের একটা খুব উঁচু গাছের গায়ে হেলান দিয়ে প'ড়ল। বিরাট বিশাল ওয়াদার এই অগ্নিময় আলিঙ্গনে গাছের সহমরণ খটল, চড়-চড় শব্দে গাছের কাঁচা ডালপালা ঝ'লসে গিয়ে পুড়তে আরম্ভ ক'রলে। জলন্ত ওয়াদার আগুন আর গাছের আগুন দুইয়ে মিলে এক 'বিকটোজ্জল' দৃশ্যের সৃষ্টি ক'রলে। ছোটো ওয়াদাঃ দুই একটার পাশে বে ছোটোখাটো গাছ ছিল তাদেরও এই দশা হ'ল।

চিতাগুহে বৃষের মূর্তি খুব জ্বলতে জ্বলতে, ঘরের এই সেন্টেশ্বর, সোমবার।—

চালে আগুন লাগল। এইরূপে এক বিরাট অগ্নিকাণ্ডের আজ বাহুঙে আমাদের শেষ দিন। আজ আমরা মধ্যে নিজ অহুগামী স্বগ্রাম আর স্বদেশবাসীদের সঙ্গে পুঙ্খব সুখ-বতীর পিতৃব্য ইন্দ্রলোকে প্রয়াণ ক'রলেন।

আমরা তারপরে প্রত্যাবর্তন ক'রলুম। রাতও খানিক হ'য়েছে, নিভন্ত আগুনের ছাইয়ের স্তূপ দেখবার আবশ্যকতা ছিল না। শুন্লুম, মৃতের আত্মীয়েরা সারা রাত দাহ-স্থানে থাকবেন। তারপরে চিতাভস্ম কিছু নিয়ে নিকটে কোনও বড় নদী থাকলে সেই নদীতে, নয় সমুদ্র কাছে হ'লে সমুদ্রে ফেলে দেবেন, তার পরে স্নান ক'বে বাড়ী ফিরবেন।

বলিহীপের অভিজাত বংশে এইরূপ ঘট। ক'রে অস্ত্যেষ্টিক্রিয়া আর বেশী দিন ধ'রে চ'লবে না বোধ হয়। সমস্ত ব্যাপারে পুঙ্খব সুখবতীর প্রায় চল্লিশ হাজার গিলডার—আমাদের হাজার পঞ্চত্রিশ ছত্রিশ টাকা—খরচ হ'য়েছিল। ছোটো দ্বীপের এক জন জমিদারের পক্ষে টাকাটা কম নয়। তা ছাড়া, মৃত্যুর এতদিন পরে দেহের সংস্কার—এ বীভৎস

প্রথাটাও শিক্ষার প্রসারের সঙ্গে-সঙ্গে ক'মে আসবে। ইউরোপীয় শিক্ষা, মুসলমানদের দৃষ্টান্ত, আর মূল হিন্দু শাস্ত্রের সঙ্গে প্রবর্তমান পরিচয়—এ সব মিলে এই অজুত অস্ত্যেষ্টির অহুষ্ঠান বিষয়ে বলিহীপীয়দের মনের ধারণা ক্রমে অল্প রকম ক'রে দেবেই। যাই হোক, আমরা কিন্তু যে জগৎ চ'লে যাচ্ছে তার একটা অতি বিচিত্র অহুষ্ঠান দেখে গেলুম।



বলিহীপ—ভদ্রাসন গৃহের দেবমন্দির

উত্তর-পশ্চিম বলির পাহাড়ে' অঞ্চলে Moendock মুণ্ডুক ব'লে একটা স্থানে যাবো—এটাকে এই দ্বীপের সিমলা বা দাজিলিঙ বলা যায়। এখানে তিন দিন কবির সঙ্গে থাকবো, তারপরে বুলেলেঙ হ'য়ে যবদ্বীপে ফিরবো—বলিহীপের ভ্রমণ আমাদের সাক্ষ হ'বে।

বাহুঙ শহরে একটা সুন্দর সেকেন্দ্রে প্রাসাদ সরকার থেকে সুরক্ষিত অবস্থায় রেখে দিয়েছে। এই প্রাসাদটির


নাম Poera Satrija অর্থাৎ ক্ষত্রিয়-পুর বা প্রাসাদ, আর একটি ছোটো দেবমন্দির, দেবতা অবশ্য নেই। একে ডেচেরা 'পুরা-সাত্রিয়ার মিউজিয়ম' বলে। খালি হুন্দর বাড়ীটা পড়ে আছে, শূন্য পুরী খা খা ক'রছে; মিউজিয়ম ব'ললে যে নানা জিনিসের সংগ্রহ বোঝায়, তার কিছুই নেই। তবে বন-জঙ্গল হয় নি, সরকার থেকে সাফ-সুখরা রাখে, কতকগুলি ঘরে চাবি দেওয়া থাকে। বাড়ীটা এমন বড়ো নয়। দু-মহলা বলা চলে। বলিদ্বীপীয় রীতিতে বাড়ীর বাইরে একটি স্নানের জায়গা আছে, কিন্তু সেখানে জলের ব্যবস্থা আর নেই। একটি চমৎকার আর বেশ উচু ছত্ৰী আছে, বা'র

আর একটি ছোটো দেবমন্দির, দেবতা অবশ্য নেই। অনেক প্রাসাদের সংশ্লিষ্ট এই রকম ছোটো দেবমন্দির থাকে, আর পাথরের কাজে সেগুলি দেখতে অতি হুন্দর



বাহুঙ, পুরা-সাত্রিয়ার ছত্ৰী
(ঐযুক্ত হরেন্দ্রনাথ কর কর্তৃক গৃহীত)

বাড়ীর এক কোণে। বাড়ীর বাইরে একটি ঘড়ী বাজাবার দিক-ঘর আছে। বেশ পরিষ্কার খোলা জায়গায়, বড়ো বড়ো দুই আঙিনা,—একটা বড়ো ঘর, পাশে ছোটো ঘর;



পুরা-সাত্রিয়ার দেওয়ালে খোদিত হনুমান মূর্তি
(ঐযুক্ত হরেন্দ্রনাথ কর কর্তৃক গৃহীত)

হয়। পুরা-সাত্রিয়াতে আর একটি দ্রষ্টব্য জিনিস আছে, এর ঘড়ী-ঘরের সামনের বাইরের দিককার দেওয়ালের গায়ে নরম পাথরের ইটের উপরে খোদা কতকগুলি মূর্তি—bas-relief—এক একটা ক'রে মূর্তি বলিদ্বীপীয় শিল্প রীতি অনুসারে খোদা, খুব চমৎকার দেখতে, বেশ প্রাণযুক্ত মূর্তি ক'টা। আলাদা আলাদা রাম লক্ষ্মণ ভরত শত্রুঘ্ন সীতা হনুমান অঙ্গদ বিভিন্ন প্রভৃতি রামায়ণের পাত্রপাত্রীদের মূর্তি। আবার তা ছাড়া মহাভারতের পাঁচ পাণ্ডব আর দ্রৌপদীর মূর্তি; সব-শুদ্ধ গুটি চোন্দ-

পনেরো মূর্তি, মেটে রঙের পাথরে কেটে তৈরী, হাত দুই লম্বা প্রত্যেকটি। এই মূর্তিগুলি বলিদ্বীপীয় ভাস্কর্যের উৎকৃষ্ট নিদর্শন।



পুরা-সাক্ষিয়ার দেওমালে খোদিত নীতামূর্তি
[শ্রীযুক্ত হরেন্দ্রনাথ কর কর্তৃক গৃহীত]

হরেন বাবু পুরা-সাক্ষিয়ার ছবি নিচ্ছেন এমন সময়ে কতকগুলি বলিদ্বীপীয় ছোকরা এসে উপস্থিত হ'ল। ভাঙা ভাঙা মালাইয়ে এদের সঙ্গে কথা কইলুম। এদের জিজ্ঞাসা ক'রলুম, তোমরা কি? তোমাদের ধর্ম কি? একটা ছেলে ব'লে, 'আমরা "বালি কাপির", "স্নাম" নই; অর্থাৎ, বলিদ্বীপীয় "কাফের" বা হিন্দু, "ইসলাম" বা মুসলমান নই।' বুঝলুম, আরবের। আর যবদ্বীপীয় আর অল্প মালাই-ভাবী মুসলমানেরা, হিন্দু বলিদ্বীপীয়দের 'কাফের' ব'লে

থাকে, আর 'কাফের' শব্দের অর্থ না বুঝে এরাও সরল মনে বিধর্মীদের দেওয়া এই অবজ্ঞা-সূচক নাম নিঃসঙ্কোচে ব্যবহার করে। আমি ছোকরাদের বললুম—'কাপির' ব'লে না, 'কাপির' একটা গাতির কথা; ব'লে যে আমরা হিন্দু, বা বালির ধর্মের লোক (ওরাং হিন্দু, ওরাং অগামা বালি)। 'হিন্দু' শব্দ এরা শুনেছে, তার মানেও জানে। ছেলে কয়টার ইচ্ছে আমাদের সঙ্গে আরও কথা ব'ল, কিন্তু



পুরা-সাক্ষিয়ার দেওমালে খোদিত রামচন্দ্র মূর্তি
[শ্রীযুক্ত হরেন্দ্রনাথ কর কর্তৃক গৃহীত]

ভাষাজ্ঞানের অভাবে আমাদের আলাপ বেশী দূর এগোল' না।

প্রাতরাশ সেরে, মালপত্র গুছিয়ে নিয়ে, বেলা দশটার সময় আমরা বাহুড় থেকে রওনা হ'লুম।

ক্রমশঃ

প্রাণলক্ষ্মী

শ্রীরবীন্দ্রনাথ ঠাকুর

আঁধার তিথিতে কানন-বীথিতে
তন্দ্ৰাজড়িত চন্দ্র ।
যুথীকলিগুলি দিতেছে আকুলি
হিমগদগদ গন্ধ ।
ক্ষীণ জ্যোৎস্নায়, ঘন কুয়াশায়,
ঘুমে জাগরণে, কায়ায় মায়ায়,
তোমায় আমায় আলোয় ছায়ায়
যুগলে ঘটিল দ্বন্দ্ব ।
জন্ম-মরণ-অতীত বেলায়
স্মরণের পরপারে
তব ভাবনায় মোর চেতনায়
এক হোলো একেবারে ॥

সূর্য্য যখন উড়ালো কেতন
অন্ধকারের প্রান্তে,
তুমি আমি তার রথের চাকার
ধ্বনি পেয়েছিহু জানুতে ।
সেই ধ্বনি ধায় বকুল শাখায়
প্রভাতবায়ুর ব্যাকুল পাখায়,
সুপ্ত কুলায়ে জাগায়ে সে যায়
আকাশপথের পাশে ।
অরুণরথের সে ধ্বনি, পথের
মন্ত্র শুনায়ে দিলে
তাই পায়ে পায় দৌহার চলায়
ছন্দ গিয়েছে মিলে ॥

তিমির-ভেদন আলোর বেদন
লাগিল বনের বক্ষে,
নব-জাগরণ পরশরতন
আকাশে এলো অলক্ষ্যে ।
কিশলয়দল হোলো চঞ্চল,
শিল্পিরে শিহরি করে ঝলমল,
সুর লক্ষ্মীর স্বৰ্ণকমল
হুলে বিশ্বের চক্ষে ।

রক্ত রঙের উঠে কোলাহল
পলাশ কুঞ্জময়,
তুমি আমি দৌড়ে রুঠ মিলায়ে
গাহিছু আলোর জয় ॥

সঙ্গীতে ভরি এ প্রাণের তরী
অসীমে ভাসিল রঙ্গে,
চিনি নাহি চিনি চির-সঙ্গিনী
চলিলে আমার সঙ্গে ।

চক্ষে তোমার উদিত রবির
বন্দনবাণী নীরব গভীর,
অস্তাচলের করুণ কবির
ছন্দ বসন-ভঙ্গে ।

উষারূপ হোতে রাঙা গোধূলির
দূর দিগন্তপানে
বিভাসের গান হোলো অবসান
বিধুর পূরবী-তানে ॥

আমার নয়নে তব অঞ্নে
ফুটেচে বিশ্বচিত্র,
তোমার মস্ত্রে এ বীণাতন্ত্রে
উদগাথা রূপবিত্র ।
অতল তোমার চিত্তগহন,
মোর দিনগুলি সফেন নাচন,
তুমি সমাতনী আমিই নূতন,
অনিত্য আমি নিত্য ।
মোর ফাস্তম হারায় যখন
আখিনে ফিরে লহ ।
তব অপরূপে মোর নব রূপ
ছলাইছ অহরহ ॥

আসিছে রাত্রি স্বপনধাত্রী,
বনবাণী হোলো শাস্ত ।
জলভরা ঘটে চলে নদীতটে
বধুর চরণ ক্রান্ত ।
নিখিলে ঘনালো দিবসের শোক,
বাহির আকাশে ঘুটিল আলোক,
উজ্জল করি' অন্তর লোক
হৃদয়ে এলে একান্ত ।

লুকানো আলোয় তব কালে চোখ
সন্ধ্যাতারার দেশে
ইঙ্গিত তার গোপনে পাঠানো
জানি না কি উদ্দেশে ॥

দেখেছি তোমার আঁখি শুকুমার
নব-জাগরিত বিম্বে ।
দেখিছু হিরণ হাসির কিরণ
প্রভাতোজ্জ্বল দৃশ্যে ।
হয়ে আসে যবে যাত্রাবসান
বিমল আঁধারে ধুয়ে দিলে প্রাণ,
দেখিছু মেলেছ তোমার নয়ান
অসীম দূর ভবিষ্যে ।
অজানা তারায় বাজে তব গান
হারায় গগনতলে ।
বক্ষ আমার কাঁপে ঢুক ঢুক,
চক্ষু ভাসিল জলে ॥

প্রেমের দিয়ালী দিয়েছিল জালি
তোমারি দীপের দীপ্তি ।
মোর সঙ্গীতে তুমিই সঁপিতে
তোমার নীরব তৃপ্তি ।
আমারে লুকায়ে তুমি দিতে আনি
আমার ভাষায় শূণ্যভীর বাণী,
চিত্রলিখায় জানি আমি জানি
তব আলিপন-লিপ্তি ।
হৃৎশতদলে তুমি বীণাপাণি
সুরের আসন পাতি
দিনের প্রহর করেছ মুখর,
এখন এলো যে রাত্তি ॥

চেনা মুখখানি আর নাহি জানি
আঁধারে হতেছে শূণ্য,
জব বাগীরূপ কেন আক্সি চূপ,
কোথায় সে হায় শূণ্য ।

অবগুপ্তিত তব চারি ধার,
মহামৌনের নাহি পাই পার,
হাসিকান্নার ছন্দ তোমার
গহনে হল যে লুপ্ত
শুধু ঝিল্লির ঘন ঝঙ্কার
নীরবের বুকে বাজে ।
কাছে আছ তবু গিয়েছ হারায়
দিশাহারা নিশামাঝে ॥

এ জীবনময় তব পরিচয়
এখানে কি হবে শূন্য ?
তুমি যে-বীণার বেঁধেছিলে তার
এখনি কি হবে ক্ষুণ্ণ ?
যে-পথে আমার ছিলে তুমি সাধী
সে-পথে তোমার নিবায়ো না বাতি,
আরতির দীপে আমার এ রাত
এখনো করিয়ো পুণ্য ।
আজ্ঞো জলে তব নয়নের ভাতি
আমার নয়নময়,
মরণসভায় তোমায় আমায়
গাব আলোকের জয় ॥

ন্যায়ক । ১৮ নবেম্বর, ১৯৩০ ।

অপরাজিত

শ্রীবিভূতিভূষণ বন্দ্যোপাধ্যায়

ইউনিভার্সিটি ইন্সটিটিউটে স্বাস্থ্য-প্রদর্শনী উপলক্ষে খুব জঙ্জ বুলিয়াছেন, যুদ্ধশেষে ভারতবর্ষকে আমরা আর ভিড় । অল্প অনেক দিন হইতে ইন্সটিটিউটের সভ্য । পদানত করিয়া রাখিব না । ভারতকে দিয়া আর তাহাদের জনকয়েকের উপর শিশুমঙ্গল ও খাদ্য বিভাগের জীতদাসের কার্য করাইয়া লইলে চলিবে না । 'Indians তত্ত্বাবধানের ভার আছে । ছপুর হইতে সে এই কাজে must not remain as hewers of wood and লাগিয়া আছে । ময়খ বি-এ পাস করিয়া এটনির drawers of water ।' দিনরাত আজকাল তাহার আর্টিকল্জ্ ক্লার্ক হইয়াছে । তাহার সহিত একদিন কেমন একটা উত্তেজনা—একটা ঋণের মধ্যে দিন কাটে । ইন্সটিটিউটের বসিবার ঘরে ঘোর তর্ক । অপূর দৃঢ় বিশ্বাস ইহারই মধ্যে সে নিজেকে স্বাধীন দেশের স্বাধীন মানুষ বুলিয়া ভাবে । কিন্তু ইংলণ্ডকে তো সাহায্য করিতে হইবে

সেজন্তু ? প্রতিদিন গ্রাণ্ড হোটেলে ছুটিয়া গিয়া দেখিয়া আসে, যুদ্ধের ঋণ দানে কোন প্রদেশে অগ্রগামী হইতেছে। বাংলা পাঁচ কোটা, বোম্বাই সাড়ে চার কোটা! বাংলা জিতিতেছে।

এই সময়েই একদিন ইন্সটিটিউটের লাইব্রেরীতে কাগজ খুলিয়া একটা সংবাদ দেখিয়া সে অবাক হইয়া গেল, সঙ্গে সঙ্গে সে কি অপূর্ণ মনের ভাব, আনন্দ!

জোয়ান অফ্‌ আর্ককে রোমান্‌ ক্যাথলিক যাজক-শক্তি তাঁহাদের ধর্মসম্প্রদায়ের সাধুর তালিকাভুক্ত করিয়াছেন।

তাহার শৈশবের আনন্দ মুহূর্তের সঙ্গিনী সেই পল্লী-বালিকা। জোয়ান—ইছামতীর ধারে শান্ত বাব্বা বনের ছায়ায় বসিয়া শৈশবের সে স্বপ্নভরা দিনগুলিতে যাহার সঙ্গে প্রথম পরিচয়!

বড় হইয়া অবধি সে এই মেয়েটিকে কি আন্ধার চোখে ভক্তির চোখে দেখিয়া আসিয়াছে এতদিন, সে-কথা জানিত এক অনিল—নতুবা কল্পনা যাহাদের পক্ষ, মন মিন্মিনে, পান্সে—তাদের কাছে সে কথা তুলিয়া লাভ কি? কলেজে পড়িবার সময় সে বড় ইতিহাসে জোয়ানের বিস্তৃত বিবরণ পড়িয়াছে—অতীত শতাব্দীর সেই অদ্বা নিষ্করতা, ধর্মমতের গোঁড়ামি, খুঁটিতে বাধিয়া দদয়হীন দাহন—স্বাধ্যদেবের রথচক্রের দ্রুত আবর্তনে অসীম আকাশে যেমন দুপুর হয় বৈকাল, বৈকাল হয় রাত্রি, রাত্রি হয় প্রভাত—মহাকালের রথচক্রের আবর্তনে এক শতাব্দীর অন্ধকারপূর্ণ তেমনি পরের শতাব্দীতে দূরীভূত হইয়া যাইতেছে। সত্যের শুক তারা একদিন যে প্রকাশ হইবেই, জীবনের দুঃখদৈন্তের অন্ধকার শুধু যে প্রভাতেরই অগ্রদূত—কলকাকলীময়, ফুল-কোটা, অমৃত-ঝরা প্রভাত।

অল্পমনস্ক মনে সিঁড়ি দিয়া নামিয়া সে বাদ্য-বিভাগের ঘরে ঢুকিতে যাইতেছে, কে তাহাকে ডাকিল। কিরিয়া চাহিয়া দেখিয়া প্রথমটা চিনিতে পারিল না—পরে বিস্ময়ের সুরে বলিল—প্রীতি, না? এগ্-জিবিগন্ দেথতে এসেছিলে বুঝি? ভাল আছ? প্রীতি অনেক বড় হইয়াছে। দেখিয়া বুঝিল, বিবাহ

হইয়া গিয়াছে। সে সঙ্গিনী একটা প্রৌঢ়া মহিলাকে ডাকিয়া বলিল—মা? আমার মাষ্টার মশায় অপূর্ণ বাবু—সেই অপূর্ণ বাবু।

অপু প্রণাম করিল। প্রীতি বলিল—আচ্ছা আপনার রাগ তো? এক কথায় ছেড়ে দিয়ে চলে গেলেন! দেখুন, কত ছোট ছিলাম, বুঝতুম কি কিছু? তারপর আপনাকে কত খোঁজ করেছিলাম, আর কোনো সন্ধানই কেউ বলতে পারলে না।

আপনি আজকাল কি করছেন মাষ্টার মশায়?

—ছেলেও পড়াই, রাত্রে খবরের কাগজের আপিসে চাকরীও করি—

—আচ্ছা মাষ্টার মশায়, আপনাকে যদি বলি, আমাদের বাড়ী কি আপনি আর যাবেন না?

অপুর মনে পূর্বতন ছাত্রীর উপর কেমন একটা বেহ আসিল। কথা শুছাইয়া বলিতে জানিত না, কি বলিতে কি বলিয়া ফেলিয়াছিল সে-সময়—তাহারও অত সহজে রাগ করা ঠিক হয় নাই। সে বলিল—তুমি অত অপ্রতিভ ভাবে কথা বলছ কেন প্রীতি! দোষ আমারই, তুমি না হয় ছেলেমানুষ ছিলে, আমার রাগ করা উচিত হয়নি—

ঠিকানা বিনিময়ের পর প্রীতি পায়ের ধূলা লইয়া প্রণাম করিয়া বিদায় লইল।

আবার অপু এক-কথা মনে না হইয়া পারিল না—কাল, মহাকাল, সবারই মধ্যে পরিবর্তন আনিয়া দিবে—তোমার বিচারের অধিকার কি?

আরও মাস দুই কোনো রকমে কাটাইয়া অপু পুজার সময় গেল বাড়ী। সে দিন যষ্ঠী, বাড়ীর উঠানে পা দিয়া দেখিল পাড়ার একদল মেয়ে ঘরের দাওয়ায় মাহুর পাতিয়া বসিয়া হাসি কলরব করিতেছে—অপু উপস্থিত হইতে অপর্ণা ঘোমটা টানিয়া ঘরের মধ্যে ঢুকিল! পাড়ার মেয়েদের সে আজ যষ্ঠী উপলক্ষে বৈকালিক জল-যোগের নিমন্ত্রণ করিয়া নিজের হাতে সকলকে আলতা সিঁদুর পরাইয়াছে—হাসিয়া বলিল, ভাগ্যিস এলে! ভাবছিলাম এমন কলার বড়াটা আজ ভাজলাম—

—সত্যি, কৈ দেখি?

—বা রে, হাত মুখ ধোও—ঠাণ্ডা হও—ঘমন পেটুক কেন তুমি? ...পেটুক গোপাল কোথাকাব।

পরে সে রেকাবিতে খাবার আনিয়া বলিল—এগুলো খেয়ে ফেল, তারপর আরও দেব-দ্যাখো তো খেয়ে, মিষ্টি কম হয় নি তো? ...তোমার তো আবার একটুখানি গুড়ো হবে না? খাইতে খাইতে অণু ভাবিল—বেশ তো শিখতে করতে! ...বেশ—

পরে দেওয়ালের দিকে চোখ পড়িতে বলিল—বাঃ, ও রকম আল্পনা দিয়েচে কে? ভারী সুন্দর তো! অপর্ণা মুছ হাসিয়া বলিল—ভাত্র মাসের লক্ষ্মীপূজাতে তো এলে না! আমি বাড়ীতে পূজো করলাম। মা করতেন, সিঁড়ির মাথা কাঠা দেপি তোলা রয়েছে, তাতে নতুন ধান পেতে—বামুন খাওয়ালাম। তুমি এলেও ছুটি খেতে পেতে গো—তারই ঐ আল্পনা—

—তাই তো! তুমি ভারী গিনী হয়ে উঠচো দেখছি! লক্ষ্মীপূজা, লোক খাওয়ানো—আমার কিন্তু এসব ভারী ভালো লাগে অপর্ণা—সত্যি, মা-ও খুব খাওয়াতে ভাল-বাসতেন একবার তখন আমরা এখানে নতুন এসেছি—একজন বৃদ্ধা মত লোক আমাদের উঠানেও ধারে এসে দাঁড়িয়ে বল্ল, থোকা গিড়ে পেয়েচে, ছুটো মুড়ি খাওয়াতে পার? ...আমি মাকে গিয় বললাম, মা, একজন মুড়ি খেতে চাচ্ছে, ওকে খানকতক রুটি করে খাওয়ালে ভারী খুসী হবে খাওয়াতুব মা? মা কি করলে ব.লা তো?

—রুটি ঠৈরী করে বুঝি—

—তানয়। মা একটু করে সরেব বি করে রাগতো, আমি বোভিৎ থেকে বাড়ী-টাড়ী এলে পাতে দিত, আমায় খুসি করবার জন্তে। মা সেই বি দিয়ে আটদশ খানা পরোটা ভেজে লোকটাকে ডেকে, দাওয়ার কোনে পিঁড়ি পেতে খেতে নিলে। লোকটা তো অবাক, তার মূণের এমন ভাব হোলো!—

রাত্রে অপর্ণা বলিল—দ্যাখো, মা চিঠি লিখেচেন, পূজার পরে মুরারি দা আসবে নিতে, পাচ ছ মাস যাইনি, তুমি যাবে আমাদের ওখানে?

অপূর বড় অভিমান হইল। সে এত আশা করিয়া পূজার সময় বাড়ী আসি, আর এদিকে কিনা অপর্ণা

বাপের বাড়ী যাইবার জন্ত পা বাড়াইয়া আছে? সেই তাহা হইলে ভাবিয়া মরে, অপর্ণার কাছে বাপের বাড়ী যাওয়াটাই অবিকতর লোভনীয়।

অপূ উদাস হুয়ে বলিল—বেশ, যাও। আমার যাওয়া ঘটবে না, ছুটি নেই এখন। কথাটা শেষ করিয়া সে পাশ ফিরিয়া শুইয়া বই পড়িতে লাগিল। অপর্ণা খানিকক্ষণ পরে বলিল—এবার যে বইগুলো এনেচ আমার জন্তে, ওর মধ্যে একখানা ‘চয়নিকা’ তো আনলে না? সেই যে সে-বার বলে গেলে জন্মাষ্টমীর সময়? এক আধ কথায় জবাব পাইয়া ভাবিল সারাদিনের কষ্টে স্বামীর হয়ত ঘুম আসিতেছে। তখন সেও ঘুমাইয়া পড়িল।

দশমীর পরদিনই মুরারি আসিয়া হাজির। জামাইকেও যাইতে হইবে, অপর্ণার মা বিশেষ করিয়া বলিয়া দিয়াছেন, ইত্যাদি নানা পীড়াপীড়ি হুক করিল। অপূ বলিল—পাগল! ছুটি কোথায় যে যাব আমি? বোনকে নিতে এসেচ, বোনকেই নিয়ে যাও ভাই—আমরা গরীব চাকুরে লোক, তোমাদের মত ভ্রমিদার তো নই—আমাদের কি গেলে চলে?

অপর্ণা বুঝিয়াছিল স্বামী চটিয়াছে, এ অবস্থায় তাহার যাইবার ইচ্ছা ছিল না আদৌ, কিন্তু বড় ভাই লইতে আসিয়াছে লোক করিয়াই বা ‘না’ বলে? দে-টানার মধ্যে পড়িয়া সে বড় মুঞ্চলে পড়িল। স্বামীকে বলিল—দ্যাখো, আমি যেতাম না। কিন্তু মুরারি-দা এনেচে, আমি কি কিছু বলতে পারি? ...রাগ কোরো না লক্ষ্মীটি, তুমি এখন না যাও, কালীপূজার ছুটিতে অবিশিষ্ট করে যেও—ভুলো না যেন।

অপর্ণা চলিয়া যাইবার পর মনসাপোতা আর এক-দিনও ভাল লাগিল না। কিন্তু বাধ্য হইয়া রাত্রিটা সেখানে কাটাইতে হইল, কারণ অপর্ণারা গেল বৈকালের ট্রেণে! কোনোদিন লুচি হয় না, কিন্তু দাদার কাছে স্বামীকে ছোট হইতে না হয়, এই ভাবিয়া অপর্ণা দুইদিনই রায়ে লুচির ব্যবস্থা করিয়াছিল—আজ্ঞেও স্বামীর খাবার আলাদা করিয়া ঘরের কোণে ঢাকিয়া রাখিয়া গিয়াছে। লুচি ক’খানা খাইয়াই অপূ উদাসমনে জানাণার কাছে

আসিয়া বলিল। খুব জ্যোৎস্না উঠিয়াছে, বাড়ীর উঠানের গাছে এখনও কি পাখী ডাবিতেছে, শৃঙ্গ ঘর, শৃঙ্গ শয্যাশ্রাস্ত—অপূর চোখে প্রায় জল আসিল। অপূর্ণা সব বুঝিয়া তাহাকে এই কষ্টের মধ্যে ফেলিয়া গেল।...বড়লোকের মেয়ে কিনা?...আচ্ছা বেশ।... অভিমানে মূখে সে একথা ভুলিয়া গেল যে, অপূর্ণা আজ ছ'মাস এই শৃঙ্গ বাড়ীতে শৃঙ্গ শয্যায় তাহারই মুখ চাহিয়া কাটাইয়াছে।

পরদিন প্রত্যুষে অপূর্ণা কলিকাতা রওনা হইল। সেখানে দিনচারেক পরেই অপূর্ণার এক পত্র আসিল,— অপূর্ণা সে পত্রের কোনো জবাব দিল না। দিন পাঁচ ছয় পরে অপূর্ণার আর একখানা চিঠি। উত্তর না পাওয়া ব্যস্ত আছে, শরীর ভাল আছে তো? অস্থখ বিষয়ের সময়, কেমন আছে পত্রপাঠ যেন জানায়, নতবা বড় দুর্ভাবনার মধ্যে থাকিতে হইতেছে। তাহারও কোনো জবাব গেল না।

মাসখানেক কাটিল।

কার্তিক মাসের শেষের দিকে একদিন একখানা দীর্ঘ পত্র আসিল। অপূর্ণা লিখিয়াছে—ও গো, আমার বুকে এমন পাষণ চাপিয়ে আর কতদিন রাখবে, আমি এত কি অপরাধ করেছি তোমার কাছে?... আজ এক মাসের ওপর হল তোমার একছত্র লেখা পাইনি, কি করে দিন কাটাচ্ছি, তা কাকে জানাব? দ্যাখো যদি কোনো দোষই করে থাকি, তুমি যদি আমার ওপর রাগ করবে, তবে ত্রিভুবনে আর কার কাছে দাঁড়াই বল তো?

অপূর্ণা ভাবিল—বেশ জল্প, কেন যাও বাপের বাড়ী?—আমাকে চাইবার দরকার কি, কে আমি? সঙ্গে সঙ্গে একটা অপূর্ণ পুলকের ভাব মনের কোণে দেখা দিল—পথে, ট্রামে, আপিসে, বাসায়, সব সময়, সকল অবস্থাতেই মনে না হইয়া পারিল না যে, পৃথিবীতে এমন একজন কেহ আছে। যে সর্বদা তাহার জন্ত ডাবিতেছে, তাহার চিঠি না পাইলে সে-জনের দিন কাটিতে চাহে না, জীবন বিষাদ লাগে। সে যে হঠাৎ এক হৃদয়ী ওরফীর নিকট এতটা প্রয়োজনীয় হইয়া

উঠিয়াছে,—এ অতীকৃত সঙ্গী অভিনব ও অন্তত তাহার কাছে। অতএব তাহাকে আরও ভাবাও, আরও কষ্ট দাও, তাহার রক্তনী আরও বিন্দ্রি করিয়া তোলা।

সুতরাং অপূর্ণার মিনতি বুখা হইল। অপূর্ণা চিঠির জবাব দিল না।

এদিকে অপূর্ণার আপিসের অবস্থা বড় খারাপ হইয়া আসিল। কাগজ উঠিয়া যাইবার যোগাড়, একদিন স্বাধিকারী তাহাদের কয়েকজনকে ডাকিয়া পাঠাইলেন, কি করা উচিত সে-সম্বন্ধে পরামর্শ। কথাবার্তার গতিকে বুলিল কাগজের পরমায়ু আর বেশী দিন নয়। তাহার একজন সহকর্মী বাহিরে আসিয়া বলিল—এ বাজারে চাকরীটুকু গেলে মশাই দাঁড়াবার যো নেই একেবারে—বোনের বিয়েতে টাকা ধার, স্বদে আসলে অনেক দাঁড়িয়েছে, হুন্টা দিয়ে থামিয়ে রাখার উপায় যদি না থাকে, মহাজনে বাড়ী ক্রোক দেবে মশাই, কি যে করি!

ইতিমধ্যে সে একদিন লীলার বাড়ী গেল, যাওয়া সেখানে ঘটে নাই প্রায় বছর দুই, হঠাৎ অপ্রত্যাশিত ভাবে তাহাকে দেখিয়া লীলা আনন্দ ও বিস্ময়ের স্বরে বলিয়া উঠিল—একি আপনি! আজ নিতান্তই পথ ভুলে বুঝি এদিকে এসে পড়লেন? অপূর্ণা যে শুধু অপ্রতিভ হইল তাহা নয়, কোথায় যেন সে নিজেকে অপরাধী বিবেচনা করিল। একটুখানি আনাড়ির মত হাসি ছাড়া লীলার কথার আর কোনো উত্তর দিতে পারিল না। লীলা বলিল—এবার না হয় আপনার পরীক্ষার বছর, তার আগে তো অনায়াসেই আসতে পারতেন? অপূর্ণা মুছ হাসিয়া বলিল—কিসের পরীক্ষা? সে সব তো আজ বছর দুই ছেড়ে দিয়েছি। এখন খবরের কাগজের আপিসে চাকরী করি।

লীলা প্রথমটা অবাক হইয়া তাহার মুখের দিকে চাহিয়া রহিল, কথাটা যেন বিশ্বাস করিল না, পরে দুঃখিতভাবে বলিল—কেন, কি জল্পে ছাড়লেন পড়া, শুনি? আ-প-নি পড়া ছেড়েছেন!

লীলার চোখের এই দৃষ্টিটা অপূর্ণার প্রাণে কেমন একটা বেদনার স্রষ্টি করিল, অত্যন্ত ঘনিষ্ঠ আত্মীয়তার দৃষ্টি,

তবুও সে হাসিমুখে কৌতূকের হুরে বলিল—এমনি দিলুম ছেড়ে, ভাল লাগে না আর, কি হবে পড়ে? তাহার এই হালকা কৌতূকের হুরে লীলা মনে আঘাত পাইল, অপূর্ণ কি ঠিক সেই পুরানো দিনের অপূর্ণ-ই আছে? না যেন।

অপু বলিল—তুমি ত পড়চো, না?

লীলা নিজের সম্বন্ধে কোনো কথা হঠাৎ বলিতে চায় না, অপূর প্রশ্নের উত্তরে সহজ ভাবে বলিল—এবার আই-এ পাশ করেচি, থার্ড ইয়ারে পড়ছি। আপনি আজ কাল পুরোনো বাসায় থাকেন, না, আর কোথায় উঠে গিয়েছেন?

লীলার মা ও মাসীমা আসিলেন। লীলা নিজের আঁকা ছবি দেখাইল। বলিল—এবার আপনার মুখে সেই ‘স্বর্গ হইতে বিদায়’টা শুনবে, মা আর মাসীমা সেই জন্যে এসেছেন। আরও খানিক পরে অপু বিদায় লইয়া বাহিরে আসিল, লীলা বৈঠকখানার দোর পর্যন্ত সঙ্গে আসিল, অপু হাসিয়া বলিল, লীলা, আচ্ছা ছেলেবেলায় তোমাদের বাড়ীতে কোন বিয়েতে তুমি একটা হাসির কবিতা বলেছিলে মনে আছে? মনে আছে সে কবিতাটা?

—উঃ! সে আপনি মনে করে রেখেচেন এতদিন। সে সব কি আজকার কথা?

অপু অনেকটা আপন মনেই অশ্রুমনস্ক ভাবে বলিল—আর একবার তুমি তোমার জন্যে-আনা দুধ অর্ধেকটা আমায় খাওয়ালে জোর করে, শুনলে না কিছুতেই—ওঃ, দেখতে দেখতে কত বছর হয়ে গেল!

বালিয়া সে হাসিল, কিন্তু লীলা কোনো কথা বলিল না। অপু একবার পিছন দিকে চাহিল, লীলা অস্ত্রদিকে মুখ ফিরাইয়া কি যেন দেখিতেছে।

ফিরিবার পথে একটা কথা তাহার বার বার মনে আসিতেছিল। অপর্ণা হৃন্দরী বটে, কিন্তু লীলার সঙ্গে এ পর্যন্ত দেখা কোনো মেয়ের তুলনা হয় না, হওয়া অসম্ভব। লীলার রূপ মাছের মত নয় যেন, দেবীর মত রূপ, মুখের অস্থপম স্রীতে, চোখের ও অর ভঙ্গিতে, গায়ের রং-এ, গলার হুরে, গতির ছন্দে।

অপু বুঝিল সে লীলাকে ভালবাসে, গভীর ভাবে ভালবাসে, কিন্তু তা আবেগহীন, শান্ত, ধীর ভালবাসা। মনে তৃপ্তি আনে, শিথিল আনন্দ আনে, কিন্তু শিরায় উপশিরায় রক্তের তাণ্ডব নর্তন তোলে না। লীলা তার বাল্যের সাথী, তার উপর মায়ের পেটের বোনের মত একটা মমতা, স্নেহ ও অলুকাপ্পা, একটা মাধুর্যভরা ভালবাসা।

দিন কয়েক পরে একদিন লীলার দাদামহাশয়ের এক দরোয়ান আসিয়া তাহাকে একখানা পত্র দিল, উপরে লীলার হাতে ঠিকানা লেখা। পত্রখানা সে খুলিয়া পড়িল, দু-লাইনে পত্র, একবার বিশেষ প্রয়োজনে আজ বা কাল ভবানীপুরের বাড়ীতে লীলা যাইতে লিখিয়াছে।

লীলা সাদাসিধা লালপাড় শাড়ী পরিয়া মাঝের ছোটঘরে তাহার সঙ্গে দেখা করিল। যাহাই সে পরে তাহাতেই তাহাকে কি সুন্দর না মানায়! সকাল আটটা, লীলা বোধ হয় বেশীক্ষণ ঘুম হইতে উঠে নাই, রাজির নিদ্রালুতা এখনও যেন ডাগর ডাগর সুন্দর চোখ হইতে একেবারে মুছিয়া যায় নাই, মাথার চুল অবিন্যস্ত, ঘাড়ের দিকে ঈষৎ এলাইয়া পড়িয়াছে, প্রভাতের পদ্মের মত মুখের পাশে চূর্ণ কেশের দু এক গাছা। অপু হাসিমুখে বলিল—থার্ড ইয়ার বলে বুঝি লেখাপড়া ঘুচেছে? আটটার সময় ঘুম ভাঙল? না, এখনও ঠিক ভাঙেনি?

লীলা যে কত পছন্দ করে অপুকে তাহার এই সহজ আনন্দ, খুসি ও হাল্কা হাসির আবহাওয়ার জগৎ! ছেলেবেলাতেও সে দেখিয়াছে শত দুঃখের মধ্যেও অপূর মুখের আনন্দ, উজ্জলতা ও কৌতুকপ্রবণ মনের খুসি কেহ আটকাইয়া রাখিতে পারিত না, এখনও তাই, একরাশ বাহরের আলো ও তারুণ্যের সজীব জীবনানন্দ সে সঙ্গে করিয়া আনে যেন, যখনই আসে—আপনা-আপনিই এসব কথা লীলার মনে হইল। তাহার মনে পড়িল মায়ের মৃত্যুর খবরটা সে এই রকম হাসিমুখেই দিয়াছিল লালদীঘির মোড়ে।

—আহ্নন, বহ্নন, বহ্নন। কুড়িমি করে ঘুমুই নি, কাল রাতে বড় মামীমার সঙ্গে বাঘোঝোপে গেছলাম

সাড়ে ন'টার শো'তে। ফিরতে হয়ে গেল পৌনে বারো, ঘুম আসতে দেড়টা। বহ্নন, চা আনি।

জাপানী গালার হৃদয় চায়ের বাসনে সে চা আনিল, সঙ্গে চোষ্ট ও খোলাশুক ডিম, কি এক প্রকার শাক, আদখানা ভাঙা আন্—সব সিদ্ধ, ধোঁয়া উড়িতেছে। অপু বলিল, এসব সাহেবী বন্দোবস্ত বোধ হয় তোমার দাদামশায়ের, লীলা? ডিম, তা আবার খোলাশুক, এ শাকটা কি? লীলা হাসিমুখে বলিল, ওটা লেটুস। দাঁড়ান ডিম হাড়িয়ে দি। আপনার দাড়ির কাছে ও কাটা দাগটা কিসের? কামাবার সময় কেটে ফেলেচেন বন্ধি?

অপু বলিল, ও কিছু না, এমনি কিসের। বোসো, দাড়িয়ে রৈলে কেন? তুমি চা খাবে না?

লীলার ছোট ভাই ঘরে ঢুকিয়া অপূর দিকে চাহিয়া হাসিল, নাম বিমলেন্দু, দশ এগারো বছরের স্থত্রী বালক। লীলা তাহাকে চা ঢালিয়া দিল, পরে তিন জনে নানা গল্প করিল, লীলা নিজের আঁকা কতকগুলি ছবি দেখাইল, নিজের আশা-আকাঙ্ক্ষার কথা বলিল। সে এম-এ পাশ করিবে, নয় তো বি-এ পাশ করিয়া বিদেশে যাইতে চায়, দাদামশায়কে রাজী করাইয়া লইবে, ইউরোপের বড় আট গ্যালারিগুলির ছবি দেখাবে, ফিরিয়া আসিয়া গজস্তা দেখিতে যাইবে, তার আগে নয়।

খানিকক্ষণ কথাবার্তার পরে লীলা হঠাৎ বলিল—নাছা, অপূর বাবু, একটা ভালো চাকরী যদি কোথাও পাওয়া যায়, তো করেন? অপু বলিল—কেন ধরবে না; কিসের চাকরী?

লীলা বিবরণটা বলিয়া গেল। তাহার দাদামশায় একটা বড় স্টেটের এটনি, তাদের আপিসে একজন সেক্রেটারী দরকার, মাহিনা দেড় শত টাকা, চাকরীটা দাদামশায়ের হাতে, লীলা বলিলেই এখন হইয়া যায়, সেইজন্যই আজ তাহাকে এখানে ডাকিয়া আনা।

অপূর মনে পড়িল সেদিন কথায় কথায় সে লীলার কাছে নিজের বর্তমান চাকরীর দুর্বস্থা ও খবরের গাজখানা উঠিয়া যাওয়ার কথাটা অন্ত কি সম্পর্কে একবারটি তুলিয়াছিল।

লীলা বলিল—সেদিন রাত্রে আমি তাঁর মুখে কথাটা

শুনলাম, আজ সকালেই আপনাকে পত্র পাঠিয়ে দিয়েছি, আপনি রাজী আছেন তো? আহ্নন, দাদামশায়ের কাছে আপনাকে নিয়ে যাই, তাঁর একখানা চিঠিতে হয়ে যাবে।

কৃতজ্ঞতার অপূর মন ভরিয়া গেল। এত কথার মধ্যে লীলা চাকুরী যাওয়ার কথাটাই কি ভাবে মনে ধরিয়া বসিয়াছিল—যাই হুবিধা পাইয়াছে অমনি মেহময়ী মমতাময়ী বোনের মতই তখনি সে ভাল করিতে ছুটিয়াছে।

লীলা বলিল—আপনি আজ দুপুরে এখানে না থেয়ে যাবেন না। কিন্তু আহ্নন,—পাখাটা দয়া করে টিপে দিন না।

কিন্তু চাকুরী হইল না। এসব ব্যাপারের অভিজ্ঞতা না থাকায় লীলা একটু ভুল করিয়াছিল, দাদামশায়কে বলিয়া রাখে নাই অপূর কথা। দিন দুই আগে লোক লওয়া হইয়া গিয়াছে। সে খুব হুঃখিত হইল, একটু অপ্রতিভও হইল। অপু হুঃখিত হইল লীলার জন্ত। বেচারী লীলা। সংসারের অভিজ্ঞতা তার কি আছে? একটা চাকুরী খালি থাকিলে যে কতখানা উমেদারীর দরপত্র পড়ে, বড়লোকের মেয়ে, তার খবর সে কি করিয়া জানিবে?

লীলা বলিল—আপনি এক কাজ করুন না, আমার কথা রাখতে হবে কিন্তু, ছেলেবেলার মত একগুয়ে হ'লে কিন্তু চলবে না—প্রাইভেটে বি-এটা দিয়ে দিন। আপনার পক্ষে সেটা কঠিন না কিছু।

অপু বলিল—বেশ দেবো।

লীলা উৎফুল্ল হইয়া উঠিল—ঠিক? অনার ব্রাইট?

—অনার ব্রাইট।

শীতের অনেক দেৱী, কিন্তু এরই মধ্যে লীলাদের গাড়ীবারান্দার পাশে জাক্স-রীতে-ওঠানো মার্শাল নীলের লতায় ফুল দেখা দিয়াছে, বারান্দার সিঁড়ির দু পাশের টবে বড় বড় পল নিরোনি ও ব্রাক প্রিয় ফুটিয়াছে। বধ্যাশেবে চাইনিজ ক্যান্‌ পামের পাতাগুলি ঘন সবুজ।

পদ্মপুতুর রোডে পা দিয়া অপূর চোখ জলে ভরিয়া আসিল। লীলা, ছেলেমাছ লীলা—সে কি জানে সংসারের

কুটতা ও নিষ্ঠুর সংঘর্ষের কাহিনী? আজ তাহার মনে ছ একবার বলি বলি করিয়াও অপু বিবাহের কথা হইল লীলার পায়ে একটা কাঁটা ফুটিলে সেটা তুলিয়া তাহাকে বলিতে পারিল না, অথচ সে নিজে ভালই দিবার জন্ত সে নিজের স্ব স্ব শাস্তি সম্পূর্ণ উপেক্ষা ও বোঝে, যে না বলিতে পারিবার কোনো সঙ্গত কারণ অগ্রাহ্য করিতে পারে। নাই।

বিবাহের পর লীলার সঙ্গে এই প্রথম দেখা, কিন্তু

ক্রমশঃ

হেমন্তী

শ্রীগোপাললাল দে

ধানের সবুজ বান বহে যায় দিগন্তরে,
নব শীষে শীষে করতালি রণন রণ ;
পাতায় পাতায় শন শন বাজে বাতাস ভরে,
দূরে দূরে যায় বায়ু ভরে তার অম্বরগন ।
মেঠো পথখানি ছাওয়া কুশ-কাশ তৃণের দলে,
কৃষক সে পথে চলেছে যেথাও কৃষাগী কালো,
কালো তার বেশ, কালো কেশপাশ, কালো জাঁপি কালো ।
বসন তলে,
কালো মেঘসম ধান তারই পাশে সজ্জেছে ভালো ।

বন-তুলসীর গন্ধে আকুল বায়ুর ডাকে,
যেমন গেলাম হেমধূলিময় পল্লীপথে ;
দেখি বনলতা ফুটে আছে শত পথের বাঁকে,
পুষ্প-ধনুর ঘর্ষর বাজে ভ্রমর-রথে ।
খেজুর তালের গাছ রহে থির ছবির মত,
নবীণ বেগু ব শীর্ষ শোভিছে নীলাশ্বরে,
হাওয়া নাই তবু জীর্ণ শাখায় অশথ পাতারা নৃত্যরত,
জলে কদলীর ছায়া হেরি মন কেমন করে ।

সরসী-সায়রে টলমল করে শীতল জল,
লহরী-লীলায় চল-চঞ্চল শফরী খেলে,
পদ্ম স্রবাস জলে ভাসে নীর-কুসুমদল
তীরে বসে আছে সারাদিন মাছ শিকারী ছেলে ।
শ্রামা শিষ্ দেয় কপোতের পাখে রাখিয়া তাল,
দূর হতে আসে ঘুঘুদের মধু-কল কুজন,
চন্দনা শোনে নয়নাভিরাম ভগ্নিমগ্রীব স্থচির কাল,
দূরে দিগ্‌বধু ছলছল চায় উদাস মন ।

রাতে পাদপীঠে চলে শিশিরের আলিম্পনা,
সন্ধ্যায় বরে হিম-কুসুম শ্রামল মুখে ;
প্রভাত বায়ুতে চুয়া-চন্দন কুহেলি কণা,
বর্ষা স্নানের সিক্ততা ঘোচে রৌদ্র স্বখে ।
চন্দনটীকা দিয়া ভগ্নিনীরা পায়সে তোষে,
ঘরে ঘরে আছে স্বাদু নবানে নিমন্ত্রণ ;
বনেতে হইবে স্বচ্ছ ভোজন, মাঠে 'পৌষলা' প্রথম
পো'ষে,
মধুর মদিরা খজুর-রসে তৃপ্ত-মন ।

ইংরেজীর বাংলা

শ্রীযোগেশচন্দ্র রায়

[মৌখিক ভাষায় লিখিত। দুই অক্ষরের মাঝে ও মাপার দিকে কমা চিহ্ন থাকিলে ঈষৎ উচ্চারণ করিতে হইবে। ্য অক্ষরের উচ্চারণ য মনে রাখিতে হইবে। 'বলিয়া', সংক্ষেপে, 'বলো' পড়িতে হইবে; বোলে নয়।]

যখন কলেজে পড়ি, তখন একদিন রেভারেন্ড লাল-বিহারী দে বলোছিলেন, “দেখ, যখন তোমরা ইংরেজীতে ভাবতে পারবে, স্বপ্নে ইংরেজীতে কথা কইবে, তখন জানবে ইংরেজী শিখেছ।” দে-সাহেব আমাদের ইংরেজী সাহিত্যের এক প্রোফেশর (অধ্যাপক নয়, অধ্যাপক টোলের) ছিলেন, তাঁর ইংরেজী ভাষাজ্ঞান অসাধারণ ছিল। তিনি স্বপ্নে ইংরেজীতে “লেকচার” দিবেন, আশ্চর্য কি! কিন্তু আমরা বাংলা তর্জমা করো ইংরেজী ব’লতাম। আমাদের কাছে কথাটা অসম্ভব ঠেকেছিল।

পরে বুক্‌লাম ইংরেজীভাষার অল্প বিদ্যাতেও ঐ ভাষায় ভাবা, এমন কি স্বপ্নে ইংরেজী বলা, অসম্ভব নয়। তা না হ’লে ইংরেজের ছেলেরা, যারা ইংরেজী শেখে নাই, ডু-লাইন লিখতে গেলে দুগুণ ভুল করে, তারা করে কি? অশুদ্ধ ইংরেজীই তাদের মাতৃভাষা।

শৈশব হ’তে আমরাও ইংরেজী প’ড়তে প’ড়তে লিখতে লিখতে ব’লতে ব’লতে, ইংরেজীতে ভাবি, স্বপ্নেও ইংরেজী আঁড়াই। এই অভ্যাসে আমরা বিজাতীয় হয়ে পড়াছি। কারণ দেহের দাসই ঝেড়ে ফেলতে পাগা বায়, মনের দাসই মনে গাঁথা থাকে। এখানে shall কি will ব’সবে, এখানে idiom টিক হ’ল, না ভুল হ’ল, দেখি ইংরেজেরা কি বলে,—এই চিন্তা বাল্যকাল হ’তে অপ্রহর ক’রতে ক’রতে, ইংরজকেই শাস্ত্রকার মানতে মানতে, যা কিছু কবি, যা কিছু ভাবি, শাস্ত্রকারের মুখে পানে চাই। ইংরেজ বলেন, আমরা কর্ম প্রচেষ্টা (initiative) ক’রতে পারি না। এই অক্ষমতার মূল এখানে। আমাদের যে বৃক দুয়-দুয় করে, কি জানি

বিলাতী শাস্ত্রে কি বলে। আমরা গবেষণা ক’রতে ব’সলে আগে দেখি, কোন্ বিদেশী কি বলোছেন। আমরাও যে মাছুষ, আমরাও যে পারি, এই আত্ম-প্রত্যয় গেলে মেঘস্থ ঘটে। কে কি বলে, কে কি করে, জানতে দোষ নাই। বরং যত জানা যায়, ততই ভাল। জাপানী ভাষা শিখলে, জাপানী আচার-ব্যবহার জানলে, হিত হ’তে পারে। অনেক শিক্ষিত ইংরেজ জার্মানভাষা, সাহিত্য, বিদ্যা জানেন, কিন্তু মনে খাটি আছেন।

ইঙ্কলে ও কলেজে ছেলেদিকে বাংলায় পাঠ দিলে তারা সহজে বোঝে, ভাল বোঝে, একথা কলেজে ঢুকবার নয় দশ বছরেই বুঝেছিলাম। কিন্তু নিরুপায়। কলেজে ধুতি চ’লবে না, বাংলা চ’লবে না। ছাত্রেরা নির্বোধ নয়। এ দুটা তুচ্ছ কথা নয় অবরতা-বৃদ্ধির (inferiority complex) তুচ্ছ উপাদান নয়। ছাত্রের বাংলা, সংস্কৃত, ফার্সী, আরবী পরীক্ষা হ’বে, প্রশ্ন কর ইংরেজীতে, উত্তর লেখ ইংরেজীতে। কলিকাতা-বিশ্ব-বিদ্যালয় ইংরেজীতে সংস্কৃত ব্যাকরণ লেখালেন, পড় সে ব্যাকরণ, উপক্রমণিকা চলবে না! (এখন শূন্য সে ইংরেজীর বাংলা অনুবাদ হয়েছে।) বাংলাকে ইংরেজী কতদিকে আক্রমণ ও গ্রাস ক’রছে, চক্ষুগান্ধকে ব’লতে হবে না। বর্ধমানে সাহিত্য-সন্মেলন আমাকে দিয়ে ইঙ্কলে কলেজে বাংলায় পাঠ দিবার প্রস্তাব করিয়েছিলেন, বিশ্ব-বিদ্যালয়ের কর্ণগোচর করা হয়েছিল। সে বোধ হয় পনের বোল বছর হ’বে। এখনও কিন্তু বিচারপার বিরাম নাই। মজার কথা এই, যারা এই ব্যবস্থা সমর্থন ক’রছেন, তারা ব’লছেন, বাংলাকে শিক্ষার “বাহন” কর। সিন্দবাদের দৈত্য ঘাড়ের চেপে জাঁকড়ো বসোছে, “না” ব’ললেই বাহনই ঘুচবে না। medium শব্দের বাংলা যে চাই, “বাহন” যে ব’লতেই

হ'চ্ছে! আর, বাহন শব্দও ত ঠিক। বাহনের আরোহী যে বড়, এখন চিন্তার সময় হয়েছে।

এত গুরুত্ব ক'থা পাড়ব না। আমরা বাংলা ভুলতে চাই না, বাংলা বাতর্জপত্রও বাংলা মাসিক পুস্তক, তার সাক্ষী। এই সবে সম্পাদকের জন্মে পাঠকের করণা হ'বার কথা। তাঁরা প্রত্যহ নতুন নতুন ইংরেজী শব্দের অজস্র বর্ষণ মাথায় পেতে নিয়েছেন। বাংলা কাগজ, বাংলায় লিখতে হ'বে। উপরিক (superior) রাজপুরষ কোথায় কখন কি সংবাদ (address) ব'লছেন, প্রজ্ঞাপক (publicity officer) কখন কি প্রজ্ঞাপন (communiqué) ক'রছেন, এদিকে তার বাংলা ব'লতে হবে। ইংরেজী ভাষাটা ফাঁপা, বুদ্ধদের স্নায়ু বেশ ভাসতে থাকে, শব্দে বেশ, প'ড়তে বেশ। বাতর্জ-পত্রের এক পাটি (তন্তু নয়, column ক্ষেত্র নয়) পড়ি, ফেনপুঞ্জ শব্দে দেখি, মাত্রিক (material) অর্দ্ধরতি। ইংরেজী ভাষার এটা মন্ত গণ, কিছু না ব'ললেও আধ ঘণ্টা ব'লতে পারা যায়। কিন্তু বাতর্জের (news-paper men) কষ্টের অবধি নাই, ভাবার্থ দিয়া কার্য সমাপ্ত করেন। ভালই করেন, ইংরেজ ব'ললেও আমরা অপ্রায়োগিক (unpractical) নই, বাক-সংঘম আমাদের কৃষ্টির (culture) এক লক্ষণ। ইংরেজের ঐশ্বর্ষের সীমা নাই, ভাষার শব্দের ও বাক-ভঙ্গিরও নাই। কিন্তু কাজের কথাগুলার ত বাংলা চাই। সেও যে স্মরণ!

কটকে থাকবার সময় আমার জন-কয়েক ছাত্র, তখন গৃহী, সেখানে বঙ্গীয় সাহিত্য-পরিষৎ বসাতে উদ্যোগী হ'লেন। আমায় পরিষৎ-পতি হ'তে হবে। আমি এক নিয়মে সম্মত হ'লাম, ইংরেজীর তর্জমা ক'রতে পাবে না, ইংরেজীর অদ্ভবং অনুসরণও অনুবাদ ক'রতে পাবে না। “হাঁ, তা ত ঠিক, বঙ্গীয়-সাহিত্য-পরিষদে ইংরেজীর স্থান নাই। স্যার, মিটিং কবে করা যাবে?” বলোই হেসে উঠলেন। একজন ব'ললেন, মিটিং কথাটা মেয়েরাও বলে। আমি বুঝিয়ে দিলাম, এ ত তর্জমা নয়, শব্দটা বাংলা হয়ে গেছে। আর একজন ছিলেন খুঁং-খুঁতো। তাঁর মনঃপূত হ'ল না; তিনি ব'ললেন, কলিকাতা-সাহিত্য-পরিষৎ হ'তে

নিয়মাবলী আনাতে হবে, দেখব তাঁরা কি করেছেন। নিয়মাবলী এল, কর্মকর্তাদের (office-bearers) সংজ্ঞা পড়া হ'ল, অধিকাংশই ইংরেজীর তর্জমা। সে সব নিলে আমাদের নিয়ম-লঙ্ঘন হয়। অগত্যা শব্দ-চয়ন ক'রতে হ'ল। কয়েকটা মনে আছে, President পরিষৎ-পতি, Vice-President—উপপরিষৎ-পতি, members—পারিষদ, associates—মিত্র (যদিও ৫০ টাকা দান না ক'রলে মিত্র হবার নিয়ম ছিল না), Patron—পোষ্টা, Executive Committee—কার্যাসূচক, Committee—পঞ্চক (পাঁচের বেনীও হ'তে পারে), Secretary—ব্যবহর্তা (ওড়িয়ার রাজাদিগের 'বেবর্তা', এইরূপ, Joint-Secretary সহ-ব্যবহর্তা, Asst. Secretary—অনুব্যবহর্তা, Library—গ্রন্থশালা, Librarian—গ্রন্থপাল, Treasurer—অর্থপাল (আমাদের ধনের মধ্যে মাত্র চাঁদা) meeting—সমাগম, business কার্য, routine—প্রণিধি, programme—প্রগম (ওড়িয়া ভাষার সংসর্গে ন অকার্যন্ত), ইত্যাদি। দিন কয়েক একটু নতুন নতুন ঠেকত, পরে চলো গেছল, এবং এখনও চলছে। 'প্রগম' নবনির্মিত; তা ছাড়া সকল নামই সংস্কৃত, অর্থ ভাবতে হয় না, উচ্চারণও কষ্ট নাই। কেহ কেহ ভাবছেন, এই বহুস্রোতে ক্রিয়াটা লঘু হয়ে থাকবে। কিন্তু তা নয়, ব্যবহর্তার উৎসাহে এক মাসের মধ্যেই পরিষৎ “সাফল্য-মণ্ডিত” (crowned with success. সাফল্য-মৌলি?) হয়ে উঠেছিল।

উপরে address শব্দে 'সংবাদ' লিখেছি। 'সংবাদ' শব্দের ঠিক অর্থ হয়েছে। গর-শিষ্যের সংবাদে একজন বক্তা, অপরে শ্রোতা। 'বাড়ীর সংবাদ কি?'—বাড়ীর লোকে কি ব'ললে। সংবাদ speaking, এই থেকে information হয় বটে, কিন্তু address শব্দের বাংলাও যে চাই। মহাত্মা গান্ধীর 'বক্তৃত' শব্দে লোক দউড়ে না, তাঁর 'সংবাদ' শব্দে যায়। মহামহোপাধ্যায় শাস্ত্রী মহাশয় সভাপতির 'অভিভাষণ' ছেড়ে 'সম্বোধন' ক'রছেন, কিন্তু সম্বোধনের স্বর উচু নয় কি?

বাংলাবাতর্জহরের কাজ ভারি কঠিন। বাংলা ও ইংরেজী, দুই ভাষার জ্ঞান চাই। এ 'রক্তিম শুল্কিমার'

কর্ম নয়, বিষয়-জ্ঞান চাই। বিষয়েরও অন্ত নাই। মামলা মকদ্দমা, মারামারি দাঙ্গা, সে ত মামুলী ব্যাপার। একটু আইন জানলে বুঝতে পারি। কোথায় জলপ্লাবনে (প্লাবন বাংলা-প্রয়োগ নয়) দেশ ভেসে গেল, কোথায় বিমান অগ্নিদগ্ধ হয়ে ভূ-পতিত হ'ল, কোথায় পাটের দর কমো গেল, কোথায় বিলাতী কাপড়ের কাটুতি ('চাহিদা' হিন্দী) স্তব্ধ হ'ল, এ যে নানারকমের খবর। স্মরণ রমন কেন যে 'নোবেল' উপায়ন (present. পুরস্কারে আমিষ-গন্ধ আছে) পেলেন, ডক্টর রাধাকৃষ্ণ (ডাক্তার নয়, ডাক্তার চিকিৎসক) কি ব্যাখ্যান (lecture) দ্বারা বিদ্বজ্জনকে তৃপ্ত ক'রলেন, ইত্যাদি দেশের বার্তা না শোনাতেও চলে না। ভাষা-জ্ঞান ব'লতে শব্দ-জ্ঞান, শব্দার্থ-জ্ঞান ও ব্যাকরণ-জ্ঞান বুঝি। বার্তাহরণ অল্প পুঞ্জিতে চলে না। এক বার্তা-পত্রে পড়ছিলাম, "বঙ্গোপসাগরে গোলযোগ আরম্ভ হয়েছে।" কাজের গোলযোগ হয়, আবহের দুর্ভোগ। এক বার্তাহরণ পাঠককে শেখাচ্ছেন, "নারিকেলের মধ্যে চবির ভাগ শতকরা ৫২ ভাগ এবং স্বেতসারের ২৭ ভাগ।" কথাটা এখানে ভাঙ্গবার দরকার নাই, কিন্তু দেখা যাচ্ছে এই একটি বাক্যে উপরি-উক্ত ত্রিবিধ জ্ঞানের অভাব ঘটেছে। অনেকে 'কাপাস চাষ' ভুলে 'তুলার চাষ' লিখছেন, কারণ ইংরেজীতে cotton cultivation. আমরা জল হ'তে নুন করি, 'তৈয়ার করি' না। আমরা বি-এ পরীক্ষায় পাশ (উত্তীর্ণ) হই, পাশ-করার কতী পরীক্ষক। একজন লিখেছিলেন, "যতীন দাসের মৃতদেহ কলিকাতায় পৌঁছিলে শোভাযাত্রা হইয়াছিল।" তিনি জানাতে চান, শোক-যাত্রা। হয়ত কোন ইংরেজী-বাংলা অভিধানে procession মানে: ('মানে' লিখলে মান-অভিমান মনে আসে) শোভাযাত্রা লেখা আছে। কিন্তু এক ভাষার শব্দ অন্য এক ভাষায় আনতে গেলে সব সময় এক কথায় সারা যায় না। বিবাহের বর-যাত্রা, দেবীর বিসর্জন-যাত্রা, ঢাকায় জম্মাষ্টমী-যাত্রা কি বস্তু, বাঙ্গালী বুঝতে পারে। কলিকাতার জেলোপাড়ার সং-যাত্রা শোভা-যাত্রা নয়। পণ্ডিত মোতিলাল নেহরু কলিকাতায় এলে বিজয়-যাত্রা হয়েছিল। যাত্রা উৎসব; গমন-পথের কোথাও

নৃত্য কোথাও গীত হ'ত। দে হ'তে যাত্রা-গান শব্দের উৎপত্তি।

মাসিক পুস্তক (monthly periodical. পত্র, পত্রিকা বলি কেমনে?) সম্পাদকের কর্ম বহু গুণে লঘু। তাঁরও বিদ্যা বুদ্ধি, বিশেষতঃ উৎসাহ ও প্রভাব অবশ্য চাই। কিন্তু "প্রবন্ধ-লেখকের মতামতের জন্ত প্রবন্ধ-লেখক দায়ী।" লেখকের দায় নিশ্চয়, কিন্তু সম্পাদক দায়াদ, অন্ততঃ দণ্ড-দায়াদ। তা ছাড়া পরিকর্মের (dressing) ভার সম্পাদকের। পুস্তকের সব প্রবন্ধ এক বিষয়ের হ'লে সম্পাদকের জ্ঞান সে বিষয়ে থাকলেই যথেষ্ট। কিন্তু অধিকাংশ মাসিক পুস্তকে আত্রক্ষত্ব পর্যন্ত বিস্তার চর্চা থাকে, অধিকাংশ বিশ্ববাণী (miscellany. বিশ্ব all, বাণী a literary composition. আ'জকা'ল আকাশ-বাণীর তুলনায় বাণী message বলা হ'চ্ছে।) বিশ্ববাণী মণিহারীর ভাণ্ডার, সঞ্চয়নী (magazine)। সম্পাদককে লোক-বৃত্ত জানতে হয়, প্রকারান্তরে বাতীক হতে হয়। এক পয়সার পুঁতিই বা হ'ল, ক্রেতা ধূলা-মাথা পুঁতি কিনবে কেন? পুঁতির হাট বুঝতে হ'বে, পুঁতির দোষণ গণও বুঝতে হ'বে। কাজটা সোজা নয়। বাতীকের শ্রেণীবিভাগ কঠিন। কিন্তু এ'রাই লোকশিক্ষা দিচ্ছেন, বাংলাভাষার প্রসার ক'রছেন, নতুন নতুন শব্দ চালাচ্ছেন। শিক্ষকের কাজ চিরদিন কঠিন।

পূর্বে শুনুতাম, গায়ে আন্দোলন চলাচ্ছে, অমুককে এক-ঘরো করা উচিত কি, না। এক পক্ষের মতে উচিত, অপর পক্ষের মতে উচিত নয়। এই যে উচিত কি অসুচিত, ভাল কি মন্দ, স্বপ্নের দোলায় আন্দোলন। বোধ হয়, কংগ্রেসের জন্মবৎসরে দেশে agitation আরম্ভ হয়। বাংলায় 'আন্দোলন' এল। এখন agitator-কে কি বলি? ইনি নিরীহ নন, শাস্তিভঙ্গ করেন। ইনি agitate করেন, ক্ষোভ জন্মান। ইনি ক্ষোভক। চীৎকার দ্বারা শত্রুকে ভয় দেখালে সংস্কৃতে ডমর বলা হ'ত। ডমর অশস্ত্র কলহ, গ্রামে বলে, বিক্রম-প্রকাশ। Boisterous meeting ডমর ব'লতে পারি। লোকের স্বভাব বদলায় না, ভাষা বদলায়। যখন

আন্দোলনে ও বিক্রম-প্রকাশে ফল হয় না, তখন লোকে দোষীকে এক-ঘরো করে, সাহায্য দেয় না, non-co-operate করে। পরস্পরকে সাহায্য দিয়ে co-operate করো গ্রাম চলে। ‘সহযোগ’ ও ‘অসহযোগ’ কথা দুটা ইংরেজীর তর্জমা বল্যে নতুন ঠেকছে। দুই জনের বিবাদ না থাকলেই তারা সহযোগী (colleague) হয় না। Co-operative Society সহযোগী সমিতি বটে, এক উদ্দেশ্যসিদ্ধির নিমিত্ত সমবায় বটে (সমবায়ের পর ‘সমিতি’ শব্দ নিরর্থক)। অতএব সহযোগ চেয়ে সাহায্য শব্দ ভাল, non-co-operation movement সাহায্য-রোধ চেষ্টিত। movement চেষ্টিত, ‘প্রচেষ্টা’ বলার দরকার দেখি না। সাহায্য বন্ধ ক’রতে পথ আগলানা (picketing) নতুন ব্যাপার নয়, আগল (pickets) না থাকলে এক-ঘরো ক’রতে পারা যায় না। জমীদারের সহিত প্রজার বিবাদও নতুন নয়। প্রজারা বিরক্ত হ’লে খাজনা দেয় না। এই কথাটা এখন civil disobedience, আইন অমান্য নয়, কর-সঙ্ঘন (non-payment of taxes) নামে শুনছি। Passive resistanceও নতুন নয়। যে প্রজা প্রতিজ্ঞা করোছে কর দিবে না, তাকে মা’র-ধ’র ক’বুলও দেয় না। Passive resistance ‘নিষ্ক্রিয় প্রতিরোধ’ কেমনে বলি? ‘প্রতিরোধ’ কই? প্রতিরোধ হ’লেই ক্রিয়া থাকবে। অহিংস, অ-শস্ত্র, বিশেষণ দিলেও প্রতিরোধ active। প্রজা আপনাকে অসহায় মনে করে, জমীদারের উপাধীন সহ্য করে, তার passive resistance অপ্রতিকার্য সহিষ্ণুতা। কিন্তু প্রতিকারের প্রবৃত্তি ও শক্তি থাকতেও প্রতিকারের চেষ্টা না করা, দমের লক্ষণ। বাহ্যবৃত্তির নিগ্রহ (restraint), দম। মহাত্মা গান্ধী অহিংসা পরমোধর্ম নিজ চরিতে পালন ক’রছেন। তিনি অহিংসাধর্মেই সত্য অস্ত্বেয় (non-stealing) দয়া দম ক্ষান্তি (forbearance) প্রভৃতি ধর্ম-সাধন প্রচার ক’রছেন। ষাঁর দমগুণ আছে, তিনি দমী। তাঁকে দাস্ত বলাও চলে। মহাত্মা সাধারণ লোককে, অন্ততঃ তাঁর অঙ্গগতিক (following) দাস্ত ক’রতে পেরেছেন, ইহাই তাঁর মহতী-কীর্তি।

non-violent দাস্ত। non-violent non-co-operation এর non-violent বিশেষণ অনাবশ্যক। কারণ non-co-operation ঔদাসীন্য। ঔদাসীন্যের ক্রিয়া নাই। তথাপি যদি চাই, দাস্তের ঔদাসীন্য, কিংবা দাস্তাপসরণ (দাস্তের অপসরণ taking no part)।

বর্তমান দেশ-বিপর্যয়ে (abnormal condition) নতুন নতুন ক্রিয়া-বাচক শব্দ আবশ্যক হ’চ্ছে। পূর্বকালেও দেশ-বিপর্যয় ঘ’টত; লোকে শব্দও পেত। শূত্র ও বৃহস্পতি, দুইজন অতি প্রাচীন নীতিজ্ঞ (politician) ছিলেন। রাজ্য-শাসন-সম্বন্ধে শূত্রের মত, দুষ্টকে, নিগ্রহ কর, শিষ্টের চিন্তা ক’রতে হবে না। তিনি অশ্বরদের গুরু ছিলেন। বোধ হয় অশ্বরদের মধ্যে দুষ্ট লোক বেশী ছিল। বৃহস্পতির মত, দুষ্টের নিগ্রহ যেমন চাই, শিষ্টের অহুগ্রহও তেমন চাই। বৃহস্পতি অশ্বরদের গুরু ছিলেন, এবং প্রাচীন আখ্যেয়া তাঁর মতে “রাজ্যশাসন ও প্রজাপালন” এই দুইকে রাজধর্ম স্বীকার ক’রতেন। কিন্তু রাজা, প্রজাপতি না হ’লে, প্রজাকে পুত্রস্বরূপ দেখতে না পারলে, রাজা-প্রজার সম্বন্ধ হ’তে পারে না। কারণ, প্রজা শব্দের মূলার্থ পুত্রকন্যা। প্রজাপতি-রাজাকে ঈশ্বর দেবের অংশ দিয়ে নির্মাণ করেন, রাজা নররূপ মহতী দেবতা। তিনিই দণ্ড-পুত্র, নেতা, শাসিতা, এবং ধর্মের প্রতিভূ।

মহাভারত, রামায়ণ, পুরাণ, ঋগ্বেদ, নীতিশাস্ত্র প্রভৃতি অসংখ্য গ্রন্থে রাজধর্ম ব্যাখ্যাত আছে। সকল গ্রন্থেই রাজধর্মের সার দুইটি কথা আছে, রাজ্যশাসন ও প্রজা-পরিপালন। নৃপতি দণ্ডধারণ ক’রবেন, আর স্বয়ং প্রজাপতি হ’য়ে প্রজাকে সম্যক অহুগ্রহ ক’রবেন। শাসন Government, maintaing law and order.

রাজ্য সপ্তাঙ্গ,—স্বামী, অমাত্য, রাষ্ট্র (বাজন), দুর্গ, কোষ, বল, অহং। রাষ্ট্র হ’তেই রাজ্যের উৎপত্তি। রাষ্ট্র (রাজ ধাতু হ’তে) রাজ্য (kingdom); কাজেই রাষ্ট্রবাসীজনও রাষ্ট্র (the people)। এই অর্থে রাষ্ট্রিক (the subjects of a kingdom) শব্দের প্রয়োগ আছে। রাষ্ট্রের প্রাধাত্যহেতু রাষ্ট্রজনের নাম প্রকৃতি (subjects)। অমাত্য দ্বিবিধ, মন্ত্রী

(minister, adviser) যার সহিত মন্ত্রণা, গুপ্তভাষণ হয়; আর সচিব বা কর্মসচিব, কর্ম-সহায় (executive councillors)। মহামাত্র প্রধান অমাতা (prime minister)। মন্ত্রীমণ্ডল the body of councillors, cabinet. বল, সৈন্য (army), স্বহৃৎ, মিত্র (friendly kings)। রাজ্যের সপ্তাঙ্গের কোন একটির বাসন (violation, evil) হ'লে রাজ্যের অমঙ্গল। তন্মধ্যে স্বহৃৎ-বাসনের ফল লঘু, রাজার বাসনের ফল গুরু। কারণ একদিকে রাজা, অন্যদিকে রাজ্য, রাজার বাসন হ'লে রাজ্য টিকতে পারে না। নীতিজ্ঞেরা অবিনয় (নয়, regulation না মানা, autocracy), অধর্ম (injustice), লোভ (greed), ক্রোধ, ইত্যাদির ফল দেখিয়ে গেছেন। লোভ হ'তে ক্রোধ, এবং ক্রোধ হ'তে ত্রিবিধ বাসন জন্মে। (১) বাক্পারুষা,—অপবাদ, কুৎসা, ভৎসনা; (২) দণ্ডপারুষা (severity of punishment) ত্রিবিধ,—অর্থহরণ (fine and confiscation of property); তাড়ন (corporal punishment); বধ (এখন প্রাণদণ্ড রহিত করবার চেষ্টা হ'চ্ছে; কিন্তু কামন্দক, কোটিল্যের শিগা হ'লেও বলোছেন, রাজ্যাপহার ব্যতীত অল্প মহৎ অপরাধেও দণ্ড প্রাণান্তিক্য ত্যাগে)। (৩) অর্থ-দূষণ (ruinous expenditure in pursuing an offender)।

প্রকৃতির আত্মরক্তিই রাজ্যরক্ষার মূল। সে মূলে আঘাত প'ড়লে নানাবিধ ফল ঘটে। যথা, প্রকৃতির বিরাগ (disaffection), কোপ (excitement), ক্ষোভ (agitation), উদবেজন (unrest), ঘেঘ (enmity), উপজাপ (mischievous secret conspiracy), স্ত্রোহ (sedition), বিপ্লব (revolution), উত্থান (rebellion), প্রকোপ (revolt)। অরাজকতা বা রাষ্ট্রবিপ্লব (anarchy) মাৎস্ত্রতায়; বড় মাছ যেমন ছোট ছোট মাছকে গিলে ফেলে, তেমন প্রবল দুর্বলকে গ্রাস করে। কোপ দ্বিবিধ, অন্তঃকোপ, স্বরাজ্যে কোপ; বহিঃকোপ, রাজ্যের বাহিরে কোপ। বহু প্রাচীনকালে, ভারতযুদ্ধেরও আগে, রাজ্যশাসনের চারি 'উপায়' (policy) আবিষ্কার হ'য়েছিল। সাম (con-

ciliation), দান (concession), ভেদ (division), দণ্ড (punishment)। কোন্ ক্ষেত্রে কোন্ উপায় প্রয়োজ্য, সেটা বুঝলেই নীতিজ্ঞতা (statesmanship)। দানের সঙ্গে মান-দানও যায়। দানে বশীভূত হয় না, এমন মানুষ নাই। সকলের সহিত সাম, প্রিয়ভাষণ, ফলবান হয় না। দুই প্রবল পরস্পর ঈর্ষান্বিত দলে, বিশেষতঃ জ্ঞাতির দলে, ভেদ সহজে ঘটতে পারে। কালক্রমে 'উপেক্ষা' (indifference) আর এক উপায় গণ্য হ'য়েছিল। "সে আর কি কর্তে পারবে," এই উপেক্ষা। কেহ কেহ আর একটা উপায় স্বীকার করতেন। সেটা মায়া (fraud) মিথ্যাপ্রদর্শন, ভয়-প্রদর্শন। মন্ত্রশক্তি (diplomacy) সকল রাজ্যেরই অভ্যাস। অগ্নগতি থাকতে দণ্ডপ্রয়োগ নীতিসম্মত ছিল না।

পররাজ্য জয় কর্তেও এই এই উপায়। স্বরাজ্যের সংলগ্ন রাজ্য নিশ্চয় অরি। তারপর মিত্র, তারপর উদাসীন। এইরূপ চারিদিকের বারটি রাজ্য নিয়ে রাজ্যমণ্ডল। রাজ্যে কোপাদি বাসন ঘটলে জয়েচ্ছু অরি-রাজার স্বযোগ। বলীয়ান দ্বারা অভিযুক্ত (attacked) হ'লে, এবং অগ্ন প্রতিক্রিয়া না থাকলে সন্ধি; কিন্তু কাল-যাপন করো। সন্ধি ঘোল প্রকার। যথা, সমানে সমানে কপাল-সন্ধি (কপাল skull, মাথার খুলির দুই-ভাগ যেমন সমান ও সংযুক্ত); কিছু সম্প্রদান করো উপহার-সন্ধি; সজ্জনের সহিত মৈত্রী, সজ্জত-সন্ধি, (এই সন্ধিতে উভয় পক্ষের সমান স্বার্থ থাকে, উভয়ে সম্পদে বিপদে ভিন্ন হয় না। এই সন্ধি উৎকৃষ্ট); এক অর্থ (object) সিদ্ধির উদ্দেশ্যে উপগ্রাস-সন্ধি; উপকারের বিনিময়ে প্রত্যুপকার দ্বারা প্রতীকার-সন্ধি; ইত্যাদি। প্রথম তিন সন্ধিই মূল। পূর্বকালে এই তিনের সহিত বৈবাহিক-সন্ধিও একটা মূল সন্ধি গণ্য হ'ত।

রাজার দৈনিক কর্মের মধ্যে 'ব্যবহার-দর্শন' (administration of justice) একটা বাধা কর্ম ছিল। তিনি সভ্য-পরিবৃত্ত হ'য়ে সভায় বসতেন। তাঁর 'অধিকৃত' (officials in charge of departments) অবজ্ঞা

ব'সুতেন। আর ব'সুতেন সভেরা। কুল (বাদী প্রতিবাদীর জ্ঞাতি বন্ধু), জাতি (বাদী প্রতিবাদীর), শ্রেণী (এক এক বৃত্তির এক এক শ্রেণী), গণ (নানা জাতির ও বৃত্তির সম্মিলিত, corporations, বণিকদের), ও জ্ঞানপদ (কারু প্রভৃতি, পৌর নয়), হ'তে 'সভা' করা হ'ত। সভোর কেহ বাদী কিম্বা প্রতিবাদীর প্রতি স্নেহবশতঃ, কিম্বা লোভ বা ভয়বশতঃ স্বৃতি-(law) বিরুদ্ধ মত দিলে পরাজিতের দ্বিগুণ দণ্ড পেতেন। রাজ্যের সর্বত্র প্রথমে 'কুল' বিচার ক'বুতেন, কুলের নির্ণয়ে অসন্তুষ্ট হ'লে 'শ্রেণী' (trade guilds), তারপর 'গণ' (অগ্র নাম পূর্ণ; গ'বাকগচ্ছ সাদৃশ্যে এই নাম), তার পর রাজ্যাদিকৃত, তার পর স্বয়ং রাজা বিচার ক'বুতেন। আমরা বলি, রাজা পাত্র-মিত্র-সভাসদ নিয়ে সভায় বসেন। পাত্র, মন্ত্রী; মহাপাত্র, মহামন্ত্রী। মিত্র, বাদী প্রতিবাদীর, যারা উপকার প্রত্যাশা করে না। সভাসদ, নানা জাতির ও বৃত্তির মুখ্য। এঁরা assessors। সে কালে রাজ-পুরোহিত অমাত্যের সঙ্গে ব'সুতেন।

এই সংক্ষিপ্ত উদ্ধৃত উদাহরণ হ'তে দেখা যাবে, একটু যত্ন ক'বলে বতর্মানের উপযোগী অনেক শব্দ পাওয়া যাবে। যে সকল শব্দ চল্যে গেছে, সে সবার বিচার নিরর্থক। কিন্তু যে সকল শব্দ দেশময় প্রচলিত হয় নাই, মাত্র লেখক-বিশেষের নিকট সমাদৃত আছে, সে সব বিচার্য। একই শব্দ নানা অর্থে লাগালে ভাষা খর্ব হয়ে পড়ে, পাঠকের জ্ঞান আব-ছায়া হয়ে থাকে। কেহ কেহ 'নৈতিক অবনতি' লিখে 'নীতি' শব্দটার অর্থ-বিপর্যয় ঘটাচ্ছেন, 'গণ' আর 'জন' যে এক নয়, এক ক'বলে 'গণ' শব্দের ভাব-প্রকাশক অগ্র শব্দ থাকে না, সে চিন্তা ক'বুতেন না। "তথাকথিত নিয়ন্ত্রণ" বলাতে সে শ্রেণীর নিয়ন্ত্রণ যে আরও প্রকট হয়ে উঠে। শ্রেণীই বা বলি কি করে। যখন ভাগ ক'বুতেই হ'চ্ছে, আর সভ্য সভ্য ভাগ আছে, তখন 'অহম্মত প্রকৃতি' বলা চলে। কোল জাতিতে animist, কিম্বা বাংলায় 'প্রেতপূজক', ব'ল্লে অজ্ঞতাই প্রকাশিত হয়। তাদিকে বরং চৈতন্যক ব'লতে পারি, যদিও হিন্দুও চৈতন্যক। সেদিন একখানা ইঙ্গুল-পাঠ্য বইতে দেখি, প্রথম পদ্য "Our God is in

heaven."—গ্রন্থকার বান্দালী, বোধ হয় হিন্দু। তিনি ভাবেন নাই, এই বিশ্বাস হিন্দু মুসলিমের নয়। এইরূপ গদ্য-পদ্য দ্বারা বালকদের ধর্মজ্ঞান-বিকাশের পথ বাকা করা হ'চ্ছে। ইঙ্গুলে moral training দিতে হ'বে, কি উপায়ে শুনি নি।

যে কথা হ'চ্ছে সে কথাই হ'ক। ইংরেজীর প্রতিশব্দ সংস্কৃত চাই, এমন কথা নাই। চাইলে আকাশের চাঁদ চাওয়া হ'বে। আদালতে ফাসী শব্দ প্রচুর; ইদানী ইংরেজী শব্দের বান ব'চ্ছে। মুনসফ, জজ, মেজিস্টর, প্রভৃতি অসংখ্য ইংরেজী পদবীর বাংলা চলবে না। হাইকোর্টের জজকে 'বিচারপতি' ব'ল্লে মুনসফের অধিকার খর্ব করা হয়। কিন্তু পদবীকে বান্দালীর কানের ও জিবের অঙ্কুল করো নিতে হ'বে। এ বিষয়ে অশিক্ষিত জনই প্রমাণ। ষ্ট্রীট, ডিস্ট্রিক্ট, মুনসিপিটি, গমেন্ট, নিম্পেক্টর, হাইকোর্ট, বোড, ইনান প্রভৃতি নাম বাংলা হ'য়ে গেছে। বাতর্গপথে দীর্ঘনাম লিখে লাভ নাই। কতক-গুলি শব্দ কালবৈগুণ্যে এসেছে। এগুলার অর্থ এখনও প্রচলিত হয় নি, বাংলায় ব'লতে হ'বে। Ordinance থাম্ব হুকুম; মন্দ কি? Interned অন্তরীণ? কথাটার একটুও মানে: হয় না। Externed না থাকলে বা চলত। Interned গ্রাম-নিরুদ্ধ, externed গ্রাম-বহিষ্কৃত, transported সমুদ্রান্তরিত, (বীপান্তরিত? কোন্ দ্বীপ অন্তরে?), detenue নিরুদ্ধ। সংস্কৃতে 'আসেদ' custody, legal restraint, কিন্তু কেউ বুঝবে না।

এসব ছাড়া এখন "গোল টেবিল বৈঠক," Dominion Status, Federal Govt. ইত্যাদি নানা ছন্দের নানা শব্দ শুনছি। Dominion সামন্ত নয়, বটেও; মিত্র নয়, বটেও; স্ব-তন্ত্র বটে, পর-তন্ত্রও বটে। এটার নামান্তর না-কি, colonial। অতএব স-জাতির পরস্পর উপকার, Dominion form of Govt.-এর মূল নীতি। যার Dominion, তিনি 'নাতি'। অতএব বাংলায় প্রতীকার-রাজ্য বা রাষ্ট্র ব'লতে হয়।

বার্তিকেরা বিষয় চিন্তা ক'ববেন, না শব্দ চিন্তা ক'ববেন। ছই চিন্তার যুগপৎ আকুল না হ'য়ে কয়েকজন

মিলে শব্দ চিন্তার শেষ করাই ভাল। ১৩২৬ সালের প্রাণের “ভারতবর্ষে” “বাঙ্গলা ভাষার শ্রীবৃদ্ধি” প্রবন্ধে পাড়ে চারি শত শব্দ সংকলিত হয়েছে। দুই পাঁচটার ব্যাপক অর্থ, দুই পাঁচটার দুর্ব্ব অর্থ হয়ে গেছে। দুই-ই দোষ। এখানে কতকগুলি নূতন শব্দ সংকলন হ’ল। পূর্ব সংকলিত ও এই সকল শব্দ বাতীক-সমাজ (Journalists’ Association) বিচার কর্যে ছপে প্রচার করলে, তাঁদের ও পাঠকের, উভয়েরই বিধা হ’তে পারে।

Politics ... রাষ্ট্রনীতি
Political Division ... রাষ্ট্র-বিভাগ
State or Province ... রাষ্ট্র (দেশ, প্রদেশ, ভৌগোলিক)
Division of a ... ভুক্তি
India as a State ... অধিরাষ্ট্র; ভারত-রাষ্ট্র
United States of India ... ভারত-যৌথ-রাষ্ট্র, রাষ্ট্রমণ্ডল
Constitution ... নিয়ম, প্রকৃতি
... - making ... প্রকৃতি-নির্মাণ
... al ... (রাষ্ট্র) নিয়মাসূত্র
Government ... রাষ্ট্র, রাষ্ট্রপতি, রাষ্ট্রশাসন
Form of ... রাষ্ট্র-তন্ত্র
Unstable ... অপ্রতিষ্ঠ
Autonomous ... স্বশাসিত
Responsible ... জনাসূত্র
Central ... নাতি
Provincial ... অধুরাষ্ট্র
Centralized ... মধ্যগত। Centralization ... মধ্য-গমিতা
Decentralized ... পরিধিগত
Unitary ... একরাষ্ট্র-তন্ত্র
Federal ... সম্বন্ধ-তন্ত্র
National ... স্বরাষ্ট্র তন্ত্র
Dominion status ... প্রতীকার-সংস্থা
Diarchy ... দ্বি-অর্কী (অর্ক, স্বর্ষ, রশ্মি)
... ical ... দ্বি-আর্কিক
Bi-cameral ... দ্বি-কক্ষ

Princes ... রাজক
... of small States ... রাজনিক
chamber of ... রাজক-মণ্ডল
Governor of a State ... রাষ্ট্রপতি (প্রশাস্তা ?)
... General ... ভারতরাষ্ট্রপতি
Private Secretary ... ব্যবহর্তা
Governor’s Council ... অমাত্য-মণ্ডল
a member ... অমাত্য
Advisers or ministers ... মন্ত্রী
Chief Minister ... মহামাত্র
Cabinet ... গৃঢ়ামাত্র
Department ... অধিকরণ
officers of a ... অধিকৃত
of Law and order ... শাসনাধিকরণ
of Justice ... ন্যায়াধিকরণ
Military Dept ... বলাধিকরণ (যুদ্ধ, battle)
Nation-building ... পালনাধিকরণ ইত্যাদি
Secretaries ... সচিব
Chief Secretary ... মহাসচিব
Director or Inspector-General ... অধ্যক্ষ
The people of a State ... প্রকৃতি, জন
Franchise ... জনাধিকার
Vote ... ভোট। Voter ... ভোটার
Casting vote ... নিষ্কট-ভোট
Electors ... বরক
Election ... বরণ (Selection ... নির্বাচন)
Seperate interests ... গণ, যথা বণিকগণ, ভূম্যাধিকারীগণ
Electorate ... সমূহ বা বরকসমূহ
Indian Legislative Assembly ... ভারত-ব্যবহারিক সভা
Members of ... সভাসদ, সভা
President of ... সভাপতি
Provincial Council ... রাষ্ট্র-সংসদ
Members of ... সদস্য
President of ... সংসদপতি

Conservatives or Moderates...মহুৱ

Liberal...ধীৱক

Responsivist...সংবাদী

Extremist...উদগ্ৰ

Nationalist...ৰাষ্ট্ৰিক

Communalist...সম্প্ৰদায়ী ?

Leader...নেতা

Popular...অনুৱক্ত-লোক, জনপ্ৰিয়

Unpopular...বিৱক্ত-লোক, জনাপ্ৰিয়

Following...অনুগতি

Opposition Bench...বিরোধী, প্ৰতিবাদী

Speech...সংবাদ

Report...উদন্ত

—er...উদন্তিক

Indian nation...ভাৰতী (ভাৰতীয় লেখা অনাবশ্যক)

Nation...ৰাষ্ট্ৰজন, ৰাষ্ট্ৰ, জন

Citizens...পৌৰজন

Countrymen...জানপদ

National...ৰাষ্ট্ৰজনিক (প্ৰায়ই, ভাৰতী)

„ school...স্বদেশী ইচ্ছা

Race...ৰয়* । Racial...ৰয়িক*

Martial races...শূৰজাতি

Depressed classes...অনুন্নত শ্ৰুতি

Agriculturists...ক্ষেত্ৰকৰ

Growers of...-কৰ, যথা, নীল-কৰ, নুন-কৰ

Manufacturers of...—কাৰ, যথা, স্বৰ্ণকাৰ, ঔষধকাৰ

Trading in...—আলা, যথা, কাগজ-আলা, বাজী-আলা

(ওয়ালা হিন্দী)

Arts and Industries...কলা ও ব্যবসায়

Cottage industries...গ্ৰামিক কলা

Factory „ .. খৰট কলা

Labour...দেহজীবী

Paid...ভৃত

Unpaid...বিষ্টি (বেটি)

Intellectuals...বুদ্ধিজীবী

private servant...পৰজীবী

Worker...কামিক

Employer...ভৃত'ক

Employee...ভৃতক

Union of...ভৃতক-সমিতি

Trades Union...‘শ্ৰেণী’

Corporations...‘পূগ’

Class war...ভৃত'-ভৃতক কলহ

Organization...বিগ্ৰহ, কাৰ

Organized...অঙ্কিত

Affiliated...সংশ্লিষ্ট, অনুগত

Propaganda...স্বপ্ৰচাৰ



মহামায়া

শ্রীমতী দেবী

(৩২)

ইন্দু কতক্ষণ যে বিস্ময়বিম্বের মত একই জায়গায় দাঁড়াইয়াছিল, সে-সমক্ষে তাহার নিজেরই কোনো জ্ঞান ছিল না। মায়ার অস্থিটা যে এমন অচিন্তনীয় রকম দুর্ঘটনা তাহা সে আগে বুঝিতেই পারে নাই। কয়েকটা বৎসরের ঘটনাবলির স্মৃতি যে তাহার নাই, তাহাই শুধু নয়, সে-সময়কার শিক্ষা দীক্ষা সংস্কার সবই তাহার মন হইতে নিঃশেষে মুছিয়া গিয়াছে। সাধারণ রকম দুঃখ শোক সব কিছুর সঙ্গেই ইন্দুর পরিচয় ছিল, কিন্তু এ ব্যাপারটা এমন অসাধারণ যে, ইহার সম্মুখীন হইয়া সে যে কি করিবে, তাহা ভাবিয়াই পাইল না।

বাহিরে গাড়ী থামার শব্দে সে যেন তজ্জা হইতে জাগিয়া উঠিল। বুকিল নিরঞ্জন ডাক্তারকে লইয়া জাহাজঘাট হইতে ফিরিয়া আসিয়াছেন। মায়ী তখনও সব আলমারীগুলির কাছে ঘুরিয়া ঘুরিয়া কোথাও বাংলা বই আছে কিনা দেখিতেছিল। ইন্দু তাহাকে লক্ষ্য করিয়া বলিল, “ওরে তোর জন্তে ত মেজদা ডাক্তার নিয়ে এল, উপরের ঘরে চল।”

তাহার কথা শেষ হইতে না হইতেই নিরঞ্জন, দেবকুমার এবং ডাক্তার মিত্র আসিয়া টিক লাইব্রেরীর দরজার সামনেই দাঁড়াইলেন। ডাক্তারের বয়স প্রায় পঞ্চাশের কাছাকাছি বলিয়া বোধ হয়, শ্রামবর্ণ রং, দীর্ঘ কেশাকৃতি।

মায়ী এত লোকের পায়ের শব্দে চমকিয়া পিছন ফিরিয়া চাহিল এবং অপরিচিত পুরুষ দুইজন দাঁড়াইয়া আছে দেখিয়া জিব কাটিয়া উজ্জ্বল পলায়ন করিল। দেবকুমারকে দেখিয়া চিনিবার কোনো লক্ষণ তাহার দৃষ্টির মধ্যে দেখা গেল না।

দেবকুমার এতখানি বিশ্বাসী আশা করে নাই। সামান্যাসামান্য আসিয়া পড়িলে মায়ী তাহাকে চিনিতে

পারিবে এবং এই পরিচয়ের সূত্র ধরিয়াই আবার নিজের লুপ্ত চেতনাকে ফিরিয়া পাইবে, ইহাই তাহার বিশ্বাস ছিল। দু-দিন আগে যে হৃদয়ের অন্তরতম ক্ষেত্রের অধীশ্বররূপে তাহাকে বরণ করিয়া লইয়াছিল, আজ সেই নারীর জীবনে তাহার বিন্দুমাত্র স্থান কোথাও নাই, এত বড় ভয়াবহ দুর্ঘটনা সে যেন বিশ্বাস করিতেই পারিতেছিল না। এ যে মৃত্যুরও অধিক দুঃখ, ইহাকে সে সহ করিবে কি করিয়া? মায়ারই না হয় স্মৃতি লুপ্ত হইয়াছে, হতভাগ্য দেবকুমারের যে হৃদয়পটে তাহাদের প্রেমের চিত্র আঙুনের রঙে আঁকা রহিয়াছে, তাহার শাস্তি কোথায়?

দেবকুমারের বিবর্ণ মুখের দিকে চাহিয়া ইন্দুর চোখে জল আসিতেছিল। সে তাহার কাছে আসিয়া নীচু গলায় বলিল, “দুঃখ কোরো না বাবা, মায়ী নিশ্চয় আবার সেরে উঠবে। তুমি এমন লক্ষ্মীছেলে, ভগবান তোমায় এমন কষ্ট কখনও দেবেন না।”

দেবকুমার হাসিবার বার্থ চেষ্টা করিয়া বলিল, “জগৎটা ত এত সোজা জায়গা নয় পিসীমা, ভাল হলেই যদি স্থখী হওয়া যেত, তা হ’লে ত সংসারে দুঃখ কেউই পেত না। যাক্, আমার স্থখ-দুঃখটা আসল কথা নয়, আসল কথা ওর সেরে ওঠা।”

নিরঞ্জন ডাঃ মিত্রকে বলিতেছিলেন, “ঐ আমার মেয়ে। আপনি একটু বিশ্রাম করে নিন, তারপর উপরে গিয়ে ভাল করে ওকে দেখবেন।”

ডাক্তারকে তিনি তাঁহার জন্ত নির্দিষ্ট ঘরে লইয়া গেলেন।

দেবকুমার বলিল, “আমি তাহ’লে এখন আসি পিসীমা, ওবেলা এসে খবর নেব, ডাক্তার কি বলেন।”

দেবকুমার চলিয়া যাইতেই ইন্দু আস্তে আস্তে উঠিয়া গেল। মায়ী নিজের ঘরে বসিয়া একখানা

বাংলা বইয়ের পাতা উন্টাইতেছিল, ইন্দুকে দেখিয়া বলিল, “পিসীমা, বাবার পাগলামী আর কোনো কালে যাবে না। কেমন মানুষ ছ’টাকে ছ’ট করে ঘরের ভিতর এনে উঠলেন।”

ইন্দু বলিল, “তা ডাক্তার ঘরে আসবে না ত কোথায় যাবে? তুই ত আর মুসলমানের বেগম নয় যে পরদার ওপার থেকে তাকে ডাক্তার দেখবে?”

মায়া বলিল, “হিন্দুর মেয়ের বুঝি আর লজ্জাসরম নেই? আর একজন লোক কে, একজন ত ডাক্তার?”

ইন্দু বলিল, “আর একজন ত দেবকুমার, সত্যি তাকে তুই চিনতে পারলি না?”

মায়া হাসিয়া বলিল, “কবে তাকে আমি দেখলাম যে চিনব?”

ইন্দু আর কিছু বলিবার খুজিয়া পাইল না, চুপ করিয়া বসিয়া রহিল। এমন সময় সিঁড়িতে পদধ্বনি শোনা গেল। মায়া বলিল, “ঐ বুঝি বাবা ডাক্তার নিয়ে আসছেন? কি হাড় জালাতন বাবা, অস্থ ত নেই বিস্থ নেই, দিনে পঞ্চাশবার করে ডাক্তার দেখাও।”

ইন্দু বলিল, “আচ্ছা, আচ্ছা, তোর অত গিম্পিনায় কাজ নেই। তোর বাপ তোর চেয়ে কম বোঝেন না। যা দরকার তাই করছে। ডাক্তার বা জিগগেষ করবে ঠিক ঠিক উত্তর দিস্ যেন।”

মায়া বলিল, “ঠিক উত্তর দেব না ত কি গড়ে গড়ে উত্তর দেব? তোমরা আমায় কি পেয়েছ যেন।”

নিরঞ্জন ডাক্তার মিত্রকে লইয়া ঘরের ভিতর ঢুকিলেন। ইন্দু তাড়াতাড়ি পাশের ঘরে চলিয়া গেল।

প্রায় একঘণ্টা ধরিয়া নানাভাবে ডাক্তার মায়াকে পরীক্ষা করিলেন। কোনো প্রশ্নের সে ভাল করিয়া জবাব দিল, কোনো প্রশ্নের উত্তরে খালি বাড় নাড়িল। মোটের উপর তাহার কয়েক বৎসরের স্মৃতি যে সম্পূর্ণ লুপ্ত হইয়াছে, এবিষয়ে কাহারও কোনো সন্দেহ রহিল না।

নিরঞ্জন ডাক্তারকে লইয়া নীচে আপিস ঘরে চলিয়া গেলেন। দরজাটা ভেজাইয়া দিয়া জিজ্ঞাসা করিলেন, “কিরকম বুঝছেন? এ রকমের কেস আর কখনও ট্রিট করেছেন?”

ডাক্তার বলিলেন, “এ ধরণের কেস খুবই রেয়ার, নিজেকে কখনও ট্রিট করিনি। আর যতদূর জানি এর ট্রিটমেন্ট কিছু নেইও, ভাগ্যের উপর নির্ভর করে থাকা ছাড়া। আপনার মেয়ের মেমরি যেমন হঠাৎ লোপ পেয়েছে, তেমনি হঠাৎ আবার ফিরেও আসতে পারে। এট! হিষ্টরিয়ারই কেস, একে ডাবল পাশ্চাত্যালিটির দৃষ্টান্ত বলা যেতে পারে।

নিরঞ্জন জিজ্ঞাসা করিলেন, “বইয়ে এ ধরণের কেস-এর হিষ্ট্রি কিছু পাওয়া যায়?”

ডাক্তার বলিলেন, “তা আছে। তবে অবিকল এই রকম হয়ত নয়। এ ধরণের কেসের হিষ্ট্রি কুড়ি-পচিশটার বেশী বড় পাওয়া যায় না। অবশ্য জগতে আর ঘটেনি তা বলতে পারি না, তবে সব কেসে ত রেকর্ডে হয় না, আঠার শ একত্রিশ সনে ম্যাকনিশ বলে একজন ডাক্তার Philosophy of Sleep বলে একটা বই বেঁধে করেন, তাতে এই ধরণের একটা কেসের বেশ পরিষ্কার হিষ্ট্রি আছে। মেয়েটি আমেরিকান, তার নাম কি, তা ঠিক জানা যায় না, বইয়ে তাঁকে Lady of Macnishi নামেই চালায়ে দেওয়া হয়েছে। মেয়েটি হঠাৎ গভীর নিদ্রায় অভিভূত হয়ে পড়েন। অনেক ঘণ্টা কিছুতেই তাঁকে জাগান যায় নি। এ ধরণের ঘুম মুচ্চারই রূপান্তর অবস্থা। যখন তিনি জেগে উঠলেন, তখন দেখা গেল তাঁর স্মৃতিশক্তি একেবারে লোপ পেয়েছে। তাঁকে আস্তে আস্তে আবার লিখতে পড়তে সব শেখানো হ’ল, মানুষদেরও ক্রমে ক্রমে তিনি চিনতে শিখলেন। কিছুকাল পরে, হঠাৎ আবার আগের মত ঘুমিয়ে পড়লেন। যখন জাগলেন, তখন নিজের পূর্বাবস্থা ফিরে পেয়েছেন, কিন্তু মাঝের ঐ দিনগুলির কথা একেবারে ভুলে গিয়েছেন। এই রকম অবস্থান্তর তাঁর বার-বার ঘটেতে লাগল, এক অবস্থায় আর এক অবস্থার কথা তাঁর একেবারেই মনে থাকত না।”

নিরঞ্জন জিজ্ঞাসা করিলেন, “তাঁর কি মরবার সম্ভাব্যতা এই ভাবেই কেটেছিল?”

ডাক্তার মিত্র বলিলেন, “না, তা কার্টেনি। যতদূর মনে পড়ে, চার পাঁচ বৎসর তিনি এই রকম ভুগেছিলেন, তারপর মেরে যান।”

নিরঞ্জন বলিলেন, “এই ধরণের অসুখে কোনো চিরস্থায়ী অনিষ্ট হয়ে যেতে পারে কি?”

ডাক্তার মিত্র বলিলেন, “নার্ভাস্ অসুখ সম্বন্ধে কোনো কিছু ঠিক করে কি কলা যায়? অনিষ্ট হতেও পারে, নাও হতে পারে। সেটা সাময়িক হতে পারে আবার চিরস্থায়ীও হতে পারে। Lady of Macnish-এর কেসে স্মরণশক্তি হারিয়ে ফেলা ছাড়া আর কোনো অনিষ্ট হয়নি, তবে ডাক্তার ওয়ার মিচেল-এর বইয়ে মেরী রেগল্ডস্ ব’লে একটি মেয়ের কথা পাওয়া যায়, তার বছর আঠারো বয়সে হঠাৎ মুচ্ছা হয়। মুচ্ছা ভাঙবার পর দেখা গেল সে কালা এবং অন্ধ হয়ে গিয়েছে। অবশ্য এটা বেশী দিন থাকেনি। পাঁচ ছয় সপ্তাহ পরে কানে শুনবার ক্ষমতাটা তার ফিরে এল, চোখে দেখার ক্ষমতাটাও আস্তে আস্তে ফিরতে লাগল। আর একবার বহুক্ষণব্যাপী মুচ্ছার পর তার যখন জ্ঞান হ’ল, তখন দেখা গেল, ইন্দ্রিয়গুলি তার সব ঠিক আছে, কিন্তু স্মৃতি লোপ পেয়েছে। আবার লেখাপড়া সব তাকে শেখান হ’ল। চরিত্রের স্বভাবেরও কিছু কিছু পরিবর্তন দেখা গেল। অসুখের আগে সে ভারি চুপচাপ আর শান্ত ছিল, এখন খুব ফুঁটিবাজ হয়ে উঠল। কিছুদিন পরে ফের মুচ্ছা হয়ে সে নিজের প্রথম অবস্থায় ফিরে গেল। আগের চেয়ে চুপচাপ এবং শান্ত হয়ে গেল। এক অবস্থায় আর এক অবস্থার কোনো স্মৃতি তার থাকত না। এ রকম বার-বার হ’তে থাকে। বছর পঁয়ত্রিশ বয়সে আবার সেই হাসিখুসি, ফুঁটির অবস্থাটা ফিরে আসে। তখন থেকে একইভাবে পঁচিশ বছর সে ছিল। জীবনের শেষের দিকে, এই দুটো অবস্থা মিশে গিয়ে কেমন গোলমাল হয়ে গিয়েছিল, কোনোটার থেকে কোনোটাকে আলাদা করা যেত না।”

নিরঞ্জন দীর্ঘনিঃশ্বাস ফেলিয়া বলিলেন, “কি যে হবে, কিছু ত বুঝতে পারছি না। এর কোনো চিকিৎসা নেই, আপনি বলছেন?”

ডাক্তার বলিলেন, “চিকিৎসা আর কি? সাধারণ দ্রব্য যাতে ভাল থাকে, মন যাতে ভাল থাকে, তারই চেষ্টা করতে হবে, আর কি? তারপর অপেক্ষা করা

ছাড়া আর কিছু করবার নেই। আশা করা যাক যে আপনার মেয়ে শীগ্গিরই সেরে উঠবেন।”

নিরঞ্জন বলিলেন, “সারবার সম্ভাবনা যতখানি, না সারবারও ততখানি যে।”

ডাক্তার বলিলেন, “তাই যদি হয় ত, তাহলেও একেবারে হাল ছেড়ে দেবার কারণ কি? যতদূর দেখছি, মাঝের কটা বছর এর স্মৃতি থেকে মুছে গেছে। এ ছাড়া বুদ্ধি বা ইন্দ্রিয়ের কোনো ক্ষতি হয় নি। তাঁকে আবার লেখাপড়া শেখাতে হবে, আবার যেভাবে আগে ট্রেন্ড হয়েছিলেন, তাই কর্ত্তে হবে। মাছুষ করা মেয়েকে আবার ফিরে মাছুষ করা, খুবই ট্রাবল্‌সাম্ ব্যাপার, তাহ’লেও উনি যদি না সায়েন, তখন তাই করতেই হবে। জীবনটা তাঁর অনেক বৎসর পিছিয়ে যাবে বটে।”

নিরঞ্জন বলিলেন, “শুধু কি তাই? কত সমস্যা যে এর থেকে হুগি হবে তার ঠিক-ঠিকানা নেই। ওর বাকদন্ত স্বামীকেও চিন্তে পারল না, দেখলেন ত? ছেলটিকে কি যে বোঝাব ভেবে পাই না, মেয়ের ভুলে যত দুঃখ আমার, দেবকুমারের ভুলেও প্রায় ততখানি। ভারি চমৎকার ছেলে, ওর জীবনটা যদি এই রকম করে নষ্ট হয়, সেটা প্রায় আমার মেয়ের অসুখের সমানই শোচনীয় ব্যাপার হবে।”

ডাক্তার মিত্র বলিলেন, “বাক্, let’s hope for the best. কিছু বেশী দিন ত হয়নি? আমি যতগুলো কেসের কথা জানি সবই কোনো-না-কোনো সময় সেরে গিয়েছিল, আবার রিলাপস্ও অবশ্য করেছে। আপনার মেয়েও একসময় না একসময় লষ্ট মেমরি ফিরে পাবেন বলেই মনে হয়।”

নিরঞ্জন বলিলেন, “তাই আশা করা ছাড়া যখন উপায় নেই তখন অগত্যা তাই আশা করতে হবে। আচ্ছা, আপনি স্নানটান দারুণ গিয়ে। খাওয়া-দাওয়ার পর একবার বেরতে চান কি?”

ডাক্তার মিত্র উঠিয়া পড়িয়া বলিলেন, “তা গেলোও হয়। বৃহস্পতিবারের আগে ত যাবার কোনো উপায় নেই, এই ক’টা দিন যেমন করে হোক কাটাতেই হবে।”

নিরঞ্জন বলিলেন, “আপনাকে আমি প্রতি মেলেই ওর অবস্থার কথা লিখব, যদি কিছু করবার থাকে আমায় জানানবেন। In the meantime, যতদিন ওর কোনো পরিবর্তন না দেখা যায়, ততদিন কোথাও চেষ্টা নিয়ে যাব কি?”

ডাক্তার বলিলেন, “তার বিশেষ কিছু দরকার নেই। বরং পরিচিত লোকজনের মধ্যে থাকলে কিছু লাভ হলেও হতে পারে। দেবকুমারকে রোজ যদি তার সঙ্গে দেখা করতে বলেন, তাতে কিছু উপকার হতে পারে।”

নিরঞ্জন বলিলেন, “গোলমাল ত সব ঐখানেই। এখানে আসবার আগে মায়া ভারি গৌড়া হিন্দু ছিল। আমার দ্বীপ ইনস্পেকশন আর কি? তারপর এখানে থাকার সঙ্গে সঙ্গে ক্রমে ক্রমে সেটা কেটে গিয়েছিল। এখন আবার সেই কনসারভেটিভ মুড ফিরে এসেছে। দেবকুমারকে দেখলে ত সে উজ্জ্বল পালায়, তা তাকে দেখা করতে বলে আর লাভ কি?”

ডাক্তার মিত্র বলিলেন, “এসব মানসিক ব্যাধি নিয়ে বড় ভুগতে হয়। আচ্ছা দেখা যাক।”

ডাক্তার মিত্র নিজের ঘরে চলিয়া যাইবার পরও নিরঞ্জন আপিস-ঘরে অনেকক্ষণ একলাই বসিয়া রহিলেন। কতরকম চিন্তা যে তাহার মাথার ভিতর দিয়া বহিয়া যাইতে লাগিল, তাহার ঠিক-ঠিকানা নাই। একমাত্র সম্ভাবনা মায়া, বিধাতা তাহারই অন্তরে এ কি নিদারুণ অভিযাপ লিখিয়া দিলেন?

খাওয়ার সময় প্রভাস ফিরিয়া আসিল। ডাক্তার মিত্র উপস্থিত ছিলেন বলিয়া সে নিরঞ্জনকে কিছু জিজ্ঞাসা করিতে পারিল না, কিন্তু তাহার অভিমত জানিবার জন্য তাহার মনটা ছটফট করিতে লাগিল। অত বেগী আগ্রহ তাহার দেখানোও হয়ত শোভন হইবে না। মায়াকে অবশ্য সে বালাকাল হইতে জানে, কিন্তু সে এখন তরুণী এবং অস্ত্রের বাগদত্তা বধু। তাহার বিষয়ে প্রভাসের বেগী উৎসাহ প্রকাশ করা উচিত হইবে না। খাওয়ার দাওয়ার পর ইন্দুর কাছে থোজ করিবে ঠিক করিয়া, সে তখনকার মত নীরবেই খাওয়া শেষ করিয়া ফেলিল।

নিরঞ্জন এবং ডাক্তার মিত্র উঠিয়া যাইবার পর প্রভাস কিছুক্ষণ ইতস্ততঃ করিয়া তাহার পর ইন্দুর সন্ধানে চলিল। ভাঁড়ার ঘর, রান্নাঘর, ইন্দুর পুজার ঘর, কোথাও তাহাকে পাওয়া গেল না। সে তখন উপরে মায়ার কাছে।

প্রভাস অবশেষে সঙ্কোচ ত্যাগ করিয়া উপরেই চলিল। তাহাকে দেখিয়া মায়া অবশ্য আগের মত পিছন ফিরিয়া বসিতে পারে, সে সম্ভাবনা বেশ ছিল! কিন্তু প্রভাসকে সে ভোলে নাই, ইচ্ছা হইলে কথা বলিলেও বলিতে পারে। না-হয় ইন্দুর কাছে থোজ লইয়াই সে ফিরিয়া আসিবে।

ইন্দু মায়ার ঘরেই ছিল, সিঁড়িতে জুতার শব্দ শুনিয়া মায়া বলিল, “পিসীমা, দেখ ত, কে উপরে উঠছে। যে সে, যেখানে সেখানে এসে উপস্থিত হয়, এই বাড়ীর এই একটা বড় দোষ। সদর অন্তরের কোনো ভেদ নেই।”

ইন্দু দরজার কাছেই বসিয়া ছিল, গলা বাড়াইয়া তাকাইয়া দেখিয়া বলিল, “প্রভাস বুঝি হবে।”

মায়ার মুখ লাল হইয়া উঠিল। মুতুকের বলিল, “কি চান দেখ গিয়ে।”

মনে মনে প্রভাসের মুণ্ডপাত করিতে করিতে ইন্দু উঠিয়া দাঁড়াইল, এবং সিঁড়ির কাছে আসিয়া জিজ্ঞাসা করিল, “কি প্রভাস, কিছু চাই কি?”

প্রভাস উঠিয়া আসিয়া বলিল, “চাই না বিশেষ কিছু। তবে মায়াকে দেখে ডাক্তার কি বল্লেন তাই একটু জানুতে ইচ্ছে করছে।”

ইন্দু বলিল, “মেজদার সঙ্গে ভাল করে কথা বলবার সময় ত পাই নি? একবার জিগ্গেশ করেছিলাম, তাতে সুনুলাম বলেছে হিটরিয়া না কি। নিজের থেকেই সরে যাবে, ওর কোনো চিকিৎসা নেই।”

প্রভাস জিজ্ঞাসা করিল, কতদিনে সারতে পারার সম্ভাবনা সে বিষয়ে কিছু বলেছেন কি?”

ইন্দু বলিল, “জানি না, বিকেলে চা খাবার সময় জিগ্গেশ করব।”

প্রভাস অল্পক্ষণ নীরবে দাঁড়াইয়া থাকিয়া, জিজ্ঞাসা

করিল, “পিসীমা, আমি মায়ার সঙ্গে একবার দেখা করতে পারি কি ? আমাকে চিন্তে পারে বলেই মনে হয়। গ্রামের সেই স্থল করার বিষয় বুঝিয়ে বললে হয়ত বুঝতে পারবে। আমি ত বেশী দিন শুধু শুধু এখানে বসে থাকতে পারব না, মায়া যদি খানিকটা বুঝেও জিনিষ-টাতে মত দেয়, তাহলে আমি ফিরে গিয়ে কাজ আরম্ভ করতে পারি। টাকাকড়ির কথা অবশ্য সব কাকাবাবুর সঙ্গেই বলতে হবে।”

ইন্দু কঠিনহৃদে বলিল, “মেজদাকে জিগ্গেসে না করে দেখা করতে যাওয়া ঠিক হবে না। যা অবস্থা হয়ে আছে, এতে কখন কিসে কি হয়, তার ঠিকানা নেই। একে ত বিপদ রাখবার জায়গা নেই, তার উপর যদি আবার বেড়ে যায়, তাহলেই গেছি।”

প্রভাস ক্ষুণ্ণভাবে বলিল, “থাক্ তাহলে, দরকার নেই।

নামিয়া যাইবার আগে সে একবার মায়ার ঘরের দরজার দিকে চাহিয়া দেখিল। মনে হইল কপাটের আড়ালে মায়া দাঁড়াইয়া আছে, তাহার পরণের লালপেড়ে শাড়ীর একটা অংশ দেখা যাইতেছে। হয়ত উহাদের কথা শুনিবার জন্তই দাঁড়াইয়া আছে।

ইন্দু পাহারা দিয়া দাঁড়াইয়াছিল, পাছে প্রভাস কোনো কথা মায়াকে লক্ষ্য করিয়া বলে বা দেখা করিবার চেষ্টা করে। মায়া পোড়ারমুখীর বা মনের ভাব, সে যে তাহা হইলে কি কাণ্ড বাধাইয়া বসিবে, ঠিকানা নাই। তাহা হইতে সে দিবে না। কিন্তু প্রভাস নীরবেই নামিয়া গেল।

(৪০)

মায়ার মনোজগতে এই সময়টা কি যে ঘটতেছিল বা না ঘটতেছিল তাহা সে নিজে ভিন্ন বড় কেহ একটা বুঝিতে পারিত না। বাহির হইতে যতদূর বুঝা যাইত, সে আবার তাহার বালিকা জীবনে ফিরিয়া গিয়াছিল, সেই মতামত, সেই শিক্ষাদীক্ষা, সেই অপরিণত বুদ্ধি। বয়সে সে তরুণী, কিন্তু মনের দিক দিয়া তেরো চৌদ্দ বৎসরের মেয়ের মতই তাহাকে বোধ হইত।

একটা জিনিষ কিন্তু নিরঞ্জন বা ইন্দু কেহই বুঝিতে

পারেন নাই। সেটা মায়ার হৃদয়বেগের বিকাশ। শ্রুতি-লোপ হইবার পূর্বে তাহার জীবনে প্রেমের স্পর্শ ভাল করিয়াই লাগিয়াছিল। দেবকুমারের জন্ত সে সব-কিছু বিসর্জন দিতে প্রস্তুত হইতেছিল। তাহার ভালবাসা বালিকার চপল ভালবাসা ছিল না, নারীর পরিণত মনের সর্বভাগী প্রেমই ছিল। দারুণ রোগের কবলে পড়িয়া সে দেবকুমারকে তুলিল বটে, কিন্তু এই ভালবাসার বীজ তাহার মনে খানিকটা থাকিয়াই গেল।

ভালবাসা কখনও অবলম্বনহীন হইয়া থাকিতে পারে না। মায়া যাহাকে ভালবাসিয়া, ভালবাসার অর্থ বুঝিতে শিখিয়াছিল, তাহাকে এই বিশ্বতিসাগরে হারাইয়া ফেলিল, কিন্তু তাহার হৃদয় ব্যাকুল হইয়া আশ্রয় খুঁজিতে লাগিল। নিজের আত্মীয়স্বজন, যাহাদের সে চিনিতে পারিতেছিল, তাহাদের ভালবাসিয়া সে তৃপ্তিলাভ করিতে পারিল না। নিজের অপরিষ্কৃত চেতনার সাহায্যেই সে বুঝিল কি সে চায়। কিন্তু যাহাকে চায় কোথায় সে ? ভাগ্যদোষে ধ্রুবতারা তাহার আধারে ডুবিয়া গেল, এখন আকুল আগ্রহ লইয়া ছুটিল সে আলোয়ার সন্ধানে।

প্রভাসকে সে চিনিতে পারিয়াছিল। তাহার মাতা সাবিত্রী বাঁচিয়া থাকিতে, মায়ার সঙ্গে প্রভাসের বিবাহ দিতে যে উঠিয়া পড়িয়া লাগিয়াছিলেন, তাহা সে ভাল করিয়াই জানিত। বিবাহ হইয়াও যাইত, যদি সাবিত্রী লুকাইয়া বিবাহ দিবার প্রস্তাব না করিতেন।

ইন্দুর অস্ত্রখের সময় মায়া যখন আবার গ্রামে ফিরিয়া গেল, তখন বহু বৎসর পরে আবার তাহার প্রভাসের সঙ্গে সাক্ষাৎ হইল। তখন সে প্রভাসকে ভালবাসিয়া বসে নাই বটে, কিন্তু প্রভাস-সম্বন্ধে অনেক চিন্তাই করিয়াছে। কাছাকাছি থাকিলে এবং প্রভাসের দিক হইতে সাড়া পাইলে, কালে এই ভাবটাই ভালবাসায় পরিণত হইতে পারিত। কিন্তু মায়া অল্পদিনের মধ্যেই ফিরিয়া আসিল এবং দেবকুমারের ভালবাসায় একেবারে নিজেকে হারাইয়া ফেলিল। তাহার পর এই আকস্মিক হৃৎটনা।

এখন সে হঠাৎ প্রভাসকেই যেন মনের মধ্যে বরণ করিয়া লইতে চাহিল। এই অর্দ্ধআচ্ছন্ন অবস্থার মধ্যেও

সে বুঝিতে পারিতেছিল এ যেন ঠিক সে যাহাকে চায়, সে নয়। কিন্তু আর কে কোথায় আছে? ভালবাসে সে, কিন্তু প্রভাস ভিন্ন আর কাহাকে সে ভালবাসিতে পারে? তাহাদের মিলন যদি হয়, তাহা হইলে স্বর্গগতা জননীর আশীর্বাদ সে লাভ করিবে, তাহার আরাধ্য দেবদেবী-সকলের প্রসন্নতা সে লাভ করিবে, ধর্ম্মচ্যুতির ভয় আর তাহার থাকিবে না।

সে জানিত তাহার বাবা এ বিবাহ দিতে চাহিবে না। পিসীমার কাছে সে শুনিয়াছে, নিরঞ্জন কোন এক বিলাত-ফেরৎ ব্যারিষ্টারের সঙ্গে তাহার বিবাহ দিবার চেষ্টা করিতেছেন। পিসীমার মতও সেইদিকেই। সে একলা কেমন করিয়া নিজের বিবাহের ব্যবস্থা করিবে? হিন্দুর মেয়ের এ সকল বিষয়ে চিন্তা করা বা অগ্রসর হওয়া যে অত্যন্ত অত্যাচার তাহা মায়ায় দৃঢ় ধারণা ছিল। না ভাবিয়া সে পারিত না, কিন্তু কাথ্যতঃ কিছু করা তাহার সাধ্যায়ত্তও ছিল না, এবং উহার চিন্তামাজেই তাহার মন সভয়ে পিছাইয়া যাইত।

কিন্তু সে স্থির হইতেও পারিতেছিল না। পাছে তাহার অমতেই নিরঞ্জন জোর করিয়া অস্ত্র কাহারও সহিত তাহার বিবাহ দিয়া বসেন, এই দুর্ভাবনা তাহাকে পাইয়া বসিয়াছিল। বিবাহ না করিয়া যে হিন্দুর মেয়ের গতি নাই, না হইলে সে বেশ চিরকুমারী থাকিয়া যাইতে পারিত। এমনিতেই তাহার বয়স যেন অনেক হইয়া গিয়াছে বলিয়া বোধ হয়। গ্রামে থাকিলে এতদিনে সকলে খোঁটা দিয়া তাহাদের অস্থির করিয়া তুলত।

মায়ায় খুব ইচ্ছা করিত, এই-সব বিষয়ে হিন্দুর সহিত সে আলোচনা করে, কিন্তু লজ্জা আসিয়া বাধা দিত। পিসীমা হয়ত মনে করিবেন মেয়ে বিবাহের জগৎ ক্ষেপিয়া উঠিয়াছে। অথচ কোনোদিক হইতে কোনো সাড়াশব্দ না পাইয়া সে ক্রমেই অস্থির হইয়া উঠিতেছিল।

সেদিন প্রভাসকে উপরে উঠিতে দেখিয়া সত্যই সে দরজার আড়ালে দাঁড়াইয়া ছিল তাহাদের কি কথা হয় শুনিবার জন্য। হিন্দু যে প্রভাসকে কোনো মতে বিদায় করিয়া দিতে বাস্তব, তাহা সে বেশ বুঝিতে পারিতেছিল এবং মনে মনে পিসীর উপর বেশ খানিকটা চট্টিয়া

উঠিতেছিল। এবাড়ীতে সবাই যেন মায়ায় শব্দ, সে নিজে যাহা চায়, তাহার উল্টা পথে তাহাকে জোর করিয়া লইয়া যাইতে সকলেই ব্যগ্র। কে এখানে মায়াকে একটু সাহায্য করিবে? প্রভাস যখন এত ব্যস্ত হইয়া তাহার খবর লইতেছে তখন নিশ্চয় তাহার মায়ায় প্রতি খানিকটা মনের টান আছে, এবং বিবাহের প্রস্তাব করিলে সে নিশ্চয়ই রাজী হয়। কিন্তু কেই বা সে ভাবনা ভাবিতে বসিয়াছে?

প্রভাস নামিয়া যাইতেই হিন্দু আবার মায়ায় ঘরে ফিরিয়া আসিল। দেখিল মায়া অত্যন্ত অগ্রসর মুখে এক-কোণে বসিয়া আছে। হিন্দু তাহার বিব্রতের কারণ ততটা ভাল করিয়া বুঝিতে পারিল না, জিজ্ঞাসা করিল, “কি রে, অত মুখ হাড়ি করে বসি যে?”

মায়া বলিল, “মুখ হাড়ি আবার কোথায় করলাম?”

হিন্দু বলিল, “মনে হচ্ছে যেন ভয়ানক চটে গিয়েছিস, হয়েছে কি?”

মায়া কি যেন বলিতে গিয়া থামিয়া গেল, তাহার পর বলিল, “মাথাটা কেমন যেন ভার ভার লাগছে।”

হিন্দু বলিল, “শুয়ে থাক খানিকক্ষণ, রোদটা পড়ে গেলে বাগানে বেড়িয়ে আসিস।”

মায়া বলিল, “যা চারিদিকে তোমাদের বন্ধুবান্ধবের ঘটা, কোথাও কি এক পা বাড়াবার জো আছে?”

হিন্দু তাহার ঝাঁক দেখিয়া হাসিয়া বলিল, “আমাদের বন্ধুবান্ধব আবার কোথায়? তোমারই বন্ধু বরং দু-চারজন আসে।”

মায়া বলিল, “হ্যাঁ, আমার বন্ধুতে ত ঘর ভরে উঠেছে। তোমরা ত যা বা দুই একজন আছ, পারলে তাদের ঝাঁটা মেরে বিদায় করে দাও।”

হিন্দু এতক্ষণে ব্যাপারখানা বুঝিতে পারিল। প্রভাসের সঙ্গে হয়ত মায়ায় কথাবার্তা বলিতে ইচ্ছা করে। কিন্তু তাহার সমস্ত মন যেন বিজ্রোহ করিয়া উঠিল, না, না, ইহা হইতে দেওয়া যায় না। প্রভাস এখান হইতে চলিয়া গেলে সত্যই যেন আপদ বিদায় হয়। মায়াকে এখন কি যে এক সর্বনাশের নেশা পাইয়া বসিয়াছে, সে তাহার

ঝোকে হয়ত এমন কিছু করিয়া বসিবে, ইহজন্মে যাহার আর কোনো প্রতিকার সম্ভব হইবে না।

খানিক ভাবিয়া ইন্দু বলিল, “ঝাঁটা আবার কাকে আমার মারতে গেলাম, সবাইকেই ত আদরযত্ন করছি। প্রভাস আর ক’দিনই বা আছে? দেশে তার মা তার বিয়ের জন্তে উঠেপড়ে লেগেছে, সে কি আর ছেলেকে চিরকাল এখানেই বসিয়ে রাখবে?”

মায়া যেন সামলাইতে না পারিয়াই বলিয়া উঠিল, “কেন? বিয়ে কি আর দেশ ছাড়া আর কোথাও হ’তে পারে না?”

ইন্দু বিরক্ত হইয়া বলিল, “পারবে না কেন? তা তারা যদি দেশেই দিতে চায়, অত্ন কোথাও না দিতে চায়?”

মায়ার মুখ আগার হইয়া গেল, বলিল, “তা অবিশ্বিত, তবে ছেলে কোথায় বিয়ে করতে চায় তাও ত তাদের একটু দেখা উচিত?”

ইন্দু বলিল, “হিন্দু সমাজের ছেলে, বাপ মায়ে যেখানে দেবে সেখানে বিয়ে করবে। তাদের আবার মতামত কি? এই যে প্রভাসের ছোট ভাই স্ত্রীভাষের বিয়ে হ’ল, কে তার মত নিতে গিয়েছিল?”

মায়া জিজ্ঞাসা করিল, “হ্যাঁ পিসিমা, স্ত্রীভাষের বউ কেমন হয়েছে?”

ইন্দু বলিল, “হয়েছে মন্দ নয়, তবে মেয়ে তেমন খুব ফরসা নয়। তা দিয়েছে থুয়েছে বেশ।”

মায়া তখন আর কিছু না বলিয়া চুপ করিয়া রহিল। ইন্দু একটু গড়াইয়া লইবার জন্ত নিজের ঘরে চলিয়া গেল।

বিকাল বেলা আবার মায়ার খোজ করিতে গিয়া দেখিল, সে উহারই মধ্যে চুল বাধিয়া, পাউডার মাখিয়া, দিব্য ভাল সাজসজ্জা করিয়া বসিয়া আছে। পিসীকে দেখিয়া বলিল, “বাগানে না বেড়াতে যাবে বলেছিলে, চল না এইবেলা?”

ভাইবীর উৎসাহ দেখিয়া ইন্দু আর উচ্চবাচ্য না করিয়া তাহার সঙ্গে সঙ্গে চলিল। প্রায় একতলায় আসিয়া পৌছিযাছে, এমন সময় কলেজ-ফেরৎ অজয় আসিয়া

উপস্থিত হইল। মায়া তাহাকে দেখিয়া বলিল, “দেখছ পিসীমা, অজয় কি রকম হঠাৎ লম্বা হয়ে গেল? ক’মাস আগে ও মাথায় আমার চেয়ে ছোট ছিল।”

অজয় বলিল, “ক’মাসই বটে, বেশ কয়েক মাস না? চৌষটি কি আশি মাস হবে বোধ হয়?”

মায়া বলিল, “কেমন করে যে কথা বলে। চল না আমাদের সঙ্গে একটু বাগানে বেড়িয়ে আসবি।”

অজয় বলিল, “আচ্ছা রোশ, বই খাতাগুলো অন্ততঃ রেখে আসি।”

মায়া এবং ইন্দু অগ্রসর হইয়া চলিল। বাগানের ভিতর আসিয়া পড়িয়া মায়া জিজ্ঞাসা করিল, “সেই কলকাতার ডাক্তার আমায় দেখে কি বলল পিসীমা?”

ইন্দু বলিল, “কিছু বিশেষ হয়নি বলেছে, এই নাইতে থেতে যাবে আর কি?”

মায়া বলিল, “তবে তখন যে তুমি ওর কাছে বলছিলে হিষ্টিরিয়া না কি হয়েছে? ছাই জানে তোমাদের ডাক্তার। কক্ষনো আমার হিষ্টিরিয়া হয়নি। হিষ্টিরিয়া হ’লে ত হাত পা ছোঁড়ে, দাঁতে দাঁত লাগিয়ে পড়ে থাকে। আমি কি তাই করি নাকি?”

ইন্দু বলিল, “ডাক্তারের চেয়ে কি তুই বেশী বুঝিস? হিষ্টিরিয়া কত রকম আছে।”

এমন সময় অজয় আসিয়া জুটিল। বলিল, “বাগানটার আজ বড় সৌভাগ্য, তোমার শুভাগমন হয়েছে।”

মায়া বলিল, “আর তোমার শুভাগমন বুঝি খুব ঘন ঘন হয়? এতদিন যে এসেছি তা ছেলে বাড়ীতে আছে না নেই, তাই জানি না।”

অজয় বলিল, “জানবে কি ক’রে? তোমার গাড়ী-খানার সদ্যবহার করতে ব্যস্ত ছিলাম যে। এখন ডাঃ মিত্র সেখান নিয়ে সরে পড়ায় অগত্যা তোমাদের সঙ্গদান করতে এসেছি।”

মায়া বিস্মিত হইয়া জিজ্ঞাসা করিল, “আমার আবার গাড়ী আছে না কি? কি গাড়ী?”

অজয়ের সব সময় মনে থাকিত না যে, মায়া আর সে মায়া নাই। সে এই প্রবেশে নিজেকে সামলাইয়া লইয়া বলিল, “মোটর গাড়ী গো, মোটর গাড়ী। তুমি ত ঘর

ছেড়ে বেরোও না, তাই আমি সেটাকে কাজে লাগাই। এই যে প্রভাসদাটা বেরচ্ছে, প্রভাসদা, ও প্রভাসদা!”

ইন্দু দেখিল মহা মুগ্ধ। অজয় এইভাবে ডাকাডাকি করার পর, সে আর প্রভাসকে বাধা দিতে পারিবে না। তাহা অত্যন্ত বেশী অভদ্রতা হইবে। যাহা হইয়া গিয়াছে, তাহার আর চারা নাই, স্ততরাং সে নীরবে প্রভাসের আগমন প্রতীক্ষা করিতে লাগিল।

প্রভাস বেশ বুঝিয়াছিল, ইন্দু তাহাকে মায়ার নিকটে যাইতে দিতে চায় না। কারণটা ঠিক না বুঝিলেও ইহাতে সে মনে আঘাত পাইয়াছিল। সে মায়ার বাল্য-বন্ধু, তাহাকে দিয়া উহার্য কি মায়ার অনিষ্টের আশঙ্কা করেন? তাহা হইলে প্রভাসের আর এ বাড়িতে বাস করাই উচিত নয়। মায়ার অনিষ্ট হোক বা নাই হোক, প্রভাসের নিজের ক্ষতি কিছু কিছু হইতেছিল। অকারণ নিজেকে দুঃখ পাওয়ার পথে দাঁড় করাওয়া লাভ কি?

অজয় ডাকাডাকি করাতে সে একটু বিপদে পড়িয়া গেল। না যাইলে অজয় এবং মায়াকি মনে করিবে, এবং যাইলে ইন্দু কি মনে করিবে? একটুখানি অগ্রসর হইয়া জিজ্ঞাসা করিল, “কি মহা চেষ্টামেচি জুড়ে দিচ্ছে যে?”

অজয় বলিল, “আম্বন না, একটু, আমাদের সঙ্গে কয়েক পাক ঘুরে যান। মায়াদির বাগান বোধ হয় আপনি ভাল করে দেখেনই নি।”

প্রভাস আর একটু আগাইয়া আসিয়া বলিল, “হ্যাঁ, বাগানটা খুবই সুন্দর বটে। প্রথম এসেই ওটা আমি লক্ষ্য করেছি। সবটাই মায়ার তৈরি না কি?”

মায়ার মুখ নীচু করিয়া দাঁড়াইয়া রহিল। বাগানটা তাহার—মানে কি? যাহা হউক, প্রভাস যে কাছে আসিয়া কথা বলিতেছে, ইহাতেই সে খুশী হইতেছিল। এখন পিসীমা তাহাকে সাততাড়াতাড়ি বিদায় না করিয়া দিলেই হয়।

মায়ার-সদৃশ প্রভাসের মনোভাবটা এখনও সুপরিষ্কৃত হয় নাই, তবু অনেকখানি আগ্রহ যে তাহার ভিতর ছিল সে বিষয়ে সন্দেহ নাই। এত কাছে আসিয়া, একটু কথা বলার লোভ সে সংবরণ করিতে পারিল না। জিজ্ঞাসা

করিল, “ছোটবেলা গ্রামের বাড়িতেও তুমি খুব বাগান করত, না মায়ী?”

মায়ার মুখখানা একেবারে লাল হইয়া উঠিল। সে কথার কি উত্তর দিবে? আবার না দিলে যদি প্রভাস রাগ করিয়া চলিয়া যায়?

সে নতমুখে উত্তর দিল, “হ্যাঁ, মনে আছে।” প্রভাস বলিল, “এখন আর সে-সব গাছ একটাও নেই, সব ছাগল গরুতে শেষ করেছে।”

ইন্দু বলিল, “বাড়ি-বরই কে দেখে তার ঠিক নেই, তা ফুলের গাছ। আমি মরবার পর ঘরদোর পড়ে গেলেও কেউ চেয়ে দেখবে না।”

মায়ী কিশকিশ করিয়া বলিল, “আমায় যদি বাবা যেতে দেন, তাহলে গিয়ে থাকি, এখানে আমার একটুও ভাল লাগে না।”

ইন্দু তাড়া দিয়া বলিল, “হ্যাঁ, তুমি না থাকলে যত খড়ের ঘর, শাক, বেগুন আগ্লাবে কে? আর ত সংসারে লোক নেই? মেয়ের যত অনাস্থি কথা।”

প্রভাস বলিল, “আচ্ছা, আমি তবে একটু ঘুরে আসি।”

এমন সময় হর্ণ বাজাইয়া একটা মোটর গेटের ভিতর ঢুকিয়া পড়িল। গাড়ী হইতে নামিল দেবকুমার। সে বাড়ির ভিতরেই ঢুকিতে যাইতেছিল এমন সময় বাগানের দিকে চোখ পড়ায় সকলকে দেখিতে পাইল। ধীরে ধীরে সে অগ্রসর হইয়া আসিতে লাগিল। যতই নিকটে আসিতে লাগিল, তাহার মুখের ভাব ততই কঠোর, চোখের দৃষ্টি ততই ক্রুদ্ধ হইয়া উঠিতে লাগিল। মায়ার আরক্ত মুখ, তাহার লজ্জানত দৃষ্টি, এ সব কাহার জ্ঞাত? শুধু তাহাকে ভুলিয়াই কি যথেষ্ট হয় নাই? আবার একজনকে তাহারই আসনে ইহারই ভিতর বরণ করিয়া লইতে হইবে? তাহার হৃদয়ে যেন বিষের তীর ফুটিয়া গেল।

দেবকুমার কাছে আসিতেই মায়ী চকিত হইয়া ইন্দুর পিছনে গিয়া লুকাইল। অজয় হাসিয়া বলিল, “মায়াদি, কত তামাশাই যে দেখাবে। একটা ঘোমটা টেনে দাও না?”

মায়ী তাহার কথার উত্তর না দিয়া ইন্দুকে বলিল, “পিসীমা, চল আমরা উপরে যাই।”

দেবকুমার কঠিনহুয়ে বলিল, “আমিই যাচ্ছি, আর আউকে যেতে হবে না। অজয়বাবু, আপনাদের কাকাবাবু কি ফিরেছেন?”

অজয় বলিল, “হ্যাঁ, এই খানিক আগে এসেছেন।”

দেবকুমার হন হন করিয়া চলিয়া গেল। যাইবার আগে প্রভাসের দিকে যে দুটি নিক্ষেপ করিল, তাহাতে এত বেশী উগ্রতা ছিল যে, প্রভাস তাহা লক্ষ্য না করিয়াই

পারিল না। ভাবিল, “এর পর পাভুতাড়ি গুটতেই হয়, যে রকম বন্ধু দেখছি চারদিকে।”

দেবকুমারের মনে তখন দাবানল জ্বলিতেছিল। পারিলে সৈ আদিম মানবের মত তখনই প্রভাসের গলা টিপিয়া ধরিত। কিন্তু সভ্যতা যেমন আমাদের অনেক জিনিষ দান করিয়াছে, তেমনি অনেক জিনিষ অপহরণও করিয়াছে। স্তত্রায় মনের উগ্র হিংস্রতাকে যথাসাধ্য দমন করিয়া দেবকুমার নিরঞ্জনের সন্ধানে চলিয়া গেল।

ক্রমশঃ

পুস্তক-পরিচয়

হিন্দু স্বরাজ্য—খ্রীস্টীয় দ্বিতীয় শতাব্দীতে দাদাগুপ্ত কর্তৃক অনূদিত। প্রাপ্তিস্থান—বাদিশ্রীমন্ত, ১৫ কলেজ স্কোয়ার, কলিকাতা। মূল্য ছয় আনা।

মহাত্মা গান্ধীর ‘হিন্দু স্বরাজ্য’ নামক গ্রন্থের অনুবাদ। যে আদর্শ গান্ধীজীকে স্বরাজ্য লাভের জন্য অনুপ্রাণিত করিয়াছে, এবং যে আদর্শের উপর ভিত্তি করিয়া তিনি ভারতের স্বরাজ্য-সৌধ গড়িয়া তুলিতে চান, এ গ্রন্থকে সেই আদর্শেরই ভাষা বলা যায়। আশ্চর্য্য এই যে, গ্রন্থখানি বিশ বৎসর পূর্বে লিখিত, কিন্তু আজ ভারতবর্ষে স্বরাজ্য লাভের জন্য যে যে পন্থা অবলম্বিত হইতেছে তাহার প্রায় প্রত্যেকটিরই ইঙ্গিত ইহাতে আছে। এরূপ গ্রন্থের পরিচয় অল্প কথায় দেওয়া যায় না—ইহা অনুল্য ভাব সম্পাদে সমৃদ্ধ। অনুবাদের ভাষা সহজ, সরল, জড়তা-বিহীন। বাংলার প্রত্যেক নর-নারীর এরূপ গ্রন্থের সহিত পরিচিত হইবার প্রয়োজন আছে।

রা. ব

শরৎ-প্রতিভা—খ্রীষ্টবোধচন্দ্র সেনগুপ্ত, এম-এ, পি-আর-এস প্রণীত ও ১৬ টাউনসেণ্ড রোড, কলিকাতা হইতে ত্রিবিভূতিভূষণ চট্টোপাধ্যায় কর্তৃক প্রকাশিত। ডবল ক্রাউন বোডে প্রণীত ১১০ পৃষ্ঠা, মূল্য এক টাকা।

লেখক ‘নিবেদন’ করিয়াছেন—“এই ক্ষুদ্র গ্রন্থে শরৎচন্দ্রের সমস্ত রচনার আশুপূর্ণিক বিচার করা সম্ভবপর হয় নাই, এবং তাহার প্রতিভার সকল দিক আলোচনা করিতেও পারি নাই।” তবে তিনি “শরৎচন্দ্রের গল্প ও উপন্যাসের আলোচনা করিয়া তাহার প্রতিভার মূলমন্ত্র বাহির করিতে চেষ্টা” করিয়াছেন, এবং আমাদের মনে হয় কৃতকামও হইয়াছেন।

গ্রন্থকারের মতে “আমাদের মনে দুই স্তরের অনুভূতি আছে। একটা অনুভূতি আমাদের বুদ্ধি, সংস্কার ও সমাজ হইতে পাওয়া—আর দ্বিতীয় ও গভীরতর স্তরের অনুভূতির প্রেরণা আসে অবচেতন আয়ার নিকট হইতে। শরৎচন্দ্রের প্রতিভার শ্রেষ্ঠ বিকাশ হইয়াছে এই পরম্পরবিরোধী শক্তির ঘর্ষের চিত্রনে।”

আলোচ্য গ্রন্থে লেখকের সাহিত্য-রসবোধ ও রচনাশক্তির পরিচয় পাওয়া যায়। শরৎ-সাহিত্য-পাঠক এই বই পড়িলে উপকৃত হইবেন, সন্দেহ নাই। তবে মনে হয়, পাইকা হরকে সরবরে ছাপা হইলেও

বে-মলাট বইয়ের দাম কম হওয়া উচিত—দশ-বারো আনার মধ্যে হইলে সাধারণ পাঠক ও ছাত্রদের সুবিধা হইত। লেখক বোধ করি জানেন না, ‘পাঠা’ কেতাব ছাড়া অল্প বই কিনিয়া পড়া এদেশের অনেকেই মতে কদম্বাস ও মূর্ত্তা—তার উপর বেশী দাম হইলেও কথাই নাই!

শ্রীসুরেশচন্দ্র বন্দ্যোপাধ্যায়

শোধবোধ—খ্রীষ্মল সেন। প্রকাশক, সরস্বতী লাইব্রেরী, ৯নং রমানাথ মজুমদারের স্ট্রীট। পৃঃ সং ২২৩।

পুস্তকখানি আলেকজান্ডার ডুমার বিখ্যাত উপন্যাস ‘Count of Monte Cristo’র সংক্ষিপ্ত বাংলা অনুবাদ। ছেলের উপযোগী করিয়া লেখা। যে উদ্দেশ্যে লিখিত তাহা সার্থক হইয়াছে বলিতে হইবে। ছেলেরা বইখানি পাইয়া আনন্দ পাইবে সন্দেহ নাই। ছাপা ও বাধাই বেশ মনোরম। তবে মনে হয় ফরাসী নামগুলির বাংলা উচ্চারণ লিখিবার সময় লেখকের আরও সতর্ক হওয়া উচিত ছিল।

শ্রীবিভূতিভূষণ বন্দ্যোপাধ্যায়

ডায়ারী—১৯০১। এম. সি. সরকার এণ্ড সন্স, ১৫ কলেজ স্কোয়ার, কলিকাতা।

আমরা প্রকাশকের নিকট হইতে ১৯০১ সনের Everyman's Diary ও খ্রীষ্ম জে. এন. ঘোষ সম্পাদিত সুপরিচিত Ghosh's Diary'র কয়েকখণ্ড পাইয়াছি। এই ডায়ারীগুলি নানাবিধ জ্ঞাতব্য তথ্যে পরিপূর্ণ। ছাপা, বাধাই, কাগজ সবই ভাল। প্রমোক্ত ডায়ারীটির মূল্য বার আনা ও অপরগুলির আকার অনুযায়ী পাঁচ আনা হইতে তিন টাকা চারি আনা। এই সমস্ত ডায়ারীগুলি পাঠকবর্গের নিকট সমাদৃত হইবে আশা করা যায়।

আর একখানি ঘোষের ১৯০১ সালের বাংলা ডায়ারীও পাইয়াছি। মাস-মাহিনা, স্বপ্নকাণ্ড, কোর্টকিস, ট্র্যাপস আইন, প্রজাবৎ আইন প্রভৃতি বহুবিধ জ্ঞাতব্য তথ্য ইহাতে সন্নিবেশিত হইয়াছে। প্রাত্যহিক প্রয়োজনে ইহা যথেষ্ট কাজে লাগিবে। বাংলার এই ধরণের ডায়ারী সম্পূর্ণ নূতন।

ক. চ

কবি পাথর



প্যারীচাঁদ মিত্র

বর্তমান যুগে মিত্র-মহাশয় “টেকচাঁদ ঠাকুর” এই কৃত্রিম নামে সুপরিচিত। তিনি সংস্কৃতবহুল বাঙ্গালার পরিবর্তে সাধারণ বোধগম্য কথিত গ্রাম-বাঙ্গালার প্রবর্তক এবং বাঙ্গালা ভাষার প্রথম উপজ্ঞান-রচয়িতা। কিন্তু সে সময়কার সমাজে তিনি কত উচ্চ আসনে আরুঢ় ছিলেন—মাতৃভাষা দেবা বাতীত তাঁহার জীবনী কত বিচিত্র ঘটনার সমাবেশে উজ্জ্বল ছিল, তখনকার কত সংস্কারের সহিত তিনি যুক্তভাবে সম্মিলিত ছিলেন, স্ত্রীশিক্ষা-প্রচারে তিনি কিরূপ উৎসাহী ছিলেন,—সে যুগে একদিকে কুসংস্কার অপর দিকে নাস্তিকতার দেশ বধন ভরিয়া উঠিতে বাইতেছিল, তখন তিনি কিরূপে সত্যার্থ প্রচারে ত্রুটি হইয়াছিলেন, এমন কি সামান্য জীবজন্তুর প্রতি নিষ্ঠুর ব্যবহার দেখিলে তাঁহার প্রাণ কিরূপ ব্যাকুল হইত, তাহা আমাদের মধ্যে অধিকাংশ লোকের নিকট অজ্ঞাত।...

প্যারীচাঁদের শিতামুহু গঙ্গাধর মিত্র, হুগলী ডিষ্ট্রিক্ট, চৌমহা পরগণার অন্তর্গত হরিপাল পানিসেওলা গ্রাম হইতে কলিকাতা নগরীতে নিমন্তলা ঘাট স্ট্রীটে আসিয়া বাস করেন। পরে ১৭৯৪ খৃষ্টাব্দে জন্ম গ্রহণ করিয়া বসন্তবাটী নির্মাণ করিয়াছিলেন। ইহার প্রতিষ্ঠিত শিবমন্দির অধুনো দৃষ্ট হয়। গঙ্গাধরের জ্যেষ্ঠ পুত্র, রামনারায়ণ, রাজা রামমোহন রায়ের উদার ধর্মোতির পোষকতা করিতেন। রামনারায়ণের চতুর্থ পুত্র প্যারীচাঁদ ১৮১৪ খৃষ্টাব্দের ২২এ জুলাই তারিখে (১২২১ সালের ৮ই আশ্বিন) জন্মগ্রহণ করিয়াছিলেন।...

তিনি ১৮২৭ খৃষ্টাব্দে ৭ই জুলাই তারিখে হিন্দু কলেজে একাংশে প্রেরিত হইয়াছিলেন, কিন্তু কোন্ সময়ে বিদ্যালয় ত্যাগ করেন তাহা অবিরত।...

হিন্দুহিতার্থী বিদ্যালয়—পরিণতবয়স্ক প্যারীচাঁদ যৎকালে কলেজে উচ্চশ্রেণীতে পাঠ লাভ করিতেন, তখন পল্লীস্থ দুঃস্থ খালকদের বিনাভেদে শিক্ষা প্রদান জন্ত নিজ বাড়ীতে একটা বিদ্যালয় স্থাপনা করিয়াছিলেন। ডেভিড হেমার প্রমুখ্যে অনেক ইংরেজ ও বাঙ্গালী এই বিদ্যালয়ের পোষকতা করিতেন।...

১৮৩৬ খৃষ্টাব্দের মার্চ মাসে ক্যালকাটা পাবলিক লাইব্রেরীর প্রথম সাধারণ অধিবেশনে প্যারীচাঁদ সব-লাইব্রেরীয়-পদে নিযুক্ত হইয়াছিলেন এবং পরে লাইব্রেরীয়ান ও সম্পাদক-পদে উন্নীত হইয়াছিলেন। তিনি ১৮৩৬ খৃষ্টাব্দে এই বেতনভোগী পদ ত্যাগ করিয়াছিলেন, কিন্তু লাইব্রেরীর অধ্যক্ষেরা তাঁহাকে অবৈতনিক সম্পাদক পদে বৃত্ত করিয়া ছিলেন। লাইব্রেরী গঠন হওয়া অবধি তিনি জন কিউরেটর-হস্তে অধ্যক্ষতার জন্ত ছিল। প্যারীচাঁদের সম্মান জন্ত তাঁহার নাম এই বৎসর হইতে অবৈতনিক কুরেটর বলিয়া করা হইয়াছিল।...

The Society for the Acquisition of General Knowledge—তারচাঁদ চক্রবর্তী এই সভার সভাপতি ছিলেন এবং প্যারীচাঁদ মিত্র ও রামতনু লাহিড়ী সম্পাদকর ছিলেন। সভার অধিবেশনে প্যারীচাঁদ নিম্নলিখিত প্রবন্ধ পাঠ করিয়াছিলেন।...

(১) State of Hindustan under the Hindus (পাঁচ

প্রবন্ধ) এবং (২) Remarks on the Rev. K. M. Banerjee's Essay on Female Education.

এই সময়ে তিনি সভাপতি তারচাঁদ চক্রবর্তীর জীবনী ১৮৪০ খৃষ্টাব্দের মার্চমাসের *Matia Review and Journal of Foreign Science and Arts* পত্রিকার প্রকাশ করিয়াছিলেন।

হিন্দু কলেজের ছাত্রেরা “জ্ঞানোদয়ণ” পত্রিকা প্রকাশ করিলে প্যারীচাঁদের প্রবন্ধ ইহাতে নিয়মিতভাবে প্রকাশ হইত। ১৮৪২ খৃষ্টাব্দের এপ্রিল মাসে প্যারীচাঁদ প্রসিদ্ধ বাণী রামগোপাল ঘোষের সহিত মিলিত হইয়া “বেঙ্গল স্পেক্টেটর” নামক পত্রিকা প্রকাশ করিয়াছিলেন। এই পত্রিকা প্রায় দুই বৎসর কাল স্থায়ী ছিল। The Hindu Theophilanthropic Society—দেশবাসীদের মধ্যে ধর্মভাব আশ্বাসন জন্ত ১৮৪৩ খৃষ্টাব্দে প্যারীচাঁদের পৈত্রিকবাড়ীতে স্থাপিত হইয়াছিল। প্যারীচাঁদ এই সভার একজন কর্মী ছিলেন।...

The Bengal British India Society—১৮৪৩ খৃষ্টাব্দের এপ্রিল মাসে স্থাপিত হইয়াছিল। জর্জ টমসন ইহার সভাপতি এবং প্যারীচাঁদ সম্পাদক ছিলেন। প্যারীচাঁদের তত্ত্বাবধানে সভা হইতে Evidences relating to the Efficiency of Native Agency in the Administration of Affairs in this Country নামক পুস্তিকা প্রকাশ হইয়াছিল।...

The Encyclopaedia Bengalensis—খৃষ্টীয় ধর্মযাজক কুরুমোহন বন্দ্যোপাধ্যায় এই পুস্তক ১৮৪৬ খৃষ্টাব্দ হইতে ধারাবাহিক-রূপে প্রকাশ করিয়াছিলেন। পুস্তকের পঞ্চমভাগে প্যারীচাঁদ প্রণীত যুগিষ্ঠির মেটো এবং বিক্রমাসিত্য জীবনী প্রকাশ হইয়াছিল।...

The Agricultural and Horticultural Society—১৮৪৭ খৃষ্টাব্দের জুলাই মাসে প্যারীচাঁদ এই সভার সদস্য মনোনীত হইয়া ছিলেন। সভার তত্ত্বাবধানে তিনি পাঁচভাগ “ভারতবর্ষীয় কৃষিরিষয়ক বিবিধ সংগ্রহ” (Indian Agricultural Miscellany) ও কৃষিপাঠ নামক পুস্তিকা প্রায়ন করিয়াছিলেন। এই সভা হইতে প্রকাশিত *Journal* নামক সাময়িক পত্রিকায় Bengal Ria নামক একটা প্রবন্ধ লিখিয়াছিলেন। কয়েক বৎসর যাবৎ তিনি ইহার ভাইস-প্রেসিডেন্ট পদ অলঙ্কৃত করিয়াছিলেন এবং ১৮৭১ খৃষ্টাব্দে অবৈতনিক সদস্যপদে মনোনীত হইয়াছিলেন। শেবেজ্ঞ সম্মান বাঙ্গালীদের মধ্যে তিনি প্রথম পান।

পুলিশ কমিশন—১৮৪৯ খৃষ্টাব্দে পুলিশের কতিপয় কর্মচারীদের উৎকোচ-গ্রহণ-অসদৃশ্য জন্ত এক কমিশন নিযুক্ত হইয়াছিল। সিড্‌লিয়ার জে-ই, কলভিন, এবং ডবলিউ ড্যান্সিয়র ইহার সদস্য ছিলেন। কমিশন সমক্ষে প্যারীচাঁদ নিম্নলিখিত সাক্ষ্য দিয়াছিলেন।

১৮৫১ খৃষ্টাব্দের অক্টোবর মাসে ব্রিটিশ ইন্ডিয়ান এসোসিয়েশন গঠিত হইয়াছিল। গঠনের সময় হইতে প্যারীচাঁদ ইহার সদস্য ছিলেন। এসোসিয়েশনের প্রথম বাৎসরিক অধিবেশনে, ২রা ফেব্রুয়ারি, ১৮৫২ খৃষ্টাব্দে প্যারীচাঁদ কমিটির সদস্য-শ্রেণীভুক্ত এবং এই পদ তিনি বহুকাল

পথ্যস্তো ভোগ করিয়াছিলেন। এসোসিয়েশনের কর্তৃত্বে ১৮৫৩ খৃষ্টাব্দে তিনি Notes on Evidences on Indian Affairs প্রণয়ন করিয়াছিলেন।

১৮৫১ খৃষ্টাব্দের ডিসেম্বর মাসে বীটন সোসাইটি গঠিত হইয়াছিল। ডাক্তার এফ-জে, মোরেট ইহার সভাপতি এবং প্যারীচাঁদ সম্পাদক ছিলেন। দুই বৎসর পর প্যারীচাঁদ সম্পাদক-পদ ত্যাগ করিয়া পরবর্তী দুই বৎসর ১৮৫৪ এবং ১৮৫৫ খৃষ্টাব্দে সোসাইটির Committee of Papers-এ সদস্যপদে মনোনীত হইয়াছিলেন।...

মাসিক পত্রিকা—১৮৫৪ খৃষ্টাব্দের আগষ্ট মাস হইতে তিন বৎসরকাল, খারাবাহিকরূপে প্রকাশিত হয়। এই পত্রিকার “আলালের ঘরের দুলাল” প্রথম প্রকাশিত হইয়াছিল।

১৮৫৫, ফেব্রুয়ারি মাসে কালীপ্রসন্ন সিংহের বাটীতে বিজ্ঞানসাহিত্য সভা গঠিত হইয়াছিল। প্যারীচাঁদ ইহার সদস্য ছিলেন।

বাণিজ্যবিষয়ক উদ্যম—১৮৩৭ খৃষ্টাব্দে মার্চ মাসে কালাচাঁদ শেঠ, তারচাঁদ চক্রবর্তী ও প্যারীচাঁদ মিত্র এই তিনজন একত্র হইয়া “কালাচাঁদ শেঠ এণ্ড কোং” নামে ব্যবসায় করিতে আরম্ভ করিয়াছিলেন তারচাঁদ চক্রবর্তী ১৮৪৪, আগষ্ট মাসে ব্যবসায় হইতে অবসর গ্রহণ করিবার পর ১৮৪৫, জামুয়ারী মাস হইতে কালাচাঁদ শেঠ ও প্যারীচাঁদ মিত্র উভয়ে যোগ্য কারবার চালান। ১৮৪৯ খৃষ্টাব্দে কালাচাঁদ শেঠের মৃত্যুর পর তাঁহার অধিরা পর বৎসর মার্চ মাসে হিমাচলপত্র চুকাইয়া লন। ইহার পর হইতে প্যারীচাঁদ স্বয়ং ব্যবসায় চালাইতেন এবং ১৮৫৫ খৃষ্টাব্দে দুই পুত্র অমৃতলাল এবং চুণীলালকে অংশীদার করিয়া লইয়া “প্যারীচাঁদ মিত্র এণ্ড সন্স” নামক যোগ্যকারবার চালাইয়া ছিলেন। কলিকাতার সওদাগররা প্যারীচাঁদকে এত সম্মান করিতেন যে, তিনি অনেকগুলি লিমিটেড কোম্পানীর ডিরেক্টর নির্বাচিত হইয়াছিলেন।...

১৮৫৬ খৃষ্টাব্দের মার্চ মাসে প্যারীচাঁদ স্কুল বুক সোসাইটির কমিটির সদস্যপদে মনোনীত হইয়াছিলেন এবং এই পদে মৃত্যুকাল পর্যন্ত প্রতিষ্ঠিত ছিলেন।

‘The Vernacular Literature Committee—বঙ্গভাষায় উৎকৃষ্ট বাহ্যরোপযোগী গাঁহইয়া-মাহিত্য-প্রচার-কল্পে এই সভা গঠিত হইয়াছিল। প্যারীচাঁদ ইহার কমিটির একজন সদস্য ছিলেন। ১৮৫৬ খৃষ্টাব্দে প্যারীচাঁদ সভার অস্থায়ীভাবে সম্পাদকপদে নিযুক্ত হইয়াছিলেন। সভা পরে স্কুল বুক সোসাইটির সহিত সংমিলিত হইয়া যায়।...

The Calcutta Society for the Prevention of Cruelty to Animals—১৮৬১ খৃষ্টাব্দের অক্টোবর মাসে কলিকাতা পশু-ক্লেশ-নিবারণ সভা প্রতিষ্ঠিত হইয়াছিল। সভার স্থাপনাবধি প্যারীচাঁদ ইহার কন্সটিটুট সদস্য ছিলেন। তাঁহার পরম বন্ধু কোল্ড-ওয়ার্থি গ্র্যাণ্টের মৃত্যুর পর ১৮৮১ খৃষ্টাব্দের জুন মাসে তিনি সভার অবৈতনিক সম্পাদক পদে নিযুক্ত হন। ভাইস-চ্যান্সেলর মাননীয় এইচ জে, রেনডলস্ ১৮৮৪ খৃষ্টাব্দের মার্চ মাসের কনভোকেশন বক্তৃত্যয় উল্লেখ করিয়াছিলেন :—“যখন তিনি ব্যবস্থাপক সভার সদস্য ছিলেন, তাঁহারই উদ্যমে বঙ্গদেশে জীব-ক্লেশ-নিবারণ আইন বিধিবদ্ধ হইয়াছিল।”

১৮৬৬ খৃষ্টাব্দে মে মাসে প্যারীচাঁদ এসিয়াটিক সোসাইটিতে সদস্যপদে যোগদান করিয়াছিলেন।

১৮৬৪ খৃষ্টাব্দের জামুয়ারী মাসে বঙ্গীয় কৃষি-প্রদর্শনী সভার অন্তর্গত হইয়াছিল। প্যারীচাঁদ ইহার অন্ততম বিচারক ছিলেন।

কলিকাতা বিশ্ববিদ্যালয়—১৮৬৪ খৃষ্টাব্দে এপ্রিল মাসে প্যারীচাঁদ বিশ্ববিদ্যালয়ের ‘ফেলো’ মনোনীত হইয়াছিলেন।

১৮৬৭ খৃষ্টাব্দের জামুয়ারী মাসে বঙ্গদেশীয় সামাজিক বিজ্ঞান-সভা (Bengal Social Science Association) স্থাপিত হইয়াছিল। সভার আরম্ভ হইতে প্যারীচাঁদ অবৈতনিক সম্পাদক-পদে নিযুক্ত হইয়াছিলেন। এই পদ তিনি ১৮৭৫ খৃষ্টাব্দে ত্যাগ করিয়াছিলেন।...

১৮৬৩ খৃষ্টাব্দের ৬ আইন পাশ হইলে প্যারীচাঁদ একজন জুস্টিস অফ দি পিস্ মনোনীত হইয়াছিলেন। ১৮৭১ খৃষ্টাব্দের জুন মাসে মিউনিসিপ্যাল চেয়ারম্যান জন্টিস্দের একটি সংশোধিত তালিকা প্রকাশ করিয়াছিলেন, আমরা ইহাতেও প্যারীচাঁদের নাম দেখিতে পাই। স্তবরাং বলিতে হইবে যে, প্যারীচাঁদ ১৮৬৩ হইতে ১৮৭৬ পর্যন্ত মিউনিসিপ্যাল কমিশনার ছিলেন।...

১৮৬৪ খৃষ্টাব্দের মে মাসে প্যারীচাঁদ House of Correction—এবং জেলের পরিদর্শক নিযুক্ত হইয়াছিলেন। এই সময়ে তিনি হাইকোর্টের গ্রাণ্ড জুরর মনোনীত হইয়াছিলেন। ১৮৬৫ খৃষ্টাব্দের ১৩ আইনের বলে স্পেশাল জুরর মনোনীত হইয়াছিলেন।...এই সময়ে তিনি কলিকাতার অবৈতনিক ম্যাজিস্ট্রেটের পদে মনোনীত হইয়াছিলেন।...

প্যারীচাঁদ ১৮৬৮ খৃষ্টাব্দের জামুয়ারী মাস হইতে ১৮৭০ জামুয়ারী মাস পর্যন্ত Bengal Legislative Council-এর সদস্য ছিলেন।

বন্ধুদের প্রতি অমুরাগ—তাঁহার বাল্যবন্ধু রসিকরূপ মল্লিক এবং রাধানাথ শিকদার উভয়েই তাঁহাদের চরমপক্ষে প্যারীচাঁদকে অতি নিযুক্ত করিয়া যান। এই অবৈতনিক কার্য সম্পাদনাক্তে আদালত ও উত্তরাধিকারীরা উভয়েই সন্তুষ্ট হইয়াছিল। কাহারও কোনও বৈধরিক বিবাদ-বিসংবাদে তিনি আশ্রয় লভ্য হইয়া মিটাইয়া দিতেন।

বদান্ততা—১৮৬৬-৬৭ খৃষ্টাব্দের দ্রষ্টক্ষে প্যারীচাঁদ নিজ বাটীতে একটা অন্নসত্তা খুলিয়া এতাহ দুঃখীদের ভ্রম বিতরণ করিতেন। তাঁহার জমিদারীতে তিনি প্রজাদের জলকষ্ট নিবারণার্থে “কুমার পুত্র” নামে এক পুষ্করিণী খনন করিয়া দিয়াছিলেন।

সমাজ-সংস্কার—তাঁহার বাঙ্গালা ভাষার দ্বিতীয় পুস্তকে তিনি গল্পজলে সুরাপানের অনিষ্ট সম্বন্ধে লিখিয়াছিলেন। তিনি শ্রীশিক্ষার একজন আবেগপূর্ণ আন্তরিক পক্ষপাতী ছিলেন, এবং ১৮৪৯ খৃষ্টাব্দে মে মাসে “হিন্দু বালিকা বিদ্যালয়” (যেখন সাহেবের স্কুল) স্থাপিত হইলে স্বীয় কল্যাণে শিক্ষার্থে প্রেরণ করিয়াছিলেন।

আধুনিক ১৮৬৩ খৃষ্টাব্দে ব্রাহ্মসমাজের উদ্যোগে “ব্রাহ্মবন্ধুসভা” নামে সভা স্থাপিত হইয়াছিল। শ্রীশিক্ষাবিশ্বাস ইহার অন্ততম উদ্যোগ ছিল। সভা প্যারীচাঁদের প্রণীত পুস্তকগুলি বালিকাদের পাঠ্যপুস্তক বালিয়া নির্ণয় করিয়াছিল। যখন মিস্ মেসারী কার্পেন্টার প্রথমবার কলিকাতায় আসিয়া শ্রীশিক্ষা সম্বন্ধে আন্দোলন করিয়াছিলেন, প্যারীচাঁদ তাহাতে যোগদান করিয়াছিলেন। ১৮৬৬ খৃষ্টাব্দের ডিসেম্বর মাসে ব্রাহ্মসমাজগৃহে এক সভার অধিবেশন হইয়াছিল। তাহাতে মিস্ কার্পেন্টার সর্বপ্রথমে তাঁহার প্রস্তাব এবেশ্যাসীদের গোচরীকৃত

করিয়াছিলেন। প্যারীচাঁদ এই সভার সভাপতির কার্য করিয়াছিলেন। বঙ্গরমণীদেবী মানসিক উন্নতিকল্পে তিনি কয়েকখানি পুস্তিকা প্রণয়ন করিয়াছিলেন। ১৮৬৫ খৃষ্টাব্দের আরম্ভে বহুবিবাহ-রহিত-বিধায় গর্ভদেহের নিকট এক আবেদনপত্র প্রদান করা হইয়াছিল; প্যারীচাঁদ এই কার্যে বিশেষ তৎপর ছিলেন। হিন্দু বিধবা বিবাহ আইন (১৮৫৬ খৃষ্টাব্দের ১৫ আইন) পাশের পর ১৮৫৬ খৃষ্টাব্দের ডিসেম্বর মাসে প্রথম বিধবা-বিবাহ হইয়াছিল। এই সমারোহে প্যারীচাঁদ যোগদান করিয়াছিলেন। এতদসম্বন্ধে তিনি অনেকগুলি প্রবন্ধ লিখিয়াছিলেন।

কলিকাতা রিভিউ—(ত্রৈমাসিক) পত্রিকায় প্যারীচাঁদ প্রণীত নিম্নলিখিত প্রবন্ধগুলি প্রকাশিত হইয়াছিল—

(১) Zemindar and Ryot, (২) Agricultural Society of India : (৩) Court Amlas in Lower Bengal : (৪) Remarriage of Hindu Widows : (৫) Department of Revenue, Agriculture and Commerce : (৬) Development of the Female Mind in India : (৭) Indian Wheat : (৮) Psychology of the Aryas : (৯) Commerce in Ancient India : (১০) Social Life of the Aryas : (১১) Hindu Bengal এবং (১২) Early Commerce in Bengal.

যখন প্যারিচাঁদ মহাসভার চার্টার সনদ প্রদান জন্ত ১৮৫৩ খৃষ্টাব্দের জুলাই মাসে তর্কবিতর্ক হয় তখন লর্ড সভার জনৈক সভ্য (Lord Albemarle) প্যারীচাঁদের প্রণীত প্রথমোক্ত প্রবন্ধ হইতে এদেশের কৃষকদের উন্নয়ন বর্ণনা উদ্ধৃত করিয়াছিলেন।

মাতৃভাষার সেবা—১৮৫৮ খৃষ্টাব্দে প্যারীচাঁদের “আলোচনের ঘরের হ্রদাশ” প্রকাশিত হইয়াছিল। এই পুস্তক ব্যতীত তিনি নিম্নলিখিত কথখানি বাঙ্গালা পুস্তক প্রণয়ন করিয়া মাতৃভাষার পুষ্টি করিয়াছিলেন—

মদ খাওয়া বড় দায়, জাত থাকার কি উপায় (১৮৫৯); রাম-রঞ্জিকা (১৮৬০); কৃষিপাঠ (১৮৬০); গীতামৃত (প্রকাশক নির্ণয় হয় নাই); বৎসিকিৎ (১৮৬০); অভ্যর্থনা (১৮৭১); ডেভিড হোয়ারের জীবন-চরিত (১৮৭৮); এতদেশীয় স্ত্রীলোকদিগের পূর্বাবস্থা (১৮৮০); আধ্যাত্মিক (১৮৮০), বাস্তুবিদ্যা (১৮৮১)।

উঁহার দেহাবসানের পর উঁহার প্রণীত অনেকগুলি অসম্পূর্ণ প্রবন্ধ ভিন্ন ভিন্ন সাময়িক পত্রিকায় প্রকাশিত হইয়াছিল। তন্মধ্যে নিম্নলিখিত কয়েকটি উল্লেখযোগ্য :—

ঈশ্বর উপাসনা (পঞ্চা, শ্রাবণ, ১৩১৬); শিতা ও পুত্র (নবান্নারত, আশ্বিন, ১৩১৭); উপাসনা (বঙ্গবাণী, কার্তিক, ১৩৩৪)।

প্যারীচাঁদ ইংরাজি ভাষায় নিম্নলিখিত কথখানি পুস্তক রচনা করিয়াছিলেন :—

Biographical Sketch of David Hare (১৮৭৭); Spiritual Stray Leaves (১৮৭৮); Life of Dewan Ram Comul Sen (১৮৮০); Stray Thoughts on Spiritualism (১৮৮১); Life of Colesworthy Grant (১৮৮১); On the ul (১৮৮১); Agriculture in Bengal (১৮৮১);

এতদ্ব্যতীত উঁহার রচিত এই কয়েকটি সম্পূর্ণ এবং অসম্পূর্ণ প্রবন্ধ উঁহার মৃত্যুর পরে National Magazine পত্রিকায় প্রকাশিত হইয়াছিল।

Education in Bengal (Dec. 1907, January 1908); Early Account of the District Charitable Society (March 1903); Life of Rustomjee Cowasjee (April, July 1908); Moral Culture (July 1908); Yoga and Spiritualism, Early Recollections (June, August 1908); Notes on the Soul (October 1908 হইতে April 1909).

উঁ র প্রণীত বিবিধ প্রবন্ধ ইণ্ডিয়ান ফীল্ড, হিন্দু পেট্রিট, বেঙ্গল হরকরা ইংলিশমান প্রভৃতি পত্রিকায় সময়ে সময়ে প্রকাশিত হইত।

ধর্মচর্চা—Hindoo Theophilanthropic Society তৎকালীন ব্রাহ্মদমাজের সহিত সহযোগিতা করিয়াছিল। এই সভা লোপের পর প্যারীচাঁদ ব্রাহ্মধর্ম মতে সাধনা করিতেন। আত্মনানিক ১৮৬৫ খৃষ্টাব্দে ব্রাহ্মদমাজে কেশবচন্দ্র সেনের আধিপত্য হইয়াছিল এবং তর্ক মিটাইবার জন্ত “ব্রাহ্ম প্রতিনিধি সভা” গঠিত হইয়াছিল। প্যারীচাঁদ এই সভার একজন সদস্য ছিলেন। পত্নী-বিয়োগের পর প্যারীচাঁদ অধ্যায়বিদ্যা চর্চা করিতে প্রবৃত্ত হইয়াছিলেন।

অধ্যাত্ম বিদ্যার আলোচনা—প্যারীচাঁদের নিম্নলিখিত প্রবন্ধ প্রকাশ হইয়াছিল :—

লণ্ডন হইতে প্রকাশিত Spiritualist পত্রে—

Psychology of the Buddhists (৩১শে আগষ্ট ১৮৭৭); God in the Soul (৭শে সেপ্টেম্বর ১৮৭৭); The Spirit Land (১৬ নবেম্বর ১৮৭৭); The Spritual State (২৩ নবেম্বর ১৮৭৭); Soul Revelation (ফেব্রুয়ারী ১৮৭৮); The Soul (৩০শে মে ১৮৭৮)।

আমেরিকার বটন হইতে প্রকাশিত Banner of Light পত্রে—

Abhedhi, Progression of the Soul (আগষ্ট ১৮৭৮); Soul Revelation in India (৫ এপ্রিল ১৮৭৯), Socrates and Jesus Christ (১২শে এপ্রিল ১৮৭৯)।

বোম্বাই হইতে প্রকাশিত Theosophist পত্রে—

Inner God (অক্টোবর ১৮৭৯), Hindu Bengal (আগষ্ট ১৮৮১)।

থিওসফি ধর্ম অনুসরণ—আমেরিকার নিউইয়র্ক নগরে ১৮৭৭ খৃষ্টাব্দে Theosophical Society গঠিত হইলে প্যারীচাঁদ Corresponding Fellow পদে নিষ্পাচিত হইয়াছিলেন। সমগ্র এশিয়া মহাদেশের মধ্যে তিনিই এই সম্মান প্রথম পাইয়াছিলেন।

১৮৮৩, ২৩ নবেম্বর প্যারীচাঁদ জীবলীলা সংবরণ করিয়াছিলেন।

(পঞ্চপুষ্প—কার্তিক, ১৩৩৭)

শ্রীশ্রীগঙ্গলাল মিত্র

সূর্যের কোষ্ঠী

সমস্ত পৃথিবী ব্যাপিয়া যে পরিমাণ সৌর-তেজ বিকশিত আছে, সমগ্র সৌর-শক্তির তাহা ২২০ কোটি ভাগের একভাগ মাত্র। ইহা হইতে সমগ্র সৌর-তেজের পরিমাণ কল্পনা করা যাইতে পারে। সূর্যের এই অসুস্থ ভীষণ তেজ কোথা হইতে আসিতেছে? এক সময় মনে করা হইত, অগণিত উষ্ণপিণ্ড নিরন্তর সূর্য-পৃষ্ঠে ধাক্কা খাইতেছে এবং সেই সজ্জাতে যে তাপ উদ্ভূত হইতেছে, তাহাই সূর্যের পুজি এবং তাহাতেই উহার এই বিপুল দানশক্তি বজায় রহিতেছে। পরবর্তী বৈজ্ঞানিকেরা এই মতের অনেক গলদ বাহির করিলেন। তাহার দোষাইলেন যে, এই উষ্ণপিণ্ডের সংখ্যা এত অধিক হইতে পারে না যে, উহার সম্মিলিত তাপ এই ভীষণ বায়ু পূরণ করিতে পারে। তাহাদের মতে সূর্যে একটি প্রকাণ্ড বায়ুপিণ্ড বর্তমান; এই বায়ুপিণ্ড ক্রমেই সঙ্কুচিত হইতেছে; এবং এই সঙ্কোচনের ফলে যে তাপের উৎপত্তি তাহাই সূর্যের পুজি। এই হিসাবে দাঁড়ায় যে, আর ১৭০ লক্ষ, মোটামুটি প্রায় ২ কোটি বর্ষ পরে সূর্যের পুনঃসঙ্কোচন সম্ভব হইবে। তখন উহা হইতে আর তাপ উদ্ভূত হইবে না এবং তখন হইতে বরাবর ঠাণ্ডা হইতে থাকিবে যতক্ষণ না একেবারে নির্বাপিত হইয়া যায়। সেই শেষের দিনের কথা মরণ করাইয়া প্রবন্ধকার বলিতেছেন—“এই দুই কোটি বৎসর পরে নৃষা যে দিন অপস্থত হইবে, সেদিন সমস্ত গ্রহ-উপগ্রহ-সমন্বিত এই বিরাট সৌর-জগতে প্রাণের স্পন্দন আর কোথাও অন্তর্ভূত হইবে না। নদী বহিবে না, বায়ু প্রবাহিত হইবে না; উপরে অনন্ত আকাশ—মেঘ নাই; নীচে অসীম সমুদ্র—ডেউ নাই; বৃক্ষ, লতা, তৃণ, গুল্ম নির্জীব, পশুপক্ষী, কীটপতঙ্গ প্রাণহীন; সমস্ত নিষ্পন্দ, সমস্ত অচল, সমস্ত অন্ধকার; আর মানব-সভ্যতার এই শোচনীয় পরিণাম দর্শন করিবার জন্ত কোন জীবিত সাক্ষীও থাকিবে না।” পরিশেষে পাঠকবর্গকে অভয় দিয়া অবলম্বক বলিতেছেন “মাইন্ড; সে দিনের এখনও চের দেবী আছে, এবং চাই কি ততদিনে বিজ্ঞানের এ মতটাও বা উটটাইয়া যাইতে পারে।”

প্রবন্ধকারের এই আশ্বাসবাণী শুধুও পাঠকবর্গের কেহ যদি এহ ভাবিয়া মুগ্ধমান হইয়া পড়িয়া থাকেন যে, এই ২ কোটি বৎসর পরে যাহাকে ধরাধাম হইতে চলিয়া যাইতে হইবে, তবে বিজ্ঞানের এই বাণী তাহাকে স্তনাইতেছি, — তিন শাস্তিলাভ করুন।

সূর্যের সঙ্কোচন-ফলে তাহার তাপের উদ্ভব, হেলিওলজ এবং কল্ডিন যখন এই মত প্রকাশ করিলেন, তখন বৈজ্ঞানিক-মহলে তখন একটা সাজা পড়িল না। সূর্যের বয়স ২ কোটি বৎসর, ভূতত্ত্ব ও প্রাণী-তত্ত্ববিৎ পণ্ডিতগণ এ কথা একেবারেই অগ্রাহ্য করিলেন। তা ছাড়া এই সঙ্কোচন-তত্ত্ব হইতে এই দাঁড়ায় যে, পূর্ব উজ্জল নক্ষত্র-বর্গের বয়স একলক্ষ বৎসরের বেশী হইতে পারে না; ইহা একেবারেই অসম্ভব।

এমন সময় রেডিসম আবিষ্কৃত হইল। ইহার কাণ্য দেখিয়া বিজ্ঞানের বহুদিন-পোষিত অনেক বিষয়ে অনেক মতামত একেবারে উলোট-পালট খাইল। রেডিসম একটি মৌলিক পদার্থ, যাহা আপনা-আপনি ভাঙিয়া সম্পূর্ণ বিভিন্ন আর একটি মৌলিক পদার্থে পরিণত হইতেছে। যে হারে রেডিসম ভাঙিতেছে, পরীক্ষার তাহা নিরূপিত হইল। এই সব হিসাব হইতে এই দাঁড়ায় যে, পৃথিবীর উপরকার ছালটার বয়স ২০০ কোটি, ২০০০ কোটি নয়, অন্তত এক লক্ষ কোটি বৎসর,—বেশীও হইতে পারে। সূর্যের উত্থাপ যে ইহার সাক্ষ্যচেনের ফলে, এ তত্ত্ব এতদিন টলমল করিতেছিল; এইবার একেবারে ধূলিসাৎ হইল।


তা তো হইল! কিন্তু দাঁড়াইল কি? যে ইলেকট্রনতত্ত্ব আগেকার মতকে খণ্ডন করিল, তাহা শুধু ভাঙা শেখ করিয়া নিশ্চিত হইল না, নূতন কিছু গড়িয়াও তুলিল; এবং সোনার সোহাগা হইল—আইন-ষ্টাইনের আপেক্ষিকতত্ত্ব ইহাতে সায দিল।

শেষ অবধি স্থির হইল যে, পদার্থও শক্তি এ পরস্পর অদল-বদল হইতে পারে। এক কোটা গোলাপের আতুরে যেমন এক বাতল গোলাপজলের নিধাস আছে, তেমনি পদার্থ আর কিছুই নয়, উহা শক্তির নিধাস মাত্র। একটুকুনি পদার্থ যদি কোন রকমে লোপ পায়—এবং লোপ পাইতেও পারে—তো তাহার পরিবর্তে বিপুল শক্তির উদ্ভব হইবে। যুগু বিপুল বলিয়া আইনষ্টাইন ক্ষান্ত হইলেন না, হিসাবে বলিয়া দিলেন যে, এইটুকু পদার্থের বিনিময়ে এতটা পরিমাণ শক্তি পাওয়া যাইবে। কিন্তু একটা কথা,—বিজ্ঞান এতদিন দুইটি তত্ত্বের উপর ভিত্তি করিয়া দাঁড়াইয়া ছিল; একটি—পদার্থ অবিনশ্বর; ইহার হ্রাসও নাই বৃদ্ধিও নাই, রূপান্তর আছে মাত্র। সেইরূপ শক্তিরও রূপান্তর আছে মাত্র, শক্তিও অবিনশ্বর,—এই দ্বিতীয়। আইনষ্টাইনের কথায় এই দুইটি তত্ত্ব তো দাঁড়ায় না। না দাঁড়ায়—চলিয়া যাক; কিন্তু পদার্থ যে শক্তিতে রূপান্তরিত হইতে পারে, ইহা আইনষ্টাইনের আপেক্ষিক-তত্ত্বে তো দাঁড়াইবেই; এবং আপেক্ষিক-তত্ত্ব যদি কোন দিন চলিয়া যায়, তো ইহাকে সঙ্গে লইয়া যাইবে না।

এজিটন হিসাব করিয়া দেখাইলেন যে, সূর্য যদি বৎসরে তাহার দেহ হইতে ২০ লক্ষ কোটি টন পদার্থ হারায়, তবে ইহার বর্তমান তাপ উদ্ভূত হয়। কিন্তু সর্বনাশ! প্রতি বৎসর যদি সূর্য হইতে এতটা করিয়া পদার্থ লোপ পায়, তাহা হইলে সূর্যের আর দেবী কি? দেবী আছে,—চের দেবী, এবং আগেকার হিসাব হইতেও বেশী দেবী। এই হারে সূর্যের ক্ষয় হইতে চলিলেও ইহার ব্যবসা বন্ধ করিয়া দেউলিয়া হইতে এখনও আরো ২০ কোটি নয়, আশঙ্ক উইন, ১০ লক্ষ কোটি বৎসর বাকী।

(ভারতবর্ষ—অগ্রহায়ণ, ১৩৩৭)

শ্রীচাক্রকল্প ভট্টাচার্য



বামনদাস বসু

শ্রীরামানন্দ চট্টোপাধ্যায়

১৮৪২ খ্রীষ্টাব্দে পঞ্জাবে ইংরেজ-রাজত্ব প্রতিষ্ঠিত হইবার কিছু পরে শ্রামাচরণ বসু নামক একটি বাঙালী যুবক লাহোরে উপস্থিত হন। সেকালে রেলগাড়ী না থাকায় তাঁহাকে অল্প দানে পঞ্জাব যাইতে হয়। কলিকাতা হইতে লাহোর যাইতে তাঁহার কয়েক মাস লাগিয়াছিল। বর্তমানে খুলনা জেলার অন্তঃপাতী টেংরা-ভবানীপুর নামক একটি গ্রামে তাঁহার জন্ম হয়। তিনি সেখানে কিছু লেখাপড়া শিখিয়া কলিকাতায় ডাক্ সাহেবের বিদ্যালয়ে কয়েক বৎসর অধ্যয়ন করেন। লাহোর পৌছিয়া তিনি প্রথমে দুই বৎসর একটি মিশনারী বিদ্যালয়ে প্রধান শিক্ষকের কাজ করেন। তাহার পর ১৮৫২ খ্রীষ্টাব্দে তিনি কমিশনারের আফিসে কাজে নিযুক্ত হন। যখন পঞ্জাবে শিক্ষাবিভাগ প্রথম খোলা হয়, তখন তিনি উহার ডিরেক্টরের প্রধান কেরানী নিযুক্ত হন। এই পদে থাকিয়া তিনি পঞ্জাবে শিক্ষাকাণ্ডের সুবাবস্থা করেন। এই সুবাবস্থার জন্ত ডিরেক্টর যে সুখ্যাতি লাভ করেন, তাহার অনেক অংশ বস্তুতঃ যে শ্রামাচরণ বসু মহাশয়েরই প্রাপ্য, তাহা ইংরেজ-সম্পাদিত তখনকার “ইণ্ডিয়ান ওপিনিয়নে” স্বীকৃত হইয়াছিল। ১৮৬৭ সালে ৪০ বৎসর বয়সে অকালে তাঁহার মৃত্যু হয়। তিনি সুশিক্ষিত, সচ্চরিত্র, কর্তব্যনিষ্ঠ এবং সুযোগ্য লোক ছিলেন। ধর্ম্মে তিনি বৈদান্তিক ছিলেন। ক্রী-শিক্ষার বিস্তৃতি ও উন্নতি সাধনে তাঁহার বিশেষ উৎসাহ ছিল। সেকালে পঞ্জাবে জিনিষপত্র সস্তা ছিল। এই জন্ত যদিও তাঁহার বেতন দুইশত টাকা হইতে আরম্ভ করিয়া মাত্র তিন শত পর্য্যন্ত হইয়াছিল, তথাপি তিনি মৃত্যুকালে বিষয়-সম্পত্তি বেশ রাখিয়া গিয়াছিলেন। কিন্তু বন্ধু নামে পরিচিত কোন কোন লোকের বিশ্বাসঘাতক-তায় তাঁহার মৃত্যুর অল্পকাল পরেই তাঁহার বিধবা পত্নী শ্রীমতী ভুবনেশ্বরী দেবী প্রায় নিঃস্ব হইয়া পড়েন, এবং নিজের অলঙ্কারগুলিই একটি একটি করিয়া বিক্রয়

করিয়া নিজের ও চারিটি সন্তানের ব্যয় নির্বাহ করিতে বাধ্য হন। তাঁহাদের নিজের বাড়ী অস্ত্রের হস্তগত হইয়া যাওয়ায় তিনি মাসিক ৮০ বার আনা ভাড়ার একটি কুঠীতে আশ্রয় গ্রহণ করেন। এই সময়ে তাঁহাদের কান্ধু নামক একজন বিশ্বস্ত পুরাতন ভৃত্য তাঁহাদের একমাত্র সহায় ছিল। কান্ধু যতদিন বাঁচিয়াছিল, ততদিন বসু-পরিবারের সেবা করিয়াছিল এবং তাহার মৃত্যুর পর তাহার পুত্র নেহালা তাঁহাদের পরিচর্যা করিয়াছিল। এই কান্ধুই বার আনা ভাড়ার বাড়ীটি ঠিক করে এবং তাহারই হাত দিয়া ভুবনেশ্বরী দেবী একটি একটি করিয়া অলঙ্কার বিক্রয় করিতেন।

বামনদাস বসু শ্রামাচরণ বসু মহাশয়ের ও ভুবনেশ্বরী দেবীর কনিষ্ঠ পুত্র। পিতার মৃত্যুর সময় তাঁহার বয়স ছিল পাঁচ মাস মাত্র। তাঁহাদের চারি ভাই বোনের মধ্যে এক ভগিনী সকলের বড় ছিলেন। একমাত্র তিনিই এখনও জীবিত আছেন। বামনদাসের জ্যেষ্ঠ ভ্রাতা সুপণ্ডিত ও মহাত্মভব শ্রীশচন্দ্র বসু বিদ্যার্যব তাঁহা অপেক্ষা ছয় বৎসর কয়েক দিনের বড় ছিলেন। তাঁহার কনিষ্ঠা ভগিনী ছিলেন শ্রীমতী জগৎমোহিনী দাস। বামনদাস সকলের ছোট।


তাঁহাদের মাতা ভুবনেশ্বরী দেবীর সুশীলতা, বুদ্ধি-বিবেচনা ও কর্ম্মিষ্ঠতার গুণে শ্রীশচন্দ্র ও বামনদাস শৈশবে পিতৃহীন হইয়াও মাহুয় হইতে পরিয়াছিলেন—শিক্ষিত, চরিত্রবান, সুপণ্ডিত ও দেশভক্ত বলিয়া পরিচিত হইয়াছিলেন। তাঁহারাও সান্তিশয় মাতৃভক্ত ছিলেন। শুনিয়াছি, তাঁহাদের শৈশবে ও বাল্যকালে ভুবনেশ্বরী দেবী মাসিক দশ টাকা ব্যয়ে সঙ্গার চালাইতেন। শ্রীশচন্দ্র প্রবেশিকা পরীক্ষায় উত্তীর্ণ হইয়া মাসিক ১৫ টাকা বৃত্তি পাইবার পর তাঁহার মাতা বার আনা ভাড়ার কুঠীরটি ছাড়িয়া মাসিক দেড় টাকা ভাড়ার অল্প একটি বাড়ীতে উঠিয়া যান। তিনি সাধারণ রকমের বাংলা



১। বামনদাস বহু—আহমদনগরের সিভিলসার্জিনরূপে ২। শ্রীশচন্দ্র বহু

৩। মাতা ভুবনেশ্বরী দেবী ৪। বামনদাসের সহধর্মিণী

৫। ভুবনেশ্বরী আশ্রম—বহুদের এলাহাবাদস্থিত বাড়ি



বাসমদাসের শেষ প্রতিকৃতি



বাসমদাস—সামরিক পদপ্রত্যাগের অব্যবহিত পরে



একমাত্র পুত্র ও পুত্রবধূসহ বাসমদাস



কয়েকটি গাকার ভাস্করের নিদর্শনসহ বাসমদাস



১। বামনদাস
বলোৎসাহী পুঁকি

৩। ইংলণ্ড-প্রবাসী ছাত্র
বামনদাস



৫। বামনদাস ও ঐশচন্দ্র

২। "Ruin of Indian
Trade and
Industries" -এর
গ্রন্থকার

৪। বামনদাস, ভাণ্ডারীন্দ্র
স্বামী, মুকুন্দদেব
মুদ্রোপাধায় ও
ঐশচন্দ্র বসু



৬। "The Plot that Failed" নামক উপন্যাস
রচয়িতা বামনদাস; পৃষ্ঠাতে পুত্র ললিতমোহন



লেক টেনাণ্ট কর্ণেল কে-আর, কীর্তিকা ও মেহের বামনদাস বহু
ইহার উভয়ে মিলিয়া Indian Medicinal Plants
গ্রন্থ প্রণয়ন করিয়াছেন।



বামনদাস বহু (বামে), একজন বহু (মধ্যে) শ্রীশচন্দ্র বহু (দক্ষিণে)



"Culture" গ্রন্থে বামনদাস

লেখাপড়া জানিতেন। বাংলা রামায়ণ মহাভারত ও গীতা পড়িতে পারিতেন এবং তাঁহার দীর্ঘ ৮৬ বৎসর-ব্যাপী জীবনে এই গ্রন্থগুলি পুনঃ পুনঃ পড়িতেন।

বামনদাস ১৮৮২ সালে প্রবেশিকা পরীক্ষায় উত্তীর্ণ হইয়া লাহোর মেডিক্যাল কলেজে ভর্তি হন। ১৮৮৭ সালে মেডিক্যাল কলেজের শেষ পরীক্ষায় একটি বিষয়ে তিনি ফেল হওয়ায় অত্যন্ত নিরুৎসাহ হইয়া পড়েন। কিন্তু তাঁহার দাদা শ্রীশচন্দ্র এবং ছোট ভগিনীপতি শ্রীযুক্ত তারণচন্দ্র দাস বিলাত যাইতে উৎসাহ দেওয়ায় ও সাহায্য করায় তিনি তাঁহাদের পরামর্শ অনুসারে ইংলণ্ড যাত্রা করেন। তাহার ঠিক পূর্বে তাঁহার মাতার আদেশ অনুসারে তিনি এলাহাবাদের পরলোকগত হরিমোহন দে মহাশয়ের জ্যেষ্ঠা কন্যা শ্রীমতী সুকুমারী দেবীকে বিবাহ করেন।

১৮৮০ সালের আগষ্ট মাসে তিনি ইংলণ্ড পৌছেন। সেখানে তিনি প্রথমে এল্-এস্-এ, তাহার পর এম-আব-সি-এস এবং সর্বশেষে ১৮৯০ সালের আগষ্ট মাসে আই এম্-এস্ পরীক্ষায় উত্তীর্ণ হন। লাহোরে থাকিতে তিনি চিকিৎসা-বিদ্যা ভাল করিয়া শিখিয়াছিলেন বলিয়া বিলাতে দুই বৎসবে তিনটি পরীক্ষায় উত্তীর্ণ হইতে পারিয়াছিলেন। অতঃপর অফিসারদের শিক্ষা পাইবার পর তিনি ১৮৯১ সালের ১৩ই এপ্রিল ইণ্ডিয়ান মেডিক্যাল সার্ভিসে রাজার কমিশন (King's Commission) প্রাপ্ত হন। ঐ বৎসর ১৩ই এপ্রিল তিনি বোম্বাই পৌছেন এবং বোম্বাই প্রেসিডেন্সী তাঁহার কর্মস্থান নির্দিষ্ট হয়। ১৯০৭ সালে পেন্সান লওয়া পর্যন্ত তিনি বোম্বাই প্রদেশেই কাজ করেন। মধ্যে মধ্যে যুদ্ধ উপলক্ষ্যে আফ্রিকা, চিত্রাল প্রভৃতি যাইতে হইয়াছিল। অল্পসময়েও তিনি প্রায়ই সৈন্যদলের সহিত কাজ করিতেন; কেবল পুনা, আহমদনগর ও বেলগাঁওয়ে দিবিলা সার্জনের কাজ করিয়াছিলেন। বেলগাঁওয়ে কাজ করিবার পরই তিনি পেন্সান গ্রহণ করেন। পেন্সান লইবার সময় তিনি “মেজর” ছিলেন। বাবুচিশান, মালাকন্দ প্রভৃতি স্থানে সৈন্যদলের সহিত গুরুতর শ্রমসাপেক্ষ কাজ করায় তাঁহার স্বাস্থ্য ভগ্ন হয়। তাঁহার “স্বাভি” পীড়া ও তাহা হইতে বহুমূত্র হয়। ইহা তাঁহার পেন্সান লইবার অন্তিম কারণ। বহুমূত্রজনিত ব্যাধিতে বর্তমান ১৯৩০

সালের ২৩শে সেপ্টেম্বর এলাহাবাদে তাঁহার মৃত্যু হয়।

তিনি যে কেবল ঘোল বৎসর চাকরি করিবার পর পেন্সান



লাহোরে নিখিলভারতীয় আয়ুর্বেদিক কনফারেন্সের সভাপতি বামনদাস বসু

গ্রহণ করেন, ভগ্ন স্বাস্থ্যে তাহার উপলক্ষ্য হইলেও তাহা একমাত্র কারণ ছিল না। তিনি তেজস্বী ও স্বাধীনচিত্ত ছিলেন। তাঁহার নিজের আত্মসম্মানবোধ এবং জাতীয় সম্মানবোধ প্রখর ছিল। এরূপ লোকের পক্ষে সৈন্যদলের ব্রিটিশ কর্মচারীদের সহিত মিলাশিশা ও চলাফিরা প্রীতিকর

ছিল না। তাহাদের সহিত কি প্রকার খিটিমিটি হইত, তাহার কেবল একটি দৃষ্টান্ত দিতেছি। কোন এক বৎসর ইংলণ্ডেশ্বরের জন্মদিন উপলক্ষ্যে যখন রেজিমেন্টের ইংরেজ-সেনানায়কেরা রাজ্যের স্বাস্থ্যের উদ্দেশ্যে মদ্যপান করিতেছিলেন, তখন বহু মহাশয়কেও তাঁহারা মদ্য পান করিতে বলেন। তিনি বিলাতে বা অল্প কোথাও জীবনে কখনও মদ্য পান করেন নাই। সুতরাং তিনি এই উপলক্ষ্যেও সুরা পান করিতে অস্বীকার করিলেন। তাহাতে ইংরেজ অফিসাররা তাঁহাকে এই বলিয়া খোটা দেন, যে, তিনি ইংলণ্ডেশ্বরের নিমক খান অথচ তাঁহার স্বাস্থ্যের উদ্দেশ্যে পান করিবেন না—অর্থাৎ তাঁহাকে অকৃতজ্ঞ ও অরাজভক্ত বলা হয়। তিনি উত্তর দেন, “আমি নিজের দেশের নুন খাই”—অর্থাৎ তাঁহার বেতন ভারতবর্ষের রাজস্ব হইতে আসে। অল্প প্রকার অপ্রীতিকর ঘটনা ও কথাও তাঁহার গোচর হইত।


তিনি চাকরি উপলক্ষ্যে স্বদেশে ও বিদেশে নানা স্থানে গিয়াছিলেন। অনেক ঘটনা তিনি প্রত্যক্ষ করিয়াছিলেন। অনেক বিখ্যাত ও অন্যবিধ লোকের সহিত তাঁহার আলাপ পরিচয় হইয়াছিল। এই সমুদয় সম্বন্ধে তাঁহার যাহা মনে ছিল, তিনি তাহা ইংরেজীতে “জীবন স্মৃতি” (Reminiscences) নাম দিয়া লিখিয়া রাখিয়া গিয়াছিলেন। দুঃখের বিষয়, তাঁহার শেষ কঠিন পীড়ার সময় ইহার অধিকাংশ হারািয়া গিয়াছে। যদি এই হারান খাতাগুলি খুঁজিয়া পাওয়া না যায়, তাহা হইলে তাঁহার জীবনের অনেক প্রয়োজনীয় কথা অজ্ঞাত থাকিয়া যাইবে।

১৮৮৯ খৃষ্টাব্দের জুলাই মাসে বহু মহাশয়ের একমাত্র সন্তান ও পুত্র ললিতমোহনের জন্ম হয়। তাহার জন্মের অনতিবিলম্বে জননী স্নানার্থে দেবী পীড়িত হন। তাহা ক্রমে ক্ষয়রোগে পরিণত হয়, এবং তিনি ১৯০২ সালে কালগ্রাসে পতিত হন। শিশুটিকে তাহার ছোট পিসী শ্রীমতী জগৎমোহিনী দাস মানুষ করেন। ৩৫ বৎসর বয়সে বিপত্নীক হইবার পর মেজর বহু আর বিবাহ করেন নাই। তিনি এই ঘটনার পূর্বে আমিষ ভক্ষণ করিতেন, যদিও বেশী নয়। বিপত্নীক

হইবার পর নিরামিষভোজী হন। পূর্বেই বলা হইয়াছে, যে, তিনি কখনও মদ্য পান করেন নাই। চা-পানও করিতেন না। ধূমপান ইংলণ্ডে একবারমাত্র করিয়াছিলেন। তাহাতে মাথা ঘুরিয়া পড়িয়া যাওয়ায় আর কখনও ধূমপান করেন নাই।

মেজর বহু পেন্সান লইবার পূর্বেই তাঁহার দাদা ও তিনি সপরিবারে এলাহাবাদের বাসিন্দা হন। তাঁহারা তথায় যে বাটা নির্মাণ করেন, তাঁহাদের মাতৃদেবীর নামে তাহার নাম ভুবনেশ্বরী আশ্রম রাখা হয়। তিনি পেন্সান লইয়া এলাহাবাদে আসিবার পর তৎকালে সেখানকার কয়েকজন লক্ষপ্রতিষ্ঠ চিকিৎসক তাঁহাকে চিকিৎসা ব্যবসায় না করিতে অত্যাশ্রয় করেন; কারণ তাহাতে তাঁহাদের ক্ষতি হইবে! বামনদাস অর্থগৃধু ছিলেন না, তাঁহার পেন্সান তাঁহার ও তাঁহার শিশুপুত্রের সামান্য ব্যয়ের পক্ষে যথেষ্ট ছিল, এবং তাঁহার মনও স্বভাবতঃ অর্থোপার্জন অপেক্ষা লেখা ও পড়ার দিকেই ধাবিত হইত। এই সব কারণে তিনি এলাহাবাদে চিকিৎসা ব্যবসায় না করাই স্থির করেন। বিনা পারিশ্রমিকে কচিং কখনও কেবল বন্ধুবান্ধবের বাড়ীতে রোগী তিনি দেখিতেন। তাহাতে বৃদ্ধিতে পারা যাইত, তিনি কিরূপ সূচিকিৎসক ছিলেন।

পেন্সান লইবার পর তাঁহার নিজের ব্যয় সামান্য হইবার কারণ, তিনি সাতিশয় অবিলাসী ছিলেন। তাঁহার চালচলন অত্যন্ত সাদাসিধা ছিল। সর্বদা এক খানা মোটা ধুতি ও একটা পঞ্জাবী বা কামিজ পরিয়া থাকিতেন। বাহিরে যাইবার সময় একটা চাদর লইতেন। শীতের সময় একটা কোট পরিতেন। তিনি যথাসম্ভব দেশী জিনিষ ব্যবহার করিতেন। কচিং কখন সরকারী বা অল্প উচ্চপদস্থ লোকদের সহিত দেখা করিতে হইলে আগে আগে পোষাক পরিতেন, শেষাংশে অনেক বৎসর কোথাও যাইতেন না। দিন রাত খোলা জায়গায় থাকিতেন। গ্রীষ্মের প্রথর রৌদ্রের সময় এবং বর্ষার বৃষ্টির সময় একটা ঘরে কিম্বা তুলার একটা টিনের চালার নীচে আশ্রয় লইতেন। বৃষ্টির সময় ভিন্ন সকল ঋতুতে রাতে খোলা ছাতে শুইয়া থাকিতেন। তিনি অগ্নাহারী



মৃত্যুর পর আত্মীয়স্বজনপরিবৃত্ত বামনদাস বসু

ছিলেন। জীবনের শেষ কিছু কাল দিন রাত্রে একবার
আহার করিতেন।

পড়া ও লেখা তাঁহার সর্বাপেক্ষা প্রিয় কাজ ছিল।
জীবনের শেষ কয়েক বৎসর চোখে ছানি হওয়ায় তিনি
ভাল দেখিতে পাইতেন না। কিন্তু তখনও সমস্ত দিন
জাগ্রত অবস্থায় হয় পড়িতেন কিম্বা লিখিতেন। যখন
চোখ ভাল ছিল, তখন সন্ধ্যার পরও কয়েক ঘণ্টা কাজ
করিতেন। তিনি নানা বিষয়ে যত বহি লিখিয়াছিলেন,
তাঁহার কতকগুলি অপ্রকাশিত আছে। তাঁহার প্রকাশিত ও
অপ্রকাশিত সমুদয় গ্রন্থের পুরা তালিকা ভিসেসর
নাসের ‘মর্ডার রিভিউ’ পত্রিকায় দেওয়া হইয়াছে।
ভারতবর্ষে ষ্ট্রিট ইণ্ডিয়া কোম্পানীর রাজত্ব প্রতিষ্ঠিত হইবার
তিনি ইংরেজীতে যে প্রায় আড়াই হাজার পৃষ্ঠাব্যাপী
ইতিহাস লিখিয়াছেন, স্বদেশে ও বিদেশে নিরপেক্ষ

লোকদের নিকট তাহা আদৃত হইয়াছে। আমেরিকার
ভারতবন্ধু সাগার্ল্যাও সাহেব তৎসম্বন্ধে বলিয়াছেন,
“আমার বিবেচনায় ভারতবর্ষে ব্রিটিশ রাজত্বের স্বত
ইতিহাস আছে, ইহা তন্মধ্যে সর্বোৎকৃষ্ট, এবং
যে কেহ যত্পূর্বক এই সময়ের ইতিহাস পড়িতে
চান, তাঁহার পক্ষে ইহা একান্ত আবশ্যক।”
ঐতিহাসিক আরও যত বহি তিনি লিখিয়াছেন, তাহাও
উৎকৃষ্ট। তৎসমুদয়ও স্বধীসমাজে আদৃত হইয়াছে।
বিলাতী ওয়েষ্টমিন্স্টার গেজেটের ভূতপূর্ব সম্পাদক
বিখ্যাত সাংবাদিক স্পেণ্ডার সাহেব তাঁহার “পরিবর্তনশীল
প্রাচ্য” (The Changing East) নামক পুস্তকে
২৩ পৃষ্ঠায় লিখিয়াছেন, জীবনের নানা বিভাগে শক্তিমান
লোক ভারতে যত আছে, অল্প কোন প্রাচ্য দেশে তত
নাই। তাঁহার মতে ভারতের বিস্তৃত লোক ইউরোপের

শ্রেষ্ঠ লোকের সহিত বুদ্ধিবিদ্যাসাপেক্ষ কাজে সমকক্ষতা করিতে পারেন, এবং ইউরোপের যে-কোন দেশে তাঁহার বিখ্যাত হইতেন। এইরূপ যে-কয়জন ভারতীয় লোকের তিনি নাম করিয়াছেন, তাঁহার মধ্যে রবীন্দ্রনাথ ঠাকুর, জগদীশচন্দ্র বসু এবং বামনদাস বসুর নাম আছে।

তাঁহার ছোটভ্রাতা শ্রীশচন্দ্র ও তিনি পাণিনি কাণ্যায় স্থাপিত করেন। শ্রীশচন্দ্র এখান হইতে পাণিনির অষ্টাধ্যায়ী ব্যাকরণ ইংরেজী অম্ববাদ ও ব্যাখ্যা সহ প্রকাশিত করেন। ম্যাক্সমুলার প্রভৃতি সংস্কৃতজ্ঞ পণ্ডিতেরা এইজন্ত তাঁহার পাণ্ডিত্যের ভূয়সী প্রশংসা করেন। তন্নিম্ন শ্রীশচন্দ্র কয়েকটি প্রধান উপনিষদের ঐরূপ সংস্করণ বাহির করেন এবং কোন কোন স্মৃতি ও অগ্ন্যজ্ঞ শাস্ত্র সম্বন্ধীয় গ্রন্থ রচনা ও প্রকাশ করেন। ভট্টোজীদীক্ষিত প্রণীত “সিদ্ধান্তকৌমুদী” ব্যাকরণ দুই ভাই ইংরেজীতে অম্ববাদ করিয়া বাহির করেন। সেক্রেড বুক্‌স অব দি হিন্দুজ নাম দিয়া পাণিনি আফিস হইতে যে বহুসংখ্যক শাস্ত্রগ্রন্থের মূল ও ইংরেজী অম্ববাদ বা শুধু ইংরেজী অম্ববাদ বাহির হয়, বামনদাস তাহা সম্পাদন করেন। তন্নিম্ন তিনি অনেক দুস্তাপ্য ইংরেজী পুস্তক ও পুস্তিকা পুনর্মুদ্রণ করেন।

বামনদাস ইচ্ছা করিলে একজন শ্রেষ্ঠ সাংবাদিক হইতে পারিতেন। অনেক ইংরেজী কাগজে তিনি প্রবন্ধ লিখিয়াছিলেন। ‘মডার্ন রিভিউ’ পত্রিকায় তিনি যে-সকল মূল্যবান প্রবন্ধ লিখিয়াছিলেন, তাঁহার তালিকা উহার ডিসেম্বর সংখ্যায় দিয়াছি। প্রবাসীতে লিখিয়াছিলেন:—

১৩০৯	বৈশাখ :—	শত্ৰুঞ্জয় পর্বত
	শ্রাবণ :—	সিদ্ধদেশ
	কান্তিক :—	ভারতে বিশ্ববিদ্যালয় স্থাপনের প্রস্তাবকর্তা
	অগ্রহায়ণ :—	ইংরাজী ভাষায় বাঙ্গালী লেখক
	চৈত্র :—	পাশ্চাত্য দেশে সংস্কৃত ভাষার চর্চা
১৩১০	বৈশাখ :—	বীজাপুর
	জ্যৈষ্ঠ :—	আহমদনগর
	আষাঢ় :—	{ জার্মানদেশীয় সংস্কৃতজ্ঞ পণ্ডিতগণ “ঔরঙ্গজেবের সমাধি”—উত্তর
	শ্রাবণ :—	নাদিক
	আশ্বিন :—	গুজরাতি ভাষা ও প্রাচীন সাহিত্য
	কান্তিক :—	চাঁদবিবির ছবি
	অগ্রহায়ণ :—	{ :—মহারাষ্ট্রীয় ভাষা ও সাহিত্য
	পৌষ :—	

মাঘ :—	মহারাষ্ট্রীয় সাহিত্যের তৃতীয় যুগ	
ফাল্গুন :—	মোলাপুর	
চৈত্র :—	পুণা	
১৩১১	জ্যৈষ্ঠ :—	ঠানা জেলা
	শ্রাবণ :—	সাতারা
	কান্তিক :—	বিজয়নগরের ইতিহাস
	অগ্রহায়ণ :—	রত্নাগিরি ও মহারাষ্ট্র রণতরী
	পৌষ :—	বম্বাই সহর
	মাঘ :—	জঞ্জিরা
	ফাল্গুন :—	কচ্ছ প্রদেশ
	চৈত্র :—	খানেশ
১৩১২	বৈশাখ :—	কোলাবা
	পৌষ :—	অকবরের নিলুৎগণ
	জ্যৈষ্ঠ :—	ভারতবর্ষ কি ?
১৩১৩	বৈশাখ :—	{ :— হিতকর ও অর্থকর ভারতীয় উদ্ভিদাবলী
	কান্তিক :—	
১৩২১	ভাদ্র :—	বাঙ্গালীর কয়েকটি বিশেষত্ব
১৩৩০	বৈশাখ :—	আশীর্বাদ

বামনদাস বসু মহাশয়ের লেখা নানা শহরের ইতিহাস-সম্বলিত প্রবন্ধগুলি ঐতিহাসিক যত্ননাথ সরকার মহাশয় পুস্তকাকারে প্রকাশ করিতে বলিয়াছিলেন। ভাবযাতে তাহা করা হইবে।

শ্রীশচন্দ্র ও বামনদাস বসু ভ্রাতৃত্বের মধ্যে যেরূপ দ্বন্দ্বতা, পরস্পরের প্রতি ভালবাসা ও শ্রদ্ধা এবং সকল কাজে সহযোগিতা ছিল, সেরূপ সৌভ্রাতৃ সচরাচর দেখা যায় না। এই সৌভ্রাতৃয়ের গুণে তাঁহার নানা মূল্যবান গ্রন্থের প্রচার রূপ কঠিন কাধ্য করিতে পারিয়াছিলেন।

আটাশ বৎসর পূর্বে বামনদাস বাবুর সহিত আমার পরিচয়ের সৌভাগ্য ঘটিয়াছিল। ঠিক কোন বৎসর কোন তারিখে তাঁহার সহিত আমার পরিচয় হয়, তাহা আমার মনে নাই; কিন্তু তাঁহার মনে ছিল। তিনি তাঁহার জীবনস্মৃতির একটি খাতায় তাহা লিখিয়াছিলেন, কিন্তু অগ্ন্যজ্ঞ কয়েকটি খাতার সহিত ঐ খাতাটি হারাইয়া গিয়াছে। পাণিনি আফিস হইতে রাজা রামমোহন রায়ের বাংলা ও ইংরেজী গ্রন্থাবলীর যে সংস্করণ বাহির করা হয়, আমি তাঁহার ইংরেজী খণ্ডটির প্রফ দেখিয়াছিলাম এবং একটি দীর্ঘ ভূমিকা লিখিয়া দিয়াছিলাম। তাঁহার দু-একটি পাদটীকাও আমার লেখা।

১৯০৬ সালে আমি এলাহাবাদের কায়স্থ পাঠশালা কলেজের প্রিন্সিপালের কাজে ইস্তফা দি। ‘প্রবাসী’

তাহার পূর্বেই বাহির হইয়াছিল। তখন ইংরেজী 'মডার্ন রিভিউ' বাহির করিতে মনস্থ করি। এই সময়ে এবং তাহার পরও বরাবর বামনদাস বসু মহাশয় নানা প্রকারে আমার সাহায্য করিয়াছেন। তজ্জন্ম আমি চিরকৃতজ্ঞ।

বামনদাস বসু মহাশয়ের স্মৃতিশক্তি অসাধারণ ছিল। ত্রিশ চল্লিশ পঞ্চাশ বৎসর আগেকার ঘটনার বৃত্তান্ত ও তারিখ তাঁহার মনে থাকিত। 'মডার্ন রিভিউ' ও 'প্রবাসী'তে বহু বৎসর পূর্বে কিছু প্রকাশিত হইয়া থাকিলে তাহা দেখিবার প্রয়োজন হইলে আমি যদি তাহা খুঁজিয়া না পাইতাম, তাঁহাকে চিঠি লিখিলে ফেরত ডাকে টিক্ সন্ধান তিনি লিখিয়া পাঠাইতেন। তিনি নানা বিষয়ের বহুসংখ্যক পুস্তক পড়িয়াছিলেন এবং অনেক পুস্তক হইতে অনেক অংশ আবৃত্তি করিতে পারিতেন। তিনি যে-সব বিদ্যা জানিতেন, তদ্বিষয়ক অনেক কথা প্রয়োজন হইলেই জানিয়া লইতে পারিতাম। বাংলা ইংরেজী সংস্কৃত ও ফার্সী কবিতা তিনি অনেক আওড়াইতেন।

লওনে পড়িবার সময় বামনদাসের পুরাতন পুস্তকের দোকানে ঘুরিয়া বেড়াইবার অভ্যাস ছিল। সেখান হইতে তিনি অনেক ছুপ্পা পুরাতন বহি এবং মুদ্রিত ছবি ক্রয় করেন। এই সকল ছবি ও বহি তিনি সন্দের করিয়া লইয়া আসেন। দেশে আসিয়াও তিনি অনেক বহি ক্রয় করেন। তাঁহার দাদাও অনেক বহি কেনেন। পাণিনি আফিস হইতে প্রকাশিত বহির বিনিময়ে প্রাপ্ত এবং গবর্নমেন্ট ও কোন কোন গ্রন্থকার ও প্রকাশক কর্তৃক উপহৃত বহু পুস্তক দ্বারাও এই গ্রন্থসমষ্টি পুষ্ট হয়। বহুভাতৃত্ব তাঁহাদের মাতার নামে এই গ্রন্থসংগ্রহের নাম ভুবনেশ্বরী লাইব্রেরী রাখেন। ইহাতে প্রধানতঃ সংস্কৃত, প্রত্নতত্ত্ব ও ইতিহাস বিষয়ক বহি বিস্তর আছে। বোম্বাইয়ের কর্ণেল কীর্তীকর যখন ১৯১৪ সালে এলাহাবাদ আসেন, তখন এই লাইব্রেরী তাঁহার এত ভাল লাগে, যে, তিনি তাঁহার জীববিদ্যা ও উদ্ভিদবিদ্যা বিষয়ক সমুদয় গ্রন্থ ও পত্রিকা এবং অপুষ্ক উদ্ভিদসমূহের নমুনা, রঙীন ছবি ও ফোটোগ্রাফ উইল করিয়া তাঁহার বন্ধু মেজর বসুকে দিয়া যান। মেজর বসু ১৯২০ সালে এইগুলি কলিকাতা বিশ্ববিদ্যালয়কে এই সর্বো দান করেন,

যে, বিশ্ববিদ্যালয় একটি শুষ্ক উদ্ভিদ-মন্দির স্থাপন করিয়া তাহার নাম রাখিবেন কীর্তীকর উদ্ভিদ-মন্দির এবং ভারতবর্ষীয় অপুষ্ক উদ্ভিদসমূহ সম্বন্ধে একটি গ্রন্থ রচনা ও প্রকাশ করাইবেন বাহাতে কীর্তীকর মহাশয়ের তদ্বিষয়ক গবেষণা ও চিত্র-সমূহ সন্নিবিষ্ট হইবে। এই সকল উদ্দেশ্য সাধনের জন্ত এবং কলিকাতা বিশ্ববিদ্যালয়ে ভারতীয় অপুষ্ক উদ্ভিদ সম্বন্ধে গবেষণা-কার্যে উৎসাহ দিবার নিমিত্ত মেজর বসু কীর্তীকর ও তাঁহার প্রণীত ঐষদার্থে ব্যবহৃত ভারতীয় উদ্ভিদাবলীবিষয়ক মূল্যবান সচিত্র গ্রন্থের একশত সেট কলিকাতা বিশ্ববিদ্যালয়কে দান করেন। প্রত্যেক সেটের মূল্য দুইশত পঁচাত্তর টাকা। ভারতীয় অপুষ্ক উদ্ভিদাবলী সম্বন্ধীয় পূর্বোক্ত গ্রন্থ কারমাইকেল মেডিক্যাল কলেজের উদ্ভিদবিদ্যার অধ্যাপক বিজ্ঞানার্চ্য সহায় রাম বসু মহাশয় কীর্তীকর ফণ্ড হইতে বৃত্তিপ্রাপ্ত দুইজন গবেষক ছাত্রের সাহায্যে প্রস্তুত করিয়াছেন। উহা অচিরে ছাপিবার জন্ত প্রেসে দেওয়া হইবে। উহাতে বহু রঙীন চিত্র থাকিবে। এই গ্রন্থখানির প্রকাশ দেখিয়া যাইতে পারিলে মেজর বসু আশ্বাসিত হইতেন। তাঁহার প্রদত্ত উপকরণ হইতে তাঁহার অভিলাষ অল্পসারে অধ্যাপক ফণীন্দ্রনাথ বসু কর্তৃক লিখিত তাঁহার জ্যেষ্ঠ ভ্রাতা শ্রীশচন্দ্রের জীবনচরিত্রের প্রকাশও দেখিয়া যাইতে পারিলে তিনি সান্তিশয় স্থখী হইতেন।

তাঁহার লাইব্রেরীর কিয়দংশ প্রয়াগের মহিলা বিদ্যাপীঠে তিনি জীবদ্দশাতেই দান করিয়া গিয়াছেন।

বামনদাস বাবু কেবল যে পুরাতন পুস্তকই সংগ্রহ করিতেন তাহা নহে; পুরাতন খবরের কাগজ ও পত্রিকা সংগ্রহও তাঁহার উৎসাহ ছিল। যত বহি তিনি পড়িতেন, তাহা হইতে প্রয়োজনীয় অংশ খাতায় টুকিয়া রাখিতেন। পুরাতন খবরের কাগজ ও পত্রিকা হইতে অনেক প্রবন্ধ ও তথ্য কাটিয়া রাখিতেন। চাকরি উপলক্ষ্যে কোন একটি স্থানে থাকিবার সময় তিনি তত্ত্বতা অফিসার ও অগ্র লোকদের নিকট হইতে দশ মণ পুরাতন সংবাদ-পত্র ক্রয় করিয়া তাহা হইতে এইরূপ টুকরা কাটিয়া রাখেন। ঐ জায়গা হইতে বদলী

হইবার সময় ঐ টুকরাগুলিরই ওজন আড়াই মণ হইয়াছিল! অতএব, ইহা আশ্চর্যের বিষয় নহে, যে, তাঁহাকে অল্প অফিসারেরা বাতিকগ্রস্ত মনে করিয়াছিল।

তাঁহার পুরাতন পত্রিকা ক্রয়ের অভ্যাস দ্বারা “প্রবাসী” উপকৃত হইয়াছিল। বহু বৎসর পূর্বে যখন রবীন্দ্রনাথ পাশ্চাত্য ইংরেজী পত্রিকা হইতে প্রবাসীতে সারসংগ্রহ করিয়া দিতেন, তখন মেজর বহু এলাহাবাদ হইতে রেলো বাস্‌বন্দী করিয়া ঐ সব পত্রিকা কবিকে পাঠাইতেন।

সংবাদপত্র হইতে কণ্ঠিত ও রক্ষিত এই টুকরাগুলির মধ্যে কিছু তাঁহার কোন কোন গ্রন্থের জন্ত, কতক বা তাঁহার লিখিত প্রবন্ধ-সমূহের জন্ত ব্যবহৃত হইয়াছিল। আমিও কিছু ব্যবহার করিয়াছি। সম্ভবতঃ এখনও কিছু সঞ্চিত আছে।

ভারতবর্ষে কোম্পানীর রাজত্ব কিরূপে প্রতিষ্ঠিত হইল, তাহা জানিবার এবং মানুষকে জানাইবার প্রবল বাসনা হইতে তাঁহার ভারতে ইংরেজ-রাজত্ব স্থাপন-বিষয়ক পুর্বেকৃত বৃহৎ গ্রন্থের উৎপত্তি। ইতিহাস কিরূপ হওয়া উচিত, তাহার জন্ত কিরূপ উপকরণ সংগৃহীত হইয়া তাহা কি প্রকারে লিখিত হওয়া উচিত, তদ্বিষয়ে তিনি অনেক অধ্যয়ন ও চিন্তা করিয়াছিলেন। এই গ্রন্থের দীর্ঘ ভূমিকা পড়িলে তাহার পরিচয় পাওয়া যায়। তিনি ভারতবর্ষের ব্রিটিশ অধিকার যুগের ইতিহাস সম্বন্ধে বাহা পড়িয়াছিলেন ও সংগ্রহ করিয়াছিলেন, সমুদয় তাঁহার গ্রন্থাবলীতে ব্যবহার করিতে পারেন নাই। তিনি গবেষকদিগকে আহ্লাদের সহিত পঠিতব্য গ্রন্থতালিকা দিতেন, অনেক সময় গ্রন্থ ধার দিতেন।

তিনি মৃত্যুকাল পর্যন্ত এলাহাবাদ পাব্লিক লাইব্রেরীর কমিটির সভ্য ছিলেন। তিনি যখন উহার সেক্রেটারী ছিলেন, তখন কোম্পানীর আমলের ভারতবর্ষ সঞ্চয়ী পালেমেণ্টের সমুদয় রিপোর্ট আনাইয়া-ছিলেন। ব্রিটিশ অধিকারভুক্ত ভারতবর্ষের প্রকৃত ইতিহাস জানিবার পক্ষে এগুলি অত্যাবশ্যক। ইহার কতকগুলি তিনি পড়িয়াছিলেন। এই ঐতিহাসিক উপাদানগুলি ভারতীয় ঐতিহাসিক গবেষকেরা ব্যবহার

করেন না বলিয়া তিনি দুঃখ করিতেন। পালেমেণ্টের ভারতবর্ষ-সম্পৃক্ত এইরূপ রিপোর্টসংগ্রহ এলাহাবাদ পাব্লিক লাইব্রেরীতে ঘেরূপ আছে, সেদূর ভারতবর্ষের আর কোন লাইব্রেরীতে আছে বলিয়া অবগত নহি। তিনি নিজের কয়েক হাজার টাকা এবং নিজের লাইব্রেরীটি দিয়া এবং আরও অধিক অর্থ সংগ্রহ করিয়া একটি গবেষণা-মন্দির স্থাপনের চেষ্টা করিয়াছিলেন, কিন্তু তাহা কার্যে পরিণত হয় নাই।

এলাহাবাদ পাব্লিক লাইব্রেরীর জন্ত প্রতি বৎসর টাকার বরাদ্দ অল্পাধিক নানা বিষয়ে নূতন বহি কেনা হয়। কমিটির এক এক জন সভ্যের এক এক বিষয়ে বহির তালিকা দিবার কথা। কিন্তু মেজর বহুকে নিজের বিষয় ছাড়া অল্প বিষয়েও বহির নাম দিতে হইত।

তিনি ভারতে ঐশ্বর্য্য ব্যবহৃত নানা উদ্ভিদজ ও অন্য জিনিষ সংগ্রহ করিয়াছিলেন। এই সংগ্রহকে কেন্দ্র করিয়া তিনি কর্ণেল কীর্টিকর এবং একজন ভারতীয় সিবিলিয়ানের সহযোগিতায় ঐশ্বর্য্যে ব্যবহৃত ভারতীয় উদ্ভিদ-বিষয়ক তাঁহার মূল্যবান গ্রন্থ রচনা করেন। এই গ্রন্থের সাহায্যে ভারতীয় ঐশ্বর্য্যপ্রস্তুতকারী ঐশ্বর্য্য প্রস্তুত করিলে অর্থ উপার্জন করিতে এবং লোকহিত সাধন করিতে পারিবেন।

১৯১০-১১ সালে এলাহাবাদে যে প্রদর্শনী হয়, বহু মহাশয় তাহার প্রত্নতত্ত্ব ও ভারতীয় ঐশ্বর্য্য এই দুটি বিভাগের ভারপ্রাপ্ত কমিটির সভ্য ছিলেন। প্রদর্শনীতে তাঁহার ঐশ্বর্য্যসংগ্রহ প্রদর্শিত হয়। এই সংগ্রহ তিনি এলাহাবাদ মিউনিসিপালিটির প্রস্তাবিত, মিউজিয়মে দান করিয়া গিয়াছেন। প্রদর্শনীর কমিটির সভ্য থাকায় তিনি আর দুটি কাজ করিতে পারিয়াছিলেন। তাঁহার চেষ্টায় ভারতীয় চিত্র-কলা প্রদর্শনের বন্দোবস্ত হয় এবং তাঁহার প্রস্তাব অনুসারে ডাঃ আনন্দ কুমারস্বামীকে চিত্র-বিভাগের ভার দেওয়া হয়। দ্বিতীয় কাজটি, ভারতীয় কার্পাস ও পশমী কাপড় ও কল আদির ঘেননুনা বহি কোম্পানীর আমলে প্রস্তুত হয়, তাহা তিনি লক্ষ্যে হইতে আনাইয়া প্রদর্শনীতে দেখান। এই নমুনা বহির অস্তিত্ব সম্বন্ধে আমাদের কিছুই

জানা ছিল না। তিনি ১২০৮ সালের ডিসেম্বর মাসের 'মডার্ণ রিভিউ' পত্রিকায় ঐ বিষয়ে একটি প্রবন্ধ লেখেন। বিলাতের তাঁতীরা প্রথম প্রথম ভারতবর্ষের লোকদের মত কাপড় ও পাড় প্রভৃতি করিতে পারিত না। তাহাদের স্ববিধার জন্ত ভারতের ৭০০ সাত শত রকম কাপড়, পাড়, কল প্রভৃতির টুকরা কাটিয়া ১৮ ভলুম বহি প্রস্তুত হয়। এই বহি মোট কুড়ি সেট প্রস্তুত হয়। তাহার একটি সেটও প্রথম প্রথম ভারতবর্ষে রাখিবার সক্ষম ছিল না। কিন্তু শেষে অল্প মতলবে ১৩ সেট ইংলণ্ডের বস্ত্রশিল্পের প্রধান প্রধান কেন্দ্রে এবং ৭ সেট ভারতবর্ষে রাখা হয়। কিন্তু ভারতবর্ষের সেটগুলি এমন অনেক জায়গায় রাখা হয় যাহা বস্ত্রশিল্পের জন্ত বিখ্যাত নহে। লক্ষ্যে এক সেট রাখা হয় তাহা মেজর বসু জানিতেন। তাহাই তিনি আনাইয়া এলাহাবাদ প্রদর্শনীতে দেখান।

এই প্রদর্শনী খুব রুহং হইয়াছিল। ইহা দেখিবার জন্ত ভারতবর্ষের বহু রাজা মহারাজা ও সাধারণ লোক নানা স্থান হইতে এলাহাবাদে সমবেত হন। আমিও সুপরিবারে গিয়াছিলাম এবং বহুভ্রাতৃদ্বয়ের গৃহে অতিথি ছিলাম। কয়েক দিন ধরিয়া তাঁহাদের বাড়ীতে যেরূপ বহু অতিথির সমাগম দেখিয়াছিলাম, এমন আর কখনও কোথাও দেখি নাই। কয়েক দিন তাঁহাদের গৃহে প্রায় এক শত জন অতিথির পরিচর্যা হইয়াছিল। তাঁহাদের মধ্যে বহু মহিলা এবং বালকবালিকাও ছিলেন। আমার যতটা মনে পড়ে, বহুভ্রাতৃদ্বয় সেই সময়ে অতিথিদের জন্য নিজেদের বাড়ীতে যথেষ্ট স্থান না হওয়ায় অন্য বাড়ীও ভাড়া লইয়াছিলেন। তাঁহাদের মাতার, তাঁহাদের এবং বাড়ীর মহিলা ও ছেলেমেয়েদের আতিথেয়তা সুবিদিত। অত্যন্ত বৎসরেও, বিশেষতঃ পূজার ছুটি, মাঘমেলা ও কুম্ভমেলার সময়, তাঁহাদের বাড়ীতে পরিচিত অপরিচিত বহু অতিথির সমাগম দেখিয়াছি। বহুভ্রাতৃদ্বয়ের সৌজন্য অস্বকরনীয়। তাঁহারা ছোট ছেলেমেয়েদের পর্য্যন্ত 'আপনি' বলিয়া সম্বোধন করিতেন।

বামনদাস বসু মহাশয় যখন চাকরি উপলক্ষ্যে উত্তর-পশ্চিম সীমান্তে ছিলেন, তখন অনেক দুর্দাগম্য স্থানে

গিয়া খনন করাইয়া মাটির নীচে হইতে অনেক বৌদ্ধ মূর্তি আবিষ্কার করেন। তাহা গাঙ্কার শিল্পের নিদর্শন। এরূপ মূর্তিসংগ্রহ মিউজিয়মে আছে, কিন্তু ভারতবর্ষের ব্যক্তি-বিশেষের এরূপ সংগ্রহ কেবল মেজর বসুর গৃহে আছে। ইহার সচিত্র বৃত্তান্ত পরলোকগত রাখালদাস বন্দ্যোপাধ্যায় ১২২৪ সালের এপ্রিল মাসের 'মডার্ণ রিভিউ' পত্রিকায় লিখিয়াছিলেন। পাটনা মিউজিয়ামের জন্ত পরলোকগত অধ্যাপক যোগীন্দ্রনাথ সমাদ্দার ইহা তিন হাজার টাকা মূল্যে কিনিতে চান, কিন্তু বসু মহাশয় দেন নাই। তিনি একবার কৌশাঙ্গী দেখিতে গিয়া এক মূর্তির দোকানের বারাণ্ডায় উঠিবার ধাপে প্রাচীন লিপ-যুক্ত একপানি প্রস্তর-ফলক দেখিতে পাইয়া তাহা তৎক্ষণাৎ কয়েক আনা মূল্যে ক্রয় করেন। এই আবিষ্কারের সংবাদ পাইয়া রাখালবাবু এলাহাবাদ গিয়া তাহার ছাপ তুলেন এবং পাঠ করেন। ইহার লিপি অতি প্রাচীন। রাখালবাবু একশত টাকা দিয়া ইহা কিনিতে চাহিয়া-ছিলেন। কিন্তু বামনদাস বাবু দেন নাই। ইহা তাঁহাদের বাড়ীতে আছে। প্রাচীন মুদ্রা সংগ্রহে তাহার খুব উৎসাহ ছিল; অনেক দুপ্রাপ্য মুদ্রা সংগ্রহ করিয়াও ছিলেন। তাঁহার দাদা যখন ১৮২২ খৃষ্টাব্দে চাকরি উপলক্ষ্যে কাশীতে ছিলেন, তখন এই সকল মুদ্রা সেখানে তাঁহাদের বাড়ীতে ছিল। দুঃখের বিষয় তাহা চুরি হইয়া যায়।

মেজর বসু সাধারণতঃ সাক্ষরজনিক কাণ্ডে যোগ দিতেন না, নিজের লেখা ও পড়া লইয়া থাকিতেন। ভারতীয় ঔষধ সংগ্রহ ও তদ্বিষয়ক গ্রন্থ প্রণয়ন করায় তিনি একবার নিখিল ভারতীয় আয়ুর্বেদ কনফারেন্সের লাহোর অধিবেশনের সভাপতি মনোনীত হন। একবার পরলোকগত বিচারপতি সারদাচরণ মিত্র মহাশয়ের সহিত ধর্ম সম্মেলনের (Convention of Religions) সহযোগী সম্পাদক হন, এবং একবার শ্রদ্ধানন্দ স্বামী প্রতিষ্ঠিত গুরুকুলের বার্ষিক উৎসবে সভাপতির কাজ করেন। তিনি বঙ্গীয় ধনবিজ্ঞান পরিষদের সভাপতি ছিলেন এবং এই পরিষদকে তাঁহার এডমিনিস্ট্রেশন সমুদয় লেখা-সংগ্রহ দান করিয়াছেন।

বামনদাস বহু মহাশয় বাঙালী পরিবারে জন্মগ্রহণ করেন। স্তত্রাং বংশতঃ তিনি বাঙালী। কিন্তু জন্মের স্থান ও শিক্ষার স্থান লাহোর বলিয়া তাঁহাকে পঞ্জাবী বলিতে পারা যায়। তাহার পর চাকরি উপলক্ষ্যে তিনি ভারতবর্ষের—বিশেষতঃ দাক্ষিণাত্যের—নানা স্থানে বাস করিয়াছিলেন। অতএব তাঁহাকে মহারাষ্ট্রের ও গুজরাটের লোকও বলা চলে। সর্বশেষে অবসর গ্রহণ করিয়া তিনি প্রয়াগের স্থায়ী অধিবাসী হন। সে হিসাবে তিনি হিন্দুস্থানী। তাঁহার ভ্রাতা ও তিনি সাতশয় হিন্দুত্বের সহিত হিন্দুস্থানী বন্ধুদের সহিত মিশিতেন। এই সব কারণে তিনি যে-অর্থে “ভারতীয়”, কম লোককেই সে-অর্থে ভারতীয় বলা যায়। তিনি ভিন্ন ভিন্ন স্থানে বাস করিয়াছিলেন বলিয়াই যে ভারতীয়, তাহা নহে। তিনি ভারতবর্ষের নানা প্রাচীন ও আধুনিক দেশভাষা জানিতেন। প্রাচীন ভাষার মধ্যে তিনি সংস্কৃত এবং আরবী ও ফার্সী জানিতেন বলিয়া হিন্দু ও মুসলমান উভয় সভ্যতার সহিত তাঁহার পরিচয় ছিল। আধুনিক ভারতীয় ভাষার মধ্যে, মাতৃভাষা বাংলা ছাড়া, তিনি পঞ্জাবী, পশ্চিম, সিন্ধী, কান্ধারী, হিন্দী, উর্দু, নেপালী, গুজরাটী ও মরাঠী জানিতেন এবং বলিতে পারিতেন। ভারতবর্ষের অনেক প্রদেশে তাঁহার বন্ধু ছিল। তাঁহাদের সহিত তাঁহাদের ভাষায় কথা বলিতেন। একবার দেখলাম, তাঁহার একজন পুরাতন পাঠান-বন্ধুর সহিত পাঠানী রীতিতে ককল্পন করিয়া পশ্চিম ভাষায় কথা বলিতেছেন। উত্তর-পশ্চিম সীমান্তে কাজ করিবার সময় তিনি রক্ষী সঙ্গে না লইয়া একাকী পাঠান গ্রামে যাইতেন ও পাঠানদের কুটীরে বসিয়া গল্প করিতেন। তাঁহার ব্রিটিশ সহকর্মীরা একাকী বাগ্গার বিপদের কথা বলিলে তিনি হাসিতেন। পাঠানেরাও ইংরেজদের এই ভয়ের কথা শুনিয়া হাসিত; বলিত, “আপনার সঙ্গে ত আমাদের কোন বংশাধিকারিক ঝগড়া নাই; আপনার অনিষ্ট কেন করিব?” মেজর বহু কখন কখন সামরিক কর্মচারীদের পশ্চিম ভাষার পরীক্ষা হইতেন এবং তাঁহাদের উত্তরের কাগজ দেখিতেন। একবার উত্তর-পশ্চিম সীমান্তে এক ছোকরা ইংরেজ অফিসারের পশ্চিম ভাষার জ্ঞানের মৌখিক পরীক্ষা উপলক্ষ্যে তাহাকে একটি পশ্চিম ভাষার মানে জিজ্ঞাসা করেন, যাহার অর্থ ‘মাতৃঘ’। কিন্তু ছোকরাটি তাঁহাকে অপমানিত করিবার

জন্য উত্তর দেয়, “এর মানে কালা আদমী”। বামনদাস বাবু শাস্ত্রভাবে তাহার ভ্রম সংশোধন করিয়া বলেন, “না, এর মানে শাদা ইতর লোক।” তাহাতে সে চটিয়া স্থানীয় সেনাপতির কাছে নালিশ করিলে তিনি সকল বৃত্তান্ত শুনিয়া তাহাকে বলেন, “তুমি মুখের মত জবাব পাইয়াছ।”


তিনি সার্বজনিক কোন প্রচেষ্টায় যোগ দিতেন না বটে, কিন্তু দেশের পরাধীনতা ও অপমান তাঁহাকে মর্যাদাসিক যত্ন দিত। জালিয়ানওয়ালা বাগের হত্যাকাণ্ডের পর তিনি অনেক রাত্রি ঘুমাইতে পারেন নাই। তিনি সাতশয় স্বাধীনতাপ্রিয় ও স্বদেশপ্রেমিক ছিলেন। তিনি ১৯০৩ সালেই বৃষ্টিতে পারিয়াছিলেন, যে, দেশে গুপ্ত সমিতি এবং রাজনৈতিক হত্যা আদি হইবে, এবং প্রকাশ্য ভাবে সাধারণ কৃষকদিগের দ্বারা নিরপদ্রব প্রতিরোধনীতি অনুসৃত হইবে। এই এই বিষয়ে তাঁহার মুদ্রিত লেখা আছে। কিন্তু সে সমগ্র মানবজাতির উন্নতি হইতে পারে, তিনি তদ্বিষয়ে চিন্তা করিতেন। এই বিষয়ে তাঁহার অনেকগুলি ইংরেজী প্রবন্ধ সাপ্তাহিক ও মাসিক কাগজে বাহির হইয়াছে।

তিনি মৃত্যুকাল পর্যন্ত হিন্দুসমাজভুক্ত ছিলেন। তাঁহার পিতা বৈদান্তিক ও জ্যোতিষাত্মক ছিলেন। তাঁহার ভগিনী শ্রীমতী জগৎমোহিনী ও ভগিনীপতি শ্রীযুক্ত তারণচন্দ্র দাস ব্রাহ্ম ছিলেন। তাঁহার ধর্মমত উদার ছিল। তিনি শিশুদের কখনও দীক্ষিত না হইলেও একজন সাধারণ শিশু সিপাহীকে গুরু বলিয়া মানিতেন। এই সিপাহী অতি ধার্মিক লোক ছিলেন। একটা যুদ্ধের পর লুটের অংশ লইতে স্বীকার করায় তাঁহাকে চাকরি ছাড়িতে হয়। একজন সাধারণ সিপাহীকে গুরু বলিয়া মানায় বুঝা যায় বামনদাস বাবু মহাত্মাকেই মূল্যবান মনে করিতেন, পদমর্যাদাকে নহে। বামনদাস বাবু কান্ধীর ভাঙ্গরানন্দ স্বামীকে খুব ভক্তি করিতেন, এবং স্বামীজীও তাঁহাকে স্নেহ করিতেন। বহু মহাশয় জাতিভেদ প্রথাকে হিন্দুসমাজের নানা দুর্গতির কারণ মনে করিতেন। তিনি পর্দা-প্রথার বিরোধী এবং জীপিকার পক্ষপাতী ছিলেন, কিন্তু পান্ডিত্য ক্যাশানপ্রিয়তা অপছন্দ করিতেন। তিনি তাঁহার ভগিনী ও ভগিনীপতির নামে এলাহাবাদে “জগৎ-তারণ বালিকা-বিদ্যালয়” স্থাপন করেন এবং ইহার জন্ম কিছু টাকা দিয়াছেন। ইহাতে প্রবেশিকা পরীক্ষা পর্যন্ত পড়ান হয়। ইহা বিশেষ করিয়া বাঙালী বালিকাদের জন্ম স্থাপিত। ইহাতে সরকারী সাহায্য আছে।



নূতন ধরণের মোটরকার—

ইংলণ্ডের বিগাত এয়ারশিপ, আর—১০০০—
এর নির্মাতা কমাণ্ডার বারুগী একটি তত্ত্বত
ধরণের মোটর-কার তৈরি করিয়াছেন। এই
মোটর-কারটি ঘণ্টায় একশ আশী মাইল বেগে
চলিতে পারিবে এবং এই বেগে চলিবার
সময়ে মাটি হইতে কিছু উচু উঠিয়া এরা-
পেনের মত উড়িয়া যাইতে পারিবে। এই



কমাণ্ডার বারুগীর
গাড়ী দুটি লণ্ডনের
রাস্তায় পরীক্ষিত
হইতেছে।

এই গাড়ীর বডিটি বিশেষ করিয়া লক্ষ্য করিবার বিষয়। ইহা একপ-
ভাবে তৈরি যে বাহুর থাকায় মোটর গাড়ীটির গতি অতিস্থিত হইবেনা।



এই মোটর-কারের ইঞ্জিনটি পিছনে অবস্থিত

গাড়ীর ইঞ্জিনটি পিছনে থাকে, এবং সম্ভ্রান্তি লণ্ডনের রাস্তায় এই
গাড়ীটির পরীক্ষা হইয়া গিয়াছে। এ পর্যন্ত এই ধরণের গাড়ী দুইটি

মাত্র নির্মিত হইয়াছে। কিন্তু কমাণ্ডার বারুগী বলেন শীঘ্রই তিনি এই
ধরণের অনেকগুলি গাড়ী বিক্রয়ের জন্য প্রস্তুত করিবেন।

মহিলা-সংবাদ

সত্যগ্রহের জন্য দণ্ডিতা ভারতমহিলা



শ্রীমতী উর্ষিলা দেবী শাস্ত্রী



শ্রীমতী অশ্বালাল সারাভাই



শ্রীমতী এল্. আর. জুংসি



শ্রীমতী কে. নটরাজন



শ্রীমতী হরজ



শ্রীমতী ইন্দ্রমালিনী ঙ্ট

হয় না। বড় বড় তার হাত পা, গাঁতীগোষ্ঠী গড়ন। চলতে গেলে বেকে চুপে চলে, হাসলে দাঁতগুলো বেরিয়ে পড়ে—এক কথায় তাকে স্ত্রীও বলা চল না।

কাজেই উমার আজও বিয়ে হয়নি। টাকা এবং রূপ দুটোরই অভাব। তাই বলে বাপ-মা তো চূপ করে থাকতে পারে না। বাপ যদিওবা পারে, মা পারে না, কাজেই ভাবনায় চিন্তায় মায়ের রোগও সারে না।

স্বামীকে অকর্মণ্য জেনে মা ছেলের মুখ চেয়ে থাকে। উনিশ বছরের ছেলে। বিনোদ যেমন ঐশ্বর্যের সঙ্গে চাকরির জন্তে উমেন্দারি করে তেমনি ঐশ্বর্যে বোনের বিয়ের জন্তেও উমেন্দারি করে। শুধু মুখের কথায় কিন্তু দুটোর একটাও হয় না। পাওনাগণ্ডার আশা নেই দেখে ঘটক আর বাড়ীতে মাথা গলায় না, কাজেই বিনোদ নিজেই টো টো করে খোরে। কিন্তু বুধাই—মেয়ে দেখতে অনেকেই রাজি—কিন্তু বিয়ে করতে নয়। শেষ পর্যন্ত কিছু জলযোগ করে সবাই বাড়ি ফেরে।

যে কেউ আসে তার সামনেই উমা নিজের কুরূপ নিয়ে দাঁড়ায়। দর্শকের নিষ্ঠুর সমালোচনা আর তাকে বাজে না, এমন কি সস্তা প্রসাধনের ছলনায় পুরুষকে ভোলাবার হীনতাটুকু তার সয়ে গেছে। রূপ না হ'লে পুরুষের চলে না এ সত্য উমা সরলভাবেই বিশ্বাস করে, তাই ওকে কারুর পছন্দ হয় না ব'লে পুরুষের প্রতি ওর কোনো অভিমান নেই।

কোনো নবীন যুবক ওর স্বামী হবে এ যেন উমা ভাবতেই পারে না আজকাল। পাত্রের বয়স হ'লে বা দ্বিতীয় পক্ষের হ'লে কিছু তবু আশা হয়। কিন্তু তাও কই? সম্প্রতি একটি প্রচৌ দ্বিতীয় পক্ষের পাত্র উমাকে বিনা পয়দায় নিয়ে যেতে রাজী হয়েছিল। আর পক্ষের তার তিনচারটে ছেলেমেয়ে আছে, স্ততরাং খাটিয়ে মেয়েই সে চায়, কিন্তু সেও বিনোদকে চারবার ঘোরাবার পর সেদিন স্পষ্ট ব'লে দিয়েছে, অন্ততঃ তিনশো টাকা না হ'লে বিয়ে করতে পারবে না—অন্য এক জায়গায় সে পাচশো টাকা পাচ্ছে।

সেইদিন সকালে উমার বা-চোখ নেচেছিল, মাথার ওপর কাক ডেকেছিল, দেওয়ালে টিকটিকি আওয়াজ করেছিল এবং চোখের সামনে একটা বেড়াল ভানহাত দিয়ে কণন চুলকোচ্ছিল। এতগুলি শুভচিহ্ন দেখলে কার না আশা হয়? কিন্তু রাতে যখন দাদা এসে হতাশ হয়ে ব'সে পড়লো তখন আড়ালে উমার সে কি কান্না।

কান্না একটু আসে বই কি। বিয়ে হ'ল না ব'লে কান্না নয়। কান্না রাতে দাদার ঘুম হয় না ব'লে, মার রোগ সারে না ব'লে, আর দিনের পর দিন বাবার বহুনি খেতে হবে ব'লে। তা'কে যে কারুর পছন্দ হয় না এমন কি

একটি বুদ্ধও টাকা চেয়ে বসে, এ দোষ তো তারই! সে যে দেখতে ভাল নয় এও তো তারই দোষ!

দাদার মুখের দিকে চাইতে উমার ভয় হয়, বাবার কাছে যেতে তার বুক কাঁপে। কাজেকর্মে উমার হাত যেন আর নড়ে না, আধঘণ্টার কাজ সে দু-ঘণ্টায় করে, এক বাসন সাতবার মাজে, মাছ কুটতে হাত কেটে যায়।

ভাতের দেরি দেখে দাদা বিরক্ত হয়ে বললো—কিরে রান্না করতে তুই যে আজ বুড়ো হয়ে গেলি উমা—বিয়ে ভেঙে গেল ব'লে এতই দুঃখ?

রোহিণী কি একটা কাজে মেয়েকে বছবার ভেকে সাড়া পায়নি, রেগে এসে বললো—কি গো, কানে যে কথা যায় না, লুকিয়ে নভেল পড়া হচ্ছে বুঝি? দ্যাখো গরীবের ঘরে ওসব কেতা-ব-টেতা চলেবে না, বুঝলে? কাজকর্ম বেশ ক'রে শিখতে হবে—কোথায় কোন্ হাঘরে পড়বে তার ঠিক কি! আর দ্যাখো ঐ নভেল কায়দায় জানলায় দাড়িয়ে-টাড়িয়ে থাকাও হবে না—বয়সটি তো কম হয়নি তোমার!

কবে দাদার একখানি লাইব্রেরীর বই উমা একটু উন্টে দেখেছিল, কবে নতুন বরষার সমাগমে ঘনায়মান আকাশের দিকে চেয়ে উমা খানিকক্ষণ জানলায় দাড়িয়ে-ছিল, সেই সামান্য ক্রটি বাবা অজ্ঞে ক্ষমা করেন নি—ঐ একই প্রসঙ্গ নিয়ে খোঁটা চলেছে বছবার। মেঘের দিকে চেয়ে হতত উমার মনটি একটি অশ্রুসজল ব্যথায় উদাস হয়ে গিয়েছিল, কিন্তু তার থেকে 'মেঘদূত' কাব্যের কল্পনা করা বাবার পক্ষে একটু বেশীই। আর নভেল? ঐ বইগুলিতে যা লেখে উমার পক্ষে তা হৃদয়ঙ্গম করা কিছু শক্ত। প্রেম? উমার সাংসারিক অভিধানে 'প্রেম' ব'লে কোনো শব্দই নেই। নারী আবার পুরুষকে পছন্দ করবে কি!...

মা বললো—দিনকে দিন তুই কি হজিস বলতো উমা, চুলগুলো বাঁধতে পারিস নে?—লোকের পছন্দ হবে কি ক'রে!

আন্তরিক মায়া যদি কারুর থাকে তো সে ঐ মায়ের। মায়ের কথায় উমা হতত চুলগুলি বাঁধলো—গায়ে একটু সাবান দিয়ে একখানি ফরসা কাপড়ও পরলো হতত, কিন্তু বাবা উঠলো জলে—গরীবের মেয়ের অত ফ্যাসান আমার সহ্য হয় না, বুঝলে? পড়বে তো সেই কার না কার হাতে।

চুলগুলো রুক্ষ আলগা থাকলেও রোহিণীর সহ্য হয় না, —ঘরের বিধবা মেয়েটি তো নও, অত তপিস্তির দরকার কি বাপু? চুলগুলো একটু বাঁধলেই তো পার। গরীবের ঘরের কুরূপ—পঞ্চদশী অনুচ্চা মেয়ে শত চেষ্টাতেও বাবার মন পায় না—উদয়ান্ত সংসারে খাটে; তার

ওপর রোগীর সেবা—তাঁতেও কারুর সহায়ত্ব জাগে না।

দিনের পর দিন যায়। সামান্য তিনশে টাকার অভাবে প্রোট্রি দ্বিতীয় পক্ষটিও বৃষ্টি হাতছাড়া হয়ে গেল। সংসারে খেতেই কুলোয় না তো বিায়র পণ আসবে কোথা থেকে! পূর্বের ভিটেখানা থাকলেও রোহিণীর একটা কেন তিনটে মেয়েরই বিয়ে হয়ে যেতে পারত বাড়ি বিক্রী ক'রে। কিন্তু রেস খেলে রোহিণী সে বাড়ী পূর্বেরই খুইয়েছে।

মাত্র চল্লিশ টাকা পেনসনের ওপর নির্ভর ক'রে রোহিণীর সংসার চলে। ছেলে টিউশানি ক'রে পনের কুড়ি টাকা কোনো মাসে আনে কোনো মাসে আনে না—টিউশানি তো চিরস্থায়ী নয়! ম্যাট্রিক পাস ক'রে পরসার অভাবে বিনোদের আর পড়া হয় নি। চাকরির জন্তে ঘুরে ঘুরে বেচারার তিনজোড়া জুতোই ক্ষয়ে গেল, তবু আজও একটা তিরিশ টাকা মাইনের কেরানীগিরিও জুটলো না।

কিন্তু শুনেছি ভাগ্য নাকি হঠাৎ স্বপ্নসম হন। হঠাৎ বেচারির ভাগ্যে বড়লোকের একটিমাত্র মেয়ে জুটে যায় কিংবা ডাব্বির টিকেট কিনে খোটা দরোয়ান মোটর হাঁকায়।

অবশ্য বিনোদের ভাগ্যে তারবির টাকা জোটেনি, ধনীর এক মেয়েও না। তাঁর একটা চল্লিশ টাকা মাইনের মাষ্টার জুটে গেল। তার একটু ইতিহাস আছে। একদিন সন্ধ্যাবেলায় বিনোদ ছেলে পড়াতে বেরিয়েছে। নানা চিন্তায় রাস্তার দিকে তার খেয়াল ছিল না; এমন সময় একটা মোটর হঠাৎ তার একেবারে গায়ের ওপর এসে পড়লো। ড্রাইভার ব্রেক না কসলে তার ভাগ্য সেদিন অল্প রকম হ'তে পারত। মোটরে ছিল বিনোদের জ্বলেরই একজন পুরানো সহপাঠী—অলোক মল্লিক। সে বিখ্যাত বড়লোকের ছেলে। অলোক যখন বিনোদকে চিনলো তখন তাঁর লজ্জা রাখবার আর জায়গা নেই—শেষে পুরানো বন্ধুকেই চাপা।

অলোক বিনোদকে ছাড়লো না—অনেকক্ষণ তাকে নিয়ে মোটরে ঘুরলো। তাঁর সাংসারিক অবস্থা জেনে নিল এবং শেষে নিজেরই একটা ছোট ভাইয়ের পড়ার ভার বিনোদের ওপর চাপিয়ে দিয়ে মাইনে ক'রে দিল চল্লিশ টাকা।

বিনোদ বিশ্বয়ে বিমূঢ়। মল্লিকদের বাড়ীর সে হবে মাষ্টার? ওদের কে না চেনে! আর এই কি সেই জ্বলের অলোক? বিনোদের মনে পড়ে ছেলেবেলায় অলোক কি ভীষণ দুর্দান্ত আর দাঙ্কি ছিল। বিনোদ গরীবের ছেলে, গোবেচারি—ক্লাসে ভাল ছেলে বলে তার নাম,

সুতরাং অলোকের সে ছিল চক্ষুশূল। কারণে অকারণে সে বিনোদের সঙ্গে ঝগড়া বাধাবার চেষ্টা করতো।

আর আজ সেই অলোক বিনোদকে পাশে বসিয়ে অকৃত্রিম বন্ধুর মত ব্যবহার করছে! বিনোদ অলোকের পরিবর্তন দেখে বিস্মিত হ'ল।

এক কথায় চল্লিশ টাকা? এ যে কেরানীর বাড়ী। বিনোদ আনন্দে আত্মহারা। অলোকের কাছ থেকে বিদায় নেবার সময় বিনোদ ধরা-গলায় বললো—জানি, আমরা পেট ভরে খেতে পাইনে, আমার বাবা গরীব, আমার মা শযাগত, তিন তিনটে বোনের আমায় বিয়ে দিতে হবে তবু চল্লিশ টাকা যে বড় বেশী হ'ল অলোক, তুমি বরং আমায় তিরিশ টাকাই দিও।

অলোক কোনো উত্তর না দিয়ে মোটরে বেরিয়ে গেল। বাবা মা প্রথমটা বিশ্বাস করত চাইল না কিন্তু বিশ্বাস যখন করলো তখন পাগল হবার জোগাড়! বাত না থাকলে রোহিণী নাচতো নিশ্চয়ই।

তারপর ঐ চল্লিশ টাকাকে কেন্দ্র ক'রে তিনটি মাসের কত রকম জল্পনা করলো। বিনোদ বললো—এবার তোমার অসুখ নিশ্চয়ই সারবে মা। দেখো আসছে মাস থেকে কি রকম ভাল ভাল ওষুধ আর ডাক্তার আনবো তোমার জন্তে।

মা বললো—ভয় নেই আমি সেরে উঠবো কিন্তু। তুমি কিন্তু সেই ভবানীপুরের পাত্রটিকে ব'লে এসো বাবা, কিছুদিন অপেক্ষা করতে। ব'লো তিনশো টাকা আমরা তাঁকে দেবো।

রোহিণী বললো—গিন্নী, একটি সুন্দর মেয়ে হাতে আছে, খোকার জন্তে দেখলে হয় না? হাজারখানেকের কম কিন্তু রাজী হচ্ছিনে।

গিন্নী হেসে বললো—আগে উমার বিয়েটা তো হয়ে যাক।

এমনি ধারা অলীক স্বপ্নরচনা চলছেই। বিশেষ ক'রে ভাইবানদের মধ্যে যেন উৎসব লেগে গেছে, কারণ দাদা নেনিন কার কি জামা-কাপড় লাগবে তারই একটা লম্বা ফর্দ ক'রেছে। তবু টাকা এখনও হাতে আসেনি—তাতে কি? দাদা কি একটা যে সে লোক! মল্লিকদের বাড়ির মাষ্টার, হেঁ-হেঁ!

মল্লিকদের নিত্যনূতন ঘটনা নিয়ে বিনোদ উমার কাছে রোজ গল্প করে। বলে—ওরে ওরা কি কম বড়লোক, জানিস? ওদের মোটরই ন' থানা!...বাড়ি যে কতগুলো তাঁর হিসেব নেই, আর ছেলেমেয়েরা সব কেমন ফুটফুটে যেন মোমের পুতুল...বড়লোকদের চেহারাই আলাদা, বুকলি উমা?

তারপর অলোক সপ্তকে নানা গল্প। তার ছেলে-

বেলাকার ভানপিটেমি প্রভৃতি। তারপর খানিকটা তার রূপবর্ণনা। কি সুন্দর অলোককে দেখতে—যেন রাজপুত্র। চৌচৌর ওপর বাদামী সুরু সুরু গৌর, চোখে প্যাস্কে, মাথায় বাবরি। বিনোদ বল্লে—অলোক বি-এ পাস করে বিলেত থেকে ব্যারিষ্টার হয়ে আসবে। ওকি একটা কম ছেলে রে, আর আমি ওরই বন্ধু, বুঝলি উমা!

বিনোদের চোখদুটো উৎসাহে বেরিয়ে আসে—গল্প ক’রে তার আশা মেটে না। উমা মুগ্ধ হয়ে শোনে—দাদা যেন রূপকথা বলছে। দাদার গৌরবে উমার বুক আনন্দে ভরে যায়। অনেক কথা তার বিশ্বাসই হয় না, বলে—সত্যি, দাদা?

রান্নাঘরে কাজের মধ্যে উমার কল্লনায় মল্লিকদের সঙ্কে নানা ছবি ফুটে ওঠে। উমা ভগবানের উদ্দেশে অসংখ্য প্রণাম জানায়। আর প্রণাম জানায় সেই অদৃশ্য ধনী দূবকের উদ্দেশে যার অল্পকম্পায় তার বাবা-মার মুখে হাসি ফুটেছে। যিনি তার দাদাকে ছোট ভাবেন নি, দূগা করেন নি বরং তাকে সাদর সম্মান জানিয়েছেন। অলোকের প্রতি শ্রদ্ধায় কৃতজ্ঞতায় উমার মাথা যেন মাটিতে লুটতে চায়।

শুধু অলোক নয়, অলোকের মাও বিনোদকে মেহের চক্ষে দেখেছেন। ধনীর গৃহিণী গরীবের সমস্ত কাহিনী শুনে নিয়েছেন। ও বাড়ীতে বিনোদের প্রায়ই নেমন্তন্ন। মা’র অসুখ শুনে তিনি প্রায়ই বিনোদের হাতে রোগীর পথ্য, আশুর দেদানা প্রভৃতি পাঠিয়ে দেন। চাকরের হাতে একদিন একঝুড়ি আম পাঠিয়ে দিলেন, তার সঙ্গে এলো মা’র জন্মে লালপেড়ে শাড়ি।

বাবার মুখে হাসি ধরে না। রোহিণী বলে—বিহু, টিকে থেকো বাবদ! রাগ ক’রে ছেড়ে দিও না যেন—ওঁরা ধনী লোক।

উমা এসে বললো—দাদা, পাঁচ সিকে দিতে হবে, সত্যনারাণের সিন্দী দেবো।

বিনোদের আপত্তি নেই কিছুতেই। এখন সে বড় লোক—কত খরচ করবে কর! উমা ভাইয়ের কল্যাণের জন্যে উপোস করে, মার গ্রহ-শাস্তির জন্মে উপোস করে, বাবার বাতের জন্মে উপোস করে—তার হাতে মাদুলি পরায়। আর উপোস করে, নিজের সৌভাগ্যের জন্মে—সেই প্রোট ভদ্রলোকটি কিছুদিন অপেক্ষা করতে রাজী হয়েছেন ব’লে।

একদিন রাজ্জে বিনোদ এসে বললো—ওরে উমা, কাল মাকে একজন বড় ডাক্তার দেখতে আসবে রে। অলোকই পাঠাচ্ছে—ওদের বাড়ির ডাক্তার।

উমার আনন্দ ধরে না, এবার মা সেরে উঠবেন।

রোহিণী বললো,—ডাক্তার তো আনছে! বিহু, কিন্তু টাকা কোথায় পাবে?

—অলোকই পাঠাচ্ছে বাবা, ওর মা সবই জানেন কি না।

রোহিণী কপালে দুটি হাত ঠেকিয়ে বললো—ভগবান তুমিই ধন্য...হ্যাঁ বড়লোক বলে একেই।

পরদিন উমা রাত থাকতে উঠলো। চারিদিকে গঙ্গাজল ছিটোলো এবং ভোরের প্রথম সূর্য-রশ্মিটিকেও প্রণাম করে ঘরে নিলো। তারপর ঘরদোর কাঁট দিয়ে ফিট-ফাট করে ফেললো। ব্যাড়াতে একজন বিশিষ্ট ব্যক্তির আগমন—সে কি সাধারণ কথা!

যথাসময়ে হর্ণ বাজিয়ে ডাক্তার এলেন। বিনোদ ডাক্তারকে আনতে এগিয়ে গেলো। উমা রান্নাঘরে নিজের কাজে নিযুক্ত, কিন্তু তার মন ছিল বাইরে—ডাক্তার মাকে দেখে কি জানি কি বলবেন। বাড়ি তো এক-টুকরো—খান-দুয়েক মাত্র ঘর। তার একটাতে মা থাকেন শুয়ে; আর একটাতে বাবা দাদা এবং কুচো ছেলেরা শোয়। উমা রাতে মার কাছেই থাকে। রান্নাঘরে বসেই উমা সব শুনেতে পায়। ডাক্তার আসছেন—রান্নাঘরের জানলা ভেজিয়ে একটু ফাঁক করে উমা দেখলে। মাহুঘের সামনে বেরতে তার ভয়ানক লজ্জা। বুড়ো মেয়ের বেহায়াপনা বাবা সহ্য করেন না। ইঠাৎ দাদার স্পষ্ট কথাগুলি উমার কানে গেল—আরে অলোক যে! তুমিও এলে যে, ভাই? কাল তো কিছু বল নি। চল, ভেতরে চল—আমুন ডাক্তারবাবু—

উমা চমকে উঠলো—অলোক-বাবু? মল্লিকদের ছেলে? সে উদ্গ্রাব হয়ে দেখছে যেন ভৌতিক কিছু একটা ঘটছে। গরীবের কুটারে রাজার ছেলে। উমা যেন—চোখকে বিশ্বাস করতে পারছে না, কিন্তু সত্যই অলোক এসে হাজির।

ডাক্তারের পিছনে একটু সুন্দর প্রিয়দর্শন ছেলে—কি নিটোল তার স্বাস্থ্য, যেন পাথরে খোদা মূর্তি। চোখে চশমা এবং মাথার চুলগুলি কৌকড়া বটে, কিন্তু অলোকের বেশে কোনো বাহল্য নেই। মুখের হাসিটি তার আরও মিষ্টি। অলোক হেসে বললো—বেশ যাহোক, কেন, তোমার বাড়িতে ব’লে আসতে হবে নাকি? তাছাড়া ডাক্তারবাবু বাড়িটা চেনেন না কি না...

কৃতজ্ঞতায় শ্রদ্ধায় বিনোদের মাটিতে মিশে যেতে ইচ্ছে হচ্ছিল, বললো—এসো এসো ভাই, বাইরে দাঁড়িয়ে কেন?

বিনোদ বাবাকে ডাকলো—বাবা আছেন রে উমা? রোহিণীর বিশেষ ওঠবার সামর্থ্য নেই, কিন্তু অলোকের নামে ইঁপিয়ে উঠেছিল। ভিতর থেকে বললো—বিহু

অলোকবাবুকে ভেতরে নিয়ে এসো, বাইরে দাঁড় করিয়ে রেখো না।

ঘরে এসে বিনোদ বললো—এই যে এইখানে ব'সো ভাই, গরীবের ঘর, বুঝলে তো—কুগীর কাছে তোমার গিয়ে কাজ নেই অলোক।

রোহিণী বললো—ডাক্তারবাবুকে তোমার মার কাছে নিয়ে যাও বিহু। অলোকবাবু এইখানেই থাকুন—অলোক, বাবা বোস!

কিন্তু বসবার জায়গা কই? ছোট্ট ঘর গাদাখানেক জিনিয়ে বোঝাই—আলো-বাতাসের জায়গাই নেই তো মাল্লবের! ঘরের অনেকটা ছুড়ে একটা তক্তাপোষ, তাতে পুরানো একটা বিছানা। চাদরের অভাবে তার ওপর একটা প্রবার ধুতি বিছানো—উমাই বুদ্ধি ক'রে পেতেছে, নইলে বিছানা উলঙ্গই থাকে। ঘরদোর পরিষ্কার করলেও রাতারাতি দেওয়ালগুলোতে বালি-রং ধরিয়ে চূণকাম তো করা যায় না, তাই দাঁত বার করা ঘরে অন্ধকার ইঁহুর এবং মশার রাজত্ব কিছু বেশী।

রোহিণী অধৈর্য হয়ে বললো—না বললে কিছু যদি একটা করবে, এদের নিয়ে আর পারা যায় না। নাঃ, উমা—ওরে উমি, একটা চেয়ার নিয়ে আয় শীগ্গির—বড়ো মেয়ের কিছু যদি বুদ্ধি আছে—দ্যাখো দিকি ভদ্রলোক কোথায় যে বসবেন—

রান্নাঘরের জানালায় উমা ঠিক তেমনিভাবে তখনও দাঁড়িয়ে—মন তার কোথায় কে জানে? মল্লিকদের বাড়ির ছেলে তাদের সামান্য কুটীরে এসেছে—এ যেন তখনও তার বিশ্বাস হয়নি। বাবার ডাক তার কানে এলো, কিন্তু সে কি করবে? সে কি অলোকের সামনে গিয়ে দাঁড়াতে পারে! কিন্তু ভদ্রলোক কোথায় যে বসবেন সেও একটা ভাববার কথা। বাড়িতে কি ছাট একটাও চেয়ার আছে?—বাবা তো হেঁকে বসলেন!

কিন্তু উমার সবচেয়ে কষ্ট ঘরের অবস্থা কল্পনা ক'রে। কে জানে অলোক আসবে? তাহ'লে সে ঘরটিকে আরও ভাল করে গোছাতে পারতো—অনাবশ্যক কতকগুলি জিনিস বাইতে বার করে দিতো। যেমন করেই হোক একটা চেয়ার জোগাড় করে রাখতো, এমন কি গোটা-দুই ধূপও জেলে রাখতো হয়ত। ছিঃ ছিঃ, দাদা যদি একটু আগেও বলতো একবার...। ভাইবোনগুলি ঘরের জানলা দিয়ে উঁকি মারছে, যেন অপরাধ কেউ এসেছে। তাদের মধ্যে কেউ কেউ উলঙ্গ, কান্নর পরণে সামান্য একটা ইজের মাত্র। লজ্জায় উমার মাথা কাটা বাজিল। তার ইচ্ছে হচ্ছিল, ওদের টেনে এনে বেশ ঘা-কতক দিয়ে দেয়।

অলোক বললো—না, না থাক আপনি ব্যস্ত হবেন

না! আমি এই বিছানাতেই বসছি—চেয়ারের কি দরকার। আপনারও তো অস্থ শুনেছি রোহিণী বাবু!

রোহিণী বললো—হ্যাঁ বাবা, শরীর আর আমার ভাল কই? বাতে একেবারে পঙ্গু, তবে...

তারপরই রোহিণীর 'হাউমার্ড' করে কান্না—আমার আর কি হয়েছে বাবা, বিহুর মা বুঝি আর বাচে না।

অলোক সাহুনা দিয়ে বললো—কিছু ভাববেন না আপনি, সব সেরে যাবে—ডাক্তার খুব ভালই, রোহিণী বাবু।

রোহিণী চোখ মুছে বললো—হ্যাঁ বাবা তা ঠিক; বিহুকে তুমি ভালবাস, তাই যা ভরসা, নইলে...

রোহিণীর চোখে আবার জল এসে পড়ল। প্রান্ত-মুহুর্তে বন্ধের কান্না দেখে অলোক তো অস্থির। ডাক্তার পরীক্ষা ক'রে এঘরে ফিরে এলেন। ঐটুকু সময়ের মধ্যে রোহিণী নিজের কাজ করে নিল, অর্থাৎ সংসারের যাবতীয় দুঃখের কথা অলোককে জানিয়ে ফেলল—এমন কি পয়সার অভাবে মেয়েটার যে বিয়ে হচ্ছে না সেটুকুও জানাতে ভুললো না। ডাক্তারের সঙ্গে সঙ্গে অলোক গাভীতে গিয়ে বসলো।

রোহিণী বললো—চললে অলোক, একটু বসলে না বাবা—তোমার জন্তে যে একটু মিষ্টি আনতে দিয়েছিলাম।

—ব্যস্ত হবেন না কাকাবাবু, না হয় আর একদিন থেয়ে যাব'খন,—আজ একটা বিশেষ কাজ রয়েছে কিনা।

বিনোদের আনন্দ ধরে না—ডাক্তার বলেছেন মা শীঘ্রই সেরে উঠবেন। রোহিণী হেসেই খুন, তার মুখে অল্প কথা নেই—হ্যাঁ ছেলে বটে ঐ অলোক। কাকাবাবু! হেঁ হেঁ! বাবা বিহু, ভাল ক'রে কাজ কোরো বাবা, ফট করে রেগেমেগে ছেড়ে দিও না যেন। কাকাবাবু! আহা প্রাণ যেন জুড়িয়ে গেল।...

একদিন বিনোদ এসে রোহিণীকে বললো—বাবা তুমি কি উমার বিয়ে নিয়ে অলোককে কিছু বলেছিলে?

—কেন বলতো?

—অলোকের মা সব জিজ্ঞেস করছিলেন। তিনি উমার বিয়ের সমস্ত খরচ দেবেন বলেছেন। অলোককে ওসব কেন বলতে গেলে বাবা? জান তো ও আমার জন্তে কত করে। মার ওষুধ আর ডাক্তারের খরচই তো কম নয়।

—তাতে কি হয়েছে বিহু, ওরা বড়লোক আর আমরা ভিখারী—আমাদের আবার লজ্জা কি?

সেই দ্বিতীয় পক্ষ পাত্রটির সঙ্গে উমার বিয়ের কথা এবার পাকাপাকি হবার সম্ভাবনা। বিয়ের দিন ঠিক

হলেই হয়। মার শরীর অনেক ভাল—চিন্তা কিছু কম এবং গুণ্ডা নিয়মিত পড়ে। উমা মল্লিকদের উদ্দেশে রোজ প্রণাম জানায়, আর প্রণাম জানায় তার বয়োবৃদ্ধ ভবিষ্যৎ স্বামীর উদ্দেশে। সংসারে তাহ'লে একজনের ঘরেও তার স্থান আছে।

ডাক্তারের সঙ্গেই অলোকের শেষ আসা নয়—সে আরও দু-একবার এ বাড়িতে এসেছিল। মাঝে একবার বিনোদ ভয়ানক অসুখে ভোগে। ডাক্তার দেখিয়ে অলোকই তাকে সুস্থ ক'রে তুললো।

অলোকের সামনে বেরোতে উমার মাথা কাটা যায়—দাদার ডাকে বাধ্য হয়ে তাকে ওঘরে যেতে হয়, কিন্তু প্রতি মুহূর্তে তার বুক কাঁপে, তার পা আড়ষ্ট হয়ে আসে। সভ্য এবং বনেদী ঘরের ছেলের কাছে উমা তার রূপ গুণ শিক্ষা এবং অবস্থার দীনতা নিয়ে দাঁড়াতে পারে না। দাদার ঘরে ঢুকে উমা যেন জ্ঞান হারিয়ে ফেলে, পৃথিবীর কোনো কিছু তার মনে থাকে না—কি একটা অস্বাভাবিক শক্তি বিভ্রাতের মত তার ওপর ক্রিয়া করতে থাকে। প্রতি মুহূর্তে তার কাজে ভুল হয়। দাদার দুধ ঢালতে হয়ত গুণ্ডাই ঢেলে ফেলল। তারপর রুগা দাদার বকুনি—দিন দিন তুই একটা অকণ্ঠের খাড়া হচ্ছিস... বুড়ো মেয়ে কোথাকার! যা পালা এখান থেকে, কিছু করতে হবে না।

অলোক হয়ত বাধ্য দিয়ে বললো—কেন গুণ্ডা গুণ্ডা মাথা গরম করছো বিনোদ, ভুল কার না হয় শুনি? দাদার তোমার মাথা খারাপ হয়েছে উমা কিছু মনে কারো না।

উমা প্রথমটা চমকে ওঠে, তারপর মুখ নীচু করে একটু হাসে হয়ত—ঘরের বাইরে গিয়ে কিন্তু সে হাঁফ ছেড়ে বাঁচে। অলোক যতক্ষণ থাকত উমার কিন্তু উদ্বেগের শেষ থাকত না। ভাবতো—ছিঃ এরকম অন্ধকার ঘরে কি ভ্রমলোক বসতে পারে, তাও যদি একটু বাতাস বইতো। বাবাঃ, বিছানাটা কি ময়লাই না হয়েছে উমার খালি ভয় হয়, এ বাড়িতে এলে বুঝি অলোকের ভয়ানক কষ্ট হয়।

অলোকের ব্যবহারে কিন্তু কোনো আড়ষ্টতা ছিল না, সে বেশ সহজভাবে আসত যেত। এমন কি বিনোদের ছোট ছোট ভাইবোনগুলির সঙ্গেও অলোক অবাধে মিশতো। ধনীর দুলালের এই একান্ত সহজ সরলতা উমাকে আরও বিচলিত ক'রে তুলত। ভাইবোনগুলি অলোকবাবুকে ভয় করে না ব'লেও উমার লজ্জা যথেষ্ট—উনি কি একটা যে-সে লোক? বিনোদ সুস্থ হ'লে রোহিণী একদিন বললো—বিহু, অলোককে খেতে বসো কাল, বুঝলে? গরীব হ'লেও আমাদেরও সাধ-আহ্লাদ আছে।

বিনোদ অনেক কষ্টে রাজী হ'ল। উমা কিন্তু এসে বললো—দাদা, অলোকবাবুকে এনে খাওয়াবে কি?

—আমিও তাই বলছিলাম উমা, কিন্তু বাবা তো শুনলেন না। তবে অলোকের কাছে আমার বিশেষ লজ্জা নেই। আমাদের সবই তো সে জানে।

গরীব হলেও মল্লিকদের বাড়ির ছেলের সামনে ভাল-চচ্চড়ি ধ'রে দেওয়া যায় না। উমার রান্নার হাত আছে—অনেক ভাল ভাল খাবার তৈরি হ'ল। বিনোদ খরচ করতে কুণ্ঠিত নয়। অলোক তো চটেই অস্থির—কেন এত খরচ করা? কিন্তু খেতে বসে অলোকের সে কি তৃপ্তি। উমা পরিবেশন করলে—অলোক তার রান্নার প্রচুর প্রশংসা কবুতে লাগল। কোনো সন্দেহ নেই, যেন সে বাড়িরই ছেলে—আরে উমা তো বেশ রাঁধতে শিখেচে...উমা, আর একটু এঁচোড়ের তরকারি আনো ভাই...মাংসটা কি তুমি নিজে রোঁধেছ? বাঃ, বেশ হয়েছে তো!—কি কি দিয়ে রোঁধেছ একবার শিখিয়ে দেবে উমা?

প্রশংসা শুনে উমা লজ্জায় রাঙা হয়ে উঠল। এত বড়লোক বলে কি! কোথাও এতটুকু কি গর্ব নেই? নারী হয়ে জন্মানো এইখানেই সার্থক! মাতৃষকে খাওয়ানোর তৃপ্তি জীবনে উমা আজ প্রথম পেলো। উমা স্তম্ভিত হয়ে অলোকের কথা শুনতে লাগলো—আরে ঘরের ছেলে হয়ে তুমিই যে জামাই ব'নে গেলে বিহু, উমা দাদাকে আর একটু মাংস দাও।

দাদাকে দিতে এসে উমা ভুলে অলোককেই দিয়ে ফেলল—আরে কর কি! তুমি যে আমায় পেটুক ঠাওরালে উমা। এ যে সেই তামাক খাবার ব্যাপার হ'ল।

তারপর অলোকের হো হো করে হাসি। না বুঝে রোহিণীও খুক খুক করে হাসতে লাগল। আহা রাস্তা উমা পান নিয়ে এল। অলোক বললো—তুমি কিন্তু আজ একটাও কথা বলনি উমা একা আমিই ব'কে মরছি।

অলোকের পায়ের ধুলো নিয়ে উমা বললো—সেদিন তাড়াতাড়ি চলে গেলেন, আপনাকে প্রণাম করা হয়নি কিন্তু।

অত বড়লোকের কাছে এর বেশী আর কি বলবার আছে? উমা আড়ালে চলে গেল। আহা রাস্তা খানিকটা কথাবার্তা চলল—উমা কান পেতে রইল, অলোকের প্রত্যেকটি কথা ও গিলছিল যেন।

অলোক বলছিল—আপনার মেয়ে বড় লাজুক রোহিণীবাবু, কিন্তু বেশ কাজের—কেমন চমৎকার সব রান্না শিখেচে। একটু লেখাপড়াও যদি শেখাতেন ঐ সঙ্গে...

রোহিণী বললো—লজ্জাটজ্জা! একটু থাকা ভাল অলোক, বিশেষ করে আমাদের ঘরে। আর উমার বয়স তো কম হয়নি বাবা—বিয়ে দিলেই হয়—।

—কি আর এমন বয়স রোহিণীবাবু? বিদেশে ঐ বয়সের মেয়েরা ফক পরে ঘুরে বেড়ায়, জানেন তো?

অলোক বিনোদের দিকে চেয়ে বললো—বিহু, শুনছি নাকি তোমরা উমার বিয়ের ঠিক করেছ...দ্বিতীয়-পক্ষের পাত্র না?

রোহিণী বিম্বমুখে বললো—কি করবো বাবা, জান তো টাকা না থাকলে মেয়ের বিয়ে আজকাল হয়ই না।

—নাই বা হ'ল বিয়ে—তা ব'লে মেয়েকে জলে ফেলে দেবেন? আমার মতে এ বিয়ে আপনাদের না দেওয়াই উচিত। একটা কথা কিন্তু আমার মনে হয়েছে, আমি মনে করছি...আপনার যদি আপত্তি না থাকে...আচ্ছা দু-একদিন পরে আপনাকে জানাব, রোহিণীবাবু। কিন্তু এ বিয়ে তুমি ভেঙে দাও, বিহু। যতদূর দেখছি মনে হয় উমা ভারি সরল শাস্ত্র মেয়ে...লেখাপড়া একটু কম জানে বটে তা শিখিয়ে নিলেই হ'ল।

বাহুজ্ঞান শূন্য হয়ে উমা শুনছিল অলোকের কথা! এবার বুঝি সে সংজ্ঞা হারাবে। জীবনে এতখানি সহ্যভূতি সে যে কখনও কারুর কাছে পায় নি। যদি সম্ভব হ'ত উমা গিয়ে অলোকের পায়ে লুটিয়ে পড়তো।

অলোক চলে গেলে রোহিণী বিনোদের দিকে চেয়ে চেয়ে বললো,—বিহু, ব্যাপারটা কিছু কি বুঝলে? অলোক যে হঠাৎ বলতে গিয়ে থেমে গেল? মেয়েটার বরাত ভাল মনে হচ্ছে, হঠাৎ চোখে লেগে গেছে বাবাজীর!

বিনোদ বিরক্ত হয়ে বললো—কি যা-তা ভাবছেন বাবা, যা সম্ভব নয় অনর্থক তাই নিয়ে মাথা ঘামিয়ে লাভ কি? খবর তো দু-একদিন পরেই আসবে।

রোহিণী অপ্রস্তুত হ'ল, কিন্তু মন তার শাস্ত হ'ল না। ভাবনার তার শেষ নেই—সংসারে অসম্ভব কি? গিন্নীর সঙ্গে রোহিণী আলোচনা করতে লাগল—বিনোদকে দেখলেই কিন্তু দুজনে চুপ করে যেত। শুনলে বিনোদ অসম্ভব হ'বে।

গিন্নী কথায় কথায় জিব কাটে। বলে—কি ভাবতে কি ভাবছি ঠাকুর, দোষ নিও না যেন। মেয়েটার যা হোক একটা হিলে হলেই হ'ল। আমরা গরীব বড় আশা তো করি নে!...

কিন্তু মনকে যতই চোখ ঠাকুর রোহিণীর ভাবনা মোটেই কমত না,—সংসারে অসম্ভব কি?

অবস্থা কিন্তু সকলের চেয়ে শোচনীয় হ'ল উমার। রাতে সে ঘুমোত না। যদি বা একটু তন্দ্রা আসে, এমন সব স্বপ্ন দেখে যা শুনলে লোকে তাকে পাগল বলবে। উমার আত্মহত্যা করবার ইচ্ছে হ'ত। নিজেই তার ভয়ানক পাপী মনে হ'ত। জানতে পারলে অলোকবাবু হয়ত তার মুখ দর্শন করবেন না। কিন্তু সেদিন তিনি কি বলতে চেয়েছিলেন? উমা আকাশ-পাতাল ভাবতে থাকে। কিন্তু আইবুড়ো মেয়ে সে, এ সব কি তার ভাবতে আছে?

দু-দিন আগে যে মেয়ের ভাববার কিছুই ছিল না, একটি বুদ্ধ পাত্রের অসম্মতিতে যার চোখের জলের শেষ ছিল না, আজ তার ভাবনার শেষ নেই—স্বপ্নের শেষ নেই। উমা আজও বাসন মাজে, বাটনা বাটে, ঘর ঝাট দেয়—আজও সে একে বেকৈ চল, হাসতে গেলে তার মাড়ি বেরিয়ে পড়ে, তবু আজ স্বপ্ন দেখতে তার বাধে না। মুখের একটি কথায় স্বর্গ রচনা করা চলে আবার সেই একটি কথায় স্বর্গ ভেঙে যায়ও। মাটির বুকে বসে উমা দেখত আকাশের প্রশান্ত নীলিমা, সমুদ্রের উদার বিস্তৃতি। সে দেখত চাঁদের স্বপ্ন, যে চাঁদের কলঙ্ক নেই সেই চাঁদের!...

তারপর একদিন স্বপ্ন ভেঙে গেল। অলোক রোহিণীকে লিখে পাঠালো—আমাদের বুদ্ধ সরকার রামলোচনবাবুর বড় ছেলেটি এবার বি-এ পাস করেছে। তেনে দেখলাম ঘরটির সবই ঠিক আছে। আপনার যদি ইচ্ছে থাকে, গোবর্দ্ধনের সঙ্গে উমার বিয়ে দেওয়া অসম্ভব হবে না—থরচ আমার মা-ই সব করবেন।

গোবর্দ্ধন পাত্রের নাম। গোবর্দ্ধনই হোক আর দুগ্ধ্যোদনই হোক রোহিণীর আনন্দের শেষ নেই। উমার ভাগ্যে বি-এ পাস পাত্র—একি কম কথা! রোহিণীর কাছে উমার দাম বেড়ে গেল। বাবার কাছে সে আর বকুনি খায় না। রোহিণী বললো—হ্যাঁ ছেলে বটে ঐ অলোক—একেই বলে বড়লোকের ছেলে। বিহু, বেশ মন দিয়ে কাজকর্ম করো বাবা। দেখো যেন রেগে-মেগে ছেড়ে দিও না।

কিন্তু সবচেয়ে আশ্চর্য্য এই যে, উমার চোখে আজকাল বাদল নেমেছে। বিয়ে ভেঙে গেলে যে মেয়ে কাদতো, বিয়ের ঠিক হবার পরও তার মুখে হাসি নেই। আশ্চর্য্য না? ব'লুন! ছেড়ে যেতে হবে, বোধ হয় তাই! কিংবা হয়ত সেই বুদ্ধ দ্বিতীয় পক্ষের ওপর তার মায়া পড়ে গেছে।

মা-ও মেয়ের সঙ্গে কাঁদে—এমন কি বাবার চোখেও জল আসে। এ রোহিণী যেন অল্প মানুষ। এখন রোহিণী বুঝেছে, উমা সংসারের কতখানি ছিল।

ও-রকম প্রাণ দিয়ে বুড়ো বাবা-মা'র আর কে সেবা করবে ?

কিন্তু উমা কাদে কেন ? সব মেয়েই তো স্বস্তরবাড়ী যায়, তবে ? উমা তো মাহুয়ের সঙ্গে মেশেনি কোনদিন, তবে তার কান্নার সখল এল কোথা থেকে ? তবে কি বরের 'গোবর্দ্ধন' নামটাই তার পছন্দ হয়নি ? গরীবের

ঘরের কুরূপা পঞ্চদশী অনুচাও তাহ'লে স্বামী মনোনীত করবার স্পর্ধা রাখে !

স্বামী নির্বাচন না করুক তবু উমা আজ ভাবতে শিখেছে । সে ভাবে, কেন অলোক আসার আগেই সেই দ্বিতীয়পক্ষ বৃদ্ধের সঙ্গে তার বিয়ে হয়ে যায় নি ? তার সে-ই ত ভাল ছিল ।


দেশ-বিদেশের কথা

বাংলা

দুইটি বাঙ্গালী যুবকের বারত—

গত ২৩শে সেপ্টেম্বর হারিনন রোডের স্বপরিচিত দোকান ধর ব্রাদার্সের স্বত্বাধিকারী হয় শ্রীযুক্ত যতীন্দ্রচন্দ্র ধর ও শ্রীযুক্ত মণীন্দ্রচন্দ্র ধর যখন রাতে টাকা লইয়া বোকান হইতে বাড়ী ফিরিতেছিলেন,

তখন দুইটি মুসলমান গুণ্ডা তাঁহাদিগকে রিভলভার দেখাইয়া টাকা চিনাইয়া লইবার—চেষ্টা করে । মণীন্দ্রবাবু তখনই দ্বিপ্রহন্তে রিভলভারধারী লোকটিকে জড়াইয়া ধরিয়া তাহার চেষ্টা ব্যর্থ করেন । তখন দ্বিতীয় গুণ্ডা তাঁহাকে ছোঁরা মারিবার চেষ্টা করে । কিন্তু যতীন্দ্র বাবু তাহাকে হঠাইয়া দেন । ইহারা দুইজনেই



শ্রীমণীন্দ্রচন্দ্র ধর



শ্রীযতীন্দ্রচন্দ্র ধর

শ্রীযুক্ত পুলিনবিহারী দাসের আশুড়ার ব্যায়াম ও লড়াইয়ের কৌশল শিক্ষা করিয়াছেন।

নাশ্পাদনিক দাঙ্গার আত্মরক্ষা—

বিগত জুলাই মাসে যখন কিশোরগঞ্জ মহকুমার অন্তর্গত বহু হিন্দু বাড়ী মুসলমান লুণ্ঠনকারিগণ বিনা বাধায় এবং নিঃসঙ্কোচে লুণ্ঠন করিয়া পাহুলিয়া ও হুসেনপুর থানার বহু হিন্দু অধিবাসীকে সর্ব্ব্বাস্ত করিয়া এবং যেদিন প্রাতে ৮টা ৯টার সময় জাঙ্গালিয়া গ্রামের স্বর্গীর কুকচন্দ্র রায় মহাশয়ের বাড়ীর লোমহর্ষণ ঘটনা ঘটে, সেই দিনই কটাহাদী থানার অধীন বানিয়াগ্রামের পিচন দিকে একটা জায়গায় আর তিনচারি শত মুসলমান দুর্বৃত্ত নানাবিধ সাংঘাতিক অস্ত্র-শস্ত্র লইয়া জমা হয় এবং বানিয়াগ্রাম লুণ্ঠনের চেষ্টা করে।

কিন্তু তাহারা সেই গ্রামের তালুকদার শ্রীযুক্ত হরেন্দ্রমোহন চৌধুরীর উদ্যম ও নিষ্ঠা কৃত্যের জন্ত কৃতকার্য হইতে পারে নাই। দুর্বৃত্তেরা

আরও কতকজন গ্রামবাসী এবং জমাদারকে সঙ্গে লইয়া গুলি ছাড়িতে ছাড়িতে অগ্রসর হইতে থাকিলে লুণ্ঠনকারীরা তাহাদিগকে তিন দিক হইতে ঘিরিয়া ফেলার চেষ্টা করে এবং বর্শা ইত্যাদি দ্বারা আঘাত করিবার চেষ্টা করে, কিন্তু অবশেষে পলাইতে বাধ্য হয়। তখন দুর্বৃত্তদের মধ্যে তিন জন ধরা পড়ে। ধৃত ব্যক্তিগণকে সঙ্গে লইয়া তাহারা সকলেই আসিয়া এক বাড়ীতে অপেক্ষা করিতেছেন এমন সময় দুর্বৃত্তগণ পুনরায় ভীষণ চাঁৎকার করিতে করিতে ঐ বাড়ী আক্রমণ করিতে আসিলে হরেন্দ্র বাবু পুনরায় অগ্রসর হইয়া গুলি ছাড়িলে এবং তাহাদের পশ্চাদ্গমন করিলে দুর্বৃত্তেরা পলায়ন করে। তখন পাঁচ ক্ষেতের মধ্যে হইতে আরও ছয় জন পলায়নকারী ধরা পড়ে। একমাত্র বন্দুক লইয়া এইরূপ অসমসাহসিকতার সহিত হরেন্দ্র বাবু বাধা দিতে না পারিলে বানিয়াগ্রাম কেন, এই অঞ্চলের কোন হিন্দু বাড়ী রক্ষা পাইত কি না সন্দেহ।

প্রবাসী বঙ্গ-সাহিত্য সম্মিলন—

আগামী বড়দিনের অবকাশে প্রবাসী বঙ্গ-সাহিত্য সম্মিলনের নবম অধিবেশন আগ্রায় হইবে স্থিরীকৃত হইয়াছে। সম্মিলনের সঠিক দিন পরে জ্ঞাত করা হইবে। পরিচালক সমিতির পক্ষ হইতে সমগ্র প্রবাসী বাঙ্গালীকে এই সম্মিলনে যোগদান করিতে সাদরে আমন্ত্রণ করা হইতেছে।

প্রতিনিধিগণের চাঁদা ৫ টাকা ও ছাত্রগণের জন্ত ২৫ টাকা ধায়া হইয়াছে। সমাগত প্রতিনিধিগণের আহার ও বাসস্থানাদির যথাসম্ভব ব্যবস্থা অভ্যর্থনাসমিতি করিবেন।

ভারতীয় ছাত্রের কৃতিত্ব—

গত ১৩ই আগষ্ট, ১৩৩০, শ্রীমান সারদাপ্রসাদ সিংহ বাংলা সরকারের প্রদত্ত, বিদেশে শিক্ষার্থী বৃত্তি গ্রহণ করিয়া বিলাত যাত্রা



শ্রীহরেন্দ্রমোহন চৌধুরী

যখন বানিয়াগ্রামের নিকটে একটি মাত্র কনষ্টেবল ও জমাদারকে হঠাৎই গ্রামের ভিতর লইয়া আসে ত্রিক সেই সময় হরেন্দ্র বাবু খবর পাইয়া ঘটনাস্থলে উপস্থিত হইলে জমাদার তাহাকে গুলি ছাড়িতে অনুরোধ করেন। হরেন্দ্র বাবু প্রথমতঃ গোটা দুই ফাঁকা আওয়াজ করিলে দুর্বৃত্তেরা একটু হুটিয়া যায়। কিন্তু তৎপর তাহারা আবার দ্বিগুণ উৎসাহে হরেন্দ্র বাবু ও জমাদারের মাথা লইতেই হইবে ইত্যাদি চাঁৎকার করিতে করিতে অগ্রসর হইতে থাকে। তখন হরেন্দ্র বাবু



শ্রীসারদাপ্রসাদ সিংহ

করেন। তিনি ১৯২৯ সালে কলিকাতা প্রেসিডেন্সি কলেজ হইতে বি.এস.সি পরীক্ষা যশের সহিত পাস করেন। অতঃপর সারদাপ্রসাদ কলিকাতা বিশ্ববিদ্যালয়ের বিজ্ঞান কলেজে ভর্তি হন এবং ৬ষ্ঠ বার্ষিক শ্রেণীতে পড়িতেছিলেন। এই সময়ে ধীরে ধীরে পরিচয় দিয়া আচাধ্য প্রমুখেন্দ্র রায়ের দৃষ্টি আকর্ষণ করেন। বাংলা সরকার আলোচ্য বর্ষে বিলাতে “ওয়ারটার প্রফ” প্রস্তুত প্রণালী শিক্ষার জন্য যে বৃত্তি ঘোষণা করেন, তজ্জন্ত সাতজন প্রার্থী সিলেকশন্স বোর্ডের সম্মুখে উপস্থিত হন। উক্ত সাতজনের মধ্যে শ্রীমান সারদাপ্রসাদ প্রথম স্থান অধিকার করায় সরকারের মনোনীত প্রার্থীরূপে নিৰ্বাচিত হন। বিজ্ঞান-কলেজে অধ্যয়নকালে তিনি “বেঙ্গল ওয়ারটার প্রফ ওয়ার্কস” এ শিক্ষা-লাভ করিয়া ঐ শিল্প সম্বন্ধীয় বিশেষ জ্ঞান অর্জন করেন। তিনি বর্তমানে লণ্ডনে “নর্থ লণ্ডন পলিটেকনিক ইনষ্টিটিউট” নামক প্রসিদ্ধ শিল্প শিক্ষালয়ে অধ্যয়ন করিতেছেন এবং মাসিক ২৭০ টাকা করিয়া বৃত্তি পাইতেছেন।

বন্দর প্রসঙ্গ—

বর্তমান সময়ে আমাদের সকলের দৃষ্টিই খাদির প্রতি আকৃষ্ট হইয়াছে। খাদির চাহিদা মিটাইবার উপযুক্ত পরিমাণ মাল এখন হঠাৎ দেশে উৎপন্ন হইতে পারিতেছে না। অল্প অল্প চাহিদা দীর্ঘ দিন ধরিয়া থাকিলে উৎপন্ন মালের পরিমাণও খুব বাড়িয়া যাইবে। কিন্তু হঠাৎ চাহিদা বাড়িয়া যাওয়ায় বাজারে বিস্তার ভেজাল মাল আমদানী হইয়াছে। ইহাও আবার নানা শ্রেণীর। কতকগুলি জাপানী ও দেশী মিলের তথাকথিত খাদি পূর্বাণুর মিলের মোটা হুতা ও কলের তাঁতের তৈয়ারী। বড়বাজারে এইরূপ খাদিই বেশী দেখিতে পাওয়া যায়। ইহা ছাড়া একদিকে মিলের হুতা ও একদিকে চরকার হুতার খাদিও কম নহে। বস্ত্রবয়ন-শিল্পকে পূর্বাণুরভাবে কুটীর-শিল্পে পরিণত করিয়া যাহাতে লক্ষ লক্ষ কুটীরবাসীর হস্তসাহায্যের ব্যবস্থা হইতে পারে ইহাও বর্তমান খাদি আন্দোলনের উদ্দেশ্য। কলকার-খানার দ্বারাও কিছু কলসী-মজুর প্রতিপালিত হইতেছে সন্দেহ নাই; কিন্তু সেখানে যেরূপ আবেষ্টনের মধ্যে থাকিয়া শ্রমিককে কাজ করিতে হয় তাহাতে শরীর, মন ও নৈতিক চরিত্রের ভগ্নাবস্থা অধোগতি ঘটয়া থাকে। খাদির প্রচলন হইলে শ্রমিকগণ উচ্চ হইতে সক্ষম পাইবে। বর্তমান সময়ে কল চালাইয়া বড় বড় ধনীগণই লাভের বড় অংশ আয়ঙ্গার করিতেছেন; খাদির বহল প্রচলনের দ্বারা ঐ টাকা দরিদ্রের হাতে আসিবে।

বর্তমান সময়ে বাংলার উৎপন্ন খাদির প্রায় শতকরা নব্বই ভাগই চট্টগ্রাম বিলাগের কয়েকটি গ্রামে উৎপন্ন হইতেছে। খাদি উৎপাদক একটি গ্রামেই আমার বাড়ী। আমি খসেই দেখিতেছি গ্রামের দরিদ্র স্ত্রীলোকেরা চরকা কাটিয়া মাসে চার পাঁচ টাকা এবং তাঁত বুনিয়া মাসে ১৫২০ টাকা পর্যন্ত রোজগার করিতেছে। অবশ্য গ্রাম-লোকেরা তাহাদের প্রাত্যহিক গৃহস্থালীর কাজের অবসরেই চরকা কাটা ও তাঁতের কাজ করিতেছে। হুতার হুতা কাটা ও তাঁত বোনা পল্লীর দরিদ্র কৃষক সম্প্রদায়ের পক্ষে যে কত উপকারী কাজ তাহা সকলেই অনুমান করিয়া লইতে পারেন।

বর্তমান সময়ে মহাত্মা গান্ধী স্থাপিত অল্ ইণ্ডিয়া স্পিনাস এসোসিয়েশন ভারতের বিভিন্ন প্রদেশে বিপুল খাদি উৎপন্ন করিবার কেন্দ্র স্থাপন করিয়াছে। ইহারা একদিকে অল্প প্রদেশের মসলিপটমে স্পন্দ হুতার ও উৎকৃষ্ট রঙের ছাপা বিশিষ্ট কাপড় প্রস্তুত করিতেছেন, অপর দিকে কান্দ্রার ও আসাম কেন্দ্রে পশমী ও রেশমী বস্ত্র প্রস্তুত করিবারও

ব্যবস্থা করিয়াছেন। নিম্নে ভারতের বিভিন্ন প্রদেশে উৎপন্নকারী কেন্দ্রগুলির নাম দেওয়া হইল। ইহা কেন্দ্রে পত্র লিখিলেই নমুনা ও মূল্য-তালিকা পাওয়া যাইবে। “খাদি গাইড” নামক পুস্তকে সমগ্র ভারতের বন্দর-বিবরণ পাওয়া যাইবে, মূল্য ১। প্রান্তিস্থান “All-India Spinners' Association, Mirzapur, Ahmedabad, Bombay Presidency.

কান্দ্রার কেন্দ্রে উৎকৃষ্ট পশমী শাল, আলোয়ান, টাইড, পট্ট, কোটের খান ও কল প্রস্তুত হয়। ইহার সমস্ত হুতা ইন্দীয় পশম হইতে রখায় প্রস্তুত হইয়া থাকে। কলের হুতা নহে।

কান্দ্রার :—(ক) অল ইণ্ডিয়া স্পিনাস এসোসিয়েশন, কান্দ্রার শাখা, শ্রীনগর, কান্দ্রার।

(খ) কান্দ্রার স্বদেশী টোরস, শ্রীনগর।

পঞ্জাব :—(ক) অল ইণ্ডিয়া স্পিনাস এসোসিয়েশন—আদমপুর, দোয়াবা, সেটল টোরস, জলন্ধর জেলা, পঞ্জাব।

(খ) লালী হান্না রাজ দীননাথ—বুল্লালা, ভায়া বিয়াস, পঞ্জাব।

যুক্ত প্রদেশ :—(ক) গান্ধী আশ্রম, মিরাট।

(খ) চিরঞ্জিলাল প্যারীলাল—হাপুর, মিরাট।

(গ) শুদ্ধ খাদি ভাণ্ডার—ধামপুর, বিজনোর জেলা।

রাজস্থান :—(ক) অল্ ইণ্ডিয়া স্পিনাস এসোসিয়েশন, রাজস্থান শাখা, জোহারি বাজার, জয়পুর সিটি। এখানে দোহতি সার্ট ও কোটের খান পাওয়া যায়।

(খ) মদন খাদি কুটার—করােলি, রাজপুতানা। এখানে বিশেষভাবে বৃত্তি, সার্ট ও কোটের খান পাওয়া যায়।

মাদ্রাজ প্রেসিডেন্সি :—(ক) অল্ ইণ্ডিয়া স্পিনাস এসোসিয়েশন টামিল নাডু ব্রাঞ্চ, টিরুপু, এস, আই রেলওয়ে।

(খ) কাসু খদর কোম্পানী লিমিটেড, টিরুপু।

(গ) অল ইণ্ডিয়া স্পিনাস এসোসিয়েশন, কান্নি খাদি ডিপো, চিকাকোল, বি, এন, রেলওয়ে।

(ঘ) অল ইণ্ডিয়া স্পিনাস এসোসিয়েশন, অল্প শাখা, মাহলিপটম্। এখানে উৎকৃষ্ট ছাপা বিশিষ্ট খাদি উৎপন্ন হইয়া থাকে।

মাদ্রাজে স্পন্দ হুতার ও উৎকৃষ্ট ছাপের খাদি উৎপন্ন হইয়া থাকে।

বিহার ও উড়িষ্যা :—(ক) অল ইণ্ডিয়া স্পিনাস এসোসিয়েশন বিহার শাখা, মজকরপুর।

(খ) গান্ধী কুটার মধবনী, দারভাঙ্গা।

বিহারে সস্তায় চরকার হুতা পাওয়া যায়।

আসাম :—(ক) ইন্দ্রসেন পাঠক—বরপেটা, আসাম।

এখানে এণ্ডি, মুগা ও তসর পাওয়া যাইবে। এই পোকান অল ইণ্ডিয়া স্পিনাস এসোসিয়েশনের অনুমোদিত।

বঙ্গদেশ :—(ক) শুদ্ধ খাদি ভাণ্ডার, ১৩২১ হারিসন রোড, কলিকাতা। এখানে ভারতের বিভিন্ন প্রদেশের বন্দর পাওয়া যাইবে।

(খ) খাদি প্রতিষ্ঠান, ১৫ কলেজ স্টোয়ার, কলিকাতা।

(গ) অম্ব আশ্রম (কুমিল্লা), কলেজ স্ট্রিট মার্কেট, কলিকাতা।

(ঘ) খাদি মণ্ডল (কেনী)।

ঐ

(ঙ) প্রবর্তক সভা (চন্দ্রনগর)।

ঐ

(চ) বিদ্যাশ্রম (ত্রিহট)।

ঐ

টিক কত বিপুল খাদি বৎসরে তৈয়ারী হয় বলা শক্ত; তবে যদি বলি যে সম্প্রতি বাৎসরিক অন্ততঃ এক কোটি টাকার খাদি উৎপন্ন হইতেছে তাহা হইলে অতুল্য করা হইবে না।

[আলোচনা—

কার্তিক সংখ্যায় প্রকাশিত শ্রীযুক্ত হরিহর শেঠ তাঁহার “ভারতে বাম্পীর জাহাজ পরিচালনের প্রথমবৃণ্ণ” প্রবন্ধে লিখিয়াছেন যে, “---তাঁহার নাম এটরপ্রাইজ। উহা ছইখানি বাট-অবশক্তির এঞ্জিন সংযোজিত একখানি ৫০০ টন ভারবাহী জাহাজ---উহা ১৮২৭ খৃষ্টাব্দে ১৬ই আগষ্ট ফলমাউথ হইতে ছাড়িয়া ৬ই ডিসেম্বর কলিকাতা পৌছে। উহা আসিতে ১৩০ দিন লাগিয়াছিল।” কিন্তু Cecil L. Burns সম্পাদিত ‘Victoria and Albert Museum—Bombay, Catalogue of Prints of Old Bombay’ নামক পুস্তকে *Enterprise* সম্বন্ধে লিখিত আছে:---“She was built at Deptford and was of 470 tons burden. She started under the command of Captain Johnson on August 16th, 1825 and after a voyage of 113 days reached Calcutta.”

অপর স্থানে সেমিরেমিস, বেরেনিস ও জেনোরিয়া নামক তিনখানি জাহাজের উল্লেখ করিয়া শেঠ মহাশয় লিখিয়াছেন---“উহারা প্রায় ৫৬০ টন ভারবাহী” কিন্তু উক্ত ক্যাটালগে আছে---“The Semiramis was built in 1842 with a tonnage of 031...”

অতরাং হরিহর বাবু কোথা হইতে উক্ত সংবাদ সংগ্রহ করিয়াছেন বুঝিলামনা।

শ্রীস্বর্ধ্বকুমার বসু



সংকীর্তন—একটি প্রাচীন পট
শ্রীযুক্ত রূপেলনাথ মিত্রের সৌজন্মে প্রাপ্ত



অত্যাচারী আমবাণীরা লবণ শুল্ক করিতেছে



বাংলা ভাষার ভবিষ্যৎ

অগ্রহায়ণ মাসের প্রবাসীতে শ্রীযুক্ত মোহিতলাল মজুমদার মহাশয় আমার “বাংলা ভাষার ভবিষ্যৎ” শীর্ষক প্রবন্ধের যে আলোচনা করিয়াছেন তাহা অতিশয় যত্ন ও আগ্রহের সহিত পড়িলাম, কিন্তু আশ্চর্য হইতে পারিলাম না। এ বিষয়ে আমার আলোচনা-পদ্ধতি ও মোহিত বাবুর আলোচনা-পদ্ধতিতে এত বড় একটা তফাৎ রহিয়াছে যে তাঁহার পক্ষে আমার কথা বোঝা এবং আমার পক্ষে তাঁহার কথা বোঝা একেবারে অসম্ভব না হইলেও অনেকাংশে দুরূহ। পীড়িত শিশুকে মাতাও চিকিৎসক এক চক্ষে দেখিতে পারে না। বাংলা ভাষার বর্তমান অবস্থা যে হৃদয় তা বা সবলতা কিছুই পরিচায়ক নয়, একথা আমি যতটুকু জানি তাহার অপেক্ষাও ভাল করিয়া জানেন মোহিত-বাবু। তবুও যদি তিনি বাংলা ভাষার বর্তমান অবস্থার মধ্যে বাংলা ভাষার ভবিষ্যৎ সম্বন্ধে কোনও আশঙ্কার কারণ না দেখেন, তবে তাহার জন্ত দায়ী করিব তাঁহার অকুতোভয় স্বভাব-প্রেমকে, আমার উনবিংশ-শতাব্দী-হলভ মাতৃভাষা বিবেশকে নয়। কিন্তু এ-প্রসঙ্গে আমাদের স্বভাব-প্রেম বা স্বভাব-বিবেশের উল্লেখ কি নিতান্তই অবান্তর নয়? স্পেন ও ফ্রান্সে আইবেরিয়ান ও সেন্টের স্বভাব-প্রেম ল্যাটিন গোষ্ঠীর ভাষাকে টেকিঁয়া রাখিতে পারে নাই, এ-যুগেও আইরিশ ফ্রি স্টেটের অত্যাশ্রিত আইরিশ জাতীয়তা গেলিককে স্বস্থানে পুনঃপ্রতিষ্ঠিত করিতে পারিবে কি না সে-বিষয়ে সন্দেহ আছে। কাজেই কথাটা আশা-আকাঙ্ক্ষার নয়—বাংলা ভাষার গতি ও ধারার বিচার-বিবেশের। জীবনের অস্থায়ী ক্ষেত্রে যেমন, ভাষার ক্ষেত্রেও তেমনি, একটা struggle for existence চলিয়াছে। একটা ভাষা কোন কারণে পরাজিত হয়, আর একটা ভাষা কেনই বা জয় লাভ করে, তাহার একটা হৃদয়ঙ্গম কারণ আছে। এ-যুগে বাঙালী জাতি যে ভাষা-সঙ্কটে পড়িয়াছে, তাহার মধ্যে বাংলা গোষ্ঠীর ভাষাগুলির কোনও বিপদের সম্ভাবনা আছে কিনা, আমি তাহারই বৈজ্ঞানিক আলোচনায় প্রবৃত্ত হইয়াছিলাম। সে আলোচনার আমার আশা-নিরাশার উল্লেখ করিবার কোনও স্থান ছিল না, তাই সেদিক হইতে আমি কিছু বলিতে পারি নাই; নহিলে মোহিত বাবু বিশ্বাস করুন আর নাই করুন, একখাটা বলিতে আমার কিছুমাত্র আপত্তি নাই, যে, ভাগীরথ সম্ভারত [?] সম্পর্কবর্জিত, প্রত্যন্তবাসী এবং শুল্ক-ভাষাভাষী বাদ্রালী হইলেও বাংলা গোষ্ঠীর ভাষাগুলিকে অবলম্বন করিয়া একটা বাংলা ভাষা গড়িয়া উঠুক এবং দে-ভাষা সব দিক হইতে হৃদয়ঙ্গম হউক, উহা আমিও কামনা করি।

আমার মূল প্রবন্ধে আমি বাংলা ভাষার সুযোগ-সুবিধা বাধা বিঘের একটি পড়িয়ান লইতে চাহিয়াছি। বিষয়টি এত বড় যে, উহার যে কোন একটি দিক লইয়া এক একটি বড় প্রবন্ধ, এমন কি গ্রন্থ, লেখা চলে। আমি শুধু মূল নির্দেশ করিয়াছি মাত্র। উহার প্রত্যেকটি কথাও

খুঁটনাটি উক্ত লইয়া উত্তরপ্রত্যুত্তর চলে না,—কারণ, তাহার জন্ত মাসিক-পত্রে স্থান সঙ্কুলান হইবে না। মোহিতবাবুর আলোচনারও বিশদ প্রত্যুত্তর দেওয়া সম্ভব নয়। আমি অতি সংক্ষেপে আমার বক্তব্য নির্দেশ করিতে চেষ্টা করিব মাত্র।—

[ক] মূল আলোচনার অনেকটাই কথাভাষা, সাধুভাষা, ও উপভাষার সম্বন্ধ লইয়া। এ-বিষয়ে মূল প্রবন্ধে বার বার ‘কথা’ ও ‘সাধু’ এই শব্দ দুইটির ইচ্ছাপূর্বক পুনরাবৃত্তি না করায়, পাঠক-সাধারণের ধাঁধা থাকিয়া যাইতে পারে। তাই আমি আমার বক্তব্য স্পষ্ট করিয়া বলিতেছি :—

(১) কথা ভাষা মানুষের প্রাণের ভাষা, সাহিত্য মানুষের প্রাণের বা মনের সৃষ্টি, তাই সাহিত্যের ভাষা ‘শেখা’ ভাষা হয় না, তাহা স্বাভাবিক কথাভাষা হয়। ‘ভাষাকে’ প্রাকৃত ব্যাপারের জন্ত দূরে সরাইয়া রাখিয়া সাহিত্যিক কাজে ‘সংস্কৃত’ অর্থাৎ সাধুভাষা প্রয়োগ করার একটা সনাতন রীতি আমাদের জাতের প্রায় সজ্জগত হইয়া গিয়াছে। সেই কারণেই আমরা ভাবি, যে, সাহিত্যিক ভাষার সঙ্গে কথা ভাষার তফাৎ স্বাভাবিক। অল্প কোনও বড় ভাষা ও বড় সাহিত্যের সম্পর্কে এই কথা খাটে কিনা তাহা আমার জানা নাই। বলা বাহুল্য, ‘sn’t, don’t কে is not, do not লেখা এবং ‘গেলুম’, ‘গুনছিলুম’কে ‘গিয়াছিলাম’ ‘গুনিয়াছিলাম’ লেখা এক জাতীয় বৈষম্য নয়। প্রথমে শ্রেণীতে তফাৎ বর্ণ-সঙ্কেতার, দ্বিতীয় শ্রেণীতে তফাৎ ব্যাকরণগত রূপের। মোহিতবাবু যে বলিয়াছেন, বাংলা গোষ্ঠীর কোনও একটা উপভাষার কথা রূপটিই সাহিত্যিক রূপে বিবর্তিত হইয়াছে—এ কথা এখনও বলা চলে না। সত্যই কি ‘সমগ্র বাংলা দেশের শিক্ষিত বাদ্রালী তাহাদের আশা-আকাঙ্ক্ষা, বাদ-বিসম্বাদ, রাগ-দেহ প্রকাশ করিবার একটা ভদ্র জাতীয় ভাষা লাভ করিয়াছেন?’ মোহিতবাবুর কথাতোই উহার উত্তর পাইতেছি—‘এখনও ঠিক তাহা হইতেছে না।’

(২) ‘শুদ্ধ ভাষার’ আক্রমণ যে কত প্রচণ্ড তাহা ‘ভাগীরথ-কৃষ্ণ’ কর্তৃক সাহিত্যিকদের বাংলা লেখা হইতে উদ্ধার করিতে পারি—এখানে হাবাভাব। শুদ্ধ-ভাষা-ভাবীগণ যে কত গোঁড়া তাহা মোহিতবাবু খরচ জানেন, এবং তাহাদের এ গোঁড়ামি যে কত জীবন্ত কালীঘাট অঙ্কলে পদাধিপতি করিলেই তাহার প্রমাণ পাওয়া যায়। প্রায় অর্ধশতাব্দীকাল ভাগীরথীর কুলে বসবাসের পরেও অতিশয় কৃষ্ণাঙ্গী পরিবার কথার টানে, জোরে ও ভাষার রূপে পদ্মাপারের উপভাষাকে বাঁচাইয়া রাখিতেছেন—ইহা নিতান্ত সাধারণ জিনিষ।

(৩) কেন ভাগীরথী কুলের ভাষা বাংলাদেশের উপভাষা-ভাবীদের সম্পূর্ণ জয় করিতে পারিল না? তাহার অন্ততম কারণ—

আমাদের দেশেও টেম্‌স্‌ কুলের ভাষাই সেই কাজে বাহির হইয়াছে এবং এ-কাজ এমনভাবে সারিতেছে, যে, উপভাষা-ভাষী ঘরে নিজ ভাষা করিয়া বাহিরে টেম্‌স্‌-কুলের ভাষার সঙ্গে ভাগীরথী তীরের [ইডিয়ম্‌ নয়, স্বর নয়, কিংবা জোর নয়] দুয়েকটি শব্দ ও রূপের বিশাল দেওয়া ভিন্ন অল্প কিছু করিবার প্রয়োজন উপলক্ষি করেন না; তাই, ইংরেজ মাত্রই যেমন ইংরেজী standard কথা ভাষা ব্যবহার করেন, বাঙ্গালীমাত্রই তেমন কোনও একটি standard কথা ভাষা শেখেন না, শিখিবার প্রয়োজনও বোধ করেন না; তাই আমাদের দেশে একটা standard কথা বাংলা গড়িয়া না উঠিয়া একটা নব্য উদ্ভব হইতেছে। এই বাংলা-বিজয়ী নব্য উদ্ভব ভাগীরথী কূটের হলবাহকদেরও ঠিক পদ্মাপারের শব্দদের মতই পরাক্রিত করিয়াছে। ইহার অনেক দৃষ্টান্ত সংগৃহীত আছে—শিক্ষিত পরিবারের [স্কুল-কলেজে শিক্ষিতা নছেন] গৃহিণীর ঘর-কমার কথাবার্তা হইতে, শিক্ষিত সাহিত্যিকগণের সাহিত্যালোচনা হইতে, নেতৃস্থানীয় মহাজনের রাষ্ট্রীয় আলোচনা হইতে। ছাপার অক্ষরে অবাঞ্ছ (সকলে না হইলেও) অনেকই সাবধান; কারণ, লেখা কৃত্রিম [‘সাব্‌’] করিতেই হইবে। কিন্তু ইহাও হয়ত কিছুদিন পরে আর টিকিবে না। মোহিতবাবু দেখিতে পাইবেন যে, গত কাঠিক মাসের ‘প্রবাসী’র দ্বিজাপনাংশের ৭৩ পৃষ্ঠায় একটি খাটি বাঙ্গালী সাহিত্যিক একখানি খাটি বাংলা উপন্যাসের ৪টি বাক্যে (৩৫টি শব্দে) প্রথমা করিয়াছেন—ইহাতে তিনি ৪টি ইংরেজী শব্দের আশ্রয় লইতে বাধ্য হইয়াছেন ও একটি বাক্যে ইংরেজী বাক্যভঙ্গীর স্থলপ্ত প্রভাবের পরিচয় দিয়াছেন। এই বাক্যভঙ্গির লেখক বাংলা সাহিত্যে স্থপরিচিত—তিনি কবির ঐশ্বর্য্য মোহিতলাল মজুমদার।

(৪) ‘মূলমানবী বাংলা সম্বন্ধে ভাবিবার আছে’—মোহিতবাবু এই কবলমাত্র করিয়াই আলোচনাটা এড়াইতে চাহেন; আমি তাহা চাহি না। কি করিয়া একই হিন্দুস্থানী ভাষা হিন্দীতে ও প্রায় পরদেশীয় উদ্ভব বিবর্তিত হয়, আমি তাহা ভুলিতে পারি না। কেন দিক্‌চোরে উদ্ভব বিজয়ী হইয়াছে, কেন কান্দ্রায়ে, পঞ্জাবে ই ফারসী জীবন মিশ্রিত বুলি শিকড় গাড়িয়াছে, কেন হিন্দুসমাজের অজ্ঞতন নেতা হইয়াও পরলোকগত মনোহা লাল লাজপত রায় প্রোড বয়স পর্য্যন্তও লিখিবার সময়ে উদ্ভব ভিন্ন তাহার মাতৃভাষা পঞ্জাবী, বা হিন্দী ব্যবহার করিতেন না, তাহা আমি স্মরণ রাখিতেছি। এই দিকে শতকরা পঞ্চাশ জন বাঙ্গালী মূলমানবের বোঁক এবং এদেশে অবাস্তালী হিন্দুস্থানীর প্রভাবও এ-প্রসঙ্গে বিশেষভাবে স্মরণীয়।

(৫) হিন্দুস্থানী-অঞ্চলের প্রভাব বহুকাল হইতে বাঙ্গালাকে প্রাদেশিক করিয়া রাখিয়াছে, ও ভবিষ্যতেও হয়ত রাখিবে—যাহারা বাঙ্গালীর স্বাভাৱ্যতা [উপভাৱ্যতা?] বোধের ভবিষ্যতে আস্থাবান্‌ তাঁহাদিগকে এই কথাটা স্মরণ করাইয়া দিতেছি। আমার বিশ্বাস, হিন্দুস্থানী-ভাষার এই যুগে বাংলা দেশে যে পরিমাণে


ভিত্তি করিতেছে তাহাতে তাহার নিঃস্বের ভাষার দ্বারা আমাদের প্রভাবান্বিত করিবে। যে প্রভাব আজই প্রত্যক্ষ—বাধু ভাষার নয়, বাংলা কথা ভাষার, বিশেষ করিয়া ভাগীরথী কুলের ভাষার। গ্রাম্যহিন্দী শব্দ পূর্বাঙ্গের মূলমানবের আশ্রয়ে সে অঞ্চলের উপভাষার বিস্তার লাভ করিয়াছে, তথাপি পূর্বাঙ্গের কোনও সহরে বা গ্রামে এখনও হিন্দুস্থানী বলিবার প্রয়োজন হয় না। কিন্তু কলিকাতা ও তাহার উপকণ্ঠে, পথে-ঘাটে, ট্রামে-বাসে, রিক্সাতে-ঢাকৃগিতে, ও হালে মুদি দোকানে ও খাবারের দোকানে, যে অপূর্ণ বস্তুর আশ্রয় লইতে হয়, ঠিক তাহারই সাহায্যে বন্ধিমের জন্মভূমির অদূরস্থ একটি পল্লীর ভঙ্গুগৃহকে পরিচিত পশ্চিমা পথযাত্রীর সহিত আলাপ করিতে শুনিয়াছিলাম। পল্লীটির নাম মোহিতবাবু নিম্নে শুনিয়াছেন—সে নাম কাঁচড়াপাড়া।

[খ] এখন বাঙ্গালীর বৈশিষ্ট্য সম্বন্ধে ছ’একটি মাত্র কথা বলিব। সে বৈশিষ্ট্য সর্ব্ববাদিস্বীকৃত; তবে উহা লইয়া পূর্ব্বগুণের বাঙ্গালী কোনদিন উচ্চ কোলাহল করেন নাই। কারণ তাহারা জানিতেন, তাহাদের এই ভাষাকবিত বৈশিষ্ট্য তাহাদের আখ্যায়িকা সম্পূর্ণরূপে গ্রহণ করিবার অক্ষমতার কল মাত্র। বাঙ্গালি পেনিনসুলার অঙ্গভাষা দেশগুলি যে অর্থে ইয়ুরোপ হইতে স্বতন্ত্র, বাংলা দেশও আখ্যায়িক হইতে সেই অর্থেই স্বতন্ত্র। উহা আখ্যায়িকতার অনাবাদি ও অন্ধ-আবাদি জঙ্গলমাত্র। স্বতরাং পূর্ব্বগুণের বাঙালীরা আখ্যায়িকার পদ্ধতিকেই বেধী শ্রদ্ধা করিতেন। নিজের বৈশিষ্ট্য লইয়া বাঙ্গালী গর্ব্ব করিতেছে সেইদিন হইতে, যে-দিন হইতে এই বৈশিষ্ট্যের ধ্বংস হইয়াছে, যে-দিন সে পারকরা ইংরেজাধিকার হঠাৎ শিক্ষিত হইয়াছে ও যদি তাহার বৈশিষ্ট্যের শিখাচ্ছেদ হইয়াছে। বাঙ্গালীর বৈশিষ্ট্য লইয়া পূর্ব্বগুণের বাঙ্গালীর হইত লজ্জাবোধ করিবার সম্ভব কারণ ছিল, কিন্তু ইংরেজী সভ্যতার middleman হইয়া এ-যুগের বাঙ্গালীর বড়াই করিবার মত কিছুই দেখিগেছি না।

[গ] আমার শেষ বক্তব্য বাংলা সাহিত্য সম্বন্ধে। গত অর্ধশতাব্দীর বাংলা সাহিত্যে পরিমাণে না হউক উৎকর্ষে হয়ত নগণ্য নয়। কিন্তু আবার জানিতে চাহি—পূর্ব্বার জাতিভাষাগুলির তৎকালীন সাহিত্য কি তরপেকা অকিকিংকর? জাতির জীবনোন্নয়নের ফলে—নূতন সভ্যতার সভ্যতা—উহার সৃষ্টি; কিন্তু জাতির জীবনোন্নয়ন আজ যে খাদে প্রবাহিত বাংলা সাহিত্যের সৃষ্টিধারা যে তাহা হইতে অনেক অনেক দূরে।

আমার দ্বিজাঙ্ক কয়টিতে আশা বা আকাঙ্ক্ষা এ-রূপের কোন কথাই নাই—কারণ উহা নিতান্তই বর্তমান বাংলা ভাষার খতিয়ান মাত্র।

শ্রীগোপাল হালদার



“ভয়োৎপাদন নীতির সহসা আবির্ভাব”

জেলসমূহের ইনস্পেক্টর-জেনার্যাল সিমসন সাহেব চই ডিসেম্বর কলিকাতায় নিহত হন। তিনি বড় কক্ষচারী ছিলেন এবং ইংরেজ ছিলেন। সুতরাং এই গণিত হত্যাকাণ্ডের সংবাদ স্বভাবতই তৎক্ষণাৎ বিলাতে পৌঁছিতে দেরি হয় নাই। এই বিলাতী কাগজে এবিষয়ে সম্পাদকীয় মন্তব্য বাহির হইয়াছে। ঢাকাতে অনেক সম্প্রদায় ধর্ম্মি অরাজকতা অপেক্ষা অধম অবস্থা বিদ্যমান থাকায় যে অনেক গৃহদাহ, নরহত্যা, জখম ও লুটপাট হইয়াছিল, তাহার খবর এখনও ভাল করিয়া বিলাতী কাগজে বাহির হয় নাই এবং বিলাতী কাগজগুলো অনেক বিলম্বে এই ভীষণ অবস্থা সম্বন্ধে কিছু না বলায় তৎকালে বিলাতপ্রবাসী রবীন্দ্রনাথ ঠাকুর স্পেক্টর কাগজে তাহাদের এই নৈয্যাকা সম্বন্ধে মন্তব্য প্রকাশ করিয়াছিলেন। কতকটা ঢাকার মত অবস্থা বাংলা দেশে কিশোরগঞ্জ মহকুমায়, সিল্কুদেশে সন্দর প্রভৃতি স্থানে, এবং পেশাওয়ারে হইয়াছিল। তাহাতেও বিলাতী সম্পাদকদের টনক নড়ে নাই। বিদেশী ভিন্নধর্ম্মী অশ্বতকায় পরাবীন লোকদের অবস্থা সম্বন্ধে বিলাতের লোকদের ঔদাসীন্য আছে বলিয়া তাহাদের স্বদেশী সম্বন্ধী অশ্বতকায় লোকদের সম্বন্ধেও ঔদাসীন্য থাকিবে, আমরা এরূপ আশা করি না। সেরূপ ঔদাসীন্য স্বাভাবিক হইত না। তাহা যে নাই, পৃথিবীর যে-কোন স্থানে এক জন ইংরেজের গায়ে আঁচড় লাগিলে যে তাহার স্বদেশবাসী ইংরেজদের হৃদয়ে আঘাত লাগে, ইহা স্বাভাবিক ও ভালই। তবে, সেই সঙ্গে সঙ্গে বিদেশী ভিন্নধর্ম্মী অশ্বতকায় পরাবীন লোকদের গায়ে আঁচড়ের চেয়ে বেশী কিছু লাগিলে যদি ইংরেজদের হৃদয়ে একটু চিন্তার ছায়াও পড়িত, তাহা হইলে আমরা তাহাদের প্রশংসা করিতে পারিতাম; এবং

কোথাও আমাদের স্বদেশী কাহারও অপমান, লাঞ্ছনা, প্রাণবধ ঘটিলে যদি আমাদের প্রাণে সামান্য একটুও ঘা লাগিত তাহা হইলে সন্তোষের বিষয় হইত।

কিছুকাল আগে পঞ্চাশত বিলাতী ম্যাক্লেয়ার গাড়িয়ান কাগজ ভারতবর্ষ সম্বন্ধে সত্য ও ন্যায্য কথা কিছু বলিত। এখনও বলে, তবে আগেকার চেয়ে কম। সেই কাগজে সিমসন সাহেবের হত্যাসম্বন্ধে এই ডিসেম্বর যাহা লেখা হইয়াছে, তাহার নিম্নমুদ্রিত চুংক এই ডিসেম্বরই রয়টার ভারতবর্ষে পাঠাইয়াছে :—

The Manchester Guardian in its editorial deplores the outburst of terrorism in India at present “when the Round Table Conference is working and the method of discussion and compromise is revealing the possibilities of harmonious settlement of the Indian problem before unthought of.” The Guardian says that the argument will be used that the murder of Mr. Simpson shows dramatically the necessity for law and order remaining in British hands, but actually it has no bearing on the general problem of India. As long as the Nationalist India has the sense of grievance, the methods of terrorism are liable to be used, whoever may be responsible for law and order. Fanatic excesses can best be cured by reasonableness and moderation. Injustice is the lifeblood of terrorism and the work of the Round Table Conference is to put an end to injustice.”—*Reuter*.

তাৎপর্য। “যখন গোল টেবিল বৈঠক কাজ করিতেছে এবং যখন আলোচনা ও রক্ষার পদ্ধতি ভারতীয় সমস্তার সামঞ্জস্যপূর্ণ মীমাংসার অচিহ্নিতপূর্ব্ব সম্ভাবনাসমূহ প্রকটিত করিতেছে, তখন ভারতবর্ষে ভয়োৎপাদন নীতির সহসা আবির্ভাবে ম্যাক্লেয়ার গাড়িয়ান তাহার সম্পাদকীয় প্রবন্ধে চুংক প্রকাশ করিয়াছে। গাড়িয়ান বলিতেছে, যে, সিমসন সাহেবের হত্যা আইন ও শৃঙ্খলা রক্ষার ভার ব্রিটিশ হস্তে রাখিবার আবশ্যকতা নাটকীয়

ভাবে প্রদর্শন করিতেছে এই যুক্তি ব্যবহৃত হইবে, কিন্তু বস্তুতঃ ইহার সহিত ভারতবর্ষের সাধারণ সমস্তার কোন সম্পর্ক নাই। আইন ও শৃঙ্খলা রক্ষার জন্ত দায়ী যে-ই থাকুক, জাতীয় অভিযোগের কারণ আছে এই বিশ্বাস যতদিন স্বাভাৱিক ভারতবর্ষের থাকিবে, ততদিনই ভয়োৎপাদকদের কার্য্যপ্রণালী অবলম্বিত হইবার সম্ভাবনা থাকিবে। স্বযুক্তি ও হ্রবিবেচনা ও মিতব্যবহার উৎকট রাজনৈতিক উন্নাদজনিত অত্যাচারের শ্রেষ্ঠ ঔষধ। অবিচার ভয়োৎপাদন নীতির প্রাণশোণিত (অর্থাৎ, অবিচার থাকিলে ভয়োৎপাদন নীতিও থাকে; কিন্তু যেখানে অবিচার নাই, সেখানে ভয়োৎপাদন নীতি নাই—সেখানে বিপ্লবীরা ভয়োৎপাদনের জন্ত প্রাণবধ করে না), এবং গোল টেবিল বৈঠকের কাজই হইতেছে অবিচারের লয় সাধন করা।”

ম্যাঞ্চেস্টার গাড়িয়ানের মন্তব্য যে রাষ্ট্রনৈতিক বিশ্বাস হইতে উদ্ভূত, তাহার সহিত আমাদের অনৈক্য নাই। তবে অল্প দু-একটা বিষয়ে আমরা কিছু বলিতে চাই।

যে-সব দেশে ব্যক্তিবিশেষের একচ্ছত্র রাজত্ব, যথায় তাহার ইচ্ছাই আইন, কিম্বা যে-সব পরাধীন দেশে আমলাতন্ত্র বিদ্যমান এবং কার্য্যতঃ প্রধান আমলাদের ইচ্ছাই আইন, সেই সকল দেশে বেসরকারী কোন কোন লোক গণতন্ত্র শাসনপ্রণালী স্থাপনার্থ, অথবা পরাধীন দেশকে স্বাধীন করিবার নিমিত্ত, কিম্বা ব্যক্তিগত বা সমষ্টিগত প্রতিহিংসার জন্ত সরকারী লোকদিগকে হত্যা বা হত্যার চেষ্টা করিলে সরকারী লোকেরা তাহাকে টেরারিজম্ বা ভয়োৎপাদন নীতি এবং যাহারা তাহাতে বিশ্বাস করে, তাহাদিগকে টেরারিষ্ট বা ভয়োৎপাদক বলিয়া থাকে। এইরূপ নামকরণ সত্যমূলক। কিন্তু ঐ সব সরকারী লোকেরা ভুলিয়া যায় কিম্বা ইচ্ছা করিয়াই এই সত্য গোপন করে, যে, পূর্ব্ববর্ণিত দেশসমূহে সরকারী লোকেরাও ভয়োৎপাদন নীতিতে বিশ্বাস করে এবং তাহারাও ভয়োৎপাদক। তাহারাও ভয়োৎপাদক বলিয়াই, ভারতবর্ষের সব প্রদেশে যেখানে গ্রেপ্তার করিলেই নির্কির্বাদে অসহযোগীরা জেলে বাইত, সেখানেও লাঠি দ্বারা বেদম প্রহার চলিয়াছে ও

গুলি বধিত হইয়াছে এবং তাহাতে অনেক বেসরকারী লোক হত ও আহত হইয়াছে; যেখানে রাজস্ব আদায়ের জন্ত অসহযোগীদের তুল্যমূল্যের জিনিষ ক্রোক ও নিলাম করিলেই চলিত, সেখানে তাহাদের ঘরবাড়ী ধানের গোলা শস্যক্ষেত্র লুণ্ঠিত বা ভস্মীভূত হইয়াছে, যেখানে নারীদিগকে গ্রেপ্তার করিলেই চলিত সেখানে তাঁহাদিগকে তাঁহাদের বাড়ী হইতে দূরে অরক্ষিত অবস্থায় ছাড়িয়া দেওয়া হইয়াছে বা প্রহার করা হইয়াছে; যেখানে নারীদিগকে গ্রেপ্তার করিলেই চলিত সেখানে কোথাও কোথাও তাঁহাদের লজ্জানীলতার হানি ও অল্প অত্যাচার হইয়াছে, ইত্যাদি। ঢাকা বিশ্ববিদ্যালয়ের হাতায় অজিতনাথের প্রাণবধ এবং ঢাকায় লোম্যান সাহেবের হত্যাকারীকে খুঁজিতে গিয়া মেডিক্যাল ছাত্রদের মেসে তাহাদিগকে গুরুতর প্রহার, টেরারিজম্ ভিন্ন আর কিছুই নহে।

এই-সব ব্যাপার মনে রাখিলে বুঝা যাইবে, টেরারিজমের আউটবাস্ট বা হঠাৎ আবির্ভাব হয় নাই, গোল টেবিল বৈঠক আরম্ভ হইবার আগে হইতে সরকারী লোকদের দ্বারা ইহা চলিয়া আসিতেছে এবং গোল টেবিল বৈঠক আরম্ভ হইবার প্রাক্কাল হইতে এ পর্য্যন্ত সরকারী লোকদের টেরারিজম্ ভীষণতর আকার ধারণ করিয়াছে। অসহযোগ প্রচেষ্টার প্রবর্তক মহাত্মা গান্ধী ও তাঁহার দল বিশ্বাস করেন না, যে, সরকারী লোকদের ভয়োৎপাদন নীতির জবাব, প্রতিশোধ বা প্রতিকার স্বরূপ বেসরকারী লোকদেরও ভয়োৎপাদন নীতি অবলম্বন করা উচিত। তাঁহাদের বিশ্বাস ও আচরণ ঠিক ইহার বিপরীত। তাহারা কোন প্রকার প্রতিশোধ না দিয়া সকল অত্যাচার ও অপমান সহ করিতে প্রস্তুত এবং সহ্য করিতেছেন। ইংরেজ কর্মচারীদের প্রাণবধ করিয়া দেশকে স্বাধীন করিবার সম্ভাব্যতায় বা এরূপ কাজের ঔচিত্যে তাঁহারা বিশ্বাস করেন না, আমরাও করি না। এরূপ কাজ দ্বারা সত্যগ্রহ প্রচেষ্টারও বিঘ্ন জন্মে। এবিষয়ে আগে আগে অনেক কথা লিখিয়াছি; পুনরুক্তি অনাবশ্যক।

গোল টেবিল বৈঠকটাকে আমরা একটা ফাঁদ ও প্রহসন মনে করি। তথাপি ইহা ঠিক, যে, যখন কতকগুলি

ভারতীয় লোক ভারতবর্ষের প্রতিনিধি না হইলেও ভারতবর্ষের ভবিষ্যৎ-শাসন-প্রণালী সম্বন্ধে একটা ব্যবস্থা করিবার নিমিত্ত বিলাতে গিয়াছেন, তখন তাঁহাদের কাজে কোন বিষয় বাধা না জন্মান উচিত। কিন্তু এই বাধাবিহীন বে-সরকারী টেরারিজম দ্বারা জন্মে, সরকারী লোকদের টেরাজিজম দ্বারা জন্মে না, এরূপ মনে করিবার কারণ কি আছে জানিতে ইচ্ছা করি।

ডাক্তার সিমসনের হত্যার জন্য দায়িত্ব

আইন ও শৃঙ্খলা রক্ষার ভার ব্রিটিশ হস্তে থাকা উচিত, ডাঃ সিমসনের হত্যা ইহাই প্রমাণ করিতেছে, ম্যাকেষ্টার গার্ডিয়ান এই যুক্তি সঙ্গত মনে করেন না। কেন করেন না, তাহা ঐ কাগজের সম্পাদক বলেন নাই।

যখনই ভারতবর্ষে একটা “ধর্ম”-দাঙ্গা বা কোন অরাজকতা বা লুটপাট ঘটে, বা কোন ইংরেজ খুন হয়, তখনই চরমপন্থী জবরদস্ত বাদশাহের দোস্ত ইংরেজরা বলে বটে, যে, ঐ সব ঘটনা দ্বারা প্রমাণ হয়, যে, ভারতবর্ষে আইনের মধ্যাদা রক্ষা ও শৃঙ্খলা রক্ষার ভার ইংরেজদের হাতে থাকা উচিত। এই-সব লোকেরা হয় আহম্মক নতুবা সত্য গোপন করিতে চায়। তাহারা ভুলিয়া যায় কিছা গোপন করিতে চায়, যে, এই সব ঘটনা ইংরেজরা আইন ও শৃঙ্খলার রক্ষক থাকা কালেই ঘটিতেছে। সুতরাং তর্ক-শাস্ত্র অনুসারে কথা বলিতে গেলে জিনিষটি দাঁড়ায় এইরূপ :—

“ধর্ম”-দাঙ্গা, অরাজকতা, লুটপাট এবং ইংরেজ ও দেশী সরকারী কর্মচারী খুন আইন ও শৃঙ্খলা রক্ষার ভার ইংরেজ কর্মচারীদের হাতে থাকা কালেই ঘটিতেছে; অতএব অন্ততঃ পরীক্ষা হিসাবেও দেখা উচিত এসব বিষয়ে প্রভুত্ব দেশী লোকদের হাতে গেলে অরাজকতা, দাঙ্গা, লুটপাট, সরকারী কর্মচারী হত্যা লোপ পায় কি না, কিছা অন্ততঃ কমে কি না।

বড়লটি লর্ড আর্মহইন এবং অনেক প্রাদেশিক গবর্নর পুলিশের কার্যদক্ষতার এবং সংঘম ও সাধুতায় মুগ্ধ এবং তাহার প্রশংসায় শতমুখ। আমরা এরূপ প্রশংসায়

বিশ্বাস করি না। কিন্তু সে কথা থাক। সিমসন সাহেবের হত্যা পুলিশের শৈথিল্যের একটি প্রকৃষ্ট প্রমাণ। কেন, তাহা বলিতেছি। দেশের নানা জায়গায় অত্যাচারের অভিযোগ প্রকাশ্য খবরের কাগজে যত বাহির হইয়াছে ও হইতেছে, তাহাতে অল্প-বয়স্ক লোকদের মন উত্তেজনায় পূর্ণ হইয়া আছে। যে-সব ছোট ছোট কাগজ গুপ্তভাবে (কতক সরকারী ডাকঘরেরই সাহায্যে!) প্রচারিত হয়, তাহাতে আরও গুরুতর অত্যাচারের কাহিনী ও অভিযোগ থাকে। লোকের মুখে মুখে যাহা ছড়ায় তাহা ভীষণতম। অনেক লোকের উত্তেজিত মানসিক অবস্থার কারণ এই-সব সংবাদ ও গুজব। সেগুলি খাটি সত্য বা মিথ্যা তাহা জানিবার উপায় নাই। প্রকাশ্য খবরের কাগজের ও গুপ্ত সংবাদ-পত্রের প্রচার যদি-বা বন্ধ করা যায় বা কমান যায়, গুজব বন্ধ করিতে পারেন, এমন শক্তিমান লোক এখনও জন্মগ্রহণ করেন নাই। যাহা হউক, সে-কথা এখন আমাদের আলোচ্য নহে। আমরা বলিতেছিলাম, অনেকের মন উত্তেজিত অবস্থায় আছে। তাহার ফলে অল্প দিন পূর্বে লোম্যান সাহেবের প্রাণনাশ হয়, এবং স্ত্রী চার্লস্ টেগার্টের উপর বোমা নিক্ষেপ হয়। জেলের বাহিরে ও জেলের ভিতরে পুলিশের ও জেলবিভাগের লোকদের দ্বারা অত্যাচারের যত সংবাদ বাহির হয় তাহা মিথ্যা হইতে পারে, কিন্তু অনেকে—বিশেষতঃ উত্তেজনাপ্রবণ অল্পবয়স্ক লোকেরা—তাহা সত্য বলিয়া বিশ্বাস করে। এ অবস্থায় পুলিশ ও জেলবিভাগের বড় বড় কর্মচারীদিগকে নিরাপদ রাখিবার জন্ত তাঁহাদের জন্ত গুপ্ত রক্ষীর বন্দোবস্ত করা পুলিশ বিভাগের একান্ত কর্তব্য। সিমসন সাহেবের সম্বন্ধে এই কর্তব্য পালিত না-হওয়ায় পুলিশের নিকৃষ্টতা, অসতর্কতা, বা শৈথিল্য প্রমাণিত হইতেছে। তাহাকে যে বা যাহারা মারিয়াছে, তাহার প্রাণনাশের জন্ত অবশ্য তাহারাই প্রধানতঃ দায়ী। কিন্তু যাহারা তাহাকে নিরাপদ রাখিবার জন্ত বন্দোবস্ত করে নাই, তাহাদেরও কিছু দায়িত্ব আছে। আংশিক দায়িত্ব সেই সব নিম্নপদস্থ সরকারী লোকেরও আছে, যাহাদের দ্বারা দেশে জুলুম হওয়ায় উত্তেজনার হাওয়া দেশে বহিতেছে, এবং সেই সব

উচ্চপদস্থ রাজপুরুষেরও আছে জুলুমের অভিযোগে
বাহাদুরের বধিরতা বা নিষ্ক্রিয়তা প্রভৃতি বা মৌনসম্মতি
বলিয়া বিবেচিত হইয়া থাকিলে আশ্চর্যের বিষয়
হইবে না।

মেদিনীপুর জেলায় সত্যাগ্রহ

মেদিনীপুর জেলায় সত্যাগ্রহ উপলক্ষ্যে অনেক গ্রামে
ধে-সব ঘটনা ঘটয়াছে, তাহার কিছু কিছু বৃত্তান্ত খবরের
কাগজে বাহির হইয়াছে। কতকগুলি গ্রামে কি কি
কারণে বাস্তবিক কি কি ঘটনা ঘটয়াছে, তাহা নির্ধারণ



চাপালিয়া গ্রামের একটি পরিবার। পুলিশের অত্যাচারে
ইহারা গৃহহীন হইয়াছে বলিয়া প্রকাশ

করিবার নিমিত্ত কয়েকমাস পূর্বে কলিকাতার আলবাট
হলের এক সভায় একটি বেসরকারী তদন্ত-কমিটি গঠিত
হয়। বঙ্গের মডারেট দলের নেতা ও গোল টেবিল
বৈঠকের গবর্নেন্ট কড়ক মনোনীত সভা শ্রীযুক্ত যতীন্দ্রনাথ
বসু, ভারতীয় বাবস্থাপক সভার সভা শ্রীযুক্ত ক্ষিতীশচন্দ্র
নিয়োগী, কলিকাতা বিশ্ববিদ্যালয়ের মিণ্টো অধ্যাপক ডাঃ

প্রমথনাথ বন্দ্যোপাধ্যায়, ঐ বিশ্ববিদ্যালয়ের অগ্রতম
অধ্যাপক শ্রীযুক্ত প্রিয়রঞ্জন সেন, প্রভৃতি এই কমিটির
সভ্য। এই কমিটি কয়েকটি রিপোর্ট প্রকাশ করিয়াছেন।
তন্মধ্যে মেদিনীপুর জেলারই অগ্র একটি তদন্ত কমিটির
রিপোর্ট আমরা পাইয়াছি।



রাইচক গ্রামের একখানি বাড়ী; পুলিশ ইহা
পুড়াইয়া দিয়াছে বলিয়া প্রকাশ

অনেক জায়গায় পুলিশ কড়ক লাঠিপ্রয়োগ এবং
গুলিনিক্ষেপের সরকারী বর্ণনা এই, যে, আগে বেসরকারী
লোকেরা পুলিশকে আক্রমণ করে বা করিবার উপক্রম
করে, তাহার পর সংঘত ও শাস্ত পুলিশ আত্মরক্ষার জগ্ন
কিন্দা বেসরকারী আততায়ী জনতাকে ছত্রভঙ্গ করিবার



পুলিস না-কি ইসমাইল চক-গ্রামের এই বাড়ীখানিও পুড়াইয়া দিয়াছে

নিমিত্ত “ন্যূনতম বল” প্রয়োগ করে। পুলিশের
লোকদের কাহারও হাতে লাঠি, কাহারও হাতে বা



চতুর্ভুজগাঁও-এর একখানি লুণ্ঠিত বাড়ী

বন্দুক থাকে। তদ্বির গবর্নমেন্টের সমুদয় শক্তি তাহাদের পশ্চাতে। তাহারা অত্যাচার কিছু করিলেও শাস্তি কচিং পায়। তাহার একটি মাত্র দৃষ্টান্ত দিতেছি। কলিকাতা বিশ্ব-বিদ্যালয়ের আশুতোষ বিল্ডিং পুলিশ ঢুকিয়া অন্ততঃ একজন নিরপরাধ লোককে প্রহার করিয়াছিল এবং তাহাদের কাজে কিছু বিবেচনার অভাব হইয়াছিল, যয়ং বঙ্গের গবর্নর স্বীকার করিয়াছেন; কিন্তু পুলিশের কোন লোকের তাহার জন্ত কোনই শাস্তি হয় নাই।

এ-হেন যে পুলিশ, তাহাদিগকে অজ্ঞহীন সহায়সম্বলহীন গ্রাম্য লোকেরা আগেই কেন আক্রমণ করিবার মত পাগলামি ও বোকামি করে, তাহা আমরা বুঝিতে পারি নাই। দ্বাধা হউক, বেসরকারী তদন্তের রিপোর্টগুলিতে দেখিতে পাই, সেগুলি সরকারী বৃত্তান্ত অর্থাৎ পুলিশের লোকদের প্রদত্ত বৃত্তান্তের সমর্থন করে না, বরং তাহাদেরই দ্বারা অত্যাচার হইয়াছে এইরূপ প্রমাণের উল্লেখ করে।

তাহার সমর্থক আহত কোন কোন লোকের ফোটোগ্রাফও দেখিয়াছি। কিন্তু যিনি কোন পক্ষের কথাই সত্য



রাইচের আর একখানি বাড়ী—ইহাও পুলিশ গুড়াইয়া দিয়াছে বলিয়া প্রকাশ

বলিয়া মানিয়া লইতে প্রস্তুত নহেন তিনি বলিতে পারেন, কোন নিরপেক্ষ আদালত কর্তৃক প্রকৃত বিচার

না হইলে অত্যাচার হইয়াছে কিনা বলিতে পারি না। বেশ; তাহা হইলে নিরপেক্ষ আদালতের অহুসন্ধান তিনি করুন। আমরা আহত লোকদের ছবি দিতে বিরত থাকিলাম। অল্প রকম কতকগুলি ফোটোগ্রাফ দেখিয়াছি, যেগুলি সম্বন্ধে সত্য বা মিথ্যা বিবরণ এই, যে, পুলিশের লোক ঘরবাড়ী ধানের গোলা ভাঙিয়া লুট করিয়া পুড়াইয়া দেওয়ায় তাহাদের অবস্থা ঐরূপ হইয়াছে। কয়েকটির ফোটোগ্রাফের প্রতিলিপি মুদ্রিত করিতেছি। এগুলি



গোকুলনগরে এই ধানের গোলাটি পুলিশ
পুড়াইয়া দিয়াছে বলিয়া প্রকাশ

সম্বন্ধে গবমেন্টের তদন্ত করান উচিত। বেসরকারী আইনজ্ঞ লোকদের দ্বারা তদন্ত হইলেই ভাল হয়। নতুবা কতক এইরূপ বেসরকারী লোক এবং কতক হাইকোর্টের ব্যারিষ্টার-জজ ও উকীল-জজদের দ্বারা হউক। গবমেন্ট তাহাও যদি না চান, কেবলমাত্র কলিকাতা হাইকোর্টের ব্যারিষ্টার-জজ ও উকীল-জজদের দ্বারা প্রকাশ্য তদন্ত করিয়া সমুদয় সাক্ষ্য ও রিপোর্ট প্রকাশ করুন। বিধবস্ত ঘরবাড়ী, ধানের গোলা, ডিম্পেলারী প্রভৃতি সম্বন্ধে সরকার বাহাদুরকে অহুসন্ধান করিতে বলিবার কারণ এই, যে, এই পদার্থগুলি অচেতন; ইহারা বেআইনী জনতা করে না, দাঙ্গা করে না, পুলিশকে আক্রমণ করে না, ম্যাজিষ্ট্রেট বা পুলিশের হুকুম অমান্য করে না, খাজনা বা টেক্স দিতে অস্বীকার করে না; হতরাং তাহাদের

উপর ন্যূনতম বা অধিকতম বলপ্রয়োগের কোন আঘাত কারণ নাই।

অধ্যাপক রামনের নোবেল পুরস্কার প্রাপ্তি

কলিকাতা বিশ্ববিদ্যালয়ে পদার্থ-বিজ্ঞানের পালিত অধ্যাপক স্যার চন্দ্রশেখর বেকট রামন্ ১৯৩০ সালে পদার্থ-বিজ্ঞানের শ্রেষ্ঠ আবিষ্কারের জন্য নোবেল পুরস্কার



অধ্যাপক স্যার চন্দ্রশেখর বেকট রামন্

পাইয়াছেন। এশিয়ার মধ্যে সর্বপ্রথমে রবীন্দ্রনাথ ঠাকুর এই পুরস্কার প্রাপ্ত হন। তাহা সাহিত্যের জন্য। অধ্যাপক রামন্ তাহার পর, এশিয়ার মধ্যে, এই পুরস্কার পাইলেন। ইহা এশিয়াবাসী, ভারতীয়দের, মাদ্রাজীদের, এবং কলিকাতা বিশ্ববিদ্যালয়ের গৌরবের বিষয়। এই পুরস্কারের মূল্য প্রায় ৬৫০০ পাউণ্ড, অর্থাৎ বর্তমান বিনিময়ের হারে মোটামুটি ৯০,০০০ টাকা।

আলফ্রেড্ নোবেল জইডেনে জন্মগ্রহণ করেন।

তিনি ব্যবসাতে রাসায়নিক ও এঞ্জিনীয়ার ছিলেন। তিনি লণ্ডনের ইম্পিরিয়্যাল কলেজ অব সায়েন্স এণ্ড টেকনোলজিতে শিকশা করিয়া উপাধিপদীকায়

ডাইনামাইট ও তদ্বিধ অন্য অনেক জিনিষ আবিষ্কার ও প্রস্তুত করিয়া তিনি প্রভূত অর্থ সঞ্চয় করেন, এবং মৃত্যু-কালে পাঁচটি পুরস্কারের জন্য প্রায় তাহার সমস্ত রাখিয়া যান। জাতীয়ভাষা-নিবিশেষে পৃথিবীর যে-কোন দেশের লোক ইহা পাইতে পারেন। পাঁচটি পুরস্কারের মধ্যে একটি সাহিত্যের জন্য, একটি পৃথিবীতে যুদ্ধ নিবারণ ও শান্তি স্থাপনের প্রয়াসের জন্য, একটি রসায়নী বিদ্যার (কেমিস্ট্রীর) জন্য, একটি পদার্থ-বিজ্ঞানের (ফিজিক্সের) জন্য, এবং একটি চিকিৎসা বিদ্যা কিম্বা শারীর বিজ্ঞানের (ফিজিয়লজির) জন্য। অন্যান্য বিজ্ঞানের জন্য কিম্বা দর্শন, ইতিহাস, ললিতকলা প্রভৃতির জন্য কোন নোবেল পুরস্কার নাই।

অধ্যাপক রামনের আবিষ্কৃতিটি কি, তাহা সহজে সংক্ষেপে বাংলায় বলা যায় না। মডার্ন রিভিউ পত্রিকায় তাহার কিঞ্চিৎ আভাস দিয়াছি।



শ্রীযুক্ত দেবব্রত চক্রবর্তী

কলিকাতাস্থ ব্রাহ্ম বালক বিদ্যালয়ের প্রধান শিক্ষক শ্রীযুক্ত বিপিনবিহারী চক্রবর্তীর পুত্র শ্রীযুক্ত দেবব্রত চক্রবর্তী দিল্লীতে “চীফ্ এরোপ্লেন অফিসার” অর্থাৎ আকাশযানের প্রধান কর্মচারী নিযুক্ত হইয়াছেন। ইহা সম্ভ্রমের বিষয়। আমাদের দেশের ছেলেরা সাধারণতঃ যে-সব বিদ্যা শিখিয়া যে-সব বৃত্তি অবলম্বন করে, দেবব্রত বাবু তাহা না করিয়া এমন কিছু শিখিয়াছেন যাহাতে বুদ্ধি বিদ্যা যান্ত্রিক জ্ঞান ও সাহসের প্রয়োজন, এবং তাহা এমন করিয়া শিখিয়াছেন, যে, তাঁহাকে একটি দায়িত্বপূর্ণ কার্যক্ষেত্রে সরকারী প্রধান কর্মী নিযুক্ত করা হইয়াছে। তিনি ১৯২৪ সালে কলিকাতা বিশ্ব-বিদ্যালয়ের বি এস-সি পাস করিয়া গ্রাসগোতে এঞ্জিনীয়ারিং শিখিতে যান। তথাকার বি এস-সি হইবার পর তিনি অসামরিক আকাশযান চালনা শিখিবার জন্ত একটি সরকারী বৃত্তি পান। এই বৃত্তি লইয়া

শ্রীযুক্ত দেবব্রত চক্রবর্তী

উত্তীর্ণ হন। তাহার পর বিলাতের কয়েকটি আকাশ-যানের প্রতিষ্ঠানে সাক্ষাৎভাবে বিমানচালনা ও আকাশ-যানের কলকল্পা সম্বন্ধে জ্ঞানলাভ করেন।

পরলোকগত নন্দলাল শীল

নিজামের রাজা দাক্ষিণাত্যের হায়দরাবাদের অবসর-প্রাপ্ত একাউন্টেন্ট-জেনার্যাল শ্রীযুক্ত নন্দলাল শীলের প্রায় ৬১ বৎসর বয়সে মৃত্যুতে প্রবাসী বাঙ্গালী-সমাজ একজন কৃতী লোক হারাইল। প্রবাসীর ও অত্র কোন কোন পত্রিকার সুপণ্ডিত লেখক প্রয়াগবাসী অধ্যাপক অমৃতলাল শীল ইহার জ্যেষ্ঠ সহোদর। ইহাদের পিতা ঐত্রেলোক্যনাথ শীল মহাশয়ের বাড়ী

ছিল কলিকাতার নিকটস্থ বড়িশা গ্রামে। তিনি যৌবনকালে আগ্রা-অযোধ্যা প্রদেশের ইটাওয়া শহরের অধিবাসী হন এবং প্রয়াগের মুঠিগঞ্জ মহল্লার ৩ বৈদীমাধব ঘোষ মহাশয়ের কন্যাকে বিবাহ করেন। এই বৈদী বাবুর পিতা ১৭৯৯ বা ১৮০০ সালে মুঠিগঞ্জবাসী



পরলোকগত নন্দলাল শীল

হন। সেখানে এখনও ইহার বংশের লোক আছেন। নন্দলাল বাবু এন্ট্রেন্স পাস করিবার পর এলাহাবাদে কলেজে পড়িবার সময় ১৭ বৎসর বয়সে হায়দরাবাদে রাজস্ব সেক্রেটারীর আফিসে ৬০ টাকা (ব্রিটিশ ৫০ টাকা) বেতনে নকলনবীসের কাজে নিযুক্ত হন। এন্ট্রেন্স পরীক্ষায় ফার্সী তাঁহার দ্বিতীয় ভাষা ছিল। হায়দরাবাদে তিনি ফার্সী ও আরবী ভাল করিয়া শিখিতে থাকেন। কিছু কাল পরে সেখানকার মত মোলবীপ্রধান শহরেও তিনি ঐ উভয় ভাষায় বিদ্বান বলিয়া গণিত হইতেন। একবার ধর্মবিষয়ক উপদেশ দান সম্বন্ধে সেখানে মোলবী ও পণ্ডিতদের একটি সভার অধিবেশন হয়। নন্দলাল বাবু, যোগ্যতম ব্যক্তি বলিয়া বিবেচিত হওয়ায়, তাহার সভাপতি নির্বাচিত হন। অনেক মোলবী তখন স্বীকার

করেন যে, তিনি বহু মোলবী অপেক্ষা ইসলামের তত্ত্ব বেশী জানেন।

নন্দলাল বাবু নিজের বুদ্ধিমত্তা, কার্যদক্ষতা ও ক্মিষ্ঠতার গুণে ৬০ টাকা বেতনের নকলনবীসের কাজ হইতে সমগ্র রাজ্যের রাজস্ব সেক্রেটারীর এবং পরে একাউন্টেন্ট-জেনারালের পদে উন্নীত হন। তখন তাঁহার বেতন ১৮০০ টাকা হয়। ১৯১৩ সালের শেষে তিনি পেন্সান লইয়া মান্দ্রাজে বাস করিয়া দেখানে কিছু ব্যবসা আরম্ভ করেন। গত ১১ই নবেম্বর তারিখে এলাহাবাদে তাঁহার মৃত্যু হইয়াছে।

হায়দরাবাদে তিনি অনেকগুলি অরবীয় কাজ করিয়াছিলেন। কয়েকটির উল্লেখ করিতেছি:—বজেট প্রথা প্রবর্তন; হিসাবসম্বন্ধীয় উপদেশ প্রবর্তন, হিসাব-পরীক্ষা (audit) প্রবর্তন, রসীদ গ্যাম্প প্রবর্তন; দেশীয় রাজ্য সকলের মধ্যে সর্বপ্রথমে হায়দরাবাদে শতকরা ৬ হুদে প্রমিসরী নোট প্রবর্তন; মুদ্রার উন্নতি এবং আধুনি সিকি দুয়ানি ও আনি প্রবর্তন; ব্রিটিশ ও নিজামী মুদ্রার বিনিময়ের হার বাণিয়া দেওয়া; কারেন্সী নোট প্রবর্তন; হায়দরাবাদ সরকার শতকরা ১৮—২৪ হুদেও টাকা ধার পাইতেন না, কিন্তু নন্দলাল এরূপ উন্নতি করেন যে, শতকরা ৬ হুদেও বেশী মনে হইত; য়ুনানী হাকিমি কলেজে নানা উন্নত প্রথা ও উদ্ভিদ-বিদ্যা অস্ত্র-চিকিৎসা প্রভৃতি প্রবর্তন; অনেক প্রাথমিক, মধ্য ও এন্ট্রেন্স স্কুল স্থাপন; থিয়সফিক্যাল সোসাইটীর হল নির্মাণ; দরিদ্রাশ্রম স্থাপন; সিটি ইম্ফ্রভমেন্ট ট্রাষ্ট-সমূহ স্থাপন; উসমানিয়া বিশ্ববিদ্যালয়ের প্রস্তাব উত্থাপন।

“পুলিস টেরারিজম্” সম্বন্ধে

ম্যাগ্গেষ্ঠার গার্ডিয়ান

আমরা কল্যা ১০ই ডিসেম্বর বিবিধ প্রসঙ্গের গোড়াতেই ম্যাগ্গেষ্ঠার গার্ডিয়ানের একটি মন্তব্য উদ্ধৃত করিয়া তাহার আলোচনা প্রসঙ্গে বিপ্লবীদের ভয়োৎপাদন নীতি ও পুলিস প্রভৃতি সরকারী লোকদের ভয়োৎপাদন নীতির

সমতুল্যতা বিষয়ে যাহা লিখিয়াছি, আজ ১১ই ডিসেম্বরের দৈনিক কাগজগুলির বিলাতী টেলিগ্রামে দেখিতেছি ম্যাক্কেটার গার্ডিয়ানও সেইরূপ কথা বলিতেছেন। যথা—

London. Dec. 10

In connection with Mr. Paul's speech on 9th December, the *Manchester Guardian* gives prominence to a letter quoting extracts from an account given by a lady member of the Society of Friends living in Bombay of alleged police brutality in Jubbulpore in September. In the editorial the *Guardian* says that the letter amply bears out the contention that the general situation in India has been much worsened by the harshness with which police in many cases have carried out their duties. The paper adds that police terrorism may be considered as exactly on a par with the activities of the extreme wing of Indian nationalism.

তাৎপর্য্য। “মিঃ পলের বক্তৃতা উপলক্ষে ম্যাক্কেটার গার্ডিয়ান একটি চিঠি ছাপিয়াছেন। তাহাতে বোম্বাইপ্রবাসিনী এক কোয়েকার মহিলায় বর্ণিত পুলিশ-অত্যাচারের কাহিনী উদ্ধৃত আছে। গার্ডিয়ান সম্পাদকীয় প্তস্তে বলিতেছেন, পুলিশ যেরূপ কঠোরতার সহিত নিজেদের কর্তব্য করিয়াছে, তাহাতে ভারতবর্ষে সাধারণ অবস্থা আরও খারাপ হইয়াছে। কাগজটি আরও বলিতেছেন, যে পুলিশের টেররিজ্‌ম্‌কে ভারতীয় চরম-পন্থীদের কার্যাবলীর ঠিক তুল্যমূল্য বিবেচনা করা যাইতে পারে।”

মিঃ পলের পুরানাম কে টি পল (K. T. Paul)। তিনি একজন খৃষ্টিয়ান মাস্ত্রাজী, পূর্বে ওয়াই এম সি এর সাধারণ সেক্রেটারী দায়িত্বপূর্ণ উচ্চ পদে অধিষ্ঠিত ছিলেন। এখন তিনি গোল টেবিল বৈঠকের এক জন সভ্য। তিনি সিমসন সাহেবের হত্যার তীব্র নিন্দা করিয়া লওনে এক বক্তৃতা করেন। ম্যাক্কেটার গার্ডিয়ানে ঐ বক্তৃতা উপলক্ষেই চিঠিটি লিখিত হইয়াছে। বক্তৃতা-প্রসঙ্গে মিঃ পল বলেন :—

Some actions of the executive through the police recently has doubtless been the immediate cause of provocation for such senseless acts. He hoped therefore that His Majesty's Government would see if it was impossible to carry on a vigorous and firm administration without recourse to those excesses which have often been unjustifiable and which he as eyewitness declared had often been brutal and immoral.

তাৎপর্য্য। “অধুনা শাসন-বিভাগ পুলিশের দ্বারা যে-সব কাজ করাইয়াছেন, তাহাদের মধ্যে কতকগুলি নিঃসন্দেহ

[ডাঃ সিমসনের হত্যার মত] নিবৃদ্ধিতার কাজের সাক্ষাৎভাবে উত্তেজক কারণ। তিনি (মিঃ পল) এই হেতু আশা করেন, যে, মহিমায়িত ইংলণ্ডের গবর্ণমেন্ট দেখিবেন, যে, অনেক স্থলে অসমর্থনীয় তাহার নিজেদের চোখে দেখা পুলিশের পাশব ও দুর্নীতি-প্রসূত অত্যাচার-সমূহ দ্বারা ব্যতীত দৃঢ় ও সতেজ শাসনকার্য্য নির্বাহ্য অসম্ভব কি না।”

“চোর পালালে—”

আমরা গত কল্যা ১০ই ডিসেম্বর ডাঃ সিমসনের হত্যা প্রসঙ্গে লিখিয়াছি, যে, পুলিশের নিবৃদ্ধিতা, অসতর্কতা ও শৈথিল্য এই হত্যাকাণ্ডের জন্ত কিয়ৎপরিমাণে দায়ী, এবং বড় বড় কর্মচারীদের গুপ্ত রক্ষী রাখা ও অত্ৰবিধ সতর্কতা অবলম্বন করা তাহাদের উচিত ছিল। অদ্য ১১ই ডিসেম্বরের কাগজে দেদিলাম, রাইটাস বিল্ডিং কড়া পাহারা ও অন্যান্য সতর্কতা অবলম্বিত হইয়াছে।

“কিশোরগঞ্জে কি ব্রিটিশ শাসন অবহেলিত হইবে ?”

১৮ই অগ্রহায়ণের সঙ্গীবনোতে এই নামের একটি সম্পাদকীয় প্রবন্ধ বাহির হইয়াছে। তাহার কিয়দংশ উদ্ধৃত করিতেছি। আমরা নিজে কিছু লিখিব না।

কিশোরগঞ্জের দাঙ্গার কথা এখনও পাঠকবর্গ বিস্মৃত হন নাই। সেই সময় যেরূপ দুশসং হত্যাকাণ্ড ও লুণ্ঠতরাজ হইয়াছিল, তাহা সহজে ভুলিবার নহে। দাঙ্গার পর কতকগুলি লুণ্ঠের মামলা বন্ধ হইয়াছিল। তাহার বিচার করিবার জন্ত মিঃ সি, আর, ব্যানাজিকে স্পেশাল ম্যাজিস্ট্রেট নিযুক্ত করা হয়। তিনি প্রায় সমস্ত লুণ্ঠের মামলাই বিচার শেষ করিয়াছেন। প্রায় প্রত্যেক মামলায়ই আসামীদের প্রতি দুই মাস হইতে আরম্ভ করিয়া চারি বৎসর পর্য্যন্ত সশ্রম কারাবন্দের আদেশ হইয়াছে।

এই সমস্ত দণ্ডদেশের বিরুদ্ধে এ পর্য্যন্ত ময়মনসিংহের জজের নিকট ২৪টি আপীল দায়ে হইয়াছে। তন্মধ্যে তিনটি মামলায় আপীলের আবেদন মঞ্জুর হয় নাই, আরওই জজ সাহেব তাহা নামঞ্জুর করিয়া দিয়াছেন। আর একটি আপীল শুনার পর ডিসমিস হইয়াছে। ছয়টি আপীলে আসামীদের শাস্তি কিছু হ্রাস হইয়াছে, একটি আপীলে আসামী অব্যাহতি লাভ করিয়াছে এবং দুইটি স্থলে আসামীদ্বিগকে

দায়রা নোপর্দ করিবার আদেশ হইয়াছে। এখনও এগারটি
আপিলের শুনানী চলিতেছে।

* * *

আবানতে যখন এইরূপ নির্মম হত্যার নামলা চলিতেছে, তখন
আবার নাকি কিশোরগঞ্জের গুণ্ডার উপায়ব আরম্ভ করিয়াছে। প্রকাশ
যে, ফরিদাদী পক্ষের যে সমস্ত সাক্ষী সত্য ঘটনা প্রকাশ করিয়া দিতেছে,
তাহাদের উপর গুণ্ডাদের আক্রোশ বাড়িয়াছে। প্রথমতঃ সাক্ষীদিগকে
ভীতি প্রদর্শন করা হইয়াছিল। এখন মারধর আরম্ভ হইয়াছে। তাহার
কয়েকটি দৃষ্টান্ত দিতেছি :—

[১] কয়েকদিন পূর্বে হোসেনপুর থানার অন্তর্গত সাহিদুলের
অধিবাসী কলচন্দ্র শীলকে খুন করা হইয়াছে। সে লুঠের মামলায়
ফরিদাদী পক্ষে সাক্ষা দিয়াছিলেন।

[২] ফরিদাদী পক্ষের অল্পতম সাক্ষী মাঠখলার অধিবাসী শতীন্দ্র
গোপও কয়েকদিন হইল প্রহৃত হইয়াছে। মাঠখলার বাজারের মধ্যেই
তাহাকে মারধর করা হইয়াছে।

[৩] আর একটি সংবাদ এই যে, পাকদিয়া থানার অন্তর্গত স্থানের
অধিবাসী শিবেন্দ্র রক্ষিতের ঘরপানি জালাইয়া দেওয়া হইয়াছে।

[৪] পাকুলিয়া থানার অন্তর্গত শেড়িখালীর অধিবাসী গিরীশচন্দ্র
সরকার গুরুক গিরীশ মাস্টার গুরুতর জখম হইয়াছেন। তাঁহার বয়স
৮০ বৎসর। তিনি এখন হাসপাতালে আছেন। তাঁহার জীবনের
আশা খুবই কম। তিনি বলিয়াছেন, বসির নামক এক ব্যক্তিই
তাহাকে জখম করিয়াছে। এই বসিরের এক ভাই লুঠের মামলায়
দুই বৎসর সশ্রম কারাদণ্ডে দণ্ডিত হইয়াছে। সেই মামলায় গিরীশ
মাস্টার ফরিদাদী পক্ষে সাক্ষা দিয়াছিলেন।

এই সমস্ত ঘটনা হইতে দেখা যায় যে, বাহাতে স্মারবিচারের বিঘ্ন
হয়, তজ্জন একদল গুণ্ডা উঠিয়া পড়িয়া লাগিয়াছে। ইহাদের ধারণা
হইয়াছে যে, গুণ্ডামী ঘরাই তাহারা স্মারবিচারের হাত এড়াইতে
পারিবে। এই অবস্থার গুরুত্বের কথা জ্ঞাপন করিয়া কিশোরগঞ্জ বার
লাইব্রেরীর পক্ষ হইতে বাঙলার গবর্নর, ময়মনসিংহের জেলা ম্যাজিষ্ট্রেট
এবং পুলিশ সপারিন্টেন্ডেন্ট প্রভৃতির নিকট তার করা হইয়াছে।
কর্তৃপক্ষ সময় থাকিতে সাবধান হইবেন—ইহাই কিশোরগঞ্জের
অধিবাসীরা প্রত্যাশা করিতেছে।

এই সম্পর্কে আর একটি কথাও বলা প্রয়োজন। কিশোরগঞ্জের
দাঙ্গার কম পক্ষে ১০ হাজার লোক লিপ্ত হইয়াছিল। তন্মধ্যে বোধ
হয় ৫০০ লোকের বেশী মৃত হয় নাই। ভূতপূর্ব ম্যাজিষ্ট্রেট বলিয়াছিলেন
যে, দাঙ্গার সহিত সংশ্লিষ্ট সমস্ত লোককে গ্রেপ্তার করিয়া জেলে
আবদ্ধ করিলে কিশোরগঞ্জের কৃষিকার্য্য বিনষ্ট হইবে। কৃষিকার্য্য
বিনষ্ট হইলে অধিবাসীদের আর্থিক অবস্থা শোচনীয় হইবে।
তাহাতে অশান্তি কমিবে না, বরং বৃদ্ধি পাইবে। তাই পুলিশ বাহিন্যা
বাহিন্যা বিশিষ্ট অপরাধীদিগকেই বিচারার্থ চালান দিয়াছিলেন। ইহার
কল কার্য্যতঃ ভাল হয় নাই। প্রায় পাঁচটা দশ লোকের ভগ্নবৃত্তি
বৃদ্ধি পাইতেছে। উপরে যে সমস্ত ঘটনার কথা বর্ণিত হইল তাহাই
আমাদের সিদ্ধান্তের প্রত্যক্ষ প্রমাণ। এখন ধানকাটা শেষ হইয়া
আসিল। এ সময়ে প্রকৃত আসানীদিগকে দণ্ড দিয়া পাপপ্রবৃত্তি
নির্বৃত্ত করিবার রুদ্ধ কর্তৃপক্ষ ব্যবস্থা করুন। তাহা না হইলে
কিশোরগঞ্জে গুণ্ডারাই রাজত্ব করিবে। ব্রিটিশ সাম্রাজ্যের গৌরব এই
যে, বাঘে মহিষে এক ঘাটে জল থায়। এই গৌরব বিনষ্ট হইতে দেওয়া
উচিত নয়।

প্রতিক্রিয়ার প্রকার ভেদ

কেহ যদি একটা দেওয়ালে খুব জোরে একটা কীল
মারে, তাহা হইলে তাহার হাতে লাগে বটে; কিন্তু
দেওয়ালটা কীল খাইয়া রাগিয়া তাহাকে আঘাত
করিয়াছে, এমন বলা যায় না। কারণ দেওয়াল
অচেতন পদার্থ। বিছাতি গাছ ছুইলে যন্ত্রণা হয়, কিন্তু
অতি পবিত্র বামুনঠাকুরকে অপবিত্র কেহ ছুইলে
তিনি যেমন ক্রুদ্ধ হইয়া তাহাকে মারিতে চান, বিছাতি
গাছ সেইরূপ রাগিয়া কাহাকেও শাস্তি দিল, এমন
বলা যায় না।

জীবজগতে বোধ হয় কেঁচোকে এবং তর্দ্বিধ অল্প
কোন কোন প্রাণীকে খুব আঘাত করিলে, বা পিষিয়া
মারিয়া ফেলিলেও, তাহার আঘাতের পরিবর্তে আঘাত
করে না। ইহা সাস্থিকতা নহে। ইহা এক প্রকার
জড়তা, কিম্বা অতি নিকৃষ্ট রকমের জাস্তব স্বভাব। ছোট
বড় অল্প অনেক প্রাণী আছে, যাহারা আঘাত করিলে
আঘাত করে। যেমন, পিপীলিকা, মোঁমাছি, বোলতা
কাক, টিয়াপাখী, কুকুর, বাঁড়, ঘোড়া, বাঘ, সাপ ইত্যাদি।
এই যে প্রতিক্রিয়া, ইহা জাস্তব স্বভাব। এই জাস্তব প্রকৃতি
কেঁচোর জাস্তব প্রকৃতির চেয়ে কিছু উচ্চ শ্রেণীর। এই
উভয় প্রকার জাস্তব প্রকৃতির পরিচয় মানব জাতির মধ্যে
দেখা যায়। ইহা অপেক্ষা শ্রেষ্ঠ স্বভাবের মানুষ আছে।
সেরূপ মানুষকে বশে রাখিবার জন্য আঘাত করিলে, সে
বলে, “আমি তোমার অধীন হইব না, কিন্তু আঘাতের
পরিবর্তে তোমাকে আঘাত করিব না, তোমার প্রাণবধ
করিতে চাহিব না। আমি তোমার জাস্তবতা নষ্ট
করিব, তুমি যে অপরকে তোমার অধীন রাখিতে চাও,
তাহাকে তোমার স্থখভোগের ও স্বার্থসিদ্ধির উপায়
করিতে চাও, তোমার এই নিকৃষ্ট প্রবৃত্তির প্রাণবধ
করিব।” এই রকমের মানুষই শ্রেষ্ঠ মানুষ।

—

কলিকাতায় মণ্টেসরি শিক্ষাপ্রণালী

কলিকাতায় ব্রাহ্ম বালিকা শিক্ষালয় একটি উৎকৃষ্ট
বিদ্যালয়। ইহার নীচের শ্রেণীতে ছোট ছোট ছেলেরদেরও

লওয়া হয়। এই বিদ্যালয়ে শিশুদিগকে শিক্ষা দিবার উৎকৃষ্ট মন্টেসরি প্রণালী অবলম্বিত হইয়াছে। শিক্ষয়িত্রীদিগের এই কাধ্যে অভিজ্ঞতা আছে। তাহাতে শিশুরা অপেক্ষাকৃত শীঘ্র শীঘ্র জ্ঞানলাভ করিতেছে। তাহার নিজেদের দেহ পরিচ্ছন্ন জিনিষপত্র ও ঘর পরিষ্কার রাখিতে, পধ্যবেক্ষণ করিতে, ছবি আঁকিতে, মাটির নানারকম জিনিষ প্রস্তুত করিতে, প্রভৃতি শিখিতেছে। মন্টেসরি শিক্ষা-প্রণালীকে আমাদের দেশের উপযোগী করিবার নিমিত্ত ক্রমে ক্রমে উহার কিছু কিছু বাহ্য-পরিবর্তন করা হইতেছে।

—

আশুতোষ বিল্ডিঙে পুলিশের অত্যাচারের বিচার

আশুতোষ বিল্ডিঙে পুলিশ চুকিয়া কলিকাতা বিশ্ব-বিদ্যালয়ের নিদোষ ছাত্রদিগকে নিষ্ঠুর প্রহার ও রক্তপাত করিয়াছিল। বাংলার গবর্ণর বিশ্ববিদ্যালয়ের চ্যান্সেলার। ব্যাপারটা তাঁহার কাছে গিয়াছিল। অস্ততঃ একজন নিদোষ ছাত্রকে পুলিশ প্রহার করিয়াছিল, এবং সাধারণতঃ কিছু অববেচনার পরিচয় দিয়াছিল, তিন জন স্বীকার করিয়াছেন, এবং দুঃখ প্রকাশ করিয়াছেন। তাহা ভাল। কিন্তু পুলিশের কাহারও কোন শাস্তি, এমনকি তিরস্কারও, হয় নাই। ইহা বিশ্ববিদ্যালয়ের সিণ্ডিকেট ও সেনেট সন্তোষজনক পরিসমাপ্তি মনে করিয়াছেন। আমরা তাহা মনে করি না। আমরা মনে করি, যেরূপ গর্হিত কাজ করিলে বেসরকারী লোকের শাস্তি হয়, সেরূপ গর্হিত কাজ করিলে সরকারী লোকেরও শাস্তি হওয়া উচিত।

—

বহু বিজ্ঞানমন্দিরের বার্ষিক সভা

বহু বিজ্ঞানমন্দিরের গত বার্ষিক সভায় আচার্য্য জগদীশচন্দ্র বহু মহাশয় ১২০০ খুষ্টাক হইতে আরম্ভ করিয়া তাঁহার বৈজ্ঞানিক আবিষ্কৃত্যসমূহের সংক্ষিপ্ত বর্ণনা করেন এবং সম্ভ্রুতি তাঁহার ছাত্রেরা বাহা করিয়াছেন তাহারও পরিচয় দেন। ১২০০ খুষ্টাকের আগেও তিনি বৈজ্ঞানিক

গবেষণা করিতেন—তাহা পদার্থ-বিজ্ঞানের আলোক ও তাড়িত শাখার। পদার্থ-বিজ্ঞানেও তিনি জগতের জ্ঞান বৃদ্ধি করিয়াছেন। পদার্থ-বিজ্ঞানের গবেষণা করিতে করিতে যখন তিনি অজৈব (inorganic) পদার্থে জৈব পদার্থের (organic matter-এর) মত প্রতিক্রিয়া ও সাড়া পাইলেন, তখন হইতে তাঁহার গবেষণা-শক্তি নূতন দিকে দ্বারিত হইল। উদ্ভিদ এবং জন্তু (animal) এই উভয়ের মধ্যে সাদৃশ্য ও সমধর্মিতা তিনি ক্রমশঃ অধিক পরিমাণে প্রদর্শন করিতেছেন। এবিষয়ে পাশ্চাত্য বহু বৈজ্ঞানিকের মত তিনি খণ্ডন করিয়াছেন। ভ্রম স্বীকার করিতে হইলে কখন কখন আর্থিক ক্ষতি হয়, যশমানের লাঘব হইবার আশঙ্কা ত থাকেই। এই জন্তু ভ্রম স্বীকার করিতে হইলে মহাহুল্যবতার প্রয়োজন। তাহা সকল মানুষের ও সকল বৈজ্ঞানিকেরই থাকিবে, এমন আশা করা যায় না। তা ছাড়া, খুব বড় বৈজ্ঞানিক আবিষ্কারও প্রথম প্রথম অনেকে অকপটভাবেই সন্দেহ প্রকাশ করেন। ডারুইনের মত তাঁহার সমসাময়িক কোন কোন বৈজ্ঞানিক গ্রহণ করেন নাই। এখনও তাঁহার মতের কোন কোন বিষয় সম্বন্ধে তর্ক উঠিয়া থাকে। বস্তুতঃ, যে-বিষয়ে আগে কোন বৈজ্ঞানিক কিছু বলেন নাই, সে-বিষয়ে নূতন কিছু আবিষ্কার করিলে তাহা গৃহীত হইবার পথে বাধা উপস্থিত করিবার লোক বেশী না থাকিতে পারে। কিন্তু যে-বিষয়ে আগে হইতে বৈজ্ঞানিকদের নানা মত বিদ্যমান আছে, সে-বিষয়ে সেই সব মত খণ্ডন করিয়া নূতন সত্যকে প্রতিষ্ঠিত করিতে গেলেই বাধা উপস্থিত করিবার লোক অনেক দেখা দেয় ও যুদ্ধ ঘটে। আচার্য্য বহুকে এইরূপ যুদ্ধ এখনও করিতে হইতেছে। প্রত্যেক বিষয়েই তিনি অদ্রাস্ত না হইতে পারেন, জয়ী না হইতে পারেন; কিন্তু তাঁহার জীবনের সত্তর বৎসর পূর্ণ হইবার উৎসব-দিনে মনীয় রম্যা রল। তাঁহাকে যে অভিনন্দন-পত্র পাঠান তাহাতে তাঁহাকে যে কজ্রিয় বলিয়া সম্বোধন করিয়াছিলেন, সেই বৈজ্ঞানিক যোদ্ধা তাঁহার আছে।

রম্যা রল। তাঁহাকে আবার কবিও বলিয়াছিলেন। তাহাও সত্য। তাঁহার মধ্যে যে কবিত্ব আছে, তাহা ভারতীয়

প্রকৃতির বিশেষ স্বচনা করে। ১৯২৬ সালে ভারতীয় দার্শনিক কংগ্রেসের প্রথম অধিবেশনে কলিকাতায় রবীন্দ্রনাথ ঠাকুর যে অভিভাষণ পাঠ করেন, তাহাতে বলিয়াছিলেন, আমাদের দেশে দার্শনিকের কার্যক্ষেত্র ও কবির কার্যক্ষেত্র সম্পূর্ণ আলাদা করা হয় নাই; শঙ্করাচার্যের রচিত বলিয়া অনেক এমন শ্লোকের চলন আছে, তাহা কবিতা না হইতে পারে, কিন্তু দার্শনিককে কবি হইতে নাই এমন কেহ এদেশে মনে করে না—যেমন দার্শনিক প্লেটো তাঁহার কল্পিত সাধারণতন্ত্র হইতে কবিদিগকে তাড়াইয়া দিয়াছেন। রবীন্দ্রনাথ বলিয়াছেন, ‘According to our people, poetry naturally falls within the scope of a philosopher, when his reason is illumined into a vision,’; “আমাদের দেশের লোকদের মতে, কবিত্ব স্বভাবতই দার্শনিকের কৰ্মক্ষেত্রের মধ্যে পড়ে যখন আত্মিক আলোকপাতে তাঁহার বোধ সত্যদর্শনে পরিণত হয়,” অর্থাৎ যখন তাঁহার স্বমিহ জন্মে। এই কারণে উপনিষৎকার স্বমিহা কবি ও দার্শনিক দুই-ই। রবীন্দ্রনাথ যেমন স্থল-বিশেষে দার্শনিক ও কবির অভিন্নতার সম্ভাবনা দেখাইয়াছেন, ভারতীয় প্রকৃতিতে তদ্রূপ বৈজ্ঞানিক ও কবির অভিন্নতাও তখন ঘটে যখন, স্বমিহ মত, বৈজ্ঞানিক সত্যপ্রাপ্ত হন। আমাদের অল্পমান, প্রাচীন স্বমিহা যেমন ধ্যাননেত্রে সৰ্বভূতে একই সত্তার বিদ্যমানতা দেখিয়াছিলেন, আচার্য্য বহুও তেমন সকল উদ্ভিদে ও প্রাণীতে একবিধ প্রাণের সত্তা ও ক্রিয়া মানস নেত্রে দেখিয়াছেন এবং বৈজ্ঞানিক বাহ্য যান্ত্রিক উপায়ে এই সত্য প্রতিষ্ঠিত করিতেছেন। ইহা তাঁহার বৈজ্ঞানিক অবদান-পরম্পরার নূতনত্ব এবং ভারতীয় বিশেষত্ব। কোন কোন পাশ্চাত্য সমালোচক যে তাঁহাকে ভারুকতাপ্রবণ বলেন, তাহা তাঁহাদের বুঝিবার ভুল এবং ভারতীয় প্রকৃতি সম্বন্ধে সত্য জ্ঞান না-থাকার ফল।

একটি বাঙালী ছাত্রের গুণের আদর

বাঙালী ছাত্র হুমায়ুন কবীর অক্সফোর্ড বিশ্ববিদ্যালয় (ছাত্রদের) যুনিয়নের সেক্রেটারী নির্বাচিত হইয়াছেন।

আমরা যতদূর জানি, ইতিপূর্বে কোন ভারতীয় ছাত্র এই পদ ও সম্মান লাভ করেন নাই। হুমায়ুন কবীর কলিকাতা বিশ্ববিদ্যালয়ের বিশেষ কৃত্তী ছাত্র এবং বাঙালী যুবা কবিদের অন্যতম।

লণ্ডনে চরখার কাজের ও চিত্রের প্রদর্শনী

ভারতীয় ছাত্রদের যুনিয়নের শিক্ষা-সেক্রেটারীর উদ্যোগে লণ্ডনের ফ্রেণ্ডস্ হাউসে সাবরমতী আশ্রমের চরখার কাজের এবং রবীন্দ্রনাথ ঠাকুরের ও তাঁহার শাস্তিনিকেতনস্থ ছাত্রদের রেখাচিত্র ও রঙীন চিত্রের একটি প্রদর্শনী খোলা হইয়াছে।

গোল টেবিল বৈঠক

লণ্ডনের তথাকথিত গোল টেবিল বৈঠকে ভারতবর্ষের লোকদের আকাজক্ষিত প্রধান জিনিষটি ছাড়া আর নানা জিনিষের আলোচনা হইতেছে। যাহাদের মতিগতি নিত্য সাংসাদায়িক গোছের, সেইরূপ সংকীর্ণমনা কতকগুলি লোকছাড়া, ভারতীয় যে-কেহ দেশের ভবিষ্যৎ রাষ্ট্রের ব্যবস্থার বিষয় চিন্তা করেন, তিনিই চান, যে, এদেশের সব ব্যাপারে ভারতীয়েরাই কর্তা হইবে। ডোমিনিয়নত্বের মানে কাৰ্য্যতঃ ক্রমশঃ যেরূপ প্রসারিত হইয়া চলিতেছে, তাহাতে অনেকে মনে করেন, ভারতবর্ষ কানাডা, দক্ষিণ-আফ্রিকা, অষ্ট্রেলিয়া প্রভৃতির মত ব্রিটিশ সাম্রাজ্যের অন্তর্গত একটি ডোমিনিয়ন হইলে ভারতবর্ষীয় সমুদয় ব্যাপারে এই দেশের লোকদের যথেষ্ট কর্তৃত্ব স্থাপিত হইবে। অত্বেরা মনে করেন, এইরূপ কর্তৃত্বের জন্ম পূর্ণ স্বাধীনতা আবশ্যক। যাহা হউক, কোন ভারতীয় স্বাভাবিকই (nationalist) ডোমিনিয়নত্ব অপেক্ষা কম কিছু চান না। আর তেজ বাহাদুর সফ্র ও অত্র কোন কোন নেতা লণ্ডন যাইবার প্রাক্কালে বলিয়াছিলেন, তাঁহার ডোমিনিয়নত্ব বাদ দিয়া কিছু লইতে রাজী হইবেন না। অথচ পূর্ণ বৈঠকের পর খণ্ড বৈঠকের গোড়াতেই যখন ডাক্তার মুঞ্জ বলেন, যে, ডোমিনিয়ন

ষ্টেটাস কথাটি একটি প্রারম্ভিক প্রস্তাবের মধ্যে বসান হউক, তখন সপ্ত প্রভৃতির বিরোধিতায় ডাঃ মুঞ্জ প্রস্তাবটি প্রত্যাহার করিতে বাধ্য হন। এখন ডাঃ মুঞ্জ এবং অপর কয়েক জন “প্রতিনিধি” প্রধান মন্ত্রীকে চিঠি লিখিয়া জানাইয়াছেন, যে, ডোমোনিয়নের কথাটি আগে ধাৰ্য্য হইয়া যাওয়া উচিত। ত্রীযুক্ত মুকুন্দরাম রাও জয়াকর প্রভৃতি কেহ কেহ বক্তৃতায় বলিয়াছেন, তাঁহারা আগামী কয়েক সপ্তাহ মধ্যে ডোমোনিয়ন সম্বন্ধে স্পষ্ট কোন অঙ্গীকার না পাইলে দেশে কিরিয়া আসিবেন। ঐ কথেক সপ্তাহের মধ্যেই কিছু ইংরেজরা নিজেদের কাজ হাসিল করিয়া লইবে। তাহারা ভারতবর্ষ হইতে যাত্রার দলটি এমন বাছিয়া লইয়া গিয়াছে এবং আগা খাঁ রূপী মূল গায়নটি এমন বাছিয়াছে, যে, দুচাব জন “ছোকা” চলিয়া আসিলেও তাহাদের উদ্দেশ্য সিদ্ধির কোন ব্যাঘাত হইবে না।

সপ্ত প্রভৃতি তাহাদের পক্ষে যথেষ্ট গবম বক্তৃতা করিতেছেন, এবং যুবকদের অসাম্প্রদায়িকতা, জাতিভেদের প্রকোপ হ্রাস, মহিলাদের জাগরণ প্রভৃতির সপ্রশংস উল্লেখ করিতেছেন। কিন্তু “চোরা না শুনে দখের কাহিনী”। তিনি যাঁহা বলিতেছেন, তাহা সত্য কথা। তবে কি না, কেবল সত্য যুক্তি প্রয়োগ দ্বারা উদ্দেশ্য সিদ্ধ হইবার সম্ভাবনা থাকিলে তাহা বহু পূর্বেই হইয়া যাইত।

দেশী রাজ্যের রাজারা এই এক ধূয়া তুলিয়াছেন, যে, ব্রিটিশ-শাসিত ভারত এবং দেশী রাজ্যসমূহকে একটি সম্মিলিত রাষ্ট্রে পরিণত করিতে হইবে এবং তাহা ফেডারেশন দ্বারা করিতে হইবে। ফেডারেশনে আমাদের আপত্তি নাই। কিন্তু সমগ্রভারতীয় ফেডারেশনটির স্বয়ম্ভূত চাই। কিন্তু দেশী নৃপতিরা বলিতেছেন, তাহাদের নিজের নিজের রাজ্যের আভ্যন্তরীণ ব্যাপারে তাহাদের এখন যেমন ক্ষমতা আছে পরেও তেমনি থাকা চাই এবং তাহাদের প্রভু থাকিবেন ইংলণ্ডেশ্বর। তাহার মানে, তাহারা এখনকার মত স্বৈচ্ছাচারী এবং ইংরেজের অধীন থাকিতে চান এবং তাহাদের প্রজাদের সুখ সুবিধা অধিকার তাহাদের মজির উপর নির্ভর করিবে। তাহা

হইতে পারে না। ব্রিটিশ-শাসিত প্রদেশগুলির লোকদের যে-যে অধিকার আছে ও হইবে, দেশী রাজ্যের লোকদেরও সেই সেই অধিকার হওয়া চাই। নতুবা প্রদেশগুলি ও রাজ্যগুলির মধ্যে সাম্য হইবে না, এবং সাম্য ব্যতিরেকে ফেডারেশনটা কিছুতকিমাকার হইবে। দেশী রাজ্যসমূহের লোকেরা যে গণতান্ত্রিক ব্যবস্থা চান, তাহা তাহারা তারযোগে বিলাতে যথাস্থানে জানাইয়াছেন।

মুসলমান “প্রতিনিধিরা” তাহাদের মিং জিন্নার ১৪ দফা দাবী বরিয়া বসিয়া আছেন। তাহাদের মনের ভাব অতি চমৎকার। মুসলমানেরা যে-যে প্রদেশে সংখ্যাভূয়িষ্ট আছেন, সেখানকার ব্যবস্থাপক সভায় তাহাদের প্রতিনিধির সংখ্যা আইন অনুসারে অল্প সকল সম্প্রদায়ের চেয়ে বেশী থাকিবে; যেখানে তাহারা সংখ্যায় নূন, সেখানে তাহাদের সংখ্যার অনুপাতে প্রতিনিধি যত জন হইতে পারে, তাহা অপেক্ষা বেশী প্রতিনিধি তাহারা চান। কিছু দেশে ও ব্রিটিশ বালুচীস্থানে তাহাদের সংখ্যা বেশী; সেই জন্য ঐ দুটি অঞ্চলের নিজ নিজ ব্যয় নির্বাহের ক্ষমতা না থাকিলেও ঐ দুটিকে ব্যবস্থাপকসভাবিশিষ্ট প্রদেশে পরিণত করিতে হইবে। উত্তর-পশ্চিম সীমান্ত প্রদেশে মুসলমানদের সংখ্যা বেশী, অতএব উহাকেও ব্যবস্থাপক সভা আদি দিতে হইবে। অর্থাৎ মুসলমানপ্রধান তিনটি নূতন “প্রদেশ” গড়িতে হইবে, কিন্তু হিন্দুপ্রধান নূতন কোন প্রদেশ গড়া হইবে না। সমগ্রভারতীয় ব্যবস্থাপক সভায় যত সভা থাকিবে তাহার এক-তৃতীয়াংশ মুসলমান হওয়া চাই; যদিও ব্রিটিশ-শাসিত ভারতবর্ষের মুসলমানেরা (৫,২৪,৪৪,৩৩১) উহার সমগ্র লোক-সংখ্যার (২৪,৭০,০৬,২২০এর) এক-চতুর্থাংশেরও কম। ব্রিটিশ-শাসিত ভারতবর্ষ এবং দেশী রাজ্য-সমূহ সম্মিলিত সমস্ত দেশটির লোকসংখ্যা ৩১,৮২,৪২,৪৮০। তাহার মধ্যে মুসলমান ৬,৮৭,৩৫,২৩০। স্বতরাং সমস্ত দেশটিতেও মুসলমানেরা সব অধিবাসীর সমষ্টির এক-চতুর্থাংশের কম।

মুসলমানেরা প্রত্যেক ক্ষেত্রে নিজেদের পক্ষে সুবিধা-জনক যুক্তি প্রয়োগ করেন। যে-যে প্রদেশে তাহাদের সংখ্যা বেশী, সেখানে ব্যবস্থাপক সভায় ও সরকারী চাকরীতে

তাহারা বেশী অংশটা চান, যেহেতু তাহারা সংখ্যায় বেশী। আবার যেখানে তাহারা সংখ্যায় কম, সেখানে তাহারা সংখ্যায় অল্পপাতে প্রাপ্য অপেক্ষা অধিক সংখ্যায় ব্যবস্থাপক সভার সভ্যত্ব এবং সরকারী চাকরী চান, নতুবা তাহাদের স্বার্থরক্ষা হইবে না। এইরূপ দুমুখে যুক্তি হিন্দুরা কেন প্রয়োগ করিতে পাইবে না, বুঝিতে পারি না। তাহারাও কোন কোন প্রদেশ ও অঞ্চলে সংখ্যায় বেশী, কোথাও বা কম, এবং সমগ্র ভারতবর্ষে তাহারা সংখ্যায় বেশী। মুসলমানেরা যদি বলেন, “আমরা শিক্ষায় অনগ্রসর এবং মোটের উপর সংখ্যায় ন্যূন, অতএব আমাদের জ্ঞান ব্যবস্থাপক সভার সভ্যত্ব ও চাকরী বেশী করিয়া চাই,” তাহা হইলে সংখ্যায় ন্যূন ও তাহাদের চেয়েও শিক্ষায় অনগ্রসর অবনত শ্রেণীর লোকেরা ও আদিম-নিবাসীরাও ঐরূপ দাবী উপস্থিত করিতে পারে। মুসলমানেরা যদি বলেন, “আমরা আগে দেশের রাজা ছিলাম অতএব আমাদের বিশেষ দাবী গ্রাহ্য করিতে হইবে,” তাহা হইলে জিজ্ঞাসা করিতে হইবে কোন সময়কার রাজপদের উপর এই দাবী প্রতিষ্ঠিত। পঞ্জাবে শিখ রাজ্যের পর ইংরেজ রাজত্ব হয়। অন্যত্র মোগল বাদশাহ নামে রাজা ছিলেন, তাহার মনিব ও রক্ষাকর্তা ছিল মহারাষ্ট্রীয়েরা। এবং দেশের একটা বিস্তৃত ভূখণ্ডের উপর নামে ও কাজে উভয়তঃ মহারাষ্ট্রীয়েরা রাজা ছিল। স্মৃতিরাজ ইংরেজদের ঠিক আগে মুসলমানরা সমস্ত ভারতবর্ষের রাজা ছিল, ইহা ঐতিহাসিক সত্য নহে। মোগল বাদশাহের উপর মহারাষ্ট্রীয়দের কড়ব্বের কথা ছাড়িয়া দিলেও বলিতে হইবে, যে, ইংরেজরা মুসলমান, মহারাষ্ট্রীয় ও শিখদের হাত হইতে ভারতবর্ষের রাজত্ব পাইয়াছে। স্মৃতিরাজ পূর্বপ্রভুত্বের উপর যদি মুসলমানদের দাবী প্রতিষ্ঠিত হয়, তাহা হইলে সেইরূপ দাবী মহারাজ ইংরেজ এবং শিখেরাও করিতে পারে। কিন্তু এখন পৃথিবীর সর্বত্র সম্রাট ও রাজাদের পদচ্যুতি হইয়া সর্বসাধারণের সমান অধিকার প্রতিষ্ঠিত হইতেছে। এখন, আগেকার কালে কাহার বাপদাদা ধর্মভাই রাজা ছিল, সেকথা তোলা বুধ। সত্যিকার জীবিত সম্রাট ও রাজারা মরিয়া ভূত হইতেছেন যে-যুগে, সে-যুগে আগেকার যে-সব

রাজা বাদশাহ অনেক দিন পূর্বে মরিয়া ভূত হইয়াছেন তাহাদের দোহাই দেওয়া বুদ্ধিমানের কণ্ঠ নহে।

অবশ্য, মুসলমানদের একদল—বরাবর তাহাদিগকেই লক্ষ্য করিয়া মুসলমান শব্দ প্রয়োগ করিতেছি—বলিতে পারেন, “আমরা তর্ক করিতে চাই না; যাহা চাহিতেছি তাহা না দিলে স্বরাজ স্থাপনে রাজ্য নই।” উত্তম কথা। কিন্তু দরদস্তুর করিয়া স্বরাজ স্থাপিত হয় না। যাহারা স্বরাজ লাভের জন্য সর্বপ্রকার ত্যাগদ্বীকার ও সর্বপ্রকার দুঃখ সহ্য করিতে পারে, তাহারা স্বরাজ স্থাপন করিবে; দরদস্তুরে নিপুণ লোকেরা দরদস্তুর করিতে থাকুন।

স্বাভাৱিক একটি মুসলমান সংবাদপত্র হিন্দুদিগকেও সাম্প্রদায়িকতা দোষে দুই বলিতেছেন এবং বলিতেছেন, যে, হিন্দুরা যদি স্বাভাৱিক (নাশ্তাৱলিষ্ট), তাহা হইলে নেতৃনের যে-কোন ধর্মী লোকই ব্যবস্থাপক সভার সভ্য হউক বা চাকরী পাক, তাহাতে তাহাদের আপত্তি হয় কেন? কথা কাটাকাটি করিবার ইচ্ছা থাকিলে আমরা বলিতাম, নেতৃনের যে-কোন ধর্মী লোক যে-কোন চাকরী পাক বা ব্যবস্থাপক সভার সভ্য হউক তাহাতে মুসলমানেরাই আপত্তি করেন কেন? কিন্তু এরূপ প্রশ্ন না করিয়া স্বাভাৱিকদের পক্ষের কথা যতটা বুঝি বলিতেছি। মুসলমানেরা চান, কেন্দ্রীয় এবং প্রাদেশিক ব্যবস্থাপক সভা-সমূহে চির কাল নির্দিষ্টসংখ্যক মুসলমান সভ্য থাকা চাই-ই। কিন্তু সব সময়ে এই সংখ্যক যোগ্য মুসলমান পাওয়া না-যাইতে পারে, এবং যোগ্যতম লোক যাহারা এই মুসলমান সভ্যেরা তাহাদের মধ্যে গণনীয় না-হইতে পারেন। অথচ গণতন্ত্রের মানেই এই, যে, যাহারা অধিকাংশের মতে যোগ্যতম বিবেচিত হইবেন, দেশের কাজের ভার তাহাদের উপর থাকিবে। হিন্দু স্বাভাৱিকেরা বলিতেছেন না, যে, হিন্দুরাই যোগ্য বা যোগ্যতম; মুসলমানদের মধ্যেও যোগ্য ও যোগ্যতম লোক থাকিতে পারেন। কোন কোন সময়ে যদি সব বা অধিকাংশ যোগ্য বা যোগ্যতম লোক মুসলমান হন, তাহাতে হিন্দুরা আপত্তি করিবেন না; কিন্তু তাহারা কোথাও বরাবরের জ্ঞান, চিরকালের জ্ঞান, আইনের দ্বারা নির্দিষ্ট কোন সম্প্রদায় হইতে নির্বাচিত অধিকতম বা

নির্দিষ্টসংখ্যক ব্যবস্থাপক সভার সভ্য থাকার বন্দোবস্তে রাজী নহেন। তাহা হইলে কয়েকটি প্রদেশে হিন্দু রাজত্ব, কয়েকটিতে মুসলমান রাজত্ব হইতে পারে। কিন্তু প্রকৃত স্বাধীনতাকেরা তাহা চান না, তাঁহারা যোগ্যতমের দ্বারা দেশশাসন চান,—সেই যোগ্যতমেরা যে ধর্মেরই লোক হউন। ইহাতে মুসলমানেরা বলিতে পারেন, সমগ্র ভারতবর্ষে হিন্দুর সংখ্যাই বেশী, সুতরাং হিন্দু রাজত্ব হইবেই জানিয়া তাঁহারা এই কথা বলিতেছেন। কিন্তু আগে ত হিন্দুর অপেক্ষিক আধিক্য আরও বেশী ছিল, তথাপি মুসলমানেরা রাজ্য হইয়াছিলেন। তখন যেশক্তির জোরে প্রভুত্ব হইয়াছিল, এখন তাহার সুযোগ নাই, কিন্তু অন্য শক্তির সুযোগ আছে। সুতরাং সংখ্যার আধিক্য ও প্রভুত্ব সমার্থক নহে। বাংলা দেশে মুসলমানদের সংখ্যার আধিক্য বশতঃ তাহাদের প্রাধান্য হওয়ার সম্ভাবনা সত্ত্বেও বাঙালী হিন্দুরা মুসলমানদের আগেই সাম্প্রদায়িক নিরীচান চাহিয়া বসে নাই।

ভিন্ন ভিন্ন ধর্মসম্প্রদায়ের লোকদের মনো পরস্পরের প্রতি এই সন্দেহ আছে, যে, অপরেরা প্রাধান্য পাইলেই ভিন্নধর্মীর প্রতি অবিচার ও স্বধর্মীর প্রতি পক্ষপাত করিবে। পক্ষপাতিত্ব করা বিষয়ে কোন সম্প্রদায়ের লোকই কোন দেশে একেবারে নির্দোষ নহেন। আমেরিকাতেও মিঃ ম্যাল স্মিথ রোমান ক্যাথলিক বলিয়া প্রেসিডেন্ট হইতে পারেন নাই, এবং ইহুদী, নিগ্রো ও রোমান ক্যাথলিকদের উপর অত্যাচার হয়। তথাপি এই শেযোক্ত তিন শ্রেণীর লোকেরা আমেরিকাকে ফ্রান্স, ইংলণ্ড, জার্মানী বা অন্য কোন দেশের অধীন দেখিতে চায় না; তাহারা নিজেদের দেশকে স্বাধীন রাখিয়াই অত্যাচার, অবিচার, পক্ষপাতের বিরুদ্ধে লড়িতে চায় ও লড়িতেছে। ভারতবর্ষেও ইংরেজরা মুসলমানকে এবং ইংরেজকে সমান চক্ষে দেখে না, দেখিতে পারে না। তথাপি মুসলমানরা অনেকেই ইংরেজের অধীনতাকে স্বরাজ অপেক্ষা বেশী পছন্দ করেন। যখন তাহাদের রাজনৈতিক মনোভাব আমেরিকার ইহুদী, রোমান ক্যাথলিক প্রভৃতির মত হইবে, তখন তাহারা নিজেদের দ্রম বৃত্তিতে পারিবেন।

পলতার মহালক্ষ্মী কটন মিল

দেশী কাপড় ব্যবহার করা সকলেরই কর্তব্য। ইহা কয়েক রকমের হইতে পারে:—চরখায় কাটা। সুতা হইতে দেশী হাতের তাঁতে বোনা, দেশী কলে উৎপন্ন সুতা হইতে দেশী হাতের তাঁতে বোনা, এবং দেশী কলের সুতা হইতে দেশী কলের তাঁতে বোনা। যদি প্রত্যেক বাড়ীতে চরখায় সুতা কাটা হইত এবং হাতের তাঁত চলিত, তাহা হইলে কলের সুতা বা কলের তাঁতের কোন সাহায্য না লইয়াও দেশের সকল লোকের জন্ত কাপড় উৎপন্ন করা যাইত। কিন্তু অবস্থা যখন সেরূপ নহে, তখন কলের সাহায্যও লওয়া উচিত। দেশী কলের কাপড় যত উৎপন্ন ও বিক্রী হয়, তাহার অধিকাংশ বোয়াই প্রদেশের। অথচ অল্প অনেক প্রদেশেও—যেমন বঙ্গে—কাপড়ের কল স্থাপিত হইতে পারে। বঙ্গে যত কাপড়ের কল হইবে, তাহার কেবল অংশীদার, ডিরেক্টর ও আফিসের কর্মচারীরা নহে, কারিগরেরাও বাঙালী যে পরিমাণে হইবে সেই পরিমাণে বাঙালীর বেকার সমস্তার সমাধান হইবে, মানসিক উৎকণ্ণ বাড়িবে এবং আত্মসম্মান বৃদ্ধি ও রক্ষিত হইবে। এইজন্ত আমরা বাংলা দেশে সুপরিচালিত কাপড়ের কলের সংখ্যা বৃদ্ধি দেখিতে চাই। সে দিন পলতার মহালক্ষ্মী কটন মিল দেখিতে গিয়াছিলাম। ইংনা এখন বড় নহে, কিন্তু ক্রমশঃ তাঁতের সংখ্যা বাড়িয়া বড় করিবার আয়োজন হইতেছে এবং তাহার জায়গা আছে। ছোট হইতে ক্রমশঃ বড় করার সুবিধা এই যে, কলের পরিচালকগণ বাঙালীদিগকেই শিখাইয়া লইয়া তাহাদের দ্বারা তাঁতের ও জুতা বিধ কাজ চালাইয়া লইতে পারিতেছেন। এখন তাঁতের কাজে নিযুক্ত কারিগরদের মধ্যে দুইজন ছাড়া আর সবাই বাঙালী। কাজ বেশ চলিতেছে এবং কাপড়ও ভালই হইতেছে।

বাঙালী ছাত্রীর কৃতিত্ব

কলিকাতা বিশ্ববিদ্যালয়ের গত বি এন্স পরীক্ষায় কুমারী উমা বসু পরীক্ষণমূলক মনোবিজ্ঞানে প্রথম

শ্রেণীর প্রথম স্থান অধিকার করিয়াছিলেন বলিয়া বিশ্ববিদ্যালয় তাঁহাকে ময়মপদক ডক্টোরাট স্বর্ণপদক ও সোনার পদক দান করিয়াছেন।

সংখ্যালঘিষ্ঠদের সম্বন্ধে ব্যবস্থা

ইউরোপের কোন কোন দেশে—যেমন গত মহা-যুদ্ধের পর নবগঠিত স্বাধীন কতকগুলি রাষ্ট্রে—সংখ্যাভূয়িষ্ঠ ও সংখ্যা নান ভিন্ন ভিন্ন জাতির লোক বাস করে। তাহাদের ভাষা স্বতন্ত্র। এই সংখ্যান্যনদের সংখ্যা নিতান্ত কম হইলে তাহাদের জন্ত কোন স্বতন্ত্র ব্যবস্থার বন্দোবস্ত লীগ অব নেশন্স করেন নাই। তাহাদের সংখ্যা কিছু বেশী হইলে—যেমন মোট অধিবাসী সংখ্যার শতকরা ২০।২৫—লীগ অব নেশন্স কর্তৃক প্রণীত কতকগুলি বিধি অনুসারে তাহাদের রাষ্ট্রীয় অধিকার আদি নিয়মিত হয়। সমগ্র ভারতবর্ষের এবং ভারতের ভিন্ন ভিন্ন প্রদেশের সংখ্যান্যন লোকসমষ্টি-সমূহের অধিকার লীগ অব নেশন্সের এই সকল বিধি অনুসারে ব্যবস্থিত হইলে ভাল হয়। ভারতবর্ষে ভিন্ন ভিন্ন ধর্মাবলম্বী ও ভিন্নভাষী অনেক লোকসমষ্টি থাকায় ইংরেজ গবন্মেণ্ট ভেদনীতি প্রয়োগ দ্বারা নিজের ক্ষমতা সুপ্রতিষ্ঠিত রাখিতে সমর্থ হন, ইংরেজ সরকারের এই বদনাম আছে। লীগ অব নেশন্সের দ্বারা ইউরোপের পূর্বোক্ত দেশ-গুলিতে সংখ্যান্যনদিগের সম্বন্ধে ব্যবস্থা যে-যে বিধি অনুসারে হইয়াছে, ভারতীয় সংখ্যাভূয়িষ্ঠ ও সংখ্যা-ন্যনদের মতভেদের মীমাংসা তদন্তসারে হইলে গবন্মেণ্টের ঐরূপ নিন্দার কোন কারণ ঘটে না। সমগ্র ব্রিটিশ-শাসিত ভারতবর্ষের ভিন্ন ভিন্ন জাতির সম্বন্ধে ব্যবস্থা এক সঙ্গে একই নিয়ম অনুসারে হওয়া উচিত। বাংলা দেশের দুজন হিন্দু তথাকথিত প্রতিনিধি আগা খাঁর মধ্যস্থতায় বাংলার সমস্তার আলাদা সমাধানের যে প্রস্তাব করিয়াছেন, বাংলা দেশের হিন্দুরা তাহা অগ্রাহ করিবে।

মিছিল সভাসমিতি ও পুলিশ কমিশনার কলিকাতার বড়বাজারের রাস্তায় পাচজন মহিলা “ঝাণ্ডা উঁচা রহে হামারা” (“আমাদের পতাকা উল্কে উড্ডীন রহুক”) এই হিন্দী গান করিয়া বেআইনী মিছিল করিয়াছেন, এই অভিযোগে তাহাদের সশ্রম কারাদণ্ড হয়। হাইকোর্টে আপীলে প্রধান বিচারপতি স্যার জর্জ রায়নিন এবং বিচারপতি এন্স মি মল্লিক তাহাদিগকে বেকসুর খালাস দিয়াছেন, অধিকন্তু রায়ে এই মত প্রকাশ করিয়াছেন, যে, অনির্দিষ্ট কালের জন্ত কলিকাতায় সব মিছিল সভাসমিতি বন্ধ করিবার হুকুম দিবার ক্ষমতা কলিকাতার পুলিশ কমিশনারের নাই; স্ততরাং তাহার যে-হুকুম অমাত্র করার জন্ত মহিলাদের দণ্ড হইয়াছিল তাহা আইনসঙ্গত নহে, অতএব তাহা অমাত্র করিলে কাহারও কোন অপরাধ হয় না; এবং যদি তাহা আইনসঙ্গত হইত তাহা হইলেও কেবল তাহা অমান্য করিলেই অপরাধ হয় না—দেখাইতে হইবে, যে, আদেশ অমাত্র করাতে সর্বসাধারণের অসুবিধা হইয়াছে, শান্তিরক্ষার বাধা ঘটিয়াছে বা ঘটবার যথেষ্ট সম্ভাবনা ছিল, কিন্তু বর্তমান মোকদ্দমার সাক্ষ্য হইতে তদ্রূপ কোন প্রমাণ পাওয়া যায় না; অতএব অভিযুক্তা মহিলারা দণ্ডনীয় হইতে পারেন না।

হাইকোর্টের রায় হইতে বুঝা যাইতেছে, পুলিশ কমিশনার আইন জানেন না, কলিকাতার যে-যে ম্যাজিস্ট্রেট এইরূপ আরও অনেক মামলায় বহু মহিলা ও পুরুষকে শাস্তি দিয়াছেন, তাহারও আইন জানেন না, এবং যে বাংলা গবন্মেণ্টের অনুমোদন অনুসারে এই সব ব্যাপার ঘটিতেছে সেই গবন্মেণ্টও আইন জানেন না; অথচ ইহারাই হইলেন আইনের মর্যাদার রক্ষক এবং শাস্তি ও শৃঙ্খলার মা বাপ!

যাহা হউক, পুলিশ কমিশনারের বে-আইনী হুকুম অমাত্র করার অভিযোগে আরও যে-সব ভদ্রলোক ও মহিলা জেলে পচিতেছেন তাহাদিগকে অবিলম্বে স্বতঃ-প্রবৃত্ত হইয়া খালাস দিলে বুঝা যাইবে, যে, এবিষয়ে বাংলা গবন্মেণ্টের দায়পরায়ণতার উদ্বেক হইয়াছে।

অহিংস ভারতীয় সংগ্রাম ও রবীন্দ্রনাথ

শ্রীযুক্ত রবীন্দ্রনাথ ঠাকুর ভারতবর্ষের বর্তমান অহিংস স্বাধীনতা-সংগ্রামে সফল হওয়ার সংবাদপত্র-সমিতিতে নিজের যে মন্তব্য গত নবেম্বর মাসে প্রেরণ করেন, তাহা প্রকাশিত করিবার জন্ত আমাদের কাছে প্রেরণ করেন। আমাদের মাসিক কাগজে তাহা ছাপিতে বিলম্ব আছে দেখিয়া তাহা আমরা ক্রী প্রেসের মারফৎ দৈনিক কাগজ-সমূহে প্রেরণ করি। তাহা অনেক দৈনিকে ছাপা হইয়াছে দেখিয়াছি। “আনন্দবাজার পত্রিকা,” “দ্যা ড্যান্স” ও “অমৃতবাজার পত্রিকা” রবীন্দ্রনাথের মন্তব্য যে “মডার্ন রিভিউ” হইতে প্রাপ্ত তাহা স্বীকার করিয়াছেন, “লিবার্টি” তাহা গোপন রাখিতে ব্যর্থ চেষ্টা করিয়াছেন। কবির মন্তব্যটি নীচে মুদ্রিত হইল।

“In answer to the question as to whether India is ready for self-rule, I must repeat that it is the sense of self-rule which comes with freedom itself that makes a nation fit for self-rule, because this fitness is not an artificial condition imposed from without but a natural process which is inevitably linked up with the creative unfoldment of a nation's life. Judged by an artificial standard hardly any nation is fit for self-government, and it would not be fair for any country to claim social and political perfection, much less the right to rule and govern the destiny of any other country on the grounds of moral guardianship. As in the individual life so on the national plane our most important concern is to make truth operative, not through coercion, which kills it, but through the vital sanction of an awakened consciousness, and this can come only from within.

“I am proud that my countrymen, to-day under their great leader Mahatma Gandhi, have disdained to imitate the violent methods of the modern military nations in their struggle for freedom, but have made moral integrity and the spirit of sacrifice the directive power of their non-violent movement. By accepting spiritual force as their chief weapon, they have already proved their superiority to the primitive mentality of unashamed pillage and man-slaughter which persists in most countries to-day, and I have no doubt that if our countrymen can keep fast to this heroism of non-violence in spite of violent provocation they will have no difficulty in establishing freedom, which is already theirs in so far as they are true to their central ideal.

“I can tell you that the whole world to-day has to recognize the greatness of India's spiritual struggle for liberty. India has proved that human history has come to a stage when moral force has to be acknowledged even by politics. The invitation accorded to her by an imperial power which can easily coerce her to silence by a virulent maintenance of military law and order is itself a sign of the time undreamt of even a century ago. The real importance of the conference is not in the

opportunity it may offer of a co-operation with the British politicians but with the soul-force of the whole world. We must know that this conference is going to hold its sittings before the world tribunal whose approbation it is eager to win.”

পিকেটিং

পিকেটিং সম্বন্ধীয় অভিজ্ঞতা যখন বলবৎ ছিল, তখনও কলিকাতায় অনেক মহিলা ও পুরুষ তাহা করিয়া দণ্ডিত হইয়াছিলেন। তাহাদের অনেকে কারাদণ্ডের মিয়াদ শেষে খালাস পাইয়াছেন। এখন পিকেটিং অভিজ্ঞতা আর বলবৎ নাই। এখনও পিকেটিং চলিতেছে। যাহারা একবার জেল খাটিয়া আসিয়াছেন এরূপ অনেক মহিলা ও ভদ্রলোক আবার এই কাজ করিতেছেন। কিছু দিন আগে পর্যন্ত এই কাজটি বে-আইনী ছিল, এখন বে-আইনী নয়—আইনের এমনই মহিমা! কিন্তু পিকেটিং এখন বে-আইনী না হইলে কি হয়? সরকারী রাস্তায় পথিক ও যানবাহনের চলাচলে বাধা উপস্থিত করার অভিযোগে সাধারণ আইন অমুসারেই কোন কোন পিকেটার দণ্ডিত হইতেছেন! তাহাতে বুঝা যাইতেছে, যে, মাত্র দণ্ড দণ্ড দিবার জন্ত পিকেটিং অভিজ্ঞতাদের কোনই প্রয়োজন ছিল না, সাধারণ আইনই যথেষ্ট ছিল ও আছে; কেন-না “কর্তার ইচ্ছা কথ,” অভিজ্ঞতাগুলি অধিকন্তু ন দোষায়।

পিকেটিং অভিজ্ঞতা অমুসারেও আগে আগে যাহাদের শাস্তি হইয়াছে, তাহাদের শাস্তিও সব স্থলে আইন-সম্মত হয় নাই। কারণ, শ্রীযুক্ত লুকমানীর মামলার আপীলে বোম্বাই হাইকোর্টের রায়ে এবং অন্য কোন কোন বিচারকের রায়ে এই মত ব্যক্ত হইয়াছে, যে, কেবল নিরপরাধ শান্তিপূর্ণ পিকেটিং কোন অপরাধ নহে, ক্রেতা-বিক্রেতাকে তাক্ত বিরক্ত করিলে ও তাহাদের কাজ বাধা জন্মাইলে তবে তাহা অপরাধ বলিয়া গণ্য হইতে পারে।

পটেল মহাশয়ের ও অন্য নেতাদের স্বাস্থ্য

ভারতীয় ব্যবস্থাপক সভার ভূতপূর্ব সভাপতি কারারুদ্ধ শ্রীযুক্ত বিঠলভাই পটেল মহাশয়ের স্বাস্থ্য খুব

খারাপ হইয়াছে। অথচ তাঁহাকে পঞ্জাবের জেল হইতে তাঁহার নিজের জন্মভূমি গুজরাটের কোন জেলে না পাঠাইয়া সুদূর কোইম্বাটুর জেলে পাঠান হইয়াছে। তিনি এত দুর্ভাগ হইয়াছেন, যে, কোইম্বাটুরে তাঁহাকে রেল-গাড়ী হইতে চেয়ারে করিয়া নামাইতে হইয়াছিল। তাঁহাকে জেল হইতে খালাস দিলেই ভাল হয়। তাহা সরকার বাহাদুরের অভিপ্রেত না হইলে, তাঁহাকে গুজরাটের স্বাস্থ্যকর কোন স্থানের জেলে রাখিয়া তাঁহার মনোনীত কোন চিকিৎসকের চিকিৎসার অধীনে রাখা উচিত। নিদিষ্ট কালের জন্ত তাঁহার স্বাধীনতা থাকিবে না। তাঁহার কারাদণ্ডের ইহাই আইনসম্মত অর্থ ও উদ্দেশ্য, তাঁহার আত্মত্যাগ উহার আইনসম্মত উদ্দেশ্য নহে।

জেলে পণ্ডিত মোতীলাল নেহরুর স্বাস্থ্য অত্যন্ত খারাপ হওয়ায় তাঁহাকে ছাড়িয়া দিতে হইয়াছে। তিনি এখনও সুস্থ হন নাই। শীঘ্র তাঁহার শরীর নিরাময় হউক ভারতীয় জনসাধারণ এই ইচ্ছা করিতেছেন।

নৈনি জেলে পণ্ডিত মদনমোহন মালবীয়ার জ্বর হইয়াছিল। তিনি এখনও দুর্ভাগ আছেন। গান্ধীজীর ওজন কমিয়া গিয়াছে। অল্প অনেক নেতা ও অস্থস্থ। সকলে স্বস্থদেহে জেলের বাহিরে স্বাধীন ভারতে নিজ নিজ জীবনের কাব্য করিতে পারিলে আনন্দের বিষয় হইবে।

—

নারীহরণ দমনার্থ সরকারী চেষ্টা

গত ২৭শে মার্চ পুলিশের এসিস্টেন্ট ইন্সপেক্টর জেনার্যাল বঙ্গের সমুদয় রেঞ্জ বা চক্রের ডেপুটি ইন্সপেক্টর জেনার্যালদিগকে নারীর উপর অত্যাচার সম্বন্ধে একটি চিঠি লিখিয়াছেন। তাহাতে লেখা হইয়াছে, “কিছুকাল হইতে এই বিষয়ে সর্বসাধারণের মধ্যে অনেক আলোচনা ও মতপ্রকাশ হইয়া আসিতেছে। এইরূপ কথা বলা হইয়াছে, যে, পুলিশ নারীনীগ্রহের অভিযোগে যথাযোগ্য তদন্ত করে না। গবর্নেন্ট বিবেচনা করেন, যে, হিন্দু মুসলমান যে-কোন লোক এরূপ অপরাধ করে, তাহার শাস্তির জন্ত সর্বপ্রকার চেষ্টা করিতে হইবে। অতএব

আমি আপনাদিগকে এই অনুরোধ করিতেছি যে, আপন আপনার অধীন পুলিশ সুপারিন্টেন্ডেন্টদিগের মনে এই ধারণা জন্মাইয়া দিবেন যে, এই শ্রেণীর ঘটনা গুরুতর মনে করা আবশ্যক। তাহাদিগকে এই রকম মোকদ্দমা সম্বন্ধে বিশেষ নোট রাগিতে বলিবেন। তাহারা দেখিবেন যেন সার্কেল ইন্সপেক্টরদিগের সাক্ষাৎ তদ্ব্যবধানে এগুলার তদন্ত হয়। এরূপ কোন মোকদ্দমায় আসামীদের শাস্তি না হইলে সুপারিন্টেন্ডেন্ট তাহার বিস্তারিত রিপোর্ট আপনাদের নিকট পাঠাইবেন। আপনারা আপনাদের মন্তব্যসমেত তাহা ইন্সপেক্টর-জেনার্যালের অবগতির জন্ত পাঠাইবেন। তিনি আরও এই ইচ্ছা করেন, যে, আপনারা জেলা ও মহকুমার পরিদর্শনবিষয়ক নোট-সমূহে নারীহরণ সম্বন্ধে সংক্ষেপে আপনাদের মত প্রকাশ করিবেন, এবং ঐ রকম মোকদ্দমার হ্রাস বা বৃদ্ধি, ফলাফল, জেলা ও মহকুমার লোকসংখ্যা, লোকসংখ্যার কত অংশ হিন্দু ও মুসলমান, তাহাদের সংখ্যার শতকরা কতজন এরূপ অপরাধ করে, ইত্যাদি তথ্য লিখিবেন। এরূপ মোকদ্দমার তদন্তে পুলিশের কোন ঔদাসীন্ধ্য বা দোষ আপনাদের গোচর হইলে তৎসম্বন্ধেও মন্তব্য প্রকাশ করিবেন।”

এই চিঠিটি প্রায় নয় মাস পূর্বে লেখা হইয়াছে। চিঠিটি অল্পসারে কাজ হইলে সফল হইবাহেঁ কথা। চিঠিটি লিখিত হইবার আগে এবং পরে বঙ্গ নারীহরণ ও তাহার অভিযোগ কত মাসের মধ্যে কত হইয়াছে, কত মোকদ্দমায় আসামীদের দণ্ড হইয়াছে বা হয় নাই, ইত্যাদি তথ্য জানিতে পারিলে, উহা ফলপ্রসূ হইয়াছে কি না বুঝা যাইবে।

এই রকম অপরাধ হিন্দুরা বেশী করে, না মুসলমানেরা বেশী করে, তাহা জানা অপেক্ষা ইহা দমন করাই বেশী আবশ্যক। কাহারো বেশী বদমায়েস, তাহা জানিবার বেশী চেষ্টা করিলে, কোন কোন কণ্ঠ্যচারী এক শ্রেণীর লোকদের বিরুদ্ধে মোকদ্দমাগুলিতে অবহেলা করিতে পারে, কোন কোন কণ্ঠ্যচারী বা অল্প শ্রেণীর আসামী সম্বন্ধে এরূপ অবহেলা করিতে পারে। অতএব, শ্রেণী-বিভাগ ও শ্রেণী অল্পসারে সংখ্যা নির্ণয়ের দিকে বেশী

মন না দিয়া জাতিধর্ম নিবিশেষে বদমায়েসদিগকে শাস্তি দেওয়া অধিক বাঞ্ছনীয়।

শাস্তির রকমওয়ারী

সত্যাগ্রহের ও তৎসংশ্লিষ্ট অগ্রাণ্ড “অপরাধের” জ্ঞাত শাস্তি ভিন্ন ভিন্ন বিচারক ভিন্ন ভিন্ন রকম ও পরিমাণে দিতেছেন। একই প্রদেশে, এমন কি একই শহরে ও আদালতে, একই অভিযোগে শাস্তি নানাপ্রকার হইতেছে। কয়েদীদের শ্রেণীবিভাগ আরও চমৎকার। কি কারণে যে ভিন্ন ভিন্ন কয়েদীকে হাকিম প্রভুরা প্রথম দ্বিতীয় তৃতীয় শ্রেণীতে কেলেন, তাহা দেবান জানস্তি কুতো মানবাঃ!

পাটের ব্যবহার

অগ্রহায়ণের প্রবাসীতে পাটের নানাবিধ ব্যবহারের কথা লিপিত হইয়াছিল। কিছুদিন হইল আমরা ব্রাহ্ম বালিকা শিক্ষালয়ে গিয়া দেখিলাম, সেখানে লেডী প্রিন্সিপ্যাল মহাশয়ার কামরায় চটের পরদা রহিয়াছে। বলিয়া না দিলে সেগুলি হঠাৎ কাহারও চটের পরদা বলিয়া মনে হইবে না। নানা রঙের সূতা দিয়া ছাত্রীরা ফল তুলিয়া সেগুলিকে অলঙ্কৃত করিয়াছে। চটের স্বাভাবিক রঙের উপর সেগুলি বেশ মানাইয়াছে। কেহ ইচ্ছা করিলে চটে সবুজ নীল বা অল্প কোন রং দিতে পারেন। চটের পরদা বেশ টেকসই এবং তাহাতে শীঘ্র ময়লা ধরে না।

জুট ফ্রান্সেলের জামা অনেকে পরেন। জুট কথাটা হইতেই বুঝা যাইতেছে, উহার কাপড়ে পাট মিশান আছে। এই রকম পাট মিশাইয়া র্যাপার এবং অল্পবিধ শীতবস্ত্রও হইতে পারে।

বাংলায় বৌদ্ধ জাতক-মালা

ঘোল বৎসরের পরিশ্রম এবং প্রায় দশ হাজার টাকা খরচ করিয়া শ্রীযুক্ত ঈশানচন্দ্র ঘোষ বৌদ্ধ জাতকসমূহ

বাংলায় অল্পবাদ করিয়া ছয় খণ্ডে প্রকাশ করিয়াছেন। ইংরেজী অল্পবাদ কয়েকজন বিদ্বান লোকের পরিশ্রম এবং অল্পকর্তৃ বিশ্ববিদ্যালয়ের ব্যয়ে প্রকাশিত হয়। ঈশান বাবু একা নিজের পরিশ্রমে ও ব্যয়ে বাংলা অল্পবাদটি প্রকাশ করিয়াছেন। অধিকন্তু তিনি একাধিক দীর্ঘ ভূমিকা এবং বহু টাকা সংযোজন করিয়াছেন। এই সব কারণে তাঁহার কাব্য বিশেষ প্রশংসনীয়। জাতকগুলির গল্প মনোরম এবং উপদেশপূর্ণ। তৎসমূদয় হইতে প্রাচীন ভারতের যুগবিশেষের সামাজিক অবস্থার ইতিহাসও কতকটা সংগ্রহ করিতে পায়া যায়। এরূপ গ্রন্থ বাঙালীদের মধ্যে যত বেশী লোকে পড়িবে, ততই বঙ্গীয় জনগণের মঙ্গল হইবে।

কলিকাতা মিউনিসিপালিটির আয়ব্যয়

কোন দেশেরই গবর্ণমেন্ট মিউনিসিপালিটি ইত্যাদি একেবারে নিখুঁত নয়। কিন্তু তাই বলিয়া আমাদের দেশের লোকদের দ্বারা পরিচালিত কোন প্রতিষ্ঠানের দোষ না-দেখা কিংবা দোষ দূর করিতে চেষ্টা না-করা বোকামি। অল্প দিকে, এদেশে দেশী লোকরা কোন একটা কাজ চালায় বলিয়াই সব দোষ হইতেছে, ইংরেজরা চালাইলে দোষ হইত না, এমন মনে করাও ভুল।

কলিকাতা মিউনিসিপালিটির দোষ ক্রটি আছে। তাহা দেখাইয়া ইংরেজরা ইহার দেশী পরিচালকদের—বিশেষতঃ তাহার অধিকাংশ কংগ্রেসওয়াল বলিয়া—দোষ দেয়। কিন্তু পঞ্চাশ বৎসর আগেকার এবং তাহার পরবর্তী অনেক বৎসরের কলিকাতা প্রত্যক্ষ দেখিয়াছি, তখন ইংরেজরাই ইহার সর্ব্বেসর্কারী ছিল। তখন শহর এখনকার চেয়ে বেশী নোংরা ও দুর্গন্ধময় ছিল। মিউনিসিপালিটির টাকার অপচয় তখন যে হইত না, এমন নয়। আয়ের শতকরা কম টাকা তখন শিক্ষা স্বাস্থ্যোন্নতি প্রভৃতির জন্য ব্যয়িত হইত। সুতরাং দেশী লোকেরা কলিকাতাটাকে আগেকার চেয়ে খারাপ করিয়া দিয়াছে, ইহা সত্য নহে। কিন্তু কলিকাতা মিউনিসিপালিটি

নিদোষ নহে। ইহার গুরুতর অনেক দোষ আছে, ইহা সত্য কথা। কর্ত্তার হয় ত বলিবেন, ইহার বর্ত্তমান আয়ে বেশী কিছু করা যায় না। ইহার ব্যয়ের সব দক্ষা পুঙ্খানুপুঙ্খরূপে পরীক্ষা না করিয়া এবিষয়ে কিছু বলিতে পারি না। কিন্তু ইহার আয় যেরূপ আছে, তাহাতে সাধারণ ভাবে আমাদের এই ধারণা আছে, যে, এই আয়েই কলিকাতার অবস্থা আরও ভাল করা যায়। কলিকাতা মিউনিসিপালিটি গেজেটের সম্পাদকের উক্তি অনুসারে ১৯৩০-৩১ সালে এই মিউনিসিপালিটির আনুমানিক আয় হইবে ২,৪২,৩৩,০০০ টাকা (দুই কোটি উনপঞ্চাশ লক্ষ তোত্রিশ হাজার টাকা)। আসামের ও কতকগুলি দেশী রাজ্যের আয় কিরূপ তাহা নীচে দেখাহতেছি।

	বৎসর	আয়
আসাম	১৯২৬-২৭	২,৫৫,৭৭,০০০
বড়োদা	১৯২৭-২৮	২,৬২,০০,০০০
কুচবিহার		৪০,০০,০০০
ত্রিপুরা		২৯,০০,০০০
বিহার-উড়িষ্যার ২৬টি		
রাজ্যের মোট আয়	১৯২৮-২৯	১,০৬,২৩,১০২
ইন্দোর		১,২৪,০০,০০০
ভূপাল		৬২,০০,০০০
গোয়ালিয়র		২,১৪,০০,০০০
কাশ্মীর	১৯২৭-২৮	২,৩৯,০০,০০০
ত্রিবাঙ্কুর		২,৩৯,০০,০০০
কোচিন		৭৫,০০,০০০
বিকানীর		৯৪,২০,০০০

মোটামুটি বলিতে গেলে নিজামের হায়দরাবাদ এবং মহীশূর এই দুটি রাজ্যের আয় কলিকাতা মিউনিসিপালিটির আয় অপেক্ষা অনেক বেশী। অত্ৰ সব ভারতীয়

দেশী রাজ্যের মধ্যে তিন-চারিটির আয় ইহার প্রায় সমান, এবং বাকীগুলির অনেক কম।

রাজ্য চালাইবার জন্ত আবশ্যক অনেক কাজ ও ব্যয় কলিকাতা মিউনিসিপালিটিকে করিতে হয় না। আবার এমন কাজও আছে যাহা কলিকাতা করে, রাজ্যগুলি সাক্ষাৎভাবে করে না।


কলিকাতা মিউনিসিপালিটির কৰ্মচারীদের বেতনও ইংরেজ কর্ত্তাদের আমলে যেরূপ ছিল, এখনও মোটামুটি সেইরূপ আছে; বাড়িয়াছে কি না বলিতে পারি না। এদেশে ইংরেজেরা নিজেদের জন্ত খুব বেশী বেশী বেতনের বরাদ্দ করিয়াছেন। ছোট ছোট জেলার জজ মাজিস্ট্রেটরা জাপান সাম্রাজ্যের প্রধান মন্ত্রী অপেক্ষাও অনেক বেশী বেতন পান। কলিকাতা মিউনিসিপালিটির বেতনও 'আগেকার' আমল হইতে ইংরেজদের খাই অল্পসারে নিকারিত হইয়া আছে। স্বরাজ্যী দেশী আমলেও তাহাই চলিয়া আসিতেছে। কিন্তু সত্য কথা বলিতে গেলে, মিউনিসিপালিটির বড় বড় কৰ্মচারীদেরও বেতন জাপান সাম্রাজ্যের প্রধান মন্ত্রীর চেয়েও বেশী হইবার কোন ন্যায্যতা নাই। কেন-না, সাম্রাজ্যের কাজ ও একটি শহরের কাজ সমতুল্য নহে, এবং জাপানের লোকদের জনপ্রতি গড় আয় ভারতবর্ষের লোকদের জনপ্রতি গড় আয় অপেক্ষা অনেক বেশী। লোকে আশা করে, দেশী লোকেরা কিছু বেশী ত্যাগী ও নিঃস্বার্থ হইবেন এবং ইংরেজদের চেয়ে কম বেতনে তাহাদের চেয়ে ভাল কাজ করিবেন। এই আশা পূর্ব হইলে মিউনিসিপালিটির বর্ত্তমান আয়েই অনেক উন্নতি হইতে পারে। তাহার উপর যদি অপচয় নিবারিত হয়, তাহা হইলে ত কথাই নাই।

ক্রম-সংশোধন

অগ্রহায়ণ সংখ্যা 'প্রবাসী'তে ত্রিবার্ষিক মুদ্রিত "গীতগোবিন্দের একটি দৃষ্ট" নামক চিত্রখনি শ্রীযুক্ত সমরেন্দ্রনাথ গুপ্তের দৌজন্তে প্রাপ্ত।

এই সংখ্যায় প্রকাশিত "ইংরেজীর বাংলা" প্রবন্ধে কয়েকটা বানান ভুল হইয়াছে।

পৃষ্ঠা	পাঠ	পঙ্ক্তি	অশুদ্ধ	শুদ্ধ
৩৮২	২	২৮	maintaing	maintaining
৩৮৪	১	১৮	উর্দ্ধত	উচ্ছৃত
৩৮৪	২	৩২	'নাতি'	'নাতি'



শিকার
 ক্রীড়া বন্ধোপাধায়

অবাসী হেন, কলিকাতা



“সত্যম্ শিবম্ সুন্দরম্”
“নায়নাত্মা বলহীনেন লভ্যঃ”

৩০শ ভাগ

২য় খণ্ড

মাস, ১৩৩৭

৪র্থ সংখ্যা

বাণী

শ্রীরবীন্দ্রনাথ ঠাকুর

পক্ষে বহিয়া অসীম কালের বার্তা
যুগে যুগে চলে অনাদি জ্যোতির যাত্রা
কালের রাত্রি ভেদি',
অব্যক্তের কুণ্ডলিঙ্গাল ছেদি',
পথে পথে রচি' আলিম্পনের লেখা।
পাথার কাঁপনে গগনে গগনে
উজ্জলি' উঠে দিক্‌প্রাঙ্গণে
অগ্নিচক্রেরেখা।
অস্তিত্বের গহনতত্ত্ব ছিল মুক বাণীহীন ;
অবশেষে একদিন
যুগান্তরের প্রদোষ আধারে
শূন্য পাথারে
মানবাত্মার প্রকাশ উঠিল ফুটি'।
মহাদুঃখের মহানন্দের
সংঘাত লাগি চিরদ্বন্দ্বের
চিৎপদ্মের আবরণ গেল টুটি'।
শতদলে দিল দেখা
অসীমের পানে মেলিয়া নয়ন
দাঁড়িয়ে রয়েছে একা
প্রথম পরম বাণী
বীণা হাতে বীণাপাণি।

সোভিয়েট রাশিয়ার শিক্ষা-ব্যবস্থা

শ্রীরবীন্দ্রনাথ ঠাকুর

৬

ব্রেমেন ষ্টামার
অতলাস্তিক

কল্যাণীয়েষু

সুরেন, রাশিয়া থেকে ফিরে এশে আজ চলচি আমেরিকার ঘাটে। কিন্তু রাশিয়ার স্মৃতি আজও আমার সমস্ত মন অধিকার করে আছে। তার প্রধান কারণ অজ্ঞাত যে সব দেশে ঘুরেচি তারা সমগ্রভাবে মনকে নাড়া দেয় না। তাদের নানা কর্মের উত্তম আছে আপন আপন মহলে। কোথাও আছে পলিটিক্স, কোথাও আছে হাসপাতাল, কোথাও আছে বিশ্ব-বিদ্যালয়, কোথাও আছে মাজিয়ম—বিশেষজ্ঞরা তাই নিয়ে কাজ করে যাচ্ছে। কিন্তু এখানে সমস্ত দেশটা এক অভিপ্রায় মনে নিয়ে সমস্ত কর্মবিভাগকে এক স্রায়ুজালে জড়িত করে এক বিরাট দেহ, এক বৃহৎ ব্যক্তিরূপ ধারণ করেছে। সব কিছু মিলে গেছে একটি অখণ্ড সাধনার মধ্যে। যে-সব দেশে অর্থ এবং শক্তির অধ্যবসায় ব্যক্তিগত স্বার্থদ্বারা বিভক্ত, সেখানে এ-রকম চিন্তের নিবিড় ঐক্য অসম্ভব। যখন এখানে পঞ্চবার্ষিক যুরোপীয় যুদ্ধ চলছিল তখন দায়ে পড়ে দেশের অধিকাংশ ভাবনা ও কাজ এক অভিপ্রায়ে মিলিত হয়ে এক চিন্তের অধিকারে এসেছিল, এটা হয়েছিল অস্থায়ী-ভাবে—কিন্তু সোভিয়েট রাশিয়ায় যে কাণ্ড চলচে তার প্রকৃতিই এই—সাধারণের কাজ, সাধারণের চিন্তা, সাধারণের স্বয়ং বলে একটা অসাধারণ সত্তা এরা সৃষ্টি করতে লেগে গেছে। উপনিষদের একটা কথা আমি এখানে এসে খুব স্পষ্ট করে বুঝেছি—‘মাগ্ধঃ’, লোভ কোরো না। কেন লোভ করবে না? যে হেতু সমস্ত-কিছু এক সত্যের দ্বারা পরিব্যাপ্ত—ব্যক্তিগত লোভেতে করেই সেই একের উপলব্ধির মধ্যে বাধা আনে। ‘তেন

ত্যক্তেন ভুঞ্জীথাঃ’ সেই একের থেকে যা আসচে তাকেই ভোগ করো। এরা আর্থিক দিক থেকে সেই কথাটা বলচে। সমস্ত মানবসাধারণের মধ্যে এরা একটি অদ্বিতীয় মানবসত্যকেই বড় বলে মানে—সেই একের যোগে উৎপন্ন যা-কিছু এরা বলে তাকেই সকলে মিলে ভোগ করো—‘মাগ্ধঃ কস্তাশ্বিনং’—কারো ধনে লোভ করো না। কিন্তু ধনের ব্যক্তিগত বিভাগ থাকলেই ধনের লোভ আপনাই হয়। সেইটিকে ঘুচিয়ে দিয়ে এরা বলতে চায় ‘তেন ত্যক্তেন ভুঞ্জীথাঃ।’ যুরোপে অজ্ঞ সকল দেশেরই সাধনা ব্যক্তির লাভ, ব্যক্তির ভোগ নিয়ে। তারই মন্বন আলোড়ন খুবই প্রচণ্ড, আর পৌরাণিক সমুদ্রমন্তনের মতোই তার থেকে বিষ ও সুখা দুইই উঠে। কিন্তু সুখার ভাগ কেবল একদলই পাচ্ছে, অধিকাংশই পাচ্ছে না—এই নিয়ে অস্থায়ী অশান্তির সীমা নেই। সবাই মেনে নিয়েছিল এইটেই অনিবার্য—বলেছিল মানবপ্রকৃতির মধ্যেই লোভ আছে—এবং লোভের কাজই হচ্ছে ভোগের মধ্যে অসমান ভাগ করে দেওয়া। অতএব প্রতিযোগিতা চলবে এবং লড়াইয়ের জন্তে সর্বদা প্রস্তুত থাকা চাই। কিন্তু সোভিয়েটরা যা বলতে চায় তার থেকে বুঝতে হবে মাহুষের মধ্যে ঐক্যটাই সত্য, ভাগটাই মায়া, সম্যক চিন্তা সম্যক চেষ্টাদ্বারা সেটাকে যে মুহূর্তে মানবো না সেই মুহূর্তেই স্বপ্নের মত সে লোপ পাবে। রাশিয়ায় সেই না-মানার চেষ্টা সমস্ত দেশ জুড়ে প্রকাণ্ড করে চলচে। সব-কিছু এই এক-চেষ্টার অন্তর্গত হয়ে গেছে। এইজন্তে রাশিয়ায় এসে একটা বিরাট চিন্তের স্পন্দ পাওয়া গেল। শিক্ষার বিরাটপর্ল আর কোনো দেশে এমন করে দেখিনি, তার কারণ অজ্ঞদেশে শিক্ষা যে করে শিক্ষার ফল তারই—‘দুধাভূতা বায় সেই।’ এখানে প্রত্যেকের শিক্ষায় সকলের শিক্ষা। একজনের মধ্যে

শিক্ষার যে অভাব হবে সে অভাব সকলকেই লাগবে। কেন-না সম্মিলিত শিক্ষারই যোগে এরা সম্মিলিত মনকে বিশ্বসাধারণের কাজে সফল করতে চায়। এরা ‘বিশ্বকর্মা’; অতএব এদের বিশ্বমনা হওয়া চাই, অতএব এদের জ্ঞানই যথার্থ বিশ্ববিদ্যালয়। শিক্ষা ব্যাপারকে এরা নানা প্রণালী দিয়ে সকলের মধ্যে ছড়িয়ে দিচ্ছে। তার মধ্যে একটা হচ্ছে মুজিয়ম। নানাপ্রকার মুজিয়মের জালে এরা সমস্ত গ্রাম শহরকে ছড়িয়ে ফেলেছে। সে মুজিয়ম আমাদের শাস্তি-নিকেতনের লাইব্রেরীর মতো অকরী নয় (passive) — সকারী (active)।

রাশিয়ায় Region Study অর্থাৎ প্রাদেশিক তথ্যসন্ধানের উদ্যোগ সর্বত্র পরিব্যাপ্ত। এরকম শিক্ষাকেন্দ্র প্রায় ২০০০ আছে, তার সদস্য-সংখ্যা সত্তর হাজার পেরিয়ে গেছে। এইসব কেন্দ্রে তত্ত্ব প্রদেশের অতীত ইতিহাস এবং অতীত ও বর্তমানের আর্থিক অবস্থার অন্বেষণ হয়। তা ছাড়া সে-সব জায়গার উৎপাদিকা শক্তি (productive forces) কি কি আছে, কিভাবে কোনো খনিজ পদার্থ প্রচুর আছে কি না তার খোঁজ হয়ে থাকে। এই সব কেন্দ্রের সঙ্গে যে-সব মুজিয়ম আছে তারই যোগে সাধারণের শিক্ষা-বিস্তার একটা গুরুতর কর্তব্য। সোভিয়েট রাষ্ট্রে সর্বসাধারণের জ্ঞানোন্নতির যে নবযুগ এসেছে, এই প্রাদেশিক তথ্যসন্ধানের ব্যাপক চর্চা এবং তৎসংশ্লিষ্ট মুজিয়ম তার একটা প্রধান প্রণালী।

এই রকম নিকটবর্তী প্রদেশের তথ্যসন্ধান শাস্তিনিকেতনের কালীমোহন কিছু পরিমাণে করেছেন—কিন্তু এই কাজের সঙ্গে আমাদের ছাত্র ও শিক্ষকেরা যুক্ত না থাকতে তাদের এতে কোনো উপকার হয়নি। সন্ধান করবার ফল পাওয়ার চেয়ে সন্ধান করার মন তৈরি করা কম কথা নয়। কলেজ-বিভাগের ইকনমিক ক্লাসের ছাত্রদের নিয়ে প্রভাত এই রকম চর্চার পত্তন করচেন শুনেছিলুম; কিন্তু একাজটা আরও বেশি সাধারণভাবে করা দরকার, পাঠ্যবইয়ের ছেলেদেরও এই কাজে দীক্ষিত করা চাই আর এই সঙ্গে সমস্ত প্রাদেশিক সামগ্রীর মুজিয়ম স্থাপন করা আবশ্যক।

এখানে ছবির মুজিয়মের কাজ কি রকম চলে তার বিবরণ শুনে নিশ্চয় তোমার ভাল লাগবে। মস্কো শহরে ট্রেট্যাকভ গ্যালারি নামে (Tretyakov Gallery) এক বিখ্যাত চিত্রভাণ্ডার আছে। সেখানে ১৯২৮ থেকে ১৯২৯ পর্যন্ত এক বছরের মধ্যে প্রায় তিন-লক্ষ লোক ছবি দেখতে এসেছে। যত দর্শক আসতে চায় তাদের ধরানো শক্ত হয়ে উঠেছে। সেইজন্মে ছুটির দিনে আগে থাকতে দর্শকদের নাম রেজিস্ট্রি করানো দরকার হয়েছে।

১৯১৭ খৃষ্টাব্দে সোভিয়েট-শাসন প্রবর্তিত হবার পূর্বে যে-সব দর্শক এই রকম গ্যালারিতে আসত তারা ধনী মানী জ্ঞানী দলের লোক এবং তারা, যাদের এরা বলে bourgeoisie, অর্থাৎ পরশ্রমজীবী। এখন আসে অসংখ্য কৃষিকের দল, যথা রাজমিস্ত্রি, লোহার, মৃদী, দর্জি ইত্যাদি। আর আসে সোভিয়েট সৈনিক, সেনানায়ক, ছাত্র এবং চাষী সম্প্রদায়।

আর্টের বোধ ক্রমে ক্রমে এদের মনে জাগিয়ে তোলা আবশ্যক। এদের মতো আনাড়িদের পক্ষে চিত্রকলার রহস্য প্রথম দৃষ্টিতে ঠিকমতো বোঝা অসাধ্য। দেয়ালে দেয়ালে ছবি দেখে দেখে এরা ঘুরে ঘুরে বেড়ায়, বুদ্ধি যায় পথ হারিয়ে। এই কারণে প্রায় সব মুজিয়মেই উপযুক্ত পরিচায়ক রেখে দেওয়া হয়েছে। মুজিয়মের শিক্ষাবিভাগে কিংবা অন্তত তদন্তরূপ রাষ্ট্রকর্মশালায় যে-সমস্ত বৈজ্ঞানিক কর্মী আছে তাদেরই মধ্যে থেকে পরিচায়ক বাছাই করে নেওয়া হয়। যারা দেখতে আসে তাদের সঙ্গে এদের দোদাগাদার কোনো কারবার থাকে না। ছবিতে যে-বিষয়টা প্রকাশ করচে সেইটে দেখলেই যে ছবি দেখা হয়, দর্শকেরা যাতে সেই ভুল না করে পরিদর্শনিতার সেটা জানা চাই।

চিত্রবস্তুর সংস্থান (composition), তার বর্ণকল্পন (colour scheme), তার অঙ্কন, তার অবকাশ (space) তার উজ্জলতা (illumination), যাতে করে তার বিশেষ সম্প্রদায় ধরা পড়ে সেই তার বিশেষ আঙ্গিক (technique), এ সকল বিষয়ে আজও অল্প লোকেরই জ্ঞান আছে। এই জন্মে পরিচায়কের বেশ দত্তর মতে

শিক্ষা থাকা চাই, তবেই দর্শকদের ঐংজ্ঞ্য ও মনোযোগ সে জাগিয়ে রাখতে পারে। আর একটি কথা তাকে বুঝতে হবে, মুষ্টিয়মে কেবল একটি মাত্র ছবি নেই, অতএব একটা ছবিকে চিনে নেওয়া দর্শকের উদ্দেশ্য হওয়া উচিত নয়, মুষ্টিয়মে যে-সব বিশেষ শ্রেণীর ছবি রক্ষিত আছে তাদের শ্রেণীগত রীতি বোঝা চাই। পরিচায়কের কর্তব্য কয়েকটি ক'রে বিশেষ ছাঁদের ছবি বেছে নিয়ে তাদের প্রকৃতি বুঝিয়ে দেওয়া। আপোচ্য ছবিগুলির সংখ্যা খুব বেশি হলে চলবে না এবং সময়ও বেশ মিনিটের বেশি হওয়া ঠিক নয়। ছবির যে একটি স্বকীয় ভাষা, একটি ছন্দ আছে, সেইটেই বুঝিয়ে দেবার বিষয়, ছবির রূপের সঙ্গে ছবির বিষয়ের ও ভাবের সম্বন্ধ কি সেইটে ব্যাখ্যা করা দরকার। ছবির পরস্পর বৈপরীত্য দ্বারা তাদের বিশেষত্ব বোঝানো অনেক সময় কাজে লাগে। কিন্তু দর্শকদের মন একটুমাত্র শ্রান্ত হলেই তাদের তথনি ছুটি দেওয়া চাই।

অশিক্ষিত দর্শকদের এরা কি করে ছবি দেখতে শেখায় তারই একটি রিপোর্ট থেকে উল্লিখিত কথাগুলি তোমাকে সংগ্রহ করে পাঠালুম। এর থেকে আমাদের দেশের লোকের যেটি ভাববার কথা আছে সেটি হচ্ছে এই :— আশাকে যে চিঠি লিখেছি তাতে আমি বলেছি, সমস্ত দেশকে কৃষিবলে যত্ববলে অতিক্রান্ত মাত্রায় শক্তিশালী করে তোলাবার জন্তে এরা একান্ত উদ্যমের সঙ্গে লেগে গেছে। এটা ঘোরতর কেজো কথা। অল্প সব ধনী দেশের সঙ্গে পাল্লা দিয়ে নিজের জোরে টিকে থাকবার জন্তে এদের এই বিপুল সাধনা। আমাদের দেশে যখন এই-জাতীয় দেশবাপী রাষ্ট্রিক সাধনার কথা শুনে তখন আমরা বলতে শুরু করি এই একটুমাত্র লাল মশাল জ্বালিয়ে তুলে দেশের অল্প সকল বিভাগের সকল আলো নিবিয়ে দেওয়া চাই, নইলে মাহুয় অন্ধমনস্ক হবে। বিশেষত ললিতকলা সকল প্রকার কঠোর সঙ্কল্পের বিরোধী। স্বভাবতিকে পালোয়ানি করবার জন্তে কেবলি তাল ঠুকিয়ে পঁয়তারা করতে হবে, সরস্বতীর বীণাটাকে নিয়ে যদি লাঠি বানানো সম্ভব হয় তবেই সেটা চলবে নতুবা নৈব নৈব চ। এই কথাগুলো যে কতখানি মেক পৌরুষের কথা তা এখানে

এলে স্পষ্ট বোঝা যায়। এখানে এরা দেশ জুড়ে কারখানা চালাতে যে-সব শ্রমিকদের পাশা করে তুলতে চায়, তারাই যাতে শিক্ষিত মন নিয়ে ছবির রস বুঝতে পারে তারই জন্তে এত প্রভূত আয়োজন করেছে। এরা জানে রসজ্ঞ যারা নয় তারা বর্ষর, যারা বর্ষর তারা বাইরে কল্ম, অন্তরে দুর্কল। রাশিয়ায় নব-নাট্যকলার অসামান্য উন্নতি হয়েছে। এদের ১৯১৭ খ্রীষ্টাব্দের বিপ্লবের সঙ্গে সঙ্গে বোরতর দুর্দিন দুর্ভিক্ষের মধ্যেই এরা নেচেছে, গান গেয়েছে, নাট্যাভিনয় করেছে—এদের ঐতিহাসিক বিরাট নাট্যাভিনয়ের সঙ্গে তার কোনো বিরোধ ঘটেনি। মরুভূমিতে শক্তি নেই। শক্তির স্বার্থ রূপ দেখা যায় সেইখানেই যেখানে পাথরের বুক থেকে জলের ধারা কল্লোলিত হয়ে বেরিয়ে আসে, যেখানে বসন্তের রূপহীনালে হিমাচলের গান্ধীয়া মনোহর হয়ে ওঠে। বিক্রমাদিত্য ভারতবর্ষ থেকে শক শত্রুদের তাড়িয়ে দিয়েছিলেন কিন্তু কালিদাসকে নিষেধ করেন নি মেঘদূত লিখতে। জাপানীরা তলোয়ার চালাতে পারে না একথা বলবার জো নেই, কিন্তু সমান নৈপুণ্যেই তারা তুলিও চালায়। রাশিয়ায় এসে যদি দেখতুম এরা কেবলি মজুর সেজে কারখানা-ঘরের সরঞ্জাম জোগাচ্ছে আর লাঙল চালাচ্ছে, তাহলেই বুঝতুম এরা শুকিয়ে মরবে। যে বনস্পতি পল্লবমন্ডর বন্ধ করে দিয়ে খট্ খট্ আওয়াজে অহঙ্কার করে বলতে থাকে, আমার রসের দরকার নেই, দে নিশ্চয়ই ছুতোরের দোকানের নকল বনস্পতি—সে খুবই শক্ত হতে পারে কিন্তু খুবই নিফল। অতএব আমি বলে রাখছি এবং সাবধান করে দিচ্ছি যে, দেশে যখন ফিরে যাব পুলিশের যষ্টিধারার শ্রাবণবহণেও আমার নাচ গান বন্ধ হবে না।

রাশিয়ায় নাট্যক্ষেত্রে যে কলাসাধনার বিকাশ হয়েছে, সে অসামান্য। তার মধ্যে নূতন যষ্টির সাহস ক্রমাগতই দেখা দিচ্ছে, এখনো থামেনি। ওখানকার সমাজবিপ্লবে এই নূতন যষ্টিরই অসমসাহস কাজ করেছে। এরা সমাজে রাষ্ট্রে কলাতত্ত্বে কোথাও নূতনকে ভয় করেনি। এদের যে পুরাতন ধর্মতত্ত্ব এবং পুরাতন রাষ্ট্রতত্ত্ব বহুশতাব্দী ধরে এদের বুদ্ধিকে অভিভূত এবং প্রাণশক্তিকে নিঃশেষপ্রায়

করে দিয়েচে, এই সোভিয়েট-বিপ্লবীরা তাদের ছুটোকেই দিয়েচে নিশ্চল করে, এত বড় বন্ধনজঙ্ঘর জাতিকে এত অল্পকালে এত বড় মুক্তি দিয়েচে দেখে মন আনন্দিত হয়। কেন-না, যে ধর্ম মূঢ়তাকে বাহন ক'রে মানুষের চিন্তের স্বাধীনতা নষ্ট করে, কোনো রাজাও তার চেয়ে আমাদের বড় শত্রু হতে পারে না—সে রাজা বাইরে থেকে প্রজাদের স্বাধীনতাকে যতই নিগড়বদ্ধ করুক না। এ পর্যন্ত দেখা গেছে, যে রাজা প্রজাকে দাস করে রাখতে চেয়েচে সে রাজার সর্বপ্রধান সহায় যে ধর্ম মানুষকে অন্ধ করে রাখে। সে ধর্ম বিষকণ্ঠার মতো; আলিঙ্গন ক'রে সে মুগ্ধ করে, মুগ্ধ ক'বে সে মারে। শক্তিশেলের চেয়ে ভক্তিশেল গভীরতর মর্মে গিয়ে প্রবেশ করে, কেন-না তার মার আরামের মার। সোভিয়েটরা রুশদ্রষ্টাকৃত অপমান এবং আত্মকৃত অপমানের হাত থেকে এই দেশকে বাঁচিয়েচে—অল্প দেশের ধার্মিকেরা ওদের যত নিন্দাই করুক আমি নিন্দা করতে পারব না। ধর্মমোহের চেয়ে নাস্তিকতা অনেক ভাল। রাশিয়ার বৃকের পরে ধর্ম ও অত্যাচারী রাজার পাথর চাপা ছিল; দেশের উপর থেকে সেই পাথর নড়ে যাওয়ায় কি প্রকাণ্ড নিকৃতি হয়েছে, এখানে এলে সেটা স্বচক্ষে দেখতে পেতে। ইতি ৩রা অক্টোবর ১৯৩০।

শুভাকাজী

শ্রীরবীন্দ্রনাথ ঠাকুর

[শ্রীযুক্ত হরেন্দ্রনাথ করকে লিখিত]

D. "Bremen"

কল্যাণীয়েষু

হরেন, বিজ্ঞান শিক্ষায় পুঁথির পড়ার সঙ্গে চোখের দেখার যোগ থাকা চাই, নইলে সে শিক্ষার বারো আনা কাঁচি হয়। শুধু বিজ্ঞান কেন, অধিকাংশ শিক্ষাতেই এ কথা খাটে। রাশিয়াতে বিবিধ বিষয়ের মুক্তিযমের যোগে সেই শিক্ষার সহায়তা করা হয়েছে। এই মুক্তিযম শুধু বড় বড় সহরে নয়, প্রদেশে প্রদেশে, সামান্য পল্লীগ্রামের লোকেরও আশ্রয়গোচরে। চোখে দেখে দেখার আর একটা প্রশংসী হচ্ছে ভ্রমণ। তোমরা ত জানই আমি অনেক দিন থেকেই ভ্রমণ-বিদ্যালয়ের সঙ্কল্প মনে

বহন করে এসেছি। ভারতবর্ষ এত বড় দেশ, সকল বিষয়েই তার এত বৈচিত্র্য বেশি যে, তাকে সম্পূর্ণ ক'রে উপলব্ধি করা হটারের গেজেটিয়ার পড়ে হতে পারে না। এক সময়ে পদব্রজে তীর্থভ্রমণ আমাদের দেশে প্রচলিত ছিল—আমাদের তীর্থগুলিও ভারতবর্ষের সকল অংশে ছড়ানো। ভারতবর্ষকে যথাসম্ভব সমগ্রভাবে প্রত্যক্ষ অনুভব করবার এই ছিল উপায়। শুধুমাত্র শিক্ষাকে লক্ষ্য করে পাঁচ বছর ধরে ছাত্রদের যদি সমস্ত ভারতবর্ষ ঘুরিয়ে নেওয়া যায় তাহলে তাদের শিক্ষা পাকা হয়। মন যখন সচল থাকে সে তখন শিক্ষার বিষয়কে সঙ্গে গ্রহণ ও পরিপাক করতে পারে। বাণা ধোয়াকের সঙ্গে সঙ্গেই ধোয়াদের চ'রে খেতে দেওয়ারও দরকার হয়—তেমনি বাণা শিক্ষার সঙ্গে সঙ্গেই চ'রে শিক্ষা মনের পক্ষে অত্যাৱশ্যক। অচল বিদ্যালয়ে বন্দী হয়ে অচল ক্লাসের পুঁথির ধোয়াকীতে মনের স্বাস্থ্য থাকে না। পুঁথির প্রয়োজন একেবারে অস্বীকার করা যায় না—জ্ঞানের বিষয় মানুষের এত বেশি যে, ক্ষেত্রে গিয়ে তারের আহরণ করবার উপায় নেই, ভাণ্ডার থেকেই তাদের বেশির ভাগ সংগ্রহ করতে হয়। কিন্তু পুঁথির বিদ্যালয়কে সঙ্গে করে নিয়ে যদি প্রকৃতির বিদ্যালয়ের মধ্যে দিয়ে ছাত্রদের বেড়িয়ে নিয়ে আসা যায় তাহলে কোনো অভাব থাকে না। এসবকিছু অনেক কথা আমার মনে ছিল, আশা ছিল যদি সফল জোটে তবে কোনো এক সময়ে শিক্ষা-পরিব্রজন চালাতে পারব। কিন্তু আমার সময়ও নেই, সফলও জুটবে না।

সোভিয়েট রাশিয়ায় দেখছি সর্বসাধারণের জন্তে দেশভ্রমণের ব্যবস্থা ফলাও করে তুলেচে। বৃহৎ এদের দেশ, বিচিত্র জাতীয় মানুষ তার অধিবাসী। জাবু-শাসনের সময়ে এদের পরস্পর দেখাসাক্ষাৎ জানাশোনা মেলামেলার সুযোগ ছিল না বললেই হয়। বলা বাহুল্য তখন দেশ-ভ্রমণ ছিল সখের জিনিষ, ধনী লোকের পক্ষেই ছিল সম্ভব। সোভিয়েট আমলে সর্বসাধারণের জন্যে তার উদ্যোগ। অমরুস্ত এবং কণ্ঠ কণ্ঠিকদের শ্রান্তি এবং রোগ দূর করবার জন্তে প্রথম থেকেই সোভিয়েটরা দূরে নিকটে নানা স্থানে স্বাস্থ্য-নিবাস স্থাপনের চেষ্টা

করেচে। আগেকার কালের বড় বড় প্রাসাদ তারা এই কাজে লাগিয়েচে। সে-সব জায়গায় গিয়ে বিশ্রাম এবং আরোগ্য লাভ যেমন একটা লক্ষ্য তেমনি শিক্ষালাভ আর একটা। লোকহিতের প্রতি যাদের অমুরাগ আছে এই ভ্রমণ উপলক্ষ্যে তারা নানাস্থানে নানা লোকের আহুকূল্য করবার অবকাশ পায়। জনসাধারণের দেশভ্রমণের উৎসাহ দেওয়া এবং তার সুবিধা করে দেওয়ার জন্যে পথের মাঝে মাঝে বিশেষ বিশেষ শিক্ষা বিতরণের উপযোগী প্রতিষ্ঠান খোলা হয়েছে, সেখানে পথিকদের আহার নিদ্রার ব্যবস্থা আছে, তা ছাড়া সকল রকম দরকারী বিষয়ে তারা পরামর্শ পেতে পারে। ককেশীয় প্রদেশ ভূতত্ত্ব আলোচনার উপযুক্ত স্থান। সেখানে এই রকম পাঠশিক্ষালয় থেকে ভূতত্ত্ব সম্বন্ধে বিশেষ উপদেশ পারার আয়োজন আছে। যে-সব প্রদেশ বিশেষভাবে নৃতত্ত্ব আলোচনার উপযোগী সে-সব জায়গায় পথিকদের জন্যে নৃতত্ত্ববিৎ উপদেশক তৈরি করে নেওয়া হয়েছে।

গ্রীষ্মের সময় হাজার হাজার ভ্রমণেচ্ছু আপিসে নাম রেজেক্ট করে। যে মাস থেকে আরম্ভ করে দলে দলে নানা পথ বেয়ে প্রতিদিন যাত্রা চলে—এক একটি দলে পঁচিশ ত্রিশটি করে যাত্রী। ১৯২৮ খৃষ্টাব্দে এই যাত্রী-সংখ্যার সভ্যসংখ্যা ছিল তিন হাজারের কাছাকাছি—২৯শে হয়েছে বারো হাজারের উপর।

এসম্বন্ধে যুরোপের অগ্রদূত বা আমেরিকার সঙ্গে তুলনা করা সম্ভব হবে না; সর্বদাই মনে রাখা দরকার হবে যে রাশিয়ায় দশ বছর আগে শ্রমিকদের অবস্থা আমাদের মতোই ছিল—তারা শিক্ষা করবে, বিশ্রাম করবে বা আরোগ্য লাভ করবে সে জন্তে কারো কোনো খেয়াল ছিল না,—আজ এরা যে-সমস্ত সুবিধা সহজেই পাচ্ছে তা আমাদের দেশের মধ্যবিত্ত ভ্রমণলোকের আশাতীত এবং ধনীদেব পক্ষেও সহজ নয়। তাছাড়া শিক্ষালাভের ধারা সমস্ত দেশ বেয়ে একসঙ্গে কত প্রণালীতেই প্রবাহিত তা আমাদের সিভিল সার্ভিসে পাওয়া দেশের লোকের পক্ষে ধারণা করাই কঠিন।

যেমন শিক্ষার ব্যবস্থা তেমনি স্বাস্থ্যের ব্যবস্থা। স্বাস্থ্য-

তত্ত্ব সম্বন্ধে সোভিয়েট রাশিয়ার যে-রকম বৈজ্ঞানিক অমূল্যচল চলে তা দেখে যুরোপ আমেরিকার পণ্ডিতেরা প্রচুর প্রশংসা করতেন। শুধু মোটা বেতনের বিশেষজ্ঞদের দিয়ে পুঁথি সৃষ্টি করা নয়, সর্বজননের মধ্যে স্বাস্থ্য বিজ্ঞানের প্রয়োগ যাতে পরিব্যাপ্ত হয়, এমন কি এদেশের চৌরঙ্গী থেকে বারা বহুদূরে থাকে তারাও যাতে স্বাস্থ্যকর অবস্থার মধ্যে অবস্থে বা বিনা চিকিৎসায় মারা না যায় সেদিকে সম্পূর্ণ দৃষ্টি আছে। বাংলা দেশে ঘরে ঘরে যক্ষ্মা রোগ ছড়িয়ে পড়চে—রাশিয়া দেখে অবধি এ প্রশ্ন মনে থেকে তাড়াতে পারচি নে যে, বাংলা দেশের এই সব অল্পবিত (?) মুমূর্ষুদের জন্তে কটা আরোগ্যশ্রম আছে? এ প্রশ্ন আমার মনে সম্প্রতি আরো জেগেচে এই জন্তে যে, খৃষ্টান ধর্মযাজক ভারতশাসনে অসাধারণ ডিফিকল্টিজ্ নিয়ে আমেরিকার লোকের কাছে বিলাপ করতেন। ডিফিকল্টিজ্ আছে বই কি। একদিকে সেই ডিফিকল্টিজের মূলে আছে ভারতীয়দের অশিক্ষা, অপরদিকে ভারতশাসনের ভূরিব্যয়িতা। সেজন্তে দোষ দেব কাকে? রাশিয়ায় অন্নবস্ত্রের স্বচ্ছলতা আজও হয়নি, রাশিয়াও বহুবিভক্ত দেশ, সেখানেও বহু বিচিত্র জাতির বাস, সেখানেও অজ্ঞান এবং স্বাস্থ্যতত্ত্ব সম্বন্ধে অনাচার ছিল পর্যন্তপ্রমাণ, কিন্তু শিক্ষাও বাধা পাচ্ছে না, স্বাস্থ্যও না। সেইজন্তেই প্রশ্ন না করে থাকা যায় না, ডিফিকল্টিজটা ঠিক কোন্‌খানে? যারা খেটে খায় তারা সোভিয়েট স্বাস্থ্যনিবাসে বিনাব্যায়ে থাকতে পারে, তাছাড়া এই স্বাস্থ্যনিবাসের সঙ্গে সঙ্গে থাকে আরোগ্যালয় (sanatorium)। সেখানে শুধু চিকিৎসা নয়, পথ্য ও গুজ্জ্বার উপযুক্ত ব্যবস্থা আছে। এই সমস্ত ব্যবস্থাই সর্বসাধারণের জন্তে। সেই সর্বসাধারণের মধ্যে এমন সব জাত আছে যারা যুরোপীয় নয় এবং যুরোপীয় আদর্শ অনুসারে যাদের অসভ্য বলা হয়ে থাকে।

এই রকম পিছিয়ে-পড়া জাত, যারা যুরোপীয় রাশিয়ার প্রাক্কণের ধারে বা বাইরে বাস করে তাদের শিক্ষার জন্ত ১৮২৮ খৃষ্টাব্দের বজেটে কত টাকা ধরে দেওয়া হয়েছে তা দেখলে শিক্ষার জন্তে কি উদার প্রয়াস তা বুঝতে পারবে। যুক্তেনিয়ান রিপাব্লিকের জন্তে ৪০ কোটি ৩০ লক্ষ, অতি-

ককেশীয় রিপাব্লিকের জন্ম ১৩ কোটি ৪০ লক্ষ, উজ্বে-কিস্তানের জন্ম ২ কোটি ৭০ লক্ষ, তুর্কমেনিস্তানের জন্ম ২ কোটি ২ লক্ষ বর্গল।

অনেক দেশে আরবী অক্ষরের চলন থাকতে শিক্ষা-বিস্তারের বাধা হচ্ছিল, সেখানে রোমক বর্ণমালা চালিয়ে দেওয়াতে শিক্ষার কাজ সহজ হয়েছে।

যে বুলেটিন্ থেকে তথ্য সংগ্রহ করছি তারি ছুট অংশ তুলে দিই :—

Another of the most important tasks in the sphere of culture is undoubtedly the stabilization of local administrative institutions and the transfer of all local government and administrative work in the federative and autonomous republics to a language which is familiar to the toiling masses. This is by no means simple, and great efforts are still needed in this regard, owing to the low cultural level of the mass of the workers and peasants, and lack of sufficient skilled labour.

একটুখানি ব্যাখ্যা করা আবশ্যক। সোভিয়েট সম্মিলনীর অন্তর্গত অনেকগুলি রিপাব্লিক ও স্বতন্ত্রশাসিত (autonomous) দেশ আছে। তারা প্রায়ই যুরোপীয় নয়, এবং তাদের আচার ব্যবহার আধুনিক কালের সঙ্গে মেলে না। উক্ত অংশ থেকে বোঝা যাবে যে, সোভিয়েটদের মতে দেশের শাসনতন্ত্র দেশের লোকের শিক্ষারই একটা প্রধান উপায় ও অঙ্গ। আমাদের দেশের রাষ্ট্রচালনার ভাষা যদি দেশের লোকের আপন ভাষা হ'ত, তাহ'লে শাসনতন্ত্রের শিক্ষা তাদের পক্ষে স্বগম হ'ত। ভাষা ইংরেজী হওয়াতে শাসননীতি সম্বন্ধে স্পষ্ট ধারণা সাধারণের আয়ত্তাতীত হয়েই রইল। মধ্যস্থের যোগে কাজ চলচে, কিন্তু প্রত্যক্ষ যোগ রইল না। আত্ম-রক্ষার জন্তে স্বতন্ত্রচালনার শিক্ষা ও অভ্যাস থেকে যেমন জনসাধারণ বঞ্চিত, দেশশাসন নীতির জ্ঞান থেকেও তারা তেমন বঞ্চিত। রাষ্ট্রশাসনের ভাষাও পরভাষা হওয়াতে পরাধীনতার নাগপাশের পাক আরও বেড়ে

গেচে। রাজমন্ত্রসভায় ইংরেজী ভাষায় যে আলোচনা হয়ে থাকে তার সফলতা কতদূর হয়ে থাকে আমি আনাড়ী তা বুঝিনে, কিন্তু তার থেকে প্রজাদের যে শিক্ষা হ'তে পারত তা' একটুও হ'ল না।

আর একটা অংশ :—

"Whenever questions of cultural-economic construction in the national republics and districts come before the organs of the Soviet government, they are settled not on the line of guardianship, but on the lines of the maximum development of independence among the broad masses of workers and peasants and of initiative of the local Soviet organs."

যাদের কথা বলা হ'ল তারা হচ্ছে পিছিয়ে-পড়া জাত। তাদের আগাগোড়া সমস্তই ডিফিকাল্টিজ্ সরিয়ে দেবার জন্তে সোভিয়েটরা দুশো বছর চুপচাপ বসে থাকবার বন্দোবস্ত করেনি। ইতিমধ্যে দশ বছর কাজ করেছে। দেখে শুনে ভাবাচ, আমরা কি উজ্জবেক-দের চেয়ে, তুর্কমানীদের চেয়েও পিছিয়ে-পড়া জাত? আমাদের ডিফিকল্টিজের মাপ কি এদের চেয়েও বিশগুণ বেশি?

একটা কথা মনে পড়ল। এদের এখানে খেলনার মুজিয়ম আছে। এই খেলনা সংগ্রহের সঙ্কল্প বহুকাল থেকে আমার মনের মধ্যে ঘুরেচে। তোমাদের নন্দনালয়ে কলাভাণ্ডারে এই কাজ অবশেষে আরম্ভ হ'ল। রাশিয়া থেকে কিছু খেলনা পেয়েছি। অনেকটা অমোদনই মতো।

পিছিয়ে-পড়া জাতের সম্বন্ধে আরও কিছু জানাবার আছে। কাল লিখব। পরন্তু সকাল পৌছব নিয়ুইয়র্কে—তারপরে লেখবার যথেষ্ট অবসর পাব কি না কে জানে। ইতি ৭ অক্টোবর, ১৯৩০।

[ত্রিযুক্ত হরেন্দ্রনাথ করকে লিখিত]

ইংলণ্ড ও বর্তমান ভারতীয় আন্দোলন

শ্রীশুধীর সেন, বি-এ

প্রায় এক বৎসর পূর্ণ হইতে চলিল নিখিল ভারতীয় কংগ্রেস অহিংস আইনলঙ্ঘন নীতি অবলম্বন করিয়া সারা ভারতবর্ষে এক তুমুল আন্দোলনের সৃষ্টি করিয়াছে। স্বাধীনতা-অর্জনের যে বিরাট প্রচেষ্টা সমগ্র ভারতবর্ষকে বিক্ষুব্ধ করিয়া তুলিয়াছে, পশ্চিমও যে তাহা কথঞ্চিৎ চাকল্যের সঞ্চার করে নাই, তাহা নহে। কিন্তু ভারতবর্ষ হইতে হাজার হাজার মাইল দূরে আসিতে আসিতে সে মহাতরঙ্গ তাহার দুর্দম বেগের অনেকখানিটাই হারাইয়া ফেলে। ইহার উপর দৃষ্টিভিন্ন তাহার পথে অল্প বাধাও আছে। হল্যাণ্ড্ যেমন বাধা বাধিয়া সমুদ্রকে ঠেকাইয়া রাখিয়াছে, তেমনি পশ্চিমের সংবাদপত্রসমূহও কৃত্রিম বাধা সৃষ্টি করিয়া ভারতীয় আন্দোলনের প্রবল গতিককে প্রাণপণ বলে প্রতিহত করিবার চেষ্টা করিতেছে। দূরত্বের ও সংবাদপত্রের এই দুর্লভ্য বাধাকে অতিক্রম করিয়া সে ঢেউ যখন পশ্চিমের দ্বারদেশে আসিয়া আঘাত করে, তখন তাহার গর্জন যে ক্ষীণ এবং গতি যে মন্দীভূত হইয়া যাইবে, তাহাতে বিচিত্র কি! বরং বিশ্বয়ের বিষয় এই যে, সে ঢেউ এতদূর পর্য্যন্ত আসিয়া এদেশকেও অল্প-বিস্তর চঞ্চল করিয়া তুলিয়াছে। ইহা হইতেই এই আন্দোলনের যথার্থ আকার ও গুরুত্ব অনুমান করিয়া লইতে পারি।

ভারতবর্ষের এই মহা-আন্দোলনের কতটুকু পশ্চিম জানিতে পারে এবং সে-সম্বন্ধে পশ্চিম কি ভাবে, সে বিষয়ে বাংলার পাঠক-পাঠিকার কৌতূহল থাকা একান্ত স্বাভাবিক। আমি আজ কিয়ৎপরিমাণে সেই কৌতূহল নিবৃত্তি করিবার প্রয়াস পাটাইব।

টেলিফোন, টেলিগ্রাম, ওয়্যারলেস ইত্যাদির কল্যাণে এ যুগ সংবাদ সংগ্রহ ও প্রচার যেরূপ সহজ হইয়া দাঁড়াইয়াছে, ইহা হইতে অনেকেই হয়ত অনুমান করিবেন যে,

ভারতবর্ষ সম্বন্ধে কোনো কথাই আজ পশ্চিমের অবিদিত নাই। কিন্তু ভারতবর্ষ সম্বন্ধে পশ্চিমের প্রচণ্ড অজ্ঞতাই পশ্চিমপ্রবাসী ভারতবাসীর সব চেয়ে বড় বিশ্বয়ের বিষয়। এ অজ্ঞতা হত আর এক শতাব্দী পূর্বে, এমন কি পঞ্চাশ বৎসর পূর্বেও নিতান্ত স্বাভাবিক বলিয়া মনে হইত এবং দূরত্বকেই মানুষ ইহার একমাত্র কারণ বলিয়া স্বভাবতই ধরিয়া লইত। কিন্তু বিজ্ঞান সে দূরত্বকে আজ প্রায় লোপ করিয়া দিয়াছে। এক দেশের ঘটনা আজ সে দেশে ঘটিবার সঙ্গে সঙ্গেই, এমন কি সে দেশেরই লোকের ঐতিহ্যের হইবার পূর্বেই, হাজার হাজার মাইল দূরে প্রেরিত হয়। ভারতবর্ষ সম্বন্ধে পশ্চিমের এই অজ্ঞতার কারণ তবে কি? তাহার প্রধান কারণ, বহির্জগতের সঙ্গে ভারতবর্ষের যে যে দ্বার দিয়া ভাববিনিময়ের সম্ভাবনা রহিয়াছে, তাহার প্রত্যেকটি দ্বারেই এক একটি সশস্ত্র পাশ্চাত্য প্রহরী চক্ষু আরক্ত করিয়া দণ্ডায়মান! খিড়কীর দরজা-টুকুও আজ আর অরক্ষিত নাই! বহির্জগতের কৌতূহলাক্রান্ত উৎসুক দৃষ্টি যতই সেখানে গিয়া পড়ুক না কেন, অন্তঃপুরনিবন্ধা এই কল্লার সত্যিকার মনোভাব জানিবার উপায় তাহার ত নাই। প্রহরীদের কাছে আসিয়া পশ্চিম যখনই কন্যার কুশলবার্তা জিজ্ঞাসা করে, তখনই উত্তর পায়—কন্যা স্নাননিদ্রায় বিভোর!

তবে এখানকার সব সংবাদপত্রের মধ্যেই ভারতবর্ষ সম্বন্ধে এক দিক্ দিয়া একটি বিশেষ ঐক্য আছে। ভারতবর্ষের বর্তমান অশান্তির কারণ অসংশয়ে নির্ণয় করিতে সমর্থ হইয়াছে মনে করিয়া এখানকার সংবাদপত্রসমূহ উদ্বৃত্ত স্পর্ধার সহিত দিনের পর দিন যাহা ঘোষণা করে, তাহা একটা নির্ধম পরিহাস বলিয়াই মনে হয়। তাহাদের

মতে এই অশান্তির একমাত্র কারণ আমাদেরই মত মুষ্টিমেয় লোক যাহারা ইংরেজী শিক্ষাকে বদ্বজ্রম করিয়া স্বাধীনতার নামে দেশের নিরুপদ্রব শান্তিপ্ৰিয় স্থখনিদ্রারত জনসাধারণকে আইনভঙ্গ করিবার পাপপ্ররোচনা দিতেছে এবং রাজ্যের হইতে মুক্তি দিবার প্রলোভন দেখাইয়া এ আন্দোলনে টানিয়া আনিতেছে। জনসাধারণ যখন একবার ক্ষুব্ধ হইয়া উঠে, তখন নেতাদেরও সাধ্য থাকে না যে তাহাদিগকে দমন করিয়া রাখেন, ফলে চারিদিকে মারামারি খুনোখুনি আরম্ভ হয় এবং এইভাবে অহিংসা-আইনলঙ্ঘননীতি দেশময় হিংসা, বিদ্বেষ ও অশান্তির হলাহল ছড়াইয়া দেয়, ব্যবসা-বাণিজ্য ইত্যাদি স্থগিত হয়, মুষ্টিমেয় উগ্রমস্তিষ্ক দায়িত্বজ্ঞানহীন লোকের কল্যাণে অসংখ্য লোক ক্ষতিগ্রস্ত হয়, ইত্যাদি।

যে কারণে ইংলণ্ডের জনসাধারণ এই সকল অদ্ভুত দাবিদায় আত্মবান উহা পাশ্চাত্য গণতন্ত্রের এক মহা সমস্যা। গণতন্ত্রের মূল কথা এই যে, দেশের প্রত্যেক বয়স্ক ব্যক্তি প্রত্যেক সমগ্রাসম্বন্ধে ভাবিয়া নিজের মতব্য স্থির করিয়া নিজের মনোমত প্রতিনিধি নিৰ্বাচন করিবে। সেজন্য বিশ্বস্তসূত্রে সংবাদ-সরবরাহের ব্যবস্থা থাকা চাই। কিন্তু সংবাদ-পত্রের কর্তারা নিরপেক্ষ হইবার চেষ্টা করিলেও অজ্ঞাত-সারের নিজেদের সংস্কারকে প্রচার না করিয়া পারেন না। তাই সংবাদপত্র হইতে সংবাদ-সংগ্রহের বিপদ এই যে, আমরা পৃথিবীকে সম্পূর্ণ নিজের চোখে না দেখিয়া অন্ধের চোখে দেখিতে বাধ্য হই। প্রত্যেক সংবাদ-পত্রেরই যদি নিরপেক্ষ ও সংস্কারহীন হইবার একটা চিরজাগ্রত চেষ্টা বিদ্যমান থাকিত, তাহা হইলে ধার-করা চোখে পৃথিবীকে দেখার বিপদ হইতে আমরা, সম্পূর্ণরূপে না হইলেও, কিয়ংপরিমাণে মুক্ত হইতাম। কিন্তু খুব কম সংবাদপত্রই নিরপেক্ষ হইবার জ্ঞাত তেমনভাবে ব্যাহুল, সত্যের প্রতি তাহাদের আকর্ষণ অতি গভীর— এমন অপবাদ কেহ তাহাদিগকে দিতে পারে না। আসল কথা এই যে, প্রত্যেক সংবাদপত্রই জনমতকে নিজের মতে দীক্ষিত করিবার জ্ঞাত ব্যগ্র, সত্য ঘটনাকে জনসাধারণের সম্মুখে তুলিয়া ধরাকেই সংবাদপত্র নিজের

একমাত্র কাজ বলিয়া মনে করে না। সংবাদপত্র তাই মাহুষকে একটা জিনিষ দেখাইয়াই ক্ষান্ত নহে, সে জিনিষ সে একটি বিশেষভাবে দেখাইবার চেষ্টা করে।

তুইটি দেশের সম্বন্ধের দিক হইতে এই সংবাদ-সমস্যা একটি জটিল ব্যাপার হইলেও পাশ্চাত্য দেশে অনেক সময়ই উহা তেমন গুরুতর আকার ধারণ করে না। ফ্রান্সকে ইংরেজরা নিজেদের সংবাদ-পত্রের চোখ দিয়াই দেখে সত্য, তেমনি ফ্রান্সও ইংলণ্ডকে ফরাসী সংবাদপত্রের মধ্য দিয়াই প্রধানত জানে। তুই দেশেরই নিজের মত প্রকাশের উপায় ও স্বাধীনতা এতখানি রহিয়াছে যে, কোনো দেশই সম্পূর্ণ দায়িত্বহীন ভাবে মিথ্যাকে প্রচার করিতে সাহস করে না। “টাইমস্”—পত্রে যদি ভুল সংবাদ ছাপান হয়, “ল ভী” অবিলম্বে তাহার প্রতিবাদ করে। একই দেশের মধ্যে যেমন বিভিন্ন দলের বিভিন্ন মতের প্রতিযোগিতায় সে দেশের জনসাধারণ শেষ পর্যন্ত সত্যকে পায়, তেমনি বিভিন্ন দেশের বিভিন্ন মতের প্রতিযোগিতায় পৃথিবীর জনসজ্ঞাও মোটামুটি সত্যকে পায়। সমস্ত জগতের সম্মুখে ইংলণ্ডের নিজের মত ব্যক্ত করিবার অধিকার যতখানি আছে, ফ্রান্স, জাৰ্মেনী বা আমেরিকারও ঠিক ততখানিই আছে। পশ্চিমে এক দেশ তাই মিথ্যা রচনা করিয়া আর এক দেশকে বিপন্ন করিতে পারে না, কারণ সব দেশ হইতেই সেই মিথ্যা রচনার দ্রুত তীব্র প্রতিবাদ সৰ্ব্বদাই আসে।

এই সংবাদ-সমস্যা তুই দেশের মধ্যে তখনই বিশেষ-ভাবে জটিল ও উগ্র হইয়া উঠে যখন পৃথিবীর জনমতের দরবারে হাজির হইবার অধিকার উভয়ের মধ্যে সমানভাবে থাকে না। ভারতবর্ষ সম্বন্ধে বহির্জগত যেটুকু সংবাদ পায়, তাহা কেবল এদেশীয় লোকের মধ্য দিয়াই। ভারতবর্ষ সম্বন্ধে ইংরেজ-প্রদত্ত প্রত্যেকটি সংবাদকে পশ্চিম মানিয়া লয়, স্বজাতি বা প্রতিবেশীকে সন্দেহ করার কোনো কারণ আছে বলিয়া কাহারও মনে হয় না। আর ভারতবর্ষের প্রতিবাদ যে এতদূর আসিয়া

পশ্চিমের মনে তেমন কোনো সংশয় জাগাইয়া দিবে, তাহাও সম্ভব নয়।

এ দেশীয় সংবাদপত্র-সমূহ যদিই বা নিতান্ত সচেতন নিরপেক্ষতার সহিত ভারতবর্ষ সম্বন্ধে সংবাদ প্রচার করিত, তাহা হইলেও একটা প্রকাণ্ড বিপদ থাকিয়াই যাইত। ইয়ুরোপের দেশগুলি আজ কয়েক শতাব্দী ধরিয়াই পরস্পরকে জানিয়া আসিয়াছে। স্বাদেশিকতা বা জাতীয় স্বর্গীয়তা প্রত্যেক দেশের যতই থাকুক না কেন, পশ্চিমের কোনো জাতি অথবা কোনো পাশ্চাত্য জাতিকে উপমানব বা সভ্যতার গণ্ডীর বাহিরে বলিয়া মনে করে না। ভারতবর্ষকে সেভাবে জানিবার সুযোগ পশ্চিমের কোনো দিন হয় নাই। ইংলণ্ডের লক্ষ লক্ষ নরনারী যে-ভারতবর্ষকে কোনোদিন দেখিবার সুযোগ পাইবে না, সেই ভারতবর্ষ সম্বন্ধে নিজেদের কৌতূহল নিবৃত্তি করে নিজেদের কল্পনায় এক অভিনব ভারতবর্ষের সৃষ্টি করিয়া। সে কল্পিত ছবিতে বাধ আছে, হাতী আছে, সাপ আছে, অর্ধবিবস্ত্র অদ্ভুতাকৃতি অসভ্যেরা আছে; সেখানে ভাষার সংখ্যা এত বেশী যে কেহ কাহারও কথা বুঝে না; ধর্মের নামে সেখানে মানুষ বহুপ্রকার জানোয়ার ও বিবিধাকৃতি পুতুলের উপাসনা করে; মারামারি, খুনোখুনি সেখানে চিরন্তন এবং শাস্তিরক্ষার্থ ব্রিটিশ-সৈন্যের উপস্থিতি সেখানে একান্ত প্রয়োজন; সেই জঙ্গলময় বিরাট মহাদেশে মঙ্গলময় ব্রিটিশজাতি রেলগাড়ি স্থাপন করিয়াছে, শিক্ষার ব্যবস্থা করিয়াছে, দেশরক্ষার স্বন্দোবস্ত করিয়াছে; অকৃতজ্ঞ ভারতবাসী আজ স্বাধীনতার দাবি করিতেছে বটে, কিন্তু যে-মুহূর্তে ব্রিটিশের প্রসারিত বাহু ভারতবর্ষকে রক্ষা করিতে কান্ত হইবে, সেই মুহূর্তে অসংখ্য মানুষ হিংস্রপশুর মত পাহাড় হইতে নামিয়া আসিয়া এতদিনের প্রতিষ্ঠিত শাস্তিরাজ্যকে একেবারে উৎসন্ন করিয়া ফেলিবে, আর সেই অবকাশে হয় রাশিয়া, নয় জাপান, নয় জার্মানী গিয়া ভারতবর্ষকে নিজের কবলে আনিয়া সবলে এমন স্থাশন আরম্ভ করিয়া দিবে যে, তখন ভারতবর্ষ ব্রিটিশ-শাসন ফিরিয়া পাইবার জন্ত কাতর ক্রন্দন আরম্ভ করিয়া দিবে; ইত্যাদি।

তাই বলিতেছিলাম, ভারতবর্ষ সম্বন্ধে ইংলণ্ডের নরনারীর গোড়াতেই যে একটা ভুল ধারণা জন্মিয়াছিল, এই স্বর্দীর্ঘ দুই শত বৎসরে তাহা নিশ্চল না হইয়া দৃঢ়তর হইয়াছে। ভারতবর্ষ সম্বন্ধে কোনো ফিল্ম দেখিতে যাও, দেখিবে সেখানে জঙ্গল আছে, হাতী আছে, অদ্ভুত পোষাকপরা পাগড়ীসমেত দুই একটি মহারাজ আছেন, আর মাঝে মাঝে ছবিটিকে সম্পূর্ণ করিয়া তুলিবার জন্ত শাড়ীপরা গহনায় ভাষাকান্ত দুই একটি সাঁওতাল রমণীকেও হাজির করা হয় এবং তাহা হইতেই এখানকার রমণীরা ভারতীয় রমণীর রূপ ও রুচির নমুনা হাতে-হাতে পাইয়া পরম পরিতৃপ্তি লাভ করেন। সংবাদপত্র খুলিলে দেখিবে ভারতবর্ষ সম্বন্ধে মাঝে মাঝে কিছু কিছু সংবাদ থাকে—যথা, একজন মুসলমান একজন হিন্দুর মাথা ভাঙিয়াছে, একজন হিন্দু এক মুসলমানের বৃকে পদাঘাত করিয়াছে, কোথাও হিন্দু-মুসলমানে খুনোখুনি আরম্ভ হইয়াছে এবং পুলিশ বা সৈন্য প্রাণের মায়া ত্যাগ করিয়া বহুকষ্টে শান্তিকে পুনঃপ্রতিষ্ঠিত করিবার প্রয়াস পাইতেছে, কোথায় এক বঙ্গীয় যুবক কোন্ খেতাবের উপর ঢিল ছুঁড়িয়াছে এবং অনতিবিলম্বে তাহাকে গ্রেপ্তার করা হইয়াছে, কোথায় কলিকাতার এক ক্ষুদ্র গলির একপ্রান্তে একটি অশ্রদ্ধকারময় ক্ষুদ্রকক্ষে চারটি বোমা পাওয়া গিয়াছে এবং সেই উপলক্ষ্যে পুলিশ বিশেষভাবে তদন্ত করিতেছে এবং অত্মমানে অনেককেই সন্দেহ করিয়া গ্রেপ্তার করিতে সমর্থ হইয়াছে, ইত্যাদি; অথবা, হাজার হাজার লোকের করতালিধ্বনির মাঝখানে জনৈক মুসলমান নেতা প্রচার করিয়াছেন যে, গান্ধীর মস্তকবিকৃতি ঘটয়াছে, মুসলমানরা কিছুতেই শান্তিভঙ্গ করিতে রাজী হইবে না এবং উগ্রপন্থীদের অগ্নায় আন্দোলনের বিরুদ্ধে সমস্ত মুসলমান-সমাজ একমত হইয়া শান্তিস্থাপনে গভর্নমেন্টকে সাহায্য করিবার জন্ত ব্যস্ত, ইত্যাদি; অথবা, অস্পৃশ্য অসহযোগ আন্দোলনের বিরুদ্ধে উঠিয়া পড়িয়া লাগিয়াছে, এবং উৎপীড়ক হিন্দু-সমাজের অপেক্ষা উদার ও নিরপেক্ষ ব্রিটিশ গভর্নমেন্টকেই যে তাহার বড় বন্ধু বলিয়া মনে করে, তাহা যেন গান্ধী-প্রমুখ হিন্দুনেতারা বিশেষভাবে মনে রাখেন, ইত্যাদি।

সংবাদপত্রের অপরাধ দুইটি—একটি তাহার স্বকৃত, অপরটি তাহার পক্ষে অপরিহার্য। তাহার স্বকৃত অপরাধ তখনই হয়, যখন সত্যকে সে মিথ্যা এবং মিথ্যাকে সত্য বলিয়া প্রচার করে, যখন বৃহৎকৈ সে ক্ষুদ্র এবং ক্ষুদ্রকে সে বৃহৎ বলিয়া দেখায়, অথবা যখন কোনো ঘটনা প্রকাশ করা সুবিধাজনক হইবে না মনে করিয়া সমস্ত ঔপাশীনা সে তাহার উপর একটা নির্ধম নীরবতার যবনিকা টানিয়া দেয়। কংগ্রেসাস্ত্রসরগকারীদের সংখ্যা কমাইয়া, তাহাদের প্রভাবকে অস্বীকার করিয়া, অস্পৃশ্য বা মুসলমান-নেতারা কংগ্রেসকে সম্পূর্ণ বর্জন করিয়াছেন এবং কংগ্রেস ও মুসলিম লীগ দুইয়েরই প্রভাব ভারতবর্ষে সমান, ইত্যাদি প্রচার করিয়া সংবাদপত্রসমূহ যখন এদেশীয় নরনারীর মনে ভারতীয় আন্দোলনের গুরুত্ব সম্বন্ধে একটা ভুল ধারণা জন্মাইয়া দেয়, তখন তাহার অপরাধ স্বকৃত এবং অমার্জনীয়। আর তাহার অপরিহার্য ক্রটি এই যে, অধিকাংশ ফিল্মের মতই সংবাদপত্রেরও কারবার অদ্ভুতকৈ লইয়াই। যাহা স্বাভাবিক, সাধারণ, তাহা সে অনায়াসেই অবহেলা করিয়া যায়; অদ্ভুত, অসাধারণ, অস্বাভাবিক, ইত্যাদিকে প্রচার করাই তাহার ব্যবসা। এ দেশীয় নরনারী যে-দেশকে কোনোদিন দেখিবার বা জানিবার সুযোগ পায় নাই, সে-দেশ সম্বন্ধে দিনের পর দিন যখন তাহারা কেবল মারামারি, খুনোখুনি, বোমা আবিষ্কার, ইত্যাদি সংবাদই পায় তখন সে দেশের প্রতি তাহাদের মনোভাব কিরূপ হইবে, তাহা অসূচন করিবার জন্ত মনতস্তবিশারদ হইবার প্রয়োজন হয় না।

সংবাদপত্রের কথা বাদ দিলেও ভারতবর্ষ সম্বন্ধে জ্ঞান লাভ করিবার বহিজগতের আরও দুই একটি পথ আছে। যথা—প্রথমতঃ সাইমন কমিশনের রিপোর্ট। সমস্ত পশ্চিম এই রিপোর্টকে ভারতবর্ষ সম্বন্ধে একটি অভিনব বাইবেল মনে করিয়া বসিয়াছে। সাইমন কমিশনে ইংলণ্ডের তিনটি রাজনৈতিক দলের লোকই বর্তমান ছিল এবং রিপোর্টেও সকলেই একমত, সুতরাং এ রিপোর্ট অজান্তে না হইয়া পারে না, এই হইল পশ্চিমের ধারণা। কিন্তু পশ্চিম

এ কথা অনায়াসেই তুলিয়া যায় যে, এ কমিশনে একজনও ভারতবাসী ছিল না, এ রিপোর্ট গভর্ণমেণ্টের দলিলপত্রের উপরই প্রতিষ্ঠিত এবং যদিও কয়েকজন ভারতবাসী কমিশনের সম্মুখে নিজেদের রাজনৈতিক মত ব্যক্ত করিয়াছিলেন, তবু দেশের সব চেয়ে বড় যে রাজনৈতিক দল এবং সে দলের সব চেয়ে প্রভাবশালী নেতৃবৃন্দ যাহারা তাহারাই এই কমিশনের সঙ্গে সকল প্রকার সম্বন্ধ অস্বীকার করিয়াছিলেন। দ্বিতীয়তঃ—লীগ অব নেশনসের কথা। এই আন্তর্জাতিক প্রতিষ্ঠানে ভারতবর্ষের প্রতিনিধি প্রেরণের ব্যবস্থা করা হইয়াছে সত্য, কিন্তু সে প্রতিনিধি নির্বাচন করে কে? ভারতবর্ষের জনসাধারণকে কি এই জাতিসংঘের প্রতিনিধি নির্বাচন করিবার সুযোগ কখনও দেওয়া হইয়াছে? সে সুযোগ পাইলেও একজন ভারতীয় প্রতিনিধির উক্তি এই জাতিসংঘে হযত অরণ্যরোদনের মতই প্রতিভাত হইত। সে যাহা হউক, প্রতিনিধি যাহাদিগকে বলা হয়, তাহারা সত্যি প্রতিনিধি নন, কারণ তাহাদের নির্বাচনে ভারতীয় জনসংঘের কোনো হাত নাই।

এতক্ষণ যাহা বলা হইল তাহা হইতে পাঠকপাঠিকারা অনায়াসেই বুঝিতে পারিবেন যে, ভারতীয় আন্দোলন সম্বন্ধে পশ্চিমের নরনারী অতি সামান্য সংবাদই পাইয়া থাকে। সমস্ত পশ্চিমকে ভারতবর্ষ সম্বন্ধে অজ্ঞতার অন্ধকারে রাখিবার যে বিরাট যড়যন্ত্র এতদিন ধরিয়া চলিয়া আসিয়াছে, ইতিহাসে তাহার তুলন পাপুয়া কঠিন। এই নীরবতার যড়যন্ত্র আরও ভীষণ এইজন্য যে, আজ ইংলণ্ডের শাসনপ্রণালী গণতান্ত্রিক এবং এদেশের জনসাধারণই আজ আমাদের প্রভু। অষ্টাদশ শতাব্দীর শেষভাগে এমন কি উনবিংশ শতাব্দীর প্রথমার্ধেও পালিয়ামেন্ট জনসাধারণের উপর এমন একান্তভাবে নির্ভর করিত না, কাজেই তখন রাজনৈতিক নেতৃবৃন্দের স্বাধীনতা ছিল চের বেশী। কিন্তু গত একশত বৎসরের মধ্যে প্রায় প্রত্যেক প্রাপ্তবয়স্ক নরনারী এখানে ভোটের অধিকারী অর্থাৎ আমাদেরকে শাসন করিবার উপযোগী হইয়াছে। কিন্তু যাহারা আমাদেরকে শাসন করে তাহারাই আমাদের অভাব

অভিযোগ সন্দেহে সম্পূর্ণ অজ্ঞ। তাই এদেশের প্রত্যেক ভোটদাতা নিজের অজ্ঞাতসারে একটা স্বরূপে অজ্ঞায়কে চিরস্থায়ী করিয়া রাখিতেছে, একটা বিরাট পাপের বোঝা মাথায় তুলিয়া লইতেছে। যদি সত্য ঘটনা সমস্ত ইংলণ্ডবাসীর কর্ণগোচর হইত, তবে হয়ত এই ইংলণ্ডেই ভারতীয় আন্দোলনকে সমর্থন করিবার জ্ঞান এক দলের সৃষ্টি হইত। কিন্তু এখন ইংলণ্ডের চার কোটি নর-নারীর মধ্য হইতে দুই-চারজনও ভারতবর্ষের পক্ষ লইয়া কথা বলে কি না সন্দেহ। ১৫-দেশে প্রতিষ্ঠান গড়িবার সম্পূর্ণ স্বাধীনতা আছে, যে-দেশে যুগে যুগে প্রত্যেক সমস্তার সময়েই নানা দল গড়িয়া উঠিয়া সে-সমস্যার নানা প্রকার মীমাংসা লইয়া হাজির হইয়াছে, সেদেশে ভারতীয় আন্দোলনের সমর্থনকারী একটিও দল নাই, ইহা বিশ্বয়ের বিষয় নহে কি? আর এই সত্যই পশ্চিমের ভারত সন্দেহে স্বরূপে অজ্ঞতার সর্বশ্রেষ্ঠ প্রমাণ নয় কি?

জনসাধারণকে ভারত-সন্দেহে অজ্ঞ রাখার বিষয়ময় ফল আর এক দিক দিয়াও পরিস্ফুট হইয়া উঠিয়াছে। ভারত-সন্দেহে জনসাধারণের ভ্রান্ত ধারণা থাকার জন্ম কোনো রাজনৈতিক দলের নেতৃবৃন্দই ভারতবর্ষের দাবির এক বৃহদংশ পূরণ করিবার ইচ্ছা করিলেও সাহস করিবে না; কারণ এ প্রকার উদারতার বিরুদ্ধে অজ্ঞ জনসাধারণ প্রতিবাদ করিবেই এবং ফলে হয়ত সে নেতৃবৃন্দকে মস্তিষ্ক পদ হইতে অপসারিত হইতে হইবে। ইংলণ্ডের জনসাধারণের এই নিষ্ঠুর অজ্ঞতার জন্য ভারতবর্ষ যে কেবল তাহাদের সমবেদনা হইতেই বঞ্চিত তাহা নহে, এ জনসাধারণ অজ্ঞাতসারে ভারতবর্ষের শত্রুতাচরণই করে। যদিই বা দুই একটি রাজনৈতিক নেতা ভারতবর্ষ সন্দেহে উদারমতাবলম্বী হইয়া থাকেন, সংবাদপত্র ও জনসাধারণের নিশ্চিত আক্রমণকে তুচ্ছ করা সম্ভব হইবে না মনে করিয়া তাহারাও সহজেই চূপ করিয়া যাইতে বাধ্য

হন। অধিকাংশ সময়ই রাজনৈতিক নেতারা ন্যায়-অন্যায়ের কথা সম্পূর্ণ ছাড়িয়া দিয়া সুবিধা-অসুবিধার কথাই বিশেষভাবে ভাবেন; কি করিয়া নিজের দলের পক্ষে জনতাকে জানা যায় এবং নিজের দলকে মস্তিষ্ক পদে অধিষ্ঠিত করা যায়, ইহাই তাহাদের প্রধান বা একমাত্র ভাবনা। সে অবস্থায় ভারতবর্ষের বর্তমান শাসনপ্রণালীকে স্থায়ী করিয়া রাখা তাহারা সত্যতাই সুবিধাজনক মনে করেন। ভারতবাসীর প্রতি লর্ড আর্লউইনের যদিই বা কোনো সমবেদনা থাকে, তবু তিনি কি করিতে পারেন? ভারতের শাসনপ্রণালীকে স্থায়ী করিবার চেষ্টাই তিনি করিতে পারেন, সেখানে বিশেষ কিছু পরিবর্তন করিবার ক্ষমতা তাহার নাই। সে ক্ষমতা আছে ব্রিটিশ পার্লামেন্ট। ভারতীয় শাসন কারখানার ইঞ্জিন এই লণ্ডন শহরেই। কিন্তু এখানকার এক একটি রাজনৈতিক দলের ক্ষমতাই বা কতটুকু? ধরুন, মিস্টার ম্যাকডোনাল্ডের কথা, ভারতীয় দাবির অনেকাংশ পূরণ করিবার ইচ্ছা যদিই বা তাহার থাকে, তবু তিনি কি করিতে পারেন? ভারত-সমস্যাকে তিনি সত্যতাই তাহার অনেকগুলি রাজনৈতিক সমস্তার মাত্র একটি বলিয়া মনে করেন। স্তবরাং ভারত-সমস্তা সমাধানের চেষ্টা করিতে গিয়া তিনি ইংলণ্ডীয় জনমতের বিরুদ্ধে যাইতে কিছুতেই রাজী হইবেন না, কারণ তাহাতে না হইবে ভারত-সমস্যার মীমাংসা, না হইবে অজ্ঞাত রাজনৈতিক ও অর্থনৈতিক সমস্তার সমাধান, হওয়ার মধ্যে কেবল এই হইবে যে, তাহাকে সদলে মস্তিষ্কপদ হইতে অন্তি-বিলম্বে অবতরণ করিতে হইবে। সব রাজনৈতিক নেতাই গ্যাড্‌স্টন নন, সকলেই সুবিধার চেয়ে সত্যকে বড় মনে করেন না। আয়ারল্যান্ডকে হোমরুল দিবার জ্ঞান বৃদ্ধবয়সেও এই সত্যপ্রিয় তেজস্বী মহাপুরুষ যাহা করিয়া গিয়াছেন, তাহার তুলনা সমস্ত ইংলণ্ডের ইতিহাসে বিরল।

ঢ়়়়়

ঐরবীন্দ্রনাথ মৈত্র

বড়র য়োল ংগেকার কথ। তেতাল্লিশ নম্বরের কলেজ মেস। সারারাত্রি অভিনয়দর্শনে রক্তচক্ষু রামহরি-বাবু সকালবেলায় ডাকের চিঠিখানা খুলিয়াই চীংকার করিয়া উঠিলেন, “হুর্রে!” পাশের ঘরে দিগম্বরবাবু মোক্তারী পরীক্ষার নোট মুখস্থ করিতেছিলেন, ছুটিয়া আসিয়া জিজ্ঞাসা করিলেন, “কি ব্যাপার?”

“সুখবর হে, সুখবর! গৃহিণী—”

“খাওয়াও তাহ’লে! ছেলে হ’য়েছে?”

রামহরিবাবু আর একবার চীংকার করিয়া উঠিলেন, “পুত্র নয় হে, কন্যা। তবু খাওয়াব, ছেলেমেয়ের কোনো তফাৎ নেই আমার কাছে। মিছির!”

মিছির-ঠাকুর আসিল এবং ছকুম পাইয়া মোড়ের মন্দেশের দোকানে চলিয়া গেল।

আধবক্তার পর মেসমুহ লোক নবজাতাব কলাপ-কামনা করিয়া পান চিবাইতে চিবাইতে নিজ নিজ কামরায় প্রস্থান করিলেন। রামহরিবাবু তখন চিঠিখানা একবার ভাল করিয়া পড়িয়া দেখিলেন— “মেহের রং ফর্সা, তবে একটু ঢ়়়়।” রামহরিবাবু শ্রামশূদার গলির জ্রীষ্বাধীনতা প্রচারিণী সভার সদস্য ছিলেন—এ সংবাদে দমিলেন না—হাসিয়া কহিলেন, “তা হোক! গুণে সব ঢ়়়়ে। লেখাপড়া গান-বাজনাতে এমন তালিম ক’রে তুলব মেয়েকে—” ভাবিতে ভাবিতে উষ্টিয়া বৌবাচ্চারের একটি বাদ্যযন্ত্রের দোকানে ছোট সেতারের কত দাম পড়িতে পারে সেটাহু তখনই জানিয়া আসিলেন।

২

দ্রীশিক্ষা প্রচার ছাড়া আর একটি লক্ষ্য রামহরিবাবুর ছিল, সেটা নিত্যন্ত ব্যক্তিগত। আইন পাস করিয়া হাইকোর্টে ওকালতী করিবেন। কিন্তু দৈববিড়ম্বনায়

বার-তিনেক বি-এ ফেল করিয়া স্বগ্রাম তেঁতুলিয়া হাইস্কুলে থার্ডমাষ্টারীতে ভর্তি হইলেন। মাসিক বেতন ত্রিশ টাকার সিকিপরমাণ কন্ডার শিক্ষার জন্ত বায়-বরাদ্দ করিলেন। গৃহিণী আপত্তি করিলেন, কিন্তু রামহরি-বাবুকে আদর্শভ্রষ্ট করিতে পারিলেন না। প্রথম প্রথম রঙীন ছবির বই, ক্রমে ক্রমে ছবি আঁকিবার সরঞ্জাম ও একটি ছোট সেতার সমস্তই কন্ডাকে যোগাইলেন। গৃহিণী কথিয়া কহিলেন, “ও ছাইপাশগুলো দিয়ে হবে কি? তার চেয়ে—” রামহরিবাবু কহিলেন, “সে ভাবনা আমার আছে।” গৃহিণী অতঃপর আর কিছু কহিলেন না।

বারো বৎসর বয়সের বীণা সেতার বাজায়; রামহরিবাবু চক্ষু মূদিয়া শোনে, আর গৃহিণী রত্নশালায় ভাল সিদ্ধ করিতে বসিয়া কন্ডার ভবিষ্যৎ ভাবিয়া আতঙ্কিত হইতে থাকেন। ভাবিতে ভাবিতেই বীণার বয়স তেরোর কোটায় গিয়া পৌছিল। গৃহিণী আর স্থির থাকিতে পারিলেন না; তাঁহার মাতামহের শস্তুর-বংশ পুরুষাত্মক্রেমে পণ্ডিত, সে ছোঁয়াচ গৃহিণীরও লাগিয়াছিল; একদিন স্পষ্টই রামহরি-বাবুকে কহিলেন, “এইবার মেয়ে পান করবার ব্যবস্থা কর। আমি বেঁচে থাকতে আমার বাপঠাহুদ্দা নরকে পচবে!” রামহরিবাবু হুঙ্ক কহিলেন, “সে হবে।” কিন্তু সে বিষয় তাঁহার বিন্দুমাত্র ব্যস্ততা দেখা গেল না। গৃহিণী ব্যস্ত হইয়া উঠিলেন। রামহরিবাবুকে অনেক কহিয়া দিনকয়েকের ছুটি লওয়াইয়া পাত্রে সন্ধান পাঠাইলেন। রামহরিবাবু সতেরো জায়গা ঘুরিয়া বাড়ী আসিয়া পাত্র-মণ্ডলীর নাম-ধাম গাঁই-গোজ ও সেই সঙ্গে কন্ডা গ্রহণের পারিশ্রমিকের অঙ্ক সমস্ত এক তালিকাভুক্ত করিয়া গৃহিণীর সম্মুখে ফেলিয়া দিয়া কহিলেন, “রা হয় কর।”

গৃহিণী মেয়ে দেখার দিন স্থির করিয়া পত্র লিখিতে বসিলেন।

মঙ্গলাহাটীর ভট্টচাঁজ বাড়ী হইতে পাত্রের মাতুল আসিয়া কন্ডার বিশেষ প্রশংসা করিয়া জলযোগান্তে ফিরিয়া গেলেন; বাড়ী গিয়া মেয়েদের সঙ্গে পরামর্শ করিয়া পত্র দিবেন। শিবতলার রায়-বাড়ীর লোক মেয়ে দেখিয়া গেল। পাকা কথা হইল না। বাঁশকুড়ুলের চৌধুরী বাড়ী হইতে পাত্র স্বয়ং বন্ধুবান্ধবসহ দেখিতে আসিল; বাজনা শুনিয়া মৃদুস্বরে একটু বাহবাও দিয়া গেল। রামহরিবাবু গোপনে পাত্রকে জিজ্ঞাসা করিলেন, “বাবাজী তা হ’লে—”

ছেলেটি বিনয়ী। মাথা নীচু করিয়া কহিল, “আজ্ঞে মা সব আপনাকে লিখবেন। আমি ফিরে গিয়েই তাঁকে বলব।”

এইরূপে রামহরিবাবু কিছুদিনের মত গৃহিণীর উৎপাত হইতে রক্ষা পাইলেন। এদিকে গৃহিণী দিন-কয়েক তাঁহার ভবিষ্য-জামাতৃবর্গের অভিভাবকগণের পত্রের প্রতীক্ষা করিয়া তাহার পর জোড়া পোষ্টকার্ড লেখা আরম্ভ করিলেন। ক্রমে ক্রমে জবাব আসিতে লাগিল। মঙ্গলাহাটীর পাত্রের পিতার অস্থখ, শিবতলার পাত্রের পরীক্ষার বৎসর, ইত্যাদি। বাঁশকুড়ুল হইতে যে-পত্রখানি আসিল সেটা একটু স্পষ্ট। পাত্রের মাতা লিখিয়াছেন, কত্কাটি টায়া;—ছেলের পছন্দ হয় নাই। পত্র পাইয়া গৃহিণী ক্ষেপিয়া উঠিলেন; চিঠিখানা হাতে করিয়া যেখানে রামহরিবাবু বসিয়া বীণার সেতার বাজনা শুনিতেছিলেন সেখানে গিয়াই উপস্থিত হইয়া কহিলেন, “কেমন হ’ল তো! শুণে সব ঢাকবে না! দেখ!” বলিয়া রামহরিবাবুর নাকের ডগায় চিঠিখানা ছুঁড়িয়া ফেলিয়া কন্ডার দিকে ফিরিয়া কহিলেন, “যে রূপের ছিরি, তার আবার গান বাজনা! যা খুঁটে দিগে যা!”

বীণা সেতার রাখিয়া নীরবে উঠিয়া গেল।

ইহার পর পিতা ও মাতার কি কথাবার্তা হইল তাহা বীণা শুনিতে পাইল না, কিন্তু সমস্ত দিন ধরিয়া মাতা অবিরত বলিতে লাগিলেন, “আহা রূপ! চোখ নয় ত নাটার বিচি!”

মাতা দ্বিপ্রহরে ঘুমাইতেছিলেন, সেই অবসরে বীণা আরশী লইয়া বসিল। এতদিন চোখে পড়ে নাই,—আজ দেখিল বাস্তবিকই ডান চোখটা অভ্যস্ত টায়া। নিজের মুখ আরশীতে দেখিতে নিজেরই লজ্জা করিতে লাগিল। নানা রকম করিয়া আরশী ধরিয়া দেখিল; কোনো দিক হইতেই মুখখানিকে জুতী দেখা গেল না। তখন আরশী ফেলিয়া দুই হাতে মুখ ঢাকিয়া বেচারী বসিয়া রহিল। সেইদিন হইতেই বীণার বয়স যেন সহসা বাড়িয়া গেল। পিতা স্কুল হইতে ফিরিয়া আসিয়া যখন ডাকিলেন, তখন সে তাড়াতাড়ি জলের ঘটি লইয়া আসিল বটে, কিন্তু তাঁহার মুখের দিকে চাহিতে পারিল না। রামহরিবাবু কন্ডার ভাবান্তর লক্ষ্য করিলেন। কথা কহিলেন না। এদিকে গৃহিণীর পিতৃপুরুষকে নরকের দিকে আরও কয়েক পা অগ্রসর করাইয়া দিয়া আরও দুটি বৎসর চলিয়া গেল।

ইতিমধ্যে বীণার প্রকৃতিতে একটি বিশেষ পরিবর্তন দেখা গেল। সে মুখ নীচু করিয়া কথা বলা আরম্ভ করিল। বাধ্য হইয়া কখনও মুখ তুলিতে গেলে চোখের পাতা আপনা হইতেই মুদিয়া আসে—পাছে কেহ টায়া চোখটি দেখিয়া ফেলে! রামহরিবাবুর অবসর ছিল না; ছুটি হইলেই গৃহিণীর তাগিদে সম্ভব অসম্ভব পাত্রের সন্ধানে গ্রাম-গ্রামান্তরে ছুটিয়া বেড়াইতেন। ফিরিয়া আসিয়া আবার সেই স্কুলের কাজ। সাহস করিয়া আর বীণার বাজনা শুনিতেও চাহিতেন না। সেতারের ঝঙ্কারের সঙ্গে সঙ্গে গৃহিণীও ঝঙ্কার দিয়া উঠিতেন। বীণাও সেতার ফেলিয়া উঠিয়া যাইত। মাঝে মাঝে সম্ভাবিত কোনও পাত্র আসিলে সেদিন আর বীণার লাহনার অবধি থাকিত না। তাহার চোখের সহিত নাটার বিচি হইতে আরম্ভ করিয়া পৃথিবীর বাবভীয় গোলাকার বস্তুর তুলনা চলিতে থাকিত এবং কোনও মতে বিদায় হইয়া গেলেই যে পিতামাতার পিতৃপুরুষ নরক হইতে পরিত্রাণ পাইতে পারেন তাহাও বীণা মর্মে মর্মে উপলব্ধি করিত।

সেদিন গৃহিণীর মেজাজ অত্যন্ত রুক্ষ ছিল। প্রভাতে নূতন একটি পাত্রের অভিভাবক মেয়ে দেখিয়া বাইবার সময় স্পষ্ট ভাষায় মেয়ে না-পছন্দ করিয়া গিয়াছেন।

হেতু মেয়েটি ট্যারা। রীতি অমুখ্যায়ী বীণার লাঞ্ছনার অবধি রহিল না। সমস্ত দিন না খাইয়া বীণা বিছানায় পড়িয়া রহিল; রামহরিবাবু স্থল হইতে ফিরিয়া নিতান্ত উদাসীনভাবে দাওয়ায় বসিয়া তামাক টানিতেছিলেন। এদিকে গৃহিণীর কণ্ঠস্বর ক্রমেই বাড়িতেছিল। ঠিক এমনি সময় অন্ধনে নৃতন একটি লোকের আবির্ভাব হইল; আগন্তুককে দেখিয়াই গৃহিণীর স্বর অকস্মাৎ খাদে নামিয়া আসিল, তিনি প্রশ্ন করিলেন, “এস বাবা এস! কতদিন দেখিনি তোমাকে, ভাল ছিলে তো?”

আগন্তুক গৃহিণীর পায়ে ধূল লইয়া কহিল, “এক রকম ছিলাম মাসীমা, আপনারা আছেন কেমন? মাষ্টার-মশাই কোথা?”

রামহরিবাবু গলার আওয়াজ পাইয়া উঠিয়া বসিলেন, “কে, স্কুমার! এস, বস এইখানটায়। তাই ভাবছিলাম গরমের ছুটিটা গেল এলে না! শহরে গিয়ে ভুলেই গেলে বুঝি আমাদের?” স্কুমার বাবরী একটু ঝাঁকাইয়া কহিল, “ভুলতে পারি আপনাদের মাষ্টার-মশাই! যে মেহ মমতা পেয়েছি আপনাদের কাছে, তা কি ভুলবার! বীণা কই? আছে কেমন সে?”

রামহরিবাবু না-ডাকিতেই বীণা ধীরে ধীরে আসিয়া স্কুমারকে প্রণাম করিয়া দাঁড়াইল। রামহরিবাবু নানা বিষয়ে কন্যাকে শিক্ষা দিতেছিলেন, স্কুমার জানিত। কুশল প্রশ্নের পর স্কুমার জিজ্ঞাসা করিল, “এখন কি শিখছ বীণা?” বীণা মুহূর্তেরে কহিল, “সেতার শিখছি—” স্কুমার উৎসাহিত হইয়া কহিল, “দুর্ভাগা দেশ! ঘরে ঘরে যদি তোমার মত বীণা জন্মাতো তবে—”

কথাগুলি বীণার বড় মিষ্ট লাগিল। সমস্ত দিন তিরস্কার শোনার পর স্কুমারের এই স্নিগ্ধ কথা কয়টি শুনিয়া তাহার চোখে জল আসিল। সে মুখ ফিরাইয়া চলিয়া গেল। কিছুকাল নানা কথার পর স্কুমার উঠিয়া গেল এবং যাইবার সময় বীণাকে উদ্দেশ করিয়া কহিয়া গেল যে, কাল বৈকালে সে সেতার শুনিতে আসিবে।

(৩)

পাশের গ্রামের তালুকদারের একমাত্র পুত্র স্কুমার। যখন ভেঁতুলিয়া স্থলে সে পড়িত তখন রামহরিবাবুর

বাড়ীতে সে একরূপ প্রত্যাহার অতিথি ছিল। তাহার পর পাস করিয়া কলিকাতায় পড়িতে গিয়াছে প্রায় পাঁচ বৎসর। এখন আইন পড়িতেছে। মাঝে বাড়ীতে আসিলেই সে রামহরিবাবুর সহিত দেখা করিয়া যায়।

গত বৎসর দেশে আসে নাই; দেশের যুমন্ত ‘অন্তরলক্ষ্মী’কে জাগাইবার জন্ত জনকয়েক বন্ধু মিলিয়া ‘জাগ্রৎ যৌবন সমিতি’ নামে একটি সমিতি গড়িয়াছিল; তাহারই কাজে সে ব্যস্ত ছিল। এই সমিতিরই স্থানীয় একটি শাখা স্থাপনের উদ্দেশ্যেই সম্প্রতি দেশে আসিয়াছে।

পরদিন যথাসময়ে স্কুমার আসিয়া উপস্থিত হইল। তাহার বগলে ‘জাগ্রৎ যৌবন সমিতি’র একগাদা ছাপা ‘ইন্তাহার। স্কুমার বসিতেই রামহরিবাবু নিজের দুঃখ-কাহিনী বলিতে আরম্ভ করিলেন। বলা বাহুল্য, প্রসঙ্গের মূল বিষয় বীণার বিবাহ। বিবাহের প্রসঙ্গ, সেইসঙ্গে রামহরিবাবুর মুখে কন্ঠার গুণ-ব্যাখ্যান শুনিতেই বীণার মা আসিয়া উপস্থিত হইয়া কহিলেন, “রূপেই যে সব গুণ খেয়েছে! তুমি ত বাবা কলকাতায় থাক, একটা যেমন-তেমন দেখে শুনে মেয়েটাকে পার করে দাও!”

স্কুমার কহিল, “সে কি মাসীমা! যেমন তেমন ছেলে কি হবে? তবে ওর যোগ্য ছেলে আমি দেখব, আপনি ব্যস্ত হবেন না।”

গৃহিণী চলিয়া গেলেন, যাইবার সময় কহিয়া গেলেন, “ওর যোগ্য ছেলে জিভুবনে জন্মায় নি। এমন ভানাকাটা পরী—”

রামহরিবাবু কহিলেন, “ওনু! গল্পনা শুনে শুনে মেয়েটা একেবারে মূৰ্ছা গেল! এখন লজ্জায় কারও সামনে বেরোতেই চায় না। তুমি একটু ভেবে—”

“আচ্ছা, তা করব। বীণা কই?” স্কুমার জিজ্ঞাসা করিল।

রামহরিবাবু ডাকিলেন, বীণা তাহার পড়ার ঘরে বসিয়া আফ্রানেরই অপেক্ষা করিতেছিল, ধীরে ধীরে একখানা বই হাতে করিয়া আসিয়া উপস্থিত হইল। রামহরিবাবু কহিলেন, “স্কুমারকে একটু বাজনা শুনিবে দে,”

বাজনা শুনিয়া স্বকুমার অবাধ হইয়া গেল। জিজ্ঞাসা করিল, “বাজনা কে শিখাল বীণা?” বীণা মুখ না তুলিয়াই বলিল, “নিজেই শিখেছি।” রামহরিবাবু কহিলেন, “মাষ্টার রাখবার পয়সা কোথায় বাবা? তা নইলে ইচ্ছা ছিল মেয়েটাকে ইংরেজী আর সংস্কৃতের সঙ্গে সঙ্গে ভারতের সব চলতি ভাষা একটু একটু শেখাই। তা জান তো উথার জদি লীয়ন্তে—” স্বকুমার কহিল, “আমি বাজনা শুনে অবাধ হয়ে গিয়েছি মাষ্টার-মশাই! ভাবছি শুধু শিক্ষার স্বযোগ থাকলে বীণা কি হ’তে পারত।” কথা শুনিয়া বীণা তাহার পড়ার ঘরে ঢুকিল। স্বকুমার একবার অপাঙ্গে তরুণীর দিকে চাহিয়া হতভাগ্য দেশের মুক্তির জন্য বীণার ছাত্র নারীর সাহায্য কথখানি প্রয়োজন তাহা পল্লবিত ভাষায় উচ্ছ্বাসের সহিত কহিয়া গেল। রামহরিবাবু শুনিয়া স্বকুমারের মাধ্যম হাত দিয়া আশীর্বাদ করিয়া কহিলেন, “দীর্ঘজীবী হও বাবা, দেশের মুখ উজ্জ্বল কর।” পড়ার ঘরে দরজার আড়ালে বীণা দাঁড়াইয়া ছিল; স্বকুমারের কথাগুলিতে সে যেন এক নূতন জগতের আশ্রয় শুনিল, তাহার সমস্ত মন আনন্দে ও ভরসায় সজীব হইয়া উঠিল।

বীণাকে দেশ-বিদেশের নারী-প্রগতির কাহিনী শুনাইতে রামহরিবাবু স্বকুমারকে বলিয়াছিলেন। স্বকুমার প্রত্যহ নিয়মিত আসিত এবং তাহার সমিতির উদ্দেশ্য নারী ও পুরুষের অধিকার প্রভৃতি জটিল বিষয়ের স্বস্বাভিমান আলোচনা করিয়া বীণার অন্তর-লক্ষ্মীকে জাগাইবার চেষ্টা করিত। বীণা কতক বুঝিত, কতক বুঝিত না; যে-কথা বুঝিত না তাহাও তাহার ভাল লাগিত। স্বকুমারের কথা শোনা নেশার মত ক্রমে ক্রমে তাহাকে পাইয়া বসিল। সেদিন কি কারণে স্বকুমারের আসিতে বিলম্ব হইয়া গিয়াছিল, বীণার কিছু ভাল লাগিতেছিল না। এমন সময় স্বকুমার আসিয়া উপস্থিত হইল। বীণা জিজ্ঞাসা করিল, “আজ এত দেরি হ’ল কেন?” কথার স্বরে অভিমান প্রচ্ছন্ন ছিল, স্বকুমার বুঝিল। বীণার চিবুক ধরিয়া কহিল, “আমি না আসলে কষ্ট হয় তোমার বীণা?” বীণা মুখ না তুলিয়াই বলিল, “হ্যাঁ।” স্বকুমার মুহূর্ত্ত হাসিল, তাহার পর বীণার

দুই কাঁধের ওপর হাত রাখিয়া কহিল, “আর আমি দেরি ক’রে আসব না বীণা; কিন্তু তোমাকে আমার একটা কথা রাখতে হবে, বল রাখবে?”

বীণা কহিল, “রাখব। কি কথা?” স্বকুমার কহিল, “আমাকে ‘তুমি’ বলে ডাকতে হবে, ‘আপনি’ বলতে পারবে না।” বীণা সঙ্কুচিত হইয়া কহিল, “সে আমি পারব না, আমার লজ্জা করবে।” কিন্তু বীণার লজ্জা বেশীক্ষণ রহিল না, স্বকুমার সেইদিনই বীণাকে ‘তুমি’ বলাইয়া ছাড়িল।

সেদিন বীণার মনে হইল স্বকুমার বড় আপন্যার হইয়া গিয়াছে। পড়ার ঘরে বসিয়া স্বকুমারের মূর্ত্তি মনে মনে চিন্তা করিয়া ক্রমাগতই বীণা তাহাকে ‘তুমি’ বলিয়া ডাকিতে লাগিল। ভাবিতে ভাবিতে কখন বীণা ঘুমাইয়া পড়িল, স্বপ্ন দেখিল স্বকুমার তাহার হাত ধরিয়া এক নূতন দেশে লইয়া চলিয়াছে।

ক্রমে স্বকুমারের ছুটি কুরাইল, বিদায় লইতে আসিয়া দেখিল বীণা কাঁদিতেছে। “কাঁদছ কেন বীণা?” স্বকুমার জিজ্ঞাসা করিল।

“তুমি চলে যাচ্ছ যে!” বীণা অতি মৃদুস্বরে কহিল।

“সামনের ছুটিতেই আবার আসব বীণা, তুমি কেঁদো না” বলিয়া স্বকুমার কমাল বাহির করিয়া বীণার চোখের জল মুছাইয়া দিল।

বীণা কিছুক্ষণ চুপ করিয়া থাকিয়া স্বকুমারের ডান হাতখানি দুই হাতে মুঠা করিয়া ধরিয়া কহিল, “আমাকে ঘৃণা করবে না বল।”

স্বকুমার আশ্চর্য হইয়া বলিল, “ঘৃণা কেন তোমাকে করব বীণা? কি করেছ তুমি?”

বীণা কিছুক্ষণ নীরব থাকিয়া মুখ নীচু করিয়াই কহিল, “আমি যে টায়া, আমাকে—” বলিয়াই বীণা আবার কাঁদিয়া ফেলিল। স্বকুমারের গুণ্ডপ্রান্তে কোঁতকের মুহূর্ত্ত খেলিয়া গেল, পর মুহূর্ত্তেই বীণার চিবুক ধরিয়া তুলিয়া সে কহিল, “তুমি টায়া বলেই তো আরও বেশী করে তোমাঘ ভাল লাগে বীণা!” কথা শুনিয়া বীণার মুখে হাসি দেখা দিল। সে উঠিয়া স্বকুমারকে প্রণাম করিল।

যাইবার সময়ে গৃহিণী স্বকুমারকে ংকটি পাত্র দেখিতে বিশেষ করিয়া বলিয়া দিলেন। রামহরিবাবু স্বকুমারের সম্মুখেই কহিলেন, “তুমি ব্যস্ত হ'য়ো না, স্বকুমার যখন কথা দিয়েছে, তখন কাজ কর্কেই। ওরা অসাধ্য সাধন করতে পারে।”

৪

স্বকুমার চলিয়া যাইবার পর হইতেই বীণা যেন ংকটি স্বতন্ত্র মাংস্বে রূপান্তরিত হইয়া গেল। পূর্বে মায়ের ভৎসনা শুনিয়া পিতার কাছে মাঝে মাঝে সে নালিশ করিত, আজকাল গালাগালি শুনিলে পড়ার ধরে গিয়া দ্বার বন্ধ করে।

জবাব না পাইলে গৃহিণীর বকুনী ভাল জমিত না। ক্রমাগত বকিতে না পারিলে উত্তেজনায তাঁহার মাথা ধরিত, কাজেই ংকদিন বীণার ংকারণ ংদানীশ্বে বিরক্ত হইয়া তিনি রামহরিবাবুকে বলিলেন, “ওগো শুন্ছ? মেয়ের যে ংর ংকটি শুণ বাড়ল। ছিল ঢ়া়রা, হ'ল বোবা। গালাগাল দিলেও কথা বলে না ংর।” রামহরিবাবু বীণার ং ংকাস্মিক পরিবর্তন লক্ষ্য করিয়াছিলেন, হেতুও প্রায় ংশ্চয়মান করিয়াছিলেন; সেই স্বে কয়েক দিন হইতে কন্নার ংকটি চমৎকার দাম্পত্য জীবনের চিত্র তাঁহার মনে উজ্জ্বল হইয়া উঠিতেছিল; তিনি গৃহিণীর ংভিযোগের উত্তরে মুহু হাসিয়া কহিলেন, “মেয়ে বড় হ'য়েছে, ংখন ংর রূপের ংটা দিও না। তোমার ংদৃষ্টে ভাল জামাই ংছে, ব'লে দিচ্ছি।”

গৃহিণীর হঠাৎ রামহরিবাবুর কথা কয়টি কেন যেন ংতান্ত ভাল লাগিল, বলিলেন, “তোমার মুখে ফুল-চরন পড়ুক।

রামহরিবাবু ংশ্চর্য্য হইলেন, গত তিন বৎসরের মধ্যে গৃহিণীর মুখে ংমন মধুর কথা তিনি শোনেন নাই; নিবস্ত কলিকটি হ'কার মাথায় বসাইয়া তিনি প্রাপণপণে ক্রমাগত টানিতে লাগিলেন।

স্বকুমার নিজের নাম ও ংকানা লেখা কয়েকখানা খাম রাখিয়া গিয়াছিল। ংদেশ ছিল, বীণা যেন সন্তোহে হুখানি করিয়া চিঠি লেখে।

কয়েক দিন তুচ্ছ খুঁটিনাটি লইয়া কোনমতে দিন কাটাইয়া সেদিন বীণা স্বকুমারকে চিঠি লিখিতে বসিল।

ঘরের দরজা বন্ধ করিয়া সমস্ত প্রাতঃকাল ধরিয়া বীণা চিঠি লিখিল ংবং চিঠিখানা ডাকে পাঠাইয়া বীণার মন ংনেকটি লঘু হইয়া গেল।

৫

টেবিলের উপরে বড় ংয়না রাখিয়া স্বকুমার মুখে ‘স্নো’ মাখিতেছিল। তাহার চৌকীতে বসিয়া তাহাদের সমিতির ভাইস-প্রেসিডেন্ট নূপেন দত্ত ংকখানি বৃহদাকার ডিক্সনারী বাজাইয়া গজল গাহিতেছিল। ংই সময় দারোয়ান ডাকের চিঠি ংনিয়া উপস্থিত করিল। নূপেন চিঠির উপরে চোখ বুলাইয়া কহিল, “ং কি হে স্বকুমার, তোমারই হাতের লেখা ংকানা দেখছি যে।”

কাহার চিঠি স্বকুমার বুঝিল। তাড়াতাড়ি ‘স্নো’র শিশিটা টেবিলে নামাইয়া রাখিয়া হাত বাড়াইল।

নূপেন চিঠিখানা মুঠা করিয়া ধরিয়া কহিল, “কার চিঠি ংগে বল।”

স্বকুমার কহিল, “দাও ংগে পড়েনি, তারপর দেখাব।”

বলা বাহুল্য, চিঠিখানি বীণার। স্বদীর্ঘ পত্র। স্বকুমার ংকবার চিঠিখানা তাড়াতাড়ি শেষ করিয়া মুখে ‘স্নো’ মাখিতে মাখিতে বলিল, “তুমি ংকবার ভাল ক'রে জ্বারে পড় নূপেন, ংমি শুনিছি।

নূপেন পড়িল। বীণা লিখিয়াছে—

“তুমি চলিয়া গিয়াছ, ংমার কিছু ভালো লাগিতেছে না। লেখাপড়া করিতে ইচ্ছা করে না, তুমি রাগ করিবে বলিয়া জ্বোর করিয়া পড়িতে বসি।

যে পথ দিয়া তুমি ংসিতে সেই পথের দিকে জানলা দিয়া চাহিয়া থাকি, তুমি শীঘ্র ংসিবে। না ংসিলে লেখাপড়া সমস্ত তুলিয়া যাইব, ইত্যাদি।” ংই কথা কয়টিই ঘুরাইয়া ফিরাইয়া বীণা পাচ পাতা চিঠি লিখিয়াছে। নূপেন চিঠি পড়িয়া কহিল, “খুব গেছে যা হোক! কে ংনি?”

স্বকুমার তোয়ালে দিয়া মুখ ংষিতে ংষিতে কহিল,

“সে খবর এখন শুনো না। চিঠিটা দাও দেখি, চটপট একটা জবাব লিখে দিই।”

“শেষটা কি হয় একবার জানিয়ে ভাই।” বলিয়া চিঠি রাখিয়া মূপেন স্বকুমারের পিঠ চাপড়াইয়া বাহির হইয়া গেল।

স্বকুমারকে চিঠি পাঠাইবার পর হইতে কেবলই বীণার মনে হইয়াছে যাহা লিখিবার ছিল তাহা লেখা হয় নাই। নিজের এই ক্রটিতে ক্রমাগতই সে লজ্জিত হইতেছিল। ভাবিতেছিল, স্বকুমার হয়ত রাগ করিবে এবং চিঠির জবাবই দিবে না, কিন্তু যথারীতি জবাব আসিল। ঘরের দ্বার বন্ধ করিয়া বার-বার বীণা চিঠিখানা পড়িল। উৎসবের বাঁশীর সুরের মত চিঠির কথাগুলি তাহার কানের মধ্যে সমস্ত দিন ঝঙ্কার দিতে লাগিল।

চিঠিতে অনেক কথাই ছিল; প্রতিদিন সন্ধ্যাকালে স্বকুমারের মন উদাস হইয়া যায়; পড়িতে বসিলে একজনের স্নিগ্ধ আঁখি বহির পাতায় ভাসিয়া ওঠে, তাহারই হাতের সেলাই রুমালখানা বুক পকেটে নীরব গুঞ্জনপান গাহিতে থাকে। স্বকুমারের এই প্রকার মারাত্মক অবস্থার বর্ণনায় চিঠিখানার আন্তোপান্ত পূর্ণ ছিল, শেষের দিকে ণ্টিকয়েক উপদেশও ছিল।

সন্ধ্যা চিঠিখানা বাজে তুলিয়া রাখিবার পূর্বে তাহার উপরে মাথা রাখিয়া বীণা আপন-মনে বলিল, “আশীর্বাদ কর, আমি যেন তোমার উপযুক্ত হতে পারি।”

রামহরিবাবুর সেদিনকার কথা গৃহিণীর মনে ছিল; এ পর্যন্ত কন্যার বিবাহ সম্বন্ধে কোনও আলোচনা তিনি করেন নাই। কাজেই স্বামীর তাম্রকূট সেবন ও কস্তার সঙ্গীত-চর্চা একপ্রকার অব্যাহতই চলিতেছিল, কিন্তু সহসা সেদিন তিনি আবার সেই প্রসঙ্গ উপস্থিত করিলেন। স্বকুমার বীণার নিকট চিঠি লেখে, রামহরিবাবু তাহা জানিতেন। কহিলেন, “স্বকুমার ঠিক করবে বলে গেছে। দেখ তো—”

গৃহিণী অবিখ্যাসের সুরে কহিলেন, “হ্যাঁ, তার আবার সেকথা মনে আছে! বড়মানুষের ছেলে—গরীবের কথা ভাবতে দায় পড়েছে তার।” বীণা দরজার আড়ালে

দাঁড়াইয়া ছিল, মায়ের কথা শুনিয়া মুছ হাসিল। রামহরিবাবু চশমা জোড়া মুছিতে মুছিতে কহিলেন, “দেখ তো আর মাসখানেক, সে তো সামনের ছুটিতেই আসছে, বোঝা-পড়া তার সঙ্গেই কোরো।” বলিয়াই পরম নিশ্চিন্ত মনে পুনরায় তামাক টানিতে আরম্ভ করিলেন। স্বকুমার পাত্র স্থির করিয়া দিবে এ সম্বন্ধে গৃহিণীর সন্দেহমাত্র ছিল না, সে শীঘ্রই আসিতেছে শুনিয়া তিনি খুশী হইয়া চলিয়া গেলেন।

বড়দিনের ছুটিতে স্বকুমারের আসিবার কথা। পেটেন্ট ঔষধের বিজ্ঞাপন সম্বলিত একখানি পকেট পঞ্জিকা জোঁগাড় করিয়া বীণা—প্রত্যহ বড়দিনের তারিখ দেখিত। দিনগুলি অতি মহুর গতিতে কাটিতেছিল। ক্রমে বড়দিন আসিল। সেইসঙ্গে স্বকুমার আসিল। সন্ধ্যায় স্বকুমারের সহিত বীণার সাক্ষাৎ হইল। স্বকুমারের বুক মুখ রাখিয়া বীণা কহিল, “তুমি বাবাকে বোলো, আমি কলকাতায় পড়ব। তোমাকে না দেখে থাকতে পারব না।”

স্বকুমার কহিল, “তোমার বাবার যদি মত না হয়?”

বীণা মুখ তুলিয়া কহিল, “আমাকে জোর ক’রে নিয়ে য়েয়ো।”

স্বকুমার মুখ ফিরাইয়া হাসিয়া কহিল, “আচ্ছা আগে ইচ্ছুক ঠিক করি, তার পর জিজ্ঞেস করব।”

গৃহিণী প্রত্যাহই সক্রম করেন, বীণার পাত্তের কথা স্বকুমারকে জিজ্ঞাসা করিবেন কিন্তু অবকাশ হয় না। বিশেষ রামহরিবাবু পত্নীকে বলিয়াছিলেন, স্বকুমার নিজে বীণার বিবাহের প্রসঙ্গ না তুলিলে তিনি যেন স্বকুমারকে কিছু জিজ্ঞাসা না করেন। দিনকয়েক গৃহিণী স্বামীর আদেশ অতি কষ্টে পালন করিয়াছিলেন কিন্তু কলিকাতা যাত্রার পূর্বদিন যখন স্বকুমার তাঁহার নিকট হইতে বিদায় লইতে গেল, গৃহিণীর আর ধৈর্য্য-রাহল না। স্বকুমার কবে ফিরিবে সেকথা জিজ্ঞাসা করিয়াই তিনি বীণার বিবাহের প্রসঙ্গ পাড়িলেন। স্বকুমার কহিল, “তার এত তাড়াতাড়ি কিসের মাসী-মা! লেখাপড়া শিখুক!” গৃহিণী কহিলেন,

“তাড়াতাড়ি কিসের বলিস নে বাছা, আমার বিয়ে হয়েছিল আট বছরে—”

এ কথা স্বকুমার পূৰ্বেও শুনিয়াছে, জানিত গৃহিণীর নিজের বিবাহের কাহিনী অন্ততঃ ঘটনাক্রমে পূৰ্বে শেষ হইবে না। তাড়াতাড়ি বাধা দিয়া স্বকুমার কহিল, “পাত্র এক রকম দেখেই রেখেছি মাসী-মা, ব্যস্ত হবেন না। সামনের পরীক্ষাটা হয়ে গেলেই ঠিক করব।” বলিয়া সে আঙ্গিনায় আসিয়া উপস্থিত হইল, গৃহিণী ঘরের মধ্য হইতেই কহিলেন, “পাসফাশে কাজ নেই বাছা, যেমন-তেনমন একটা দেখে-শুনে—”

স্বকুমার যাইতে যাইতে জবাব দিল, “বীণাকে যদি ফেলে দিতেই হয় মাসীমা তবে না হয় আমাকেই—দেবেন” বলিয়াই সে বাহির হইয়া গেল। কথা কয়টি স্বকুমার খেয়ালের মুখেই কহিয়া গেল এবং কি কহিল পথে যাইতে তাহা চিন্তাও করিল না। অথচ এই কথায় রামহরিবাবুর ক্ষুদ্র গৃহস্থালী তুমুল আন্দোলিত হইয়া উঠিল। গৃহিণী ব্যঙ্গের কড়াইটা ধুপ করিয়া নামাইয়া রাখিয়া খস্তি হাতে করিয়াই রামহরিবাবুর নিকট উপস্থিত হইয়া কহিলেন, “হ্যাঁগা! স্বকুমার যেন কি ব’লে গেল।” রামহরিবাবু সহসা উত্তর দিতে পারিলেন না, গলাটা অত্যন্ত ধরিয়া আসিয়াছিল, বার-দুই কাশিয়া কহিলেন, “শুনতে তো পেলে! আমি আর—”

গৃহিণী খস্তিখানা রামহরিবাবুর গালে ঠেকাইয়া আদর করিয়া কহিলেন, “বলই না শুন, আমার যে গা কেমন কেমন করছে।” রামহরিবাবু বলিলেন, “বললে যে মেয়ে ফেলে দিতে হ’লে তাকেই দিতে। এখন যাও জল আন, মুখটা তো এঁটো করে দিয়েছ।” গৃহিণী হাসিতে হাসিতে চলিয়া গেলেন।

বীণা স্বকুমারের কথা শুনিয়া আশ্চর্য্য হয় নাই। বিধাতার চোখে সে যে স্বকুমারেরই স্ত্রী এ কথা স্বকুমারের মুখেই সে সহস্রবার শুনিয়াছে, কিন্তু সকলের সন্মুখে স্বকুমার এই কথা কহিয়া গেল দেখিয়া তাহার আর লজ্জার পরিসীমা রহিল না। সে-রাত্রে আর সে কাহারও সন্মুখে বাহির হইল না, খাইতে ডাকিলেও

উঠিল না। রামহরিবাবু কহিলেন, “থাক, ডেকে না—লজ্জা পেয়েছে!”

সেদিন রাত্রে যুদ্ধগুণে স্বামী-স্ত্রীর পরামর্শ চলিল এবং দিন-দুই পর একদিন পাঞ্জি দেখিয়া রামহরিবাবু স্বকুমারের বাড়ীতে গিয়া উপস্থিত হইলেন। নানা কথার পর স্বকুমারের বিবাহের কথা পাড়িতেই তাহার পিতা ব্রজহুলালবাবু কহিলেন, “ছেলের বিয়েতে আমার কোনো হাত নেই। ছেলের মত হ’লেই হ’ল। জানেন ত আজকালকার ছেলে।”

কথা শুনিয়া রামহরিবাবু আশঙ্ক হইলেন এবং অনেক বিনীত অমুরোধ সহকারে স্বকুমারের পিতাকে কস্তা দেখিবার নিমন্ত্রণ করিয়া আসিলেন। ব্রজহুলালবাবু মুখে কিছু বলিলেন না, রামহরিবাবু চলিয়া গেলে অন্তঃপুরে যাইয়া স্বকুমারের মাতাকে সমস্ত কহিতেই তিনি দুই চক্ষু কপালে তুলিয়া কহিলেন, “ওমা! সে কি কথা! রামহরি মাঠারের মেয়ের সঙ্গে!” তাহার আর কথা যোগাইল না। ব্রজহুলালবাবুর সাংসারিক অভিজ্ঞতা অত্যন্ত প্রখর ছিল। রামহরিবাবুর পরিবারের সহিত স্বকুমারের হৃদাতা ছিল একথা তিনি জানিতেন। স্বকুমারের মাতাকেও তাহা জানাইয়া দিলেন। স্বকুমারের মাতা সকল কথাগুলি শুনিয়া পাণ্ডী দেখিতে আপত্তি করিতে পারিলেন না। কিন্তু সমস্ত দিন মুখ ভার করিয়া রহিলেন। বীণা নিবিষ্ট হইয়া স্বকুমারকে একখানি পত্র লিখিতেছিল; মাতা আসিয়া কহিলেন, “লেখাপড়া থাক না আজ, সাবান মেখে স্নান করে নে। তোকে দেখতে আসবে।” কিছুদিন হইতে বীণা নির্ভয়ে মায়ের সঙ্গে কথা বলিত; চিঠির কাগজখানি উন্টাইয়া রাখিয়া কহিল, “আমাকে কি কেউ কোনো দিন দেখেনি মা, যে নতুন করে দেখতে আসবে?”

কথার ঝোঁকটা কাহার উপর গিয়া পড়িল গৃহিণী তাহা বুঝিলেন; বীণাকে হাত ধরিয়া টানিয়া তুলিয়া কহিলেন, “নে মা, আজ এই একটা দিন ছাড়া আর তোকে বলব না, ওঠ! বাপেরও ভো পছন্দ চাই—”

বীণা গর্ব্ করিতে করিতে উঠিয়া গেল।

বাহিরের ঘরে ব্রজহুলালবাবু স্বকুমারের মাতুলের সঙ্গে

বসিয়া তামাক টানিতেছিলেন। বীণা ধীরে ধীরে আসিয়া উভয়কে প্রণাম করিল। ইতিপূর্বে কাহারও সম্মুখে আসিতে এত ভয় তাহার কোনো দিন হয় নাই। কেবলই মনে হইতেছিল যদি পছন্দ না হয়! এতদিন পরে আবার টারা চোখটা সম্বন্ধে সে অত্যন্ত সচেতন হইয়া পড়িল। স্বকুমারের পিতা তীক্ষ্ণদৃষ্টিতে তাহার দিকে চাহিয়াছিলেন তাহাও সে দেখিয়াছিল, ডান চোখের তারাটিকে ঠিক চোখের মাঝখানে আনিবার জ্ঞান সে ক্রমাগত চেষ্টা করিতেছিল এবং এই অসম্ভব-প্রয়াসে তাহার সমস্ত মূখ আরক্ত হইয়া উঠিয়াছিল। ব্রজদুলালবাবু বীণার অবস্থা বুঝিলেন, কিছু না জিজ্ঞাসা করিয়া একটা মুহূর্ত আশীর্বাদ করিলেন সঙ্গী তিনি তাহাকে বিদায় দিলেন।

বীণা চলিয়া গেলে রামহরিবাবুর সহিত স্বকুমারের মাতুলের যে কথাবার্তা হইল তাহাতে তিনি বুঝিলেন যে, তাঁহারা মেয়ে দেখানো নিয়ম রক্ষা করিতে আসিয়াছেন মাত্র—বিবাহ-বিষয়ে ছেলের মতই চরম এবং তাহাকে শীঘ্রই পত্র লেখা হইবে। ঘরের পিছনে বীণা দাঁড়াইয়া গুনিল এবং এই কথায় তাহার বুকের দুর্ভাবনার বোঝা নামিয়া গেল।

সেদিন দুপুর রাত্রি পর্যন্ত লিখিয়া বীণা অসমাপ্ত চিঠিখানা শেষ করিল। স্বকুমারের পিতা আসিয়া যে তাহাকে দেখিয়া গিয়াছেন সে-কথার উল্লেখ করিতেও চুলিল না।

৬

সেদিন স্বকুমারের অবকাশ আদৌ ছিল না। সন্ধ্যায় তাহাদের সমিতিতে বক্তৃতা দিবার কথা ছিল স্বকুমার তাহাই লিখিতেছিল এবং নূপেন দত্ত ঠোঁট ধরাইতেছিল। এই সময়ে ডাকের চিঠি আসিল। বীণার চিঠিখানা খুলিয়া স্বকুমার পড়িতে বাসিল। সমস্তই পুরাতন কথা। সেই ভাল না লাগা দিবারাত্রি অস্বস্তিবোধ—প্রতি সন্ধ্যায় চোখের জল ফেলা—স্বকুমার পাতাগুলি একবার উলটাইয়া গেল। চিঠির শেষের দিকে একটা কথা ছিল, পড়িয়া সে একটু আশ্চর্য হইল, বীণা লিখিয়াছে, “বন্ধুর আমাকে দেখিয়া গিয়াছেন।” সেই সঙ্গেই আর

একছত্রে লেখা আছে, “বলিয়াছেন তোমার মতেই তাঁহাদের মত।” চিঠিখানা ফেলিয়া রাখিয়া দ্বিতীয় পত্র পড়িতেই স্বকুমারের মাথা ধরাপ হইবার উপক্রম হইল। চিঠিখানা তাহার মায়ের। সে—চিঠিতে রামহরিবাবুর সহিত তাহার পিতার সাক্ষাতের কথা এবং রামহরিবাবুর অমরোদেহে তাঁহার কত্থাকে দেখাণ বিশদ বিবরণ লেখা ছিল। তৃতীয় পত্র রামহরিবাবুর। তিনি লিখিয়াছেন যে, স্বকুমারের কথাতে ভরসা পাইয়া তিনি ব্রজদুলালবাবুকে কত্থা দেখাইয়াছেন। যে-মাসে তাহার পড়াশুনার বিষয় না হয় সেই মাসেই শুভকর্ম সম্পন্ন করিবার ইচ্ছা। স্বকুমারের পত্র পাইলেই ইত্যাদি। এই পর্যন্ত পড়িয়াই স্বকুমার তারত্বরে চীৎকার করিয়া উঠিল, ‘ননসেন্স’। নূপেন দত্তের হাত হইতে ডিমের পেট পড়িয়া গেল, সে কহিয়া উঠিল, “বাপার কিহে স্বকুমার!” কতকগুলি ইংরেজী ভাষায় গালাগালি বকিতে বকিতে স্বকুমার চিঠি তিনখানা মুঠা করিয়া নূপেন দত্তের দিকে ছুঁড়িয়া দিল। নূপেন ধীরভাবে চিঠিগুলি পড়িয়া কহিল, “এতদূর এগিয়েছ যখন—” স্বকুমার ক্রথিয়া উঠিল, কহিল, “কি বলছ বিয়ে করব!”

নূপেন মুচকিয়া হাসিয়া কহিল, “অগত্যা! তা নইলে গায়ে কাদা মাখলে কেন, বল?” স্বকুমার রুদ্ধস্বরে কহিল, “দোষ কার? ফড়িং আগুনে ঝাঁপ দিয়ে পাখনা পুড়িয়েছে, দোষ কি আগুনের? বেশ বলচ? তুমি আমার হ’য়ে মাকে চিঠি লিখে দাও আমি বলে যাচ্ছি।”

নূপেন দত্ত কহিল, “ও সব ক’রোনা স্বকুমার! তার চেয়ে অস্বথমা হত ইতি ক’রে একটা চিঠি লিখে পশ্চিমে বেরিয়ে পড়। আগুনে আগুনে বেচারী সব ভুলে যাবে।”

স্বকুমার কহিল, “তুমি জান না তাকে, হয়ত বাপের সঙ্গে এসেই পড়বে। সে এক কেলেঙ্কারী! মুখ দেখাতে পারব না! তার চেয়ে যা বলছি তা-ই কর। ছেঁড়া ন্যেক্‌ডার আগুন নিবিয়ে দাও। আজকের মিটিংটাই মাটি হ’ল দেখছি!” বলিয়া স্বকুমার চিঠির কাগজ বাহির করিল। নূপেন নিজ নামে স্বকুমারের পরামর্শ মত স্বকুমারের মায়ের

কাছে পত্র লিখিল। বর্তমানে বিবাহের বিরুদ্ধে নানারূপ যুক্তি—শেষে রামহরিবাবুর কন্ঠ্যকে বিবাহ করিতে আপত্তির বিচিত্র কারণ দেখাইয়া সে চিঠি শেষ করিল। মেয়েটি যে অত্যন্ত ট্যারা এ কথাটিও নূপেনের ইচ্ছার বিরুদ্ধে স্বকুমার লিখাইয়া দিল। চিঠিখানা নিজ হাতে তাকে পাঠাইয়া স্বকুমার যুক্তির নিঃশ্বাস ফেলিয়া কহিল, “বাচলাম হে! বড়ই খোরালো হ’য়ে উঠেছিল!”

নূপেন দত্তের চিঠি পড়িয়া স্বকুমারের মাতা ব্রজদুলাল-বাবুকে সগর্বে কহিলেন, “দেখল তো! তেমন ছেলেই গর্ভে ধরিনি। দাও চিঠি পাঠিয়ে মাষ্টারের বাড়ী।”

ব্রজদুলালবাবু বাধা দিয়া কহিলেন, “ছিং, তার চেয়ে লোক দিয়ে ব’লে পাঠাও এখন বিয়েতে ছেলের মত নেই।”

স্বকুমারের মাতা কহিলেন, “উছ, মাষ্টারের মেয়ে ছেলেকে তাহলে ‘গুণ’ করবে।” বলিয়াই তিনি চলিয়া গেলেন এবং নূপেন দত্তের চিঠিখানা কাস্ত দাসীর হাতে প্রাতঃকালেই যথাস্থানে রওনা হইয়া গেল।

বীণা স্বকুমারের জন্ম একটা বালিশের ঝাড় সেলাই করিয়া তাহাতে একজোড়া গোলাপ ফুল তুলিতেছিল। এমন সময় মায়ের ক্রন্দনধ্বনি শুনিয়া বাহিরে আসিয়া দাঁড়াইল, দেখিল তাহার মাতা মাটিতে মাথা খুঁড়িতেছেন, আর চীৎকার করিতেছেন, “ওরে আমার পোড়া কপাল।” দাওয়ায় শুকমুখে রামহরিবাবু একটি খুঁটি পরিয়া বসিয়া আছেন আর কাস্তদাসী একথানা চিঠি হাতে করিয়া হতভম্ব হইয়া দাঁড়াইয়া আছে। স্বকুমারের অমদল আশঙ্কা করিয়া বীণা ছুটিয়া আসিয়া মাতাকে জড়াইয়া ধরিয়া শব্দ-বিহ্বলস্বরে কহিল, “কি মা!” গৃহিণী বীণাকে দূর করিয়া ঠেলিয়া দিয়া কহিলেন, “দূর হ! কালামুখী! দূর হ! মুখ দেখাস্ নি আর! দেখগে যা চিঠিতে কি লিখেছে!” বীণা কাস্তদাসীর হাত হইতে চিঠিখানা লইয়া চলিয়া গেল।

বেলা তখন দুপুর গড়াইয়া গিয়াছে, তখনও বীণা কাঠের পুতুলের মত নূপেন দত্তের চিঠিখানা হাতে করিয়া বসিয়া ছিল। তাহার যে কি হইয়াছে তাহা সে ভাবিতেও পারিতেছিল না। গত কয়েক মাসের বড় ছোট

সকল ঘটনা, স্বকুমারের প্রত্যেকটা কথা মনের মধ্যে আবর্তিত হইয়া উঠিতেছিল। সকল কথাই মধ্যে একটি কথাই বিশেষ করিয়া মনে পড়িতেছিল, স্বকুমার বলিয়াছিল—“ট্যারা বলেই তোমাকে আরও বেশী ভাল লাগে!” স্বকুমার আজ লিখিয়াছে সে ট্যারা! ভাবিতে ভাবিতে দেয়ালে টাঙানো স্বকুমারের ছবিখানার দিকে তাহার চোখ পড়িল; ভাবিল স্বকুমারের সম্মুখের উঁচু দাঁত দুটি তো তাহার চোখে কোনো দিন কুশী লাগে নাই। কেবলই মনে হইয়াছে দাঁত দুটি উঁচু না হইলে যেন মোটেই মানাইত না, কিন্তু তাহার ট্যারা চোখটি স্বকুমারের চোখে বিশী লাগিল কি করিয়া! “নাও, হয়েছে! খুব চলিয়েছ এখন দুটো গিলে নাও!” বলিয়া গৃহিণী ঘরে ঢুকিলেন। ঘরে ঢুকিয়া বীণার মুখের দিকে চাহিয়া গৃহিণী শুদ্ধ হইয়া দাঁড়াইলেন। তাহার পর কন্ঠ্যর গলা জড়াইয়া ধরিয়া কাঁদিয়া ফেলিলেন। বীণা মায়ের বুকের মধ্যে মুখ লুকাইয়া পড়িয়া রহিল।

সন্ধ্যাকালে রামহরিবাবু ফিরিয়া অতি শুকস্বরে বীণাকে ডাকিলেন, সে সাড়া দিল না। খাইবার জন্ম গৃহিণী ডাকিলেন, মাথাধরার অছিলায় সে বিছানায় পড়িয়া রহিল। রামহরিবাবু শুধু কহিলেন, “ওকে আর আজ ডেকে না।”

রাত্রি দ্বিপ্রহর পর্যন্ত জাগিয়া বীণা স্বকুমারের চিঠি-গুলি পড়িল, তারপর স্বকুমারের ছবিখানার দিকে চিঠি গুলি আগাইয়া ধরিয়া কহিল, “এসব তা’হলে মিছে কথা! আমি শুধু ট্যারা!”

ট্যারা! ট্যারা! কথাটি মনে করিতেই মাথার মধ্যে তাহার কেমন ওলটপালট হইয়া গেল। মনে হইল চোখটার সঙ্গে যেন সমস্ত দেহের কোনও সম্পর্ক নাই; ভাবিতে ভাবিতে টেবিলের উপর হইতে কখন বীণা পেন্সিল কাটা ছুরিখানা তুলিয়া লইল।

আজ্ঞানাদ শুনিয়া রামহরিবাবু ও তাহার পশ্চাৎ গৃহিণী ছুটিয়া আসিয়া দেখিলেন বীণার সমস্ত মুখখানা ভাসাইয়া রক্তের স্রোত বহিতেছে আর ছুরিখানা ডান চোখের মধ্যে আমূল বিদ্ধ হইয়া আছে।

সংবাদটি যথারীতি স্বকুমারের নিকট গিয়া পৌছিল

তবে অশ্রুধরণে, তাহার মাতা লিখিয়াছেন, “ছুরির খোঁচা লাগিয়া রামহরি মাষ্টারের মেয়ের ডান চোখটা একেবারে কানা হইয়া গিয়াছে।”

সুকুমার দাড়ি কামানো বন্ধ রাখিয়া সংবাদপত্র-পাঠে রত নূপেন দত্তের দিকে চিঠিখানা ফেলিয়া দিয়া কহিল, “দেখলি নূপেন, ভাগ্যিস—”

কুমার-সম্ভবে সমাজতত্ত্ব

শ্রীফণীভূষণ রায়

কাব্যের প্রকৃষ্ট শ্রোতা হইলেন মহাকাল, কারণ কাব্য কোনো বিশেষ কালের সামগ্রী নহে—চিরকালের। তবুও সকল কাব্যই একটা বিশেষ কালে রচিত হয় এবং সেই বিশেষ কালকে না বুঝিলে কাব্য বুঝিবার পক্ষে কোনো গুরুতর ক্ষতি না হইলেও কবিকে বুঝিবার পক্ষে অনেক অন্তরায় ঘটে। এই হিসাবে সংস্কৃত কবির আমাদের অবোধ্য। কোন কালকে আশ্রয় করিয়া যে তাঁহারা চিরকালের সামগ্রী হইয়া উঠিয়াছেন তাহা আমরা জানি না; কারণ আমাদের দেশের কোনো ধারাবাহিক ইতিহাস নাই—রাজনৈতিক ইতিহাসও নাই, সংস্কৃতির ইতিহাসও নাই। এই অবস্থায় কাব্য-কথা হইতে, কাব্যের গূঢ় নিবেদন হইতে কবিকে বুঝিবার চেষ্টা করা ছাড়া গত্যন্তর নাই। আমি এই উপায় অবলম্বন করিয়া কুমার-সম্ভব কাব্য এবং সেই কাব্যের কবিকে বুঝিবার চেষ্টা করিব।

আগেই বলিয়া রাখা ভাল—আজ ১৩৩৭ সনে হিন্দু সভ্যতা বলিলে বুঝি বৈদিক সভ্যতা ও বৌদ্ধ সভ্যতার গঙ্গা-যমুনা মিলন। কিন্তু এককালে এই দুই সভ্যতা পাশাপাশি চলিয়াছিল, পরস্পরকে আক্রমণ করিয়া। এখন প্রশ্ন, মহাকবি কালিদাস এই প্রতিযোগী সভ্যতাব্যয়ের কোনটিকে আশ্রয় করিয়া তাঁহার কাব্য-জগতকে সৃষ্টি করিয়া তুলিয়াছেন। এই প্রশ্নের যথাযথ উত্তর পাইলে মহাকবির বৃশ্ণিগণ্য করা সহজসাধ্য হইবে। দেখা যাক, কুমার কাব্য হইতে এই প্রশ্নের উত্তর পাওয়া সম্ভব কি না।

মহাকবি কালিদাসের কুমার-সম্ভব কাব্য বিবাহ ও বধের কাব্য। হরগৌরীর পরিণয় এবং তারকাসুরের বধ—ইহাই কুমার কাব্যের কথাবস্তু। স্মরণ্য কোনো কিছু না ভাবিয়া চিন্তিয়াই বলা চলে—কুমার কাব্য হিন্দু কাব্য, কারণ বিবাহ ও বধের (হিংসার) উপর বৌদ্ধবিদ্বেষ বিশ্ববিশ্রুত। তবুও প্রমাণ উপস্থিত করিতেছি—কাব্যনিহিত প্রমাণ—মদনভঙ্গ ও গৌরীর তপস্তা।

কুমার-সম্ভবে মহাকবি শিবকে প্রথমে দেখাইয়াছেন বুদ্ধের মত ধ্যানস্থ, শেষে দেখাইয়াছেন বশিষ্ঠের মত গৃহিনী-সহায় (সাপেক্ষো মূল কারণম্)। বুদ্ধের ও বশিষ্ঠের মধ্যে বে বৈষম্য আছে, কুমার কাব্যে তাহা তিনি দূর করিয়াছেন কেন? কুমার-সম্ভবের তত্ত্ব বুঝিলে এই প্রশ্নের উত্তর পাইব—ধানী শিব কেন যে অর্দ্ধ-নারীশ্বর হইলেন বুঝিতে পারিব।

আমরা পুরাণাদিতে পড়ি, কোনো ঋষি উগ্র তপস্তা আরম্ভ করিলে স্বর্গাধিপ ইন্দ্র সেই কৃচ্ছ্রসাধনে সচকিত হইতেন এবং সেই উগ্রতপস্বীর তপস্তা বিয়ের আশু ব্যবস্থা করিতেন। আর ব্যবস্থাও ছিল উত্তম। ঘন ঘোর আকাশতলে সর্পিল বিদ্যুতে আমরা ইন্দ্রের শক্তির পরিচয় পাই, ইন্দ্র বজ্রধর; কিন্তু ইন্দ্রের হাতে আর এক রকমের বজ্র আছে। মহাকবি বলেন, উর্ধ্বশী স্কুমারং প্রহরণং মহেন্দ্রম্। উর্ধ্বশী হইল ইন্দ্রের হাতে স্কুমারং প্রহরণং পেলব বজ্র। দৈত্যের বৃকে ইন্দ্র করিতেন বজ্রাঘাত, কিন্তু তপস্বীর বৃকে করিতেন—উর্ধ্বশী-আঘাত।

উভয়তাই নিঃসন্দেহে জয় লাভ হইত। ইন্দ্র তাই কেবল বৃত্তরাহা নহেন—বিশ্বমিত্রহাও বটেন। কুমার-সম্ভবের ধ্যানী শিবের ধ্যান ভঙ্গের জ্ঞাত উর্ধ্বশী-আঘাত, অর্থাৎ পার্শ্বতী-আঘাতই যথেষ্ট হইত—কাব্যখানা যদি-না বৌদ্ধ যুগের পরে লেখা হইত। সোক্রাতেসের আবির্ভাবের পরে গ্রীকদিগের পক্ষে দেবদেবীর উপাসনা যেমন বিড়ম্বনাময় হইয়া উঠিয়াছিল (‘মননের’ দ্বারা সোক্রাতেস ‘বেদনা’র মধ্যে অসঙ্গতি আবিষ্কার করিয়াছিলেন কি না), সেইরূপ বৌদ্ধ আক্রমণের পর পার্শ্বতীর দ্বারা হরধ্যান-ভঙ্গ অসম্ভব হইয়াই পড়িয়াছিল। পার্শ্বতী-আঘাতে হরধ্যান ভঙ্গ তাৎকালিক মনীষীরা কিছুতেই মানিয়া লইতেন না। স্বতরাং মহাকবিকে নূতন কথা শুনাইতে হইল। বিশ্বমিত্রহা ইন্দ্র পরাস্ত হইলেন—মদন ভস্মীভূত হইল—মদন-বধুর বিলাপে বিশ্ব মুখর হইয়া উঠিল এবং বসন্ত পুষ্পাভরণা রতেরপি স্ত্রীপদ মাদদানা গৌরীকে আশ্রয়ঃ ললিতং বপুঃ বার্থং সমর্থা, শূন্তমনে গৃহে ফিরিয়া যাইতে হইল। কুমার কাব্যের এইখানেই (৩য় স্বর্গ) যদি যবনিকা পড়িত তবে কাব্যখানা হইত বৌদ্ধ কাব্য। মহাকবি এইখানেই থামেন নাই—বৌদ্ধদিগের কথা মানিয়া লইয়া বৌদ্ধদিগকে এমন কথা শুনাইয়াছেন যাহা হিন্দুর কথা, বুদ্ধকে অবলীলাক্রমে বশিষ্ঠে পরিবর্তিত করিয়াছেন—মদন-দহন শিবকে অনায়াসেই ‘সদারসন্তোষী’ করিয়াছেন। ভাঙ্গনের জোড়া লাগাইতে মহাকবি অধিতীয়। ভাঙ্গনের কিরূপে জোড়া লাগিল—এক্ষেণে তাহাই বলিতেছি।

সিদ্ধার্থের গৃহত্যাগের ছবি অনেকই দেখিয়াছেন—নির্ভর-প্রমুখা প্রণয়িনীকে পরিত্যাগ করিয়া মধ্যরাত্রে সিদ্ধার্থ কিরূপে পলায়ন করিয়াছিলেন। এই যে পলায়ন, ইহা কেবল দৈহিক নহে, মানসিক,—মনসা মথুরাঃ গচ্ছামি—সেইরূপ মনে মনে নোড়। সিদ্ধার্থ পলায়ন করিলেন, গৃহত্যাগ করিলেন—তপস্যার দ্বারা রূপকে জয় করিবার জ্ঞাত। মহাকবি তপস্যার শক্তি মানিয়া লইয়াছেন, মদনকে ভস্মীভূত করাইয়াছেন, কিন্তু—এই কিন্তুতেই কুমার-কাব্যের বিশেষত্ব। নির্ভর-প্রমুখা নারীকে না হয় পরিত্যাগ করা গেল (যদিচ “মা নিষাদ প্রতীষ্ঠা...

হিসাবে বাস্তবিক-সাপেক্ষ ভয় থাকে), কিন্তু যে নারী

—সাত্যন্ত হিনোংকরানিলাঃ

সংস্তরাক্রীড়বাসতংপরা—

তাঁহাকে কি করিয়া পরিত্যাগ করা যাইবে? নারীকে না হয় অস্বীকার করা গেল, কিন্তু তপস্বিনীকে কি করিয়া অস্বীকার করা যাইবে? রূপকে না হয় তপস্যার দ্বারা দূরীভূত করিলাম, কিন্তু যে-রূপ তপস্যার দ্বারা সার্থক, তাহাকে জয় করিবার অস্ত্র কোথায়? রূপের সঙ্গে তপস্যার সংযোগ হইলে তাহার গতি কে রোধ করিবে? তখন

ধরপমান্বায় চ তাং কৃতস্মিতঃ

সমাললন্থে যুবরাজ কেতনঃ

“সমাললন্থে” ছাড়া কোনো গতি থাকে না! স্বতরাং দেখিলাম ভাঙ্গনের জোড়া লাগিল শিব-সীমন্তিনী শিবের পাশে আসিয়া দাঁড়াইলেন। মদনভঙ্গের প্রচণ্ড বাধাকে অতিক্রম করিয়া বহুবিলম্বিত এই যে মিলন—হবির্গমির মিলনের শাস্ত সৌন্দর্যে স্তম্ভমাহিত হইয়া উঠিল—ধ্যানী শিব অর্ধ-নারীশ্বর হইলেন। কুমার-কাব্যের ইহাই হইল হিন্দু—মহাকবির ইহাই হইল কল্লাস্ত, স্থায়ী কীৰ্ত্তি। বৌদ্ধবিপ্লবের পরবর্তী হিন্দু-অভ্যুত্থান যুগে কাব্যখানা রচিত না হইলে কাব্যকথায় এইরূপ ছাঁদ কখনই থাকিত না—তপস্যাপারায়ণা পার্শ্বতীকে কখনই পাইতাম না।

এখন যদি আমরা কালিদাসের যুগ হইতে আধুনিক যুগে আসি তবে দেখি মহাকবি-নির্দিষ্ট পন্থাই শাস্ত মিলনের পন্থা—কেবল এই দেশে নয়, সর্বদেশে। সর্বত্রই দেখি রূপের সঙ্গে তপস্যাসংযোগ না হইলে অবিনাশী প্রেম গঠিত হইয়া উঠে না। বাট্রাও রাসেল বলেন, “The essential or romantic love is that it regards the beloved object as very difficult to possess and as very precious”. As very difficult to possess অর্থাৎ বহুল আয়াসের ধন—পথে-পড়িয়া-পাওয়া চৌদ্ধ-আনা নহে। তবু পঞ্চম সর্গে পার্শ্বতীর তপস্যা দেখিয়া এই একটা

মনে সংশয় হয়—তপস্যার যোহে পড়িয়া যদি পার্শ্বতী শিবকে তুলিয়া যান—বরফ-ঢাকা নদীর মত যদি স্থাবরত্ব প্রাপ্ত হ'ন—এক কথায়, যদি বৌদ্ধ-ভিক্ষুণী হইয়া উঠেন, তাহা হইলে ত মহতিবিনষ্ট, কিন্তু হয় নাই। গৌরী তপস্যা করিয়া রূপকে সার্থক করিয়াছেন—মদনকে পুনরুজ্জীবিত করিয়াছেন—গৌরী 'ঘর বাঁধিবার' তপস্যা করিয়াছেন, ঘর ভাঙিবার তপস্যা করেন নাই। (ওথেলোতে সেক্ষপীয়র এই মহা-তপস্যার কথাই বলিতে গিয়াছিলেন, কিন্তু গল্পটিকে বিয়োগান্ত করিয়া লঙ্কা-কাণ্ড করিয়াছেন)। এই ঘর বাঁধিবার তপস্যায় গৌরী শিব-গৃহিণী—হিন্দুগৃহিণী হইলেন। বৌদ্ধ মতবাদ নর-নারীর মিলনের পথে যে অন্তরায় উপস্থিত করিয়াছিল, পার্শ্বতীর ঘর বাঁধিবার তপস্যায় তাহা বিদূরিত হইল।

কাব্যক্ষেত্রেও দেখি, সমস্ত বিক্ষোভকে পার্শ্বতীর তপস্যা শাস্ত ও সমাহিত করিয়া তুলিয়াছে, সকল প্রকার ক্ষতিই পূরাইয়া তুলিয়াছে। তাই, মহাকবি যে গভীর আনন্দের মধ্যে কাব্যখানা শেষ করিয়াছেন, তাহা অতি সুসঙ্গতই হইয়াছে। যে মিলনের সূচনায় আন্তরিক দেবতাদিগকে বলিতে হইয়াছিল—ক্রোধং সংহর সংহরেতি—যে মিলন ঘটাইতে যাইয়া রক্তিকে “স্তন-স্বাধমুরোজ্জ্বল চ” করিতে হইয়াছিল—কুমার কাব্যের উপসংহার কিন্তু সেই মিলনেই—হর-গৌরীর বাসর-শয্যায়।

দাস্তের কাব্যে দশ মুক শতাব্দী বাণী পাইয়াছিল—কুমার-কাব্যে একটা মহাজ্ঞাতি—একটা মহাদেশ—একটা মহাসংস্কৃতি বাণী পাইয়াছে।

মরা গাঙ

ঐহিরগয় মুনসী

এই মরা গাঙ গেছে কোন্ দেশে কোন্ কোন্ পথ দিয়ে,
কত শত হাসি অশ্রুর ভরা বুকতে সাজায়ে নিয়ে।
গেছে কোন্ দেশে কোন্‌খানে কোন্‌ ঘাটে কোন্‌ বন্দরে,
কত বে গাঁয়ের কোল বেয়ে গিয়ে ঠেকেছে সে কোন্‌ চরে।
চর দুই ধারে বালুর পাথরে চক্‌ চক্‌ করে বালি,
মাঝখান দিয়ে গেছে সরু গাঙ চাঁদের একটা কালি।
দুই পাড়ে ঘন-সবুজের মেলা দেখিয়া ছু' আঁখি ভরে,
কে যেন কাঁদিয়া সারা হয় ঐ সবুজের মধ্যরে।
বাতাস বাধিয়া নারিকেল পাতা—মরে সরু সরু করি,
সুপরি তালের বনে বনে কার আঁখিজল পড়ে বরি।
বাঁশ বাখারির বেড়া দিয়ে ঘেরা ঐ যে বেগুন-ক্ষেতে,
গাঁয়ের চাষারা 'টোটে' চড়ে দেয় পাহারা দিবস রোতে।
গাঁয়ে গাঁয়ে যত গাঁয়ের বধূরা সন্ধ্যা সকাল বেলা,
এই মরা গাঙে আসে জল নিতে, করে না ত তারা হেলা।
কাঁধের কলস ভেবে না তবুও কত যে ভক্তি করি।
কাঁকাল ঝাঁকায় জলভরা চাই কলস ডুবায় ধরি।
মরা গাঙে গেছে সোঁৎ কবে মারা, আবদ্ধ জল পেয়ে,
দাম দল আর শ্রাওলাতে এসে ফুলেছে বন্ধ ছেয়ে।
কারাগার মাঝে বন্দীর মত পঙ্কিল জলরাশি,
যেন পেতে চায় মুক্তি শুনিয়া গৌরো রাখালের বাকী।

নিদাঘী দিনের চাতকের মত বর্ষার বারি যাচে,
কালো মেঘ দেখে ময়ূরের মত দুই হাত তুলি নাচে।
বুকের পাজরে ওরি,—
দাগ কেটে কেটে 'দাঁড়ে কোট' খেলে ছেলেগুলো দিন ভরি।
ছল ছলে জলে জাল পেতে ব'সে গাঁয়ের জেলেরা যত,
মাথায় বাধিয়া ফাটা ধরে মাছ নানাবিধ শত শত।
ট্যাংরা পুঁটিতে খালুই ভরিয়া হাটের রাস্তা বেয়ে,
চ'লে যায় ওরা, মরা গাঙ শুণু দেখে চোখ চেয়ে চেয়ে।
কত যে গাঁয়ের গা-ঘেসিয়া চ'লে গেছে এই একই ধারা,
নোঁৎ নাই তবু সাগরে মিশিতে আকুল পাগলপারা।
পার হ'য়ে কত হাট মাঠ বাট চলে গেছে আঁকা ঝাঁকা,
বুকে বুক কত বেদনা কাঁদা ও বালুতে সকলি ঢাকা।
ওর দিন গেছে ব'য়ে,—
নেতি কাঁদা এসে ভরাট করেছে, চেপেছে পাষাণ হয়ে।
ভরা বরষার ভরসায় ও যে এখনও রয়েছে বেঁচে,
এ-কূল ও-কূল দু'কূল ভাষায়ে বরষার জল নেচে।
উঠিবে কবে বা টেউ তুলে তুলে, সেই আশা বুক ধরি,
এখনো মরেনি, ব'সে ব'সে দেখি আর ভেবে ভেবে মরি।
হায়! মরা গাঙ তোরও,—
আশা আছে প্রাণে, সেই আশা নিয়ে আজও দেশ
দেশ ঘোরা।

মুন্দের দুর্গ

শ্রীনারায়ণচন্দ্র দে

জামালপুরে গাড়ী বদল ক'রে মুন্দের গাড়ীতে চ'ড়েই বন্ধুকে ব্যস্ত ক'রতে লাগলাম। এমন একজন এ দেশের প্রবাসী বাঙালী চাই যার কাছে দুটো গল্প শুনতে পাব। গাড়ী ছাড়তে দেরি আছে এই ভরসায় বন্ধু প্লাটফর্মে নেমে পড়লেন এবং খানিক পরেই এক প্রৌঢ় ভদ্রলোককে সঙ্গে নিয়ে কামরায় ঢুকলেন। আমার পরিচয় দিয়ে তাকে বললেন যে, আমি মুন্দের বেড়াতে চলেছি, তাই মুন্দের কি দেখবার আছে শুনতে চাই। ভদ্রলোক হেসে বললেন, মুন্দের এখন আর কি দেখবেন? মুন্দের ত আজকের শহর নয়, মুদগল ঋষির আশ্রম ছিল এখানে, তাই এর নাম হয়েছে মুদগিরি। সেই থেকে দাঁড়িয়ে গেছে মুন্দের।* কেল্লার পাশেই এক অতি প্রাচীন ঘাট আছে, সেই ঘাটে বসে মুদগল ঋষি বৎসরের পর বৎসর তপস্যা ক'রে চলেছিলেন। এক পক্ষ ধরে উপবাসী হয়ে তপস্যা করতেন, পক্ষের শেষদিন সন্ধ্যার সময় চাল যা সংগ্রহ হ'ত তাই ফুটিয়ে থেতো, আবার চলতো এক পক্ষ অভুক্ত অবস্থায় তপস্যা। এমন ক'রে ঋষির তপস্যা চলেইছে, অবশেষে নারায়ণ একজন ব্রাহ্মণের বেশে উপস্থিত হলেন ঋষির সামনে। ঋষি পক্ষশেষে সেইমাত্র চাল ফুটিয়ে ভাত নামাচ্চেন এমন সময় অতিথি উপস্থিত! প্রসন্নচিত্তে সমস্ত অন্ন দিয়ে অতিথির ক্ষুধা নিবারণ করলেন, নিজের আর খাওয়া হ'ল না। পরের পক্ষের শেষে নারায়ণ অল্প এক বেশে আতিথ্য গ্রহণ করলেন। এবারও এক মাসের উপবাসীর মুখের অঙ্গে নিজের ক্ষুধার নিবৃত্তি করলেন। ঋষির মুখে কিন্তু তবু প্রসন্নতার চিহ্ন, বিরক্তি হুখ একটুও নেই। নারায়ণ তখন আপনার মুক্তি ধরে ঋষিকে বললেন, “তোমার পরীক্ষা শেষ হয়েছে। আমি তৃপ্ত

হয়েছি। তোমার কি বর চাই বল।” ঋষি বললেন, “আমি আপনাকে যখন পেয়েছি, তখন আমার সব পাওয়াই হয়ে গেছে; তবে বর যদি দেন ত এই বর দিন যে, এই ঘাটে আমার যেমন সকল কষ্টের শেষ হয়েছে, তেমনি নর-নারী যে-কেহ এই ঘাটে স্নান ক'রে আপনার পূজা করবে তারও জীবনান্তে বৈকুণ্ঠলাভ ঘটবে। ‘তথাস্থ’ বলে নারায়ণ অন্তর্হিত হলেন। সেই থেকে এই ঘাটটির নাম হয়েছে কষ্টহারিণী ঘাট।

ভদ্রলোক গল্প শেষ ক'রে আমার দিকে চাইতেই আমি বললাম, “আপনার ঋষির প্রতি আমার যথেষ্ট শ্রদ্ধা হচ্ছে; আপনার ঋষি নিজের জন্ত অমরত্ব চান নি, ব্রাহ্মণত্বও চান নি। চেয়েছিলেন যা, তা সে-যুগের বড় বড় ঋষিদের মধ্যেও দেখা যায় না। জীবনের শ্রেষ্ঠ কাম্য বৈকুণ্ঠলাভ, যা হুশ্চর তপস্যায় তিনি পেলেন তা অপর বিনা আয়াসে পাক্ এই ছিল তাঁর আকাঙ্ক্ষা। এই ঋষির দেশের লোকেরা উত্তরাধিকারস্থত্রে এ গুণ কতটা পেয়েছে বলুন ত!”

“রামচন্দ্র! স্বর সব এক—Behar for the Beharis—পরার্থপরতা একটুও নাই।”

“যাক্, কষ্টহারিণী ঘাটের কথা বলছিলাম। সে ঘাট রাম ও সীতার পাদস্পর্শে ধ্বংস হয়ে গেছে। রাবণ রাক্ষস হলেও ব্রাহ্মণের গুণ তাঁর ছিল অনেক। রাজ্যে রাম স্থিতির হয়ে ঘুমতে পারতেন না, রাবণের প্রোতমুষ্টি যেন এসে তিরস্কার করত। রাম তাই লক্ষ্মণ ও সীতাকে নিয়ে তীর্থভ্রমণে বাহির হলেন। পূজা পার হয়ে এই কষ্টহারিণী ঘাটে এসে উপস্থিত হলেন। দেবতার ঘাটে উপস্থিত। রাম, সীতা, লক্ষ্মণ তাড়াতাড়ি স্নান সেরে তাদের অর্ঘ্য দিয়ে পূজা করতে বসলেন। দেবতার রাম ও লক্ষ্মণের অর্ঘ্য গ্রহণ করলেন, কিন্তু সীতার অর্ঘ্য গ্রহণ করতে চাইলেন না; সীতা বহুদিন রাবণের গৃহে

* কানিহোম সাহেবের মতে ঐ অঞ্চলে মুন্দের জাতি বাস করিত, তাই নাম মুন্দের—*Archaeological Survey*, Vol. XV.

একাকিনী ছিলেন। অবনতমুখী সীতা পরীক্ষা দিতে সম্মত হলেন, প্রকাণ্ড অগ্নিকুণ্ডের মধ্যে সীতা প্রবেশ করলেন, তাঁর স্বামী ও দেবর দেবতাদের সঙ্গে দাঁড়িয়ে রইলেন দর্শক হয়ে। সীতার চক্ষের জলে আগুন শাস্ত হয়ে গেল, অগ্নিকুণ্ড বারিকুণ্ডে পরিবর্তিত হ'ল, সীতা অদম্ভ অবস্থায় বাহির হয়ে এলেন। সেই দিনের স্মৃতিকে পূজা করবার জন্ত আজও রামের জন্মদিনে বহু নরনারী কণ্ঠহারিণীর ঘাটে স্নান ক'রে এই সীতাকুণ্ডের জলস্পর্শে আপনাদের কৃতার্থ জ্ঞান করে।"

আমি বললাম, "আপনার সীতা সেদিন ভারতরমণীর প্রতীক হয়েই অগ্নিকুণ্ডে প্রবেশ করেছিলেন। সৃষ্টির আদি যুগ থেকে রমণীর চরিত্রের এই অপমানের বিরুদ্ধে ভারতনারী-সদস্যের পুঞ্জীভূত অভিমান সেদিন সীতার চোখ দিয়ে বাহির হয়ে অগ্নিকে নিকৰ্ণাপিত করেছিল। আজও পরীক্ষার শেষ হরনি, আজও পুরুষের মনে সেই সংশয় রয়েছে। সীতার গর কত সাক্ষী নারী পৃথিবীর শয্যা গ্রহণ করেছেন। তাঁদের অভিমান-অশ্রু আজও সীতাকুণ্ডের জলকে উষ্ণ ক'রে রেখেছে।

ভদ্রলোক বললেন, "বিজ্ঞান বলছে যে এখানে আগ্নেয়-গিরি আছে। চীন-পরিব্রাজক হিউয়েন সাঙ্গ এ অঞ্চলে এসে দেখেছিলেন যে, হিরণ্য পর্বত থেকে ধূমরাশি উদ্গত হয়ে সব অন্ধকার ক'রে দিয়েছে। কিন্তু বিজ্ঞানের এ কথায় মন সায় দিতে চায় না, মন হৃষ্টি পায় সেই কুণ্ডের পার্শ্বে দাঁড়িয়ে সীতার সমবেদনায় একবিন্দু তপ্ত অশ্রু সেই কুণ্ডের জলের সঙ্গে মেশাতে।"

প্রোঢ় ভদ্রলোক যৌবনে কবিতা লিখেছেন কি না জানবার ইচ্ছা হয়েছিল, কিন্তু আরও গল্প শোনবার লোভে সে বিষয়ে আর প্রশ্ন করলাম না।

ভদ্রলোক বললেন, "কেন্দ্রার পশ্চিম সীমানার কিছু দূরে চণ্ডীস্থান ব'লে এক প্রাচীন দেবতার স্থান আছে। এ অঞ্চলের এক রাজা ছিলেন কর্ণ। তাঁর দানের কথা সারা ভারতের লোকই জানত। উত্তরীণী রাজা বিক্রমাদিত্যের কৌতূহল হ'ল জানতে কীভাবে এত অর্থ পায় কর্ণ। তিনি ছদ্মবেশে এসে কর্ণের ভৃত্যের কাজ গ্রহণ করলেন। কর্ণ প্রতিদিন রাজ্যের দ্বিতীয়

গ্রহের চণ্ডীস্থানের দেবী চণ্ডীর পূজা ক'রে তাঁকে প্রসন্ন করবার জন্ত এক জলন্ত তেলের কড়ায় ঝাঁপ দিতেন। চণ্ডীদেবী-প্রসন্ন হয়ে অমৃতকুণ্ডের বারি সিঞ্চন ক'রে তাঁকে সঞ্জীবিত করে তুলতেন এবং কড়ার তেল সোনার চাপে পরিবর্তিত হয়ে যেত। সেই সোনা পরদিন কর্ণ গরিব দুঃখীদের বিতরণ ক'রে দিতেন। কিছুদিনের মধ্যে বিক্রম রাজা এই গুপ্তকথা জেনে ফেললেন। বিক্রম একদিন রাত্রে কর্ণের পূর্বে এসে দেবীর পূজা আরম্ভ করলেন, নিজদেহের মাংস কেটে দেবীর পায়ে অঘ্য দিলেন; রক্তাক্ত দেহে নুন মাখালেন। সর্বশেষে তেলের কড়ায় ঝাঁপিয়ে পড়লেন। দেবী বিশেষ প্রীত হয়ে বিক্রমকে বর দিতে চাইলেন। রাজা বললেন, "আমি চাই না স্বর্ণ, রত্ন। আমি চাই আপনাকে! আপনি আমার রাজ্যে চলুন।" চণ্ডী সম্মতি জ্ঞানালেন। বিক্রম কড়া উল্টে দিলেন এবং সেই উল্টান কড়া চণ্ডীর পৃথের ছাদের উপর রেখে বার হয়ে এলেন। অব্যবহিত পরেই রাজা কর্ণ পথ পুষ্প নিয়ে প্রতিদিনের মত স্তুতি হয়ে দ্বারে প্রবেশ করে দেখলেন যে, কড়া উল্টান, তেল গড়াচ্ছে, দেবী নিকৃষ্টা। চণ্ডীদেবী মাত্র তখন বিক্রমের রাজ্যে যাবার জন্ত বার হচ্ছিলেন। কর্ণের আর্ন্তনাদ শুনে বিচলিত করল। দেবী কর্ণের তৃপ্তির জন্ত তাঁর প্রসন্ন দৃষ্টি প্রাচীরগাত্রে রেখে বিক্রমের সঙ্গে চলে গেলেন। আজও মন্দিরের গাত্রে সেই ছুটি চক্ষু তেমনি চেয়ে আছে, সেই লোহার কড়া মন্দিরের ছাদ হয়ে আছে।

ইতিমধ্যে ট্রেন বে কখন মুন্সের ষ্টেশনে এসে পৌছেছে তা বুঝতে পারিনি, কুলির ও যাত্রীর চীৎকারে চমক ভাঙল

* * *

অপরাত্নে আমরা সীতাকুণ্ড দেখবার জন্তে বাহির হলাম। মুন্সেরকে পশ্চিমে কলে আমাদের গাড়ী সোজা এক রাস্তা দিয়ে পূর্বমুখে চলতে লাগল। প্রথমেই পড়ল কয়েকটি বাগান ও বাগানবাড়ী। তার পরেই দুধারে ধুধু করছে মাঠ, দূরে খজা পাহাড় দাঁড়িয়ে রয়েছে। গাছের মধ্যে খেজুর ও তালগাছই চোখে পড়তে

লাগল। সীতাকুণ্ড মুন্সের থেকে পাঁচ মাইল দূরে। মাত্র তিন মাইল এসেছি, দেখি গাড়ীর সঙ্গে ছুটতে ছুটতে আসছে ছটি লোক,—তারা পাণ্ডা। আমরা তীর্থ করতে যাচ্ছি না, স্তব্ধতা বিশেষ কিছু প্রাপ্য নেই জেনেও তাদের ছোট্টার বিরাম নেই। তখন অগত্যা একজনকে আমাদের গাড়ীর পিছনে বসতে বললাম। সীতাকুণ্ডে গাড়ী এসে দাঁড়াতেই সেই অগ্রগামী হয়ে আমাদের নিয়ে চলল। চারিধারে হুট দিয়ে বাদান লোহার রেলিঙে ঘেরা সীতাকুণ্ডের সামনে এসে দাঁড়ালাম। কুণ্ডের আয়তন ঘোল সতের বর্গফুট—জল বেশ স্বচ্ছ ও পরিষ্কার। কুণ্ডের অনেক জায়গাতেই তলা থেকে বৃদ্ধুদ উঠে ওপরে এসে মিলিয়ে যাচ্ছে : এ দাঁটার বিরাম নেই। যেন বৃদ্ধুদগুলি একসঙ্গে গাঁথা—একটা নিদ্রিষ্ট সময়ের অবসানে কে যেন একটি একটি ক'রে তাদের ছেড়ে দিচ্ছে। দেখতে দেখতে আরও কত নতুন জায়গায় বৃদ্ধুদ উঠতে লাগল। পুন্সের দু-এক জায়গায় আবাব স্থির হ'য়ে গেল। কুণ্ডের উপরের সিঁড়িতে দাঁড়াতেই উত্তাপ অল্পভব করলাম, জলে মাড়ল ডুবিয়ে বোঝা গেল যে জল বেশ গরম। যাত্রীরা কেহই এ জলে স্নান করে না, স্পর্শ করেই ক্ষান্ত হ'তে হয়। পুন্সে একবার একজন ইংরেজ দৈনিক বাজি রেখে এই কুণ্ড স্নাতার দিয়ে পার হয়েছিল, তখনই তাকে হাসপাতালে নিয়ে যেতে হয় এবং সেখানেই তার মৃত্যু হয়।* জলের উত্তাপ কিন্তু সব সময়ে সমান থাকে না; গ্রীষ্মের প্রারম্ভ হ'তে উত্তাপ কমতে থাকে, বর্ষার সময় উত্তাপ সবচেয়ে বেশী হয়। এই কুণ্ডের অন্নদূরেই আরও দুই-তিনটি উষ্ণ প্রস্রবণ আছে। ত্রিশ বৎসর পূর্বে এই সীতাকুণ্ডের একশ' গজ দূরে একটা উষ্ণ প্রস্রবণের সন্ধান পাওয়া যায়; তদানীন্তন কলেক্টার ফিলিপ সাহেবের নামানুসারে এর নাম হয়েছে ফিলিপ কুণ্ড। কেলনার কোম্পানী এর জল নিয়ে সোডাওয়াটার ও লেমনেড তৈরি করেন। এই কুণ্ডগুলি একই সরলরেখায় অবস্থিত এবং এরা একই প্রস্রবণের

অংশ বলে অনুমিত হয়। সীতাকুণ্ডের ঘেরা জায়গার মধ্যে আরও চারটি কুণ্ড আছে; তাদের নাম যথাক্রমে—রামকুণ্ড, লক্ষণকুণ্ড, ভরতকুণ্ড ও শত্রুঘ্নকুণ্ড। তাদের জল অপরিষ্কার এবং প্রস্রবণের কোনো লক্ষণই নেই।

ফিরবার সময় গাড়ী পীরপাহাড়ের পথ ধরল। কিছু পথ যেতেই দূরে এক পাহাড়ের ওপর ছবির মত একটা সুন্দর বাড়ী চোখে পড়ল। চারিদিকে সমতলক্ষেত্র—মাঝখানে মাথায় এক সুন্দর মুকুট পরে দাঁড়িয়ে আছে পীরপাহাড়। যে পীরের নামানুসারে এই পাহাড়ের নাম, তাঁর নাম কেউ জানে না; কেবল আছে তাঁর এক সমাধি-মন্দির ঐ পাহাড়েরই ওপর। সেই মন্দিরের তলায় বৎসরে একদিন বহুলোক সমবেত হয়ে তাদের শ্রদ্ধা জানিয়ে যায়, একটা মেলাও বসে। পাহাড়ের তলায় এসে গাড়ী থেকে নামতেই সামনে দেখা গেল একটা সমাধি—মনে হ'ল কোনো মুসলমানের, কিন্তু মেটা একজন কাশ্মীরী মহিলার সমাধি। শ্রীমতী আনি বেকেট তাঁর স্বামী কাপ্তেন বেকেটের সঙ্গে এই পীরপাহাড়ে বাস করতেন। তিনি ধোড়ায় চড়ে কখনও স্বামীর সঙ্গে, কখনও একলা পাশের গ্রামে বেড়াতে যেতেন। একদিন রাত্তায় তিনি গ্রামবাসীদের দ্বারা আক্রান্ত হয়ে প্রাণ হারান।*

পথ ধরে আমরা ওপরে চললাম। তিন দিকে শস্য-শ্রামল ক্ষেত্রের ওপর সূর্য্যের শেষরশ্মি পড়ে তাদের সুন্দর ক'রে তুলেছে। গাছের ঝোপের মধ্যে দিয়ে কোথাও ছোট ছোট কুঁড়ের গ্রামের নিদর্শনস্বরূপ দেখা যাচ্ছে। অপরদিকে প্রশান্তসলিলা ভাগীরথী; তার বহুদূরব্যাপী তীরভূমি পাহাড়ের তলায় এসে ঠেকেছে। এমন মনোরম স্থানে এই বাড়ীটি নির্মাণ ক'রে সেনাপতি গুরগন্ থা তাঁর কবিদৃষ্টির ও পরিচয় দিয়েছেন। বহুদিন ধরে এই বাড়ীই বিহারের Belvedere ছিল। সেনাপতি ও বড় বড় কর্মচারী কেউ এলে এই বাড়ীতেই তাঁকে ভোজ দেওয়া হ'ত। ভোজের আসরে সেনাপতি গুরগন্ থা এইখানে ব'সে বজুবাক্সের সঙ্গে ইংরেজের


মুণ্ডপাতের মজ্জণা করার কথা স্মরণ ক'রে দিলে ভোজের আনন্দ ভ্রাস হ'ত কি না বলা যায় না; কিন্তু ইংরেজ-গভর্ণর ভ্যানসিটট নবাবের অতিথি হয়ে এইখানে নবাবী কায়দায় আদর-আপায়ন ও সঙ্গে সঙ্গে বহু উপঢৌকন পেয়ে সপ্তাহকাল কাটিয়েছিলেন, একথা স্মরণ হ'লে একটুও যে আত্মপ্রসাদ হ'ত না ইহা নিশ্চয়।

পীরপাহাড় থেকে ফিরে যখন চণ্ডীস্থানে এসে গাড়ী থামল, তখন গোপালির কাল ছায়া চারদিকে পড়েছে। ভিখারীরা যাত্রীর আশায় তখনও রাস্তার ধারে বসে আছে। দু-একখানা দোকানও রাস্তার ওপর পাতা আছে—খেলনা থেকে আরম্ভ করে মোয়া পর্যন্ত। চণ্ডীস্থানের দু-পাশে দুই মন্দিরে অন্নপূর্ণা ও পার্বতী আছেন। চণ্ডীর মন্দিরেও এক শিব আছেন—কালভৈরব; ভিতরে অন্ধকার একটি ঘরে প্রদীপের উজ্জল আলোয় দেখলাম উত্তর দেওয়ালে পাথরের ওপর চণ্ডীর দুটো চোখ। আমাদেরই সঙ্গে দাঁড়িয়ে কত যাত্রী মুগ্ধনেত্রে সেই শাস্ত চোখের দিকে চেয়ে শ্রদ্ধা জানাচ্ছিল। মন্দিরের ছাদও পাথরের খিলান করা ব'লে মনে হ'ল। কড়ার মত আকারও বটে, মনে হয় পাহাড় কেটে এই মন্দির নির্মিত হয়ে থাকবে। শহরের প্রান্তদেশে অবস্থিত হলেও এ মন্দিরে যাত্রীর ভিড় অল্প হয় না।

* * * *

পরদিন আমরা দুর্গ দেখতে চললাম। গঙ্গার ওপর থেকে সোজা উঠেছে পাহাড়, তার ওপর অবস্থিত এই দুর্গ। তিন দিকে প্রশান্ত গড়, আর পশ্চিম দিকে পূত-সলিলা গঙ্গা। দুর্গ-প্রাচীর তের-চৌদ্দ হাত উচ্চ, ষাট হাত অন্তর এক একটি দুর্গবেষ্টনী (bastion)। উত্তরের লাল দরজা দিয়ে দুর্গের মধ্যে প্রবেশ করলাম। উত্তর দক্ষিণে এক হ্রদ রাস্তা চলেছে, সেই রাস্তার দুই ধারে দুই বৃহৎ পুষ্করিণী; প্রত্যেক দিকেই পুষ্করিণীর পাশ থেকে একটি ছোট পাহাড়ের স্তূপ উঠেছে। বা-দিকের পাহাড়ের শিখরদেশকে বলে কর্ণচৌরা, এইখানে রাজা কর্ণ প্রত্যহ প্রাতে স্নান করে এসে বসে ব্রাহ্মণদের স্বর্ণ দান করতেন। কর্ণচৌরায় একটি হ্রদর অট্টালিকা

রয়েছে, সেটি সেনাধ্যক্ষ গজার্ডের বাসভবন ছিল, বর্তমানে মুর্শিদাবাদের রাজা আশুতোষ রায়ের সম্পত্তি। দক্ষিণে অপর পাহাড়টির ওপরেও 'সাহ সাহেবের প্রাসাদ' নামে একটা হ্রদর বাড়ী ছিল। সে-বাড়ী ভেঙে সেইখানে কালেক্টার সাহেবের কুঠি ও কোম্পানীর বাগান নির্মিত হয়েছে। উহার পশ্চিমে উচ্চ ভূমিখণ্ডের উপর গঙ্গার উপরেই দুর্গের অন্ত্রাগার ও রাজপ্রাসাদ অবস্থিত ছিল। যে প্রাসাদের সৌন্দর্যের প্রশংসা অতীতের পর্যটকমাত্রেই শতমুখে করেছেন, যার খেতবর্ণের হ্রদর প্রাচীর, মিনার ও স্তম্ভ দেখিয়া দিনেমার ডাক্তার নিকোলস গ্রাফ চমৎকৃত হয়েছিলেন, আজ তার বিশেষ কোনো চিহ্নই নেই। উচ্চ প্রাচীর দিয়ে ঘেরা জেলখানা আজ সেখানে শোভা পাচ্ছে। যেস্থান বেগম ও পুরমাহলাদের আনন্দধর্মনিতে মুখরিত হ'ত, আজ সেখানে কয়েদীদের হাঁসপাতাল বসেছে, পনের ফুট চওড়া দেয়ালযুক্ত অস্ত্র ও বারুদখানায় কয়েদীরা রাত্রিবাস করে। যেখানে আজ জেলখানার গুদাম-ঘর সেখানে প্রাসাদবাসীদের ব্যবহারের জন্ত একটি মসজিদ ছিল। সেই মসজিদের মেজের নীচে দিয়ে চারিটি স্বড়ঙ্গ-পথ বার হয়ে গেছে। একটা পথ দিয়ে বেগমেরা গঙ্গানানে আসতেন; কটহারিণী ঘাটের প'কা ভাঙা সিঁড়ি এখনও রয়েছে। অন্ধকার পথ দিয়ে যেতে অসুবিধা হ'ত ব'লে স্থানে স্থানে চিমনির আকারে নির্মিত আলোকস্তম্ভ ছিল। সে স্বড়ঙ্গ-পথের শেষ অংশ এখনও বর্তমান আছে। আর একটা পথ দিয়ে বেগমেরা সামনের বাগানের এক কোয়ারার তলায় এসে জলবিহার করতেন। অত্র রাস্তা দুটি কোথায় যাবার জন্ত তা কেহ বলতে পারে না। একবার কয়েকজন কয়েদী পালিয়ে গিয়েছিল ব'লে সব পথগুলিই বন্ধ ক'রে দেওয়া হয়েছে। রাজপ্রাসাদের পাশে পশ্চিম দ্বারে দুর্গবেষ্টনীর নীচে এক কবি চিরনিদ্রায় শায়িত আছেন। মোল্লা মহম্মদ সৈয়দ আরংজেবের কন্যা জেব-উন্নিসার গৃহশিক্ষক ছিলেন। তিনি শেষবয়সে মক্কা যাবার বাসনা নিয়ে দিল্লী ত্যাগ করেন। তাঁর সে ইচ্ছা পূর্ণ হয়নি। পথেই মৃত্যুর তাঁর মৃত্যু হয়।*



১। পাঁচপাহাড়

২। কর্ণচোরা—গডার্ড সাহেবের বাসভবন

৩। চণ্ডীস্থান—বিক্রমচন্দ্রের মন্দির

৪। পশ্চিম দিকের দুর্গ-
বৃকজ—এই কোয়ার্টার মহম্মদ
সৈয়দ সমাহিত আছেন।

৫। ছকরা নালার উপরের ভগ্ন সেতু

৬। ডিমার সাহেবের ঘড়ি-ঘর

৭। মীরকাসিমের পুত্রের কবর

সাহিনাকার দরগাহ দুর্গের মধ্যস্থিত গৃহগুলির মধ্যে মুন্সের শাসনকর্তারূপে এসে দুর্গ-প্রাচীরের সংস্কার
সমাপ্তি প্রাপ্ত। দক্ষিণ দরজার পাশেই উচ্চ ভূমির করতে লেগে যান। যুবরাজের কাছে সংবাদ এল
উপর এই সমাধি-মন্দির বর্তমান। যুবরাজ দানিয়াল যে দুর্গ-প্রাচীরের খানিকটা অংশ প্রত্যাহ্র অতিথ্যে

তৈয়ার করা হয়, কিন্তু রাত্রে কে যে কেমন করে ভেঙে ফেলে দেয় তা নিয়ম করা যায় না। রাজসভায় বিজ্ঞ ব্যক্তির মন্তব্য করে ঠিক করলেন যে, ঐস্থানে নিশ্চয়ই কোন পীরের সমাধি আছে। সেই রাত্রেই যুবরাজ স্বপ্নে দেখলেন যে, এক পীর তাঁকে তাঁর কবরের উপর সমাধি-মন্দির করতে বলছেন। পীর তাঁর নাম কিছুতেই বললেন না। পরদিন মৃগনাভির স্তম্ভে তাঁর কবরের স্থান নির্ণীত হ'ল। তাই দানিয়ালের আদেশে সেই কবরের ওপর নিশ্চিত এই সমাধি-মন্দিরের নাম হ'ল 'সাহনাফা'। মন্দিরদ্বারে দানিয়ালের প্রার্থিত প্রস্তরলিপি আছে। তার পাশে বহু সমাধি, তার মধ্যে মীরকাসিমের মৃত পুত্রের সমাধিও রয়েছে। দুর্গ-সীমার মধ্যে অবস্থিত সাহেবদের বাড়ী ও দোকান-ঘরগুলো দেখতে সুন্দর, দু-একজন বাঙালীর বাড়ীও রমণীয়। কিন্তু সরকারী আদালত, মিউনিসিপাল ডিস্ট্রিক্ট বোর্ডের আপিস ইত্যাদি ঘরগুলো অতি বেমানান ও অসুন্দর বলেই চোখে লাগল। পূর্ন দরজায় ডিম্বার সাহেবের অর্থে নিশ্চিত ব্লক-টাওয়ার বা ঘড়ি-ঘর দুর্গপ্রাকারের সঙ্গে একেবারেই খাপ খায় না এবং দুর্গের সৌন্দর্য্যবৃদ্ধির দিকে একটুও সাহায্য করে না। জেলখানার দক্ষিণ পাশের রাস্তা দিয়ে বাবুঘাটে এলাম, উদ্দেশ্য—গঙ্গার দিক হ'তে মুন্সের দুর্গের দৃশ্যটা কেমন দেখায় তাই দেখা। মানুষ, জানোয়ার ও মাল একত্র নিয়ে একথানা বড় থেয়া নৌকো বখন সামনের চরে নামিয়ে দিল তখন সূর্য্য পশ্চিমে ঢলে পড়েছে, শেষরশ্মি দুর্গের গৃহ ও প্রাকারের ওপর পড়ে রাঙিয়ে তুলেছে; পাদদেশে প্রশান্তদালনা গঙ্গার কালো জল বয়ে চলেছে। দৃশ্যটি সত্যি ছবির মত সুন্দর দেখাতে লাগল। একপ্রান্তে কষ্টহারিণীর ঘাটে তখনও কয়েকজন নরনারী স্নান করছেন; আর একপ্রান্তে কয়েকখানা বড় মাল-বোঝাই নৌকো নোঙর কেলে ভিড় করে রয়েছে। স্থানে স্থানে দুর্গের প্রাচীর ভেঙে পড়ে তার অতীতের মহত্বের কথা স্মরণ কার্ণে দেয়।

অতীতের বহু স্থতিবিজড়িত এই দুর্গের সামনে দাঁড়িয়ে অনেক চিত্তই চোখের সামনে ভেসে উঠতে

লাগল। বৌদ্ধ দেবপালের বিজয়দৃশ্য বিপুলবাহিনী যেদিন বহুদেশ জয় ক'রে চম্পা-রাজ্যের এই নগরে শিবির সংস্থান করলে, নৌকোর শ্রেণী দিয়ে বিপুল বাহ্য সৃষ্টি ক'রে পালদেবের সামন্ত ও মিত্র রাজারা বহু দৈত্ব নিয়ে দেবপালকে সন্দ্বন্দনা করতে এলেন—মুন্সেরের আকাশ ধূলায় অন্ধকার হয়ে গেল, সেদিনকে স্মরণ কর রেখেছে দেবপালের এইস্থানে দেবকায়োর জগা ব্রাহ্মণকে বহু ভূমি দান।* বঙ্গবিহার-বিজেতা বক্তব্যের যেদিন দিল্লীর সম্রাট কুতুবউদ্দীনের অল্পগ্রহ-ভিখারী হয়ে তাঁর দর্শনাভিলাষে দিল্লীর দরজায় ধরা দিয়েও বিফলমনোরথ হয়ে ফিরে আসেন, সেদিন এই মুন্সেরই তাঁর ভবিষ্যৎ-সৌভাগ্যের সূচনা ক'রে দেয়। বক্তব্যের সেদিন বুঝেছিলেন যে সাহস ও যুদ্ধকৌশল থাকলেও নগর ও সহায়সম্পদহীনতার উচ্চাকাঙ্ক্ষার পথ সব সময়ই রুদ্ধ। তাই তাঁর মত কয়েকজন যোদ্ধা যুবকে নিয়ে সকল বকম বিপদকে তুচ্ছ ক'রে তিনি মুন্সেরের চার পাশের ক্ষুদ্র শহরগুলো লুণ্ঠন করতে লেগে গেলেন। এতে একদিকে যোদ্ধা ও দুঃসাহসিক ব'লে যেমন তাঁর খ্যাতি প্রকাশ হ'তে লাগল, অতীতের তেমনই বহু অশুভ সংগ্রহ হ'ল।† মুন্সেরের সেই লুণ্ঠিত প্রবাসী দিয়ে যেদিন আবার বক্তব্যের দিল্লীতে এলেন, সেদিন বিনা আয়াসে তিনি কুতুবউদ্দীনের আশ্রয় ও অল্পগ্রহ লাভ ক'রে বিহার ও বাংলা জয়ের ভার পেলেন এবং বিজয়ের বেশে মুন্সেরের এই দুর্গদ্বারে হানা দিয়ে এটি অধিকার ক'রে নিলেন। আবার যেদিন পাঠানের সৌভাগ্য-রশ্মি অস্তমিত হ'ল, দিল্লীর সিংহাসনে আকবর প্রতিষ্ঠিত হয়ে একটির পর একটি দেশ জয় ক'রে রাজপুত্রের সঙ্গে সৌহাদ্দ-বন্ধনে আপনার শক্তি দৃঢ়তর করলেন, শস্ত্র শ্যামলা ধনরত্নবহলা বাংলার দিকে লুপ্তপৃষ্ঠ নিয়ে মোগলবাহিনী মুন্সের খার অধীনে ছুটে আসতেই পাঠানরাজ দাউদ যুদ্ধে হেরে উড়িয়ায় পালিয়ে গিয়ে আকবরের অধীনতা স্বীকার ক'রে নিলেন; কিং শক্তিশালী আফগান স্বাধীনচেতা পাঠান, হুদিনেই এই


* Cunningham's Archaeological Survey, Vol. III.

† Elliot's History of India, Vol. II.

রাশীদাতার তীব্রজালা অল্পভব করে অশান্ত হয়ে উঠল। মুনেম খাঁর মৃত্যুসংবাদ প্রচারিত হবার সঙ্গে অমনি যখন চারিদিকে আকগানের বিদ্রোহবলি প্রজলিত হয়ে উঠল—দেখতে দেখতে বাংলা বিহার থেকে মোগল-আধিপত্যের সকল

চিহ্ন মুছে যাবার উপক্রম হ'ল, সেদিন বিদ্রোহদমনে প্রেরিত মোগল-সেনাপতিরা এই মুন্দের দুর্গকেই নিরাপদ স্থান মনে করেছিলেন। আবার যেদিন বাংলা বিহারের মোগল কক্ষ-চারীরা পাঠানদের সঙ্গে মিশে মোগল শাসনকর্তাকে তাড়িয়ে দিতে বিদ্রোহ ঘোষণা করলেন, সেদিন মোগলের বিপুল বাহিনীর আদনায়ক হয়ে এসেছিলেন হিন্দু টোডরমল্ল। শত্রু ভাগলপুরের কাছে অগণিত সৈন্য নিয়ে পথবোধ করে দাড়িয়ে, টোডরমল্ল অগ্রসর হতে সাহসী হলেন না; এই মুন্দের দুর্গে অবস্থান করাই যুক্তি-যুক্ত মনে হ'ল। চার মাস কাল মোগল বাহিনীর সিংহনাদে দুর্গ চঞ্চল হয়ে উঠেছিল।* এই দুর্গে বসেই টোডরমল্ল কৌশলে শত্রুদের পরাজিত করবার মতলব করতেন। চারপাশে যে-সব হিন্দু রাজারা শত্রুসৈন্যদের রসদ পেয়েছিলেন তাঁদের কাছে টোডরমল্লের চর চলল। সহবন্দী টোডরমল্ল,—হিন্দুধর্মে শ্রদ্ধাসম্পন্ন

প্রবলপরাক্রান্ত সম্রাট আকবরের অল্পগ্রহ—সর্বশেষে শত্রুদের অপেক্ষাও অধিক মূল্যে আহাধ্য কেনবার



মুন্দের দুর্গের উজ্জয়দিকের ফটক



মুন্দের দুর্গে শত্রু সৈন্যের প্রাসাদ



সাহনাকের সমাধি-মন্দির



এই মসজিদে হিন্দু সৈন্যদের ভাগ্যদেয়ীমূর্তি নিবেদন করা হয়



কষ্টহারিণী ঘাট



গঙ্গার দিক হইতে মুন্দের দুর্গ

প্রস্তাব রাজাদের প্রলুব্ধ করল। ভারে ভারে অপরিমিত রসদ মুন্দের দুর্গে এসে পৌছতে লাগল। দুর্গে প্রতাহই উৎসব আর বিদ্রোহী সৈন্যদের মধ্যে অসন্তোষের হাহাকার; একমাস যেতে-না-যেতে শত্রু ছত্র ভঙ্গ হয়ে পড়ল।

* Elliot's History of India, Vol. V.

কয়েকজন উড়িয়ায় গিয়ে পাঠান-সদ্ধার কতলু খাঁর সঙ্গে যোগ দিল।†

যেদিন বুদ্ধ শাজাহান রোগশয্যায় মরণাপন্ন এই সংবাদে দিল্লীর সিংহাসনের জন্ত চার ভাইয়ের মধ্যে যুদ্ধ লেগে গেল, সেদিন শুজা ছিলেন বাংলার শাসনকর্তা-রূপে রাজমহলে। আওরংজীব ও মুরাদ এসে পৌছবার পূর্বেই দারাকে হারিয়ে দিল্লী সিংহাসন অধিকার করতে হবে, তাই শুজা যা সৈন্য ও অস্ত্র পেলেন তাই নিয়েই চললেন দিল্লীর অভিমুখে। পথে এলাহাবাদের কাছে স্থলমান পথরোধ করে দাঁড়াল, যুদ্ধ হ'ল—শুজা পরাজিত হয়ে সৈন্যদের নিয়ে পালিয়ে এসে সেদিন এই মুন্দের দুর্গেই আশ্রয় পেয়েছিলেন। পিছনে শত্রু; দুর্গরক্ষার জন্ত তখনই তিনদিকে প্রস্তুত পরিখা খনন করতে আদেশ দেওয়া হ'ল। মাঝে মাঝে ৫০ হাত অন্তর একটি ক'রে বুরুজ নির্মাণ ক'রে দুর্গকে আরও দৃঢ় করবার ব্যবস্থা হ'ল। মতি মসজিদ, দেওয়ান-ই-আম, প্রভৃতি দিল্লীর সমৃদ্ধি, দিল্লীর বিলাসিতার সঙ্গে পরিচিত শুজা পূর্বেই সম্রাটপুত্রের উপযোগী ক'রে দুর্গপ্রাসাদ নির্মাণ করেছিলেন, এখন আরও দুর্ভেদ্য ক'রে এইখানেই রাজধানী করলেন। স্থলমান মুন্দের দুর্গ অবরোধ করে বসলেন, কিন্তু পিতার বিপদের সংবাদে তাঁকে ফিরে যেতে হ'ল। স্বজ্ঞা সেই অবসরে আবার সৈন্য, রসদ ও অর্থ সংগ্রহে ব্যাপৃত হলেন।

সংবাদ এল দারার পতন হয়েছে। আওরংজীব ও মুরাদের সৈন্যের অধিকারে দিল্লী ও আগরা, পিতা বন্দী, পিতার ধনরত্ন তাঁদের হাতে। তারপর সংবাদ পৌছল আওরংজীব বাংলায় আসবার জন্ত প্রস্তুত, শুজা আর নিশ্চিন্ত থাকতে পারলেন না। আবার মুন্দের দুর্গ থেকে শুজার সৈন্য অস্ত্রশস্ত্র রসদ নিয়ে বা'র হ'ল, কান্দীর কাছেই আওরংজীবের সৈন্য সম্মুখে পড়ল। শুজার এবারকার আয়োজনের সংবাদে আওরংজীব বিচলিত হলেন এবং পৌরুষের উপর নির্ভর না ক'রে কূটনীতি অবলম্বন করলেন। শুজার সৈন্যবল, শুজার সাহস, শুজার সৈন্যচালনার কৌশল বুধা হ'ল না, বিজয়লক্ষী

শুজার প্রতি প্রসন্ন হলেন। আওরংজীবের সৈন্য ছত্রভঙ্গ হ'তে লাগল, আওরংজীবের পরাজয়বার্তা নিয়ে দিকে দিকে লোক চলে গেল, তখন শুজা হাতীর পিঠে বসে সৈন্য পরিচালনা করছিলেন। শুজার প্রিয় অস্থচর আলিবন্দী খা কোথা হ'তে ছুটে এক ঘোড়া এনে শ্রান্ত শুজাকে নামতে বললেন। সরল অসন্দ্বিগ্ধচিত্ত শুজা বিশ্বাসঘাতকের চক্রান্ত বুঝতে পারলেন না, হাতীর পিঠ থেকে নামবার সঙ্গে সঙ্গে সৈন্যদের মধ্যে প্রচার করা হ'ল স্বজ্ঞা নিহত;† অমনি শুজার সৈন্য পালাতে আরম্ভ করল। দ্বারে উপস্থিত বিজয়লক্ষী সামান্য ভুলের জন্ত অপরের ঘরে গিয়ে উঠলেন। হতাশ হৃদয়ে শুজা যখন মুন্দের দুর্গে ফিরে এলেন, তখন তাঁর সঙ্গে এক-চতুর্থাংশ সৈন্যও নেই, তখনও শুজা সাহস-সম্পদহীন নন। আওরংজীবের সৈন্য শুজার পশ্চাদ্ধাবন ক'রে এসে পথ পেল না; পার্শ্ববর্তী স্থানের রাজারা তাঁদের রাজ্যের মধ্য দিয়ে সৈন্য নিয়ে যেতে দিতে সম্মত নন। মুন্দের থেকে পাঁচ কোশ দূরে সৈন্যশিবির স্থাপন করতে হ'ল। কিন্তু কৌশলী সেনাপতি মীরজুমলা নিশ্চেষ্ট রইলেন না। মীরজুমলার ভয়ে ও সম্রাটের অহুগ্রহপ্রাপ্তির লোভে খড়্গাপুরের রাজার আপতি আর বেশী দিন রইল না।† যেদিন স্বজ্ঞা শুনলেন যে, একদিকে মহম্মদ ও অপর দিকে মীরজুমলা খড়্গাপুরের মধ্য দিয়ে এসে রাজমহল দিয়ে আক্রমণ করতে আসছেন, তখন বুঝলেন যে আর কোনো আশা নেই। আওরংজীবের হাতে আপনার ও পুত্রকন্যার নিধাতনের ছবি চোখের সামনে ভেসে উঠতে শিউরে উঠলেন ও পরদিন শাজাহানের পুত্র শুজা সমস্ত উচ্চাকাঙ্ক্ষা ধূলোর সঙ্গে মিশিয়ে দিয়ে স্ত্রী পুত্র কন্যাদের নিয়ে সাধের মুন্দের চিরদিনের জন্য ত্যাগ করলেন। সেই বিদায়-দৃশ্যের করুণ স্মৃতি আজও ভগ্ন প্রাসাদ বহন করে রয়েছে।

আর একদিন ঠিক এমনি করুণ বিদায়ের দৃশ্য এইখানে অভিনীত হয়েছে। বাংলার শেষ নবাব মীর কাসিম ইংরেজ গভর্নর ও কলিকাতা কাউন্সিলের সভ্যদের

* Manucci's *Storia do Mogor*, Vol. I.

† Sarkar's *Aurangzeb*, Vol. II.

† Stuart's *History of Bengal*.

অর্থদানে বশীভূত ক'রে মুর্শিদাবাদের মননে বসে শীঘ্রই বুঝিতে পারলেন তাঁর ভ্রম। রাজকোষ শূন্য, বেতন না পেয়ে সৈন্যেরা অশান্ত, কর্মচারীরা অত্যাচারী, অর্থলোলুপ, স্বত্বপ্রধান, জমিদার বিদ্রোহী, চারিদিকে কুটনীতি ও চক্রান্ত,—সর্বশেষে ইংরেজের কর্মচারীদের ওকৃত্য নবাবের মূল্য শীঘ্রই বুঝিয়ে দিল। অর্থ চাই, নবাব-প্রাসাদের আনন্দশ্রোত ও বিলাসিতা বন্ধ হয়ে গেল, দাসদাসীদের ছুটি হ'ল—সোনা রূপোর জিনিষপত্র বিক্রী করা হ'ল—সৈন্যেরা বেতন পেল—ইংরেজের দেনা কতক মিটল। মীরকাসিম তখন ইংরেজদের সহযোগিতায় চললেন বর্ধমান, বীরভূমের বিদ্রোহ দমনে। সৈন্যদের পাশে দাঁড়িয়ে মীরকাসিম বুঝতে পারলেন যে মোগল-সেনার শিক্ষা নাই, সাহস থাকলেও কৌশলে ইংরেজদের তুলনায় তারা কত তুচ্ছ। কিসের ওপর মীরকাসিম নবাবীর গৌরব করবে? অর্থ ও সৈন্য যে দুটা রাজার বল, তাহঁত তাঁর নাই, তবে কেন আর খেলাঘরের নবাবী! একদিকে অহিফেনসেবী বিলাসাত্মক মীরজাফরের নিশ্চেষ্টতা—অন্যদিকে অত্যাচার-পীড়িত লাক্ষিত প্রজার করুণ দৃষ্টি চোখের সামনে ভেসে উঠে বাধিত করে তুলল। মীরকাসিম প্রজার স্বপ্নদ্বির চেষ্টায় আত্মোৎসর্গ করতে কৃতসঙ্কল্প হলেন—অস্ত্রের পক্ষে যাহা অসাধ্য, তাই হুসাধ্য করবার জন্তে জীবনপণ করে কাজে নামলেন।

মুর্শিদাবাদের বাইরে ইংরেজের চক্ষু হ'তে দূরে অল্পশস্ত্র তৈরি করার পক্ষে উপযুক্ত স্থান বিবেচিত হ'ল মুন্সের। দুর্গের সংস্কার হ'ল, নবাব সপরিবারে এসে মুন্সেরকে রাজধানী ক'রে বসলেন। চারদিক থেকে কারিগর এনে বন্দুক ও বারুদের কারখানা স্থাপিত হ'ল;—দৈনিককার মতি, মীরন ও দীপন দারুদগরের বংশধরদের কারখানা আজও কাশিমবাজারে বর্তমান। রাজমহলের চক্ৰমুকি পাথরে ও ছোট নাগপুর ও মুন্সেরের লোহার এমন সব বন্দুক গোলা তৈরি হ'তে লাগল যা সেদিনের পক্ষে সত্যিই আশ্চর্য্য।* গুরগুন খাঁ, মার্কান, সন্নিক নবাবের চাকরি গ্রহণ করলেন,—সৈন্যদের

ইউরোপীয় যুদ্ধরীতি ও কৌশল শিখাতে লাগলেন। পাটনার দেওয়ান রামনারায়ণের মত অসাধ্য, অত্যাচারী কর্মচারী—যারা নবাবের অর্থে আপনাদের সমৃদ্ধি ও প্রতিপত্তি বাড়িয়েছেন, তাঁদের মুন্সেরে ধরে এনে কতক অর্থ আদায় করলেন। বাংলায় আবার অশান্তির ঘোর কেটে আশার আলো দেখা দিল—নবাব রাজকার্য্যে মন দিলেন।

দু-দিনেই নবাব বুঝলেন যে আলিবর্দী, সিরাজের সময় যে-ইংরাজ দেখেছিলেন সে-ইংরেজ নেই; ইংরেজের মূর্ত্তি বদলে গেছে। সেদিন ইংরেজ বাংলার পথে ঘাটে শহরে সাবধানে সতর্কতার সঙ্গে চলাফেরা করত, একটু অগ্রায় করলেই তাদের জেলখানায় আটক থাকতে হ'ত। আজ নবাব-কর্মচারীরা ইংরেজ দেখলেই সতর্কচে ও সভয়ে চলে, কথায় কথায় নবাবের লোককে ইংরেজের হাতে লাক্ষিত ও অপমানিত হ'তে হয়। যারা একজনে নবাবী কেড়ে নিয়ে অল্পকৈ নবাব করতে পারে তারাই যে দেশের কর্ত্তা একথা কাউন্সিলের সভা হ'তে প্রত্যেক ইংরেজ কর্মচারীই বুঝত। কোম্পানীর বাণিজ্য-করা সম্বন্ধে যা সুবিধা ছিল, সেই সুবিধা নিয়ে প্রত্যেকে বিনা করে ব্যবসা কবে বড়-লোক হতে লাগল, তাদের অতৃপ্তহীন এদেশীয় ব্যবসাদাররাও ইংরেজ-কুটীর কর্মচারীর দন্তক নিয়ে কর ফাঁকি দিতে লাগল,—নবাবের কর্মচারীরা বাধা দিতে গিয়ে লাক্ষিত ও ইংরেজ-হস্তে নিধাতিত হ'তে লাগল। ব্যবসা-বাণিজ্য নষ্ট হতে চলল, নবাব-ভাণ্ডার কোষশূন্য হ'ল, কিন্তু সার্বোপরি বার-বার মীরকাসিমের আশ্রয়প্রার্থনা আঘাত ক'রে তাঁকে ক্ষিপ্ত করে তুলল।

গভর্ণর ভ্যান্‌সিটার্ট মুন্সের দুর্গে এসে নবাবের সঙ্গে এক বোঝা-পড়া করলেন, কিন্তু কলিকাতার কাউন্সিল তাতে মত দিল না। বিবদ বেড়েই চলল, কখন যুদ্ধ বাধে তার ঠিক নেই, তাড়াতাড়ি নবাব ইংরেজ-বন্ধু জগৎ শেঠ বংশীয় শেঠ-ভ্রাতাদের মুন্সেরে আনালেন, পাছে ইংরেজ এদের কাছে টাকা পায়। কিন্তু কিছুতেই কিছু হ'ল না। পাটনা-কুটীর কর্ত্তা এলিস্ সাহেব অত্যন্তভাবে পাটনা শহর নথল ক'রে যুদ্ধ বাধিয়ে

দিলেন। সেইদিনই রাত্রি বারোটোর সময় মুন্সের দুর্গের চারিদিক আলোকমালায় সজ্জিত হয়ে উঠল। পাটনা শহর নবাবের সেনা অধিকার করেছে, ইংরেজদের বন্দী করেছে। বাংলার নবাব-সৈন্য কাটোয়া ও ঘেরিয়ার যুদ্ধে হেরে গিয়ে উদুয়ানালায় এসে দাঁড়াল। একদিকে ভাগীরথী অগ্নি দিকে উদুয়া ও পাশে ছোট ছোট পাহাড় উঠে সতাই সে জায়গাকে দুর্গম করে তুলেছিল। নবাব-সৈন্য প্রাচীরের উপর কামান সাজিয়ে দাঁড়িয়ে—সম্মুখে গভীর জল—ইংরেজদের তোপ বসাবার স্থান মেলা শক্ত। দিনের পর দিন যেতে লাগল, ইংরেজ-সেনা কোনো উপায়েই দুর্গমূলে পৌছতে পারল না—হয়ত এ অভিযান এখানেই শেষ হবে। মির্জা নাজিফ খাঁ এক গুপ্তদ্বারের সংবাদ জানতেন, রাত্রে যখন সকলে বিশ্রাম করছে সেই সময় নাজিফ খাঁ তাঁর কয়েকজন বিশ্বাসী সৈন্যকে নিয়ে সেই গুপ্তদ্বার দিয়ে বার হয়ে সামনের অগভীর জল পার হয়ে সৈন্ত-শিবিরে এসে লুটপাট ক'রে ফিরে যেতেন। ইংরেজ ব্যতিব্যস্ত হয়ে উঠল। গুপ্তচর চারদিকে সন্ধান নিয়ে বুঝিতে পারল না, কোথা দিয়ে শত্রু আসে। এক দিন রাত্রে যে একজন নবাব-সৈনিক নাজিফের দলকে বার হ'তে দেখেছিল তা কেউ জানে না। পূর্বে ইংরেজ সরকারে কাজ ক'রে সে বিতাড়িত হয়ে নবাবের সেনা-দলে লেগেছিল, সেদিন হঠাৎ তার ইংরেজ-প্রীতি জেগে উঠল, সে পরদিন লুকিয়ে ইংরেজদের সেই গুপ্তদ্বারের সন্ধান দিয়ে এল। ইংরেজ-সৈন্য সেই গুপ্ত দ্বার দিয়ে এসে অতর্কিতভাবে যখন নবাব-শিবির

আক্রমণ করলে তখন সৈন্তরা নিমিত্ত। অতি অল্প সৈন্তই যুদ্ধ করার জন্ত দাঁড়িয়ে প্রাণ দিলে। সবাই পালাবার পথ খুঁজতে লাগল। প্রভাতের আলো যখন দুর্গে এসে পড়ল, তখন ইংরেজ জয়ী হয়ে দুর্গ দখল ক'রে বসেছে।*

উদুয়ানালায় পরাজয়বাস্তা মীরকাসিমের কাছে পৌছলে নবাব রাগে উন্মত্ত হয়ে গেলেন। রামনারায়ণের মত বিশ্বাসবাতক ও ইংরেজ দরদীদের হত্যা করবার হুকুম দিলেন। দুর্গের মন্দের উপর থেকে জগৎ শেঠ পরিবারের মহাতপ চাঁদ ও সিতাব রায়কে ভাগীরথীর গতে ফেলে দেবার সময় তাঁদের নিমকের চাকর চুনির মনিবদের সঙ্গে নিমজ্জিত হবার কাতর প্রার্থনা—সে আর্তনাদ আজও যাবিরা শুনতে পায়। তারপর শাহ্‌ শুজারই মত সপরিবারে এই মুন্সের দুর্গের কাছে শেষবিদায় নিয়ে জী পুত্রদের রোটাস দুর্গে পাঠিয়ে দিয়ে আপনার ভাগ্যের শেষ পরীক্ষা করবার জন্ত চললেন পাটনা। মুন্সেরের প্রান্তে দুক্কা নালা পার হয়ে শেষ একবার মীরকাসিম দুর্গের দিকে ফিরে চাইলেন। তারপর আদেশ দিলেন নালায় উপরের সেতু ভেঙে দিতে। সেই ভাঙা বৃহদাকারের পিলে-গুলা জলের উপরে দাঁড়িয়ে আজও সেইদিনের কথা স্মরণ করিয়ে দিচ্ছে। কাধাপটু, শাসনকাযো নিপুণ, বিচক্ষণ এমন নবাব এরকম সদিচ্ছা নিয়ে বাংলার মসনদে অনেক দিন বসেনি। কিন্তু বাংলার ভাগা-বিধাতার ইচ্ছা ছিল অতরূপ।

* *Seir Mutakherin*, Vol.-III.



বঙ্গে মুসলমান ও অমুসলমান

শ্রীরামানন্দ চট্টোপাধ্যায়

ভারতবর্ষের সর্বত্র ব্যবস্থাপক সভাসমূহে প্রতিনিধি নির্বাচন কাহার কি প্রকারে করিবেন, তাহার জন-সংখ্যা



অমুসলমান
মুসলমান

২২১০৬৩১৮
২৫৪৮১১২৪

অনুপাত
৭ : ৮

আলোচনায় সাধারণতঃ কেবলমাত্র বা প্রধানতঃ হিন্দু ও মুসলমানদের কথাই বিবেচিত হয়। তাহা ঠিক নহে;

লিখনপঠনক্ষম (পুরুষ)



অ মু
মু

২৭১০৬৪৫
১২০৪১৬৯

অনুপাত
৯ : ৪

কারণ দেশে তাঁহারা ছাড়া অল্প লোকও আছেন। মুসলমানেরাই প্রথমে, লর্ড মিল্টোর আমলে, সাম্প্রদায়িক নির্বাচনের কথা তুলেন এবং এ বিষয়ে এ পর্যন্ত তাঁহারাই, বিশেষতঃ বঙ্গে, সকলের চেয়ে নির্বন্ধাতিশয় প্রকাশ করিতেছেন। অতএব প্রতিনিধি-নির্বাচন বিষয়ের আলোচনায় দেশের লোকদিগকে মুসলমান ও অমুসলমান এই দুই ভাগে বিভক্ত করা অসঙ্গত হইবে না। বঙ্গদেশে সঙ্কল্পীয় আলোচনাতেও এই ভাগ ব্যবহৃত হইবে।

মুসলমানেরা আলাদা করিয়া প্রতিনিধি নির্বাচন চাহিবার কারণ এই বলিয়া থাকেন, যে, নতুবা তাঁহাদের উপর অত্যাচার হইবে, অবিচার হইবে, মুসলমানেরা প্রতিনিধি নির্বাচিত হইতে পারিবেন না, ইত্যাদি।

বঙ্গের কোন কোন মুসলমানপ্রধান ও অল্প জেলার ডিস্ট্রিক্ট বোর্ডের নির্বাচনে দেখা যাইতেছে, যে, তৎসমূহের সব বা অধিকাংশ নির্বাচিত সভ্য মুসলমান। সুতরাং আলাদা করিয়া মুসলমান সভা নির্বাচনের অধিকার না

লিখনপঠনক্ষম (স্ত্রী)



অ মু
মু

৩৪৮৪৫২
৫৯০৭৯

অনুপাত
৬ : ১

পাইলে মুসলমানেরা নির্বাচিত হইবেন না, এই আশঙ্কা চেয়ে বেশী হইয়াছে। ইহার দ্বারা কি ইহাই প্রমাণ হয়, যে, অমূলমানেরা মুসলমানদের উপর ঘোরতর অত্যাচার করে ?

এমন এক সময় ছিল, যখন ভারতবর্ষে একজনও

অত্যাচার করে ?

ইংরেজী শিক্ষা (পুরুষ)

ইংরেজী শিক্ষা (স্ত্রী)



অমূল
মূল

৬০৫২৯০
১২৭৯০৭

অমূলপাত
৫ : ১



অমূল
মূল

৪১৮৭৮
৩১৬১

অমূলপাত
১৩ : ১

মুসলমান ছিল না। তাহার পর ক্রমশঃ বাড়িয়া মুসলমানের সংখ্যা অনেক কোটি হইয়াছে। বঙ্গে তাহাদের সংখ্যা শিশু হইতে বৃদ্ধ স্ত্রী ও পুরুষ লইয়া, অমুসলমানদের

সমস্ত ভারতবর্ষের কথা এখন আমাদের আলোচ্য নহে, বঙ্গের কথাই আলোচ্য। নিরপেক্ষ লোকেরা বঙ্গের অতীত ও আধুনিক ইতিহাস পর্যালোচনা

শিক্ষক

উকীল মোস্তার



অমূল
মূল

৮১৭৬০
২৯০৩৭

অমূলপাত
৩ : ১



অমূল
মূল

৪১৩১৭
৫৬০২

অমূলপাত
৩ : ১

করিলেই বুঝিতে পারিবেন, যে, এখানকার অমুসল-
মানেরাই সমস্ত বা অধিকাংশ সাম্প্রদায়িক লুটপাট
দাঙ্গা খুন করে নাই এবং তাহার দ্বারা মুসলমানদিগকে

চিকিৎসক

আছে, অমুসলমানদের জন্ত তাহা নাই। তাহা সত্ত্বেও
যে মুসলমানদের সংখ্যা ও আশার অল্পবায়ী যথেষ্টসংখ্যক
মুসলমান চাকরি পায় নাই, তাহার কারণ
সরকারী কর্মচারী



অমু ১২৬৯৮
মু ২৫৭৯০
অনুপাত ৫ : ১



অমু ৮৮০৭৫
মু ২৬৭৫১
অনুপাত ১০ : ৪

উৎপীড়িত ও বিপন্ন করে নাই। চাকরি আদি
সম্পর্কে, কোন কোন স্থলে, অমুসলমান প্রার্থীর মত
মিউনিসিপ্যাল ও ডিস্ট্রিক্ট বোর্ড কর্মচারী

শিক্ষার ও অল্পবিধ যোগাতার অভাব। অতএব, এদিক-
দিয়াও বিশেষ করিয়া মোটের উপর মুসলমানদেরই উপর
অবিচার হইয়াছে, বলা যায় না।

বাণিজ্য



অমু ১২৫৬০
মু ৪৭০২
অনুপাত ২৫ : ৬



অমু ১৮৪৫৬৭৭
মু ৫২৪১৮২
অনুপাত ৩৭ : ১২

মুসলমান প্রার্থীর উপরও অবিচার হইয়া থাকিবে। কিন্তু
মুসলমানদিগকে নিযুক্ত করিবার জন্ত বিশেষ নিয়ম

রাষ্ট্রনীতিকেজে মুসলমান ও অমুসলমানের কল্যাণ ও
স্বার্থ এক। সরকারী ব্যবস্থাপক সভার এবং কংগ্রেস

আদি বেসরকারী অসাম্প্রদায়িক রাষ্ট্রনৈতিক সভায় অধিকাংশ দ্বুল কলেজ, শিক্ষার জন্ত দান, এবং লোকহিতার্থ অমুসলমান সভ্যেরা মুসলমানদের পক্ষেই অনিষ্টকর আইন দান ও প্রতিষ্ঠান অমুসলমানদের কীর্তি ; অথচ তৎসমূহের

মহাজন

সাধারণ কৃষক

অমু
মু১৩১০৫৭
২৩০৫৪অমুপাত
৬ঃ১অমু
মু১৩৯৮৪৯১৪
২২৪১৯৮৮৭অমুপাত
৩ঃ৫

পাস বা প্রস্তাব ধাঘ্য করিবার চেষ্টা করে নাই। কেহ কেহ এই প্রসঙ্গে বঙ্গীয় প্রজাস্বত্ব আইনের উল্লেখ করেন।

দ্বারা অধিকাংশ স্থলে সকল ধর্মের লোকেরই উপকৃত হইবার বাধা নাই, এবং সকলেই উপকার পাইয়া

পুলিস

দৈত্য


অমু
মু৩২৭১৫
১২২১৪অমুপাত
৮ঃ৩অমু
মু৫৬৩১
৪৮৩অমুপাত
১২ঃ১

শিক্ষিত তাহার দ্বারা রায়তদের অসুবিধা হইয়া থাকিলে সকল ধর্মেরই রায়তদের অসুবিধা হইয়াছে। বঙ্গের

আসিতেছেন। স্বতরাং মুসলমানদের হিত ঘেন না-হয়, অহিতই হয়—এরূপ ইচ্ছা ও চেষ্টা বঙ্গের অমুসলমানেরা করে নাই।

এই সকল কারণে আমরা স্বতন্ত্র ও সাম্প্রদায়িক পক্ষেও অনিষ্টকর। কারণ, যদি মুসলমানদিগকে কেবল নিরীচন অনাবণক মনে করি। উহা অনিষ্টকরও মনে নিজের সম্প্রদায়ের প্রতিনিধিদের উপরই অজ্ঞতা দুঃখ

ভিক্ষুক



অ মু ১৮৭১৯০
মু ২০৮১৯৬

অমুপাত
১৮৫২০

কয়েদী



অ মু ৫৮০৫
মু ৮০৮২

অমুপাত
৫:৭

করি; কারণ উহাতে সমগ্র দেশে নাশতালিচা বা এক-জাতীয়ত্ব সুপ্রতিষ্ঠিত হইবার বাধা জন্মে ও ভিন্ন ভিন্ন

অভিযোগ দুর্দশা নিবারণের উপর নির্ভর করিতে হইত, তাহা হইলে এপযাস্ত তাহাদের মধ্যে লক্ষ লক্ষ লোক

প্রাইমারী স্কুল



অ মু ৮০৩০২০
মু ৮২৯৯০

অমুপাত
৮:৮

মধ্য—



অ মু ৮০৬০২
মু ১২৮৫৭

অমুপাত
৪:১

সম্প্রদায় আপনাদিগকে আলাদা আলাদা মনে করিতেই অভ্যস্ত হয়। উহা সম্প্রদায়বিশেষের, যেমন মুসলমানদের,

তুর্ভিক্ষাদিতে মারা যাইত এবং অজ্ঞতা যতটা কমিয়াছে ততটাও কমিত না। ভবিষ্যতেও, সকল সম্প্রদায়ের

লোকদের সম্মিলিত চেষ্টায় সকল স প্রদায়ের যত কল্যাণ
ইইবার সম্ভাবনা, একটি মাত্র সম্প্রদায়ের লোকদের চেষ্টায়
সেই সম্প্রদায়ের ততটা মঙ্গল ইইবার সম্ভাবনা নাই।

তাহা হইলেও সংখ্যায় বেশী কোন শ্রেণী বা সম্প্রদায়ের
জন্ত তাহা কখনই স্বীকার করা যায় না।

তথাপি বঙ্গের মুসলমানেরা বঙ্গের অধিকাংশ

উচ্চ—

কলেজ



অ মু ৮৪০১৯ অমুপাত
মু ১০৭৯৪ ২৮ : ৫



অ মু ১৮০৫১ অমুপাত
মু ২৯৬২ ২৫ : ৪

সংখ্যায় কম কোন শ্রেণী বা সম্প্রদায়ের লোকদিগের
জন্ত যদি-বা কয়েক বৎসরের নিমিত্ত নিদ্রিষ্টসংখ্যক
স্বতন্ত্র প্রতিনিধি নির্বাচনের প্রয়োজন স্বীকার করা যায়,

প্রতিনিধি বরাবর আইন অমুসারে মুসলমান হওয়া চাই,
এই দাবি করিতেছেন। ইহা গণতান্ত্রিক প্রণালীর
বিরোধী। এই প্রণালী অমুসারে, জাতিধর্মনির্কির্শে,

এম-এ, এম-এস সি

ল কলেজ



অ মু ১০০১ অমুপাত
মু ১২৭ ৮ : ১



অ মু ২৫৪৫ অমুপাত
মু ৫৭৭ ৯ : ২

যোগাত্ম লোকদেরই প্রতিনিধি হওয়া উচিত। একরূপ নিঃস্থানীয়। কিন্তু শিক্ষার ও সম্পত্তির অধিকারিত্বের প্রণালী অনুসারে নির্বাচিত অধিকাংশ সভ্য কথা ছাড়িয়া দিয়া কেবল বয়সকেই ভোট দিবার

মেডিক্যাল কলেজ ও স্কুল



অ মু ২৯৪৮
মু ৬৭৫
অনুপাত ৪ : ১

ট্রেনিং স্কুল ও কলেজ



অ মু ২২৮৫
মু ১১৬৮
অনুপাত ২ : ১

মুসলমান হইলে অমুসলমানদের কোন আপত্তির কারণ থাকিবে না।

অধিকারের যোগাত্ম মনে করিলে, সাবালক মুসলমান পুরুষ ও সাবালক অমুসলমান পুরুষদের সংখ্যাই বিবেচ্য।

কৃষি স্কুল



অ মু ১২৪
মু ১০
অনুপাত ১৩ : ২

ইঞ্জিনিয়ারিং কলেজ ও সার্ভে স্কুল



অ মু ৭২২
মু ১০৪
অনুপাত ৭ : ১

যাহা হউক, মুসলমানেরা যে অধিকাংশ প্রতিনিধির দাবি করেন, তাহার ভিত্তি এই, যে, তাঁহারা অমুসলমানদের চেয়ে সংখ্যায় বেশী। তাহা সত্য হইলেও, শিক্ষার এবং ট্যাক্স প্রদানসামর্থ্যে তাঁহারা অমুসলমানদের চেয়ে

কারণ, নাবালকেরা ভোটের অধিকারী হইতে পারে না। বঙ্গের স্থানীয় লোকদের মধ্যে মোটে ৩৮,০০০ জন ভোটের অধিকারী ও তাঁহাদের অধিকাংশ অমুসলমান।

একুশ ও তাহার অধিক বয়সের লোকেরা সাবালক। ধরিয়া লইয়া তাহা বাদ দিলেই ২১ হইতে অধিকতম সেন্সস রিপোর্টে ২০—২৫, ২৫—৩০, ইত্যাদি বয়সের বয়সের লোকের সংখ্যা মোটামুটি পাওয়া যাইতে পারে।

কমার্শিয়াল কলেজ ও স্কুল



অনু ২১৮০ অনুপাত
মু ১০৭ ১০ঃ১

টেকনিক্যাল স্কুল



অনু ৪৪১৪ অনুপাত
মু ২২৮ ১০ঃ৪

লোকদের সংখ্যা আছে, ২১ বৎসর বয়স্ক লোকদের সংখ্যা নাই। যদিও কম বয়সের লোকদের সংখ্যা অধিক বয়সের লোকদের সংখ্যার চেয়ে সাধারণতঃ বেশীই হয়, তাহা

এইরূপে হিসাব করিয়া যে সংখ্যা পাওয়া যায়, নাচে তাহা দিতেছি।

একুশ ও তদধিক বয়সের পুরুষ।

মুসলমান ৬০২৬৩০৮
অমুসলমান ৬০৮৬২০২
২৪৭২

আর্ট স্কুল



অনু ৩০৬ অনুপাত
মু ২১ ২২ঃ১

হইলেও ২০ হইতে ২৫এর যে সংখ্যা দেওয়া হইয়াছে, হুড়ি বৎসর বয়সের লোকদের সংখ্যা তাহার পঞ্চমাংশ

এই হিসাব অনুসারে যে কেবলমাত্র ২৪৭২ জন বেশী সাবালক মুসলমান পুরুষ দেখা যাইতেছে, তাহাও বাস্তবিক ভোটাধিকারী মুসলমানের আধিক্য নহে। কারণ, সাবালক মুসলমান ও অমুসলমান উভয়েরই সংখ্যা হইতে জেলের কয়েদী, ভিক্ষুকাদি লোক, উন্মাদগ্রস্ত প্রভৃতি অপ্রকৃতিস্থ লোক বাদ যাইবে। সমস্ত সংখ্যাই ১২২১ সালের সেন্সস অনুসারে দিতেছি। তদনুসারে মোট কয়েদী প্রভৃতির সংখ্যা ৩৬৮৭, উন্মাদগ্রস্ত অধিকাংশ, ৮০৮২, মুসলমান। মোট ৪৩৮৭২৪ ভিক্ষুক বাধাবর প্রভৃতির মধ্যে অধিকাংশ, ২২০১৩২, মুসলমান। কিন্তু পাগল প্রভৃতির মধ্যেও মুসলমানদের সংখ্যা বেশী মনে করিবার কারণ আছে; কিন্তু সেন্সস রিপোর্টে এই

সব ব্যাধিগ্রস্ত ভিন্ন ভিন্ন ধর্মাবলম্বী সব জাতির লোকদের সংখ্যা আলাদা করিয়া দেওয়া নাই বলিয়া তাহার উল্লেখ করিলাম না।

এই প্রকারে দেখা যাইবে, যে, বঙ্গে সাবালক বলিয়া ভোটের অধিকারী হইতে পারে, এরূপ মুসলমান পুরুষদের সংখ্যা অমুসলমান পুরুষদের সংখ্যা অপেক্ষা বেশী নহে; যদি-বা বেশী হয়, তাহা যৎসামান্য।

তাহার পর জ্বীলোকদিগের সংখ্যাও ধরিতে হইবে। এখন প্রায় কেবল সম্পত্তির অধিকারিণী বলিয়াই জ্বীলোক-দের ভোট আছে। কিন্তু তাহাতে অতি সামান্য-সংখ্যক জ্বীলোক ভোট দিতে পারে বলিয়া অল্প যোগ্যতা অল্পসারে ভোটারিকার দিবার কথা উঠিয়াছে। সেই যোগ্যতা প্রধানতঃ শিক্ষামূলক হওয়া উচিত। লিখনপঠনক্ষম প্রাপ্তবয়স্ক জ্বীলোকদের অধিকাংশই অমুসলমান। যথা—

মুসলমান ২৮৬৭১

অমুসলমান ৩৭২১৬০

আমরা দেখাইলাম, রাষ্ট্রীয় অধিকার ধারীরা পাইতে পারেন এরূপ সাবালক পুরুষ ও জ্বীলোক একত্র ধরিলে বঙ্গে এরূপ মুসলমানদের চেয়ে এরূপ অমুসলমানদের সংখ্যা বেশী বই কম নহে। সকল বিষয়ে যোগ্যতা হিসাবে বঙ্গের সব কাজ করিতে মুসলমানেরা যোগ্যতম নহেন। তাহা আমরা খাঁ সাহেব আবুল হাশেম খাঁ চৌধুরী, এম্-এ প্রণীত “শিক্ষাক্ষেত্রে বঙ্গীয় মুসলমানদিগের দ্রবস্থা ও তাহার প্রতিকারের উপায়” নামক পুস্তিকা হইতে ছবি ও সংখ্যাগুলি উদ্ধৃত করিয়া দেখাইতেছি। এই পুস্তিকাটি সং উদ্দেশ্যে লিখিত। প্রত্যেক চিত্রের

সহিত লেখকের মন্তব্য আছে। তদ্ব্যতীত আমরা কেবল পুলিশ ও সৈনিক বিভাগ সঞ্চয়ী মন্তব্যটি উদ্ধৃত করিতেছি।

ভেটারিনারী স্কুল



অ মু . ৯২
ম . ৫২


অমুপাত
৯ : ৫

“আমরা সময়ে অসময়ে দৈনিক বল ও সাহসের যে ডকা বাড়াইয়া থাকি, তাহার সহিত সত্যের কোন সংশ্লিষ্ট নাই। পুলিশ ও সৈনিক বিভাগের কতগুলি উজ্জ্বল পদ বাতীত উচ্চ শিক্ষার আদৌ কোন প্রয়োজন হয় না; কেবলমাত্র হুটপুট দেহ ও নিষ্ঠাক্রমিক অকৃতিই যথেষ্ট। অথচ এই দুই বিভাগে মুসলমানের সংখ্যা এত অল্প।”

লেখক কলিকাতা বিশ্ববিদ্যালয়ের ছাত্রমঙ্গল সমিতির রিপোর্ট হইতে নিম্নমুদ্রিত অঙ্কগুলি উদ্ধৃত করিয়াছেন:—

উচ্চতার গড়।	ওজনের গড়।	বৃকের প্রদারের গড়।
অমুসলমান ৫ ফুট ৫½ ইঞ্চি	১৫৫/০	১০১
মুসলমান ৫ ফুট ০½ ইঞ্চি	১৩০	১৩৭

ছবিগুলিতে মু—মুসলমান, অ মু—অমুসলমান।



দেশদ্রোণী

(স্প্যানিশ গল্প হইতে)

শ্রীশ্বর্ণলতা চৌধুরী

গ্যালিসিয়াতে পাত্রম্ নামে একট গ্রাম আছে। সেখানে ১৮০৮ খ্রীষ্টাব্দে গাদিয়া নামক একজন চিকিৎসক বাস করিতেন। চিকিৎসার কাজ ছাড়াও তাঁহার আর এক ব্যবসায় ছিল। তিনি দৈবজ্ঞ ও গণংকারদের কাছে সাপ, ব্যাঙ, বৃষ্টির জল প্রভৃতি বিক্রয় করিতেন। মাহুষের সঙ্গে আলাপাদি তিনি পছন্দ করিতেন না। সর্বদাই গম্ভীর মুখে একাকী থাকিতেন। তিনি বিবাহও করেন নাই।

হেমন্তের কুয়াসার রাত্রি। আকাশ ঘন মেঘে আবৃত, কোথাও আলোর চিহ্নমাত্র নাই, সমস্ত পৃথিবী জুড়িয়া অন্ধকারই যেন রাজত্ব করিতেছে। রাত্রি দশটা হইবে, এমন সময় একদল মাহুষ প্রায় অন্ধকারে মিশিয়া চিকিৎসকের গৃহের সম্মুখে আদিয়া উপস্থিত হইল। দেশের শোচনীয় অবস্থা রাত্রির অন্ধকারকে আরও বিজীষিকাময় করিয়া তুলিয়াছিল। সাড়ে আটটায় ঘণ্টাধনি হইবার পর সকল গৃহেরই দরজা জানালা সব বন্ধ হইয়া গিয়াছে।

সেই ছায়ামূর্ত্তিগুলির ভিতর একজন শুদ্ধ গ্যালিশিয়ান ভাষায় বলিল, “আমরা কি করব?”

আর একজন বলিল, “আমাদের কেউ দেখেনি।” একটি জ্বীলোক বলিল, “দরজাটা প্রথমে ভেঙে ফেল।” পনেরো কুড়ি জন একসঙ্গে বলিয়া উঠিল, “সকলকে একেবারে মেরে ফেল।”

একটি বালক বলিল, “বুড়ো ডাক্তারের ভার আমি নিলাম।”

সকলে বলিয়া উঠিল, “তার ভার নিতে আমরা সবাই রাজী আছি।

“লন্দীছাড়া আবাব ইছদী।”

“তিনি আবার ফরাসীদের দিকে হয়েছেন।”

“আজ শুনলাম, প্রায় কুড়িজন ফরাসী তার সঙ্গে থানা খেতে এসেছে।”

“তা সত্যি হতে পারে। তারা মনে করেছে, এ বাড়ীতে তারা নিরাপদ, কাজেই দল বেঁধে এসেছে।”

একজন বলিল, “হ’ত আমাদের বাড়ী ত দেখিয়ে দিতাম। তিন তিনটা ভাড়াটেকে আমি এই জন্তে কুয়ের মধ্যে ফেলে দিয়েছি।”

আর একজন বলিল, “আমার জ্বী কাল একটার মাথা ভেঙে দিয়েছে।”

একজন সন্ন্যাসীর পোষাক-পরা লোক কর্কশ গলায় বলিল, “আমি দুট ফরাসী ক্যাপ্টেনকে মেরে ফেলেছি। তাদের ঘরে জলন্ত কাঠ কয়লা রেখে এসেছিলাম, তার গ্যাসেই দুইজন দম আটকে মরেছে।”

“আর এই হতভাগা ডাক্তার কি না তাদের আগ-লাবার ভার নিয়েছে।”

“কাল বেড়াবার সময় দেখলে না কত খাতির করে তাদের সঙ্গে কথা বলছে?”

“গ্যাসঘর কাছে এরকম ব্যবহার কেউ প্রত্যাশা করেনি। একমাস আগে ঘামের মধ্যে সবচেয়ে স্বদেশ-প্রেমিক, সবচেয়ে সাহসী, সবচেয়ে রাজভক্ত পুরুষ বলে তার নাম ছিল।”

“হ্যাঁ, কত সটা করে নিজের দোকানে রাজকুমার ফাভিনাওর ছবি বিক্রী করত।”

“আর এখন তিনি নেপোলিয়ানের ছবি বিক্রী করছেন।”

“আগে আগে সে আমাদের কত উৎসাহ দিত দেশরক্ষার কাজে নামবার জন্তে।”

“এখন শত্রুসৈন্য সেই গ্রামের মধ্যে এসে পৌঁছল, তিনি তাদের দলেই ভিড়ে গেলেন।”

“আজ আবার সব ক’জন সৈনিক কক্ষচারাকে নেমন্তন খাওয়ানো হচ্ছে।”

“কি রকম হল্লা করছে শোন একবার। ‘সম্রাট দীপজীবী গোন’ বলে না চেঁচালেই বাচি।”

একজন দাঁত বাহির করিয়া হাসিয়া বলিল, “রোস, এখনও সময় বয়ে যায় ন।”

একজন বৃদ্ধা বলিল, “আগে ভাল করে মদ টেনে মাতাল হতে দাও, তারপর ভিতরে ঢুক সব ক’টাকে কচুকাটা করা যাবে।”

“ভালোবটাকে কুচিয়ে ফেলতে ইচ্ছে করছে।”
“তা যত ইচ্ছে কুচতে পার। স্প্যানিয়ার্ড হয়ে যে ফরাসীর দলে যোগ দেয়, সে ফরাসীও চেয়েও ঘৃণ্য। ফরাসীরা অল্প দেশকে পায়ের তলায় পিষে মাংছে, আর তার সঙ্গে যোগ দেয় যে স্প্যানিয়ার্ড, সে নিজের জন্মভূমিকে অস্ত্রের কাছে বিক্রি করছে। ফরাসী খুন করছে, কিন্তু স্প্যানিয়ার্ড পিতৃহত্যা করছে।”

বাহিরে যখন এইরূপ কথাবার্তা চলিতেছিল, তখন ঘরের ভিতর গাসিয়া আর তাহার নিমন্ত্রিত বন্ধুবর্গ প্রাণ ভরিয়া আহার করিয়া চলিয়াছিলেন। তাহাদের ক্ষুধার আর সীমা ছিল না।

কুড়িজন ফরাসীকে গাসিয়া নিমন্ত্রণ করিয়াছিলেন, তাঁদের ভিতর সকলেই পদস্থ কক্ষচারী।

গাসিয়ার বয়স তখন পঁয়তাল্লিশ বৎসর হইয়াছিল। তিনি দীর্ঘাকার এবং ক্লশ ছিলেন। তাহার গায়ের রং মৃতবাক্তির মত এবং তাহার মস্তক বেশ প্রায় ছিল না, বলিলেই চলে। তাহার কোটরগত চক্ষু গভীর কৃষ্ণবর্ণ ছিল, তাহা মধ্যে মধ্যে ক্রোধ ও ঘৃণার আতিশয্যে অগ্নিস্ফুল্ভের মত দেখাইত।

আহারের আয়োজন করা হইয়াছিল প্রচুর পরিমাণে, মদ্যও নানাপ্রকার টোবলের উপর উস্থিত করা হইয়াছিল। হাসিগল্প খুব জমিয়া উঠিয়াছিল। ফরাসীরা অবোধে হাসিতেছিল, গাহিতেছিল, দিব্য করিতেছিল এবং সঙ্গে সঙ্গে আহার করিয়া চলিয়াছিল।

তাহাদের ভিতর একজন নেপোলিয়নের গুপ্ত প্রণয়কাহিনী বর্ণনা করিতেছিল, আর একজন ২৩০ মে

রায়ে মাড়িডে কি ঘটিয়াছিল, তাহাই বলিতেছিল, তৃতীয় একজন মিশরে নেপোলিয়নের যুদ্ধকাহিনী শুনাইতেছিল, অন্য একজন বোড়শ লুইয়ের প্রাণদণ্ডের গল্প করিতেছিল।

গাসিয়া তাহাদের সঙ্গে সমানে আহার করিতেছিলেন, মদ্যপান করিতেছিলেন এবং গালগল্প চালাইতেছিলেন। ফরাসীদের চেয়ে তাহারই গলা বরং উচ্চে উঠিতেছিল। সাম্রাজ্যবাদীদের প্রশংসায় তিনি এমন মুগ্ধ হইয়া উঠিয়াছিলেন যে, জুলিয়াস সীজারের সৈন্যকে তাহার বক্তৃতা শুনিলে উচ্চকণ্ঠে তারিফ করিত, আনন্দে তাহাকে আলিঙ্গন করিত।

গাসিয়া বলিতেছিলেন, “মহাশয়, আপনাদের বিরুদ্ধে আমরা যে যুদ্ধ করছি, তা একবারে নিরর্থক। আপনারা বিপ্লববাদীর দল স্পেনকে তার মজাগত দীনতা হীনতার পাশ থেকে মুক্তি দেবার জন্য এসেছেন, তার কুসংস্কার, তার অন্ধ গোঁড়ামি তার পুরাতন আচারবিচার দূর করতে এসেছেন। আপনাদের কাছ থেকে আমরা সত্য মন্ত্র পাব, জগতে ঈশ্বর বলে কিছু নেই, পরলোক বলে কিছু নেই। অহুতাপ, উপবাস, ব্রহ্মচর্য, সংযম এসব নিত্যন্ত বোকামী ছাড়া আর কিছু নয়, সভ্যজাতের পক্ষে এসব মত পোষণ করা অহুচিত, নেপোলিয়নই সত্য প্রোবত পুরুষ, তিনিই দুনিয়ার লোককে মুক্ত দিতে নেমেছেন। আমার অন্তরের আকাঙ্ক্ষা যতখানি, তাঁর আয়ুধেন তত দীর্ঘ হয়।

সৈন্যের দল চাঁৎকার করিয় উঠিল, “সাধু, সাধু।”
চিকৎসক কিছুক্ষণ মাথা নীচু করিয়া রাখিলেন। তাহার মুখে একটা উৎকট যন্ত্রণার ভাব ফুটিয়া উঠিল।

শীঘ্রই তিনি আবার মাথা তুলিয়া বসিলেন, তখন তাহার মুখে আর কোনো যন্ত্রণার চিহ্ন ছিল না। এক গ্রাম মদ্যপান করিয়া তিনি আবার বলিতে লাগলেন, “আমার এক পূর্বপুরুষ ছিলেন, তাঁরও নাম ছিল প্যারিডেসের গাসিয়া। তাঁর গায়ে হার্কউলিসের মত জোর ছিল। তিনি একদিনে দুশ’ ফরাসীর প্রাণবধ করেছিলেন। আমার বোধ হচ্ছে ইট লীভেই তিনি এই কাণ্ড করেন। আমি ফরাসীদের যত ভক্ত, তিনি

যে তা মোটেই ছিলেন না, তা বুঝতেই পারছেন।
 আনান্ডার মূৰ্দের সঙ্গে যে সময়ে স্পেনের যুদ্ধ হয়। তখন
 তিনি খুব সাহস দেখিয়ে ছিলেন। আমাদের রাজা নিজে
 তাঁকে নাইট উপাধি দেন এবং আমাদের খুলতাত
 আলেকজান্ডার বর্জিয়া যখন পোপ ছিলেন, তখন গাসিয়া
 অনেকদিন দ্বারকীর কাজ করেছিলেন। ও, আমার
 পূর্বপুরুষরা যে এক বিখ্যাত লোক ছিলেন, তা আপনারা
 জানতেন না? এই ডিয়াগো গাসিয়া, যার কথা বলছিলাম,
 নিজের বীর্ঘ্যে কোসেনজা এবং মান্নিক্রিডোসিয়া দখল
 করিয়াছিলেন। মহাযুদ্ধে তিনি সেরিলোনা জয়
 করেছিলেন, পাভিয়ার যুদ্ধেও খুব বীরত্ব প্রকাশ
 করেছিলেন। সেখানে আমার ফ্রান্সের রাজাকে বন্দী
 করে এনে ছলাম, তাঁর তলোয়ার তিন শতাব্দী ধরে
 মাড়িতে ছিল, শেষে সেটা তোমাদের দলপতি মুরা
 নিয়ে যান তিন মাস আগে। তিনি সরাইওয়ালার
 ছেলে, না?”

ডাক্তার আর একবার খামিলেন। ফরাসীদের
 ভিতর কেহ কেহ তাঁহার কথার উত্তর দিবার উপক্রম
 করিতেছিল, কিন্তু গাসিয়া উঠিয়া দাঁড়ানোতে তাহারা
 চূপ করিয়া রহিল। এক গ্লাস মদ উঠাইয়া লইয়া তিনি
 সিংহগর্জনের মত স্বরে বলিয়া উঠিলেন, “মহাশয়গণ,
 আমি আপনাদের স্বাস্থ্য পান করছি, আমার পূর্বপুরুষ
 গাসিয়া যেন নরকে যান, কারণ তিনি জানোয়ার ভিন্ন
 আর কিছুই ছিলেন না। ফ্রান্সিও বোনাপার্টের অধীনস্থ
 ফরাসীরা দীর্ঘজীবী হোন।”

শব্দসৈন্যের দলও চীৎকার করিয়া বলিল, “তাঁরা
 চিরজীবী হোন।” সঙ্গে সঙ্গে সকলেই স্বাস্থ্য পান
 করিল।

ঠিক এই সময় সদর দরজার কাছে একটা শব্দ শোনা
 গেল।

ফরাসীরা জিজ্ঞাসা করিল, “শব্দ শুনেতে পেলেন?”

গাসিয়া হাসিয়া বলিলেন, “ওরা আমাকে খুন করতে
 এসেছে।”

ফরাসীরা বিস্মিত হইয়া জিজ্ঞাসা করিল, “ওরা
 কারা?”

গাসিয়া বলিলেন, “আমারই প্রতিবেশী, এই
 গ্রামের লোক।”

“আপনাকে খুন করতে চায় কেন?” গাসিয়া
 বলিলেন, “ফরাসীদের সঙ্গে আমার সহানুভূতি আছে
 বলে। কয়েকদিন হ’ল রাত হলেই তারা আমার বাড়ী
 ঘেরাও করে। কিন্তু এতে আমাদের এসে যায় কি?
 আমাদের খাওয়া চলতে থাকে।”

নিমন্ত্রিত ব্যক্তিগণ চীৎকার করিয়া বলিল, “হ্যাঁ,
 চলুক। আমরা ত এখানে রয়েছি, আমরা আপনাকে
 রক্ষা করব।”

স্বাস্থ্য পান করার সময় গ্লাসে গ্লাসে স্পর্শ করা নিয়ম।
 কিন্তু উৎসবকারীদের তাহাতে শানাইতেছিল না।
 তাহারা বোতলে বোতলে ঠোকাঠুকি করিয়া
 চীৎকার করিতে লাগিল, “নেপোলিয়ন দীর্ঘজীবী
 হোন! ফার্ডিনণ্ডের মৃত্যু হোক, গ্যালিসিয়া ধ্বংস
 হোক।”

গাসিয়া আশা করিতে লাগিলেন যে, স্বাস্থ্য পান
 করিলে তাহাদের চীৎকার বন্ধ করিবে। তিনি বিষাদ-
 পূর্ণ কণ্ঠে ডাকিলেন “ক্যালিডোনিও!”

তাঁহার কেরাণী ক্যালিডোনিও দরজার বাহির হইতে
 উকি মারিয়া দেখিল, কিন্তু ঘরে ঢুকিতে সাহস করিল না।
 ডাক্তার শান্তভাবেই বলিলেন, “ক্যালিডোনিও, কাগজ
 আর কালিকলম নিয়ে এস।”

কেরাণী লিখিবার সমস্ত সরঞ্জাম আনিয়া রাখিয়া
 গেল। তাহার প্রভু তাহাকে ডাকিয়া বলিলেন,
 “এইখানে বসো আমি তোমায় যা-যা বলি তা লিখে
 রাখ। কতবস্তুর অঙ্কপাত করতে হবে। জুগার করে
 লেখ। এবটা সারের উপরে লেখ ‘জমা’ আর একটার
 উপরে লেখ ‘খরচ।’”

কেরাণী কাঁপিতে কাঁপিতে বলিল, “মহাশয়, দরজার
 কাছে একদল লোক জুটে ভয়ানক গোলমাল করছে।
 ‘ডাক্তারকে মেরে ফেল’ বলে তারা খুব টোকাচ্ছে।
 দরজাটা ভেঙে ভেঙে ঢুকবার অশ্রু তারা ঠেলাঠেলি
 করছে।”

“চিকিৎসক বলিলেন, ‘তাদের টোকাতে দাঁড় বড় খুঁসি

তাদের জন্মে মাথা ঘামিও না। আমি তোমায় যা বলছি তা লেখ।”

আসন্নমৃত্যুর মুখে বসিয়া তাঁহাকে এ ভাবে হিসাব নিকাশের বাবস্থা করিতে দেওয়া, ফরাসীরা তারিফ করিয়া হাসিতে লাগিল। কেরাণী কলম হাতে করিয়া লিখিবার জন্য প্রস্তুত হইয়া বসিল।

গাসিয়া নিমন্ত্রিতবর্গকে সম্বোধন করিয়া বলিলেন, “মহাশয়গণ, দেখা যাক, কার কত কৃত্তিব বৈশী। যে যেমন ভাবে বসেছেন, তেমনি ভাবে ধরা যাক। কাপ্তেন, আপনি পি'রিনিস্ পার হবার পর কতগুলি স্প্যানিয়ার্ডের প্রাপবধ করেছেন?”

ফরাসীরা সমস্তর চীৎকার করিয়া বলিল, “বাহবা! বেশ! বেশ ক্ষুণ্ণ হইবে।”

গাসিয়া প্রথম ষাঁহাকে সম্বোধন করিয়া কথা বলিয়াছিলেন, সেই ফরাসী কাপ্তেন সোজা হইয়া বসিয়া গৌক টানিতে টানিতে বলিলেন, “নিজের হাতে করে আমি দণ্ড কি এগারো জন মেরেছি বলে দরতে পার।”

ডাক্তার তাঁহার কেরাণীকে বলিলেন, “ঋণের দিকে এগারো লেখ।”

কেরাণী তাহাই লিখিয়া বলিল, “এগারো লিখিলাম।”

গৃহকর্তা বলিলেন, “বেশ চলুক। শ্রীযুক্ত জুলিয়ান, আপনি ক'জনকে মেরেছেন?”

“আমি ছ'জনকে মেরেছি।”

“সেনাপতি আপনি ক'জনকে মেরেছেন?”

সেনাপতি বলিলেন, “আমি জন কুড়ির দফা নিক্ষেপ করেছি বোধ হচ্ছে।”

তাহার পর পরে পরে কয়েকজন বলিয়া গেল “আমি আটজন”, “আমি চৌদ্দজন”, “আমি একজনকেও মারিনি”, “আমি ঠিক বলতে পারি না, চোখ বুজে গুলি চালিয়ে গিয়েছি।”

এইভাবে সবাই উত্তর দিতে লাগিল, সঙ্গে সঙ্গে ক্যালিডোনিও লিখিয়া চলিল।

সকলের নামে লেখা হইবার পর গাসিয়া বলিলেন, “মহাশয়গণ, এখন অস্ত্র সারে কি লিখতে হবে দেখা যাক।

কাপ্তেন আবার আমন্ত্রণ আপনাকে দিয়েই শুরু করছি। ধরুন, এই মুহুর্তা যদি আরও তিনবছর চলে, তাহলে আপনি আরও ক'জন স্প্যানিয়ার্ডকে মারতে পারবেন বলে বোধ হয়?”

কাপ্তেন বলিলেন, “সে কথা কি কখনও বলা যায়?”

গাসিয়া বলিলেন, “একটু কষ্ট করে ভেবে দেখুন না?”

কাপ্তেন বলিলেন, “আরও এগারো জন বলে লিখুন।”

ডাক্তার বলিলেন, “বা ধারের সারে ‘এগারো’ লেখ।” ক্যালিডোনিও তাহাই লিখিল।

গাসিয়া যে ভাবে আগে সকলকে জিজ্ঞাসা করিয়া ছিলেন, এখনও সেই ভ্রমে জিজ্ঞাসা করিয়া চলিলেন, “আপনি ক'জনকে?”

“আমি বোধ হয় পনেরো জনকে।”

“আমি কুড়িজনকে।”

“আমি একশ জনকে, খুব কম হলেও।”

“আর আমি একহাজার জনকে।”

ফরাসীদের ভিতর এই ভাবে প্রায় সকলেই উত্তর দিল।

গাসিয়া গৃহ বিক্রপের সহিত হাসিয়া বলিলেন, ক্যালিডোনিও, প্রত্যেকের নামে দশজন করে লিখে রাখ। আর এর পর যোগ করে দেখ।”

বেচারী ক্যালিডোনিওর তখন ভয়ে কালঘাম ছুটিতে আরম্ভ করিয়াছিল, তবু প্রভুর কথা অবহেলা করিবার সাহস তাহার হইল না, আঙুলে গণিয়া গণিয়া সে যোগ দিতে লাগিল।

কয়েক মিনিট সকলে নীরব থাকিবার পর কেরাণী বলিল, “একদিকে হচ্ছে ২৮৫, আর একদিকে ২০০।

গাসিয়া বলিলেন, “তাহলে হ'ল, ২৮৫ জন হত এবং ২০০ জন মৃত্যুদণ্ড প্রাপ্ত। সব জড়িয়ে ৪৮৫ জন স্প্যানিয়ার্ডের জীবন নষ্ট হবে।”

তাঁহার গলার স্বর এমন গভীর আর শোকাহুল যে, ফরাসীরা ভীতভাবে পরস্পরের মুখ দেখিতে লাগিল।

গাসিয়া তখন মনে মনে আর একটা হিসাব করিতে ছিলেন। হিসাব শেষ হইবামাত্র তিনি চীৎকার করিয়া বলিলেন “আমরা সকলেই বীর পুরুষ। আমরা

সবাই ঘিলে সন্তব বোতল মদ্যপান করেছি। কুড়িজনের ভিতর ভাগ করলে হয় এক এক জনের ভাগে সাড়ে তিন বোতল। বীর ভিন্ন এ পরিমাণ খেতে আর কে পারে ?”

এমন সময় সদর দরজা মড় মড় করিয়া উঠিল। কেরানী ভয়ে কাঁপিতে কাঁপিতে বলিল, “তারা এইবার ঢুকছে।”

ডাক্তার দিব্য নিশ্চিন্তভাবে জিজ্ঞাসা করিলেন, “এখন ক’টা বেজেছে ?”

ক্যালিডোনিও বলিল, “এগারোটো, কিন্তু আপনি কি দরজা ভাঙার শব্দ শুনতে পাচ্ছেন না ?

চিকিৎসক বললেন, “দরজা ভাঙুক, সময় ঘনিয়ে এসেছে।”

ফরাসীরা চেয়ার ছাড়িয়া উঠিবার চেষ্টা করিতে করিতে বলিল, “সময় ? কিসের সময় ?” কিন্তু অতিরিক্ত মদ্যপানে তাহাদের এমন অবস্থা হইয়াছিল যে, কেহই উঠিতে পারিল না। তাহারা বসিয়া বসিয়াই তরবারি খুলিয়া চীৎকার করিতে লাগিল, “তাদের ঢুকতে দাও। আমবা অভ্যর্থনা করবার জন্তে তৈরি হয়ে আছি।”

নীচে এই সময় দোকানের শিশি বোতল ভাঙার শব্দ শোনা গেল এবং সিঁড়িতেও এক সঙ্গে অনেক লোকের পদধ্বনি শোনা গেল। সমবেত কণ্ঠে বিকট চীৎকার হইল, “ফরাসীর বন্ধুকে খুন করে ফেল।”

গাসিয়া তড়িৎস্পৃষ্টের মত লাফাইয়া উঠিলেন। টেবিল ঘরিয়া তিনি খাড়া হইয়া দাঁড়াইলেন, যাহাতে আবার চেয়ারে বসিয়া না পড়েন। তাঁহার দৃষ্টিতে যেন আনন্দ উছলিয়া পাড়তেছিল, বিজয়ী বীরের হাসি তাঁহার অধরে ফুটিয়া উঠিল। তাঁহার মূর্তি যেন পরিবর্তিত হইয়া গেল। তাঁহার দেহ তখন আসন্নমৃত্যু ও উদ্বেজনীর আবেগে থরথর করিয়া কাঁপিতে লাগিল। তিনি গভীর স্বরে এই কথা বলিতে লাগিলেন, “ফরাসী সৈনিকগণ! যদি আপনারা সকলে, বা আপনাদের মধ্যে কেউ, ২৮৫ জন স্বদেশবাসীর মৃত্যুর শোধ নেবার, বা ২০০ জন দেশবাসীকে দুত্ব থেকে বাঁচাবার সুযোগ পান, যদি পিতৃপুরুষের অপমানিত আত্মাকে তৃপ্ত করতে পারেন, ২৮৫জন বীরের হত্যার প্রতিশোধ নিতে পারেন, ২০০জন জাতীর প্রাণ রক্ষা করে

জাতীয় সৈন্যদলকে সমৃদ্ধ করতে পারেন, তাহলে কি নিজের ছাত্র জীবনের জন্ত বিন্দুমাত্রও মায়া করবেন ? বাইবেলে যে সামুসনের গল্প আছে, তার মত কি আনন্দের সৌধস্তুম্ব নিজের মাথার উপর টেনে ফেলে ভগবানের শত্রুদের সমাহিত করতে পারেন না ?”

ফরাসীরা যেন না বুঝিয়াই জিজ্ঞাসা করিতে লাগিল, “ও কি বলছে ?”

ক্যালিডোনিও চীৎকার করিয়া বলিল, “তারা পাশের ঘরে ঢুক পড়েছে।”

গাসিয়া উচ্চকণ্ঠে বলিলেন, “তাদের আসতে দাও। বসবার ঘরের দরজা তাদের জন্তে খুলে দাও। সকলে আহুক, এসে দেখুক, পাড়িয়ার বোদ্ধার বংশধর কি করে মৃত্যুকে বরণ করে।”

ফরাসীরা ভয়ে বিষ্ময়ে অভিভূত হইয়া পড়িয়াছিল। তাহারা যেন মৃত্যুকে মৃতিমান রূপেই ঘরে প্রবেশ করিতে দেখিতে বলিয়া আশঙ্কা করিতেছিল। টেবিলের উপর হইতে তরবারি তুলিবর জন্ত তাহারা প্রাণপণে চেষ্টা করিতে লাগিল, কিন্তু তাহাদের দুর্বল হস্ত বারবারই বিফল হইল। বোধ হইতে লাগিল যেন তরবারিগুলি টেবিলের কাঠের সঙ্গে অদৃশ্য শক্তিবলে সংলগ্ন হইয়া গিয়াছে।

এই সময় প্রায় পঞ্চাশজন স্ত্রী পুরুষ, ছোরা, তরবারি, পিস্তল প্রভৃতি লইয়া লোমহর্ষণ চীৎকার করিতে করিতে ঘরের ভিতর ঢুকিয়া পড়িল।

কয়েকজন জ্রীলোকই প্রথম ঢুকিয়াছিল। তাহারা চীৎকার করিয়া বলিল, “সকলকে খুন কর।”

গাসিয়া ভীষণকণ্ঠে বলিয়া উঠিলেন, “চুপ কর, নিরস্ত হও।” তাঁহার কণ্ঠের তীব্রতায় ফরাসীরা আরও হতবুদ্ধি হইয়া গেল এবং দাঙ্গাকারীদের মনেও ভীতির উদ্রেক হইল। স্ত্রীরাও ঠিক এমন ভাবে অভ্যর্থনা লাভ করিবে মনে করিয়া আসে নাই।

গাসিয়ার কণ্ঠ কীর্ণবল হইয়া আসিতেছিল। তিনি বলিতে লাগিলেন, “ছোরাছুরি দেখাবার কোনো দরকার নেই। তোমাদের সকলের চেয়ে আমি জঘন্যতম স্বাধীনতার জন্তে বেশী করেছি। আমি ফরাসীর বন্ধু

হবার ভাগ করেছি। তোমরা সকলে দেখছ এখানে ফরাসী দলপতিদের। এদের কুড়ি জনকে তোমরা স্পর্শ করো না। এদের আয়ু শেষ হয়েছে, সবাই এরা বিষাক্ত মদ্য পান করেছেন।”

গ্রামের লোকেরা ভয়ে বিশ্বয়ে কোলাহল করিয়া উঠিল। তাহারা অগ্রসর হইয়া আসিয়া দেখিল নিমন্ত্রিত-দের ভিতর অধিকাংশই প্রাণশূন্য অবস্থায় বসিয়া আছে; তাহাদের মাথা বৃকের উপর ঝুলিয়া পড়িয়াছে, হাত শীতল ও কঠিন হইয়া আনিতেছে। অন্যদেরও মৃত্যু আসন্ন।

“গাসিয়া দীর্ঘজীবী হও,” এই ধনি করিতে করিতে তাহারা চিকিৎসকের চারি পাশে আসিয়া দাঁড়াইল।

গাসিয়া আর দাঁড়াইতে পারিতেছিলেন না। তিনি নত জাহ্নু হইয়া বসিয়া পড়িয়া বলিলেন, “ক্যালিডোনিও

ওয়থের দোকানে আকিং আর বিনু মাত্র বাকি নেই সব খরচ হয়ে গেছে। অন্য জায়গা থেকে আনিয়া রেখো।

তখন তাহার প্রতিবেশীরা বুঝিতে পারিল যে, গাসিয়া নিজেও বিষাক্ত মদ্য পান করিয়াছেন।

তাহার পর যে দৃশ্য দেখা গেল তাহা দর্শকদিগের মধ্যে জীবনে কেহ ভুলিতে পারে নাই। জীলোকরাই গাসিয়ার প্রাণবধ করিবার জন্য বেশী উৎসুক ছিল, তাহারাই এখন তাহার হত-চেতন দেহ জোড়ে লইয়া বিলাপ করিতে লাগিল। পুরুষেরা আলোগুলি তুলিয়া ধরিয়া নীরবে প্রতীক্ষা করিতে লাগিল। ক্রমে ক্রমে একুশ জনের জীবন-প্রদীপই নিবিয়া গেল।

মৃত গাসিয়ার মুখে আনন্দের হাসি ফুটিয়া উঠিল। দেশবাসীর আতর্জন, ও ধর্মযাজকের আশীর্বাদচরের মধ্য দিয়া তিনি পরলোকে প্রস্থান করিলেন।

পাঠান বৈষ্ণব—রাজপুত্র বিজুলী খাঁ

শ্রীঅমৃতলাল শীল

কৃষ্ণদাস কবিরাজ গোস্বামী শ্রীশ্রীচরিতামৃত লিখিয়াছেন যে, মহাপ্রভু চৈতন্যদেব বৃন্দাবন হইতে প্রত্যাগমনের সময়ে মথুরা হইতে বরাহক্ষেত্রে [সোরে] গিয়াছিলেন; পরে বরাহক্ষেত্রে হইতে গঙ্গার তীরে তীরে হাটাপথে প্রয়াগে আনিয়াছিলেন। মথুরা ও বরাহক্ষেত্রের মধ্যে কোনও স্থানে তিনি পথশ্রান্ত হইয়া বৃকতলে বসিয়াছিলেন। নিকটে গোপবালকেরা গরু চরাইতেছিল।

আচম্বিতে এক গোপ বঙ্গী বাজাইল।
তিনি মহাপ্রভুর প্রেমাবেশ হইল ॥ ১৬৩
অচেনন হঞা প্রভু ভূমিতে পড়িলা।

প্রেমাবেশ তখনও ভঙ্গ হয় নাই,

হেন কালে তাঁহা আসোয়ার দল আইল ॥ ১৬৩

ইহাদের তরুণবয়স্ক প্রভু বিজুলী খাঁ একজন পাঠান রাজপুত্র। তাহার সহিত তাহার গুরু ছিলেন।

সেই ক্ষেত্রে মধ্যে এক পরম গভীর।

কাল বয়স পরে, তাহা লোকে কহে পীর ॥ ১৬৪

তীর্থযাত্রী গৈরিকবসনধারী সন্ন্যাসীদের মধ্যে অনেকে ধনবান্ ছিল, এখনও আছে। তাহারা প্রায়ই আপনার ধনরত্ন লুকাইয়া সন্নিহিত লইয়া ভ্রমণ করিত। তাহার সঙ্গীরা ধনের সন্ধান পাইলে তাহাকে ধূতুরা ইত্যাদি মাদকদ্রব্য খাওয়াইয়া অজ্ঞান করিয়া বা মারিয়া কেলিয়া ধন অপহরণ করিত। একরূপ ঘটনা সেকালে সচরাচর ঘটিত, এখনও মধ্যে মধ্যে ঘটিয়া থাকে। রাজপুত্র সন্দেহ করিলেন প্রভুর সঙ্গীরা সেইরূপে প্রভুর ধন অপহরণ করিবার জন্য তাহাকে ধূতুরা খাওয়াইয়া অজ্ঞান করিয়াছে, অতএব তাহার শাস্তির যোগ্য। রাজপুত্র প্রভুর সঙ্গীদের বন্ধন করিয়া প্রভুর চেতনালাভ করিবার জন্য অপেক্ষা করিতে লাগিলেন। সচেতন হইয়া—

প্রভু কহেন ঠক নহে মোর সঙ্গীজন ।

ভিক্ষুক সরাসী মোর নাহি কিছু ধন ॥ ১৮৩

মৃগী ব্যাধিতে আমি হই অচেতন ।

এই পাঁচ দয়া করি করেন পালন ॥ ১৮৪

লজ্জিত হইয়া রাজপুত্র প্রভুর সঙ্গীদের মুক্ত করিলেন । রাজ্যপুত্রের গুরু প্রভুর সহিত ধর্ম সন্মুখে বিচার ও তর্ক আরম্ভ করিলেন । অল্পকাল মধ্যে ঐ মুসলমান বিদ্বান তর্কে পরাজিত হইয়া, প্রভুর প্রেমে আকৃষ্ট হইয়া প্রভুর শরণ লইলেন । প্রভুও তাঁহাকে বৈষ্ণব ভক্তরূপে স্বীকার করিলেন ।

রামদাস বলি প্রভু তাঁর কৈল নাম ॥ ২০৭

ইহার পর রাজকুমার বিজুলী খাঁও

কৃষ্ণ বলি পড়ে সেই মহাপ্রভুর পায় ।

প্রভু শ্রীচরণ দিল তাঁহার মাধায় ॥ ২০৯

“পাঠান বৈষ্ণব” বলি হৈল তাঁর খ্যাতি ।

সর্বত্র গাইরে বলে মহাপ্রভুর কীর্তি ॥ ২১১ । চরিতামৃত, অন্ত—১৮

এই পাঠান বৈষ্ণব বর্ণনা সন্মুখে আমার এক বন্ধু একবার এইরূপ আপত্তি করিয়াছিলেন :—

১। কোনও সম্রাট মুসলমান রাজপুত্রের হিন্দুধর্ম স্বীকার করিবার ঐতিহাসিক প্রমাণ চাই । হিন্দুদের মধ্যে কোনও সম্প্রদায়ে মুসলমানকে হিন্দু করিয়া লইবার নিয়ম প্রচলিত নাই । এরূপ ঘটনা ঘটিলে ইতিহাসে তাহার কোন-না-কোন উল্লেখ নিশ্চয় থাকিত ।

২। মুসলমান ভদ্রসমাজে, বিশেষতঃ শিক্ষিত সমাজে বা রাজপরিবারে, বিজুলী খাঁ নাম হয় না । অতএব গল্পটি কাল্পনিক, বৈষ্ণবরা মহাপ্রভুর কীর্তি প্রচারের জন্য গড়িয়া লইয়াছে ।

আমার বন্ধুর আপত্তির উত্তর দিতে মুসলমান গ্রন্থকারদের কাশী ভাষায় লিখিত ইতিহাস খুঁজিয়া নিম্ন-লিখিত সংবাদ পাইয়াছি ।

মহাপ্রভু যখন বৃন্দাবনে গিয়াছিলেন তখন আগ্রা উত্তর-ভারতের মুসলমান-সম্রাটদের প্রধান রাজধানী । সম্রাট ছিলেন আফগান-বাংলীয় নিজাম খাঁ সিকন্দর লোদী । তিনি এক হিন্দু স্বর্ণকার-কন্যার গ

জন্মগ্রহণ করিলেও অতি গোঁড়া মুসলমান ছিলেন ।

তিনি সিংহাসনারোহণের পূর্বেই রাজপুত্র অবস্থাতে উত্তর-ভারতে যত সুন্দর ও প্রাচীন মন্দির পাইয়াছিলেন, সকলগুলি খুঁজিয়া ও বাছিয়া বাছিয়া ভাঙিয়া তীর্থস্থানগুলি বনজঙ্গলে পরিণত করিতে আরম্ভ করিয়াছিলেন । ১৪৮৯ সালে রাজ্যলাভ করিয়া তিনি আপনার রাজ্যমধ্যে হিন্দুদের তীর্থগমন নিষিদ্ধ করিয়াছিলেন । সম্ভবতঃ রাজধানীর নিকট বলিয়া মথুরা ও বৃন্দাবনের উপর তাঁহার আক্রোশ বেশী ছিল । মথুরাতে কোনও যাত্রী যাইলে তাহাকে প্রাণ হারাইতে হইত ; কোনও নরসুন্দর যাত্রীদের ক্ষোর করিলে তাহার হাত কাটিয়া দেওয়া হইত । সেই সময় একজন ধর্ম্মভীরু বিদ্বান মোলবী শাস্ত্রের আজ্ঞা দেখাইয়া সম্রাটকে প্রজ্ঞার ধর্ম্মবিশ্বাসে হস্তক্ষেপ করিতে নিষেধ করিয়াছিলেন বলিয়া তিনি ক্রুদ্ধ হইয়া মোলবীকে কাটিতে উদ্ভাত হইয়াছিলেন, কিন্তু [সম্ভবতঃ বিদ্রোহের আশঙ্কায়] শেষে ক্ষমা করিয়াছিলেন ।

তাঁহার রাজ্যকালে [১৪৯৯ ঈশাব্দে] বুদ্ধন নামক একজন লক্ষ্মোবাসী ব্রাহ্মণ প্রকাশ্যে প্রচার করিত যে, উপাসনার প্রধান অঙ্গ ভক্তি, উপাসক হিন্দু হউক বা মুসলমান হউক ভক্তিপূর্ব্বক উপাসনা করিলে হিন্দু মুসলমান উভয় মতের উপাসনাই শ্রীভগবান স্বীকার করিয়া থাকেন, ভক্তিহীন উপাসনার কোনও মূল্য নাই । সম্রাট তখন সম্ভল নগরে, তিনি সেইখানে ব্রাহ্মণকে ডাকাইয়া তাঁহার সম্মুখে সমস্ত উত্তর-ভারতের মোলবীদের সহিত বিচার করিতে বলিলেন । বিচার কিরূপ হইয়াছিল মুসলমান ঐতিহাসিক লেখেন নাই, কিন্তু ফল এই হইল যে, মোলবীরা ফতোয়া [ব্যবস্থা] দিলেন :— “ব্রাহ্মণ যখন স্বয়ং স্বীকার করিতেছে যে, মুসলমান-মতে উপাসনা করিলেও ঈশ্বর তাহা স্বীকার করেন, তখন তাহাকে হিন্দুধর্ম্ম ত্যাগ করিয়া মুসলমান-ধর্ম্ম গ্রহণ করিতে হইবে । না করিলে তবে তাহার মৃত্যুদণ্ড হওয়া উচিত ।” ব্রাহ্মণ আপনার ধর্ম্ম ত্যাগ করিতে অস্বীকার করিলেন ও রাজ্যদেশে অগ্নানবধনে মৃত্যু আলিঙ্গন করিলেন ।

মহাপ্রভু ১৫১৫ ঈশাব্দের বিজয়া দশমীর দিন ব্রন্দাবন যাত্রা করিয়াছিলেন। মাঘ মাস আরম্ভ হইলে [জাম্বুয়ারি ১৫১৬] ব্রন্দাবন ত্যাগ করিয়া বরাহক্ষেত্রে গিয়াছিলেন। মাঘ মাসের দশদিন থাকিতে প্রয়াগে আসিয়া ত্রিবেণী স্নান করিয়াছিলেন। অতএব জাম্বুয়ারি [১৫১৬] মাসের শেষে কোনও স্থানে পাঠান রাজপুত্রের সহিত তাঁহার সাক্ষাৎ হইয়াছিল।

সিকন্দর লোদীর রাজত্বকালে প্রধান প্রধান প্রাদেশিক শাসনকর্তারা তাঁহার জাতি লোদী-বংশীয় ছিলেন। অবস্থাবিশেষে অতি তরুণবয়স্ক অথবা শিশুরাও শাসনকর্তার পদে নিযুক্ত হইত, রাজকাযা তাহাদের প্রতিনিধি নায়েব অথবা ‘অতালীক’ বা শিক্ষকরা করিত। তাঁহার সময়ে লক্ষ্মীর, অর্থাৎ অযোগ্য শাসনকর্তা ছিলেন বালক আহমদ খাঁ-বিন মোবারক খাঁ লোদী। গুপ্ত সংবাদদাতার মুখে সম্রাট সংবাদ পাইলেন যে, আহমদ খাঁ আপনার কতকগুলি অনুচরসহ ইসলাম ছাড়িয়া হিন্দুধর্ম গ্রহণ করিয়াছে। সম্রাট ক্রুদ্ধ হইয়া আহমদ খাঁ তাহাকে আজ্ঞাপত্র লিখিলেন যে, যদি কুমার আহমদ খাঁ তাহার কুকর্মের জন্য অনুতপ্ত হইয়া আবার সত্যধর্ম গ্রহণ না করে, তবে তাহাকে অনুচরসহ বন্দী করিয়া আমার কাছে পাঠাইবে, আমি স্বয়ং শাস্তি দিব।

ঐতিহাসিক ফেরেশতা এই সংবাদটি সিকন্দর লোদীর সময়ের প্রবাদ শুনিয়া ১৫২০ ঈশাব্দের কাছাকাছি প্রস্তকে লিখিয়া ইহার সত্যতা সম্বন্ধে সন্দেহ প্রকাশ করিয়াছেন। তিনি লিখিয়াছেন—প্রবাদ এইরূপ বটে, কিন্তু কোন হিন্দু সম্প্রদায়ই মুসলমানকে হিন্দু বলিয়া স্বীকার করে না। তিনি এ সংবাদ কোনও পুস্তক হইতে সংগ্রহ করেন নাই। ১৫০৮ ঈশাব্দের সংবাদ মধ্যে প্রবাদ রূপে লিখিয়াছেন। এরূপ প্রবাদে সময়ের ঠিক থাকে না। প্রয়াগ ও কাশীতে অনেকে বলে যে, সিকন্দর লোদী রামনাম করিবার অপরাধে সাধু কবীরকে কাশী হইতে তাড়াইয়া দিয়াছিলেন। কবীর মগহরা নামক স্থানে গিয়া বাস করিয়াছিলেন। কিন্তু কোন সনে তাড়াইয়াছিলেন সে-বিষয়ে আজকাল গবেষকরাও একমত নহেন। এই গল্প

সম্বন্ধে এক “ঐতিহাসিক গল্পে” নিম্নলিখিত বিবরণ পাইয়াছি, কতদূর সত্য বলিতে পারি না।

আহমদ খাঁর সহচর ও অন্তরাজকর্তারীরা বেশ জানিতেন যে, সিকন্দর এরূপ অপরাধ ক্ষমা করিবার পাত্র ছিলেন না ও তাঁহার স্বয়ং শাস্তি দিবার অর্থ শিরশ্ছেদন। সকলে মিলিয়া নানাপ্রকার চেষ্টা করিয়াও যখন কুমারের মত পরিবর্তন করাইতে পারিলেন না, সিকন্দরের আজ্ঞা পরিবর্তনের আর কোন আশাও যখন রহিল না, তখন একান্ত বাধ্য হইয়া সকল অনুচরসহ কুমারকে বন্দীরূপে রক্ষা-বেষ্টিত করিয়া আগ্রাতে পাঠাইয়া দিলেন। তাঁহারাও পথে যতদূর সম্ভব দেরি করিতে করিতে চলিতে লাগিলেন। আগ্রা পৌঁছিবার পূর্বেই রক্ষীরা সংবাদ পাইলেন যে, সিকন্দর হঠাৎ পৌড়িত হইয়া মৃত্যুমুখে পতিত হইয়াছেন [২ ডিসেম্বর ১৫১৭]; ও তাঁহার পুত্র ইব্রাহীম লোদী সিংহাসন লাভ করিয়াই ঘোষণা করিয়া দিয়াছেন যে, প্রজারা আপনার ইচ্ছামত ধর্ম পালন করিতে পারে; প্রজাদের ধর্মবিশ্বাসে রাজক্ষমতা হস্তক্ষেপ করিবে না। এই সংবাদ পাইয়া কুমারের রক্ষীরা তাঁহাকে ছাড়িয়া দিতে বাধ্য হইল।

অবশ্য এ বর্ণনাতে ইহা নিশ্চয়রূপে জানা গেল না যে, আহমদ খাঁ লোদী ও বিজুলী খাঁ একই ব্যক্তি কি না, কিন্তু হওয়াও অসম্ভব নহে। দুই ঘটনাই সিকন্দরের সময়ের, বৈষ্ণবদের কথার সময় বা সন ও মাস নির্দেশ করা সম্ভব, কিন্তু ফেরেশতা-উল্লিখিত প্রবাদের সময় ১৪৮২ হইতে ১৫১৭র মধ্যে। সেকালের ধনবানদের ছেলেরা, বাহারা আট দশ জন অশ্বারোহী সৈনিক লইয়া ভ্রমণ করিত, তাহারা প্রায়ই নবাব, মালিক বা শাহজাদা বলিয়া আপনাদের পরিচয় দিত। দিল্লীর উপকণ্ঠে এখনও লোদী-বংশীয় পাঠানদের বাস আছে। তাহারা বৈষ্ণব ভাগ সাধারণ ভ্রমজীবী। তথাপি এখনও চার শতাব্দী পরে আপনাদের সম্রাট-বংশীয় শাহজাদা বলিয়া সম্মান দাবি করে, অতএব চরিত্রমুতে রাজপুত্র শব্দ আছে বলিয়া বিজুলী খাঁকে নিশ্চয়রূপে সম্রাট-পুত্র বলা যায় না।

মুসলমান-সমাজে সাধারণতঃ যে-প্রকার নামকরণ করা নিয়ম তাহাতে বিজুলী খাঁ নাম হয় না, সে কথা সত্য,

কিন্তু সম্রাট আফগান-বংশেও কল্প, মল্প, বল্প, ইত্যাদি নাম ইতিহাসে দেখিতে পাই। সম্রাট সিকন্দরের পিতার নাম ইতিহাসে বহলোল লোদী, কিন্তু পিতৃদত্ত বাল্যনাম বল্প; এই বল্পের এক খুল্লতাত ছিলেন মল্প। ইহা ছাড়া সকল সমাজেই বালক বা শিশুর রূপ গুণ দেখিয়া নানাপ্রকার উপনাম বা ডাকনাম রাখা হইয়া থাকে। স্বয়ং মহাপ্রভু অত্যন্ত গৌরবর্ণ ছিলেন

বলিয়া তাঁহার এক নাম “গৌরাক্ষ”। সম্ভবতঃ পাঠান-রাজপুত্র আহমদ খাঁর বিদ্যাতের মত উজ্জল বর্ণ ছিল বলিয়া তাঁহার ডাকনাম “বিজুলী খাঁ” হইয়া থাকিবে।

আমার বিশ্বাস, বিজুলী খাঁ ও আহমদ খাঁ একই ব্যক্তি ও গল্পটি বৈষ্ণবদের কল্পিত নহে, সত্য ঘটনা।

মহামায়া

শ্রীসাতা দেবী

(৪১)

নিরঞ্জন বেশীর ভাগ সময় নিজের আপিস-ঘরেই এখন কাটাইয়া দিতেন। ইন্দু না আসা পর্যন্ত অবশ্য তাঁহাকে বাধা হইয়া অনেকটা সময়ই মেয়ের ঘরে কাটাইতে হইত, কিন্তু এখন আর পারতপক্ষে দোতলায় তিনি যাইতে চাহিতেন না। মায়ার অর্থহীন দৃষ্টি, পরিবর্তিত মুখের ভাব দেখিলে তাঁহার বুকের ভিতর যেন জলিয়া যাইত, এ যেন তাঁহার কণ্ঠা নয়, কণ্ঠার মুখোন্ম পরিয়া কে সঙ্ক জালিয়া আসিয়াছে। সারাক্ষণই তাহার খবর লইতেন, প্রত্যেকবারেই আশা করিতেন স্বখবর একটু কিছু শুনিবেন, প্রতিবারেই তাঁহাকে নিরাশ হইতে হইত। মায়া একইভাবে আছে শুনিয়াই তাঁহার মনে হইত দিনের আলো যেন কালো হইয়া গেল। কিন্তু সংসারে আশাই অবিনাশী, আবার দেখিতে দেখিতে মনের কোণে আশার অঙ্কুর জাগিয়া উঠিত, এখনও সময় যায় নাই, হয়ত আরও কিছুদিন পরেই পরিবর্তন দেখা দিবে। ডাক্তার মিত্র বলিয়াছিলেন, এ ধরণের যত ঘটনার ইতিহাস লিপিবদ্ধ আছে, তাহার ভিতর সকলেই কোনো-না-কোনো সময় লুপ্তস্মৃতি ফিরিয়া পাইয়াছিল, মায়াই কি একমাত্র পাইবে না? এতবড় দুর্ভাগ্যবহ দুঃখের জন্ত ভগবান কি নিরঞ্জনকেই বাছিয়া রাখিয়াছেন?

দেবকুমারের কথা মনে হইলে নিরঞ্জন সভাই যেন বেদনায় অধীর হইয়া পড়িতেন। তাঁহার নিজের পুত্র-সন্তান ছিল না, ভ্রাতার পুত্রদের তিনি সাহায্য যথেষ্টই করিতেন, কিন্তু হৃদয়ের সম্পর্ক তাহাদের সঙ্গে তাঁহার অল্পই ছিল। অজয় বাড়ীতে থাকিত বটে, কিন্তু মাসে একদিনও নিরঞ্জনের সঙ্গে তাহার দেখা হইত কিনা সন্দেহ। দেবকুমারকে জামাতা রূপে পাইবেন, ইহা জানিবার পর তাহার প্রতি তাঁহার এমন একটা স্নেহ জন্মিয়া গিয়াছিল যে, নিজেই তিনি ইহার আতিশয্যে বিস্মিত হইয়া যাইতেন। চিরদিনের রুদ্ধ পুত্রস্নেহ এক নিমেষেই এই হৃদয়নির্যাস যুবককে তিনি নিঃশেষ করিয়া ঢালিয়া দিয়াছিলেন।

মায়ার এই অভাবনীয় রোগ যেন নিরঞ্জনের সন্তান-স্নেহের দুটি অধিকারীকেই সমানভাবে আঘাত করিল। দেবকুমারকে কি বলিয়া তিনি সান্ত্বনা দিবেন, তাহা ভাবিয়া পাইতেন না। তাহার দুঃখ যে কতখানি, তাহা অন্ততঃ বুঝির দ্বারা তিনি বুঝিতে পারিতেন। যৌবনে প্রণয়িনীর প্রেমলাভ করিবার দৌড়িয়া তাঁহার নিজের হয় নাই, কিন্তু পুরুষের মনে কি প্রবল আকাঙ্ক্ষা যে এই জিনিষটির জন্য থাকে, তাহা তাঁহার অজ্ঞান ছিল না। হতভাগ্য দেবকুমার যে এই অশুভের

পাইবামাত্র চিরদিনের জন্ত বঞ্চিত হইতে বলিল, ইহার স্বাধাত যে কতখানি হইয়া তাহার বৃকে বাজিতেছে, তাহা নিরঞ্জন ঠিকই উপলব্ধি করিতে পারিতেন।

শহর হইতে ফিরিয়া তিনি নিজের ঘরে বসিয়া কাগজ উন্টাইতেছিলেন, কাজ করিবার প্রয়োজন যথেষ্ট ছিল, কিন্তু কাজে মন বসাইতে পারিতেছিলেন না। হঠাৎ পায়ের শব্দে মুখ তুলিয়া চাহিয়া দেখিলেন, দেবকুমার ঘরে ঢুকিতেছে। তাহার মুখ অস্বাভাবিক রকম উত্তেজিত।

নিরঞ্জন একটু বিস্মিত হইয়া জিজ্ঞাসা করিলেন, “কি দেবকুমার, আমাকে কিছু বলবে?”

দেবকুমার একটা চেয়ার টানিয়া বসিয়া পড়িল। কিছুক্ষণ চুপ করিয়া বসিয়া রহিল, কথা বলবার শক্তিই যেন তাহার ছিল না। তাহার পর জিজ্ঞাসা করিল, “প্রভাসবাবু কি আপনাদের কোনো আত্মীয়?”

নিরঞ্জন একটু বিস্মিত হইয়া জিজ্ঞাসা করিলেন, “এ কথা জিজ্ঞেয় করুছ কেন? না, সে আত্মীয় নয় ঠিক, তবে আমাদেরই গ্রামের ছেলে, আত্মীয়েরই মত।”

দেবকুমার বলিল, “দেখুন, আপনি আমাকে ক্ষমা করবেন, আমি হয়ত অনধিকার চর্চা করুছি। কিন্তু প্রভাসবাবুকে আর বেশী দিন এ বাড়ীতে থাকতে দিলে তাঁকে দিয়ে মায়ার অনিষ্ট হবে।”

নিরঞ্জন ত অঁকাশ হইতে পড়িলেন। প্রভাসকে তিনি বাল্যকাল হইতে জানেন, অতি সচ্চরিত্র ছেলে সে, তাহাকে দিগ্ধা মায়ার কি অনিষ্ট হইতে পারে? এ পর্যন্ত বিবাহও যে করে নাই, দেশের দশের কাজ করিবে বলিয়া, তাহার সম্বন্ধে দেবকুমারের এরকম ধারণা কেন হইল?

নিরঞ্জন জিজ্ঞাসা করিলেন, “কেন তোমার এমন কথা মনে হ'ল বল ত? অনধিকারচর্চা নিশ্চয়ই আমি মনে করতে পারি না, মায়ার ইষ্ট অনিষ্ট এখন ত তোমারই সকলের চেয়ে বেশী দেখবার কথা।”

দেবকুমার খানিক কি যেন ভাবিয়া লইল, তাহার পরে বলিল, “অংশের মনে হচ্ছে মায়া নিজের অপ্রকৃতিস্ব

মনের একটা। খেয়ালে, তাঁর দিকে আকৃষ্ট হচ্ছে এবং তিনি জেনে শুনে সেটার প্রদীপ্ত দিচ্ছেন। তিনি জানেন অস্থি পড়বার আগে মায়া আমার সঙ্গে এনগেজড হয়েছিল, এখন যদি সেটা সে ভুলেই গিয়ে থাকে তাহলেও কোনো ভুল্লোকের উচিত নয় এর স্ববিধে নেওয়া।”

নিরঞ্জন কি বলিবেন, ভাবিয়া পাইলেন না। সত্যই যদি এইরূপ ব্যাপার কিছু ঘটিতেছে, তাহা হইলে প্রভাসকে আর এক দণ্ড এখানে রাখা যায় না। অবস্থাটা এমনভেই যথেষ্ট জটিল, বাহিরের লোক মাঝে পড়িয়া সেটাকে আরও জটিল না করিয়া তুলিলেই ভাল। কিন্তু দেবকুমারের এখন যা মনের অবস্থা, তাহার কথা কি অথও সত্য বলিয়া মানিয়া লওয়া যায়? হিংসার উগ্র রঙের ভিতর দিয়া এখন সে সমস্ত ব্যাপারটাকে দেখিতেছে, সামান্য কথাবার্তাকে প্রেমালপ ভাবিয়া বসা তাহার পক্ষে কিছুই বিশ্বাস্যকর নয়। তাহার কথার উপর নির্ভর করিয়া কি প্রভাসকে কিছু বলা চলে?

খানিকক্ষণ চুপ করিয়া থাকিয়া তিনি বলিলেন, “আচ্ছা আমি এবিষয়ে এখনই খবর নিচ্ছি। সত্যি যদি এ রকম কিছু ঘটে থাকে, তাহলে প্রভাসকে বিদায় করতেই হবে। তবে তাকে আমি অনেকদিন থেকেই জানি, সে এ রকম নীচ ব্যবহার করবে বলে মনে হচ্ছে না। কিন্তু এসব বিষয়ে ঠিক করে কিছু বলা শক্ত।”

দেবকুমার বলিল, “আপনি পিসিমাকে আর অজয়-বাবুকে জিজ্ঞেয় করে দেখতে পারেন।”

নিরঞ্জন বলিলেন, “তাই করুব। তুমি এ নিয়ে মন খারাপ করো না, যদিই এ ধরনের কোনো ভাব মায়ার মনে এসে থাকে, তাহলেও অস্থি সারবার সঙ্গে সঙ্গে সেটা তার মন থেকে চলে যাবে।”

দেবকুমার জিজ্ঞাসা করিল, “সেদিন ডাক্তার ওকে দেখে কি বললেন?”

নিরঞ্জন বলিলেন, “তিনি ত হিষ্টিরিয়ার কেস বলছেন। এরকম কতগুলো কেসের হিষ্টিরি বললেন, অবিচিত্র ঠিক এর মত একটাও নয়।”

দেবকুমার বলিল, “সারবার সম্ভাবনা আছে কিছু বললেন?”

নিরঞ্জন বলিলেন, “আছে বলেই ত বললেন। কিন্তু এ সব কেসের চিকিৎসা ত কিছু নেই, সেই হয়েছে মুফিল। সবই নেচারের উপর ছেড়ে রাখতে হয়। তিনি বললেন যেমন হঠাৎ স্থিতি চলে গিয়েছে, তেমনি হঠাৎ ফিরেও আসতে পারে।”

দেবকুমার জিজ্ঞাসা করিল, “তবু কিছুই কি করবার নেই? তার প্রোগ্রেসকে হেল্প করবার জন্তে মাতুলে কিছুই করতে পারে না?”

নিরঞ্জন বলিলেন, “আমি যতদূর তাঁর কথা থেকে বুঝলাম, করবার কিছু নেই। তার স্বাস্থ্য ভাল রাখা, তার মন ভাল রাখা, এ সবের চেষ্টা অবশ্য করতে বললেন। তা করাও হচ্ছে যথাসাধ্য। তবে তার মনের এখন যা অবস্থা, তাতে কি তার ভাল লাগে, কি ভাল লাগে না, কিছু বোঝাও যায় না।”

দেবকুমার বলিল, “অল্প কোথাও নিয়ে গেলে হয় না?”

নিরঞ্জন বলিলেন, “সেটা বারণ করছেন। পরিচিত লোকজনের মধ্যেই সারবার সম্ভাবনা বেশী। তোমায় যদি অল্পও মনে রাখত, তাহলে চের তাড়াতাড়ি সেরে উঠতে পারত। ডাক্তার সেই কথা বলছিলেন।”

দেবকুমার চূপ করিয়া রহিল। মায়া যে তাহাকে কিরূপে সম্পূর্ণভাবে ভুলিয়াছে, তাহা সে অল্প আগেই দেখিয়া আসিয়াছে, সেই জানার তীব্র বেদনায় তখনও তাহার বৃকের ভিতরটা টনটন করিতেছিল।

খানিক পরে উঠিয়া পড়িয়া বলিল, “আমি আসি তাহলে। আমি এখানে ঘন ঘন এলে যদি কোনও লাভ হয়, তাহলে আমি রোজ আসব। না হলে মায়াকে শুধু শুধু বিরক্ত করতে চাই না। মনে করতে না পারক, আবার যদি আমার সঙ্গে আলাপ করতে রাজী হয়, তাতেও খানিকটা লাভ আছে।”

নিরঞ্জনের সম্মুখে সে বলিতে পারিল না, কিন্তু মনে মনে তাহার একটা ভীত আকাঙ্ক্ষা জাগিয়া উঠিতেছিল। মায়াকে সে হারাইতে পারিবে না, দৈব তাহাকে এমন

বঞ্চনা কখনও করিতে পারিবে না। প্রয়োজন হয়, আবার সে মায়াকে জয় করিয়া লইবে। তাহার পথে যে দাঁড়াইবে, তাহাকে নির্দ্বিচারে পদদলিত করিতে তাহার কিছুতেই বাধিবে না।

নিরঞ্জন বলিলেন, “ইন্দুকে দিখে মায়াকে জানাব এ কথা। তার মত হবে না বোধ হয়, তবু চেষ্টা করা ভাল। প্রভাসের কথাটাও পরিষ্কার হয়ে যাওয়া ভাল।”

দেবকুমার উঠিয়া গেল। বাহির হইয়া যাইবার সময় আর মায়া বা প্রভাস কাহাকেও বাগানে দেখা গেল না।

নিরঞ্জন চিন্তিতভাবে উঠিয়া উপরে চলিলেন। দেবকুমারের অভিযোগ যদি সত্য হয়, তাহা হইলে তিনি কি করিবেন? প্রভাসকে সোজাসুজি বিদায় করিয়া দেওয়াই বা যায় কি প্রকারে? অথচ পিতা হইয়া কন্যার আসক্তির বিষয়ই বা তিনি একজন যুবকের সাহিত কি করিয়া আলোচনা করিবেন? ইন্দুকে বলিতে পারেন বটে, কিন্তু সে কি প্রভাসকে ভাল করিয়া গুড়াইয়া বলিতে পারিবে? চিরদিন পাড়াগাঁয়ের গৃহস্থঘরে কাটাইয়াছে, এসব ব্যাপারে তাহার একেবারেই অনভ্যস্ত।

তবু কিছু না করিয়া উপায় নাই। মায়ার ঘর হইতে তখনও অশ্রুট কথার স্বর শুনা যাইতেছিল। নিরঞ্জন বাহিরে দাঁড়াইয়া ডাকিলেন, “ইন্দু, আচ্ছিস না কি?”

ইন্দু তাড়াতাড়ি বাহির হইয়া আসিয়া বলিল, “আমায় ডাকছ মেজদা?”

নিরঞ্জন বলিলেন, “একবার নীচে চল, তোর সঙ্গে একটা কথা আছে।”

মায়া উঁকি মারিয়া দেখিল, মুখেচোখে তাহার একটা অত্যাশ্রিত কৌতূহলের চিহ্ন। সদাসদর্শনই তাহার সন্দেহ যে বাড়ীর সকলে মিলিয়া তাহার সম্বন্ধে কি যেন অভিসন্ধি করিতেছে। কিন্তু বাপের সম্বন্ধে তাহার সেই বহু পূর্বের স্ফোচ আবার ফিরিয়া আসিয়াছিল, পারতপক্ষে নিরঞ্জনের কাছে সে ঘোষিত না। স্ততঃ তাহার নামে কি কথা হয় তাহা জানিবার অন্ত্য অন্ত্য ধাকা সত্ত্বেও তাহাকে বাধ্য হইয়া নিজের ঘরেই বসিয়া থাকিতে হইল।

ইন্দুকে নীচের লাইব্রেরীর ঘরে লইয়া গিয়া নিরঞ্জন বলিলেন, “দেখ ইন্দু, তোকে আমি একটা কথা জিগ্গেস করছি, ভাল করে ভেবে উত্তর দিস। আজ দেবকুমার আমার কাছে এসে বললে, প্রভাসের ব্যবহার তার মোটেই ভাল বোধ হয় না, তাকে বেশী দিন এখানে থাকতে দিলে মায়ার অনিষ্টের আশঙ্কা আছে। এরকম কথা কি তোর কোনো দিন মনে হয়েছে?”

ইন্দু খানিকক্ষণ চুপ করিয়া থাকিয়া বলিল, “আমিই তোমায় বলব ভাবছিলাম, মেজলা, তুমি নিজেকে জিগ্গেস করলে ভালই হ’ল। প্রভাসের মনে কি আছে না আছে জানি না, চালচলন ত তার ভালই বলতে হয়। কিন্তু মায়ার মাথায় সর্ব্বশেষে খেয়াল চড়েছে, তার মন যেন সারাক্ষণ ঐদিকেই ঝুঁকে আছে মনে হয়। প্রভাস সেটা বোঝেও যেন মনে হয়। তার উচিত এখন এখান থেকে সরে যাওয়া, কারণ, তার সঙ্গে মায়ার বিয়ে কোনো দিনই তোমরা দেবে না। কিসের আশায় যে বসে আছে, সেই জানে। মায়ার জ্ঞানবুদ্ধি ফিরে এলে সে কি আর দেবকুমার ছাড়া আর কাউকে বিয়ে করতে যাবে? আমাদের গুপ্তির মেয়ে, কখনও তা করবে না।”

নিরঞ্জনের মুখের ভাব কঠিন হইয়া আসিল। তিনি বলিলেন, “প্রভাস যদি মায়ার ভাবগতিক বুঝেও বসে আছে, তাহলে তার ব্যবহার ভাল বলতে পারি না। যাক্, এ বিষয়ে বা করবার তা আমি করব। মায়া যেন ওর সঙ্গে দেখাসাক্ষাৎ করার কোনো সুবিধে না পায়, সেটা দেখিস।”

ইন্দু বলিল, “তা সত্যক্ ত সারাক্ষণই আছি, পাচজন মাঝে পড়ে গোলমাল পাকিয়ে তোলে, সেই ত হয় মুশ্কেল। আজও বিকেলে অজয় বোকামী করে প্রভাসকে ডাকাডাকি না করলে, সে কাছে আসার কোনো সুবিধাই পেত না। যাক্, এর পর আর ভদ্রতার ধারও ধারব না।”

নিরঞ্জন বলিলেন, “থাক, অভদ্রতা করবার কিছু দরকার নেই, আমি আজ রাতেই তার সঙ্গে কথা বলব। পরের ষ্টিমারেই যাতে বিদায় হয়, তার ব্যবস্থা করতে হবে। মাঝের দুটো দিন সাক্ষাৎ থাকলেই হ’ল।

ইন্দু আবার উপরে চলিয়া গেল। মায়ার ঘরের সামনে আসিতেই সে উত্তেজিতভাবে ছুটিয়া আসিয়া ইন্দুর হাত চাপিয়া ধরিল। জিজ্ঞাসা করিল, “আমাকে লুকিয়ে লুকিয়ে কি সব মতলব তোমরা আঁটছ শুনি?”

নিরঞ্জনের কথা শুনিয়া অবধি ইন্দুর মনটা উক্ হইয়াছিল। মায়া যেন অগ্নিতে ঘুতাহতি দিল। ঠেলা মারিয়া মায়াকে সরাইয়া দিয়া, সে তীব্র ভৎসনার স্বরে বলিয়া উঠিল, “যা, যা, সব কথায় তোর দরকার নাকি? নিজের চরকায় তেল দিগে যা। লোকের হাড় জালিয়ে খাচ্চিস মুখপুড়ী, আবার তাদেরই দুবছিস।”

বকুনি শুনা মায়ার অভ্যাস ছিল না। সে খানিকটা ভাবাচাচা খাইয়া পিছাইয়া গেল। তাহার পর নিজেও বেশ খানিকটা তীব্রকণ্ঠেই বলিল, “আমি আবার কার হাড় জালালাম? কারো সাতোও নেই, পাচোও নেই। আমার কথাতেও লোকে না থাকলেই পারে?”

সে আর ইন্দুর কাছে দাঁড়াইল না। ঘরে ঢুকিয়া শব্দে দরজাটা বন্ধ করিয়া দিল। ইন্দু নিজের ঘরে চলিয়া গেল। অগত্যা দিন সে মায়ার ঘরেই শয়ন করিত। আজ রাগারাগি করিয়া তাহার শরীর মন ভাল লাগিতেছিল না। নিজেরই ঘরে মেঝের উপর একটা বিছানা পাতিয়া সে শুইয়া পড়িল। মনে করিয়াছিল খানিক পরে মায়ার ঘরে উঠিয়া যাইবে, কিন্তু অল্পক্ষণের মধ্যেই সে গভীর নিদ্রায় অভিভূত হইয়া পড়িল।

প্রভাস সেদিন কোকোইন লেকের চারিদ্বারে ঘুরিয়া ঘুরিয়া অনেক রাত করিয়া ফেলিল। কিছুতেই তাহার আর কিরিয়া বাড়ী যাইতে ইচ্ছা করিতেছিল না। বাড়ীর কেহই যে তাহাকে আর ভাল চক্ষে দেখে না, তাহা সে বুঝিতেই পারিতেছিল। তাহা হইলে আর থাকার কি প্রয়োজন? কিরিয়া গেলেই হয়? কিন্তু কি যেন বাধা মনের মধ্যে কেবলই খটকা লাগায়। যাইবার কথা ভাবিতে গেলেই মন বিমূখ হইয়া যায় কেন? তবে কি মায়ার কাছেই তাহার স্বপ্ন এতদিন পরে আত্মসমর্পণ করিল? তাহাও ত স্বীকার করিতে পারে না। অন্যের বাগ্‌দত্তা বধূর প্রতি তাহার অস্বাভাবিক ক্রিয়াছে মনে করিতে অস্বপ্নোচনার তাহার মন ভরিয়া উঠে।

কিন্তু মায়া কি তাহার হৃদয়ঙ্গগতে কোনোই বিপ্লব ঘটায় নাই? সে কি মায়াকে পুনর্বার দেখিবার আগে যেমন ছিল, তেমনিই আছে? দেশের কল্যাণ, স্বদেশ-বাসীর কল্যাণ চিন্তাই কি তাহার মন জুড়িয়া আছে? তাহাই বা সে স্বীকার করিতে পারে কই?

ভাবিতে ভাবিতে সে বাড়ী আসিয়া পৌঁছিল। আশা করিয়াছিল সকলে ঘুমাইয়া পড়িয়াছে, ঠাকুর তাহার ঘরে টেবিলের উপর ভাত চাপা নিয়া রাখিয়া গিয়াছে। কিন্তু গেটের ভিতর ঢুকিবামাত্র তাহার চোখ পড়িল দোতলায় মাঘার ঘরের জানলার উপর। মাঘা জানলা ধরিয়া দাঁড়াইয়া আছে, ঘরে তখনও আলো জলিতেছে। কি দেখিতেছে সে? কাহার অপেক্ষায় দাঁড়াইয়া আছে? নিজেকে আর উত্তেজিত করিয়া তুলিতে তাহার ইচ্ছা হইল না। তাড়াতাড়ি সবলে মাঘার চিন্তাকে মন হইতে দূর করিয়া দিয়া সে ভিতরে ঢুকিয়া গেল।

নিরঞ্জন ঘরের দরজা খোলা, সেখানেও আলো জলিতেছে। তিনি তখনও শুইতে বান নাই। প্রভাসের পায়ের শব্দে উঠিয়া আসিয়া বলিলেন, “অনেক রাত হয়ে গেছে, খেয়ে নাও। তোমার সঙ্গে একটু কথা আছে, আগে খেয়ে এস।”

প্রভাস মনে মনে বলিল, “কি কথা তা ত বুঝতেই পারছি।” সে ঘরে ঢুকিয়া চাদর, ছড়ি রাখিয়া খাইতে বসিয়া গেল।

খাওয়া শেষ হইতে-না-হইতেই নিরঞ্জন তাহার ঘরে আসিয়া ঢুকিলেন। চেয়ার টানিয়া বসিয়া বলিলেন, “তোমাকে আজ যা বলব, তাতে কোনো রকম অফেন্স নিয়ো না। অবস্থার গতিকে পড়ে মানুষকে নানা রকম ব্যবহার করতে হয়। আমার মেয়ের অবস্থা ত দেখছ, তার সম্রাট সারবার কোনো সম্ভাবনা আছে ব’লে মনে হয় না। গ্রামে যে খুল করতে চাইছ, মাঘার মায়ের নামে, তা করতে পার, টাকা যা লাগে আমি দেব। মাঘা সারবে এবং এসব বিষয়ে পরামর্শ করবে, তার আশায় বসে থাকা উচিত ব’লে আমার মনে হয় না।”

প্রভাস বলিল নিরঞ্জন তাহাকে বিদায় হইতেই বলিতেছেন, তবে কথাটা ঘুরাইয়া বলিলেন। সে বলিল,

“আচ্ছা, তাহলে কালই শহরে গিয়ে প্যাসেজ বুক করবার চেষ্টা করব।”

নিরঞ্জন স্নেহে তাহার পিঠের উপর হাত রাখিয়া বলিলেন, “সাধারণ সময় হ’লে তোমাকে ধরে রাখতাম যতদিন সম্ভব। এখন কিন্তু অবস্থা এমন দাঁড়িয়েছে যে বাধ্য হয়ে আমাকে এরকম অভদ্র হতে হ’ল। তুমি আশা করি কিছু মনে করবে না। কত রকম কমপ্লিকেশন যে দেখা দিচ্ছে তার সীমা নেই, কিভাবে যে সে-সবের সঙ্গে কোপ করব, তাও ভেবে পাই না।”

প্রভাস মুখে শুধু বলিল, “না অভদ্র কেন মনে করব? এ অবস্থায় যা দরকার তা ত আপনি করবেনই।” মনটা কিন্তু তাহার অত্যন্ত মূবড়াইয়া পড়িল। অনেকখানি যে সে জড়াইয়া পড়িয়াছে তাহা এই বিদায়ের কথা উঠিবামাত্র বুঝিতে পারিল।

নিরঞ্জন উঠিয়া নিজের ঘরে চলিয়া গেলেন। প্রভাস একবার বাহির হইয়া আসিল, ভাবিল বাগানে দু-এক পাক ঘুরিয়া আসা যাক। ঘুম আসিতেছে না, মাধার ভিতরটা যেন দপ্ দপ্ করিতেছে।

বাহির হইবামাত্র সে চমকিয়া উঠিল। সিঁড়ির পাশে কে যেন লুকাইয়াছিল। তাহাকে দেখিবামাত্র দ্রুতবেগে সিঁড়ি দিয়া উপরে চলিয়া গেল। সিঁড়ির আলো তখন নিভান ছিল, তবু হলঘরের আলোতে প্রভাস তাহাকে খানিকটা দেখিতে পাইল। সে মাঘা।

(৪২)

পরদিন সকালে উঠিয়াই প্রভাস শহরে চলিয়া আসিল। সারাদিনের মধ্যে তাহার আর ফিরিবার ইচ্ছা ছিল না। জাহাজে বার্ষিক করা হইয়া গেলে, চারিদিকে ঘুরিয়া ফিরিয়া দিনটা কাটাইয়া দিবে, হোটেলের কিছু খাইয়া লইবে ইহাই স্থির করিয়াছিল। রাজে মায়াকে নীচে দাঁড়াইয়া থাকিতে দেখিয়া অবধি তাহার মনটা বিকল হইয়া উঠিয়াছিল। সমস্ত বাড়ীর হাওয়া যেন রহস্যে আবিল হইয়া উঠিয়াছে। ঐ অপ্রকৃতিত্বা তরঙ্গী কি চায়, কাহাকে চায়? প্রভাসের প্রতি তাহার একটা তীব্র আকর্ষণ আছে বলিয়া মাঝে মাঝে মনে হয়, কিন্তু ঠিক

বুঝিতে পারে না। বুঝিবার কোনো উপায়ও নাই, প্রভাসের চোখের আড়ালেই মায়াকে রাখিবার জন্ত সবাই যেন বদ্ধপরিকর। এত ভয় কেন তাহাকে? সত্যি এত ভয়ের কারণ কিছু কি ঘটিয়াছে? প্রভাস নিজের কাছে এখন অস্বীকার করিতে পারে না যে, মায়াকে সে অনেকখানি ভালবাসে। তাহার আশা একেবারেই নাই, তাই জোর করিয়া নিজেকে সে সংযত করিয়া রাখে, না হইলে সমগ্র হৃদয় দিয়াই সে ভালবাসিত। এ ভালবাসা পাগলিনী মায়াকে নয়; যে-মায়াকে দেখিয়া সে নারী সত্ত্বকে প্রথম সচেতন হইয়া উঠিয়াছিল, সেই মায়াকেই। কিন্তু এখন সে স্মৃতি হারাইয়াছে, বুদ্ধি হারাইয়াছে, তবু প্রভাসের অন্তরে তাহার আসন একই ভাবে বিরাজ করিতেছে।

প্রভাস জানিত, মায়াকে পাইবার কোনো আশাই তাহার সত্য সত্যি নাই। এখন কোনো কারণে মায়া হয়ত তাহার প্রতি আকৃষ্ট হইয়াছে, কিন্তু স্মৃতি, বুদ্ধি ফিরিয়া আসিবামাত্র দেবকুমারের প্রেম তাহাকে গ্রাস করিবে, প্রভাসের অন্তরও সে ভুলিয়া যাইবে। এখনকার যে ভালবাসা, তাহা পাগলের প্রলাপ, নিদ্রিতার স্বপ্নের মতই অর্থহীন। তবু এইটুকুই ত জগতকে রঙীন করিয়া তুলিয়াছে। মায়া তাহার কথা ভাবে, তাহাকে স্বামী রূপে চায়, এই কথা মনে হইবামাত্র প্রভাসের সমস্ত চেতনা যেন আনন্দে প্রাবিষ্ট হইয়া যায়। বাস্তব জগতের জিনিষ এ নয়, ইহার আশ্রয়ে দাড়াইবার কল্পনাও সে করিতে পারে না। তবু ইহাকে এক মুহূর্ত সে ভুলিতে পারে না। মায়া বলিতে এমন যাহাকে সে চোখের সম্মুখে দেখিতেছে, কালই সে নিশাশেষের স্বপ্নের মত শূন্নে মিলিয়া যাইতে পারে, পৃথিবীতে তাহার আর কোনো চিহ্নই থাকিবে না। কিন্তু এই মিথ্যা মায়া বাচিয়া থাকুক, ইহাই কি প্রভাস চায়? ছি, ছি, এত স্বার্থপর সে নয়। মায়ার ঘোরতর অমঙ্গলকে সে নিজের তৃপ্তির জন্ত কখনই কামনা করে না। ঈশ্বর তাহাকে যেভাবে জান, বুদ্ধি, স্মৃতি দিয়াছিলেন, তাহা অক্লান্তভাবে আবার ফিরিয়া আনুক, প্রভাসের বা দুঃখ তাহা সে পুরুষের মত বহন করিবে।

নানা কথা ভাবিতে ভাবিতে সে সারা শহর ঘুরিয়া বেড়াইতে লাগিল। জাহাজে বার্থ সহজেই পাইল, একজনের জায়গা পাইতে প্রায় কোনো কষ্ট হয় না। একবার নিরঞ্জনের আপিসে গিয়া খবরটা তাহাকে দিয়া আসিবে মনে করিল। কিন্তু তিনি হয়ত তাহাকে দেখিয়া বিরক্ত হইবেন, মনে করিয়া আর গেল না। দুই চারিটা ছোটখাট জিনিষ কিনিবার ছিল, বাড়ীর লোকদের জন্ত। কোথায় কি পাওয়া যায়, তাহা সে একেবারেই জানিত না। আধ ঘণ্টা যাহা পাওয়া যাইত, তাহাই কিনিতে তাহার চার পাচ ঘণ্টা কাটিয়া গেল।

বিকালবেলা আর কিছু করিবার না পাইয়া একটা চীনা হোটেলে ঢুকিয়া ভাল করিয়া খাইয়া লইল। তাহার পর কাছেই একটা সিনেমা হাউস দেখিয়া সেইখানে গিয়া উপস্থিত হইল। ছবিখানি ভালই ছিল, দেখিতে দেখিতে নিজের হৃদয়ের ভার অনেকখানিই যেন ভুলিয়া গেল।

ইন্টারভালের সময় হঠাৎ দেখিতে পাইল, তাহার অনতিদূরেই দেবকুমার বসিয়া আছে। প্রভাসকেও সে দেখিতে পাইল, কিন্তু নিকটে আসিবার বা কথা বলিবার কোনো চেষ্টা করিল না। দূর হইতে শুধু একটা নমস্কার করিল। প্রভাসের মনটা আবার যেন অন্ধকার হইয়া আসিল। চারিদিকে এত বেদনা কেন? কাহারও শান্তি নাই, সুখ নাই। দেবকুমারের মুখ দেখিয়া মনে হয়, নিরন্তর তাহার বুকের ভিতর দাবানল জলিতেছে। প্রভাসকে সে নিজের সর্বপ্রধান শত্রু মনে করে, কিন্তু প্রভাসও ত গভীর দুঃখের বোঝা বহিয়া বেড়াইতেছে। যে এই সকল দুঃখ বেদনার মূলে, সেই মায়ারই বা সুখ কোথায়? সেও ত আলোয়ার পিছনে ছুটিয়া চলিয়াছে। ভগবান একি অবস্থার সৃষ্টি করিলেন!

সন্ধ্যার পর নিতান্তই আর কিছু করিবার থা জিয়া না পাইয়া, প্রভাস ফিরিয়া চলিল। আর একটা দিন মাত্র মাঝে। তাহার পর এদেশ আর জীবনে কখনও সে দেখিবে না, এই মাহুষগুলিকেও সম্ভবতঃ আর দেখিবে না। জীবনের একটা অন্ধের এইখানে একেবারে যবনিকা-পতন। ইহার পরের জীবন তাহার কেমন হইবে কে জানে?

বাড়ীটা বড়ই নিস্তর্র বোধ হইল। নিরঞ্জন তখনও ফেরেন নাই। অজয় আজকাল বেশ রাত করিয়াই ফিরিত। কলেজের পর বাড়ী না আসিয়া সে এক মেসে গিয়া উঠিত, সহপাঠীদের সঙ্গে পড়াশুনা করিবার জ্ঞ। রাত্রে খাইবার সময় হইবার আগে, তাহাকে বড়-একটা দেখা যাইত না। ইন্দু আর মায়া সম্ভবতঃ উপরের ঘরেই আছে। প্রভাস নিজের ঘরে চুকিয়া বাতি নিবাইয়া দিয়া শুইয়া পড়িল। নিরঞ্জনের গাড়ীর শব্দ শুইয়া শুইয়াই শুনি। চাকর খানিক পরে তাহাকে ডাকিতে আসিল, খাইবার জ্ঞ। হোটেলের অনেক খাইয়া আসিবাছে, ক্ষুধা নাই, বলিয়া প্রভাস তাহাকে বিদায় করিয়া দিল। ইহার পর রাত্রে আর কেহ তাহার বিশ্রামভঙ্গ করিল না।

সকালে চায়ের টেবিলে নিরঞ্জন জিজ্ঞাসা করিলেন, “রাত্রে খেলে না যে? শরীর ভাল ছিল ত?”

প্রভাস বলিল, “শরীর ভালই ছিল, অনেকগুলো খেয়ে এসেছিলাম বলে রাত্রে আর খেলাম না। শেষে জাহাজে চড়ে অস্থ-বিস্থ করলে মুস্থিল।”

নিরঞ্জন জিজ্ঞাসা করিলেন, “বার্থ পেয়েছ?”

প্রভাস বলিল, “পেয়েছি, না পেলেও চুখ ছিল না, ডেক টিকিট ত পড়েই রয়েছে।”

আর বিশেষ কিছু কথা হইল না। ইন্দু চা না খাইলেও; রোজ চায়ের টেবিলে আসিয়া বসিত। সে শুধু জিজ্ঞাসা করিল, “কালকেই যাচ্ছ না কি, প্রভাস?”

ইন্দুর উপর প্রভাসের মনে মনে অনেকখানি রাগ জন্ম হইয়া ছিল, সে সংক্ষেপে বলিল, “হ্যাঁ।”

সমস্ত দিন করিবার কিছুই খুঁজিয়া পাইল না। তাহার জিনিষপত্র অতি সামান্য, আধ ঘণ্টার মধ্যেই গোছান হইয়া গেল। বই মাসিকপত্র প্রভৃতি নাড়িয়া-চাড়িয়া যখন তাহার বিরক্তি ধরিয়া গেল, তখন সে লেকের ধারে একবার ঘুরিয়া আসিবে স্থির করিল। জায়গাটা সুন্দর এবং নির্জন, বেড়াইয়া অনেকখানি আরাম পাওয়া যায়।

ঘড়ির দিকে চাহিয়া দেখিল বেলা প্রায় সাড়ে তিনটা। ছোকরাকে ডাকিয়া বলিল, “দ্যাখ, আমি বেড়াতে

যাচ্ছি, চা খাব না। আমার জ্ঞে কেউ যেন বসে না থাকে।”

ছোকরা মাথা নাড়িয়া চলিয়া গেল। প্রভাস একটা ছড়ি হাতে করিয়া বাহির হইয়া গেল।

প্রথমে খুব দ্রুত গতিতে হাঁটিতে আরম্ভ করিয়াছিল, কিন্তু ক্রমেই তাহার গতি মন্থর হইয়া আসিতে লাগিল। বিদায়ের মুখে কত অসম্ভব চিন্তাই যে তাহাকে পাইয়া বসিতে লাগিল, তাহার ঠিকঠিকানা নাই। মায়া যদি আর পূর্ন্থতি কোনো দিনই ফিরিয়া না পায়, তাহা হইলে কি হয়? তাহার বুদ্ধিবৃত্তি কিছু নষ্ট হয় নাই, ইন্দ্রিয়গুলিও বিকল হয় নাই, চেষ্টা করিলে তাহাকে আবার সব শেখান যায়। আর কিছু না শিখিলেই বা কি? সাধারণ হিন্দু গৃহস্থ-ঘরে যতখানি শিক্ষাদীক্ষা হয়, তাহা মায়ার আছে। স্মৃতি ফিরিয়া না পাইলে, মায়া কখনই দেবকুমারকে বিবাহ করিবে না, কারণ সে কায়স্থ এবং বিলাত-ফেরৎ। তখন কি মায়ার পিতা তাহাকে চিরকুমারী করিয়া রাখিবেন? প্রভাস যদি এ অবস্থায় মায়ার পাণিপ্রার্থী হয়, তাহার প্রার্থনা কি পূর্ণ হইবে না? তাহার সহিত বিবাহ হইলে মায়া কি স্থখী হইবে না? সাবিত্রী যদি অকালে পরলোকগমন না করিতেন এবং প্রভাসের পিতা মাতা যদি রাজী হইতেন, তখন কি প্রভাসেরই সঙ্গে মায়ার বিবাহ হইয়া যাইত না? সেটাকে মায়ার পক্ষে অমঙ্গল মনে করিবার কারণ কি আছে? যে-ধারায় তাহার জীবন প্রবাহিত হইবার সম্পূর্ণ সম্ভাবনা ছিল, নিতান্ত দৈবগতিকে যেখান হইতে সে বিচ্যুত হইয়াছিল, সেই স্থানেই আবার যদি ফিরিয়া আসে, মন্দ কি? কয়েকটা বৎসরের স্মৃতি না-হয় নাই রহিল? পাশ্চাত্য শিক্ষা খানিকটা মন হইতে মুছিয়া গেলই বা? দেবকুমারের ভালবাসা না-হয় তাহার জীবন হইতে লুপ্তই হইল? সেটা কি এতবড় কতি? প্রভাস কি দেবকুমারের সমান অন্ততঃ মায়াকে ভালবাসিতে পারিবে না?

প্রভাস ভাবিতে ভাবিতে কোথায় যে চলিতেছিল, তাহারও কেন ঠিক ছিল না। যাহা অস্তায়, যাহা স্বার্থ-প্রণোদিত, তাহাই যে স্বাভাবিক, দেহ-প্রণোদিত,

ইহাই সে প্রাণপণে নিজের কাছে প্রমাণ করিতে চাহিতেছিল। অবশু নিজের কাছে প্রমাণ করিতে পারিলেই কিছু যে লাভ হইবে না তাহা সে জানিত, তবু নিজের বিবেককে শাস্ত করিবার চেষ্টার তাহার অন্ত ছিল না।

এতক্ষণ সে পথ ধরিয়া চলিতেছিল, মধ্যে মধ্যে এক-একটা মোটরকার তাহার পাশ দিয়া চলিয়া যাইতেছিল। মাহুষের সঙ্গ এতটুকুও প্রভাসের ভাল লগিল না, সে পথ ছাড়িয়া মাঠের ভিতর নামিয়া পড়িল এবং হ্রদের ধারে গিয়া ঘাসের উপর বসিয়া পড়িল। তাহার চিন্তার ধারা অব্যাহত বহিয়া চলিল।

কতক্ষণ যে সে বসিয়াছিল তাহার ঠিকানা নাই। দিনের আলো স্নান হইতে হইতে কখন তিমির-প্রাবনে ডুবিয়া গেল, কখন আকাশের ঘন নিকষের কোলে তারা ফুটিয়া উঠিল তাহাও সে খেয়াল করে নাই। নিজের মনের চিন্তাশ্রোতে সে একেবারে ডুবিয়া গিয়াছিল। হঠাৎ কাহার পায়ের শব্দে সে চমকিয়া পিছন ফিরিয়া তাকাইল। তাহার বুকের রক্ত যেন তাণ্ডব নৃত্য করিয়া উঠিল, তাহার পর হিমশীতল হইয়া আসিল। মায়া তাহার পিছনে দাঁড়াইয়া আছে। বাড়ীভরা লোকের চোখ এড়াইয়া সে কি করিয়া যে পলায়ন করিয়াছে, তাহা প্রভাস ভাবিয়াই পাইল না। মায়াকে কি বলিবে, কি করিয়া তাহাকে ফিরাইবে, তাহা কিছুই সে স্থির করিতে পারিল না। এতক্ষণ যতপ্রকার মনগড়া যুক্তি দ্বারা নিজেকে সে বুঝাইতেছিল, সমস্তই মায়ার আকস্মিক আবির্ভাবে শূন্যে বিলীন হইয়া গেল।

মায়াই প্রথমে কথা বলিল, “আপনি না-কি কালই চলে যাচ্ছেন?”

প্রভাস মুচের মত বলিল, “হ্যাঁ।”

মায়া বলিল, “আমাকে ক্লেমে যাবেন, এই স্নেহের মধ্যে? এখানে আমাকে বাঁচাবার কেউ নেই, বাবা-বুড় আমায় শত্রু।”

প্রভাস উঠিয়া পড়িল, বিচলিতভাবে বলিল, “মায়া, অহংের কোঁকে ভূমি কি করছ, কি বলছ নিজেই বুঝতে পারছ না। তোমার বাবা কখনও তোমার শত্রু হ’তে

পারেন? তিনি তোমার সকলের চেয়ে বড় বন্ধু, তিনি যা-কিছু করছেন, তা তোমার মঙ্গলের জন্য করছেন।”

মায়া উত্তেজিত হইয়া উঠিল। একটু তীব্রভাবে বলিল, “সবাই খালি বলে অহং! কি অহং হয়েছে আমার? কই আমি ত কিছু বুঝি না? বাবা আমার বন্ধু বলছেন? হিন্দু ব্রাহ্মণঘরের যেয়ে আমি, আমাকে একটা নীচ জাতের বিনাত-ফেরৎ ছেলের সঙ্গে বিয়ে দেবার ব্যবস্থা করছেন, এই কি বাপের মত কাজ হচ্ছে? পিসীমা-স্বদ্ধ এই ষড়যন্ত্রে যোগ দিয়েছে। কিন্তু আমার প্রাণ থাকতে তা হতে দেব না, বরং এই জলে ডুবে মরব।”

প্রভাস একেবারে হতবুদ্ধি হইয়া গেল। এরকম নির্দাৰ্শন অবস্থা কোনোদিন সে স্বপ্নের মধ্যেও কল্পনা করিতে পারে নাই। বাঙালী গৃহস্থঘরের ছেলে, বেশীর ভাগ দিন সে পল্লীগ্রামে কাটাইয়াছে, এ ধরনের জিনিষ, নাটক নভেল বা বায়োস্কোপের ছবিতেই মাত্র সে পাইতে পারে, নিজের জীবনে এরকম অবস্থার সম্মুখীন হওয়ার জন্ত কোনোভাবেই সে প্রস্তুত ছিল না। আর এক বিপদ এই যে, মায়াই যদিও এ ব্যাপারের জন্ত সম্পূর্ণ দায়ী, ধরা পড়িলে সমস্ত দায় ঘাড়ে করিতে হইবে প্রভাসকে। কেহই বিশ্বাস করিবে না যে, মায়া নিজে পলাইয়া আসিয়াছে। কি বিবম অপবাদের বোঝা যে তাহার স্বন্ধে আসিয়া পড়িবে, মনে করিতেই প্রভাসের মুখ কালো হইয়া উঠিল। মায়াকে ভালবাসিয়াছে, ইহাই মাএ তাহার অপরাধ, কিন্তু মাহুষে বিশ্বাস করিবে, সে অপকৃত্তিত্ব তরুণীকে তুলাইয়া লইয়া আসিয়াছে, নিজের কোনো স্বার্থসিদ্ধির জন্ত। ভগবান তাহাকে এ কি বিপদে কেলিলেন? কি করিবে সে?

মায়া বলিল, “আপনি যে কিছুই বলছেন না?”

প্রভাস বলিল, “কি বলব আমি, বল! তোমার বাবার ইচ্ছার বিরুদ্ধে আমি কি করতে পারি? তিনি তোমার অভিভাবক, তোমার উচিত তাঁর কথামত চলা। হিন্দুর মেয়ে কখনও স্বাধীন নয় তা ত জান? বাবা, না হয় স্বামী, এক জনের স্বাধীন হয়ে তাকে থাকতেই হয়। তোমার এভাবে বাড়ী থেকে বেরিয়ে আসা খুব অস্বাভাবিক

হয়েছে।” ঠিক এই কথাগুলি একেবারেই তাহার মনের কথা নয়, কিন্তু মায়াকে আর কি সে বলিতে পারে?

মায়া বলিল, “বাবার কথা শুনব? হিন্দুর ছেলে হয়ে আপনি আমাকে জ্ঞাত ধর্ম সব খোয়াতে বলেন? এর চেয়ে বিপদ আর আমার কি হ’তে পারে? সাথে কি বেহায়ার মত বেরিয়ে এসেছি?”

প্রভাস চুপ করিয়া রহিল। ভয়ে এবং অস্বস্তিতে তাহার প্রায় নিশ্বাস রোধ হইয়া আসিতেছিল। কি করিয়া ইহাকে ফিরান যায়? মায়াকে ভালবাসিয়া, শেষে সে-ই কি তাহার নামে একটা মিথ্যা কলঙ্কের সৃষ্টি করিবে? এখানে বাড়ালীর সমাজ যে কিরূপ তাহা সে জানে না, কিন্তু দেশের সমাজ সম্বন্ধে তাহার অভিজ্ঞতা উত্তম রকমই ছিল। সেখানে এই ধরনের কথা প্রচার হইলে তাহার যে কি অর্থ দাঁড়াইত, তাহাও সে জানে।

ধানিকক্ষণ ভাবিয়া বলিল, “তুমি বাড়ী ফিরে যাও মায়া, এমন সময় এখানে আসা তোমার উচিত হয় নি। লোকে শুনলে নিন্দা করবে।”

মায়া বলিল, “করুক গে। আপনি কথা দিন আমাকে ঐ ব্যারিষ্টারের হাত থেকে বাচাবেন, তা না হ’লে আমি যাব না।”

প্রভাস অল্পনয়ের সুরে বলিল, “আমাকে কেন এর ভিতর জড়াচ্ছ, মায়া? আমি ত কাল চলে যাচ্ছি, আমায় যেতে দাও, মিথ্যা তোমার নামে একটা অপবাদ সৃষ্টি কর্বতে দিও না মাহুষকে।”

মায়া কাদিয়া ফেলিল। ঘাসের উপর বসিয়া পড়িয়া বলিল, “আমি যাব না, আমি কিছুতেই যাব না।”

দূরে এই সময় মোটরের হর্ণ তীব্রসুরে বাজিয়া উঠিল। দুইখানা গাড়ী দ্রুতবেগে ছুটিয়া আসিতেছে দেখা গেল। একটা অগ্রসর হইয়া চলিয়া গেল, একটা মায়া এবং প্রভাসের ধানিকদূরে পথের উপর আসিয়া দাঁড়াইল।

মায়া বলিল, “ঐ আমাকে ধরতে আসছে। আমি কি করব?”

প্রভাস হতাশভাবে বলিল, “কস্বার কিছুই নেই, ওদের সঙ্গে যাও। আমার যা করবার তা আমি করব।”

গাড়ী হইতে নামিয়া একজন লোক দ্রুতপদে তাহাদের

দিকে আসিতেছে দেখা গেল। প্রভাস চিনিল, দেবকুমার। পৃথিবীর আর যে-কোনো মাহুষকে দেখিলে এই সময় প্রভাসের কিছু কম অপ্রতিভ লাগিত, কিন্তু দেবকুমারকে দেখিয়া সত্যই তাহার ইচ্ছা করিতে লাগিল হ্রদের জলে ঝাঁপ দিয়া পড়ে। দেবকুমার তাহাকে কি যে মনে করিতেছে, তাহা বুঝিতে তাহার বাকি রহিল না। সে নিজে হইলেই কি অত্ন কিছু মনে করিত? একমাত্র ভগবানের চক্ষে সে নির্দোষ, কিন্তু মাহুষের কাছে নিজের নির্দোষিতা সে কিছুতেই প্রমাণ করিতে পারিবে না।

দেবকুমার নিকটে আসিয়া তীব্র শ্বেষের সুরে বলিল, “বেশ জমিয়ে তুলছিলেন, কিন্তু আমার কথাটা বোধ হয় ধর্মব্যোর মধ্যে আনেন্ নি, তাই প্রট্টা মাটি হয়ে গেল।”

প্রভাস কি যেন বলিতে গেল, কিন্তু তাহার গলা দিয়া স্বর বাহির হইল না। দেবকুমার বলিয়া চলিল, “আইনত: আমি এখনও আপনাকে শাস্তি দিতে পারি না, যদিও মর্যালি আমার অধিকার স্বামীর অধিকারেরই সমান। কিন্তু মায়ার সামনে কিছু কর্বতে চাই না, পরে আপনার সঙ্গে বোঝাপড়া করা যাবে। মায়া, এস।”

দেবকুমারকে দেখিয়াই মায়া উঠিয়া দাঁড়াইয়াছিল। তাহাকে ডাকিবামাত্র সে চাঁৎকার করিয়া লেকের দিকে ছুটিয়া গেল এবং মুহূর্ত্ত মাত্রের মধ্যেই জলে ঝাঁপাইয়া পড়িল।

প্রভাস এবং দেবকুমার দুইজনেই জলে নামিয়া পড়িল। দেবকুমার মিনিট ধানিক পরে মায়ার অচেতন দেহ বহন করিয়া উঠিয়া আসিল। তারার আলোয় ঝুঁকিয়া পড়িয়া তাহার মুখ দেখিবার চেষ্টা করিল, ব্যাকুলভাবে ডাকিল, “মায়া, মায়া!”

মায়া সম্পূর্ণ অচেতন, দেবকুমারের ডাকে কোনো সাড়া দিল না। নিজের বলিষ্ঠ বাহুতে তাহাকে উঠাইয়া লইয়া দেবকুমার মোটরের দিকে দ্রুতবেগে চলিয়া গেল, প্রভাসের দিকে আর ফিরিয়াও চাহিল না।

প্রভাস কিছুক্ষণ অন্ধকারে একলা দাঁড়াইয়া রহিল। তাহার দুই চোখ অপমানে ও বেদনার জ্বলে ভরিয়া উঠিল। অন্ধকারেই কোথায় যে সে মিশিয়া গেল, তাহাকে আর দেখা গেল না।

ক্রমশ:

পথহারা

শ্রীশৈলেন্দ্রকৃষ্ণ লাহা

বোলো না বোল না বোলো না মিথ্যা, তাহারে ফিরিতে বোলো না আর,
আলোয়া-আলোয় যে ফিরেছে পথে, ফিরিবার পথ নাথ নাই যে তার ।
আমার কণ্ঠ মিনতি করেছে, যেয়ো না যেয়ো না যেয়ো না তুমি,
পথহারাদের পথে যে যায় সে পায়ের প্রান্তে পায় না ভূমি ।

মুখ না ফিরায়ে সে শুধু হেসেছে, সে হাসি হতাশে এসেছে ফিরি,
নীরব তীক্ষ্ণ তাঁরের মতন অন্ধকারের মন্ম চিরি ।
আকাশ-তারার কিরণ কেঁদেছে ধরার আঁচলপ্রান্তে চুমি,
রাত্রি কেঁদেছে, বাতাস কেঁদেছে, যেয়ো না যেয়ো না যেয়ো না তুমি ।

সন্ধ্যা তখনো হয়নি সেদিন, অন্ধকারের অনেক দেরি,
পাখীরা তখনো হয়নি আঁচল কলকাকলাতে কুলায় হেরি,
সবে পাশ্চমে ফিরিছে সূর্য, সপ্ত রশ্মি যায়নি দেখা,
তখনো রক্ত গগনপ্রান্তে ফুটিয়া ওঠেনি রক্তরেখা ।

সিক্তবসনা বধূরা সে পথে তখনো ফেরে নি কলসী-কাঁখে,
সহসা চমকি থমকি থামিল কে ও নিজন পথের বাকি !
কোথা ছিলে তুমি, কোথা ছিলে তুমি, গোপনচারিণী অদর্শনা,
বেলা পড়ে আসে, ছুঁদও আর, এত বিলম্ব, বিড়ম্বনা !

কোথা ছিলে তুমি হে নিষ্করণা, কোথা ছিলে তুমি মমতাময়ী,
কোথা ছিলে তুমি দেবতা আমার, কোথা ছিলে চির-দয়িতা অমি,
কোথা ছিলে তুমি ওগো বিবাগিনী, কোথা ছিলে হায় জীবনাধিকা,
চিরপ্রতীক্ষা সকল করিয়া জ্বালাও জীবন-বহি-শিখা ।

কত জনপদে মুখর নগরে প্রান্তরে পথে বিজন বনে,
দূর দুর্গম গিরির বস্ত্রে ফিরেছি অধার অবেষণে,
ফিরেছি ব্যগ্র ব্যাকুল হৃদয়ে, ফিরেছি আশায় আশঙ্কায়,
শম্পাশ্রমল নিরالا বীথিতে, আলোছায়া-বোনা বনচ্ছায় ।

কাজল আঁখরে মাথার কাঁটায় কোথায় পাতার লেখনখানি,
অচেনা-চেনারে খুঁজিয়া বেড়াই, দেখিনি যাহারে তাহারে জানি,
মেঘের বরণ কেশের কলাপ, চাঁদের বরণ দেহের বিভা,
আকাশ-বরণ চোখের আভাস, সে যে স্নন্দরী চন্দ্রনিভা ।

স্বপ্নশিখিল অমল অঙ্গ তুলি, আরক্ত বপোল লাজে,
আধ জাঁখি মেলি রূপসী কুমারী জাগে ঘুমন্ত পুরীর মাঝে ;
দূর দিগন্তে পথ হয় লীন, ঘন অরণ্য হয় না শেষ,
সাগর-পারের কন্তার লাগি দীর্ঘ যাত্রা নিরুদ্দেশ ।

কেশের কুহুম কুড়ায়ে পেয়েছি, পেয়েছি মূহুর বসনবাস,
পত্রনিবিড় লতার বিতানে শুনেছি ঈষৎ দীর্ঘ-শ্বাস ।
হেরিছি পথের চরণ-চিহ্নে অলক্তকের রক্তরাগ,
কনকচাঁপার ঝরা পাপড়িতে চাঁপা আঙুলের দেখেছি দাগ ।

নীলাশ্বরীর আশুনের পাড় ঝলমল করি উঠেছে দূরে,
সাগরের তীরে, তটিনীর তটে সন্ধানে তার মরেছি ঘুরে,
স্বর্ণ-ভালের সিঁদুরের টিপ সবুজে গোপনে রেখেছে রেখা,
পাতার আড়ালে ফুটিয়া উঠেছে কম কপোলের পত্নলেখা ।

শ্রান্ত ধরণী, পথ স্বদূর, তপ্ত বাতাস, প্রথর আলো,
রক্ত ভাহুর ক্রুদ্ধ লোচন, কঠিন মাটি এ কাঁকর কালো ।
আহত চরণ, মুচ্ছিত মন, লি লি করে মাঠ, আকাশ ধূ ধূ,
রৌদ্রলীলায় স্বপ্ন মিলায়, চলেছি একেলা চলেছি শুধু ।

বেলা বয়ে যায়, বেলা বয়ে যায়, ভেঙে পড়ে ঢেউ হৃদয়-কূলে,
স্নান কুমুদের মুদিত মুকুলে শ্রান্ত ভ্রমর ঘুমায় তুলে ।
কি হবে চলিয়া আপনা ছলিয়া না-ছোয়া ছায়ার পিছনে ছুটে,
নীড়হারা পাখী, ফিরে যা একাকী, নীরব নীড়ের বক্ষপুটে ।

জাগে ঘোঁবন-জোয়ারে আবেগ, হৃদয়ের গাঙে কলধ্বনি,
স্বপ্নে জাগরে ওঠে বার-বার কার আগমনী ছন্দ রণি,
কোমল কণ্ঠ ডাকে কোন্ দূরে, সারা বনভূমে চুপু বাজে,
সাদা পাই তার ফাস্তন-বায়, সাদা পাই তার প্রাণের মাঝে ।

কেশের ভূষণ কুড়ায়ে পেয়েছি, পেয়েছি কণ্ঠমালার মণি,
হরিণ-শিক্তর ছোট্টার পিছনে শুনেছি চপল পায়ের ধ্বনি,
পেয়েছি দিব্য তন্তুর গঞ্জে নবীন পদ্মধূ'র ভ্রাণ
উষ্ণ মধুর মলয় প্রবাহে করেছি হরষে পরশ-স্নান ।

এল এল সে কি, শিহরে বাতাস, হৃদয় আকুলি আকুলি ওঠে.
ঘুরে ঘুরে ফেরে লুক ভ্রমর, রাঙা সরণীতে পুষ্প ফোটে ।
এ-পথ ও-পথ কোলাকুলি করে শুধানে পিয়াল গাছের ফাঁকে,
পরদেশী আলো লুকোচুরি খেলে সেই নির্জন পথের বাকি ।

গোধূলি-লগনে তোমায় আমার পথের তীর্থে মিলন হ'ল,
কুণ্ডা কাটায়ে অগ্নি মায়াময়ী, স্বপ্ন-উতল নয়ন তোলা,
অর্গ মাগিছে মাটির পরশ, মর্তা মাগিছে স্বর্গভূমি,
তোমাতে খুঁজেছি, তুমিও খুঁজেছ, তোমাতে চেয়েছি, চেয়েছ তুমি।

হুট নয়নের মন্দির দীপ্তি হ'নয়নে আজ লাগালো বোর,
কোথায় থাকিব, কোথায় রাখিব, কি করিব আমি, কি হবে মোর!
এ কি জাগরণ, এই কি স্বপন, এ কি হলাহল, এই কি স্রুধা,
এ কি মরণের পরমা তৃপ্তি, এ কি জীবনের অমর ক্ষুধা!

অধরে অধর করিল স্পর্শ, তড়িৎ ছুটিল শোণিত মাঝে
এ দেহযজ্ঞ বাজিয়া উঠিল আগুনের বীণা যেমন বাজে।
গন্ধমন্দির বাতাস অদৌর, আকাশ অধির আলোয় আলা,
তীব্র স্রুথের বেদনা বুকের গহনে জালায় দহন-জালা

কুন্দ ধবল জ্যোৎস্না-নিঝরে ঝরিছে অবিশ্রান্ত ধারা,
সুন্দীল আকাশ, সবুজ সাগর, শ্যামল বনানী আশ্বহারা।
শাখায় শাখায় বকুল আকুল, কুঞ্জে কুঞ্জে যুথিকা বেলো,
অশোকে অশোকে লাল তরুবীথি, কাননে কাননে ফুলের যেলো।

“আজি পূর্ণিমা, আজি পূর্ণিমা, ঘেরা ঘরে থাকা আজ কি ভালো,
আমায় ডেকেছে সাগরের জল, আমায় ডেকেছে চাঁদের আলো।”
“তোমায় ডেকেছে আকাশের চাঁদ, তোমায় ডেকেছে সাগর-বারি,
তোমায় ডেকেছে স্রুত্বের পথ, আর কি ধরিয়া রাখিতে পারি?”

ঝিল্লীর স্রব বাজে ঝিম ঝিম, নিঃস্রুত রাত অন্ধকার,
আকাশে নাহিক তারার চিহ্ন, বিলুপ্ত জ্যোতি চন্দ্রমার।
অন্ধ উষর বন্ধুর পথ, ধূস-ধূসর গগনতল,
এমন গহন গভীর রাতে, যাত্রার নিলে কি সম্বল?

হায় পথহারা ব্যাকুল বালিকা, কি বোর তামসী, কোথায় তুমি!
গুমরি গুমরি কান্দে বিভাবরী, লোটে সমীরণ চরণ চুমি।
যেয়ো না যেয়ো না ওদিকে যেয়ো না, ও পথ ভীষণ, ও দিক ভুল,
চলন্ত-শিখা নাচে বিভীষিকা, ছোটো জলন্ত উটুকুল।

এস এস এস ফিরে এস তুমি, যেয়ো না যেয়ো না যেয়ো না আর,
ও আলোয় পথ প্রলীপ্ত হ'লে ফিরিবার পথ অন্ধকার।
ওপথে যে যায় সে পথ হারায়, ওপথে যে যায় পায় না ভূমি
আত্মকণ্ঠ কাদিয়া ফিরিছে, যেয়ো না যেয়ো না যেয়ো না তুমি।

শব্দতত্ত্বের যৎকিঞ্চিৎ

শ্রীচারু বন্দ্যোপাধ্যায়

(২)

ইট - সঃ ইটক > পালি ইট্ঠক।

ইটাল—জয়ানন্দের চৈতন্যমঙ্গলে ও কৃষ্ণকীর্তনে হাটাল, হেটাল।

ইতু—সঃ ইল > ব্রাহ্মী লেখে ইত্ > ইতু ? মিত্র > ইতু ?

নেটি ইতুব—সর্বানন্দ লিঙ্গলী।

ইল—বৈদিক ইলু=সোমলতা, সোমরস। ইলু+র=ইলু=সোমপায়ী।

ইরাণ—ফারসী ইরাণ শব্দটী ইরান—রেজ (২) শব্দের সংক্ষিপ্ত রূপ; পহ্লাবী এরান—রেজ (২)। আবোস্তা ইরান বএজত্ই, ইর্যেনে বএজহে; প্রাচীন-পারসীকে অস্বরান, ক্যালডীয় অরান; সংস্কৃত আর্থানাং বীজঃ = আর্থানিগের আদি বাসভূমি।

ইরেজ—পৰ্শু গীজ Ingles.

ইহা—সঃ এঃ > প্রাঃ এস > অঃ এহ > হিন্দী ইহ, এ।

ইশ্পাত - পৰ্শু, Ispada

ইহুদী—হিব্রু ইব্রী; আরবী যহুদী। আরমিক জহুদ, ফারসী জহলী।

ইবলাহলা—সর্বানন্দ লাঙ্গলিখা।

উখড়া—সঃ উৎ + √ খোট্ (ক্ষেপণে) > প্রাঃ উক্খোড়িঅ।

হাট উখড়িবে প্রচুর ভেল বেলা।—কৃষ্ণকীর্তন।

উলা—* অঙ্গলতি > ওগলায়।

উল্লুগুণ্ড, উল্লর—সঃ উৎসর্গ। বঙ্গসাহিত্যপরিচয় ৩১ পৃষ্ঠা। হাঁস কতগুলো দেন যাটে উল্লরগিয়া।—মাণিকচন্দ্র রাজার গান।

উজোর—সঃ উজ্বর > উজ্জল, উজোর।

উজাগর—উজ্জাগর = জাগরণ।

উজাড়—উজ্জল > উজ্জড় = আলোকের সমস্ত বাধা সাক, তা থেকে অর্থ-জনশূন্য ও বস্তুশূন্য। সঃ উজ্জাল > প্রাঃ উজ্জাল > হিন্দী উজড় = আলোকিত।

উড়নী—ওহাড়গী পিছাগীএ।—দেশীনামমালা।

উড়ি-ধান—প্রাঃ উড়িড, সর্বানন্দ ওড়া।

উড়ুধ—সঃ উদ্ভাঃ, হিন্দী উড়িস। গোপীচন্দ্রের গানে ওরস।

উতারাল—উৎ + তরল = চকল।

উৎপল—মুণ্ডারী উপল-বা = ভাসমান (প্রবমান) ফুল।

উদাম—সঃ উদ্দাম > মালদহে উদাম = উলঙ্গ। পূর্ববঙ্গে উদলা।

উনিশ—সঃ উনবিংশতি > মাগধী প্রাকৃত উনবীস।

উনা—ধাতু, তাপে গলে যাওয়া। উক্ > পালি উণ্, উগহন, প্রাকৃত উক্। সংস্কৃত শব্দে ক্ > প্রাকৃতে গ্, সিং, সাণ হয়।

উপজ—উৎপদ্য > প্রাঃ উপজ।

উপুড়, উবুড়—সঃ উৎপৃষ্ঠ ? সঃ অববৃদ্ধি > ওমুড় > ওমুট > উমুড় > উপুড়।

উত্ত—সঃ উত্ > প্রাঃ উত্ত।

উবটন—সঃ উবর্জন > প্রাঃ উব্ টণ।

উবর—উবর্জিতঃ > প্রাঃ উবডিও।

উভার—সঃ উভারয়তি। উভৃত (উৎ + ভৃ) > * উভরিত > প্রাঃ উভরিও।

উলট—প্রাঃ অলট-পলট; উললথ-পললথ < সঃ উপল্যুত-পর্যুত প্রাকৃতসর্বস্ব উলট (উবর্জন)। অলট-পলটম্ অঙ্গ-পরিবর্তে।—দেশী-নামমালা। গুজরাটী উল-পাথল।

উলাড়—গোবর পাড়ীর পিছনে ভাঁর হ'লে গাড়ী উলাড় হয়। সঃ উললতি > হিঃ উলাড়।

উল্লাল—উৎ + লম + অন = উরমন = উচ্ছ্বাস, সোহাগ, সৌভাগ্য, সুখ। প্রয়োগ কৃষ্ণকীর্তনের টীকায় দ্রষ্টব্য। বৃকে আরোপিয়া পদ করেন উল্লাল।—ঘনরাম। উৎ+লল (উৎক্ষেপ, কম্পন, উপসেবা, ক্রোধ ইত্যাদি)।

উদাম—উৎ+দাম = উচ্ছ্বাস > প্রাঃ উস্দাম।

উকা-পুকা—সঃ শুক > আবোস্তা ও প্রা-পার উক্, ফারসী পুস্।

উমি—সঃ ভ্রমি > আবোস্তা বরমি > সঃ উমি।

একট—বুদ্ধিগানে একড়ি।

একঠা—সঃ একহ্ম > প্রাঃ একঠাঅ > হিন্দী একঠা।

একখটি—পালি একসট্ঠি।

একুটী, একুতী—কৃষ্ণকীর্তন দ্রষ্টব্য।

একশ—একবিংশ > পালি একবীস, একবাসতি, অন্ধমাগধী একবীস।

এগার—সঃ একাদশ > পালি প্রাকৃত হিন্দী এগারহ।

এত—প্রাঃ ইত্তিঅ, এত্তিঅ, এত্তঅ (ভাস, চারদন্ত)।

এল—আসিল। সঃ আয়াত > * আয়াল > *আয়াল > মৈথিলী আএল, ইলৈ। আগতক > আঅদঅ > আঅল > আল > এল।

আকুলক > প্রাঃ আউলক > * আলঅ > আল > এলো চুল।

এলায়—এগন। বঙ্গসাহিত্যপরিচয় ৩৩ পৃষ্ঠা—এলায় যদি আমি বাই জলক লাগিয়া। ইত যম ভাড়ুয়া তোক লইয়া যাবে ব্যক্তিগত।—মাণিকচন্দ্র রাজার গান।

এলেমান—ফ্রেঞ্চ Allemands (আল্মান) = জার্মান জাতি।

এহি—অপভ্রংশ প্রাকৃত - এহ, এহি, এহী, এহ, এহু।

ইতরেয়—আবোস্তা অত্রথ, অত্রথু = বর্ধাসুষ্ঠান শিক্ষা। সত্তবতঃ আন্তর (অগ্নি) শব্দের সঙ্গে সম্পর্ক আছে।

ও—সংযোজক অবয়ব। হিব্রু আরবী উ বা ও; ফার্সী উ (ও)।

বৈদিক উত > প্রাঃ উদ, উজ > ও। চর্যাপদে হো, মধারগের বাউল্য হো হ ও অ (হ সংযোগ হুখোচ্চারণের জন্য)। সঃ উত > প্রাঃ পার উতা > উআ > ফারসী উ বা ও।—হুব্বতি-বায়।

সন্ন্যাসী। স* অসৌ > প্রা* ওই। সন্ধান-বাচক অসার। বৈদিক
হয়ে > অহে > ওহে > ও।

ওগরা—প্রা* ওগ গ্র ভস্তা। - কর্ণরমঞ্জরী।

ওছা—অবচ্ছিত।

ওঝা—উপাধার > প্রা* উজ্জ ঝাঝ। ওজ্ ঝাঝ। দিক্কা রাখো।

ওঠ—স* ওঠ > প্রা* ওটঠ।

ওড়না—অবচ্ছিন্ন ওড়ণা।—প্রাকৃতসম্বন্ধ।

ওত—মৈথিল ওত = আড়াল।

ওম—উক > পালি উনহ > উম > ওম।

ওর—স* উরক > প্রা* উরক > গঙ্গাবী ওড়ক, পালি ওর।

ওলন্দাজ—ফ্রেন্স Hollandaise (ওলন্দেজ্)।

ওস—স* অবস্তার > প্রা* ওসসার, পালি ওসসার। = শিশির।

ওস্তাদ—কা* উস্তাদ [উ (= সে, তিনি) + সিতাবন (= দণ্ডায়মান থাকা, বহন করা), সিতায়বন = প্রশংসা করা]] = গুরু, জানী, প্রশংসিত, দক্ষ। ধীর কাছে দণ্ডায়মান থাকতে হয়, বা ধীর প্রশংসা করতে হয় তিনি উস্তাদ।

ওরাজীব—কার্দী ওরজ্ < পল্লবী অররজ্ = দাঁকজমক < প্রা-
পার. অবি-রজ্ < স* অভিরজ্ (সমুজ্জল)। জীব = সংস্কৃত ?

সন্ন্যাসীর গল্প

শ্রীধীরেন্দ্রনারায়ণ রায়

আমি বললুম, “আজ না হয় থাক, সন্ন্যাসী মশায়,
অনেক রাত হয়ে—”

সন্ন্যাসী মশায় তাঁর কবলের বিছানাটা গুটিয়ে রেখে
বললেন, “না চলুন, বাইরে জ্যোৎস্নায়, একটু গিয়ে বসি।
আপনার সঙ্গে আর আমার দেখা বোধ হয় হবে না, কাল
আমি চলে যাব।”

ঘরের মধ্যে মশা বড় ভন্ ভন্ করছিল, গরমও খুব।
বাইরে জ্যোৎস্নার ফিন্ ফুটছে, বাশঝাড়ের ডগার পাতা-
গুলো জ্যোৎস্নার আলোয় চিক্ চিক্ করে জ্বলছিল।

আমি জিজ্ঞাসা করলুম, “আপনি কাল চলে যাবেন,
কিন্তু তাত তো এখানে খাটানো পড়ে রইল, শেখানোর
কি হবে ?”

বাইরের দালানে উঠবার মার্কেল পাথরের ঠাণ্ডা
দিড়ির ওপর জ্যোৎস্নার আলোয় ছুঁয়ে গিয়ে বসলুম।

সন্ন্যাসী মহাশয় একটু অন্তরমনস্কভাবে বাশঝাড়ের
মাথার দিকে চেয়ে রইলেন। প্রায় এক মিনিট আমার
কথার কোনো উত্তর পেলুম না। তারপর বললেন, “তাত
শেখানোর কথা বলছেন ? ও আমি ঘুরে এসে শেখাবো।
নাস্থানেক পরেই আবার আসছি।”

আমি জিজ্ঞাসা করলুম, “এখন আপনি কোথায়
যাবেন ?”

দেখলুম, তিনি আগের মত অন্যমনস্কভাবে
বাশঝাড়ের মাথায় একদৃষ্টে চেয়ে আছেন। আমি চুপ
করে রইলুম। রাত প্রায় বারোটায় কাছাকাছি। কাল
ভোর পাঁচটায় আমার ঘুলে যেতে হবে, আমি মনে মনে
একটু বিরক্ত হলুম। রাত এত হ’ল তবু ঘুমবার
নাম নেই।

লোকটাকে প্রথম হতেই আমার একটু অদ্ভুত
ধরনের মনে হয়েছিল। কক কক বড় বড় চুল, দীর্ঘদেহ,
মুখখানা আর চোখ হুটায় কেমন একটা অস্বাভাবিক
দীপ্তি। যদিও রাত অনেক হয়েছিল, তার পল্ল শুনবার
লোভ আমি সামলাতে পারলুম না।

একটু প্রার্থনাসূচক স্বরে বললুম, “কোনো বিশেষ
গোপনীয়—”

তিনি বললেন, “কিছু না, শুনেবেন ? আপনার আবার
কষ্ট হবে না তো ? অনেক রাত হয়ে গেল। ঘটনা এমন
বিশেষ কিছুই না, তবুও—”

আমি বললুম, “বলুন।”

সন্ন্যাসী মহাশয় বলতে শুরু করলেন,—

“আমি গৃহত্যাগী আজ ত্রিশ বৎসর তা আপনাকে বলেছি। জীবনে আমি কখনও বিবাহ করিনি। আমার ছাত্রজীবন একটু একটু করে আমার অজান্তেই কবে সন্ন্যাসী জীবনে পরিণত হয়ে উঠেছিল, তা আমার মনে পড়ে না। কেশব সেন যখন রামকৃষ্ণ পরমহংসের দলে যাত্রা-আসা আরম্ভ করলেন তখন আমাদের—মানে ছাত্রদের কাছে, পরমহংসের খ্যাতি হঠাৎ বড় বেড়ে উঠলো। সেই থেকেই আমি পরমহংসের ভক্ত। কিন্তু তাঁর জীবদ্দশায় তাঁর কাছে দীক্ষা গ্রহণ করবার সৌভাগ্য আমার হয়নি। আমি দীক্ষা নিলাম তাঁর মৃত্যুর পর মা-ঠাকুরণের কাছে।”

আমি জিজ্ঞাসা করলুম, “মা ঠাকুরণ—”

“পরমহংসের স্ত্রী। দীক্ষা নেবার পর সংসার ছেড়ে দিলাম। চোখের সামনে কোনো আদর্শ খাড়া করে তাই পাবার জন্তে সংসার ছেড়ে দিয়েছিলাম বলে মনে হয় না। একদল লোক আছে, যারা সংসারের বোঝা বইবার উপযুক্ত নয়। সংসারকে তারা ভয়ে দূরে রেখে দেয়। আমি এই দলভুক্ত সন্ন্যাসী, তুচ্ছ লোক। যাই হোক, দীক্ষামাত্র সঞ্চল করে জগতের একটা অপেক্ষাকৃত অনবিরল পথে যখন বেরিয়ে পড়লাম তখন আমার বয়স খুব বেশী নয়। তরুণ মনের ভাব ও কল্পনাগুলোকে ধূনির আগুনে পুড়িয়ে পুড়িয়ে বিকৃত করে ফেললাম। দেখুন, একাজ বড় বিপজ্জনক, অনেকটা জুয়াখেলার মত। আপনি তো বিজ্ঞান পড়েছেন। হীরা কি করে তৈরি হতে পারে তার খিওরী ত জানেন? কার্বন একটা নির্দিষ্ট উত্তাপ আর চাপ পেলে দানা বেঁধে হীরা হতে পারে বটে, কিন্তু নকল হীরা তৈরি করতে গেলে সেই নির্দিষ্ট চাপটুকুর অভাবে তা হয়ে পড়ে কালো কয়লা। দৈবাৎ কোনো বৈজ্ঞানিকের ভাগ্যে নির্দিষ্ট চাপটুকু জুটে গেলে তাঁর কার্বন হয়ত দানা বেঁধে হীরা হয়ে যেতেও পারে, কিন্তু সে—ঐ যে বললাম জুয়া-খেলার মত। আমাদের ভাগ্যে, অনেকদিন ধরে ধূনির আগুনে পুড়লাম বটে, কিন্তু দানা বাঁধবার সময় দেখলুম বাঁধলো কালো কয়লায়। আশপাশের এক আধজন

ভাগ্যবান গৃহত্যাগী ভ্রাতা হীরা হয়ে জমে গেলেন কিনা সেই রাগে তার সন্ধান পর্যন্ত রাখলাম না—হিংসা!”

“ধাক্কা, এই ত্রিশ বছরের ইতিহাস আমার খুব অজুত। এর বেশীর ভাগ শ্রমশানে শ্রমশানে কেটেছে। ভয় জিনিষটাকে দূর করে দিয়েছিলাম। ক্ষুধাতৃষ্ণাকে অনেকটা হাতের মুঠার মধ্যে নিয়ে এসে ফেলেছিলাম। শীতগ্রীষ্মও গ্রাহ্য করিনি। বনের কালো কচু জানেন? অরক্ষণের দিন যার ডাঁটা সিঁদ্ধ করে খান। এই ত্রিশ বৎসরের জীবনে অনেক দিন ঐ বেকচুর ডাঁটা আমার একমাত্র খাদ্য ছিল। বিনা মসলায় খেয়েচি, হুন তেলও না দিয়ে, শুধু সিঁদ্ধ করে। ভোগের আকাঙ্ক্ষা জিনিষটা ক্ষুধার মত। ক্ষুধা যেমন মরে যায়, ও জিনিষটাও তেমনি আহুতি না পেলে মরে যায়। কাজেই এ—”

আমি বললুম, “এর সত্যতা তর্কসাপেক্ষ।”

সন্ন্যাসী মহাশয়ের মুখে একটু মুহূর্ত হাসি দেখা দিল। আমার কথার কোনো উত্তর দিলেন না। তারপর বলতে লাগলেন,—

“সেবার কাস্তিক মাসে যশোর জেলায় অত্যন্ত কলেরার মড়ক হ’ল। অনেক গ্রাম একেবারে জনশূন্য হয়ে পড়লো। গবর্ণমেন্ট গুহু ও ডাক্তার পাঠিয়ে অনেক জায়গায় ডাক্তারখানা খুলিয়ে দিলেন। শীতের মাঝামাঝি, শীতটা যেই একটু বেশী করে পড়লো, এদিকে মড়কও ক্রমে কমে গেল। যেই শীতকালের শেষে চৈত্রমাসের প্রথমে আমি যশোর জেলায় ঘুরতে ঘুরতে বাজিতপুরের শ্রমশানে গিয়ে আশ্রয় নিলাম। বাজিতপুর জানেন? যশোর জেলায়—নবগঙ্গার ধারে ঠিক বলা যায় না, কারণ গ্রাম থেকে নদী প্রায় তিন পোয়া পথ। নবগঙ্গা খুব বড় নদী নয়, জায়গায় জায়গায় টোকা পানা আর জল কাঁজির দামে একেবারে ভরে গিয়েছে। বাজিতপুর গ্রামের প্রায় দুই মাইল দূরে এই নদীর ধারে খুব বড় একটা তেঁতুল গাছ আছে। এই তেঁতুল গাছ কতদিনের তা কেউ বলতে পারে না। এর ডালগালা অনেকদূর জুড়ে থাকে। এরই আশেপাশে নদীর

ধারে অনেকদূর পর্যন্ত বিস্তৃত শ্মশান। চারিপাশের অনেকগুলো গ্রামের লোক এই শ্মশানে শবদাহ করতে আসে।

“সেবার চৈত্র মাসের প্রথমে আমি যশোর জেলায় ঘুরতে ঘুরতে এই বাজিতপুরের শ্মশানে গিয়ে ধূনি জ্বালাম। অত-বড় শ্মশান আমি আর কখনও দেখিনি। পাশ দিয়ে নবগঙ্গা বয়ে যাচ্ছে, ছোট্ট মেয়েটির মত, তীরের বন ঝোপের সঙ্গে হাসিখেলা করতে করতে, সহজ সরল ক্রীড়াশীল গতিতে। নদীর দক্ষিণ তীরে বিস্তীর্ণ জঙ্গল। তারই পেছনে আরও প্রায় দেড় মাইল দূরে গ্রাম। নিকটে কোনো দিকে কোনো লোকালয় নাই। গত মড়কের সময় লোকে শবদাহ করে উঠতে পারিনি বোধ হয়, নদীর ধার থেকে তাই বড় তেঁতুলগাছটার তলা পর্যন্ত চারিদিকে মড়ার মাথা ও কঙ্কাল ছড়ান পড়ে ছিল।”

“সেদিন কোন্‌ তিথি তা আমার ঠিক মনে পড়চে না, মোটের ওপর সেদিন সন্ধ্যার পরই অন্ধকার ভয়ঙ্কর ঘনিয়ে এল। আবলুন্‌ কাঠের মত কালো অন্ধকার। তেঁতুল গাছটার সর্ব্বাঙ্গে, দূর জঙ্গলের বুকের মধ্যে সেই অন্ধকারে চারিপাশে, আকাশে বাতাসে কেমন একটা পাথরের মত কঠিন নিষ্পন্দ নির্জনতা ধুম্‌ ধুম্‌ করতে লাগলো। নদীর ওপারের গাছপালাগুলো দেখতে হ’ল যেন শুধু একরাশ জমাট-পাকানো অন্ধকার। তেঁতুলগাছটার সর্ব্বাঙ্গে অসংখ্য জোনাকী পোকা জলে সেই বিশাল অন্ধকার মাথানো গাছটার মুক্তিকে আরও ভয়ানক ক’রে তুলেছিল। বিশাল আঁধারে শ্বাসরুদ্ধ প্রকৃতি কেবল একটু শ্বাসপ্রশ্বাস গ্রহণ করছিল সেই জায়গাটুকু দিয়ে যেখানটায় নবগঙ্গার মাঝ-জল নক্ষত্রের ক্ষীণ আলোর একটুখানি উজ্জ্বল হয়ে উঠেছিল।

“এ রকম জায়গায় কখনও কাটিয়েছেন? এই রকম নির্জন, শব্দহীন স্থানে মনের কোন্‌ রুদ্ধ দ্বার আপনা-আপনি খুলে যায়। লোকজন কেউ কোনদিকে নেই দেখে এই সব স্থানে লজ্জাকুণ্ঠিতা প্রকৃতিরূপী তাঁর মুখের আবরণ দীর্ঘে অপসারিত করেন—যে সে-সময় এখানে থাকে সে-ই তা দেখতে পায়।

“প্রায় সমস্ত রাত কেটে গেল। শেষরাতের দিকে আমি বড় ক্ষুধা অনুভব করলাম। সেদিন সারাদিনমান আমি কিছুই খাইনি। ভিক্ষা করা অভ্যাস ছিল না, যে যা স্বচ্ছন্দ দিয়ে যেতে তাই খেয়ে প্রাণধারণ করতাম। লোকালয় থেকে বহুদূরে এ নির্জন শ্মশানে আমায় আর কে কি দিয়ে যাবে? কাজেই সমস্ত দিন অনাহারে ছিলাম। কিন্তু অনেক রাত্রে ক্ষুধার স্বর্ণাণ বড় বেশী হ’ল। তখন চৈত্র মাসের প্রথম পাকা তেঁতুলের সময়। ভাবলুম তেঁতুলতলায় গাছ থেকে নিশ্চয় তেঁতুল পড়ে থাকবে। হাসবেন না—তারপর রাতহুপুরের সময় সন্ন্যাসী-মশায় চললেন তেঁতুলতলায় তেঁতুল কুড়িয়ে খেতে। ধূনির একখানা জলন্ত কাঠ নিয়ে গেলাম, আলো পাবার জন্যে। সেখানে গিয়ে দেখলুম, একটা টাটকা চিতা, কারা সেদিন কাউকে দাহ করে গিয়েছিল। দেখলুম তারা একটা কলনীতে কিছু চাল কেলে গেছে। চিতাপিণ্ড দেবার জন্তে নিয়ে এসেছিল, বোধ হয় বেশী হয়েছিল—কেলে রেখে গেছে। চালহুজ্জ কলসীটা নিয়ে এলুম। কলসীটার উপরটা ভেঙে কেলে দিয়ে জল দিয়ে ধূনির আগুনে সেই চালগুলো চড়িয়ে দিলুম।

“ক্রমে রাত শেষ হয়ে এল। নদীর ওপারে অনেক দূরের গ্রামের বনগাছের পেছন থেকে চাঁদ উঠতে লাগলো। সে-ঝোপ আলো-আঁধারে অতি অন্ধুত দেখতে হ’ল—একটা বহুদিনের হুপ্ত প্রকৃতি যেন তজ্রাজ্জ্বিত চোখ মেলছে, কোন দূরদেশের নতুন বিবর্তনের ইতিহাস-ভরা স্থিতির অস্পষ্ট আলোয়। এদিকে আমার ভাত হয়ে গেল, ভাত নামিয়ে রেখে বড় কমণ্ডলুটা নিয়ে নদীতে জল আনবার জন্তে গেলুম। শ্মশানের ধারে একটা ছোট ঘাট মতন আছে। শবদাহ করতে এসে লোকে সেই ঘাট থেকে কেউ জল নেয়, তার ছ’পাশেই ঘন শর-বন। ঘাটে নেমে মাথা নীচু করে কমণ্ডলু ভর্তি করছি, হঠাৎ শর-বনের ফাঁক দিয়ে দেখতে পেলুম ঘাটের বা-ধারের শর-ঝোপের ও-পাশে সাধা মতন কেউ যেন নড়চে। মাথা তুলে শর-ঝোপের ও-পাশে চেয়ে দেখি সত্যিই কে যেন মাথা নীচু করে নদীর ধারে কি যেন হুড়িয়ে

বেড়াচ্ছে। অত্যন্ত ভয়ে আমার বুকের রক্ত হিম হয়ে গেল। খুব আশ্চর্য্যও হলুম। ভাবলুম এত রাত্রে কে এখানে আসবে? এর কোনো দিকে লোকালয় নেই, সকলের চেয়ে নিকটে যে গ্রাম শুভরত্নপুর, তা এখান থেকে দেড় মাইল দূরে। এও সম্ভব নয় যে এত রাত্রে কোনো জেলে নদীর ধারে মাছ ধরতে এসেচে, আর যদিও আসে তো তার নৌকা কই? এত রাত্রে আশানের ধারে মাছ ধরতে আসবেই বা কে সাহস করে? পাড়া-গাঁয়ের আশান কেউ জমা রাখে না যে তাদের কেউ এসে রাত্রে আশান চৌকি দিচ্ছে। প্রথমটা একটুখানি সেখানে চূপ করে দাঁড়িয়ে রইলুম। পরক্ষণেই দুর্বলতা জোর কোরে বেড়ে ফেলে ভাবলুম—কি এমন? দেখিই না। শরবন ঘুরে ও-পাশে গিয়ে দেখলুম সত্যিই কে যেন মাথা নীচু করে বেড়াচ্ছে, আমার থেকে তার দূরত্ব প্রায় পনর-ষোল হাত। হঠাৎ আমার পায়ের শব্দ শুনেই বোধ হয় সে আমার দিকে ফিরে চাইলে। চাইতেই দেখলুম, যে ফিরে চাইলে সে পুরুষ নয়, রমণী। ধাক্কা খেয়ে আমার সাহস বেড়ে গেল। আমি জোর করে পা বাড়িয়ে আরও খানিক এগিয়ে গেলুম। তখন বেশ চাঁদ উঠেছিল। কাশফুলের মত সাদা ধপ ধপে জ্যোৎস্না চারিদিক ধুয়ে দিচ্ছিল। দেখলুম রমণী তরুণী। কপাল পর্য্যন্ত ঘোমটা-টানা, মুখ বেশ খোলা। অত্যন্ত বিষয়ে আমি হতবুদ্ধি হয়ে কি ভিজ্ঞাসা করব ভাবচি, এমন সময় সে বেশ সহজ স্বরে বললে,—আমি ভেবেছিলাম এখানে কেউ থাকে না। তুমি কি এখানে থাকো? মেয়েটির গলার সুর শুনে আমার কি জানি কেন হঠাৎ সমস্ত ব্যাপারটাকে খুব স্বাভাবিক মনে হ'ল। যেন আশ্চর্য্য হবার কিছু নেই, যেন আমি এইটাই আশা করছিলাম। আমি বললুম,—আমি সন্ন্যাসী মাস্তুল। আশানে আশানে বেড়ানই আমার কাজ। কিন্তু তুমি এখানে কোথা থেকে কি করে এলে মা? সে বললে,—সত্যি সত্যি তুমি সন্ন্যাসী! তার কথার ভাবে অত্যন্ত বিষয়ের উপরেও আমার হাসি পেল। আমি বললুম—না হ'লে এত রাত্রে কি এখানে আর কেউ থাকে। কিন্তু তুমি কি একা এসেছ মা, তোমার সঙ্গে কেউ নেই?...দেখলুম

আমার প্রদেয় দিকে তাঁর লক্ষ্য নেই, তিনি একটু মনোযোগের সঙ্গে শর-বনের কোণের জলের ধারে চেয়ে কি দেখছেন।

“জ্যোৎস্নার আলো তাঁর মুখে, সর্ব্বাঙ্গে পড়েছিল। চাঁপা ফুলের রঙের সঙ্গে সাদা গোলাপের আভা মিশলে যে-রকম রং হয় তাঁর গায়ের রংটা সেই রকম। মুখের গড়ন যে অত সুন্দর হতে পারে তা আমার ধারণাই ছিল না। চোখ দুটায় কেমন অস্বাভাবিক দীপ্তি—আর সে দুটা এত কালো যে কোথায় তুরূ শেষ হয়ে চোখের আরম্ভ হয়েছে তা যেন ধরা যায় না।

“হঠাৎ রমণী এমন করে আধখানটা ঝুঁকে পড়ে লক্ষ্য করতে লাগলেন, যেন সেইটাই তাঁর লক্ষ্যীয় বিষয়। তাঁর দৃষ্টির রেখা ধরে চেয়ে দেখলুম, তাঁর দৃষ্টি বন্ধ হয়ে আছে শর-বনের পাশের একটা কি সাদা জিনিষের ওপর। ভাল করে চেয়ে দেখলাম সেটা একটা মড়ার মাথা। তিনি তারপর আমার দিকে চেয়ে বললেন,—তুমিও তো এখানে থাক, আমার মণ্টুকে দেখেছ? ... বললুম—মণ্টু, কে মা? তিনি বললেন,—মণ্টু, মণ্টু আমার খোকা। ... তাঁর চোখের দিকে চেয়ে আমি পূর্বেই বুঝেছিলাম, এখন বেশ বুঝতে পারলুম, রমণী যিনিই হোন, তিনি প্রকৃতিস্বা নন। বললুম,—এস মা আমার সঙ্গে, আমি এখানে তেঁতুলগাছের কাছে থাকি—আমি সব বলছি। তিনি অত্যন্ত আগ্রহের স্বরে বললেন,—তুমি, তুমি জানো? তুমি তাকে চিনতে?—মণ্টুকে? ... বললুম, মা, আমি এখানে নতুন এসেছি, আমি তো ঠিক জানতুম না। তুমি এস আমার সঙ্গে। তিনি আমার সঙ্গে সঙ্গে এলেন। ... বললুম,—মা, তুমি কোথা থেকে আসচো? তোমার বাড়ী কোন্ গ্রামে? ...

“তিনি দেখলুম একটু বিষয়ের সঙ্গে আমার আসবাব-পত্র লক্ষ্য করছেন—কমণ্ডলু, ধুনি, কবল, ভাতের হাঁড়ি, পুঁথি। তারপর আমার দিকে চেয়ে বললেন,—ই্যাগা এসব কি? তুমি কি বাড়ী যাও না? এখানেই থাকো? আমি বললুম,—আমার বাড়ী ত নেই মা। আমি এখানেই থাকি। তুমি বলো, দাঁড়িয়ে কেন মা?

“তিনি হঠাৎ অন্ধদিকে মুখ ফিরিয়ে বললেন, আমি বসব না, যাই, তাকে একটু খুঁজিগে। দেখলুম তিনি চলে যেতে উন্মত্ত হয়েছেন, বললুম,—মা, আমি বলছি তুমি এখানে বসো। আমি আগে সব শুনি। তারপর বরং—

“তার মুখ আফ্লাদে উজ্জ্বল হয়ে উঠল। বললেন,—আচ্ছা আমি বলছি, তুমি বোধ হয় বলতে পারবে এই-খানেই সে কোথায় আছে, তাকে এইখানেই এনেছে কিনা? তিনি ধূনির ও-পাশে বসলেন।

“ধূনির আলোয় ভাল করে তার মুখ দেখলুম, মনে হ’ল জগতের সৃষ্টিতত্ত্ব যতই জটিল হোক না কেন, যে শিল্পীর এসব সৃষ্টি, সে তুলি ধরেছিল বটে! তার শুভ্র, স্বপ্নগোল হাতের বালা দুটি আর গলার সরু হারগাছটা আলোয় যেন জলে উঠলো। নারীর সৌন্দর্য্য যে সৃষ্টির একটা কত-বড় ঐশ্বর্য্য, তা বেশ বুঝতে পারলুম।

“আবার জিজ্ঞাসা করলুম,—তোমার বাড়ী কোন্ গাঁয়ে, মা?...তিনি আঙুল তুলে বনের দিকে দেখিয়ে বললেন,—ওই যে ঐদিকে, শুভরত্নপুর।

“আমি বললুম,—মা, এ জায়গায় আশা কি ভাল? একা বেরিয়েছ কি ব’লে?

রমণী বিশ্বয়ের স্বরে বললেন, আমি একা তো আসিনি। আমার মটরকে তারা এখানেই এনেছে, তাই আমি এলাম তাকে খুঁজতে। তারা আমার আসতে দেয় কি না? আমি লুকিয়ে এসেছি।

“আমি মনে করেছিলুম যে, ক’রে হোক ভুলিয়ে তাকে সকাল পর্য্যন্ত সেখানে আটকে রাখব, তারপর ভোর হ’লে যা-হয় করব। বললুম,—আসতে দেয় না কেন? বারণ করে বৃষ্টি? তিনি বললেন—বারণ করে? দেখবে, এই দেখ। তারপর আলোর কাছে হাত দুটোর খানিকটা খুলে দেখালেন, দেখলুম কচুইয়ের খানিকটা ওপরে অমন সুন্দর চাঁপা ফুলের রঙের হাতে যেন কালো রক্ত ফেটে পড়ছে। বললেন,—দেখলে? বেঁধে রেখেছিল। আমি লুকিয়ে এসেছি—আমার এই-খানে কেটে গিয়েছে, আমি আমার মটর কাছে আসি, তাই ওরা—তারপর হঠাৎ যেন অভিমানে হুঁপিয়ে জোরে কেঁদে উঠলেন।

“এক মুহূর্তে আমার পুরুষ-স্বদয়ের সমস্ত সহানুভূতি গিয়ে এই অসহায়, নিপীড়িতা, শোকবিহ্বলা, হুঁতগিনীর ওপর পড়ল। আমি কি ব’লে সাহসনা দেব তা বুঝতে পারলুম না।

বললুম,—মা, কেঁদো না—ছিঃ—কাঁদো না—

ছোট মেয়েকে যেমন করে সাহসনা দেয়, তেমনি কথায় তাঁকে বোঝাতে আরম্ভ করলুম।

তিনি আবার বললেন—ছেলের আমার কি বুদ্ধি! অসুখ হয়েছিল, তা পথি করবে কি না? কবিরাজ মশায় তো ভাত খেতে বারণ করে দিয়ে গেলেন—ছেলে কেঁদে খুন ভাত খাবেই। আমি খই চটকে ভাল দিয়ে মেখে ভাত ব’লে নিয়ে গিয়েছি খাওয়াতে—ই্যা ছেলে তাই খাবে কি না? বলচে, এ বৃষ্টি মা ভাত? এ তো খই! এই বয়েসে এত বুদ্ধি। পূজোর সময় জামা কিনে দেওয়া হ’ল, নতুন জামা বাস্লে তোলা রয়েছে, বাছা মোটে বার-দুই গায়ে দিয়েছিল—

পরে চারিধারে চেয়ে চিন্তিত মুখে অনেকটা যেন আপন মনেই বললেন—তাই তো এই রাত, এই অন্ধকার, দেখ তো ছেলে কোথায় গেল?

আমি সংসারী নই, এ ধরনের অভূত অবস্থার কখনও জীবনে পড়িনি—আমি তো একেবারে হতবুদ্ধি হয়ে গিয়েছিলুম—কি ব’লে সাহসনা যে দিই, মুখে আমার কোনো কথা যোগায় না। তবে একটা বুদ্ধি ভগবানই বোধ হয় আমার মাথার মধ্যে দিয়ে দিয়েছিলেন—আমি তার ভুল ভাঙবার কোনো চেষ্টাই করলুম না।

অনেকক্ষণ পর্য্যন্ত নানা কথায় তাঁকে অন্তরমনস্ক ক’রে রাখার চেষ্টা করছিলুম—আরও প্রায় ঘণ্টাখানেক পরে পূর্ব আকাশ করসা হ’তে দেখে হাঁপ ছেড়ে বাচলুম। চাঁদ ক্রমে নিশ্চত হয়ে এল—নক্ষত্র মিলিয়ে যাচ্ছিল—দেখতে দেখতে ওপারের কষাড় ঝোপগুলো দিনের আলোয় ম্লষ্ট হয়ে উঠলো।

হঠাৎ একটা ব্যাপার ঘটে গেল—মেয়েটি খানিকক্ষণ থেকে কোনো কথা না বলে চুপ করে বসে ছিল। চারিধারে সেইটুকু মাত্র দিনের আলো ফুটবার সঙ্গে সঙ্গে সে যেন চমকে উঠে একবার চারিদিকে বিশ্বয়ের দৃষ্টিতে চেয়ে

দেখলে, কি যেন একটা সে বুঝতে পেরে উঠচে না। পরে একবার আমার দিকে অবাক চোখে চেয়ে দেখলে, যেন আমাকে এর আগে আর কখনও দেখেনি, এইমাত্র যেন ঘুম ভেঙে উঠে দেখে, তারপরই একটা অশ্রুত আওয়াগ্ন করে তাড়াতাড়ি উঠবার চেষ্টা করতে গিয়েই মুচ্ছিত হয়ে পড়ে গেল।

আমি বললুম এতো রীতিমত রূপকথা। সন্ন্যাসী-মশায় তারপর তারপর কি হ'ল ?

সন্ন্যাসী-মশায় বললেন—শেষটুকু রূপকথার মত নয়। শুধু তারপরে। আমি তো মুচ্ছিতা মেয়েটিকে ছেড়ে কোথাও যেতেও পারিনি, কাউকে খবর দিতেও পারিনি। কলসীর জল মেয়েটির চোখে মুখে দিচ্ছি, সেই সময় তেঁতুল-জঙ্ঘলের আড়ালে অনেক লোকের গলার আওয়াজ কানে গেল—সঙ্গে সঙ্গে তারা বার হয়ে এল—আট দশজন লোক। পেছনে একটা পাকী, একটা ত্রিশ-বত্রিশ বছর বয়সের যুবক, আর একটা পঁয়ষট্টি বছরের বৃদ্ধ ভ্রলোক। আমি তাঁদের চীৎকার করে ডাক দিলুম। তারা ছুটে এল। মেয়েটির অবস্থা দেখে বৃদ্ধটি তো ছেলেমানুষের মত কেঁদে উঠলেন—সকলে মিলে ধরাধরি করে মুচ্ছিতা মেয়েটিকে নিয়ে গিয়ে পালকীতে তুললে।

বৃদ্ধ ভ্রলোকটির মুখে ব্যাপার যা শুনলুম তা সংক্ষেপে এই। বৃদ্ধের নাম রামনারায়ণ চৌধুরী, শুভরত্নপুরের জমিদার। মেয়েটি তাঁর বড় পুত্রবধূ। সঙ্গে যুবকটিই গুর স্বামী। গত কান্তিক মাসের শেষে বৃদ্ধের পাঁচ বছর বয়সের একমাত্র পৌত্র কলারায় মারা যায়। মাসখানেকের মধ্যে ভেবে ভেবে পুত্রবধূটির মন্ত্রবিকার ঘটে। দিনমানে কিছুই না, বেশ সহজ মাছ, রাত হবার সঙ্গে সঙ্গে তিনি একেবারে উন্মাদ হয়ে উঠতেন, যা তা বলতেন, ছুটে বাড়ী থেকে বেরিয়ে যেতে

চাইতেন। আরও বার-তুই এইভাবে পালিয়ে গিয়েছিলেন ব'লে তাঁকে আটকে রাখা হ'ত। (বোধে রাখার কথা স্পষ্ট কিছু বললেন না অবশ্য)। কাল রাতে কি ভাবে কখন চলে এসেছেন তা কেউ জানে না, রাত তিনটার সময় ঘটনাটা ধরা পড়ে। তখন থেকেই সবাই খুঁজতে বার হয়েছে। আরও ছবার এর আগে এই স্থান থেকে ধরে নিয়ে যাওয়া হয়েছিল, তাই সবাই এই স্থানেই আগে এসেছে খুঁজতে।

আমি আগ্রহের স্বরে বললুম—তারপর ?...

—তারপর আর কিছুই না, তাঁরা গুঁকে নিয়ে চলে গেল।

—আমি সে কথা জিগোস্ করিনি। তারপর মেয়েটির কি হ'ল ? একতদিন আগের ঘটনা বলছেন ?

—প্রায় আঠার-উনিশ বছর আগেকার কথা।

—তারপর আর আপনি বাজিতপুরে যাননি ?

মেয়েটির কথা আর কিছু জানেন না ?

সন্ন্যাসী মুহু মুহু হাসিমুখে চুপ করে রইলেন। খানিকক্ষণ পরে শাস্ত্রস্বরে বললেন—তিনিই তো এখন এই বৃড়ো ছেলের মা, তিনিই তো দেখছেন শুনছেন। এই নবাব উৎসবে সেখানে গিয়েছিলুম, মা কি ছেড়ে দিতে চান ? দু-মাস ধরে রাখলেন। আহা, মা আমার।

—আচ্ছা, এখন তিনি—

এখন তিনি বাজিতপুর জমিদার বাড়ীর অন্নপূর্ণা। পাঁচটি ছেলেমেয়ের মা, ঘরের সর্বময়ী কত্রী। অন্ন-বয়সের সে রোগ অনেকদিনই সেরে গিয়েছে অবশ্য। কিন্তু মণ্টুকে এখনও ভুলতে পারেন নি—এখনও মাঝে মাঝে নাম করেন।

কথা শেষ করে সন্ন্যাসী ঠাকুর অন্যান্যক দৃষ্টিতে সামনের বাঁশঝাড়ের মাথার দিকে আবার চেয়ে চুপ করে রইলেন।



ভারতে চলচ্চিত্র

শ্রীনলিনী রায়

চলচ্চিত্র শিল্প-হিসাবে জগতের দৃষ্টি আকর্ষণ করেছে খুব বেশী দিনের কথা নয়। আমেরিকার দেখা-দেখি রুশিয়া, জার্মানী, ইংলণ্ড প্রভৃতি দেশেও এটা শিল্প-হিসাবে জেঁকে বসেছে। জীবনযাত্রায় এর প্রয়োজন থাকায় এবং এই ব্যবসাতে শতকরা সাত শত টাকারও উপর লাভের অংশ বিতরিত হওয়ায় ছিন্মার অগ্ন্যস্ত্র জাতগুলোও এটাকে সবদিক থেকে সুন্দর করে গড়ে তুলবার জন্তে প্রাণপণ চেষ্টা করছে, শিল্পজগতে তাঁদের এই নতুন আবিষ্কারের ঢেউ এদেশেও এসে পৌঁছেছে। কলকাতা, রেঙ্গুন, বোম্বে, মাদ্রাজ প্রভৃতি বড় বড় শহরে অনেক কোম্পানীর প্রতিষ্ঠা হয়েছে। তারা চল্চেও মন্দ নয়।

অপরাপর দেশের কথা বাদ দিয়ে ভারতে এর ভবিষ্যৎ সম্বন্ধে আলোচনা করলে এই মনে হয় যে, অগ্ন্যস্ত্র দেশের চাইতেও কম সময়ের মধ্যে চলচ্চিত্র এদেশে তার পাকা আসন গাড়বে।

সিনেমা ফিল্ম তৈরি করার পক্ষে এদেশের আবহাওয়া সব দেশের চাইতে বেশী উপযোগী। প্রাচ্য ও পশ্চাত্য অগ্ন্যস্ত্র দেশে এটা তৈরি করার জন্যে কৃত্রিম শীত ও তাপের 'প্রয়োজন' হয়; কিন্তু প্রকৃতির কৃপার প্রাচুর্যে এদেশে আর ওসব হাকাম পোহাতে হয় না। একই ঋতুতে শীত আর তাপের তীব্রতা শুধু এদেশেই দেখতে পাওয়া যায়।

পৃথিবীর প্রথম যুগের সভ্য মানুষের জন্মভূমি এদেশে। তাঁদেরই শিল্পনৈপুণ্যের নিদর্শনস্বরূপ নানা জাতি ও ধর্মের স্থাপত্যকৌশ্তি, সুন্দর সুন্দর প্রাসাদ, উপবন, প্রাচীন চূর্ণ পরিখা, মন্দির মসজিদ ধ্বংসস্থাপ, ইত্যাদিতে সুন্দরী পৃথিবী তাঁর প্রিয়তমা কন্যা, নিখার হৃদ নদনদী পরিপূর্ণ, সিরি সাগর আবেষ্টিতা, এই ভারতভূমিকে সাজিয়েছেন। আর সৃষ্টির প্রথম যুগ

থেকে শুরু করে বর্তমান শতাব্দী পর্যন্ত বিভিন্ন তরুর, বিভিন্ন প্রকৃতির এবং বিভিন্নরূপ গঠন বর্ণ ও আকৃতির মানুষ শুধু ভারতেই দেখা যায়। সিনেমার পক্ষে বিশেষ প্রয়োজনীয়, এদেশের প্রাকৃতিক এ-সব সুবিধাগুলি অন্য দেশে নেই, তাই অপরাপর দেশের মত ভারতে সিনেমা ফিল্ম তৈরি করা তত ব্যয়-সাপেক্ষ নয়। শ্রমের দাম খুব কম বলে এদেশে অভিনেতা-অভিনেত্রীদের জন্যেও টাকা বেশী খরচ করতে হয় না। যে-কাজের জন্যে এদেশের অভিনেতা-অভিনেত্রীরা মাত্র কয়েক টাকা পেয়ে থাকেন, ইউরোপ বা আমেরিকার শিল্পীরা, সেই কাজে ইংলণ্ডের প্রধান মন্ত্রীর বেতনের চাইতেও অনেক গুণ বেশী দাবি করেন। এই গেল উৎপাদনের ব্যয়স্বল্পতার কথা।

লোক-সংখ্যার তুলনায়ও এদেশে প্রদর্শনী-ঘর খুব কম। আমেরিকার ১২ কোটি লোকের জন্তে ২০,৫০০, অষ্ট্রেলিয়ার ৬০ লোকের জন্তে ১,২১৬, ব্রিটনে ৪৭,১৪৬,৫০৬ লোকের জন্তে ৩,৭০০, জার্মানীর ৬২,৫০২,০০০ লোকের জন্তে ২,২০০ এবং জাপানে ৮,৩৪৫,৪০০ লোকের জন্তে ১,০৫০টি সিনেমা-গৃহ আছে, আর আমাদের দেশের ৩২ কোটি লোকের জন্তে আছে—চার শ। এতদিন এদেশে বায়োস্কোপ দেখার আগ্রহ কম ছিল বলে এত অল্প সংখ্যক সিনেমা-গৃহ দিয়েই কোনো রকমে চলে যেত, এখন কিন্তু তা আর হচ্ছে না। চাহিদা বেড়েই চলেছে, জোগানও দিতে হচ্ছে খুব, অথচ ভাল দেশী ফিল্মের অভাব রয়ে গেছে প্রচুর।

বিদেশীর চাইতে দেশী ফিল্মের চাহিদা বেশী। তার কারণ প্রত্যেকেই তার পারিবারিক ও সামাজিক জীবনের কাছাকাছি কাহিনী দেখতে শুনতে পছন্দ করে, সহজ মাডুভাবায় লিখিত অংশ লেখা হয় বলেও দেশী ফিল্ম অধিক জনপ্রিয়।

এ কথা ইণ্ডিয়ান সিনেমা কমিটি রিপোর্ট অল্পমোদন করেছেন। তাঁহাদের মতে ব্যবসাদারদের সাক্ষ্য থেকে বোঝা যায় যে, খাটি ভারতীয় দর্শকদের কাছে ভারতীয় ফিল্ম দেখালে পাশ্চাত্য ফিল্ম দেখানোর চেয়ে বেশী লাভ করা যায়। ভারতীয় ফিল্ম তৈরি করা একটি লাভজনক ব্যবসা। এই ফিল্ম ভাল হ'লে ফিল্ম উৎপাদন ব্যবসায়ীর প্রচুর লাভ হয়।

ভারতবর্ষ একটা আজব দেশ, এর পথেঘাটে সাপ, বাঘ, বনমামুষ, সাধু-সন্ন্যাসী ইত্যাদি পাওয়া যায়। ভেট্টেড ইন্টারেস্ট-ওয়ালাদের রূপায় এ ধারণাটা বিদেশীদের অনেকেরই আছে। প্রাচীন সভ্যতা ইত্যাদির কথাও যে দু-চারজন জানতে না চান এমন নয়। তাই উৎসুক ও জ্ঞানপিপাসু, দু-দলই ভারতবর্ষকে খুব ভাল-ভাবে জানতে চায়। এ জানাটা ফিল্মের ভিতর দিয়েই হৃন্দরভাবে হ'তে পারে ব'লে এ দেশী চলচ্চিত্রের বাজার বিদেশেও প্রচুর পরিমাণে আছে। এসব দেখে মনে হয় এ শিল্পটাকে মন প্রাণ দিয়ে গড়ে তুললে মামুষ হয়ত একদিন আমেরিকার অয়েল কিং, মাইন কিং দেরও ছাড়িয়ে যেতে পারে।

প্রয়োজনীয়তার দিক থেকেও চলচ্চিত্রের তুলনা হয় না। শিক্ষার কথা ধরা যাক। বাস্তব জীবনের অতি-প্রয়োজনীয় অনেক বিষয়, যথা—স্বাস্থ্যরক্ষা, পথঘাট পুকুর পরিষ্কার রাখার কলাকল, মহামারীর প্রতিকার, শিশুমৃত্যু-নিবারণ, সম্ভানপালন, খাটি ও ভেজাল খাদ্যের দোষগুণ, চরকা কাটা, তাঁত-বোনা, আমোদ-প্রমোদের মধ্য দিয়েই অল্প জনসাধারণের মনে প্রবেশ করানো যায়। উন্নত ধরণের চাষ-আবাদের ব্যবস্থা, গো-পালন, মোমাছি-পালন, হাঁস মুরগীর চাষ, শারীর বিজ্ঞান, নতুন নতুন বৈজ্ঞানিক আবিষ্কার, দেশ বিদেশের পুরাণ ও ইতিহাস, বিভিন্ন সামাজিক জীবনের তুলনামূলক আলোচনা, ইত্যাদি বিষয় সিনেমার সাহায্যে প্রচার করলে অনেক কাজ হয়। শতকরা দুইশ লিখতে-পড়তে-জানা দেশে বর্ণমালা শিখিয়ে জাতীয় আন্দোলনে ও জাতীয় ভাবে দেশকে উন্নত করা দুঃসাধ্য। পঞ্চায়েত সম্মাননে

বায়োকোপই শ্রেষ্ঠ উপায়। রুশ-বিপ্লবের পূর্ব ও পরের অবস্থা তার প্রত্যক্ষ প্রমাণ।

সত্যিকারের শিল্পীদের দিয়ে চলচ্চিত্র তৈরি হ'লে অপরাপর সহযোগী শিল্পের চাইতে এতে আনন্দ পাওয়া যায় বেশী। আবার থিয়েটারের চাইতেও হৃন্দর পারিপার্শ্বিক অবস্থার সৃষ্টি করতে পারে ব'লে লোকের ঝোঁক সিনেমার প্রতি বেশী হয়। সময়ের অল্পতাও অধিক আকর্ষণের কারণ হ'তে পারে।

বিনা আনন্দে জীবনের সৃষ্টি হয় না। নিপীড়িত, নিগৃহীত, নিরানন্দ গরিব দেশে সম্ভাব্য আমোদ পাওয়াও ত কম কথা নয়। তবে বায়োকোপের মধ্য দিয়ে ভারতের প্রাচীন সভ্যতা, বিশিষ্টতা ইত্যাদির প্রচার করলে মেয়ে বিবির দল খুশী না হ'তে পারে।

আর একটা দিক ভাববার আছে, কোম্পানীর ফেল পড়া। কতকগুলি কোম্পানী ফেল হওয়ার কারণ অহুসন্ধান করলে জানা যায় যে, বেশীর ভাগ কোম্পানীই ব্যবসা ও নাট্যকলার দিক একই ব্যক্তির হাতে ছেড়ে দেন। তিনি আবার খুশীমত তাঁর প্রিয়পাত্র-পাত্রীদের যোগাতার চাইতেও নাম দেন বেশী। আবার কেউ কেউ ফিল্মে উপযুক্ত ব্যয় না ক'রে ফিল্মের টাকা দিয়েই অগ্নান্ত-ব্যবসা শুরু করে দেন। এতে বিপদ হয় এই যে, সবগুলো ব্যবসাকেই অকালে মরতে হয়। অংশীদারদের মধ্যে ভাগ-বাটোয়ারা নিয়ে গোলমালও ফেল পড়ার আর একটা কারণ। চলচ্চিত্রের অযোগ্যতার জন্তে ভারতে কোম্পানী উঠে যেতে বড় দেখা যায় নি। তবু একথা সত্যি বলতে হবে যে, যোগ্য ও অভিজ্ঞ ডিরেক্টরের অভাব আছে যথেষ্ট। কেবল কয়েকটা সিনেমা কোম্পানী গড়ার সখ চেগে উঠতেও মাঝে মাঝে দেখা যায়। কিন্তু ঐ বিদ্যে দিয়ে যে শিল্প সৃষ্টি হয় না, ছুদিনেই সেটা ধরা পড়ে যায়। টেকনিক জিনিষটা অত সহজে শেখা গেলে সকলেই সব শিল্প সৃষ্টি করতে পারত।

ডিরেক্টর কেবল শিল্পী হ'লে হবে না, তাঁর মোটামুটি সর্ববিদ্যাশিষারদ হওয়াও একটু প্রয়োজন। যুদ্ধক্ষেত্রে

যোদ্ধারা সর্বদাই শত্রুপক্ষকে আঘাত থেকে রক্ষা করতে যদি ব্যস্ত হন, তাহলে যুদ্ধটা অহিংস হলেও মানুষ খুশী হতে পারে না। শিবাজীর সৈন্যদল কাস্তে কি খুরপী নিয়ে স্বপক্ষ আক্রমণ করছেন কি বিপক্ষ আক্রমণ করছেন, তাও দর্শকদের বোঝা দরকার। যুদ্ধ, লাঠিখেলা, নাচ, চাষ কি কোদালপাড়ি? যা-ই দেখাতে চাই, সে সম্বন্ধে সবার আগে ভিরেক্টারের জ্ঞান প্রয়োজন।

উপযুক্ত নাট্যাশিল্পী নিয়ে কোম্পানী গড়লেই হবে না। সঙ্গে চাই পাকা ব্যবসা-বুদ্ধি। নাট্যাশিল্পীরা দেখবেন এর নাট্যের দিকটা, আর ব্যবসায়ীদের হাতে থাকবে এর ব্যবসাটা, তাতেই কাজ হয় ভাল।

দোণ্য শিল্পী ইত্যাদির কথা বলছিলাম। এদেশে সাধারণতঃ শিল্পীরা আসেন অশিক্ষিত বা দুর্নামগ্রস্ত সম্প্রদায় থেকে। তাঁরা না-জানেন ভাল ক'রে নিজের সমাজকে, আর না-জানেন পরের সমাজকে, সমস্ত জিনিষের বাইরেটাই মাত্র দেখতে পান এঁরা, ভিতরে প্রবেশ করবার এঁদের শক্তি নেই। তাই অশুকরণও করেন শুধু বড় বড় চুল রেখে লাফঝাঁপ দিয়ে চলাটাই। পরেরটাকে নিজের ক'রে নিয়ে নিজের রূপ দিতে পারাটাই তো সত্যিকারের রূপদক্ষ শিল্পীর বাহাদুরী। দেশীয় ফিল্মের ভিরেক্টারদের ইতিহাস-জ্ঞানের অভাবটা

তাঁদের বোধ হয় সবচেয়ে বড় জটিল। তাঁদের কল্যাণে তপস্কারত মুনিদের পিছন দিয়ে ই. আই. আর-এর রেলগাড়ী ছুটে যায়, মহাভারতের যুগের মহিলারা স্বচ্ছন্দে মুসলমানী পেশোয়ারজ কিংবা ইউরোপীয় ব্রাউস প'রে দেখা দেন, সোফায় উপবিষ্ট শিবঠাকুরের পিছনে ঘড়িতে বারোটো বাজে, স্বয়ম্বর সাবিজীর বয়স তাঁহার পিতামহীর সমানও মনে হয়। কত আর বলব? দেশীয় ফিল্ম দেখতে গিয়ে পুরোহিত ঠাকুরের খাবার-ঘরে ডিনার টেবিলের আয়োজন দেখে হতাশ হয়ে ফিরতে হয়। রবীন্দ্রনাথের দৃঢ়প্রতিজ্ঞ কুটচক্রী রঘুপতিকে সিনেমা কোম্পানীর হাতে পড়ে গৈজেল সম্রাসীর রূপ নিতেও ত দেখা গেছে, কাজেই এ সম্প্রদায় দিয়ে আর যাই হোক—শিল্পহৃষ্টি হওয়া শক্ত। এই সকলের উপর আছে আসল বিদ্যা—কোম্পোজিটিং জ্ঞানের অভূত অভাব। 'মেক্ অপ্' বা প্রসাধন-বিদ্যাটাও এঁদের কিছুকাল শেখা দরকার।

তবে আশা আছে শিক্ষিত ভদ্রসম্প্রদায় নিজেদের রুচিজ্ঞান ও সংযতহৃন্দর আচারব্যবহার দিয়ে এ শিল্পটাকে গড়ে তুলবার চেষ্টা করবেন। তাঁদের কাছে না-হয় এটা art for art's sake-ই হ'ল। তাতেও চূর্তাগা জাতটার অনেকখানি উপকার হবে।

অপরাজিত

ক্রিবিভূতিভূষণ বন্দ্যোপাধ্যায়

(২৩)

এক বৎসর চলিয়া গিয়াছে। পুনরায় পূজার বিলম্ব অতি সামান্যই।

শনিবার। অনেক আপিস আজ বন্ধ হইবে, অনেকগুলি সম্মেলনের মঙ্গলবারে বন্ধ। দোকানে দোকানে খুব ভিড়—ঘণ্টাখানেক পথে হাঁটিলে হ্যাণ্ডবিল

হাত পাতিয়া লইতে লইতে মুড়িখানেক হইয়া উঠে। একটা নতুন স্বদেশী দেশলাইয়ের কারখানা পথে পথে জাঁকাল বিজ্ঞাপন মারিয়াছে।

আমড়াভালা গলির বিখ্যাত ধনী ব্যবসায়ীর নতুনখের শিলের প্রকাণ্ড প্রাসাদোপম মহুং অট্টালিকার নিম্নতলেই ইহারের আপিস। অনেকগুলি ঘর ও ছোটো বড় হল

কর্মচারীতে ভক্তি। দিনমানেও ঘরগুলার মধ্যে ভালো আলো যায় না বলিয়া বেলা চারটা না বাজিতেই ইলেকট্রিক আলো জলিতেছে।

ছোকরা টাইপিষ্ট নূপেন সম্ভরণে পদ্ম। ঠেলিয়া ম্যানেজারের ঘরে ঢুকিল। ম্যানেজার নকুলেশ্বর শীলের বড় জামাই দেবেন্দ্রবাবু। ভারী কড়া মেজাজের মানুষ। বয়স পঞ্চাশ ছাড়িয়াছে, দোহার ধরণের চেহারা। বেশ ফরসা, মাথায় টাক। এক কলমের খোঁচায় লোকের চাকরি থাইতে এমন পারদর্শী লোক খুব অল্পই দেখা যায়। দেবেন্দ্রবাবু বলিলেন—কি হে নূপেন?

নূপেন ভূমিকাস্বরূপ ছইখানা কি কাগজ টাইপ ছাপা মঞ্জুর করাইবার ছলে তাঁহার টেবিলের উপর রাখিল। দেবেনবাবু একখানা তুলিয়া লইয়া একবার চোখ ব্লাইয়া বিরক্তির স্বরে বলিলেন—আঃ, তোমার টাইপিং-এর কাটা-কুটি এখনও সারলো না!... টাইপ করতে করতে ঘুম আসে না কি? ইন্‌কাম্‌ ট্যাক্সের ফাইলটা নিয়ে এসো দেখি—

নূপেন বাহিরে আসিতেই ক্যাশ ডিপার্টমেন্টের যত্ন-গোপাল ফিস্‌ ফিস্‌ বলিল—কি হ'ল?

নূপেন কোনো কথাই উত্তর না দিয়া রিং হইতে চাবি বাছিয়া টেবিলের টানা খুলিয়া ফেলিল—নীচু হইয়া খুঁজিতে খুঁজিতে একখানা লাল ফিতা-বাধা কাগজের স্ল্যাট ফাইল টান দিয়া বাহির করিয়া পুনরায় ম্যানেজারের ঘরে ঢুকিল। সহি শেষ হইলে নূপেন একটু উশখুস করিয়া কপালের ঘাম মুছিয়া আরক্তমুখে বলিল—আমি—এই—আজ বাড়ী যাব—একটু সকালে, চারটেতে গাড়ী কি না? সাড়ে তিনটেতে না গেলে—

—তুমি এই সেদিন তো বাড়ী গেলে মঙ্গলবারে। রোজ রোজ সকালে ছেড়ে দিতে গেলে আপিস চলে কেমন করে? এখনও তো একখানা চিঠি টাইপ করনি দেখুচি—

এ আপিসে শনিবারে সকালে ছুটির নিয়ম নাই। সন্ধ্যা সাড়ে ছাঁটার পূর্বে কোনোদিন আপিসের ছুটি নাই। কি শনিবার কি অশুভদিন। কোনো পাল-পার্বণে ছুটি নাই, কেবল পূজার সময় এক সপ্তাহ, শ্রামাপূজার একদিন ও সরস্বতী পূজার

একদিন। অবশ্য রবিবারগুলি বাদ। ইহাদের বন্দোবস্ত এইরূপ—চাকরি করিতে হয় কর, নতুবা যাও চলিয়া। এ ভয়ানক বেকার সমস্তার দিনে কর্মচারিগণ নবমীর পাঠার মত কাঁপিতে কাঁপিতে চাকর্য্যোন্মোহের উপদেশ মত চাকরিকে পুরোভাগে বজায় রাখিয়া ও ছুটি-ছাটা, অপমান অসুবিধাকে পশ্চাদিকে নিক্ষেপ করিয়া কায়ক্লেশে দিন অতিবাহিত করিয়া চলিয়াছেন।

নূপেন কি বলিতে যাইতেছিল—দেবেনবাবু বাধা দিয়া বলিলেন—মল্লিক গ্যাণ্ড চৌধুরীদের মরণজখানা টাইপ করেছিলে?

নূপেন কান্দকান্দ মুখে বলিল—আজ্ঞে, কই ওদের আপিস থেকে তো পাঠিয়ে দেয় নি এখনও?

—পাঠিয়ে দেয় নি তো ফোন করনি কেন? আজ সাতদিন থেকে বল্‌চি—কি খোঁকা তো নও?... যা আমি না দেখবো তাই হবে না?

চাপরাশিকে ডাকিয়া বলিলেন—ইংলিশ ক্লার্ককে বোলাও—

নূপেন বলিল—আজ্ঞে, অপূর্ববাবু চা খেতে গিয়েছেন টিফিনের ঘরে। এই গেলেন—বলিতে বলিতে অপূ অত্র-বসানো কাটাধরজা ঠেলিয়া ঘরে ঢুকিয়া বলিল—আমায় ডেকেচেন?

—হাঁ, দেখুন তো, আপনার ফাইলে মল্লিক গ্যাণ্ড চৌধুরীদের চিঠিখানা আছে কি না? আর আজই একটা উত্তর ড্রাফ্ট করে ফেলুন গিয়ে—

—অরিজিনাল চিঠি রেকর্ডে পাঠানো হয়েছে। ও তো গত বছরের কার্তিক মাসের চিঠি, বিত্ত বাবুকে দিয়ে রেকর্ড ফেরৎ আনাই—

নূপেনের ছুটির কথা গোলমালে চাপা পড়িয়া গেল এবং সে বেচারী পুনরায় সাহস করিয়া সে-কথা উঠাইতে পারিল না।

সন্ধ্যার অল্প পূর্বে ক্যাশ ও ইংলিশ ডিপার্টমেন্টের কেরাণীরা বাহির হইল—অস্ত অস্ত কেরাণীগণ আরও ঘণ্টাখানেক থাকিবে। অত্যন্ত কম বেতনের কেরাণী বলিয়া কেহই তাহাদের মুখের দিকে চায় না, বা তারা নিজেরাও আপত্তি উঠাইতে ভয় পায়।

দেউড়িতে দারোয়ানেরা বলিয়া খৈনী খাইতেছে, ম্যানেজার ও সুপারিন্টেন্ডেন্টের যাতায়াতের সময় উঠিয়া দাঁড়াইয়া ফৌজের কামদায় সেলাম করে, ইহাদিগকে পোছেও না।

ফুটপথে পড়িয়া নুপেন বলিল—দেখলেন অপূর্ব বাবু, ম্যানেজার বাবুর ব্যাপার? একদিন সাড়ে তিনটের সময় ছুটি চাইলাম, তা দিলে না—অচ্ছ সব আপিস দেখুন গিয়ে ছুটোতে বন্ধ হয়ে গিয়েছে। তারা সব এককণ ট্রেণে যে যার বাড়ী পৌছে চা খাচ্ছে, আর আমরা এই বেরুলাম—কি অত্যাচারটা বলুন দিদি?

প্রবোধ মুহুরী বলিল—অত্যাচার বলে মনে কর, ভায়া, কাল থেকে এসো না, মিটে গেল। কেউ তো অত্যাচার পোয়াতে বলেনি। ওং, খিদে যা পেয়েছে ভায়া, একটা মাতৃষ পেলে ধরে খাই এমন অবস্থা। রোজ রোজ এমনি—হাটের রোগ জন্মে গেল, ভায়া, শুধু না খেয়ে খেয়ে—

অপু হাসিয়া বলিল—দেখবেন প্রবোধ-দা, আমি পাশে আছি, এ যাত্রা আমাকে না হয় রেহাই দিন। ধরে খেতে হয় রাস্তার লোকের ওপর দিয়ে আজকের ক্ষিদেটা শাস্ত করুন। আমি আজ তৈরী হয়ে আসিনি। দোহাই দাদা—তাঁহার দুঃখের কথা লইয়া একপ ঠাট্টা করাতে প্রবোধ মুহুরী খুব খুসি হইল না। বিরক্তমুখে বলিল, তোমাদের তো সব তাতেই হাসি আর ঠাট্টা, ছেলেছোকরাদের কাছে কি কোনো কথা বলতে আছে—আমি যাই, তাই বলি! হাসি সোজা ভাই, কই দাও দিক ম্যানেজারকে বলে পাঁচ টাকা মাইনে বাড়িয়ে?... হ, তার বেলা—

অপুকে হাটিতে হয় রোজ অনেকটা। তার বাসা ত্রিগোপাল মন্দির লেনের মধ্যে, গোলদীঘির কাছে। তের টাকা ভাড়াতে নীচ একতলা ঘর, ছোট রান্নাঘর। সামান্য বেতনে ছ জায়গায় সংসার চালানো অসম্ভব বলিয়া আজ বছর খানেক হইল সে অপূর্ণাকে কলিকাতায় আনিয়া বাসা করিয়াছে।

শৈশবের স্বপ্ন এ ভাবেই প্রায়ই পর্যাবসিত হয়। অনভিজ্ঞ তরুণ মনের উজ্জ্বল, উৎসাহ—মাধুর্য-ভরা রঙীন ভবিষ্যতের ছবি—স্বপ্নই থাকিয়া যায়। যে ভাবে

বড় সপ্নাপন্ন হইবে, দেশে দেশে বাণিজ্যের কুঠী খুলিবে, তাহাকে হইতে হয় পাড়ারায়ের হাতুড়ে ডাক্তার, যে ভাবে ওকালতী পাশ করিয়া রাসবিহারী ঘোষ হইবে, তাহাকে হইতে হয় কয়লার দোকানী, যাহার আশা থাকে সারা পৃথিবী ঘুরিয়া সব দেখিয়া বেড়াইবে, কি দ্বিতীয় কলহস্ হইবে, তাহাকে হইতে হয় চল্লিশ টাকা বেতনের স্কুল মাষ্টার।

শতকরা নিরানব্বই জনের যাহা হয়, অপূর্ণ বেলাও তাহার ব্যতিক্রম হয় নাই। যথানিয়মে সংসার যাত্রা, গৃহস্থালী, কেরাণীগিরি, বাড়ীভাড়া, মেলিনস্ ফুড ও অয়েলক্রথ। তবে তাহার শেষোক্ত দুটির এখনও আবশ্যক হয় নাই—এই যা।

অপূর্ণা ঘরের দোরের কাছে বঁটি পাতিয়া কুটনো কুটিতেছে স্বামীকে দেখিয়া হাসিমুখে বলিল—আজ এত সকাল সকাল যে! তার পর সে বঁটিখানা ও তরকারীর চুপড়ী একপাশে সরাইয়া রাখিয়া উঠিয়া দাঁড়াইল। অপূর্ণ বলিল, খুব সকাল আর কৈ, সাতটা বেজেছে, তবে অচ্ছ দিনের তুলনায় বটে। হ্যাঁ, তেলওয়ালা আর আসেনি তো?

—এসেছিল একবার ছুপুরে, বলে দিয়েচি বৃথাবারে মাইনে হ'লে আসতে। তোমার আসবার দেয়ী ভেবে এখনও আমি চা-এর জল চড়াই নি।

কলের কাছে অচ্ছ ভাড়াটের দ্বি-বৌএরা এসময় থাকে বলিয়া অপূর্ণা স্বামীর হাত মুখ ধুইবার জল বারান্দার কোণে তুলিয়া রাখে। অপূর্ণ মুখ ধুইতে গিয়া বলিল, রজনীগন্ধা গাছটা হেলে পড়েছে কেন বল তো? একটু বেঁধে দিও।

চা খাইতে বসিয়াছে, এমন সময়ে কলের কাছে কোনো প্রৌঢ়া কণ্ঠের কর্কশ আওয়াজ শোনা গেল—তা হ'লে বাপু একশো টাকা বাড়ীভাড়া দিয়ে সায়েব পাড়ায় থাকো গে। আজ আমার মাথা ধরেছে, কাল আমার ছেলের সন্ধি লেগেছে—পালার দিন হলই যত ছুতো। নাও না, সারা ওপরটাই তোমরা ভাড়া নাও না, দাও না পয়ষটি টাকা—আমরা না হয় আর কোথাও উঠে যাই, রোজ রোজ হাঙ্গামা কে সহি করে বাপু?

অপু বলিল—আবার বুঝি আজ বেধেচে গাঙ্গুলী-গিমির সঙ্গে ?

অপর্ণা বলিল—নতুন করে বাধবে কি, বেধেই তো আছে। গাঙ্গুলী-গিমিরও মুখ বড় খারাপ, হালদারদের বোট। ছেলেমাছুষ, কোলের মেয়ে নিয়ে পেরে ওঠে না, সংসারে তো আর মাছুষ নেই, তবুও আমি এক একদিন গিয়ে বাট্টনা বেটে দিয়ে আসি।

সিঁড়ি ও রোয়াক ধুইবার পালা লইয়া উপরের ভাড়াটেদের মধ্যে এ রেবারেঘি, দৃশ্য অপু আসিয়া অবধি এই এক বৎসরের মধ্যে মিটিল না। সকলের অপেক্ষা তাহার খারাপ লাগে ইহাদের এই সঙ্গীর্ঘতা, অহুদারতা। কট্ কট্ করিয়া শব্দ কথা শুনাইয়া দেয়—বাঁচিয়া, বাঁচাইয়া কথা বলে না, কোন্ কথায় লোকের মনে আঘাত লাগে, সে কথা ভাবিয়াও দেখে না।

বাড়ীটাতে হাওয়া খেলে না, বারান্দাটাতে বসিলে হয়ত একটু পাওয়া যায়, কিন্তু একটু দূরেই কাঁকরি-ডেংগ, সেখানে সারা বাসার তরকারীর খোসা, মাছের আঁশ, আবর্জনা, বাসি ভাত তরকারী পচিতেছে, বধীর দিনে বাড়ীময় ময়লা ও আধময়লা কাপড় শুকাইতেছে, এখানে তোবড়ানো টিনের বাস, ওখানে কয়লার কুড়ি। ছেলেমেয়েগুলো অপরিষ্কার, ময়লা পেনী বা ফ্রক পরা। অপুদের নিজেদের দিক্‌টা ওরই মধ্যে পরিষ্কার পরিচ্ছন্ন থাকিলে কি হয়, ছোট্ট বারান্দার টবে দু-চারটা রজনীগন্ধা, বিদ্যাপাতার গাছ রাখিলে কি হয়, এই একবৎসর এখানে আসিয়া অপু বুঝিয়াছে, জীবনের সকল সৌন্দর্য, পবিত্রতা, মাধুর্য এখানে পলে পলে নষ্ট করিয়া দেয়, এই আবহাওয়ার বিষাক্ত বাষ্প মনের আনন্দকে গলা টিপিয়া মারে। চোখের পীড়া দেয় যে অসুন্দর, তা ইহাদের অঙ্গের অভরণ। থাকিতে জানে না, বাস করিতে জানে না। শূকরপালের মত খায় আর কাদায় গড়াগড়ি দিয়া মহা আনন্দে দিন কাটায়। এত কুশ্রী বেঠনী মধ্যে দিন দিন যেন দম বন্ধ হইয়া আসিতেছে তাহার।

কিন্তু উপায় নাই, মনসাপোতা থাকিলেও আর কুলায় না, অথচ তের টাকায় বাড়ার এর চেয়ে ভাল ঘর শহরে কোথাও মেলে না। তবুও অপর্ণা এই আলো হাওয়া-

বিহীন স্থানেও শ্রী ছাঁদ আনিয়াছে, ঘরটা নিজের হাতে সাজাইয়াছে, বাসপেটটারাতে নিজের হাতে বোনা ঘেরা টোপ, জানালায় ছিটের পর্দা, বালিস মশারী সব ধপ্ ধপ্ করিতেছে, দিনে দু-তিনবার ঘর ঝাঁট দেয়।

এই বাড়ীর উপরের তলার ভাড়াটে গাঙ্গুলীদের একজন দেশস্থ আত্মীয় পীড়িত অবস্থায় এখানে আসিয়া দু-তিন মাস আছেন। আত্মীয়টি প্রোঢ়, সঙ্গে তাঁর স্ত্রী ও ছেলেমেয়ে। দেখিয়া মনে হয় অতি দরিদ্র, বড়লোক আত্মীয়ের আশ্রয়ে এখানে রোগ সারাইতে আসিয়াছেন ও চোরের মত একপাশে পড়িয়া আছেন। বোটটি যেমন শাস্ত তেমন নিরীহ,—ইতিপূর্বে কখনও কলিকাতায় আসে নাই—দিনরাত জুজুর মত হইয়া আছে। না সারাদিন সংসারের খাটুনি খাটে ও সময় পাইলে রুগ্ন স্বামীর মুখের দিকে উদ্ভিগ্নদৃষ্টিতে চাহিয়া বসিয়া থাকে। তাহার উপর গাঙ্গুলী-বৌএর ঝঙ্কার বিরক্তি প্রদর্শন, মধুবধন তো আছেই। অত্যন্ত গরীব, অপু রোগী দেখিতে যাইবার ছলে মাঝে মাঝে বেদানা, আঙ্গুর, লেবু দিয়া আসিয়াছে। সেদিনও বড় ছেলেটিকে জামা কিনিয়া দিয়াছে।

এদিকে তাহারও চলে না। এ সামান্য আয়ে সংসার চালানো একরূপ অসম্ভব। অপর্ণা অন্যদিকে ভাল গৃহিণী হইলেও পয়সা-কড়ির ব্যাপারটা ভাল বোঝে না—দুজনে মিলিয়া মহা আমোদে মাসের প্রথম দিকটা খুব খরচ করিয়া ফেলে—শেষের দিকে কষ্ট পায়।

কিন্তু সকলের অপেক্ষা কষ্টকর হইয়াছে আপিসের এই ভূতগত খাটুনি। ছুটি বলিয়া কোনো জিনিষ নাই এখানে। ছোট ঘরটিতে টেবিলের সামনে ঘাড় ঝুজিয়া বসিয়া সকাল এগারোটা হইতে বৈকাল সাতটা পর্যন্ত। আজ দেড় বৎসর ধরিয়া এই চলিতেছে। এই দেড় বৎসরের মধ্যে সে শহরের বাহিরে কোথাও যায় নাই। আপিস আর বাসা, বাসা আর আপিস। শীলবাবুদের দমদমার বাগান-বাড়ীতে সে একবার গিয়াছিল, সেই হইতে তাহার সাধ নিজের মনের মত গাছ-পালায় সাজানো বাগান-বাড়ীতে বাস করা। আপিসে যখন কাজ না থাকে, তখন একথানা কাগজে

কাল্লনিক বাগান-বাড়ীর নজাট। আঁকে। বাড়ীটা যেমন তেমন হউক, গাছপালার বৈচিত্র্যই থাকিবে বেশী। গেটের দুধারে ছোটো চীনা বাঁশের বাঁড় থাকুক। রাঙা সুরকীর পথের ধারে ধারে রজনীগন্ধা ও ল্যাভেণ্ডার ঘাসের পাড় বসান। বকুল ও কৃষ্ণচূড়ার ছায়া।

বাড়ীতে ফিরিয়া চাও খাবার খাইয়া জীর সঙ্গে গল্প করে—হ্যাঁ, তারপর কাঁটালি চাপার পংগোল্ট; কোন দিকে হবে বলা তো?

অপরগা স্বামীকে এই দেড় বছরে খুব ভাল করিয়া বুঝিয়াছে। স্বামীর এই-সব ছেলেমানুষীতে সেও সোং-সাং যোগ দেয়। বলে শুধু কাঁটালি চাপা? আর কি কি থাকবে, জানালায় জাফরীতে কি উঠিয়ে দেব বলা তো?

যে আমড়াতলীর গলির ভিতর দিয়া সে আপিস যায় তাহার মত নোংরা স্থান আর আছে কি-না সন্দেহ। চুকিতেই নাথোদা মুসলমানদের গুটকী চিংড়ি মাছের আড়ত সারি সারি দশ পনেরোটা। চড়া রোজের দিনে যেমন তেমন, বৃষ্টির দিনে কার সাধ্য সেখান দিয়া যায়? কলের দোকানের পচা খড় বিচালী পথে ছড়ান, স্থানে স্থানে মাড়োয়ারীদের গরু ও বাঁড় পথ রোধ করিয়া দাঁড়াইয়া—পিচপিচে কাদা, গোবর, পচা আপেলের খোলা।

নিত্য ছবেলা আজ দেড় বৎসর এই পথে যাতায়াত। মনে মনে ভাবে শরৎ বাবুদের আপিসটা, কেমন ময়দানের ধারে গবর্ণমেন্ট প্রেসে—সবুজ ঘাস গাছপালা চোখে পড়ে যেতে যেতে—খোলা আকাশও দেখা যায় আপিসের জানালা থেকে—ওখানে যদি আমার আপিসটা হত—এ আর পারিনে—

তাহা ছাড়া রোজ বেলা এগারটা হইতে সাতটা পর্য্যন্ত এই দারুণ বন্ধতা। আপিসে অস্ত্র ঘাহারা আছে, তাহাদের ইহাতে তত কষ্ট হয় না। তাহারা প্রবীণ, বহু কাল ধরিয়া তাহাদের থাকের কলম ঈলবাবুদের সেরেস্তায় অক্ষয় হইয়া বিরাজ করিতেছে, তাহাদের গরুও এই-খানে। রোকড়-নবীশ রামধন বাবু বলেন—হেঁ হেঁ, কেউ

পারবে না মশাই, আজ এক কলমে বাইশ বছর হল বাবুদের এখানে—কোনো ব্যাটার হুঁ খাটবে না বলে দিও—চার সালের ভূমিকম্প মনে আছে? তখন কর্তা বেঁচে, গলী থেকে বেকুচি, ওপর থেকে কর্তা হেঁকে বললেন, ওহে রামধন, পোতা থেকে ল্যাংড়া আমার দরটা জেনে এসো দিকি চট করে। বেকুচে যাবো মশাই—আর যেন মা বাহুকি একেবারে চোদ্দ হাজার ফণা নাড়া দিয়ে উঠলেন—সে কি কাও মশাই? হেঁ হেঁ আজকের লোক নই—

কষ্ট হয় অপূর ও ছোকরা টাইপিষ্ট নূপেনের। উকি মারিয়া দেখিয়া আসে ম্যানেজার ঘরে বসিয়া আছে কি-না। অপূর সঙ্গে টুলের উপর বসিয়া বলে এখনও ম্যানেজার হাইকোর্ট থেকে ফেরেন নি বুকি, অপূর্ববাবু—ছাটা বাজে, আজ ছুটি সেই সাতটায়—

অপূ বলে ও-কথা আর মনে করিয়ে দেবেন না নূপেন বাবু। বিকেল এত ভালবাসি, সেই বিকেল দেখিনি যে আজ কতদিন। দেখুন তো বাইরে চেয়ে এমন চমৎকার বিকেলটি, আর এই অন্ধকার ঘরে ইলেকট্রিক আলো জ্বলে ঠায় বসে আছি সেই সন্ধ্যা দশটা থেকে।

সে মনে মনে অপরাধের কবি।

মেঘমুক্ত রোজভরা দিনের ছপূর ঘুরিয়া গিয়া ছায়া যখন একটু বাকিয়া যাইত, তখন হইতে সন্ধ্যার প্রথম চাঁদ ওঠা পর্য্যন্ত যে সময়টা। অতীত দিনের জীবন এই সময়টুকুতেই ভরপুর হইয়া উঠিত। শ্রামল বনান্তহলী শিহরিয়া উঠিত কত কি অজানা ফুলের সম্মিলিত সুবাসে, আলুকসি ফলের ছলুনিতে, দুর্গাটুনটুনি পাখীর অর্থহীন অবাধ কাকলিতে, জীবনের আনন্দ যেন উছলিয়া পড়িতে চাহিত।

মাটির সঙ্গে সে যোগ অনেক দিনই সে হারাইয়াছে, সে সব বৈকাল তো এখন দূরের স্মৃতি মাত্র। কিন্তু কলিকাতা শহরের যে সাধারণ বৈকালগুলো ভাঙে তো সে হারাইতেছে প্রতিদিন। বেলা পাঁচটা বাজিলে এক এক দিন লুকাইয়া বাহিরে গিয়া দাঁড়াইয়া সমুখের বাড়ির উঁচু কার্ণিসের উপর যে একটুখানি বৈকালের আকাশ চোখে পড়ে, তারই দিকে বুকু দৃষ্টিতে চাহিয়া থাকে।

সামনেই উপরের ঘরে মেজবাবু বন্ধুবান্ধব লইয়া বিলিয়ার্ড খোলতেছেন, মার্কারটা রেলিংএর ধারে দাঁড়াইয়া সিগারেট খাইয়া পুনরায় ঘরে ঢুকিল। মেজবাবুর বন্ধু নীলরতন বাবু একবার বারান্দায় আসিয়া কাহাকে হাঁক দিলেন। অপূর মনে হয় তাহার জীবনের সব বৈকালগুলি এরা পয়সা দিয়া কিনিয়া লইয়াছে, সবগুলি এখন ওদের জিন্মায়, তাহার নিজের আর কোনো অধিকার নাই উহাতে।

প্রথম জীবনের সে সব মাধুরীভরা মুহূর্তগুলি ঘোবনের কলকোলাহলে কোথায় গেল মিলাইয়া? কোথায় সে নীল আকাশ, মাঠ, আমের বউলের গন্ধভরা জ্যোৎস্নারাত্রি। পানী আর ডাকে না, ফুল ফোটে না, আকাশ আর সবুজ মাঠের সঙ্গে মেশে না—ঘেঁটুফুলের ঝোপে সদ্যফোটা ফুলের তেতো গন্ধ বাতাসকে তেতো করে না। নিশ্চিন্দিপুর ছাড়িবার সঙ্গে সঙ্গে সে জীবনের সঙ্গে যোগস্বত্ব ছিঁড়িয়া গিয়াছে—বহু বহুকাল আগে।

জীবনে সে যে রোমান্সের স্বপ্ন দেখিয়াছিল—যে স্বপ্ন তাহাকে এতদিন শতদুঃখের মধ্য দিয়া টানিয়া আনিয়াছে তার সন্ধান তো কই এখনও মিলিল না? এ তো একরঙা ছবির মত বৈচিত্র্যহীন, কর্মব্যস্ত, একঘেয়ে জীবন—সারাদিন এখানে আপিসের বন্ধুজীবন, রোকড, খতিয়ান, মরগেজ, ইন্কমট্যাক্সের কাগজের বোঝার মধ্যে পক্ষকেশ প্রবীণ বুনো সংসারভিজ্ঞ ব্যক্তিগণের সঙ্গে সপিনা ধরানর প্রকৃষ্ট উপায় সম্বন্ধে পরামর্শ করা, এটর্গিদের নামে বড় বড় চিঠি মুশাবিদা করা—সন্ধ্যায় পায়রার খোপের মত অপরিষ্কার নোংরা বাসাবাড়িতে ফিরিয়াই তখনি আবার ছেলে পড়াইতে ছোট।। সোনার বেনেদের বাড়ীর ঘুতুঘুতুপুট আফ্লাদে ছেলে, তাদের না আছে বুদ্ধির তীক্ষ্ণতা, না আছে কল্পনার অঙ্গুর। এই বয়সেই তারা এমনি পরশা চিনিয়াছে, এক ক্লাসের বই পড়া হইয়া গেলে চাকরের হাতে পুরানো বইএর দোকানে বিক্রয় করিতে পাঠায়, মাহিনা দিবার সময় আবার ছাত্রের দাদা আগে রসিদটা লিখাইয়া ও সেই করাইয়া লয়, দু তিন বার পড়িয়া দেখে, তারপর মাহিনা দেয়।

কেবল এক অপর্ণাই এই বন্ধুজীবনের মধ্যে আনন্দ আনে। আপিস হইতে ফিরিলে সে যখন হাসিমুখে চা লইয়া কাছে দাঁড়ায়, কোনোদিন হালুয়া, কোনোদিন দু চার খানা পরোটা, কোনোদিন বা মুড়ী নারিকেল রেকাবিতে সাজাইয়া সামনে ধরে, তখন মনে হয় এ যদি না থাকিত। ভাগ্যে অপর্ণাকে সে পাইয়াছিল। এই ছোট্ট পায়রার খোপকে যে গৃহ বলিয়া মনে হয় সে শুধু অপর্ণা এখানে আছে বলিয়া, নতুবা চৌকী, টুল, বাসন-কোসন, জানালার পর্দা, এসব সংসার নয় অপর্ণা যখন বিশেষ-ধরণের শাড়ীটি পরিয়া ঘরের মধ্যে ঘোরাকেরা করে অপূ ভাবে এ মেহনীড় শুধু ওরই চারিধারে ঘিরিয়া, ওরই মুখের হাসি, বৃকের মেহ যেন পরম আশ্রয়, নীড় রচনা সে ওরই ইন্দ্রজাল।

আপিসে বসিয়া সে এক এক সময় নানা স্থানের কাল্পনিক ভ্রমণকাহিনী লেখে, দার্জিলিং, সমুদ্র-ভ্রমণ, পুরী, কাশ্মীর। বালির কাগজে লেখে, ডেক্সের মধ্যে পুরিয়া রাখে। পুরানো বইয়ের দোকান হইতে সে নানাদেশের ছবিওয়ালা বর্ণনাপূর্ণ বই কেনে—নানা দেশের রেলওয়ে বা স্টীমার কোম্পানী যে সব দেশে যাইতে সাধারণকে প্রলুব্ধ করিতেছে—কেহ বলিতেছে হাওয়াই দ্বীপে এস একবার—এখানকার নারিকেল কুঞ্জে ওয়াকিকির বালুময় সমুদ্রবেলায় জ্যোৎস্নারাত্রে যদি তীরাভিমুখী উর্ষিমালার সঙ্গীত না শুনিয়া মর, তবে তোমার জীবন বৃথা।

এল পাশো দেখে নাই? দক্ষিণ ক্যালিফোর্নিয়ার মরুপ্রান্তরে চূণাপাথরের পাহাড়ের ঢালুতে, সেখানকার শান্ত রাজির তারাভরা আকাশের তলে কদল বিছাইয়া একবারটি ঘুমাইয়া দেখিও। শীতের শেষে বসন্তের ফুল প্রথম যখন ফুটিতে শুরু করে, তখন সেখানকার রৌদ্রদীপ্ত, স্বপ্নময় সৌন্দর্য, ওয়ালোয়া হ্রদের তীরে মাজামা আগ্নেয়গিরির তুষারমণ্ডিত চূড়া, নীচের গিরিশ্রেণীতে উন্নত পাইন ও ডগলাস কাবের ঘন অরণ্য, হ্রদের স্বচ্ছ বরফ-গলা জলে তুষারকিরীটা আগ্নেয়গিরির প্রতিচ্ছায়ার কম্পন, উত্তর আমেরিকার ঘন, শুষ্ক, নির্জন আরণ্যভূমি, কর্কশ, বন্ধুর পরকটমালা, গভীরনিদানী জলপ্রপাত,

ফেনিল, পাহাড়ী নদীতীরে বিচরণশীল বলুগা হরিণের দল, ভালুক, পাহাড়ী ছাগল, ভেড়ার দল, উষ্ণ প্রস্রবণ, ভূবারপ্রবাহ, পাহাড়ের ঢালুর গায়ে সিডার ও মেপল গাছের বনের মধ্যে বুনো ভ্যালেরিয়ান ও ভায়োলেট ফুলের বিচিত্র বর্ণসমাবেশ - দেখে নাই এসব ? এস এস ।

টাহিটি ! টাহিটি ! কোথায় কত দূরে, কোন্ জ্যোৎস্না-লোকিত রহস্যময় কুলহীন স্বপ্নসমুদ্রের পারে, শুভ্ররাত্রি গভীর জলের তলায় যেখানে মুকুতার জন্ম হয়, সাগর-গুহায় প্রবালের দল ফুটিয়া থাকে, কানে শুধু দূরশ্রুত সঙ্গীতের মত তাদের অপূর্ণ আহ্বান ভাসিয়া আসে। অপূ ভাবে যাব যাব, রও না এই বছরটা, এই—নিশ্চয় হয় তো—। আপিসের ডেস্কে বসিয়া এক একদিন সে স্বপ্নে ভোর হইয়া থাকে - এই সবের স্বপ্নে। তার মনের বড় সাধ, প্রাণের সাধ ওই রকম নির্জন স্থানে, যেখানে লোকালয় নাই, মাছঘের বাস নাই, ঘন নারিকেল কুঞ্জের মধ্যে ছোট কুটীরে, খোলা জানলা দিয়া দূরের নীল সমুদ্র চোখে পড়িবে—তার ওপারে মরকতশ্যাম ছোট ছোট দ্বীপ, বিচিত্র পক্ষীরাজি, অজানা দেশের অজানা আকাশের তলে, তারার আলোর উজ্জ্বল মাঠটা একটা রহস্যের বাস্তা বহিয়া আনিবে—কুটীরের ধারে ফুটিয়া থাকিবে ছোট ছোট বনফুল - শুধু সে আর অপর্ণা।

এই সব বড় লোকের টাকা আছে, কিন্তু জগতকে দেখিবার, জীবনকে বুঝিবার পিপাসা কই এদের ? এ সিমেন্ট বাধানো উঠান, চেয়ার, কোচ, মোটর—এ ভোগ নয়, এই সৌধীন বিলাসিতার মধ্যে জীবনের সবদিকের আলো-বাতাসের বাতায়ন আটকাইয়া এ মরিয়া থাকা—কে বলে ইহাকে জীবন ? তাহার যদি এ টাকা থাকিত ? কিছুও যদি থাকিত, সামান্যও কিছু ! অথচ ইহার তো লাভকতি ছাড়া আর কিছু শিখে নাই, বোঝে না, জানে না, জীবনে আগ্রহও নাই কিছুতেই, ইহাদের সিন্দুক-ভরা নোটের তাড়া।

এই আপিন-জীবনের বহুতাকে অপূ শাস্তভাবে, নিরুপায়ের মত, দুর্বলের মত মাথা পাতিয়া স্বীকার করিয়া লইতে পারে নাই। ইহার বিরুদ্ধে, এই মানসিক

দারিদ্র্য ও সংকীর্ণতার বিরুদ্ধে তার মনে একটা যুদ্ধ চলিতেছে অনবরত, সে ইচ্ছা দমিবার পাত্র নয় বলিয়াই এখনও টিকিয়া আছে,—কেনোজ্ঞান স্বার্থের মত জীবনের প্রাচুর্ষ্য ও মাদকতা তার সারা অঙ্গের শিরায় উপশিরায়—ব্যগ্র, আগ্রহভরা তরুণ জীবন বৃকের রক্তে উন্নততালে স্পন্দিত হইতেছে দিনরাত্রি—তাহার স্বপ্নকে আনন্দকে নিঃশ্বাস বন্ধ করিয়া মারিয়া ফেলা খুব সহজসাধ্য নয়।

কিন্তু এক এক সময় তাহারও সন্দেহ আসে। জীবন যে এই রকম অপূর্ণ হইবে, স্বর্ঘ্যোদয় হইতে স্বর্ঘ্যাস্ত পর্যন্ত প্রতি দণ্ড পল যে তুচ্ছ অকিরিকির বৈচিত্র্যহীন ঘটনায় ভরিয়া উঠিবে, তাহার কল্পনা তো তাহাকে এ আভাস দেয় নাই তবে, কেন এমন হয় ! দেখিতে দেখিতে পূজা আসিয়া গেল। আজ ছবৎসর এখানে সে চাকুরি করিতেছে, পূজার পূর্বে প্রতিবারই সে ও নূপেন টাইপিষ্ট কোথাও না কোথাও যাইবার পরামর্শ জাটিয়াছে, নজ্জা আঁকিয়াছে, ভাড়া কসিয়াছে, কখনও পুকলিয়া, কখনও পুরী—যাওয়া অবশ্য কোথাও হয় না। তবুও যাইবার কল্পনা করিয়াও মনটা খুঁসি হয়। মনকে বোঝায় এবার না হয়, আগামী পূজায় নিশ্চয়ই, নিশ্চয়ই—কেহ বাধা দিতে পারিবে না।

শনিবারে আপিস বন্ধ হইয়া গেল। অপূর আজ-কাল হইয়াছে বাড়ী কিরিয়া অপর্ণার মুখ দেখিতে পারিলে যেন বাঁচে, কতকণে সান্তটা বাজিবে, ঘন ঘন ঘড়ির দিকে সতৃষ্ণ চোখে চায়। পাঁচটা বাজিয়া গেলে অকূল সময়সমুদ্রে যেন থৈ পাওয়া যায়—আর মোটে ঘণ্টা দুই—ছটা। আর এক। হোক পায়রার খোপের মত বাসা, অপর্ণা যেন সব ঝুংখ ভুলাইয়া দেয়। তাহার কাছে গেলে আর কিছু মনে থাকে না।

অপর্ণা চা ও খাবার আনিয়া। এ সময়টা আধঘণ্টা সে স্বামীর কাছে থাকিতে পায়, গল্প করিতে পায়, আর সময় হয় না, এখনি আবার অপূকে ছেলে পড়াইতে বাহির হইতে হইবে। অপূ এ-সময় তাকে সব দিন পরিষ্কার-পরিচ্ছন্ন দেখিয়াছে, করসা লালপাড় শাড়ীটি পরা, চুলটি বাঁধা, পায়ে আলতা, কপালে সিঁড়রের টিপ—মুষ্টিমতী

গৃহলক্ষ্মীর মত হাসিমুখে তাহার স্তম্ভ চা আনে, গল্প করে, রাত্রে কি রান্না হইবে রোজ জিজ্ঞাসা করে, সারাদিনের বাসার ঘটনা বলে। বলে, ফিরে এসো, দুজনে আজ মহারানী বিন্দন আর দলীপসিংএর কথাটা পড়ে শেষ করে ফেলবো।

বার দুই অণু তাকে সিনেমায় লইয়া গিয়াছে, ছবি কি করিয়া নড়ে অপর্ণা বৃত্তিতে পারে না, অবাক হইয়া দেখে, গল্পটাও ভাল বৃত্তিতে পারে না। বাড়ী আসিয়া অণু বুঝাইয়া বলে।

চায়ের বাটীতে চুমুক দিয়া অণু বলিল—এবার তো তোমায় নিয়ে যেতে লিখেচেন স্বপ্নরমশায়, কিন্তু আপিসের ছুটির যা গতক—রাম এসে কেন নিয়ে যাক না? তারপর আমি কার্তিক মাসের দিকে না হয় ছু চার দিনের জন্তে যাব? তা ছাড়া যদি যেতেই হয় তবে এসময় যত সকালে যেতে পারা যায়—এসময়টা বাঁপ মায়ের কাছে থাকা ভাল, ভেবে দেখলাম।

অপর্ণা লজ্জারক্তমুখে বলিল—রাম ছেলেমানুষ, ওকি নিয়ে যেতে পারবে? তা ছাড়া মা তোমায় কতদিন দেখেন নি, দেখতে চেয়েছেন।

—জা বেশ চল আমিই যাই। রামের হাতে ছেড়ে দিতে ভরসা হয় না, এ অবস্থায় একটু সাবধানে ওঠা নামা করতে হবে কি না? দাও তো ছাতাটা, ছেলে পড়িয়ে আসি। যাওয়া হয় তো চল কালই যাই।

হাঁ, দ্যাখো, তুমি তো লাল আটা ছাড়া খেতে পার না, আমাদের ওখানে জাঁতার আটা পাওয়া যাবে না, অম্মি একসের আটা কিনে নিয়ে এস, সঙ্গে করে নিয়ে যাব। ভুলো না যেন?

ছেলে পড়াইয়া আসিয়া অণু দেখিল উপরের রক্ত ভরলোকটির ছোট মেয়ে পিষ্টু তাহাদের ঘরের এক কোণে ভীত, পাণ্ডু মুখে বসিয়া আছে। বাড়ীশুদ্ধ হৈ চৈ। অপর্ণা বলিল, ওগো এই পিষ্টু গাঙ্গুলীদের ছোট খুকিকে নিয়ে গোলদিবীতে বেড়াতে বেরিয়েছিল। ও বুকি চীনে বাদাম খেয়ে কলে জল খেতে গিয়েছে, আর ফিরে এসে দ্যাখে খুকি নেই, তাকে আর খুঁজে পাওয়া যাচ্ছে না। ওর মা তো একেই ভুজু হয়ে থাকে, আহা সে

বেচারী তো নবুমী পাঠার মত কাঁপচে আর মাথা কুটচে আমি পিষ্টকে এখানে লুকিয়ে রেখে দিয়েছি, নইলে ওর মা ওকে আজ একেবারে গুঁড়ো করে দেবে। আর গাঙ্গুলী-গিন্নী যে কি কাও করচে জানই তো, তাকে তুমিও একটু দেখ না গো!

গাঙ্গুলী-গিন্নী মরাকান্নার আওয়াজ করিতেছেন কানে গেল। ওগো আমি দুধ দিয়ে কি কালসাপ পুষেছিলাম গো! আমার এ কি সন্ধান হল গো মা, ওগো, তাই আপদেরা বিদেয় হয়েও হয় না আমার ঘাড় থেকে—এতদিনে মনোবাহা—ইত্যাদি।

অণু তাড়াতাড়ি বাহির হইয়া গেল, বলিল—পিষ্ট খেয়েচে কিছ?

—ধাবে কি? ও কি ওতে আছে? গাঙ্গুলী-গিন্নী দাঁতে পিষচে, আহা ওর কোনো দোষ নেই, ও কিছুতে নিয়ে যাবে না, সেও ছাড়বে না, আর তাকে আগলে রাখা কি ওর কাজ!

সকলে মিলিয়া খুঁজিতে খুঁজিতে খুকিকে কলুটোলা থানায় পাওয়া গেল। সে পথ হারাইয়া ঘুরিতেছিল, বাড়ীর নম্বর, রাস্তার নাম বলিতে পারে না, একজন কনষ্টেবল এ অবস্থায় তাহাকে দেখিতে পাইয়া থানায় লইয়া গিয়াছিল।

বাড়ী আসিলে অপর্ণা বলিল—পাওয়া গিয়েচে ভালই হল, আহা বৌটাকে আর মেয়েটাকে কি করেই গাঙ্গুলী-গিন্নী দাঁতে পিষেচে গো! মানুষ মানুষকে এমনও বলতে পারে! কাল না কি এখান থেকে সব বিদেয় হতে হবে—হুকুম হয়ে গিয়েচে।

অণু বলিল—কিছু দরকার নেই। কাল আমরা তো চলে যাবি, আমার তো আসতে এখনও চার পাঁচ দিন দেরী। ততদিন ওঁরা কণী নিয়ে আমাদের ঘরে এসে থাকুন, আমি এলেও অস্ববিধে হবে না, আমি না হয় এই পাশেই বরষা বাবুদের মেসে গিয়ে রাখে শোব। তুমি গিয়ে বলো বৌঠাকরুণকে। আমি বুকি, অপর্ণা। আমার মা আমার বাবাকে নিয়ে কালীতে আমার ছেলেবেলায় ওই রকম বিপদে পড়েছিলেন—তোমাকে সে সব কথা কখনও বলিনি, অপর্ণা। বাবা যারা গেলেন, হাতে একটি দিকি-

পয়সা নেই আমাদের, সেখানকার দু-একজন লোক কিছু কিছু সাহায্য করলে, হবিষ্যির খরচ জোটে না—মাত্রে আমাদের রাতে শুধু অড়রের ডাল-ভিজ্ঞে খেয়ে কাটিয়েছি। একদিন কি বিপদ হ'ল জানো, আমি তখন ছেলেমাছুষ, বছর দশেক মোটে বয়স—খাচ্ছি, বল্ব এখন অল্প সময়। গরীব হওয়ার কষ্ট যে কি, তা আমার বুঝতে বাকী নেই—কাল সকালেই ওঁরা এখানে আসুন।

অপর্ণা যাইবার সময় পিণ্টুর মা খুব কাঁদিল। এ বাড়ীতে বিপদে আপদে অপর্ণা যথেষ্ট করিয়াছে। রোগীর সেবা করিয়া ছেলেমেয়েকে দেখিতে সময়

পাইত না, তাহাদের চুল বাধা, টিপ পরানো, খাবার খাওয়ানো, সব নিজের ঘরে ডাওয়া আনিয়া অপর্ণা করিত। পিণ্টু তো মাসীমা বলিতে অজ্ঞান, সকলের কান্না খামে তো পিণ্টুকে আর খামানো যায় না। বউয়ের বয়স অপর্ণার চেয়ে অনেক বেশী। সে কাঁদিতে কাঁদিতে বলিল, চিঠি দিও ভাই, ছোটো ছোটোই ভালয় ভালয় হয়ে গেলে আমি মায়ের বাড়ী পূজো দেবো।

ঘরের চাবী পিণ্টুর মায়ের কাছে রহিল।

(ক্রমশঃ)

ভিয়েনার নব্য ছায়ানাট্য



মেরী, জোসেফ ও য়োগ

ছায়ানাট্য বা পুতুল-নাচ প্রাচ্য ও পাশ্চাত্য উভয়েরই অতি প্রাচীন আমাদের উপায়। ইংলণ্ডের রাস্তাঘাটে যাজ পর্য্যন্তও মাঝে মাঝে “পাক ও জুড়ির” নাচ দেখিতে পাওয়া যায়। আমাদের দেশেও বিশ বৎসর আগে পর্য্যন্তও এই ধরনের পুতুল নাচ প্রায়ই দেখা যাইত।

এখন অনেকটা বিরল হইয়া আসিয়াছে, তবু বোধ করি একেবারে লোপ পায় নাই।

কিন্তু এই সকল প্রাচীন পুতুল নাচকে সৌন্দর্য্য ও কারুকৌশলের দিক হইতে বর্তমান যুগে যে নতুন ধরনের পুতুল নাচের প্রবর্তনের চেষ্টা হইতেছে তাহার

যীশুর জন্ম কথা



মেঘপালকদের অভিনন্দন



ম্যাগিদের পূজা


রাজকন্তার মুক্তি



রাজকন্তা মগ্নবুদ্ধ অবস্থায় ড্রেগনের হাতে বন্দিনী



তিন দেশীয় মান্দারিন ড্রেগনকে ধর্মকথা শুনাইতেছেন



সানুয়াই ও ড্রেগনের দৃক



বুদ্ধের দ্বারা ড্রেগন পরাভূত ও রাজকন্যা শাপমুক্ত

সহিত মোটেই তুলনা করা চলে না। এই নূতন পুতুল নূতন পালা রচনা করিয়া ও সম্পূর্ণ নূতন ধরণের পুতুল নাচের প্রবর্তক ভিয়েনার একজন শিল্পী। তাঁহার নাম তৈরী করিয়া এই প্রাচীন আমোদটিকে শিল্প-হিসাবে রিচার্ড টেশনার। ইনি পুরাতন পুতুল নাচের অহু করণে সার্থকতা দিবার চেষ্টা করিতেছেন এবং এ-বিষয়ে বিশেষ

সার্বকতাও শূন্য করিয়াছেন। এই সংক্ষিপ্ত বিবরণের সন্দেহ যে চিত্রগুলি প্রকাশিত হইল উহাই তাহার প্রমাণ।

রিচার্ড টেগনারের জন্ম জাখেনৌর কার্লসবাডে, তিনি শিক্ষালাভ করেন গ্রাগ সহরে এবং বর্তমানে ভিয়েনাতে বাস করিতেছেন। তিনি একাধারে চিত্রকর, ভাস্কর এবং কারিগর। তিনি নিজের হাতে ওয়ালপেপার, কার্পেট, ট্যাপেট্রি প্রভৃতি তৈরী করিয়াছেন। সুতরাং তাঁহার তৈরী পুতুল যে শিল্পশৌশলে অতি সুন্দর হইবে, তাহা বলাই বাহুল্য।

টেগনারের পুতুলগুলি পুরানো ছায়ানাচের পুতুলের মত উপর হইতে তারের সাহায্যে চালান হয় না। ইহাদের প্রাণদানের পদ্ধতিটা কিছু স্বতন্ত্র। কতগুলি কাঠিকে জোড়াভাড়া দিয়া ইহাদের অঙ্গপ্রত্যঙ্গ গুলিকে চলৎশক্তি দেওয়া হয়। ফলে তাহাদের গতিবিধি আর একটু গাঢ়াখাও ধারতাল্য লাভ করে। নেহাৎ মেকদওহীন নাচের পুতুলের চলাফেরার মত দেখায় না।

একটা অন্ধকার ঘরে বসিয়া আকাশের তারা দেখার মত এই নাচ দেখিতে হয়। একটা সুদূর আলোকিত জগতে পুতুলগুলি আবর্তিত হইয়া মনে কেমন একটা ক্ষীণ বিষাদের রেখা টানিয়া দেয়। কাঠের কিংবা মোমের পুতুলে ভাস্করশিল্প যে প্রাণ অমর করিয়া রাখিয়াছে, তাহাকে ক্ষণিকের জ্ঞান চেতনাময় জগতে ফিরাইয়া আনিয়া এই শিল্প মায়াজাল রচনা করে।

বুদ্ধের জীবনের একটি কল্পিত গল্প লইয়া টেগনারের একটি অতিসুন্দর ছায়ানাট্য রচিত হইয়াছে। প্রথম দৃশ্যে এক অভিশপ্ত রাজকন্যা একটা ড্রেগনের কবলে বন্দি।

এই বিকটাকার ড্রেগনের অঙ্গপ্রত্যঙ্গ চালনা, এমন কি নাসারন্ধ্রেরও কম্পন সৃষ্টি টেগনারের শিল্পের একটা গুপ্ত রহস্য। দ্বিতীয় দৃশ্যে এক চীনা মান্দারিন আইন ও যুক্তির প্রতীকরূপে আবর্তিত হইয়া রাজকন্যার মুক্তির সপক্ষে বহু যুক্তি দেখাইয়া একটা দীর্ঘ প্রবন্ধ ড্রেগনকে পড়িয়া শুনাইতেছে। কিন্তু ড্রেগন নির্বিকার। মান্দারিনকে খেলাচ্ছলে দুই চারিটা আঘাত করিয়া, দুই চারিবার হাই তুলিয়া সে শান্ত রহিল। তারপর রাজকন্যাকে মুক্তি দিবার জ্ঞান বাহুবলে দর্পিত এক জাপানী সামুরাই দেখা দিল, কিন্তু সেও পরাভূত হইয়া ড্রেগনের উদরস্থ হইল। পরিশেষে রাজকন্যা অভিশাপ মুক্ত হইলেন বুদ্ধের আধ্যাত্মিক শক্তির প্রভাবে। বুদ্ধের প্রথম প্রবেশ ছায়া র মত -দৃশ্যের শেষে একবার মাত্র পূর্ণ আলোকে দেখা দিলেন।

টেগনারের আর একটি নাট্য যীশুর জন্মকাহিনী লইয়া। খেরী ও যীশুর মাথার উপর যে আলোকচক্র দেখা যাইতেছে তাহার রচনা-কৌশল অতি আশ্চর্য। অতি হৃদয় সোনার তার দিয়া সেগুলি তৈরী। তারগুলি ইচ্ছানুযায়ী সময়ে সময়ে আলোক প্রতিকলিত করে, মাঝে মাঝে আবার করেও না। তাই সে-গুলিকে প্রকৃত আলোকচক্রের মত দেখায়। এই নাট্যের শিল্পচাতুর্যের আর একটি নিদর্শন যোশেকের নিজের গায়ের জামা খুলিয়া মেরীর বসিবার স্থান বিছাইয়া দিবার ভঙ্গিটি। আর একটি দৃশ্যে রাজা-রাজড়া, পণ্ডিতগণ, মেঘপালক প্রভৃতি একে একে যিশু ও মেরীর সম্মুখে নত হইয়া তাঁহাদের অর্ঘ্য নিবেদন করিতেছেন।



দ্বীপময় ভারত

শ্রীশ্রুতীকুমার চট্টোপাধ্যায়

[১১] বলিদ্বীপ—মুগুক

সোমবার, ৫ই সেপ্টেম্বর ১৯২৭।—

বাহুঙ্ থেকে উত্তর-মুখে হ'য়ে, তারপরে একটু পূবে পাহাড়ের মধ্যে এই মুগুক শহর। শহর নয়, একটি বড়ো গ্রাম বল'লেই হয়। কতকগুলি বড়ো বড়ো গ্রাম ছু'য়ে আমাদের মুগুক যাবার পথ—শেষের দিকে আধেকের উপর পথ হ'চ্ছে পাহাড়ে' দেশ দিয়ে। একথানা গাড়ীতে আমরা চ'লেছি—কবি, স্মরেনবাবু আর আমি,—আর একথানায় আমাদের মালপত্র। পূর্বেকার মতন সেই মনোরম দৃশ্য—নয়নাভিরাম সবুজের খেলা, আর স্নন্দর বলিদ্বীপীয় মেয়ে পুরুষদের গমনাগমন। বাকেরা, ড্রেউএস, ধীরেনবাবু—এঁরা সোজা উত্তরে Batoeriti বাতুরিতি বলে একটি জায়গায় গেলেন, মুগুকের থেকে আরও পূবে পাহাড়ের মধ্যে; সেখান থেকে পাহাড়ের ভিতর দিয়ে চমৎকার হাঁটা পথ হ'য়ে এঁরা একদিন পরে মুগুকে এসে আমাদের সঙ্গে মিল'বেন। মুগুকের পশ্চিমে বলিদ্বীপের যে অংশ যবদ্বীপের দিকে এগিয়ে গিয়েছে, সে অংশটা জঙ্গলে' আর পাহাড়ে'; লোকের বসতি সেখানে কম। কিন্তু মুগুক পর্যন্ত যে পথটা দিয়ে আমরা যাই, সে পথটায় লোকের বাস বেশ। খড়ের চালে ছাওয়া শান্তিপূর্ণ গ্রাম, আর মাঝে মাঝে মন্দির, এ-সব প্রচুর চোখে প'ড়ল।

পথে কি একটা গাঁয়ের বাজারের ধারে আমাদের মোটর থামল। সব সমতল ক্ষেত্র ছেড়ে পাহাড়ে উঠ'ছি। দেখি, সেই বাজারে খুব ম্যান্ডোষ্টন ফল বিক্রী হ'চ্ছে। জঁয়ং টকরস-যুক্ত এই মিষ্ট মুখরোচক ফল, লোভ হ'ল—প্রায় দু'ঝুড়ি আমরা কিনে কেললুম। দাম মনে হ'ল খুবই শস্তা। সারা পথ আমরা—অন্ততঃ আমি—খুব এই ফল খেতে খেতে গেলুম।

মাঝেকার খানিকটা পথ খুব উচু পাহাড়ের মধ্য দিয়ে;

সেখানটায় একটু শীত-শীত ক'রতে লাগল। রাস্তা খুব চমৎকার, চারিদিকে ঘন সবুজের ছড়াছড়ি। ম'ঝে মাঝে খুব বাঁশ-ঝাড়। এক জায়গায় একটা একটা ঝরনা উচু পাহাড়ের গা ব'য়ে একেবারে রাস্তার ধারেই প'ড়ে একটা ছোটো পাহাড়ে' নদীর সৃষ্টি ক'রেছে, সেখানে আমাদের মোটর দাঁড় করালে। আমরা নেমে ঝরনার স্নশীতল জলে হাত মুখ ধুয়ে একটু স্নিগ্ধ হ'লুম। মোট নিয়ে যাচ্ছে কতকগুলি বলিদ্বীপীয় লোক, তারা ঝরনার ধারে মোট নামিয়ে জিরুচ্ছে। কতকগুলি মালবাহী টাটু নিয়ে যাচ্ছে, টাটুর পিঠের বোঝা সমেত জীন খুলে দিয়ে ঝরনার এক পাশে টাটুগুলিকে দাঁড় করিয়ে দিয়েছে, আর সেখানে নিশ্চল ভাবে দাঁড়িয়ে দাঁড়িয়ে শ্রান্ত টাটুগুলি ছুপুর বেলায় হিম-শীতল ঝরনার জলে দিবা আরামে স্নান ক'রছে। দেখে আমাদেরও স্নান ক'রতে ইচ্ছে হ'চ্ছিল।

এই পাহাড়ে' অঞ্চলে বিস্তর কফি বাগান আছে দেখলুম। মুগুকে পউছে'বাকে আর ড্রেউএস-এর কাছে গুলুম, এই সব কফি বাগানের মালিক হ'চ্ছে স্থানীয় বলিদ্বীপীয় লোকেরাই—বিদেশী ডচেরা নয়। দেশ দখল ক'রেছে বটে, কিন্তু ডচেরা দেশের উপসব্ব সবটুকু নিচ্ছে না, তাদের সব গ্রাস করবার দরকার হয় নি; দেশের লোকেরাই এই ছোট্ট দ্বীপটিতে তার exploitation ক'রছে। কফি বাগান ক'রে আধুনিক কালের উপযোগী একটা কৃষি ব্যবসায়ে যে বলিদ্বীপীয়েরা হাত দিয়েছে, আর তাতে বিদেশীরা এসে তাদের ঘরের মধ্যে জেঁকে ব'সতে পারে নি, এটা বলিদ্বীপীয়দের কাণ্যকুশলতার একটা খুব বড়ো প্রমাণ বলতে হবে।

জঙ্গল, ধরে ধরে পাহাড়ের গা কেটে ধানের ক্ষেত, কফি বাগান, এ-সবের মধ্য দিয়ে আমাদের খানিকটা



পাহাড়ের গায়ে ধানের ক্ষেতের স্তর
(ঐযুক্ত বাক্যে কর্তৃক গৃহীত)

উৎরাই পথে নামতে হ'ল, তারপরে ডান দিকে অর্থাৎ পূর্বদিকে একটা বাক নিয়ে আশ ঘণ্টাটাক পথ আবার চড়াইয়ে গিয়ে আমরা মুণ্ডু-এ পৌঁছলুম। দশটায় বাজু ছেড়েছিলাম, দেড়টায় মুণ্ডুকে পৌঁছলুম। একটা চণ্ডা চড়াই পথের দুধারে মুণ্ডু শহর বা গ্রাম। ইটের আর কাঠের ইমারত অনেকগুলি। ঢালা লোহার রেলিং, আর চেউথেলানো টিনের ছাতের ছড়াছড়ি। অনেক বাড়ীর সামনে বা বাড়ীর হাতার মধ্যে মোটর দেখলুম। মোটরকা, শহরের বাহ্য দৃশ্য দেখে মনে হ'ল, স্থানীয় লোকেরা লক্ষ্মীমন্ত। তবে কাচা পরস হাতে এলে অনেক সময়ে যেমন একটা কুটির চেয়ে খরচ বিষয়ে দরাজ হাতের প্রমাণ পাওয়া যায়, এখানেও তেমনি হয়েছে বলে মনে হ'ল।

শহরের বড়ো সড়কের প্রায় শেষে—তার পরে আর মোটর চলবার পথ নেই—মুণ্ডুকের পাসাংগ্রাহান। আমরা দেখানে গিয়ে অধিষ্ঠিত হ'লুম। পূর্বে থেকেই মান্দুরকে খবর দেওয়া হ'য়েছিল।

মুণ্ডুকের পাসাংগ্রাহান বা ডাক বাড়লাটি চমৎকার

জায়গায় অবস্থিত। বাড়ীটির একদিকে ফুলবাগানে প্রচুর গোলাপ ফুটে র'য়েছে, আর গাঁদা, আর জবা। একটা বরনার কাকচক্ষু জল মন্ত বড়ো এক চৌবাচ্চাকে সর্বদা পূর্ণ রেখে চৌবাচ্চার নল দিয়ে বেরিয়ে যাচ্ছে, এই চৌবাচ্চায় হচ্ছে ক'রলে সাতার কেটেও স্নান করা যায়। বাড়ীর চারিদিকে পাহাড়ের মালা, বাড়ীর সামনে দূরে পরীতগাত্রের উদার সরল রেখাপাত। বাড়ীর পিছনদিকে নীচেই একটা গভীর উপত্যকা, নানা রকম গাছের চূড়ো দেখা যায়, মাঝে মাঝে দু'একটি ঘর বাড়ী; গাছপালার ভিতর থেকে বসত বাড়ীর রান্না-বান্নার ধোয়ায় মাল্লবের অস্তিত্ব বোঝা যায়। একদিন দুপুরে নীচের উপত্যকাথেকে টুংটাং ক'রে গামেলানের ধ্বনি আসছিল। সরু মোটা নানা আতোদ্য ধ্বনি মিলে বাণীর মতন একটা বেশ শিথিল গম্ভীর একটানা ধ্বনির রেশ টুংটাং তালের পিছনে শোনা যাচ্ছিল,—এমনি উদাস করা ব্যাপার যে কি আর বলবো; ঠিক যেন মন্ত বড়ো দীঘীর ও-পার থেকে কোনও মন্দিরের সঙ্ঘারাজিকের ঘড়ি ঘণ্টা কাঁশর আর গম্ভীর-নিম্নাঙ্গী শাঁখের ধ্বনির



মুণ্ডুক শহর—বায়ে পাসাংগ্রাহান
(শ্রীযুক্ত ব্রজেননাথ কর কর্তৃক গৃহীত)

সমাবেশের মতন আমার মনকে মোহগ্রস্ত ক'রে তুলছিল।

পাসাংগ্রাহানের সামনে অবধি এসে যে মোটর-চলা পথটা শেল হ'য়েছে, পায়ে-চলা পথে পরিণত হ'য়েছে, সেই পায়ে-চলা পথ ধ'রে আরও উঁচুতে পাহাড়ের গা দিয়ে জ্বরেনবাবু আর আমি বিকালে একটু বেড়াতে গেলুম। রাস্তার বা ধার দিয়ে একটি পাহাড়ে নদী উদ্দাম কেনিল নৃত্য-ভঙ্গীতে নীচে চ'লে গিয়েছে। মাঝে মাঝে কুমাণদের ঘর, আর দু'একটা বড়ো বড়ো বাড়ীও চোখে প'ড়ল। প্রায় সব বাড়ীতে মস্ত বাঁশের খাঁচার মতন চুবড়ীতে ঢাকা লড়াইয়ে মোরগ, তাদের জ-উচ্চ আওয়াজে পার্শ্বতা গ্রামটা মুগরিত। কুকুরের দল আমাদের দেখে কোথাও কোথাও ঘেউ ঘেউ ক'রে উঠল, আর গ্রামকন্ডাদের চকিত দৃষ্টি থেকেও আমরা বঞ্চিত হ'লুম না। পানিকটা ঘুরে আমরা বাসায় ফিরলুম। সন্ধ্যা হয়-হয়, পাহাড়ে জায়গা, আমাদের বেশ একটু শীত-শীত ক'রছে। কিন্তু এখানে বলিছাপীয়দের দেখলুম, এদের পরিধেয় সেই দক্ষিণ বলির সমতল ভূমিরই মতন,

দ্বী-পুরুষ উভয়েরই সেই রকম খালি গা। পাহাড়ে নদীটীতে যথারীতি গ্রামের মেয়েরা জল নিতে আসছে, বৈকালিক স্নান বা গা ধোয়া সারতে আসছে।

সন্ধ্যায় পাসাংগ্রাহানের বারান্দায় ব'সে কবির সঙ্গে নানা বিষয়ে কথা বার্তা হ'ল। মিস্ মেয়োর বই 'মাদার ইণ্ডিয়া' তখন সপ্তাহ কতক হ'ল বিলেতে বেরিয়েছে, আর তা নিয়ে হৈ চৈ-এর হুত্রপাত হ'য়েছে। 'নিউ-স্টেটস্‌ম্যান' কাগজে সমালোচনা বেরিয়েছে, মিস মেয়ো-কেই সমর্থন ক'রে, আর সঙ্গে সঙ্গে মিস মেয়োর মিথ্যা কথা উদ্ধার ক'রে রবীন্দ্রনাথ শিশু-বিবাহের পক্ষপাতী, এরকম ঈদ্বিতও করা হ'য়েছে; আর তাঁর মত ব'লে এমন সব কথা বলা হ'য়েছে যা যে কোনও সাধারণ উচ্চশিক্ষিত লোকের পক্ষেও বলা লজ্জাকর। আমরা ব'ললুম, তাঁর তরফ থেকে এ সব কথার একটা প্রতিবাদ বেরুনো উচিত। কবি অনিচ্ছুক হ'লেও এই সমালোচনার একটা উত্তর লিখতে রাজী হলেন। 'মাদার ইণ্ডিয়া' তিনি বা আমরা কেউ তখনও দেখিনি। বলিছাপে মুণ্ডুকে ব'সে তাঁর লেখা এই সমালোচনার উত্তর যথাকালে ইউরোপে

‘ম্যাক্‌স্টার-গার্জেন’ পত্রে আর দেশে নানা পত্রে বাঁধ
হায়েছিল।

মঙ্গলবার, সেপ্টেম্বর ৬ই।—

বিকাল তিনটের দিকে ধীরেন বাবু, ড্রেউএস্ আর
বাকেরা বাতুরিতি থেকে এসে পৌঁছলেন। এরা
শ্রুতি শুন্দর পাহাড়ে পথ ধ’রে সারা সকাল আর দুপুর
চেষ্টাছেন, জিনিস-পত্র যা সঙ্গে নিয়ে গিয়েছিলেন সব
একটা টাটুর পিঠে ক’রে এনেছেন। বাতুরিতি থেকে
সঙ্গে আসতে হ’লে তিনটা হ্রদের ধার দিয়ে আসতে
হয়—Bratan ব্রাতান, Boejan বুইয়ান, আর
Tambelingan তামলিংগান। ড্রেউএস্ ব’ললেন,
সঙ্গে একটা হ্রদের ধারে একঘর তথা-কথিত মুসলমান
বলিদ্বীপীদের সঙ্গে দেখা হ’ল এদের একটা ছেলে খানিক
পথ এদের সঙ্গে আসে, ছেলেটি মালাই ভাষায় ড্রেউএসের
সঙ্গে কথা কয়। এরা পূর্ন-বলি থেকে এসে এখানে জমী
নিয়ে বসবাস ক’রছে। ড্রেউএস তাকে জিজ্ঞাসা করেন, সে
মুসলমানদের কলমার আরবী মন্তব্য জানে কিনা; সে ব’ললে
যে সে জানে বটে, কিন্তু সে-মন্ত উচ্চারণ ক’রবে না, কারণ
ঐ পার্শ্বীয় অঞ্চলটি বিশেষ ক’রে দেবতার স্থান; দেবতার
ঐ বিদেশীয় মন্ত শুনে রুষ্ট হতে পারেন।

আজ সন্ধ্যার দিকে আমরা কালকের মতন
পাহাড়ে পথ ধ’রে অনেকটা বেড়িয়ে এলুম। গাঁয়ের
সীমানা ছাড়িয়ে বিরাট বিশাল বনস্পতির আর অল্প
গাছের বনের মধ্য দিয়ে পাহাড়ের ধার বেয়ে পথ
চলেছে। এখানকার বনানী একেবারে আদি যুগের।
এক জায়গায় একটা ঝরনা এসে প’ড়ছে, খানিকটা
গভীর জায়গায় জল জ’মে একটা ছোটো পুখুরের
সৃষ্টি হ’য়েছে; গহন বনে তার আশ-পাশ ঢাকা,—
কচ-জাতীয় গাছে, নানা রকমের বড়ো বড়ো fern-এ,
বাঁশে, কলাগাছে; খালি এক দিকে উঁচু পাহাড়ের
গা বেয়ে রাম-রাম শব্দে ঝরনার জল নীচে প’ড়ছে,
প্রথরটির অস্ত্র ধার দিয়ে এই জল বেরিয়ে গিয়ে মুণ্ডকের
বাস্তার পাশের নদী হ’য়ে নীচে চ’লে গিয়েছে। এখানে
দেখি, ঝরনার জলের নীচে দাঁড়িয়ে চোখ বুজে দুটা টাটু,

ঘোড়া স্নান ক’রছে। ঘোড়াকে পাহাড়ের ঝরনার
নাওয়ানো দেখছি এ দেশের একটা রীতি।

কাছেই এক জায়গায় পাহাড় ঢালু গায়ে নীচে
এক গভীর তরু-বহুল উপত্যকা ভূমিতে নেমে
গিয়েছে; পাহাড়ের গায়ে বড়ো বড়ো গাছ—মহাক্রম
ব’লেই হয়—কাটা হ’চ্ছে; এমন বড়ো বড়ো গাছের
কুঠারের হাতে অপমৃত্যু দেখে বাস্তবিকই মনে কষ্ট
হয়; দেখে মনে হয়, দু তিন শ’ বছর লেগেছিল এই এক
একটা গাছের এই রকম বিশাল মূর্তি ধ’রে উঠতে,
কিন্তু দুদিনে মাথায় তাকে শেষ ক’রে দিচ্ছে। ‘একটা
‘বৃক্ষহত্যা’ কাণ্ড চ’লেছে—আমার মনে হ’ল, একটা
বড়ো প্রাণীকে মারার মতন এই রকম ক’রে গাছ কেটে
মেরে ফেলাও যেন একটা পাতক। কিন্তু মানুষের চাষ
আবাদের জন্য খালী জমীর আবশ্যক, তাই গাছকে স’রতে
হবে। এই সব জমীতে শুনুম কফীর আবাদ হবে।

বুধবার, সেপ্টেম্বর ৭ই।—

সকালে মুণ্ডকের ডাকবাঙলায় বেশ চূপচাপ ভাবে
কাটানো গেল। ‘নিউ-স্টেটস্‌ম্যান’-এর সমালোচনার
উত্তর কবি লিখে ফেলেছেন, ‘ম্যাক্‌স্টার-গার্জেন’-এ
ছাপাবার জন্য পাঠানো হবে। দুপুরের ভোজনের
সময়ে দেখি, প্রায় জনাশেক ওলন্দাজ মেয়ে পুরুষ
মোটরে আর ঘোড়ার ক’রে এসে উপস্থিত। এরা
ঐ দিনই চ’লে গেল।

বেলা তিনটের দিকে হরেন বাবু আর আমি মুণ্ডকের
বড়ো রাস্তা ধ’রে বেড়াতে বেড়াতে প্রায় মাইল
দেড় দুই উত্তরই পথে নেমে Banjoeatis বাঞ্চে-
আতিস নামে একটি বড়ো গ্রামে এসে পৌঁছলুম। ধূতি
পরে আমরা চ’লেছি; আমার হাতে একটি বাঁশের
লাঠি, আর হরেন বাবুর কাছে ক্যামেরা। পথের ধারে
একটি বেশ বড়ো বাড়ীর সদর দরজায় একটা
ছোকরা আর একটা আধা বয়সী বলিদ্বীপীয় স্ত্রীলোক
দাঁড়িয়ে। ছোকরাটির পরণে হাফ-প্যান্ট, কোমরে রঙীন
সারণী জড়ানো, গায়ে একটা সাদা শাট; স্ত্রীলোকটির
‘গায়ে মালাই কোট। ছেলেটা সিগারেট খাচ্ছিল।



মুকের পথে (শ্রীহরেন্দ্রনাথ কর কর্তৃক গৃহীত)

এদের ইচ্ছেটা যে আমাদের সঙ্গে কথা কয়। আমরা দাঁড়িয়ে গেলুম, ভাঙা ভাঙা মালাইয়ে এদের সঙ্গে আলাপ করতে লাগলুম। এরা আমাদের দেখে অবাক—কোন দেশের লোক, কেন এসেছি, সব শুনে চাইলে। এদের সঙ্গে সমানধম্মা শুনে ভারী খুশী হ'ল। এরা বললে যে বাঞ্ছু আতিস গ্রামে দাহ হ'চ্ছে, তবে খুব ঘটার ব্যাপার নয়। স্বরেনবাবু এদের ছবি নিলেন। খুব হাসি মুখে এরা আমাদের বিদায় দিলে।

বড়ো রাস্তার দুধারে বাঞ্ছু আতিস গ্রামের সারি সারি বাড়ী। এ গ্রামটিও বেশ সম্পন্ন ব'লে বোধ হ'ল। প্রায় সব বাড়ীতেই উঁচু কাঠের মাচার উপরে ধানের মরাই; কাঠের মরাইগুলি, তাতে স্বন্দর স্বন্দর নানা রঙীন চিত্র আঁকা। কতকগুলিতে স্ত্রী দেবতা মূর্তি আঁকা, বলিদ্বীপীয় পদ্ধতিতে, শুন্লুম সেগুলি শ্রীদেবীর। দু একটা মোটরের 'গারাজ'ও আছে। রাস্তায় যে সব লোক ছিল, তাদের মধ্যে কেউ কেউ কৌতূহলী হ'য়ে আমাদের সঙ্গে নিলে; আমি দু'চার জনের সঙ্গে আলাপ ও যথাসম্ভব করতে লাগলুম। আমরা হিন্দু ব'লে সকলেরই শ্রীতি-মিশ্র বিশ্বাসের কারণ হ'য়ে উঠলুম। এরা আমাদের



বাঞ্ছু আতিস-এর দাহ-স্থানে সমাগত ব্যক্তিগণ (শ্রীযুক্ত হরেন্দ্রনাথ কর কর্তৃক গৃহীত)

সঙ্গে ক'রে দাহ স্থানে নিয়ে গেল। অনেকগুলি মেয়ে পুরুষ ব'সে আছে। কতকগুলি চিতা, তার মধ্যে একটিই যা একটু বড়ো। সবগুলিই জ'লছে। ছোটো গাটো দু'একটা 'ওয়াদাঃ' র'য়েছে, তবে উবুদ-এর মতন ব্যাপারটা মোটেই বিরট নয়। একটি স্থশ্রী


ছোকরা আর একটা সুন্দরী স্ত্রীলোক মাটির উপর ব'সে আছে, ইঙ্গিতে তাদের অহুমতি পেয়ে স্থরেন বাবু তাদের ছবি নিলেন। আমাদের সঙ্গে ক'রে এনেছিল যারা তারা এখানকার লোকেদের সঙ্গে কথা ক'য়ে আমাদের পরিচয় দিলে। জনতার সামনে ভারতের নন্দনদীর আর দেবতাদের আর রামায়ণ মহাভারতের পাত্রপাত্রীর নাম উচ্চারণ ক'রে আমাদের সমানধর্মীয় জাহির ক'রতে হ'ল। আমরা কিছুক্ষণ প'রে ফিরলুম।

সঙ্গের লোকেরা প্রস্তাব ক'রলে, গ্রামে এক বিদান পদও আছেন, তাঁর বাড়ীতে গিয়ে তাঁর সঙ্গে আমরা যদি দেখা করি। আমরা সানন্দে রাজী হ'লুম।

পদও মহাশয়ের বাড়ীতে নিয়ে গেল। বড়ো রাস্তার ধারেই এর বাড়ী। 'নাছ-দুয়ার' বা রথখাদ্যর অর্থাৎ সদর দরজা পার হ'য়ে একটু বাগান মতন, তার পরেই বাড়ীর আঙিনা। খুব খোলা জায়গায় খান কতক খর, একটা ঘরের সামনে একটু খোলা দর-দালান, এই দালানে একটা তক্তাপোষ পাতা। ঘরের মেঝে সিমেন্টের। সমস্তটা বেশ পরিষ্কার পরিচ্ছন্ন—ব্রাহ্মণের বাড়ী যেমন হওয়া উচিত। দালানের দেয়ালে খানকতক সেকলে হাতে-আঁকা চীনে ছবি। দালানের তক্তা-পোষের উপরে একখানা মাছুর বিছানো। আমরা তক্তাপোষের উপরে ব'সলুম, সঙ্গের লোকেরা আঙিনার মাটিতে বা দালানের সিমেন্টের মেঝেতেই ব'সে গেল।

অস্থায়ী পদও মহাশয় তখন দিবানিত্রা দিচ্ছিলেন, যে দর-দালানের তক্তাপোষের উপরে আমরা ব'সলুম তারই লাগোয়া ঘরের ভিতরে। তাঁর ঘুম ভাঙিয়ে তাঁকে ডেকে নিয়ে এল। লম্বা পাতলা ছিপছিপে চেহারা, স্বদর্শন গৌরবর্ণ পুরুষ, প্রোট ঘুবাঘস্থায়, মুখে সামান্য একটু গোঁফ

দাড়ি, মাথার লম্বা চুল ঝুঁটি ক'রে বাঁধা, পরণে বেগুনে রঙের একখানা 'কাইন' বা কটিবস্ত্র। ঘুমের জড়তা কাটেনি, বাইরে এসে আমাদের দেখে আশ্চর্য্য হ'য়ে গেলেন। সঙ্গের লোকেরা পরিচয় দিলে যে আমরা



বলিহীপের ভজাসন বাটীর 'নাছ-দুয়ার'
(ক্রীযুক্ত বাকে কর্তৃক গৃহীত)

ভারতবর্ষ থেকে আগত পদও। এই পদওটা দেখলুম কেবল দেশভাষাই জানেন, মালাই জানেন না। তখন মালাই-জানা আর একজন পদওকে ডেকে আনতে গেল। ইতিমধ্যে বাড়ীর আর প্রতিবেশী গৃহের মেয়েরা আমাদের দেখবার জন্ত জড়ো হ'ল। ইট বা'র করা অল্পচ ব্যবধান-প্রাচীরের মধ্য দিয়ে পাশের একটা বাড়ীর ক্রিয়া-কলাপ লোকজনের চলা-ফেরা সব দেখা যাচ্ছিল। এরা সকলেই অতি স্থশ্রী, তন্দ্বী, গৌরী, আর বলিহীপের প্রাচীন পদ্ধতি মতন আবরণ-বিরল এদের বেশ ভূষা; অসঙ্কেচে এসে, ব'সে বা দাঁড়িয়ে আমাদের দেখতে লাগল, আমাদের কথা শোনবার চেষ্টা ক'রতে লাগল। দু'একজনের কোলে দু'একটা অতি সুন্দর শিশু—গলায় মোহরের মালা, মাথা কামানো।

আর একজন পদও এলেন। ইনি বয়সে বৃদ্ধ; পরণে লাল আর সবুজ রেশমি ফুল কাটা ধুতি, চাদরখানা বৃকে বাঁধা, মালাই বলেন, বেশ বুদ্ধিমান লোক ব'লে মনে হ'ল। এর নামটা হচ্ছে Pedanda Ngerah 'পদও ঙুরাঃ'। আমার স্বল্প পূজির মালাই নিয়ে কথা কইবার চেষ্টা

ক'রলুম। তারতবর্ষ কত দূরের দেশ, আমাদের দেশে পুরাণ বর্ণিত নগর নদী পর্বত প্রভৃতি কোথায় কোথায় আছে, আমাদের ভাষা কি, অক্ষর কি রকম, লঙ্কাদ্বীপ কোথায়, আমাদের দেশে যেতে কতদিন লাগে; ইত্যাদি কথা ম্যাপ আর ছবি একে আর অক্ষর প্রভৃতি লিখে দেখিয়ে বোঝাবার চেষ্টা ক'রলুম। এদেশে শিষ্ট ভাষায় মধ্যম-পুরুষে 'আপনি' ব'লে উল্লেখ না ক'রে, 'মহাশয়,' 'শ্রীচরণ' ইত্যাদির মতন শব্দ ব্যবহার করে; 'আপনার কাছে নিবেদন এই যে' না ব'লে ব'লবে, 'পাছুকায় নিবেদন এই যে'; আর এই রকম ব্যবহারের ফলে আমাদের সংস্কৃত padocka 'পাছুকা' শব্দ এদেশে 'আপনি' পদবাচ্য হ'য়ে প'ড়েছে। আমার প্রতিও এইরূপ 'পাছুকা' প্রয়োগও হ'চ্ছিল; আর আমার হাতে দণ্ড ছিল, আর জাতিতেও ব্রাহ্মণ, হুতরাং 'পদণ্ড' বা দণ্ড-বারী আখ্যায় জুটে গিয়েছিল। এদের সঙ্গে আধ পন্ডাটাক কাল এই ভাবে কাটিয়ে বিদায় নিয়ে আমরা বেরিয়ে প'ড়লুম।

পথে একখানা চ'লতি লরী পাওয়ায়, বাঞ্ছাআতিস থেকে মুণ্ডুক চটপট ফেরা গেল।

রাত সাড়ে আটটায় স্থানীয় একজন পুঙ্কব তিনজন অল্পচর সহ কবির দর্শনের জন্ত হাজির হ'লেন। হুশ্রী যুবক; কবি আসছেন কাগজে প'ড়েছেন, এত শীঘ্র তাঁর দেশের কাছে এসে প'ড়বেন সেধারণা ক'রতে পারেন নি; তাঁর মুণ্ডুকে অবস্থানের কথা, পাশাংগ্রাহানে টেলিফোন আছে পাশাংগ্রাহানের মান্দরের কাছে ফোন ক'রে জেনেই, নিজের মোটরে চ'লে এসেছেন দেখা ক'রতে। 'পাছুকা' ব'লে কবিকে সম্মানের সঙ্গে উল্লেখ ক'রতে লাগলেন। ইনি ডচ জানেন, মালাইও জানেন। ডেউএস দোভাষীর কাজ ক'রতে লাগলেন। এই পুঙ্কবটা নিজের পরিচয় দিলেন—আমার খাতায় নিজের নামটী লিখে দিলেন—Ida Gede Soanda, Poenggawa district Bandjar ইউ গডে সোআন্দা, বাঞ্জার জেলার পুঙ্কব। ব'ললেন যে তিনি জাতিতে ব্রাহ্মণ। ভারতবর্ষ সম্বন্ধে অসীম কৌতূহল। কতকগুলি পবন জিজ্ঞাসা ক'রলেন। কাল-ই

আমরা মুণ্ডুক থেকে বুলেলেঙ হ'য়ে বলিদ্বীপ ত্যাগ ক'রছি শুনে আপশোশ ক'রতে লাগলেন। এরও মহাভারতের পুরো আঠারো পর্ব চাই। আদি পর্বের 'গোধর্ম' ব'লে কি অংশ আছে,—কথাটা আমরা ভালো বুঝতে পারলুম না—সে বিষয়ে প্রশ্ন ক'রলেন। অল্পলোম



নোকায় করিয়া জাহাজে চড়া—সামনে টপী মাথায় হরেন বাবু
(শ্রীযুক্ত বাকে কর্তৃক গৃহীত)

প্রতিলোম বিবাহ হওয়া উচিত কি না, যজ্ঞোপবীত-ধারণের রীতি কি—এই সব বিষয়েও প্রশ্ন হ'ল। হলাণ্ড-প্রবাসী যবদ্বাপীয় কবি আর পণ্ডিত Noto Soeroto 'নত-সুরত' কর্তৃক লিখিত শান্তি-নিকেতন বিতালয় বিষয়ে ডচ পুস্তক, আর শ্রীযুক্তা আনী বেসান্তের রচিত যোগ ও পুনর্জন্ম বিষয়ে ছোটো ছুখানি ইংরিজী বইয়ের ডচ অল্পবাদ—সুরাবায়ার সিদ্ধী বলিক শ্রীযুক্ত লোকুমলের দেওয়া বইয়ের মধ্য থেকে—আমি এঁকে দিলুম। আমার ঠিকানা ইনি নিলেন। সংস্কৃত পড়বার জন্ত ভারতবর্ষ শিক্ষক আসতে পারে শুনে ভারী খুশী! এই রকমে খানিক আলাপ আর শিষ্টাচারের পরে রাত সওয়া নটায় পুঙ্কব সোআন্দা বিদায় নিলেন।

[১২] বুলেলেঙ—বলিদ্বীপ থেকে বিদায়।

বৃহস্পতিবার ৮ই সেপ্টেম্বর।—

সকালে মুণ্ডুক-থেকে বুলেলেঙ যাওয়া। বুলেলেঙ-এ হুপুরে জাহাজ ধ'রে যবদ্বীপে প্রত্যাবর্তন ক'রতে হবে



শিব

বলিদীপায় ছায়ানাটকে ব্যবহৃত মহিষ চন্দ্র নিশ্চিত মূর্তি
শিল্পক জ্ঞানীতীন্দ্রমার চট্টোপাধ্যায়ের সৌজন্য প্রাপ্ত

প্রকাশী প্রেস কলিকাতা

স্বরেন বাবু, ধীরেন বাবু, ড্রেউএস, আমি আমরা আগে একথানা গাড়ী ক'রে বেরিয়ে প'ড়লুম, কবি পরে বাকের সঙ্গে আসবেন। এবার শেষ বারের জন্ত বলিদ্বীপের অসীম সৌন্দর্যের মধ্যে দিয়ে চ'ললুম। মুণ্ডক-থেকে পশ্চিমে থানিক, তারপর উত্তরে গিয়ে আমরা সমুদ্রের



জাহাজে গোক তোলা
(শ্রীযুক্ত বাক কব্জিক গৃহীত)

গিলডার দামের, হাতলে সোনার রাক্ষসমূর্তি-যুক্ত সেকলে একটা ক্রীস বা তলওয়ার দেখালে, বড় লোভ হ'চ্ছিল সেটার জন্ত, এমনিই চমৎকার কাজ তার। স্বরেনবাবু এদেশের জরীর কাপড় নিলেন। মোঘের চামড়ায় নিপুণ হাতে কাটা, রঙচঙে wajang ওয়াইআং বা ছায়ানাট্যে ব্যবহৃত একটা চতুর্ভুজ শিবের মূর্তি আমি কিনলুম। টুরিস্ট-এজেন্ট রদভেন্ট-এর আপিসে গিয়ে কিছু ফোটোগ্রাফ কিনলুম। তারপরে জাহাজ-ঘাটায়। বেলা সাড়ে এগারোটা,



বুলেলে-এ জাহাজ থেকে বলিদ্বীপের দৃশ্য
(শ্রীযুক্ত বাক কব্জিক গৃহীত)

বারে প'ড়লুম—সমুদ্রের ধার দিয়ে দিয়ে পূব মুখে বুলেলেও পর্য্যন্ত পথ। পাহাড় ছাড়িয়ে সমতল সমুদ্রের ধারে পথ। ক্রমাগত কাঁচা পাকা ধানের ক্ষেত, না'রকল গাছ, আর বাঁ দিকে নীল, ঘন নীল সমুদ্র। প্রভাতের চোখ-বালসানো আলায় সমস্ত উদ্ভাসিত, সমুদ্রের হাওয়ায় রোদুর ততটা কড়া ব'লে বোধ হ'চ্ছিল না।

বেলা দশটায় বুলেলেও-এ প'ড়লুম। জাহাজের আপিসে গিয়ে আমাদের টিকিট আর ক্যাবিন টিক ক'রে নেওয়া হ'ল। হাতে এখন ঘণ্টা দুই সময়। ড্রেউএস বুলেলেও থেকে রাজধানী সিংহরাজায় গেলেন, আমরা বাজারে একটু বোরাঘুরি ক'রলুম, স্থানীয় মণিহারী জিনিস পাই কিনা দেখবার জন্ত। পাতিমার কথা আগে ব'লেছি; তার বাড়ীতে গিয়ে আমরা কিছু জিনিস নিলুম। দেড়শ'

তখনও কবি বুলেলেও-এ এসে পৌঁছেন নি—এদিকে বারোটায় জাহাজ ছাড়বে। এমন সময়ে বলি-লঙ্কের রেসিডেন্ট শ্রীযুক্ত কারন সাহেবের সঙ্গে কবি এসে পৌঁছুলেন,—রেসিডেন্ট স্বয়ং তাঁকে জাহাজে তুলে দিতে এসেছেন।

আমরা নৌকা ক'রে জাহাজে চ'ড়লুম। ছোটো জাহাজ, নাম Van Neck 'ফান-নেক'। K. P. M. কোম্পানীর জাহাজ, কবিকে নিয়ে যাচ্ছে সম্মানিত অতিথি রূপে, আর আমাদের সকলকে আধা ভাড়ায়। জাহাজ বারোটায় না ছেড়ে ছাড়লে সেই বিকেল পাচটায়। এই কয় ঘণ্টা ঠায় দাঁড়িয়ে দাঁড়িয়ে মাল ভুলতে লাগল। প্রায় চার শ' গোকর কাছে এই জাহাজে, যবদ্বীপে, লাল লাল গোকরগুলি, বেশীর ভাগ নাক ফোঁড়া, চাষের কাজে

লাগবে বোধ হয়। কপিকলে গোরুগুলিকে নৌকা থেকে জাহাজে তুলতে লাগল। জাহাজের যাত্রীদের কাছে বিক্রী করবার জন্য পাতিমাণ্ড তার শিল্পত্বের পসার এনে ডেকের উপর সাজিয়ে বসে গেল।

বিকালে জাহাজ ছাড়ল। বলিদ্বীপের সবুজ পাহাড় আর তার নারিকেলকুণ্ড ক্রমে দূর হ'তে দূরতর হ'তে লাগল। পশ্চিম থেকে অন্তগামী স্বর্ষ্যের শেষরশ্মিগুলি পাহাড়ের উপরের গাছপালার শীর্ষদেশকে স্বর্ণাভ হরিৎবর্ণের ক'রে তুলেছে। আমাদের পক্ষ-কালের বলি-ভ্রমণ একটা মনোহর স্বপ্নবৎ মনে হ'তে লাগল; যেন এ পৃথিবী ছেড়ে

কিছু দিনের জন্য প্রাচীন ভারতের কল্লোলকের মধ্য দিয়ে আমরা বিচরণ ক'রে এসেছি। কাল সকালে যবদ্বীপে পৌছুবো, আমাদের দ্বীপময়-ভারত পথচটনের তৃতীয় অঙ্ক আরম্ভ হবে; কিন্তু এত সুন্দর দেশ, সুন্দর নরনারী, মনোহর প্রতিবেশ—বোধ হয় আর চোখে প'ড়বে না।

প্রবন্ধমান সন্ধ্যার অন্ধকারে আর দূরত্রে ক্রমে বলিদ্বীপের পাহাড়ের রেখা অস্পষ্ট হ'য়ে এলো, অদৃশ্য হ'য়ে এলো। প্রাচীন ভারতের স্মৃতিপূত ঐ দেশ দর্শনের মৌভাগ্য কি আবার হবে?

ক্রমশঃ

দেশবিদেশের কথা

বাংলা

স্বর্গীয়া কুমারী প্রেমমালা সিংহ—

কুমারী প্রেমমালা সিংহ বি-এ, কলিকাতার স্বর্গীয় গুরুদয়াল সিংহ মহাশয়ের কনিষ্ঠা কন্যা। তিনি কানপুর বালিকা বিদ্যালয়ের প্রধান



স্বর্গীয়া প্রেমমালা সিংহ

শিক্ষয়িত্রী ছিলেন। তাহার অধ্যাপনায় এই বিদ্যালয়ের বিশেষ উন্নতি হইয়াছিল। ভগবদ্ভক্তি, কৰ্ত্তব্যনিষ্ঠা, নিরপেক্ষ ব্যবহার ও উন্নত চরিত্রের প্রভাবে তিনি ছাত্রী, অল্প শিক্ষয়িত্রী, ছাত্রীদের অভিভাবকবৃন্দ, এবং বিদ্যালয়ের ভৃত্য প্রভৃতি সকলের শ্রদ্ধা আকষণ করিয়াছিলেন। মদুর স্বভাবের জন্যে তিনি সকলের প্রীতিভাজন ছিলেন। তিনি যখন কানপুর যান, তখন প্রথম প্রথম ভূতারা তাঁহাকে মেমসাহেব বলিত। তিনি তাহা পক্ষ দিয়া কহিতেন না, 'দিদি জী' সম্বোধন পছন্দ করিতেন। পরে তাহারা এই নামেই তাহার উল্লেখ করিত। বিদ্যালয়ের কাজ ছাড়া সাংস্কৃতিক বিষয়েও তাঁহার উৎসাহ ছিল। কংগ্রেসের কানপুর অধিবেশনে শ্রীমতী সরোজিনী নাইডু সভানেত্রী হইয়াছিলেন। তখন শ্রীমতী প্রেমমালা খেজুরসেবিকাদের ভাইস-ক্যাপ্টেনের কাজ দক্ষতার সহিত নিন্দ্যাহ করিয়া প্রশংসা অর্জন করেন। তাঁহার মৃত্যুর পর কানপুর বালিকা বিদ্যালয়ের সম্পদে নানা প্রকারে তাঁহার স্মৃতি রক্ষার চেষ্টা হইতেছে, তিনি অগাধিকা ছিলেন বলিয়া তাঁহার নামে কানপুর বালিকা বিদ্যালয়ে প্রেমমালা সঙ্কট শ্রেণী খোলা হইতেছে। মনুস্মৃতি ও হীরাজাতে পারদর্শিতার জন্যে তাঁহার নামে প্রতি বৎসর আইজ দেওয়া হইবে। কানপুরে বাড়ীনা ছেলেরদের বিদ্যালয়েও তাঁহার নামে একটি আইজ দেওয়া হইবে। স্বাস্থ্যরক্ষার জন্য একটি আইজ তাঁহার নামে প্রতিবৎসর দিবস সঙ্কল্প হইয়াছে। ভাজীরা তাঁহার নামে একটি লাইব্রেরী স্থাপন করিবার জন্য চাকর তুলিয়াছে। তিনি যে সব রকম বাঁহ ভালবাসিতেন, এই লাইব্রেরীতে তাহা রক্ষিত হইবে। উত্তম ছাত্রেরা বিদ্যালয়ের হলে রাখিবার জন্য তাঁহার একটি তৈলাচিত্র উপহার দিতে মনস্থ করিয়াছে। বিদ্যালয়ের দাবনশিক্ষয়িত্রী ইহার ক্রমশঃ অলঙ্কৃত করিয়া দিবেন।

বাঙালী ছাত্রের কৃতান্ত—

শ্রীযুক্ত ব্রজেনচন্দ্র ভট্টাচার্য্য কলিকাতা বিশ্ববিদ্যালয়ের বি-এসসি পরীক্ষায় উত্তীর্ণ হইয়া কলিকাতার হাউস অফ্‌ মেমোরি-এর কর্মে

নিযুক্ত হন এবং কিছুকাল পরে বোম্বাই-এর ডিনশ পেটিট মিল্‌স্-এ ও আমোদাবাদে অশোক মিল্‌স্-এ থাকিয়া তিনি বহুশিল্প সম্বন্ধে অভিজ্ঞতা অর্জন করেন। তাহার পর ১৯২৬ সালের নভেম্বর মাসে State Technical Scholarship লইয়া টেঙ্গটাইল কোম্পানী অধ্যয়ন করিবার জন্ত বিলাতে গমন করেন



শ্রী ব্রজেন্দ্রনাথ ভট্টাচার্য

এবং ম্যাকেষ্টারের কলেজ অফ টেকনোলজি বিদ্যালয়ে অধ্যয়ন করেন। সেখান হইতে 'Associate of the Manchester College of Technology', 'B. Sc (Tech)' ও 'M.Sc (Tech)' উপাধি লাভ করিবার পর ক্রমে ক্রমে তিনি ইংলণ্ডের টেঙ্গটাইল ইনস্টিটিউট ও দোমোইটি অফ ডায়ারস্ আণ্ড কলারিস্ প্রভৃতি প্রতিষ্ঠানগুলির সদস্য হন। এই বিষয়ে অধিকতর পারদর্শিতা লাভের জন্ত তিনি ইংলণ্ডে ক্রেনটন আনিলিন কোম্পানী ব্রিটিশ আনিলিন কোম্পানী, স্কটিশ ডায়ারস্ লিমিটেড প্রভৃতি রজন শিল্পের যৌথ কোম্পানীগুলিতে কর্ম করেন।

বয়স ও রজন শিল্প সম্বন্ধে বিশেষ অভিজ্ঞতা লাভের জন্ত তিনি ইউরোপের ফ্রান্স, বেলজিয়াম, জার্মানী, চেকোস্লোভাকিয়া, সুইজারল্যান্ড, ইটালী প্রভৃতি নানা প্রদেশের বয়ন বিদ্যার কেন্দ্রগুলি পরিদর্শন করেন। সম্ভ্রুতি তিনি দেশে প্রত্যাবর্তন করিয়াছেন।

আর্থিক জরীপের প্রচেষ্টা—

গ্রাম বা ইউনিয়নের আর্থিক জরীপের জন্ত বঙ্গীয় ধনবিজ্ঞান পরিষদ এক প্রশ্নপত্রের খসড়া তৈরী করিয়াছেন। এই প্রশ্নপত্র

অবলম্বন করিয়া যিনি সকলের চেয়ে ভাল “জরীপ” পাঠাইতে পারিবেন তাঁহাকে পরিষদ পঞ্চাশ টাকা পুরস্কার দিবেন।

এই জরীপের নিয়মাবলী নিম্নলিখিত রূপে—

১। এই জরীপে দুই ভাগ থাকিবে। প্রথম ভাগে প্রশ্নগুলির যথাযথ উত্তর দিতে হইবে; দ্বিতীয় ভাগে প্রথম ভাগে গৃহীত তথ্যসমূহ হইতে নিজ তত্ত্ব বা গবেষণার কল সম্মিলিত হইবে।

(ক) প্রত্যেক পরিবার বা ব্যক্তি সম্পর্কে তথ্যগুলি নিজ হাতে যথাযথ পূরণ করিয়া দিতে হইবে।

(খ) তথ্য ও তত্ত্ব একত্রে পরিষদের নিকট বিচারার্থ পাঠাইতে হইবে।

২। কোন কলিত ব্যক্তি বা পরিবারের কাহিনী অন্যবা কোন ব্যক্তি বা পরিবারের অপ্রকৃত তথ্য গ্রাহ্য হইবে না। পাঁচ সত্য কথা চাই। উত্তর সম্পর্কে পুনরায় প্রশ্ন করিয়া পাঠাইলে এক সপ্তাহ মধ্যে জবাব দেওয়া চাই।

৩। যে কেহ প্রতিযোগিতা করিতে পারিবেন।

৪। প্রত্যেক পুরস্কারপ্রার্থী ব্যক্তিকে আগামী ১৫ই ফাল্গুনের মধ্যে আবেদন করিতে হইবে। তাঁহাকে নিম্নলিখিত বিষয়গুলি জানাইতে হইবে।

(১) নাম। (২) পেশা। (৩) কোন গ্রামে বা সহরে কতদিন আছেন। (৪) কতদূর পড়াশুনা হইয়াছে। (৫) গ্রামে কত পরিবার ও কত লোক আছে। পরিবার বা লোকসংখ্যাতে প্রশ্নপত্র পূরণ করিয়া পাঠাইবার জন্ত ২০শে চৈত্র সকলের নিকট ডাকযোগে পাঠান হইবে।

৫। আগামী ২৫শে মধ্যে আবেদনের মধ্যে এই “জরীপ” নিম্নলিখিত ঠিকানায় পাঠাইতে হইবে।

সহঃ সম্পাদক, বঙ্গীয় ধনবিজ্ঞান পরিষদ

১০৭, মেছুয়া বাজার স্ট্রীট, কলিকাতা।

অস্তিত্ব “জরীপ” ইচ্ছামত ব্যবহার করিবার ক্ষমতা পরিষদের হইবে।

৬। আগামী আশ্বিনমাসের ‘আর্থিক উন্নতি’তে পুঙ্খবৃত্ত ব্যক্তির নাম প্রকাশিত হইবে। টাকা কাঙ্ক্ষিত নালের শেষে প্রেরিত হইবে।

৭। পরিষদের বিচার চূড়ান্ত বলিয়া মানিয়া লইতে হইবে।

দ্রষ্টব্য:—সহর, বা গ্রাম বা সহরের অংশ বিশেষ ধরিয়া জরীপ করিলেও চলিবে। কিরূপ জরীপ করা হইয়াছে তাহা জানাইতে হইবে।

কবিতা পুরস্কার প্রতিযোগিতা—

১। এই পুরস্কারের নাম—“কবিতা দেবী স্মৃতি-পুরস্কার।”

২। দুইটি পুরস্কার দেওয়া হইবে—প্রত্যেকটি ৫০ টাকা। লিরিকের জন্ত একটি, অপার্ট গাথার (Ballad) জন্ত।

৩। বর্তমান ১৩৩৭ সালে নিম্নলিখিত সাময়িক পত্র প্রকাশিত মৌলিক রচনা হইতে পুরস্কারযোগ্য কবিতা নির্বাচিত হইবে।—

প্রবাসী, ভারতবর্ষ, মাসিক বহুমতী, বিচিত্রা, উত্তরা, উপাসনা, নবশক্তি ও বিজলী।

৪। ১৩০৮ জ্যৈষ্ঠ মাসের মধ্যেই বিভিন্ন কাগজে প্রস্তুত রচনা ও তাহার রচয়িতার নাম প্রকাশ করা হইবে।

৫। উপযুক্ত কাব্য-রসিকের হাতে নির্বাচনের ভার দেওয়া হইবে।

৬। বিশিষ্ট ব্যাতিসম্পন্ন কবির কবিতা প্রতিযোগিতা হইতে বাদ দেওয়া হইবে।

৭। পুরস্কার-যোগ্য কবিতার অভাবে, পুরস্কার পর বৎসরের জন্য গচ্ছিত থাকিবে।

সত্যাগ্রহের জন্য দণ্ডিতা মহিলা



শ্রীযুক্তা নিকারিণী সরকার



শ্রীযুক্তা ইলা সেন



কবি পাথর



ওর্বাণি

...আমরা যে-অগ্নি জালি, কাঠ-তৃণাদি ইন্ধন না পাইলে সে-অগ্নি জ্বলে না। ওর্বাণি নিঃ-ইন্ধন।...

প্রভু-মানব তিনটি নির্গজ অগ্নি অবগত ছিল। একটি ভূমিতে জাত, ভৌম অগ্নি; একটি অন্তরিকে জাত, বিদ্যুদগ্নি; অপরটি দিবালোকে শাশ্বত অগ্নি, সূর্য।...ভৌম অগ্নি বিবিধ। একটি শৈলের দক্ষিণে নির্গত দাঙ্ক বাষ্প। কখন কখন ভৌতিক কারণে সে বাষ্প প্রচ্ছলিত হইয়া উঠে। সে অগ্নি-স্থানকে আলামুখী বলে। অপরটি আয়্রেয়গিরির অগ্নি। এই অগ্নি যুগান্তকারী কালানল ও সংবর্তক নামে খ্যাত ছিল।

ভূমণ্ডলে অসংখ্য আয়্রেয়গিরি আছে। কিন্তু অধিকাংশ গিরি সমুদ্রের ঘোপে কিংবা সমুদ্রের নিকটস্থ ভূখণ্ডে বিদ্যমান। এশিয়া মহাদেশে কামাটিকাস্কা হইতে দক্ষিণে জাপান, ফিলিপাইন, সিলিবিয়া, যব স্বমাত্রা হইয়া আলামান ঘোপের প্রায় শত মাইল পূর্বে বঙ্গলাগরে বারেন ও নরকোলম ঘোপ পর্যন্ত আয়্রেয়গিরির সারি চলিয়া আসিয়াছে। আয়্রেয়গিরি হইতে উদ্ভূত জলীয় বাষ্প দ্রবীভূত অশ্ম (পাথর), এবং অশ্ম ও ভস্ম, এই ত্রিবিধ দ্রব্য উৎক্ষিপ্ত হয়। জলীয় বাষ্প দূর হইতে ধূমবৎ দেখায়। অশ্ম প্রবের প্রচণ্ড তাপে গিরিনিপুণ আলামানী মনে হয়। জলীয় বাষ্প বৃষ্টির আকারে পতিত হয়, এত যে মনে হয় সে গিরি জলপান করিয়াছিল। অভ্রাঙ্গ গিরি হইতে অশ্মপ্রব উদগীর হয়। হইলে তাহা গিরির মুখের চতুর্দিকে শিখর নির্মাণ করে। অব নির্গত না হইলে অশ্ম ও ভস্ম দ্বারাও গিরি নির্মিত হয়। কিন্তু বৃষ্টি-বাতায় তাহা দীর্ঘ হইয়া পড়ে। শিখরও প্রায়ই ছিন্ন-শির্ষ হয়। কদাচিৎ শিখর হয় না। মধ্যস্থলে বিল অবস্থ থাকে। গিরিপার্শ্বেও বিবর থাকে। বয়সে আয়্রেয়গিরি ত্রিবিধ। কতকগুলি মৃৎ, উদ্গারের বয়স গত হইয়াছে; কতকগুলি স্থপ্ত, কখন জাগিয়া উঠিবে বলিতে পারা যায় না; অপরগুলি জাগ্রত, সর্বদা ধূমায়মান।

ঋগ্বেদের ঋষিরা ত্রিবিধ অগ্নি প্রত্যক্ষ করিয়াছিলেন। সূর্য্যগ্নি সকল দেশেই স্ফুল্ভ, কিন্তু সকল দেশেই বজ্রপাত হয় না, এবং সকল দেশেই ভৌম অগ্নি বিদ্যমান নাই। পুরাণ-মতে ঋষ ধাতুর স্বর্গ গতি হইতে ঋষি শব্দ উৎপন্ন। আদ্যকালে ঋষিরা যাবাবর ছিলেন। তখন তাহাঁরা পঞ্চনদ প্রদেশে আসেন নাই। তখন তাহাঁরা স্বদেশে স্বর্গে বাস করিতেন। তাহাঁরা কাঠে কাঠে ঘষিয়া অগ্নি উৎপাদন করিতে শিখিয়াছিলেন। শিলায় শিলা বেগে নিক্ষেপ হইলে অগ্নিস্ফুল্লিঙ্গ নির্গত হয়, কিন্তু কাঠের অগ্নি-জাত অগ্নি অক্লেপে শুক তৃণে সঞ্চারিত করিতে পারা যায়। বোধ হয় এই হেতু তাহাঁরা অগ্নি উৎপাদনের এই উপায় গ্রহণ করিয়াছিলেন। তাহাঁরা জাত অগ্নিকে 'কুমার' বলিতেন। অগ্নি বিনা অন্ন পাক হয় না। সে অগ্নির যে নানা বিবেচন থাকিবে তাহাতে আশ্চর্য নাই। লীতকালে অগ্নি-সেবন স্বত্বকর; রাত্রিকালে বুকাদি হিংস্র-পশু হইতে অজ-মেঘ-গবাদি রক্ষা করিতেও অগ্নি চাই। অতএব অগ্নিই পরমদেব; তিনি ত্রিধা মৃতিতে ভূমিতে, অন্তরিকে ও আকাশে বিভাজিত।

ওর্বাণি বাভোমানি অবশ্য বিশ্বদাবহ। পুরাণে ইহার উৎপত্তির ব্যাখ্যা আছে। হরিবংশের দুই অধ্যায়ে দুই উপাখ্যান আছে। ৪৫ অধ্যায়ে এক উপাখ্যান আছে। এটি মৎস্য পুরাণে অবিকল আছে। উপাখ্যানটি এই,—সত্য যুগে ব্রহ্মার বধের পর দেবদেবেরে তারকাময় সংগ্রাম হইয়াছিল। অশুরদিগের নাম দানবও ছিল। দানবেরা মাহাযুদ্ধে নিপুণ ছিল। দেবরাজ তামস অস্ত্র দ্বারা রণভূমি তমসাবৃত করিয়া ফেলিলেন। সে অন্ধকারে কে দেবদৈত্য কে দানবদৈত্য নির্ণয় হইতে পারিল না। তখন ময়দানব মাহা দ্বারা যুগান্তকারী ওর্বাণির তুলা উগ্র অগ্নি সৃষ্টি করিল। সে অগ্নি দ্বারা অন্ধকার দূর হইল, কিন্তু দেবগণ দক্ষপ্রায় হইলেন, দেবরাজ বরুণকে সে অগ্নি নির্বাণিত করিতে অনুরোধ করিলেন। বরুণ বলিলেন, এই অগ্নি জল দ্বারা নির্বাণিত হইবার নয়। পূর্ব কালে উর্ব-ব্রহ্মার তপঃপ্রভাবে নিখিল জগৎ সন্তপ্ত হইয়া উঠে। তখন দেব, ঋষি, মুনি এবং দানবের হিরণ্যকশিপু, উর্ব ঋষিকে নিবেদন করিলেন, "ভগবন্, ঋষিবংশের মধ্যে আপনাবংশ নিমূল হইতে চলিল। আপনি একা, আপনাবংশ পুত্রাদি নাই..." উর্ব উত্তর করিলেন, তিনি কোমারব্রত বনবাসী, তাহার ত গৃহস্বাশ্রম নয়। আর, যদি অপতা চাই, ব্রহ্মা মানসী সৃষ্টি করিয়াছিলেন, তিনিও স্বীয় দেহ হইতে পুত্র উৎপাদন করিবেন। অনন্তর উর্ব স্বীয় উরু অগ্নিতে নিষিষ্ট করিয়া এক কুশ দ্বারা উরু মন্ডন করিতে লাগিলেন। সহসা তাহার উরু ভেদ করিয়া নিরঙ্কন অগ্নিশিখা উদ্গত হইল। এই অগ্নি উর্বের পুত্র, উর্ব। উৎপন্নমাত্র পুত্র পিতাকে বলিলেন, "আমি ক্ষুধায় পীড়িত, আমার ত্যাগ করন, আমি জগৎ ভক্ষণ করি।" তখন ব্রহ্মা আসিয়া উর্বকে বলিলেন, "তুমি সর্বলোকহিতকামনার তোমার পুত্রের ভেজ ধারণ কর, সমুদ্রের বদনধরণ বড়বা- (অবা) মুখে ইহার বাস, এবং জল ইহার হবিঃ-ধরণ অন্ন হইবে। তোমার এই পুত্র কালান্তক অনল হইবে।" হিরণ্যকশিপু এই অদ্ভুত ব্যাপার দেখিয়া উর্বের অমরত্ব শিষ্ট হইল। উর্ব ঐত হইয়া দানবেরকে বিনা ইন্ধনজাত অগ্নিরূপে মাহা দান করিলেন। তাহার জীবদশা পর্যন্ত ইহার প্রভাব থাকিয়া পরে, বিলুপ্ত হইবে। এই বৃত্তান্ত শুনিয়া দেবরাজ চন্দ্রকে হিম বর্ষণ করিতে বলিলেন। সে হিমে দানবেরা নিপীড়িত হইতে লাগিল।

এই উপাখ্যান হইতে পাইতেছি,—(১) ভূ-পৃষ্ঠের উরু সদৃশ কোন দীর্ঘ পর্বতে উর্ব দৃষ্ট হইয়াছিল। বোধ হয় এই পর্বতের নাম উর্ব ছিল। সেই হেতু তৎপুত্রের নাম উর্ব। অগ্নি-মন্ডন না করিলে 'কুমার' জন্মিতে পারে না; এই হেতু মন্ডনের ব্যপদেশ। তা ছাড়া বিলও চাই। (২) পরে সেক্ষণ অগ্নি সমুদ্রের কোন ঘোপের গিরিতে দেখা গিয়াছিল। সে গিরির আকার অশ্বমুখতুলা, ছিন্ন-শির্ষা শিখর। (৩) বোধ হয় উর্বের দেশে জল-বর্ষণ হয় না হিম-বর্ষণ হয়। (৪) পৌরাণিকেরা কল্পিত উপাখ্যানের কালের পৌর্বাণ্যে অবস্থিত হইতেন না। কিন্তু উর্ব যে অতি প্রাচীন কালের ঘটনা, তাহা 'সত্যযুগ' দ্বারা নির্দেশ করিয়াছেন। এই সত্যযুগ, পাজির সত্যযুগ নয়। বৃত্তিতে হইবে ত্রৈতায়ুগের পূর্বে। 'তারকাময় সংগ্রাম' এই নাম হইতেই প্রকাশ, সে সংগ্রাম আকাশে যজ্ঞ-পুরুষ বা কাল-পুরুষ নক্ষত্রে ঘটাইয়াছিল। সে অগ্নি

হয় হাজার বৎসর পূর্বের কথা। সে কালেও সে দেশে হিরণ্যকশিপু নামক ছিল।

হরিবংশের আর এক অধ্যায়ে (১০ম অঃ) ঋষির আর এক কর্ম পাইতেছি। এটি নানা পুরাণে বর্ণিত হইয়াছে। ইক্ষাকুবংশের রাশ-চক্রবর্তী হরিশ্চন্দ্রের অধস্তন অষ্টম পুরুষ বাহু নামে রাজা ছিলেন। তিনি দ্রাক্ষ-পানাদি-বাসনাক্ত ও অধার্মিক ছিলেন। শক বনন পারন পক্ষম কাষোজ, এই পাঁচ জাতি তৈরয় ও তালজল্য জাতির সহিত সমবেত হইয়া বাহুকে রাজ্য হইতে বিতাড়িত করে। বাহু পত্নী সহ অরণ্যে পলায়ন করেন। চুৎথ ক্রেশে দেখানে তাহার মৃত্যু হয়। তাহার পত্নী যাদবী তখন অন্তর্বর্তী ছিলেন। ভৃগুবংশজ উর্বের আশ্রমে বাহুরাজ-পুত্র সগরের জন্ম হয়। উর্ব সগরকে বেশশাল অধ্যাপন করিয়া মহাযোত্র আয়োজন দান করেন। সগর সে অন্তরবনে পিতৃবৈরা পার্বত্য-রেখা ভ্রাতিকে ক্ষত্রধর্ম-বিচ্যুত করিয়া ছাড়িয়া দিলেন। পরে তিনি অশমেধ যজ্ঞ করেন। যজ্ঞের অশ্ব পুনরক্ষিপ ভাগের সমুদ্রের বেলাভূমিতে প্রবিষ্ট ও অদৃশ্য হইল। সগরের ঋগ-সহস্র পুত্র সে ভূমি খনন করিতে গিয়া কপিলরূপ বিষ্ণুর চক্ষু-সংস্পর্শে তেজ চারিজন বাতীত সকলশেই দক্ষ হইল। পরে সগরের পৌত্রের পৌত্র ভগীরথ গঙ্গা আনিয়া তাঁহারিগকে উদ্ধার করেন।

এই বৃত্তান্ত হইতে পাইতেছি, উর্ব ভৃগুবংশীয়, এই হেতু তিনি ভার্গব, এবং তাহার আশ্রম গাঙ্গার দেশের উত্তরে কিংবা পশ্চিমে ছিল। সে কালের গাঙ্গার, রামায়ণে নাম গঙ্গবদেশ, বর্তমান কাবুলদেশ।

সগর রাজার গুরু উর্ব, আর ভোমাস্থির উর্ব এক ছিলেন না। পুরাণ-পাঠকালে সর্বদা মনে রাখিতে হইবে যে, বিশ্বামিত্র বশিষ্ঠ পরায় প্রভৃতি নাম গোত্র-নাম। পূর্বকালে নাম ও গোত্র, অর্থাৎ প্রকৃত নাম ও বংশ নাম, এই দুই দ্বারা মানুষ চিনিতে পারা যাইত। বিশ্বামিত্র বংশের ঋষিদের প্রকৃত নাম বলিবার প্রয়োজন হইত না, গোত্র নাম জানিলেই সমকালিক লোকেরা তাঁহাকে চিনিতে পারিত।

উর্ব এক গোত্র-নাম। প্রথম উর্ব এক ভৃগুর পৌত্র। কিন্তু ভৃগু এত পুরাতন যে তাহার পিতার নাম জানা ছিল না। হতাশন হইতে তাঁহার জন্ম করিত হইয়াছিল, কেহ অঙ্গিরারও জন্ম জানিত না। তাঁহার জন্ম অঙ্গার হইতে। যেমন ব্রহ্মার মুখ হইতে ব্রাহ্মণের উৎপত্তি, হতাশন ও অঙ্গার হইতে উৎপত্তিরও সেই অর্থ। অর্থাৎ ভৃগু অগ্নি-উৎপাদনের, এবং অঙ্গির অঙ্গারে অগ্নি-রক্ষার উপায় আবিষ্কার করিয়াছিলেন।

ব্রাহ্মণ বর্ণের মূল গোত্র বিবেচনা করিলেও ভৃগু ও অঙ্গির সমকালীন বলিতে পারা যায়। মহাভারতে শাস্তিপর্বে (২৯৬ অঃ) আছে, মূল গোত্র চারিটি, অঙ্গির, কশ্যপ, বশিষ্ঠ, ভৃগু।

...বোধ হয়, এই চারি বংশ পিতৃভূমি প্রথম ভাগ করিয়া ইরাণে আসিয়াছিলেন। পরে আর তিনটি আসিয়াছিলেন। এই সাত বংশ পরে সপ্তর্ষি নামে প্রসিদ্ধ হইয়াছিলেন, এবং এই সপ্ত বংশ হইতে সপ্ত গণিবার প্রবৃত্তি হইয়াছিল। সে বাহা হটক, বায়ুপুরাণে (৬৫ অঃ) দেখিতেছি, ভৃগুর উত্তমবংশীয়া দুই ভাবী ছিলেন, একটি হিরণ্যকশিপু কছা, অপরটি পলোমার কছা। তৎকালের দুই দানব রাজার কছা। ভার্গববংশে শুক্রের জন্ম। এই প্রাচীন সম্বন্ধহেতু তিনি অম্বরসিগের গুরু হইয়াছিলেন। অঙ্গির (অঙ্গিরাস) বংশ হইতে অঙ্গিরস বৃহস্পতি। ইনি স্বরগণের গুরু ছিলেন। দুই-ই নীতিবেত্তা

ও ধর্মবেদ-কর্তা ছিলেন। সগর-গুরু উর্ব শিক্তক আশ্রয়দাতা দান করিয়াছিলেন। বোধ হয় ইনিই এই অন্তের আবিষ্কারক।

এই উর্ব কখন ছিলেন? যখন সগর রাজা ছিলেন। ইহার কাল-নির্ণয় কঠিন নহে। বৈবস্বত নামে এক ঋষি ছিলেন। পরে তিনি এক মনু হন। তাহার নয়টি পুত্র ছিল। এক পুত্র ইক্ষাকু। ইক্ষাকু বংশের ভূ-পালগণ আর্থাবতে রাজত্ব করিতেন। বায়ু, মনু, বিষ্ণু প্রভৃতি পুরাণে ইক্ষাকুবংশের ভূ-পালগণের নাম আছে। দুই দশ-জনের নাম ও পর্বারে প্রস্তম আছে বটে, কিন্তু সংখ্যার বড় একটা নাই। বিষ্ণুপুরাণে ইক্ষাকু হইতে সগর ৩৮, বৃহদবল ৯৬, এবং ইক্ষাকুবংশের শেষ রাজা হুমিত্র ১২৩ পুরুষ। বৃহদবল ভারতযুগে অধিমহা দ্বারা নিহত হইয়াছিলেন। মহাপদ্ম নন্দ নামে শূত্র রাজা দ্বিতীয় পবনবামের দ্বারা অখিল ক্ষত্রিয়গণ বিনাশ করেন। সেই সময় ইক্ষাকুবংশের হুমিত্র ও কুরুবংশের শেষ রাজা ক্ষেমক বিনষ্ট হন। অতএব বৃহদবল হইতে সগর ৯৬-৩৮=৫৮ পুরুষ পূর্বে ছিলেন। ত্রিশ বৎসরে এক পুরুষ (রাজকাল নহে) গণিলে ৫৮×৩০=১৭৪০ বৎসর। যদি গ্রীঃ পূঃ ত্রয়োদশ শতাব্দী ভারতযুগ হইয়া থাকে, তাহা হইলে ১৫০০+১৭৪০=২২৪০, অর্থাৎ গ্রীঃ পূঃ ত্রিসহস্রাব্দে সগর ছিলেন। উপরি-উক্ত পুরুষ-গণনা হইতে ভারতযুগ-কালও পাইতেছি। বৃহদবল হইতে হুমিত্রকে ধরিয়া ২৮ পুরুষ, অর্থাৎ ২৮×৩০=৮৪০ বৎসর। গ্রীঃ পূঃ ৩২৫ অব্দে চন্দ্রগুপ্ত রাজা হইয়াছিলেন। তিনিই নন্দবংশ ধ্বংস করেন। পুরাণমতে নন্দবংশ ১০০ বৎসর রাজত্ব করিয়াছিলেন। অতএব আদি নন্দ মহাপদ্ম গ্রীঃ পূঃ ৪২৫ অব্দে সুমিত্রকে নিহত করেন। অতএব ৮৪০+৪২৫=১২৬৫ গ্রীঃ পূর্বাব্দে ভারতযুগ হইয়াছিল। (দ্রুম গণনার ১৩৩১)

ইক্ষাকুবংশের আরম্ভকালও পাইতেছি। হুমিত্র পর্যন্ত ১২৩×৩০=৩৬৯০ বৎসর। হুমিত্র ৪০০ গ্রীঃ-পূর্বাব্দে। অতএব ইক্ষাকু গ্রীঃ পূঃ চতুঃসহস্রাব্দে ছিলেন।*

ভারতের প্রাচীন ইতিহাসে গ্রীঃ পূঃ চতুঃসহস্রাব্দ স্মরণীয় কাল। এই কালে উত্তর কক্ষুরী নদে রবির দক্ষিণায়ণ, এবং মূল্য নদে উত্তরায়ণ হইত। মূল্য নামের সার্থকতা এই। ইক্ষাকুর কালে বৈবস্বত মনুর কাল। বৈবস্বত মনু হইতে ভারতের ইতিহাস আরম্ভ। (এই মনু নরক কাল-পরিমাণ বর্তমান পঞ্জির নয়)। ইনি সপ্তম মনু। তাহার পূর্বে ছয় মনু-কাল গত হইয়াছিল, এইরূপ স্মৃতি ছিল। ছয় মনুতে ১৭০০ বৎসর। আমার অনুমানে, এই সময় আর্ষগণ ইরাণে বাস করিতেন। কিন্তু সে সময়ের ইতিহাস প্রায় কিছুই নাই। দুই চারিটা প্রতিমাত্র ছিল। সে প্রতি-পরাশ্রবা যে কাহিনীতে পরিণত হইবে, তাহাতে আশঙ্ক নাই। পৌরাণিকেরা এক মনুর কালের ঘটনা সপ্ত মনুতে আনিয়া ফেলিয়াছিলেন। পুরাণের মনু-গণনা হইতে গ্রীঃ পূঃ ৭৭০০ অব্দ পর্যন্ত পাইতেছি। জ্যোতিষিক নির্দর্শন হইতেও গ্রীঃ পূঃ ষট্-সহস্রাব্দের পূর্বের কোন ঘটনা পাওয়া যায় না। দক্ষ প্রজাপতি এই কালে ছিলেন।

আমরা কথার কথার ইরাণে চলিয়া গিয়াছি। এদিকে ভারতে সগর-পুত্রগণ কপিল ঋষির অগ্নিতে ভস্মীভূত হইয়াছেন। বিষ্ণুপুরাণ

* বিষ্ণুপুরাণ মতে শ্রীরামচন্দ্র ৬২ পুরুষ, বায়ুপুরাণ মতে ৬৪ পুরুষ। দুই মতেই বৃহদবল ৯৬ পুরুষ। অতএব ভারত যুগের ৯৬-৩০=৬৬ পুরুষ=২০০ বৎসর পূর্বে শ্রীরামচন্দ্র ছিলেন, অর্থাৎ ১২৫০+২০০=১৪৫০ গ্রীঃ পূঃ অব্দ।

লিখিয়াছেন, “তিনি শরৎকালের নির্মল আকাশস্থিত সূর্যের ছায় ভেজঃ দ্বারা সকল নিক্রমক অনবরত উদ্ভাসিত করিতেছিলেন।” এখানে জিজ্ঞাস্য এই উপাখ্যান দ্বারা গঙ্গা অবতরণের প্রয়োজন-কণা না সত্য সত্য কোন নির্গণ-অগ্নির উৎপত্তি-ব্যাখ্যা। এই অগ্নি পূর্ব-দক্ষিণ সমুদ্রের বেলা-ভূমিতে দেখা যাইত। স্থানটি বঙ্গনাগের কুলে, গঙ্গা-সাগর-সঙ্গমে। বর্তমানের বালুসুয়ার দেশে ভৌম-অগ্নির সম্ভাবনা নাই। কিন্তু পুরাণ মামিলে তখন গঙ্গা নদী সবে দক্ষিণ-বাহিনী হইয়াছিলেন। সে স্থান রাজমহলের নিকটে। বোধ হয়, সেখানে এক আলামুখী ছিল, সেটি কপিল ঋষি। রাজমহল হইতে বীরভূম পর্দায় অনেক উচ্চ-প্রস্থর আছে। পূর্বকালে এখানে একটি আগ্নেয়-গিরি ছিল। কোলগারেল গুপ্তের হইতে ২২ মাইল দক্ষিণে ও অল্প পূর্বে তিন-পাড়াড়ীর পশ্চিমে এই গিরি অবস্থিত। পাঁচ হাজার বৎসর পূর্বে তাহার অগ্ন্যুৎসার সম্ভব নয়। তখন যে পূর্ববঙ্গ সাগর প্রাবৃত ছিল তা নয়। পূর্ববঙ্গ বরং উচ্চ ছিল। সাগরের একটা বিস্তীর্ণ খাড়ী রাজমহল পর্যন্ত থাকিলেই সেখানে সাগর-সঙ্গম। সগর রাজার সময়ই যে আলামুখী থাকিতে হইবে তাহাও নয়। পরবর্ত্তী কালে গঙ্গার মাহাত্ম্য-প্রচারের সময় কপিল ঋষির দর্শন পাওয়া গিয়াছিল। সে কোন কালে তাগা বলিবার উপকরণ নাই। কিন্তু অঙ্গ-বঙ্গাদি দেশ যে বহু পূর্বকালেই আধগণের বিধিত ছিল তাহার প্রমাণ আছে। রাজা যযাতির চতুর্থ পুত্র অথ। তাহার এক বংশধর, তিতিস্থ পূর্বদেশের রাজা ছিলেন। তাহার বংশে বলির জন্ম। বলির রজধানী গঙ্গাতীরে ছিল। ইহার ঔরস পুত্র ছিল না। এক জন্মাক্ষ ঋষি দ্বারা তাহার পাঁচ ক্ষেত্রজ পুত্র জন্মে। প্রথমে অঙ্গ, পরে কলিঙ্গ, পুণ্ড্র, বৃদ্ধ ও বঙ্গ। এই পাঁচ দেশ নামে তাহার পাঁচ ছিলেন। অর্থাৎ ‘অঙ্গাধিপ’ নামে ‘অধিপ’ বোপ করা হইত না। নামগুলি আধদিগের প্রদত্ত। হয়ত রাজমহলের কাছে গঙ্গার বঙ্গ বীক। হইতে বঙ্গ নাম। রাজমহলের পশ্চিমে অঙ্গ পদ্মার উত্তরে পুণ্ড্র, গঙ্গা ও পদ্মার মাঝে বঙ্গ বঙ্গের ও গঙ্গার পশ্চিমে বৃদ্ধ এবং বঙ্গের পশ্চিমে কলিঙ্গ। কলিঙ্গ দেশ নম্রা পর্যন্ত ছিল। ভারতবৃক্ষের অঙ্গাধিপ কর্ণ হইতে বলি ১৮ পুত্রও উৎপন্ন। অতএব ১২০০ + (১৮ × ৩০) = ১৭৮০ খ্রীষ্ট-পূর্বাব্দে অঙ্গাদি পঞ্চদেশে আধগণের যাতায়াত আরম্ভ বলিতে পারা যায়। এই বলি, দত্তা বলি নহেন, কিন্তু আধগণত্রিগুণ ছিলেন না। তাহার বংশে বালয় ক্রিয় নামে ব্যাত ছিল। (মৎসপুরাণ)।

ত্রিপুরা-মাহ উপাখ্যানের উৎপত্তিও কি এক আলামুখীতে? মহাভারতে কর্ণ পর্ব, ৩৫ অঃ।, হরিবংশ ও অন্ত্যাক্ষ পুরাণে যে বর্ণনা আছে কিরূপে সত্য হইলে তাহা রোমাঞ্চকর। নন্দ্যাতটে মহেশ্বর পর্বতের নিকটে অমরকটক পর্বতে বাণ নামে এক ভীষণ অস্ত্র ত্রি-পুর, তিনটি নগর, নির্মাণ করিয়া শস্য করিত। কিন্তু আর্কব্দ সে ত্রিপুর বীর তেজে গগনে সর্দভা ভ্রমণ করিত (এই উৎপাত কি হইতে পারে?)। দেব ও ঋষি ভয়ে বিহ্বল হইয়া রুদ্রের শরণাপন্ন হইলেন। ব্যাপার ভয়ানক, রুদ্রকে সস্ত্র বৎসর চিন্তা করিতে হইয়াছিল। রুদ্র এক শর দ্বারা পর্বতের তিনটি শাখা বিদ্ধ করিলেন। ফলে ‘সম্বতক’ বায়ু বহিতে লাগিল, অগ্নি ধাবিত হইল, শিখর পুড়িয়া গেল পাদপ উজ্জান গৃহ নরনারী জ্বলিতে লাগিল। এ যেন বিশ্ববিয়স গিরির ৭২ খ্রীষ্টাব্দের অগ্ন্যুৎপাতে পল্লী ও হরকুলিনী নগরদ্বয়ের ধ্বংস। ত্রিপুরের ঠাইটি পূর্ব বিনট হইয়াছিল। সেখানে রজকোটিও জ্বলেশ্বর শিব আছেন। এ কি তাহীদের অধিষ্ঠানের হেতুভূমি ত্রিপুর-মাহ? কে জানে। অতি পুরাকালে দক্ষিণাঞ্চল আগ্নেয় অঙ্গ-বঙ্গের বিস্তীর্ণ ক্ষেত্র হইয়াছিল। কিন্তু সে কালের তুলনায় হিমালয় যে শিশু। ভারতবর্ষের ভূমি-বিদ্যে সে আগ্নেয়

প্রলেয়ের অল্পস্ক সাক্ষী পান নাই। হয়ত পূর্বকালে এখানে ওখানে দুই একটা অগ্নি-মুখ ছিল।

মহাভারতে (আদি, ১৭৮-১৮১ অঃ) একটি আলামুখীর বর্ণনা আছে। বশিষ্ঠ শিষ্যমিত্রের বৈরিতা চিরগ্রাসি। ‘বশামিত্র বশিষ্ঠের শত পুত্রকে নষ্ট করিয়াছিলেন। একট শস্ত্রি, পতীর গর্ভে পরাশরীর জন্ম হয়। ইনি রাক্ষস দ্বারা পিতৃ ও পিতৃশ্রমিগের বধ শুনিয়া রাক্ষসবধ-সত্র অস্থতান করেন। বশিষ্ঠ ঋষি পৌত্রের ক্রোধানল প্রশমিত করিলেন। সেই যজ্ঞে সক্তি অগ্নি উত্তরে হিমালয় পার্শ্বে মহাবনে নিকিপ্ত হইল। সেখানে অত্ম্যপি সে অগ্নি পর্বে পর্বে রক্ষঃবৃক্ষ অঙ্গ ভক্ষণ করিতে দেখা যায়।

কিন্তু হিমালয়ের আগ্নেয়গিরি নাই, পূর্বকালেও ছিল না। কেন আলামুখী হইবে। পঞ্জাবে এক আলামুখী তাঁর আছে। কাংড়ার নাম আলামুখী। অথবা স্থাননির্দেশে ভুল হইয়াছে। কারণ আলামুখী বামিয়া ধামিয়া বলে না, অঙ্গ ভক্ষণও করে না। হিমালয়ের পশ্চিমে বলিলে উর্বপর্বত পাইতাম। হিমালয়ের পশ্চিমে ইহার অর্ধ, হিমালয়ের সমুদ্রে নয়।

বশিষ্ঠ ঋষি পরাশরের ক্রোধ শাস্তি নিমিত্ত ঔব-উপাখ্যান শোনাইয়াছিলেন। পূর্বকালে কৃতবীর্ঘ নামে এক বিখ্যাত রাজা ছিলেন। তিনি ভার্গবদিগের যজ্ঞমান। রাজা এক যজ্ঞ সমাপনান্তে পুরোহিতদিগকে এতৃত ধন দান করিয়াছিলেন। তাহার লোকান্তর-প্রাপ্তির পর তদবংশীয় নৃপতিদিগের অর্থাভাব ঘটে। তাহার ভার্গবদিগের নিকট অর্থ প্রার্থনা করেন। কিন্তু কোন ভার্গব ভূমিগর্ভে ধন নিকিপ্ত, কেহ ব্রাহ্মণসং করিলেন, কেহ বা অঙ্গ স্বল্প কত্রিয়দিগকে দান করিলেন। কত্রিয়েরা ক্রোধাক্ত হইয়া ভার্গবদিগকে সবংশে বধ করিলেন, গর্ভস্থ শিশুও রক্ষা পাইল না। ব্রাহ্মণ পত্নাশ্রয় হিমালয়ে পলায়ন করিলেন। এক ব্রাহ্মণী কত্রিয়ভয়ে বীর উরুদেশে গর্ভধারণ করিলেন। আর এক ব্রাহ্মণী ভয়ে কত্রিয়দিগকে নির্জনে সে গুপ্ত গর্ভ বলিয়া দিলেন। কত্রিয়েরা আসিলে গর্ভস্থ বালক ব্রাহ্মণীর উরু বিন্দী করিয়া বিহগত হইল। তাহার তেজে কত্রিয়েরা অন্ধ হইয়া গেল। তখন তাহার ব্রাহ্মণীর পদানত হইল, এবং ভার্গব ঔবের প্রসন্নতায় দৃষ্টি প্রাপ্ত হইল। কিন্তু ঔবের ক্রোধ শাস্ত হইল না, সব-বিনাশে প্রবৃত্ত হইল। পিতৃগণ আসিয়া বুঝাইলেন। ঔব বীর তেজ মহাসাগরে নিক্ষেপ করিলেন। সে অনলঅগ্ন্যুৎসারী মহৎ অবশিরোপে পরিত হইয়া সমুদ্র জল পান করিয়া থাকে।

এই উপাখ্যান হইতে পাইতেছি, বহু পূর্বকালে পাক্ষার দেশে ভার্গবেরা ঔবায় দেখিয়াছিলেন। তদন্তর সে অগ্নি সমুদ্রে অশ্বমুখ নামক আঘেয়গিরিতে দেখা গিয়াছিল। আরও পাইতেছি, ঔব ঋষির অপত্য বলিয়া ঔব নাম হয় নাই, উরু হইতে জাত বলিয়া নাম ঔব। অবশ্য মানুষের উরু হইতে পানে না; উরু-সদৃশ পর্বত বৃথিতে হইতেছে। সংস্কৃত কোষে ‘উরু’ ‘উরু’ দুইটি শব্দ আছে। ‘উরু’, অর্থে বিস্তার; ঔরীক্ষে ‘উর্ব’ পৃথিবী। কিন্তু ব্রহ্ম দীর্ঘ উকার ভেদ সকলে করতেন না। উর্বের পুত্র, ঔর্ব। ব্রহ্ম উকারও আছে। ‘উর্বরা’, ‘উর্বরা’ দুই বানানই পাওয়া যায়। অতএব উরু অর্থে পর্বতও আসিতে পারে।

কিন্তু ভারতবর্ষের কোনো বীপে বড়বা দৃষ্ট হইয়াছিল? রামায়ণে (কি। ৪৪ অঃ) সে বীপের নাম আছে। হুগ্রীব সীতা-অবধানে চতুর্দিকে বানর (অনার্য, মানুষ) পাঠাইলেন। বলিলেন, “পূর্বাব্দে সমুদ্রকোষোপশোভিত যববীপ ও স্ববর্ণ-বীপ (হুমাত্রা) অধোবন

করিবে। ব্রহ্মা জলোদ-নাগরে ওর্ষ ঋষির কোপজ তেজঃ দ্বারা সর্বভূতভাব্যাহ বৃহৎ বড়বামুখ করিয়াছেন। সে-অভূত তেজে চরাচর বিনষ্ট হইয়া থাকে। বড়বামুখে পতনের ভয়ে প্রাণিগণের নাদ শুনিতে পাওয়া যায়।”

পূর্বে দেখিয়াছি, মালয় দ্বীপের নিকটস্থ হুমাত্রা প্রভৃতি দ্বীপে আগ্নেয়গিরি আছে। ইং ১৮৮৩ সালে হুমাত্রা ও যবদ্বীপের সম্বন্ধিত সমুদ্রে ফ্রাকাতোয়া আগ্নেয়গিরির ভীষণ অগ্ন্যুৎক্ষেপ হইয়াছিল। শিখরের এক পার্শ্ব ছিল হইয়া গিয়াছিল। দুই তিন বৎসর পর্যন্ত তাহা হইতে উদ্গত ভষ্ম দৃশ্য রক্তোরূপে আবহে দিগদিগন্তে ব্যাপ্ত হইয়াছিল। এইরূপ গিরিকে অশ্বরূখ মনে করা স্বাভাবিক বটে। প্রাচীনকালে সাদৃশ্য দেখিয়া নামকরণ হইত। বড়বা অর্থে অশ্বমুখা-কৃতি ব্রহ্মা, বৃখাইত। সংস্কৃত সাহিত্যে নামকরণের এই রীতির ভুলি ভুলি উদাহরণ আছে। বাদ্রালা ভাষাতেও আছে, ইদানী আমরা সেই রীতি ভুলিয়া যাইতেছি। “দ্বারে দ্বারে সিংহ আছে” বলিলে বৃষি সিংহ-মূর্তি আছে। বড়বা শব্দে অশ্ব, ও অশ্বমুখার দুই-ই ব্রুখায়। অশ্বাপুত্র এসব করে, অশ্ব করে না। এই হেতু বড়বা শ্রীলঙ্কা। ইহাব এক নাম : বাবী, যে বমন করে, উদ্গীরণ করে। “ত্রিকাণ্ডেশ্বরে” কোষে (১২শ খ্রীষ্ট শতাব্দের পূর্বের) বড়বাগিরি অনেক নাম আছে। তন্মধ্যে একটি নাম ‘বাগিহ’। বাগিহ শব্দের প্রচলিত অর্থ, বণিক। বোধ হয় তাহারা বড়বাগিরি বৃত্তান্ত প্রচার করিয়াছিল।

ভারতবর্ষে আলামুখী আছে, আগ্নেয়গিরি নাই। শোনা যায়, ইং ১৭৫৬ সালে পণ্ডিতের নিকটস্থ সমুদ্রে আগ্নেয় উৎক্ষেপে একটা চড়া জাগিয়াছিল। পরে সেটা নিমগ্ন হইয়াছে। আরাকান প্রদেশের নিকটস্থ রামডি দ্বীপে কদম-গিরি আছে। কখন কখনও তাহা হইতে ধূমও নির্গত হয়। কিন্তু সেটা বড়বা নয়। হিমালয়ে নাই। নিকটবর্তী দেশের মধ্যে বেলেচিহানের পশ্চিমে পাশ্বে দুইটি আছে। এক পর্বতের উত্তরে একটি, দক্ষিণে অপরটি। দক্ষিণেরটির নাম কু-ঈ-বস্মন, বসমনের (ভস্মনের?) পৃষ্ঠ, ১১১২ হাজার ফুট উচ্চ। এটি এখন হুপ্ত। উত্তর-দিকটির নাম কু-ঈ-তক্ষতন, জলস্ত পর্বত, ১৮ হাজার ফুট উচ্চ (অবশ্য পর্বতপাদ হইতে এত নয়)। এটি জাগ্রত। ইহাতে তিনটি শৃঙ্গ আছে। বোধ হয় এই পর্বত ওর্ষ উপাখ্যানের উৎস এবং ভস্মন গিরিতে ওর্ষাবি রক্ষিত হইয়াছিল। আরও বোধ হয় এককালে নিকটে ভার্গবদিগের বাস ছিল। ইরাণের মধ্যে উত্তম স্থানও বটে। রাজা কৃতবীর্য হৈহয়-বংশীয় ছিলেন। সগর রাজার উপাখ্যানে পাইয়াছি, হৈহয় জাতির আদি বাস কাবুল। কৃতবীর্যের পুত্র কাতবীর-অর্জুন নামে খ্যাত। ইনি জলপুরের দক্ষিণে নন্দাদেবীতে মাহিষ্মতী পূজা করিয়াছিলেন। বোধ হয়, কৃতবীর্যের মৃত্যুর পর ইনি মধ্য-ভারতে আদিয়া স্বরাজ্য স্থাপন করিয়াছিলেন। অনেক হৈহয় বংশেই ছিলেন। ভার্গবংশ তাইদের পুরোহিত ছিলেন। অতএব এই উপাখ্যানেও পাইতেছি, ভার্গব-দিগের বাস বর্তমান ভারতসীমার পশ্চিমে ছিল। বস্তুতঃ পারস্ত পর্যন্ত ভারতের সীমা ছিল। বেলেচিহানে সপ্তদশ খ্রীষ্ট শতাব্দী পর্যন্ত হিন্দু রাজা ছিলেন। ইহারই পশ্চিম পাশে ওর্ষ পর্বত।

কিন্তু প্রাচীন ঋষিরা তাঁহাদের স্বদেশ হইতে একেবারে ইরাণের উক্ত পূর্ব-দক্ষিণ ভাগে আসেন নাই। বোধ হয় প্রথমে ইরাণের পশ্চিমোত্তর ভাগে অবস্থিত করিয়াছিলেন। সেখানে হইতে কাশ্মীর যান হ্রদ অধিক দূরে নয়। এই হ্রদের দক্ষিণে একটি, পশ্চিমে

একটি আগ্নেয়গিরি আছে। দক্ষিণেরটি ঋষিদিগের দৃষ্টিপথে পড়িয়া থাকিতে পারে। কিন্তু সেটি বড়বা নয়। তাহাঁরা কি যবদ্বীপেই প্রথমে বড়বা দেখিয়াছিলেন? পারস্তমাগরে বড়বা নাই। পূর্বদিকে মাদাগাস্কার দ্বীপে ছিল, এখন উহার অস্থলীপে আছে। লোহিত-নাগরেও ছোট ছোট আগ্নেয়গিরি ছিল। ঋষিগণ নানা দিগলেশে গিয়াছিলেন। হয়ত সেখানে বড়বা প্রথম দেখিয়াছিলেন।...

বামুপূরণ দেখি। লিখিত আছে (৩৮ অং), “স্ববক্ষ ও শিখী শৈলের অন্তরালে এক বিস্তীর্ণ শিলাতল আছে। উহা নিত্য তপ্ত মহাবোর, স্পর্শ, রোমহর্ষণ, সর্বপ্রাণীর অগম্য, হৃদারূপ। উহার মাধ্যমে ত্রিশংখ বোজনব্যাপী সহস্র-সহস্র জাগ্রাময় হৃদারূপ বস্তুস্থান আছে। সে অগ্নি অনিন্দন। সেখানে দেব জ্ঞাপন সর্বদা জ্বলিতে-ছে, তিনি লোক-স্বতক অনল।” বর্ণনাটি ভোমার্গির। জ্বালামুখীর বোধ হয় না। বিশেষতঃ স্বতক নাম আছে। স্বতক অগ্নি, প্রলয়কালীন অগ্নি। এইরূপ স্বতক মেঘ, প্রলয়কালীন জলবধী মেঘ। দেশটি কোথায়? স্ববক্ষ ও শিখীশৈলের অন্তরালে। এই দুই পর্বত কোথায়? কৈলাস পর্বতের পশ্চিম দিকে। কৈলাস কোথায়? হিমালয়ের পশ্চিমেও উত্তরে। বোধ হয় বর্তমান নাম গীর পঞ্জাল। কৈলাসের পশ্চিমেও উত্তরে, পুরাতন পশ্চিম রেখায় বৃখায় না। শিখী, যাহার শিখা, চূড়া আছে। পারস্তের কু-ঈ-তক্ষতন ত্রিশিখ। কৈলাসের পশ্চিমে আর কোন হৃদারূপ অগ্নিস্থান নাই।

মহাভারতে লিখিত আছে (ভীষ্মপর্ব, ৭ অং), “মাল্যবান্ পর্বতের শিখরদেশে স্বতক নামক কাণ্যনিরন্তর দৃষ্ট হইয়া থাকে।” কিন্তু মাল্যবান্ পর্বত কোন্টি? এখানে বলা আবশ্যক, এক প্রাচীন কালে তৎকাল-জ্ঞাত পৃথিবী চতুর্দ্বীপা ও চতুঃসাগরা মনে করা হইত। তখন ‘পামীর’ নামদেশ মেরু, এবং পরে ইলাবৃত হইয়াছিল। ইলাবৃত, চারি পর্বতে বেষ্টিত। মেরুদেশের পশ্চিমের পর্বতটি মাল্যবান্। ভাস্করাচাৰ্য ইহাকেই মাল্যবান্ মনে করিয়াছিলেন। তদনুসারে মাল্যবান্ দীর্ঘ হইয়া হিন্দুকুশের সহিত মিলিয়া আক্ষগানিহান ভেদ করিয়া পারস্তের পূর্বসীমা দিরা সাগর-নিকটবর্তী হইয়াছে। মৎস্তপূরণ লিখিয়াছেন, (১১৩ অং), মাল্যবান্ পর্বত পশ্চিমদিকে সাগর পর্যন্ত গিয়াছে। ইহার পশ্চিমে কেতুমাল দ্বীপ। অতএব পারস্তের আগ্নেয়গিরি।

দ্বিতীয় উল্লেখ বড়বার। মৎস্তপূরণে লিখিত আছে, (৪৬ অং) “চক্র, বলাহক, ও মৈনাক শৈল আরত হইয়া দক্ষিণ-সমুদ্রে পড়িয়াছে। চক্র ও মৈনাকের মধ্যে স্বতক নামে অগ্নি আছে। সে অগ্নি সমুদ্র-জল পান করে। ইনি বড়বামুখ জীমান ঔর্ধ্ব।” এটি যে সমুদ্রপারী বড়বানল, তাহা স্পষ্ট আছে। কোথায়? মৈনাক পর্বতের নিকটে। যে সকল পর্বত দীর্ঘ হইয়া সমুদ্রে প্রবিষ্ট, তাহাদের নাম মৈনাক। বড়বা সমুদ্র-নিমগ্ন অগ্নি নয়, মৈনাকও সমুদ্রনিমগ্ন পর্বত নয়। সমুদ্র-নিমগ্ন আগ্নেয়গিরির অগ্ন্যুৎসার উপরে দেখা যাইবে না। শৌর্যগিক বলিতেছেন, কম্পুরুষ বর্ষের (তিক্ষতের) মহানদী সকল পূর্বদিকে লবণ-সাগরে পড়িয়াছে। তার পর বারটি পর্বতের নাম করিয়া বলিতে-ছেন, এই সকল পর্বত লবণ-সাগরে প্রবিষ্ট হইয়াছে। এই সকলের একটির বিশেষ নাম মৈনাক। ত্রিপুরা, আরাকান, টোনাগিরি, মালয়, হুমাত্রা, বর্ণিও প্রভৃতির পর্বতগুলি দক্ষিণে সমুদ্রে প্রবিষ্ট। বোধ হয় মৈনাকটি আরাকান পর্বত। আর মনে হয়, এখানে আগ্নেয়গিরি ছিল। পূর্বদিকে পশ্চিমে আক্ষগানিহান ভারতবর্ষের মধ্যে ছিল, তেমনি পূর্বদিকে মালয়দ্বীপ পর্যন্ত ছিল। ইহার পরে ভারতবর্ষের নিকটস্থ ও

মুসল্লী দ্বারা অন্তর্ভুক্ত অনেক অন্তর-দীপ ভারত-দীপ নামে আখ্যাত ছিল। বড় দীপের নিকটস্থ ছোট ছোট দীপকে অম্লদীপ বলিত। বহু ক্ষুদ্র দীপ বিশিষ্ট বহির্দীপ (মার্গই দীপপুঞ্জ)। তারপর অঙ্গদীপ, যমদীপ (যবদীপ), মলয়দীপ, শঙ্খদীপ, কুশদীপ, বরাহদীপ, এই ছয় ও বহির্দীপ দীপ, এই সাত ভারত-দীপ নামে খ্যাত ছিল। রানায়ণের বর্ণনায় সমুদ্রজ্যোতিষোদ্ভিত যবদীপ এই। দেশের নাম যে কত পরিবর্তন হয়, তাহা এই সকল নামে দেখা যাইতেছে। মলয় ও যম বা যব, এই দুইটি চিনি ত পাওয়া যাইতেছে। কিন্তু অশ্চর্য, মৎস্তপুরাণকার এখানে বড়বার অস্তিত্ব শোনে নাই। বায়ুপুরাণও শোনে নাই।

কিন্তু আর একস্থানে দেখিয়াছিলাম। বায়ুপুরাণ লিখিয়াছেন (৪৯ অঃ), শাম্বল দ্বীপে মেঘবর্ণ মহিষ পর্বত আছে। সেখানে বারিজ মহিষ-অগ্নি বাস করে। মৎস্তপুরাণ লিখিয়াছেন (১০০ অঃ), কুশদ্বীপে মেঘবর্ণ মহিষপর্বত আছে। ইহা হরি-পর্বত নামেও খ্যাত। সেখানে মহিষ নামক জলজ অগ্নির নিবাস। এখানে দেখা যাইতেছে, দুই পুরাণেই পর্বতের বর্ণনা এক। কিন্তু একে শাম্বলদ্বীপে, অল্পে কুশদ্বীপে বলিয়াছিলেন। পর্বতটিতে আগ্নেয়গিরি আছে, এবং কাশ্মীরান হ্রদের দক্ষিণস্থ গিরিটি মনে হয়। এটি এলবার্গ পর্বতের অঙ্গ। এই দেশ শাম্বল ও কুশ, দুই দ্বীপেই বলা যাতে পারে। আর একটু লক্ষ্য করিবার বিষয় আছে। মহিষ পর্বত বারিজ অগ্নি স্থান হইলেও ইহাকে বড়বা বলা হয় নাই। হয়ত ইহার আকার বড়বা তুল্য নয়।...

(ভারতবর্ষ—পৌষ, ১৩৩৭)

শ্রীবোধেশচন্দ্র রায়

সমাজ-গঠনে শিক্ষিতা নারীর প্রয়োজনীয়তা

...আমাদের মায়েরা অনেকেই জানেন না কিভাবে শিশুকে হৃদয় ও নবল রাখা যায়, কিভাবে তাকে প্রথমে ছোটখাটো রোগের—যা পরে মারাত্মক হয়ে দাঁড়াতে পারে,—হাত থেকে রক্ষা করা যায়। এসব ভেবে দেখলে নারী-শিক্ষার প্রয়োজন কতখানি, তা সহজেই বুঝা যায়। শিশুর ভবিষ্যৎ জীবন ও স্বাস্থ্য সম্পূর্ণরূপে না হলেও অনেক পরিমাণেই মায়ের উপর নির্ভর করে।...

বস্তুতঃ সন্তানের দেহ ও মনকে মানুষের মত করে গড়ে তুলতে নারীর প্রয়োজনই বেশী। ইউরোপের তুলনায় আমাদের এ দেশের শিশু-মৃত্যুর সংখ্যা কত বেশী, তাহা মৃত্যু-বিবরণী পড়লেই বুঝতে পারা যায়। এর প্রধানতম কারণ শিশু-পালন সত্বে মায়ের অনভিজ্ঞতা।...

আমাদের সমাজে মায়েরের এত বেশী পর্দানশীন করে রাখা হয়েছে যে, তাঁদের কাছে হৃদয় শিশু আশা করা বাতুলতা মাত্র।...

আমাদের দেশে, বিশেষ করে পল্লীগ্রামে, সমাজের শ্রেষ্ঠ রত্ন শিশু আলো-বাহুহীন মুক্ত ঘরে জন্মগ্রহণ করে; কারণ অনেকেই প্রহৃতি ও নবজাত শিশুকে একটা যেমন-তেমন ঘরে থাকবার ব্যবস্থা করে দেয়। তার উপর অন্ধবিশ্বাস ও গোঁড়ামির মল্লন নোংরামির জীবন্ত-মূর্ত্তি অশিক্ষিত ধাইয়ের সন্তানপ্রসবের জ্ঞানের অথবা অজ্ঞানতার উপর নারীকে তার জীবনের ভীষণ পরীক্ষার সময় ছেড়ে দেওয়া হয়। সেই অভিজ্ঞ স্ত্রীলোকের গুণাবলি অধীন মলিন দুর্গন্ধ বিহীনায় গুণে প্রহৃতি ও সমাজের ভবিষ্যৎ, শিশুকে অন্ততঃ প্রথম চল্লিশ দিন কাটাতে বাধ্য হতে হয়। এমনই তো নারীর জীবনীশক্তি নানা অন্ধকারে ক্ষীণ হয়ে থাকে; তার উপর সন্তান-প্রসবের পর আরও দুর্বল হয়ে পড়ে।

জন্মাবার পর শিশুর জীবনীশক্তিও অত্যন্ত ক্ষীণ থাকে; এই সময়টাকে মায়ের ও শিশুর—উভয়ের জীবন সঙ্কটাপন্ন অবস্থায় থাকে; হস্তরাং এ সময়ে পরিচ্ছন্নতা ও সাবধানতা অতিশয় প্রয়োজন।...

আমরা অনেক সময়ে ইংরেজ শিশুদের স্বাস্থ্য দেখে অবাক হয়ে চেয়ে থাকি। আমাদের শিশুর চেয়ে তাদের স্বাস্থ্য কত সুন্দর! কিন্তু এর অন্তর্নিহিত কারণ কি? ইংরেজ-শিশুর মা শিক্ষিতা; সন্তানের স্বাস্থ্যতত্ত্ব বিষয়ে আমাদের মায়ের অপেক্ষা তারা অনেক বেশী অভিজ্ঞ।...

নারীকে মুখ করে রাখতে জাতির মায়েরা আজও যে সন্তান-পালন শিল্পে পারছেন না, এ-শুধু মাতৃজাতির পক্ষে লজ্জাস্বরূপ নয়, দেশের ও সমাজের পক্ষেও বড় লজ্জার বিষয়।...

বাংলার মুসলিম সমাজে শিক্ষিতা নারী নাই, এ-কথা বললে বোধ হয় বেশী অত্যাধিক হয় না। অথচ বাংলার মুসলিম স্কুলেই যে অশিক্ষিত, এ-কথা বলা ভুল। শিক্ষিত ব্যক্তির সহধর্মিণী অশিক্ষিত,—এমন মিলন স্থখের হওয়ার আশা বাতুলতামাত্র। আমরা বুঝতে পারলেও ভুলে থাকতে চেষ্টা করি, সাংসারিক জীবনে শিক্ষিত স্বামীর শিক্ষিত স্ত্রী হওয়া কতখানি প্রয়োজন।...আমি একথা অস্বীকার করতে চাইনে, যে, নারীর পূর্ণতা মাতৃত্বে। কিন্তু মাতৃত্ব তার পূর্ণতার একটি মাত্র অলঙ্কার, কিন্তু তার পূর্ণতার প্রধান অলঙ্কার তার নারীত্ব, যা দিয়ে সে আনন্দ দিতে পারে।...স্ত্রী-হিসাবে নারীর কর্তব্য শুধু স্বামীর ভোগ্যবস্তু হয়ে থাকাই নয়। একটা intellectual happiness (জ্ঞানবৃত্তির আনন্দবিধানই) দেওয়াই তাদের কর্তব্য। কিন্তু বাইরের জগতের সঙ্গে তার পরিচয় এত কম, যে, আট ও বিজ্ঞানের সঙ্গে তার সখ্যক নাই; আর অর্জনানি, মনোবিজ্ঞান, এ-সব বিষয়ে তো 'ক' অক্ষর গো-মাংস বললেই চলে! বিবাহিত নারীর প্রধান কর্তব্য স্বামীর বাতে কৌতুহল, তাতে কৌতুহলী হওয়া, তার বিফলতার সময় উৎসাহ দিয়ে উদ্ধৃদ্ধ করা, তার আলোচনার বিষয়ে যোগ দেওয়া, সর্বোপরি তার জীবনের প্রধান আদর্শকে সফল করার জন্যে অমুপ্রাণিত করা। এগুলির অভাব বলেই নারীর ভিতরে প্রকৃত চিন্তাবিনোদনের খোরাক পাওয়া যায় না, এবং আমার বিশ্বাস, এইজন্মেই আমাদের সমাজে নরনারীর বিবাহিত জীবন এত একঘেয়ে ও অসহ্য।...অনেকেই হয়ত মনে করেন যে, মেয়েলোক শিক্ষিত হ'লে সংসারের কাজ করতে চাইবে না, সংসারের কাজে তাদের মন বসবে না, তারা বিবিয়ানার ভক্ত হয়ে উঠবে। কিন্তু আমি অনেক অশিক্ষিত বড়লোক ও দরিদ্র নারীর গৃহ দেখেছি;—বড়লোক অশিক্ষিত গৃহিণী কম বিবিয়ানা চান না, বরং একটু বেশীই চান! জলটুকু পানীয় নিজেরা গড়িয়ে পেতে চান না, অস্ত্রের সেবা করা তো দূরের কথা। স্বর্গহিণী তো তাঁরা মোটেই নন, উপরন্তু কুড়েমির জলন্ত এতিমুষ্টি। কোন কাজকর্ম না করাতো, কেবল বসে ও শুয়ে থাকতে, শরীরটিও অনেকের বাতে বা অস্ত্রাস্ত্র রোগে পলু করে ফেলে। তাঁরা যদি সমাজের লোকের নিকটু কন্মার্ব হন, তবে স্বশিক্ষিতা নারীরা যদি সংসারের প্রতি টানটান একটু কন্মই দেখান, তাঁরাই বা কেন কন্ম পাবেন না? তবে এটাও ঠিক যে, শিক্ষিতা নারী কুড়েমির প্রস্রাব অত বেশী দিতে পারেন না; কারণ শিক্ষা তাঁদের ভিতর এমন একটা প্রেরণা ও পিপাসা জাগায় যে, তাঁদের কখনই দিনরাত বিহীনায় শুয়ে কাটাতে দেয় না। তাঁরা হয়ত তেমন স্বর্গহিণী হন না, কিন্তু অন্ততঃ সমাজসেবার, নারী-শিক্ষার, বা রাজনৈতিক বিষয়ে, একটা কিছু নিয়ে জীবনটা তাঁরা কাজের মধ্যে কাটাতে চাইবেনই।...

আমাদের মেয়েদের মাতৃগৃহেই বলুন, আর বামীর গৃহেই বলুন, এত বেশী পরম্পরাগৌরব হয়ে থাকতে হয় যে, তারা কেবল সংসারে পরের একটা গলগ্রহ ছাড়া আর কিছুই নয়। কিন্তু ইউরোপে ১৪।১৫ বছরের কোন ছেলে বা মেয়েই কার্য গলগ্রহ হয়ে থাকে না, বা থাকতে চায় না। নয়নারী সমানভাবে শিক্ষিত হয় সমানভাবে বাইরের জগতের সঙ্গে পরিচিত হয়; কাজেই সেখানে শ্রম-বিভাগ বলে জিনিষটা খুব কমই দৃষ্ট হয়, বিশেষ করে মধ্যবিত্ত লোকদের ভিতর। সেখানে ছেলেমেয়ে সমানভাবে একসঙ্গে এক আপিসে, এক কার্পে স্কুল কলেজে কাজ করছে এবং উপার্জন করছে। এই কারণে সেখানে আমাদের মত গরীব কেউ নেই। আত্মীবন পুরুষের গলগ্রহ হয়ে থাকতে নারীর আত্মসন্মান তো নেই-ই উপরন্তু সংসারে একটা বিরাট অভাবের আশঙ্কানি হয়েছ। পুরুষকেই কেবল চাকুরী করে অর্থ সংগ্রহ করতে হবে আর নারী তার সহধর্মিণী মাত্র, কিন্তু সহধর্মিণী হবেন না, এমন হীন আকাঙ্ক্ষা নারীর মন থেকে শিক্ষার প্রভাবে দূর করতে পারলে আজ আমাদের সমাজেও অর্থের অভাবে এত অশান্তির সৃষ্টি হ'ত না, এবং অকালে আত্মহত্যার দৃষ্টান্তও দেখা যেত না।...

আমরা ভুলে যাই, ছেলেমেয়েকে সম্পূর্ণভাবে আলাদা রেখে মানুষ করা যেমন বিজ্ঞান-বিগর্হিত, তেমনিই আবার নৈতিক জ্ঞানের অভাবপূত্র। এ তত্ত্ব ইউরোপের বড় বড় মনোবিজ্ঞানবিদরা আবিষ্কার করেছেন এবং তাঁরা sex complex-এর (নারী পুরুষ ভেদে সঙ্কটজনকতার) প্রধান কারণ কি তা দেখিয়ে নারী-পুরুষের একত্র শিক্ষার জন্ত তুমুল আন্দোলন করছেন। আমি নিজেই

অনেক জায়গায় স্কুলে ছেলেমেয়েদের এক-সঙ্গে পড়তে দেখেছি এবং নিজের পড়েছি। শৈশব থেকেই যদি স্ত্রী পুরুষ একসঙ্গে শিক্ষা পায়, খেলা করতে পায়, তাহ'লে তাদের sex complex-এর অনেক সমস্যারই সমাধান হয় এবং উচ্চ স্বাভাবিকতাও কম হয়—একটা স্বাভাবিক, পরিভ্রাতাময় আবহাওয়া গড়ে উঠতে পারে। মনোবিজ্ঞান এই বলে। এ শুধু কথার কথা মাত্র নয়—হাতেকলমেও আজ ইউরোপে এর ফলের অনেকটা পরিচয় পাওয়া গেছে।...আমরা নীতির দোহাই দিয়ে ধর্মের হুকুম বলে মেয়েকে পুরুষের সঙ্গে একত্র পড়তে, খেলা ও কাজ করতে দেওয়া দূরে থাকুক, তাকে অন্তঃপুরের সীমার বাইরেই আনতে চাই নে। কাজেই শিক্ষার প্রয়োজনীয়তা অনুভব করলেই পক্ষা যাবে, এই ভয়ে উপযুক্ত শিক্ষারও বাত্বা করিনে। কিন্তু আমাদের অরণ্য রাখা উচিত যে, এতে কেবল নারীর শরীর ও মনের বিকাশের পথ রুদ্ধ করিনে, সমাজে নানা পাপের ও ধর্ম-বিগর্হিত কাজের পথ প্রশস্ত করে দেই।...

সমাজসেবকদের একটি মনোবিজ্ঞানের সঙ্গে সম্পর্ক রেখে কাজ করতে হবে। নারীর মানসিক বৃত্তির বিকাশের পথ মুক্ত করে না দিতে পারলে সমাজের সেবা অপূর্ণ থেকে যাবে। যদি নারী-বৃত্তিগুলো চেপে রাখা হয়, তবে একদিন সেগুলো ফেটে বেরাবেই—এই হচ্ছে তাদের প্রকৃতি, এবং এর এমন একটা প্রতিক্রিয়া আসবে, যে, তখন তা সামলান দায় হয়ে পড়বে।...

(সপ্তমভাগ—কান্তিক, ১৩৩৭)

ফজিলতুননেসা

বলিদান

একরামুদ্দিন

১

“বাপজান, আমার বিবাহের জন্য এখন ব্যস্ত হইবেন না। আপনি আমার জন্য যে পাত্র স্থির করিয়াছেন, তিনি আমার যোগ্য নহেন।” চতুর্দশ-বর্ষীয়া বালিকা সখিনা পিতা আমীর সাহেবের নিকট অশ্রুপূর্ণ হইয়া এই কয়েকটি কথা বলিয়া লজ্জাবনতমুখী হইলেন। আমীর সাহেব ক্ষুদ্র একটি বালিকার মুখে এই কথা কয়েকটি শুনিয়া স্তম্ভিত হইলেন। এতটুকু মেয়ে বলে কি!

আমীর সাহেবের জন্ম অভিজাত বংশে। তিনি আরবী ভাষাবিশ্ব একজন বড় মোলানা। তাঁহার পূর্ব-পুরুষ নবাব সরকারে কি একটা বড় কাজ করিতেন।

তাহাদের সেই বংশ হইতে অনেকগুলি ঘর হইয়া এখন চার পাচটা গ্রামে ছড়াইয়া পড়িয়াছে। ইহার বংশগৌরবে বাংলা দেশের মুসলমানদের মধ্যে শ্রেষ্ঠ। এই বংশগৌরব অক্ষুণ্ণ রাখিবার জন্য ইহার নিজেদের ভায়াদদের মধ্যে ছাড়া অপর কোন বংশ পুত্র-কন্যার বিবাহ দেন না। ইহার নিজে ভায়াদদের বংশে পাত্র বা পাত্রীর অভাবে অপর বংশ পুত্র বা কন্যাকে বিবাহ দিয়াছেন, তাহাদের পূর্বলক্ষ্যমান নষ্ট হইয়াছে। যে ভায়াদগণের বংশগৌরব এখনও অক্ষুণ্ণ আছে, তাহার নষ্টগৌরব জ্ঞাতদের অভিজাত সম্প্রদায় হইতে বাদ দিয়াছেন।

মোলানা আমীর সাহেব বংশগৌরবে অক্ষুণ্ণ।

তাহার পিতা অভিজাত সম্প্রদায়ে পাত্র না পাইয়া কত্কা মুন্না বিবিকে চিরকুমারী রাখিয়া গিয়াছেন। মুন্নার বয়স এখন প্রায় ষাট বৎসর। আমীর সাহেবের ঘরে গৃহিনী-পণ্য করা ছাড়া তাহার অল্প কিছু কাজ নাই। তিনি বহু যত্নে এবং বহু চেষ্টায় আমীর সাহেবের সংসার রক্ষা করিয়া আসিতেছেন, না হইলে এতদিনে আমীর সাহেবের বিষয়সম্পত্তি সমস্ত মহাজনের ঘরে চুকিত।

আমীর সাহেবের জ্যেষ্ঠা কত্কা আমীনা বিবির বয়স যখন বার বৎসর তখন অভিজাত সম্প্রদায়ে কোনো পাত্রই ছিল না। কাজেই তাহারও ভাগ্যে চিরকৌমাৰ্য্যই ঘটবার সম্ভাবনা ছিল কিন্তু সৌভাগ্যক্রমে এমনি দিনে অভিজাত বংশের একজনের গৃহে একটি পুত্র সন্তান জন্মগ্রহণ করিল। আমীর সাহেবের আশা হইল যে, বোধ হয় আমীনার ভাগ্যলিপির চিরকৌমাৰ্য্য এইবার ঘুচিবে। আমীনা শিশু বালকটি অপেক্ষা বার বৎসরের বড় হইলে কি হয় তাহার সহিত বিবাহে আমীনার ত আইবুড় নাম ঘুচিবে, বংশের গৌরবও অক্ষুণ্ণ থাকিবে।

সেই দুঃখপোয়া বালকের দশ বৎসর বয়সে বাইশ বৎসরের পূর্ণযৌবনা আমীনার শুভ-পরিণয় হইল। আমীনার আইবুড় নাম ঘুচিল এবং শশুরকুল ও পিতৃকুল উভয় কুলের সম্মান অক্ষুণ্ণ রহিল।

প্রথমা কত্কা আমীনা বিবি ত উদ্ধার হইয়াছেন, কিন্তু দ্বিতীয়া কত্কা সখিনা বিবির উদ্ধারের উপায় না খুঁজিয়া পাইয়া আমীর সাহেব বড়ই চিন্তাশ্রিত ছিলেন। সখিনা বিবির বয়সক্রমে যখন ত্রয়োদশ বৎসর তখন একদিন ষাট বৎসর বয়স্ক জন্মার সাহেবের জ্বর হঠাৎ কাল হইল। আমীর সাহেবের আশা হইল এইবার তবে সখিনা বিবির ভাগ্যও প্রসন্ন হইয়া উঠিবে। জন্মার সাহেবের বংশগৌরব এখনও রক্ষায় আছে। সখিনা বিবি বালিকা বধূরূপে তাহার গৃহ উজ্জ্বল করিবে এবং আমীর বংশগৌরবের দীপ্তিতে পিতৃগৃহও আলোকিত করিবে। আমীর সাহেব বিপত্নীক, কাজেই অন্দর হইতে তাহার প্রস্তাবে কোন আপত্তি উঠিবার কথা তাহার মনে উদয় হয় নাই। কিন্তু যে দিক হইতে কোনো আপত্তির কথা তিনি স্বপ্নেও মনের মধ্যে স্থান দেন নাই,

সেই দিক হইতে আপত্তি আসিয়া উপস্থিত হইল। চতুর্দশবর্ষীয়া সখিনা বিবাহের কি জানে? সখিনার উদ্ধারের জন্যই তিনি প্রাণপণ চেষ্টা করিতেছেন, আর সেই সখিনাই বিবাহে আপত্তি তুলিতেছে।

২

আমীর সাহেব ভারিয়া চিন্তিয়া পরদিন প্রাতঃকালে ভগ্নী মুন্না এবং কন্যা আমীনাকে ডাকাইয়া বলিলেন, “আমি সংপাত্রে সখিনার বিবাহের ঠিক করিতেছি, ইহা তোমরা জান। ভাগ্যে জন্মার সাহেবের পত্নীর কাল হইয়াছিল, নচেৎ অভিজাত বংশে আর এমন পাত্র ছিল না যে, তাহার সহিত সখিনার বিবাহ হয়। জন্মার সাহেবও যথেষ্ট আত্মত্যাগ দেখাইয়া এই বিবাহে স্বীকৃত হইয়াছেন। সখিনার বিবাহে আমি পাঁচ হাজার টাকার অলঙ্কার এবং পাত্রকে এক হাজার টাকার ঘড়ি চেন পর্য্যন্ত দিতে স্বীকার হইয়াছি। সমস্তই প্রস্তুত, এমন সময় মেয়েটার কথা দেখ না! সে আমাকে বলে কি না যে, যে-পাত্র তাহার জন্য স্থির করিয়াছি, সে তাহার যোগ্য নহে—সে বিবাহ করিবে না। বংশগৌরবে জন্মার সাহেবের চেয়ে শ্রেষ্ঠ ঘর আর দ্বিতীয় নাই। কোন আক্কেলে সে বলে যে পাত্র তাহার যোগ্য নহে। সে সেদিনকার মেয়ে, এখনও তাহার গায়ে আতুড়-ঘরের গন্ধ যায় নাই, সে বিবাহের কি জানে? বড় লজ্জার কথা! কখনও শুনি নাই যে, মুসলমানের ঘরের মেয়ে নিজের বিবাহে মতামত প্রকাশ করে। তোমরা তাহাকে ডাকিয়া বুঝাইয়া বল। আমি তাহার কোনো কথা শুনিব না, জন্মার সাহেবের সহিতই তাহার বিবাহ দিব।”

আমীনা চুপ করিয়া দাঁড়াইয়া রহিল, কিন্তু মুন্না বলিল, “বলিলেই হইল যে বিবাহ করিব না? যখন ছাগল ছানাকে কোরবানি দেওয়া হয়, তখন সে কি নিজের ইচ্ছায় গলা বাড়াইয়া দেয়? এমন মহাপুণ্যের কাজ ত ছাগলছানার হাত পা ধরিয়া মুখ বাধিয়াই করা হয়। সখিনাকে তাহাই করা যাইবে। কোনো চিন্তা নেই। কোরবানি দেওয়ার সময় ছাগলের মতামত আবার কে জিজ্ঞাসা করে?”

আমীনা কিছু বলিল না। পিসি বিক্রপ করিতেছে কি না ভাবিয়া বৃষ্টিতে চেষ্টা করিতে লাগিল।

আমীর সাহেব হাসিয়া বলিলেন, “ঠিক বলেছ বোন, ঠিক বলেছ, সে ছেলেমানুষ—সে কি জানে?” এই বলিয়া তিনি বাহিরে যাইয়া গুড়গুড়ি টানিতে লাগিলেন এবং জব্বার সাহেবের সহিত সখিনার বিবাহে কিরূপে উভয়েরই বংশগৌরব অক্ষুণ্ণ থাকিবে তাহাই চিন্তা করিতে লাগিলেন।

সাত দিনের মধ্যে বিবাহের কথাবার্তা পাকা হইয়া গেল। দুইটি বড় বংশের সম্মান অটুট থাকিবার এমন বন্দোবস্ত হওয়ায় অভিজাত সম্প্রদায় আনন্দে হর্ষধ্বনি করিয়া উঠিলেন।

৩

আজ সখিনার বিবাহ। আলোকমালায় সমস্ত গ্রামখানি সুসজ্জিত হইয়াছে। কিন্তু এত আলোকের মধ্যেও একজনের মনের অন্ধকার দূর হয় নাই—সে সখিনা। সখিনার মনে স্থখ নাই। ঘরের ও পাড়ার মেয়েদের এত চেষ্টা সত্ত্বেও সে কোনো বস্ত্রালঙ্কার পরে নাই। পোষাকও প্রতিদিনের চেয়ে এতটুকু জমকালো নয়। একটা ঘরের এক কোণে বসিয়া সে অবিরত চক্ষু মুছিতেছে।

পাত্র আসিয়া বিবাহ-সভা উজ্জ্বল করিয়াছে। তাহার দীর্ঘ পক্ষ শ্রুত্রে বিবাহ-সভায় যেন আলো ঠিক্রাইয়া পড়িতেছে। অনেকে বলিতেছে, চন্দ্রশেখর কত্না সখিনাকে এই পক্ষ দীর্ঘশ্রুত্রে আড়ালে বড়ই সুন্দর দেখাইবে। পাত্র মাঝে মাঝে হাসিয়া কথা কহিতেছে—পরিপক্ক শ্রুত্রে মধ্য হইতে তাহার শুভ দস্তরাজির ছটা বাস্তবিকই দর্শকগণের মন মুগ্ধ করিতেছে।

দেন-মোহর ধাৰ্য্য করিবার সময় বড় গণ্ডগোল লাগিয়া গেল। আমীর সাহেব জিদ ধরিলেন যে পঞ্চাশ হাজার টাকার কমে কখনও তাঁহার বংশে দেন-মোহর ধাৰ্য্য হয় নাই। তাঁহার মায়ের ষাট হাজার টাকা দেন-মোহর ধাৰ্য্য হইয়াছিল এবং তাঁহার এক কন্তার পঞ্চাশ হাজার টাকা হইয়াছে। পাত্র কহিলেন

যে, তাঁহার পূর্বপুরুষদের মধ্যে কখনও ত্রিশ হাজার টাকার অধিক দেন-মোহর হয় নাই, সুতরাং তিনি ত্রিশ হাজার টাকার অধিক দেন-মোহরে সম্মত হইতে পারেন না।

শেষে উভয়পক্ষের একজন মুন্সফী চল্লিশ হাজার টাকা দেন-মোহরে উভয়পক্ষকে স্বীকার করাইলেন। দেন-মোহরের অর্দ্ধেক টাকা বস্ত্রালঙ্কারে আদায় হইল এবং বাকী অর্দ্ধেক টাকা কন্তার ইচ্ছামত দিতে হইবে।

দেশপ্রথা এবং মুসলমান শাস্ত্র মত বিবাহের পূর্বে বিবাহে কন্তার এজেন্সি বা সম্মতি লইতে হয়। এজেন্সি লইবার জন্য একজন উকীল এবং দুইজন সাক্ষী আসিয়া উপস্থিত হইল। কন্তার নিকট আত্মীয়ের মধ্যে কোনো উকীলও সাক্ষী হন। এ ক্ষেত্রেও তাহাই হইয়াছে। কন্তার মাতুল উকীল এবং কন্তার দুইজন খুল্লতা সাক্ষী হইয়াছেন। পাত্রী বিবাহের বস্ত্রালঙ্কার কিছুই পরে নাই শুনিয়া উকীল সাহেব বলিলেন, “পাত্রী বস্ত্রালঙ্কার না পড়ুক, তাহাতে ক্ষতি নাই। চোখের জল ফেলুক, তাহাতেই বা কি ক্ষতি? কেবল আমার প্রস্তাবের উত্তরে একটা হুঁ দিক্।”

পাত্রী নিরুত্তর। স্থাপ্ত ভাষায় দুইবার তাহার নিকট বিবাহের প্রস্তাব করা হইল, কিন্তু সে একবারও উত্তর দিল না। রমণীদের মধ্যে যাহারা গৃহিণী ছিলেন, তাহারা বলিলেন, “মুখে হুঁ নাই বলুক, একটা পান দিলেই সম্মতি দেওয়া হইবে। যাহারা মুখে হুঁ বলে না, তাহারা একটা পান দিলেই সম্মতি ধরিয়া লওয়া হয়। উকীল সাহেব তাহাতে মত দিলেন। তিনি বলিলেন, “তাই হোক, একটা পান দিলেই আমি এজেন্সি দেওয়া ধরিয়া লইব।” কিন্তু কিছুতেই কিছু হইল না। কেহ কন্তাকে পান দেওয়াইতে পারিলেন না।

তখন উকীল সাহেব বিরক্ত হইয়া বলিলেন, “আমি এই শেষবার প্রস্তাব করিতেছি। এবার উত্তর না পাইলে বিবাহ-সভায় কাঙ্গালী সাহেবের নিকট যাইয়া বলিব, “পাত্রী এজেন্সি দেয় নাই।” উকীল সাহেব তৃতীয়বার আদল জব্বার সাহেবের সহিত সখিনা

বিবির বিবাহের প্রস্তাব করিলেন। এবার সখিনা বিবি স্পষ্টভাবে উত্তর দিলেন, “না।” “সর্বনাশ হইল, সর্বনাশ হইল,” বলিয়া বর্ষীয়সী রমণীগণ চীৎকার করিয়া উঠিলেন। উকীল সাহেব ও সাক্ষীগণ কিংকর্তব্যবিমূঢ় হইয়া বসিয়া পড়িলেন।

শেষে সকলে পরামর্শ করিয়া আমীর সাহেবকে ডাকিয়া পাঠাইলেন। তিনি সমস্ত শুনিয়া কিছুক্ষণ চুপ করিয়া রহিলেন। পরে বলিলেন, “সখিনার বয়স এখনও পনের বৎসর হয় নাই, সে এখন অপ্রাপ্তবয়স্কা। মুসলমান শাস্ত্রে বিধান আছে, পাত্রী অপ্রাপ্তবয়স্কা হইলে তাহার এজেনের দরকার হয় না, পিতার এজেনেই তাহার বিবাহ হইবে। তোমরা বিবাহ-সভায় কাজী সাহেবের নিকটে গিয়া বল, অপ্রাপ্তবয়স্কা কন্যার পক্ষে আমি পিতা বিবাহে এজেন দিতেছি। তাহা হইলেই বিবাহ শাস্ত্রানুযায়ী হইবে।” তাহাই হইল। পিতার এজেনে সখিনা বিবির শুভবিবাহ সম্পন্ন হইল।

৪

শুভবিবাহ শেষ হইবার পরই আমীর সাহেব বাটীতে আসিয়া সখিনা বিবিকে বলিলেন, “আমার সম্মতিতে তোমার শুভবিবাহ সমাধা হইয়াছে। আর ছেলে-মাছুসী জেদ করিয়া কোনো ফল নাই। এখন বস্ত্রালঙ্কার পরিয়া প্রস্তুত হও। পাত্রের সহিত শুভদৃষ্টির পর স্বামী-গৃহে যাইতে হইবে।”

সখিনাকে আর বস্ত্রালঙ্কার পরিবার জন্ত জিদ করিতে হইল না। সে আপনি উঠিয়া চকের জল মুছিয়া শুষ্কচক্ষে নববধূর বস্ত্রালঙ্কার পরিতে আরম্ভ করিল। তখনও তাহার মুখখানি দৃঢ়তাব্যঞ্জক।

পাত্রের সহিত শুভদৃষ্টির পর সখিনা বিবি স্বামী-গৃহে যাইবার জন্ত পাকীতে উঠিল। পাকীতে চাড়বার জন্ত কাহাকেও বলপ্রয়োগ করিতে হইল না। অনেকে বলিতে লাগিলেন, “এতক্ষণে মেয়ের স্ববুদ্ধি হইয়াছে। স্বামী কি ধন মেয়ে ক্রমেই বুঝিতে পারিবে।”

সখিনা বিবি পাকীতে চাড়িয়া স্বামী-গৃহে চলিল।

৫

স্বামী-গৃহে সখিনা বিবির এক রাজি কাটিয়া গেল। ভোরের বেলা সখিনা বিবি একা বাহিরে আসিয়া জব্বার সাহেবের ভগ্নী তমন্না বিবির নিকট কান্দ-কান্দ করে বলিল, “আহুন, আপনার ভাইসাহেব কেমন হইয়া গিয়াছেন, দেখিবেন আহুন।”

তমন্না বিবি তাড়াতাড়ি উঠিয়া ভ্রাতৃগৃহে আসিয়া দেখিলেন, জব্বার সাহেব মৃতবৎ বিছানায় পড়িয়া আছেন, ডাকিলে উত্তর দিতেছেন না এবং নড়িতেছেন না।

তাড়াতাড়ি একজন এ্যাসিস্ট্যান্ট সার্জনের ডাকা হইল। তিনি আসিয়া বিশেষ পরীক্ষা করিয়া দেখিয়া বলিলেন, “বিবাহের উত্তেজনায় রক্তের চাপ বৃদ্ধি হওয়ায় হঠাৎ পক্ষাঘাতে রোগীর মৃত্যু হইয়াছে।”

আমীর সাহেবের নিকট তাড়াতাড়ি সংবাদ পাঠানো হইল। তিনি এই দুঃসংবাদ পাইয়াই জামাতার গৃহে আসিলেন। তিনি কহিলেন, “সখিনার কপালে যাহা ছিল তাহা হইয়া গেল। যা হোক তার আইবুড় নাম ত ঘুচিল।” সখিনা বিবি বস্ত্রালঙ্কারে ভূষিতা হইয়া শুষ্কচক্ষে স্বামিগৃহে আসিয়াছিল। একদিনের পর আভরণহীনা হইয়া আবার শুষ্কচক্ষে পিতৃগৃহে চলিল।





গোলন্দাজের অবগেন্দ্রিয়—

যুদ্ধকাৰ্য্যে উড়ো জাহাজের ক্ষমতা দিনে দিনে এত বাড়িয়া চলিয়াছে যে তাহাদের দৌরাণ্ডা হইতে আশ্চর্য্যকার সমস্তা সকল দেশের পক্ষে একটা বিধম গুরুতর ঐশ্ব হইয়া দাঁড়াইয়াছে। আর্টিলারির একটি বিশিষ্ট বিভাগ উড়ো জাহাজ হইতে আশ্চর্য্যকার কাজে ব্যাপ্ত—তাহার নাম anti-aircraft বিভাগ। বহু দূরে থাকিতেও এরোপ্লেনের আওরাজ ধরিবার জন্ত ফ্রাঙ্গে নীচের ছবিতে প্রদর্শিত যন্ত্রটি আবিষ্কৃত হইয়াছে। সে আওরাজ ধরা পড়িলে এরোপ্লেনের দূরত্ব এবং উচ্চতা বলিয়া দেওয়া যায়। এই যন্ত্রটি সম্বন্ধে


বিস্তারিত কোন খবর বাহির হইতে দেওয়া হয় নাই। তবে এ পর্য্যন্ত জানা গিয়াছে যে, ২০ মাইল দূরের এরোপ্লেনের আওরাজও এই কলের দ্বারা ধরিতে পারা যায়। এই জাতীয় কল অবশ্য ইতিপূর্বেও তৈরী হইয়াছে, কিন্তু এই যন্ত্রটির বিচিত্র রচনা সকলকে বিশেষভাবে আকৃষ্ট করিয়াছে।

পাখার দ্বারা চালিত রেলগাড়ী—

সম্প্রতি জাপানী হইতে একটি নূতন যানের আবিষ্কারের খবর আদিয়াছে। যানটি কার্য্যকারিতার পরীক্ষার উত্তীর্ণ হইয়াছে।





এরোপ্লেনের গতিবিধি ধরিবার নূতন যন্ত্র



“জোপেনিন” রেলগাড়ী

ইহা এরোপ্লেনের মত পাখার দ্বারা চালিত। কিন্তু রেলগাড়ীর মত লাইনের উপর দিয়া চলে। মাটির উপর এরোপ্লেনের সঙ্গে পাল্লা দিবার জন্য ইহা তৈরী। পরীক্ষায় ইহা ঘণ্টায় ১১৪ মাইল চলিয়াছিল। এই গাড়ীর আবিষ্কার নাম ফ্রাঙ্ক জুস্টেনবেয়ার্গ।

গাড়ীটির পাঁচটি কামরা—তাহাতে ৪০ জন যাত্রীর স্থানসম্বলান



উপরে—পাখার দ্বারা চালিত রেলগাড়ীর সমুখের দৃশ্য

মধ্যে—প্রপেলার ও পিছনের দৃশ্য

নীচে—পাখার দৃশ্য। মাঝের দরজা দিয়া যাত্রীরা উঠা-নামা করে

হয়। গাড়ীটি দেখিতে একটা সাদা রং-এর অতিকায় গিগারের মত। ইহার প্রপেলার অর্থাৎ পাখাটি পশ্চাতে অবস্থিত। ৪০০ হস-পাওয়ারের একটি পেট্রোল ইঞ্জিন ইহাকে ঘুরায়। এই ঘোরার দরুণই গাড়ীটি চলিতে আরম্ভ করে। গাড়ীটাকে রেলের উপর রাখিবার জন্য পাখার মুখটা কতকটা উপর দিকে তুলিয়া দেওয়া দরকার হইয়াছে। একপ না করিলে এরোপ্লেনের মত সেও উড়িবার চেষ্টা করিত।

সতের দেশের কাছে তৈরী টেবিল—

মিশিগানের মে বেরি স্যানিটেরিয়ামে সতের দেশের কাঠ একত্রে



সতের দেশের কাছে তৈরী টেবিল

করিয়া সাত বছরের পরিশ্রমে এই টেবিলটি তৈরী হইয়াছে। নির্মাতার নাম জর্জ হাথাওয়ে। ইনি বিগত দুই অক্টোবর হইরা দেশে ফিরিয়াছিলেন। টেবিলখানি এখন প্রদর্শনের জন্য বষ্টনে পাঠান হইয়াছে।



ভারতের সাম্যবাদ—ঈশতীশচন্দ্র গুপ্ত প্রণীত। প্রাপ্তি-স্থান—খাদিপ্রতিষ্ঠান, ১৫, কলেজ স্কোয়ার, কলিকাতা। মূল্য আট আনা।

সামাজিক সাম্যের মূল কোথায়, এ সাম্য কি ভাবে লাভ করা সম্ভব এবং প্রাচীন ভারতেই বা এ সাম্য কি ভাবে লাভ করার চেষ্টা হইয়াছিল, এই প্রশ্নের কতকগুলি প্রবন্ধে তাহাই আলোচিত হইয়াছে। সতীশবাবু বলেন—প্রাচীন ভারতে এ সমস্ত সাম্যবাদের চেষ্টা চলিয়াছিল বর্ণবর্ণের দ্বারা। বর্ণবর্ণ বলিতে বর্তমানের সাম্প্রদায়িক বিদ্বেষ-বহুল জাতিভেদ ব্যাধি না—বৃথায়, স্ত্রায় এবং সানোর উপর প্রতিষ্ঠিত কেবলমাত্র জীবিকাজনের উদ্দেশ্যে পরিকল্পিত ব্রাহ্মণ, ক্ষত্রিয় প্রভৃতি চারিটি বিশেষ বিভাগকে। এই বিভাগ অনুসারে সমাজের কাজকে এক এক বর্ণের ভিতর ভাগ করিয়া দেওয়া হইয়াছে। কিন্তু এ গণ্ডি টানা হইয়াছে কেবল জীবিকাজনের সম্পর্কেই। নিজ নিজ বৃত্তি অনুসারে জীবিকাজন করিয়া তারপর সেবার উদ্দেশ্যে যদি কেহ অশ্রু বর্ণের কাজ করে অর্থাৎ শূদ্রও যদি জাতি বিভাগ অনুযায়ী কাজের দ্বারা জীবিকাজন করিয়া লোকহিতের জন্য বা আত্মোন্নতির জন্য ব্রাহ্মণোচিত কাজে হাত দেয়, তবে সত্যাকার বর্ণবর্ণে তাহা কোথাও বাধে না। বর্ণবর্ণের এই অর্থ যে তাঁহার মনগড়া নয়—ইহাই যে বর্ণবর্ণের শাস্ত্রোক্ত অর্থ গীতার কতগুলি শ্লোকের দ্বারা সতীশবাবু তাহাও প্রমাণ করিতে চেষ্টা করিয়াছেন।

এই সম্পর্কে তিনি ইটালী, রাশিয়া প্রভৃতি ইউরোপীয় দেশসমূহের সামাজিক সাম্যের আদর্শকেও বিশ্লেষণ করিয়া দেখিতে চেষ্টা করিয়াছেন। তিনি বলেন—ইউরোপের এই চেষ্টার মূলে রহিয়াছে জোরজবরদস্তি। রাজশক্তি জোর করিয়া সমস্ত ভেদ ভাঙিয়া দিতে উদ্যত হইয়াছেন। কিন্তু সামাই যেখানে কামা, সেখানে জোরজবরদস্তির কোনো স্থান নাই। নিকোঁভ না হইলে স্ত্রায়ী সাম্যের সন্ধান মিলিতে পারে না। তাই ইউরোপে আজ যে সাম্যবাদের ধূয়া উঠিয়াছে তাহাতে উদ্ধা আছে, আদর্শ পৌঁছবার সাধনা নাই; তাহার ভিতর দিয়া শক্তিমানের চরুককে গিড়ন করিবার সুযোগ দেখা দিয়াছে, তাহাতে বাস্তবিক সাম্য প্রতিষ্ঠার পথ ধরা পড়ে নাই।

ইউরোপের 'সোশিয়ালিজম' ভারতের মনে যে একটা দোলা জাগাইয়াছে এবং দেশের অনেকগুলি লোকের মনও যে তাহার দিকে ঝুকিয়া পড়িয়াছে এ কথা আজ নিঃসন্দেহে বলা যায়। তাই একটা অনুসরণের স্পৃহা, একটা ভাবিবার স্পৃহাও আজ দেখা দিয়াছে। সতীশবাবুর এই প্রবন্ধগুলি দেশের এই নববন্ধ মতের প্রতিবাদ। ইউরোপের স্রোতে গা ভাসাইয়া কোনও লাভ নাই—এই কথাই তিনি ঘোষণা করিয়াছেন। কিন্তু তিনি সংস্কারের বিরোধী নহেন যদি সে সংস্কার ভারতীয় আদর্শের অনুগামী হয়। সতীশবাবু বর্ণবর্ণের যে ব্যাখ্যা করিয়াছেন তাহা অনেকে মানিবেন না। কিন্তু তিনি এই পুস্তকে যে-সকল বিষয় আলোচনা করিয়াছেন তাহা আমাদের গভীরভাবে

চিন্তা করিবার প্রয়োজন আছে। ভাঙা সহজ কিন্তু গড়া কঠিন। হুতরাং ভাবিবার আগে বাহা আছে তাহা সংস্কারের দ্বারা শুদ্ধ করিয়া লওয়া যায় কি না, তাহা ধীরভাবে পরীক্ষা করিয়া দেখা দরকার। প্রবন্ধগুলি লইয়া আলোচনা করিলে, বাংলা দেশ উৎকৃত হইবে বলিয়া মনে করি।

রা. ব.

লোহাগড়া কাহিনী—শ্রীহরেন্দ্রনাথ মজুমদার, বি.এল প্রণীত। মূল্য তিন টাকা।

লোহাগড়া যশোহর জেলার মধ্যে একটি সমৃদ্ধিশালী পল্লীগাম। ইহা নড়াইল মহকুমার অধীন। লোহাগড়ার নাম সম্বন্ধে গ্রন্থকার এবং ভূমিকা-লেখক প্রথিতনামা ঐতিহাসিক শ্রীমুক্ত সতীশচন্দ্র মিত্র মহাশয় একটি প্রবাদের উল্লেখ করিয়াছেন। মিত্র মহাশয় অনুমান করেন, যে, প্রাচীন কোন দ্রুপ হইতে ইহার নাম লোহাগড়া হইয়াছে। তিনি বলেন যে, খৃষ্টীয় বৌদ্ধ শতাব্দীর প্রারম্ভে কোনও বিখ্যাত বীর পার্শ্ববর্তী জয়পুরে রণজয় করিয়া সেই বিজয় নগরীর উপকণ্ঠে লোহাগড়ার—গড় ও অস্ত্র কারখানা (লোহা) স্থাপন করিয়াছিলেন। কিন্তু তাহার এই সিদ্ধান্ত গ্রহণের পক্ষে প্রমাণ বাধা এই যে, এ অঞ্চলে সৌভারাম ছাড়া পূর্বে কোনও স্থানীয় রাজার সংবাদ ইতিহাসে প্রদান করেন না। দ্বিতীয়তঃ, গড়া শব্দটি অস্ত্র কোনও স্থলে গড়ের সংস্রবে ব্যবহৃত হইতে দেখি নাই। রামগড়, প্রতাপগড়, শক্তিগড় প্রভৃতি নামের গড় কোনও স্থলে গড়ার পরিণত হইতে দেখা যায় না। আমার মনে হয়, লোহাধরা বা গ্রন্থপ কোনও শব্দ হইতে লোহাগড়ার নাম আসিয়া থাকিবে। পল্লীকাহিনী পল্লীগামবাসী মাত্রেই আনন্দের বস্তু। লোহাগড়া এবং তারিফটর গ্রামের অনেক কথা এই পুস্তকে আছে। বর্তমান এবং অতীত বহু ব্যক্তি ও স্থানের পরিচয় ও চিত্র ইহাতে প্রদত্ত হইয়াছে। লোহাগড়া বৈষ্ণবাক্রান্তীদিগের একটি প্রধান স্থান। তাহাধেই বংশাবলীর পরিচয় আলোচ্য গ্রন্থস্থানির অধিকাংশ অধিকার করিয়াছে। অতীত কাহিনী, কিংবদন্তী প্রভৃতি সংগ্রহ করিতেও গ্রন্থকার ক্রেটি করেন নাই। পল্লীর উৎসব, পল্লীর গীতবাদ্য, পল্লীর আচার-ব্যবহার—যে সমস্ত ব্যাপারে স্থান-বিশেষের বৈশিষ্ট্য প্রকাশ পায়—তৎসমস্তই গ্রন্থকার বিশেষ যত্নসহকারে লিপিবদ্ধ করিয়াছেন। গ্রন্থ প্রায় বহু বহু ততই ভাল।

শ্রীখগেন্দ্রনাথ মিত্র

পাটের কথা—শ্রীনির্মলচন্দ্র ঘোষ প্রণীত। মোহাম্মদী হু' এজেন্সী, ৭৪ পৃষ্ঠা, মূল্য বারো আনা।

এই ছোট বইখানিতে পাটের চাষ হইতে সেবারের বাগি

পৰ্য্যন্ত পাট সংক্রান্ত আর সমস্ত জ্ঞাতব্য বিষয় সরল ভাষায় বর্ণিত হইয়াছে। অধিকাংশ বিষয়ই নির্মলবাসুর নিজ অভিজ্ঞতা হইতে লিখিত, তাই বর্ণনাগুলি বেশ বাস্তব ও সহজবোধ্য হইয়াছে। বই-খানিতে অর্থনীতির কুট প্রায় ও সমস্তার সমাবেশ কিছু নাই, অমচ বালক ও প্রবীণ সকলেরই জানিবার বিষয় অনেক রহিয়াছে। দুর্ভাগ্যক্রমে দুই এক স্থানে পুস্তিকাখানির তাত্ত্বাতি প্রকাশের লক্ষণ রহিয়া গিয়াছে। যেমন ৩৬ পৃষ্ঠায় দ্বিতীয় প্যারার শেষ অংশে প্রথমক্রমে ১০ টাকা দর স্থলে ৭ টাকা মুদ্রিত হইয়াছে। ফলে গ্রন্থকারের একচেটিয়া দরের আলোচনা পাঠকের পক্ষে বোঝা কঠিন হইয়া দাঁড়াইয়াছে।

মোটের উপর বইখানি খুব সমযোযোগী হইয়াছে।

শ্রীললিনাক্ষ সাত্তাল

বহুশিখা—উপস্থাপন—শ্রীমৌরীমোহন মুখোপাধ্যায়। প্রকাশক শ্রীযুক্ত শ্রীমানী, ২০৪, কর্ণওয়ালিস স্ট্রীট, কলিকাতা। ডবল ক্রাউন বোডুবাংশিত ৩২৪ পৃষ্ঠা। কাগড়ের মলাট, রূপালি হরফে নাম লেখা। মূল্য দুই টাকা।

গল্প, উপস্থাপন, নাটক ও শিশু-সাহিত্য রচনা করিয়া মৌরীমোহন বাংলা সাহিত্য-ক্ষেত্রে প্রতিষ্ঠা লাভ করিয়াছেন। তিনি বাংলা সাহিত্যের একজন prolific লেখক। তাঁর রচনা শ্রোতৃধারার মত অবাধে অবলীলায় বহিয়া চলে—তার মধ্যে কষ্টকল্পনা বা কৃত্রিমতার লেশমাত্র নাই। আলোচ্য উপস্থাপনখানিতেও রচনার সেই প্রঞ্জলতা বর্তমান।

কলিকাতা শহরে জুয়াচোরের অভাব নাই—সমাজের সকল স্তরেই তারা বিরাজ করে। সকলের শিক্ষা-দীক্ষা সমান না হইলেও সকলেই বুদ্ধিজীবী। খবরের কাগজ মারফৎ তাদের অভিনব কীর্ষি-কলাপ প্রাঙ্গণে গুলিতে পাই। তেমনি এক জুয়াচোর দলের নকল কুমার-বাহাদুর—এক শিক্ষিত সুদর্শন বাঙালী যুবক ‘বহুশিখা’র নায়ক। তার নাম গিরিজা। সে ও তার বন্ধু শ্রীমল, অদৃষ্ট অগ্রসর না হওয়ায়, কতকটা যেন অভ্যস্তভাবে এই অজ্ঞান কাজে নামিয়াছে।

শিকারের খোঁজে কলিকাতা আসিয়া দুই বন্ধু ঘটনাক্রমে এক অতি-আধুনিক শিক্ষিত তরুণ-তরুণী সম্প্রদায়ের সঙ্গে জড়াইয়া পড়িল। এই সম্প্রদায়ের সভ্যদের ছবি খুব বাস্তব হইয়াছে—এমন কি কোনো কোনো ‘চরিত্র’কে চেনা-চেনা মনে হয়। ইহাদের হাব-ভাব, কথাবার্তা, চিন্তাধারার মধ্যে নৃতনত্ব আছে—হাসির উপাদানও কম নাই। গিরিজা এই দলের সংশ্রবে আসিয়া দ্রুত নারীর স্নেহ ও প্রেম লাভ করে; এবং তার ফলে মন নিরাময় হইয়া উঠিলে অসৎ সংসর্গ ভ্যাগ করিয়া জ্ঞানপথে জীবনব্যাপনে উদ্যোগী হয়।

গল্পের নায়ক গিরিজার চেয়ে তার বন্ধু ও সতর্কতার শ্রীমল ভাল ফুটিয়াছে। উভয়েরই সরস মন, তীক্ষ্ণ বুদ্ধি, মার্জিত রুচি—তাদের উপর রাগ বা বিরক্তি আসে না। তারা adventurous হইলেও eminently lovable—আর দুজনের মধ্যে যে ভালবাসা, তা অকৃত্রিম ও মধুর।

আলোচ্য গ্রন্থের প্রান্ত চরিত্র মাদ্য—নিঃসন্দেহ সেই উপস্থাপনের নায়িকা। মাদ্য মন মুগ্ধ করে—হৃদয়ের tragic figure। বইয়ের আগাগোড়া তার ছবি উজ্জ্বল হইয়া আছে। প্রেমাপ্যদের হৃথের

জন্ত তার সন্ধান আত্মবিলাপ পাঠকের চিত্ত স্পর্শ না করিয়া পারে না।

বইখানির নিভুল পরিষ্কার ছাপা প্রশংসার যোগ্য।

যাযাবর—শ্রীপ্রবোধকুমার সাত্তাল প্রণীত এবং কলিকাতা ২০৪, কর্ণওয়ালিস স্ট্রীট হইতে শ্রীমদ্রহস্য শ্রীমানী কর্তৃক প্রকাশিত। ডবলক্রাউন বোডুবাংশিত ১৭৪ পৃষ্ঠা, রূপালি হরফে নাম লেখা কাগড়ের প্রচ্ছদ, দাম পাঁচ টাকা।

আলোচ্য গ্রন্থ উপস্থাপনের ছদ্মবেশে ছোটগল্পের সংগ্রহ। ভূমিকায় লেখা আছে—“এই উপস্থাপনখানি বিভিন্ন নামে ও আংশিকভাবে ‘কালি-কলম’, ‘কল্লোল’, ‘উজ্জ্বল’ ও ‘বঙ্গবাণী’তে ক্রমশ প্রকাশিত হইয়াছিল।”

লেখা মন্দ নয়, কিন্তু গল্পগুলি দুর্বল মেরদগুহীন—ইংরেজীতে বাক্য বলে ‘thin’। ওরই মধ্যে গৌরীর গল্পে একটু গল্প আছে। যতদূর জানি, ‘যাযাবর’ নবীন লেখকের প্রথম বই—কালক্রমে উপলব্ধি আরও গভীর হইলে তাঁর রচনার উৎকর্ষ বাড়িবে আশা করি।

শ্রীমুরেশচন্দ্র বন্দ্যোপাধ্যায়

রক্তের সন্ধান—শ্রীশ্রীশ্রীলাল রায়, এম্-এ প্রণীত। প্রকাশক ডি. এম. লাইব্রেরী, ৬১নং কর্ণওয়ালিস স্ট্রীট, কলিকাতা। পৃঃ সং ৮৬। ‘রক্তের সন্ধান’ ও ‘খেয়ালী’ দুটি বড় গল্প আছে। লেখকের ভাষাটি বেশ মিষ্ট। দু-চার কথার ব্রজেশ্বরীর চরিত্রটি ভারী হৃদয় ফুটিয়াছে। ‘খেয়ালী’ গল্পটিই বেশী ভাল লাগিল।

শ্রীবিভূতিভূষণ বন্দ্যোপাধ্যায়

কাচ ও মণি—মোলভী একরাসুদ্দিন প্রণীত। প্রকাশক মোহসিন এণ্ড কোং, ৬৬১-এ বৈঠকখানা রোড, কলিকাতা। মূল্য দেড় টাকা।

উপস্থাপনখানি সুবৃহৎ। নানারূপ ঘটনা ও চরিত্রের সমাবেশে গল্পটিকে ঘোরালো করা হইয়াছে। সকল চরিত্রের বৈশিষ্ট্য সম্পূর্ণভাবে ফুটিয়া না উঠিলেও, গল্পের শ্রোতা অব্যাহতভাবে বহিয়া যাওয়ার পাঠকের নিকট উপস্থাপনখানি কৌতুহলোদ্দীপক হইবে। হুশীলার চরিত্রে বিলাতী গবর্ণর্স এবং প্রভাবতীর চরিত্রে বিলাতী এড-ভেকারেসের ছাপ পড়িয়াছে। গ্রন্থকারের মত উদার এবং রচনারীতি প্রশংসনীয়। স্থানে স্থানে তাঁহার রসিকতা বিশেষ উপভোগ্য। বইখানির গল্পাংশ চিত্তাকর্ষক। ছাপা ও বাঁধাই ভাল। আমরা লেখকের শাস্তাদারিকতাহীন সহনভার প্রশংসা করি।

কালু সন্দীপ—শ্রীবীরেন্দ্রনাথ সেন প্রণীত এবং এলাহাবাদ ইন্ডিয়ান প্রেস হইতে প্রকাশিত। মূল্য বার আনা।

ইহা ছেলেমেয়েদের উপস্থাপন বলিয়া কথিত হইয়াছে। বইখানি রূপকথা-জাতীয়। গল্পের সাবলীল প্রবাহ রূপকথার প্রাণ। রূপকথা আপনি ঘোরালো হইয়া উঠে, ইচ্ছা করিয়া গল্পের মোড় ঘুরাইতে হয় না। বইখানিতে কিন্তু বাম-বার এই চেষ্টার লক্ষণ পরিলক্ষিত হয়। এই চেষ্টা না ফুটিয়া উঠিলে ছেলেদের কাছে গল্পটি সম্পূর্ণ উপভোগ্য হইয়া উঠিত। ‘সে বললো’ না ‘সে বললো’? ‘জিজ্ঞাসা করলো’ না ‘জিজ্ঞাসা করলো’, ‘দেখলো’ না ‘দেখলো’? মনে হয় চলিত বাংলার ক্রিয়ার রূপ হ্রস্বীকৃত হইবার সময় আসিয়াছে, বিশেষত শিশু-সাহিত্যে।

শ্রীশৈলেন্দ্রকৃষ্ণ লাহা

মুখা—শ্রীঅনানিনাথ মুখোপাধ্যায়। কলকাতা বুক ডিপো, লিঃ, ১৫ কলেজ স্কোয়ার, কলিকাতা। আট আনা।

বইটির ছাপা ও বান্ধন মন্দ নহে; কিন্তু ভিতরের বস্ত্র লেনসই। ইহা একখানি পদ্য-পুস্তক। পদ্যগুলিতে অনেক নীতি-কথার অবতারণা করা হইয়াছে। পদ্যে গল্পছলে নীতিকথা বলিবার রীতি আছে, কিন্তু আলোচ্য পদ্যগুলিতে তাহা গল্পছলে বলা হয় নাই। পদ্যগুলি ছোট ছোট। একগুণ জিনিষ আধুনিক কালে চলিবে বলিয়া মনে হয় না। তাহা ছাড়া, পদ্যগুলিতে ছন্দ ও মিলের দোষ আছে। তবে কয়েকটি পদ্য, ছন্দে মিলে ও ভাবে মন্দ হয় নাই।

স্নেহধারা—শ্রীবিজ্ঞাননাথ বসু। লিপি বুক কোম্পানী, ২৭, কর্ণওয়ালিস্ স্ট্রিট, কলিকাতা। এক টাকা।

কবিতার বই। ইহাতে মাতা, পিতা, পুত্র, কন্যা প্রভৃতির যে-ঐশ্রীত সম্বন্ধে অনেকগুলি কবিতা আছে। কবিতাগুলি আধুনিক কাব্যোপযোগী ছন্দ ও উদ্ভাবিত রচিত না হইলেও, বহুস্থলে বেশ আন্তরিক-ভাব-পূর্ণ। তবে লেখকের মনে রাখা উচিত, তাঁহার ব্যবহৃত ছন্দ বাংলা সাহিত্যে ক্রমে ক্রমে অচল হইয়া যাইতেছে এবং তাহা বিভিন্ন রূপ ধারণ করিতেছে।

পথের বাঁশী—শ্রীপ্রবোধচন্দ্র মৈত্র। ইণ্ডিয়ান পাবলিশিং হাউস, ২২১১, কর্ণওয়ালিস্ স্ট্রিট, কলিকাতা। এক টাকা।

কবিতা-পুস্তক। এই পুস্তকের কবিতাগুলি পড়িয়া আমরা আনন্দলাভ করিয়াছি। ভাবে ছন্দে ও ভাষায় কবিতাগুলি ভাল হইয়াছে,—কয়েকটি হুম্মর হইয়াছে।

শ্রীপ্যারীমোহন সেনগুপ্ত

একালের দৈত্য ও পরী—শ্রীহেমেন্দ্রনাথ ঘোষ, এম-এ, বি-এল সম্পাদিত। প্রকাশক—ম্যাকমিলান্ এণ্ড কোম্পানি লিমিটেড, কলিকাতা। মূল্য তিন আনা।

এই ছোট বইখানিতে কয়েকটি বস্তু-বিজ্ঞানের জটিল কথা চিন্তাকরক ক'রে বলা হয়েছে। ছেলেমেয়েরা দৈত্য ও পরীর অদ্ভুত অদ্ভুত কাহিনী যেমন আগ্রহ করে শোনে, তেমনি এই বইখানির আলোর পরী, সূর্যালোকের পরী, ঘনীর পরী, কাচ পরী, বাষ্পদৈত্য, বাতাস ও জোয়ার দৈত্য প্রভৃতির কথাও তারা খুব আগ্রহসহকারে পড়বে ও সেই সঙ্গে অনেক জ্ঞানলাভ করবে। বইখানির পরিবর্তনটি হুম্মর, ভাষা সরল ও মনোরম। ছাপা প্রভৃতিও ভাল। কয়েকখানি ছবিও আছে। এই বই প্রত্যেক ছেলেমেয়ের হাতে দেওয়া উচিত।

কলান্বাস—শ্রীগঙ্গাচরণ দাসগুপ্ত, বি-এ, বি-টি প্রণীত। প্রকাশক—ম্যাকমিলান্ এণ্ড কোং লিমিটেড, কলিকাতা। মূল্য ১।০

এই বইখানিতে কলম্বাসের জীবনী, তথা আমেরিকা-আবিষ্কারের কথা, ছেলেমেয়েদের উপযোগী ক'রে লেখা হয়েছে। আমেরিকা আজ এত বড়, কিন্তু চারশ বছর আগে তার অস্তিত্বও কেউ জানতো না। এই দেশের আবিষ্কার কাহিনী গল্পের মতোই মনোরম, আর যিনি এই

দেশ আবিষ্কার করে গেছেন, তাঁর জীবনী যে-কোনো বারপুরুষের জীবনীর মতই শিক্ষা ও আদর্শপূর্ণ। কলম্বাসের জীবনীতে সবচেয়ে একটি বড় জিনিষ এই পাওয়া যায় যে, শুধু কেবল সন্ধানের দৃঢ়তা এবং অধ্যবসায় থাকলে জগতে কত বড় কাজই না সাধব করতে পারে! উদ্যম ও অধ্যবসায় থাকলে সুযোগ ও সম্পদ আপনিই এসে পড়ে। এই ধারণার বই আমাদের এই দরিদ্র দেশের ছেলেমেয়েদের খুব বেশী করে পড়ান দরকার।

বইখানি পুঙ্ক কাগজে বড় টাইপে পরিষ্কার করে ছাপা, ১১ খানি হুম্মর ছবি আছে। কাগজের সম্ভবত বীধা। মলাটের ছবিটিও হুম্মর। ছেলেমেয়েদের বই এই রকম পরিপাটি হওয়াই উচিত।

শ্রীযামিনীকান্ত সোম

চিকিৎসকের কর্তব্য—ডাঃ শ্রীঅজিতশঙ্কর দে। হোমিওপ্যাথিক সার্জি সোসাইটি (ইণ্ডিয়া), ৫ নং ভিক্টোরিয়া রোড, পোঃ বরানগর, কলিকাতা। ৪৮ পৃঃ, মূল্য ৯০ মাত্ৰ।

এই ক্ষুদ্র পুস্তকখানিতে হুচিকিৎসক হইতে হইলে কি কি গুণের অধিকারী হওয়া উচিত ও কোন্ কোন্ দোষ বর্জন করিতে হইবে লেখক তাহার আলোচনা করিয়াছেন। অল্প কয়েকখানি পৃষ্ঠার মধ্যে তিনি ইহা ছাড়া রোগী পরীক্ষা করিবার সময়ে যে যে বিষয় চিকিৎসকের জানা প্রয়োজন, তাহাও বিশদভাবে লিখিয়াছেন।

চিকিৎসা-বিদ্যাখ্যেদেও তরুণ চিকিৎসকদের এই পুস্তক পাঠে জ্ঞানলাভ হইবে।

শ্রীঅরুণকুমার মুখোপাধ্যায়

সাধনা ও পরমানন্দ—শ্রীদেবেন্দ্রমোহন ক্রুবর্তী প্রণীত। গ্রন্থকার কর্তৃক ৫০-ব মঙ্গিরবাড়ি স্ট্রিট, কলিকাতা হইতে প্রকাশিত। মূল্য এক টাকা মাত্ৰ।

এই গ্রন্থে লেখক সাধনার বিভিন্ন স্তর ও তাহাদের ক্রম ধারাবাহিক-ভাবে বিশদ করিয়া বিশ্লেষণ করিয়া দেখাইয়াছেন এবং কেমন করিয়া সাধনার সিদ্ধি, অর্থাৎ আনন্দ লাভ করা যাইতে পারে তাহা পুণিগত বিদ্যা ও নিজের সহজাত জ্ঞানের দ্বারা সহজভাবে বুঝাইতে চেষ্টা পাইয়াছেন এবং এই দ্রুত কথো তিনি সাক্ষ্য লাভ করিয়াছেন। পড়িতে পড়িতে স্থানে স্থানে মনে হয়, লেখক শুধু পণ্ডিত নহেন, ভক্তও বটে। আমাদের বিশ্বাস, বইখানি আধুনিক শিক্ষিত লোকের মনেও তৃপ্তি দিতে পারিবে। আমরা সচরাচর সাধনা ও আনন্দ সম্পর্কিত যে-ধরণের বই দেখি এটি তাহা হইতে অল্প ধরণের। সহজ বুদ্ধিকে বিশদ্রুজ দিয়া শুধু তত্ত্বকথার সমাবেশ ইহাতে নাই।

স্থানে স্থানে মূল্যাকর-প্রমাদ ও ছাপার ছোটখাট ত্রুটি বাদ দিলে বইখানি জনাদর লাভ করিবে বলিয়াই আমাদের বিশ্বাস।

হসন্তের পত্র

শ্রীমুরেশচন্দ্র চক্রবর্তী

অশান্ত,

ছেলেবেলার কথা তোমার মাঝে মাঝে মনে পড়ে ? যখন আমরা উচ্চপ্রাইমারীতে পড়তাম—ননীদেব লিচু-বাগানে চড়িভাতি করতাম, ডাঙেল সাহেবের কুঠীর ভগ্ন-ওপের মধ্যে গাম্লেটের সন্ধানে যেতাম, কাছনীর বিলে পদ্মের চাক খেতে যেতাম ? খুব সম্ভব বছরে একবারও তোমার সে-সব কালের ও-সব কথা মনে পড়ে না। কেন-না, তোমরা হচ্ছে কাজের মানুষ। তাই তোমাদের কারবার হচ্ছে বর্তমানে নিয়ে। বর্তমানের দুর্বার তাগিদে তোমাদের মনের ও প্রাণের কোনখানেই কোনো অবসর নেই। তোমাদের মর্মসঙ্গীত “আগে চল, আগে চল ভাই,” ততটা নয় যতটা হচ্ছে “শুধু চল, শুধু চল ভাই।” তাই তোমাদের একটা বাজার দর আছে, যার দাবি আমরা কোনো বাজারেই করতে পারি নে—খোঁজাঝোঁজাও নয়, বড়বাজারেও নয়। আমরা হচ্ছে আলসেস দলের লোক। তাই আমরা তোমাদের জগতে চিরকালই একটু হসন্তের মত হয়ে থাকি। অর্থাৎ অদৃষ্ট-উচ্চারিত অবস্থায়। কাজের লোক যারা তারা বাস করে বর্তমানে, আর আলসেস দলের লোক যারা তারা বাস করে হয় অতীতে, নয় ভবিষ্যতে। তাই তোমরা যেমন বাস কর বর্তমানে, আমরা তেমনি বাস করি হয় অতীতে নয় ভবিষ্যতে। গভীর সত্যের দিক থেকে দেখতে গেলে কিন্তু আমরাই সত্যিকার কালে বাস করি। কেন-না, আমরা ত্রিকাল বলি বটে, কিন্তু আসলে কাল হচ্ছে মাত্র দুটি এক অতীত আর এক ভবিষ্যৎ, বর্তমান বলে কোনো কাল নেই। ওটা হচ্ছে একটা চিহ্নবিশেষ। আসলে ও বস্তুটি হচ্ছে অনাদি কালের উপর একটি অদীম সরল রেখা—অর্থাৎ যার দৈর্ঘ্য আছে কিন্তু বিস্তৃতি নেই। এই সরলরেখারই একদিকে অতীত ও অন্যদিকে

ভবিষ্যৎ। এই অদীম সরল রেখা ক্রমাগত সরছে, অতীতকে বাড়িয়ে ও ভবিষ্যৎকে কাছে এনে।

সুতরাং একথা বললে নেহাৎ ভুল হবে না যে, তোমাদের জীবনটাই হচ্ছে আসলে মায়া—তোমরা যারা শ্রেফ বর্তমানে বাস কর। কেন-না, যারা শ্রেফ বর্তমান কালে বাস করে তারা কোনো কালেই বাস করে না। কারণ বর্তমান বলে কোনো কালই নেই।

সে যা হোক সেই ছেলেবেলায় আমরা যখন পাঠশালায় পড়তাম, তখনও “বিজ্ঞান রীডারের” আমদানি হয় নি। তখনও শিশুদের কচি মন ও কোমল মস্তিষ্ক নানাবিধ প্রয়োজনীয় বিশেষজ্ঞান দিয়ে পরিপক্ব করে তোলবার আয়োজন হচ্ছিল হয় নি। তখনও ছোট ছোট পড়্যানদের পাঠ্যজীবন—

পেয়ারা হে কি গুণ তোমার

কাঁচা খাই ডাঁসা খাই পাকার ত কথা নাই;

সব তাতে তৃপ্তি রসনার ॥

এমন একটি রিয়ালিস্টিক রসপূর্ণ রচনায় সরস হয়ে উঠত। যদিও উক্ত রচনার রচয়িতার দৃষ্টি বা স্মৃতি-শক্তির একটু দোষ না ধরে আমরা পারতাম না। কেন-না, ওর দ্বিতীয় লাইনটি আসলে হওয়া উচিত—

কাঁচা খাই, পাকা খাই, ডাঁসার ত কথা নাই,

তবেই ওটা নিভুল রিয়ালিস্টিক হয়ে ওঠে।

যা হোক, ছেলেবেলার কথা তোমার মনে না পড়ুক আমার মাঝে মাঝে পড়ে। আর তখন ভাবি সে বয়েসে কত কম উপাদানেই নাকত বেশী খুশী হয়ে উঠবার সামর্থ্য ছিল। আর সে খুশীর মধ্যে কোনখানেই একটুকু কালো ছায়ায় আভাসের আভাসও থাকবার উপায় ছিল না। সে খুশী ছিল যেমন স্বতঃ, তেমনি সহজ, তেমনি অবিমিশ্র। আজ মনপ্রাণচিন্তার প্রসার বেড়েছে, অহং এর পাকা ভিত্তি গড়ে উঠেছে, জগতটাকে কত বুঝে

উঠেছে, আশা-আকাঙ্ক্ষার আর অন্ত নেই—কিন্তু কোথায় সেই অধিতীয় বস্তু যা সমস্তকে উজ্জ্বল করে, সহজ করে—কোথায় সেই খুশী যা সব কিছুকেই অপ্রয়োজনীয় করে তোলে, আবার সব-অপ্রয়োজনীয়কেই অর্থপূর্ণ করে তোলে—কোথায় সেই খুশী হবার সহজ সামর্থ্য যা মানুষের বহির্জগতের সঙ্গে তার অন্তর্জগতের যোগ রক্ষা করে করে চলে? ঐ একমাত্র বস্তু যা মানুষকে বিজ্ঞোহী করে তোলে না এই সৃষ্টির বিকক্ষে, যার গুণে “মায়াময়মিদং অখিলং”; মানুষের চোখে সুন্দর লাগে—যা মানুষের মনকে সরস রাখে—প্রাণকে সজীব করে! আজ জীবনের উপকরণ দশ গুণ, শত গুণ, হাজার গুণ বেড়ে গেছে, কিন্তু সেই বস্তুর সাক্ষাৎ দিনান্তে আর একবারও মেলে না।

কিন্তু আক্ষেপ করে লাভ নেই। মানুষের বৃহত্তর জীবনের দিক থেকেও দেখি যে তার সত্যতা তার মনের সুখশান্তিকে বিসর্জন দিতে চলেছে। যে স্ব্থ, যে শান্তি আদিম মানুষের জীবনে অতি সহজ, অতি সত্য ছিল, আজ আর আমরা তার দেখা সহজে পেতে পারি নে। কিন্তু আদমের স্বর্গ থেকে পতন হয়েছিল বলেই মানুষ আপনার পূর্ণ পরিচয় পেলে।

সে যা হোক, সেই পাঠশালে যখন শুভকরীর “কুড়ু বা কুড়ু বা কুড়ু বা লিঙ্গে, কাঠায় কুড়ু বা কাঠায় লিঙ্গে” মুখস্থ করতুম তখন “নবপাঠ” না “চাকুপাঠ” না-কি এমনি একটা পাঠ্যপুস্তকে পড়েছিলাম একটি গল্প—যে-গল্পের ব্যাপারটা ছিল উদরের সঙ্গে হাত পা ইন্দ্রিয়াদির ঝগড়া। হাত পা ইত্যাদির অভিযোগ ছিল এই যে, তারা সবাই খেটে খেটে মরবে আর পেটটা বসে বসে ধবে এ কিছুতেই হতে পারে না। সুতরাং তারা করল ধর্মঘট উদরকে জন্ম করবার জন্তে। এই ধর্মঘটের শেষ ফল যে কি হয়েছিল তা নিশ্চয়ই আজ আর তোমাকে বুঝিয়ে বলবার প্রয়োজন নেই।

ছেলেবেলায় যা পাঠ্যপুস্তকে পড়া গেছে আজ জীবননাট্যে তারই অভিনয় দেখছি। তবে এ ঝগড়া উদরের সঙ্গে হাত পা ইত্যাদির নয়—এ ঝগড়া হচ্ছে মাথার সঙ্গে হাতের। শোনা যাচ্ছে মানুষের

মাথাটা না-কি অতিরিক্ত বিলাসী। সে না-কি দিবা কেশকলাপে কেশরঞ্জন তৈল য়েখে বসে থাকে, আর কি সব নানা সম্ভব অসম্ভব খোয়াব দেখে—যার সঙ্গে চাল ডাল তেল ছন ইত্যাদি জীবনের মহাপ্রয়োজনীয় বস্তুপুঞ্জের কোন সম্বন্ধই খুঁজে বের করা যায় না। সুতরাং ওটাকে অর্থাৎ মাথাটাকে নায়েস্তা করা দরকার। মাথাটা যে এমন খোসখেলানী বিলাসী হয়ে উঠল, তার প্রধান কারণ হচ্ছে তাকে প্রাধাত্য দেওয়া ও প্রচুর অবসর দেওয়া। তাই হাত আজ বলছে—হে মাথা, আমি তোমার প্রাধাত্য আর স্বীকার করব না এবং তুমি যাতে আর তেমন অবসর না পাও তার ব্যবস্থাও আমাকে করতে হবে। মানুষের দেহে তোমার বুদ্ধি আকাশের দিকে এবং আমার বুদ্ধি মাটির দিকে বটে—কিন্তু মাটিই ত বাস্তব, মাটিই ত মানুষের কল্যাণের, মাটিই ত মানুষকে স্বিদ্ধ শ্রামল রেহ দিয়ে ঘিরে আছে—তারপর হাতের যদি কবিত্ব এসে যায় তবে হয়ত বলে—

“মাটি গো মাটি, পথের মাটি, প্রাণের মাটিরে
দেহের লুখা মিটাও তুমি, বাঁধ গো পাটীরে”

তারপর সবার শেষ সিদ্ধান্ত করে হাত বলে—হে মাথা, আমি তোমার চাইতে শ্রেষ্ঠ।

বলা বাহুল্য, এ ঝগড়া হচ্ছে মানুষের জ্ঞানকাণ্ডের সঙ্গে মানুষের কর্মকাণ্ডের—এ ঝগড়া হচ্ছে ব্রাহ্মণের সঙ্গে শূদ্রের।

কিন্তু জ্ঞানকে বাদ দিলে যে কর্মের অস্তিত্ব পর্যাপ্ত লোপ পাবে, ব্রাহ্মণের অভাব হ’লে যে সমাজের সম্পদ ও হাঙ্গামার কথা দূরে থাক, তার জীবন রক্ষা করাই দুর্কহ হয়ে উঠবে, এটা আজকার দিনে এমনি একটা সহজবোধ্য ও প্রত্যক্ষ দৃষ্ট সত্য যে, এ নিয়ে তোমার কাছে লম্বা বক্তৃতা দেওয়া আসলে তোমার বুদ্ধির উপরই কটাক্ষ করা হবে। অবশ্য আমি এখানে পৈতৃধারী ব্রাহ্মণের কথা বলছি না, বলছি গুণ-কর্মে ব্রাহ্মণের কথা। অথচ রাজনৈতিক রেবারেঘিতে বুদ্ধির পাঠটি জলাঞ্জলি দিয়ে কোনো কোনো গণতান্ত্রিক পাণ্ডা ঐ সহজবোধ্য ও প্রত্যক্ষদৃষ্ট সত্যটিকে আজ বলছে ঘোড়ার ভিম!

কেউ বলছে, সমাজের শ্রেষ্ঠ আদর্শ হচ্ছে, সবাই মনে প্রাণে শূদ্র হয়ে ওঠা। কেউ বলছে, মানুষের জীবনের একমাত্র মহত্ব হচ্ছে—তার শারীরিক শ্রম। এদের কথা বিশ্বাস করলে মানতে হয় যে, যে-কার্টুরিয়া বন থেকে কাঠ কেটে হাটে গিয়ে বিক্রি করে তাঁর শক্তি একটা। অলৌকিক ঘটনা, কিন্তু যে-শক্তি মানুষকে বৃক্ষ পাইয়ে দেয়, সেটা একটা হাতাকর ব্যাপার!

এদের বিচার অনুসারে ইংলণ্ডের বিস্তৃত কয়লার খনির যে কোনো টম্ হ্যারি—ধর—ডীন ইঞ্জের চাইতে শ্রেষ্ঠ, কেন-না টম্ হ্যারি পৃথিবীর পঙ্কর থেকে সমাজকে সরবরাহ করে নিরেট বাস্তব কয়লা, আর ডীন ইঞ্জের দান কেবল তাঁর ফাঁকা চিন্তার শব্দ কোলাহল। কিন্তু মানুষের শারীরিক শ্রমের মধ্যে কিছুই অসম্মানের বা অগৌরবের নেই একথাটাই সত্যি—শারীরিক শ্রম যে মানুষের চিন্তার চাইতে মহত্তর একথা সত্যি নয়। আসলে শারীরিক শ্রম সেই অল্পপাতে মহৎ হয়ে ওঠে, যে অল্পপাতে তাতে মিশেছে মানুষের চিন্তার, তার আত্মার গভীরতম চেতনার অবলম্ব। তাই, পাথর ভেঙে রাস্তা তৈরি করে যে তাকে আমরা বিশেষ কিছুই বলি নে—বড় জোর বলি ঠিকাদার, কিন্তু যে পাথর কেটে তাজমহল তৈরি করে তাকে আমরা বলি শিল্পী। মানুষের জীবিকা অর্জন হচ্ছে তার প্রথম প্রয়োজনীয় ব্যাপার। আদিম মানুষ তা করত বগা পশুর মাংসে। তারপর এলো কৃষিকর্ম। এই কৃষিকর্মকে আমরা বন্য পশু হননের চাইতে মহত্তর বলি, কেন-না কৃষিকর্মের সঙ্গে মিশেছে মানুষের চিন্তা, তার বুদ্ধির কোশল। কৃষিকর্ম ও বস্ত্রবয়ন মানুষের সভ্যতার প্রথম সোপান, কেন-না ঐ খান থেকে বিকাশ লাভ করেছে তার নব নব উন্মেষশালিনী বুদ্ধি। ঐ খান থেকে সে স্বভাবকে স্পষ্টভাবে ছাড়িয়ে উঠেছে। ঠিক ঐ কারণেই আজ আমরা তাঁতির হাতের তাঁতের চাইতে বিরাট কাপড়ের কলকে অভিনবিত করি। কেন-না, সেই কলের পিছনে রয়েছে মানুষের অভ্যাস্য উদ্ভাবনী শক্তির বিকাশ, তার বুদ্ধির বৃহত্তর কুশলতা, তার আত্মার

স্পর্ধা। সমুদ্রে পাল-তোলা জাহাজ যেতে দেখেছ? ভারী চমৎকার লাগে দেখতে। যেন রূপকথার এক বিহ্বলম উড়ে চলেছে কোন্ রাজকুমারকে পিঠে নিয়ে কোন্ রাজকুমারীর উদ্দেশে। এই পাল-তোলা জাহাজের পাশে ঈমারকে দেখায় যেমন বৃহৎ তেমনি জবড়জব্দ। কিন্তু পাল-তোলা জাহাজ হুন্দর হোক, তা সমুদ্রকে তেমন বশ করতে পারেনি যেমন করেছে ঈমার। এই ঈমারের উপর থেকে মানুষ রাজা ক্যানিউটের মত—Ocean! roll back thy waves—বলছে না বটে, কিন্তু একথা সে আজ স্পষ্টই বলছে—হে সাগর, তোমার তরঙ্গ ও ডুফান সবেও আমি আমার গন্তব্যস্থানে পৌঁছব—পৌঁছব পৌঁছব।

তোমার মনে আছে কি, একদিন হাওড়া স্টেশনে একটা বিরাটকায় এঞ্জিনের কাছে দাঁড়িয়ে ছিলাম, এবং তুমি বলছিলে যে, এই এঞ্জিনের প্রতি তোমার প্রাণের একটা বিরাট টান আছে। সেদিন তোমার কথা শুনে আমার ভারী আশ্চর্য্য ঠেকেছিল। এমনি একটা কালো ছরমুশ ধোঁয়া-গুড়ানো কর্কশ শব্দ-করা যন্ত্রের উপর বার প্রাণের টান হতে পারে, সে যে একটা নিত্যন্ত আটপোরে ধরণের মানুষ, সে কথা তোমাকে বলিনি বটে, কিন্তু আমার তা মনে হয়েছিল। কিন্তু আজ সেই টানের অর্থ বুঝি এবং তাতে মানুষ আটপোরেও হয়ে যায় না। এঞ্জিনের প্রতি টান এই জ্বলন্ত যে, ওটা মানুষের মানস-পুত্র—তার শক্তির বৃহত্তর প্রতীক। মানুষের কাব্য-কলা-সাহিত্য-দর্শন-বিজ্ঞানের পিছনে যা আছে এই এঞ্জিনের পিছনেও তাই আছে। অর্থাৎ মানুষের প্রতিভা—তার নব নব উন্মেষশালিনী বুদ্ধির কেরামতি। ঈমার মানুষের শক্তির বৃহত্তর প্রতীক। তাই মানুষের মধ্যে যে একটা ‘হিম্মারো’ আছে, একটা বীর আছে, সেই বীরের সঙ্গে এই জবড়জব্দ ঈমারেরই সহজ সখ্য। এখন কালো ধোঁয়া-ছাড়া ঈমারকে পাল-তোলা জাহাজের মতই হুন্দর ক’রে তোলা যায় কি না জানিনে—যদি যায় তা ভালই—কিন্তু যদি তা না যায় তা তবুও মানুষ বলবেই—এই ঈমারকেই আমার চাই, কেন-না আমি মনে প্রাণে শক্তি, আমি

শক্তির পূজারী—(বনমালা গলে বংশীবাদন ত্রিভঙ্কঠাম মদনমোহন ঘে-রকম মোহনই হোক না কেন, ভীষণা মূর্তি মুণ্ডমালিনী স্বকনিরজিত কালীই আমার উপাস্ত।) শক্তির জ্ঞাত হৃদয়কে ত্যাগ করতে মানুষের মনে কিছুমাত্র বিধা নেই। যদিও এ-কথা নিশ্চিত যে, এমন কোনো একটা স্থান আছেই, যেখানে শক্তি ও হৃদয়ের সহজ সন্ধে মিলিত হয়েছে।

সে যা হোক, মানুষ শক্তির পূজারীই হোক বা হৃদয়ের পূজারীই হোক—এবং মানুষের পক্ষে এ দুয়ের পূজাই সত্য—এ-পূজার পুরোহিত মানুষের পেশীসমূহ নয়। এ হচ্ছে তার মস্তিষ্ক—এর বোধন তার দেহে নয়, তার মনে—এর প্রাণপ্রতিষ্ঠা তার কক্ষের সামর্থ্যে নয়, তার চিন্তার প্রাচুর্যে। কেন-না, চিন্তাই কক্ষের জন্মদান করে। এই কারণেই জ্ঞান কাবুলিওয়ালার চাইতে রোগা পি-সি রায়ের মূল্য বেশী। আজ ভীমসেন যদি কেবল এক গদা হস্তে এসে গড়ের মাঠে দাঁড়িয়ে এই বলে আফালন করে—

‘এই গদাঘাতে ভাঙি’ ইংরেজের উরু
কাড়ি নিব স্বরাজ-শাংক—

তবে আমাদের মন-নদীতে ঘে-রসের জোয়ার আসবে সেটা হচ্ছে নিছক কোডুক-রস। দেহের পেশীর শক্তিই যদি মানুষের শেষ আশ্রয় হ’ত, তবে পিরামিড ও তৈরি হ’ত না, তাজমহলও গড়ে উঠত না। অবশ্য গণতান্ত্রিক বলতে পারে যে, পিরামিড বা তাজমহল তৈরি বা নাই-ই হ’ল, তাতে কি আসে যায়। তবে তার উত্তরে বলি যে, দেহের পেশীর শক্তিই যদি মানুষের শেষ আশ্রয় হত তবে প্রলেটারিয়েটেরও অভ্যুত্থান হ’তে পারত না। পেশীর শক্তি জড় শক্তি, বন্দুক বেয়েন্টের শক্তি চিন্তার শক্তির পিছনে পিছনে চলে ব’লেই ‘হোয়াইট আর্মি’ ‘রেড আর্মি’ হয়ে ওঠে। প্রলেটারিয়েটরা যে উঠেছে সেটা প্রলেটারিয়েটদের শক্তিতে নয়—উচ্চতর বর্ণের চিন্তা-বিপ্লবে।

আসলে মৌর্যবংশ যে শূদ্রবংশ সেটাও একটা কথার কথা—একটা বাহিরের ব্যাপার। যে মুহূর্তে চন্দ্রগুপ্ত সম্রাট হন, সেই মুহূর্ত থেকে সে ক্ষত্রিয়। রামজি ম্যাক-

ডোনাল্ড্ আর লর্ড সল্‌সবেরি বা লর্ড বিকনস্‌ফিল্ড-এর মধ্যে বিশেষ কিছু পার্থক্য নেই। শূদ্রের অভ্যুত্থান যদি প্রকৃতই হয়, তবে সে নিশ্চয়ই শূদ্র-শক্তি বা শূদ্র-প্রকৃতির বলে নয়। কেন-না, শূদ্র মানেই হচ্ছে পরবশ। শূদ্র যে মুহূর্ত থেকে আত্মবশ হতে চায়, সেই মুহূর্ত থেকে আর সে শূদ্র নয়। শূদ্র যদি প্রকৃতই সমাজ পরিচালনা করতে চায় তবে তাকে সে সামর্থ্য অর্জন করতে হবে। আর সে সামর্থ্য অর্জন করতে হ’লে তাকে ব্রাহ্মণ্য ক্ষত্রিয় বৈশ্য বর্জন করলে কিছুতেই চলবে না। তাকে বর্জন করতে হবে শূদ্রকে। কেন-না, সমাজ-সম্বন্ধে কতকগুলি মূলতত্ত্ব আছে যা দেশভেদে বা যুগভেদেও অপরিবর্তনীয়। কি সে তত্ত্ব তা বলছি।

যে-কোন দেশে, যে-কোন যুগে, যে-কোন অবস্থাতেই হোক না কেন, সমাজের আমরা দেখতে পাই দুইটি অপরিবর্তনীয় ও অবশ্যকরণীয় ব্যাপার। এই দুইটি আত্মরক্ষা ও আত্মপোষণ। অর্থাৎ যে কোন সমাজের প্রয়োজন আছে ক্ষত্রিয়ের ও বৈশ্যের। তারপর ক্রমে ক্রমে দেখা গেল যে, সমাজের এই আত্মরক্ষা ও আত্মপোষণ কিছুতেই স্বচাকরূপে ও ‘এফেক্টিভলি’ হ’তে পারে না— যদি-না নানা বিষয়ের জ্ঞান আহরণ করা যায়। এইখানেই আবির্ভাব হল ব্রাহ্মণের। প্রস্তর কেটে যে ধারাল অস্ত্রে পরিণত করা যায় এই আইভিয়া যার মাধ্যমে এল সে ব্রাহ্মণ—অন্ন বহু কুস্কীত এ-ও ব্রাহ্মণের বাণী। প্রলেটারিয়েটরাও সমাজের ভার নিয়ে জ্ঞান বীথ্য ও অন্নকে এড়িয়ে চলত পারবে না। কেন-না আমি পূর্বেই বলেছি ও তিন বস্ত্র দেশভেদে কালভেদে অবস্থাবেদেও সমাজের পক্ষে অনিবার্যরূপে প্রয়োজনীয়। সুতরাং প্রলেটারিয়েটদেরও সমাজপতি হয়ে ব্রাহ্মণ ক্ষত্রিয় বৈশ্যের সৃষ্টি করতেই হবে। অর্থাৎ শূদ্র যদি সত্যি সত্যিই সমাজপতি হয়ে ওঠে তবে আর সে শূদ্র থাকতেই পারবে না। বাধ্য হয়ে তাকে ব্রাহ্মণ্য ক্ষত্রিয় বৈশ্য অঙ্গীকার করতে হবে। নইলে সে সমাজকে কল্যাণের পথে নির্বিলম্বে ও নিরাপদে নিয়ে যেতে পারবে না—না পারবে আত্মরক্ষা করতে, না পারবে আত্মপুষ্টি করতে। Down with the tyrants এর সঙ্গে Down with intellect

—Down with prowess—Down with economics

এ-কথা চীৎকার করা চলবে না। আর আজকাল এটা ত একটা স্পষ্ট ব্যাপার যে, prowess বা economics-এর পিছনে intellect জিনিষটা প্রচণ্ড রকমে কার্যকরী হয়ে রয়েছে। সৈন্যবাহিনীর পিছনে ল্যাবরেটরি, কল-কারখানা, কৃষির পিছনে বৈজ্ঞানিক রূপে ও কলাগুণ মূর্তিতে প্রত্যক্ষভাবে দণ্ডায়মান। অর্থাৎ ক্ষত্রিয় ও বৈশ্য এ দুয়েকেই ধারণ করে আছে ব্রাহ্মণ। কাজেই Down with the intellectuals—Down with the commodity called brain—এ-কথা বলার অর্থ হবে এই যে, আমরা আজ আত্মহত্যা করতে কৃতসঙ্কল্প।

এ-সব কথা তোমার আমার কাছে স্পষ্ট, কিন্তু লাল ঝাঙা ওড়ানো গণতান্ত্রিক পাণ্ডাকে কি এসব কথা বোঝানো যাবে? ‘সবার উপরে মানুষ সত্য, তাহার উপরে নাই।’ কিন্তু এ কোন্ মানুষ? গণতান্ত্রিক বলছে,—এ মানুষ সে মানুষ নয়, যে আপনার চিন্তা দ্বারা দুরতিক্রম্যকে অতিক্রম ক’রে ক’রে চলেছে—যে আপনার চেতনার দ্বারা আপনাকে ছাড়িয়ে ছাড়িয়ে চলেছে—যে তাজের স্বপ্ন দেখেছে—পিরামিডের অস্তিত্ব অল্পভবে বর্ণন করতে পেরেছে—যে আকাশ-বাতাস জয় করেছে—নিসর্গকে বস করেছে। না, এ-মানুষ সে-মানুষ নয়। এ-মানুষ হচ্ছে সেই মানুষ, যে ধূলিতলে পড়ে আছে, যার দিন্দা নিজেকেও স্পষ্ট ক’রে ধরতে পারে নি—যার একমাত্র মূলধন শারীরিক মেহনৎ, পেশীর শক্তি। অর্থাৎ গণতান্ত্রিক আজ বলছেন, হষ্টির ক্লাসে ‘লাঠি বয়’ যে, তারই পাওয়া উচিত ‘ফাট’ প্রাইজ’। গণতান্ত্রিক বলছে—বিশ্বরচয়িতার শ্রেষ্ঠ কীর্তি বিকশিত-বুদ্ধি মানুষ নয়, তা হচ্ছে বিরাটকায় মেগাথিরিয়াম। অর্থাৎ সে বলছে মানুষের পরিপূর্ণ অর্থ, মানুষের শ্রেষ্ঠত্ব, তা আইস্টাইন বা জগদীশ বসুর মধ্যে নেই,—আছে তা ডেম্পসী বা রামমূর্তির মধ্যে। গণতান্ত্রিক বলতে চায়, ভগবানের দশ অবতারের শ্রেষ্ঠ অবতার বুদ্ধও নয় শ্রীকৃষ্ণও নয় বা শ্রীরামচন্দ্রও নয়, তা হচ্ছে বরাহ বা নৃসিংহ।

আশা করি এতগুলো ‘অর্থাৎ’-এ তুমি হাঁপিয়ে উঠবে না। কিন্তু কথা হচ্ছে, সভ্য মানুষ কি কোনদিনও

কিকড় সিং ও পি-সি রায়কে একই সিংহাসনে বসিয়ে একই পুষ্প-চন্দনে পূজা করবে? করবে না—অসম্ভব: যতদিন সে জানবে যে পি-সি রায় গায়ের জোরে কিকড় সিং-এর সঙ্গে পারবেন না বাটে, কিন্তু তাঁর ল্যাবরেটরীতে এমন পদার্থ আছে যার মুষ্টিখানেকে শক্ত কিকড় সিংকে একেবারে শক্তিতে পরিণত করে ফেলা যায়। শক্ত কথটার মানে দেখতে তোমাকে আবার অভিধান খুলতে না হয়—ওর মানে হচ্ছে ছাতু। আর এই যে মুষ্টিখানেক পদার্থ বিশেষ লাভ হয়েছে কেমন করে?—তা লাভ করেছে মানুষ গায়ের জোরে নয়, বুদ্ধির জোরে—তার চিন্তার শক্তিতে, তার তপস্যার বলে।

আমাকে ভুল বুঝো না। আমি এ-কথা বলছি না যে, প্রলেটারিয়েট যারা, শূদ্র যারা, তাদের উন্নততর—শ্রেষ্ঠতর স্বথ-স্বাচ্ছন্দ্যের শিক্ষা-দীক্ষার আয়োজন-প্রয়োজন কোনই প্রয়োজন নেই। কিংবা এরা বেশী শিক্ষা পেলে কিংবা এদের জীবনে বেশী স্বথ-স্বাচ্ছন্দ্যের আয়োজন হ’লে সমাজ-গঠন একেবারে ভেঙে চুরমার হয়ে যাবে। আমি বলছি এই কথা যে, শূদ্র যতদিন শূদ্র, ততদিন এই স্বথ-স্বাচ্ছন্দ্য শিক্ষাদীক্ষা ইত্যাদির ব্যবস্থা সে কিছুতেই করতে পারবে না, এবং যে-অবস্থায় পৌঁছলে শূদ্র তা করতে পারবে সে অবস্থায় তাকে আর শূদ্র বলা চলবে না, এবং সে অবস্থায় তার স্পষ্ট প্রতীয়মান হবে যে, শারীরিক শ্রমের চাইতে মানসিক শ্রমের মূল্য প্রকৃতই বেশী—নানা দিক থেকে। প্রথমতঃ মানসিক শ্রমই শারীরিক শ্রমের জন্ম দেয়, দ্বিতীয়তঃ মানুষের মানব-জন্মের শ্রেষ্ঠ অর্থটা রয়েছে তার মানসিক শ্রমের মধ্যে। তাই সমাজে শিক্ষা ও স্বথ-স্বাচ্ছন্দ্যের বিস্তার যত সর্বব্যাপী হয়ে উঠবে, ততই সমাজ-অন্তরে চিন্তার ভাবুকতার শিল্প বিজ্ঞান দর্শন ইত্যাদির জগৎ উচ্চ সিংহাসনের আয়োজন হ’তে থাকবে। কেন-না মানুষ যত শিক্ষিত ও স্বচ্ছন্দ হ’বে তত সে মনোজগতে ভাবজগতের ব্যাপারগুলোর সঙ্গে পরিচয় স্থাপন করবার অধিকারী হ’বে এবং সময় ও স্বযোগ পাবে। মানুষের মনের একটা স্বাভাবিক গতি আছে—ভুল থেকে সূক্ষ্মে, বাহির থেকে অন্তরে, হ্রস্বদৈর্ঘ্য থেকে অনির্দিষ্ট, বাস্তব থেকে স্বপ্নে। চাই কেবল সেই মনের উদ্বোধন।

আর এই উদ্বোধন হ'তে পারে শিক্ষায় ও দীক্ষায়। মনের এই উদ্বোধন হলেই দেখা যাবে যে, মানুষ তার আশু প্রয়োজনের তাগিদকে ছাড়িয়ে উঠেছে। তখন সে বুঝবে যে, যেটা সবার চাইতে স্পষ্ট সেইটেই সবার চাইতে প্রধান নয়। কাজেই দেখতে পাচ্ছি যে, শিক্ষার যত প্রসার বাড়বে ততই আমাদের দলের লোকের জয়জয়কার হবে—আমাদের দলের লোক, অর্থাৎ যারা মানুষের মস্তিষ্কে মানুষের পেশীর চাইতে উচুতে স্থান দেয়। স্বতরাং প্রলেটারিয়েটরা শিক্ষায় দীক্ষায় সভ্যতার ভব্যতার হ'য়ে উঠুক—এর বিরুদ্ধ মত আমাদের হতেই পারে না। একমাত্র অশিক্ষিত বর্ষরকে দিয়েই 'ভ্যাঙালিজ্‌ম'র কাজ চলে, শিক্ষিত সভ্য মানুষের দ্বারা নয়। একটা গুণ্ডা পুলিশ যা করতে পারে, তুমি আমি তা পারিনি।

এতক্ষণ আমি যা বলেছি সে কেবল সমাজ-শাসন সমাজ-পোষণ সমাজ-রক্ষা ইত্যাদির দিক থেকে। কিন্তু এর চাইতে একটা বড় দিক আছে। যেটা মানুষের বৃহত্তর দিক। এই বৃহত্তর দিকটার কথা হচ্ছে এই যে, মানুষ ক্রমাগত আপনাকে প্রকাশ ক'রে ক'রে চলেছে। বিশ্বমানবের প্রগতির কথাটা যদি নাই-ই মানা যায়, তার গতির কথাটা কিছুতেই অস্বীকার করা যায় না। এই যে গতি, এই গতির মধ্যেই রয়েছে বিশ্ব-মানবের মানব-সভ্যতার প্রকৃত তাৎপর্যটা, বড় অর্থটা, অবশ্য জড়ের চাইতে জীবকে যদি বড় ব'লে স্বীকার করা যায়—যা আমরা সবাই করি। এখন এই যে গতি—যা মানব-সভ্যতার বড় অর্থ, প্রকৃত তাৎপর্য—এই গতিকে গতি দান করছে মানুষের কি? তার হাত নয়, তার মস্তিষ্ক। অর্থাৎ তার শারীরিক শ্রম নয়, তার চিন্তার শক্তি। শ্রমিকদের ধর্মঘাটে হলুতুল প'ড়ে যায়। কিন্তু সারা পৃথিবীর ভাবুকরা, intellectuals যারা, তারা যদি ধর্মঘট করে, তবে কি ব্যাপার দাঁড়ায় সেটা একবার কল্পনা করবার চেষ্টা কর। সে যা হোক, বিশ্ব-মানবের যতদিন এই গতি থাকবে, ততদিন মানুষের মস্তিষ্কে লাঠি ক্লাসে ফেলে দিতে চাইলেও তা লাঠি ক্লাসে প'ড়ে থাকবে না। সে একদিক দিয়ে না একদিক দিয়ে: মাথা চাড়া দিয়ে উঠবেই। আসলে সমস্ত

ইতিহাস যদি অন্তঃদৃষ্টি দিয়ে দেখ, তবে দেখবে যে, সমাজে যেখানে যেখানে বিপ্লব ঘটেছে, সেখানে সেখানেই ভিতরের কথাটা হচ্ছে এই যে, সমাজপতির সেখানে মস্তিষ্কের শক্তি হারিয়েছে, স্বতরাং গতির পথে বাধা হয়ে দাঁড়িয়েছে। ষোড়শ লুইয়ের ফ্রান্স, আবদুল হামিদের তুরস্ক, দ্বিতীয় নিকোলাসের রাশিয়া বা আমাদের স্বতীচকুদের হিন্দুসমাজ—এ সকলেরই ভেতরের কথাটা হচ্ছে এই যে এদের শীর্ষস্থানীয় যারা তাঁদের চিন্তাশক্তিও গিয়েছে, imaginationও গিয়েছে। সেই ছুটি বস্তুই মানুষের গতিদান করে। কাজেই এমন মানুষের দরকার হয়েছিল, যারা হবে more dynamic. আমরা বাহিরের দিক থেকে বলছি বটে, ফ্রান্সে অভিজাত গিয়ে বুর্জোয়া এল, বা রাশিয়াতে রাজা গিয়ে গণ এল, বা আমাদের হিন্দুসমাজে স্বতীচকু গিয়ে Ph. D. বা M. Sc. এল, কিন্তু ভিতরের দিক থেকে দেখছি কেবল এক বস্তু গিয়ে আর এক বস্তু এল—মস্তিষ্কহীন গিয়ে চিন্তাবীর এল—অর্থাৎ জড় গিয়ে চৈতন্য এল—স্বাবরজ গিয়ে গতিশীলতা এল। স্বতরাং dignity of labour যত উচুতেই স্থাপন করা যাক না কেন, মস্তিষ্ক তারও উচুতে আপনার স্থান করে নেবেই নেবে।

এই সব কথা মনে করেই আশা করি একথা ভাবা চলে যে, গণতান্ত্রিক আজ যে রকম জুড়ুই হোক না কেন, হাতে মাথা-কাটা কিছুতেই চলবে না—মাথা কেশকলাপে কেশরঞ্জন তেল মেখে বসে থাকলেও নয়। মাথার যদি অভাব হয় তবে সবার আগে অকর্মণ্য হবে হাত।

স্বতরাং মার্টিন:—রাজতন্ত্রই হোক বা গণতন্ত্রই হোক, ফ্যাশিজমই হোক বা বলশেভিজমই হোক, এদের মাথায় যারা থাকবে তারা হবে মাথাওয়ালা লোক। অর্থাৎ এ পৃথিবীর সভ্য-সমাজে চিরকাল জয় জয়কার হবে হাতের নয়, মাথার—দেহের নয়, মনের—জড়ের নয় চৈতন্যের।

আমার এই প্রকাণ্ড গবেষণাময় পত্র পড়ে তোমার মাথা ধরবে না এই আশা ক'রে আজ এইখানে শেষ দাঁড়ি টানছি।

ইতি—

তোমার হস্ত

প্রকৃতি ও মুসলমান

মোতাহের হোসেন, বি-এ

১

প্রকৃতির সঙ্গে মাহুষের একটা নিবিড় সম্বন্ধ আছে, সে সম্বন্ধ অস্বীকার করা আর আত্মহত্যা করা একই কথা। ঋতুপর্যায়ের মধ্য দিয়ে বার বার একটি অতিথি আমাদের দ্বারে এসে হাজির হচ্ছে, তাকে বরণ করে নেওয়ার উপরই নির্ভর করছে আমাদের জীবনের সত্যিকার আনন্দ।

কিন্তু, মাহুষ আজ এতটা বস্তুতাত্ত্বিক হয়ে পড়েছে যে, প্রকৃতির স্পর্শ এখন আর তার অন্তরে কোনো সুর-সঙ্গতি সৃষ্টি করতে পারে না। প্রকৃতি তার কাছে এখন একটা মৃত জড়পিণ্ড ছাড়া আর কিছুই নয়। তাই, মাহুষের সমাজের দিকে চাইলে আজ যতঃই মনে হয়, আকাশের আলো, বনানীর শামলিমা, আর কুসুমের লালিমা বিধাতার এক বিরাট বার্থ সৃষ্টি।

প্রকৃতির অন্তর-তলে কল্পধারার মত প্রবাহিত যে গোপন প্রাণ-গঙ্গা-ধারা, তারই তরঙ্গের তালে যে মাহুষের হৃদয়-গঙ্গাও আন্দোলিত, সে কথা আমরা একে-বারে বিস্মৃত হয়েছি। পূর্ণিমার চন্দ্র আমাদের হৃৎ-প্রেমকে জাগ্রত করে না, শ্রাবণ শরীরী হৃদয়ের ক্রন্দসীকে বাধিয়ে তোলে না, আর বসন্তের দখিণ হাওয়াকে দক্ষিণা না পেয়েই আমাদের নিকট হ'তে বিদায় নিতে হয়।

এমনি চরম বস্তুতাত্ত্বিকতার দিনে যদিও আয়োজনের যাত্রা প্রয়োজনের চাইতে ঢের বেশী বেড়ে যাচ্ছে, তবুও মাহুষের প্রাণের আনন্দ বৃদ্ধি পাচ্ছে না মোটেই। কেন না, মাহুষ ভুলে গেছে, আনন্দ অন্তরের জিনিষ, বাইরের সুরঞ্জাম তা বৃদ্ধি করতে পারে মাত্র, সৃষ্টি করতে পারে না। অন্তরকে আনন্দিত ও সরস রাখবার একমাত্র উপায় হচ্ছে বিশ্বের কাঁট-পতঙ্গ, তৃণ-লতা, সমস্ত কিছুই সঙ্গে একটা নিগূঢ় আধ্যাত্মিক সম্পর্ক স্থাপন করা। তা করলেই দেখতে পাব, চন্দ্র-সূর্য-গ্রহ-তারার প্রভৃতির আনন্দোৎসবে

আমাদেরও নিমজ্জন আছে, আর সেই নিমজ্জনে আমাদের হৃদয়ও আনন্দের অতিশয়ো আত্মহারা হ'য়ে নৃত্য করছে।

সমস্ত জিনিষের মধ্যে হৃদয় প্রসারিত করে নিয়ে তা থেকে রস যেন আনতে পারতেন বলেই আজ আমরা দীন—আনন্দহীন, আর আমাদের অন্তরের দীনতা ও আনন্দহীনতাই বাইরে নানা আকারে প্রকটিত। তাই, বাইরের দিক থেকে এই দৈন্ত দূর করবার চেষ্টা বুধা, চেষ্টা করতে হ'বে অন্তরের দিক থেকে। এই অনন্ত-যৌবনা উর্বরশীল প্রণয়-প্রসাদ লাভ করতে পারলে, হয়তো শত হুঃখের মাঝেও, আমাদের অন্তর-লোকে আনন্দের কমল ফুটে উঠত—যে আনন্দ ধুলায় গড়াগড়ি দিয়েও সার্থক, যার জন্ত হুঃখ-আরামের পেলব শয্যার প্রয়োজন নেই। কিন্তু আজকার যুগে এসব কথা বলা আর মস্তিষ্কের স্বস্থতা সম্বন্ধে শ্রোতার মনে সন্দেহ জাগিয়ে তোলা একই কথা।

২

অষ্টাদশ শতাব্দীর শেষ ও উনবিংশ শতাব্দীর প্রথম ভাগে ইংলণ্ডের ঘোরতর বস্তুতাত্ত্বিকতার যুগে একদিন কবি অত্যন্ত হুঃখের সঙ্গে বলেছিলেন,

“The world is too much with us ; late and soon,
Getting and spending, we lay waste our powers :
Little we see in Nature that is ours ;
We have given our hearts away, a sordid boon.”

কালধর্মে আজ সমস্ত জগতই বস্তুতাত্ত্বিকতার দিকে ঝুঁকে পড়েছে। কিন্তু বাংলার মুসলমান-সমাজ বস্তুহীন হ'য়েও এই বস্তুতাত্ত্বিকতার দিকে যতটা এগিয়ে গেছে, যা এদেশের অন্য কোন সমাজই ততটা পারে নি। কি ধর্ম-ব্যাপারে, কি সমাজ-ব্যাপারে, কি জীবনের ভোগ-বিলাসিতায়, আমরা সর্বদাই স্থলতার পূজা করে আসছি। ধর্ম আমাদের অহুত্বহীন পদ্ধতি-সর্বধ;

সমাজ আমাদের অতিরিক্ত আদব-কায়দার চাপে ক্ষতি-
হীন; আর জীবন আমাদের মোটা বিলাসিতায়
পরিপূর্ণ। ধর্ম-বোধ আমাদের অন্তহিত; ধর্ম-ভীতির-
নিবিড় অন্ধকারে আমরা দিশেহারা। এমনি দুর্দশার
দিনে গদাজলে গঙ্গা-পূজার মত ওয়ার্ডসওয়ার্থ-এর
ভাষায় ওয়ার্ডসওয়ার্থকে ডেকে বলতে ইচ্ছে করছে,—

“Wordsworth, Muslim hath need of thee,

কেন-না, তাঁর মত একজন দৃষ্টিমান ঋষি হয়ত
দরদীর মতো আমাদের জীবনের স্থলতার নিন্দা করে
অ’মা’নিকে কিছুটা প্রকৃতি স্পর্শাচরণী করে তুলতে
পারতেন।

কিন্তু, দুঃখ এই যে ওয়ার্ডসওয়ার্থ-এর মত লোক
হয়ত আমাদের সমাজে টিকে থাকতে পারবেন না।
কারণ, সমাজের দোষ-ত্রুটি সম্বন্ধে অতৃপ্তির স্বর আমরা
মোটাই সহ্য কর্তে পারিনে, সমাজের সাক্ষাৎ গানেওয়াল্য
আদমীই আমাদের প্রিয়। ‘আমাদের সব ভাল,
আমাদের সমাজ-জীবন নিষ্কলুষ,’ এহেন অহমিকা-পূর্ণ
বাণীর উদ্গাতাকেই আমরা নেতৃস্থানীয় বলে
বরণ করে নিই। কিন্তু এ সমস্ত উক্তি যে
আমাদের উপকারের চাইতে সর্বনাশই করছে বেশী,
সেদিকে আমাদের খেয়ালই নেই। এই ঘুম-পাড়ানি
গানের মাদকতাগুণেই আজও আমরা স্তব্ধ
দিবানিত্রা বাছি। ‘আমাদের যা আছে তাই যথেষ্ট,
আমাদের সমাজের পরিবর্তন অনাবশ্যক,’ এই অহঙ্কার-
বোধই আজ আমাদের প্রগতির পথে বাধা হয়ে
দাঁড়াচ্ছে। নিজের সমাজের গুণ গাইতে গিয়ে অন্য
সমাজের নিন্দা-প্রচারণা আমরা পক্ষমুখ। পর-দোষা-
লোচনায় আত্ম-সংশোধন হয় না, আত্ম-দোষালোচনায়ই
হয়, এই সাধারণ সত্যটুকু বুঝবার মত শক্তিও আমাদের
নেতাদের নেই—এমনি দৃষ্টিহীন হয়ে পড়েছি আমরা!
ধর্মাসক্ততার কড়া মদ পান করিয়েই নেতৃবর্গ সহজে আমাদের
বাহবা লাভে সক্ষম; স্বতরাং সমাজের জন্য, কি মানসিক
কি শারীরিক, সর্বপ্রকারের কষ্ট-সাধ্য কর্ম হ’তেই
তাঁরা চিরমুক্ত। Necessity is the mother of
invention—অভাবই নব সৃষ্টির জনয়িত্রী; কিন্তু

আমাদের অভাব-জ্ঞানই নেই, স্বতরাং নবসৃষ্টির আশাও
স্বদূর পরাহত। আমার মনে হয়, বর্তমান অবস্থা নিয়ে
আমাদের এই যে অতিরিক্তি সন্তুষ্টি, এই আমাদের
ভবিষ্যৎ উন্নতির অন্তরায় হ’য়ে দাঁড়াবে। কিন্তু, দুঃখ
এই যে, বর্তমান অবস্থা নিয়ে কিছু পীড়া অহুভব
করেন, এহেন ব্যক্তি আজ আমাদের সমাজে খুবই বিরল।

আমাদের জীবনের রসহীনতার প্রতি ইঙ্গিত করে
সেখানে সরসতার নিষ্কার বহাতে পারেন এহেন ব্যক্তি
আজ পর্যন্ত আমাদের সমাজে আবিভূত হন নি।
হ’লে বোধ হয় সমাজের চেহারা অন্য রকম হ’ত।
তরুণদের মধ্যে কেউ কেউ এদিকে দৃষ্টি দিয়েছিলেন,
কিন্তু সমাজের নিকট থেকে তাঁরা কি প্রকার সম্ভাষণ
পেয়েছেন, এক শ্রেণীর মাসিক ও সাপ্তাহিকের পাতা
ওটালেই তা সহজে বুঝতে পারা যায়। তাই ব’লে
সমাজের বিপক্ষতায় ভীত হ’য়ে তাঁদের ব’সে থাকলে
চলবে না। কেন-না, Public calamity is a mighty
leveller, আর দুর্গতি আমাদের যখন চরমে এসে
পৌছেছে, তখন যত শক্তিহীনই হ’ই না কেন আমরা,
আমাদের স্বীয় কাজটুকু করে বেতেই হবে, শক্তি-
মানদের আগমনের অপেক্ষায় থাকলে শুধু সময়-
ক্ষেপই হবে।

৩

নীরসতাই নিষ্ঠুরতার জয়ভূমি, আর আমাদের
জীবনে যে নিষ্ঠুরতার লীলা চলছে, নীরসতাই যে তার
মূলে রস জুগিয়ে আসছে সে কথা বলা বাহুল্য। যত
ভাল বীজই উষ্ট্র হোক না কেন, রসহীন শুষ্ক ভূমি
কখনও কিছু উৎপাদনক্ষম নয়। আমাদের জীবনে
শিক্ষার বীজ কোনো ভাল ফল ফলাতে পারছে না, একটু
চিন্তা করলেই বুঝতে পারা যাবে, চিন্তা-ভূমির রসহীনতাই
তার প্রধান কারণ।

আমাদের উৎসগুলি আনন্দহীন। বৎসরে দু-বার
ঈদ আমাদের ছুয়ারে এসে হাজির হয়। কিন্তু এক
জিহ্বার রস ছাড়া আর কোনো রসই তারা ক্ষরণ করতে
পারে না। আর করবেই বা কি করে, সমাজের ধারা

ঈশ্বরস্থানীয় সেই আলোম সম্প্রদায়ই যে অতিরিক্ত puritanism-এর চর্চায় রসহীন, শুষ্ক, প্রসন্নতার প্রীতির ছাপ তাঁদের চেহারায়ে নেই,—সেখানে সাধারণতঃ পরিলক্ষিত হয় একটা রুদ্ধতা আর অপ্রসন্নতার ভাব। তরুণদের প্রতি এঁদের একটুও মমত্ববোধ থাকলে হয়ত এই উৎসবগুলি সঙ্গীতে শোভায় সত্যিকার উৎসবে পরিণত হত। কিন্তু, সে আশা করা অনেকটা আগ্রহ-গিরির নিকট জল ভিক্ষার মতই নিফল।

প্রতিবেশী হিন্দুসমাজের পানে চাইলে আজ স্বতই মনে হয় তাদের উৎসবগুলি কত সজীব, কত আনন্দময়।

হিন্দুরা বিশ্বপ্রবিশ্ট সগুণ ব্রহ্মেরও পূজা করে থাকে। Transcendant যিনি তিনি Immanent-ও, সমীম অদীমেরই একটা খণ্ড প্রকাশ, এই ধারণা তাদের আছে। স্বতরাং প্রকৃতির স্পর্শের মধ্য দিয়ে ভগবানের স্পর্শলাভ করা হিন্দুদের নিকট একটা ধর্ম-ব্যাপার বলেই বিবেচিত হয়। প্রকৃতির অঙ্গে অঙ্গে ছড়িয়ে আছে যে রসধারা তাতে অবগাহন ক'রে চিত্তকে সরস করে তোলায় আর্ট তারা জানে।

মুসলমান তার জীবন সরস ক'রে তুলতে চাইলে আজ তাকে এ-দিকটা সাদরে গ্রহণ ক'রে নিতে হবে। অস্ত্রের অমুকরণ করছি, এই বোধের লজ্জাটা যেন আজ তার তাকে স্মিয়মাণ ক'রে না তোলে; কেন-না 'নিবে আর দিবে মিলাবে মিলিবে,' এই হ'ল আজকার যুগের মন্ত্র। আর বহু বছর ধরে পাশাপাশি বাস ক'রেও উভয়ে উভয়ের দ্বারা কিছুটা প্রভাবান্বিত হ'ব না, এই ধারণার মত অদ্ভুত দ্বিতীয় ধারণা কিছু আছে কি না সন্দেহ। পারিপার্শ্বিককে বঞ্চনা ক'রে চলতে পারে এক মৃত যে সে-ই, জীবন্ত ব্যক্তি তার চারদিককার আবহাওয়া থেকে রস গ্রহণ ক'রেই জীবন্ত। অবশ্য প্রতিপক্ষের এখানে আপত্তি হাতে পারে, Pantheism ত একেবারে অনিন্দ্য মতবাদ নয়; স্বতরাং একে আমাদের জীবনে গ্রহণ করবার এতটা আগ্রহ কেন? উত্তরে আমার বক্তব্য এই যে, কোন ismই ত সর্বদা-বন্দন নয়; সব ism এরই ভাল মন্দ দিক আছে স্বতরাং Pantheism এর বেলায়ও তার মন্দ দিকটা, অম্ল কথা

তার নীচের তলার Paganism-টা বাদ দিয়ে, তার ভাল দিকটা গ্রহণ করতে বললে আশা করি আমার ঘোর অজ্ঞায় হবে না।

আর একটা কথা, এই Pantheistic ভাবটা মুসলমানের জীবনে একেবারে নতুনও নয়। পারস্তের হুফী কবিদের জীবনে এর রকম প্রভাব ছিল না। সাধারণের ইসলাম ও হুফীর ইসলামের পার্থক্যটা কি, দার্শনিক লেখক বরকত উল্লাহ সাহেবের প্রসিদ্ধ প্রবন্ধ “হুফীমত ও বেদান্ত” হতে খানিকটা উদ্ধৃত করে দেখাতে চেষ্টা করছি। তিনি বলছেন,—

“ইসলাম যেখানে বলে ‘এক আল্লাহ্ ভিন্ন দ্বিতীয় আল্লাহ্ কেহ নাই’ হুফী যেখানে বলেন, ‘এক আল্লাহ্ ব্যতীত দ্বিতীয় আর কিছুই নাই।’ হুফীর আল্লাহ সপ্ততল আকাশের উপরে সত্তর হাজার পর্দায় ঘেরা থাকে না। তিনি হুফীর অন্তরেই বিরাজ করিতেছেন। শুধু তাঁর একার অন্তরে নয়, জগতে যা-কিছু আছে, সকলের ভিতরই সেই পরম সত্ত্বা স্পন্দন দিতেছে।”*

এই উক্তিটি কি বেদান্তের অদ্বৈতবাদের সঙ্গে হুবহু মিলে যাচ্ছে না? স্বতরাং শুধু Carpenter God-এর নীরস পূজায় মত্ত না থেকে রসস্বরূপ চৈতন্যময় আল্লাহর পূজায় মুসলমানের কি আপত্তি হ'তে পারে, আমার জ্ঞান নেই।

প্রকৃতিকে অবজ্ঞা না ক'রে তার থেকে রস টেনে জীবনকে সরস করে তোলাই আমাদের কর্তব্য। চিত্তের এই সরসতার উৎস থেকেই সৃষ্টি হবে আমাদের সাহিত্য দর্শন আর শিল্প। পাখীর কাকলি, কুহুমের গন্ধ আজ আমাদের জীবনকে আকুলিত করে তুলুক, আর সপ্ত রঙের মেঘের মেলা আমাদের চক্ষে রূপের অগ্নন বুলিয়ে দিক। তাহলেই দেখতে পাব, আমাদের কাছে জীবন মধুময়, জগৎ সুন্দর হয়ে উঠেছে।

কিন্তু আমার এই কথাগুলোকে হয় ত আমার কেজো বন্ধু অতিরিক্ত কাব্য বলে উড়িয়ে দেবেন। তাঁকে তাই বলে রাখছি, একটু কাব্যের আমেজ ছাড়া জীবনের আনন্দই যে অন্তহিত হ'য়ে যায়। বলতে কি, মাছুষের জীবনটাই একটা কাব্য; স্বতরাং জীবনের রসহীনতার চর্চা করা আর যত্নকে নিম্নগণ করা একই কথা। আর এটা সমন্বয়ের যুগ, স্বতরাং কেজো লোককে করতে হবে

কিছুটা রসের চর্চা আর কাব্যলেখককে করিতে হবে কর্ণের। নতুবা উভয়ের জীবনই অপূর্ণ থেকে যাবে। রসহীন কর্ণ আর কর্ণহীন রস উভয়েই একলাটি জগতে সত্যিকারের কিছু সৃষ্টি করতে পারে না। অবশ্য এখানে আমি মাঝারি গোছের লোকের—mediocre-দের কথাই বলছি। রবীন্দ্রনাথকে বীণা ছেড়ে চরখা, আর গান্ধীকে চরখা ছেড়ে বীণা ধরতে বলার বাতুলতা আমার নেই।

৪

অগ্রাসক্তিক হলেও এখানে আর একটা কথা বলা আবশ্যক মনে করছি, আশা করি অগ্রায় হবে না। আমাদের পুরনারীগণ হয়ত এই রসচর্চার ক্ষেত্রে আমাদের অনেকটা সহায়তা করতে পারেন। কি ভাবে তাই বলছি। তাঁরা যদি প্রকৃতির সঙ্গে নিজেদের বেশ-ভূষার সামঞ্জস্য স্থাপন ক'রে চলতে পারেন, তা হ'লে হয়ত আমাদের জীবনে একটা নতুন শ্রী, নতুন আনন্দের আবির্ভাব হবে, তাঁদের হ'তে হ'বে বর্ষা শরৎ বসন্ত প্রভৃতি ঋতুর প্রতীক। কেন-না, তা হ'লেই আমাদের কর্ণব্যস্ত জীবনে ঋতুর পরিবর্তনটা স্পষ্ট অনুভূত হ'বে, শুধু পঞ্জিকার পাতেই তারা আসা-যাওয়া করবে না, তাই বসন্তে নৃত্য করুক পুরবৃদ্ধের বাসন্তী রঙের ওড়না, বর্ষায় ঘন নীলাবরী ঘনমেঘের নীলাঞ্জন বুলিয়ে দিক আমাদের চক্ষে, শরতে আসমানী বস্ত্রাঞ্চল ডেকে আহুক মেঘমুক্ত নীলাকাশের কানাকানি।—

“ওগো আমার হৃদয় যেন সন্ধ্যারই আকাশ,
রঙের নেশায় মেটে না তার আশ,
তাইতো বসন রাঙিয়ে পরি
কখনো বা ধানী

কখনো জাফরাঙ্গী”

—রবীন্দ্রনাথ

কবির এই উক্তি আজ তাঁদের জীবনে সত্য হয়ে উঠুক; তবেই জীবন মাধুর্যময় হয়ে উঠবে। যে ভাবেই হোক, আজ আমাদের জীবনে প্রকৃতির সঙ্গে সামঞ্জস্য স্থাপন করতেই হবে। কেন না সামঞ্জস্যই সৌন্দর্য আর জীবনকে শন্দর ক'রে তোলাই হ'ল মানুষের সমস্ত

কর্ণের লক্ষ্য। ঋতু উৎসবও হয়ত আমাদেরকে এক্ষেত্রে অনেকটা সহায়তা করতে পারে।

আমার কোন ইকনমিষ্ট বন্ধু হয়ত এসব কথায় খাতকে উঠে বলবেন, - বলছি কি, এই দৈন্তদুর্দশাগ্রস্ত মুসলমান সমাজে বিলাসিতার প্রবর্তন করতে চাও তুমি? কিন্তু আমি যে বিলাসিতার কথা বলছি তা আসলে মোটেই বিলাসিতা নয়; আর হলেও খুব বায়সাপেক্ষ নয়। বরং অলঙ্কারের প্রাচুর্য কমিয়ে তা আমাদের বায়বাহুল্যই দূর করবে। তা ছাড়া, একটু বিলাসের আমেজ যে মানুষের কর্ণদক্ষতাই বাড়িয়ে তোলে, আশা করি এই সহজ সত্যটিও প্রমাণ করতে আমাদেরকে যুক্তি ও তর্কের উজান ঠেলে যেতে হবে না; অন্ততঃ অর্থশাস্ত্রের সাধারণ জ্ঞানটুকু আমাদের আছে তাঁদের থেকে আমাদের এইটুকু আশা করা উচিত। অর্থহীনতাই আমাদের সৌন্দর্যহীনতার কারণ, আর অর্থের স্পর্শই রূপকথার রাজকুমারীর মত তা হঠাৎ আমাদের জীবনে জাগ্রত হয়ে উঠবে, অনেকের এই ধারণাটি কত নিরর্থক, আমাদের ধনী ব্যক্তিদের বাড়ীর খোজ নিলে তা সহজে হৃদয়ঙ্গম করা যায়। সেখানে প্রাচুর্যের মধ্যেও দেখতে পাওয়া যায়—একটা শ্রীহীনতা আর অসামঞ্জস্য। দৈন্তের দৈন্ত আনয়ন করলেই যে আমাদের জীবনে শ্রী ফুটে উঠবে, এই আশা বৃথা। বাইরের ঐশ্বর্যের সাহায্যে অন্তরে আনন্দ সৃষ্টি করবার চেষ্টা, ঘোড়ার আগে গাড়ী সাজানোর মতই নিরর্থক। আর আমি যা বলছি তা ধনী-নিধন, শিক্ষিত-অশিক্ষিত নির্বিশেষে সকলের জন্য অবশ্যপালনীয় কতোয়া নয়। শিক্ষা ও অর্থসঙ্গতি আছে যাদের, তাঁদের জীবনের শ্রীহীনতা দূর করবার উদ্দেশ্যই আমার এত কথা।

৫

আর একটা অতি-প্রয়োজনীয় কথা না ব'লে আমার প্রবন্ধ সমাপ্ত করতে পারছি। সঙ্গীতের স্পর্শ ব্যতীত আমাদের জীবন হৃদয় ক'রে তোলা অসম্ভব। রস-পিপাসা মানবমনের একটা

স্বাভাবিক রুচি। একে নিয়ন্ত্রিত ক'রে সত্যিকার সৌন্দর্য্য-সৃষ্টির কাজে না লাগিয়ে টুটি চেপে মেরে ফেলবার চেষ্টা করলে এ স্বতঃই অতিরিক্ত-অধীনতার চাপে পিষ্ট মানুষের মত বে-পরোয়া ভাবে আপনার অস্তিত্ব স্বীকার করবার কাজে লেগে যাবে। আর হয়েছেও তাই। বর্তমানে মুসলমান-সমাজে যে কদর্য্য-তার লীলা চলছে, আমার মনে হয়, তা অনেকটা এই রস-পিপাসার অস্তিত্বকে তুড়ি মেরে উড়িয়ে দেবার চেষ্টারই ফল। একটা জিনিষকে স্বীকার করেই তাকে নিয়ন্ত্রণ করা যায়, অস্বীকার করে নয়। রস জিনিষটাকে সরাসরি অস্বীকার করা হয়েছে বলেই রসপিপাসা আজ আমাদের জীবনে এক অনিয়ন্ত্রিত বিকৃত রূপ নিয়ে দেখা দিয়েছে, তা বিশ্বের সমস্ত জাতির কাছে আমাদের রুচি সম্বন্ধে একটা ঘৃণা ধারণা জন্মাবার কারণ হয়ে উঠেছে। রস জিনিষটাকে এমনিভাবে অস্বীকার করবার চেষ্টা না করে তাকে সঙ্গীত ও শিল্পচর্চার মধ্য দিয়ে প্রকাশ করবার চেষ্টা করলে, নিঃসন্দেহে বলা যেতে পারে, আমাদের সমাজ-জীবন স্বন্দর ও শোভনময় হয়ে উঠত। স্বতরাং আমাদের সকলের—বিশেষ ক'রে মেয়েদের—সঙ্গীত ও শিল্পচর্চা করা উচিত। সঙ্গীতকে হারাম ব'লে আমরা আমাদের ধর্ম্মকে অস্ত্রের নিকট হাঙ্গাম্পদ ক'রে তুলছি। নৃত্যের তালে তালে সৃষ্ট হচ্ছে যে স্পন্দনময় শব্দহীন গান—music of the sphere—তারই সঙ্গে হৃদয় মিলিয়ে আমাদের সকল সন্ধ্যায় গান ধরতে হ'বে। তা হ'লেই বুঝতে পারব, চন্দ্র-সূর্য্য-গ্রহ-তারায় মণ্ডিত হয়ে যিনি বীণা বাজাচ্ছেন তাঁর আমাদের সঙ্গে কি অপূর্ণ মিল রয়েছে; আর এই বোধই আমাদের আধ্যাত্মিকতার পথে অনেকটা এগিয়ে দেবে; কেন-না, সঙ্গীতের সহায়তায়ই আমরা বিশ্বকে উপলব্ধি ক'রতে পারি, আর এই বিশ্ব-উপলব্ধি অথবা বিশ্ব-বোধই আমাদের নিরাকার চৈতন্যস্বরূপের সংবাদ দিতে পারে। তাই রবীন্দ্রনাথ বলেছেন—

মন দিয়ে বীর নাপাল নাহি পাই,
গান দিয়ে তাঁর চরণ ছুঁয়ে ঘাই

স্বতরাং আমাদের নীরস চিন্তা যত শীঘ্র সঙ্গীতরসে রসিয়ে উঠে ততই মঙ্গল। কিন্তু মুসলিম এই যে, আমাদের পুরনারীগণ বর্তমানে যে ভাবে বাস্তব-বন্দী হয়ে আছেন, তাতে আমাদের কলনাকে বাস্তবে পরিণত করা দুষ্কর। তাই প্রার্থনা করছি, এই নির্মূর পর্দা প্রথার উপর কুঠারাবাত করতে পারে এহেন কামাল আমানের জন্ম হোক আমাদের এই মৃত সমাজে।

আজ আমাদের এটুকু মনে রাখা উচিত যে, এই দৈন্ত দুর্দশার মধ্যেও আমরা প্রকৃতির ভাণ্ডার হতে সহজে অনাবিল আনন্দ লাভ করতে পারি। আর্থিক দুর্দশার দোহাই দিয়ে এই সহজপ্রাপ্য অথচ পবিত্র আনন্দ থেকে নিজেকে বঞ্চিত রাখলে আমাদের ঘোর অজ্ঞায় হবে। বরং আর্থিক অবস্থা ভাল নয় ব'লেই আমাদেরকে প্রকৃতিরাগীর দ্বারস্থ হতে হবে; কারণ তিনি সকল সময়েই অপরূপ সাজে সজ্জিত হয়ে ব'সে আছেন, আর যে ব্যক্তিই তাঁর পানে চাইছে তাকেই তিনি ঢল ঢল হাসি হেসে সম্ভাষণ জানাচ্ছেন। প্রাকৃতিক সৌন্দর্য্য উপভোগের মধ্য দিয়েই আমরা চির-জাগ্রত ও চির-বিক্রি আল্লাহকে উপলব্ধি করতে পারি। ‘জীবের মধ্যে অনন্তকে অল্পভব করারই অন্ত নাম ভালবাসা। প্রকৃতির মধ্যে অল্পভব করার নাম সেই সৌন্দর্য্য সম্ভোগ—’ [রবীন্দ্রনাথ]। অতি সংসারিকতায় আমাদেরকে আত্ম-সর্কষ ক'রে একের থেকে অত্নকে আলাদা ক'রে দিচ্ছে। তাই মানুষে মানুষে মিল নেই—ভাইয়ে ভাইয়ে মিল নেই, একের অন্তরের গান অস্ত্রের অন্তরে সাড়া জাগায় না। প্রকৃতির সহায়তা গ্রহণ করলে হয়ত আমাদের এ দশাটা চ'লে যেত, কেন না

“While the touch of Nature's art
Harmonizes heart to heart”—Shelley

তাই, বর্ষা-শরত-বসন্তের রঙের তুলিকা আমাদের অন্তর রাঙিয়ে তুলুক; আকাশ আলোর অজস্র প্রাণ-প্রবাহে আমাদের চিন্তা-কালিমা দূরীভূত হোক। তা হ'লেই আমাদের হৃদয় সত্য-শিব-স্বন্দরের অধিষ্ঠান-মন্দির হ'য়ে উঠবে।*

* “রুমিরা মুসলিম ইরশাদান এসোসিয়েশনের” প্রথম সাধারণ অধিবেশনে পঠিত।

রাত-ভিখারী

শ্রীরমেশচন্দ্র দাস, এম্-এ

১

রাত-ভিখারীর কান্না ওঠে গলির মাঝে ওই,
বিজনপথে নাই কোনো জন রাত-ভিখারী বই !

আধার কুটিল রাস্তা হ'তে
কান্না ওঠে করুণ শ্রোতে ।

সেই সুরেতে মন যে কাদে উদাস হয়ে রই ।
রাত-ভিখারীর কান্না শুনি গলির মাঝে ওই !

২

রাত-ভিখারী চলছে কৈদে,—গাইছে কত গান ;
কাকর-কুচি পাষাণ-আঁটা, কাদে পথের প্রাণ ।

চলছে কৈদে আপন মনে,
বাথা শোনায়ে জনে জনে ;

ঘরে ঘরে রুদ্ধ দুয়ার,—নেই কিছু আজ দান ।
পথের উপর যায় যে বহে একলা দুখের বান !

৩

দিনের আলোয় খঞ্জ, কালা, কুঠরুগী আর
অলিগলির মোড়ে মোড়ে দেখি হাজার বার ;
ওদের করুণ কান্নাকাটি
শুনি, তবু কান না পাতি ।

মর্ষ বৃষ্টি রাত-ভিখারীর গভীর বেদনার ।
চোখের কোণে উপ্ছে ওঠে অশ্রু-পারাবার !

৪

ওদের কি গো নেই বেকতে দিন-দুপুরের মাঝ ?
দিন্ দুনিয়ায় এ যে রে ভাই সৃষ্টিছাড়া কাজ !
কাদতে ওদের এমনি ক'রে,
কে শেখাল, ? কি মন্তরে ?

আধার রাত্তি ক্ষণে ক্ষণে স্বসিয়ে ওঠে আজ !
কেউ দেখেছে এমন ধারা দিন্ দুনিয়ার মাঝ ?

৫

রাত্রি যখন নিদ্রামগন, রুদ্ধ সকল ঘর,
রাত-ভিখারী বাহির হ'ল তখন পথের 'পর ।

দিনের হাটের এত শেষে
বাহির হ'ল কি উদ্দেশে ?

কান্না শুনে ভিক্ষা দিতে ভোলে যে অন্তর !
আধার পথের পথিক যে জন কোন্‌খানে তার ভর ?

৬

দিন্-ভিখারী দিনের আলোয় ভিক্ষা হাঁকে হায,
রাত-ভিখারী কান্না শোনায়ে বিজন বেদনায় !

কণ্ট কাদে ভিক্ষাছলে,
ভাসায় সবায় চোখের জলে ;

আদিম যুগের মনের কথা পথে পথেই গায় ।
হারিয়ে-মাওয়ার বেদন-বাণী ওই যে শোনা যায় !

৭

হারিয়ে-মাওয়ার নীরব বাণী শুনে যে চম্কাই !
দো-তলার এই ঘরে শুয়ে উদাস হয়ে যাই

ধরণী কার প্রতীক্ষাতে
ঠায় দাড়িয়ে নিরুন্ম রাতে,

হাত বাড়িয়ে নেবে তুলে—প্রহর গণি তাই ।
আপন ব'লে আঁকড়ে ধরি—নাই কিছু আজ নাই !

৮

বেদন বৃকের গুতোট ভাষায় ওই ডাকে ফের শোন্ ;
কান্না অত শোনায়ে কারে ? পথ আজি নির্জন !

আমার ঘরের জান্না তলায়
কান্না ওঠে,—মন যে গলায় ;

ব্যথার চেয়ে ভয় যে কেমন ভরিয়ে তোলে মন !
শূন্য পথের একলা পথিক ঐ কাদে ফের শোন্ ।

৯

ভাবছি শুয়ে,—এই সড়কে চলি ত দিনরাত,
কতই চেনা—শতকে কাজে কতই যাতায়াত !

তবু ভাবি আজকে রাতে
রাত ভিখারীর কান্না সাথে

পথের ওপর কি ভয়ানক মরণ ছায়াপাত ।
হু' পাশের দুই বাড়ীর মাঝে অশান অকস্মাৎ !

১০

গৃহবাসীর গোপন স্বখে সাধল কে রে বাদ ।
মুখর বধূর মুখ থেমে যায়—মরণ অবসাদ !

কাহার করুণ আর্তিনাদে
ঘরের পাষাণ দেওয়াল কাদে ?

জমাট বাধনু পাথর নড়ে !—একি আর্তিনাদ !
ভাঙল আজি মুখর বধুর রাত্রি জাগার সাধ !

১১

পূর্ণিমারাত, একাদশী—আজকে তিথি কোন্ ?
এই তিথিতেই বাহির হবে, এ যে ভীষণ পণ !

ভাবি,—যেন, ওর ওই সুরে
চলে গেছি অনেক দূরে,


অনেক দেখা পথের শেষে কোন্ সে অদর্শন ?
সকল গানের শেষের কলি—বুকভাঙা বেদন !

১২

রাত-ভিখারীর রাত কাঁপানো ঐ যে করুণ ভাষ,—
অনন্তের গোপন দুখের বেদন-পরকাশ !

জাগিয়ে তোলে এই পৃথিবীর
চির-যুগের কান্না গভীর !

জাগিয়ে তোলে বাথিত বৃকের মৌন ইতিহাস,
রাত-ভিখারীর রাত কাঁপানো ঐ যে করুণ ভাষ ।



জীবনযাপনের নূতন সরকারী উপায়

বর্তমান সময়ে ভারতবর্ষ শাসনের পলিসি বা নীতি একরূপ চমৎকার আকার ধারণ করিয়াছে, যে, অনেক সচ্চরিত্র ও হুশিক্ষিত ব্যক্তিকে জেলে যাওয়া বাতীত জীবনধারণের অল্প কোন উপায় বেশী দিনের জন্ত অবলম্বন করিতে হইতেছে না; তাঁহাদিগকে পুনঃপুনঃ জেলে যাইতে হইতেছে।

বিঠলভাই পটেলের কারামুক্তি

ভারতীয় ব্যবস্থাপক সভার ভূতপূর্ব সভাপতি শ্রীযুক্ত বিঠলভাই পটেলের স্বাস্থ্য জেলে অভ্যন্ত খারাপ হওয়ায় গবর্নেন্ট তাঁহাকে তাঁহার মিয়াদ উত্তীর্ণ হইবার পূর্বেই খালাস দিয়া সুবুদ্ধির কাজ করিয়াছেন। তিনি গুজরাটের মাহুয়। অথচ তাঁহাকে প্রথমে কয়েদ করিয়া রাখা হয় পঞ্জাবের অধালা জেলে। সেখানে পীড়িত অবস্থায় তাঁহার যথোচিত চিকিৎসা ও পথ্যের ব্যবস্থা হয় নাই। তখন তাঁহাকে মাদ্রাজ প্রেসিডেন্সীর কোইম্বাটুর জেলে বদলী করা হয়— গুজরাটের কোন জেলে নহে! সেখানেও তাঁহার স্বাস্থ্যের উন্নতি না হওয়ায় এবং যথোচিত চিকিৎসার বন্দোবস্ত হইবার সম্ভাবনা না থাকায় সরকার বাহাদুর তাঁহাকে ছাড়িয়া দিয়াছেন। ভারতবর্ষের মঙ্গলাকাজী প্রত্যেক ব্যক্তির প্রার্থনা, তিনি শীঘ্র সুস্থ হইয়া লোকহিতব্রত পালনে আবার প্রবৃত্ত হউন।

সর্দার পটেল বন্দী

শ্রীযুক্ত বিঠলভাই পটেল যেমন কারামুক্ত হইয়াছেন, তেমনি আবার তাঁহার ভ্রাতা সর্দার পটেল নামে

পরিচিত শ্রীযুক্ত বল্লভভাই পটেল কারারুদ্ধ হইয়াছেন। ইনি যখন কারামুক্ত হইবেন, তখন বা তাহার পূর্বে হয়ত তাঁহার ভ্রাতা বিঠলভাই আবার বন্দী হইবেন!

“সাহিত্য বিচারে রবীন্দ্রনাথ”

সাহিত্য ও চিন্তার অগ্ন্যগ্নি বিভাগের শ্রীযুক্ত সাহিত্য-সমালোচনা ক্ষেত্রেও রবীন্দ্রনাথ অসামান্য প্রতিভার পরিচয় দিয়াছেন। আজকাল বাংলা কোন মাসিক কাগজেই ভাল করিয়া সাহিত্য সমালোচনা হয় না। তাহা কিরূপ হওয়া উচিত, রবীন্দ্রনাথের কোন কোন লেখা পাড়িলে তাহা বুঝা যায়। ইহা আরও ভাল করিয়া বুঝা যাইবে, যদি প্রেসিডেন্সী কলেজের রবীন্দ্র-পরিষদ “সাহিত্য বিচারে রবীন্দ্রনাথ” বিষয়ে ভাল প্রবন্ধ পান। রবীন্দ্র-পরিষদ সর্বোৎকৃষ্ট দুটি প্রবন্ধের জন্ত যথাক্রমে স্বর্ণ পদক এবং রবীন্দ্রনাথের কতকগুলি বহি পুরস্কার দিবেন। “যে-কোন কলেজের ছাত্র ও রিসার্চ ষ্টুডেন্ট এই প্রতিযোগিতায় যোগদান করিতে পারেন।” প্রবন্ধ পাঠাইবার শেষ দিন ২০শে মার্চ; পাঠাইবার ঠিকানা—অধ্যাপক সুরেন্দ্রনাথ দাশগুপ্ত, ১০৪ বকুলবাগান রোড, ভবানীপুর, কলিকাতা, কিংবা রবীন্দ্র-পরিষদের সম্পাদক, ষ্টুডেন্টস্ কমন-রুম, প্রেসিডেন্সী কলেজ, কলিকাতা।

জার্মেনীতে চিত্রাঙ্গদার অভিনয়

জার্মেনীর মুনিক বিশ্ববিদ্যালয়ের বাঙালী ছাত্রেরা দরিত্র জার্মান ছাত্রদের সাহায্যার্থ স্বতঃপ্রবৃত্ত হইয়া রবীন্দ্রনাথের চিত্রাঙ্গদার অভিনয় করিয়াছিলেন। অভিনয়

উৎকৃষ্ট হইয়াছিল। তাহা বাংলায় হইলেও জার্মান শ্রোতৃবর্গ কথোপকথনের স্বরলালিত্য, অভিনেতাদের ভঙ্গী, এবং বাংলা গান এবং ভারতীয় যন্ত্র সঙ্গীতে এরূপ মুগ্ধ হইয়াছিলেন এবং অভিনয়ের গুণে আখ্যানটি এতটা বুঝিতে পারিয়াছিলেন, যে, অভিনয় আর এক রাত্রি করিতে হইয়াছিল।

মুনিকের জার্মান-সমাজের বহু শ্রেষ্ঠ সাহিত্যিক, বৈজ্ঞানিক ও অগ্ন্যস্ত্র সম্বন্ধে ব্যক্তি অভিনয়ে উপস্থিত ছিলেন। বাঙালী ছাত্রেরা জার্মান বিশ্ববিদ্যালয়ে ও জার্মান-পরিবারসমূহে যে সহানুভূতি ও সদয় ব্যবহার পাইয়াছেন, তাহার নিমিত্ত কৃতজ্ঞতা প্রকাশ করিবার জগু এই অভিনয় করিয়াছিলেন। অভিনয় এত ভাল হইয়াছিল, যে, মুনিকের একখানি কাগজ ইহা যে, সৌখীন অভিনেতাদের অভিনয়, পেশাদারদের নহে, তাহা বিশ্বাস করিতে পারেন নাই। তথাকার অগ্ন্যস্ত্র একটি কাগজে লেখা হইয়াছে, যে, এই অভিনয় দ্বারা এশিয়া ও ইউরোপকে সৌহার্দ্যস্থিতে আবদ্ধ করা হইয়াছে।

“সামরিক আইন, কিংবা—”

বোম্বাইয়ের হাঁওয়ান ডেলী মেল তথাকার ভারতীয় লিবার্যাল বা উদারনৈতিকদের মুখপত্র। মিষ্টার উইলসন তাহার সম্পাদক। তিনি এখন ছুটি লইয়া, “গোল-টেবিল” বৈঠকে “প্রতিনিধি” হইয়া যে-সব ভারতীয় লিবার্যাল গিয়াছেন, তাঁহাদের কাহারও কাহারও সহযোগিতা করিতে নিষুক্ত আছেন। তিনি প্রায়ই উক্ত বৈঠক সহজে টেলিগ্রাম পাঠাইয়া থাকেন। সম্প্রতি তিনি এই মর্শ্বের একটি টেলিগ্রাম পাঠাইয়াছেন, “শুন! যাইতেছে, ব্রিটিশ গবর্নেন্ট ভারত গবর্নেন্টের নিকট হইতে এই আতঙ্কজনক টেলিগ্রাম পাইয়াছেন, যে, ভারতবর্ষে হয় সামরিক আইন জারী করিতে হইবে, কিংবা গোলটেবিল বৈঠকে রাষ্ট্রীয় প্রগতিসূচক সিদ্ধান্তে উপনীত হইতে হইবে।” মিঃ উইলসনের টেলিগ্রামের কোন সরকারী প্রতিবাদ আমরা দেখি নাই। অবশ্য, কোন কথার প্রতিবাদ না হইলেই যে তাহা নিশ্চয়ই সত্য, এরূপ বলা

যায় না। কিন্তু উইলসন সাহেব যদি ঠিক খবর পাইয়া থাকেন, তাহা হইলে তাহার মানে এই দাঁড়ায়, যে, ভারত গবর্নেন্ট সত্যগ্রহ দমন করিবার নিমিত্ত সামরিক আইন ছাড়া অগ্ন্যস্ত্র উপায় অবলম্বন করিয়াছেন এবং তাহাতে অকৃতকায্য হইয়াছেন; সুতরাং এখন দুই উপায়ের একটি অবলম্বন করিতে হইবে—(১) সত্যগ্রহ বন্ধ করিবার নিমিত্ত সর্বত্র সামরিক আইন জারী করিতে হইবে, কিংবা (২) সত্যগ্রহীরা বাহাতে সন্তুষ্ট হন গোলটেবিল বৈঠকে এরূপ সিদ্ধান্তে উপনীত হইতে হইবে।

ডাক্তার চারুচন্দ্র ঘোষের মূর্তি

পেশাওয়ারের প্রসিদ্ধ কংগ্রেসকর্মী ডাক্তার চারুচন্দ্র ঘোষের গত বৎসর মে মাসে কোজদারী বিধির সংশোধন অনুসারে দুই বৎসর সশ্রম কারাবাস দণ্ড হইয়াছিল। এই দণ্ড যে বে-আইনী হইয়াছিল, লাহোরের বিখ্যাত ইংরেজী দৈনিক ট্রিবিউন এবং হিন্দু হেরাল্ড তাহা বিস্তারিতভাবে দেখাইয়াছিলেন। এত দিন পরে আপীলে তিনি নির্দোষ বলিয়া খালাস পাইয়াছেন। ইহাতে আমরা আনন্দিত হইয়াছি। তিনি বহু বৎসর পূর্বে এলাহাবাদে কলেজে প্রবাসীর সম্পাদকের ছাত্র ছিলেন। তাহার পর বোম্বাই গিয়া তথাকার সরকারী মেডিক্যাল কলেজে পড়িয়া এবং পরীক্ষায় উত্তীর্ণ হইয়া ডাক্তার হন। তাহার বাড়ী হুগলী জেলার ইলসোবা-মোঙলাই গ্রামে। অনেক বৎসর হইল তিনি একবার বিনা বিচারে ব্রহ্মদেশে নির্বাসিত হইয়াছিলেন। তখনও তাহার নির্দোষিতা উপলব্ধ হওয়ায় তিনি স্বাধীনতা প্রাপ্ত হইয়া পেশাওয়ারের কিরিয়া আসিতে সমর্থ হন। এবারও তাহার নির্দোষিতা প্রমাণিত হইয়াছে। উত্তর-পশ্চিম সীমান্ত প্রদেশের স্বদেশপ্রেমিক মুসলমানদের উপর তাহার খুব প্রভাব আছে, ইহাই বোধ হয় তাহার প্রকৃত অপরাধ।

নিখিল-ভারত অর্থনৈতিক কনফারেন্স

লাহোর বিশ্ববিদ্যালয়ের সেনেটগৃহে গত ২রা জানুয়ারী নিখিল-ভারত অর্থনৈতিক কনফারেন্সের অধিবেশন

স্বারস্ত হয়। কলিকাতা বিশ্ববিদ্যালয়ের অর্থনীতি শাস্ত্রের নিম্নোক্ত অধ্যাপক ডক্টর প্রমথনাথ বন্দ্যোপাধ্যায় সভাপতি নির্ধারিত হন। তাঁহার স্থিতিস্থিত অভিভাষণের অন্য অনেক কথা মধ্যে তিনি বলেন, যে, ভারত গবর্নমেন্টের সাময়িক বিভাগের ব্যয় দশ বৎসরের মধ্যে কুড়ি কোটি টাকা কমাইয়া ফেলা উচিত। তিনি আরও প্রস্তাব করেন, যে, জীবনধারণের জন্ত আবশ্যক দেশের সব জিনিষেরই দাম যখন কমিয়া গিয়াছে তখন সিভিল সাবিসের কর্মচারীদের বেতনের হার এখন কমাইয়া দেওয়া উচিত। যদি রাজনৈতিক কারণে এখন ইউরোপীয় কর্মচারীদের বেতন কমান সম্ভবপর না হয়, তাহা হইলে তিনি বলেন কেবল ভারতীয় কর্মচারীদেরই বেতন কমান হউক। বেতন কমান উচিত, আমাদেরও তাহা মত বটে। কিন্তু তিনি বেতন কমাইবার যে কারণ দেখাইয়াছেন, সে-সদ্বন্ধে কিছু বক্তব্য আছে। জিনিষপত্রের দর কমিয়াছে বলিয়া যদি বেতন কমাইতে হয়, তাহা হইলে সেই কম দর দীর্ঘকালস্থায়ী হইবে কি না, বিবেচনা করিতে হইবে। ইউরোপীয় সিভিলিয়ানদের বেতন না কমাইয়া কেবল দেশী সিভিলিয়ানদের বেতন কমাইলে, তাহাতেও আপত্তির কারণ ঘটিবে। স্বেচ্ছায় কেহ অল্প বেতন লইলে বা বিনা বেতনে কাজ করিলে তাহাতে তাঁহার সম্মান বাড়ে। নতুবা সচরাচর লোকে কম বেতনের লোককে কম যোগ্য মনে করিয়া থাকে। দেশী কর্মচারীরা কম বেতন পান বলিয়া তাঁহাদের যোগ্যতা কম, এরূপ ধারণা জন্মিতে দেওয়া ঠিক নয়। ইহাও মনে রাখিতে হইবে, যে, দেশী সিভিলিয়ানদের খরচ ইংরেজদের চেয়ে কম নয়। কাহারও কাহারও বেশীও হয়। কারণ, একদিকে ইংরেজদের বিলাতি ধাচে থাকিতে হয়, অত্র দিকে ভারতীয় প্রথা অনুসারে আত্মীয়স্বজনকেও টাকা দিতে হয়। ইংরেজ ও ভারতীয় উচ্চপদস্থ কর্মচারীদের বেতন কমাইবার প্রধান কারণ এই, যে, এই পরাধীন দরিদ্র দেশের ঐ সকল কর্মচারী আমেরিকার মত ধনী স্বাধীন দেশের তরুণ পদস্থ লোকদের চেয়ে বেশী বেতন পান। এদেশের গবর্নমেন্টের মোট রাজস্ব আমেরিকার তুলনায় অনেক কম এবং

এদেশে জীবনধারণের ব্যয় আমেরিকার জীবনধারণের ব্যয় অপেক্ষাও অনেক কম; সুতরাং উচ্চ কর্মচারীদের বেতনও কম হওয়া উচিত। জাপানের লোকদের মাথা-পিছু গড় আয় ভারতীয়দের চেয়ে বেশী, জাপানের মোট রাজস্বও ভারতের রাজস্বের চেয়ে বেশী; অথচ জাপানের প্রধান মন্ত্রীর মত রাজপুরুষেরও বেতন ভারতবর্ষের প্রথম শ্রেণীর জেলা ম্যাজিস্ট্রেটের চেয়ে কম। প্রকৃত কথা এই যে, ভারতবর্ষে উচ্চ পদগুলির বেতন ইংরেজদের থাই অনুসারে এবং তাহাদিগকে ঘুষ লওয়া হইতে বিরত রাখিবার জন্ত নির্ধারিত হইয়াছিল। ভারতবর্ষ স্বরাজ পাইলে বেতনের হার কখনই এত বেশী রাখিবে না, রাখিতে পারিবে না।

প্রমথ বাবু যে বলিয়াছেন, যে, এ সময়ে নূতন ট্যাক্স ধায়া করিলে লোকের মনে অসন্তোষ বাড়িবে এবং ভারতবর্ষে নূতন শাসনপ্রণালী প্রবর্তিত হইলে তদনুসারে কাজ চালান বিষয়সম্বল হইবে, তাহা সত্য কথা।

সেন্সসের বিরুদ্ধাচরণ

শীঘ্রই ভারতবর্ষের লোকসংখ্যা গণনা করা হইবে। দশ দশ বৎসর অন্তর ইহা হইয়া থাকে। কংগ্রেস আইন অমান্ত করিতে এবং সরকারী আদেশ লঙ্ঘন করিতে বলিয়াছেন, অতএব সরকারী সেন্সসের বিরোধিতা করা উচিত, এই ধারণার বশবর্তী হইয়া কোথাও কোথাও লোকসংখ্যা গণনার বন্দোবস্তে কংগ্রেস-ওয়ালারা বাধা দিতেছেন। নিখিল-ভারতীয় কংগ্রেস কিংবা তাহার কোন নিখিল-ভারতীয় কমিটি সেন্সসে বাধা দিতে বলিয়াছেন বলিয়া আমরা অবগত নহি। কংগ্রেসের এরূপ কোন সিদ্ধান্ত থাকিলেও আমরা এবিষয়ে বাধাপ্রদান-নীতির বিরোধী। সত্য বটে, লোকসংখ্যা গণনায় ভুল থাকে, এবং সেন্সসের অপব্যবহারও গবর্নমেন্ট করিয়া থাকে। ভারতবর্ষে, বাস্তবিক যত ভাষা আছে, যত জাতি ও জাত (caste) আছে, যত “অস্পৃশ” ও “অনাচরণীয়” লোক আছে, তাহাদের সংখ্যা এমন ভাবে সেন্সসে লেখা হইয়া আসিয়াছে, যাহার দ্বারা ভারতবর্ষের

একত্বের অভাব এবং বৈসাদৃশ্যের প্রাচুর্য্য স্বয়ংক্ষে বিদেশী লোকদের ভ্রান্ত ধারণা জন্মিয়াছে। ইংরেজরা এই ধারণার স্বযোগে নিজেদের উদ্দেশ্য সিদ্ধ করিয়া থাকে। ইহা সত্য কথা। কিন্তু তাহা সত্ত্বেও সেন্সসের সুব্যবহার আমরা অনেক করিতে পারি, এবং বিদেশীদের ভ্রান্ত ধারণা দূর করিবার চেষ্টা আমরা করিতে পারি ও করিয়াছি। স্বরাজ্য স্থাপিত হইলেও সেন্সসের আবশ্যক হইবে।

এই সকল কারণে আমরা সেন্সস হইতে দেওয়ায় আপত্তি করি না। কিন্তু ইহার মধ্যে যাহা অনিষ্টকর, তাহার সংশোধন করা নিশ্চয়ই উচিত। প্রধানতঃ পঞ্জাবে এই চেষ্টা হইতেছে, যে, হিন্দুদিগকে যেন নিজেদের জাতি লেখাইতে বাধ্য করা না হয়। “আমি হিন্দু” ইহা লেখানই যথেষ্ট; কোন জাতিতে হিন্দু তাহা বলিতে কেন মানুষকে বাধ্য করা হইবে? মানুষকে জাতি লেখাইতে বাধ্য করিবার মধ্যে যে অত্যাচার ও অপমান আছে, তাহার দু-একটা দৃষ্টান্ত দিতেছি। বঙ্গের যেমন জাতিবিশেষের লোকেরা হয়ত মদ বিক্রী করিত এখন করে না, তেমনি পঞ্জাবের আহলুওয়ালিয়া এবং পশ্চিমের জায়সবাল ও কালোয়াররা হয়ত আগে সবাই মদ বিক্রী করিত, এখন অনেকেই করে না। এখন এই সমস্ত লোককে পূর্বপুরুষদের পেশা লিখাইতে বাধ্য করা লাঞ্ছনা বিবেচিত হইবে। বোম্বাই অঞ্চলের এবং উত্তর-ভারতের পার্বত্য কোন কোন শ্রেণীর লোকদের নারীদের বেশাবৃত্তি জাতি ব্যবসা ছিল। এখন কিন্তু অনেকে তাহা করে না। স্তবরাং জাতি ব্যবসা লিখাইতে সকলকে বাধ্য করা অত্যাচার। জাতি মানা মুসলমানদের ধর্মবিরুদ্ধ, অথচ সেন্সসে তাহাদিগকে নানা জাতিতে বিভক্ত করা হয়। ইহাও অত্যাচার। অনেক মুসলমান ইহার প্রতিবাদ করিতেছেন।

সেন্সসে বাধ্য দিলে একটা ফল এই হইবে, যে, যাহারা বাধ্য দিবেন, তাহারা প্রায় সবাই হিন্দু; স্তবরাং হিন্দুদের সংখ্যা কম করিয়া লেখা হইয়া যাইবে। তাহাতে তাহাদের রাষ্ট্রীয় অধিকার ও দাবী থর্ব করিবার সুযোগ দেওয়া হইবে, অথচ লোকসংখ্যা গণনার চেষ্টা সম্পূর্ণ ব্যর্থ

করিতে পারিবেন না। ১৯২১-এর সেন্সসের সময়ও লোকসংখ্যা গণনায় এক শ্রেণীর রাজনৈতিকরা বাধ্য দিয়াছিলেন, ১৯১১ সালের সেন্সসে বঙ্গ হিন্দুদের সংখ্যা ছিল ২,০২,৪৫,০৭২ এবং ১৯২১ সালের সেন্সসে তাহা কমিয়া হয় ২,০৮,০২,১৪৮। লোকসংখ্যা গণনায় বাধ্য দেওয়া এই হ্রাসের একটা আংশিক কারণ নহে, ইহা কেহ জোর করিয়া বলিতে পারেন কি?

আমরা এইরূপ গুজব শুনিয়াছি, কোথাও কোথাও সম্প্রদায়-বিশেষের লোকদিগকে নিজেদের পরিবারের লোকসংখ্যা বৈশী করিয়া লিখাইতে প্ররোচিত করা হইতেছে।

সিপাহীদিগকে ভোটের অধিকার দিবার প্রস্তাব

“গোলটেবিল” বৈঠক সম্পর্কে উহার এক কমিটি, ব্যবস্থাপক সভার প্রতিনিধি নির্বাচনের অধিকার কিরূপ যোগ্যতা অনুসারে কাহাদিগকে দেওয়া যাইতে পারে, বিবেচনা করিতেছেন। সেই উপলক্ষ্যে পঞ্জাবের স্যার মোহম্মদ শফী বলিয়াছেন, সৈন্যদলের সিপাহীদিগকে ভোট দিবার অধিকার দেওয়া উচিত। সৈনিকদের আলাদা করিয়া ভোট দিবার অধিকার কোন দেশে আছে কি না, আমরা অবগত নহি। ভারতবর্ষে তাহা থাকিবার কোন কারণ দেখিতেছি না। স্যার মোহম্মদ শফী একরূপ প্রস্তাব করিবার কারণ হুস্পষ্ট। ভারতীয় সেনাদলে পঞ্জাবী মুসলমানদের সংখ্যা খুব বেশী। সেই জন্য তিনি এই উপায়ে নিজ ধর্ম-সম্প্রদায়ের ভোটদাতার সংখ্যা বাড়াইয়া লইতে চান।

ভারতবর্ষে ইংরেজ রাজত্ব কোন কোন প্রদেশে স্থাপিত হইবার পর—বিশেষতঃ সিপাহী-বিদ্রোহের পর—ইংরেজদের অধীন সেনাদলে ভিন্ন ভিন্ন প্রদেশ, ধর্মসম্প্রদায় ও জাতি হইতে কিরূপ অল্পপাতে সিপাহী সংগৃহীত হইবে, তাহা বরাবর এক ছিল না। অল্পপাতে ভিন্ন ভিন্ন সময়ে পরিবর্তিত হইয়াছে। আগে যে যে প্রদেশ, ধর্মসম্প্রদায় ও জাতি হইতে যত সিপাহী লওয়া হইত, এখন তাহা লওয়া হয় না; অল্পপাতের

হ্রাস ও বৃদ্ধি হইয়াছে। এমনও হইয়াছে, যে, আগে যে প্রদেশ বা জাতি হইতে সিপাহী লওয়া হইত, এখন তাহা হইতে মোটেই লওয়া হয় না। এই যে কোন কোন প্রদেশ ধর্ম সম্প্রদায় ও জাতি হইতে সিপাহী আগেকার চেয়ে কম বা বেশী লওয়া কিংবা স্থলবিশেষে একেবারেই না লওয়া, ইহা সেই সেই প্রদেশের সম্প্রদায়ের ও জাতির যুদ্ধে পটুতা, অপটুতা বা পূর্ব অযোগ্যতা অমুসারে নির্দ্ধারিত হয় নাই, পরন্তু ইংরেজ-সরকারের রাজনৈতিক প্রয়োজন অমুসারে নির্দ্ধারিত হইয়াছে। হুতরাং বর্তমান সময়ে যে-যে প্রদেশ ধর্মসম্প্রদায় এবং জাতির সিপাহী ভারতীয় সৈন্যদলে বেশী তাহারাই সকলের চেয়ে ভাল যোদ্ধা, বাহাদুরের সিপাহী কম তাহার। নিরুপ্ত যোদ্ধা, এবং যে-যে প্রদেশ বা জাতির সিপাহী নাই তাহার। একেবারেই যুদ্ধ করিতে অক্ষম, এরূপ বলিবার জো নাই।

অতএব, সিপাহীদিগকে যদি ভোট দিবার অধিকার দিতে হয়, তাহা হইলে এইরূপ নিয়ম করা উচিত, যে, ভারতবর্ষের প্রত্যেক প্রদেশ ও ধর্মসম্প্রদায় হইতে তাহাদের লোকসংখ্যার অমুপাতে সিপাহী সংগ্রহ করিতে হইবে। তাহা না করিলে, সিপাহীদিগকে ভোটাধিকার দেওয়ার মানে হইবে, সামরিক বিভাগের কর্তৃপক্ষের ইচ্ছা অমুসারে কোন কোন প্রদেশ, ধর্ম-সম্প্রদায় ও জাতিকে বেশী বা কম ভোটাধিকার দেওয়া, এবং এই উপায়ে রাষ্ট্রীয় কাৰ্য্য নির্বাহে তাহাদের প্রভাব কৃত্রিম উপায়ে বৃদ্ধি বা হ্রাস।

সকলেই জানেন, এক এক প্রদেশে যেমন যেমন শিক্ষার বিস্তার হইয়াছে, তাহার সঙ্গে সঙ্গে সেখান হইতে সিপাহী-সংগ্রহ কমান বা বন্ধ করা হইয়াছে, এবং শিক্ষার অনগ্রসর অঞ্চল সকল হইতে সিপাহী সংগ্রহ বাড়ান হইয়াছে। অতএব সিপাহীদিগকে ভোটের অধিকার দেওয়ার মানে কার্য্যতঃ হইবে, শিক্ষার অনগ্রসর অঞ্চলের লোকদিগকে রাষ্ট্রীয় ব্যাপারে প্রভাবশালী করা। শিক্ষার অনগ্রসর লোকের। ইংরেজদের প্রভুত্ব বাধা দেয় না। হুতরাং এরূপ ব্যবস্থা তাহাদের পক্ষে সুবিধাজনক হইতে পারে, কিন্তু ভারতবর্ষের পক্ষে ভাল নয়।

সকল প্রদেশ হইতে সিপাহী লওয়া উচিত

অন্যান্য কারণেও সকল প্রদেশ হইতে সৈন্য সংগ্রহ করা উচিত।

বহিঃশত্রুর আক্রমণ হইতে দেশরক্ষা এবং দেশের আভ্যন্তরীণ শান্তিরক্ষার ভার দেশের সকল প্রদেশের ও শ্রেণীরই উপর থাকা উচিত। তাহা না থাকিলে কোন কোন প্রদেশ ও শ্রেণীর একটা অকারণ অহঙ্কার ও প্রাধান্য জন্মে এবং অমাত্র প্রদেশ ও শ্রেণীকে লালিত করিবার হুযোগ করিয়া দেওয়া হয়। বস্তুতঃ ভারতবর্ষের সৈন্যদলে যে সকল প্রদেশের যথেষ্টসংখ্যক সিপাহী নাই, ইহা সাইমন রিপোর্টে ভারতবর্ষকে স্বশাসন ক্ষমতা না-দিবার একটা কারণ বলিয়া লিখিত হইয়াছে। অথচ, এরূপ অবস্থার জন্ত প্রধানতঃ ইংরেজ-সরকারই দায়ী। বাহারা এই কথার প্রমাণ চান এবং ভারতীয় সেনাদলের সিপাহী সংগ্রহ বিষয়ক অমাত্র বিষয়ের আলোচনা দেখিতে চান, তাহারা ১৯০০ সালের ‘মডার্ন রিভিউ’ পত্রিকার জুলাই ও সেপ্টেম্বর সংখ্যা এবং ১৯০১ সালের জাহুয়ারী ও ফেব্রুয়ারী সংখ্যায় তাহা দেখিতে পাইবেন।

যুদ্ধ করিয়া মানুষ মারিবার প্রবৃত্তি আমাদের নাই। কিন্তু মানব সভ্যতার বর্তমান অবস্থায় সব জাতির হ্রায় ভারতবর্ষেরও বহিঃশত্রু আছে। অধিকন্তু ভারতবর্ষের অন্তঃশত্রুও আছে। শত্রু দ্বারা আক্রান্ত হইলে, বাধা না-দিয়া আত্মসমর্পণ করিতে ভারতীয়ের। সম্মত হইবে না। সেই জন্ত তাহাদের যুদ্ধ শিখিয়া রাখা দরকার। কোন জাতি যদি যুদ্ধ করিতে না চায়, তাহা হইলেও যুদ্ধ-শিক্ষায় কিছু উপকার আছে। ইহাতে নিয়মামুগত্য, শৃঙ্খল জীবনযাপনের অভ্যাস, দেহ ও পরিচ্ছদ পরিষ্কার পরিচ্ছন্ন রাখিবার অভ্যাস, যখন-তখন মৃত্যুর সম্মুখীন হইবার অভ্যাস ইত্যাদি জন্মে। যুদ্ধশিক্ষার মন্দ দিক্ও আছে। তাহা এখানে দেখাইতেছি না। তাহা নিরাকৃত করা যায়।

উপরে লিখিত কারণসমূহের জন্ত ভারতবর্ষের সব প্রদেশের সব প্রাপ্তবয়স্ক লোককে যুদ্ধ শিখিবার হুযোগ দেওয়া উচিত।

তত্ত্বের সকল প্রদেশের লোককে যুদ্ধ শিখিতে দিবার আরও একটি কারণ আছে। গবর্নেন্ট সামরিক বিভাগের জন্য যে টাকা খরচ করেন, তাহা দেশের সব প্রদেশের সকল শ্রেণীর লোকদের দেওয়া ট্যাক্স হইতে করেন। সব প্রদেশের সর্বশ্রেণীর লোকে ট্যাক্স দেয় বলিয়া তাহাদের সকলেরই সেনাদলে গিয়া অর্থ উপার্জনের অধিকার থাকা উচিত। মানসিক ও শারীরিক বল এবং সাহস কোন জাতির, প্রদেশের ও শ্রেণীর একচেটিয়া নহে। অতএব শক্তি ও সাহসের কাজ করিবার অধিকার সকলকে দেওয়া উচিত। বাহাদুরিগণকে শক্তিহীন ও সাহসহীন মনে করা হয়, উপযুক্ত শিক্ষার স্বযোগ দিলে তাহারাও শক্তিমান ও সাহসী হইতে পারে। কিন্তু স্বযোগ না পাওয়ায় তাহারা একসময়ে শক্তিমান ও সাহসী ছিল তাহারা এখন পৌরুষহীন হইয়া পড়িয়াছে।

শিক্ষার জন্য তেত্রিশ লক্ষ টাকা দান

মধ্যপ্রদেশের রাও বাহাদুর ডি লক্ষ্মীনারায়ণ ম্যাগা-নাজের খনির মালিক ছিলেন এবং ঐ ধাতুর ব্যবসা করিতেন। তিনি ব্যবসাবুদ্ধি ও অক্লান্ত পরিশ্রম দ্বারা প্রায় ৭০ লক্ষ টাকা অর্জন করেন। ইহার প্রায় সমস্তই তিনি উইল দ্বারা দান করিয়া গিয়াছেন। নাগপুর বিশ্ববিদ্যালয়কে তিনি তেত্রিশ লক্ষ টাকা দিয়া গিয়াছেন। এই টাকার আয় ব্যবহারিক বিজ্ঞান (applied science) শিক্ষা দিবার নিমিত্ত ব্যয় করিতে হইবে। ভারতবর্ষে ব্যবহারিক বিজ্ঞান শিক্ষা দিবার বন্দোবস্ত সামান্যই আছে। তাহার যথোপযুক্ত ব্যবস্থা না হইলে আমরা চিরকালই বিদেশ হইতে নানাবিধ পণ্য দ্রব্য আমদানী করিতে বাধ্য থাকিব। সেই জন্য কিছু দিন পূর্বে স্ত্রার মোক্ষগুণ্ডম্ বিশেষরায় মাস্ত্রাজের আশ্রমালাই বিশ্ববিদ্যালয়ের কনভোকেজনে এমন কথা পর্য্যন্ত বলেন, যে, এখন পনের বৎসর সাহিত্যাদির শিক্ষা বন্ধ রাখিয়া কেজো শিক্ষা চালান হউক। ইহা অবশ্য শিক্ষা-

বিষয়ে চরমপন্থীর প্রস্তাব; কিন্তু ইহাতে প্রভূত সত্য আছে, স্বীকার করিতে হইবে।

নাগপুর বিশ্ববিদ্যালয়কে তেত্রিশ লক্ষ টাকা ছাড়া লক্ষ্মীনারায়ণ মহোদয় সার্ভেটস্ অব্ ইণ্ডিয়া সোসাইটী অর্থাৎ ভারতভূতা সমিতিতে একলক্ষ টাকা দিয়া গিয়াছেন। তিনি জীবিত কালেও অনেক দান করিতেন।

পৌষ মাসের সভাসমিতি

প্রতি বৎসর পৌষ মাসের দ্বিতীয় সপ্তাহে বহু বৎসর ধরিয়া ঐষ্টমাসের ছুটিতে কংগ্রেসের অধিবেশন হইয়া আসিতেছিল। লাহোরে উহার গত অধিবেশনে স্থির হয়, যে, অভঃপর উহা ডিসেম্বর মাসে না হইয়া ফেব্রুয়ারী বা মার্চ মাসে হইবে। তদনুসারে এবার পৌষ মাসে কংগ্রেসের অধিবেশন হয় নাই।

কংগ্রেসে প্রতিনিধি ও দর্শক রূপে নানা স্থান হইতে অনেক নরনারী একত্র হওয়ায় তাহাতে ভারতবর্ষের একতা বৃদ্ধির সাহায্য হইত। এত লোক একত্র হওয়ায় অল্প নানা রকম সভাসমিতির অধিবেশনও কংগ্রেসের সময়ে হইত। এবার পৌষ মাসে কংগ্রেস না হওয়ায় এইরূপ অনেক সভাসমিতির অধিবেশন হয় নাই। কিন্তু অল্প কোন কোন সভাসমিতির অধিবেশন নানা স্থানে হইয়াছে। সেই সবগুলির উল্লেখমাত্রও করিতে পারিব না, কয়েকটির করিব।

প্রবাসী বঙ্গসাহিত্য সম্মেলন

তাহার মধ্যে একটি। ইহার অধিবেশন আগ্রায় হইয়াছিল। বঙ্গের বাহিরে যে-সকল বাঙালী বাস করেন, ইহা তাঁহাদের বার্ষিক সাহিত্যিক সভা। এবার ঐতিহাসিক স্ত্রার যদুনাথ সরকার সাধারণ সভাপতি নির্বাচিত হইয়াছিলেন। তাহার বিদ্যাবত্তার কথা ছাড়িয়া দিলেও তাঁহাকে নির্বাচিত করা এই কারণে স্মরণীয় হইয়াছিল, যে, তিনি জীবনের বহু বৎসর বঙ্গের বাহিরে পাটনায় কাজ করিয়াছিলেন। অনেক দূর দূর স্থান হইতে

প্রতিনিধিরা আসিয়াছিলেন। সম্মিলনের কাজ স্থানীকৃত হইয়াছিল। সভাপতির অভিভাষণ বিশদ ও উপদেশপূর্ণ হইয়াছিল। গত বৎসরের কর্মচারীরা পুনর্নির্বাচিত হন, এবং অধ্যক্ষ সমিতিতে সামান্য কিছু পরিবর্তন করা হয়।

রায় বাহাদুর খগেন্দ্রনাথ মিত্র সাহিত্য বিভাগের সভাপতি হন। বাংলা সাহিত্যের গতি কোন্ দিকে, এই বিষয়ে তিনি বক্তৃতা করিয়াছিলেন, এবং তাহা আদৃত হইয়াছিল। এই বিভাগে অনেকগুলি ভাল কবিতা ও প্রবন্ধ পঠিত হয়।

কলিকাতা বিজ্ঞান কলেজের অধ্যাপক ডক্টর শিশির-কুমার মিত্র বিজ্ঞান বিভাগের সভাপতির আসন গ্রহণ করেন। তাহার অভিভাষণ হইতে নানা বিষয়ে জ্ঞান লাভ করা যায়।

সংস্কৃত বিভাগের সভাপতি এলাহাবাদের শ্রীমুক্ত হরিনারায়ণ মুখোপাধ্যায়ের, এবং বাঙালীর কাল্চ্যার বা কল্ট বিভাগের সভাপতির অভিভাষণ দুটিও শ্রোতাদের ভাল লাগিয়াছিল।

স্থানীয় অভ্যর্থনা কমিটি আগ্রার ও তৎসম্বন্ধিত ঐতিহাসিক স্থানসমূহের দ্রষ্টব্য দুর্গ ইমারত আদি দেখাইবার বন্দোবস্ত করিয়াছিলেন। আর যত্নাথ সরকার আগ্রার দুর্গ দেখাইবার ভার গ্রহণ করেন। অকস্মত্ দৈবের সহিত তিনি পুরা চারি ঘণ্টা ধরিয়া মোগল বাদশাহদের প্রাসাদ এবং দুর্গ সম্বন্ধে চিত্তাকর্ষক নানা ঘটনা ও আখ্যায়িকা যথাস্থানে বিবৃত করেন। প্রতিনিধিগণ তজ্জন্ত বাতবিকই তাঁহার নিকট স্বগী।

মুস্লিম লীগের অধিবেশন

এলাহাবাদে বিখ্যাত কবি আর মুহম্মদ ইকবালের সভাপতিত্বে নিখিল-ভারতীয় মুস্লিম লীগের অধিবেশন হয়। তাঁহার অভিভাষণে তিনি বলেন, যে, ভারতবর্ষকে এক বলিয়া ধরিয়া লইয়া অথবা ব্রিটিশ গণতান্ত্রিক মতের প্রভাবের বশবর্তী হইয়া, এই দেশের শাসনবিধি প্রণয়ন

করিলে, অজ্ঞাতসারে দেশকে অন্তর্ভুক্তের জন্য প্রস্তুত করা হইবে। পঞ্জাব, উত্তর-পশ্চিম সীমান্ত প্রদেশ, সিন্ধুদেশ ও বালুচিস্তানকে একত্র করিয়া তিনি একটি মুসলমান রাষ্ট্র গঠনের দাবি করেন। তাঁহার বক্তৃতায় অনেকের এই ধারণা হইয়াছে, যে, লওনে গোল-টেবিল বৈঠকের মুসলমান সভ্যরা যে জিন্নার চৌদ্দ দফা দাবি ধরিয়া বসিয়া আছেন, এবং বঙ্গের মিঃ ফজলুল হক যে বঙ্গে মুসলমানদের জন্য ডমিনেন্ট করিবার অর্থাৎ প্রভুত্ব করিবার বন্দোবস্ত চান, তাহার নিগূঢ় রহস্য আর মুহম্মদ ইকবাল ভাঙিয়া বলিয়া দিয়াছেন। অর্থাৎ ভারতবর্ষের উত্তর-পশ্চিমদিকে একটি বড় মুস্লিম রাষ্ট্র এবং উত্তর-পূর্বদিকে অন্য একটি বড় মুস্লিম রাষ্ট্র (বঙ্গ) সাম্প্রদায়িক প্রত্নতত্ত্বাভিলাষী মুসলমানেরা চান। এই ধারণা সত্য কিনা, কেমন করিয়া বলিব? কিন্তু সত্য বলিয়া সন্দেহ করিবার যথেষ্ট কারণ আর মুহম্মদ ইকবালের বক্তৃতায় এবং মিঃ ফজলুল হকের চিঠি ও তত্ত্বত্রে তাঁহার বক্তৃদের টেলিগ্রামে পাওয়া যায়। অবশ্য সকল মুসলমানের এইরূপ উদ্দেশ্য আছে বলিলে অন্যায় কথা বলা হইবে। অনেক মুসলমান হিন্দু সত্যগ্রহীদের সমান স্বার্থভাগ ও দুঃখভোগ করিতেছেন, এবং যাহারা সত্যগ্রহ করেন নাই এমন অনেক প্রাসিদ্ধ মুসলমান আলাদা নির্বাচন না চাহিয়া সম্মিলিত নির্বাচন চাহিতেছেন ও কেহ কেহ আর মুহম্মদ ইকবালের বক্তৃতার তীব্র প্রতিবাদ করিতেছেন।

“নিখিল-ভারতীয় মুস্লিম লীগ” নামটা শুনিলেই মনে হয়, কি এক বিরাট ব্যাপার! কিন্তু যত জন সভা উপস্থিত না থাকিলে সভার কাজ চলিতে পারে না, তত জন সভাও মুস্লিম লীগের এই অধিবেশনে উপস্থিত ছিলেন না। লীগের এই সংখ্যা বা ‘কোয়াম’ পচাত্তর জন। এই ক’টি লোকও উপস্থিত ছিলেন না। অথচ তাহা সত্ত্বেও সভার কাজ চালান হইয়াছিল, এবং জিন্নার চৌদ্দ দফা দাবিও সমর্থিত হইয়াছিল। বিলাতে নিশ্চয়ই টেলিগ্রাম গিয়াছে, যে, ~~নিখিল-ভারতীয়~~ মুস্লিম লীগ এই দাবি সমর্থন করেন। তাহা পড়িয়া লোকে ভাবিবে, অনেক কোটি মুসলমান এই দাবির পশ্চাতে

নাটি উচাইয়া দাঁড়াইয়া আছে। কিন্তু বস্তুতঃ সমর্থক-দের সংখ্যা পঁচাত্তরও নহে। কারণ একটি সংশোধক প্রস্তাব হইয়াছিল; তাহার সমর্থকদিগকে বাদ দিতে হইবে।

জিনিষটি কাজে সেরূপ হয় নাই। এমন একটি বড় স্বযোগ ও আইডিয়ার ক্ষুদ্র পরিণতি হুঃখের বিষয়। কনফারেন্সটি যে আশাব্যুরূপ হয় নাই, যোগা লোকদের এরূপ মত

সমগ্র-এশিয়া শিক্ষা কনফারেন্স

কালীতে সমগ্র-এশিয়া শিক্ষা কনফারেন্সের প্রথম অধিবেশন হয়। এরূপ একটি কনফারেন্সের আইডিয়ার বাহ্যিক বা বাহ্যিকের মাধ্যমে আসিয়াছিল, তাহার প্রণেতা; কিন্তু ইহার উদ্যোক্তারা যথোচিত বন্দোবস্ত করিতে পারেন নাই। কেন-না, এশিয়ার অধিকাংশ দেশ হইতে কোন প্রতিনিধি আসেন নাই, সামান্য দুই এক জন লোক চীন ও জাপান হইতে আসিয়াছিলেন, এবং ভারতবর্ষেরও সব প্রদেশ হইতে যথেষ্টসংখ্যক শিক্ষক ও অধ্যাপক ও বিশ্ববিদ্যালয়সমূহের নেতৃস্থানীয় বহু অধ্যাপক কনফারেন্সে যান নাই—যদিও এলাহাবাদ হইতে অধ্যাপক মেঘনাদ সাহার মত প্রসিদ্ধ বৈজ্ঞানিক গিয়াছিলেন।

উদ্যোক্তারা যদি এমন কোন ভারতীয়ের নামে এশিয়ার সব দেশে নিমন্ত্রণ পাঠাইতেন, বাহার নাম ভারতবর্ষের বাহিরেও সুপরিচিত, তাহা হইলে ফল ভাল হইতে পারিত। তাহা না করিয়া তাঁহারা এমন এক জন লোককে সম্পাদক করিয়াছিলেন যিনি দক্ষ শিক্ষক হইলেও বাহার নাম তাঁহার প্রদেশের বাহিরে প্রসিদ্ধ নহে।

প্রথমে রবীন্দ্রনাথ ঠাকুরকে সভাপতি করিবার প্রস্তাব হয়; কিন্তু যখন টেলিগ্রাম করিয়া জানা গেল যে, তিনি ভিসেসের দেশে ফিরিবেন না, তখন জগদীশচন্দ্র বসুকে অন্তরোধ করা হয়। তিনি রাজী না হওয়ায় ব্রজেননাথ শীলের নামে কেমন আছে সন্ধান লওয়া হয়। তাঁহাকেও না পাওয়ায় অধ্যাপক রাধাকৃষ্ণনকে সভাপতি নির্বাচন করা হয়। তিনি বাগ্মিতার সহিত মৌখিক একটি স্বন্দর বক্তৃতা করিয়াছিলেন, বিলম্বে নির্বাচিত হওয়ায় অভিভাষণ লিখিবার সময় তিনি পান নাই।

সমগ্র-এশিয়ার কনফারেন্স আইডিয়ার যত বড়,



অধ্যাপক রাধাকৃষ্ণন

পড়িয়াছি ও শুনিয়াছি। এ বিষয়ে একটি চিঠি হইতেও কিছু উদ্ধৃত করিব চিঠিখানি বা তাহার কোন অংশ ছাপিবার জন্ম লিখিত হয় নাই। যিনি লিখিয়াছেন, তাঁহার অনুমতি না লইয়াই কোন কোন কথা উদ্ধৃত করিতেছি। ইহাও বলা দরকার, তিনি প্রতিনিধি হইয়া কালী যান নাই, প্রতিনিধি হইবার ইচ্ছাও তাঁহার ছিল না।

“হলু এ. সি. কনফারেন্স আমাদের ভাল লাগে নি। জিনিষটা আসলে যত বড় তেমন কিছুই হয় নি। অল্-এশিয়াটিক কিছু হচ্ছে বলে বোধই হচ্ছিল না। ইন্টেলেক্চুয়েল দিক্ থেকে কিছু পাওয়া যাচ্ছিল না, ... প্রদর্শনীতে দেখবার বিশেষ কিছুই ছিল না। আমরা প্রদর্শনী দেখে নিরাশ হয়েছি। শুধু চীন থেকে

এক জন চৈনিক চিত্রকর এসেছিলেন—তার চিত্রপ্রদর্শনী খুব ভাল লেগেছে।

“যুয়ুংহু দেখাতে যারা গিয়েছিল, তাদের যুয়ুংহু সকলেরই খুবই ভাল লেগেছিল।”

তাহারা লাহোরে মহিলা কনফারেন্সে যুয়ুংহু দেখাইতে নিমন্ত্রিত হইয়াছে।

মুসিম শিক্ষা কনফারেন্স

মুসিম শিক্ষা কনফারেন্সের অধিবেশন এবার বারাপনৌতে হইয়াছিল। তার সৈয়দ আহমদের পৌত্র হায়দরবাদ রাজ্যের শিক্ষাকর্মাধ্যক্ষ ডক্টর রস মাসুদ সভাপতি নির্বাচিত হইয়াছিলেন। বক্তৃতা প্রসঙ্গে তিনি বলেন, “আপনি বা আমি ইহা পছন্দ করি বা না-করি, পদ্মা প্রথা প্রচলিত থাকার বিরুদ্ধে আর্থিক ও অন্যান্য যে নব শক্তি কাঁচা করিতেছে তাহা এত প্রবল যে, বিনা আশঙ্কায় এই ভবিষ্যদ্বাণী উচ্চারণ করা যায়, যে, ভারতবর্ষে অবরোধ-প্রথার মৃত্যু নিশ্চিত।” তিনি নিম্নলিখিত মন্মের কথা বলিয়া বক্তৃতা শেষ করেন :—

“ভারতবর্ষ যদি কেবল একটি ভাষা ও একটি কাল্চ্যার বা কুষ্টির দেশ হইত তাহা হইলে আমাদের দেশের বহু সমস্যার সমাধান অপেক্ষাকৃত সহজ হইত। কিন্তু তাহা যখন নয় এবং যখন আমরা মুসলমানেরা বিশ্বাস করি, যে, অতীতের মত ভবিষ্যতেও আমাদের কুষ্টি আমাদের মাতৃভূমি ভারতবর্ষের মহতী সেবা করিতে পারিবে, তখন আমাদের দেখা উচিত, যে, আমরা যে বৈচিত্র্যসম্পদ দ্বারা পরিবেষ্টিত তাহা আমাদের সম্প্রদায়ের জীবনকে মহা বিশৃঙ্খল অবস্থায় পরিণত না করে।

“জীবনের মুসলমান আদর্শসমূহের সংরক্ষণের মানে এ নয়, যে, যাহাদের আদর্শ অল্প প্রকার, আমাদেরকে তাহাদের সহিত সর্বদা যুদ্ধ করিতে হইবে। আমি সর্বদাই বিশ্বাস করিয়া আসিয়াছি এবং আজ যত দূরতার সহিত বিশ্বাস করি তার চেয়ে বেশী কখনও করিতাম না, যে, বিদ্বেষের ভিত্তির উপর স্থায়ী কিছু গড়িয়া তোলা যায় না। অধিকন্তু যে সম্প্রদায়ের নিজের উপর

বিশ্বাস আছে ও যাহা নিজেরদের কুষ্টিকে খাঁটি মনে করে, তাহা তাহার প্রতিবেশীদের সহিত সর্বদা ঝগড়া করিবার অভ্যাস অবলম্বন করে না।

“আমাদের ভারতীয় মুসলমানদের ইহা প্রকাশ্য ভাবে স্বীকার করা উচিত, যে, আমরা হিন্দু সভ্যতার নিকট হইতে তত পাইয়াছি যত আমরা তাহাকে দিচ্ছি। যিনি যাহাই বলুন, চিন্তা-জগতেই হউক বা ললিতকলা ও শিল্পের জগতেই হউক, আমাদের জীবনের হিন্দু উপাদানই আমাদেরকে পৃথিবীর অত্যাশ্চর্য দেশবাদী মুসলমানদিগ হইতে পৃথক করিয়াছে।”

শ্রীমতী কমলা নেহরু

বস্তুতঃ কয়েকটি পরিবারের কোন-না-কোন ব্যক্তি



শ্রীমতী কমলা নেহরু

জেলে না থাকিলে যেন সরকারী জেল বিভাগ অচল হয়, এইরূপ অবস্থা দাঁড়াইয়াছে।

মহাত্মা গান্ধী জেলের গোরব বর্জন করিতেছেন। এখন

তাহার এক বা দুই পুত্র জেলে। মালবীয় পরিবারের দুই বা তিন জন (তন্মধ্যে একজন পণ্ডিত মদনমোহন মালবীয়েয় পুত্র) জেলে। পণ্ডিত জবাহরলাল নেহরু পঞ্চম বার জেলে গিয়াছেন। তাহার পিতা দুই বার জেলে গিয়াছিলেন, তাহার এক ভগিনী এক বার। তাহার বৃদ্ধা স্বশ্রুতাকুরাণী জেলে গিয়াছেন। তাহার ভগ্নীপতি আগে হইতেই জেলে আছেন। এখন তাহার পত্নী জেলে গিয়া নিজের সহধর্মিণীকে অক্ষরে অক্ষরে সপ্রমাণ করিলেন। এলাহাবাদে পণ্ডিত মোতীলাল নেহরুর বাস-গৃহ আনন্দ-ভবনের কেবল দুই জন জেলে যান নাই—পণ্ডিত মোতীলালের গৃহিণী পিতামহী শ্রীমতী স্বরূপরানী নেহরু এবং তাহার পৌত্রী বালিকা ইন্দিরা।

বঙ্গে শ্রীযুক্ত যতীন্দ্রমোহন সেন গুপ্ত ও তাহার পত্নী জেলে আছেন।

এইরূপ আরও অনেক দৃষ্টান্ত দেওয়া যায়।

পাটনায় ঐতিহাসিক কমিশন

সরকারী ও অগ্র ঐতিহাসিক দলীল ও কাগজপত্র আবিষ্কার ও রক্ষা এবং তৎসম্বন্ধে গবেষণা ও আলোচনা করিবার জন্ত একটি কমিশন কয়েক বৎসর হইল গঠিত হইয়াছে। ইহা আধা-সরকারী গোছের প্রতিষ্ঠান, কিন্তু ইহার কৃতিত্ব ও সার্থকতা আছে। ইহার একটি বার্ষিক অধিবেশন হইয়া থাকে। এবার পাটনায় স্মার যদুনাথ সরকারের সভাপতিত্বে এই অধিবেশন হইয়াছিল। সভাপতির ও অগ্র অনেকের সারগর্ত প্রবন্ধ পঠিত হইয়াছিল।

ঢাকায় দার্শনিক কংগ্রেস

ভারতবর্ষীয় দার্শনিক কংগ্রেসের অধিবেশন এবার ঢাকায় হইয়াছিল। অধ্যাপক ওয়াডিয়া সভাপতি মনোনীত হন। মহাত্মা গান্ধীর নানা উক্তিভেদে তাহার জীবনে ভারতবর্ষীয় দর্শন কি নূতন বিকাশলাভ ও মূর্তিপ্রাপ্তি করিয়াছে, তাহাই তাহার অভিভাষণের প্রধান বক্তব্য ছিল। দার্শনিক কংগ্রেসের এই অধিবেশনে গভীর দার্শনিক

তত্ত্বের ব্যাখ্যাপূর্ণ কয়েকটি প্রবন্ধ পঠিত হয়। কশিয়ায় যে কম্যুনিজম্ বা সাধারণ স্বত্বস্বামিত্ববাদকে বাস্তবে পরিণত করিবার চেষ্টা হইয়াছে, তদ্বিষয়ে একদিন তর্ক-বিতর্ক হয়। অবশ্য তর্কবিতর্ক প্রধানতঃ বস্তুবিচ্ছিন্ন (abstract) চিন্তা, শোনা কথা ও পড়া কথার ভিত্তির উপরই চলিয়াছিল।

পাটনায় প্রাচ্য কনফারেন্স

পাটনায় এবার ভারতবর্ষীয় কনফারেন্স বা প্রাচ্য কনফারেন্সেরও অধিবেশন হইয়াছিল। প্রত্নতাত্ত্বিক



শ্রীকাশীপ্রসাদ জায়সবাল

ব্যারিষ্টার কাশীপ্রসাদ জায়সবাল ইহার অভ্যর্থনা সমিতির সভাপতি এবং প্রত্নতাত্ত্বিক রায়বাহাদুর হীরালাল ইহার সভাপতি মনোনীত হন। এই অধিবেশনেও সভাপতিদের বক্তৃতা ছাড়া অনেক সারবানু প্রবন্ধ পঠিত হইয়াছিল।

নাগপুরে বিজ্ঞান কংগ্রেস

ভারতীয় বিজ্ঞান কংগ্রেসের গত অধিবেশন নাগপুরে হইয়াছিল। সরকারী নৃতত্ত্ব বিভাগের ডিরেক্টর লেফ্টেন্যান্ট কর্নেল সিওয়েল উহার সাধারণ সভাপতি হইয়াছিলেন।

তিনি বিবর্তনবাদ ও জীবন সম্বন্ধে বক্তৃতা করিয়াছিলেন। বিজ্ঞান ও ব্যবহারিক বিজ্ঞানের নানা বিভাগ সম্বন্ধে বহু প্রবন্ধ পঠিত হইয়াছিল।

করিতেন। আধুনিক গণতন্ত্রবাদ এই মতের সমর্থন করেন না।

আর একটি কারণ এই, যে, তিনি নির্ভীক ও স্পষ্ট-বক্তা মানুষ ছিলেন, যখন যাহা সত্য বলিয়া মনে করিতেন, তাহা বলিতে ভয় পাইতেন না—আগে কি বলিয়াছেন তাহা ভাবিয়া কোন কথা বলিতে নিরন্তর হইতেন না। তিনি বোদ্ধপ্রকৃতির মানুষ ছিলেন। লগুনে যে-সব মুসলমান নেতা এখন দরকষাকষি করিতেছেন, তিনিও কতক দূর পর্যন্ত তাঁহাদের সঙ্গে থাকিলেও, তাঁহাদের চেয়ে শ্রেষ্ঠ মানুষ ছিলেন। তাঁহাদের এক জনও ভারতবর্ষের জন্ত বা মুসলমান সম্প্রদায়ের জন্য তাঁহার মত দুঃখের বোঝা বহন করেন নাই। তাঁহার মত হুদয়বান্ এবং লিপিদঙ্কতায় ও বাগ্মিতায় তাঁহার সমকক্ষ তাঁহারা একজনও নহেন।

তিনি ব্যাধিগ্রস্ত অবস্থায়, চিকিৎসকদের পরামর্শের বিরুদ্ধে, কর্তব্যবোধে বিলাত গিয়াছিলেন। বলিয়া ছিলেন, স্বরাজ পাইলে ভারতবর্ষে ফিরিবেন, দাস-ভারতে আর পদার্পণ করিবেন না। কাজেও তাহাই হইল। তিনি আর আসিলেন না।

তিনি বলিয়াছিলেন, “আমরা আলাদা প্রতিনিধি নির্বাচনের অধিকারের জন্য আসি নাই, আমাদের সম্প্রদায়ের লোকসংখ্যার অতিরিক্ত প্রতিনিধি পাইবার জন্য আসি নাই—আসিয়াছি ভারতবর্ষের নিমিত্ত স্বাধীনতালাভের জন্য।” তিনি বুঝিতেন, কোন্টা সকলের চেয়ে বড় জিনিষ।

দেশে দাস, বিদেশে ‘স্বাধীন মানুষ’!

ভারতভৃত্য সমিতির নেতা শ্রীযুক্ত শ্রীনিবাস শাস্ত্রী ব্যাকের দ্বারা এবং সৌজন্যপূর্ণ ব্যবহারের দ্বারা দেশের সেবা করিয়াছেন, কিন্তু তিনি কখন জেলে যান নাই, লাঠির ঘা কীল চড় কান-মলা খান নাই। স্তব্রাং তাঁহার পক্ষে লঘুভার সহিত জেল ও লাঠির ঘায়ের উল্লেখ করা সোজা। ইহা অত্যন্ত পরিতাপের বিষয়, যে, তাঁহার মত একজন গণ্যমান্য লোক

মৌলানা মোহাম্মদ আলীর পরলোকযাত্রা

মৌলানা মোহাম্মদ আলীর মৃত্যুতে সাধারণতঃ ভারতবর্ষ এবং বিশেষ করিয়া মুসলমান সম্প্রদায় ক্ষতিগ্রস্ত



মৌলানা মোহাম্মদ আলী

হইল। তিনি ভারতবর্ষে স্বরাজ স্থাপনের জন্ত এবং মুসলমান সম্প্রদায়কে সেই স্বরাজে একটি প্রভাবশালী স্থান দিবার নিমিত্ত প্রভূত চেষ্টা করিয়াছিলেন এবং বহু দুঃখ সহ্য করিয়াছিলেন। তাঁহার কথায় ও আচরণে সব স্থলে পূর্ণাঙ্গের সঙ্গতি রক্ষিত না হইলেও ইহা অবশ্যস্বীকার্য, যে, তিনি ভারতবর্ষকে নিজের মাতৃভূমি জ্ঞানে ভাল-বাসিতেন। তিনি একবার বলিয়াছিলেন, “যদি ভারতবর্ষ আক্রমণ করে, তাহা হইলে তাহাদিগকে আমার মৃত দেহের উপর দিয়া আসিতে হইবে”, অর্থাৎ তিনি তাহাদের আক্রমণ প্রতিরোধের জন্ত প্রাণ দিতেও প্রস্তুত। তাঁহার অসঙ্গতির কারণ, তিনি এক একটি রাজনৈতিক মতিবিশিষ্ট মানুষকে রাষ্ট্রের যুনিট বা একক মনে না করিয়া এক একটি স্বতন্ত্র ধর্মসম্প্রদায়কে একক মনে

খেলো ও অপ্রকৃত কথা বলেন। তিনি কি বলিয়াছেন, তাহা বলিতেছি। বিলাতে সম্মান দেখাইবার একটা প্রথা, কোন-না-কোন শহরের ফ্রীডম্ অর্থাৎ উহার পৌর অধিকার কাহাকেও দেওয়া। তাহাকে সেই শহরের ফ্রী ম্যান অর্থাৎ স্বাধীন মানুষ বলা হয়। সম্প্রতি একটি সভা করিয়া এডিন্‌বরা শহরের পৌরত্ব ভূপালের নবাব এবং শ্রীনিবাস শাস্ত্রীকে দেওয়া হইয়াছে। দাস-দেশের কোন ব্যক্তির স্বাধীন দেশের কোন নগরের পৌরত্বের খেতাব প্রাপ্তির মধ্যে যে অনভিপ্রেত উপহাস আছে, তাহা শ্রীনিবাস শাস্ত্রী উপলক্ষি না করিয়া বরং আফ্লাদিত হইয়াছেন, তাহাতে দুঃখ করা বৃথা। তিনি বলিয়াছেন, “একথা বলিলে কোন গুপ্ত কথা অকালে ব্যক্ত করা হইবে না, যে, আমাদের একটি সব-কমিটির চেয়ারমহুয্য বলিয়াছেন, গোলটেবিল কনফারেন্সের আগামী পূর্ব অধিবেশনে প্রধান মন্ত্রী গবন্মেণ্টের পক্ষ হইতে যাহা বলিবেন তাহাতে ভারতীয় লোকদের মনোবাঞ্ছা ও উচ্চাকাঙ্ক্ষা তৃপ্তি অনেক দূর পর্যন্ত হইবে।” ইহা ভাবিয়া তিনি আফ্লাদে আটখানা হউন, আমরা হইতেছি না।

তাহার পর তিনি বলিয়াছেন, “বিধাতাকে ধন্যবাদ, আয়ার্ল্যান্ডের মত উপায়ে নহে, কিন্তু আলোচনা, রফা, পরস্পর বুঝাপড়া এবং আপোষের দ্বারা ভারতবর্ষের স্বাধীনতা লব্ধ হইতে যাইতেছে।” আমরা আয়ার্ল্যান্ডের অবলম্বিত উপায় পছন্দ করি না। স্বতরাং তাহার কথিত উপায়ে হইলে ত ভালই। তিনি যদি তাহা হইতেছে বিশ্বাস করেন করুন; আমরা করি না। তিনি শেষে এই কথা বলিয়াছেন,

“সেন্ট জেম্‌স প্রাসাদে আজ গ্রেট ব্রিটেনের ইতিহাসের উজ্জলতম অধ্যায় লিখিত হইতেছে। কতিপয় কারাদণ্ড ও কতিপয় লাঠির ঘা ছাড়া অন্য কিছু ব্যতিরেকে কেমন করিয়া একটি দীর্ঘ সংগ্রামের সুখকর পরিসমাপ্তি হইল, সেই কাহিনী ভবিষ্যৎ বংশাবলীর উপকারের জন্ত তাহাতে লেখা থাকিবে।”

ইহা তিনি বিশ্বাস করুন, তাহাতে আপত্তি করি না; আমরা বিশ্বাস করি না। আমরা “কতিপয় কারাদণ্ড ও

কতিপয় লাঠির ঘা” কথাগুলি অত্যন্ত বেদনাদায়ক মনে করি।

শেক্সপীয়ারের রোমিও ও জুলিয়েট নাটকে যে আছে, “He jests at scars that never felt a wound” “যে কখনও আঘাত অহুভব করে নাই, ক্ষতচিহ্ন তাহার উপহাসের বিষয়” তাহা ইংরেজীতে প্রবাদ বাক্যে পরিণত হইয়াছে। শ্রীনিবাস শাস্ত্রী তাহা জানেন।

গায়ে যাহাতে একটুও আঁচড় না-লাগে, সেই রূপ সাবধানতার সহিত আমরাও চলি, পৌরুষের কোন দাবি আমাদের নাই। ইহাও আমরা মনে করি না, যে, স্বাধীনতা লাভের জন্য ভারতসন্তানগণ এখনও খুব বেশী স্বার্থতাগ ও দুঃখ সহ্য করিয়াছেন। কিন্তু নিজের কামরায় স্বাধীন হইয়া কিংবা হৃন্দর একটি হলে আরামে দাঁড়াইয়া ইহা বলাও অশোভন মনে করি, যে, কেবল অল্পসংখ্যক লোক জেলে গিয়াছে বা লাঠির প্রহার খাইয়াছে। চল্লিশ পঞ্চাশ ঘাট হাজার কি অল্পসংখ্যক? তাহা অপেক্ষা অনেক বেশী লোক—কয়েক লক্ষের কম হইবে না—লাঠি দ্বারা প্রহৃত হইয়াছে। সেই সংখ্যা কি অল্প? কারাদণ্ড ও লাঠির ঘা ছাড়া কি আর কিছু ভারতবর্ষে ঘটে নাই? কেহ মরে নাই, সর্বস্বান্ত হয় নাই, লাঞ্চিত অপমানিত হয় নাই? বিলাতে কি কোন খবরই পৌছে না? না, শ্রীনিবাস শাস্ত্রীর মত লোকেরা চোখ কান বুজিয়া থাকেন?

যদি কারাদণ্ডের ও লাঠির ঘাঘের সংখ্যা বাস্তবিক খুব কমই হইয়া থাকে, এবং ভারতীয়েরা আর কোন প্রকার ক্ষতি ও দুঃখ সহ্য না করিয়া থাকে, তাহা হইলেও শ্রীনিবাস শাস্ত্রী মহাশয় তৎকারণে স্বীকার করিতে বাধ্য হইয়াছেন, যে, শুধু আলোচনা, রফা, পরস্পর বুঝাপড়া ও আপোষের দ্বারা ভারতবর্ষের স্বাধীনতা লব্ধ হইতে যাইতেছে না, কারাদণ্ড ও লাঠির ঘা খুব বেশী না হইলেও কাহাকেও কাহাকেও অল্প কিছু সহ্য করিতে হইয়াছে—যদিও শ্রীনিবাস শাস্ত্রী মহাশয়কে সহ্য করিতে হয় নাই। তিনি বাক্যের দ্বারাই কাজ হাসিল করিতেছেন।

আমেরিকায় রবীন্দ্রনাথের অভ্যর্থনা

ও চিত্র প্রদর্শনী

আমেরিকায় রবীন্দ্রনাথের অভ্যর্থনা বিষয়িনী একটি সচিত্র ও স্মৃতিস্তম্ভ পুস্তিকা এবং তথায় তাঁহার চিত্র প্রদর্শনী সঙ্ক্ষে অত্র একটি সুন্দর সচিত্র পুস্তিকা পাইয়াছি। অভ্যর্থনার পুস্তিকাটির মলাটের প্রথম পৃষ্ঠায় সোনালী কালিতে মাস্তাজ অঙ্কলে প্রচলিত নৃত্যপ্রায়ণ নটরাজ-শিবের মূর্তির ছবি মুদ্রিত আছে। প্রবাসীর বর্তমান সংখ্যার গোড়ায় যে কবিতাটি আছে, তাহার ইংরেজী অম্ববাদ কবির হস্তাক্ষরে পুস্তিকার মলাটের দ্বিতীয় পৃষ্ঠায় আছে, এবং তৃতীয় পৃষ্ঠায় কবির হস্তাক্ষরে বাংলা কবিতাটির প্রতিলিপি আছে। ঐ কবিতাটি আমরা পৌষের প্রবাসীতে প্রকাশিত “প্রাণলক্ষ্মী” কবিতাটির সঙ্গে এক মোড়কে পাইয়াছিলাম। পুস্তিকাটির ভিতরে রবীন্দ্রনাথের চেহারার একটি পেন্সিলে আঁকা ছবির প্রতিলিপি, অভ্যর্থনা কমিটির সভাদিগের নাম, বিখ্যাত ভারতীয় উদ্দেশ্য ও আদর্শ সঙ্ক্ষে কবির একটি ইংরেজী লেখা এবং শাস্তিনিকেতনের চারিটি ছবি আছে।

চিত্র প্রদর্শনীর পুস্তিকাটিতে কবির একটি আধুনিক ফোটোগ্রাফের প্রতিলিপি, ডক্টর আনন্দ কে কুমারস্বামীর লেখা ভূমিকা, কবির আঁকা চারিটি ছবির প্রতিলিপি, এবং “চিরের ভাষা” সঙ্ক্ষে তাঁহার একটি ছোট ইংরেজী লেখা আছে।

মুসলমানেরা সকলে পৃথক্ নির্বাচিত

প্রতিনিধি চান না

গবর্নমেন্টের বাছাই করা যে কয়জন মুসলমান তথাকথিত গোলটেবিল বৈঠকের সভ্য হইয়া গিয়াছেন, তাঁহারা ভারতবর্ষের সমগ্র মুসলমান সমাজের প্রতিনিধিত্ব দাবি করিয়া ইংরেজদিগকে ও তাহাদের খবরের কাগজ ও সভার বেতার টেলিগ্রাফ দ্বারা জগৎবাসিকে জানাইতেছেন। যে, ভারতীয় মুসলমানরা সকলেই কেবলমাত্র মুসলমান ভোটাভাদের দ্বারা নির্বাচিত মুসলমান প্রতিনিধি চান ;

অন্য কোন প্রকার নির্বাচনে তাঁহারা রাজী হইবেন না। কিন্তু যে-সকল মুসলমান সভ্যগ্রহে যোগ দিয়াছেন, বলা বাহুল্য তাঁহারা পৃথক্ নির্বাচন চান না। তাঁহাদের মধ্যে আক্বাস তৈয়বজী, ডাক্তার আনসারী, প্রভৃতি বিখ্যাত লোক আছেন। তন্মি, বড়লাটের শাসন পরিষদের ভূতপূর্ব সদস্য স্যার আলী ইমাম, ভূতপূর্ব হাইকোর্ট জজ সৈয়দ হাসান ইমাম, মামুদাবাদের মুসলমান মহারাজা, মৌলবী মুজিবুর রহমান প্রভৃতি নেতারা পৃথক্ নির্বাচনের বিরুদ্ধে বিলাতে তার করিয়াছেন। স্যার মুহম্মদ শকী প্রভৃতি পার্শ্বক্যামিলাবীদের মধ্যে কেহই বিন্দ্যাবুদ্ধি, সামাজিক পদমর্যাদা বা উচ্চ রাজকার্য্য করা বিষয়ে ইহাদের চেয়ে শ্রেষ্ঠ নহেন। ইহাদের মতে পৃথক্ নির্বাচন অমঙ্গলকর ও তাহার বিরুদ্ধে যুদ্ধ করা উচিত। বর্তমান মিউনিসিপালিটির চেয়ারম্যান ও বঙ্গীয় বাবস্থাপক সভার ভূতপূর্ব সভ্য মৌলবী মুহম্মদ যাসীন প্রমুখ কয়েক জন বাঙালী মুসলমান গোলটেবিলের মুসলমান সভাদের প্রতিনিধিত্ব স্বীকার করেন নাই এবং তাঁহাদের কথার প্রতিবাদ করিয়াছেন। বাঙালী মুসলমান মহিলাদের সভার শ্রীমতী সোফিয়া খাতুন প্রমুখ প্রায় আশী জন সভ্য পৃথক্ নির্বাচনের বিরুদ্ধে প্রবল প্রতিবাদ করিয়াছেন। পঞ্জাবের একদল মুসলমানের পক্ষ হইতেও এইরূপ প্রতিবাদ বিলাতে গিয়াছে। আসাম হইতে শ্রীহট্ট জেলার জমিদার এবং তথাকার আজ্ঞামানের সভাপতি থা বাহাদুর এক্রিম-উর-রাজা পৃথক্ নির্বাচনের বিরুদ্ধে এবং সম্মিলিত নির্বাচনের পক্ষে ভারতসচিবকে টেলিগ্রাফ করিয়াছেন। মাস্তাজ হইতেও এইরূপ প্রতিবাদ গিয়াছে।

পৃথক্-নির্বাচন সঙ্ক্ষে গোলটেবিল বৈঠকের মুসলমান সভাদের ও ভারতবর্ষের কোন কোন মুসলমানের দৃঢ়তার কারণ সঙ্ক্ষে নানা গুঞ্জব খবরের কাগজে বাহির হইয়াছে। গুঞ্জবগুলা বাদ দিলেও একটা কারণ স্থাপ্য। ষাঁহারা মিঃ জিন্নার পৃথক্ নির্বাচন প্রভৃতি ১৪ দফা দাবির সমর্থন করেন, তাঁহারা জানেন, হিন্দুদের মধ্যে স্বাধীনতাপ্রিয় দল যে-কোন সহুপায়ে হউক, যে-প্রকার স্বার্থভাগ এবং দুঃখভোগ দ্বারাই হউক,

স্বাধীনতা লাভ করিতে বাগ্র। পার্থক্যবাদীরা এই স্বযোগে দরকষাকষি করিয়া যতটা সম্ভব নিজেদের উদ্দেশ্য সিদ্ধ করিতে চান। কিন্তু গোলটেবিল বৈঠকে তাঁহাদের দাবি গ্রাহ্য হইলেও তাহা ত টিকিবে না। উক্ত বৈঠকের মীমাংসা জাতীয়তা ও গণতন্ত্রের এবং পূর্ণ স্বরাজের অমূল্য না হইলে কংগ্রেস তাহার বিরুদ্ধে লড়িতেই থাকিবেন।

এখন দু'একটা গুজবের কথা বলি। গোলটেবিল বৈঠকের লোকদের বিলাত যাত্রার সময় অনেক কাগজে এই খবর বাহির হয়, যে, বড়লাটের শাসন পরিষদের সভ্য স্যার ফজলী হোসেনের পরামর্শ বা সুপারিশ অনুসারে সাধারণতঃ তাঁহার দলের মুসলমানরাই গোলটেবিল বৈঠকের সভ্য মনোনীত হইয়াছেন, এবং তিনি তাঁহাদিগকে হিন্দুদের কোন কথা না-শুনিতে এবং ইংরেজদের কথা শুনিতে বলিয়া দিয়াছেন; কেন-না, হিন্দুদের বন্ধুত্ব অপেক্ষা ইংরেজদের অমুগ্রহ অধিকতর লাভজনক। এই খবরের কোন স্পষ্ট প্রতিবাদ আমরা দেখি নাই।

আর একটি গুজব এই, যে, শফী আগা খা প্রভৃতি ব্যক্তি ইংরেজ সিবিలిয়ানদের এক দলের দ্বারা চালিত হইতেছেন। এই দলের প্রভাবের অধীন লোকেরা ঢাকা প্রভৃতি স্থান হইতে বৈঠকের মুসলমান সভাদিগকে পৃথক্ নির্বাচনাদি বিষয়ে দৃঢ় থাকিতে একাধিকবার তার করিয়াছে।

জিন্না প্রভৃতি পার্থক্যবাদীদের সম্বন্ধে ভারত-গবর্নমেন্টের ইংলওপ্রবাসী ইংরেজ কণ্ঠচারীদের পয়তারা কিছু পরোক্ষ প্রমাণও আছে।

মনিং পোষ্ট বিলাতী রক্ষণশীল দলের একটি নামজাদা কাগজ। ইহার ভারতবর্ষীয় সংবাদদাতা মাসাদিক পূর্বে দিল্লী হইতে এই সংবাদ পাঠান, যে, হোম ডিপার্টমেন্টের সেক্রেটারী হেগ সাহেব (যিনি এখন গোলটেবিল সম্পর্কীয় কাজে বিলাতে নিযুক্ত আছেন) লণ্ডন হইতে দিল্লীতে টেলিগ্রাফ করিয়াছেন, যে, “সাম্প্রদায়িক সমস্যার নিষ্পত্তির কোন আশা নাই, যেহেতু প্রতিনিধিদের—বিশেষতঃ মিঃ জিন্নার—অসম্ভব রকম

ভাবগতিক দেখা বাইতেছে।” ইণ্ডিয়া অফিস মনিং পোষ্টে এই সংবাদ দেখিয়া প্রতিবাদ করেন ও বলেন, যে, হেগ সাহেব এ রকম টেলিগ্রাম পাঠান নাই। তাহা সত্ত্বেও মনিং পোষ্টের সংবাদবাতা বলিতেছেন, যে, তাঁহার প্রেরিত সংবাদে সত্য আছে।

পৃথক্ নির্বাচনের ব্যর্থতা ও অনিষ্টকারিতা

ভারতবর্ষের রাষ্ট্রীয় কার্য সম্বন্ধে আমাদের বক্তব্য এই, যে, ভারতীয় যাহার ধর্ম্ম যাগাই হউক, মোটের উপর সব ধর্ম্মের ও জাতির রাজনৈতিক স্বার্থ ও মঙ্গল-মঙ্গল এক এবং পরস্পরের সহিত জড়িত। এই জ্ঞান ধর্ম্মভেদে প্রতিনিধিভেদের আবশ্যক নাই। যদি বলেন, যে, সংখ্যালঘিষ্ঠ সম্প্রদায়ের যথেষ্ট প্রতিনিধি ব্যবস্থাপক সভায় থাকিবে না, তাহার অনিষ্ট হইবে; তাহা হইলে জিজ্ঞাসা করি, যথেষ্টের মানে কি? সংখ্যালঘিষ্ঠদিগকে অল্প সকলের চেয়ে বেশী কিংবা অন্ততঃ সমান-সংখ্যক প্রতিনিধি না দিলে তাহাদের অমূল্যক আশঙ্কা দূর হইতে পারে না। কিন্তু পৃথক্ নির্বাচন এবং সংখ্যালঘিষ্ঠদিগকে অল্প সকলের সমান বা বেশী প্রতিনিধি দিবার দাবি কি ন্যায়সঙ্গত? সংখ্যাভূয়িষ্ঠেরা কি দোষ করিল, যে, তাহাদের অধিকার খর্ব্ব করা হইবে? সংখ্যালঘিষ্ঠদের আশঙ্কা অমূল্যক এই জ্ঞান বলিতেছি, যে, বিশেষ করিয়া সংখ্যালঘিষ্ঠ কোন সম্প্রদায়ের স্বার্থহানি বা অনিষ্ট করিবার জ্ঞান সংখ্যাভূয়িষ্ঠ হিন্দুরা কোনও আইন প্রণয়ন করায় নাই, করাইবার চেষ্টাও করে নাই।

সম্প্রদায় নির্বিশেষে যোগ্যতম লোকেরা সকল সম্প্রদায়ের নির্বাচকদিগের দ্বারা প্রতিনিধি নির্বাচিত হইবেন, এবং সকল প্রতিনিধিই সকল সম্প্রদায়ের লোকের মঙ্গলের চেষ্টা করিবেন, ইহাই আমাদের আদর্শ। সকল প্রতিনিধি তাহা করেন না, জানি; কিন্তু যে-আদর্শের অনুসরণ দ্বারা সর্ব্বাপেক্ষা অধিক মঙ্গল হয়, তাহার কথাই আমরা বলিতেছি। এই আদর্শের অনুসরণ দ্বারাই জাতীয় একতা ও সংহতি

বদ্ধিত হয়। এক-একটি সম্প্রদায়ের দ্বারা আলাদা আলাদা নির্বাচিত তাহাদের প্রতিনিধি থাকার কুফল এই, যে, অল্প সব প্রতিনিধি ঐ সকল সম্প্রদায়ের অভাব অভিযোগ সম্বন্ধে উদাসীন হইয়া পড়েন, তাঁহারা ভাবেন, ঐ সব সম্প্রদায়ের ত আলাদা প্রতিনিধি রহিয়াছে, যাহা করিবার তাহা তাঁহারাই করুন। কিন্তু সম্মিলিত নির্বাচন হইলে প্রত্যেক প্রতিনিধির উপর প্রত্যেক সম্প্রদায়ের প্রত্যেক নির্বাচকের দাবি থাকে। যে-কোন প্রতিনিধি কোন বিষয়ে উদাসীন হইবেন, তাঁহাকে যে-কোন নির্বাচকের তাগিদ দিবার অধিকার থাকিবে। সম্মিলিত নির্বাচনের আর একটি গুণ উল্লেখযোগ্য। ইহার দ্বারা সন্ধীর্ণনা ধর্ম্মাঙ্ক হিন্দু মুসলমান খৃষ্টীয়ান প্রভৃতির নির্বাচনে কতকটা বাধা পড়ে। কোন একটি সম্প্রদায়ের নির্দিষ্ট সংখ্যক প্রতিনিধি থাকিবেই, এরূপ বাধিয়া দিলে তাহার অনিষ্ট কবা হয়। ধরুন নিয়ম কবা হইল, কোন একটি প্রদেশে ৪৭ জন হিন্দু প্রতিনিধি থাকিবেই বা ৫২ জন মুসলমান প্রতিনিধি থাকিবেই। তাহা বল এই হইবে, যে, কোন সময়ে অগ্রাঙ্ক ধর্ম্মাবলম্বী প্রার্থীদের তুলনায় হিন্দু বা মুসলমান প্রার্থীদের কেহ কেহ কম যোগ্য হইলেও তাহারা নির্বাচিত হইবে। কিন্তু যদি অবাধ সম্মিলিত নির্বাচনের রীতি থাকে, তাহা হইলে ব্যবস্থাপক সভার সভ্যপদ-প্রার্থী লোকদিগকে কেবল নিজের সম্প্রদায়ের লোকদের মধ্যে যোগ্যতম হইলে চলিবে না, প্রশস্ত-তর ক্ষেত্রে যোগ্যতম হইবার চেষ্টা করিতে হইবে। এই মুক্তি সম্বন্ধে আমরা সংখ্যালঘিষ্ঠ অনগ্রসর সম্প্রদায় বা শ্রেণীর জন্ত নির্দিষ্ট কয়েক বৎসরের নিমিত্ত পৃথক সাম্প্রদায়িক নির্বাচনের প্রয়োজন স্বীকার করিতে পারি। কিন্তু চিরকালের বা অনির্দিষ্ট কালের জন্ত সাম্প্রদায়িক পৃথক নির্বাচনের আমরা বিরোধী। সংখ্যাভূমিষ্ঠ কোন সম্প্রদায় (যেমন পঞ্জাবে ও বঙ্গে মুসলমানরা) যদি পৃথক সাম্প্রদায়িক নির্বাচন এবং তাঁহাদের লোকসংখ্যার অনুপাতে অধিকসংখ্যক প্রতিনিধি চান, তাহাও সমর্থন করা যায় না।

দৃষ্টান্তস্বরূপ বলি, যদি মুসলমান বাঙালী বলেন, “যেহেতু আমরা সংখ্যাগ বেকী অর্থাৎ আমরা মোট প্রতিনিধিসংখ্যার অর্ধেকের উপর প্রতিনিধি চাই,” তাহার উত্তরে বলিব, “আপনারা যোগ্যতার জোরে সম্মিলিত নির্বাচনে সমুদয় সভ্যপদ যদি দখল করেন, তাহাতেও আপত্তি করিব না।” গণতন্ত্রের নিয়মই এই, যে, নির্বাচন সম্বন্ধে যাহারা বেকীসংখ্যক প্রতিনিধি পাঠাইতে পারিবে, তাহারা কিছুকালের জন্ত দেশের কাজ চালাইবে, তাহার পর আবার নির্বাচন হইবে। তখন হয়ত অন্য রাজনৈতিক দলের লোকেরা কর্তৃত্ব লাভ করিবে। কেবল সংখ্যার জোরে মুসলমানেরা বন্দী ব্যবস্থাপক সভার অধিকাংশ সভ্যপদ পাইলে তাহা দেশের পক্ষে হিতকর হইবে না; কারণ দেশসেবায় ও পরাধিপত্য হইবার প্রেষ্ঠ, ইহা কোন কাৰ্য্যক্ষেত্রেই এখনও প্রমাণিত হয় নাই। মুসলমানদের বা অন্য কাহারও প্রভাবশালী হইবার ইচ্ছা অস্বাভাবিক নহে, মন্দও নহে। আমরা কেবল ইহাই চাই, যে, সকলেই যোগ্যতা এবং দেশের সেবার দ্বারা প্রভাবশালী হউন। তাহাই সকলের পক্ষে মঙ্গলকর।

পাসীরা সংখ্যায় ভারতবর্ষে মোটে এক লক্ষ। অথচ যোগ্যতা ও লোকহিতৈষণার গুণে তাহাদের প্রভাব কত বেকী!

কেবল সংখ্যার জোরে কোন লোকসমষ্টিই বরাবর আরামে কর্তৃত্ব করিতে পারে না। এক সময়ে হিন্দুরা ত মুসলমানদের চেয়ে এখনকার চেয়েও সংখ্যাভূমিষ্ঠ ছিল। তখন তাহাদের কর্তৃত্ব লুপ্ত হইয়া মুসলমানদের কর্তৃত্ব হইল, কোন্ গোলেটবিলা বৈঠকের প্রভাব অল্পসারে? তার পর মুসলমানদের চেয়েও সংখ্যায় কম ইংরেজদিগকে কোন গোলেটবিলা বৈঠক রাজত্বের সনক দিয়াছিল?

বঙ্গে হিন্দু মুসলমান

হিন্দুদের মধ্যে সাম্প্রদায়িকতা, অজ্ঞানতা, সংকীর্ণতা একেবারেই নাই বলিলে সত্য কথা বলা হইবে না।

ইহা বলিলেও সত্য হইবে না, যে, বাঙালী হিন্দুরা লোকহিতকর বাহা কিছু করিয়াছে তাহা বাঙালী মুসলমানদের হিতচিন্তা মনে রাখিয়া করিয়াছে। কিন্তু মৌলবী মুহম্মদ যাসীন, যে, বলিয়াছেন, যে, “হিন্দুরা আমাদের শত্রু নহে, কিন্তু আমাদের শ্রেষ্ঠ বন্ধু,” ইহা কার্যতঃ সত্য কথা। তিনি দুর্ভিক্ষ, বন্যা, মহামারী প্রভৃতির সময় হিন্দু দাতাদের ও কর্মীদের জাতিধর্মনির্বিশেষে হিতকর্মের দৃষ্টান্তের দ্বারা নিজের উক্তির সমর্থন করিয়াছেন। বাঙালী হিন্দুরা দেশে শিক্ষাবিস্তার ও জ্ঞানবৃদ্ধির জন্ত যত প্রতিষ্ঠান স্থাপন ও অর্থ দান করিয়াছেন, অধিকাংশ স্থলেই তাহা অসাম্প্রদায়িক ভাবে করা হইয়াছে এবং সকল সম্প্রদায়ের লোক তাহা হইতে উপকার পায় ও পাইতে পারে।

মুসলমানদিগকে গঞ্জনা দিবার জন্ত আমরা কিছু বলা অযুক্তি মনে করি। কিন্তু তাঁহাদিগকে ইহা শ্রবণ করাইয়া দেওয়া দরকার, যে, কার্যগত অসাম্প্রদায়িকতা ও পরার্থপরতায় বাঙালী হিন্দুদের দৃষ্টান্তের অনুসরণ ও অনুকরণ তাঁহারা করিলে সমগ্র বাঙালী জাতির ও তাঁহাদের উপকার হইবে।

—

মুসলমান বাঙালীদের একটি হিতকর চেষ্টা

কয়েক বৎসর হইল মুসলমান বাঙালীরা দুর্ভিক্ষাদিতে বিপন্ন মুসলমানদের সাহায্য করিবার চেষ্টা করিতেছেন। ইহা প্রশংসনীয়। ফরিদপুরে দুর্ভিক্ষের সাহায্যার্থে যে কেন্দ্রীয় ষাদেম্-উল-ইসলাম সমিতি” (কেন্দ্রীয় নিখিল-মানবসেবক সমিতি) প্রতিষ্ঠিত হইয়াছে, তাহা জাতিধর্মনির্বিশেষে সকল বিপন্ন নরনারীর সাহায্য করিয়া থাকেন। ইহা আরও অধিক প্রশংসনীয়। খবরের কাগজে দেখিতেছিলাম, করটিয়াতে মুসলমান ও হিন্দু সভ্য লইয়া গঠিত এইরূপ অল্প একটি সমিতি কার্য করিতেছে।

—

হিন্দুসভার প্রতি বঙ্গীয় হিন্দুদের কর্তব্য

(গণ)গোল টেবিল বৈঠকের কতকগুলি হিন্দু সভ্যের প্রকাশ সম্মতি বা গুপ্ত সায ক্রমে বঙ্গের হিন্দু মুসলমানদের প্রতিনিধি নির্বাচন সম্বন্ধে মতভেদের মোমাংসা করিবার ভার সাম্প্রদায়িকতাগ্রস্ত আগা খাঁর হাতে দেওয়া হইতে যাইতেছিল। উক্ত হিন্দু সভ্যেরা গণতান্ত্রিক রীতির বিরুদ্ধ ও জাতীয় একতা বৃদ্ধির পরিপন্থী পৃথক্ নির্বাচন এবং মুসলমান বাঙালীদিগকে ব্যবস্থাপক সভায় স্থায়ীভাবে সর্বাপেক্ষা অধিক প্রতিনিধি দানে সম্মত হইতে যাইতে-ছিলেন। এই দুই অনিষ্টাশঙ্কার বিরুদ্ধে বঙ্গের কংগ্রেসের-লোকেরা বিলাতে কোন প্রতিবাদ টেলিগ্রাফ করেন নাই, তাঁহারা কোন প্রতিবাদ সভার আয়োজনও করেন নাই; যে-হেতু তাঁহারা (গণ)গোল টেবিল বৈঠক সম্বন্ধে উদাসীন থাকিতে প্রতিজ্ঞাবদ্ধ। কিন্তু অনিষ্ট সম্ভাবনায় বাধা দেওয়া কাহারও-না-কাহারও ত কর্তব্য। সেই কর্তব্য বঙ্গের হিন্দুসভার কর্মীরা পালন করিয়া প্রকৃত শ্রাস্থালিষ্টের অর্থাৎ স্বাভাবিকের কাজ করিয়াছেন। প্রতিবাদের টেলিগ্রাম প্রেরণ, প্রতিবাদ সভা আহ্বান, প্রতিতি তাঁহাদের উদ্যোগেই হইয়াছে। ইহার দ্বারা তাঁহারা হিন্দুদেরই কল্যাণ করিয়াছেন, এমন নয়; গণতান্ত্রিক রীতি এবং প্রকৃত শ্রাস্থালিজন্মের (স্বাভাবিকতা বা জাতীয়তার) রক্ষার সাহায্যও ইহার দ্বারা হইয়াছে।

বঙ্গের হিন্দুসভা বঙ্গের কল্যাণের জন্ত আরও অনেক কাজ করিয়া থাকেন। অথচ লজ্জা ও দুঃখের বিষয় এই, যে, ইহার চাদাদাতা বাঙালী সভ্যের সংখ্যাখুব কম। এতদিন ইহার কাজ কতিপয় মাড়োয়ারী বণিকের সাহায্যে চলিয়া আসিতেছিল। ব্যবসায়ে মন্দা পড়ায় সে সাহায্য আর পাওয়া যাইতেছে না। হিন্দু বাঙালীদের হিন্দুসভার সভ্য হওয়া এবং চাদা দেওয়া কর্তব্য।

—

বঙ্গের শক্তিহীনতার কারণ

বাঙালীরা লক্ষ্য করিয়া থাকিবেন, বাংলা দেশের লোকসংখ্যা অন্য সব প্রদেশের চেয়ে বেশী হইলেও অনেক

সরকারী কমিটিতে হয় বাঙালী সভা মোটেই থাকে না কিংবা যথেষ্টসংখ্যক থাকে না। গোলটেবিল বৈঠকে যথেষ্টসংখ্যক বাঙালী সভা মনোনীত হয় নাই। উহার কোন কোন সব-কমিটিতে বাঙালী মোটেই নাই। বাংলা দেশে যত মুসলমান আছে, অত্র কোন প্রদেশে তত মুসলমান নাই; অথচ গোলটেবিল বৈঠকে অত্র কোন কোন প্রদেশ হইতে বাংলার চেয়ে বেশী মুসলমান সভ্য লওয়া হইয়াছে। কংগ্রেসের এবং কংগ্রেসের কমিটিগুলিতে পর্য্যন্ত বাঙালীর প্রতি উপেক্ষার পরিচয় কখন কখন পাওয়া যায়। ভারতীয় লিবার্যাল বা উদারনৈতিকদের মধ্যেও বাঙালী লিবার্যালদের প্রভাব কম। বাংলা দেশকে সরকারী ও বেসরকারী কর্তৃপক্ষ যে অনায়াসে উপেক্ষা করিতে পারেন, তাহা বঙ্গের শক্তিশীনতার পরিণামক। এই শক্তিশীনতার অনেক কারণ থাকিতে পারে। আমরা দু-একটির উল্লেখ করিতেছি।

একটি কারণ, বাংলা দেশের লোকসমষ্টির মুসলমান ধর্মাবলম্বী অধিক অংশ অনগ্রসর। জীবনের সকল বিভাগে বঙ্গের যাহা কৃতিত্ব, তাহা বলিতে গেলে কেবলমাত্র অর্ধেকের কম হিন্দু বাঙালীদের কৃতিত্ব। অত্র প্রধান অংশ যে মুসলমান বাঙালীরা, তাহাদেরও কৃতিত্ব যদি ইহার সহিত যুক্ত হইত, তাহা হইলে বঙ্গের শক্তি ভাল করিয়া অনুভূত হইত। অতএব, মুসলমান বাঙালীদের সুসংস্কার অজ্ঞতা প্রভৃতি দূর করিবার চেষ্টা মুসলমান অমুসলমান সকল বাঙালীর করা উচিত। মুসলমান বাঙালীরা পঙ্গু থাকিলে বাংলা দেশ যথেষ্ট শক্তিশালী হইতে পারিবে না।

বঙ্গের শক্তিশীনতার আর একটি কারণ বাংলা দেশে পদার আতিশয্য—বিশেষতঃ মুসলমানদের মধ্যে। উৎপীড়ন ও কুসা অগ্রাহ করিয়া ব্রাহ্মসমাজ নারী-প্রগতির ক্ষেত্র প্রস্তুত করিতেছিলেন। রাষ্ট্রীয় আন্দোলনের সাহায্যে সেই চেষ্টা ক্রমশঃ সফল হইতেছে। বর্তমান রাষ্ট্রীয় প্রচেষ্টায় মুষ্টিমেয় ব্রাহ্মসমাজের পুরুষ অপেক্ষা মহিলাদের আয়োৎসর্গ বেশী বই কম নয়। বৃহত্তর প্রাচীন হিন্দুসমাজের আরও অধিকসংখ্যক মহিলা ইহাতে যোগ দিয়াছেন। কোন কোন জেলার পল্লীগামের নিরক্ষর মহিলারাও যেরূপ দেশভক্তি ও

সাহসের পরিচয় দিতেছেন, তাহা বিস্ময়কর। বোম্বাই প্রেসিডেন্সীতে হিন্দু খৃষ্টীয়ান পার্শি প্রভৃতিদের মধ্যে পদ্দা নাই। মুসলমানদের মধ্যেও অনেকে পদ্দা মানেন না, তাঁহাদের মহিলারা প্রভাত ফেরীর দল বাহির করেন। সভাসমিতিতে, শোভাযাত্রায় বোম্বাইয়ে যেমন হাজার হাজার মহিলা দেখা যায়, বঙ্গ তাহা অসম্ভব।

অনেকে এসব কেবল হজুক বলিয়া উড়াইয়া দিবেন। আমরা তাহাতে সায় না দিলেও, যদি তাহা মানিয়া লই, তাহা হইলেও বলিতে চাই, যাহা হজুক নয় তাহাতেও বাংলা দেশ পিছাইয়া পড়িতেছে। নারীশিক্ষায়, নারীদের দ্বারা লোকহিতকর কার্যো, এবং পুরুষ ও নারীর সমবেত চেষ্টায় লোকহিতকর কার্যো বাংলা দেশ অগ্রগণ্য নহে। যেখানে নারীর শক্তি ও কৃতিত্ব কম, সেখানে পুরুষেরও কম, সমগ্র সমাজেরও কম।

বঙ্গের শক্তিশীনতার আর একটি কারণ, হিন্দু বাঙালীদের অধিকাংশ সেই সব জা'তের লোক বাহাদিগকে অস্পৃগ, অনাচরণীয়, ইত্যর প্রভৃতি মনে করার ও বলার অপরাধ আমরা নিত্য করিয়া থাকি। হিন্দুদের এই অধিক অংশ অনগ্রসর। মুসলমানদের মধ্যে অতি অজ্ঞ দরিদ্র এবং অতি অধম ব্যক্তিও মুসলমান বলিয়া গৌরব অনুভব করিতে পারে। “নিয়ন্ত্রণীয়” হিন্দুদের হিন্দু বলিয়া গৌরব করিবার কি কারণ আছে? হিন্দুসমাজের কতকগুলি লোক তাহার অধিকাংশ লোকের মাথার উপর দাঁড়াইয়া থাকিবে অথচ হিন্দুরা শক্তিমান থাকিবে, ইহা দুঃখামাজ। প্রত্যেক মাছুষ মাছুষের মত ব্যবহার ও সৌজন্য পাইতে অধিকারী। ইহা তোমার আমার দম্য নহে; ইহা সকলের অধিকার। হিন্দু সমাজ অস্পৃগতা আদি দোষ সমূলে বিনাশ করিয়া সকলকে মাছুষের অধিকার না দিলে আরও দুর্জল হইবে।

কংগ্রেসওয়ালাদের দুই দলের দলাদলি বঙ্গের শক্তিশীনতার আর একটি কারণ। তাহাদের বিবাদ সত্যসত্যই মিটিয়া গিয়া থাকিলে ভাল।

“বঙ্গে মুসলমান ও অমুসলমান”

“বঙ্গে মুসলমান ও অমুসলমান” প্রবন্ধের চিত্র ও অঙ্কগুলিতে দেখা যায়, মুসলমানদের মধ্যে সাধারণ কৃষকের সংখ্যা খুব বেশী। “ভদ্র” নামধারী ব্যক্তিদের ইহা অবজ্ঞার উদ্দেশ্যে করিতে পারে, কিন্তু ইহা মুসলমান সমাজের বর্তমান ও ভবিষ্যৎ শক্তিশালিতার একটি কারণ। যে লোকসমষ্টি কষ্টসহিষ্ণু ও পরিশ্রমী থাকে এবং মাটির সঙ্গে সম্পর্ক রাখে, তাহাদের বল ক্ষয় না হইয়া বা ডুতে থাকে।

ভোটের ও চাকরীর যোগ্যতা কমান

এখন ধরুপ যোগ্যতা অল্পসারে মাত্র ভোট দিতে বা চাকরী পাইতে পারে, তাহা অনেক স্থলে মুসলমানদের পক্ষে অমুসলমানদের চেয়ে কম। ইহাতে মুসলমানদের অনিষ্টের কারণ এই, যে, তাহাদিগকে আপাত লাভের মোহে ফেলিয়া তাহাদের যোগ্যতা বাড়াইবার প্রবৃত্তি দুর্বল করা হয়। অমুসলমানদের ক্ষতি এই হয়, যে, তাহারা যোগ্যতার অধিক গ্ৰাণ্য ব্যবহার পায় না এবং তাহাদিগকে পরোক্ষ ভাবে বলা হয়, “তোমরা মুসলমান হও।” গোলটেবিল বৈঠকের একটি সব্বক্ষমিতিতে উক্তরূপ কমবেশী যোগ্যতার ব্যবস্থায় অনেকে মত দিয়াছে। ইহার প্রতিবাদ হওয়া উচিত।

বিশ্ববিদ্যালয়ের কর্মচারী হ্রাস

অনেক বৎসর ধরিয়া আমাদের বাংলা ও ইংরেজী মাসিক দুটিতে আমরা কালকাতা বিশ্ববিদ্যালয়ের উন্নতি-কল্পে নানা কথা লিখিয়া আসিতেছি এবং তৎকাল বিশ্ববিদ্যালয়ের অনেক স্বার্থাঘেণী লোকের কটুক্তি ও বিদ্বেষের পাত্র হইয়াছি। কিন্তু মাসিক দুটিতে লিখিত কোন কোন লোষণক্রটি চুপি চুপি সংশোধিতও হইয়াছে। এখন বাধ্য হইয়া প্রোক্ত ভাবেও কিছু সংশোধন করিতে হইতেছে। যখন বিশ্ববিদ্যালয়ের হাতে টাকা

ছিল, তখন অনেক কর্মচারী রাখিয়া ও অল্প ভাবে টাকার অপব্যয় হইয়াছে। এখন আর কমিয়াছে, গবন্মেণ্টও হাত ওটাইতেছেন; সুতরাং বাধ্য হইয়া ব্যয় সংকোচ করিতে হইতেছে।

আর্টস্ এবং বিজ্ঞান দুটা বিভাগের দুজন সেক্রেটারীর কোন আত্যন্তিক প্রয়োজন কোন কালে ছিল না; এখন টাকা না থাকায় দুজনের জায়গায় একজন করা হইতেছে। উপযুক্তি পরি তিন তিনবার প্রশ্নপত্র বাহির হইবার পর, যেন রেজিষ্টারের কাজ ভয়ানক বাড়িয়া যাওয়াতেই তাহা ঘটয়াছে এই জন্ত পরীক্ষা-কন্ট্রোলারের একটা ব্যয়বহুল ডিপার্টমেন্টই বাড়িয়া গিয়াছিল। এখন ঠিক তাহা উঠাইয়া না দিলেও ক্রমশঃ রেজিষ্টারের ক্ষমতা ও কাজ বাড়াইবার চেষ্টা হইতেছে।

“গরীবের কথা বাসী হ’লে মিষ্টি লাগে।”

সৈন্যদলের ভারতীয়তাপাদন

যাহা ভারতবর্ষের, যাহার জন্ত ভারতবর্ষকে টাকা দিতে হয়, তাহা ভারতীয় হইবে, ইহাই ত স্বাভাবিক। কিন্তু ভারতবর্ষ পরাধীন বলিয়া যাহা স্বভাবতঃ ভারতীয় হওয়া উচিত এমন অনেক জিনিষকে কাষাতঃ ভারতীয় করিবার কথা উঠে যথা ভারতবর্ষের সৈন্যদল।

ইহাকে ইংরেজ গবন্মেণ্ট ভারতীয় সৈন্যদল বলেন না—বলেন, দি আর্মী ইন্ ইণ্ডিয়া, অর্থাৎ ব্রিটিশ সাম্রাজ্যের ভারতবর্ষস্থিত সৈন্যদল। অথচ ইহার সম্পূর্ণ ব্যয় নির্বাহ করি আমরা। যাহা হউক, ভারতবর্ষে স্বশাসন-বিধি প্রবর্তনের বিরোধী ইংরেজরা বরাবর বলিয়া আসিতে-ছিল, “তোমরা নিজের দেশ নিজেরা রক্ষা করিতে পার না; আমরা গোরা সৈন্য দি, কালা সিপাহীদের চালাইবার জন্ত শাদা সেনানায়ক দি, তবে তোমাদের দেশ রক্ষিত হয়; আগে তোমরা দেশরক্ষায় সমর্থ হও, তখন স্বরাজের দাবি কারও।” তাহার উত্তরে ভারতীয়েরা বলিয়া আসিতেছে, “তোমরাই ত আমাদের রক্ষা সেনানায়ক হইতে নাও না, এবং সব প্রদেশের লোকদিগকে সিপাহী

হইতে দাও না। যুদ্ধ-শিক্ষার স্বযোগ দিয়া আমাদেরকে দেশ রক্ষার ভার দাও।” এই দাবির বিরুদ্ধে নূতন নূতন বাজে আপত্তি তোলা ক্রমশঃ কঠিন হইয়া উঠিতেছে। এখন ইংরেজ রাষ্ট্রনীতিবিদেরা অল্প পথ ধরিয়াছেন। আমরা বরাবর বলিয়া আসিতেছি, “কানাডা অষ্ট্রেলিয়া প্রভৃতি ডোমিনিয়ন একা একা আত্ম-রক্ষায় অসমর্থ, অথচ তোমরা তাহাদিগকে স্বশাসন ক্ষমতা দিয়াছ; আমাদের বেলায় কেন অল্প রূপ নীতি অবলম্বন কর?” ভারতীয়দের মুখে এই কথাটি যেন কাড়িয়া লইয়া ব্রিটিশ মন্ত্রী মিঃ টমাস সেদিন গোলটেবিল বৈঠকের ডিকেন্স (অর্থাৎ দেশরক্ষা) সব-কমিটির এক অধিবেশনের সভাপতিরূপে বলিয়াছেন, “Complete Indianization was not necessary as a preliminary to the attainment of responsible government,” “প্রজাদের কাছে দায়ী গবর্নেন্ট স্থাপনের আগে সৈন্যদলের সম্পূর্ণ ভারতীয়তাপাদন আবশ্যক নহে,” এবং নজীর স্বরূপ বলেন, “the Dominions were still dependent on the British Navy for protection,” “ডোমিনিয়নগুলি এখনও তাহাদের রক্ষার জন্ত ব্রিটিশ রণতরী বিভাগের উপর নির্ভর করে।”

মন্ত্রী মিঃ টমাসের এইরূপ উক্তিভে আমাদের অসতর্ক হইয়া পড়া উচিত নয়। তাঁহার কথা, ভারতীয় সৈন্যদলে ভারতীয়দিগকে শীঘ্র শীঘ্র সমস্ত সেনানায়কত্ব না-দিবার একটি ছল মাত্র হইয়া পাড়াইতে পারে। ব্রিটিশ গবর্নেন্ট ভারতীয়দের যুদ্ধশিক্ষার জন্ত নূতন বৃত্তের আয়োজন কি করেন, আগে দেখা যাক।

বঙ্গের রাজস্ব হ্রাস

সরকারী প্রেস অফিসারের একটি বর্ণনা-পত্র অনুসারে এ বৎসর বঙ্গের রাজস্ব ৮৭,৬৬,০০০ টাকা ঘাটতি পড়িবার সম্ভাবনা। রাজস্বের কোন্ দফায় শতকরা

কত টাকা কম পড়িবার সম্ভাবনা তাহা নীচেঃ ফর্দে দেখান হইল।

জমীর খাজনা	২.৮
আবকারী	৪২.৫০
ষ্টাম্প	২৬.৩৫
রেজিষ্ট্রেশন	২.০০
অরণ্য	৩.৭২
আমোদ প্রমোদ ও বাজী রাখার উপর ট্যাক্স	২.০৫
বিচার	২.৩৪
	২৫.৪১

আবকারীর আয় হ্রাস মানে মাদক দ্রব্যের ব্যবহার হ্রাস, এবং ষ্টাম্পের আয় হ্রাস মানে প্রধানতঃ মোকদ্দমা হ্রাস। কোনটাই হুঃখের বিষয় নহে।

আয়ুর্বেদ সম্বন্ধে গণনাথ সেন

মহীশূরে এবার ভারতীয় আয়ুর্বেদ সম্মেলনের একবিংশতম অধিবেশন হয়। মহামহোপাধ্যায় কবিরাজ গণনাথ সেন তাহাতে সভাপতি রূপে হুঁচকিত, পাণ্ডিত্যপূর্ণ বক্তৃতা করেন। তিনি তাহাতে এই প্রচলিত ধারণার সতেজ প্রাতিবাদ করেন, যে, যে-সকল ঋষিকে আয়ুর্বেদের উদ্ভাবক মনে করা হয়, তাহারা সর্বজ্ঞ ছিলেন, জ্ঞানের সম্পূর্ণতায় উপনীত হইয়াছিলেন, এবং আয়ুর্বেদের অপর্যায় না করিয়া তাহার কোন পরিবর্তন বা উৎকর্ষ-সাধন সম্ভবপর নহে। তিনি প্রামাণিক গ্রন্থ হইতে বচন উদ্ধৃত করিয়া দেখান, ‘যে, ঋষিরা নিজেদের জ্ঞানের অসম্পূর্ণতা স্বীকার করিয়া গিয়াছেন, এবং মূল চরক ও সুশ্রুত সংহিতার অনেক মূল্যবান অংশ হারািয়া গিয়াছে। অন্তান্ত কথার পর তিনি আয়ুর্বেদের সংস্কার ও উন্নতিসাধন চেষ্টার প্রস্তাব করেন।

বাবুরাও গেহুর আত্মোৎসর্গ

বোম্বাইয়ের বাবুরাও গেহু বিদেশী কাপড় বোম্বাই মোটর লরী থামাইবার জন্য তাহার সামনে দাঁড়াইয়াছিলেন। সেই অবস্থায় তিনি মোটর চাপা পড়িয়া নিহত হন। তাঁহার অন্ত্যেষ্টিক্রিয়ায় সকল ধর্মের লক্ষাধিক লোক যোগ দিয়া তাঁহার প্রতি শ্রদ্ধা প্রদর্শন করেন। তাঁহার মৃত্যুতে বিদেশী বস্ত্র বর্জনের চেষ্টা নূতন উৎসাহের সহিত চলিতেছে। তাঁহার মৃত্যুর অনভিপ্রেত পরোক্ষ কারণ স্বরূপ একটি কথা বোম্বাইয়ের ইণ্ডিয়ান সোশ্যাল রিফর্মারে দেখিলাম। বোম্বাইয়ের একজন প্রেসিডেন্সী ম্যাজিস্ট্রেট বিবেচনা না করিয়া বলেন, “চলন্ত মোটর লরীর সামনে আত্মনিক্ষেপ করিয়া, পিকেটারদের নিজেদের অকপটতা প্রমাণ করা উচিত।” রিফর্মারের প্রবীণ সম্পাদক লিখিয়াছেন, “আমরা যখন এই লঘুতাপ্রসূত উক্তির রিপোর্ট পাঠ করি, তখন মনে করিয়াছিলাম ইহার ফলে গুরুতর কিছু ঘটনা ঘটবে।” দুঃখের বিষয় তাহা ঘটিয়াছে।

বাবুরাও গেহু ছিলেন একজন অজ্ঞাত অখ্যাত যুবক। তিনি (ষিজেতর) কামাটি-জাতীয়। অথচ তাঁহার শব-বহন সব জাতির লোকে করিয়াছে। হিন্দুদের মধ্যে একান্ত লোকাকর্ষক না হইলে জীলোকেরা আশ্রানে শব লইয়া যান না। এক্ষেত্রে শববাহীর অভাব ত ছিলই না—আধিক্যই বরং ছিল। তথাপি মহিলারাও তাঁহার শব বহন করিয়াছিলেন। অধিকন্তু, বোম্বাইয়ের “যুগ মন্ত্রণাসভার” নেত্রী শ্রীযুক্তা স্নেহলতা হজরৎ নামী এক সম্ভ্রান্তা ব্রাহ্মণমহিলা শ্রীমান বাবুরাওয়ের চিত্তায় অগ্নি সংযোগ করেন। ইহাও গোড়া হিন্দুরীতির বিরুদ্ধ।

স্বাভাভিকতার প্রবল তরঙ্গাবাতে অনেক প্রাচীন অনাবশ্যক সংস্কার বিনষ্ট হইতেছে ও হইবে।

ঢাকায় দীপালি প্রদর্শনী

কলিকাতায় নারীশিক্ষা সমিতি ও সরোজনলিনী নারী-মঙ্গল সমিতি যেরূপ কাজ করেন, ঢাকায় দীপালি সম্ম

কতকটা সেইরূপ কাজ করেন। এই সম্মেলন নারীশিক্ষা মন্ডিরে গত ডিসেম্বর মাসে মহিলাদের প্রস্তুত নানাবিধ শিল্পসামগ্রীর প্রদর্শনী হইয়াছিল। এই প্রদর্শনীর সংগ্রহে ছাত্রীদের সঙ্গীতের প্রতিযোগিতা, আবৃত্তির প্রতিযোগিতা প্রভৃতি হইয়াছিল। বিবাহিতা বালিকারাও কোন কোন প্রতিযোগিতায় যোগ দিয়াছিলেন। চরখা ও টেকোর প্রতিযোগিতাও হইয়াছিল। শেষ দিনে লাঠি ও ছোরা খেলার প্রতিযোগিতা হইয়াছিল।

এই সব অনুষ্ঠান প্রশংসনীয়, এবং নারীদের জীবনকে বৈচিত্র্য ও আনন্দে পূর্ণ করে এবং তাঁহাদের শিক্ষার সহায়তা করে।

বোম্বাইয়ের ইউরোপীয়দের রাষ্ট্রীয় মত

বোম্বাইয়ের এংলোইণ্ডিয়ান দৈনিক টাইমস্ অব ইণ্ডিয়া ভারতবর্ষের জন্য ডোমিনিয়ন স্টেটস্ সম্বন্ধে বে-সরকারী ইউরোপীয়দের মত জিজ্ঞাসা করেন। প্রায় এক হাজার জন মত দিয়াছিল। তাহার মধ্যে ৮১৮ জন ডোমিনিয়ন স্টেটসের পক্ষে এবং ১৬৫ জন বিরুদ্ধে মত দেয়।

বোম্বাই অঞ্চলে সত্যাগ্রহ ও বিদেশীবর্জন খুব প্রবল বলিয়া সেখানে বেশীর ভাগ ইউরোপীয় ডোমিনিয়ান স্টেটসের পক্ষে মত দিয়া থাকিবে।

মসজিদের সম্মুখে সঙ্গীত

এলাহাবাদ হাইকোর্টের বিচারপতি হুসেমান এবং ইয়াং একটি মোকদ্দমার রায়ে এই মত প্রকাশ করিয়াছেন, যে, ব্যক্তিগত ভাবে এবং হিন্দুসমাজের সভ্য হিসাবে, মসজিদের সম্মুখ দিয়া সঙ্গীত সহকারে শোভা-যাত্রা করিবার অধিকার হিন্দুদের আছে; কেবল ম্যাজিস্ট্রেট ও পুলিশের আদেশ মানা দরকার; স্থানীয় ঐতিহ্য ও দেশাচারের সহিত এই অধিকারের কোন সম্পর্ক নাই।

মেথরের কাজ

জাতিবিশেষকে হাত দিয়া পায়খানা সাফ করিতে বাধ্য করা ঠিক নয়। এই ঘৃণ্য প্রথা দূর করিবার ভাল উপায় এরূপ পায়খানা নির্মাণ যাহাতে জলের সাহায্যে আপনা আপনিই ময়লা পরিষ্কার হইয়া যায়। ইউরোপে পল্লীগ্ৰামেও এই প্রকার ব্যবস্থা আছে। এদেশেও পল্লীগ্ৰামে তাহা করা যাইতে পারে, কিংবা মাটিতে পরিখা কাটিয়া ব্যবহারাস্তে তাহা মাটি দিয়া বৃদ্ধাইয়া দেওয়া চলে। এই প্রকারে লোকালয়ের স্বাস্থ্য বর্ধন সকল জাতির লোকেরই করা উচিত। নিজের নিজের চোখ মুখ নাক কান পরিষ্কার করিলে বা গাত্র মার্জন করিলে ঘেমন দোষ হয় না, নিজের অঙ্গ প্রকার ময়লা পরিষ্কার করিলেও সেইরূপ দোষ হয় না।

উৎকৃষ্ট আধুনিক পায়খানা কিছু ব্যয়সাধ্য বটে। কিন্তু বাহা একান্ত আবশ্যক, তাহাতে ব্যয় ধর্তব্য নহে। কলার বিবাহ দেওয়া হিন্দু সমাজে খুব ব্যয়সাধ্য, কিন্তু তাহা সকলেই একান্ত কর্তব্য মনে করে। সমাজের মেথর জাতির উন্নতির জন্ত যে ব্যয় আবশ্যক, তাহাও কলার বিবাহ দেওয়ার ব্যয়ের চেয়ে কম দরকারী নহে।

শাস্ত্রনিকেতনের কোন কোন গৃহে এখন আর মেথর খাটার প্রয়োজন নাই; উৎকৃষ্টতর আধুনিক ব্যবস্থা হইয়াছে। সর্বত্রই এইরূপ হইতে পারে।

জেলে মেথরজাতীয় কোন কয়েদীর জেলের বাহিরে বৃত্তি ও অভ্যাস মেথরের মত না হইলেও তাহাকে পায়খানা সাফ করিতে বাধ্য করা হয়। ইহা অভ্যস্ত ঘৃণ্য জ্বরদন্তী। সব জেলে ময়লা পরিষ্কার করিবার বৈজ্ঞানিক উপায় অবলম্বন করা গবন্মেণ্টের কর্তব্য।

দু-কামরা ব্যবস্থাপক সভা

প্রকাশ, যে, গোলটেবিল বৈঠকের প্রাদেশিক শাসনবিধি কমিটির রিপোর্টে লেখা হইয়াছে, যে, বঙ্গ, আগ্রা-অবোধা, এবং বিহার-উৎকলের প্রাদেশিক

ব্যবস্থাপক সভাগুলিতে দুটি কামরা থাকিবে, কারণ এই তিন প্রদেশে উহার সপক্ষে মত প্রকাশিত হইয়াছে; অথ কোন প্রদেশের মত দু-কামরা ব্যবস্থাপক সভা প্রবর্তনের অসম্ভব হইলে তবে তাহা তথায় প্রবর্তিত হইবে। দুটি কামরাওয়ালা ব্যবস্থাপক সভার মানে এক কামরায় সাধারণ প্রতিনিধিরা বসিবেন, অষ্টটাতে জমীদার ও ধনিকরা বসিবেন। শেষোক্ত ব্যক্তিরা সব দেশেই বেশী রক্ষণশীল হইয়া থাকেন—যে-সব পাখীর লেজ ভারী ও লম্বা তাহার উড়ে কম। ভারতবর্ষে জমীদার ও ধনিকদের উপর ম্যাজিস্ট্রেট ও পুলিশের হুকুম চালাইবার সুযোগ বেশী আছে। অতএব দু-কামরা ব্যবস্থাপক সভার মানে এই পাড়াইবে, যে, সাধারণভাবে নির্বাচিত অগ্রসর ও নিতীক প্রতিনিধিরা বাহা করিতে চাহিবেন, রক্ষণশীল জমীদার ও ধনিক প্রতিনিধিদের দ্বারা তাহাতে বাধা দেওয়া হইবে। যে-তিন প্রদেশে দু কামরা কোন্সিল হইবার কথা বলা হইয়াছে, তাহাতে জমাচার যেমন অনেক, রায়তদের অসন্তোষও তেমনি। গণতান্ত্রিকতার শ্রোতের মুখে গবন্মেণ্ট জমীদার ও ধনিক রূপী ভারী ভারী বস্তা ও পাখরের বাধ বাধিতে চান। বাধ টিকিবে কি? ঐরাবত গঙ্গার শ্রোত আটকাইতে পারিচ্ছিল কি?

বাংলা, বিহার-উৎকল, এবং আগ্রা-অবোধার জনমত কখনই দু-কামরার অসম্ভব নয়। সাইমন কমিশনের সঙ্গে সহযোগিতা করিবার জন্ত নিযুক্ত প্রাদেশিক কোন্সিলগুলির কমিটি হয়ত অসম্ভব মত প্রকাশ করিয়া থাকিবে, কিন্তু ঐ কমিটিগুলো জনগণের, এমন কি কোন্সিলগুলির নির্বাচিত সভ্যদেরও প্রতিনিধিত্বান্বিত ছিল না। তাহাদের মতকে জনমত মনে করা মহা মূর্খতা বা মহা ভণ্ডামি।

“লাঠির নিষিদ্ধিত ভারতবর্ষ”

বিলাতের নিউ লীডার কাগজের সম্পাদক ব্রেলস্ফোর্ড সাহেব ভারত ভ্রমণ করিয়া দেশে

কিরিয়াছেন। তিনি নিজে যাহা দেখিয়া ও শুনিয়া গিয়াছেন, তাহার উপর নির্ভর করিয়া তিনি গত ১০ই ডিসেম্বরের নউ ইয়র্কের নিউ রিপাব্লিক কাগজে “ইণ্ডিয়া আণ্ড দি লাটি” (লাটির নিরাশ্রিত ভারতবর্ষ) শীর্ষক একটি প্রবন্ধ লিখিয়াছেন।

প্রধান মন্ত্রী কি বলিবেন

প্রবাসীর এই সংখ্যা বাহির হইয়া যাইবার পর প্রধান মন্ত্রী ম্যাকডোনাল্ড সাহেব ভারতের ললাটে কি লিখিতে চান বলিবেন। স্বতরাং অস্থান করিয়া

সে বিষয়ে কিছু লিখিব না। তাহার অপেক্ষায় লর্ড রেডিঙের বক্তৃতারও কোন সমালোচনা করিব না; কেবল বলিব, উহা অত্যন্ত অসন্তোষজনক। আশ্চর্যের বিষয়, লওনে বসিয়া স্থার সুলতান আহমদ কল্লনার জোরে বলিয়াছেন, ভারতবর্ষ লর্ড রেডিঙের বক্তৃতায় ইলেক্টি-ফায়েড অর্থাৎ (তাড়িতস্পৃষ্টের মত) পুলকিত হইয়াছে।

বলা বাহুল্য, ইহা সম্পূর্ণ অমূলক কল্পনা। তবে ইহা সত্য, যে, ঐ বক্তৃতা দ্বারা কেহ নৈরাশ্রে ইলেক্টো-কিউটেড্‌বং মৃত বা মৃতপ্রায় হইয়া নাই। কারণ ভারতীয়দের ভাগ্য ঈশ্বরের নীচেই তাহাদের নিজের হাতে।

গ্রামের পথে



শ্রীসবিভা দেবী কর্তৃক অঙ্কিত



“সত্যম্ শিবম্ সুন্দরম্”

“নায়মাত্মা বলহীনেন লভ্যঃ”

৩০শ ভাগ

২য় খণ্ড

ফাল্গুন, ১৩৩৭

৮ম সংখ্যা

রাশিয়া সম্বন্ধে রবীন্দ্রনাথের পত্রাবলী

শ্রীরবীন্দ্রনাথ ঠাকুর

কল্যাণীয়াসু

রাণী, মস্তো থাকতে তোমাকে আর প্রশান্তকে
সোভিয়েট ব্যবস্থা সম্বন্ধে দুটো বড় বড় চিঠি
লিখেছিলুম। সে চিঠি কবে পাবে এবং পাবে কিনা
কি জানি।

বালিনে এসে এক সঙ্গে তোমার দু'খানা চিঠি পাওয়া
গেল। ঘন বর্ষার চিঠি, শাস্তিনিকেতনের আকাশে
শালবনের উপরে মেঘের ছায়া এবং জলের ধারায়
শ্রাবণ ঘনিয়ে উঠেছে। সেই ছবি মনে জাগলে আমার
চিত্ত কি রকম উৎসুক হয়ে উঠে সে তোমাকে বলা
বাহুল্য। কিন্তু এবারে রাশিয়া ঘুরে এসে সেই
সৌন্দর্যের ছবি আমার মন থেকে মুছে গেছে।
কেবলি ভাবচি আমাদের দেশজোড়া চাষীদের দুঃখের
কথা। আমার যৌবনের আরম্ভকাল থেকেই বাংলা
দেশের পল্লীগ্রামের সঙ্গে আমার নিকট-পরিচয়
হয়েছে। তখন চাষীদের সঙ্গে আমার প্রত্যাহ ছিল
দেখা-শোনা—ওদের সব নালিশ উঠেছে আমার কানে।
আমি জানি ওদের মত নিঃসহায় জীব অল্পই আছে,

ওরা সমাজের যে তলায় তলিয়ে, সেখানে জ্ঞানের আলো
অল্পই পৌঁছয়, প্রাণের হাওয়া বয় না বললেই হয়।
তখনকার দিনে দেশের পলিটিক্‌স্ নিয়ে যারা আসর
জমিয়েছিলেন তাঁদের মধ্যে একজনও ছিলেন না যারা
এদেশের লোক ব'লে অহুভব করতেন। আমার মনে
আছে পাবনা কনফারেন্সের সময় আমি তখনকার
খুব বড় একজন রাষ্ট্রনেতাকে বলেছিলুম, আমাদের
দেশের রাষ্ট্রীয় উন্নতিকে যদি আমরা সত্য করতে চাই
তা হ'লে সব আগে আমাদের এই তলার লোকদের
মাছুষ করতে হবে। তিনি সে কথাটাকে এতই তুচ্ছ
ব'লে উড়িয়ে দিলেন যে, আমি স্পষ্ট বুঝতে পারলুম যে
আমাদের দেশাত্মবোধীরা দেশ ব'লে একটা তত্ত্বকে
বিদেশের পাঠশালা থেকে সংগ্রহ করে এনেচেন, দেশের
মাছুষকে তাঁরা অন্তরের মধ্যে উপলব্ধি করেন না।
এই রকম মনোবৃত্তির সুবিধে হচ্ছে এই যে, আমাদের দেশ
আছে বিদেশীর হাতে এই কথা নিয়ে আক্ষেপ করা,
উত্তেজিত হওয়া, কবিতা দেখা, খবরের কাগজে চালানো
সহজ, কিন্তু দেশের লোক আমাদের আপন লোক,

একথা বলবা মাত্র তার দায়িত্ব তখন থেকেই স্বীকার করে নিতে হয়, কাজ শুরু হয় সেই মুহূর্তে। সেদিনকার পরেও অনেক দিন চলে গেল। সেই পাবনা কনফারেন্সে পল্লীসম্বন্ধে যা বলেছিলুম তার প্রতিধ্বনি অনেকবার শুনেছি—শুধু শব্দ নয় পল্লীর হিতকল্পে অর্থও সংগ্রহ হয়েছে—কিন্তু দেশের যে উপরি তলায় শব্দের আবৃত্তি হয় সেইপানটাতেই সেই অর্থও আবৃত্তি হয়ে বিলুপ্ত হয়েছে, সমাজের যে গভীর তলায় পল্লী তলিয়ে আছে সেখানে তার কিছুই পৌঁছল না।

একদা আমি পদ্মার চরে বোট রেখে সাহিত্য-চর্চা করছিলাম। মনে ধারণা ছিল, লেখনী দিয়ে ভাবের খনি খনন করব এই আমার একমাত্র কাজ, আর কোনো কাজের আমি যোগ্যই নই। কিন্তু যখন একথা কাউকে ব'লে-কয়ে বোঝাতে পারলুম না যে, আমাদের স্বায়ত্বশাসনের ক্ষেত্র হচ্ছে কৃষিপল্লীতে, তার চর্চা আজ থেকেই শুরু করা চাই, তখন কিছুক্ষণের জন্যে কলম কানে গুঁজে একথা আমাকে বলতে হ'ল—আচ্ছা, আমিই একাজে লাগব। এই সঙ্কে আমার সহায়তা করবার জন্যে সেদিন একটি মাত্র লোক পেয়েছিলুম, সে হচ্ছে কালীমোহন। শরীর তার রোগে জীর্ণ, দুবেলা তার জর আসে, তার উপরে পুলিশের খাতায় তার নাম উঠেছে। তারপর থেকে দুর্গম বন্ধুর পথে সামান্য পাথর নিয়ে চলেছে সেই ইতিহাস। চাষীকে আত্মশক্তিতে দৃঢ় করে তুলতে হবে এই ছিল আমার অভিপ্রায়। এ সম্বন্ধে দুটো কথা সর্বদাই আমার মনে আন্দোলিত হয়েছে—জমির স্বত্ব শ্রায়ত জমিদারের নয়, সে চাষীর; দ্বিতীয়ত সমবায় নীতি অল্পসারে চাষের ক্ষেত্র একত্র ক'রে চাষ না করতে পারলে কৃষির উন্নতি হতেই পারে না। মাফাতার আমলের হাল লাঙল নিয়ে আল-বাধা টুকরো জমীতে ফসল ফলানো আর দুটো কলসীতে জল আনা একই কথা। কিন্তু এই দুটো পন্থাই দুর্লভ। প্রথমত চাষীকে জমির স্বত্ব দিলেই সে স্বত্ব পর মুহূর্তেই মহাজনের হাতে গিয়ে পড়বে, তার দুঃখ-ভার বাড়বে বই কমবে না। কৃষিক্ষেত্র একত্রীকরণের কথা আমি নিজে একদিন চাষীদের ডেকে আলোচনা

করেছিলুম। শিলাইদহে আমি যে-বাড়ীতে থাকতুম, তার বারান্দা থেকে দেখা যায় ক্ষেতের পর ক্ষেত নিরন্তর চলে গেছে দিগন্ত পেরিয়ে। ভোরবেলা থেকে হাল লাঙল এবং গোরু নিয়ে একটি একটি করে চাষী আসে, আপন টুকরো ক্ষেতটুকু ঘুরে ঘুরে চাষ করে, চলে যায়। এই রকম ভাগ করা শক্তির যে কতটা অপচয় ঘটে প্রতিদিন সে আমি স্বচক্ষে দেখেছি। চাষীদের ডেকে যখন সমস্ত জমি একত্র ক'রে কলের লাঙলে চাষ করার সুবিধের কথা বুঝিয়ে বললুম তারা তখনই সমস্ত মেনে নিলে। কিন্তু বললে, আমরা নির্বোধ, এত বড় ব্যাপার করে তুলতে পারবো কি করে! আমি যদি বলতে পারতুম, এ ভার আমিই নেব তাহলে তখনই মিটে যেতে পারত। কিন্তু আমার সাধ্য কি? এমন কাজের চালনা-ভার নেবার দায়িত্ব আমার পক্ষে অসম্ভব—সে শিক্ষা, সে শক্তি আমার নেই। কিন্তু এই কথাটা বরাবর আমার মনে জেগেছিল। যখন বোলপুরের কো-অপারেটিভের ব্যবস্থা বিশ্বভারতীর হাতে এল তখন আবার একদিন আশা হয়েছিল এইবার বৃষ্টি সুযোগ হতে পারবে। যাদের হাতে আপিসের ভার তাদের বয়স অল্প, আমার চেয়ে তাদের হিসাবী বুদ্ধি এবং শিক্ষা অনেক বেশী। কিন্তু আমাদের যুবকেরা ইঙ্কুলে-পড়া ছেলে, তাদের বই মুগ্ধ করার মন। যে-শিক্ষা আমাদের দেশে প্রচলিত তাতে করে আমাদের চিন্তা করার সাহস, কন্ঠ্য করবার দক্ষতা থাকে না, পুথির বুলি পুনরাবৃত্তি করার 'পরেই ছাত্রদের পরিজ্ঞান নির্ভর করে। বুদ্ধির এই পল্লবগ্রাহিতা ছাড়া আমাদের আর একটা বিপদ ঘটে। ইঙ্কুলে যারা পড়া মুখস্থ করেছে, আর ইঙ্কলের বাইরে পড়ে থেকে যারা পড়া মুখস্থ করেনি, তাদের মধ্যে ভেগী-বিভাগ ঘটে গেছে,—শিক্ষিত এবং অশিক্ষিত। ইঙ্কুলে-পড়া মনের আত্মীয়তা-বোধ পুথি-পোড়াদের পড়ার বাইরে পৌঁছতে পারে না। যাদের আমরা বলি চাষাভুষা, পুথির পাতার পর্দা ভেদ করে তাদের প্রতি আমাদের দৃষ্টি পৌঁছতে পারে না, তারা আমাদের কাছে অস্পষ্ট। এই জগ্রেই ওরা আমাদের সকল প্রচেষ্টা থেকেই স্বভাবত বাদ

পড়ে যায়। তাই কো-অপারেটিভের যোগে অল্প দেশে যখন সমাজের নীচের তলায় একটা স্থিতির কাজ চলচে, আমাদের দেশে টিপে টিপে টাকা ধার দেওয়ার বেশি কিছু এগোয় না। কেন-না ধার দেওয়া, তার হুদ কষা, এবং দেনার টাকা আদায় করা অত্যন্ত ভীক মনের কাছেও সহজ কাজ, এমন কি ভীক মনের পক্ষেই সহজ, তাতে যদি নামতার ভুল না ঘটে তাহলে কোনো বিপদ নেই। বুদ্ধির সাহস এবং জনসাধারণের প্রতি দরদ-বোধ এই উভয়ের অভাব ঘটতেই দুঃখীর দুঃখ আমাদের দেশে ঘোচানো এত কঠিন হয়েছে; কিন্তু এই অভাবের জন্য কাউকে দোষ দেওয়া যায় না। কেন না কেরাণী তৈরির কারখানা বসাবার জগ্গেই একদা আমাদের দেশে বণিক-রাজত্বে ইস্ত্রলের পত্তন হয়েছিল। ডেক-লোকে মনিবের সঙ্গে শাযুজালাভই আমাদের সদগতি। সেই জগ্গে উমেদারীতে অকৃতার্থ হলেই আমাদের বিদ্যাশিক্ষা ব্যর্থ হয়ে যায়। এই জগ্গেই আমাদের দেশে প্রধানত দেশের কাজ কংগ্রেসের পাণ্ডালে এবং ধবরের কাগজের প্রবন্ধমালায় শিক্ষিত সম্প্রদায়ের বেদনা উন্মোচনের মধ্যেই পাক পাচ্ছিল। আমাদের কলমে বাঁধা হাতা দেশকে গড়ে তোলবার কাজে এগোতেই পারলে না।

ঐ দেশের হাওয়াতেই আমিও তো মানুষ, সেই জগ্গেই জোরের সঙ্গে মনে করতে সাহস হয়নি যে বহু কোটি জনসাধারণের বুকের উপর থেকে অশিক্ষা ও অসামর্থ্যের জগদল পাথর ঠেলে নামানো সম্ভব। অল্পশল্প কিছু করতে পারা যায় কি-না এতদিন এই কথাই ভেবেছি। মনে করেছিলুম সমাজের একটি চির-বাধাগ্রস্ত তলা আছে সেখানে কোনো কালেই সূর্যের আলো সম্পূর্ণ প্রবেশ করানো চলবে না, সে জগ্গেই সেখানে অন্তত তেলের বাতি জ্বালাবার জগ্গে উঠে পড়ে লাগা উচিত কিন্তু সাধারণত সেটুকু কর্তব্যবোধও লোকের মনে যথেষ্ট জোরের সঙ্গে ধাক্কা মারতে চায় না, কারণ যাদের আমরা অন্ধকারে দেখতেই পাইনে, তাদের জগ্গে যে কিছুই করা যেতে পারে একথা স্পষ্ট করে মনে আসে না।

এই রকম স্বল্পসাহস মন নিয়েই রাশিয়াতে এসেছিলুম, শুনেছিলুম এখানে চাষী ও কর্মীকদের

মধ্যে শিক্ষাবিস্তারের পরিমাণ অনেক বেড়ে চলেচে। ভেবেছিলুম, তার মানে ওখানে পল্লী পাঠশালায় শিশুশিক্ষার প্রথম ভাগে বড়-জোর দ্বিতীয় ভাগ পড়ানোর কাজ সংখ্যায় আমাদের চেয়ে বেশী হয়েছে। ভেবেছিলুম ওদের তথ্যতালিকা নেড়েচেড়ে দেখতে পাব ওদের কজন চাষী নাম সই করতে পারে আর কজন চাষীর নামতা দশের কোঠা পর্যন্ত এগিয়েছে।

মনে রেপো, এখানে যে বিপ্লবে জারের শাসন লয় পেলে সেটা ঘটেচে ১৯১৭ খৃষ্টাব্দে। অর্থাৎ তের বছর পার হ'ল মাত্র। ইতিমধ্যে ঘরে বাইরে এদের প্রচণ্ড বিরুদ্ধতার সঙ্গে লড়ে চলতে হয়েছে। এরা একা, অত্যন্ত ভাঙাচোরা একটা রাষ্ট্র-বাবস্থার বোঝা নিয়ে। পথ পূর্বতন দুঃশাসনের প্রভূত আবর্জনায় দুর্গম। যে-আত্মবিপ্লবের প্রবল ঝড়ের মুখে এরা নবযুগের ঘাটে পাড়ি দিলে সেই বিপ্লবের প্রচ্ছন্ন এবং প্রকাশ্য সহায় ছিল ইংলণ্ড এবং আমেরিকা। অর্থসম্বল এদের সামান্য—বিদেশের মহাজনী গদিতে এদের ক্রেডিট নেই। দেশের মধ্যে কলকারখানা এদের যথেষ্ট পরিমাণে না থাকতে অর্থ-উৎপাদনে শক্তিহীন। এইজগ্গে কোনো মতে পেটের ভাত বিক্রি করে চলচে এদের উদ্যোগ-পর্ব। অথচ রাষ্ট্র-বাবস্থার সকলের চেয়ে যে-অর্থউৎপাদক বিভাগ—সৈনিক বিভাগ—তাকে সম্পূর্ণরূপে হ্রাস রাখার অপব্যয় এদের পক্ষে অনিবার্য। কেন না আধুনিক মহাজনী যুগের সমস্ত রাষ্ট্রশক্তি এদের শত্রুপক্ষ এবং তারা সকলেই আপন আপন অস্ত্রশালা কানায় কানায় ভরে তুলেচে। মনে আছে এরাই লীগ্ অফ নেশন্সে অস্ত্রবর্জনের প্রস্তাব পাঠিয়ে দিয়ে কপট শান্তিকামীদের মনে চমক লাগিয়ে দিয়েছিল। কেন-না নিজেদের প্রতাপ বর্ধন বা রক্ষণ সোভিয়েটদের লক্ষ্য নয়—এদের সাধনা হচ্ছে জনসাধারণের শিক্ষা স্বাস্থ্য অন্নসম্বলের উপায় উপকরণকে প্রকৃত প্রণালীতে ব্যাপক ক'রে গড়ে তোলা, এদেরই পক্ষে নিকপত্রব শক্তির দরকার সব চেয়ে বেশি। কিন্তু তুমি তো জান, লীগ্ অফ নেশন্সের সমস্ত পালোয়ানই গুণাগুণির বহুবিস্তৃত উদ্যোগ

কিছুতেই বন্ধ করতে চায় না কিন্তু শাস্তি চাই বলে সকলে মিলে হাঁক পাড়ে। এই জন্তেই সকল সাম্রাজ্যিক দেশেই অস্ত্রশস্ত্রের কাঁটারবনের চাষ অস্ত্রের চাষকে ছাপিয়ে বেড়ে চলেছে। এর মধ্যে আবার কিছুকাল ধরে রাশিয়ায় অতিভীষণ হুভিক ঘটেছিল—কতলোক মরেচে তার ঠিক নেই। তার ধাক্কা কাটিয়ে সবে মাত্র আট বছর এরা নূতন যুগকে গড়ে তোলবার কাজে লাগতে পেরেছে, বাইরের উপকরণের অভাব সত্ত্বেও।

কাজ সামান্য নয়—যুরোপ এশিয়া জুড়ে প্রকাণ্ড এদের রাষ্ট্রক্ষেত্র। প্রজামণ্ডলীর মধ্যে যত বিভিন্ন জাতের মানুষ আছে, ভারতবর্ষেও এত নেই। তাদের ভূপ্রকৃতি মানবপ্রকৃতির পার্থক্য অনেক বেশি। বস্তুত এদের সমস্ত বহুবিচিত্র জাতি-সমাকীর্ণ, বহুবিচিত্র অবস্থা সঙ্কুল বিশ্বপৃথিবীর সমস্তারই সংক্ষিপ্ত রূপ।

তোমাকে পূর্বেই বলেছি, বাহির থেকে মস্কো শহরে যখন চোখ পড়ল দেখলুম যুরোপের অস্ত্র সমস্ত ধনী শহরের তুলনায় অত্যন্ত মলিন। রাস্তায় যারা চলেচে তারা একজনও সৌখীন নয়, সমস্ত শহর আটপোরে কাপড়-পরা। আটপোরে কাপড়ে শ্রেণীভেদ থাকে না, শ্রেণীভেদ পোষাকী কাপড়ে। এখানে সাজে পরিচ্ছন্ন সবাই এক। সবটা মিলেই শ্রমিকদের পড়া—যেখানে দৃষ্টি পড়ে সেখানেই ওরা। এখানে শ্রমিকদের কৃষাণদের কি রকম বদল হয়েছে তা দেখবার জন্তে লাইব্রেরীতে গিয়ে বই খুলতে অথবা গাঁয়ে কিম্বা বসতিতে গিয়ে নোট নিতে হয় না। বাদের আমরা ‘ভদর লোক’ বলে থাকি তারা কোথায় সেইটেই জিজ্ঞাস্য।

এখানকার জনসাধারণ ভদ্রলোকের আওতায় একটুও ছায়া-ঢাকা পড়ে’ নেই, যারা যুগে যুগে নেপথ্যে ছিল তারা আজ সম্পূর্ণ প্রকাশ্যে। এরা যে প্রথম ভাগ শুল্কশিক্ষা পড়ে কেবলমাত্র ছাপার অক্ষরে হাংড়ে বেড়াতে শিখেছে এ ভুল ভাঙতে একটুও দেরি হ’ল না। এরা মানুষ হয়ে উঠেছে এই কটা বছরেই। নিজের দেশের চাষীদের মজুরদের মনে পড়ল। মনে হ’ল আরব্য উপন্যাসের বাহুকরের কীৰ্ত্তি। বছর-

দশেক আগেই এরা ঠিক আমাদেরই দেশের জনমজুরদের মতই নিরক্ষর নিঃসহায় নিরস্ত ছিল, তাদেরই মত অন্ধসংস্কার এবং মূঢ় ধার্মিকতা। দুখে বিপদে এরা দেবতার দ্বারে মাথা খুঁড়ে, পরলোকের ভয়ে পাণ্ডা-পুরুষদের হাতে এদের বুদ্ধি ছিল বাধা আর ইহলোকের ভয়ে রাজপুরুষ মহাজন ও জমিদারের হাতে, যারা এদের জুতো পেটা করত তাদের সেই জুতো সাক করা এদের কাজ ছিল। হাজার বছর থেকে এদের প্রথা-পদ্ধতির বদল হয়নি, যান বাহন চরকা ঘানি সমস্ত প্রপিতামহের আমলের, হালের হাতিয়ারের হাত লাগাতে বল্লে বেকে বসত। আমাদের দেশের ত্রিশকোটির পিঠের উপরে যেমন চেপে বসেছে ভূত কালের, চেপে ধরেচে তাদের দুই চোখ—এদেরও ঠিক তেমনিই ছিল। কটা বছরের মধ্যে এই মূঢ়তার অক্ষমতার পাহাড় নড়িয়ে দিলে যে কি করে সে কথা এই হতভাগা ভারত-বাসীকে যেমন একান্ত বিস্মিত করেছে এমন আর কাকে করবে বল? অথচ যে-সময়ের মধ্যে এই পরিবর্তন চলছিল সে সময়ে এ দেশে আমাদের দেশের বহু-প্রশংসিত law and order ছিল না।

তোমাকে পূর্বেই বলেছি এদের জনসাধারণের শিক্ষার চেহারা দেখবার জন্তে আমাকে দূরে যেতে হয়নি কিম্বা স্থলের ইনস্পেক্টরের মত এদের বানান তদন্ত করবার সময় দেখতে হয়নি “কান”-এ “সোনা”য় এরা মুগ্ধগাণ লাগায় কি না। একদিন সন্ধ্যাবেলা মস্কো শহরে একটা বাড়িতে গিয়েছিলুম, সেটা চাষীদের বাসা, গ্রাম থেকে কোনো উপলক্ষ্যে যখন তারা শহরে আসে তখন সন্ধ্যা ঐ বাড়িতে কিছুদিনের মত থাকতে পায়। তাদের সঙ্গে আমার কথাবার্তা হয়েছিল। সে রকম কথাবার্তা যখন আমাদের দেশের চাষীদের সঙ্গে হবে সেইদিন সাইমন কমিশনের জবাব দিতে পারব। আর কিছু নয় এটা স্পষ্ট দেখতে পেয়েছি সবই হতে পারত কিন্তু হয়নি—না হোক আমরা পেয়েছি law and order, আমাদের ওখানে সাম্প্রদায়িক লড়াই ঘটে বলে একটা অশ্রুতি বিশেষ ষোঁক দিয়ে রটনা হয়ে থাকে—এখানেও যিহুদি সম্প্রদায়ের সঙ্গে খৃষ্টান সম্প্রদায়ের লড়াই আমাদের

দেশেরই আধুনিক উপসর্গের মত অতি কুংসিত অতি বর্ধর ভাবেই ঘটত—শিক্ষায় এবং শাসনে একেবারে তার মূল উৎপাটিত হয়েছে। কতবার আমি ভেবেছি আমাদের দেশে সাইমন কমিশন যাবার আগে একবার রাশিয়ায় তার ঘুরে যাওয়া উচিত ছিল।

তোমার মত ভদ্রমহিলাকে সাধারণ ভদ্রগোছের চিঠি না লিখে এ-রকম চিঠি যে কেন লিখলুম তার কারণ চিন্তা করলেই বুঝতে পারবে দেশের দশা আমার মনের মধ্যে কি রকম তোলপাড় করছে, জালিয়ানওয়ালাবাদের উপদ্রবের পর একবার আমার মনে এই রকম অশান্তি জেগেছিল। এবার ঢাকার উপদ্রবের পর আবার সেই রকম দুঃখ পাচ্ছি। সে ঘটনার উপর সরকারী চূণকামের কাজ হয়েছে কিন্তু এরকম সরকারী চূণকামের যে কি মূল্য তা রাষ্ট্রনীতিবিৎ সবাই জানে। এই রকম ঘটনা যদি সোভিয়েট রাশিয়ায় ঘটত তাহলে কোনো চূণকামেই তার কলঙ্ক ঢাকা পড়ত না। সুধীন্দ্র, আমাদের দেশের রাষ্ট্রীয় আন্দোলনে যাররকমো প্রজ্ঞা কোনো দিন ছিল না, সেও এবারে আমাকে এমন চিঠি লিখেছে যাতে বোঝা যাচ্ছে সরকারী দমননীতির প্রতি ধিকার আজ আমাদের দেশে কতদূর পষ্যন্ত পৌঁচেছে। যাহোক তোমার চিঠি অসমাপ্ত রইল—কাজজ এবং সময় ফুরিয়ে এসেছে, এবার প্রশান্তর চিঠিতে এ চিঠির অসম্পূর্ণ অংশ সম্পূর্ণ করব। ইতি সেপ্টেম্বর ২৮, ১৯৩০।

কল্যাণীয়েষু,

হরেন, পিছিয়ে-পড়া জাতের শিক্ষার জন্তে সোভিয়েট রাশিয়ায় কি রকম উত্তোঙ্গ চলছে সে কথা তোমাকে লিখেছি। আজ ছুই একটা দৃষ্টান্ত দেওয়া যাক।

উরাল পর্বতের দক্ষিণে বাস্কিরদের বাস। জার-এর আমলে সেখানকার সাধারণ প্রজার অবস্থা আমাদের দেশের মতই ছিল। তারা চির উপবাসের ধার দিয়ে দিয়েই চলতো। বেতনের হার ছিল অতি সামান্য, কোনো কারখানায় বড় রকমের কাজ করবার মত শিক্ষা ছিল না, অবস্থাগতিকে তাদের ছিল নিতান্তই মজুরের কাজ। বিপ্লবের পরে এই দেশের প্রজাদের স্বতন্ত্র

শাসনের অধিকার দেবার চেষ্টা আরম্ভ হ'ল। প্রথমে যাদের উপর ভার পড়েছিল তারা ছিল আগেকার আমলের ধনী জোহাদার, ধর্মযাজক এবং বর্তমানে আমাদের ভাষায় যাদের বলে থাকি শিক্ষিত। সাধারণের পক্ষে সেটোতে সুবিধা হ'ল না। আবার এই সময়ে উৎপাত আরম্ভ করলে কল্‌চাকের সৈন্ত। সে ছিল জার-আমলের পক্ষপাতী, তার পিছনে ছিল ক্ষমতাশালী বহিঃশত্রুদের উৎসাহ এবং আহুকূল্য। সোভিয়েটরা যদি-বা তাদের তাড়ালে, এল ভীষণ দুর্ভিক্ষ। দেশে চাষবাসের ব্যবস্থা ছারখার হয়ে গেল। ১৯২২ খৃষ্টাব্দ থেকে সোভিয়েট আমলের কাজ ঠিক মত শুরু হতে পেরেছে। তখন থেকে দেশে শিক্ষাদান এবং অর্থোৎপত্তির ব্যবস্থা প্রবল বেগে গড়ে উঠতে লাগল। এর আগে বাস্কিরিয়াতে নিরক্ষরতা ছিল প্রায় সর্বব্যাপী। এই কয় বছরের মধ্যে এখানে আটটি নম্বাল স্কুল, পাঁচটি কৃষিবিদ্যালয়, একটি ডাক্তারি শিক্ষালয়, অর্থকরী বিদ্যা শিখবার জন্তে দুটি, কারখানার কাজে হাত পাকাবার জন্তে সতেরটি, প্রাথমিক শিক্ষার জন্তে ২৪৯টি এবং মধ্য-প্রাথমিকের জন্তে ৮৭টি স্কুল শুরু হয়েছে। বর্তমানে বাস্কিরিয়াতে দুটি আছে সরকারী থিয়েটার, দুটি ম্যুজিয়ম, চৌদ্দটি পোর-গ্রন্থাগার, ১১২টি গ্রামের পাঠগৃহ (reading-room), ত্রিশটি সিনেমা শহরে এবং ৪৬টি গ্রামে, চাষীরা কোনো উপলক্ষ্যে শহরে এলে তাদের জন্যে বহুতর বাসা, ৮৯১টি খেলা ও আরামের জায়গা (recreation corners), তাছাড়া হাজার হাজার কর্মী ও চাষীদের ঘরে রেডিয়ো প্রতিযন্ত্র। বীরভূম জেলার লোক বাস্কিরদের চেয়ে নিঃসন্দেহ স্বভাবত উন্নততর শ্রেণীর জীব। বাস্কিরিয়ার সঙ্গে বীরভূমের শিক্ষা ও আরামের ব্যবস্থা মিলিয়ে দেখ। উভয় পক্ষের ডিফিকাল্টিজেরও তুলনা করা কর্তব্য হবে।

সোভিয়েট রাষ্ট্রসংঘের মধ্যে যতগুলি রিপাব্লিক হয়েছে তার মধ্যে তুর্কমেনিস্তান এবং উজবেকিস্তান সবচেয়ে অল্পদিনের। তাদের পত্তন হয়েছে ১৯২৪ খৃষ্টাব্দের অক্টোবরে, অর্থাৎ বছর-ছয়েকের চেয়েও তাদের বয়স কম। তুর্কমেনিস্তানের জনসংখ্যা সবস্বল্প সাড়ে দশ লক্ষ।

এদের মধ্যে নয় লক্ষ লোক চাষের কাজ করে। কিন্তু নানা কারণে ক্ষেতের অবস্থা ভাল নয়, পশুপালনের সুযোগও তদ্রূপ। এরকম দেশকে বাঁচাবার উপায় কারখানার কাজ খোলা, যাকে বলে industrialization. বিদেশী বা স্বদেশী ধনী মহাজনদের পকেট ভরাবার জন্তে কারখানার কথা হচ্ছে না, এখানকার কারখানার উপস্থাপনা সর্বসাধারণের। ইতিমধ্যেই একটা বড় সুতোর কল এবং রেশমের কল খোলা হয়েছে। আশকাবাদ শহরে একটা বৈদ্যুতন শ্রম শেখান বসেছে, অত্যাশ্চর্য শহরেও উদ্যোগ চলছে। বহুচালনক্ষম শ্রমিক চাই, তাই বহুসংখ্যক তুর্কমেনি যুবকদের মধ্যপ্রাচ্যের বড় বড় কারখানায় শিক্ষার জন্তে পাঠানো হয়ে থাকে। আমাদের যুবকদের পক্ষে বিদেশীচালিত কারখানায় শিক্ষার সুযোগলাভ যে কত দুঃসাধ্য তা সকলেরই জানা আছে।

বুলেটিনে লিখছে, তুর্কমেনিস্তানে শিক্ষার ব্যবস্থা করা এত কঠিন যে, তার তুলনা বোধ হয় অন্য কোথাও পাওয়া যায় না। বিরলবসতি, জনসংস্থান দূরে দূরে, দেশে বাস্তার অভাব, জলের অভাব, লোকালয়ের মাঝে মাঝে বড় বড় মরুভূমি, লোকের আর্থিক দুর্বলতা—অত্যন্ত বেশী।

আপাতত মাথাপিছু পাঁচ কবুল করে শিক্ষার খরচ পড়ছে। এদেশের প্রজাসংখ্যার সিকি পরিমাণ লোক ঘাষাবর (nomads)। তাদের জন্তে প্রাথমিক পাঠশালার সঙ্গে সঙ্গে বোর্ডিং স্কুল খোলা হয়েছে, ইদারার কাছাকাছি যেখানে বহুপরিবার মিলে আড্ডা করে সেই রকম জায়গায়। পড়ুয়াদের জন্তে খবরের কাগজও প্রকাশ করা হয়ে থাকে। মক্কো শহরে নদীতীরে সাবেক কালের একটি উদ্যানবেষ্টিত স্কুলের প্রাসাদে তুর্কমেনদের জন্তে শিক্ষক শিক্ষিত করবার একটি বিদ্যাভবন (Turcomen People's Home of Education) স্থাপিত হয়েছে। সেখানে সম্প্রতি একশো তুর্কমেন ছাত্র শিক্ষা পাচ্ছে, বার তের বছর তাদের বয়স। এই বিদ্যাভবনের ব্যবস্থা স্বায়ত্ত-শাসন-নীতি-অনুসারে। এই ব্যবস্থার মধ্যে কতকগুলি কর্মবিভাগ আছে। যেমন স্বাস্থ্যবিভাগ, গার্হস্থ্য-বিভাগ (household commission), ক্লাস কমিটি। স্বাস্থ্য-

বিভাগ থেকে দেখা হয়, সমস্ত মহলগুলি (compartments), ক্লাসগুলি, বাসের ঘর, আভিনা পরিষ্কার আছে কি-না। কোনো ছেলের যদি অস্থির করে, তা সে যতই সামান্য হোক, তার জন্তে ডাক্তার দেখাবার বন্দোবস্ত এই বিভাগের 'পরে। গার্হস্থ্য-বিভাগের অন্তর্গত অনেকগুলি উপবিভাগ আছে। এই বিভাগের কর্তব্য হচ্ছে দেখা—ছেলেরা পরিষ্কার পরিপাটি আছে কি-না। ক্লাসে পড়বার কালে ছেলেদের ব্যবহারের প্রতি দৃষ্টি রাখা ক্লাস-কমিটির কাজ। প্রত্যেক বিভাগ থেকে প্রতিনিধি নির্বাচিত হয়ে অধ্যক্ষ-সভা গড়ে ওঠে। এই অধ্যক্ষ-সভার প্রতিনিধিরা স্কুল-কৌন্সিলে ভোট দেবার অধিকার পায়। ছেলেদের নিজেরদের মধ্যে বা আর কারও সঙ্গে বিবাদ হলে অধ্যক্ষ-সভা তার তদন্ত করে; এই সভার বিচার স্বীকার করে নিতে সব ছাত্রই বাধ্য। এই বিদ্যাভবনের সঙ্গে একটি ক্লাব আছে। সেখানে অনেক সময়ে ছেলেরা নিজের ভাষায় নিজেরা নাট্যাভিনয় করে, গান বাজনার সঙ্গ হয়। ক্লাবের একটি সিনেমা আছে, তার থেকে মধ্য-প্রাচ্যের জীবনযাত্রার চিত্রাবলী ছেলেরা দেখতে পায়। এ ছাড়া দেয়ালে-টাঙানো খবরের কাগজ বের করা হয়।

তুর্কমেনিস্তানের চাষের উন্নতির জন্তে সেখানে বহুসংখ্যক কৃষিবিদ্যার ওস্তাদ পাঠানো হচ্ছে। দুশোর বেশী আদর্শ কৃষিক্ষেত্র খোলা হয়েছে। তা ছাড়া জল এবং জমি ব্যবহার সম্বন্ধে যে ব্যবস্থা করা হ'ল তাতে কুড়ি হাজার দরিদ্রতম কৃষক-পরিবার কৃষির ক্ষেত, জল এবং কৃষির বাহন পেয়েছে।

এই বিরলপ্রজ দেশে ১৩০টা হাসপাতাল খোলা হয়েছে, ডাক্তারের সংখ্যা ছয়শো। বুলেটিনের লেখক সলজ্জ ভাষায় বলছেন,

"However, there is no occasion to rejoice on that fact, since there are 2,640 inhabitants to each hospital bed, and as regards the doctors, Turcomenistan must be relegated to the last place in the Union. We can boast of some attainments in the field of modernization and the struggle against crass ignorance, though again we must warn the

reader that Turcomenistan, being on a very low level of civilization, has preserved a good many customs of the distant past. However, the recent laws, passed in order to combat the selling of women into marriage and child marriages, had produced the desired effect."

তুর্কমেনিস্তানের মত মরুপ্রদেশে ছয় বৎসরের মধ্যে আপাতত ১০০টা হাসপাতাল স্থাপন ক'রে এরা লজ্জা পায়—এমনতর লজ্জা দেখা আমাদের অভ্যাস নেই বলে বড় আশ্চর্য্য বোধ হ'ল। আমাদের ভাগ্যদোষে বিস্তর ডিক্‌কল্‌টিজ দেখতে পেলুম, সেগুলো নড়ে বসবার কোনো লক্ষণ দেখায় না তাও দেখলুম, কিন্তু বিশেষ লজ্জা দেখতে পাইনে কেন? সত্যি কথা বলি, ইতিপূর্বে আমারও মনে দেশের জন্তে যথেষ্ট পরিমাণে আশা করবার মত সাহস চলে গিয়েছিল। খুষ্টান পাদ্রীর মত আমিও ডিক্‌কল্‌টিজের হিসাব দেখে স্তম্ভিত হয়েছি—মনে মনে বলেছি, এত বিচিত্র জাতের মানুষ, এত বিচিত্র জাতের মুখতা এত পরস্পরবিরুদ্ধ ধর্ম, কি জানি কতকাল লাগবে আমাদের ক্রেশের বোঝা, আমাদের কলুষের আবজ্জনা নড়াতে সাইমন কমিশনের ফসল যে আবহাওয়ায় ফলেচে, স্বদেশ সম্বন্ধে আমার প্রত্যাশার ভীকতা সেই আবহাওয়ায়ই। সোভিয়েট রাশিয়াতে এসে দেখলুম এখানকার উন্নতির ঘড়ি আমাদেরই মত বন্ধ ছিল, অস্তিত্ব জনসাধারণের ঘরে—কিন্তু বহু শত বছরের অচল ঘড়িতেও আট দশ বছর দম লাগাতেই দিব্যি চলে লেগেচে। এতদিন পরে বুঝতে পেরেছি আমাদের ঘড়িও চলতে পারত কিন্তু দম দেওয়া হ'ল না। ডিক্‌কল্‌টিজের মন্ত্র আওড়ানোতে এখন থেকে আর বিশ্বাস করতে পারব না।

এইবার বুলেটিন থেকে দুটি একটি অংশ উদ্ধৃত করে চিঠি শেষ করব :—

"The imperialist policy of the Czarist generals, after the conquest of Azerbaijan, consisted in converting the districts, inhabited by Muhammedans into colonies, destined to supply raw material to the central Russian markets."

মনে আছে অনেক কাল হ'ল, পরলোকগত অক্ষয়-কুমার মৈত্রেয় একদা রেশম-গুটির চাষ প্রচলন সম্বন্ধে

উৎসাহী ছিলেন। তারই পরাকর্ষণ নিয়ে আমিও রেশম-গুটির চাষ প্রবর্তনের চেষ্টায় নিযুক্ত ছিলাম। তিনি আমাকে বলেছিলেন, রেশমগুটির চাষে তিনি ম্যাঞ্জিষ্ট্রেট কাছ থেকে যথেষ্ট আত্মকূল্য পেয়েছিলেন। কিন্তু যতবার এই গুটি থেকে হুতো ও হুতো থেকে কাপড় বোনা চাষীদের মধ্যে চলতি করবার ইচ্ছা করেচেন ততবারই ম্যাঞ্জিষ্ট্রেট দিয়েছেন বাধা।

"The agents of the Czar's Government were ruthlessly carrying out the principle of 'Divide and Rule' and did all in their power to sow hatred and discord between the various races. National animosities were fostered by the Government and Muhammedans and Armenians were systematically incited against each other. The ever-recurring conflicts between the two nations at times assumed the form of massacres."

হাসপাতালের সংখ্যায়ত্ত নিয়ে বুলেটিন-লেখক লজ্জা স্বীকার করেচেন বটে, কিন্তু একটা বিষয়ে গৌরব প্রকাশ না ক'রে থাকতে পারেন নি :—

"It is an undoubted fact, which even the worst enemies of the Soviets cannot deny : for the last eight years the peace between the races of Azerbaijan has never been disturbed."

ভারতবর্ষের রাজত্বে লজ্জা প্রকাশের চলন নেই, গৌরব প্রকাশেরও রাস্তা দেখা যায় না।

এই লজ্জা স্বীকারের উপলক্ষ্যে একটা কথা পরিষ্কার করে দেওয়া দরকার। বুলেটিনে আছে সমস্ত তুর্ক-মেনিস্তানে শিকার জন্তু জন-পিছু পাঁচ রুবল খরচ হয়ে থাকে। রুবলের মূল্য আমাদের টাকার হিসাবে আড়াই টাকা। পাঁচ রুবল বলতে বোঝায় সাড়ে বার টাকা। এই বাবদ কর আদায়ের কোনো একটা ব্যবস্থা হয়ত আছে, কিন্তু সেই কর আদায় উপলক্ষ্যে প্রজাদের নিজেদের মধ্যে আত্মবিরোধ ঘটিয়ে দেবার কোনো আশঙ্কা নিশ্চয় সৃষ্টি করা হয় নি। ইতি ৮ই অক্টোবর ১৯৩০।

[শ্রীযুক্ত হরেন্দ্রনাথ করকে লিখিত]

কল্যাণীয়েষু,

হরেন, তুর্কোমেনদের কথা পূর্বেই বলেছি, মরুভূমি-বাসী তারা, দশ লক্ষ মানুষ। এই চিঠি তারই পরিণতি।

সোভিয়েট গবর্নমেন্ট সৈখানে কি কি বিদ্যায়তন স্থাপনের
সকল করেছে তার একটা ফর্দ তুলে দিচ্ছি।

Beginning with October 1st 1930, the new budget
year a number of new scientific institutions and
institutes will be opened in Turcomania, namely :

1. Turcomen Geological Committee.
2. Turcomen Institute of Applied Botany ;
3. Institute for study and research of stock
breeding ;
4. Institute of Hydrology and Geo-physics
5. Institute for Economic Research ;
6. Chemico-Bacteriological Institute and Institute
of Social Hygiene.

The activity of all the scientific institutions of
Turcomania will be regulated by a special
scientific management attached to the Council of
People's Commissars of Turcomania. In connection
with the removal of the Turcomen Government from

Ashkhabad to Chardjini the construction of buildings
for the following museums has been started :
Historical, Agricultural, Industrial and Trade
Museum, Art Museum, Museums of the Revolution.
In addition the construction of an observatory,
State Library, House of published books of science
and culture is planned.

The Department of Language and Literature of
the Institute of the Turcomen Culture has completed
the revision and translation into Russian of Turco-
menian poetry including folk-lore material and old
poetry texts.

Five itinerant cultural bases have been organized
in Turcomania. During the year 1930 two courses
for training practical nurses and midwives were
completed Altogether 46 persons were graduated.
All graduates are sent to the village.

[শ্রীযুক্ত হরেন্দ্রনাথ করকে লিখিত]

বিচিত্রা

শ্রীকৈদারনাথ বন্দ্যোপাধ্যায়

বেনেটোলা মেসের বাসিন্দাদের সে পাড়ায় বিগ্রহ
ব'লে খ্যাতি ছিল। মেসটাকে কেহ কেহ শ্রীক্ষেত্রও
বলতেন, যেহেতু সেটা ছিল সমগ্র মন্দির,—আপিস,
আদালত, বেকার, ব্রোকার, টেলার, কেলারের
(ফেল্ হওয়া ছেলের) ফেভারেশন্।

ঐহাদেরই ষাটশটি বিগ্রহ পূজাবকাশে সখের
সকরে বেরিয়ে পড়েছেন। বোধ হয় ঐটাই এখন
মায়ের বাৎসরিকের বিনিময়ে ব্যবস্থা। ঠেকেছেন এসে—
কান্দীর গঙ্গার পশ্চিম তীরে, একটি দ্বিতলের হল-ঘরে।
বাড়ীটি কোনো বড় লোকের, অধুনা বে-মেরামৎ।
গা-ডেলে কিছুদিনেই কোনো প্রসিদ্ধ স্তম্ভে ঠাড়িয়ে
ঘাবার আভাসও দিচ্ছে—গবেষকদের খোরাক যোগাবার
সদিক্কা পোষণ করচে। ধর্মক্ষেত্রের স্বাভাবিক ঝোঁকই
সংকর্ষে। রমেশ গর্ভ-গবেষক, সে ইতিমধ্যেই তার
ভাবী-নামকরণ করেছে—অ-সারনাথ, এবং দ্বারের সেটা
কয়লা দিয়ে বেগে দিয়েছে।

অজীর্ণ-জীর্ণ মনির খুব উত্তেজনাপূর্ণ আওয়াজে

বলতে বলতে এদে ঢুকলো, “বুঝলে, পশ্চিমের জল-
হাওয়ায় শরীরটা বেশ বাগিয়ে, মনটা তাজা করে নিতে
হবে। ঠম্যাক বেশ প্যাক করে খাওয়া চাই। এখন
সেরেফ্ আনন্দ আর আহা। মেসের মুখে মায়ের
ঝাড়ু। সেই গুলমুখো দেদো দামোদর ঠাকুর বেটার
শ্রীবদন কিছুদিন যে আর দর্শন করতে হবে না—এইটাই
পরম শাস্তি। বেটা নাগাড় নটেশাগের কাড়ি গিলিয়ে
গিলিয়ে নাড়ী বরবাদ ক'রে দিয়েছে! এখন দেখে
নিও—খিদেও যেমন চন্‌চন্‌ ক'রে বাড়চে, রক্তও ভেমনি
সন্‌ সন্‌ বেগ ধরচে। কি বল ?”

মনিরের হাতে ছিল একাংশ-এক্স একটা মুক্কা-শশা,
অপর হস্তে লবণ। বদন চর্কণ-চকল।

মুহুর ব্যাকুলবিশ্বাসে তার দিকে চেয়ে বললে, “হঠাৎ
এটার এত ক্ষুষ্টি চাগলো কিসে! পেটে তো গাঁদালের
ঝোল তলায় না, আজ যে ধামারের বোল শোনায়ে!
আবার শশা পাকড়েছে দেখছি? কিরবে না, না-কি ?”

“নাঃ—ও-রকম ‘ডিটার্মিন্ড’ (মরিয়া) বকা

সঙ্গে রাখা একদম সেক (স্থবিধে) নয়,—তা বলচি।
ওকে সরাও,—কাল ছ-ছ খানা ডালপুরী আর এক খাবা
জ্যাস্তো কুমুও-ঘট মেরেছে। মরবে নিশ্চয়ই। তার
পর ভবিষ্যৎ বিভাবিকাটা ভাবো। মণিহার্য মণিপিসির
ফোসফোসানির ঠালায় মেস ছাড়তে হবে—দেখে নিও!
কিন্তু অমন মেসও আর জুটবে না। বৃহস্পতি একাদশে
ভর না করলে অমন স্বধর মেলে না;—সাত মাসে সাড়ে
তিন টাকা—আর তাগাদা-পিছু এক কাপ চা পেয়ে,
কোন বোটা বুদ্ধিমান থাকতে দেবে বল তো।”

‘হিয়ার, হিয়ারে’র পর অভয় থামলো।

সে-কথায় কান না দিয়ে মনির তার বা-হাতটা লম্বা
ক’রে দিয়ে, ডান হাতের চোটোটা চিং ক’রে ধরলে।
বললে, “এটা গোমবার নয়, শনিবারও নয়—তাজা
কিউকথার আর এষ্ট মাতৃমিজ পবিত্র লবণ।
বুঝলে না? ফ্রুট-সন্ট চালাচ্ছি! তোমাদের Eno-র
নয়—খোদ মেনোর; আহার ওষুদ্ব হু-ই। কনেকটিকট্
পড়লেই হয় না, কনেক্ট করে মুখস্থ করতে হয়।” (সঙ্গে
সঙ্গে শশায় কামড়!)

সকলে ব্রেভো দিয়ে অভয়ের দিকে চাইলে।

অভয় পরাজয় স্বীকার করবার পাত্র নয়, বললে,
“অকস্মাৎ যখন এত বাড়, সত্যিই ও চললো। ওদের
ওটা হেরিডিটারি। আমাদের গ্রামেই ওদের বাড়ী,—
ওরা তিন-পুরুষ তীথে মরে আসছে। ওর জ্যোঠা
চন্দ্রনাথ পাহাড় থেকে পড়ে চুরমার! খুড়ো জিবেণী-
সদমে এমন ডুব মারলেন, যে আর উঠলেন না। মাতুল
ছিলেন পরম বৈষ্ণব, তাঁকে শ্রীকৃষ্ণাবনে ঝাঁকিয়ে বিস্ত্রী
রকম কামড়ে বৈকুণ্ঠে দিয়েছে। ওই বলুক, সত্যি কি
না। ও এখনও যখন রয়েছে—নয় চুনারে চল, নয় ওর
শব্দ ছাড়। এখানে থাকলে নিদেন ওকে বাঁড়ে নেবে।
দেখে নিও...

মনির বাধা দিয়ে বললে, “অভয়দা মার্ত্তভা, সো-দিন
চলা গিয়া। জানেন তো, গাড়ুই ছিল যার অবয়বের
অভিন্ন একাংশ, আজ তিন দিন তার অশোচ।”

ইতিমধ্যে দুটি আগন্তকের আবির্ভাব কেউ লক্ষ্য
করেনি।

একটি—আংলু-নলচের ‘মডেল’; মুখখানি চুনারের
কলকের মত ‘চিকি,’ এবং তেল-চাচে (clean
shavingএ) চক্চকে। ঝু-হাতে লেদারের ছোট
একটি স্ট্র-কেস। আধ-পোড়া-বাঁকারির মত
কবজিতে—রিষ্ট ওয়াচ্। ধপ্ধপে সার্টির ওপর
সিক্কের সুরু করে চাবিটা বুকপকেটে বিশ্রাম
করচে। ডান হাতে চাঁদির কপ্তি-পর্য বেতের
ছড়ি। পায়ে টাইশুজ পম্প-স্। ইনি বিশুদ্ধ মকরন্দজের
এজেন্ট, বার্থ-কন্ট্রোলার দুশ্পা দাওয়াইও রাখেন।

দ্বিতীয়টির ঘোলাটে রং, ভোলাটে ভাব, উদাস দৃষ্টি,
অন্তমনস্ক হাসি। আধ-ময়লা সার্টি, দরজি বোতাম
বসিয়ে দিলেও, তা ব্যবহারের মজ্জি নেই। পায়ে
ভেলভেটের ভুরু টানা স্মাগল্। বুক-পকেটে ক্লিপ-আটা
দু-দুটো ফাউন্টেন-পেন্। চোখে ‘আউল্-আই’ চশমা।
শয়ং—সাহিত্যিক, উর্দুর ঔপন্যাসিক। পরমা-ওলা অতীত
পিতার বর্তমান উত্তরাধিকারী। বাণী সেবায় অধুনা
ফতুর। নাম সোনালীভূষণ...

চুকে পড়ে উভয়ে থমকে দাঁড়িয়ে গিয়েছিলেন।
অভয়ের তখন বক্তৃতার মধ্যাহ্ন—আধ্যাত্মিক অধ্যায়
চলছে।

“মনিরের মাসির কথাটা ভুললে যে ভায়া;—
পৃথিবী সে বছর ‘সাগরে’ গিয়ে দক্ষিণ-রায়ের সেবায়
যে লেগেছিলেন! ওদের যে পেপ্পেয়ে পুণ্যোৎসব-সংসার।
ওকে পুলিশের জেমা ক’রে দেওয়াই ভাল। যা ভাল
হয় কোরো, কিন্তু সত্বর।”

সকলে সবিস্ময়ে চাইলে এবং সানন্দে বলে উঠলো
“একি,—সহসা ব্র্যাক-প্রিন্স (অন্নদাবাবু ওই নামেই আত্রক্ষ
পরিচিত) কোথা থেকে? অ্যাঃ—unexpected
bargain (অভাবনীয় আমদানী) বে! বহন বহন,—
আর ইনি?”

“সে কি, ওকে চেন না। এই দুজ্জিনে বাংলা
দেশের অর্ধেক দ্রৌপদ্য ওর বই পড়েই বেঁচে আছে।
হাতে করলেই একবেলা বেশ অনাহারে কেটে যায়,
পেটও জলে না, চুলোও জলে না! গরীব দেশের এতবড়
উপকার আর কেউ করেচেন ব’লে আমার তো জানা

নেই।—ঔপন্যাসিক সোনালী বাবু গো! গোর থেকে তুলে আনচি।—তাজমহলে বসেছিলেন...”

যে যে-অবস্থায় ছিল, শুনে স্টান দাঁড়িয়ে উঠে, “জ্যা:—সোনালীবাবু! উ: কি সৌভাগ্য” বলে খুঁক এলো।

“উ:—আপনার রিসেট ‘শশা-বিচি’ কি splendid production (চমৎকার সৃষ্টি) ; মালিনীর ‘ক্যারেক্টার’টা (চরিত্র)—উ: আপনিই সোনালীবাবু?”

রমেশ রিসার্চ-স্কলার,—কাশী এসে সহসা একটা কিছু পেয়ে গেছে, মাথা খুঁড়েও যা এতদিন মেলে নি। Ph.D. আর রোকে কে? সে এককোণে বসে পেছন ফিরে কলম টেনে চলেছিল। সবটাই মাথায় ছটোপাটি করে এসে গিয়েছে, বার ক’রে দিতে পারলেই—মার দিয়া। বিষয়টা বান-ডেকে আসায় কলম পেছিয়ে পড়ছিল। রমেশ তাই প্রত্যেক শব্দের প্রথম আর শেষ অক্ষরের মধ্যে ড্যাশ দিয়ে চলেছিল। অর্থাৎ notwithstanding a n—g বসিয়ে যাচ্ছিল। nothingএও তাই। Thrones a t—s, towardsএও t—s, তবুও মগজের যোগান সামলাতে পারছিল না।

কিন্তু ‘সাহিত্যিক’ সংজ্ঞাটা গন্ধার ইলিসের মত ‘ক্যাচি’, চট্ ক’রে কামড়ে ধরে—বাক্সালী মেয়েপুরুষকে টানে। রমেশও থাকতে পারেনি—উঠে এসেছিল। ভীষণ আগ্রহে বলে বসলো—‘ছাতে ছাতে’ বইখানা আপনারই লেখা? উ: কি powerful hand (বীর বাহ)—পড়ে পর্যন্ত নীচে আর থাকতে পারি না! থাকবেন তো? এই বাসায়ই থাকুন না!—এলুম বলে, বসে কথা না কইলে সুখ হবে না ”

ফিরে গিয়ে তাড়াতাড়ি কাগজ গোছাতে গোছাতে—“এটা কি লিখলুম! Towels না tomatoes? Tomatoesই হবে, থাক এখন...”

নিবারণের ওপর বাসার কর্তৃত্বভার। নিউমার্কেটে তার দরজির দোকান, নিজে সে ‘কাট’-সিক্স (best cutter) সাহিত্য-বাতিক তার নেই। সাহিত্যিক দেখেই সে জলে গিয়েছিল,—“যত হাবাতে জোটানো, সামলায় কে? ‘ছাতে ছাতে’-গুরুপুত্র এসে তৌ হাজির হলেন! সার্টির বে-ডউল cut, পাঞ্জাবী কি

টেনিস বোঝবার জো নেই। না দেয় বোতাম, যত বাজে মক্কেল! আজকাল ওই ফ্যাশান চলে নাকি?”

তার ওপর রমেশ যখন বললে—“নিবারণ-দা, বুঝলে জলখাবারটা চট্—ক্ষীরমোহন আর চমচম। কিছু কিমা-ও আনিও, বুঝলে! একজন সম্ভ্রান্ত সাহিত্যিক...ভাগ্যলব্ধ, বুঝলে!”

নিবারণ তখন তুষের আঙুন! বললে, “বুঝেছি বই কি, কিন্তু সম্ভ্রান্তদের দ্বারা আক্রান্ত হবার ‘প্রভিসন’ (ব্যবস্থা) বজ্ঞেটে ছিল না। ব্ল্যাক-প্রিন্স বয়সে বড়, তাঁর কথাটাই আজ রাখ না? কাজের কথাটায় কান ছিল কি? ঠাঁর ‘ছাতে ছাতে’ না-হয় ‘শশা-বিচি’—যা হয়, একখানা খুলে ব’স না, এ বেলাটা বেশ সহজেই কেটে যাবে, চুলো জ্বালতে হবে না—না ক্ষীরমোহন আনতে! উনিও কত খুশী হবেন...”

অতুল কেরানী, বিবাহের পর কবিতাও লিখেছে—সে উপস্থিত ছিল। নিবারণের নীরস কথাটার আঘাত তাকেও লাগলো। পরিবারের গয়না বাঁধা দিয়ে ভদ্রতা রাখতে কোনো দিনই তার বাধেনি। শাঁখা ছ’গাছার জোরেই তিনি বৈধবোর বিপক্ষে যুদ্ধেচেন।

‘আমিই আন্চি’ বলে সে বেরিয়ে গেল। নিবারণ চৈতন্যে বলে দিলে,—“দুঃখের মত।”

আহত রমেশ কথা না কয়ে ভাবতে ভাবতে ফিরল—“দোকান করলে মাছ মৎস্যসমাজ থেকে নেবে যায়। সার পি-সি রায়ের মাথা সারশু হইছে—তাই তিনি দেশটাকে মাড়োয়ারী বানাতে চান, সর্বনাশ করবেন দেখচি!”

মিনিট-পাঁচেক পরে রমেশ ফিরে এসে দেখে, নিবারণ চা পাঠিয়ে দিয়েছে,—অতুল চমচম নিয়ে হাজির। হল-ঘর মুখর।

রমেশের মনটা অনেকখানি নেবে গিয়েছিল, সে-ভাবটা কেটে গেল।

ব্ল্যাক-প্রিন্স চমচম চালাতে চালাতে বললেন,—“যে খুঁজে তোমাদের বার করেছি, রুড়কির পাহাড় হ’লে পরেশ পাথর বেরিয়ে পড়তো। দুঃখ নেই—এও আমাদের রত্নলাভই ঘটেছে। তার চেয়ে বড় লাভ,—চল্লিশ বছরে

পড়ে আজ অভয়ের মুখে ‘তিন পুরুষ’ যে ক’কে বলে সেটা শুন্তে পেলুম—amalgum (ঘট) of জ্বোঠা, খুড়ো and মাতুল,—অবশ্য মনিরের। এটা প্রকাশ করতে রবিবারুও পেছিয়েছিলেন। অভয় কিন্তু নির্ভয়!

হাসি পড়ে গেল।

অভয় অপ্রতিভভাবে—‘আমার বলার উদ্দেশ্য’ বলতেই, ব্র্যাক্স-প্রিন্স্ ব্ললেন, “খাক্!”—

—“কিন্তু মনিরের জন্তে তোমরা এত ভাবচো কেন বল তো? স্বীকার করি ও একটা dangerous item (কাড়া-বিশেষ), বিশেষ ক’রে pleasure-trip-এর পক্ষে—(আনন্দ অভিযানে) তবে ওর heredity (বংশের ধারা) যদি না চাগায়! I mean—পুণ্যসঙ্ঘের হুরভিসন্ধি। জেনে—ওর আর মার নেই। ডালপুরী যখন তলিয়েছে, যমপুরীর এলাকা ও পেরিয়েছে। তার প্রত্যক্ষ প্রমাণ এই স্ত্রীমান!”

“কি রকম?” ব’লেই সকলে সাগ্রহে উৎকর্ষ।

“বলচি, আগে একটা বিড়ি ধরায়!”—

—“হ্যাঁ, সে আজ বাইশ বছর আগের ঘটনা। দিন কাটাবার একটা আড্ডা ছিল, বেণী মাষ্টার সেটাও তখন ঘুচিয়ে দিয়েছেন,—ইন্সুলকে নিরাপদ করবার জন্তে! কিন্তু ক্লারিওনেট তো কেড়ে নিতে পারলেন না! ইন্সুলের সকলেই শিষ্য, তারা যাবে কোথা! তিনি শিক্ষা দেন আমি দীক্ষা দি। বেশ ফুত্তিতে কাটতে লাগলো। স্বদেশী মুড়ি জিনিষটা বড় ভাল-বাসতুম, সেটা কিন্তু পেটে সহিত না—মনোকষ্টের মধ্যে ছিল ওই। সহসা একদিন এক দান্তেই চোন্ত করে শুইয়ে দিলে; বুঝলুম তৃতীয়ে ঠিক্ চিত্তয়ে দেবে। মুড়ির কথাটা মনে পড়লো—মরার বাড়া গাল নেই—আর ভয়টা কিসের, এমন মওকা আর মিলচে না।

সময় সংক্ষেপ। চট্ ক’রে এক কৌচড় মুড়ি তেল হুন্ মেখে নিয়ে মাঠে চলে গেলুম, লক্ষা আর মূলো সংযোগে সহর উড়িয়ে দিয়ে, আকর্ষণ পুতুর জল টেনে, সেইখানেই গা ঢাললুম,—ওঠবার শক্তিও ছিল না।

ঘুম ভাঙলো রাত ৯টার, শরীর একদম স্বরবরে! এক খাকায় দুই লাভ ঘটল, প্রাণ পেলুম, কলেরায়

ওষুধও পেলুম। উপার্জনের কোনো উপায়ই ছিল না—ভগবান দিয়ে দিলেন।

দেশ তখন কলেরা ক্যাম্পে দাঁড়িয়েছে, ভাবলুম—কগী-পিছু পাচ নিলেই টেবিল হারমোনিয়ম কিনতে আর ক’দিন লাগবে!

হরে ছিল মায়ের এক ছেলে এবং আমার সাক্ষরদ। তার হ’ল কলেরা। মনটা খারাপ হয়ে গেল—ফাষ্ট্ কেস, কিন্তু ওর কাছে তো ফি নিতে পারব না। যাক্, ওটা ব্রহ্মাকেই দেওয়া গেল। সেও জানত আমি সেয়েছি এবং দেবতার দেওয়া দাওয়াইও পেয়েছি। মাঠে নিয়ে গিয়ে যেই ওষুধ প্রয়োগ—১৫ মিনিটে তার প্রাণও বিয়োগ! আমার সর্কনাশ ক’রে হরে সরে গেল—আমিও বাবার বাক্স ভেঙে সেই রাতেই বোখাই-মুখো। নান্যঃ পশ্য।

শুনে সোনালীবারু শিউরে উঠলেন, দার্ঘনিঃশ্বাস ফেললেন। প্রিন্স ব’লে চললেন, “সেই পর্যন্ত আমার পেটের দোষ সাক্ সেয়ে গেছে,—রাস্তায় ভুট্টা আর চিনেবাদামই আমার খাদ্য। কেবল অপয়া হরে মরে অমন ওষুধটার গয়া করে গেল,—সঙ্গে সঙ্গে আমারও! —মনিরের জন্তে তোমরা কিছুমাত্র ভেব না।”

সকলে অবাক হয়ে তনছিল গোপাল বললে, “তা হলে নরহত্যাও...”

—“আরে মায়ের এক ছেলে, সে মরতই, আমাকেই কেবল দেশত্যাগী করে গেল! এই যে ডাক্তারেরা রোজ দুচোখো মারচে আর মোটর কিনচে,—কপাল রে কপাল! মোটরের হার বাড়াতোই ত মৃত্যুর হার বেড়েছে—দেরি হয় না—হুঁয়েছে কি নিয়েছে! রাস্তাগুলোও গেল—লোকও গেল! হিঁদুর সংখ্যা আর কমাচ্ছে কা’রা?”

আধকপালে অবগুণ্ঠনে একটি জ্বীলোক এক খাল গরম জিলিপি এনে সকলের সামনে ধরে দিয়ে বিনীত স্বরে বললেন, “কিছু জল খান, আমার একটু দেরি হবে। বাজারে টাটকা ইলিস মাছ দেখতে পেয়ে নিয়ে এলুম কি-না। এ জিলিপিও তিরখুতের, অস্ত্রজ মেলে না। আপনারা বেড়াতে এসেছেন, খাবেন না?”

মনির সোৎসাহে ব'লে উঠলো, 'খুব খাবো—খুব খাবো, বেশ করেছেন, আমাদের তো সব জানা নেই, আপনি...'

মুহূর্তসাহে 'বেশ তো' ব'লে তিনি চলে গেলেন। অভয় প্রিন্সের দিকে চেয়ে বললে, 'দেখলেন, আপনি অভয় দিলে কি হবে, ওরে দেবতাতে টেনেছে। কেবল খাই খাই...'

প্রিন্স ও কথায় কান না দিয়ে প্রশ্ন করলেন, 'উনি?' নিবারণ বললে, 'ব্রাহ্মণের মেয়ে, এইখানেই থাকেন। আমাদের - রেষে খাওয়াচ্ছেন;—বড় ভাল। কিন্তু 'বিল'-এ (bill-এ) না পিলে শুকিয়ে দেন।—রোসো রোসো আগে—'এই ব'লে, চারখানা জিলিপি তুলে নিয়ে 'ব্রাহ্মণের মেয়ে, তাঁর তো আরও বেলা হবে—দিয়ে আসি—'

সকলে একবাক্যে ব'লে উঠলো, 'নিশ্চয়ই, নিশ্চয়ই—'

গোপাল বললে, 'শুভাংসি বহুব্রিয়ানি, আগে দিয়ে এসো দাদা।'

নিবারণ জিলিপি নিয়ে চলে গেল।

কেউ বললে, 'সোনার বেনে কি না, প্রগাঢ় নিষ্ঠা!'

কেউ—'কাশীতে ওই-ই কাজ করলে!'

কেহ—'নারীর মধ্যাদা-রক্ষা শিষ্টাচারের প্রথম সোপান।'

ইত্যাদি নির্দম প্রশংসাবাদের সঙ্গে জিলিপির স্বাদ গ্রহণ চলতে লাগলো।

জিলিপি এবং বাক্য দুই ছিল বেশ উপভোগ্য।—তর, তম-টার বিচার অনাবশ্যক।

নিজের প্রশংসা শুনতে নেই। নিবারণ এসে কেবল জিলিপিই পেলে এবং খেলে। ভালই হ'ল।

বৈকালে কোথায় কোথায় বেড়াতে যেতে হবে, কি কি দেখতে হবে, এই সব কথাই আরম্ভ হ'ল।

রমেশ বললে, 'যেখানেই যাওয়া যাক, সম্ভার পূর্বে কিছু একবার অহলাঘাট হয়ে আসতেই হবে। সোনালীবাবুকে পেরেছি—তাঁর অপিনিয়নটা...'

প্রিন্স জিজ্ঞাসা করলেন, 'কি সম্বন্ধে?'

'আছে, শুনতেই পাবেন। উনি কিন্তু যেতে চান 'সফট-মোচনে'।

হরেন বললে, 'সে আর আমরা কে না চাই—এর মধ্যে বেসফট আর কে? এই ক'টা দিন বাদেই তো ফিরতে হবে, এত শীগগির কি পাওনাদার বেটারা মরবে!'

নেপেন বললে, 'শুনেছি তিনি খুব জাগ্রত, তা হ'লেও দিনে দিনেই যেতে হবে কিছু। রাতে আর কে-না যুমান, দেবতারও ঢুল ধরতে পারে, কি জানি বাবা, যে ভাগ্য!'

অভয় বললে, 'মনিরকে কিছু নিয়ে যাওয়া চাই-ই। থাকলে...'

মনির কথা কইলে, 'আচ্ছা, আপনার 'অভয়' নাম রেখেছিল কে? বাপ মা তো এতবড় ভুল করেন না।'

প্রিন্স বললেন, 'আর কথাটি কয়না অভয়।'

পরে, কব্জি-ঘড়ি কাৎ করে—'ইস বারোটা বাজে যে, নাইবে না? তিন দিন আজ পেঁড়াপার্কণ চলেছে, ছুটি অন্ন দিয়ে ধন্য হও;—ওদিকে ইলিস মাছের গন্ধ পাড়াটাকে বাদশা-বাগ বানিয়ে দিয়েছে—আর অপেক্ষা করা সইবে না।'

সকলে হাসতে হাসতে উঠে পড়লেন।

এমন সময় ক্রান্ত, ঘর্মাক্ত স্বরেশ এসে উপস্থিত। সে সাউথ-গেট (দক্ষিণদ্বারী) বীমা কোম্পানীর এজেন্ট,—শিকারে বেরিয়েছিল।

'উঃ, তেঁয় ছাতি ফাটচে,' (জিলিপির থালা দৃষ্টে) 'এ কি, এক টুকরোও রাখনি যে দেখচি।'

ধনেশ বললে, 'টেঙ্ক দারোগা আর বীমার এজেন্ট যেখানেই যায় আদরের সীমা থাকে না; এমন অভদ্র কে আছে যে মুখমিষ্ট না-করিয়ে ছেড়েছে! কবার মেরেছ বলো!'

স্বরেশ,—'আচ্ছা বাবা-রস বৈ সঃ-ই' সই।' খানিকটে রস-সংযোগে এক গেলাস সরবৎ টেনে ফেলে 'আঃ—বাচলুম' ব'লে স্বক করলে, 'এটা দেখচি এজেন্টের আড়ৎ, যাকে ধরি সেই বলে 'পালটি-বদলে রাজি আছি'। এ গুরুর দেশ—শিয় নেই!'

হাসি পড়ে গেল,—‘তার পর ?’

—“হিতযাক্কা সকলকেই শোনালুম। শেষ বললুম, এখানে ‘ভৃগু’ যখন রয়েছেন আপনাদের তো খুব স্ববিধে। একবার দেখিয়ে পাওনাটা Whole life (ওপারে) Endowment (এপারে) বা Paid up policy (দায়-খালসী) যা ভাল বোঝেন তাই ক’রে নিয়ে নিশ্চিন্ত হ’ন। ভৃগুদর্শনী আমাদের কোম্পানীই দেবে। দেখচি কোনো ঘুঘু ভৃগুতেও ঘেড়ায় না! করবে কি, অনেকেই যে ছত্রপতি—ছত্রই ভরসা। যাক্—বসে থাকলে ‘তো চলবে না—বাই মাথা মুড়োবার জায়গাটা কাছেই, কাল একবার প্রয়াগটা ঘুরে আসি।”

নেপেন বললে, “এখন চলো—গঙ্গাস্নান ক’রে নিজের মাথাটা তো ঠাণ্ডা করো।”

ব্রাহ্মণ-কন্ডা স্বগন্ধি তৈলের একটা বোতল ঠক্ ক’রে সামনে রেখে চলে যাচ্ছিলেন,—নিবারণ বললে, “এ কোথা থেকে এলো—কার ?”

প্রিন্স বললেন, “কার আবার কি,—এসে যখন গেছে ও আমাদেরই। চলো...”

‘বলুন তো আপনি’—ব’লে, তিনি আর দাঁড়ালেন না, হাসিমাখা চোখে চলে গেলেন।

সকলেই নিবারণের দিকে চাইলে।

নিবারণ বললে, “এর পরয়া সাজ্জার-তবিলে নেই :—তা ব’লে দিচ্ছি।”

“তা কি জানি না, ও তুমিই দেবে।”

“না—ঠাট্টা নয় নেপেন।”

তেল মেখে তেলের স্নাত্যতি করতে করতে সকলে বেরিয়ে পড়লো।

রান্নাঘরের দোরে এক জোড়া চাপলি-চটি রয়েছে দেখে নেপেন বললে, “এ কার চটি ? যারই হোক, আমি পরে চললুম।”

“যান না—ও আপনাদেরই। দয়া ক’রে ফেলে না এলেই হ’ল।”

বামাঘর রন্ধনশালা থেকেই এলো। নেপেন বিস্ময়ে—“ওঃ, আমি মনে করেছিলুম.....”

“এখনও ভাই মনে করুন না। ভুল হবে না।”

“না, আমার যে আবার হারানো রোগও আছে।”

“যতই থাক, আমাদের চেয়ে বেশী নয়, আপনি প’রে যান।”

নিবারণ বোধ হয় কিছু ভুলে গিয়েছিল। ঢুকেই বললে, “কি হে এখনও দেরি করছো কেন ? এ কি, এ চটি যে...”

“হ্যাঁ তোমারই, তা একবার পরলুমই বা।”

নিবারণ আর কথা বাড়ালে না, বা বাড়াতে সাহস পেল না। “বেশ, এখন যাচ্ছ কি,—না আমিই এগুই ?”

“তবে আর ফিরলে কেন,—চলো।”

* * *

মানান্তে নেপেন রান্নাঘরের সামনে চটি খুলতে খুলতে বললে, “হারাইনি—এই রইলো।”

ঠাকরুণ দ্বারের কাছে উঠে এসে হাসতে হাসতে বললেন, “এই যে ঠিক আছে। আমি তো বলেছিলুম আপনারা হারান না,—বদলান...”

তার পর সোরগোল আর ইলিস মাছের ঝোল অঞ্চল এক সঙ্গেই চললো। চিনিপাতা দখিটা নিবারণ স্বয়ংই বিতরণ করলে। ব্রাহ্মণ-কন্ডার যত্নস্বাস্থিতে সকলেই দেড়া চালান দিয়ে বসলো। প্রশংসার প্রস্রবণ বয়ে গেল।

এতক্ষণে মাথা তুলে ব্রজেশ্বর স্নেহস্বরে বললে, “কই তুমি বসলে না, নিবারণ ?”

নেপেনের মন ঘোলাচ্ছিল, সে বললে, “সে কি, ম্যানেজার বসবে কি ? তোমাদের কর্তব্যজ্ঞান তো খুব। এইবার যাও ভাই আর দেরি করো না—রান্না ঘরে ব’স গিয়ে। ঠাকরুণ...”

স্বহস্ত-প্রস্তুত একখালা পান আর বাদলরামের বাস্ত-জরদা পেস্ ক’রে দিয়ে ঠাকরুণ চলে গেলেন।

ব্রাহ্মণ-প্রিন্স বললেন, “এই দরদী জাতটা না থাকলে জগতটা একদিনেই আলুনি মেরে যেত। ভোজনটা কেবল পশুর মত চর্কণেই শেষ হ’ত। এই যে স্নেহযত্ন, গুটার মধ্যে কোনদিন এতটুকু খাদ পাবে না। হোটেলের ‘খানা’ দাড়ি বয়ে আসে—এ আসে নাড়ি বয়ে। নাও, এখন সব একটু গড়াও—আর বসবার বল নেই।”

অভয় বললে, “তা ঠিক, এখন শুয়ে শুয়ে বিড়ি আর bed-talk চলুক।”

রমেশ সোনালীবাবুকে নিয়ে বারাণ্ডায় বৈঠক বসালেন।

খাতা হাতে দেখে ব্রজেশ্বর বললে, “সর্বনাশ করলে, সাহিত্যিক খসড়া খোলেন যে,—শোনাবেন না কি?”

নেপেন চমকে উঠলো, “বল কি! কলকেতা ছেড়েও যে রেহাই নেই! সব চোখ বোজো—চোখ বোজো!—অভয়-দা কবে আর কাজে লাগবেন—নাকটা ডাকান। ওতে ছুঁকাজ হবে, এখন সেরে রাখলে রাতে আমরা একটু ঘুমতেও পাবো।

সকলে হাসি-মুখে চোখ বুজলে।

—“নাঃ, আমাদের ফাঁড়া কেটে গেছে। রোজাকেই ভুতে ধরেছে। শুনছ না—ইংরিজি। রমেশের রিসার্চ চলেছে। সাহিত্যিক এবার বুঝতে পারবেন, নিরীহ বন্ধু-বান্ধবদের কি পীড়াটাই দেন। তার আশ্বাস একটু উপভোগ করুন!”

অভয়ের নাক-ডাকা স্বর হয়েছে দেখে সকলেই চোখ বুজলে।

ওদিকে রমেশ সোনালীবাবুকে তার ‘থিমটা’ শোনাতে গিয়ে বিষম বিপদে পড়ে গেল। প্রতি লাইনেই হোঁচোট খায়। এমন সাটে সেরেছে যে সবটাই মাঠে মারা গেছে। দৌম্, ডিমে দাঁড়িয়ে গেছে। শেষ নিজেই বিরক্ত হয়ে বললে, “থাক, লেখাটা রাত্রে ঠিক ক’রে রাখবো, কাল শুনবেন।”

সোনালীবাবুর ঢুল ধরেছিল, বললেন, “সেই ভাল। ও এখন কতবার কাটতে হবে! If you have the theme, the padding comes easy enough—বাঘ শিকারটাই শক্ত, তারপর খড় ভরে বৈঠকখানা সাজাতে কতক্ষণ।”—মনে মনে বললেন, “আঃ, বাচলুম!”

“নিবারণের লক্ষণ-ভোজন শেষ হয় না যে!”—নেপেন কোনমতে চোখ বুজতে পারলেন না।

চারটে না বাজতে হালুয়া আর চা প্রস্তুত। সকলে

উঠে পড়লো। “ইস—সেবাস্ত্রম, সফটমোচন, অহল্যা-ঘাট আর কখন দেখা হবে!”

“একদিনেই তো সব উঠে যাবে না,”—ঠাকরুণ হৃদয় কণ্ঠের হুমিষ্ট রেখাপাতে ব’লে চলে গেলেন।

—সকলের কানে যেন পায়রার পালক বুলিয়ে দিলে। —“ঠিকই তো—এ তো রথযাত্রা নয় যে মাসীর বাড়ী পর্যন্ত দৌড়। এসব পরজন্মের জন্তেও ফেলে রাখা যায়,—কায়েমী মাল। নাও চলো, আজ সফটমোচন হয়ে সফট সামলে আসা যাক। এতে তো আর দ্বিমত হবার সম্ভাবনা নেই,—ওখানে সকলেরই টিকি বাঁধা।” এই ব’লে সকলে হালুয়া আর চা চট্ ক’রে সেরে নিয়ে উঠে পড়লেন।

রমেশ একটু ক্ষুধা হ’ল, বললে, “সোনালীবাবুর বড় ইচ্ছা ছিল অহল্যাঘাটে যাবার।”

ব্ল্যাক-প্রিন্স বললেন, “আরে সে-হজ্ঞা বার মাসই বজায় থাকবে, ওটি বিশ্বনাথের ‘টকি-ফিল্ম’।”

সকলে বেরিয়ে পড়লো।

যে-যার জোড় খুঁজে নিয়ে কথা কইতে কইতে চললো। নিবারণের সঙ্গী হ’ল নেপেন—অযাচিত এবং অপ্রিয়ও। সোনালীবাবুকে পেয়ে রইল রমেশ,—স্থান নিলে সবার পশ্চাতে এবং ফোটাতে লাগলো ডিম্—theme.

সফটমোচনের এলাকায় ঢুকে সোনালীবাবু ব’লে উঠলেন, “বাঃ, এ স্থানটি দেখচি কোলাহলের বাইরে। কি শান্ত নিরাল। এইখানে বসে অবশিষ্ট দিনগুলি কাটিয়ে দিতে পারলে আর কিছুই চাই না।”

অভয় বললে, “কিন্তু এই শান্তি ভঙ্গ করবার লোক যে বাড়ীতে আমদানি করে রেখে আসা হয়েছে মশাই—সহ বিবিধ ‘প্যাটার্নের’ পক্ষপাল। একমাত্র ভরসা বুধি গাইটে,—পাঁচ-পো করে দেয়। বাতে ভুগছি, হারাম-জাদাদের জন্তে আপিন ধরবার উপায় নেই। সেই অক্ষৌহিনী সেনাসহ তিনি সবগে এসে পড়লে আর ধোর-পোষ দাবি করলে, তখন শান্তি খুঁজতে হবে গঙ্গাগর্ভে।”

হয়েন বললে, “অভয়-দা খেমা দাও, দেবস্থানে আবার

ওসব অলক্ষণে কথা কেন মনে করিয়ে দাও। তা হ'লে আর বাইরে বেরিয়ে পড়েছ কি হুংখো! দেখছি প্রতিপদটা সেই অগন্ত্যেরই একচেটে ছিল। কতবার তো প্রতিপদ দেখে বেরুলুম,—ফি-বারেই কি ফিরতে হয়!”

একজন সেবায়েৎ বললে, “বাবুজি, যার ঘো কামনা আছে চাইলে লিন্, স্কট থাকে তো ছুটিঘে লিন্। হামি দরোয়াজা খুলিয়ে দিচ্ছি।”

দরজা খোলবার আগেই দালানে সব ভক্তিবরে গড়াগড়া সাষ্টাঙ্গ হলেন...

শ্রীকৃষ্ণ বললে, “বাবা সবই জানো—তবু বলা ভাল—অধিকন্তু ন দোষায়। কৃষ্ণে কুমীরে পেয়েছিল বাবা, দেড় টাকা মাইনে বাড়লো দেখে, কুমীরের চামড়ার সেই স্কটকেসটা ৫৭ টাকায় নিয়ে ফেললুম। সাত টাকা ফেলও দিয়েছি, তবু বেটার তাগাদা মেটে না! তেত্রিশ টাকা মাইনের আর দিলে জরদা, চা-সিগারেট ছাড়তে হয় বাবা। আপনিই বলুন, তাতে ভদ্রসমাজে থাকা যায়? সোনার বোতাম জন্মের মত বাঁধা দিয়েছি! এই কটা দিনের জন্তে প'রে আসবো ব'লে একবার চাইলুম, ছোটলোক দিলে না। সে স্কটকেস পড়েই রয়েছে বাবা—আরশোলা আর ইঁদুরে ওপরটা এমন দাগি করে দিয়েছে, সেদিকে আর চাইতে পারি না। তার মধ্যে কেবল ক্লারিওনেটটি পড়ে আছে। তাতে ফুঁ দিলেই সাতাশ টাকা পাওনার স্বর শুনিয়ে শিউরে দেয়। একটা উপায় করে দাও বাবা, পাওনাদার বেটারা আর না খেঁচকায়। কবে নোটিশ দেবে,—সর্বদাই সশঙ্ক থাকি। কানাড়া রাজ্যে গিয়ে কখন পূরবীতে এসে পড়ি! এমনি মনের অবস্থা,—সে তো তুমি জানচই। এই দেখ না বাবা—ভদ্রসমাজে যখন বা ঢেউ ওঠে, ভদ্র-লোকের ছেলে—তা তো করতেই হয়। আসবার সময় ১১ টাকায় এই এক জোড়া নিতেই হ'ল।—ওই পাহারা-ওলারা যা পায়ে দেয় তারিরই এই শীর্ণ সংস্করণ—একটু চাঁচা-ছোলা।”

স্বরেশ প্রার্থনা জানালে, “তুমি আর কি-না জানো প্রহু, কোন্টাই বা জানাবো, তিন-তিনটে রাত্তা ছাড়তে

হয়েছে বাবা। যাদের দোকানে চুল ছাঁটতুম—কেউ সতের টাকা পাবে, কেউ আট, কেউ ছ' টাকা! এই দেখ না চুলের অবস্থাটা; শশে নাপতেতে আবার রিভার্ট করতে হয়েছে, দেখচো তো বেটা কি ক'রে দিয়েছে! হেজেলিন কবে ফুরিয়ে গিয়েছে—শিশি ধুয়ে দাড়িতে বুলিয়ে মনে শান্তি আনতে হয়। অধিক কি বলবো বাবা, ভিনাসের ছবিখানা কিনে বাঁধাতে পারিনি; আট টাকা চায়। এক মাস সিগারেট খাইয়ে এক নতুন ইয়ং দোকানদারের দয়্য বাঁধিয়ে, ঘরে টাঙিয়েছিলুম। একদিন গিয়ে দেখি—খোলার চাল চুইয়ে, ময়লা জল পড়ে তার মহিমা মাটি ক'রে দিয়েছে। অশিক্ষিতা পরিবারের ফৌস কত,—ছবি এসে পর্যন্ত ওপর দিকে চাইতেন না। দেশে আটের তো এই কদর! সে দেশের কি ভালাই আছে? সে মরুকগে, এখন রূপা ক'রে অবৈধ রাণ্ডালোর ব্যবস্থা ক'রে—অবাধ ক'রে দাও বাবা। তোমার পক্ষে কিছুই কঠিন নয়। প্রয়াগে যাচ্ছি—পাচটা মাথা যেন মুড়তে পারি।”

বিনয় সবিনয়ে জানালে, “ঠিক বলচি বাবা, তুমি না রাখলে দেশে ফিরতে পারব না। আজ ছ' বছর হ'ল পত্নীর হার-ছড়া বাঁধা দিয়ে ‘ফটো-ক্যামেরা’ কিনি। সতীশের মুণ্ডে দার্জিলিং যাবার সুবিধে হ'ল কি-না; পাড়ার্গেয়ের মত ‘উইল্ডার্ট ক্যামেরা’ যাওয়াও তো যায় না! ভদ্রোচিত একটা স্কটও বানাতে হ'ল,—সস্তর দিতে হবে, হোম-স্পান কি-না।

—“টাইগার হিলে ষ্ট্যাণ্ড বসিয়ে কোকাস ঠিক করছি, এমন সময় এক দমকা হাওয়ায় ক্যামেরা গেল খড্ডে। হার তো গিয়েই ছিল,—ক্যামেরাও গেল। তুমি তো দেখেই থাকবে। আমাকে কেন বাব্বের পেটে দিলে না বাবা! সেই তো বাঘিনীতে থাকে! এখন শরণাগতের উপায় করে দাও বাবা, বাড়ীতে চোকবার জো নেই।”

রমেশ তার আবিষ্কার সব্বন্ধে জানালে ও মানত করলে।

অর্থাৎ এ কাজে কেউ কম গেলেন না। সকলকে হারিয়ে দিলেন সোনালীবাবু, বেহেতু তিনি উঠে কৌচার খুঁটে বার-বার চোখ মুছলেন। দেখে সকলে

ভাবলে,—ইস্‌ ভারি ভুল হয়ে গেল। এক ফোঁটা চোখের জল ফেললেই হ'ত।

ব্র্যাক-প্রিন্স বললেন, “ওটা বাতীর জ্বলো থাক্‌।”

নিবারণ সকলের শেষে উঠলো।

নেপেন যেন মুখিয়ে ছিল, নিবারণকে বললে, “নাম জ্ঞানতে? বেনামী সঙ্কল্প হয় না।”

নিবারণ কথা কইলেন না। কেবল বিরক্তভাবে তার দিকে তাকালেন।

পাণ্ডা প্রশামী চাওয়ায় সকলেই দু-এক পয়সা দিলে, সোনালীবাবু একটি সিকি দিলেন।

তারপর প্রত্যাবর্তন। সোনালীবাবু উদাসভাবে বললেন, “এ স্থান থেকে আর ফিরতে ইচ্ছে হয় না।”

রাত আটটার পর সব বাসায় ফিরলেন। সোনালীবাবুর সদাই একটা বিষয় উদাস ভাব দেখে, সেই সম্বন্ধে প্রশ্ন উঠতেই ব্র্যাক-প্রিন্স বললেন, “অতবড় সাহিত্যিক এনে হাজির করে দিলুম, তোমরা ওঁর কাছে কিছুই শুনতে চাইলে না? একপ্রকার অপমান করা নয় কি, নিজেদেরও অরসিক প্রমাণ করা।”

অভয় বললে, “আমিও সে কথা ভেবেছি, কিন্তু উনি যে-রকম বিষয়মুখে থাকেন, সাহস হয় না।”

ষিঞ্জন বললে, “ওঁদের চিন্তা কত, সব সময়ই মাথা বোঝাই। বোধ হয় মনে মনে একটি ট্রাজেডি টেনে চলেছেন।”

নেপেন বললে, “তা ছাড়া রমেশ ওঁকে যে বেকাঁক দখল ক'রে ফিরছে। ওঁকে ‘থিসিস’ শোনাচ্ছে।

শেষ হির হ'ল—আজ তার কাছে কিছু শুনতেই হবে। সুবিধাও হ'ল; বাসায় উপস্থিত হবার পর, ঠাকরুণ করুণ স্বরে শুনিতে দিলেন, “হাঁটুনি ত কম হয়নি—এক কাপ ক'রে চা আর এই সামান্য কিছু মুখে দিন, খেতে একটু রাত হবে।”

এই বলে, এক থাল বাদাম পেস্তা আখরোট আর কিস্মিস—কয়েকটি গোলমরিচ মিশ্রণে জাফরাণের সম্বা দিয়ে ঘিয়ে ভেজে দিয়ে গেলেন। স্বপ্নে মগজ ভরে গেল।

স্বরেশ বললে, “সবই বাবার কৃপা, সফটমোচন

বোধ হয় মেওয়া থেকেই শুরু করলেন, জাগ্রত দেবতা,... আর ভয় নেই।”

নিবারণ ব্যাজার হয়ে ঠাকরুণকে বললে, “আপনাকে এসব বাড়াবাড়ি করতে কে বলেছিল? অমনি তো আর হয়নি,—খরচ আছে, সেটা.....”

ঠাকরুণ সে কথা গায়ে না মেখে বললেন, “খরচ ছাড়া আর কোন্‌ কাজ হয় বলুন? আমোদ ক'রে বেড়াতে বেরিয়েছেন,—(নিয়কটে) শমন দিয়ে তো কেউ টেনে আনেনি। না এলেও তো চলতো। গরীব দুঃখী—যা জানি ইচ্ছে থাকলেও তার ব্যবহার করবার উপায় তো নেই! আপনাদের দৌলতেই করে-কয়ে সাধ মেটাই। আপনারা আমোদ ক'রে খেলেই সার্থক মনে করি।”

তার গলা ধরে এসেছিল। ব্র্যাক-প্রিন্স বললেন, “নিবারণ ম্যানেজার, ওর কর্তব্যটা ও আমাদের শুনিতে সেরে নিলে,—ওকি সত্যি কিছু বলেছে! আপনি দুঃখিত হবেন না—বরং বা-বা ইচ্ছে হয় নিশ্চয়ই ক'রে খাওয়াবেন।”

তিনি ধীরে ধীরে চলে গেলেন।

নেপেন নিবারণকে বললে, “বাও হে, আবাব না কিছু ক'রে বসেন।”

সোনালীবাবু কথা কইলেন, “যা এলো ওর বস্তু অংশটাই শুধু উপভোগের নয়, ওর মধ্যে মায়েদের পাই, রমণী-সুদয়ের নিভৃত সন্তার পরিচয় ওর প্রত্যেকটির মধ্যে রয়েছে।”

প্রিন্স বললেন, “সেটা অস্বীকার করবার কি উপায় আছে! মুখ বেইমানী করলেও—প্রাণ মাথা হেঁট করিয়ে ছাড়ে!—ইস্‌ খালার মাল যে মনিরের দখলে!”

সকলে সচেতন হয়ে মেওয়া-মিক্‌চারে মন দিলেন।

প্রিন্স সোনালীবাবুর দিকে তাকিয়ে বললেন, “আপনার সাহিত্য-সাধনা সম্বন্ধে কিছু শোনবার জ্বলো আমরা সকলেই উৎসুক। কি ক'রে এত অল্প দিনের মধ্যে এমন অসীম শক্তি অর্জন ক'রে সমগ্র দেশের ভক্তি আকর্ষণ করলেন, তার ইতিহাস আপনার মুখে শুনতে পেলে আমরা কৃতার্থ হব। জীবনী তো বেকবেই, কিন্তু কবে আছি কবে নেই—”

ইত্যাদি সাগ্রহ অস্থরোধ এড়াতে না পেরে সোনালীবাবু উল্লাস হাসি টেনে বললেন, “শোনবার মত কিছু নয়—মামুলি কথা। ওটা রোগ ছাড়া অস্থ কিছু নয়,—আপনা আপনিই বাড়ে। ম্যালেরিয়া বলা চলে। তবে ওর সঙ্গে বায়ুবদ্ধি দেখা দিলে কল্লনার শ্রীবৃদ্ধিটা সহজেই হয়। সেটা সৌভাগ্য-নাশপক্ষ। আমাদের এটা ম্যালেরিয়া। সমালোচকেরা কুইনিন চালিয়ে মাঝে মাঝে দাবিয়ে বা দমিয়ে দেন। তাতেও যার না যায়, তাকে উপবাসে ছাড়াই। উপবাসই সাহিত্যিকদের চরম ব্যবস্থা। ঐটাই উপকারে লাগে। আমার এখন সেই ঠেক্ চলছে। ওটা না থাকলে দেশের সমূহ শঙ্কা ছিল,.....”

সকলে উদ্গ্রীব হয়ে শুনছিলেন,—খেতে ডাক পড়লো।

“আচ্ছা—এসে হবে” ব’লে সকলে উঠে পড়লেন।

অভয় বললে, “বাঃ, যেন আয়ুর্বেদ শুনছিলুম—”

রমেশ বললে, “কি ইন্টারেস্টিং! সাহিত্যিক একেই বলে,—একেবারে ওর সাইকলজি থেকে স্ক্রু করেছেন,.....”

আহারের ব্যবস্থা দেখেই সব অবাক। কি পরিচ্ছন্নতা! বসবার আগেই তৃপ্তি এসে যায়, ভ্রাণে ক্ষুধা টেনে আনে।

পেতলের বালতি-হাতে ঠাকরুণ পাতে যা দিলেন—তা পোলাও। বললেন, “ঠাণ্ডাটা বড্ড পড়েছে, তাই চারটি ঘি-ভাতই করেচি।”

নিবারণ মাথা তুলতেই ব্লাক্-প্রিন্স বললেন, “খবরদার, আজকের খরচ আমার।”

ঠাকরুণ সহসা স্তম্ভুর বামাকণ্ঠে বললেন, “কাট-ছাঁট ভাল করতে পারাই তো ওঁর ধর্ম। আজ কিন্তু বেশী পড়েনি,—আমরা গেরস্তের মেয়ে,—estimate exceed করেনি,—” কথাটা ব’লে ফেলেই সলজ্জে রান্নাঘরে দ্রুত গিয়ে ঢুকলেন।

সকলে মুখ চাওয়া-চাওই করলে। মুখ-ফোটাবার মত ফাঁক পেলেন না। যা মুখে পড়ে সবই যে অপ্রত্যাশিত স্বাদ!

ব্লাক্-প্রিন্স বললেন, “সত্যি ক’রে বোলো—এরকম all round splendid (সর্বাংশে স্থলর) রান্না কখনও উপভোগ করেছ কি না! নথু খানসামার খুতু-মার্জিত প্লেটের পুডিং পেটে কম পড়েনি। এর শ্রদ্ধা যত্ব স্বাদ যেন প্রত্যেক জিনিষকে পবিত্র ক’রে দিয়েছে।”

সুরেশ বললে, “মাংস খাবার জন্তে অনেক পরিশ্রম করছে, ‘গ্রাম-ফেড্’ এনে দিয়েছি, খেয়েচি কিন্তু ঝালের ঝোল,—না ঝোয়াদ, না...”

ঠাকরুণ বোধ হয় শুনছিলেন, মুখদে’ ইংরিজি বেরিয়ে যাওয়ায় লজ্জায় আসতে পারছিলেন না। থাকতে পারলেন না, ঘি-ভাত নিয়ে চলে এলেন,—বলতে বলতে, “ও-সব কথা বলবেন না—বেইমানী হয়। তাঁদের শ্রদ্ধা যত্ব, সাদিকি যে আর কোথাও মেলে। সে আপনারা বুঝবেন না। ঠাকুর-দেবতার ঘরে পেঁজ তো চলে না—তাই বোধ হয়...পেঁজ ভালবাসেন বুঝি?”

নেপেন একটা কথা ক’বার তরে মরছিল, বললে, “আপান দিলেন কেন? কি ক’রে জানলেন যে আমরা খাই?”

কবজিটা দিয়ে মাথার কাপড়টা টেনে ঠাকরুণ বললেন, “না দিলে ওই ঝালের ঝোলের সার্টিফিকেট (জিভ কেটে) মিলতো তো! ওটা আমাদের বুকে নিতে হয়। ‘তৃণ্ড’রও বলতে সাহস হবে না যে আপনারা হবিষ্যি করেন! আপনারদের উপোসী রাখবো না-কি?—কি দেবো বলুন!”

অভয় সভয়ে বললে, “মাংস ধ্বংস করচি তো কম নয়,—আর চাইলে পাবো কি?”

“ওমা সে কি কথা!” ব’লে তিনি ছুটে মাংস আনতে গেলেন।

“এ মেয়েটি কে!” সকলের মুখেই এই ভাব ফুটে উঠলো।

“কার কি চাই—চেয়ে নেবেন, সব জিনিষই আছে”—বলতে বলতে এসে মাংস ‘রিপাট’ করলেন।

শরৎ বললে, “শেষ কিন্তু আমাদের নয়, আপনার; এ রান্না এ বয়ঃশতরবাড়ীতেও কেউ পায় না।

—“দেশে ওই মধ্যাহ্নিক কথাটা সকলেই কয়, ওই তুলনাই দেখ; তাতে বনেদের কতখানি অপমান করা হয়, তাদের কতটা লাগে, সেটা কেউ ভাবে না! তাদের স্নেহ, তাদের যত্ন কেউ দেখতে পায় না। বাদ সাধে বটে অবস্থায়,—অন্তরটা তো দেখাবার জিনিষ নয়।”

চলে গেলেন,—শেষের মুহূর্তটা সকলের কানে আর প্রাণে লজ্জা আর ব্যথার হুরে বাজতে লাগলো।

সোনালীবাবু চোখের জল ঝালের ছলনে সামলালেন, একটা নিঃশ্বাস ফেলে বললেন, “এই ভাগ্যবঞ্চিতা, হুঁহু, সাধারণ শ্রেণীর মেয়ে নয়।”

* * * *

ক্রমে ফেরবার দিন এগিয়ে এল। ঠাকরণের সে লুপ্ত ভাব মিলিয়ে আসতে লাগলো, শরতের সাধা মেঘের ফিকে ছায়ায় মত ঝঁঝ মলিন। দু-একটি কথা যা ক’ন—নিতান্ত আপনার লোকের মত।

খেতে বসে কথা-প্রসঙ্গে অভয় বললে, “আমাদের যে অর্ধেক লোক বিশ্ববিদ্যালয়ে-বাঁধা—পরীক্ষা সামনে। কেউ রিসার্চে রয়েছে, তাই ফেরবার জন্তে চকল হয়ে উঠেছে।”

“আ মরি মরি!—এই-সব রত্নদের (নিঃশ্বাস গড়লো)—আ মরি মরি,—”

“তা হোক, পড়া ছাড়েন নি তো? ভুলে যান, মনে রাখবেন না, ভাল হবে। ভালয় অভালয় তকাতো ওইখানেই।—এই তো বুদ্ধিমানের কাজ!”

এই রকম দু-চারটে কথা মাত্র।

তার পর দেখা-শোনা সারতে সকলেই ব্যস্ত।

আজ ফেরবার দিন। ‘টুথ-ব্রাশ’ (দাঁত-ঝাড়ু) আর পেট্ ঘষে, শেভিং সরঞ্জাম নিয়ে সব বসে গেলেন। শেষ—তাড়াতাড়ি সব গুছিয়ে রেখে আন ক’রে এসে খেতে বসলেন।—মাছের ঝোল, মাছ ঝালদে’, মাছের অঞ্চল, দই।

ঠাকরণ বললেন, “আজ সব সাদাসিধে।”

ব্র্যাক্স-প্রিন্স বললেন, “কবিন প্যাক মাংস আর গরম মশলার পর এ ঘেন আজ অব্যত লাগছে—শান্তিজন

পড়চে। শরীরে একটা ঝাঁঝ বেরচ্ছিল,—জুড়িয়ে দিলেন।”

মনির গোথ্রাসে গিলছিল, বললে, “খেয়েনি—আবার তো উত্তরের ভার সেই দামোদরের ওপর!”

আহারাদির পর পান খেয়ে সব ‘কোব্’ বার করে জুতোর সেবায় মন দিলেন। দু’ঘণ্টা পরেই বেকুতে হবে।

ঠাকরণ বললেন, “এখনও চের সময়, একটু গড়িয়ে নিন—

—“অনেক অপরাধ, অনেক বাচালতা ক’রে থাকব, ভয়ী ভেবে ক্ষমা করবেন। নানা কারণে মনে মাথায় ঠিক থাকে না।”

তার চোখ জলে ভরে এল। শেষের কথা-কয়টি যেন ব্যথায় টুন্ টুন্ করছে। সকলকে কাতর ক’রে দিলে।

ব্র্যাক্স-প্রিন্স তাড়াতাড়ি বললেন, “সে কি, তোমার আবার অপরাধটা কোথায় হয়েছে?”

—“আমরা বিদেশে এসেছি,—বাসায় রয়েছি, এ কথা একবার মনেও আসতে দাওনি। এমন নিশ্চিন্তে তো কোথাও কোনবারই থাকিনি;—এত যত্ন কোথাও পাইনি।”

“জগতে আমার এই শোনাটুকুতেই স্বখ” বলে, দু’হাত এক করে মাথায় ঠেকিয়ে বললেন, “আর তো কোনো কাজ নেই—আমি এইবার চললাম।”

—দ্রুত চলে গেলেন।

নিবারণ চেষ্টায় ব’লে দিলে, “আমাদের বেকুতে তিনটে, দেরি করবেন না। ঘণ্টাখানেক পরে আসবেন, হিসেবটা……”

সরলা তখন একটি গলির মধ্যে।

* * *

সাড়ে চারটে আন্দাজ ট্রেন ছাড়বে, তিনটে বেজে গেল। ঠাকরণের যে দেখা নেই! বাড়ার রকক রামজি মুটে ডেকে এনে দিলে।

আর তো অপেক্ষা চলে না। নিবারণ সব বস্ত্রগুলো মেখে নিতে গিয়ে দ্যাখে—রাধাবরে কাপড়-বাঁধা একট

চেঁচারি রয়েছে, তাতে যথেষ্ট লুচি (তখন ও গরম) কপির ফুল ভাজা, বেগুন ভাজা, হুন লঙ্কা আর আব-সন্দেশ!

সকলে দেখে অবাক! কেউ তো বলেনি! কিন্তু তিনি কই?

বাড়ীর রক্ষক বললে, “তিনি তো আর আসবেন না,—চিত্তরঞ্জন-পার্কে গিয়েছেন।”

“তার পাওনা যে... ..”

রক্ষক হেসে বললে, “সরলা মাদ্রিতো কিছু নেন না; দরকার থাকলে চেয়ে নিতেন। আপনারা আর দেরি করবেন না...”

সে কি কথা!

“তার পাওনাটা তুমি রাখ না রামজি,—দিয়ে দিও।”

“বাপ রে!”

উপায় নেই—সময়ও নেই। বেরিয়ে পড়তে হ’ল।

গোপোলায়ার মোড়ে—লোকের ভিড়। জাতীয়-পতাকা, আর হুমধুর ছন্দে—বন্দে মাতরম্।

এইখানেই গাড়ির অভ্যাস।

মহিলাদের প্রবেশন। লোকে লোকারণ্য। সর্কাগ্রে পতাকা-হস্তে—‘পতাকা-পেড়ে’ টব্টকে লাল শাড়ি-পর্য্য এক হুন্দরী যুবতী—চার দিকে যেন একটা পবিত্র প্রভাব বিকীরণে সকলকে আকর্ষণ করে নিয়ে চলেছেন।

ভীরা না-কি গ্রেপ্তার হয়ে চকের থানায় চলেছেন। তিনি একটি প্রোচাকে দেখতে পেয়ে, আঁচল থেকে রিং-স্বস্ত্র চাঁবি খুলে ছুঁড়ে দিলেন। প্রোচা তুলে নিয়ে চোক মুছলেন।

নেপেন ব’লে উঠলো—‘তিনিই তো!’

প্রোচা শুনতে পেয়ে বললেন, “কাকে খুঁজচো বাবা,—ও আমাদের সরলা,—এই করেই গেল।”

“উঁন যে আমাদের কাছে টাকা পাবেন; কদিন..”

“আ আমার পোড়া কপাল,—ও কি টাকার জন্তে...”

সকলের মুখেই অক্ষুট প্রশ্ন প্রকাশ পেলো—“তবে?”

প্রোচা বললেন, “বাবা, আমাদের সব কথা কি তোমরা বুঝতে পার—না, আমরাই তা বলতে পারি। ও ছিল এক সব-জন্মের মেয়ে। যেখানে পড়তো,—ছুটো পাস!—

—“সে-সব কথা শুনে আর কি হবে। বাপ-মা দুই নেই, কেবল কাশীর বাড়ীখানি আছে,—তারই একখানি ঘরে থাকে। গরীব দেখে বাকি অংশ আমাদের থাকতে দিয়েছে। ভাড়া নেয় না।”

“ওর স্বামী?”

“সে কথা কবার মত নয়। কপাল!—

—“যেখানে সেবার কাজ সেইখানেই সরলাকে পাবে।

জগতে—বয়সে বড়রা এখন ওর মা-বাপ, সম্বৎসারী—ভাই-বোন, ছোটরা ছেলেমেয়ে। সংসারে মেয়েদের কত বড় আশা-আকাঙ্ক্ষা,—কত সাধ থাকে, তা তো তোমাদের বোঝাতে পারবো না বাবা। সেইটে ওর দপ্ করে নিবে গেছে!—

—“তোমাদের কথাও কাল বলছিল,—‘সব ভদ্র সম্ভান, কোনো গোলমালে নেই, নিজের নিয়মই থাকেন। দেশের এতবড় একটা বিক্ষেপ—বিক্ষোভ,—তাদের তাতে জ্বলপও নেই। দিশি-বিদেশী ব’লে কোনো বিকার নেই। প্রকাশ না করলেও দেশের সম্মান রক্ষা ক’রে চলেন—রংয়ে। বোধ হয় নিরুপায় ব’লেই সেটা প্রকাশেই ধারণ করেন। একখানা সংবাদপত্র বাসা বেঁটিয়ে একদিনও মেলেনি। বেশ দেশ-নিলিপ্ত।’—খুব সুখ্যত করছিল বাবা।—

—“লেখাপড়া জানা ভায়েদের সঙ্গ পাবার জন্তে টে যায, তাদের সেবা করতে, দুটো কথা শুনতে, দুটো কথা কইতে। কোনো সাধই তো মেটেনি! যাক এখন কতদিনের জন্তে চলল জানি না।”—এই ব’লে দীর্ঘনিঃশ্বাস ফেললেন।

হঠাৎ আমাদের দেখতে পেয়ে, বিমল সহাস মুখে সরলা দুহাত তুলে কপালে ঠেকালেন।

বাধা আর লজ্জা মাথা হেঁট করে দিলে, মুখ নীচু করে নমস্কার জানাতে হ’ল।

বিস্ময়-স্তম্ভিত সোনালীবাবুর মুখ থেকে অস্বস্তি অক্ষুট স্বরে বেরুল—“মা যা হবেন।”

একজন তাড়া দিলে, “চলো—এখন ট্রেন গেলে হয়।”

পুরাণে কাল

শ্রীযোগেশচন্দ্র রায় বিজ্ঞানিদি

১। পুরাণ-পাঠের প্রয়োজন

আমি পুরাণ পড়িতে পড়িতে এক একবার ভাবি, সংস্কৃত বহু গ্রন্থ লুপ্ত হইয়াছে, যদি মহাভারত ও পুরাণও লুপ্ত হইত, ভারতী প্রজা কি রসদ্বারা জীবিত থাকিত। “মানব জমীন্” অন্নপান দ্বারা সরস হয় না। যে-জাতির পুরাবৃত্ত অজ্ঞাত, সে-জাতির স্থিতি-রক্ষার উপায় কি থাকে? যাহারা স্বকৃষ্টি ত্যাগ করিয়া পরকৃষ্টি গ্রহণ করে, তাহারা কেমনে সুখী হয়? যে-গাছের মূল ছিন্ন, উৎপাটিত, সে-গাছ কিসে বাঁচে? কে জানে।

বৈদিক পণ্ডিত বলিবেন, “কেন, বেদ থাকিলেই সব থাকিত। বেদই পুরাবৃত্ত।” কিন্তু বেদ যত মহামূল্য হউক, তিন প্রধান কারণে ইহার দ্বারা পুরাণের অভাব পূরণ হইত না। (১) বেদ বোধগম্য নয়; যত মূনি তত বেদ হইয়া দাঁড়াইয়াছে। ইহার কারণ বৃষ্টি। এক কালে ও এক দেশে বেদ প্রণীত হয় নাই। সেরূপ হইলে নূতন নূতন ব্যাখ্যা হইতে পারিত না। (২) একদেশে ও কালে প্রণীত হইলেও কেবল অতি-প্রভু বলিয়াও ব্যাখ্যা সোজা হইত না। অল্প দেবদেবীর কথা থাক, বেদের ইন্দ্র কে, অগ্নি পুষ্টিতে পারি নাই। আমি বেদ পড়ি নাই, বেদপাঠ আমার সাধ্য ছিল না। কিন্তু যাহারা সারা জীবন পড়িয়াছেন, বুঝাইয়াছেন, তাহাদের ব্যাখ্যাও বৃষ্টিতে পারি না। পুরাণে আছে, “যিনি বেদাঙ্গ ও উপনিষদ সহ চারি বেদ পড়িয়াছেন, কিন্তু পুরাণ পড়েন নাই, তিনি বিচক্ষণ হইতে পারেন না। ইতিহাস (মহাভারত) ও পুরাণ হইতে বেদজ্ঞান বৃদ্ধি করিবে। যিনি অল্পশ্রুত, তাহাকে বেদ ভয় করেন, যেন প্রহার করিতে আসিতেছে।” (৩) বেদ যে বহু পূর্বকালে উচ্চারিত হইয়াছিল। কেহ বেদের আদিকাল বলিতে পারিবে না। যে যে মন্ত্র আধুনিক সেও যে তিন চারি সহস্র বৎসরের পুরাতন! মধ্য যোগ-হুজ

না পাইলে বেদ ইতিবৃত্ত হইতে পারে না। মহাভারত ও পুরাণ সে হুজ টানিয়া আনিয়া ব্যবধান হ্রাস করিয়াছে।

কিন্তু প্রাচীন যোগ-হুজ বলিয়াই মহাভারত ও পুরাণও সব বৃষ্টিতে পারি না। সমগ্র মহাভারত বুঝাইয়া বলিবার পাণ্ডিত্য দেখিতে পাই না। সেকালের অষ্টাদশ বিজ্ঞান পারগ না হইলে মহাভারত বৃষ্টিতে পারা যায় না। পুরাণ বৃষ্টিতেও অত বিজ্ঞাই চাই। প্রত্যেক পুরাণ-আরম্ভে, “নারায়ণ নমস্কৃত্য নরকৈব নরোত্তমম্। দেবীং সরস্বতীকৈব ততো জয়-মুদীরয়েৎ॥” নারায়ণ বুঝিলাম, সরস্বতী বুঝিলাম। কিন্তু “নরোত্তম নর” কে? এক মতে নর ও নারায়ণ নামে দুই ঋষি ছিলেন; এক মতে নর—অজ্ঞান; নারায়ণ—শ্রীকৃষ্ণ; এক মতে নর-নারায়ণ দুই দেব, দুই পূর্ব-দেব। এক মতে নর—নর-রূপী নারায়ণ, প্রত্যেক মাহুযে যে নারায়ণ বিগ্ৰহমান। বোধ হয়, ব্রহ্ম, ঈশ্বর, ও বাগ্‌দেবী, এই তিনের জয় উচ্চারণ করিতে হইবে। কিন্তু “বলবাসী” প্রকাশিত পুরাণের মহামহোপাধ্যায় সম্পাদক ও বঙ্গাহুবাদক নারায়ণ, নর, নরোত্তম, দেবী, সরস্বতী, এই পাঁচকে পৃথক প্রণাম করিতে বলিয়াছেন।

নারায়ণ কখনও মৌনরূপ, কখনও বরাহরূপ, কখনও নৃসিংহরূপ, আর কখনও বা গোপীবল্লভরূপ ধরিয়াছেন,—সব বৃষ্টিতে পারি না। যদি বলি, পুরাতন কালের লোকগুলা অতিপ্রাকৃত রহস্তে বিশ্বাস করিত, তাহা হইলে পুরাণকারকে অবিবেচক বলিতে হয়। তিনি বহুস্থানে বলিয়াছেন, “আমি এইরূপ শুনিয়াছি। কোথাও লিখিয়াছেন, “দেখিয়াছি।” পুরাণ ধর্মশাস্ত্রের শাখা, একথা বিস্মৃত হইতে পারা যায় না।

আরও সোজা কথায় আসি। পুরাণকারেরা যুগ ও ময় দ্বারা বৎসর সমষ্টি করিতেন। কিন্তু সে যুগ ও ময়

বর্তমান পাজির বুঝিলে কাল যে নিরবধি, তাহাই অরণ হয়। দীর্ঘতমা ঋষি সহস্র বর্ষ তপস্তা করিলেন। সে বর্ষ ৩৬৫ দিনের হইতে পারে কি ?

পুরাণ পড়িতে পড়িতে এইরূপ কত জিজ্ঞাসা আসিয়া পড়ে, তাহার সংখ্যা নাই। নব্যশিক্ষিতেরা পুরাণ অশ্রদ্ধেয় মনে করেন, পুরাণ mythical stories। কিন্তু জল্পনাই বা হইল, পুরাকালের জল্পনাও যে ইতিহাসের অঙ্গ। দেশ-বিদেশের উপকথা শুনিতে কৌতুক বোধ করি, মানব-মনের লীলা-চাতুর্ঘ দেখাই ত ইতিহাস।

আমি মাত্র চারি পাঁচখানা পুরাণ দেখিয়াছি, সব বুঝি নাই; কিন্তু এইটুকু বুঝিয়াছি, পুরাণ আমাদের দেশের পুরাতত্ত্বই বটে। এখানে বায়ু, মৎস্য ও বিষ্ণু-পুরাণ হইতে কোন কোন বিষয় সংগ্রহ করিতেছি। এই তিন পুরাণ ধরিবার হেতু আছে। তিনই পঞ্চ-লক্ষণ। সে পাঁচ লক্ষণ এই,—আদি সৃষ্টি, পরবর্তী সৃষ্টি, বংশ, মন্বন্তর, বংশান্তরিত। অমরকোষে পুরাণের এক নাম ‘পঞ্চলক্ষণ’। কেহ কেহ মনে করিয়াছেন, এই কোষ পঞ্চম খ্রীষ্ট-শতাব্দে প্রণীত হইয়াছিল, অমর-সিংহ ও বরাহমিহির সমকালীন। আমার বিবেচনায় অমরকোষ ইহার দুই তিন শত বৎসর পূর্বে, বোধ হয়, মগধে প্রণীত হইয়াছিল। সে যাহা হউক, পুরাণের পঞ্চলক্ষণ অমরকোষের পূর্বেই মাত্রা ও গণ্য হইতে। পঞ্চলক্ষণ পুরাণ আরও আছে, কিন্তু এই তিনে ঋষিবংশ ও প্রাচীন ও অপ্রাচীন রাজবংশ যেমন আছে, অত্র পুরাণে তেমন নাই। ভাগবত পুরাণেও কিছু আছে। কিন্তু উপস্থিত প্রসঙ্গে এত আবশ্যক হইবে না।

২। পুরাণত্রয়ের স্বরূপ

বায়ুপুরাণ

বায়ুপুরাণ কান্থানি ? প্রায়শ্চিন্ত নতুন তৈরিকিবে, কিন্তু পুরাণের নামে ভুল হইয়া গিয়াছে। অষ্টাদশ পুরাণের নাম এই,—ব্রহ্ম, পদ্ম, বিষ্ণু, শৈব, ভাগবত, নারদীয়, মার্কণ্ডেয়, অগ্নি, ভবিষ্য, ব্রহ্মবৈবর্ত, লিঙ্গ, বরাহ, কন্দ,

বামন, কূর্ম, মৎস্য, गरूड, ব্রহ্মাণ্ড। অষ্টাদশ পুরাণের এই এই নাম অনেক পুরাণে আছে। ইহার মধ্যে বায়ু পুরাণ নাম নাই। কিন্তু মৎস্য ও নারদীয় পুরাণে ‘শৈব’ স্থানে ‘বায়বীয়’ লিখিত আছে। অর্থাৎ শিব-পুরাণ ও বায়ুপুরাণ এক। কিন্তু শিবপুরাণের যে পুরাতন লক্ষণ আছে, সে লক্ষণের শিবপুরাণ না কি পাওয়া যায় না। “বঙ্গবাসী”র শিবপুরাণ ঠিক সে পুরাণ নয়। ইহার মধ্যে এক “বায়বীয় সংহিতা” আছে। কিন্তু শিবপুরাণের লক্ষণ মেলে না। “এসিয়াটিক সোসাইটি” ও “বঙ্গবাসী” যে বায়ুপুরাণ ছাপাইয়াছেন, তাহার সহিত ব্রহ্মাণ্ডপুরাণ প্রায় মিলিয়া যায়। শিবপুরাণে রেবামাহাত্ম্য ও গয়ামাহাত্ম্য ছিল, ব্রহ্মাণ্ডপুরাণে ছিল না। কিন্তু “সোসাইটি”র বায়ুপুরাণে গয়ামাহাত্ম্য জুড়িয়া দেখা হইয়াছে। প্রাচ্যবিদ্যামহার্ণব শ্রীযুত নগেন্দ্রনাথ বসু ব্রহ্মাণ্ডপুরাণ প্রকাশ করিয়াছেন। তাহার ভূমিকায় বসুজ মহাশয় এই ভ্রম দেখাইয়া “সোসাইটি”র বায়ু-পুরাণের সম্পাদক রাজেন্দ্রলাল মিত্রকে দুকথা শোনাইয়া দিয়াছেন। কিন্তু ইহারাই প্রথমে ভুল করেন নাই। ব্রহ্মাণ্ডপুরাণে ভাবি রাজবংশ নাই, কিন্তু বায়ুপুরাণে আছে। এই রাজবংশ নতুন যোজিত নয়। সে যাহা হউক, প্রকাশিত বায়ুপুরাণ মূলে ব্রহ্মাণ্ডপুরাণ হইলেও নতুন যোজনার পর বায়ুপুরাণ নামে খ্যাত হইয়াছে। উপস্থিত প্রসঙ্গে “বঙ্গবাসী”র বায়ুপুরাণ যথেষ্ট হইবে। “ব্রহ্মাণ্ডপুরাণ” বাললে বিশ্বকোষ কাঞ্চালয় হইতে প্রকাশিত “ব্রহ্মাণ্ডপুরাণ” বুঝিতে হইবে।

বায়ুপুরাণ বায়ু-প্রোক্ত শৈবপুরাণ। এই বায়ুপুরাণ কখন প্রথমে উক্ত হইয়াছিল, তাহা পরে পুরাণ হইতে বলিতেছি। কিন্তু সে আদিরূপে নতুন কিছু কিছু যোজিত হইয়াছে। মগধের গুপ্তবংশ পর্যন্ত রাজাদিগের নাম আছে। ইহা হইতে বুঝিতেছি, বায়ুপুরাণের বর্তমান সংস্করণ ৫০০ খ্রীষ্টাব্দ হইতে চলিয়া আসিতেছে। কিন্তু এই ভাবি রাজবংশ ব্রহ্মাণ্ডপুরাণে নাই, বায়ুপুরাণের এক পৃথীতেও নাই। অতএব এই অংশটির জন্ত সমগ্র বায়ুপুরাণ আধুনিক বলা যাইতে পারে না। পুরাতন মন্দিরের জীর্ণ সংস্কার হইলে মন্দিরটি নতুন বলা চলে না।

যে পুরাণে তীর্থমাহাত্ম্য, ব্রতমাহাত্ম্য যত অধিক, সে পুরাণ তত আধুনিক বলা যাইতে পারে। বায়ুপুরাণে এই সকল মাহাত্ম্য নাই বলা চলে। পুরাণখানি নন্দার উত্তরে মালবদেশে প্রসিদ্ধ হইয়া থাকিবে।

মৎস্যপুরাণ

এই পুরাণের বক্তা মীন, শ্রোতা মনু। তথাপি পুরাণ-খানি শৈব। ইহাতে বহু ব্রত-ও দান-মাহাত্ম্য বর্ণিত হইয়াছে। ইহাতে রাজাব প্রয়োজনীয় অনেক বিষয় আছে। এই এই বিষয় ছাড়িয়া দিলে এই পুরাণে ও বায়ুপুরাণে এত সাদৃশ্য আছে যে, মনে হয় যেন এক আদি পুরাণ হইতে দুইখানির সৃষ্টি হইয়াছে। বোধ হয়, পুরাণ-খানি বোধাই অঞ্চলে কোনও রাজার নিমিত্ত বদ্ধিত-কলেবর হইয়াছিল। ইহাতেও ভাবি রাজবংশের উল্লেখ আছে। তথাপি ইহার অধিকাংশ আরও প্রাচীন। বায়ু ও মৎস্য পুরাণ ভারতের পশ্চিম দেশের এবং পুরাকালের বলিয়া এই দুই পুরাণে স্মৃত্যাত্রীপের বড়বার উল্লেখ নাই। (পৌষ মাসের “ভারতবর্ষে” “ঐর্বাণি” দেখুন।)

বিষ্ণুপুরাণ

বিষ্ণুপুরাণ বৈষ্ণবপুরাণ। ইহা ছয় অংশে বিভক্ত। প্রথম চারি অংশ বায়ুপুরাণের তুল্য। ইহাতে ব্রত ও তীর্থ-মাহাত্ম্য নাই। পঞ্চম অংশ শ্রীকৃষ্ণের বাল্যলীলা। ষষ্ঠ অংশে মোট আটটি অধ্যায়। এই অধ্যায়ের বিষয় প্রথম চারি অংশে স্বচ্ছন্দে বসিতে পারিত। বোধ হয় আদি বিষ্ণুপুরাণে প্রথম চারি অংশ ছিল; পঞ্চম ও ষষ্ঠ পরে যোজিত। পরে এই অম্বানের হেতু দেওয়া যাইবে। কিন্তু পরে যোজিত হইলেও নারদপুরাণের পূর্বে যোজিত। নারদপুরাণ যতে বিষ্ণুপুরাণের উত্তর ভাগের নাম বিষ্ণুখণ্ডোত্তর। অতএব বর্তমান বিষ্ণুপুরাণ, পূর্ব-ভাগমাত্র। বিষ্ণুপুরাণেও ভবিষ্য রাজবংশ আছে। এই পুরাণ ব্রহ্মাবর্তে খ্যাত হইয়াছিল।

৩। পুরাণত্রয়ের আদি প্রণয়ন কাল।

বায়ুপুরাণ কখন কথিত হইয়াছিল? পুরাণের আরম্ভে লিখিত আছে, ‘যখন নৃপতি-সত্তম বিক্রান্ত

অম্বপম-তেজঃ অধিসীমকৃষ্ণ ধর্মাহুসাবে পৃথ্বী শাসন করিতেছিলেন, তখন নৈমিষ্যারণ্যে ধর্মকেন্দ্র কুরুক্ষেত্রে দৃষদ্বতী নদীতীরে নষ্টরজঃ শাস্ত দাস্ত জিতেন্দ্রিয় ঋজু সংশিতাত্মা সত্যব্রতপরায়ণ ঋষিগণ যথাসাধ্য দীক্ষিত হইয়া এক দীর্ঘসত্র আরম্ভ করেন। তাহাঁদিগকে দেখিবার নিমিত্ত পৌরাণিকোত্তম মহাবুদ্ধি সূত লোমহর্ষণ তথায় উপস্থিত হন। তাহার স্তুতিভিত্তি শ্রবণে শ্রোতৃগণের লোমহর্ষণ হইত। এই হেতু তাহার নাম লোমহর্ষণ হইয়াছিল। তিনি বেদব্যাসের ত্রিলোক-বিশ্রুত ধীমান্ মেধাবী শিষ্য ছিলেন। তাহাঁতে ‘পুরাণ বেদ’ ও ‘বিপুল মহাভারত’ প্রতিষ্ঠিত ছিল। যিনি সেই সত্রে ‘গৃহপতি’ (বৈষ্ণবজ্ঞান) ছিলেন, তিনি ইঙ্গিত হইতে ঋষিগণের ভাব দেখিয়া লোমহর্ষণকে বলিলেন, “দেখ, তুমি ইতিহাস ও পুরাণ নিমিত্ত মহাবুদ্ধি ভগবান্ ব্যাসের উপাসনা করিয়াছ। এখানে উপস্থিত ধীমান্ ঋষিগণ পুরাণ শ্রবণে উৎসুক হইয়াছেন। ইহার নানা গোত্র ইহার স্ব স্ব বংশবৃত্তান্ত শ্রবণ করুন। আমরা যজ্ঞারম্ভের পূর্বে তোমায় শ্রবণ করিয়াছিলাম।”

এখানে এই বিক্রান্ত রাজার নাম অধিসীমকৃষ্ণ পাইতেছি। কিন্তু অন্যত্র তাহার নাম অধিসোমকৃষ্ণ আছে। এই পুরাণের কেবল এই এক স্থানে নয়, পরে ২২ অধ্যায়ে (৬৩৬ পৃঃ) লিখিত আছে, “সম্প্রতি ধর্মাত্মা মহাযশা অধিসীমকৃষ্ণের পৃথ্বী-শাসনকালে, দৃষদ্বতীর তীরে আপনাদের [ঋষিদের] দ্বন্দ্বের দীর্ঘসত্রের দুই বৎসর অতীত হইয়াছে।” পুনশ্চ একটু পরে, “অধিসীমকৃষ্ণঃ সোহয়ং সাম্প্রতম্ পৌরবান্ নৃপঃ” পূর্ববংশের অধিসীমকৃষ্ণ সাম্প্রত নৃপতি।

অধিসীমকৃষ্ণ কে? উক্ত অধ্যায়ে পাইতেছি, রাজা পরীক্ষিতের পুত্র জনমেজয়, তস্য পুত্র শতানীক, তস্য পুত্র অশ্বমেধদত্ত, তস্য পুত্র অধিসীমকৃষ্ণ। অর্থাৎ পরীক্ষিতের পঞ্চম অধস্তন পুরুষ। কুরুক্ষেত্র-যুদ্ধ-বৎসরে পরীক্ষিতের জন্ম হইয়াছিল। অতএব তদনন্তর এক শত বৎসর পরে বায়ুপুরাণ কথিত হইয়াছিল। খ্রীষ্ট-পূর্ব ত্রয়োদশ শতাব্দে যুদ্ধ হইয়াছিল, এই পুরাণ দ্বাদশ শতাব্দে প্রথম প্রণীত হইয়াছিল।

কিন্তু এই যে নৈমিষারণ্যে দীর্ঘকাল-সাধা সত্ত্বেও অবসরকালে পুরাণ-শ্রবণ, একথা মৎস্য পুরাণেও লিখিত আছে। এই পুৰাণে (“বঙ্গবাসী”র সংস্করণ, ৫০ অঃ, ১৮১ পৃঃ) প্রায় বায়ুপুরাণের ভাষায় লিখিত আছে, “অবিসোম-কৃষ্ণের রাজ্য-শাসনকালে আপনারা [ঋষিরা] দৃষদ্বতীর তীরে দীর্ঘসত্র করিতেছেন।” এই পুরাণের এক স্থানে আছে, রাজা শতানীককে শৌনক যযাতি-চরিত শোনাইয়াছিলেন।

যাহারা পৌরাণিক “যুগ” কল্পনা করিয়া সব পুরাণ এক কোঠে ফেনিয়াছেন, তাহারা পরীক্ষিতের কালেও পুরাণ-প্রণয়ন শুনিলে আরও আশ্চর্য হইবেন। বিষ্ণুপুরাণ (“বঙ্গবাসী”র সংস্করণ, ৪১২০ অঃ, ২৮৭ পৃঃ) পরীক্ষিত পৰ্যন্ত আসিয়া লিখিতেছেন, “যোহং সাম্প্রতমেতদ্ভূমণ্ডলমখণ্ডিতায়তিথর্ধেন পালয়তীতি”— যিনি সম্প্রতি এই ভূমণ্ডল অখণ্ডিত ধর্মীহসারে পালন করিতেছেন। বায়ু ও মৎস্য পুরাণ অধিসীমকৃষ্ণের পর ভবিষ্যাকালের, বিষ্ণুপুরাণ পরীক্ষিতের পর ভবিষ্যাকালের রাজ বর্নন করিয়াছেন। লিখিতেছেন, যোহং সাম্প্রতমবনী-পতিঃ— “এখন যিনি রাজা তাহার চারি পুত্র হইবে। জ্যেষ্ঠপুত্র জনমেজয়, তস্য পুত্র শতানীক, তস্য পুত্র অখমেবদন্ত, তস্য পুত্র অধিসীমকৃষ্ণ” ইত্যাদি। অতএব দেখা যাইতেছে, পরীক্ষিতের কালে, বিষ্ণুপুরাণ ও ভাগবত, জনমেজয়কালে ভারত-ইতিহাস, শতানীককালে পুরাণের ক্রিয়দংশ, এবং অবিসোমকৃষ্ণকালে বায়ু ও তদনন্তর মৎস্য পুরাণের আদি কথিত হইয়াছিল।

পুরাণ-বক্তার পরিচয় লওয়া যাউক। বিষ্ণুপুরাণ লিখিয়াছেন, (৩.৪.৬) বেদবাস্য বেদ বিভাগ করিতে গিয়া ঠৈল, বৈশম্পায়ন, জৈমিনি ও স্রমন্ত, এই চারি জন বেদ পারগকে ‘শ্রাবক’ করেন। অনন্তর তিনি হতজাতীয় লোমহর্ষণকে ইতিহাস ও পুরাণ পাঠের শিষ্য করেন। স্রুতজ্ঞাতি স্কন্দবর্ন, বেদে অধিকারী ছিল না।) এই সকল শিষ্য হইতে বহু শিষ্য হইয়াছিলেন। লোমহর্ষণের ছয় শিষ্য হইয়াছিলেন। তন্মধ্যে তিন শিষ্য লোমহর্ষণ হইতে প্রাপ্ত সংহিতা অবলম্বনে এক একখানি পুরাণ-সংহিতা রচনা করিয়াছিলেন। অতএব একখানি

হইতে পুরাণ-সংহিতা চারিখানি হইল। বিষ্ণুপুরাণ বলিতেছেন (৩৬), সেই চারি সংহিতার সার সংগ্রহ করিয়া বিষ্ণুপুরাণ।

বেদবাস্য ভারত-সংহিতা ও পুরাণ-সংহিতা করিয়া ছিলেন। তাহার গ্রন্থিত সংহিতা এখন পাইবার উপায় নাই। কিন্তু মূল সংহিতাকার এক হওয়াতে মহাভারতে ও পুরাণের বাক্যে অবশ্য মিল ছিল, এবং মূল সংহিতার পরিবর্তিত সংস্করণেও অবশ্য মিল থাকিবে। বায়ু, মৎস্য, বিষ্ণু, তিন পুরাণেই কতকগুলি বিষয় সাধারণ; যেমন ব্রহ্মার সৃষ্টি, ঋষিবংশ, রাজবংশ, ভৃগোলবর্নন, জ্যোতিষক্রবর্নন, মনুস্মরণ-বর্নন, ইত্যাদি। দেখিতেছি, তিন পুরাণেই পরস্পর ঐক্য আছে। না থাকিলে তিনেরই এক মূল অনুমান করিতে পারা যাইত না। অর্থাৎ ঐ ঐ বিষয় অন্ততঃ বেদবাস্যের কাল হইতে চলিয়া আসিতেছে।

সহজেই প্রশ্ন উঠে, বেদবাস্য তাহার পুরাণ-সংহিতার উপহরণ কোথায় পাইলেন। পুরাণ-কথা অল্প নয়, অল্প-কালের নয়। ইহার উত্তর পুরাণেই আছে। ব্যাস একজন ছিলেন না। ব্যাস নাম, উপাধি। কালে কালে যুগে যুগে ব্যাস জন্মিয়াছিলেন, বেদসংহিতা ও পুরাণ-সংহিতা করিয়াছিলেন। শেষ-ব্যাস, কৃষ্ণ-বৈপায়ন। ইহার পর ব্যাস আর আবির্ভূত হন নাই। অন্ততঃ কেহ ব্যাস উপাধি গ্রহণ করিতে পারেন নাই। অতএব বৈপায়ন ব্যাস পূর্বের সংহিতা, মুখেই হউক আর লেখাতেই হউক, পাইয়াছিলেন। বিষ্ণুপুরাণেও দেখিতেছি, ইহার বক্তা পরাশর, বৈপায়নের পিতা; শ্রোতা পরাশর-শিষ্য মৈত্রেয়।

কিন্তু এখানে একটা তর্ক উঠিতেছে। পরীক্ষিতের কালে বৈপায়নের পুত্র থাকিবার কথা, বৈপায়ন থাকিলেও থাকিতে পারেন, কিন্তু তাহার পিতা তখনও জীবিত ছিলেন কি? ভাগবত পুরাণের প্রথম শ্রোতা পরীক্ষিত, বক্তা বৈপায়ন-পুত্র শৃকদেব। ইহাই ত ঠিক। শৃকদেবের সময়ে লোমহর্ষণ ছিলেন; কিন্তু তিনি পরীক্ষিতের প্র-প্র-পৌত্রের কালে, অধিসীমকৃষ্ণের কালে, থাকিতে

পারেন না।* এই তর্কের উত্তরও সোজা। প্রথম কথা, বৈপায়ন ব্যাসই প্রথম সংহিতা করেন নাই, তাহার পিতাও করিয়াছিলেন। কিন্তু বৈপায়ন যে সংহিতা করিয়াছিলেন, সেই সংহিতাই তাহার শিষ্য শিষ্যাহুশিষ্য প্রচার করিয়াছেন। দুই একখানা আরও প্রাচীন সংহিতা রহিয়া গিয়াছিল। তন্মধ্যে মূল বিষ্ণুপুরাণের আধার একখানা। সেখানা বৈপায়নের পিতা পরাশর করিয়াছিলেন। দ্বিতীয় কথা, সেকালের বিদ্বানেরা সত্যশীল ছিলেন। তাহার। যশের তরে পরের দ্রব্য না বলিয়া লইতেন না, পুরাতনে কিছু পরিবর্তন ও কিছু নতুন যোজন করিয়া আপনার অজ্ঞিত বলিয়া প্রচার করিতেন না। যদি সংহিতার মূল পরাশর, তাহার যত সংস্করণ হউক, যত লোপ ভ্রংশ প্রক্ষেপ অন্তঃস্থাপন হউক, পরাশরই কর্তা থাকিতেন। আমাদের প্রাচীন গ্রন্থকর্তার সত্যনিষ্ঠা ও গুরুভক্তি এত প্রখর ছিল যে, আপনাকে গুরুর নামে বিলাইয়া দিয়া গিয়াছেন। কেবল পুরাণে নয়, সকল শাস্ত্রেই এই। পরাশর বর্তমান বিষ্ণুপুরাণ বলেন নাই, তাহার কোনও শিষ্যাহুশিষ্য বলিয়াছিলেন। কিন্তু যেহেতু পরাশর আদি, সেহেতু তিনিই বক্তা। সে শিষ্য পরীক্ষিতের কালে থাকিবেন, আশ্চর্য কি?

কেহ কেহ মনে করিতে পারেন, পুরাণকার পরীক্ষিতেরও অধিসোমকৃষ্ণের নাম করিয়া আপনাকে পুরাতন মানাইতে গিয়াছেন। “এ একটা ছল। বেদব্যাস কি আঠারখানি পুরাণ বলিয়াছেন?” ইহার উত্তর, তিনি আঠারখানির মূল বলিয়াছেন। এই হেতু তিনিই কর্তা হইয়া রহিয়াছেন। বস্তুতঃ কোনও পুরাণের বর্তমান সংস্করণ একজনের দ্বারা হয় নাই। বিষ্ণুপুরাণে দেখিতেছি, পরাশর বক্তা। তিনি বশিষ্ঠের নিকট শনিয়াছিলেন। মৎস্যপুরাণে দেখিতেছি, নৈমিষারণ্যবাসী শৌনকাদি মুনি হৃতকে বলিতেছেন, “তুমি পুরাণ কহিয়াছিলে, আমরা

আবার তাহা শুনিতে ইচ্ছা করি।” বায়ুপুরাণ বলিতেছেন, “আমি সর্গজ্ঞ বেদব্যাসের মুখে শনিয়া বায়ুপ্রোক্ত পুরাণ বলিতেছি।” মৎস্যপুরাণের কিয়দংশ, জগৎযষ্টি অংশ, এত প্রাচীন যে তাহা মীনরূপধর বিষ্ণুর কথিত। এইহেতু নাম মৎস্যপুরাণ। বায়ুপুরাণে তিনি বায়ু। অর্থাৎ কোন পুরাকালে কত বাহ্যর বিদ্যমান ছিল, কে জানে।

৪। পুরাণত্রয়ের জ্যোতিষিক কাল

কুরুক্ষেত্রের যুদ্ধবৎসরে পরীক্ষিতের জন্ম হইয়াছিল। ভারতের প্রাচীন ইতিহাসের পক্ষে কুরুক্ষেত্র-যুদ্ধকাল দিগ্‌দর্শন-যন্ত্রস্বরূপ। এই কালের সবিশেষ আলোচনা এক পৃথক প্রবন্ধে করা যাইবে। ইতিমধ্যে পুরাণত্রয়ের কালবিচার নিমিত্ত জ্যোতিষিক নির্দেশ অবলোকন করি। এই নির্দেশ তিন পুরাণেই এক। এইহেতু কেবল বায়ু-পুরাণ গ্রহণ করিলেই চলিবে।

(ক) অশ্লেষার্দ্ধে দক্ষিণায়ন

তিন পুরাণেই সুষংসরাদি পঞ্চবর্ষে যুগ ধরা হইয়াছে। (বায়ু ৫০ অঃ, ২৬৬ পৃঃ, ২৭০ পৃঃ)। “বেদান্ত-জ্যোতিষে” এই যুগের উৎপত্তি। বৈদিক যজ্ঞকর্মের বিহিত কাল ছিল। পূর্ণিমা, অমাবস্তা, বিষুব, অয়নে যজ্ঞ করা হইত। অয়নান্ত কালে পশুযাগ অবশ্য কর্তব্য ছিল। এইহেতু দুই অয়নের অন্ত না জানিলে চলিত না। বৈদিক কালের শেষকালে “বেদান্ত-জ্যোতিষ” রচিত হইয়াছিল। ইহাতে আবশ্যিক দিন গণিবার সূত্র আছে। এই সূত্র-পুস্তিকা এমন দেশে প্রণীত, যে দেশে পরম দিবা ১৮ মুহূর্ত (৩৬ দং) হইত। অর্থাৎ সে দেশের অক্ষাংশ ৩৫; পেশবারের কিছু উত্তরে, হয়ত গান্ধারে কাবুলে। বেদান্ত জ্যোতিষের পাজিতে রবির উত্তরায়ণ হইতে বর্ধারন্ত, এবং উত্তরায়ণ দিনে রবি ধনীতা নক্ষত্রে ও দক্ষিণায়ন দিনে অশ্লেষার মধ্যভাগে থাকিত। সেকালে সৌরমাস ছিল না; চান্দ্রমাস, তিথি, নক্ষত্র, এই তিন দ্বারা বিষুব ও অয়নান্ত বা বর্ধারন্ত গণিতে হইত। পঞ্চবর্ষে যুগ, অর্থাৎ পঞ্চম বর্ষে মাঘীশুক্র প্রতিপদ দিবসে উত্তরায়ণ, এক

* বস্তুতঃ পরীক্ষিতের কালে ব্যাস-শিষ্য লোমহর্ষণ গত হইয়াছিলেন। এক সূত্রে লোমহর্ষণ পুরাণ শোনাইতেছিলেন, বলরাম তখন আসিয়া উপস্থিত। কনিগণ দণ্ডায়মান হইলেন, হৃত হইলেন না। বলরাম ক্রুদ্ধ হইয়া হৃতকে নিহত করিলেন। লোমহর্ষণের পুত্র উগ্রশ্রবা।

শ্রাবণ শুরু সপ্তমীতে দক্ষিণায়ন হইত। বৌধায়ন শ্রোতস্থত্রে ও অশ্বাশ্রু শ্রোতস্থত্রেও এই পাজি।

এই তিন পুরাণেও বেদাঙ্গ জ্যোতিষের পাজি ধরা হইয়াছে। পরমদিবা ১৮ মুহূর্ত বলাও হইয়াছে। মহাভারতের দুই তিন স্থানে কাল-গণনা আছে। সে গণনাও এই পাজি মতে করা হইয়াছে। অতএব মহাভারত ও এই তিন পুরাণ কিম্বা তিন পুরাণের আদি, “বেদাঙ্গ-জ্যোতিষ”র পরে প্রণীত হইয়াছিল। কত পরে তাহা অশ্রু প্রমাণে বাহির করিতে হইবে।

বৈদিক কালের ইতিহাস অঙ্ককার গুহায় নিহিত। কিন্তু তাহার স্থানে স্থানে দুই চারিটি দীপ পাওয়া গিয়াছে। তন্মধ্যে “বেদাঙ্গ-জ্যোতিষ” নিকটতম দীপ। এই হেতু ইহার কাল-নির্ণয়ে অনেকে যত্ববান হইয়াছেন। এককালে অশ্বাশ্রু রবির দক্ষিণায়ন হইত, এ কথা গর্গ, বরাহমিহির প্রভৃতি লিখিয়া গিয়াছেন। দুঃখের বিষয়, কত বৎসর পূর্বে হইত, তাহা লিখিয়া যান নাই। বরাহমিহির লিখিয়াছেন, “সম্ভ্রতি পুনর্বহু নক্ষত্রে হইতেছে।” প্রত্যেক নক্ষত্র চারি পাদে বিভক্ত। পুনর্বহুর কোন্ পাদে, বরাহ বলেন নাই। মনে করা হয়, তৃতীয় পাদে। কিন্তু পুনর্বহুর অর্ধাংশে অর্থাৎ দ্বিতীয় পাদে হইতে পারে। একখানা পাজি দেখিলে অশ্বিনী, ভরগী, কৃত্তিকা প্রভৃতি নক্ষত্র বিভাগের নাম পাওয়া যাইবে। ১-এ অশ্বিনী শেষ, ২-এ ভরগী শেষ, ৩-এ কৃত্তিকা শেষ, ইত্যাদি। অশ্বিনী ২-এ শেষ। অতএব অশ্বাশ্রু, অঙ্কে ৮।; পুনর্বহুর তৃতীয় পাদ, অঙ্কে ৬৮। অতএব বরাহের সময়ে অয়ন ৮। নক্ষত্র হইতে ৬৮ নক্ষত্রে, ১৮ নক্ষত্র পশ্চিমে সরিয়া আসিয়াছিল। সেকালে অয়নবেগ বর্তমান অপেক্ষা কিছু মুহূ ছিল, হারাহারি বৎসরে ৫০ বিকলা ধরা যাইতে পারে। তদনুসারে ১° অংশ পিছাইতে ৭২ বৎসর, এক নক্ষত্র বিভাগ (১৩°২০′) পিছাইতে ৯৬০ বৎসর এবং এক পাদ (৩°২০′) পিছাইতে ২৪০ বৎসর লাগিত। ১৮ নক্ষত্র পিছাইতে ১৬৮০ বৎসর লাগিয়াছিল। অনুমান করা হয়, বরাহ ৪২২ খ্রীষ্টাব্দের কথা লিখিয়াছেন, অতএব—১৬৮০ + ৪২২ = -১১৮১ অঙ্কে “বেদাঙ্গ-জ্যোতিষ” রচিত হইয়াছিল। (ঋণ-(-)

চিহ্ন দ্বারা খ্রীষ্ট-পূর্ব, এবং ধন-(+) চিহ্ন দ্বারা খ্রীষ্ট-পর অক্ষ বুঝিতে হইবে)।

বোম্বাইর শ্রীযুত কেতকর এই গণনায় আপত্তি তুলিয়া নানায়ুক্তি দ্বারা দেখাইয়াছেন, ধনিষ্ঠা নামে ধনিষ্ঠা ‘নক্ষত্র-বিভাগ’ না বুঝিয়া ধনিষ্ঠা ‘তারার’ বুঝিতে হইবে! (১৩৩১ সালের আশ্বিন মাসের “ভারতবর্ষ”)। ধনিষ্ঠা ‘তারার’ ধরিয়া সূক্ষ্ম গণিত করিলে -১৪৩৫ অক্ষ পাই। অন্য এক কারণে -১৪৪০ অক্ষ মনে হয়।

এই দুই গণনায় ২৫২ বৎসরের প্রভেদ হইতেছে। ইহার কারণ এই যে, বরাহের নক্ষত্র-চক্রের আদি অজ্ঞাত। তিনি অশ্বাশ্রুর অর্ধ বলিয়া পুনর্বহুরও অর্ধ মনে করিয়া থাকিতে পারেন। অর্থাৎ তাহার ‘সাম্রতি’ যে কবে, তাহা জ্ঞান নাই। তাহার পূর্বে +২২২ অক্ষ মনে করিবার হেতু আছে। অর্থাৎ +৫০০ অক্ষ না ধরিয়া +৩০০ অক্ষ ধরিতে বাধা নাই। এই অক্ষ ধরিলে বেদাঙ্গ-জ্যোতিষ = ১৩৮১ অঙ্কে হয়।

বেদাঙ্গ-জ্যোতিষের কাল যে -১১৮১ অঙ্কের পূর্বে, তাহার অশ্রু প্রমাণ আছে। কুরুক্ষেত্র যুদ্ধ এই পাজির পরে হইয়াছিল। এই যুদ্ধ -১২৬১ অঙ্কে হইয়াছিল। অতএব বেদাঙ্গ-পাজি ইহার পূর্বে প্রণীত বলিতে হইবে। একটা সোজা প্রমাণও আছে। এখন আর্দ্রা নক্ষত্রের প্রায় আরম্ভে রবির দক্ষিণায়ন হইতেছে। যেদিন রবি আর্দ্রা প্রবেশ করে, সেদিন অনুবাচী। ৫-এ আর্দ্রা আরম্ভ। অতএব বেদাঙ্গ-জ্যোতিষের কাল হইতে এখন অয়ন ৮।-৫-৩। নক্ষত্র পিছাইয়া আসিয়াছে। ৩। নক্ষত্র পিছাইতে ৩৩৬০ বৎসর গিয়াছে। ইহা হইতে বর্তমান ইং ১২৩০ সাল বাদ দিলে -৩৩৬০ + ১২৩০ = -১৪৩০ অক্ষ পাই। অতএব বেদাঙ্গ জ্যোতিষ প্রণয়ন কাল যে -১৪৪০ অক্ষ, তাহাতে সন্দেহ নাই।

(খ) কৃত্তিকায় বিষুব

পুরাণে পুরাবৃত্ত আছে। যে সময়ে যে পুরাণ প্রণীত, তাহার বহু পূর্বকালের কথা আছে। কল্প, মনু, যুগধারা সে কাল ব্যক্ত করা হইয়াছে। এ বিষয় পরে দেখা যাইবে। এখন অন্য স্পষ্ট নির্দেশ দেখি।

তিনি পুরাণেই নক্ষত্রদ্বারা বিবৃতিস্থিতি জ্ঞাপিত হইয়াছে। মহাবিশ্ব হইতে ৬৬০ নক্ষত্র দূরে দক্ষিণায়ন, ১৩০ নক্ষত্র দূরে অপর বিবৃতি, জল-বিবৃতি, এবং ইহার ৬৬০ নক্ষত্র দূরে উত্তরায়ন হইয়া থাকে। অগ্নেবার্হে দক্ষিণায়ন হইলে $৮৭০ - ৬৬০ = ২১০$ নক্ষত্রে, ভরণীয় তৃতীয় পাদান্তে, বিবৃতি হইত। ইহার পূর্বে অবশ্য কৃত্তিকার আছে, এবং তৎপূর্বে কৃত্তিকার প্রথম পাদান্তে, ইত্যাদি ক্রমে মহা-বিবৃতি হইত।

তিনি পুরাণেই প্রায় একই ভাষায় লিখিত আছে, কৃত্তিকার প্রথম পাদে বিবৃতি হইত। “যখন সূর্য কৃত্তিকার প্রথম পাদ গত হন, তখন চন্দ্র বিশাখার চতুর্থ পাদে জ্ঞানিবে। যখন সূর্য বিশাখার তৃতীয় পাদে বিচরণ করেন, তখন চন্দ্র কৃত্তিকার শীর্ষে জ্ঞানিবে। মহর্ষিরা তখন বিবৃতি বলেন। সূর্য দ্বারা বিবৃতি জ্ঞানিবে, এবং চন্দ্র দ্বারা কাল (মাস) লক্ষ করিবে। যেদিন দিবা ও রাত্রি সমান হয়, সেদিন বিবৃতি। এটি পূণ্য কাল।”

এখানে পাঁচটি তথ্য পাইতেছি। (১) নক্ষত্র দ্বারা দুই বিবৃতির স্থিতি, (২) পূর্ণিমাত্রে রবি শশীর স্থিতি, (৩) বিবৃতিদিনে পূর্ণিমা, (৪) নক্ষত্রের পাদ (৩২০) ন্যূনতম বিভাগ, (৫) পূর্ণিমা হইতে মাস। বুঝিয়া দেখি। ২১০ অব্দে কৃত্তিকার প্রথম পাদান্ত। এখানে বিবৃতি হইত। সূর্য হইতে ১৩০ নক্ষত্র দূরে চন্দ্র থাকিলে পূর্ণিমা হয়। অতএব বিবৃতিদিনে $২১০ + ১৩০ = ৩৪০$ নক্ষত্রে, বিশাখার তৃতীয় পাদ গতে, চন্দ্র থাকিত। এই নক্ষত্রে জলবিবৃতি থাকিত। পুরাণ ইহাই লিখিয়াছেন। আরও লিখিয়াছেন, বিশাখার তৃতীয় পাদে বিবৃতি হইবার সময় চন্দ্র $১৫১০ - ১৩০ = ১৪৮০$ নক্ষত্রে, কৃত্তিকার শীর্ষদেশে থাকে। বস্তুতঃ না থাকিলে পূর্ণিমা হইতে পারে না।

একবার কৃত্তিকার শীর্ষ, পর বার কৃত্তিকার প্রথম পাদান্ত বলাতে বুঝিতেছি, দুই কালের কথা পরে পরে বলা হইয়াছে। পুরাণেই নালিকা ও শঙ্কর উল্লেখ আছে। নালিকা (নলাকার ঘটা-যন্ত্রবিশেষ) দ্বারা দিব্যমান মাপিলেই বিবৃতি ও অয়ন দিন, এবং শঙ্কু দ্বারা ঐ দুই এবং রবি-নক্ষত্র জ্ঞানিতে পারা যায়। অতি পুরাকালে স্বর্গোদয় কিংবা স্বর্গান্তকালে দুইটি চিহ্ন বেধ দ্বারা রবির

অয়ন-নিবৃতি ও বিবৃতি-প্রবেশ নির্ণয় করা হইত। তখন রবি-নক্ষত্রও দেখা হইত। এই সোজা উপায় থাকিতে পশ্চিম দেশীয় বিদ্বানেরা মনে করিয়াছেন, এই দুই কর্ম দুষ্কর, প্রাচীন আর্ঘদিগের সাধ্য ছিল না। তাই আর্ঘদিগের দূরবীক্ষণ-সহিত মান-যন্ত্র ছিল না। পণ্ডিতদিগের এই সন্দেহের কারণ বুঝি। যিনি ‘মোটর’ ব্যতীত গমনাগমন করেন না, তিনি পায়ে হাঁটিতে ভুলিয়া যান। কিন্তু যে হাঁটিতে পারে, সে গ্রামের আইলে আইলে যাইতে চিন্তা করে না।

কৃত্তিকায় পূর্ণিমা হইলে কা্তিকী, এবং বিশাখায় হইলে বৈশাখী পূর্ণিমা। অবশ্য প্রতিবৎসর পূর্ণিমা-তিথিতে বিবৃতি হইত না, কিন্তু তদ্বারা বিবৃতিদিন স্মরণ রাখিতে পারা যাইত। আমরা এখন কা্তিকী পূর্ণিমায় ক্রীকৃষ্ণের রাসোৎসব করিয়া এই পূর্ণিমার প্রাচীন স্থিতি রক্ষা করিতেছি। আমরা বৈশাখী পূর্ণিমায় উৎসব করি না বটে, কিন্তু এই দিন কুম্ভাবতার, এবং ইহার পূর্বদিন নৃসিংহাবতার গণিয়া আসিতেছি। আদ্যকাল হইতে পূর্ণিমান্তমাস চলিতেছিল। ‘পূর্ণিমা’ শব্দের অর্থই পূর্ণমাস। “বেদাঙ্গ-জ্যোতিষের” কালে অমান্তমাস আরম্ভ হইয়াছিল। অর্থাৎ মাসের আরম্ভ পনের দিন পিছাইয়া দেওয়া হইয়াছিল। এখন দুই গণনাই চলিতেছে।

পূর্বে দেখা গিয়াছে “বেদাঙ্গ-জ্যোতিষের” কালে, অর্থাৎ — ১৪৪০ অব্দে ভরণীয় তৃতীয় পাদান্তে বিবৃতি হইত। ইহার ১০ নক্ষত্র, ২৪০ বৎসর পূর্বে, অর্থাৎ — ১৪৪০ — ২৪০ = — ১৬৮০ অব্দে, কৃত্তিকার আদ্যে বিবৃতি এবং তৎকালে $২ + ৬৬০ = ৬৬২$ অব্দেবার তৃতীয় পাদান্তে দক্ষিণায়ন হইত। কৃত্তিকার প্রথম পাদান্তে বিবৃতি হইবার সময় $২১০ + ৬৬০ = ৮৭০$ অব্দেবারে বা মধ্যায়ে দক্ষিণায়ন হইত। মধ্যায়ে দক্ষিণায়ন আরও অনেক গ্রন্থে লিখিত আছে। ক্রীকৃষ্ণ কৃত্তিকার মৈত্র্যপনিষদে ইহার উল্লেখ পাইয়াছেন। মধ্যায়ে দক্ষিণায়ন হইত, এখন প্রায় আত্রাদ্যে হইতেছে। মধ্যায়ে ২ নক্ষত্র হইতে আত্রাদ্যে ৫ নক্ষত্রে আসিতে ৪ নক্ষত্র, অথবা — ৬৮৪০ বৎসর গত হইয়াছে। অতএব — ৬৮৪০ + ১২৩০ =

— ১২১০ অব্দে কৃত্তিকা পাদান্তে বিবৃৎ হইত। পুরাণকার সেকালের কথা লিখিয়াছেন। এটি বৈদিক কালের দ্বিতীয় দীপ। এই দীপের ২৪০ বৎসর পরের দীপও পাইতেছি।

যদি কাতিকী পূর্ণিমা হইতে বৎসর ধরা হইত, তদনুসারে পাজি গণিবাব সূত্রও ছিল। বোধ হয় বরাহের “বসিষ্ঠ সিদ্ধান্ত” সেই সূত্র। ইহার আরম্ভ — ১২০৫ অব্দে ছিল। (*Hindu-Aryan Astronomy* by Bhagwandas Pathak.)

পাঠক স্মরণ রাখিবেন, অশ্লেষার্দ্ধ ও মঘাদ্য, এই দুই দীপ বর্তমান নক্ষত্র-বিভাগ ধরিয়া প্রতিষ্ঠিত করা হইল। এই বিভাগে অশ্বিনী-নক্ষত্র আদি ধরা গেল। এককালে কৃত্তিকা যে আদি নক্ষত্র গণ্য হইত, জ্যোতিষ-সংহিতায় ও পুরাণে তাহার ভূরি ভূরি নিদর্শন আছে। যদি আদি, তাহা হইলে ষড়্ভারক কৃত্তিকা, আদি বৃত্তিতে হইবে। এই তারার পশ্চাতে কিষ্কা অগ্রে শৃঙ্গ আকাশে আদি স্থির হইতে পারে নাই। ষড়্ভারক কৃত্তিকায় বিবৃৎ হইত, এই ঘটনা ধরিয়াই মহাভারতে ও পুরাণে ষণ্মতাক কাতিকের জন্ম-উপাখ্যানের উৎপত্তি হইয়াছে। কাতিকের ‘কুমার’ নামেও খ্যাত। কালিদাস এই কুমারের জন্ম লিখিয়াছেন। এই নবকুমার বিবৃৎ বটে, বিবৃৎদিনের যজ্ঞাগ্নিও বটে। (“আমাদের জ্যোতিষী ও জ্যোতিষ” দেখুন)। গণিত করিলে দেখি, — ২২০০ অব্দে কৃত্তিকা “তারার” বিবৃৎ হইত। বিবৃৎ হইতে ২০° অংশ (৬৬০ নক্ষত্র) দূরে দক্ষিণায়ন হইয়া থাকে। প্রায় এইস্থানে উজ্জল মঘাতারা বিদ্যমান আছে। কেতকর ঠিক লিখিয়াছেন, দক্ষিণায়ন চিনিতে স্বর্ষিগণের কষ্ট না হয়, বিধাতা যেন এই ভাবিয়াই কৃত্তিকা হইতে মঘাতারাকে ২০° অংশ দূরে বসাইয়াছেন। — ২৩০০ অব্দে মঘাতারায় দক্ষিণায়ন হইত, এবং রবির দক্ষিণপথ পিতৃঘন নামে খ্যাত হইয়াছিল। মঘার অধিপতি পিতৃঘন হইবার কারণ এই। অতএব কৃত্তিকা “তারার” বিবৃৎ বলায় যে কাল, মঘা “তারার” দক্ষিণায়ন বলাতেও প্রায় সেই কাল। এটি বৈদিক কালের তৃতীয় দীপ, এত উজ্জল যে, বাক-প্রাপ্তে ও সন্দেহের স্ফুৎকারে নির্দোষিত হইবার

নয়। এই দীপেরও পূর্বের দীপ পুরাণে আছে; কিন্তু দুই একটি ব্যতীত রূপকে আবৃত। সে আবরণ উন্মোচিত হইলে সে সকল দীপও নপ-নপ জলিতে দেখা যায়। বিষ্ণুপুরাণ শ্রীকৃষ্ণের বাল্যলীলায় অনেক দীপ সাজাইয়া রাখিয়াছেন।

কৃত্তিকার প্রথম পাদান্তে বিবৃৎ, অশ্বিনাদি হইতে গণিলে — ১২০০ অব্দে পাই। কৃত্তিকাদি হইতে গণিলে, কৃত্তিকায় — ২২০০ অব্দে, এবং পাদ-নক্ষত্রে, অর্থাৎ — ২৪০ বৎসর পূর্বে, — ২২০০ — ২৪০ = — ২৪৪০ অব্দ পাই। বৃদ্ধ-গর্গ এক বিখ্যাত জ্যোতিষী ছিলেন। “বৃহৎ-সংহিতা”য় বৃদ্ধ-গর্গমতে বরাহ লিখিয়াছেন, “যুধিষ্ঠির নৃপতির পৃথ্বী-শাসনকালে সপ্তর্ষি মঘা নক্ষত্রে ছিলেন। শকাব্দে ২৫২৬ যোগ করিলে যুধিষ্ঠিরের অব্দ হয়।” অর্থাৎ সে অব্দের আরম্ভ — ২৪৪২ অব্দে। — ৩১০২ অব্দে কলিযুগের আরম্ভ। অতএব কলি + ৩১০২ — ২৪৪২ = + ৬৬০ বর্ষগতে, অর্থাৎ ৬৬০ কলাব্দে যুধিষ্ঠিরাব্দ আরম্ভ হইয়াছে। কেহ কেহ মনে করিয়াছিলেন, এই অব্দে যুধিষ্ঠির ছিলেন। তখন মঘায় দক্ষিণায়নও বটে। ইহা হইতে অনেক অনর্থের উৎপত্তি হইয়াছে।

(গ) মেঘান্তে বিবৃৎ

উপরে সংক্ষেপে পড়া গিয়াছে। অশ্বিনী হইতে কৃত্তিকার প্রথম পাদান্ত, না কৃত্তিকা হইতে এক পাদ শেষ? পুরাণকার এই সংশয় নিরাস করিয়া লিখিয়াছেন, “মেঘান্তে চ তুলাস্তে চ” রবির উদয়কালে দিবা ১৫ মুহূর্ত এবং রাত্রিও ১৫ মুহূর্ত হয়। অর্থাৎ বিবৃৎ হয়। অশ্বিনীর আদিতে মেঘের আদি। অতএব মেঘান্তে বলা, আর কৃত্তিকার প্রথম পাদান্তে বলা, একই অর্থ।

এতদ্বারাও অবশ্য একই কাল পাওয়া যায়। এখন মীনীর ৭° অংশে মঘাবিবৃৎ হইতেছে। অতএব মীনীর — ২৩° + মেঘের — ৩০° = — ৫৩° অংশ অন্তর ঘটিয়াছে। — ৫৩ × ৭২° ২ = — ৬৮২৭ বৎসর। ইহা হইতে + ১২০ বৎসর কাটিয়া দিলে — ৬৮২৭ + ১২০ = — ৬৭০৭, বা

—১২০০ অব্দে মেঘান্তে বিশ্বব্ধ হইত। ইহাকেই দ্বিতীয় দীপ বলিয়াছি।

পুরাণকার মেঘান্তে বিশ্বব্ধ লিখিয়া সংশয় দূর করিয়াছেন বটে, কিন্তু সে পুরাণকার আদি পুরাণকার নহেন। পরবর্তী কালের এক পুরাণ-সংশোধক এই একটি অনাবশ্যক শ্লোক জুড়িয়া দিয়াছেন। অন্ত্যদিকে ঠিক এই স্থানে বিষ্ণুপুরাণ “মেঘাদৌ চ তুলাদৌ চ” লিখিয়া পূর্বাণের সঙ্গতি রাখিতে পারেন নাই। কারণ কৃত্তিকার প্রথম পাদ কদাপি মেঘাদি হইতে পারে না। স্বেস্থান, বুধাদি। যখন মেঘাদি রাশি সংজ্ঞা চলিতেছিল, তখন সংশোধক মহাশয় শ্লোক জুড়িয়া দিয়াছেন। সে কোন্ কাল, পরে দেখিতেছি। মংস্তপুরাণে এইরূপ যোজন। অনেক আছে, বিষ্ণুপুরাণে এই অংশে রাশি সংজ্ঞা প্রচুর বসিয়াছে। এইরূপ, আরও অনেক গ্রন্থে দুই কালের উল্লেখ আছে। ইহাতে বুঝিতে হইবে, মূল গ্রন্থের এক কাল, আর পরবর্তী সংশোধকের অপর কাল। জ্ঞাত্রে এইরূপ দুই কালের উল্লেখ আছে। সেকালের সংশোধকেরা পুরাতন রাশিয়া নূতন জুড়িতেন, পুরাতন মুছিয়া ফেলিতেন না। এই সত্যনিষ্ঠার জন্য আমরা এক এক পুরাণে দুই তিন কালের উল্লেখ পাইতেছি। কথাটা স্মরণ্য।

(ঘ) গ্রহ ও বীথী

ঋষিগণ রবিশশীর দ্বারা কালযান করিতেন। অষ্ট পাঁচ গ্রহের প্রয়োজন হইত না। কিন্তু জানিতে কৌতূহল হয়, তাহার। কোন্ কালে তারা-আকার পঞ্চগ্রহ আবিষ্কার করিয়াছেন। “আমাদের জ্যোতিষী ও জ্যোতিষ” গ্রন্থে পণ্ডিতদিগের মত দেওয়া গিয়াছে। সহজেই বুঝি, শূক্ৰ গ্রহ প্রথম আবিষ্কৃত হইয়াছিল। ইহা যেমন উজ্জ্বল, তেমন ইহার স্বভাবও বিচিত্র, স্বর্ধাস্তের পরে কিংবা স্বর্ধাদয়ের পূর্বে, কতকদূরে বিচরণ করে, কখনও মধ্য আকাশে আসে না। বৃহস্পতি বৃহৎ-তেজা ও গতিশীল। ইহার আবিষ্কারও কঠিন ছিল না। এক কালে পুষ্যাতারার নিকটে দৃষ্ট হইয়াছিল। এই কারণে গরু-পুষ্যা যোগ প্রসিদ্ধ হইয়াছে। তদনন্তর কৃত্তিকা

তারার সহিত বৃহস্পতির সম্বন্ধ ঘটে। এইখানে তারা-হরণ উপাখ্যানের উৎপত্তি। মঙ্গল গ্রহের প্রাচীন নাম লোহিত, লোহিতাঙ্গ। অপর নাম ‘কুমার’। ইনি প্রজাপতির পুত্র। বৎসরকে প্রজাপতি বলা হইত, অগ্নিও বলা হইত। হযত মঙ্গল কৃত্তিকাকালে আবিষ্কৃত। শনি, ছায়া-স্বত। স্বর্ভানু, রাহু যে ছায়া, তাহা পুরাণেও আছে। বোধ হয় কোন স্বর্ধ-গ্রহণ সময়ে শনি আবিষ্কৃত হইয়াছিল। বুধ, ‘তারা’ ও চন্দ্রের পুত্র। এই তারা, কৃত্তিকা। এইহেতু বুধের এক নাম ‘কুমার’ আছে। এই পঞ্চগ্রহের মধ্যে ভৃগু-বংশীয় এক ভার্গব দ্বারা শূক্ৰ, অঙ্গিরা-বংশীয় এক আঙ্গিরস দ্বারা বৃহস্পতি, এবং বহু পরে ভরদ্বাজ-বংশীয় ভরদ্বাজ দ্বারা মঙ্গল আবিষ্কৃত হইয়াছিল। আশ্চর্যের বিষয়, শনি ও বুধ ঋষিবংশীয় হইতে পারে নাই।

কারণ কি? বোধ হয় বহু কালান্তরে এই দুই গ্রহ আবিষ্কৃত হইয়াছিল। শনি, শট্টনশ্চর, এত মন্দ-গতি যে তারা বলিয়া ভ্রম হয়। বুধ সহজে দৃশ্য হয় না। বুধ কি সর্বশেষে আবিষ্কৃত? বায়ুপুরাণ হইতে এইরূপ মনে হয়। এই পুরাণ লিখিতেছেন (৫০ অঃ), “নক্ষত্র, স্বর্ধ ও গ্রহ, সর্বদেবের আশ্রয়; এই হেতু ইহাদিগকে ‘দেবগৃহ’ বলে। স্বর্ধ সৌরস্থানে, সোম সৌমস্থানে, শূক্ৰ শৌক্ৰ-স্থানে, বৃহস্পতি বৃহৎস্থানে, মঙ্গল লোহিতস্থানে, শনি শট্টনশ্চর স্থানে থাকে।” এখানে বুধের নাম নাই। ব্রহ্মাও পুরাণেও নাই। পুরাণে কি পাঠলোপ হইয়াছে? আর ঠিক সন্দেহ স্থানে? পুনশ্চ লিখিত আছে, “চাক্ষুষ মনস্তরে স্বর্ধ বিশাখায়, চন্দ্র কৃত্তিকায়, শূক্ৰ পুষ্যায়, বৃহস্পতি পূর্বফল্লনীতে, মঙ্গল পূর্বআষাঢ়ায়, ‘সমুৎপন্ন’ হইয়া-ছিলেন।” এখানেও বুধের উল্লেখ নাই। ‘সমুৎপন্ন’ অর্থে আবিষ্কৃত নয়, দৃষ্ট বুঝিতে হইবে। এখানে তিনটি তথ্য পাইতেছি। কোন এক বিখ্যাত কাত্তিকী পূর্ণিমাতে রবি ১৬, চন্দ্র ৩, শূক্ৰ ৮, বৃহস্পতি ১১, মঙ্গল ২০, শনি ও রাহু ২৭ নক্ষত্রে ছিল। (২) সে পূর্ণিমা চাক্ষুষ মনস্তরে হইয়াছিল। (৩) বোধ হয়, তখন বুধ জানা ছিল না।

উক্ত পূর্ণিমা এত প্রসিদ্ধ কেন হইল, এবং কেনই

বা সে রাজ্যের গ্রহ-স্থিতি লিপিবদ্ধ হইল? কে জানে। প্রথম রাত্রে মঙ্গল ও শনি এবং শেষরাত্রে শুক্র ও বৃহস্পতি দৃষ্ট হইয়াছিল। পূর্বিয়ারাও বৃহ দৃশ্য হইতে পারে না। রাহু-স্থান না জানিলে গ্রহণ গণিতে পারা যায় না। বোধ হয় গ্রহণ গণিবার কোন চক্র জানা ছিল। বৃহ গ্রহের এক নাম রৌহিণ্যে, কোন এক কালে রৌহিণী ও বৃহের সমাগম হইলে বৃহগ্রহ আবিষ্কৃত হইয়াছিল। সে সমাগম পূর্ণিমার রাত্রে হইতে পারে না। সে যাহা হউক, দেখা যাইতেছে, এক প্রাচীন স্মৃতির ছিন্ন স্মৃতি পুরাণে স্থান পাইয়াছে।

চাক্ষুষ মনুষ্যের কাল দেখি। বৈবস্বত মনুষ্য অষ্টা-বিংশতি যুগে কুরুক্ষেত্র যুদ্ধ হইয়াছিল। এই কাল প্রায় — ১৩০০ অব্দ। বৈবস্বত মনুষ্য সপ্তম, চাক্ষুষ ষষ্ঠ। চারি বৎসরে যুগ, একাত্তর যুগে মনুষ্য হইত। ২৭ যুগে $২৭ \times ৪ = ১০৮$ বৎসর। ৭১ যুগে $৭১ \times ৪ = ২৮৪$ বৎসর। অতএব — ১৩০০ অব্দের ১০০ বৎসর পূর্বে, — ১৪০০ অব্দে চাক্ষুষ মনুষ্য শেষ, এবং প্রায় — ১৭০০ অব্দে আরম্ভ হইয়াছিল। ইতিমধ্যে কৃত্তিকার আদ্যে বিষুবের যে কাল পাইয়াছি, তাহার সহিত এই কাল মিলিয়া যাইতেছে। চাক্ষুষ মনুষ্য পূর্বে পঞ্চম মনুষ্য, রৈবত মনুষ্য। তাহার কালে কৃত্তিকা-পাদান্তে বিষুব হইত। পূর্বে এই কাল — ১২০০ অব্দ পাইয়াছি। আরও দ্রষ্টব্য, পুরাণকার চাক্ষুষ মনুষ্য কালে রবি সোম শুক্র মঙ্গল বৃহস্পতির নক্ষত্র বলিয়া “ইতি স্মৃতিঃ” লিখিয়াছেন। কোন্ স্মৃতিতে উল্লেখ আছে, বৈদিক পণ্ডিত খুঁজিয়া দেখিবেন। দেখা যাইতেছে, স্মৃতিতে শনি ও রাহু ছিল না। ইহা সম্ভব বোধ হয়। পুরাণের পরবর্তী সংশোধক অবশ্য বৃহ আনিয়াছেন, কিন্তু কোন গ্রহের পর কোন গ্রহ অবস্থিত, তাহা বলিতে গিয়া একস্থানে তুলও করিয়াছেন। গতি স্বৰ্গে লিখিয়াছেন, বৃহাদি পঞ্চগ্রহ “কামচারী।” অর্থাৎ তখনও গ্রহ-গণিত অজ্ঞাত ছিল। প্রথমে চান্দ্রমাস ও নক্ষত্রমাস নিরূপিত হইয়াছিল। এই দুই পরিমাণ এত সূক্ষ্ম হইয়াছিল যে, অদ্যাপি তাহার সংশোধন আবশ্যক হয় নাই। পরে

রবির অয়ন ও বর্ষকাল। কিন্তু বর্ষ পরিমাণ করিয়া চান্দ্রমাসের সহিত মিলাইতে বহুকাল গত হইয়াছিল। চন্দ্রের ও সূর্যের মধ্য-গতি জানা পড়িল, কিন্তু তদ্বারা তাহাদের স্থান এক নক্ষত্র-পাদ পর্যন্ত গণিতে পারা গেল। পঞ্চতারা গ্রহ ‘কামচারী,’ মধ্যগতিও মানে না। আকাশের কোন্ স্থানে কখন আছে, তাহা মোটামুটি জানিবার নিমিত্ত তিন তিন নক্ষত্রে এক ‘বীথী’ (৪০°), এবং তিন বীথীতে এক মার্গ (১২০°), এইরূপ ভাগ হইয়াছিল (‘আমাদের জ্যোতিষী ও জ্যোতিষ,’ ২৬৭ পৃঃ)। প্রথম বীথী কেহ কৃত্তিকা, কেহ ভরগী, কেহ অশ্বিনী হইতে আরম্ভ করিয়াছিলেন। এই “কেহ কেহ” অবশ্য তিনকালের লোক ছিলেন। কালক্রমে গ্রহ-গণিত আসিল, রাশি ও অংশ আসিল, বীথী-গণনা উঠিয়া গেল। উঠিয়া গেল বটে, কিন্তু প্রাচীন নক্ষত্র ও নক্ষত্র-পাদ অদ্যাপি চলিতেছে। বিশেষতঃ জাতক-গণনায় এই দুই বীথী পাড়িয়াছে, রাশির নবাংশ অর্থাৎ নক্ষত্র-পাদ গণনা দ্বারা না-কি ঠিক ফল মেলে।

(ঙ) রাশি-নাম

পুরাণে যে কত পুরাকালের বৃত্তান্ত আছে, তাহার আভাস দেওয়া গেল। কত পরবর্তী কালের আছে, তাহার জ্যোতিষিক নির্দেশ দেখা যাউক।

বায়ু ও মনুষ্য পুরাণে মেঘান্তে ও তুলাস্তে লিখিবার সময় মেঘবৃষাদি রাশি ভাগ অবশ্য চলিতেছিল। রাশিভাগ এ দেশের নয়। এ দেশে ইহার প্রয়োজন ছিল না। কিন্তু কোন কোন রাশির স্মৃতি-কল্পনা এ দেশের বটে, বিদেশেরও বটে। রবিপথ ১২ ভাগ করিয়া রাশি-ভাগ। আমাদের চন্দ্রপথ ২৭ ভাগ করিয়া নক্ষত্র-ভাগ এবং ১০৮ ভাগ করিয়া নক্ষত্র-পাদ ভাগ। ‘মাস’, তিথি, নক্ষত্র দ্বারা লৌকিক ও যাজ্ঞিক সকল কর্মের দিন নির্ণীত হইত, এখনও হয়। কিন্তু ‘মাস’ নাম দ্বারা ঋতু বুঝিতে পারা যায় না, এখন কোন্ ঋতু চলিতেছে, পরে কোন্ ঋতু আসিবে, তাহা না জানিলে

জীবন যাত্রা-নির্বাহ ছক্কর। এইহেতু ঋষিগণ ঋতু সম্বন্ধী বা আত্মব্রহ্মসংগণিতেন।*

উত্তরায়ণে তপসু-তপস্তু শিশির, মধু-মাধব বসন্ত, শুক্ল-শুচি গ্রীষ্ম। দক্ষিণায়নে নভসু-নভস্ত বর্ষা, ইষ্-উর্জ শরৎ, সহসু-সহস্ত হেমন্ত। সূর্যের অয়ন ও বিষুবদ্বারা এই দ্বাদশ ঋতুমাস নিরূপিত হইত। ইহাতে সায়ন নিরয়ন বিচারের প্রয়োজন হইত না। বোধ হয়, এই ঋতুমাস নাম প্রচলনের পূর্বে যখন অয়ন গতি লক্ষ্য হয় নাই, তখন দ্বাদশ সৌরমাস বুঝাইতে দ্বাদশ আদিত্য নাম হইয়াছিল। পৌরাণিকেরা দ্বাদশ আত্মব্রহ্মসংগণিতেন। বায়ু, মংস্ত, বিষ্ণু পুরাণ মতে বসন্তে ধাতা ও অর্ধমা, গ্রীষ্মে মিত্র ও বরুণ, বর্ষায় ইন্দ্র ও বিশ্বাস্বানু, শরতে পর্জন্ত ও পুষা, হেমন্তে অংশু (বা অংশু) ও ভগ, শিশিরে বৃষ্টি ও বিষ্ণু (বা জিষ্ণু)। পুরাণের কালে দ্বাদশ আদিত্য প্রায় নিরর্থক হইয়াছে। দুই একটা নামের পর্যায় ভঙ্গ হইয়াছিল। এই যে লিখিতেছি, এখন বর্ষা পড়িয়াছে, সেকালে বলা হইত এখন ইন্দ্র আদিত্য, কিংবা নভসু মাস। এক এক আদিত্য অবশ্য ২০ নক্ষত্র ভোগ করিতেন। এত জ্ঞান থাকিতেও দেশে মেঘবৃষাদি রাশিভাগ নূতন হইয়াছিল। যখন জ্যোতিষীরা ফল-জ্যোতিষে ও রাশিভ-জ্যোতিষে বিখ্যাত ছিল। গ্রহ-গণিতের জ্ঞান হইত না হউক, ফল-গণিতের জ্ঞান আমাদের জ্যোতিষীরা বরনাচার্যের নিকট ঋণী হইয়াছিলেন। সে ঋণ জীষ্টের দুই শত বৎসর পূর্বে ও অত বৎসর পরে চলিয়াছিল। ইহার

প্রমাণ ‘বৃহজ্জাতক’ নামক ফল-গ্রন্থের ভট্টোৎপলের টীকায় আছে। মেঘবৃষাদির যাবনিক সংজ্ঞা সংস্কৃত হইয়া গিয়াছে। অত্র প্রমাণও দেওয়া যাইতে পারে। অশ্বিনী ‘তারার’তে বিষুব হইয়াছিল, এবং তাহা হইতে মেঘের আরম্ভ। —১৮৩ অব্দে অশ্বিনী ‘তারায়’ বিষুব হইয়াছিল।* অতএব ইহার পূর্বে রাশিচক্রের মেঘ আদি কল্পনা হইতে পারে নাই। অতএব যে সকল গ্রন্থে রাশি-নাম আছে, সে-সকল গ্রন্থ —২০০ অব্দের পরবর্তী বলিতে পার। বায়ু ও মংস্ত পুরাণে মাত্র একটি স্থানে মেঘান্তে ও তুলান্তে নাম আছে। এটি প্রক্ষিপ্ত। কিন্তু বিষ্ণুপুরাণে রাশিনাম দ্বারা সূর্যগতি ব্যাখ্যা করা হইয়াছে। অতএব বিষ্ণুপুরাণের কোন কোন অংশ নূতন হইয়া গিয়াছে। জম্বু দ্বীপাদি বিভাগেও ইহার প্রমাণ আছে।

যদি বা রাশি-বিভাগের কিছু সার্থকতা আছে, রবি সোমাদি সপ্তবার ভাগে কিছুমাত্র নাই। ইহার মূল, ফল-জ্যোতিষে বিশ্বাস। বার তুলিয়া গেলে এমন কোন নৈসর্গিক উপায় নাই যে, তাহার উদ্ধার হইতে পারে। সাত দ্বারা পক্ষ (১৫ দিন) সমান ভাগে বিভক্ত হয় না, মাস হয় না, বৎসর হয় না। সপ্তবার ভাগ অবৈজ্ঞানিক। অতি পূর্বকালে পক্ষভাগ কত কত দিনে করা হইত বলিতে পারি না। হয়ত অষ্টক গণিয়া দুই ভাগ করা হইত। সে কারণে অষ্টকের আদর হইয়াছে। পরবর্তীকালে ‘পঞ্চরাত্র’ (পঞ্চাহ) গণা হইত। এই ভাগ বৈজ্ঞানিক, পক্ষ, মাস, ও বৎসরের দিন-সংখ্যা পাঁচ দ্বারা বিভাজ্য। সেদিন পড়িতেছিলাম, দক্ষিণ আমেরিকার পেরুদেশের ইন্ডাজাতির পূর্বপুরুষেরা পঞ্চাহ দ্বারা মাস ভাগ করিত। বর্তমান রূপ-সভা সপ্তাহ ত্যাগ করিয়া পঞ্চাহ ধরিয়াছেন।

* কালিদাসের ‘মেঘদূতে’ ‘আষাঢ় প্রথম দিবসে’ ‘নভসু’ কাল পড়িয়াছিল। অর্থাৎ তখন চান্দ্র আষাঢ়ের শুক্ল প্রতিপদ, এবং ঋতুতে বর্তমান আষাঢ় মাস। এইদিন দক্ষিণায়ন ও অধুবাসী আরম্ভ। একটা বিশেষ দিন না হইলে এমন মাস, তিথি, ঋতু দেওয়া হইত না। চান্দ্র আষাঢ়, সৌর জ্যৈষ্ঠ। অর্থাৎ সৌর ১ জ্যৈষ্ঠ দক্ষিণায়ন হইত। বরাহের কালে এইরূপ হইত। এইরূপ ‘কুমারসম্ভবে’ (৫ম সর্গ) ‘সহস্ররাজী’ হইতে পাইতেছি, বর্তমান সৌর মাঘমাসে উত্তরায়ণ হইত। এখন ২২ দিন পূর্বে হইতেছে। অতএব কালিদাস+৫০০ অব্দের পূর্বে ছিলেন না। যদি বরাহের অব্যবহিত পূর্বের পাঁচি ধরি, তাহা হইলে+৩০০ অব্দের পূর্বে কালিদাস ছিলেন না।

* অশ্বিনী ‘তারার’ ‘কদম্ব’ ধরিলে —৫০০ অব্দে তাহাতে বিষুব হইয়াছিল। এ বাৎসরিক ‘কদম্ব’ ধরিয়াছেন। আমিও ‘আমাদের জ্যোতিষী ও জ্যোতিষ’ গ্রন্থে কদম্ব ধরিয়া কাল নির্ণয় করিয়াছি। পাঁচ বৎসর হইল শ্রীযুক্ত কেতকরের চিত্রাপেক্ষ বিচার করিবার সময় এ বিষয়ে আমার সন্দেহ হয়, এবং তাহার সহিত আমার বাদ-প্রতিবাদ হয়। তিনি চিত্রা ও অন্ত্যস্ত তারায় চিত্রা আলোচনার কদম্ব ধরিয়াছেন। আমি সে মত মানিতে পারি নাই। আমি চিত্রা-পক্ষ মানি, কিন্তু চিত্রার ‘এব’ লগ্না হইত, ‘কদম্ব’ নয়। এখানে এ বিষয় উল্লেখ করিয়া রাখিলাম।

কৌটিল্যের 'অর্থশাস্ত্রে' (-৩০০ অব্দ) সপ্তবার ভাগ নাই, পঞ্চরাত্র ভাগ আছে। সপ্তবার যবনফল-জ্যোতিষের অঙ্কস্বরূপ এদেশে আসিয়াছে। বোধ হয়, রাশিভাগ যত সহজে স্থান পাইয়াছিল, বারভাগ তত শীঘ্র পায় নাই। কারণ এদেশে পূর্বাধি রাশি-ভাগের মূল ছিল, বার-ভাগের মূল ছিল না। এই হেতু মনে হয়, এদেশে খ্রীষ্টের প্রথম কি দ্বিতীয় শতাব্দে বার-গণনার আরম্ভ হইয়াছে। বায়ুপুরাণের কুত্রাপি রবিসোমাদি বার নাই, বার-ত্রতও নাই। বিপুল মহাভারতের কুত্রাপি রাশিও নাই। অমরকোষে রাশি আছে, বার-সংজ্ঞা নাই।

উপরে দেখা গেল, তিন পুরাণের জ্যোতিষিক অংশের আদি এক। ভূগোল-বর্ণনেও প্রায় তাই। বায়ুপুরাণের গয়ামাহাত্ম্য ও বিষ্ণুপুরাণের ভূগোল-বর্ণন ও ত্রীকৃষ্ণের বাল্যলীলা ছাড়িয়া দিলে, দুই পুরাণই প্রাচীন। -১০০০ অব্দ হইতে -২০০ অব্দ পর্যন্ত কিছু কিছু প্রক্ষিপ্ত হইলেও প্রাচীন। যশস্তপুরাণে প্রাচীন ও অর্বাচীন প্রায় সমান অংশ অধিকার করিয়াছে। কিন্তু প্রাচীন অংশ বায়ুপুরাণের তুল্য প্রাচীন। পুরাণত্রয়ের বয়স তিন ভাগে ভাগ করিতে পারি, (১) প্রাচীন কাল হইতে -১০০০ অব্দ, (২) -১০০০ অব্দ হইতে -২০০ অব্দ, (৩) -২০০ অব্দ হইতে +৪০০ অব্দ।

সংসার-নাট্য

শ্রীপ্রবোধকুমার সান্যাল

এই শহরের একান্তে দরিদ্র গৃহস্থগণের একটি পল্লীর যবনিকা উঠলো। পট উত্তোলন করার পর দেখা গেল, সেই চিরপরিচিত মুখগুলি অর্দ্ধাহারে শীর্ণ, অথচ বিবর্ণ, দুরবস্থায় স্নান এবং অন্তরের দৈন্তে আজও জীবনকে তারা নিভাস্তই অপমান ক'রে চলেছে।

গুটি দশেক গৃহস্থকে নিয়ে এই ক্ষুদ্র পল্লীটিতে কোলা-হলের আর শেষ নেই। যবনিকা যখন সম্পূর্ণরূপে অপসারিত হ'ল, তখন নতুন একতলা বাড়িটির নীচের তলায় ছুখানি ঘর সকলের আগে দৃষ্টি আকর্ষণ করল।

কোন অজ্ঞাত অপরিচিত পথের নবাগত দুটি স্বামী-স্ত্রী এসে সেই ছোট বাড়িটিতে বাসা বেঁধেছে। চির-নৃতনের বেশে চিরপুরাতনের খেলা সেই থেকে হয়েছে হুক। কিন্তু সেই দুটি চঞ্চল জীবনের ধারা বয়ে এসে এদের এই অবরুদ্ধ, সঙ্কীর্ণ, মুমূর্ষু প্রাণগুলিকে সজীব করতে পেরেছে কি-না তা এখনও জানা যায়নি।

ঘরে আসবাবপত্র একরকম নেই বললেই হয়।

দেয়ালগুলি সালা, ছবি টাঙিয়ে তাদের জর্জরিত করা হয়নি। মেঝের ওপর ছুখানি নতুন খাট, জামা-কাপড় রাখবার একটি বাক্স, ছোট একটি টেবিলের ওপর থানকয়েক বইয়ের সঙ্গে একখানি আয়না, বুরুশ, সরু-দাঁড়া চিরুণী একটি, আলতার শিশি ও সিঁদুরের কোটো। ঘরের একপ্রান্তে নিত্য প্রয়োজনের কতকগুলি অসবাব—বাসন-কোষিন, চায়ের সরঞ্জাম, মশলা-পাতি, চাল-ডাল—বাস, তাই পর্যাপ্তই। এ ছাড়া অনাবশ্যক সৌখিনতার বোঝার ঘর ছুটির নিবাস রোধ করা হয়নি।

দামিনীর মাথার বোম্বটা টেনে সরিয়ে দিলে দেখা যাবে সে ছোট যেয়ে। সীতেশ স্বামী না হ'লে তাকে আবার ইত্থলে পাঠানো চলতো।

'টোভে' রান্না চড়িয়ে এসে দামিনী 'লুডো' খেলতে বসে। সীতেশ তুলে যায় আন কব্বার কথা।

'কাল আমাকে মিথ্যে করে হারিয়ে দিয়েছিলে।—ওকি, ওকি হ'ল? দুহর যে এগিরে নিয়ে গেলে? উঃ কী জোড়োর!'

‘কই? কোথায় জোঁচুরি? আমায় গালাগাল?—’
সীতেশ তার একটা কান ধ’রে টেনে দিল।

কানটি একটু একটু ক’রে লাল হয়ে উঠল। হঠাৎ দামিনীর রক্ত গরম হয়ে গেল। ষপ্ করে সীতেশের মাথার এক মুঠি চুল সে টেনে ধরল—‘মারলে যে? আমার লাগে না?’

সীতেশ একটা হাত দিয়ে ‘লুডো’ ছড়িয়ে দিল। দামিনী অমনি টেঁচিয়ে উঠল। স্বামী উঠে এই স্বযোগে ‘পালাল। এই লুডোর প্রতি দামিনীর মমতা সীতেশের ‘মমতার’ চেয়েও বেশী। স্বামীর সে আজ আর রক্ষা রাখবে না। এদিক ওদিক তাকিয়ে বেতের ছড়িটি সে হাসতে হাসতে খুঁজতে থাকল—‘দাঁড়াও যাচ্ছি, আমার পায়ে হাত তোলা তোমার বার কচ্ছি গিয়ে।’

ছড়ি নিয়ে বাইরে এসে দেখলে, মোটা একটা লাঠি হাতে নিয়ে স্বামী বীরদর্পে দণ্ডায়মান।

দামিনী তৎক্ষণাৎ আত্মসংযম ক’রে বললে—‘আর কান ধরবে অমনি করে?’

‘বেশ করবো’—বলেই সীতেশ আবার দৌড়। দামিনী ছুটল পিছু পিছু।

তারপর আবার সন্ধি হ’ল। যে-চোখে দামিনী শাসন করে, সেই চোখেই সে আনে মায়া। তারই হ’ল জিৎ।

দামিনী রান্না করে, সীতেশ বসে কুটনো কুটতে। ‘পথে বসে তরকারী ঠিক সমান ভাগ হ’ল কি-না এই নিয়ে দুজনে বাধায় কলহ। কিন্তু দামিনী যখন ঘর ধোয় সীতেশ বসে বাসন মাজতে।

বিকাল বেলা তাদের বেড়াতে যাওয়া চাই-ই চাই। আলতা-পরা দুখানি পা চটী জুতোর মধ্যে ঢুকিয়ে সাজ-সজ্জা ক’রে এসে দামিনী বলে—‘চল।’

সীতেশ দরজায় লাগাল চাবি-তালা। তারপর ছড়িটা হাতে নিয়ে ঘোরাতে ঘোরাতে দুজনে বেরিয়ে পড়ল। দরু গলিটি পার হবার আগেই বা-হাতি পুরানো বাড়িটির নীচের একখানি অন্ধকার ঘরের একটা জান্না পার হতে হয়। অল্প দিনের মত আজও সেই জান্নার দিকে নজর পড়তেই দামিনী একটুখানি হেসে বলল—‘আজ ঝামেলায় যাব, নতুন ছবি এগেছে ভাই।’

একটি কুমারী বয়স্কা মেয়ে। গায়ে জামা নেই, ময়লা একখানি কাপড় প’রে ঠিক এমনি সময়টিতে সে জান্নার কাছে এসে দাঁড়ায়। রূপ তাকে বিধাতা দেই নি, অবস্থার দৈন্ত্য সে মুখখানিকে আরও কুৎসিত করেছে। দামিনীর কথার জবাব সে দিতে পারল না, শুধু একটুখানি হান্স—নিজের মুখের হাসি তার অন্তরের অন্ধকারকে ঈষৎ আলোকিত ক’রে আবার মিলিয়ে গেল।

রাস্তায় পড়ে সীতেশ বলল,—‘পথে বিপদ না ঘটে!’
অগ্রমনস্ক হয়ে দামিনী বলল—‘কেন বল ত?’

‘ওই অযাত্রা মুখ দেখে বেরোনো—’

দামিনী চকল, ছেলেমানুষ, কিন্তু হৃদয়হীন নয়। মাছুয়ের গোপন নিষ্ঠুরতা তার সহজেই চোখে পড়ে। বলল,—‘ছি! কি বলছ তুমি?’

সীতেশ কথা বলার কোনো দায়িত্ব নেয় না। বলল,—‘দূর! তাই কি আর বলছি, তোমার বীণা-বন্ধু খুব ভাল শ্রমেয়ে।’

যে-কাঁটাটি ফুটলো সেটি আবার গেল উঠে। দামিনী আবার সারা রাস্তা মুখরিত ক’রে চলল।

যতদূর পর্যন্ত স্বামী আর স্ত্রীকে দেখা যায়—জান্নার গরাদের ফাঁক দিয়ে মাথাটা হেলিয়ে বীণা সেইদিকে তাকিয়ে রইল।

একটি অস্পষ্ট কুমারী-মান্না সজ্জা। আশপাশের খোলার চালগুলি এরই মধ্যে ধোঁয়ায় ভরে উঠেছে। শীতের শ্রীহীন হাওয়ায় এড়াবার জন্য সজ্জার আগেই আশপাশের দরজা জান্না বন্ধ হয়ে গেছে।

কপট ছুটি আস্তে আস্তে ভেজিয়ে দিয়ে বীণা ভেতরে চলে’ গেল। নীচেটা তখন অন্ধকার হয়ে গেছে। রূপ মা ছিলেন রান্নাঘরে গায়ে-মাথায় একখানা পশ্চিমী রূপার মুড়ি দিয়ে বসে। বললেন—‘আঙুন-তাকে এসে বোস বীণা। যে ঠাণ্ডা, সারাদিন ভল ঘেঁটে হাত-পাগুলো তোর যা হয়েছে! আয়।’

বীণা রান্নাঘরের দরজায় এসে দাঁড়াল। মা তার মুখের দিকে তাকিয়ে ব’লে উঠলেন,—‘এত ঠাণ্ডা, গায়ে জামা পরিনি? মরবি যে!’

বীণা যত্ন-কঠিন কণ্ঠে বলল—‘চূপ কর, কেউ শুনে পাবে, আছে না কি কিছু যে গায়ে দেব ?’

রাতে অনাবশ্যক তেল খরচ ক’রে আলো জ্বালার হুকুম নেই। যে-ঘরে ভাঁড়ারের জিনিসপত্র ও এক ধারে ঘুটে-কয়লা থাকে, বীণা সেই ঘরে ঢুকে নিজের বিছানার ধারটিতে চূপ ক’রে বসল। দিন তার কোনো রকমে কাটে, কিন্তু রাতের বেলা তার মন ওঠে একটু একটু ক’রে জেগে। শুয়ে, বসে, পাশ ফিরে জেগে জেগে সময় আর কাটতেই চায় না। রাজির অন্ধকার তার ঘর আর বাহিরকে একেবারে সমান ক’রে দেয়। বীণার অবরুদ্ধ, অ-স্বচ্ছ বন্দী-মনের যতকিছু চিন্তা পুঞ্জ পুঞ্জ অন্ধকারের রূপ নিয়ে ঘরের চারিদিকে উড়ে উড়ে বেড়ায়।

উদ্বেগহীন আশাহীন একটি জীবন !

বাপ আসেন সারাদিন পরিশ্রম ক’রে। তিনি যে কেরানী তা তাঁর মুখেই প্রমাণ। তাঁর গাঙ্গীর্ঘ্য হচ্ছে রাগ, স্পষ্ট কথা হচ্ছে কলহ, শাসন হচ্ছে কটুভক্তি, আর তাঁর পিতৃহটা আর স্বামীহটা হচ্ছে পাপ। গগেনবাবুর অনেক গুণ ! রবিবারের সমস্ত দিনটা বীণা একেবারে তটস্থ হয়ে থাকে।

খগেনবাবুর আগমন, বিজ্ঞান, আহাৰ এবং তামাক সেবনের গুণগোলটা চাপা পড়ে পাশের বাড়ীর হৈ-চৈতে।

‘ভাই ভাই, ঠাই ঠাই—এ বাছা শান্তরেই আছে।’

‘তা ব’লে মাথা কাটাফাটি হবে মা, তুমি বল কি ? বৌ মাছুষ গিয়ে ভাস্করের মুখের ওপর বাপাস্ত ক’রে এল ! কান-ভাঙানিতে কি-না হয়, যে মা পেটে ধ’রে এত বড়টা করলে তারই গলা টিপে সেদিন—’

‘নিজের বেলা আঁটিছ’টি ! ও সিঁহুর তোর কপালে কিঙ্কতে থাকবে না, যদি আমি বামুনই মেয়ে হই, সোয়ামির হাড়িতে যদি একদিনের তরেও চা’ল দিয়ে থাকি—’

‘বা-বাউলির ঘর, এ আর নতুন কি দেখেছে মা, নিজের ছেলের পাতে মা, ছুথানা মাছ পড়ে, ছোট বো’র ছেলে খায় ভাজার কাঁটাটুকু,—আলোটা আঁড়াল ক’রে বাছাদের খাওয়াতে কলে !’

‘এই কীভি, বুঝলে পিসি, দন্ডাল বৌটার এই কীভি আর কি চাপা থাকবে তুমি ভাব ?’

‘আরে রামো, ঐ সীতেশ হোড়ার বৌটার কথা ত ? আর বলিসনে বাছা। ছি মা ছি, পাড়া-বেড়ানির লক্ষ্য-সরম কি এতটুকু আছে গা ? স্বামী হোড়া ত তেডুয়া, বাজারও করাচ্ছে, বাসনও মাজাচ্ছে, এবার পরনের কাপড়খানাও না কাচিয়ে নিলে বাঁচি ! এখনকার মেয়েরা তাও পারে !’

একটা নির্লজ্জ হাসির ঝড় সেই অদৃশ্য অনির্দিষ্ট মঞ্জলিসটার ওপর দিয়ে বয়ে গেল।

রাত হয়েছে। হাত-পাগুলো এখনও গরম হয়নি বটে। বীণার স্তিমিত তন্দ্রার ঘোর কি যেন সাড়াশব্দ পেয়ে হঠাৎ সজাগ হয়ে উঠল। ও বাড়ীর সেই ছেলোট এতক্ষণে ফিরেছে। সম্ভ্রান্ত কলেজ ছেড়ে ছেলোট দেশের কাজে নেমেছে। তার গলার আওয়াজ যেন বৃহৎ পৃথিবীর সাড়া আনে !

‘বুঝলে মা, তুমি বিশ্বাস করবে না বললে, সমস্ত দেশটায় আজ মেয়েরা এনেছে উৎসাহের ছোঁয়ার। ধরা পড়েছে কত শুনবে ? হু-হাজারের ওপর। মেয়েদের আর সেদিন নেই !’

‘সে কি রে ! মেয়েদের এমন ক’রে দড়ি খুলে দেওয়া ?’

‘ওই ত তোমাদের দোষ ! তোমরা নিজেকে শক্তিকেন চেন না। ছুটো পা নইলে সমাজ চলবে কেমন ক’রে ? মেয়েরা এতদিনে বুঝেছে যে আমরা তাদের বেঁধে রাখিনি, নিজেকে জালেই এতদিন তারা জড়িয়েছিল।’

এ যেন নতুন দেশের কথা, এ যেন কোন্ দূর সাগরের স্বপ্ন—অন্ধকার ঘরের কাটলে এ যেন একটি তীব্র ধ্যায়শি !

কাঠের পাটিশানের ঝাঁক দিয়ে বীণা এতক্ষণ সেই যুবকটির দিকে তাকিয়ে ছিল। তার মনে হ’ল, এগুলি ত মুখের কথা মাত্র। যে-মেয়েরা আজ পথে পাড়ী বোড়া বাঁচিয়ে চলতে শিখেছে, সে যেদের সংখ্যা কতগুলি ? কিন্তু যাদের মৃত শব্দ জীবনে সামান্য বর্ণপরিচরও হ’ল না, পৃথিবীর পটে যে কেমন রাখই টানল না, দারিদ্র্য

ও দুঃখস্বারা তলারিয়ার সমস্ত সম্ভাবনাই গেল তলিয়ে, যার মহৎ ও সঙ্গুণ আত্মপ্রকাশের কোনো পথই পেল না, আপনি কি সে মেয়েদের খোঁজ পেয়েছেন?—উঁচু গলায় যদি বীণা এগুলি বলতে পারত!

‘তুমি দেখবে মা, এই যে মেয়েরা জাগছে, এরাই হবে ওদের সকলের চেয়ে বড় শত্রু। মেয়েদের স্বাধীনতা যে সমাজের পক্ষে কতখানি স্বাস্থ্যের লক্ষণ তা আমাদের বিদেশী শাসনকর্তারা ভাল করেই জানে। এবারের এই আন্দোলন, এই পীড়ন, এই অরাজকতা সার্থক হয়েছে নারী-জাগরণের মধ্যে।’—আনন্দে উচ্ছ্বাসে যুবকটির মুখখানি ক্ষণে ক্ষণে দীপ্ত হয়ে উঠছিল।

হায় রে জাগরণ! একটি মাত্র প্রদীপের কাছে বসলে কি জগতের সমস্ত অন্ধকারকে ভুলে যেতে হয়? সংখ্যায় যে মেয়েরা বেকী, তাদের যে আজও বিবাহের পাত্র জোটেনি, তারা যে পায় পিতার অনাদর, মাতার স্বার্থপরতা, তারা যে পায় স্বামীর অবহেলা, পরিজনবর্জিত। যে বৃহৎ নারী-সমাজের কাছে আজও দিনের আলো পৌছয় নি, সেই অনড় অচল কোটি কোটি অবলা স্ত্রী নিয়ে আছে যত কিছু পাপ, যত শাস্ত্রের শাসন, যত কলঙ্ক, যত গ্লানি, প্রাণধারণের যত কিছু সঙ্কীর্ণতা—কিছু থাকুক, বীণা কতটুকুই বা বোঝে!

যুবকটির শক্তি এবং সাহস-শিল্পিত দেহ আপাদমস্তক কমরে ভূষিত। সামসারিক অবস্থা তার ভালই, দেশে বেশ আয় আছে। জাতে ব্রাহ্মণ, বীণাদেরই সশ্রেণী, ব্রাহ্মণ মা তার বিবাহের চেষ্টা করতেন।

রাতে বীণার চোখে ঘুম আর আস্তেই চায় না। প্রথমত, শীতকালের বিরুদ্ধে লড়াবার মত গাম্ভীর্য কাপড় কিছু নেই; দ্বিতীয়ত, আহা! কচি খাটোটা তার অভ্যাস বিরুদ্ধ। সহনশীল দিয়ে, যমতা দিয়ে, বেরনা দিয়ে, বুদ্ধি দিয়ে কতবার সে সংসারের অবস্থাটাকে বুঝতে চেষ্টা করেছে, কিন্তু না—এখন তার ইচ্ছা করে, উই খান্নালো নখে সংসারের এই সরমের আবরণটা ছিঁকে কেলে সে চীৎকার করে ওঠে, বেঁচে থাকার নাম করে এমন শোচনীয় জঘন্য মরণকে আর আঁকড়ে ধরে থাকতে পারিনে। আর ইচ্ছা করে বৃহৎ জগতের

রাজপথে নেমে গিয়ে লোক জড়ো করে বলে,—এই যা তোমরা দেখছ, এ সত্য নয়, আমাদের যাতনা আমাদের দুঃখ কোথায় তা তোমাদের জানা নেই, আমাদের অকল্যাণ, আমাদের অভিশাপ তোমাদের চোখে পড়ে না,—তোমাদের এ সৌখীন দেশপ্রেম উচ্ছিন্ন থাকুক।—হায়রে, যদি বলতে পারত!

বীণার বুকের ভিতরটা টিপ্ টিপ্ করতে লাগল। সত্য কথা বলতে কি, জ্ঞান হওয়া থেকে আজ পর্যন্ত বাপকে সে ভাল চোখে দেখতে পারল না। লোকটা ভীক, কটুভাষী, কুরুচিসম্পন্ন, অশিক্ষিত, জ্ঞান ও সন্নিবেচনার দিক থেকে ভদ্রসমাজের অযোগ্য। পিতার প্রতি তার কোনো শ্রদ্ধাই নেই। মা হচ্ছে চিরকণ্ঠ, কদাকার, ঈর্ষাপরায়ণ, লোভী, স্বার্থপর—মাকে সে অন্তরের সহিত ঘৃণা করে। পিতামাতার পরিচয় হচ্ছে তার জীবনের সবচেয়ে বড় কলঙ্ক!

আবার সকাল হ’ল। গত রাতের উত্তেজনার কথা ভেবে লজ্জায় বীণা শিউরে উঠল। ছি ছি, নিজেকে এত বড় অপমান সে কবুল কেমন করে? গা হাত পায় তার ব্যথা, শরীর অবসন্ন, মাথাটা বিম্ব বিম্ব করছে। মন যেমন নিরুৎসাহ, তেমন উদ্বেগ-হীন। উঠে দাঁড়াতে গেলে মাথা ঘুরে পড়ে।

পিতা বলেন—‘এত বেলা অবধি ঘুম? রাত জেগে বই পড়া আমার কাছে চলবে না,—দিন দিন ত রোগা বাতুড়ের মতন চেহারা হচ্ছে, আর কিছুদিন বাদে পাত্তর জুটবেও না—মুখে আগুন মেয়ের।’

মাতা বলেন,—‘মাথার চুল ত আদ্যেক গেছে উঠে, কাল যারা দেখতে আসবে, ও-রূপ তাদের কাছে বার করবি কেমন করে আবাগি?’

সকালবেলা বাসনগুলি একত্র করে বীণা মাজতে বসে। সে কোনো প্রতিবাদ করে না।

ছপুসবেলা খানিকটা সময় মেয়েদের হাতে কোনো কাজ থাকে না। দামিনী লুকিয়ে লুকিয়ে এসে বায়ুন-বাড়ির দোতলায় উঠল।

হৃদয়ে ধিনি বসেছিলেন, তাঁর দিকে তাকিয়ে সে

বলল,—‘বড় পিসিমা, আপনি না-কি আমার নিন্দে করছিলেন?’

মেয়েদের ভটলা হঠাৎ শুরু হয়ে গেল। পিসিমা বললেন,—‘নিন্দে আর কি বাছা, তুমি সোয়ামি নিয়ে ঘর করছো, ছেলেপুলে নেই, অবস্থা স্বচ্ছল—আমাদের কি চোখ টাটায় না?’

সবাই নান শব্দের নানা হাসি হেসে উঠল। পিসিমা বললেন—‘তা পরে বলি শোন বাছা, তুইও শুনে যা, দুগ্গালাসের বৌ-এর গুণ বেরুচ্ছে শনি দিন। মিটমিটে ডান ম, ভেতরে ভেতরে গলদের খনি, সোয়ামির পকেট থেকে দেখ-সাক্ষেত্ সেদিন পয়সা চুরি করল। ওমা, কি হবে মা!’

উদীল বাবু জ্বী বললেন—‘ঘরের বৌকে সাবধান হতে হয়। কালো চাটুয়ার বড়মেয়ে ভাস্করের কি একটা কথাই হেসে উঠেছিল ব’লে এ জন্মে তাকে কেউ ঘরে নিল না—এত বড় আত্মদা?’

দামিনী অবাক হয়ে বলল,—‘কি আশ্চর্য!’

‘আশ্চর্য কি লা? তোর দিকে চেয়ে যদি কোনো পরপুরুষ হাসে?’

‘হাসলেই বা! তাতে কি হ’ল?’

এত বড় সহজ কথার আর কোনো প্রতিবাদ নেই! মেয়েবা স্তম্ভিত হয়ে তার দিকে তাকিয়ে রইল। এ ছুঁড়ি বলে কি?

দামিনীর অন্তরে যে খোলা আকাশের হাওয়া বয়; অরণ্যের নিভৃত আনন্দ সেখানে গুঞ্জন করে; উদয়াস্ত সেখানে অ’লোর খেলা। দামিনীর জীবন জটিলতার মধ্যে আবদ্ধ নয়।

‘উঠি পিসিম’—ব’লে দামিনী আর সেখানে বসল না। আন্তে আন্তে শিঁড়ি দিয়ে নেমে এসে দরজা দিয়ে বেরিয়ে গেল। পিছনের যে মস্তব—সেটা যে তার কানে যায় না তাই রক্ষে।

এ-দরজা থেকে সে আবার ও দরজায় গিয়ে উঠল। সামনে অল্প একটুখানি রোয়াক, বাঁ-দিকে কলভলা। দালান পার হতেই একটি মেয়ের সঙ্গে তার মুখোমুখি দেখা। দামিনী বিজ্ঞাসা করল—‘কেমন আছেন রে?’

মেয়েটির মুখ দিয়ে আর কথা সরে না। শুধু হাড় নাড়ে। দেখতে দেখতে তার চোখে জলের ধারা নেমে এল।

‘ভাল নেই? ডাক্তার কি বলেন?’

পাশের ঘরে কাশির শব্দ হতেই মেয়েটি আবার ছুটে চলে গেল।—

আসন্ন শোকের ছায়ায় বাড়িটি থম্ থম্ করছে। দারিত্র্যের একটি রিক্ত রূপ চারিদিক থেকে যেন জানাচ্ছে নেই নেই, কিছু নেই। দামিনীর যেন কঠরোধ হয়ে আসে। ও-পাশে দালানের একধারে একটি মাত্র ছেলে ম্যালেরিয়া জরে প্রতীদন এই সময়টায় একেবারে অচেতন হয়ে থাকে। স্বাভাবিক পা পুড়ে গিয়ে তিনি শয্যাগত। একটি মাত্র দেওর তার চোর-বতাবের জন্য অনেক দিন থেকেই বাড়িছাড়া। মাঝে মাঝে আসে, এটা-ওটা হাত সাফাই ক’রে আবার পালিয়ে যায়।

বউটি যখন আবার বেরিয়ে এল তখন সে আর দামিনীকে দেখতে পেল না। নাম ধরে ড়বার ক্ষেত্র, যখন বৃষ্টি সতাই দামিনী পালিয়ে গেছে, তখন সে একটি নিঃশ্বাস ফেললে। সে নিঃশ্বাস যে কি স্বাদ, তা শুধু সেই নিঃশ্বাসই জানে।

বেলা তখন অনেকখানি গড়িয়ে এসেছে। দামিনী দিকের দরজা দিয়ে ঢুকে দামিনী ডাকল,—‘বড়-মা!’

‘কে রে, কুঁদ-বৌ? আর!’

দামিনী ঘরে ঢুকে গিয়ে বলল,—‘বাঃ, এই হুইরেন-দা, একেবারে লম্বী ছেলেটি হয়ে ব’সে। বেশের কাজে নেমে আবার যে মায়ের আঁচলের তলায়?’

হুইরেন হো হো ক’রে হেসে উঠল। বলল,—‘মুখে যে খুব দেখে ছ, জেলে যেতে পার? তুমিয়ার মতন কত মেরে আজকাল—’

দামিনী বলল,—‘দুঃ, আমার মতন একটিও নেই, আমাকে নিয়ে চল ত দেখি, পিকেটিং ক’রে বিলিভি কাপড়ের বাজার একেবারে বন্ধ করে দেবে।’

বড়-মা বললেন,—‘সীতেশ কি করছে?’

দামিনী বলল,—‘হাড় ভাঙা ভাঙা করছিল এতকণ,

এবার ঘুম পাড়িয়ে রেখে এলাম।' ভারি দাধেলে, বড়-মা।'

‘আ পোড়ারমুখী!’

দামিনী হাসি ধামিয়ে দম্ নিয়ে বলল,—‘আচ্ছা বড়-মা, তোমার ছেলেটি এমনি করে বয়ে যাবে তুমি বলতে চাও?’

স্বরেন নির্বাক বিস্ময়ে তার দিকে তাকাল। বড়-মা বললেন,—‘কেন বলতে রে?’

দামিনী এক চোট হেসে বলল,—‘দেশের কাজে এই যে দলে দলে ছেলে নাম্, এর কারণ কি জান?’

‘কি?’

‘মনের দুঃখে! তোমরা এদের বিয়ে দিলে না, একটা উপায় দেখলে না, একটা হিলে করলে না, এরা কি করে বলতে?’

মুখ চোখ রাঙা করে স্বরেন বলল—‘বৌদি না হ’লে তোমাকে আস্ত রাখতাম না। ভারি হিঁতবী!’

‘আমি একটা উপায় ঠাউরেছি, বড়-মা’—গলা নীমিয়ে দামিনী বলল,—‘এদের বীণার সঙ্গে স্বরেনদার খিয়ে দাও।’

ওদিকের সিঁড়ির ধারে বীণা ছিল দাঁড়িয়ে। হরিণ যেমন দূরের বাশীর আওয়াজ শোনে, বীণা শুদ্ধছিল তেমনি নিশ্চল হয়ে! হঠাৎ তার কানে আঙনের মত দামিনীর কথাগুলো ঢুকতেই তার কণ্ঠ দেহ সে আঘাত লইতে পারল না। তার সেই কদাকার মুখখানি দেখতে দেখতে কেমন বিকৃত হয়ে এল, সমস্ত দেহটির বিল্ খুলে গিয়ে ধর ধর করতে লাগল, মাথাখ উঠলো রক্ত—মনে হ’ল, এত বড় সম্ভাবনার দুঃখ তার জীবনকে যে দুর্ভাগ্য ক’রে তুলবে! ধীরে ধীরে সে যখন সেখান থেকে উঠে চলে গেল তখন তার দেহের অর্ধেকটা অচেতন হয়ে এসেছে

স্বরেন মাথা হেঁট ক’রে রইল। বড়-মা বললেন—‘আশ্চর্য্য ও মেয়ে। এইটুকু বয়সে কত সহ্যই করল! কাল যে কাণ্ডটা হ’ল তা কোনো ভদ্রবরে কখনও হয় না মা। মা হয়ে বাপ হ’য়ে এত বড় অপমান যে পেটের ক্ষেত্রকে কবুতে পারে তা আমার জানা ছিল না।’

দামিনী বলল,—‘কেন বড়-মা?’

‘কেন? এদেশে মেয়ে হওয়া যে পাপ! তার চেয়ে বড় পাপ যদি সে বিয়ের যুগিয়া হয়!—কাল একবারটি সিঁড়িতে এসে দাঁড়িয়েছিল... ছেলেমাছব, সকল সময় কি সাবধান হতে পারে? সমস্ত দিন খেটে খেটে সারা হয়, ওপরে উঠেছিল একটু নিশ্বাস ফেলতে...পড়ে গেল বাপের চোখে মেয়ের পেছনে গোয়েন্দাগিরি করা ওর মা বাপের স্বভাব কি না...’

স্বরেন আরক্তমুখে বলল,—‘সে কি লাঞ্ছনা! মা ধরল জাপটে আর বাপ...দেখে এসো বৌদি, গায়ে এখনও দড়া দড়া দাগ পড়ে আছে।’

‘নির্দোষীর এত বড় শাস্তি বড়-মা? এ বীণা সইল?’ স্বরেন ধীরে ধীরে উঠে চলে গেল। বড়-মা বললেন,—‘নির্দোষী ত নয় মা, স্বরেনের মতন ছেলে যে-বাড়িতে থাকে সে-বাড়ির দিকে তাকানো যে দেশ-সেবার চেয়েও বড় পাপ!’

দামিনীর চোখ ছুটি ততক্ষণে জলে ভরে উঠেছে।

শীতের রাত। সন্ধ্যা হতেই দামিনী একটি একটি ক’রে সমস্ত জন্মা দরজাগুলি বন্ধ ক’রে দিয়েছিল। সীতেশের জগাই ভয়, নইলে তার শীত একটুও লাগে না। সে বাজি রেখে এখনি চৌবাচ্ছায় ডুব দিয়ে স্নান ক’রে আসতে পারে। একটি ধূপ এতক্ষণ জলে এবার শেষ হতে আর দেরি নেই। খাওয়া-দাওয়া সারা হয়ে গেছে। ঘরের দু’দিকে ছুটি বিছানার ওপর ব’সে দুজনে গল্প করছিল।

‘ছোট বেলা থেকে দুজনে এক সাথে মাছব হ’ল, বুঝলে দামিনী, বিয়ের পর আটদিনের মধ্যে মেয়েটি মাথার সিঁদুর মুছলে, স্বামীর ‘ইন্সিওরের’ দক্ষণ কিছু টাকাও পেল সে—বেশ এ পর্য্যন্ত ঠিক আছে, কিন্তু দিন যায়—ছোটবেলার ভালবাসার সাথীটিও বড় হয়ে একটি বউ ঘরে আন্ল—’

লেপের ভেতর থেকে মুখ সরিয়ে দামিনী বলল,—‘তার পর?’

‘তারপর দুন্দিয়ায় যেটি সবচেয়ে বড় সত্যি, জীকে ঘরে এনে ছেলেটি মেয়েটিকে তাক্কিল্য করল, তাও

সহ—কিন্তু তখন আর সইল না দামিনী, যখন ভালবাসার ভাণ দেখিয়ে বিধবার ঢাকাগুলি ছেলেটি ঠিকিয়ে নিল। আজ দেখলাম বিধবাটি মেজদিদির বাড়ি ভিক্ষে করতে এসেছেন।’

দামিনী বলল—‘ওর চেয়েও ভাল গল্প শোনো : মণ্টুবাবুর বউ—ওই গো, যার সেদিন বিয়ে হ’ল—ফিরিওলার কাছ থেকে তিনটি পয়সার রসমুণ্ডি ধার করে কিনেছিল, সেই নিয়ে বাধল ঝগড়া, বড় বোন কি যেন বলেছিল, ভাই গিয়ে তাঁর চুলের মুঠি ধরে দেয়ালে মাথা দিল ঠুঁকে, মা আর সইতে না পেরে ছোটছেলেকে ডাকলেন……তারপর লাঠালাঠি……’

‘সত্যি, কাদের বাড়ি ? তারপর ?’—সীতেশ গিয়ে দামিনীর পাশে বিছানায় বসল।—‘কি হল দামিনী তারপর ?’

‘বলছি।’—ব’লে দামিনী গায়ের ওপর গরম রূপারটা টেনে দিয়ে বলল,—‘বড়বোনের কপাল গিয়েছিল ফেটে, ছোটভাই মণ্টুবাবুর ঝাঁ-হাতখানি ভেঙে দিলেন, মা ঠেলা খেয়ে রোয়াক থেকে পড়ে গেলেন, বড়ো মাছব, হয়ত পক্ষাঘাত হবে……তারপর পুলিশ এল……তারপর আর বলা চলে না !’

‘কেন ?’

‘আচ্ছা, শেষটাও শোনো। বউটার চরিত্র-দোষ প্রমাণ ক’রে তবে না-কি পুলিশের হাতে সবাই রেহাই পেল। দারোগা দুবার লাঠি ঠুঁকে কিছু ঘুষ নিয়ে গেল !’

বলা বাহুল্য, সমস্ত গল্পগুলিই প্রতিবেশীগণের সত্য ঘটনা থেকে গৃহীত।

রাত হয়েছিল গভীর। পশ্চিম দিকে যে চন্দ্র অস্ত গেছে তারই ক্ষীণ আভা এসে পড়েছিল জানুয়ার ঝিলিমিলির ভেতর। এত রাতেও এই ছুটি স্বামী-স্ত্রীর চোখে ঘুম ছিল না। আশপাশে অশিক্ষিত দরিদ্র নরনারীর যে কদর্যা জীবনযাত্রা চলেছে দিনের পর দিন, বছরের পর বছর, তাদের কথা বাদ দিয়ে এদের আলোচনার আর কিছুই থাকে না। চারিদিকের পঙ্কিলতার মাঝখানে এই ছুটি নরনারী যেন পদ্মের মত ফুটে উঠেছিল।

সীতেশ আবার উঠল। এদিকের বিছানার কাছে সরে এল, বলল—‘বিলাসবাবুর ছোটভাইয়ের কাহিনী শুনেছ ত,—এই ত আজ সকালবেলা ওর সঙ্গে—আঃ আবার উঠছ কেন ? থাক, আমি তোমার কাছে বসছি নে !’

দামিনী হেসে বলল—‘হ্যাঁ, কি হ’ল বল না ?’

‘আগে আমায় বসতে দাও ?’

‘এসো।’

বসতে গিয়ে সীতেশ শুয়ে পড়ল। দামিনী উঠে এসে একটি জানুলা খুলে দিয়ে নিঃশব্দে দাঁড়াল। রজনী অন্ধকার। বীণাদের ছাদের মাথায় দপ, দপ ক’রে একটি শুকতারা জ্বলছে। দামিনীর মনে হ’ল রাতের এ দৃশ্য সত্য নয়, রাত দিবালোকে যা দেখা যায় তার চেয়ে স্পষ্ট আর কিছু নেই। অন্ধকারের যে সৌন্দর্য, সে মোহ মনকে পথহারা করে।

‘একি আবার উঠে এলে ? না ঘুম পাড়ালে শুনবে না ?’

সীতেশ বলল,—‘এটা না ব’লে আর পাচ্ছি নে মিনি,……বিলাসবাবুর ছোটভাই ইন্সর চাকরি ছিল না, জান ত ? তবু বড়ো মা মরবার আগে দিল তার বিয়ে। আহা বেচারি, বৌকে খাওয়াতে পারে না, রোজগার যে একেবারেই নেই ! সমস্ত আত্মীয়স্বজনের দরজা একে একে গেল বন্ধ হয়ে……এবার স্ত্রীকে নিয়ে ইন্সর বেরোলো পথে ! কোথায় ? এক-একটি বন্ধুর বাড়িতে স্ত্রীকে ফেলে সে দিনের পর দিন উধাও হয়ে থাকে, লজ্জায় আর কিরে আসতে পারে না। এমন ক’রে বহু বন্ধুর আশ্রয়ভূমি সে ঘুরে বেড়ালো। এমন দিনে তার আর একটি সম্ভাবন আসন্ন হয়ে এল একে সে খাওয়াবে কেমন ক’রে ? স্ত্রীর কাছে কেবলই বলে—ও মাস থেকে একটি চাকরির সুবিধা হয়েছে। স্ত্রী বিশ্বাস ক’রে দিন গোণে, শেষে বুঝলে উপার্জন করা তার স্বামীর ভাগ্যে নেই। স্বামী আবার হ’ল উধাও। ফিরে যখন এল, শুনুলো তার স্ত্রী এক দাইয়ের বাড়ীতে। ছুটতে ছুটতে গেল সেখানে। দাই বলল,—কাল তার হয়ে গেছে, প্রসব হ’তে সে পারেনি, আপনি এতদিনে

ধবর নিতে এলেন ? ঢোক গিলে বল্ল,—আমার চাকরি হয়েছে তাই বলতে এসেছিলাম !’

দামিনী মূপের একটা শব্দ ক’রে উঠলো, সীতেশের কাঁধের ওপর মাথা রেখে বল্ল,—‘আর আমি শুনতে পারিনি, আর বলো না তুমি !’

সীতেশ বল্ল—‘এদের বাচাবার কি কোনো উপায় নেই দামিনী ?’

বেলা চাণটে বাজে ।

সীতেশ বেলা, এরই মধ্যে বাড়ির মাথায় রোদ উঠেছে । কোনো কোনো ঘরের কর্তা বাঁধাকপি হাতে ক’রে এরই মধ্যে বাড়ির ভেতর এসে ঢুকছেন ।

দামিনীর ঘর অ’জ জন্-জন্মাট । মেঝের একধারে আহারের প্রহর আয়োজন থবে থবে সাজানো । সীতেশ চায়ের সরঞ্জাম গোছাচ্ছে, এইবার জল গরম করবে । ওরারের খাটের ওপর দামিনী, আর তারই হাতের মধ্যে হাত রেখে বীণা কাঠ হয়ে বসে রয়েছে । দামিনীর পিঠাশীড়িতে সীতেশের সঙ্গে সে অনেকবার কথা বলবার চেষ্টা করেছে, কিন্তু পারে নি । যে আলাপ নিশ্চয়োজনের যে আলাপের শিক্ষা তার হয় নি ।

এমন সময় স্বরেন এসে ব’ড়ের মত ঘবে ঢুকল ।—‘বৌদি, কোথায় কি আছে দাও ভাই তাড়াতাড়ি, তোমার দেবদত্ত না রাখলে হয়ত বা—’

দামিনী বললে—‘বাঃ, বেশ স্বরেনদা’—থুব তুমি, বেশ কোক বা হোক, সেই কখন বেলা ঐনটের সময় আসবার কথা !’

সীতেশ বল্ল,—‘নেমে এসে দাও না কানটা মলে, হুমিড্ !’

‘যা যা, তুই আর বকিস্ নি, বুলি, তুই থাম, এ বোয়ের আঁচল ধরে ঘোরা নয় ছানয়াটা অনেক বড় !’

‘ওরে দেখ্ গাশা, হাটে হাড়ি তা হলে ভাঙবে ? মেঘেদের এই আন্দোলনে ভোর মেলামেশা কেন তাহলে বলব খুলে ওই বীণার কাছে ? ষ্টুপিড্, দিনে পাঁচ সাতটা নেমস্তন্ন খেয়ে বেড়ানো, মেটাও কি দেশের কাজ ?’

দামিনী খিল্ খিল্ ক’রে হেসে উঠল ।

স্বরেন বল্ল—‘তা হ’লে বসি, ভোর এখানকার

নেমস্তন্নটাও ভাল ক’রে খেয়ে যাই—বৌদি, তুমি ভাই গান শোনাতে বলেছিলে !’

—‘নিশ্চয়ই, এনো স্বরেনদা, তার আগে বীণার সঙ্গে আলাপ করিয়ে দিই,—ও’ক, এত লজ্জা কেন রে ? নেমুখ তোলা এ আমার স্বরেনদা……’

বীণা মুখ তুলতে পারল না, সহজ হতেও পারল না, পাথরের মত শীতল ও কঠিন হয়ে বসে রইল । অপরিচিতের সঙ্গে কেমন ক’রে কথা বলতে হয়, ভদ্র-সমাজে কেমন ক’রে মিশতে হয়—এত তার জানা নেই ! সমস্ত মুখশানি তখন তার অবলম্ব্য বেদনায় ও অশ্রুজলে রোমাঙ্কিত হয়ে উঠেছে ।

স্বরেন বল্ল,—‘থাক্, আলাপের জন্য আর এত বাস্তব—নাও তুমি গান ধর বৌদি—ওই যে, দেবো হারমোনিয়মটা এগিয়ে ?’

‘দাও !’

স্বন্দর কর্ত্তের গান যখন চারিদিকে ছড়িয়ে পড়ল, তখন প্রত্যেক বাড়ির জন্লাগুলো গেল খুলে । সবাই দেখল ক্ষুদ্র-বৌর ঘরে মজলিস বসেছে । সীতেশ নিজের সমস্ত আহাৰাদির বন্দোবস্ত করেছে । ছেলপুলনের ডেকে সবাইয়ের হাতে দিল মিষ্টন্ন । দামিনীর আজ জন্মদিন । ও-বাড়ির বড় পিসিমা স্বমুখের জানলা খুলে এত বড় অনাচারের দৃশ্যকে প্রশ্রয় দেননি, পিছনের খোলা জানলাটির স্বমুখে তিনি স্তম্ভিত ও নির্ঝাক হয়ে দাঁড়িয়ে এ কালের অধোগতির কথা ভাবতে লাগলেন । দামিনীর গানের আওয়াজ তাঁর মত তাঁর কানে বিধতে লাগল ।

আসর সেদিন ভাঙবার পর বীণা যখন বাড়িতে গিয়ে ঢুকল, ভিতরে তখন ঝড় উঠেছে ।

এই কথা ও কাহিনীর শেষের দিকটা না শুনলেই হয়ত ভাল হ’ত ।

দামিনী আর সীতেশ ইতিমধ্যে সরস্বতী পূজা উপলক্ষ্যে গিয়েছিল নবদ্বীপে তাদের মামার বাড়ি । ফিরে এসে দামিনী যখন পাড়ায় আবার সকলের সঙ্গে দেখা করতে গেল, তখন আর কেউ তাকে আমল দিল

না। শ্বেজদিদি মুখ ফিরিয়ে উঠে গেলেন। নিরুপমা বলল,—‘ভেলেমাতুগী করবার সময় আমাদের নেই।’ যক্ষ-গন্ত বোগীং সেই বউট বলল,—‘বন্ধুর মতন তোমার সঙ্গে কথা বলতাম, তোমার পেটে পেটে এত গুণ? আমার শাশুড়ী দেখে ফেলবেন ভাই, আমি চন্দ্রলম।’

দামিনী বলল,—‘কেন ভাই, কি দোষ করলাম?’—
কিন্তু তার কথা তখন শোনে কে!

বড়-মা শুনিয়ে দিলেন—এটা গেরস্ত বাড়ি বাছা, ভদ্রবলোকের মেয়ে-ছেলে নিয়ে বাস করি। এ কাণ্ডটা তোমার জগ্জেই হ’ল মা। তুমি আর এ বাড়িকে—’

সকল দরজায় মাথা ঠুক দামিনী ফিরে এল।

কিন্তু ঘটনাটা শুনেই হ’ল তাকে একদিন।

‘বাপের মুখে আর কথাটা নেই, অবাক কাণ্ড, এমন কোথাও দেখা যায়?’

‘তাট বটে,—আহা, মায়েব প্রাণ কাঁদবে না গা? বল কি তুমি? যতই নাতি-ঝাটা করুক, পেটের মেয়ে ত বটে!’

‘কিন্তু যতই মিটমিটে ডান হোক পিসিমা, বীণা-মেয়ের সাহস কম নয়!’

‘তা আর নয় বাছা, গায়ে তেল ঢেলে আগুন আলিয়ে দিল, যাকে বলে, দগ্ধে দগ্ধে মরা!’

‘আর ধৈর্য্যও কম নয়, দেখলে ত মামী, টু শব্দটি করলে না—তা আহা, বাপের কষ্ট বুঝেছিল ছুঁড়ি, টাকার জোখে বাপ বিয়ে দিতে পারে না—আর সে ত বলেই গেল মরবার সময়, বাপের পায়ে ধুলা নিয়ে বলল—‘আর যেন মেয়ে হয়ে না আসি!’

‘কিন্তু আবিধোতা করলে ওই ছোঁড়া, ওই স্বরেনটা, লাক্ষি মেবে বেড়া ভেঙে ছুটল’ সোমন্ত মেয়ের গা থেকে আগুন নিবোতে! পাগল আর কি, সাহসও কম নয়, হাত দিয়ে আগুন নিবোনো যায়? তেমনি হয়েছে, মজাটা বাছাধন টের পেয়েছেন,—হুট হাত পুড়িয়ে ছোঁড়া এখন হাসপাতালে! ছুঁড়িও নাকি শুনলুম, মরবার সময় ওই ডাকাত ছোঁড়ার পা’র ধুলা মাথায় নিয়েছিল! কি হবে মা, যাব কোথায়, নাটুকেপনা করা এখনকার মেয়ের রীত!’

‘স্বরেনের মা’র কথা বুঝি শোননি বড়দি? বললে, আমি ভাকাতের মা সেই আমার ভাল!’

‘ও চলনি মাগির কথা আর বলিন্বে ভাই। মাগি বলে কি-না, ছেলে আমাব যেদিন জেলে যাবে সেদিন আমার যষ্টপূজ্ঞা হবে সার্থক।’

দরজার কাছ থেকে সীতেশ দামিনীর হাত ধ’বে টেনে আনল। দুই হাতে তাকে জড়িয়ে ধরে বলল,—‘ওকি, শোনো, অমন ক’রে তাকিও না—দামিনী শুনচ?’

‘ঐ?’

কোলের কাছে তাকে বসিয়ে সীতেশ বলল,—‘এত বড় আত্মহত্যার তুমি প্রশংসা করলে না দামিনী? বেঁচে থাক! যে তার পক্ষে আত্ম অপমান!’

দামিনী নিজীবের মত শুধু বলল,—‘তাই ত!’

কিন্তু এখানেই শেষ নয়! আর এক পর্ব বাকি!

এই ক্ষুদ্র পল্লীটিতে সেই পাপ, অমঙ্গল, গ্লানি, অকল্যাণ, জীবনের সহস্র অপমান একই প্রবাহে বয়ে চলেছে। সকাল থেকে সন্ধ্যা পর্যন্ত প্রতি দিবসের যে প্রাণধারণের বিকৃত উন্মত্ত-তার উপকরণ শুধু পর-নিন্দা, কটুক্তি, কদাচার, কলহ, সন্দেহ শত লক্ষ নৈশ্বেয় অলঙ্কার আড়ম্বর!

কিন্তু যে নিষ্পাপ, যে সরল, যে সহজ, যে দৌলখ্যাময়, ফুলের মত যে আপনাব আনন্দে ছুঁট উঠে স্বগন্ধ বিস্তার করেছিল, তাকেও এই পাপের মূলা দিতে হ’ল।

দামিনীর না-কি চরিত্রদোষ! স্বরেনের সঙ্গে ঘনিষ্ঠতার গোপন বহুস্ত তাদের চোখে উদ্ঘাটিত হয়ে গেল, যেদিন শুনল দামিনী হাসপাতালে পাবার নিয়ে তাকে দেখতে গেছে। অবৈধ প্রশংসাসক্তি না হ’লে ঘরের বৌ এমন অদমা সাহস সঞ্চয় করে কোথা হ’তে?

সীতেশ শুধু বলল,—‘মনে নয়, আমার বদনাম ত আগেই রটেছে। বীণাকে নিমন্ত্রণ ক’রে খাওয়ানো হয়েছিল তার কারণ তোমার প্রতি আমার মোহ নেই। মোহ থাকলে কি আর তোমার এত স্বাধীনতা দিই!’

দামিনী নিঃশব্দে বসে রইল।

নীতেশ বলল—‘কিন্তু চল দামিনী, এখানে আর না—চল চলে যাই কোথাও। আমাদের বেঁচে থাকতে হবে যে!’

দামিনী মুক্তির নিঃশ্বাস ফেলে উঠে দাঁড়াল,—‘তাই চল। এখানে থাকলে আমাদের ঘরও হয়ত ভেঙে যাবে! চল!’

* * * *

গ্রীষ্ম যায়, বর্ষা যায়—একটি একটি ঋতু ঘুরে ঘুরে পার হয়ে যায়। যারা ছিল এবং যারা নেই তাদের কথা কেউ মনেও করে না। স্থা আলো বিকীর্ণ

করে, রাতে জ্যোৎস্না ছড়িয়ে পড়ে, আকাশে ওঠে তারা, গাছে কোটে ফুল ও ফল—কিন্তু তাদের কি! মাটির নীচে যারা জালে জড়িয়ে থাকে, উপরের পৃথিবীর খবর তারা রাখবে কেন? পাপের স্বভাব সৌন্দর্যকে ভুলে থাকা!

গলির এ-মোড়ে দামিনীর ঘর খালি পড়ে থাকে, গলির ও-মোড়ে বীণার ঘরে কেউ প্রবেশ করে না। ও-জান্নাটি তাকিয়ে থাকে এ-জান্নাটির দিকে। এ করেছে হৃদয়ের জীবনের তপস্বী, ও করেছে আত্মহত্যার সাধনা!

নৈপুণ্য

শ্রীশ্রীশ্রীকুমার চৌধুরী

একদা নিপুণ হাতে,
মাহুঘ গড়িল তার অসিকলকের তীক্ষ্ণধাতে
প্রস্তরের হৃদয়ের মুরতি;
জালি দীপারতি
কহিল সে, “এ মোর দেবতা, এর নাম
‘জাতি’ রাখিলাম।”
তারপর আপনার নৈপুণ্যেরে বহু বাখানিল।

সারা নিশি দিশে দিশে সঘনে হানিল
জয় জয় রব। ফুলমালা-দীপালি-চন্দনে,
নৃত্যগীত-মহোৎসবে, শঙ্খঘণ্টা-বাশীর বন্দনে
ধীরে রাত সারা হয়।—পূর্বাকাশ-তীরে
হোমায়ি-শিখায় ঢালে নিশা তার শেষ আহুতিরে
তমিস্রার পাত্র শূন্য করি’।

সহসা সে নিশাকাশ ঘন ঘন উঠিল শিহরি’
ঝঙ্কার ঝঙ্কনে। দিশে দিশে
চক্রের ঘর্ঘর সনে হুকার-উল্লাস যায় মিশে।
গুরু গুরু জয়ভেরী, ডঙ্কানাদ, কোদণ্ড-টকারে
আরতি-শব্দের ধ্বনি মগ্ন করি’ আগে অহকারে
মহা কলরোল।—ওঠে রব,
“বাহির-অঙ্গনে আজি সমবেত দেবতার সর্ব,

নরের পূজার অংশভাগী,
আজিকার যজ্ঞভাগ লাগি’।”
তিনজন তাঁরা,
যুগ্মদান-বেশী যুদ্ধ, ক্রুর ঈর্ষ্যা, ভয় ভয়হারা।
এ তিনের মাঝে
যুদ্ধের হুকার গিয়ে জিতুবনে বাজে।

নিমেষে থামিল শঙ্খঘণ্টাধ্বনি, থর-করতাল,
মৃদঙ্গ-রগন, নৃত্যগীতোৎসব। কুটুবুজি-জাল
বহু ছলে বিস্তারিয়া, বহুতর প্রিয়ভাবে তুহি’
ঈর্ষ্যা ও ভয়েরে তারা জয় করি’ নিল। পরে ক্রিষ্ণ
যুদ্ধেরে করিল রুদ্ধকণ্ঠ বুদ্ধিহারা।

তারপর উৎসবের দ্বারে দ্বারে উঠিল পাহারা,
শস্ত্রাগার শূন্য করি’ ভরি’ দিল পূজা-উপচারে,
পুনরায় শঙ্খঘণ্টা কোলাহল চৌদিকে প্রচারে
নূতন হর্ষের বার্তা। শান্তিময়-গীতে
তিন দেবতারে তারা বসাইল একটি বেদীতে;
—জাতি, ঈর্ষ্যা, ভয়, —
এর নাম “আত্মজাতিকতা” তা’রা কর!
দিকে দিকে জয় জয় সবে মিলি’ সঘনে হানিল,
আপনার নৈপুণ্যেরে পুনরায় বহু বাখানিল।

কুকি সংস্কার সমস্যা

শ্রীলালতুদাই রায়

যুগযুগান্তের মোহনিন্দ্রা আজ বুঝি ভাঙিল। জাগরণের ললিতরাগিণী আজ সারা ভারতময় ধ্বনিত হইতেছে। মানবসভাতার আদি জনক ভারত সত্যই জাগিল কি?

বিশ্বনিয়ন্তার নির্দেশ—উন্নতির পর অবনতি, অবনতির পর উন্নতি। সত্তল দুর্জল, উন্নত অবনত, কাহারও ক্ষমতা নাই। এ নিয়তির গতিরোধ কবে! ইতিহাস তাহার সাক্ষ্য দিতেছে। যদি সময় আসিয়া থাকে তবে ভারত জাগিবেই। তার এ গতি কোনো শক্তিরোধ করিতে পারিবে না। ভারতের বিরাট দেশে সত্যই প্রাণের চেহারা জাগিয়াছে। তাই বুঝি হুগম পার্শ্বতা দেশেও জাগরণের একটু সাড়া আজ পাওয়া যাইতেছে।

গতাত্মগতিক জীবনযাত্রায় কুকিরা আজ সম্ভট থাকিতে পারিতেছে না। ভাল হইবার, উন্নতি করিবার একটা আকাঙ্ক্ষা, আজ প্রায় সর্বত্রই দেখা যাইতেছে। উন্নতির পথে ছোট বড় ভারতের সকল জাতিই চলিবে, আর কুকি জাতি বসিয়া থাকিবে, তাহা হইতে পারে না। তাহারা বসিয়া থাকিতে পারে না। চলিবে, তাহাদের চলিতেই হইবে। হয়ত অতীত জাতির বহু পশ্চাতে তাহারা চলিবে। তাহাদের যাত্রাকে নিয়মিত, সংযত, শুদ্ধ করিতে কেহ যদি না আসে, তবুও তাহারা চলিবে। পথে, অপথে, কুপথে তাহারা চলিবে। হয়ত নিজে কষ্ট পাইবে, পরকেও বহুদিন কষ্ট দিবে।

কুকি সমাজও বিরাট হিন্দুসমাজের একটি ক্ষুদ্র, উপেক্ষিত অঙ্গ নয় কি? শরীরের যে নগণ্য অংশটি আজ কাহারও চোখে পড়িতেছে না, বিষাক্ত হইলে তাহাই হয়ত মহা অনিষ্টের কারণ হইয়া দাঁড়াইতে পারে। কুকিরা পূর্বে যে-ভাবে ছিল, সে-ভাবে থাকিলেও দেশের দিক হইতে তত ক্ষতিকর হইত না। কিন্তু বিদেশী

ধর্ম, হাবভাব, আচার-ব্যবহার, পোষাক-পরিচ্ছদ গ্রহণ করাতে দেশের পক্ষে একটি ক্ষতিকর হইয়া দাঁড়াইতেছে সন্দেহ নাই। ভারতের সর্ববিধ উন্নতির পরিপন্থী হিন্দু-মুসলমান সমস্কার মত আর একটি খ্রীষ্টান সমস্কার ধীরে ধীরে মাথা তুলিতেছে। এ দেশের নিম্নশ্রেণীর হিন্দুবা যেদিন ইসলাম ধর্মে দীক্ষিত হইয়াছিল, সেদিন দেশের নেতারা স্বপ্নেও কি ভাবিতে পারিয়াছিলেন যে, বহুশতাব্দীর পর ইহাই দেশের কণ্টক-স্বরূপ হইয়া দাঁড়াইবে। ভারতে পরস্পরবিরোধী বহু ধর্ম আছে, কিন্তু কোথায়? হিন্দু-মুসলমান সমস্কার মত ব্যাপার কখনও ত ভারতের ইতিহাসে দেখা যায় নাই। ইহার কারণ ধর্ম নয়। যাহারা মুসলমান হইয়াছিল, তাহারা ভারতীয় সভ্যতা হইতে সম্পূর্ণ বিচ্ছিন্ন আর একটি ভাব, আর একটি সভ্যতা গ্রহণ করাতেই তাহাদিগকে এত শতাব্দী পরেও এদেশের সঙ্গে খাপ খাওয়াইতে পারা যাইতেছে না। পাঠকগণ লক্ষ্য করিবেন, ভারতের যেখানেই লোকে খ্রীষ্টধর্ম গ্রহণ করিতেছে, সেখানেই ধর্মের নামে পাশ্চাত্য ভাবই গ্রহণ করিতেছে বেশী। ইহার বিষময় ফল আজ হউক, আর বহু শতাব্দী পরেই হউক, একদিন ভোগ করিতেই হইবে। স্বতরাং শুধু কুকি কেন, দেশের প্রত্যেক অল্পমত, অবজ্ঞাত জাতিকে আজ টানিয়া লইতে হইবে। আজ যাহাকে আবর্জনা মনে করিয়া দূরে নিক্ষেপ করিতেছে, অতীত তাহাই সমগ্র কুড়াইয়া তোমার মারণ অস্ত্র প্রস্তুত করিতেছে না কি?

কুকি জাতির প্রকৃত সংস্কার কি ভাবে হইতে পারে, তাহাই আজ আলোচনা করিব। যে-কাণ্ডটি গ্রহণ করিতেছি, আমি জানি, আমি তাহার সম্পূর্ণ অনাধিকারী। জাতির ইতিহাস বা বর্তমান অবস্থা বর্ণনা করা বরং যাইতে পারে, কিন্তু মুক্তির উপায়

আবিষ্কার বা ব্যবস্থা বিধানের ক্ষমতা আমার নাই। আমাদের সমস্যাগুলি আমি কি ভাবে দেখিতেছি শুধু তাহাই দেশের মনীষিগণের নিকট নিবেদন করিতেছি। কৃকি জাতির সমস্যাগুলির সমাধান ও উন্নতির একটি উপায় করিবেন,—সমাজের নেতৃগণ, এই আশাতেই আমার এ অনাধা বেহুয়া গলায়ই গান ধরিয়াছি।

কৃকি জাতির কি হওয়া উচিত, তাহা অনেকটা পরিকার বুঝা যায়, বলা যায়। কিন্তু কি উপায়ে তাহা হইতে পারে, তাহাতেই যত গোলমাল। আদর্শটি বলা যায়, কিন্তু উপায়-নির্ধারণই কঠিন। “ভারতীয় থাকিয়া, ভারতীয় শিক্ষা, সভ্যতা, ধর্ম লাভ করা, ভারতের আরও পাঁচটি জাতির মত উন্নতি করিয়া সমাজের একটি অঙ্গরূপে পরিণত হওয়া”;—আদর্শটিকে এই ভাবে বলা যাইতে পারে। কিন্তু কি উপায়ে এই আদর্শে পৌছানো যায় তাহাই সমস্যা। আমার ক্ষুদ্র বুদ্ধিতে যাহা বুঝিয়াছি, তাহাই আলোচনা করিব। স্বাধীণ প্রকৃত উপায় নির্ধারণ ও তাহার ব্যবস্থা করিবেন।

কুকিরা দল দলে খ্রীষ্টান হইয়া যাইতেছে, ধর্মাস্তর গ্রহণের সঙ্গে সঙ্গে পাশ্চাত্য ভাব গ্রহণ করিতেছে, তাহাতেই হিন্দুসমাজ হইতে চিরদিনের অন্ত বিচ্ছিন্ন হইয়া যাইতেছে। খ্রীষ্টধর্ম গ্রহণ করাতেই যত উৎপাতের উৎপত্তি। কুকিদের মধ্যে ধর্মজ্ঞান বেশী ছিল না বলিয়াই তাহারা খ্রীষ্টধর্ম গ্রহণ করিতেছে এবং তাহাদের মধ্যে আবার একটু ভাল করিয়া হিন্দুধর্ম প্রচার করিলেই কুকিরা আবার হিন্দু হইয়া যাইবে। প্রকৃত ব্যাপার কিন্তু তাহা নহে। কুকিদের মধ্যে পূর্বে যে ধর্মবিশ্বাস ছিল, খ্রীষ্টধর্ম গ্রহণ করিয়া তাহার বিশেষ কোনো উন্নতি হইয়াছে, ইহা কেহ প্রমাণ করিতে পারিবেন না। খ্রীষ্টান কুকিদের মধ্যে একরূপ অসংখ্য লোক বাহির করিয়া দিতে পারিব, যাহারা প্রকৃত বীজ খ্রীষ্টের জীবনীটি পর্যন্তও জানা আবশ্যক মনে করেন নাই। কুকি খ্রীষ্টানদের হাজারের মধ্যে একজনও শুধু ধর্মের অন্ত খ্রীষ্টধর্ম গ্রহণ করে নাই।

পাশ্চাত্য ভাবের একটা মোহ আছে, খ্রীষ্টধর্ম—

প্রচারের একটা চটক আছে। তাহাতেই বহুলোক ভুলিয়া যায়। তার উপর খ্রীষ্টান হইলে চাকুরি পাওয়া যায়, সাহেব হওয়া যায়, সম্রাটের একজাতি হওয়া যায়, সরকারের কর্মচারী, উকীল, মোক্তার, হাকিমরা খাতির করেন, (অন্ততঃ লোকে একরূপ মনে করে), অগ্রথে, বিপদে পাত্রী ও মেমনায়ে প্রাণপণে সাহায্য করেন, মাঝে মাঝে প্রসাদী ছাট, কোর্ট, বুট বা ক্রমালটিও পাওয়া যায়, পারিবারিক ও সামাজিক জীবনে (বিশেষভাবে বিবাহ ইত্যাদিতে) স্বাধীনভাবে চলা যায়, এমন কি যে বাঙালী বাবু শহরে গেলে আমাদিগকে ঘরেই তুলেন না, খ্রীষ্টান হইলে তাহারাই চেয়ার দেন, গুড মনিং করেন। কুকিদের মধ্যে একটি যথার্থ পিপাসা আজ-কাল দেখা যায়,—তাহা বিদ্যালয়ের আকাঙ্ক্ষা। পাহাড়ে মিশনরী বিদ্যালয় ছাড়া অন্য বিদ্যালয় নাই। খ্রীষ্টান না হইলে পড়িতে পাইবে না বলিয়া, শুধু পড়ার জন্যই প্রতিবৎসর শত শত বালক খ্রীষ্টধর্মে দীক্ষিত হয়। এতগুলি স্ববিধা স্বযোগ পাওয়া যায় বলিয়াই লোক দলে দলে খ্রীষ্টান হইতেছে। ইহাতে কুকিদিগকে বিশেষ দোষ দিতে পারা যায় না। স্বয়ং যাহারা এত সব স্ববিধা প্রলোভন সম্বন্ধে স্বধর্ম ত্যাগ করিতেছে না, শুধু তাহাই নহে, তজ্জগৎ পদে পদে যথেষ্ট নিগ্রহ ভোগ করিয়াও স্থির আছে, তাহাদিগকে ধর্মবাদ দিতে হয়।

পাশ্চাত্য ভাবকে বাহন করিয়া খ্রীষ্টধর্ম যেদিন কুকিদের মধ্যে আসিয়া দাঁড়াইল, কুকিরা গোদন নিজেদের ধর্মাহুতান ও ধর্মবিশ্বাস দিরা উহার সঙ্গে আঁটিয়া উঠিতে পারিল না, অপরায় হইয়া পরাজয় স্বীকার করিল। যাহারা খ্রীষ্টধর্ম গ্রহণ করিল, তাহাদের প্রভাব প্রতিপত্তি দিন দিনই বাড়িতে লাগিল। যাহারা স্বধর্ম ত্যাগ করিল না, তাহারা দিন দিনই হতাশাস্ত, লাক্ষিত উপেক্ষিত হইয়া সমাজের এক কোণে স্থান লাভ করিল। আমাদের কোনো ধর্মগ্রন্থ না থাকিতে ধর্ম ও ধার্মিক লোক সম্বন্ধে আমাদের যে-ধারণা ছিল, ধীরে ধীরে তাহার আমূল পরিবর্তন হইয়া যাইতেছে। ধর্ম কেন পালন করিব ইত্যাদি কোনো প্রশ্নই আগে উঠিত না। শিতাকে

আমরা ভক্তি করি, মাগ্ন করি, সেবা করি। কেন করি—এ প্রশ্ন কোনো ছেলের মনে হয় না, সেইরূপ জগতের পিতাকে মাগ্ন করা, পূজা করা সকলেরই অবগতকর্তব্য, আর ইহাই ধর্ম। কৃকিদের মধ্যে বেশী না হইলেও কয়েকজন পরম ধার্মিক সাধু ভক্তের নাম শুনা যায়। তাঁহাদের ভক্তির ও ত্যাগের নানা গল্প আমাদের মধ্যে প্রচলিত আছে। আজকাল এ সব অসভ্যতা। ধর্মের চিন্তাধারাটিও আজকাল পরিবর্তিত হইয়া গিয়াছে।

প্রায় দুই বৎসর হইল, আমি কোনো কাৰণে দূবর্তী একটি কৃকি গ্রামে গিয়াছিলাম। রাত্রিকালে উপস্থিত গ্রামবাসীদের মধ্যে হিন্দু ধর্মের কয়েকটি মতবাদের আলোচনা করিতেছিলাম। সবচেই বিশেষ আগ্রহ সহকারে আমার কথা শ্রবণ করলেন। তারপর শ্রোতাদের পক্ষ হইতে আমাকে জিজ্ঞাসা করা হইল, “আমি কোন্ মিশনের পন্থার? আমার বেতন কত? আমার মিশনের ধর্মগ্রহণ করিলে কি লাভ হয়?” অর্থাৎ কোনো মিশনের প্রচারক না হইলে আমি ধর্মালোচনা করিব কেন, আর ধর্মে আমার স্থান কত উচ্চে তাহা আমার বেতন জানিলেই পরিষ্কার বুঝা যাইবে; ‘কি লাভ হয়’, এবং অর্থ—খ্রীষ্টান হইলে যেরূপ স্বর্গবা স্বর্গেণ পাওয়া যায় এবং যথেষ্টা জীবনযাপন করিয়াও অবহেলে স্বর্গে যাওয়া যায়, সেইরূপ পাওয়া যায় কি না। শ্রোতৃগণ আমার উত্তর শুনিয়া সেদিন একটু মনঃকুহি হইয়াছিলেন। আমরা ঐকভাবে ধর্মের ভাব গ্রহণ করি ও তাহার ভাল-মন্দ বিচার করি। পাঠকগণ এই চিত্র হইতে বেশ বুঝিতে পারিবেন। এই ঘটনার পর হইতে ধর্ম সংক্ষেপে আলোচনা করিতে হইলে আমাকে তাহা একটু অল্পভাবে করিতে হয়।

জগৎশাস্তা ধর্ম হইতে আজ নিরাসিত। বৈধ অবৈধ যে প্রকারেই হউক, যে-প্রচারকের প্রভাব বেশী, খুব সাহেবের মত থাকেন এবং শহরে গেলে খাতির পান, তাহার ধর্মই ত প্রকৃত ধর্ম। ঠিক ঠিক প্রচারকের বিলাস দ্রব্যসম্ভার স্বর্ণ হইতে প্রভু বীণ সুরবাহা করেন। তাহার অবস্থা খারাপ হইয়া যায়, তাহার ধর্ম নিশ্চয়ই

ভাল নয়। তাহার ধর্ম সত্য হইলে তিনি স্বর্ণ হইতে বিলাসের দ্রব্যগুলি পান না কেন? ধর্মের নামে এই পাগলামী দেখিলে যেমন হাসি পায়, কৃকিদের অশিক্ষা ও সরল বিশ্বাস দেখিলে দুঃখও হয়।

খ্রীষ্টানদের মধ্যে রোমান ক্যাথলিক ও প্রটেস্ট্যান্ট ছাড়া শুধু প্রটেস্ট্যান্টদের মধ্যেই বহু সম্প্রদায়। এমন অনেক লোক আছে, যাহারা কোনো চাকুরি, বিবাহ বা অল্পবিধ স্ববিধা পাইয়া খ্রীষ্টান হয়। কিছু দিন পর ঝগড়া বিবাদ করিয়া বা অল্প সম্প্রদায়ে বেশী স্ববিধা পাইয়া এ সম্প্রদায়ের খ্রী ধর্ম ত্যাগ করিয়া অল্প সম্প্রদায়ে—গিয়া আবার “কনভার্টিড” হয়। আবার ত্যাগ করে আবার অল্প সম্প্রদায়ে যায়। এক ব্যক্তিই একবার এই পাত্রীর খ্রী ধর্মে আবার অল্প পাত্রীর খ্রীধর্মে এইরূপ বহুবার “কনভার্টিড” হয়। হাস্যকর খেলা! ইহাদিগকে আমি ‘যাযাবর-ধর্মী’ বলি। আমাদের মধ্যে এরূপ যাযাবর-ধর্মী লোকের অভাব কোথাও নাই। বাকি সবই গডলিক-ধর্মী।

পাত্রী সাহেবরা শুধু যে আমাদের মধ্যে ধর্মপ্রচার করেন, তাহা নহে। প্রাইভেট ভাবে প্রায় সকলেই একটু একটু কারবারও করেন। যথালোভ! চাপকা পণ্ডিত বলিয়াছেন, “যার যে স্বভাব তাহা কখনও পরিবর্তিত হয় না”……হয়ও চাপকা পণ্ডিত ঠিকই বলিয়াছেন। আমাদের পার্শ্ববর্তী অঞ্চল বিলাতী মাল কাটুতির বড় চমৎকার স্থান। বিলাতী পেটেন্ট ঔষধ, সিগারেট, পোষাক ও নানা প্রকার বিলাসদ্রব্যের কাটুতি আমাদের মধ্যে বড় বেশী। আমি নিজে কোনো পাত্রী সাহেবকে দোকান খুলিয়া বসিতে দেখি নাই; তবে লোকে বলে,—এই সব ব্যাপারে পাত্রী সাহেবদের নানাকি বিশেষ হাত আছে, এবং ইহাতে তাহারা বেশ দু’পয়সা নয়, দু’শ পয়সাই উপরি-রোজগার করেন। আবার পাহাড় হইতে কিছু কিছু কাঁচা মালও নানাকি কেহ কেহ বিদেশে রপ্তানি করেন।

আমাদের পূর্বপুরুষরা মদ খাইতেন। আমরা কিন্তু এসব বর্জ্যতা পরিত্যাগ করিয়াছি। আমরা মদ খাই না, চা খাই। চিনি দিয়া চা? খাই গড! এত

কালী আমদারী খাতা হায়। আমরা স্রাকারিন দিয়া চা খাই। আমাদের এক খ্রীষ্টান দলপতি : মেয়ের বিবাহে প্রায় ৪০ পাউণ্ড চা সিদ্ধ হইয়াছিল। এই সব ব্যাপারে কি ভাবে চা তৈয়ারী হয় ও খাওয়া হয়, তাহা একটু বলি ; শিখিয়া রাখিলে পাঠকগণের উপকার হইবে। পনের বা কুড়ি সের জল ধরিতে পারে একপ পাত্রে একসঙ্গে জল ও চা দিয় ফুটান হইতেছে। যখনই যার ইচ্ছা হইতেছে, তিনিই এক কাপ (গামলা) কয়েক বিন্দু স্রাকারিন দিয়া টুক টুক করিয়া উদরসাৎ করিতেছেন। যতদূর পর্যন্ত চা নিঃশেষ না হয়, ততক্ষণই নীচে জাল দিয়া অনবরত উহা ফুটানো হইতেছে। সব নিঃশেষ হইলে তৎক্ষণাৎ নূতন জল ও চা তাগাতে নিক্ষেপ করা হইতেছে। সমস্ত দিনই এইভাবে চা ফুটানো ও পান হয়। আমাদের অশস্তরা এখনও নেষ্টি মদ ছাড়িতে পারিল না, একজ্ঞ আমরা সাহেবেরাও লক্ষ্যায় মরি। আমাদের এমন উপাদেয় চা না খাইয়া ইহারা এখনও উৎসবাদিতে মদ খায়। সেরূপ নেশা না হইলেও মদ—মদই ; তাতে আবার নিজের তৈরি। যদি বিলাত হইতে বিলাতী বোতলে আসিত তবে না হয় বুঝিতাম। কবে ইহাদের স্তম্ভ হইবে ? যাহারা আমাদের সত্য ধর্মে আসে তাহারা কখনও (প্রকাশে) মদ খায় না। পাঁচ বৎসর বয়স হইতে-না হইতেই আমরা সিগারেট অভ্যাস করি। বাল্যকাল হইতে বিশেষ মনোযোগ সহকারে শিক্ষা করিতে, আমাদেরকে এ বিষয়ে আজকাল কেহই প্রতিযোগিতায় পরাজিত করিতে পারিবেন না।

ভারতের সর্বত্রই আজকাল লোকে বিদেশী দ্রব্য ব্যবহার করা মিন্দনীয় মনে করে। আমাদের এই-সব বাল্যই নাই। আমরা এখনও সিগারেট খাই ও বিদেশী দ্রব্য ব্যবহার করি শুনয়া যদি কোন পাঠক হাস্য করেন, তবে নিশ্চয়ই তিনি জানেন না যে, সব ভারতবাসীর মাতৃভূমি ভারত নয়। পুরুষাদিক্রমে ভারতে বাস করিলেও, ভারতীয় রক্তে ভারতীয় মাটিতে শরীর গঠিত হইলেও, ভারতীয় ভাষায় কথা বলিলেও, বহু কোটি ভারতবাসীর মাতৃভূমি স্তূর পশ্চিম দেশে। সেইরূপ আমাদের মাতৃভূমিও

এদেশে মনে করা আমরা অপমানজনক বলিয়া মনে করি। যাহারা এখনও সত্য ধর্মে আসে নাই, সেই অসভ্য কালী কুকিদের মাতৃভূমি ভারতেই বটে। তবে এদের সংখ্যা দিন দিনই কমিতেছে। আগামী দশ-পনের বৎসর মধ্যে ইহাদের সকলকেই আমরা সভ্য করিয়া ফেলিতে পারিব বলিয়াই আশা পোষণ করিতেছি।

শুধু ধর্মের জন্য কুকিরা যদি খ্রীষ্টধর্ম গ্রহণ করিত এবং সেই ধর্ম পরিভাগ করিলেই যদি সব উৎপাতের শাস্তি হইত, তবে বিশেষ চিন্তার কারণ ছিল না। হিন্দুধর্মের মতবাদ ও অহুতানগুলির এমন চমৎকার আশ্রয় আছে, যে, তাহা প্রত্যেক খাটি ধার্মিক লোকেরই মন আকর্ষণ করে। আমার মত একটি লোকই হিন্দুধর্ম প্রচারের দ্বারা সহজেই এই উজ্জ্বল জাতের গতি পরিবর্তন করিয়া দিতে পারিত। কিন্তু ব্যাপার এত সহজে হইবার নহে। ধর্মটি গোণ কারণ, অজ্ঞাতগুলিই মুখ্য।

কুকিদের অবস্থা আজ বড় শোচনীয়। পরমহংসদেবের উপদেশে যে উত্তম বৈদ্যের কথা আছে, কুকিদের জন্যও আজ এইরূপ উত্তম বৈদ্যের দরকার। বিকারের রোগী,— যাহা কুপথ্য তাহাই খাইতে চায়, যাহা ঔষধ তাহাকে মনে করে বিব, চিকিৎসককে মনে করে শত্রু। যাহাতে মঙ্গল হয় তাহা কিছুতেই করিতে চায় না, যাহাতে অনিষ্ট হইবে তাহাই তাহার আকাঙ্ক্ষিত বস্তু। একপ রোগীকে যিনি বুক হাঁটু দিয়া জোর করিয়া ঔষধ খাওয়ান, নানা অত্যাচার সহ কারয়াও তাহার চিকিৎসা করেন, প্রাণরক্ষা করেন, তিনিই উত্তম বৈদ্য, তিনিই প্রকৃত বন্ধু। কুকিদের জন্য আজ এইরূপ উত্তম বৈদ্যেরই দরকার হইয়াছে। আমাদের সমগ্র জাতি এখনও মহা অন্ধকারে। যাহারা একটু চক্ষু মেলিয়াছে তাহারাও একরূপ প্রভাব প্রতিপত্তিহীন। আমরা আজ এমন বন্ধু চাই, যিনি শুধু পথে হাত ধরিয়া লইয়া থাকিবেন, এমন চিকিৎসক চাই, যিনি বুক হাঁটু দিয়া এই অনিচ্ছুক বিকারের রোগীকে ঔষধ খাওয়াইয়া মৃত্যুর হাত হইতে রক্ষা করিবেন।

খ্রীষ্টচৈতন্যদেবের মহাপ্রাণ ভক্তেরা আমাদের প্রতি-

বেশী মণপুরী জাতির মধ্যে হিন্দুধর্ম প্রচার করিয়া ছিলেন। মনিপুরীগণ শিক্ষায়, আচার-ব্যবহারে আজ এদিকের সমুখ্য পার্শ্ব জাতি অপেক্ষা বিশেষ উন্নত। কয়েক শত বৎসর পূর্বে বাহা হইতে পারিয়াছিল, আজ কি তাহা হইতে পারে না?

অষ্ট্রিষ্টান কুকিদের মধ্যে কেহ কেহ আজকাল নিজকে হিন্দু মনে করিলেও সমগ্র কুকি জাতি নিজকে হিন্দু বলে না। হিন্দু-সভ্যতা সামান্য ভাবেও কুকিদের মধ্যে যদি না গিয়া থাকে তবে হিন্দুদের এই-সব ধর্ম্মসুষ্ঠান কুকিরা কোথায় পাইল? আমার মনে হয়, কুকিদের মধ্যে যখন হিন্দু-সভ্যতা প্রবেশ লাভ করে তখন হিন্দুগণও নিজকে হিন্দু বলিতেন না। তাবপর কোনো কারণে হয়ত হিন্দু সমাজের সঙ্গে কুকিদের যোগ ছিন্ন হইয়া গিয়াছিল। আমাদের প্রত্যেক মন্ত্রের আগে বৈদিক প্রণব আছে। গত প্রবন্ধের শিবেশ্বর মন্ত্রে পাঠকগণ বৈদিক মন্ত্রের এটুকু ছায়া অল্পভব করিতে পারিবেন।

সত্যই হিন্দুধর্ম্ম কুকিদের মধ্যে প্রচার করা উচিত। কিন্তু কিভাবে করা যায়? খ্রীষ্টধর্ম্ম বা মুসলমান ধর্ম্মের মত কেনো বিশেষ জীবন বা বিশেষ মতবাদের উপর হিন্দুধর্ম্ম স্থাপিত নয়। হিন্দুধর্ম্ম বলিতে অনেক জিনিষই বুঝায়। তাহার উপর হিন্দুধর্ম্মের মতবাদ ও আচার-আচরণ অধিকারী বিশেষে ভিন্ন ভিন্ন। যদি সকলের জন্য এক জামা, এক জুতা, এক টুপীর ব্যবস্থা হিন্দুধর্ম্মে থাকিত, তবে এত চিন্তার কারণ ছিল না বটে।

খ্রীষ্টানদের অধিকাংশই বাল্যকাল হইতে খ্রীষ্টানী আবেশাভ্যাস গঠিত, খ্রীষ্টানী আচার-ব্যবহারে অভ্যস্ত, বিদেশী আদবকায়দায় শিক্ষিত। হিন্দুদের ধর্ম্মসুষ্ঠান, উৎসব, আনন্দ, এদের চোখে পৌত্তলিকতা, অসভ্যতা, পাপ। জয় হইতে বিকৃত ব্যাখ্যা শুনিয়া শুনিয়া এই সকলের প্রতি ইহাদের অতি কুৎসিত ধারণা। হিন্দুধর্ম্মের প্রতি অষ্ট্রিষ্টান কুকিদের ধারণাও খুব স্বাভাবিক নহে। হিন্দুধর্ম্মের অর্থ—বাক্যলীল ধর্ম্ম। বাক্যলীদের নিকট আমরা সর্বদাই ঘৃণা ও অংজা লাভ করিয়াছি। পাখাড়ে গেলে যে বাবুরা আমাদের ঘরের অকাতরে অন্ন গ্রহণ

করেন, শহরে গেলে তাঁহারা ই আমাদিগকে একটু স্থান দেন না বা চিনতেই পারেন না। ব্যবসায় বাঙালীদের নিকট হইতে আমরা সর্বদাই প্রবঞ্চনা লাভ করিয়াছি। লেখাপড়া জানি না বলিয়া উৎকল মেষ্তারবাবুরাও আমাদের নিকট হইতে যথেষ্ট আদায় করিতে ছাড়েন না। আপিসের বাঙালী পিয়ন পেয়াদা আমাদের ঘরে গিয়াও যদি যথেষ্ট অত্যাচার করে তবে ধর্ম্মবতার দেশের হাকিমবাবুরা তাহা বুঝিতে বা বিশ্বাসই করিতে পারেন না। দেশী হাকিমরা স্থবিচার কি অবিচার করেন, এসম্বন্ধে আমি কিছুই বলিব না, তবে ইহাদের প্রতি কুকিদের ধারণা ভাল নয়। কুকিরা মনে করে দেশী হাকিম অপেক্ষা সাদা হাকিম, ডেপুটী কমিশনার বা জংলী সাহেব কুকিদের প্রতি ঢের বেশী স্থবিচার করেন। বাঙালীর প্রতি কুকিদের এই ধারণা কতক আপনা আপন হইয়াছে—বাকি অঙ্গদের চেষ্টাকৃত বলিয়াই অনেকে মনে করেন। আজকাল খ্রীষ্টান হওয়াতে আমরা প্রায় সর্বদাই সদয় ব্যবহার পাইতেছি এবং শিক্ষিত বাঙালী ভদ্রলোকেরা অষ্ট্রিষ্টান কুকিকেও আজকাল বেশ আদর যত্ন ও সাহায্য করিতেছেন। অশিক্ষিত লোকদের একবার যে ধারণা বদ্ধমূল হইয়া যায়, তাহা সহজে যায় না। ছাত্রাগার বিষয় বাঙালীদের সম্বন্ধে কুকিদের এই ধারণা যাইতেও একটু সময় লাগিবে।

পক্ষান্তরে মিশনরীদের নিকট আমরা কি পাইয়াছি? মিশনরীরা আমাদের গ্রামে যাইতেছেন, আমাদের আপদ বিপদে, রোগে সাহায্য করিতেছেন। আমাদের কোন স্থবিধা করিবার জন্য দরকার হইলে বড় সাহেবের সঙ্গে দেখা করিতেছেন। আমাদের ভাষা শিখিয়া আমাদিগকে লেখাপড়া শিক্ষা দিতেছেন। আমাদিগকে ভালবাসেন। সভ্য হওয়া (বিলাসিতা) শিক্ষা দিতেছেন। সর্বোপরি মিশনরীরা কত বড় লোক হইয়াও আমাদের সঙ্গে মিশেন। (বড় লোকের প্রমাণ, কত বড় বাংলাতে দাসদাসী-পরিবৃত হইয়া বাস করেন।) মিশনরীদের প্রতি কুকিদের অধিকাংশের এই ধারণা। বাস্তবিকই মিশনরীদের অধ্যবসায়, ধৈর্য, তিত্তিক

প্রাণসার বস্তু। স্বার্থা কি ভাবে আদায় করিতে হয় ইহারা তাহা ভালরূপেই জানেন।

হিন্দুধর্ম,—বাঙালীর ধর্ম। খ্রীষ্টধর্ম—মিশনরীদের ধর্ম। স্তত্রাং বিশেষ বিবেচনা করিয়া কৃকিরা খ্রীষ্টধর্ম গ্রহণ করিবে এবং হিন্দুধর্ম, দুবস্ত বাঙালীর ধর্ম হইতে সহস্র গজ দূরে চলিয়া যাইতে চেষ্টা করিবে—ইহা আর আশ্চর্য্য কি? বাঙালীর হাত হইতে বাঁচাও গেল, মহাশয় সম্রাটের এক জাতিও হওয়া গেল।

তাই বলিতেছিলাম, হিন্দুধর্ম যেমন প্রচার করা খুব দরকার— তেমন শক্তও। যদি মিশনরীদের মত লোককে “কন্ডার্ট” শুদ্ধি করা যায়, চাকুরি দেওয়া যায়, কমিশনের ব্যবস্থা হয় খ্রীষ্টান হইলে যে-সব সুবিধা ভোগ করা যায়, সেগুলি বা তদ্রূপ আরও কিছু পাওয়া যায়, তবে অনেকেই হিন্দু হইতে আসিবে। আজকাল অনেকেই খ্রীষ্টধর্মের প্রতি বীতশ্রদ্ধ হইয়া নূন কিছু চাহিতেছে। শুদ্ধির যেরূপ ব্যাখ্যাই করা যায় না কেন,—আমাদের কাছে উহা পণ্ডিত বস্তু, ‘কনভার্সন’। স্তত্রাং আমাদের নিকট ইহা একটি বিশেষ খেলো বস্তুই হইবে। দুই একজন ভাল লোক ইহাতে আসিতে পারে বটে, বাকি সবই আসিবে যাবাবর-ধর্মী। বেতন একমাস বন্ধ থাকিলেই অগ্রাহ চলিয়া যাইবে। এই দিকে মিশনরীদের সঙ্গে প্রতিযোগিতায় পারাও শক্ত। দ্বিতীয়তঃ, হিন্দুধর্ম কেন, কোনো ধর্মই এভাবে প্রচারিত হওয়া উচিত নহে। ইহাতে কোনো সমাজেরই স্থায়ী উন্নতি হইতে পারে না।

কৃকিদের উন্নতির জন্য কেহ কেহ শুদ্ধি আন্দোলন করিতে বলেন, কেহ মস্ত্রদীক্ষা দিতে চান, কেহ অম্প্রজাত-বর্জন, কেহ পৈতা-গ্রহণ, কেহ অসবর্ণ বিবাহের প্রবর্তন করিতে বলেন। কেহ দেশের ব্রাহ্মণ পণ্ডিত-পণের নিকট হইতে “কৃকির হিন্দু” এই কথা লিখাইয়া লইতে প্ররামর্শ দেন। এগুলিও একটি, দুইটি বা সবগুলি অথবা অগ্রাবধ উপায়েই কৃকিদের যথার্থ উন্নতি হইবে, তাহা আমার পক্ষে বলা শক্ত। সর্বত্র আশাশুভরূপ সফলকাম না হইলেও গুনি চিহ্ন, শুদ্ধি আন্দোলন ভারতের বহু স্থানে বিশেষ ফলপ্রসূ হইয়াছে। বাহাদের মধ্যে

ইহা সফলকাম হইয়াছে, তাহাদের অবস্থা ও কৃকিদের অবস্থা একরূপ কি না জানি না। শুদ্ধির খুব ভাল ব্যাখ্যা করিলেও কৃকিরা ইহাকে খন্দরের কোট প্যাণ্ট ছাড়া কিছুই মনে করিবে না। খ্রীষ্টধর্ম প্রচারের গুণে ধর্মের নামে আমাদের মধ্যে রীতিমত খেলা চলিতেছে। ফল একটু কম হউক বা দেবীতে হউক, তবুও আমার মনে হয়, ভারতীয় ধর্ম ভারতীয় ভাবেই প্রচার করা উচিত। খ্রীষ্টান মিশনরীগণ যে-পদ্ধতি অমুসায়ে ধর্মপ্রচার করেন সেই সব পদ্ধতি নির্মমভাবে পরিত্যাগ করিতে হইবে। চাই কি, কোনো বেতনভোগী প্রচারক যেন পাহাড়ে ধর্ম প্রচার করিতে কণনও না আসেন। ফল একটু বিলম্বে হইলেও গোড়া হইতে ঠিক প্রাচাভাবে কাজটি সাবধানতার সহিত আরম্ভ করিতে হইবে। বলা যাইতে পারে, কৃকিরা ত নিরক্ষর, ইহারা প্রাচ্য, পাশ্চাত্য কি বুঝিবে। নিরক্ষর বলিয়াই ত আরও বেশী সাবধানতার দরকার। এ-ভাবে কাজটি আরম্ভ করিলে মিশনরীরা কিছুতেই ইহাতে প্রতিযোগিতা করিবার সুযোগ পাইবেন না।

আমাদের মধ্যে স্পৃহাস্পৃহের কোনো হাজিমা নাই। খ্রীষ্টান, অখ্রীষ্টান এক পরিবারে বাস করে। বাঙালীরা বা অগ্র কোনো সমাজ কৃকিদের ণতে থাইবেন বা কৃকিদের সহিত মেয়ের বিবাহ দিবেন, এরূপ কোন দাবি কৃকিরা করে না। দেশের বিশেষ সম্প্রদায় বা কয়েকজন বিশেষ বিশেষ ব্যক্তি কৃকিদের জলগ্রহণ করিলেই কৃকিরা খুব উন্নতি করিল, কৃকিরা এরূপ মনে করে না। ভিন্ন সমাজ কৃকিদের সঙ্গে আজ যে ব্যবহার করিতেছেন, শুদ্ধি করিলে তাহার বিশেষ কোনো পবিবর্তন হইবে, মনে করি না। লোকসংখ্যায় কৃকিরা খুব নগণ্য নহে। কৃকিদের যাগ দরকার তাহা কৃকিদের মধ্যে হইতে প্রাপ্ত করিয়া লওয়া যাইতে পারিবে। একবার উৎযুক্ত হইয়া গেলে, কোনো ভিন্ন সমাজের উপর একান্ত নির্ভর করার কিছু আবশ্যকতাও থাকিবে না এবং ইহাই প্রকৃত সংস্থার।

কৃকিরা একে নিরক্ষর, তাহাতে আবার সভ্যসমাজের সঙ্গে সর্ববিধ সম্পর্কবিহীন। ইহাদের মানসিক অবস্থা যতদিন না যথেষ্ট উন্নতি লাভ করে, ততদিন ইহাদের

মধ্যে কোনো প্রকার সংস্কার সম্ভবপর হইবে কি? মন্ডনৌক্ষা, দেবদেবীর পূজা-উৎসবে একজন দুইজন আরুঠ বা উপরুত হইতে পারে, কিন্তু ব্যাপকভাবে এগুলির দ্বারা ভাল না হইয়া এখন খারাপই হইবে। হিন্দুধর্ম রুষ্টির ধর্ম। কোনো একটি বিশেষ মতবাদে বিশ্বাস বা অবিশ্বাস করিলে অথবা প্রচারকের রেজিষ্টারীতে নাম লেগাইলেই হিন্দু হওয়া যায় না। হিন্দু রুষ্টি যে গ্রহণ করিতে পারে, তাহার জ্ঞাত শুদ্ধি প্রভৃতি আন্দোলনের কিছুমাত্র আবশ্যকতা নাই। রুষ্টির দিকে দৃষ্টি নািয়া আন্দোলন করিতে গেলে তাহাতে একটি সাময়িক উত্তেজনার সৃষ্টি হইবে। সাময়িক উত্তেজনা-গুলির আর একটি দিক আছে—তাহা বিষময় প্রতিক্রিয়া। আজকাল আমাদের মধ্যে বহুলোক খ্রীষ্ট ধর্ম পরিত্যাগ করিয়া হিন্দুভাবে জীবনযাপন করিতেছে। তাহাদিগকে শুদ্ধি বা এরূপ কিছু আমরা কখনও করি নাই,—ব্যক্তিগত বা সামাজিক জীবনে ইহার কোনো আবশ্যকতাও ত অল্পভব করিতেছি না।

শুদ্ধি বা এরূপ কোনো আন্দোলনের বিরোধী আমি মোটেই নই। তবে আমার মনে হইতেছিল ব্যাপকভাবে কুকিদের মধ্যে এই-সব আন্দোলনের সময় এখনও আসে নাই। আমি যাহা বুঝিতেছি তাহাই অদ্রাস্ত সত্য বা একমাত্র পথ, আমি এরূপ মনে করি না। আমি নিজেকে একজন কুকি এবং আমি কিছুদিন যাবৎ কুকি জাতির উন্নতির জ্ঞাত চেষ্টা ও চিন্তা করিতেছি। আমার চিন্তাধারাতে প্ররুত পদ্য নির্ণয়ে যদি কিছুমাত্রও সহায়তা হয়, তবেই কৃতার্থ মনে করিব। আমি কোনো বিশেষ মতবাদের বা অদ্রুষ্টানের পক্ষপাতী, বিরোধী বা গৌড়া বলিয়া মনে করি না। সাকার হউক, নিরাকার হউক, যে-কোনো ভারতীয় ধর্মই হউক না কেন, আমাদেরিগকে গ্রহণ করিতে হইবে। বলা বাহুল্য আমি ভারতীয় সমুদয় ধর্মকেই হিন্দুধর্ম মনে করি। দেশ কাল ও পাত্র-বিশেষে প্রত্যেক ধর্মই সত্য ও সমান। “একমাত্র আমার ধর্মই সত্য এবং অন্তিম ধর্ম মিথ্যা” এরূপ কথা আজকালকার যুগেও যিনি প্রচার করিবেন, তিন রাত্রিতে কিছুদিন বায়ুপরিবর্তন করিয়া আসিলে

তাহার পক্ষে ও দেশের পক্ষে প্রভূত মঙ্গল হয়। আমরা চাই আদর্শট লাভ, তাহা যে প্রকারেই হউক। যিনিই ইহার প্ররুত পদ্য নির্দেশ করিয়া আমাদের মহা উপকার করিবেন, তিনি সত্যই আমাদের পরম বন্ধু।

সংস্কার দুই প্রকার—স্থায়ী বা নিবপেক্ষ সংস্কার, সাময়িক বা আপেক্ষিক সংস্কার। যে-সংস্কারের দ্বারা মানব পরিপূর্ণতার দিকে অগ্রসর হয়, মানব-মানব হয়, তাহাই স্থায়ী সংস্কার। ইহা সর্বযুগে সর্বকালে সমান ও অপরিবর্তনীয়। মদ্য মাংস ত্যাগ বা গ্রহণ, বাল্যবিবাহ দেওয়া বা বন্ধ করা, পতিত জাতিকে স্পর্শ করা বা না করা, মহিলাগণকে পর্দার ভিতরে রাখা বা না-রাখা, অথবা পর্দা সহ-ই বাহির করা—এগুলি সম্বন্ধে কোনো সনাতন নিয়ম হইতে পারে না। দেশ কাল ও পাত্র অনুসারে এগুলি পরিবর্তন করিতে হয়। এগুলির নাম আপেক্ষিক সংস্কার। এগুলি মূল সংস্কারের বিশ্ব বা সহায়ক মাত্র। কিন্তু অনেকেই এগুলিকে মূল সংস্কার ভাবিয়া ভুল করেন।

ভারতের হিন্দুসমাজগুলির মধ্যে কোথাও মংসাহার চলে, কোথাও তাহা অচক্ষ্য। কেহ শ্রালীকে বিবাহ করেন, কেহ তাহা মহাপাপ মনে করিয়া মামাতো বোনেরই পাণিগ্রহণ করেন। কেহ জাতিভেদ মানেন, কেহ মানেন না। কেহ কুটুম্ব বা শূকর মাংস পরিতৃপ্তির সহিত আহাব করেন, কাহারও নিকট তাহা অতি নিষিদ্ধ। অধিকাংশ লোকেরই নিজের আচারপদ্ধতির সম্বন্ধে একটু গৌড়ামি থাকে। কিন্তু সংস্কারক ঋাহারা হইবেন, তাহাদের সঙ্গপ্রকার গৌড়ামি হইতে মুক্ত হওয়া একান্ত আবশ্যক। একবার কয়েকজন মৌলবী পাণ্ডীত্বের মধ্যে ইসলাম ধর্ম প্রচার করিতে যান। গ্রামবাসীর নিকট, ইসলামের একমাত্র সত্যতা ও মহত্ব সম্বন্ধে বহুক্ষণ বক্তৃতা করিয়া তাহারা গ্রামবাসীকে ইসলাম ধর্মে দীক্ষিত হইবার জ্ঞাত আহ্বান করিলেন। কুকিরা বলিল,—“আমরা শূয়র ছাড়িতে পারিব না, স্থলং করিতে পারিব না। এ দুটি ছাড়া মুসলমান করিতে পারত কর” মৌলবীরা ভোবা ভোবা বলিয়া সেদিন যে সরিয়া পড়িয়াছিলেন, আর পাহাড়স্থানী হন নাই।

শ্রীযুগ মাংস খাইয়া ও হরণ না করিয়াও যদি মুসলমান হইবার হানিস থাকিত, তবে হয়ত বহু পার্শ্ববাসীকে আজ মুসলমান দেখা যাইত।

শিক্ষার অভাবই আজ কৃকিদের মধ্যে সৰ্ব্বাপেক্ষা শ্রেষ্ঠ অভাব। কুকিবা নিজের এই অভাব বিশেষরূপে অনুভব করিতে পারিতেছে। মিশনরী বিদ্যালয় ছাড়া পাহাড়ের অন্ত কোনও বিদ্যালয় নাই। মিশনরীরা বেসী 'শিক্ষা দেওয়া দরকার মনে করেন না। অবশ্য মিশনরীরা বৃত্তি দিয়া বৎসর বৎসর গুটিকতক বালককে হাই স্কুলে পাঠান। তাহারা পরে মিশনরীদের পাত্রর বা ডাক্তার কম্পাউণ্ডার হয়। যদি কুকিদের মধ্যে স্থানে স্থানে বিদ্যালয় স্থাপন করিয়া শিক্ষার ভার ভারতীয়দের উপর দেওয়া যাইতে পারিত তবে যথার্থ কাজ হইত। নিজেরা না বলিলেও কুকিরা হিন্দুই। এই হিন্দু আত্মবোধ কুকিদের মধ্যে জাগাইতে হইবে। প্রাচীন কীৰ্ত্তিতে গৌরবে ভারত জগতের শীর্ষস্থানে, ভারতে বাস করিলেও, ভারতের লোক হইলেও ভারতের মুসলমান ও খ্রীষ্টানগণ ভারতের অতীত গৌরবে গৌরব অনুভব করেন না। ভারতের মহাপুরুষদের পূতজীবনী, বীরদের কীৰ্ত্তিকাহিনী, পৌরাণিক ধর্মকথা, আখ্যায়িকার বশোপাখ্যা কুকিদের মধ্যে প্রচার করিতে পারিলে কুকিদের যথার্থ উপকার হইত।

ব্যাপকভাবে সমগ্র কুকি জাতির একটি তীব্র আকাঙ্ক্ষা—বাংলা ভাষা শিক্ষা করা। বাংলা শিখিলে বাবদা-বাণিজ্যের ও মামলা-মোকদ্দমার বিশেষ সুবিধা হইবে বলিয়াই বোধ হয় এই তীব্র আকাঙ্ক্ষা জাগিয়া থাকিবে। আর একটি মজার কথা—যাহারা চেষ্টা করিয়াও সামগ্রিক বাংলা শিখিতে পারিয়াছে, তাহারা খ্রীষ্টান হইতে না কেহ কেহ বলেন, এই কারণেই মিশনরীরা তাহাদের বিদ্যালয়ে বাংলা শিখাইতে বড় নারাজ। ব্যাপকভাবে বাংলা শিক্ষা দিতে পারিলে কুকিদের যথার্থ উপকার হইত। বাঙালীদের কুকিরাজ্যে প্রবেশ একপ্রকার নিষেধ। কিন্তু বাংলা শিক্ষারূপ পছন্দ্য বাঙালীরা সহজেই কুকিদের মনোয়াজ্য জয়

করিতে পারিবেন। বাংলার মত একটি উন্নত ভাষার মানসিক সম্পদের অধিকারী হইতে পারিলে বাস্তবিকই কুকিদের উন্নতি হইত। দেশী সমস্ত নষ্ট করিয়া বিদেশী প্রবর্তনের জন্ত মিশনরীদের একটি অত্যাধিক ঝোঁক আছে বলিয়া সন্দেহ হয়। কুকিভাষার কোনো নিজস্ব বর্ণমালা নাই। মিশনবীগণ রোমান বর্ণমালায় কুকি-ভাষার বই ছাপিতেছেন ও প্রচার করিতেছেন এবং তাহাদের বিদ্যালয়েও এইরূপ শিক্ষা দিতেছেন। বাংলা অক্ষরে কুকিভাষা ভাল লেখা হয়। বাংলা অক্ষরে লিখিলে জ্ঞাত যাইত না-কি? বাংলা অক্ষরে কুকিভাষায় বাংলা শিক্ষার জন্ত ও অজান্ত কয়েকখানি পুস্তক আমি প্রস্তুত করিয়াছি। জানি না কতদিনে উহা মুদ্রাযন্ত্রে শোধিত করিয়া উঠিতে পারিব। রোমান বর্ণমালা খানিয়া পাহাড়ের মত আমাদের মধ্যে এত প্রচার এখনও হয় নাই। মাত্র বাইবেল ও দু-একখানা চার্চের গানের বই প্রকাশিত হইয়াছে। এখনও চেষ্টা করিলে বর্ণমালা পরিবর্তিত করিয়া ফেলা যাইতে পারে।

পরিশেষে, শিলচর রামকৃষ্ণ আশ্রমের উল্লেখ না করিলে অকৃতজ্ঞতা হইবে। গত কয়েক বৎসর যাবৎ এই আশ্রম কুকিদের উন্নতির জন্ত চেষ্টা করিতেছেন। শিলচর একটি ক্ষুদ্র শহর, তাহার আশ্রম খুব বড় নয়। আশ্রমের সঙ্গতি অনুসারে তাহারা আমাদের জন্ত যাহা করিতেছেন, তাহাতে আমাদের সমুদয় জাতি বিশেষভাবে কৃতজ্ঞ। আশ্রমে একটি ছাত্রাবাস আছে। তাহাতে কয়েকটি বাঙালী ও কুকি ছাত্র থাকিয়া স্থানীয় বিদ্যালয়গুলিতে পড়াশুনা করে। খ্রীষ্টান অখ্রীষ্টান যাহারাই একবার এই আশ্রমের সংস্পর্শে গিয়াছে, সকলেই আশ্রমের সাধু-সন্ন্যাসীদের যত্ন ও উদারতায় আনন্দিত ও মুগ্ধ হইয়াছে। শুধু এই আশ্রমের জন্তই আমাদের খ্রীষ্টান কুকিরা আজকাল ভাবিতে শিখিয়াছেন—“জগতে শুধু খ্রীষ্টধর্মই একমাত্র সত্য ধর্ম নহে।”

এই আশ্রমের কার্য-পদ্ধতি নির্দোষ, নিরপেক্ষ ও গঠনমূলক বলিয়াই আমরা মনে করি। এদিকের কুকিদের মধ্যে এই আশ্রমের একটি বিশেষ প্রভাব দেখা যায়। আশ্রমের ছাত্রাবাসে বালকেরা বিদ্যালয়ের লেখাপড়ার



১। সপরিবারে একজন দেশী পাঙ্গো সাহেব। ইনি কাজাড়, মণিপুর, ত্রিপুরা ও চট্টগ্রামে ধর্ম দান করেন।

২। পাঁচ বৎসর বয়সের কুকি খ্রীষ্টান বালক সিগারেট অভ্যাস করিতেছে।



৩। মিশনবাদের অধীন থাকিয়া এই কমটি পার্বত্যজাতীয় বালক শিলচর হাইস্কুলে পড়াশুনা করিতেছে।

৪। পাহাড়ে মিশনবাদের একটি বাঙালী।



৫। পাহাড়ে একটি কুকি গ্রাম।

৬। একটি কুকি-বুড় দেশীয় বীশের হুকায় তামাক খাইতেছে। তাহার হাতে শিকারের বর্ষা।

৭। শিলচর হাইস্কুলে আসামের তিনটি কুকি বালক।


সঙ্গে সঙ্গে বাংলা ভাষা শিক্ষা করিতেছে, ভারতীয় পোষাক, খাওয়া, আদবকায়দায় অভ্যস্ত হইতেছে। বাঙালী ও কুকি-বালকেরা একসঙ্গেই বাস করিতেছে। শুধু বালকেরা নয়, বালকদের অভিভাবক আত্মীয়কুটুম্বাও আশ্রমে গেলে বিশেষ আদরবহু পাইয়া থাকেন। ইহাতে বাঙালীর প্রতি কুকিদের কুদারপা দূর হইয়া ক্রমশঃ একটা শ্রীতি ও শ্রদ্ধার ভাব জাগিতেছে। শ্রদ্ধায় রামানন্দবাবু কয়েক বৎসর পূর্বে শিলচর রামকৃষ্ণ আশ্রমে পদার্পণ করিয়া, কুকি বালকদের মধ্যে বাংলা শিক্ষা দেওয়া হইতেছে দেখিয়া ভূমণী প্রশংসা করিয়াছিলেন। ইহার পর তিনি প্রবাসীতে ছইবার এই আশ্রমের প্রশংসা করিয়াছেন। আজকাল চারিদিক হইতে বহুসংখ্যক কুকি-বালক এই আশ্রমে আসিবার জন্ত আবেদন করিতেছে। কিন্তু আশ্রমের অর্বসামথ্য সেরূপ না থাকাতে তাহারা বেশী ছাত্র রাখিতে পারেন না। এই সংক্রান্ত কাহা-প্রণালীটি বড় সুন্দর। প্রত্যেক বৎসরই কয়েকটি বালক সেখান হইতে শিক্ষালাভ করিয়া সমাজে যাইতেছে, আবার নূতন ছাত্র তাহাদের স্থান অধিকার করিতেছে। সর্বদা আশ্রমে বাস করিতে কুকি-বালকদের চরিত্র, চালচলন অতি-মার্জিত ও চমৎকার হইয়া উঠিতেছে। আমি নিজেও শিক্ষা সঞ্চক্ষে এই আশ্রম হইতে বিশেষ সাহায্য প্রাপ্ত হইয়াছি। গত পৌষ মাসের ভারতবর্ষে দেখিলাম থানিয়া পাহাড়েও এই রামকৃষ্ণ আশ্রমগুলি ভাল কাজ করিতেছে।

আমাদের বিপদ আগর, উপায়ও নাই। তাই এই

রামকৃষ্ণ আশ্রমের উপর একান্ত নির্ভর না করিয়া আমি দেশবাসীর নিকট রূপাপ্রার্থী হইয়াছি। এই রামকৃষ্ণ আশ্রম যেভাবে কার্য্য করিতেছেন, সেই ভাবেই শিক্ষা-বিত্তারের জন্ত ব্যাপকভাবে চেষ্টা করিতে পারিলে আশু-কল্যাণ আশা করা যায়।

আমার পূর্ব ছইট প্রবন্ধ প্রকাশিত হইবার পর হইতে বহুবাক্তি আমাকে পত্রদ্বারা নানা উপদেশ, উৎসাহ ও পরামর্শ দিয়াছেন। সকলের উত্তরই অতি সংক্ষেপে লিপিবদ্ধ করিতে প্রয়াস পাইয়াছি। একই অপ্রাসঙ্গিক হইলেও একটু কথা বলা দরকার মনে করিতেছি। কেহ কেহ আমাকে লিখাছেন,—আমার লেখার ভাষা না-কি চমৎকার এবং ইহা আমার নিজের লেখা কি-না জিজ্ঞাসা করিয়াছেন। এ সম্বন্ধে আমি কি বলিব? লেখার পরীক্ষা দিবার জন্ত বা কোনো রকম বাহ্যদ্রবী করিবার জন্ত আমি প্রবন্ধ লিখিতে চেষ্টা করি নাই। আমার লেখার ভালমন্দ ও ক্ষমতার বিচার না করিয়া পাঠকগণ কুকিদের কথা ভাবিতেছেন দেখিলে আমি বিশেষ আনন্দিত হইব।

কুকিদের সম্বন্ধে আমার যাহা বক্তব্য ছিল তাহা এখানে শেষ করিলাম। অরণ্যবাসী হইলেও আমি রোদন করিতেছি দেশের মহাপ্রাণ মনোবিগণের নিকট। এই নিরাশ্রয়, কুপথগামী, নাবালক জাতি দেশবাসীর নিকট হইতে তাহাদের মুক্তির সন্ধান অচিবেই পাইবে,—এরূপ আশা আমরা করিতে পারি না কি?



ক্রসেলে শতবার্ষিকী উৎসব

শ্রীবিনয়েন্দ্র সেন

এই উৎসবের কথা বলিতে হইলে আমাকে প্রথমত বেলজিয়মের ইতিবৃত্তের গোড়ার কয়েকটি কথা সংক্ষেপে বলিতে হইবে।

খৃষ্টীয় ষোড়শ শতাব্দীর প্রথমভাগে পঞ্চম চার্লস স্পেনের রাজা ও জাৰ্মেনীর সম্রাটরূপে সমস্ত ইউরোপ-খণ্ডে প্রভুত পরাক্রমশালী ও বিচক্ষণ ব্যক্তি বলিয়া সুপরিচিত ছিলেন। তাঁহার রাজত্বকালে বেলজিয়মকে “প্রভাস বেলজিক্” বলা হইত। পঞ্চম চার্লসের মৃত্যুর পর উত্তরাধিকারসূত্রে উহা অষ্ট্রীয়র অন্তর্ভুক্ত হয়, কিন্তু তাহার পরে আবার ফরাসীদের অধিকারে চলিয়া যায়। তার পর গুয়াটালুর্ যুদ্ধে নেপোলিয়ানের পরাজয় হইলে বেলজিয়ম নেদারল্যান্ডস্ অর্থাৎ হল্যান্ডের অধীনে আসে। ১৮৩০ খৃষ্টাব্দের সেপ্টেম্বর মাসে হল্যান্ড-রাজ উইলিয়মের জন্মোৎসব উপলক্ষে বেলজিয়মের প্রধান নগরী ক্রসেলে খুব বিরাট আয়োজন হয়। কিন্তু বেলজিয়মের জনসাধারণ হল্যান্ড-রাজের শাসনে অসন্তুষ্ট হইয়া তাঁহার ‘বরুদ্ধে গোপনে মড়য়ন্ত্র করিতে’ছিল। আর্থিক ও ব্যবসায় বাণিজ্যের শোচনীয় অবস্থা এবং উচ্ছ্রাঙ্ক-শাসনই এই রাজদ্রোহিতার কারণ। যড়যন্ত্র-কারিগণ প্রকাশ্যভাবে রাজদ্রোহিতা কবিরার জন্ত একটা উপলক্ষ্য যাত্রা খুঁজিতেছিল এবং এই জন্মোৎসব ব্যাপারই উহা যোগাইয়া তাহাদের বাসনা পূর্ণ করিবার সুযোগ প্রদান করিল।

দুইদিনব্যাপী উৎসবের কথা জনসাধারণে প্রচারিত হইয়াছিল, কিন্তু উৎসবের পঞ্চম দিন আর একটি নূতন বিজ্ঞাপনের উপর জন-সাধারণের দৃষ্টি পতিত হইল। প্রতি রাত্ৰায়, আলোকস্তম্ভ-সমূহে, বৃক্ষশাখায়, অট্টালিকার প্রাচীরে বড় বড় অক্ষরে লিখিত সেই রঙীন বিজ্ঞাপন সকলের দৃষ্টি আকর্ষণ করিল। তাহাতে লেখা ছিল :—

“Aujourd'hui—grand-
bal. Demain—feu d'ar-
tifice. Apres demain—
revolution.”

অন্ত বল-নাচ; আগামী
কলা বাজি-পোড়ান;
পরশ বিপ্লব।

উৎসবের দিন এই অদ্ভুত বিজ্ঞাপন যদিও জন-সাধারণের ও রাজকর্মচারীদের মনে বিশেষ কোনো সন্দেহ আনিতে পারে নাই এবং যদিও রাজকর্মচারীরা ইহাকে পাগলের বা দুষ্ট লোকের কাজ বলিয়া প্রচার করিয়াছিলেন, তবুও অধিকাংশের মনেই একটু ভীতির সঞ্চার হইয়াছিল। কিন্তু তাহা ক্ষণকালের জ্ঞান। সকলে তখন উৎসবের আনন্দে মাতোয়ারা—নাচ, গান, আমোদ-আহ্লাদ সর্বত্র অফুরন্তভাবে চলিতে লাগিল। অপূর্ণ আলোকমালায় বিভূষিত সমস্ত শহরের কোথাও বিঘাদের ছায়া পর্যন্ত প্রবেশ করিতে পারিল না। প্রথম দিন বেশ কাটিয়া গেল। দ্বিতীয় দিনও ভাল ভাবেই গেল। তার পর তৃতীয় দিনও যখন নিঃকরুণে কাটিয়া গেল, তখন মাঘের মনে বিন্দুমাত্রও যা সন্দেহ ছিল তাহাও দূর হইয়া গেল। ক্রমে চতুর্থ দিন, পঞ্চম দিন, ষষ্ঠ দিন, এক সপ্তাহ সম্পূর্ণ নিরুপদ্রবে কাটিয়া গেল; তখন ঐ অদ্ভুত বিজ্ঞাপন প্রচার নিশ্চয়ই কোনো পাগলের কর্ম বলিয়া সকলের ধারণা হইল এবং অবশেষে উহার আলোচনা পর্যন্ত সম্পূর্ণ বন্ধ হইয়া গেল।

কিন্তু ইহার কিছুদিন পরেই ২১এ সেপ্টেম্বর সকলের ভীতি জন্মাইয়া এবং সকলকে বিস্মিত করিয়া বিপ্লবীদের কামান রয়েল পার্কে গজিয়া উঠিল। ২১এ হইতে ২৩এ পর্যন্ত ঐ পার্কে ভীষণ যুদ্ধ হয় এবং ইহারই কয়েকদিন পরে আন্টোয়ার্পে আর একটি ঋণযুদ্ধে ডাচ-সৈন্য সম্পূর্ণরূপে পরাভূত হইয়া বেলজিয়ম হইতে বিতাড়িত হয়। এই যুদ্ধই বেলজিয়মের স্বাধীনতা আনয়ন করে। অতঃপর গ্রাশনাল কাউন্সিল কর্তৃক রাষ্ট্রপদে নির্বাচিত হইয়া প্রথম লিওপোল্ড বেলজিয়মের সিংহাসনে অধিষ্ঠিত হন। ইনিই বেলজিয়মের প্রথম স্বাধীন রাজা।

লিওপোল্ড রাজপদে প্রতিষ্ঠিত হইবার পর বেলজিয়ম অধিকার করিবার জন্ত ডাচ-সৈন্য আবার চেষ্টা করিয়াছিল এবং ক্রমাগত অগ্রসর হইয়া ক্রসেলের অতি



১। আকাদ ডা স্যাক্সেনেরার

২। রাজপ্রাসাদ

৩। গ্রী গ্রাস—ক্রসেল

৪। প্যালে জে জুটিস্

৫। একটি মিডিলের দৃশ্য


৬। সমুদ্রতীর—অটো

৭। লাকেন উদ্যান


৮। একটি রাস্তা

নিকটে আসিয়া পড়িয়াছিল। তখন উপায়ান্তর না দেখিয়া বেলজিয়ম-রাজ ফ্রান্সের শরণাপন্ন হন। তদনুসারে কয়েক সহস্র সৈন্য প্রেরিত হয়। এই ফরাসী সৈন্যের আগমন-সংবাদ পাইয়া ডাচ সৈন্য আর অগ্রসর হইল না এবং কিছুদিন পরে পুনরায় স্বদেশে প্রত্যাবর্তন করিল। ইহাই হল্যান্ডের শেষ চেষ্টা। ইহার পর হইতে আজ শত বৎসর ধরিয়া বেলজিয়ম স্বাধীন।


প্রথম লিপপোল্ডের মৃত্যুর পর ১৮৬৫ অব্দে তাঁহার পুত্র দ্বিতীয় লিপপোল্ড নামে বেলজিয়মের সিংহাসনে



লিপপোল্ডের মৃত্যুর—রাজ্যের দৃশ্য




স্বাধীনতা উৎসবের মিছিল



স্বাধীনতা উৎসবের মিছিল

অধিষ্ঠিত হন। রাজা হইয়া ইনি প্রথমত রাজ্য বিস্তৃতির দিকে মনোনিবেশ করেন এবং তৎপর বহু লোক-হিতকর কার্য ও ব্যবসায়-বাণিজ্যে প্রভূত উন্নতিসাধন করেন। তাঁহারই রাজত্বকালে আফ্রিকার কঙ্গো দেশ বেলজিয়মের অধিকারে আসে। “অধিকার” কথাটি এখানে যথার্থ অর্থ প্রকাশ করিতেছে না, কারণ এই কঙ্গো দেশ বেলজিয়ম-রাজের নিজস্ব সম্পত্তি ছিল। তিনি উহা নিষ্ক অর্থে ক্রয় করিয়াছিলেন। বেলজিয়মের উন্নতিসাধনের জন্ত তিনি তাহা বেলজিয়ম-বাসিগণকে উপহার দেন। কঙ্গো দেশের মূল্যবান খনিজ পদার্থ বেলজিয়মের আর্থিক অবস্থার প্রভূত উন্নতিবিধান করে এবং এখনও করিতেছে। প্রকৃতপ্রস্তাবে কঙ্গো

বেলজিয়মের উন্নতি ও সৌভাগ্যের দ্বার উন্মুক্ত করিয়া দেয়। দ্বিতীয় লিপপোল্ডই বিশ্ববিখ্যাত “Palais du Justice” নিৰ্মাণ করেন। ইহা সমগ্র ইউরোপের মধ্যে বৃহত্তম অট্টালিকা। অ্যাটোয়ার্পের বন্দরকে তিনি আরও বৃহৎ আকার দান করেন এবং বহু বুলভার (দুই পার্শ্বে সারি সারি বৃক্ষসম্বিষ্ট বিস্তৃত রাজবট) নিৰ্মাণ করিয়া নগরের শোভা বৃদ্ধি করেন। তাঁহার ইচ্ছা ছিল ক্রসেলকে সমগ্র ইউরোপের মধ্যে প্রধান ও হৃন্দরতম রাজধানী করিয়া তোলে। তাঁহারই রাজত্বকালে পঞ্চাশৎ বার্ষিকী উৎসব হয় এবং তাহার স্মরণার্থ Cinquantenaire নিৰ্মিত হয়। সঁাক্সেনেয়ার কথাটির অর্থ পঞ্চাশ বৎসর। বেলজিয়মের ইতিহাসে



স্বাধীনতা উৎসবের মিছিল

দ্বিতীয় লিওপোল্ড চিরস্মরণীয় হইয়া রহিয়াছেন। তাহার দ্ব্যেষ্ঠপুত্র কোনো এক সম্ভ্রান্ত বংশীয়া মহিলা-সংক্রান্ত ব্যাপারে দন্ডযুদ্ধে সমাহৃত হইয়া নিহত হন। সুতরাং দ্বিতীয় লিওপোল্ডের মৃত্যুর পর (১৭ই ডিসেম্বর ১৯০৯) তাহার দ্রাভুপুত্র আলবার্ট বেলজিয়মের সিংহাসনে অধিরোধণ করেন। বর্তমানে তিনিই বেলজিয়মের রাজা। এই দেশের শতবর্ষের ইতিহাস দুই চারি কথাতেই শেষ করিলাম।

বেলজিয়মের “স্বাধীনতার শতবার্ষিকী” উৎসব রাজধানী ক্রসেল নগরে বর্তমানে অতি সমারোহে সম্পন্ন হইতেছে। শিকারখী-হিসাবে এই সময়ে এখানে অবস্থিতি

বরা হেতু আমি এই বিরাট উৎসব দেখবার সুযোগ পাইয়াছি।

এই উৎসবের জ্ঞাত ক্রসেলকে নববধূর ত্রায়। নানাবিধ অলঙ্কার ও মালায় সজ্জিত করা হইয়াছে। সাজসজ্জার প্রধান উপকরণ পুষ্পমালা ত আছেই, উপরন্তু অগণিত জাতীয় পতাকার মালা, বিজ্ঞানী আলোকের মালা এবং রঙীন কাগজের মালাদি' উৎসবের স্বয়মবুদ্ধির সহিত সর্বত্র একটা প্রবল উদ্দীপনা জাগাইয়া দিয়াছে। বড় বড় রাস্তার সঙ্কমস্থলের মধ্য-ভাগে বিরাট কাষ্ঠশৃঙ্খল নানারূপ কারুকার্যসম্বিত ও পত্রপুষ্পে সজ্জিত হইয়া মস্তকে প্রকাণ্ড জাতীয় পতাকা বহন করিতেছে। প্রতি অট্টালিকার বাতায়নে



স্বাধীনতা উৎসবের মিছিল

মনোমুগ্ধকর পুষ্পনিচয়ের শোভন-সন্নিবেশ দর্শকের দৃষ্টি বিশেষভাবে আকর্ষণ করে। দিবাপেক্ষা রাত্রিকালে উহাদের সৌন্দর্য্য যেন শতগুণ বৃদ্ধি পায়। বিচিত্র আলোকে আলোকিত পথ ও সৌধসমূহ, রেডিও নিঃসৃত স্বমধুর সঙ্গীত ও ঐকতানবাদা, বহুবিধ স্বগন্ধি দ্রব্যের সৌরভ, এই সমস্ত উৎসবটিকে প্রকৃতই আনন্দময় করিয়া তুলিয়াছে। ৪টা আগষ্ট হইতে আলোক দেওয়া আরম্ভ হইয়াছে এবং বর্তমান বৎসরের (১৯৩০) শেষ পর্য্যন্ত এই প্রকার আলোকমালায় শহরটিকে আলোকিত রাখা হইবে।

৪টা আগষ্ট তারিখেই উৎসবের প্রথম মিছিল বাহির হয়। ঢাকার জম্মাষ্টমীর মিছিল ও কলিকাতার জেলাপাড়ার সঙ্গে সহিত ইহার কতকটা তুলনা

চলে। জম্মাষ্টমীর মিছিলের চায় এই মিছিলে নানা-প্রকার চৌকী বা গ্যালারি প্রদর্শন করা হয়। বেলজিয়মের এক এক বিভাগ হইতে এক একটি চৌকী এই প্রদর্শনাতে বাহির করা হইয়াছে।

প্রথম দিন আমার বন্ধুর মিঃ রুডলফ ক্রেভে ও তাঁহার ভগিনী মিস্ মার্গা ক্রেভের সহিত আমি এই মিছিল দেখিবার জন্ত বাহির হইতে বেশ একটু দেরি করিয়া ফেলিয়াছিলাম। রাস্তায় আসিয়া চারিদিকের অবস্থা দেখিয়া আমাদের প্রথমত একরূপ হতাশ হইতে হইল। মিছিল উপলক্ষে ক্রেসেলের লোকসংখ্যা প্রায় চতুর্গুণ বাড়িয়া গিয়াছে। প্রতি বিভাগ হইতে ছোট বড় সব রকম লোকই এখানে আসিয়াছে। অনেকে বেলা ১২টার সময় হইতে জায়গা



স্বাধীনতা উৎসবের মিছিল

দখল করিয়াছে। আমরা যখন বাহির হইলাম তখন অপরাহ্ন সাড়ে তিনটা। তখন ভাল ভাল সকল স্থানই দখল হইয়া গিয়াছে। যেখান হইতে মিছিল ভাল করিয়া দেখিতে পারি আমরা এমন স্থান খুঁজিয়া পাইলাম না। মিঃ রেভ্ এবং আমি কয়েকদিন পরেও এই মিছিল দেখিতে পাইব, কারণ উহা আরও আট দশবার প্রদর্শিত হইবে এবং আমরা দু'জনেই ক্রসেলে অবস্থিতি করি। কিন্তু মিস্ রেভ থাকেন বালিনে—এখানে মাত্র দু-এক দিন অবস্থান করিবেন। সুতরাং তাঁহার এবার মিছিল দেখা না হইলে আর দেখা হইবে না। তিনি শুধু এই মিছিল দেখিবার মানসেই স্বদূর জার্মেনী হইতে এখানে আসিয়াছেন। এই অবস্থায় তাঁহাকে উহা দেখাইতে না পারিলে বড়ই লজ্জার বিষয় হইবে। খানিকক্ষণ চিন্তা করিয়া মতলব স্থির

করলাম। আমাদের ইউনিভারসিটির ফিল্ম কেমেরাটি কয়েক সপ্তাহ ধরিয়া আমার নিকটেই ছিল। আমরা তখন “কাষ্ট বেল্জ” নামক একটি ঐতিহাসিক ফিল্ম তুলিতে ব্যস্ত ছিলাম এবং আমাদের ষ্টুডিও আমার বোডিং বাড়ির খুব নিকটেই ছিল বলিয়া আমার কাছে ক্যামেরা ইত্যাদি রাখা হইত। আমি তাড়াতাড়ি দেখান হইতে ঐ ক্যামেরাটি লইয়া আসিলাম এবং তারপর তিন জনে মিলিয়া এক চৌরাস্তায় উপস্থিত হইলাম। আমি আমার ইউনিভারসিটি কার্ড এবং ক্যামেরাটি একজন সার্জেন্টকে দেখাইয়া বলিলাম, “পারি কি?” তিনি সম্মতি জ্ঞাপন করিলেন, কিন্তু আমার সঙ্গীদিগের প্রতি একটু জিজ্ঞাসাপূর্ণ দৃষ্টিপাত করিলেন। তাহা লক্ষ্য করিয়া আমি তাঁহার একটু কাছে গিয়া এক চক্ষু



স্বাধীনতা উৎসবের মিছিল

টিপিয়া ঈষৎ হাসিয়া বলিলাম, “আমারই সঙ্গীরা।” আর কোনো বাধা বা অসুবিধা রহিল না।

আমরা তখন রাস্তার ভিড় হইতে সরিয়া গিয়া একটি আলোকশুস্তের বাঁধানো বেদীর উপর গিয়া দাঁড়াইলাম। ঐ স্থানটি ছবি তুলিবার পক্ষে অতি চমৎকার। তখন আমার খুবই দুঃখ হইল; কারণ আমার ক্যামেরায় এক ফুট পরিমাণ লম্বা ফিল্মও ছিল না। কিন্তু ফিল্ম না থাকিলেও আমাকে অনবরত কেমেরের হাওল ঘুরাইয়া ছবি তুলিবার অভিনয় করিতেই হইবে, নতুবা সেখানে দাঁড়াইয়া তামাশা দেখিবার এমন সুন্দর সুযোগ আমাদের কিছুতেই হয় না। আমার এই ছবি-তোলার ব্যাপারটি বেশ আমোদজনক হইয়াছিল। প্রথমটাই সার্জেণ্ট সাহেবকে আমার ক্যামেরার সমুখ দিয়া ঘাইতে ইঙ্গিত করিলাম।

তিনি তদন্তসারে সমুখভাগে আসিয়া একটুপানি অঙ্গভঙ্গী করিয়া গেলেন এবং পরে ক্যামেরার রেঞ্জের বাহিরে গিয়া আমার দিকে তাকাইয়া একটুখানি হাসিলেন। বুঝিলাম মহাদেব সন্তুষ্ট হইয়াছেন। ফিল্মে ছবি উঠাইবার সখ কাহারও কম নয়। আমার ক্যামেরার সমুখে কোনো চৌকী আসিলেই শত শত বিদ্যাপুর হইতে হাসির ঝরণা ঝরিয়া পড়িতে লাগিল। বলা বাহুল্য, পুরুষ অপেক্ষা স্ত্রীলোকগণেরই “Cinema star” হইবার আগ্রহ বেশী। তাহাদের মধ্যে একজন স্থলাঙ্গিনীর অভিনয় একটু উল্লেখযোগ্য। তিনি আমার ফিল্ম ক্যামেরা দেখিয়া এতই উৎসাহিত হইয়া পড়িলেন যে, শুধু হাসির ঝরণা বিলাইয়াই তৃপ্ত হইতে পারিলেন না—দুই হাতে চক্ষু ছুড়িতে লাগিলেন। তাঁহার দেখাদেখি আরও অনেক মহিলা

তাহার পদাঙ্ক অম্লসরণ করিলেন। সেই মহিলাটি এত মোটা ছিলেন যে, আমি তাহার উপযুক্ত ব্যাখ্যা করিতে অসমর্থ। অতিরিক্ত স্কুলদেহের পার্শ্বে দুইটি হস্ত আবার অতিরিক্ত ছোট। ঘাড় বলিতে আধ ইঞ্চি আছে কিনা সন্দেহ।

এইভাবে প্রথম দিনের মিছিল দেখা হইল। ইহার পরের মিছিলের দিন আমাদের ইউনিভার্সিটি হইতে ছবি তুলিবার আদেশ হইল। কয়েকটি চৌকীর নাম আমার মনে আছে। তাহা এই :—“Civilization of Congo”, “the Moon”, the Rainy Season”, “Omegau” ইত্যাদি। তার পরে “কটেজ লুদিন” অর্থাৎ আলোকিত মিলি বাহির হইল। তাহাতে “the Golden Electricity”, “Television,” “To-

day and Yesterday” প্রভৃতি অনেকগুলি চৌকী প্রদর্শিত হইয়াছিল। এই সমস্ত মিছিল সর্বপ্রথমে ক্রসেলে প্রদর্শিত হয় এবং পরে বিভিন্ন প্রদেশে প্রেরিত হয় এই উৎসব আজিও শেষ হয় নাই। আগামী ২১এ সেপ্টেম্বর প্রধান উৎসবের দিন—ঐ দিন সর্বশ্রেষ্ঠ মিছিল বাহির হইবে।

এই উৎসবের জুহু বেলজিয়মের প্রতি প্রদেশ হইতেই দুই-একটি করিয়া চৌকী প্রেরণ করা হইয়াছে। সেগুলি একদিনে দেখানো অসম্ভব বলিয়া অনেক পূর্ব হইতেই উৎসব আরম্ভ হইয়াছে—শেষ মিছিলের দিন ২৮এ সেপ্টেম্বর। মিছিলের প্রত্যেকটি চৌকীরই একটু ইতিহাস আছে। আমার সবগুলি জানা নাই।

তিনকড়ি-চরিত

শ্রীদিবাকর শর্মা

তিনবারের বার জেল খাটিয়া যখন তিনকড়ি বাহির হইল তাহার পূর্বেই তাহার সংসারের একমাত্র অবলম্বন বুড়ী মাসী ধনমণি জলে ডুবিয়া পরলোকযাত্রা করিয়াছিল। ফটকের বাহিরে বন্ধু মদন ময়রার মুখে এই সংবাদ শুনিয়া তিনকড়ি আনন্দে নৃত্য আরম্ভ করিয়া দিল। ফটকের জমাদার ইংকিল, “ভাগো হিয়াসে!” উল্লাসে বাধা পাইয়া তিনকড়ি দুই পাটি দাতের সহিত বা-হাতের বুদ্ধাঙ্গুষ্ঠি জমাদারকে প্রদর্শন করিয়া সদর রাস্তায় উঠিয়া আসিল। জমাদার রাগে জলিয়া বদ্ধমুষ্টি হইয়া ছুটিয়া আসিবার উপক্রম করিতেছিল, কিন্তু সহসা পিছনে জুতার শব্দ পাইয়া মুখ ফিরাইয়া দেখিল,—ইন্স্পেক্টার সাহেব! অগত্যা জমাদার রাম-ভরোস সিং তিনকড়ি বেহারার বুদ্ধাঙ্গুষ্ঠি হজম করিয়া অন্তরে জ্বলিতে লাগিলেন।

ইহার পর দুই বন্ধুতে গোপন ারামর্শ হইয়া সাব্যস্ত হইল যে, অতঃপর আইনসঙ্গতভাবে জীবনযাপন করাই স্থযুক্তি।

২

শীতের প্রভাব। ছোট শহরের বাজার, বাজারের পাশা দয়া নদী। নদীটির ধারে বাধানো বটগাছের তলায় তখনও সাধুদের ধুনী জ্বলিতেছে। তিনকড়ি সেখানে আসিয়া সাষ্টাঙ্গে প্রণিপাত করিয়া দাঁড়াইল। জটাধারী প্রভু চক্ষু মেলিয়া বলিলেন, “কেয়া বাবা?”

জেলের মধ্যে তাহার কয়েদী বন্ধু ভজন পাড়ের সহিত তিন বৎসর একত্র বাসের ফলে হিন্দী ভাষার সহিত তিনকড়ির একরূপ পরিচয় হইয়াছিল, সে দুই হাত জোড় করিয়া জটাধারী বাবার পায়ের কাছে মাথা

ঠুকিতে ঠুকিতে কহিল, “অদম হায়। অশরণ হায়—”

জটাধারী প্রভু একমুঠা ছাই লইয়া তিনকড়ির কপালে মাখাইয়া দিয়া কহিলেন, “জীতা রহো।”

সমবেত সাধুরা “সীতারাম! সীতারাম!” বলিয়া ট্যাচাইয়া উঠিলেন। তিনকড়ির দীক্ষা হইয়া গেল।

সন্ধ্যায় জটাধারী বাবা পরমতত্ত্ব সম্বন্ধে উপদেশ দিতেছিলেন, তিনকড়ি যুক্তকরে শুনিতোছিল। দুইজন সাধু কোনো মন্তব্যেরীর গদী হইতে সেদিন কিরূপ সিধা আসিয়াছে তাহারই আলোচনায় বাস্ত ছিল এবং দুইটি বালক সাধু দিস্তাখানেক আটার রুটা ঘৃতসিক্ত করিতেছিল। উপদেশ শেষ করিয়া সাধু বাবা কহিলেন, “দুনিয়ামে ইয়ে অমৃত হায় বাবা।” ভক্ত তিনকড়ি ঘৃতসিক্ত রুটীর দিস্তার দিকে অপাঙ্গে চাহিয়া ভক্তি-সুরস কণ্ঠে কহিল, “হা বাবা।”

৩

২ দিন-পাচেকের মধ্যেই তিনকড়ি বুঝিল যে, আইন-সঙ্গতভাবে জীবন যাপন করিবার শিক্ষা তাহার একরূপ আয়ত্ত হইয়া গেছে। প্রথম দিন বহুদিন-কার অনভ্যস্ত অভ্যাসটি প্রভুর সেবা জোগাইতে জোগাইতে তিনকড়ি ঝালাইয়া লইল। প্রথম প্রথম গঞ্জিকার গন্ধ অত্যন্ত অপ্রীতিকর মনে হইতেছিল, কিন্তু সন্ধ্যা-নাগাদ সেটা সহিয়া গেল। দ্বিতীয় দিন এক ভক্ত গুজরাটী ঠিকাদার রেলের একটা নূতন পুলের ঠিকা লইয়া জটাধারী বাবার কাছে ভাগ্য-গণনা করাইতে আসিয়াছিলেন। সে-সময় তিনকড়ি উপস্থিত ছিল। ঘণ্টা-দুয়েকের মধ্যে জ্যোতিষ-বিদ্যায় তাহার প্রচুর জ্ঞান জয়িয়া গেল। তৃতীয় দিন চটকলের কুলীর দলের ছুটি ছিল। তাহার তিন মাইল রাস্তা হাঁটিয়া সন্ধ্যায় প্রভুর নিকট সীতারামজীর ভজন শুনিতে আসিয়াছিল। জটাধারী বাবা “হা হা রাম তাঁহা নেহি কাম, হা হা কাম তাঁহা নেহি রাম” এই দোহার অপূর্ণ ব্যাখ্যা করিয়া তিন টাকা সাড়ে দশ আনা প্রণামী বুঝিয়া লইলেন। তিনকড়ি দোহাটি কণ্ঠস্থ করিয়া লইয়া বুঝিল যে কাজ চলিবার মত সীতারাম-তত্ত্ব

তাহার আয়ত্ত হইয়াছে। চতুর্থ দিন তিনকড়ি শিখিল জটাতত্ত্ব। নদীতে স্নান করিবার সময় একটি বালক জটাধারীর জটা অকস্মাৎ স্রোতে ভাসিয়া গিয়াছিল। সে তাড়াতাড়ি আসিয়া পুটলি খুলিয়া ভেড়ার লোম বাহির করিল ও তাহাতে আঠা ও ময়দা জুড়িয়া ঘণ্টাখানেকের মধ্যে দুই হাত লম্বা এক জটা বানাইয়া ফেলিল। পঞ্চম দিন জটাধারী প্রভু অতি সঙ্গোপনে কিরূপে তামা সোনা হইতে পারে, এ-সম্বন্ধে এক মাড়োয়ারী ভক্তকে উপদেশ দিতেছিলেন। এই ভক্তটি মাসামিক কাল হইতে ‘সিদ্ধাই’ লাভের আশায় প্রভুর পিছু লইয়াছিলেন। তিনকড়ি কান পাতিয়া জটাধারী বাবার উপদেশ শুনিল। প্রভু স্বর্ণ-প্রস্তুত-প্রণালী কহিয়া টাঁদির টাকাকে মোহর করিবার উপায় সম্বন্ধে বলিতে লাগিলেন। তিনকড়ি শুনিয়া বুঝিল যে প্রভুর নিকট আরও শিক্ষা লাভের আকাঙ্ক্ষা রাখিলে অতি শীঘ্রই যেখান হইতে আসিতেছে সেখানেই ঢুকিতে হইবে, অতএব সে দল ছাড়িল।

দল ছাড়িল রাত্রে। অনেক বিড়্যাই প্রভু তাহাকে শিখাইয়াছিলেন। সে তাহার বহুকালের অদীত বিড়্যার কিঞ্চিৎ পরিচয় প্রভুকে দিয়া গেল। প্রভু তখন শশিষ্য গভীর হ্রস্পময়। রাত্রি দ্বিপ্রহরে তিনকড়ি উঠিল। প্রভুর মুগচন্দ ও চিমটা, একটা কমণ্ডলু ও একখানা কদল সংগ্রহ করিয়া কাঁচির সাহায্যে বাবার দীর্ঘ জটাটি কাটিয়া লইল। পরে খানিকটা বিভূতি বাবার পাখে ঠেকাইয়া তাহাই কপালে মাখিয়া তিনকড়ি দ্রুতপদে গ্রন্থান করিল।

৪

পরদিন প্রভাতে গতরাত্রির তিনকড়ি বেহারা বাবা হুম্মানদাস রূপে রামনগরের পথে বাবলাতলায় বসিয়া রুদ্রাক্ষের মালা জপিতেছিলেন আর মনে পূর্ণস্মৃতি তরঙ্গায়িত হইয়া উঠিতেছিল। এই রামনগরেই তিন বৎসর পূর্বে তিনকড়ি বন্দনদশায় পড়িয়াছিল। অপর্যাপ্ত সামান্য, পথে চলিতে চলিতে ক্ষুধার্ত হইয়া তিনকড়ি রামনগরের দেবালয়ে আসিয়া অতিথি হইয়াছিল। তখন রাধারাণীজীর ভোগের সময়। পূজারী-ঠাকুর দেবালয়ে একখালা ফুলকো লুচি বিগ্রহের সম্মুখে

রাখিয়া তরকারী আনিতে গিয়াছিলেন, এই অবসরে ক্ষুধিত তিনকড়ি খালাখানি লইয়া প্রস্থান করিল। ভোজন প্রায় সমাপ্ত হইয়াছে এমন সময় ঠাকুরবাড়ীর পুকুরপাড়ে সে ধরা পড়িল। দেবালয়ের সেবায়েৎ গিরিশ চাটুয্যের সাক্ষ্যে প্রমাণ হইয়া গেল যে, তিনকড়ি রাধারাণীজীর কর্তৃত্বার খলিয়া লইবার চেষ্টা করিয়াছে। প্রৌঢ় ব্রাহ্মণকে অবিশ্বাস করিবার হেতু ছিল না এবং আরও দুইবারের ছাপ ছিল, কাজেই তিনকড়ি এবার তিন বৎসরের মত জেলে ঢুকিল। জেল হইতে ফিরিয়া আসিয়া একবার রাধারাণীজী ও তাঁহার সেবায়েৎ উভয়কেই দেখিয়া লইবে একথাও সকলকেই জানাইয়া গেল।

বাবা হুম্মানদাস ভাবিতেছিলেন, আর তাহার মগজে বগার ব্যাণ্ডের ছাতার মত প্রতিহিংসা সাধনের নানা-প্রকার উপায় গজাইয়া উঠিতেছিল। ভাবিতে ভাবিতে বাবা উঠিয়া দাঁড়াইলেন এবং মহাদেওজীর ভজন গাহিতে গাহিতে রামনগরের পথ ধরিলেন।

৫

দেবালয়ের সম্মুখে অত্যন্ত ভিড়। তাঁথের কাকের মত অতিথিরা প্রসাদের প্রতীক্ষায় বসিয়া। তাহাদের সম্মুখে ছোট একখানা চৌকিতে বসিয়া সেবায়েৎ গিরিশ চাটুয্যে আলবোলা টানিতেছিলেন। তাঁহার গলায় তুলসীর কণ্ঠী, মাথায় টাক, নাকে রসকলি; পরণে বাসন্তী রঙের একখানি গরদ ফুল-কোঁচা দিয়ে পরা। চাটুয্যে মহাশয়ের চারিটি স্ত্রী যথাক্রমে নিঃসন্তান অবস্থায় বিয়ুপাদপণ্ডে বিলীন হইবার পর হইতেই তিনি কণ্ঠী লইয়াছিলেন এবং প্রতিবেশী পীতাম্বর ঘোষালের কন্যাকে পঞ্চম পক্ষে সহধর্মিণী করিবার ইচ্ছা করিয়াছিলেন। মেয়ের বাপের মত ছিল, কিন্তু মেয়েটি তখন ফাষ্টবুক শেষ করিয়া সেকেণ্ডবুক পড়িতেছিল। প্রস্তাব শুনিয়া মায়ের কাছে কেরোসিনে পুড়িয়া মরিবার ভয় দেখাইল, কাজেই প্রস্তাবটি চাপা পড়িয়া গেল। ইহার পরও দিনকয়েক ঘোষালের বাড়ির পাশ দিয়া স্নান করিতে যাইবার পথে গিরিশ চাটুয্যে স্বর করিয়া গীতগোবিন্দ গাহিতে গাহিতে যাইতেন। কিন্তু

দেবালয়ের দুধের জোগানদার নিমাই তাহার একটি বিধবা জালিকাকে ঘর-সংসার দেখিবার জন্ত আনিবার পর হইতে গিরিশ চাটুয্যে স্থির করিলেন যে বৃদ্ধ বয়সে আর বিবাহ করিয়া সংসারের মায়াজালে জড়াইবেন না। নিমাইয়ের জালিকা মধুমালতী গুরফে মাধি রীতিমত গিরিশ চাটুয্যের নিকট হইতে কাশ্মীরী জর্দা, পানবাহার, বৃন্দাবনী শাড়ী, সোনার সূতায় গাঁথা তুলসীর মালা প্রভৃতি ইহলোক ও পরলোকের পাত্রে উপঢৌকন লইত, কিন্তু চাটুয্যে মহাশয়ের নিকটে ঘেঁষিত না। রাধারাণীজীর ভোগের অর্দেক লুচী মাধির জন্ত বরাদ্দ ছিল। মাধির বাপ শান্তি শুনিয়া বাজারের কালাঁবাড় হইতে প্রতি শনি-বার একটি করিয়া ছাগমুণ্ড নামাবলীতে জড়াইয়া চাটুয্যে মহাশয় নিমাইয়ের বাড়িতে পাঠাইতেন, কিন্তু তাহাতেও মাধি টলিল না। তুচ্ছতাক করিয়া মাছুলী বাধিয়া মোহনমন্ত্র প্রভৃতি জপ করিয়াও গিরিশ চাটুয্যে ফল পাইলেন না। তাহার বর্তমান দুঃখের কারণ ছিল ইহাই। এই দুঃখ ঘুচাইতে তিনি একবার ‘কামরূপ কামিন্ধের’ দেশে যাইবেন স্থির করিয়াছিলেন। শুনিয়াছিলেন যে, সে দেশে এমন সব সাধু আছেন যাহারা মন্ত্রে ইচ্ছামত যাহাকে তাহাকে বশ করিয়া ফেলেন। কি জানি যদি লাগিয়া যায়—

টিক এই সময় তেঁতুলগাছের আড়াল হইতে বাবা হুম্মানদাস বাহির হইয়া আসিয়া গিরিশ চাটুয্যের সম্মুখে দাঁড়াইলেন। তার পরে চাটুয্যে মহাশয়ের মুখের দিকে তীক্ষ্ণদৃষ্টিতে চাহিয়া কহিলেন, “হোগা।”

কথাটি দৈববাণীর মত চাটুয্যে মহাশয়ের কানে বাজিল। তীরবেগে উঠিয়া দাঁড়াইয়া তিনি জিজ্ঞাসা করিলেন, “কি হোগা, বাবা।”

বাবা হুম্মানদাস নিম্নলিখিত নৈজ্ঞে কহিলেন, “পূরণ হোগা।”

সহসা গিরিশ চাটুয্যের সম্মানসীমার প্রতি পরম ভক্তির উদয় হইল। বাবাকে বসিতে আসন দিয়া প্রণাম করিয়া তিনি কহিলেন, “বাবা, আজ এই ঠাকুরবাড়ীতেই—”

বাবা ধীরে গভীর স্বরে কহিলেন, “মুষ্টিভর ছাতু ওঁর এক লোটা পানি—ওঁর কুছ নেহি।”

বাবার তিতিক্ষার চাটুঘ্যে মহাশয় আরও মুগ্ধ হইয়া গেলেন। বিগ্রহের সম্মুখে আসিয়া গলগল-নামাবলী হইয়া বার-বার বলিতে লাগিলেন, “মা রাখারাগী, কাঙালের উপর এতদিন বাদ কি দয়া হল মা?”

৬

পালঙ্কে শয়ান অবস্থায় বাবা হুত্মানদাস মালা জপ করিতেছিলেন। গিরিশ চাটুঘ্যে তাহার পায়ের কাছে বসিয়া দুই-তিনবার কাশিয়া জিজ্ঞাসা করিলেন, “বাবা কি জ্যোতিষ জানত হায়?”

বাবা উত্তরে একটু মুগ্ধ হাসিলেন। হাসি দেখিয়া চাটুঘ্যে মহাশয় বুঝিলেন যে জ্যোতিষ-বিদ্যাটা বাবার কাছে একটা সামান্য ব্যাপার। অত্যন্ত কাতরকণ্ঠে পুনরায় গিরিশ চাটুঘ্যে বলিলেন, “বাবা, আমার ললাট্‌মে—”

বাবা উঠিয়া বসিয়া কহিলেন, “সব বুছ্ হায়, লেকিন্—”

গিরিশ চাটুঘ্যে সভয়ে কহিলেন, “লেকিন্ কি বাবা?”

বাবা গিরিশ চাটুঘ্যের পিঠ চাপড়াইয়া কহিলেন, “করম চাহি বাচ্চা, করম চাহি।”

ইহার পর বাবা হুত্মানদাস গিরিশ চাটুঘ্যের জীবনের ঘটনাবলী স্মৃদ্ধিতে বলিয়া যাইতে লাগিলেন। বলিতে বাবার বিশেষ বেগ পাইতে হইল না, কারণ, তাহার বন্ধু মদন ময়রা রামনগরেরই অধিবাসী এবং দীর্ঘদিন এই দেবালয়ের ভৃত্য ছিল। গিরিশ চাটুঘ্যে স্মৃদ্ধিতে সকল তথ্য বাবা তাহার নিকট হইতেই সংগ্রহ করিয়া আনিয়াছিলেন। নিজের জীবনের কাহিনী শুনিতে শুনিতে স্তম্ভে ও বিস্ময়ে গিরিশ চাটুঘ্যের চক্ষু বিস্ফারিত হইয়া উঠিতেছিল। বাবা যখন শেষে চাটুঘ্যে মহাশয়ের আকাজক্ষিত নারীর নাম পর্যন্ত বলিয়া ফেলিলেন, তখন আর তিনি দৈহিক রাখিতে পারিলেন না, বাবার দুই পা জড়াইয়া ধরিয়া কহিয়া উঠিলেন, “তুমি সবই জান বাবা। এতদিনের সেবায় আমার ফল ফলেছে! রাখারাগীজী কৃপা করেছেন।

মায়ের দয়ায় তোমায় পেয়েছি। এ চরণ আর ছাড়ব না!”

বাবা হুত্মানদাস নিমীলিতনেত্রে কহিলেন, “হোগা।”

“কব হোগা বাবা? তুমি তো মনের কথা জান বাবা। তার জন্তে আমি জলমে ঝাঁপ, সাপের গর্তে হাত—”

বাবা বাধা দিয়া কহিলেন, “সবুর বাচ্চা! সবুর! বড়ি মেহনৎ। যাগ জপ ঔর বৃন্দাবন কুণ্ডলী—” বলিয়া বাস্তাপূরণের জন্ত আবশ্যক ক্রিয়াদির একটা প্রকাণ্ড ফিরিস্তি দিয়া গেলেন। চাটুঘ্যে মহাশয় আগামীকালের যাগযজ্ঞাদির সরঞ্জাম যোগাড় করিতে চলিলেন।

এক তেজঃপুঞ্জ কলেবর বাক্‌সিদ্ধ মহাপুরুষ আসিয়াছেন শুনিয়া মাধি সন্ধ্যাকালে বাবাকে দেখিতে আসিল। ডাকিলেও মাধি আসে না অথচ আজ না ডাকিতেই আসিয়াছে দেখিয়া চাটুঘ্যে মহাশয় মনে মনে হাসিলেন—বাবার কৃপা হইয়াছে। তাহার পর একটু রসিকতা করিবার উপক্রম করিতেই মাধি ঠোঁটের উপর আঙুল রাখিয়া তাহাকে কথা বলিতে নিষেধ করিয়া বাবার ঘরের মধ্যে গিয়া দাঁড়াইল। বাবা ধ্যানস্তমিতনেত্রে পাতা একটু তুলিয়া অপাঙ্গে আগন্তুককে দেখিয়া লইলেন, আগন্তুক কে তাহাও চেহারা দেখিয়া ধরিয়া ফেলিলেন এবং বুঝিলেন যে, গিরিশ চাটুঘ্যের মোহ হওয়া নিতান্ত অসঙ্গত হয় নাই। মাধি তীক্ষ্ণদৃষ্টিতে বাবাকে দেখিতেছিল। ধ্যান ভাঙলে বাবা জিজ্ঞাসা করিলেন, “কেয়া মাংতা?”

মাধি একটু মুচকি হাসিয়া বা-হাতের তালু বাবার সম্মুখে প্রসারিত করিয়া কহিল “অদেট—”

বাবা হাসিয়া কহিলেন, “হোগা। সোনাদানা হীরা-জহরৎ ললাটে তুম্‌হারা—”

সোনাদানা হীরা-জহরতের কথা শুনিয়া মাধির মুখ প্রফুল্ল হইয়া উঠিল।

বাবা তাহা দেখিলেন। তখন বাবা বাংলা ও হিন্দী মিশাইয়া মাধিকে ভরসা দিলেন যে, এখন

হইতে বিদায় হইয়া যাইবার পূর্বেই প্রচুর সোনাদানা তাহাকে দিয়া যাইবেন। তবে বাবার হুকুম-মত কাজ করা চাই। মাধির বুক ছুরছুর করিতেছিল, কথা না কহিয়া মাথা ঝাঁকাইয়া সম্মতি জানাইয়া সে চমিয়া গেল। আশু সোনাদানা প্রাপ্তির ভরসায় মনটা প্রফুল্ল ছিল, যাইবার সময় গিরিশ চাটুয্যেকে একটা প্রণামও করিয়া গেল। গিরিশ চাটুয্যে মনে মনে হাসিয়া কহিলেন—“এখনও তো বন্দাবন কুণ্ডলীই বাকি আছে, কাল বাদ পরশু ‘তু’ বলতেই—”

সন্ধ্যায় বাবা হুমায়ুনদাস একবার ময়রাপাড়া ঘুরিয়া তাঁহার বন্ধু মদন ময়রার সঙ্গে গোপনে সাক্ষাৎ করিয়া আসিলেন।

৭

ভোরের প্রভাতিকায় সমস্ত রাতি জাগিয়া কাটাইয়া প্রভাত হইতে গিরিশ চাটুয্যে যোগবস্ত্রের আয়োজন আরম্ভ করিলেন। সমস্ত আয়োজন অতি সন্তুর্পণে এবং গোপনে করিতে হইবে এই আদেশ ছিল, কাজেই আপনাকেই সমস্ত করিতে হইতেছিল। মধ্যাহ্নে উপবাসী চাটুয্যে মহাশয় বাবাকে ভূরিভোজন করাইয়া ‘বন্দাবন কুণ্ডলী’ করিবার ব্যবস্থা করিতে চলিলেন। বাবার আদেশমত মাধি আসিল। বাস্তিতাকে সর্ব্ব অলঙ্কারে মণ্ডিত করিয়া তাহার সম্মুখে বসিয়া তিন হাজার আটচল্লিশবার বাবার প্রদত্ত মন্ত্র সমস্ত রাত্রি ধরিয়া জপ করিতে হইবে। বাবা সমস্তই মাধিকে বুঝাইয়া দিলেন। মাধি প্রথমে মিহি রকমের একটু আপত্তি করিতেছিল, কিন্তু গিরিশ চাটুয্যের বগীয়া সহধর্ম্মিণীগণের পুঞ্জীকৃত অলঙ্কার দেখিয়া তাহার চোখ ঝলসাইয়া গেল, সে আর কথা কহিল না। নিরাপত্তিতে অলঙ্কারমণ্ডিত হইয়া ঠাকুরঘরে গিয়া চূপ করিয়া বসিয়া রহিল। মধ্যে একবার বাবা তাহাকে দেখিতে আসিয়াছিলেন, সেই সময় মাধি তাঁহাকে জিজ্ঞাসা করিল, “গয়না ফিরিয়ে নেবে না তো ?”

বাবা জানাইলেন যে, তাঁহার হুকুম-মারফিক চলিলে গয়না চিরকালের জন্ত তাহারই থাকিবে। মাধি খুশী হইয়া বসিয়া রহিল।

ক্রমে সন্ধ্যা হইয়া আসিল। গিরিশ চাটুয্যে উপবাসে অবসন্ন হইয়া ঢুলিতেছিলেন। বাবা তাঁহাকে ঝাঁকি দিয়া কহিলেন, “গণপতিনাথ কা চরণামৃত পিয়ে লেও বাচ্চা।” চাটুয্যে মহাশয় সসন্ত্রমে চরণামৃতের পাত্রটি নিঃশেষ করিয়া ‘বন্দাবন কুণ্ডলী’ জপের জন্ত প্রস্তুত হইলেন। বাবা সাড়ধরে তাঁহার কানে বীজমন্ত্র দান করিলেন এবং রাত্রি এক প্রহর অতীত হইলে চাটুয্যে মহাশয় ও মাধিকে দেবালয়ের পশ্চাতে আশশেওড়ার ঝোঁপের মধ্যে বসাইয়া রাখিয়া আসিলেন। ঝোঁপের মাঝখানে খানিকটা স্থান ‘বন্দাবন কুণ্ডলী’ বস্ত্রের জন্ত পরিকার করিয়া রাখা হইয়াছিল। গিরিশ চাটুয্যে মহাশয় পদ্মাসনে বসিয়া মাধির দিকে একবার চাহিয়া দেখিলেন, তাঁহার মস্ত ভুল হইয়া যাইবার উপক্রম হইল। এমন সময় বাবা আসিয়া উভয়কে মুখোমুখি দুই আসনে বসাইয়া জপের প্রণালী দেখাইয়া দিয়া চলিয়া গেলেন।

৮

রাত্রি গভীর হইয়া আসিতেছিল। মাধি আঁচল দিয়া মশা তাড়াইতেছিল আর মাঝে মাঝে গলার সাতনরটি নাড়িয়া চাড়িয়া দেখিতেছিল। চাটুয্যে মহাশয় নিম্নলিখিত নেত্রে ঢুলিতে ঢুলিতে বিড় বিড় করিয়া মস্তজপ করিতে-ছিলেন। জপ যখন দেড় হাজারের কোঠায় গিয়া পৌছিয়াছে তখন গণপতিনাথের চরণামৃতের প্রসাদাৎ নিদ্রাবিষ্ট হইয়া চাটুয্যে মহাশয় মাধি গোপিনীর চরণ-প্রান্তে পড়িয়া গেলেন। মাধি চাটুয্যে মহাশয়কে জাগাইতে যাইতেছিল এমন সময় কে পিছনের ঝোঁপের মধ্য হইতে কহিয়া উঠিল, “চূপ !”

মাধি মুখ ফিরাইয়া দেখিল, স্বয়ং বাবা! বাবা পরিকার বাংলায় কহিলেন, “চৈচিও না! চৌকীদার শুন্লে এখুনি বেঁধে খানায় নিয়ে যাবে। গয়না-চুরির ক্যাসাদে পড়বে—”

মাধি হতভয় হইয়া কহিল, “তবে ?”

“চলে এস।” বলিয়া বাবা একরূপ তাহাকে টানিয়াই পথে লইয়া আসিলেন।

গভীর অন্ধকার। চারিদিক নিস্তরূ। শুধু একখানি

গরুর গাড়ী পথে দাঁড়াইয়াছিল। বাবা মাধিকে তুলিয়া গাড়ীতে বসাইয়া দিলেন। মাধি চুপ করিয়া বসিয়া রহিল, চৌকীদারের ভয়ে কথা বলিতে পারিল না। মদন ময়রা ট্রেশনের দিকে গাড়ী হাঁকাইয়া দিল। গাড়ী চলিতে আরম্ভ করিলে মাধি জিজ্ঞাসা করিল, “তুমি জ্ঞাত ভাল তো?”

তিনকড়ি মিঠাস্বরে কহিল, “তুমি কি জ্ঞাত আগে বল।”

মাধি বলিল, “বামুনের সোনা গায়ে দিয়ে আর মিছে কইব না, আমরা জেতে বেহারা!”

তিনকড়ি হাসিয়া উঠিয়া কহিল, “আমরাও তাই গো। বাবা তারকনাথ মিলিয়ে দিয়েছেন!” তারপর ট্রেশনে পৌছিবার পূর্বেই দুইজনের পরিচয় হইল জীবনের স্বথদ্ব্যর্থের সমস্ত কাহিনীই উভয়ে উভয়কে বলিয়া কেহ কাহাকেও ছাড়িবে না বলিয়া বাবা তারকনাথের নামে উভয়েই শপথ করিল।

ভোরের দিকে গিরিশ চাটুয্যে স্বপ্ন দেখিতেছিলেন যে, সালকারা মাধি রাধারাণীজীর চৌকীতে দাঁড়াইয়া

হাসিতেছে, আর তিনি তাহার পাশে দাঁড়াইয়া বাকা হইয়া বাঁশী বাজাইতেছেন, সেই সময় বরিশাল একসুপ্রেস মাধি ও বাবা হুম্মান দাসকে লইয়া শিয়ালদা ট্রেশনে প্রবেশ করিল

* * * *

কোথায় বাবা হুম্মানদাস আর কোথায় তিনকড়ি বেহারা! কেহই আর এখন নাই। তবে বৌবাজারের মোড়ে ‘বিশুদ্ধ ব্রাহ্মণের সন্দেশ’ লেখা যে দোকানের সাইনবোর্ড দেখা যায় সে দোকানের মালিকের নাম শ্রীযুত তিনকড়ি বাডুয্যে। বিশুদ্ধ ব্রাহ্মণের সন্দেশ বলিয়া তাঁহার সন্দেশের চাহিদা খুব। পণ্ডিত মহাশয়েরাও সমস্ত ক্রিয়াক্ষেত্রে তাঁহার সন্দেশ ব্যবহার করিতে পরামর্শ দিয়া থাকেন। বাডুয্যে মহাশয়ের দ্বী শ্রীমতী মাধবী সন্দরীরও দেবদ্বিজ অগাধ ভক্তি। আলুটোলার মোড়ে স্বায়ে মন্দির নিৰ্ম্মাণ করিয়া ‘মাধবী মনোহর’ নামে বংশীধর বিগ্রহ তিনিই প্রতিষ্ঠা করিয়াছেন এবং তিনকড়ি বাডুয্যের বালাবন্ধু শ্রীমৎ মদনানন্দ স্বামীর উপর বিগ্রহের সেবার ভার অর্পিত হইয়াছে।

পৌষ পূর্ণিমা

শ্রীযতীন্দ্রমোহন বাগচী

পূর্ণিমা-অতিথি এসে দাঁড়াইল তোারি গৃহদ্বারে
নিঃশব্দ চরণপাতে, শীতসিক্ত সন্ধ্যার আধারে।
দ্বিধাভরা স্মিত হাসি মৌনমুখে—মিলে কি না স্থান—
হিম-অবরুদ্ধ গৃহে কে রাখিবে অতিথির মান!

স্বর্ণচন্দ্রকের মতো বর্ণ হ’তে ঝরিছে অমিয়,
দিক্ হ’তে দিগন্তরে উড়িছে উদার উত্তরীয়;
বিন্দু বিন্দু পত্রলেখা উদ্ভাসিত দীপ্ত গণ্ডতটে,
সুশুভ্র চন্দ্রনটিপ স্প্রশম ললাটের পটে।

পুঞ্জ পুঞ্জ কুরুবক হেসে উঠে কানন ভরিয়া,
বিকসিত ইন্দুমল্লী রচে অর্ঘ্য ঝরিয়া ঝরিয়া;
কাঁদে কৃষ্ণ বনস্থলী কা’র রূপ অরি’ আজি কিরে?
আধিপাতে সেই অশ্রু ঝলি’ উঠে নীশীথ-শিশিরে’!

ওরে অন্ধ, ওরে ভীত, ঘুচাইয়া জড়ত-কালিমা,
একবার চেয়ে ত্যাক—সৌন্দর্যের নাহি আজ সীমা।

দ্বার খুলে’ দে রে অরা, সসম্মে নে রে ওরে ডেকে,—
হেলায় ফিরে না যেন এ অতিথি গৃহপ্রাস্ত থেকে।

বন্ধ কর অভিনয়, নিবিয়ে দে, দীপ নিবিয়ে দে,
সুশুভ্র শয্যার পূরে বাহুপাশে নে রে তারে বেঁধে’;
উচিতার শুভমূর্তি—আনন্দের পুষ্প পদতলে
হৃদয়ের শূন্যভাও ভরে’ নে রে মিলনাক্ষ জলে।

এ তিথি রবেনা কাল, অতিথি-পথিক যাবে ফিরে’,
সৌন্দর্যের পূর্ণচন্দ্র মিলাইবে আমার তিমিরে—
বিশ্বতির অন্তরালে। এ সৌভাগ্য থাকে যতক্ষণ,
অমৃতের তীর্থস্থানে সিক্ত করে’ নে রে দেহমন।

স্কীরোদ সমুদ্র ছাড়ি’ এল লক্ষ্মী ধরণীর তীরে
বহু ভাগ্যফলে যদি—এ রাজি নিফল নাহি ফিরে।
শ্বেত শতদলমালা ছলিছে যা দ্বালোকে ভুলোকে—
সে পবিজ্ঞ পরশন বুলায়ে নে অন্তরের চোখে।

পদ্মিনী উপাখ্যান ও তাহার ঐতিহাসিকতা

শ্রীকালিকারঞ্জন কানুনগো, এম-এ, পি-এইচ, ডি

সমগ্র রাজপুতানায় এবং উত্তর-ভারতে, বিশেষতঃ বঙ্গের ঘরে ঘরে, হিন্দু মুসলমান, শিক্ষিত অশিক্ষিত, নির্কিশেষে চিতোর-লক্ষ্মী পদ্মিনীর নাম সুপরিচিত। শিক্ষিত বাঙালী টড-রচিত রাজস্থানের ইতিহাস (১৮২২ খৃঃ), কিংবা কবি রঙ্গলালের ‘পদ্মিনী উপাখ্যান’ পড়িয়া চমৎকৃত হইবার অনান দেড়শত বৎসর পূর্বে হইতেই বাংলার নিরক্ষর মুসলমানগণ কবি আলাওলের “পদ্মাবতি পুথি” শুনিয়া সন্ধ্যায় কর্ণক্লান্ত শ্রান্ত জীবনের অবসাদ ভুলিয়া আসিতেছে। সম্রাট শের শাহ’র রাজত্বকালে মুসলমান কবি ও সাধক মালিক মহম্মদ জায়াসী ৯৪৭ হিজরীতে (১৫৪০ খৃঃ) অযোধ্যা প্রদেশের কথিত-হিন্দী ভাষায় “পদ্মাবত” কাব্য রচনা আরম্ভ করেন। আলাউদ্দীন খিলজীর চিতোর-অধিকার (২৬ আগষ্ট, ১৩০৩) হইতে জায়াসীর কাব্য-রচনার কাল পর্য্যন্ত ২৩৭ বৎসরের মধ্যে কোনো কাব্য বা ইতিহাসে পদ্মিনীর উল্লেখ আছে বলিয়া অদ্যাবধি জানা যায় নাই। কিন্তু পদ্মাবত রচনার পর হইতে এই কাব্যের বহুল প্রচারে এবং বিভিন্ন ভাষায় অনুবাদের ফলে উত্তর-ভারতের নিভৃত পল্লীতেও পদ্মিনী উপাখ্যান প্রচারিত হইয়া পড়িয়াছে। সপ্তদশ শতাব্দীর সপ্তম পাদে রোসাঙ্ক বা আরাকানের রাজসভায় মন্ত্রী মাগন ঠাকুরের অনুরোধে চট্টগ্রাম জেলার কতেয়াবাদ-নিবাসী আলাওল বাংলা ভাষায় পয়ার ছন্দে জায়াসীর হিন্দী “পদ্মাবত” অনুবাদ করেন। একালে ইংরেজীতে না লিখিলে তাহা যেমন সহজে সমগ্র ভারতের শিক্ষিত সমাজ গ্রহণ করিতে পারেন না, মোগল-যুগেও তেমন ফার্সী ভাষায় লিখিত না হইলে, ‘খুলাসা-উৎ-তবারিখ’ প্রণেতা হুজান রায় ভাগীরথীর মত “শিক্ষিত” হিন্দুরাও মহাভারত, হরিবংশ বৃত্তিতে অক্ষম ছিলেন। হিন্দী ভাষা কিঞ্চিৎ দুর্লভ হওয়ায় ১৬৫২ খৃষ্টাব্দে রায় গোবিন্দ মুন্সী পদ্মাবত-কাব্য ফার্সী

গদ্যে অনুবাদ করিয়াছিলেন; ইহার নাম ‘তুহফা-উল-কুলুব’। এই উপাখ্যান অবলম্বনে কবি হোসেন গজনবী ‘কিসসা-ই-পদ্মাবত’ নামক ফার্সী কাব্য লিখিয়া গিয়াছেন। ১৭২৬ খৃষ্টাব্দে মীর জিয়াউদ্দীন ও গোলাম আলী পদ্মাবত-কাব্য উর্দু কবিতায় অনুবাদ করেন।

কালক্রমে অলৌকিক জনশ্রুতি ও মনোরম কবিকল্পনা ইতিহাসে পরিণত হইয়াছে, ইহা আমরা প্রায়ই দেখিতে পাই। আবার কোথাও বিম্বতপ্রায় প্রকৃত ইতিহাসের ক্ষীণধারা জনশ্রুতির পঙ্কিল প্রবাহে মিলিত হওয়ায় অনাদৃত অবস্থায় রহিয়াছে। ইতিহাস মানব-সমাজের ‘বায়েৎ-উল-মাল্’ বা সাধারণ কোষাগার; ইহার অক্ষয় ও অক্ষুরন্ত ভাণ্ডারের উপর দার্শনিক, চিত্রকর, কবি, কথা-শিল্পী, সকলেরই সমান অধিকার। ইহাদের সকলকেই ইতিহাসের দ্বারস্থ হইতে হইয়াছে, ইতিহাসও ইহাদের হাতে পড়িয়া ফলপ্রসূ ও সমৃদ্ধিসম্পন্ন হইয়াছে। দার্শনিক হিমালয়ের উচ্চ গিরিশৃঙ্গ হইতে বা তাহার অপেক্ষা উচ্চতর চিন্তাসোপান হইতে পৃথিবীর বক্ষে মহাকাালের তাণ্ডব নৃত্য,—শুধু মানুষে মানুষে নয়, জাতিতে জাতিতে নয়, মহাদেশের সহিত মহাদেশের, প্রাচ্যের সহিত পাশ্চাত্যের সংঘর্ষ দেখিয়া থাকেন। সাধারণ ঐতিহাসিক হয়ত শুধু অসির বনংকার, পশুবলের সংঘর্ষ দেখিতে পান; কিন্তু দার্শনিকের দৃষ্টি স্বল্পতর—তিনি দেখিতে পান যে, পরস্পর যুধ্যমান পশুবলের পশ্চাতে সভ্যতা ও চিন্তাধারার শাখত বিরোধ রহিয়াছে। পুরাতত্ত্ব ও দর্শনের মিলনে আমরা ইতিহাস-রক্ষের সর্বোত্তম ফলস্বরূপ রাষ্ট্র-বিজ্ঞান পাইয়াছি। কিন্তু দার্শনিকের মধ্যে এমন অনেকে আছেন যাহারা একটি কোকিলের ডাক শুনিয়াই কাষ্ঠিককে চৈত্র জান করেন। চোখ খুলিয়া হেমন্ত-সন্ধ্যার ঘন কুস্মাটিকা দেখিবার

প্রবৃত্তি তাঁহাদের হয় না। ইহাদের ভুল সহজে ধরা যায়।

চিত্রকর পদ্মিনীকে ব্লাউজ পরাইলে ক্ষতি নাই; কেন-না, ঐতিহাসিক বৃত্তিতে পারেন উহা রতন সেনের পদ্মিনী নয়। কিন্তু কবি ও কথাশিল্পী ইচ্ছা করিলে পরবর্তী ঐতিহাসিকগণকে সাত ঘাটের জল খাওয়াইতে পারেন। কালিদাস বলিয়াছেন “সহস্রগুণমুৎসুম্ আদতে হি রসং রবিঃ”; তেমনই কবি ইতিহাসের ক্ষীরসমুদ্র হইতে এক ঘটা দুধ লইয়া তাহাতে হাজার কলসী জল ঢালিয়া দেন; ঐতিহাসিক নামের এক ঝুড়ি হাড় লইয়া একটি মহাকাব্য উপহার দেন। বিংশ শতাব্দীর পূর্বে পৃথিবীর ইতিহাসটাও প্রায় দ্বী-চরিত্র-বজ্জিত যাত্রার মত ছিল—দু-একটা রাজিয়া বা এলিজাবেথ বহু শতাব্দীর ব্যবধানে হঠাৎ ঐতিহাসিকের দৃষ্টিপথে পড়িয়া থাকেন। মানব-সমাজের অন্ধাঙ্ক বাদ দিয়া ইতিহাস গড়িয়া উঠিয়াছে, এত বড় মিথ্যা কথা বলিতে কেহ সাহস করিবেন না—সর্ব যুগে, সর্বত্র পুরুষের কর্মপ্রেরণার পশ্চাতে নারী রহিয়াছেন। ইতিহাসের রঙ্গক্ষেত্রে নারীরও একটা ভূমিকা ছিল। কিন্তু সেটা নেপথ্যে,—ঐতিহাসিক পর্দার ফাঁক দিয়া দেখিবার অবকাশ পান নাই। ফলে ইতিহাস নিতান্ত নীরস। কবি ও কথাশিল্পীরা শুক মালঞ্চে ফুল ফুটাইলেন; বিশ্ব-সৌন্দর্য্য পুঞ্জীভূত করিয়া সংযুক্তা পদ্মিনীর সৃষ্টি করিলেন এবং কোনো ঐতিহাসিক-চরিত্রের সঙ্গে বিবাহ দিয়া পাঠকের চিত্তবিভ্রম ঘটাইলেন। কাব্য পরবর্তীকালে জনশ্রুতির সৃষ্টি করিল। ঐতিহাসিকের আরও বহু শতাব্দী পরে উদ্ভূত হইলেন; তাঁহার সন্দেহ করিলেন কাব্যটির মূলে জনশ্রুতি “ঐতিহাসিক” মাত্র রহিয়াছে। তাঁহার সরল বিশ্বাসে নিপুণতার সহিত কাব্যের ভালপালা ছাটিয়া বিজ্ঞান-সম্মত ইতিহাস গড়িয়া তুলিলেন; কিন্তু সর্বশেষে সত্যেরই জয় হয়।

পৃথীরাঙ্গ-মন্দিরী সংযুক্তা, পৃথাবাদে, প্রভৃতি আর বাস্তব-রাজ্যে নাই। আমরা মাতৃভূতপানের সহিত চন্দ্রগুপ্তের মা মুরার কথা শুনিয়াছি। কিন্তু কয়েক বর্ষ পূর্বে জানিলাম, তিনি আর ঐতিহাসিক জগতে

নাই—মরজগতে কোনকালেই ছিলেন না। মূদ্রারাক্ষস নাটকের টীকাকার চুণ্ডীরাঙ্গ* চন্দ্রগুপ্তের মৃত্যুর প্রায় দুই হাজার বৎসর পরে তাঁহার মাতা [বিমাতাই বটে] বৃষলী মুরাকে সৃষ্টি করিয়াছিলেন। তদ্রূপ আমাদের মনে হয় ভারতে মধ্যযুগের ইতিহাসে মিবার-রাজ রতন সিংহের মৃত্যুর (১৩০৩ খৃঃ), ২৩৭ বৎসর পরে রাণী পদ্মিনী বা পদ্মাবতীর জন্ম, বিবাহ ও সহমরণ কবি জ্যায়সীর দ্বারা অঙ্কিত হইয়াছিল।

পাঠ্যাবস্থায় আমরা রাণা লাক্ষ্মসিংহ বা লখমসীর কাকা ভীমসিংহকেই পদ্মিনীর স্বামী বলিয়া জানিতাম। এ বিষয় লইয়া আমাদের সঙ্গে মুসলমান ঐতিবেদীদের ঝগড়া হইত; কেন-না, তাঁহাদের পদ্যাবলি পুথিতে আছে পদ্মিনীর স্বামী রতন সেন। আমরা ভাবিতাম, টড সাহেবের ইংরেজী রাজস্থানের রাজসংস্করণের কাছে কি বটলার পুথি দাঁড়াইতে পারে? আধুনিক সময়ে কবিরাজ শ্যামলদাসজী বিপুল পরিশ্রমে দুই হাজার পৃষ্ঠায় মিবারের ইতিহাস লিখিলেন; কিন্তু উহা মহারাণার মজ্জি মাফিক না হওয়ায় ঐতিহাসিক নির্দোষিত হইলেন—তাঁহার ইতিহাস রাজ-সরকারে বাজেয়াপ্ত হইল। তিনি টডের ‘রাজস্থান’-রচনার (১৮২৯ খৃঃ) ৩৬৮ বৎসর পূর্বে মহারাণা কুন্তলকর্ণের সময়ে লিখিত কুন্তলগড়ের (বাংলায় কমলমীর বলিয়া পরিচিত) শিলালিপি (বি. ১৫১৭-৫৬-১৪৬১ খৃঃ) এবং ঐ সময়কার রচিত একলিঙ্গমাহাত্ম্য কাব্য হইতে প্রমাণ করিলেন ভীমসিংহ লাক্ষ্মসিংহের কাকা নহেন,—পিতামহক এবং

* “রাজ্যে পত্নী হনলানীজ্জ্যোত্স্না বৃষলান্না।
মুরাখ্যা সা প্রিয়া ভর্তুঃ শীলাবগ্যসংগম।।

...
মুরা প্রহন্তঃ তনয়ঃ সৌধাখ্যঃ গুণবন্তরঃ।”
(Quoted in Ojha's Hist. of Rajputana, i. 59.)

† ভীমসিংহ লাক্ষ্মসিংহের কাকা নহেন,—পিতামহ।
ভজোথ ভুবন সিংহভদ্রদারজো ভীমসিংহবৃপঃ
তন্তুভো জয়সিংহভদ্রদাজো লাক্ষ্মসিংহনামাসীৎ।
(একলিঙ্গমাহাত্ম্য, রাজবর্নন অধ্যায়)

ভীমসিংহ
|
জয়সিংহ
|
লাক্ষ্মসিংহ

আলাউদ্দীনের সময়ে সমর সিংহের পুত্র রত্নসিংহ * রাজা ছিলেন। মহারাজা যশোবন্তের দেওয়ান মারবাড়বাসী মুহনোং নৈনসী নিজের “খাত” বা ইতিবৃত্তে উল্লেখ করিয়াছেন যে, রতন সিংহ পদ্মিনী-ব্যাপারে আলাউদ্দীনের সহিত যুদ্ধে মারা গিয়াছেন। নৈনসীর মৃত্যুকাল (১৬৭১ খৃঃ) এবং টডের রাজস্থান রচনার (১৮২৯ খৃঃ) মধ্যবর্তী সময়ে, খুমাণ রাসোর গ্রন্থকার এবং মিবারের চারপেরা রত্নসেনকে ভুলিয়া গেলেন এবং পদ্মিনীকে ভীমসিংহের পত্নী বলিয়া নির্দেশ করিলেন। চিতোর-দুর্গে সরোবরের মধ্যস্থলে একটি জীর্ণ মহল ছিল। লোকে উহাকে পদ্মিনী-মহল বলিত। মহারাণা সজ্জন সিংহ ঐ জীর্ণ মহলের সংস্কার করাইয়া চিতোরের অলৌক অপবাদ চিরস্মরণীয় করিবার জন্ত একখানি বিলাতী আয়না লটকাইয়া রাখিয়াছেন। যে-গুহায় পদ্মিনী ও অন্যান্য রাজপুত-রমণীরা আত্মাহুতি দিয়াছিলেন, টড সাহেব সেগুলি দেখিয়াছেন। আমরাও দেখিয়াছি এবং তেমনই বিশ্বাস করিয়াছি,—যেমন আমাদের মেয়েরা দিল্লী গেলে ইন্দ্রপ্রস্থ দেখিতে যান, এবং শের শার তৈরি পুরানা কিলার মধ্যস্থিত ইংরেজ-আমলের শিব-মন্দিরকে কুস্তীপূজিত শিবের স্থান বলিয়া মনে করেন।

কবিরাজ শ্রামলদাসজী বিশেষ বিচার না করিয়া আবুল-ফজল ও ফিরিশ তায় পদ্মিনী-উপাখ্যান যেরূপ আছে তাহাই সত্য বলিয়া গ্রহণ করিয়াছেন—তাঁহার উপর নির্ভর করিয়া লিখিত স্থলপাঠ্যপুস্তকে পদ্মিনীর স্বামী হইলেন রাবল রতন সিংহ। গল্পটির অসংবদ্ধতা দেখিয়া এবং পূর্বাণের বর্ণিত ঘটনাগুলির সত্যতা সন্দেহ করিয়াই বোধ হয় ডিসেন্ট স্থিতি সাব্যস্ত

করিলেন যে, পদ্মিনী-উপাখ্যানটি মেকী—ঐতিহাসিক নয়। রাজপুতানার ঐতিহাসিক ঋষিকল্প মনসী মহামহোপাধ্যায় গৌরীশঙ্কর ওয়া তাঁহার হিন্দী ভাষায় লিখিত বর্তমানে সর্কাপেক্ষা প্রামাণ্য ‘রাজপুতানেকা ইতিহাস’ গ্রন্থের প্রথম খণ্ডে এই উপাখ্যানটির আদ্যোপান্ত আলোচনা করিয়া এই সিদ্ধান্তে উপস্থিত হইয়াছেন,—

“ইতিহাসের অভাবে লোকেরা পদ্মাবত কাব্যকেই ঐতিহাসিক গ্রন্থরূপে মানিয়া লইয়াছে; কিন্তু প্রকৃতপক্ষে পদ্মাবত আধুনিক ঐতিহাসিক উপন্যাসের স্তর ছন্দোবদ্ধ গল্প। কয়েকটি ঐতিহাসিক কথাকে ভিত্তি করিয়া ইহা রচিত; যথা, রতন সেন (রত্নসিংহ) চিতোরের রাজা ছিলেন, পদ্মিনী বা পদ্মাবতী তাঁহার রাণী, এবং আলাউদ্দীন দিল্লীর হুলতান ছিলেন; আলাউদ্দীন রতন সেনকে যুদ্ধে পরাস্ত করিয়া চিতোর অধিকার করেন। ইহা ছাড়া বাকি কথাগুলি কেবল উপাখ্যানটিকে সরস ও চিত্তাকর্ষক করিবার জন্তই কল্পিত হইয়াছে।.....পদ্মাবতের উপাখ্যানের সঙ্গে ফিরিশতার বর্ণনা মিলাইয়া দেখিলে স্পষ্টই বুঝা যায় তাঁহার বর্ণনার মূখ্য আধার পদ্মাবতের কাহিনী। ফিরিশতা উহাকে কিছু অলংকরণ করিয়া ইতিহাসরূপে গ্রহণ করিয়াছেন, এবং পদ্মিনীকে রতন সেনের স্ত্রী না বলিয়া ‘কস্তুরী’ বলিয়াছেন।.....কর্ণেল টড, কথাগুলি মিবারের ভাটের কাহিনী হইতে গ্রহণ করিয়াছেন এবং ভাটেরা আবার উহা জ্যায়সীর পদ্মাবত হইতে লইয়াছে। ভাটের পুস্তকে সমর সিংহের পর রত্নসিংহের নাম না থাকিতে টড সাহেবই ভীমসিংহের সহিত পদ্মিনীর বিবাহ-সম্বন্ধ স্থির করিয়া গিয়াছেন।.....পদ্মাবত, তারিখ-ই-ফিরিশতা, এবং টড সাহেবের রাজস্থানে লিখিত কথাগুলির ঘনি কোনো মূল [ভিত্তি] থাকে তবে তাহা এইটুকু মাত্র—যথা, ছয় মাস অবরোধের পর আলাউদ্দীন চিতোর অধিকার করেন। চিতোরের রাজা রত্নসিংহ এই যুদ্ধে লক্ষ্মণ সিংহ ইত্যাদি অনেক সামন্তের সহিত মারা গিয়াছিলেন। তাঁহার রাণী পদ্মিনী অন্ত্যস্ত পুরমহিলার সহিত অগ্নিতে আত্মাহুতি দিলেন: এইরূপে চিতোর কিছুদিনের জন্ত মুসলমান অধিকারে আসিল। বাকি সমস্ত কথাই কাল্পনিক।”*

গৌরীশঙ্করজী বলিতে চান—গোরা বাদল, ডুলী বেহারা, রতন সিংহের হাতে হাতকড়ি, আলাউদ্দীনের কারাগার, কিছুই ছিল না; সিংহল দ্বীপও ছিল না, ছিলেন শুধু পদ্মিনী। বিচার প্রমাণের অগ্নিতাপে আলাউদ্দীন, রতন সেন, লাক্ষ্মসিংহ ও তাঁহার আট পুত্র ছাড়া সবই কল্পনা-বাস্পরূপে উড়িয়া গেল। তবে পদ্মিনীই বা থাকিবেন কেন? শ্রীযুত নলিনীকান্ত ভট্টাচার্যী না-কি এ বিষয়ে প্রশ্ন করিয়া মহামহোপাধ্যায়কে চিঠি লিখিয়াছিলেন, কোনো জবাব পান নাই। চিতোরের আকাশ বাতাসে বাহার পুণ্য স্মৃতি রহিয়াছে, বাহার কীর্তি

* স (= সমরসিংহ) রত্নসেনও তনয় নিযুক্ত
ষটিব্রহ্মচাচারকণার।

মহেশপুজাহতকল্পবোধঃ

ইলাপতিবর্গ পতিব্রতঃ।

বু (বু) মাণ বংশঃ (বংশঃ) ধনু লক্ষ সিংহ—

সুশ্রিত গতে দুর্গবরঃ রতন।

কুলস্থিতিঃ কাপুরুষৈবি দ্বিজাঃ

ন জাতু ধীরাঃ পুরুষাত্মজাঃ।

—একলিঙ্গমাহাত্ম্য; রাজবর্ণন অধ্যায়, সৌক ৭৭—৮০। (Quoted in Ojha, i. 484).

* রাজপুতানেকা ইতিহাস—প্রথম খণ্ড, পৃ. ৪২১, ৪২৩-২৫।

চিতোরকে বহু শতাব্দী ধরিয়া সতীত্বের মহাতীর্থে পরিণত করিয়াছে, সেই চিতোর-লক্ষ্মীকে ইতিহাস হইতে বিদায় দিতে মিবারের অন্নজলপুষ্ট বৃদ্ধের মনে হৃদয়গ্রন্থিচ্ছেদতুল্য কষ্ট হইবে, — ইহাতে আশ্চর্য্য কি ? কিন্তু যতদিন পর্য্যন্ত পদ্মাবত-রচনার, অর্থাৎ ১৫৪০ খৃষ্টাব্দের, পূর্ববর্তী কোনো ইতিহাস, কাব্য কিংবা চারণ-কথার দ্বারা পদ্মিনীর অস্তিত্ব প্রমাণ না হয়, ততদিন ইতিহাস-বিজ্ঞানের বিচারধারা মানিয়া আমরা বলিব—পদ্মিনী মালিক মহম্মদ জ্যাসীর কল্পনা-দ্রুহিতা, সত্যকার রাণী নহেন।

রতন সিংহের ঐতিহাসিকত্ব সম্বন্ধে সন্দেহ করিবার কোনো কারণ নাই। মহামহোপাধ্যায় গৌরীশঙ্কর ওঝা তাঁহার হিন্দী রাজপুতানার ইতিহাসে রাখাবত মহেন্দ্র সিংহ কর্তৃক আবিষ্কৃত উদয়পুরের দরীবার অপ্রকাশিত শিলালেখের প্রতিলিপি* উদ্ধৃত করিয়াছেন। এই শিলালেখ হইতে প্রমাণিত হয় যে, রতন সিংহের পিতা সমর সিংহ ১৩৫৮ বিক্রম সম্বতের মাঘ মাসের শুক্লা দশমী পর্য্যন্ত জীবিত ছিলেন। সুতরাং রতন সিংহের রাজ্যারোহণ কাল ১৩৫৮ বিক্রম সম্বত মাঘ মাস হইতে ১৩৫৯ বি. স. মাঘ মাসের মধ্যবর্তী কোনো সময়ে নির্দ্ধারিত করা যায়। কবি ও ঐতিহাসিক আমীর খসরু আলাউদ্দীনের চিতোর অভিযানে উপস্থিত ছিলেন; তিনি স্বরচিত ‘তারিখ-ই-আলাই’ গ্রন্থে লিখিয়া গিয়াছেন :—

“সোমবার ৮ই জমাদি-উসমানী হিঃ সংঃ ৭০২ [বি. স.

১৩৫৯ মাঘ শুক্লা নবমী—২৮এ জাম্বুয়ারি, ১৩০৩] তারিখে সুলতান আলাউদ্দীন দিল্লী হইতে সৈন্য চিতোর-অভিমুখে যাত্রা করেন। ছয় মাস অবরোধের পর সোমবার ১১ই মহরম ৭০৩ হিঃ (বি. স. ১৩৬০ ভাদ্রপদ শুক্লা চতুর্দশী = ২৬এ আগষ্ট ১৩০৩) চিতোর-দুর্গ হস্তগত হয়।”

আমীর খসরু মিবারের রাজার নামোল্লেখ করেন নাই; পদ্মিনী, গোরা বাদল ইত্যাদি কাহারও কোনো উল্লেখ নাই।*

আলাউদ্দীনের চিতোর-বিজয়ের একমাত্র চাম্ফু বর্ণনা আমীর খসরুর গ্রন্থেই পাওয়া যায়। তিনি একাধারে কবি ও ঐতিহাসিক। পদ্মিনী উপাখ্যানের মত সরস কাব্যের উপকরণ হাতের কাছে থাকিলে তিনি যে দেবল দেবী খিজর খাঁ পরিণয়ের মত কবিতা রচনা করিবার লোভ সংবরণ করিবেন, এ কথা মনে হয় না। ভোগলকদের সময়েও কবি জীবিত ছিলেন। তখন নিঃসঙ্কোচে তিনি পদ্মিনী-উপাখ্যানের ইঙ্গিত কোনো প্রকারে করিতে পারিতেন।

ঐতিহাসিক জিয়াউদ্দীন বারাণসী ‘তারিখ-ই-ফিরোজশাহী’ গ্রন্থে আলাউদ্দীনের রাজত্বের বিস্তৃত বিবরণ দিয়াছেন। তিনি অন্ততঃ ১৩৬০ খৃষ্টাব্দ পর্য্যন্ত জীবিত ছিলেন এবং তাঁহার কাকা আলা-উল মুল্কের মুখে (ইনি আলাউদ্দীনের সময় দিল্লীর কোতোওয়াল ছিলেন) আলাউদ্দীনের রাজত্বের অনেক কথাই শুনিবার সুযোগ পাইয়াছেন। বারাণসী আলাউদ্দীনের তাবক নহেন, বরং নিন্দাই করিয়াছেন। কিন্তু কোথাও তিনি পদ্মিনীর কথার ইঙ্গিত, কিংবা রতন সেন, লাক্ষ্ম-সিংহ, গোরা বাদল কাহারও উল্লেখ করেন নাই।†

* “সম্বত ১৩৫৯ মা[ঘ] হুদি বুধদিনে অন্তোহ শ্রীমদপাটমণ্ডলে সমন্তরাজাবলীসমলঙ্কৃতমহারাজকুলশ্রীরতন সিংহদেবকলাণ বিজয়রাজ্যে তন্নিস্তমহঃ শ্রীমহনসীহ সমন্তমুজাব্যাপারাগি পরিপন্থয়তি...।” (Ojha, i. 482n.)

রাবল রতন সিংহ বোধ হয় এক বৎসর কয়েক মাস রাজত্ব করিয়াছিলেন। ভাটদের খ্যাতে তাঁহার রাজত্বকালের মন-গড়া সময় নির্দিষ্ট হইয়াছে। কারণ ভাটেরা নিজেদের পুত্রকে বাঙ্গা রাবলের রাজ্যারোহণকাল বি. স. ১১১ লিখিয়াছেন—বাহা প্রকৃতপক্ষে ৭৯১ বি. স.। সুতরাং প্রকৃত তারিখে ও ভাটদের নির্দিষ্ট তারিখের মধ্যে ছয়শত বৎসরের তারতম্য। এই ৬০০ বৎসরকে মিবার-রাজবংশে যত রাজার নাম জানা আছে তাহাদের মধ্যে ভাগাভাগি করিয়া দেওয়া হইয়াছে। কিন্তু তাহাতেও নামের অকুলান হওয়ার রাবল রতন সিংহের পুত্রতাত শাখার উর্দ্ধতন ১০ পুরুষকে তাঁহার নামের পশ্চাতে বংশাবলীভুক্ত করা হইয়াছে (Ojha, i. 508).

* তিনি শুধু বলিয়াছেন—The Rai fled, but afterwards surrendered himself, and was secured against the lightning of scimitar.....After having ordered the massacre of thirty thousand Hindus, he bestowed the government of Chitor on his son Khizr Khan, and named the place Khizrabad...” (Elliot and Dowson, iii. 77.)

† তিনি লিখিয়াছেন—The Sultan then led forth an army and laid siege to Chitor, which he took in

আমীর খসরু ও জীয়াউদ্দীন বারাণসীর বর্ণনা হইতে প্রমাণ হয়, আলাউদ্দীন একবার ছাড়া দুইবার চিত্তোরে যান নাই। তাঁহাদের চক্ষে চিত্তোর-বিজয় আলাউদ্দীনের দেবগিরি-অভিযান কিংবা রণথম্ভোর-অধিকারের মত একটা বিশেষ স্মরণীয় বা রোমাঞ্চকর ঘটনা নহে। তাঁহারা রণথম্ভোর-পতি হামীর চৌহানের নাম ও বীরত্ব বর্ণনা করিয়া গিয়াছেন, কিন্তু রতন সেন কিংবা লাক্ষ্মসিংহের নাম পর্যন্ত শুনিতে পান নাই। আমীর খসরু লিখিয়াছেন, চিত্তোরে ত্রিশ হাজার হিন্দু কতল হইয়াছিল। অবিশ্বাস করিবার কারণ নাই। কারণ সদাশয় আকবরও চিত্তোর-দুর্গ অধিকারের পর উক্তসংখ্যক কৃষকের প্রাণবধ করিয়াছিলেন; তাহাদের অপরাধ দুর্গ-রক্ষায় তাহারা সাহায্য করিয়াছিল। আমীর খসরু জৌহর-ব্রতেরও উল্লেখ করেন নাই। তবে জৌহর-ব্রত রাজপুতদের মধ্যে প্রায়ই হইত; সুতরাং ইহা অসম্ভব নহে। কেহ কেহ বলিতে পারেন, আমীর খসরু আলাউদ্দীনের নিমক্ খাইয়া সুলতানকে বেধু বানাইতে সাহস করেন নাই; সেই কারণেই ডুলীর ব্যাপারটা চাপা দিয়া থাকিবেন। কিন্তু কাফেরের ধান্না-বাজীর ইজ্জিত করিয়া দু-দশটা গালাগালি দেওয়ার পক্ষে কোনো বাধা ছিল বলিয়া অসম্ভব করা যায় না। তিনি শত্রুপক্ষের সহিত সন্ধির কথাবার্ত্তারও কোনো উল্লেখ করেন নাই। চিত্তোর-দুর্গে পদ্মাবত-কথিত একটা বিরাট ভোজ যদি আলাউদ্দীনের সম্মানার্থ রতন সেন সতাই দিতেন, তাহা হইলে কবি বাদ পড়িতেন কি-না সন্দেহ। আমীর খসরু একজন রাজপুত-প্রধানের পলায়ন ও

পরে আত্মসমর্পণ করার কথা লিখিয়াছেন। এই অজ্ঞাতনামা ‘রায়’কে তিনি চিত্তোরের রাজা বলিয়া ভ্রম করিয়াছিলেন। পুনর্বার যিবারভ্রমণ এবং স্থানীয় লোকদের সহিত অবাধ মেলামেশার স্বযোগ হইলে হয়ত তাঁহার এ ভ্রম দূর হইত; তিনি যিবার-যুদ্ধে রাজপুত-পক্ষের আরও অনেক সংবাদ পাইতেন। যিনি পলায়ন করিয়াছিলেন তিনি যে শিশোদিয়ার সামন্ত রাণা লাক্ষ্ম-সিংহের কনিষ্ঠ পুত্র অজয় সিংহ তাহা নিঃসন্দেহরূপে প্রমাণিত হইয়াছে। অজয় সিংহ আত্মরক্ষায় হতাশ হইয়া শেষে প্রবলপ্রতাপ দিল্লীস্থর আলাউদ্দীনের কাছে স্বেচ্ছায় আত্মসমর্পণ করিয়াছিলেন, এটা অবিশ্বাস্য নয়। আলাউদ্দীন বিদ্রোহী শত্রু মাত্রেই জীবন্ত অবস্থায় চর্মোৎপাটন করিতেন না। তিনি রাজনীতিজ্ঞ ছিলেন; কার্যোদ্ধারের সম্ভাবনা থাকিলে তিনি দেবগিরি-রাজ্য রামদেবের মত লোককে দানের দ্বারা বশীভূত করিয়া মিত্র করিয়া লইতেন। সুতরাং আত্ম-সমর্পণ করিয়াও অজয় সিংহ বাঁচিয়াছিলেন, এটা নিতান্ত আশ্চর্য্য নয়। তবে রাবল রতন সিংহের কি ভাবে মৃত্যু হইল? রাবল রতন সিংহের মৃত্যুর প্রায় দেড় শত বৎসর পরে মহারাণা কুন্তলকর্ণের সময় (১৪৬১—১৪৬৮ খৃঃ) যিবারের লুপ্ত ইতিহাস পুনরুদ্ধারের বিশেষ চেষ্টা হইয়াছিল। কিন্তু “একলিঙ্গমাছায়া” কাব্য প্রণেতাও সে-সময়ে রাবল রতন সিংহের মৃত্যুর কথা কিছুই জানিতে পারেন নাই। এ-সম্বন্ধে যিবারে জনশ্রুতিমাত্রও প্রচলিত থাকিলে কবি কখনও কেবল “তস্মিন্ গতে” বলিয়া নিবৃত্ত থাকিতেন না। যদি তাঁহার বীরত্ব ও মৃত্যু উল্লেখ করিবার মত কিছু হইত, তবে অসীম শৌর্য ও শত্রুপুত হইয়া সপ্ত পুত্রের সহিত লাক্ষ্মসিংহের বীরগতি প্রাপ্তির জ্ঞায়, রতন সিংহ সম্বন্ধেও কোন ঘটনার অবশ্যই উল্লেখ করিতেন। আইন-ই-আকবরীতে বর্ণিত আলাউদ্দীনের বিশ্বাস-ঘাতকতা ও রতন সেনের গুপ্তহত্যা সম্বন্ধে কোনো জনশ্রুতি মহারাণা কুন্তলকর্ণের সময় প্রচলিত থাকিলে একলিঙ্গমাছায়ায় অন্ততঃ একটা ছল-ঘাত শব্দ যে আমরা পাইতাম তাহা নিঃসন্দেহ। কুন্তলকর্ণের মৃত্যুর ৭২

a short time, and returned home...The Sultan now returned home from the conquest of Chitor where his army had suffered great loss in prosecuting the siege during the rainy season. They had not been in Delhi a month...when the alarm arose of the approach of the Mughals. The accursed Targhi, with thirty or forty thousand horse came on ravaging and encamped on the banks of the Jamuna... After this very serious danger, Alauddin awoke from his sleep of neglect. He gave up his ideas of campaigning and fort-taking, and built a palace at Siri...” (Elliot and Dowson, iii. 189, 191.)

বৎসর এবং আলাউদ্দীনের চিতোর অধিকারের ২৩৭ বৎসর পরে কবি মালিক মহম্মদ জায়সী পদ্মাবত কাব্যে লিখিয়াছেন :—রাজা রতন সিংহ যখন দিল্লীতে আলাউদ্দীনের কারাগারে বন্দী, তখন রতন সিংহের পূর্ব-শত্রু কুঁড়নের বা কুস্তলমীর-অধিপতি রাও দেবপাল পাদ্মনীর কাছে দূতী পাঠাইয়া অশোভন প্রস্তাব করিয়াছিলেন। গোরা বাদলের বীরকে কারামুক্ত হইবার পর তিনি অপমানের প্রতিশোধ লইবার জন্য কুস্তলমীর আক্রমণ করেন এবং দেবপালের সহিত দম্বযুদ্ধে আহত হইয়া চিতোরে প্রাণত্যাগ করেন। অথচ কুস্তলমীর দুর্গ তৈয়ারী হইয়াছিল রাবল রতন সিংহের মৃত্যুর অন্ততঃ ১৬০ বৎসর পরে। সুতরাং দেবপালও নিশ্চয়ই কবির কল্পনা-প্রসূত। জায়সীর প্রায় ৮০ বৎসর পরে ফিরিশ্তা গবেষণা করিয়া (এই বাতকিটার কথা ঐতিহাসিক নিজ-মুখে বহবার ব্যস্ত করিয়াছেন) জানিতে পারিয়াছিলেন যে, ডুলীতে চড়িয়া পলাইয়া আসিবার পর রাজা রতন সেন আলাউদ্দীনের রাজ্যে এমন উপদ্রব স্বরূপ করিয়া দিলেন যে, সুলতান নিরুপায় হইয়া শাহজাদা বিজর খাঁকে আদেশ করিলেন যেন রাজার ভাগিনেয়ের হস্তে চিতোর-দুর্গ সমর্পণ করিয়া দিল্লীতে চলিয়া আসেন।* “হুজুর-ই-মহাল তাহাই করিলেন। অথচ প্রামাণ্য ইতিহাসে “পাথুরে প্রমাণ” আছে যে মুসলমানেরা গিয়াস-উদ্দীন তোগলকের

রাজত্বকাল পর্যন্ত চিতোর-দুর্গ ত্যাগ করে নাই; সেখানে তাহারা নিশ্চিন্ত মনে সেতু, মক্বরা ইত্যাদি প্রস্তুত করিয়াছিল। যিনি মুসলমানদিগকে ব্যতিব্যস্ত করিয়া তুলিয়াছিলেন তিনি রাবল রতন সিংহ নহেন; পরন্তু লাক্ষ্মসিংহের জ্যেষ্ঠপুত্র অরিসিংহের পুত্র চন্দানীর গর্ভজাত সুপ্রসিদ্ধ বীর হামীর। সম্ভবতঃ ১৩২৩-১৩২৫ খৃষ্টাব্দের মধ্যে জালোরের সোণগড়ে চৌহান মালদেব তোগলকদের অধীনস্থ সামন্তরূপে চিতোর গড় জা গীর-স্বরূপ পাইয়াছিলেন। রতন সিংহ সম্বন্ধে ফিরিশতার জ্ঞান কতদূর ছিল, ইহা হইতেই ঐতিহাসিকেরা অনুমান করিতে পারেন।

টডের প্রায় দেড় শত বৎসর পূর্বে মুহনৌৎ নৈনসীর (১৬১১-১৬৭১ খৃঃ) “খ্যাত” বা ইতিবৃত্তে পদ্মিনী-সংক্রান্ত ব্যাপারে আলাউদ্দীনের সঙ্গে যুদ্ধে “রতনসী”র মৃত্যুর উল্লেখ আছে। রাবল রতন সিংহ কে ছিলেন, সে বিষয়ে নৈনসীর স্পষ্ট জ্ঞান ছিল না। তিনি রতন সিংহকে এক জায়গায় সমরসিংহের পুত্র, আবার অগুজ্জ্বল অজয় সিংহের পুত্র এবং ভড় (ভট্ট=বীর) লখমসীর (লক্ষ্মণ সিংহ) ভাই বলিয়াছেন। মিবারের ইতিহাস কি ভাবে ক্রমশঃ অন্ধকারাচ্ছন্ন হইতেছিল, নৈনসীর পরস্পরবিরুদ্ধ মতই তাহার সূচনা করিতেছে। লক্ষ্মণ সিংহ ও অজয় সিংহের পিতা-পুত্র সম্বন্ধ তিনি বিপর্যস্ত করিয়াছেন। টড যখন রাজপুতানার ইতিহাস লিখিতে আরম্ভ করেন তখন ভারতবর্ষের ইতিহাস-ক্ষেত্রে অজ্ঞানতার অমাবস্তা। তিনি চারণদের “খ্যাত” হইতেই প্রধানতঃ তাহার ইতিহাসের উপকরণ সংগ্রহ করিয়াছিলেন।

রাজপুতানার প্রত্যেক স্থানে দুই শ্রেণীর চারণ ছন্দোবদ্ধ ঐতিহাসিক কাহিনী গান করিয়া ভিক্ষা করিয়া বেড়ায়। যাহারা রাজা ও সামন্তগণের দরবারে তাহাদের পূর্বপুরুষগণের যশ গান করিয়া ভিক্ষা করে তাহাদিগকে “বড়বা”, এবং যাহারা রাণী ও ঠাকুরাণীদের কাছে অন্তঃপুরে বিভিন্ন বংশের রাণীদের দানশীলতা, সতীত্ব-গৌরব ও শৌর্য্যবীর্য্যের কাহিনী গান করিয়া ভিক্ষা করে তাহাদের “রাণী-মংগা” বলে। এই উভয়শ্রেণীর

*“Thus by the exertion of his ingenious daughter, the Rajah effected his escape, and from that day continued to ravage the country then in possession of the Mahomedans. At length, finding it of no use to retain Chittoor, the king ordered the Prince Khizr Khan to evacuate it and make it over to the nephew of the Rajah.” (Briggs, i. 363).

+ ১। গম্ভীর নদীর উপর একটি সূক্ষ্ম সেতু আজ পর্যন্ত বিদ্যমান আছে। সেতুর নির্মাতা সম্বন্ধে মতভেদ থাকিলেও নির্মাণ-প্রণালী দেখিলে বুঝা যায় যে ইহা মুসলমানদেরই প্রস্তুত। গৌরীশঙ্করজী অনুমান করেন, এই সেতু খিজর খাঁ কর্তৃক নির্মিত। (রাজপুতনৈকা ইতিহাস, পৃ. ৪২৬, পাদটীকা)।

২। চিতোরের বাহিরে একটি মক্বরার ৭০৯ হিজরী, ১০ জিলহিজ তারিখযুক্ত একখানি শিলালিপিতে “Abul-Mazaffar Sikandar Sani”কে প্রশংসা ও আলীকর্ষণ করা হইয়াছে। “আবুল মুজাজির সিকন্দর সানী” আলাউদ্দীন খিজুর উপাধি। (এ, পৃ. ৪২৭ পাদটীকা)।

৩। চিতোর-দুর্গে তোগলক শাসন প্রশংসাসূচক একখানি শিলালিপি আবিষ্কৃত হইয়াছে। (এ, পৃ. ৫০১ পাদটীকা)।

চারণদের রচিত কাহিনীগুলির নাম ‘খ্যাত’—এগুলি প্রায়ই রাজধানী অপভ্রংশ ভাষায় লিখিত। একশত বৎসর পূর্বে এই সমস্ত ‘খ্যাত’ রাজপুতানার ইতিহাসের প্রধান উপকরণ বলিয়া বিবেচিত হইত। ঐতিহাসিক টডও অধিকাংশস্থলে এই সমস্ত খ্যাতকে অত্যন্ত বলিয়া গ্রহণ করিয়াছেন। কিন্তু পুরাতত্ত্ব ও প্রত্নতত্ত্বের আলোচনায় প্রাচীন মুদ্রা, শিলালিপি, ও সমসাময়িক সাহিত্যাদির দ্বারা নানা রাজবংশের বংশাবলী, রাজাদের রাজত্বকাল যতই নিঃসন্দেহরূপে স্থিরীকৃত হইতে লাগিল ততই খ্যাতগুলির প্রতি পণ্ডিত-সমাজের আস্থা কমিতে লাগিল। বাঘবাহাদুর মহামহোপাধ্যায় গৌরী-শঙ্কর ওঝা এই শ্রেণীর শতাধিক খ্যাত প্রত্নতত্ত্বের কষ্টপাথরে যাচাই করিয়া সিদ্ধান্ত করিয়াছেন যে, ভাটদের খ্যাত-সমূহে বিক্রম সম্বত পঞ্চদশ শতাব্দী পর্য্যন্ত অধিকাংশ নাম, সম্বত ইত্যাদি কৃত্রিম ও কাল্পনিক, সুতরাং বিশ্বাসের অযোগ্য। তিনি অস্বীকার করেন যে, ভাটদের প্রাচীন খ্যাত হয়ত নষ্ট হইয়া গিয়াছিল এবং তাহারা পরবর্ত্তীকালে উহা নূতন করিয়া লিখিবার চেষ্টা করিয়াছে; কিংবা প্রকৃতপ্রস্তাবে বিক্রম সম্বতের বোধশ শতাব্দীর পরে এ সমস্ত খ্যাত রচিত হইতে শুরু করিয়াছে।* সুতরাং এক্ষেত্রে জ্যায়সীর সময়ে পদ্মিনী-বিষয়ক জনশ্রুতির স্বরূপ কি ছিল এবং তাহার মূলই বা কি, নির্ণয় করা স্বকঠিন। টড বাহা লিপি-বদ্ধ করিয়া গিয়াছেন উহা চারণদের “প্রাচীন” কাহিনী নহে। চারণেরা উদোরপিণ্ডি বৃন্দোর ঘাড়ে চাপাইয়া, পদ্মাবতকে ইতিহাসের ছাঁচে ঢালিয়া এক অদ্ভুত কাহিনীর সৃষ্টি করিয়াছিল,—এই কাহিনী টড সাহেব “খুমান রাসা” হইতে উদ্ধৃত করিয়াছেন। যথা,

“From Rahup to Lakumsi, in the short space of half a century nine princes of Chitore were crowned... (i. 243). Lukumsi succeeded his father in S. 1331 (A. D. 1275). Beemsi was the uncle of the young prince, and protector during his minority. He had espoused the daughter of Hamir Sank (Chohan) of Ceylon, the cause of woes to the Sesodias. Her name was Pudmini. The Hindu bard recognizes the fair, in preference to fame and love of conquest,

as the motive for the attack of Alauddin, who limited his demand to the possession of Pudmini. At length he restricted his desire to a mere sight of this extraordinary beauty, and acceded to the proposal of beholding her through the medium of mirrors. Relying on the faith of the Rajput he entered Chitore slightly guarded, and having gratified his wish, returned, He had an ambush, Beemsi was made prisoner, hurried away to the Tartar camp, and his liberty was made dependent on the surrender of Padmini..... [the dooli story] The choicest of the heroes of Cheetore met the assault. With Gorah and Badal at their head, animated by the noblest sentiments... For a time Alla was defeated in his object, and the havoc they made in his ranks, joined to the dread of their determined resistance, obliged him to desist from the enterprize.”

কিন্তু অপ্রাসঙ্গিক হইলেও এস্থলে উদ্ধৃত্যংশের মধ্যে যে-কয়েকটি ভুল রহিয়াছে, তাহার সংশোধন আবশ্যক।

১। রাহপ হইতে লাকুমসিং পর্য্যন্ত কেহই মিবারের সিংহাসনে আরোহণ করেন নাই। কর্ণসিংহের জ্যেষ্ঠপুত্র ক্ষেমসিংহ হইতে মিবার-সিংহাসনাধিকারী রাবল শাখা এবং রাহপ হইতে শিশোদে নামক জাগীরের সামন্ত রাণা-শাখার উৎপত্তি হইয়াছিল। মিবারপতি মহারাবল রত্নসিংহের মৃত্যুর পর লাকুমসিংহ চিতোর-বাহিনীর সেনাপতিরূপে মুসলমানদের সহিত যুদ্ধ করিয়া মারা গিয়াছিলেন। আলাউদ্দীনের রাজ্যারোহণের সময় ভড় লখমসী বালক ছিলেন না। তিনিই “মালবেশ-গোগাদেবজৈত্র লক্ষসিংহ।” * মালবপতি গোগা-ই ফিরিশ্তা-কথিত গোগা—ঘিনি ত্রিগঙ্গ সাহেবের অনবধানতায় “কোকা” হইয়া পড়িয়াছেন। এস্থলে ইহাও বলা আবশ্যক লক্ষ সিংহ সম্বন্ধীয় ভুলের জন্ম শুধু টড বা সমসাময়িক চারণেরা দায়ী নহেন। কেন-না জগদীশের মন্দিরস্থ শিলালিপি (বি. ১৭০৮); একলিঙ্গজীর মন্দিরস্থ শিলালেখ (বি. ১৭০২); এবং মহারাণা রাজসিংহের আদেশে তৈলঙ্গবাসী ভট্ট মধুহরনের পুত্র রণছোড় কর্তৃক লিখিত ২৪ সর্গাঙ্কক রাজপ্রশস্তি মহাকাব্য—বাহা রাজসমুজ সর্বোবয়ের তীরে

* Ranpur Inscription, dated S. 1499 ; Bhavnagar Inscriptions, p. 114. (Ojha. i. 512.)

* History of Rajputana, in Hindi, i. 22.

২৫খানা। বড় বড় শিলাখণ্ডে খোদিত হইয়াছিল এবং আজও বিদ্যমান আছে—তাহাতে শিশোদে রাণাদের সমস্ত পূর্বপুরুষগণকে মিবার-রাজবংশের সামিল করা হইয়াছে। বংশাবলীর সৰ্ব্বাপেক্ষা প্রামাণ্য শিলালেখ মহারাণা কুস্তের সময় লিখিত কুঁড়লগঠের শিলালিপি (বি. ১৫১৭) ; ইহাতে রত্নসিংহের পরে লক্ষ্মসিংহ, অরিসিংহ এবং হৰীরের নাম দেওয়া হইয়াছে (Ojha, i. 519.)

পরবর্তী ভাটদের খ্যাতে রতন সিংহ লুপ্ত হইলেও পদ্মিনী রহিয়া গেলেন। তবে তাঁহার লক্ষ্মণ সিংহের সহিত রাণীর বিবাহ না দিয়া লক্ষ্মণ সিংহের পিতামহ ভীমসিংহকে খুল্লাভাত বানাইয়া তাঁহার সহিত কেন পদ্মিনীর সম্বন্ধ স্থির করিলেন ? বোধ হয় তাঁহাদের এটুকু স্মরণ ছিল যে, লক্ষ্মণ সিংহ ব্যতীত আর একজন প্রধান ছিলেন—যিনি পদ্মিনীর স্বামী এবং চিতোর-যুদ্ধে মারা গিয়াছিলেন। লক্ষ্মণ সিংহের পিতামহও চিতোর রক্ষার জন্য প্রাণ বিসর্জন করিয়াছিলেন।* সেজন্য তাঁহাকেই পদ্মিনীর স্বামী বলিয়া খাড়া করা হইয়াছে। টড-লিখিত অবশিষ্ট বিবরণ জ্যায়সী পদ্মাবতের ছায়া মাত্র।

যে-কাব্যকে কেন্দ্রীভূত করিয়া পদ্মিনী উপাখ্যানের

* উদয়পুরের আট মাইল উত্তরে চীরবা নামক গ্রামে একটি মন্দিরে ৩১ শ্লোকযুক্ত একখানি শিলাপ্রশস্তি আছে। উহার তারিখ বি. স. ১৩০০ কালিক শুক্লা প্রতিপদ (১৩৭৩ খৃঃ), অর্থাৎ রত্নসিংহের পিতা সমরসিংহের রাজত্বকালে লিখিত। চাণ্ডের বংশোৎপত্তি মদন—যাহার পূর্বজেরা পুরুষানুক্রমে চিতোরের শহরতলীর তলারক বা কোতোয়াল ছিল—পাপক্ষমার্থ নির্দিষ্ট শিবমন্দিরে এই প্রশস্তি যোজনা করিয়াছিলেন। উহাতে লেখা আছে :—

বিক্রান্তরত্নঃ সমরেশ্বরঃ সপুত্রসংহারকৃতপ্রবৃত্তঃ।

শ্রীচিত্রকূটনা তলটিকায়ঃ শ্রীভীমসিংহেন সমঃ মমার ॥

(চীরবা-শিলালেখ, শ্লোক ২৬। ওয়া ১ম, পৃ. ৪৭৩)

সমর সিংহের পিতা তেজসিংহের সময় সম্ভবতঃ খোলকার বাঘেল-বংশীয় রাণা বীর ধবসের পুত্র বীসলদেব মিবার আক্রমণ করিয়াছিলেন। এই যুদ্ধে চিতোরের শহরতলীর কোতোয়াল মদনের বড় ভাই রত্ন শ্রীভীমসিংহ দেবের সহিত যত্নাযুগে পতিত হইয়াছিল। কোট বীসলদেব মিবারের রাজা হইলেও কনিষ্ঠ রাণা-উপাধিধারী শিশোদেবী সামন্তগণ বোধ হয় ‘পুরুষানুক্রমে’ রাজ্যের ‘প্রধান’-পদে নিয়োজিত হইতেন। এই প্রশস্তির অন্ত এক শ্লোকে আছে ‘শ্রীভীমসিংহ পুত্র প্রাধিক্তঃ প্রাপ্য রাজসিংহোঃ’ ইত্যাদি (ওৎকৃত রাজপুতানেকা ইতিহাস, ১ম, পৃ. ৪৭৩ প্রস্তব)।

বিভিন্ন রূপ প্রচারিত হইয়াছে বলিয়া ঐতিহাসিকেরা সন্দেহ করেন, নিম্নে তাহারই সারাংশ দেওয়া হইল।

গন্ধৰ্ব্ব সেন সিংহল দ্বীপের অধিপতি। তাঁহার দেশে দুঃখ দারিদ্র্য কুরূপ নাই; শীত-গ্রীষ্ম নাই—বারমাসই বসন্ত ঋতু বিরাজমান। তথাকার ক্রীমাজই পদ্মিনী-জাতীয়া—কেহ কুবলয়দলকান্তি; কেহ বা চাম্পেয়গৌরী। রাজা গন্ধৰ্ব্ব সেনের একমাত্র সন্তান পদ্মাবতী—রূপে গুণে অতুলনীয়। উদ্ভিন্নঘোবনা রাজকন্ডার ব্যথার ব্যথী ছিল একটি পোষমানা ঋতিধর শুক—নাম হীরামন। বর অমুসন্মানে পিতার ঔদাসীনা দেখিয়া পদ্মাবতী হীরামনকে পিঞ্জরমুক্ত করিয়া দিলেন। সিংহলদ্বীপ পার না হইতেই হীরামন ব্যাধের ফাদে পড়িয়া বাজারে বিক্রয়ার্থ আনীত হইল। চিতোরের এক ব্রাহ্মণ-বণিক লাভের আশায় মূলধন খোয়াইয়া দেশে ফিরিতেছিল, সে হীরামনকে ক্রয় করিয়া চিতোরে লইয়া গেল। চিত্রসেনের পুত্র চিতোর-রাজ রতনসেন হীরামনকে লক্ষ মুদ্রায় ক্রয় করিয়া রাণী নাগমতীর মহলে রাখিলেন। নাগমতীর কপাল ভাঙিল। রতন সেন হীরামনের কাছে পদ্মাবতীর রূপের কথা শুনিয়া বোল হাজার রাজপুত্রের সঙ্গে যোগীবেশে সিংহলযাত্রা করিলেন। উড়িষ্যার উপকূলে কলিঙ্গরাজ গজপতি তাঁহাকে সন্মানে জাহাজে করিয়া সিংহলদ্বীপে পাঠাইয়া দিলেন। সিংহল-রাজ্যে পৌঁছিয়া শশিষ্য কপট-যোগী রতন সেন মহাদেবের মন্দিরে অবস্থান করিতে লাগিলেন। স্থির হইল পূজার চলনায় রাজকুমারী যখন বাসন্তী পঞ্চমী তিথিতে মহাদেবের মন্দিরে যাইবেন সেই সময় উভয়ের শুভদৃষ্টি হইবে। বসন্ত পঞ্চমীর দিন সধী-পরিবৃত্তা পদ্মাবতী শিবালয়ে চলিলেন। দূর হইতে প্রথম দর্শনেই রাজা মুচ্ছিত হইয়া পড়িলেন। যোগীর কিছুতেই সংজ্ঞা লাভ না হওয়ায় রাজকুমারী স্বহস্তে যোগীর অঙ্গে চন্দন অভিষেক করিতে লাগিলেন; কিন্তু ইহাতে মুচ্ছা ভাঙিবার সম্ভাবনা আরও কম হওয়ায় পদ্মাবতী যোগীর বক্ষঃস্থলে চন্দন দিয়া লিখিয়া দিলেন—“যোগী! তোমার ভিকলাভের উপযুক্ত যোগাভ্যাস হয় নাই, যখন ফল-প্রাপ্তির সময় আসিল তখন তুমি ঘুমাইয়া পড়িলে।”

গ্রেহের ফাপরে পড়িলে সাধুও চোর হয়,



পদ্মিনী-মহল

রাজপুত্রও সিংহ কাটে। একদিন সিংহ কাটিয়া পদ্মাবতীর মহলে প্রবেশ করিবার সময় রতন সেন ধরা পড়িলেন। পরজামাই হইয়া কিছুকাল সিংহলদ্বীপে বাস করিবার পর হঠাৎ তাঁহার নাগমতীর কথা মনে পড়িল। সংসারাসক্তির আকর্ষণে তিনি মোক্ষধাম ত্যাগ করিয়া পার্থিব রাজ্য চিত্তোরে প্রত্যাগমন করিলেন। একদিন পদ্মাবতী অন্তঃপুরের গবাক্ষ হইতে ভিক্ষুকগণকে ভিক্ষাদান করিতেছিলেন। সেই সময় তাঁহার অল্পপম রূপরাশি রাঘব-চেতন নামক এক পাপিষ্ঠের চোখে পড়িল। রাঘবের কাছে পদ্মিনীর সৌন্দর্যের কথা শুনিয়া তাঁহাকে লাভ করিবার জন্য হুলতান আলাউদ্দীন খিলজী চিত্তোর আক্রমণ করিলেন। পদ্মিনীর বিনিময়ে রতন সেনকে চন্দেরী রাজ্য দিবার প্রস্তাব করিয়া আলাউদ্দীন দূত পাঠাইলেন। লাজুলমদ্দিত সিংহের ছায় মিবাব-রাজ ক্রোধাক্ত হইয়া বলিলেন, “জীবন্ত সিংহের অঙ্গ-উৎপাটনে

কে সাহসী হইয়াছে? যদি গৃহের গৃহিণীই ত্যাগ করিতে হয় তবে চিত্তোরই কি, চন্দেরী রাজ্যই বা কি?”

“জো পৈ জাই ঘরনি ঘর কেরী

কা চিত্তোর কা রাজ চন্দেরী ॥” পদ্মাবত, পৃ. ২৪২

এদিকে রাজা রতন সেনের সাহায্যার্থ তৌবর পবার গহলোং, বাঘেলা, চৌহান, চদেল, গহরবার, পুরিহর ইত্যাদি রাজপুতগণ চিত্তোরে উপস্থিত হইল। মুসলমান-সেনা আট বৎসর দুর্গ অবরোধ করিয়াও শত্রুপক্ষের কিছু মাত্র বলক্ষয় করিতে পারিল না। এমন সময়ে হুলতানের কাছে সংবাদ পৌছিল পশ্চিমী হরেবগণ (পীতবর্ণ মোঙ্গল)—যাহারা পরাজিত হইয়া পলায়ন করিয়াছিল, তাহারা আবার দিল্লীরাজ্য আক্রমণ করিয়াছে। আলাউদ্দীন ছলনা করিয়া সন্ধি প্রার্থনা করিলেন। গোরা প্রভৃতি সামন্তগণের কথা অগ্রাহ্য করিয়া রতন সেন

মিত্রভাবে আলাউদ্দীনকে সহধর্মী করিয়া রাজপ্রাসাদে অতিথিরূপে গ্রহণ করিলেন।

চতুর্দিকে সরোবর-বেষ্টিত আকাশস্পর্শী সুরমা পদ্মিনী-মহলের প্রতি স্নলতানের সত্যকদৃষ্টি নিবন্ধ হইল। অপরাতুলা ষোড়শ সহস্র দাসীকে দেখিয়া আলাউদ্দীন জ্ঞানহারী হইলেন। রাঘবচেনকে জিজ্ঞাসা করিলেন ইহাদের মধ্যে পদ্মিনী কে? ভোজের পর রাজা ও স্নলতান শতরঞ্চ খেলায় বসিলেন। রাঘবের নির্দেশ-মত স্নলতান গৃহস্থিত সুরহং দর্পণের দিকে মুখ করিয়া বসিলেন। রাজা খেলার নেশায় নিবিষ্ট মনে বাজিয়াং করিবার চেষ্টায় ছিলেন। কিন্তু স্নলতান শুধু খেলার ভাণ করিয়া বসিয়া রহিলেন, তাঁহার খ্যান ও চঞ্চল দৃষ্টি ছিল দর্পণের দিকে। আলাউদ্দীনের দৃষ্টী অন্তপুরঃস্বিতা পদ্মাবতীকে কোনো রকমে ভুলাইয়া মহলের জানালার কাছে আনিবার জন্ত বলিল,—

বাদশাহ দিল্লী কর কিত চিতটর মই আব।

দেখি লেহ, পদমাবতি। জেহি ন রই পছিতাব।

অর্থাৎ—দিল্লীস্থর পুনরূার চিত্তোরে আসিবেন না। পদ্মাবতি। তাঁহাকে একবার দেখিয়া লও, যেন পরে আপশোষ না করিতে হয়।

অপরিচিত ব্যক্তিকে দর্শনের স্ত্রীস্নলত ওৎসুক্য-প্রণোদিত হইয়া পদ্মাবতী বিশ্রুটিতে বরোকার কাছে আসিয়া দাঁড়াইলেন। উহার বিপরীতদিকস্থ দর্পণে প্রতিবিম্ব দেখিয়া আলাউদ্দীন গালিচার উপর চলিয়া পড়িলেন। রাজা এ ব্যাপার কিছুই বুঝিতে না পারিয়া অতিথির জন্ত ব্যস্ত হইয়া পড়িলেন। ধূর্ত রাঘব রাজাকে বুঝাইয়া দিল, “স্নলতানের সুরপারীর নেশা লাগিয়াছে।”* সকলে ধরাধরি করিয়া আলাউদ্দীনকে বিছানায় শোয়াইয়া রাখিল। পরদিন সকাল:বন: বিদায়-কালে স্নলতান কথা বলিতে বলিতে রাজাকে চিত্তোরের সাত দরজার বাহিরে লইয়া আসিলেন। আলাউদ্দীন প্রথম দরজায় থেলাং একশত তুকাঁ ঘোড়া তেইশটি হাতী ও দরবারী পোষাক, দ্বিতীয় দরজায় বাদশাহের খাস সওয়ারী

ঘোড়া, তৃতীয় দরজায় বহুমূল্য রত্ন, চতুর্থ দরজায় কোটি মুদ্রার সামগ্রী, পঞ্চম দরজায় হীরার জোড়ি (কুণ্ডল ?), ষষ্ঠ দরজায় মাণ্ডু-রাজা, সপ্তম দরজায় চন্দ্রেরী-রাজা দিলেন। চুর্গের পাদদেশে অবতরণ করিয়া শাদ্দুল নিজমুর্তি ধারণ করিল। রাজা রতন সেন শূঙ্খলিত হইয়া দিল্লীতে আনীত হইলেন; চিত্তোরে হাহাকার পড়িয়া গেল।

অবসর বুঝিয়া রাজা রতন সেনের শত্রু কুঁসলমীর অধিপতি রাও দেবপাল পদ্মাবতীকে বিপথগামিনী করিবার উদ্দেশ্যে দূতী পাঠাইল। নিকপায় রাণী গোরা ও বাদলের কাছে গেলেন। বীরদ্বয় রাজাকে উদ্ধার করিবার জন্ত প্রতিজ্ঞাবদ্ধ হইল। [গোরা বাদল কে ছিলেন তাহা পদ্মাবতে নাই। তাঁহারা যে পদ্মিনীর পিতৃকুলের লোক, সে-কথা টভই বলিয়াছেন। পদ্মাবত কাব্যপাঠে অল্পমান হয়, তাঁহারা চিত্তোরের সামন্ত ছিলেন]।

গোরা-বাদলের নেতৃত্বে রক্ষীবৈষ্টিত যোলশত পালকী চিত্তোর-দুর্গ অতিক্রম করিয়া দিল্লী অভিমুখে চলিল। পদ্মিনীকে অঙ্গগত বিবেচনা করিয়া আলাউদ্দীন তখন স্থপ-স্থপে বিভোর। রাণীর চতুর্দোল হইতে এক কর্মকার বাহির হইয়া দিল্লী-কারাগারে বন্দী রতন সেনের হাত-পায়ের বেড়ী কাটিয়া দিল। গোরা বাদল প্রাণ দিয়া রাজাকে উদ্ধার করিলেন। চিত্তোরে পৌছিয়া রতন সেন পত্নীর অপমানের প্রতিশোধ লইবার জন্ত দেবপালকে আক্রমণ করিলেন। দ্বন্দ্বযুদ্ধে রতন সেন আহত হইয়া প্রাণ-তাগ করিলেন—নাগমতী ও পদ্মাবতী স্বামীর মৃতদেহ আলিঙ্গন করিয়া জলন্ত চিতায় আহুতি দিলেন। এদিকে আলাউদ্দীনও সর্বসৈন্ত চুর্গের বাহিরে হান্না দিলেন।

জৌহর ভয় সব ইস্তিরী, পুরুষ ভয়ে সংগ্রাম।

বাদশাহ গঢ় চুড়া চিত্তোর ভা ইস্লাম।

অর্থাৎ স্ত্রীরা জৌহর প্রবেশ করিল ও পুরুষেরা রণ-শয্যায় শায়িত হইল। বাদশাহ চুর্গশৃঙ্গে পদার্পণ করিলেন। চিত্তোর দার-উল-ইসলামে পরিণত হইল।

পদ্মাবত কাব্য পড়িয়া স্পষ্টই বুঝা যায় যে, ইহা “রা-চরিতে”র ত্রায় ঐতিহাসিক কাব্য নহে; মুদ্রারাক্ষসের মত দশ আনি ছয় আনি ঐতিহাসিক নাটকও নহে। আশ্চর্য্যের বিষয়, জায়সী আলাউদ্দীনের রাজ্যকালে

* “রাঘব কহা কি লাগি সোপারী।

লেই পোটারহি সেজ সবারী।”

(পদ্মাবত, না. প্র. পৃ. ২৮৪)

মোগল আক্রমণ, রণধর্মভোর-বিজয় ইত্যাদি ঘটনার সহিত সুপরিচিত হইয়াও রতন সেনের বাণের নামটুকি জানিতে পারেন নাই? বোধ হয় এ সময়ে লোকে তাহাও ভুলিয়া গিয়াছিল। কাব্যের উপসংহারে কবি সংসারের অনিত্যতা লক্ষ্য করিয়া বলিতেছেন :—

কাই! সুরূপ পদ্মাবতী রাণী ?
কছু না রহি জগ রহি কহানি ॥
ধন্ড সোই ইহ কীরতি জাহ্ন।
ফুল মরে পর মরে না বাহর ॥

—কোথায় সেই রূপবতী রাণী পদ্মাবতী? পৃথিবী হইতে তাহার কাহিনী ছাড়া সব স্মৃতি মুছিয়া গিয়াছে। যাহারা কীর্তিমান তাহারাই ধন্ড (কীর্তি ধ্বংস জীবিত)। ফুল শুকাইয়া যায়; কিন্তু সুবাসটুকু কালের বাতাসে বিলীন হয় না।

তবে কি সত্যই জগতে জ্যায়সীর সময়ে পদ্মিনী-বিষয়ক কোনো কাহিনী ছিল? নতুবা সারা হিন্দুস্থান থাকিতে কবি চিত্তোরে স্থাননির্দেশ করিলেন কেন? ইহার কারণ আছে। মুসলমান আক্রমণের প্রবল তরঙ্গাঘাতে বার-বার ডুবিয়াও চিত্তোর বাতাতাড়িত সরসীবক্ষে পদ্মের ছায়া নিজের সত্তা বজায় রাখিয়াছিল। ১৫৪০ খৃষ্টাব্দে চিত্তোর মুসলমান-রাহ-মুক্ত হইয়া হিন্দু স্বাধীনতার শেষ আশ্রয়স্বরূপ সগৌরবে আশ্রয়লাভ করিতেছিল। সেজন্য কবি বর্ণনা করেন,—

হৈ চিত্তোর হিন্দু নৈক মাতা।
গাঢ় পরে তজ্জি জাই ন নাতা ॥

—চিত্তোর হিন্দুগণের জননী, বিপৎপাতে সশ্রদ্ধা ছিন্ন হয় না।

জীবনশেষ যোদ্ধাদের গোপনে শত্রু-দুর্গে পাঠাইয়া দুর্গ-অধিকারের কথা প্রাচীন ইতিহাস ও কাব্যে থাকিতেও পারে। কিন্তু রোহতাস দুর্গ অধিকারের সময় শেষ শা এই কাজটা মুসলমান-যুগে সর্বপ্রথম করিয়াছিলেন বলিয়া মনে হয়। শেষ শা ১৫৩৮ খৃষ্টাব্দে ডুলির মধ্যে পাঠান-যোদ্ধা পাঠাইয়া রোহতাস-দুর্গ অধিকার করেন; ইহার দুই বৎসর পরে ১৫৪০ খৃষ্টাব্দে জ্যায়সীর পদ্মাবত রচনা আরম্ভ হয়। হিন্দুরাজার সদাশয়তা, লোভী ব্রাহ্মণ মন্ত্রীর চক্রান্ত, শেষ শাহ বিশ্বাসঘাতকতা, ইত্যাদি সমসাময়িক ঘটনা। ইহা হইতে জ্যায়সীর রতন সংগ্রহ

বন্ধনযোচনের গল্পের উপকরণ সংগ্রহ করিয়াছেন বলিয়া মনে হয়।

জ্যায়সীর সর্বাপেক্ষা নিকটবর্তী ঐতিহাসিক আবুল-ফজল। তাহার বর্ণিত কাহিনী পদ্মাবত হইতে গৃহীত হইলেও কোনো কোনো অংশে বিভিন্নতা দৃষ্ট হয়। আবুল-ফজল পদ্মিনীর নামোল্লেখ করেন নাই। তিনি শুধু বর্ণনা করেন,—*Sultan Alauddin Khilji farman-rawan i-Delhi shanidand ke Rawal Katan Si marzuiban i-Mewar Padmini e darad* [Sultan Alauddin Khilji, ruler of Delhi, heard that Rawal Katan Si chief of Mewar possessed a most beautiful woman.—*Ain-i-Akbari*, ii. 269]

জ্যারেট সাহেব 'পদ্মিনী' শব্দের ভাবার্থ ধরিয়া অসুবাদ করিয়াছেন 'a most beautiful woman'। আবুল-ফজল বলিতেছেন, 'দিল্লীর সুলতান আলাউদ্দীন খিলজী শুনিলেন মিবার-রাজ রাবল রতনসীর একটি পদ্মিনী ছিল—অর্থাৎ একজন পদ্মিনী-জাতীয়া স্ত্রী ছিল। পদ্মিনী নামীর পর্যায়-বিশেষ। মূল ফার্সী হইতে রতনসীর পদ্মিনী নামক একজন স্ত্রী ছিল কিংবা তাহার স্ত্রীর নাম পদ্মিনী ছিল, এমন অর্থ হয় না। যেমন, অমুক বাবাজীর কাছে একটি পক্ষমুখী আছে বলিলে বুঝিতে হইবে তাহার একটি পক্ষমুখী কুদ্রাক্ষ আছে—পক্ষাননী স্ত্রী নয়। যাহা হউক, ইহা হইতে দেখা যাইতেছে, কোনো অজ্ঞাত জনশ্রুতির পদ্মিনী-জাতীয়া স্ত্রী হইতে পদ্মিনী বা পদ্মাবত রাণীর উদ্ভব হইয়াছে।

মাণিক মহম্মদ জ্যায়সী নিজেই আশঙ্কা করিয়াছিলেন হৃদয় তাহার কাব্যের উদ্দেশ্য বার্থ হইবে; রূপকচ্ছলে তিনি স্বকীয় সাধনার যে গুঢ় তত্ত্বগুলি পদ্মাবত-কাহিনীতে ব্রূহাইতে চেষ্টা করিয়াছেন, পরবর্তী যুগের লোকে উহা ইতিহাস বলিয়া ভ্রম করিবে। তাই তিনি কাব্যের উপসংহারে স্পষ্টই লিখিয়াছেন,—

চৌদহ ভুবন জো তর উপরাই
তে সব মাংস কে খট মাহী ॥
তন চিতউর, মন রাজা কাহা।
হিয় নিংঘল, বৃধি পরমিনী চাহা ॥
জর হুয়া জেই পয় দেখাব।
বিরু জর জগত কো নিরুণ পাবা?
নাগনতী ইহ দুনিয়া-খা।
বাচা সোই ন এহি চিত বখা ॥

রাঘব দূত সোই শেতানু ।

মায়া অলাউদীন স্থলতাহ ॥

প্রেমকথা এহি ভাতি বিচারহ ।

বুঝি লেহ জো বুঝে পারহ ॥

—“সপ্ত পাতাল সপ্ত স্বর্গ রূপ চৌদ্দ ভুবন যাহা কল্পিত হইয়াছে ঐ সমস্তই দেহঘটেই বিদ্যমান (যাহা নাই ভাঙে তাহা নাই ব্রহ্মাণ্ডে) । মনুষ্য দেহই চিতোর, ইহার রাজা মন বা রতন সেন । চিত্ত-কমল সিংহলম্বীপ—যাহা হইতে পদ্মিনী-রূপী বুদ্ধির উদ্ভব । গুরু (হীরামন তোতা), মার্গ দর্শক গুরু । গুরু বিনা জগতে কে নিগূর্ণ পরব্রহ্মকে পাইতে পারে ? নাগমতী (পদ্মাবতীর সপত্নী) , এই দুনিয়ার ধাধা বা সংসারাসক্তি ; যাহার চিত্ত ইহার নাগপাশে বাধা পড়ে নাই, সে-ই রক্ষা পাইয়াছে । রাঘবদূত যে পদ্মিনীর রূপ বর্ণনা করিয়া আলাউদীনকে চিতোর আক্রমণে প্ররোচিত করিয়াছিল, সে-ই শয়তান বা মার । মায়াই স্থলতান আলাউদীন—যিনি পদ্মিনী-রূপী বুদ্ধি বা শুদ্ধাভক্তিকে আবিল ও কলুষিত করিবার জন্ত সর্বদা সচেষ্ট । এই প্রেম-কাহিনী এরূপই বিচাৰ্য্য ; যিনি পারেন বুঝিয়া লইবেন ।”

জ্যায়শী যদি আজ কবর ছাড়িয়া টেডের রাজস্থান পড়িতে পারিতেন, তবে নিশ্চয়ই বলিতেন “হায় ! উন্টা বুঝিলে রাম ।”

রাজপুতানার চারণ-ইতিহাসিকদের মধ্যে পদ্মিনী উপাখ্যান সম্পূর্ণ বর্জন করিয়া ইতিহাস লিখিয়াছেন বুদ্ধীর চারণ ও সভাকবি মিশন স্বরজমল । হাড়ারাজ্য বুদ্ধী ও কোটার “খ্যাত” হইতে তাঁহার স্ববহু গ্রন্থ সঙ্কলিত হইয়াছে ; “তারিখ-ই-ফিরিশ্তা” প্রভৃতি প্রধান প্রধান মুসলমান ইতিহাসও তিনি পড়িয়াছিলেন । কোটা বুদ্ধীর খ্যাতে পদ্মিনী-উপাখ্যানের উল্লেখ থাকিলে তিনি যে কোনো ইঙ্গিতমাত্র করিবেন না, এরূপ অসম্ভবমান করা কঠিন । তাঁহার বর্ণনার কোনো কোনো অংশে ভ্রমপ্রদাম্ব থাকিলেও উহা বিশেষরূপে সমালোচিত হইবার যোগ্য ।

বংশ-ভাস্কর পাঠে জানা যায়, রতনমন্ডোর দুর্গ আলাউদীন কর্তৃক বিজিত হইবার পর রাও হসীর চৌহানের পুত্র রতন সিংহ মিবার-রাজ লক্ষণ সিংহের আশ্রয় গ্রহণ করেন । লক্ষণ সিংহ রতনসিংহকে তাড়াইয়া দিতে কিংবা

শত্রুহস্তে সমর্পণ করিতে অস্বীকার করিলে মুসলমান-সেনা চিতোর আক্রমণ করে । হাড়ারাজ সমরসিংহ ভয়ে স্থলতানকে বহু উপহার ও ভোজন-সামগ্রী দিয়া তাঁহার শরণাগত হয় । বহু হিন্দুরাজা বাধ্য হইয়া মুসলমান-সেনার সাহায্যার্থ আসিয়াছিল ; উহার মধ্যে ৮৪ জন মারা যায় । তিন বর্ষ পর্যন্ত লক্ষণ সিংহ ঘোরতর রণে সর্বশেষ নিহত হইয়াছিলেন ; কেবলমাত্র অজয়সিংহ শত্রুবাহ ভেদ করিয়া পলায়ন করেন । এ যুদ্ধে কুমার অরিসিংহ হিন্দুলু হাড়া, ও বল্লন নামক ক্ষত্রিয়বীর অনেকবার নৈশ আক্রমণ করিয়া অসীম শৌর্য দেখাইয়াছিলেন ।

ইহাতে পদ্মিনীর নামমাত্র নাই ; ডুলীর গল্পও নাই । বংশ-ভাস্করের “বল্লন”ই বোধ হয় বাদল-সম্বন্ধীয় জনশ্রুতির মূল । গোয়ার নাম ইহাতে নাই । টড-কথিত জনশ্রুতি অনুসারে গোরা ভিন্ন রাজ্যের লোক ; জ্যায়শীর মতে মিবারের সামন্ত । বংশভাস্করের হিন্দুলু গহলোং কিংবা চিতোরের সামন্ত নহেন ; তিনি হাড়া-বংশী সাহায্যকারী সদ্ধার । চিতোর-দুর্গের উপর হিন্দুলু আহাড়ার মহল বিশেষ প্রসিদ্ধ । ভাটেরা আহাড়াকে হাড়া বলিয়া ভুল করায় বুদ্ধীর বংশাবলীতে উহার নাম ঢুকাইয়া দেওয়া হইয়াছে । বাস্তবিকপক্ষে ‘আহাড়া’ মিবারের পূর্ব রাজধানী আহাড় নামক স্থানোৎপন্ন গহলোং বংশের এক শাখা—যাহা এখনও ডুঙ্গরপুরে রাজত্ব করিতেছে । হিন্দুলু (হিংগোলো) আহাড়া ডুঙ্গরপুরের সদ্ধার ছিলেন ; মহারাণা কুন্তকর্ণের সময় রাও যোধার সহিত যুদ্ধে মারা যান ; তাঁহার ছত্ৰী যোধপুরের নিকট বালসমন্দ সরোবরের উপর এখনও অবস্থিত আছে ।* হিংগোলোর বীরত্ব বোধ হয় গোরা-সম্বন্ধীয় কথার সৃষ্টি করে নাই । গৌর নামে একজন বীরপুরুষ বি. ১৪৪৫ (১৪৮৯ খৃঃ) অর্থাৎ পদ্মাবত-রচনার প্রায় ৫০ বৎসর পূর্বে রাণা কুন্তের পুত্র রায়মলের রাজত্বে উদ্ভূত হইয়াছিলেন । কুন্তের অপর পুত্র পিতৃহন্তা “উদা”র প্ররোচনায় মালবের স্থলতান গিয়াসউদীন খিলজী চিতোর অবরোধ করেন । এই যুদ্ধে বীরবর গৌর এক দুর্গশূন্য হইতে প্রত্যহ মুসলমানদিগকে

আক্রমণ করিয়া অনেক শত্রু ধ্বংস করেন। এইজন্ত মহারাণা রায়মল উক্ত শূদ্রের নাম গৌরশূদ্র রাখিয়াছিলেন। শূরশ্রেষ্ঠ গৌর স্নেহরূপধিরাম্পর্শ-পাপ স্বর্ণ-গজায় ধৌত করিবার জন্ত পরলোকগমন করেন।*

*“কশিকলৌরো বীরবধাঃ শকোথঃ যুদ্ধেমুখিন্ প্রতাহং সংজহার।

তন্মাদেত্তন্নান কামং বভার প্রাকারায়ংশ্চিত্ত্ব কুটেকশূঙ্গঃ ॥

*

*

*

*

ঐতিহাসিকের অরণ্যে রোদন মাত্রই সার। শুনিতেছি, বর্তমানে মিবারের চারপেরা জ্যায়সীর হীরামন তোতাটিকে উড়াইয়া দিয়া ঐ স্থানে শাস্ত্রোক্ত হংসকে বসাইয়াছে।

নিঃশেষীকর্ত্ত সমিচ্ছু ব্রজতি হ্রসবরিধারিণি হাতুকামঃ ॥

(See Ojha, ii. 640 n.)

মেয়ের মান

শ্রীসীতা দেবী

গঙ্গাচরণের সংসারটা ছিল নিতান্তই সাদাসিদা বাগালী সংসার। তাহার ভিতর আশ্চর্য্য স্বপ্ন আনন্দও কিছু ছিল না, নিদারুণ দুঃখযন্ত্রণাও কিছু ছিল না। বাড়িতে বিধবা মা, স্ত্রী এবং দুইটি কণ্ঠ। আপিসে দশটা পাঁচটা খাটুনি, মাসান্তে পঞ্চাশ টাকা মাহিনা এবং পাড়াতে তাসখেলার সঙ্গী দুই চারিজন। মাসের ত্রিশটা দিন, বৎসরের বারোটা মাস, একই তালে ছন্দে কাটিয়া বাইত, বৈচিত্র্য বলিয়া কোথাও কিছু ছিল না। গঙ্গাচরণ ইহাতেই সুখী ছিলেন, গৃহিণী হ্রসবালাও মোটের উপর অসুখী ছিলেন না। কেবল মেয়ের জন্ম দিতেছেন বলিয়া, শাশুড়ীর নিকট মাঝে মাঝে গল্পনা লাভ করিতেন বটে, তবে সেটাকে তিনি ধর্ম্মব্যৱ মধোই আনিতেন না। শশুরশাশুড়ীর সংসারে অমন একটু আধটু সব মেয়ের অদৃষ্টেই জোটে, তা মোটের উপর শাশুড়ী-ঠাকরুণ মায়া মন্দ ছিলেন না। স্বামীরও বিশেষ দোষক্রটি কিছু ছিল না; সংসারের খোঁজখবর বড়-একটা রাখিতেন না বটে, তেমনি বদখেয়ালও কিছু নাই। মাহিনার টাকা, দেশের জমিজমার আয় সব নিঃশেষে মায়ের হাতে তুলিয়া দেন, হাতখরচ বলিয়াও কিছু রাখেন না।

মেয়ে দুটি, হিরণ্যমী আর কিরণমী, ক্রমেই বড় হইয়া উঠিতেছিল, একটি দশ বৎসরের আর একটি আট বৎসরের। গঙ্গাচরণের মায়ের এই একটা বিষয়ে দুঃখের অবধি ছিল না, তাঁহার একটি মাত্র ছেলে, বউয়ের ত দেখা যায় মেয়ে ভিন্ন কিছুই হইল না। তিনিও ত

বুড়ী হইয়া পড়িয়াছেন, নাতির মুখ না দেখিয়াই কি মরিবেন?

কিন্তু ভগবান তাঁহার এ দুঃখও ঘুচাইয়া দিলেন। আট বৎসর পরে হ্রসবালা আবার সন্তানের জননী হইলেন, এবার কোলে আসিল খোকা। এমন সুন্দর ছেলে, দেখিলে দুই চক্ষু যেন জুড়াইয়া যায়। ঠিক যেন কনকচাঁপার কুঁড়ি। যে দেখিল সে-ই দশমুখে প্রশংসা করিল। কিন্তু মেয়েরা প্রায় সকলেই মন্তব্য করিল, “বেটা ছেলের এত রূপের কি-ই বা দরকার ছিল? মেয়ে দুটির একটির যদি এই চেহারা হ’ত, তাহলে বিয়েভাড়া আর ভাবতে হ’ত না, লোকে যেচে নিয়ে যেত। তা মেয়ে দুটিই ত হল শ্যামবর্ণ।”

সত্যই মেয়ে দুটির পাশে থোকাকে দেখিলে এক মা বাপের সন্তান বলিয়া বোধ হইত না। বুড়ী ঠাকুরমা ত নাতি কোলে করিয়া আনন্দে দিশেহারা হইয়া যাউতেন, তাঁহার আর ঠাকুরের কাছে চাহিবার কিছু ছিল না। মা কাজকর্ম্মের ফাঁকে ফাঁকে আসিয়া ছেলেকে আদর করিয়া যান, এমন কি গঙ্গাচরণের সংসারের ঐদাদীনাই অনেকটা যেন কমিয়া গিয়াছে। আপিস হইতে ফিরিয়াই থোকাকে ডাক পড়ে, থোকাকে দিদির আনন্দ-উৎসাহে হৃদয়ে তাহাকে আনিয়া পিতার দরবারে হাজির করে। নিজেরা যে মেহ যে আদর হইতে তাহারা বঞ্চিত, শিশু ভ্রাতার ভিতর দিয়া তাহা যেন উহারাও হৃদয় ভরিয়া পান করে। নিজেরা চিরদিন

অবহেলা, অনাদরে পালিত, কিন্তু সেটা তাহারা বিধির বিধান বলিয়া মানিয়া লইয়াছে। হিন্দু ঘরের মেয়ে, থাইতে পরিতে পায়, নিতান্ত ঝাঁটা লাথি না খায়, তাহা হইলেই যথেষ্ট হইল। ভাল একটা বিবাহ দিতে পারলেই মেয়ের প্রতি কর্তব্য পূরাপূরি করা হইল, এ ভিন্ন তাহাদের বিষয়ে ভাবিবার বা করিবার যে কিছু আছে তাহা কেহই স্বীকার করে না।

খোকার ঘটা করিয়া অন্নপ্রাশন হইল, নাম হইল অনঙ্গমোহন। আদর যে-পরিমাণে সে পাইল, তাহা রাজপুত্রের ভাগ্যেও জোটে না, তবে আয়োজনের দিকে অবশ্য অনেক ক্রটি রহিয়া গেল, কারণ তাহার পিতা দরিদ্র। ছেলে দিন দিন বাড়িতে লাগিল এবং শিশু সুলভ হাঁবভাবে বেশী করিয়া পিতামাতার হৃদয় কাড়িয়া লইতে লাগিল। দুরন্তপনা, অবাধ্যতার তাহার সীমা ছিল না, কিন্তু ঐগুলি তাহার মনোহারিত্ব আরও যেন বাড়িয়া তুলত। ঘর-সংসারের জিনিষ সে ভাঙিয়া-চুরিয়া শতখান কারত, কিন্তু মা ঠাকুরমার কাছে কখনও উচু গলার কথাটি শুনিত না। বেটাছেলে দুরন্ত ত হইবেই! তাহার উৎপাত যেন বালগোপালের লীলার মতই তাহাদের হৃদয় বিগলিত করিত। বোনেদের সে মারিয়া ধরিয়া, চুল ছিড়িয়া অস্থির করিয়া তুলিত, কিন্তু তাহাদের ইহাতে কাদিবার জো ছিল না। হিরণ বা কিরণের চোখের জল আসিয়া পড়িলে তাহাদের লাজনার সীমা থাকিত না। ঠাকুরমা ক্যান্ধে গলায় তখনই গালাগালি শুরু করিতেন, “আ মোলো, রকম দেখ না? ভাই একটু গায়ে হাত তুলিছে, অমনি চোখে জল এসে পড়ল? মেয়েছেলে এমন অঐধ্য হ’লে চলে? এর পর কত লাথি ঝাঁটা খেতে হবে। আর কত সাধের এক ভাই, তার উপরও মেয়ের মায়া নেই।” বালিকাকে তখনই চোখের জল মুছিয়া ফেলিতে হইত, না হইলে মায়ের চড় পিঠে পড়িয়া, আরও কান্নার খোরাক জুটাইয়া দিত।

অনঙ্গমোহন ক্রমে ঘরের গভী ছাড়াইয়া গেল। ইহার পর পাড়াপ্রতিবেশীও কিছু কিছু তাহার গুণগ্রামের পরিচয় পাইতে লাগিল। ছেলেটিকে দেখিতে ঠিক শাপ-

ভট্ট দেবশিশুর মত, কিন্তু সাদৃশ্যটা ঐখানেই শেষ। এত বড় ছুই, শরতান ছেলে পাড়ায় আর ছুটি ছিল না। পাড়ার লোকে অবশ্য সব সময় মা ঠাকুরমার ভয়ে চুপ করিয়া থাকিত না, দশ ঘা দিয়া দুই ঘা অন্ততঃ অনঙ্গকে থাইয়া আসিতে হইত। কিন্তু ছেলে তাহাতে দমিবার পাত্র নয়, বাহিরে যতখানি শাস্তি পাইত, ঘরে আসিয়া মা বোনের উপর তাহার শোধ তুলিয়া লইত। ছুনিয়াটা যে বিশেষ করিয়া তাহার লীলারই জন্ত প্রস্তুত, এই বিশ্বাস খোকার ক্রমেই দৃঢ় হইয়া উঠিতোছিল। এখানে স্বজাতীয়ের হাতে মাঝে মাঝে চড় ঘুষি খাইতে হয় বটে, কিন্তু জীজাতি যে কেবলমাত্র পুরুষজাতির সেবায়ত্বের জন্ত সৃষ্ট সে বিষয়ে কোনো সন্দেহ নাই। বাড়িতে তাহারা পুরুষ-ছুটি এবং স্ত্রীলোক চারিটি, দিনরাতের মধ্যে ঘণ্টা পাঁচ ছয় ঘুমের সময় ভিন্ন নারীগুলির কেবল এক ধ্যান, এক কার্য—কি করিয়া এই শাপভট্ট দেবতা দুইটিকে স্তখে রাখা যায়, আরামে রাখা যায়। তাহারা তৃপ্তির হাসি হাসলে নারীদের জীবন সাথক হইয়া যায়, তাহারা বিরক্তিতে ক্রুদ্ধ হইলে উহাদের জীবনের আর কোনো অর্থই থাকে না। আর কিছু বুঝিবার আগে এই কথাটা খোকা অনঙ্গমোহন বেশ ভাল করিয়াই বুঝিল।

তাহার যখন পাঁচ বৎসর বয়স তখন বড়দিদি হিরণের বিবাহ হইয়া গেল। পয়সাকড়ি জমানো কিছুই ছিল না। মেয়ের বিবাহ বিনা খরচে হইবার ব্যাপার নয়, কাজেই গন্ধাচরণকে জমিজমা বাঁধা রাখিয়া টাকা ধার করিতে হইল। যাহার জন্ত এতটা করিতে হইল, তাহার উপর যগ হওয়াও একটু স্বাভাবিক। হিরণ ইচ্ছা করিয়া কন্ডা-জন্ম গ্রহণ করে নাই এবং বরণ দিয়া কন্ডার বিবাহের নিয়মও সে প্রবর্তন করে নাই, তবু সে যখন টাকা খরচের উদ্দেশ্যে এবং অপমানের উপলক্ষ্য তখন গালাগালি থানকটা খাইলই। সঙ্গে সঙ্গে কন্ডার জন্ম দেওয়ার জন্ত তাহার মাতাও কিছু কিছু বাক্যস্থান পান করিলেন এবং কনিষ্ঠ কিরণও যে বাপের গলায় ছুরি দিবার জন্ত অস্ত্র শানাইতেছে তাহা অনেকবার করিয়া শুনিল। খোকা গালাগালিগুলি ভাল করিয়া শিখিয়া রাখিল এবং গাল কেন যে দেওয়া হইতেছে, তাহাও এক রকম বুঝিয়া লইল।

কিরণ কিন্তু বাপের গলায় ছুরি না দিয়েই বছর দুই পরে পার হইয়া গেল। দ্বিতীয় পক্ষের বর একটি জুটিয়া গেল। নিজের যোগ্যতা সন্দেহে সে ব্যক্তির উচ্চ ধারণা ছিল না এবং ঘরভরা ছেলে মেয়ে অসামাল হইয়া উঠিয়াছিল, কাজেই দেনাপাওনা লইয়া কোনো গোলমাল না করিয়াই সে বিবাহ করিয়া বসিল। গঙ্গাচরণ এইবার নিশ্চিন্ত হইলেন। দুই বোন চলিয়া যাওয়ায় অনঙ্গমোহনের আদরঘড়ের একটু ক্রটি হইতে লাগিল। ইহাতে সে বিষম চটিয়া গেল। মাকে গাল দিল, ঠাকুরমার শনের হুড়ির মত তুল ধরিয়া টানিয়া বুড়ীকে অগ্নির করিয়া তুলিল। বই প্লেট সব নষ্টমায ফেলিয়া দিয়া রাগ করিয়া পাঁচ ছয় দিন আর স্থলেই গেল না। গঙ্গাচরণ ছেলেকে শাসন করিতে আসিয়া শুনিলেন, স্থলের সময় থোকাকে খালি ডাল আর মাছ ভাজা দিয়া ভাত দেওয়া হইয়াছিল বলিয়া সে স্থলে যায় নাই।

গঙ্গাচরণ রাগিয়া বলিলেন, “চক্ৰিশটা ঘণ্টা বসে বসে কি কর বলতে পার? একটা ত ছেলে, তাকেও ঠিক সময় খেতে দেবার ক্ষমতা নেই? সে-ই যদি না খেল, তবে রাধ কিসের জন্মে? নিজেরা শূণ্য-পেটে গিলবে বলে?”

স্বরবালার দোষ মানিয়া লইলেন। আজ হঠাৎ তাহার চিরকালের অনাদৃত্য মেয়ে দুইটির জন্ত মন কেমন করিয়া উঠিল। তাহার খাণ্ডিতে কোনোদিন কাজে এদিক-ওদিক হয় নাই। বেশীর ভাগ কাজ ত তাহারাই করিত, তিনি শুধু উপর উপর তত্ত্বাবধান করিতেন। বাছারা কোনোদিন একটা কথা মুখ ফুটিয়া বলে নাই, চিরদিন নীরবে গল্পনা লাঞ্ছনা সহ করিয়া গিয়াছে। মনে মনে বলিলেন, “ছেলেকে ত সবাই মিলে মাথায় তুলে রাখছি, ছেলে স্বপ্নে বাতি দেবে।” কিন্তু মনের কথা মনেই রহিল, মুখ ফুটিয়া বলিবার ভরসা ছিল না। ছেলের সেবার যাহাতে ক্রটি না হয়, সেদিকে বেশী করিয়া দৃষ্টি রাখিলেন।

অনঙ্গমোহনের রূপ ছিল যথেষ্ট, বুদ্ধিও কিছু কিছু আছে দেখা গেল। পড়াশুনার উৎপাত তাহার ছিল না। বলিলেই চলিত, কিন্তু ক্লাসে সে পড়িয়া থাকিত না।

গঙ্গাচরণ তাসের আড্ডায় গর্ব করিতেন, “ছোড়া যদি দিনে এক আধ ঘণ্টাও পড়ত, তাহলে তার ফার্স্ট হওয়া আটকাই কে? একেবারে বই হাতে করে না, তবু ক্লাস প্রমোশন ত পেয়ে চলেছে।” কথাগুলো অনঙ্গমোহনের কানে কোনোমতে পৌঁছিয়াই গেল, নিজের সন্দেহে ধারণা তাহার আরও দুই ধাপ উপরে উঠিয়া গেল।

ইহার পর দিন কাটিয়া চলিল। দুই চারিটা সংসারিক ঘটনা ভিন্ন গঙ্গাচরণের পরিবারে বিশেষ কোনো পরিবর্তন দেখা গেল না। বৃদ্ধা মাতা মারা গেলেন, কিরণ বিধবা হইয়া বাপের বাড়ি ফিরিয়া আসিল এই পর্য্যন্ত। অনঙ্গের স্বভাবচরিত্র বা চেহারার বিশেষ কিছু বদল হইল না। কোনোমতে বই-বিশেষ হাতে না করিয়াও, সে দ্বিতীয় বিভাগে মাটিকুলেশন্ পাস করিয়া গেল।

ইহার পর কলেজে পড়ার পালা। অনঙ্গ জেদ ধরিল সে কলিকাতার মেসে থাকিয়া পড়িবে। গঙ্গাচরণ কলিকাতার আপিসে কাজ করিয়া চুল পাকাইলেন, কিন্তু হাওড়া ছাড়িয়া কলিকাতায় যাইবার মতলব কোনোদিন তাহার হয় নাই। বাড়ি ভাড়াটা কম, আর এই বাড়িতে তাহার পিতা আমরণ বাস করিয়া গিয়াছেন, ইহাই ছিল বাড়িটার প্রধান গুণ। স্বতরাং অতখানি পথ যাওয়া-আসা করা যতই কষ্টকর হোক, তাহার বিরুদ্ধে মনে মনেও তিনি আপত্তি করেন নাই। কিন্তু নতুন রাজার, নতুন ব্যবস্থা। অনঙ্গ মুখে বলিল, “অতটা পথ রোজ যাওয়া আসা করা আমার দ্বারা হবে না। ঐ রকম সাড়ে আটটায় খেয়ে বেরতে হ'লে দুদিনে আমি মারা যাব।” গঙ্গাচরণ বলিলেন, “তা বলতে পারে, ওর অভ্যাস ত নেই? আমাদের কষ্টের শরীর সয়ে গেছে।”

স্বরবালার ছেলে সন্দেহে ধারণা তত উচ্চ আর ছিল না। মাকালকলের রূপ যতই মনোহর হউক, তাহার ভিতরের খবর চিরকাল চাপা থাকে না। বিধবা কিরণের সঙ্গে ছেলে কুব্যবহার করিত, ইহাও মাঝে মাঝে তাহার অসহ্য লাগিত। স্বামীর কথায় তিনি বিরক্ত হইয়া বলিলেন, “তোমার যা হয়েছে, ছেলেরও তা সইবে। মেসের খরচ তাঁর আসবে কোন চুলোর থেকে?”

গঙ্গাচরণ বলিলেন, “যে চুলো থেকে সব-কিছু আসে। জমিজমা বাধা দিয়েও গুকে মাছষ করতে হবে। ওর জন্মেই ত সব। ও ভাল করে পাস করলে, তখন ওর উপার্জন খায় কে?”

গৃহিণী বলিলেন, “আমরা মরলে পরে বিধবা মেয়েটা কি পথে বসবে? দেশের ঘরখানা থাকলেও সেখানে সে মাথা গুজে থাকতে পারত, না হয় ধান ভেনে খেত। সেটাও ঘুচিয়ে দিচ্ছ?”

গঙ্গাচরণ বলিলেন, “অত ভাবতে গেলে সংসারে কোনো কাজ করা চলে না, হাত পা বাধা হয়ে পড়ে। থোকা কি বোনকে দুমুঠো খেতেও দেবে না?” স্বরবালা বলিলেন, “বোনকে যা খেতে দেবে, তার ত নমুনা নিত্যি দেখতে পাচ্ছি। বোজ মেয়েটাকে নাকের জলে চোখের জলে করে, আন্ধেক দিন তার পেটে ভাত যায় না। হতভাগীর কপালই মন্দ, না হ’লে ভাইয়ের লাথি বাঁটা খেতে আবার এই বাড়ি ফিরে আসে?”

গঙ্গাচরণ চটয়া বলিলেন, “ছেলের কিছুই ত তুমি ভাল চক্ষে দেখ না। দশটা নয়, পাচটা নয়, একটা ত ছেলে, তার নিন্দে তোমার মুখে রাত দিন লেগে আছে। যখন হয়নি তখন ত ছেলের জন্মে দুচোখে ধারা বইত।”

স্বরবালা বলিলেন, “যাক্ গে, কথা বাড়িয়ে লাভ কি? দাঁও গে যাও জমি বাধা। কিরণের কথা আগাই বা আমরা কি ভেবেছি, যে এখন ভাবতে বসব? লোহা-সিঁদুর বজায় রাখবার পথ ত আমরা কেনে শুনে বন্ধ করেছি। তেকেলে বুড়োর হাতে মেয়েটাকে দিয়ে দিলাম, তার অদেটে স্ত্রী হব কোথা থেকে?”

কর্তা বলিলেন, “অদৃষ্টে না থাকলে স্ত্রী কিছুতে হয় না, মাছষকে দুখতে যাওয়া বুঝা। দ্বিতীয় পক্ষের বউও ড্যাঙ ড্যাঙ করে সিঁদুর মাখায় নিয়ে চলে যায়, আবার প্রথম পক্ষের বউও বিধবা হয়। যার যা ভাগ্যলিপি। আর একটা কথা ভেবে দেখছ না। আমার ছেলে যদি বি-এ অবধি পাস করে যায়, তাহলে তার মত যোগ্যপাত্র বাজারে বেশী থাকবে না। ছেলের বিয়ে দিয়েই জমিজমা সব ছাড়িয়ে নিতে পারব।”

রাহাঘরে উঠনের ঊঁচ বহিয়া যাইতেছিল, কিরণের

আজ আবার একাদশী, কাজেই গৃহিণী তাড়াতাড়ি চলিয়া গেলেন। কিরণ ঘর হইতে কখন উঠিয়া আসিয়া ইহারই মধ্যে তরকারি চড়াইয়াছে, না হইলে অনঙ্গের খাওয়ার সময় সব রান্না হইয়া উঠিবে না। তাহা হইলে বাবা এবং ভাই মিলিয়া মায়ের যা আপ্যায়ন করিবে, তাহা তাহার জানাই ছিল।

মা ঘরে ঢুকিয়া তাহাকে ঠেলিয়া সরাইয়া দিলেন। বলিলেন, “আবার মরতে এলি কেন এখানে? তখন না বারণ করে গেলাম?”

কিরণ বলিল, “ঘরে বসে কেবল ঝগড়াই করছ, এ দিকে ঊঁচ যে বয়ে যায়? তারপর থোকা যখন হেনস্তা করবে, তখন ত কাদতে বসবে?”

স্বরবালা ঈটিখানা টানিয়া বসিয়া গেলেন। মেয়েকে বলিলেন, “করে করবে, তুই যা ত! যে কটা দিন আমি আছি, একাদশীর দিনটা আর আগুনতাতে পুড়তে এস না।”

কিরণ থানিক দূরে সরিয়া বসিল, তাহার পর বলিল, “তুমি যাবার পরও যদি ভগবান বাঁচিয়ে রাখেন, তাহলে যেদিকে দুচোখ যায় চলে যাব, এ সংসারে আর থাকবো না।”

স্বরবালা বলিলেন, “মিথো নয় বাছা, কি যে তোর দশা হবে, ভেবে আমার আর মুখে ভাত রোচে না।”

কিরণ স্নান হাসি হাসিয়া বলিল, “আর এখন ভেবে কি হবে মা? বাড়ালী ঘরের বিধবা তার জন্ম আবার ভাবনা।”

মা উত্তর দিবার কিছু খুঁজিয়া পাইলেন না, মেয়েও উঠিয়া গেল।

অনঙ্গমোহন কলেজে ভর্তি হইল এবং বাক্স বিছানা বাধিয়া কলিকাতার মেসে চলিয়া আসিল। বাড়ির সর্দার গভীর ভিতর হইতে মুক্তি পাইয়া সে যেন বাঁচিয়া গেল। এখানে তাহার মত আধুনিক আলোক-প্রাপ্ত ছেলের ডানা মেলিবার যথেষ্ট সুযোগ সুবিধা ছিল। কলেজের মেসে কি পরিমাণ খরচ হয়, তাহা গঙ্গাচরণের ঠিক জানা ছিল না, কাজেই ছেলে টাকা চাহিলে সাধা মতে তিনি দিতে ক্রটি করিতেন না।

অনঙ্গ বাছিয়া বাছিয়া ভাব করিল যত-সব উপর-চালাক মুখফোড় ছেলের সঙ্গে। থিয়েটার বায়োস্কোপ দেখিয়া, কলেজের ডিবেটিং সোসাইটির মুখ উজ্জ্বল করিয়া অবসর-মত পড়াশুনা একটু আধটু করিয়া তাহার দিন বেশ কাটিতে লাগিল। রবিবারে বাড়ি যাইতে বলিলেই তাহার মাথায় বাজ পড়িত। সেই দিনটা ছিল তাহার চিত্তবিনোদনের দিন, সেটাকে এমনভাবে মাঠে মারা যাইতে দিতে সে কিছুতেই রাজী ছিল না।

বয়স হওয়ার সঙ্গে সঙ্গে অবশ্য তাহার দুরন্তপনা, গুণাগুণ অনেকটাই কমিয়া গিয়াছিল। কিন্তু নিজের স্বথ ও সুবিধা ভিন্ন আর কিছু সে ভাবিতেই পারিত না। অতিশয় ইন্টেলিজেন্ট ছেলে না পড়িয়াও টপাটপ পাস করিয়া যায় এই স্ত্রীমানটা বজায় রাখিবার জন্য রাতে তাহাকে লুকাইয়া খানিকটা পড়িতে হইত, দিনের বেলাটা অবশ্য ফুটি করিয়াই সে কাটাইয়া দিত। বড় ছুটির দিনগুলো প্রথম বৎসর বাধ্য হইয়া মা বাপের কাছেই কাটাইতে হইল। দ্বিতীয় বৎসর গরমের ছুটিতে শরীর খারাপের অজুহাত করিয়া সে দার্জিলিং পলায়ন করিল। অবশ্য বাপকে বেশী ভোগায় নাই। নানারকম ফন্দি ফিকির করিয়া, ডাক্তারের সার্টিফিকেট জোগাড় করিয়া সে লুইস্ জুবিলি স্যানিটোরিয়মে একটা ক্রী সীট সংগ্রহ করিল এবং ইন্টার ক্লাসেই চলিয়া গেল। অবশ্য আবশ্যকীয় শীতবস্ত্রের জোগাড় করিতে সুরবালার হাতের রুলি জোড়া বিক্রয় করিতে হইল। এবার তাহার শাখা সম্বল হইল, বাকি গহনা বিক্রী করিয়া হিরণের বিবাহের পর জমি ছাড়ান হইয়াছিল।

ছুটিটা তাহার বড় আনন্দে আরামে কাটিল। একে-ত খাওয়া শোয়ার এমন নবাবী ব্যবস্থা, যে তাহাতে অনঙ্গের মত স্থখী প্রকৃতির প্রাণী খুশী না হইয়াই পারে না। তাহার উপর এমন পরিপূর্ণ স্বাধীনতা, রাস্তায় ডিগবাজী খাইলেও কেহ খুঁৎ ধরিবার নাই। অনঙ্গ মনে মনে ভাবিল, “লোকে যে কেন হোম সিক হয়, আমি কিছু ভেবেই পাই না, আমার ত বাড়ির থেকে যত দূরে যাই, তত ফুটি বাড়ি।” একটা মাস তাহার যেন একটা দিনেরই মত দ্রুতগতিতে কাটিয়া গেল।

নিজের রূপ এবং বুদ্ধির প্রশংসা শুনিতে না পাইলে অনঙ্গের মোটেই সুবিধা হইত না, সবই তাহার কাছে বিবাদ লাগিত। সৌভাগ্যক্রমে সেটাও তাহার অভাব হইল না। স্যানিটোরিয়মে বুদ্ধগোছের বাঙালী ভদ্রলোকের রীতিমত ভিড়, তাঁহাদের ভিতর অনেকেই এই অতি প্রিয়দর্শন যুবকের ভক্ত হইয়া উঠিলেন। কথাবার্তায় পরের চিত্ত আকর্ষণ করিতে অনঙ্গের জুড়িদার কমই ছিল, এই ক্ষমতাটাও সে কাজে লাগাইবার বেশ সুযোগ পাইল।

প্রথম কয়দিন সে বেড়াইতে ব্যস্ত ছিল, তাহার চারিদিকে কাহারো বাস করিতেছে, সে-খোজ বিশেষ করে নাই। ক্রমেই চারিদিকে তাহার নজর পড়িতে লাগিল। অনঙ্গ আবিষ্কার করিল যে, কেবল বৃদ্ধ বাঙালী বাবুই এখানে নাই, অন্তরকম মাহুও অনেক-গুলি আছে। অতি নিকটেই এক শ্রৌচ ভদ্রলোক পরিবার লইয়া আছেন। তিনি, তাঁহার স্ত্রী এবং দুটি ছেলে মেয়ে। মেয়েটি বেশ বড়, দেখিলে বছর কুড়ি বয়স মনে হয়, ছেলেটি অনেক ছোট, বারো-তেরো বৎসরের বেশী হইবে না।

মেয়েটি দেখিতে কিছু সন্দেহ নয়। রং ত রীতিমত কালোই। তবে মুখে বেশ একটি সতেজ স্ত্রী আছে। শরীরে বা মুখে কোথাও জড়তার লেশমাত্র নাই, বেশ সপ্রতিভ আর কর্মিষ্ঠা। তাহাকে অনঙ্গ কোনো সময়ে চূপ করিয়া বসিয়া থাকিতে দেখিত না। মা বাপকে সে শিশুর মত যত্ন করিত, তাঁহাদের সেবার কোথাও এতটুকু ক্রটি ছিল না। বাকি সময় ভাইকে পড়াইত, সকলে মিলিয়া বেড়াইতে যাইত এবং মেঘলা সন্ধ্যায় প্রায়ই এস্রাজ বাজাইয়া বাপকে গান শুনাইতে বসিত। গলাটা মন্দ নয়, তবে একেবারে খুব যে চমৎকার তাহাও নয়।

রূপ জিনিষটার দাম ছিল অনঙ্গের কাছে সকলের চেয়ে বেশী। বিশেষ করিয়া নারীর মধ্যে রূপ ভিন্ন আর কোনো জিনিষ যে লক্ষ্য করিবার মত থাকিতে পারে, তাহা সে মনেই করিত না। পিতামাতা তাহার বিবাহ দিয়া অনেক টাকা লাভ করিতে চাহেন, তাহা সে জানিত। কিন্তু যে-মেয়ের রূপ তাহার রূপকেও হার মানাইতে না

পারিবে, তাহাকে কখনই সে বিবাহ করিবে না, ইহা সে মনে মনে স্থির করিয়া রাখিয়াছিল; দশ হাজার টাকা দিলেও না। আজকাল সকলে যে মেয়েকে লেখাপড়া শিখায়, গান বাজনা শিখায়, তাহা সে জানিত, ইহাতে তাহার আপত্তি ছিল না, কিন্তু এগুলিকে খুব বেশী প্রয়োজনীয়ও সে বোধ করিত না। সবই ত পুরুষের মনোরঞ্জনের জ্ঞা? কিন্তু যে-মেয়ে কালো কুৎসিত, সে হাজার শিক্ষিতা হইলেও তাহার কিই বা মূল্য? এই ছিল তাহার মোটের উপর ধারণা। অবশ্য কোনো শিক্ষিতা মেয়ের সহিতই সে এ পর্যন্ত মিশিবার সুযোগ পায় নাই।

কিন্তু এই মেয়েটি হৃন্দরী না হইলেও অনঙ্গের দৃষ্টিকে বড় বেশী আকর্ষণ করিতে লাগিল। তাহার নাম ধাম পরিচয়, সবই দুই চারি দিনের ভিতর সে সংগ্রহ করিয়া ফেলিল। মেয়েটির নাম মৈত্রেয়ী রায়, খার্ড ইয়ারে পড়ে। তাহার পিতা অখিলচন্দ্র রায়, ডেপুটি ম্যাজিস্ট্রেট ছিলেন, এখন পেন্সন লইয়াছেন। বয়স তত হয় নাই, কিন্তু শরীর অস্থূল। তাহার পত্নীও অস্থূল ভুগিতেছেন। ছেলেটির নাম সন্তোষ, সে কোর্স ক্লাসে পড়ে, হেয়ার স্কুলে। তাহার সঙ্গে অনঙ্গ চট্ করিয়া ভাব করিয়া লইল।

মৈত্রেয়ীর বয়স অনঙ্গের সমানই হইবে, কিন্তু সে এক ক্লাস উপরে পড়ে জানিয়া অনঙ্গের মনটা প্রথমে একটু পীড়িত হইয়া উঠিল। তাহার পর নিজেকেই সান্ত্বনা দিল যে মেয়েদের ত দিনরাত বই মুখে করিয়া বসিয়া থাকা ভিন্ন কর্ম নাই, বাহিরের জগতের সঙ্গে সম্পর্কই বা কি তাহাদের? সুতরাং মুখস্থ বিচার জোরে চটপট পাস করিবে সে আর আশ্চর্য্যের বিষয় কি? ছেলেরা সারাদিন রাত অত পড়িতে পারে না। কিন্তু জেনারেল নলেজ নিশ্চয়ই মৈত্রেয়ীর চেয়ে অনঙ্গের বেশী আছে। মৈত্রেয়ীর সঙ্গে আলাপ করিয়া নিজের বিজ্ঞানবুদ্ধির পরিচয় দিয়া তাহাকে বিস্মিত করিয়া দিবার ইচ্ছাটা ক্রমেই অনঙ্গের প্রবল হইয়া উঠিতে লাগিল।

আলাপ পরিচয় হইতেও খুব বেশী দেরি হইল না। সন্তোষের সঙ্গে অনঙ্গ এমন ভাব জমাইয়া তুলিল যে,

সে চব্বিশ ঘণ্টাই দিদি এবং মা বাবার কাছে অনঙ্গ-বাবুর গল্প করিতে লাগিল। অনঙ্গকে তাহারাও অবশ্য লক্ষ্য করিয়াছিলেন, কারণ তাহার চেহারাটা বাঙালী ঘরের ছেলের পক্ষে একটু অতিরিক্ত রকম ভাল ছিল। মৈত্রেয়ী প্রায়ই দেখিত সে যখন গান গায় কিংবা সন্তোষকে লইয়া বারান্দায় পড়াইতে বসে, তখন অনঙ্গ কোনো একটা ছুতায় নিকট দিয়া কেবলই যাওয়া-আসা করে। ক্রমে মৈত্রেয়ীরও অভ্যাস হইয়া গেল, গাহিতে বসিলেই সে একবার তাকাইয়া দেখিয়া লইত অনঙ্গ কাছে আছে কি না।

এ অবস্থায় ঘাঘা স্বাভাবিক তাহাই ঘটিল। মৈত্রেয়ী দেখিল সে এই অপরিচিত যুবক সম্বন্ধে বড় বেশী সচেতন হইয়া উঠিয়াছে। তাহার কেমন ভয় করিতে লাগিল। কে এ, কোথায় এর ঘরবাড়ি, কি উদ্দেশ্যে এখানে আসিয়াছে, কিছুই সে জানে না। কেন সে জানিয়া শুনিয়া এমন বেদনার পথে পা বাড়াইতেছে? সে হৃন্দরী নয়, অনঙ্গ রূপবান্, সে কি কখনও মৈত্রেয়ীকে হৃদয়ে স্থান দিতে পারিবে? মৈত্রেয়ীর মা বাবা জানিতে পারিলে কি মনে করিবেন? মৈত্রেয়ী নিজেকে ধিকার দিল। চিরদিন সে অহঙ্কার করিয়া আসিয়াছে যে, বিবাহ করিয়া বসিয়া বসিয়া স্বামীর অঙ্গ ধ্বংস করা তাহার আদর্শ নয়, সে নিজেকে সর্ব্বরকমে গড়িয়া তুলিবে, নিজের কার্য্যের পথ নিজে খুঁজিয়া লইবে। এখন সে কি না সামান্য প্রলোভনেই পথভ্রষ্ট হইতে চলিল? তাহার আরও লজ্জা করিতে লাগিল এইজন্ত যে, অনঙ্গের দিক হইতে কোনো উৎসাহই প্রকাশ পায় নাই, সে-ই কি নারী হইয়া প্রথমে হৃদয়লান করিয়া বসিবে? প্রতিদানে হয়ত অপমান ভিন্ন কিছুই জুটবে না। মৈত্রেয়ী প্রাণপণে নিজেকে সংযত করিতে চেষ্টা করিতে লাগিল।

অনঙ্গের আগ্রহ কিন্তু দিন দিন প্রবল হইয়া উঠিতেছিল। মৈত্রেয়ীকে সেও ভালবাসিতে আরম্ভ করিয়াছিল কি-না বলা শক্ত, তবে তাহার সঙ্গে পরিচিত হইবার, তাহার হৃদয়ঙ্গমতে স্থান পাইবার একটা অদম্য আকাঙ্ক্ষা তাহাকে পাইয়া বসিতেছিল। এতদিন তাহার জীবনে নারীর কোনো স্থান ছিল না, তাহারা কেবল

দাসীর মত পুরুষের সেবা করিবে ইহাই সে ধরিয়া লইয়াছিল। কিন্তু ঘরে মা-বোনের যে রূপ সে দেখিয়াছে, এই মেয়েটির রূপ তাহা হইতে অনেকখানিই বিভিন্ন। এ ঘেন পুরুষের সমকক্ষ, এ যদি কাহারও সেবা করে তাহা অস্বগ্রহ করিয়া করিবে, অবনত হইয়া নহে। ইহাকে মাথা হেঁট করাইবার, কাঁদাইবার ইচ্ছাও যেন অনন্দের মনে ক্রমে জাগিয়া উঠিতেছিল, অবশ্য সে বিষয়ে সে সচেতন ছিল না।

সন্তোষের কল্যাণে শীঘ্রই তাহার আলাপ করিবার সুযোগ জুটিয়া গেল। সকাল বেলা চা খাওয়া শেষ করিয়া সে সবে বেড়াইতে বাহির হইবার জোপাড় করিতেছে, এমন সময় সন্তোষ ছুটিয়া আসিয়া তাহার ঘরে ঢুকিল। বলিল, “অনঙ্গবাবু, আজ বিকাল চারটায় আমাদের গখানে চা খাবেন, বেরিয়ে যাবেন না কিন্তু।”

মনে মনে অত্যন্ত খুশী হইয়া, মুখে একটু ঔদাসীন্যের ভাব আনিবার চেষ্টা করিয়া অনঙ্গ জিজ্ঞাসা করিল, “কেন আজ তোমাদের গখানে কি?”

সন্তোষ বলিল, “আমার জন্মদিন আজ। কলকাতায় থাকতে আমার সব বন্ধুদের নেমস্তম্ভ করি, এখানে ত আপনি আর বন্ধুদা ছাড়া আর কেউ বন্ধু নেই, তাই আপনাদেরই নেমস্তম্ভ করছি।”

অনঙ্গ বলিল, “আচ্ছা যাব,” বলিয়া সে বাহির হইয়া গেল। মনটা তাহার আনন্দ আর উত্তেজনায় কানায় কানায় ভরিয়াছিল। আজ হয়ত মৈত্রেয়ীর সহিত আলাপ হইবে, সে কি অনন্দের চেহারায়, মাজিত কথাবার্তায় আকৃষ্ট হইবে না? তাহার হয়ত অনেক ছেলের সঙ্গে আলাপ আছে, অনঙ্গকে হয়ত বিশেষ ভাল কিছু লাগিবে না। তবু অনঙ্গ চমক লাগাইবার যথাসাধ্য চেষ্টা করিবে। তাহার চেহারাটা অন্ততঃ সাধারণ বাঙালী যুবক অপেক্ষা অনেকটাই ভাল, তাহা মৈত্রেয়ী স্বীকার না করিয়াই পারিবে না।

চায়ের নিমন্ত্রণ খাওয়া কোনো জন্মে অনন্দের অভাস ছিল না। নিঃসম্পর্কীয়া মেয়েদের সঙ্গে আলাপ পরিচয়ও সে কোনোদিন করে নাই। বলিয়া বলিয়া সে মনে মনে কেবলি নিজেকে তালিম দিতে লাগিল; কি সে বলিবে,

কেমন করিয়া চলিবে কিরিবে। কিন্তু পোষাক করিয়া যাইবে তাহাও স্থির করিয়া রাখিল। অবশেষে বেলা এগারোটায় সন্তোষের জন্ত একটা ফুটবল কিনিয়া সে কিরিয়া আসিল।

চারটা আর বাজিতেই চাহে না। অনঙ্গ ত অস্থির হইয়া উঠিল। ঘড়ি দেখিতে দেখিতে আর ঘর-বাহির করিতে করিতে বেলাটা কোনোমতে কাটিয়া গেল। তিনটা বাজিতে-না-বাজিতেই সে পোষাক-পরিচ্ছদ পরিতে আরম্ভ করিল। চারিটা যখন বাজিল তখন অনঙ্গ প্রায় বিবাহের বরের মত সাজিয়া ফিটফাট হইয়া বসিয়া আছে। নিজেই যাইবে, না সন্তোষের জন্ত অপেক্ষা করিবে তাহাই ভাবিতেছে, এমন সময় সন্তোষ আসিয়া তাহার হাত ধরিয়া হিড়্‌হিড় করিয়া টানিয়া লইয়া চলিল।

বসিবার ঘরে বেশী লোক ছিল না, মৈত্রেয়ী ও তাহার বাবা এবং একটি অপরিচিত যুবক, অনঙ্গ বুলিল এইটাই বন্ধুদা। সন্তোষের মা পাশের ঘরে জলখাবার গুছাইতেছিলেন, তিনি তখনও আসেন নাই।

অনঙ্গ ঘরে ঢুকিতেই অখিলবাবু বলিলেন, “এস বাবা, তুমি যদিও আমাদের অচেনা, তবু সন্তোষের কাছে গল্প শুনে শুনে অনেক কালের পরিচিত বলেই মনে হয়।”

অনঙ্গ তাঁহাকে নমস্কার করিয়া সামনে যে চেয়ার-খানা পাইল তাহাতেই বসিয়া পড়িল। তাহার বড় অপ্রতিভ লাগিতেছিল, কোনো শিক্ষিতা মেয়ের এত কাছে কোনোদিন সে আসে নাই। পাছে কোনো রকম বোকামী করিয়া বসে এই ভয় তাহাকে পাইয়া বসিয়াছিল। তাহার কান দুটা ক্রমেই লাল হইয়া উঠিতেছিল।

মৈত্রেয়ীকে আজ তাহার চক্ষে রীতিমত হৃন্দর লাগিল। মনে মনে স্বীকার করিল যে, রংকালো হইলেও মাহুষ হৃন্দর হইতে পারে। সে যে কি রং-এর পোষাক, কি গহনা পরিয়াছিল, তাহা অনন্দের অনভিজ্ঞ দৃষ্টিতে বিশদ ভাবে ধরা পড়িল না, কিন্তু সব জড়াইয়া একটা সহজ শ্রীর অহুভূতি তাহার মনকে আচ্ছন্ন করিয়া ফেলিল। অখিলবাবু যখন বলিলেন, “এই আমার

মেয়ে মৈত্রেয়ী, তখন সে থামিয়া থতমত খাইয়া নমস্কার করিতেই ভুলিয়া গেল। মৈত্রেয়ী নমস্কার করিবার পর সে কোনোমতে ঐকট সংশোধন করিয়া লইল।

তাহার এই সলজ্জ অপ্রতিভ ভাবটা মৈত্রেয়ীর কেমন একটু ভাল লাগিল। অনঙ্গ যদি খুব বেশী সপ্রতিভ ভাব দেখাইত মৈত্রেয়ী তাহা হইলে হয়ত আরও পিছাইয়া যাইত। কিন্তু এই যুবকটি একেবারে নব্য সমাজে মেলামেশা করিতে অনভ্যস্ত বুঝিতে পারিয়া, মৈত্রেয়ী সাহস করিয়া নিজেই যাচিয়া কথা বলিতে আরম্ভ করিল।

অনঙ্গের কাছেই একটা চেয়ার টানিয়া বসিয়া সে জিজ্ঞাসা করিল, “আপনি কি এই প্রথমবার দার্জিলিং এসেছেন?”

অনঙ্গ বলিল, “আজ্ঞে, হ্যাঁ।”

মৈত্রেয়ী জিজ্ঞাসা করিল, “কেমন লাগছে? সব জায়গায় বেড়ান হয়ে গিয়েছে?”

অনঙ্গ যতই চেষ্টা করিতেছিল, বেশ সহজ সপ্রতিভ ভাবে কথা বলিবে, ততই তাহার কথা বাধিয়া যাইতেছিল এবং কপাল ধামিয়া উঠিতেছিল। কিন্তু কথা না বলিলেও নয়, প্রথম দিনই যদি মৈত্রেয়ী তাহাকে একটা ভাবাগঙ্গারাম স্থির করিয়া লয়, তাহা হইলে কোনো দিনই অনঙ্গ সম্বন্ধে তাহার শ্রদ্ধা হইবে না। অনেক চেষ্টায় নিজেকে একটু প্রকৃতিস্থ করিয়া সে বলিল, “ভালই লাগছে। দেখবার জায়গা সবই প্রায় দেখেছি।”

ছুঃখে কোডে তাহার কণ্ঠরোধ হইয়া আসিতেছিল। একটা এমন কথাও কি তাহার মনে আসিতে নাই, যাহাতে মৈত্রেয়ী তাহাকে একটু আঁট মনে করে?

এমন সময় বন্ধু নামক যুবকটি আসিয়া তাহাকে বাঁচাইয়া দিল। বলিল, “নিজেই বিনা পরিচয়ে আলাপ করছি বলে কিছু মনে করবেন না। আপনাকে কলকাতায় অনেকবার দেখেছি বলে মনে হচ্ছে। আপনি কোন্ কলেজে পড়েন বলুন ত?”

অনঙ্গ কলেজ ক্লাশ মেন সব কিছুর ঠিকানা দিয়া দিল। স্বজাতীয় এক জন শ্রোতা পাইয়া এই বারে তাহার মুখ ফুলিয়া গেল। মৈত্রেয়ী মাকে সাহায্য

করিবার জন্ত মাঝে উঠিয়া গিয়াছিল, কিরিয়া আসিয়া দেখিল অনঙ্গ অনঙ্গল কথা বলিয়া চলিয়াছে, রীতিমত চালাক ছেলে। তাহার সামনে চা জলখাবার রাখিয়া বলিল, “চাটা খেয়ে নিন, অনেক দেরি হয়ে গেল।”

অনঙ্গ মৈত্রেয়ীকে দেখিয়া ধামিয়া গেল এবং বন্ধুত্ব দেখাদেখি খাইতে লাগিয়া গেল। চা খাওয়া শেষ হইতেই বন্ধু বলিল, “আমি কিন্তু আজ আর বসতে পারব না, মাসিমা, বড় জরুরী ব্যাপণ্টেমেন্ট আছে। নিতান্ত সন্তোষ রাগ করবে বলে এলাম।”

সে চলিয়া গেল। অনঙ্গ দেখিল মৈত্রেয়ী নিকটেই বসিয়া চা খাইতেছে, এখন কিছু কথা না বলিলেই নয়। অনেক ভাবিয়া বলিল, “আপনি কোথায় পড়েন?”

মৈত্রেয়ী হাসিয়া বলিল, “বেথুনেই পড়ুতাম, কিন্তু ছেড়ে দিয়ে স্কটিশচার্চে ঢুকেছি।”

অনঙ্গ ভাবিল কেন ছাড়িয়া দিল, জিজ্ঞাসা করা যায় কি? থাক কাজ নাই, যদিই সে বিরক্ত হয়? খানিকক্ষণ চুপ করিয়া থাকিয়া জিজ্ঞাসা করিল, “ওখানে বেশ ভাল পড়ান হয়, না?”

মৈত্রেয়ী বলিল, “মন্দ নয়, তবে নিজের যদি পড়ায় মন থাকে, তা হলে সব কলেজই প্রায় সমান।”

অনঙ্গ জিজ্ঞাসা করিল, “আচ্ছা, মেয়েরা কি ছেলেদের চেয়ে বেশী ষ্টুডিয়াস?”

মৈত্রেয়ী বলিল, “তা কি করে জানব? মেয়েরা সবাই ত এক রকম নয়, ছেলেরাও বোধ হয় নয়।”

এমন সময় মৈত্রেয়ীর মা আসিয়া পড়িলেন, বলিলেন, “কিছুই ত খেলেনা বাবা। ও ঘরে ব্যস্ত ছিলাম, কিছু দেখতে পারিনি। মিষ্টিগুলো ফেলে রেখেছ কেন? আরো চা নাও, খাও।”

অনঙ্গের মনে হইল, ইনি ঠিক হিন্দুঘরের মা-মাসীর মতই। কিন্তু মৈত্রেয়ী পাছে তাহাকে পেটুক মনে করে এই ভয়ে সে কিছুতেই আর খাইতে রাজী হইল না। গৃহিণীর সহিত দুইচারিটা কথা বলিয়া বিদায় লইয়া চলিয়া আসিল।

সারারাত তাহার ঘুমই হইল না। যতই মৈত্রেয়ীর চিন্তা মনে হইতে ঝাড়িয়া কেলিতে চায়, ততই উহা ঘেন

তাহাকে বেশী করিয়া পাইয়া বসে। নিজেকে কি কি বোকামি করিয়াছে, তাহা গণনা করিতে করিতে অনেকের প্রায় চোখের জল আসিয়া পড়িল। নিজেকে অনেক করিয়া বুঝাইতে চেষ্টা করিল যে একটা রূপহীন মেয়ে তাহাকে কি ভাবিল, তাহাতে কি-ই বা আসিয়া যায়? কিন্তু বুদ্ধিতে যাহা বুঝিল, হৃদয়কে তাহা বুঝাইতে পারিল না। সেই কালো মেয়েটির চোখে কি করিয়া উচ্চাসন পাইতে পারে, তাহার নানা-প্রকার উপায় চিন্তা করিতে করিতেই রাত কাটিয়া গেল।

পরদিন হইতে অনঙ্গ অনঙ্গকর্মা হইয়া মৈত্রেয়ীর সঙ্গে পরিচয়টা জমািয়া তুলিবার চেষ্টায় লাগিয়া গেল। যতক্ষণ ঘরে থাকিত, কি ভাবে কি কথা বলিবে, কেবল তাহার রিহাসাল দিত। এত ভাল করিয়া দিত, যে, সত্যই ভুলচুক আর তাহার বেশী হইত না। কথায় কথায় মৈত্রেয়ী একদিন বলিল, “আমাদের দেশে ত পার্লামেন্ট নেই, নইলে আপনার বেশ ভাল কেরায়া হত।” আনন্দের আতিশয্যে অনঙ্গ সেদিন যেন জগৎকে সোনার রঙে রঞ্জিত দেখিল।

মৈত্রেয়ীর প্রতি সে নিজের অজ্ঞাতসারেই অল্পে অল্পে আকৃষ্ট হইয়া পড়িতেছিল। কিন্তু নিজের জন্ম তাহার কোন ভয় ছিল না। সে জানিত ইহা নিতান্তই ছুটির দিনের খেলা, ছুটি ফুরাইবামাত্র সে নিজের পথে যাইবে, মৈত্রেয়ীও তাহাই করিবে। আর কোনোদিন দেখা সাফাং না-ও হইতে পারে। তাহাতে কি সে খুব একটা বেদনা বোধ করিবে? তাহা ত মনে হয় না। এ বেশ একটা নূতন অভিজ্ঞতা লাভ করা গেল, বন্ধুদের ভিতর তাহার মান ইহাতে আরও অনেকখানি বাড়িবে। কিন্তু মৈত্রেয়ীর জীবনে এই দিনগুলির স্থিতি কি হৃৎখেদনা যে বহন করিয়া আসিবে, তাহা ভাবিবার সে কোনো প্রয়োজন বোধ করিত না। তাহারা ত যাচিয়া আলাপ করিয়াছে হুতরাং কোনো কিছুই জন্য অনঙ্গকে দায়ী করিতে গেলে চলিবে কেন? সকালে বিকালে বেড়াইবার সময়, অনঙ্গ প্রায়ই এখন মৈত্রেয়ীদের সঙ্গে জুটিয়া যাইত। অখিলবাবু এবং তাহার জ্যৈষ্ঠ ভ্রাতৃপুত্র অক্ষয় মাহুয, ধীরে পিছনে পিছনে আসিতেন;

সন্তোষ, মৈত্রেয়ী এবং অনঙ্গ হনু হনু করিয়া আগে চলিত। বেশী উঁচু কোথাও উঠিতে হইলে তাঁহারা নীচেই বসিয়া পড়িতেন, ছেলেমেয়েরা উঠিয়া যাইত। মৈত্রেয়ীর হাতে সর্বদাই একটা ছড়ি থাকিত, কখনও বা সে নিজেকে সেইটার সাহায্যে উপরে উঠিত, কখনও মাকে দিত।

মৈত্রেয়ীর জীবনে এই দিনগুলি একটা অভূতপূর্ব আনন্দ ও অশ্রুভূতি বহন করিয়া আনিল। সে যেন স্বপ্নের ভিতর দিয়া দিনগুলি কাটাইতেছিল। বাস্তব জগৎটা তাহার মনোজগতের কাছে ছায়ার মত বোধ হইত। নিজের মন লইয়া নাড়াচাড়া করিয়াই সময় চলিয়া যাইত। দিনে দিনে বেশী করিয়া সে এই শ্রিয়দর্শন যুবকের প্রতি আকৃষ্ট হইয়া পড়িতেছে, তাহা ভাল করিয়াই বুঝিত, কিন্তু নিজেকে দমন করিতে পারিত না। ইহার পরিণাম যে কি হইবে, তাহা ভাবিয়া পাইত না। অনঙ্গও ত তাহার প্রতি আকৃষ্ট হইতেছে বলিয়া মনে হয়, কিন্তু স্থির করিয়া বলা যায় না। তাহা ছাড়া সে ভিন্ন সমাজের মানুষ, শুধু তার পছন্দ অপছন্দে হয়ত কিছুই আসিয়া যাইবে না। তাহার নিজের পিতা মাতাও মত করিবেন কি-না সন্দেহ, তবে করিতেও পারেন। অনঙ্গকে এখন যোগ্য পাত্র বলা যায় না বটে, কিন্তু কোনোদিনই কি সে যোগ্য হইবে না? মৈত্রেয়ী অপেক্ষা করিয়া থাকিতে পারে। এইরকম কত শত চিন্তা যে নিরন্তর তাহার মনকে ভারাক্রান্ত করিয়া রাখিত, তাহা সে ভিন্ন কেহই জানিত না।

সেদিন সকালবেলা বেড়াইতে বেড়াইতে তাহারা অনেক দূর নামিয়া গিয়াছিল। অখিলবাবু এবং মৈত্রেয়ীর মা ভরসা করিয়া বেশী দূর নামেন নাই। সন্তোষ আগে আগে ফাঁপা ছিঁড়িতে ছিঁড়িতে অগ্নির হইয়া চলিয়াছে। অনঙ্গ হঠাৎ বলিল, “ছুটিটা ত শেষ হয়ে এল।”

মৈত্রেয়ী বিষমভাবে বলিল, “হ্যাঁ, আমরা ত পরের সপ্তাহেই যাব।”

অনঙ্গ বলিবার আর কিছুই যেন খুঁজিয়া পাইতেছিল না। খানিক পরে বলিল, “তুমিই আমাদের কলিকাতায় থাকি, অথচ আলাপ হল বিশেষে এসে। কলিকাতাটা

সত্যিই মক্কাভূমি, সেখানে কোনো মানুষকে খুঁজে পাওয়া যায় না।”

মৈত্রেয়ী একটু হাসিয়া বলিল, “ইচ্ছা থাকলে বেশ খুঁজে পাওয়া যায়।”

অনঙ্গ বলিল, “শুধু ইচ্ছাতেই ত সব হয় না, উপায়ও ত থাকা চাই।”

মৈত্রেয়ী এ কথাটার নিজের মনোমত অর্থ ধরিয়া লইল, কিন্তু সন্তোষ তখন একরাশ ফাঁপ লইয়া আসিয়া হাজির হওয়াতে, আর কোনো কথা বলিবার সুবিধা হইল না।

অনঙ্গ স্তানিটেরিয়মে ভিড়িয়া খাওয়া দাওয়া সারিয়া, একটু বিশ্রাম করিবার জন্ত শুইয়া পড়িল। শুইয়া শুইয়া ভাবিতে লাগিল, সত্যি কলিকাতা গিয়া আর কি মৈত্রেয়ীর সঙ্গে তাহার দেখা হইবে, হইবেই বা কোথায়? এক যদি অধিলবাবু অনঙ্গকে তাঁহাদের বাড়ী যাওয়া আশা করিতে দেন। কিন্তু বিদেশে মানুষ যতখানি দিল খুলিয়া মেলামেশা করে, স্বস্থানে কিরিয়া গেলে, আর তাহা করে না। তাঁহাকে একবার বলিয়া দেখিবে না-কি? কিন্তু বেশী ঘনিষ্ঠতা করিয়া শেষে বিপদে পড়িবে না ত? গল্প উপস্থাসে ত কত রকম পড়া যায়। আচ্ছা, মৈত্রেয়ীর সঙ্গে তাহার বিবাহ হওয়া কি সম্ভব? হইলেও কি সে খুব খুশী হয়? ভাবিয়া কিছু সে ঠিক করিতে পারিল না। মৈত্রেয়ী যে তাহাকে ভালবাসিয়া ফেলিয়াছে, ইহা বৃত্তিতে তাহার দেরি হয় নাই এবং ইহাতে তাহার আত্মপ্রসাদের সীমা ছিল না। কিন্তু সেও কি মৈত্রেয়ীকে ভালবাসে? বোধ হয় না, বন্ধু এবং পূজারিণীরূপে তাহাকে জীবনে রাখিতে পারিলে অবশ্য সে খুশী হয়, কিন্তু নিজে তাহাকে হৃদয় দান করিতে চায় না। কলিকাতায় গিয়া পরের কথা পরে ভাবা যাইবে স্থির করিয়া সে ঘুমাইয়া পড়িল।

বিকালে আর সন্তোষদের দলে ভিড়িল না। আপন মনে জলাপাহাড় বাহিয়া উপরে উঠিয়া গেল। বড় একটা পাথরের উপর বসিয়া গুন্ গুন্ করিয়া গান ধরিয়া দিল। অনেক কিছু আজ ভাবিয়া স্থির করিবে মনে করিয়াছিল, কিন্তু কিছুই স্থির করা হইল না। কিরিয়া আসিতে সন্ধ্যা

হইয়া গেল। অল্পদিন এই সময় মৈত্রেয়ী এশ্রাজ বাজাইয়া গান করে, আজ দেখিল তাহার ঘরের দরজা বন্ধ। অনেক কারণটা বুঝিতে পারিল না, নিজের ঘরে ঢুকিয়া পড়িল।

ঢুকিয়াই প্রথম তাহার চোখ পড়িল, একখানা চিঠির উপর, তাহার টেবিলের উপর দোয়াত-চাপা অবস্থায় পড়িয়া আছে। তাহাকে আবার এখানে কে চিঠি লিখিল? অত্যন্ত কৌতূহলী হইয়া সে চিঠিখানা খুলিয়া পড়িতে আরম্ভ করিল। মৈত্রেয়ী লিখিয়াছে।

“আমাদের পরশু যাওয়াই স্থির হল। আমাদের ঠিকানা—নং আম্‌হাষ্ট ষ্ট্রিট। আমাদের পরিচয়টা এইখানেই শেষ হয়ে যায়, তা আমি চাই না, মনে হয় আপনিও চান না, তাই জানালাম। কলকাতায় আমাদের বাড়ী এলে খুব খুশী হব। কাল সারাদিন জিনিষ গোছানো নিয়ে ব্যস্ত থাকুব, হয়ত আপনার সঙ্গে কথা বলবার সুবিধা হবে না তাই চিঠিতে জানালাম।”

মৈত্রেয়ী।

চিঠি পড়িয়া অনঙ্গের বুক যেন দশ হাত ফুলিয়া উঠিল। যেয়েটি দেখি একেবারেই হৃদয় হারাইয়া বসিয়াছে। না হইলে নিজেই আগে চিঠি লেখে? চিঠি খানা যত্ন করিয়া সে বাজে রাখিয়া দিল, পরে কাজে লাগিবে। তাহার পর উত্তর লিখিতে বসিল। উত্তরটা এমন হওয়া চাই যাহাতে নিজেকে ধরা না দেওয়া হয়, অথচ মৈত্রেয়ীর মনে তাহার ছবিটা আরও গভীর হইয়া ফুটিয়া ওঠে। অনেক ভাবিয়া সে লিখিল।

‘আপনার চিঠি পেলাম। এইটাই সমস্ত মনপ্রাণ দিয়ে চাইছিলাম, কিন্তু মুখে চাইতে সাহস করিনি। এখানের পরিচয় এখানেই যদি শেষ হত, তা হলে সে দুঃখ আমি জীবনে ভুলতে পারতাম না। আপনাকে অনেক ধন্যবাদ। কাল সকালেই আমি গিয়ে দেখা করে আসব। আমিও শীগগিরই চলে যাব, এখানে আর আমার ভাল লাগবে না।’

অনঙ্গ।

চিঠিখানি অনেকবার করিয়া পড়িয়া তাহার বেশ

পছন্দ হইল। দেখানা মুড়িয়া রাখিয়া, তখন সহপাঠী এবং পরমবন্ধু অমৃতকে চিঠি লিখিতে বসিল। সমস্ত মনের প্রাণের কথা লিখিতে লিখিতে চিঠিখানা প্রকাণ্ড হইয়া গেল। এদিকে খাবার ঘণ্টা পড়িয়া গেল। এই জিনিষটিতে অনন্দের রুচি ছিল অসাধারণ, তাড়াতাড়ি চিঠি শেষ করিয়া সে উঠিয়া পড়িল। চাকরকে মাঝপথে দেখিয়া বলিল, “দেখ হে, আমার টেবিলের উপর দুখানা চিঠি রয়েছে, ডাকের খাম যেখানা, সেটা ডাকবাক্সে কেলে দাও, আর শাদা খামটা অখিলবাবুদের ঘরে দিয়ে এস।” চাকর চলিয়া গেল। খাইয়া দাইয়া অনঙ্গ ঘরে আসিয়া দেখিল চিঠিগুলি নাই। তাহার চিঠি পাইয়া মৈত্রেয়ী মনে মনে না জানি কি ভাবিতেছে, তাহাই আন্দাজ করিবার চেষ্টা করিতে করিতে অনঙ্গ ঘুমাইয়া পড়িল।

সকালেই সে বাহির হইয়া গেল। ইচ্ছা ছিল কিছুক্ষণ বেড়াইয়া, কিছু ফুল কিনিয়া আনিয়া সে মৈত্রেয়ীর সঙ্গে দেখা করিবে। আর একটা দিন মাত্র ত, এই-টারই যথাযোগ্য ব্যবহার করিতে হইবে। যখন বাহির হইয়া যাইতেছে তখন সন্তোষ দেখিতে পাইয়া ছুটিয়া আসিল, জিজ্ঞাসা করিল, “কোথায় যাচ্ছেন, একলা একলা?”

অনঙ্গ বলিল, একটু দরকার আছে, মাল ঘুরে জিনিষ দু-একটা কিনে ফিরব।”

মাল ঘুরিতে ঘুরিতে রোদ উঠিয়া পড়িল। অবজারভেটরি ছিল-এর পথের ধারে একটা বেঞ্চে বসিয়া সে নানা রকম জল্পনা-কল্পনা করিতে লাগিল। ফুল লইয়া গিয়া মৈত্রেয়ীকে সে কি বলিবে? তাহার বাবা মা যদি আবার সব জানিতে পারিয়া অনঙ্গকে চাপিয়া ধরেন, তাহা হইলেই বিপদ। অল্প বয়সী মেয়েকে ইচ্ছামত চালান যায়, কিন্তু বুড়ো বুড়ীর হস্ত হইতে নিস্তার পাওয়া শক্ত।

হঠাৎ রাস্তার দিকে চাহিয়া সে চমকিয়া সোজা হইয়া বসিল। কে ঐ মেয়েটি দ্রুতপদে তাহার দিকে অগ্রসর হইয়া আসিতেছে? মৈত্রেয়ী, না? মৈত্রেয়ীই বটে, সেই চলন, সেই পরিচিত কমলা রং-এর শালের

শাড়ী, সেই হাতে ওয়াকিং ষ্টিক্ পর্য্যন্ত। বেশী উচুতে উঠিতে হইলেই মৈত্রেয়ী এই ছড়িটি লইয়া যাইত ইহার জন্ত বন্ধুবান্ধব সকলে তাহাকে ক্লেপাইত। অনঙ্গ গা ঝাড়া দিয়া ঠিক হইয়া বসিল। মেয়েটি একেবারেই মজিয়া গিয়াছে, না হইলে এমন করিয়া ছুটিয়া আসে? এখন ইচ্ছা করিলে অনঙ্গ তাহাকে যে দিকে খুসী চালাইতে পারে। কিন্তু আর যে সময় নাই।

মৈত্রেয়ী কাছে আসিয়া পড়িল। অনঙ্গ দেখিল তাহার মুখ অস্বাভাবিক রকম উত্তেজিত। মনে মনে ভাবিল, তা হইতেই পারে, এই সকল ব্যাপারে মেয়েরা সর্বদাই বেশী বিচলিত হয়।

মৈত্রেয়ী সামনে আসিতেই সে উঠিয়া দাঁড়াইয়া বলিল, “একলাই বেরিয়েছেন যে?”

মৈত্রেয়ী গম্ভীর মুখে বলিল, “একলা বেরনোই আজ দরকার ছিল।”

অনঙ্গ একটু বিস্মিত হইল। এতখানি গম্ভীর হওয়ারই কি দরকার ছিল? অন্ততঃ অনন্দের সামনে ত হাসা যায়? একটু ইতস্ততঃ করিয়া বলিল, “বসুন না, দাঁড়িয়ে রইলেন কেন? আমার চিঠি পেয়েছিলেন?”

এতক্ষণ পরে মৈত্রেয়ীর মুখে হাসি দেখা দিল।

কিন্তু সে হাসিটাও যেন কেমন কেমন। বেশ কঠিন স্বরে বলিল, “চিঠি পেয়েছি বই কি। তার উত্তর দিতেই ত এলাম।”

অনঙ্গ জিজ্ঞাস্যদৃষ্টিতে তাহার দিকে চাহিল মায়, সে হাতের ছড়ি দিয়া সজোরে তাহার মুখে আঘাত করিল। “বাপরে” বলিয়া চাদরে মুখ চাপিয়া ধরিয়া অনঙ্গ সেইখানে বসিয়া পড়িল। চাদরটা দেখিতে দেখিতে রক্তের ছোপে ভরিয়া উঠিল। একজন বাঙালী বৃদ্ধ রাস্তা দিয়া যাইতেছিলেন, তিনি ভীত দৃষ্টিতে এই অদ্ভুত মাছুর দুইটির দিকে চাহিয়া যথাসম্ভব দ্রুত গতিতে অন্তর্হিত হইয়া গেলেন।

মৈত্রেয়ী বলিল, “এই আপনার চিঠির উত্তর। দুঃখের বিষয় আপনি আমাকে যে চিঠিটা লিখেছিলেন, সেটা আমি পাইনি, পেয়েছি অমৃতকে লেখা চিঠিটা

তাড়াতাড়িতে, খামের ঠিকানা অদলবদল হয়ে গিয়েছিল। অনঙ্গবাবু, আমি কালো এবং খাদ্য বটে, কিন্তু কালো হাতেও জোর থাকে এবং খাদ্য মেয়েরও আত্মমর্যাদা থাকে, সেটা বুঝে রাখা ভাল। আমাকে নিয়ে মাছের মত খেলাবার ইচ্ছা আপনার ছিল, না? কিন্তু আমরাও বাদর ট্রেন করবার যোগ্যতা রাখি। যে রূপের এত গর্ব আপনার, সেটার একটু খুঁং হয়ে গেল। ভবিষ্যতে একটু সাবধান হতে পারবেন, আয়নার দিকে চাইলেই। চললাম।”

মৈত্রেয়ী ক্ষতপদে চলিয়া গেল। তাহার চোখে যে জল ভরিয়া উঠিল, তাহা দেখিবার কোনো মাহুৎ সেখানে ছিল না।

অনঙ্গ সেই দিনই কলিকাতায় ফিরিয়া আসিল। মেসে গেল না, হাওড়ায় বাড়ীতে গিয়া উঠিল।

মা ছুটিয়া আসিয়া বলিলেন, “ওমা, সর্বনাশ, একি হয়েছে রে?”

অনঙ্গ বলিল, “পাথরের উপর আছাড় খেয়ে কেটে গেছে মা।”

রবীন্দ্র-বন্দনা

শ্রীমুখলচন্দ্র মুখোপাধ্যায়

অতঃপর রজনী শুধু ধরণীর আবিষ্ট নয়নপানে চাহি,
নিঃশব্দে গণিতেছিল কাকলী-কল্লোল! কে উঠিল অবগাহি,
বৈশাখ-বন্ধুর বেশে,—তমসার বক্ষ হ’তে গৌরবী সে রবি,
জ্যোতির কমলবাহী!—গানে গানে তরঙ্গিল অধীর
জাহ্নবী।

বৃন্দ বিচূর্ণ হ’ল মন্থান্ত-হরষে; নীলকান্ত পারাবার,
আপন মহিমা গেল ভুলি! বেদনায় বিবর্ণ সে মণিহার,
বক্ষে নিল টানি! রাগিণী ধরিল কায়া স্বপন-গহনে,
চেতনার প্রান্ত হ’তে! প্রণাম থমকি গেল যেন অন্তর্যমেনে।

তারি তরে বুঝি কোন্ ইন্দ্রাণীর বরমালা যুগ যুগ ধরি
সঞ্চিত রয়েছে আজো। কবে শুনেছিহু তার চঞ্চল বাঁশরী,
উল্লাস-প্রান্তর-শেষে, বেগবন-শিহরিত মৃগর নৃপরে।
প্রতি পরমাণু তার, বিশিষ্ট কেশর-ঝরা অশ্রুট অঙ্কুরে,
পরাগে, রেণুতে যেন পরতে পরতে আছে মিশি! তারি দল
চূড়া করি বাঁধিয়াছে রক্তিম ললাটে। স্বচ্ছ শুভ্র শতদল
হাসি যেন মানসের জলে! অশ্রুভারে নমিত চাহনি,
অঙ্ককারে, শিশিরে শিহরে যেন! এলোকেশী রূপসী রজনী,
তারকায়, পদ্মধনি শোনে যেন কার!—যা’রে সে
ফিরায়ে দেছে,
কি নিহুঁর অপমানে! কানে কানে আসি, তার কে
যেন কয়েছে
‘আসিবে সে রাজবেশী কোনোদিন! অজ্ঞানের উদ্ভ্রান্ত
সমীরে,
আজো তবু সে-যৌবন-মালাবধু, প্রতিরাতে বুরিছে
শিশিরে।

মহেশ্বরের অভিযানে,—প্রতিদিন প্রভাতের অরুণ-পাখায়,
কে যেন বর্ণিয়া যায় নীল আলোপন! দূরে,—শিরীষ-শাখায়,

শিরায় শোণিতে কাঁপে স্বর! রহি রহি বাজি উঠে করতাল,
প্রান্তরের তীর-প্রান্তে পথ-বৈরাগীর। দাড়িষ, শিমূল, শাল,
আত্মবন-কুঞ্জবীথি মন্ত্র জপে হৃগন্তীর, নীরব বন্দনে।
সাজিল মাধবী নারী বর্ণগীতি-রঞ্জিমায় স্বরভি-চন্দনে।
যে-রজনী স্বর্ধা-বিরহিতা, তারি ভাষা পড়িয়াছি স্বর্ণাক্ষরে,
প্রভাতের রক্তিম লঙ্কার রাগে। স্বন্দরের মন্দির-চত্বরে,
জ্যোতির আলিম্প আজো আঁকি যায় বনলক্ষ্মী

অরুণ-কুসুম।
নবীন মঞ্জরীজল দেবীর তুলসী-মঞ্চে নিত্য যায় চুম্বে,
সঙ্ক্যার আবীর-বর্ণে, কম্পিত শ্রামলশোভা।
উজ্জ্বল বিস্তারিয়া!

নির্বাকের বাণী-রূপ, দিল আসি রাখী ভোর স্বহস্তে বাঁধিয়া,
মানবে করিয়া মুগ্ধ! শুভ্র যুথী পড়ে আছে মন্দির-দুয়ারে,
অশ্রুর শিশিরে স্নান! দূরে নীল ছল ছল যমুনার পারে,
সিক্ত বায়ুঝাসে আজো কাঁদি উঠে মর্ষরের

সোপান-বেদিকা।
নিজিত মাটির ঘরে জাগি’ আছে নয়নের শাস্ত্র লীপশিখা,
নিগিমেব! উজ্জ্বল জাগে আকাশের সৌমাহীন সুনীল প্রসার,
কুণ্ঠিতা কল্পনা-বধু, রোমাঞ্চিয়া খুলে দেয় গুণ্ডন তাহার!
যে-গান শুঞ্জরি উঠে রজনীর কম্পমান অশ্রুট কমলে,
তারি ছন্দে, লিখিলে স্বর্ধ্যের লেখা। কি সে মহা

প্রতিভা-কৌশলে,
গৌরব দানিলে তারে! উন্মত্ত সে ধ্বজ্জটির পিঙ্গল জটায়,
জাহ্নবী-তরঙ্গ-ধারে ভরি দিলে নৃত্যলোল রশ্মির ছটায়,
গুপ্তিত অমর-ধরা! গোপালির ছায়াশীর্ণ, স্পন্দহীন গ্রাম,
অপ্নে মোরে নিল টানি?—তারি ধ্যানে লহ মোর
নিঃশেষ প্রণাম!

কষ্টি পাথর



শ্রীশিক্ষা-বিস্তারে পণ্ডিত ঈশ্বরচন্দ্র বিদ্যাসাগর

এক সময়ে শ্রীশিক্ষার কথা শুনিলে আমাদের রক্ষণশীল দেশবাসী ভীত হইয়া পড়িত। ছেলেদের মত মেয়েদেরও যে শিক্ষা দেওয়া প্রয়োজন ইহা তাহারা ভুলিয়া গিয়াছিল। রামমোহন রায় প্রথম মনে করাইয়া দিলেন জীলোক বুদ্ধিহীন নহে। তিনি লিখিলেন,—

“জীলোকের বুদ্ধির পরীক্ষা কোন্ কালে লইয়াছেন, যে অনায়াসেই তাহারদিগকে অল্পবুদ্ধি কহেন? কারণ বিদ্যা শিক্ষা এবং জ্ঞান শিক্ষা দিলে পরে ব্যক্তি যদি অমৃত্যু ও গ্রহণ করিতে না পারে, তখন তাহাকে অল্পবুদ্ধি কহা সম্ভব হয়; আপনারা বিদ্যা শিক্ষা জ্ঞানোপদেশ জীলোককে প্রায় দেন নাই, তবে তাহারা বুদ্ধিহীন হয় ইহা কিরূপে নিশ্চয় করেন?”

বিদ্যাসাগর কষ্টী। তিনি বাহা ভাল বলিয়া বৃথিতেন তাহা কারো পরিণত না করিয়া ছাড়িতেন না। তিনি জানিতেন, শাস্ত্রের নির্দেশ ভিন্ন দেশবাসী এক পাও অগ্রসর হইবে না। “কস্তাপোষ পালনীয়া শিক্ষণীয়ত্বতঃ;” পুত্রের মত কস্তাবেশুও যত্নের সহিত পালন করিতে এবং শিক্ষা দিতে হইবে। শাস্ত্রবচনকে মূলমন্ত্র করিয়া বিদ্যাসাগর শ্রীশিক্ষা প্রচলনে ব্রতী হইলেন।

১৮৫০ খৃষ্টাব্দের পূর্বে ভারতবর্ষীর নারীদিগের মধ্যে শিক্ষা-বিস্তার সরকার নিজের কর্তব্যের অন্তর্গত বিষয় বলিয়া মনে করিতেন না। ইতিপূর্বেই কিন্তু রাজা রাধাকান্ত দেব প্রমুখ কয়েকজন সম্রাট মহোদয় এবং খৃষ্টান মিশনারীগণ শ্রীশিক্ষার কিছু হুচনা করিয়া রাখিয়া ছিলেন। ১৮৪৯ খৃষ্টাব্দে কলিকাতার ভারত-হিউম্যান ড্রিকওয়ার্টার বীটন কর্তৃক একটি বালিকা বিদ্যালয় স্থাপিত হয়। পূর্বে ইহার নাম ছিল—হিন্দু বালিকা-বিদ্যালয়; পরে ‘বীটন নারী বিদ্যালয়’—এই নূতন নামকরণ হয়। গোড়া হইতেই বিদ্যাসাগরকে সহকর্মী এবং উৎসাহী বন্ধুরূপে পাইবার সৌভাগ্য বীটন সাহেবের ঘটিয়াছিল। শিক্ষা-পরিষদের সভাপতিরূপে বীটন বিদ্যাসাগরের সহিত এখন পরিচিত হন। ঈশ্বরচন্দ্রকে একজন অগ্রান্তকর্মী গুণী ব্যক্তি বলিয়াই তাঁহার দারুণ জয়িরাছিল, তাই তিনি বিদ্যাসাগরকেই বিদ্যালয়ের অষ্টমিতিক সম্পাদক-রূপে কাজ করিবার জন্ত ধরিলেন (ডিসেম্বর, ১৮৫০)। আচার্যবন্ধ দেশবাসীকে সচেতন করিয়া তুলিবার জন্ত বিদ্যাসাগর বিদ্যালয়ের বালিকাদের গাড়ীর দুইপাশে “কস্তাপোষ পালনীয়া শিক্ষণীয়ত্বতঃ”—অমৃত-হিতার এই লোকোপদেশ খোদিত করিয়া দিবার ব্যবস্থা করিয়াছিলেন।

কিছুদিন পরেই বীটন পরলোকগত হন (১২ আগষ্ট, ১৮৫১)। পরবর্তী অক্টোবর মাস হইতে লর্ড ডালহাউসি বিদ্যালয়-পরিচালনাৎ সমস্ত খরচ বহন করিতে লাগিলেন। লর্ড সাহেবের বিদায়গ্রন্থের (মার্চ, ১৮৫৬) পর হইতে ইহা সরকারী ব্যয়ে পরিচালিত সরকারী বিদ্যালয়ে পরিণত হইল এবং বঙ্গের ছোটলাট ইহাকে সিসিল বীটনের তত্ত্বাবধানে স্থাপিত করিলেন। ১৮৫৬, ১২ই আগষ্ট তারিখের পক্ষে বীটন সাহেব বাংলা-সরকার সর্বোপে এক ব্যবস্থা পেশ করিলেন। এই বিদ্যালয়ের উদ্দেশ্য ও গুণ্ডিত বাহাতে উল্লেখ্য

হিন্দুদের নজরে বিশেষ করিয়া পড়ে এবং তাহারা বাহাতে এই বালিকা-বিদ্যালয়ে কস্তাদের পড়াইতে প্ররোচিত হন, এইরূপ ব্যবস্থার প্রস্তাব সেই পক্ষে ছিল। একটি কমিটি করিবার প্রস্তাবও পক্ষে ছিল। কমিটির সমস্তরূপে রাজা কালীকৃষ্ণ দেব বাহাদুর, রায় হরচন্দ্র ঘোষ বাহাদুর, রমা-প্রসাদ রায় এবং কালীপ্রসাদ ঘোষ প্রভৃতির নাম উল্লিখিত হয়। বিদ্যাসাগরকে সম্পাদক করিয়া তাঁহার উপর স্কুলের তত্ত্বাবধানের ভার দিবার জন্ত বীটন ব্যগ্র হইলেন। তিনি ছোটলাটকে লিখিলেন :—“কমিটির সম্পাদক-নিয়োগে পণ্ডিত ঈশ্বরচন্দ্র শর্মাকেই উপযুক্ত ব্যক্তি বলিয়া মনে করিতে পারেন। তাঁহার সামাজিক সম্মান ও স্কুলের সম্পাদক হিসাবে পূর্ব পরিচয় তাঁহার যোগ্যতা সপ্রমাণ করে।”

বাংলা-সরকার সম্মত হইলেন। বীটন সাহেব কমিটির সভাপতি ও বিদ্যাসাগর সম্পাদক নির্বাচিত হইলেন।

ড্রিকওয়ার্টার বীটনের মত বিদ্যাসাগরও শ্রীশিক্ষার অত্যন্ত পক্ষপাতী ছিলেন; তিনিও মনে করিতেন শ্রীশিক্ষা ভিন্ন দেশের উন্নতি নাই। কিন্তু তাহার উৎসাহ ও কর্মীত্বা শুধু বীটন স্কুলের কাজের মধ্যেই আবদ্ধ ছিল না।

১৮৫৪ খৃষ্টাব্দের বিখ্যাত পক্ষে ও অজ্ঞত বিলাতের কর্তৃপক্ষেরা শ্রীশিক্ষা সম্পূর্ণভাবে সমর্থন করিবার অভিপ্রায় প্রকাশ করেন। ভারতবর্ষে শ্রীশিক্ষার বিস্তার এক সমস্তা। সেই সমস্তা-সমাধানের উপায় বহুল পরিমাণে বালিকা-বিদ্যালয় স্থাপন। ১৮৫৭ খৃষ্টাব্দের গোড়ার দিকে বাংলা দেশে ছোটলাট হালিডে সেই কাজে হাত দিলেন। তিনি বিদ্যাসাগরকে ডাকাইয়া পাঠাইলেন। বিদ্যাসাগর তখন সংস্কৃত কলেজের অধ্যাপক এবং দক্ষিণ-বাংলার বিদ্যালয়সমূহের স্পেঞ্জল ইন্সপেক্টর। হালিডে তাঁহার সহিত এ-সম্বন্ধে খোলাখুলিভাবে আলোচনা করিলেন। এ কাজ কত কঠিন সে কথা তাহাদের অজ্ঞাত ছিল না। সাধারণ বালিকা-বিদ্যালয়ে নিজেদের মেরে পাঠাইতে সম্ভ্রান্ত হিন্দুদের মনে কতটা যে অনিচ্ছা আছে, তাহা তাহারা ভালরূপেই বৃথিতেন। বাহা ইটক, বিদ্যাসাগরের দুঢ়বিষাস ছিল, উৎসাহ ও উদ্যমের সহিত কাজে লাগিলে একরূপ সংকার্যে জনগণের সহানুভূতি আকর্ষণ করা খুব কঠিন হইবে না।

নভেম্বর, ১৮৫৭ হইতে মে, ১৮৫৮—এই কয় মাসের মধ্যে বিদ্যাসাগর নিজ এলাকাভুক্ত চারিটি জেলার ৩৫টি বালিকা-বিদ্যালয় স্থাপন করেন; তদ্ব্যতী হুগলী জেলার বিভিন্ন গ্রামে ২০টি, বর্ডমান জেলার ১১টি, মেদিনীপুরে তিনটি, ও নবীরার একটি। বিদ্যালয়গুলির জন্ত মাসে ৮৫৫ টাকা খরচ হইত; ছাত্রী-সংখ্যা ছিল প্রায় ১,০০০।

১৮৫৮, ১৩ই এপ্রিল বাংলার ছোটলাট ভারতসরকারের কাছে রিপোর্ট পাঠাইলেন,—পূর্বে ও দক্ষিণ বাংলার বিভিন্ন গ্রামে যে-সকল বালিকা-বিদ্যালয় প্রতিষ্ঠা করিবার প্রস্তাব হইয়াছে, তদ্ব্যতী ২০টি বিদ্যালয়ের সম্পর্কে শিক্ষা-বিভাগের ডিরেক্টরের নিকট হইতে সাহায্যের জন্ত দরখাস্ত আসিয়াছে। সরকারী সাহায্যপ্রাপ্ত সমস্ত বিদ্যালয় নিয়মাবলী আর একটু টিলা না হইলে তিনি দরখাস্ত মঞ্জুর করিতে

পারেন না। তিনি দেখাইলেন, ১৮৬৫, ১লা অক্টোবর তারিখের পত্রে বিলাতের কর্তৃপক্ষ আশা দিয়া বলিয়াছেন যে, বালিকা-বিদ্যালয়গুলির ছাত্রীদের নিকট হইতে মাছিনা লওয়া হইবে না। কিন্তু তৎসঙ্গেও ছোটলাট মনে করেন, আরও কিছু করা দরকার। তাই তিনি প্রস্তাব করিলেন, যখনই বালিকা-বিদ্যালয়ের জন্য নিখরচায় উপযুক্ত গৃহ এবং অন্ততঃ কুড়িটি ছাত্রী ভুক্তি হইবে এমন একটা আশা পাওয়া যাইবে, তখনই স্কুল-পরিচালনার সমস্ত খরচ সরকার সরবরাহ করিবেন।

১৮৬৮, ৭ই মে তারিখের পত্রে ভারত-সরকার বালিকা-বিদ্যালয় সম্পর্কে সরকারী সাহায্যের নিয়মাবলীর ব্যতিক্রম করিতে অস্বীকৃত হইলেন; বলিলেন, উপযুক্ত পরিমাণে খেজারদস্ত সাহায্য না পাওয়া গেলে এরূপ বিদ্যালয় প্রতিষ্ঠিত না হওয়াই ভাল।

ভারত-সরকারের এইরূপ আদেশ বিদ্যাসাগরের কাজে একান্ত বাধা জন্মাইল। সরকারের অনুমোদন পাওয়া যাইবেই, এই মনে করিয়া বিদ্যাসাগর অনেকগুলি বালিকা-বিদ্যালয় স্থাপন করিয়াছিলেন। অবশ্য কথা ছিল, স্থানীয় অধিবাসীরাই উপযুক্ত বিদ্যালয়-গৃহ নির্মাণ করিয়া দিবে, আর সরকার অল্প-সব খরচ যোগাইবেন। পণ্ডিত এখন বুঝিলেন, তাঁহার সমস্ত পরিশ্রম বার্থ হইয়াছে, এত কষ্টের স্কুলগুলি অবিশেষে উঠাইয়া দিতে হইবে।...

১৮৬৮, নভেম্বর মাসে বিদ্যাসাগর সরকারী চাকরি হইতে অবসর গ্রহণ করিয়াছিলেন। মাসিক ৫০০ টাকার আয় হ্রাস, সরকারের সাহায্যদানে অসম্মতি,—এ-সব কিছুতেই তৎপ্রতিষ্ঠিত বিদ্যালয়গুলির ভবিষ্যৎ সম্বন্ধে বিদ্যাসাগরকে নিরাশ করিতে পারিল না। বালিকা-বিদ্যালয়গুলির পরিচালনের জন্ত তিনি এক নারীশিক্ষা-প্রতিষ্ঠান ভাঙার খুলিলেন। ইহাতে পাইকপাড়ার রাজা প্রতাপচন্দ্র সিংহ রায় প্রমুখ বহু সম্ভ্রান্ত দেশীয় ভূস্বামীক এবং উচ্চতন সরকারী কর্মচারীরা নিম্নমিত টাকা দিতেন।...

আগেই বলিয়াছি, ১৮৬৬ আগষ্ট মাসে বিদ্যাসাগর বীটন-স্কুল-কমিটির সম্পাদকের পদ গ্রহণ করেন। ১৮৬৪ জামুয়ারি মাসে তিনি উক্ত কমিটির সভ্য নির্বাচিত হন। তাঁহাকে নানা কাজে ব্যাপৃত থাকিতে হইত, কাজেই সময় তাঁহার বেশী ছিল না, তবুও বীটন-বিদ্যালয়ের উন্নতির জন্ত তিনি যথেষ্ট চেষ্টা করিতেন।

মিস মেরী কার্পেটারের নাম এদেশে মানব-হিতৈষী কণ্ঠ্য ও ভারত-বন্ধু বলিয়া হুপরিজ্ঞাত। ১৮৬৬ গুণ্ডামের শেষার্ধ্বে তিনি কলিকাতায় আসেন। ভারতবর্ষে নারীশিক্ষার প্রচার ছিল তাঁহার প্রাণের ইচ্ছা। বিদ্যাসাগর যে নারীশিক্ষা-বিভাগে কার্যে একজন বড় কণ্ঠ্য, একথা হৃদয়িত। মিস কার্পেটার কলিকাতা পৌছিয়াই পণ্ডিতের সহিত পরিচিত হইবার জন্ত ব্যগ্র হইয়া উঠিলেন। শিক্ষা-বিভাগের ডিরেক্টর অ্যাটকিনসন সাহেব বীটন-বিদ্যালয়ে মিস কার্পেটারের সহিত পণ্ডিতের পরিচয় করাইয়া দিলেন। প্রথম আলোপেই উভয়ের মধ্যে বন্ধুত্ব স্থাপিত হইল।...

একদল দেশীয় শিক্ষয়িত্রী গড়িয়া তুলিবার উদ্দেশ্যে আপাততঃ বীটন-বিদ্যালয়েই একটি নর্দাল স্কুল স্থাপিত করিবার জন্ত মিস কার্পেটার আন্দোলন উপস্থিত করিলেন। কেশবচন্দ্র সেন, বিজ্ঞেন্দ্রনাথ ঠাকুর, এম-এম, ঘোষ প্রমুখ এদেশীয় জনকরেক গণ্যমান্য লোক এই আন্দোলনের সপক্ষে ছিলেন। মিস কার্পেটারের সহিত তাঁহার প্রস্তাবের উচিতা বিবেচনা করিয়া দেখিবার জন্ত তাঁহাদের চেষ্টায় ব্রাহ্মসমাজে একটি সভার আয়োজন হয় (১ ডিসেম্বর, ১৮৬৬)। বিদ্যাসাগরও ইহাতে আহ্বত হইয়াছিলেন। এই সভায় যে কমিটি

গঠিত হয়, বিদ্যাসাগর তাহার একজন সভ্য নির্বাচিত হন। স্থির হয়, কমিটি প্রস্তাবিত নর্দাল স্কুল স্থাপন বিষয়ে সরকারের নিকট আবেদন করিবেন। সভার কার্যাবলী সম্বন্ধে অসম্ভট হইয়া বিদ্যাসাগর কমিটিভুক্ত থাকিতে অস্বীকার করেন;...

১৮৬৭, ১লা সেপ্টেম্বর একখানি দীর্ঘপত্রে বাংলার ছোটলাট স্তর উইলিয়ম গ্রে এ-বিষয়ে বিদ্যাসাগরের মতামত জিজ্ঞাসা করিয়া পাঠাইলেন। এ-প্রস্তাবে পণ্ডিত সম্মত হইতে পারিলেন না। তিনি উত্তরে ছোটলাটকে লিখিলেন,—

“আপনার সহিত শেষ সাক্ষাতের পর আমি বহু অনুসন্ধান করিয়াছি এবং ব্যাপারটি বিশেষরূপে ভাবিয়া দেখিয়াছি। কিন্তু দুঃখের সহিত জানাইতেছি, বীটন-বিদ্যালয়েই হোক বা স্বতন্ত্রভাবেই হোক, হিন্দু-সমাজের গ্রহণোপযোগী একদল দেশীয় শিক্ষয়িত্রী তৈয়ারী করিবার জন্ত মিস কার্পেটার যে-উপায় অবলম্বন করিতে চান, তাহা কার্যে পরিণত করা কঠিন,—এ বিষয়ে আমার মত পরিবর্তিত হয় নাই। বস্তুতঃ, সমাজের বর্তমান অবস্থা ও দেশবাসীর মনোভাব এরূপ প্রতিষ্ঠানের পরিপন্থী; বর্তই ভাবিতেছি, আমার এ ধারণা ততই দৃঢ়তর হইতেছে। ইহা যে সাফল্যলাভ করিবে না, সে বিষয়ে আমি নিঃসন্দেহ, সেই হেতু সরকারকে সাক্ষাৎভাবে এ কাজে নামিতে আমি কোনমতেই পরামর্শ দিতে পারি না। সম্ভ্রান্ত হিন্দুরা যখন অবরোধ-প্রণাভ করিয়া দল-এগারো ঘরের বিবাহিতা বালিকাদেরই বাড়ি হইতে বাহির হইতে দেয় না, তখন তাহারা বয়স্ক আত্মীয়দের শিক্ষয়িত্রীর কার্য গ্রহণ করিতে কিরূপ সম্মতি দিবে, তাহা সহজেই বুঝিতে পারিতেছেন। কেবল অসহায় অনাথা বিধবাদেরই এ-কার্যে পাওয়া যাইতে পারে। নৈতিক দিক দিয়া শিক্ষাকার্যে তাহারা কতদূর উপযুক্ত হইবে, সে বিচার করিতেছি না, তবে ইহা নিঃসন্দেহ যে, অন্তঃপুর ছাড়িয়া সাধারণ শিক্ষয়িত্রীর কাজে নামিয়াছে বলিয়াই তাহারা সন্দেহ ও অবিশ্বাসের পাতী হইবে; ফলে এই অনুষ্ঠানের সাধু উদ্দেশ্য বার্থ হইবে।”

“মেয়েদের শিক্ষার জন্ত স্ত্রী-শিক্ষয়িত্রীর আবশ্যকতা যে কতটা অভ্যন্তর এবং প্রয়োজনীয় তাহা আমি বিশেষ জানি,—একথা আপনাকে বলা বাহুল্য। আমার দেশবাসীর সামাজিক কুসংস্কার যদি অলঙ্ঘনীয় বাধারূপে না দাঁড়াইত, তাহা হইলে আমিই সকলের আগে এ-প্রস্তাব অনুমোদন করিতাম এবং ইহাকে কার্যকর করিবার জন্ত আন্তরিক সহযোগিতা করিতে কুণ্ঠিত হইতাম না। কিন্তু যখন দেখিতেছি, সাক্ষ্যের কোনোই নিষ্ফলতা নাই এবং এ-কার্যে হস্তক্ষেপ করিলে সরকার অনর্থক অশ্রীতিকর অবস্থার পড়িবেন, তখন কোনমতেই আমি এ ব্যাপারে পোষকতা করিতে পারি না।” (১ অক্টোবর ১৮৬৭)

কিন্তু বাংলা সরকার মিস কার্পেটারের কল্লিত ব্যবস্থার অনুমোদন করিলেন। শীঘ্র ইহা পরীক্ষা করিয়া দেখিবার সুযোগও ঘটিল।

ব্যয়সংক্ষেপ করা হইবে, কার্যকারিতাও বাড়িবে, এইরূপ প্রয়োজনসাধনার্থ সরকার প্রস্তাবিত নর্দাল স্কুল ও বীটন স্কুল একই প্রতিষ্ঠানের মধ্যে যোগ করিয়া দিলেন। মাসিক তিন শত টাকা যেতনে তিন বৎসরের জন্ত মিসেস ব্রিটশে নামে এক মহিলা বীটন ও নর্দাল স্কুলের হুপারিটেণ্ডেন্ট নিযুক্ত হইলেন (২৭ জামুয়ারি, ১৮৬৭)। বীটন-স্কুল-কমিটি ভাঙিয়া গেল। শিক্ষা-বিভাগের ডিরেক্টর কমিটি সদস্যদের—বিশেষভাবে কমিটির হৃদয় সম্পাদক বিদ্যাসাগরকে—তাঁহাদের অতীত সাহায্যের জন্ত ধন্যবাদ দিলেন।

বিদ্যাদাগর এই নতুন ব্যবস্থা সম্বন্ধে বিশেষ আশা পোষণ করিতেন না সত্য, কিন্তু চাহিষ্যামাত্র কর্তৃপক্ষকে সাহায্য করিতে ক্রটি করিতেন না।

শেষে কিন্তু বিদ্যাদাগরের কথাই ফলিল। তিন বৎসর ধরিয়া পরীক্ষা করিবার পরও বীটন-বিদ্যালয় সংশ্লিষ্ট নর্দাল স্কুলটি সফলতা লাভ করিল না। পরবর্তী ছোটলাট শুর কর্জ কাম্পবেল উহা ডুলিয়া দিবার আদেশ দিলেন। ১৮৭২, ৩১এ জানুয়ারির পর হইতে ফিমেল নর্দাল স্কুলটি বন্ধ হইয়া গেল।

শ্রীশিক্ষা সম্বন্ধে বিদ্যাদাগরের কার্যাবলীর এই সংক্ষিপ্ত বিবরণ হইতেই বুঝা যাইবে, বাংলা দেশে শ্রীশিক্ষার বিস্তারে তাহার কি উদ্যোগ ও আগ্রহই না ছিল।

বঙ্গলক্ষ্মী—মাঘ, ১৩০৭ খ্রীঃজন্মদাতা বন্দ্যোপাধ্যায়

বাংলায় হিন্দু রাজত্বের শেষ যুগ

...তবকাং-ই-নাসিরীর বিবরণ হইতেই আমরা বেশ বৃষ্টিতে পারি যে, মহম্মদ খিল্জি লক্ষ্মণাবতীর চারিদিকের খানিকটা জায়গার বেশি অধিকার করিতে সমর্থ হন নাই; গঙ্গাতীর হইতে উত্তর দিকে দেবকোট পর্যন্ত তাঁর দখলে আসিয়াছিল, কিন্তু গঙ্গার দক্ষিণে রাঢ়ের অন্তর্গত লখনৌর জাগাটিও তিনি দখল করিতে পারেন নাই; সুতরাং মহম্মদ খিল্জির সময়ে সমস্ত বাঙলার দেশের অতি সামান্য অংশ নাত্র মুসলমানের হস্তগত হইয়াছিল; বাকি সমস্ত অংশই হিন্দুদের হাতেই ছিল—কিন্তু কোন্ বাণেশের কোন রাজার হাতে ছিল তা আমরা নিশ্চয়ই জানি না; সম্ভবতঃ সেন রাজাদের হাতেই ছিল। মিন্‌হাজ বলেন, লক্ষ্মণসেন নব্বীপ জাড়িয়া সীকানাৎ ও বড়দেশে চলিয়া গেলেন। বড় বালিতে পূর্ববঙ্গ ব্যুহ; কিন্তু সীকানাৎ বালিতে কোন্ জায়গা খোঁষায় জানি না—নব্বীপের নিকটবর্তী কোনো জায়গা হইতে পারে।

লখনৌতীর চতুর্থাৎ মালিক গিয়াস-উদ্দীন ইবজই (১২১১-১২২৬ খৃঃ) সর্ব-প্রথম গঙ্গার দক্ষিণতীরে উত্তর রাঢ়ে সেন রাজাদের রাজ্য হস্তগত করিয়া মুসলমানের অধিকার বিস্তার করিতে সমর্থ হইয়াছিলেন বলিয়া মনে হয়। তিনি উত্তর রাঢ়ের অন্তর্গত লখনৌর নগর হইতে গঙ্গাতীরবর্তী লখনৌতীর ও বরেন্দ্রহুমির অন্তর্গত দেবকোট পর্যন্ত একটি রাজপথ নিৰ্ম্মাণ করাইয়াছিলেন। সুতরাং দেবকোট হইতে লখনৌর পর্যন্ত সমস্ত জায়গা এবং তার পার্শ্ববর্তী জায়গা মাত্রই সে-সময়ে মুসলমানের অধীন ছিল এমন মনে করা যায়। দক্ষিণ রাঢ় ও বাঙলার বাকী সমস্ত অংশই হিন্দু রাজার অধীন ছিল বলিয়া অনুমান করা ছাড়া উপায় নাই।

উত্তর রাঢ়েরও সমস্ত অংশ সে-সময় পর্যন্ত বিজৈতার করতলগত হয় নাই; কারণ মুগীস-উদ্দীন মুজব্ব-এর (১২৪৬-১২৭৫ খৃঃ) আমলেই নগরীপ সর্বপ্রথম স্থায়ীভাবে বিজিত হইয়াছিল।...আর দিল্লীর হুলতান গিয়াস-উদ্দীন বলুবনের পৌত্র রুক্ম-উদ্দীন কৈকাউস-এর (১২৯১-১৩০২ খৃঃ) আমলেই সর্বপ্রথম দক্ষিণ বঙ্গের প্রধান নগর সপ্তগ্রাম পরহস্তগত হয়। কাজেই দেখিতেছি, মহম্মদ খিল্জির বাঙলার পদাধিপত্যের পর আরও প্রায় একশো বছর সপ্তগ্রাম মুসলমানের অধীন হয় নাই। কিন্তু এই এক শো বছর সপ্তগ্রাম কোন্ হিন্দু রাজত্বের ছিল, কোন্ হিন্দু রাজার চর্ছল হাত হইতে কৈকাউস সপ্তগ্রাম কাড়িয়া লইলেন তা আমরা জানি না।...নব্বীপ ও সপ্তগ্রাম উভয়ই উত্তর

রাঢ়ের অন্তর্গত এবং মুসলমান-বিজৈতার প্রথম আবির্ভাবের পর নব্বীপ অধিকৃত হইতে লাগিয়াছিল প্রায় পঞ্চাশ বছর, এবং সপ্তগ্রাম অধিকৃত হইতে প্রায় একশো বছর লাগিয়াছিল। কিন্তু দক্ষিণ রাঢ় তবে হিন্দুর হস্তচ্যুত হইল তা দ্রুত করিয়া বলা যায় না। সম্ভবতঃ দ্বিতীয় ইলিয়াস-শাহী বংশের রুক্ম-উদ্দীন বাবুবক শাহের (১৪৫৯-৭৪ খৃঃ) আমলেই সমস্ত দক্ষিণ বঙ্গে তুর্কীর আধিপত্য বিস্তৃত হয়।

সমগ্র রাঢ় ও দক্ষিণ বঙ্গ যেমন একদিনে তুর্কীর পদানত হয় নাই; শতাধিক বৎসরব্যাপী সংগ্রামের ফলে বাঙলার ঐ অংশ বিজৈতার হস্তগত হয়, তেমনি সমস্ত উত্তর বঙ্গ বা বরেন্দ্র প্রদেশও তুর্কী বিজৈতার একদিনেই দখল করিতে পারে নাই। মহম্মদ খিল্জি দেবকোট অধিকার করিয়াছিলেন; কিন্তু বরেন্দ্রের প্রধান নগর বর্ধনকোট বিজিত হইতে আরও প্রায় পঞ্চাশ বৎসর লাগিয়াছিল—কারণ নব্বীপ-বিজৈতা মুগীস-উদ্দীন (১২৪৬-৭৭ খৃঃ) প্রথম বর্ধনকোট জয় করিয়াছিলেন, মুন্সার সাক্ষ্যে ঐতিহাসিকেরা এই অনুমান করেন।...মহম্মদ খিল্জির আগমনের পর হইতে মুসলমান বিজয় পর্যন্ত পূর্ববঙ্গের ইতিহাস একেবারেই অন্ধকারময় নয়।

মিন্‌হাজ বলেন যে, লক্ষ্মণসেন মহম্মদ খিল্জির নব্বীপ আক্রমণের পর পূর্ববঙ্গে চলিয়া যান এবং সেখানে গিয়া অনতিকাল পরেই তাঁর মৃত্যু হয়। আমরা শ্রীধর দাসের সহস্রিক-কর্ণামৃত গ্রন্থ হইতেই জানিতে পারি যে, উক্ত গ্রন্থ লক্ষ্মণসেনের রাজত্বের সপ্তবিংশতিতম সংবৎসরে ও ১২২৭ শকাব্দে (১২০৫ খৃঃ) সমাপ্ত হইয়াছিল। সুতরাং আমরা ধরিয়া লইতে পারি যে, অন্ততঃ ১২০৬ খৃঃ অব্দে লক্ষ্মণসেনের মৃত্যু হয়। লক্ষ্মণসেনের পর তৎপুত্র বিশ্বরূপসেন অন্ততঃ চৌদ্দ বছর রাজত্ব করিয়াছিলেন। বিশ্বরূপসেনের পর তাঁর ভাই কেশবসেনও অন্ততঃ তিন বছর পূর্ববঙ্গ রাজত্ব করেন। বিশ্বরূপসেনের পূর্বে লক্ষ্মণসেনের আর-এক পুত্র মাধবসেন রাজত্ব করিয়াছিলেন বলিয়া কেহ কেহ বলেন; কিন্তু তাঁর সম্বন্ধে আমরা নিশ্চিতরূপে কিছুই বলিতে পারি না। যাহা হোক, কেশবসেন যে অন্ততঃ ১২২৩ খৃষ্টাব্দ পর্যন্ত রাজত্ব করিয়াছিলেন সে-বিষয়ে সন্দেহ নাই। তাজশাসনের প্রমাণ হইতে জানিতে পারি যে, বিশ্বরূপসেন ও কেশবসেনের রাজধানী ছিল পূর্ববঙ্গে বিহমপুরে; কিন্তু উভয়েই “গণঘনাবহর-প্রভু-কালস্বয়ং” এবং “গৌড়েশ্বর” বলিয়া অভিহিত হইয়াছেন। তাতেই মনে হয় যে, লখনৌবতীর চতুর্পাশ্বে লুভাগ ছাড়া গৌড়ের অর্থাৎ পশ্চিম বঙ্গের অসামান্য অংশে বিশ্বরূপ ও কেশবসেনের আধিপত্য অব্যাহতই ছিল এবং এই উপলক্ষে লক্ষ্মণাবতীর যবন অর্থাৎ তুর্কী মালিকদের সঙ্গে তাঁদের প্রায়ই সংঘর্ষ উপস্থিত হইত।

বড় বা বঙ্গদেশের সেন রাজ্যের সঙ্গে যে লখনৌতীর তুর্কী মালিক-দের সর্বদাই লড়াই হইত, তাঁর প্রমাণ আমরা মিন্‌হাজের তবকাং হইতেই জানিতে পারি। খৃঃ ১২১১ হইতে ১২২৬ অব্দ পর্যন্ত গিয়াস-উদ্দীন ইবজ লক্ষ্মণাবতীর মালিক ছিলেন। তিনি দিল্লীর অধীনতা অস্বীকার করিয়া লক্ষ্মণাবতীতে স্বাধীনতা অবলম্বন করিয়াছিলেন বলিয়া তাঁকে অনেক সময় লক্ষ্মণাবতীর হুলতানও বলা হয়। তিনি যথার্থই একজন প্রতাপশালী রাজা ছিলেন এবং মিন্‌হাজ বলেন যে, তিনি লক্ষ্মণাবতীর পার্শ্ববর্তী রাজ্যগুলি হইতে কর আদায় করিতেও সমর্থ হইয়াছিলেন। এই সমস্ত কর-না তা রাজ্যগুলির মধ্যে তবকাং-ই-নাসিরীতে বড় বা বঙ্গরাজ্যের উল্লেখও আছে। এই সময় বড়-রাজ্য কে রাজত্ব করিতেছিলেন জানিবার জন্য ঐতিহাসিকের মনে সতাই উৎসাহ হয়। আমরা পূর্বেই দেখিয়াছি যে, লক্ষ্মণসেনের পুত্র বিশ্বরূপসেন অন্ততঃ চৌদ্দ বছর, আনুমানিক ১২০৬-১২২০ খৃঃ; এবং

তারপর কেশবসেন অন্ততঃ তিন বছর (১২২০-২৩ খৃঃ) রাজত্ব করিয়াছিলেন।

কেশবসেনের পর কে পূর্ববঙ্গের রাজা হইলেন তাহা এখনও স্থির করিয়া বলা যায় না।...আবুল ফজলের আইন-ই-আকবরীতে কেশবসেনের (অর্থাৎ কেশবসেনের) পর হুসেন বা সদাসেন নামে এক রাজার উল্লেখ দেখিতে পাই। প্রাচীন ইতিহাস উদ্ধারের উদ্দেশ্যে আইন-ই-আকবরীর উপর খুব নির্ভর করা যায় না; কারণ তাহাতে অনেক ভুল রহিয়াছে। তথাপি আইন-ই-আকবরীর হুসেন এবং তাজশাসনের সূর্যাসেন যদি এক হয় তবে মনে করা যাইতে পারে যে, কেশবসেনের পর সূর্যাসেন কিছুকাল পূর্ববঙ্গে রাজত্ব করিয়াছিলেন।...

গিরাস-উদ্দীন ইবজের দ্বিতীয় অভিযানের কয়েক বছর পরই পূর্ববঙ্গে তৃতীয় তুর্কী অভিযানের আভাস পাই। লক্ষ্মণাবতীর তুর্কী মালিক সৈফ-উদ্দীন ঈবকের (১২৩১-৩৩ খৃঃ) জীবন-বৃত্তান্তের প্রসঙ্গে মিনহাজ বলিতেছেন যে, উক্ত মালিক লক্ষ্মণাবতীর শাসন-কর্তৃত্ব লাভ করিয়া খুব বীরত্বের পরিচয় দেন এবং বড়-দেশে (পূর্ববঙ্গ) হইতে কতকগুলি হাতী অধিকার করিয়া দিল্লীর রাজদরবারে পাঠাইয়া দেন। দিল্লীর হুলতান (আলতামাস) ইহাতে সন্তুষ্ট হইয়া তাঁকে স্বধান-তত্ত্ব উপাধি দেন। তারপর সৈফ-উদ্দীন কয়েক বছর শাসন-কার্য্য চালাইয়া ৩৩১ হিঃ (১২৩৩ খৃঃ) অঙ্গে মারা যান। আনুমানিক ১২৩১ খৃঃ অঙ্গে সৈফ-উদ্দীন কর্তৃক সেন-রাজ্য আক্রমণের সময় কোন্ সেনরাজ্য বিক্রমপুর অথবা স্বর্ণগ্রামে রাজত্ব করিতেছিলেন, সে বিষয়েও ইতিহাস অন্ধকারময়।...

অতঃপর বড়-দেশের সেনরাজ্যের বিরুদ্ধে চতুর্থ তুর্কী-অভিযান ঘটাইয়া ১২৪০ খৃঃ অঙ্গে। ঐ সময়ে লক্ষ্মণাবতীর মালিক ছিলেন ইজুদ্দীন বলবন্ নামক জনৈক তুর্কী সর্দার। মিনহাজ লিখিতেছেন যে, ৬৭৭ হিঃ অঙ্গে (১২৪৮ খৃঃ) ইজুদ্দীন বলবন্ যখন বড়-রাজ্য আক্রমণে ব্যাপৃত ছিলেন সে সময় তাজউদ্দীন আসলানু খাঁ নামক জনৈক তুর্কী সর্দার অতিক্রান্তভাবে আসিয়া লক্ষ্মণাবতী অধিকার করিয়া বসিলেন। ইজুদ্দীন বলবন্ তখন বড়-আক্রমণ হইতে ফিরিয়া আসিয়া আসলানু খাঁর সহিত যুদ্ধে বন্দী ও পরে নিহত হইলেন। এই ঘটনা হইতেই বেশ বোঝা যায় যে, সন্মোহন পাইলেই পূর্ববঙ্গের সেনরাজ্য আক্রমণ করা যেন লক্ষ্মণাবতীর তুর্কী মালিকদের একটা অভ্যাস হইয়া দাঁড়াইয়াছিল। মিনহাজ তুর্কী মালিকদের বড়-রাজ্য আক্রমণের ধারাবাহিক ইতিহাস লেখেন নাই। তিনি শুধু প্রসঙ্গ-ক্রমেই চার বার পূর্ববঙ্গ আক্রমণের উল্লেখ করিয়াছেন। হুতরাং এই চার বার ছাড়াও যে পূর্ববঙ্গের হিন্দুরাজ্য আরও বহুবার তুর্কী কর্তৃক আক্রান্ত হইয়াছিল, সে-বিষয়ে সন্দেহ নাই।

ইজুদ্দীন বলবন্‌র পূর্ববঙ্গ আক্রমণের সময় (১২৪৮ খৃঃ)...পূর্ববঙ্গে লক্ষ্মণসেনের বংশই রাজত্ব করিতেছিল।...

অতঃপর পূর্ববঙ্গের হিন্দুরাজ্যের উল্লেখ পাই জিয়াউদ্দীন বরনী তারিখ-ই-কিরোজশাহীতে। এই পুস্তক হইতে আমরা জানিতে পাই যে, লক্ষ্মণাবতীর শাসনকর্ত্তা মুগীস-উদ্দীন তোগ্রল খাঁ দিল্লীর হুলতান

গিরাস-উদ্দীন বলবন্‌র বিরুদ্ধে বিজোহী হইয়া স্বাধীনতা অবলম্বন করিলে হুলতান বলবন্ তোপগলের বিজোহ দমন করার অভিপ্রায়ে সৈন্যসে বাঙলাদেশে উপস্থিত হন এবং কিছুকালের মধ্যেই পূর্ববঙ্গে উপস্থিত হইয়া স্বর্ণগ্রামের রাজা দমুজরায়ের সহিত সাক্ষাৎ করেন। হুলতান বলবন্ ও দমুজরায়ের মধ্যে এই ব্যবস্থা হইল যে, বিজোহী তোগ্রল খাঁ নদীপথে পলায়ন করিতে উদ্যত হইলে দমুজরায় তাঁকে আটকাইবেন। হুলতান বলবন্‌র সহিত দমুজরায়ের এই সাক্ষাৎ-কারের তারিখ ৬৮১ হিঃ অর্থাৎ ১২৮৩ খৃঃ অব্দ। হুতরাং দেখা যাইতেছে যে, ১২৮৩ খৃঃ অব্দেও পূর্ববঙ্গ লক্ষ্মণাবতীর মুসলমান শাসকদের অধীন হয় নাই।...

চন্দ্রবংশের রাজা জীচন্দ্রের সময় হইতে কেশবসেনের সময় পর্যন্ত বিক্রমপুরই পূর্ববঙ্গের রাজধানী ছিল। দশরথদেবের তাজশাসনে দেখিতে পাই দে-নমরও (আনুমানিক ১৩৮৩ খৃঃ) বিক্রমপুরই পূর্ববঙ্গের রাজধানী ছিল। কিন্তু জিয়াউদ্দীন বরনী তাঁকে সোনার গাঁ বা স্বর্ণগ্রামের রাজা বলিয়া উল্লেখ করিয়াছেন। ইহাই বোধ হয় ইতিহাসে স্বর্ণগ্রামের সর্বপ্রথম উল্লেখ এবং এই সময় হইতে বহুকাল পর্যন্ত স্বর্ণগ্রাম পূর্ববাঙলার প্রধান নগররূপে ইতিহাসে স্থান পাইয়াছে। কোন্ সময় হইতে কিরূপে বিক্রমপুরের প্রাধান্য বিলুপ্ত হইল তা জানা যায় না।...

দশরথদেব-কর্তৃক পরাভূত সেন-রাজ্য কে ঠিক বলা যায় না,—তিনি মধুসেন নিজেও হইতে পারেন অথবা মধুসেনের পূর্ববর্তী অস্ত্র কেহ হইতে পারেন; কিন্তু একথা সত্য বলিয়া মনে হয় যে, দশরথদেব কর্তৃক গোড় সিংহাসন অধিকারের কিছুকাল পরেই (১২৮৩ খৃঃ অব্দের পরে) মধুসেন সেনবংশের পক্ষ হইতে দশরথের বিরুদ্ধে অভ্যুত্থান করেন এবং পরিশেষে ১২৮৭ খৃঃ অব্দের পূর্বে কোন্ সময়ে দমুজরায় দশরথদেবকে পরাভূত করিয়া গোড়রাজ্যের পুনরুদ্ধার করেন; কারণ, ১২৮৭ খৃঃ অব্দে দেববংশীয় কোন রাজার পরিবর্তে মধুসেনকেই গোড়ের অধীশ্বররূপে প্রতিষ্ঠিত দেখিতে পাই।...

প্রায় এক শতাব্দী ব্যাপিয়া বিক্রমপুরের সেন-রাজবংশ হিন্দুর স্বাধীনতাকে বিজ্ঞতার কবল হইতে বাঁচাইয়া রাখিয়াছিলেন। অবশেষে শত্রুর চিরন্তন সন্মোহন প্রতীক্ষার কথা ভুলিয়া গিয়া যখন দারুণ আতঙ্কলহে পূর্ববঙ্গের রাজশক্তি দুর্বল হইয়া পড়িল, তখনই ইজুদ্দীন কৈকাসিন লক্ষ্মণাবতীর মালিকগণের প্রায় শতাব্দীব্যাপী আকাজ্ঞা ও প্ররাসকে সফল করিয়া তুলিবার সন্মোহন পাইলেন।

মধুসেনই বাঙলার শেষ স্বাধীন হিন্দু রাজা; তাঁর পর হইতে বাঙলার হিন্দু-স্বাধীনতা চিরকালের মত অন্ধকারে ডুবিয়া গেল। তবে পঞ্চদশ শতকের প্রথম পালে রাজা দমুজরায়দেব ও মহেন্দ্রদেব আবার কিছুকালের জন্য বাঙলায় হিন্দু স্বাধীনতাকে পুনরুজ্জীবিত করিতে সমর্থ হইয়াছিলেন। তাও আবার দক্ষিণ বিদ্রোহ-প্রকাশের মত বাঙলার আকাশকে চমকাইয়া দিয়া চকিতের মধ্যেই অধীনতার অন্ধকারকে গাঢ়তর করিয়া দিয়া গেল।

পঞ্চপুস্ত

ত্ৰিপ্রবোধচন্দ্র সেন



“গোধর্ম্য”

বর্তমান বর্ষের মাঘ সংখ্যায় শ্রীযুক্ত সুনীতিকুমার চট্টোপাধ্যায় মহাশয়ের “বীণময় ভারত” প্রবন্ধের ৫৩৬ পৃষ্ঠায় দেখিলাম :— “আদিপর্বের ‘গোধর্ম্য’ বলে কি অংশ আছে—কথাটি আমরা ভাল বুঝতে পারিলাম না—সে বিষয়ে প্রশ্ন করলেন।” উক্ত বিষয় মহাভারতের, আদিপর্বের আছে :—৮প্রতাপলব্ধ রায়ের সম্পাদিত মূল, ১০৪ অধ্যায়, শ্লোক ২৪ ; শ্রদ্ধাশ্রদ্ধ পণ্ডিত শ্রীহরিদাস সিদ্ধান্তবাগীশ মহাশয়ের সংস্করণ, ৯৮ অধ্যায়, ২৫ শ্লোক। এই হলে নীলকণ্ঠ-কৃত “ভারত ভারতীণ টীকা” ও সিদ্ধান্তবাগীশ মহাশয়-কৃত “ভারতকৌমুদী টীকা” উক্ত কথার অর্থ দিয়াছেন।

শ্রীবিমলাচরণ দেব

মণিপুরী ও কুকি জাতি

বর্তমান বর্ষের ভাদ্রসংখ্যায় প্রবাসীতে শ্রীযুক্ত লালতুদাই রায় মহাশয় লিখিয়াছেন—“কুকি, লুসাই ও মণিপুরী একই জাতি ; শারীরিক গঠনের কথা ছাড়াই মিলেও ভাষাতে এত সাদৃশ্য আছে যে, তাহাতে স্পষ্টই উক্ত সিদ্ধান্তে পৌছান যায়।”

শারীরিক গঠন সম্বন্ধে রায় মহাশয়ের এরূপ উক্তি সমুদ্রের মণিপুরী জাতির প্রতি প্রযোজ্য নহে। মণিপুরীরা মিশ্র জাতি ; তাহাদের মধ্যে যেমন অনার্য আছে, সেগুলি আর্যও অনেক আছেন। ঐতিহাসিক ব্রাউন সাহেব বলেন—মণিপুরীদের মধ্যে কেহ কেহ অনেকটা আর্য ছাঁচের চেহারাবিশিষ্ট ; ইউরোপীয়দের শারীরিক গঠন যেসকল বিভিন্ন প্রকারের, মণিপুরী জাতি-পুরুষের শারীরিক গঠনও সেসকল বিভিন্ন প্রকারের ; কাল-পিজল রঙের চুল, পিজল চক্ষু, ক্রমাৎ রং, উন্নত নাসা ও গোলাপী গণ্ডবিশিষ্টা স্ত্রীলোক প্রায়শঃ দেখা যায়।” এরূপ মন্তব্যদ্বারা বুঝা যাইতেছে যে, মণিপুরীদের মধ্যে আর্য ছাঁচের চেহারাবিশিষ্ট অনেক লোক আছেন ; কিন্তু কুকি লুসাইদের মধ্যে এরূপ চেহারার লোক সচরাচর দেখা যায় না। হতরাং লালতুদাই রায় মহাশয়ের এরূপ মন্তব্য আংশিক সত্য মাত্র।

তিনি ধরিয়া লইয়াছেন—মণিপুরীদের মধ্যে মাত্র একটি ভাষা প্রচলিত ; কিন্তু আমরা যতদূর জানি তাহাদের মধ্যে প্রধানতঃ দুইটি ভাষা প্রচলিত, যথা—মৈতের ভাষা ও বিষ্ণুপুরী ভাষা। মৈতের ভাষা রাজভাষা ও অধিকাংশ মণিপুরীরা এই ভাষাতেই আলাপ করে ; বিদেশীরা এই ভাষাকে মণিপুরীদের একমাত্র ভাষা মনে করিয়া নানা প্রকার অশ্রীতিকর মন্তব্য প্রকাশ রাখিয়া থাকেন। কিন্তু তাহারা যদি

বিষ্ণুপুরী ভাষা সম্বন্ধে একটু অসুস্থজ্ঞান করিতেন, তবে দেখিতেন—বাংলা তথা সংস্কৃতের সহিত এই ভাষার কতদূর সাদৃশ্য। বলা বাহুল্য এই ভাষার জননী সংস্কৃত বা প্রাকৃত এবং উহা বাংলা ও অসমীয়া ভাষার ভগিনী। মৈতের ভাষা সম্বন্ধে বিদেশীদের মন্তব্য ভ্রম-প্রমাদমূলক নহে। এই ভাষার যতগুলি পার্কর্ত্য ভাষার শব্দ আছে, তদপেক্ষা অনেক বেশী সংস্কৃত ও প্রাকৃত শব্দ আছে। উহার কাঠামো সংস্কৃত বা প্রাকৃত—নাগা কুকির ভাষা নহে। হতরাং এই ভাষার সহিত লুসাই বা কুকি ভাষার কতক সাদৃশ্য থাকিলেও মূলে উহা অনার্য ভাষা নহে—চারিদিকে নাগাজাতির অবস্থানহেতু পার্কর্ত্য ভাষার অনেক শব্দ উহাতে প্রবেশ করিয়াছে মাত্র। অতএব ভাষার দিক দিয়াও মণিপুরীদিগকে কুকি-লুসাইর জাতি বলা যুক্তিযুক্ত নহে।

শ্রীযুক্ত বিপিনচন্দ্র পাল লিখিয়াছেন—“মণিপুরীরা এক সময়ে বোধ হয় বৌদ্ধমতাবলম্বী ছিলেন। পরে বৈষ্ণব হইয়া যান।... তাহাদের বর্তমান স্বভাব, প্রকৃতি ও রীতিনীতি দৃষ্টে মনে হয় যে, ইহাদের এমন কতকগুলি বিশেষত্ব পুরুষ-পরিম্পরায় ফুটিয়া উঠিয়াছিল যাহাতে মহাপ্রভুর “অনপিতচরী” উন্নতাকাঙ্ক্ষা রসপ্রীতি ভক্তিলোভে ইহাদের বিশেষ অধিকার ছিল। রমের অমূল্য মণিপুরীদের সহজসিদ্ধ। মনে হয়, ইহারা চিরদিন এমনই সহজ সৌন্দর্যের উপাসক ছিলেন।”*

উপরোক্ত মন্তব্য হইতে বুঝা যায়, মণিপুরীরা এক সময়ে বৌদ্ধ ছিল এবং মহাপ্রভুর ধর্মগ্রন্থের পূর্বে শিক্ষাদীক্ষা ও আধ্যাত্মিকতার বিশেষ উন্নত ছিল। তাহাদের নিজস্ব লিপি ও “পুর্নাণ” নামক অতি প্রাচীন সাহিত্য উক্ত ধর্মগ্রন্থের পূর্বেও ছিল। পার্কর্ত্যজনীন শিক্ষা চিরদিনই প্রচলিত। হতরাং মহাপ্রভুর ধর্মগ্রন্থের পূর্বেও কুকি-লুসাইদের চেয়ে শিক্ষাদীক্ষায় তাহারা চেয়ে বেশী উন্নত ছিল। তবে বিকৃত বৌদ্ধধর্মের প্রভাবে তাহারা পূর্বে হিন্দু-আচার-অঙ্গ হইয়াছিল এবং বাঙালী প্রভৃতি প্রতিবেশীদের চক্ষে হেয় ও অসম্মত পদব্যাচ্য হইয়াছিল। এই কারণই বিদেশীরা এই সময়ের ইতিহাস ভ্রমবশতঃ মণিবার্ণে চিত্রিত করিয়াছেন। লালতুদাই রায় মহাশয়ও যে এই ভ্রমে পতিত হইয়াছেন এবং বৈষ্ণবধর্ম গ্রহণের ফলেই যে কুকি-লুসাই অপেক্ষা মণিপুরীরা বেশী উন্নত হইয়াছে বলিয়াছেন, তাহা আশ্চর্যের বিষয় নহে।

শ্রীমহেন্দ্রকুমার সিংহ

* “সমুদ্র বৎসর”—প্রবাসী, আঘাট, ১৩৩৪।





বংশানুক্রমিতা—ফরাসী দার্শনিক রিবার De la Héredité গ্রন্থের বঙ্গানুবাদ। অনুবাদক—শ্রীহরিনাথ চট্টোপাধ্যায়। মূল্য ২০।

যে-সকল উপায়ের দ্বারা ভাষা পুষ্টিলাভ করে, বিদেশীয় গ্রন্থের অনুবাদ তাহাদের অন্ততম। অধিকাংশ শিক্ষিত ব্যক্তিরই ইংরেজী ভাষার সহিত পরিচয় থাকায় ইংরেজীতে প্রকাশিত গ্রন্থের অনুবাদের প্রয়োজনীয়তা অনেক হ্রাস পাইয়াছে, কিন্তু ফরাসী গ্রন্থাদির অনুবাদ সম্বন্ধে সে কথা খাটে না। শ্রীযুক্ত হরিনাথ চট্টোপাধ্যায় মহাশয় রিবার De la Héredité নামক বিখ্যাত গ্রন্থ ফরাসী ভাষা হইতে অনুবাদ করিয়া বাঙ্গালীর কৃতজ্ঞতাজ্ঞান হইয়াছেন। রিবার একাধারে বৈজ্ঞানিক ও দার্শনিক বলিয়া হসীসমাজে প্রসিদ্ধ। Heredity বা বংশানুক্রমিতা সম্বন্ধে তিনি অনেক গবেষণা করিয়াছেন। তাহার মতামত বাঙালী পাঠকের জানিবার সুবিধা হইল। বাঙা ভাষায় বৈজ্ঞানিক প্রবন্ধ লিখিতে হইলে পদে পদে পরিভাষার অভাবে কষ্ট পাইতে হয় এবং অনুবাদককে অনেক সময়েই পরিভাষা সৃষ্টি করিতে হয়। পরিভাষা সব সময়ে প্রতিমধুর করা দুঃসহ। পরিভাষার দোষ ও মূল গ্রন্থকারের লিখনভঙ্গী অবিকৃত রাখিবার চেষ্টা করায় অনুবাদে প্রসাদগুণের অভাব হইয়াছে। হরিনাথবাবু প্রভূত পরিশ্রম করিয়াছেন, কিন্তু আমবা বলিতে বাধ্য যে, রিবার গ্রন্থে বংশানুক্রমিতার অনেক নূতন তথ্যের উল্লেখ নাই, এ কারণে তাহার পুস্তকের তেমন আদর নাই হইতে পারে। গ্রন্থে মুদ্রাকরপ্রদত্ত যথেষ্ট থাকিয়া গিয়াছে। পাঠক একটু কষ্ট স্বীকার করিয়া পুস্তকখানি পড়িলে অনেক কোতুলকপ্রদ বিবরণ দেখিতে পাইবেন।

শ্রীগিরীন্দ্রশেখর বসু

নূতনের সন্ধান—শ্রীমত্যাচন্দ্র বসু প্রণীত। ১০২ পৃষ্ঠা, দাম ১০ টাকা।

স্বভাববাবুর “নূতনের সন্ধান” পড়িলাম। ভালই লাগিল। ১৯২৭ সালের মধ্যভাগে মালম্ভার জেল হইতে মুক্তি পাইবার পর ১৯৩০ সালের জাম্বুজায়ী মাস পর্যন্ত ভারতবর্ষের নানান্থানে ছাত্র ও যুব-আন্দোলন সম্পর্কীয় বক্তৃতাগ্রন্থে ইংরেজী ও বাংলায় স্বভাষচন্দ্র জাতীয় নবজাগরণের যে আভাস দিয়াছিলেন এবং ভারতীয় চিন্তা-ধারায় যে নূতনের স্রোত আনয়ন প্রয়াসী হইয়াছিলেন, এই পুস্তকে তাহারই পরিচয় দেওয়া হইয়াছে। জাতীয় স্বাধীনতা-সংগ্রামে নিরত স্বভাষচন্দ্রের মুক্তির আদর্শ কিরূপ সর্বোত্তম্যাপী তাহার বর্ণনা-প্রদত্তে তিনি বলিয়াছেন—“স্বাধীনতা বলিতে আমি বুঝি সমগ্র ও ব্যক্তি, নর ও নারী, ধনী ও দরিদ্র সকলের জন্ম স্বাধীনতা। ইহা শুধু রাষ্ট্রীয় বন্ধনমুক্তি নহে, ইহা অর্গের সমান বিভাগ, জাতিভেদ ও সামাজিক অবিচারের নিরাকরণ ও সাম্প্রদায়িক সর্কারীতা ও গোড়ামি বর্জনও সূচিত করে।” জাতীয় জীবনের যত দিক দিয়া প্রকাশ হইতে পারে, স্বাধীনতার আংশিকরূপ ততগুলি। এই স্বাধীনতা লাভ করিতে হইলে সমগ্র জাতীয় শক্তি,

বিশেষতঃ ছাত্র ও যুবশক্তি সজ্জবদ্ধ করিতে হইবে এবং আমাদের মাতৃজাতিকে প্রকৃত শক্তিশ্বরূপীণী করিতে হইবে। যাহারা মনে করে যে, রাষ্ট্রীয় বন্ধন হইতে তাহারা দেশকে মুক্ত করিবে, কিন্তু সমাজের পূর্বাবস্থা বজায় রাখিবে—অথবা যাহারা মনে করে যে সামাজিক বন্ধন সব চূর্ণ করিবে, কিন্তু রাষ্ট্রীয় ক্ষেত্রে কোনো বিপ্লব আনিবে না, তাহারা সকলেই ভ্রান্ত। আমাদের এই শত-দ্বিত-যুগ পুষ্টিগত্বময় সমাজের দ্বারা পূর্ণ-স্বাধীনতা লাভ কোনোদিন হইবে না। পূর্ণ-স্বাধীনতা লাভ করিতে হইলে সমগ্র জাতিকে মুক্তিলাভের জন্ম দ্বিপ্তপ্রায় হইতে হইবে।

স্বভাষচন্দ্রের মধ্যে নূতন পন্থা সন্ধানের এই বাস্তব অনিয়ম আমাদের আশাব্যিত হইল। বস্তুতঃ বইখানির মধ্যে অনেক কথাই রহিয়াছে যাহা শুদ্ধমাত্র বাংলার তরুণ নেতার নিজস্ব সম্পত্তি নহে। ইহার পূর্বে বাংলার ও বাহিরের অসংখ্য বানীক কণ্ঠের মুখেও ইহা শুনিয়াছি। দুঃখের কথা এই যে, শুদ্ধমাত্র বক্তৃতাগ্রন্থে যুগের কথা না হইয়া যদি এই আদর্শ ও কর্ম-প্রণালী ইহাদের মনের কথা হইত, তাহা হইলে কি বাংলা, কি অসম, রাষ্ট্র ও ছাত্র-আন্দোলনে অহেতুকী কলহ ও আত্মঘাতের স্থান থাকিত না।

স্বভাষচন্দ্রের বইখানির বাধাই ও ছাপা সুন্দর হইয়াছে। ভাষার সৌন্দর্য্যও উপভোগ্য বটে। এইরূপ সুললিত ও প্রাণশশী ভাষার স্বভাববাবুর রচিত অসংখ্য পুস্তকের প্রতীক্ষায় রহিলাম।

শ্রীনিলাক্ষ মান্নাল

শকুন্তলা—মহাকবি কালিদাসের পদ্যানুসরণে—শ্রীঅপরেশ-চন্দ্র মুখোপাধ্যায় বিরচিত। গুরুদাস চট্টোপাধ্যায় এণ্ড সন্স, ২০৩/১১ কর্ণওয়ালিস স্ট্রিট, কলিকাতা। মূল্য এক টাকা।

নাটকের মধ্য দিয়া বাঙ্গালা সাহিত্যের পুষ্টিসাধনে এবং বাঙ্গালা রঙ্গমঞ্চের উন্নতি সাধনে শ্রীযুক্ত অপরেশচন্দ্র মুখোপাধ্যায় মহাশয়ের কৃতিত্ব সর্বজনবিদিত। ইহার রচিত নাটকগুলি বাঙ্গালী জনসমাজে সর্বত্রই বিশেষভাবে আদৃত। সম্ভ্রুতি ইহার অনূদিত শকুন্তলা নাটক-খানি পাঠ করিয়া বিশেষ আনন্দ লাভ করিয়াছি। কালিদাসের শকুন্তলার মত একখানি শ্রেষ্ঠ-সাহিত্য-সৃষ্টির ভাল অনুবাদ থাকা যে-কোনও ভাষার পক্ষে গৌরবের কথা। শ্রীযুক্ত অপরেশবাবুর অনুবাদ বাহির হওয়ার বাঙ্গালা ভাষা এইরূপ একখানি ভাল অনুবাদ লাভ করিল। যে ছুটি গুণ থাকিলে কোনও অনুবাদ-গ্রন্থকে ভাল বলা যায় সে দুটি গুণ শ্রীযুক্ত অপরেশবাবুর শকুন্তলায় দেখিতেছি; ইহা মূলানুসারী, এবং মূলের রস যথাযথ রক্ষা করিতে সমর্থ হইয়াছে। মূল গ্রন্থ রচয়িতার উদ্ভিক্তে অবিকৃত রাখিয়া তদ্বিহিত রস ও ভাব-প্রবাহকে ভাষান্তরে ফুটাইয়া তোলা—এইখানেই অনুবাদকের কৃতিত্ব। প্রত্যেক ভাষার স্বকীয় ও স্বতন্ত্র একটী বৈশিষ্ট্য আছে। অল্প ভাষায় সেই বৈশিষ্ট্যকে যথাসম্ভব অক্ষুর রাখিতে পারিলেই অনুবাদের সার্থকতা। বাঙ্গালার সংস্কৃত গ্রন্থের অনুবাদকালে সাধারণতঃ অনুবাদকগণ সে বিষয়ে অবহিত হন না, এইহেতু প্রায়ই সংস্কৃত

নাট্যকাদি সাহিত্যগ্রন্থের বাঙ্গালা অন্তর্ভুক্ত পড়িয়া জ্ঞিতি লাভ করা যায় না। কিন্তু শ্রীযুক্ত অপরেশবাবুর অহুবাধে সাধারণতঃ মূলের ভাব ও ভাষার সহিত অতি প্রশংসনীয়রূপে সামঞ্জস্য রক্ষিত হইয়াছে। শঙ্কুগুলির শ্লোকগুলির অহুবাধ বহুস্থলে ভাষায় ও রীতিতে একটু সেকেলে ধরণের হওয়ার মনে হয় এগুলিতে একটা চমৎকার সৌন্দর্য্য আনিয়া গিয়াছে; এই সম্পর্কে রবীন্দ্রনাথের “চিরকুমার সন্তান” সংস্কৃত শ্লোকগুলির অহুবাধের কথা মনে না করিয়া থাকি যায় না। এই সেকেলে, অর্থাৎ ছই তিন পুরুষ পূর্ব্বকার বাঙ্গালা কবিতার স্বভাবটা পাওয়ায়, একটা সারল্য-মিশ্র কলাকৌশলের অভাব স্লোকগুলির বঙ্গানুবাদকে স্ফোজ্জ্বল করিয়া তুলিয়াছে, এবং এই রূপে কালিদাসের সংস্কৃতের আভিজাত্য বাঙ্গালা ভাষাতেও যেন আনিয়া গিয়াছে।

নাটকের প্রধান সার্থকতা তাহার অভিনয়োপযোগিতায়। কতকগুলি শ্রেষ্ঠ নাটক অভিনয়ে প্রায়ই ভ্রমে না; যেমন মুসারাসফ নাটক; পাঠ করিয়াই তাহাদের রস আবাদ করিতে হয়। কিন্তু কালিদাসের শঙ্কুনাট্য—কি অভিনয়ে কি পাঠে, উভয় প্রকারেই আমাদের চিত্তকে মোহাঘ্রিষ্ট ও পুলকিত করে। মূল শঙ্কুনাট্য এই উভয়বিধ গুণ শ্রীযুক্ত অপরেশবাবুর অহুবাধে মিলিবে।

এই অহুবাধে বঙ্গদেশীয় পাঠ অসংসৃত হইয়াছে।

বইখানির ছাপা পরিপাটি এবং বাঙ্গালাদেশে ইহার বহুল প্রচার হওয়া উচিত।

শ্রীমুনীতিকুমার চট্টোপাধ্যায়

বসন্ত রোগের প্রতিকার ও চিকিৎসা—দ্বিতীয় সংস্করণ। ডাঃ শ্রীমন্তকুমার সরকার, এম-বি, ডি পি-এইচ প্রণীত। সরকার এণ্ড সন্স, কলেজ রোড, ফরিদপুর, কর্তৃক প্রকাশিত। ১০২+২০ পৃষ্ঠা, মূল্য ১০ মাত্র।

লেখক অনেকদিন হইতে ডিস্ট্রিক্ট হেলথ অফিসারের কার্য্য করিতেছেন। সুতরাং রোগ ও তাহার প্রতিকার সম্বন্ধে আলোচনা করিবার তাঁহার যথেষ্ট যোগ্যতা আছে। তিনি স্বলেখক,—সাময়িক পত্রিকাধিতে তাঁহার লিখিত সারগর্ভ চিকিৎসা সম্বন্ধীয় প্রবন্ধগুলি আমরা আগ্রহের সহিত পাঠ করিয়া থাকি।

আলোচ্য পুস্তকখানিতে লেখক, বসন্ত ও পার্ণিবসন্ত রোগ সম্বন্ধে যাবতীয় জ্ঞাতব্য বিষয় আলোচনা করিয়াছেন—রোগনির্ণয়, রোগের ক্রমবিকাশ, রোগবিস্তার নিবারণের উপায়, চিকিৎসক, স্বাস্থ্যকর্মচারী ও টাকাদার প্রভৃতির কর্তব্য, রোগীর গুণ্ধ্যা, তৈজসপাত্তাদির গোপন ব্যতীত টীকা দেওয়া সম্বন্ধে যাবতীয় তথ্য ও দেশীয় মতে চিকিৎসা ও ইংরেজী চিকিৎসা প্রভৃতি বহু বিষয় লিখিয়া তিনি প্রভূত পরিশ্রম-শীলতার পরিচয় দিয়াছেন। পরিশিষ্টে বঙ্গদেশীয় গোবীজের টাকাদান-বিষয়ক আইনও (Bengal Act V of 1880) সন্নিবেশিত হইয়াছে।

বসন্তরোগের আধুনিক চিকিৎসা হাঁসপাতালের বাহিরে এখনও তাদৃশ আবৃত্ত হয় নাই। ইহার কারণ এই যে, বসন্তরোগ সম্বন্ধে আমরা এখনও অনেক ভ্রান্ত মত পোষণ করি। ফলে বসন্ত রোগীর চিকিৎসার ভার এখন পর্য্যন্তও অশিক্ষিত ও অযোগ্য লোকের উপর হস্ত করিয়া রোগীর আত্মীয়-স্বজন নিশ্চিন্ত থাকেন। তাঁহাদের ধারণা যে, আধুনিক প্রণালীতে শিক্ষিত নব্য চিকিৎসকগণ এই সাংঘাতিক রোগের কোনো চিকিৎসাই জানেন না। অথচ হাতুড়িয়াগণ যে-সকল রোগীর চিকিৎসা করিয়া থাকে, তাহা আলোচনা করিলে প্রত্যেক

শিক্ষিত লোক বসন্তে পারিবেশ যে, ঐ প্রকারে চিকিৎসিত রোগীর মৃত্যুসংখ্যা স্বাভাবিকভাবে বসন্ত রোগীর মৃত্যুসংখ্যা হইতে বিশেষ কম হয় না।

এই পুস্তক পাঠে বসন্ত রোগ, টীকা দেওয়া ও চিকিৎসা সম্বন্ধে অনেকের ভ্রান্ত ধারণা দূর হইবে—ইহা আমাদের বিশ্বাস। পুস্তকখানি প্রণয়ন করিয়া লেখক দেশের উপকার করিয়াছেন। আশা করি, অন্ত্যস্ত রোগ সম্বন্ধে তিনি এই প্রকার পুস্তক লিখিয়া দেশবাসীর মঙ্গলবিধান করিবেন।

আমরা এই পুস্তকের বহুল প্রচার কামনা করি।

শ্রীঅরুণকুমার মুখোপাধ্যায়

কলেরা চিকিৎসা—শ্রীজ্ঞানেন্দ্রকুমার মৈত্র প্রণীত এবং কলিকাতা, ২০ মহেন্দ্র গোস্বামী লেন হইতে মৈত্র এণ্ড সন্সের শ্রীঅরুণকুমার মৈত্র কর্তৃক প্রকাশিত। মূল্য ২৬০।

কলেরা সম্বন্ধে গ্রন্থকারের চিকিৎসার অভিজ্ঞতা ও নানা স্থান হইতে সংগৃহীত যাবতীয় জ্ঞাতব্য তথ্য এই পুস্তকে সন্নিবেশিত হইয়াছে। কলেরা রোগের ইতিহাস, ইহার বিস্তৃতি ও সংক্রমণ, কোন্‌ বীজাণু হইতে এই রোগের উৎপত্তি এবং কোন্‌ কোন্‌ শারীর ধর্ম্মের উপর ইহা কিরূপ ক্রিয়া করে ও ঐ সকল বস্তু কিরূপ বিকৃতি প্রাপ্ত হয়, লেখক এই সকলের বিশদ বর্ণনা করিয়াছেন এবং এলোপ্যাথিক ও হোমিওপ্যাথিক চিকিৎসকগণের বিভিন্ন মতামত বিবৃত করিয়াছেন। কলেরা সদৃশ অন্ত্যস্ত রোগ হইতে ইহার পার্থক্য কি, কিরূপে রোগের প্রকৃতি নির্ণয় করিতে হয় তাহাও দেখাইয়াছেন। কলেরা চিকিৎসার কাব্যকরা হোমিওপ্যাথিক ঔষধগুলির বৈশিষ্ট্য ও বিভিন্ন লক্ষণ অনুযায়ী উক্ত ঔষধগুলির যথাযথ প্রয়োগ ও পার্থক্য যেরূপ সরলভাবে বিবৃত হইয়াছে তাহা প্রথম শিক্ষার্থীকেও সুনিতে বেগ পাইতে হইবে না। কিন্তু সাধারণ স্বাস্থ্যনিয়ম পালন করিয়া কলেরা রোগের আক্রমণ কি ভাবে প্রতিরোধ করা যাইতে পারে সেই সকল মতামত সন্নিবেশিত না থাকায় চিকিৎসা-প্রণালীর বিবরণ কিছু অনস্পৃগু রহিয়া গিয়াছে। গ্রন্থকার এলোপ্যাথিক হইতে হোমিওপ্যাথিক চিকিৎসার পার্থক্য ও শ্রেষ্ঠত্ব প্রমাণ করিতে গিয়া অনেক স্থলেই অযথা নিন্দাবাদ না করিলে ভাল করিতেন। মোটের উপর ইহাতে কলেরা সম্বন্ধীয় সকল তথ্য বিশদভাবে থাকায় এবং গ্রন্থকারের ও স্বর্ণাঙ্ক চন্দ্রশেখর কালী মহাশয়ের কলেরা চিকিৎসার অভিজ্ঞতা প্রকাশ পাওয়ায় বইখানি সুন্দর হইয়াছে।

শ্রীজিৎজেন্দ্রকৃষ্ণ দে

লাইব্রেরী-আন্দোলন ও শিক্ষা-বিস্তার—শ্রীহরিশ-

কুমার বোম্ব, বি-এল, বিদ্যাধিনোদ প্রণীত ও “বঙ্গীয় গ্রন্থালয় পরিষৎ” কাথ্যালয়, ৬ বাহাদুরাম অফুর লেন, কলিকাতা হইতে গ্রন্থকার কর্তৃক প্রকাশিত। ডবল ক্রাউন বোডুবাংশিত ১৫৬ পৃষ্ঠা, কাগজের মলাট। মূল্য লাইব্রেরী পক্ষে ১০ ও সাধারণ পক্ষে ১৫ মাত্র।

শিক্ষাই স্বাস্থ্য, স্বথ ও সম্ভাভার সোপান। লোকশিক্ষাপ্রচারে লাইব্রেরীর অপ্রয়োজনীয়তা সকল সম্বন্ধেই প্রকৃত হইয়াছে। লাইব্রেরীর সাহায্যে ইন্সুল কলেজের চেয়েও সহজে এবং অল্প খরচে জনসাধারণ শিক্ষা পাইতে পারে। স্বপ্নের বিষয়, আমাদের দেশেও সাধারণ পাঠাগার ও লাইব্রেরীর সংখ্যা ক্রমেই বাড়িতেছে, যদিও তাহার পরিচালনা-পদ্ধতির অনেক গম্ভীর আবশ্যক। আমেরিকার আদর্শে

বরোদার লাইব্রেরী-পরিচালনার চেষ্টা কিছুকাল হইতে চলিতেছে। বতদূর জানি, লাইব্রেরী-আন্দোলন বরোদায় যতটা অগ্রসর হইয়াছে, ভারতবর্ষে আর কোথাও তেমন নয়।

আলোচ্য গ্রন্থে লেখক দেশবিশেষের লাইব্রেরী-আন্দোলনের বিবরণ লিপিবদ্ধ করিয়া এবং তাহার সার্থকতা নির্দেশ করিয়া পাঠক-সাধারণের কৃতজ্ঞতা অর্জন করিয়াছেন, সন্দেহ নাই। এ সম্বন্ধে আমাদের দেশে প্রচুর আলোচনার প্রয়োজন আছে। স্থলীলবাবুর অক্লান্ত পরিশ্রম ও নিষ্ঠার ফলে গত দশ বৎসরে লাইব্রেরী-আন্দোলন ক্রমে ভারতবাসী হইয়া উঠিতেছে।

ইন্সুল কলেজ ও সাধারণ পাঠাগারে এই বই অপরিহার্য হইবে। ইহা সর্বোপযোগী সময়েপযোগী হইয়াছে। মহামহোপাধ্যায় শ্রীযুক্ত হরপ্রসাদ শাস্ত্রী মহাশয় একটি সংক্ষিপ্ত অথচ সারগর্ভ ‘মুখবন্ধ’ লিখিয়া গ্রন্থাগার সম্বন্ধে আলোচনা করিয়াছেন। তাহা পড়িয়া পাঠক উপকৃত হইবেন।

বইখানি ভাল কাগজে পাইকা হরফে পরিষ্কার রকমে ছাপা—পড়িতে কষ্ট নাই।

যাত্রী—শ্রীভারতচন্দ্র মজুমদার প্রণীত ও লেখক কর্তৃক ১৪, কৈলাস বোস ষ্ট্রীট, কলিকাতা হইতে প্রকাশিত। ডবল ক্রাউন-বোড়বাণিত ৪২ পৃষ্ঠা, কাগজের মলাট। মূল্য আট আনা।

কবিতার বই। রচনা বিশেষদ্ব্যবস্থিত—কোথাও কবিতা হইয়া গুঠে নাই। লেখক ‘নিবেদন’ করিয়াছেন—সাহিত্যিক বন্ধুদের সনির্বন্ধ অনুরোধ ও উৎসাহে এই বই ছাপাইয়াছেন। লেখক বা তাঁহার ‘সাহিত্যিক’ বন্ধুদের রসবোধের প্রশংসা করিতে পারিলাম না।

শ্রীমুরেশচন্দ্র বন্দ্যোপাধ্যায়

বার্ষিক শিশুসাহিত্য—(১৩৩৭ সাল) শ্রীকান্তচন্দ্র দাসগুপ্ত সম্পাদিত এবং এ, কলেজ স্কোয়ার, কলিকাতা, আশুতোষ লাইব্রেরী হইতে প্রকাশিত। দাম দেড় টাকা।

এখানি পঞ্চম বার্ষিক শিশুসাহিত্য। শ্রীমতী স্বর্ণকুমারী দেবী, শ্রীমতী কামিনী রায়, শ্রীমতী প্রিয়দর্শনা দেবী হইতে শ্রীঅবনীন্দ্রনাথ ঠাকুর, শ্রীলীলেশচন্দ্র সেন প্রভৃতি বহু খ্যাতনামা সাহিত্যিকের লেখা এই ছেলেরদের বার্ষিকীখানিকে অলঙ্কৃত করিয়াছে। কবিতা গল্প গাথা রূপকথা ঐতিহাসিক ও পৌরাণিক কাহিনী স্বাছানীতি এবং জীবনচরিত প্রভৃতি নানাবিধ রচনা শিশু এবং কিশোরদের মনকে আকর্ষণ করিবে। প্রচ্ছদপটখানি প্রসিদ্ধ শিল্পী শ্রীপূর্ণচন্দ্র ঘোষের আঁকা। আরও তনেক মৃদু চবি আছে। ছাপা ও কাগজ ভাল।

বঙ্গের মহিলা কবি—শ্রীযোগেন্দ্রনাথ গুপ্ত প্রণীত এবং ৬৫ বামীবাগ রোড, ঢাকা ও ২৪-শি শঙ্কুনাথ গণ্ডিত ষ্ট্রীট, কলিকাতা হইতে প্রকাশিত। মূল্য দুই টাকা।

বইখানি মৃদু। ছাপা বাঁধাই ও কাগজ ভাল। এবং রচনা হিসাবে বইখানি স্থপাঠ্য। এইরূপ একখানি পুস্তকের বিশেষ প্রয়োজন ছিল। যোগেন্দ্রবাবু সেই অভাব দূর করিতে অগ্রসর হইয়াছেন দেখিয়া আমরা স্বপ্নী হইলাম। কিন্তু বইখানি পূর্ণাঙ্গ

হইলে আমরা আরও স্বপ্নী হইতাম। বঙ্গের মহিলা-কবির কথা বাংলা সাহিত্যের এক অতি-প্রয়োজনীয় অধ্যায়। ইহার গুরুত্ব অধিক বলিয়াই এ-সম্বন্ধে আলোচনাকালে একদিকে যথেষ্ট পরিশ্রম এবং অল্পদিকে সতর্ক গবেষণা একান্ত আবশ্যিক। বঙ্গের মহিলা কবি বলিতে প্রাচীন ও আধুনিক উভয়বিধ কবিই বোঝায়। কিন্তু পুস্তক-খানিতে প্রাচীন কবিদের মধ্যে রামী চন্দ্রাবতী আনন্দময়ী ও গঙ্গাদেবী—এই চারিজনকে মাত্র পাইলাম। পাঁচশত বৎসরের মধ্যে চারিজন মাত্র মহিলা কবি যে দেশে জন্মগ্রহণ করে, সে দেশ দুর্ভাগ্য। কিন্তু বাংলাদেশ এমন দুর্ভাগ্য বলিয়া আমরা মনে করি না। প্রাচীন কালে সত্যি কি নারী কবির এত অসম্ভাব ছিল? বিশ্বাস করি, পদ্মাবতীর মধ্যে এবং বৈষ্ণব-সাহিত্যে অমুসন্ধান করিলে নারীনায়েক ভণিতাযুক্ত আরও অনেক পদ পাওয়া বাইতে পারে। যেমন, গৌরাঙ্গের পরম ভক্তিমতী নীলাচলবাসিনী ‘শিখি মাহিতীর ভগ্নী শ্রীমাধবী দেবী।’

‘মাধবী দানীতে কয়, অঙ্গরূপ গৌরা রায়

ভট্টগৃহে করল প্রবেশ।’

শুধু পদ্মাবতী কেন, প্রাচীন এবং অনতিপ্রাচীন বঙ্গসাহিত্যে খুঁজিলে নারীকবির কিছু কিছু রচনার সাক্ষ্য মিলিবেই। এহলে কবিগোষ্ঠাদের কালের যজ্ঞক্ষেত্রীর নাম উল্লেখ করা বাইতে পারে। লেখিকাদের নাম এবং তাঁহাদের কাব্যের আলোচনা পাঠ করিলে একটু সন্দেহ হয়, যেন গ্রন্থকার পুরাণে ‘সাহিত্যের কাইলি’ বিশেষভাবে দেখিয়াছেন। পুরাতন সকল মাসিক ও সাময়িক পত্রই ভাল করিয়া দেখা দরকার। ‘চাকরুহমাঞ্জলি’ রচয়িত্রী চারুলতা বোধ বিক্রমপুর-নিবাসিনী। ‘বনপ্রস্থন’ রচয়িত্রী মোক্ষদায়িনী মুখোপাধ্যায় হেমচন্দ্রের সমসাময়িক। ইনিই প্রথম ‘বাল্মীকীর মেঘের’ উক্তরে ‘বাল্মীকীর বাবু’ লেখেন। ‘বনপ্রস্থনের’ সমালোচনার ‘বঙ্গদর্শন’ (১২৮২) লিখিতেছেন, “সাহিত্যসংগ্রামক্ষেত্রে বাবু হেমচন্দ্র বন্দ্যোপাধ্যায় অস্বিতীয় মহারথী। তাঁহার প্রতি শ্রদধান্ধানে সাহস করে বাল্মীকীর পুঙ্খ লেখকদের মধ্যে এমন শুরবীর কেহ নাই। তাঁহার প্রণীত ‘বাল্মীকীর মেঘের’ নামক কবিতার আলার অনেক বাল্মীকীর মেঘের আজি কাতর। আজি সেই আঘাতের প্রতিশোধের জন্য এই কাব্যবীরাজনা বন্ধপরিকর—বৃত্তান্ত।” গ্রন্থে ইঁহাদের নামের উল্লেখ নাই। আমরা শুধু হাতের কাছে যে নামগুলি পাইলাম সেইগুলি দিলাম। যথেষ্ট পরিমাণ মাল-মসলা সংগ্রহ না করিয়া গৃহনির্দীপ আরম্ভ করিলে অনেক অস্ববিধা ভোগ করিতে হয়। সাহিত্যের ইতিহাস সংক্রান্ত এই ধরণের গ্রন্থ অতীতের ভিত্তির উপর স্থাপিত করা উচিত। রচনার স্থায়িত্ব দেই ভিত্তির দৃঢ়ত্বের উপর নির্ভর করে। গ্রন্থকার ঐতিহাসিক। অস্থপাত-বোধ ঐতিহাসিকের রচনাকে সুসঙ্গত করে। এই সম্বন্ধে লক্ষ্য রাখিয়া গ্রন্থকার বিত্তীয় সংস্রবণে গ্রন্থখানিকে পূর্ণতাদানের চেষ্টা করিবেন, ইহা আমরা আশা করিতে পারি। এইরূপ পুস্তকের প্রথম সংস্করণে পূর্ণোৎসর্গ আশা যায় না। রচনা প্রাঞ্জল। এবং কয়েকটি কবির কাব্য-সমালোচনার গ্রন্থকার কৃত্তিৎ প্রকাশ করিয়াছেন।

শ্রীশৈলেন্দ্রকৃষ্ণ লাহা

বলিদ্বীপে ইতিহাস ও সংস্কৃতি বিষয়ে অনুসন্ধান

শ্রীমুখার্জীকুমার চট্টোপাধ্যায়

বলিদ্বীপের অধিবাসীদের সঙ্গে যতটুকু সংস্পর্শে আসিবার সুযোগ আমার হইয়াছিল, তদ্বিষয়ে দারাবাহিক-ভাবে প্রবাসী পত্রিকায় পাঠকসমাজের নিকটে নিবেদন করিয়াছি। সর্বত্রই বলিদ্বীপীয়দের মধ্যে তাহাদের প্রাচীন সংস্কৃতি সম্বন্ধে—তাহাদের ধর্ম সাহিত্য শিল্প সম্বন্ধে একটা সচেতন ভাব দেখিয়াছি। কারাঙ-আসেমের রাজার বলিদ্বীপীয় শিল্পীদের দ্বারা ছবি আঁকানো, এবং সিমেন্টে বলিদ্বীপীয় ঢঙে মূর্তি ঢালাই করিয়া নিজ গৃহে ব্যবহার; সম্ভ্রত মহাভারতের সমস্ত পর্বে সম্পূর্ণ পাইবার আকাঙ্ক্ষা; ‘পদম’ ও ‘পুন্দ্রব’দের মধ্যে সংস্কৃত-চর্চার পুনরুজ্জীবনের জন্ম ইচ্ছা; পৌরাণিক নাটকের লোকপ্রিয়তা; শব্দাহ ও শ্রাদ্ধে প্রাচীনকালের মতই খটা করা; দেশে নানা ধর্মোৎসব;—এ সমস্তই ইহাদের নিজ সংস্কৃতির প্রতি একটা প্রাণের টানের পরিচায়ক। কিন্তু কেবলমাত্র অন্ধ আবেগের দ্বারা কিছু হয় না; প্রাণের টানকে একমাত্র জ্ঞানের দ্বারাই স্তৃষ্ট ও সাধক করা যায়। বলিদ্বীপের লোকেরা এ বিষয়ে বিচারশীল, তাই তাহাদের মধ্যে নিজেদের প্রাচীন ইতিহাস ও হিন্দু সংস্কৃতি সম্বন্ধে জ্ঞান বাড়াইবার জন্ম চেষ্টা দেখা যাইতেছে।

সুখের বিষয়, এই সংস্কৃতি আলোচনা বিষয়ে ডচ্ রাজা ও বলিদ্বীপীয় প্রজা উভয়ের মধ্যে প্রা সমযোগ দেখা যাইতেছে। ডচ্ জাতি ভাষায় এবং কতকটা রক্তে ইংরেজদের জাতি; বাণিজ্য-ও রাজ্য-বিস্তারে ইহারা ইংরেজদের মতনই কৃতিত্ব দেখাইয়াছে, এবং জ্ঞানের চর্চায় ইহারা ইংরেজদের চেয়ে কোনও অংশে কম নহে—বরঞ্চ ইংরেজ অপেক্ষা ইহারা জ্ঞানমানদের মত বেশী করিয়া জ্ঞানের সেবক। দ্বীপময় ভারতের নৈসর্গিক ও মানবকৃত মূলক উভয়বিধ সংস্থা ডচ্ সরকারের উৎসাহে ডচ্ পণ্ডিতেরা অতি সুন্দরভাবে চর্চা করিয়াছেন ও

করিতেছেন। ইউরোপীয় বা আধুনিক সভ্যতার যেটা প্রধান অনুপ্রাণনা—জানিবার জন্য কৌতুহল—তদ্বারা ডচেবা বিশেষ ভাবে অনুপ্রাণিত, এই কৌতুহলের ফলেই ইহাদের দ্বারা যবদ্বীপ বলিদ্বীপ প্রভৃতির প্রাচীন কথা লইয়া অনুসন্ধান ও গবেষণা।—এবং এই গবেষণার ফলে আমবাও উপকৃত; আমাদের আত্মপরিচয় ঘটাইতে ডচ্ জাতির অনুসন্ধিৎসা কম সাহায্য করে নাই। আমাদের ভারতকে সম্পূর্ণভাবে জানিতে হইলে যে ভারতের বাহিরেও দৃষ্টিপাত করিতে হইবে—ভারতের সীমা যে কেবল জম্বুদ্বীপ বা আজকালকার Indiaকে লইয়াই নহে—এই জ্ঞান আংশিক ভাবে ডচ্ পণ্ডিতদের আলোচিত দ্বীপময় ভারতের কথা হইতে আমরা লাভ করিয়াছি।

বলিদ্বীপে রবীন্দ্রনাথের ভ্রমণের সঙ্গে সঙ্গে সেখানকার কতকগুলি স্থানের অভিজাত ও পণ্ডিত সমাজে একটু সাড়া পড়িয়াছিল, এ কথা স্বীকার করিতে হইবে। তাহার আগমনে বহুশত বৎসর পরে আবার যেন নূতন করিয়া ভারত ও বলির মধ্যে যোগসূত্র স্থাপিত হইল। আমাদের ছুর্ভাগ্য যে তাহার ভ্রমণের পরে এ যোগসূত্রকে আরও স্তৃষ্ট করিবার জন্ম ভারতবর্ষ হইতে তাদৃশ কোন চেষ্টা হইতে পারিল না। আমরা নিজের দেশেই নানা দিকে বিপন্ন হইয়া রহিয়াছি, আমাদের চিত্ত বিক্ষিপ্ত, বিভ্রান্ত, উদ্বেগপূর্ণ; এইরূপ ক্ষেত্রে এইপ্রকার যোগ-স্থাপনের জন্য আমাদের ব্যাকুলতা না হইলে তাহা মার্জনীয়। কিন্তু তথাপিও এবিষয়ে আমাদের জাতীয় ইতিহাসের ও সংস্কৃতির অংশ হিসাবে কিছু দৃষ্টি আমাদের রাখা উচিত।

রবীন্দ্রনাথের পরে, ফরাসী সংস্কৃতজ্ঞ ও চীনা ভাষাবিজ্ঞ পণ্ডিত আচার্য্য শ্রীযুক্ত দিলভায়া লেভি বলিদ্বীপে যান। ইনি সেখানকার পদগুণের নিকট হইতে বহু সংস্কৃত মন্ত্রাদি সংগ্রহ করিয়া লইয়া আসিয়াছেন। বলি হইতে

ফ্রান্সে ফিরিবার পথে ইনি কলিকাতায় আসেন, শান্তিনিকেতনেও যান। ইহার নিকটে এই সব মন্ত্র দেখি। বড়ই আনন্দের কথা, এগুলির শুদ্ধ পাঠ সহ তিনি প্রকাশের ব্যবস্থা করিয়াছেন; শুনিতেছি বড়োদা হইতে ‘গায়কবাড় প্রাচ্য পুস্তকমালা’-র শীঘ্র প্রকাশিত হইবে।

বলিদ্বীপে ও যবদ্বীপে অবস্থান কালে কতকগুলি ডচ পণ্ডিতের সঙ্গে আমাদের আলাপ হয়। ইহারা একপ্রকার অননুগ্রহা হইয়া বলিদ্বীপের সংস্কৃতি লইয়া অমূল্যমান করিতেছেন। ইহাদের মধ্যে Dr. R. Goris খোরিস-এর কথা আমার বলি-ভ্রমণ প্রসঙ্গে বলিয়াছি। আর একজন পণ্ডিত হইতেছেন Dr. W. A. Stutterheim ষ্টুটারহাইম, —যবদ্বীপে ইহার সহিত আলাপ হয়। এবং তৃতীয় পণ্ডিত একজন হইতেছেন Dr. Pigeaud পিরো। এতদ্ভিন্ন আরও কয়েকজন আছেন। দেখিয়া আনন্দ হইয়াছিল, যেমন একদিকে ডচ সরকার ইহাদের পৃষ্ঠপোষকতা করিতেছেন, অত্র দিকে তেমনি বলির পূজব ব রাজারাও সাহায্য করিতেছেন। বলি ও লক্ষ দ্বীপদ্বয়ের প্রধান ডচ রাজপুরুষ—ঐ দুই দ্বীপ লইয়া যেন একটা জেলা, জেলার রেসিডেন্ট বা প্রধান ম্যাজিস্ট্রেট শ্রীযুক্ত L. J. J. Caron কারন এ বিষয়ে বিশেষ উৎসাহী ছিলেন। রবীন্দ্রনাথের বলি-ভ্রমণের পরে একবৎসরের ভিতরে ডচ সরকারের ও বলিদ্বীপীয়গণের মিলিত চেষ্টায়, উক্ত দ্বীপের সাহিত্য ইতিহাস দ্বন্দ্ব ও সাধারণ সংস্কৃতি লইয়া অমূল্যমান করিবার জন্য এবং যথা-সম্ভব বলিদ্বীপের সাহিত্য ও সংস্কৃতিকে স্বদৃঢ় ও উন্নতিশীল করিবার জন্য একটি পরিষৎ স্থাপিত হইয়াছে, সে বিষয়ে এই প্রবন্ধে কিছু বলিব।

বলিদ্বীপীয়দের সম্বন্ধে শ্রীযুক্ত কারনের সহায়ত্বভূতি ও প্রীতির কথা পূর্বে উল্লেখ করিয়াছি। বিগত ১৯২৮ সালের জুনমাসে ইহারই চেষ্টায় বলিদ্বীপে একটা সভা আহূত হয়, এই সভায় স্থির হয় যে F. A. Liefcrinck লীফ্রীঙ্ক ও Dr. H. Neubronner van der Tuuk ফান-ডেব্র-ট্যুক এই দুই জন ডচ পণ্ডিতের স্মৃতিরক্ষার জন্য একটা স্থায়ী সংস্থান প্রতিষ্ঠিত করা হইবে। এই দুই পণ্ডিত বলিদ্বীপীয় ইতিহাস, সামাজিক রীতিনীতি, সভ্যতা,

ভাষা ও সাহিত্য লইয়া প্রথম আলোচনা আরম্ভ করেন, এই বিষয়ে তাঁহারা অগ্রণী ছিলেন। যে সংস্থান স্থাপিত হইবে, স্থির হয় যে তাহাতে মুখ্যতঃ বলিদ্বীপীয় প্রাচীন তালপাতার পুঁথি সংগৃহীত হইয়া রক্ষিত হইবে। কিন্তু এইরূপ সংস্থান কেবল পুঁথি-সংগ্রহ কার্যেই নিবদ্ধ থাকিতে পারে না—স্থানীয় সংস্কৃতির সকল দিকই ইহাতে আলোচিত হইতে বাধ্য। এই সভা বা পরিষৎ স্থাপন করা স্থির হইল—যবদ্বীপ ও বলিদ্বীপে দ্বীপময় ভারতের কথা লইয়া গবেষণা করিতেছেন যে সকল ডচ পণ্ডিত, তাঁহারা তো প্রথম হইতেই যোগদান করিলেন, তাঁহারা এখন এই সভা লইয়া সম্পূর্ণ শক্তির সহিত কাজ করিতে লাগিয়া গিয়াছেন; এতদ্ভিন্ন বলিদ্বীপের অভিজাত ও শিক্ষিত সম্প্রদায়ও এই কার্যে অংশ গ্রহণ করিয়াছেন। ডচ সরকার হইতে যথায়োগ্য আর্থিক সহায়তাও পাওয়া গিয়াছে। এই সভা যেন বলিদ্বীপের পক্ষে আমাদের বঙ্গীয়-সাহিত্য-পরিষৎ বা এশিয়াটিক-সোসাইটি-অফ-বেঙ্গল-এর মত একটা ব্যাপার হইয়া দাড়াইয়াছে। এখানে প্রাচীন পুঁথির ও ভাস্কর্য্য এবং অত্র শিল্পের নিদর্শন সংগৃহীত হইতেছে, এবং পণ্ডিতদের দ্বারা নিয়মিত ভাবে পত্রিকা ও পুস্তকাদি প্রকাশিত হইতেছে। এই সভা এখন গৃহ পাইয়াছে, ইহার নামকরণও হইয়াছে। বলিদ্বীপের রাজধানী সিংহরাজ্যে একটা ছোট কিন্তু বেশ কাষোপযোগী বাড়ী সরকার হইতে দেওয়া হইয়াছে; আগুন লাগিলেও পুড়াইবে পারিবে না এমন একটা ঘর এই বাড়ীতে আছে, সেখানে সংগৃহীত পুঁথিগুলি রাখা হয়। ১৯২৮ সালের সেপ্টেম্বর মাসে নেদার্ল্যান্ডস্-ইণ্ডিয়ার লার্টসাহেব শ্রীযুক্ত De Graeff ডে-গ্রেফ এই পরিষৎ-গৃহ সাধারণের জন্ত উন্মোচন করেন। উহার স্থাপনের বৎসর—খ্রীষ্টাব্দ ১৯২৮শে ১৮৫০ শকাব্দ (বলি ও যবদ্বীপে আমাদের শকাব্দ ব্যবহৃত হয়) ‘চন্দ্রসংকাল’ রীতিতে চিহ্নের দ্বারায় গৃহের দ্বারদেশে অঙ্কিত হইয়াছে—আমাদের ‘একে চন্দ্র দুইয়ে পক্ষ’র মতন;—মামুষ (১), হাতী (৮—অষ্টদিগগজ), বাণ (৫—পঞ্চবাণ) ও মৃত দেহ (০—শূন্য)—এই কয়টা চিহ্নে ১৮৫০ শক জ্ঞাপিত

হইয়াছে। প্রবেশ-তোরণের দুই দিকে সীতা ও রামের মূর্তি রক্ষিত হইয়াছে। প্রথমতঃ এই প্রতিষ্ঠানের



‘লৌকরিক্-ফান্-ডের-ট্যুক্-কীর্তি’-র প্রবেশ-দ্বার

নাম-করণ হয় ডচ্ ভাষায়—Stichting Lieftrinck Van der Tuuk—ডচ্ শব্দ Stichting ‘স্টিখ্টিঙ্’-এর অর্থ ‘প্রতিষ্ঠান’। কিন্তু এই প্রতিষ্ঠানের নামে বলিদ্বীপীয় ভাব দিবার জ্ঞাত একজন বলিদ্বীপীয় রাজার প্রস্তাবে (ইনি হইতেছেন I Goesti Poetoe Djilantik, টাণ্ডু পুত্ৰ জিলাস্তিক, বুলেলেডের জমীদার) ডচ্ শব্দের পরিবর্তের বলিদ্বীপীয় ভাষায় ব্যবহৃত Kirtya ‘কীর্ত্য’ শব্দটি গৃহীত হইয়াছে; এই শব্দটি আমাদের সংস্কৃত ‘কীর্তি’ শব্দেরই বিকার—বলিদ্বীপীয় ভাষায় বিস্তৃত রূপে ‘কীর্তি’ শব্দের ব্যবহার নাই, ইহাদের ভাষায় শব্দটি দাঁড়াইয়াছে ‘কীর্ত্য’ বা ‘কীর্তো’। এখন প্রতিষ্ঠানটির নাম এইরূপ হইয়াছে Kirtya Lieftrinck-Van der Tuuk—অর্থাৎ ‘লৌকরিক্-ফান্-ডের-ট্যুক্-কীর্তি’।

স্থাপনের সঙ্গে সঙ্গেই ‘কীর্তি’-তে কাজ আরম্ভ হইয়া গিয়াছে। পুঁথি সংগ্রহ চলিতেছে, এবং গত ডিসেম্বর মাস পর্যন্ত পাঁচ খণ্ড পুস্তক প্রকাশিত হইয়াছে। এই পুস্তকগুলি প্রণয়নে ডচ্ ও বলিদ্বীপীয় পণ্ডিতেরা মিলিয়া কাজ করিয়াছেন; ‘কীর্তি’-তে যে ভাবে সংগ্রহ সংরক্ষণ অনুসন্ধান ও অঙ্কুশীলন চলিতেছে, সে সম্বন্ধে এগুলি হইতে একটা ধারণা করা যাইবে। এতাবৎ ‘কীর্তি’-র Mededeelingen বা অনিয়মিত সাময়িক পত্রিকা দুই

খণ্ড বাহির হইয়াছে; Kidung Pamancangah নামে একখানি বলিদ্বীপীয় ইতিহাস বিষয়ক গ্রন্থ রোমান অক্ষরে ডচ্-টীকা টিপ্সনী সমেত C. C. Berg কর্তৃক সম্পাদিত হইয়া প্রকাশিত হইয়াছে; এবং দুই খণ্ডে Dr. Stutterheim প্রকাশ করিয়াছেন বলিদ্বীপের Pedjeng পেজেঙ রাজ্যের মধ্যে প্রাপ্ত প্রাচীন বস্তুর বিবরণী ও চিত্রাবলী (Oudheden van Bali—Het oude Rijk van Pedjeng)—প্রথম খণ্ডে প্রাপ্ত বস্তুর বর্ণনা, প্রাচীন লেখের সম্পাদন, ও বলিদ্বীপের ইতিহাস প্রভৃতি বিষয় আছে; এবং দ্বিতীয় খণ্ডে আছে প্রায় ১৩০ খানি চিত্র ও নক্সা। (এই প্রবন্ধে ডক্টর ষ্টুটারহাইমের বই হইতে গৃহীত প্রাচীন বলিদ্বীপের বৌদ্ধ ও ব্রাহ্মণ্য শিল্পের কতকগুলি নিদর্শন প্রকাশিত হইল; এগুলি হইতে বলিদ্বীপের প্রাচীন কীর্তির যৎকিঞ্চিৎ পরিচয় পাওয়া যাইবে।)

ডক্টর থোরিস্ ‘কীর্তি’-র পুঁথি সংগ্রহ বিভাগের তত্ত্বাবধানে নিযুক্ত আছেন, এবং তিনিই ইহার প্রাণ-স্বরূপ। সমগ্র বলি ও লম্বকে পুঁথির জ্ঞাত রীতিমত অনুসন্ধান চলিতেছে। প্রাচীন পুঁথি পাইলে ‘কীর্তি’-তে সংগৃহীত তা হইতেছে, এতদ্বারা নিয়মিত ভাবে প্রাচীন পুঁথির নকলও করিয়া রাখা হইতেছে। পুঁথি সমস্ত তাল-পাতার, লোহার লেখন দিয়া খুঁদিয়া খুঁদিয়া লেখা; উড়িয়া ও দক্ষিণ ভারতের পুঁথির মত। আবার সচিত্র পুঁথিও পাওয়া যায়—উড়িয়ার মত, তালপাতার উপরে ঐ লোহার লেখন দিয়া আঁচড় কাটিয়া অতি সুন্দর ছোটো চিত্রে ভরা পুঁথি বলিদ্বীপে খুব আছে। এই সব সচিত্র পুঁথিরও নকল হইতেছে, এবং এজ্ঞাত ‘কীর্তি’-কর্তৃক চিত্রকর নিযুক্ত হইয়াছে। শ্রীযুক্ত থোরিস আমায় চিঠি লিখিয়াছেন, পুঁথি-সংগ্রহ সম্পর্কে তিনি বলিতেছেন—‘কিভাবে আমি পুঁথি-সংগ্রহ করিতেছি জানেন? বলিদ্বীপে প্রায় চল্লিশজন ‘পুন্ডব’ বারাজা আছেন; প্রথমতঃ, ‘কীর্তি’-র পক্ষ হইতে তাঁহাদের অনুরোধ করিয়া পাঠাই যে তাঁহারা নিজ নিজ অধিকারের মধ্যে কাহার কাছে কি পুঁথি আছে তাহার যেন একটা তালিকা করিয়া পাঠান। এট সকল তালিকা হইতে কতকগুলি পুঁথির নাম বাছিয়া লওয়া হয়,

পরে নিৰ্ধাৰিত পুথিৰ তালিকা পুস্তকবোৰৰ কাছে প্ৰতাপিত হয়। তাৰ পৰে কোনও সময়ে কোনও অঞ্চল বিশেষে



‘কীৰ্ত্তি’-ৰ পুথি-শালা

গিয়া নিৰ্ধাৰিত পুথিগুলি অনাইয়া একত্ৰ কৰিয়া লই, এবং সেগুলি নকলৰ উপযুক্ত কিনা পৰীক্ষা কৰিবাব জন্ম ‘কীৰ্ত্তি’-তে লইয়া আসি। সম্পূৰ্ণ থাকিলে এবং ভালো কৰিয়া লেখা হইলে, বলিদ্বীপেৰ নানাস্থানে ভাল পুথি-লেখক যাহাৰা আছেন তাহাদেৰ কাছে অহুলিখনেৰ জন্ম পাঠাইয়া দিই, ‘কাৰ্ভ’-ৰ তহবিল হইতে তাহাদেৰ পাৰিশ্ৰমিক দেওয়া হয়। নকলেৰ পৰে, মূল পুথিগুলি মালিকদেৰ নিকটে ফেরত পাঠানো হয়, এবং নকল গুলি ‘কীৰ্ত্তি’-ৰ পুথি-শালায় বৰ্জিত হয়।.....আমরা প্ৰথমটায় চাহ—যতদূৰ সাধ্য সম্পূৰ্ণ একটা পুথিৰ সংগ্ৰহ কৰিয়া তোলা। তাহাৰ পৰে আবগুক,—প্ৰথম, বলিদ্বীপীয় ও প্ৰাচীন যবদ্বীপীয় সাহিত্যেৰ একটা নূতন ও উপযোগী তালিকা রচনা কৰা; দ্বিতীয়তঃ—যে বইগুলি আবগুকায় বা মূল্যবান, ডচ অহুবাদ ও টিগ্ৰনীর সহিত রোমান অক্ষরে লিখা সেগুলিকে ছাপাইয়া ফেল। যতগুলি পাৰা যায় মূল্যবান পুস্তক (বিশেষতঃ ধৰ্ম্ম ও ইতিহাস সংক্রান্ত পুস্তক) ধৰিয়া ছাপাইবাব পক্ষে এই-ই হইতেছে প্ৰশস্ত সময়।’

প্ৰথম সংখ্যা Mededeelingen বা সাময়িক পত্ৰিকায় ‘কীৰ্ত্তি’-ৰ সহকাৰী গ্ৰন্থাধ্যক্ষ (ইনি বলিদ্বীপীয়, ই’হাৰ নাম Njoman Kadjeng ঞ্জোমান্ কাজেঙ্) ডচ ভাষায়, বলিদ্বীপীয় পুথিৰ শ্ৰেণী বিভাগ ব্যাপদেশে বলিভাষায় সাহিত্যেৰ একটা প্ৰাথমিক দিগ্‌দৰ্শন

প্ৰদান কৰিয়াছেন। তাহাৰ শ্ৰেণী বিভাগে বলিদ্বীপীয় গ্ৰন্থনিচয়কে তিনি ছয়টা মুখ্য শ্ৰেণীতে কেলিয়াছেন; (১) বেদ—বেদ অৰ্থে মন্ত্ৰ ও পূজাৰ অহুষ্ঠান সংক্রান্ত পুথি; (২) আগম—আমাদেৰ ধৰ্ম্মশাস্ত্ৰ ও নীতি গ্ৰন্থ লইয়া; (৩) Wariga বাৰিগ—জ্যোতিষ, দেবতাদেৰ উপাখ্যান, ব্যাকৰণ, ছন্দ, ‘স্মৰ-তত্ত্ব’ এবং ‘উসদ’ (অৰ্থাৎ ‘ঐশ্বৰ্য’ বা চিকিৎসা-বিদ্যা), ও অন্যান্য বিদ্যা; (৪) ইতিহাস—ইহাৰ অন্তৰ্গত, রামায়ণ ও মহাভাৰতেৰ অহু-বাদ,—গদ্য (‘পৰ্ব’) ও পদ্য (Kakawin ‘ককবিন্’); ও প্ৰাচীন যবদ্বীপেৰ রাজকাহিনী অবলম্বনে রচিত কাব্য; (৫) Babad ‘ববদ’ বা গদ্য ইতিহাস; ও (৬) ‘তত্ত্ব’ বলিদ্বীপীয় ভাষায় কামন্দক প্ৰভৃতি নীতিশাস্ত্ৰেৰ অহুবাদ, এবং নীতিবিষয়ে বলিদ্বীপীয়দেৰ মৌলিক রচনা। এই



বোদিসত্ব-মূৰ্ত্তি (ভারত-বলি যুগেৰ)



ରାଜାହୀନାର ସୁବାହନୀ ଆର୍ତ୍ତ ଦ ହାତୀ

ଶ୍ରୀମଦ୍ରାମାୟଣ ନାମ ସ ଗୋବିନ୍ଦା

ଓ ହନୁମାନ୍ତଙ୍କଦ୍ୱାରା ଚଳୁ ଖାଦ୍ୟାଦିର କାହାଣୀ ସହିତ

ଅବତାର ଶ୍ରେୟ, କବିକାନ୍ତା



বলিছৌপের পুরাতন পটের আংশ
 দুইটি পৃষ্ঠ ১। অখ্যোবোহী রাজ, ২। মুতের জন্ম বিলাপ
 দ্বিস্বনীতিব্রুনার চারুপাখ্যায়ের সংগ্রহ ইইতে

প্রবাসী প্রেস, কলিকাতা

ছয়টি মুখ্য শ্রেণী ও তাহাদের উপশ্রেণীতে ২০০এর উপর বিভিন্ন পুঁথির নাম পাওয়া যাইতেছে। এই সমস্তই বলিদ্বীপীয় ভাষার পুঁথি। এতদ্ভিন্ন বলিদ্বীপে সংস্কৃত পুঁথি (বলি বা যবদ্বীপীয় অক্ষরে লেখা) কিছু কিছু আছে। কারেঙ-আসেম-এ অবস্থান-কালে সেখানকার রাজার কাছে তাত্ত্বিক দর্শন ও সাধন-সম্বন্ধে একখানি পুঁথি লইয়া রবীন্দ্রনাথকে আলোচনা করিতে হইয়াছিল, সেখান পূর্বে বলিয়াছি। এইরূপ আশা করা যায় যে যুব অসাধারণ কোনও সংস্কৃত বই বলিদ্বীপে না পাওয়া গেলেও, মূল্যবান বা অজ্ঞাত বা লুপ্ত কোন ছোটখাট বই মিলিতেও পারে।



শিব (ভারত-বলি যুগ)

সাময়িক পত্রিকাটির দ্বিতীয় খণ্ডে ‘কীর্তি’র পুঁথি-সংগ্রহের একটু পরিচয় দেওয়া হইয়াছে। মূল ও অঙ্কলিখন দুইয়ে মিলিয়া ২৫০এর উপর পুঁথি ইহার সাংগ্রহ করিয়াছেন। বর্তক পুঁথি লক্ষকদ্বীপ হইতে আসিয়াছে। লক্ষকদ্বীপ বলির পূর্বেই। এখানকার লোকদের Sasak ‘সাসাক’ বলে। ইহার বলিদ্বীপীয়দের জাতি-স্থানীয়, কিন্তু এখন ইহার

মুসলমান হইয়া গিয়াছে। বলিদ্বীপীয়েরা লক্ষক জয় করিয়া সাসাকদের উপর রাজত্ব করিত। ‘সাসাক’ ভাষার পুঁথিও সংগৃহীত হইতেছে।



নারী-মূর্ত্তিময় পয়ঃ-প্রণালী (প্রাচীন-বলি যুগ)

পুঁথি সংগ্রহের ভার যেমন ডাক্তার থোরিস গ্রহণ করিয়াছেন, প্রত্নতত্ত্ব-সংগ্রহ ও প্রাচীন লেখ উদ্ধার এবং প্রাচীন স্থান খুঁড়িয়া আবিষ্কারের ভার তত্ব হইয়াছে শ্রীযুক্ত ষ্টুটারহাইমের উপরে। যবদ্বীপের প্রাচীন ইতিহাস সম্বন্ধে ইনি একজন সর্বত্র সমাদৃত বিশেষজ্ঞ। ইহার নানা পুস্তক ও প্রবন্ধাদি আছে। যবদ্বীপে সুরকর্ত্ত নগরে ইনি একটা বিদ্যালয়ের অধ্যক্ষ। এখানে যবদ্বীপীয় ছেলেমেয়েদের বিশেষভাবে যবদ্বীপীয় সাহিত্য ও ইতিহাস এবং সংস্কৃতি বিষয়ে শিক্ষা দেওয়া হয় এই বিদ্যালয়টি যবদ্বীপের Arts Universityতে ভবিষ্যতে রূপান্তরিত হইবে আশা করা যায়। এই বিদ্যালয় সম্বন্ধে আমার ‘দ্বীপময় ভারত’ যবদ্বীপ প্রসঙ্গে বলিব। শ্রীযুক্ত ষ্টুটারহাইমের ‘চিত্রে যবদ্বীপের ইতিহাস’ বইখানিতে বহু প্রাচীন ভাস্কর্য ও

অত্র শিল্প বস্তুর সাহায্যে যবদ্বীপের ইতিহাস সম্বন্ধে আমাদের বেশ চমৎকার একটা ধারণা করা হয়। এই বইখানি বাতাবিয়া হইয়া ডচ, মালাই, যবদ্বীপীয় ও ইংরেজী—এই কয়টা বিভিন্ন সংস্করণে প্রকাশিত হইয়াছে। ‘কীৰ্ত্তি’-র মারফৎ ইনি বলিদ্বীপের ভিন্ন ভিন্ন স্থানে ইহার অতুল্যমান ফল প্রকাশিত করিতেছেন। পেজেঙ-নামক স্থানে অনেকগুলি সংস্কৃত ও বলিদ্বীপীয় ভাষায় প্রাচীন লেখ পাওয়া গিয়াছে। এই লেখগুলি বেশীর ভাগই বৌদ্ধ ও শৈব এবং শাক্ত মন্ত্র ও পূজা পদ্ধতি লইয়া। বৌদ্ধ ‘যে ধৰ্ম্মা হেতুপ্রভাবা’ মন্ত্র আছে; আবার বিকৃত সংস্কৃতে অত্র মন্ত্র বা নমস্কার আছে;—যথা, ‘নমঃ ত্রয়সর্বতথাগত তদপগন্তং জল জল ধমদা আল সংহর সংহর আয়ুঃ সংসাদ সংসাদ সর্বদান্যং পাপং সৰ্বতথাগত সমস্তা য়ীথ বিমল শুদ্ধ স্বাহা।’ কতকগুলি লেখ বেশ বড়; অধি-কাংশই ভগ্ন ও অসম্পূর্ণ অবস্থায়। অনেকগুলি মূর্তি পাওয়া গিয়াছে, বৌদ্ধ ও ব্রাহ্মণ্য উভয়বিধ ধর্ম্মের। বোধিসত্ত্ব ও বুদ্ধ, শিব, দেবী মহিষমর্দিনী, গণেশ ইত্যাদির মূর্তি। এতদ্ভিন্ন বলিদ্বীপীয় রাজা রাণী প্রভৃতিরও মূর্তি আছে, মণ্ডনশিল্পের অদ্বীভূত নারীমূর্তিও আছে। যবদ্বীপে যে রীতির মূর্তি পাওয়া গিয়াছে, এগুলি সেই রীতির; তবে বলিদ্বীপের বৈশিষ্ট্যও আছে।

খ্রীষ্টাব্দ ষ্টুটার্‌হাইমের বইয়ে তাহার অতুল্যমান প্রথম ফল স্বরূপ এই মূর্তিগুলির চিত্র প্রকাশ করিয়াছেন। ভারতবাসী এবং হিন্দুর পক্ষে এই বইয়ের চিত্রাবলী আনন্দের সহিত স্বীকর্তব্য। খ্রীষ্টাব্দ ষ্টুটার্‌হাইম বলিদ্বীপের প্রাচীন ইতিহাসের কাঠামো দিয়াছেন। বলিদ্বীপের শিল্প ও সংস্কৃতির ইতিহাসকে তিনি তিনটা মুখ্য যুগে বিভাগ করিয়াছেন; (১) ভারত-বলি যুগ, খ্রীষ্টীয় ৮ম হইতে ১০ম শতক পর্য্যন্ত; এই যুগের পূর্বেকার কোনও লিপি বা লেখ এ-যাবৎ বলিদ্বীপে পাওয়া যায় নাই; এই সময়ের শিল্পে ভারতীয় প্রভাব বিশেষ স্পষ্ট, এ সময়ের শিল্প সমকালীন যবদ্বীপীয় ভাস্কর্যেরই মতন; (২) প্রাচীন-বলি যুগ, খ্রীষ্টীয় ১০ম হইতে ১৩শ শতক পর্য্যন্ত; এই সময়ে বলিদ্বীপীয়দের বৈশিষ্ট্য ফুটিয়া উঠিতেছে দেখা যায়; (৩) মধ্য-বলি

যুগ, খ্রীষ্টীয় ১৩শ—১৪শ শতক; ও তৎপরে (৪) নবীন বা অর্ধাচীন বলি যুগ। প্রদর্শিত চিত্রগুলি হইতে বলিদ্বীপের প্রাচীন শিল্পের কিছু পরিচয় পাওয়া যাইবে।



মহিষ-মর্দিনী দুর্গা (প্রাচীন-বলি যুগ)

‘কীৰ্ত্তি’ পরিষৎ বলিদ্বীপের প্রাচীন কীৰ্ত্তি আলোচনার জন্ত যাহা করিতেছেন তাহার কিঞ্চিৎ আভাস দেওয়া গেল। বলিদ্বীপের প্রাচীন কীৰ্ত্তি আংশিক ভাবে ভারতের বলিয়া, আমরাও তাহার দাবী করিতে পারি। বলিদ্বীপের লোকেরা, সংস্কৃত-ভাষা বাহার বাহন সেই প্রাচীন ভারতীয় সভ্যতা ও ধর্ম্মকে এখনও মানিয়া থাকে। পূর্বে পুরুষদের নিকট হইতে প্রাপ্ত আমাদের রিক্থ কাল-ধর্ম্মে কোথাও আর অবিকৃত নাই—না বলিদ্বীপে, না ভারতে; তবে ভারতে যোগস্বয় অবশ্য কখনও ছিন্ন হয় নাই। কিন্তু বলিদ্বীপেও কতকগুলি বিষয় এখনও স্বরক্ষিত আছে, ইহা নিশ্চিত। প্রাচীন ভারতের স্বরূপ জানিতে হইলে এই জিনিসগুলিরও চর্চ্চা অপরিহার্য্য হইবে। ‘কীৰ্ত্তি’ এই কাখ্য গ্রহণ করিয়াছে বলিয়া ইহার

কর্তৃত্বভারে আমাদেরও অংশ গ্রহণ করা উচিত। বহির্ভারতের বা বৃহত্তর ভারতের কথা হইতে আমাদের প্রাচীন ভারতের সম্বন্ধে অনেক খবর জানিতে পারিব। ভারতবাসীর পক্ষে এই জ্ঞান ‘কীৰ্ত্তি’-র সহিত সহায়ত্ব প্রকাশ করা ও ইহার সহায়তা করা উচিত। অবশ্য ‘কীৰ্ত্তি’ হইতে প্রকাশিত গ্রন্থাবলীর ভাষা (ডচ্ মালাই, বলিদ্বীপীয়) আমরা বুঝি না; কিন্তু দীপময় ভারতের সহিত ভারতের যোগ আলোচনা করিতে গেলে এই সকল ভাষা (অন্ততঃ ডচ্) অপরিহার্য হইবে।

‘কীৰ্ত্তি’ যে কেবল বলিদ্বীপের প্রাচীন পুঁথির

সংরক্ষণ ও প্রাচীন ইতিহাসের উদ্ধার করিয়াই ক্ষান্ত থাকিবে, তাহা নহে। মৃত অতীতকে লইয়া যে অনুসন্ধান, তাহাকে জীবিত বা আধুনিক কালের জ্ঞানও সার্থক এবং কার্যকর করাও ইহার উদ্দেশ্য। বলিদ্বীপীয় ভাষায় সাহিত্য ও জ্ঞান প্রচার করা ইহার অন্যতম উদ্দেশ্য। মুখ্যতঃ, বলিভাষায় একখানি নিয়মিত সাময়িক পত্র প্রকাশ করিয়া এই উদ্দেশ্য সাধন করা হইবে। এইরূপে ‘কীৰ্ত্তি’ বলিদ্বীপের সংস্কৃতির পুনর্জাগৃতি বিষয়ে সহায়ক হইবে। যদি এই কার্য সংঘটিত হয়, তাহা হইলে বলিতে হইবে যে, ডচেরা আসিয়া



রাণী বা রাজপুত্রীর মূর্তি (মধ্য-বলি যুগ)



গণেশ (মধ্য-বলি যুগ)

বাস্তবিকই বলিদ্বীপের উন্নতি করিলেন, এবং বলিদ্বীপীয়-দের জ্ঞান এই ‘কীৰ্ত্তি’ পরিষৎ ডচ্ জাতির সর্ব শ্রেষ্ঠ দান হইল। ‘ধন্যদানং সৰ্বদানং জিনাতি’—ধর্মদান অন্য সব দানকে জয় করে; নিজেদের জাতীয় সংস্কৃতির ও সাহিত্যের পুষ্টিসাধন যদি বলিদ্বীপীয়েরা করিতে পারে, তাহাভেই তো তাহাদের জাতির ধর্ম রক্ষা হইল। এই

সম্পর্কে ডাক্তার থোরিস আমায় লিখিয়াছেন (১৯৩০ সালের জুলাই মাসে) :—‘আর একটি কথা শুনিয়া আপনি খুশী হইবেন, আমরা শীঘ্রই বলিভাষায় একখানি মাসিক পত্র প্রকাশ করিব। ইহাতে বলিভীপের সংস্কৃতি, ধর্ম, শিল্পকলা ও সাহিত্যের আলোচনা থাকিবে। পত্রিকার জন্ম গ্রাহক সংগ্রহ হইতেছে, এবং বহু সহযোগী (ইহার সকলেই বলিভীপীয়) ইতিমধ্যেই তাঁহাদের সাহায্য দানে স্বীকৃতি জ্ঞাপন করিয়াছেন, অনেকে তাঁহাদের প্রবন্ধও পাঠাইয়া দিয়াছেন। বেশীর ভাগ গ্রাহকেরা চাহেন যে মাসিকখানি বলিভীপের অক্ষরেই মুদ্রিত হয়। সেইজন্ম আমরা স্থির করিয়াছি যে আংশিক ভাবে এই অক্ষরে মুদ্রণ করা হইবে। অক্ষরের জন্ম ইতিমধ্যে হলাও অর্ডার পাঠানো হইয়াছে। বোধ হয় মাস দুইয়ের মধ্যে এই নূতন মাসিক প্রকাশিত হইবে—বলিভাষায় ও মালাইয়ে—বলিভাষার অংশ খানিকটা বলিভীপীয় অক্ষরে ছাপানো হইবে (বাকীটুকুন রোমানে)।’ শ্রীযুক্ত থোরিস আরও লিখিতেছেন—‘আজকালকার বলিভীপীয়েরা সত্যাকার হিন্দুধর্ম সম্বন্ধে সচেতন ও উৎসাহ পোষণ করে—ওদেশে (অর্থাৎ ভারতবর্ষে) প্রাচীন ধর্ম, সভ্যতা ও শিল্প বাহা বিদ্যমান আছে সে সম্বন্ধে জানিতে চাহে। সুতরাং হিন্দু সংস্কৃতি বিষয়ে আধুনিক অভিমত—বলিভীপীয় ও ভারতীয়দের মধ্যে ভাবের আদান-প্রদান—বিষয়ে সত্যসত্যই এদেশের লোকদের খুব উৎসুক দেখা যায়।’

‘কীর্তি’-তে ইতিমধ্যেই শ্রীযুক্ত থোরিস সংস্কৃত পড়াইতে আরম্ভ করিয়া দিয়াছেন। চারি জন বলিভীপীয় ছাত্র খুব আগ্রহের সঙ্গে পড়িতে আরম্ভ করিয়াছেন। গীতার ভচ্ অম্ববাদ আছে, বলিভাষায়ও মূল সংস্কৃত সহ তাহার অম্ববাদ প্রকাশ, আশা করা যায় এই ‘কীর্তি’ হইতেই হইবে। ইহা দ্বারা হিন্দুর শ্রেষ্ঠ ধর্ম গ্রন্থের সহিত বলিভীপীয়দের সাক্ষাৎ পরিচয় ঘটিবে। অত্যান্ত সংস্কৃত বইয়েরও অম্ববাদ ক্রমশঃ প্রকাশিত হইবে। ডাচদের সাহায্যে বলিভীপীয়েরা নিজেরাই লাগিয়া গিয়াছে; আর আমাদের দ্বারা ভারতবর্ষ হইতে সংস্কৃত শিক্ষক পাঠাইবার কথা চাপা পড়িয়া গেল, সম্ভবপর হইল না। যিনি

এ বিষয়ে বলিভীপীয়দের মধ্যে কাৰ্য্য করিবেন, তাঁহাকে তত্ত্ব জানিতে হইবে, এবং তত্ত্বশাস্ত্রের প্রতি শ্রদ্ধা লইয়া যাইতে হইবে। ওখানে রামায়ণ মহাভারত বুঝে, পূজা হোম বুঝে,—কিন্তু আখ্যাসমাজী বা অন্য কোন আধুনিক মতবাদ উহার বৃদ্ধিবে না। এখনই কোনও আধুনিক ভারতীয় মতবাদ বলিভীপীয়দের



চতুর্ভুজ মূর্তি (চতুঃকায), শিবের ত্রিনেত্র, বিষুদ্র শঙ্খ ও ব্রহ্মাণ্ড পুস্তক সহ (মধ্যবলি যুগ)

মধ্যে প্রচার করিতে গেলে সমস্তই পণ্ড হইয়া যাইবে। উহাদের দেশে যে ভাবে হিন্দু ধর্মের ও হিন্দু সংস্কৃতির বিকাশ হইয়াছে, তাহাকেই পূর্ণভাবে মানিয়া লইয়া

তাহারই মধ্য দিয়া আমাদের উভয় জাতির সংস্কৃতির ও ধর্মের চিরন্তন আদর্শ ও সত্যগুলিকে শিক্ষা দিতে পারা যায়। খ্রীষ্টান মিশনরীদের মতন আলোকদানের স্পন্দনা লইয়া, Superiority Complex-এর বশবর্তী হইয়া বলিদ্বীপে সংস্কৃত-শিক্ষক যেন না যান। যাওয়ার অন্তরায়ও অনেক। ডচ্ সরকারের অস্বাভাবিকতা না হইলে কিছুই হইবে না; এবং মালাই ও বলিভাষায় তথা ডচে কিঞ্চিৎ জ্ঞানও দরকার। মোট কথা—Historical Sense বা ইতিহাস-বোধ থাকার নাই, এমন ব্যক্তি কোন উপকার করিতে পারিবেন না।

বলিদ্বীপে ইংরেজী জানা দুই চারি জন শিক্ষিত লোক আছেন। ডাক্তার থোরিস লিখিয়াছেন—‘ভারতবর্ষ হইতে হিন্দু ইতিহাস ও সংস্কৃতি সম্বন্ধে বই পাইলে ইহাদের সাহায্যে উপযোগী পুস্তক বা প্রবন্ধ বলিভাষায় বা মালাইয়ে অনুবাদ করাইয়া প্রকাশিত করা যায়—ইহা দ্বারা বলিদ্বীপীয়গণ ভারতবর্ষে তাহাদের হিন্দুভ্রাতৃগণ যে যে বিষয়ে আলোচনা করিয়াছেন বা জ্ঞান-সাধনের পথে অগ্রসর হইয়াছেন সেই সেই বিষয় সম্বন্ধে খবর পাইবে। এই সকল

পুস্তক বা প্রবন্ধ সংক্ষিপ্ত আকারে বা সম্পূর্ণ অনুবাদে বলিভাষায় মাসিক পত্রিকায় প্রকাশিত হইতে পারে, এবং যে পুস্তক বা প্রবন্ধ হইতে এই সকল অনুবাদ বা সার-সংকলন গৃহীত হইবে, তাহার পূর্ণ উল্লেখ থাকিবে।’

পাটনায় বিগত নিখিল-ভারতীয় প্রাচ্যবিদ্যাবিদগণের (যষ্ঠ) সম্মিলনীতে ‘কীর্ত্তি’-র কার্যাবলীর প্রতি আমাদের দেশের প্রাচ্যবিদগণের দৃষ্টি আকর্ষণ করিয়াছি। সম্মিলনীতে ‘কীর্ত্তি’-র প্রতি স্বাগত ও অভিনন্দন বাণী জ্ঞাপন করিয়া এবং ‘কীর্ত্তি’-র সহিত সহযোগিতা করিবার জন্য ভারতের তাবৎ প্রাচীন সংস্কৃতি ও সাহিত্য আলোচনা-কারী মণ্ডলীর নিকট অনুরোধ জানাইয়া একটা প্রস্তাব গৃহীত হয়। ‘কীর্ত্তি’-র সহিত পুস্তকাদি বিনিময়ের ব্যবস্থা তাবৎ মণ্ডলী করিতে পারেন। কলিকাতা বিশ্ববিদ্যালয়ের সহিত এই সংযোগ স্থাপিত হইয়াছে। ‘কীর্ত্তি’-র বাৎসরিক টাঙ্গাও বেশী নহে—টাকা আটনয়ের অধিক হইবে না। ইহার ঠিকানা—Kirtya Liefcrinck-Van der Tuuk, Singaradja, Bali, Netherlands India. আশা করি ভারতবর্ষ হইতে যথায়োগ্য সাহায্য লাভে এই নবীন পরিষৎ বঞ্চিত হইবে না।

মহামায়া

শ্রীমতী দেবী

৪৩

দেবকুমার মায়াকে লইয়া ফিরিয়া আসিবামাত্র সমস্ত বাড়িতে সাড়া পড়িয়া গেল। নিরঞ্জন অন্য একটা গাড়ীতে কন্যার সন্ধানে বাহির হইয়াছিলেন, তাঁহাকে খবর দিয়া কিরীয়া আনিবার জন্য তৎক্ষণাৎ একজন চাকর সাইকেল চড়িয়া বাহির হইয়া গেল। ইন্দু, আয়া, চাকরবাকর সকলে ভিড় করিয়া দরজার কাছে আসিয়া দাঁড়াইল।

মোটরের দরজা খুলিয়া দেবকুমার নামিয়া পড়িল।

ইন্দুকে সামনে দেখিয়া বলিল, “শ্রীমতী, মায়া ত অজ্ঞান হয়ে পড়েছেন, ওঁকে এখনি উপরে নিয়ে যেতে হবে।”

ইন্দু ব্যস্ত হইয়া উঠিল, বলিল, “ওমা আবার অজ্ঞান হয়ে গেল? কি রোগেই যে ধরল মেয়েটাকে, আবার একটা ভালমন্দ কি হয় কে জানে”, তারপর গাড়ীর কাছে আসিয়া মায়ার দিকে চাহিয়া সে একেবারে শিহরিয়া উঠিল। “দেবকুমারের দিকে কিরীয়া বলিল, “এ যে ভিজে চুবচুব করছে? জলে পড়ল কি করে?”

দেবকুমার একটু যেন বিরক্ত হইয়া বলিল, “সবই

বল্ছি, আগে শুকে উপরে নিয়ে যেতে দিন, না হলে ঠাণ্ডা লেগে শেষে নিউমোনিয়া হয়ে দাঁড়াবে।”

ইন্দু আর আয়া তাড়াতাড়ি উপরে চলিল, মায়ার বিছানা এবং কাপড়চোপড় ঠিক করিতে। দেবকুমার আবার মাঝকে তুলিয়া লইয়া অগ্রসর হইল। উত্তেজনার তখন তাহার নিজের শরীর কাপিতেছিল, কিন্তু মনের জোরে সে নিজেকে চালাইয়া লইয়া যাইতেছিল। মায়ার অস্ত্র যাহা যাহা করিবার তাহাতে ক্রটি না হয়, তাহার পর তাহার নিজের যাহা হয় হইবে। এই কয়েকটা দিনের মধ্যে তাহার জীবনের উপর দিয়া এমন প্রলয় ঝড় বহিয়া গিয়াছে যে, পৃথিবীর উপরেই তাহার বিতৃষ্ণা ধরিয়া গিয়াছিল। তবু কুহকিনী আশা তাহাকে বিশ্রাম দেয় কই? হয়ত সে আলস্যেরই পিছনে ছুটিতেছে, কিন্তু ধামিবার উপায় তাহার নাই।

মায়ার মুখ তখনও দেবকুমারের বক্ষে সংলগ্ন রহিয়াছে। সে একবার সেই অপূর্ণহৃন্দের মুখের দিকে চাহিয়া দেখিল। ক্ষণিকের দুর্বলতা তাহাকে অভিভূত করিয়া ফেলিল, কিন্তু তখনই সে প্রাণপণ শক্তিতে নিজেকে সংযত করিয়া মুখ ফিরাইয়া লইল। মায়াই বটে, কিন্তু এই কি তাহার প্রেয়সী, তাহার প্রেমময়ী মায়া? সে কি আর এ জগতে আছে? কোনোদিনই কি আর সে ফিরিয়া আসিবে? না, ইহার পর এই মায়ার ছদ্মবেশধারিণী মরীচিকাই তাহাকে অসহ জ্বালায় উদ্ভাস্ত করিয়া রাখিবে।

কিন্তু অত ভাবিবার সময় নাই। সে মাঝাকে বহন করিয়া উপরে উঠিয়া গেল। মায়ার ঘরে ঢুকিয়া, তাহার অচেতন দেহ শয্যায় স্থাপন করিয়া বলিল, “পিসীমা, শীগ্গিরি এঁর ভিজে কাপড়চোপড় সব ছাড়িয়ে দিন। আমি নীচে গিয়ে ডাক্তারকে আস্বার জন্তে টেলিফোন করছি। আপনার মেজনাও এখনই এসে পড়বেন, তাঁকে ডাকতে লোক গিয়েছে।”

ইন্দুর অনেক কথাই টোঁটের ডগায় আসিয়া জমা হইয়াছিল, কিন্তু দেবকুমার তাহাকে কিছু জিজ্ঞাসা করিবার অবকাশ না দিয়াই তাড়াতাড়ি নীচে চলিয়া গেল। ইন্দু এবং আয়া মিলিয়া তখন অচেতন মায়ার

শুশ্রূষায় লাগিয়া গেল। কিন্তু মায়ার জ্ঞান ফিরিয়া আসার কোনো লক্ষণই দেখা গেল না।

ইন্দু একটু ভীতভাবে বলিল, “হাঁারে আয়া, মেয়ে ত একেবারে চোখও চায় না? ডাক্তার এলে যে বাঁচি।”

আয়া ভাঙা ভাঙা বাংলায় বলিল, “ডরোনা পিসীমা, আচ্ছা হয়ে যাবে। আগেও এই রকম হ’ল।”

এমন সময় নীচে অনেক লোকের পাখের শব্দ শোনা গেল এবং মিনিট দুই পরেই নিরঞ্জন উপরে উঠিয়া আসিলেন। দেবকুমারও উপরে আসিল, কিন্তু সে মায়ার ঘরে প্রবেশ করিল না।

নিরঞ্জন আসিয়া মায়ার পাশে বসিলেন। তাহার মাথায় হাত বুলাইতে বুলাইতে বলিলেন, “একবারও চোখ চায়নি না কি?”

ইন্দু বলিল, “না মেজনা। এইভাবেই আছে। ডাক্তার এখনই আসবে কি?”

নিরঞ্জন বাললেন, “আসতে ত বলে দিয়েছি। যাক্, ভয় পাসনে, সেবারেও অজ্ঞান হয়ে অনেকক্ষণ ছিল। অস্ত্র কোনো ক্ষতি না হয়ে থাকে, তাহলেই চের। আচ্ছা, বোস্ এখানে, আমার দেবকুমারের সঙ্গে একটু কথা আছে।”

দেবকুমারের সঙ্গে ইন্দুর অনেক কথা ছিল, কিন্তু মাঝাকে ফেলিয়া চলিয়া যাইতে সে ভরসা পাইল না। অগত্যা বসিয়া রহিল।

নিরঞ্জন দেবকুমারকে নিজের শয়নকক্ষে লইয়া গিয়া বলিলেন, “তুমি কাপড় ছেড়ে নাও, আমি আপিস-ঘরেই আছি।”

কয়েক মিনিটের মধ্যেই দেবকুমার আসিয়া আপিস-ঘরে ঢুকিল। নিরঞ্জন বলিলেন, “বোসো। মাঝাকে তুমি কোথায় পেলে?”

দেবকুমার বলিল, “লেকের ধারে।” নিরঞ্জন-জিজ্ঞাসা করিলেন, “জলে ঝাঁপিয়ে পড়ল কেন, কিছু বুঝতে পারলে? বেশীক্ষণ জলে ছিল না ত?”

দেবকুমার বলিল, “না, বেশীক্ষণ জলে ছিলেন না, পড়বারাত্র তুলতে পেরেছিলাম। কেন বে জলে ঝাঁপিয়ে

পড়লেন, তা ঠিক জানি না। বোধ হয় আমি ডাকতে ভয় পেরেছিলেন।”

নিরঞ্জন একটু ইতস্ততঃ করিয়া জিজ্ঞাসা করিলেন, “প্রভাস সেখানে ছিল ?”

দেবকুমার সংক্ষেপে বলিল, “হাঁ।”

নিরঞ্জন জিজ্ঞাসা করিলেন, “সে কোথায় গেল ?”

দেবকুমার বলিল, “তা বলতে পারি না, আমি তখন মায়াকে নিয়েই ব্যস্ত ছিলাম।”

নিরঞ্জন চুপ করিয়া রহিলেন। দেবকুমার বলিল, “আমায় একটু পৌছে দিয়ে আসতে হবে, আপনার ড্রাইভারটাকে বলে দেবেন। এত রাত্রে আর বাস্ বা টেক্সি কিছুই পাওয়া যাবে না।”

নিরঞ্জন বলিলেন, “রাত্রে আর নেই বা গেলে ? আমি তোমার বাবাকে ফোন করে দিচ্ছি। ডাক্তার আসুক, সে আবার কি বলে দেখি। যা অস্বাভাবিক অস্বখ, কখন কি টার্প নেবে তার ঠিকানাই নেই। হয়ত রাগেই জ্ঞান হবে, তখন তোমায় দরকার হতে পারে।”

দেবকুমার বলিল, “বেশ, আমি তাহলে বাবাকে ফোন করে দিই,” বলিয়া বাহির হইয়া গেল।

নিরঞ্জন বসিয়া বসিয়া ভাবিতে লাগিলেন প্রভাস মথুরে কি করা যায়। সে যাহাই করিয়া থাকুক, সে তাঁহার গৃহে অতিথি এবং এক দেশের এক গ্রামের মানুষ। সে কোনো অপরাধ করিয়াছে বলিয়াও নিশ্চিত প্রমাণ পাওয়া যায় নাই। তাঁহার কন্ডাকে সে ভালবাসে, মায়া অস্ত্রের বাগদস্তা জানিয়াও ভালবাসে, ইহাই তাহার অপরাধ। কিন্তু এই ধরনের অপরাধ অনেক মানুষেই করে এবং তাহার জন্ত তাহারা শাস্তি বেশীর ভাগ ক্ষেত্রেই পায় না।

কিন্তু দেবকুমারকে তিনি কিঞ্চিৎ ভয় করিতেন। সে যে প্রকৃতির ছেলে, তাহাতে এখনই প্রভাসকে তাহার সাম্নে আসিতে দেওয়া হ্রিবেচনার কাজ হইবে না। বাড়িতে একটা কুরুক্ষেত্র বাধিয়া গেলে সেটা অত্যন্তই অশোভন ব্যাপার হইবে। দেবকুমারের দৃঢ়বিশ্বাস যে প্রভাস অপরাধী। সে যে অপরাধী নয়, তাহা প্রভাস স্বয়ং বা নিরঞ্জন কেহই প্রমাণ করিতে পারিবেন না। পারে

একমাত্র যে, ভগবান তাহার জ্ঞান হরণ করিয়া লইয়াছেন, কোনোদিন সে জ্ঞান পূর্ণভাবে ফিরিবে কি-না তাহা কেহই বলিতে পারে না। কিন্তু এই জনহীন প্রান্তরে সমস্ত রাত ছেলেটা কি করিয়া থাকিবে ? তাহার একেবারে খোজ না করাটা বড়ই অমায়িকের কাজ হইবে। কাল সকালে ত সে যাইবেই, এই রাজির কয়েকটা ঘণ্টা তাহাকে কি কোথাও আশ্রয় দেওয়া যায় না ? প্রভাসকে তিনি শৈশবাবধি দেখিতেছেন, সে যে কোন কু-অভিসন্ধিতে মায়াকে লেকের ধারে তুলিয়াইয়া লইয়া গিয়াছিল, তাহা তাহার বিশ্বাস হইতেছিল না। তাহা ছাড়া মায়ার সহিত দেখা করিবারও ত তাহার কোনো উপায় ছিল না, সে এসব অভিসন্ধি করিবে কিরূপে ?

অনেক ভাবিয়া তিনি বাহির হইয়া গেলেন এবং নিজের ড্রাইভারকে ডাকিয়া পাঠাইলেন। সে আসিয়া উপস্থিত হইলে তাহাকে গাড়ী লইয়া আবার লেকের ধারে যাইতে বলিলেন। প্রভাসকে যদি পাওয়া যায়, তাহা হইলে তাহাকে একেবারে শহরে তাঁর আপিস-গৃহে পৌছাইয়া দিতে বলিলেন। তাহার জিনিষপত্র সকালে সেখানে পাঠাইয়া দিলেই চলিবে। ড্রাইভার গাড়ী লইয়া বাহির হইয়া গেল।

দেবকুমার এই সময় ফিরিয়া আসিল। বসিয়া বলিল, “ডাক্তারের ত এতক্ষণে আসা উচিত ছিল।”

নিরঞ্জন বলিলেন, “এখনই এসে পড়বে, এতখানি দূর আসবে, এক মিনিটের নোটিসেই ত আসতে পারে না ? বেশী ব্যস্ত হবার কারণ নেই, সেবারেও অজ্ঞান হয়ে অনেকক্ষণ ছিল।”

দেবকুমার চুপ করিয়া রহিল। সেই অসহনীয় পূলকময় দিন, সেই অসহ্য যন্ত্রণাময় রাজ্রির স্মৃতি তাহার চিত্তকে আলোড়িত করিয়া তুলিল। পৃথিবীর মানুষ হইয়া সে সেইদিনটাতে অমরাবতীর স্বপ্ন পাইয়াছিল, নরকের স্বপ্নও পাইয়াছিল। জীবনের শেষ পর্যন্ত এই দিনটা কখনও তাহার স্মৃতি হইতে মুছিয়া যাইবে না।

বাহিরে মোটরের হর্ণের শব্দ শুনিয়া নিরঞ্জন উঠিয়া পড়িলেন, বলিলেন, “এল বোধ হয়, দেখি।” দেবকুমারও তাহার পিছন পিছন বাহিরে আসিয়া দাঁড়াইল।

ডাক্তার নামিয়াই জিজ্ঞাসা করিলেন, “কি হ’ল আবার ? কোনো নতুন টার্প নিয়েছে নাকি ?”

নিরঞ্জন বলিলেন, “একটা ম্যাকসিডেন্ট হয়ে আবার অজ্ঞান হয়ে গিয়েছে, এখন পর্য্যন্ত জ্ঞান হয়নি।”

ডাক্তার বলিলেন, “চলুন, দেখি উপরে।” নিরঞ্জন বলিলেন, “চলুন। দেবকুমার তুমিও এস।”

দেবকুমার মনে মনে নিরঞ্জনের স্তুবিবেচনার অনেক প্রশংসা করিয়া উপরে চলিল। মাথার শয়নকক্ষে চুকে তাহার কেমন যেন সঙ্কোচ বোধ হইল। সে বাহিরেই দাঁড়াইয়া রহিল।

ডাক্তার মাথাকে খুব ভাল করিয়া পরীক্ষা করিলেন। তাহার পর বলিলেন, “এখন ত ঘুমিয়ে আছেন মনে হচ্ছে। একবারও কি তাকান নি ?”

ইন্দু খাটের ওপাশে দাঁড়াইয়াছিল, সে বলিল, “একবার মাত্র তাকিয়েছিল, কিন্তু তখন আবার চোখ বুজে ফেলল।”

ডাক্তার বলিলেন, “থাক, এখন ঘুমতেই দিন, ডিসট্যুর্ব করবেন না। আমার ত মনে হচ্ছে না, ভয় পাবার কোনো কারণ আছে। আমি আবার সকালে এসেই খবর নেব। ভালই থাকবেন বোধ হয়।”

দেবকুমার কথাটা শুনিতে পাইল, কিন্তু আশা করিতেও তাহার ভয় করিতেছিল। এতখানি দুঃখের অবসান কি এত সহজে হইতে পারে ?

ডাক্তার নামিয়া চলিলেন। ইন্দু বাহির হইয়া আসিয়া বলিল, “রাত ত এক পহর হয়ে গেল, এখন অবধি কারও খাওয়া-দাওয়া নেই। মেজদা চল, দেবকুমার তুমিও এস। মাথার কাছে আয়া থানিক বসুক, আমি তোমাদের খাইয়ে আসি।”

নিরঞ্জন বলিলেন, “তুই কি রাতে কিছু খাবি না ?”

ইন্দু বলিল, “রাতে খাওয়া ত অভ্যাস নেই। সন্ধ্যার সময় জলটল খেতাম, তা আজকের গোলমালে কিছু হয়ে ওঠেনি। এখন আর কিছু খাব না, রাত্তিরে তাহলে বড় অসোয়াস্তি লাগবে, ঘুম হবে না।”

সকলে নীচে খাইবার ঘরে গিয়া বসিলেন।

ছোঁকরা এবং ঠাকুর মিলিয়া পরিবেশন করিতে লাগিল। সমস্ত দিনের উত্তেজনার পর, কথা বলিতে কাহারও বিশেষ ইচ্ছা করিতেছিল না। দেবকুমার খালি একবার জিজ্ঞাসা করিল, “আমি হঠাৎ এসে জুটলাম, কম পড়বে না ত ?”

নিরঞ্জন শুধু বলিলেন, “না, কম কেন পড়বে ? খাবার ত দু-তিন জনের মত রয়েছে।” যাহার জন্ত অতিরিক্ত রান্নাটা হইয়াছিল, তাহার কথা মনে করিয়া তাহার মনটা একবার কেমন করিয়া উঠিল। রাত্রির অন্ধকারের মধ্যে মাছঘটা গেল কোথায় ? তাহার কোনো একটা বিপদ আপদ হইলে চিরদিন তাহার জন্ত নিরঞ্জনের একটা অহুশোচনা থাকিয়া যাইবে।

একরকম নীরবেই সকলে আহার শেষ করিয়া উঠিয়া পড়িল। নিরঞ্জন চাকরকে ডাকিয়া দেবকুমারের শুইবার ব্যবস্থা করিয়া দিতে আদেশ দিলেন। তাহার পর ইন্দুর দিকে ফিরিয়া বলিলেন, “আমি শুতে যাচ্ছি, বড় বেশী ক্লান্ত লাগছে। আজ তুই মাথার ঘরেই থাকিস। কিছু দরকার হ’লে তখন আমাকে খবর দিস, ঘুমিয়ে আছি ব’লে যেন বসে থাকিস না।”

ইন্দু বলিল, “তা ডাকব বৈকি ? অস্বস্তি-বিস্বস্তির সময় কি আর অত বিচার করলে চলে ?” সেও উপরে উঠিয়া গেল।

দেবকুমার তাহার জন্ত নির্দিষ্ট ঘরে গিয়া অনেকক্ষণ চুপ করিয়া খাটের উপর বসিয়া রহিল। ঘুম তাহার একেবারেই আসিতেছিল না। উপরের তলা হইতে কোনো সাড়া পাওয়া যায় কি-না, তাহারই আশায় নিজের অজ্ঞাতসারেই যেন সে উৎকর্ণ হইয়া ছিল। কি যে সে আশা করিতেছিল, তাহা নিজেই ভাল করিয়া বুঝিতে পারিতেছিল না। কিন্তু উপরতলা হইতে কোনই সাড়া-শব্দ পাওয়া গেল না। দেবকুমার বসিয়া থাকিয়া থাকিয়া ক্লান্ত হইয়া অবশেষে ঘুমাইয়া পড়িল।

নিরঞ্জন তাহার মোটর না ফেরা পর্য্যন্ত নিশ্চিন্ত হইয়া ঘুমাইতেও পারিতেছিলেন না। প্রভাসের জন্ত একটা হুচিন্তা তাহার লাগিয়াই ছিল। মোটর যখন ক্রিয়ার, তখন রাত প্রায় একটা। নিরঞ্জন তখনও জাগিয়া

ছিলেন। মোটরের শব্দ শুনিবামাত্র বাহিরে আসিয়া দাঁড়াইলেন।

ড্রাইভারের কাছে যে খবর পাইলেন, তাহা বিশেষ আশাশ্রম নয়। সে অনেকক্ষণ ঘোরাঘুরি করিয়াও প্রভাসের কোনো চিহ্ন দেখিতে পায় নাই। গাড়ী রাখিয়া মাঠের মধ্যে নামিয়াও দেখিয়াছে। কিন্তু কোথাও খোজ পায় নাই। তবে ফিরিয়া আসার মুখে তাহার পরিচিত একটা লোকের সঙ্গে দেখা হইয়াছে, সে অনেকরাত্রে শহর হইতে মদ খাইয়া ফিরিতেছিল। তাহার কাছে জিজ্ঞাসা করাতো সে বলিয়াছে, একজন বাঙালীকে সে শহরের দিকে যাইতে দেখিয়াছে। ড্রাইভার খানিকদূর গাড়ী লইয়া গিয়াও কিছু কাহাকেও দেখিতে পায় নাই। মাতালের কথা কতদূর বিশ্বাসযোগ্য তাহাও সে বলিতে পারে না।

নিরঞ্জন অগত্যা তাহাকে বিদায় করিয়া দিলেন। রাত্রির ভিতর আর কিছু করিবারও উপায় নাই। মায়া যদি ভাল থাকে, তাহা হইলে সকালে ঈমার ঘাটে একবার খোজ করিবেন। না হইলে তাহার জিনিষপত্র সেখানে গাড়ী করিয়া পাঠাইয়া দিবেন, ড্রাইভার তাহাকে খুঁজিয়া পাইলে দিয়া আসিবে।

শুইতে যাইবার আগে একবার উপরে গিয়া মেয়েকে দেখিয়া আসিলেন। সে তখনও গভীর নিদ্রায় অভিভূত। ইন্দু নীচে বিছানা পাতিয়া শুইয়া আছে, তাহারও চোখে ঘুম নাই। একখানা ছেড়া মাদুর পাতিয়া বৃড়ী আয়া প্রবল নাসিকাধ্বনি-সহকারে নিদ্রা যাইতেছে।

নিরঞ্জন কোনো কথা না বলিয়া ধীরে ধীরে নামিয়া গেলেন।

(৪৪)

ইন্দু অনেকক্ষণ জাগিয়া থাকিয়া পরে ঘুমাইয়া পড়িয়াছিল। কিন্তু মস্তিষ্ক অত্যন্ত উত্তেজিত থাকায় তাহার নিদ্রা গভীর হইতে পারে নাই, ঘুমের মধ্যে সে ক্রমাগত এপাশ ওপাশ করিতেছিল, নানা ভয়াবহ স্বপ্ন দেখিয়া চমকিয়া উঠিতেছিল।

একবার স্বপ্ন দেখিল, বাড়িতে সে এবং মায়া ভিন্ন

কেহই নাই। মায়া প্রাণপণে জানুলা দিয়া লাফাইয়া পড়িবার চেষ্টা করিতেছে, ইন্দু তাহাকে টানিয়া রাখিবার জন্ত ধস্তাধস্তি করিতেছে। স্বপ্নের ভিতরেই তাহার মানসিক উত্তেজনা এত বেশী হইয়াছিল যে তাহার ঘুম ভাঙিয়া গেল। একটা স্বস্তির নিঃশ্বাস ফেলিয়া ভাবিল, “যাক, ওটা স্বপ্নই, কিন্তু যা পাগল নিয়ে কারবার, সত্যি হতেই বা কতক্ষণ? জানুলাগুলো বন্ধ করে দিই বাপু।”

সে উঠিয়া জানুলাগুলো বন্ধ করিতে আরম্ভ করিল। একটা জানুলা বন্ধ করিতেই বড় বেশী শব্দ হইল। “ইন্স মেয়েটা না উঠে পড়ে” বলিয়া পিছন ফিরিয়া তাকাইতেই সে দেখিল মায়া সত্যিই উঠিয়া পড়িয়াছে। শুধু ঘুমই যে তাহার ভাঙিয়াছে তাহা নয়, সে যেন অত্যন্ত ভীত ও চকিত হইয়া উঠিয়াছে।

ইন্দু তাড়াতাড়ি মাযার কাছে ছুটিয়া আসিয়া জিজ্ঞাসা করিল, “কি হয়েছে রে? ভয় পেয়েছিস না কি?”

মায়া জিজ্ঞাসা করিল, “পিসীমা, তুমি এখানে কি ক’রে এলে?”

ইন্দু একটু অবাক হইয়া বলিল, “আমি ত এখানেই আজ শুয়েছিলাম, তুই তখন ঘুমিয়েছিলি তাই জানতে পারিস্ নি।”

মায়া কেমন একভাবে ইন্দুর দিকে চাহিয়া রহিল। তাহার পর জিজ্ঞাসা করিল, “তুমি রেজুনে হঠাৎ এসে জুটলে কি ক’রে তাই জিগ্গেশ করছি। কাল অবধি ত তোমার আসার কোনো খবর পাইনি?”

ইন্দু এতক্ষণে ব্যাপারটা একটু বুঝিতে পারিল। মাযার আবার একটা কিছু মানসিক পরিবর্তন ঘটিয়াছে। এতদিন যে ইন্দু এখানে আছে, রোজই তাহার সহিত দেখাসাক্ষাৎ হইতেছে, তাহা মায়া মনে করিতে পারিতেছে না। কিন্তু কি করিয়া একথা সে মায়াকে বুঝাইবে? বুঝাইতে গেলে আরও কিছু বিপদ ঘটবে না ত? ইন্দু কি বলিবে স্থির করিতে না পারিয়া চূপ করিয়া দাঁড়াইয়া রহিল।

মায়া ঘরের চারিদিকে তাকাইয়া দেখিতেছিল, হঠাৎ

বলিল, “ঘরটা কেমন যেন অগোছাল আর নোংরা ঠেকছে। কি যে একটা হয়েছে ঠিক বুঝতে পারছি না। পিসীমা, দেখ ত মায়ের ছবিটার পিছনের ফিতে ঢিলে হয়ে গিয়েছে কি না?”

ইন্দু আগাইয়া আসিয়া বলিল, “কই না, ফিতে ত ঠিক আছে। ফিতে আলগা হ’লে ছবিখানা ত বুলে পড়ত?”

মায়া বলিল, “আমার সব যেন কেমন অন্ধুত লাগছে। আয়া কোথায়? তাকে ডাক ত?”

ইন্দু তাড়াতাড়ি গিয়া আয়াকে ঠেলা মারিয়া তুলিয়া দিল। সে ছুটিয়া আসিতেই মায়া তীক্ষ্ণকণ্ঠে বলিল, “দিন দিন তুই কি হচ্ছিস্ বন্ দেখি? ঘরদোরের কি ছিরি হয়েছে? আমি একদিন যদি না দেখি, অমনি সব জিনিষপত্র লওভও। তোকে দিয়ে কাজ চালান দেখছি দায় হয়েছে।”

আয়া একেবারে হতভম্ব হইয়া গেল। হঠাৎ কোথাও কিছু নাই, দিদিমণি তাহাকে এমন বকিতে আরম্ভ করিল কেন? কিন্তু সে বেশীক্ষণ চুপ থাকিবার মানুষ নয়। কাৎক্ষণে বকিতে আরম্ভ করিল, “আরে হাম্‌কা কর না? তুমি ত ঘরমে ঘুঘনে নাহি দেতা, তো কৈয়সে ঘর সফা কর না?”

মায়া বিরক্ত হইয়া বলিল, “যা যা যাঁড়ের মত চীৎকার কর্তে হবে না। আর তুই-স্বন্ধ এখানে এসে জুটেছিস্ কেন? বাড়িস্বন্ধর কি আর শোবার জায়গা ছিল না?”

ইন্দু দেখিল ব্যাপারটা ক্রমেই ঘোরাল হইয়া উঠিতেছে। মায়া কিছুই বুঝিতে পারিতেছে না এবং তাহাতে বেশী করিয়া বিরক্ত হইতেছে। সে নিজে যখন ভাল করিয়া বুঝাইতে পারিবে না, তখন অস্ত্র কাহাকেও ডাকা উচিত। নিরঞ্জনকে ডাকিবার ভক্ত বাহির হইতে যাইবে এমন সময় মায়া বলিল, “আচ্ছা পিসীমা, কি ক’রে তুমি হঠাৎ এসে জুটলে বল না? কাল ত-ষ্টীমার আসবার দিন ছিল না?”

ইন্দু বলিল, “আমি সব ভাল করে শুছিয়ে বলতে পারব না বাছা, আমি তোমার বাবাকে ডেকে আনছি, সেই সব শুছিয়ে বলবে।”

মায়া হঠাৎ গম্ভীর হইয়া গেল, বলিল, “বাবাকে ডাকবে? আচ্ছা ডাক।” আয়ার দিকে ফিরিয়া বলিল, “এই, আমার ব্লাউস, পেটিকোট আর শাড়ী দে ত? ঘুম আর হবে না, একেবারে কাপড় ছেড়ে নিই, চারটে বেজে গেছে বোধ হয়।”

আয়া বলিল, “পিসীমা, চাভি দেও ত।”

মায়া তাড়া দিয়া বলিল “চাভি কি হবে? কাল বিকালে যে কাপড় পরেছিলাম, সেগুলো কি হ’ল? আর এমন চমৎকার শাড়ীখানাই বা আমার অঙ্গে উঠল কখন? সবই কি অন্ধুত!”

ইন্দু বলিল, “তোকে কি ক’রে যে কি বোঝাব জানি না, তুই ভাবছিস্ কাল শুতে গিয়েছিলি, মাঝরাত্রে জেগে উঠেছিস্, তা মোটেই নয়। মাঝে অনেক কাণ্ড ঘটে গিয়েছে। আমি শুছিয়ে বলতে পারব না ব’লেই না মেজদাকে ডাকতে চাইছিলাম।”

মায়া খাট ছাড়িয়া নামিয়া পড়িল। আলনার কাছে গিয়া সেখানে যে-সব কাপড়-চোপড় দেখিল, তাহাতে তাহার বিস্ময় আরও বর্ধিত হইল। বলিল, “তা হবে, একটা কিছু গোলমাল হয়েছে তা বুঝতেই পারছি। তুমি বাবাকেই ডেকে আন পিসীমা, আমার বড় অসোয়াস্তি লাগছে।”

ইন্দু বাহির হইয়া গেল। মায়া চাভি লইয়া আলমারী খুলিয়া নিজের প্রয়োজনমত কাপড় বাহির করিতে লাগিল। আয়াকে জিজ্ঞাসা করিল, “হ্যাঁরে কি সব গুণগোল পেকে উঠেছে বলত? কি হয়েছিল?”

আয়া শুধাইয়া কিছু বলিতে পারিল না, খালি বলিল, “বেমার গির গিয়া আয়া।”

মায়া আর কিছু না বলিয়া কাপড় লইয়া পাশের ঘরে চলিয়া গেল। মুখ হাত ধুইয়া, কাপড় বদলাইয়া ফিরিয়া দেখিল, নিরঞ্জন ঘরের ভিতর বসিয়া আছেন।

ক্রতপদে তাঁহার কাছে গিয়া জিজ্ঞাসা করিল, “কি হয়েই বল দেখি বাবা? আমি যে কিছুই বুঝতে পারছি না? আয়া বলছে আমার অস্থখ করেছিল, কই আমার ত কিছু মনে পড়ছে না?”

নিরঞ্জন কস্তাকে কোলের কাছে টানিয়া আনিয়া বলিলেন, “আমি তোমাকে বোঝাতে চেষ্টা করছি মা, বেশী একসাইটেড হয়ে না, বেশী মনও খারাপ কোরো না। ভগবানের রূপায় আমাদের দুঃখের দিন হয়ত কেটে গেল। তুমি বোসো।”

মায়া ইজি চেয়ারে গিয়া বসিল। নিরঞ্জন বলিলেন, “মা, তোমার ঘুমতে যাবার আগে কোনো বিশেষ ঘটনা কি মনে পড়ে?”

মায়ার মুখে রক্তাক্তাস ঘনাইয়া উঠিল, তাহার পর মুখখানা একেবারে শাদা হইয়া গেল। বলিল, “মনে পড়ে বাবা। এক্সেসলিয়ার থেকে ফিরে এসে খাটের উপরেই অনেকখান চূপ করে বসেছিলাম। হঠাৎ মনে হ’ল মায়ের ছবির ফ্রেমের ভিতর থেকে ছবিখানা যেন বেরিয়ে নেমে আসছে, তারপর আর কিছুই মনে পড়ে না।”

নিরঞ্জন দেখিলেন, মায়ার হাত কাঁপিতেছে, গলার স্বরও কাঁপিয়া যাইতেছে। তাড়াতাড়ি উঠিয়া গিয়া তাহার পাশে দাঁড়াইয়া, তাহার মাথায় হাত বুলাইতে লাগিলেন। বলিলেন, “ভয় পেয়েনা মা, জগতে অনেক জিনিষই ঘটে, যা আমরা এক্সপেন্স করতে পারি না। কিন্তু ভয়ের কি আছে? তোমার মা সংসারে তোমাকেই সবচেয়ে ভালবাসতেন, তাঁকে দিয়ে তোমার কোনো অনিষ্ট হবে না।”

মায়ার চোখ দিয়া জল পড়িতে লাগিল। নিরঞ্জন কি যে বলিবেন, ঠিক করিতে পারিতেছিলেন না। মায়াকে সমস্ত ব্যাপারটা বুঝিতে দেওয়া উচিত, কিন্তু বুঝাইতে গেলে সে কি মনে বেশী ব্যথা পাইবে? বাহাই হউক, তাহাকে এই সংশয়ের দোলায় ছলিতে দেওয়া ঠিক হইবে না। তিনি মনস্থির করিয়া বলিতে লাগিলেন, “এটা দেখবার পরেই তুমি অজ্ঞান হয়ে যাও, অনেকক্ষণ পর্যন্ত তোমার জ্ঞান হয়নি। যখন জ্ঞান হ’ল, তখন দেখা গেল তোমার ‘মেমারি’ অনেকখানি ঝাপসা হয়ে গেছে, রেজুনে যে কয় বৎসর কাটিয়েছে, তার কোনো স্মৃতি তোমার নেই।”

মায়া তড়িৎস্পৃষ্টের মত চমকাইয়া সোজা হইয়া

বসিল। দারুণ বিষ্ময়ে ও উত্তেজনায় তাহার মুখের চোঁহরাই অগ্ররকম হইয়া গেল। কম্পিতকণ্ঠে জিজ্ঞাসা করিল, “সত্যি বাবা, কিছু মনে ছিল না? আমাকে নিয়ে তাহলে চলত কি ক’রে?”

নিরঞ্জন বলিলেন, “কি করে আর চলবে, মা? খুবই ডিক্ফিকাল্টি হত। তোমার ধারণা হয়েছিল, তোমার মায়ের মৃত্যুর পরে সবে তুমি এখানে এসেছ, সেইভাবেই তুমি চলতে, কথা বলতে। তোমাকে দেখবার লোক ছিল না ব’লে তখন ইন্দুকে আনালাম।”

মায়া কিছু বলিল না, নিরঞ্জন একটুখানি থামিয়া বলিলেন, “তার সঙ্গে প্রভাসও এসেছিল।”

মায়া নিকংসাহভাবে বলিল, “প্রভাসদা আসবে বলেছিল বটে, ইন্দুর বিষয় আলোচনা করতে।” আর প্রভাসের বিষয় সে কিছুই জিজ্ঞাসা করিল না।

থানিকক্ষণ সকলেই চূপ করিয়া রহিল, তাহার পর একটু যেন ইতস্ততঃ করিয়া মায়া জিজ্ঞাসা করিল, “বাবা, এখানকার কাউকেই কি আমি চিন্তে পারতাম না?”

নিরঞ্জন বলিলেন, “না মা।”

মায়া মুখ ফিরাইয়া লইল। তাহার ভাবান্তরের কারণ নিরঞ্জন ঠিকই বুঝিতে পারিলেন, ইন্দুকে বলিলেন, “আর ত রাত নেই, এর পর একটু চাটা খাওয়ার ব্যবস্থা করলে হয়।”

ইন্দু বলিল, “আচ্ছা, ঠাহুর, ছোকরা সবাই উঠেছে বোধ হয়, না উঠে থাকলেও তুলে দিচ্ছি। আয়া, চলত আমার সঙ্গে।” আয়া অস্ত্র খি-চাকরদের বকিবার কোনো স্বযোগ কোনোদিন ছাড়িত না, সে মহোৎসাহে ইন্দুর সঙ্গে সঙ্গে চলিল।

ইন্দু বাহির হইয়া যাইতেই মায়া জিজ্ঞাসা করিল, “বাবা, এইরকম অবস্থায় আমার কতদিন গিয়েছে?”

নিরঞ্জন বলিলেন, “দেড় মাসের বেশী হয়ে গেছে মা, দু’মাস প্রায় হতে চলল।”

মায়া আর কিছু বলিল না। কি যেন বলিবার

ইচ্ছায় তাহার ঠোঁট বার-বার কাঁপিয়া উঠিতে লাগিল, কিন্তু পিতার সম্মুখে সন্কোচ বোধ হইল বলিয়াই হয়ত শেষ পর্যন্ত কিছু বলিতে পারিল না।

পূর্বের আকাশ ক্রমে স্বচ্ছ হইয়া উঠিতেছিল, এখন তাহাতে প্রথম অরুণরেখা দেখা দিল। নিরঞ্জন উঠিয়া দাঁড়াইলেন, বলিলেন, “আমি তাহলে নীচে যাই মা, তুমি ঘুমতে চাও কি? না, তোমারও চা দিতে বল?”

মায়া বলিল, “আমার ঘুম আর হবে না বাবা, তুমি যাও, আমি একটু পরে গিয়ে চা খাব।”

দেবকুমার যে এখানে আছে, সে কথা কল্পাকে বলা উচিত কি-না, নিরঞ্জন কিছু স্থির করিতে পারিলেন না। কিছু পরে বলা যাইবে ভাবিয়া তিনি নীচে নামিয়া গেলেন।

মায়া অনেকক্ষণ একইভাবে বসিয়া রহিল। তাহার পর উঠিয়া আনলা দিয়া একবার বাহিরে চাহিয়া দেখিল। লোকজন এখনও বিশেষ কেহ উঠে নাই, চারিদিক নীরব নিস্তক। ফিরিয়া আসিয়া সাবিত্রীর ছবির নীচে দাঁড়াইল। ছবি এখন ছবি মাত্র। সত্যই কি মায়া কিছু দেখিয়াছিল, না সকলই তাহার কল্পনা, তাহার চোখের ভ্রম? পরলোকবাসিনীর কাছে সে যে প্রার্থনা জানাইয়াছিল, তাহার উত্তর কি এই ভীষণ আঘাতের ভিতর দিয়াই পাইল? এর পর মায়া কোন পথে যাইবে?

কিন্তু যাইবার পথ স্থির করিবার ভার কি আর তাহার হাতে আছে? নিয়তিই কি পথ নির্দেশ করিয়া দেয় নাই? দুই মাসের মধ্যে সে দেবকুমারকে চিনিতে পারে নাই, তাহাকে সামনে দেখিয়া, কি বলিয়াছে, কি করিয়াছে, কিছুই তাহার মনে নাই। এমন কিছু করিয়া থাকিতে পারে, যাহার আর প্রতিকার নাই। এমন কিছু বলিয়া থাকিতে পারে, যাহার জন্ত দেবকুমার আর তাহাকে ক্ষমা করিবে না। সে কোথায়, তাহা সে জানে না। পিসীমা দেবকুমারকে চেনেন কি-না মায়া জানে না, কি করিয়া সে তাহার কাছে খোজ করিবে? পিতার কাছে জিজ্ঞাসা করা যায়, কিন্তু তিনি কি কন্যার সঙ্গে

দেবকুমারের কি সম্পর্ক তাহা জানেন? মায়া নিজে তাঁহাকে জানাইবে বলিয়া, দেবকুমারকে বলিতে বারণ করিয়াছিল। নিরঞ্জন যদি এ বিষয়ে কিছুই না জানেন, তাহা হইলে মায়া অকস্মাৎ দেবকুমারের খবর জানিতে চাহিলে অত্যন্তই বিস্মিত হইবেন। মায়া ভাবিয়া পাইল না, কি সে করিবে। অথচ তাহার সমস্ত হৃদয় জুড়িয়া একটা তীব্র বেদনা জ্বলিতে লাগিল, কিছুতেই সে স্থির হইতে পারিল না। স্থতি ফিরিয়া পাইল সে বটে, কিন্তু তাহার বিগত জীবনের যাহা পরমতম, প্রিয়তম ঐশ্বর্য্য, তাহাই যদি হারাইয়া গিয়া থাকে, তাহা হইলে আর স্থতি না ফিরিলেই পারিত?

অনেকক্ষণ ভাবিয়া সে স্থির করিল, আয়াকে জিজ্ঞাসা করিবে। বুড়ী যাহা হউক, একটা কিছু খবর দিতে পারিবে।

ঘর হইতে বাহির হইয়া, সে ধীরে ধীরে সিঁড়ি দিয়া নীচে নামিয়া চলিল। আয়া বোধ হয় রান্নাঘরেই আছে, কিংবা খাবার ঘরেও থাকিতে পারে। হল পার হইয়া সে খাবার ঘরের দিকে অগ্রসর হইতেছে, এমন সময় আপিস ঘরের পাশের ঘরখানার দরজা খুলিয়া গেল। মায়া পিছন ফিরিয়া তাকাইল, তাহার পর দেওয়াল ধরিয়া নিজেই সামলাইয়া সেইখানেই দাঁড়াইয়া গেল। দরজা খুলিয়া যে বাহিরে আসিল, সে দেবকুমার।

মায়ার ঘুম ভাঙার কথা, বা স্থতি ফিরিয়া পাওয়ার কথা, দেবকুমারকে নিরঞ্জন বলেন নাই। সে তখন ঘুমাইতেছিল, আগিবার পর বলিলেই চলিবে ভাবিয়া তিনি নিজের ঘরে চলিয়া গিয়াছিলেন। দেবকুমার হঠাৎ যেন চারিদিকে আগরণের উত্তেজনার একটা সাড়া পাইয়া আপনা হইতেই আগিয়া উঠিয়াছে।

হঠাৎ এই রাত্রিশেষের আধ আলো, আধ অন্ধকারের মধ্যে একাকিনী মায়াকে দেখিয়া সেও বিস্মিত চকিত হইয়া দাঁড়াইয়া গেল। কি তাহার করা উচিত ঠিক বুদ্ধিতে পারিল না। একবার নাম ধরিয়া ডাকিয়া যে অঘটন ঘটাইয়াছে, ফিরিয়া সেইরূপ কিছু করিতে তাহার আর ভরসা হইল না।

তাহাকে এইভাবে দাঁড়াইয়া থাকিতে দেখিয়া, মায়ায় পায়ের নীচের মাটি যেন টলিতে আরম্ভ করিল। দেবকুমার তাহা হইলে সত্যই মায়াকে রূদ্র হইতে বিদায় দিয়াছে? এতদিন পরে, এত ভয়াবহ বিচ্ছেদের পর আজ তাহাদের সাক্ষাৎ হইল, কিন্তু মায়াকে সে একটা কথাও বলিতে পারিল না। এই কি তাহাদের ভালবাসার পরিণাম হইল? ইহারই বেদনা উপভোগ করিবার জন্ম কি ভগবান তাহাকে বিশ্বাস্তির সাগর হইতে টানিয়া তুলিলেন?

দেবকুমার চাহিয়া দেখিল, মায়ায় সমস্ত শরীর কাপিভেছে, প্রাপণ শক্তিতে সে দেওয়াল ধরিয়া দাঁড়াইবার চেষ্টা করিতেছে। তখন আর সে স্থির থাকিতে পারিল না। বিবেচনা হিতাহিতজ্ঞান সব ভুলিয়া, দ্রুত-পদে মায়ায় কাছে গিয়া, তাহাকে দুই হাতে ধরিয়া ফেলিল। তাহার মুখের উপর ঝুঁকিয়া পড়িয়া জিজ্ঞাসা করিল, “কি হয়েছে মায়া, একলা কেন তুমি নেমে এসেছ?”

মায়া কোনও মতে নিজেকে সামলাইবার চেষ্টা করিতেছিল, কিন্তু রূদ্রের প্রচণ্ড আবেগে তাহার যেন চেতনা ক্রমেই আচ্ছন্ন হইয়া আসিতেছিল। দেবকুমারের বৃকের উপর মাথা রাখিয়াই সে অক্ষুণ্ণ কণ্ঠে বলিল, “তুমি আমাকে ভুলে যাওনি?”

দেবকুমার যেন নিজের শ্রবণশক্তিকে বিশ্বাস করিতে পারিল না। আরও সবলে তাহাকে বৃকের কাছে চাপিয়া ধরিয়া জিজ্ঞাসা করিল, “আমাকে জিগ্গেশ করছ তুমি? আমাকে চিন্তে পেরেছ?”

মায়ায় দুই চোখ জলে ভরিয়া উঠিল, সে মুখ তুলিয়া চাহিল। বলিল, “আমাকে কোথাও নিয়ে চল, আমার রের কথা জানুবার আছে, তোমাকে বলবার আছে।”

দেবকুমার চারিদিকে চাহিয়া দেখিল। তাহার পর বলিল, “বাগানে চল, লেইখানেই সবচেয়ে ইন্টারপেশন-এর সম্ভাবনা কম।”

দেবকুমারের হাত ধরিয়া কম্পিত পদে মায়া হলের সিঁড়ি দিয়া নামিয়া বাগানে চলিল। নিরঞ্জন তখন হাত মুখ ধুইয়া, পাইবার ঘরে বাইবার জন্ম বাহিরে আসিতে-ছিলেন, মায়া এবং দেবকুমারকে দেখিয়া তিনি আবার পিছাইয়া গেলেন। ভাবিলেন, “এই সবচেয়ে ভাল হ’ল। দেবকুমারের মুখে শুনলেই তার আঘাত সকলের চেয়ে কম লাগবে।”

বাগানের ভিতর একটা লোহার বেষ্টিতে ছুইজনে আসিয়া বসিল। মায়ায় দুই হাত নিজের হাতের মধ্যে টানিয়া লইয়া দেবকুমার বলিল, “মায়া, তোমাকে প্রথম যেদিন নিজের ব’লে জেনেছিলাম, সেদিনকার আনন্দের চেয়েও আমার আজকার আনন্দ বেশী। মৃত্যুর পার থেকে যেন তুমি আবার আমার বুকে ফিরে এসেছ।”

মায়া বলিল, “সব আমি তোমার মুখ থেকে শুনতে চাই। আর কারও কাছে শুনবার সাহস আমার নেই। ভগবান এইটুকু দয়া আমাকে করেছেন যে স্মৃতি ফিরে পাওয়ার সঙ্গে সঙ্গেই প্রায় তোমাকে আমি পেয়েছি। বেশী দেরি হ’লে আমি বাঁচতাম না। এতবড় ভয়ানক শাস্তি আমার কেন হ’ল জানি না, কিন্তু তুমি যখন আমাকে ভুলে যাওনি, আমি সহ্য করবার শক্তি পাব।”

দেবকুমার মায়াকে নিজের একান্ত কাছে টানিয়া আনিয়া, দুই হাতে তাহার মুখ তুলিয়া ধরিয়া বলিল, “কি জানতে চাও বল?”

ক্রমশঃ





আন্ড্রে অভিযান—

১৮৯৭ সালে হাইডেনের পর্যটক সালোমন অগষ্ট আন্ড্রে বেলুনে

হয়। এই সকল জিনিষের সঙ্গে তাঁহার কোডাক ক্যামেরাটিও পাওয়া যায়। তাহার মধ্যে ফিল্মে আন্ড্রের শেষ দিনগুলির অনেক-



বেলুন ধ্বংস হইবার পর আন্ড্রের ক্যাম্পের দৃশ্য (জুলাই ১৮৯৭)



আন্ড্রের সঙ্গিগণ আন্ড্রে কর্তৃক নিহত একটি ভালকের পাশে দাঁড়াইয়া আছেন



আন্ড্রের বেলুনের ধ্বংসাবশেষ

উত্তরমেরু যাত্রা করেন, কিন্তু ফিরিয়া আসেন নাই। তিনি কি ভাবে যত্নসহ পতিত হন, তাহা এতদিন পর্যন্ত জানা যায় নাই। কিন্তু গত বৎসর উত্তরমেরুর নিকটে তাঁহার দেহ ও জিনিষপত্র আবিষ্কৃত

গুলি ছবি তোলা ছিল। সেইগুলি এতদিন পরে 'ডেভেলাপ' করিয়া বেলুন ধ্বংস হইবার পর আন্ড্রে ও তাঁহার সঙ্গিগণ কি ভাবে ছিলেন তাহা বুঝিতে পারা গিয়াছে।

অপরাজিত

শ্রীবিভূতিভূষণ বন্দ্যোপাধ্যায়

রেলে ও ষ্টীমারে অনেক দিন পরে চড়া। দুজনেই হাঁফ ছাড়িয়া বাঁচিল। দুজনেই খুব খুশী। অপর্ণাও পল্লী-গ্রামের মেয়ে, শহর তাহারও ভাল লাগে না। অতটুকু ঘরে জীবনে কোনোদিন থাকে নাই, সকাল ও সন্ধ্যাবেলা যখন সব বাসাড়ে মিলিয়া একসঙ্গে কয়লার উত্তনে আগুন দিত, ধোঁয়ায় অপর্ণার নিঃশ্বাস বন্ধ হইয়া আসিত, চোখ জালা করিত, সে কি ভীষণ যন্ত্রণা! সে নদীর ধারের মুক্ত আলো-বাতাসে প্রকাণ্ড বাড়িতে মাতুল হইয়াছে, এসব কষ্ট জীবনে এই প্রথম,—এক একদিন তাহার তো কান্না পাইত। কিন্তু এই দুই বৎসরে সে নিজের স্ব-স্ববিধার কথা বড় একটা ভাবে নাই। অপূর উপর তাহার একটা অদ্ভুত স্নেহ গড়িয়া উঠিয়াছে, ছেলের উপর মায়ের স্নেহের মত। অপূর কৌতুকপ্রিয়তা, ছেলেমানুষী, খেয়াল, সংসারানভিজ্ঞতা, হাসিখুশী, এসব অপর্ণার মাতৃকে অদ্ভুতভাবে জগাইয়া তুলিয়াছে। তাহার উপর স্বামীর দুঃখময় জীবনের কথা, ছাত্রাবস্থার দারিদ্র্য ও অনাহারের সঙ্গে সংগ্রাম—সে সব শুনিয়াছে। সে সব কথা অপূ বলে নাই, তাহার বলিতে লজ্জা করে, সে সব বলিয়াছে প্রণব। না থাইয়া যে-কেহ কষ্ট পায়, অপর্ণার একথা জানা ছিল না। সজ্জল ঘরের আদরে লালিতা মেয়ে, দুঃখকষ্টের সন্ধান সে জানে না। সে যখন মনে ভাবে এখন হইতে স্বামীকে সে স্থখে রাখিবে।

এটা একটা নেশার মত তাহাকে পাইয়াছে। অল্প দিনেই সে আরিকার করিয়া ফেলিল, অপূ কি কি খাইতে ভালবাসে। তালের ফুলুরি সে করিতে জানিত না, কিন্তু অপূ খাইতে ভালবাসে বলিয়া মনসাপোতায় নিরুপমার কাছে লিখিয়া লইয়াছিল।

এখানে সে কতদিন অপূকে কিছু না জানাইয়া বাজার হইতে ভাল আনাইয়াছে, সব উপকরণ আনাইয়াছে।

অপূ হয়ত বর্গার জলে ভিজিয়া আপিস হইতে বাসায় ফিরিয়া হাসিমুখে বলিত—কোথায় গেলে অপর্ণা? এত সকালে রান্নাঘরে কি, দেখি? পরে উকি দিয়া দেখিয়া বলিত তালের বড়া ভাজা হচ্ছে বুঝি! তুমি জানলে কি করে—বা রে!...

অপর্ণা উঠিয়া স্বামীর শুকনা কাপড়ের ব্যবস্থা করিয়া দিত, বলিত, এস না, ওখানেই বসে থাকে, গরম গরম ভেজে দি—অপূর বুকটা ছাঁৎ করিয়া উঠিত। ঠিক এই ভাবেরই কথা বলিত মা। অপূর অদ্ভুত মনে হয়, মায়েরই মত স্নেহশীলা, সেবাপরায়ণা, সেইরকমই অন্তর্ধামিনী। বার্লিকোর কর্ণকাস্ত মা যেন ইহারই নবীন হাতে সকল ভার সঁপিয়া দিয়া চলিয়া গিয়াছে। মেয়েদের দেখিবার চোখ তাহার নতুন করিয়া ফেটে, প্রত্যেককে দেখিয়া মনে হয় এ কাহারও মা, কাহারও স্ত্রী, কাহারও বোন। জীবনে এই তিনরূপেই সে নারীকে পাইয়াছে, তাহাদের মঙ্গলহস্তের পরিবেশনে এই ছাঞ্চিক বৎসরের জীবন পুষ্ট হইয়াছে, তাহাদের কি চিনিতে বাকী আছে তাহার?

ষ্টীমার ছাড়িয়া দুজনে নৌকায় চড়িল। অপর্ণার খুড়তুতো ভাই মুরারী উহাদের নামাইয়া লইতে আসিয়াছিল, সেও গল্প করিতে করিতে চলিল। অপর্ণা ঘোমটা দিয়া একপাশে সরিয়া বসিয়াছিল। হেমন্ত-অপরাক্তের স্নিগ্ধ ছায়া নদীর বুকে নামিয়াছে, বাঁ দিকের তীরে সারি সারি গ্রাম, একখানা বড় হাড়ি-কলনী বোঝাই ভড় যশাইকাটির ঘাটে বাধা।

অপূর মনে একটা মূর্তির আনন্দ—আর মনেও হয় না যে জগতে শীলদের আপিসের মত ভরানক স্থান আছে। তাহার সহজ আনন্দ-প্রবণ মন আবার নাচিয়া উঠিল, চারিধারের এই শ্রামলতা, প্রসার, নদীজলের গন্ধের সঙ্গে তাহার যে নাকীর বেগ আছে।

কৌতুক দেখিবার জন্য অপর্ণাকে লক্ষ্য করিয়া হাসিমুখে বলিল—ওগো কলা বৌ, ঘোমটা খোল, চেয়ে দ্যাখো, বাপের বাড়ির দ্যাশট। চেয়ে দ্যাখো গো—

মুন্নারী হাসিমুখে অতৃদিকে মুখ ফিরাইয়া রহিল। অপর্ণা লজ্জায় আরও জড়সড় হইয়া বলিল। আরও ণানিকটা আসিয়া মুন্নারী বলিল,—তোমরা যাও, এইখানের হাটে যদি বড় মাছ পাওয়া যায়, জেঠাইমা কিন্তে বলে দিয়েচেন। এইটুকু হেঁটে যাব এখন।

মুন্নারী নামিয়া গেলে অপর্ণা বলিল—আচ্ছা, তুমি কি? দাদার সামনে ওইরকম করে আঁমায়—তোমার সেই ছুঁটি এখনও গেল না? কি ভাবলে বল তো দাদা—ছিঃ। পরে রাগের হুঁরে বলিল—ছুঁটু কোথাকার, তোমার সঙ্গে আমি আর কোথাও ককখনো যাবো না, ককখনো না, থেকো একলা বাসায়!

—ব'য়েই গেল! আমি তোমাকে মাথার দিবি দিয়ে সেধেছিলুম কি না? আমি নিজে মজা করে রেঁধে খাব।

—তাই খেও। আহা হা, কি রান্নার ছাঁদ, তবু যদি আমি না জানতাম—আলু ভাতে, বেগুন ভাতে, সাত রকম তরকারী সব ভাতে—কি রাঁধুনী!

—নিজের দিকে চেয়ে কথা বলো। প্রথম যেদিন খুলনার ঘাটে রেঁধেছিলে, মনে আছে সব আলুনী?

—ওমা আমার কি হবে! এত বড় মিথ্যেবাদী তুমি, সব আলুনী! ওমা আমি কোথায়—

—সব বিলকুল। মায় পটলভাজা পর্য্যন্ত।

অপর্ণা রাগ করিতে গিয়া হাসিয়া ফেলিল, বলিল—তুমি ভাঙন মাছ খাওনি? আমাদের এ নোনা গাঙের ভাঙন মাছ ভারী মিষ্টি। কাল মাকে বলে তোমায় খাওয়াব।

—লজ্জা করবে না তার বেলায়? কি বলবে মাকে—ও মা, এই আমার—

অপর্ণা স্বামীর মুখে হাত চাপা দিয়া বলিল,—চুপ।

ঠিক সন্ধ্যার সময় অপর্ণাদের ঘাটে নৌকা লাগিল। দুজনেরই মনে এক অপূর্ণ ভাব। শঠিবনের হৃৎকতরা স্নিগ্ধ হেমন্ত অপরাহ্ন তার সবটা

কারণ নয়, নদীতীরে সুপসি হইয়া থাকা গোলগাছের সবুজ সারিও নয়, কারণ—তাদের আনন্দ-প্রবণ অনাবিল যৌবন—বাগ্র, নবীন, আগ্রহভরা যৌবন।

জ্যোৎস্নারাজে উপরের ঘরে ফুলশয্যার সেই পালকে বাতি জালিয়া বসিয়া পড়িতে পড়িতে সে অপর্ণার প্রতীক্ষায় থাকে। নারিকেলশাখায় দেবীপঙ্কের বকের পালকের মত শুভ্র চাঁদের আলো পড়ে, বাহিরের রাত্রির দিকে চাহিয়া কত কথা মনে আসে, কত সব পুরাতন স্মৃতি, কোথায় যেন এই ধরণের সব পুরানো দিনের কত জ্যোৎস্না-ররা রাত। এ যেন সব আরব্য উপন্যাসের কাহিনী, সে ছিল কোন্‌ কুঁড়ে ঘরে, পেট পুরিয়া সব দিন খাইতেও পাইত না—সে আজ এত বড় প্রাচীন জমিদার ঘরের জামাই, অথচ আশ্চর্য্য এই যে এইটাই মনে হইতেছে সত্য। পুরানো দিনের জীবনটা এখন অবাস্তব, অস্পষ্ট, বোঁকা বোঁকা মনে হয়।

যাইবার পূর্ব্বে রাজে অপর্ণা স্বামীকে নানাবিষয়ে সাবধান ও সতর্ক করিয়া দিল। স্বামীর উপর এমন একটা মায়া হয়! এক এক দিন সে ঘুমন্ত স্বামীকে দেখিয়াছে, ভারী সুন্দর, ভারী পবিত্র, দেখায়। মনে হয় এ মায়া কখনও কোনো থারাপ কাজ করিতে পারিবে না। দেবতার মতই দেখায় বটে। সত্যই মা বলে পটের মুখ, পটে আঁকা ঠাকুর-দেবতার মত মুখ।

কাল সকালের কোন্‌ ষ্টীমারে যাওয়া? রোজ আপিস হইতে আসিয়া যেন মোহনভোগ করিয়া খাওয়া হয়। পিটুর মাকে সে বার বার করিয়া বলিয়া আসিয়াছে, সে-ই করিয়া দিবে। ঘি যেন একটু বেশী করিয়া খাওয়া হয়। এখন তো খরচ কমিল, বেশী ছেলে পড়ানোর দরকার নাই। আর জানালার পর্দাগুলো গিয়াই যেন ধোপার বাড়ি—এখন আর সাবান দিয়া কে কাচিবে, ধোপার বাড়িই ভাল।

পরদিন সকালে চলিয়া আসিবার সময়ে কিন্তু অপর্ণার সঙ্গে দেখা হইল না। অপুর আগ্রহ ছিল, কিন্তু আত্মীয় কুটুম পরিজনকে বাড়ি সরগরম—কাহাকেও যে বলে অপর্ণাকে একবার ডাকিয়া দিতে? মুখচোরা অপু ইচ্ছাটা

কাহাকেও জানাইতে পারিল না। নৌকায় উঠিয়া মুরারীর ছোট ভাই বিম্ব বলিল—আসবার সময় দিদির সঙ্গে দেখা করে এলেন না কেন, জামাইবাবু? দিদি সিঁড়ির ঘরে জানালার ধারে দাঁড়িয়ে কানছিল, আপনি যখন চলে আসেন—

কিন্তু নৌকা তখন জোর ভাঁটার টানে যশাইকাটির বাকের প্রায় কাছাকাছি আসিয়া পৌঁছিয়াছে।

এবার কলিকাতায় আসিয়া অনেকদিন পরে দেওয়ানপুরের বালাবন্ধু দেবব্রতের সঙ্গে দেখা হইল। সে আমেরিকা যাইতেছে। একথা সে জানিত না। পরস্পরের দেখা সাক্ষাৎ না হওয়ায় কেহ কাহারও ঠিকানা জানিত না। দেবব্রত এখানেই কলেজে পড়িতেছিল, এবার বি-এস-সি পাস করিয়াছে। অপূর বাসায় দেবব্রত তিন চারদিন আসিল, দুই বন্ধুতে পুরাণো দিনের নানা গল্প। কি মুন্সিল, বৌদিদির সঙ্গে দেখাটা হইল না! এতদিন পরে ঠিক কি না এই সময়েই... অপূর কাছে ব্যাপারটা আশ্চর্য্য চেকিল, আনন্দও হইল, হিংসাও হইল। প্রতি শনিবারে বাড়ি না যাইয়া যে থাকিতে পারিত না, সেই ঘরপাগুল দেবব্রত আমেরিকা চলিয়া যাইতেছে। দেবব্রত অবস্থাপন্ন ঘরের ছেলে, তাছাড়া তার পিসেমশায় খুব বড়লোক—কলিকাতায় বাড়ী, নিজের ছেলেপিলে নাই, তিনিই তাহাকে বিদেশে পাঠাইতেছেন।

মাস দুই তিন বড় কষ্টে কাটিল। আজ একবছরের অভ্যাস—আপিস হইতে বাসায় ফিরিয়া অপূর হাসিমুখে মুখ দেখিয়া কর্মকান্ত মন শান্ত হইত। আজকাল এমন কষ্ট হয়! বাসায় না ফিরিয়াই সোজা ছেলে পড়াইতে যায় আজকাল, বাসায় মন লাগে না, খালি খালি ঠেকে।

লীলারা কেহ এখানে নাই। বর্ধমানের বিষয় লইয়া কি সব মামলা মোকদ্দমা চলিতেছে, অনেক দিন হইতে তাহার সেখানে।

একদিন রবিবারে সে বেলুড় মঠ বেড়াইয়া আসিয়া অপূরাকে এক লম্বা চিঠি দিল, ভারী ভাল লাগিয়াছে ভায়গাটা, অপূর এখানে আসিলে একদিন বেড়াইয়া আসিবে এখন। এসব পত্রের উত্তর অপূর খুব শীঘ্রই

দেয়, কিন্তু পত্রখানার কোনো ক্রমবাহ আসিল না—দুদিন চারদিন, সাতদিন হইয়া গেল। তাহার মন অস্থির হইয়া উঠিল—কি ব্যাপার? অপূর হয়ত নাই, সে মারা গিয়েছে—ঠিক তাই! রক্ত নানারকম স্বপ্ন দেখে, অপূর ছলছল চোখে বলিতেছে—তোমায় তো বলেছিলাম আমি বেশীদিন বাঁচব না, মনে নাই?... সেই মনসাপোতায় একদিন রাতে... আমার মনে কে বলতো—যাই—আবার আর জন্মে দেখা হবে।

পরদিন পড়িবে শনিবার! সে আপিসে গেল না, চাকুরীর মায়া না করিয়াই হটকেশ গুছাইয়া বাহির হইতে যাইতেছে এমন সময় খন্তরবাড়ীর পত্র পাইল। সকলেই ভাল আছে। যাক—বাঁচা গেল! উঃ, কি ভয়ানক দুর্ভাবনার মধ্যে ফেলিয়াছিল উহারা! অপূর উপর একটু অভিমানও হইল। কি, কাণ্ড, মন ভাল না থাকিলে এমন সব অদ্ভুত কথাও মনে আসে! কয়দিন সে ক্রমাগত ভাবিয়াছে, 'ওগো মাঝি তরী হেথা।' গানটা কলিকাতায় আজকাল সবাই গায়। কিন্তু গানটার বর্ণনার সঙ্গে তার খন্তরবাড়ির এত হুবহু মিল হয় কি করিয়া? গানটা কি তাহার বেলায় খাটিয়া যাইবে? কি অদ্ভুত কথাই সব যে মনে হয়।

শনিবারে আপিস হইতে ফিরিয়া দেখিল মুরারী তাহার বাসায় বারান্দার চেয়ারখানাতে বসিয়া আছে। শালককে দেখিয়া অপূ খুব খুসী হইল—হাসিমুখে বলিল, এ কি! বাসরে! সাক্ষাৎ বড়কুটুম বে! কার মুখ দেখে না জানি আজ সকালে—

মুরারী খামে আঁটা একখানা চিঠি তাহার হাতে দিল—কোনো কথা বলিল না। অপূ পত্রখানা হাত বাড়াইয়া লইতে গিয়া দেখিল মুরারীর মুখ কেমন হইয়া গিয়াছে। সে যেন চোখের জল চাপিতে প্রাণপণ চেষ্টা করিতেছে।

অপূর বুকের ভিতরটা হঠাৎ যেন হিম হইয়া গেল। কেমন করিয়া আপনা-আপনি তাহার মুখ দিয়া বাহির হইল, অপূর নেই? মুরারী নিজেকে আর সামলাইতে পারিল না।

—কি হয়েছিল?

—কাল সকালে আটটার সময় প্রসব হল—সাদে ন'টার সময়—

জান ছিল ?

—আগাগোড়া। ছোট কাকীমার কাছে চুপি চুপি না-কি বলেছিল ছেলে হওয়ার কথা তোমাকে ভাব করে জানাতে। তখন ভালই ছিল। হঠাৎ ন'টার পর থেকে—

ইহার পরে অপূর্ণ অনেক সময় ভাবিয়া আশ্চর্য্য হইত সে তখন স্বাভাবিক হুয়ে অতগুলি প্রাণ একসঙ্গে করিয়াছিল কি করিয়া। মুরারী বাড়ি কিরিয়া গল্প করিয়াছিল—অপূর্ণকে কি করে খবরটা শোনাব, মারারেল আর ঈমারে শুধু তাই ভেবেছিলাম—কিন্তু সেখানে গিয়ে আশ্চর্য্য হুয়ে গেলাম, আমায় বলতে হল না—ওই খবর টেনে বার করলে।

মুরারী চলিয়া গেলে সন্ধ্যার দিকে একবার অপূর্ণ মনে হইল, নবজাত পুত্রটি বাঁচিয়া আছে, না নাই ? সে কথা মুরারীকে জিজ্ঞাসা করা হয় নাই বা সে-ও কিছু বলে নাই। কে জানে, হয়ত নাই।

১০

কথাটা ক্রমে বাসার সকলেই শুনিল। পরদিন যথারীতি আপিস গিয়াছিল, আপিস হইতে কিরিয়া হাতমুখ ধুইতেছে, উপরের ভাড়টে বৃদ্ধ সেন মহাশয় অঙ্গুষ্ঠের ঘরের বারান্দাতে উঠিলেন। অপূর্ণ বলিল—এই যে সেন-মহাশয়, আহুন, আহুন।

সেন মহাশয় জিহ্বা ও তালুর সাহায্যে একটা চুখ-হুচক শব্দ উচ্চারণ করিয়া টুলখানা টানিয়া লইয়া হতাশ ভাবে বসিয়া পড়িলেন।

—আহা-হা, রূপে লরহতী, গুণে লক্ষী! কনের কাছে সেদিন যা আমার লাবান দিবে কাপড় ধুচ্ছেন, আমি সকাল সকাল গ্নান করব বলে ওপরের জান্না দিবে মুখ বাড়িয়ে দেখি। বললাম—কে যোমা ? তা মা আমার একটু হাসলেন—বলি তা থাক, যারের কাপড় জ্ঞান হয়ে থাক। স্নানটা না হয়ে ন'টার পরেই করা দাটব এখন—একদিন ইলিস মাছের দইমাছ বেঁধেচেন, অমনি তা বাটী করে ওপরে পাঠিয়ে দিচ্ছেচেন—আহা

কি নরম কথা, কি লক্ষ্মীশ্রী,—সবই শ্রীহরির ইচ্ছে! সবই তাঁর—

তিনি উঠিয়া যাইবার পরে আসিলেন গাঙ্গুল-গৃহিণী। বয়সে প্রবীণা হইলেও ইনি কখনও অপূর্ণ সঙ্গে সাক্ষাৎ ভাবে কথাবার্তা বলেন নাই। আধ-ঘোমটা দিয়া ইনি দোরের আড়াল হইতে বলিতে লাগিলেন—আহা, জলজ্যান্ত বোঁটা, এমন যে হবে তা তো কখনো জানিনি, ভাবিনি—কাল আমায় আমার বড়ছেলে নবীন বলচে রাত্তিরে, যে, মা শুনেচ এই রকম, অপূর্ণ বাবুর জী মারা গিয়েচেন এই মান্তর খবর এল—তা বাবা আমি বিশ্বাস করিনি। আজ সকালে আবার বাঁটুল বল্লে—তা বলি, যাই জেনে আসি—আসব কি, বাবা, দুই ছেলের আপিসের ভাত, বাঁটুলের আজকাল আবার দমদমার গুলির কারখানায় কাজ, দুটো নাকে মুখে গুঁজেই দৌড়ায়, এখন আড়াই টাকা হস্তা, সাহেব বলেচে বোশেখ মাস থেকে দেড় টাকা বাড়িয়ে দেবে। ওই এক ছেলে রেখে ওর মা মারা যায়, সেই থেকে আমারই কাছে—আহা তা ভেবো না বাবা—সবাই ও কষ্ট আছে, মরণকে তো আর—তুমি পুরুষ মানুষ তোমার ভাবনা কি বাবা ? বলে—

বজায় থাকুক চুড়ো বাঁশী

মিলবে কত সেবাদাসী—

একটা ছেড়ে দশটা বিয়ে করো না কেন ?... তোমার বয়েসটাই বা কি এমন—

অপূর্ণ ভাবিল—এরা লোক ভালো তাই এসে এসে বলচে। কিন্তু আমায় একা কেন একটু থাকতে দেয় না ? কেউ না আসে ঘরে সেই আমার ভাল। এরা কি বুঝবে ?

সন্ধ্যা হইয়া গেল। বারান্দার যে কোণে ফুলের টব বাজানো, দু-একটা মশা সেখানে বিন্ বিন্ করিতেছে। অগ্র দিন সে এই সময় আলো জ্বালে, ঠোঁট জালিয়া চা ও হালুয়া করে, আজ অন্ধকারের মধ্যে বারান্দার চেয়ারখানাতে বসিয়াই রহিল...একমনে সে কি একটা ভাবিতেছিল...পতীরভাবে ভাবিতেছিল।

ঘরের মধ্যে দেশলাই জ্বালার শব্দে সে চমকিয়া

উঠিল। বুকের ভিতরটা যেন কেমন করিয়া উঠিল—
মুহুর্তের জন্য মনে হইল যেন অপর্ণা আছে, এখানে
থাকিলে এই সময় সে ষ্টোভ ধরাইত, সন্ধ্যা দিত।
ডাকিয়া বলিল—কে?

পিটু আসিয়া বলিল—ও কাকাবাবু, মা আপনাদের
কেরোসিনের তেলের বোতলটা কোথায় জিন্সেস কল্লে—

অপু বিস্ময়ের হুরে বলিল—ঘরে কে পিটু?
তোরা মা?.....ও! বৌ-ঠাকরুন? বলিতে বলিতে
সে উঠিয়া গিয়া দেখিল পিটুর মা ঘরের মেঝেতে
ষ্টোভ মুছিতেছে। বৌ ঠাকরুন, তা আপনি আবার
কষ্ট করে কেন মিথো—আমিই বরং ওটা—

তেলের বোতলটা দিয়া সে আবার আসিয়া বারান্দাতে
বসিল। পিটুর মা ষ্টোভ জালিয়া চা ও খাবার তৈরী
করিয়া পিটুর হাতে পাঠাইয়া দিল ও রাত্রি নয়টার
পরে নিজের ঘর হইতে ভাত বাড়িয়া আনিয়া অপু-
দের ঘরের মেঝেতে খাইবার ঠাই করিয়া ভাতের
খালা ঢাকা দিয়া রাখিয়া গেল।

পিটুর বাবা সারিয়া উঠিয়াছেন, তবে এখনও
বড় দুর্বল, লাঠি ধরিয়া সকালে বিকালে একটু আধটু
গোলদীঘিতে বেড়াইতে যান, নীচের একঘর ভাড়াটে
উঠিয়া যাওয়াতে সেই ঘরেই আজকাল ইহারা থাকে।
পিটর এক মাস আজকাল নিয়মিত মাসিক সাহায্য
করাতে ইহাদের পূর্বতন দুর্বস্থা আজকাল আর নাই।
ভাক্তার বলিয়াছে, আর মাসখানেকের মধ্যেই দেশে
ফেরা চলিবে। পরদিন সকালেও পিটুর মা ভাত
দিয়া গেল। বৈকালে আপিস হইতে আসিয়া কাপড় জামা
না ছাড়িয়াই বাহিরের বারান্দাতে বসিয়াছে। বউটি
ষ্টোভ ধরাইতে আসিল।

অপু উঠিয়া গিয়া বলিল—রোজ রোজ আপনাকে
এ কষ্ট করতে হবে না, বৌদি। আমি এই গোলদীঘির
ধারের মোকান থেকে খেয়ে আসব চা।

বউটি বলিল—আপনি অত কুঞ্জিত হচ্ছেন কেন
ঠাকুরপো, আমার আর কি কষ্ট? টুলটা নিয়ে এসে
এখানে বসুন, দেখুন চা তৈরী করি।

এই প্রথম পিটুর মা তাহার সহিত কথা কহিল।

পিটু বলিল—কাকাবাবু, আমাকে গোলদীঘিতে
বেড়াতে নিয়ে যাবে?....একটা ফুলের চারা তুলে
আনব, এনে পুতে দেব।

বউটির বয়স ত্রিশের মধ্যে—পাংলা একহারা
গড়ন, শ্রামবর্ণ, মাঝামাঝি দেখতে। খুব ভালও নয়,
মন্দও নয়। অপু টুলটা দুয়ারের কাছে টানিয়া বসিয়া
বউটি চায়ের জল নামাইয়া বলিল—এক কাজ করি
ঠাকুরপো, একেবারে চাট্রি ময়দা মেখে আপনাকে খান-
কতক লুচি ভেজে দি—ক'খানাই বা খান—একেবারে
রাতের খাবারটা এই সঙ্গেই খাইয়ে দি—সারাদিনে
খিদেও তো পেয়েচে।

মেয়েটির নিঃসঙ্কোচ ব্যবহারে তাহার নিজের সংকোচ
ক্রমে চলিয়া যাইতেছিল। সে বলিল—বেশ ককুন, মন্দ
কি। ওরে পিটু, ওই-পেয়ালাটা নিয়ে আয়—

—থাক থাক ঠাকুরপো, ওকে আমি আলাদা দিছি।
কেটলিতে এখনও চা আছে—আপনি খান। আপনাদের
বেলুনটা কোথায়, ঠাকুরপো?

—সত্যি আপনি বড় কষ্ট করছেন, বৌ-ঠাকরুন—
আপনাকে এত কষ্ট দেওয়াটা—

পিটুর মা বলিল—আপনি বার বার ও-রকম
বলছেন কেন? আপনারা আমার যা উপকার করছেন,
তা নিজের আত্মীয়ও করে না আজকাল। কে পরকে
থাকবার জন্তে ঘর ছেড়ে দেয়?....কিন্তু আমার সে
বলবার মুখ তো দিলেন না ভগবান, কি করি বলুন।
পাছে আমি রুগী সাক্ষলে যেহেতু থাকতে না পারি,
তাই সে ছুবেলা আপনি থেরে আপিসে গেলেই
পিটুকে নিজে গিয়ে তেকে এনে আপনার পাতে
খাওয়ান।

কথা শেষ না করিয়াই পিটুর মা হঠাৎ চুপ করিল।
অপুর মনে হইল, ইহার সঙ্গে অপর্ণার কথা কহিয়া
মুখ আছে, এ বুঝিবে, অন্য কেহ বুঝিবে না।

সারাদিন অপু কাঠেরকণ্ঠে ভুলিয়া থাকিতে প্রাণপণ
চেষ্টা করে, যখনই একটু মনে আসে অমনই একটা কিছু
কাজ দিয়া দেউতাকে চাপা দেয়। অল্পে অল্পে
সে মাঝে মাঝে অসমর্থ হইয়া বসিয়া কি করিত,

খাতিপত্রে গল্প, কথিত—কাজ করি দিয়া অল্প
বই পড়িত। কিন্তু অপর্ণার মৃত্যুর পর হইতে সে দশগুণ
খাটিতে লাগিল, সকলের কাছে কাজের তাগাদা করিয়া
বেড়ায়, সারাদিনের কাজ চু'ঘটায় করিয়া ফেলে, তাহার
লেখা চিঠি টাইপ করিতে করিতে নুপেন বিরক্ত হইয়া
উঠিল।

পূর্ণিমা তিথিটা... অপর্ণা ছাদের আলিসার ধারে
দাঁড়াইয়া, এই তো গত কোজাগরী পূর্ণিমার রাত্রিতে...
লক্ষীর মত মহিমময়ী, কি সুন্দর ডাগর চোখ দুটি, কি
সুন্দর মুখশ্রী! অপুর মনে হইয়াছিল—ওঁর ঘাড় ফেরাবার
ভক্তিটা যেন রাগির মত এক এক সময় সমুদ্র আসে মনে।
অপর্ণা হাসিয়া বলে—আমার যে লজ্জা করে, নইলে
সকালে তোমায় খাবার করে দিতে ইচ্ছে করে, আমার
ছোট বোনও লুচি ভাজতে জানে না,—সেজ খুড়ীমা
ছেলে সামলে সময় পান না—মা থাকেন ভাড়ারে,
তোমার খাবারকষ্ট হয়—না? অপূ ডাকিয়া বলে—ও
নিধু বাবু, এদিকে আসুন একবার, রেকর্ড থেকে আর
বছরের নাথের বাগান বস্তীর ফাইলটা নিয়ে
আসুন তো।

মানেজার একদিন ডাকিয়া বলেন—অপূর্ববাবু,
আপনার শরীরটা বড় রোগা হয়ে পড়ছে, আপনি দিন-
কতক একটু হাওয়াটা বদলে—আমাদের পুরীর বাড়িটা
এখন খালি আছে, যদি সেখান থেকে চান্দ্রপট্টা
বলুন; মাসখানেকের জন্তে ঠিক করে দি—নায়েবকে না
হয় একখানা পত্র লিখে দি, কি বলেন?

আ! কেন ওসব কথা বার বার মনে করিয়া দেওয়া!
সে তো এখানে বেশ কাজ করিতেছে, কাহারও তেঁতা
কোনো অনিষ্ট করিতেছে না—এক পাশে চুপ করিয়া
বসিয়া আছে, প্রাণপণে খাটিয়া যাইতেছে—তবে কেন
ওসব?

কিন্তু পিটুর মায়ের সঙ্গে মাঝে মাঝে অপর্ণার কথা
হয়, তর্কন ভাঙ্গ লাগে। মনে হয় অপর্ণার কথা এ আরও
বলুক, আরও শুনি। কোনো সান্ত্বনার কি সহায়ভূতির
কথা ভুলিতে ইচ্ছা করেনা, শুধু অপর্ণার গুণের কথা—সে
তাহার সবকিছু ভাবিত, সে কথা...

কি বিরাট শূন্যতা... কি যেন এক বিরাট ক্ষতি হইয়া
গিয়াছে, জীবনে আর কখনও তাহা পূর্ণ হইবার নহে...
কখনও না, কাহারও দ্বারা না... সমুখে বৃক্ষ নাই, লতা
নাই, ফুলকল নাই—শুধু এক কক্ষ, ধূসর আলোকময় বহু
বিস্তীর্ণ মরুভূমি!

মাসখানেক পরে পিটুর মা চোখের জলে ভাসিয়া
বিদায় লইল। পিটুর বাবা বেশ সবল হইয়া উঠিয়াছেন,
ছুইজনেই আত্মীয়ের মত নানা সান্ত্বনার কথা বলিয়া গেল।
পিটুর মা বলিল—কখনও ভাই দেখিনি, ঠাকুর-পো।
আপনাকে সেই ভাই-এর মত পেলাম, কিন্তু করতে
পারলাম না কি?—দুনি বলে যদি মাঝে মাঝে আমাদের
ওখানে যান—তবে জানুব সত্যি আমি ভাই পেয়েছি।

অপূ সংসারের বহু দ্রব্য পিটুদের জিনিষপত্রের
সঙ্গে বাঁধিয়া দিল—ভালা, কুলো, ধামা, ঝটি, চাকী,
বেলুন। পিটুর মা কিছুতেই সে সব লইতে রাজী নয়—
অপূ বলিল—কি হবে বৌদি, সংসার তো উঠে গেল,
ওসব আর হবে কি, অল্প কাউকে বিলিয়ে দেওয়ার চেয়ে
আপনারা নিয়ে যান, আমার মনে তৃপ্তি হবে তবুও।

পিটুরা চলিয়া গেলে বাসা যেন একেবারে শূন্য
হইয়া পড়িল। সন্ধ্যাবেলাটা একা কি করিয়া কাটানো
যায়? অপর্ণার চিন্তায় কাটান যায় বটে, কিন্তু তাহাতে
এক এক সময় যেন বুক-কিসে একেঁড়ে ওকোড় করিয়া
তীব্র শলা চালাইয়া দেয়—কমকালের জন্ত দেহ মন
অসাড়, অবশ করিয়া ফেলে; স্বতরাং নিশ্চিন্তে কাটান
একরূপ অসম্ভব। মায়ের মৃত্যুর পর তো এতটা হয়
নাই? মায়ের কথা তবু ভাবিতে পারা যায় না, ইহার
কথা আদৌ মনে আনিতে পারা যায় না কেন?

* * *

সারা শীতকাল ও গ্রীষ্ম কাল ধরিয়া শ্রবণবাড়ি
হইতে কত বীর শ্লোক আসিল। অপর্ণার মায়ের চক্ষু
ছুটি কাঁদিয়া কাঁদিয়া অন্ধ হইবার উপক্রম হইয়াছে,
সে-কি একবার যাইবে না? অপূ হঠাৎ নিষ্ঠুর হইয়া
ওঠে—সে তিরকাল কোমল হৃদয়, অপরের দুঃখ কখনও
সহ্য করিতে পারে না, কিন্তু আশ্রয়ের বিষয়, অপর্ণার
মায়ের কষ্ট শুনিয়া সে এতটুকু বিচলিত হইল না।

কিন্তু তাহার নিজের ছেলে? তাহাকেও তো সে দেখে নাই—সেজ্ঞেও কি যাইবে না সে? অপু পত্রের জবাবও দেয় না...

এত ভয়ানক সঙ্কীর্ণতার ভাব গত দশ এগারো মাস তাহার হয় নাই। পিণ্ডুরা চলিয়া যাওয়ার পরে বাসাও আর ভাল লাগে না, অপর্ণার সঙ্গে বাসাটার এত-পানি জড়ানো যে এবার খুশুরবাড়ি হঠতে ফিরিবার পরে আর সেখানে থাকা অসম্ভব হইয়া উঠিল। সে বাসায় প্রায়ই রাত্রে থাকে না, চার পাচ রাত্রে মধ্য তিন রাত্রি সে কাটাইল শেয়ালবা। ঠেগনের তৃতীয় শ্রেণী যাত্রীর বসিবার স্থানের একটা বেঞ্চির উপর শুইয়া, একদিন কাটাইল কপনও সে এপ্রযুক্ত যাত্রা করে নাই—সারাবাহি জাগিয়া থিয়েটার দেখিয়া। একদিন পাশের এক মেসের বাসায় থাকিবার চেষ্টা করিয়া দেখিল, একেবারেই অসম্ভব ব্যাপার, সর্বদ্ব অপর্ণার সেবাহতের চিহ্ন—যেদিকে চাওয়া যায়। তত্পরি বিপদ, গাঙ্গুলী-গিন্নী তাহার কোন বোনবির সঙ্গে তাহার বিবাহের যোগাযোগের জন্ত একেবারে উঠিয়া পড়িয়া লাগিয়াছেন। তাহাকে একা একটু বসিতে দেখিলে সংসারের অসারত্ব, কথিত বোন-বিরিটির রূপগুণ, সম্মুখের মাখমাসে মেয়েটিকে একবার দেখিয়া আসিবার প্রস্তাব, নানা বাজে কথা। অবশেষে অপু অতিষ্ঠ হইয়া মাসের শেষে বাসা উঠাইয়া দিল।

নিকটের একটা গলির মধ্যে একতালার একটা ঘর দশ টাকায় পাওয়া গেল। নিজে রাধিয়া খাওয়ার ব্যবস্থা—অবশ্য ইতিপূর্বে সে বরাবরই রাধিয়া খাইয়া আসিয়াছে বটে, কিন্তু এবার যেন রাধিতে গিয়া কাহার উপর একটা স্ত্রীত্ব অভিমান। ঘরটাও বড় নিৰ্জন, ব্যক্তিতে প্রাণ যেন ফাঁকাইয়া গুঠে। পাখান-ভারের মত দাক্ষণ নিৰ্জনতা সব সময় বৃকের উপর চাপিয়া বসিয়া থাকে। এমন কি শুধু ঘরে নয়, পথেবাটে, আপিসেও তাই—মনে হয় জগতে কেহ কোথাও আপনার নাই।

তাহার বন্ধুবান্ধবদের মধ্যে কে কোথায় চলিয়া গিয়াছে ঠিকানা নাই—প্রণবও নাই এখানে। মুখের খালাপী দুচার জন বন্ধু আছে বটে, কিন্তু ওসব বে-দরদী লোকের সঙ্গে ভাল লাগে না। রবিবার ও ছুটির দিন-

গুলি তো আর কাটেই না—অপুর মনে পড়ে বৎসর-খানেক পূর্বেও শনিবারের প্রত্যাপায় সে সব আগ্রহ-ভরা দিন গণনা—আর আজকাল? শনিবার যত নিকটে আসে, তত ভয় বাড়ে।

বৌবাজারের এক গলির মধ্যে তাহার এক কলেজ বন্ধুর পেটেট ঔষধের দোকান। অপর্ণার কথা ভুলিয়া থাকিবার জন্ত সে মাঝে মাঝে সেখানে গিয়া বসে। এ রবিবার দিনটাও বেড়াইতে বেড়াইতে গেল। কারবারের অবস্থা খুব ভাল নয়। বন্ধুটি তাহাকে দেখিয়া বলিল—ও তুমি?...আমার আজকাল হয়েছে ভাই—‘কে আসিল বলে চমকিয়ে চাই, কাননে ডাকিলে পাখী’—সকাল থেকে হরদম পাওনাদার আসছে আর যাচ্ছে—আমি বলি বুঝি কোন্ পাওনাদার এল, বসো বসো।

অপু বসিয়া বলিল—কাবুলীর টাকাটা শোধ দিয়েছে।—কোথা থেকে দেব দাদা? সে এলেই পালাই, নয় তো ‘মথো কথা বলি। খবরের কাগজ বিজ্ঞাপনের দেনার দরুন—ছোট আদালতে নালিশ করে ছিলে, পরন্তু এদে বাক্যপত্র আদালতের বিলিফ্ সিল করে গিয়েচে—তোমার কাছে বলতে কি, এবেলার বাজার খরচটা পয়ান্ত নেই—তার ওপর ভাই বাড়িতে হুথ নেই। আমি চাই একটু ঝগড়াঝাটি হোক, মান অভিমান হোক—তা নয়, বৌটা হয়েছে এমন ভাল মাছ, সাত চড়ে রা নেই—

অপু হাসিয়া উঠিয়া বলিল—বল কি হে, সে তোমার ভাল লাগে না বুঝি?...

—রামোঃ—পানুসে লাগে, ঘোর পানুসে। আমি চাই একটু হুটু হবে, একগুয়ে হবে, স্মার্ট হবে—তা নয় এত ভালমাস্থ, যা বল্চি তাই করচে—সংসারের এই কষ্ট, হয়তো একবেলা খাওয়াই হল না—মুখে কথাটি নেই। কাপড় নেই,—তাই সই, ডাইনে বলে, তথক্ষনি ডাইনে, বাঁধে, বলে বাঁধে—নাঃ, অসহ্য হয়ে পড়েছে। বৈচিত্র্য নাই রে ভাই। পাশের বাসার বৌটা সেদিন কেমন স্বামীর উপর রাগ করে কাঁচের প্রাস, হাতবাক্স তুমদাম করে আছাড় মেরে ভাঙলে, দেখে হিংসে হল, তাবলাম হায় রে, আর আমার কি

কপাল!—না হাসি না—আমি তোমাকে সত্যি সত্যি প্রাণের কথা বলছি ভাই—এরকম পান্দ্রে ঘরকন্না আর আমার চলচে না—বিলিভ মি—অসম্ভব!...ভালমাহুয নিয়ে ধুয়ে খাব?...একটা ছুট মেয়ের সন্ধান দিতে পার?...

কেন আবার বিয়ে করবে না কি?...একটা পার না খেতে দিতে—তোমার দেখছি স্বখে থাকতে ভূতে—

—না ভাই, এ স্থখ আমার আর—জীবনটা এখন দেখছি একেবারে বার্থ হল, মনের কোনো সাধই মিটল না—এক এক সময় ভাবি ওর সঙ্গে আমার ঠিক মিলন হয় নি—মিলন যদি ঘটত তা হলে দ্বন্দ্বও হত—বুঝলে না?...মিল নেই ভাই বেশ শাস্তি আছে—অর্থাৎ passionate মনোভাব কোনোপক্ষেই নেই আর কি। কে, টেপি?...এই আমার বড় মেয়ে—শোন, তোর মার কাছ থেকে দু'টো পয়সা নিয়ে দুপয়সার বেগুনি কিনে নিয়ে আয় তো আমাদের জন্তে, আর অমনি চাএর কথা বলে দে—

—আচ্ছা মরণের পরে মাহুযে কোথায় যায় জান? বলতে পার?

—ওসব ব্যাপার নিয়ে মাথা ঘামাই নি কখনও। পাওনাদার কি করে তাড়ান যায় বলতে পার? এখনি কাবুলীওয়ালা একটা আসবে নেবুতলা থেকে। আঠার টাকা ধার নিয়েছি, চার আনা টাকা পিছু হুদ হুদ। দু হুদার হুদ বাকী, কি যে আজ তাকে বলি?... স্বাউণ্ডেলটা এলো বলে—দিতে পার দুটো টাকা ভাই?

—এখন তো নেই কাছে, একটা আছে রেখে দাও। কাল সকালে আর একটা দিয়ে যাব এখন। এই যে টেপি বেশ বেগুনি এনেচিস্—না না, আমি খাব না, তোমরা খাও, আচ্ছা এই একখানা তুলে নিলাম, নিয়ে যা টেপি।

বন্ধুর দোকান হইতে বাহির হইয়া সে খানিকটা

লক্ষ্যহীনভাবে ঘুরিল। লীলা কি এখানে আছে? একবার দেখিয়া আসিবে? প্রায় একবৎসর লীলারা এখানে নাই, তাহার দাদামহাশয় মামলা করিয়া লীলার পৈতৃকসম্পত্তি কিছু উদ্ধার করিয়াছেন, আজকাল লীলা মায়ের সঙ্গে আবার বর্দ্ধমানের বাড়িতেই ফিরিয়া গিয়াছে। খার্ড ইয়ারে ভর্তি হইয়া একবৎসর পড়িয়াছিল—পরীক্ষা দেয় নাই, লেখাপড়া ছাড়িয়া দিয়াছে।

সন্ধ্যার কিছু পূর্বে ভবানীপুরে লীলাদের ওখানে গেল। রামলগন বেহারা তাহাকে চেনে, বৈঠকখানায় বসাইল, মিঃ লাহিড়ী এখানে নাই, রাঁচি গিয়াছেন। লীলা দিদিমণি? কেন, সে-কথা কিছু বাবুর জানা নাই? দিদিমণির তো বিবাহ হইয়া গিয়াছে গত বৈশাখ মাসে। নাগপুরে জামাইবাবু বড় এঞ্জিনিয়ার, বিলাতকের— একেবারে খাটি সাহেব, দেখিলে চিনিবার জো নাই। খুব বড় লোকের ছেলে—এদের সমান বড়লোক। কেন বাবুর কাছে নিমন্ত্রণের চিঠি যায় নাই?

অপু বিবর্ণমুখে বলিল—কই না, আমার কাছে, হ্যাঁ।

—ও আচ্ছা আচ্ছা—না আর বসবো না আচ্ছা।

বারাহরে আসিয়া জগৎটা যেন অপুর কাছে একেবারে নিৰ্জ্জন, সঙ্গীহীন, বিশ্বাদ ও বৈচিত্র্যহীন ঠেকিল। কেন এরকম মনে হইতেছে তাহার? লীলা বিবাহ করিবে ইহার মধ্যে অসম্ভব তো কিছু নাই? সম্পূর্ণ স্বাভাবিক। তবে তাহাতে মন খারাপ করিবার কি আছে? ভালই তো। জামাই এঞ্জিনিয়ার, শিক্ষিত, অবস্থাপন্ন—লীলার উপযুক্ত বর জুটিয়াছে, ভালই তো।

রাস্তা ছাড়িয়া ভিক্টোরিয়া মেমোরিয়ালের সম্মুখের মাঠটাতে অর্দ্ধঅন্ধকারের মধ্যে সে উদ্ভ্রান্তের মত অনেকক্ষণ ঘুরিয়া বেড়াইল।

লীলার বিবাহ হইয়াছে, খুবই আনন্দের কথা, ভাল কথা। ভালই তো।

মহিলা সংবাদ



পশ্চিম ভারতের সত্যগ্রহী মহিলাবৃন্দ
[বোম্বাইয়ের ভ্যানগার্ড শক্তিও'র সৌজন্মে]



শ্রীমতী হংসা মেহতা

বামদিকের উপরের ছবি—

কুমারী পেরিন ক্যাপটেন, ইনি বোম্বাইয়ের
'ওয়ার কাউন্সিল'-এর নেত্রী ছিলেন

নীচের ছবি—

শ্রীমতী বিজয়লক্ষ্মী অন্তর, ইনি 'কংগ্রেস
বুলেটিন'-এর সম্পাদিকা ছিলেন





শ্রীমতী কমলাবেন দোনাচাট্টালা




শ্রীমতী শান্তাবেন পাটেল



শ্রীমতী জ্যোতী রামানী



শ্রীমতী সাক্ষী সোমন্ত



শ্রীমতী লীলাবতী মুন্সী

বামদিকের উপরের ছবি—শ্রীমতী রামীবেন কামদার

বামদিকের নীচের ছবি—শ্রীমতী হুমতি ত্রিবেদী



শ্রীমতী অমৃত কুন্ডার



শ্রীমতী অবলিকা বাঈ গোখলে

নিখিল এশিয়া নারীসম্মেলন—লাহোর



নারীসম্মেলনের সদস্যবৃন্দ



শ্রীমতী লক্ষ্মীবেন স্বরাজ বল্লভদাস



শ্রীমতী লীলা সৈয়দ

নিখিল এশিয়া নারীসম্মেলন—লাহোর




সম্মেলনের সাধারণ দৃশ্য



শ্রীমতী উশিলা মেহতা




শ্রীমতী ত্রিশূলা দেবী





শ্রীমতী নীরঝালা দীক্ষিত



শ্রীমতী গঙ্গাবেন পাটেল





নিউ ইয়র্কে রবীন্দ্রনাথের স্মৃতি।

পছনের ঠিক চৌবনের মাধ্যমে রবীন্দ্রনাথকে দেখা যাইতেছে

পল্লীসেবা -

শ্রীরবীন্দ্রনাথ ঠাকুর

বেদে অনন্ত স্বরূপকে বলেছেন “আবিঃ”, প্রকাশস্বরূপ। তাঁর প্রকাশ আপনার মধ্যেই সম্পূর্ণ। তাঁর কাছে মানুষের প্রার্থনা এই যে, “আবিরাবীর্ষ এধি”।
হে আবি আমার মধ্যে তোমার আবির্ভাব হোক। অর্থাৎ আমার আত্মায় অনন্তস্বরূপের প্রকাশ চাই। জানে প্রেমে কর্মে আমার অভিব্যক্তি অনন্তের পরিচয় দেবে এতেই আমার সার্থকতা। আমাদের চিত্তবৃত্তি থেকে, ইচ্ছাশক্তি থেকে, কর্মোদ্যম থেকে অপূর্ণতার আবরণ ক্রমে ক্রমে মোচন করে অনন্তের সঙ্গে নিজের সাদৃশ্য প্রমাণ করতে থাকব এই হচ্ছে মানুষের ধর্ম-সাধনা। অল্প জীবজন্তু যেমন অবস্থায় সংসারে এসেচে সেই অবস্থাতেই তাদের পরিণাম। অর্থাৎ প্রকৃতিই তাদের প্রকাশ করেছে এবং সেই প্রকৃতির প্রবর্তনা মেনেই তারা প্রাণযাত্রা নির্বাহ করে, তার বেশী কিছু নয়। কিন্তু নিজের ভিতর থেকে নিজের অন্তরতর সত্যকে নিরন্তর উদ্ঘাটিত করতে হবে নিজের উদ্যমে,—মানুষের এই চরম অধ্যবসায়। সেই আত্মোপলব্ধি সত্যেই তার প্রকাশ, প্রকৃতিনিয়ন্ত্রিত প্রাণযাত্রায় নয়। তাই তার দুঃখ প্রার্থনা এই যে, সকল দিকেই অনন্তকে যেন প্রকাশ করি। তাই সে বলে ভূমৈব স্তূপং, মহঃস্তুই স্তূপ, নাগ্নে স্তূপমস্তি, অগ্নি কিছুতেই স্তূপ নেই। তাই মানুষের পক্ষে সকলের চেয়ে দুর্গতি যখন আপনার জীবনে সে আপন অন্তর্নিহিত ভূমাকে প্রকাশ করতে পারলে না—বাধাগুলো শক্তি হয়ে রইল। এই তার পক্ষে মৃত্যুর চেয়ে বড় মৃত্যু। আহারে বিহারে ভোগে বিলাসে সে পরিপুষ্ট হতে পারে, কিন্তু জানের দীপ্তিতে ত্যাগের গতিতে প্রেমের বিস্তারে কর্মচেষ্টার সাহসে সে যদি আপনার প্রবৃত্ত মুক্তস্বরূপ কিছু পরিমাণেও প্রকাশ করতে না পারে তবে তাকেই বলে মহতী

বিনষ্ট:—সে বিনষ্ট জীবের মৃত্যুতে নয় আত্মায় অপ্রকাশে।

সত্যতা যাকে বলি তার এক প্রতিশব্দ হচ্ছে ভূমাকে প্রকাশ। মানুষের ভিতরকার যে “নিহিতার্থ”, যা তার গভীর সত্য, সত্যতায় তারই আবিষ্কার চলচে। সত্য মানুষের শিক্ষাবিধি এত ব্যাপক, এত দুঃখ এই জন্মেই। তার সীমা কেবলই অগ্রসর হয়ে চলেচে, সত্য মানুষের চেষ্টা প্রকৃতি নির্দিষ্ট কোনো গভীকে চরম বলতে চাচ্ছে না।

মানুষের মধ্যে নিত্যপ্রসাধ্যমান সম্পূর্ণতার যে আকাঙ্ক্ষা তার দুটো দিক, কিন্তু তারা পরস্পর যুক্ত। একটা ব্যক্তিগত পূর্ণতা আর একটা সামাজিক। এদের মাঝখানে ভেদ নেই। ব্যক্তিগত উৎকর্ষের ঐকান্তিকতা অসম্ভব। মানবলোকে যারা শ্রেষ্ঠ পদবী পেয়েছেন তাঁদের শক্তি সকলের শক্তির ভিতর দিয়েই ব্যক্ত, তা পরিচ্ছিন্ন নয়। মানুষ যেখানে ব্যক্তিগতভাবে বিচ্ছিন্ন, পরস্পরের সহযোগিতা যেখানে নিবিড় নয় সেইখানেই বর্বরতা। সেই বর্বর একা একা শিকার করে, খণ্ড খণ্ডভাবে জীবিকার উপযুক্ত অভিজ্ঞতা সঞ্চয় করে, সেই জীবিকার ভোগ অত্যন্ত ছোট সীমার মধ্যে। বহুজনের চিত্তবৃত্তির উৎকর্ষসহযোগে নিজের চিত্তের উৎকর্ষ, বহুজনের শক্তিকে সংযুক্ত করে নিজের শক্তি, বহুজনের সম্পদকে সম্মিলিত করার দ্বারা নিজের সম্পদ স্তূপীভূত করাই হ’ল সত্য মানবের লক্ষ্য। উপনিষৎ বলেন, আমরা যখন আপনার মধ্যে অন্ধকে ও অন্ধের মধ্যে আপনাকে পাই তখনই সত্যকে পাই—ন ততো বিজুগুপ্তং—তখন আর গোপনে থাকতে পারি নে, তখনই আমাদের প্রকাশ। সত্যতায় মানুষ প্রকাশমান, বর্বরতায় মানুষ অপ্রকাশিত। পরস্পরের মধ্যে পরস্পরে আত্মোপলব্ধি যতই সত্য হতে থাকে

তত্বেই সভ্যতার যথার্থ স্বরূপ পরিষ্কৃত হয়। ধর্মের নামে, কর্মের নামে, বৈষয়িকতার নামে, স্বাদেশিকতার নামে, যেখানেই মানুষ মানবলোকে ভেদ স্থাপিত করেছে সেখানেই দুর্গতির কারণ গোচরে অগোচরে বল পেতে থাকে। সেখানে মানব আপন মানবধর্মকে আঘাত করে, সেই হচ্ছে আত্মঘাতের প্রকৃষ্ট পন্থা। ইতিহাসে যুগে যুগে তার প্রমাণ পাওয়া গেছে। সভ্যতাবিলাসের কারণ সম্বন্ধে করলে একটি মাত্র কারণ পাওয়া যায় সে হচ্ছে মানবসম্বন্ধের বিকৃতি বা ব্যাঘাত! যারা ক্ষমতাশালী ও যারা অক্ষম তাদের মধ্যে-কার ব্যবধান প্রশস্ত হয়ে সেখানে সামাজিক সামঞ্জস্য নষ্ট হয়েছে। সেখানে প্রভুর দলে, দাসের দলে, ভোগীর দলে, অভুক্তের দলে সমাজকে দ্বিগুণিত করে সমাজদেহে প্রাণ-প্রবাহের সঞ্চারকে অবরুদ্ধ করেছে;—তাতে এক অঙ্গের অতিপুষ্টি এবং অঙ্গ অঙ্গের অতিশীর্ণতায় রোগের স্থিতি হয়েছে। পৃথিবীর সকল সভ্য দেশেই এই ছিত্র দিয়ে আজ যমের চর আনাগোনা করছে। আমাদের দেশে তার প্রবেশপথ অল্প দেশের চেয়ে আরও যেন অব্যাহত। এই দুর্ঘটনা সম্প্রতি ঘটেছে।

একদিন আমাদের দেশে পল্লীসমাজ সজীব ছিল। এই সমাজের ভিতর দিয়েই ছিল সমস্ত দেশের যোগবন্ধন, আমাদের সমস্ত শিক্ষাদীক্ষা ধর্মকর্মের প্রবাহ পল্লীতে পল্লীতে ছিল সঞ্চারিত। দেশের বিরাট চিত্র পল্লীতে পল্লীতে প্রসারিত হয়ে আশ্রয় পেয়েছে, প্রাণ পেয়েছে। একথা সত্য যে, আধুনিক অনেক জ্ঞান বিজ্ঞান হযোগ হবিধা থেকে আমরা বঞ্চিত ছিলাম। তখন আমাদের চেষ্টার পরিধি ছিল সীমিত, বৈচিত্র্য ছিল স্বল্প, জীবনযাত্রার আয়োজনে উপকরণে অভাব ছিল বিস্তর। কিন্তু সামাজিক প্রাণক্রিয়ার যোগ ছিল অবিচ্ছিন্ন। এখন তা নেই। নদীতে স্রোত যখন বহমান থাকে তখন সেই স্রোতের দ্বারাই এপারে ওপারে এদেশে ওদেশে আনাগোনা দেয়া পাওয়ার যোগ রক্ষা হয়। জল যখন শুকিয়ে যায় তখন এই নদীরই খাত বিষম বিঘ্ন হয়ে ওঠে। তখন এক কালের পথটাই হয় অন্ধকালের অপথ। বর্তমানে তাই ঘটেছে।

যাদের আমরা ভ্রমসাধারণ নাম দিয়ে থাকি তারা

যে বিদ্যালভ করে, তাদের যা আকাঙ্ক্ষা ও সাধনা, তারা যে-সব হযোগ হবিধা ভোগ করে থাকে সে সব হ'ল মরা নদীর শুষ্ক গহ্বরের এক পাড়িতে, তার অপর পাড়ির সঙ্গে জ্ঞান বিশ্বাস আচার অভ্যাস দৈনিক জীবনযাত্রায় ছুতার দূরত্ব। গ্রামের লোকের না আছে বিদ্যা, না আছে আরোগ্য, না আছে সম্পদ, না আছে অম্ববন্ধ। শুদিকে যারা কলেজে পড়ে, ওকালতী করে, ডাক্তারী করে, ব্যাকে টাকা জমা দেয়, তারা রয়েছে ঘোঁপের মধ্যে, চারদিকে অতলস্পর্শ বিচ্ছেদ। যে আয়ুজ্ঞালের যোগে অঙ্গপ্রত্যঙ্গের বেদনা দেহের মর্মস্থানে পৌঁছয়, সমস্ত দেহের আয়ুর্বাধ অঙ্গপ্রত্যঙ্গের বোধের সম্মিলনে সম্পূর্ণ হয়, তার মধ্যে যদি বিচ্ছিন্নতা ঘটে তবে ত মরণদশা। সেই দশা আমাদের সমাজে। দেশকে মুক্তিদান করবার জন্যে আজ যারা উৎকর্ষ অধ্যবসায়ে প্রবৃত্ত এমন সব লোকের মধ্যেও দেখা যায় সমাজের মধ্যে গুরুতর ভেদ যেখানে, যেখানে পক্ষাঘাতের লক্ষণ, সেখানে তাঁদের দৃষ্টিই পড়ে না। থেকে থেকে বলে ওঠেন কিছু করা চাই, কিন্তু কর্ত্তের সঙ্গে সঙ্গে হাত এগোয় না। দেশ সম্বন্ধে আমাদের যে উদ্যোগ তার থেকে দেশের লোক বাদ পড়ে। এটা আমাদের এতই অভ্যস্ত হয়ে গেছে যে, এর বিপুল বিড়ম্বনা সম্বন্ধে আমাদের বোধ নেই। একটা তার দৃষ্টান্ত দিই।

আমাদের দেশে আধুনিক শিক্ষাবিধি ব'লে একটা পদার্থের আবির্ভাব হয়েছে। তারই নামে স্কুল কলেজ ব্যাঙের ছাতার মত ইতস্তত মাথা তুলে উঠেছে। এমনভাবে এটা তৈরি যে, এর আলো কলেজি মণ্ডলের বাইরে অতি অল্পই পৌঁছয়—হৃদয়ের আলো তাঁদের আলোয় পরিণত হয় যতটুকু বিকীর্ণ হয় তার চেয়েও কম। বিদেশী ভাষার স্কুল বেড়া তার চারদিকে। মাতৃভাষার যোগে শিক্ষাবিস্তার সম্বন্ধে যখন চিন্তা করি সে-চিন্তার সাহস অতি অল্প। সে যেন অস্তঃপরিকা বধুর মতই ভীক। আত্মনা পর্যন্তই তার অধিকার, তার বাইরে চিবুক পেরিয়ে তার ঘোমটা নেমে পড়ে। মাতৃভাষার আমল প্রাথমিক শিক্ষার মধ্যেই, অর্থাৎ সে কেবল শিশু-শিক্ষারই যোগ্য—অর্থাৎ মাতৃভাষা ছাড়া অন্য কোনো

ভাষা শেখবার স্বযোগ নেই সেই বিরাট জনসংখ্যকে বিদ্যার অধিকার সম্বন্ধে চির শিশুর মতই গণ্য করা হয়েছে। তারা কোনোমতেই পুরো মানুষ হয়ে উঠবে না অথচ স্বরাজ্য সম্বন্ধে তারা পুরো মানুষের অধিকার লাভ করবে চোখ বুজে এইটে আমরা কল্পনা করি। জ্ঞান-লাভের ভাগ সম্বন্ধে দেশের অধিকাংশ জনমণ্ডলী সম্বন্ধে এত বড় অনশনের ব্যবস্থা আর কোনো মনজাগ্রত দেশে নেই—জাপানে নেই, পারস্যে নেই, তুরস্কে নেই, ইজিপ্টে নেই। যেন মাতৃভাষা একটা অপরাধ, যাকে পুণ্ডরীক ধর্মশাস্ত্রে বলে আদিম পাপ। দেশের লোকের পক্ষে মাতৃভাষাগত শিক্ষার ভিতর দিয়ে জ্ঞানের সর্গাদ সম্পূর্ণতা আমরা কল্পনার বাইরে ফেলে রেখেছি। ইংরেজী হোটেলওয়ালার দোকান ছাড়া আর কোথাও দেশের লোকের পুস্তিকর অন্ন মিলবেই না এমন কথা বলাও যা আর ইংরেজী ভাষা ছাড়া মাতৃভাষার যোগে জ্ঞানের সম্যক সাধনা হতেই পারবে না এও বলা তাই। এই উপলক্ষ্যে এ কথা মনে রাখা দরকার, যে, আধুনিক সমস্ত বিদ্যাকে জাপানী ভাষার সম্পূর্ণ আয়ত্তগম্য করে তবে জাপানী বিশ্ববিদ্যালয় দেশের শিক্ষাব্যবস্থাকে সত্য ও সম্পূর্ণ করে তুলেছে। তার কারণ, শিক্ষা বলতে জাপানে সমস্ত দেশের শিক্ষা বুঝে—ভদ্রলোক ব'লে এক সর্বাঙ্গ শ্রেণীর শিক্ষা বোঝেনি। মুখে আমরা যাই বলি, দেশ বলতে আমরা যা বুঝি সে হচ্ছে ভদ্রলোকের দেশ। গণসাধারণকে আমরা বলি ছোটলোক, এই সংজ্ঞাটা বহুকাল থেকে আমাদের অস্থিমজ্জায় প্রবেশ করেছে। ছোটলোকের পক্ষে সকল প্রকার মাপকাঠিই ছোট। তারা নিজেও সেটা স্বীকার করে নিয়েছে। বড় মাপের কিছুই দাবি করবার ভরসা তাদের নেই। তারা ভদ্রলোকের ছায়াচর, তাদের প্রকাশ অল্পজ্ঞান, অথচ দেশের অধিকাংশই তারা, স্বতরাং দেশের অন্তত বারো আনা অনালোকিত। ভদ্রসমাজ তাদের স্পষ্ট করে দেখতেই পায় না, বিশ্বসমাজের তো কথাই নেই। রাষ্ট্রীয় আলোচনার মত অবস্থায় আমরা মুখে যাই-কিছু বলি না কেন, দেশাভিমান যত তারস্বরে প্রকাশ করি না কেন—আমাদের দেশ প্রকাশহীন হয়ে আছে বলেই কথের পথ দিয়ে দেশের সেবায় আমাদের এত ঐদারী। যাদের আমরা ছোট করে রেখেছি মানবজাতির রূপগতাবশত তাদের আমরা অবিচার করেই থাকি। তাদের দোহাই দিয়ে ক্ষণে ক্ষণে অর্থসংগ্রহ করি—কিন্তু তাদের ভাগে পড়ে বাক্য, অর্থটা অবশেষে আমাদের দলের লোকের ভাগেই এসে জোটে। মোট কথাটা হচ্ছে দেশের যে অতিকৃত্রিম অংশে বুদ্ধি বিদ্যা ধন মান সেই গণতন্ত্র পাঁচ পরিমাণ লোকের সঙ্গে পঁচাত্তর পরিমাণ

লোকের ব্যবধান মহাসমুদ্রের ব্যবধানের চেয়ে বেশি। আমরা একদেশে আছি অথচ আমাদের এক দেশ নয়।

শিশুকালে আমাদের ঘরে যে সেজের দীপ জলত তার এক অংশে অল্প তেল অপর অংশে অনেকখানি জল ছিল। জলের অংশ ছিল নীচে তেলের অংশ ছিল উপরে। আলো মিটমিট করে জলত, অনেকখানি চড়াতে ধোঁয়া। এটা কতকটা আমাদের সাবেক কালের অবস্থা। ভদ্রসাধারণ এবং ইতরসাধারণের সম্বন্ধটা এই রকমই ছিল। তাদের মর্যাদা সমান নয় কিন্তু তবুও তারা উভয়ে একত্র মিলে একই আলো জ্বালিয়ে রেখেছিল। তাদের ছিল একটা অথও আধার। আজকের দিনে তেল গিয়েছে একদিকে জল গিয়েছে আর একদিকে, তেলের দিকে আলোর উপাদান অতি সামান্য, জলের দিকে একবারেই নেই।


বয়স যখন হ'ল ঘরে এল কেবোসিনের ল্যাম্প বিদেশ থেকে, তাতে সবটাকেই এক তেল, সেই তেলের সমস্তটার মধ্যেই উদ্দীপনের শক্তি। আলোর উজ্জলতাও বেশি। এর সঙ্গে যুরোপীয় সভ্যসমাজের তুলনা করা যেতে পারে। সেখানে এক জাতিরই বিদ্যা ও শক্তি দেশের সকল লোকের মধ্যেই ব্যাপ্ত। সেখানে উপরিতল নিম্নতল আছে সেই উপরিতলের কাছেই বাতি দীপ্ত হয়ে জলে নীচের তল অদীপ্ত। কিন্তু সেই ভেদ অনেকটা আকস্মিক—সমস্ত তেলের মধ্যেই দীপ্তির শক্তি আছে। সে হিসাবে জ্যোতির জাতিভেদ নেই—নীচের তল যদি উপরে ওঠে তাহলে উজ্জলতার তারতম্য ঘটে না। সেখানে নীচের দলের পক্ষে উপরের দলে উত্তীর্ণ হওয়া অসম্ভব নয়—সেই চেষ্টা নিয়তই চলে।

আর এক শ্রেণীর বাতি আছে—তাকে বলি বিজ্জলি বাতি। তার মধ্যে তারের কুণ্ডলী আলো দেয়, তার আগাগোড়াই সমান প্রদীপ্ত। তার মধ্যে দীপ্ত অদীপ্তের ভেদ নেই—এই আলো দিবালোকের প্রায় সমান। যুরোপীয় সমাজে এই বাতি জ্বালাবার উদ্যোগ সব দেশে এখন চলে না—কিন্তু কোথাও কোথাও হ্রস্ব হয়েছে—এর বহুটাকে পাকা করে তুলতে হয়ত এখনও অনেক ভাঙচুর করতে হবে, যন্ত্রের মহাজন কেউ কেউ হয়ত দেউলে হয়ে যেতেও পারে—কিন্তু পশ্চিম মহাদেশে এইদিকে একটা ঝোক পড়েছে সে কথা আর গোপন করে রাখবার জো নেই। এইটে হচ্ছে প্রকাশের চেষ্টা, মানুষের অন্তর্নিহিত ধর্ম—এই ধর্মসাধনায় সকল মানুষই অব্যাহত অধিকার লাভ করবে এই রকমের একটা প্রয়াস ক্রমশই যেন ছড়িয়ে পড়ছে।

কেবল আমাদের হতভাগ্য দেশে দেখি মাটির প্রদীপে যে আলো একদিন এখানে জ্বলছিল তাতেও আজ বাধা পড়ল। আজ আমাদের দেশের ডিগ্রিদারীরা পল্লীর কথা যখন ভাবেন তখন তাদের জন্তে অতি সামান্য ওজনে কিছু করাকেই যথেষ্ট বলে মনে করেন। যতক্ষণ আমাদের এই রকমের মনোভাব ততক্ষণ পল্লীর লোকেরা আমাদের পক্ষে বিদেশী। এমন কি, তার চেয়েও তারা বেশি পর, তার কারণ এই,—আমরা স্থলে কলেজে যেটুকু বিদ্যা পাই সে বিদ্যা যুরোপীয়। সেই বিদ্যার সাহায্যে যুরোপীয়কে বোঝা ও যুরোপীয়ের কাছে নিজেকে বোঝানো আমাদের পক্ষে সহজ। ইংলও ফ্রান্স জার্মানির চিন্তাবৃত্তি আমাদের কাছে সহজে প্রকাশমান,—তাদের কাব্য গল্প নাটক যা আমরা পড়ি সে আমাদের কাছে হৈয়ালি নয়—এমন কি, যে কামনা যে তপস্যা তাদের, আমাদের কামনা সাধনাও অনেক পরিমাণে তারই পথ নিয়েচে। কিন্তু যারা মা যদী মনসা ওলাবিবি নীতলা ঘেঁটু রাহ শনি ভূত প্রেত ব্রক্ষদৈত্য গুপ্তপ্রেস পঙ্কিকা পাণ্ডা পুঙ্কতের আঙতায মাষ্ট্রয় হয়েচে তাদের থেকে আমরা খুব বেশি উপরে উঠেছি তা নয়, কিন্তু দূরে সরে গিয়েছি, পরস্পরের মধ্যে ঠিকমত সাড়া চলে না। তাদের ঠিকমত পরিচয় নেবার উপযুক্ত কৌতূহল পর্যাপ্ত আমাদের নেই। আমাদের কলেজে যারা ইকনমিক্স, এপনোলজি পড়ে তারা অপেক্ষা করে থাকে যুরোপীয় পণ্ডিতের—পাশের গ্রামের লোকের আচার-বিচার বিধিব্যবস্থা জানবার জন্যে। ওরা ছোটলোক, আমাদের মনে মাষ্ট্রয়ের প্রতি যেটুকু দরদ আছে তাতে ক’রে ওরা আমাদের কাছে দৃশ্যমান নয়। পশ্চিম মহাদেশের নানা প্রকার “মডমেণ্টের” পূর্বাধার ইতিহাস এঁরা পড়েছেন,—আমাদের জনসাধারণদের মধ্যেও নানা মডমেণ্ট চলে আস্চে, কিন্তু সে আমাদের শিক্ষিতসাধারণের অগোচরে। জানবার জন্যে কোনো ঔৎসুক্য নেই—কেন-না তাতে পরীক্ষাপাসের মার্কা মেলে না। দেশের সাধারণের মধ্যে আউল বাউল কত সম্প্রদায় আছে সেটা একেবারে অবজ্ঞার বিষয় নয়; ভদ্রসমাজের মধ্যে নূতন নূতন ধর্মপ্রচেষ্টার চেয়ে তার মধ্যে অনেক বিষয়ে গভীরতা আছে,—সে সব সম্প্রদায়ের যে সাহিত্য তাও শ্রদ্ধা ক’রে রক্ষা করবার যোগ্য—কিন্তু

ওরা ছোটলোক। সকল দেশেই নৃত্য কলাবিদ্যার অন্তর্গত,—ভাবপ্রকাশের উপায়রূপে শ্রদ্ধা পেয়ে থাকে। আমাদের দেশে ভদ্রসমাজের তা লোপ পেয়ে গেছে বলে আমরা ধরে রেখেছি সেটা আমাদের নেই। অথচ জনসাধারণের নৃত্যকলা নানা আকারে এখনও আছে—কিন্তু ওরা ছোটলোক। অতএব ওদের যা আছে সেটা আমাদের নয়। এমন কি, হৃন্দর স্থনিপুণ হলেন সেটা আমাদের পক্ষে লজ্জার বিষয়। ক্রমে হয়ত এ সমস্তই লোপ হয়ে যাচ্ছে—কিন্তু সেটাকে আমরা দেশের স্মৃতি বলেই গণ্য করি নে—কেন-না, বস্তুতই ওরা আমাদের দেশে নেই। কবি বলেছেন, “নিজ বাসভূমে পরবাসী হ’লে।” তিনি এইভাবেই বলেছিলেন যে, আমরা বিদেশীর শাসনে আছি। তার চেয়ে সত্যতর গভীরতর ভাবে বলা চলে যে, আমাদের দেশে আমরা পরবাসী—অর্থাৎ আমাদের জাতের অধিকাংশের দেশ আমাদের দেশ নয়। সে দেশ আমাদের অদৃশ্য অস্পৃশ্য। যখন দেশকে মা বলে আমরা গলা ছেড়ে ডাকি তখন মুখে যাই বলি মনে মনে জানি সে মা গুটিকয়েক আত্মরে ছেলের মা। এই ক’রেই কি আমরা বাঁচব? শুধু ভোট দেবার অধিকার পেয়েই আমাদের চরম পরিজ্ঞান?

এই দুঃখই দেশের লোকের গভীর ওদাসীন্যের মাত্রাধানেই সকল লোকের আত্মকৃত্রা থেকে বঞ্চিত হয়ে এখানে এই গ্রাম কয়টির মধ্যে আমরা প্রাণ উদ্বোধনের যজ্ঞ করেছি। যারা কোনো কাজই করেন না তাঁরা অবজ্ঞার সঙ্গে জিজ্ঞাসা করতে পারেন এতে কতটুকু কাজই বা হবে? স্বীকার করতেই হবে তেত্রিশ কোটির ভার নেবার যোগ্যতা আমাদের নেই। কিন্তু তাই বলে লজ্জা করব না। কর্মক্ষেত্রের পরিধি নিয়ে গৌরব করতে পারব এ কল্পনাও আমাদের মনে নেই কিন্তু তার সত্য নিয়ে যেন গৌরব করতে পারি। কখনও আমাদের সাধনায় যেন এ দৈন্ত না থাকে যে, পল্লীর লোকের পক্ষে অতি অল্পটুকুই যথেষ্ট। ওদের জন্যে উচ্ছিষ্টের ব্যবস্থা ক’রে যেন ওদের অশ্রদ্ধা না করি। শ্রদ্ধা দেয়—পল্লীর কাছে আমাদের আত্মোৎসর্গের যে নৈবেদ্য তার মধ্যে শ্রদ্ধার যেন কোনো অভাব না থাকে।



দুধে জল, না জলে দুধ ?

কথিত আছে, এক গ্রন্থ একজন গোয়ালকে জিজ্ঞাসা করেন, “বাপু, সত্য কথা বল ত, তুমি কত দুধে কত জল দাও?” গোপপূর রসিক লোক ছিলেন; উত্তরে বলিলেন, “মহাশয়, আপনার জিজ্ঞাসা করা উচিত ছিল আমি কত জলে কতটুকু দুধ দি।”

গণগোলটেবিল বৈঠকের শেষ পূরা অধিবেশনে ব্রিটিশ প্রধান মন্ত্রী রামজি ম্যাকডোনাল্ড ভারতবর্ষকে যে প্রকারের স্বায়ত্তশাসন দিতে চাহিয়াছেন, তাহাতে ই গল্পট মনে পড়ে। ব্রিটিশপক্ষের লোকেরা বলিতেছেন, ভারতবর্ষের লোকদিগকে স্বায়ত্তশাসনরূপ দুধই দেওয়া হইয়াছে—কেবল তাহারা পেটরোগা শিশু বলিয়া পদের সঙ্গে ব্রিটিশায়ত্ত ক্ষমতারূপ কিঞ্চিৎ জল মিশাইয়া দেওয়া হইয়াছে, কালক্রমে যখন সহ্য হইবে, তখন তাহাদিগকে কেবল খাঁটি দুধই দেওয়া হইবে। ব্রিটিশ পক্ষের একদল লোক বলিতেছেন, স্বায়ত্তশাসনের অধিকার ভারতীয়দিগকে আপাততঃ যথেষ্ট দেওয়া হইয়াছে এবং ব্রিটিশপক্ষের হাতে কেবল ততটুকু ক্ষমতা রাখা হইয়াছে যতটুকু রাখা ভারতেরই মঙ্গলের জন্ত আবশ্যক। অন্য ব্রিটিশ দল বলিতেছেন, ভারতীয়দিগকে সব বা প্রায় সব ক্ষমতাই দেওয়া হইয়া গিয়াছে, ব্রিটিশ ক্ষমতা প্রায় লুপ্ত হইতে চলিল। অবশ্য, ব্রিটিশ পক্ষের এই সব কথাই মধ্যে ভারতীয়দিগের মনে দ্বন্দ্ব বিশ্বাস জন্মাইবার অভিপ্রায় থাকিবার সম্ভাবনা আছে। “ভারতীয়দিগকে প্রায় সব ক্ষমতা দেওয়া হইয়াছে,” কিংবা, “হায় হায়! ভারতে ব্রিটিশজাতির কোন প্রভুত্বই বাকি না, ভারতে ব্রিটিশ বাণিজ্য আদিরও সর্বনাশ হইতেছে,” ইত্যাদি বিলাপধ্বনি হইতে ভারতীয়েরা

বুঝুক যে, তাহারা আকাশের চাঁদ হাতে পাইতে বসিয়াছে, এই রকম একটা উদ্বেগ থাকিতে পারে। দুই ব্রিটিশ দলের মধ্যে ঝগড়া কতটা বাস্তবিক ও আন্তরিক, কতটাই বা রঙ্গমঞ্চে যুধ্যমান দুই দল অভিনেতার অভিনয়, তাহা বলা কঠিন।

যাহা হউক, ব্রিটিশ একদল বলিতেছেন, ভারতীয়দিগকে সামান্য জল মিশান খাঁটি দুধ দেওয়া হইয়াছে; অন্য দল বলিতেছেন, একেবারে খাঁটি দুধটুকু নিঃশেষে তাহাদিগকেই দিয়া ব্রিটিশ জাতির জ্ঞাত কিছু রাখা হয় নাই। আমরাদিগকে এখন স্থির করিতে হইবে, ব্রিটিশ প্রধানমন্ত্রী যাহা দিবেন বলিয়াছেন তাহার মধ্যে দুধ কত জল কত।

ভারতীয়দের মধ্যে মডারেট অনেকে (সকলে নহে) মনে করেন, অনেকটা দুধে অল্প জল মিশান হইয়াছে। ভারতীয় অন্য রাজনীতিজ্ঞেরা মনে করেন, অনেকটা জলে অল্প দুধ মিশান হইয়াছে। অর্থাৎ প্রধান প্রধান বিষয়ে আসল ক্ষমতা ব্রিটিশজাতি নিজের হাতে রাখিতে চাহিতেছে; কেবল ছোটখাট কোন কোন বিষয়ে ভারতীয়দিগকে ক্ষমতা দিবার প্রস্তাব করা হইয়াছে। আমাদেরও মনে হয়, জলে দুধ মিশাইবার প্রস্তাব হইয়াছে। জলে ততটুকু দুধই মিশাইবার ইচ্ছা যাহাতে তরল দ্রব্যটির রঙটা দুধের মত হয়। অর্থাৎ পরায়ত্ত শাসনে কেবল ততটুকু স্বায়ত্তশাসন মিশান হইবে, যাহাতে মিশ্র জিনিষটার চেহারা নয়নভুলান স্বরাজের মত হয়।

অবস্থান্তর ঘটিবার সময়

মি: রামজি ম্যাকডোনাল্ড বলিয়াছেন, বর্তমানে ভারতবর্ষে স্ব-শাসনপ্রণালী প্রচলিত আছে, তাহা হইতে

ব্যয়ভ্রমশাসনে পৌঁছিতে কিছু সময় লাগিবে। অবস্থান্তর ঘটবার এই যে সময়, এই সময়ের জ্ঞাত কতকগুলি ক্ষমতা ব্রিটিশ গবর্নর-জেনার্যাল নিজের হাতে রাখিবেন। সেই ক্ষমতাগুলির বিষয় আলোচনা করিবার পূর্বে এই অবস্থান্তর ঘটবার সময়টির দৈর্ঘ্য বিবেচ্য। এই কাল কত দীর্ঘ হইবে তাহা জিজ্ঞাসা করিবার পূর্বে জানা দরকার, তাহা নিশ্চিত হইবে, না অনিশ্চিত হইবে। যদি ব্রিটিশ গবর্নর-জেনার্যাল বলেন, উহা বেশী লম্বা হইবে না, তাহাও কখনই সন্তোষকর মনে করা যাইতে পারে না। ঠিক কত দীর্ঘ হইবে, জানিতে চাই। দুই চার শতাব্দী, এক শতাব্দী, পঞ্চাশ বৎসর, বিশ পঁচিশ বৎসর, দশ বৎসর, পাঁচ বৎসর, না এক বৎসর ?

সময়টা একটা অনাবশ্যক সত্তা নহে। কালক্রমে ভারতবর্ষে ব্রিটিশ প্রভু লুপ্ত হইবেই, পূর্ণ স্বাধীনতা প্রতিষ্ঠিত হইবেই। যদি ব্রিটিশজাতি একটা নিশ্চিত সময়ের মধ্যে নিজেদের প্রভু ছাড়িয়া দিতে রাজী হন, তাহা হইলে তাহা তাঁহাদের পক্ষে কল্যাণকর হইবে। কারণ, তাহা হইলে ভারতবর্ষের অতীত সব ঘটনা সত্ত্বেও ভারতীয়েরা ব্রিটিশ জাতির প্রতি মনের মধ্যে অল্পকুলভাব পোষণ করিতে পারে। কিন্তু যদি ইংরেজরা, যতদিন সম্ভব, ভারতবর্ষে তাঁহাদের প্রভু আঁকড়াইয়া ধরিয়া থাকিতে চান, তাহা হইলে এই অল্পকুলভাব পোষণ করা সম্ভবপর হইবে না।

বড়লাটের হস্তে রক্ষিত রাষ্ট্রীয় বিষয়

বড়লাটের হস্তে কি কি রাষ্ট্রীয় বিষয়ের ভার থাকিবে এবং কোন্ কোন্ বিষয়ই বা ব্যবস্থাপক সভার নিকট দায়ী মন্ত্রীদের হাতে যাইবে, তাহা ব্রিটিশ প্রধান মন্ত্রী তাঁহার বক্তৃতায় পরিষ্কার করিয়া বলেন নাই। মোটামুটি একটা আভাস দিয়াছেন বটে। সেই আভাস হইতে আশা ও আশঙ্কা পাওয়া যায় না।

দেশরক্ষার ব্যবহার উপর ব্যবস্থাপক সভার কোন কর্তৃত্ব থাকিবে না। সৈন্যদল-সম্পর্কীয় কোন বিষয়সম্বন্ধে ব্যবস্থাপক সভা কিছু বলিতে পারিবেন না। সৈন্যদলের জন্য ভারতবর্ষের বাহিরে বা ভিতরে যুদ্ধাদির জন্য যত

ব্যয় হইবে, ভারতবর্ষের রাজস্ব হইতে বড়লাট তাহা তাঁহার ইচ্ছামত লইবেন। ব্যবস্থাপক সভার মঞ্জুরী উপর তাহা নির্ভর করিবে না। বর্তমান সময়ে সকলের চেয়ে বেশী খরচ হয় সামরিক বিভাগে। ভারতীয় যত রাজনৈতিক দল আছে, সব দলেরই অভিযোগ এই, যে, সামরিক বিভাগের ব্যয় অত্যন্ত বেশী হওয়ায়, ভারতবর্ষের উন্নতি ও কল্যাণের জন্য একান্ত আবশ্যক অনেক রাষ্ট্রীয় ব্যয় মোটেই করা হয় না, কিম্বা খুব সামান্য পরিমাণেই হয়। এই অসন্তোষকর অবস্থা অনিশ্চিত কালের জন্য, কিম্বা দুই চারি বৎসরের জন্যও থাকিতে দেওয়া উচিত নয়। সামরিক বিভাগের ব্যয় নিশ্চয়ই ব্যবস্থাপক সভার আলোচ্য এবং তাহার মঞ্জুরী অতুল্য হওয়া উচিত।

সামরিক বিভাগটি অবস্থান্তর ঘটবার সময়ের জ্ঞাত কেন ব্যবস্থাপক সভার নিকট দায়ী মন্ত্রীর হাতে যাইবে না, তাহাও বিচাৰ্য্য।

ভারতীয় সৈন্যদলের প্রধান ও অধস্তন অফিসাররা সব ইউরোপীয় বলিয়া যুদ্ধবিদ্যা সম্বন্ধে প্ৰাচ্যপুত্র কাহ্যগত (practical) জ্ঞান ভারতীয় শিক্ষিত শ্রেণীর লোকদের মধ্যে কাহারও নাই, বা অল্প লোকেরই আছে—পুঁথিগত জ্ঞান কাহারও কাহারও থাকিতে পারে। গবর্নর-জেনার্যাল এইজ্ঞান বলিতে পারেন, ব্যবস্থাপক সভার নিকট দায়ী এমন মন্ত্রী ভারতীয়দের মধ্যে কেমন করিয়া পাওয়া যাইবে যিনি সামরিক বিভাগের ভার লইবার যোগ্য ? এই প্রশ্নের উত্তর দিতে হইলে, ইংরেজরা যে আপত্তি করে তাহা ঠিক বলিয়া মানিয়া লইলে চলিবে না। স্বাধীন দেশ সকলে সামরিক বিভাগের কর্তা কাহারো হয়, তাহা বিবেচনা করিতে হইবে।

সভ্যতম দেশ সকলে সামরিক বিভাগ সম্বন্ধে এই নীতি সমীচীন বলিয়া গৃহীত। যে, যদিও যুদ্ধ ঘোষিত হইলে যুদ্ধ-বিদ্যায় পারদর্শী ও অভিজ্ঞ সেনাপতিই যুদ্ধ চালাইবেন, কিন্তু সামরিক বিভাগ থাকিবে অসামরিক (সিভিল) কর্তৃপক্ষের অধীনে। এই কর্তৃপক্ষীয় ব্যক্তি বা ব্যক্তিগণ যুদ্ধবিদ্যায় শিক্ষিত ও অভিজ্ঞ হইবেনই, এমন কোন নিয়ম নাই। ইংলণ্ডেও এই নীতি অল্পকাল

হইয়া থাকে। লর্ড হলডেন একজন বড় দার্শনিক ছিলেন। তিনি যুদ্ধবিদ্যায় পারদর্শী ছিলেন না। কিন্তু ইহা ইংলণ্ডে সর্ববাদিসম্মত, যে, তিনি ইংলণ্ডের অন্যতম শ্রেষ্ঠ যুদ্ধমন্ত্রী ছিলেন। গত অগস্টজ্যোতিষ যুদ্ধে ইংলণ্ড যাহা করিয়াছিল এবং মিত্র দেশ সকলের সাহায্যে যাহা করিয়া জয়ী হইয়াছিল, তাহা মিঃ লয়েড জর্জের কর্তৃত্বই করিয়াছিল। তিনি যুদ্ধবিদ্যায় শিক্ষিত বা অভিজ্ঞ নহেন। ভারতবর্ষে সামরিক বিভাগ গবর্নর-জেনারালের হাতে রাখা হইবে বলা হইতেছে। ভারতের কোন কোন বড়লাট যোদ্ধা ছিলেন বটে। অনেকেই কিন্তু যোদ্ধা ছিলেন না। গবর্নর-জেনারাল স্বয়ং সামরিক বিভাগের সব কাজ দেখিবেন শুনিবেন না, করিবেন না; কোন কোন ইংরেজ কর্মচারী এবং ইংরেজ প্রধান সেনাপতির পরামর্শ ও সাহায্য লইবেন।

এই সব কথা বিবেচনা করিলে বুঝা যাইবে, যে, ভারতীয়দের মধ্যে যাহারা বড়লাটের মন্ত্রী হইবার যোগ্য, তাহারা যুদ্ধবিদ্যায় পারদর্শী ও অভিজ্ঞ নহেন বলিয়া যুদ্ধমন্ত্রী হইবার উপযুক্ত নহেন, এই আপত্তি অর্থও নীচ নহে। ইংলণ্ডে যেমন, এখানেও তেমনি সামরিক বিভাগ অসামরিক কর্তৃপক্ষের অধীন থাকা উচিত। ইংলণ্ডে যেমন এখানেও তেমনি এই কর্তৃপক্ষীয় লোক বা লোকেরা স্বয়ং যোদ্ধা না হইলে ক্ষতি হইবে না। গবর্নর-জেনারালের হাতে সামরিক বিভাগের ভার থাকিলে তিনি যেমন ইংরেজ সেনাপতি বা অস্ত্র ইংরেজ কর্মচারীদের সাহায্য ও পরামর্শ লইয়া থাকেন, ভারতীয় কেহ যুদ্ধমন্ত্রী হইলে তিনিও তাহা করিতে পারিবেন। যুদ্ধ ঘোষিত বা আরম্ভ হইলে এখন যেমন ইংরেজ সেনাপতিই যুদ্ধ চালান, ভারতীয় যুদ্ধমন্ত্রীর আমলেও তিনিই সেইরূপ যুদ্ধ চালাইবেন।

অবশ্য এখানে এই আপত্তি উঠিবে, যে, ইংরেজ প্রধান সেনাপতি বা অস্ত্র ইংরেজ কর্মচারী ইংরেজ বড়লাটের সহিত (সাহায্যদান পরামর্শদান রূপ) যে সহযোগিতা করেন এবং তাহাকে যেমন উপরওয়ালার বলিয়া মানেন, ভারতীয় যুদ্ধমন্ত্রীর সহিত সেরূপ সহযোগিতা করিবেন না ও তাহাকে সেরূপ উপরওয়ালার বলিয়া

মানিবেন না। এই আপত্তির উত্তরে বলা আবশ্যক, ভারতবর্ষের দাবি এবং ন্যায্য অধিকারই এই, যে, ভারতবর্ষের সব ব্যাপারে ভারতীয় লোকেরাই প্রভু ও কর্তা হইবেন। ইংরেজ জাতি ও গবর্নরেন্ট যদি এই দাবি মানেন, তাহা হইলে অমুক বিভাগের কর্তা ভারতীয়েরা হইতে পারিবেন, অমুক বিভাগের হইতে পারিবেন না, ইহা বলিলে চলিবে না। যে-বিভাগের ভারপ্রাপ্ত মন্ত্রী অর্থাৎ কর্তা ভারতীয় হইবেন, সেই বিভাগের সব কর্মচারীকেই তাহাকে উপরওয়ালার বলিয়া মানিতে হইবে। যিনি না মানিবেন, তিনি ইংরেজ হউন, ভারতীয় হউন, বা অস্ত্র কোন জাতির হউন, তাহাকে পদত্যাগ করিতে হইবে।

পূর্বেই বলিয়াছি, ভারতবর্ষে আমলাতন্ত্রের অবসান হইয়া স্বরাজ স্থাপিত হইতে কত সময় লাগিবে, তাহা নির্দিষ্ট হওয়া উচিত এবং দীর্ঘ না হওয়া উচিত। রাষ্ট্রীয় অবস্থান্তর ঘটবার এই সময় (transition period) যদি দু-এক বৎসর হয়, তাহা হইলে সেই সময়ের জন্ত গবর্নর জেনারালের হাতে সামরিক বিভাগ থাকিতে পারে। সময় তদপেক্ষা দীর্ঘ হইলে এই বিভাগের ভার অস্থায়ী বিভাগের দ্বারা কোন ভারতীয় মন্ত্রীর হস্তে অর্পিত হওয়া উচিত।

ভারতবর্ষের সৈন্যদল সম্পূর্ণরূপে ভারতীয় হওয়া দরকার। তাহা করিতে হইলে, যত শীঘ্র সম্ভব সমুদয় সৈন্যদলের জন্ত লেফটেন্যান্ট, ক্যাপ্টেন, মেজর, লেফটেন্যান্ট-কর্নেল, কর্নেল, জেনারাল প্রভৃতি পদের জন্য ভারতীয়দিগকে শিক্ষিত করিয়া তুলিতে হইবে। এ পর্য্যন্ত অতি সামান্য কয়েক জন ভারতীয়কে এরূপ শিক্ষা দেওয়া হইয়াছে। সামরিক বিভাগ ভারতীয়দের হাতে না আসিলে যথাসম্ভব শীঘ্র শীঘ্র ভারতীয়দিগকে যুদ্ধশিক্ষা দেওয়া কার্যাত্ত: হইবে না। গোলাটেবিল বৈঠকের দেশরক্ষা সব-কমিটির চেয়ারম্যান টমাস সাহেব বলিয়াছেন, যে, ভারতবর্ষে যুদ্ধশিক্ষা দিবার কলেজ শীঘ্র স্থাপন করিয়া তাহাতে যথেষ্টসংখ্যক ভারতীয়কে শিক্ষিত করিলেও এখন যে-সব ইংরেজ সৈন্যদলে কাজ করিতেছেন,

তাহাদের শেষ ব্যক্তির পেম্ভান লইয়া ইংলণ্ডে যাইতে পরিত্রিশ বৎসর লাগিবে। সামরিক বিভাগের কর্তৃক ব্যবস্থাপক সভার নিকট দায়ী ভারতীয় মন্ত্রী হাতে না-গেলে পরিত্রিশ বৎসরেও সৈন্তদল কেবলমাত্র ভারতীয়ের দ্বারা চালিত হইবে না।

এবং সৈন্তদল ইংরেজদের হাতে যতদিন থাকিবে, ততদিন ভারতবর্ষ নামে স্বরাজ পাইলেও পরাধীনই থাকিবে।

সামরিক বিভাগের ভার ব্যবস্থাপক সভার নিকট দায়ী ভারতীয় মন্ত্রী হাতে না আসিলে আর একটি অত্যাবশ্যক পরিবর্তনও হইবে না। ভারতীয় সৈন্তদলের অল্প সিপাহী-সংগ্রহ বর্তমানে প্রধানতঃ পঞ্জাবী মুসলমান ও শিখ এবং নেপালী গুর্খাদিগের মধ্য হইতে হইয়া থাকে। ভারতবর্ষকে নিজেদের শাসনাধীন রাখিবার অল্প ইংরেজরা এই দেশের নানাপ্রদেশের ভিন্ন ভিন্ন ধর্মের ও জাতির লোকদের মধ্যে সামরিক ও অসামরিক (martial and non-martial) এইরূপ একটা কাল্পনিক জৈবীবিভাগ করিয়াছেন। অথচ, দূর অতীত কালের কথা ছাড়িয়া দিলেও, ইংরেজদের আমলেও প্রত্যেক প্রদেশ হইতেই অসামরিক সিপাহী-সংগ্রহ কোন-না-কোন সময়ে করা হইয়াছে। আজ যাহাদিগকে অসামরিক জাতি বলা হইতেছে, এই প্রকার সিপাহীদের সাহায্যেই গবন্মেণ্ট স্বাধীন শিখ গুর্খা ও পঞ্জাবী মুসলমানদিগকে পরাজিত করিয়াছিলেন।

দেশরক্ষার ভার কোন দুই-একটি প্রদেশের বা অঞ্চলের, কোন দুই-একটি জাতির হাতে থাকা উচিত নয়। কয়েকটি প্রদেশ বা জাতির উপর তাহা থাকিলে তাহাদের ক্ষমতা ও অহংকার বাড়ে, অপরেরা ভীত বলিয়া কথিত হয় এবং সৰ্ব্বকালে যথেষ্ট সৈন্ত পাওয়া যায় না। এখন বলিতে গেলে ভারতবর্ষ প্রথমতঃ ইংরেজের অধীন এবং তাহার নীচে পঞ্জাবী মুসলমান ও শিখ গুর্খার অধীন। সিপাহী-সংগ্রহের বর্তমান প্রথা প্রচলিত রাখিলে ভারতবর্ষ যদি বা ইংরেজের অধীনতাপাশ হইতে মুক্ত হয়, তথাপি তথাকথিত “সামরিক” জাতিদের অধীন থাকিবে। এই অধীনতার উচ্ছেদসাধন করিতে

হইলে, দেশের সকল অঞ্চল, ধর্মসম্প্রদায় ও জাতি হইতে সিপাহী সংগৃহীত হওয়া আবশ্যক।

সকল অঞ্চলের, ধর্মসম্প্রদায়ের ও জাতির লোকদের সৈনিক হইবার অধিকার আছে। সৈন্তদলের বায় ভারতবর্ষের সব প্রদেশের সব ধর্মসম্প্রদায় ও জাতির লোকদের প্রদত্ত ট্যাক্স হইতে নির্ধারিত হয়। এই ব্যয়ের কতক অংশ সিপাহীরা এবং তাহাদের হাবিলদার, স্ত্রবেদার প্রভৃতি বেতন ও ভাতা বাবদে পায়। সামরিক বিভাগ কেবল দুই-একটি জাতি ও অঞ্চলের লোকেরই আয়ের উপায় হইবে, ইহা গায়সঙ্গত নহে। ট্যাক্স সমগ্র ভারতবর্ষ দেয়, স্তত্রাং বেতনাদি বাবদে তাহার কিয়দংশ ক্ষেত্রত পাইবার অধিকার ভারতবর্ষের সব জায়গার লোকদেরই আছে। অবশ্য সিপাহী হইবার মত লম্বাচোড়া মজবুত শরীর ও স্বাস্থ্য জাতিধর্মনির্ধিষে তাহাদের প্রত্যেকেরই চাই, যাহারা সিপাহী হইতে চায়।

—

বড়লাটের হাতে অন্যান্য “রক্ষিত” বিষয়

বিদেশে স্বাধীন সব ব্যাপার বড়লাটের হাতে ন্যস্ত আর একটি “রক্ষিত” বিষয় হইবে। অন্তর্জাতিক সমুদয় চুক্তি, ভিন্ন ভিন্ন স্বাধীন দেশ এবং ভারতীয় দেশী রাজ্যসমূহের সহিত কোন প্রকার বন্দোবস্ত করিবার নিমিত্ত কথাবার্তা চালান ও বন্দোবস্ত করা এই “রক্ষিত বিষয়টি”র অন্তর্গত। এ পর্যন্ত এই রকম যত কাজ হইয়া আসিয়াছে, তাহা প্রধানতঃ গ্রেট ব্রিটেনের স্বার্থের ও প্রভুত্বের দিকে লক্ষ্য রাখিয়া করা হইয়াছে। তাহাতে ভারতবর্ষের ক্ষতি এবং কখন কখন বদনামও হইয়াছে। দুই একটি দৃষ্টান্ত দিতেছি।

কারখানার শ্রমিকদের মজুরের জন্য তাহারা প্রতাহ ও প্রতি সপ্তাহে মোট কত ঘণ্টা কারখানার কাজ করিবে, তাহা নির্দিষ্ট হওয়া অবশ্যই উচিত। কিন্তু এবিষয়ে কোন নিয়ম হইলে তাহা সব দেশের—অন্ততঃ বহু কারখানাবিশিষ্ট প্রচুর পণ্যব্রহ্মোৎপাদক সব দেশের—প্রতি প্রযোজ্য হওয়া উচিত। লীগ অব নেশন্সের সহযোগে আমেরিকার রাজধানী ওয়াশিংটনে এইরূপ

একটি বিধি প্রণীত হয়। অবিলম্বেই ভারতবর্ষের পক্ষ হইতে ইংরেজ গবন্মেণ্ট তাহাতে সায় দেন। কিন্তু তাহার আগে, তাহার সঙ্গে সঙ্গে, বা তাহার অনেক বৎসর পরেও ইংলণ্ড এবং অন্য ইউরোপীয় বহু পণ্য-দ্রব্যোৎপাদক দেশ এই ব্যবস্থা নিজ নিজ দেশে চালাইতে প্রস্তুত হন নাই।

আফিং উৎপাদন, বিক্রী ও সেবনের জন্য ভারতবর্ষের একটা বদনাম আছে। চীনে আফিং চালাইবার জন্য গবন্মেণ্ট ভারতবর্ষের বায়ে যুদ্ধ পর্য্যন্ত করিয়াছেন। ঔষধার্থ এবং বৈজ্ঞানিক ব্যবহারের নিমিত্ত ভিন্ন আফিং উৎপাদন ও বিক্রী যাহাতে কোন দেশে না হয়, সেইরূপ অস্ত্রজাতিক ব্যবস্থা করাইবার জন্ত আমেরিকা জেনিভাতে বিশেষ চেষ্টা করেন। কিন্তু ভারত গবন্মেণ্ট কতৃক নিযুক্ত ক্যাম্বেল নামক একজন ইংরেজ ভারতবর্ষের প্রতিনিধিরূপে (!!!) আমেরিকার এই চেষ্টার ব্যাঘাত উৎপাদন করিতে চেষ্টা করে। অথচ ভারতবর্ষের লোকেরা নেশার জন্ত আফিং উৎপাদন, বিক্রী ও ব্যবহারের সম্পূর্ণ বিরোধী।

লীগ্ অব্ নেশন্সে অস্ত্রজাতিক নানা ব্যাপারের আলোচনা ও ব্যবস্থা হয়। পৃথিবীর অধিকাংশ স্বাধীন দেশ এবং ব্রিটিশ সাম্রাজ্যের অন্তর্গত ডোমিনিয়ন অর্থাৎ স্বশাসক রাষ্ট্রগুলি এই লীগের সভ্য। (বোধ হয় ব্রিটিশ সাম্রাজ্যের একটি ভোট বাড়াইবার জন্ত) ব্রিটিশ মন্ত্রীরা ভারতবর্ষকেও ইহার সভ্য করিয়া লইয়াছেন। প্রতি বৎসর সেপ্টেম্বর মাসে এই সব দেশের যে-সকল প্রতিনিধি মনোনীত হন, জেনিভায় তাঁহাদিগকে লইয়া লীগের অধিবেশন হয়। প্রত্যেক দেশের প্রতিনিধিরা সেই দেশের গবন্মেণ্ট কতৃক মনোনীত হয়। কিন্তু অল্প সব দেশের গবন্মেণ্ট ও অধিবাসীবৃন্দের মধ্যে সেরূপ পার্থক্য নাই, যে রূপ পার্থক্য ভারতবর্ষের গবন্মেণ্ট ও অধিবাসীবৃন্দের মধ্যে আছে। এইজন্য অস্ত্রাশ্রয় দেশ হইতে প্রেরিত প্রতিনিধিরা সেই সব দেশের লোকদের প্রকৃত প্রতিনিধি এবং তাঁহাদের স্বদেশবাসীদিগের মত ব্যক্ত করিয়া থাকেন। ভারতবর্ষ হইতে যে-সব প্রতিনিধি লীগে যান, তাহারা গবন্মেণ্টের প্রতিনিধি,

আমাদের নহে। যদি ভবিষ্যতে ভারতবর্ষের বাহ্য রাষ্ট্রীয় বিষয় সকলের ভার বড়লাটের হাতে থাকে, ব্যবস্থাপক সভার নিকট দায়ী কোন ভারতীয় মন্ত্রীর হাতে না থাকে, তাহা হইলে ভবিষ্যতেও এখনকারই মত লীগে যাইবার জন্ত এরূপ লোক নির্বাচিত হইবে, যাহারা ইংরেজ গবন্মেণ্টের মতামতবর্তী কিন্তু ভারতীয় লোকমত ব্যক্ত করিতে অসমর্থ। তাহা হইলে, তাহারা লীগের সভ্য, এখনকারই মত, এমন কোন কোন বিষয়ে মত দিবে যাহা ভারতীয় লোকমতের বিরুদ্ধ। অথচ ভারতবর্ষকে লীগের ব্যয় নির্বাহার্থ খুব বেশী টাকা দিতে হয়। টাকা দিবার বেলায় ভারতবর্ষ, যে-সব দেশ লীগের সভ্য, তাহাদের মধ্যে ষষ্ঠস্থানীয়, অথচ লীগে ভারতবর্ষের লোকদের মত-প্রকাশের কোন অধিকার ও স্বযোগ নাই। লীগকে তাহার সভ্য প্রধান প্রধান দেশ কত অর্থ দেয়, তাহার তালিকা নীচে দিচ্ছি। চাঁদার পরিমাণ স্বর্ণ-ফ্রাঙ্কে দেওয়া হইল।

এক হাজার স্বর্ণ-ফ্রাঙ্ক বর্তমান বিনিময়ের হারে প্রায় ১,০৬৭ টাকার সমান।

রাষ্ট্র	বার্ষিক চাঁদা
গ্রেট ব্রিটেন	৩,৩৬২,১০৫
ফ্রান্স	২,৫৩৪,৮৫০
জার্মেনী	২,৫৩৪,৮৫০
ইটালী	১,২২৫,২০২
জাপান	১,২২৫,২০২
ভারতবর্ষ	১,১২৬,৮৫৬
চীন	১,৪৭৫,২৮৮
স্পেন	১,২৮০,৪৬৮
কানাডা	১,১২৩,০৩৫
পোলাণ্ড	১,০২৬,৭৭৪
আর্গেন্টাইন	২৩০,৫১৪
চেকোস্লোভাকিয়া	২৩০,৫১৪
অষ্ট্রেলিয়া	৮৬৬,৩৪১
হল্যান্ড	৭৩৭,২২৪

এই প্রকার নানা কারণে ভারতবর্ষের বাহ্য রাষ্ট্রীয় ব্যাপার সকলের ভার নিশ্চয়ই ব্যবস্থাপক সভার নিকট

দায়ী ভারতীয় মন্ত্রী হাতে অর্পিত হওয়া একান্ত আবশ্যক। নতুবা অন্তর্জাতিক সমুদয় ব্যাপারে এবং ভারতবর্ষের সহিত অস্ত্রান্ত্র দেশের বাণিজ্যিক ও অস্ত্রান্ত্র সম্বন্ধ বিবেচনার সময় ভবিষ্যতে এখনকারই মত, ক্রিটেনেরই স্বার্থ ও মত বিবেচিত হইবে, ভারতবর্ষের লোকমত ও মঙ্গলামঙ্গল বিবেচিত হইবে না। তাহা বাঞ্ছনীয় নহে, স্বরাজসঙ্গতও নহে।

দেশের শান্তি অবস্থা রক্ষা

ব্রিটিশ প্রধান মন্ত্রী বলিতেছেন, সফটকালে দেশের শান্তি অবস্থা রক্ষার ভারও বড়লাটের হাতে থাকিবে এবং তৎক্ষণাৎ তাহাকে আবশ্যক ক্ষমতা দেওয়া হইবে।

বর্তমানেও বড়লাট দেশে শান্তিরক্ষার জন্ত ভিন্ন ভিন্ন রকমের অর্ডিন্যান্স জারি করিয়াছেন। তাহা জারি করিবার নিমিত্ত তাঁহাকে ব্যবস্থাপক সভায় যাইতে হয় না। এই সব অর্ডিন্যান্স নানাদিকে ভারতীয়দের স্বাধীনতা লোপ বা হ্রাসের এবং পুলিশ ও অস্ত্রান্ত্র অধস্তন কর্মচারীদের দ্বারা উৎপীড়নের কারণ হইয়াছে। আমাদের কাগজগুলিতে এবং অস্ত্রান্ত্র কোন কোন কাগজে দেখান হইয়াছে, যে, অর্ডিন্যান্সগুলি জারি করিবার যথেষ্ট কারণ ছিল না ও নাই। তাহাদের দ্বারা গবর্নমেন্টের উদ্দেশ্যও সিদ্ধ হইতেছে না।

বর্তমানে নানাদিকে ভারতীয় লোকদের স্বাধীনতা যেচ্ছায় লোপ বা হ্রাস করিবার এবং বড়লাটের অনভিপ্রেত হইলেও, পুলিশের দ্বারা নিগ্রহের পরোক্ষ উপায় সৃষ্টি করিবার যে ক্ষমতা আছে, ভবিষ্যতে তাহা বড়লাটের হাতে রাখিবার আমরা বিরোধী। ভারতবর্ষে শান্তি থাকা ভারতীয়দের পক্ষে যত দরকার, তত আর কাহারও পক্ষে নহে। সুতরাং শান্তিরক্ষার ভার ভারতীয় মন্ত্রীদের হাতেই থাকা উচিত।

সংখ্যান্যনদের অধিকার রক্ষা

মিস রায়মজি ম্যাকডোনাল্ড বলিয়াছেন, ভারতবর্ষের সংখ্যান্যন সম্প্রদায় সকলকে কমলটিউশ্যন অর্থাৎ মূল

রাষ্ট্রীয় বিধিদ্বারা যে-সকল অধিকার দেওয়া হইবে, তাহারা তাহা ভোগ করিতে পাইতেছে, না বঞ্চিত হইতেছে, তাহা দেখিবার জন্ত এই বিষয়টি-সম্বন্ধেও বিশেষ ক্ষমতা বড়লাটের হাতে থাকিবে। ভবিষ্যতে প্রত্যেক বড়লাট সদাশয় ভদ্রলোক হইবেন কিম্বা হইবেন না, তাহা বিবেচনা করিবার প্রয়োজন নাই। ধরিয়া লওয়া যাক, যে, প্রত্যেকেই খুব সাধুপুরুষ হইবেন। কিন্তু বড়লাট তাঁহার সব ক্ষমতা পরিচালন স্বয়ং স্বহস্তে করেন না, অস্ত্র লোকেরা তাঁহার নামে করে। তাহারা সকলেই ভেদনীতি অবলম্বন না করিয়া, কেবল সংখ্যান্যনদের মঙ্গলচিন্তাই করিবে, ইহা আমরা বিশ্বাস করি না, তত্ত্বিন্ন। যদি তাহারা সকলেই ভাল লোক হয়, তাহা হইলেও ভারতীয় লোকদের প্রতিনিধি-সমষ্টি অপেক্ষা ইংরেজ গবর্নমেন্টের কর্মচারীরা ভারতবর্ষের সংখ্যান্যন শ্রেণী জ্ঞাত বা সম্প্রদায় সকলের অধিক হিতাকাজী, ইহা আমরা স্বীকার করি না; কারণ ইহা সত্য নহে। ভারতবর্ষের সংখ্যান্যন লোকসমষ্টি সকলের মধ্যে, যাহাদিগকে অস্পৃশ্য অনাচরণীয় অবনত বলা হয়, তাহাদের মত দূরবস্থা অন্য কোন লোকসমষ্টির নাই। নাগপুরে এই সকল শ্রেণীর লোকদের সমগ্র ভারতীয় যে কনকোরেন্স হয়, তাহাতে তাহাদের নির্বাচিত সভাপতি ডক্টর আবেদকর (গোলটেবিল বৈঠকের সভ্য) স্বীয় অভিভাষণে বলেন, যে, ইংরেজ গবর্নমেন্ট তাহাদের অবস্থার উন্নতির জন্য বিশেষ করিয়া কিছু করেন নাই। অন্য দিকে ইহা সত্যবাদী কেহ অস্বীকার করিতে পারেন না, যে, অতীতে এই নিপীড়িত ও লাঞ্ছিত লোকগুলির প্রতি হিন্দুসমাজের ব্যবহার সাতিশয় নিন্দনীয় হইয়া থাকিলেও বর্তমানে নেতারা তাহাদের প্রতি ন্যায্য ব্যবহার সম্বন্ধে উদাসীন নহেন। তাহাদের উন্নতির জন্য বেসরকারী নানা চেষ্টা হইতেছে এবং তাহাদের ন্যায্য অধিকার প্রাপ্তি ও রক্ষার জন্য একাধিক হিন্দু নেতাই আইন করাইবার চেষ্টা করিতেছেন।

সুতরাং তাহাদের অধিকার রক্ষার জন্য বিশেষ ক্ষমতা বড়লাটের হাতে থাকার কোন প্রয়োজন নাই। বরং এরূপ ক্ষমতা বিদেশী কাহারও হাতে রাখার দ্বারাই




পণ্ডিত মোতীলাল নেহরু
শেষ অহিংসতার সময়ে দণ্ডিগেথেরে গৃহীত অতিকৃতি



সপরিবারে পণ্ডিত মোতীলাল নেহরু



পণ্ডিত মোতীলাল নেহরু ও পণ্ডিত জবাহরলাল নেহরু
জবাহরলালের বিলাত হইতে প্রত্যাবর্তনের পর



মোতীলাল
১৯০৫ সনের প্রতিকৃতি

সংখ্যানুন্নয়ন সমষ্টিসকলের মনে এই সন্দেহ জাগাইয়া রাখা হইবে, যে, তাহাদের স্বদেশবাসী সংখ্যাভূয়িষ্ট লোকদের চেয়ে বিদেশী লোকেরা তাহাদের অধিক হিতকাজক্ষী। বাস্তবিকই সরকারী বিদেশী লোকেরা তাহাদের বেশী হিতকাজক্ষী হইলে সে-কথা স্বীকার করিতে আমাদের আপত্তি হইত না। কিন্তু তাহা সত্য নহে। হুতরাং বিদেশীর হাতে তাহাদের অধিকার রক্ষার ভার দিয়া আমরা নিশ্চিন্ত হইতে চাই না, এবং পরোক্ষভাবে ভেদবুদ্ধির ও ভেদনীতির প্রদর্শন দিতে চাই না।

—

আর্থিক বিষয়ের দায়িত্ব

ব্রিটিশ প্রধান মন্ত্রী ভারতবর্ষের আর্থিক ব্যাপার সঙ্গক্ষেপে কার্য্যতঃ বড়লাটের হাতেই প্রায় সব ক্ষমতা রাখিতে চান। তাহা না করিলে না-কি জগতের বাজারে ভারতবর্ষের বাজারসমূহ থাকিবে না। ইহা আমরা বিশ্বাস করি না। আসল কথা এই যে, গ্রেট ব্রিটেনের লোকদের এবং ইংরেজ গবন্মেণ্টের স্বার্থরক্ষার জন্তই এরূপ প্রস্তাব করা হইতেছে। গবন্মেণ্ট ভারতবর্ষের নামে অনেক শত কোটি টাকা ঋণ করিয়াছেন। অধিকাংশ ঋণের মহাজন ইংরেজ। গবন্মেণ্টের ভয় এই যে, ভারতীয় ব্যবস্থাপক সভার হাতে আর্থিক ক্ষমতা গেলে ভারতীয়েরা এই সব ঋণ অস্বীকার করিয়া বসিতে পারে। সব ঋণই অস্বীকার করা হইবে এরূপ আশঙ্কা অমূলক। কংগ্রেস পক্ষ হইতে ইহাই বলা হইয়াছে, যে, কোন্ কোন্ ঋণ বাস্তবিকই ভারতবর্ষের মঙ্গলের জন্য করা হইয়াছে, তাহা কোন নিরপেক্ষ বিচারকমণ্ডলী দ্বারা নির্দ্ধারণ করা হউক। ইহা ন্যায্য কথা। যাহা হউক, গবন্মেণ্ট যাহাই করুন, শীঘ্র বা বিলম্বে এরূপ বিচার হইবেই, এবং যে ঋণ ন্যায্যতঃ ভারতের পরিশোধ্য নহে, তাহা ভারতবর্ষ অস্বীকার করিবেই।

বিনিময়-নীতি, সরকারী ঋণগ্রহণ প্রভৃতি বিষয়ও বড়লাটের হাতে রাখিবার প্রস্তাব হইয়াছে, আমরা ইহার বিরোধী। ভারতবর্ষের প্রধান প্রধান অর্থনীতিজ্ঞেরা বলিয়াছেন, যে, এক টাকা ১৮ পেনীর সমান, গবন্মেণ্ট

বিনিময়ের এই হার স্থির করিয়া দেওয়ায় ভারতীয়দের কোটি কোটি টাকা ক্ষতি এবং ইংরেজদের লাভ হইয়াছে। এই কারণে, মহাত্মা গান্ধীও এই দাবি করিয়াছেন, যে, টাকাকে বোল পেনীর সমান বলিয়া হার ধাৰ্য্য করা হউক। প্রায় দশ বৎসর পূর্বে “রিভার্স কাউন্সিল্‌স্” দ্বারা ভারতবর্ষের অন্যান্য চল্লিশ কোটি টাকা ক্ষতি হইয়াছিল। বিশ্বস্ত ক্ষতি যে হইয়াছিল, তাহা পার্লামেন্টে স্বীকৃতও হইয়াছিল।

সরকারী ঋণগ্রহণের ক্ষমতা বড়লাটের হাতে থাকিলে, অতীত কালের মতই, ভবিষ্যতেও ভারতবর্ষের হিত ও প্রয়োজন অপেক্ষা ব্রিটেনের স্বার্থসিদ্ধি ও স্বার্থরক্ষার জন্তই প্রধানতঃ বা মধ্য মধ্য ঋণগ্রহণ অনিবার্য্য হইবে।

—

প্রধান শাসকের হাতে ক্ষমতা রক্ষা

প্রধান মন্ত্রী বলিতেছেন, দেশের প্রধান শাসকের হাতে কতকগুলি ক্ষমতা সব স্বাধীন দেশেই আছে, এবং ভারতীয়েরা নিজেরা যদি ভারতবর্ষের জন্ত মূল রাষ্ট্রবিধি রচনা করিতেন, তাহা হইলে তাহারাও প্রধান শাসকের হাতে এরূপ ক্ষমতা রাখিতেন। ইহা সত্য কথা, কিন্তু আংশিক সত্য মাত্র। স্বাধীন দেশ-সকলের যে-সব মূল রাষ্ট্রবিধি রচিত হইয়াছে, তাহা তথাকার লোকেরা নিজে করিয়াছে, হুতরাং অনাবশ্যক কোন ক্ষমতা তাহারা প্রধান শাসকের হাতে দেয় নাই। ভারতীয়-দিগকে তাহাদের রাষ্ট্রবিধি রচনা করিবার ক্ষমতা দেওয়া হউক। তখন তাহারাও কেবল প্রয়োজনীয় ক্ষমতাই প্রধান শাসকের হাতে রাখিবে। আর একটি কথা স্মরণ রাখিতে হইবে। স্বাধীন দেশ-সকলের প্রধান শাসকের নাম রাজা, সম্রাট, প্রেসিডেন্ট (দেশপতি) বা অন্ত যাহাই হউক, তিনি তাহাদের স্বদেশবাসী ও স্বজাতীয়। অন্ত কোন দেশের স্বার্থচিন্তা বা স্বার্থরক্ষা তাঁহার পক্ষে অনাবশ্যক, হুতরাং তিনি ভুল করিলেও স্বদেশের জন্তই ভুল করেন। ভারতবর্ষকে যে কমটিটিউশন দেওয়া হইতেছে, তাহাতে বড়লাট ইংরেজই হইবেন; ভবিষ্যতে যদি কখন কোন ভারতীয়কে বড়লাট করা হয়, এমন লোককে করা হইবে যিনি ইংরেজের খুব

অল্পগত, স্তত্রাং বড়লাট স্বভাবতই সাধারণত এমন কিছু করিবেন না যাহাতে ব্রিটেনের ক্ষতি হইতে পারে। আমরাও যে ব্রিটেনের ক্ষতির জ্ঞান ক্ষতি করিতে চাই, তাহা নহে। কিন্তু ভারতবর্ষের সহিত ব্রিটেনের সম্বন্ধ অস্বাভাবিক বলিয়া ভারতবর্ষের ক্ষতি করিয়া ব্রিটেনের লাভ করিতে হয়। এই অবস্থা দীর্ঘকাল চলিয়া আসিতেছে। ব্রিটেনের এইপ্রকার লাভ বন্ধ না করিলে ভারতের মঙ্গল নাই। স্তত্রাং ভারতের মঙ্গল করিতে করিতে ব্রিটেনের অস্বাভাবিক ও অশ্রাঘ্য লাভ বন্ধ করা রূপ ক্ষতি অনিবার্য। ইংরেজ বড়লাটেরা এই প্রকারে ব্রিটেনের ক্ষতি করিতে রাজী হইবেন না।

সৈন্যদলের জ্ঞান অত্যন্ত বেশী খরচ হয়। বড়লাটের হাতে উহার ভার থাকিলে ঐ খরচ কমিবে না এবং স্বাস্থ্যরক্ষা, শিক্ষা প্রভৃতির জ্ঞান আবশ্যক ব্যয়ও যথেষ্ট করা চলিবে না।

ফৌজদারী দণ্ডবিধির ও কার্যবিধির কতকগুলি ধারা, পুলিশ আইনের কোন কোন ধারা, বড়লাটের অডিন্যান্স জারি করিবার ক্ষমতা এরূপ ভাবে ব্যবহৃত হইয়াছে, যাহার দ্বারা ভারতীয়দের স্বাধীনচিত্ততা দমন এবং স্বরাজ-লাভ চেষ্টায় ব্যাঘাত জন্মান অপেক্ষাকৃত সহজ হইয়াছে। স্বশাসক ভারতকে এই সব ধারা রদ বা পরিবর্তন করিতে হইবে। অডিন্যান্স করিবার ক্ষমতাও লুপ্ত বা সীমাবদ্ধ করিতে হইবে;—বিশেষতঃ যদি ইংরেজকেই বড়লাট নিযুক্ত করিবার প্রথা বিদ্যমান থাকে। যদি আমাদের স্বরাজ এরূপ আকার ধারণ করে, যে, আমরাই দেশের প্রধান শাসককে নির্বাচন করিতে পারিব, তাহা হইলেও প্রধান শাসকের হাতে অনিয়ন্ত্রিত বেশী ক্ষমতা রাখা হিতকর ও বাঞ্ছনীয় হইবে না।

প্রাদেশিক গবর্নরদের বিশেষ ক্ষমতা

প্রদেশগুলির সমুদয় আভ্যন্তরীণ বিষয় প্রাদেশিক ব্যবস্থাপক সভার নিকট দায়ী এবং তাহার সভ্যসমূহ হইতে মনোনীত মন্ত্রীদের হস্তে অর্পিত হইবে। কেবল সমগ্র ভারতীয় কতকগুলি নির্দিষ্ট বিষয় কেন্দ্রীয় ভারত গবর্নমেন্টের এলাকাভুক্ত থাকিবে।

কিন্তু “ন্যূনতম” কতকগুলি “বিশেষ ক্ষমতা” প্রাদেশিক গবর্নরদের হাতে থাকিবে। অসাধারণ বিশেষ অবস্থায় প্রদেশের শান্ততা রক্ষার নিমিত্ত, এবং আইন দ্বারা সংখ্যান্যনদিগকে ও চাকর্যোশ্রেণীসমূহকে (পাব্লিক সার্ভিস সমূহকে) যে অধিকার দেওয়া হইবে সেই সব অধিকার গ্যারাণ্টি করিবার অর্থাৎ ভোগের নিশ্চয়তা উৎপাদনের নিমিত্ত, গবর্নরদের এই ক্ষমতা ব্যবহৃত হইবে।

বড়লাটের হাতে সমস্ত দেশের শান্ততা রক্ষার জ্ঞান বিশেষ ক্ষমতা রাখিবার প্রস্তাব সম্বন্ধে যাহা বলিয়াছি, প্রাদেশিক গবর্নরদের হাতে তদ্রূপ ক্ষমতা রক্ষা সম্বন্ধেও সেইরূপ কথাই বলিতে হয়। তাহার পুনরুজ্জীবিত করিব না। শান্তিরক্ষার অজুহাতে অধস্তন কর্মচারীরা যাহা করেন, তাহা সর্বজনবিদিত।

সংখ্যান্যনদের অধিকার রক্ষার নিমিত্ত বড়লাটের হাতে বিশেষ ক্ষমতা রাখার বিরোধী আমরা যে-সব কারণে, প্রাদেশিক গবর্নরদের হাতে সেইরূপ ক্ষমতা রাখারও বিরোধী তর্কিত কারণে। তাহারও পুনরুজ্জীবিত অনাবশ্যক।

চাকর্যোদের অধিকার রক্ষার জ্ঞান প্রাদেশিক গবর্নর-দিগকে বিশেষ ক্ষমতা দিবার চিন্তাটা ইংরেজ রাজপুরুষ ও বেসরকারী লোকদের মনে উদ্ভিত হইবার কারণ, ইংরেজ চাকর্যোদের ভবিষ্যৎ চিন্তা—অন্ততঃ প্রধানতঃ তাই। দেশী সরকারী চাকর্যোদের দশা স্বরাজ বা আংশিক স্বরাজের আমলে কি হইবে, তাহার জ্ঞান সরকারী বা বেসরকারী ইংরেজদের মাথাব্যথা হইবার কোন স্বাভাবিক কারণ নাই। অবশ্য এখন গবর্নমেন্ট পুলিশের কন্ট্রোল পর্যন্ত সকলেরই খ্যাতি রক্ষা ও বৃদ্ধির এবং অর্থাগমের দিকে মন দিয়া থাকেন; কারণ তাহারা গবর্নমেন্টের উদ্দেশ্যসিদ্ধি করিয়া থাকে। স্বরাজের আমলে এরূপ কোন কারণে দেশী কোন শ্রেণীর চাকর্যোদের কথা ভাবিবার প্রয়োজন হইবে না।

আমাদের বোধ হয়, ভারতীয়দের হাতে প্রাদেশিক সমস্ত ক্ষমতা আসিলে কোন শ্রেণীর বর্তমান কর্মচারীরা ইংরেজ বলিয়াই তাহাদিগকে ভাড়াইয়া দিবার, তাহাদের

ক্রমিক বেতন বৃদ্ধি বা পেন্সন বন্ধ করিবার বা কমাইবার চেষ্টা হইবে না। কিন্তু তাহাদিগকে নতুন কন্সটিটিউশনের বশতাবধি শপথ গ্রহণ করিতে বলা হইতে পারে এবং কেহ স্বরাজের প্রতিফল আচরণ করিলে তাহাকে আত্ম-পক্ষ সমর্থনের সুযোগ দিয়া দোষ প্রমাণিত হইলে বরখাস্ত করিবার প্রস্তাব উত্থাপিত ও গৃহীত হইতে পারে।

নতুন মূল রাষ্ট্রবিধি জারি হইবার সঙ্গে সঙ্গে আর একটি কাজ অবশ্যকর্তব্য। সাধারণতঃ অসামরিক সব শ্রেণীর চাকরিতেই বিদেশী লোকের নিয়োগ বন্ধ করিতে হইবে। এমন যদি হয়, যে, কোন বিশেষ কাজের জন্য উপযুক্ত শিক্ষাপ্রাপ্ত ভারতীয় আপাততঃ নাই, তাহা হইলে তিন বা পাঁচ বৎসরের চুক্তিতে যোগ্য কোন কোন বিদেশীকে তাহাতে নিযুক্ত করিয়া ঐরূপ কাজের জন্য ভারতীয় যুবকদিগকে ভারতে বা বিদেশে শিক্ষিত করিবার নিমিত্ত উপযুক্ত ব্যবস্থা করিতে হইবে।

তন্মিহ, এখন দেশী ও বিদেশী চাকরোদের বেতন যাহা আছে, তাহা অপরিবর্তিত রাখিয়া নতুন যাহারা চাকরিতে নিযুক্ত হইবেন তাঁহাদের বেতনের হার স্বাধীন দেশ সকলের চাকরোদের বেতনের তুলনায় নির্ধারণ করিতে হইবে। স্বাধীন দেশ-সকলে মানুষের নিজের ও পরিবার-বর্গের স্বস্থ শরীরে জ্ঞানোজ্জ্বল মন লইয়া ও নির্দোষ আমোদ সন্তোষ করিয়া বাঁচিয়া থাকিবার খরচ কত এবং ভারতবর্ষেই বা ঐরূপ খরচ কত, তাহা বিবেচনা করিয়া সরকারী কন্সটারীদেব বেতন স্থির করিতে হইবে। স্বাধীন দেশসকলে এইরূপে বাঁচিয়া থাকিবার খরচের চেয়ে বেতন যে পরিমাণে বেশী আমাদের দেশে জীবনধারণের ব্যয় অপেক্ষা বেতন তার চেয়ে বেশী হওয়া অসুচিত হইবে, কারণ আমরা দরিদ্র জাতি।

পণ্ডিত মোতীলাল নেহরু

ভারতবর্ষের এই সঙ্কট সময়ে পণ্ডিত মোতীলাল নেহরুর মত একজন বয়োবৃদ্ধ, প্রবীণ, বিচক্ষণ ও সাহসী নেতার তিরোভাব সত্যিগত শোকারহ ঘটনা। মহাত্মা গান্ধী রহিয়াছেন, অজ্ঞাত নেতাও আছেন, কিন্তু পণ্ডিত মোতীলালের শূন্য স্থান পূর্ণ করিতে পারেন, এরূপ কেহ নাই।

তিনি স্থূল কলেজে লেখাপড়া বেশী কিছু করেন নাই, কোন বিশ্ববিদ্যালয়ের আইন পরীক্ষাও দেন নাই। অষ্ট্র একটি সরকারী আইন পরীক্ষায় উত্তীর্ণ হইয়া ওকালতী আরম্ভ করেন। ক্রমে হাইকোর্টে ওকালতী করিতে করিতে তিনি গ্যাডভোকেট হন। আমি যখন ১৮৯৫ সালে এলাহাবাদের একটি কলেজের প্রিন্সিপ্যাল হইয়া এলাহাবাদ যাই, তখনই পণ্ডিত মোতীলাল তথাকার হাইকোর্টের প্রধান তিন চারি জন উকীলদের মধ্যে একজন। নিজের বুদ্ধি ও পরিশ্রমের দ্বারা তিনি আইন-ব্যবসায়ীদের মধ্যে এই উচ্চ স্থান অধিকার করেন।

তিনি প্রথম প্রথম জীবনের অধিকাংশ সময় অর্থ-উপার্জনে এবং সুখভোগেই যাপন করিয়াছিলেন। কিন্তু দশ বৎসর পূর্বে যখন তাঁহার জীবনে পরিবর্তন আসিল, তখন তিনি স্বদেশের অধীনতাশাস ছিন্ন করিবার জন্য কায়মনোবাক্যে লাগিয়া গেলেন। শুধু নিজ লাগিলেন না; তাঁহার সহধর্মিণী, পুত্র, পুত্রবধূ, কন্যা, এক জামাতা—সকলেই রাষ্ট্রীয় ক্ষেত্রে স্বদেশের সেবায় আত্মোৎসর্গ করিলেন।

তিনি সাহসী ও স্বাধীনচিত্ত পুরুষসিংহ ছিলেন। খরাজ যে লব্ধ হইবে, সে বিষয়ে তাঁহার বিন্দুমাত্রও সন্দেহ ছিল না। যদি যুদ্ধের পথেই ভারতবর্ষের স্বাধীনতালাভ শ্রেয়ঃ বলিয়া বিবেচিত হইত, তাহা হইলে যুদ্ধবিদ্যায় পারদর্শী হইতে তাঁহার বেশী সময় লাগিত না—তিনি আশ্রয় অস্ত্রের ব্যবহারে হৃদক ছিলেন। কিন্তু অহিংসার পথই শ্রেষ্ঠ ও সমীচীন বিবেচিত হওয়ায় অহিংস-সংগ্রামেই তিনি আত্মনিয়োগ করিয়াছিলেন। তাঁহার সম্বন্ধে আমার ধারণা আমি শান্তিনিকেতন হইতে ক্রী প্রেসকে তাঁহাদের অস্বরোথ অসুসারে প্রেরিত আমার * নিম্নমুদ্রিত শ্রদ্ধানিবেদনে ব্যক্ত করিয়াছি :—

“Pandit Motilal Nehru has left us the legacy of an unconquered spirit in the hour of India's spiritual triumph.”

* ক্রী প্রেস প্রথমক্রে ইহা প্রীযুক্ত রবীন্দ্রনাথ ঠাকুরের “বাণী” বলিয়া ছাপাইয়াছেন। বস্তুতঃ রবীন্দ্রনাথ ক্রী প্রেসকে কোন বাণী পাঠান নাই, একটি দৈনিক কাগজে পাঠাইয়াছিলেন।

পণ্ডিত মোতীলাল নেহরুর জীবনচরিত নানা দৈনিক কাগজে ছাপা হইয়াছে। তাহা এখানে বিবৃত করিবার স্থান ও সময় নাই। সর্বসাধারণ যাহা অবগত নহেন, এরূপ দু-একটি কথা এখানে লিপিবদ্ধ করিব।

স্বথভোগের, আরামের, বিলাসের জীবন হইতে ত্যাগের ও সাদাসিধা জীবনের মধ্যে তিনি আসিয়া পড়েন। এই পরিবর্তন কত বড়, তাহা বুঝাইবার জন্য একটি আখ্যান যথেষ্ট হইবে।

কলিকাতার উকীল ও দানবীর রাসবিহারী ঘোষ খুব ধনী লোক ছিলেন, তাহা সকলেই জানেন। তাহা তাঁহার সার্বজনিক নানা কাজে প্রায় ৪০ লক্ষ টাকা দান হইতেই অহমিত হইবে। ঘোষ মহাশয় তখন ঐকালভী উপলক্ষ্যে এলাহাবাদ যাইতেন এবং পণ্ডিত মোতীলালের বাড়িতে অতিথি হইতেন। বলা বাহুল্য সেখানে পরম সমাদরে ও আরামে থাকিতেন। পণ্ডিতজী কলিকাতায় অনেকবার আসিয়াছিলেন; ঘোষ মহাশয়ের জীবদ্দশাতে হয়ত অনেকবার তাঁহার অতিথি হইয়া থাকিবেন। একবার পণ্ডিতজীর কলিকাতায় আসিবার কথা হওয়ায় ঘোষ মহাশয় তাঁহাকে নিজের বাড়িতে থাকিতে নিমন্ত্রণ করেন। সেই উপলক্ষ্যে তিনি কলিকাতায় হাইকোর্টের উকীলদের লাইব্রেরীতে কথাপ্রসঙ্গে বলেন, “মোতীলাল আসিতেছেন, আমার বাড়িতে থাকিতে তাঁহার কষ্ট হইবে।” তাহা শুনিয়া অল্প উকীলরা হাস্যস্বরণ করিতে পারেন নাই। তাহাতে ঘোষ মহাশয় তাঁহাদিগকে জানান, যে, তাঁহারা জানেন না মোতীলালের আনন্দ-ভবনে আরাম ও বিলাসের কিরূপ বন্দোবস্ত আছে, সেইজন্য অবিশ্বাসের হাসি হাসিতেছেন।

কথিত আছে, পণ্ডিতজী যখন স্বাধীনতার সংগ্রামে যোগ দেন নাই, তখন তাঁহার ও তাঁহার পরিবারবর্গের পরিচ্ছন্ন খোঁত হইবার জন্য প্যারিসে প্রেরিত হইত। সেই মোতীলালের খন্দর-পরিহিত মূর্তি কম উজ্জল দেখাইত না।

পণ্ডিতজী খুব রসিক লোক ছিলেন। কয়েক বৎসর পূর্বে কংগ্রেস ভাষ্টিয়র হওয়া যখন বেআইনী বলিয়া

গবয়েন্ট কর্তৃক ঘোষিত হয়, তখন পণ্ডিত মোতীলাল অনেক বক্তৃতা দিয়া ভাষ্টিয়র সহ দণ্ডিত হইয়া লক্ষ্যে জেলে প্রেরিত হইয়া সেখানে প্রচুর আহার্যের অয়োজন ছিল। স্বয়ংকনিষ্ঠেরা এরূপ উৎসাহ ও আমোদের সহিত এত বেশী খাইত, যে, পণ্ডিতজী পরিহাস করিয়া তাহাদিগকে বলেন, “ওহে, তোমরা এত বেশী খাইও না; নইলে সরকার বাহাদুর আর তোমাদিগকে জেলে পাঠাইবেন না!” তিনি নিজেও কিন্তু বেশ ভোজনে নিপুণ ছিলেন।

সাপ্তরল্যাণ্ড সাহেবের লেখা “ইণ্ডিয়াইন্ বণ্ডেজ” বহির মূল্যবান ও প্রকাশ উপলক্ষ্যে যখন আমাদের কাছে দুই হাজার টাকা জরিমানা দিতে হয়, তখন কেহ কেহ আমাদের কাছে হাইকোর্টে আপীল করিতে বলেন। আমার তাহা করিবার ইচ্ছা ছিল না। যাহা হউক, সেই সময়ে পণ্ডিতজী তাঁহার পুত্রবধূর চিকিৎসা উপলক্ষ্যে একবার কলিকাতা আসেন। তখন আমি তাঁহার সহিত দেখা করি, এইরূপ ইচ্ছা তিনি প্রকাশ করায় আমি মাজিষ্ট্রেটের রায়টা লইয়া ব্যারিষ্টার শ্রীযুক্ত নিশীথ সেনের সহিত তাঁহার সঙ্গে দেখা করিতে যাই। হোটেলের তাঁহার কামরায় তাঁহার সহিত দেখা হইবামাত্র তিনি হাসিয়া বলিলেন, “So you have got it!” তাহার পর আমি তাঁহাকে রায়টা দিলাম। তিনি তাহা ভাল করিয়া পড়িলেন। পড়া শেষ হইবার পর হাসিয়া বলিলেন, “As a lawyer, I would not advise you to appeal. As a politician I should like you to appeal.” তাহার পর বলিলেন, আপীলে মাজিষ্ট্রেটের রায় উল্টিয়া যাইবার সম্ভাবনা খুব কম, নাই বলিলেও চলে।

তাঁহার সহিত আমার দুইবার পত্রব্যবহার হইয়াছিল। তাঁহার একবারের চিঠি ও টেলিগ্রামের কেবল দু-একটি কথার উল্লেখ করিব; তাহাতে তাঁহার মুক্তহস্ততার পরিচয় পাওয়া যাইবে। অধুনালুপ্ত তাঁহার ইণ্ডিপেন্ডেন্ট নামক দৈনিক কাগজ যখন এলাহাবাদে প্রতিষ্ঠিত ও স্থাপিত হইবার কথা হয়, তখন তিনি আমাদের উহার সম্পাদকতা গ্রহণ করিবার জন্য দীর্ঘ চিঠি লেখেন।

কোন কোন কারণে ঐ চিঠির উত্তর দিতে আমার বিলম্ব হওয়ায় তিনি একটি লম্বা টেলিগ্রাম পাঠান। চিঠি ও টেলিগ্রাম দুয়েই লেখা ছিল, “Name your own salary”—“আপনার বেতন আপনি নিজেই স্থির করিবেন।”

তিনি বলিয়াছিলেন, “আপনি প্রথমে মাস-তিন এলাহাবাদে থাকিয়া কাগজটা চালাইয়া দিয়া যান। তাহার পর কলিকাতাতেই থাকিতে পারেন; মধ্যে মধ্যে আসিবেন, কাগজের পলিসি ডিরেক্ট করিবেন; কিন্তু কোন সময়েই আপনাকে প্রত্যাহ লিখিতে হইবে না। ইচ্ছা ও প্রয়োজন হইলে গুরুতর বিষয়ে লিখিবেন।” ইহাও বলেন, “I have the ambition to bring back *The Modern Review* ultimately to the city where it was born.” তিনি এইরূপ সদাশয়তা প্রকাশ করিলেও চাকরি করিবার ইচ্ছা না থাকায় ইণ্ডিয়ান কন্সট্রাক্টর সম্পাদকতা গ্রহণ করিতে পারি নাই।

অন্য প্রত্যাবহার হইয়াছিল গত বৎসর। কংগ্রেস ওয়াকিং কমিটি এই অল্পরোধ করেন, যে, সমুদয় ভারতীয় শ্রাশ্রমালিষ্ট ধবরের কাগজ যেন বন্ধ করিয়া দেওয়া হয়; কারণ গবর্নমেন্ট মুদ্রায়ন্ত্রের ও সংবাদপত্রের স্বাধীনতা খুব সীমাবদ্ধ করিয়া প্রেস অভিজ্ঞান জারি করিয়াছিলেন। সব কাগজ বন্ধ করিয়া দেওয়াতে আমার আপত্তি ছিল। তাহা সন্মানসহকারে তাঁহাকে জানাইয়াছিলাম। তাহার উত্তর তিনি দিয়াছিলেন। কি উত্তর তিনি দিয়াছিলেন তাহা এখন বলিব না। তাঁহার পত্রখানি আমি রাখি নাই, কিন্তু অত্যাবশ্যক কথাগুলি মনে আছে। আমার প্রত্যুত্তর তিনি পাইয়াছিলেন। তাহার পর তিনি যে শেষ উত্তর দেন, তাহা আমি পাই নাই। তাহা পুলিশের হস্তগত হয়, এবং তাঁহার বিচারের সময় আদালতে তাঁহার দস্তখত প্রমাণ করিবার জন্ত ব্যবহৃত হয়। আমাকে লিখিত এই শেষ চিঠিটি পুলিশের হাতে দেখিয়া তিনি আদালতে মুচকি হাসি হাসিয়াছিলেন।

তিনি কয়েকবার জেলে যান। শেষের দিকে যখন একবার তাঁহাকে দন্ড করিয়া জেল হইতে খালাস দিবার

কথা হয়, তখন তিনি বলেন, “আমি চাই না, যে, আমার প্রতি কোন অনুগ্রহ করা হয়।”

তিনি অসহযোগ আন্দোলনে যোগ দিবার পর, যখন বিদেশী বস্ত্র ত্যাগ ও স্বদেশী বস্ত্র ব্যবহারের সঙ্কল্প অসহযোগীরা করেন, তখন গুনিয়াছি তাঁহার নিজের পরিধেয়ই দশহাজার টাকার ভস্মীভূত হয়। পরিবারবর্গের পরিধেয় কত টাকার পুড়িয়াছিল জানি না।

এলাহাবাদে আনন্দভবনের হাতা বিস্তীর্ণ। সাবেক আনন্দভবন এখন স্বরাজভবন নামে পরিচিত ও পুলিশের হস্তগত। তাহা তিনি কংগ্রেসকে দান করিয়াছিলেন। অতবড় ঘরবাড়ি ও হাতা রক্ষা করিবার মত আয় দেশ-সেবায় আত্মোৎসর্গ পুত্র জবাহরলালের থাকিবে না বলিয়া তিনি বলিতেন, পুত্রের জন্য একটি কুটার (cottage) নির্মাণ করাইয়াছেন! উহাই বর্তমান আনন্দভবন।

পণ্ডিত মোতীলাল নেহরু মহাশয় স্বদেশের কেবল রাষ্ট্রীয় মুক্তিই চাহিতেন না। কেবল তাহা চাহিলেও যে সামাজিক কুসংস্কার ও কুপ্রথার উচ্ছেদসাধন ব্যতিরেকে তাহা পাওয়া যাইবে না, ইহা তিনি জানিতেন। এইজন্য তিনি কংগ্রেসের সভাপতিরূপে কলিকাতায় তাঁহার অভিভাষণে “গঠনমূলক” কাথ্যতালিকায় সমাজ-সংস্কারের প্রয়োজনীয়তা দেখাইয়াছেন। তিনি কেবল মতে নহে, কার্যেও সমাজসংস্কারক ছিলেন। লাহোরে ১৯২৯ সালের ডিসেম্বর মাসে “জাত-পাত-তোড়ক” (জাতিভেদ ও পংক্তিভেদের উচ্ছেদসাধক) কনফারেন্সে জাতিভেদের উচ্ছেদের সমর্থন করিয়া একটি বক্তৃতা করেন। তাহাতে তিনি বলেন, “আমার বয়স এখন ৬৯; ১৮ বৎসর বয়স হইতেই আমি জাতিভেদ ও পংক্তিভেদ না মানিয়া চলিতেছি।”

তিনি স্ববক্তা ছিলেন। তাঁহার বক্তৃতায় ভাবের উচ্চাঙ্গ থাকিত না। যাহা বলিতেন, যুক্তির সহিত বিশদভাবে বলিতেন।

পণ্ডিত মোতীলাল নেহরুর মৃত্যুতে শোকের চিহ্নস্বরূপ এবং তাঁহার পরলোকগত আত্মার প্রতি শ্রদ্ধা জানাইবার জন্ত নানা স্থানে নানা জনে নানা রূপ আচরণ ও ব্যবস্থা করিবেন। শান্তিনিকেতনে রবীন্দ্রনাথ

স্বয়ং হবিষ্যাম গ্রহণ করিয়াছিলেন এবং বিশ্বভারতীর ছাত্রেরাও তাহা করেন, এই ইচ্ছা প্রকাশ করিয়াছিলেন। ছুটি দেওয়াকে তিনি ভাল মনে করেন না। আমাদের ইহায় উপর এইটুকু বক্তব্য আছে, যে, হবিষ্যাম-গ্রহণের জাতীয় প্রথা আমাদের পরিত্যাগ করিবার কোন হেতু নাই।

ইংরেজদের স্বার্থসংরক্ষণের প্রস্তাব

গোলটেবিল বৈঠকের কাজ কতকগুলি সাব-কমিটির দ্বারা খণ্ড খণ্ড ভাবে করা হইয়াছিল। সংখ্যানুমানদের জন্ত কি কি ব্যবস্থা হওয়া দরকার, তাহা ঠিক করিবার জন্ত যে সাব-কমিটি হয়, তাহার রিপোর্টের চৌদ্দ ধারাটির মুসাবিহা নিম্নলিখিতরূপ হইয়াছে :—

“At the instance of the British commercial community the principle was generally agreed to that there should be no discrimination between the rights of the British Mercantile community, firms and companies trading in India and the rights of India-borns and that an appropriate convention based on reciprocity should be entered into for the purpose of regulating these rights. It was agreed that the existing rights of the European community in India in regard to criminal trials should be maintained.”

এই ধারাটির ভাষণ এই, যে, ভারতবর্ষের ব্যবসা-বাণিজ্য ক্ষেত্রে ইংরেজদের ও ভারতীয়দের অধিকারে কোন পার্থক্য থাকিবে না, এবং ফৌজদারী আদালতে ইউরোপীয়দের বিচারে তাহাদের এখন যে-সব বিশেষ অধিকার আছে, তাহা রক্ষিত হইবে।

ভারতবর্ষের পণ্যশিল্প ও ব্যবসা-বাণিজ্য ইংলণ্ডে কিরূপ শুদ্ধ বসাইয়া ও আইন করিয়া নষ্ট করা হয়, তাহা সংক্ষেপে বামনদাস বহু মহাশয়ের “কইন্ অব ইণ্ডিয়ান ট্রেড এণ্ড ইণ্ডাস্ট্রিজ” পুস্তকে লেখা আছে। ভারতবর্ষেও কোম্পানীর আমলে যাহা করা হইয়াছিল, তাহা ভারতবর্ষের কোন সত্য ইতিহাস পড়িলে তাহা হইতে জানা যাইবে। ভারতবর্ষ যখন ইংলণ্ডের মহারাণীর হাতে আসে, তখন ভারতীয় ব্যবসা-বাণিজ্য ও পণ্যশিল্প ক্ষয়সের পথে এতটা অগ্রসর হইয়াছিল,

যে, বিলাতী ব্যবসাদার ও বিলাতী পণ্যদ্রব্যের প্রতি পক্ষপাতিত্ব দেখাইয়া কোন আইন করিবার প্রয়োজন হয় নাই। কিন্তু ব্যবসা-বাণিজ্যের, খনি হইতে খনিজ দ্রব্য উত্তোলন বিক্রী এবং রেল পাঠাইবার, আরণ্য বৃক্ষ, লতাভূগাদি আহরণের, চা কফি রবারের বাগান করিবার, বিদেশ হইতে জিনিষ আমদানী রপ্তানী করিবার, রেল মাল পাঠাইবার ব্যবস্থা করিবার, ব্যাঙ্কের ও অন্যান্য নানা রকমের সুবিধা দিবার ক্ষমতা যে-সব সরকারী কর্মচারীর হাতে আছে, তাহারা ইংরেজ হওয়ায় এবং গবর্নেন্ট ও ইংরেজ গবর্নেন্ট হওয়ায় ইংরেজরা ব্যবসা-বাণিজ্যক্ষেত্রে খুব বেশী সুবিধা ভোগ করিয়া আসিতেছে। ভারতীয় জাহাজ নির্মাণ এবং ভারতীয় জাহাজের দ্বারা যাত্রী ও মাল বহন কোম্পানীর আমল হইতে নানা বাধা বশতঃ খুব কমিয়া আসিয়াছে। এ বিষয়ে চেষ্টা সত্ত্বেও ভারতীয়েরা আর পূর্ব অবস্থায় পৌঁছিতে পারিতেছে না।

এখন যদি ভারতীয় ব্যবসা-বাণিজ্য, পণ্যদ্রব্যের কারখানা, ভারতীয় জাহাজ, ভারতীয় ব্যাঙ্ক প্রভৃতিকে সেই সব বিশেষ সুবিধা দেওয়া হয়, যাহা ইংরেজদের কারবার আদি এতদিন ভোগ করিয়া আসিতেছে, যদি এখন বিলাতী জিনিষসকলের উপর সেইরূপ বেশী পরিমাণ শুদ্ধ বসান হয় যেরূপ শুদ্ধ বিলাতে ভারতীয় জিনিষের উপর একদা বসান হইয়াছিল, এবং যদি এখন ভারতীয় জাহাজসকলকে ভারতীয় উপকূল বাণিজ্যের একচেটিয়া অধিকার দেওয়া হয়, তাহা হইলেই ভারতে বাণিজ্যিক ও আর্থিক স্বরাজ স্থাপিত হইয়া ভারতবর্ষ দারিদ্র্য-দশা হইতে আবার স্বচ্ছল অবস্থায় উপনীত হইতে পারে। নতুবা রাষ্ট্রীয় স্বরাজ ফাঁকা কথা মাত্র হইবে।

অসাম্যের দ্বারা ইংলণ্ডের প্রতি পক্ষপাত দেখাইয়া ইংলণ্ডকে ধনী করা হইয়াছে। এখন ভারতবর্ষে কেবল মাত্র ভারতবর্ষের লোকদিগকে এমন কতকগুলি অধিকার দেওয়া চাই, যাহা বিদেশীরা ভোগ করিতে পাইবে না। নতুবা প্রকৃত সাম্য স্থাপিত হইতে পারিবে না। দুজন লোকের মধ্যে একজন আর

একজন লোককে গর্তে পতিত দেখিয়া যদি বলে, অতঃপর তোমার আমার অবস্থা ও অধিকার সমান অর্থাৎ বর্তমানবৎ হওয়া চাই, তাহা হইলে সেরূপ সাম্য কেমন অদ্ভুত শূন্য! সেরূপ সাম্যের ফল এই হইবে, যে, গর্তে পতিত ব্যক্তি গর্তেই থাকিবে, এবং অপর ব্যক্তি স্বচ্ছন্দে যেখানে সেখানে গিয়া যদৃচ্ছা ধনসম্পদ আহরণ করিতে পারিবে। আমরা ইংরেজদিগকে তাহাদের স্বদেশে গর্তে ফেলিতে চাহিতেছি না। আমরা কেবল এই চাহিতেছি, যে, আমাদের দেশে আমরা গর্ত হইতে উঠিয়া পাইবার পরিবার, সভ্য সমুন্নত জীবনধারণ করিবার মত বিত্ত আহরণ যেন করিতে পারি, এবং সমানভাবে বা পরোক্ষভাবে (প্রতিযোগিতার দ্বারা) কোন বিদেশী তাহাতে বাধা দিতে যেন না পারে, প্রত্যেক স্বাধীন দেশেই কোন-না-কোন সময়ে প্রয়োজনমত স্বদেশী বাণিজ্য ও শিল্পকে রক্ষা করিবার ও উৎসাহ দিবার জন্য বৈদেশিকদের প্রতিযোগিতা হইতে তাহাকে বাঁচাইবার ব্যবস্থা করা হইয়াছে। এই ব্যবস্থা করিবার অধিকার আমরা লাভ করিতে না পারিলে, আমরা যেমন পরাধীন আছি তেমনই পরাধীনই থাকিয়া যাইব। দারিদ্র্য ও আমাদের ঘৃণিত।

ইউরোপীয় আসামীদের বিচারের সময় যে বিশেষ অধিকার তাহাদের আছে, সেইরূপ অধিকার ইউরোপীয়েরা জাপান চীন তুরস্ক পারস্য প্রভৃতি দেশে বলপূর্বক ভোগ করিত। কিন্তু এসব দেশ যেমন যেমন প্রবল ও প্রকৃতপ্রস্তাবে স্বাধীন হইয়াছে, তেমনই তথায় তাহাদের ঐ প্রকার তথাকথিত “অধিকার” লুপ্ত হইয়াছে ও হইতেছে। ঐ সব দেশে ইংলণ্ডীয় আইন, ইংলণ্ডীয় বিচারপ্রণালী এবং ইংলণ্ডীয় রীতিতে শিক্ষিত বিচারক ছিল না ও নাই। তথাপি ইউরোপীয়দের “অধিকার” লুপ্ত হইয়াছে। কারণ স্বাধীন বাহারা, তাহারা অস্ত্র কোন দেশের মাহুষ মাত্রকেই প্রেষ্ঠ জীব বলিয়া স্বীকার করিয়া আত্মাবমাননা করিতে পারে না। আমাদের বর্তমান রাষ্ট্রীয় অবস্থা আমাদের অপমানের বিষয়। স্বরাজ্যলাভের চেষ্টার মূল কারণীভূত

ও প্রবর্তক যে সব ভাব আছে, বিদেশীদের সহিত সাম্য স্থাপন করিয়া আত্মাবমাননা হইতে মুক্তিলাভ তাহার মধ্যে অন্ততম। অসাম্যের অপমান যদি থাকিয়াই যায়, তাহা হইলে “স্বরাজ” কথাটা লইয়া আমরা কি করিব?

সাইমনের জিত

সাইমন কমিশনের সভ্যদিগকে, অন্ততঃ স্ত্রার জন সাইমনকে, বাহাতে গোলটেবিল বৈঠকের সভ্য করা হয়, তাহার জন্য বিলাতে আন্দোলন হইয়াছিল। কিন্তু বর্তমান ব্রিটিশ গবর্নমেন্টের প্রধান মন্ত্রী ও অন্যান্য মন্ত্রীর চতুর লোক বলিয়া তাহাতে রাজী হন নাই। ইহাও বলা হইয়াছিল, যে, ঐ বৈঠক স্বাধীন বৈঠক হইবে, অর্থাৎ সাইমন কমিশনের রিপোর্টে বা তাহার উপর ভারত গবর্নমেন্টের বিস্তৃত মন্তব্যে যে-সকল প্রস্তাব করা হইয়াছে, গোলটেবিল কন্ফারেন্স সেই সকল প্রস্তাব গ্রহণ করিতে বা তাহার দ্বারা চালিত হইতে বাধ্য থাকিবে না। ভারতবর্ষে মডারেট নেতাদের মধ্যে সাইমন কমিশন বর্জনে স্ত্রার তেজ বাহাদুর সাফ্র সকলের চেয়ে বেশী জিদ ও দৃঢ়তা দেখাইয়াছিলেন। কিন্তু বাস্তবিক কার্যতঃ বাহা ঘটিয়াছে, তাহাতে সাইমনেরই জিত হইয়াছে এবং তাহা বুঝিতে না পারিয়া কিবা আত্মপ্রসাদ লাভ করিবার নিমিত্ত ডাঃ সাফ্র প্রভৃতি গোলটেবিল-ওয়ালারা তাহাকে নিজেদেরই কৃত্রিম ও জিত বলিয়া ঘোষণা করিতেছেন। ইহাকে ইংরাজীতে নিয়তির পরিহাস বলে।

সাইমন কমিশন যতগুলি রিজার্ভেশন চাহিয়াছিলেন, অর্থাৎ যতগুলি রাষ্ট্রীয় বিষয় ও তৎসম্বন্ধীয় ক্ষমতা ইংরেজ গবর্নমেন্টের অর্থাৎ বড়লাট ও তাঁহার পরিষদের হাতে রাখিবার প্রস্তাব করিয়াছিলেন, তাঁহার ইচ্ছাী ধর্মতাই লর্ড রেভিডের সকাশল চেষ্টায় কার্যতঃ তৎসমুদয়ই বড়লাটের হাতে রাখিবার প্রস্তাব গোলটেবিল বৈঠকের ঘাড়ে চাপান হইয়াছে। একদিকে কেন্দ্রীয় ভারত-গবর্নমেন্টের কার্যে মন্ত্রীদিগকে ব্যবস্থাপক সভার নিকট দায়ী করিবার সিদ্ধান্ত ভেঙী বা কথার কথা মাত্র হইবে;

অন্য দিকে ভারতবর্ষ ভিন্ন ভিন্ন প্রকারে মুসলমান ও অমুসলমান ভারত, ইংরেজশাসিত ভারত ও দেশী নৃপতি-দেয় দ্বারা শাসিত ভারতে বিভক্ত হইবে। তাহার উপর আবার ব্যবস্থাপক সভাগুলি চুটা করিয়া কামরাতে (চেম্বারে) বিভক্ত হইবে। একটাতে বসিবেন জমিদার ও ধনীরা, অন্যটাতে বসিবেন “সাধারণ” লোকদের প্রতিনিধিরা। ব্যবস্থাপক সভার প্রথম কামরা দ্বারা দ্বিতীয় কামরাকে বাগে রাখা হইবে। এই প্রকারে বিভক্ত ও হতশক্তি ভারতের উপর বিলাতী সামরিক আপিস, বৈদেশিক আপিস, ইণ্ডিয়া আপিস, লওনের ব্যাংকারগণ, লাক্ষেশায়ের তত্ত্বাবহুল ও অন্যান্য শায়ারের অন্যান্য কারখানাওয়ালারা, এবং জাহাজওয়াল ইক্কেপ ও অন্যান্য ব্রিটিশ বণিকেরা বর্তমান সময়ের চেয়ে অধিক নিশ্চিন্তভাবে ভারতশাসন করিবে। এইরূপ শাসন দ্বারা শোষণেরও সাহায্য হইবে। অবশ্য আমরা বাহা বলিতেছি তাহা ঘটবেই এমন নয়। যদি গোল-টেবিল বৈঠকের সিদ্ধান্তসমূহ অমূল্যে কাজ হয়, তাহা হইলেই ঐরূপ কুফল ঘটবার সম্ভাবনা।

আমেরিকার লোকমত অনেকটা ভারতবর্ষের স্বাধীনতাপ্রাপ্তির অমূল্য হইয়া পড়ায়, আমেরিকার চোখে ধূলা দেওয়ারও প্রয়োজন হইয়াছে। মেক্সিকোভারেশন ও মেক্সিকোয়ানদের দ্বারা সেই উদ্দেশ্য সাধিত হইতে পারিবে।

ইহা সত্ত্বেও “বুদ্ধিমান” অনেক ভারতীয়কে লর্ড রেডিং প্রভৃতি বোকা বানাইতে পারিয়াছেন, এবং যাহারা নিজে বোকা বনিয়াছেন, তাঁহারা আবার অন্য ভারতীয়-দিগকে নিজেদের দলে আনিবার চেষ্টা করিবেন। পোষা হাতী ভিন্ন স্বাধীন আরণ্য হস্তী ধরা যায় না।

ব্রহ্মদেশ পৃথক্করণ, ও ফেডারেশন

ব্রহ্মদেশীয় লোকদের অধিকাংশের মতের বিরুদ্ধে ব্রহ্মদেশকে ভারতবর্ষ হইতে বিচ্ছিন্ন করিবার সঙ্কল্পের মধ্যে আর্থিক দুটি উদ্দেশ্য আছে। ব্রহ্মদেশ ২,৩৩,৭০৭ বর্গ মাইল, বাংলাদেশ ৭৬,৮৪৩ বর্গ মাইল। বঙ্গের তিনগুণ বড় ব্রহ্মদেশের লোকসংখ্যা মোটে

১,৩২,১২,১২২ অর্থাৎ বঙ্গের এক-তৃতীয়াংশেরও কম। এই বৃহৎ দেশের বহুমূল্য খনিজ, আরণ্য ও কৃষিজাত সম্পত্তি ব্রহ্মদেশীয়েরা এখন নিজেদের হস্তগত করিতে খুব কমই পারিতেছে, কিন্তু কালক্রমে পারিবে। তাহার পূর্বেই ইউরোপীয়েরা তাহা যথাসম্ভব গ্রাস করিতে চায়। ব্রহ্মদেশীয়েরা এখনও জাগে নাই, তাহাদের লোকমত এখনও প্রবল হয় নাই। তাহারা ইউরোপীয়দের কোন অভিসন্ধি ও কার্যের ভাল করিয়া প্রতিবাদ করিতে অসমর্থ। ভারতবর্ষের সহিত তাহাদের দেশ যুক্ত থাকিলে ভারতীয়দের দ্বারা অন্ততঃ এই প্রতিবাদের কাজ কতকটা হইতে পারে। তা ছাড়া, ভারতীয়েরা সামান্য ভাবে হইলেও ব্রহ্মদেশের বাণিজ্যক্ষেত্রে ইউরোপীয়দের সহিত প্রতিযোগিতা করে। ব্রহ্মদেশকে ভারতবর্ষ হইতে পৃথক করিবার ইহা একটি কারণ।

ইংরেজদের যে-সব জাহাজ ভারত-সাম্রাজ্যের উপকূলের নিকট দিয়া যাত্রী ও মাল বহন করে, ভারতীয় বন্দরগুলি হইতে ব্রহ্মের বন্দরে যাতায়াত তাহাদের একটি প্রধান লাভের উপায়। এই উপকূল বাণিজ্য কেবল ভারতীয়দের একচেটিয়া করিবার নিমিত্ত আইন করাইবার চেষ্টা হইতেছে। সেরূপ আইন হইলে ভারতবর্ষ হইতে ব্রহ্মে জাহাজ চালাইয়া ইংরেজরা লাভ করিতে পারিবেন না, কারণ এখন ব্রহ্ম ভারতসাম্রাজ্যের অন্তর্গত। কিন্তু উহাকে যদি ভারতবর্ষ হইতে পৃথক করিয়া ফেলা যায়, তাহা হইলে ভারতীয় উপকূল বাণিজ্য আইন ব্রহ্মদেশযাত্রী জাহাজের প্রতি প্রযুক্ত হইতে পারিবে না; সুতরাং ভারতবর্ষ হইতে ব্রহ্মদেশে ও ব্রহ্মদেশ হইতে ভারতবর্ষে জাহাজ চালাইবার লাভজনক ব্যবসা ইংরেজদের হাতে থাকিতে পারিবে। ব্রহ্মদেশকে ভারতবর্ষ হইতে পৃথক করিবার ইহা দ্বিতীয় প্রধান আর্থিক কারণ।

ব্রহ্মদেশকে ভারতবর্ষ হইতে পৃথক করিলে ইংরেজদের প্রভূত রক্ষার একটি উপায়ও পরোক্ষভাবে অবলম্বিত হইতে পারিবে।

বর্তমান অবস্থায় ব্রিটিশ-শাসিত ব্রহ্মদেশ সম্বলিত ভারতবর্ষের আয়তন ১০,২৪,৩০০ বর্গ মাইল, এবং দেশী রাজ্যগুলির মোট আয়তন ৭,১১,০৩২ বর্গ মাইল; অর্থাৎ

দেশী রাজ্যগুলির আয়তন ব্রিটিশ ভারতের মোটামুটি দুই-তৃতীয়াংশ। ব্রহ্মদেশের আয়তন ২,৩৩,৭০৭। ইহা ব্রিটিশ ভারত হইতে পৃথক্ হইয়া গেলে ও বাদ পড়িলে ব্রিটিশ ভারতের আয়তন ৮,৬০,৫২৩ হইয়া যাইবে। অর্থাৎ উহার আয়তন দেশী রাজ্যগুলির প্রায় সমান হইয়া যাইবে। ব্রিটিশ ভারতের লোকসংখ্যাও, ব্রহ্মের লোকসংখ্যা বাদ পড়িলে, কমিয়া যাওয়ায় এখন ব্রিটিশ ভারতের ও দেশী রাজ্যসমূহের লোকসংখ্যায় যত বেশী তফাৎ আছে, তত বেশী তফাৎ থাকিবে না। সুতরাং দেশী রাজ্য ও ব্রিটিশ ভারতকে একত্র করিয়া ফেডারেটেড ভারতবর্ষ গঠন করিয়া তাহার জন্য যে ফেডারেল এসেম্বলী স্থাপনের প্রস্তাব হইয়াছে তাহাতে দেশী নৃপতিরা অধিকসংখ্যক প্রতিনিধি পাঠাইবার দাবি করিতে পারিবেন। তাঁহার বলিতে পারিবেন, “আমাদের রাজ্যগুলি আয়তনে প্রায় ব্রিটিশ ভারতেরই সমান, এবং আমাদের প্রজাদের সংখ্যাও ব্রিটিশ ভারতের লোকসমষ্টির প্রায় এক-তৃতীয়াংশ, অতএব এসেম্বলীতে আমরা উহার অর্ধেক, অন্ততঃ এক-তৃতীয়াংশ সভ্য আমাদের প্রতিনিধি রূপে পাঠাইতে অধিকারী।” অতএব এই এসেম্বলীর এক-তৃতীয়াংশ প্রতিনিধি দেশী রাজ্যের নৃপতিরা পাঠাইবেন। বাকী দুই-তৃতীয়াংশের রকম ১/০ আনা ও পাই মুসলমানেরা চাহিয়াছেন। তাঁহারা তাহা না পাইলেও, হয়ত সিকি পাইবেন। তাহা হইলে এসেম্বলী (৬+৬-৬) অর্ধেক সভ্য দেশী নৃপতিদের ও মুসলমানদের প্রতিনিধি হইবেন। ইহারা অনেকটা ইংরেজদের মতামতবর্তী হইবেন। তা ছাড়া ভারতপ্রবাসী ইংরেজদের ও ফিরঙ্গীদেরও জনকতক প্রতিনিধি থাকিবে। তাঁহারাও ইংরেজ গবর্নমেন্টের মতামতবর্তী হইবেন। সুতরাং ভারতীয় অধিকাংশ লোকের যাহা মত, তাহাকে জয়যুক্ত করা এরূপ এসেম্বলীতে সহজ হইবে না।

আরও একটা কথা বিবেচ্য। গোলটেবিল বৈঠকে এই প্রস্তাব গৃহীত হইয়াছে, যে, এসেম্বলীর অর্থাৎ কেন্দ্রীয় ব্যবস্থাপক সভার নিকট দায়ী মন্ত্রীদিগকে পদচ্যুত করিয়া তাহাদের জায়গায় নূতন মন্ত্রীসভা গঠন করিতে হইলে

পূর্বোক্ত মন্ত্রীদিগের বিরুদ্ধে এসেম্বলীর মোট সভাসংখ্যার অন্যান্য দুই-তৃতীয়াংশ ভোট দেওয়া চাই। কিন্তু অর্ধেক, অন্ততঃ এক-তৃতীয়াংশ, সভ্য সর্বদাই গবর্নমেন্টের ও মন্ত্রীদের পক্ষে থাকিবার কথা। সুতরাং গবর্নমেন্টের প্রিয় ও ধামাধরা কোন মন্ত্রী-সমষ্টিতে তাড়ান হুঃসাধ্য হইবে। এইজন্যই আমরা গোলটেবিল বৈঠকের প্রস্তাবানুযায়ী এসেম্বলীকে ও লোকপ্রতিনিধিসমূহের নিকট মন্ত্রীদের দায়িত্বকে মেকি বলিয়াছি।

কংগ্রেস ও গোলটেবিলের প্রস্তাবসমূহ

কংগ্রেসের নেতারা যাহাতে গোলটেবিলের প্রস্তাব-সমূহ সফলকাবে অবাদে সম্মিলিতভাবে আলোচনা করিতে পারেন, তাহার জন্ত বড়লাট কংগ্রেস ওয়ার্কিং কমিটির সভ্যদিগকে জেল হইতে মুক্তি দিয়াছেন। তেজ বাহাদুর সাফ্র, শ্রীনিবাস শাস্ত্রী ও মুকুন্দরাম রাও জয়াকর তাঁহাদিগকে তারম্বোগে অচরোধ করিয়াছিলেন, যে, তাঁহাদের বক্তব্য না-শুন্য পর্ষাস্ত কংগ্রেস-নেতারা যেন গোলটেবিলের নিদ্বারপসমূহ সফলকাবে কোন মত প্রকাশ না করেন। এখন তাঁহারা বিলাত হইতে দেশে আসিয়া পৌছিয়াছেন। এখন শীঘ্রই সকলের সম্মিলিত আলোচনা হইবে। আলোচনার ফলে কংগ্রেস-নেতারা কি সিদ্ধান্তে উপনীত হইবেন, ঠিক্ করিয়া বলা যায় না। কিন্তু জেল হইতে বাহির হইয়া আসিবার পর ইতিমধ্যেই মহাত্মা গান্ধী যাহা বলিয়াছেন এবং অন্য কোন কোন নেতাও যাহা বলিয়াছেন, তাহাতে অনুমান হয়, কংগ্রেস-নেতারা গোলটেবিল বৈঠকের সিদ্ধান্তসমূহকে “স্বাধীনতার সার অংশ” বলিয়া গ্রহণ করিতে পারিবেন না। সিদ্ধান্তগুলি স্বরাজের ছায়া বটে, কিন্তু কাল্পনিক নহে।

গোলটেবিলের প্রস্তাবগুলি শাস্ত্রভাবে বিবেচনা করিবার ব্যাঘাতও রহিয়াছে। হাজার হাজার সভ্যগ্রহী এখনও কারাগারে বন্দী রহিয়াছেন, এখনও পুলিশ লাঠি চালাইতেছে, এখনও তাহাতে পুরুষ-নারী বালক-বালিকা আহত হইতেছে। পিকেটিঙের জন্য এখনও

অনেককে জেলে পাঠান হইতেছে। দমন ও নিগ্রহ নীতির অহুসরণ বন্ধ না করলে, অন্ততঃ স্বগিত না রাখিলে, কেমন করিয়া সন্ধির সর্ব আলোচিত হইতে পারে ?

বড়লাটকে মহাত্মা গান্ধীর চিঠি

খবরের কাগজে দেখিলাম, মহাত্মা গান্ধী পুলিশের অত্যাচারের বাছা বাছা ছয়টি দৃষ্টান্তের উল্লেখ করিয়া বড়লাটকে চিঠি লিখিয়াছেন, এবং এই অহুসরণ করিয়াছেন যে, তিনি এই ঘটনাগুলি সঙ্ক্ষেপে প্রকাশ্য তদন্ত করান। শুনা যায়, বড়লাট রাজী হইলে গান্ধীজী স্বয়ং সাক্ষী উপস্থিত করাইবেন। গবর্নমেন্টের হৃদয়ের পরিবর্তন হইয়াছে কি-না, এই প্রস্তাবে বড়লাট রাজী হওয়া-না-হওয়া হইতে গান্ধীজী তাহা বুঝিতে পারিবেন।

লাঠি ও স্বাধীনতা-ঘোষণা দিবস

গত স্বাধীনতা-ঘোষণা দিবসের উৎসব উপলক্ষে যে-সব সভা ও শোভাযাত্রা হইয়াছিল, তাহার উপর কোথাও কোথাও পুলিশ লাঠি চালাইয়াছিল। কলিকাতায় এইরূপ লাঠি-প্রয়োগে যেসব স্বভাষচন্দ্র বহু ও অল্প অনেক ভদ্র-লোক এবং অনেক ভদ্রমহিলাও আহত হইয়াছেন। অধিকতর স্বভাষবাবু পুলিশের হুকুম অমান্য করিয়া সভা ও মিছিল করা এবং দাঙ্গা করা অপরাধে কারারুদ্ধ হইয়াছেন। স্বভাষবাবু পুলিশের আদেশ লঙ্ঘন করিয়া থাকিবেন। কিন্তু তিনি দাঙ্গা করিতে গিয়াছিলেন, ইহা কি পুলিশের লোকেও বিশ্বাস করে ?

লাহোরে সমগ্র ভারতের ও সমগ্র এশিয়ার নারীদের কন্ফারেন্স

প্রবাসী মাসিক কাগজ হইলেও ইহার কিয়দংশে খবরের কাগজের স্থায় চলিত রাজনৈতিক ব্যাপার সঙ্ক্ষেপে

আলোচনা করিয়া থাকি। কখন কখন এমন-সব রাজনৈতিক ঘটনা ঘটে, যে, সংক্ষেপে কিছু লিখিয়াও তাহাদের সবগুলির সঙ্ক্ষেপে লেখা হয় না। আজকাল সেইরূপ অবস্থা ঘটিয়াছে। কয়েকটি বিষয়ে সামান্য কিছু লিখিতে গিয়াও সময় ও পাতা ফুরাইয়া আসিতেছে। সেই জন্য অরাজনৈতিক কোন কোন অতীব প্রয়োজনীয় ঘটনা সঙ্ক্ষেপে কিছু লিখিতে পারিতেছি না।

লাহোরে সমগ্র ভারতের নারীদের এবং সমগ্র এশিয়ার নারীদের কন্ফারেন্স দুটি এইরূপ ঘটনা। এই দুটি কন্ফারেন্স নারীদের জাগৃতির পরিচায়ক।

ভারতমহিলাদের কন্ফারেন্সে মাদ্রাজের ডাক্তার শ্রীমতী মুখলক্ষী রেড্ডী সভানেত্রীর কাজ করেন। তিনি মাদ্রাজের ব্যবস্থাপক সভায় ডেপুটি প্রেসিডেন্ট নির্বাচিত হইয়াছিলেন, কিন্তু সরকারী দমন ও নিগ্রহনীতির প্রতিবাদকল্পে তিনি ঐ পদ পরিত্যাগ করিয়াছেন। তিনি মাদ্রাজের ঘৃণ্য দেবদাসী প্রথার বিরুদ্ধে আইন করাইয়াছেন এবং শিশুদের মঙ্গলের জন্য অনেক চেষ্টা করিয়াছেন।

ভারতমহিলাদের কন্ফারেন্সে অনেকগুলি হিতকর প্রস্তাব গৃহীত হয়। সংক্ষেপে তাহার কয়েকটির উল্লেখ করিতেছি।

বহুবিবাহ প্রথা ও নারীদের অবরোধ-প্রথার বিরুদ্ধে লোকমত প্রবল করিবার চেষ্টা করা হউক। প্রত্যেক প্রদেশে পতিতা নারীদের জন্য উদ্ধারশ্রম স্থাপনের চেষ্টা করা হউক; নারী ও বালিকাদিগকে পাপকাণ্ডে প্রবৃত্ত করিবার ব্যবসা বন্ধ করিবার চেষ্টা হউক; বেঙ্গালয় বন্ধ করিবার আইন হউক এবং যেখানে এরূপ আইন আছে সেখানে আইন অহুসারে কাজ করািবার জন্য মহিলা অফিসার নিয়োগ করা হউক; এই কন্ফারেন্স দৃঢ় বিশ্বাস করেন, যে, কেন্দ্রীয় ও প্রাদেশিক ব্যবস্থাপক সভাসমূহে, ডিস্ট্রিক্ট বোর্ড ম্যুনিসিপালিটি ও অন্যান্য স্থানীয় প্রতিনিধি সভাসমূহে, শিশুদের ও নারীদের ইন্টানিট যাহাদের সহিত জড়িত এরূপ কমিশন ও কমিটি সমূহে যথেষ্টসংখ্যক নারী প্রতিনিধি থাকা আবশ্যক;

কেন্দ্রীয় ব্যবস্থাপক সভার সভাদিগকে এই অসুযোগ করা যাইতেছে, যে, তাহারা নারীদের সম্বন্ধে হিন্দু আইনের বর্তমান অবস্থা একরূপ ভাবে সংশোধন করা হউক বাহাতে উহা অধিকতর গ্রহণযোগ্য হয়; মুসলমান নারীদের অধিকার সম্বন্ধে কোরাণে যাহা ব্যবস্থা আছে, বর্তমান মুসলমান লোকাচারের পরিবর্তে তাহা প্রচলিত করা হউক; নগর ও গ্রামসমূহের অপরিষ্কার ও অস্বাস্থ্যকর অবস্থার প্রতি দৃষ্টি দিয়া তাহার উন্নতি করা হউক; শ্রীযুক্ত যমুখম্ চেষ্টা “অস্পৃশ্য” ও “অনাচরণীয়”দের অভাব অভিযোগ দূর এবং অগ্র সকলের সহিত সমানাধিকার স্থাপনার্থে যে বিল পেশ করিয়াছেন, কনফারেন্স তাহা সমর্থন করেন; সমুদয় ডিষ্ট্রিক্ট বোর্ড আদি স্থানীয় প্রতিনিধি সভাকে ও মহিলাসমিতিসমূহকে কনফারেন্স অসুযোগ করিতেছেন, যে, তাহারা যেন প্রাপ্তবয়স্ক নারীদের শিক্ষার বন্দোবস্ত করেন এবং তদর্থে সিনেমা, চলন্ত লাইব্রেরী প্রভৃতির আয়োজন করেন; সকল শ্রেণীর ও জাতির বালকাদিগকে যেন একই বিদ্যালয়ে শিক্ষা দেওয়া হয় বাহাতে পরস্পরকে বুঝিবার সুবিধা হয় এবং সভাভা ও কুষ্ঠির একতা সর্বত্র নারীসমাজে লক্ষিত হয়; কনফারেন্স বালক ও বালিকাদের বিদ্যালয়ে শারীরিক শাণ্ডিনানের বিরোধী, এবং সর্বত্র কর্তৃপক্ষকে একরূপ শান্তিনিষেধক আইন কার্যতঃ প্রয়োগ করিতে অসুযোগ করিতেছেন।

শ্রীমতী সরোজিনী নাইডু তখন জেলে থাকিলেও, সমগ্র এশিয়ার নারীদের কনফারেন্সের তিনিই সভানেত্রী নির্বাচিত হন। পারস্য দেশের এক মহিলার প্রস্তাবে এই নির্বাচন হয়। তাহার পর কনফারেন্সের এক এক দিনের অধিবেশনে এক এক দেশের কোন মহিলা সভানেত্রীর কাজ করেন।

এই কনফারেন্সে অনেকগুলি অতীব প্রয়োজনীয় প্রস্তাব গৃহীত হয়। কতকগুলির বিষয় নীচে উল্লিখিত হইতেছে।

বালকবালিকাদের অবৈতনিক আবৃত্তিক শিক্ষার ব্যবস্থা; সন্তানদের অভিভাবকত্বে এবং সম্পত্তির উপর

নারীদের সমান অধিকার; জুলসমূহে পৃথিবীর সকল ধর্মের নেতাদের জীবনচরিত ও উপদেশ সম্বন্ধে শিক্ষা প্রদান, যুদ্ধারা সকলের মধ্যে পরস্পরের প্রতি প্রীতি ও প্রীতি বন্ধিত হয়; জাপান ভিন্ন এশিয়ার অগ্র সব দেশকে স্বাধীনতার জয় এবং দেশী চিকিৎসা-বিদ্যা বিষয়ে গবেষণাগার স্থাপনার্থে অর্থব্যয় করিতে অসুযোগ; সকল দেশে দেশের লোকদের নিকট সম্পূর্ণরূপে দায়ী গবর্নেন্ট স্থাপন।

ইহা ব্যতীত নানা দেশে বিবাহ-প্রথা ও নারীদের অধিকার সম্বন্ধে সেই সেই দেশের প্রতিনিধিস্থানীয় মহিলাদের দ্বারা কনফারেন্সে বক্তৃতা হয়। জাভা হইতে দুটি মহিলা আসিয়াছিলেন; কিন্তু কনফারেন্সের কার্যের সহিত কয়েকজন ইউরোপীয় মহিলার যোগ থাকায় তাহারা কনফারেন্সে নিজের দেশের প্রতিনিধিত্ব করিতে অস্বীকার করেন।

শ্রীনিকেতনের বার্ষিক উৎসব

বিশ্বভারতীয় যে বিভাগে কবির, পল্লী-স্বাস্থ্যের ও নানাবিধ গ্রাম্য কুটারশিল্পের উন্নতির চেষ্টা হইতেছে এবং পল্লীগ্রামগুলিকে আবার শ্রীসম্পন্ন ও আনন্দময় করিবার প্রয়াস হইতেছে, তাহা স্বরূপ গ্রামে শ্রীনিকেতনে অবস্থিত। গত ২৫, ২৬ ও ২৭শে মার্চ শ্রীনিকেতনের বার্ষিক উৎসব হইয়া গিয়াছে।

শ্রীনিকেতনে উৎসব উপলক্ষ্যে মেলা বসিয়াছিল এবং নানাবিধ পণ্যপ্রবোর প্রদর্শনীও বসিয়াছিল। প্রদর্শনীতে শ্রীনিকেতনের ভিন্ন ভিন্ন বিভাগের কর্মী ও ছাত্রেরা নানাবিধ শিল্প ও কৃষিজাত দ্রব্য প্রভৃতি প্রদর্শন করিয়াছিলেন। তাহার সংক্ষিপ্ত বিবরণ দিতেছি।

বয়ন-বিভাগে যতরকম ধুতি শাড়ী চিটের কাপড়, গামছা, তোয়ালে, সতরঞ্চ, গালিচা, আসন প্রভৃতি প্রস্তুত হয় তাহা প্রদর্শিত হইয়াছিল। কী প্রকারে আসন, গালিচা প্রভৃতি প্রস্তুত হয়, তাহা প্রদর্শনীকেই দেখান হয়। তুলা পাখ করিবার, টানা দিবার এবং

অস্বাভ্য প্রক্রিয়ার প্রচলিত প্রণালী অপেক্ষা উৎকৃষ্টতর প্রণালী দেখান হইয়াছিল। পল্লীগ্ৰামসকলের উন্নতি বিধানের জন্ত বত প্রকার কাজ করা হইতেছে, রঙীন ছবির সাহায্যে তাহা বুঝান হয়। এইরূপ ষাটটি ছবি প্রদর্শনীর চালার দেওয়ালে ঝুলান ছিল। পল্লীসংগঠন বিভাগের ত্রতী বালকদের নানাপ্রকার সংগ্রহ দেখান হয়। বহুবিধ বস্ত্র ও উত্তানজাত ফুল নাম ও ব্যবহার সহ সংগৃহীত হইয়াছে দেখিলাম। ইহা উদ্ভিদবিজ্ঞান, চিকিৎসক, কবি, উত্তানরচনাকারী প্রভৃতি নানা শ্রেণীর লোকের কাজে লাগিবে এবং অন্তরাও ইহা হইতে জ্ঞান ও আনন্দ লাভ করিবেন। আর একটি সংগ্রহও বেশ ভাল, এবং তাহা লাভজনকও হইতে পারে। একটি বড় মোটা কাগজের খাতার পাতায় অনেক রকমের কাপড়ের নমুনার টুকরা, দাম, উৎপত্তিস্থান প্রভৃতি সহ আঁটিয়া রাখা হইয়াছে। ত্রতী বালকদের তৈরি কাঠের জিনিষ, আসন, ঝাড়ন, তাহাদের অঙ্কিত বীরভূম জেলার মানচিত্র ও তাহাতে মেলার ও তীরের স্থান প্রভৃতির সমাবেশ, এবং বীরভূম জেলার নানাবিধ তথ্যপূর্ণ হস্তলিখিত পুস্তক উৎকৃষ্ট হইয়াছিল। শিক্ষাসঙ্ঘের ছাত্রদের দ্বারা উৎপন্ন নানাবিধ তরকারীও বেশ হইয়াছিল।

পল্লী-বিভাগের মহিলা সমিতির নানাপ্রকার সূচের কাজ প্রদর্শিত হইয়াছিল। এইরূপ কাজ করিয়া কয়েকজন অন্তঃপুরিকা উপার্জন করিতেছেন। কাজগুলি হুন্দের বলিয়া অনেক বিক্রীও হইয়াছিল।

কর্মকার-বিভাগে গৃহস্থালীর জন্ত আবশ্যক নূতন রকমের লোহার চুল্লী প্রভৃতি দেখান হইয়াছিল। এই বিভাগে গ্রামের দশজন ছেলে শিক্ষা পাইতেছে।

গালাস তৈরি অনেকগুলি জিনিষ এবং লাক্সালিশ (lacquered) কাঠের বাস, টেবিল, আয়নার ফ্রেম

প্রভৃতি খুব হুন্দের হইয়াছে। শ্রীনিকেতনের কর্মকার-বিভাগে হুন্দের চামড়া কষ হইতেছে এবং চামড়ার মনিবাগ, চেয়ারের গদি প্রভৃতি প্রস্তুত হইতেছে।

নূতন নূতন ডিজাইনে বাধা পুস্তকও প্রদর্শিত হইয়াছিল।

এবারকার ত্রতী বালকদের বার্ষিক সম্মিলনীতে বীরভূম জেলার মোট ১২টি দলের ৩০০ জন বালক যোগ দিয়াছিল। তাহারা নিম্নলিখিত বিষয়গুলিতে প্রতিযোগিতা করিয়াছিল এবং যোগ্যতম বালকেরা পুরস্কার পাইয়াছিল। (১) সংগ্রহ ও তথ্যসংগ্রহ—(ক) ফুল, (খ) নানাপ্রকার কাপড়ের নমুনা, (গ) বীরভূম জেলার তথ্য। (২) হাতের কাজ—(ক) বয়ন, (খ) কাঠের কাজ। (৩) খেলাধুলা—(ক) ড্রিল (আদেশগুলি সব বাংলায় দেওয়া হয়); (খ) তীর দ্বারা লক্ষ্যভেদ; (গ) সম্ভরণ; (ঘ) বাধা অতিক্রম করিয়া দৌড়; (ঙ) অস্বাভ্য খেলা; (চ) টেকো দ্বারা সূতা কাটা।

ইহা ছাড়া শ্রীনিকেতনের ত্রতী বালকেরা লাঠি ও ছোরা খেলা, পোল ও আইরিশ ড্রিল, মুষ্টিযুদ্ধ প্রভৃতি দেখাইয়াছিল। এ বৎসর ত্রতী বালকদের প্রতিযোগিতায় শ্রীনিকেতনের শিক্ষাসঙ্ঘের দল মোটের উপর সর্বপ্রথম হওয়ায় ত্রতী বালকদিগের পতাকা লাভ করে। ২৫শে মাঘ রাত্রে শ্রীনিকেতনের ত্রতী বালকদল রবীন্দ্রনাথের “মুহূর্ত” নাটক অভিনয় করিয়া সমবেত জনগণকে পরিতুষ্ট করে।

ভ্রম-সংশোধন

গত মাঘ সংখ্যার ৫০৫ পৃষ্ঠার “পথহার” নামক কবিতাটির দ্বিতীয় পঙ্ক্তিতে মুহুরাকর প্রমাদবশতঃ “নাথ” কথাটি বসিয়া গিয়াছে। কথাটি উঠিয়া যাইবে। লাইনটি হইবে, ‘আলো-আলো যে কিরেছে পথে, কিরিবার পথ নাই যে তার।’



রাজকুমারী
প্রাচীন চিত্র হইতে

প্রবাসী প্রেস, কলিকাতা



“সত্যম্ শিবম্ সুন্দরম্”

“নায়মাত্মা বলহীনেন লভ্যঃ”

৩৩শ ভাগ

২য় খণ্ড

চৈত্র, ১৩৩৭

৬ষ্ঠ সংখ্যা

বাংলার প্রাণবন্ত

ত্রিফ্রিতিমোহন সেন

বিয়ের রাতে বরযাত্রীরা এসে পৌছলেন না। তখন সমাজপতিরা সবাই বা'র হলেন গ্রামের মধ্যে বিরোধ করতে অক্ষম গোবেচারী রকমের মানুষ কে আছে তাকে ধর-পাকড় ক'রে কোনো মতে দায়টা উদ্ধার করা যায় কি না তাই দেখতে। যোগ্যতার বিচার তখন আর করা চলে না। আপনারা সবাই আমাকে ঠিক সেই ভাবেই ধরেছেন। যোগ্যতার বিচার করবার অবসর আপনাদের নেই; আর এটাও জানেন যে, আপনাদের সকলের অহুরোধ উপেক্ষা করবার মত সামর্থ্য আমার নেই।

যে উৎসবক্ষেত্রে সেবা আমাকে আপনারা ডাক দিয়েছেন সেখানে সমাগত যত সব বড় বড় পণ্ডিতজনের—ভারী ভারী সব গ্রন্থওয়ালা মানুষের দল। ভাগ্যের বিপাকে দিনে দিনেই আমাকে গ্রন্থের জগৎ থেকে সরে যেতে হচ্ছে দূরে। জীবনের আরম্ভ করেছিলাম গ্রন্থেরই জগতে এবং গ্রন্থকেই জেনেছিলাম জীবনের শেষ লক্ষ্য। কিন্তু ঘটনার তুর্কিপাকে যে-পথে এগিয়ে গেলাম সে পথের সন্ধান গ্রন্থে তো কিছুই নেই। মঠে আখড়ায় সাধু ভক্তদের কাছে

ছেঁড়াখোঁড়া যা-কিছু লেখা মেলে তাও সব অশিক্ষিত সাধকদেরই বাণী—সামান্য একটু লিখতে খারাপ জানেন তাঁরাই লিখে রেখেছেন। নিরক্ষর গ্রন্থহীন মানুষের পথে ঘুরে ঘুরে আপনাদের মত পণ্ডিতজনের দরবারের দাবি যে আমি খুঁয়ে বসেছি। তাইতো বড় সঙ্কোচে আমাকে এখন কথা কইতে হয়।

এই মণ্ডলীতে সঙ্কোচ হলেও আমার নিজের মনের মধ্যে কোন খেদ নেই। কারণ জ্ঞানের উদ্দেশ্যই হ'ল মানুষকে ঠিক ক'রে জানা ও মানুষকে ঠিক ক'রে জানানো। শুধু গ্রন্থ দিয়েই কি মানুষের অন্তরের সব কথা মানুষ ধরতে পেরেছে? মানুষের আশা আকাঙ্ক্ষা, সাধনা সিদ্ধি, সুখ দুঃখ, প্রেম অহুরাগ, আচার অহুষ্ঠান, নিয়ম ধর্ম, স্বলন পতন, বিজ্ঞোহ নিফলতা, একি সবই গ্রন্থে ধরা দিয়েছে? তার ইতিহাস বা কালচ্যারের কতটাই বা গ্রন্থে মেলে? যুরোপে যে সেখানকার মানুষের নানাবিধ তত্ত্ব এত বেশী করে গ্রন্থে ধরা দিয়েছে, তবু সেখানে নিজেদের আরও ভাল ক'রে জানবার জন্তে মানুষের আরও কত আগ্রহ? সাধারণ লোকের গান, গল্প, নৃত্য,

কলা, রীতি, নীতি, প্রভৃতির খোঁজে নিরন্তর কত নরনারী আপনাদের তেলে দিয়েছেন, কত বড় বড় মহাপণ্ডিত সে জন্তে নিজেদের মহামূল্য জীবন সব ভরপুর উৎসর্গ ক'রে দিয়েছেন! আর তাঁদের কি চমৎকার সংগ্রহ-নীতি ও কি অপূর্বভাবে তার সব প্রকাশ, তা দেখলে এদেশে আমাদের তাক্ লেগে যায়! ক্রমাগতই সেখানে মানুষের কত কত তত্ত্ব যে গ্রন্থে ধরা দিচ্ছে তা ব'লে শেষ করা যায় না, তবু সেখানে মানুষের সন্ধানে মানুষের মধ্যে নিরন্তর কত খোঁজই ক্রমাগত চলছে।

আর আমাদের দেশে মানুষের কতটুকু সন্ধানই-বা গ্রন্থে ধরা দিয়েছে? কত বড় এই দেশের পুরানো ভাণ্ডার! কত এর চিন্তার সম্পদ! কত বিচিত্র এর কামনা সঙ্কল ও সিদ্ধি! কত গভীর সব বাণী ও ভাবব্যক্তি! মানুষে কি তার কিছুই সন্ধান করবে না? জ্ঞানের শেষ লক্ষ্যই তো হ'ল মানুষ—গ্রন্থ পুঁথি এ সব তো মাত্র উপায়? সেই পুঁথিতেই বা সন্ধান আছে কতটুকু? প্রাচীন মুদ্রা, মন্দির, মূর্তি, লিপি, শাসন—যা যেখানে মেলে সব কিছুই খোঁজে দলে দলে লোক লেগে থাকুক, লেগে থাকাই দরকার। কিন্তু মানুষই যে সবার উপরে, সেই কথাই কি মানুষ একেবারে থাকবে ভুলে? এতে যদি খ্যাতির সম্ভাবনা না থাকে তো না-ই থাক্। বহু লোক যদি অখ্যাতই থাকে তাতেই বা ক্ষতি কি? প্রবালদ্বীপের কত স্তরই তো না-দেখা কীট-মণ্ডলের অজ্ঞাত অখ্যাত দেহ-উপহারে তৈরি। উপরের দেখা স্তরে আর তার কতটুকু অংশ?

ঘটনাক্রমে ১৮৯৫ খৃষ্টাব্দে আমাদের দেশের এই নিরক্ষর স্তরের মধ্যে নিহিত ঐশ্ব্যের একটু সন্ধান পাই। তার পর বিদ্যার ও পুঁথির সব হুসজ্জিত মন্দির ছেড়ে এই ধুলোর মধ্যে ঘুরে ঘুরে জীবন কাটিয়েছি। পুঁথি তখন হ'তে আমার গৌণ হয়ে গেল। যদিও সাংসারিক আশ্রয় হিসাবে পুঁথিপত্রকে ছাড়তে পারা গেল না, তবু অস্তরের সব রসধারা চললো তখন থেকে অল্প পথে। যে-সব নিরক্ষর আউল বাড়িলের মধ্যে তখন হ'তে আমার চলা-ফেরা শুরু হ'ল, তাদের আমি আমার এই দুঃখের কথা জানিয়েছি। আমার ভিতরে বাহিরে এই হৃদয়ের কথা বলেছি; তাতে তাঁরা হেসে বলেছেন, “আমাদের ঘন্টটা

ঠিক তোমাদের না হলেও ভিতর-বাহিরের এমন অনৈক্য, এমন ফরাকৎ ভাব আমাদের বেশ জানা আছে। এই-ই তো আমাদের ‘পরকীয়’ ভাব। সাংসারিক হিসাবে যিনি রাধার স্বামী তিনি কি রাধার জীবনের সকল ব্যাকুলতা পরিপূর্ণ করতে পারেন? ব্যাকুল করেছে যার বাঁশী তাঁকে যে রাধার চাইই। দুনিয়ার সর্বত্র দেখবে বাবা, খেতে পরতে চলতে ফিরতে সংসারের আশ্রয় বিনা চলে না; তবু সবার মনপ্রাণ ব্যাকুল করেছে সেই অজানার বাঁশী। তাঁকে না পেলে এই খেয়ে প'রে চলে ফিরে এই যে আরামের জীবন তার আগাগোড়াই মনে হয় বৃথা।”

বিনয় করতে গিয়ে এমন কি অযোগ্যতা জানিয়েও নিজের কথা যদি এখানে বেশী বলতে যাই তবে সেটা শোভন হবে না। কারণ, আপনারা তো সে-সব কথা শোনবার জন্তে আমাকে ডেকে আনেন নি। আমার শক্তি যতই কম হোক, আমার সঙ্গে এখানে মালমশলা, উপকরণ ও সময় যত কমই থাকুক, বাংলার বিভাগে যখন হুকুম করে আমাকে বসিয়েছেন তখন বাংলার কথা বলতেই আমায় চেষ্টা করতে হবে।

দেশের যে গভীর স্তরে দেশের প্রাণবস্তুর নিহিত থাকে দীর্ঘকাল সেখানে বিচরণ করে এইটুকু বুঝেছি যে, বাংলার সাধনার ধন হ'ল ‘সহজ মানুষ’। শাস্ত্র নয়, বেদ নয়, প্রথা নয়, নিয়ম নয়—মানুষই হ'ল তার সাধনার লক্ষ্য। এই মানুষের পরিচয় মেলে—ভাবে, প্রেমে। ব্যবহারে বা সামাজিক প্রভৃতি কোনো কৃত্রিম উপায়ে সে পরিচয়টি মেলে না। বরং প্রয়োজন ও ব্যবহারের তামসিক বাধায় মানুষের সহজ সাত্ত্বিক স্বরূপটি আরও আড়ালে পড়ে যায়।

সহজ হতে পারেন নি ব'লে বাংলার এই প্রাণবস্তুর সন্ধান শিক্ষিত উচ্চ বর্ণের লোকেরা বড়-একটা পান নি। বেদ শাস্ত্র আচার নিয়মের কৃত্রিম বাধন ছাড়িয়ে যদি সহজই না হ'তে পারলেন তবে সেই সহজ মানুষের দেখা তাঁরা পাবেন কি করে? বাড়ল যে বলেছেন :—

“যদি ভেটুবি সে মানুষে।

তবে সাধনে সহজ হ'বি, তোরে যাইতে হবে সহজ দেশে।”

এই যে সহজকে পাবার ব্যগ্রতায় বাংলা দেশের কত

সাধনধারাই যে কত মলিনতার মধ্যেও নেবে গেছে— তা কি ব'লে শেষ করা যায় ? প্রবৃত্তির বেগে মানুষ কি ভুল করেই ভেবেছে এই কাম ও প্রবৃত্তির পথে ভেসে চলাই বুঝি সহজ পথ। বার-বার তাই কত কত সাধনাই পথভ্রষ্ট হয়েছে। তবু কি এই পথে সাধনার কখনও বিরাম ঘটেছে ? এই কারণে এই সাধনার জগতে এই বিপদটাই ছিল বাংলার প্রধান সমস্যা।

মধ্যযুগের যুরোপীয় সাম্প্রদায়িক আচারবিধিবন্ধন-ভারপ্রাপ্তিত মানবচিন্তাকে কসো প্রভৃতি মনীষীদের দল যখন বললেন, “এই সব কৃত্রিমতা পরিহার ক’রে চল ফিরে প্রকৃতির স্বাভাবিক জীবনের মধ্যে” (to back to nature), তখন সেই বিপ্লবে কি সাধনার কম ব্যাভিচার ঘটেছিল ? আজও পৃথিবীর নানা দেশে যে মহত্তর নব নব আদর্শের স্রষ্টা নানা রকমে বিপ্লব চলেছে তাতে কি মানুষের কম দুর্গতির কথা শোনা যায় ? ফরাসী বিপ্লবের সহজবাদে কৃত্রিমতার অত্যাচারের বিরুদ্ধেই ছিল বিদ্রোহ। এদেশের সহজবাদেও সে যুগের অন্যায় শাস্ত্র ও বিধি-বিধানের প্রতি বিদ্রোহভাব যে না ছিল তা নয়, তবে এদেশে সহজবাদীরা প্রধানতঃ চেয়েছেন নিত্য শাস্ত্রত সহজ সত্তারই সাধনা করতে। সাময়িক প্রয়োজনের চেয়ে চিরন্তন ধর্মের সহজ আদর্শটাই তাঁদের ধ্যানের মধ্যে ছিল বেশী পরিমাণে।

যেখানেই মানুষ কোনো মহামূল্য সম্পদের সন্ধান পায়, তারই আশেপাশে এমন কত শোচনীয় দুর্গতি ঘটে। এমন কি কোনো সোনা হীরা বা রত্নখনির কথা কেউ বলতে পারেন যাব আশেপাশে হুঁশাশর মোহে মুগ্ধ বহু বহু লোকের অবর্ণনীয় দুর্দশা না ঘটেছে ? বিদেশের সন্ধান, বাণিজ্যের সন্ধান, এমন কি তীর্থের সন্ধান মানুষের যে যাত্রা, তারও আশেপাশে কত করুণ কাহিনীই না সঞ্চিত ! শুধু কি ধর্মের ও সাধনার যাত্রাপথেই তার ব্যতিক্রম ঘটেবে ? বরং এই অবর্ণনীয় দুঃখের মধ্য দিয়েই ধরা পড়ে মানুষের অন্তরের অহেষণের ব্যাকুলতা। হাজার নিফলতা, হাজার দুর্গতিসত্ত্বেও বাংলার সাধকেরা সহজের পথে যাত্রা করতে ছাড়েন নি। এই সাধনাকে অন্তরের মধ্যে ধীরে ধীরে বুরাতে

পেরেছেন তাঁরা ঠিক সেই পরিমাণে এই দেশের সাধনার ধন সেই প্রাণবস্তুর সাক্ষাৎলাভ করেছেন।

ব্রাহ্মণের শ্রেষ্ঠত্বের সব কৃত্রিম অভিমান ঠেলে ফেলে দিতে পেরেছিলেন বলেই তো চণ্ডীদাস মানব ধর্মের এই মহামন্ত্রটি উচ্চারণ করতে পারলেন—

“গুনহ মানুষ ভাই,

সবার উপরে মানুষ সত্য তাহার উপরে নাই।”

এই মানুষের রহস্য বুঝতে হ’লে মানুষের মধ্যেই সন্ধান করতে হয়। সহজের খবর রাখে সহজ মানুষেই। শাস্ত্রে পুঁথিতে গ্রন্থে সে রহস্য ধরা পড়বে কেমন করে ?

বাউল নিতাইয়ের কাছে এই তত্ত্বের পুঁথিপত্রের সন্ধান করলে তিনি বললেন—“বাবা, কারু সংসারের হিসেবের খাতা দেখে কি তার প্রাণের খবর কখনও মেলে ? তার স্বথ-দুঃখ, তার প্রেম-স্নেহ, রাগ-বিষেয় এ সব কি কখনও জমাখরচের খাতায় ধরা দেয় ?”

মানুষের উপরের উপরের ভাষা ভাষা খবরেরই সব সংগ্রহ মেলে পুঁথিতে। মানুষের আদত খবর তো চলে আসচে মানুষের মধ্য দিয়েই।

এই-সব কারণেই বাংলা দেশের এই ধর্মের কথা ভারতের অল্প অংশের বেদ ও শাস্ত্রপন্থী আচারনিয়মনিষ্ঠ ভদ্রজনেরা কোনো দিনই বুঝে উঠতে পারেন নি। বাংলার বৈশিষ্ট্যের এই গোড়ার কথাটি দুই এক কথার মধ্যে এখানে একটু বলা দরকার।

আমাদের দেশে ঝড় আসবার কোণ হ’ল উত্তর-পশ্চিম বা বায়ু কোণ। ভারতবর্ষের উত্তর-পূর্ব কোণটা হ’ল তেমনি ভাববিপ্লবের কোণ। সুপ্রাচীন কালের ঐতিহাসিক দলিলে বঙ্গমগধের নাম যা পাওয়া যায় তখন হতেই ওখানে গৌড়া ধর্ম ও সনাতন প্রথার বাঁধনের বিরুদ্ধে বিদ্রোহ চলে আসচে। ভারতের ঐ উত্তর-পূর্ব কোণেই বৌদ্ধ জৈন ও নানা শ্রেণীর বেদবিদ্রোহী তৈখিক মতবাদীদের স্থান ; এখানেই নাথ নিরঞ্জন, যোগী প্রভৃতি মতবাদীদের উদ্ভব ; এখানেই গোপীচাঁদের গাথায়, আউল বাউলের গানে, বৈষ্ণবের কীর্তনে, বৈদিক ধর্ম ও আচারের শাসন কালে কালে খণ্ডিত হয়ে এসেছে।

উত্তর-ভারতের রাজতান্ত্রিক শাসন-পদ্ধতির প্রভাবও এখানে প্রতিহত হয়েছে বৃজি বৈশালী লিচ্ছবি আদি দলের গণতান্ত্রিক রাষ্ট্রীয় পদ্ধতিতে। শুধু রাষ্ট্রে বা সমাজে নয়, এখানকার মানুষেরা শাস্ত্র বা সনাতন প্রথাকে কোনো ক্ষেত্রেই অঙ্কভাবে মেনে চলতে ছিল নারাজ। যতটুকু মানবার তাও মেনেছে তারা যুক্তিবিচারে ক্রমাগত পরখ করে। পুরনো বিধান কি সনাতন আচার মনে করেই তারা কোনো কিছু আঁকড়ে ধরে থাকেনি। তাই এদেশে ভূতবাদ বা অতীতের অহুসরণের চেয়ে হেতুবাদ বা যুক্তিবাদেরই পসার ছিল বেশী। যুক্তি ও জ্ঞানের এই দেশ। অদ্বৈতবাদকেও এদেশে বিচিত্র করে নেওয়া হয়েছে ত্রিগুণতত্ত্ব ও পুরুষপ্রকৃতি-বাদ দিয়ে।

ভারতের অগ্রাগ্র প্রদেশের যারা তখনকার কালের রক্ষণশীল সনাতনপন্থী, তাঁরা যুক্তিপন্থী স্বাধীনচিন্তাকে মনে করতেন সর্ব্বনেশে, তাই সেদিনে বঙ্গমগধে গেলেই ছিল প্রায়শ্চিত্তের বিধান। এখানকার আখ্যদেরও তাই সবাই মনে করতেন ব্রাত্যা বা আচারভ্রষ্ট, তা অথর্ববেদে ব্রাত্যদের যতই মহিমা ঘোষিত হোক না কেন। এই অঞ্চলের লোক-প্রচলিত পালি মাগধী প্রভৃতি ভাষা যে তাঁদের স্বনজরে পড়েনি তাও বোধ হয় এই কারণে। শাস্ত্রের সঙ্গে সংস্কৃত ভাষার ছিল অচ্ছেদ্য সম্বন্ধ, এখানকার লোকের সে-সম্বন্ধে কোনো মোহই ছিল না। তাঁরা যুক্তিবিচারে নিজেদের প্রচলিত ভাষায় নিজেদের কর্তব্যাকর্তব্য মীমাংসা করে চলতেন। এজ্ঞ রক্ষণশীল পণ্ডিতের দল এই সব প্রাকৃত জনের ভাষার প্রতি কতকটা ঔদাসীন্য আর হয়ত কতকটা বিদ্বেষভাবও পোষণ করতেন। ভদ্র ও পণ্ডিতজনেরা যাই মনে করুন না কেন, ঐ সব নাথ যোগী প্রভৃতি মতবাদীরা কিছুতেই তাঁদের স্বাতন্ত্র্য বিসর্জন দেন নি। তাই পরে পুনরুত্থিত হিন্দু সমাজের মধ্যে তাঁদের স্থান হ'ল হয়। এজ্ঞ মুসলমান, বৈষ্ণব প্রভৃতি দলে আশ্রয় নিতে বাধ্য হয়েও নিজেদের একগুঁয়েমি তাঁরা ছাড়েন নি। তাই সকল সমাজেই তাঁদের স্থান ছিল সন্নিহিত হয় ও তাঁদের বুদ্ধির প্রতি ছিল সবাই অবজ্ঞা।

তবু গৌড়বঙ্গের চিন্তা ও সাধনার যা মৌলিকতা তা বিশেষভাবে প্রকাশ পেয়েছিল এই সব প্রাকৃত জনগণের মধ্যে, যাদের পণ্ডিতেরা মনে করতেন নিরক্ষর 'ছোট' লোক। গোঁড়া সমাজ-ব্যবস্থা তপনকার দিনের যে-সব শ্রেণীকে ভাল করে অজ্ঞীভূত করে নিতে পারেনি, তারাই হ'ল এসব ছোট লোক। নিরক্ষর বলেই এদের ভাষা ছিল পণ্ডিত জনের উপেক্ষিত, আর পাণ্ডিত্যের আওতার বাইরে ছিল বলেই এদের মুক্ত ভাষা ও সহজ জীবন হয়ে উঠলো স্বাভাবিক ভাববিকাশের অহুকুল। শাস্ত্রের চাপে এদের বুদ্ধি নিজ সহজ লীলাটুকু হারায়নি। অন্তরের এই সহজ লীলাটুকু ছিল বলেই এক সময় নাথ নিরঞ্জন যোগপন্থ প্রভৃতি সম্প্রদায়গুলি বাংলা দেশকে ভাবশ্রোতে প্রাণিত করতে পেরেছিল। পরে বৈষ্ণব যুগেও তাদের সহজ ভাবের শক্তি বৈষ্ণব সাধনার মধ্য দিয়ে আত্মপ্রকাশ করেছে। আশ্চর্য্য একটি শক্তি ও গতি ছিল ওদের এই সহজ ভাবের সাধনায়। এই ভাবটি বাংলার ভৌগোলিক বা রাষ্ট্রীয় সীমার মধ্যেই বদ্ধ রইল না; ক্রমে ক্রমে মধ্যযুগে ভারতের সর্ব্বত্রই নানা ভাবের সাধনার মধ্যে সেই সহজ ভাবধারার প্রভাব দেখা দিল।

প্রাচীন নাথ যোগী প্রভৃতি সম্প্রদায়ের অনেকেই বৃত্তি ছিল বস্ত্রবয়ন। এদের মধ্যে যারা পরে বিজেতা মুসলমান সমাজভুক্ত হয়ে পড়লেন তাঁরাই হলেন জোলা। কাশীর নিকটে হলেও সাধকশ্রেষ্ঠ কবীরের জন্ম এই জোলায়ই বংশে, এই কথাটা ভেবে দেখবার মত। তাঁর অহুযন্তীদের অনেকে আরও পশ্চিমাঞ্চল-বাসী, যেমন দাদুজী, রজ্জবজী প্রভৃতি; তাঁরাও ছিলেন জাতিতে তুলার পিঞ্জার অর্থাৎ জোলায়ই প্রায় কাছাকাছি শ্রেণী। বাংলার এই-সব নিরক্ষর ছোটলোকেরা তাদের শাস্ত্রাচারবহির্ভূত স্বাভাবিক সাধনার প্রভাবকে কতখানি দূর দূরান্তর পর্য্যন্ত ছড়াতে পেরেছিল, তার একটু আভাস মেলে কবীর দাদু রজ্জবজী প্রভৃতির সাধনার ইতিহাস হ'তে। উত্তর-পশ্চিম রাজপুতানা সিন্ধু প্রভৃতি স্থানের মরমিয়ারদের সাধনার ভাষায় গৌড়বাংলার নাথ যোগীদের ভাষার

স্পষ্ট ছাপ আছে। দাদু তো এই নাথ যোগীদের পক্ষে দীক্ষা গ্রহণ ক'রে দীর্ঘকাল ভারতের পূর্বাঞ্চল পর্য্যটন করেছেন। দাদুপন্থীদের ভক্তবাণী সংগ্রহে মন্ত্রেজ্ঞনাথ, গোরথনাথ, চর্পটনাথ, হালীপাব (হাড়িকা), গোপীচান্দ প্রভৃতির বহু বহু পদ সংগৃহীত আছে। ('দাদুপন্থী সাহিত্য'—২য় পৃষ্ঠা, চন্দ্রিকাপ্রসাদ ত্রিপাঠী) এখনও নারায়ণা প্রভৃতি মঠে সে সব মেলে।

দিল্লীর মুসলমানবংশীয় বাউল গারী সাহেবের শিষ্য ছিলেন বুলা সাহেব। গাজীপুরের ভূরকুড়া গ্রামে তাঁর স্থান এখনও আছে। ১৬৯০ খৃষ্টাব্দের কাছাকাছি তাঁর জন্ম। তাঁর 'শব্দসার' ভক্তদের খুব আদৃত গ্রন্থ। তাঁর লেখায় পাই, "পূর্ব দেশের এলেন একজন, আপনা হতেই তিনি ব্রাহ্মণ, আপনি হলেন তিনি অবধূত। অপার অনন্ত ব্রহ্ম জ্ঞানেন সেই ব্রাহ্মণ, তিনি এলেন আমার গৃহাঙ্গণে। পরমতত্ত্ব নিয়ে আপনি করলেন পূজা, সহজ অসীম তত্ত্বের গাইলেন তিনি গান। রজোগুণ, তমোগুণ, সত্ত্বগুণ দিলেন তিনি সরিয়ে, তলুমন দুই-ই বসলেন হারিয়ে, গগনমণ্ডলে তিনি চাখলেন হরিরস, কচিংই কেউ বুঝবে এই রহস্য।"

পুরব দেশকা আপুহিঁ বঁভনা
আপু ভয়ল অবধূতা।
অপর পার ব্রহ্ম জ্ঞান বঁভনা
আয়োঁ হমার গৃহ অংগনা।
পরমতত্ত্ব লে পুজি আপুহিঁ
সরল গাটৈ অনহল ততনা ॥
রজগুণ, তমগুণ, সত্ত্বগুণ সারল
হারল তলুমন দোউ
গগনমণ্ডল মেঁ হরিরস চা খল
বুইষ বিরলা কোউ।

কবীর প্রভৃতি ভক্তদের লেখায় তো নাথপন্থী বহু প্রমোত্তরী কথায়-কথায় উদ্ধৃত হয়েছে। তাঁদের হৈয়ালী-গুলিও সব নাথপন্থের হৈয়ালী। গোরথনাথের হৈয়ালী বা ধাঁধা মনে ক'রে এগুলির নাম রাখা হয়েছে "গোরথ ধাঁধা"। এই "গোরথ ধাঁধা"ই হ'ল শেষে "গোলোক-ধাঁধা।"

আমি শুধু বাংলার সহজপন্থীদের দেবার কথাই বলছি। তাঁদের নেবার কথা তো কিছু বলি নি।

তাঁরা জীবন্ত ছিলেন ব'লে যেমন দিয়েছেন নিশ্চয় তেমনই নিয়েছেন। কবীর প্রভৃতি অসীম-তত্ত্ব রসিকের কাছে আউল বাউলরা নিয়েছেনও ঢের। দক্ষিণ দেশের বৈষ্ণব ও ভক্তিবাদীদের কাছেও পেয়েছেন অনেক কিছু। সে অনেক খবর পাওয়া যায় বাউলদের পূর্ব গুরুদের নমস্কারে। আজ সে-সব কথা বলবো না। দেবার কথাই বলবো, হয়ত অল্প প্রসঙ্গে নেবার কথাও উঠতে পারে, কিন্তু আজ নয়। বাংলার সহজ প্রাণের প্রকাশই হ'ল দেওয়ায় ও নেওয়ায়; শাস্ত্রজ্ঞানহীন ছোট-লোকরা সহজেই দিতে পেরেছেন, নিতেও পেরেছেন, কারণ তাঁদের তো কোনো কৃত্রিম বাধাবন্ধনের বাংলাই কিছু ছিল না।

বাংলার মরমের ভাবটি কেন আত্মপ্রকাশ করল এই সব "ছোটলোকদেরই" ভিতর দিয়ে সেই কথটা আরও একটু ভাল ক'রে ভেবে দেখবার। ভদ্র ও উচ্চশ্রেণীর লোকদেরই সাধারণতঃ দেশের প্রতিনিধি মনে করা হয়, কিন্তু পাণ্ডিত্য শাস্ত্র ও আচারের মিথ্যা অভিমান তাঁদের হৃদয়মনকে এত শুষ্ক ও প্রাচীন-প্রথাবদ্ধ করে রেখে দেয় যে, তাঁদের অন্তরের মধ্যে সহজ স্বাভাবিক সত্যের লীলা শক্তি ও গতি কিছুই থাকে না। অন্তত প্রাচীন বাংলার সহজ ভাব-সাধনার জগতে ভদ্রলোক ও পণ্ডিতেরা নেতার স্থান অধিকার করতে পারলেন না। বেদে শাস্ত্রে যাদের অধিকার নেই, আচারনিয়মে তীর্থে মন্দিরে যাদের স্থান নেই, সহজ মানবীয় ভাব ও সাধনাই সেই সব সাধারণ লোকের একমাত্র আশ্রয়; সেই সব নিরক্ষর সহজ সাধারণ লোকের মধ্যেই গিয়ে বর্তাল দেশের ভাব ও সাধনায় নায়কতা। মাছুষের জয়ঘোষণার সঙ্গে সঙ্গে সহজ ভাবের অসীম শক্তিদারাও হয়ে গেল উন্মুক্ত।

অনেকেরই মনের ভাবটা এই যে যত শক্তি ও ভাবধারা তা থাকবে সমাজের উচ্চস্তরে। তাঁরা ভুলে যান যে বৃষ্টি হয়ে গেলে তার অল্প অংশই বয়ে চলে মাটির উপর দিয়ে, অধিকাংশই নেবে যায় মাটির গভীর নীচের সব স্তরে। সেই অদৃশ্য সঞ্চয় হতেই ক্রমাগত বৃক্ষলতা অরণ্যের মূলে প্রাণরস এসে পৌঁছতে থাকে। হৃষিত

বৃক্ষলতা বনস্পতি সেই গভীর অতলেই তাদের “মূলঞ্জলি” দেয় পাঠিয়ে। দাহতাপের ফলে প্রয়োজনের তাগিদে মাছুষকেও খুঁড়তে খুঁড়তে নেমে যেতে হয় সেই গভীর স্তরে।

মাছুষের ভাবসম্পদও তো অধিকাংশই সঞ্চিত থাকে তার ‘গভীর অতলে’—অর্থাৎ তার সাব-কন্সট্রাস স্তরে। ব্যক্তির ছায় জাতির ভাবসম্পদও প্রচ্ছন্ন থাকে তার ‘গভীর অতলে’, তার অপ্রত্যাশিত নিম্নস্তরে। প্রয়োজন-মত সেই গভীর অতলে নেবে যাবার শক্তিটি লাভ করাই হ’ল সাধনা। তাই বাউলরা বলেন :—

“আছে তোরই ভিতর অতল সাগর

তার পাইলি না মরম।

তার নাই কুলকিনারা শাস্তধারা

নিয়ম কি করম।”

শাস্ত্রাচারের আগুনে যিনি নিজ সহজবুদ্ধিকে যে পরিমাণে পুড়িয়ে মেরে বসে আছেন মাছুষের সহজবুদ্ধির উপর তাঁর সেই পরিমাণেই বিশ্বাসের অভাব।

মানবীয় ভাবে সহজ চিন্তায় দীক্ষিত স্বাভাবিক জীবনে এই যে মাছুষের জয়ঘোষণা তা বিশেষভাবে আত্মপ্রকাশ করেছিল গোড়বাংলার সাধনায়। তাই এখানকার লোক যখন পূজার জন্ত দেবদেবীর প্রতীক খুঁজছে তখনও অস্ত্রাস্ত্র প্রদেশের মত নোড়াচুড়িতে খানিকটা তেল সিল্পুর না মাথিয়ে মানবীয় ভাবের প্রতিমায় দেবদেবীর পূজা করছে। জৈন বৌদ্ধরা যে মানবদেবতার মানবীয় প্রতিমার কাছে সবাইকে শ্রদ্ধা নিবেদন করতে শেখালেন, তাঁদেরও আরম্ভ এই উত্তর-পূর্ব ভারতেই।

মাছুষ যে বিশ্বতত্ত্বের সঙ্গে সমান তা বলতে গিয়ে উপনিষৎ বলেছিলেন—

“যাবান্ বা অয়মাকাশস্তাবানেনো হৃদয়-আকাশঃ”

অর্থাৎ, যত বড় অসীম বিশাল এই বাহিরের আকাশ তত বড়ই এই অন্তর-হৃদয়ের আকাশ।

(ছান্দোগ্য ৮-১-৪)

তবু সেই বাণী হয়ে গিয়েছিল পুরনো, তাকে আবার জাগিয়ে তুললেন গোড়বাংলার সহজপন্থী বাউলরা। তারা বলেন,

“যা আছে ভাঙে তা আছে ব্রহ্মাণ্ডে।”

মাছুষ যে বিশ্বতত্ত্বের সঙ্গে সমান, এ কথাতে মাছুষের উপর কি গভীর শ্রদ্ধা, কত বড় বিশ্বাস ফুটে উঠেছে!

কবীর যে বলেন—

“খেল ব্রহ্মাণ্ডকা পিণ্ডমে দেখিয়া”

ইত্যাদি বাণী, তারও মূলে সেই সহজপন্থীদেরই বাণী। এই মুক্ত মানবতার জয়গান তখনকার দিনে বাংলার সর্ববিধ ক্ষেত্রেই লক্ষ্য করা যায়।

বাংলার বৈষ্ণবমতের মধ্যেও শাস্ত্রের চেয়ে বাউল মতের প্রাধান্য। মহাপ্রভু যদি শাস্ত্রনির্দিষ্ট বৈষ্ণবমত নিয়েই বসে থাকতেন, তবে তাঁর পূর্বে শ্রীপাদ ঈশ্বরপুরী কেশব ভারতী প্রভৃতি সাধকজনসেবিত বৈষ্ণব ধর্মের মত তাঁর ভক্তিবাদও পণ্ডিত ও ভদ্রজনেরই মধ্যে বদ্ধ থাকতো। সহজ ভাবের সাধক নিত্যানন্দের সঙ্গে মিলনেই ধরা পড়ে মহাপ্রভুর অসামান্য প্রতিভা। তাই চৈতন্যচরিতামৃত যে পরিমাণ বৈষ্ণব গ্রন্থ সেই পরিমাণেই বাউল। বাউল ভাব না জানিলে তাহার বহু স্থানই দুর্বোধ্য। এই বাউলরা নিজেদের অসাধারণ বৈশিষ্ট্যটি তীর্থমন্দির বা ঠাকুরঠাকুর প্রভৃতি কিছুই কাছে বিকিয়ে দেয়নি। তাই চিরদিন ভদ্র আচার-নিষ্ঠ দলের তারা চক্ষুশূল। এই ঝগড়া বহুকালের পুরনো।

ব্রাহ্মণ গ্রন্থেও বঙ্গ মগধের ভাষাকে বলা হয়েছে পাখীর কিচির-মিচির। তার মানে এখানকার এই মুক্ত ভাবকে ভারতের অস্ত্রাস্ত্র ভাগের লোকরা তখনকার দিনেও পছন্দ করেন নি। তাদের আচার স্নেহোচিত, তাদের ভাষাও কাছেই স্নেহিতেরই মত, তাই বলতে গিয়ে একেবারে পাখীর কিচির-মিচিরই বলা হয়েছে। বাক্, এই পাখী বলার একটা সার্থকতা আছে। বাংলার সাধকরা ছিলেন পাখীরই মত বাধাবন্ধহীন। ভাবের অনন্ত আকাশেও কর্মের প্রশান্ত ভূমিতে সর্বত্রই তাঁদের গতি ছিল বাধাবন্ধহীন।

বাংলার যে শিল্প সত্যই তাঁর নিজস্ব, তাতেও দেখি অলঙ্কারের স্বল্পতার সঙ্গে ভাবের গভীরতা। বাংলার ‘ছত্রমুখ’ মৃতিগুলির মধ্যে তাই দেখি মানবীয় ভাবের সঙ্গে দেব ভাবের গভীরতম অথচ সহজ যোগ, অলঙ্কারের

বাছলো তা আচ্ছন্ন বা আড়ষ্ট নয়। এই ভাস্কর্যের কথা বলা হ'ল ব'লে মনে করবেন না যে ইটপাথরেই বুঝি বাংলার প্রাণবস্তুর চরম বিকাশ। বাংলার অতীত ভাস্কর্য বা স্থাপত্য নেই একথা বলা চলে না। তবু বাংলার সহজ ভাবের আশ্রয় তার অতীতের ইটপাথরের বা কোনো রকমের সঞ্চয়স্থাপন নয়। বর্তমানের ভূমিতে দাঁড়িয়ে ভবিষ্যতের দিকেই তার আশার সাগ্রহ মুক্ত দৃষ্টি। ভারতের অন্য সব প্রদেশ সত্য যুগেরই পূজায় রত, কলিকালে বাস করেও কলির প্রতি তাঁদের অসীম অবজ্ঞা। কিন্তু বাংলার বাণী হ'ল—

“প্রথমই কলিযুগ সর্বযুগ-নারী।”

অতীতকে অগ্রাহ্য ক'রে এমন সাহসে বর্তমানের প্রতি আশ্রয় বাণী অনাত্ম ছল্লভ। অতীতের ধ্বংসস্থাপ জাকড়ে পড়ে থাকবার মত মনের ভাব তার নয়। খুব সম্ভব তার আপন ভূমির কাছে এই দীক্ষাটি সে পেয়েছে। বছর বছর প্রাবনে তার পুরনো সব সঞ্চয় একেবারে ধুয়ে-মুছে গিয়ে নতুন পলিমাটিতে সে একেবারে নবীন হয়ে ওঠে। পুরনোর ক্ষতি সে শতগুণে পুষিয়ে নেয় তার ভূমির উপচায়মান নবীন উর্বরতায়। বর্তমানের ফলশস্যভারে ও ভবিষ্যতের সম্ভাবনায় তার আর বিনষ্ট প্রাচীন সঞ্চয়স্থাপের জন্য শোক করবার অবসর নেই। চিন্তার ক্ষেত্রেও তার সব ভরসা বর্তমানে ও ভবিষ্যতে। এখানকার নিত্য-নব-প্রাণে-জীবন্ত ভূমির ইচ্ছিতটি বেদশাস্ত্রাভ্যাসী ভদ্রজনেরা ধরতে পারলেন না। এই দীক্ষাটি নিতে পারলেন তাঁরাই যারা নিতান্ত ছোটলোক, এই ভূমিরই সন্তান। যাদের কথা অথর্কে উচ্চারিত হয়েছে মহী স্রজের “মাতা ভূমি: পুত্রো অহং পৃথিব্যাঃ” (অথর্ক ১২,১,১২) এই বাণীতে। এই দীক্ষার সাহসে এরা মন্দির হ'তে ঠাকুরঠাকুর উঠিয়ে দিয়ে বসালেন এনে মাছুষকে। তাঁদের সাধনা হ'ল বিশ্বের সঙ্গে যোগ। তার থেকেও বড় কথা নিজের মধ্যে পরিপূর্ণ সামঞ্জস্য ও যোগস্থাপনা।

এই জন্যই বাংলা দেশের ধর্ম ও কর্মের গোঁড়ামি অনেকটা কম হবার কথা। তবু যা-কিছু আছে তা এখানকার ঠিক নিজস্ব নয়। বাইরের আগত সব

গোঁড়া সম্প্রদায়ের সন্তান-সন্ততি আর তাঁদের শিষ্য-সেবক পরম্পরাই হয়ত তার বাহন। আর সেই গোঁড়াশ্রয়ী প্রায়ই ভদ্র ও পণ্ডিতী দলের। এই নিত্য প্রাণরসে জীবন্ত ভূমির সঙ্গে তাঁদের ঠিক খাপ খায় নি; কাজেই তারা এখানে তেমন একটা কিছু ভাব-সম্পদও গড়ে তুলতে পারেন নি। বাইরের ইচ্ছিতের দীক্ষায় অন্তরের সম্ভাবনাকে ফলিয়ে তোলবার মত সহজ সাধনা তাঁদের তো নয়।

যারা ছোটলোক, শাস্ত্রে আচারে তাদের বাধে নি। কাজেই তারা সংস্কারমুক্ত। জীবনের সহজ গতির ইচ্ছিতের মধ্যে সাধনার গভীর আদর্শের সন্ধান তারা পেয়েছে। জীবনের সহজ ইচ্ছিতগুলির দীক্ষা অন্তরে গ্রহণ করতে পেরেছেন বলেই এ যুগে বাংলা দেশে রামমোহন, দেবেন্দ্রনাথ, রামকৃষ্ণ, বিবেকানন্দ, জগদীশচন্দ্র, রবীন্দ্রনাথ, অরবিন্দ প্রভৃতি ভদ্রবংশীয় হয়েও অন্তরের গভীরতার সন্ধান পেয়েছেন।

এঁরাও তো কেউই কৃত্রিম শাস্ত্রাভ্যাসনের উপাসক নন। ধর্ম ও সাধনার জগতে এঁরা সবাই নব নব সাহসিক পন্থা ও ভাবের প্রবর্তক। এঁরা অনেক সময় শাস্ত্রকে ব্যবহার করেছেন, কিন্তু শাস্ত্র এঁদের ব্যবহার করতে পারে নি।

সহজ সাধনার ক্ষেত্রে বাংলার এই সাধনা অতুলনীয়। সর্কবিধ মানব-সম্বন্ধের রসে দেবতাকে একেবারে ঘরের মানুষ করে নিতে এঁদের একটুও সন্দোহ নেই। দাস্ত্র সখা বাৎসল্য প্রীতি মাধুর্যাদি কোনো ভাবেই এঁরা বাদ দেন নি। মাতা হ'তে প্রেমসী পথ্যস্থ সকল ভাবেই আরাধ্য দেবতাকে সাধক ভাবে তে পেরেছেন। মানুষ যে বিশ্বের সঙ্গে সমান, তার অন্তরের দেবতাই যে বিশ্বের দেবতা, সে কথা এঁদের গোরখনাথ হ'তে আরম্ভ ক'রে রবীন্দ্রনাথ—সব সাধকেরই বাণীতে সমানভাবে চলেছে। বিশ্বসার তত্ত্বের অন্তর্গত রুদ্রধামলে গুরুগীতায় গুরুকে প্রণাম করবার বেলায় বাণী হ'ল—“মন্ত্রাধ: শ্রীজগন্নাথঃ”, কাজেই তাঁকে বলতেই হ'ল—“মদগুরু: শ্রীজগদ্গুরুঃ,” যেহেতু “মমাত্মা সর্কভূতাত্মা”, অতএব “তন্মৈ শ্রীগুরবে নমঃ।”

নাথপন্থী যোগপন্থী প্রভৃতি মতের সর্বত্রই এই স্বাধীন মতবাদ দেখতে পাই। বাংলার তত্ত্বশাস্ত্রেও এই স্বাধীন মতবাদ বহু স্থানে ধরা দিয়েছে। কিন্তু তাতেও বাংলার বাউলদের কুললো না। এদেশের আউল বাউলেরা এমন একগুয়ে যে এতদূর স্বাধীন এ সব মতবাদও “বুথা বন্ধন” বলে অনেক অংশেই দিলেন উড়িয়ে।

বাউলরা বলেন, “নাথযোগীরা অনন্ত শূন্যকে ভরতে চাইলেন ‘চিং’ দিয়ে আর ‘স্বথ’ দিয়ে; তা কি সে ভরে? তাই শেষে আমাদের আনতে হ’ল প্রেমকে। অমনি স্বথ হয়ে গেল আনন্দ। আর সং না হ’লে চিং হয় কিসে? তাই ‘সতে চিতে আনন্দে’ ভরপুর যে প্রেম তাতেই পূর্ণ হয়ে উঠলো সেই অনন্ত শূন্য। সেই পরিপূর্ণ শূন্য নিয়েই আমাদের কারবার। স্বথ বড় ছোট কথা, অনন্তের অন্তর কি তাই দিয়ে ভরে? ছোট বলেই কথায় কথায় সে হয়ে উঠে মলিন, তাই জন্মমৃত্যু, দিনরাত্রি, সূর্য-চন্দ্র যোগ করতে গিয়ে তাঁরা বুঝলেন শুধু ‘চন্দ্রভেদ’। শূন্যেই তখন চললো স্বথরতি। ক্ষুদ্র ভাব নাবলো গিয়ে মাটিতে। সবই দাঁড়াল এই মাটির দেহের ব্যাপার। তাইতে কি সাধনা কখনও এগোয়? স্বথকে কর আনন্দ, প্রেমের সঙ্গে হোক তার যোগ, দেখবে সব হয়ে উঠবে শুদ্ধ মুক্ত।”

নাথযোগীরা বলেন, “এই জগৎ হ’ল ‘দয়ায় সৃষ্টি’! এমন বিশ্বচরাচর কি ভিক্ষায় মেলে? মন হয়ে ওঠে ভিখিরী; তাই প্রেমের কথা আর ভাবতেই সাহস হয় না। সৃষ্টির মূলে যদি প্রেমই না হয় তবে তার সঙ্গে আমার সমানে সমানে কেমন ক’বে হবে প্রেমলীলা? আর তাই যদি না হ’ল তবে আর কিসের জন্যে করবো সাধনা? আলথ নিরঞ্জন না-কি হলেন আদি। দুর্ভর হ’ল আদি অনন্তের ভার, তাই তাঁকে হ’ল মরতে। মরে পচে গলে তিনি হলেন চুরাশি ভাগে চুরাশি সিদ্ধা! অনন্তের না-কি আবার ভার! ভার তো হয় সব ক্ষুদ্রের। কলসী জলের ভারে পড়ি ভেঙে। সাগরের আবার ভার কি? এই মরা পচা গলা সিদ্ধারা দেবেন কোন্ সিদ্ধি? যেমন সিদ্ধা তেমন সব সিদ্ধপীঠ, তাও মরা পচা শক্তির বায়র খণ্ড।”

“যে অনাদির দুর্জয় ভার, তাঁর আবার নেই শক্তি। সেই শক্তির নেই আবার গতি; তাই তাঁকে আবার দিতে হ’ল গঙ্গা। ‘আদ্যা-গঙ্গা,’ ‘গতি-শক্তি’ দুই নিয়ে জটায় তবে অনাদি হলেন যোগীন্দ্র যোগেশ্বর। তালি দিয়ে দিয়ে চললো যোগেশ্বরের যোগসাধনা! প্রেমের সন্ধান পেলে কি হয় আর এত সব দুর্গতি? সৃষ্টি রাখতেই হবে, তাই শিবশক্তির চাই মিলন। তাই “নরে নরে হলেন হর, নারীরা শিবা।”

“এমনি করে তবে চললো পুরুষপ্রকৃতির মিলন। তাই এই ভবে যারই উদ্ভব তিনিই শিব কি শিবা। এমন করেই শিবে শিবায় চলছে নিত্য সৃষ্টি।”

“ভবে যত নরনারী ভব আর ভবানী”
[তুলনীয়—“তব স্বরূপা রমণী জগত্যাচ্ছন্নবিগ্রহা”—
মহানির্ঝরণ ১০, ৮০]।

“অন্তরের ধ্যানই ছিল যোগ। স্বাসের অরূপ মালায় ধ্যান মস্তর যদি হয় যুক্ত। নিরন্তর চলে তবে অজ্ঞাপা জ্ঞাপ, স্বাসে স্বাসে এগিয়ে চলে তবে মনের ধ্যান। কলকিনারাহীন ভবের সাগরে ভেসেছে যে মানব তরী, এই স্বাসে স্বাসে সহজ রূপে চলে সে এগিয়ে; তাই তো বলে

“মনের নাও পবনের বৈঠা অকূল সাগরে”

“মন পবনের এই যোগ আনন্দের যোগ, সহজ ভাষায় ইহাই মনপবনের রতি।”

“যোগানন্দে হর সাধনা, নয় তো টাইনে টুনে।

চিন্তে রতি মন-পবনের, বাহ্যে না কেউ জানে।”

“কিন্তু এই সাধনাও করে তুললো বাহ্য! সাধনা যখন হয় বাহ্য, তখনই আচার অচ্ছাঠান নিয়ম রীতের জগদল ভারে সর্ব যায় তলিয়ে।

“তখন বেদ শাস্ত্র হোম নিয়ম ধূপ দীপ নৈবেদ্য জল দেবতা মন্দির সব এসে দাঁড়ায় ভিড় ক’রে। তখন যা পারি আর যা না পারি সবই লোভের কাঙালপনায় আনতে হয় সব জুটিয়ে। তখন ঠাকুর চাই, পূজো চাই, হোম চাই, এমন কি পৈতেটাও চাই। পৈতে যদি না জোটে তবে আমার পৈতে দিয়েও ছুধের সাধ ঘোলে মেটাতে হবে। এই তামা জান? এই তামা গোরখনাথ

আনলেন নেপাল থেকে। নেপালও যা তামাও তা।* এই নেপালী পৈতের সঙ্গে এলো দাঁকণের তুলসী আর পশ্চিমের গঙ্গা। ত্রিদোষ ঘটলো তখন তার তামা তুলসী গঙ্গাজলে।

“এই তামার আবার জাত আছে? আমাদের দীক্ষা লোহা তামার নয়, সে দীক্ষা পরশমণির। তার জাত নেই। যুগ্ম ছুঁয়ে তা দেয় চিন্ময় করে। এদের চার জাতের তামার চার রকমের পণ্ডিত বসবেন চার দুয়ারে; এলো সবই! জাতও এলো পণ্ডিতও এলো, তবু বসে থাকতে হ’ল দুয়ারে। ভিতরে স্থান নেই! অন্তরে তো নেই-ই। একবার কুটলি মাথা তো হয়ে পড়তে হ’ল ঢেঁকী, তাও যদি ধান থেকে চাল পারতো করতে।”

এই অন্তরের খবর পেল দীন দুঃখী আউল বাউলরা। তাদের না আছে ‘পণ্ডিত’ হবার সাধ, না আছে দেবতা, পৈতা যাগ যজ্ঞ পূজা হোমের সাধ। তারা সহজ হয়ে খুঁজলো সহজ পথ। প্রেম ছাড়া আর সহজ কৈ? এই প্রেম দিয়েই ভরে উঠলো তাদের সব শূন্য; আর ঘুচে গেল সব আবর্জনার রাশ।

কাজেই দেখা যায় বাউলরা না মেনেছে বাইরের কোনো বৃথা বন্ধন, আর না মেনেছে ভিতরের কোনো অর্থহীন আচার। এই স্বাধীন সহজ বুদ্ধিই তাদের বৈশিষ্ট্য। এই ধনেই বাংলা দেশ মহাধনী।

এই যুগে ভারতের নানা প্রদেশে যে ধর্ম ও সমাজ-সংস্কারের প্রয়াস চলেছে, তাতেও বাংলার বৈশিষ্ট্যটি ধরা যায়। অজ্ঞান জায়গায় দেখি এই প্রয়াসের মধ্যে সংস্কারাধী হয়েও নেতৃগণ একটু মূলে আশ্রয় খুঁজেছেন বেদে শ্রুতিতে। বাংলা দেশের সংস্কারপ্রবর্তকেরা শ্রুতি অতি সুন্দররূপে ব্যবহার করেছেন বটে, কিন্তু শ্রুতি বা শ্রোত কোন আচারাদিকে সংস্কারের মূল-ভিত্তি ব’লে গ্রহণ করেন নি। অদ্রাস্ত বেদ ও শাস্ত্রবাদ, অদ্রাস্ত প্রাচীন আচার একেবারেই দিয়েছেন উড়িয়ে। হয়ত সে জন্ত সংখ্যা-হিসেবে তাঁরা অজ্ঞান প্রদেশের সংস্কারাধীদের সঙ্গে সমান হতে পারেন নি।

* যোগশাস্ত্রে ও রসশাস্ত্রে তামার এক নাম ‘নেপাল’।

এই রকম বেপরোয়া ভাবে থাকার দরুন অনেক দুঃসাহসিক কাজে এই ভারতে প্রথম খাঁপ দিয়ে পড়েছে বাংলা দেশই। তার মধ্যে ভারতীয় চিত্রকলার নবশিল্পীদের কথা। উল্লেখযোগ্য। যখন এই পথে তাঁরা যাত্রা করেছিলেন, তখন সারা ভারতবর্ষ ছিল তাঁদের বিরুদ্ধে, যদিও সে বিরুদ্ধতার এখন অনেকটা অবসান হয়ে আসচে।

শাস্ত্র ও লোকমতের প্রতি এই যে বেপরোয়া দুঃসাহসিকের ভাব, তা সবার ততটা নাও থাকতে পারে। তাই ভারতের নানা অংশে যারা সবার সঙ্গে রফা করে র’য়ে স’য়ে এগিয়েছেন তাঁরা অল্পবর্তী পেয়েছেন অনেক বেশী। ফলাফল বিচার না ক’রে, দলে লোক হবে-কি-না-হবে সে বিবেচনা না ক’রে, শুধু যুক্তিতে বিচারে কর্তব্য নির্ণয় করে দুঃসাহসে সেইদিকে ছুটেছে বাংলার অনেক বেপরোয়াদল। এই রকম বেহিসাবী হৃদ্যস্তপনার চোটে বাংলা দেশে বড় বড় মণ্ডলী বড় বড় দল গড়ে উঠবার তেমন সুযোগ ঘটেনি।

ভারতবর্ষের অজ্ঞান অংশে ক্রিয়াকর্মে যাগযজ্ঞেও পুরোহিতেরই প্রাধান্য। বাংলার অজ্ঞানে স্ত্রী-আচারেরই মুখ্যতা। বাংলার বিবাহাদিতে স্ত্রী-আচার কি চমৎকার ও সুন্দর! অন্যান্য স্থানে স্ত্রী-আচারের সে সুসুয়ার সৌন্দর্য্যকলা হুল’ভ! সেখানে স্ত্রী-আচারে দেখি “ধূসর, ধূসর, তাক” প্রভৃতিরই প্রাচুর্য্য। বর এলে তাকে “ধূসর” অর্থাৎ গোগাড়ীর বলদ বাধবার কাঠদণ্ড মুখল ও চরখার লোহার শঙ্খ প্রভৃতি দেখিয়ে আচার করা হয়। বাংলারও এমন পরম সুন্দর স্ত্রী-আচারগুলিও দিনে দিনে চলেছে লুপ্ত হবার পথে।

অন্যান্য প্রদেশের হৃদ্যস্ত ও অঙ্গীল হোলী উৎসবের মত উৎসব এদেশে হুল’ভ। এখানকার ঘণ্টী, স্নানযাত্রা, রথযাত্রা, ভাদ্র, ঝুলন, গোপোৎসব, জন্মাষ্টমী, মনসার ভাসান, আগমনী, দুর্গাপূজা, বিজয়া, কোজাগরী, নীপাঘাত, ভাইফোঁটা, জগদ্ধাত্রী, রাস, কাঙিকপূজা, ইতু, পৌষলা, ত্রীপঞ্চমী, দোল, বাসন্তী, চড়ক, নীল, গম্ভীরা প্রভৃতি উৎসব যাগযজ্ঞের চেয়ে অনেক বেশী অন্তরঙ্গ, অনেক বেশী মানবীয় ভাবে ভরপুর। মেয়েদের

যমপুষ্করিণী, তুষ-তুহানী, মাঘমণ্ডল প্রভৃতি ব্রত ও ব্রতকথা একেবারে সহজ জীবনযাত্রার কথা। চড়ক, নীলপুঞ্জা, গম্ভীরার যে নৃত্যগীত তাহাতে বাংলার উদ্দাম প্রাকৃত উল্লাসেরই প্রকাশ। আরতিতে ধূপদীপ নিয়ে মেয়েদের যে বরণ, তাতে নৃত্যকলার গভীরতম সব লীলা মুক্তিমান হয়ে এসেছে। দিন দিনই এ সব দুর্লভ হয়ে আসছে। এখন এ সব দেখতে হলে হৃদয় পল্লীতে যেতে হয়; সেখানেও আধুনিকতা গিয়ে এ সব অল্পপম জিনিষকে নিত্য আক্রমণ করছে।

ব্রতকথার মধ্য দিয়ে এখানে মেয়েরা ভাষাকে এক অপূর্ণ সৌকুমার্য দিয়ে এসেছেন। এই সব ব্রতকথা, ছড়ায়, উপকথা ও রূপকথা প্রভৃতিতে ভাষার যে অল্পপম ছন্দলীলা তাতে গদ্যকথাও কাব্য হয়ে উঠেছে। একান্তই প্রাকৃত জনের অন্তরের ভাষা বলে বাংলা কখনও ভারতের অন্যান্য প্রাকৃতের মত ব্যাকরণগত লিপ্য বচন প্রভৃতি অশেষবিধ বাধন যেনে উঠতে পারে নি।

বাংলার ছন্দ কখনও সংস্কৃত ছন্দের দাস্য করতে রাজী হয় নি। গুজরাত, মহারাষ্ট্র প্রভৃতি দেশে আজ পর্যন্ত সংস্কৃত ছন্দেই ভাষায় কবিতা লেখা হয়েছে। এই সবেমাত্র তাঁরা বাধন খসাতে আরম্ভ করেছেন, যদিও সে বাধন এখনও বেশীর ভাগ থসেনি। গুজরাতে এখন চেষ্টা চলছে ইংরেজী অমিত্রাক্ষর ছন্দের ধাঁচে কবিতা লেখা যায় কিনা। এ সব বিদ্রোহের মধ্যে বর্তমান বাংলা কাব্যসাহিত্যের প্রভাবের কথা ভুললে চলবে না। ওদেশের সেকলে লোকেরা তো সোজাছজি দুঃখ করেন যে, “বাংলা দেশের মেয়ে ও ছেলেদের মধুর নামে আমাদের দেশ ছেয়ে ফেললো ও পুরনো নাম সব লোপ হয়ে যাবার যোগাড়। আর হ’ল বাংলার কাছা, বাংলার কোঁচা, খোলা মাথা, বাঙালী সজ্জা আমাদের সদর অন্তর সর্বজ্ঞ এসে জুড়ে বসতে শুরু করেছে।”

বাংলা ভাষার মধ্যেই যে তার নিজস্ব একটি স্বরভঙ্গী, উচ্চারণের ঝোঁক ও যতি আছে, তাই হ’ল তার ছন্দের ভিত্তি। এই ছন্দলীলার ওস্তাদ হলেন বাংলার বাউলরা। বাংলা ভাষার অন্তর্নিহিত ছন্দের এই লীলা ধরা পড়ে বাংলার পটের নাটের গোরখী ও জিনাথের

গানে, তার আরজায় তরজায় যোগীগীত ও চব্বাজ, তার কাচে-নীলে গাজনে ভাসানে, তার রমানী মঙ্গল মালসী ভাটিয়ারীতে, তার জাঁক সারী রুমর ও খেমটায়, তার ছন কবি লাটুতে ঘাটুতে, তার পাঁচালী কীর্তন আউল বাউলে, বিহু হোলী বোলবোল গম্ভীরায়, তার রাশে যাত্রায় লীলা আগমনীতে। এ ছাড়া আরও যে কত রকম প্রাকৃত ছন্দ গাথা আছে তা এখানে বলে শেষ করা অসম্ভব। ‘আরজা’র পাশে থাকায় ‘তরজা’র মূলের কথাটাও ধরা পড়ে যাচ্ছে।

পরবর্তী পীর গাজী জঙ্গ, সাদি উজ্জ্বল দরবেশী মুরসিদা প্রভৃতি গানেরও এই ছন্দই প্রাণ। এই-সব ছন্দ অল্পসারেই বাংলার তাল। কাজেই বাংলার প্রাকৃত তালগুলি উত্তর-ভারতের সংস্কৃত তালের সঙ্গে মেলে না। বরং তার কতক মিল আছে তামিল মালাবার প্রভৃতি দ্রাবিড়ি তালের সঙ্গে। এই-সব ছন্দ ও তালের সঙ্গে তার নৃত্যও ছিল একটি বিশিষ্টতা। উত্তর ও পূর্ববঙ্গে অল্পদিন পূর্বেও তার চমৎকার পরিচয় পাওয়া যেত; এখন দিন দিনই তাহা দুর্লভ হয়ে আসছে; রক্ষা না করলে কিছুদিন বাদে তার আর চিহ্নমাত্রও থাকবে না। মণিপুর ত্রিপুরায়ও আধুনিকতার ঢেউ গিয়ে তাকে আক্রমণ করছে।

গানেও বাংলা দেশ আধা সঙ্গীতগুরুদের শাসন সব ক্ষেত্রে মানতে রাজী হয় নি। তার স্বরের লক্ষ্য ও দৃষ্টি অন্তরের ভাব প্রকাশেরই দিকে। ভদ্রবংশের বৈঠকে ওস্তাদদের শাসন কতকটা চলে এসেছে, কিন্তু প্রাকৃত জনের ভাবপ্রাণে তার তেমন পসার ঘটেনি। পণ্ডিত জনেরা এই সব নৃত্যগীতের স্বর ও তালকে দেশী নাম দিয়ে হাল ছেড়ে দিয়েছেন। বাংলার গানেও কথা স্বর কেউই কারও প্রভু সম্পূর্ণরূপে মেনে নেয় নি। হরগৌরীর মত দুই-ই দুয়ের যোগে হয়েছে সমৃদ্ধ। এই-সব বিচিত্রতার মধ্যেই গজা ও যমুনা ধারার মত বাংলার সঙ্গীত ও সাহিত্যের যোগ ঘটেছে এবং এই যোগক্ষেত্রেই বাংলার ভাবপ্রাণের সন্তোষ-ক্ষেত্র। এই যুক্ত ক্ষেত্রে বসেই বাংলার অন্তরাখ্যা বিশ্বাত্মকে প্রেমের যোগে ডাক দিয়েছে। যোগের

এই উৎসবে রঙ্গেই বাংলার শিল্পকলা ও তার প্রাণের সর্ববিধ প্রকাশ রঙিয়ে উঠেছে।

বিধাতা বিশেষ ক'রে কেন বাংলা দেশকেই এই যোগের সিন্ধুপীঠ করলেন তা ভাববার বিষয়। আৰ্য্যদের তাড়ায় আৰ্য্যপূর্ব্ব কত জাতিই এসে বাংলার এই জলময় ভূভাগকে আশ্রয় করেছিল! তার পর এলো বেদপন্থী ও বেদাচারবহির্ভূত নানা রকমের আৰ্য্য। এই উর্করা স্বভাৱা স্বফলা অরণ্যময় যোগ-ভূমিতে কোনো দলই কোনো দলকে নিঃশেষ করতে প্রবৃত্ত হ'ল না। সবাই রয়ে গেল আপন আপন ভাবে। তাই নানা জাতির একত্র বাসে ভবিষ্যতে যে গভীর সব সমস্তার সৃষ্টি হ'ল, তার একমাত্র সমাধান হ'ল এই যোগ। যে যোগ-ধারা এই-সব নানা দলকে গাঁথে উপরে উঠতে সক্ষম সেই তো পৌছতে পারবে ব্রহ্মকমলের অসীম শাস্ত্র অমৃতধামে। কায়ায়োগেরও মূল কথাটি এই। নাথ পন্থে নিরঞ্জন পন্থে এই কথাটিই সর্ব্বত্র প্রচার হয়েছে।

আরও একটি কথা। নানা ক্ষীণ ধারার যোগে গঙ্গার এই বিশালতা। এই বিশাল ঐশ্বর্য্যভার নানা ধারার যোগে লক্ষ, তাই আবার নানা পথে পথে বিচিত্র ধারায় চলেছে অসীম সাগরের সন্ধানে। গৌড়বাংলার এই সুবিশাল গঙ্গাভূমিতেই যদি যোগের সাধনা পীঠ না হয় তবে হবে আর কোথায়? এই জলপথের দেশে সব পথের সঙ্গেই সব পথের যোগ। এই পথের ইঙ্গিতই কি বাংলার তার জীবনে কম কাজ করেছে?

বাংলার যোগপীঠ যেমন বিশ্বের সঙ্গে ঐক্যসাধনের অমুকুল, তেমনি আর এক দিকে ব্যক্তিবিকাশেরও চমৎকার অবকাশ এইখানেই। এখানে বাড়ি বলতে বুঝায় চারদিকে বাগানঘেরা একখানি ভদ্রাসন। তারই সমষ্টি হ'ল গ্রাম। ভারতের অন্যান্য প্রদেশে পল্লী বা গ্রাম বলতে বুঝায় রাস্তার দুই ধারে গায়ে গায়ে লাগা গৃহের সার। এরূপ পল্লীতে গৃহের কোনো ব্যক্তিত্ব থাকতে পারে না। গৃহ যেন একটা সমষ্টির একটা অংশ। বাংলার গৃহ তার নিজের বিশিষ্ট রূপটি পল্লীর মধ্যে ফুটিয়ে তোলে। তারই কোলে বাঙালীর মনের ব্যক্তিত্বটি সহজ ভাবে বিকশিত হবার সুযোগ

পায়। কিন্তু বৈশিষ্ট্য মাত্রকেই চলতে হবে যোগের সঙ্গে ছন্দ মিলিয়ে। বৈশিষ্ট্য না থাকলে যোগের কোনো অর্থই নেই। আবার যোগ বিনাও বৈশিষ্ট্য সৃষ্টির বিরোধী ফলস্বরূপ আবার মাত্র। যোগ ও বৈশিষ্ট্য যেন 'বাগর্থ্যাবিব,' একে অন্তর্ভুক্ত নিয়ে সার্থক। আজকের দিনে বাঙালীর বৈশিষ্ট্য উঠেছে যোগকে অতিক্রম করে। একবোঁকা ভাবই হয়েছে দেশে নানা দুর্গতির মূল। কিন্তু এ তো তার সহজ ভাব নয়।

একদিকে এখানে বিশ্বের সঙ্গে যোগ, অপর দিকে ব্যক্তিত্বের এই বিকাশ। এই উভয়ের মধ্যে প্রেম ও সখ্যকৃতি ধরতে পারলেই বাংলার ভাব ও সাধনার মূল উৎসে গিয়ে পৌছনো যায়। এই উৎসের সন্ধান পেয়েছিলেন বলেই বাংলার নাথপন্থ যোগী নিরঞ্জন মতের সাধকেরা এবং আউল বাউলরা এত উচ্চ আদর্শ ও এত গভীর ভাবসম্পদের দীক্ষা সর্ব্বত্র দিতে পেরেছিলেন। এঁরা একদিকে শাস্ত্রাচারকে অগ্রাহ্য ক'রে আত্ম-সাধনার জয়গান করেছেন, আবার আত্মার সঙ্গে বিশ্বাত্মার যোগ সাধনার প্রয়োজনের কথাও সর্ব্বত্র ঘোষণা করেছেন।

এঁরা বলেন, নিজের অন্তরস্থিত বৈষম্যগুলিকে সামঞ্জস্যে পরিণত করবার জন্মেই যোগের সবচেয়ে বেশী প্রয়োজন। সৃষ্টি যেমন নানা রত্নকে বিদ্ধ ক'রে এক হুত্রে গাঁথে কেলে, যোগও তেমনি মানুষের বিভিন্ন পরস্পরবিরোধী ভাবকে সুসঙ্গত করে তোলবার উপায়। এইরূপ ভিন্ন ভিন্ন ভাবচক্র বা পথকে বেধ ক'রে যে ঐক্যহুত্রে সহস্রদল কমলের অমৃত রসপান, তাই হ'ল কায়ায়োগের গোড়ার কথা। কায়ায়োগের প্রাচীন গুরুই বাংলা দেশ।

এঁদের এই যোগ সাধনার উপায়ের মধ্যেও বেশ একটু বিশিষ্টতা আছে। মানুষের উপরেই এঁদের ভরসা। তাই বেদ শাস্ত্র প্রথা সব অগ্রাহ্য করে গুরু ও সাধকদেরই এঁরা স্বীকার করেন। গুরু আবার এঁদের মতে নানা ইঙ্গিতে পথের সন্ধান মাত্র দেন, কিন্তু তার সাধনাকে বা ব্যক্তিত্বকে চেপে মারেন না। সাধকের অন্তরকে জাগ্রত করাই গুরুর কাজ। যোগযুক্ত সাধক আত্ম-সাধনার ফলে নিজের অন্তরেই অমৃতের সন্ধান পান।

গুরুও এদেশে একাধিক হতে পারেন; যিনি জ্ঞান দেন তিনিই গুরু। চৈতন্যচরিতামৃতে ছয় গুরু; বাউলদের কেউ কেউ বলেন—“গুরু অগণন।” বাংলার বাইরে সাধনার জগতে এমন বহুগুরুবাদ ভয়ঙ্কর কথা।

এক ভাবের ভাবুক সাধকদের মধ্যে একজন যদি তাঁর আদর্শ হারিয়ে ফেলেন তবে সবারই কাজ হ'ল তাঁকে জাগিয়ে তোলা। এমন অবস্থায় গুরু মংগেশ্র-নাথকে জাগিয়ে তুলেছিলেন তাঁর শিষ্য গোরখনাথ। এমন দুঃসাহসিক, এমন অদ্ভুত আচার আর কোথাও ঘটা সহজ নয়। শিষ্যও না-কি আবার গুরু!

এই অতুলনীয় সাহস এই সহজ স্বাধীনতা বাংলায় এখন দিনে দিনে লুপ্ত হয়ে যেতে বসেছে। এখনকার নানাবিধ শিক্ষার সব গ্রন্থ পড়ে যেমনি সবাই গণ্ডিত হয়ে উঠেন, তেমনি কেউ হয়ে যাচ্ছেন প্রাচ্যবিধির দাস, কেউ বা হচ্ছেন প্রতীচ্য বিধির গোলাম। স্বাধীন ভাবে কেউই নতুন নতুন জ্ঞানকে আপনার ক'রে নিতে পারছেন না। এখনকার দিনের এই স্বাধীনতার জন্ম বহুবিধ আফালনের মূলেও যে কতখানি অস্বাধীন মনোবৃত্তি প্রচ্ছন্ন আছে, তা ভাল ক'রে দেখবার বিষয়। কাজেই এখানে এখন দিন দিনই প্রাণের সেই সহজ স্বাধীন ভাব ও প্রকাশের বিলয় ও বিপর্যয় চলেছে। এমন ভাবে যদি কিছুকাল চলে তবে আর এই দেশের চিরন্তন বৈশিষ্ট্যের ও ভাব-ঐশ্বর্যের চিহ্ন মাত্র থাকবে না।

বাংলার সেই পুরাতন ভাব-ঐশ্বর্যের যা-কিছু অবশেষ এখনও আছে তা দেখতে পাই নিরক্ষর দীনহীন আউল বাউলদেরই মধ্যে। এরাই সেই পুরাতন সাধন-সম্পদের একমাত্র উত্তরাধিকারী। আধুনিকতার আক্রমণে এদেরও সর্বনাশ উপস্থিত হয়েছে। খাটি গভীর ভাবের বাউল অভিশয় ছলভ হয়ে চলেছে। এখনকার দিনের বাজারের সস্তা ফরমাস গাইতে গিয়ে বাউলরা এখন স্বদেশী গান, দেশী শিল্পবাণিজ্য সম্বন্ধে পদ, বড়জোর দেহতত্ত্ব ও পারমাণবিক রেলগাড়ী ও ষ্টিমারের গান করে বেড়াচ্ছে। সেই পুরাতন সব গভীর পদ, ভাবপদ, অমুরাগপদ সবই এরা হারিয়ে বসেছে। দুই একজন

এখনও যা আছে তাদের বৈরাগী বাউলদের মেলায় মাঝে মাঝে দেখা যেতে। এখন সব স্থলভে বিনা কষ্টে জাতীয় সাহিত্যসংগ্রাহক দলের খাতা-পেন্সিলের আক্রমণে তারাও সব সেখান হতে গা ঢাকা দিচ্ছে। বাউলদের পদ সংগ্রহ করতে হলে সহজ রসের রসিক হয়ে তাদের সঙ্গে ঘুরতে হবে। সন্তায় কিস্তী মারা চলবে না।

বাংলার প্রাণবস্তুর সত্যিকার পরিচয় এখনকার দিনে দিতে হ'লে এ সব দীনহীন আউল বাউলদের পদ ও পরিচয়ই দিতে হবে। বাংলার ভদ্র ও উন্নত আর সব সম্প্রদায়ই কোনো-না-কোনো হুত্রে বাইরের বিধি বিধান ও ভাবের কাছে দাসত্ব লিখে দিয়েছে। এরাই শুধু নিজের বৈশিষ্ট্যটুকু এককাল পর্যন্ত কোনো মতে বজায় রেখেছে। নেবার মত জিনিষ এরা বাহির হতেও নিয়েছে; তবু কোথাও নিজের স্বাতন্ত্র্যটুকু খুঁয়ে বসে আত্মঘাত করে নি। অথচ এদের বৈশিষ্ট্যের ও স্বাতন্ত্র্যের মধ্যেও কি বিশাল গভীর ও অসাম্প্রদায়িক ভাব! জাতি সম্প্রদায় ও ধর্মমত প্রভৃতির কোনো গণ্ডীই এদের উদার দৃষ্টিকে কিছুমাত্র সঙ্কীর্ণ করতে পারেনি।

সকল সীমার অতীত সহজ মানুষই এদের সাধনার ধন। সেই সহজ মানুষকেই এঁরা খুঁজে বেড়িয়েছে। জগতে নানা স্থানে যে এখন সহজ মানব ধর্মের জন্ম সন্ধান বসছে সেই দরবারে হয়ত কোনোদিন বাংলার সেই সব পুরাতন পদ ও সাধনার খোঁজ পড়বে। তাই এই আউল বাউলরা পৃথিবী থেকে লোপ হয়ে যাবার আগে তাদের সত্যিকার গভীর সব পদের যা-কিছু মেলে তা সংগ্রহ করে রাখতে হবে, তাদের পরিচয় যতটা সম্ভব জেনে রেখে দিতে হবে।

বাউলরা না লিখে রাখে তাদের কোনো পদ, না রেখে যায় তাদের কোনো পরিচয়। পৃথিতে অন্ধরে তাদের ভরসা নেই। তাদের যা-কিছু ভরসা মানুষের। তাই মানুষের সঙ্গে সজেই তাদের সব যেতে বসেছে। পূর্ষ-বন্ধে নদীর তীরে এক খালের মুখে উপবিষ্ট এক বাউলের কাছে চমৎকার অনেক সুব পদ শোনা গেল। তার কিছুই লেখা নেই। জিজ্ঞাসা করলাম, “তোমরা কেন

কিছুই লিখে রাখ না, তোমাদের কোনো পরিচয় কেন তোমরা রেখে যাও না?”

তখন ভাঁটা, খালে শুধু তখন কাদা। গরজী দুই এক জন তাতেই নৌকো ঠেলে ঠেলে চলেছে। বাউল তাই দেখিয়ে বললেন, “বাবা, এই যে গরজের চোটে নাও ঠেলে এরা চলেছে, এদের চিরুই পড়ে থাকবে এই কাদায়। এদের এই চলাটাই কি সহজ? সহজ চলা চলেছে দেখ নদীতে যে সব ডিকী চলেছে পালৈ। তাদের কি বাবা কোনো চিরু রইল পিছনে? আমরা যে বাবা সহজের পথিক, আমরা চিরু রেখে বাই কেমন ক’রে?”

এই-সব আউল বাউলারা পুঁথির শাস্ত্রের ধার ধারেন না, পণ্ডিতজনেরা এঁদের করেন অবজ্ঞা, এঁরাও রাখেন না পণ্ডিতদের কোনো তোয়াক্কা। বরং বেশ রসিকতার সঙ্গেই তাঁদের দেন উড়িয়ে। শস্যের গোলায় মাঝে মাঝে নেংটে ইঁদুর ঢোকে। তখন যদি তার উপরে শস্যের ভার এসে পড়ে তখন চাপে সে মারা গিয়ে শুকিয়ে তার মধ্যেই পড়ে থাকে। এমন একটি শুটকে নেংটে ইঁদুরকে দেখিয়ে রজবজী বলেছিলেন, “আহা বেচার! যেন পণ্ডিত! জ্ঞান-রাজ্যের মত খাদ্যের রাজ্যে ঢুকলো খেতে, কোথায় তা খেয়ে হজম ক’রে হবে পুষ্ট, না তারই চাপে মরে শুকিয়ে আজ গুর এই দশা।”

পণ্ডিতেরা সংস্কৃত ও দ্রুহ ভাষার বেড়া দিয়ে “অনধিকারী” “অপাংক্তেয়” লোক-জনকে তাঁদের তত্ত্ব-বাদের বাইরে রাখেন ঠেকিয়ে। বাউলদের তো আর সংস্কৃত বা দ্রুহ ভাষা নেই। তারা তাই বেড়া দেন হুর্দোয়া হেয়ালীর। বাউল নিতাইকে এর কারণ জিজ্ঞাসা করেছিলাম। তিনি বললেন, “কেন আমাদের পদগুলি হেয়ালীতে ইসারায় অঙ্কিতে সন্ধিতে এত ঢাকা? বাঘের মত জোর তো নেই বাবা, তাই শজারুর মত থাকতে হয় কাটিয়ে। ওই গুলোই আমাদের কাটা। সংসার শুকুই এই ভাব। প্রাণের জন্যে ফলায় ফসল। বাইরের শত্রুর থেকে বাঁচাবার জন্তে দিতে হয় আবার কাটাগাছের বেড়া। সে কাটা না যায় খাওয়া, না যায় পরা, না লাগে আর কোনো কাজে। ভাব অহুরাগের বস্ত্র যে জন না বোঝে, না মানে, না শ্রদ্ধা করে, সে-ই যদি

আবার এসে বসে অহুরাগী যুগলের মাঝে, তবে কি হবে তাদের গতি? সরে বসবার ঠাইটুকুও যদি তাদের না থাকে তবে কথা বলতে হবে এমন ভঙ্গীতে যে, ওই ব্যক্তি আপনা হতে যাবে উঠে। যদি তাতেও সে না উঠে, তবে যা-কিছু বলা তা চালাতে হবে সাঁধে ইসারায় হেয়ালীতে। রসের রসিকদের জন্তে যদি রেখে যেতে হয় কোনো পদ তবে তাতে এমন একটু অসম্ভবের সন্ধি দেব রেখে, যে সে শুনেই বুঝে নেবে যে এর বাইরে কিছু নেই, এর ঢুকতে হবে ভিতরে। খোলার উপর ছোবড়া বলেই তো নারকেলের ভিতরে ঢুকতে হয় বাবা।”

সহজ পথের পথিক হলেও তাই এদের হেয়ালীতে কথা কইতে হয়। তা এসব পদও এরা লিখে পুঁথিতে সঞ্চয় করে রাখে না। শাস্ত্রের হাতে মার খেয়ে খেয়ে শাস্ত্রের উপর ওদের ধরে গেছে বিষম বিতৃষ্ণা। আবার পাছে সঞ্চয় করে করে ওরাই আর একটা শাস্ত্র গড়ে তোলে তাই ওদের ভয়। বলে, “এক শাস্ত্র ভেঙে বেরিয়ে এলাম কি আর এক শাস্ত্র গড়ে তুলতে?” আসল বাউলরা তাই না লেখে কোনো পুঁথি, আর অল্পকে যদি দেখেছে বসেছে তাদের পদ লিখতে, তবে যায় ভড়কে। তাই মাঝে মাঝে যে-সব বাউলিয়া পুঁথি মেলে, বুঝতে হবে তাতে আছে সব ভাষা ভাষা তত্ত্ব; নয় তো সহজ সব সাধনার বিকার। খাটি গভীর পদ সেখানে পাবার আশা হুরাশা।

পুঁথির মধ্যে সঞ্চয় না করলেও এঁদের মনের মধ্যে থাকে অনেক অনেক পদের ভাণ্ডার। কোনো কথার প্রসঙ্গ উঠলেই এঁরা তার জবাব দেন গানে। ঠিক প্রসঙ্গ-মত একটা-না-একটা পদ এঁদের মনে এসে পড়বেই। সাদা কথায় বড়-একটা জবাব এঁরা দেন না। গানেই কেন জবাব দেন একবার জিগ্যেস করায় কেন্দ্রীতে বাউল হরিদাস বলেছিলেন, “আমরা পাখীর জাত কি না, তাই মাটিতে হাঁটতে শিখিনি বাবা, জানি শুধু উড়ে চলতে।”

বেদ শাস্ত্র হ’ল এঁদের মতে প্রাচীন সব মহোৎসবের এঁটো পাতার সঞ্চয়। এঁরা বলেন, “ভবিষ্যতে যে আবার মহোৎসব হতে পারে এই ভরসা ঘাদের নেই তারাই তো

সব এঁটো পাতা। কুড়িয়ে রেখে দেয় স্তূপ করে। মহোৎসব ক'রে তুলবার ভরসা নেই, কেবল এঁটো পাতা কুড়িয়েই অহংকার। কার কত বেশী স্তূপ, কার কত বড় স্তূপ! এই নিয়েই দেমাক। এরই উপর পড়ে দিন-রাত শেয়াল কুকুরের মত চলচে পরস্পরে শুধু কামড়া-কামড়ি।”

কি আশ্চর্য! বাংলার বাউলদের মত রাজস্থানের বাউল রজ্জবজীও একেবারে এই কথাই তিনশ বছর আগে বলে গেছেন। “উৎসবের পরে এঁটো পাতাগুলোরই যখন হয়ে উঠে ময়লা আবর্জনার স্তূপাকার সঞ্চয়, তখন কুত্ৰায় কুত্ৰায় তারই উপর ঘিরে ঘিরে চালাতে থাকে হুজ্জত হুজ্জত, মারামারি কামড়াকামড়ি। মহাপুরুষের মহোৎসব যখন হয়ে যায় শেষ, জীবনযোগের যখন ঘটে অবসান, তখন আসে সব ক্ষুদ্র মানুষের অবসর। যত নীচপ্রাণেরা কামড়াকামড়ি ক'রে ক'রে তখন লড়তে মরতে থাকে।”

“জ্যোনার পছি পঙ লোঁকা কুড়া কচ্চর ডের

কুস্তে কুস্তে লড়ি মরে, হুজ্জত হুজ্জত ঘের।

মহা পুর্ন জশন গয়া জব জীবন যোগ উগান।

খুর্দ নরোঁকা মোকা আয়া, লড়ে মরে নীচ প্রাণ।”

—রজ্জবজী

সহজ বললেই আমাদের দেশে অনেকে বোঝেন সহজের নামে কতকগুলি বিকার যা আমাদের দেশে সহজের নামেই গেছে চ'লে। সে হ'ল সহজের অতিশয় মলিন রূপ। সাধনাতে সবচেয়ে বড় কথাই হ'ল সহজ। কবীর, নানক, রবিদাস, দাদু প্রভৃতি সবাই নিজেকে সহজ পথেরই পথিক বলেই পরিচয় দিয়ে গেছেন। সহজ সাধনার বহু বাণীও তাঁরা প্রত্যেকেই রচনা করে গেছেন। দাদুর শিষ্য ভক্ত হুন্দরদাস তাঁর ‘সহজানন্দ’ গ্রন্থে লিখেছেন—“না কোনো কৃত্রিম কর্মকাণ্ডে, না কোনো বিশেষ কল্মায়, না সাম্প্রদায়িক কোনো অহুতানে ঘটে মানুষের সিদ্ধি।” (সহজানন্দ, ৩) “সহজেই ব্রহ্মজ্যোতি দীপ্ত করে সহজ সমাধির মধ্যে হবে ডুবতে। সহজেই অন্তরের মধ্যে আপনি তখন চলতে থাকবে ভগবানের নাম, কৃত্রিম কোনো রকম জপজাপের থাকবে না কিছুই প্রয়োজন।” (সহজানন্দ, ৪) “সেই

সহজ নিরঞ্জনই সবার মধ্যে, সহজের যোগভূমিতেই সব সাধকজন সম্মিলিত; শঙ্করাদি সাধকও এই সহজ পথেরই পথিক। সহজের পথেই সনক শুকদেবাদি সব ভক্তগণ” (সহজানন্দ, ১২)

সহজ নিরঞ্জন সব মে' সৌন্দ।

সহজৈ সন্ত মিলৈ সব কোন্দি।

সহজৈ শংকর লাগৈ সেবা।

সহজৈ সনকাদিক শুকদেবা।

—সহজানন্দ, ১২

“ভক্ত সোজা ভক্ত পীপা সহজের আনন্দেই সমাহিত।

সাধক সেনা সাধক ধরা সহজের রসই করেন পান।

ভক্ত রবিদাস সহজেরই দেবক, গুরু দাদুরও আনন্দ

এই সহজ মতে।”

—সহজানন্দ, ২৩

সোজা পীপা সহজি সমান।

সেনা ধনা সহজৈ রস পান।

জন রেদাস সহজকৌ বংগ।

গুরু দাদু সহজৈ আনন্দ। —(সহজানন্দ, ২৩)

১৫২৬ খৃষ্টাব্দে হুন্দরদাসের জন্ম।

কবীর তো সহজ সপক্ষে বিস্তার বাণী রেখে গেছেন। তার কোথাও একটু মলিনতা নেই। বাউলরাও বলেন—

“সহজ হওয়া নয় রে সহজ

তাতে, দিবানিশি চাই সাধনা।”

সহজ পেয়েছেন বলেই মতবাদের বা সম্প্রদায়ের সন্ধীর্ণমতে এঁদের বিন্দুমাত্র আস্থা নেই, যেখানে খালি দন্দ, খালি বগড়া, তা সে হিন্দুই হোক আর মুসলমানই হোক। একবার প্রেমতলী হয়ে গৌড়ের দিকে যাবার পথে জলাঙ্গীর কাছে সাদী খার দীয়াড়ের নিকটে সাঁজি দরবেশী বাউল একদলের সঙ্গ পাওয়া গেল। তাঁদের এক গান শোনা গেল :—

(মোর) বাইতে তো চায় না রে মন মকা মদীন।

(এই যে) বকু আমার আছে, আমি রইরে তাঁরি কাছে

(আমি) পাগল হৈতাম ঘুরে রইতাম

তায়ে চিনতাম রে যদি না।

(আমার) নাই মন্দির কি মসজিদ,

নাই পূজা কি বকরদ।

তিল তিলে মোর মকা কাশী

পলে পলে হুদিনা।

এই গানের রচয়িতার সময় গুরুপরম্পরা ধরলেও প্রায় দু'শ বছর দাঁড়ায়।

ভগবানের ডাক মানুষের কাছে আসে, কিন্তু সেই ডাক শুনে মানুষ যে সহজে তাঁর দিকে এগিয়ে চলবে তার কি জো আছে ? সম্প্রদায়ের যত কৃত্রিম বাধা করে তার গতিরোধ। তাই হুং ক'রে বাউল মদন বলছেন— 'সহজে যদি বা পথ চিন্তো, ধর্মেই করেছে সর্বনাশ। যে ধর্মে ডুবে মানুষ জুড়াবার করে আশা তাতেই লেগেছে আগুন। এখন উপায় কি ?'

তোমার পথ চাইকাছে মলিরে মনজেনে
(তোমার) ডাক শুনে সাধুচলতে না পাই
কইখা দাঁড়ায় গুরুতে মরশেরে ।
ডুইবা যাতে অঙ্গ জুড়ায়,
তাতেই যদি জগৎ পুড়ায়
বলতো গুরু কোথায় দাঁড়ায়
অভেদ সাধন মরলো ধেরে ॥
তোয় ছ্যারেই নানান্ তালো
পুরাণ কোরান তসবী মালা
ভেখ পথই তো প্রধান জ্বালা
কাইন্দে মদন মরে খেদে ॥

মদনও বেশ পুরাতন পদরচয়িতা।

সম্প্রদায়ের পথ হ'ল সকলের সন্তায় চলবার ফেরবার পথ—তা আবার বিধি বিধান রীত নিয়ম ক্রীড় চেলে দিয়ে পাকা করা। তাতে কি নবীন প্রাণের তৃপ্তির গজাতে পারে ? সে বাধা পথ বন্ধ্য। সে পথে যারা চলেন তাঁরা জীবন্ত সহজকে পান না। ভয় ছেড়ে যদি এ সব বাধন খসাতে পারা যায় তবেই এ সব মরম রসের দর্শন মিলতে পারে।

গতাগতের বাংলা পথে
আজায় না ঘাস কোনো মতে ॥
রীতে পথেই চলেন যারা
জান্সা সহজ পা (রে) ন কি তাঁরা ?
নিয়ম রীত ছাড়ায় গেলো ।
মরম রসের দরশ মেলে ।
কর 'বল' গুর ছাড়রে 'বিশা' ।
খসলে বাধন মিলবে বিশা ।

পদরচয়িতা বিশা (বিশ্বনাথ ?) জাতিতে ভূঞা

মালী, কৈবর্ত বলার (বলরামের ?) শিষ্য। প্রায় আড়াই শ' বছর পূর্বকার মানুষ।

এই বিশাই আবার বলছেন যত সব সম্প্রদায়িক রীতি বা নিয়ম বা ক্রীড়, সে সবই হ'ল পূর্ণ সত্যের একটি একটি ভাঙা অংশ। এই ভাঙা অংশগুলিই মহা ভার। এক কলসী জল মাথায় নিয়ে দাঁড়ানো কঠিন অথচ ভরপুর সাগরে ডুব দিলে কোনো ভয়ই নেই। ভাঙা সাধনাই শক্ত বাধন। আধা সত্যই পরম বাধা। যে চিন্তামণিহার শোভা-সৌন্দর্যের সার, তার থেকে যদি ভাব ও চিন্তাটুকু সরিয়ে নিয়ে যাওয়া যায় তবে তার বাকী অংশটুকু হয়ে ওঠে বজ্রের মত কঠিন বাধন। কাজেই তাঁদের মতে পূরা সাধন সাধতে গেলে আর কিছুই ধার ধারতে নেই।

পূরা সাধন সাধছ যদি
ধরিছ না আর কোনো ধার ।
ভাঙ্গা সাধন বিবম বাধন
আধার বাধার নাইরে পার ।

* * *

আমার চেস্তামণি হার
যদি হারায় চেস্ত ত্যার
তবে এমন বান্ধন বান্ধতে পারে
(বে) ছাড়ায় সাধা কার ?
যখন অবোধ বিশা
না পাছ বিশা
তখন পূরা সাধন করিছ সার
(সেই সহজ সাধন করিছ সার) ॥

সমাজে থাকতে গেলেই “নিয়ম রীতের” বাধন আছে। কাজেই সে-সব এড়াবার উপায় কি ? সম্মান নেবার সময় তাই সবাই নিজের শ্রদ্ধ করে বেব হন। অর্থাৎ তখন তাঁর সামাজিক জীবনের অবসান (সিডিক্ ডেথ্) ঘটলো, কাজেই আর তো কোনো দায় তাঁর রইল না। বাউল ও হুফীদের মধ্যেও জ্যান্তেই মরণ বা ‘কাণা’ তাই আছে। বাউলরা একত্রেই হন ‘বাউল’ বা পাগল। পাগলের তো আর কোনো সামাজিক দায় নেই। এই জেই সহজ পথের সাধনায় বের হ'তে গিয়ে এদের বাউল হ'তে হয়। বাউল নরহরি তাই গাইলেন—

তাই তো বাউল হৈছে ভাই।

লোকের বেদের ভেদ বিভেদের

আর তো দাবি দাওয়া নাই।

নাই হাকম হকম জুলুম নেম (নিয়ম) রীতি

নিজানন্দে চলি সদাই আনন্দাব ঐতি

শ্রেম যোগেতে নাইরে বিয়োগ

সবার সাথে নাচি গাই ॥

পাগল বলেই হোক, জ্যাস্তে মরেই হোক, মানব-
জীবনের মহা সত্যটি পেয়ে যেতেই হবে। মানবজীবন
একটা কত বড় সুযোগ। এত বড় সুযোগ পেয়ে কি
শুধু কতকগুলি “নিয়মরীতি” মেনেই এই পৃথিবী থেকে
চলে যাব? মনের এই দারিদ্র্য হ’তে বাঁচতেই হবে।
তাই নাথ যোগী বাউল আদ্যনাথ বলেন—

যদি ভেটবি সে মানুষে।

তবে, সাধনে সহজ হাব

তার বাইতে হবে সহজ দেশে ॥

এই মানুষতত্ত্বই হ’ল বিশ্বের সারতত্ত্ব। বিশ্বনাথই
পরিপূর্ণ বিশ্ব, তিনিই ভাবের মানুষ, তিনিই সহজ,
তাঁতেই সবার চরম সার্থকতা। তাঁকে পেতে হ’লে
কৃত্রিম কিছুই হবে না করতে; হ’তে হবে শুধু সহজ।
কারণ মানুষের মধ্যেই সব আছে। বিশ্বের যা-কিছু
সত্য সবই আছে মানুষে। তার বাইরে গেলেই নানা
মিথ্যা নানা কৃত্রিম বন্ধন। এই মানুষেই চরম সাধনা,
মানুষেই চরম সিদ্ধি। বাউলদের আদি কথাও এই
মানুষ, অন্ত কথাও এই মানুষ! বিশার গুরু বলা তাই
বলেন—

আন্ত অন্ত এই মানুষে

বাইরে কোথাও নাই।

আচার বিচার ধোকা বাজী

ভুলিছ নারে ভাই।

তত্ত্ব মন্ত বেদ পুরাণে

ঘুরায় কেবল নানান টানে।

যোগে যাগে তীর্থে স্নানে

(সেই) সহজ মানুষের হারাই ॥

জা(ই)তের পা(ই)তের পরদা ঢাকা

(তাই) মিথ্যা অন্ধ হইয়া থাক।

(তাই) সহজ মানুষ দেখ না দেখা

(তারে) সহজ বিনা কেমনে পাই ॥

ধান জ্ঞান শ্রেম যোগানন্দ

মানুষ না(ই)লে কেবল ধংস

সিদ্ধি সাধন রস আনন্দ

মানুষ ছাড়া কিছুই নাই।

নিরক্ষর মূর্থ ছোটলোকদের মুখে এমন সাহসে এমন
সহজে এমন গভীর ক’রে মানুষের জয়গান জগতের
মহা মহা পণ্ডিতদের কাছ থেকেই কি খুব বেশী শোনা
গেছে? অথচ এই বাণীই হ’ল বাংলার সহজ
বাণী, তার নিরক্ষর প্রাকৃতজ্ঞদের মুখে উচ্চারিত।
এই মতই তার সাধনার বাজমন্ত্র। এই হ’ল
বাংলার প্রাণবস্ত্র।

[১৯৩০ খৃষ্টাব্দের পাটনা গুরিয়েট্যাল করকারেলের বাংলা
বিভাগের সভাপতির অভিভাষণ; প্রথমে মৌখিক বলা হয়, পরে
লিখিত]



বঙ্গে বর্ণা

স্ত্রীর যত্নাথ সরকার

(১)

ধন-ধান্য পুষ্পে ভরা আমাদের এই বাংলা দেশ ভারতের প্রদেশগুলির মধ্যে অতুলনীয়। এখানে বিহার বা আগ্রার মত কৃষকে কঠিন পরিশ্রমে কৃষা হইতে জল তুলিয়া অথবা হ্রদ নদী ও বাধ হইতে খাল কাটিয়া জল আনিয়া ক্ষেতে দিতে হয় না। প্রতি বৎসর বর্ষার শ্রোত জমির উপর পলিমাটি বিস্তার করিয়া দেয়। বাংলায় চাষের কাজে মানুষের চেষ্টা বা খরচ আবশ্যক নাই বলিলেও চলে; প্রকৃতির আশীর্বাদে এখানে জমিতে যেন আপনা হইতেই প্রচুর ফসল জন্মায়; গ্রামে গ্রামে কত গাছ নানা রকমের সুমিষ্ট ফল দান করে; এই জলের দেশে অসংখ্য নদীপুত্র মাছে ভরা। বাংলা দেশে খাদ্য প্রচুর; দিনরাত্রে কখনও পাহাড়ে-দেশের মত অসহ্য শীত অথবা মরুভূমির মত অসহ্য গরম হয় না বলিয়া লোকের কাপড় ও বাড়িঘর যৎসামান্য হইলেই চলিয়া যায়। এইরূপ অবস্থার ফলে জনসংখ্যা অব্যবহিত-ভাবে বাড়িয়া যায়, রাজা জমিদার ও বণিকের হাতে অগণিত ধনরত্ন সঞ্চিত হয়। সত্য বটে, মাঝে মাঝে প্রকৃতির রোষে প্রলয় বন্যা অথবা মড়ক আসিয়া এক এক বৃহৎ অঞ্চলের বাড়িঘর চাষবাস মানুষ ও ধন মুছিয়া লোপ করিয়া দেয়, কিংবা প্রজাবিহীন, রাজ্য রাজ্য ধ্বংস, শাস্তিভঙ্গ ও অরাজকতা ততোধিক ধনজন ধ্বংস করে। কিন্তু আবার ঘেঁই একছত্র প্রবল রাজশক্তি আসিয়া খাড়া হয়, স্বশাসন ও শান্তি দেখা দেয়, অমনি “মুর্ছিত পীড়িত দেশ” জাগিয়া উঠে,—কয়েক বৎসরের মধ্যেই ঐশ্বর্য্য ও জনসংখ্যা বাড়িয়া অতীতের ক্ষতি পূরণ করিয়া ফেলে, তাহার সব ভাষণ চিরুণ্ডি লোপ করিয়া দেয়।

বঙ্গবাসীদিগের সর্বপ্রধান শত্রু এই শাস্তিভঙ্গ, এই প্রাধান্যের লোভে নেতায় নেতায় লড়াই এবং রাজশক্তিকে লঙ্ঘন। অতি পূর্বে পাল-রাজবংশের

আদিপুরুষ এক বিজয়ী সেনাপতি এইরূপ “মাংস্য-জায়” হইতে বাংলা দেশকে রক্ষা করেন। কিন্তু হিন্দু-সাম্রাজ্যের পতনের পর পাঠানযুগে আমাদের দেশে সেই খণ্ডরাজ্য, সেই স্বার্থে অন্ধ স্ব-প্রধান দলপতিদের বিদ্রোহ ও অন্তবিবাদ, সেই রাজহত্যা ও নগর লুণ্ঠন আবার দেখা দিল; বাহিরে বাংলার নাম হইল “সদা বিদ্রোহের দেশ”।

(২)

খৃষ্টীয় ষোড়শ শতাব্দীর শেষের দিকে মুঘল সম্রাট আকবর বাংলা বিজয় করিয়া দেশময় একছত্র রাজত্ব ও একই শাসন স্থাপিত করিলেন, অশান্তি হইতে বাংলা বাঁচিল, পালযুগের মতই আবার ধনজন সাহিত্য কলা ক্রমশঃ বাড়িতে লাগিল। “এই মুঘল রাজকীয় শাস্তি” বঙ্গদেশে নবযুগ আনিয়া দিল। সপ্তদশ শতাব্দী ধরিয়া বাংলার মুঘল সুবাদার (অর্থাৎ প্রাদেশিক শাসনকর্তা)-দের মধ্যে অনেকেই অতি ন্যায়পরায়ণ, পরিশ্রমী, কার্যদক্ষ বীর পুরুষ ছিলেন; তাহার ফলে বাংলা দেশের ঐশ্বর্য্যের খ্যাতি সমস্ত ভারতে ছড়াইয়া পড়িল, এমন কি বিলাতে পর্যন্ত গেল। এদেশের সহিত ইংরাজ ডাচ প্রভৃতি জাতির বাণিজ্য কয়েক বৎসরের মধ্যে দুই-তিনগুণ বাড়িয়া উঠিল। শুধু ইংরাজ কোম্পানীই ১৬৬৮ সালে পোনে-তিন লক্ষ টাকার মাল বাংলা দেশ হইতে রপ্তানী করেন, আর তাহার বার বৎসর পরে (১৬৮০ খৃষ্টাব্দে) বার লক্ষ টাকার! [এক পাউণ্ডকে ঐ যুগে আট টাকার সমান ধরা হইত।] সপ্তদশ শতাব্দীর মধ্যভাগে এক কাসিম-বাজারেই ইংরাজ ডচ ফরাসী এই তিন জাতির সাহেবরা বৎসরে দেড় হাজার রেসমের তাঁতীকে দান দিয়া কাজে লাগাইয়া রাখিতেন। এইরূপে ইউরোপীয় বণিকগণ দেশের রপ্তানী বৃদ্ধি করিয়া বঙ্গে শিল্পপ্রণয় ও অস্ত্র

পশ্যের উৎপত্তি অনেকগুলি বাড়াইয়া দিলেন, আমাদের অসংখ্য কারিগর ও চাষী কাজ পাইল, এবং বিনিময়ে বিলাত হইতে প্রেরিত টাকা দেশময় ছড়াইয়া পড়িল।

(৩)

সপ্তদশ শতাব্দীর শেষে এবং অষ্টাদশ শতাব্দীর প্রথমে বাংলার রাজস্ব মুঘল বাদশাহের একমাত্র সঞ্চয় হইয়া দাঁড়াইয়াছিল। হুদুর দাক্ষিণাত্যে বৃদ্ধ আওরঙ্গজীব পঁচিশ বর্ষ ব্যাপী যুদ্ধে বিব্রত, মারাঠাদের লুণ্ঠনে ও জাঠবিদ্রোহে দেশ উৎসন্ন, রাজকোষ শূন্য, সৈনিক ও কর্মচারীদের তিন বৎসরের বেতন বাকী, রাজপরিবারে অন্নান্ন। এরূপ অবস্থায় শুধু বাংলার হুদুফ প্রভুভক্ত দেওয়ান (কার্য্যতঃ সুবাদার) মুর্শীদ কুলী খাঁর প্রেরিত বাংলার খাজনা তাঁহাদের বাঁচাইয়া রাখিল। বৎসর বৎসর ঐ টাকা আসিবার পথে ক্ষুধার্ত মুঘলরাজ এবং সিপাহিগণ উদগ্রীব হইয়া চাহিয়া থাকিত। এমন উপকারী দেওয়ানের বিরুদ্ধে আওরঙ্গজীব কাহারও কথা শুনিতেন না; মুর্শীদ কুলী খাঁর নালিশের ফলে তিনি নিজ প্রিয় পৌত্র শাহজাদা আজীম-উল্-শানকেও ধমকাইয়া পাটনায় বদলি করিয়া দিলেন (১৭০৩)।

আর মুর্শীদ কুলী খাঁও কড়াহাতে দেশময় দুঃস্থের দমন ও শাস্তি স্থাপন করিয়া ফেলিলেন, জমিদারদিগের দেয় খাজনা ঠিকমত আদায় করিতে লাগিলেন, স্থানে স্থানে পুরাতন অকর্মণ্য বাকী-খাজনার জন্ত দায়ী জমিদারদিগকে “বৈকুণ্ঠে” (অর্থাৎ বিষ্ঠাপূর্ণ কুণ্ডে) আকণ্ঠ ডুবাইয়া রাখিয়া অথবা তাহাদের জমিদারী নূতন কর্ম্মঠ লোকদের হাতে দিয়া রাজস্বের ক্ষতি বন্ধ করিলেন। তাঁহার পূর্বে ময়মনসিংহ ও ত্রিহট্ট জেলা কতকটা আকর্ষানিস্থানের মত ছিল, সেখানকার স্থানীয় প্রধানগণ সম্রাটের শাসন প্রায়ই মানিত না, কোন নির্দিষ্ট হারে অথবা নিয়মিতভাবে খাজনা দিত না, সুবাদারকে যাহা পাইতেন তাহা লইয়াই সন্তুষ্ট থাকিতে হইত। কিন্তু মুর্শীদ কুলী ঐ দুই প্রকাণ্ড ও উর্ব্বর জেলায় দৃঢ় রাজশাসন স্থাপন করিয়া, দক্ষ বাধ্য এবং সং নূতন

লোককে ওখানকার জমিদারী বিলি করিয়া রাজস্বের পরিমাণ অনেক বাড়াইয়া ফেলিলেন, এবং তাহা বৎসর বৎসর ঠিক আদায় হইতে লাগিল। আজকালকার ভাষায় বলা যাইতে পারে যে, ময়মনসিংহ ও ত্রিহট্ট এই সময় রেগুলেশন ডিস্ট্রিক্ট হইল।

বাংলা প্রদেশের নির্দিষ্ট সরকারী খরচ বাদে যে খাজনা বাঁচিত তাহা বৎসর বৎসর (কখনও বা দুই বৎসর পরে) দিল্লীর বাদশাহের নিকট পাঠানো হইত। ইহার পরিমাণ এক কোটি টাকা বা কিছু কম বেশী হইত। মুঘল সম্রাজ্ঞীর আর কোন সুবা হইতে রাজ-কোষে এত টাকা এত নিয়মিতভাবে আসিত না। একত্র ভারতময় বাংলার নাম হইল “স্বর্ণভূমি।” পরে এই খ্যাতি আমাদের স্বপ্নের কারণ হয় নাই।

২৭ বৎসর ধরিয়া বঙ্গ শাসন করিবার পর মুর্শীদ কুলী খাঁ ৩০এ জুন ১৭২৭ সালে মারা গেলেন। তিনি নামে সুবাদার, কিন্তু কাজে স্বাধীন নবাবের মতই ছিলেন; নিয়মিতভাবে রাজস্ব পাঠাইতেন, আর দিল্লীস্থর তাঁহার প্রদেশে হস্তক্ষেপ করিতেন না। তাঁহার জামাতা শূজাউদ্দিন খাঁ ইহার পর বার বৎসর বাংলার নবাব ছিলেন; ইনিও নিয়মিতভাবে সঙ্কিত খাজনা বাদশাহকে পাঠাইতেন। মুর্শীদ কুলী খাঁর সরকারী উপাধি ছিল “জাফর খাঁ নসিরী,” কিন্তু মিরজাফরের সঙ্গে গোলামাল হইতে পারে বলিয়া আমরা তাঁহাকে বরাবর মুর্শীদ কুলীই বলিব। শূজা খাঁর জামাতার নামও মুর্শীদ কুলী ছিল, কিন্তু আমরা এই শেবোক্ত ব্যক্তিকে তাঁহার উপাধি “রুস্তম জা” দ্বারা নির্দেশ করিব। সিয়ান-উল-মুতাখ্বরিন ও ইংরাজ কুঠির চিঠি পড়িবার সময় পাঠক এই কথাগুলি মনে রাখিবেন।

(৪)

কিন্তু শূজা খাঁর মৃত্যুর সময় (১৩ মার্চ ১৭৩২) দিল্লীতে মহা বিপ্লব ঘটিল। পারস্তের রাজা নাদির শাহ এক যুদ্ধে বাদশাহকে পরাভূত ও বন্দী করিয়া রাজধানী অধিকার করিলেন (দিল্লী প্রবেশ ৮ মার্চ)। তাহার পর তিনি সম্রাট ও দেশের বড়লোকদের পীড়ন করিয়া

অগণিত ধনরত্ন লুটিয়া, রাজধানীর নাগরিকদের হত্যা করিয়া, উত্তর-পশ্চিম সীমান্তের স্ববাণ্ডলি সন্ধিস্থলে লইয়া, পারন্তে ফিরিয়া গেলেন বটে, কিন্তু দিল্লী-সাম্রাজ্যে আর না রহিল প্রাণ, না রহিল মান। শক্তি ও ধন খ্যাতি ও একতা হারাইয়া সাম্রাজ্যে ভাঙন ধরিল; প্রদেশ-গুলি স্বাধীন বা পরের অধিকৃত হইতে লাগিল।

মামুঘের, এমন কি গাছের, যখনই জীবনীশক্তি হ্রাস হয়, যখনই হৃৎপিণ্ড দুর্বল হইয়া পড়ে, তখনই তাহার প্রথম চিহ্ন দেখা দেয় হাত পা অবশ হইয়া, দূরের ভালগুলি সজীবতা হারাইয়া। তেমনি সাম্রাজ্যের কেন্দ্রে যখন দুর্বলতা রক্তহীনতা আক্রমণ করে, প্রথমেই সীমান্তের প্রদেশগুলি পৃথক হইয়া যায়—হয় তাহাদের শাসনকর্তারা স্বাধীনতা ঘোষণা করে, না-হয় অল্প রাজারা সেগুলি জয় করেন। নাদির শাহ দিল্লী-সাম্রাজ্যের হৃৎপিণ্ডে যে মরণের ঘা দিয়া গেলেন তাহার ফলে সীমান্তের স্ববাণ্ডলিতে, কর্ণাটক, বাংলা ও পঞ্জাব (পরে মালব ও অধোধ্য) ক্রমে ক্রমে বাদশাহের হাত হইতে বাহির হইয়া গেল; আর সেই সঙ্গে তাহার মূল-শাস্তি হারাইল, যুদ্ধ হত্যা ও লুণ্ঠনের নিত্য লীলাভূমি হইল।

(৫)

শূজা খাঁর মৃত্যুর পর তাঁহার পুত্র সর্বাফরাজ খাঁ বঙ্গ বিহার উড়িষ্কার নবাব হইলেন। তিনি যুদ্ধ ও শাসন দুই কাজেই অপারগ; দিবারাত্রি মালাজপে বাস্ত থাকিতেন, অথচ এত কাঁচা বুদ্ধি যে কুমন্ত্রণায় ভুলিয়া নিজের হিতাহিত বুঝিতে পারিতেন না। শূজা খাঁর প্রিয় সর্গশ্রেষ্ঠ এবং দক্ষতম কর্মচারী ছিলেন দুইজন,— হাজী আহমদ (বাংলার দেওয়ান) এবং হাজী কনিষ্ঠ ভ্রাতা আলীবর্দী খাঁ (বিহারের সহকারী স্ববাদের)। ইঁহারা সর্বাফরাজের ঈর্ষার পাত্র হইলেন; নূতন নবাবের নূতন পরামর্শদাতারা তাঁহাকে বুঝাইয়া দিল যে, ঐ দুই ভাইয়ের ক্ষমতা কমাইতে না পারিলে তাঁহারা কিছুদিন পরে সিংহাসন কাড়িয়া লইয়া নিজেই নবাব হইবেন। সর্বাফরাজ দুই ভাইয়ের হাত হইতে সরকারী সৈন্য সরাইবার এবং তাঁহাদের পদচ্যুত করিবার

যড়যন্ত্র করিতে লাগিলেন,—তাঁহার কুব্যবহার ফলে র. আলীবর্দী, নানা বিশৃঙ্খলা দেখা দিল। এই সব জানিয়া আলীবর্দী, সৈন্যে বাংলায় আসিলেন এবং গিরিয়ার নিকট সর্বাফরাজকে পরাস্ত ও নিহত করিয়া (১০ এপ্রিল ১৭৪০) নিজে নবাব হইলেন।

কিন্তু ইহা হইতেই বিজ্ঞতার বিপদের স্বরূপাত হইল। সম্রাটের হুকুম অনুসারে তাঁহার বাধ্য কোন কর্মচারী যদি এক প্রদেশের শাসনভার লয়, লোকে সহজে তাহার বিরুদ্ধে অস্ত্র ধরে না, কারণ সে নিজে কোন অবৈধ কাজ করে নাই, বাদশাহের আজ্ঞা পালন করিয়াছে মাত্র; তাহার উচ্চাকাঙ্ক্ষা পূরণের জন্য বাদশাহ দায়ী। কিন্তু যে-সেনাপতি ন্যায্য শাসনকর্তাকে হারাইয়া নিজবলে সিংহাসন দখল করে, আর তার পর বাদশাহকে টাকা পাঠাইয়া নিজ অবৈধ কাজটিকে মঞ্জুর করাইয়া লয়, সে নিজের বিরুদ্ধে একটি মহা বিপদজনক দৃষ্টান্ত খাড়া করিয়া দেয়। অত্যাচার উচ্চাকাঙ্ক্ষী সেনাপতিরও মনে করিতে থাকে যে উহাকে মারিয়া সিংহাসনে বসিতে পারিলে, পরে বাদশাহকে টাকা পাঠাইলেই সব দোষ কাটিয়া যাইবে, এবং তাহারায় সজ্ঞত প্রাদেশিক শাসনকর্তা বলিয়া গণ্য হইবে। এইরূপে সাম্রাজ্যের কেন্দ্রে যখন সর্বোচ্চ রাজ্যশক্তির দুর্বলতা বা নৈতিক অধোগতি হয়, তখনই প্রদেশে প্রদেশে অবিরাম বিদ্রোহ খুন ও অশান্তির পথ খুলিয়া যায়।

(৬)

আলীবর্দী নবাব হইবামাত্র মৃত সর্বাফরাজের বৈমাত্রেয় ভগিনীর স্বামী মূর্শীদ কুলী রুমত জং উড়িষ্যা নিজের স্বাধীনতা ঘোষণা করিলেন, এবং বঙ্গদেশ জয় করিবার অভিপ্রায়ে সৈন্য লইয়া কটক হইতে বালেশ্বরে অগ্রসর হইলেন। ডিসেম্বর মাসে আলীবর্দী নিজ রাজধানী হইতে সেদিকে রওনা হইলেন; কয়েক সপ্তাহ ধরিয়া দুই পক্ষ মুর্চা খুঁড়িয়া ওণ্ড পাতিয়া থাকিয়া এবং দু-একটা ক্ষুদ্র যুদ্ধে কাটাইলেন। পরে বালেশ্বর শহরের বাহিরে ফুলওয়ারির ময়দানে, ৩রা মার্চ ১৭৪১ সালে, রুমত জং পরাস্ত হইয়া স্বরত বন্দরের এক জাহাজে চড়িয়া একা

মহলিপটনে পলাইয়া গেলেন। আলীবর্দী কটক অধিকার করিয়া তথায় নিজ জামাতা ও ভ্রাতুষ্পুত্র সৈয়দ আহমদকে নায়েব-স্ববাদের পদে বসাইয়া, মুশীদাবাদে ফিরিয়া আসিলেন।

কিন্তু আগষ্ট মাসে রুস্তম জেঁদের জামাতা মির্জা বকর আলী মারাঠাদের সাহায্য লইয়া হঠাৎ আক্রমণে কটক অধিকার করিয়া নায়েব-স্ববাদারকে পরিবারসহ বন্দী করিয়া ফেলিলেন। আলীবর্দী মহা চিন্তায় পড়িয়া অনেক সৈন্য সংগ্রহ করিয়া উড়িষ্যায় গেলেন, এবং মির্জা বকরকে পরাস্ত করিয়া নিজ জামাতা কন্না ইত্যাদির উদ্ধার করিলেন। বকর আলী দাক্ষিণাত্যে পলাইয়া গিয়া মারাঠাদের মধ্যে আশ্রয় লইলেন (নভেম্বর ১৭৪১)।

আর একদিকেও মারাঠাদের বন্ধে আসিবার পথ খুলিয়া গেল। পাটনায় আলীবর্দীর প্রতিনিধি বিহারের দক্ষিণ প্রান্তে জঙ্গল-পর্বতভরা রামগড় (বর্তমান হাজারিবাগ জেলা), পালামৌ, শরিষাকুটুয়া প্রভৃতির রাজা-জমিদারদের নিকট হইতে প্রাপ্য কর আদায় করিবার জন্ত তাহাদের বিরুদ্ধে সৈন্য পাঠাইতে বাধ্য হইলেন; তাহারা নবাবকে জঙ্গ করিবার জন্ত তাহাদের পশ্চিম পাশে হাতের কাছে নাগপুর হইতে মারাঠাকে বিহার আক্রমণ করিতে ডাকিয়া আনিল, পথঘাট দেখাইয়া রসদ দিয়া সাহায্য করিল।

(৭)

মারাঠাশক্তি হঠাৎ এক পা ফেলিয়া ভারত জুড়িয়া বিস্তৃত হয় নাই। অগ্রান্ত সমস্ত বিজ্ঞতা জাতির মত তাহারা নিজদেশে হইতে অল্প দূরে দূরে আড্ডার পর আড্ডা (military base) স্থাপন করিয়া রীতিমত পদে পদে অগ্রসর হইয়াছিল। এক আড্ডায় নিজ শক্তি দৃঢ় না করিয়া সেখান হইতে অতি দূরে কোথাও বেশী দিনের জন্ত অভিযান পাঠাইত না। কোন প্রদেশ বা শহর অধিকার করিবার জন্ত তাহার নিকটবর্তী শেষ আড্ডা হইতে রওনা হইত, এবং বাধা পাইলে বা পরাস্ত হইলে সেই পিছনের আড্ডায় ফিরিয়া আশ্রয় লইত,

কিংবা তথা হইতে সৈন্যসাহায্য চাহিয়া পাঠাইত। যতই তাহাদের আধিপত্য বিস্তৃত হইত ততই আড্ডাগুলি বংসর বংসর আরও দৃঢ়, আরও ধনজন খাদ্যত্রব্যে পূর্ণ হইয়া উঠিত। এই প্রণালী ভিন্ন কোন জাতিই দূরদেশ জয় করিতে পারে না। মারাঠারা দাক্ষিণাত্য হইতে বাহির হইয়া বিশ বংসরের মধ্যে (১৭৩০-১৭৫০) পশ্চিমে গুজরাত, পূর্বে কর্ণাটক, উত্তরে মালব ও বৃন্দেলখণ্ড দখল করিয়া ফেলিল। শাহ রাজার রঘুদ্রী ভোসলে নামক সেনাপতি নাগপুর জয় করিয়া তাহাকে বঙ্গবিহার আক্রমণের স্বাভাবিক আড্ডা করিয়া তুলিলেন, কারণ নাগপুর প্রদেশ হইতে উত্তর-পূর্ব দিকে গোওওয়ানা ও ছোট নাগপুর দিয়া সহজেই দাক্ষিণ-বিহারে, আর ঠিক পূর্বে গিয়া পাচট হইয়া বর্তমান মুশীদাবাদ জেলায়, অথবা দক্ষিণে ঝুঁকিয়া উড়িষ্যায় প্রবেশের অগণ্য পথ আছে। বঙ্গবিহার-উড়িষ্যার নবাব ইহার কতগুলি একসময়ে বোধ করিতে পারেন? এই নাগপুরের আড্ডা হইতে একদল মারাঠা অশ্বারোহী ১৭৪০ সালের এপ্রিল মাসে কাশী জেলায় প্রবেশ করে, এবং তিনটি বড় শহর লুটিয়া মে মাসে ফিরিয়া যায়। তখনই লোকে ভয় করিতে লাগিল যে, উহার হস্ত মুশীদাবাদ পর্যন্ত আসিবে (F. R.)। কিন্তু সে বংসর তাহারা শুধু পথ চিনিয়া গেল, অতদূর অগ্রসর হইল না।

এখানে একটা কথা মনে রাখা আবশ্যক। এই বগীর হাদ্যামা এক রাজা কর্তৃক অপর রাজার দেশ অধিকার করার মত নহে। মারাঠা-সৈন্য শুধু দেশ লুটতে এবং চৌধ আদায় করিতে আসিত, আর পথের ধারের যত রাজদ্রোহী বা ডাকাত দলপতি লুটের ভাগ পাইবার আশায় তাহাদের সঙ্গে যোগ দিয়া তাহাদের সংখ্যা বৃদ্ধি করিত। ফলতঃ, মারাঠা-সৈন্য যত সব বিদ্রোহী লুণ্ঠনপ্রিয় ও শাস্তিভঙ্গকারী লোকদের পক্ষে আকর্ষণের কেন্দ্র ছিল; তাহারা যতই অগ্রসর হইত স্থানীয় এই সব শ্রেণীর লোকের সাহায্যে তাহাদের দলপুষ্টি হইত। স্বয়ং শিবাজীর স্ত্রয়ং এবং কর্ণাটক অভিযানে এইরূপ ঘটনা ঘটে। বঙ্গবিহারের গৃহশত্রু ভোসলেকে ডাকিয়া আনিল।

(৮)

১৭৪১ সালের শেষ কটক পুনর্ব্বার অধিকার করিয়া তথাকার শাসনকার্য্য গোছমিছিল করিয়া দিয়া, আলী-বর্দী খাঁ পথে শিকার করিতে করিতে ধীরে ধীরে নিজ রাজধানীর দিকে ফিরিয়া আসিলেন। ১৭৪২ সালের এপ্রিল মাসে তিনি বর্দ্ধমান জেলায় পৌঁছিলেন। এমন সময় রঘুজী ভোঁসলের দেওয়ান ভাস্কর পণ্ডিত পঁচিশ হাজার মারাঠা-সৈন্ত লইয়া ছোটনাগপুরের ভিতর দিয়া পাচেট ও ময়ূরভঞ্জ জমিদারীর মুখে মেদিনীপুর জেলায় অবধে প্রবেশ করিলেন। তাহাদের গতি অতি দ্রুত এবং পথে তাহাদের বাধা দিবার কেহ ছিল না বলিয়া, যখন নবাব এই আক্রমণের সংবাদ প্রথম পাইলেন, তখন মারাঠা-সৈন্ত তাহার শিবির হইতে একদিনের পথমাত্র দূরে পৌঁছিয়াছে। এই সময় আলীবর্দীর অবস্থা মহা সঙ্কটময়। তিনি যুদ্ধের জন্ত সম্পূর্ণ অপ্রস্তুত, কারণ উড়িয়া-বিজয় শেষ হওয়ায় অধিকাংশ সৈন্তকে বিদায় দিয়াছেন এবং অনেককে নিজের অগ্রে মুর্শীদাবাদে পাঠাইয়াছেন। তাহার সঙ্গে তিনচারি হাজার অশ্বরোহী এবং পাঁচহাজার বন্দুকধারী পদাতিক রক্ষী মাত্র ছিল। নবাব অমনি মবারক-মঞ্জিল হইতে, একদিনের পথ অগ্রসর হইয়া বর্দ্ধমান শহরের এক পাশে পৌঁছিলেন; মারাঠা-সৈন্ত অপর পাশে পৌঁছিয়া (১৬ই এপ্রিল, ১৭৪২) লুণ্ঠ ও ঘরপোড়ান আরম্ভ করিয়া দিল। দুই পক্ষে ছোটখাট লড়াই হইতে লাগিল। ভাস্কর পণ্ডিত দশলক্ষ টাকা পাইলে চলিয়া যাইবেন বলিলেন, কিন্তু আলিবর্দী যুদ্ধ করা স্থির করিলেন। এই যুদ্ধে আফগান সৈন্ত-গণের অসন্তোষ ও অব্যবস্থার ফলে নবাবের নিজের ও সৈন্তদলের সমস্ত সম্পত্তি শিবির প্রভৃতি মারাঠারা লুটিয়া লইল, অনেক লোক মারা গেল, এবং রক্ষীসহ তিনি নিজে শত্রুদ্বারা ঘেরা হইয়া পড়িলেন। দিনের পর দিন

সৈন্তদলের সকলকে অনাহারে কাটাইতে হইল। কিন্তু অদম্য সাহসের ও স্থিরতার সঙ্গে আলীবর্দী, একদিকে মারাঠাদের বাধা দিয়া, অপরদিকে আফগান সেনাপতিদের মন সন্তুষ্ট করিয়া, দলবদ্ধ-ভাবে যুদ্ধ করিতে করিতে কাটোয়ায় পৌঁছিয়া প্রাণ ও মান বাঁচাইলেন। এখান হইতে মুর্শীদাবাদ দু-দিনের পথ। মারাঠারা পশ্চিম-বঙ্গের নানাস্থান, রাজধানীর শহরতলী পর্য্যন্ত লুণ্ঠ করিতে লাগিল। বঙ্গে বর্গীর হাঙ্গামা আরম্ভ হইল; ইহা অনেক বৎসর ধরিয়া চলিবার পর অবশেষে অবসন্ন বৃদ্ধ নবাব উড়িয়া প্রদেশ তাহাদের একেবারে ছাড়িয়া দিয়া সন্ধি করিয়া ফেলিলেন।

(২)

বঙ্গের ইতিহাসের এই ঘটনাটির বিস্তৃত কাহিনী রচনা করিবার প্রধান উপাদান (১) সিয়ার-উল্-মুতাখ্খরিন, (২) বাংলার ইংরাজ বণিকদের বিলাতে প্রেরিত পত্র [এগুলি মহামূল্যবান, এবং তারিখ আদিত সিয়ারের ভুল সংশোধন করিবার পক্ষে সাহায্য করে], (৩) সলিমুল্লা রচিত তারিখে-বাক্বালা [প্লাড্‌উইন্ কন্ট্রাক্ট ইহার ইংরেজী অনুবাদ, বাহার ২য় সংস্করণ বঙ্গবাসী প্রেস ছাপিয়াছে, সম্পূর্ণ ও সঠিক নহে, মূল ফার্সী গ্রন্থ দেখা আবশ্যক], (৪) আখ্‌ব্বারাত্ অর্থাত্ দিল্লীর বাদশাহের দরবারের সংবাদ, [১৭৪৩ সালের ৩৫ দিনের (এপ্রিল-মে) কাগজ প্যারিসে পাইয়াছি, এগুলি পেশোয়া বালাজী রাও-এর বঙ্গে আগমনের অমূল্য বিবরণ ও তারিখ দেয়], (৫) নাগপুর-কর ভোঁসলের হকিকৎ, মারাঠী ভাষায় [ইহার মূল্য সর্ব্বাপেক্ষা কম।], (৬ ও ৭) বাংলা “মহারাত্রীপুরাণ”—এবং সংস্কৃত এক ছোটকাব্য “চিঃচম্পু” বর্দ্ধীয় সাহিত্য-পরিষদের ছাপা (সা-প-পত্রিকা, ১৩ খণ্ড এবং ৩৫ ভাগ)।

দীপশিখা ও তৈল

শ্রীরামপদ মুখোপাধ্যায়

সংসারে চারিটি প্রাণী। চাকুরি এক দেশী মিলে—
বিদেশী ম্যানজারের অধীনে। সপ্তাহান্তে যে ক'টি
টাকা হাতে আসে, তাহাতে সংসার একপ্রকার চলিয়া
যায়। স্ত্রতাং চিন্তা নিরুদ্ভিগ্ন।

গঙ্গার তীরে প্রকাণ্ড মিল—নূতন একটা শহরের
সৃষ্টি করিয়াছে।

মিলের স্ত্রীত্ব কর্কশ বাঁশী—গ্রামের বৃকে প্রতি
প্রভাতে দ্বিপ্রহরে ভূমিকম্পের সময় শঙ্খ-
ধ্বনির মত বাজিয়া উঠে। ভূমিলক্ষ্মী অন্তরে অন্তরে
কাঁপিয়া উঠেন। গ্রামের স্ত্রী-পুরুষ জলশ্রোতের মত
অবাধে ইহার বিরাট জঠরে আশ্রয় লাভ করিয়া ধস্ত
হয়।

প্রভাতে বাঁশীর ডাকে ঘর ছাড়িয়া তাহার উধাও
হইয়া যায়, দ্বিপ্রহরে শ্রান্ত শুকমুখে কিরিয়া আসে।
বাঁধা-খাওয়ার জন্ত দুটি ঘণ্টা অবসর। তারপর আবার
যাত্রা। অপরাহ্নে যখন পুনরায় গৃহমুখী হয়,—মুখের
ক্লান্তির উপর একটু হাসি বিকশিত হইয়া উঠিতে দেখা
যায়। রাত্রির সুদীর্ঘ প্রহরগুলি তাহাদের একান্ত
নিজস্ব।

রাত্রির প্রথম হাঙ্গ অবসর দিনের আলোয় মলিন
হইয়া আসে। দীর্ঘ দিনমান হুঁতর সুদীর্ঘ প্রহরগুলি
লইয়া কর্ণক্ষেত্রে বিভীষিকা বিস্তার করে। তবু চিন্তাহীন
শ্রমের সঙ্গে তাহাদের মিতালী অচ্ছেদ্য।

বিভূতিকে কলম চালনা করিয়া খাতায় অঙ্কপাত
করিতে হয়। হাতের আঙুলগুলি বেদনায় টন্ টন্ করিয়া
উঠিলেও নিবৃত্ত হইতে চাহে না। পশ্চাতের ক্ষুদ্র সংসার,
স্ত্রী-পুত্র-কন্যার ভরণপোষণের দায়িত্ব প্রতিনিয়ত
তাহাকে আলস্ত হইতে রক্ষা করে। কর্তব্যের বাঁধা-ধরা
ঘণ্টাগুলির উপরও দু-এক ঘণ্টা সে আলস্তকে জোর
করিয়া শাসন করে। বাড়ি আসিয়া একটা মাদুরের

উপর চিং হইয়া শুইয়া আকাশের তারা গোনেন না,
চাঁদের শোভাও দেখেন না, শুধুই চক্ষু মুদ্রিয়া আরাম
উপভোগ করে। তাহার নিমীলিত নয়নের উপর শুভ্র
কিরণ-লেখা শৈশবের মাত্নস্নেহের মত নিতান্ত অবাচিত
ভাবেই শীতল স্পর্শ ব্লাইতে থাকে।

দিন যায়। বিভূতির কুঞ্চিত কালো চুলের সমস্তরচিত
তরঙ্গ বিশৃঙ্খল হইয়া গিয়াছে—ছুই একটি শুভ্র বিন্দু
এখানে-ওখানে ফুটিয়া উঠিয়া বয়সের বিজ্ঞতা ঘোষণা
করিতেছে। দীর্ঘ কুড়ি বৎসর এই যন্ত্র-দানবের জঠরে
থাকিয়া সে আজ ভারতের আদর্শ করোণী।

মংলু খোঁড়াইতে খোঁড়াইতে আসিয়া দেখিল,—
হাজিরাবাবু গেট বন্ধ করিয়া দিতেছেন। কাতর
চোখে মিনতি ভরিয়া সে কহিল,—“বাবু মাপ কিজিয়ে।
আজ নিয়ে সাত দিন লেট হোবে।”

বিভূতি খাতার উপর ঝুঁকিয়া গভীর মনোযোগের
সহিত কি দেখিতেছিল। মুখ তুলিয়া মংলুর পানে
একবার চাহিল। পাণ্ডু অধরে এতটুকু ক্ষীণ হাসি,—
ছুই কোটরগত চক্ষে আতঙ্ক ও অবসাদ-মিশ্রিত স্নান
দৃষ্টি, দুর্বল পা দু'খানি অতিশীর্ণ দেহের ভারটুকুও
বহিতে অক্ষম—থর থর করিয়া কাঁপিতেছে। গেটের
দুয়ার ধরিয়া কোনোমতে সে পতনশীল দেহটাকে খাড়া
করিয়া কক্ষা ভিক্ষা করিতেছে।

এমন প্রত্যহ কতশত আসে! মুখে উদ্বেগ, আশঙ্কা,—
চক্ষু ভিক্ষাভারে নয়, কর্ণ কাকূতিতে পরিপূর্ণ। যন্ত্র-
দানবের এ সকলে দৃকপাত করিলে চলে না। ভিক্ষার
ঝুলি পূর্ণ করিতে সে এখানে অব্যবহৃত কক্ষার ভাণ্ডার
লইয়া বসে নাই।

ঐ মংলু যখন প্রথম আসে—সে বেশীদিনের কথা
নহে—দেহে তার ছিল অমিত ক্ষমতা, বক্ষে দুর্জয়
সাহস দুটি পেশীক্ষীত বাহতে অজস্র কর্ণক্ষমতা।

পূর্বে যন্ত্রের অঙ্গসেবা করিবার জ্ঞান ছুঁজন লোক নিযুক্ত ছিল। মংলু আসিয়া সাহেবকে জানায়, কিছু বেশী টাকা মাহিনা পাইলে সে একাই অনায়াসে ঐ কর্ম চালাইয়া দিতে পারিবে। বিদেশী ম্যানেজার মাহিনার উপর পাঁচটি টাকা বাড়াইয়া দিয়া মংলুকে ঐ কার্যে নিযুক্ত করেন। কয়েক বৎসর কর্মও সুস্থলে চলিয়া যায়।

যন্ত্র-দানবের অঙ্গসেবা করিতে করিতে মংলুর অমন যে লৌহকটিন দেহ তিলে তিলে ক্ষয়প্রাপ্ত হইতে থাকে। মাত্র পাঁচটি টাকার জ্ঞান অতিরিক্ত পরিশ্রমে জীবনের আয়ু-হবি কালের অনলে আহুতি দিয়া সে একদিন যন্ত্র দানবের পায়ের তলায় অচৈতন্য হইয়া লুটাইয়া পড়ে।

সেই মংলু স্বাস্থ্য-সম্পন্ন হারাইয়া কোনো এক নিম্নতম বিভাগে উদযান্ত্র পরিশ্রম করে। তখন সপ্তাহে পাইত সওয়া আট, এখন পায় চার। যান্ত্রিকেরা মানুষের মর্যাদা ক্ষমতার অল্পপাতেই দিয়া থাকেন। এ মাসে লেট হইয়াছে ছয় দিন, অর্থাৎ ষোল টাকা হইতে বারো আনা পয়সা জরিমানা-স্বরূপ বাদ যাইবে।

লেটের টাকাটা লাভের সঙ্গে জমা হয় না,—জমা হয় আনন্দের খোঁরাকে। সাপ্তাসরিক বিরাট উৎসবে—বাইনাচ যাত্রা থিয়েটার ভোজখানায় দু-একটি অত্যাশ্চর্য আনন্দময় রাজির পরমাযু যোগাইতে এই ফণ্ডের উৎপত্তি। দুঃখের এমন বুকভাঙা দীর্ঘনিঃশ্বাস আনন্দের তুফানে তর তর করিয়া ভাসিয়া যায়, মন্দ কি!

বিভূতি মংলুর পানে চাহিয়া একটু হাসিল এবং ধারবানকে গেট বন্ধ করিতে ইঙ্গিত করিল। মংলুর হুঁ আনা বাৎসরিক আনন্দের পরমাযুকে পরিপুষ্ট করিল।

পঞ্চাতে আরও কয়েকজন পড়িয়াছিল, তাহার মধ্যে ছুঁজন লেট গেট দিয়া চুকিয়া বিভূতির পাশে দাঁড়াইয়া মুহূর্তে বলিল,—“হরি কিষণ সিং,—ইয়াকুব।”

বিভূতি তাহাদের পানে চাহিয়া কহিল, “দেখ হরিকিষণ, ইয়াকুব—তোমরা রোজই লেট কর। কোন দিন সায়েব জানতে পারলে আমারই গর্দান নাহে। যে সব লোক হয়েছে আজকাল—লাগিয়ে দিতে কতক্ষণ।”

ইয়াকুব মুচকি হাসিয়া বলিল,—“কি করি বাবু, হয়ে ওঠে না। আর গরীব মানুষ দু’ টাকার বেশী—”

সদন্ত দৃষ্টিতে চারিদিকে চাহিয়া বিভূতি ফিস্ ফিস্ করিয়া বলিল,—“আচ্ছা—আচ্ছা সে ঠিক ক’রে নেব। তবে মাসের মধ্যে অন্তত দশটা দিন ঠিক সময়ে আস্বে, বুঝিলি? নইলে যে দায়িত্বের কাজ!”

তাহারা চলিয়া গেল। মংলুর ষোল টাকার মধ্যে এ বন্দোবস্ত চলে না, অগত্যা সে ঘানমুখে লেট লেখাইয়া আপনার জায়গায় গিয়া বসিল।

বিভূতির কার্যে সাহেব ম্যানেজার খুব সন্তুষ্ট। কুড়ি বৎসর ধরিয়া অসংখ্য দরিদ্র অনাথের দুঃখ-বেদনার ইতিহাস শুনিতে শুনিতে সে শুনিবার অহুভূতি পর্যন্ত হারাইয়া ফেলিয়াছে। চোখ চাখিয়া দেখে ঘান শীর্ণ রক্ত মুখগুলি,—দৃষ্টির মধ্যে হৃদয়বৃত্তি আত্মপ্রকাশ করে না। যেমন করিয়া বাহুজ্ঞানশূন্য যোগীর সমুখে ঝড় ঝঙ্কা বিদ্যুৎ বজ্র মহাপ্রলয়ের নৃত্য অবোধে বহিয়া গেলেও তাঁর চৈতন্তের দ্বারে আঘাত করিতে পারে না, তেমনি তাহার প্রতিদিনের কঠোর সাধনা তাহাকে স্তম্ভ দুঃখ সম্বন্ধে নিস্পৃহ করিয়া দিয়াছে। এই ধ্যানের ফলস্বরূপ সে বিশ বৎসরে পঞ্চাশটি টাকা লাভ করিয়াছে। ইতিপূর্বে এমন সৌভাগ্য নাকি আর কাহারও হয় নাই।

প্রত্যহ প্রত্যবে এক কাপ গরম চা, খানিকটা হালুয়া, ফুলকা ছুঁখানা লুচি ও একটু তরকারি খাইয়া সে আপিসে আসে। কলের বাঁশী, বাজিতে তখনও কয়েক মিনিট বাকী থাকে। দ্বিপ্রহরে ফিরিয়া তোলা জলে ঘান ও চর্কচোষা আহারাতে নিদ্রা। গ্রীষ্মকাল হইলে স্ত্রীকে শিয়রে বসিয়া ব্যঞ্জন করিতে হয় এবং অল্পকালে ব্যঞ্জন অভাবে পদসেবা। অপরাহ্নে আবার একদফা পরিচর্যার পালা। মিছরির সরবৎ বা ভাবের জল। বাহিরের রোয়াকে মাদুর বিছাইয়া গড়গড়ায় কলিকা চাপাইয়া নলটি মুখে তুলিয়া দেওয়া ও পানের ডিবাটা শিয়রের কাছে আঁধাখোলা ভাবে রাখিয়া—পারিলে একটু বাতাস কড়া—নিত্য কর্তব্যকর্মের মধ্যে। স্ত্রী সে পরিচর্যাটুকু করে।

একটি পুত্র ও একটি কন্যা; কিন্তু তাহাদের দুখের খরচ জামাকাপড়ের কর্দ ও আবদারের বহরও সামান্য নহে। একজন খণীজীকে সদাই তটস্থ হইয়া এ সকলের উৎসমূলে নিয়ত সলিল সেচন করিতে হয়। রাজি দ্বিপ্রহর পর্যন্ত এই পরিচর্যার সমারোহ চলে। তারপর বিশ্রাম। কিন্তু কয় ঘণ্টার জন্তই বা! অতি প্রত্যুষে উঠিয়া পাট-কাঁট সারিয়া পুনরায় তাহাকে স্বামী-দেবতার ভোগের আয়োজন হৃদয়ঙ্গম করিতে হয়।

ক্ষুদ্র সংসারটি এইরূপে নিরুদ্বিগ্নে চলিয়া যায়। সেদিন দ্বিপ্রহরে ম্যানেজার ডাকিয়া বলিলেন, “দেখ বোস, কদিন থেকে একটা কথা শুন্ছি। অনেকগুলি লোক নাকি রোজ লেট হয়?”

বিভূতি লম্বা সেলাম জানাইয়া বলিল,—“হ্যাঁ স্র, তাদের নাম তো লেট বইয়ে উঠিয়ে আপনার কাছে পাঠিয়ে দিই।”

ম্যানেজার জ-কুণ্ডিত করিয়া বলিলেন,—“তা ছাড়া আরও অনেক আছে যাদের নাম লেট বইয়ে ওঠে না।”

বিভূতির মুখ নিমেষে পাংশু হইয়া গেল; কিন্তু জন্মকূর্মে সে তাহা সামলাইয়া লইয়া ঈষৎ হাস্যমুখে বলিল,—“ও সব মিছে কথা স্যর। যারা লেট হয়, তাহা হিংসে করে আপনাকে লাগিয়ে গেছে।”

ম্যানেজার বলিলেন,—“আচ্ছা যাও, ওসব কথা আর যেন না শুনি।” বিভূতি গমনোদ্যত হইলে তিনি পুনরায় বলিলেন,—“ভাল বোস, সে কাজের কি হ’ল?”

ইজিতটা বিভূতি বুলিল। একটু মুচকি হাসিয়া বলিল, “দশ টাকা কবলে ছিলাম স্র,—রাজী হয় কই! পাজী—ছোটলোক!”—ম্যানেজার জ-কুণ্ডিত করিয়া অপ্রসন্ন মুখে বলিলেন,—“ননসেন্স! একটা কুলি-কমিনা,—আচ্ছা—আচ্ছা—যাও। হাঁ, দেখ বোস, তোমার পার-সত্তাল ফাইলে একটা গুড রিমার্ক দিয়েছি। কাজটা হওয়া চাই।”

লম্বা সেলাম জানাইয়া বিভূতি বলিল,—“আচ্ছা।” নিজের জায়গায় বসিয়া সে মহা আশ্বালন আরম্ভ করিল।

যত সব ছোটলোক বেইমান! পিপীলিকার পাখা উঠিয়াছে, দাঁড়াও, এই তেজ ভাঙিতে কতক্ষণ।

ইয়াসিন তাহার সমুখ দিয়া যাইতেছিল, ক্রোখটা গিয়া পড়িল তাহার উপর। উচ্চকণ্ঠে হাঁকিয়া বলিল,—“ফাঁক দিয়ে ঘুরে বেড়াচ্ছিস যে?”

ইয়াসিন বাবুর রক্ত চক্ষু দেখিয়া বিনীতভাবে বলিল,—“হজুর, ভৈরবের জরু কাজ করতে করতে হঠাৎ অজ্ঞান হয়ে পড়েছে। ভারী দুর্বল সে, তাই ডাক্তার ডাকতে যাচ্ছি।”

মুখ খিচাইয়া বিভূতি বলিল,—“ডাক্তার! ডাক্তার এসে কি করবে? এ সব বটুকেলমি—সখের মুছো!”

—“না বাবু, আধ ঘণ্টা হ’য়ে গেল—”

—“ফের জবাব! যা নিজের চরকায় তেল দিগে যা। মুছো না ভাঙে—দিচ্ছি কুলি ডাকিয়ে গেটের বাইরে পাঠিয়ে।”

ইয়াসিন ফিরিয়া গেল।

আধঘণ্টা পরে আর একজন কুলি আসিয়া সংবাদ দিল—স্ত্রীলোকটির এগনও চৈতন্তসঞ্চার হয় নাই।

বিভূতি আদেশ দিল,—উহাকে ধরাধরি করিয়া মিলের বাহির করিয়া দেওয়া হউক এবং সেখান হইতে অবস্থা বুঝিয়া মিল হাসপিটালে পাঠাইতে পারে।

কয়েক ঘণ্টা পরে সংবাদ আসিল—স্ত্রীলোকটির চৈতন্ত আর ফিরিয়া আসে নাই।

কয়েক মাস হইতে অতিরিক্ত পরিশ্রম করিয়া তাহার স্বাস্থ্য ভঙ্গ হইয়াছিল। দুর্বল হৃদয়বস্ত্র সহসা অচল হইয়া গিয়াছে।

তখন ছুটির বাঁশী বাজিতেছে। দলে দলে কারামুক্ত বন্দী উৎফুল্ল মুখে বাহিরে আসিতেছে। সংবাদটা শুনিয়া কেহ ‘আহা’ বলিল, কেহ নীরবে গেট পার হইয়া চলিয়া গেল, কেহ কেহ বা সঙ্গীর সঙ্গে পূর্ববৎ হাসি-গল্প করিতে করিতে পথের প্রান্তে মিলাইল।

বিভূতি ঝরঝর সর্দারকে ডাকিয়া বলিল,—“যাক্, ভালই হ’ল। মেয়েটা না পারত খাটতে, না ছিল দেখতে শুভে ভাল। দেখ সর্দার, এবার শক্ত দেখে একটা লোক নিও।”

শিরসকালন করিয়া হাসিমুখে সঙ্গার বলিল,—“হু, বাবু। আমারই ঘরে আছে—কাল নিয়ে আসব। দুটো লোকের কাজ সে একা ক’রবে।”

বিভূতি বাড়ি আসিয়া দেখিল—প্রতিদিনের মত রোয়াকে জল ঢালিয়া মাহুর পাতিয়া দেওয়া হয় নাই। জামা জুতা ছাড়িয়া সে রুদ্ধকণ্ঠে হাঁকিল,—“কি লক্ষ্মী-ছাড়া কাণ্ড সব! এখনও—”

জ্ঞাতা স্ত্রী ব্যস্তমস্ত হইয়া ছুটিয়া আসিয়া কহিল,—
“লখিয়ার সঙ্গে একটু কথা কইতে দেরি হয়ে গেল।”

বিভূতি অগ্রসরমুখে বলিল,—“কে সাত পুরুষের কুটুম লখিয়া যে, তার সঙ্গে কথা না কইলে চলছিল না! ও সব ছোটলোক মাগীদের কেন ঢুকতে দাও বাড়িতে?”

স্ত্রী চাপা গলায় বলিল,—“আহা দুঃখী—দুঃখু জানাতে আসে। ওর স্বামী মংলুর নাকি কদিন লেট হয়েছে—টাকা কেটে নেবে! তাই বলতে এসেছিল। রোগা ছেলোটার বালির পয়সা—”

বাকুদের স্তূপে আগুন পড়িল। বিভূতি গর্জন করিয়া কহিল,—“ওঃ ভারী আমার দরদীরে! যাক না সায়েবের কাছে,—এখানে কেন? যে নিয়ম করেছে—বলুক না তাকে গিয়ে! যত সব—” বলিয়া একটা অকথা গালি উচ্চারণ করিয়া গা ধুইতে লাগিল।

স্ত্রী জল ঢালিয়া রোয়াক মুছিয়া মাহুর বিছাইয়া দিল ও কলিকা লইয়া তামাক সাজিতে বসিল। লখিয়া ততক্ষণ চলিয়া গিয়াছিল।

সে রাত্রিতে স্বামী-স্ত্রীতে মান-অভিমানের ঝগড় হইয়া গেল। রাত্রির আহার-পর্ক মিটিয়া গেলে স্ত্রী বারান্দায় মাহুর বিছাইতেই বিভূতি কক্ষমধ্য হইতে ডাকিয়া বলিল,—“ওখানে কেন?”

অভিমানিনী কোনো উত্তর না দিয়া গুইয়া পড়িল।

বিভূতি খানিকক্ষণ এপাশ ওপাশ করিয়া এক সময় বারান্দায় উঠিয়া আসিয়া কোমলকণ্ঠে কহিল,—“এটা কি ভাল হচ্ছে! কি এমন বলেছি ঘেরাগ হ’ল!”

তথাপি উত্তর নাই।

একটু কষ্ট হইয়া উচ্চকণ্ঠে সে কহিল,—“ভাল আলাতনেই পড়লুম ঘাহোক। বলি, হা—না, যা হয়

একটা বল, সারাদিন খেটেখুটে রাত্তিরে এ সব সছ হয় না।”

এবার স্ত্রী উত্তর দিল,—“আমাদের আর রাগ দুঃখ কি বল! বাদীর মত এসেছি—গতর জল ক’রে খাটিছি। যেদিন দেহ আর বইবে না, দিও বিদেয় ক’রে অনাথ আশ্রম-টাশ্রমে।”

বিভূতি অল্প হাসিয়া বলিল,—পাগল দেখ! বলি কি এমন বললুম?”

স্ত্রী উত্তর দিল,—“কিছু না, যাও শোও গে। খুব ভোরে আবার উঠতে হবে। একটু না ঘুমলে দেহ বইবে না যে!”

বিভূতি একটু অপ্রতিভ হইয়া কোমল কণ্ঠে কহিল,—“বুঝি সবই, কিন্তু দেখছ ত মাইনের বহর। হাতে মাথতে কুলোয় না,—একটা যে ঘি রাখব—”

অবশ্য উপরির টাকাটা স্ত্রীর হাতে না দিয়া বরাবর সে পোষ্টাপিসে জমা দিয়া আসিত। এ বিষয়ে স্ত্রী বিন্দু-বিসর্গ জানিত না।

স্বামীর কোমলস্বরে স্ত্রীর অভিমান টুটিয়া গেল। ধীরে ধীরে সে উঠিয়া আসিয়া কহিল,—“চল, তোমার একটু বাতাস করি। সারা রাত্তির না ঘুমলে বড় কষ্ট হবে।”

আপিসে সেদিন গান্ধী-আন্দোলনের আলোচনা চলিতেছিল। বক্তা ছিল বিভূতি, তাহার সহকারী ও অগ্র বিভাগের একজন পককেশ বাবু।

সেই বাবুটি, নাম হরিশবাবু, কহিলেন,—“আর ত পারা যায় না, বিভূতিবাবু। রোজ রোজ হৈ—চৈ, দেশটা একেবারে উচ্ছন্ন দিলে।” বিভূতির সহকারীর নাম কমল। বয়স অল্প।

সে কহিল, “কেন হরিশ-দা, কি হ’ল?”

হরিশবাবু মুখে একটা হতাশাব্যঞ্জক ধ্বনি করিয়া কহিলেন,—“আর মশাই, স্বদেশী স্বদেশী ক’রে দেশটা যে উচ্ছন্ন দিলে। আজ অমুক, কাল তমুক—কাঁহাতক হ্যাদাম হচ্ছত সামলানো যায়? সিগারেট কোম্পানী তো শুনছি অনেককে একমাসের নোটস দিয়েছে। যদি এক মাসের মধ্যে বিক্রী না বাড়ে ত এতগুলি লোকের

খতম। আমার সম্বন্ধী ত কেঁদে এসে বললে, জামাইবাবু, কি হবে ?”

ইহার মর্ম্মবাধাটুকু বুঝিতে পারিয়া কমল রহস্য করিয়া কহিল,—“কেন ভগ্নীপতির মিল রয়েছে, ভাবনা কি ?”

এ কথায় রুষ্ট হওয়া উচিত। হরিশবাবু কিন্তু হাসিয়া বলিলেন,—তোমাদের রক্ত গরম, চাকরির খোড়াই কেয়ার কর।”

কমল বলিল,—“তিনিও শুনেছি অবিবাহিত। বয়স পঁচিশ, তবে ভাবনা কি ?” হরিশবাবু বলিলেন,—“নাঃ, তার আর ভাবনা কি, চাপবেন ত আমারই স্বদ্ধদেশে!” বলিয়া দারুণ দুঃখে তিনি একটি দীর্ঘ-নিঃশ্বাস কেলিলেন।

কমল হাসিয়া ফেলিল। কহিল,—“আপনি কি বলেন, বিভূতিবাবু! দাদার অবস্থা সসেমিরে ক’রে তুলেছে।”

বিভূতি গম্ভীরভাবে কহিল,—“সত্যি, এ অগ্রায়। যা হবে না তা নিয়ে কেন মাথা কোটাকুটি! আমাদের অল্প বিদ্যা, এর চেয়ে কোথায় কে বেশী মাইনে দিয়ে রাখবে? ওরা জাত ভাল, ছুটো মিষ্টি কথায় অনেক কাজ আদায় করা যায়।” কমল বলিল,—“চাকরিই যে আমাদের চিরকাল করতে হবে তার মানে কি ?”

বিভূতি বলিল,—“না হ’লে সংসার চলবে কি ক’রে? এক কাঠা জমি নেই যে চাষ করব। আর চাষ করবার শক্তি কোথায়?” হরিশবাবু মুক্খিয়ানার হাসি হাসিয়া বলিলেন,—“যা বলেছেন বিভূতিবাবু, লাখে কথার এক কথা।” কমলের পানে ফিরিয়া বলিলেন,—“ওরে ভাই সবই জানি। একদিন ঘরে চাল না থাকলে কেউ ডেকে খবর নেয় না। কেন মিছে হ্যাঙ্কাম! স্বরাজ এলে আমাদের কি বল, ঘুচবে অন্নবস্ত্রের সমস্যা?” বলিয়া আপন মনে হো হো করিয়া হাসিতে লাগিলেন।

কমলের মুখ আরক্ত হইয়া উঠিল। সে নম্র দৃষ্টি করে কহিল,—“এত বড় একটা আন্দোলনকে অমন হাঙ্কাভাবে উড়িয়ে দেবেন না আপনারা। কেরাণীরা

সব চেয়ে হতভাগ্য তা মহাআজ্ঞী জানেন। জানেন বলেই তাদের বাদ দিয়ে রেখেছেন।”

সহসা বিভূতির মুখ গম্ভীর হইয়া উঠিল। রুদ্ধকণ্ঠে সে কহিল,—“আপনি খন্দর প’রে আসেন ব’লে কাল ম্যানেজার সায়েব বলছিলেন, ‘ও সব স্বদেশীয়ানা! বারগ ক’রে দিও, বোস।’ কথাটা ভাল নয়, তাই সাবধান ক’রে দিলাম।” বলিয়া সেখানে আর ক্ষণমাত্র না দাঁড়াইয়া চলিয়া গেল।

কমল হরিশের পানে চাহিয়া কহিল,—“এ অপরাধের শাস্তি কি হরিশ-না?” হরিশবাবু আপন স্বভাবসিদ্ধ নম্রকণ্ঠে কহিলেন,—“আমরা ত বড়ো হ’য়ে মরতে চলেছি, আমাদের কি, এইবেলা একটু হাঁস ক’রে চ’লো ভাই। সাবধান হয়ে না চলতে পারলে দুকূল খাবে।” কমল স্নান মুখে কহিল,—“কূল আর কোথায়, দাদা, যে যাবে। আমাদের তো—

“নাহি তল—নাহি তীর

মৃত্যুসম স্থির নীর—সদা বিরাজে।”

হরিশবাবু বলিলেন,—“যা ভাল বোঝ, কর। কবিরে পেট ভরে না ভায়া, বুকেছ ?”

কমল হাসিয়া বলিল,—“এ পেট ছাইপাশেও ভরে দাদা, চিরকাল ভ’রে এসেছে।”

ঝড় উঠিলে নদীর বক্ষ উদ্‌গম হইয়া উঠে। তার দোলায় ছোট-বড় সকল তরগীই ছলিতে থাকে। মিলের মধ্যেও একটা স্থল্পষ্ট ঝড়ের পূর্বাভাস ঘনাইয়া উঠিতে লাগিল। সদা-বিনীত জোড়হস্ত মাছুষগুলির মাথা যেন কিসের সাহসে সোজা হইয়া গেল, কুণ্ঠিত পদধ্বনি সহজ হইয়া আসিল। উত্তরের প্রত্যাভার তাহারা বেশ সোজাভাবেই দিতে লাগিল।

বিভূতি কঠোর নীতি অবলম্বন করিল। ইহাতে আপাততঃ সফল লাভ হইলেও ভবিষ্যৎ ভরসাময় বলিয়া বোধ হইল না। কালবৈশাখীর পূর্বে মুহূর্ত্তে বজ্র-বিদ্যাত ঝঙ্কা-ভরা ধূসর স্তম্ভ মেঘের অন্তর্যথানি কি যেন কিসের প্রতীক্ষায় মুহূর্ত্ত শিহরিতে লাগিল।

কমল বিভূতিকে বলিল,—“হাওয়ার গতি কিরে গেছে বিভূতিবাবু! একটু সাবধান হয়ে কাজকর্ম্ম ক’রবেন।”

বিভূতি ত রাগিয়াই আগুন। অসহিষ্ণু, তীক্ষ্ণ কণ্ঠে কহিল, “তোমায় অত ফোপরদালালি করতে হবে না। কালকের ছেলে, উপদেশ দিতে এসেছ আমায়?”

তাহার রাগ দেখিয়া কমল চলিয়া যাইতেছিল। বিভূতি তাহাকে ডাকিয়া কৰ্কশ কণ্ঠে বলিল,—“দেখ, সেদিন বারণ ক’রে দিয়েছি খন্দর প’রে মিলে এসো না, তা তুমি শোন নি। জান—এর কি ফল হ’চ্ছে?”

কমল বিস্মিত কণ্ঠে কহিল,—“কি?”

বিভূতি অগ্নিময় দৃষ্টিতে সেদিকে চাহিয়া কহিল,—“কুলিরা যে মুখের উপর চোটপাট করে, কিসের জোরে? ঐ খন্দরের জোরে। দেখনি কত কুলি ওই মোটা ক্যাটকেটে জামা গায়ে দিয়ে বুক ফুলিয়ে সামনে দিয়ে চলে যায়! যেন নবাব খাজা খা। ছোটলোক সব মনে করে—”

বিরক্ত হইয়া কমল কহিল,—“কিন্তু দোষ কি ওরা ছোটলোক ব’লেই। চিরকাল মাথা নীচু ক’রে চলেছে ব’লে? হেঁট হয়েই থাকতে হবে! এই আলো-বাতাসকে আমরা যেমন উপভোগ করি—ওরাই বা তা না ক’রবে কেন? কেন ওরা আমাদের পলকা জাত বাঁচিয়ে ছোয়াছুয়ির বাইরে দিয়ে চলবে?”

দৈর্ঘ্যচ্যুত বিভূতি চাঁৎকার করিয়া ডাকিল,—“কমল!”

কমল বিশ্বয়বিমূঢ়ের মত তাহার অগ্নিজ্বালাময় মুখের পানে চাহিল।

ক্রুদ্ধ কণ্ঠে বিভূতি বলিল,—“আমি বলছি, কাল থেকে যদি খন্দর ছেড়ে না এস, আর ঐ সব লখা লখা বুলি আঙড়াও ত ফল ভাল হবে না। শেষকালে ছুখ ক’রো না যে বিভূতিবাবুর এই কাজ!”

কমল একটু স্নান হাসিয়া দৃঢ়কণ্ঠে বলিল,—“দাসত্বের এই পলকা স্ত্রোতায় বেঁধে যখন-তখন চোখ রাঙাবেন না, বিভূতিবাবু। আপনাদের হয়ত মায়া বেশী হয়ে গেছে, মোটা মাইনে। আমাদের পঁচিশ টাকা মাইনের চাকরি—”

মুখ বিকৃত করিয়া বিভূতি বলিল,—“কেয়ার কর না? তা এতই যদি ভোটেটা কেয়ার কর, তবে চাকরির আগে ছবেলা এসে পায়ে তেল মালিশ করতে কেন?”

হাসিয়া কমল কহিল,—“হয়ত দিল্লীকা লাড্ডুর দশা হয়েছিল, তাই। দেখছি, ও জিনিষের দু পিঠই সমান।

বিভূতি কথাগুলি ঠিক বুঝিতে পারিল না। তেমনই কণ্ঠস্বরে কহিল,—“যাও কাজ করগে। কিন্তু সাবধান।” কমল হাসিয়া ললাটে অঙ্গুলি স্থাপন করিয়া উৰ্দ্ধপানে একবার চাহিয়া চলিয়া গেল।

পরদিন কমলের খন্দরের পাঞ্জাবীর পানে চাহিয়া বিভূতির মুখ অন্ধকার হইয়া উঠিল। কোনো বাক্যব্যয় না করিয়া সে সাহেবের ঘরে চলিয়া গেল।

তিনটার সময় কমল ফিরিয়া দেখিল টেবিলের উপর একখানি সাদা চিরকুটে সাহেব কি লিখিয়া পাঠাইয়াছেন। পড়িয়া বুঝিল—গোলামীর স্বর্ণ জিজীর খসিয়া পড়িয়াছে।

চিরকুটখানি বিভূতির টেবিলের উপর রাখিয়া বেশ হাসিমুখে কমল বলিল,—“ধন্যবাদ।” তারপর ধীরে ধীরে গেটের বাহির হইয়া গেল।

বিভূতি যেমন একমনে কাজ করিতেছিল, তেমনই নিাবাট চিন্তে কলম চালনা করিতে লাগিল।

কথাটা রাষ্ট্র হইতে মুহূর্তমাত্র বিলম্ব হইল না।

হরিশবাবু আসিয়া হাসিমুখে বিভূতিকে বলিল,—“শুনলুম সব। মতিচ্ছন্ন ছোড়াটার! যাক; হরি হে—তোমারই ইচ্ছা।”

বলিয়া একটি হাই তুলিয়া ডান হাতে কয়েকটা তুড়ি দিয়া বিভূতির পানে চাহিয়া কিছু শুনিলার প্রত্যাশা করিলেন হয়ত।

বিভূতি মুখ তুলিল না, কথাও কহিল না। নির্বিকার-চিন্তে খাতায় অকপাত করিতে লাগিল।

হরিশবাবু পুনরায় একটা হাই তোলার সঙ্গে কয়েকটা তুড়ি দিয়া আরম্ভ করিলেন,—“তাহ’লে ওর জায়গায় লোক একজন চাই ত। তা সেদিন ব’লছিলুম না ব্যাটারা স্বদেশী ক’রে সব গোলায় দিলে। আহা! অমন ভাল আপিস এককথায় উঠে গেল! কত লোকের যে অন্ন গেল। দেবে কি ব্যাটারা কোনো সন্ধান নিয়ে তাদের মুখে এক মুঠো তুলে? সব স্বদেশী ক’রছেন, গুটির পিণ্ডি ক’রছেন!”

বিভূতির এই দীর্ঘ মনোমুগ্ধকর বক্তৃতা ভাল লাগিতেছিল না। একটু নীরস কণ্ঠে সে কহিল, ‘যান, আপনার জায়গায় গিয়ে বসুন। এখুনি সায়েব আসবেন।’

—“সায়েব!” বলিয়া ভীত ত্রস্ত নয়ন নিমেষে চারিদিকে বুলাইয়া লইয়া তিনি দ্রুত কণ্ঠে বলিলেন, “তবে চলুন।”

ধানিক অগ্রসর হইয়া পুনরায় ফিরিয়া আসিলেন ও খণ্ড করিয়া বিভূতির কলমস্থ হাতখানা ধরিয়া ফেলিয়া মিনতি-ভরা কণ্ঠে বলিলেন,—“কিন্তু আমার কথাটা মনে রাখিস দাদা,—অনাথ ত্রাণের আশীর্বাদ।”

বিভূতি মুখ তুলিতেই তিনি তেমনই করুণা বিগলিত দ্রুত কণ্ঠে বলিলেন,—“ছোড়াটার চাকরি গেছে—আমার সম্বন্ধী। তার কথাটা—” বলিয়া অর্ধ-সমাপ্ত কথাটা শেষ না করিয়াই একরূপ ছুটিতে ছুটিতে আপন জায়গায় আসিয়া বসিলেন।

হৃদয়ের মধ্যে ছুটি রাজ্য। ছুটির শাসনই সারাক্ষণ অন্তরের মধ্যে চলিতে থাকে। নিয়ের রাজ্যে আজ উর্দ্ধের একটি কিরণবেরা তির্য্যকগতিতে আসিয়া ধানিকটকা অন্ধকারকে অনাবৃত করিয়া দিয়াছে। সেই আলোকোন্মাদিত নগ্ন অন্ধকারের পানে চাহিয়া বিভূতি বারম্বার কিসের লজ্জায় কুণ্ঠায় অবসাদে ভাঙিয়া পড়িল।

সেদিন অপরাহ্নে বাড়ি আসিয়া সে জীকে অকারণে তীব্র ভৎসনা করিল, মেয়েটিকে গালি দিল, ছেলেটিকে একটা চড় মারিয়া হলস্থল বাধাইয়া তুলিল।

বারান্দায় মাছরের উপর শুইয়া আজ সে চক্ষু মেলিয়া অন্ধকার নিশীথের শোভা দেখিতে লাগিল।

—“বাবুজী বাড়ি আছেন?”

—“কে, হীরা সিং? আচ্ছা, এরিকে এসো।”

হীরা সিং বাটার মধ্যে আসিয়া পৈঠার উপর পবেশন করিল।

বিভূতি পাশ-বাশিষ্টার উপর ভর দিয়া অর্ধশায়িত ভাবে তাহার পানে চাহিয়া প্রশ্ন করিল,—“ববর কি সন্দ্বার?”

হীরা সিং হতাশা ভরে অনেক কথাই বলিল। তাহার

মোটামুটি অর্থ এই—মিলের সকল কুলিই ভিতরে ভিতরে ক্ষেপিয়া উঠিয়াছে। শীঘ্র একটা ধর্ম্মঘট হইলেও হইতে পারে। এখন হইতে খুব সাবধানে কাজ করিতে না পারিলে অচিরে বিপদগ্রস্ত হইতে হইবে। চাই কি, মিল বন্ধ হইয়াও যাইতে পারে।

বিভূতি সমস্ত শুনিয়া বহুক্ষণ ধরিয়া নিঃশব্দে কি ভাবিল। পরে সোজা হইয়া উঠিয়া বলিয়া তাহাকে প্রশ্ন করিল, “তোমার দেশ কোথায় সন্দ্বার?”

—“বিলাসপুর।—”

—“সেখানে অনেক কুলি পাওয়া যায়, না?”

—“যায়। কিন্তু বাবু, তাদের আনতে গেলে অনেক সময় যাবে। তার পর, মারের ভয় আছে।”

বিভূতি হাসিয়া বলিল,—“ইংরেজ-রাজত্বে মারে কোন্ শালা—সে ভয় নেই। শোন, কালই তুমি দেশে চলে যাও, সেখানে গিয়ে যত পার লোক জোগাড় কর। এখানে যেদিন দেখব ব্যাটারা কাজে আসছে না, সেই দিন তোমায় টেলিগ্রাম করব। তুমিও গুছিয়ে নিয়ে চলে আসবে।”

তথাপি হীরা সিং ইতস্তত করিতে লাগিল।

বিভূতি তাহাকে উৎসাহ দিয়া বলিল,—“ভয় কি? আমরা পুলিশ খাড়া করে চারিদিক পাহারা দেওয়াব। তুমি বিনা ভয়ে চলে আসবে।” বলিয়া ঘরের মধ্য হইতে জামাটা গায়ে দিয়া বাহির হইয়া আসিল।

—“তোমার আলো আছে ত? চল, একবার সায়েবের বাংলায় ঘুরে আসি গে। একটা পাকা পরামর্শ হওয়া ভাল।”

যাইতে যাইতে হীরা সিং বলিল,—“কিন্তু বাবু, এমন ক’রে কতদিন চলবে?” বিভূতি অন্ধকারের মধ্যে সশব্দে হাসিয়া উঠিল।

হাসি ধামিলে বিভূতি বলিল,—“কি জান সন্দ্বার, যে আলো একবার জলেছে—আর কি তা নেবে? পিঙ্গীমের শিখা যতক্ষণ জলবে—তেল সলতেও ততক্ষণ যোগাতে হবে। কত যাবে, কত আসবে, পিঙ্গীম অমনিই জলবে।”

শিখা জালিবার ব্যবস্থা করিয়া বিভূতি অনেক রাত্রিতে বাড়ি ফিরিল। নিজের কর্ম-কর্মতায় আত্ম-প্রসাদে চিত্ত উল্লাসে পরিপূর্ণ হইয়া গিয়াছিল—দিনের ধানির আর কিছুমাত্র অবশিষ্ট ছিল না। উর্জ্জগতের রন্ধিরেখা নিম্নজগতের নিদারুণ প্রহারে মুছাহত হইয়া মিলাইয়া গেল।

সামান্য ইন্ধন পাইয়া আগুন জলিয়া উঠিল। জল-যোগান্তে একটা সিগারেট ধরাইয়া ধূম উৎসারণ করিতে করিতে বিভূতি মিলের গেটে যাই আসিয়াছে, অমনি পশ্চাত হইতে কে একজন তাহার মুখের সিগারেট টপ করিয়া তুলিয়া লইল ও হাতে একটা বিড়ি গুঁজিয়া দিয়া বিনীত সেলাম করিয়া মাপ চাহিল।

অসহ ক্রোধে তাহার পানে চাহিয়া বিভূতি চীৎকার করিয়া উঠিল,—“হারামজাদা শূয়ার কী—”

তাহার মুখে হাত চাপা দিয়া সে মুহূ হাসিয়া বলিল, “বাস্ কর।”

বিভূতি পাগলের মত হইয়া গেটের মধ্যে ঢুকিয়া দারোয়ানকে আদেশ দিল,—উহার কান ধরিয়া জুতা মারিতে মারিতে মিলের সীমানা হইতে দূর করিয়া দাও।

আদেশ পালন করাটা শক্ত হইয়া পড়িল। কারণ, একে দুইয়ে অনেকগুলি লোক আসিয়া উহার চারিপাশে জড়ো হইয়া চীৎকার করিয়া উঠিল।

একটি মাত্র জয়ধ্বনিতে আকৃষ্ট হইয়া যে-যেখানে ছিল আসিয়া জুটিল, ও সমন্বরে জয়কীর্তন করিতে করিতে চারিদিকে ছড়াইয়া পড়িল।

বিভূতি কাঁপিতে কাঁপিতে একটা চেয়ারে বসিয়া পড়িল। তাহার শুষ্ক কণ্ঠ হইতে আর কোনো ধ্বনি বাহির হইল না।

হরিশবাবু আসিয়া মুহূষ্মে করিলেন,—“ছি ছি! কি ক’রলেন বলুন দেখি, বিভূতিবাবু? কুলি ফ্রেপিয়ে মিলটা বন্ধ ক’রে দিলেন?”

বিভূতি তাহার পানে চাহিয়া ভাবহীন মত বলিল,—“আমি বন্ধ করলুম?”

হরিশবাবু তেমনি মুহূষ্মে বলিলেন,—“না ত কি? গাল দেবার কি দরকার ছিল?”

বিভূতি ক্রুদ্ধ হইয়া জবাব দিল,—“আমি যা ভাল বুঝেছি করেছি। এর জবাবদিহি করতে হয় সায়েবের কাছে করব। বজ্জাত ব্যাটারা তলে তলে সব মতলব ঠিক ক’রে রেখেছিল! আচ্ছা—আমিও বোস কায়েত, দেখি জঙ্গ করতে পারি কি না! দুটি দিন, মাস্তুর দুটি দিন, না খেতে পেয়ে খিদের জ্বালায় আপনি ছুটে আসবে।”

বিভূতি উঠিয়া সাহেবের ঘরে গেল।

সাহেবের মেজাজ সেদিন ভাল ছিল না। খুব একটা কড়া ধমক দিয়া তিনি বিভূতিকে বলিলেন,—“এখন উপায়? মিল বন্ধ হ’লে ওরা আগে তোমায় কুকুরের মত গুলি ক’রে মারবে।”

বিভূতির সর্বাঙ্গ আতঙ্কে শিহরিয়া উঠিল।

মুখে আশ্বাসন করিয়া কহিল,—“কাল ত জানিয়েছি আপনাকে। হীরা সিং দেশে চলে যাক, সব গোল চুকে যাবে।”

সাহেব পাইপ টানিতে টানিতে বলিলেন,—“না, নতুন কুলি আনাতে একটা দাঙ্গাহাঙ্গামা হ’তে পারে। আমি নোটিস দিচ্ছি, যে তিনদিনের মধ্যে কাজে না আসবে তার জবাব হয়ে যাবে। গরীব লোক—চাকরির ভয়ে আপনি আসবে।”

তাহাই হইল। গেটের মাথায় নোটিস-বোর্ড ঝুলাইয়া দিয়া বিভূতি সকাল সকাল বাড়ি ফিরিল।

বাড়ির দুয়ারে কমল দাঁড়াইয়াছিল। তাহাকে দেখিয়া বিভূতির অকস্মাৎ মনে হইল, এই লোকটাই সব গোল-যোগের মূল। কাল উহার চাকরি গিয়াছে, আজ কুলি ফ্রেপিয়াছে এবং ঐ হতভাগাটা মজা দেখিবার জন্ত তাহার দুয়ারে আসিয়া দাঁড়াইয়াছে।

ভাল কথা, সাহেবকে বলিয়া উহার শ্রীঘর-বাসের ব্যবস্থা করিলে হয়ত অচিরেই এই গোলযোগের নিষ্পত্তি হইবে।

বিভূতি ক্রতপদে ফিরিয়া চলিল।

তাহাকে ফিরিতে দেখিয়া কমল ডাকিল,—“গুহন, গুহন, বিভূতিবাবু, ও বিভূতিবাবু!”

অগত্যা বিভূতি দাঁড়াইল।

কমল তাহার কাছে আসিয়া চুপি চুপি বলিল,—“খুব সাবধান, আপনাকে মারবার জ্ঞান জনকতক কুলি ফিস্ ফিস্ করে পরামর্শ করছিল। একটু দেখে-শুনে চলাফেরা করবেন।”

খপ্ ক’রে কমলের বুকের নিকটে জামাটা ধরিয়া বিভূতি বলিল,—“বটে! তুমিও বুঝি ওই দলে?”

কমল মুহূ হাসিল। ধীরস্বরে বলিল,—“যে মারে সে কি সাবধান ক’রে দিতে আসে, বিভূতিবাবু!”

বিভূতি উত্তেজনায় আপনার শক্তির মাত্রা বিস্মৃত হইয়াছিল। কমলের জামা ধরিয়া একটা হেঁচকা টান দিয়া কর্কশ কণ্ঠে বলিল,—“তোমায় পুলিশে দেব। হতভাগা গুণ্ডা কোথাকার, ভয় দেখাতে এসেছ!”

কমল একটুও রুষ্ট হইল না। তেমনি মুহূ হাসিতে হাসিতে বিভূতির হাতে অল্প একটু চাপ দিয়া অনায়াসে জামার প্রান্তটা মুক্ত করিয়া ধীরস্বরে বলিল,—“গরীবের জামার উপর অত অত্যাচার করবেন না বিভূতিবাবু! গায়ে ছ’ধা মারুন—সে বরং সহ্য হবে।”

কমলের পেশীশক্তি বলিষ্ঠ বাহুর স্পর্শ পাইয়া বিভূতি দ্বিতীয়বার আর সেদিকে হাত বাড়াইল না। কোনো উত্তরও তাহার মুখে আসিল না। অক্ষয় রোষে অন্তরে অন্তরে জ্বলিয়া পুড়িয়া থাক হইতে লাগিল।

কমল বলিল,—“আমার কর্তব্য, ব’লে গেলুম। যদিও আপনি আমার চাকরি খেয়েচেন, তবু—তবু এ আমার কর্তব্য।”

বলিয়া সে আর দাঁড়াইল না।

বিভূতি পথপ্রান্তে বিমূঢ়ের মত দাঁড়াইয়া কি ভাবিল।

১ তাহার চোখ দুইটা অকস্মাৎ জ্বলিয়া উঠিল,—দাঁতে দাঁত চাপিয়া অশ্রুট স্বরে বলিল,—“আচ্ছা!”

তারপরে আর বাংলার দিকে গেল না—বাড়ি ফিরিল।

আজও রোয়ায্যে মাদুর বিছানো ছিল না—ফরসীতে সাজা তামাকও অভিমানে পুড়িতেছিল না।

রাজ্যের জমা করা ক্রোধ আসিয়া পড়িল বাড়ির এই অনিয়মের ক্ষুদ্র গণ্ডীর ভিতর। বজ্রকণ্ঠে সে হাকিল,—“লতা!”

পত্নী ছুটিতে ছুটিতে আসিয়া বিভূতির অসময়ে আসিবার কারণ জিজ্ঞাসা করিতে যাইতেছিল, কিন্তু সে কথা শুনিবার দৈর্ঘ্য বিভূতির ছিল না। যেখানে অধিকারের মাত্রা পূর্ণতরভাবে বিদ্যমান, সেখানে দৈর্ঘ্যের বাধন রাখা মূর্থতা মাত্র। বিভূতি সজ্ঞারে পদাঘাত করিয়া তাহার সকল শ্রমের মীমাংসা করিয়া দিল। সারাদিনকার পুঞ্জীভূত রোষ এতক্ষণে মুক্তির পথ খুঁজিয়া পাইয়া কতকটা নিশ্চিন্ত হইল।

তারপর যে ব্যাপার আরম্ভ হইল, তাহার জের চলিল সারা রাত্রি ধরিয়া।

নিজের নিষ্ঠুর আচরণে অহুতপ্ত হওয়ার দরুন নহে, অট্টোত্তম পত্নীর মৃত্যু আশঙ্কা করিয়া ও রাজদ্বারে আপনার পরিণাম ভাবিয়া বিভূতিকে ডাক্তার ডাকিতে হইয়াছিল।

অতি প্রত্যুষে হতভাগিনী চক্ষু মেলিয়া চাহিল।

প্রভাতের পিঙ্গললোক দেখিয়া অভ্যাসবশতঃ সে ধড়মড় করিয়া উঠিতে যাইতেছিল, কিন্তু তলপেটের মধ্যে সহসা টন্ টন্ করিয়া উঠিল—মাথাটা ঘুরিয়া গেল। নিতান্ত অসহায়ের মত বালিশে শ্রান্ত মাথাটি রাখিয়া সে চক্ষু মুদিল।

প্রভাতে কিছু না খাইয়া শুষ্কমুখে বিভূতি আপিসে চলিয়া গেল।

আপিসে কাজ বিশেষ ছিল না। অতবড় মিলটায় মাত্র পনের-ষোল জন বাঙ্গালীবাবু আসিয়াছিল। তাহার কলম ধরিতেই জানে, যন্ত্র-দানবের আশঙ্ক্য যোগাইতে পারে না।

নোটিসের পানে তাকাইয়া সাহেব বলিলেন,—“আর ছ’দিন দেখব, তারপর, হীরা লিংকে বিলাসপুরে পাঠানো যাবে। কি বল বোস?” বলিয়া আপনার মোটরে গিয়া উঠিলেন।

বিভূতি সমবেত শুক মুখগুলির পানে চাহিয়া বলিল,—“মিল বন্ধই থাক, আর যাই হোক, আমাদের কিন্তু রাজ হাজির দিয়ে যেতে হবে। জানেন ত চাকরির বাজার, একবার গেলে—”

একবাক্যে ঘাড় দোলাইয়া সকলে সম্মতি দিল।

তার পরদিনও একভাবেই কাটিয়া গেল।

বিভূতি সাহেবের সঙ্গে পরামর্শ করিয়া হীরা সিংএর বস্তীর অভিমুখে চলিল।

তখন সন্ধ্যার অন্ধকার সবেমাত্র জলস্থল ঢাকিতে আরম্ভ করিয়াছে। আকাশে কয়েকটি তারা উঠিয়াছে—চাঁদ উঠে নাই। নদীর একটা দিক উচু,—ভাঙ্গনের দিক বলিয়া। অপর তটে বহুদূর পর্য্যন্ত শুভ্র বালুরাশি বিছানো,—অন্ধকারের আবছায়ায় চক্ চক্ করিতেছে। বালুপ্রান্তরের পারে নিবিড় বন-কুন্তল-রাজি এলাইয়া ছোট গ্রামখানি ইহারই মধ্যে নিশ্চয় হইয়া পড়িয়াছে।

বিভূতি উচ্চ তটভূমি দিয়া কি ভাবিতে ভাবিতে চলিয়াছিল। সহসা অন্ধকারের মধ্যে দুইজন কৃষ্ণকায় ব্যক্তি তাহার সম্মুখে আসিয়া দাঁড়াইল। বিভূতির চিত্তা টুটিয়া গেল। চমকিত হইয়া সে প্রশ্ন করিল,—“কে?”

তাহারা কোনো উত্তর না দিয়া হো হো করিয়া হাসিয়া উঠিল।

তারপর, নদীতীর প্রতিধ্বনিত করিয়া একটা ক্ষীণ আর্ন্ত চাঁৎকারধ্বনি উঠিল এবং একমূহুর্ত পরে জলে স্থলে তেমনি অথও নিশ্চুপ্তা বিরাজ করিতে লাগিল।

* * * *

দিগন্তবিস্তৃত সমুদ্র—কূল নাই, সীমা নাই। তরঙ্গের পর মত্ত তরঙ্গ পাক পাইয়া গর্জন করিয়া ছুটিয়া চলিয়াছে। যেন সারা পৃথিবী এই দুনিবার জলস্রোতে পরিপ্রাবিত হইয়া রূপ, সৌন্দর্য্য শব্দ স্পর্শ হারািয়া ভাসিয়া চলিয়াছে!

সহসা তরঙ্গশীর্ষ বিদীর্ণ হইয়া গেল। জলধির মধ্যস্থলে জাগিয়া উঠিল—একখণ্ড জ্বালন্তভূমি। তিনি যেন অমৃতরূপিণী রমা,—প্রসন্ন হাস্তে মঙ্গলাশীষ বিলাইয়া, তৃষ্ণার্ত সৃষ্টির বিশুদ্ধপ্রায় অধরে পিপাসা পরিতৃপ্তির অমৃত বিন্দু ঢালিয়া, দ্রুতি করে স্বজন লীলাপদ্ম লইয়া আবির্ভূত হইয়াছেন। শুভ্র কেন্তরঙ্গ তাঁহার চরণ-বন্দনা করিয়া দূরে দূরে সরিয়া গেল। ভূমিলক্ষ্মীর বিস্তৃতি বাড়িতে লাগিল।

কক্ষ প্রান্তরে প্রথমে অর্ধা রচনা করিল নব-অঙ্করিত দূর্বাদল। তারপর, একে একে তরুলতা, পর্কত,

নদী—তাহার প্রান্তরে নব নব সম্পদ রচনা করিয়া মাকে মহান ঐশ্বর্য্যে রূপশালিনী করিয়া তুলিতে লাগিল। কাননে কাঁকে কাঁকে পক্ষী আসিয়া কুজন আরম্ভ করিল,—বনে বনে জীবনধারণের জন্ত ফলবান বৃক্ষসকল ফলভারে অবনত হইয়া কাহাদের ক্ষুধাতৃপ্তির প্রতীক্ষা করিতে লাগিল। আকাশের বর্ণ নীলের স্বয়মায় ভরিয়া গেল। চারিদিকের সীমা-নির্ণয় করিয়া তিনজন উঠিলেন। সমুদ্রের রক্তময় তরঙ্গ-দ্রুতিতে কি যেন সঙ্গীত বাজিয়া উঠিল। সশ্রদ্ধ প্রগতি জানাইয়া দূরে—দূরে—আরও দূরে—সমুদ্র সরিয়া গেল। তটপ্রান্তে অহরহ তাহার ভগ্ন তরঙ্গের বন্দনা-গীতি নন্দিত হইতে লাগিল। সেই স্ববিস্তীর্ণ ভূমিতে অসংখ্য পর্কত মরুভূমি নদী অরণ্য দেশ মহাদেশ—কত কি আশ্চর্য্যপ্রকাশ করিল।

সর্ব্বশেষ সৃষ্টির কার্য্য সম্পূর্ণ করিতে আসিল—মানব।

সেই হইতে জল-কল্লোল ভূমিলক্ষ্মীর পরমায়ু-প্রদীপে নিরন্তর তৈল প্রদান করিয়া তাহাকে বদ্ধিত করিয়া নব নব শ্রীসৌন্দর্য্য দান করিতেছে। ভূমি জোগাইতেছে অরণ্য পর্কত নদী নিব্বরের পরমায়ু। অরণ্য পর্কত নদী মিলিয়া রচনা করিতেছে শস্যসম্পদের অক্ষয় ভাণ্ডার। মানব আসিয়া উহাদের পরমায়ু ও কণা লইয়া আপনার জ্ঞানবিদ্যার শুভকরী খুলিয়া বিজ্ঞান গণিতের অল্পশীলনে জীবনকে হৃদয়ের সমৃদ্ধ ও শক্তিশালী করিয়া তুলিতেছে।

পৃথিবীর তৈলবিন্দু লইয়া তাহার নূতন পৃথিবীকে পরমায়ু দিতেছে।

এই নূতন জগতে মানুষের বৃকের তৈলবিন্দু পোষণে যাহার পরিপূষ্টি, সে ওই নদীতীরের বিরাট বিশালকায় যন্ত্র-দানব।

তাহার ক্ষুধালেহি জিহ্বা হইতে অহরহ লালসার অগ্নি নিঃসৃত হইয়া গ্রাম নগর জনপদ হইতে শক্তি শোষণ করিতেছে,—তাহাদের দগ্ধ করিতেছে,—এবং ঐ ভস্মরাশির বিশাল রূপে সাজাইয়া রাখিতেছে মানবের যত-কিছু অনাবশ্যক অপ্রয়োজনের বিলাস-সম্ভার।

মানুষ ইচ্ছা করিলে ওই সৃষ্টিকে আর প্রতিরোধ

করিতে পারে না। তাহার স্বাচ্ছন্দ্য জাত বনফলমূলে পরিপুষ্ট জীবন সেই পুরাকালের আদর্শ হারাওয়া ফেলিয়াছে। সে চাহে এখন অতৃপ্ত আকাঙ্ক্ষার পশ্চাতে লক্ষ্যহারা হইয়া ছুটিতে। সে চাহে কর্ণ-জগতে আপন ক্ষুদ্রত্বের প্রতিষ্ঠা করিতে। সে চাহে ঝটিকা-বিক্ষুব্ধ সিদ্ধুর বৃক্ষে, পর্বতের দূরারোহ শৃঙ্গে, মরুভূমির তৃষাতপ্ত বক্ষে,—অরণ্যের স্বাসশূন্য অন্তর্দেশে নব নব আবিষ্কারের প্রেরণায় মাতিয়া থাকিতে। তাই যন্ত্র-দানবকে সে সাথী করিয়া লইয়াছে।

এ দানবের প্রয়োজনের শেষ নাই। ক্ষুধার নিরুত্তি নাই। একদা যুগান্ত পরে জাগিয়া উঠিয়া সেই যে বিস্তৃত বদন ব্যাদান করিয়াছে লক্ষ্য কোটি জীবরক্তধারা পান করিয়াও তাহার সে ক্ষুধা মিটিল না। কর্কশ কণ্ঠে সে প্রতিনিয়ত চীৎকার করিতেছে—দাও, আরও দাও। বর্ষ—যুগ—শতাব্দী চলিয়া যায়, তথাপি তার আহুতি চলিতেছে। কোন্ মহাযজ্ঞের পবিত্র হোম-শিখা—কি পুণ্যময় কাম্যফল শেষ আহুতিস্বরূপ গ্রহণ করিয়া চিরদিনের জন্ত ইহার অতৃপ্তির আগুন নিবাইয়া দিবে, কে জানে ?

একদল যাইতেছে অন্তদল আসিতেছে। বিরাম নাই, বিশ্রাম নাই। মত্ত বায়ুর ফুংকারে কয়েক মুহূর্তে তাহাদের পরমায়ু নিঃশেষ হইতেছে, আবার আসিতেছে। তাহাদের ক্ষুদ্র পরমায়ু-দীপে তৈল দান করিতে এই বৃহৎ দীপের জীবন-শিখাকে প্রতিনিয়ত পরিপুষ্ট করিয়া তুলিতেছে।

জগৎ জুড়িয়া চলিয়াছে এই দীপ-শিখার নিষ্ঠুর অচঞ্চল পরিহাসপূর্ণ নৃত্য।

* * * *

ভেঁ। ভেঁ।-ও-ও, স্বপ্ন টুটিয়া গেল।

বিভূতি তাড়াতাড়ি চক্ষু মেলিয়া উঠিতে গেল, পারিল না।

মাথায় দারুণ বেদনা, চক্ষু চাহিতে কষ্ট হয়।

অনেকখানি রৌদ্র জানালা দিয়া ঘরে আসিয়া পড়িয়াছে। মনে হইতেছে পায়ের কাছে কে একজন বসিয়া কোমল করে পরিচর্যা করিতেছে। মাথায়

পাখা লইয়া কাহার শ্রমক্লান্তহীন কর অবিরাম ব্যজন করিয়া চলিয়াছে।

স্বপ্ন নাই, তবু বিভূতির মনে হইল দীপের রশ্মিটিকে স্নান হইতে না দিবার ইহাও একটা ক্ষীণ প্রচেষ্টা।

এই সংসারের প্রদীপ তাহার আহুতি লইয়া জ্বলিতেছে। তাই সংসারের জন্ত তাহার পরিজনেরা তাহার জীবন-প্রদীপটিকে সযতনে রক্ষা করিতে চাহে।

বিভূতি হাঁফাইয়া উঠিল। চক্ষু মুদ্রিয়া ব্যাকুল স্বরে প্রশ্ন করিল,—“আমি কোথায় ?”

কে উত্তর দিল,—“আপনার বাড়িতে।”

বিভূতি ক্ষীণকণ্ঠে বলিল,—“কে, হীরা সিং ?”

মৃদু সংক্ষিপ্ত উত্তর হইল,—“না, আমি কমল।”

বিভূতি একবার মাথা নাড়িয়া অল্প একটু হাসিল। এখনও স্বপ্ন চলিতেছে নাকি ? কিন্তু উত্তরও ত মিলিতেছে। পুনরায় সে প্রশ্ন করিল,—“মিলের বাশী বাজে কেন ?”

উত্তর আসিল,—“ছপুরের খাওয়ার ডাক পড়েছে ব’লে।”

উত্তেজিত বিভূতি প্রশ্ন করিল,—“মিল চলছে ? হীরা সিং বিলাসপুর যায় নি ? সায়েব, সায়েব—”

স্নিগ্ধ কণ্ঠে উত্তর হইল,—“আপনি চূপ ক’রে থাকুন। একটু ঘুমান, নইলে অস্থখ বাড়বে।”

বিভূতি ছটফট করিতে লাগিল।

—“আমায়—আমায় আপিস যেতে হবে। হোক বন্ধ, যেতে হবে। শালারা ধর্মঘট করেছে, আমিও দেখব—”

কমল ধীরে ধীরে তাহার মাথায় হাত বুলাইতে বুলাইতে বলিল,—“আর মিলে যেতে হবে না, আপনি চূপ ক’রে ঘুমন। মা, শুষুধটা এক দাগ ঢেলে দিন ত।”

শুষ্ক খাইয়া বিভূতি চূপ করিয়া পড়িয়া রহিল।

সে তখন স্বপ্নেও মনে করে নাই—চার দিন হইল সে আঘাত পাইয়া অচৈতন্য হইয়া পড়ে ও কমলের সাহায্যে বাটা আসে। চার দিনের পর এই মাত্র সে প্রথম চক্ষু চাহিল ও কথা কহিল।

মিল খুলিয়াছে। সন্ধ্যারবে বিলাসপুর ঘাইতে হয় নাই। তিন দিনের দিন অন্নগতপ্রাণ কুলিরা দলে দলে

আসিয়া যোগদান করিয়াছে এবং কাব্যক্ষতির ভয়ে
সাহেব হরিশবাবুর শালককে বিভূতির পদে নিযুক্ত করিয়া
হরিশবাবু দাক্ষিণ্য হ্রাসিত্য দূর করিয়া দিয়াছেন ।

বিভূতিকে সাহেব ভালবাসিতেন সত্য, কিন্তু হরিশ-
বাবু তাঁহাকে যে মুহূর্তে বুঝাইয়া দিলেন, অতর্কিত
আঘাতে সে চিরদিনের জ্ঞাত কর্মক্ষমতা হারাইয়াছে,

সেই মুহূর্তে তিনি নূতন কক্ষিষ্ঠ লোক নিয়োগ
করিয়াছেন ।

যন্ত্র-দানব কর্মের মূল্যে স্নেহ ভালবাসার পণ্য ক্রয়
করিয়া থাকে ।

ভোঁ—ভোঁ করিয়া বাঁশী বাজিতে লাগিল ।

বিভূতি কখন ঘুমাইয়া পড়িয়াছে, কে জানে ?

প্রত্যাবর্তন

শ্রীপ্রভাতমোহন বন্দ্যোপাধ্যায়

প্রথম বেদিন স্বাপ দিয়েছি এই মাতৃস্নেহ স্রোতে
মা প্রকৃতির স্নেহকোমল শ্রামল বক্ষ হ'তে
সেদিন হঠাৎ সজল চোখে অভিমানের ভবে
চিরদিনের বন্ধুরা মোর সবাই গেল সরে' ।
সেদিন হ'তে পাইনি সময় দেখতে মেলে আঁপি
কোন্ বনে কোন ঋতু এল,—কোন্ গাছে কোন্ পাখী
ধূপছায়া আর আলো আধার—সকাল সন্ধ্যার ছবি
আমার কাছে এক নিমেষেই মিলিয়ে গেল সব ;
অন্ধকারের তারা গেল—জ্যোৎস্না রাতের চাঁদ ।
প্রাণের নদীর ত্রুতল বেধে মাতৃস্নেহ দিল বাধ ।
লুকিয়ে গেল আমার কাছে নিখিল বসুন্ধরা,
রাত্রিদিবা হ'ল কেবল মাতৃস্নেহ দিয়ে ভরা ।
কেবল চিন্তা কেবল কাব্য,—কেবল কোলাহল,
শত্রু, মিত্র, তর্ক, বন্দ—চলল অবিরল ।

হঠাৎ যেদিন রাগের মাথায় স্রোতের থেকে তুলে
মাতৃস্নেহই ফের বন্দী ক'রে ফেললে আমার কুলে
চারিদিকে পাঁচিল যেদিন উঠল আকাশ ঘিরে
হারিয়ে যাওয়া বন্ধুরা মোর সেদিন এল ফিরে ।
চাঁদের আলো পড়ল এসে লোহার শিকের ফাঁকে ;
অগ্ননেতে ডাকল পাখী কদমগাছের শাখে ;

লাগল ভালো আকাশজুড়ে আঘাট যেঘের মায়া ;
লাগল ভালো ভোরের আলো, রাতের কালো ছায়া ।
বাইরে বা'রা ডুব দিয়েছে ভিতরে আজ হাসে ;
কারার প্রাচীর ভেদ ক'রে কোন্ বনের বাতাস আসে !
আসে সে কোন্ পাহাড়পুরীর জলের কলগীতি !
রাস্তামাটির বুক সে কোন্ শ্রামল শালের বীধি !
দীঘির জলে পদ্মপানা, নদীর জলে ডেলা ;
বালুর চরে, ধানের ক্ষেতে সন্ধ্যা সকালবেলা ;
আসে সে কোন্ দূর সাগরের তরঙ্গগর্জন ;
পলাশ বনে কালবোশেখীর বিপুল আয়োজন ;
নিশীথরাতের বাঁশী সে কোন্ সন্ধ্যারাতের শাখ ;
দুপুর রোদে ছাতিমতলায় ক্রান্ত ঘূষ ডাক ;
আসে সে কোন্ বীণার ধ্বনি,—বৈতালিকের গান ;
কোন্ প্রকৃতির প্রাণের প্রীতি—খেয়ালখেলার দান !
চোখের দেখা যাদের সাথে নয় আজি সম্ভব
মাঠের হাসি, ফুলের গন্ধ,—জলের কলরব ;
তর্কধ্বন্দ্ব, ভালোমন্দ,—সবার অতীত যারা—
জ্যোৎস্নারাতের চাঁদ সে আমার আধার রাতের তারা !

৪ঠা শ্রাবণ
নেট্র্যাল জেল

লক্ষ্মী

অধ্যাপক শ্রীঅমূল্যচরণ বিদ্যাভূষণ

২

শ্রী বা লক্ষ্মীকে আমরা বিষ্ণুর পত্নী বলিয়াই বুঝি। লক্ষ্মীর সহিত বিষ্ণুর এই সম্বন্ধের সন্ধান বৈদিক যুগে ছিল বলিয়া বোধ হয় না। বৈদিক সাহিত্যেও এই



সিরিমা দেবতা

ধারণার কোনও মূল পাওয়া যায় না। ভারতীয় স্মৃতিতেও বিষ্ণুর সহিত লক্ষ্মীর সম্পর্কের কোনও ইঙ্গিত নাই। তবে বৈদিক সাহিত্যের শেষের দিকে ইহার একটু

আধটু আভাস পাওয়া যায়। এই সমস্ত কারণে মনে হয়, শ্রী বা লক্ষ্মীর বিষ্ণু-পত্নীত্ব বৈদিক যুগের পরবর্ত্তী কালের ব্যাপার। শ্রী বৈদিক যুগে ছিলেন তাহারও প্রমাণ আমরা পূর্বে দিয়াছি। তবে তাঁহার রূপের বর্ণনা কোথাও পাওয়া যায় না। ভারত ভাস্কর্য্যে (pl. xxiii), 'সিরিমা দেবতা'র * প্রস্তরের একটি অতি সুন্দর ভগ্ন মূর্ত্তি আছে। মূর্ত্তিটা খৃষ্টপূর্ব্ব দ্বিতীয় শতকের। দেবীর দক্ষিণ হস্তটির কিয়দংশ ভাঙ্গিয়া গিয়াছে। সিরিমা দেবতা = শ্রীমা দেবতা। সিরিমা পীবরন্তনী। ইফেসীয়দিগের ডিয়ানা দেবীর হায ইহার বক্ষে উৎপাদিকা শক্তির চিহ্ন বর্ত্তমান বলিয়া কেহ কেহ অনুমান করিয়া থাকেন এবং ইহাকে ধনের অধিষ্ঠাত্রী দেবী লক্ষ্মী বলিয়া মনে করেন। আমাদের পুরাণেও শ্রীদেবী আছেন, পৌরাণিক সৌভাগ্যদেবী ও 'সিরিমা' কিন্তু ঠিক একই দেবতা ন'ন।


বৌদ্ধ শাস্ত্রে শ্রী = সিরী, লক্ষ্মী = লক্ষ্মী। প্রথম প্রথম বৌদ্ধেরা শ্রীর অর্থ করিতেন—সৌন্দর্য্য, শোভা, সম্পত্তি। স্মৃতি-নিপাতের নালক স্মৃতির অষ্টম শ্লোকে ('দদ্ধল্লমানং সিরিয়া অনোমবঃ') এই অর্থে ইহার প্রয়োগ আছে। অগ্রজও আছে। সৌভাগ্য, গৌরব, সমৃদ্ধি বুঝাইতেও শ্রীর বহুল প্রয়োগ বৌদ্ধ সাহিত্যে আছে। 'রজ্জ-সিরী-দায়িকা দেবতা' বৌদ্ধগণ স্বীকার করেন। তাহাদের সৌভাগ্যদেবী—সিরিদেবতা।†

* বৌদ্ধ 'শীল' গ্রন্থে 'সিরিমা'-পূজার কথা আছে।

† তাহাদের সৌভাগ্য্য সিরিধর (শ্রীধর); যে ব্রাহ্মণ সৌভাগ্য্য হরণ করেন তিনি—সিরিচোরব্রাহ্মণ। মর্যাদা। বুঝাইতে আমরা ব্রাহ্মের নামের পূর্বে শ্রী বসাইয়া আরও একটু বেশী শ্রদ্ধা দেখাইয়া শ্রীপাট, শ্রীধাম, শ্রীমূর্ত্তি, শ্রীহস্ত প্রভৃতি বলিয়া থাকি। বৌদ্ধেরা কিন্তু ঠিক তাহাই করিতেন না। তাহাদের গুইবার ঘর জাতিবর্ণগতকর্ম্ম নির্বিশেষে সিরিগত (শ্রীগর্ত), কিন্তু শ্রীগর্ভে স্বামিন্ত্রীর বিবাহ হইলে সেই বিবাদের নাম হয় সিরিবিবাহ। আবার তোমার আমার শয্যা বা শয়ন—সয়ন, কিন্তু রাজারাজড়াদের শয়ন—সিরিসয়ন।

শ্রীদেবতার মূর্তির বর্ণনা বৌদ্ধ সাহিত্যে না থাকিলেও ভাস্কর্য্যে আছে। ভারতের মূর্তির পূর্বে শ্রীদেবতার

পদ্মের উপর দেবী পদ্মপীঠ হইতে পা ঝুলাইয়া বসিয়া আছেন। দুইটা হাতী শুঁড় দিয়া দেবীর মাথায় জল ঢালিতেছেন। প্রত্যেক হস্তীর চারিটা চরণ পদ্মের উপর সংস্থিত। দেবীর আশেপাশেও পদ্ম। সাঁচী স্থাপত্য-যুগের সময় হইতে বরাবর এমন কি আজ



একাদশ শতকের লক্ষ্মী
(দক্ষিণ-ভারত)

কোনও মূর্তি কোথাও পাওয়া যায় নাই। ইহার পরে শ্রীদেবতার অনেক মূর্তি পাওয়া গিয়াছে। দক্ষিণ-ভারতে পুণ্ড্র একাদশ শতকের একটি মূর্তির চিত্র দেওয়া হইল। চিত্র রীজ ডেভিডসের বৌদ্ধভারত গ্রন্থে আছে।

তারপর সাঁচীস্থাপত্য-নিদর্শনের মধ্যে কমলার একটি মূর্তি আছে। এই মূর্তির অপর নাম গজলক্ষ্মী। ইনি পদ্মপীঠাসনে উপবিষ্টা। পীঠাসনটা পদ্মনালের উপর সংস্থিত। নালটা আবার একটি পদ্ম হইতে উঠিয়াছে। এই পদ্মটার দুই পাশে দুটা পদ্ম। তন্মধ্যে একটি



কমলা বা গজলক্ষ্মী

পয্যন্ত এই প্রাচীন আদর্শে গজলক্ষ্মীর মূর্তি তৈরী করা হয়। সাঁচী স্থাপত্যের মূর্তিটাই গজলক্ষ্মীর প্রাচীনতম মূর্তি। ইলোরার কৈলাস মন্দিরেও গজলক্ষ্মীর মূর্তি আছে। দেবীর হস্তে পদ্ম এবং চারিটা হস্তী তাঁহার মন্তকে জল-সেচন করিতেছে।

মুদ্রায় লক্ষ্মী

বৌদ্ধযুগে হিন্দুদের দেব-দেবীর স্থান বড় উচ্চ ছিল না। এই যুগের দ্বিতীয় পাদে হিন্দু ধর্ম্মের পুনরুত্থানের সঙ্গে সঙ্গে হিন্দু দেবদেবীগণ ভাস্কর্য্যে স্থান লাভ করিতে লাগিলেন। খৃষ্টীয় প্রথম শতকে মুদ্রায় শিব-মূর্তি দেখিতে পাওয়া যায়। বাহুদেব হিন্দু ধর্ম্মে দীক্ষিত হইয়াছিলেন; তিনি

একজন পরম শৈব ছিলেন। তিনি যে মুদ্রার প্রচলন করিয়াছিলেন তাহার বিপরীত দিকে শিবের মূর্তি অঙ্কিত আছে। বাহুদেবের মৃত্যুর পর (খৃঃ ২২০) কুষাণদিগের প্রভুত্ব কমিয়া গিয়াছিল। অবশ্য কপিদের বংশধরগণ ৪২৫ খৃষ্টাব্দ পর্যন্ত কাবুল উপত্যকা নিজেদের অধিকারে রাখিয়াছিলেন। এই সমস্ত রাজাদের শাসনকালে প্রধানতঃ দুই প্রকার মুদ্রা প্রচলিত ছিল। এক প্রকার মুদ্রার বিপরীত দিকে শিবের মূর্তি ছিল; আর এক প্রকার যে মুদ্রা ছিল তাহার উপরের দিকে সিংহাসনে লক্ষ্মীদেবীর মূর্তি বিরাজিত।

এলাহাবাদে একটা ক্ষোদিত স্তম্ভ আছে। ইহাতে যে লিপি আছে তাহা হইতে জানিতে পারা যায় যে, সমুদ্রগুপ্তের রাজ্য উত্তরে হিমালয়, পূর্বে ব্রহ্মপুত্র, দক্ষিণে নর্মদা এবং পশ্চিমে যমুনা নদী পর্যন্ত বিস্তৃত ছিল। দেশজয় ব্যাপার শেষ করিয়া তিনি অশ্বমেধ যজ্ঞ করিয়াছিলেন। পত্নীকে সমুদ্রগুপ্তের অধীন রাজ্যগুলি পূর্বে কুষাণদিগের অধিকারভুক্ত ছিল। এখানে এক রকম মুদ্রা প্রচলিত ছিল, আর সেই মুদ্রায় “দণ্ডায়মান



উপরে কুষাণরাজ
নিম্নে—আসীনা দেবী।
দক্ষিণ হস্তে পাশ—
বাম হস্তে শূঙ্গ

নৃপতি” ও “আসীনা দেবীর” মূর্তি অঙ্কিত থাকিত। এই সকল মুদ্রার অঙ্ককরণে সমুদ্রগুপ্তের রাজ্যে প্রচলিত মুদ্রার প্রতিকৃতি গৃহীত হইয়াছিল। নানালঙ্কার-ভূষিতা সিংহাসনাসীনা দেবীমূর্তি সমুদ্রগুপ্তের রাজ্য-

কালে দেখিতে পাওয়া যায়। দ্বিতীয় চন্দ্রগুপ্ত ও কুমার-গুপ্তের শাসনকালে অথাক্রমে দেবীমূর্তির মুদ্রা দেখিতে পাওয়া যায়। সমুদ্রগুপ্ত ও দ্বিতীয় চন্দ্রগুপ্তের মুদ্রায় দেবী যে ভাবে উপবিষ্টা তাহাতে ধনদা লক্ষ্মীদেবীর সমস্ত গুণই প্রকাশ পাইয়াছে। সমুদ্রগুপ্তের মুদ্রায় লক্ষ্মীদেবী সিংহাসনে উপবিষ্টা। পদ্মের উপরে তাঁহার পদদ্বয় স্থাপিত। দক্ষিণ দিকে পরাক্রমের মূর্তি। দ্বিতীয় চন্দ্র-গুপ্ত বিক্রমাদিত্যের (খৃঃ ৩৭৫-৪১৩) রাজ্যে প্রচলিত মুদ্রার সংখ্যা যথেষ্ট ছিল। মুদ্রার উপরে লক্ষ্মীদেবী সিংহাসনের পরিবর্তে পদ্মের উপর অধিষ্ঠিতা; অপর দিকে লক্ষ্মীদেবী অঙ্কুরপ মূর্তিতে সিংহের উপরে আসীনা। সমুদ্রগুপ্তের রাজ্যে যে রকম মুদ্রা প্রচলিত ছিল প্রথম কুমারগুপ্ত (খৃঃ ৪১-৪) ঠিক সেই রকম মুদ্রাই প্রচলন করিয়াছিলেন। তাঁহার মুদ্রার বিপরীত দিকে লক্ষ্মীদেবী ময়ুরকে আহার দান করিতেছেন এইরূপ ভাব প্রদর্শন করা হইয়াছে।

গুপ্তবংশের শেষ রাজা স্বন্দগুপ্ত ৪৫৫ খৃঃ পিতৃ-সিংহাসন লাভ করেন। তিনি এক নতুন ধরণের মুদ্রা প্রচলিত করেন। ইহার দক্ষিণ দিকে লক্ষ্মীদেবী, বাম দিকে রাজা স্বন্দগুপ্ত এবং মধ্যভাগে গরুড়। ব্রিটিশ-মিউজিয়মে কতকগুলি ছলভ মুদ্রা সংরক্ষিত আছে, সেগুলির উপরে ক্ষোদিত মূর্তির সহিত গুপ্তরাজ্যগণের মুদ্রাঙ্কিত মূর্তির যথেষ্ট সাদৃশ্য আছে; আর এই সাদৃশ্য এত বেশী যে, উভয় পরিকল্পনা একই বিষয় হইতে পাওয়া গিয়াছে বলিয়া মনে করাও যাইতে পারে। সমুদ্র-গুপ্তের মুদ্রার পশ্চাদ্ভাগে ক্ষোদিত সিংহাসনাসীনা দেবীমূর্তি এবং দ্বিতীয় চন্দ্রগুপ্তের রাজ্যকালে প্রাপ্ত ধর্মধারী মূর্তি নিশ্চয়ই ইণ্ডোসিথিয়ান মুদ্রাঙ্কিত-“অরোখ্শো” মূর্তির পরিকল্পনা হইতে গৃহীত বলিয়া কেহ কেহ মত প্রকাশ করিয়াছেন। দ্বিতীয় চন্দ্রগুপ্তের মুদ্রার উপরে অঙ্কিত দ্বিতীয় শ্রেণীস্থ ধর্মধারী মূর্তির সহিত প্রস্তুতি পদ্মের উপরে আসীনা দেবীমূর্তির কোন সাদৃশ্য নাই। শেষোক্ত দেবীমূর্তি বহু শতাব্দী ধরিয়া উত্তর-ভারতে স্বর্ণ ও তাম্রমুদ্রায় অঙ্কিত মূর্তির আদর্শ পরিকল্পনা বলিয়া গৃহীত হইত। এই

মূর্তির সহিত সিংহাসনাক্রুতা দেবীর, দণ্ডায়মানা দেবীর, অথবা কাষ্ঠাসনে উপবিষ্টা দেবীর বিশেষ কোন পার্থক্য নাই। সাধারণতঃ, এই সমস্ত দেবীর এক হাতে পদ্ম ও অপর হাতে পাশ থাকে। বিষ্ণুপ্রিয়া লক্ষ্মীর সহিত এই দেবীমূর্তিগুলির যথেষ্ট সাদৃশ্য আছে। লক্ষ্মী সৌভাগ্যদেবা, পীতবর্ণা, পদ্মাসনে উপবিষ্টা। কখনও কখনও তিনি চতুর্ভুজা; তখন তাঁহার দক্ষিণ দিকের একটা হাতে জপমালা এবং বাম দিকের একটা হাতে পাশ থাকে; বকণ ও শিবের হাতেও এই প্রহরণ দেখিতে পাওয়া যায়।

গৌড়রাজ শশাঙ্কের (৬০০-৬২৫ খৃঃ) মুদ্রায় শিব লক্ষ্মীর (ব্রহ্মের) উপরে হেলিয়া রহিয়াছেন, বামদিকের



শিব—শ্রী

উপরিভাগে চন্দ্র, দক্ষিণে শ্রী শ, নিম্নে জয়। লক্ষ্মী দেবী পদ্মোপরি উপবিষ্টা। উভয় পার্শ্বে হস্তী জল ঢালিতেছে; দক্ষিণ দিকে ত্রিশশঙ্গ। তাম্রমুদ্রায় সাধারণতঃ দেখিতে পাওয়া যায় যে, হস্তিদ্বয় দেবীর মস্তকে জল-সেচন করিতেছে। দক্ষিণ-দিকের তাম্রমুদ্রায় এইরূপ চিত্র দেখিতে পাওয়া যায় (A. S. R., 1903-4. vol iii, pl x1, 7, 8, 10, 11, 13 দ্রষ্টব্য)। সমুদ্রগুপ্তের তাম্রমুদ্রার সহিত ইহাদের যথেষ্ট সাদৃশ্য আছে। কিছু দিন পূর্বে ফরিদপুরে এই রকম একটা তাম্রমুদ্রা পাওয়া গিয়াছে। বসান্ডে ১৯১২ সালে কতকগুলি মুদ্রা পাওয়া গিয়াছিল; তন্মধ্যে ডিম্বাকার একটা বৃহৎ ও চমৎকার মুদ্রা আছে। আরতনে ইহা ২ “২” x ২ “২”। ইহাতে লক্ষ্মী দেবী দুইটা হস্তীর সম্মুখে একটা নীচু বেদীর উপর ঠাড়াইয়া আছেন, আর ঐ হস্তিদ্বয় তাহাদের গুণোপরিস্থ কন্দী হইতে তাঁহার মস্তকে জল-সেচন করিতেছে। দেবীর বাম ভাগে একটা

বড় শঙ্খ। দক্ষিণ দিকেও কিছু আছে—কি ঠিক নির্দেশ করা কঠিন। মুদ্রাটী সম্ভবতঃ চতুর্থ কিংবা পঞ্চম শতকের। মুদ্রার নিয়মদেহে দুই ছত্র এইরূপ অঙ্কিত আছে:—

বিশালি নামকুণ্ডে কুমার।

মাত্যাদিকরণ (সা)

পূর্ববঙ্গের ত্রিপুরা জেলায় প্রাপ্ত একটা তাম্রমুদ্রায় দুইটা সহচরীর সহিত লক্ষ্মীর মূর্তি আছে। মুদ্রাটির পরিধি চারি ইঞ্চি। সহচরীগণ গোলাকার পাত্র হইতে দেবীর মস্তকে জল-সেচন করিতেছে। বিপরীত দিকে একটা পদ্ম। তাম্রমুদ্রার ভাষা গুপ্ত রাজাদের শাসন-বালের। কনৌজের হিন্দুরাজগণ লক্ষ্মী মুদ্রা প্রচলিত করিয়াছিলেন। তাঁহাদের অগ্রকরণে স্থলতান মুহম্মদ বিন শাম লক্ষ্মীমূর্তি-আঙ্কিত মুদ্রা প্রচলিত করিয়াছিলেন।

হিন্দুস্থান ও মধ্য-ভারতে যে সমস্ত রাজপুত্র নরপতি রাজ্য করিতেন তাঁহাদের প্রচলিত মুদ্রা সাধারণতঃ স্বর্ণ ও রৌপ্য নিখিত ছিল। গাঙ্গেয় দেব বিক্রমাদিত্য (১০১৫-১০৪০ খৃঃ) যে মুদ্রা প্রচলিত করেন তাহাতে লক্ষ্মী চতুর্ভুজবিশিষ্টারূপে অঙ্কিত আছেন।

স্থাপত্যে লক্ষ্মী

আমাদের শাস্ত্রের উক্তি, বিষ্ণু জগদ্ধাতা। বিষ্ণু নানাস্থানে নানা নামে পরিচিত। দক্ষিণভারতে শ্রীবিষ্ণুমূর্তির পূজা মন্দিরগুলিতে নানাভাবে হইয়া থাকে। তাঁহার চারিটা বাহু, দুইটা চক্ষু; মস্তকে কিরীট এবং বক্ষে শ্রীবৎস-চিহ্ন অঙ্কিত থাকে। উপরের হাত দুটিতে শঙ্খ-চক্র এবং নীচের দুটি হাতে গদা-পদ্ম। শ্রীবিষ্ণুর কণ্ঠে আজ্ঞাধ্বলবিশিত বনমালা। ধনের অধিষ্ঠাত্রী দেবী লক্ষ্মী তাঁহার দক্ষিণ দিকে বিরাজিতা থাকেন।

দক্ষিণ-ভারতের মন্দিরগুলিতে শ্রীবিষ্ণুর নানামূর্তি দেখিতে পাওয়া যায়। তন্মধ্যে একটা মূর্তি বিশেষভাবে উল্লেখযোগ্য। অনন্ত-নাগের পৃষ্ঠোপরি শ্রীবিষ্ণু নিদ্রিত, তাঁহার দক্ষিণ বাহু প্রসারিত এবং বাম বাহুটা কিঞ্চিৎ উত্তোলিত। তাঁহার মেথলা নাভির নিম্নভাগের চতুর্দিক বেটন করিয়া রহিয়াছে এবং তাঁহার কণ্ঠের বনমালা দক্ষিণ বাহু হইতে বিচ্যুত হইয়া পড়িয়াছে—

ইহাতে তাঁহার নিদ্রাবিষ্ট মূর্তি বেশ স্পষ্ট ধারণা করিতে পারা যায়। অনন্ত-নাগের পার্শ্বে বিষ্ণুর পদমূলে নতজাহ্নু, বিষ্ণুর পূজার্তনানিরতা লক্ষ্মীদেবীর সমুজ্জল মূর্তি বিবাজিত। লক্ষ্মীর সম্মুখে নাগ-পার্শ্বে আরও দুইটি মূর্তি আছে। এই দুইটি মূর্তি ব্রহ্মা ও শিবের অথবা জয়া এবং বিজয়ার বলিয়া বোধ হয়।

অনন্ত-নাগের উপরে উপবিষ্ট মূর্তির নাম বৈকুণ্ঠ-নারায়ণ। জাহ্নু-গ্রন্থির উপরে বাম-হস্ত এবং নাগের মস্তকের উপরে মূর্তির দক্ষিণ হস্ত প্রসারিত রহিয়াছে। পশ্চাতের বাহু দুটিতে শঙ্খ এবং চক্র বিরাজমান। মূর্তিটি মণি-রত্ন-শোভিত এবং ইহার পার্শ্বে লক্ষ্মী এবং পৃথ্বীর মূর্তি। বিষ্ণুর লক্ষ্মী-নারায়ণ মূর্তির বামভাগে, পার্শ্বদেশে অথবা উত্তর উপরে লক্ষ্মীকে উপবিষ্টা থাকিতে দেখা যায়। তাঁহার দক্ষিণ হস্ত দিয়া তিনি বিষ্ণুর কণ্ঠদেশ বেটন করিয়া থাকেন এবং তাঁহার বামহস্তে পদ্ম থাকে। বিষ্ণুর দক্ষিণ হস্ত লক্ষ্মীর কটিদেশ-বেষ্টিত থাকে।

পদমপুর জমিদারীতে নরসিংহনাথের মন্দির আছে। সম্বলপুর জেলায় পদমপুরের ২০ মাইল দক্ষিণ-পশ্চিমে ইহা অবস্থিত। মন্দিরটির মুখ পূর্বদিকে, ইহাতে একটি স্বরূপ মন্দির আছে। ‘জগমোহন’ মণ্ডপের প্রাচীরগুলি পুনরায় প্রস্তুত হইয়াছে একথা নিঃসন্দেহে বলা যাইতে পারে। আগে মণ্ডপটির পূর্বে, উত্তরে এবং দক্ষিণে দ্বার ছিল, কিন্তু এক্ষণে দুইটি মাত্র দ্বার আছে, তৃতীয় দ্বারটি একেবারে রুদ্ধ। সেইজন্ত পার্শ্বের প্রাচীরটি বিসদৃশ হইয়াছে। উত্তরদিকে গজলক্ষ্মীর মূর্তি আছে। লক্ষ্মীদেবী পদ্মাসনের উপরে উপবিষ্টা। তাঁহার দক্ষিণ পদ সিংহাসনে এবং বাম পদ নিয়ে স্থাপিত একটি কাষ্ঠাসনের উপরে। তাঁহার উভয় পার্শ্বে চামর-বাজন হইতেছে এবং দুইটি হস্তী শুণ্ড দ্বারা পানপাত্র ধারণ করিয়া আছে। দক্ষিণ দিকের প্রাচীন মন্দিরের দ্বারের উপরে গজলক্ষ্মীর মূর্তি আছে। ওড়িশার প্রাচীন মন্দিরে গজলক্ষ্মী দেখা যায়। কটকের প্রাচীন গুহায় এই প্রকার ভাস্কর্যের বহু নিদর্শন পাওয়া যায়।

মন্দিরের দ্বারেও গজলক্ষ্মীর মূর্তি থাকিতে দেখা যায়। (Arch Sur. Rept, p. 121, 122, 123)

ধর্মনাথের (ধমনায়ের) মন্দির বিষ্ণুকে উৎসর্গ করা হইয়াছে কি না তাহা ঠিক বলা যায় না। তবে পশ্চাতের প্রাচীরে গদা, মালা, চক্র ও শঙ্খধারী কৃষ্ণের মূর্তি দেখিতে পাওয়া যায়। পার্শ্ব-দ্বারের উপরে বিষ্ণু এবং লক্ষ্মী আছেন। বিষ্ণুর উপরের দক্ষিণ হস্তে গদা এবং বাম-দিকের বাম হস্তে চক্র আছে। বাম দিকের হাতখানি লক্ষ্মীর কটিদেশ বেটন করিয়াছে, দক্ষিণ দিকের হাতখানি সম্বন্ধে ঠিক কিছু বলা যায় না।

সোমপল্লীতে কয়েকটি তাম্রমূর্তি পাওয়া গিয়াছে। প্রধান মূর্তিটির নাম ছিন্নকেশবস্বামী, কৃষ্ণপ্রস্থের ইহা সুন্দরভাবে ক্ষোদিত; প্রতিদিন ইহার পূজাচর্য্য হয়। মন্দিরের পূজারীর গৃহে তিনটি তাম্রমূর্তি আছে। ইহাদের মধ্যে একটি ছিন্নকেশবস্বামীর এবং অপর দুইটি লক্ষ্মী ও ভূদেবীর। কোন পরোপলক্ষে ইহাদিগকে বাহিরে আনিয়া পূজা করা হয়। উক্ত তীর্থস্থানের উপরে ইষ্টকের একটি (অধুনালুপ্ত) চড়া আছে।



কমলা (গজলক্ষ্মী)

(বঙ্গীয়-সাহিত্য-পরিষৎ)

পশ্চাদিকের প্রাচীরের বহির্ভাগে প্রতিমা রাখিবার জন্ত একটি ক্ষুদ্র স্থানও নির্দিষ্ট আছে।

বঙ্গীয়-সাহিত্য-পরিষদে একটি কমলা-মূর্তি আছে।

কমলা পদ্মাসনের উপরে উপবিষ্ট। তাঁহার দক্ষিণপদ বিলম্বিত অবস্থায় একটা ইন্দুরের পুষের উপর রহিয়াছে। দেবী একটা করণ্ড মুকুট পরিয়াছেন, তাঁহার দক্ষিণদিকের উপরের হাতে অঙ্কশ, নিম্ন হাতে অক্ষমালা, বামদিকের উপরের হস্তে চতুষ্কোণ হীরক-খচিত বস্ত্রখণ্ড। ললাটে তিলক বেশ স্পষ্ট। তিনি কর্ণপুর, কর্ণকুণ্ডল, বলয়, কেয়ূর, নুপুর, কণ্ঠহার প্রভৃতি অলঙ্কার ধারণ করিয়াছেন। পুষের উপরে দণ্ডায়মান দুইটা হস্তী শুণ্ড দ্বারা পাত্র হইতে দেবীর মস্তকের উপরে জলবর্ষণ করিতেছে।

বিষ্ণুর ত্রি-বিক্রম মূর্তিহে লক্ষ্মী দক্ষিণদিকে এবং সরস্বতী বামদিকে দণ্ডায়মানা থাকেন। বর্দ্ধায়-সাহিত্য-পরিষদে এইরূপ একটা মূর্তি আছে। ঐ মূর্তিতে লক্ষ্মী বাম হস্তে পদ্ম-নাগ ধারণ করিয়া আছেন এবং সরস্বতী উভয়হস্তে বীণা লইয়া আছেন।

পরিষদে একটা চতুষ্কোণ তাম্রফলকে বেশ একটা স্তম্ভর ছবি দেখান হইয়াছে। ইহাতে বিষ্ণুর দশ-অবতারের মূর্তি ক্ষোদিত আছে। প্রথম চারিটা মূর্তি চতুহস্তবিশিষ্ট, অবশিষ্ট মূর্তিগুলি দশহস্তবিশিষ্ট। দ্বিত্বকহস্তে রামের মূর্তি পরশুরামের পক্ষে ক্ষোদিত রহিয়াছে। বলরামের লাল্লল বেশ স্পষ্টভাবে দেখান হইয়াছে। দশমাবতার কল্কি অথারোহণ করিয়াছেন। এতদ্ব্যতীত বিষ্ণু পদ্মের উপরে উপবিষ্ট এবং তাঁহার উভয় পার্শ্বে লক্ষ্মী এবং সরস্বতী। বিষ্ণুর উপরিভাগে গজলক্ষ্মীর মূর্তি আছে এবং নিম্নভাগে গরুড় আছেন। একটা ছোট লক্ষ্মীর প্রতিমূর্তি আছে। দেবী চতুহস্তবিশিষ্ট। উপরকার দুইটা হস্তে পদ্ম আছে, নিম্নের দুইটা হস্তে তিনি বরাভয় দান করিতেছেন। দেবী কর্ণকুণ্ডল, কণ্ঠহার, বলয় পরিধান করিয়াছেন।

আইহোলের দেবালয়ের প্রবেশদ্বারে আমরা গজলক্ষ্মী-কে অধিষ্ঠিত দেখি। ঐ মন্দিরের উৎসর্গলিপিতে তাঁহার বিগ্রহ প্রত্যক্ষ হয়।

জয়পুরে (কাশ্মীর) রাজা জলোকার প্রতিষ্ঠিত একটা বড় বৌদ্ধবিহার ও একটা কেশবমন্দির ছিল। বৌদ্ধ-বিহারের কোন ধ্বংসাবশেষ পাওয়া যায় নাই বলিয়া মনে হয়। কেশবমন্দিরের ধ্বংসাবশেষের মধ্য হইতে একটা ক্ষোদিত শিলাফলক পাওয়া গিয়াছে। ফলকটির দুই

দিকই ক্ষোদিত এবং উভয় দিকেই লক্ষ্মী ও ভূমিদেবীর মাঝখানে চতুর্ভূজ বিষ্ণুমূর্তি সহজভাবে উপবিষ্ট দেখা যায়।

একটা মূর্তিতে বিষ্ণু একানন, তাঁহার দক্ষিণপার্শ্বে পদ্মপাণি শ্রী ও বামপার্শ্বে বীণাপাণি সরস্বতী। মূর্তিটা অবন্তীপুরে পাওয়া গিয়াছে। অধুনা মথুরার প্রত্নতত্ত্বাগারে সংরক্ষিত হইয়াছে।

অবন্তীপুরে শ্রীর আর একটা মূর্তি দেখিবার জিনিস। ইহা উচ্চতায় ৮ ইঞ্চি ও প্রস্থে ৪ ইঞ্চি। দেবী, দুইটা সিংহের উপরিস্থিত আসনে সহজভাবে আসীন, আর দুইটা হস্তী তাঁহার মাথায় বারিপাত করিতেছে। তাঁহার সিংহাসনের সম্মুখে একটা অমৃত বট হইতে একটা পদ্ম উপরদিকে উঠিয়াছে। তিনি ইহার সপত্র বস্ত্রটা বামহস্তে ধারণ করিয়া আছেন। তাঁহার দক্ষিণহস্তে একটা বিষফল দেখা যায়। অবন্তীস্থানী মন্দিরের আবিষ্কৃত শ্রীমূর্তির সহিত ইহার কিছু সাদৃশ্য আছে। কাশ্মীরের ভবনমাণ্ড ও ঐয়কাম স্থানদ্বয়ের অন্তবর্তী একটা গ্রামে ঐরূপ একটা শিলামূর্তি দেখা গিয়াছে। দ্রুশে বলেন বৌদ্ধদিগের কুবের পত্নী হারীতির মূর্তি হইতে এই লক্ষ্মী-মূর্তির পরিকল্পনা করা হইয়াছে।

অবন্তীপুরের দেবমন্দিরে বিষ্ণু ও শ্রী ভূমিদেবীর



শ্রী-মূর্তি (অবন্তীপুর)

মধ্যভাগে উপবিষ্ট আছেন দেখা যায়, আবার সিংহাসনের সম্মুখে দুইটা শুকপক্ষী আছে। এখানে বিষ্ণু কখনও চতুর্ভূজ, কখনও ষড়্ভূজ; কিন্তু দেবীদের প্রথমত দুইটা করিয়াই হাত আছে। আর শুকপাখীদের বিষয়ে

এইটুকু বলা চলে যে, দক্ষিণ ভারতের দুর্গা ও অস্ত্রা
দেবীদিগের হাতে প্রায়ই শুক দেখা যায়।

পৃ: ৭০ (১২১৫-১৬)

সহরি বহলোলে হিন্দু দেবালয়ের অনেকগুলি



হারীতি

ভগ্নাবশেষ আছে। তাহার মধ্যে প্রধানতঃ কয়েকটি
সুন্দরতমের দেবমূর্তি দেখা যায়। মূর্তিগুলি সুন্দররূপে



শ্রী ও ভূমিদেবীর মধ্যভাগে বিষ্ণু

ক্ষোদিত; দেখিয়া খুব প্রাচীন বলিয়া মনে হয় না।
ইহাদের মধ্যে একটা স্পষ্ট লক্ষ্মী-মূর্তি দেখা যায়।

ভীটায় বৈষ্ণবদিগের যে কয়েকটি মূর্তি আছে,
তাহাদের মধ্যে লক্ষ্মী, গজ, শঙ্খ এবং চক্রের চিত্র
পাওয়া যায়।

রংপুরে লক্ষ্মীর একটা মূর্তি দেখা যায়, তিনি পদ্মপাণি
ও বিষ্ণুর দক্ষিণভাগে অবস্থিত।

মামলুপুরমে “বরাহ-মণ্ডপে” লক্ষ্মী-দেবীর মূর্তি আছে।

তাঁহার দুইটি ভূজ। তিনি প্রথমত একটা পদ্মের উপর
একটু উদ্ভট ভঙ্গীতে উপবিষ্ট। তাঁহার দুইদিকে
দুইটা করিয়া সহচরী, তাঁহারা বিবসনা। ঠিক লক্ষ্মীর
পাখেরই যে দুইজন সহচরী আছে, তাঁহারা প্রত্যেকেই এক
হাতে একটা করিয়া কলসী ধরিয়া আছেন। আর দুইজন
সহচরীর বামহাতে এমন কোন জিনিস আছে, যার সম্বন্ধে
স্পষ্ট ধারণা হয় না। পশ্চাদ্ধিকে দুইটা হস্তীর নিদর্শন
দেখা যায়। উহাদের একটা লক্ষ্মীর দক্ষিণ পাশে তাঁহার
মাথার কলসী হইতে জল-সেচন করিতেছে। অপরটা
ঠিক ঐরূপ একটা কলসী লক্ষ্মীর বামদিকে অবস্থিত।
একজন সহচরীর হস্ত হইতে শুণ্ডদ্বারা গ্রহণ করিতেছে।

ওঁসবার মন্দিরটা যখন ব্যবহার হইত, তখন বছবার
ইহাতে চুনকাম পড়িয়াছিল বলিয়া বোধ হয়। এই
চুনকামের ফলে এখানকার অনেক মূর্তির উপর এমন ঘন
প্রলেপ পড়িয়াছে যে, তাহাদিগকে আর বুঝিবার যো
নাই। প্রবেশদ্বারের চৌকাঠের উপর গরুড়ের একটা
মূর্তি আছে। তাহার উপরিভাগে নবগ্রহ; এবং উর্দ্ধে
কাগিসের নীচে নয়টা সারিবদ্ধ কোটর বা কুলুঙ্গী আছে,
তাঁহার প্রত্যেকটিতেই কোন-না-কোন মূর্তি আছে,
মধ্যবর্তী কোটরের মূর্তিটা লক্ষ্মী-নারায়ণের বলিয়া
প্রতীতি হয়।

সম্প্রতি মসক্করের পূর্বত-ক্ষোদিত মন্দির খননকালে
একটা সুন্দর লিটেল আবিষ্কৃত হইয়াছে, ইহাতে লক্ষ্মীর
অভিষেকের একটা অতি মনোরম চিত্র আছে।

শিবের সহিত দেবীর সম্বন্ধ আছে একথা বহুস্থান
হইতে জানিতে পারা যায়। বিষ্ণু ও ব্রহ্মার সহিত
দেবীপূজার সম্বন্ধ আছে। বিষ্ণুর সঙ্গিনীদের মধ্যে
লক্ষ্মীই প্রধান। স্বধা লাভ করিবার আশায় দেবগণ
যখন সমুদ্র মন্থন করেন, বহু চুলভ দ্রব্য সমুদ্র হইতে
উঠিয়াছিল। লক্ষ্মীও সমুদ্র হইতে উথিত হইয়াছিলেন।
ইনি পরে বিষ্ণুর পত্নী হ'ন। বিষ্ণু লক্ষ্মীকে তাঁহার পার্শ্বে
স্থান দিয়াছেন। তিনি শ্রী, পদ্মা ও কমলা নামে
পরিচিত। তিনি পদ্মের উপরে উপবিষ্টা এবং তাঁহার
দুই হাতে পদ্ম আছে। তিনি পদ্ম-মালাতে বিভূষিতা,
তাঁহার উভয় দিকে হস্তী তাঁহার মাথায় জল


ঢালিতেছে। বিষ্ণুশোভনের মতে দেবী কৃষ্ণবর্ণা; বাহন গরুড়; ৫। কৌমারী—বাহন ময়ূর; ৬। মহেশ্বরী—বাহন বৃষ; ৭। ব্রাহ্মী, ব্রহ্মাণী, সরস্বতী—বাহন হংস।



সমুদ্রোত্তীর্ণা পদ্মা (ইলোরা)

করেন। তাঁহার কর্ণে নক্স-কুণ্ডল। লক্ষ্মীর দৈহিক অবয়ব কুমারীর তায়। তাঁহার আকৃতি মনোহর, ভ্রূ-যুগল অতীব সুন্দর, পদ্মের তায় চক্ষু, মনোরম গ্রীবা এবং স্তম্ভটি কটিদেশ। তাঁহার মস্তকে বিবিধ অলঙ্কার, তাঁহার দক্ষিণ হস্তে পদ্ম ভবং বাম হস্তে বিষ্ণু ফল। তাঁহার পৃষ্ঠদেশ বিস্তৃত এবং চিত্তাকর্ষক। কটি-মেথলায় কলা-কোশল থাকায় স্বভাব-সৌন্দর্য বৃদ্ধি পাইয়াছে।

ইলোরার গুহাভাস্তরে রাবণ কা খাইয়ের একটি চিত্র আছে। তাহাতে সপ্তমাতার মূর্তি ফোদিত আছে।



রাবণ কা খাইয়ের দৃষ্টে লক্ষ্মী (ইলোরা)

সপ্তমাতা, যথা—১। চামুণ্ডা - বাহন পেচক; ২। ইন্দ্রাণী—বাহন হস্তী; ৩। বরাহী—বাহন শূকর; ৪। লক্ষ্মী—

বাহন গরুড়; ৫। কৌমারী—বাহন ময়ূর; ৬। মহেশ্বরী—বাহন বৃষ; ৭। ব্রাহ্মী, ব্রহ্মাণী, সরস্বতী—বাহন হংস।

পরমাশ্ব

লক্ষ্মী—বোদ্ধদের নিকট “পরিবারসম্পত্তি” এবং “প্রজ্ঞা”; ব্যাখ্যাকারগণ বলিয়াছেন—সিরিপি ‘পুঞ্ঞমপি পঞ্ঞাপি’। তবে বোদ্ধেরা কখন হিন্দুদেবতার প্রতি অমুগ্রহ করিয়া তাঁহাদিগকে চরণতলে রাখিয়া লাঞ্চিত করেন। তাঁহারা গণেশের, ব্রহ্মার, দুর্দ্ধশা ঘটাইয়াছেন, লক্ষ্মীকেও বাদ দেন নাই।

পরমাশ্ব হয়গ্রীবের অপর একটি মূর্তি।

“প্রত্যালীচেন দক্ষিণপাদৈকেন ইন্দ্রাণীং ত্রিযক্স আক্রাম্য স্থিতম্, দ্বিতীয়দক্ষিণচরণেন রতিং প্রীতিক, বাম-



পরমাশ্ব (বোদ্ধ দেবতা)

প্রথমপাদেন ইন্দ্রং মধুকরক, বামদ্বিতীয়পাদেন জয়করং বসন্তক, ইত্যায়নং ধ্যায়েৎ।”

সাধনমালা A-280, Na-32. C-217-18

তিনি প্রত্যালীচ মূর্তিতে পাড়াইয়া আছেন, দক্ষিণপদ দ্বারা ইন্দ্রাণী এবং ত্রীকে দলিত করিতেছেন এবং দ্বিতীয়পদ দ্বারা রতি এবং প্রীতিকে দলিত করিতেছেন; বামদিকের একটা পদ দ্বারা ইন্দ্র এবং মধুকরকে এবং অগ্র বাম পদদ্বারা জয়কর এবং বসন্তকে দলিত করিতেছেন।

দীপ-লক্ষ্মী

দেবতাদের স্থানে দীপ দিবার রীতি আমাদের দেশে বিশেষ প্রচলিত। দীপগুলি যাহাতে কাক্কার্য্যমণ্ডিত

হয় তজ্জন্ত শিল্পিগণ বহুপ্রকার কৌশল প্রদর্শন করিয়া থাকেন। দক্ষিণ-ভারতে দীপে অনেক সময়ে লক্ষ্মীদেবী মূর্ত্ত করিয়া দেখান হয়। তখন দীপের নাম হয়



দীপ-লক্ষ্মী

দীপ-লক্ষ্মী। এই সৌন্দর্য্যমণ্ডিত দীপগুলি লক্ষ্মীদেবীর দয়ালুতার পরিচায়ক। উপাসকগণ মনে করেন যে, দীপগুলি দানের উপযুক্ত বস্তু। দক্ষিণ হস্তের পক্ষীটি একটি অভিনব বৈশিষ্ট্য।

কম্বোজের অন্তর্গত Ang-Pou-এর একটি শিলালিপিতে (Inscript. of Ang Chumik (667

A. D.); Corpus. I, p. 67) পাওয়া যায় যে, জগতের মঙ্গলের জন্ত হর ও অচ্যুত সম্মিলিত মূর্ত্তি পরিগ্রহ করেন। ইহাদের পূজার্ত্তনা সম্পূর্ণভাবে শৈব উপায়ে সম্পন্ন হয়। ভববর্মা শঙ্কু-বিষ্ণুর পূজা করিয়াছেন এবং উমা, লক্ষ্মী, ভারতী, ধর্ম্ম, মারুত এবং বিষ্ণুর উল্লেখ করিয়াছেন।

এক্ষণে যবদ্বীপের অবিবাসিগণ ইসলাম্ ধর্ম্ম স্বীকার করিয়া থাকেন, এখানেও অনেক হিন্দু দেবদেবীর মূর্ত্তি দেখিতে পাওয়া যায়। প্রায় সকল শ্রেণীর লোক রাক্ষস, ভূত এবং বিদ্যাধরীর অস্তিত্বে বিশ্বাস স্থাপন করে। এমন কি মুসলমানগণও বিশ্বাস করেন যে, লক্ষ্মী শস্ত্র এবং স্থপ-সমুদ্রির অধিষ্ঠাত্রী দেবী।

হিন্দু তত্ত্বের আশ্রয় তিব্বতে প্রচলিত বৌদ্ধ ধর্ম্মেও বহু দেবদেবীর পূজা দেখিতে পাওয়া যায়। ইহাদের মধ্যে তারা সর্ব্বাপেক্ষা প্রভাবশালিনী, তাহার সহচরী এবং তাহার নিজের মূর্ত্তির মধ্যে কোন পাণ্ডকা নাই, বহু-গুণাবিত্তা লক্ষ্মীদেবীও সেখানে পূজিত হইয়া থাকেন।

শৈবধর্ম্মের সহিত দেবদেবীর পূজার্ত্তনার বিশেষ সম্বন্ধ আছে। পরবর্ত্তী যুগের বৌদ্ধধর্ম্মেও মাদোনার মত একটি সুন্দর মূর্ত্তি আছে। লক্ষ্মী, সরস্বতী এবং সীতা খুবই দানশীলা, ইহা তাহারা বিশ্বাস করিয়া থাকেন। কিন্তু তাহারা কাহারও অশ্রদ্ধা পান না।



রাশিয়ার শিক্ষাবিধি

শ্রীরবীন্দ্রনাথ ঠাকুর

কল্যাণীয়াসু

আশা, রাশিয়া ঘুরে এসে আজ আমেরিকার মুখে চলেচি এমন সন্ধিক্ষণে তোমার চিঠি পেলুম। রাশিয়ায় গিয়েছিলুম ওদের শিক্ষাবিধি দেখবার জন্তে। দেখে খুবই বিস্মিত হয়েছি। আট বছরের মধ্যে শিক্ষার জোরে সমস্ত দেশের লোকের মনের চেহারা বদলে দিয়েছে। যারা মুক ছিল তারা ভাষা পেয়েচে, যারা মূঢ় ছিল তাদের চিন্তের আবরণ উদ্ঘাটিত, যারা অক্ষম ছিল তাদের আত্মশক্তি জাগরুক, যারা অবমাননার তলায় তলিয়ে ছিল, আজ তারা সমাজের অঙ্গ কুঠরী থেকে বেরিয়ে এসে সবার সঙ্গে সমান আসন পাবার অধিকারী। এত প্রভূত লোকের যে এত দ্রুত এমন ভাবান্তর ঘটতে পারে তা কল্পনা করা কঠিন। এদের এক কালের মরাগাঙে শিক্ষার প্লাবন বয়েচে দেখে মন পুলকিত হয়। দেশের এক প্রান্ত থেকে আর এক প্রান্ত সচেষ্ট সচেতন। এদের সামনে একটা নূতন আশার বীথিকা দিগন্ত পেরিয়ে অব্যাহত—সর্বত্র জীবনের বেগ পূর্ণমাত্রায়।

এরা তিনটে জিনিষ নিয়ে অত্যন্ত ব্যস্ত আছে। শিক্ষা, কৃষি এবং যন্ত্র। এই তিন পথ দিয়ে এরা সমস্ত জাতি মিলে চিত্ত, অঙ্গ এবং কর্মশক্তিকে সম্পূর্ণতা দেবার সাধনা করবে। আমাদের দেশের মতই এখানকার মানুষ কৃষিজীবী। কিন্তু আমাদের দেশের কৃষি একদিকে মূঢ় আর একদিকে অক্ষম, শিক্ষা এবং শক্তি দুই থেকেই বঞ্চিত। তার একমাত্র ক্ষীণ আশ্রয় হচ্ছে প্রথা—পিতামহের আমলের চাকরের মত, সে কাজ করে কম অথচ কর্তৃত্ব করে বেশি। তাকে মেনে চলতে হ'লে তাকে এগিয়ে চলবার উপায় থাকে না। অথচ শত শত বৎসর থেকে সে খুঁড়িয়ে চলেছে।

আমাদের দেশে কোনো এক সময়ে গোবর্দ্ধনধারী

কৃষক বোধ হয় ছিলেন কৃষির দেবতা, গোয়ালার ঘরে তাঁর বিহার; তাঁর দাদা বলরাম, হলধর। ঐ লাঙল আরটা হ'ল মানুষের যন্ত্রবলের প্রতীক। কৃষিকে বল দান করেচে যন্ত্র। আজকের দিনে আমাদের কৃষিক্ষেত্রের কোনো কিনারায় বলরামের দেখা নেই—তিনি লজ্জিত—যে-দেশে তাঁর অস্ত্রে তেজ আছে সেই সাগরপারে তিনি চলে গেছেন। রাশিয়ায় কৃষি বলরামকে ডাক দিয়েচে, দেখতে দেখতে সেখানকার কেদারখণ্ডগুলো অথও হয়ে উঠল, তাঁর নূতন হলের স্পর্শে অহগ্নাভূমিতে প্রাণস্ফার হয়েচে। একটা কথা আমাদের মনে রাখা উচিত, রামেরই হলযন্ত্রধারী রূপ হচ্ছে বলরাম। ১৯১৭ খৃষ্টাব্দে এখানে যে বিপ্লব হয়ে গেল তার আগে এদেশে শতকরা নিরানব্বই জন চাষী আধুনিক হলযন্ত্র চক্ষেও দেখেনি। তারা সেদিন আমাদেরই চাষীদের মত সম্পূর্ণ দুর্জলরাম ছিল, নিরস্ত, নিঃসহায়, নির্দীক। আজ দেখতে দেখতে এদেব ক্ষেতে হাজার হাজার হলযন্ত্র নেমেচে। আগে এরা ছিল যাকে আমাদের ভাষায় বলে কৃষ্ণের জীব—আজ এরা হয়েছে বলরামের দল।

কিন্তু শুধু যন্ত্রে কোনো কাজ হয় না যন্ত্রী যদি মানুষ না হয়ে ওঠে। এদের ক্ষেতের কৃষি মনের কৃষির সঙ্গে সঙ্গে এগোচ্ছে। এখানকার শিক্ষার কাজ সজীব প্রণালীতে। আমি বরাবর বলে এসেচি শিক্ষাকে জীব-যাত্রার সঙ্গে মিলিয়ে চালানো উচিত। তার থেকে অবচ্ছিন্ন ক'রে নিলে ওটা ভাঙারের সামগ্রী হয়, পাকয়ন্ত্রের খাদ্য হয় না। এখানে এসে দেখলুম এরা শিক্ষাটিকে প্রাণবান করে তুলেচে। তার কারণ এরা সংসারের সীমা থেকে ইন্ডুলের সীমাকে সরিয়ে রাখেনি। এরা পাল করাবার কিছা পণ্ডিত করবার জন্তে শেখায় না—সর্বতোভাবে মানুষ করবার জন্তে শেখায়। আমাদের দেশে বিদ্যালয়

আছে, কিন্তু বিদ্যার চেয়ে বুদ্ধি বড়, সংবাদের চেয়ে শক্তি বড়, পুথির পংক্তির বোঝার ভাৱে চিন্তকে চালনা করবার ক্ষমতা আমাদের থাকে না। কতবার চেষ্টা করেছি আমাদের ছাত্রদের সঙ্গে আলোচনা করতে, কিন্তু দেখতে পাই তাদের মনে কোনো প্রশ্নও নেই। জানতে চাওঁহার সঙ্গে জানতে পাওঁহার যে যোগ আছে সে যোগ ওদের বিচ্ছিন্ন হয়ে গেছে। ওরা কোন দিন জানতে চাইতে শেখেনি,—প্রথম থেকেই কেবলি বাঁধা নিয়মে ওদের জানিয়ে দেওয়া হয়, তারপরে সেই শিক্ষিত বিদ্যার পুনরাবৃত্তি করে ওরা পরীক্ষার মার্কা সংগ্রহ করে। আমার মনে আছে শান্তিনিকেতনে যখন দক্ষিণ আফ্রিকা থেকে ফিরে এসে মহাত্মাজী ছাত্রেরা ছিল তখন একদিন তাদের মধ্যে একজনকে জিজ্ঞাসা করেছিলুম আমাদের ছেলেদের সঙ্গে পারুল-বনে বেড়াতে যেতে ইচ্ছা করো কি? সে বললে, জানিনে। এ সম্বন্ধে সে তাদের দলপতিকে জিজ্ঞাসা করতে চাইলে। আমি বললুম জিজ্ঞাসা পরে ক'রো, কিন্তু বেড়াতে যেতে তোমার ইচ্ছা আছে কিনা আমাকে বলো। সে বললে আমি জানিনে। অর্থাৎ এ ছাত্র স্বয়ং কোনো বিষয়ে কিছু ইচ্ছা করবার চর্চাই করে না—তাকে চালনা করা হয় সে চলে, আপন থেকে তাকে কিছু ভাবতে হয় না। এরকম সামান্য বিষয়ে মনের এতটা অসাড়তা যদিও সাধারণতঃ আমাদের ছাত্রদের মধ্যে দেখা যায় না, কিন্তু এর চেয়ে আরও একটুখানি শক্ত রকমের চিন্তনীয় বিষয় যদি পাড়া যায় তবে দেখা যাবে সেজ্ঞে এদের মন একটুখানিও প্রস্তুত নেই। এরা কেবলই অপেক্ষা ক'রে থাকে আমরা উপরে থেকে কি বলতে পারি তাই শোনবার জ্ঞে। সংসারে এরকম মনের মত নিরুপায় মন আর হ'তে পারে না।

এখানে শিক্ষা-প্রণালী সম্বন্ধে নানারকম পরীক্ষা চলচে, তার বিস্তারিত বিবরণ পরে দেবার চেষ্টা করব। শিক্ষাবিধি সম্বন্ধে রিপোর্ট এবং বই পড়ে অনেকটা জ্ঞান যেতে পারে কিন্তু শিক্ষার চেহারা মানুষের মধ্যে যেটা প্রত্যক্ষ দেখা যায় সেটাই সব চেয়ে কাজের। সেইটে সদিন দেখে এলেন। প্যারোনিস' কমুন ব'লে এদেশে

যে-সব আশ্রম স্থাপিত হয়েছে তারই একটা দেখতে সেদিন গিয়েছিলুম। আমাদের শান্তিনিকেতনে যে রকম ব্রতীবালক ব্রতীবালিকা আছে এদের প্যারোনিস' দল কতকটা সেই ধরণের।

বাড়িতে প্রবেশ করেই দেখি আমাকে অভ্যর্থনা করবার জন্যে সিঁড়ির দু'ধারে বালকবালিকার দল সার বেঁধে দাঁড়িয়ে আছে। ঘরে আসতেই ওরা আমার চারদিকে ঘেঁষাঘেঁষি করে বসল, যেন আমি ওদেরই আপন দলের। একটা কথা মনে রেখো এরা সকলেই পিতৃমাতৃহীন। এরা যে শ্রেণী থেকে এসেচে একদা সে শ্রেণীর মানুষ কারও কাছে কোনো যত্নের দাবি করতে পারত না, লক্ষ্মীছাড়া হয়ে নিতান্ত নীচ বৃত্তির দ্বারা দিনপাত করত। এদের মুখের দিকে চেয়ে দেখলুম, অন্যদের অসম্মানের কুশাশা ঢাকা চেহারা একেবারেই নয়। সঙ্কেচ নেই, জড়তা নেই। তা ছাড়া সকলেরই মনের মধ্যে একটা পণ, সামনে একটা কণ্ঠক্ষেত্র আছে ব'লে মনে হয় যেন সর্বদা তৎপর হয়ে আছে, কোনো কিছুতে অবস্থানের শৈথিল্য থাকবার জো নেই।

অভ্যর্থনার জবাবে আমি ওদের অল্প যা বলেছিলাম তারই প্রসঙ্গক্রমে একজন ছেলে বললে, পরশ্রমজীবীরা (Bourgeoisie) নিজের ব্যক্তিগত মনফা খোঁজে, আমরা চাই দেশের ঐশ্বৰ্য্যে সকল মানুষের সমান স্বয়ং থাকে। এই বিদ্যালয়ে আমরা সেই নীতি অনুসারে চলে থাকি।

একটি মেয়ে বললে “আমরা নিজেরা নিজের চালাই। আমরা সকলে মিলে পরামর্শ ক'রে কাজ ক'রে থাকি যেটা সকলের পক্ষেই শ্রেয় সেইটেই আমাদের স্বীকার্য্য।”

আর একটি ছেলে বললে, “আমরা ভুল করতে পারি, কিন্তু যদি ইচ্ছা করি যারা আমাদের চেয়ে বড় তাদের পরামর্শ নিয়ে থাকি। প্রয়োজন হ'লে ছোট ছেলে-মেয়েরা বড় ছেলেমেয়েদের মত নেয় এবং তারা যেতে পারে তাদের শিক্ষকদের কাছে। আমাদের দেশের শাসনতন্ত্রের এই বিধি। আমরা এখানে সেই বিধিরই চর্চা করে থাকি।”

এর থেকে বুঝতে পারব যে এদের শিক্ষা কেবল পুথি

পড়ার শিক্ষা নয়। নিজের ব্যবহারকে, চরিত্রকে একটা গ্রহণ লোকযাত্রার অঙ্গগত ক'রে এরা তৈরি ক'রে তুলে। সেই সম্বন্ধে এদের একটা পণ আছে এবং সেই পণরক্ষায় এদের গৌরববোধ। আমার ছেলেমেয়ে এবং শিক্ষকদের আমি অনেকবার বলেছি, লোকহিত এবং স্বায়ত্তশাসনের যে দায়িত্ব বোধ আমরা সমস্ত দেশের কাছ থেকে দাবি ক'রে থাকি শান্তিনিকেতনের ছোট দৌয়ার মধ্যে তারই একটা সম্পূর্ণ রূপ দিতে চাই। এখানকার ব্যবস্থা ছাত্র ও শিক্ষকদের সমবেত স্বায়ত্তশাসনের ব্যবস্থা হওয়া দরকার,—সেই ব্যবস্থায় যখন এখানকার সমস্ত কর্ম্ম সুসম্পূর্ণ হয়ে উঠবে তখন এইটুর মধ্যে আমাদের সমস্ত দেশের সমস্তার পূরণ হ'তে পারবে। ব্যক্তিগত ইচ্ছাকে সাধারণ হিতের অঙ্গগত ক'রে তোলবার চেষ্টা। রাষ্ট্রীয় বৃত্তান্তকে দাঁড়িয়ে হতে পারে না, তার জন্তে ক্ষেত্র তৈরি করতে হয়—সেই ক্ষেত্র আমাদের আশ্রম। একটা ছোট দৃষ্টান্ত তোমাকে দিই। আহারের রুচি এবং অভ্যাস সম্বন্ধে বাংলা দেশে যেমন কদাচার এমন আর কোথাও নেই। পাকশালা এবং পাকঘরকে অত্যন্ত অনাবশ্যক আমরা ভারগ্রস্ত করে তুলেছি। এ সম্বন্ধে সংস্কার করা বড় কঠিন। হজাতির চিরন্তন হিতের প্রতি লক্ষ্য ক'রে আমাদের ছাত্ররা ও শিক্ষকেরা পথ্য সম্বন্ধে নিজের রুচিকে যথোচিত ভাবে নিয়ন্ত্রিত করবার পণ গ্রহণ করতে যদি পারত তা হ'লে আমি যাকে শিক্ষা বলি সেই শিক্ষা সার্থক হ'ত। তিন-নয়ে সাতাশ হয় এইটে মুখস্থ করাকে আমরা শিক্ষা বলে গণ্য করে থাকি, সে সম্বন্ধে ছেলেরা কোনো মতেই ভুল না করে তার প্রতি লক্ষ্য না করাকে গুরুতর অপরাধ বলে জানি, কিন্তু যে-জিনিষটাকে উত্তরস্থ করি সে-সম্বন্ধে শিক্ষাকে তার চেয়ে কম দাম দেওয়াই মূর্থতা। আমাদের প্রতিদিনের খাওয়া সম্বন্ধে আমাদের সমস্ত দেশের কাছে দায়িত্ব আছে এবং সে দায়িত্ব অতি গুরুতর—সম্পূর্ণ উপলব্ধির সঙ্গে এটাকে মনে রাখা পাসের মার্কীর চেয়ে অনেক বড়।

আমি এদের জিজ্ঞাসা করলুম, “কেউ কোনো অপরাধ করলে এখানে তার বিধান কি?”

একটি মেয়ে বললে, “আমাদের কোনো শাসন নেই, কেন-না আমরা নিজেদের শাস্তি দিই।”

আমি বললুম, “আর একটু বিস্তারিত ক'রে বলো। কেউ অপরাধ করলে তার বিচার করবার জন্তে তোমরা কি বিশেষ সভা ডাকো? নিজেদের মধ্যে থেকে কাউকে কি তোমরা বিচারক নির্বাচন করো? শাস্তি দেবার বিধিই বা কি রকমের?”

একটি মেয়ে বললে, “বিচারসভা যাকে বলে তা নয়, আমরা বলা কওয়া করি। কাউকে অপরাধী করাই শাস্তি, তার চেয়ে শাস্তি আর নেই।”

একটি ছেলে বললে, “সেও দুঃখিত হয় আমাদেরও দুঃখিত হই, বাস্ চুকে যায়।”

আমি বললুম, “মনে করো কোনো ছেলে যদি ভাবে তার প্রতি অবধা দোষারোপ হচ্ছে তা হ'লে তোমাদের উপরেও আর কারও কাছে কি সে ছেলের আপিল চলে?”

ছেলেটি বললে, “তখন আমরা ভোট নিই—অধিকাংশের মতে যদি স্থির হয় যে সে অপরাধ করেছে তা হ'লে তার উপরে আর কথা চলে না।”

আমি বললুম, “কথা না চলতে পারে, কিন্তু তবু ছেলেটি যদি মনে করে অধিকাংশই তার উপরে অস্ত্রায় করচে তাহ'লে তার কোনো প্রতিবিধান আছে কি?”

একটি মেয়ে উঠে বললে, “তা'হলে হয়ত আমরা শিক্ষকদের পরামর্শ নিতে যাই—কিন্তু এরকম ঘটনা কখনও ঘটেনি।”

আমি বললুম, “যে একটি সাধনার মধ্যে সকলে আছে সেইটেতেই আপনা হতেই অপরাধ থেকে তোমাদের রক্ষা করে।”

ওদের কর্তব্য কি প্রশ্ন করাতে বললে, “অগ্র দেশের লোকেরা নিজের কাজের জন্ত অর্থ চায় সম্মান চায়, আমরা তার কিছুই চাই নে, আমরা সাধারণের হিত চাই। আমরা গায়ের লোকদের শিক্ষা দেবার জন্তে পাড়াগাঁয়ে যাই, কি করে পরিষ্কার হয়ে থাকতে হয়, সকল কাজ কি করে বুদ্ধিপূর্বক করতে হয় এই সব তাদের বুঝিয়ে দিই। অনেক সময়ে আমরা তাদের মধ্যে গিড়েই বাস

করি। নাটক অভিনয় করি, দেশের অবস্থার কথা বলি।”

তার পরে আমাকে দেখাতে চাইলে কাকে ওরা বলে সজীব সংবাদপত্র। একটি মেয়ে বললে, “দেশের সম্বন্ধে আমাদের অনেক খবর জানতে হয়, আমরা যা জানি তাই আবার অল্প সবাইকে জানানো আমাদের কর্তব্য। কেন-না ঠিকমত ক’রে তথ্যগুলিকে জানতে এবং তাদের সম্বন্ধে চিন্তা করতে পারলে তবেই আমাদের কাজ খাটি হতে পারে।”

একটি ছেলে বললে, “প্রথমে আমরা বই থেকে, আমাদের শিক্ষকের কাছ থেকে শিখি, তার পরে তাই নিয়ে আমরা পরস্পরের মধ্যে আলোচনা করি, তার পরে সেইগুলি সাধারণকে জানাবার জন্তে যাবার হুঁমু হয়।”

সজীব সংবাদপত্র অভিনয় করে আমাকে দেখালে। বিষয়টা হচ্ছে এদের পঞ্চবার্ষিক সঙ্কল্প। ব্যাপারটা হচ্ছে, এরা কঠিন পণ করেছে পাঁচ বছরের মধ্যে সমস্ত দেশকে এরা যন্ত্রশক্তিতে সুদক্ষ করে তুলবে, বিদ্যুৎশক্তি বায়ুশক্তিকে দেশের একধার থেকে আর একধার পর্যন্ত কাজে লাগিয়ে দেবে। এদের দেশ বলতে কেবল যুরোপীয় রাশিয়া বোঝায় না। এশিয়ার অনেকদূর পর্যন্ত তার বিস্তার। সেখানেও নিয়ে যাবে এদের শক্তির বাহনকে। ধনীকে ধনীতর করবার জন্তে নয়, জনসমষ্টিকে শক্তিসম্পন্ন করবার জন্তে—সেই জনসমষ্টির মধ্যে মধ্যেশিয়ার অসিতচন্দ্র মাতৃঘণ্ড আছে। তারাও শক্তির অধিকারী হবে বলে ভয় নেই ভাবনা নেই। এই কাজের জন্তে এদের প্রভূত টাকার দরকার—যুরোপীয় বড় বাজারে এদের ছিণ্ডি চলে না—নগদ দামে কেনা ছাড়া উপায় নেই। তাই পেটের অন্ন দিয়ে এরা জিনিষ কিনে, উৎপন্ন শস্ত, পশুমাংস, ডিম মাখন সমস্ত চালান হচ্ছে বিদেশের হাটে। সমস্ত দেশের লোক উপবাসের প্রান্তে এসে দাঁড়িয়েছে। এখনও দেড় বছর বাকী। অল্প দেশের মহাজনরা খুশী নয়। বিদেশী এঞ্জিনিয়াররা কলকারখানা অনেক নষ্টও করেছে। ব্যাপারটা বৃহৎ ও জটিল, সময় অত্যন্ত অল্প। সময় বাড়াতে সাহস হয় না, কেন-না সমস্ত ধনী-জগতের

প্রতিকূলতার মুখে এরা দাঁড়িয়ে, যত শীঘ্র সম্ভব আপন শক্তিতে ধন উৎপাদন এদের পক্ষে নিতান্ত দরকার। তিন বছর কষ্টে কেটে গেছে, এখনও ছ’বছর বাকী। সজীব খবরের কাগজটা অভিনয়ের মত—নেচে গেয়ে পতাকা তুলে এরা জানিয়ে দিতে চায় দেশের অর্থশক্তিকে যন্ত্রবাহিনী ক’রে ক্রমে ক্রমে কি পরমাণে এরা সফলতা লাভ করছে। দেখবার প্রয়োজন অত্যন্ত বেশী। যারা জীবন-যাত্রার অত্যন্ত প্রয়োজনীয় সামগ্রী থেকে বঞ্চিত হয়ে বহুকষ্টে কাল কাটাচ্ছে তাদের বোঝানো চাই অনতিকালের মধ্যে এই কষ্টের অবসান হবে এবং বদলে যা পাবে তার কথা স্মরণ ক’রে যেন তারা আনন্দের সঙ্গে, গৌরবের সঙ্গে কষ্টকে বরণ করে নেয়। এর মধ্যে সাহসনার কথাটা এই যে কোনো একদল লোক নয় দেশের সকল লোকই একসঙ্গে তপস্যায় প্রবৃত্ত। এই সজীব সংবাদপত্র অল্প দেশের বিবরণও এই রকম ক’রে প্রচার করে। মনে পড়ল পতিগিরে দেহতত্ত্ব মুক্তিতত্ত্ব নিয়ে এক যাত্রার পালা শুনেছিলুম—প্রণালীটা একই, লক্ষ্যটা আলাদা। মনে করচি দেশে ফিরে গিয়ে শান্তিনিকেতনে স্কুলে সজীব সংবাদপত্র চালাবার চেষ্টা করব। ওদের দৈনিক কার্যাপদ্ধতি হচ্ছে এই রকম—সকাল সাতটার সময় ওরা বিছানা থেকে ওঠে। তার পর পনেরো মিনিট ব্যায়াম, প্রাতঃকৃত্য, প্রাতঃরাশ। একটার সময় ক্লাস বসে। একটার সময় কিছুক্ষণের জল্প আহার ও বিশ্রাম, বেলা তিনটে পর্যন্ত ক্লাস চলে। শেখবার বিষয় হচ্ছে—ইতিহাস, ভূগোল, গণিত, প্রাথমিক প্রাকৃত-বিজ্ঞান, প্রাথমিক রসায়ন, প্রাথমিক জীববিজ্ঞান, যন্ত্রবিজ্ঞান, রাষ্ট্রবিজ্ঞান, সমাজবিজ্ঞান, সাহিত্য, হাতের কাজ, ছুতোরের কাজ, বই-ব্যাখ্যা, হাল আমলের চাষের যন্ত্র প্রভৃতির ব্যবহার ইত্যাদি। রবিবার নেই। প্রত্যেক পঞ্চম দিনে ছুটি। তিনটের পরে বিশেষ দিনের কার্য-তালিকা অনুসারে পাঠোদ্যোগ (পুরোযাত্রীদল) কারখানা, হাঁসপাতাল, গ্রাম প্রভৃতি দেখতে যায়। পল্লীগ্রামে ভ্রমণ করতে যাওয়ারও ব্যবস্থা করা হয়। মাঝে মাঝে নিজেরা অভিনয় করে, মাঝে মাঝে থিয়েটার দেখতে দিনেই দেখতে যায়। সন্ধ্যাবেলায় গল্প পড়া, গল্প বলা, তর্কসভা,

সাহিত্যিক ও বৈজ্ঞানিক সভা। ছুটির দিনে পাইওনীয়ররা কিছু পরিমাণে নিজেদের কাপড় কাচে, ঘর পরিষ্কার করে, বাড়ি এবং বাড়ির চারিদিক পরিষ্কার করে, ক্লাস-পাঠের অতিরিক্ত পড়া পড়ে, বেড়াতে যায়। ভর্তি হবার বয়েস সাত-আট, বিদ্যালয় ত্যাগ করবার বয়েস যোল। এদের অধ্যয়নকাল আমাদের দেশের মত লম্বা লম্বা ছুটি দিয়ে ফাঁক করে দেওয়া নয়, স্তবরাং অল্পদিনে অনেক বেশী পড়তে পারে।

এখানকার বিদ্যালয়ের মন্ত একটা গুণ, এরা যা পড়ে তার সঙ্গে সঙ্গে ছবি আঁকে। তাতে পড়ার বিষয় মনে চিত্রিত হয়ে ওঠে, ছবির হাত পেকে যায়—আর পড়ার সঙ্গে রূপশ্রুতি করার আনন্দ মিলিত হয়। হঠাৎ মনে হতে পারে এরা বুঝি কেবলই কাজের দিকে ঝোঁক দিয়েছে, গৌরবের মত ললিতকলাকে অবজ্ঞা করে। একেবারেই তা নয়। সম্রাটের আমলের তৈরি বড় বড় রঙ্গশালায় উচ্চ অঙ্গের নাটক ও অপেরার অভিনয়ে বিলম্ব টিকিট পাওয়াই শক্ত হয়। নাট্যাভিনয়কলায় এদের মত ওস্তাদ জগতে অল্পই আছে, পুরুষন কালে আমীর ওমরাওয়ারাই সে-সমস্ত ভোগ করে এসেছেন—তখনকার দিনে যাদের পায়ে ছিল না জুতা, গায়ে ছিল ময়লা ছেড়া কাপড়, আহা! ছিল আধপেটা, দেবতা মাল্লুষ সবাইকেই যারা অহোরাত্র ভয় ক'রে ক'রে বেড়িয়েছে, পরিত্রাণের জন্তে পুরুষপাণ্ডাকে দিয়েছে ঘুষ, আর মনিবের কাছে ধুলোর মাথা লুটিয়ে আত্মাবমাননা করেছে তাদেরই ভিড়ে থিয়েটারে জায়গা পাওয়া যায় না। আমি যেদিন অভিনয় দেখতে গিয়েছিলুম সেদিন হচ্ছিল টলটলের রিসারেস্জান। জিনিষটা জনসাধারণের পক্ষে সহজে উপভোগ্য বলে মনে করা যায় না। কিন্তু শ্রোতারা গভীর মনোযোগের সঙ্গে সম্পূর্ণ নিঃশব্দে শুনছিল। এংলো-স্যাক্সন চাষী মজুর শ্রেণীর লোকে এ জিনিষ রাত্রি একটা পর্যন্ত এমন তৃপ্ত শান্তভাবে উপভোগ করচে একথা মনে করা যায় না, আমাদের দেশের কথা ছেড়েই দাও। আর একটা উদাহরণ দিই। মস্কো শহরে আমার ছবির প্রদর্শনী হয়েছিল। এ ছবিগুলো সৃষ্টিছাড়া সে কথা বলা বাহ্য্য। শুধু যে

বিদেশী তা নয়, বলা চলে যে তারা কোনো দেশীই নয়। কিন্তু লোকের ঠেলাঠেলি ভিড়। অল্প কয়দিনে পাঁচ হাজার লোক ছবি দেখেছে। আর যে যা বলুক, অন্ততঃ আমি ত এদের কচির প্রশংসা না ক'রে থাকতে পারব না। কচির কথা ছেড়ে দাও। মনে করা যাক এ একটা ফাঁকা কৌতূহল। কিন্তু কৌতূহল থাকাটাই যে জাগ্রত চিত্তের পরিচয়। মনে আছে একদা আমাদের ইদারা থেকে একটা বায়চল চক্রযন্ত্র এনেছিলুম, তাতে কুয়ের গভীর তলা থেকে জল উঠেছিল, কিন্তু যখন দেখলুম ছেলেদের চিত্তের গভীর তলদেশ থেকে একটুও কৌতূহল টেনে তুলতে পারলে না তখন মনে বড়োই দিক্কার জেগেছিল। এই ত আমাদের ওখানে আছে বৈত্যাং আলোর কারখানা, ক'জন ছেলের তাতে একটুও ঔৎসুক্য আছে? অথচ এরা ত ভক্তশ্রেণীর ছেলে। বুদ্ধির জড়তা যেখানে, সেখানে কৌতূহল দুর্বল।

এখানে ইঙ্কলের ছেলেদের জাঁকা অনেকগুলি ছবি আমরা পেয়েছি দেখে বিস্মিত হতে হয়—সেগুলো রীতিমত ছবি, কারও নকল নয়, নিজের উদ্ভাবন। এখানে নির্মাণ এবং সৃষ্টি দুইয়েরই প্রতি লক্ষ্য দেখে নিশ্চিত হয়েছি। এখানে এসে অবধি স্বদেশের শিক্ষার কথা অনেক ভাবতে হয়েছে। আমার নিঃসহায় সামান্য শক্তি দিয়ে কিছু এর আহরণ এবং প্রয়োগ করতে চেষ্টা করব। কিন্তু আর সময় কই—আমার পক্ষে পঞ্চবার্ষিক সঙ্কল্পও হয়ত পূরণ না হতে পারে। প্রায় তিরিশ বছর কাল যেমন একা একা প্রতিকূলতার বিরুদ্ধে লগি ঠেলে কাটিয়েছি—আরও ছ'চার বছর তেমনি করেই ঠেলেতে হবে, বিশেষ এগোবে না তাও জানি—তবু নাশ করব না। আজ আর সময় নেই। আজ রাজ্যের গাড়িতে জাহাজের ঘাটের অভিমুখে যেতে হবে, সমুদ্রে কাল পাড়ি দেব। ইতি ২ অক্টোবর, ১৯৩০।

শুভাহুয়ায়ী
শ্রীরবীন্দ্রনাথ ঠাকুর

কল্যাণীয়েষু

কালীমোহন, শোভিয়েট রাশিয়ায় জনসাধারণকে শিক্ষা দেবার জন্তে কত বিবিধ রকমের উপায় অবলম্বন

করা হয়েছে তার কিছু কিছু আভাস হরেনের চিঠি থেকে পেয়ে থাকবে। আজ তোমাকে তারই মধ্যে একটা উদ্যোগের সংক্ষেপ বিবরণ লিখে পাঠাচ্ছি।

কিছুদিন হ'ল মস্কো শহরে সাধারণের জন্যে একটি আরামবাগ খোলা হয়েছে। বুলেটিনে তার নাম দিয়েছে Moscow Park of Education and Recreation। তার মধ্যে প্রধান মণ্ডপটি প্রদর্শনীর জন্যে। সেখানে ইচ্ছা করলে খবর পাওয়া যায় সমস্ত প্রদেশে কারখানার শত সহস্র শ্রমিকদের জন্তে কত ডিম্পেন্সারি খোলা হয়েছে, মস্কো প্রদেশে স্থলের সংখ্যা কত বাড়লো, মুনিসিপ্যাল বিভাগে দেখিয়েছে কত নতুন বাসাবাড়ি তৈরি হ'ল, কত নতুন বাগান, শহরের কত বিষয়ে কত রকমের উন্নতি হয়েছে। নানা রকমের মডেল আছে, পুরানো পাড়ারী এবং আধুনিক পাড়ারী, ফুল ও সবজি উৎপাদনের আদর্শ ক্ষেত্র, সোভিয়েট আমলে সোভিয়েট কারখানায় যে-সব যন্ত্র তৈরি হচ্ছে তার নমুনা, হাল আমলের কো-অপারেটিভ ব্যবস্থায় কি কটি তৈরি হচ্ছে আর ওদের বিপ্লবের সময়েতেই বা কি রকম হ'ত। তাছাড়া নানা তামাসা নানা খেলার জায়গা, একটা নিত্যমেলার মত আর কি। পার্কের মধ্যে একটা স্বতন্ত্র জায়গা কেবল ছোট ছেলেদের জন্তে, সেখানে বয়স্কলোকদের প্রবেশ নিষেধ, সেখানকার প্রবেশদ্বারে লেখা আছে ছেলেদের উৎপাত করে না। এইখানে ছেলেদের যতরকম খেলনা, খেলা, ছেলেদের থিয়েটার, সে থিয়েটারে ছেলেরাই চালক, ছেলেরাই অভিনেতা। এই ছেলেদের বিভাগ থেকে কিছুদূরে আছে creche, বাংলায় তার নাম দেওয়া যেতে পারে শিশু-রক্ষণী। মা বাপ যখন পার্কে ঘুরে বেড়াতে প্রবৃত্ত তখন এই জায়গায় ধাত্রীদের জিম্মায় ছোট শিশুদের রেখে যেতে পারে। একটা দোতলা মণ্ডপ (pavilion) আছে ক্লাবের জন্তে। উপরের তলায় লাইব্রেরি। কোথাও বা সতরঞ্চ খেলার ঘর আছে, কোথাও আছে মানচিত্র আর আছে দেওয়ালে-ঝোলানো খবরের কাগজ। তা ছাড়া সাধারণের জন্তে আহারের বেশ ভাল কো-অপারেটিভ দোকান আছে, সেখানে মদ বিক্রি বন্ধ। মস্কো

পশুশালা বিভাগ থেকে এখানে একটা দোকান খুলেছে, এই দোকানে নানারকম পানীয় মাছ চারাগাছ কিনতে পাওয়া যায়। প্রাদেশিক শহরগুলিতেও এই রকমের পার্ক খোলবার প্রস্তাব আছে।

ঘেটা ভেবে দেখবার বিষয় সেটা হচ্ছে এই যে জনসাধারণকে এরা ভঙ্গসাধারণের উচ্চিষ্টে মাহুয় করতে চায় না। শিক্ষা, আরাম, জীবনযাত্রার সুযোগ সমস্তই এদের যোল আনা পরিমাণে। তার প্রধান কারণ জনসাধারণ ছাড়া এখানে আর কিছুই নেই। এরা সমাজগ্রন্থের পরিশিষ্ট অধ্যায় নয়—সকল অধ্যায়েই এরা আছে।

আর একটা দৃষ্টান্ত তোমাকে দিই। মস্কো শহর থেকে কিছুদূরে সাবেক কালের একটি প্রাসাদ আছে। রাশিয়ার প্রাচীন অভিজাত বংশীয় কাউন্ট অ্যাপ্রাকসিনদের সেই ছিল বাসভবন। পাহাড়ের উপর থেকে চারদিকের দৃশ্য অতি সুন্দর দেখতে—শস্যক্ষেত্র নদী এবং পার্শ্বত্যা অরণ্য। দুটি আছে সরোবর আর অনেকগুলি উৎস। খামওয়ালা বড় বড় প্রকোষ্ঠ, উঁচু বারান্দা, প্রাচীনকালের আসবাব ছবি ও পাথরের মূর্তি দিয়ে সাজানো দরবারগৃহ, এছাড়া আছে সঙ্গীতশালা, খেলার ঘর, লাইব্রেরি, নাট্যশালা, এছাড়া অনেকগুলি সুন্দর বহির্ভবন বাড়িটিকে অদ্বন্দ্বপ্রকারে ঘিরে আছে। এই বৃহৎ প্রাসাদে অলগ্‌ভো নাম দিয়ে একটি কো-অপারেটিভ স্বাস্থ্যাগার স্থাপন করা হয়েছে—এমন সমস্ত লোকদের জন্ম যারা একদা এই প্রাসাদে দাসশ্রেণীতে গণ্য হ'ত। সোভিয়েট রাষ্ট্রসভ্যে একটি কো-অপারেটিভ সোসাইটি আছে, শ্রমিকদের জন্যে বাস। নিশ্চয় যার প্রধান কর্তব্য : সেই সোসাইটির নাম বিশ্রান্তি নিকেতন—The Home of Rest। এই অলগ্‌ভো তারই তত্ত্বাবধানে। এমনতর আরও চারটে সান্যাটোরিয়াম এর হাতে আছে। খাটুনির ঋতুকাল শেষ হয়ে গেলে অন্তত ত্রিশ হাজার শ্রমরাস্ত্র এই পাঁচটি আরোগ্যশালায় এসে বিশ্রাম করতে পারবে। প্রত্যেক লোক এক পক্ষকাল এখানে থাকতে পারে। আহারের ব্যবস্থা পর্যাপ্ত, আরামের ব্যবস্থা যথেষ্ট, ডাক্তারের ব্যবস্থাও আছে। কো-অপারেটিভ

প্রণালীতে এই রকম বিশ্রাস্তি-নিকেতন স্থাপনের ক্রমশই সাধারণের সম্মতি লাভ করচে।

আর কিছু নয়, শ্রমিকদের বিশ্রামের প্রয়োজন এমন ভাবে আর কোথাও চিন্তাও করেনি, আমাদের দেশের অবস্থাপন্ন লোকের পক্ষেও এরকম স্বযোগ দুর্লভ।

শ্রমিকদের জন্যে এদের ব্যবস্থা কি রকম সে তো শুনলে, এখন শিশুদের সঙ্কে এদের বিধান কি রকম সে কথা বলি। শিশু আরজ কিংবা বিবাহিত দম্পতির সন্তান সে সঙ্কে কোনো পার্থক্য এরা গণ্যই করে না। আইন এই যে, শিশু যে-পর্যন্ত না আঠারো বছর বয়সে সাবালক হয় সে পর্যন্ত তাদের পালনের ভার বাপমায়ের। বাড়িতে তাদের কি ভাবে পালন করা বা শিক্ষা দেওয়া হয় ঠেট সে সঙ্কে উদাসীন নয়। যোলো বছর বয়সের পূর্বে সন্তানকে কোথাও খাটনির কাজে নিযুক্ত করতে পারবে না। আঠারো বছর বয়স পর্যন্ত তাদের কাজের সময় পরিমাণ ছয় ঘণ্টা। ছেলেদের প্রতি পিতামাতা আপন কর্তব্য করচে কি না তার তদারকের ভার অভিভাবক বিভাগের 'পরে। এই বিভাগের কন্সচারী মাঝে মাঝে পরিদর্শন কর্তে আসে, দেখে ছেলেদের স্বাস্থ্য কি রকম আছে, পড়াশুনো কিরকম চলচে। যদি দেখা যায় ছেলেদের প্রতি অযত্ন হচ্ছে, তাহলে বাপমায়ের হাত থেকে ছেলেদের ছাড়িয়ে নেওয়া হয়। কিন্তু তবু ছেলেদের ভরণপোষণের দায়িত্ব থাকে বাপমায়েরই। এই রকম ছেলে-মেয়েদের মানুষ করবার ভার পড়ে সরকারী অভিভাবক বিভাগের।

ভাবখানা এই, সন্তানেরা কেবল ত বাপমায়ের নয়, মুখাত সমস্ত সমাজের। তাদের ভালমন্দ নিয়ে সমস্ত সমাজের ভালমন্দ। এরা যাতে মানুষ হয়ে ওঠে তার দায়িত্ব সমাজের, কেন-না তার ফল সমাজেরই। ভেবে দেখতে গেলে পরিবারের দায়িত্বের চেয়ে সমাজের দায়িত্ব বেশি বই কম নয়। জনসাধারণ সঙ্কেও এদের মনের ভাব ঐ রকমেরই। এদের মতে জনসাধারণের অস্তিত্ব প্রধানত বিশিষ্ট সাধারণেরই স্বযোগ স্ববিধার জন্তে নয়। তারা সমগ্র সমাজের অঙ্গ, সমাজের কোনো বিশেষ অঙ্গের প্রত্যঙ্গ নয়। অতএব তাদের জন্ত দায়িত্ব সমস্ত

ষ্টেটের। ব্যক্তিগত ভাবে নিজের ভোগের বা প্রতাপের জন্ত কেউ সমগ্র সমাজকে ডিঙিয়ে যেতে গেলে চলবে না। বাই হোক মানুষের ব্যক্তিগত ও সমষ্টিগত সীমা এরা যে ঠিক মত ধরতে পেরেচে তা আমার বোধ হয় না। সে হিসাবে এরা কাশিস্তদেরই মত। এই কারণে সমষ্টির খাতির ব্যষ্টির প্রতি পীড়নে এরা কোনো বাধাই মানতে চায় না। ভুলে যায় ব্যক্তিকে দুর্বল করে' সমষ্টিকে সবল করা যায় না, ব্যক্তি যদি শৃঙ্খলিত হয় তবে সমষ্টি স্বাধীন হতে পারে না। এখানে জবরদস্ত লোকের একনায়কত্ব চলচে। এই রকম একের হাতে দেশের চালনা দৈবাৎ কিছুদিনের মত ভাল ফল দিতেও পারে, কিন্তু কখনই চিরদিন পারে না। উপযুক্ত মত নায়ক পরম্পরাক্রমে পাওয়া কখনই সম্ভব নয়। তাছাড়া অবাধ ক্ষমতার লোভ মানুষের বুদ্ধিবিকার ঘটায়। একটা স্ববিধার কথা এই যে, যদিও সোভিয়েট মূলনীতি সঙ্কে এরা মানুষের ব্যক্তিগত স্বাধীনতাকে অতি নির্দয়ভাবে পীড়ন করতে কুণ্ঠিত হয়নি তথাপি সাধারণভাবে শিক্ষার দ্বারা চর্চার দ্বারা ব্যক্তির আত্মনিহিত শক্তিকে বাড়িয়েই চলচে—কাসিস্টদের মত নিয়তই তাকে পেষণ করেনি। শিক্ষাকে আপন বিশেষ মতের একান্ত অমুর্বর্তী ক'রে কতকটা গায়ের জোরে কতকটা মোহমন্ত্রের জোরে একঝোঁকা ক'রে তুলেচে তবুও সাধারণের বুদ্ধির চর্চা বন্ধ করেনি। যদিও সোভিয়েট নীতি প্রচার সঙ্কে এরা যুক্তির জোরের উপরেই বাহুবলকে খাড়া ক'রে রেখেচে তবুও যুক্তিকে একেবারে ছাড়েনি এবং ধর্মমুক্ততা এবং সমাজপ্রথার অন্ধতা থেকে সাধারণের মনকে মুক্ত রাখবার জন্তে প্রবল চেষ্টা করেছে। মনকে একদিকে স্বাধীন করে' অন্যদিকে জুলুমের বশ করা সহজ নয়। ভয়ের প্রভাব কিছুদিন কাজ করবে, কিন্তু সেই ভীতুতাকে দিকার দিয়ে শিক্ষিত মন একদিন আপন চিন্তাস্বাভ্যাসের অধিকার জোরের সঙ্গে দাবি করবেই। মানুষকে এরা লেহের দিকে নিপীড়িত করেছে, মনের দিকে নয়—শাশ-বেড়েচে কিন্তু চিন্তনশক্তি বাড়েনি। যারা বথার্থই দৌরাণ্ড্য করতে চায় তারা মানুষের মনকে মারে আগে—এরা মনের জীবনীশক্তি

বাড়িয়ে তুলচে। এইখানেই পরিব্রাজকের রাস্তা রয়ে গেল।

আজ আর ঘণ্টাকয়েকের মধ্যে পৌছব নিম্নইয়র্কে। তারপরে আবার নতুন পাল। এরকম ক'রে সাতঘণ্টার জল খেয়ে বেড়াতে আর ভাল লাগে না। এবারে এ অঞ্চলে না আসবার ইচ্ছায় মনে অনেক তর্ক উঠেছিল কিন্তু লোভই শেষকালে জয়ী হ'ল। ইতি ২ই অক্টোবর, ১৯৩০।

শুভাকাঙ্ক্ষী

শ্রীরবীন্দ্রনাথ ঠাকুর

[শ্রীযুক্ত কালীমোহন ঘোষকে লিখিত]

কল্যাণীয়েষু

স্বধীন্দ্র, ইতিমধ্যে দুই একবার দক্ষিণ দরজার কাছ ঘেঁসে গিয়েছি। মলয় সমীপের দক্ষিণ দ্বার নয়, যে দ্বার দিয়ে প্রাণবায়ু বেরবার পথ খোঁজে। ডাক্তার বললে, নান্দীর সঙ্গে হৃৎপিণ্ডের মূহূর্ত্তকালের যে বিরোধ ঘটেছিল সেটা যে অল্পের উপর দিয়েই কেটে গেছে এটাকে অবৈজ্ঞানিক ভাষায় মিরাকুল বলা যেতে পারে। যাই হোক যমদূতের ইসারা পাওয়া গেছে, ডাক্তার বলচে এখন থেকে সাবধান হ'তে হবে। অর্থাৎ উঠে হেঁটে বেড়াতে গেলেই বৃক্কের কাছটাতে বাণ এসে লাগবে— শুয়ে পড়লেই লক্ষ্য এড়িয়ে যাবে। তাই ভাল-মাহুষের মত আধ-শোওয়া অবস্থায় দিন কাটাচ্ছি। ডাক্তার বলে, এমন করে বছর-দশেক নিরাপদে কাটতে পারে, তারপরে দশম দশাকে কেউ ঠেকাতে পারে না। বিছানায় হেলান দিয়ে আছি, আমার লেখার লাইনও আমার দেহ-রেখার নকল করতে প্রবৃত্ত। রোসো, একটু উঠে বসি।

দেখলুম কিছু দুঃসংবাদ পাঠিয়েছ, শরীরের এ অবস্থায় পড়তে ভয় করে, পাছে চেউয়ের ঘায়ে ভাঙন লাগে। বিষয়টা কি তার আভাস পূর্বেই পেয়েছিলুম— বিস্তারিত বিবরণের ধাক্কা সহ করা আমার পক্ষে শক্ত। তাই আমি নিজে পড়িনি আমিযকে পড়তে দিয়েছি।

যে বাঁধনে দেশকে জড়িয়েছে টান মেরে মেরে সেটা ছিঁড়তে হয়। প্রত্যেক টানে চোখের তারা উল্টে

যায়, কিন্তু এ ছাড়া বন্ধন-মুক্তির অন্য উপায় নেই। ব্রিটিশরাজ নিজের বাঁধন নিজের হাতেই ছিঁড়চে, তাতে আমাদের তরফে বেদনা যথেষ্ট, কিন্তু তার তরফে লোকসান কম নয়। সকলের চেয়ে বড় লোকসান এই যে, ব্রিটিশরাজ আপন মান খুইয়েছে। ভীষণের দুরন্ততাকে আমরা ভয় করি, সেই ভয়ের মধ্যেও সম্মান আছে, কিন্তু কাপুরুষের দুরন্ততাকে আমরা ঘৃণা করি। এই ঘৃণায় আমাদের জোর দেবে, এই ঘৃণার জোরেই আমরা জিতব। সম্প্রতি রাশিয়া থেকে এসেছি—দেশের গৌরবের পথ যে কত দুর্গম তা অনেকটা স্পষ্ট করে দেখলুম। যে অসুখ দুঃখ পেয়েছে সেখানকার সাধকেরা, পুলিশের মার তার তুলনায় পুষ্পবৃষ্টি। দেশের ছেলেদের ব'লো এখনও অনেক বাকি আছে—তার কিছুই বাদ যাবে না। অতএব তারা যেন এখনই বলতে শুরু না করে যে বড় লাগচে—সে কথা বললেই লাঠিকে অঘা দেওয়া হয়। দেশে বিদেশে ভারতবর্ষ আজ গৌরব লাভ করেছে কেবলমাত্র মারকে স্বীকার না করে—দুঃখকে উপেক্ষা করবার সাধনা আমরা যেন কিছুতে না ছাড়ি। পশুবল কেবলি চেষ্টা করচে আমাদের পশুকে জাগিয়ে তুলতে, যদি সফল হতে পারে তবেই আমরা হারব। দুঃখ পাচ্ছি সেজন্যে আমরা দুঃখ করব না। এই আমাদের প্রমাণ করবার অবকাশ এসেছে যে, আমরা মাহুষ—পশুর নকল করতে গেলেই এই শুভযোগ নষ্ট হবে। শেষ পর্যন্ত আমাদের বলতে হবে, ভয় করিনে। বাংলা দেশের মাঝে মাঝে ধৈর্য্য নষ্ট হয়, সেইটাই আমাদের দুর্বলতা। আমরা যখন নখদন্ড মেলতে যাই তখনই তার দ্বারা নখীদন্ডীদের সেলাম করা হয়। উপেক্ষা করো, নকল করো না। অশ্রবর্ণ নৈব নৈব চ।

আমার সব চেয়ে দুঃখ এই, যৌবনের সঞ্চল নেই। আমি পড়ে আছি গতিহীন হয়ে পাশুশালায়—যারা পথে চলচে তাদের সঙ্গে চলবার সময় চলে গেছে। ইতি ২৮শে অক্টোবর ১৯৩০।

স্নেহাহ্বয়ক

শ্রীরবীন্দ্রনাথ ঠাকুর

[শ্রীযুক্ত স্বধীন্দ্রনাথ দত্তকে লিখিত]

মহাত্মা গান্ধী

শ্রীঅমিয়জীবন মুখোপাধ্যায়

শতাব্দ কিরিয়া যায় ভারতের ভাগ্যে কর হানি'

শতাব্দের পরে

পলে পলে বাড়ি ওঠে লক্ষ লক্ষ জীবনের প্রাণ

অবসাদ-ভরে ।

জর্জরিত হ'য়ে ওঠে চাহি কা'র অহুগ্রহ-পানে

শত ব্যগ্র-আশা

আপন নিঃফল রোষে গর্জি ওঠে তীব্র-অপমানে

অন্তরের ভাষা ।

নীরবে মুচ্ছিয়া পড়ে বক্ষতলে ক্ষধাক্রিষ্ট প্রাণ

নিত্য-উপবাসে

বহির দহন-জালা—পিপাসায় কোটি-কণ্ঠ-গান

রুদ্ধ হ'য়ে আসে ।

কোনরূপে অন্তরালে রাখে ঢাকি গোপন-লজ্জা

জীর্ণ বস্ত্রধানি

ব্যাধির তাণ্ডব-নৃত্যে মৃত্যু-দূত নিয়ত জানায়

আপনার বাণী !

যেথায় জনম লভি হৃদয়ের প্রথম স্পন্দনে

হর্ব ওঠে জাগি

বিপুল আকাজক্ষা সদা-উজ্জ্বলিত হয় ক্ষণে ক্ষণে

যার স্নেহ লাগি,

যুগে যুগে পুণ্য পাপে যেথায় পবিত্র হ'ল দেহ

অমৃতের স্নানে

শাস্ত আনন্দ লভি যেথা মুক্ত শাস্তিভরা গেহ

অন্ত নাহি জানে—

আজি সেথা মানবের হিংস্র ক্রুর লুদ্ধদৃষ্টি-তলে

জাগে হাহাকার

শীর্ণ শুক গও বাহি ঝরি ঝরি নামে অশ্রুজলে

বেদনার ভার ।

শতদিকে শত-পাকে বাঁধে আজি কঠিন নিগড়ে

স্বাধীন-আত্মায়—

সঞ্চিত বৈভবরাশি হরি' লয়ে যায় ছুই করে

তঙ্করের প্রায় !

হৃদ্দিনের ঝঙ্কা-রণে ভারতের দ্বার হ'তে দ্বারে

যাদের আহ্বান

অপূর্ক বারতা বহি চকিত করিল বারে বারে

মানস-পর্যায়

তুমি তাহাদের মাঝে ল'য়ে এক চিরন্তন-বাণী

এলে ধীরে ধীরে

পরিপূর্ণ-রূপে তাহা দেখে বন্দ কিছু নাহি মানি

শুনালে জাতিরে !

সহস্র-বঞ্চনা বারা সহিয়াছে বর্ষ বর্ষ ধরি

নত করি আঁখ

ঘণ্যতম অত্যাচারে তিলে তিলে উঠেছে শিহরি

নিম্ভরু নির্ঝাক—

তোমার ইজিত লভি আজি তা'রা উঠিয়াছে জাগি

শোণিত-কল্লোলে—

ধমনী তরঙ্গি' ওঠে রক্তে রক্তে, তপ্ত জালা মাখি'

উজ্জ্বলিত রোলে !

তোমার পতাকাতে আজি সবে মিলি দলে দলে

এক মন্ত্র নিল,—

মাহুয রবে না আজি মাহুযের দাগ কোনো ছলে !

সবে উচ্চারিল ।

যেই সত্য অধিকার হে ভারত ! হারিয়েছ কবে

মূহূর্তের তুলে

তাহারে কিরারে আনি সম্মানেরা পুন তোমা লবে

সিংহাসনে তুলে !

বাধা নাহি আনে শ্রান্তি, লাজনায় নাহি ক্লেশ কা'র
অচল নির্ভয়
মৃত্যুর মুরতি হেরি গাহি ওঠে শুধু শেষবার
জীবনের জয় !
প্রচণ্ড পীড়নে নাহি মুছি যায় সহিবার সীমা
নিমেঘের তরে—
প্রলোভনে নাহি লেপে ললাটেতে কলঙ্ক-কালিমা
আপনার করে ।

হে ঋষি ! নির্দেশ তব নিল বহি আপনার শিরে
সবে হস্তমুখে
কুটিল ক্রকুটি-পানে আজি কেহ চাহিল না ফিরে
বরি' লয়ে দুখে !
রক্তের নিবিড় রঙে রাঙা হ'য়ে দীর্ঘ চলা পথ
ওঠে বারে বারে
তারি মাঝে পাশ্চদল ছুটায়ে চলেছে বাত্মা-রথ
লক্ষ্যের দুয়ারে !

উন্নত হইয়া ওঠে অন্তরের বঞ্চিত দেবতা
রুদ্ধ-তেজে জলি
প্রবলের আফালন—অগ্রায়ের স্পর্ধিত-ক্ষমত।
চাহে যেতে দলি।
তবুও নীরবে তা'রা সহিয়াছে সব নিযাতন
আদেশে তোমার
অহিংসারে একমাত্র পন্থা বলি করেছে গ্রহণ
সত্য সাধনার !

পশ্চাতে রয়েছে যারা দ্বিধা-ভরে—এই আজিকার
মুক্তি-মহোৎসবে
আপনারে জন্তু করি কোণে কোণে রুদ্ধ করি দ্বার
লুকায় নীরবে—
তোমার প্রেরণা-বলে তারা আজি বাহিরায় ছুটে
টুটি সব ভার—
প্রসন্ন-মুখের পরে গরিমার দীপ্তি ফুটি ওঠে
স্বন্দর উদার !

যে-স্বপ্ন হেরিলে তুমি জীবনের প্রতি প্রচেষ্টায়
হোক তা' সফল
প্রতি কর্ম আজি তব সকলের যেন মুছি যায়
নয়নের জল ।

হে ত্যাগী ! যাদের বাধা নিলে তুমি আপনার করি
মরমের মাঝে
তাদের আনন্দ-গান নব স্বরে উঠুক মুখরি
দিবসের কাজে !

হে মহান ! বিধাতার স্নিগ্ধ মূর্ত্ত আশীর্বাদ সম
তুমি এলে হেথা
ঘনায় আসিছে তব বিজয়ের সে-লগ্ন পরম
হে পবিত্র-চেতা !
তোমারে অবজ্ঞা করি যারা আজি বিজয়ের শর-
হানে বারে বারে—
তোমার জয়ের গানে তাহারাই হবে জর জর
আপন দিক্বারে !

সকল কলহ ভ্রান্তি—ভারতের সব পরমাদ
ঘুচি যাক ধারে
ধনিয়া উঠুক পুন পল্লি-প্রাণ্ড শুভ শঙ্খ-নাদ
সন্ধ্যার মন্দিরে।
নির্ব্বারের চলা-ছন্দে অশুভার। আনন্দের রেশ
হোক লক্ষ ধারা
তটিনীর কল-হর্ষে চাহিয়া রহুক নির্নিমেঘ
আকাশের তারা !

তুষার-গিরির শৃঙ্গে প্রান্তরের উন্মুক্ত-ছায়ায়
বিকশিত বনে
পুষ্পের রক্তিম-গণ্ডে কণ্টকিত দক্ষিণের বায়ে
বসন্ত-গুঞ্জে
ঘাটে বাটে গৃহে গৃহে জীবনের বিচিত্র-মমতা
যেথা রহে ভরি
প্রতি আয়োজন হ'তে দাসত্বের ঘৃণা মলিনতা
যাক লাঞ্ছিত মরি !

জানি তব একদিন নিভে যাবে ক্রীণ আয়ু শিখা
কালের করালে
আপনারে বলি দিয়া পরাইল যারা জয়-টীকা
ভারতের ভালে
যাবে কোন্ আলো পারে সেই দীপ্ত সঙ্গীদের সনে
চলি পুণ্যক্ষেপে
রবে যারা—যুগে যুগে তোমারে পূজিবে মনে মনে
নিভুতে গোপনে !

হার-জিত

ত্রিবিভূতিভূষণ মুখোপাধ্যায়

১

শেখরের সহিত তাহার স্ত্রী অরুণার কলহ বাড়িয়াছে। শাস্ত্রকাররা বলেন দম্পতিদের মধ্যে এ জাতীয় ঘটনা না-কি বিপজ্জনক নয়। কিন্তু এক্ষেত্রে যেন একটু চিন্তার বিষয় হইয়া উঠিতেছে, কারণ অরুণা কথায় কথায় বলিয়া বলিল—“আমি চললাম বাপের বাড়ি—আজই।”

শেখর নিশ্চয় একটু ভয় পাইল, কথাটাকে হালকা করিয়া ফেলিবার জন্ত একটু রসিকতা করিবার চেষ্টা করিল, বলিল—“বেশ, তাই চল।”

কিন্তু ফল হইল উট। স্ত্রী রসিকতার জবাব না দিয়া আরও গম্ভীর হইয়া বলিল—“আর মণ্টু, ডলি কেউ সঙ্গে যাবে না। ভোগো,—কেন আমিই বা সর্বত্র টাঙিয়ে নিয়ে বেড়াব কেন?”

শেখর বলিল—“না, ওদের মাসী তো আসচেই, ভালও বাসে। কথাটা আমার মনেই ছিল না। তা’হলে তোমার সঙ্গে যাবার আমারও আর তাড়াতাড়ি নেই।”

অরুণা আজ সকালে ছোট ভদ্রীকে আসিবার জন্ত তাহার শস্ত্রালয়ে নিমন্ত্রণ করিয়া পাঠাইয়াছিল। স্বামীর দিকে কড়া চোখে চাহিয়া বলিল—“আমি নেই অথচ সে এসে থাকবে? বুদ্ধিস্বদ্ধি কি লোপ পেল না-কি?”

শেখর ঠোটে হাসি চাপিয়া বলিল—“আমি তো মনে করি তুমি থাকবে না বলেই তার থাকাটা আরও দরকার। একজন প্রতিভু দিয়ে না গেলে আমারই বা—”

অরুণা আর শেষ করিতে দিল না, সংক্ষেপে অথচ দৃঢ়তার সহিত বলিল—“স্ত্রী আর মাসী নেই।”

শেখর বলিল—“না, আমি অভিভাবকের কথাই বলছিলাম। স্বামী এখনও নৌকাটিই হ’য়ে আছে কি না, তার অষ্টপ্রহর একটি কর্ণধার না থাকলে—”

“কান নেহাৎ চুলকায় সরী যখন এর পর আসবে

দেখা যাবে। এখন রসিকতা থাক্। আমি চললাম আজ। সেখানে ডাকতে গিয়ে যেন বেহায়াপনা না করা হয়। ঝি!”

“তার স্ত্রপাত তো তুমিই ক’রচ। একে তো সেখানে যাওয়ার কোনো সঙ্গত কারণ নেই, ঝগড়ার সন্দেহ করবেই সব। তবু যেন গেলেই। তারপর তা’রা যদি দুদিন থাকবার জন্তে জিদ করে—তখন তোমার আমার ওপর টান ধরবে...চোখ রাঙালেই তো হয় না, সত্যি কথাই বলাচ। আমার এই আকর্ষণের ক্ষমতাটাতে গৌরব আছে বটে, কিন্তু—”

অরুণা আরও জোরে ডাকিল, “ঝি! কানের মাথা খেয়েচিস্?”

ঝি আসিতেই ছিল। একটু পা চালাইয়া আসিয়া উপস্থিত হইল। অরুণা বলিল—“শোকারকে ভেঁকে দে নীচে, আর দেখ ডলি আর মণ্টুকে একটু সাজিয়ে গুজিয়ে রাখ, ওদের মামার বাড়ি যাবে।”

ঝি চলিয়া গেলে শেখর বলিল—“এই না অগ্ররকম হুকুম হয়েছিল?”

“খুশী—এতে টিপ্সনীর কোনো দরকার নেই। যদি ভাল না লেগে থাকে—”

“না, মতটা যে কথায় কথায় বদলায় সেই কথাটাই মনে করিয়ে দিচ্ছিলাম।”

“বদলাবার উদ্দেশ্য থাকলে বদলায়। যে-দুটোর জন্তে টান তা’রা সঙ্গেই থাকবে—বাস্, নিৰ্ব্বাণট। আর কান্নার জন্তে আমি ভাবি না, একটুও না। এইবারে তুল ধারণাগুলো বেশ ভাল করে ভেঙে দিতে চাই। এই চাবির খোলো—সব জায়গার চাবি এতেই আছে। আর আমার জালাতন করবার কোনই দরকার নেই।”

টেবিলের ওপর চাবির গুচ্ছটা বিন্যাস করিয়া আছাড় খাইয়া পড়িল। পর্দার বাহির হইতে ঝি খবর দিল

শোকার নীচে দাঁড়াইয়া আছে। শেখর বিনীতভাবে বলিল—“কি বলব?”

“আমি বলতে জানি, উপকারে দরকার নেই।”

বারান্দায় গিয়া শোফারকে বলিল—“পাঁচটার সময় গাড়ী তোয়ের থাকবে, চন্দননগর যাব। দরোয়ানকেও তোয়ের থাকতে বল। আর সে চট্ করে বাগবাজারে সন্নয়র বাড়িতে গিয়ে খবর দিয়ে আসুক—বিশেষ কাজ থাকায় আমি চন্দননগর যাচ্ছি। আবার না এসে পড়ে, বরং দরোয়ানকে পাঠিয়ে দাও একটা চিঠি নিয়ে যাক।”

ঘরে ফিরিয়া আসিয়া দেখিল শেখর চাবির গুচ্ছটা হাতে লুকিতে লুকিতে মুহু মুহু হাসিতেছে। সন্দ্বিগ্নভাবে প্রশ্ন করিল—“কি?”

শেখর সহজভাবে বলিল—“কই কিছু না তো।”

বিগুণ সন্দেহে অরুণা বলিল—“নিশ্চয় কিছু, বলতে হবে।”

“আজ আমি হুকুমের বাইরে এসে পড়েছি, না?”

অরুণা রাগের উপর আবার অভিমান করিয়া বলিল—“ও, ইয়া থাক।”

“তবুও দয়া ক’রে বলতে পারি।”

“কিছু দরকার নেই—উঃ, দয়া।”

“শুনলে যাওয়ার সখটা আর থাকতো না। অনেক হাজার পোহান থেকে বাঁচা যেত—উভয় পক্ষেরই।”

অরুণা ক্র ভুক্তিত করিয়া ক্ষণমাত্র চিন্তা করিল। বোধ হয় এখানে ‘হাজার পোহান’র অর্থ কি হইতে পারে নিজের আত্মজন্মত স্থির করিয়া লইল। তাহার পর বলিল—“থাক হাজার ভর আমি করি না—যার ভয় আছে সে সাবধান হোক।”

“তা’হলে দয়া করে শোনই না হয়। আর কিছু নয়, কথাটা হচ্ছে—”

“না, না, আমি দয়া করতে চাই না কাউকে।

আমার শরীরে কি দয়ামায়া আছে? আমি কি একটা মানুষের মধ্যে? তা’হলে কি আমার কথায় কথায় এত হেনস্তা হয়? দয়ামায়া যে-মানুষ জীবনে পেয়েচে কখন, সেই জানে দয়ামায়া কি। আমি কি কাকর কাছে কখন—”

অরুণা চক্ষে দিবার জন্ত হাতে আঁচলের একটা কোণ তুলিয়া লইল। শেখর উদগ্রীব হইয়া চাহিয়া রহিল, কারণ এ সব স্থলে কান্না নামিলে অনেকটা আশা, কিন্তু সে শান্তিজন্য বর্ধিত হইবার পূর্বেই দরোয়ান আসিয়া বাহিরে সেলাম করিয়া দাঁড়াইল।

অরুণা বলিল—“দাঁড়া, চিঠি দি।”

পাশের ঘর হইতে চিঠি লিখিয়া আনিয়া দরোয়ানের হাতে দিয়া তাহাকে দু-একটা উপদেশ দিয়া বিদায় করিল।

শেখর বলিল—“তা’হলে পাকা হ’য়ে গেল?”

অরুণা তাহার দিকে না চাহিয়াই বলিল—“আমার সব কাজই পাকা।”

“কিন্তু চাণক্য বলেচেন—‘দাম্পত্যকলহে চৈব’ খুব পাকাপাকি হলেও নাকি—”

অরুণা সেইভাবেই বলিল—“চাণক্য ঠিকই বলেচেন—পুরুষেরা গায়ে পড়ে মিটিয়ে নেয়।” বোধ হয় কোনো বিশেষ দিনের ঘটনা স্মরণ করাইয়া দিবার জন্ত স্বামীর পানে কটাক্ষ করিয়া বলিল—“কখন কখন পায়ে ধরেও।”

“কে পায়ে এসে পড়ে এইবার তার বড় রকম সাক্ষী রাখব—কথাটা মনে থাকে যেন।”

নীচে নামিয়া গেল। বৈঠকখানায় টেবিলের দেওয়াল হইতে টাইম-টেবলটা বাহির করিয়া একবার দেখিয়া লইল।

তিনটা-চল্লিশ হইয়া গিয়াছে। চারটা পাঁচ-এ একটা গাড়ী, সেটা পাইবার কোনো আশা নাই। তাহার পরের গাড়ীটা পাঁচটা-পনেরয়। অরুণার মোটর, যদি পাঁচটার সময়ই ছাড়ে তো তাহার প্ল্যানটা আর খাটে না।

একটু চিন্তা করিল, তাহার পর টেবিলের উপর একটা নিম্পত্তিসূচক আঘাত দিয়া অসুস্থভাবে বলিল—“হয়েচে।”

উপরে গিয়া শোফারকে নীচের উঠানে ডাকিয়া পাঠাইল। অরুণাকে শুনাইয়া শুনাইয়া বলিল—“যেতে আসতে প্রায় পঞ্চাশ মাইল। গাড়ীটা ঠিক আছে তো?”

অরুণা আসিয়া উৎকর্ণ হইয়া দুয়ারের নিকট দাঁড়াইল।

মোটর জিনিষটা একেবারে ঠিক কখন থাকে না।

শোকার একটু চিন্তা করিয়া বলিল,—“চলে যাবে হুজুর।”

অরুণা—“তাহলে—” বলিয়া কি বলিতে যাইতেছিল।

শেখর তাহার কথা চাপা দিয়া বলিল—“চলে যাওয়াযায়ী নয়। খালি মেয়েদের নিয়ে যাচ্চ। এরা সব জিদ্দ করচে বটে, কিন্তু আমি সঙ্গে যেতে পারচি না। এখুনি বিশেষ কাজে বেরুতে হবে—বেশ করে ভেবে দেখ। কিছু হ’লে বাড়িতে যদি টেলিগ্রামও কর তো ঘণ্টা-ছয়েকের আগে আমি পাব না।”

অরুণা কথার উপর ছোটখাট খুঁৎ থাকিলেও একাও হইয়া পড়ে; শোকার বলিল—“ব্রেকটা একটা চাকায় ঘেন একটু আলগা ধরচে, তাতে তো বিশেষ ক্ষতি নেই—আর খুলতে গেলেও ঘণ্টারুয়ের কম হবে না।”

“পোনে চারটে হয়েছে—পোনে ছটা—ধর ছ’টাই,” হিসাবটুকু সারিয়া জীর দিকে চাহিয়া আন্তে আন্তে বলিল—“এক ঘণ্টা দেরি হ’লে মশায়ের রাগ পড়ে যাবার ভয় আছে কি? আমি তো ব্রেকটাকে বিশেষ ছোট বলে মনে করি না। সেদিন বউবাজারের মোড়ে যা কাণ্ড দেখলাম মনে হ’লে গায়ে কাটা দিয়ে ওঠে—একগাড়াই মেয়েছেলে-ঠাসা, হঠাৎ —।”

অরুণা ভয় চাপিবার চেষ্টা করিয়া সিধা শোকারকেই বলিল—“না, না, তুমি একবার খুলে ঠিকঠাক করে নাও—হোক গিয়ে একটু দেরি।”

শেখর অধর দংশন করিয়া অনেক কষ্টে হাস্যসংবরণ করিল। অরুণা অবস্থির সহিত প্রশ্ন করিল—“কোথায় যাওয়া হবে বাবুর?”—উত্তর না পাইয়া আবার জিজ্ঞাসা করিল—“কখন আসা হবে?”

“দেখি কখন ছাড়ে, সেখানে তো জোর নেই নিজের।”

“কোনখানে?”

“কোনখানেই নয়। যার নিজের জীর ওপরই জোর রইল না।”

ধাঁধার মধ্যে পড়িয়া অরুণা উক হইয়া উঠিতেছিল, বলিল—“জীর ওপর জোর না করলে পারলে বাবুরা সব হাপিয়ে ওঠেন। ইস—জোর! জোরটা কিসের শুনি?”

“খোসামোদের।”

অরুণা হাসিয়া ফেলিল; কিন্তু রাগের সময় হাসিয়া ফেলাটা একটা পরাজয় বলিয়া রাগটা বাড়িয়াই যায়। তাই নিজেকে কষ্টে সংবৃত করিয়া লইয়া বেশীরকম চটা-চটি করিবার জন্ত বলিল—“যেখানে খুশী যাও, আমার দেখা আবার ছ’মাস পরে।”

শেখর ফিরিয়া বলিল—“ছ’ঘণ্টার মধ্যে সেধে দেখা করবে।”

অরুণা আরও রাগিয়া বলিল—“তাহলে ছ’বছরের ভেতর যদি এ-বাড়ি মাড়াই তো—”

শেখর বলিল—“আর ছ’ঘণ্টা পরে যদি ফিরে না আসতে হয় তো—”

অরুণা রাগে গঙ্গ গঙ্গ করিতে করিতে ছুটা ঘর পার হইয়া গিয়াছিল, সেইখান হইতেই চৈচাইয়া বলিল—“দেখা যাবে!”

শেখর আর জবাব দিল না, বারান্দার রেলিঙে ঝুঁকিয়া মিটি মিটি হাসিতে লাগিল।

২

চন্দননগরে গঙ্গার ধারে বাড়িটা, পিছনে গঙ্গা, সামনে রাস্তা, বাড়ির সামনে খানিকটা বাগান।

শেখর আধ ঘণ্টা হইল আসিয়াছে। হাত পা ধুইয়া জিরাইয়া হঠাৎ এই অভ্যুদয় সম্বন্ধে শব্দরশাভুড়ীকে একটা মনগড়া কারণ দর্শাইল, খানিকটা একথা-সেকথা লইয়া গল্প করিল, তাহার পর বড় জ্বালিকাকে বলিল—“চল শট্টাদি, বাগানে একটু পায়চারি করি গিয়ে।”

শব্দর বলিলেন—“তার চেয়ে গঙ্গার ধারে গিয়ে বসলে পার—হ হ করে হাওয়া দিচ্ছে।”

রাস্তার দিকে থাকাই শেখরের দরকার, বলিল—“হ্যাঁ, তাও মন্দ নয়।”

কথার মধ্যে অনিচ্ছার রেশটি লক্ষ্য করিয়া জ্বালিকা বলিল—“তাহলেও বাগানটা একটু ঘুরে আসি এস; কতকগুলো নতুন গোলাপ বসান হয়েছে। একটা ব্ল্যাকপ্রিন্স যা আনিয়েছি এ’তদ্রাটে গুরুত্ব নেই, না বাবা?”

আট নয় বছরের ছোট শালী মলিনা ভগ্নীপতির হাত ধরিয়া টানিতেই স্বপ্ন করিয়া দিল, বলিল—“আর আমার করবীর ঝাড়ও দেখবেন চলুন, জামাইবাবু—গাছ আলো ক’রে আছে। বলতে হবে কারটা ভাল, ইয়া। মাগুগে, কাল আবার গোলাপ! প্রিন্স মানে তো রাজকুমার, আমি সে জানি—তা রাজকুমারই হোক আর কোটাল পুতুরই হোক—কাল আবার না-কি ভাল হয়! কি পছন্দ দিদির। মাগুগে—”

শলী লজ্জায় রাঙিয়া উঠিতেছিল, মা মুখ ফিরাইলেন, পিতা বিশেষ কিছু না বুঝিয়াই সরল প্রাণে হাসিতে লাগিলেন। শেখর কথাটা আর বাড়িতে না দিয়া বলিল, —“চল তোমার করবী দেখি গিয়ে।”

আসিতে আসিতে আবার মলিনা ‘ব্ল্যাকপ্রিন্স’ সম্বন্ধে তর্ক তুলিতে যাইতেছিল, দিদি ধমক দিয়া বলিল—“আচ্ছা তুই চুপ কর, ডেপো মেয়ে!” শেখরকে জিজ্ঞাসা করিল—“এত কাছে রয়েচ, মুখুজ্জে, অথচ মাঝে মাঝে যে এক-আধবার আসবে—”

শেখর, মলিনা যে কথাটি বলিতে যাইতেছিল তাহারই উত্তর দিল—“কি জানো গো মলিনা সন্দরী, যে খেটাকে ভালবাসে তার কাছে—”

বড় শালিকা রাগিয়া বলিল—“ঐ বাজে কথাই হ’ল বড় আর আমার প্রণয়ের বুঝি—”

ওর মধ্যেই তোমারও জবাব আছে দিদি, তোমার বোনের ভালবাসার অত্যাচারে আর বেরুবার জো আছে? কি চোখেই যে অধমকে দেখেচেন, ছদও চোখের আড়াল হবার জো নেই। অমনি জবাবদিহি কর—তাও যদি মনঃপূত না হ’ল তো কান্নাকাটি রাগ-অভিমান—”

“কই, এমন তো ছিল না। একটু আদ্যারে বরাবরই ছিল বটে।”

“আজকাল হয়েছে। বন্ধুরা বলে—‘Lucky dog, তোকে দেখে হিংসে হয়’—বলি—‘ক্যামা দেও ভাই; একদণ্ড বাড়ি ছেড়ে বেরুবার জো নেই—এ ভালবাসা, না কোথাগো করে মারা?’”

শালিকা ভয়ী এইরূপ আদর্শ অহুসাস সম্বর্ধন করিয়া হৃদয়ভাঙাবে বলিল—“তোমাদের ভাই প্রাণ খুলে দিলে

তোমরা সন্তুষ্ট হও না, আর সজোপনে দিলে তোমরা তা অহুভবই করতে পার না। ভালবাসা দেওয়ার আর উপায়ই বা আছে কি, স্ত্রী-বেচারিরা তো আর ভেবে পায় না।”

শেখর বলিল—“বুঝলাম শচীদি সব আমাদেরই দোষ। ইট পাথরের মতন আমরা যে ছদয়হীন, এ বদনামটা তো চিরদিনই আছে। কিন্তু ধর, এই এখানে এসেছি, কাজটা সারতে চার পাঁচদিন লাগবে। ভেবেচি রোজ যাওয়া-আসা না ক’রে একটা দিন এইখানেই থেকে যাই। ইঠাৎ তোমার বিরহিণী ভগ্নী বাড়ি ঘর দোর বন্ধ ক’রে সব নিয়ে এসে হাজির হলেন—ডব ডব করচে চোখ, মুখ ভার, কি রকম আতান্তরে পড়ি বলতো?”

শালিকা হাসিয়া বলিল—“আমাদের তো লাভই ভাই। অনেকদিন দেখিনি তাদের, তোমাদের যদি কানের টানে মাথা আসে তো মন্দ কি?”

শেখর মাঝে মাঝে গোপনে রাস্তার দিকে উৎসুক দৃষ্টি নিক্ষেপ করিতেছিল, বলিল—“তা সত্যিই তিনি যদি এসে হাজির হন তো আমি মোটেই আশ্চর্য হব না।”

মলিনা সব না বুঝিলেও দিদির আসিবার সম্ভাবনায় চঞ্চল হইয়া উঠিতেছিল, প্রশ্ন করিল—“কিসে ক’রে আসবেন, জামাইবাবু, মোটরে?”

শেখর বলিল—“তিনিই জানেন। চাই-কি জ্ঞানশূন্য হয়ে ‘হা নাথ—হা নাথ’—করতে করতে ছুটেও আসতে পারেন।”

মলিনা অকৃত্রিম বিশ্বাসে চোখ দুটো বড় বড় করিয়া বলিল—“ও ক্বাবা!”

দিদি তাহার রকম দেখিয়া হাসিয়া ফেলিল, বলিল—“মবু পোড়ারমুখী, দিদি কি তোর পাগল হয়েছে না কি?”

শেখর বলিল—“আমি ভাবচি যদি সত্যিই এসে পড়ে তো বাবা মা কি ভাববেন?”

“কি আর ভাববেন—বললেই হবে ওরা মোটরে বেড়াতে বেড়াতে এসেচে, তোমার রেলপথে একটু কাঁচ ছিল...কিন্তু কোথায় কি তার ঠিক নেই—মিছে মাথা ঘামান।”

“তার আসবার কথা তো তাঁদের বলা হয় নি।”

“তুলে গিয়েছিলে—চল্ মালী, তোর করবী দেখাবি চল্...”

“আগে তোমার গোলাপ দেখুন—তুলে আনি একটা?”

দিদি ধমকাইয়া বলিল—“না!”

শেখর বলিল—“পরের জিনিষে এত লোভ কেন মলিনা? ছি?”

মলিনা হো হো করিয়া হাসিয়া উঠিল—“ওমা, দিদির জিনিষ বুঝি পরের জিনিষ হ’ল? বুঝি বা হোক!”

শেখর উচ্চৈঃস্বরে হাসিয়া উঠিল এবং লজ্জিত হইয়া পড়িলেও মলিনার দিদি না হাসিয়া পারিল না। বলিল—“কি হচ্ছে ছেলেমানুষের সঙ্গে?”

শেখর বলিল—“খুব সলা দিলে তো দিদি—ওঁদের বলব—‘তুলে গিয়েছিলাম’? নিজের স্ত্রী সখকে এত তুল, আর সে-স্ত্রী আবার ওঁদেরই মেয়ে—তার চেয়ে বললেই হয়—”

শচী বিরক্তির ভান করিয়া বলিল—“দেখ দিকিন পাগলামি! কে আসচে তার ঠিক নেই, ক্রমাগতই বাজে কথা। আমার বোনটিরই দোষ দিচ্ছ, কিন্তু এসেছ পর্য্যন্ত তো দেখচি তার কাছে মনটি পড়ে আছে; টান কার বেশী তা তো বুঝতে পারলাম না।” বলিয়া মুখের দিকে চাহিয়া ক্রুরভাবে হাসিল।

কথাটা সত্য। মোটরের ভাবনাটা মনের মধ্যে জাঁকিয়া থাকায় শেখর যে ক্রমাগতই স্ত্রীর প্রসঙ্গ চালাইয়া আসিতেছে সে-বিষয়ে তেমন সতর্ক ছিল না, একটু অপ্রতিভ হইয়া পড়িল।

মলিনা ফুলের তোড়া বাধিতেছিল, গম্ভীর মুখে বলিল—“মা বলছিলেন না, দিদি—‘আহা ছুটিতে মনের বেশ মিল আছে—ভগবানের ইচ্ছে’।”

শেখরের লজ্জার পালা পড়িয়াছে—

সেহতয়ে ভগ্নীর কাঁধে একটি হাত দিয়া দিদি বলিল—“আর বলছিলেন—মলিনারও ঐ রকম একটি মনের মিলের বর হয়—”

“খ্যাৎ”—বলিয়া মলিনা মাথা নীচু করিল।

শচী বলিল—“চল, এবার গম্ভীর ধারে যাই—বাবা বোধ হয় ঐদিকে গিয়েই বসেচেন।”

মলিনা বলিল—“বাঃ, আর তোমার ব্রাকপ্রিন্স দেখালে না—কি ক’রে বলবেন যে—”

সরলপ্রাণা ভগ্নী আর চতুর ভগ্নীপতি মিলিয়া সখের ফুল দেখাইবার মত তাহার আর অবস্থা রাখে নাই। শচী লজ্জিত ভাবে বলিল—“নাঃ, থাক্ গিয়ে।”

ভগ্নী আশ্বাস ধরিয়া বলিল—“না-না, দেখাবে চল; আচ্ছা বাবু, আমি বলচি আমার হিংসে হবে না, ভয় নেই।”

দিদির ব্রীড়াভারাক্রান্ত চোখ দুটা অবাধ্যভাবেই একবার ভগ্নীপতির মুখের উপর পড়িল। চকিতে সে-দুটাকে ভূমিনত করিয়া বলিল—“পোড়ার বাদর মেয়ে।”

শেখর হাসিতে হাসিতে বলিল—“তোমার হিংসের ভয় করবেন না, মলিনা, উনি ভয় করচেন বোধ হয় আমাদের হিংসের।”

“না, আমি চললাম। তোমরা দুই রসিকে থাক।” বলিয়া কৃত্রিম রাগ দেখাইয়া শচী আগাইয়া পা বাড়াতেই, উপস্থিতির একটা দীর্ঘ হর্ষ দিয়া গেটের সামনে একটা মোটর আসিয়া দাঁড়াইল।

“কে এলো?” বলিয়া শচী গ্রীবা ঘুরাইয়া দাঁড়াইল। মলিনা “ওমা, মেজদাদি যে!” বলিয়া আগে সংবাদ পৌছাইবার জন্ত বাড়ির দিকে ছুটিল। শেখর বিশ্বাসের ভান করিয়া বলিল—“দেখলে তো দিদি?”

শ্রালিকা রহস্য ভেদ করিবার চেষ্টা করিয়া একটা তীক্ষ্ণ দৃষ্টি হানিল। পরমহুর্ত্রেই বলিল—“দাঁড়াও ভাই, আগে নামাই গিয়া ওদের” বলিয়া দ্রুতপদে আগাইয়া গেল।

শেখর দু-একটা গাছের আড়ালে আড়ালে একটু গা ঢাকা দিয়া ধীরে ধীরে অগ্রসর হইল।

শচী অরুণার কোল হইতে ডলিকে লইল, মটর হাত ধরিয়া নামাইল, তাহার পর ভগ্নীকে বলিল—“এস, অগ্রদূত তোমার হাজির।”

অরুণা মোটর হইতে নামিল, ভগ্নীর রসিকতা

বুঝিবার কোনো চেষ্টা না করিয়া—“সবাই ভাল আছে। তো দিদি?” বলিয়া ভয়ীর পদধূলি গ্রহণ করিবার জন্ত প্রণত হইল।

এই সময়টিতে শেখর সামনে আসিয়া দাঁড়াইল। মুহূর্তের মধ্যে মটু “বাবা, বাবা! ওমা বাবা গো!” বলিয়া আহ্লাদে চীৎকার করিয়া উঠিল এবং ডলিও মানসীর কাঁধ বাহিয়া বাপের কোলে বাইবার জন্ত বাগ্রভাবে ছুটা কচি হাত বাড়াইয়া দিল।

অরুণা চকিতে উঠিয়া দাঁড়াইল এবং স্বামী-স্ত্রীতে চোখোচোখি হইল।

৩

হুজনে দাঁড়াইয়া রহিল যেন বায়কোপের ছথানি ছবি,—মুখে রা নেই, উগ্র বিষ্ময়ের ভাব মুখ এবং সমস্ত শরীর দিয়া যেন ফুটিয়া বাহির হইতেছে। বিশেষ করিয়া শেখরের বিষ্ময়টা চোষ্টাপ্রসূত বলিয়া আর্ট যেন তাহার মধ্যে মূর্তি ধরিয়া উঠিয়াছে। লোকটির থিয়েটারে নাম আছে,—এই অরুণাই কত প্রশংসা করিয়াছে।

শেখরই প্রথমে কথা কহিল, প্রশ্ন করিল—“তুমি হঠাৎ!”

অরুণা বেচারীর মুখে কোনো কথাই জোগাইতে-ছিল না। অসহায়ভাবে বলিল—“হঠাৎ কি?”

শেখর একবার বক্র ইঙ্গিতে স্থালিকার পানে চাহিল। তাহার পর জব্রী পানে মুখ ফিরাইয়া বলিল—“না, ঠিক হঠাৎ না বটে। কিন্তু তোমায় অত ক’রে বারণ করে এলাম—”

স্ত্রী বিমুচভাবে বলিল—“কি বারণ ক’রলে?”

মলিনা আসিয়া দাঁড়াইয়াছিল, শেখর এবার তাহার দিকে চাহিয়া বলিল—“এই দেখ মলিনা, একেই বলে জ্ঞানশূন্য হওয়া—তোমায় এতদিন বলছিলাম না—অর্থাৎ আমার আসবার কথায় তোমার দিদির মনটা এমন বিকল হয়ে গিয়েছিল যে, এক ঘণ্টা ধ’রে যে অত ওকে বোঝালাম সে-সব কথা একেবারেই মনে নেই।”

মলিনা আশ্চর্যে হাঁ করিয়া বলিল—“ও কাবা!—হ্যাঁ দিদি?”

অরুণা শচীর দিকে চাহিয়া বলিল—“কি ব্যাপার বল দিকিন দিদি?”

শচী স্পষ্ট কিছু না বুঝিলেও কিছু একটা কৌতুকের আভাস পাইয়া বলিল—“ব্যাপার তোমরাই জান ভাই, এখন চল, বাবা মা বারান্দায় দাঁড়িয়ে রয়েছে, পরে বোঝাপড়া হবে’খন।”

অরুণার চলিবার অবস্থাই ছিল না, স্বামীর দিকে চাহিয়া বলিল—“তুমি এখানে হঠাৎ যে?”

স্বামী অবিচলিতভাবে বলিল—“এটা আমার শ্বশুর-বাড়ী”—যেন ভূতগ্রস্তের সঙ্গে কথা বলিতেছে, মেলা কথা বলিবার দরকারই নাই।

হুজনে মুখোমুখি হইয়া একটু চুপ করিয়া রহিল। শেখরই মোন ভঙ্গ করিল—“যাক যখন এসে পড়েচ, উপায় নেই। মেলা লজ্জা পেয়েই বা আর কি হবে,—দিদিকে অনেকটা ব’লে রেখেচি তোমার রোগের কথা—”

অরুণা সোৎসুক নৈত্রে তাহার দিদিকে প্রশ্ন করিল—“কি রোগের কথা দিদি?”

শেখর আবার কহিল—“তোমার গিয়ে, আসবার সময় চাবি কার কাছে...”

অরুণা গ্রীবা ঝাঁকিইয়া কহিল—“চাবি?—চাবি তো তোমার হাতেই দিলাম তখন।”

শেখর ঈষৎ হাসিয়া মলিনার দিকে চাহিয়া কহিল—“দেখচ তো মলিনা? স্বামীকে না দেখতে পেলে এই রকমই হয়। অবশ্য তোমাদের বোনের মধ্যে একটু বাড়াবাড়ি হয়ে থাকে দেখচি।”

স্ত্রীকে বলিল—“তুমি আসবার সময় আমার হাতটাই যে সেখানে ছিল না। অবশ্য মনটা কিছু কিছু ছিল, কিন্তু—”

অরুণা দিদির দিকে চাহিয়া ব্যাকুলভাবে কহিল—“কি রোগের কথা বলেচে, বল না দিদি? আমি ঝাপু এ লোকের সঙ্গে আর পেয়ে উঠি না।”

দিদি তাহার হাতটা ধরিয়া হাসিয়া বলিল—“বলচি; আগে চল—ওদিকে বাবা মা এগিয়ে আসছেন, কি ভাবছেন জানি না—”

চলিতে চলিতে বলিল—“রোগ আবার কি?—
বাবুদের ওটুকু না হলেও দিশেহারা হন, অথচ ঠাট্টাও
করা চাই। তুই একলাটি থাকতে না পেরে চলে আসবি,
সেই কথা আমায় বলা হচ্ছিল। তা এতে আর দোষ কি
হয়েচে? আর তা’ ভিন্ন এসে ভালই করেছিস ভাই,
আমায় একলা পেয়ে ঠাট্টা-বিজ্ঞপে—”

অরুণা গালে চারটি আঙুল চাপিয়া দাঁড়াইয়া পড়িল।
ক্ষণমাত্র চিন্তা করিল, স্বামীর দিকে সরোষ নৈরাজ্যে চাহিল,
তাহার পর দিদির পানে ফিরিয়া বলিল—“ও হরি!—
বুঝেচি। এতক্ষণ পরে সব কথা বুঝতে পেরেচি—কি
মতলববাজ লোক ভাই!—এই জন্তেই বুঝি তখন বললে
ছ’খণ্ডার মধ্যে দেখা হবে?”

শেখর শালিকাকে মন্থস্থ মানিয়া বলিল—“কি করব
শচীদি?—যেরকম কানরানি, চোখের জল। কাছেই
ব’লে আসতে হয়েছিল—আজ রাত্রেই ফিরে আসব—
ছ’খণ্ডার বেশী দেরি হবে না—একেবারেই কাছছাড়া
হতে দেবে না—”

একটা কুটিল জবাব ঠোটে আসিল এবং কোনো সঙ্গত
উত্তর দিতে না পারায় রাগের মাথায় অরুণা সেইটাই
দিয়া বলিল,—বলিল “হ্যাঁ, ঠিকই তো,—একদণ্ড
তোমাদের বিশ্বাস ক’রে ছাড়া চলে না, তোমরা
এমনই—”

শেখর চুপে অভিনয় করিয়া সন্ধে সন্ধে বলিল—
“ছিঃ, অরুণা, এটা একহিসেবে যে শচীদিদিকেও বলা
হ’ল—কি মনে ক’রবেন উনি বল দিকিন?”

বিজ্ঞপটা বুঝিতে না পারিয়া অরুণা বিস্ময়ে এবং
ভয়ে চক্ষু বড় করিয়া কহিল—“ওমা, দিদিকে আবার কি
বললাম? দেখ দিকিন!”

দিদি বুঝিয়াছিল, ওদিকে বাবা মা কাছে আসিয়া
পড়িয়াছিলেন, আন্তে আন্তে বলিল—“তোরা একটু চুপ
কর বাপু, মুখের মুখের কোন আড় আছে যে ওর সঙ্গে
তর্ক করচিস অরুণা?”

যটু গিয়া দিদিমার কোল হুপ করিয়াছিল। অরুণার
পিতা লাঠিতে ভর দিয়া আন্তে আন্তে আসিতেছিলেন,
একটু দূর হইতেই বলিলেন—“বাঃ অরুণাও এসেছে!

—বেশ হয়েছে। কিন্তু কই, শেখর তো আমায় কিছু
বল নি?”

শচীই উত্তর দিল—“অরুণর আসবার কোনো ঠিক ছিল
না, বাবা, তাই বলেন নি। ওর এক বন্ধু বেড়াতে
এসেছিল—তাকে বিদায় ক’রে সময় থাকলে অরুণা মোটরে
আসবে এই রকম কথা ছিল।”

এর পরে যে প্রশ্ন হইবে তাহার উত্তর শেখর পূর্ব
হইতেই দিয়া রাখিল—“আমিও সঙ্গেই আসতাম।
বিকলে বজ্রবিপ্লবিত্তে একটু কাজ ছিল তাই আগেই
বেরিয়ে পড়ি।”

তাহার জন্তই এই-সব মিথ্যার সৃষ্টি—বিশেষ করিয়া
দিদির তরফ হইতে। অরুণা লজ্জায় মেন পা উঠাইতে
পারিতেছিল না। স্বামীটি পূর্বে আসিয়া আরও কি সব
গাফিয়া রাখিয়াছে সে কথা ভাবিয়া সে নিতান্ত অবশি
বোধ করিতেছিল। দিদির তো একরকম ধারণাই জন্মাইয়া
দিয়াছে যে, সে স্বামীর টানেই পিড়ালয়ে আসিয়াছে—
ছি-ছি!—সাংঘাতিক লোক—সব পারে!

কথাবাতীর মধ্যে স্বামীর দিকে কখন মিনতির নরম
চোখে চাহিয়া, কখন রাগের কড়া চোখ দেখাইয়া খুব
সম্পূর্ণে চালাইয়া গেল। শব্দ-শব্দভীর কাছেও একটু-
আধটু বেহায়াপনার ইঙ্গিত করিয়া দেওয়া ওর পক্ষে
আশ্চর্য নয়। মনে মনে বলিল—“ঘাট হয়েছে বাপু,
আর তোমার সঙ্গে লাগব না!”

জিরাইয়া কিঞ্চিৎ জলযোগের পর সকলে গঙ্গার ধারে
গিয়া বসিল। পিতা কিছুক্ষণ পরে উঠিয়া আসিলেন—
জোলো হাওয়া তাঁহার লাগান মানা। মাতাও একটু
পরে উঠিলেন। শেখর হাঁপাইয়া উঠিতেছিল, এইবার
মুখ খুলিবার একটু সুযোগ পাইল।

কহিল—“আমাদের হিন্দুলনাদের স্বখ্যাতি এতদিন
ধরে যে কীর্তিত হয়ে এসেচে—”

অরুণা একবার মুখের দিকে সন্দেহভাবে চাহিয়া
বলিল—“আজ্ঞা, হ’য়ে আসুক গে, তুমি থাম।”

“না, তোমার আজকের এই প্রাতিজ্ঞার নিদর্শনটুকু
দেখেও যদি পেটুকুয় কদর না করি তো ঘোর
অকৃতজ্ঞতা—”

অরুণা উত্থান হইয়া বলিল—“ওগো আমি হার মানলাম, আমার ঘাট হয়েছে, আর দিদির নামনে বেহায়াপনা ক’রো না, তোমার পায়ে ধরি...”

শেখর মুহু মুহু হাসিতে লাগিল; আশু আশু—যেন নিজের মনেই বলিল—“পায়ে ধরাটা শুনেচি নাকি আমাদেরই একচেটে হয়ে গেছে।”

আজ বিকালেরই কথা।

অরুণা একটু আড়ে না চাহিয়া পারিল না। কথাগুলো চাপা দেওয়ার জন্য বলিল—“আর তোমাদের অন্ত কথা নেই, দিদি?”

শচী বলিল—“মুখ্জে আজ আমাদের অতিথি। শুধু তোর চর্চা করতেই যদি আজ পছন্দ হয়ে থাকে তো কি ব’লে নিরাশ করি বল?”

অরুণা বলিল—“কেন, আমি তো এইটুকু এসেই—কথা কইবার অনেক পেয়েচি। এই জায়গাটার কথাই ধরা বাক না—কেমন স্বন্দর জোৎস্না—খোলা গন্ধার তীর—কি স্বন্দর হাওয়া—আমার তো এই জায়গাটুকুর জন্তে—”

শেখর তাড়াতাড়ি বলিল—“তা ব’লে তুমি যেন আমাদের দুজনকে রেখে টপ্ ক’রে উঠে যেও না শচীদি। অরুণা সে ভেবে ব’লচে না নিশ্চয়...”

হাসিতে লাগিল। শচীও হাসিয়া মুখ ফিরাইল। অরুণা হঠাৎ থমকিয়া চাহিয়া দুজনের দিকে চাহিল, তাহার পর স্বামীর গুৎ বিক্রপ বুঝিতে পারিয়া লজ্জায় ও রাগে বলিয়া উঠিল—“না বাপু, আমি চললাম। কোন-খানে গিয়ে একটু সোয়াস্তি নেই। কে জানতো বল, এখানেও আগে থাকতে এসে বসে আছে?”

শেখর শ্রালিকার দিকে চাহিয়া বলিল—“ঐ কথাটি বোঝাবার জন্তে অরুণা কি রকম ব্যস্ত দেখে শচীদি? আমি তখনই ওকে বলেছিলাম—‘যেও না, বড় লজ্জায় পড়ে যাবে’ কিন্তু চোরা না শোনে ধর্মের কাহিনী। বলে—সে আমি সামলে নোব’ধন, কেউ বুঝতে পারবে না।”

অরুণা জালান্ত হইয়া বলিল—“বাবা, বাবা, তোমার কি লজ্জারম কিছু নেই গা?”

শেখর কহিল—“থুব আছে। তবে কি-না আসল কথাটা যদি না ব’লে দি তো শচীদির মনে হতে পারে এদের মধ্যে কিছু একটা হয়েছে। মিছিমিছি ভাবতে পারেন মুখ্জে বোধ হয় বগড়াবাঁটা ক’রে চলে এসেছে, তাই বোনটি পিছনে পিছনে ছুটে এসেছে।”

অরুণা ভিতরে ভিতরে যেন জর্জরিত হইয়া গিয়াছিল। তাহার হার তো হইয়াছেই, যদি স্বীকার করিলে স্বামী অব্যাহতি দেয় তো সে রাজি। কিন্তু তাহার স্ববিধা কই? আর ইতিমধ্যে অসহায়ভাবে সে কত বিদ্রূপবাণ সহ করিবে?

স্বামীর কথায় দম্ব করিয়া বলিল—“ইস, ছুটে আসবে!” সঙ্গে সঙ্গে কিন্তু দিদির দৃষ্টি এড়াইয়া একবার সক্রপ মিনতির নেত্রে চাহিল।

স্বামী নির্ভুর বিজ্ঞেতারই মত হাস্তকুটিল দৃষ্টি দিয়া তাহার মৌন উত্তর দিল। এই সময় পরাজয়-স্বীকারের একটু স্ববিধা হইল।

মলিনা, ডলি আর মণ্টুকে লইয়া অদূরে ছুটাছুটি খেলা করিতেছিল, ডলি কোল থেকে পড়িয়া কাদিয়া উঠিল। শচী মলিনাকে ধমক দিয়া ডলিকে তুলিয়া লইবার জন্য ছুটিয়া গেল।

অরুণা একবার চকিতে দেখিয়া লইল আঘাত কিছু লাগে নাই। স্বামীর হাতটা খপ্ করিয়া ধরিয়া বলিল—“আমি হার মান্চি গো, দয়ামায়া কি নেই একেবারে?”

স্বরটা ভারী হইয়া উঠিল।

হাতটা ছাড়িয়া দিয়া একটু সরিয়া গেল। অস্থযোগের স্বরে বলিল—“কি রকম বেহায়াপনা করচ বল দিকিন্ তখন থেকে?”

শেখর বলিল—“কিরে যেতে রাজি তো?”

“কখন?”

শেখর হাসিয়া বলিল—“ছ’ঘণ্টা পরে!”

অরুণা অভিমান করিয়া বলিল—“একুনি চল না তার চেয়ে। বাবা মা’র সঙ্গে ভাল ক’রে কথাবার্তাও হয় নি, আমার আবার বাপের বাড়ি আসা!”

“বেশ, কখন যাবে তুমিই বল না হয়। কাল সকালে?”

“পরশু । অনেকদিন আসিনি ।”

“এই কি হারের লক্ষণ ?”

অরুণা চোখের কোণে চাহিয়া বলিল—“ইস্, এক-
জনের কাছে আমার হার আছে না কি ?”

শেখর একটু হাসিল, বলিল—“বেশ, তাই হবে ;
পরশুই রইল ।”

মলিনা, মণ্টু, ডলিকে লইয়া শটী রেলিঙের ধারে
দাঁড়াইয়াছিল । গঙ্গার নৌকা ষ্টিমার দেখাইয়া ডলিকে

তুলাইতেছিল, এদিকে দম্পতিকে একটু হুবিধা করিয়া
দেওয়াই বোধ হয় মুখ্য উদ্দেশ্য ।”

খানিকক্ষণ চুপ করিয়া সামনের দিকে চাহিয়া শেখর
বলিল—“বড় চমৎকার জ্যোৎস্নাটি ।”

স্ত্রী ঘাড় বাঁকাইয়া একটু আড়ে চাহিয়া বলিল—“না,
সে সব হবে না—দিদি এক্ষুনি যদি ফিরে চান ?”

শেখর পত্নীর কাছে একটু সরিয়া গিয়া তাহার কাঁধ
স্পর্শ করিয়া মুহূর্ত্তে বলিল—“দিদি অত বড় বোকা নয়—
এটা বেশ জেনো ।”

বাংলা দেশ ও ভারতবর্ষ

শ্রীনিরদচন্দ্র চৌধুরী

আমার এক বন্ধুর মুখে একটি গল্প শুনিয়াছিলাম যে,
বহুদিন পূর্বে পরলোকগত দেশনেতা পণ্ডিত মতিলাল
নেহরু একবার শ্রীযুক্ত প্রমথ চৌধুরী মহাশয়কে জিজ্ঞাসা
করেন,

—Are you one of those Bengalis who
think that Bengal is first, Bengal is second,
and Bengal is third ?”

এই প্রশ্নের উত্তরে প্রমথবাবু নাকি বেশ একটু গর্বের
সহিতই জবাব দিয়াছিলেন,

—হাঁ, আমি ঐ জাতীয় বাঙালীই বটে ।

আমি যে ভাবে দিলাম আসল কথোপকথন ঠিক
সেই ভাবেই হইয়াছিল কি-না, সে অস্বস্তান এখানে
নিশ্চয়োজ্ঞান । কারণ কোন ব্যক্তিবিশেষের অভিমত
হিসাবে এই দৃষ্টান্তটির উল্লেখ করা আমার অভিপ্রেত নয় ।
এখানে প্রমথবাবু সমগ্র বাঙালী জাতির মুখপাত্র ।
বাঙালীজনের স্মৃহান গৌরবে অনাস্থানীয় যে-কোন
ভারতীয়ের প্রশ্নের উত্তরে যে-কোন বাঙালীযুগ ব্যক্তিও
ঠিক এই একই উত্তর দিত, মাজাজী বা মেডুয়াবাদীর
নিকট তর্কে পরাজয় স্বীকার করিয়া নিজের প্রাদেশিক
স্বাভাৱ্যের অভিমানকে ক্ষুণ্ণ করিবার কল্পনা স্বপ্নেও
তাহার মস্তিষ্কে স্থান পাইত না ।

ব্যাপারটা ভাবিয়া দেখিবার মত । বাঙালী জাতি
রূপে-গুণে, বিদ্যায় বুদ্ধিতে, শৌর্য্য-বীৰ্য্যে ভারতবর্ষের
সকল জাতির মধ্যে শ্রেষ্ঠ কি-না, সে-সম্বন্ধে বাহিরের
লোকে তর্ক তুলিতে পারে, কিন্তু ইহাতে আমাদের
আত্মপ্রত্যয় টলিবে কেন ? আমরা যে বড়, আমরা যে
অগ্রণী, সে-কথা আমরা ভাল করিয়াই জানি এবং
সকলকে স্মরণ করাইয়া দিতেও বিশেষ কুঠা বোধ করি
না । সত্তর বৎসর পূর্বে কলিকাতার সাহিত্য-সম্মিলনে
মহামহোপাধ্যায় শ্রীযুক্ত হরপ্রসাদ শাস্ত্রী মহাশয় বাঙালী
জাতিকে একটি আত্মবিস্মৃত জাতি বলিয়া দ্বন্দ্ব
করিয়াছিলেন । সেই অবধি তাঁহার এই উক্তিটি
আমাদের স্বভাবসিদ্ধ বড়ই প্রবণতার আত্মরক্ষা করিয়া
আসিতেছে । নহিলে নিজেদের অতীত, বর্তমান ও
ভবিষ্যৎ, বিশেষ করিয়া ভবিষ্যৎ, কীর্ত্তি সম্বন্ধে অযথা
বিনয়ের পরিচয় বাঙালীর লেখা বা বক্তৃতায় অন্ততঃ
কোথাও পাইয়াছি বলিয়া ত মনে হয় না । শাস্ত্রী-মহাশয়
পরের বৎসরের সাহিত্য-সম্মিলনে বলিয়াছিলেন,
হস্তিচিকিৎসাই আমাদের প্রথম গৌরব । এ-বিষয়ে
অবশ্য আমরা বিশেষ কিছুই জানিতাম না । হরত বড়
বেশী একটা গর্বও অহুত্ব করি নাই । কিন্তু আমাদের
গৌরবময় অতীতের এই অতি দুল কীর্ত্তিটির কথা ছাড়িয়া

দিলে অত্ৰ যে কোন বিষয়ে পাওনা বা উপরি সম্বন্ধে আমরা নিতান্তই বৈরাগ্য প্রদর্শন করিয়া আসিয়াছি এ-কথা বলিলে কি একেবারেই একটা মিথ্যা কথা বলা হইবে না?*

দৃষ্টান্তরূপ একটি মাত্র প্রমাণের উল্লেখ করিব। বাংলা দেশের শিক্ষিত সাধারণের নিকট সত্যোক্তনাথ দত্তের “আমরা” শীর্ষক কবিতাটি সুপরিচিত। বোধ করি তাঁহাদের সকলেই এই কবিতাটি পড়িয়াছেন ও পড়িয়া পুলকিত হইয়াছেন। এই কবিতাটি শাস্ত্রী-মহাশয়ের অভিভাষণের বৎসর-তিনেক পূর্বে প্রকাশিত। উহাতে আমাদের অতীত ও বর্তমান কীর্তির যে কিরিত্তি আছে, তাহা নিম্নলিখিতরূপ।

প্রথমেই কবি বলিতেছেন,—

সাগর বাহার বদনা রচে শত তরঙ্গ ভঙ্গে,
আমরা বাঙালী বাস করি সেই বাহ্নিত ভূমি বঙ্গে।

এই বাহ্নিত ভূমিতে বাস করিয়া আমরা কি করিতেছি এবং করিয়াছি? না,—(১) বাঘের সঙ্গে যুদ্ধ করিয়াছি; ২। নগের মাথায় নাচিয়াছি; (৩) দশানন-জয়ী রামচন্দ্রের প্রপিতামহের সঙ্গে যুদ্ধ করিয়াছি; (৪) আমাদের ছেলে বিজয়সিংহকে দিয়া লক্ষ্য জয় করাইয়াছি; (৫) একহাতে মগকে ও অপর হাতে মোগলকে রুখিয়াছি; (৬) আমাদের কপিলকে দিয়া সাংখ্যদর্শন লিখাইয়াছি; (৭) আমাদের স্থপতিদের দিয়া বরোবুদোর নির্মাণ করাইয়াছি; (৮) শ্রামরাজ্যেতে ওঙ্কারধাম স্থাপন করাইয়াছি; (৯) আমাদেরই কোন

* বাঙালীমনের একটি মহৎ ধর্ম সম্বন্ধে শ্রীযুক্ত হুতানন্দ্র বহু মহাশয় বলেন, “বাঙালীর অনেক দোষ আছে, কিন্তু বাঙালীর একটি গুণ আছে, যাতে তার অনেক দোষ ঢাকা পড়েছে এবং বার বলে সে আজ জগতের মধ্যে মানুষ বলে গণ্য। বাঙালীর আত্ম-বিশ্বাস আছে, বাঙালীর ভাবপ্রবণতা ও কল্পনাপ্রসক্তি আছে—তাই বাঙালী বর্তমান বাস্তবজীবনের সকল ক্রুটি, অক্ষমতা, অসাম্যকে অগ্রাহ্য করে মহান আদর্শ কল্পনা করতে পারে।” (ভরুণের ঋণ, ২য় সংস্করণ, পৃষ্ঠা ১১)। ১৭ নম্বর ভোগরা রেজিমেন্টের একটি ভোগরা রানপুতের সহিত আমার পরিচয় ছিল। সে মেসোপটেমিয়ার ও অজ্ঞাত বহবার যুদ্ধের সমুখীন হইয়াছে, তবুও তাহার মুখে কোনদিন বীরত্বের বড়াই শুনি নাই। আর্মির এক লক্ষ্যপ্রতিষ্ঠ উপস্থানিক যুদ্ধের নিকট এ ব্যাপারটার উল্লেখ করতে তিনি উত্তর দিলেন, “বড়াই করাও একটা আর্ট। তারতবর্ষের সকল বর্ষের জাতিরই উহা আয়ত্তের মধ্যে নহে।”

স্বপটু পটুয়াকে দিয়া অজ্ঞাত্য আমাদেরই পট আকাইয়াছি; (১০) মহন্তের আমরা মার নাই; (১১) মারী লইয়া আমরা ঘর করিতেছি; (১২) দেবতাকে আমরা আত্মীয় বলিয়া জানিয়াছি; (১৩) আকাশে প্রদীপ জালিয়াছি; (১৪) বেতালের মুখের প্রশ্ন আমরা কাড়িয়া লইয়াছি—এমনি করিয়া ছত্রিশ দফা পর্যন্ত। তারপর ভবিষ্য পুরাণ—

অতীতে যাহার ঘটনা হয়েচে সে ঘটনা হবে হবে
বিধাতার বরে ভুবন ভরিবে বাঙালীর গৌরবে।
প্রতিভার তপে সে ঘটনা হবে লাগিবে না তার বেদী,
লাগিবে না তাহে বাহুবল কিম্বা হৃদয় মাংসপেশী।
মিলনের মহামুখে মানবে দীক্ষিত করি ধীরে,
মুক্ত হইব দেবরূপে মোরা মুক্ত বর্ণের তীরে।”

সে শুভদিন আসুক, আমাদের বড়াইয়ের চোটে এখনও যাহাদের জীবন অতিষ্ঠ হয় নাই, তাহাদের সকলেই শীঘ্র উদ্বাস্ত হউক, এ-কামনা আমরা সকলেই করি। কিন্তু এই দীর্ঘ তালকার পর এক আকাশে ফুল ফুটানো ভিন্ন আমাদের কোন কীর্তি যে অল্পলিখিত থাকিয়া বাইতে পারে, এ-কথা হয়ত সকলের বিশ্বাস হইবে না। সত্যোক্তনাথ তাহাও প্রমাণ করিয়া দিয়াছেন। উপরে উদ্ধৃত কবিতাটিতে যে “বাহুবল ও হৃদয় মাংসপেশীর” মায়া তিনি অতিকষ্টে কাটাইয়া ছিলেন, শেষ পর্যন্ত তিনি তাহার লোভ আর সংবরণ করিতে পারেন নাই। তাই দেখিতে পাই, শাস্ত্রী-মহাশয়ের অভিভাষণের তিন বৎসর পরে আবার তিনি লিখিতেছেন,—

শক-রূপে আতঙ্ক মোদের কিসের তা ভাই বল,
রাগসেদের লক্ষ্য কেড়ে বানিয়েছি সিংহল।
গঙ্গার আলো বসত করি আমরা বাঙালী
যার নামে গ্রীক সৈন্য হঠাৎ সাহস-কাঙালী।
কান্দীরেতে হুসাইনী নিশান উড়ালে
রাজার ইষ্টদেবের মূর্তি কোণে ঝুঁড়ালে—
কেশাশ্রু কেউ নারল ছুঁতে ঢকে হত্যাশন
মেঘের মতন আওয়াজ গলার বাঙালী পটন।...
নামজাদা লাল পটনে ভাই তোরাই ছিলি শোন
এম্পায়ারের ভিত পেড়েছে বাঙালী পটন।

কথায় আছে কবির নিরুদ্ধ, ইতিহাস আবার একটু গুরুপাক, এবং আত্মপ্রাণ ভঙ্গ-ইতর নির্বিশেষে মানব-সন্তান যাদেরই সহজ ও স্বাভাবিক ধর্ম। স্তত্রাং সত্যোক্তনাথের সঙ্গে ঝগড়া করিয়া লাভ নাই। কিন্তু তাই বলিয়া

এই সকল অশোভন ও হাশুর বড়াইকে জনৈক প্রদেশ-প্রেমিক বাঙালী কবির অতিশয়োক্তি বলিয়া ছাড়িয়া দিলেই চলিবে না। উহার উৎস আরও গভীর। এই বড়াই-প্রবণতা আমাদের উগ্র বাঙালী-বোধের সহিত নিবিড়ভাবে সংশ্লিষ্ট ও উহারই একটা প্রকাশ মাত্র। বাঙালী ভাবতবর্ষের অল্প কোন জাতির অপেক্ষা শ্রেষ্ঠ হউক আর না-ই হউক, বাঙালী যে বাঙালী,—পঞ্জাবী নয়, বিহারী নয়, মারাঠা নয়, গুজরাটী নয়, মাল্লাজী নয়—বাঙালীর যে বাঙালী বলিয়াই একটা সত্তা, স্বাতন্ত্র্য ও বৈশিষ্ট্য আছে, বাঙালীর যে বাঙালী হিসাবেই একটা ভবিষ্যৎ ও ‘মিশন’ আছে, একথা কোন বাঙালী মুহূর্তের জ্ঞাপন বিস্মৃত হইতে পারে না। প্রাদেশিকতা-বোধ তাহার মধ্যে মধ্যে জড়িত।

বিদেশী লেখকেরা প্রায়ই ভারতবর্ষের বহু জাতি, বহু ভাষা, বহু ধর্ম, বহু অসমন্বয়, বহু অনৈক্যের উল্লেখ করিয়া থাকেন। উহার কতকগুলি সত্য, কতকগুলি একেবারেই মিথ্যা, কতকগুলি আবার অতিরঞ্জিত। মিথ্যা ও অতিরঞ্জনাৎকে বাদ দিলেও বৈচিত্র্য যাহা থাকে তাহা হয়ত উপেক্ষা করিবার মত নয়। কিন্তু এই সব বৈচিত্র্যের সকলগুলিকে স্বীকার করিয়া লইলেও ভারতবর্ষের বহু জাতি, বহু ধর্ম, বহু ভাষা, বহু সম্প্রদায়ের মধ্যে ভারতীয় ঐক্যের পথে প্রকৃত বাধা হইয়া দাঁড়াইতে পারে এইরূপ বৈষম্য যতগুলি আছে, উহাদের সংখ্যা খুব বেশী হইবে না। তাহার কারণ ভারতবর্ষের সর্বত্র অগণিত স্থানীয় বৈশিষ্ট্য থাকিলেও, ভারতবর্ষের অধিবাসীদের মধ্যে এই স্থানীয় বৈশিষ্ট্যকে আঁকড়াইয়া ধরিয়া স্বতন্ত্র হইয়া থাকিবার ইচ্ছা বড়-একটা নাই। পঞ্জাব ও বিহার, কাশ্মীর ও গুজরাটের মধ্যে পার্থক্য বহু আছে, কিন্তু এই পার্থক্যবোধ এই সকল প্রদেশের লোকদের মনে সমগ্র উত্তরাপথের স্বাভাবিক ঐক্য ও ঐক্যবোধকে ছাড়িয়া উঠিতে পারে নাই। আন্ধ্র, তামিল, মলয়ালম, কনাদ প্রভৃতি দক্ষিণাত্যবাসীদের সম্বন্ধেও বোধ করি মোটামুটি ভাবে এই কথাটা বলা যাইতে পারে। এই নিয়মের ব্যতিক্রম শুধু হইয়াছে বাংলা দেশে। ভারতবর্ষের

তেত্রিশ কোটি লোকের মধ্যে কোন একটা জনসমষ্টির আভ্যন্তরীণ ঘনিষ্ঠতাবোধ ও অপর সকল ভারতবাসী হইতে তাহার স্বাতন্ত্র্য বজায় রাখিবার ইচ্ছাকে যদি ভারতবর্ষের স্বাভাবিক বিভাগের মাপকাঠি বলিয়া ধরিয়া লওয়া যায়, তাহা হইলে বাংলা দেশ যে ভারতবর্ষের একটি স্বপরিষ্কৃত বিভাগ হইয়া দেখা দিবে, সে বিষয়ে কোন সন্দেহ নাই। বাংলা দেশের স্বাতন্ত্র্যবোধ ‘পঞ্জিটিভ,’ ‘নিগোটিভ’ মাত্র নয়। তাই প্রাদেশিকতার দুর্লভ্য গভী বাঙালীর চোখের সম্মুখ হইতে ভারতবর্ষকে ধেমল করিয়া আড়াল করিয়া রাখিয়াছে, অল্প কোন প্রদেশের ক্ষেত্রে বোধ করি তাহার সহিত তুলনা করা যাইতে পারে এমন কিছুও করে নাই।

কথাটা হয়ত একটু ভাঙিয়া বলা প্রয়োজন। বাংলা দেশ ছাড়া ভারতবর্ষের অল্প কোথাও প্রাদেশিকতা নাই, এরকম কোন অদ্ভুত সিদ্ধান্ত আজ আমি প্রচার করিতে আসি নাই। আসমুদ্র হিমাচল বিস্তৃত ভারতবর্ষের সর্বত্রই যে প্রাদেশিকতা আছে, “আসামীদের জন্য আসাম,” “বিহারীদের জন্য বিহারী,” “উড়িষ্যাদের জন্য উড়িষ্যা,” “পাঞ্জাবীদের জন্য পঞ্জাব,” এই সকল তীব্র চীৎকারই তাহার অতি জাজ্বল্যমান ও অপ্রীতিকর প্রমাণ। তবুও, বাংলা দেশের প্রাদেশিক স্বাতন্ত্র্যবোধের সঙ্গে অন্যান্য প্রদেশের প্রাদেশিক স্বাতন্ত্র্যবোধের বাহ্যিক ও আভ্যন্তরিক অনেক বিষয়েই গুরুতর প্রভেদ আছে। এক নামে ভিন্ন অন্য কোন বিষয়ে এছয়ের মধ্যে কোন সাদৃশ্যই আছে কিনা সন্দেহ। প্রথমেই দেখিতে পাই, বাংলা দেশের বিখ্যাত লেখক ও নেতারা প্রাদেশিক জাতীয়ত্বের প্রতি যতটা প্রাধান্ধীল, অল্প কোন প্রদেশের নেতারা ততটা ন’ন। বাংলা দেশে চিত্তরঞ্জন হইতে আরম্ভ করিয়া শ্রীযুক্ত স্বভাষচন্দ্র বসু পর্যন্ত, রবীন্দ্রনাথ হইতে আরম্ভ করিয়া শ্রীযুক্ত শরৎচন্দ্র চট্টোপাধ্যায় পর্যন্ত, সকল নেতৃস্থানীয় বাঙালীই বাঙালীকে স্বীকার করিয়াছেন। ইহাদের সকলেই প্রথমে বাঙালী পরে ভারতবর্ষীয়। অবশ্য ইহাদের মধ্যে কেহ একটু উদার, কেহ বা একটু বেশী অল্পদার। কিন্তু এ-সকল বৈষম্য সত্ত্বেও, ইহাদের অল্পদারতার সত্ত্বেও উদারতার ধানের

মধ্যে যে প্রাদেশিকত্বটুকু সমানভাবে বর্তমান, মহাত্মা গান্ধী, লাল লাজপৎ রায়, পণ্ডিত মোতিলাল নেহরু, এমন কি বালগঙ্গাধর তিলকের মধ্যেও ততটুকু প্রাদেশিকত্বের ঝাঁক পাওয়া যায় না। এ-বিষয়ে অনাঙ্গলী নেতারা বাঙ্গালী নেতাদের অপেক্ষা অনেক বেশী খাটি ভারতবর্ষীয়। বাংলা দেশের স্বাভাব্যবোধ ও অগ্রগত প্রদেশের স্বাভাব্যবোধের মধ্যে দ্বিতীয় পার্থক্য উহার অবলম্বনে। সতাই হউক কিংবা কল্পিতই হউক, বাঙ্গালীর স্বাভাব্যবোধ যেমন ভৌগোলিক, ভাষাগত ও সংস্কৃতিগত ঐক্যকে আশ্রয় করিয়া আত্মপ্রকাশ করিতেছে, অগ্রগত প্রদেশের স্বাভাব্যবোধ সেরূপ কিছু করিতে পারে নাই। উহাদের অবলম্বন সাধারণতঃ সম্প্রদায়গত স্বাভাব্য বা স্বার্থের বোধ। সেজন্য উহাদের শক্তি অপেক্ষাকৃত কম। শিখের স্বাভাব্যবোধ, মারাঠার স্বাভাব্যবোধ, অনাচারবিরোধী জাতিদের স্বাভাব্যবোধ, মুসলমানের স্বাভাব্যবোধ ভারতীয় ঐক্যের পথে বাধা নয়, এ-কথা কেহ বলিবেন না। কিন্তু তবুও একটি একটি করিয়া প্রদেশ ধরিলে উহারা খণ্ড খণ্ড, বহুবিচ্ছিন্ন, সংখ্যাবলহীন ও অনেক সময়ে পরস্পরবিরোধী। বাঙ্গালী প্রাদেশিক-স্বাভাব্যবাদিগণ নিজদের পিছনে যে একটা অখণ্ড, বিরাট জনশক্তি আছে বলিয়া দাবি করিতে পারেন, এ সকল সম্প্রদায়ের নেতাদের পক্ষে তাহা করা সম্ভবপর নয়। ভারতীয় ঐক্যের দিক হইতে সেই সকল সম্প্রদায়ের অস্তিত্ব একটা ভাবনার বিষয় বটে, কিন্তু দূস্তর বাধা নয়।

এই ত গেল বাহিরের কথা মাত্র। বাঙ্গালীর স্বাভাব্যবোধ ও অন্যান্য প্রদেশের স্বাভাব্যবোধের মধ্যে প্রকৃতিগত বৈষম্য আরও গভীর। বাংলার বাহিরের স্বাভাব্যবোধ প্রধানতঃ দুইটি জিনিষের উপর প্রতিষ্ঠিত—এক, ঐ সকল প্রদেশের অধিবাসীদের স্থানীয় আচার-ব্যবহারের প্রতি আসক্তি অথবা ধর্মসম্বন্ধীয় ও সামাজিক গোড়ামি, দ্বিতীয়তঃ, উহাদের আর্থিক স্বার্থ (অনেক সময়েই চাকুরী) রক্ষা করিবার ইচ্ছা। এই দুইটির প্রথমটির মূল অসাড় অস্তিত্বের, দ্বিতীয়টির স্বার্থবোধের মধ্যে। এই দুইয়ের কোনটোতেই প্রেরণা নাই, সর্বাধিকার লক্ষ্য আছে; তাই তাহাদের পক্ষে

বর্তমান যুগের ন্যাশনালিজমের হৃদয় গতি রোধ করা অসম্ভব। তবে যে তাহারা এখনও টিকিয়া আছে তাহার একমাত্র কারণ উহাদের অস্তিত্বের সহিত বিদেশী শাসকের স্বার্থের যোগ। যে মুহূর্ত্তে ব্রিটিশ রাজশক্তি উহাদের পিছন হইতে অপস্থত হইবে সেই মুহূর্ত্তেই উহাদের মূলোচ্ছেদ হইয়া যাইবে। বাংলা দেশের প্রাদেশিকত্ব সম্বন্ধে একথা বলা চলে না। উহা স্বার্থবোধ মাত্র নয়, উহা একটা সম্ভ্রান্ত, পূর্ণবিকশিত জাতীয়তাবাদ। যে পাশ্চাত্য জাতীয়তাবাদ ভারতীয় জাতীয়ত্বের প্রাণরস জোগাইতেছে, বাঙ্গালীদের উৎসব তাহাই। এ-দুয়েরই মূখ ভবিষ্যতের দিকে।

২

আমাদের দেশের শিক্ষিত সাধারণের নিকট মসিয় জুলিয়া বাদার নাম পরিচিত কিনা বলিতে পারি না। ইনি এ-যুগের একজন বিখ্যাত ফরাসী লেখক ও চিন্তাবীর। লক্ষপ্রতিষ্ঠ ইংরেজ সমালোচক মিঃ হারবার্ট রীড মসিয় বাদাকে বর্তমান জগতের দুই তিন জন “Significant thinker”-এর এক জন বলিয়া অভিহিত করিয়াছেন। তাহার *La Trahison des Clercs* নামক বিখ্যাত পুস্তকে বর্তমান যুগের ন্যাশনালিজমের ধারা ও প্রকৃতির যে বিশ্লেষণ আছে, তাহার সহিত বাঙ্গালী স্বাভাব্যবোধের একটি আশ্চর্য্য মিল দেখিতে পাই। মসিয় বাদা যে-চারটি জিনিষকে বর্তমান জগতের জাতীয়ত্বের বিশিষ্ট ধর্ম বলিয়া নির্দেশ করিয়াছেন, তাহার প্রত্যেকটিই বাঙ্গালীর প্রাদেশিক স্বাভাব্যবোধের মধ্যে উগ্রভাবে বর্তমান। সেজন্যই আমাদের প্রাদেশিকত্বকে নিতান্তই একটা অবাস্তব অথবা নগণ্য ব্যাপার বলিয়া উড়াইয়া দিবার জো নাই। উহার মধ্যে ভারতবর্ষের বর্তমান অনৈক্যের অপেক্ষাও অনেক বেশী বিপজ্জনক বিরোধের বীজ নিহিত আছে। অথচ আশ্চর্য্যের বিষয় এই যে, বহু বাঙ্গালীই এ-সম্বন্ধে সচেতন ন'ন।

বর্তমান যুগের ন্যাশনালিজমের আলোচনা করিতে গিয়া মসিয় বাদা প্রথমেই যে লক্ষণটির উল্লেখ করিয়াছেন, তাহা এই—তিনি বলেন এ-যুগের গণতান্ত্রিক জাতীয়তা আগের চেয়ে অনেক বেশী আবেগপ্রবণ (*bien plus*

purement passionnelles) হইয়া দাঁড়াইয়াছে। ঊনবিংশ শতাব্দী পর্য্যন্তও রাজা ও রাজ্য-শাসকগণ জাতিত্ব বলিতে প্রধানতঃ বৃহত্তর জাতির স্বার্থ—নতুন নতুন দেশ অধিকার, বাণিজ্যের সুযোগ সুবিধার অন্বেষণ, মিত্রলাভ। সেই স্বার্থদেয়ী জাতীয়ত্ব রূপান্তরিত হইয়া আজ হইয়া দাঁড়াইয়াছে—সর্বোপরি একটা অহংকারের পরিতৃপ্তি (l'exercice d'un orgueil)। জাতীয় স্বার্থ সৰ্ব্বদা জনসাধারণের কোনও স্বস্পষ্ট ধারণা নাই, ধারণা করিবার মত জ্ঞানও তাহাদের নাই, স্বতরাং জাতীয়তাবোধ হইতে তাহারা চায় শুধু জাতিত্বের গর্ব, জাতিত্বের আনন্দ, ও জাতি হিসাবে তাহারা যে সম্মান লাভ করিয়াছে এবং আঘাতও পাইয়াছে তাহা লইয়া প্রতিক্রিয়া করিবার উত্তেজনা। এইরূপে জনসাধারণের মধ্যে বিস্তার লাভ করিতে গিয়া জাতিত্ববোধ শুধু জাতিত্বের অভিমানে পরিণত হইয়াছে।

নৈতিক, আধ্যাত্মিক ও সংস্কৃতিগত বৈশিষ্ট্য দাবি করিবার রোঁক, মসিয় বাদার মতে বর্তমান যুগের জাতীয়তার দ্বিতীয় লক্ষণ। আজিকার দিনে পৃথিবীর প্রত্যেকটি জাতি শুধু পাখিব সম্পদ, সামরিক শক্তি, সাম্রাজ্যের বিস্তার ও ধনজন্যের গর্ব লইয়াই সন্তুষ্ট নয়। তাহারা চায় ভাষা, সাহিত্য, কলা, দর্শন, সভ্যতা, সংস্কৃতিতে নিজেকে বিশিষ্ট বলিয়া দাবি করিতে ও এই সকল বিষয়ের প্রত্যেকটিতেই নিজেকে অপর সকল জাতি হইতে স্বতন্ত্র বলিয়া অনুভব করিতে। এক ধর্মাবলম্বী আত্মার সহিত আর এক ধর্মাবলম্বী আত্মার সংঘাত (l'affirmation d'une forme d'âme contre d'autres formes d'âme)—ইহাই এযুগের দেশ-প্রেমের অর্থ।

নিজের জাতীয়ত্বকে দেশের অতীতের মধ্যে অনুভব করিবার ও বর্তমান যুগের আশা-আকাঙ্ক্ষাকে জাতির সনাতন আশা-আকাঙ্ক্ষা বলিয়া প্রচার করিবার আগ্রহকে—(de se sentir dans leur passé, plus précisément de sentir leurs ambitions comme remontant à leurs ancêtres, de vibrer d'aspirations "séculaires," d'attachements à des droits "historiques")—মসিয় বাদা বর্তমান যুগের জাতীয়তার তৃতীয় লক্ষণ বলিয়া নির্দেশ করিয়াছেন। এই মনোভাবের বশে জাতীয় জীবন অথবা কর্তব্যের ধারা নির্দেশ করিতে গিয়া আজ আমরা কেবলমাত্র এই পথ ধরা উচিত, এই পথ ধরা উচিত নয়, এইটুকু বলিয়াই সন্তুষ্ট নই। আমরা দাবি করি, যে আমাদের নির্দিষ্ট পন্থাই জাতির জীবনের চিরন্তন ধারার অঙ্গুষ্ঠায়ী। উহা আমাদের জাতির ললাট-লিখন। ইতিহাস ও সমাজ-বিজ্ঞান জাতীয় বিবর্তনের

যে ধারা আবিষ্কার করিয়াছে তাহারই সহিত উহার নিবিড় যোগ আছে, আমরা শুধু ইতিহাসের পৃষ্ঠা হইতে উহাকে উদ্ধার করিয়াছি মাত্র।

জাতীয়তাবোধকে একটা 'মিষ্টিক' রূপ (un caractère de mysticité) দান, মসিয় বাদার মতে বর্তমান যুগের স্বাশ্রয়ালিজন্মের চতুর্থ লক্ষণ। জাতীয়তাবোধ অতীতে একটা ঐহিক ব্যাপার মাত্র ছিল। আজ তাহা যুক্তিতর্কের অতীত একটা ধর্মসাধনার মত জিনিষ হইয়া দাঁড়াইয়াছে। তাই ভিক্টর য়াগো হইতে মসিয় মোদুরা পর্য্যন্ত সকল করাসী লেখকই এক "déesse France," দেবী ফ্রান্সের কথা ঘোষণা করিতেছেন।

এই চারিটি স্তরই আমাদের বাঙালী জীবনে কত স্বস্পষ্টভাবে বাজিতেছে, তাহার সংবাদ গত পঁচিশ বৎসরের রাজনৈতিক ও সামাজিক আলোচনার সহিত যাহার অতি সামান্য পরিচয়ও আছে তিনিই দিতে পারিবেন। আমি কয়েকটি দৃষ্টান্তমাত্র দিব।

৩

বাঙালীত্বের গর্ব, বাঙালীর বৈশিষ্ট্য, বাঙালীত্ববাদ, বাঙালী পূজা—এই চারিটি স্তরের প্রথমটির সন্ধে বেশী কিছু বলা নিম্প্রয়োজন। বাঙালীর হৃদয়তন্ত্রী এই পদ্য একবার মুখর হইয়া উঠিলে তাহাকে নীরব করা কঠিন হইয়া উঠে। ১৯১৭ সনে চিত্তরঞ্জন বলিয়াছিলেন, "আমি যে আপনাকে বাঙালী বলিতে একটা অনির্বচনীয় গর্ব অনুভব করি, বাঙালীর যে একটা নিজের সাধনা আছে, শাস্ত্র আছে, দর্শন আছে, কথ্য আছে, ধর্ম আছে, বীরত্ব আছে, ইতিহাস আছে, ভবিষ্যৎ আছে। বাঙালীকে যে অমাহুষ বলে সে আমার বাংলাকে জানে না।" ইহার পূর্বে ও পরে চিত্তরঞ্জন অপেক্ষা কম বিখ্যাত ও কম কৃতী অনেক বঙ্গসন্তানও এই কথা বলিয়াই আবেশ লাভ করিয়াছে। কিন্তু বাংলা দেশের বৈশিষ্ট্য সন্ধে আমাদের কি ধারণা সে বিষয়ে একটু বিস্তারিত আলোচনার প্রয়োজন।

বাঙালীর বৈশিষ্ট্য যে ঠিক কি, সে-সন্ধে আজ পর্য্যন্ত একটা স্থির সিদ্ধান্ত হয় নাই। কিন্তু বাঙালীর যে একটা বৈশিষ্ট্য আছেই, এ-কথা সকলেই স্বীকার ও প্রচার করিয়া আসিয়াছেন। ১৯১৭ সনে রংপুরের অভিভাষণে চিত্তরঞ্জন বলিয়াছিলেন—

বাঙালী হিন্দু হউক, মুসলমান হউক, খৃষ্টান হউক, বাঙালী বাঙালী। বাঙালীর একটা বিশিষ্ট রূপ আছে। একটা বিশিষ্ট প্রকৃতি আছে, একটা স্বতন্ত্র ধর্ম আছে। এই জগতের মাঝে বাঙালীর একটা স্থান আছে, অধিকার আছে, সাধনা আছে, কর্তব্য আছে।—বাঙালীকে প্রকৃত বাঙালী হইতে হইবে।

সেই বৎসরেরই ১১ই অক্টোবর চিত্তরঞ্জন ঢাকায় যে

বক্তৃতা করেন, তাহাতে তিনি এই কথাটা আরও একটু স্পষ্ট করিয়া বুঝাইতে চেষ্টা করিয়াছিলেন। তিনি বলিয়াছিলেন,—

বাংলা দেশের হিন্দু বহুশত বৎসর ধরিয়া বাংলা দেশে বাস করিতেছে, তাহাদের মধ্যে একটা বিশিষ্ট সংস্কৃতি গড়িয়া উঠিয়াছে, এই সংস্কৃতির প্রভাব তাহাদের বিজ্ঞান, দর্শন, ধর্ম, সাহিত্য ও কলায় ভিতর দিয়া ফুটিয়া উঠিয়াছে। উহার একটা নিজস্ব ছাপ আছে, নিজস্ব প্রাণ আছে; একটা স্থাপিত ব্যক্তিত্ব আছে.....প্রাদেশিক স্বাতন্ত্র্যের কথা বলিতে গিয়া আমি অস্ত্রাচারের ও অস্ত্র ধর্মাবলম্বী লোকদের কথাও ভুলিতেছি না। আমি তাহাদের সকলকে জড়াইয়াই বলিতে চাই, বাংলা দেশের একটা স্থাপিত বৈশিষ্ট্য আছে। এই বৈশিষ্ট্যের উপরই আমাদের গণিত নির্ভর করিতে হইবে। (ইংরেজী হইতে অনূদিত)

চিন্তনরঞ্জনের পর ১৯১৯ সনে রবীন্দ্রনাথ আমাদের গণিতকে বলিলেন,—

আমি এটা অস্বস্তি করি যে, ভারতে বাঙালীর একটা বিশেষ সাধনা আছে। নব্যবঙ্গের আরম্ভকাল থেকেই তার একটা অপরূপ নব্যতা দেখা দিয়েছে। এই নতুন বাংলার সকল মহাপুরুষই নতুনকে অভ্যর্থনা করে নিতে ভয় পাননি।... যে মানুষ পুরাতনকেই একান্ত আঁকড়ে থাকে সে নিজেকে অবিশ্বাস করে। যে নিজেকে অবিশ্বাস করে, সে আপন চিন্তাকে ভালো করে চাষ দেয় না, পুরো ফসল ফলায় না। বাঙালী আপনাকে বিশ্বাস করেছে সে আপন ফসল ফলাচ্ছে। তাই তার প্রতি ভারতের অস্ত্র জাতিরও বিশ্বাস জন্মাচ্ছে। বাঙালীর কাছ থেকে তারা কিছু পাবে একথা তারা স্বীকার করে।

তাহারা স্বীকার করুক আর না-ই করুক, আমরা যে ভক্তিতে স্বীকার করি, তাহার প্রমাণ পাই শ্রীযুক্ত স্বভাষচন্দ্র বসু মহাশয়ের ১৯২৫ সনের একটি রচনায়। স্বভাষবাবু বলিতেছেন,—

বাঙ্গালা জাতীয় জীবনের অস্ত্র সব ক্ষেত্রে অগ্রণী না হলেও আমার স্থির বিশ্বাস যে, স্বরাজ-সংগ্রামে বাংলার স্থান সর্বোচ্চ। আমার মনের মধ্যে কোন সন্দেহ নেই যে, ভারতবর্ষে স্বরাজ প্রতিষ্ঠিত হবেই এবং স্বরাজ প্রতিষ্ঠার গুরুভার প্রধানতঃ বাঙ্গালীকে বহন করতে হবে।...

বাঙালীকে এই কথা সর্বদা মনে রাখতে হবে যে, ভারতবর্ষে— শুধু ভারতবর্ষে কেন—পৃথিবীতে তার একটা স্থান আছে—এবং সেই স্থানের উপযোগী কর্তব্যও তার সমুখে পড়ি রইছে। বাঙালীকে স্বাধীনতা অর্জন করতে হবে, আর স্বাধীনতা লাভের সঙ্গে সঙ্গে নতুন ভারত গড়ে তুলতে হবে। সাহিত্য, বিজ্ঞান, সঙ্গীত, শিল্পকলা, শৈশব-বীণা, জীড়ানৈপুণ্য, দর্শন-দাক্ষিণ্য—এই সবের ভিতর দিয়ে বাঙালীকে নতুন ভারত সৃষ্টি করতে হবে। জাতীয় জীবনের সর্বজনীন উন্নতি বিধান করবার শক্তি এবং জাতীয় শিক্ষার সমন্বয় (cultural synthesis) করবার প্রবৃত্তি একমাত্র বাঙালীর আছে।*

* এই প্রসঙ্গে আমি আমার ব্যক্তিগত অভিজ্ঞতা হইতে একটি গল্প না বলিয়া পারিলাম না। সে পাঁচ ছয় বৎসর আগেকার কথা। আমি এবং আমার একজন আত্মীয় একজন বিখ্যাত বাঙালী ঔপন্যাসিকের (ইঁহাকে এগুপের প্রেসিডেন্টের বাঙালী

আমি বিশ্বাস করি যে, বাঙালীর একটা বৈশিষ্ট্য আছে। শিক্ষালীক্ষা, স্বভাব-চরিত্র এই সবের মধ্যে বাঙালীর সেই বৈচিত্র্য ফুটে উঠেছে।

এই যে আমাদের বৈশিষ্ট্য, আমাদের জাতীয় জীবনের অতুল সম্পদ, তাহাকে রক্ষা করিবার জন্ত আমাদের গণিত দৃঢ়প্রতিজ্ঞ হইতে হইবে। স্বভাষবাবু বলিতেছেন,—

অনেকে দৃষ্টি করে থাকেন বাঙালী মাড়োয়ারী বা ভাটিয়া হলো না কেন? আমি কিন্তু প্রার্থনা করি, বাঙালী যেন চিরকাল বাঙালীই থাকে। গীতার শ্রীকৃষ্ণ বলেছেন, “স্বধর্মে নিধনঃ শ্রেয়ঃ পরধর্ম ভয়াবহ।” আমি এই উক্তিতে বিশ্বাস করি। বাঙালীর গণকে স্বধর্ম ভাগ করা আবহুত্যাচার ভুল্যাপাণ।

ইহার তিন বৎসর তিন মাস পরে এই বাঙালী বৈশিষ্ট্যের নাম করিয়াই শ্রীযুক্ত শরৎচন্দ্র চট্টোপাধ্যায় মহাশয় বাংলার যুবকবৃন্দকে অবাঙালীর নেতৃত্ব অস্বীকার করিতে সনির্বন্ধ অনুরোধ করিলেন। তিনি বলিলেন,—

বঙ্গভঙ্গ সেটেল্ড্ (settled) ফাষ্ট একদিন আন-সেটেল্ড্ (unsettled) হয়েছিল—সে এই বাঙ্গলা দেশে। সেদিন বাইরে থেকে কর্ত্তা আমদানি করতে হয়নি; বাঙ্গলার সমস্ত দায়িত্ব সেদিন বাঙ্গলার নেতাদের হাতে স্তম্ভ ছিল। প্রত্যেক দেশেরই স্বভাব, প্রবৃত্তি, রীতি-নীতি, চাল-চলন বিভিন্ন। এ বিবেচন শুধু তার দেশের লোকেই জানে। এই জানার উপর যে কত বড় সাফল্য নির্ভর করে, বহুলোকেই তা ভেবে দেখে না।.....তাইই দেশের লোকের হাতেই তার আপনতার দেশের কাজের ধারা নিরূপিত হওয়া প্রয়োজন। সাইমন সাহেবের দলেরও টিক এই ভুলই হয়েছিল, যখন একদেখ থেকে এসে তারা আর এক দেশের constitution তৈরির স্পর্ধা প্রকাশ করেছিলেন—এই কথাটা বাংলার যুবসমিতির ভেবে দেখতে আর আমি সনির্বন্ধ অনুরোধ করি।

বাংলা দেশকে ভারতবর্ষ হইতে বিচ্ছিন্ন রাখিবার জন্ত যখন গীতার দোহাই ও সাইমন কমিশনের উপহার প্রয়োজন হইল, তখন বাংলা দেশের আর বিচ্ছিন্ন হইবার কতটুকু বাকী তাহা বাস্তবিকই যুগ্ম হিসাবের বিষয়।

বলিলে অন্তর হইবে না।) সঙ্গে বসিয়া আমাদের দেশের রাজনৈতিক আন্দোলনের ধারা সম্বন্ধে আলোচনা করিতেছিলাম। কথার কথার পঞ্জাব ও অমৃতসরের কথা উঠিল। জালিয়ানওয়ালাবাগের নৃশংস হত্যাকাণ্ডের পরও কোন পঞ্জাবী সেনারেল ডায়ারকে হত্যা করিবার চেষ্টা করে নাই, সেজন্য খোঁজ প্রকাশ করিয়া লেখক মহাশয় পাঞ্জাবীদের কাপুরুষতার উল্লেখ করিলেন; তারপর একটু নীরব থাকিয়া বলিলেন, “আমার বিশ্বাস ভারতবর্ষের অস্ত্র কোন জাতির দ্বারা কিছু হইবে না। যদি ভারতবর্ষের মুক্তি কোনদিন হয় তবে সে হইবে বাঙালীর চেষ্টায় এবং বাঙালীর মধ্যেও কয়েকটি স্বাধীন যুগের যুবকের চেষ্টায়।” আমাদের উগ্র প্রাদেশিক কত অমৃতসর ও ভারতবর্ষের অন্তর্ভুক্ত প্রদেশের প্রতি কত অশ্রুজলিত হইতে পারে তাহার দৃষ্টান্তরূপ শ্রীযুক্ত শরৎচন্দ্র চট্টোপাধ্যায় মহাশয়ের “তরুণ্য আন্দোলন” শীর্ষক পুস্তিকাটির উল্লেখ করা যাইতে পারে।

এবারে বাঙালী প্রাদেশিকত্বের আর দুইটি লক্ষণের কথা। মসিয়া বাঁশ এক জায়গায় বলিতেছেন যে, সিয়েইয়ে যখন বেলজিয়াম ও হলান্ড অধিকার করিবার জন্য সৈন্য পাঠান, তখন তিনি প্রাচীন ‘গল’দের আশা আকাঙ্ক্ষাকে আবার জাগাইয়া তুলিতেছেন, একথা মুহূর্তের জন্যও কল্পনা করেন নাই, বিসমার্কও বোধ করি প্লেস্‌ভিচ ও হলষ্টাইন অধিকার করিবার সময়ে প্রাচীন ‘টিউটনিক অর্ডার’-এর কথা ভাবেন নাই। কিন্তু এ-যুগের রাজনৈতিক ও সংস্কৃতিগত উচ্চাকাঙ্ক্ষা শুধু বর্তমান ও ভবিষ্যৎকে লইয়াই সন্তুষ্ট নয়, তাহার অতীতের মধ্যেও আপনাদের প্রকাশ খুঁজিয়া বেড়ায়। বাংলা দেশের স্বাভাবিক বোধের উপরও এই যুগধর্মের প্রভাব যে স্পষ্ট, এই প্রবন্ধের গোড়াতে সত্যেন্দ্রনাথ দত্তের যে কবিতাটি উদ্ধৃত করিয়াছি, সেটিই উহার যথেষ্ট প্রমাণ।

তবে ইউরোপের দেশগুলিতে ও বাংলা দেশে একটা বড় রকমের তফাৎ আছে। ইউরোপের অতীত সত্যকার একটা জিনিষ, আমরা যে অতীতের ছবিকে বর্তমানের প্রেরণা করিয়া লইয়াছি উহা কল্পনামাত্র। মুসোলিনি যখন এ-যুগের ইটালীকে রোমান সাম্রাজ্যের উত্তরাধিকারী বলিয়া ঘোষণা করেন, তখন আমরা তাঁহাকে লইয়া পরিহাস করিতে পারি, কিন্তু রোমান সাম্রাজ্যের সহিত ইটালীর যে একটা যোগ আছে তাহা অস্বীকার করিতে পারি না। বাংলা দেশের অবনীন্দ্রনাথ ও নন্দলালের সহিত অজ্ঞতার কোন সম্বন্ধ নাই, ৪২ নম্বর বাঙালী রেজিমেন্টও Gangarides বা লাল পটনের বিস্তৃত গৌরব পুনঃ প্রতিষ্ঠিত করিবার জন্য স্টেট হয় নাই। ইউরোপের বর্তমান অতীতের সন্ধান, আমাদের বর্তমান অতীতের জ্ঞানদাতা।

কিন্তু কল্পনা হটক আর যাহাই হটক, বর্তমানে আমরা যাহা কিছু করিতেছি ও করিতে চাহিতেছি, তাহাদের সকলগুলিরই স্বচনা অতীতে হইয়াছিল, বাঙালীর বর্তমান ও ভবিষ্যৎ তাহার অতীতের জীবন-ধারারই পূর্ণ বিকাশ ও স্ফুর্তি মাত্র, এ-বিশ্বাস বাঙালী জাতীয়ত্বের খুব একটা বিশিষ্ট লক্ষণ। ইহার ফলে মুসলমান আমলের ‘সদা বিদ্রোহের দেশ’ বাংলার সহিত এ-যুগের বিপ্লববাদী বাংলার একটা যোগসাধন করিতে করিতে আমরা সমর্থ হইয়াছি, সিরাজউদ্দৌলার সেনাপতি মোহনলালকে বাঙালী মোহনলালে পরিণত করিয়াছি। বোধ করি, অদূর ভবিষ্যতে আমাদের দেশের বর্ধন উপাধিকারী ভদ্রসন্ধানদিগকে প্রভাকরবর্ধনের পুত্র হংবর্ধনের ও গুপ্তদিগকে সমুদ্রগুপ্তের বংশধর বলিয়া প্রচার করিবার চেষ্টাও করিব।

পরিহাস নয়। এ-যুগের রাজনৈতিক আন্দোলনেও বাংলা দেশের অবিনশ্বর আত্মারই যে পূর্ণপ্রকাশ হইতেছে, এ বিশ্বাস দেশবন্ধুরও ছিল। প্রথম স্বদেশী আন্দোলনের কথা উল্লেখ করিয়া তিনি বলিতেছেন,—

এই যে মহাবত্তার কথা বলিলাম, তাহাতে আমরা ভাসিয়া, ডুবিয়া বাঁচিয়াছি। বাঙ্গলার যে জীবন্ত প্রাণ, তাহার সাক্ষ্য পাইয়াছি। বাঙ্গলার প্রাণে প্রাণে আবহমান যে সভ্যতা ও সাধনার স্রোত, তাহাতে অবগাহন করিয়াছি। বাঙ্গলার যে ইতিহাসের ধারা, তাহাকে কতকটা বুঝিতে পারিয়াছি। বৌদ্ধের বুদ্ধ, শৈবের শক্তি, শাক্তের শক্তি, বৈষ্ণবের ভক্তি, সবই যেন চক্ষের সন্মুখে প্রতিভাত হইল। চণ্ডিদাস, বিদ্যাপতির গান মনে পড়িল। মহাপ্রভুর জীবনগৌরব আমাদের প্রাণের গৌরব বাড়াইয়া দিল। জ্ঞানদাসের গান, গোবিন্দদাসের গান, লোচনদাসের গান, সবই যেন একসঙ্গে সাড়া দিয়া উঠিল। কবিগুরাদাসের গানের ধনি প্রাণে বাজিতে লাগিল। রামপ্রসাদের সাধন সঙ্গীতে আমরা মল্লিলাম। বুদ্ধিলাম, কেন ইংরাজ এ দেশে আসিল, বুদ্ধিলাম, রামমোহনের গুপ্ততার নিগূঢ় মর্ম কি? বন্ধিদের যে ধানের মুক্তি সেই—

তুমি বিদ্যা তুমি ধর্ম
তুমি হুদি তুমি মর্ম
তুং হি প্রাণাঃ শরীরে
বাহুতে তুমি মা শক্তি
হৃদয়ে তুমি মা ভক্তি
তোমারই প্রতিমা গড়ি
মন্দিরে মন্দিরে।

—সেই মাকে দেখিলাম, চিনিলাম। বন্ধিদের গান আমাদের কানের ভিতর দিয়া মরমে পলিল। বুদ্ধিলাম রামকৃষ্ণের সাধনা কি—সিদ্ধি কোথায়, বুদ্ধিলাম কেশবচন্দ্র কেন, কাহার ডাক শুনিয়া ধর্মের তর্করাজ্য ছাড়িয়া মর্মরাজ্যে প্রবেশ করিয়াছিলেন। বিবেকানন্দের বাণীতে প্রাণ ভরিয়া উঠিল।

বাংলা দেশের অতীত যেন একটা আরসীর মত। লোকে উহাতে ধাহা দেখিতে পায় তাহা তাহাদের নিজেরই মুখের ছায়া। দেশবন্ধুর আবেগময় দেশপ্রেম বাঙালীর সমস্ত ইতিহাসকে স্বদেশী আন্দোলনের প্রেরণা বলিয়াই দেখিতে পাইয়াছিল, বাংলা দেশের আর এক নব্যপন্থী দল উহার মধ্যে নিজেকেই মতামতেরই পরিপোষক যুক্তি খুঁজিয়া পাইলেন। তবে চিন্তরঞ্জনের মধ্যে যাহা ছিল আবেগমাত্র, এই বুদ্ধিমত্তাভিমानी দলের মধ্যে তাহা যুক্তির রূপ ধরিয়া দেখা দিল।

বাঙালী আর্ধ্য কি অনাৰ্য্য, বাংলা দেশ আৰ্য্য সভ্যতার দ্বারা কতটুকু প্রভাবান্বিত হইয়াছিল, এ-সকল সমস্তা বাংলা দেশের ইতিহাসের পুরাতন প্রশ্ন। বন্ধিচন্দ্র হইতে আরম্ভ করিয়া এ-যুগের লেখকগণ পর্যন্ত সকলেই তাহার অল্পবিস্তর আলোচনা করিয়াছেন। ইতিহাসের দিক হইতে এ সকল প্রশ্নের আলোচনার যথেষ্ট প্রয়োজন আছে।

বাঙালী জীবনের বর্তমান ও ভবিষ্যৎ ধারা

নির্দেশের জন্ত উহার সার্থকতা কতটুকু সে-বিষয়ে সন্দেহ করা চলে। এই চিন্তাধারার সম্ভাব্য গোড়াপত্তন বোধ করি করেন সবুজপত্র সম্পাদক মহাশয়। ১৯১৪ সনের সাহিত্য-সম্মিলনে মহামহোপাধ্যায় শ্রীযুক্ত হরপ্রসাদ শাস্ত্রী মহাশয় যখন বাংলা দেশে “আর্যের মাত্রা বড়ই কম এবং দেশীয় মাত্রা অনেক বেশী” এই অভিমত প্রকাশ করিলেন, তখন সবুজপত্র সম্পাদক মহাশয় তাহার উপর মন্তব্য করিলেন, “শাস্ত্রী-মহাশয়ের মোদ্রা কথা হচ্ছে এই যে, এক আর্য শব্দের উপর জীবন প্রতিষ্ঠা করতে গেলে বাঙালীর ইহকাল পরকাল দুই নষ্ট হইবে।” শাস্ত্রী মহাশয় ঠিক এই তথ্যটিই প্রমাণ করিতে চাহিয়াছিলেন কিনা তাহা আমি বলিতে পারিতেছি না। কারণ তাঁহার সম্পূর্ণ অভিভাষণটি এখন আমার হাতের কাছে নাই। তবে সবুজপত্রের অন্ততঃ যে ইহাই “মোদ্রাকথা”, তাহা আমরা সহজেই অনুমান করিতে পারি। সবুজপত্র ভাষায় ও সংস্কৃতিতে নূতনত্বের অগ্রদূত হইয়া দেখা দিয়াছিল। সে-সময়ে বাংলা দেশে ভাষাগত ও সামাজিক গোড়ামির প্রধান অবলম্বন হইয়া দাঁড়াইয়াছিল হিন্দুসভ্যতা ও আর্যামির প্রভাব। তাই সবুজপত্র নূতনত্বের প্রবর্তন করিতে গিয়া বাংলা দেশে আর্যামির ভিত্তি খনন করিতে আরম্ভ করিলেন। শাস্ত্রী-মহাশয়ের অভিভাষণের কিছুদিন পরেই সবুজপত্রে “অনার্য বাঙালী” শীর্ষক একটি প্রবন্ধ প্রকাশিত হইল। লেখক বলিলেন,—

বাঙালী যে অনার্য সে বিষয়ে আর সন্দেহ করা চলে না। বছর দশেক আগে যখন রিজলি সাহেবের কেতাব বার হয়েছিল, তখন আমাদের অনেকের মন বিগড়ে গিয়েছিল—এবং কথটা চাপা দেবার অনেক চেষ্টাও যে না হয়েছিল তা নয়। কিন্তু কথটাকে তো আর চাপা দেওয়া যায় না। সেদিন সাহিত্য-সম্মিলনে পণ্ডিত হরপ্রসাদ শাস্ত্রী মহাশয় তো স্পষ্টই বলে দিলেন যে, যদিও বা আমরা আর্য হয়ে থাকি, তবু অনার্য আমরা তার পূর্বে এবং তার চেয়ে বেশী।...

কিন্তু অভিমানের কথা এর মধ্যে কিছু নেই—বরং অনেকটা আশার কথা, অনেকটা সোনারিত্তির কথা আছে। এককাল আমরা আর্য হবার বৃথা-চেষ্টায় কাটিয়েছি। আর্য-সভ্যতা যে আমাদের সভ্যতা, আর্য ইতিহাস যে আমাদের ইতিহাস, আর্যধর্ম যে আমাদেরই সহজ ধর্ম, এই মিথ্যা কথার প্রতিষ্ঠা করতে গিয়ে আমাদের ঢের ভুগতে হয়েছে। আমাদের ধর্ম যে অন্তরঙ্গ, আমাদের স্বভাব যে বোটা, নারীতা, জগদ্বান, ইংরাজদের স্বভাব হতে ঢের স্বতন্ত্র—এর মধ্যে অনেকটা আরাম এবং শান্তি আছে।

আর্যদের নীতিশাস্ত্র, আর্যদের System of Values বা বিবেক বুদ্ধি দিয়ে নিজদের পরীক্ষা করবার আর আমাদের দরকার নেই। আর্যদের কষ্টপাথরে আর আমাদের আছাড় খেয়ে মরবার জন্ত ব্যস্ত হবার প্রয়োজন নেই; এতে যে কত লাভ তা আর্য এবং অনার্যের স্বভাব একটু বিশ্লেষণ না করলে বোঝা বাবে না।

এই মনোভাবকেই মসিয় বাদা *l'organisation intellectuelle des haines politiques* (the intellectual organization of political hatreds) বলিয়াছেন।

এখন বাকী রহিল শুধু আমাদের জাতীয়ত্বের মিষ্টি-সিদ্ধির কথা। উহার জন্ত একটি মাত্র উদাহরণই যথেষ্ট। চিন্তুরঞ্জনের বক্তৃতা হইতেই সেটি সংগ্রহ করিলাম।

বিশ্ববিধাতার যে অনন্ত বিভিন্ন স্থিতি, বাঙালী সেই স্থিতিপ্রবাহের বিশিষ্ট স্থিতি। অনন্তরূপ লীলাধারের রূপবেচিত্রো বাঙালী একটা বিশিষ্টরূপ হইয়া ফুটিয়াছে। আমার বাঙলা সেই রূপের মূর্তি, আমার বাঙলা সেই বিশিষ্টরূপের প্রাণ। যখন জাগিলাম, না আমার আপন গৌরবে তাঁহার বিধরূপ দেখাওয়া দিলেন। সে রূপে প্রাণ ঢুকাই গেল। দেখিলাম, সে রূপ বিশিষ্ট, সে রূপ অনন্ত। তোমরা হিসাব করিতে হয় কর, তব করিতে চাও কর। আমি সে রূপের বাংলাই লইয়া মরি।

৬

এ-সকল সন্দেহও হয়ত অনেকে বলিবেন, শুধু এই কারণেই যে আমাদের ভারতপ্রীতি অথবা কোন প্রদেশের ভারত-প্রীতি অপেক্ষা কম, তাহা আমরা মানিতে পারি না। বাংলা দেশকে আমরা ভালবাসি সত্য, কিন্তু তাই বলিয়া ভারতবর্ষকেও কি আমরা সমান ভাবেই ভালবাসিতে পারি না? কথটা আমার মনেও জাগিয়াছে। ভারতবর্ষ আমাদের কাছে একেবারেই সত্য নয় একথা আজিকার দিনে আর বলা চলে না। চিন্তুরঞ্জনের যে বক্তৃতা হইতে একটি জায়গা কিছু পূর্বে উদ্ধৃত করিয়াছি, তাহাতেই তিনি বলিয়াছিলেন, প্রাদেশিক স্বাতন্ত্র্য যদিও আমাদের কাব্যপদ্ধতির প্রথম সোপান, তবু আমাদের তুলিলে চলিবে না প্রাদেশিক স্বাতন্ত্র্যের উপরেও ভারতবর্ষের একটা ঐক্য আছে। এই বক্তৃতার দুই তিন দিন পরেই আবার তিনি বলিলেন,—“আমি আমার নিজের ব্যক্তিত্বকে, প্রাদেশিক স্বাতন্ত্র্যকে অতিশয় ভালবাসি সত্য, কিন্তু তাহা সন্দেহও ভারতবর্ষে এমন কোন শাসনতন্ত্র যদি প্রতিষ্ঠিত হয় যাহা ভারতীয় জাতীয়ত্বের মহান আদর্শের পক্ষে অত্যন্ত অনিষ্টকর, তবে সেটা আমার পক্ষে অত্যন্ত দুঃখের একটা ব্যাপার হইবে।” (১৯১৭ সনের ১৪ই অক্টোবরের বক্তৃতা)। সেই সঙ্গে তিনি একখাটারও উল্লেখ করিলেন যে, একটা যুগ ছিল যখন—

আমাদের জাতীয়ত্ব বাংলা দেশেই কেন্দ্রীভূত ছিল। আমাদের দৃষ্টি কিছুতেই বাংলার বাহিরে বাইত না। আমরা যেন বাংলাকেই পান করিতাম। প্রেমিক হাতেরই মত আমরা বাংলা লইয়াই মাতিয়াছিলাম। কিন্তু আজিকার জাতীয়ত্ব আরও বিস্তার লাভ করিয়াছে। আজ আমরা আরও উদার হইয়াছি। আমরা

আবিষ্কার করিয়াছি যে, যদিও আমাদের সকল কর্মের পিছনে বাংলার প্রাণকেই ধাক্কাতে হইবে, যদিও আমাদের সকল কাজে বাংলার আত্মাকেই পূর্ণ ক্ষুষ্টি লাভ করিতে হইবে, তবুও ইহার পরেও একটা বড় জিনিষ আছে, যাহাকে অবহেলা করা চলে না। (ইংরেজী হইতে অনূদিত)।

এই ভারতীয় ঐক্যবোধ গত দশ বৎসরের আন্দোলনে আরও অনেকটা গভীর হইয়াছে। স্বদেশী আন্দোলন, অন্ততঃ তাহার প্রকাশ উপলক্ষ্য, একটা প্রাদেশিক ব্যাপার মাত্র ছিল। অসহযোগ আন্দোলন একটা ভারতব্যাপী ব্যাপার। সাইমন কমিশনের বিরুদ্ধাচরণও তাহাই। গত বৎসরের জাতীয় সংগ্রামের ত কথাই নাই। তাহা ছাড়া, এবারকার জাতীয় আন্দোলন যাহাদের কাছে প্রেরণা লাভ করিয়াছে, তাহারা প্রায় সকলেই অবাঙালী। এই জিনিষটা দুই চারি জন ‘ডাই-হার্ড’ বাঙালীর অসহ বোধ হইলেও বাংলা দেশের জনসাধারণ ইহাতে আপত্তি ত করেই নাই, বরঞ্চ তাহাদের নেতৃত্ব শ্রদ্ধার সহিতই মানিয়া লইয়াছে। গত কয় বৎসরের মধ্যে মহাত্মা গান্ধী ও অজ্ঞাত ভারতীয় নেতারা অনেকবার বাংলা দেশে আসিয়াছেন, বাংলা দেশের বহু নেতাও বাংলার বাহিরের সহিত পরিচিত হইবার সুযোগ পাইয়াছেন। এই মেলামেশা ও সহকর্মিতার ফলে আজ বাংলা দেশে ভারতীয় ঐক্যবোধ অনেক বেশী প্রসার ও গভীরতা লাভ করিয়াছে, সেই সঙ্গে বাঙালীর প্রাদেশিকত্বের ঝাঁঝও অনেকটা কমিয়া আসিয়াছে। বাংলা দেশে আজ একদল লোক দেখা দিয়াছেন যাহারা ভারতবর্ষকে বাংলা দেশ অপেক্ষা কম আত্মীয় মনে করেন না, যাহাদের কাছে ভারতীয় ঐক্য “অবহেলা-করিবার-মত-নয়” অপেক্ষাও অনেক বড় জিনিষ, যাহারা ভারতীয় ঐক্যকেই আমাদের একমাত্র অবলম্বনের বস্তু বলিয়া মনে করেন।

ইহাদের প্রভাব ও রাজনৈতিক আন্দোলনের নূতন ধারা প্রবর্তনের ফলে বাংলা দেশের সহিত ভারতবর্ষের অজ্ঞাত প্রদেশের পরিচয় আজ অনেক বেশী ঘনিষ্ঠ হইয় আসিয়াছে। স্বদেশীযুগ, এমন কি ১৯১৯ সনেরও তুলনায় আজ আমরা অনেক বেশী ভারতীয়কে আত্মবান হইয়াছি। কিন্তু এসব সত্ত্বেও আজিকার দিনেও আমাদের ভারতীয়ত্ববোধের অনেকগুলি অসম্পূর্ণতা আছে। সেগুলি দূর না হওয়া পর্যন্ত ভারতীয় ঐক্যের গোড়াপত্তনও হইয়াছে এ কথা বলাও বোধ করি সম্ভব হইবে না। প্রথমতঃ, আমাদের এই নূতন মনোভাব এখনও একটা অপ্রাপ্তবয়স্ক—বৎসর দশকের—ব্যাপার মাত্র, এখনও উহা আমাদের ধাতু হইয়া যাইবার অবকাশ পায় নাই। গত কয়েক

বৎসরের ভারতব্যাপী আন্দোলন আমাদের প্রাদেশিকত্বকে আপাততঃ চাপা দিয়া রাখিয়াছে সভ্য, কিন্তু যখনই এই আন্দোলনের উত্তেজনা কমিয়া যাইবে, তখনই আবার উহা আত্মপ্রকাশ করিবে কিনা, সে-কথা এখনও ভাল করিয়া বুঝিতে পারা যাইতেছে না। দ্বিতীয় কথা, আমাদের দেশে এখন পর্যন্ত যাহারা মন হইতে প্রাদেশিকতাকে আসলেই দূর করিতে পারিয়াছেন, তাহাদের সংখ্যা আজও মুষ্টিমেয়। এ বিষয়ে বাংলা দেশের যুবক ও প্রৌঢ়দের মধ্যে বেশ একটা স্বষ্টি সীমারেখা আছে। দু-চারটি ব্যতিক্রমের কথা ছাড়িয়া দিলে যুবক বাঙালীরা প্রোট বাঙালীর অপেক্ষা অনেক বেশী কম প্রাদেশিক। নিজের প্রদেশকে খাটো করিতে দেখিলে তাহাদের মধ্যেও অনেকেই নিশ্চয়ই ক্ষুব্ধ হইবেন, এটুকু প্রাদেশিক অভিমান তাহাদেরও আছে, কিন্তু অবাঙালী বাঙালীর উপর নেতৃত্ব করিতে আসিতেছে এ রকম কোন সংবাদ মাত্র পাইলেই তাহাদের কেহ শ্রীযুক্ত শরৎচন্দ্র চট্টোপাধ্যায়ের মত অধীর হইয়া উঠিবেন একথা বিশ্বাস করিবার কোন সম্ভব কারণ আছে বলিয়া আমার মনে হয় না। তৃতীয় কথা, আমাদের ভারতীয় ঐক্যবোধ এখনও বড় বেশী ‘নিগেটিভ’, এখনও উহা ইংরেজ-বিরোধ মাত্র, আজ পর্যন্ত তাহা কোন স্বষ্টি ‘পজিটিভ’, রাজনৈতিক আদর্শকে অবলম্বন করিয়া সৃষ্ট হইতে পারে নাই। ভারতবর্ষে ইংরেজশাসন একচ্ছত্র, স্বতরাং ইংরেজবিরোধও একচ্ছত্র। ইংরেজবর্জিত ভারতবর্ষের জগৎ অতি অস্পষ্ট একটা ফেডারেলিজম ভিন্ন অন্য কোন আদর্শ এখনও আমরা মনের মধ্যে খাড়া করিয়া তুলিতে পারি নাই। ভারতীয় ঐক্যবোধের এই রূপান্তর না হওয়া পর্যন্ত শুধু ইংরেজের বিরুদ্ধাচরণের মধ্যেই ভারতবর্ষের একত্বের প্রতিষ্ঠা হইবে না।

এই তিনটি কথা স্মরণ রাখিয়া যখনই আমরা বাঙালী মনের ভারতীয় ঐক্যবোধের প্রকৃত রূপটি ধরিতে চাই, তখনই দেখি, উহা ভারতীয় বা হিন্দু সংস্কৃতির ঐক্যবোধ মাত্র, হিমালয় হইতে কন্ডাকুমারী পর্যন্ত বিস্তৃত, বহু জাতি, বহু ভাষা, বহু ধর্ম সেবিত বাস্তব ভারতবর্ষের ঐক্যবোধ নয়। বরিশালের বকুতায় বাঙালীকে ভারতবর্ষের প্রতি কর্তব্য স্মরণ করাইয়া দিতে গিয়া দেশবন্ধু বলিয়াছিলেন,—

আমরা তুলিতে পারি না যে, ভারতবর্ষের বহুবিচিত্র জাতিগুলি পরস্পর হইতে অনেক বিষয়ে বিভিন্ন হইলেও অতীত ও আধুনিকতার দিক হইতে একটা জীবন্ত জাতীয় বৈশিষ্ট্যের একই নৃত্যে গাঁথা। আমাদের তোলা উচিত নয় যে, বাঙ্গলা দেশ, মাদ্রাজ, বোম্বাই, পঞ্জাব,

ইহাদের সকলের মধ্যেই একটা বড় কেন্দ্রীয় সংস্কৃতির প্রভাব বর্তমান। রামায়ণ মহাভারত যতটুকু আমাদের তাহাদেরও ততটুকু...প্রত্যেক প্রদেশের বিশিষ্টতা আছে সত্য, তবুও তাহাদের সকলের উপরে একটা সাধারণ সংস্কৃতি আছে, যাহার মধ্যে এই সবগুলি প্রদেশ বিভিন্নতা সত্ত্বেও মিলনের পথ খুঁজিয়া পাইয়াছে।" (ইংরেজীর তাৎপর্য)।

ইহার বহুপূর্ব হইতেই বাঙালীর ভারতীয় ঐক্যবোধ এই অপেক্ষাকৃত সহজ খাদে চলিতেছে। 'গোরা'তে রবীন্দ্রনাথ ভারতবর্ষের যে রূপ চিত্রিত করিয়াছেন তাহাও আমাদের মানসলোকেরই ভারতবর্ষ। ভারতবর্ষের বহু-জাতি এক নেশান নয়, ইউরোপীয় লেখকদের এই অভি-যোগের উত্তরে যখন আমরা ভারতবর্ষের সত্যাকার ঐক্যের প্রমাণ দিতে সচেষ্ট হই—তখনও আমরা যে একপ্রাণ ভারতবর্ষের ছবি আঁকি, সেও এই ভারতবর্ষই—ফ্রান্স, জার্মানী, ইংলণ্ড বা আমেরিকার যুক্তরাজ্যের মত একীভূত একটা ভারতবর্ষ নয়। অবশ্য ভারতবর্ষ হয়ত প্রকৃত-প্রস্তাবেই এত নিবিড়ভাবে একীভূত নয় বলিয়াই ভারতীয় ঐক্যের আলোচনাকে আমরা সংস্কৃতির ক্ষেত্রেই আবদ্ধ রাখিতে বাধ্য হই। কিন্তু ইহার মধ্যে সুবিধার কথা ছাড়া অন্য কারণও আছে বলিয়া আমার বিশ্বাস। শ্রীযুক্ত বিপিনচন্দ্র পাল মহাশয় যখন জাতীয়ত্বের ইউরোপীয় মাপকাঠিকে অস্বীকার করিয়া ভারতবর্ষের জন্ত তাহার একটা নূতন ও বৃহত্তর সজ্জা আবিষ্কার করেন—বলেন, "The fundamental difference between European nationalism and Indian nationalism lies in the excessive emphasis of the one on territorial and the other on cultural unity", অথবা শ্রীযুক্ত স্কুমার দত্ত মহাশয় যখন মিঃ গিলক্রাফ্টের যুক্তিকে খণ্ডন করিয়া খৃষ্টিয়ত্ব ও নব্য ভারতীয় চিত্র-কলার সাহায্যে ভারতবর্ষের বৃহত্তর ঐক্যের রূপ স্প্রমাণ করিতে চেষ্টা করেন, তখন আমার মনে হয় না, যে তাহার শুধু তর্কে জিতবার একটা সুযোগ খুঁজিতেছেন। ইহার প্রকৃত কারণ বোধ করি আমাদের জাতীয়ত্ববোধের অপূর্ণতা। আমাদের মনের, আমাদের দৃষ্টির, আমাদের আশা-আকাঙ্ক্ষার চারিদিকে কোথাও যেন একটা প্রাচীর আছে, যাহার বাধা এড়াইয়া কিছুতেই আমরা ভারতবর্ষকে অন্তরে অন্তরে অন্তর্ভব করিতে পারি না। যেমন স্বপ্নে আমরা দূর, অজানা দেশে চলিয়া যাই, কিন্তু সে দেশের বাহ্যিকরূপ যাহা দেখি তাহা আমাদের নিতাদৃষ্ট, চির-পরিচিত জগতেরই অবিকল প্রতিবিম্ব, তেমনি কচিং কখনও আমরা যখন ভারতবর্ষের রূপকে প্রত্যক্ষ করি, তখনও আমাদের মনের মধ্যে ভারতবর্ষের যে ছবি ভাসিয়া উঠে, তাহা আমাদের বাংলা দেশ ও বাঙালী জীবনেরই জোড়া-তাড়া দেওয়া একটা ছবি।

আমাদের এই অক্ষমতার প্রধান কারণ ভারত-বর্ষের সংস্কৃতিগত ঐক্যবোধের সহিত আমাদের প্রাদেশিকত্ববোধের কোন অসামঞ্জস্যের অভাব। বেদ, উপনিষদ, রামায়ণ, মহাভারত, হিন্দু দর্শন, সংস্কৃত কাব্য, ভারতবর্ষের ধর্মসাধনা, এ সকলকে গ্রহণ করিতে হইলে আমাদের পক্ষে পঞ্জাবী, মারাঠা, খোষ্টা, গুজরাটি, মাদ্রাজী কান্নিরীর অবাঙালী মূর্তি কল্পনা করিতে হয় না। বিনা কষ্টেই আমরা রাম, লক্ষ্মণ, দুহন্ত শকুন্তলাকে বাঙালীর পোষাক পরাইয়া ফেলিতে পারি। তবুও এই সংস্কৃতিগত ঐক্যবোধও জাতীয় ঐক্য-সাধনের একটা বড় উপায়। কিন্তু শুধু ইহারই উপর ভারতীয় ঐক্যের প্রতিষ্ঠা হইবে না। ইহার দ্বারা একটা লীগ অফ ইণ্ডিয়ান নেশনস্ প্রতিষ্ঠিত হইতে পারে, একটা ইণ্ডিয়ান নেশনের সৃষ্টি হইবে কিনা সন্দেহ।

৬

তাই, সংস্কৃতিগত ঐক্যবোধ থাকা সত্ত্বেও জাতীয় জীবনের সকল ক্ষেত্রেই প্রাদেশিক বৈশিষ্ট্য বজায় রাখিবার ইচ্ছা, ভারতবর্ষের মধ্যে থাকিয়াও ভারতবর্ষ হইতে একটু বিশিষ্ট থাকিবার আকাঙ্ক্ষা বাঙালীর মন হইতে আজ পর্যন্তও মুছিয়া যায় নাই। এই জন্যই আমাদের রাজনৈতিক আন্দোলন একটু বেশী বাংলাদেশ ঘেঁষা; আমাদের রাজনৈতিক চিন্তাও একটু বেশী ফেডারেলিজম্ পন্থী। জাতীয়ত্ব বলিতে যে আমাদের মনে প্রথমেই বাঙালী জাতীয়ত্বের কথা জাগিয়া উঠে তাহার বহু প্রমাণ আমরা বাঙালী লেখকদের রচনার মধ্যে পাই। চিত্তরঞ্জন আমাদের রাজনৈতিক আন্দোলনের মূল উদ্দেশ্যের কথা বুঝাইতে গিয়া বলিয়াছিলেন,—

আমাদের যে রাজনৈতিক আন্দোলন ইহা একটা প্রাণহীন, বস্তুহীন, অলীক ব্যাপার। ইহাকে সত্য করিয়া গড়িতে হইলে বাংলার সব দিক দিয়াই দেখিতে হইবে। বাংলার যে প্রাণ তাহারই উপর ইহার প্রতিষ্ঠা করিতে হইবে।

রবীন্দ্রনাথও তাহার "স্বদেশী সমাজে" মোটামুটি এই কথাটাই বলিয়াছিলেন। এই মনোভাবের ফলে আমরা শাসনতন্ত্রে প্রাদেশিক স্বাতন্ত্র্যের উপর বরাবরই খুব বেশী জোর দিয়া আসিয়াছি। চিত্তরঞ্জন বলিয়াছিলেন, প্রাদেশিক স্বাতন্ত্র্য ও প্রাদেশিক ব্যক্তিত্ব রক্ষাই আমাদের জাতীয় আন্দোলনের প্রথম কর্তব্য। তারপর অল্প সব। এই দ্বারা সকল বাঙালীর রাজনৈতিক চিন্তারই ধারা। বাংলা দেশে এই চিন্তাধারার প্রথম প্রবর্তন বোধ করি করেন শ্রীযুক্ত বিপিনচন্দ্র পাল মহাশয়। তিনি নিজেই বলিয়াছেন যে, নানা কারণে স্বদেশী আন্দোলনের

হৃদয়পাতের সময়ে ফেডারেল আদর্শ আমাদের মধ্যে আত্মপ্রকাশ করিতে না পারিলেও উহার বীজ প্রথম হইতেই আমাদের রাষ্ট্রীয় চিন্তায় নিহিত ছিল। তারপর ১৯০৯ সনে একটি বিলাতী পত্রিকায় তিনি তাঁহার মত প্রকাশ্যভাবেই ব্যক্ত করেন, এবং ১৯১৬ সনে প্রকাশিত “Empire and Nationality” নামক পুস্তকে তাঁহার এই চিন্তাধারা পূর্ণ পরিপতি লাভ করে।* আমার মনে হয় পাল মহাশয়ের চিন্তাধারার দ্বারা দেশবন্ধু অনেকটা প্রভাবান্বিত হইয়াছিলেন। অতঃ ১৯১৭ সনের ১৪ই অক্টোবর বরিশালে তিনি যে বক্তৃতা করেন তাহার উপর পাল মহাশয়ের চিন্তাধারার প্রভাব সুস্পষ্টভাবে বর্তমান।

চিন্তরঞ্জনর জাতীয়তার কেন্দ্র ও অবলম্বন ছিল বাংলা দেশ। বাংলা দেশের বৈশিষ্ট্যকে পূর্ণবিকশিত করিয়া উহার সহিত ভারতবর্ষের অন্ত্র প্রদেশের প্রাদেশিক সভ্যতার মৈত্রী সাধন—ইহাই ছিল তাঁহার সকল রাষ্ট্রীয় চিন্তা ও কন্মের মূলমন্ত্র। তাই দেখিতে পাই, তিনি বলিতেছেন,—

*“১৯০৯ সনে পাল মহাশয় লেখেন”—“The Empire Idea is a great idea, but the Federal Idea is greater. It reconciles the absolute autonomy of its members with the perfected unity of the whole. And India is the meeting place not of fluid tribal organizations ...but of perfected and fully developed nationalities ...and the growing Indian Nation will be a new type of nationhood, the real federated Nation.” “Empire and Nationality” নামক পুস্তকে তিনি লেখেন, “She (India) is too big, however, and much too diversified, to form one unit. The problem of self-government in India can only be solved through the evolution of some sort of federalism. The only conceivable form of the Indian State is that of a Federated union like that of the United States of America. In the various Indian provinces, with their respective provincial laws and administrations we have an excellent nucleus of the “State Governments of India.”

পাল মহাশয়, চিন্তরঞ্জন এবং অন্ত্র প্রদেশ অনেকই ভারতবর্ষের ফেডারেলিজমের কথা বলিতে গিয়া আমেরিকার যুক্তরাষ্ট্রের উপমা দিয়াছেন। অথচ তাঁহাদের মনে বাহা আছে তাহা সম্পূর্ণ একটা যত্ন জনিত। যুক্তরাষ্ট্রের ফেডারেলিজম একটা আইনগত ব্যাপার নহে। উহার সহিত প্রাদেশিক সভ্যতা বা জাতীয়তাবোধের কোনও সংশ্লিষ্ট নাই। আমাদের নেতাদের মনে ভারতবর্ষের ফেডারেল শাসনতন্ত্র সম্বন্ধে যে ধারণা দেখিতে পাই তাহা অনেকটা কাউন্ট হুডেন-হোভে কালেনী ও মসির ব্রিটার ইউনাইটেড স্টেটস অব ইউরোপ, অথবা লীগ অব নেশন্স, অথবা ১৯২৬ সনের সংজ্ঞামুযায়ী ব্রিটিশ সাম্রাজ্য কিংবা তিনেরই সমষ্টির মত একটা জিনিষ।

আমাদের ঠিক কোন ধরণের স্বরাষ্ট্রের প্রয়োজন, এ প্রশ্নের বিচার করিতে গিয়া আপনাদের মনে কোন কথাটা সর্বোপরি জাগে জানি না। আমার কি জাগে তাহা আমি আপনাদিগকে আজ বলিব। আমার মনে হয়, সর্বপ্রথমে আমাদের প্রয়োজন প্রাদেশিক স্বাভাব্য (Provincial autonomy)। এই কথাটা সরকারী কর্মচারীরা অনেকবার ব্যবহার করিয়াছেন, ইউরোপীয় বহু মনোবীও ব্যবহার করিয়াছেন। তাই প্রাদেশিক স্বাভাব্য বলিতে আমি কি বুঝি, তাহা আমি আপনাদিগকে ব্যাখ্যা বলিতে চেষ্টা করিব। এই কথাটার পিছনে মূল যে ধারণাটা আছে, ইউরোপীয় চোখ দিয়া তাহার বিচার করা আমার অভিপ্রেত নয়। আমি চাই আমাদের জাতীয়তার দিক হইতে উহার অর্থ করিতে। এই দিক হইতে দেখিলে প্রাদেশিক স্বাভাব্য অর্থ এই পাড়ায় যে, বাঙালী জাতি বাংলা দেশে শত শত বৎসর ধরিয়া বাস করিয়া একটা বিশেষ সংস্কৃতির বশবর্তী হইয়াছে, একটা বিশেষ জাতীয় প্রতিভার দ্বারা অনুপ্রাণিত হইয়াছে, সেইজন্য বাংলা দেশের প্রাদেশিক রাষ্ট্রতন্ত্রকে বাংলার আদর্শের উপর প্রতিষ্ঠিত করিতে হইবে।—উহাকে এরূপভাবে গঠন করিতে হইবে যাতে উহার ভিতরে আমাদের ব্যক্তিত্বটুকু হারাইয়া না যায়। বাঙালীকে এই জিনিষটা স্বয়ংস্ব করিতে হইবে যে, তাহাদের রাজনৈতিক স্বাধীনতা প্রাচীন আদর্শ ও ধারার উপর প্রতিষ্ঠিত হওয়া চাই। (ইংরেজী হইতে অনূদিত)।

চিন্তরঞ্জনর মতে ভারতীয় ঐক্য আমাদের দ্বিতীয় কর্তব্য, ও পৃথিবীর সমস্ত জাতির মিলন আমাদের চরম লক্ষ্য। তবুও এগুলির মধ্যে মুখ্য কোনটি, গৌণ কোনটি তাহা বুঝিতে আমাদের একটুও কষ্ট হয় না।

যে দেশীয়তার দাবি রাষ্ট্রতন্ত্রের মধ্যে নিজেই একটা প্রতিষ্ঠিত করিতে পারিয়াছে, তাহা যে সাহিত্য, ভাষা ও সংস্কৃতির ক্ষেত্রে আরও সুস্পষ্টরূপে ধরিয়া দেখা দিবে তাহা আমরা সহজেই অনুমান করিতে পারি। যে অলীকতার উল্লেখ করিয়া চিন্তরঞ্জন আমাদের জাতীয় আন্দোলনকে বাংলার প্রাণের উপর প্রতিষ্ঠিত করিতে বলিয়াছিলেন, সেই অলীকতাকেই লক্ষ্য করিয়া শ্রীযুক্ত প্রমথ চৌধুরী-মহাশয় সর্বজপত্রে লিখিলেন,—

অনেক সময়ে দেখা যায় যে, যে-মনোভাবকে অস্তি উদার বলা হয় তাহার কোনরূপ ভিত্তি নাই। বাঙ্গলা দেশের সহিত, বাঙ্গলার ইতিহাসের সহিত, বঙ্গসাহিত্যের সহিত কিছুমাত্র পরিচয় নাই অথচ বঙ্গমাতার নামে মুক্ত এইরূপ লোক আমাদের সাহিত্য-সমাজে বিরল নহে, রাজনীতির ক্ষেত্রে ইহাদের প্রভাব দুর্দান্ত এবং প্রতিপত্তি অসীম। এইরূপ উদার মনোভাবের অবলম্বন কোন বস্তুবিশেষ নয়,—কিন্তু একটি নামমাত্র। এইরূপ স্বদেশপ্রীতির মূল—হৃদয়ে নহে, মস্তিষ্কে। এইরূপ স্বদেশী মনোভাব বিদেশী পুস্তক হইতে সংগৃহীত। এইরূপ পুণ্ডিত্য এবং পুণ্ডিত পেট্রিটিজমের সাহায্যে রাষ্ট্রপঠন করা যায় কি যায় না তাহা আমার অবগিত, কিন্তু সাহিত্য যে সৃষ্টি করা যায় না সে বিষয়ে কোন সন্দেহ নাই।

তাই প্রমথবাবু বাংলা সাহিত্যকে বাংলার উপর প্রতিষ্ঠিত করিবার জন্য আমাদিগকে আহ্বান করিলেন, বলিলেন,—

ভারতবর্ষ একটা ভৌগোলিক সংজ্ঞামাত্র হইতে পারে, কিন্তু বাঙ্গালী

যে একটি বিশিষ্ট জাতি তাহার কারণ—এক-ভাষার বন্ধনে এদেশের উত্তর, দক্ষিণ, পূর্ব, পশ্চিম, ব্রাহ্মণ, শূত্র, হিন্দু, মুসলমান আবদ্ধ। সকল প্রকার স্বার্থের বন্ধন অপেক্ষা ভাষার বন্ধন দৃঢ়। এ বন্ধন ছিন্ন করিবার শক্তি কাহারও নাই, কেন-না ভাষা অশরীরী। শব্দ বহির্জগতে দৃশ্যমান কিন্তু মনোজগতে চিরস্থায়ী। এই চিরস্থায়ী ভিত্তির উপরই আমরা সর্বস্বতীর মন্দিরের প্রতিষ্ঠা করি।

বাংলা ভাষা ও বাংলা সাহিত্য, বাঙালীর খুব বড় একটা গর্বের বস্তু ও বাঙালীত্বের খুব বড় একটা অবলম্বন। ইহা যে ভারতীয় ঐক্যের পথে একটা বাধা হইয়া উঠিতে পারে, এ-সম্ভাবনার কথা রবীন্দ্রনাথের এক বন্ধু তাঁহাকে বহু পূর্বেই বলিয়াছিলেন। রবীন্দ্রনাথ তাহার “হিন্দু বিশ্ববিদ্যালয়” শীর্ষক প্রবন্ধে লিখিয়াছেন—

আমার বেশ মনে আছে অনেকদিন পূর্বে একজন বিশেষ বুদ্ধিমান শিক্ষিত ব্যক্তি আমাকে বলিয়াছিলেন, ‘বাংলা সাহিত্য যতই উন্নতিলাভ করিতেছে, ততই তাহা আমাদের জাতীয় মিলনের পক্ষে অন্তরায় হইয়া উঠিতেছে। কারণ এ সাহিত্য যদি শ্রেষ্ঠতা লাভ করে তবে ইহা মরিতে চাহিবে না—এবং ইহাকে অবলম্বন করিয়া শেষ পর্যন্ত বাংলা-ভাষা মাটি কামড়াইয়া পড়িয়া থাকিবে। এমন অবস্থায় ভারতবর্ষে ভাষার ঐক্যসাধনের পক্ষে সর্বাপেক্ষা বাধা দিবে বাংলা ভাষা।’

এই যুক্তিতে রবীন্দ্রনাথ বাংলা ভাষার দাবি তখনও অগ্রাহ্য করিতে পারেন নাই, এখনও বোধ করি পারেন না। কোন বাঙালীর পক্ষেই তাহা সম্ভবপর নয়। দয়ানন্দ স্বামী বা মহাত্মা গান্ধী যে-ভাবে হিন্দীকে অবলম্বন করিতে পারিয়াছেন, কোন বাঙালী তাহা পারিবে কি না সন্দেহ। হিন্দীপ্রচারের আন্দোলন তামিলভাষী মাদ্রাজেও যতটা প্রতিষ্ঠা লাভ করিয়াছে বাংলা দেশে তাহার শতাংশও পারে নাই। আমরা এত বেশী স্বাতন্ত্র্যবাদী যে, আমাদের নিকট বাংলা ভিন্ন অল্প কোন ভারতীয় ভাষার বিশেষ কোন মূল্য নাই। আমরা ইংরেজী শিখি পেটের দায়ে, ফরাসী জাখান হয়ত শিখি সখ করিয়া, ভারতীয় ঐক্য স্থাপনের জন্ত আর একটা ভারতীয় ভাষা শিক্ষা করিবার দাবি এখনও আমরা মানিয়া লই নাই। তাই, পৃথিবীর সকল জাতি ও সকল সংস্কৃতির মিলন স্থাপন করিবার উদ্দেশ্যে বিশ্বভারতীতে ফরাসী ও জাখান শিখাইবার বন্দোবস্ত আছে, কিন্তু হিন্দী শিক্ষা দিবার কোন হুঁশোবস্ত নাই।*

* রবিবাসরের দ্বিতীয় বৎসরের ৪র্থ অধিবেশনে পঠিত।

ফেফো

শ্রীবিনোদবিহারী মুখোপাধ্যায়

পাথর ইট বা সিমেন্টের দেওয়ালে বালি ও চূণের পলাস্তারার (অস্তরের) উপর ভিত্তি থাকতে থাকতে যে ছবি আঁকা হয়, তার নাম ফেফো।

মশলা চূণ বালি এবং পরিষ্কার পুষ্করিণীর জল—সংগ্রহ করিতে পারলে বৃষ্টির জল—সর্বাপেক্ষা উপযোগী। বালি—নদীর বালি সব চেয়ে ভাল; যে বালি হাতের মধ্যে রেখে ঘসলে কাঁচের গুঁড়ার মত শব্দ হবে সে ই উপযুক্ত বালি। সমুদ্রের বালির প্রায়ই গোল দানা হয়; সে জন্ত তাহা তত উপযোগী নয়।

চূণ—পাথুরে চূণ বা ঘুটিং চূণ উপযোগী। ঘুটিং চূণের বিশেষ গুণ, এতে তৈয়ারি বালিকাম শীঘ্র ফাটে না। তবে যে চূণ যেখানে সহজে পাওয়া যায় তাই ব্যবহার করা চলতে পারে। বিহ্বকের চূণও ব্যবহার করা চলে।

মশলা তৈরি করা

১। বালি—বালিটা সরু চালুনি দিয়ে ছেকে কাকর ও মাটি বেছে ফেলতে হবে।

২। চূণ—ভালো ফুটান চূণ হ'লে মিহি চালুনি দিয়ে ছেকে নিলেই চলবে। ময়লা থাকলে ভিজাবার পর ছেকে শুকিয়ে নিতে হবে এবং তার পরে মিহি ক'রে গুঁড়া করতে হবে।

বালি ধুয়ে পরিষ্কার করলে আরও ভাল হয়। বধীর পর নদীর পরিষ্কার বালি সংগ্রহ করে রাখলে তাতে ধূলা মাটি কম থাকে। চূণটা ছয় সাত দিন ভিজিয়ে রাখলে আরও উপযোগী হয়।

ভিত্তি অবস্থায় মাঝে মাঝে একটা কাঠি দিয়ে ঘুটিয়ে দিবে, খিতোলে জলটা বদলে দিবে। তায় পর শুকোলে মিহি করে গুঁড়ো করবে।

মশলার ভাগ—গুঁড়াচূণ একভাগ ও পরিষ্কার বালি
একভাগ। ভাল মিহি মার্বেল-গুঁড়ো পেলে বালি ও মার্বেল-
গুঁড়া মিলিয়ে ছুভাগ ও চূণ একভাগ।

মশলা মাখবার নিয়ম

কোদাল বা বড় কর্ণিক দিয়ে পরিষ্কার মেঝের উপর
বা কাঠের পাটের উপর মশলা মাখবে। বালি বিছিয়ে
তার উপর সামান্য জল ছড়া দিয়ে, কোদাল দিয়ে
চাষবে। এইরূপ বার বার জল-ছড়া দিয়ে গেসে গেসে
খণ বালির অবস্থা মাখনের মত হবে তখনই মশলা
তৈয়ার হ'ল। মিস্ত্রিকে দিয়ে সামনে বসে থেকে
মাখানো ভাল। কারণ, তাদের অভাস-মত বেশী
জল ঢেলে দিতে পারে। এইরূপ বেশী জল দিয়ে মাখলে
অসমান ভাবে মশলা ভিজতে পারে।

এইরূপ মাখা মশলা পাকা তাগাড়ে রেখে কিছু দিয়ে
ঢাকা দিয়ে রাখলে বণাকালে উনিশ দুড়ি দিন ও টানের
সময়ে দশ বার দিন কাজ করার মত থাকে। এই মাখা
মশলা হাতে প্রত্যহ দরকার-মত মশলা নিয়ে কাজ করা
চলবে। তৈয়ারী মশলায় কাজের সময় উপর হাতে আর
এক দেওয়া চলবে না।

জমি প্রস্তুত করা

যে-দেয়ালে কাজ করবে সেটা নতুন হ'লে খড়ার
(ইটের জোড়ের দাগ) মুখ পরিষ্কার ক'রে কাটা দিয়ে
ঝেড়ে খড়ের ঝরনি দিয়ে জল-ছড়া দিবে। দেয়াল
খণ জলে ভিজ্ঞে আর জল টানবে না, তখনই কাজের
উপযোগী হয়েছে জানবে। ইহার পর অল্প মশলা
নিয়ে উসো করে ঐ ভিজ্ঞে দেয়ালে বেশ করে ঘষে
দাও ও সঙ্গে সঙ্গে ঝরনি দিয়ে জলের ছিটে দাও।
এইরূপ চূণবাশি দিয়ে অল্প ঘর্ষে দিবার কারণ, পবে
যে অন্তর লাগান হবে উহা কামড়ী হয়ে লাগবে বলে।
প্রাণো দেয়াল হ'লে চূণবাশি খুঁড়ে ইটের মুখগুলি ও
খড়াগুলি বার ক'রে কাটা দিয়ে ঝেড়ে ফেলবে।
যদি অবিধা একপোচ কলি চূণ লাগিয়ে কাজ আরম্ভ
করবে। হয় নোন লাগা দেয়াল অল্প-উপযোগী জানবে।

অন্তর লাগান—বালিকান করার মত বড় কর্ণিক
দিয়ে বালি ধরিয়ে পাটা মেঝে উসো দিয়ে বেশ ক'রে
ঘষে দিবে। কর্ণিক দিয়ে ঘেন মাজা না হয়। অন্তর
লাগানো তলা হতে শুরু ক'রে উপরে গিয়ে শেষ হবে।
উপর হতে অন্তর লাগানো শুরু করলে নীচে আস্তে
আস্তে উপরের বালি শুকিয়ে যাবে। অন্তর অসমান হয়ে
কোথাও কোথাও শুকিয়ে গেলে কাজ করা অসম্ভব হয়ে
পড়ে, কারণ শুকনা অন্তরে ও তেলা জায়গায় রং
লাগানোর মত রং ধরবে না। নীচে হতে শুরু ক'রে
উপরে শেষ করাতে অন্তর সমান ভিজ্ঞে থাকবে।
শেষে লাগানো অন্তরের জল নীচে চুইয়ে এসে তলার
দিক অনেকক্ষণ ভিজ্ঞে রাখবে।

অন্তর দেয়ালে সমান হয়ে লাগানো হ'লে কোপা
(পিটুলি) দিয়ে সারা জায়গা ধরে অথচ দ্রুতগতিতে
পিটে ঘেতে হবে, লক্ষ্য রাখবে কোথাও বাদ না পড়ে।
পিটার কাজ দ্রুত শেষ করলে আকার কাজ আরম্ভ
শীঘ্র করা যাবে। অন্তর যতক্ষণ ভিজ্ঞা থাকবে ততক্ষণ
কাজের মেয়াদ জানবে। শুকালে কাজ বন্ধ করতে হবে।
পিটা শেষ হ'লে যদি অন্তর উঁচু নীচু হয়ে পড়ে আবার
একবার উসো দিয়ে সমান করে দিবে। অন্তর লাগানোর
সব কাজটাই সাধারণ চূণবাশি লাগানোর মত, তফাৎ
হচ্ছে ত লাগাতে উপর হাতে জলছিটা দেওয়া চলবে
না, আর বালি লাগানো হ'লে কোপা দিয়ে সারা
জায়গা পিটে দিতে হবে। কোপা দিয়ে ভাল করে পিটা
হলে অন্তরটার উপর ভিজ্ঞা ভিজ্ঞা লাগবে, একটু অপেক্ষা
করে কাজ শুরু করলেই হবে। বেশী ভিজ্ঞে উঠলে
পরিষ্কার পুরণো কাপড় দিয়ে জলটা শুষে নেবে।

রং তৈয়ার করার নিয়ম

সব রংই গুঁড়া চাই। সব রং দিয়ে চূণবালির উপর
আঁকা চলে না। কতকগুলি রং চূণের ভেজ্ঞে দু-চারদিনে
খেয়ে যায়। পাথুরে রং ও মাটির রংই প্রশস্ত।
রাসায়নিক রং—যেমন নীল, ইত্যাদি। জাস্তব রং
আলতা ইত্যাদি; খাতব সিন্দূর ইত্যাদি, এই সব রং চূণে
খেয়ে যায়।

ফ্রেস্কোর যা যা রং আমরা ভারতবর্ষেই পাই, তার নাম নিয়ে একটি তালিকা দিলাম।

১। গেরি—লাল গেরি বা সোনাগেরি, মেটেগেরি।

সোনাগেরি মাস্তাজে পাওয়া যায়।

২। এলামাটি (yellow ochre)—বেশ উজ্জল দেখে নেবে।

৩। সবুজ পাথর (হরা পাথর —অবশ্যই পাওয়া যায়)।

৪। ভূষাকালি, হাড়পোড়া কয়লা, সাধারণ কয়লা।

৫। নীলা পাথরের গুঁড়া (লাজবদ)

৬। পোড়া মাটির রং (Burnt Sienna) জয়পুরে পাওয়া যায়।

ফ্রেস্কোর উপযোগী রং তৈয়ার করতে গেলে যতটা গুঁড়া রং ততটা গুঁড়া চূর্ণ একসঙ্গে মিশিয়ে পাতলা কাপড়ে ছেঁকে চিনেমাটির বা মাটির বাটিতে সাজিয়ে রাখ। যতটা রং কাজে লাগবে ততটা একটা চামচে ক'রে ভিন্ন চিনেমাটির বাটিতে নিয়ে যতটা রং তার পাঁচ ছয় গুণ জল মিশাও। রং গুলে দিলে জল উপরে থিতিয়ে থাকবে।

ফ্রেস্কোতে ঘন রং (পাতলা ক্ষীরের মত) লাগে না, পাতলা ঝোলের মত লাগে। কাজ করবার সময় একটা কাঠি দিয়ে মাঝে মাঝে ঘুলিয়ে দিতে হয়। প্রত্যেক রঙের কিছু কিছু নমুনা ভিন্ন বাটিতে বা ছোট ছোট শিশিতে বন্ধ ক'রে রাখা চাই। ঐ দেখে ছবির গায়ের রং ধার্য হবে, শুকনা নমুনা রঙের শিলির গায়ে একটা নম্বর থাকা চাই, সেটা আবার ঐ রঙের ভিত্তি বাটির গায়ে লেখা থাকবে। কারণ রং ভিজান হ'লে সেটা কি রং আর চিন্তার উপায় থাকবে না।

তুলি—তুলি নরম লোমের ভাল। ইহাতে বালির উপরে রং লাগাবার সময় বালি না ঘাটিয়ে রং লাগানো যায়। বিলাতি “সেবেল” লোমের তুলি ভাল, জাপানি বা চীনা তুলি আরও ভাল। একটা দেড় ইঞ্চি চওড়া চেপটা তুলি ছবির জমি করবার পক্ষে ভাল, তা না পেলে একটা

মোট ক্যামেল লোমের তুলি হ'লে চলবে। আর ছুটি কড়ে আঙুলের মত মোটা সেবেল লোমের তুলি একটি তিন নম্বরের লম্বা লোমওয়ালা সেবেল লোমের তুলি বা লাইন টানবার জাপানি তুলি। ঐ সঙ্গে খানিকটা পরিকার পুরনো কাপড় রাখবে। আঁকবার সময় বা হাতে রাখবে। মাঝে মাঝে তুলি পুছবার দরকার হবে।

ছবি আঁকা—প্রথমে একটি পুরু কাগজের উপর ছবির রেখাপাত (outline drawing) ক'রে পরে একটি চার পুরু নরম কাপড়ের উপরে নকশাটা (drawing) বিছিয়ে একটা সরু ছুঁচ খাড়াভাবে ধরে রেখাগুলি ছিঁদ্র করে ফেল। অবশ্য এই ছিঁদ্র-করা কাগজ ফ্রেস্কোর জমি তৈয়ার করবার পূর্বে তৈয়ার থাকা চাই। এখন তৈয়ার-করা জমির উপর দুজনে ঐ ছিঁদ্রকরা কাগজটি যথাস্থানে লাগিয়ে একটি সবুজ রঙের গুঁড়ার একটা পাতলে কাপড়ে ছোট পুঁটুলি বেঁধে কাগজের ছিঁদ্র-করা রেখার উপর ঘা দিয়ে দিয়ে ড্রয়িংটা দেয়ালে তুলিয়া লও। সাবধান, ছিঁদ্রকরা কাগজটা সরে না যায়।

রং লাগানো—রং লাগাতে গেলে প্রথমে দেখতে হবে বালির অন্তরটির উপর তুলি করে রং দিলেই সেটা ব্লটিং কাগজের মত শুবে নিচ্ছে কি না। অন্তরের এই রং গ্রহণ করবার অবস্থাটি ধরা ছাড়া কিছু দেয়ালে ছবি আঁকলে বেশ পরিকার বুঝা যাবে, বলে বুঝানো বড় শক্ত। বালির এইরূপ অবস্থা যতক্ষণ থাকবে শিল্পী রং লাগাতে বড় আনন্দ পাবে।

রং লাগানো সব সময়ই হালকা রং হতে শুরু ক'রে ঘন রং করতে হবে। সময় সময় একটি রঙের উপর আর একটি রং লাগিয়ে রং মিশিয়ে ভিন্ন রং করা যায়। একটা চওড়া রঙের জমি একেবারেই যদি তুলি দিয়ে সমান না লাগানো যায় তবে ফেঁটা বা হ্যাচকা লাইন দিয়ে সেটা চোস্ত করে নিতে হবে। একটা জায়গায় রং লাগানো হ'লে তখনই সেটির উপর আবার রং নাও ধরতে পারে, ততক্ষণ অপর জায়গায় কাজ সেরে বালি আবার রং লাগাবার উপযুক্ত হলেই পূর্বের জায়গায় কাজ শুরু করতে হবে।

ফ্রেস্কো আঁকতে গেলে শিল্পীর তুলি-চালনার কৌশল ভাল জানা থাকা আবশ্যক। তা না হ'লে তুলি অবধা ঘসড়ানোর দ্বারা বালির গা ঘোলা ঘোলা দেখাবে। ভাল পোঁচ দিয়ে আঁকা অভ্যাস থাকলে বালির গায়ে রেশমি কাপড়ের জলুস হবে। অনেক সময়ে একই তুলিতে ছুটা রং নিয়ে কাজ করা যাবে। যেমন একটা মোটা সূক্ষ্মাশ্রু তুলি পাতলা হলদে রঙে ভরে সেই তুলির ডগায় অল্প মোটা লাল রং লাগিয়ে টান দিলে ছুটে রঙের বেশ মিলান হয়। ইহাতে রং ভুল লাগালে বদলান যায় না। পুঁছলে থানিকটা উঠে যায় বটে, কিন্তু ইহাতে বালিটা ঘসে যায় বলে বড় অপরিষ্কার দেখায়। সেজন্য দৃঢ়হাতে একমনে কাজ করা উচিত। ব্যস্ত হ'লে ছবি নষ্ট হতে পারে, এমন কি ছবিতে ভুলক্রমে বা হঠাৎ যদি কিছু রং পড়ে যায় সেইরূপ রেখে দেওয়া পদ্ধতি। ছবিতে ঘেরঙের পোঁচ একবার লাগাবে সেটা দ্বিতীয়বার বদল করা মনের দুর্বলতার পরিচায়ক হবে। সেইজন্য যিনি দেয়ালের উপর সোজা হুজি ভেবে রং না দিতে পারবেন তাঁকে পুঁছ হ'তে ঐ সব রঙের একটা খসড়া তৈয়ার করতে হবে, এবং সেটা সামনে ঝুলিয়ে রাখতে হবে। উপস্থিত পূজনীয় ত্রিযুক্ত অবনীন্দ্রনাথ ঠাকুর মহাশয়ের অঙ্কন-পদ্ধতি ফ্রেস্কোর উপযোগী মনে হয় ও চীনা-পদ্ধতি অনুসারে পোঁচ দিয়ে আঁকাও বেশ হয়। সাদা রং লাগাবার

পর মোটে সাদা দেখায় না; তবে একটু শুকালে বুঝা যায়। সেজন্য সাদার মিলান শিল্পীর অভিজ্ঞতার উপর নির্ভর করছে। যদি কোথাও বিশেষ ভুল হয়ে পড়ে তবে সেই জায়গাটার অল্প বালি তুলে নতুন বালি লাগিয়ে কাজ করা ভাল। একটু বালির জোর থাকলে তত মারাত্মক নয়।

কাজের সময়—বর্ষার সময় অনেকক্ষণ ধরে কাজ চলে। গ্রীষ্মের সময় খুব ভোর ছটা হ'তে কাজ শুরু করে বেলা এগারটা পর্যন্ত কাজ বেশ চলে। কাজ করতে করতে ছবি ছেড়ে বেশীক্ষণ যাওয়া মোটে চলে না। একলাগাড় কাজ করা চাই! বিশেষ দরকার পড়লে একটা মোটা কাপড় ভিজিয়ে নিঙড়ে অন্তরের উপর ঢাকা দিয়ে রাখলে মিনিট দশ-পনের অপেক্ষা করা চলে। সকাল ছটা হ'তে কাজ শুরু করতে হলে সাড়ে চারটা, পাঁচটা হতে বালির কাজ আরম্ভ করতে হবে। খুব ভরাট মিলান কাজ করতে হলে অল্প দেড়-দুই, ফুট জায়গাই একদিনের পক্ষে ভাল। ছবির একটি একটি জোড়ের মাথা অস্থায়ী বালি লাগানো ভাল। কারণ পনের দিনের কাজের সঙ্গে অল্প তফাৎ হওয়ায় একটা জোড়ের দাগ হয়ে পড়বে। এই ফ্রেস্কো পদ্ধতি আধুনিক ফ্রান্সের শিল্পী ত্রিযুক্ত Saint Hubert-এর নিকট হতে শ্রীমতী প্রতিমা দেবী শিক্ষা করে আসেন, এবং আশ্রমের শিল্পীদের মধ্যে ইহার প্রচলন করেন।



শ্রীনিকেতনের জন্ম শ্রীনন্দলাল বসু কর্তৃক অঙ্কিত কয়েকটি স্কেচ।



শ্রীনিকেতনে হলচালন উৎসব (অংশ)



শ্রীনিকেতনে হলচালন উৎসব (অংশ)



ত্রিনিকেতনে হলচালন উৎসব (অংশ)



ত্রিনিকেতনে হলচালন উৎসব (অংশ)



শ্রীনিবেত্তনে হলচালন উৎসব (অংশ)



শ্রীনিবেত্তনে হলচালন উৎসব (অংশ)

মহামায়া

শ্রীসীতা দেবী

(৪৫)

চায়ের সব ব্যবস্থা করিয়া ইন্দু ফিরিয়া আসিতেছিল। হলঘরে নিরঞ্জনকে দেখিয়া বলিল, “মেজদা, চায়ের জল এনেছে, তুমি যাও, আমি মায়াকে জিগ্গেশ করে আসি সে নীচে এসে থাকবে, না উপরে পাঠিয়ে দিতে হবে।”

নিরঞ্জন বলিলেন, “মায়া ত উপরে নেই, বাগানে বেড়াচ্ছে।”

ইন্দু ব্যস্ত হইয়া বলিল, “ওমা একলা আবার কি করতে গেল? যা ত মেয়ের শরীর, কখন কি হয় তার ঠিকানা নেই।”

নিরঞ্জন বলিলেন, “একলা যায়নি, দেবকুমার তার সঙ্গে গিয়েছে।”

ইন্দু একটু ইতস্ততঃ করিয়া জিজ্ঞাসা করিল, “তা হ’লে ডাকব না ওদের এখন?”

নিরঞ্জন বলিলেন, “তা ডাক, একটু চা-টা খেয়ে চাপা হয়ে নিক। দেবকুমার এখন যেন চলে না যায়, তাকে ছপুরে এখানেই থেতে বোলো।”

ইন্দু বলিল, “আচ্ছা।” সে আশু আশু বাগানের দিকে চলিল। যাক্, মায়ার জ্ঞানবুদ্ধি যে ফিরিয়া আসিয়াছে, তাহার জ্ঞান ঈশ্বরকে ধন্যবাদ। এখন মানে মানে বিবাহাদি হইয়া আপদ চুকিয়া যায়, তাহা হইলেই একা। যা সৃষ্টিছাড়া অস্থখ, কখন কি যে হয় তাহার ঠিকানা নাই।

বাগানের মাঝামাঝি গিয়া সে মায়া এবং দেবকুমারের দেখা পাইল। তাহার তখন বাড়ির দিকেই আসিতেছিল। ইন্দুকে দেখিয়া দেবকুমার জিজ্ঞাসা করিল, “কি পিনীমা, আমাদেরই খোঁজে আসছেন না-কি?” মায়ার মুখ বিষম, গভীর, সে কোনো কথা বলিল না।

ইন্দু বলিল, “হ্যাঁ, চা খেতে ডাকতে আসছিলাম।

আর দেখ বাবা, তুমি ছপুরেও এখানে থাকে, মেজদা বিশেষ করে আমায় বলতে ব’লে দিলেন।”

দেবকুমার বলিল, “আচ্ছা, তাহলে চা খেয়ে একবার শহর ঘুরে আসতে হবে, না হ’লে বাবা আবার বেশী ভাববেন। মায়ার খবরটাও তাঁকে একটু দেওয়া উচিত।”

মায়ার বিষয়মুখে একটু যেন হাসির আভাস দেখা দিল। সে উপরে যাইবার সিঁড়ির কাছে দাঁড়াইয়া, দেবকুমারের দিকে চাহিয়া বলিল, “তুমি যাও ভাইনিঃ কমে, আমি একটু হাতমুখ ধুয়ে আসছি।”

মায়া উপরে উঠিয়া যাইতেই ইন্দু জিজ্ঞাসা করিল, “মায়ার সব কথা মনে পড়েছে ত বাবা?”

দেবকুমার বলিল, “হ্যাঁ তা পড়েছে, তবে মতদিন অস্থখ ছিলেন, সে অবস্থায় কি বলেছেন, কি করেছেন, ভেবে বড় বেশী দুঃখ পাচ্ছেন।”

ইন্দু খাইবার ঘরের দিকে যাইতে যাইতে বলিল, “সব কথা ওকে না বললেই হ’ল।”

দেবকুমার বলিল, “না শুনে যে ছাড়েন না, সেই ত হয়েছে মুন্ডিল। যদি বলতে না চাই, তাহলে সত্যি যা ঘটেছে তার দশগুণ কল্পনা ক’রে নিয়ে আরও বেশী ঘাবড়ে যান।”

মায়া উপরে গিয়া হাতমুখ ধুইয়া চুল বাঁধিয়া আবার নামিয়া আসিল। হলে আসিয়া দেখিল একতলার একটা ঘর হইতে বাগ্ন, বিছানা প্রভৃতি বাহির করা হইতেছে। কাহার জিনিষ বুঝিতে না পারিয়া চাকরকে জিজ্ঞাসা করিল, “এ সব কার জিনিষ রে?”

চাকর বলিল, “সেই যে প্রভাসবাবু ছিলেন, তাঁর।”

প্রভাসের কথা এতক্ষণ মায়া ভুলিয়াই গিয়াছিল। তাই ত, প্রভাস যে এখানে আছে, কিন্তু তাহাকে এক-বারও যে দেখা গেল না? একটু বিম্বিত হইয়াই সে

জিজ্ঞাসা করিল, “কিন্তু তার জিনিষপত্র বার করে কোথায় নিয়ে যাচ্ছি?”

চাকর বলিল, “সাহেব সব মাল জাহাজঘাটে পৌছে দিতে বললেন।”

শ্রুতিলোপ হওয়ার পর প্রভাস এবং মায়ার ভিতর কি যে ঘটনাছিল, তাহা দেবকুমার মায়াকে কিছুই বলে নাই। শুনিলে মায়া অত্যন্ত দুঃখ এবং লজ্জা পাইবে মনে করিয়াই বলে নাই। স্মরণঃ এইভাবে প্রভাসের চলিয়া যাওয়ার কোনো অব্যবহিতই সে খুঁজিয়া পাইল না। সে আসিয়াছিল, মায়ার সহিত বালিকা-বিদ্যালয় স্থাপনের পরামর্শ করিতে, এতদিন মায়ার অসুস্থতার জন্ত কিছু কাজ হয় নাই, সে অপেক্ষা করিয়া বসিয়াই ছিল। কিন্তু যেই মায়ার জ্ঞান, পূর্বস্মৃতি সকলই ফিরিয়া আসিল, অমনি সে এমন অদ্ভুতভাবে পলায়ন করিতেছে কেন? মায়া একেবারেই বুঝিতে পারিল না। কিন্তু চাকরবাকরকে এ সকল কথা জিজ্ঞাসা করা যায় না, স্মরণঃ সে খাইবার ঘরেই গিয়া ঢুকিল।

নিরঞ্জন এবং দেবকুমার তাহার জন্ত অপেক্ষা করিয়াই বসিয়া ছিলেন। ইন্দু চায়ের পেয়ালাগুলিতে চিনি দিতেছিল। মায়া তাহার দিকে চাহিয়া বলিল, “পিসীমা, তুমি যাও, স্নান পূজা কর গিয়ে, নইলে ত জল মুখে দেবে না। আমি চা দিচ্ছি।”

ইন্দু চলিয়া গেল। মায়া নিপুণ অভ্যস্ত হস্তে চা পরিবেশন করিতে বসিয়া গেল। নিরঞ্জন হাসিয়া বলিলেন, “আজ আমার মায়ের ‘অনারে’ দু পেয়ালা চা খাব।”

মায়া বলিল, “তা খাও, আমারও নিজের ‘অনারে’ অনেক বেশী পেয়ালা খাওয়া উচিত, মাসখানেক ত খাইনি শুদ্ধি।”

দেবকুমার হাসিয়া বলিল, “শুধু নিজে যে খাওনি তা নয়, অন্যদেরও খাওয়া বুচিয়ে দিয়েছিলে।”

মায়া হঠাৎ জিজ্ঞাসা করিল, “বাবা, প্রভাসদার জিনিষপত্র জাহাজঘাটে নিয়ে যাচ্ছে কেন? তিনি রাতারাতি গেলেন কোথায়?”

নিরঞ্জন একটু বিপদে পড়িয়া গেলেন। প্রভাস সন্ধ্যা

সব কথা তিনি অন্তত মায়াকে খুলিয়া বলিতে পারেন না।

অথচ সব পরিষ্কার করিয়া না বুঝিলে, তাহার মনে একটা সংশয় এবং অশান্তি থাকিয়াই যাইবে। কি বলিবেন ভাবিয়া না পাইয়া, শুধু বলিলেন, “তাকে হঠাৎ চলে যেতে হ’ল, জিনিষ নিয়ে যেতে পারেনি, তাই সেগুলো পাটিয়ে দিচ্ছি।”

মায়া জিজ্ঞাসা করিল, “এত হঠাৎ যেতে হ’ল যে জিনিষও নিতে পারলেন না? কেন বাবা?”

নিরঞ্জন বিরতভাবে দেবকুমারের দিকে তাকাইলেন। তাহার পর বলিলেন, “রোসো মা, আমি আগে চাকরটাকে ভাল করে সব বুঝিয়ে দিয়ে আসি, তারপর তোমার কথার উত্তর দেব।” তিনি তাড়াতাড়ি বাহির হইয়া গেলেন।

দেবকুমার নিজের চেয়ার ছাড়িয়া মায়ার পাশে আসিয়া বসিল। তাহার একথানা হাতের উপর হাত বুলাইতে বুলাইতে বলিল, “তোমার বাবাকে কিছু জিগগেব কোরো না লক্ষ্মী, আমি তোমায় সব বুঝিয়ে বলব। ওঁকে জিগগেব করলে শুধু শুধু অপ্রস্তুত করা হবে, উনি ত তোমায় সব খুলে বলতে পারবেন না?”

মায়া ভীতভাবে জিজ্ঞাসা করিল, “এর ভিতরও কিছু মিস্টি আছে নাকি?”

দেবকুমার তাহার ভয় দেখিয়া সান্ত্বনা দিতে ব্যস্ত হইয়া উঠিল। তাহার হাত ছাড়িয়া দিয়া, উঠিয়া পড়িয়া বলিল, “চল, লাইব্রেরীতে গিয়ে বস। যাক। অমনি ভয়ে আধমরা হয়ে গেলে? তোমরা না পুরুষের সঙ্গে সমান অধিকার দাবি কর? অত ভয় পেলে কি কাজ করা যায়?”

মায়া বলিল “কেস্টটা যে মোটেই সাধারণ নয়, কাজেই এখানে সাধারণ আইন খাটে না।”

দেবকুমার কথার উত্তর না দিয়া লাইব্রেরীর দিকে চলিল। মায়াও অগত্যা উঠিল, চাকরকে চায়ের বাসন উঠাইয়া ফেলিতে বলিয়া সেও দেবকুমারের পিছন পিছন আসিয়া লাইব্রেরীতে ঢুকিল। দেবকুমার তখন টেলিফোন করিতে ব্যস্ত, ইদ্রিতে মায়াকে বসিতে বলিল।

মায়া একটা ইজিচেয়ারে বসিয়া কাগজ উন্টাইতে

লাগিল। দেবকুমারের কনেকশান পাইতে দেরি হইতেছে দেখিয়া জিজ্ঞাসা করিল, “কোথায় ‘ফোন’ করছ?”

দেবকুমার বলিল, “বাবার কাছে। প্রথমে ভেবে-ছিলাম একবার গিয়ে সব বলে আসুব। কিন্তু তোমায় একলা রেখে যেতে এখন আর ভরসা হচ্ছে না। ভয়টয় পেয়ে এক কাণ্ড করে রাখবে।”

মায়া স্নানহাসি হাসিয়া বলিল, “ভয় পাওয়া যদি অদৃষ্ট থাকে তাহলে কি আর তুমি আটকাতে পারবে?”

দেবকুমার টেলিকোনে কথা বলিতে আরম্ভ করিয়াছিল, কাজেই তাহার কথার উত্তর দিল না। বাহিরে গাড়ীর শব্দ শোনা গেল, মায়া ব্য্থিল প্রভাসের জিনিষপত্র রওয়ানা হইয়া গেল। প্রভাসকে লইয়া না-জানি আবার কি জটিলতার সৃষ্টি হইয়াছে, ভাবিতে ভাবিতে তাহার মন ক্রমেই অবসন্ন হইয়া পড়িতে লাগিল।

দেবকুমার কাজ সারিয়া আসিয়া ইজিচেয়ারটার হাতের উপর বসিয়া বলিল, “এব পব শুরু করতে পার। কিন্তু প্রথমেই ব’লে রাখছি আজ কিছু নিয়ে মন খারাপ করতে পারবে না। আজ আমাদের জীবনে সব চেয়ে আনন্দের দিন।”

মায়া বলিল, “আনন্দ কি নিরানন্দ তা এখনও ঠিক হয়নি।”

মায়ার চুলে হাত বুলাইতে বুলাইতে দেবকুমার বলিল, “অনেকক্ষণ ঠিক হয়ে গেছে, যখন আমরা চিন্তে পেরেছি, তখন।”

মায়া তাহার হাতের উপর মাথা রাখিয়া বলিল, “আচ্ছা। কিন্তু আমি যা জানতে চাই তা আমার পরিষ্কার করে বলো, আমার মন খারাপ হ’তে পারে ব’লে কিছু লুকিও না।”

দেবকুমার বলিল, “সব জানা এমনই কি দরকার মায়া? দুজনে দুজনকে কিরে পেয়েছি, দারুণ দুঃখের পরে, এইটুকু জানাই কি যথেষ্ট নয়? আজকের দিনটা কি যত হৃৎকষ্ট আর সংশয়ের কাহিনী শুনেই নষ্ট করতে চাও?”

মায়ার চোখ জলে ভরিয়া উঠিল। সে অঙ্গদিকে মুখ ফিরাইয়া নিজেকে লামলাইবার চেষ্টা করিতে লাগিল।

দেবকুমার তাড়াতাড়ি উঠিয়া তাহার সামনে আসিয়া দাঁড়াইল। দুই হাতে মায়ার মুখ তুলিয়া লইয়া ভৎসনার স্বরে বলিল, “ও কি মায়া? ফের চোখে জল? তাকাও দেখি আমার দিকে?”

মায়া অশ্রুসঞ্জল দৃষ্টিতে তাহার মুখের দিকে চাহিয়া দেখিল। দেবকুমার তাহার চেয়ারের সামনে নতজাহ্ন হইয়া বসিয়া তাহাকে নিজের বাহুবন্ধনে টানিয়া আনিল, তাহার মুখের উপর মুখ রাখিয়া বলিল, “এইবার কান দেখি কেমন কানবে? আমাকে যা কম্প্রিমেন্ট দিচ্ছ তুমি, তা আর কি বলব? কেবল কান্না আর কান্না। যেন আমার মনে পড়ে যাওয়াটা ভারী একটা ক্যাল-মিটা হয়েছে। ভুলে থাকলেই ছিল ভাল, না?”

মায়ার চোখের জলের ভিতর দিয়া হাসি ফুটিয়া উঠিল। সে বলিল, “কোনো অবস্থায় তুমি সিরিয়াস হতে পার না, না? কি রকম যে একটা ডয়ানক ব্যাপার হয়ে গেল, সেটাকে তুমি হেসেই উড়িয়ে দিতে চাও? এ বিষয়ে ভাববার কিছু নেই?”

দেবকুমার বলিল, “ভাববার সময় ত চলে যাচ্ছে না। আজই সব ভাবনা ভেবে শেষ করতে হবে?”

মায়া অহুনয়ের স্বরে বলিল, “না লক্ষ্মীটি, তুমি রাগ করো না। সমস্ত ভাল করে না শুনলে আমার মনে কিছুতেই শান্তি আসছে না। আমার এতখানি আনন্দের মধ্যেও কেমন যেন একটা ছায়া পড়ে রয়েছে।”

দেবকুমার উঠিয়া দাঁড়াইয়া বলিল, “আচ্ছা, আমি বলছি। তোমাকে বলাই ভাল। সত্যি যা হয়েছে তার দশগুণ ভেবে বসে থাকবে তা না হ’লে। প্রভাসের এখান থেকে চলে যাওয়ারই কথা ছিল, জাহাজের টিকিটও কেনা হয়েছিল বোধ হয়। কিন্তু কাল রাত্রে একটা গোলমাল হওয়ায়, সে ক্লাউকে কিছু না ব’লে কোথায় চলে গিয়েছে। তোমার বাবা আন্দাজ করছেন যে সে স্টীমার ধরতেই যাবে, সেজন্য তার জিনিষপত্র হোয়ারফে পাঠিয়ে দিচ্ছেন।”

মায়া জিজ্ঞাসা করিল, “কাল রাত্রে কি গোলমাল হয়েছিল? আমাকে নিয়ে ত?”

দেবকুমার একটু ভাবিয়া বলিল, “বলতে হ’লে, সবটাই

বলা ভাল। তোমাকে লেকের ধার থেকে অজ্ঞান অবস্থায় আমি নিয়ে আসি, তোমাকে আগেই বলেছি। কিন্তু সেখানে তুমি একলা ছিলে না, প্রভাসও ছিল।”

মায়া মুখ শালা হইয়া উঠিল। সে কস্পিতকণ্ঠে জিজ্ঞাসা করিল, “তুই ভুলেই আমরা লেকের ধারে গেলাম কি করে? আমাকে ত সারাক্ষণ আটকে রাখা হ’ত, না?”

দেবকুমার বলিল, “একটু কোনো ফাঁকে ছাড়া পেয়েছিলে বোধ হয়। প্রভাসের সঙ্গে দেখা করতে তুমি ভয়ানক ইগার ছিলে, সেইজন্তেই প্রভাসকে তোমার বাবা চলে যেতে বলেছিলেন। আমি অবশু তাঁকে এ বিষয়ে আগে কয়েকটা কথা বলেছিলাম।”

মায়া জিজ্ঞাসা করিল, “কি বলেছিলে? আমি সব ভাল করে বুঝতে পারছি না।”

দেবকুমার আবার আসিয়া মায়ার চেয়ারের হাতের উপর বসিল, বলিল, “ডিলিরিয়াম-এর অবস্থায় ত মাহুষ খুন পর্যন্ত করতে পারে। তুমি তখন বা বলেছ বা করেছ, সেগুলোকে পাগলের প্রলাপের চেয়ে বেশী ইম্পরট্যান্স দেবার কোনো দরকার নেই। প্রভাস হয়ত গোড়ার থেকেই তোমাকে ভালবাসত, কিন্তু তুমি তা জানতে না। এখানে অস্থিতার মধ্যে হঠাৎ তোমার মন খানিকটা তার দিকে গিয়েছিল ব’লে বোধ হ’ত। সে নেটারই এডভান্টেজ নিচ্ছিল ব’লে মনে হওয়াতে আমি তোমার বাবাকে সে কথা বলেছিলাম। তাতেই তিনি প্রভাসকে চলে যেতে হিট দেন। ওকি মায়া, ফের?”

মায়া দেবকুমারের কোলে মুখ লুকাইয়া ফুলিয়া ফুলিয়া কাঁদিতে লাগিল। দেবকুমার তাহাকে জোর করিয়া তুলিয়া বলিল, “ধা হয়ে গেছে, তা নিয়ে কেন এত দুঃখ পাচ্ছ, লক্ষী আমার? আর প্রভাস ত চলে গেছে, তার কাছেও কিছু তোমায় লজ্জা পেতে হবে না।

মায়া বলিল, “এত বড় দুর্ভাগ্য পৃথিবীতে আর কোনো মাহুষের হয়েছে ব’লে কখনও আমি শুনিনি। প্রভাসকে বত্নের জানি, পজিটিভলী অন্ধ্যা, এমন কিছু সে নিশ্চয়ই করেনি। আমাকে ভালবাসত বলেও আমার কোনো-

দিন মনে হয় নি। কিন্তু আমি ত মাহুষ ছিলাম না তখন, কি যে বলেছি, কি যে করেছি, তা ভাগবানই কেবল জানেন।”

দেবকুমার বলিল, “তবে তাঁর হাতেই বিচারের ভার ছেড়ে দাও না? মাহুষে তোমায় দোষী করবে না, করবার অধিকার তাদের নেই। বিশেষ কিছু করবার বা বলবার কোনো সুবিধাও তুমি পাওনি। সে থাকত নীচে, তুমি থাকতে উপরে, এবং তোমায় সারাক্ষণ চোখে চোখে রাখা হ’ত। তু-একটা কথা যা বলেছ, তাও অশ্রুদের সামনে।”

মায়া বলিল, “লেকের ধারে আমি একলাই গিয়েছিলাম ত?”

দেবকুমার বলিল, “তা অবশু গিয়েছিলে, কিন্তু সেও ক’মিনিটের জন্তেই বা? তুমি বাড়িতে নেই জানতে পারবামাত্র মোটরে ক’রে তোমায় খুঁজতে বেরনো হয় এবং কয়েক মিনিটের মধ্যেই তোমায় পাওয়া যায়। তোমাকে আমি ডাকাতে, তুমি ভয় পেয়ে জলে ঝাঁপিয়ে পড়লে। তোমাকে তুলে আনলাম, কিন্তু প্রভাসের আর তখন খোঁজ রাখতে পারিনি। রাগের মাথায় তাকে যা মুখে আসে, হুচার কথা বলেছিলাম, এখন তা মনে ক’রে কষ্ট হচ্ছে।”

মায়া উঠিয়া দাঁড়াইয়া বলিল, “বেচার। প্রভাসনা। More sinned against than sinning. কিন্তু সিন্-ই বা এর মধ্যে কার? শাস্তি পেলাম ত সকলেই, কিন্তু অপরাধটা কোন্‌খানে?”

দেবকুমার বলিল, “অপরাধ কারও নয়। নির্বুদ্ধিতা যদি অপরাধ হয়, তা হ’লে প্রভাসের অপরাধ আছে, জেলাসি যদি অপরাধ হয়, তাহলে আমারও কিছু অপরাধ আছে। কিন্তু রোগ যেটা সেটা অপরাধ কিছুতেই হতে পারে না, হুচরায় তুমি কেন মন খারাপ করছ?”

মায়া হাসিবার চেষ্টা করিয়া বলিল, “জগতের নিয়ম। এখানে একের দোষে অস্ত্র দণ্ড চিরকাল পায়। খানিকটা পাওয়া হয়ে গেছে, আরও বোধ হয় অনেকটা ব্যক্তি আছে।”

দেবকুমার আবার তাহাকে নিজের আলিঙ্গনে টানিয়া আনিয়া বলিল, “আর দণ্ড তোমাকে আমি কিছুতেই পেতে দেব না। ভালবাসার কি কোনো ক্ষমতাই নেই তুমি মনে কর ?”

মায়া তাহার বক্ষে মাথা রাখিয়া বলিল, “আত্ম-হত্যাও ত মানুষের করে ? আমি যে নিজের দুর্ভাগ্য নিয়েই আবার ডেকে আনব না তা কে বলতে পারে ?”

দেবকুমার বলিল, “নিশ্চিত করে জগতে কিই-বা বলা যায় ? তবু ত মানুষ এখানে হাসে খেলে, ঘর বাঁধে, সংসার করে। ভিক্ষুভিষ্যাসের নীচেই বাড়ি করে কি মানুষ থাকে না ? যে বিপদ নাও ঘটতে পারে, তার ভয়ে আঁতকে থাকলে কি মানুষ বাঁচতে পারে ?”

মায়া বলিল, “যাক্ গে। আজকের মত চের শুনলাম। এখন প্রভাসনা বেচারার কোনো একটা খবর পেলো বাঁচা যায়। তার কিছু অনিষ্ট হ’লে, আমি কোনো জন্মে সে কথা আর ভুলতে পারব না।”

দেবকুমার বলিল, “অনিষ্ট হ’তে যাবে কেন ? সে রকম মাথা-পাগলা ত তাকে লাগত না ? আমার মনে হয় সে দেশেই ফিরে যাচ্ছে।”

মায়া দীর্ঘনিশ্বাস ফেলিয়া বলিল, “তাই যেন হয়। তুমি একটু বোসো। আমি কাল রাত থেকে মোটে রেস্ট পাইনি। স্নানটান করে একটু রিফ্রেশড্ হয়ে নিতে হবে।”

দেবকুমার বলিল, “আমিও তবে সেই চেষ্টাই দেখি।”

(৪৬)

কতকগুলি দিন একই ভাবে প্রায় কাটিয়া গেল। বাড়ির সবাই আনন্দে দিশাহারা, কিন্তু মায়ায় মনে নিরন্তর সংগ্রাম চলিতেছিল। আনন্দ করিবার মত জোর সে মনের ভিতর কিছুতেই পাইতেছিল না। ভবিষ্যতের দিকে যতই সে তাকাইত, মনে হইত, দারুণ একটা বিভীষিকা তাহার পথ রোধ করিয়া দাঁড়াইয়া আছে। একবার মায়া তাহার কবল হইতে মুক্তি পাইয়াছে, কিন্তু সেই মহাভয় যেন তাহার জীবনপথে ব্যাঞ্জীর মত ওং পাতিয়া বসিয়া আছে, স্থবিধা পাইলেই আবার

অতীর্কিতে আক্রমণ করিবে। ইহার করাল কবল হইতে শেষ পর্যন্ত যেন মায়ায় নিকৃতি নাই।

প্রভাসের জিনিষপত্র সেদিন জাহাজঘাট হইতে ফিরিয়া আসিয়াছে। তাহার কোনো খোঁজ এখন পর্যন্ত পাওয়া যায় নাই। জিনিষগুলি নিরঞ্জন তাহার এক কলিকাতা-যাত্রী বন্ধুর মারফতে কলিকাতা পাঠাইয়া দিয়াছেন। সেখান হইতে কেহ-না-কেহ সেগুলি গ্রামে পৌঁছাইয়া দিবে।

প্রভাসের খবর না পাওয়াতে মায়া আরও মুগ্ধাইয়া গিয়াছে। নিজের অজ্ঞাতসারে এবং নিজের অনিচ্ছাসত্ত্বে, সে একটি মানুষের জীবনের সব সুখশান্তি যে অপহরণ করিয়া বসিয়াছে, ইহা সে কোনোমতেই ভুলিতে পারিতেছিল না। ইহার চেয়ে অধিক অনিষ্টও তাহার দ্বারা ঘটিয়াছে কি না, তাহা জানিবার জন্ত সমস্তক্ষণ তাহার মন অস্থির হইয়া থাকিত। এই সকল কথা লইয়া দেবকুমার ভিন্ন আর কাহারও সঙ্গে আলোচনা করাও তাহার সম্ভব ছিল না, কাজেই সন্দেহ, ভয়, সবই তাহার নিজের মনে চাপিয়া রাখিতে হইত।

মায়া কলেজ যাইতে এখনও আরম্ভ করে নাই। শরীরে ‘বেশী পরিশ্রম সহিবে কি-না, তাহা কিছুই স্থির করিয়া বলা যায় না। সুতরাং এখনও কিছুদিন বিশ্রাম করাই ঠিক হইয়াছিল। রেজুনে শরীর ভাল না থাকিলে নিরঞ্জন তাহাকে লইয়া চেঞ্জে যাইবারও ব্যৱস্থা করিয়া রাখিয়াছিলেন। ইন্দু মধ্যে মধ্যে দেশে ফিরিবার কথা ভুলিত, কিন্তু কোনো আমল পাইত না। নিরঞ্জন বলিয়াই রাখিয়াছিলেন, “আমার মা-লক্ষ্মীর বিয়ের আগে আর কোথাও নড়তে পারছ না। মেয়ে সামলাতে গিয়ে আমার কাজকর্ম সব রসাতলে যেতে বসেছে।”

সেদিন সকালে মায়া লাইব্রেরীতে বসিয়া চিঠিপত্র লিখিতেছিল। এই ঘরটি সব চেয়ে নিরিবিলি, সুতরাং এইটাই তাহার সবচেয়ে প্রিয় ছিল। দেবকুমার আসিলেও সোশা এই ঘরে আসিয়া চুকিত।

ইন্দু মাঝে আসিয়া একবার জিজ্ঞাসা করিল, “ই্যা রে, বাণীর আইবুড়-ভাতের নেমন্তন্ন ঘাবি না-কি ?”

মায়া বলিল, “না বাপু, কোথাও ঘাবার মত মন বা শরীর কিছুই আমার নেই।”

ইন্দু বলিল, “শোন কথা। একবার অস্থখ করেছিল বলে এ জন্মে তুই আর বাইরে মুখ দেখাবি না?”

মায়া বলিল, “নাই বা দেখালাম? আমার মুখ না দেখালেও জগতের লোকের বেশ চলে যাবে।”

ইন্দু কি যেন বলিতে যাইতেছিল, এমন সময় পিছনে পারের শব্দ শুনিয়া ফিরিয়া দেখিল দেবকুমার। একটু হাসিয়া দেবকুমারকে সম্ভাষণ করিয়া সে সেখান হইতে চলিয়া গেল।

দেবকুমার আসিয়া মায়ার সামনের টেবিলটার উপর চড়িয়া বসিল। বলিল, “জগতের অস্ত্র লোকদের কথা বলতে পারি না, তবে একজনের কথা বলতে পারি যার তোমার মুখ না দেখলে কিছুতেই দিন কাটতে চায় না।”

মায়া একটু হাসিয়া বলিল, “তা তাঁকে দেখা দেবার জন্তে ত আমাকে তাঁর বাড়ি যেতে হয় না, তিনিই এসে দেখা দিয়ে যান।”

দেবকুমার মায়ার চিবুক ধরিয়া নাড়া দিয়া বলিল, “চিরকাল তাঁকেই আসতে হবে? আপনি কখনও কি গিয়ে তাঁর ঘর আলো করবেন না?”

মায়া একটু গম্ভীর হইয়া গেল। কথা ঘুরাইবার জন্তই যেন জিজ্ঞাসা করিল, “প্রভাসদার কোনো খোজই পাওয়া গেল না?”

দেবকুমার বলিল, “আমাকে দেখলেই বুঝি তোমার প্রভাসের কথা মনে হয়? আমাকে ত বেশ পরিষ্কার ভুলে যেতে পেরেছিলে, তাকে কি কিছুতেই ভুলতে পার না? সেই দেখছি আমার চেয়ে সৌভাগ্যবান।”

মায়া মিনতিপূর্ণ দৃষ্টিতে দেবকুমারের দিকে চাহিয়া বলিল, “কেন ওরকম বাজে কথা বল? সে বেচারী বেঁচে আছে কি না তাও জানা গেল না, তার জন্তে ভাবনা কি হয় না?”

দেবকুমার বলিল, “কি আলা! এত ক’রে রসিকতার আর্টটাকে শান দিয়েছি, তুমি সেটাকে যে একেবারে মর্চে পড়িয়ে দিতে চাও? মুখ তার ক’রো না আবার।

প্রভাসের খবর কিঞ্চিৎ পাওয়া গিয়েছে, তাই ত এত সকাল সকাল হাজির হলাম।”

মায়া উৎসুকভাবে বলিল, “কি খবর বল না? ভাল খবর ত? সে কোথায় আছে?”

দেবকুমার এক লাফে টেবিল হইতে নামিয়া পড়িয়া বলিল, “রোসো, রোসো! একসঙ্গে কত কথার উত্তর দেব? খবর ভালই, সে বেঁচে আছে এবং আকিয়াবে আছে।”

মায়া বিস্মিত হইয়া বলিল, “হঠাৎ আকিয়াবে গিয়ে উঠল কি করতে?”

দেবকুমার বলিল, “তারও বোধ হয় তোমার মত পরিচিত জগতে মুখ দেখাতে ইচ্ছে করে নি, তাই কলকাতার জাহাজে না চড়ে, টাট্‌গাঁয়ের জাহাজে গিয়ে উঠেছিল। সেখান থেকে আমায় একখানা চিঠি লিখেছে, আজ সকালে পেয়েছি।”

মায়া বিস্মিত হইয়া বলিল, “তোমাকে কেন, এত লোক থাকতে?”

দেবকুমার বলিল, “সাপের হাঁচি বেদেয় চেনে বলে। একজন বার্থ প্রেমিকের মনোবেদনা আর একজন বার্থ প্রেমিকই ভাল বুঝবে।”

মায়া হাসিয়া বলিল, “বার্থ প্রেমিকই বটে, কোনো কিছুতেই বার্থ হওয়া তোমার কৃষ্টিতে লিখেছে কি-না?”

দেবকুমার বলিল, “তোমার মুখে ফুলচন্দন পড়ুক। কোনো কিছুতে সত্যিই যেন আমি বার্থ না হই।”

মায়া বলিল, “তা ত হ’ল। এখন প্রভাসদার খবর কি বল ত?”

দেবকুমার বলিল, “আমার চিঠিটাতে বা খবর আছে তা ত দিলাম। সে আকিয়াবে সম্প্রতি আছে, এবং সেখানেই কিছুকাল থাকবে বোধ হয়। তবে আর একখানা চিঠি খামটার ভিতর এনক্লোজ করা ছিল, সেটা শ্রীমতী মায়ার নামে। তুমি যদি স্থূহ থাক এবং আরি যদি ভাল মনে করি, তাহলে সেটা তোমার দিতে বলেছে। একবার ভাবলাম চিঠিটা গাপ্ করি, কিন্তু শেষ অবধি দিয়েই দিচ্ছি। আশা করি এতখানি বসন্তভার পুরস্কার পাব।”

মায়া উত্তর না দিয়া চিঠির খামখানা ছিঁড়িয়া চিঠি বাহির করিল। পড়িতে পড়িতে তাহার মুখ বিষাদের কালিমায় আচ্ছন্ন হইয়া গেল। প্রভাস লিখিয়াছে—
‘মায়া,

তুমি আগে যেমন ছিলে, আবার তাই হ’তে পেরেছ, এই আশা নিয়ে আমি চিঠি লিখছি। দুর্ভাগ্য তোমাকে আর আমাকে কাছাকাছি টেনে এনেছিল, যদি ভগবানের রূপাধ সে দুর্ভাগ্যের অবসান ঘটে গিয়ে থাকে, তাহলে তোমার জীবনে আমার আর কোনো স্থান নেই। পৃথিবীতে আমার পরমতম সৌভাগ্যকে একদিন তোমার কঠিনতম দুঃখের মূলা পেতে চেয়েছিলাম, আজ সেই মহাপাপের শাস্তি ভোগ করছি। জীবনের শেষদিন পর্যন্ত এ শাস্তি আমার চলবে, এই মনে ক’রে আমাকে কমা করো। দেশ, বন্ধু, আত্মীয়স্বজন, সব আমি ছাড়লাম, এই প্রায়শ্চিত্তের জন্যে। রাহুর মত অল্প-ক্ষণের জন্তে আমি তোমার কাছে এসেছিলাম। আমি সরে গেলাম। তোমার অদৃষ্ট সকল দিক দিয়ে সুপ্রসন্ন হোক, এই আশীর্বাদ করি।

প্রভাস।’

মায়া চিঠিখানা দেবকুমারের হাতে দিয়া বলিল, ‘পড়ে দেখ।’

দেবকুমার পড়িল, বলিল, “আমাকে আনচারিটেবল ভেবো না, কিন্তু আমি বলতে বাধ্য ছেলেটি অত্যন্ত নিউরটিক। একটা কমনসেন্স ভিউ নিলে ত পারত? একেবারে সব ছেড়েছুড়ে পালাবার কি দরকার ছিল? মানুষের জীবনে কত কিছু ঘটে, সে-গুলো আবার কালে তারা ভুলেও যায়।”

মায়া দুই হাতে মুখ ঢাকিয়া আন্তরিকতা বলিল, “এমন জিনিষও ঘটে, যা কোনো দিন ভোলা যায় না।”

দেবকুমার তাহাকে কাছে টানিয়া আনিয়া বলিল, “পাগলামি ক’রো না, কেন ভুলতে পারবে না, নিশ্চয় পারবে।”

মায়া উত্তর দিল না। একটু পরে দেবকুমারের নিকট হইতে সরিয়া গিয়া চেয়ারে বসিয়া পড়িল।

দেবকুমার ঘরের ভিতর মিনিটখানেক পাখচারি

করিয়া বেড়াইল, তাহার পর মায়ার কাছে সরিয়া আসিয়া তাহার পিঠের উপর হাত রাখিয়া বলিল, “মায়া, আমার একটা কথা রাখবে?”

মায়া বলিল, “বল কি কথা? রাখতে চেষ্টা করব।”

দেবকুমার বলিল, “তোমাকে আমি একেবারে নিজের ব’লে জানতে চাই। আর দেরি আমি সহ করতে পারছি না। এতে তোমারও অনিষ্ট হচ্ছে, ক্রুড করবার বড় বেশী সময় পাচ্ছ। একবার ধরা দাও, তখন আর দুর্ভাবনা ভাববার এক মিনিট সময়ও আমি তোমায় দেব না।”

মায়ার মুখ আরক্ত, চক্ষু উজ্জ্বল হইয়া উঠিল। দেবকুমার অবনত হইয়া তাহাকে চুম্বন করিল, তাহার দুই হাত সাদরে নিজের হাতের ভিতর টানিয়া লইয়া বলিল, “তোমার বাবাকে বলবো মায়া?”

মায়া কিছুক্ষণ চুপ করিয়া রহিল, তাহার পর হাত ছাড়াইয়া লইয়া বলিল, “কাল সকালে আমি এর উত্তর দেব। একটা দিন আমাকে ভাববার সময় দাও।”

দেবকুমার বলিল, “আচ্ছা, কিন্তু এত কি ভাববার আছে মায়া?”

মায়া অশ্রুটধরে বলিল, “ভাববার কথা সব সময়েই থাকে।”

দেবকুমার বিদায় লইয়া চলিয়া গেল। মায়া উপরে চলিয়া গেল, নিজের ঘরে ঢুকিয়া প্রভাসের চিঠিখানা আর একবার ভাল করিয়া পড়িল। তাহার পর সার্বিকের ছবির দিকে চাহিয়া যুদ্ধকণ্ঠে বলিল, “মা, তোমার আশীর্বাদ পাইনি, তা প্রথমই বুঝেছিলাম।” সে নিজীবের মত বিছানায় শুইয়া পড়িল।

সেদিন তাহার স্নানাহার কিছুই হইল না। হৃদয় আসিয়া ডাকাডাকি করিল, তাহার বাবা আসিয়া বুঝাইলেন, কিন্তু মায়া উঠিলও না, খাইলও না। লক্ষ্য হইতে বাগানে গিয়া বসিয়া রহিল, অনেক রাত্রে ঘরে আসিয়া শুইল।

সকাল হইতেই দেবকুমার আসিয়া উপস্থিত হইল। সোজা লাইব্রেরীতে ঢুকিয়া দেখিল মায়া তখনও আসে নাই। তাহার বকের ভিতরটা কেমন যেন দমিয়া গেল।

চাকর একটাকে ডাকিয়া বলিল, “দিদিমণিকে খবর দাও।”

মায়া নামিয়া আসিল। বেশভূষার কোনো পারিপাট্য নাই, মুখ মলিন, দুই চোখ অশ্রুভারাক্রান্ত। দেবকুমার ছুটিয়া গিয়া তাহাকে বুকের মধ্যে টানিয়া লইয়া জিজ্ঞাসা করিল, “একি মায়া? এমন চেহারা কেন? কি হয়েছে?”

মায়া তাহার বুকে মুখ রাখিয়া অনেকক্ষণ নীরবে দাঁড়াইয়া রহিল। তাহার পর মাথা তুলিয়া ভগ্নকণ্ঠে বলিল, “আমাকে ছেড়ে দাও। তোমার হবার মত সৌভাগ্য নিয়ে আমি জন্মাইনি।”

দেবকুমার বলিল, “আমি জীবন থাকতে ছাড়ব না। আমার হাত ছাড়িয়ে যেতে তুমি পারবে?”

মায়া বলিল, “পারতে হবে। একজন মানুষের জীবন নষ্ট করেছি সে-ই যথেষ্ট হয়েছে। নিজের লোভের কাছে আর তোমাকে বলি দেব না।”

দেবকুমার মায়াকে ছাড়িয়া দিয়া, তাহার সামনে আসিয়া দাঁড়াইল। বলিল, “মায়া, তাকাও ত আমার মুখের দিকে। তুমি আমাকে ত্যাগ করে আমার উপকার করবে একথা মন থেকে বলতে পারছ?”

মায়া দেবকুমারের মুখের দিকে পূর্ণদৃষ্টিতে তাকাইল। তাহার পর তাহার একথানা হাত নিজের হাতের মধ্যে টানিয়া লইয়া বলিল, “বলতে পারছি। কাল সমস্ত দিন সমস্ত রাত ভেবেছি, আমার অভিশপ্ত জীবন নিয়ে আমি তোমার জীবনকে ভারাক্রান্ত করতে চাই না। যা একবার ঘটে গেল, তা কি আবার ঘটতে পারে না?”

দেবকুমার ভ্রূকটিকুটিল দৃষ্টিতে মায়ার দিকে চাহিয়া বলিল, “আমাকে এমন অপদার্থ মনে করছ যে তোমার একটু অস্থখ করলেই আমি গলায় দড়ি দিতে দৌড়ব?”

মায়া বলিল, “না, তা একেবারেই মনে করি না। তোমার অবহেলাকে আমার কোনো ভয় নেই, তোমার ভালবাসাকেই ভয়। আমি জানি, আমি যতখানি ভালবাসা তোমার কাছে পেয়েছি, খুব কম মেয়ের অদৃষ্টে তা জোটে। কিন্তু এত ভালবাসা বলেই তুমি ‘সাফার’ করবে ভয়ানক বেশী।”

দেবকুমার মায়ার হাত ছাড়াইয়া সরিয়া গেল। তাহার দিকে পিছন ফিরিয়া, অনেকক্ষণ জানুলা দিয়া বাহিরে চাহিয়া রহিল। তাহার পর মায়ার দিকে চাহিয়া বলিল, “আমার সাফারিং-এর জন্তে তুমি কিছুই কেয়ার ক’র না। তাহলে অনিশ্চিত একটা দুর্ঘটনার সম্ভাবনায় এমন ক’রে এমনি আমাকে বলি দিতে পারতে না। এই তোমার ভালবাসা, মায়া?”

মায়া চাহিয়া দেখিল, দেবকুমারের দুই চোখে জল চক্‌চক করিতেছে। দারুণ বেদনায় তাহার হৃৎপিণ্ড যেন শতধা হইয়া গেল। দেবকুমারের জন্ত তাহাকে জলন্ত আগুনে ঝাঁপ দিতে বলিলে, হাসিমুখেই সে তাহা করিতে পারিত। তাহার চোখের জল মায়ার হৃদয়ে যেন অগ্নিশরের মত বিধিয়া গেল। ছুটিয়া গিয়া সে দেবকুমারের পায়ের উপর মাথা রাখিয়া লুটাইয়া পড়িল। অশ্রুভারাক্রান্ত কণ্ঠে বলিল, “আমাকে ক্ষমা কর। ও রকম ক’রে চেয়ে না আমার দিকে, তাহলে আমি আর এক দিনও বাঁচব না।”

দেবকুমার তাহাকে টানিয়া তুলিয়া বুকে চাপিয়া ধরিল। তাহার চোখে মুখে চুষন করিয়া বলিল, “এর পরও আমাকে ছেড়ে দিতে চাও? আমি অহঙ্কার করছি না মায়া, কিন্তু আমাকে ত্যাগ করে তুমি কি বাঁচবে, না আমিই বাঁচব? নিজেদের অকারণ এরকম দুঃখ দিয়ে কি লাভ?”

মায়া বলিল, “হয় ত বাঁচব না, কিন্তু তোমাকে রক্ষা করব, আমার এই রাক্ষুসে ভালবাসার হাত থেকে।”

দেবকুমার নিজের বাহুবন্ধন আরও নিবিড় করিয়া বলিল, “Too late my dear, এখন আর পারবে না, আমাকে ছাড়লে কিছুতেই আমাকে বাঁচাতে পারবে না। আমি এমন সম্পূর্ণভাবে গোলায় যাব তাহলে, যা তুমি কল্পনাও করতে পার না। স্বর্ণ আর নরকের মোড়ে এখন আমি দাঁড়িয়ে আছি, আমার হাত যদি ছাড়, সোজা নীচে নেমে যাব, কেউ আমার আটকাতে পারবে না। যদি তোমাকে বুকে ক’রে রাখবার অধিকার দাও, তাহলে আমার দ্বারা মানুষের মত কাজ জগতে এখনও হ’তে পারে।”

মায়ার দুই চোখ বহিয়া জল বরিয়া পড়িল। সে বলিল, “তুমি আমায় বড় বিপদে ফেললে। আমি অনেক কষ্টে মন স্থির করেছিলাম। আমাকে ভুলে যেতে পারবে না? তুমিই না সেদিন বললে মাতুষে সব ভুলতে পারে?”

দেবকুমার বলিল, “গুরুমারা বিদ্যে ফলাচ্ছ? আচ্ছা, তুমি যদি আমায় ভুলে এখনি আর একটা বিয়ে কর, তাহলে আমি ভুলতে রাজী আছি।”

মায়ার সমস্ত শরীর শিহরিয়া উঠিয়া, তাহার উত্তর দেবকুমারকে জানাইয়া দিল। দেবকুমারের মুখ বিজয়-গর্বে আনন্দে উৎফুল্ল হইয়া উঠিল। সে বলিল, “যাক দেখলে ত শেষ চেষ্টা করে? আমার হাত থেকে নিকৃতি তোমার নেই। অতএব ইনএভিটেবল্ যা, তার কাছে মাথা নীচু ক’রে হার মেনে যাও। কি বল?”

মায়া বলিল, “আমাকে ছেড়ে দাও একটু। আমি আর একবার ভেবে দেখি।”

দেবকুমার বলিল, “ছাড়ব না। এইখানেই তোমার ভাবনা শেষ করতে হবে। আমার হাত ছাড়লেই যত আজগুবি খেয়াল তোমার মাথায় ঢোকে।”

মায়া বলিল, “সহ্য করতে পারবে, যদি আবার আমার মেমরী চলে যায়? যদি তোমায় না চিনি? যদি অগ্রদিকে মন দিই?”

দেবকুমার বলিল, “সব সহ্য করতে পারব। কেবল তোমার হারানটা সহ্য করতে পারব না।”

মায়া অনেকক্ষণ নীরবে দাঁড়াইয়া রহিল। তাহার পর বলিল, “আচ্ছা, নিজের দণ্ড যখন নিজে মাথা পেতে

নিচ্ছ, তখন আমি আর কি করব? ভগবান জানেন, আমার যথাসাধ্য চেষ্টা আমি করেছি। তোমাকে অনেক দুঃখের হাত থেকে বাঁচাতে পারতাম যদি এখন একটু দুঃখ দেবার শক্তি আমার থাকত। কিন্তু তোমার চোখের দিকে তাকালে আমার সব জ্ঞোর মন থেকে চলে যায়। কিন্তু একটা কথা আমার রাখ।”

দেবকুমার মায়ার চুলে হাত বুলাইতে বুলাইতে বলিল, “কি কথা না জেনেই আমি কথা দিচ্ছি, কথা রাখব।”

মায়া বলিল, “আমাকে কিছুদিন সময় দাও। এক ভিতর মাতুষের যতদূর সাধ্য তা ক’রে দেখব, নিজের স্বত্তো।”

দেবকুমারের মুখ একটু যেন স্নান হইয়া গেল। একটু থামিয়া বলিল, “বেশ। I wont go back upon my word. আমিও যতটা পারি করব।”

মায়া নিজেকে মুক্ত কুরিয়া লইল, বলিল, “তবে এখনকার মত বিদায়।”

দেবকুমার বলিল, “এখনকার মতট, সেটা মনে রেখো।”

নিরঞ্জন কিছুদিনের মত কৰ্ম হইতে অবসরগ্রহণ করিতেছেন বলিয়া পরদিনই শহরে রটিয়া গেল, তিনি মায়াকে লইয়া ইউরোপ চলিয়াছেন।

জাহাজখাটে দাঁড়াইয়া দেবকুমার নীচুগলায় বলিল, “নেক্‌স্ট টি পটা আমাদের ‘হনি মুন’ টিপ ত?”

মায়া বলিল, “আশা করতে ক্ষতি নেই।

সমাপ্ত

তুকারাম ও শ্রীচৈতন্য

শ্রীপ্রিয়রঞ্জন সেন, এম-এ

খৃষ্টীয় সপ্তদশ শতাব্দীর প্রথমভাগে মহারাষ্ট্র প্রদেশে তিনজন খ্যাতনামা ব্যক্তির আবির্ভাব হয়;—সমর্থ রামদাস, হিন্দু রাজ্য-সংস্থাপক শিবাজী ও ভক্ত তুকারাম। ইহাদের মধ্যে তুকার জন্ম ১৬০৮ খৃষ্টাব্দে, পুণা নগরীর নিকটে, ইন্ড্রায়ণী নদীতীরে দেহ নামক গ্রামে। তাঁহার পিতার নাম ছিল বাল্‌হোবা, কনকাদে ছিলেন তাঁর জননী। তুকা, সাওজী, কান্‌হা—এই তিন সহোদর। তুকারাম জাতিতে ছিলেন শূদ্র, বাণিজ্য ছিল তাঁহার বৃত্তি। ঘে-বংশে তাঁহার আবির্ভাব, তাহা সাধু-সেবা ও বিঠোবা-সেবার জন্ত খ্যাত ছিল; সুতরাং ধর্মভাবের মধ্যে তুকারাম বাড়িয়া উঠিয়াছিলেন। কিন্তু সংসারের গতি একদিকে থাকে না। নিদারুণ ভাগ্যবিপর্যয় আসিয়া মানুষকে সর্বস্বাস্ত করিয়া দেয়। ১৬২২ খৃষ্টাব্দে দাক্ষিণাত্যে ঘোর দুর্ভিক্ষ হয়, তাহাতে তাঁহার পিতামাতা জী সকলেই প্রাণ হারান, সকল প্রিয়জনের বিয়োগই তাঁহাকে সহিতে হয়। ঘোবনের প্রারম্ভেই এই মহাহুর্ক্ষিপাক! আমাদের অনেকের শ্মশান-বৈরাগ্য হয়, তবে তাহা বিঘ্নাতের আভাসের মত নিতান্ত ক্ষণস্থায়ী। তুকারামজীর বৈরাগ্য কিন্তু স্থায়ী হইল, জীবনে আমূল পরিবর্তন আনিয়া দিল, এখন হইতে তিনি সাধন-ভজন করিতে আরম্ভ করিলেন। স্বরচিত এক অভঙ্গ তিনি জীবনের এই সময়ের কথা বলিয়া গিয়াছেন; সে অভঙ্গের তাৎপর্য্য এই:—

‘আমি জাতিতে শূদ্র, বৃত্তিতে বণিক্। আমার বংশে বিঠোবা-পূজা চলিয়া আসিতেছে। হে সাধুগণ! অশোভন হইলেও আপনাদের প্রশ্নের উত্তরে বলিতেছি। দুর্ভিক্ষে আমার ও দেশের সর্বনাশ হইল, ভাগ্যক্রমে দেবমন্দির পড়িয়া গেল, বড়ই কষ্ট অনুভব করিলাম। শাস্তি পাইবার জন্ত ভক্তদের ভজনগান অভ্যাস করিলাম। ভক্তদের পাদোদক অতি পবিত্র মনে করিয়া তাঁহাদের

সেবা করিতে লাগিলাম। সদস্য বিচারে প্রবৃত্ত হইলাম। স্বপ্নে গুরু যে আদেশ দিলেন তাহাই গ্রহণ করিলাম। ভগবানের নামে আমার দৃঢ়বিশ্বাস জন্মিল। তখন বিঠোবার শরণ লইয়া কবিতা রচনা করিতে লাগিলাম। ইহাই তুকার কথা; পাণ্ডুরঙ্গ যাহা বলান সে তাহাই বলে।’

ক্রমে দেশে হুদিন ফিরিয়া আসিল, তুকারামজী পুনরায় বিবাহ করিলেন। এই স্ত্রীর নাম জিজ্ঞাদি। পুত্র হইল, তবু সংসারে মন বসিল না; সাধুসেবা ও নির্জনে সাধনভজন আরম্ভ করিলেন, স্বরচিত অভঙ্গ গাহিয়া তিনি নামপ্রচার আরম্ভ করিলেন। তাঁহার দুর্ভার প্রভাব-প্রতিপত্তিতে ব্রাহ্মণেরা বিচলিত হইল; মম্বাজী নামে এক দুষ্ট ব্রাহ্মণ তাঁহাকে একদিন একলা পাইয়া কাঁটাগাছে ফেলিয়া দেয় ও লাঠি লইয়া তাঁহাকে মারিতে থাকে। তথাপি ক্ষমাশীল তুকা তাঁহার সকল অপরাধ ক্ষমা করিলেন দেখিয়া সে ব্রাহ্মণ তাঁহার শিষ্ণু গ্রহণ করিল।

অত্যন্ত প্রসিদ্ধ ব্যক্তিদের মত ইহারও জীবনে অলৌকিক কাহিনীর অভাব নাই। ব্রাহ্মণেরা না-কি সভা করিয়া তাঁহাকে ডাকায় ও তাঁহার রচিত অভঙ্গের সংগ্রহ নদীতে ফেলিয়া দিতে বলে। তদনুসারে উহা পাথরে বাঁধিয়া নদীতে ফেলা হয়; তুকারাম অজ্ঞান ত্যাগ করিয়া মন্দির-দুয়ারে বসিয়া নামকীর্তন করিতে আরম্ভ করেন, কিছুদিন পরে সে সংগ্রহপুস্তক নদীতে ভাসিয়া উঠিল!

ক্রমে তুকারামের নাম দেশে ছড়াইয়া পড়িল। শিবাজী মহারাজ সাধু-সম্মান বড় ভালবাসিতেন, তাঁহার নাম শুনিয়া অষ্টাদ উপহার পাঠাইয়া দরবারে আসিবার জন্ত সাহসনয় প্রার্থনা জানাইলেন। তুকারাম উত্তর পাঠাইলেন—স্বরচিত এক অভঙ্গ; তাহার সারমর্ম এই—

“রাজদর্শনে সাধুর কি লাভ ? একা থাকি, হরি ভজন করি, মাটিতে শুই, ভিক্ষায়ে উদর পূর্ণ করি। আনন্দ করিয়া ভগবানের নাম গাহিয়া দিন কাটাই। হে রাজন্ ! কষ্ট করিয়া তোমার কাছে যাই কেন ? সর্বদা পরোপকার কর, দুঃস্বপ্নকে দূরে রাখ। যে ব্যক্তি প্রকৃত দেশভক্ত, এমন লোক বাছিয়া রাজকাধ্যে নিযুক্ত কর। যাহারা অসহায় তাহাদিগকে রক্ষা কর। তুমি সর্বই জান, আমার সঙ্গে দেখা করিয়া লাভ নাই।... ভগবানে বিশ্বাস হারাইও না, সমর্থরামদাসের মধ্যে নিজেকে দেখ, তোমার জন্ম পণ্ড। তুকা বলে, আমার কথা শোন, তোমার কল্যাণ হইবে।”

এই উত্তর পাইয়া শিবাজীর শ্রদ্ধা বাড়িল, তিনি স্বয়ং তুকারামজীর দর্শনে গেলেন। তুকারাম তখন নূতন এক অভঙ্গে তাঁহাকে উপদেশ দিলেন :—“শিবাজী, শোন। রামদাসে স্থিরনিষ্ঠা রাপ। তিনিই তোমার গুরু, তাঁহাকে সাষ্টাঙ্গে প্রণাম কর। পাণ্ডুরঙ্গ তোমাকে রক্ষা করিবেন, তুমি একমাত্র রামদাসের শরণ লও।”

প্রায় আট হাজার অভঙ্গ রচনা করিয়া (অধিকাংশই মহাবাহ্মীয় ভাষায়, কতকগুলি ব্রজভাষায়*) ১৬৫৯ গুণ্ডাকে অর্থাৎ ৪১ বৎসর বয়সে (জ্ঞানকোশের মতে ১৫৭৩ শকে অর্থাৎ ১৬৫১ খৃঃ) তুকারাম পরলোকগমন করেন। শিবাজী ঐ বৎসরই সম্রাট গুরু রামদাসের নিকট দীক্ষা গ্রহণ করিয়া সাধু-দত্ত উপদেশের মৰ্যাদা রক্ষা করিলেন।

তুকারামের গুরু কে, ইহা লইয়া কিছু আন্দোলন করিবার আছে। প্রায় ছয় সাত মাস পূর্বে মদীয় অগ্রজ শ্রীযুক্ত কুমুদবন্ধু সেন মহাশয় এ বিষয়ে আমার দৃষ্টি আকর্ষণ করিয়া বলেন যে, চৈতন্যদেবই তুকারামের গুরু ছিলেন। লক্ষ্মী হইতে প্রকাশিত ‘মাধুরী’ নামক হিন্দী পত্রিকায় গত আশ্বিন সংখ্যায় তুকারাম ও শ্রীচৈতন্য, এই উভয়ের মধ্যে একটা যোগসূত্র স্থাপন করিবার চেষ্টা হইয়াছে,—বাংলার নিমাই মহারাষ্ট্র-সাধু তুকারামের মঙ্গল ছিলেন, এইরূপ নির্দেশ করা হইয়াছে। এবিষয়ে

‘মাধুরী’ প্রমাণ নিয়ে পাঠকদের অবগতির জ্ঞ দেওয়া গেল।

তুকার মনে গুরু পাইবার জ্ঞ একটা ব্যাকুলতা আসিল, গুরু গুরু বলিয়া তিনি পাগলের মত হইলেন। কিন্তু ব্রাহ্মণ পণ্ডিতেরা শূদ্রকে মন্ত্র দেওয়া অস্বীকৃত মনে করিতেন। গুরু না পাইয়া সাধু শেষে পাণ্ডুরঙ্গজীর নিকট প্রার্থনা করেন,—তুমিই আমাকে দীক্ষা দাও। ভক্তের নিষ্ঠা দোষা ভগবানের মন টলিল, ব্রাহ্মণত্ব ত্যাগ তাহার বাক্য পূর্ণ করিলেন। ইহা লইয়া তুকারামের অভঙ্গ আছে, তাহার ভাবার্থ এই প্রবন্ধের প্রথমভাগে দেওয়া হইয়াছে। অতঃপর একটা অভঙ্গের ভাবার্থ নিম্নরূপ :—

“গঙ্গাস্নান করিতে যাওয়ার সময় গুরুদেব কৃপা করিয়া দর্শন দিলেন, আমার নিকটে ভিক্ষা চাহিলেন, মাথার উপরে হাত রাখিলেন। হাত রাখিতেই আমার বাহ্য-জ্ঞান লোপ পাইল। আমাকে তিনি শ্রীরাঘব, কেশব ও শ্রীচৈতন্যের কথা শুনাইলেন। বাবাজী নিজের নাম বলিয়া দিলেন, রাম-কৃষ্ণ-হারির মন্ত্র দিলেন ; মাঘী গুরা দশমী, বৃহস্পতিবার, তুকা কে গ্রহণ করিলেন।”

আর একটি অভঙ্গে ‘গৌরহরি’ বা শ্রীগৌরানন্দের নাম স্পষ্ট করিয়া দেওয়া হইয়াছে, পাঠকের অবগতির জ্ঞ ব্রাহ্মণের তাহা উদ্ধৃত করা গেল।

কসে গুরু চে পায় বাপা কসে গুরু চে পায় ॥ টেক ॥

স্বপ্ননাং ত মলা দর্শন দিখলে ॥

মংত্র দৌলে বাদোরায ॥

রাম কৃষ্ণ হরী মংত্র দীখলে ॥

মন্তু কেলৈ গুরু রায় ॥ বাপা—॥ ১ ॥

মাঘ হরী দশমী চে দিবসো ॥

কৃপা কেলো হরী রায় ॥

মংত্র দেতা সিদ্ধ ঝালো ॥

মন্তু ঝালো গুরুরায় ॥ বাপা—॥ ২ ॥

সঙ্গে তুকাবা একা জনা হো ॥

ভজা গুরু চে পায় ॥

লাল দাস কর জে'উ ॥

ভজা গৌর হরী রায় ॥ বাপা—॥ ৩ ॥

এই অভঙ্গ অনুসারে বলা যায় যে, শ্রীগৌরানন্দ তুকারামজীকে মন্ত্র দেন। কিন্তু সময় হিসাবে শ্রীগৌরানন্দ তুকারামের বহু বৎসর পূর্ববর্তী ; এই অসঙ্গতির সামঞ্জস্য কি ভাবে করা যায় ? শিবাজী, রামদাস, তুকারাম সকলেই ইতিহাসে অপ্রসিদ্ধ, সকলেরই আয়ুষ্কাল অনির্দিষ্ট।

* মহারাষ্ট্রীয় জ্ঞানকোশে ‘তুকারাম’ শীর্ষক প্রবন্ধ প্রণয়

চৈতন্যদেবের সম্বন্ধাদির উল্লেখ সমসাময়িক লিপিকার করিয়া গিয়াছেন। তুকারামজীর অভঙ্গও অপ্রামাণিক বলিয়া উড়াইয়া দেওয়া চলে না। এবিষয়ে ‘মাধুরী’র প্রবন্ধ-লেখক বলিতেছেন—“কলিযুগ-পাবনাবতার শ্রীগৌরাঙ্গের পক্ষে তিরোভাবের পরেও ভক্তজনকে দর্শন দেওয়া নিতান্ত অসম্ভব নহে। কবিরদাসজী ও হিতহরিবংশজী, এই উভয়ের মধ্যে সময়ের কত

অন্তর, কিন্তু রস-প্রসঙ্গে ইহাদের আলাপ হইবিত। গৌরাঙ্গদেবের পক্ষে স্বপ্নে তুকারামজীকে দর্শন ও মন্ত্র দেওয়া অসম্ভব কি?”

শ্রীগৌরাঙ্গদেবের কোনও শিষ্যের নিকট হইতে মন্ত্রদীক্ষা গ্রহণ করিলে গুরুপরম্পরায় মহাপ্রভুকেই মন্ত্রগুরু বলাও ভক্ত তুকারামের পক্ষে সম্ভব; এই অহুমান সঙ্গত কি-না পাঠকবর্গ তাহা একবার বিচার করিয়া দেখিবেন।

মেঘ ও রৌদ্র

শ্রীদীনেশচন্দ্র গুপ্ত

অগ্রহায়ণ মাস। সবে ভোর হইয়াছে। শহরের লোক তখন জাগিয়াছে, জাগেও নাই। দুই একটি মাত্র দোকানের দরজা অর্ধেক খোলা হইয়াছে।

ছোট দারোগা হাফিজুদ্দীন সাহেব রাত্রে ডিউটি সারিয়া একজন কনেষ্টবল সঙ্গে করিয়া থানায় ফিরিতেছেন। কনেষ্টবলের নাম রাম সিং। স্বদূর মজফরপুর জেলা হইতে এই বাংলা মুলুকে নোক্রিকা ওয়াতে আসিয়াছেন। নোক্রিকা যে ভালমতই চলিতেছে, তাহা তাহার ভূঁড়ির পরিমাণ দেখিলে সহজেই অনুমান করা যায়।

হঠাৎ একটা বেউ ধেউ শব্দ শুনিয়া দারোগা সাহেব ঘাড় ফিরাইয়া চাহিলেন। রোগা পিটিপিতে, সাদা-কালো, দোআঁশলা একটা কুকুর, তার পিছনে পিছনে মুক্তকণ্ঠ এক ব্যক্তি ছুটিতেছে। বিরাট এক লক্ষ প্রদান করিয়া লোকটি কুকুরটার পিছনের পা ছুটি চাপিয়া ধরিয়া রাস্তার উপর শুইয়া পড়িল। কুকুরটা মুখ ফিরাইয়া একবার কামড় দিবার নিফল চেষ্টা করিয়া কেউ কেউ করিতে লাগিল।

লোকটি চীৎকার করিয়া বলিল—ওরে গ্রাপলা, শীগগির আয়! পটলা, আয় ত রে!—হঁ বাবা, ঘুঘু দেখেছ ফাদ দেখনি! মজাটা টের পাওয়াচ্ছি এবার।

হাক-ডাকে গ্রাপলা পটলা নামধারী ব্যক্তিগণ বাহির হইয়া আসিল এবং অনাহৃত আরও অনেকে কাপড় পরিতে পরিতে, চোখ মুছিতে মুছিতে রাস্তায় আসিয়া জমা হইয়া মুক্তকণ্ঠ ব্যক্তির বীরত্ব দেখিয়া হাঁ করিয়া রহিল।

রাম সিং কনেষ্টবল দারোগা সাহেবকে বলিল—হজুর, মালুম হোতা হৈ উধর কোই হল্লা মচা রহা হৈ।

হজুরের মুখ জুকুটিকুটিল হইয়া উঠিল। তিনি লম্বা লম্বা পা ফেলিয়া ঘটনাস্থলে যাওয়া উপস্থিত হইলেন।

লোকটি তখন উঠিয়া দাঁড়াইয়াছে। নেপাল ও পটল দুইজনে কুকুরটির দুই কান সজোরে টানিয়া ধরিয়া দাঁড়াইয়া রহিয়াছে। বেচারি কুকুর শীতে ও ভয়ে থর থর করিয়া কাঁপিতেছে, লাজটির উপর কোন অত্যাচারের আশঙ্কায় তাহা একদম পেটের নীচে চালান করিয়া দিয়াছে। লোকটির ডান হাতের একটি আঙুল দিয়া রক্ত পড়িতেছে। ডান হাতটা ভুলিয়া ধরিয়া সে সক্রোধে চীৎকার করিয়া বলিতেছে,—কুস্তাকা ছোনা হাম লোককো একদম মেরে ফেলা হায়া।

দারোগা সাহেব ভিড় ঠেলিয়া লোকটির কাছে আসিয়া বজ্রকণ্ঠে কহিলেন—এইও, হল্লা মং করো। কি হয়েছে? কিসের এত গওগোল? তুমি যাঁড়ের মত চেঁচাচ্ছ কেন? নাম কি তোমার?

লোকটি শশব্যস্তে একটা নমস্কার করিয়া করুণকণ্ঠে কহিল—হজুর, আমার নাম বংশীলোচন কখ্কার। সোনার কাজ করি, এই যাকে বলে সন্নকার। রূপো আমি ছুইওনে, আমাদের বংশেও কেউ রূপোর কাজ করেনি। হজুর যা বাপ! একেবারে মেরে ফেলেছে, হজুর!

দারোগা ভীকৃষ্টিতে তাহার দিকে চাহিয়া পৌঁছে

একটা চাড়া দিয়া বলিলেন,—চিল্লাও মং । হয়েছে কি খুলে বলো ।

বংশীলোচন একবার কুকুরটার দিকে চাহিল । তারপর একবার নিজের রক্তমাখা আঙুলটার দিকে চাহিয়া বলিল—হজুর, ঘুম থেকে উঠে একবার মাঠে গেছলাম । মাঠ থেকে এসে গাড়াটা রেখে যেমনি ঘরে ঢুকব, অমনি,—কিছুর মধ্যে কিছু না, কোথেকে হতভাগা কুকুরটা এসে দিলে এই আঙুলটায় ক্যাক করে একটা কামড় বসিয়ে । একেবারে রক্তগঙ্গা বয়ে গেল হজুর ! আঙুলটা একেবারে এফোড় ওফোড়, করে দিয়েছে হজুর ! হজুর মা বাপ, এর একটা বিহিত বরন্দ, হজুর ।

হজুর জুইটি করিয়া বলিলেন—হঁ ! কার এ কুকুর ?

বংশীলোচন কাদ-কাদ মুখে বলিল,—জানিনে, হজুর । হজুর মা বাপ !

দারোগা সাহেব আর একবার গম্ভীর মুখে বলিলেন—“হঁ ।” তারপর থানিকক্ষণ চুপ করিয়া থাকিয়া চাঁৎকার করিয়া উঠিলেন,—এ সব চলবে না । কুকুর-পোষার সখটা বের কচ্ছি । কোমরে দড়ি বেঁধে হিড় হিড় করে থানায় টেনে নিয়ে যাব । পিঠে ছ’ ঘা পড়লেই কুকুর-পোষার সখ মিটে যাবে । রাম সিং, দেখ ত কুকুরটা কার । শালাকে কান ধরে থানায় নিয়ে গিয়ে একবার মজাটা টের পাইয়ে দি । কার এ কুকুর ?

চারিদিকের জনতা একবার মুখ চাওয়া-চাওয়ি করিল, ভিড়ের মধ্যে হইতে কে একজন বলিয়া উঠিল—এটা তো স্তর পুলিশ সায়েবের কুকুর ।

একটু চমকিয়া উঠিয়া দারোগা সাহেব কুকুরটাকে একবার আপাদমস্তক দেখিয়া লইলেন, কিছু যেন স্থির করিতে পারিলেন না । রাম সিং-এর দিকে জিজ্ঞাস্থনেজে চাহিয়া যেন প্রশ্ন করিতে লাগিলেন, তুমি কি বল ?

রাম সিং তখন অত্যন্ত নিলিপ্তভাবে আকাশের দিকে চাহিয়াছিল । দারোগা সাহেবের সহিত চোখাচোখি হইবামাত্র সে বলিয়া উঠিল,—বড়ী উমস মালুম হোতী হৈ, হজুর, শায়দ বরসেগা ।”

দারোগা সাহেব চট্ট করিয়া একবার আকাশের

দিকে চাহিয়া দেখলেন, বলিলেন,—মালুম তো ঐসা হী পড়তা হৈ ।

তারপর বংশীলোচনের দিকে ফিরিয়া কড়া স্বরে বলিলেন—দেখ, এ কথাটা আমি কিছুতেই বুঝতে পাচ্ছি না, এতটুকু একটা কুকুরের বাচ্চা তোমার মত বড়ো ধাড়িকে কামড়ালো কি ক’রে ! তোমার অমন হাঁড়িপানা মুখ দেখেই তো কুকুর ভয়ে এগোবে না । যাও যাও, কোথেকে আঙুল কেটে এসে এখন ঝাকামো করা হচ্ছে । মিথ্যাবাদী কোথাকার ! কষে ছ’ ঘা লাগিয়ে দিলেই ঠিক হয় ! চলো, রাম সিং ।

বলিয়া তিনি চলিয়া যাইবার উপক্রম করিতেছেন, এমন সময় ভিড়ের মধ্যে হইতে একজন লোক আগাইয়া আসিয়া বলিল—হজুর, বংশীর একটা কথাও বিশ্বাস করবেন না । ওটা একটা পাড় মাতাল । সারা রাত মদ খেয়েছে । ভোরবেলা কুকুরটা পথ দিয়ে যাচ্ছিল দেখে সেটাকে ধরে এনে কাঁধে করে কতক্ষণ ধেই ধেই করে নেচেছে । তারপর একটা সিব্‌গেট এনে যাই কুকুরটার মুখে গুঁজে দিতে গেছে অমনি সেটা ওর আঙুলে ক্যাক করে একটা কামড় লাগিয়ে দিয়েছে । কুকুরের আর দোষ কি, হজুর ? মাহুষকে অমন করলে মাহুষও ওকে কামড়ে দিত ! এই তো সেদিন—

বংশী বাধা দিয়া বলিল—হয়েছে, হয়েছে, তোর আর বক্তিতে কস্তে হবে না । তুই-ই কত ধম্মগুত্তুর যুধিষ্ঠির জানা আছে । গুলিখোর আবার এখানে বিদ্যো ফলাতে এসেছে । সিব্‌গেট গুঁজব কিরে গাধা ? সিব্‌গেট কি এখন কেউ খায় নাকি রে ?”

রাম সিং গজ্ঞন করিয়া উঠিল—এইযো, হল্লা মং করো ।

বংশী তর্ক ছাড়িয়া দারোগা সাহেবের দিকে ফিরিয়া লম্বা সেলাম করিয়া বলিল—হজুর, বড়সাহেবের কুকুর আমি চিনি । এটা বড়সাহেবের কুকুর নয় ।

—ঠিক তো ?

—হাঁ, হজুর ।

চারিদিকের ছুই চারিজন লোকও মাথা নাড়িয়া তাহার কথার সমর্থন করিল ।

দারোগা সাহেব একটু বিজ্ঞের হাসি হাসিয়া বলিলেন,—তাই তো বলি আমিও ! এটা আবার একটা কুকুর ! আর তাকে রাখবেন পুলিশ সাহেব ! কোন্ শূয়ার বলেছে এটা পুলিশ সাহেবের কুকুর ? পুলিশ সাহেবের কুকুর তোমাদের মত কি-না, যে রাস্তায় রাস্তায় ঘুরে বেড়াবে ! চল্ বংশী, থানায় চল্, এজ্ঞাহার দিবি ।

রাম সিং এতক্ষণ কুকুরটাকে ভাল করিয়া দেখিতেছিল । সে মুখ কাঁচুমাচু করিয়া বলিল—“হুজুর, এটা বোধ হয় সাহেবেরই কুকুর । কাল এমনি একটা কুকুর যেন তাঁর বাড়িতে দেখেছিলাম ।

একজন কে বলিয়া উঠিল—আরে এটা যে পুলিশ সাহেবের কুকুর সে ত সবাই জানে !

দারোগা সাহেবের মুখ গম্ভীর হইয়া উঠিল । তিনি কতক্ষণ ভয়ানক ভাবে কাশিয়া কহিলেন—উঃ, কি শীত পড়েছে । সাধ্য কি ছুঁদও দাঁড়িয়ে কথা বলি ! রাম সিং, কুকুরটাকে বড়সাহেবের কুঠিতে নিয়ে যাও । সাহেবকে আমার সেলাম জানিয়ে বলবে, কুকুরটা পথে পেয়ে আমি পাঠিয়ে দিয়েছি ।”

তারপর বংশীলোচনকে বলিলেন—“খুব হয়েছে খুব হয়েছে । ঐ মুণ্ডরের মত কালো হাতটা উচিয়ে আর শ্রাকামি করতে হবে না । কি আমার বীরপুরুষ রে ! কোথায় একটু আঁচড় লেগেছে, কি না লেগেছে, আর অমনি উনি একেবারে লাফাতে শুরু করে দিলেন । তোমার মাথাটা যে চিবিয়ে দেয়নি এই তোমার ভাগি । দোষ করেছ নিজে, আবার তার তর্ক, দেখ না ! যাও, যাও ।

এই সময়ে একজন বলিয়া উঠিল—আরে এই যে পুলিশ সাহেবের চাপরাসী করিম যাচ্ছে । ওকে ডাকলেই ত হয় ।

করিমকে আর ডাকিতে হইল না । ভিড় দেখিয়া সে নিজেই আসিয়া জুটিল ।

একটি লোক ব্যগ্রকণ্ঠে তাহাকে জিজ্ঞাসা করিল—চাপরাসী সাহেব ! এটা পুলিশ সাহেবের কুকুর, না ?

করিম একটু হাসিয়া বলিল—কে বললে ? এটা ত বড়সাহেবের কুকুর নয়, এটা—

দারোগা সাহেব তাড়াহাড়াই বলিয়া উঠিলেন—আরে, তাই বল করিম ! আমিও ত বলি, এমন মরা কুকুর হবে বড়সাহেবের ? আর এত জিজ্ঞাসাবাদেরই বা দরকার কি ? দেখলেই ত বোঝা যায় এ কোনো উকীলবাবুর কুকুর । হাঃ হাঃ হাঃ—যাক্, হাসির কথা নয় । এ কুকুর যে যাকে-তাকে কামড়াবে তা চলবে না । নিয়ে চল এটাকে গলায় দড়ি দিয়ে থানায় । তারপর কুকুরের সখওয়ালা বাবুদেরও দেখা যাবে ।

করিম বলিল—এটা বড়সাহেবের কুকুর নয় বটে, কিন্তু এটা তাঁর দোস্ত হনুসিং সাহেবের । তিনি যে কাল এখানে এসেছেন ।

দারোগা সাহেবের মুখ আবার ফ্যাকাসে হইয়া গেল । তিনি কোন রকমে একটা ঢোক গিলিয়া বলিলেন—কই, সাহেবের দোস্ত যে এসেছেন, তা ত আমি জান্তাম না । কদ্দিন থাকবেন তিনি এখানে ? তাঁর শরীর বেশ ভাল আছে ত ? বেশ, বেশ । কেমন লোক সাহেবের দোস্ত ? এ কুকুরটি বুকি তাঁরই ? বেশ বেশ ।

দারোগা সাহেব কুকুরটিকে কোলে তুলিয়া লইয়া উহার গায়ে হাত ব্লাইয়া দিতে লাগিলেন, মুখের ভাব হাসি-হাসি করিবার প্রাণপণ চেষ্টা করিয়া বলিলেন—কুকুরটি কিন্তু খুব শাস্ত, দেখলেই কোলে নিতে ইচ্ছে করে । কেমন চুপ করে বসে আছে । কেমন চোখ ছুটি ! শীতে কাপছে ! এ আবার এই লোকটার নাকি আঙুল কামড়ে দিয়েছে । যত সব কথা !

করিম দারোগা সাহেবের কোল হইতে কুকুরটাকে লইয়া চলিয়া গেল ।

দারোগা সাহেব বংশীলোচনের দিকে ফিরিয়া কহিলেন—ব্যাটার সাহস কত ! সিগারেট গুঁজতে গিয়েছিলেন ! ব্যাটা মাতাল ! আবার ন্যাকামো দেখ না ! পা থেকে মাথা পর্যন্ত চাবুকে দিলে ঠিক হয় !*

* এই গল্পটি প্রাণপণে দত্তিত শ্রীশ্রীনেশচন্দ্র গুপ্ত কর্তৃক লিখিত ।



“পুরাণে কাল”

কাজলের প্রবাসীতে শ্রীযোগেশচন্দ্র রায় বিদ্যানিধির ‘পুরাণে কাল’ শীর্ষক যে অপূর্ণ প্রবন্ধ প্রকাশিত হইয়াছে, তাহা পাঠ করিয়া লেখকের অসীম বিদ্যাবত্তা এবং প্রতিভার বিশেষ অভিজ্ঞ হইতে হয়। আমি তাহার দুই-একটা কথা সঞ্চক্ষে অল্প কিছু মন্তব্য-প্রকাশ করিব।

নারায়ণ নন্দিত্য নরকৈব নরোত্তমঃ দেবীং সরস্বতীং চৈব ততো জয়-মূর্তীরয়েৎ। এই শ্লোকে যে জয় শব্দ আছে লেখক তাহার সাধারণ আভিধানিক অর্থ অবলম্বন করিয়া লিখিয়াছেন, “ব্রহ্ম, ঈশ্বর এবং বাগ্‌দেবী এই তিনের জয় উচ্চারণ করিতে হইবে।” উক্ত আশের মধ্যে “এই তিনের” মূল, সংস্কৃত শ্লোকটার মধ্যে নাই। “জয়” একটি পারিভাষিক শব্দ। ইহার অর্থ পুরাণ এবং মহাভারত।

অতএব, শ্লোকটার অর্থ এই যে, “মহাভারতের কথা বা কোন পুরাণের কথা কীর্তন করিবার পূর্বে নারায়ণ, নর ও সরস্বতীকে প্রণাম করিতে হইবে।” রামায়ণ, চণ্ডী, স্মৃতি প্রভৃতি শাস্ত্র জয়ের অতীত নহে।

* নিম্নোক্ত শ্লোকগুলি উল্লিখ্য।— প্রবাসীর সম্পাদক।

ঐষ্ট্যং পুরাণানি রামস্ত চরিতং তথা

বিষ্ণুধর্মাদিশাস্ত্রানি শিবধর্মাস্তহারতঃ।

কার্কারিক পক্ষমে বেদো যজ্ঞহোমভারতঃ স্মৃতং।

দৌরাস্ত ধর্মো রাজেন্দ্রঃ। মানবোক্তা মহীপতে।

জয়েতি নাম এতেষাং প্রবদন্তি মনীষিণঃ।

(ভবিষ্যপুরাণ)

+ অষ্টাদশ পুরাণানি রামস্ত চরিতং তথা

কার্কারি বেদং পঞ্চমং চ যজ্ঞহোমভারতঃ বিদ্যঃ

তথৈব বিষ্ণুধর্মাস্ত শিবধর্মাস্ত শাস্ত্রাতঃ

জয়েতি নাম এতেষাং চ প্রবদন্তি মনীষিণঃ।

॥ ইতি ভবিষ্যবচনং পুরাণাদিকং বা ॥

এখানে অবাস্তব ভাবে একটা বলিতে ইচ্ছা হয়। এই শ্লোকটা লইয়া পণ্ডিত মহাশয়েরা বড় অদ্ভুত হস্তকর ব্যবহার করিয়া থাকেন। যখনই তাহার মহাভারত ও পুরাণ পাঠ করেন তখনই তাহার এই শ্লোকটি পাঠ করেন—মনে মনে অথবা প্রকাশ্যরূপে নারায়ণ প্রভৃতিকে নমস্কার করিয়া ক্ষান্ত থাকেন না। শ্লোকটি পুরাণ ও মহাভারত পাঠক বা কথকের প্রতি নির্দেশ মাত্র। উহা পড়িবার প্রয়োজন কি? কোন নাটকে একস্থলে যদি “বেগে নটের প্রবেশ” এই নির্দেশ বা stage direction থাকে, তাহা হইলে নটের অভিনেতা যদি দোড়াইয়া রক্তভূমিতে প্রবেশ করিবার সময় বলেন, “বেগে নটের প্রবেশ,” তাহা হইলে তাহাদের কাব্য যেরূপ হস্তকর হয়, মহাভারত ইত্যাদি পড়ার পূর্বে শ্লোকটা পাঠ করিলেও সেই-রূপ হস্তকর হয় বলিয়া আমি বিবেচনা করি।

তাহার পর শেষোক্ত “নর” যে কে, সে সঞ্চক্ষে বিদ্যানিধি মহাশয় যাহা বলিয়াছেন তাহা যাঁহারা ভাবিয়া চিন্তিয়া সেই শ্লোকটা পাঠ করিয়াছেন তাহাদের সকলেরই মনে উদ্ভিত হইয়াছে বলিয়া বোধ হয়। এই “নরোত্তম নর” এখন যাহাকে হিউম্যানিটি বলে এবং বাইবেলে যাহাকে সন্ অব্‌ মান বা মনুষ্যপুত্র বলে, তাহা অথবা তিনি হইতে পারেন না কি? বাইবেলের কোন ভাবে যে হিন্দুশাস্ত্রে প্রবেশ করিয়াছে একথা শুনিলে অনেক হস্ত অবজ্ঞার হাসি হাসিবেন। কিন্তু অরণ্য রাধা উচিত যে, খ্রীষ্টের মৃত্যুর পর একশত বৎসরের মধ্যেই তাহার ইতিহাস ভারতবর্ষে প্রচারিত হইয়াছিল।

কালিদাস সঞ্চক্ষে অতি অজ্ঞানতার বিদ্যানিধি মহাশয় যাহা লিখিয়াছেন তৎসঞ্চক্ষে আমার বক্তব্য এই যে, কালিদাস যদি বাঙ্গালী হন এবং যেহেতু বাঙ্গালীরা দৌর বৈশাখ হইতে বৎসর গণনা করিয়া থাকেন, তাহা হইলে আবাস্ত্য প্রথম দিবসে অর্থাৎ জম্বুবাচীর চারিদিন মাত্র পূর্বে মেঘের সন্কার, সহস্ররাজ্য প্রভৃতি হইতে অধিক কিছু প্রমাণ হয় না। কালিদাস যে বাঙ্গালী ছিলেন ইহার আভাস তাহার গ্রন্থ হইতে কিছু পাওয়া যায়। কিন্তু সে কথা বর্তমান প্রশ্নের অন্তর্গত নহে।

শ্রীবীরেশ্বর সেন





বাংলা

শ্রীযুক্ত মণীন্দ্রনাথ মুখোপাধ্যায়—

বাঙালী বালকের আন্দোলনসর্গ—

শ্রীমান মোহিনীমোহন রায় ত্রিপুরা জেলার ধর্মদগর গ্রামের শ্রীযুক্ত অধিনীকুমার রায়ের পুত্র। গত বৎসর সে পাঠ ত্যাগ করিয়া আইন-অমার্জ আন্দোলনে যোগ দেয়। প্রথমে সে কীভাবে শ্রেণ্ডার হইয়া তিন মাস কারাদণ্ডে দণ্ডিত হয়। সেপ্টেম্বরের



মুকুণ্ডনাথ মোহানীমোহন

প্রথমভাগে মুক্তি পাইয়া সে পুনরায় আন্দোলনে যোগ দেয়। গত জানুয়ারী মাসের তৃতীয় সপ্তাহের প্রারম্ভে সে মহিষবাথানের অন্তর্গত বাণ-নরাজ রাজস্ব বন্ধ করার কেন্দ্রে যায়। সেখানে গত ২৫এ জানুয়ারী তারিখ তাহাকে শ্রেণ্ডার করা হয়। শ্রেণ্ডারের সময় তাহার হাতে একখানি জাতীয় পতাকা ছিল। পুলিশ সেই পতাকখানি ছিনাইয়া লইবার চেষ্টা করে। পতাকা রক্ষা করিবার চেষ্টায় সে আহত হয়। তাহাকে প্রথমে রাজার হাট খানায়, পরে বারাসত সাব জেল হাজতে লইয়া যাওয়া হয়। বিচারার্থীন অবস্থায় এই হাজতে আটক থাকা কালে ১০ই ফেব্রুয়ারী তারিখে তাহার টাইফয়েড জ্বর হয় এবং ১৯এ ফেব্রুয়ারী রাত্রি ১২টা ১০ মিনিটের সময় তাহার মৃত্যু হয়।

মোহিনীমোহনকে প্রথমাধিকারি নির্জন কক্ষে আটক রাখা হইয়াছিল এবং টাইফয়েড রোগে অজ্ঞান হওয়া সত্ত্বেও তাহাকে কোন হাসপাতালে স্থানান্তরিত করা হয় নাই।

বারাসত জেলের সুপারিন্টেন্ডেন্ট কর্তৃক ১৮-২-৩১ তারিখে লিখিত পোষ্টকার্ডে পরদিন প্রাতে ৮টা ৩০ মিনিটের সময় সংবাদ পাইয়া শ্রীযুক্ত বীরেন্দ্রনাথ গুহ এবং তমালবিহারী পাল তাহাকে দেখিতে বান। তাহার পৌজিব্যার পূর্বেই মোহিনীর মৃত্যু হয়।



শ্রীযুক্ত মণীন্দ্রনাথ মুখোপাধ্যায়

বিশেষ জ্ঞান ও পারদর্শিতা লাভ করিয়া সম্প্রতি স্বদেশে ফিরিয়া আসিয়াছেন। তিনি বালিনের সামটাস কোম্পানীর ব্যবস্থাপতির

বিরাট কারখানায় বহুদিন যাবৎ কর্তৃপক্ষ করিয়া খ্যাতি অর্জন করিয়াছেন। ইনানীং ভারতবর্ষের সর্বত্র যেক্ষণ এক্স-রে ও বৈজ্ঞানিক চিকিৎসার প্রচলন বৃদ্ধি পাইতেছে তাহাতে এরূপ বিশেষজ্ঞ ইঞ্জিনীয়ারের বিশেষ প্রয়োজন আছে। যে-সব ভারতীয় ইঞ্জিনীয়ার পাশ্চাত্য কারখানায় এ-বিষয়ে সর্বপ্রথম শিক্ষালাভ করিয়াছেন সঙ্গীতবাহু তাঁহাদের মধ্যে একজন।

বায়োকেমিস্ট্রী শিক্ষায় বাঙালী—

ডাঃ শ্রী অম্লারতন চক্রবর্তী ১৯১৯ সালে কলিকাতা প্রেসিডেন্সি কলেজ হইতে অনাসে প্রথম হইয়া বি-এন্স-সি পাস করেন এবং



সপরিবারে ডাঃ শ্রী অম্লারতন চক্রবর্তী

ব্রিটান্স কলেজে প্রবেশ করেন। তথা হইতে ১৯১৫ সালে বিজ্ঞানের সহিত এম-বি পাস করিয়া সেখানেই তিনি চাকুরি গ্রহণ করেন। কলেজ ও হাসপাতালের নানা বিভাগে বহুদিন কর্তৃপক্ষ করিয়া সঙ্গীতবাহু ক্রিষ্ণোলকি ও বায়োকেমিস্ট্রী বিভাগে উন্নীত হন। এই বিভাগে নিযুক্ত থাকাকালে তিনি গবর্ণমেন্ট হইতে অধ্যাপনাবৃত্তি লাভ করেন এবং বায়োকেমিস্ট্রীতে বিশেষজ্ঞ হইবার নিমিত্ত

এডিনবরাহা যান। তথায় বিখ্যাত অধ্যাপক বর্জার এবং ট্রাউটের তত্ত্বাবধানে আট মাস এই বিষয়ে শিক্ষালাভ করিয়া সেখানকার রয়্যাল ইনফার্মেরীতে আধুনিক চিকিৎসা-প্রণালী অঙ্গশীল করেন। বিগত জামুয়ারী মাসে এডিনবরাহা রয়্যাল কলেজের এন্স-আর-সি-পি পরীক্ষায় বায়োকেমিস্ট্রী এবং চিকিৎসাশাস্ত্রে অমূল্য-বাহু বিশেষ কৃতিত্ব প্রদর্শন করিয়াছিলেন। এ যাবৎ বাহারা এন্স-আর-সি-পি পরীক্ষা দিয়াছেন, এই দুই বিষয়ে তিনি তাহাদের সকলের চেয়ে উচ্চস্থান অধিকার করেন। এই কারণে পরীক্ষকমণ্ডলীর নিকট তাঁহার যথেষ্ট সম্মান লাভ হইয়াছে। লণ্ডন ও বার্লিনে বায়োকেমিস্ট্রী বিষয়ে তথ্য সংগ্রহ করিয়া তিনি দেশে ফিরিয়াছেন।

অমূল্য-বাহু বিলাতে সপরিবারে ছিলেন। তাঁহার স্ত্রী শ্রীমতী রেণুকা দেবী গৃহকর্মের অবসরে সেখানকার শিশু-স্বাস্থ্য ও শিশু-শিক্ষা সম্বন্ধে জ্ঞানলাভ করিয়াছেন।

ভারতবর্ষ

মুসলমান সম্প্রদায় ও বর্তমান জাতীয় আন্দোলন—

বিগত ২১এ নবেম্বর বার্লিনের Deutsche Wirtschaftliche Gesellschaft-এ ভারতবর্ষ সম্বন্ধে এক আলোচনা হয়। সেখানকার বহু খাতনামা জর্জান এবং বিদেশী এই আলোচনায় যোগদান করেন। ভারতবর্ষের তরফ হইতে সেখানে অধ্যাপক বিনয়কুমার সরকার, শ্রীযুক্ত হাবিবুর রহমান ও শ্রীযুক্ত বীরেন্দ্রনাথ দাসমুখ উপস্থিত ছিলেন। এই আলোচনা প্রসঙ্গে শ্রীযুক্ত রহমান বাহা বলিয়াছেন, তাহার বঙ্গানুবাদ নিয়ে দেওয়া গেল।—

“ভারতে হিন্দু-মুসলমান সম্বন্ধ খুবই আশাশ্রয়। তথাপি মাঝে মাঝে এদেশে কোন কোন সংবাদপত্রে মুসলমানদের বিরুদ্ধে অশুভোপ করা হয় যে তাহারা ভারতের উপস্থিত স্বাধীনতাসংগ্রামে যোগ দেয় না, পরন্তু এই আন্দোলন নষ্ট করার অভিপ্রায়ে ইংরাজের সহায়তা করে। ইহা কিন্তু নিছক মিথ্যা।” “জামায়ত-উল-উলেমা-ই-হিন্দ” (The Organization of All-Inda Islamic Religious leaders) এক সময়ে ভারতীয় সকল মুসলমানকে মহাত্মা গান্ধীর আন্দোলনে যোগ দিতে অগ্রোধ করেন। এ-রকম শত শত উদাহরণ আমি দিতে পারি। হিন্দুদের সঙ্গে মুসলমানরা কারাকন্ড হইতেছে—সে কিছু নতুন কথা নয়। পেশোয়ারে অনেক মুসলমান নিহত হইয়াছেন। স্বীকার করি এখনও অনেক মুসলমান আছে, বাহারা শুভদ্রব্যাদি ইংরেজদের খুব অগ্রগত। কিন্তু তাহাদের আমরা মুসলমান না বলিয়া ব্রিটিশ-ইণ্ডিয়ান বলিব। ইহারা হিন্দু-মুসলমান বিচ্ছেদ ক্রমাগত বাড়াইতেছে। ইহারা দেশদ্রোহী। ইহারা ধর্মের নামে নিজেরের কিছু সুবিধা করিয়া লইতে চায় এবং তাহার দ্বারা প্রমাণ করিতে চায় যে ভারতীয় স্বাধীনতা আন্দোলনে মুসলমানদের কোন মহাসুভূতি নাই।

বর্তমান মুসলমান সম্প্রদায় ভারতবর্ষে বিশেষ কোন দাবি করিতে পারে না। হিন্দু-মুসলমান সম্পর্কে মুসলমানদের কোন বিশেষ স্বত্ব বা সুবিধা দেওয়ার আশি যোরতর বিরোধী, কারণ ইহাতে উভয় দলের মধ্যে দ্বন্দ্ব এবং বিচ্ছেদ চিরকালের জন্য বাড়িতে থাকিবে।

আমরা “ভারতীয় জাতি” গঠন করিতে চাই। ভারতবর্ষ ভারতীয়দের দ্বারা শাসিত হইবে। তাহারা হিন্দু কি মুসলমান, সে প্রশ্ন এখানে উঠে না—উঠা উচিত নয়। দক্ষতা অমুখ্যায়, হয় হিন্দু নয় মুসলমান, প্রাধান্য লাভ করিতে পারে। তাহা স্বাভাবিক, তাহাতে কাহারও আশ্চর্য্য হইবার বা আপত্তি করিবার কিছু নাই।

এদেশে সংবাদপত্রে আমরা চিরকাল সেই পুরাতন গল্প পড়ি যে ভারতবর্ষে বহু ধর্ম, বহু ভাষা ও বহু জাতি-বিভাগ বিদ্যমান। আমরা ইহা জানি, এবং এ কথা কেবলমাত্র ইংলণ্ডই জোরগলায় বলে—প্রমাণ করিতে চেষ্টা করে—যে বিদেশী বিধর্ম্ম! শাসনেও হিন্দু মুসলমান বিরোধ কিছুমাত্র কমে নাই। কিন্তু এখানে আমরাও বলিতে পারি

যে, বিদেশীশাসনে সে বিরোধ কখনও মিটিবে না। আজ যদি ভারতবর্ষ ইংলণ্ডের পরাধীনতা হইতে মুক্ত হয়—তার পরেও যদি হিন্দু-মুসলমান পরস্পরের সহিত বিবাদ করে—তবুও দেশের অবস্থা এখন যাহা আছে তা অপেক্ষা কোন অংশে খারাপ হইবে না। কিন্তু আমার দৃষ্টিবশান ভারতবর্ষ একবার স্বাধীন হইলে হিন্দু-মুসলমান বিরোধ চিরকালের জন্ত অন্তহিত হইবে।

আমরা—হিন্দু-মুসলমান—এক, আমরা বাঁচি একসঙ্গে—আমরা মরি একসঙ্গে। আমাদের দোষ আছে স্বীকার করি, কিন্তু আমরা নিজেরাই তাহা সংশোধিত করিব।



মোতিলাল নেহরুর ভ্রম-দিবসে কলিকাতা অক্টোবরলোনি মহামেলের পানদেপে

বিরট সত্যায় শ্রীমুক্ত যতীন্দ্রমোহন সেন-গুপ্ত কংগ্রেসের

অধীকার-পত্র পাঠ করিতেছেন

ভারতীয়দের যথেষ্ট জার্মানপ্রীতি আছে। লাহোরে 'জমিদার' নামক পত্রিকা কয়েকটি কবিতা প্রকাশ করেন; তাহাতে ভারতবাসীর জার্মানদের প্রতি আশ্চর্য্যের পরিচয় পাওয়া যায়। ইহার ফলে এই পত্রিকাকে বেশ মোটারকম জরিমানা দিতে হয়। ভারতবর্ষে কোন জার্মান পরীক্ষণ করিলে ভারতীয়েরা তাহাকে আদরের সহিত অভ্যর্থনা করে। আজও কোন জার্মান বলিতে পারেন নাই যে, তিনি ভারতবর্ষে অতিথিসৎকার পান নাই। ভারতীয়দের কাছে তিনি যাহা পান ভ্রমভ্রমের আর কোথাও তিনি তাহা পান না। জার্মানীর

ঐক্যগমনার ভারতবর্ষে আদরের সহিত গৃহীত হয়। ভারতবাসী এদেশে আসে জার্মান ভাষা শিখিতে, জার্মান সভ্যতার ও জার্মান মনের পরিচয় পাইতে।

পরিশেষে আমার বক্তব্য, জার্মেনী যেন ভারতবর্ষের বন্ধু ও সহায়তার কথা ভুলিয়া না যায়। ভারতবর্ষের এই দুদিনে সে অনেক রকমে তাহার সাহায্য করিতে পারে। ভারতবাসীও কৃতজ্ঞ—উপকারীর অপকার প্রাণান্তেও দে করিবে না।



* সভার আর একটি দৃশ্য

দ্বীপময় ভারত

শ্রীশুনীতিকুমার চট্টোপাধ্যায়

(১০) যবদ্বীপ—সুরাবায়

শুক্রবার, ২ই সেপ্টেম্বর ১৯২৭।—

জাহাজে একজন জারমান ইঞ্জিনিয়ারের সঙ্গে আলাপ হ'ল। ইনি দ্বীপময় ভারতে অনেক দিন ধ'রে আছেন, এদেশের রীতি-নীতি ধর্ম পুংগু-কথা গল্প এই সব খুব চর্চা ক'রেছেন, এ-বিষয়ে বইও লিখেছেন। বলিদ্বীপের নানা ধর্মবিধানের কথা সামাজিক রীতির কথা ব'ললেন। জারমান ডাক্তার Krause-এর বলিদ্বীপের উপর যে বই আছে—তাতে বলিদ্বীপের লোকজনের নানা ছবি আছে,—সেই বইয়ের দ্বারা বলিদ্বীপের অনিষ্ট হ'চ্ছে ব'লে তিনি মনে করেন,—টুরিস্টের দল এই বই দেখে বলিদ্বীপে আকৃষ্ট হ'য়ে আসছে, আর তাতে ক'রে বলিদ্বীপীয়দের একটা অবনতি ঘটতে সাহায্য ক'রছে।

সকাল আটটায় আমাদের জাহাজ Soerabaja সুরাবায়ার বন্দরে লাগল। সস্ত্রীক সন্ধ্যাক ডচ্ ব্যারনটি সহযাত্রী ছিলেন, তাঁর কাছ থেকে আর অল্প সহযাত্রীদের কাছ থেকে বিদায় নিলুম। জেটিতে কবিকে স্বাগত করবার জন্ত খুব ভীড় হ'য়েছিল। শ্রীযুক্ত মদনলাল বাধ, শ্রীযুক্ত লোকুমল, আর অগাধ ভারতবাসী ছিলেন—এঁদের কথা আগে ব'লেছি। সুরাবায়ায় আমাদের থাকবার ব্যবস্থা হ'য়েছিল একজন স্থানীয় সম্ভ্রান্ত ব্যক্তির বাড়ীতে। পূর্ব-যবদ্বীপে শুরকর্ত নগরে Mangkoenogoro মঙ্গুনগরো উপাধি-যুক্ত এক রাজা আছেন। এখনকার মঙ্গুনগরো হ'চ্ছেন সপ্তম মঙ্গুনগরো। এর পূর্বে যিনি মঙ্গুনগরো ছিলেন, তিনি এই রাজপদ ত্যাগ করেন। উপস্থিত তিনি সুরাবায়াতে বাস করেন, আর এরই অতিথি হ'য়ে আমরা সুরাবায়াতে ছিলুম। কেন ইনি পদত্যাগ করেন তা সঠিক জ্ঞানতে পারি নি, তবে শুনেছিলুম, ডচ সরকারের সঙ্গে নানা বিষয়ে এর মতের অমিল হ'য়েছিল। তবে এখন ডচদের ব্যবহারে আর সুরাবায়ায় এর প্রতিষ্ঠা থেকে এই মতান্তরের কথা টের পাবার জো

নেই। এই ষষ্ঠ মঙ্গুনগরোর পুত্র শ্রীযুক্ত Raden M. Harjo Soejono (আর্দ্য-সুয়ান)—ইনি জাহাজ-ঘাটায় আমাদের আনতে গিয়েছিলেন। আগেকার বারে এর সঙ্গে আমাদের আলাপ পরিচয় হ'য়েছিল। Palmenlaan বা তালবীথি নামে বড়ো রাস্তার উপর ১৯-২১ সংখ্যক বৃহৎ বাড়ীতে বৃদ্ধ মঙ্গুনগরো বাস করেন, এখানে কবিকে আর আমাদের নিয়ে গেল। শ্রীযুক্ত ঝাঙ্কের লোকেদের সাহায্যে আমাদের মালপত্র জাহাজ থেকে উদ্ধার ক'রে আনা গেল। শ্রীযুক্ত সুয়ানের এক বন্ধুর সঙ্গে আলাপ হ'ল, এর নাম ডাক্তার শ্রীযুক্ত Soetomo সূতম।

অনেকখানি জায়গা জুড়ে নানা মহলে এঁদের বাড়ী। ঘরগুলি সাধারণতঃ একতালার, কতকগুলি ঘর দোতালার, হাল্কাভাবে তৈরী। একটি মহল আমাদের জন্ত ঠিক ক'রে রেখেছিলেন। দ্রেউএস্ এক হোটেলে উঠলেন, বাকী সবাই এখানে রইলুম। সারি সারি কতকগুলি একতালার ঘরে আমরা থাকতুম—আর কবির জন্তে আলাদা মহলে দুতালার ঘর ঠিক করা ছিল। অতিথিদের জন্ত ঘরগুলি সমস্ত আবশ্যকীয় জিনিসে সুসজ্জিত, স্নানাদির ব্যবস্থা ও বাড়ীটোতে সুন্দর ছিল। আমাদের লাগোয়া শ্রীযুক্ত সুয়ানের বাসের মহল। মস্ত এক আঙিনা। তার ধারেই একটা ছোটো বাড়ী, তাতে গুটা কতক ঘর,—তারি একটা বড়ো ঘরে শ্রীযুক্ত সুয়ানের বৈঠকখানা; আর এই ঘরগুলির সামনেকার আঙিনা-মুখী প্রশস্ত দালান বা রোয়াকে আমাদের খাওয়া-দাওয়া হ'ত; আর গাছের কেয়ারীর মধ্যে সিমেন্টের পথ করা গাছপালায় ঢাকা পাথীর ডাকে মুখরিত আঙিনার সামনে এই দালানটার একটা পাশে ব'দে দুপুরবেলা শ্রীযুক্ত সুয়ানের স্ত্রী সেলাই-টেলাই ক'রতেন, বই প'ড়তেন, দাঁদদাঁসীদের কাজের তদারক ক'রতেন। এঁদের ছেলেপুলে অনেকগুলি—

শুটি আষ্টেক হবে। এদের বড় ছেলের বয়স ষোলো বছর—শ্রীযুক্ত স্বাধানের নিজের বয়স চৌত্রিশ—স্বতরাং বালাবিবাহ এদেশে বেশ প্রচলিত আছে। এই ছেলেটি একটা ডচ্ ছেলের ইঙ্কলে পড়ে—তাই নিজ মাতৃভাষা যবদ্বীপীয় ভালো ক’রে চর্চা ক’রে পায় না; মালাই বলে, চল্টি যবদ্বীপীয় জানে যাকে Ngoko ‘ঙক’ বা ‘তুই-তো-কারী ভাষা’ বলা হয়), সাধু যবদ্বীপীয় যা রাজা-রাজ্জার ঘরে সম্মানিত লোকেরদের সঙ্গে কথা কইতে ব্যবহার করা হয়—যে ভাষাকে Kromo ‘ক্রম’ ভাষা বলে—সেটা ভালো ব’লতে পারে না। ক’লকাতায় দুই চারিটা ইংরেজ বনা বাঙালীর ঘরে যেমন ছেলেরা ইংরেজিই বেশী চর্চা করে, ভাঙা হিন্দি বলে, বাঙলা বলে না, বা ভালো ব’লতে শেখে না—এ সেট রকম। Nationalism এর সঙ্গে এ গিনিস বেশ চলে—যবদ্বীপেও তাই দেখলুম। ছোটো ছেলেপুলেগুলি বাড়ীতেই পড়াশুনা করে। খুব ছোটোগুলি কখনও কখনও আমাদের ঘরের বারান্দায় আসত, এদের দুচার জনের সঙ্গে আমরা ভাবও ক’রে নিয়েছিলুম। প্রত্যেক ছেলের পিছনে একজন ক’রে ঝি, এরা ছেলেরদের নিয়ে একটু বেশী রকম ব্যতিবাস্ত হয়ে থাকত।

কর্তা বৃদ্ধ মঙ্গনগরোর বাসগৃহ আর একটি মহলে।

যবদ্বীপের জাতীয় আন্দোলনের সঙ্গে কিঞ্চিৎ পরিচয় প্রথম দিনেই হ’ল। রাষ্ট্রীয় অধিকারের জন্ত যবদ্বীপীয়েরা চেষ্টা ক’রেছে—আমাদেরই মতন। এদেশে উচ্চ শিক্ষার জন্ত ইউনিভার্সিটি হয় নি বটে, কিন্তু ভালো ভালো ইঙ্কল অনেক আছে, সেখানে মোটামুটি একটা কাঞ্চার শিক্ষা মালাই আর ডচ্ ভাষার সাহায্যে ভদ্রঘরের ছেলেরা পায়, আর বিস্তর ছেলে হলোও প’ড়তে যায়—আইন, ডাক্তারী, ইন্জিনিয়ারিং। ডচ্ ছাড়া ইংরিজি কি ফরাসী কি জার্মান জানে, এমন শিক্ষিত যবদ্বীপীয় যথেষ্ট আছে। সম্প্রতি এখানেই কতকগুলি ইউনিভার্সিটি করবার চেষ্টা হ’চ্ছে। আমরা যেদিন প্রথম বং-বং প’ড়ছি, তার দুই এক দিন আগে সেখানে একটি বড়ো ডাক্তারী ইঙ্কলের প্রতিষ্ঠা হ’ল—এটিকে অবলম্বন ক’রে এখানকার মেডিকাল-ইউনিভার্সিটি গ’ড়ে উঠবে।

তেমনি আর কতকগুলি বড়ো বড়ো ইঙ্কলকে অবলম্বন ক’রে এখানকার ভারী বিশ্ববিদ্যালয়ের সায়েন্স, আর্ট্‌স্, এন্জিনিয়ারিং প্রভৃতি দিক গুলি গ’ড়ে তোলা হবে। যা হোক, যবদ্বীপীয়েরা মোটামুটি ইউরোপীয় শিক্ষা পাচ্ছে; দ্বীপময় ভারতের অগ্র অংশেও এই রকম সরকার কিছু কিছু অধিকার এদের দিয়েছে। বাতাবিয়ায় লেজিস্লেটিভ-আসেম্বলি ক’রেছে—সেখানে সমগ্র দ্বীপময় ভারত থেকে প্রতিনিধি আসে। এই আসেম্বলির ক্ষমতা কতটুকু, তা জানি না। যবদ্বীপীয়েরা স্বায়ত্ত-শাসন বা পুরো স্বরাজ চায়। এই স্বরাজ-চেষ্টা সমস্ত দ্বীপগুলির শিক্ষিত লোকেরা মিলিত ভাবে ক’রছে। সমগ্র দ্বীপময় ভারতের সরকারী ডচ নাম হ’চ্ছে Nederlandsch Indie; ওখানকার স্বরাজীদল এ নাম ব্যবহার ক’রে চান না, তাঁরা বলেন, Indonesia—দ্বীপময়-ভারত; এই নামে Nederland শব্দ না থাকায়, এদের আত্মসম্মানে যা লাগে না। আমাদের দেশকে খালি India না ব’লে, ক্রমাগত যদি British India বলা হ’ত, তা হ’লে আমাদেরও জাতীয় আন্দোলনে এই রকমের একটা নাম-সঙ্কট এসে যেত। দ্বীপময় ভারতের অনেক ডচ অধিবাসী, বিশেষ ক’রে ডচ্ আমলা-তন্ত্র, এই নাম শুনে বা লেখায় দেখলে চ’টে আগুন হয়—যদিও এর বিরুদ্ধে কোনও আইন নেই। স্বরাজী দ্বীপময়-ভারতীয়েরা নিজেদের আর যবদ্বীপীয়, সেলেবেস-দ্বীপীয়, সুমাত্রা-দ্বীপীয় বলে না, তারা নিজেদের বলে Indonesian. ওখানে এই স্বরাজ-কামনার বিরোধী ডচদের দল ও আছে—আমলা-তন্ত্র, ব্যবসায়ী, আখের ক্ষেতের চিনির কারখানার মালিক, চা-কর, কফি-কর প্রভৃতি,—আমাদের দেশের অ্যাংগ্লো-ইণ্ডিয়ানেরা যেমনভাবে ‘স্বরাজ’ ‘বন্দেমাতরম্’ প্রভৃতি শব্দ শুনে হত্রে হ’ত, এরাও Indonesia, Indonesian প্রভৃতি শব্দের উপর ও তেমনি ভাব পোষণ করে। অথচ Indonesia নামটি ইউরোপীয়দের দেওয়া; Dutch East Indies, East Indian Archipelago, Malaysia প্রভৃতি জবড়-জবড় নাম সমগ্র দ্বীপময় ভারতের পক্ষে স্ববিধাজনক বিবেচিত না হওয়ায়,—আর

এই দ্বীপগুলি যে সংস্কৃতির দিক থেকে ভারতবর্ষেরই অংশ সে-কথা সন্দেহে সকলেই সচেত থাকায়, এক-শব্দময় অথচ সুশ্রাব্য একটি নামের অভাব ঐতিহাসিক, ভাষাতাত্ত্বিক, বৈজ্ঞানিক সকলেই অনুভব করেন। ডচ পণ্ডিত ও লেখক Douwes Dekker (যিনি Multatuli এই ছদ্মনামে নিজ লেখা প্রকাশ ক'রতেন) গত শতকের ষাঠের কোটায় 'দ্বীপময়-ভারত' অর্থে Insulindia নামটি প্রথম ব্যবহার করেন। তারপরে জারমান পণ্ডিত A. Bastian গত শতকের আশীর কোটায় দ্বীপ-অর্থে লাতিন insula শব্দের পরিবর্তে গ্রীক nesos শব্দ দিয়ে Indonesia শব্দ সৃষ্টি ক'রে-ব্যবহার ক'রতে থাকেন। এই হৃদয়ের সংক্ষিপ্ত নামটি বৈজ্ঞানিক আর অগ্ৰাণ্য পণ্ডিতেরা গ্রহণ ক'রলেন। 'মালাই' ভাষা যে বৃহৎ ভাষা-গোষ্ঠির শাখা, সেই গোষ্ঠির জন্ম Indonesian শব্দ ব্যবহৃত হ'তে লাগল, আর এখন এই গোষ্ঠির ভাষা যারা বলে, তাদের মধ্যে যারা শিক্ষিত লোক তারা সকলেই Indonesian শব্দ আগ্রহের সঙ্গে স্বীকার ক'রে নিচ্ছে। [সভ্যতায় আর ধর্ম প্রাচীনকালে যে-সব দেশ ভারতবর্ষেরই অংশ হয়ে দাঁড়িয়েছিল, যাদের নিয়ে 'বৃহত্তর ভারত' সেই-সব দেশের এই রকম সব নূতন-পুরাতন নাম-করণ বেশ হয়েছে; আমাদের দেশ হ'ল India; আফগানিস্তান হ'চ্ছে, India Meion বা India Minor অর্থাৎ ক্ষুদ্র ভারত বা প্র-ভারত (যেমন Asia Minor)—এ নাম গ্রীক আর রোমান-দের দেওয়া; প্রাচীনকালের মধ্য-এশিয়ার নামকরণ এখন-কার ইউরোপীয় পণ্ডিতেরা ক'রেছেন Serindia, অর্থাৎ Seres বা চীনা আর ভারতের মিলনস্থান; দক্ষিণ-পূর্ব এশিয়ার দেশগুলির নাম দেওয়া হ'য়েছে Indochina, এখানেও ভারত আর চীনের সভ্যতার সম্মিলন—তবে মধ্য-এশিয়ার চেয়ে এখানে ভারতের প্রভাব বেশী;—(খালি আনামীদের বাদ দিতে হয়, এদের চীনা ব'লেই হয়।) Indochina-র অধীনে পড়ে কম্বোজ, চম্পা বা কোচিন-চীন, লাওস, আনাম—আর শ্রাম আর বর্মাকেও এর মধ্যে ধরা যায়; আর মালাই-দ্বীপপুঞ্জ নিয়ে হ'ল Insulindia বা Indonesia—ফিলিপাইন দ্বীপপুঞ্জও এর মধ্যেই পড়ে।] যা হোক, Indonesian স্বরাজীদল

নানা দিক দিয়ে কাজ ক'রছেন। দ্বীপময় ভারতের সব বড়ো শহরে এঁদের নানা প্রতিষ্ঠান আছে, ডাক্তারখানা আছে, ছাত্রাবাস আছে; দেশের মুসলমান ধর্মকে অবলম্বন ক'রেও এঁরা কাজ করেন। সাহিত্য-প্রচার, সাময়িক পত্র-পত্রিকা, এ সবের মধ্য দিয়েও কাজ করেন; ডচ আর রোমান-মালাই, এই দুই ভাষা ব্যবহার করা হয়; তাতে ক'রে সমগ্র দ্বীপময়-ভারতে এঁদের প্রভাব দেখা যায়; মাঝে মাঝে আমাদের কংগ্রেসের আর জেলা আর প্রাদেশিক সম্মেলনের মতন সম্মেলনও আহ্বান করেন। এঁরা উপস্থিত কি কি জিনিস চান, তা আলোচনা করবার সুযোগ হয় নি; তবে দেশী লোকে বেশী ক'রে সরকারী চাকরী পায় এটা একটা প্রধান কথা। শ্রীযুক্ত সুধান অগ্ৰাণ্য শিক্ষিত যবদ্বীপীয়দের মতন এই স্বরাজদলের সঙ্গে সংশ্লিষ্ট; আর ডাক্তার শ্রীযুক্ত স্তম্ভ হ'চ্ছেন সুরাবায়ায় এই জাতীয় আন্দোলনের একজন প্রধান নেতা। সৌজন্তের অবতারণা, অতি সজ্জন এঁরা। ডাক্তার স্তম্ভ শুনলুম সরকারী চাকরী ক'রতেন, রাজনৈতিক মতভেদের কারণে চাকরী ছেড়ে দিয়েছেন। এইরূপ অসহযোগী ব্যারিষ্টার আর অগ্ৰাণ্য পেশার ভদ্রলোক এঁদের মধ্যে আছেন। সুরাবায়াতে এই স্বরাজীদের একটি চমৎকার প্রতিষ্ঠান আছে।—একটি লাইব্রেরী আর ক্লাব-ঘর; এখানে এঁদের সভা-টভা হয়। একটি বেশ বড়ো বাড়ীতে এঁদের এই ক্লাব, ক্লাবটির নাম—Indonesische Studieclub—অর্থাৎ দ্বীপময়-ভারতীয় অনুশীলন-সমিতি। শ্রীযুক্ত সিঙ্গি: (R. P. Mr. Singgih) নামে একটি ভদ্রলোক—এঁর সঙ্গে বেশ আলাপ হ'য়েছিল—ইনি হ'চ্ছেন এর সেক্রেটারী। আজ সকালে স্থির হ'ল, পরশু রবিবার দিন বেলা দশটায় এই Studieclub-এ আমি ভারতবর্ষের শিক্ষাপদ্ধতি আর শাস্তিনিকেতন বিদ্যালয় সঙ্ক্ষে বক্তৃতা দেবো। ইংরেজি থেকে মালাইয়ে কিংবা ডচে আমার বক্তৃতার সঙ্গে সঙ্গে অনুবাদ হবে।

চুপুর বেলা শ্রীযুক্ত বাধ তাঁর পাচক ব্রাহ্মণকে নিয়ে এলেন—যে ক'দিন আমরা থাকবো, সে ক'দিন

এ এখানে থেকে আমাদের দেশের রান্না—ডাল ভাত শাক কটা প্রভৃতি খাওয়াবে।

বিকেল তিনটেয় শহর দেখতে বেরলুম—স্থানীয় শিল্পদ্রব্য আর ‘কিউরিও’-র সন্ধান; ভীষণ রোদদূর, দোকানপাট সব বন্ধ—সেই চারটের পর খুলবে। টামে ক’রে ঘণ্টা দেড়েক ধ’রে শহরটায় খানিকটা ঘুরে এলুম।

বিকেল পাঁচটায় ছিল কবির সংবন্ধনার জন্ত স্থানীয় ভারতীয়দের আহূত এক সভা। এখানে চা-পানের ব্যবস্থা ছিল। স্বরাবায়ার রেসিডেন্ট, স্থানীয় ব্রিটিশ ভাইস-কন্সাল্, চীনের কন্সাল্, এঁরা সকলে উপস্থিত ছিলেন। কবিকে অভিনন্দন করা হ’ল, শ্রীযুক্ত রাধ অভিনন্দন-প্রশস্তি প’ড়লেন, বিশ্বভারতীর উদ্দেশ্যের সঙ্গে সহায়-ভূতির নিদর্শন-স্বরূপে হাজার-এক টাকার তোড়া দেওয়া হ’ল। উপস্থিত ভ্রমলোকদের মধ্যে কেউ কেউ ব’ললেন—ইংরেজ ভাইস-কন্সালের বক্তৃতাটা খুবই হৃদয়গ্রাহী হয়েছিল। কবিও যথাযোগ্য উত্তর দিলেন। নানা জাতির লোক এই সভায় নিমন্ত্রিত হয়ে উপস্থিত হয়েছিলেন। Hagopian নামে এক আরমানী ব্যবসায়ীর সঙ্গে দেখা হ’ল; এঁরা দুপুরুষ ধ’রে এ অঞ্চলে চানির আর অল্প জিনিসের কারবার ক’রছেন, হ’ভাইয়ে আপিসের বা গদীর মালিক, নানা দেশ ঘুরেছেন। আরমানী জা’তের সখক্ষেও কিছু খোজ-খবর রাখবার চেষ্টা ক’রে থাকি দেখে ভ্রমলোক ভারী খুশী। আমাদের বাড়ী যে রাস্তায়, সে রাস্তা Sukias ‘হুকিয়াস্’ নামে একটা প্রাচীন আরমানী পরিবারের নামের সঙ্গে জড়িত; ১৬৯০ সালে Job Charnock যোব চার্নকের সঙ্গে ইংরেজদের ক’লকাতায় এসে অভ্যাগাভার অনেক আগে থাকতেই আরমানীরা বাণিজ্য-সূত্রে এখানে এসে বাস ক’রত;—১৬৩০ সালের এক আরমানী স্মৃতিফলকের লেখা থেকে জানা যায়—সমাধির উপরে স্থাপিত এই স্মৃতিফলকে এই কথা আছে যে ১৬৩০ সালে দানশীল বণিক হুকিয়াস্-এর পত্নী রেজাবাবে-র সমাধি,—এটা হচ্ছে ক’লকাতার ইতিহাস-সম্পর্কে সব চেয়ে প্রাচীন সমসাময়িক ‘পাথুরে’ প্রমাণ।’ ব্যবসায়-বিষয়ে এই আরমানীদের

প্রভাব থেকে উত্তর ক’লকাতার একটা গদ্বার-ঘাটের নাম ‘আরমানী ঘাট’। এ সব কথা শুনে ভ্রমলোক খুবই আনন্দিত হ’লেন। বাস্তবিক, এই সব ইতিহাসে অজ্ঞাত আরমানী আর অল্প জাতির বণিকেরা সেকালে আন্তর্জাতিক শান্তি আর সহযোগিতার জন্ত দূতের কাজ ক’রত; মাহুঘকে এক ক’রে তুলতে এদের কাজের গৌরব আমরা অনেক সময়ে ভুলে যাই।

সভাভঙ্গের পরে শ্রীযুক্ত লোকুমল নিয়ে গেলেন তাঁর দোকানে। ‘কেম্বুঙ-জেনুন’ রাস্তাটার নাম, এর দুধারে সিদ্ধীদের রেশমের কাপড় আর মণিহারী জিনিসের কতকগুলি দোকান। বলিঘীপে যাবার সময়ে শ্রীযুক্ত লোকুমল বিতরণ করবার জন্ত ডচ ভাষায় গীতা আর অল্প কতকগুলি বই দিয়েছিলেন, সেকথা ব’লেছি। বলিঘীপের হিন্দুদের কথা ইনি শুনে চাইলেন। আমি সংক্ষেপে দুচার কথায় কিছু কিছু ব’ললুম। তারা যে ঠিক আমাদের মতন হিন্দু নয়, তাদের ইতিহাস আর মনোঃব যে অনেকটা স্বতন্ত্র—তবুও তাদের মধ্যে হিন্দু-ধর্মের মূল সূত্রগুলি কাজ ক’রছে, এ-সব কথা বোঝাবার চেষ্টা ক’রলুম। লোকুমল জিজ্ঞাসা ক’রলেন, তারা মাংস খায় কি না। পূজায় শূরের মাংস দেওয়া, ব্রাহ্মণ-ভোজনে ‘রোস্ট্ ডাক্’-এ-সব শুনে তাঁর ভালো লাগল না; আর নিয় শ্রেণীর হিন্দুরা গোমাংস খায়, একথা শুনে তিনি ব’ললেন,—‘কৈসে পতিং ভ্রষ্টাচারী হো গয়ে ইই! বাবুজী, ইন্হে এসী শিক্ষা দেনা চাহিয়ে, কি জিসেসে অপনে জীবন পর ইনকী ঘৃণা হো জায়।’—আমি ব’ললুম—খবরদার না, এমন শিক্ষা যদি আমরা দিতে চাই, যাতে ক’রে এদের নিজেদের জীবনে ঘৃণা হ’য়ে যায়, তা হ’লে আমরা এদের হারাঁবো; হিন্দুধর্মের মূল কথা নিয়েই এদের সঙ্গে বা এদের মধ্যে কাজ ক’রতে হবে। তারপরে প্রাচীন ভারতে গোমাংস ভক্ষণ নিয়েও কথা হ’ল। মোটের উপর, ভ্রমলোক স্বীকার ক’রলেন যে এদের সামাজিক সংস্কার দিকে, এদের চিত্রাচারিত রীতিনীতির দিকে লক্ষ্য রেখে শাস্ত্র শিক্ষা দেওয়া উচিত; অবস্থা বুকে ব্যবস্থা করা উচিত; সিদ্ধ দেশে মুসলমানদের ছোঁয়া খেলে, বা পাশাপাশি চুলায় মুসলমানের সঙ্গে রান্না


পাকালে হিন্দুর জা'ত যায় না, কিন্তু ভারতের অগ্রদেশে যায়, বা যেত—এসব কথা'র মধ্যে কোন্ নীতি আছে তাও ভেবে দেখার আবশ্যকতা ইনি স্বীকার ক'রলেন।

লোকুন্স তার পরে কবির কাছে এসে তাঁর দোকানে পায়ের ধুলো দিয়ে আসবার জ্ঞাত কবিকে নিমন্ত্রণ ক'রলেন। কাল বিকালে ওখানে কবি চা খাবেন স্থির হ'ল। রাত্রে আহারের সময়ে শ্রীযুক্ত স্বধানের এক বন্ধু এলেন। হলাণ্ডের Utrecht উট্রেখট্ নগরে আর অল্প পাঁচ বছর ছিলেন। ইনি বাণিজ্য ব্যাপারে লিপ্ত। খেতে খেতে এ'র সঙ্গে করাসীতে কথাবার্তা হ'ল। আহারের যবদ্বীপীয় আর ইউরোপীয় পদের সঙ্গে সঙ্গে ঝাঙ্কের বাধুনির তৈরী

দেশী খাদ্য রুচী তরকারী হালুয়া এত দিন পরে অতি উপাদেয় লাগল।

শনিবার, ১০ই সেপ্টেম্বর।—

আজ সকালে বৃদ্ধ মঙ্গুনগরো, শ্রীযুক্ত স্বধান আর তাঁর আত্মীয় শ্রীযুক্ত সিদ্ধির সঙ্গে কবিকে আর আমাদের নিয়ে এক গ্রুপ ছবি তোলা হ'ল। তার পরে আমরা শহরে বেড়াতে আর শিল্প-দ্রব্য কিনতে গেলুম। Inlandsch Kunst বা দেশীয় শিল্প ভাণ্ডারের একটা বড়ো দোকানে নানা জিনিসের সংগ্রহ দেখলুম। একটা ডচ মহিলা এই দোকানের তত্ত্বাবধানে ছিলেন। ইনি রবীন্দ্রনাথের শাস্তি-



স্বধাবাসায় রবীন্দ্রনাথ

উপবিষ্ট—রবীন্দ্রনাথ, বৃদ্ধ মঙ্গুনগরো

দণ্ডায়মান (বাম হইতে)—স্বরেন্দ্রনাথ, প্রবন্ধকার, বাক, স্বধান, সিদ্ধি, বীরেন্দ্রনাথ

নিকেতন বিদ্যালয়ের কলাভবনের জন্ত আমাদের সংগ্রহ হ'চ্ছে শুনে Dr. Klaverweiden নামে একটি ডচ চিকিৎসকের কথা বললেন—তার সাহায্যে প্রাচীন জিনিস, বিশেষতঃ মোবের চামড়ায় কাটা Wajang ওয়াইয়্যাং বা ছায়ানাট্যে ব্যবহৃত পুতুল আমরা সংগ্রহ ক'রতে পারবো। পরে আমরা এই দোকান থেকে কতকগুলি পিতলের ঘণ্টা বা ঘড়ি আর অল্প তৈজস কিনি। এই মহিলাটি ব্রহ্মে তৈরী একটি পুরাতন যবদ্বীপীয় শিবের মূর্তি তাঁর ব্যক্তিগত শ্রদ্ধার নিদর্শন-স্বরূপ রবীন্দ্রনাথের জন্ত আমাদের দিলেন। এ মূর্তিটি এখন বিশ্বভারতী কলাভবনে আছে।

বিলাতের New Statesman পত্রিকায় মিস্-মেয়ের সমালোচনায় মিথ্যা ক'রে কবির সম্বন্ধে যে সব উক্তি করা হ'য়েছিল, তার প্রতিবাদ কবি বলিদ্বীপের মুণ্ডুক থেকে লিখে Manchester Guardian এ পাঠিয়ে দেন। সুরাবায়ায় এসে শোনা গেল, মিস্-মেয়ের বই আর ঐ সমালোচনা হলাণ্ডে বিশেষ ভাবে প্রচারের চেষ্টা হ'য়েছে। আর হলাণ্ড থেকে ঐ সব মিথ্যা কথা যবদ্বীপে ডচদের মধ্যেও প্রচারিত হ'চ্ছে। দু চার জন ডচ বন্ধু বললেন, Manchester Guardian এর জন্ত লিখিত চিঠিখানি ইংরিজীতে আর ডচ অল্পবাদে যবদ্বীপেও সর্কর প্রকাশিত হওয়া উচিত। শ্রীযুক্ত ঝাং মূল ইংরিজি চিঠিখানি ছাপিয়ে দেবার ভার নিলেন, আর শ্রীযুক্ত ডেউএন্স এটির ডচ অল্পবাদ ক'রবেন। কতকগুলি পত্রিকার সম্পাদক এই চিঠি প্রকাশ ক'রবেন, স্থির হ'ল।

সুরাবায়া থেকে দক্ষিণ-পূর্বে মাইল কতক দূরে প্রাচীন নগরী Modjopahit মজপহিৎ-এর ধ্বংসাবশেষ আছে। শ্রীযুক্ত MacLaine Pont মাকলেন-পন্ট নামে যবদ্বীপীয় প্রত্ন বিভাগের কর্মচারী এক ডচ পণ্ডিত এখন এইখানে অহুসন্ধান-কাণ্ডে নিযুক্ত আছেন। প্রাচীন ভিটা রীতিমত খুঁড়ে অনেক প্রাসাদ মন্দির আর ভাস্কর্যের আর অল্প শিল্পের নিদর্শন বার ক'রেছেন—এসব থেকে যবদ্বীপের হিন্দুযুগের শেষ দুই তিন শতকের নানা বস্তু লোকচক্ষুর সামনে প্রকাশিত হ'য়েছে। খ্রীষ্টীয় চতুর্দশ আর পঞ্চদশ শতকে

যবদ্বীপের হিন্দু সভ্যতা কতটা উচ্চ শিখরে আরোহণ ক'রেছিল, তা এই সব জিনিস থেকে বোঝা যায়। মজপহিৎের কাছেই Trawoelan ত্রাবুলান গ্রামে শ্রীযুক্ত মাকলেন-পন্ট থাকেন, তাঁর আপিস সেখানে। ত্রাবুলান আর মজপহিৎ যেতে পড়ে Modjokerto 'মজকর্ত' নামে একটি ছোটো শহর, এখানে একটি ছোটো মিউজিয়মে আগেকার কালে প্রাপ্ত অনেকগুলি মূর্তি আর অল্প ভাস্কর্য্য রক্ষিত আছে। স্থির হ'য়েছিল, স্থিরেন বাবু, ধীরেন বাবু, বাকো, ডেউএন্স আর আমি সকলে মিলে মোটরে গিয়ে মজকর্ত মিউজিয়ম দেখবো, তার পরে মজকর্ত থেকে ত্রাবুলানে টেলিফোন ক'রে জানবো। শ্রীযুক্ত মাকলেন-পন্ট ওখানে এখন আছেন কিনা, আর মজপহিৎের ধ্বংসাবশেষ তিনি দেখাবার ব্যবস্থা ক'রতে পারবেন কি না। কবিকে অবশ্য এতটা পথ এই বোদ্ধের নিয়ে যাওয়া হবে না।

শ্রীযুক্ত ঝাংয়ের আনা মোটর ক'রে আমরা সাড়ে দশটায় যাত্রা ক'রলুম। এই অঞ্চলটি বিশেষ ভাবে উর্বর, তাই লোকের বাস ও এখানে খুব। সমস্ত পথ ধরে লোকের ভীড় কখন ও কমে না। রঙীন সারং সাদা কোষ্ঠা প'রে যবদ্বীপীয় মেয়ে আর পুরুষের দল; কিন্তু বলির আর বাতাবিয়ার লোকদের সঙ্গে তুলনা ক'রে এখানকার লোকদের একটু ময়লা রঙের একটু কুশ্রী ব'লেই বোধ হ'ল। গোন্ধর গাড়ীর সারি, তাতে বস্তা-বন্দী হ'য়ে ধান চাল চ'লেছে, তরী-তরকারী চ'লেছে; শহর ছাড়িয়ে ক্রমাগত ক্ষেতের সারি, আর মাঝে মাঝে ঘন-বসতি পল্লী; রাস্তার ধারে খাবারের দোকান—পসারিনীর দল ঝুড়ি ক'রে ভাত তরকারী নিয়ে নানা রকম কল নিয়ে ব'সেছে। 'কালি মাস' বা স্বর্ণনদী ব'লে একটি নদী রাস্তার ডান ধার দিয়ে গিয়েছে। মাঝে মাঝে খাল। ধূলা উড়িয়ে আমাদের গাড়ী চ'লেছে, আর চারিদিকে কড়া রোদদূর; হাওয়া না থাকলে প্রাণ অস্থির হ'ত। সওয়া ঘণ্টা এই রকম ভাবে চ'লে আমরা মজকর্ত-য় প'ড়িচালুম। দেশটি সবুজে ভরা। মজকর্ত শহরটি খুব হন্দর। বাড়ীগুলি একতলা। কাঠের বা ছোঁচা-বাঁশের তৈরী, অত্যন্ত হালকা ভাবে তৈরী; কিন্তু

প্রায় প্রত্যেক বাড়ির চারিদিকে একটু ক'রে বাগান থাকায় বেশ হৃদয় দেখাচ্ছিল।

মিউজিয়ম বাড়ীর সামনে মোটর থামল। ছোটো একতলা বাড়ী, ঘাসে ঢাকা একটুখানি হাতার ভিতরে। রাস্তার উপরে সদর দরজায় বা ফটকে হু একটা যবদীপীয় মেয়ে ফুলের পয়সা নিয়ে ব'সে আছে। আমাদের দেখে মালাই ভাষায় ফুল কিনতে ব'ললে। মিউজিয়মের দরজায় ফুল! ড্রেউএস বুঝিয়ে দিলেন—মিউজিয়মে ঢুকতেই একটি মূর্তি আছে, সেটাকে এখনও স্থানীয় লোকেরা পূজা করে। ড্রেউএস জিজ্ঞাসাবাদ ক'রে ব্যাপারটি আমাদের ব'লছেন, এমন সময়ে একটি চীনা স্ত্রীলোক, আর ছোটো শিশু সহিত একটি যবদীপীয় স্ত্রীলোক এল। এরা গোটাছুই ক'রে পয়সা দিতে, ফুলগুলি কিছু ফুল নিয়ে কলাপাতা জড়িয়ে এদের প্রত্যেককে দিলে, আর এক টুকরো ক'রে কাঠ দিলে। এদের সঙ্গে আমরাও মিউজিয়মের হাতার ভিতরে ঢুকলুম। মিউজিয়ম বাড়ীর দরজায় গোড়ায় দেখি, একটি বৃহৎ পাথরের গুরু মূর্তি, ভগ্ন অবস্থায়, দেওয়ালের ধারে রাখা; মূর্তিটার সামনে একটি ধূতুচীতে স্তম্ভ ধূপকাঠ জ্বলছে, আর তার গায়ে আর আশে-পাশে ফুল ছড়ানো। মিউজিয়মের তত্ত্বাবধানে আছে এক বড়ো যবদীপীয়—নামে মজকুত মুসলমান। সে আমাদের সেলাম ক'রে দাঁড়াল, আর স্ত্রীলোক দুটিকে দেখে তাদের হাত থেকে ফুল নিলে, কাঠের টুকরো দুটা নিলে। যবদীপীয় স্ত্রীলোকটা বড়োকে কতকগুলি কি কথা ব'ললে—যেন কোন্ বিষয়ে ঠাকুরকে নিবেদন ক'রতে হবে সে কথা ব'ললে। বড়ো এই স্ত্রীলোকের দেওয়া ফুলগুলি পাতার দোনা থেকে বা'র ক'রে নিয়ে মূর্তিটার গায়ে কোলে ছড়িয়ে দিলে, কাঠের টুকরোটা নিয়ে সামনের ধূপদান বা ধূতুচীতে ফেলে দিলে; ব্রলুম কাঠটি চন্দন বা অগ্নি কোনও স্তম্ভধি কাঠ। বিড়-বিড় ক'রে কি মন্ত্র পড়তে লাগল। তার পরে কিছু ফুল ঠাকুরের গা থেকে তুলে নিয়ে স্ত্রীলোকটিকে দিলে, স্ত্রীলোকটা ভক্তির সঙ্গে সেগুলি দুহাতে ক'রে নিলে। তার পরে মূর্তির পায়ের কাছে দুটা পয়সা রেখে (এ পয়সা বড়ো সঙ্গে সঙ্গেই তুলে নিলে) আর বড়োকে দুটি পয়সা দিয়ে মাটিতে মাথা

ঠেকিয়ে মূর্তিকে প্রণাম ক'রে সন্দের ছেলেটিকে দিয়ে প্রণাম করিয়ে আস্তে আস্তে বেরিয়ে চ'লে গেল। চীনা স্ত্রীলোকটিও এইভাবে বড়োর সাহায্যে পূজা সমাপন ক'রে চলে গেল। আমরা দাঁড়িয়ে দাঁড়িয়ে ব্যাপারটা দেখলুম। ড্রেউএস ব'ললেন, এরা এখনও মনে-প্রাণে হিন্দুই আছে, তবে সাবেক পূজা-পদ্ধতি ভুলে গিয়েছে,—নমাজও পড়ে, হজ্জও যায়, আবার দেশে এইভাবে পূজাও করে—কি পূজা কাকে পূজা সে-সব কিছু জানে না। বড়ো এদিকে আমাদের মিউজিয়ম দেখাবার জন্য তৈরী হ'ল। আমাদের দিকে প্রস্থচক ভাবে তাকালে—জানবার উদ্দেশ্য, আমরাও প্রচলিত রীতিতে পূজা দেবো কিনা। বোধহয়, ডচ্ আর স্থানীয় কিরীন্দীদের কাছ থেকে এই রকম পূজা ঠাকুরটা পেয়ে থাকে। আমি আমার ভাঙা মালাইয়ে জিজ্ঞাসা করলুম—ঠাকুরটি কে, এর নাম কি। সে ব'ললে, এর নাম 'জিঙ্গ' (Djinggo)। কথাটির মানে কেউ ব'লতে পারলে না। নানা স্থানে এইরূপ ভাঙা ঠাকুরে এখনও মুসলমান যবদীপীয়দের পূজা খেয়ে থাকেন। খাস স্ববরায়া শহরে এইরূপ একটা ঠাকুর আছেন, তার কথা পরে ব'লবো। আমি তারপরে জিজ্ঞাসা করলুম, ফুল চডালে কি হয়। সে ব'ললে, 'বরকৎ' আর 'সালামৎ' অর্থাৎ সৌভাগ্য আর শান্তিস্থ বাদে, অস্থ-বিস্থ হয় না। অর্থাৎ পীরের দরগায় পূজা দিয়ে আমাদের দেশেও তথাকথিত মুসলমানেরা আর নিম্নশ্রেণীর হিন্দুরা যে-সব জিনিসের কামনা ক'রে থাকে, এখানকার নিম্নশ্রেণীর অজ্ঞ লোকেরা, পীরের গোয়ের মাটির টিবির বা ইটের স্তূপের বদলে, তাদের পূর্ব-পুরুষদের দ্বারা পূজা কার্যে ব্যবহৃত একটি মূর্তি জুটিয়ে নিয়ে তারই পূজা চালিয়ে আসছে। অথচ লোকে ভাবে—ধর্মভাবের প্রেরণাটা ঠিক রইল, খালি অহুষ্ঠান আর অহুষ্ঠানের সাধন একটুখানি বদলানোতেই ধর্ম-পরিবর্তন ঘ'টল, আর এতেই মানুষের সমগ্র জীবনের সঙ্গে তার নান্দীর যোগ ভিন্ন হ'ল।

মিউজিয়মে পূর্ব-যবদীপের কীর্ষিই বেশী। কতকগুলি বিখ্যাত মূর্তি এখানে আছে। মজকুত-র প্রাপ্ত কতকগুলি হৃদয় মূর্তি এখন বাতাবিয়া মিউজিয়মে আছে—তার মধ্যে হৃদয়কারী নয় ও নারীর মূর্তি

সুন্দর লেগেছিল; এদের কাঁথের কলসী থেকে ফোয়ারার জল পড়ত। বিকটাকার গরুড়ের উপরে আসীন বিষ্ণুমূর্তি—এই মূর্তি রাজা এলদ্রের; মৃত্যুর পর তাঁর ইষ্টদেবতা বিষ্ণুতে তাঁর আত্মা বিলীন হয়, তাই রাজাকেই বিষ্ণুরূপে দেখানো হ'য়েছে। অল্প নানা মূর্তির মধ্যে একটা খোদিত চিত্র দেখালে—সীতা আর লবকুশের; যবদ্বীপের শেষ হিন্দুযুগের কীর্তি এটি।—আমরা ছোটো মিউজিয়মটা ঘুরে ঘুরে দেখলুম।



কুম্ভধারিণী নরী
(মজকর্ত নগরে প্রাপ্ত, বাতাবিহায় রক্ষিত)

তারপরে গ্রীষ্মক মাকলেন-পণ্ট জাব্বান-এ আছেন কিনা জানবার জন্য আমরা মজকর্ত-র টেলিফোন-আফিসে গেলুম। ডচেরা টেলিফোনের প্রসার খুব

ক'রেছে। টেলিফোন এক্সচেঞ্জ যে মেঘেরা কাজ ক'রেছে প্রায় সকলেই দেখলুম মেটে-ফিরিদি, মিশ্র



কুম্ভধারিণী নরী
(মজকর্ত নগরে প্রাপ্ত, বাতাবিহায় রক্ষিত)

ডচ-যবদ্বীপীয়। জাব্বান-এর সঙ্গে লাইনের যোগ ক'রে ড্রেডএস খবর পেলেন যে মাকলেন-পণ্ট জাব্বানে নেই, কোথায় গিয়েছেন কেউ জানে না। তিনি না থাকলে অল্প সময়ের মধ্যে সব দেখা হ'য়ে উঠবে না,—অগত্যা এ যাত্রা মজ-পহিতের ধবংসাবশেষে দেখার সঙ্কল্প ত্যাগ ক'রতে হ'ল।

টেলিফোন-আফিসে ডচ আর মালাই ভাষায় নানা সরকারী ইস্তাহার বুলছে। জনসাধারণের বসবার ভাগা আর এক্সচেঞ্জের ভিতরটা—এই দুইয়ের মাঝে একটা পিতলের

রেলিং আছে। সেই রেলিং-এ টাঙানো একটি ইস্তাহারের প্রতি নজর প'ড়ল—দেখি, তার তলায় পেন্সিলে কাঁচা



সীতা ও লব-কুশ
(মজকর্ত্ত সংগ্রহশালা)

হাতের বাঁকা অক্ষরে বাঙলায় লেখা—“আবদুল ছোবানকে টেলিফম করিতেছে হুদর মহমাদ।” এই হুদর পূর্ন যবদ্বীপের একটি ছোট শহরে অপ্রত্যাশিত ভাবে বাঙলা লেখা চোখে প'ড়ল; এখানেও বাঙালী ব্যাপারীরা তা হ'লে যাওয়া আসা করে। দেশে আমরা ক'জনই বা সে খবর রাখি? মনটা একটু বেশ খুশী হ'ল—আত্মীয় বা বন্ধু আব্দু-স-সোবহান-কে কোনও খবর পাঠাতে এসে বন্ধ-সন্তান নূর মোহম্মদ দ্রময় কাটাবার জন্ত টেলিফোন আফিসে এই যে কয়টা কথা বাঙলা হরফে লিখে রেখেছিল তা দেখে। সে স্বপ্নেও ভাবেনি যে আমাদের মত লোক এসে তার এই লেখা দেখবে।

সদ্বীদে লেখাটা দেখালুম, আর আপিসের পেয়াদাকে জিজ্ঞাসা করলুম—‘কিলিং বা বাঙালী—অর্থাৎ মাদ্রাজী বা উত্তর-ভারতীয় লোক—এ অঞ্চলে আছে কি না, আর কোথায় তারা থাকে, তারা সংখ্যায় কত?’ উত্তর পেলুম—অনেক কিলিং আছে, মজপহিতে বাজারে থাকে তারা, হুদাবায়া থেকে আসে, ‘কাইন’ বা বিলিতি কাপড় ফেরী ক'রে বেড়ায়, গ্রামে গ্রামে ঘোরে। যে কাজটা বলিদ্বীপে আরব ব্যবসায়ীরা ক'রছে, এ-অঞ্চলে তা হ'লে বাঙালী মুসলমান ব্যাপারীরা তার কিছুটা হাতে নিয়েছে। এরকম দু'একটা দেশবাসীর সঙ্গে দেখা হ'লে আরও খুশী হ'তুম।

যা হোক, হুদাবায়ায় ফিরলুম—প্রায় বেলা পৌনে দুটোর সময়ে।

চারটেয় শ্রীযুক্ত লোকুমল এসে কবিকে আর আমাদের তাঁর দোকানে নিয়ে গেলেন। দোকান ঘরটা সেদিন তিনি খুব সাজিয়েছেন, ভালো ভালো গাল্চে, রেশমের কাপড়, ছাপা কাপড়, শাল,—সব দিয়ে চার দিক মুড়ে দিয়েছেন। কতকগুলি সিদ্ধী হিন্দু আর গুজরাটী মুসলমান বেনিয়া নিমন্ত্রিত হ'য়েছিলেন। ফ্লাশ-লাইট ফোটো নেওয়া হ'ল; আর চা আর ভারতীয় মিষ্টান্ন দেওয়া হ'ল। কবির আগমনে লোকুমল শেঠ একেবারে কৃতার্থ। তাঁর শ্রদ্ধার নিদর্শন হিটাবে আর বিশ্বভারতীয় প্রতি তাঁর সহায়ভূতি জানিয়ে তিনি একটি থ'লে ক'রে সওয়া শ' গিলডার আর খানকতক অতি হুন্দর যবদ্বীপের বিশিষ্ট শিল্প ‘বাতিক’ কাপড় কবির সামনে ধ'রে দিলেন। এখানকার অস্থান চুকে যেতে, আর একজন সিদ্ধী ব্যবসায়ী শ্রীযুক্ত ওয়াসিয়ামল কবিকে সনির্বন্ধ অহরোধ ক'রলেন, ফিরতী পথে তাঁর দোকানেও কবিকে একবার পায়ে ধ'লো দিয়ে যেতে হবে। সেখানে পউছুতে তিনি বিশ্বভারতীয় জন্ত একাশ গিলডার দিলেন, আর কবির সামনে ভারতীয় কাজ একটি হাতের দাতের বাজ আর কিছু ‘বাতিক’ কাপড়ও ভেট ক'রলেন।

সন্ধ্যায় শ্রীযুক্ত হুদানের বৈঠকখানায় কতকগুলি উচ্চশিক্ষিত যবদ্বীপীয় যুবকের সমাগম হ'ল। বৈঠক-

থানা ঘরটা চেয়ারে টেবিলে যবদ্বীপীয় টুকটাকি শিল্প দ্রব্য, ফোটোগ্রাফে ছবিতে, ইউরোপীয় কেতায় সাজানো। এঁরা কবির সঙ্গে একটু কথাবার্তা ক'রবেন, কবির কথা শুনবেন। সংখ্যায় এঁরা প্রায় ১৪১৫ হবেন। ডাক্তার, আইন-ব্যবসায়ী, বণিক, কাগজের সম্পাদক, সরকারী কর্মচারী—অসহযোগ ক'রে সরকারী কাজ ছেড়ে দেওয়া—সব শ্রেণীর লোক ছিলেন। যদিও ইংরিজী-জানা লোক এদের মধ্যে ছিল, তবুও শ্রীযুক্ত বাকে দোভাষীর কাজ ক'রলেন; কবি ইংরিজিতে বা ব'ললেন বাকে ডচ ভাষায় তা অমূল্য ক'রে দিতে লাগলেন। এঁদের প্রশ্ন—প্রাচ্য আর পাশ্চাত্যের মিল সম্ভব কিনা, আর কি উপায়ে তা সম্ভব হ'তে পারে। কবির উত্তরে বা ব'ললেন অতি সংক্ষেপে সে কথা হ'চ্ছে এই :—পাখিব শক্তি আর ঐশ্বর্য নিয়ে এখন মারামারি কাড়াকাড়ি চ'লেছে, সে-দিক দিয়ে মিল এখন সম্ভব নয়; বারা এই material দিকটা নিয়ে মত্ত, তাদের মধ্যে দিয়ে এই মিল হবে না; কিন্তু মানুষের মানসিক আর আধ্যাত্মিক জীবনই বাদের কাছে সত্যকার জীবন ব'লে মনে হয়, তারা যদি এই intellectual আর spiritual দিক নিয়ে মিল করাবার চেষ্টা করেন। তবেই এই মিল সম্ভব হবে, সার্থক হবে; আর এই মিলের আধারের উপরেই পরে আর সব বিষয়ের সমাধান হ'তে পারবে। তার পরে এঁদের মধ্যে এই তর্ক উঠল, যতদিন পাশ্চাত্য এসে সমস্ত material বিষয়ে প্রাচ্যকে exploit ক'রবে, ততদিন এই মিলের অস্তরায় যথেষ্ট; তবে হয় তো ভবিষ্যতের একটা বোঝা-পড়ার জন্ম এই exploitation হ'চ্ছে একটা অবশ্যজ্ঞাবী stage বা সোপান। নানা কথায় প্রায় দু'ঘণ্টা সময় অতিবাহিত হ'ল—সাড়ে সাতটা থেকে প্রায় সাড়ে নটা পর্য্যন্ত। এঁদের বুদ্ধির প্রার্থনা আর সব বিষয়ে সচেতনতা আর তার সঙ্গে সঙ্গে অভিজ্ঞাত-বংশ-স্থলভ সহজ সৌজত্ব দেখে আমাদের খুবই সাধুবাদ দিতে হ'ল।

স্থানীয় ডচ সংবাদপত্র Indische Courant বা 'ভারতীয় বার্তাবহ' পত্রের এক প্রতিনিধি এসে আমার কাছ থেকে আমাদের বলি-ভ্রমণ স্বত্বকে, বিশ্বভারতী

আর কবির আদর্শ, মিস্-মেয়োর বই, ইত্যাদি বিষয়ে আমাদের অভিমত লিখে নিয়ে গেল।

রবিবার, ১১ই সেপ্টেম্বর।—

ভোরে একটা প্রোট সিন্ধী ব্যবসায়ী এলেন, তাঁর জী আর ছোটো একটা শিশুকে নিয়ে। এঁর নাম বালামল। লোকটিকে বেশ লাগল। কবির কাছে নিজের কাহিনী ব'ললেন। বহু দিন ধ'রে এদেশে ব্যবসা ক'রছেন। পয়সা কড়ি কিছু ক'রেছিলেন, কিন্তু লোকসান হয়ে সর্বস্বান্ত হন, নানা পারিবারিক বিপদ আপদও মাথার উপর দিয়ে যায়। এমন কি মাঝে কাপড়ের বস্তা ঘাড়ে ক'রে দ্বারে দ্বারে ফেরি ক'রে বেড়াতে হ'য়েছিল। ঈশ্বরের রূপায় এখন আবার একটু শুষ্কিয়ে নিয়েছেন। একটা পুত্র-সন্তানও হ'য়েছে, তাইতে তাঁর ভারী আনন্দ; শিশুটিকে এনেছেন—কবি তাকে আশীর্বাদ করুন। আমাদের বলিদ্বীপের ভ্রমণের কথা শুনছেন, সেখানে হিন্দু আছে জানেন। এঁদের মধ্যে শাস্ত্র-প্রচার হয় তাও চান। সুরাবায়ার দক্ষিণ-পূর্বে Tosari তোমারি অঞ্চলের লোকেরা এখনও শ্রদ্ধাদি নানা হিন্দু অমূল্য ক'রে থাকে; তাদের মধ্যে তিনি ঘুরে এসেছেন, সেখানেও আমাদের যাওয়া উচিত। বুদ্ধ মন্ডনগরোর খুব স্বাধাতি ক'রলেন। যবদ্বীপের লোকদের মধ্যে প্রাচীন আচার অনেক আছে, সে-বিষয়ে নানা কথা ব'ললেন। আমাদের বাসার কাছে একটা সাধারণের জন্ম বাগান আছে, সেখানে একটা বৃদ্ধমুর্তি আছে, মূর্তিটার নাম Djogdolok 'জগ্দলক', এখনও যবদ্বীপীয়েরা এসে ফুল আর ধূপ দিয়ে এই মূর্তির পূজা ক'রে যায়; স্থানটি মনোরম, বেশ ছায়া-শীতল,—অনেক সময়ে ফেরি ক'রে শ্রান্ত হ'লে ঐ স্থানে গিয়ে তিনি বিশ্রাম ক'রতেন। জায়গাটি গিয়ে দেখে আস্তে আমাদের ব'ললেন। তার পরে তিনি বিদায় নিলেন। আমরা এই দিন বিকালেই একটু ফুরফুর ক'রে এই 'জগ্দলক' দেখে আসি। সাধারণ বাগান একটা, তার এক ধারে কতকগুলি গাছপালার মধ্যে একটু জায়গা বেশ পরিষ্কার ক'রে রাখা। জমীটুকু ঘেরা। একটি উঁচু পীঠের উপরে আসীন মূর্তিটা। প্রমাণ আকারের

বুদ্ধ মূর্তি। সামনে আসন-পীঠের উপরে প্রাচীন যবদ্বীপীয় অক্ষরে তিন চার লাইন একটি লেখা আছে। মূর্তিটার গলায় কতকগুলি ফুলের মালা, আর কোলে আর



‘জগদ্বলক’

হরাবায়া নগরে পুজিত—অক্ষোভা বুদ্ধ মূর্তি

পায়ের কাছে ফুল আর মালা প’ড়ে র’য়েছে। মূর্তির সামনে একটি ধূপদানে অগুরু কাঠ আর ধূনা জ’ল’ছে। আশে-পাশে ছোটো বড়ো নানা মূর্তি, তার মধ্যে রাফস মূর্তি আছে; এগুলির পূজো হয় না। আমরা একটু দাঁড়িয়ে অপেক্ষা ক’রতে ক’রতেই পূজো দিতে ছুটি মেয়ে এল। একটি যবদ্বীপীয় পোষাকে, অটুটি ইউরোপীয় পোষাকে। দেশী পোষাকে মেয়েটি জুতো খুলে মূর্তির কাছে গেল, একজন আধাবয়সী যবদ্বীপীয় ব’সে ছিল, সে মেয়েটির হাত থেকে ফুল নিয়ে ঠাকুরের কোলে রাখলে, কিছু ফুল প্রসাদ-স্বরূপ তুলে নিয়ে তার হাতে দিলে; ঝঙ্ক-টঙ্ক পড়া হ’ল কিনা বুঝতে পারলুম না। সেবাইন্তের হাতে গুটিকতক পয়সা দিলে। পাশে একটা জলের কুণ্ড—

জালার মত পাত্র, তা থেকে জল নিয়ে পা ধুয়ে এসে জুতো প’বে চ’লে গেল। সঙ্গে ইউরোপীয় পোষাকে যে মেয়েটি ছিল, সে জুতোও খুললে না, ভিতরে ঠাকুরের কাছেও গেল না, বাইরেই দাঁড়িয়ে রইল। এই ভাবে পূজা সমাপন হ’ল।—এই বুদ্ধ মূর্তিটা হ’চ্ছে অক্ষোভা বুদ্ধের, একটি খ্রীষ্টীয় তেরের শতকের। পূর্বপুরুষদের শৈব আর বৌদ্ধ ধর্ম যবদ্বীপীয়েরা আর বাইরে বাইরে মানে না, কিন্তু তাদের পুরাতন ধর্মের সমস্ত অলঙ্কারগুলিকে এখনও তারা একেবারে বর্জন ক’রতে পারে নি।

বেলা দশটার সময়ে যবদ্বীপের Indonesische Studieclub-এ গিয়ে আমার বক্তৃতা দিতে হ’ল। ডাক্তার স্তম আর শ্রীযুক্ত স্থান আমায় নিয়ে গেলেন। ড্রেউএস ছিলেন। এই ক্লাবের বাড়ীটি বেশ, দেখে মনে হয় এর অবস্থা ভালো, কাজও ভালো চ’লছে। বক্তৃতার জন্ত একটি বড়ো ঘর আছে। ঘরের দেয়ালে যবদ্বীপীয় নেতাদের ছবি, ছবির তলায় স্ক্রু তাল-জাতীয় গাছের পাতা দিয়ে সাজানো। জন আশী লোক—অধিকাংশই যুবক আর ছোকরা; এদের মধ্যে যবদ্বীপীয়, সুন্দা, মাছুরা, মালাই,—চার শ্রেণীরই লোক আছে। ডচ থবরের কাগজের তরফ থেকে রিপোর্ট নেবার জন্ত কতকগুলি প্রতিনিধিও এসেছেন; এ’রা ডচ। স্থানীয় কাগজে পরে আমার এই বক্তৃতার বেশ খুঁটিয়ে বিবরণ বেরিয়েছিল। শান্তিনিকেতনের ইতিহাস, রবীন্দ্রনাথের বিদ্যালয়, শিক্ষা সম্বন্ধে তাঁর আদর্শ, আমাদের দেশের প্রাচীন আর আধুনিক শিক্ষার রীতি, বিশ্বভারতী,—এই সব কথা নিয়ে প্রায় পয়তাল্লিশ মিনিট ব’ললুম। খানিকটা ক’রে বলি, আর ড্রেউএস ডচে অল্পবাদ ক’রে যান। তার পরে শ্রোতাদের কাছ থেকে ছ সাতটি প্রশ্ন হ’ল—ডচে আর মালাইয়ে। সবগুলিই আজকালকার ভারতীয় শিক্ষা পদ্ধতি, বিশ্ববিদ্যালয় ইত্যাদির সম্পর্কে। I. M. S. আর I. E. S.-এ যোগ্য ভারতীয়ের স্থান কতটুকু, সে সম্বন্ধেও প্রশ্ন উঠল। অবস্থা দুই দেশেই প্রায় এক দেখে, শ্রোতাদের মধ্যে ছ-চার জনের মধ্যে একটা অর্থপূর্ণ দৃষ্টি-বিনিময় হ’ল। ডাক্তার স্তম অতি চমৎকার ভাবে সভার কাজ

চালালেন। প্রায় সাড়ে বারোটাতে সভা ভাঙল। তারপরে একটি রেস্টোরাঁয় গিয়ে কুল্‌ফী-বরফ খেতে খেতে এঁদের সঙ্গে খানিক গল্প করা গেল। শ্রীযুক্ত হুতম-র সঙ্গে কথাবার্তা ক'রে ভারী আনন্দ হ'ল।

ডচ ভাস্কর Klaverweiden ক্লাফরভাইডন্-এর সঙ্গে কবির সাক্ষাৎ হ'য়েছিল—ইনি বিশ্বভারতী কলাভবনের জন্য একটি মূল্যবান উপহার দিলেন—চমৎকার কাজকরা একটি সেকলে কাঠের শিল্পকে ক'রে অনেকগুলি Wajang 'ওয়াইয়াং' বা ছায়া নাট্যে ব্যবহৃত চামড়ায় কাটা আর খুব রঙচঙে আর সোনালী কাজকরা মূর্তি।

ছপু'রে লোকুমলের ওখানে আমাদের মধ্যাঙ্গ ভোজনের নিমন্ত্রণ ছিল। বাকি আর আমরা গেলুম, কবি বাসায় রইলেন। বাকি ধুতি আর পাঞ্জাবী প'রে যাওয়ায় সিদ্ধীর ভারী খুশী হ'ল। বাড়ীর নীচের তলায় দোকান, পিছনে গুদাম, উপরে মস্ত একটা হল-ঘরে দোকানের মালিক বা ম্যানেজার আর কাম্‌চারীদের থাকার জায়গা। উপরেই খুব গালিচা বিছিয়ে আমাদের খাবার জায়গা হ'য়েছিল। এই থাকার জায়গার একটুখানি স্থান ঘিরে নিয়ে একটি ঠাকুর-ঘর ক'রেছে। প্রত্যেক বড়ো সিদ্ধী দোকানে এই ঠাকুর-ঘর একটি ক'রে থাকে। ধর্মকে এরা একেবারে বাদ দেয় নি। বাতাবিয়ায় দ্বিতীয়বার যখন যাই, তখন এই সিদ্ধীদেরই আতিথ্য গ্রহণ করি, এদের সঙ্গে একত্র থাকি। এদের রীতিনীতি দেখবার আর এদের সুবিধা আর সমস্ত আলোচনা করবার একটু সুযোগ তখন হয়। সে সম্বন্ধে পরে ব'লবো। লোকুমল

খুব যত্ন ক'রে আমাদের খাওয়ালেন। লোকুমলের ওখানে একটি গুজরাতি মুসলমান যুবকের সঙ্গে আলাপ হ'ল। এঁর বাড়ী প্রসিদ্ধ জৈন তীর্থ পালিটানায়। এখানে এঁর একটি ষ্টীল-ট্রাকের কারখানা আছে, তাতে কতকগুলি বাঙালী মুসলমান কারিগর কাজ করে। বাঙালী মুসলমান দর্জি আমদেশে বান্ধক-শহরে অনেক আছে জানতুম, অত্ৰ ব্যবসায়ের বাঙালী কারিগর এতদূর পর্যাস্ত এঁসে পৌছবে, এটা একটা নোতুন খবর।

রাত্রে নটায় ছিল Kunstkring বা ডচদের সাহিত্য-সঙ্গীত-কলা সভায় কবির বক্তৃতা। কবির স্বাবাস্যার অবস্থানের সম্পর্কে এইটী একটা বড়ো ব্যাপার। স্থানীয় Kunstkring-এর বাড়ীটী অতি সুন্দর, অতি-আধুনিক ইউরোপীয় বাস্তবীতি অনুসারে তৈরী। ডচ সমাজের প্রায় সমস্ত প্রধান ব্যক্তি এসেছিলেন। সভার সম্পাদক কবিকে স্বাগত ক'রে এক অভিভাষণ দিলেন, আর কবির সম্বন্ধে একটা প্রবন্ধ প'ড়লেন। কবির ব্যাখ্যান তার পরে হ'ল; বিষয় ছিল, What is Art? তাঁর বক্তৃতা অতি সুন্দর হ'য়েছিল। বক্তৃতার পরে, আমরা Kunstkring-এর বাগানে খানিক ব'সে, প্রায় সাড়ে দশটায় বাড়ী ফিরলুম। ক্লাবের সংলগ্ন বাগানে ব'সে কাকি শরবৎ বা বিয়ার পান করা আর খানিক রাত পর্যাস্ত গল্প গুজব করা এখানকার ডচদের মধ্যে একটা সামাজিক রেওয়াজ হ'য়ে দাঁড়িয়েছে।

এখানকার পাট চুকল, কাল সকালে আমাদের শ্রুর্কর্ক যাত্রা ক'রতে হবে।

(ক্রমশঃ)



চণ্ডীদাসের শ্রীকৃষ্ণকীর্তন আসল না নকল ?

শ্রীযোগেশচন্দ্র রায় বিদ্যানিধি

(১)

মাস ছয়েক হইল শ্রীযুত দক্ষিণারঞ্জন ঘোষ উক্ত শিরোনামে ৩৫ পৃষ্ঠার একখানি পুস্তিকা প্রচার করিয়াছেন।* আমায় একখণ্ড উপহার দিয়াছেন।

চণ্ডীদাস সম্বন্ধে আলোচনায় আমার ইচ্ছা ছিল না। কিন্তু লেখক একস্থানে আমার নামে এক মত আরোপ করিয়াছেন, এবং অত্র একস্থানে আমার নাম না করিলেও আমাকেই লক্ষ্য করিয়াছেন। আর আমারও এমন প্রতিজ্ঞা নাই, একবার যে অনুমান করিয়াছি, তাহার নড়-চড় হইতে পারে না।

সন ১৩২৩ সালে বঙ্গীয়-সাহিত্য-পরিষৎ বিষ্ণুপুরে আবিষ্কৃত “শ্রীকৃষ্ণকীর্তনে”র পুথী প্রকাশ করেন। ইহার কবি আপনাকে বাসলী-সেবক বড় চণ্ডীদাস বলিয়াছেন। রামেন্দ্রসুন্দর লিখিয়াছিলেন, তাহার মতে “কৃষ্ণকীর্তনের চণ্ডীদাসই যে খাটি চণ্ডীদাস, তাহা স্বীকারের হেতু নাই।” পুথীর আবিষ্কারক ও সংস্কর্তা শ্রীযুত বসন্তরঞ্জন রায় বিদ্যবল্লভ মহাশয়েরও সেই মত।

উহাদের মতে আমরা এই পুথী-আবিষ্কারের পূর্বে আসল চণ্ডীদাস পাই নাই; এইটি আসল। প্রমাণ কি? (১) লিপিবিন্যাসিং রাখালদাস বন্দ্যোপাধ্যায় পুথীর অক্ষরদৃষ্টে বলিয়াছেন, আবিষ্কৃত পুথী “১৩৮৫ খৃষ্টাব্দের পূর্বে, সম্ভবতঃ খৃষ্টীয় চতুর্দশ শতাব্দীর প্রথমার্দ্ধে লিখিত হইয়াছিল।” (২) পুথীর ভাষা প্রাচীন, এত প্রাচীন যে উহার রচনার সময়ে আসামের পূর্ববঙ্গের মিথিলার রাঢ়ের ভাষার মধ্যে বর্তমান অপেক্ষা অত্যধিক সাদৃশ্য ছিল; (৩) উহার ভাবও এত প্রাচীন যে চৈতন্য-প্রভু-প্রবর্তিত বৈষ্ণব ভাবের সহিত মিল নাই। ১৩২৫ সালে সা-প-

পত্রিকার ৩য় সংখ্যায় বৈষ্ণব পদাবলী ও বৈষ্ণবশাস্ত্রে পণ্ডিত শ্রীযুত সতীশচন্দ্র রায় দ্বিতীয় ও তৃতীয় হেতু-বলে কৃষ্ণকীর্তন গ্রন্থকে খাটি চণ্ডীদাসের বলিয়াছেন। বসন্তরঞ্জনবাবু এই চণ্ডীদাসের দেশও দিয়াছেন, বীরভূমের নামুর গ্রামে।

শ্রীযুত দক্ষিণারঞ্জন ঘোষ বলিতেছেন, এই চণ্ডীদাস নকল। কারণ, (১) কৃষ্ণকীর্তনে রাধাকৃষ্ণের ধামালী আছে। এই কুংসিং ধামালী চৈতন্যপ্রভু কদাপি আশ্বাদ করেন নাই। ইহা বৈষ্ণবশাস্ত্রবিরুদ্ধ; (২) পুথী বিষ্ণুপুরে রচিত হইয়াছিল; (৩) দুই এক শত বৎসর পূর্বে রচিত হইয়াছিল; (৪) বিষ্ণুপুরের এক কবি নয়, হিন্দুস্থানী আসামী পূর্ববঙ্গীয় কবিও ছিলেন। তাহার বিষ্ণুপুরে আসিয়া জুটিয়াছিলেন। অবশ্য এটা নানা স্থানের শব্দের একত্রাবস্থিতির কারণ-ব্যাখ্যা।

এই নূতন মতে সব নাস্তি হইয়া যাইতেছে। নাস্তিকের কথা না মানি, কিন্তু তিনি যে আন্তিকের উপকার করেন, তাহা স্বীকার করিতেই হইবে। আন্তিককে নিজের প্রমাণ চিন্তা করিতে হয়, দৃঢ় করিতে হয়, দোষ সংশোধন করিতে হয়। যাহাঁর সংশয় হয় না, তাহার জ্ঞানও হয় না। জিজ্ঞাসার পূর্বে সংশয়। সংশয়চ্ছেদ হইলে জ্ঞান। কিন্তু বিপদ এই, সংশয় দূর না হইলে আমরা কুপিত হই, সে কোপ গিয়া পড়ে যিনি সংশয়ের হেতু, তাহার উপর।

পদাবলীর চণ্ডীদাস আমাদের এত প্রিয় যে, তাহার কতখানি আমাদের মানস-সৃষ্টি, তাহা ভাবিবার অবকাশ পাই না। আজ যদি কেহ সুন্দরবনে এক ভগ্ন পাষাণ-মন্দির আবিষ্কার করেন, যাহার ভিতরে বাসলী-মূর্তি এবং দ্বারে “পদকর্তা বড় চণ্ডীদাস পূজিতা” লেখা থাকে, তাহা হইলে হয়ত কেহ প্রস্তরফলকটি সমুদ্রে ফেলিয়া দিবেন, কেহ বা টাচিয়া ছুলিয়া নির্-অক্ষর

* কলিকাতা, ভবানীপুর, ১৬ নং টাউনসেণ্ড রোড, কালীতারা প্রেস হইতে প্রকাশিত। “অধিকাংশ বিষয়বাপী” হইতে পুনর্মুদ্রিত।” মূল্য লেখা নাই।

করিবেন। আমার আর এক রোগ আছে। আমি যখনই চণ্ডীদাসের পদাবলী পড়ি, কিম্বা কোনও পদ আমার অজ্ঞাতসারে হঠাৎ মনে আসে, তখনই চণ্ডীদাসকে সমুখে দেখিতে পাই। “সই কেবা শুনাইল শ্যাম নাম”— মনে পড়ুক; দেখি চণ্ডীদাস নৃপুর-পায়ে দাঁড়াইয়া পদটি গাহিতেছেন। আমি শপথ করিতে পারি, তাহার বয়স ২৫ বৎসর উত্তীর্ণ হয় নাই, দোহারা চেহারা,— গৌরবর্ণ নয়, কৃষ্ণবর্ণও নয়, উজ্জল শ্যামবর্ণ, বয়ঃ একটু ফরসা। ছাতনায় কয়েকবার যাতায়াতের পর আর এক রোগ জন্মিয়াছে; আমি দেখি, তিন দিকে নুপরি বন, সে বনের ধারে একখানা পাতা-ছাওয়া নীচু ছোট ঘর, নাহুর মাঠে হাটের নিকটে, ছোটদুতি-পরা ছুংখী এক বড় গুন-গুন করিতেছেন। আমি জানি, এই রকম রোগ অনেকের আছে। আমি কবি নই, চণ্ডীদাসের অতিশয় ভক্তও নই। কিন্তু মানস-সৃষ্টির অপূর্ব মহিমা বুঝিতে পারি। যাঁহারা চণ্ডীদাসকে জপ-মালা করিয়াছেন, তাঁহাদের মানস-প্রতিমার যৎকিঞ্চিৎ ব্যতিক্রমে অতিশয় মনঃকষ্ট হইতে পারে। “শ্রীকৃষ্ণকীর্তন” বইখানা হঠাৎ দৈত্যের মতন আসিয়া আতঙ্ক জন্মাইয়া দিয়াছে। সে দৈত্য ধামানী হউক, রুমুর হউক, উটিয়া যাইবে না। তাহাকে আসন দিতেই হইবে। বাঙ্গলা সাহিত্যের ইতিহাসে সে আসন কোথায় দিলে অপর সকল কৃতীর লাঘব হইবে না, সে চিন্তা অহেতুক নহে।

(২)

সন ১৩২৩ সালে শ্রীকৃষ্ণকীর্তন প্রকাশিত হয়। তৎকালে উহার কবির কাল, দেশ ও চরিত্র সম্বন্ধে যে-সকল মত প্রচলিত ছিল, বসন্তরঞ্জনবাবু সে-সব স্বীকার করিয়া লইয়াছিলেন। তিনি ঠিকই করিয়াছিলেন। সন ১৩২৬ সালের সা-প-পত্রিকায় আমি তিনেই সংশয় জানাইয়াছিলাম। কেহ কেহ বলিয়াছেন, আমি অতিরিক্ত সংশয়ী হইয়াছি। পুথীর গুরুত্ব ইহার কারণ। সংশয়ের মূল্যধার প্রাপ্ত পুথীর অসমিত কাল। ইহার উপর নির্ভর করিয়া পুথীখানি চণ্ডীদাসের যৌবনকালে রচিত, এমন কি তাহার স্বহস্ত লিখিত; গোড়ায় বৈষ্ণব-

ধর্মের পূর্বে রচিত, এবং চৈতন্যপ্রভুর আশ্বাদিত; রাঢ় বঙ্গ মিথিলা প্রভৃতির ভাষার সাম্য; ইত্যাদি অল্পমান দাঁড়াইয়াছে। আমি রাখালবাবুর লিপিপ্রাজ্ঞতা অস্বীকার করি না। তাঁহার কথিত লিপিতত্ত্ব বরা কঠিন নহে। কঠিন, সদ্ধত উদাহরণ সংগ্রহ ও তত্ত্বের প্রয়োগ। আমরা প্রত্যক্ষেও ভুল করি, রাখালবাবুও ভুল করিয়াছেন। আদালতে কখন কখনও লিপিপ্রাজ্ঞ ডাকা হয়; কিন্তু মকদ্দমার পূর্বাগর বিবেচনা না করিয়া কেবল তাঁহার কথায় ডিগ্রি ভিসমিস করা হয় না। তিনি মাত্র তিনটি উদাহরণ লইয়াছিলেন। সে তিন পুথীর লিপির দেশ জানান নাই। শেষে কিন্তু একটি পুথী “শূদ্রপদ্ধতি”র উপর নির্ভর করিয়াছিলেন। তিনখানির মধ্যে, এইখানি প্রাচীন। তিনি মনে করিয়াছিলেন, এখানি ১৪৪২ বিক্রমাব্দে লিখিত। ১৩২৬ সালের সা-প-পত্রিকার ২য় সংখ্যায় মহামহো-পাধ্যায় শাস্ত্রী মহাশয় দেখাইয়াছেন, “শূদ্রপদ্ধতি”র কাল বিক্রমাব্দে নয়, শকে; ১৪৪২ বিক্রম সংবৎ নয়, ১৪৪২ শক; অর্থাৎ ১৫২০ খ্রীষ্টাব্দ। (পুথীর পাতাটি কৃষ্ণকীর্তনের বহির গোড়ায় ছাপা হইয়াছে। যে সে পড়িতে পারেন।) তিনি লিখিয়াছেন, “ঠিক বৈজ্ঞানিক রীতিতে চলিলে উহার উপর নির্ভরই করিতে নাই।” কিন্তু তিনি রাখালবাবুর সহিত একমত, “কৃষ্ণকীর্তন” পুথী ১৩০০-১৩৫০ খ্রীষ্টাব্দের মধ্যে লিখিত। কারণ ৩ অঙ্কের যে আকার এই পুথীতে আছে, সে আকার ১৩৬০ খ্রীষ্টাব্দের পরে “আর দেখা যায় নাই।” কিন্তু একটি উদাহরণের উপর এত নির্ভর করিতে পারা যায় না। বিশেষতঃ এই আকার প্রায় নাগরী ৩ অঙ্কের তুল্য। শাস্ত্রী মহাশয়ের আর এক পরীক্ষা, ৫ অঙ্কের আকার। বর্তমান ৬ অঙ্কের মাধ্যম অর্দ্ধচন্দ্র দিলে যেমন দেখায়, তেমন। কিন্তু বিষ্ণুপুরে ১৫৭৯ শকে (১৬৫৭ খ্রী:) লিখিত পুথীতে এই আকার আছে।

যে পুথীতে তিন হাতের লেখা আছে; কেহ প্রাচীন অক্ষর লিখিয়াছেন, কেহ তাহা অল্প করিয়াছেন, কেহ অপেক্ষাকৃত আধুনিক অক্ষর লিখিয়াছেন; স্থূল দৃষ্টিতে বৃষ্টি একই কালের একই গ্রামের তিন জন লিপিকরের

লিপি ত্রিবিধ হইতে পারে। পুথীখানি দু'ভাজ তুলটি কাগজের দুই পিঠে লেখা। অধিকাংশ পাতার ভাঁজ ছিঁড়িয়া গিয়াছে, কিন্তু এখনও একখানি পাতা জোড়াই আছে। ইহার এক পিঠে প্রাচীন অক্ষর, অগ্র পিঠে অপেক্ষাকৃত আধুনিক অক্ষর দেওয়া আছে। পত্রাঙ্ক ঠিক আছে, প্রথম পিঠের লিখিত। পদের অগুণ্ণ দ্বিতীয় পিঠে চলিয়াছে। কেমন করিয়া বলি, একই সময়ের একই দেশের লিপি অবিকল এক হইয়া থাকে। ইদানী ছাপার অক্ষর আমাদের লিপির আদর্শ হইয়াছে। পূর্বকালে আদর্শ এক ছিল না; কয়েকটি অক্ষরের আকৃতি ভিন্ন ভিন্ন হইত। দেশভেদে ও লোকভেদে ভাষা-ভেদ ও অক্ষরের আকৃতি ভেদ হইত।

রাখালবাবু ও শাস্ত্রী মহাশয় বলিতেছেন, কৃষ্ণ-কীর্তনের পুথীর প্রথম পাতা হইতে শেষ পাতা ১৩০০-১৩৫০ খ্রীষ্টাব্দের মধ্যে লিপিকৃত হইয়াছিল। শকে ১২২২ হইতে ১২৭২ অব্দের মধ্যে। তিনজন লিপিকর একখানা পুথী দেখিয়া লিখিয়াছিলেন। অতএব আদর্শ পুথী আরও প্রাচীন বলিতে হইবে। ফলে দাঁড়াইতেছে, চণ্ডীদাসের জন্মশক ১২০০ অব্দে কিম্বা তৎপূর্বে ধরিতে হইবে।

ইহাতে আপত্তি কি? আমার আপত্তি নাই। কিন্তু যাহারা বিদ্যাপতির সহিত চণ্ডীদাসের মিলন, কিংবা চণ্ডীদাসকে চৈতন্যপ্রভুর একশত বৎসর পূর্বে দেখিতে চান, তাহারা হতাশ হইবেন। এই দুই তর্ক অলীক বলিতে পারি, কিম্বা বলিতে পারি সে চণ্ডীদাস ইনি নহেন; কিন্তু কোন কোন পদের ভাষা ও কতকগুলি শব্দ বিভক্তি ও প্রত্যয় ভাষাতত্ত্ববিদের বিদ্রোহী হইয়া দাঁড়াইবে। সেগুলি বাছিয়া নির্বাসিত করিবার উপায় নাই। লিপিকর সব এক শিকলে বাঁধিয়া দিয়াছেন। লিপি-প্রাক্ষের অভিমত মানিতে হইলে বলিতে হয়, ১৩০০ খ্রীষ্টাব্দের পূর্বে রাঢ় দেশে, বিষ্ণুপুরে, মুসলমানী শব্দ 'বন্দ', 'বাকি', 'মজুরি', 'মজুরিয়া', চলিতেছিল। বাঙ্গলার ঐতিহাসিক এ কথায় সায় দিবেন কি? পূর্বরাঢ়ে নদীয়াতেও অসম্ভব।

আমার বিবেচনায়, আবিস্কৃত পুথীর রচনা খাটি নয়, মিশাল। ইহাতে দুই তিন দেশের, দুই তিন কালের,

দুই তিন কবির হাত আছে। যেমন বাঙ্গালী রামায়ণ খাটি নয়, মিশাল; মল্লসংহিতা খাটি নয় মিশাল; বিদ্যাপতি খাটি নয় মিশাল; প্রাপ্ত কৃষ্ণকীর্তনও খাটি নয়, মিশাল। পাঁচমিশালের এক একটা দ্রব্য লইয়া পরীক্ষা করিলে ফলে যেমন সত্য থাকে, মিথ্যাও থাকে; কৃষ্ণকীর্তনের বিচারে তেমন হইয়াছে। অর্থাৎ এক-দেশ-দর্শিতা। ইহার আদি অবশ্য প্রাচীন, ছয় শত সাত শত বৎসরের প্রাচীন বলিতে পারেন; কারণ, জুথিবার উদাহরণ নাই। কিন্তু লোক সংস্করণ এত প্রাচীন নয়। গীতের রচনাকাল, পরে সংস্করণকাল, পরে প্রাপ্ত পুথীর লিপিকাল এক হয় না।

দক্ষিণারঞ্জনবাবু লিখিয়াছেন, সতীশবাবু ও আমি কৃষ্ণকীর্তনকে আধুনিক বলিয়াছি। আমার মত সঙ্ক্ষে এই উক্তি সত্য নয়, মিথ্যাও নয়; কিন্তু, যতদূর জ্ঞান, সতীশবাবুর মত সঙ্ক্ষে একটুও সত্য নয়। আরও কেহ কেহ আমার প্রতি এরূপ অবিচার করিয়াছেন। আমি মূল পুথী সঙ্ক্ষে কিছু বলি নাই। এগার বার বৎসর পরে এখন কি মনে হয়, লিখিতেছি।

(৩)

ভাষা বিচারে দেশ ও কাল, দুইই দেখা কত বা। নূতন আবিস্কৃত পুথীর প্রাপ্তিস্থানের ভাবার সহিত পুথীর ভাষা প্রথমে তুলনা কত বা। যথোচিত সাদৃশ্য না পাইলে অগ্র স্থানের ভাষা দেখিতে হইবে। কৃষ্ণ-কীর্তনের পুথী বিষ্ণুপুরে (নগরের পাঁচ ছয় মাইল উত্তরে) পাওয়া গিয়াছিল। পূর্বকালে পশ্চিমরাঢ় নিবিড় বনে আচ্ছন্ন ছিল, এবং তাহারই মধ্যে মধ্যে নদীর নিকটে ছোট ছোট জনপদ ছিল। বিষ্ণুপুর রাঢ়ের সীমান্ত-দেশ ছিল, ইহার উত্তর পশ্চিম ও দক্ষিণে এত বন ছিল যে, বহুকাল পর্যন্ত পুরের নাম বনবিষ্ণুপুর ছিল। পুর হইতে মাইল দেড়েক উত্তরে দ্বারকেশ্বর নদ পশ্চিমোত্তর হইতে পূর্বদক্ষিণে বহিয়া গিয়াছে। এখন এই স্রোত কানা হইয়া গিয়াছে, প্রধান স্রোত কানার উত্তরে দ্বীপ করিয়াছে। অষ্টম খ্রীষ্টশতাব্দে বিষ্ণুপুর মল্ল-রাজধানী হয়। বোধ হয় তখন হইতে স্থানটির নাম বিষ্ণুপুর

হইয়াছে। ইহার অল্প কোন নাম শোনা যায় নাই। বোড়শ খ্রীষ্টশতাব্দের রাজা বীর হাঙ্গীরের (১৫৮৭-১৬২০ খ্রিঃ) আজ্ঞায় শ্রীনিবাস আচার্য ও তাহার সঙ্গীদের নিকট হইতে বৈষ্ণব গ্রন্থ লুপ্তিত হয়। অপরাধী বীর হাঙ্গীর ভাগবত-পাঠ শুনিতেন, শ্রীনিবাস আচার্যের মুখে তাহার ব্যাখ্যা শুনিয়া রাজা মুগ্ধ হন এবং আচার্যের শিষ্য হন। তিনি গৌড়ীয় বৈষ্ণবধর্মে এত অমুরক্ত হইলেন যে, কালাচাঁদ ঠাকুর প্রতিষ্ঠা করিলেন, মদন-মোহন বিগ্রহ ছলে বলে বিষ্ণুপুরে আনিলেন, বৃন্দাবন তীর্থ দর্শন করিলেন, এবং বৃন্দাবনের অঙ্কুরণে পুরাতন “বাঙ্কর” নাম ঘন্না, কালিন্দী, নতন খাতের নাম শ্যামকুণ্ড, রাধাকুণ্ড, গ্রামের নাম দ্বারকা, গোবল নগর, মথুরা, অবন্তিকা এবং বিষ্ণুপুরের নাম গুপ্ত বৃন্দাবন রাখিলেন। এই বৃন্দাবনে কোথাও তমালবন, কোথাও তালবন, কোথাও ভাণ্ডীর বন, এবং স্থানে স্থানে হৃন্দর হৃন্দর পুষ্প-উদ্যান নির্মিত হইল। এই বৃন্দাবনের উত্তরে দ্বারকা, নদীর পারে (বর্তমান দীপে), অবন্তিকা ও মথুরা। মদনমোহনের সঙ্গে সে বৃন্দাবন চলিয়া গিয়াছে। এখন বাড়েলের একতারা বাজাইয়া গান করে, “আগে ছিল বিষ্ণুপুর গুপ্ত বৃন্দাবন। এখনেতে হল্য সে যে চাকুন্নার বন।”*

রাঢ়ের পশ্চিম সীমান্তদেশে, উত্তর-পশ্চিম-দক্ষিণ-দিকে বনবেষ্টিত হইয়া মল্লরাজ্য তিষ্ঠিয়া ছিল। এমন দেশে আচার ব্যবহার বহুকাল যাবৎ প্রায় একই প্রকার থাকে। পূর্বরাঢ় ও দক্ষিণরাঢ়ে ভাষার পরিবর্তন হইতেছিল, ভিন্ন দেশের ভিন্ন কৃষ্টির প্রভাব-বর্জিত হইয়া বিষ্ণুপুর পুরাতন ভাষা এবং ভাষা প্রকাশক বানান ও অক্ষর রক্ষা করিয়া আসিতেছিল। আদিতে মল্লবংশ বাগদী (এখানে নাম বাগতী) হউক, আর যাহাই হউক, রাজা হইলে কজ্রিয় হইতে হয়, এবং ব্রাহ্মণে কজ্রিয় স্বীকার না করিলে কজ্রিয় হইতে পারা যায় না, এই জ্ঞান জন্মিতে অধিক কাল লাগে না। রাজপ্রসাদলোভে

পূর্বদিক বর্দ্ধমান জেলা হইতে ব্রাহ্মণ আসিতে লাগিলেন বিহার হইতে পুরী ঘাইবার পথে বিষ্ণুপুর পড়িত। সে উত্তর দেশের লোকও আসিতে লাগিল। ওড়িষ্যার প্রভাবও পড়িয়াছিল। রাখালদাস বন্দ্যোপাধ্যায় লিখিয়াছেন, বিষ্ণুপুর রাজ্যের মন্দির নির্মাণে ওড়িষ্যার রীতি স্পষ্ট আছে। বিষ্ণুপূজা, শিবপূজা, শক্তি-পূজা, তিনই চলিয়াছিল। চলিত কথায় বলে, যোজনাস্তে ভাখা। (চারি ক্রোশে যোজন)। যোজনক্রয়ে যে ভাখা, তাহা এখনও ছাপা বইর দিনেও আছে। আরও আশ্চর্য, দুই চারিটা অক্ষরেও পুরাতন আকার দেখিতে পাওয়া যায়। ভাষা ও অক্ষর বিচারে দেশ উপেক্ষা করাতে অপেক্ষাকৃত আধুনিক পৃথী প্রাচীন মনে হইয়াছে। এখন বিষ্ণুপুরের ও উহার প্রাঞ্চলের পুরাতন ভাষা প্রায় লুপ্ত হইয়াছে, কিন্তু যোজনক্রয় পশ্চিমে ও উত্তরে এখনও আছে। যদি কেহ যোজনক্রয় উত্তরে এই বাঁকুড়া সহরের অশিক্ষিত লোকের ভাষায় তুলটি কাগজে মসীকালী দিয়া বই লিখিয়া বঙ্গীয়-সাহিত্য-পরিষদে পাঠাইয়া দেন, কেহ কেহ সেই পৃথী দুই শত বৎসরের পুরাতন মনে করিবেন। আলা, পালা; খালি, পালি (পাইলি); জাঞা, খাঞা; কণ (কোণ), আল (গুলো); সসী, সুন; ইত্যাদি পুরাতন ভাষার নিদর্শন প্রচুর পাওয়া যায়। শব্দের দ্বিতীয় স্বর দীর্ঘ করা আর এক বিশেষ। যেমন, গতী, বুঝী। এমন শব্দ আছে, যাহা শ্রীনিবামাজ বৃত্তিতে পারা যায় না।

যদি এই ইতিহাস সত্য হয়, তাহা হইলে বিষ্ণুপুরে রাশি রাশি পৃথী পাওয়া আশ্চর্য নয়। কৃষ্ণকীর্তনের পৃথী থাকিলে এইখানেই ছিল। ইহার পদের চতুর্বিধ ও ঐ কাটিয়া দিলে পৃথীকে পাচ ছয় শত বৎসরের প্রাচীন মনে হইবে না। পৃথীর কাগজ, কালী, পাটা এত পুরাতন বোধ হয় না। পৃথী বার-বার ধোলা ও পাতা তোলা হইয়াছে। নইলে কাগজের ভাঁজ ছিড়িত না, তথাপি মাঝখান এলাইয়া যায় নাই। পাচ ছয় শত বৎসর ডোর-বাধা পড়িয়া থাকিলে কাগজ জীর্ণ, কালী বিবর্ণ, পাটার (সালের নয়, কেলিকদম্বের) ভিত্তর পিঠের বর্ণ পুরাতন হইত। যে বিষ্ণুপুরে এক এক নতন ধর্মমতের

* সন ১৩২৪ সালের আষাঢ় মাসের “ভারতবর্ষে” “বিষ্ণুপুর বিবরণ”, ও ১৯২১ ইং সালে প্রকাশিত অভয়পদ মদিক কৃত ইংরেজী “বিষ্ণুপুর রাম”। উপরের কোন কোন কথা কিম্বদন্তীমূলক।

বজ্রা বহিয়া গিয়াছিল, যে দেশে চতুর্দশ ঐষ্টশতাব্দ হইতে সপ্ততম্ভ। রীতিমত চলিয়াছিল, যে দেশ বুর্মুরের, সে দেশে গানের পুথী ভোর-বাঁধা হইয়া পড়িয়াছিল, কিছুতে বিশ্বাস হয় না। সমাদৃত না হইলে কেনই বা রক্ষিত হইয়াছিল, পুরাতন অক্ষরের প্রবেশ ঘটয়াছিল? বসন্তবাবু নিশ্চিন্তাছেন। পুথীখানি ২৫০ বৎসর সমস্তে রক্ষিত হইয়াছিল। বর্তমান পুথীর বয়সও এই। এই অল্পমানের অল্প প্রমাণ আধুনিক কালের বিভক্তিতে পাওয়া যায়। বিষ্ণুপুর অস্তিত্বঃ দশম শতাব্দী হইতে পশ্চিমরাঢ়ের রাজধানী ছিল। রাজধানীতে নানা দেশের লোক আসিয়া বাস করে, ভাষা অল্পাধিক মিশ্র হইয়া যায়। এই কারণে কৃষ্ণকীর্তনের ভাষায় মিশ্রণ আছে। আর এক কারণ স্বাভাবিক ছিল। আসাম, উত্তরবঙ্গ, পূর্ববিহার, পশ্চিমরাঢ়, ওড়িশা, এই অল্পমানিকের মেথলায় ভাষার সাদৃশ্য ছিল। এই সাদৃশ্য সবেও পুথীর ভাষায় যে বিশেষ পাইতেছি, তাহা পুথীকে দেশান্তরী না করিয়া পুথীর গায়ন ও লিপিকরকে অল্পদেশীয় ভাষা আরও সহজ।

পুথীখানি বিষ্ণুপুরে পাওয়া গিয়াছে। এইহেতু মনে করিয়াছি, বর্তমান পুথী দেখানে লিপিত হইয়াছিল। এই অল্পমানের কয়েকটি হেতু দি-ই। এ বিষয়ে দক্ষিণ-বঙ্গনবাবু বিশেষ সাহায্য করিয়াছেন। (১) প্রথমে বাঙ্গালী নামেই “আসিনী”—নাম্নী গ্রামদেবীর দেশ মনে পড়াইতেছে। (২) “বুদ্ধরূপ ধরিয়া চিন্তিলে নিরঞ্জন”। এই নিরঞ্জন, রামাইর দেশের ধর্মরাজ মনে হয়। এখানে কবি দশ অবতারের পৌরাণিক শোনে নাই; শোনাইলে কংসবধের বর্তমান প্রসঙ্গ আসিতে পারিত না। শেষে বলিলে কবির দোষ হইত। “ধর্মপূজা বিধানের” রামাইর গানেও এই কারণে বুদ্ধাবতার দশম গণ্য হইয়াছে। (২১৪ পৃঃ)। বিষ্ণুপুরে প্রচলিত দশাবতার তাসে বুদ্ধ পঞ্চম অবতার, কৃষ্ণের নাম নাই, বলরামের আছে। কিন্তু রঘুনাথরাম অষ্টম অবতার হইয়াও প্রধান। অর্থাৎ কৃষ্ণকীর্তনের দশাবতার-গণনা বিষ্ণুপুর অঞ্চলে হইয়াছিল। (৩) “বিষ্ণুপুরে স্থিত”—এখানে ‘বিষ্ণুলোক’ মনে না আসিয়া ‘বিষ্ণুপুর’ এই নাম আসিল কেন? একখানি জ্যোতিষের সংস্কৃত পুথীতে “মল্লেন্দ্রভূবিষ্ণুপুর-

স্থিত্যন্ত” দেখিতেছি। মনে হয় যেন ‘বিষ্ণুপুরস্থিত’ একটা সাধারণ কথা মধো দাঁড়াইয়াছিল। (৪) ‘লক্ষকের বুদ্ধাবন মোর ফুলবাড়ী’ ইহা ত কোন রাজার নিমিত্ত বুদ্ধাবন ও পুষ্পবাটিকা। (৫) উত্তর-রাঢ় কিশা পশ্চিম-রাঢ়, এই দুই স্থানের মধ্যে পশ্চিম-রাঢ়েই ডচ বর্ণের ছড়া-ছড়ি দেখিতে পাই। (৬) এখনও বাঁকুড়া মানভূম জেলায় বুর্মুর আছে। সে বুর্মুর কৃষ্ণকীর্তনের অন্তরপ ‘দান-খণ্ড’ ও ‘নৌকাখণ্ড’ আছে। (৭) ‘সতী’, ‘গতী’, ‘বৃদ্ধী’, ‘সুনী’, ইত্যাদির দীর্ঘবর্ণ এখনও আছে। ইত্যাদি।

বর্তমান পুথীর কাল সম্বন্ধে, (১) পুথীর অপেক্ষাকৃত আধুনিক অক্ষরের যে কাল, সেই কাল ধরিতে হইবে। ইহার অল্পখা করিলে রাম না জন্মিতে রামায়ণ লিখিতে হইবে। (২) দক্ষিণারঙ্গনবাবুর উদ্ধৃত ‘শ্রীনিবাস’, ‘সাগর গোখালে’, ‘ভাগীরথীকুলে’, সতীশবাবুর অল্প ব্যাখ্যা না পাইলে চৈতন্য-চরিতের উল্লেখ মনে করিতে হইবে। মৃদঙ্গ ও করতাল বাদ্যও অরণ করিতে হইবে। তিনি অবশ্য জানেন একটি দুইটি হেতু অগ্রাহ্য করিতে পারি, কিন্তু হেতুপরম্পরার সমবায় বলবান হইয়া থাকে।

দক্ষিণারঙ্গনবাবুর ‘নালিতা’ তর্ক সত্য হইলে বিষম কথা হইত। পুথীতে ‘নালিচা’ আছে, ‘নালিতা’ নাই (১৬৮ পৃঃ)। নালিচার চাণের আভাস নাই, ইহার স* নাম নাড়িক। নাড়ী, নালী একই। ইহার ডাটায় নালী আছে বলিয়া এই নাম। কেহ কেহ ইহাকেই প্রাচীনকালের ময়াদি স্থতির কালশাক, শ্রাদ্ধশাক মনে করেন। ইহা তিস্ত বলিয়া সেবা হইয়াছিল। তখনকার নাড়ী-তিস্ত নাম হইতে সংক্ষেপে নাড়িতা, নালিতা, হইয়াছে। ইহার জ্ঞাতি, মিষ্ট পাটশাগ। তাহার নামও নাড়াক। নীরস কাকর্যা দেশে ইহার পাটের নিমিত্ত চাষ হইত না, এখনও হয় না। কিন্তু শাগের নিমিত্ত অল্পক্ষণ চাষ হয়। শ্রীকৃষ্ণ এই পাটশাগের গাছ হইতে পাট বাহির করিয়াছিলেন। ‘বাইক’ (বাক) নিমিত্ত ‘চামড়’ (চিমড়) কাঠ অবশ্য চাই। (কিন্তু আশ্চর্য সামান্য বাঁশ মনে হয় নাই। বিষ্ণুপুরের উত্তরে নীরস কাকর্যা দেশে বাঁশ তত স্থলভ নয়।) দক্ষিণারঙ্গনবাবু যে-সকল শব্দ পূর্ববঙ্গীয় মনে করিয়াছেন, সে সকলের অধিকাংশ এখনও চলিত আছে।

ওড়িয়াতেও আছে। বৃন্দাবনের গাছের নাম করিতে কবি নানা দেশের গাছের নাম তুলিয়াছেন। ‘বান্ধী’ অর্থে ফুটি (কাঁড়), বসন্তবাবু কোথায় পাইয়াছেন, লেখেন নাই। বিষ্ণুপুরে ফুটিকে বলে ‘লগী’। দেখা যাইতেছে, ফলটির আকারে বান্ধীর সাদৃশ্য দেখিয়া নাম। লগীও কি সেইরূপ ? হুতরাং এই সকল নাম পাইয়া কবির দেশ অনুমান করা চলে না। তথাপি ‘আব’ যদি আত্ম হয়, তাহা হইলে প্রাচীন ও একদেবীয়ত্ব থাকে কই ? দেখিতেছি বসন্তবাবু ‘কালিনী মা’ অর্থে ভূপ কবিরাজ। ‘কালিনী’ শব্দ স, অর্থ বাসকের নাভি-নাড়ী, ‘বৈষ্ণবাস্ত্র’ নাম ‘অমরা’—(বৈষ্ণবস্বীকোশ)। কালিনী মা—যে মায়ের নাড়ীতে জন্ম, বিমাতা নয়। ঘনরামে (হরিশ্চন্দ্র পালা ২৪ পৃঃ, ‘কালিনী মায়ের প্রাণে ইহা সহ কে ?’)

(৪)

কৃষ্ণকীর্তন-বচনার কালের পশ্চাৎসীমা দেখা গেল, পূর্বসীমা কোথায় ? এ সম্বন্ধে পুথীর প্রাচীন অক্ষর পরীক্ষা, ভাষা পরীক্ষা, ও বিষয় পরীক্ষা আছে। (১) মূল পুথী এমন সময়ে লিপিত যে-সময়ে রাখালবাবুর নির্দেশিত প্রাচীন অক্ষর সমুদায় নূতন আকার পায় নাই। অর্থাৎ ১৫২০ খ্রীষ্টাব্দের “শূদ্রপদ্ধতি”র পূর্বে। শাস্ত্রী মহাশয়ের পরীক্ষায় নির্দেশিত ১৩৬০ খ্রীষ্টাব্দের ৩ অক্ষর প্রাচীন রূপের সময়ে কিছা তৎপূর্বে। (২) পুথীর প্রাচীন ভাষার তুল্য উদাহরণ বাঙ্গলায় আর পাওয়া যায় না। অমরকোষের সর্বাঙ্গী টীকার বাঙ্গলা শব্দের সহিত তুলনা করিলে মনে হয়, কৃষ্ণকীর্তনের অনেক শব্দ সে সময়ের কিছা কিছু পরের। অর্থাৎ সাড়ে পাঁচ শত বৎসর পূর্বের। বিদ্যাপতির সহিত তুলনা করিলে আরও সাদৃশ্য পাওয়া যায়। কৃষ্ণকীর্তনের মূল পুথী অমুক শতাব্দে রচিত, তাহা বলিবার উপায় নাই। মোটামুটি ত্রয়োদশ কি চতুর্দশ খ্রীষ্টাব্দে বলা চলে। (৩) শ্রীমুখ সতীশ-চন্দ্র রায় কৃষ্ণকীর্তনের কোন বিষয় পরীক্ষা করিয়া বলিয়াছেন, উহা চৈতন্যপ্রভুর পূর্বে লিখিত। কিন্তু কত পূর্বে, বলিবার উপায় নাই।

ব্রহ্মবৈবর্ত পুরাণে কৃষ্ণকীর্তনের (৩ পদাব্যায়) কয়েকটা লীলা প্রসঙ্গ আছে। নারদের দুর্দশ, তিন দিন ব্যাপী হুলে ও জলে রাস, যুদ্ধ ও মৃত্যুদি বাদন, রাধিকার খেদ, ইত্যাদি আছে। উক্ত পুরাণে রাধিকা নিত্য বোড়শবর্ষীয়া বটে, কিন্তু কবি ষাটশবর্ষীকী কন্যার ধোঁবন-প্রাপ্তিও স্বীকার করিয়াছেন, দুই তিন স্থানে ‘কৃষ্ণকীর্তন’ এই পদও আছে। ইহার অর্থ কৃষ্ণ-চরিত কীর্তন। এই পুরাণ পূর্বরাঢ়ে বোড়শ খ্রীষ্টাব্দে বর্তমান রূপ পাইয়াছে। (১৩৩৭ সালের আষাঢ় মাসের “ভারতবর্ষ”)। এই পুরাণ পড়িলে মনে হয়, তখন ব্রাহ্মণে বিষ্ণুভক্ত হইতেন ও রাধাকৃষ্ণ ভজনা করিতেন। কিন্তু এই ভজনায় দুর্গাও তাহার অংশধর পা মঙ্গল-চণ্ডিকার পূজা করিতে, তাহাদের নিকটে পশুবলি, এমন কি নরবলি দিতে বাধা চাইত না। জয়দেবের মঙ্গলাচরণ শ্লোকটি এই পুরাণ হইতে গৃহীত। ইহাতেও মনে হয়, চৈতন্যপ্রভুর ঐক্যবন্ধ-প্রচারের পূর্বে রাঢ়দেশে শক্তিপূজা ও ব্রহ্মবৈবর্ত পুরাণের রাধাকৃষ্ণমূল চলিতেছিল। তদনুসারে চণ্ডীদাসও বাসলীপূজক ও রাধাকৃষ্ণভজক দুইই হইতে পারিবার্হ ছিলেন। ভাগবত পুরাণও সমাদৃত হইত। দুই পুরাণেই দৈবকীর অষ্টমগর্ভ শ্রীকৃষ্ণের এবং নবমগর্ভ অধিকার জন্ম হয়। বিষ্ণুপুরাণেও এইরূপ আছে। কৃষ্ণকীর্তনের উপাখ্যান ব্রহ্মবৈবর্ত পুরাণ হইতে গৃহীত। কারণ ইহাতেই রোহিণী-নক্ষত্রযুক্ত জয়ন্তীযোগে শ্রীকৃষ্ণের জন্মবধা আছে, অজ্ঞ দুই পুরাণে নাই। ব্রহ্মবৈবর্ত পুরাণে রাস নাম থাকিলেও সে রাস ভাগবতের রাস নয়, মাত্র বিহার। কৃষ্ণকীর্তনে রাস নামও নাই, বিহারটি আছে। ভাগবতের রাস কাহিনী পূর্ণিমায়, ব্রহ্মবৈবর্তের রাস চৈত্র পূর্ণিমায়, কৃষ্ণকীর্তনের রাস বসন্তকালে, কিন্তু দিব্যরাস বলিয়া পূর্ণিমার প্রয়োজন হয় নাই।

এই সকল সাদৃশ্য থাকিলেও কৃষ্ণকীর্তনের পরে ব্রহ্মবৈবর্ত পুরাণের বর্তমান রূপ। ইহার বিশেষ প্রমাণ, রাধিকার মাতার নামে, এবং স্বামীর নামে পাওয়া যায়। কৃষ্ণকীর্তনে স্বামীর নাম ‘আইহন,’ পুরাণে ‘রায়াণ’। রাধাকৃষ্ণচরিত বাস্তবিক চন্দ্রস্বর্ষ ঘটিক এক

রূপক। তদনুসারে ‘আয়ন’ নামই ঠিক।* ইহার উচ্চারণ আ-ই-অ-ন, পরে ‘আইহন’ হইয়াছে। পরবর্তী-কালের বৈষ্ণবেরা প্রকৃত ব্যাপার বুঝিতে না পারিয়া কিশ্বা ঢাকিবার অভিপ্রায়ে আইঅন দেখিয়া অভিমত্যা নাম কল্পনা করিয়াছেন। কৃষ্ণকীর্তন এই কল্পনার পূর্বে হইয়াছিল। ব্রহ্মবৈবর্তে উত্তর-রাঢ়ের রীতিতে র আগম হইয়া ‘রায়াণঃ গোপপ্রবরঃ’ হইয়াছে। রাধিকার মাতা ‘কৃত্তিকা’, ইহাই ঠিক ছিল। কেহ এই নাম ‘কীত্তিমা’ করিয়া ভুলাইতে গিয়াছেন, ব্রহ্মবৈবর্ত ‘কলাবতী’ করিয়া আরও ঢাকিতে গিয়াছেন। (বস্তুতঃ সে সময়ে কৃত্তিকা নাম অসম্ভব হইত।) কৃষ্ণকীর্তনে নাম পদ্মা, যে পদ্মা সাগরসম্ভবা। ব্রহ্মবৈবর্তে লক্ষ্মীর এক নাম পদ্মা। (এইহেতু লক্ষ্মী প্রতিমার হাতে পদ্মফুল দেওয়া হয়। কিন্তু পদ্মটি নবনিধির প্রথম নিধির সংজ্ঞা, বাস্তবিক পদ্মফুল নয়।) ব্রহ্মবৈবর্তে রাধিকা অধোনিমসম্ভবা।

* কথাটা এই। কার্তিক পূর্ণিমায় বিদ্যুৎ ও নববর্ষারম্ভ হইত। এই উপলক্ষে পশ্চিম-ভারতে রাসনৃত্য উৎসব হইত। তখন সূর্য ঐক্য, রাণা বিশাখানন্দকে, এবং চন্দ্র কৃত্তিকানন্দকে থাকিত। বিদ্যুৎ হইতে বর্ষারম্ভ ধরাতে পূর্বকালের অয়নান্ত দিনের গৌরব চলিয়া গেল, কবি অরনকে নপুংসক কল্পনা করিলেন। ব্রহ্মবৈবর্ত পুরাণের অন্ততঃ তিন সংস্করণ হইয়াছে। এক সংস্করণের কালে চৈত্র পূর্ণিমায় এক বিদ্যুৎ, আশ্বিন (কোভাগরী) পূর্ণিমায় অম্ব বিদ্যুৎ হইত। প্রথমটিতে ঐক্যের রাস, দ্বিতীয়টিতে লক্ষ্মীপূজা প্রচলিত হইল। তদবধি বিদ্যুৎ ৮ দিন পিছাইয়া গিয়াছে। ৮ দিনে ৫০০ বৎসর। বোধ হয়, চৈত্ররাস (বসন্ত রাস) ইহার পূর্বে ছিল না। বোধহয় ও অন্ত্যস্ত প্রদেশের ব্রহ্মবৈবর্ত পুরাণ দেখিলে কৃষ্ণকীর্তনের ‘পদ্মা’ ও ‘সাগরের কুল’-এর টিকানা পাওয়া যাইতে পারে। বিদ্যুৎ, ভাগবত, ব্রহ্মবৈবর্ত, তিন পুরাণই জানিতেন, কৃষ্ণ কে। গর্গ, সেটা ভালরূপে জানিতেন, কিন্তু নন্দ ব্যতীত আর কাহাকেও বলেন নাই। মনে হয় যেন চণ্ডীদাসও জানিতেন, নইলে ‘সে কাহাণ্ডি গেলা আকাশে’ (৩৩২ পৃঃ) লিখিলেন কেন? এই সম্ভেহ সত্য মানিলে ‘সাগরের ঘরে’, ‘সাগর গোআলে’, ‘ভাগীরথী কূলে’ (৩৪০ পৃঃ) অম্ব অর্থ করা যাইতে পারে। আমরা জানি, আকাশের নাম সমুদ্র, সাগর ছিল। ‘সাগর গোআলে’, আকাশে ‘গো’ দেশে। এই ‘গো’ হইতে ‘গোপ’, গোপাল, গোপী, গো-লোক। ভাগীরথী মন্দাকিনী, বর্গদা। পদ্মা, লক্ষ্মীর তনয় অবন্ত ভুলোকে নয়। আর এক কথা। অভিমত্যা নাম কতকাল হইয়াছে? বোধ হয়, অধিক ভাল পূর্বে নয়। ব্রহ্মবৈবর্তে এই নাম নাই। কৃষ্ণকীর্তনের ভগ্নখণ্ডের শেষে সংস্কৃত শ্লোকে অভিমত্যা নাম পাইতেছি। শ্লোকটি পদের শেষে গেল কেন? এই শ্লোক ও অপরপর শ্লোক কি ‘আদি’ চণ্ডীদাসের? আবার বোধ হয়, চণ্ডীদাস ব্রহ্মবৈবর্ত পুরাণের দ্বিতীয় সংস্করণ হইতে ভগ্নখণ্ড ও কোন কোন লীলা লইয়াছেন। অনুসন্ধান কত ব্য।

কৃষ্ণকীর্তনে নয়। ইহাতেও বুঝিতেছি কৃষ্ণকীর্তন উক্ত পুরাণের পূর্বে লিখিত। রাধাকে চন্দ্রাবলী বলাতেও প্রাচীনতা পাইতেছি।

সন ১৩২২ সালের সা-প-পত্রিকার ২য় সংখ্যায় মহামহোপাধ্যায় শাস্ত্রী মহাশয় চণ্ডীদাসকে জয়দেবের পূর্বে মনে করিয়াছেন। অসম্ভব নয় বটে, কিন্তু তাহার হেতু পর্যাপ্ত নয়। কৃষ্ণকীর্তনের পদগুলির ভাষায় তিন স্তর আছে। এই ভাগের পর বুঝিতে পারিব, জয়দেব না চণ্ডীদাস, কে কার পদ লইয়াছেন।

(৫)

সন ১৩৩৩ সালের চৈত্র মাসের “প্রবাসী”তে “ছাতনায় চণ্ডীদাস” প্রবন্ধ প্রকাশিত হইয়াছে। অনেকে শেষের মন্তব্য মনে দিয়া পড়িয়াছেন, কিন্তু গোড়ার বাধনি পড়েন নাই। আমরা ছাতনায় চণ্ডীদাস খুঁজিয়াছি, কিন্তু তিনি আসল না নকল, সে বিচারে বাই নাই। দক্ষিণারঙ্গন বাবুর মতে বিষ্ণুপুরের বা ছাতনায় চণ্ডীদাস নকল, এবং তিনিই কৃষ্ণকীর্তনের চণ্ডীদাস। আমরা বলি, তথ্যস্ত। তিনি লিখিয়াছেন, “নান্নুরের বাসলী সম্পূর্ণ ভিন্ন মূর্তি। উহা সুন্দর প্রসন্নবদনা, চতুর্ভুজা। [বাণা পুস্তক ভ্রমমালা দ্বারা] বাগীশ্বরী মূর্তি বিদ্যাদেবী ‘বজ্রেশ্বরী’। এই প্রত্যক্ষে কাহারও আপত্তি থাকিতে পারে না। কিন্তু তর্ক এই, বাগীশ্বরীকে চণ্ডী বলা চলে কি? বাসলী, মঙ্গলচণ্ডিকাও নহেন। ব্রহ্মবৈবর্ত পুরাণে ইনি শ্বেত-চম্পকবর্ণাভা দ্বৈতদ্ব্যস্তপ্রসন্নাত্মা ষোড়শবর্ষীয়া দেবী, প্রতি মঙ্গলবারে যোষিৎ-পূজিতা। উক্ত পুরাণে বাসলীর নাম নাই, তিনি গ্রামদেবীর মধ্যে গিয়া থাকিবেন। বাসলী প্রবিকটদশনা, কণ্ঠে মুণ্ডমালা, খড়্গহস্তা। এই দুই দেবী যে পৃথক, তাহা চৈতন্যভাগবতে স্পষ্ট আছে। সেকালে কেহ মঙ্গলচণ্ডীর গীত (যেমন মুহুন্দরামের) শুনিত, কেহ মনসা পূজা, কেহ বা বাসলী পূজা করিত। আমরা চণ্ডীদাস খুঁজিয়াছি, তাহাকে বিশেষ করিয়া খুঁজিয়াছি। এই চণ্ডীদাসের নিমিত্ত বাসলী চাই, তাহার বটু চাই (ধর্মপূজা বিধান ‘বটু’ দ্রষ্টব্য), দেয়াসিনীও চাই। ‘পটুঞার পটনের’ অবস্থায়-

নগর চাই। (বিষ্ণুপুরের উত্তরে অবস্থিত), সালতড়া গ্রামে নিত্য চাই, বিনোদ রায় চাই, ইত্যাদি। মুসলমান আক্রমণে কবির বিপত্তির কথা ১৩৮৭ শকের (১৩৬৪ খ্রিঃ) সংস্কৃত পুথিতে আছে। বিষ্ণুপুরে লিখিত একটা জ্যোতিষ পুথীর এক পাতার পিঠে “রামা ১ চণ্ডীদাস ১,” দুইখানা বইর নাম লেখা আছে। সে লেখা এক শত বৎসরের এদিকে বোধ হয় না। চণ্ডীদাস ও রামা লইয়া অনেক পদ বিষ্ণুপুরে পাওয়া গিয়াছে। এই সকল গল্প দুই তিন শত বৎসর চলিয়া আসিয়াছে। চণ্ডীদাস প্রতিমার অঙ্গহানি না করিয়া যে-দেশে তাহাকে পাওয়া যাইবে, সে-দেশ চণ্ডীদাসের। মাস কয়েক হইল শ্রীযুত মতিলাল দাশ মাসিক “বহুমতী”র দুই সংখ্যায় আদি অকৃত্রিম চণ্ডীদাস ছাতনায় পাইয়াছেন। ইনি ও দক্ষিণারঞ্জন বাবু, দুইজনেই এখানে হাকিম ছিলেন।

দক্ষিণারঞ্জন বাবু অধীর হইয়া বিষ্ণুপুরে কেবল চোয়াড় দেখিয়াছেন। কিন্তু বাঁকুড়া জেলার প্রতি দশ জনের মধ্যে একজন ব্রাহ্মণ দেখিতে পাইবেন। যেমন তেমন নয়, কুলীন; বাঁড়ুজা, চাটুজা, মুখুজা, যে কত ছুটিয়াছেন তাহার সংখ্যা হয় না। এখানকার শূভঙ্করী আখা বঙ্গদেশের গ্রামে গ্রামে মুখস্থ করা হইতেছে। চন্দনতরু অরণ্যে জন্মে, ধনীর বিলাস-উদ্যানে নয়। রক্তচন্দন তখনকার লোকের প্রিয় ছিল; ইহাতে হরি-চন্দনের সুরভি না থাকিলেও ইহার পাটল রঙ্গে তিলক হয়, দূর হইতে দেখিতে পাওয়া যায়। ইহার প্রধান গুণ এই। ললাটে সেই তিলক ধারণ করিয়া কত কবি তিয়া গিয়াছেন।

বর্তমান বিবাদের মূল কারণ এই। কৃষ্ণকীর্তনের চণ্ডীদাস আসল না নকল, রামেন্দ্রচন্দ্রের এই আকারে প্রশ্ন তুলিয়া ভাল করেন নাই। কারণ ‘আসল’ বলিলে বুঝি উৎকৃষ্ট। কে প্রথম, কে দ্বিতীয়, কে তৃতীয় ইত্যাদি কালামুসারে ভাগ করিলে বিবাদ হইত না। বাসলীর “বড়ু চণ্ডীদাস” এক বই বহু হইতে পারেন না। তিনিই আদি, কালে প্রথম। প্রথম কবি কদাচিত্ উত্তম

হইয়া থাকেন। প্রায়ই পরবর্তী কবি তাহাকে হারাইয়া উপরে উঠেন, প্রথম অনাদরে পড়িয়া থাকেন। মুহূন্দরাম চক্রবর্তী চণ্ডীকাব্যের প্রথম কবি ছিলেন না, কিন্তু তাহার কল্পের দীপ্তিতে তাহার পথপ্রদর্শক স্নান ও অদৃশ হইয়া গিয়াছেন। চণ্ডীদাসও এইরূপ ঘটিয়াছে।

এখন পৃথক করিবার সময় আসিয়াছে। দ্বিতীয় চণ্ডীদাস, পদাবলীর চণ্ডীদাস। ইহার যে-কয়েকটা পদে ‘আদি,’ ‘বড়ু’ কিম্বা ‘বাসলী’ শব্দ আছে, সে কয়টা ছাড়িয়া দিলে প্রথম দ্বিতীয়ে প্রভেদ স্পষ্ট হইয়া যায়। ইহাকে “দ্বিজ চণ্ডীদাস” বলা চলে। এই কয়েকটা পদ ইহার রচিত হইতে পারে। গুরুর নাম লইয়াছেন, বিশেষণ লইতে বাধা কি? তৃতীয় চণ্ডীদাসকে “দীন চণ্ডীদাস” বলা চলে। এই তিনের মধ্যে “দ্বিজ চণ্ডীদাস” শ্রেষ্ঠ আসন পাইয়াছেন। ইনি বড়ুর পদ পুনরাবৃত্তি করিয়াছেন, ইহা মনে করিয়াই গুণগোল বাড়িয়া গিয়াছে। উভয়ের পদের মধ্যে যে-কয়েকটায় ঐক্য আছে, সে-কয়েকটা “দ্বিজ” লইয়া থাকিতে পারেন, বাকি পদ তাহার রচিত। আর, যে সম্প্রদায়িক পদ তাহার নামে মুদ্রিত হইয়াছে, সে সবই যে তাহার রচিত, তাহাও বলিতে পারা যায় না। বড়ুর পদও সব রক্ষিত হয় নাই। রাসার বিরহের পর পুনর্মিলনের দুই চারিটা পদ অবশ্য ছিল। ব্রহ্মবৈবর্তে পুনর্মিলনের পর কৃষ্ণচরিত শেষ হইয়াছে। আর, মুদ্রিত পদের যে সবই বড়ুর, তাহাও বলিতে পারা যায় না। যাহারা মনে করেন, সমগ্র পুথী এককালে এক কবির রচিত, তাহার অবশ্য একথা মানিবেন না। আমার আরও বোধ হয়, ‘দ্বিজের’ নিবাস বীরভূম-নাঙ্গুরে কিম্বা কাটোয়া অঞ্চলে ছিল, বাঁকুড়ায় নয়। কারণ “দ্বিজের” পদ এ অঞ্চলে অধিক পাওয়া যায় নাই, সে দেশেই পাওয়া গিয়াছে। ভাষাতেও বাঁকুড়ার চিহ্ন পাওয়া যায় না। দুই চারিটায় আছে বটে, কিন্তু সে কয়টা বিষ্ণুপুরের পূর্বাঞ্চলে রচিত হইয়া থাকিবে। যাহারা চণ্ডীদাস-চর্চা করিতেছেন, তাহারা ভাবিয়া দেখিবেন। আমি শেষ কল ভাষ্যেই সম্বৃত হইব।



মনীষা—ঐক্যনেত্রনাথ গুপ্ত প্রণীত। প্রকাশক—গুরুদাস চট্টোপাধ্যায় এণ্ড সন্স, কলিকাতা। মূল্য দুই টাকা।

খাঁতশাখা সিবিলাসান শ্রীযুক্ত ঐক্যনেত্রনাথ গুপ্ত মহাশয় সিবিলাসান হইবার পূর্বে যে একজন বিশিষ্ট সাহিত্য সেবক ছিলেন, একথা এগনকার অনেক জুলিয়া গেলেও আমরা ভুলি নাই, তাই রাজকার্য হইতে অবসরগ্রহণের অবসরান্ত পূর্বে তিনি এই 'মনীষা' নামক নাটকখানি প্রকাশিত করার আমরা বৃষ্টিতে পারিচাঙ্কিলাম, তিনি সাহিত্য-সাধনা ত্যাগ করেন নাই, গুরুতর সরকারী কার্যের স্বাক্ষারনরও তিনি সাহিত্য-চর্চা করিয়া থাকেন। এই নাটকখানি পাবনা জেলার ১৮৭২-৭৩ সালের অগ্র-বিশ্বের প্রিন্টিং প্রিভিজেট বিরচিত; স্বতঃঃ এখানি যে সামাজিক নাটক, তাঙ্গা আর বলিতে চাইবে না। কার্যোপলক্ষে সেনের নানা স্থানে অঙ্কিত করিয়া গ্রন্থকার মহাশয় যে নানা 'টাইপের' লোকের সংস্পর্শ আনিয়াছেন, তাহা উভয় এই নাটকের 'পৌরী-স্বর' নামক স্থলর চরিত্র চিত্রনেই অতিব্যক্ত হইয়াছে। নাটকখানি লিখিবার মহৎ উদ্দেশ্য ইহার প্রত্যেক চরিত্রেই তন্মুগ্ধ। গ্রন্থকার যে এককাল পরে পুনরায় লেগনী ধারণ করিয়াছেন, তাহাতে তাঁহার সমসাময়িক আমাঃ আনন্দিত হইয়াছি; আশা হয় লঙ্কায়সর গুপ্ত মহাশয় শেষকীবন সাহিত্য-সেবাতেই নিয়োজিত করিবেন। নাটকখানির অঙ্গ-সৌষ্ঠব অতি সুন্দর এবং ইহার বিভিন্ন সংস্করণ হইয়াছে; স্বতঃঃ গুপ্ত মহাশয় এক্ষেত্রে আরও অগ্রসর হইতে পারেন।

ঐক্যলধর সেন

অরুন্ধতী—ঐক্যনেত্রনাথ গুপ্তোপাধ্যায় লিখিত। মহামহোপাধ্যায় শ্রীমদনাথ তর্কভূষণ লিখিত ভূমিকাসহ। এলাহাবাদের ইতিগ প্রেস লিমিটেড, কর্তৃক প্রকাশিত—মূল্য ২০ টাকা।

অরুন্ধতীর জীবনী পূরণ ইত্যাদি নানা পুস্তকে বিক্ষিপ্তভাবে পাওয়া যায়। সেইগুলিকে একত্র করিয়া ও তাহাদের মধ্যে সংযোগ রক্ষা করিয়া এই পুস্তকখানি লিখিত হইয়াছে। অরুন্ধতীর জীবনী একটি আদর্শ জীবনী; লেখক স্থানে স্থানে কল্পনা-সাহায্যে এমন ভাবে চরিত্রটিকে অঙ্কিত করিয়াছেন যে, উহা উহার মূল বর্ণনা হইতে পৃথক হয় নাই বরং ভিন্ন ভিন্ন ঘটনার সহিত সামঞ্জস্য রক্ষা করিয়াছে। গ্রন্থখানির মধ্যে অনেক স্থলর স্থলর উপদেশ লিখিত আছে। তবে অরুন্ধতীর মূগ্ধ স্থানে স্থানে যে কবিত্বপূর্ণ বস্তু তা দেওয়া হইয়াছে তাহাতে পাঠকের একটি বিশিষ্ট উপপাদন করে। অরুন্ধতী ও বংশীর পার্শ্বাঃ জীবন হিন্দুর আদর্শ-স্বরূপ, সেই হিসাবে এইরূপ পুস্তকের বহনপ্রচার প্রার্থনীয়। ছাপা ও বঁধাই মন্দ নহে। যে নকল চিত্র দেওয়া হইয়াছে তাহা না দিলেই পুস্তকখানির সৌন্দর্য অধিক রমিত হইত।

আসামে মহাপ্রাণন—ঐক্যনেত্রনাথ গুপ্তোপাধ্যায় সাহিত্য-শাস্ত্রী প্রণীত। প্রকাশক এস, গুপ্তোপাধ্যায় এণ্ড কোং, মূল্য ১০ পৃষ্ঠা ৬০

পুস্তকখানিতে শাস্ত্রী মহাশয় আশাদের প্রাকৃতিক অবস্থা বৈশিষ্ট্য এবং বিশেষভাবে ১৯২৯ সালের বজ্রার আসামের বিপ্লব অবস্থা হইয়াছিল তাহা বিশদভাবে বর্ণনা করিয়াছেন। যদিও পুস্তকের নাম হইতে মনে হয় যে ইহা প্রাচ্যের বিবরণ মাত্র, কিন্তু সত্যি তাহা নহে। ইহাকে আসামের ইতিহাসও বলা যাইতে পারে। পুস্তকখানিতে অনেক কথা জানিবার ও শিখিবার আছে। ছাপা, বঁধাই মন্দ নহে। বজ্রার কয়েকখানি চিত্রও দেওয়া হইয়াছে।

অম্পৃঃশুর মর্ম্মবেদনা—ঐক্যনেত্রনাথ প্রণীত। প্রকাশক হিন্দুমিশন বার্লি মন্দির, ৭নং বেচু চাটাজী স্ট্রিট, কলিকাতা। মূল্য ১/০।

পুস্তকখানিতে গ্রন্থকার অম্পৃঃশুর অবস্থা ও তাহার প্রতীকার সম্বন্ধে আলোচনা করিয়াছেন। পুস্তকখানি সমগ্রোপযোগীই হইয়াছে।

ঐপ্রাফুল্লকুমার সরকার

হিন্দুর মেয়ে—ঐগিরিবাসী দেবী, রত্নপ্রভা, সরস্বতী প্রণীত ও ২০৪ কর্ণওয়ালিস স্ট্রিট, কলিকাতা হইতে ঐক্যনেত্রনাথ যোব কর্তৃক প্রকাশিত। ডবল ক্রাউন বোডুয়াঃলিত ২১০ পৃষ্ঠা, কাগড়ের মলাট, মাম দুই টাকা।

মাতৃস্নেহ মনে সংস্কারের মোহ বড়ই প্রবল। সংস্কার ও সত্যের মধ্যে প্রভেদটা অনেকে দেখিতে পান না। তাই সংস্কারের তাড়নার জগতে এত অজ্ঞার কর্ম সাধিত হইয়াছে, আজও হইতেছে এবং চিরকাল হইবে।


গল্প, উপস্থাপন বা কাব্যমাত্রই রসসাহিত্য নয়। বিশেষ কোনো শিক্ষা বা আদর্শ প্রচারের উদ্দেশ্যে বাস্তব জগৎ, তাহা কাব্য বা উপস্থাপন নামধারী হইলেই রসসাহিত্য হইয়া ওঠে না—উৎকৃষ্ট সাহিত্যের পথ্যারে ঐ প্রণীর রচনার স্থান নাই। এ কথা সত্য, দেশবিদেশের অনেক বড় লেখকের মধ্যেও সাহিত্যিক শিক্ষা বা আদর্শের বাহন করিবার ঐটা দেখা যায়। যেমন, রবীন্দ্রনাথের 'রক্তকরবী' বা শরৎচন্দ্রের 'পথের দাবী'; যেমন, ইংলেন্ড, বার্নার্ড শ বা ফরাসী-লেখক জের্রের অনেক রচনা। শক্তিশাল লেখকদের এই সকল রচনা রসসাহিত্য বলিয়া গণ্য হইবে না—কোরালো 'প্রপাগান্ডা' হিসাবেই তাদের সার্থকতা।

'হিন্দুর মেয়ে'র লেখিকার রচনাশক্তি আছে, কিন্তু সংস্কারের মোহে আদর্শ প্রচারের লোভ সংরণ করিতে না পারিয়া বইখানিকে তিনি ঘাটি করিয়াছেন। হিন্দুর মেয়ের ওকালতি করিতে গিয়া তিনি জুলিয়া বসিয়াছেন যে উক্ত প্রার্থীও মানবী—রক্তমাংসের জীব; সে জড়পদার্থ নয়। লেখিকার হাতে হিন্দুর মেয়ে স্মৃতিভাড়া উত্তম হইয়া উঠিয়াছে।

গ্রন্থকের চরিত্রে সেখিলান—গল্পবস্ত্রে বসিয়া একটি মেয়ে একজোড়া পায়ে পুঞ্জালি খিঁচেছে। যেহেতু কে এবং ঐক্যগুপ্তল কার বৃষ্টিতে কষ্ট হয় না। বিবাহের বাগদারে এ গ্রন্থের কাটি হওয়া সম্ভব।

ঐক্যরেশচন্দ্র বন্দ্যোপাধ্যায়

কবিতা পাথর



বিবিসি নব্বৈ

ইহা করিবে, উহা করিবে না, এই দুইতে আমাদের জীবনের কাজ সমাপ্ত। দান করিবে, চুরি করিবে না,—একটা বিধি, অপরটা নিষেধ।

শৈশবকাল হইতে আমরা বিধি নিষেধ শিখিয়া থাকি। মাতাপিতা ভাই-ভগিনীকে ক'ম' করতে দেখি, তাঁহারা কেননে কি ক'ম' করেন, দেখি। শিশু তাঁহাদের দেখা-দেখি নে ক'ম' তেমন করিতে শেখে। কিন্তু নিষেধে ক'মের অভাব বুঝায়, নিষেধ শিখিবার প্রত্যক উপায় নাই। মা বলেন, "দেখ ছুরি নিয়ে সেলা করিতে নাই, হাত কেটে যাবে," "খুঁচাখালি দিয়ে ঘরদোর নোংরা করিতে নাই," "জলে ভিজে নাই," ইত্যাদি "নাই" শুনিয়া করিবার কিছু থাকে না, শিশু বৃথিতে পড়ে না। "মারামারি করিবে না," মারামারির সময় না শিগাইলে পেথা হয় না। তথাপি সে ক'ম' বিরতি অভ্যাস সহজে হয় না। কোনও ক'মে রতি জন্মিলে সে ক'ম' শাস্তি অভ্যাস হইয়া যায়। বিরতি অভ্যাস করিতে বহু যত্ন করিতে হয়।

অজ্ঞানের এমনই গুণ, ক'ম' করিবার সময় ভাবিতে চিন্তিতে হয় না, কলের মতন ক'ম' হইয়া যায়। তখন দেটা সংস্কার হইয়া ঝড়ায়, কনের আন্ত পাইলই তাহার পরিপূর্ণ অন্ত আপনই চলিয়া আসে। এই যে নস্বেদে লিখিয়া বাইতেছে, এটা সংস্কারের ফল।...

মনের ও দেহের এই শক্তি না থাকিলে, মানুষকে পশুর মতন থাকিতে হইত। প্রত্যেক ক'ম' আন্তর ভাবিয়া চিন্তিয়া করিতে হইলে নূতন জ্ঞান উপার্জন, নূতন শক্তি-সঞ্চয়, কিছুই হইত না। প্রাচীনরা কত দেখিয়া, ঠেকিয়া ভুলিয়া, কত জ্ঞান আহরণ করিয়া রাখিয়াছেন, আমরা তাহার অধিকারী হইয়া অন্ন আয়ানে শিক্ষিত হইতেছি।

তাঁহারা আচার ও ব্যবহার, এই দুই ভাগে আমাদের ক'ম' বা ব্যবহার ক'ম' ভাগ করিয়া গিয়াছেন। নিজের সংকেত ক'ম' বা, আচার; পরের সংকেত ক'ম' বা, ব্যবহার। সেই মন আচার কল্যাণ-কর আচার, সবাচার। সং, শিষ্টের আচার। ইহাই ধর্ম। যদি সকলেই সবাচারী হইত, তাহা হইলে পরমা ব্যবহার সং ও শিষ্ট হইতে পারিত। সকলে সবাচার-ন্যাস হয় না বলিয়া ব্যবহারে কলহ হয়, কখনও কখনও রাজস্বারে বাইতে হয়।

"আচারঃ পরমা ধর্মঃ," এই বলিয়া মত প্রভৃতি ধর্ম-শাস্ত্রকার ধর্মসংহিতা রচনা করিয়াছেন। কালে কালে দেশে দেশে আচারের প্রভেদ হয়, কিন্তু যে জাতির আদি এক বৈশিষ্ট্য বাহ্যিক মূল শাস্ত্র, আচারের প্রভেদ হইলে অব্যাহতের হইবার কথা। কিন্তু কালের তুল্য বদলায় আর কিছুই নাই, বৈশিষ্ট্যের প্রভেদ ঘটিয়াছে। তথাপি কালির আচারে অব্যাহতের মন, আচারের প্রভেদ ঘটিয়াছে। তথাপি বলি, হিন্দুধর্ম সনাতনধর্ম। কারণ পৃথীতে ধর্মকে ধোড়ী দিয়া বিবিধা রাখা হয় নাই। হিন্দুধর্মের প্রভেদ এইখানে। ইহাই এক কারণ, আচারই-ধর্ম; আচারের পরিবর্তন হয়, হইলে সেই

পরিবর্তিত আচারই ধর্ম। এই ধর্মেই জীবন যাত্রা। জীবন যাত্রার মধ্যে কি যে না পড়ে, তাহা বলিতে পারা যায় না।

যখন বলি, ইনি হিন্দু, তিনি খৃষ্টান, তখন বুদ্ধি একের আচার—ব্যবহার অস্ত্রের তুল্য নয়। হিন্দু বিগু ভজনা করিলেও হিন্দু থাকিতে পারে, বসিও খৃষ্টান সমাজে থাকা কঠিন। মহান্নমকে এক মহাপুরুষ বলিতে হিন্দুর আপত্তি নাই, আল্লাহ্, পোনা নামে ভগবানকে ডাকিতেও আপত্তি নাই। নাই বলিয়াই হিন্দু এত দেবদেবীর উপাসনা করিতে পারে। হিন্দুর ভগবান এক, তিনি সকলেরই ভগবান।...

কথাটায় বিরক্ত করিবার নাই। কিন্তু আচারের তেজ কিতার করিতে গেলে কাঁপের পড়িতে হয়। তখন মানিতে হয়, যে দেশের যে আচার পারম্পর্যক্রমে আগত, সে দেশের সেই ধর্ম। কেন না, "দেশ" ছাড়িয়া মানুষ থাকিতে পারে না, দেশের উপযোগী যে আচার তাহাও মানিতে হয়। ইংলণ্ডে বসিয়া বঙ্গের আচার রক্ষা করা চলে না। যথাযোগ্য পরিবর্তন করিতেই হয়। "দেশ" বলিতে ভারতবর্ষ, কি বঙ্গদেশ নয়, যেখানে যে বাস করে সেই তাহার দেশ।

কালচার, ও দেশাচার ব্যতীত জাতির আচার, জাতির অন্তর্গত কলাচার আছে। সর্বত্র বিধি নিষেধ, ইহা করিবে, উহা করিবে না। ভাগ্যে বিধি নিষেধ ছিল, ক'ম' করিবার সময় ভাবিতে চিন্তিতে হয় না।

বিধি নিষেধের নাম শাস্ত্র। এক এক বিষয়ের এক এক শাস্ত্র। বিজ্ঞা মন্থন করিয়া জ্ঞানের সহিত মিশাইয়া এক এক শাস্ত্র প্রণীত হইয়াছে। গণিতবিজ্ঞার প্রয়োগভাগ, জীবন যাত্রার অবশ্য জ্ঞাতব্য বিধি নিষেধ, একত্র করিয়া গুহকরী আখ্যা। এটি এক শাস্ত্র। যিনি যে বিষয়ে প্রাজ্ঞ, তিনি সে বিষয়ে শাস্ত্র প্রণয়নের অধিকারী। গুহকরীর আখ্যা-প্রণেতা কে ছিলেন, আমরা জানি না।...বন-কষার অর্থাৎ কেন "তক্ষা প্রতি অষ্ট গুণ্ডা"—যিনি বৃষ্টিতে চান, বৃষ্ণন; শাস্ত্রকার শাস্ত্র লিখিয়াছেন, ভাষা লিখিতে বলেন নাই। বিধির ব্যাখ্যা জানা প্রথম বসনে হয় না, হইতে পারে না। এই হেতু "আবৃত্তি: সর্বশাস্ত্রাণাং বোধায়নপি গরিমদী," বোধ অপেক্ষা শাস্ত্রের আবৃত্তি গরিমদী। নামতা মুখস্থ করিয়া রাখ, বোধ আপনি জন্মবে। কিন্তু নামতার মূল ব্রহ্মা রাখিলে, কার্যকালে সে বোধে কোন উপকার হইবে না, কাগজ পেনসিল খুঁজিতে হইবে।

ব্যবহারী শাস্ত্রের প্রকৃতি এই।...

সর্ব বিষয়ের শাস্ত্র লেখা নাই; অনেক শাস্ত্র মুখে মুখে চলিয়াছে, লোকে মুখে মুখে শিখিতেছে। এখানে একটা উদাহরণ দিই। গৃহ নির্মাণ করিতে হইলে "পূবে ইদম পশ্চিমে বাপ, দক্ষিণে ডেড়ে উত্তরে বেড়ে" বাড়ী করিবে। অর্থাৎ বাস্তব জীবনের পূর্বদিককে পূর্বদিক, পশ্চিম দিকে বাপ থাকিবে, আর দক্ষিণে যত পার কাঁকা রাখিয়া উত্তরদিককে বেড়িয়া গৃহ নির্মাণ করিবে।

শাস্ত্র এই। কেন এই শাস্ত্র, শাস্ত্রকার জানেন। কিন্তু দেখা গিয়াছে, শাস্ত্র টিক অভ্যাসে এই বিধির বোধ দেখিতে পাওয়া যায় নাই, বরং গুণাই দেখা গিয়াছে। যদি কেহ এই বিধি লঙ্ঘন করে, সে দ্রুত পাইবে, শাস্ত্রকারের ঘোষ হইবে না।...

সংস্কৃতে লেখা সকল বিধি নিষেধের হেতু বৃথিতে পারা যায় না। ইহার কারণ (১) হেতু-জিজ্ঞাস্তা তাঁহার যশের অজিত্যতার দ্বারা বৃথিতে বান; (২) যে শাস্ত্র বা যে বিভা তাঁহার জানা আছে তিনি তাহার সাহায্যে বৃথিতে বান; (৩) তিনি মনে করেন সকল শাস্ত্র এককালে একদোশে প্রণীত; অতএব একটার উক্তির সহিত অপরটার ঐক্য থাকিবে। সর্বতোমুখী দৃষ্টি থাকিলেও আচার-রূপ কার্যের কারণ ব্যাখ্যা সোজা নয়।

দিক্‌বিচার দেখি। “দক্ষিণ মুখে বসিয়া ভোজন করিতে নাই।” কেন নাই? যেহেতু দক্ষিণদিক বয়রাজ্য, দক্ষিণদিকের নামই যামাদিক। “দক্ষিণমুখে উনান পাতিতে নাই।” কেন? যেহেতু সেটা যে যামাদিক, আর এই জুইত দক্ষিণে চিতা কাটিতে হয়, প্রথমে দক্ষিণে অগ্নিযোগ করিতে হয়। বৃথিলাম কিন্তু তাহা হইলে দক্ষিণ শিরের শুইবার বিধি কেন? এখানে নিরুত্তর।...

কিন্তু এমনও হইতে পারে, দক্ষিণ দিকের বাতাস লক্ষ্য করিয়া তিনটি বিধির উৎপত্তি। দুই তিন মাস শীত ছাড়া দক্ষিণে বাতাস বহিতে থাকে, লোকে এই বাতাসই চায়; বলে “দক্ষিণ দুয়ারী ঘরের রাজা।” দক্ষিণ দিকের বাতাসে যে ধূলা-বালি উড়িয়া আসে, দক্ষিণ মুখে ভোজনের বেশ এই। উনানের মুখ দক্ষিণ দিকে রাখিলে কাঠ ধু-ধু করিয়া জ্বলিতে থাকে, পাকের তাপের মাত্রা ঠিক রাখিতে পারা যায় না। তবে যদি কেহ দক্ষিণ রুদ্ধ ঘরে পাক করে, তাহার অস্বাধি হইবে না। কিন্তু এমন সঙ্ক-বার গৃহে পাকশালা নির্মিত হইত না। আরও মনে রাখিতে হইবে, পাকশালাতেই ভোজনস্থান থাকিত। দক্ষিণ শিরের শুইবার হেতুও তাই, মাধায় দক্ষিণের বাতাস লাগিবে, হুনিয়া হইবে। দক্ষিণ অভাবে পূর্বশিরের। পূর্বে বাতাসও ভাল। দেশভেদে পশ্চিম বাতাসও ভাল। কিন্তু শরনের শিরের সম্বন্ধে এই বিধি সে দেশে হয় নাই। শাস্ত্রে আছে, প্রবাসে এ বিচার নাই বরং পশ্চিম শিরের ভাল।

আয়ুর্বেদে বহু বিধি-নিষেধ আছে। কারণ জানিলেও কেহ তাহাতে সন্দেহ করে না। কারণ, আয়ুর্বেদ শাস্ত্র। সন্দেহ করিতে হইলে ভ্রূমোক্ষণী বিচক্ষণ বিদ্বান্ কৃতবুদ্ধি করিতে পারেন, তুমি আদি ভুল ধরিতে পারি না। এইরূপ, মহাপ্রভুতির ধর্মশাস্ত্রে আচার সম্বন্ধে বিধি নিষেধের অন্ত নাই। পূরণেও কত উপদেশ আছে। সব উপদেশের হেতু বৃথিতে পারি না। কারণ কালান্তরে আসিয়া পড়িয়াছি, এবং দেশান্তরে বাস করিতেছি। এখানে এ প্রসঙ্গ তুলিব না। কিন্তু ভাবি, কালাপযোগী ও দেশোপযোগী না হইলে লোকে মানিত না, মানিতে পারিত না। আর ইহাও ঠিক, লোকের অকল্যাণ হটক, এই দুবুদ্ধিতে কোনও শাস্ত্র কোথাও প্রণীত হয় নাই।

বিদেশী আমাদের আচার বৃথিতে পারেন না। মানুষকে দিপদ-প্রাণীমাত্র জ্ঞান করিলে মনের টানের অভাবে তাহার অশুভ্রিত আচারের মর্ম প্রবেশ করিতে পারা যায় না।...

বেবদেবীর পূজার এবং ব্রতে বিধি নিষেধের অন্ত নাই। এক পূজার সহিত আর এক পূজার, এক ব্রতের সহিত আর এক ব্রতের সাম্য আছে, নাইও। বস্তুতঃ সাম্য থাকিলে এত পূজা ও ব্রত আবশ্যক হইত না। কালে এক এক পূজা ও ব্রত আরক হইয়াছে, পুরাণে লিপিবদ্ধ হইয়া স্বামী হইয়া গিয়াছে। বেদের কাল চলিয়া গেলে বৌদ্ধকাল আসিল। বৈদিক দেব দেবী নূতন মূর্তিতে আবিস্কৃত হইলেন, বৌদ্ধ তাত্ত্বিকদের হাতে আরও রূপান্তরিত হইয়া গেলেন। অতোকের ইতিহাস জানা নাই, এবং যে ইতিহাসে পূজা-প্রকরণ নাই সে ইতিহাসও ইতিহাস নয়। কিন্তু

সেরূপ ইতিহাস কখনও উদ্ধার হইবে না। সামান্য দুই একটা উদাহরণ দিই। বিবরণে শিবপূজা, তুলসীপূজা বিষ্ণুপূজা, তিলক (তিল নয়) ও শ্রেণ পূর্ণেশ সরস্বতী পূজা করিতে হয়। কেন হয়?—কে জানে। বাগ্য ব্যতীত কোন পূজার আরম্ভ ও শেষ হইতে পারে না, কিন্তু লক্ষী পূজার শব্দ ব্যতীত অন্ত বাধ্য বাধ্য হইতে নাই। এইরূপ বিধি-নিষেধের হেতু অমুসন্ধান সোজা হইবে না।

ব্রত সম্বন্ধেও এই কথা। একটা বচন আছে, ব্রতের মধ্যে একাদশী, এবং তপস্তার মধ্যে উপবাস শ্রেষ্ঠ। স্বাস্থ্য রক্ষার্থ উপবাসের প্রয়োজন আছে। কিন্তু ব্রতের উপবাস আহার-লজ্জন নয়। অতীষ্ট দেবতার ধানে উপবাসের দিন না কাটিলে উপবাসের ফল হয় না। একাদশীর উপবাসে হরিতিক্তি বৃদ্ধি হয়; যদি না হয় তাহা হইলে সে উপবাসের পূর্ণফল হইল না। কিন্তু জিজ্ঞাস্তা, একাদশী ভিষিতেই কেন, এই উপবাস করিতে হইবে, অন্ত এক ভিষিতে করিলে দোষ কি?—কে জানে কিন্তু একটা ভিষি ধরিতেই হইবে সে ভিষি সম্বন্ধেও এই জিজ্ঞাস্তা উঠিবে। হরিত ইতিহাসের এক স্মরণীয় ভিষি (দিন) একাদশী ছিল।

পূজা ও ব্রতের অনুষ্ঠানে বহু বহু বিধি পালন করিতে হয়। পালন করিতে গিয়াই মনে পড়ে, আজ বিশেষ দিন, আজ আমার সঙ্কল্প পূরণ করিতে বাইতেছি। এইরূপে মন উদযুক্ত হয়। বিধি-নিষেধ-হীন, অনুষ্ঠান-হীন পূজা ও ব্রতে ফল হয় না।...

চাতুর্মাস্য ব্রত ধরি। আবার নামে হরিশরম একাদশীর পরদিন দ্বাদশী হইতে কাষ্টিক মাসে উপান একাদশী পর্যন্ত চারি মাস, চাতুর্মাস্য। এই চাতুর্মাসে কৃত্য বলিমা নাম, চাতুর্মাস্য ব্রত। পূর্বকালে সন্ন্যাসী এই চারি মাস, বর্ষা ও শরৎ, দুই ঋতু, এক স্থানে বাপন করিতেন, সচ্ছন্দ বন জাত ফলমূল ব্যতীত কৃষিজাত শস্ত পাইতেন না। এই সন্ন্যাসী ব্রতের অমুকরণে গৃহীর চাতুর্মাস্য ব্রত। দুই তিন পুরাণে ইহার বিধান আছে। পড়িলেই বৃষি, নিত্য অভ্যাস বর্জন, এই ব্রতের মুখ্য উদ্দেশ্য। গৃহী সন্ন্যাসী ব্রত সমাক পালন করিতে পারে না। কেহ শুভ (ইদানীং নিষ্ঠার) কেহ প্রতাহ অভ্যঙ্গের তৈল, কেহ নিত্যভোজ্য হৃত, কেহ তাম্বুল, কেহ লবণ, কেহ পঙ্ক অন্ন (যেমন ভাত), বর্জন করে, নিত্য প্রাতঃস্নান ও নব কেশ ধারণ করে। সকলে চারি মাস পারে না। কেহ শ্রাবণ মাসে শাক (আনাজ), কেহ ভাদ্রমাসে দধি, আশ্বিন মাসে দুগ্ধ, কাষ্টিক মাসে আম্রি বর্জন করে। চারি মাস যেত সীম ও রাজমাষ (বিরিকলাই), বিশেষতঃ কাষ্টিকমাসে রাজমাষ নিষিদ্ধ। এইরূপ কাহারও মতে পটোল, বেগুন ও মধুর মাংসল ফল (কুমড়া, লাউ শসা) নিষিদ্ধ। শাস্ত্রকার এক কথার লিখিয়াছেন, রচিকর তৎৎৎকাল লজা ফল মূল বর্জন করিবে। ব্রতের ফল কি? লিখিত আছে, এই ব্রত করিলে নিরাধি (মানসিক দুঃখ রহিত), নীরোগী, ওজস্বী ও বিজ্ঞত্ব হইতে পারা যায়।...

এক পুরাণে আছে, মিনে দুইবার আহার করে মানুষকে, চারিবার করে রাক্ষসে। ইহা সত্য, রাক্ষসের উক্ত শক্তি নাই। ব্রত ধারণে আনন্দ আছে, আমি ইন্দ্রিয় নিগ্রহ করিতে পারি, এই জ্ঞান-জ্ঞাত আনন্দ। শ্রেয়ঃ-সাধন সংকল্প জ্ঞাত আনন্দ। আর বাল্যকাল হইতে বালকবালিকারা ব্রত গ্রহণ করিলে সংযমী হইতে পারে। বই পড়িয়া কলাকল-বোধ নয়, অভ্যাস দ্বারা আত্মসংযম সংস্কারে পরিণত করা চাই।

ভ্রম-সংশোধন

মুদ্রিত হইয়া যাইবার পর এই সংখ্যার প্রথম প্রবন্ধের লেখক জানাইয়াছেন যে, পাণ্ডুলিপিতে ভুল থাকার উহার অনেক স্থলে সংশোধন আবশ্যক। সেইগুলি নিয়ে দেওয়া হইল :—

পৃঃ	৮৪১	স্তম্ভ	১	পাণ্ডিত্য	১	
	৮৪২	১	১৫	"বিরের রাতে বরষাধীরা" স্থলে "বিরের রাতে বর নিয়ে বরষাধীরা"		
	৮৪৩	১	১১	"?" স্থলে ":"		
	৮৪৫	১	২২	"লো" "হো"		
	"	"	২২	"জ্ঞান" "জ্ঞানৈ"		
	"	"	২৩	"তনয়ন দেউ" "তনয়ন বোউ"		
	"	"	২৮	"চা খল" "চাখল"		
	"	"	২৯	"কোউ" "কোউ"		
	"	"	৩৪	"বংধা"। এই "গোরখ বংধা"ই হ'ল স্থলে 'বংধা' বাংলা বেশে এই "গোরখ বংধাই"		
	"	"	৩৫	"গোলোক-বংধা"র পূর্বে "হ'রে দাঁড়াল" এই দুইটি কথা বসিবে।		
	৮৪৬	২	১৬	"বাউল" স্থলে "বাউল"		
	"	"	৩০	"প্রশান্ত" "প্রশান্ত"		
	৮৪৮	১	৩২	"পড়ি" "পড়ে"		
	৮৪৯	২	২১	"তাক" "তাক"		
	৮৫০	১	২৮	"আর হ'ল বাংলার কাছা" "আর বাংলার কাছা"		
	"	২	২৯	"কথা হর" "কথা আর হর"		
	৮৫১	১	২৪	"বাংলার তার জীবনে" "বাংলার ভাব-জীবনে"		
	"	২	৩	"বিনাও বৈশিষ্ট্য" "বিনা বৈশিষ্ট্যও"		
	৮৫৩	২	১৯	"দেখেছে" "দেখে"		
	৮৫৪	১	১৬	"পও লে'কা" "পত্তলে'কা"		
	"	১	১৮	"ঔদান" "ঔদান"		
	"	২	১৮	"পুটাপে হুন্দরদাসের" "ঐষ্টাঝে এই হুন্দরদাসের"		
	৮৫৫	১	১৭	"পথই" "পথই"		
	"	"	২৬	"এ সব" এই দুটি কথা বাদ দিতে হইবে		
	"	২	৭	"ভারই" "ভারই"		
	"	"	১৫	"ধরিছ" "ধারিছ"		
	"	"	২৪	"পাছ" "পাছ"		
	"	"	২৫	"করিছ" "করিছ"		
	"	"	২৬	"করা" "করা"		
	"	"	৩২	"গ্রেম বোপেতে" "সদা গ্রেমভে বোপ,"		
	৮৫৬	১	৬	"ভুলিছ" "ভুলিছ"		
	"	২	৪	"বধ" "বধ"		
	১১	৩	১৪			

অপরাজিত

ঐতিহাসিক বন্দ্যোপাধ্যায়

কলিকাতা আর ভাল লাগে না কিছুতেই না—এখানকার ধরাধা ধনী-মাকি কাজ, বকতা, একঘেয়েমি। এ ঘেন অপুর অসহ্য হইয়া উঠিল। তা ছাড়া একটা যুক্তিহীন ও ভিত্তিহীন অস্পষ্ট ধারণা তাহার মনের মধ্যে ক্রমেই গড়িয়া উঠিতেছিল—কলিকাতা ছাড়িলেই যেন সর্ব্ব দুঃখ দূর হইবে—মনের শান্তি আবার ফিরিয়া পাওয়া যাইবে।

কীলেনের আপিসের কাজ ছাড়িয়া দিয়া অবশেষে সে চাপদানীর কাছে একটা স্থলের মাষ্টারী লইয়া গেল। জায়গাটা না শহর, না পাড়াগাঁ গোছের—চারিধারে পাটের কল ও কুলিবস্তি, টিনের চালাওয়ালা দোকান ঘর ও বাজার, কয়লার গুঁড়া ফেলা রাস্তার কালো ধূলা ও ধোঁয়া, শহরের পারিপাট্যও নাই, পাড়াগাঁয়ের শ্রীও নাই।

বড়দিনের ছুটিতে প্রণব ঢাকা হইতে কলিকাতায় অপুর সহত সাক্ষাৎ করিতে আসিল। সে জানিত অপু আজকাল কলিকাতায় থাকে না—সন্ধ্যার কিছু আগে সে গিয়া চাপদানী পৌছিল।

খুজিয়া খুজিয়া অপুর বাসাও বাঁহর করিল। বাজারের এক পাশে একটা ছোট ঘর—তার অর্ধেকটা একটা ডাক্তারখানা, স্থানীয় একজন হাতুড়ে ডাক্তার সকালে বিকালে রোগী দেখেন। বাকী অর্ধেকটাতে অপুর একখানা তক্তপোষ, একটা আধময়লা বিছানা, খানকতক বই, একটা বাঁশের আলনায় খানকতক কাপড় ঝুলানো। তক্তাপোষের নীচে অপুর ষ্টিলের তোরঙ্গটা।

অপু বলিল—এসো এসো, এখানকার ঠিকানা কি করে জানলে?

—সে কথার দরকার নেই। তারপর কলিকাতা ছেড়ে এখানে কি মনে করে?...বান্দ! এমন জায়গায় মানুষকে থাকে?

—খারাপ জায়গাটা কি দেখলি? তা ছাড়া কলিকাতায় ঘেন আর ভাল লাগে না—দিনকতক এমন হ'ল যে, বাইরে যেখানে হয় যাব, সেই সময় এখানকার মাষ্টারীটা জুটে গেল, তাই এখানেই এলাম। দাঁড়া, তোর চায়ের কথা বলে আসি—পাশেই একটা বাঁকুড়ানিবাসী বামুনের তেলভাজা পরোটার দোকান, রাত্রে তাহারই দোকানের অতি অগুরুত্ব খাদ্য কলঙ্ক-ধরা পিতলের

খালায় আনীত হইতে দেখিয়া প্রণব অবাক হইয়া গেল—অপুর কচি অন্ততঃ মার্জিত ছিল চিরদিন হয়তো—তাহা সরল ছিল, অনাড়ম্বর ছিল, কিন্তু অমার্জিত ছিল না। সেই অপুর এ কি অবনতি? এরকম একদিন নয় রোজই রাত্রে না-কি এই তেলভাজা পরোটাই অপুর প্রাণধারণের একমাত্র উপায়। এত অপরিকারও ত সে অপুকে কখনো দেখিয়াছে এমন মনে হয় না।

কিন্তু প্রণবের সব-চেয়ে বুকে বাজিল যখন পর দিন বৈকালে অপু তাহাকে সঙ্গে লইয়া গিয়া পাশের এক স্নাকার দোকানের নীচ-শ্রেণীর তাসের আড্ডায় অতি ইতর ও স্থূল ধরণের হস্তপরিহাসের মধ্যে বসিয়া ঘণ্টার পর ঘণ্টা ধরিয়া মহানন্দে তাস খেলিতে লাগিল।

অপুর ঘরটাতে ফিরিয়া আসিয়া প্রণব বলিল—কাল আমার সঙ্গে চল অপু—এখানে তোকে থাকতে হবে না—এখান থেকে চল।

অপু বিশ্বস্তের স্বরে বলিল—কেন রে, কি খারাপ দেখলি এখানে? বেশ জায়গা তো, বেশ লোক সবাই। ওই যে দেখলি বিশ্বস্তর স্বর্ণকার—উনি এদিকের একজন বেশ অবস্থাপন্ন লোক, গুঁর বাড়ি দেখিস নি? গোলা কত! মেয়ের বিয়েতে আমায় নৈমন্ত্য করছিলেন, কি খাওয়ান্টাই খাওয়ালেন—উঃ! পরে খুঁসির স্বরে বলিল—এখানে গুঁরা সব বলেচেন আমায় ধানের জমি দিয়ে বাস করাবেন—নিকটেই বেগমপুরে গুঁদের—বেশ জায়গা—কাল তোকে দেখাব চল—গুঁরাই ঘর দোর বেঁধে দেবেন বলেচেন—আপাতক মাটির, মানে বিচুলির ছাউনি, এদেশে উলুখড় হয় না কি-না?

প্রণব সঙ্গে লইয়া যাইবার জন্ত খুব পীড়াপীড়ি করিল—অপু তর্ক করিল, নিজের অবস্থার প্রাথমিক প্রমাণ করিবার উদ্দেশ্যে নানান যুক্তির অবতারণা করিল, শেষে রাগ করিল, বিরক্ত হইল—যাহা সে কখনও হয় না। প্রকৃতিতে তাহার রাগ বা বিরক্তি ছিল না কখনও—অবশেষে প্রণব নিরুপায় অবস্থায় পর দিন সকালের টেনে কলিকাতায় ফিরিয়া গেল।

যাইবার সময় তাহার মনে হইল সে অপু ঘেন আর নাই—প্রাণশক্তির প্রাচুর্য্য এক দিন তাহার মধ্যে উছলিয়া উঠিতে দেখিয়াছে, সে ঘেন প্রাণহীন, নিশ্চল। এমনভর স্থূল ভূমি বা সন্তোষ বোধ, এ ধরণের আশ্রয় আঁকড়াইয়া

ধরিবার কাঙালপণা কই অপূর প্রকৃতিতে ত ছিল না
কখনও ?

হুল হইতে ফিরিয়া রোজ অপূ নিজের ঘরের রোয়াকে
একটা হাতলভাঙা চেয়ার পাতিয়া বসিয়া থাকে।
এখানে সে অত্যন্ত একা ও সঙ্গীহীন মনে করে। বিশেষ
করিয়া সন্ধ্যা বেলাতে সেটা এত অসহনীয় হইয়া ওঠে,
কোথাও একটু বসিয়া গল্প শুদ্ধব করিতে ভাল লাগে,
মাতৃঘের সঙ্গ স্পৃহনীয় মনে হয়, কিন্তু এখানে অধিকাংশই
পাটকলের সন্ধার, বাবু, বাজারের দোকানদার, তা-ও
সবাই তাহার অপরিচিত। বিশু স্ন্যাকবার দোকানের
সান্দা আড্ডা সে নিজে খুঁজিয়া বাহির করিয়াছে, তবুও
ন'টা দশটা পর্য্যন্ত বাত একরকম কাটে ভালই।

অপূর ঘরের রোয়াকটার সামনেই মার্টিন কোম্পানীর
ছোট লাইন, সেটা পার হইয়া একটা পুকুর, জল যেমন
অপরিস্কার, তেমনি বিশ্রাদ। পুকুরের ওপারে একটা
কুলিবন্তি, দুবেলা যত ময়লা কাপড় সবাই এই পুকুরেই
কাচিতে নামে, রোজ উটিলেই কুলি লাইনের ছাপমারা
থয়েরা-রং এর বারো হাতি শাড়ী পুকুরের ও-পারের ঘাসের
উপর রোজে-য়েলানো অপূর রোয়াক হইতে দেখিতে
পাওয়া যায়। কুলিবন্তির ও-পাশে গোটাকতক বাদাম
গাছ, একটা ইটখোলা, থানিকটা ধান ক্ষেত, একটা পাটের
গাঁটবন্দী কল। এক এক দিন রাতে ইটের পাজার ফাটলে
ফাটলে রাঙা ও বেগুনী আলো জলে, মাঝে মাঝে নিবিয়া
যায় আবার জলে, অপূ নিজের রোয়াকে বসিয়া
বসিয়া মনোযোগের সঙ্গে দেখে। রাত দশটায় মার্টিন
লাইনের একখানা গাড়ী হাওড়ার দিক হইতে আসে—
অপূর রোয়াক ঘেঁষিয়া যায়—পেটলাপুটুলী, লোকজন,
মেয়েরা—পাশেই টেনে গিয়া থামে। একটু পরেই
কাঁকড়াবাসী ব্রাহ্মণটি তেলেভাজা পরোটা ও তরকারী
আনিয়া হাজির করে, খাওয়া শেষ করিয়া শুইতে অপূর
প্রায় এগারোটা বাজে। দিনের পর দিন একই রকম
বৈচিত্র্যও নাই, বদলও নাই।

অপূ কাহারও সহিত গায়ে পড়িয়া আত্মীয়তা করিতে
যায় যে কোনো মতলব আঁটিয়া তাহা নহে, ইহা সে
যখনই করে, তখনই সে করে নিজের অজ্ঞাতসারে—
নিঃসঙ্গতা দূর করিবার অচেতন আগ্রহে। কিন্তু নিঃসঙ্গতা
কাটিতে চায় না সব সময়। যাইবার মত জায়গা নাই,
করিবার মত কাজও নাই—চূপচাপ বসিয়া বসিয়া সময়
কাটে না। ছুটির দিনগুলো ত অসম্ভব রূপ দীর্ঘ
হইয়া পড়ে।

নিকটেই ব্রাক পোষ্টাফিস। অপূ রোজ বৈকালে

ছুটির পরে সেখানে গিয়া বসিয়া প্রতিদিনের ডাক অতি
আগ্রহের সহিত দেখে। ঠিক বৈকালে পাঁচটার সময়
সব-আপিসের পিওন চিঠিপত্র ভরা শীল করা ডাক-
ব্যাগটি ঘাড়ে করিয়া আনিয়া হাজির করে, শীল ভাঙিয়া
বড় কাঁচি দিয়া সেটার মুখের বাঁধন কাটা হয়। এক
একদিন অপূই বলে—ব্যাগটা খুলি চরণবাবু? চরণ-
বাবু বলেন—হাঁ হাঁ খুলুন না, আমি ততক্ষণ ইষ্টাম্পের
হিসেবটা মিলিয়ে ফেলি—এই নিন কাঁচি।

পোষ্টকার্ড, থাম, খবরের কাগজ, পুলিশা, মনি-অর্ডার।
চরণবাবু বলেন—মনিঅর্ডার সাতখানা? দেখেচেন কাণ্ডটা
মশাই, এদিকে টাকা নেই মোটে। টেটালট্টা দেখুন
না একবার দয়া করে—সাতান্ন টাকা ন' আনা? তবেই
হয়েচে—রইল পড়ে, আমি তো আর ইন্ডির গয়না বন্ধক
দিয়ে টাকা এনে মনি-অর্ডার তামিল করতে পারি না
মশাই? এদিকে ক্যাশ বুকে নেওয়া চাই বাবুদের
রোজ রোজ—

প্রতিদিন বৈকালে পোষ্টমাষ্টারের টহলদারী করা
অপূর কাছে অত্যন্ত আনন্দদায়ক কাজ। সাগ্রহে হুল
ছুটির পর পোষ্টাফিসে দৌড়ানো চাই-ই তার। তাহার
সব চেয়ে আকর্ষণের বস্তু খামের চিঠিগুলো। প্রতিদিনের
ডাকে বিস্তর খামের চিঠি আসে—নানা ধরণের খাম,
সাদা, গোলাপী, সবুজ, নীল। চিঠি-প্রাপ্তিটা চিরদিনই
জীবনের একটি দুর্লভ ঘটনা বলিয়া চিরদিনই চিঠির,
বিশেষ করিয়া খামের চিঠির প্রতি তাহার কেমন
একটা বিচিত্র আকর্ষণ। মধ্যে দু বৎসর অপূর্ণা সে
পিপাসা মিটাইয়াছিল—এক এক খানা খাম বা
তাহার উপরের লেখাটা এতটা ছব্ব সে রকম, যে
প্রথমটা হঠাৎ মনে হয় বুঝি বা সে-ই চিঠি দিয়াছে।
একদিন শ্রীগোপাল মল্লিকের লেনের বাসায় এই রকম
খামের চিঠি তাহারও কত আসিত।

তাহার নিজের চিঠি কোনোদিন থাকে না, সে জানে
তাহা কোথাও হইতে আসিবার সম্ভাবনা নাই—কিন্তু
শুধু নানাদ্রবের চিঠির বাহুদৃশের মোহটাই তাহার
কাছে অত্যন্ত প্রবল।

একদিন কাহার একখানি মালিকশূন্য সাকিমশূন্য
পোষ্টকার্ডের চিঠি ডেড-লেটার আপিস হইতে ঘুরিয়া
সারা অন্ধে ভক্ত বৈষ্ণবের মত বহু ডাক মোহরের ছাপ
লইয়া এখানে আসিয়া পড়িল। বহু সন্ধান করিয়াও
তাহার মালিক জুটিল না। সেখানা রোজ এ-গ্রাম ও-গ্রাম
হইতে ঘুরিয়া আসে—পিওন কৈফিয়ৎ দেয় এ নামের
কোনো লোকই নাই এ জকলে। ক্রমে চিঠিখানা
অনাদৃত অবস্থায় এখানে ওখানে পড়িয়া থাকিতে দেখা
গেল—একদিন ঘরবাঁটা দিবার সময় অজ্ঞানের সঙ্গে কে

সামনের মাঠে ঘাসের উপর ফেলিয়া দিয়াছিল, অপু কোতুলের সঙ্গে কুড়াইয়া লইয়া পড়িল।

শ্রীচরণকমলেশ্বর,

মেজদাদা, আজ অনেকদিন যাবত আপনি আমাদের নিকট কোনো পত্রাদি দেন না এবং আপনি কোথায় আছেন কি ঠিকানা না জানিতে পারায় আপনাকেও আমরা পত্র লিখি নাই। আপনার আগের ঠিকানাতেই এ পত্রখানা দিলাম, আশা করি উত্তর দিতে ভুলিবেন না। আপনি কেন আমাদের নিকট পত্র দেওয়া বন্ধ করিয়াছেন, তাহার কারণ বুঝিতে সক্ষম হই নাই। আপনি বোধ হয় আমাদের কথা ভুলিয়া গিয়াছেন তাহা না হইলে আপনি আমাদের এখানে না আসিলেও একখানা পত্র দিতে পারেন। এতদিন আপনার খবর না জানিতে পারিয়া কি ভাবে দিন যাপন করিয়া ছ তাহা সামান্য পত্রে লিখিলে কি বিশ্বাস করিবেন মেজদাদা? আমাদের সঙ্গে আপনার সম্পর্ক কি একেবারেই ফুরাইয়া গিয়াছে? সে যা হোক, বৈরুপ অদৃষ্ট নিয়ে জন্মগ্রহণ করিয়াছি সেইরূপ ফল। আপনাকে বৃথা দোষ দিব না। আশা করি আপনি অসন্তোষে হইবেন না। যদি অপরাধ হইয়া থাকে, ছোট বোন বলিয়া ক্ষমা করিবেন। আপনার শরীর কেমন আছে, আপনি আমার সভক্তি প্রণাম জানিবেন, খুব আশা করি পত্রের উত্তর পাইব। আপনার পত্রের আশায় পথ চাহিয়া রহিলাম। ইতি—

সেবিকা

কুসুমলতা বহু

কাঁচা মেয়েলি হাতের লেখা, লেখার অপটুত্ব ও বানান ভুল ভরা। সহোদর বোনের চিঠি নয় কারণ পত্রখানা লেখা হইতেছে জীবনরক্ষা চক্রবর্তী নামের কোনো লোককে। এত আগ্রহপূর্ণ, আবেগভরা পত্রখানার শেষকালে এই গতি ঘটিল? মেয়েটি ঠিকানা জানে না, নয় ত লিখিতে ভুলিয়াছে। অপটু লেখার ছত্রে ছত্রে যে আন্তরিকতা ফুটিয়াছে তাহার প্রতি সম্মান দেখাইবার জন্য পত্রখানা সে ভুলিয়া লইয়া নিজের বাসে আনিয়া রাখিল। মেয়েটির ছবি চোখের সমুখে ফুটিয়া উঠে—পনেরো বোল বয়স বৎসর, ঝটাম গড়ন, ছিপছিপে পাতলা, একরাশ কালো কৌকড়া কৌকড়া চুল মাথায়। ডাগর চোখ। কোথায় সে তাহার মেজদাদার পত্রের উত্তরের অপেক্ষায় বৃথাই পথ চাহিয়া আছে! মানবমনের এত প্রেম, এত আগ্রহভরা আহ্বান, পবিত্র বালিকা-হৃদয়ের এ অমূল্য অর্ঘ্য, কেন জগতে এভাবে ধূলয় অনাড়র পড়াগড়ি যায়, কেউ পৌছে না, কেউ তা নিয়ে গুরু করে না?

বিশ্বস্তর শ্রাকরার দোকানে সেদিন রাত এগারটা পর্যন্ত জোর তাসের আড্ডা চলিল—সবাই উঠিতে চায়, সবাই বলে রাত বেশী হইয়াছে, অথচ অপু সকলকে অনুরোধ করিয়া বসায়, কিছুতেই থেলা ছাড়িতে চায় না। অবশেষে অনেক রাজে বসায় ফিরিতেছে, কলুদের পুকুরের কাছে স্থলের খার্ড পণ্ডিত আশু সাম্রাণ লাঠি ঠক ঠক করিতে চলিয়াছেন। অপুকে দেখিয়া বলিলেন, কি অপূর্ব বাবু বে, এত রাজে কোথায়? কোথাও না, এই বিপ্তি সেকরার দোকানে তাসের—

খার্ড পণ্ডিত এদিক ওদিক চাহিয়া নিম্নস্থরে বলিলেন— একটা কথা আপনাকে বলি, আপন বিদেশী লোক—পূর্ণ দীর্ঘজীৱ খল্পরে পড়ে গেলেন কি করে বলুন তো?

অপু বুঝিতে না পারিয়া বলিল, খল্পরে পড়া কেমন বুঝতে পারচেন—কি ব্যাপারটা বলুন তো?

পণ্ডিত আরও হুঙ্ক নীচু করিয়া বলিল—ওখানে অত ঘন যাওয়া-আসা আপনার কি ভাল দেখাচ্ছে ভাবচেন? ওদের টাকাকড়ি দেওয়া ও-সব। আপনি হচ্ছেন ইকুলের মাটার, আপনাকে নিয়ে অনেক কথা উঠেছে তা বোধ করি জানেন না?

—না? কি কথা?

—কি কথা তা আর বুঝতে পারচেন না মশাই? হুঁ—পরে কিছু খামিয়া বলিলেন—ও সব ছেড়ে দিন বুঝলেন? আরও একজন আপনার আগে ওই রকম ওদের খল্পরে পড়েছিল, এখানকার নন্দ গুয়ের আবগারী দোকানে কাজ করত ঠিক আপনার মত অল্প বয়স—মশাই টাকা শুধে শুধে তাকে একবার—ওদের ব্যবসাই ওই। সমাজে একঘরে করবার কথা হচ্ছে—খার্ড পণ্ডিত একটু খামিয়া একটু অর্থহীনক হাস্য করিয়া বলিলেন আর ও মেয়ের এমন মোহাই বা কি শহর অঞ্চলে বরং ওর চেয়ে ঢের—

অপু এতক্ষণ পর্যন্ত পণ্ডিতের কথাবার্তার গতি ও বক্তব্য বিষয়ের উদ্দেশ্য কিছুই ধরিতে পারে নাই—কিন্তু শেষের কথাটাতে সে বিশ্বাসের স্থরে বলিল—কোন মেয়ে—পটেশ্বরী?

—হা হা হা, থাক থাক, একটু আস্তে—

—কি করেচে বলচেন পটেশ্বরী?

—আমি আর কি বলছি কিছু, সবাই যা বলে আমিও তাই বলছি। নতুন কথা কি আর কিছু বলছি কি? যাচেন না, ওসব, তাতে বিদেশী লোক সাবধান করে দি। ভদ্রলোকের ছেলে, নিজের চরিত্রটা আগে রাখতে হবে ভালো, বিশেষ যখন ইকুলের শিক্ষক এখানকার।

খার্ড পণ্ডিত পাশের পথে নামিয়া পড়িলেন, অপু প্রথমটা অবাক হইয়া গিয়াছিল, কিন্তু বাসায় ফিরিতে

ফিরিতে সমস্ত ব্যাপারটা তাহার কাছে পরিষ্কার হইয়া গেল।

পূর্ণ দীঘড়ীর বাড়িতে যাওয়া-আসার ইতিহাসটা এইরূপ।

প্রথমে এখানে আসিয়া অণু কয়েকজন ছাত্র লইয়া এক সেবা সমিতি স্থাপন করিয়াছিল। একদিন সে স্থল হইতে ফিরিতেছে, পথে একজন অপরিচিত শ্রৌট ব্যক্তি তাহার হাত ছুঁটা জড়াইয়া ধরিয়া প্রায় ডাক ছাড়িয়া কাদিয়া বলিল, আপনারা না দেখলে আমার ছেলেটা মারা যেতে বসেচে—আজ পনেরো দিন টাইফয়েড, তা আমি কলের চাকরী বজায় রাখব, না রুগীর সেবা করব। আপনি দিন-মানটার জন্তে জনকতক ভলাটিয়ার যদি আমার বাড়ি—আর সেই সঙ্গে যদি দু একদিন আপনি—

তেত্রিশ দিনে রোগী আরাম হইল। এই তেত্রিশ দিনের অধিকাংশ দিনই অণু নিজের ছাত্রদের সঙ্গে শ্রাণপণে খাটিয়াছে। রাত্রি তিনটায় শুধু খাওয়াইতে হইবে, অণু ছাত্রদিককে জাগিতে না দিয়া নিজে জাগিয়াছে, তিনটা না বাজা পর্যন্ত বাহিরের দাওয়ার একপাশে বই পড়িয়া সময় কাটাইয়াছে, পাছে এমনি বসিয়া থাকিলে ঘুমাইয়া পড়ে।

একদিন দুপুরে টাল খাইয়া রোগী যায় যায় হইয়াছিল। দিঘড়ী মশায় পাটকলে, সে দিন ভলাটিয়ার দলের আবার কেঁহই ছিল না, দুপুরে ভাত খাইতে গিয়াছিল। অণু দিঘড়ী মশায়ের স্ত্রীকে ভরসা দিয়া বুঝাইয়া শান্ত রাখিয়া মেয়ে দুইটিব সাহায্যে গরম জল করাইয়া বোতলে পুরিয়া সেক তাপ ও হাত পা ঘসিতে ঘসিতে আবার দেহের উষ্ণতা ফিরাইয়া আনে।

ছেলে সারিয়া উঠিলে দিঘড়ী মহাশয় একদিন বলিলেন—আপনি আমার যা উপকারটা করেছেন মাষ্টার মশায়—তা এক মুখে আর কি বলব। আমার স্ত্রী বলছিল আপনার তো রেঁধে খাওয়ায় কষ্ট—এই এক মাসে আপনি তো আমাদের আপনার লোক হয়ে পড়েছেন—তা আপনি কেন আমাদের ওখানেই থান না? আপনি বাড়ির ছেলের মত থাকবেন, থাকেন, কোনো অসুবিধে আপনার হতে পারে না।

সেই হইতেই অণু এখানে একবেলা করিয়া থায়।

পরিচয় অল্পদিনের বটে, কিন্তু বিপদের দিনের মধ্যে দিয়া সে পরিচয়—কাজেই ঘনিষ্ঠতা ক্রমে আত্মীয়তায় পরিণত হইতে চলিয়াছে। অণু পূর্ণ দীঘড়ীর স্ত্রীকে শুধু মালিয়া বলিয়া ডাকে তাহাই নয়, মাসের বেতন পাইলে সবটা আনিয়া নতুন-পাতানো মাসিমার হাতে তুলিয়া দেয়। সে-টাকার হিলাব প্রতি মাসের শেষে

মাসিমা মুখে মুখে বুঝাইয়া দিয়া আরও চার পাঁচ টাকার বেশী খরচ দেখাইয়া দেন এবং পরের মাসের মাহিনা হইতে কাটিয়া রাখেন। বাজারের বিত্ত সাক্ষর। একদিন বলিয়াছিল—দীঘড়ী বাড়ী টাকা রাখবেন না অমন করে, ওরা অভাবী লোক, বিশেষ করে দীঘড়ী-গিন্নী ভারী খেলোয়াড় লোক, বিদেশী লোক আপনি, আপনাকে বলে রাখি, ওদের সঙ্গে অত মেলামেশার দরকার কি আপনার?

মেয়ে, ছুটিরও সঙ্গে সে মেশে বটে, বড় মেয়েটিরই নাম পটেশ্বরী, বয়স বছর চোদ্দ পনেরো হইবে, রং উজ্জ্বল শ্যামবর্ণ, তবে তাহাকে দোষিয়া হুন্দরী বলিয়া কোনো দিনই মনে হয় নাই অণুর। তবে এটুকু, সে লক্ষ্য করিয়াছে, তাহার স্ববিধা অগ্রবিধার দিকে বাড়ির এই মেয়েটিই একটু বেশী লক্ষ্য রাখে। পটেশ্বরী না রাখিয়া দিলে অর্ধেক দিন বোধ হয় তাহাকে না খাইয়াই স্থলে ঘাইতে হইত। তাহার ময়লা কমাল-গুলি নিজে চাহিয়া লইয়া সাবান দিয়া রাখে, ছোট ভাই-এর হাতে টিকিনের সময় তাহার জন্ত আটার কুটি পাঠাইয়া দেয়, অণু খাইতে বসিলে পান সাজিয়া তাহার কমালে জড়াইয়া রাখে, কি একটা ব্রতের সময় বলিয়াছিল, আপনার হাতে দিয়ে ব্রতটা নেবো, মাষ্টার মশায়। এ সবার জন্ত সে মনে মনে মেয়েটির উপর কৃতজ্ঞ—কিন্তু এসব জিনিষ যে বাহিরের দিক হইতে এরূপ ভাবে দেখা যাইতে পারে, একথা পর্যন্ত তাহার মনে কখনও উদয় হয় নাই—সে জানেই না এ ধরণের সন্দিক্ত ও অশুচি মনোভাবের ধর।

সে বিন্মিতও হইল, রাগও করিল। শেষে ভাবিয়া চিন্তিয়া পরদিন হইতে পূর্ণ দীঘড়ীর বাড়ি যাওয়া-আসা বন্ধ করিল। ভাবিল—কিছু না, মাঝে পড়ে পটেশ্বরীকে বিপদে পড়তে হবে।

ইতিমধ্যে হংকং-বাসী বামুনটি রাশীকৃত বাজার দেনা ফেলিয়া একদিন ঝাঁকরা, হাতা ও বেলুনখানা মাজ্জ সঞ্চল করিয়া চাঁপদানীর বাজার হইতে বাতারাতি উধাও হইয়াছিল, স্তত্রাং আহারাদির খুঁই কষ্ট হইতে লাগিল।

দিঘড়ী-বাড়ি হইতে ফিরিয়া সে মনে মনে ভাবিল, এ-রকম বাবা মা তো কখনও দেখিনি? বেচারীকে এরকম ভাবে কষ্ট দেওয়া—হিংসা—যাক, ওদের সঙ্গে কোনো সম্পর্ক আর রাখব না।

ছুটির পরে অণু একখানা খবরের কাগজ উন্টাইতে উন্টাইতে দেখিতে পাইল একটা শিক্ষাবিষয় গ্রন্থের লেখক তাহার বন্ধু জানকী এবং নামের তলায় ব্রাকেটের মধ্যে লেখা আছে—“On deputation to England!”

জানকী ভাল করিয়া এম্-এ. ও বি-টি পাশ করিবার পরে গবর্ণমেন্ট স্কুলে মাস্টারী করিতেছে এ-সংবাদ পূর্বেই সে জানিত কিন্তু তাহার বিলাত যাওয়ার কোনো খবরই তাহার জানা ছিল না। কে-ই বা দিবে? দেখি দেখি—বা রে! জানকী বিলাত গিয়াছে। বাঃ—

প্রবন্ধটা কৌতুহলের সহিত পড়িল। বিলাতের একটা বিখ্যাত ইন্সুলের শিক্ষা-প্রণালী ও ছাত্রজীবনের দৈনন্দিন ঘটনা-সংক্রান্ত আলোচনা। বাহির হইয়া পথ চলিতে চলিতে ডাবিল, উঃ, জানকী যে জানকী সেও গেল বিলেত!

মনে পড়িল কলেজ জীবনের কথা—বাগবাজারের সেই শ্যামরাঘের মন্দির ও ঠাকুরবাড়ি—গরীব ছাত্রজীবনে জানকীর সঙ্গে কতদিন সেখানে যাইতে যাওয়ার কথা। ভালই হইয়াছে, জানকী কম কষ্টটা করিয়াছিল কি একদিন! বেশ হইয়াছে, ভালই হইয়াছে।

এ-অঞ্চলের রাস্তায় বড় ধূশা, তাহার উপর আবার রাস্তায় কয়লার গুঁড়া দেওয়া—পথ-হাটা মোটেই প্রীতিকর নয়। দুধারে কুলিবস্তি, ময়লা দড়ির চারপাই পাতিয়া লোকগুলা তামাক টানিতেছে ও গল্প করিতেছে। এ পথে চলিতে চলিতে অপরিস্রব, সঙ্গী বস্তিগুলার দিকে চাহিয়া সে কতবার ভাবিয়াছে মানুষ কোন্ টানে, কিসের লোভে এ-ধরণের নরকভূমে স্বেচ্ছায় বাস করে? জানে না, বেচারীরা জানে না, পলে পলে এই নোংরা আবহাওয়া তাহাদের মস্তব্যাক, কটিক, চরিত্রকে, ধর্মশুভাকে গলা টিপিয়া খুন করিতেছে। স্বর্গের আলো কি ইহারা কখনও ভোগ করে নাই? বন-বনানীর শ্যামলতাকে ভাল-বাসে নাই? পৃথিবীর মুকুটকে প্রত্যক্ষ করে নাই?

নিকটে মাঠ নাই, বেগমপুরের মাঠ অনেক দূরে, রবিবার ভিন্ন সেখানে যাওয়া চলে না। স্ততরাং খানিকটা বেড়াইয়াই সে ফিরিল।

অনেক দিন হইতে এ-অঞ্চলের মাঠে ও পাড়াগাঁয়ে ঘুরিয়া ঘুরিয়া এদিকের গাছপালা ও বনের ফুলের একটা তালিকা ও বর্ণনা সে একথানা বড় খাতায় সংগ্রহ করিয়াছে। স্কুলের দু'একজন মাস্টারকে দেখাইলে তাহার হাসিয়া উড়াইয়া দিলেন। ও-সবের কথা লইয়া আবার বই! পাগল আর কাকে বলে!

বাসায় আসিয়া আজ আর সে বিশু শ্রাকরার আড্ডায় গেল না। বসিয়া বসিয়া ভাবিতে জানকীর কথা মনে পড়িল। বিলাতে—তা বেশ। কতদিন গিয়াছে কে জানে? ব্রিটিশ মিউজিয়াম টিউজিয়াম এতদিন সব দেখা হইয়া গিয়াছে নিশ্চয়। পুরাণো নখাণ দুর্গ দু' একটা, পাশে পাশে জুনিপারের বন, দূরে টেউ খেলানো মাঠের সীমায়

খড়িমাটির পাহাড়ের পিছনে সন্ধ্যাপূর্বর আটলাটিকের উদার বকে অস্ত্র আকাশের রঙীন প্রতিচ্ছায়া কি কি গাছ, পাড়াগাঁয়ের মাঠের ধারে কি বনের ফুল? ইংল্যান্ডের বনফুল নাকি ভারী দেখিতে সুন্দর—পপি, ক্রিস্মাটিস, ডেজী।

বিশু শ্রাকরার দোকান হইতে লোক ডাকিতে আসে, আসিবার আজ এত দেরি কিসের? খেলুড়ে ভীম সাধুর্থা, মহেশ সাঁবুই, নীলু ময়রা, ককির আজিউ ইহার। অনেকক্ষণ আসিয়া বসিয়া আছে—মাস্টার মশায়ের যাইবার অপেক্ষার এখনও খেলা যে আরম্ভ হয় নাই।

অপু যায় না—তাহার মাথা ধরিয়াছে—ঠা। আজ সে আর খেলায় যাইবে না।

ক্রমে রাত্রি বাড়ে, পদ্মপুত্রের ওপারে কুলিবস্তির আলো নিবিয়া যায়, নৈশ বায়ু শীতল হয়, রাত্রি সাড়ে দশটার আপ টেন হেলিতে তুলিতে ঝক ঝক শব্দে রোয়াকের কোঁশ ঘেঁষিয়া চলিয়া যায়। পয়েন্টসম্যান আধারে লণ্ঠন হাতে আসিয়া সিগন্যালের বাতি নামাইয়া লইয়া যায়। জিজ্ঞাসা করে—মাস্টার বাবু, এখনও বসিয়ে আছে?

—কে ভজুয়া? ঠা—সে এখনও বসিয়া আছে।

কিসের ক্ষুধা? কিসের যেন একটা অতৃপ্ত ক্ষুধা।

ও-বেলা একথানা পুরানো জ্যোতির্বিজ্ঞানের বই লইয়া নাড়াচাড়া করিতেছিল—এখানা খুব ভাল বই এ-সম্বন্ধে। শীলদের বাড়ির চাকরীজীবনে কিনিয়াছিল—এ-খানা হইতে অপর্ণাকে কতদিন নীহারিকা ও নক্ষত্রপুঞ্জের কটোগ্রাফ দেখাইয়া বুঝাইয়া দিত—ও-বেলা যখন সেখানা লইয়া পড়িতেছিল, তখন তাহার চোখ পড়িল, অতি ক্ষুদ্র, সাদা রং-এর—খালি চোখের খুব তেজ না থাকিলে প্রায় দেখা অসম্ভব—এরূপ একটা পোকা বইএর পাতায় চলিয়া বেড়াইতেছে। ওর সম্বন্ধে ভাবিয়াছিল—এই বিশাল জগৎ, নক্ষত্রপুঞ্জ, উজ্জ্বল, নীহারিকা, কোটি কোটি দৃশ্য অদৃশ্য জগৎ লইয়া এই অনন্ত বিশ্ব—ও-ও ত এরই একজন অধিবাসী—এই যে চলিয়া বেড়াইতেছে পাতাটার উপরে, ও-ই ওর জীবনানন্দ...কতটুকু ওর জীবন, আনন্দ কতটুকু?

কিন্তু মানুষেরই বা কতটুকু? ওই নক্ষত্র-জগতের সঙ্গে মানুষের সম্বন্ধই বা কি? আজকাল তাহার মনে একটা নৈরাশ্র ও সন্দেহবাদের ছায়া মাঝে মাঝে যেন উকি মারে। এই বর্ষাকালে সে দেখিয়াছে ভিজা জুতার উপর এক রকম ক্ষুদ্র ক্ষুদ্র ছাটা গজায়—কতদিন মনে হইয়াছে মানুষও তেমনি পৃথিবীর পৃষ্ঠে এই রকম ছাতার মত জন্মিয়াছে—এখানকার উষ্ণ বায়ুশুল ও

তার বিভিন্ন গ্যাসগুলি প্রাণপোষণের অতুল একটা অবস্থার সৃষ্টি করিয়াছে বলিয়া। এরা নিতান্তই এই পৃথিবীর, এরই সঙ্গে এদের বন্ধন আটপেটে জড়ানো, ব্যাঙের ছাতার মতই হঠাৎ গজাইয়া ওঠে, লাখে লাখে পালে পালে জন্মায়, আবার পৃথিবীর বুকেই যায় মিলাইয়া। এরই মধ্য হইতে সহস্র ক্ষুদ্র ও তুচ্ছ ঘটনার আনন্দ, হাসি খুসিতে দৈন্ত ও ক্ষুদ্রতাকে ঢাকিয়া রাখে—গড়ে চল্লিশটা বছর পরে সব শেষ। যেমন ওই পোকায় সব শেষ হয়ে গেল তেমনি।

এই অবোধ জীবনের সঙ্গে, ওই বিশাল নক্ষত্র-জগতের, ঐ গ্রহ উদ্ধা, ধূমকেতু ঐ নিঃশব্দ নাক্ষত্রিক বিরাট শূন্যের কি সম্পর্ক? হৃদয়ের পিপাসাও যেমন মিথ্যা, অনন্ত জীবনের স্বপ্নও তেমনি মিথ্যা—ভিজা জুতার বা পচা বিচালী গাদার ব্যাঙের ছাতার মত বাদের উৎপত্তি—এই মহনীয় অনন্তের সঙ্গে তাদের কিসের সম্পর্ক?

মৃত্যুপারে কিছুই নাই, সব শেষ। মা' গিয়াছে—

অর্পণা গিয়াছে—অনিল গিয়াছে—সব দাঁড়ি পড়িয়া গিয়াছে—পূর্ণচ্ছেদ।

ওই জ্যোতির্বিজ্ঞানের বইখানাতে যে বিশ্বজগতের ছবি ফুটিয়াছে, ওই পোকাটার পক্ষে যেমন তাহার কল্পনা ও ধারণা সম্পূর্ণ অসম্ভব, এমন সব উচ্চতর বিবর্তনের প্রাণী কি নাই বাদের জগতের তুলনায় মানুষের জগৎটা ওই বইয়ের পাতায় বিচরণশীল প্রায় আত্মবীক্ষণিক পোকাটার জগতের মতই ক্ষুদ্র, তুচ্ছ, নগণ্য?

হয়ত তাহাই সত্য, হয়ত মানুষের সকল কল্পনা সকল জ্ঞান বিজ্ঞান মিলিয়া যে বিশ্বটার কল্পনা করিয়াছে সেটা বিরাট বাস্তবের অতি ক্ষুদ্র এক ভগ্নাংশ নয়—তাহা নিতান্তই এ পৃথিবীর মাটির, মাটির, মাটির।

আধুনিক জ্যোতির্বিজ্ঞানের জগতের তুলনায় ওই পোকাটার জগতের মত। হয়ত তাহাই, কে বলিবে হাঁ কি, না?

মানুষ মরিয়া কোথায় যায়? ভিজা জুতাকে রোজের দিলে তাহার উপরকার ছাতা কোথায় যায়?

গ্রামবাসীদিগের প্রতি

শ্রীরবীন্দ্রনাথ ঠাকুর

বন্ধুগণ, আমি এক বৎসর প্রবাসে পশ্চিম মহাদেশের নানা জায়গায় ঘুরে আবার আমার আপন দেশে ফিরে এসেছি। একটি কথা তোমাদের কাছে বলা দরকার—অনেকেই হয়ত তোমরা! অহুভব করতে পারবে না কথাটি কতখানি সত্য। পশ্চিমের দেশ-বিদেশ হ'তে এত দুঃখ আজ প্রকাশ হয়ে পড়েছে ভিতর থেকে—এ রকম চিত্র যে আমি দেখব মনে করিনি। তারা সুখে নেই। সেখানে বিপুল পরিমাণে আসবাবপত্র, নানা রকম আয়োজন উপকরণের সৃষ্টি হয়েছে সন্দেহ নেই। কিন্তু গভীর অশান্তি তার এক প্রান্ত থেকে অপর প্রান্তে, হৃগভীর একটা দুঃখ তাদের সর্বত্র অধিকার করে রয়েছে। আমার নিজের দেশের উপর কোন অভিমান আছে ব'লে এ-কথাটি বলছি মনে করো না। বস্তুতঃ ইউরোপের প্রতি আমার গভীর শ্রদ্ধা আছে। পশ্চিম মহাদেশে মানুষকে সাধনা করতে সে সাধনার যে মূগ্য তা আমি অন্তরের সঙ্গে স্বীকার করি। স্বীকার না করাকে অপরাধ বলে গণ্য করি। সে মানুষকে অনেক ঐশ্বর্য

দিয়েছে, ঐশ্বর্যের পন্থা বিস্তৃত ক'রে দিয়েছে। সব হয়েছে। কিন্তু দুঃখ পাপে। কলি এমন কোনো ছিদ্র দিয়ে প্রবেশ করে, তা প্রথমতঃ চোখেই পড়ে না। ক্রমে ক্রমে তার ফল আমরা দেখতে পাই। আমি সেখানকার অনেক চিন্তাশীল মনীষীর সঙ্গে আলাপ করেছি। তাঁরা উদ্বিগ্ন হয়ে ভাবতে বসেচেন—এত বিদ্যা এত জ্ঞান এত শক্তি এত সম্পদ কিন্তু কেন স্বর্থ নেই, শান্তি নেই। প্রতি মুহূর্তে সকলে শঙ্কিত হয়ে আছে কখন একটা ভীষণ উপদ্রব প্রলয়কাণ্ড বাধিয়ে দেবে। তাঁরা কি স্থির করলেন বলতে পারি না। এখনও বোধ হয় ভাল ক'রে কোন কারণ নির্ণয় করতে পারেন নি কিংবা তাঁদের মধ্যে নানান লোক আপন আপন স্বভাব অনুসারে নানা রকম কারণ কল্পনা করছেন। আমিও এ-সম্বন্ধে কিছু চিন্তা করেছি। আমি যেটা মনে করি সেটা সম্পূর্ণ সত্য কিনা জানি না, কিন্তু আমার নিজের বিশ্বাস—এর কারণটি কোথায় তা আমি অহুভব করতে পেরেছি ঠিকমত। পশ্চিম দেশ যে সম্পদ সৃষ্টি

করেচে সে অতি বিপুল প্রচণ্ড শক্তিসম্পন্ন যন্ত্রের যোগে। এই সমস্ত যন্ত্রের বাহন জুগিয়েচে মানুষ। মানুষকে মানুষ সেই যন্ত্রের বাহন-রূপে তার অঙ্গ ক'রে তুলেচে এমন হাজার হাজার বহু শত সহস্র। তার পর যান্ত্রিক সম্পূর্ণ প্রতিষ্ঠার বৈদ্যুতিক তারা বড় বড় শহর তৈরি করেছে। সে শহরের পেট ক্রমেই বেড়ে চলেচে, তার পরিধি অত্যন্ত বড় হয়ে উঠল। নিউইয়র্ক লণ্ডন প্রভৃতি শহর বহু গ্রাম উপগ্রামকে গ্রাস ক'রে তবে একটা বৃহৎ দানবীয় রূপ ধারণ করেছে। কিন্তু একটি কথা মনে রাখতে হবে—শহরে মানুষ কখনও ঘনিষ্ঠভাবে সঞ্চ-যুক্ত হ'তে পারে না। দূরে যাবার দরকার নেই। কলিকাতা শহর যেখানে আমরা থাকি, জানি, প্রতিবেশীর সঙ্গে প্রতিবেশীর স্বখে দুঃখে বিপদে আপদে কোন সঞ্চ নেই। আমরা তাদের নাম পর্যন্ত জানিনে। মানুষের একটি স্বাভাবিক ধর্ম আছে, সে তার সমাজ ধর্ম। সমাজের মধ্যে সে যথার্থ আপনার আশ্রয় পায় পরস্পরের যোগে। পরস্পর সাহায্য করে ব'লে মানুষ যে শক্তি পায় আমি তার কথা বলি না। মানুষের সঞ্চ যখন চারিদিকের প্রতিবেশীর মধ্যে, যখন আপন ঘরে এবং আপন ঘরের বাইরে ব্যপ্ত হয় তখন সে-সঞ্চের বৃহৎ মানুষকে আপনি আনন্দ দেয়। আমাদের গভীর পরিতৃপ্তি সেখানে যেখানে কেবলমাত্র ব্যবহারিক সঞ্চ নয়, স্বযোগ সুবিধার সঞ্চ নয়, ব্যবসার সঞ্চ নয়, কিন্তু সকল রকম স্বার্থের অভীত যে আত্মীয় সঞ্চ, সেখানে মানুষ আর সমস্ত থেকে বঞ্চিত হ'তে পারে, কিন্তু মানব আত্মার তৃপ্তি তার প্রচুর পরিমাণে হয়। বিদেশে আমাকে অনেকে জিজ্ঞাসা করেচেন—যাকে গুঁরা happiness বলেন, আমরা বলি স্থখ, এর আধার কোথায়?

মানুষ স্থখী হয় সেখানেই যেখানে মানুষের সঙ্গে মানুষের সঞ্চ সত্য হয়ে ওঠে—একথাটি বলাই বাহুল্য। কিন্তু আজকের দিনে এটা বলার প্রয়োজন হয়েছে। কেননা, এই সঞ্চকে বাদ দিয়ে যেখানে ব্যবসা-ঘটিত যোগ সেখানে মানুষ এত প্রচুর ফললাভ করে—বাইরের ফল—এত তাতে মুনাকা হয়, এত রকম স্বযোগ সুবিধা মানুষ পায় যে, মানুষের বলবার সাহস থাকে না—এটা সভ্যতার চরম বিকাশ নয়। এত পায়! এত তার শক্তি। যন্ত্রযোগে যে শক্তি প্রবল হয়ে ওঠে তার দ্বারা এমন ক'রে সমস্ত পৃথিবীকে সে অভিভূত করেছে, বিদেশের এত লোককে তার নিজের দাসত্বে ব্রতী করতে পেরেচে—তার এত অহঙ্কার! আর সে সঙ্গে এমন অনেক স্বযোগ সুবিধা আছে যা যন্ত্রত: মানুষের জীবনযাত্রার পথে

অত্যন্ত অস্বস্তিকর। সেগুলি ঐশ্বর্যযোগে উদ্ভূত হয়েছে। এগুলিকে চরম লাভ বলে মানুষ সহজেই মনে করে। না মনে করে থাকতে পারে না। এর কাছে সে বিকিয়ে দিয়েচে মানুষের সকলের চেয়ে বড় জিনিষ, সে হল মানব সঞ্চ। মানুষ বন্ধুকে চায়, যারা স্বখে দুঃখে আমরা আপন, যাদের কাছে বসে আলাপ করলে খুশী হই, যাদের বাপ-মার সঙ্গে আমার সঞ্চ ছিল তাদের আমার পিতৃস্থানীয় ব'লে জেনেচি, যাদের ছেলেরা আমার পুত্রসন্তানের স্থানীয়। এসব পরিমণ্ডলীর ভিতর মানুষ আপনার মানবকে উপলব্ধি করে। একথা সত্য, একটা প্রকাণ্ড দানবীয় ঐশ্বর্যের মধ্যে মানুষ আপনার শক্তিকে অশ্বভব করে। সেও বহুমূল্য, আমি তাকে অবজ্ঞা করব না। কিন্তু সেই শক্তি বিস্তারের সঙ্গে সঙ্গে যদি মানুষী সঞ্চ বিকাশের অস্বস্তিকর কেন্দ্র কেবলই সর্গীর্ণ হ'তে থাকে তবে সেই শক্তি শক্তিশেল হয়ে উঠে—মানুষকে মারে, মারবার অস্ত্র তৈরি করে, মানুষের সর্কনাশ করবার জন্ত যড়যন্ত্র করে, অনেক মিথ্যার সৃষ্টি ক'রে, অনেক নিষ্ঠুরতাকে পালন করে, অনেক বিষবৃক্ষের বীজ রোপণ করে সমাজে। এ হতেই হবে। দরদ যখন চলে যায়, মানুষ অধিকাংশ মানুষকে যখন প্রয়োজনীয় সামগ্রীর মত দেখতে অভ্যস্ত হয়, লক্ষ লক্ষ মানুষকে যখন দেখে তারা আমার কলের চাকা চালিয়ে আমার কাপড় সস্তা করবে, আমার খাবার জুগিয়ে দেবে, আমার ভোগের উপকরণ হুগম করবে—এইভাবে যখন মানুষকে দেখতে অভ্যস্ত হয় তখন তারা মানুষকে দেখে না, মানুষের মধ্যে কলকে দেখে। এখানে চালের কল আছে। সেই কল-দানবের চাকা সাঁওতাল ছেলেমেয়েরা। ধনী তাদের কি মানুষ মনে করে? তাদের স্বখ-দুঃখের কি হিসেব আছে? প্রতিদিনের পাওনা গুণে দিয়ে তার কাছে কবে রক্ত শুবে কাজ আদায় ক'রে নিচ্ছে। এতে টাকা হয় স্বখও হয়, অনেক হয় কিন্তু বিকিয়ে যায় মানুষের সকলের চেয়ে শ্রেষ্ঠ মানবস্ব। দয়া মায়, পরস্পরের সহজ আত্মকল্যাণ, দরদ—কিছু থাকে না। কে দেখে তাদের ঘরে কি হয়েছে না হয়েছে! এক সময় আমাদের গ্রামে উচ্চ নীচের ভেদ ছিল না তা নয়, প্রভু ছিল, দাস ছিল, পণ্ডিত ছিল, অজ্ঞান ছিল, ধনী ছিল, নিধন ছিল, কিছু সকলের স্বখ-দুঃখের উপর সকলের দৃষ্টি ছিল। পরস্পর সম্মিলিত হয়ে একত্রীভূত একটা জীবনযাত্রা তারা তৈরি করে তুলেছিল। পূজা-পার্বণে আনন্দ উৎসবে—সকল সঞ্চ—প্রতিদিন তারা নানা রকমে মিলিত হয়েছে। চণ্ডীমণ্ডপে এসে গল্প করেছে দাদামঠাকুরের সঙ্গে। যে অস্বস্তিকর সেও একপাশে বসে

আনন্দের অংশ গ্রহণ করেছে। উপর নীচ জ্ঞানী অজ্ঞানের মাঝখানে যে রাস্তা যে সেতু সেটা খোলা ছিল।—আমি পল্লীর কথা বলছি, কিন্তু মনে রেখো—পল্লীই তখন সব, শহর তখন নগণ্য বলতে চাই না; কিন্তু গৌণ, মুখ্য নয়, প্রধান নয়। পল্লীতে পল্লীতে কত পণ্ডিত কত ধনী কত মানী আপনার পল্লীকে জয়স্থানকে আপনার ক'রে বাস করেছে। সমস্ত জীবন হয় ত নবাবের ঘরে, দরবারে কাজ করেছে। যা কিছু সম্পদ, তারা পল্লীতে এনেচে। সেই অর্থে টোল চলেচে পাঠশালা বসেচে, রাস্তাবাট হয়েছে, অভিধিশালা, যাত্রা পূজা-অর্চনায় গ্রামের মন প্রাণ এক হয়ে মিলেচে। গ্রামে আমাদের দেশের প্রাণ-প্রতিষ্ঠা ছিল তার কারণ—গ্রামে মানুষের সঙ্গে মানুষের যে সামাজিক সম্বন্ধ সেটা সত্য হ'তে পারে। শহরে তা সম্ভব নয়। অতএব সামাজিক মানুষ আশ্রয় পায় গ্রামে। আর সামাজিক মানুষের জুড়ই তো সব। ধর্মকর্ম সামাজিক মানুষেরই জন্ম। লক্ষপতি ক্রোড়পতি টাকার খল নিয়ে গদীওয়ান হয়ে বসে থাকতে পারে। বড় বড় হিসাবের খাতা ছাড়া তার আর কিছু নেই, তার সঙ্গে কারও সম্বন্ধ নেই। আপনার টাকার গড়খাই ক'রে তার মধ্যে সে বসে আছে, সর্বসাধারণের সঙ্গে তার সম্বন্ধ কোথায়?

এখনকার সঙ্গে তুলনা করলে অনেক অভাব আমাদের দেশে ছিল। এখন আমরা কলের জল খাই, তাতে রোগের বাজ কম, ভাল ডাক্তার পাই, ডাক্তারখানা আছে, জ্ঞান-বিজ্ঞানের সাহায্যে অনেক স্বযোগ ঘটেচে। আমি তাকে অসম্মান করিনে, কিন্তু আমাদের খুব একটা বড় সম্পদ ছিল সে হচ্ছে আত্মীয়তা। এর চেয়ে বড় সম্পদ নাই। এই আত্মীয়তার যেখানে অভাব সেখানে স্ব-শক্তি থাকতে পারে না। সমস্ত পশ্চিম মহাদেশে মানুষে মানুষে আত্মীয়তা অত্যন্ত ভাসা-ভাসা। তার গভীর শিকড় নেই। সকলে বলচে—আমি ভোগ করব, আমি বড় হব, আমার নাম হবে, আমার মুনাকা হবে। যে তা করচে তার কত বড় সম্মান। তার ধনশক্তির পরিমাপ করতে সেখানকার লোকের মন রোমাঙ্কিত হয়ে ওঠে। ব্যক্তিগত শক্তির এই রকম উপাদান এমন ভাবে আমাদের দেশে দেখিনি। কিছু না—একটা লোক শুধু ঘুরি চালাতে পারে। সে ঘুরির বড় ওস্তাদ রাস্তা দিয়ে বেকল, রাস্তায় ভিড় জমে গেল। খবর এল সিনেমার নটা লগনের রাস্তা দিয়ে গাড়ী করে আসচে, গাড়ীর ভিতর থেকে চকিতে তাকে দেখবে বলে জনতার রাস্তা নিয়েট হয়ে উঠল। আমাদের দেশে মহাদাশয় থাকে বলি হয়ে উঠল। আমাদের দেশে মহাদাশয় থাকে বলি তিনি এলে আমরা সকলে তাঁর চরণ ধুলো নেব। মহাদাশয়

গান্ধী যদি আসেন দেশহক্কে কেপে যাবে। তাঁর না আছে অর্থ, না আছে বাহুবল, কিন্তু আছে হৃদয়, আছে আধ্যাত্মিক শক্তি। আমি যতদূর জানি তিনি ঘূষি মারতে জানেন না, কিন্তু মানুষের সঙ্গে মানুষের সম্বন্ধকে তিনি বড় করে স্বীকার করেছেন, আপনাকে তিনি স্বতন্ত্র করে রাখেন নি, তিনি আমাদের সকলের, আমরা সকলে তাঁর। বাস, হয়ে গেল, এর চেয়ে বেশী আমরা কিছু বুঝি নে। তাঁর চেয়ে অনেক বিদ্বান অনেক জ্ঞানী অনেক ধনী আছে, কিন্তু আমাদের দেশ দেখেবে—আত্মদানের ঐশ্বর্য। এ কি কম কথা। এর থেকে বুঝি, আমাদের দেশের লোক কি চায়। পাণ্ডিত্য নয়, ঐশ্বর্য নয়, আর কিছু নয়, চায় মানুষের আত্মার সম্পদ। কিন্তু দিনে দিনে পরিবর্তন হয়ে এসেচে। আমি গ্রামে অনেক দিন কাটিয়েছি, কোনো রকম চাটুবালা বলতে চাইনে। গ্রামের যে মুষ্টি দেখেছি সে অতি কুংসিং। পরস্পরের মধ্যে ঈর্ষ্যা, বিদ্বেষ, হলনা, বঞ্চনা বিচিত্র আকারে প্রকাশ পায়। মিথ্যা মর্দুয়ার সাংঘাতিক জালে পরস্পরকে জড়িয়ে মারতে চায়। সেখানে দুর্নীতি কতদূর শিকড় গেড়েচে তা চক্ষে দেখেছি। শহরে কতকগুলি সুবিধা আছে গ্রামে তা নেই, গ্রামের যেটা আপন জিনিষ ছিল তাও আজ সে হারিয়েচে।

মনের মধ্যে উৎকণ্ঠা নিয়ে আজ এসেছি গ্রামবাসী তোমাদের কাছে। পূর্বে তোমরা সমাজবন্ধনে এক ছিলে, আজ ছিন্নবিচ্ছিন্ন হয়ে পরস্পরকে কেবল আঘাত করচ। আর একবার সম্মিলিত হয়ে তোমাদের শক্তিকে জাগিয়ে তুলতে হবে। বাহিরের আত্মকুলার অপেক্ষা ক'রো না। শক্তি তোমাদের মধ্যে আছে জেনেই সেই শক্তির আত্মবিস্তৃতি আমরা ঘোচাতে ইচ্ছা করেছি। কেন-না, তোমাদের সেই শক্তির উপর সমস্ত দেশের দাবি আছে। ভিন্ন যতই থাকে ধ্রুসে, উপরের তলায় কাটল ধরচে—বাইরে থেকে পলতারা দিয়ে বেশী দিন তাকে বাচিয়ে রাখা চলবে না। এসো তোমরা, প্রাণীভাবে নয়, রুতীভাবে। আমাদের সহযোগী হও, তাহলেই সার্থক হবে আমাদের এই উদ্যোগ। গ্রামের সামাজিক প্রাণ হুহু হয়ে সবল হয়ে উঠুক। গানে গীতে কাব্যে কথায় অল্পটানে আনন্দে শিকারী দীকার চিত্ত জাগুক। তোমাদের দৈন্ত্য দুর্বলতা আত্মবিস্তারিতা ভারতবর্ষের বুকের উপর প্রকাণ্ড বোকা হয়ে চেপে রয়েছে। আর সকল দেশ এগিয়ে চলেচে, আমরা অজ্ঞানে অশিক্ষার স্বাবর হয়ে পড়ে আছি। এ সমস্তই দূর হয়ে যাবে যদি নিজের

নিজের শক্তি সম্বলকে সমবেত করতে পারি। আমাদের এই ত্রীনিকৈতনে জনসাধারণের সেই শক্তি-সমবায়ের সাধনা।

[ত্রীমুখ রবীন্দ্রনাথ ঠাকুর তাহার ত্রীনিকৈতনের এই বক্তৃতা রিপোর্টটি সংশোধন করিয়া দিয়াছেন, এবং শেষের কতকগুলি বাক্য স্বয়ং লিখিয়া দিয়াছেন।]

পুরুষশ্য ভাগ্য

শ্রীঅপূর্বমণি দত্ত

সদানন্দ গাঙ্গুলী তাহার জীর্ণ ছাতাটি মাথায় দিয়া বন্ধু মিত্রের চণ্ডীমণ্ডপে আসিয়া উপস্থিত হইলেন।

শীতকালের বাদলা একটা অগস্তির ব্যাপার। বন্ধু মিত্র তাহার বাল্যোপাখ্যানকে ভাল করিয়া মুড়ি দিয়া গুড়গুড়িতে ধীরে ধীরে টান দিতেছিলেন, এমন সময়ে সদানন্দকে আসিতে দেখিয়া সমস্ত দেহমনটা যেন তিক্ত হইয়া গেল।

সদানন্দ তাহার জলসিক্ত ছাতাটি দেওয়ালের পাশে রাখিয়া বিনা আস্থানেই জাজিমের উপর বসিলেন। পাশেই সদ্যঃপ্রাপ্ত “বন্ধবাসী”খানা পড়িয়া ছিল, সদানন্দ বলিলেন, “এই যে আজ কাগজ এসেছে দেখছি। বেকলো না কি কিছু?”

এ প্রশ্ন আজ তিনমাস যাবৎ বন্ধু মিত্র শুনিয়া আসিতেছেন, কাজেই অত্যন্ত সংক্ষেপে বলিলেন, “না।”

কিন্তু সদানন্দ এই সংক্ষিপ্ত উত্তরে সন্তুষ্ট না হইয়া বলিলেন, “কেন আজ তো হ’ল গিয়ে ২৫শে মাঘ। ওরা তো বলেছিল যে অগ্রহায়ণের শেষেই বেরবে।”

বন্ধু মিত্র গুড়গুড়িতে একটা টান দিয়া বলিলেন, “তা না বেকলে আমি আর কি করব বল। আমার ঘরের কাজ তো নয়? বেকলে তুমিও জানতে পারবে, আমিও পারবো।”

সদানন্দ একটু শুষ্কভাবে বলিলেন, “আচ্ছা, কলকাতায় গিরে ওদের আপিসে একবার খবর নিলে হয় না, বন্ধো-না?”

বন্ধু মিত্র গম্ভীরভাবে বলিলেন, “তা নিতে পার।” বলিয়া পাশের হাতবাক্স হইতে কিসের একখানি দলিল লইয়া অত্যন্ত মনোযোগের সহিত পড়িতে লাগিলেন।

সদানন্দ কয়েক মিনিট নীরব থাকিয়া শেষে বলিলেন, “তা হ’লে এখন উঠি, বন্ধো-না।”

বন্ধো-না এবারও সংক্ষিপ্তভাবেই বলিলেন, “আচ্ছা এস।”

কিন্তু গ্রহের ফের! সদানন্দ বন্ধু মিত্রের বাড়ি হইতে অল্পদূর মাত্র অগ্রসর হইয়াছেন, এমন সময়ে হঠাৎ বৃষ্টিটা খুব জোরে আসিল।

পাশেই ছিল পঞ্চানন বৈরাগীর দোকান। পঞ্চানন একখানি বিলাতী কব্বলে মাথা ও দেহ আবৃত করিয়া কলিকায় ফুঁ দিতেছিল, এমন সময়ে সদানন্দকে দেখিয়া বলিল, “কোথায় গো, সদাই খুড়ো। এই বৃষ্টিমাথায় কোথায় চলেছ? এস এস, কলকেয় একটা টান দিয়ে যাও।”

বৃষ্টির সঙ্গে এই সময়টা একটা জোর বাতাস আসিয়া হাড়ের ভিতরটা যেন কাপাইয়া তুলিল। এ অবস্থায় কলকেয় টান দিবার প্রলোভন সদানন্দ সংবরণ করিতে পারিলেন না। পঞ্চাননের দোকানে আসিয়া প্রবেশ করিলেন।

দোরের কাছে একখানি ছেঁড়া থলিয়া পাতা ছিল, তাহাতে কর্দ্দমসিক্ত পা দুইখানি বেশ করিয়া মুছিয়া সদানন্দ একটি কেয়াসিনের বাস্তের উপর বসিলেন। পঞ্চানন বলিল, “ওই কোণ থেকে পৈতেওয়ালা হুকোটা একেবারে নিয়ে বসলে না কেন সদাই খুড়ো? তার পর এই বাদলায় গিয়েছিল কোথায়? গরু খুঁজতে বুঝি?”

হুকোটার একটা টান দিয়া সদানন্দ বিলক্ষণ আরাম অনুভব করিলেন। নাকমুখ দিয়া ধূমরাশি নির্গত করিয়া বলিলেন, “না হে পাঁচু, গরু খুঁজতে নয়। গিয়েছিলাম একবার বন্ধো মিত্রের ওখানে।”

“সকাল বেলায় বন্ধো মিত্রের ওখানে? কেন টাকা-কড়ি কিছু করছ না কি?”

“না।”

বন্ধু মিত্রের নিকট যে অল্প প্রয়োজন কেহ বাইতে পারে, বিশেষতঃ এই দুর্যোগে—তাহা পঞ্চানন কল্পনা করিতে পারিল না। বলিল, “তবে?”

হুকায় আরও একটা টান দিয়া সদানন্দ বলিলেন,

“তবে আগাগোড়া কথটা তোমাকে ভেঙেই বলি, পাঁচু। এখন হয়েছে কি জান?—পূজোর সময় বন্ধো মিস্তির একদিন বলে যে, ‘সদাই-না চিরকালটাই কেবল দুঃখকষ্ট করেই কাটালে, এইবার থোকথাক্ কিছু রোজগার করে নাও না।’ আমি বললাম, ‘কি রকম?’ সে বললে, ‘লটারীর টিকিট কিনবে? চার আনা ক’রে টিকিট। ফাষ্ট প্রাইজ পাও তো একেবারেই দশ হাজার টাকা। আর তা যদি নাও পাও তো হাজার টাকার প্রাইজ তো ফসাবে না। এই দেখ টিকিট। অত্ৰাণ মাসের শেষাশেষি সমস্ত খবরের কাগজে ছাপিয়ে দেবে কে কি প্রাইজ পেলে।’ তা বুলে পাঁচু, শুনে তো আমি চমকে গেলাম। ভাবলাম, সত্যিই তো দুঃখকষ্ট করেই চিরটা কাল কাটাচ্ছি, ভগবান যদি মুখ তুলে চান। আর তা নইলে বাচ্চিলাম হাট করতে, হঠাৎ এ খেয়াল হ’ল কেন যে দেখে যাই বন্ধো দা’র পুকুরে মাছটাছ ধরানো হচ্ছে কি না। তা পাঁচু, মাছ-ধরা সেদিন হ’ল না বটে, কিন্তু এই কথটা শুনে বৃকের ভেতরটা এমন হাঁচোড়-পাঁচোড় করতে লাগলো যে, হাট করতে যাব বলে যে আধুলিটে ট্যাকে নিয়ে বেরিয়েছিলাম, দিলাম সেইটে। বললাম, ‘আচ্ছা বন্ধে-দা, যদি দুখানা টিকিট কিনি, তা হ’লে দু-হাজার পাব তো?’ বন্ধো-দা হেসে বললে, ‘কপালে থাকে তো বিশ হাজারও পেতে পার।’”

পঞ্চানন অবাক হইয়া এই কাহিনী শুনিতেছিল। কলিকার আশুন নিবিয়া গিয়াছিল, গুলের গামলা হইতে চিমটা দিয়া আর একটা অগ্নিগুণ লইয়া নতুন কলিকা প্রস্তুত করিতে লাগিল।

সদানন্দ বলিতে লাগিলেন, “তার পর বাবাজী অত্ৰাণ ছেড়ে পৌষ মাসও কেটে গিয়ে আজ তো মাঘ মাসের শেষাশেষি হ’ল, কোন খবরই তো পেলাম না। বন্ধো-দা’র কাছে ফি শুকুরবारे ‘বঙ্গবাসী’ এলেই একবার গিয়ে জিজ্ঞেস করি, কিন্তু আজ তো ওর ভাবগতিক দেখে বোধ হ’ল যেন একটু রাসভারি ভাব। গতিক তো কিছু ভাল বুঝি না। আমরা দুই লোক, আমাদের একটা আধুলী যে একটা সোনার মোহরের চেয়েও বেশী।”

পঞ্চানন খুব বিজ্ঞভাবে মাথা নাড়িয়া বলিল, “কিন্তু এও তো হতে পারে যে খবর তারা একেবারে বন্ধো মিস্তির কাছে পাঠিয়ে দিয়েছে। তার পর, বন্ধো মিস্তির কি রকম ভয়ের লোক? তা জান তো? সে যদি দেখে থাকে যে তুমি সত্যি সত্যিই একটা মোটা টাকা পেয়েছ, তাহ’লে হিংসের পড়ে সে যদি সে কথা

তোমাকে না ব’লে থাকে? তা ছাড়া, এমনও তো হওয়া অসম্ভব নয় যে টিকিট হারিয়ে গিয়েছে ব’লে, না হয় কিছু কমিশন বাদ দিয়ে, ও নিজেই সদানন্দ গাধুলী ব’লে সেই ক’রে তাদের আগিস থেকে টাকা উঠিয়ে নিয়ে এসেছে। জান তো ওকে, সেবার সেই যে মাদার মোল্লার খতের মোকদ্দমা?—বলি তুলে গেলে না কি সে সব?”

সদানন্দের বৃকের ভিতর টিপ্ টিপ্ করিতে লাগিল। একথাটা তিনি একদিনের জ্ঞাও কল্পনা করেন নাই! পঞ্চানন বাহা বলিয়াছে তাহা তো একবর্ণও মিথ্যা নয়। বন্ধু মিত্রের দ্বারা তো ওরূপ কার্য আদৌ অসম্ভব নয়। মাদার মোল্লার খতের মোকদ্দমার একটা সহি জাল করার অপরাধ তো বন্ধু মিত্রের নামে আর একটু হইলেই প্রমাণ হইয়া গিয়াছিল, কেবল পরসার জোরেই তো সেবার মোকদ্দমাটা আপোষে নিষ্পত্তি হইয়া গেল।

পঞ্চানন কিছুক্ষণ কি ভাবিয়া আবার বলিল, “অত্ৰাণের শেষে খবর বেরুবার কথা ছিল তো? আচ্ছা, দাঁড়াও। মাঝে একবার বন্ধো মিস্তির কলকাতায় গিয়েছিল না?”

সদানন্দের মাথাটা টিপ্ টিপ্ করিতে লাগিল। সত্যি তো! প্রায় একমাস পূর্বে বন্ধু মিত্র একবার কলিকাতায় গিয়াছিলেন এ কথাটা তো মিথ্যা নয়! হাইকোর্টে না-কি একটা মোশন করাইবার ছিল, সেই জন্তই তিনি গিয়াছিলেন বলিয়া প্রকাশ করিয়াছিলেন। এই দারুণ শীতেও সদানন্দের কপালে ঘাম দেখা দিল। বলিলেন, “আর এক ছিলিম সাজো বাবাজী। মাথাটা যেন ঘুরছে।”

পঞ্চানন বলিল, “ঘুরবেই তো। ঘোরবারই তো কথা, খুড়ো! টাকার শোক কি সোজা শোক? আচ্ছা দাঁড়াও, আরও একটা প্রমাণ তোমাকে দেখাছি।” বলিয়া পঞ্চানন তাহার দৈনিক হিসাবের খাতাখানি বাহির করিয়া মাঘ মাসের প্রথম সপ্তাহের হিসাবের একটা পাতা খুলিয়া, কিছুক্ষণ তাহা পরীক্ষা করিয়া বলিল, “এই দেখ খুড়ো, এবার একেবারে হাতে হাতে প্রমাণ।”

হঁকাটি রাখিয়া সদানন্দ বুঁকিয়া পঞ্চাননের খাতাখানি দেখিতে লাগিলেন। পঞ্চানন বলিল, “এই দেখ, বিতারিখ এই মাঘ, সোমবার, নগদ বিক্রয় ধাতে শ্রীবৃদ্ধিহারী মিত্র, খুতি ১ জোড়া, শাড়ী ২ জোড়া, গামছা ১ খানা, একুনে ১১৬০ এগার টাকা বার আনা। কলকাতা থেকে ফিরে এসেই এই যে মোটা দমকা খরচ, এ টাকা—বুঝলে খুড়ো, আমার তো নিশ্চয় মনে নিজে তোমারই মাথায় হাত বুলানো টাকা।”

সদানন্দের শরীরে ঘেন তড়িৎশ্রোত বহিয়া গেল। তাঁহার নিজের পরণের কাপড়খানিতে দুই তিন জায়গায় তালি দিতে হইয়াছে, দ্বীপ পরিধানে একখানি ছাড়া আর দ্বিতীয় বস্ত্র নাই, আর তাঁহারই টাকা কি-না প্রত্যাহা করিয়া লইয়া বন্ধ মিত্র বার টাকার কাপড় কিনিল, আর তাহার উপর আজ তাঁহার সঙ্গে ভাল করিয়া কথাই কহিল না। এর প্রতিবিধান করিতেই হইবে।”

সদানন্দ বলিলেন, “তা হ’লে এখন কি করা যায় বল দিকি নি পাচু ?”

পঞ্চানন বলিল, “আমার বুদ্ধি যদি নেও সদাই খুড়ো, তাহ’লে তুমি চল যাও কলকাতায়। তোমার কাছে টিকিট ছুথানা আছে তো? তাইতে তাদের ঠিকানাও আছে নিশ্চয়। সেই ঠিকানায় গিয়ে একেবারে পাক্ষা খবর নিয়ে তার পর অবস্থা বুঝে ব্যবস্থা।”

সদানন্দ বলিলেন, “ত. তো বটে, বাবাজী। কিন্তু আমার অবস্থাটা জান তো? কলকাতা যাওয়া তো আমাদের মত লোকের মুখে ব’লেই অমনি হয় না। যাওয়া, আমার ট্রেনভাড়া, খোরাকী, এসব খরচ তো নিতান্ত সামান্য নয়। আমার তো ঘরে পাঁচ সিকেরও সংস্থান নেই।”

বৃষ্টিটা এই সময়ে বন্ধ হইয়া গিয়া ছিন্ন মেঘের অন্তরাল হইতে একটু একটু রৌদ্রের আভাস দেখা দিতেছিল। এমন সময়ে পঞ্চাননের জ্যেষ্ঠ পুত্রটি আসিয়া বলিল, “ছা বাবা, বৃষ্টি তো ধরেছে। যাবে না?”

পঞ্চানন একবার আকাশের দিকে চাহিয়া বলিল, “হ্যা, যাবে বই কি। এই উঠি এইবার।”

সদানন্দ বলিলেন, “কোথায় যেতে হবে পাচু?”

পঞ্চানন বলিল, “একবার ভৈরবীতলায় দিকে।”

গ্রামের এক প্রান্তে একটি ভগ্ন মন্দিরের মধ্যে কোন প্রাচীনকালের প্রতিষ্ঠিত এক ভৈরবী-মূর্তি গ্রামাদেবীরূপে বিরাজ করিতেছিলেন। গ্রামের সে অঞ্চলে কোনো লোকের বসতি নাই, কাজেই নিতান্ত প্রয়োজন না হইলে সেদিকে কেহ যায় না। সদানন্দ একটু বিস্ময়ের সহিত জিজ্ঞাসা করিলেন, “ভৈরবীতলায়? এই বৃষ্টিমাখায়? কেন হে?”

পঞ্চানন বলিল, “সে কি, শোনোনি কি, খুড়ো?”

“না। কি শুুনব?”

একটু অবজ্ঞার হাসি হাসিয়া পঞ্চানন বলিল, “এ গাঁয়ের কোনো খোঁজই রাখ না। ওখানে মস্ত বড় এক সাধু এসেছেন যে কামিন্দ্যে থেকে। রাত দিন ধুনী জলছে। মস্ত বড় মহাপুরুষ। আমার ছোটছেলেটা তো

আজ আড়াই মাস ধরে রক্ত-আমাশায় ভুগছিল। পাঁজির বিজ্ঞাপন দেখে পেটেট ওষুধ তো আর বাকী রাখি নি। তার ওপর কোথায় কুর্চির ছাল, ঈশগুণ্ড, তাও খাইয়ে খাইয়ে তো নাড়ী ধুইয়ে দিয়েছিলাম একেবারে, শেষে বাবার কাছে গিয়ে যেমন বলা, একটু মুচকে হেসে ধুনী থেকে একটু ভস্ম তুলে বললেন, ‘যা, জলের সঙ্গে গুলে খাওয়াগে যা।’ বললে বিশ্বাস করবে না সদাই খুড়ো, ছেলেটা ঘেন মস্তুরে ভাল হয়ে গেল।”

সদানন্দ অবাক হইয়া এই কাহিনী শুনিতেছিলেন। হঠাৎ তাঁহার খেয়াল হইল, জিজ্ঞাসা করিলেন, “আচ্ছা, স্বামিজী হাতটাতে দেখতে জানেন?”

“জানেন না আবার?—ভুগ-ভুগিপূরের বিষেসদের তিন পুরুষ ধরে কি রকম মামলা চলছিল জান তো—শেষে সেজকর্তা এসে বাবার পা জড়িয়ে পড়লো। বাবা একখানি কবচ ক’রে দিলেন, বাস, অত দিনের মোকদ্দমাটা এক কথায় মিটে গেল।”

সদানন্দ গ্রামে বাস করিয়াও এতবড় ব্যাপারটা শোনেন নাই, ইহাতে নিজেই ধিক্কার দিতে লাগিলেন। বলিলেন, “তুমি বাচ্ছ তাঁর কাছে, তোমার কি কোনো—”

পঞ্চানন বলিল, “না খুড়ো, তবে আমার মেয়েটার বিয়ের সম্বন্ধ ক’ছ কি না। ভূই এক জায়গা থেকে কথাও এসেছে, কিন্তু তারা মেয়ের ঠিকজী চায়। তাই একখানা ঠিকুণ্ডা তাঁকে দিয়ে করিয়ে নেব ব’লে এসেছিলাম।”

সদানন্দ বলিলেন, “আচ্ছা পাচু, চল না কেন আমিও তোমার সঙ্গে যাই। আমি যদি হাতখানা একবার দেখাই, তাহ’লে কি কিছু নেবেন টেবেন না-কি?”

রামচন্দ্র! এক পরসাপ্ত নয়। সে রকম সাধু তিনি নন। তবে হাঁ, আলাদা হোমটোম করতে হ’লে আলাদা খরচ আছে তো।

“নিশ্চয়ই, তা আর নেই? তবে চল পাচু, একবার দেখিয়ে আসি হাতখানা। ভাগ্যিস আজ সকালবেলা তোমার সঙ্গে দেখা হয়েছিল।”

সদানন্দের করুণা দেখিয়া সাধু জানাইলেন, “বড়ই মানসিক কষ্ট যাইতেছে। অর্থস্থানে শনিপ্রবল, এই বেলা একটা শান্তি স্বস্তায়ন এবং একটা শনি কবচ ধারণ করিলে গ্রহশান্তি হইতে পারে, নচেৎ কষ্ট শনির দ্বারা না হইতে পারে এমন অনিষ্ট নাই।”

সাধু আরও বলিলেন যে, শান্তি-স্বস্তায়ন যদি করাইতেই হয় তাহা হইলে আর দেরি করিয়া লাভ নাই।

আগামী সপ্তাহে আর একজনের জন্ত একটা পূর্ণাঙ্গ স্বস্তায়ন করিতে হইবে, হতরং গাঙ্গুলী মহাশয় যদি ঐ দিনেই তাঁহার কার্য্য করান তাহা হইলে ব্যয়সংক্ষেপ হইয়া দশ টাকার মধ্যেই কার্য্য হইয়া যাইতে পারে। নতুবা পঁচিশ টাকার কমে শনিদেবতাকে প্রসন্ন করিবার কোনো উপায় নাই। আর কবচ যদি তামার মাহুলীতে ভরানো হয়, তাহা হইলে কবচের মূল্য এবং শোধন করিবার ব্যয় বাবদ পাঁচ টাকা দিলেই চলিবে।

সদানন্দ গাত্রোখান করিতেছিলেন, এমন সময়ে সন্ন্যাসী আবার বলিলেন, “গুপ্তশত্রু হইতে খুব সাবধান।”

পথে আসিতে আসিতে সদানন্দ বলিলেন, “কি করি বল তো পাঁচু। বড় যে ধোঁকায় পড়া গেল। অথচ সাধু যা বলেন তা তো একটাও মিথ্যা কথা নয়। আসবার সময় গুপ্তশত্রুর কথাটা স্মরণে তো?”

পঞ্চানন বলিল, “তুনি নি আবার? শুনেই তো আমার গাটা কাটা দিয়ে উঠেছিল।”

সদানন্দ বলিলেন, “এখন উপায় কি?”

পঞ্চানন বলিল, “বাবার কথায় যা বোধ হ’ল একটা শনি-কবচ আর ভাল একটা স্বস্তায়ন করাতে পারলে ও লটারির টাকা তো তোমার সিদ্ধকেই তোলা রয়েছে। আমি বলি, এক কাজ কর গে। কলকাতায় গিয়ে সন্ধান নিয়ে যদি দেখে যে সত্যি সত্যিই বহু মিস্ত্রির কিছু কারসাজি খেলেছে, তাহ’লে সঙ্গে সঙ্গে একটা ভাল উকীলের সঙ্গে পরামর্শ করে একেবারে ওর নামে এক নম্বর রুজু ক’রে দিয়ে এস। আর এদিকে একে দিয়ে দৈব কার্য্যটাও এর মধ্যে সেরে ফেলানো যাক্।”

সদানন্দ বলিলেন, “আহা তা তো হ’ল, কিন্তু এ সবই তো পরসার খেলা, পাঁচু। আমার অবস্থাটা—”

পঞ্চানন বলিল, “সেই কথাই তো বলছি। হাজার দু-হাজারের ব্যাপার যখন, তখন সামান্যতঃ এত পিছুপাও হ’লে চলবে কেন? মোটের উপর এই ধর গিয়ে কলকাতায় যাওয়া-আসার রাহাখরচ এ সব মোটের উপর দশ টাকা। কবচ আর শাস্তি-স্বস্তোনের খরচ সেও গোটা-পনের টাকা। এই হ’ল পঁচিশ টাকা, আর ঈশ্বর না করুন যদি একটা মামলাই বাধিয়ে দিতে হয়, তাহ’লে সেও ধর প্রায় গোটা-পঞ্চাশেক টাকা তো প্রথমেই লাগবে। সবসুদ্ধ প্রায় পঁচাত্তর টাকা। এই টাকাটা বরং ধার ক’রে কেল। আর ধারই যদি করলে তখন আমার দোকানের আর সামান্য দশ-পনেরো টাকা বাকী রেখেও তো কোনো লাভ নেই। মোটের উপর ধরে নাও প্রায় শতাবধি টাকা। শুধু-হাতে অবশ্য কেউই ধার

দেবে না, তা এক কাজ করলেই হয়, তোমার কুমীরখাপীর জমি ক’বিধে বরং একটা দলিল করে দিয়ে—”

সদানন্দ শিহরিয়া উঠিলেন। কুমীরখাপীর পাঁচ বিঘা জমিই তাঁহার একমাত্র অবলম্বন। সংসারের সারা বৎসরের খোরাকীর ধান উহা হইতেই উৎপন্ন হয়। ঘর-মেরামতের এবং বাড়ির গাভীটির আহারীয় বিচালীও ঐ ক্ষেত্র হইতেই আসে। কাজেই বলিলেন, “সে কি হয় পাঁচু, ঐটুকু জমিই যে আমার ঘরের লক্ষ্মী।”

পঞ্চানন বাধা দিয়া বলিল, “আহা, ঐ পাঁচ বিঘে দিয়ে তুমি যে এক মাস পরে দশ হাজার টাকার মালিক হচ্ছ, সদাই খুড়ো। আমাদের এই খোস্তাগাড়ী গাঁথানাই যে তখন হবে তোমার জমিদারী।”

কথাটা শুনিতে অবশ্য বেশ ভাল লাগিল। কিন্তু মনের খটকা গেল না। বলিলেন, “কিন্তু পাঁচু, যদি কিছুই না পাই? লটারি বই তো নয়?”

পাঁচু বিজ্ঞের ত্রায় শিরঃসঞ্চালন করিয়া বলিল, “তা কি হয়, সদাই খুড়ো? টাকা তোমাকে পেতেই হবে। তা নইলে যে শাস্তুর মিথ্যা। বাবাঠাকুর কি আর মিথ্যা বলেন? এ কথা শুনে তোমাকে হয়ত লোকে ভাংচি দেবে, কিন্তু সাধুবাবা উঠে আসবার সময় কি বললেন তা মনে আছে তো?—‘গুপ্তশত্রু সাবধান।’ তুমি টাকা পাবে, বড়মাছ হবে, এ কি আর গাঁয়ের লোক দেখে সহ করতে পারবে? হিংসেয় ফেটে মরবে যে! তা যাই হোক খুড়ো, আমার কিন্তু একশো টাকা দর রইল, ওর বেশী যে আর কেউ দেবে তা মনেও ক’রো না। আমি কেবল তোমার টানটানির জন্তেই বলছি, তা নইলে বাড়ি থেকে অত দূরে জমী কিনে চাষ করানোর মত স্বক্কার্মি কি আর আছে?”

৩

বাড়ি আসিয়া সদানন্দ ব্যাপারটা যতই ভাবিতে লাগিলেন, ততই তাঁহার মনে মনে দৃঢ়বিশ্বাস হইতে লাগিল যে, লটারির একটি-না-একটি প্রাইজ নিশ্চয়ই তাঁহার নামে উঠিয়াছে। সেই টাকাটি যে বহু মিস্ত্রি তাঁহার অজ্ঞাতে কোনো প্রকার কল্মসাজী করিয়া আত্মসাৎ করিয়াছে, এ বিষয়ে আর সন্দেহমাত্র নাই। লটারি—ভাগ্যের খেলা—কিন্তু না পাইবার সম্ভাবনাই হয়ত বেশী—কিন্তু মনের মধ্যে সে কথাটা যতই ভোলাপাড়া করিতে লাগিলেন, সেটা কিছুতেই বিশ্বাস-যোগ্য বলিয়া মনে করা গেল না। বিশেষতঃ বহু মিস্ত্রির ব্যবহারটা যেন বড়ই সন্দেহজনক বলিয়া মনে হইতে লাগিল।

অবশেষে সদানন্দ স্থির করিলেন, পঞ্চাননের কথাই ঠিক; এ বিষয়ে একটু ভাল করিয়া অন্বেষণ করাই যাক। কুমীরখাগীর জমি?—ভাগ্য যদি থাকে—কিছু যদি সত্য সত্যই পাওয়া যায়—তখন অমন কত জমি হইবে। পাঁচ বলিতেছিল, খোস্তাগাড়ীর জমিদারী! হা হা—আশ্চর্যই বা কি?

কিন্তু যদি কিছু না-ই পাওয়া যায়?—না, না! সাধুবাবা যদি শনির কবজ দেন, তবে আর কি? পাওয়া নিশ্চয়ই যাইবে।

কিন্তু জমির দরটা যে পঞ্চানন নেহাৎ অল্প বলিতেছে। একশো টাকায় পাঁচ বিঘা জমি, তাও অমন ভাল জমি! আর একজনকে বলিয়া দেখা যাক!

পাশের জমীটা ছিল এক মুসলমানের। পরদিন সদানন্দ জমি-বিক্রয়ের কথাটা তাহার কাছে পাড়িল। একটু দরদস্তুর করিবার পর সে ব্যক্তি দেড়শত টাকায় রাজি হইল। সাধুবাবাকে কবচ এবং স্বস্ত্যয়নের জুতা দিবার পনেরো টাকা সেইদিনই সে ব্যক্তি জমির মূল্যের ব্যয়না সদানন্দকে দিল। কথাটা অবশ্য পঞ্চানন টের পাইল না।

দুই দিন পরেই তাহাকে লইয়া সদানন্দ মহকুমায় যাইয়া দলিল লেখাপড়া করিয়া রেজেষ্ট্রি করিয়া দিলেন এবং টাকা লইয়া সেইদিনই সেখান হইতেই কলিকাতা রওনা হইলেন।

সে ব্যক্তি পরদিন আসিয়া মহাসমারোহে ঢোল বাজাইয়া জমির দখল লইল।

কথাটা তখন প্রকাশ হইল। পঞ্চানন তো এই ব্যাপার শুনিয়া রাগে একেবারে অগ্নিশর্মা। সদানন্দকে সম্মুখে পাইলে হয়ত কতকগুলি কটুকথা বলিত, কিন্তু তাহা না পারিয়া কি উপায়ে সদানন্দকে বেশ শিক্ষা দিতে পারা যায় তাহারই চিন্তায় তাহার প্রতিহিংসাবৃত্তিটা মস্তিস্কের মধ্যে একটা বিপ্লব বাধাইয়া তুলিল।

এমন সময়ে বন্ধু মিজ পঞ্চাননকে ডাকিয়া পাঠাইয়া সদানন্দের জমি-বিক্রয়-ঘটিত ব্যাপারটা কি জিজ্ঞাসা করিলেন।

পঞ্চানন হাত মুখ নাড়িয়া বলিল, “থারে মিস্তির মশাই, সদাই গাঙ্গুলীকে তো আমরা সবাই নিরীহ ভালমাহুষ বলেই জান্তাম। কিন্তু ওর পেটে পেটে যে এত শয়তানী মতলব তা আমরা মুখাস্থ্য লোক কি করে জানা বুলুন। আমার সঙ্গে সেদিন কি তর্কটাই না করলে। আমি বললাম, ‘সগাই খুড়ো, মিস্তির মশাই এমন শিবতুল্যা ব্যক্তি, তোমার যদি লটারির কোনো খবর এসেই থাকত,

তা হ’লে উনি তো তখনই বাড়ি বয়ে সেই খবর দিয়ে যেতেন, আর বলতেন যে গাঙ্গুলী মশাই, সন্দেহ থাক্যাত।’ তা মশাই কে-বা কার কথা শোনে? অবশেষে আমার হাত ধরে ব্রাহ্মণ মাহুষ বললেন, পাঁচ, আমার কুমীরখাগীর জমিতে নিয়ে তুমি আমাকে একশো টাকা দাও। বন্ধো মিস্তর যে কেমন ক’রে গায়ে বাস ক’রে আমি একবার দেখে নেব। তাকে জেল খাটাব। আমি বললাম, ‘কেন, মিস্তির-মশাই কি দোষটা করলেন? চুরিও করেন নি, ডাকাতিও করেন নি যে তাকে জেল খাটাতে। ছিঃ ছিঃ, ও কথা ব’লো না সদাই খুড়ো, মিস্তির-মশাইয়ের মত দেবতুল্যা লোকের সম্বন্ধে ও-কথা উচ্চারণ করলেও পাপ হয়। সদাই খুড়ো তখন চীৎকার ক’রে বললে, ‘রেখে দাও ও সব কথা, পাঁচ। আলবৎ জেল খাটাব—’”

আর শুনিবার ধৈর্য বন্ধু মিজের রহিল না। বলিলেন, “বটে, এতবড় হারামজাদা ওহ সদা গাঙ্গুলী। দাড়াও, জেল খাটাচ্ছি আমি।” বলিয়া তাহার গোমস্তাকে বলিলেন, ‘দেখ তো হে, সদা গাঙ্গুলীর ভিটের খাজনা কত দিনের বাকী?’

কড়চা হিসাবের পাতা উন্টাইয়া সে জানাইল যে, চৈত্র মাস গত হইলেই তিন বৎসর পূর্ণ হইবে।

পঞ্চানন বলিল, “ও আর চৈত্র মাস পর্যন্ত ফেলে রেখে কাজ নেই, মিস্তির—মশাই। আপনি জুড়ে দিন এক নম্বর।”

বন্ধু মিজ বলিলেন, “নিশ্চয়ই দেব। আজকের ডাকেই আমি আজ্জি সহ করে উকীলের কাছে পাঠাচ্ছি। নছার বামুন—খেতে পেতো না, আমি লটারীর টিকট কিনিয়ে দিলাম, ভাবলাম যদি দু-দশ টাকা কপালে থাকে তো পাবে, তা নয়, বেটা কি না আমাকে জেলে দেবে?—জেলে? রোসো—জেল দেওয়াচ্ছি আমি! একটা ফৌজদারী দায়ের ক’রে দিতে পারলে তবে গায়ের জালা যেত।”

পঞ্চাননেরও মাথার আগুনটা এইবার যেন একটু ঠাণ্ডা হইল। বাড়ি ফিরিবার পথে আপন মনে সে বলিতে লাগিল, “আমি দিলাম মতলব, আমি সন্ধে ক’রে নিয়ে গেলাম সাধুবাবার কাছে, আর ঐ জমিটার উপর কতদিন থেকে আমার লোভ! বেটা বামুন কি-না আমাকেই দিলে ফাঁকি! রোসো, এর শোধ হাড়ে হাড়ে তুলব না?”

কলিকাতায় সদানন্দের এক দূরসম্পর্কীয় আত্মীয় থাকিতেন, তাহারই বাড়িতে উঠিবেন ইহাই সদানন্দ

মনে মনে স্থির করিয়াছিলেন। কিন্তু শেয়ালদহে নামিয়া হঠাৎ মনে হইল যে, লটারির ব্যাপারে যদি টাকা না পাওয়া যায়, তাহা হইলে কলিকাতাবাসী আত্মীয়ের নিকট বিক্রয় ও লাঞ্ছনার সীমা থাকিবে না, অথবা যদি ঈশ্বর মুখ তুলিয়া চান তাহা হইলেও ব্যাপারটা লইয়া একটা মন্ত আন্দোলন হইবে। সুতরাং অন্ত্র যাওয়াই যুক্তিসঙ্গত। কিছুদূর আসিতেই সম্মুখে দেখা গেল একখানি সাইবোর্ডে লেখা—

“পবিত্র হোটেল

হিন্দু ভদ্রলোকের আহার ও বাসস্থান।”

সদানন্দ সেইখানেই উঠিলেন। তখন সন্ধ্যা হইয়াছে।

মনের একটা উত্তেজনার জগুই হোক, অথবা মশা ও ছারপোকার দৌরাছোই হউক, সদানন্দ সারারাত্রি নিদ্রা যাইতে পারিলেন না। সকালে উঠিয়াই ক্যাথিসের ব্যাগের ভিতর হইতে একখণ্ড রঙীন ছেঁড়া কাপড়ের টুকরায় বাঁধা লটারির টিকিটখানি খুলিলেন। ইংরেজী বেশী না জানিলেও মোটামুটি পড়বার ক্ষমতা তাঁহার ছিল। টিকিটখানি অনেক ওলটপালট করিয়াও যখন টিকানার সন্ধান মিলিল না, তখন হোটেলের এক বাবুকে দেখাইতে হইল।

লক্ষ মুদ্রার স্বপ্ন ঠিক কোন্ জায়গায় শয়ন করিয়া লোকে সচরাচর দেখিয়া থাকে তাহারই একটু ইঙ্গিত করিয়া বাবুটি জানাইলেন যে, টিকিটের পশ্চাতে যে বক্স নম্বর লেখা রহিয়াছে উহাই টিকানা।

ব্যাপারটা সদানন্দ ঠিক বুঝিতে না পারিয়া বোকার মত জিজ্ঞাসা করিলেন, “সেটা কোন্ রাস্তায়?”

লোকটি একটু হাসিয়া বলিল, “কোনো রাস্তায় নয়, মশাই। যারা নিজেদের টিকানা দিতে চায় না তারাই ঐ সব বক্স নম্বরের টিকানায় চিঠি আনায। জেনারেল পোষ্ট আপিসে যান, সেখানে গেলেই জানুতে পারবেন।”

সদানন্দের বুকের ভিতরটা যেন কাঁপিয়া উঠিল। স্নান ও আহার কোনোমতে শেষ করিয়া গেলেন জেনারেল পোষ্ট আপিসে। বৃহৎ বাড়িটির উপরে নীচে অনেকবার ঘুরিয়া অবশেষে ঠিক জায়গায় আসিয়া একজন বাবুকে টিকিটে উল্লিখিত নম্বরের বাক্সধারীর টিকানা জিজ্ঞাসা করিলেন।

পোষ্ট আপিসের বাবুটি একখানি বৃহৎ খাতায় কি লিপিবদ্ধ ছিলেন, যথেষ্ট উন্মেষের পর বলা সত্ত্বেও সদানন্দের বর তাঁহার কর্ণপোচর হইয়াছে বলিয়া মনে হইল না। দুই-তিনবার বলিবার পর বাবুটি মুখ তুলিয়া অত্যন্ত নংকিশ্চাবে জানাইলেন যে, টিকানা প্রকাশ করা

আইনবিরুদ্ধ। “কিছু বক্তব্য থাকিলে একখানি পোষ্টকার্ড লিখিয়া ডাকবাক্সে ফেলিয়া দিলেই যথাস্থানে যাইয়া পৌঁছিতে এবং উত্তর দিবার হইলে যথাসময়ে উত্তর পাওয়াও অসম্ভব নয়।

সদানন্দের সর্বাঙ্গ ঠক ঠক করিয়া কাঁপিতে লাগিল। তবে কি ব্যাপারটা আগাগোড়াই মিথ্যা! বাবুটিকে আবার জিজ্ঞাসা করিলেন, “হ্যাঁ মশাই, ‘এ নম্বরের বাক্স সত্যি সত্যিই আছে তো?”

“আছে বই কি, নিশ্চয় আছে!”

“দয়া করে তাঁদের টিকানাটা—যদি একবার—আমি বড় বিপদে—”

“ক্লম নেই।”—বাবুটি বৃহৎ খিলানের অন্তরালে অদৃশ্য হইলেন।

সদানন্দ রাস্তায় আসিলেন। পৃথিবী ঘোরে?—হ্যাঁ, ঘোরে বইকি! মিথ্যা কথা তো নয়?—এই যে ঘুরিতেছে! সরিবার ক্লম?—হ্যাঁ, ঐ যে মনে হইতেছে, যেন সারা লালদীঘিটাই একটা মন্ত সর্বপক্ষেত্র। জল-তৃণায় গলা শুচাইয়া উঠিল। ইচ্ছা হইল লালদীঘির কালো জল অঙ্গুলি পুরিয়া পান করেন। কিন্তু যদি পুলিশে ধরে?—না কাজ নাই।

এখন কোথায় যাওয়া যায়? পাঁচু বৈরাগীর কথাটা মনে হইল। একটা উকীলের সঙ্গে পরামর্শ করিলে হয় না? কিন্তু অচেনা জায়গায় আবার কোন্ জুয়াচোরের পাল্লায় পড়িবেন? অবশেষে স্থির করিলেন সেই আত্মীয়ের বাড়িতেই যাওয়া যাক। তাহার কাছে পরামর্শ লইয়া তার পর বাহা হয় করিলেই হইবে। আহা, প্রথমে সেইখানে গেলে বোধ হয় ভাল হইত। দুর্ভিক্ষ আর কি!

ঢং ঢং করিয়া ট্রাম ও হনের শব্দ করিয়া বাস চলিতেছে! পা দুইটা যেন ঠক ঠক করিয়া কাঁপিতেছে। তা হউক, আর পরস্য নষ্ট করিয়া কাজ নাই, হাঁটিয়াই যাওয়া যাক। দজ্জিপাড়া—কতদূর তো সেখানে গিয়াছেন। কত দূরই বা?—মাইল-দুয়েক?—এক কোণ? সে তো কিছুই নয়!—বাড়ি হইতে কুমীরখাগীর মাঠই তো প্রায় দেড় কোশ।

কুমীরখাগীর কথা মনে হইতেই বুকের ভিতর হইতে যেন একটা কল্লার বেগ উথলিয়া উঠিল। নিজের হাতে একি সর্জনশ করলাম? লটারীর টাকা?—সে তো জলের মাহ! যদি না পাই? বিশেষতঃ ব্যাপার যেরূপ দেখা যাইতেছে! তবে?—একি করলাম? চোখ কাটিয়া জল আসিল। সদানন্দ চলিলেন।

চাঁৎপুর রোড ও ক্যানিং স্ট্রীটের মোড়টায় কিসের একটা ভিড় হইয়াছে। সদানন্দ ভিড়ের ভিতর উকি

মারিয়া দেখিলেন। একজন বাজীওয়াল বাজী দেখাই-
তেছে। একটা টাকা মুঠার ভিতর লইয়া মুষ্টিটা বন্ধ
করিয়া তাহাতে একটা কিসের হাড় ঠেকাইল, সঙ্গে সঙ্গেই
হাতের মুঠাটা খুলিল। দেখা গেল, একটি টাকার বদলে
চার টাকা হইয়াছে। সদানন্দ ভাবিলেন, ‘আচ্ছা, ও
লোকটা তো লটারিওয়ালার চেয়ে ভাল। ঐ হাড়
একখানা পাওয়া যায় না?’

আরও অনেক বাজী হইল। একটা আস্ত ছোরা
লোকটা নিজের মুখে পুরিয়া প্রায় সবখানিই গিলিয়া
ফেলিল। কি আশ্চর্য! গলাটা যদি কাটিয়া যাইত?

ভিড় ক্রমে পাতলা হইল। সদানন্দও ভিড় ঠেলিয়া
বাহির হইলেন। মনে তখনও জাগিতেছে যে, ঐ হাড়
যদি একখানা পাওয়া যাইত! এক টাকাকে হাড় ঠেকাইয়া
চার টাকা করা যাইত। কুমীরখাগীর জমী বিক্রয়ের
দেড়শ টাকার মধ্যে, রেজেষ্ট্রি খরচ, যে লোকটি
কিনিয়াছে তাহার যাতায়াত ইত্যাদি বাবদ সে তো
তখনই দশ টাকা কাটিয়া লইয়াছে, সাধুকে স্বপ্নায়ন
কবচের জন্ত সেদিন পনেরো টাকা জমির মূল্যের অগ্রিম
বলিয়া দিয়াছিল, তাহাও রেজেষ্ট্রি আপিসে টাকা দিবার
সময় কাটিয়া লইয়াছে। বাকী ছিল একশ’ পঁচিশ টাকা।
কলিকাতায় আসিবার খরচের জন্ত পাঁচটি টাকা বাহিরে
রাখিয়া বাকী একশ’ কুড়ি টাকার নোট একটি
কোমরপেটিতে রাখিয়া রাখিয়াছেন। উঃ, ঐ একশ’
কুড়ি টাকায় যদি হাড়খানা স্পর্শ করান যাইত তাহা
হইলে চার এক শো কুড়ি কত হয়?—চাবশ’ আশী
টাকা? হায় ভগবান!

অভ্যাসমত কোমরপেটিতে একবার হাত দিলেন।
কিন্তু এক কি? কোমরটা যেন খালি খালি বোধ হইতেছে।
এই তো একটু আগেই কোমরেই ছিল! লালদীঘিতেও
একবার দেখিয়াছেন, তার পরে পথের মধ্যে আরও চার-
পাঁচবার দেখিয়াছেন। তবে? ঐ বাজীওয়ালার হাড়ের
কোন কারসাজি নয় তো? কিংবা কলিকাতার
পাঁটকাটা?—কিন্তু তাহা হইলে একবার কি টেরও
পাওয়া যাইত না?

সদানন্দ পাগলের মত আবার সেই মোড়ে কিরিয়া
আসিলেন। সে বাজীওয়াল চলিয়া গিয়াছে, ভিড়ও
অন্তহিত হইয়াছে। সামনের রোয়াকে একটা লোক দেশ-
নেতাদের ছবি বিক্রয় করিতেছে।

রাস্তার চারি পাশ খুঁজিয়া দেখা হইল। কিন্তু
বৃথা—বৃথা! সদানন্দের চোখ মুখ দিয়া আগুন ঠিকারাইয়া
বাহির হইতে লাগিল। সন্ধ্যা যেন ঝিম্ ঝিম্ করিতে
লাগিল। লটারির টাকা—বহু মিত্র, পকানন, সংসারের

একমাত্র অবলম্বন কুমীরখাগীর সেই ভূমিখণ্ড - খোস্তাগাড়ী
গ্রামের জমিদারী লইবার কল্পনা, আর বাড়িতে ছিন্ন-
বস্ত্র-পরিহিতা চিরদুঃখিনী জী ও অপোগণ্ড দুইটি সন্তান!
ধ্ব ধ্ব করিয়া কাঁপিতে কাঁপিতে এক জুঁহাওয়ালার
দোকানের রোয়াকে সদানন্দ বসিয়া পড়িলেন। তার
পরে সবই যেন অন্ধকার বলিয়া বোধ হইতে লাগিল।

৫

পাঁচ দিন পরে সদানন্দ বাড়ি ফিরিলেন। তখনও
তাহার প্রবল জ্বর। এই কয়টা দিনেই তাহার বয়স যেন
বিশ বৎসর বাড়িয়া গিয়াছে। বাড়ি আসিয়াই আবার
জরের ঘোরের অচৈতন্য হইয়া পড়িলেন। এমন-সব প্রলাপ
বাক্য মুখ দিয়া বাহির হইতে লাগিল, যাহার কোন অর্থই
তাহার জ্ঞী বুদ্ধিতে পারিলেন না।

গ্রামে একজন ধ্বস্তরি ডাক্তার ছিলেন, ছেলেটিকে
তাহার কাছে পাঠানো হইল। তিনি প্রথমে জিজ্ঞাসা
করিলেন পয়সা আনিয়াছে কি-না। যখন শুনিলেন
আনে নাই তখন বলিলেন, “বিনি পয়সায় ওষুধ হয় না।
তোমার মাকে বলগে যা ধ’নে আর পলতার শাক সেদ্ধ
করে খাইয়ে দিক্ জ্বর সেরে যাবে’খন।”

সকালবেলাটা একটু জ্বর কমিল। ঠিক সেই
সময়েই বাকী খাজনার মোকদ্দমার সমন লইয়া আদালতের
পেয়াদা আসিল। সমন জারি করিয়া, মুখে একবার
সদানন্দকে জানাইয়া গেল যে, মোকদ্দমার দিন আগামী
পরশ্ব তারিখে।

অস্ত্রের অজুহাতে সময় লইয়া মোকদ্দমার দিন
পরিবর্তন করিবার চেষ্টা করার মূলে কতকগুলি টাকা
খরচ; হুতরাং সে-কথা এখন কল্পনা করাও যায় না। সমন
লইয়া মোকদ্দমায় হাজির না হওয়ার ফলে যাহা হইবার
তাহাই হইল। এক তরফা ডিক্রী হইয়া গেল। বহু
মিত্র জমী হইলেন।

আদালত হইতে ফিরিয়া আসিয়া বহু মিত্র পকাননকে
ডাকাইয়া বলিলেন, “চলো দিকিনি পাঁচ, একবার সদার
কাছে। একবার তাকে শুনিবে আসি যে, সাতদিনের
মধ্যে ডিক্রীজারি করে তোমাকে ভিটেছাড়া না করি তো
আমি কায়েৎবাচ্ছাই নই।”

পকানন বলিল, “নিশ্চয়ই, চলুন, চলুন।”

কিন্তু কথাটা বলিবার সুযোগ হইল না। উভয়েই
আসিয়া সদানন্দের অবস্থা দেখিয়া বুঝিলেন যে আর আশা
নাই। মাঝে মাঝে দুই-একটা অর্থহীন প্রলাপ তখনও
শোনা যাইতেছে। পকানন নিকটেই দাঁড়াইয়া ছিল,
একটা কথা সে স্পষ্টই শুনিতে পাইল, “গুপ্তশব্দ
সাধন।”

মহিলা-সংবদ

কালকাতার সত্যাগ্রহী মহিলাবৃন্দ



শ্রীমতী নীলাবতী কাপুর



কুমারী পূর্ণাবতী



শ্রীমতী উজ্জাম বেন



শ্রীমতী চামেলী দেবী



শ্রীমতা মমথ বেন



শ্রীমতী বাট বেন



কুমারী শ্রীমতী দেবী



কুমারী সরস্বতী দেবী




শ্রীমতা অমৃত বেন



শ্রীমতী যশোদা দেবী



শ্রীমতী মংলা বেন



অহিংস সংগ্রাম হইতে বিরতি

মহাত্মা গান্ধীর সহিত বড়লাট লর্ড আর্কইনের যে কথা-বার্তা চলিতেছিল, তাহার ফল জানা গিয়াছে। কতকগুলি সর্বোচ্চ মহাত্মা গান্ধী ও কংগ্রেসের কার্যনির্বাহক কমিটি অহিংস আইনলঙ্ঘন প্রচেষ্টা থামাইয়া দিতে রাজী হইয়াছেন এবং বড়লাটও প্রায় সব অভিমানস প্রত্যাহার করিতে এবং অহিংস সত্যগ্রহী বন্দীদিগকে খালাস দিতে স্বীকৃত হইয়াছেন। উভয় পক্ষের সমুদয় সর্বোচ্চ খবরের কাগজে বাহির হইয়াছে। এইজন্য সবগুলির উল্লেখ করা অনাবশ্যক।

উভয় পক্ষের সব সর্বোচ্চ দেশের লোকদের সর্বোচ্চ বারিসম্মত হইবে, মনে হয় না। যতগুলি সর্বোচ্চ হইয়াছে, তাহাও যথেষ্ট মনে হইবে, বোধ হয় না। কেহ কেহ মনে করিবেন, মহাত্মা গান্ধীর আরও কিছু দাবি করা উচিত ছিল এবং তদনুসারে গবর্নমেন্টেরও আরও কিছু করিবার আদৌ করা উচিত ছিল।

আমরা গত এক বৎসরে সত্যগ্রহ করিয়া বা না করিয়া অহিংস অনেকের মত ভাং সত্য করি নাই, স্বার্থত্যাগ করি নাই, ক্ষতিগ্রস্ত হই নাই, লাহিত ও অপমানিত হই নাই। সুতরাং যাহারা সত্যগ্রহ করিয়া দুঃখ সহ্য করিয়াছেন, স্বার্থত্যাগ করিয়াছেন, ক্ষতিগ্রস্ত হইয়াছেন, লাহিত ও অপমানিত হইয়াছেন, এইরূপ নেতৃবর্গ আপনাদের ও অল্প নির্ধারিত সত্যগ্রহীদের পক্ষ হইতে যাহা যথেষ্ট মনে করিয়াছেন, তৎসম্বন্ধে আমাদের কোন বাস্তবিক অর্জবোধ্য থাকিতে পারে না। কিন্তু পত্রিকা সম্পাদকদিগকে সব বিষয় সম্বন্ধেই আবশ্যিকমত মত প্রকাশ করিতে হয়। এইজন্য আমরা কয়েকটি কথা বলিতে হইবে। কিন্তু আমরা রফার কোন সর্বোচ্চ বিবৃতিতে আন্তরিক বা বাহ্য বিব্রোহ করিব না, অল্প কেহ করে, তাহাও ইচ্ছা করি না।

মোটের উপর যে-রকম রফা হইয়াছে, তাহা আমাদের ভাল লাগে নাই। কিন্তু আমাদের যে তাহা ভাল লাগে নাই, তাহা রফার দোষে না হইতে পারে; ভাল না-লাগাটা হয়ত আমাদেরই দোষ। সুতরাং ভাল লাগা না-লাগার কথা ছাড়িয়া দিয়া আমরা কয়েকটি বিষয়ে কিছু বলিব। রাজনৈতিক চা'ল হিসাবে লর্ড আর্কইনেরই জিত হইয়াছে মনে করি। তাহার কিছু কিছু কারণ পরে বুঝা যাইবে।

ফেডারেশন ইত্যাদি

বড়লাটের বর্ণনাপত্রে বলা হইয়াছে, যে, গোলটেবিল বৈঠকে ভারতবর্ষের ভবিষ্যৎ শাসনবিধি সম্বন্ধে যতটুকু স্থির হইয়াছে, তাহার বিষয়ে আরও বিবেচনা করিবার নিমিত্ত কংগ্রেসের প্রতিনিধিদিগকে আহ্বান করা হইবে। কিন্তু জিজ্ঞাসা এই, কংগ্রেসের প্রতিনিধিরা ইতিমধ্যেই স্থিরীকৃত নজ্ঞাটির সার অংশের কোন পরিবর্তন প্রস্তাব করিতে বা সাধন করিতে অধিকারী হইবেন কি? এই প্রশ্ন করিতেছি এইজন্য, যে, যাহা স্থির হইয়াছে, বড়লাটের মতে নিম্নলিখিত বিষয়গুলি তাহার এসেম্বলি অর্থাৎ অত্যাবশ্যক সার অংশ :—

Federation is an essential part; so also are Indian responsibility and reservations or safe-guards in the interests of India for such matters, as for instance, defence, external affairs, the position of minorities, the financial credit of India and the discharge of obligations.

এখানে আমরা জানিতে চাই এসেম্বলি কথাটির মানে কি। ভারতবর্ষের ভবিষ্যৎ শাসনবিধিতে এগুলি থাকি। চাই-ই, ইহার অর্থ কি এই? দেশী রাজ্যের রাজারা যদি শেষ পর্যন্ত জিন ধরিয়াই বসিয়া থাকেন, যে, ফেডারেটেড ভারতবর্ষের ব্যবস্থাপক সভায় তাঁহারা দেশী রাজ্যের প্রতিনিধিদিগকে মনোনীত করিয়া পাঠাইবেন, প্রজা-দিগকে তাহাদের প্রতিনিধি নির্বাচন করিতে দিবেন না,

এবং তাঁহারা যদি তাঁহাদের প্রজাদের কোন আইন-সম্মত অধিকার ঘোষণা না করেন ও না মানেন, তাহা হইলেও কি দেশী রাজ্যসমূহ ও ব্রিটিশ-শাসিত ভারতবর্ষকে ফেডারেটেড হইতেই হইবে? এসেসম্বলের মানে কি তাই? আমরা ত মনে করি যে, যদিও সমগ্র ভারতের ফেডারেশন খুবই বাঞ্ছনীয়, তথাপি এরূপ স্বেচ্ছাকারী রাজাদের রাজ্যের সহিত ফেডারেশানের ব্যবস্থা না-করিয়াও শুধু ব্রিটিশ-শাসিত ভারতবর্ষেরই ভৌমনিয়ম প্রাপ্তি বাঞ্ছনীয়। অর্থাৎ দেশী রাজ্যগুলির সহিত ফেডারেশন হটক বা না-হটক আমরা ব্রিটিশ-শাসিত ভারতবর্ষের লোকেরা স্বরাজ চাই, যদিও গণতান্ত্রিক ভাবে শাসিত দেশী রাজ্যগুলির সহিত ফেডারেশন নিশ্চয়ই অধিকতর বাঞ্ছনীয় মনে করি।

আমরা “external affairs, the position of minorities, the financial credit of India and the discharge of obligations” বিষয়গুলি সম্বন্ধে “ভারতবর্ষের স্বার্থরক্ষার বা মঙ্গলের জ্ঞান” (“In the interests of India”) “reservations or safeguards” একদিনের নিমিত্তও আবশ্যক মনে করি না। এটরূপ গিজার্ভেশন্স ও সেক্‌গার্ড্‌স্ ইংলণ্ডের স্বার্থরক্ষার জ্ঞান আবশ্যক মনে করি। তথাপি এইগুলিকে কি “ভারতের স্বার্থের জ্ঞান” এসেসম্বল মনে করিতে হইবে? অর্থাৎ এগুলি যদি আমরা বাদ দিয়া স্বরাজ চাই, তাহা হইলে স্বরাজ পাইব না?

ডিকেন্স অর্থাৎ দেশরক্ষাও বড়লাটের হাতে রাখা এসেসম্বল বলা হইয়াছে। আমরা তাহা মনে করি না। কিন্তু ভারতীয় লোকদিগকে যুদ্ধে নেতৃত্ব করিবার অহুপযুক্ত করিয়া রাখা হইয়াছে বলিয়া যদি আপাততঃ এই বিষয়ট বড়লাটের হাতে রাখা অত্যাৱশ্যক মনে হয়, তাহাও নির্দিষ্ট কয়েক বৎসরের জ্ঞান রাখিতে হইবে, অনির্দিষ্ট সময়ের জন্য নহে।

পিকেটিং

গবন্মেণ্ট কিরূপ পিকেটিঙে আপত্তি করিবেন না, তৎসম্বন্ধে বড়লাটের ঘোষণাণ্ডে বলা হইয়াছে,—

Such picketing shall be unaggressive and it shall not involve coercion, intimidation, restraint, hostile demonstration, obstruction to the public or any offence under the ordinary law. If and when any of these methods is employed in any place the practice of picketing in that place will be suspended.

নিখিলভারতীয় কংগ্রেসের সাধারণ সেক্রেটারী ডাক্তার সৈয়দ মামুদও এরূপ কথা পুনরাবৃত্তি করিয়া কংগ্রেস পক্ষ হইতে বলিতেছেন,—

If these conditions are not satisfied in any area, picketing is to be suspended there.

এবিষয়ে জিজ্ঞাস্য এই, পিকেটিং যেরূপ হইলে গবন্মেণ্ট আপত্তি করিবেন না, সেইরূপ হইতেছে কি না, তাহার বিচার কে করিবে? কোন পক্ষের কথা অহুনারে পিকেটিং চালাইতে দেওয়া বা বন্ধ করা হইবে?

এরূপ প্রশ্ন করিবার কারণ বলিতেছি। পিকেটিং অভিন্যাস যতদিন বলবৎ ছিল ততদিন পিকেটিং “শান্তিপূর্ণ” হটক বা না-হটক, ম্যাজিষ্ট্রেটের সাধারণতঃ পিকেটারদিগকে শাস্তি দিয়াছেন। যখন পিকেটিং অভিন্যাস উঠিয়া গেল এবং তাহা অনেক দিন উঠিয়া গিয়াছে, তখন হইতেও কিন্তু বিত্তর পিকেটারকে জেলে পাঠান হইয়াছে এই বলিয়া যে, তাহারা ভয় দেখায়, বলপ্রয়োগ করে, সর্বসাধারণের চলাফিরায় বাধাত জন্মায়, ইত্যাদি। এরূপ স্থলে পুলিশের সাক্ষ্যের উপরই ম্যাজিষ্ট্রেটের নির্ভর করিয়াছেন। দোকানদাররা যদি বলিয়া থাকেন (এবং অনেক দোকানদারই এরূপ কথা বলিয়াছেন), যে তাঁহাদিগকে পিকেটাররা বিরক্ত করে নাই, ব তাঁহাদের কোন ক্ষতি করে নাই, তাহাতেও কোন ফ হয় নাই। অনেক পিকেটার অভিযুক্ত হইয়া আশ্রয়^১ সমর্থন করেন নাই। ষাঁহারা আশ্রয়পক্ষ সমর্থন করিয়াছে। তাঁহারা সাধারণতঃ বলপ্রয়োগ, ভয়প্রদর্শন ইত্যাদি অভিযোগ মিথ্যা বলিয়াছেন।

সেইজ্ঞান আমরা জিজ্ঞাসা করিতেছি, কি প্রমাণ উপর নির্ভর করিয়া কংগ্রেস স্থির করিবেন, পিকেটিং হাই প্রণালী অহুনারে হইতেছে বা হইতেছে না? এ আমাদের কোনই সন্দেহ নাই, যে, অনেক জায়গা^২ পুলিশের কথা অহুনারে গবন্মেণ্ট বলিবেন, পিকেটিং^৩ সর্ব মানা হইতেছে না। সেস্থলে কংগ্রেস কি ত

বিনা তদন্তে সেই সব জায়গায় পিকেটিং বন্ধ করাইয়া দিবেন? তাহা হইলে কংগ্রেস জানিয়া রাখুন, সকল জায়গা হইতেই বৈধ পিকেটিংও অচিরে লুপ্ত হইবে, এবং মদ ও অগ্ন্যস্ত্র মাদকদ্রব্য এবং বিদেশী কাপড় সর্বত্র অবাধে বিক্রী হইতে থাকিবে। আমরা ভয়প্রদর্শনাদি দ্বারা পিকেটিঙের সম্পূর্ণ বিরোধী। কিন্তু বৈধ পিকেটিঙের প্রয়োজন আছে। অথচ কংগ্রেস পক্ষ হইতে গৃহীত সর্ব অমুসারে তাহাও বন্ধ হইয়া যাইবার সম্পূর্ণ সম্ভাবনা আছে।

রফা হইবার এবং বড়লাটের বর্ণনা-পত্র বাহির হইবার পরেও গত ২২শে ফাল্গুন কলিকাতার বড়বাজারে দুজন পিকেটারকে গ্রেপ্তার করা হইয়াছে।

কংগ্রেস পক্ষ হইতে মহাত্মা গান্ধীর বলা উচিত ছিল, “কোন জায়গায় পিকেটিং অবৈধ ভাবে হইতেছে বলিয়া বিশ্বাসজনক প্রমাণ পাইলে আমরা সেখানে পিকেটিং বন্ধ করিব।” গবন্মেণ্টকেও এই সর্ব মানিয়া লইতে বলা উচিত ছিল। তাহা না করায় দুইটি কুফলের কোন একটি হইবে। হয়, গবন্মেণ্ট (অর্থাৎ পুলিশ) কোথাও অবৈধ পিকেটিং হইতেছে বলিলেই কংগ্রেসকে তৎক্ষণাৎ সেখানে পিকেটিং বন্ধ করিতে হইবে; নতুবা, গবন্মেণ্টের সহিত এই তর্কে প্রবৃত্ত হইতে হইবে, যে, গবন্মেণ্টের কথা অযথার্থ, তাহার বিশ্বাসযোগ্য প্রমাণ নাই, ইত্যাদি। তাহাতে অশান্তি হইবে না কি? পুলিশের বিরুদ্ধে মহাত্মা গান্ধী যেসব অত্যাচারের অভিযোগ বড়লাটের নিকট উপস্থিত করিয়াছিলেন, তৎসম্বন্ধে প্রকাশ্য তদন্ত করিতে বড়লাট এই কারণ দেখাইয়া অসম্মত হইয়াছেন, যে, তাহা করিলে সরকারী ও বেসরকারী লোকদের পরস্পরের বিরুদ্ধে অভিযোগে প্রত্যভিযোগে শান্তি পুনঃস্থাপনে ব্যাঘাত জন্মিবে। পিকেটিং ব্যাপারেও তর্কাতর্কির দ্বারা বৈধতা ও অবৈধতা নির্ণয় করিতে গেলেই কি উভয় পক্ষকে এইরূপ অভিযোগ ও প্রত্যভিযোগ করিতে হইবে না? তাহাতে কি দেশে শান্ত ভাব স্থাপনে ব্যাঘাত জন্মিবে না?

আর একটি কথা। কিরূপ পিকেটিং সরকার বাহাদুর চালাইতে দিবেন, তাহা বলিবার অধিকার অবশ্য সরকার

বাহাদুরের ছিল। কিন্তু কংগ্রেস যখন পিকেটিঙের সর্ব-গুলি মানিয়া লইলেন, তখন কি কংগ্রেস-পক্ষের বলা উচিত ছিল না, যে, এ পর্য্যন্ত সাধারণতঃ বা অধিকাংশ স্থলে পিকেটিং এইরূপ বৈধই হইয়া আসিয়াছে এবং হওয়া উচিত বলিয়া আমরা সর্বগুলি গ্রহণ করিতেছি? তাহা না বলায় কি প্রকারান্তরে এরূপ সন্দেহের কারণ দেওয়া হইল না, যে, সাধারণতঃ বা অনেক স্থলে অবৈধ রকমের পিকেটিং হইয়া আসিতেছে? সেরূপ সন্দেহের কারণ থাকিলে কংগ্রেস তাহা এতদিন আপনা হইতেই কেন বন্ধ করেন নাই?

এই যে উভয় পক্ষ আপোষে রফা হইয়াছে, তাহাতে এক পক্ষের কথা অপর পক্ষ মানিয়া লইতেছেন না, বলিতেছেন, তাহার একটি দৃষ্টান্তও রহিয়াছে। যথা, বড়লাট বলিয়াছেন,—

Mr. Gandhi has represented to the Government that according to his information and belief some at least of these sales [of immovable property] have been unlawful and unjust. The Government, on the information before them, cannot accept the contention.

অতএব, কংগ্রেস-পক্ষ অন্ততঃ এই কথা কি বলিতে পারিতেন না এবং তাহা বলা কি তাঁহাদের উচিত ছিল না, যে, তাহারা পিকেটিং সম্বন্ধে যে সর্ব গ্রহণ করিতেছেন তাহার দ্বারা ইহা বুঝিতে হইবে না, যে, তাহারা মানিয়া লইতেছেন যে, এ যাবৎ অবৈধ রকমের পিকেটিং সর্বত্র, অধিকাংশ স্থলে বা অধিক স্থলে হইয়াছে?

পূর্বে যেরূপ বলিয়াছি বা ঠিক উপরেই যাহা বলিলাম, তদ্রূপ কিছু না-বলায় পিকেটারদের আচরণ সম্বন্ধে লোকের ভ্রান্ত ধারণা জন্মিলে তাহা আশ্চর্যের বিষয় হইবে না।

আপোষে কোন প্রকার রফা বা নিষ্পত্তি হইলে উভয় পক্ষকেই রফা অমুসারে কাঁধসম্পাদন বিষয়ে মোটের উপর পরস্পরের অকপটতা ও সদাশয়তার উপর নির্ভর করিতে হয়। কিন্তু রফার সর্বগুলিতে কোন অস্পষ্টতা রাখা উচিত নয়। তাহাতে কিছু উহা থাকিলে পরে ঝগড়ার কারণ থাকিয়া যায়। ইহাও মনে রাখিতে হইবে, যে, রফার সর্ব অমুসারে কাজ ব্যক্তিগতভাবে

মহাত্মা গান্ধী বা লর্ড আর্কউইন করিবেন না, অগ্রহণ করিবেন। তাহাদের জ্ঞান সুস্পষ্ট নির্দেশ চাই।

পুলিসের অত্যাচারের অভিযোগ

মহাত্মা গান্ধী পুলিসের বিরুদ্ধে অত্যাচারের অভিযোগের কতকগুলি বিশেষ বিশেষ দৃষ্টান্ত বড়লাটের সম্মুখে উপস্থিত করিয়া তদ্বিষয়ে প্রকাশ্য তদন্তের বাঞ্ছনীয়তা প্রদর্শন করেন। তদন্ত করিতে বড়লাট রাজী হন নাই। এ বিষয়ে তাঁহার বর্ণনাপত্রে আছে,—

Mr. Gandhi has drawn the attention of the Government to specific allegations against the conduct of the police and represented the desirability of a public enquiry into them. In the present circumstances the Government see great difficulty in this course and feel that it must inevitably lead to charges and counter-charges and so militate against the re-establishment of peace. Having regard to these considerations, Mr. Gandhi has agreed not to press the matter.

প্রকাশ্য তদন্ত করা যে গবর্নমেন্টের পক্ষে শোভা নয়, তাহা ত বুঝিতেই পারি। কিন্তু জ্বায়ে অতুরোধে কঠিন কাজ করাই ত শ্রেষ্ঠ মানুষের ও শ্রেষ্ঠ গবর্নমেন্টের লক্ষণ। গবর্নমেন্ট তাহা না করায় এবং মহাত্মা গান্ধী তাহাতে সাহা দেওয়ায়, পুলিসের সরকারী নিছক মহাত্মা-কীর্তনই বজায় রহিল। কোন কোন স্থাবর সম্পত্তি বিক্রয় বেআইনী ও অত্যাচার হইয়াছে মহাত্মাজীর এই অভিযোগের সত্যতা যেমন গবর্নমেন্ট প্রকাশ্য বর্ণনাপত্রে অস্বীকার করিয়াছেন (পূর্বে আমরা তাহা উদ্ধৃত করিয়াছি), মহাত্মাজীরও তেমনই প্রকাশ্যভাবে কংগ্রেস পক্ষের বক্তৃত্তা জানান উচিত ছিল, যে, তিনি তাঁহা কর্তৃক বড়লাটের নিকটে উপস্থাপিত পুলিসের অত্যাচার কাহিনীগুলি সত্য বলিয়া বিশ্বাস করেন। অবশ্য, মহাত্মাজী এত অত্যাচারগুলি নিজে প্রত্যক্ষ করেন নাই। কিন্তু বড়লাট ও মহাত্মাজীর উল্লিখিত স্থাবর সম্পত্তিগুলির বিক্রয় সম্বন্ধে কোন প্রত্যক্ষ জ্ঞানের দাবি করিতে পারেন না। তিনি যদি সরকারী অধস্তন কর্মচারীদের কথার উপর নির্ভর করিয়া মহাত্মাজীর মত সত্যনিষ্ঠ ব্যক্তির কথার সত্যতা অস্বীকার করিতে পারিয়া থাকেন, তাহা হইলে

মহাত্মাজী নিজের সহকর্মীদের কথায় পূর্ণ বিশ্বাস স্থাপন করিয়া পুলিসের বিরুদ্ধে তাহাদের অভিযোগ যে সত্য, তাহা অবশ্যই প্রকাশ্যভাবে লিপিবদ্ধ করিয়া ঘোষণা করিতে পারিতেন।

পুলিসের অত্যাচারের প্রকাশ্য তদন্ত করিলে উভয় পক্ষের অভিযোগ ও প্রত্যাভিযোগ দ্বারা শান্তি পুনঃস্থাপনের ব্যাঘাত হইবে, এই যুক্তি সম্বন্ধে আমরা আগেই বলিয়াছি, যে, পিকিটের বৈধতা অবৈধতা লইয়াও ঠিক ঐরূপ অভিযোগ প্রত্যাভিযোগ দ্বারা শান্তি স্থাপনে ব্যাঘাত হইবে, অথচ পিকিটের বৈধতা অবৈধতা কাহার কথা অমুসারে নির্ণীত হইবে, তাহার কোন নির্দেশই নাই।

তত্ত্ব কিরূপ শান্তি উভয় পক্ষ চাহিতেছেন, তাহাও বিচার্য।

মহাত্মা গান্ধী বরাবর বলিয়া আসিতেছেন, তিনি গবর্নমেন্টের হ্রস্বের পরিবর্তনের প্রমাণ চান। অর্থাৎ তিনি বাহির অপেক্ষা অন্তরের অবস্থাটাই ভাল করিয়া লক্ষ্য করিতে চান। শান্তিও সেইরূপ ভিতরের শান্তি হওয়া আবশ্যিক। যাহারা পুলিসের নানাবিধ অত্যাচারের অভিযোগ করিয়াছে, যাহাদের আত্মীয়স্বজন অত্যাচারে নিহত হইবার অভিযোগ হইয়াছে, যাহাদের ঘরবাড়ি, ধানের গোলা, ধানের ক্ষেত বা অল্প সম্পত্তি লুণ্ঠিত নষ্ট বা ভস্মীভূত হইবার অভিযোগ হইয়াছে, যাহার অত্যাচারে প্রভূত হইয়াছে বলিয়া অভিযোগ হইয়াছে যে-সকল নারী অপমানিতা হইয়াছেন বলিয়া অভিযোগ হইয়াছে, তাহারা ও তাহাদের আত্মীয় ও প্রতিবন্ধী এবং স্বদেশবাসীরা বড়লাটের বর্ণনাপত্রে লিপিত তত্ত্ব না-করার কারণটি অবগত হইয়া মনে শান্তি অনুভব করিবে, আমাদের অহুমান এরূপ নহে। দায়র উপরটা চাকিয়া গেলেই ঘা সারিয়া যায় না।

একটা খবর সংবাদপত্রে বাহির হইয়াছিল, যে, বড়লাট প্রকাশ্য তদন্ত না করিয়া বিভাগীয় তদন্ত (ডিপার্টমেন্টাল ইনকোয়েরী) করিতে রাজী হইয়াছেন। বর্ণনাপত্রে কিন্তু ইহার কোন উল্লেখ নাই।

গবর্নমেন্ট প্রকাশ্য তদন্ত করিতে নায়াস হওয়ায়

লোকে মনে করিবে, যে, তদন্ত করিলে অভিযোগগুলির সত্যতা প্রমাণিত হইত বলিয়াই তদন্ত হইল না।

অর্ডিন্যান্স প্রত্যাহার

সত্যগ্রহ-প্রচেষ্টা সম্পর্কে যে-সব অর্ডিন্যান্স গবন্মেণ্ট জারি করিয়াছিলেন, তাহার যেগুলি এখনও বলবৎ আছে, গবন্মেণ্ট তাহা প্রত্যাহার করিলেন। এই কাজটি ভাল হইয়াছে, এবং এই প্রত্যাহার দ্বারা অল্প একটু স্বাধীনতা কোন কোন শ্রেণীর লোককে পুনঃপ্রদত্ত হইল। কিন্তু যেমন পিকিটিং অর্ডিন্যান্স উঠিয়া যাওয়ার পরেও সাধারণ আইনের অপব্যবহার দ্বারা অনেক স্থলে পিকিটাররা দণ্ডিত হইয়া আসিতেছে, তেমনি অল্প অর্ডিন্যান্সগুলি উঠিয়া গেলেও গবন্মেণ্টের নিগ্রহ ক্ষমতা কমিবে না। কেবল দুটি কাজ গবন্মেণ্ট করিতে পারিবেন না; (১) কোন বহি বা খবরের কাগজ আদি ছাপার জন্ত জামীনের টাকা চাওয়া, এবং (২) জামীনের টাকা ও প্রেস বাজেয়াপ্ত করা। কিন্তু সম্পাদক, মুদ্রাকর, লেখক, প্রেসের অধিকারী প্রভৃতিকে দণ্ড করিবার অল্প উপায় যেমন প্রেস অর্ডিন্যান্স জারি হইবার আগে হইতে ছিল, এখনও তেমনি গবন্মেণ্টের থাকিবে।

আন্তরিক শান্তির একটি ব্যাঘাত

১৯৩১ সালের ১নং অর্ডিন্যান্স টেরারিষ্ট মূভমেন্ট বা জয়োৎপাদন প্রচেষ্টা দমন করিবার উদ্দেশ্যে জারি করা হইয়াছে বলিয়া ঘোষিত হয়। সত্যগ্রহ-প্রচেষ্টার সহিত ইহা সম্পর্ক নাই বলিয়া এই অর্ডিন্যান্স প্রত্যাহৃত হয় না। কিন্তু ইহা প্রত্যাহৃত না হওয়ায় দেশের লোকদের (অমরা বিশেষ করিয়া বাংলা দেশের কথাই বলিতেছি) মনে গাফিলত পুনঃস্থাপিত হইবে না।

সত্যগ্রহ-প্রচেষ্টা ঠিক এক বৎসর চলিয়াছিল। ইহার মধ্যে তাহার কাহাকেও আঘাত করা বা করিবার চেষ্টা অথবা শাস্তা-হাস্যামা করবার অভিযোগে দণ্ডিত হইয়াছেন, তাহাদের সকলেরই বিরুদ্ধে অভিযোগ সত্য ছিল মনে

করা যায় না তাহারা অনেকেই আত্মপক্ষ সমর্থনও করেন নাই। অথচ হয়ত এই কারণেই তাহাদের কেহ কেহ মুক্তি পাইবেন না।

তাহা হইলেও, যাহাদের বিরুদ্ধে কোন প্রকার বল-প্রয়োগের একটা অভিযোগ বা নাম মাত্র বিচারও হইয়াছে, তাহাদের মুক্তি না-হওয়া না-হয় মানিয়া লইলাম, কিন্তু যাহাদের নামে কোন প্রকাশ্য নির্দিষ্ট অভিযোগ হয় নাই, কোন তথাকথিত বিচারও হয় নাই, সেই সব বন্দীকৃত যুবকদের কথা দেশের লোক ভুলিতে পারিবে না।

ইহাদের কথা গান্ধীজীর মনে ছিল কিনা, তিনি ইহাদের কথা বড়লাটকে বলিয়াছিলেন কিনা, জানি না। ইহাদিগকে গবন্মেণ্ট (অর্থাৎ পুলিস) কাষাতঃ বা উদ্দেশ্যতঃ টেরারিষ্ট (ভয়োৎপাদক) বলিয়া বন্দী করিয়াছেন। কিন্তু এরূপ সন্দেহের কোন প্রমাণ নাই। ইহাদের মধ্যে প্রকৃত সত্যগ্রহীও থাকিতে পারেন।

এই অর্ডিন্যান্স যত দিন বলবৎ আছে, তত দিন সত্যগ্রহী বা অস্ত্রবিধ স্বদেশপ্রেমিক কোন কন্মী নিরাপদ নহেন। এই কারণে সত্যগ্রহী বন্দীদের মুক্তির সময়ে এইরূপ দাবি করিলে অসম্ভব হইত না, যে, এই অর্ডিন্যান্সটিও প্রত্যাহার করা হউক, কিম্বা তদনুসারে বন্দীকৃত যুবকদের প্রকাশ্য বিচার হউক। সেরূপ দাবি করা হইয়াছিল কিনা, জানি না।

বাজেয়াপ্ত সম্পত্তি প্রত্যাপণ

বাজেয়াপ্ত স্থাবর ও অস্থাবর সম্পত্তি বা, তাহা বিক্রীত হইয়া থাকিলে তাহার মূল্য মালিককে প্রত্যাপণ সম্বন্ধে বড়লাটের বর্ণনাপত্রে অনেক কথা আছে। এরূপ কোন সম্পত্তি নিলামে বিক্রী হইয়া থাকিলে, কাগজে পড়িয়াছি অনেক সময়ই তাহার খুব কম মূল্য পাওয়া গিয়াছে। যাহা হউক, সেই কম মূল্যও পূর্ষ মালিককে গবন্মেণ্ট কেন দিতে রাজী হইতেছেন না, জানি না। সত্যগ্রহ উপলক্ষ্যে নানা লোকের নানা আইন-বহির্ভূত বা আইনানুযায়ী দণ্ড হইয়াছে। যাহাদের প্রাণ গিয়াছে, তাহাদিগকে বাচান অসম্ভব; যাহারা প্রহৃত ও ভয়ানক

হইয়াছে, তাহাদেরও যাহা হইবার তাহা হইয় গিয়াছে ; বেত্রদণ্ডেরও এখন আর কোন প্রতিকার নাই ; যাহারা জেলে পুরা মিয়াদ খাটিয়া আগেই জেল হইতে বাহির হইয়াছেন, তাঁহারাও বর্তমান রফা হইতে কোন সুবিধা পাইলেন না। যে-সব অহিংস সত্যাগ্রহী এখনও জেলে ছিলেন, কেবল তাঁহাদের কিছু সুবিধা হইল। যাহাদিগকে জরিমানা দিতে হইয়াছে, তাঁহাদের জরিমানার টাকাটা ফেরত দেওয়া অসাধ্য নহে। যে-সব প্রেসের বা সংবাদপত্রের স্বত্বাধিকারীর জামীন বাজেয়াপ্ত হইয়াছে, তাঁহাদের জামিনের টাকাটাও ফেরত দেওয়া অসাধ্য নহে। যে-সব বাজেয়াপ্ত প্রেস নিলাম হয় নাই, সেগুলি মালিকদিগকে ফেরত দেওয়া উচিত। যেগুলি নিলাম হইয়া গিয়াছে তাহাদের নিলামলব্ধ টাকা মালিকদিগকে দেওয়া উচিত। এই সব বিষয়ের কোন উল্লেখ বড়লাটের বর্ণনাপত্রে দেখিলাম না।

লবণ আইন ভঙ্গ

লবণ আইন সম্বন্ধে বিশেষ কোন পরিবর্তন হইল না। কেবল যে-সব জায়গায় স্বাভাবিক অবস্থিতি বশতঃ লবণ প্রস্তুত হয় বা হইতে পারে, সেখানকার লোকেরা নিজেদের ব্যবহারের জন্য বা নিজ গ্রামে বিক্রীর নিমিত্ত লবণ সংগ্রহ ও প্রস্তুত করিতে পারিবে। এই ব্যবস্থায় ভারতবর্ষের কোটি কোটি গরীব লোকদের মধ্যে কয়েক লক্ষ লোকেরও বিনামূল্যে বা সস্তায় লবণপ্রাপ্তি ঘটিবে কিনা সন্দেহ।

গবর্ণমেন্ট রাজস্বের বর্তমান দুর্দশার অজুহাতে লবণ আইনের কোন পরিবর্তন করিতে পারিবেন না, বলিয়াছেন। কিন্তু লবণ-শুল্ক হইতে মোটামুটি সাত কোটি টাকা আদায় হয়। তাহা আদায় করিতে এবং “বে-আইন” লবণ তৈরি বন্ধ করিতে মোটামুটি ছই কোটি টাকা খরচ হয়। অর্থাৎ লবণ শুল্কের নিট আয় পাঁচ কোটি টাকা। ব্যয় সংক্ষেপ দ্বারা এবং যে-সব নতুন ট্যাক্স বসান হইতেছে তাহা হইতে এই পাঁচ কোটি টাকা পোষাইয়া লওয়া অসম্ভব ছিল না।

রফার প্রয়োজন

যে যে সর্বোত্তম রফা হইয়াছে, তৎসম্বন্ধে আমরা কিছু লিখিলাম। কিন্তু অবস্থা-বিশেষে রফার প্রয়োজনীয়তা আমরা অস্বীকার করি না। রফা কখন কখন করিতে হয়। যখন ইংলণ্ডের প্রধান মন্ত্রী ডিপ্রেলী স্বয়ংজ খালের অংশ সকল খরিদ করেন, তখন অনেকে এই বলিয়া তাঁহার কার্যের সমালোচনা করেন, যে, তিনি কেন অপেক্ষা করিলেন না ; কেন-না, ইংলও সর্বদাই চরম উপায় স্বরূপ রণতরীসমূহের বলপ্রয়োগ দ্বারা অভীষ্ট লাভ করিতে পারিতেন। ডিপ্রেলী উত্তর দেন,—

If the government of the world was a mere alternation between abstract right and overwhelming force, I agree there is a good deal in that observation; but that is not the way in which the world is governed. The world is governed by conciliation, compromise, influence, varied interests, the recognition of the rights of others, coupled with the assertion of one's own; and, in addition, a general conviction, resulting from explanation and good understanding, that it is for the interest of all parties that matters should be conducted in a satisfactory and peaceful manner.”

রফা মাত্রই নিম্ননীয় বা অবাঞ্ছনীয় নহে। কিন্তু রফার মানে যখন এই, যে, উভয় পক্ষই কিছু ছাড়িয়া দিলেন ও পাইলেন, তখন দেখিতে হইবে উভয় পক্ষের ছাড়িয়া দেওয়া ও পাওয়া ঋণ্য ও তুল্যমূল্য হইল কি না।

লর্ড আর্কুইনের প্রশংসা

এই রফার পূর্বাভাসিক কথাবার্তা এবং শেষ নির্ধারণ প্রসঙ্গে মহাত্মা গান্ধী লর্ড আর্কুইনের অসীম ধৈর্য্য, সৌজন্য এবং শ্রমশক্তির প্রশংসা করিয়াছেন। বড়লাটকে বা অন্ত কোন লোককে তাহা ঋণ্য প্রশংসা হইতে বঞ্চিত করা দূরে থাক, বঞ্চিত করিবার চেষ্টা করাও অশুচিত। তাহা সহিত অপরিচিত আমাদের মত কোন ব্যক্তি সেরূপ চেষ্টা করিলেও গান্ধীজীর মত মানুষের মুখনিঃসৃত প্রশংসার মূল্য লোকের কাছে কমিবে না।

এই প্রশংসা হইতে কি শিক্ষা করা যায়, তাহাই আমরা বলিব।

মানুষ খুব সদাশয় না হইলে বিপক্ষের অকপট প্রশংসা মুক্তকণ্ঠে করিতে পারে না। অতএব এই প্রশংসা হইতে মহাত্মা গান্ধীর স্বনামের প্রশংসিত হইতেছে।

খুব সাধু এবং ভদ্র রাজপুরুষও রাজনৈতিক ব্যাপারে বিশেষ প্রয়োজন ব্যতিরেকে খুব বেশী সময়ও দৈর্ঘ্য ব্যয় এবং পরিশ্রম করেন না। বড়লাট যে তাহা করিয়াছিলেন এবং একটা নিশ্চিন্তি করিতে দৃঢ়প্রতিজ্ঞ হইয়াছিলেন, তাহা হইতে বৃষ্টিতে হইবে, যে, ভারতবর্ষকে খুশী করিয়া ঠাণ্ডা করিবার, শান্ত করিবার, ইংলণ্ডের খুব প্রয়োজন হইয়াছে। এই প্রয়োজনের স্বরূপ অনেকে হয়ত জানেন। যাহারা জানেন না, তাহারা কেরুয়ারী মাসের ‘মডার্ন রিভিউ’তে শ্রীযুক্ত তারকনাথ দাসের “Indian Freedom and World Politics” শীর্ষক প্রবন্ধ পড়িলে কিছু আভাস যাইবেন। ইংলণ্ডের বাণিজ্যিক সঙ্কট অবস্থার কথা হুবহিৎ।

আমাদের পূরা দাবি অমুযায়ী অধিকার না পাইয়া কেবল অঙ্গীকার ও মিষ্ট কথায় যাহাতে আমাদের প্রতিনিধিরা বা আমরা খুশী হইয়া না যাই, সে বিষয়ে সতর্ক থাকিতে হইবে। ইংলণ্ডের পক্ষ হইতে আমাদেরকে অল্প কিছু দিয়া সন্তুষ্ট করিবার চেষ্টা হইবে।

রফা ও আসল কাজ

বর্তমান রফা সামনের একটা বড় কাজ উপলক্ষ্যে হইয়াছে। সুতরাং এই রফাটা যদি আমাদের কাহারও কাহারও সর্ব্বাংশে মনঃপূত নাও হয়, তাহাতে বিশেষ ক্ষতি নাই। দ্বিতীয় গোলটেবিল বৈঠকে কংগ্রেস যোগ দিয়া যাহাতে পূর্ণস্বরাজ্য দেশের জন্ম পাইতে পারেন, সেই চেষ্টাই এখন সকলকে করিতে হইবে। আমাদের সমালোচনা সত্ত্বেও আমরা মহাত্মাজীর সম্মতিকে মানিয়া চলিব। আগেকার বৈঠকে কংগ্রেস কোন কথা বলিবার সুযোগ পান নাই। সুতরাং তাহাতে যাহা স্থির হইয়াছে, তাহার কিছুই চূড়ান্ত বলিয়া ধরিয়া লইতে কংগ্রেস বাধ্য নহেন, এবং সম্ভবতঃ লইবেনও না।

উমা দেবী

ছাব্বিশ বৎসর বয়সে, অকালে, উমা দেবীর অকস্মাৎ মৃত্যুতে বাংলা দেশের সাহিত্যের ক্ষতি হইল। তাহার পিতা পরলোকগত অধ্যাপক মোহিতচন্দ্র সেন

দর্শন-শাস্ত্রে যেমন পণ্ডিত ছিলেন, তেমন সাহিত্যরসিকও ছিলেন। অধিকন্তু তিনি নিম্নলিখিত চরিত্র ও সৌজাত্যের জন্ম হুবহিৎ ছিলেন। কল্যাণীয়া উমা তাহার পিতার অনেক গুণ পাইয়াছিলেন।

তিনি অল্প বয়সেই কবিতা লিখিতে আরম্ভ করেন। তাহার লেখা কেবল দুটি বহি প্রকাশিত হইয়াছে; কিন্তু তাহা হইতেই তাহার প্রতিভার পরিচয় পাওয়া যায়। তাহার দ্বিতীয় পুস্তক “বাতায়ন” সম্বন্ধে রবীন্দ্রনাথ তাহাকে লিখিয়াছিলেন,—

তোমার “ছায়াছবি”গুলি আমার বিশেষ ভালো লেগেছে, তা’র কারণ ওর মধ্যে একটা বিশেষত্ব আছে। ভাবুকতার কবিতা অনেক সময়ে রঙ্গীন মেঘের মতো; তা’র মধ্যে যদি বা স্বাভাব্য দেখা দেয়, সে অনিচ্ছিত নয়; বাস্তবের খাঁটি রূপ যদিবা স্বীকা পড়ে, মনে হতে থাকে এর প্রবন্ধ নেই। কিন্তু যে জিনিষকে তুমি হৃদয় দিয়ে দেখেছ, এই ছোট ছোট কবিতায় তা’কেই সহজ করে দেখিয়েছ; এই মনে করে তৃপ্তি হয়, এগুলি প্রত্যক্ষ বিষয়। জন্মের উড়ো হাওয়ায় যে-সকল বেদনার খেরাল ভেসে বেড়ায়, তা’কে পাঠকের মনে অহুত্বাভিত করা, সে আর এক জিনিষ। সেখানে প্রায় দেখা যায় ঠিক হুরটী লাগে না অতুল্য এক পড়ে, সর্ব্বদা কাব্যে ব্যবহৃত বাক্য ও বাক্যরীতি জমাট বেঁধে ভাবের আন্তরিক লঘুতা ঢাকা দেয়, এক রকম প্রথাদম্বিত চলনই জিনিষ দাঁড়িয়ে যায়, তা’র চেয়ে বেশী কিছু নয়। কিন্তু এই “ছায়াছবি”র বিষয়গুলি তোমার বানানো পদার্থ নয় এগুলি তোমার আপন-দেখা বিষয়, তোমার দৃষ্টির উৎস্রাব ও প্রকাশের সরল নেপথ্য দিয়ে এর প্রত্যেকটিকে বিশিষ্টতা দিয়েছে। তোমার ঘরের কাছে মজুররা কাজ করে, তাদের প্রাত্যহিক জীবন-যাত্রার উপর কারো চোখ পড়ে না; তোমার দৃষ্টিতে তারা উপেক্ষিত হয়নি, তোমার রচনায় তারা সমাদর পেয়েছে,—এইটি আমার ভালো লাগল।

“ছায়াছবি” নামটি সঙ্গত হয়েছে বলে মনে হয় না। এই লেখাগুলিতে ছায়ার অশুষ্কতা নেই।

মনে এই আশা রইলো, তোমার বা তায়নের ঠিক সমুখবর্তী দৃষ্টির বাইরেও তোমার দৃষ্টি প্রসারিত হবে, এবং তোমার অভিজ্ঞতা-ক্ষেত্রের সকল দিক থেকেই প্রত্যক্ষ-দেখা ছবিগুলিকে সংগ্রহ করে এমনি সহজ ও হৃষ্ট ভাষায় তোমার কবিতার তাদের সজ্জিত করে তুলবে।

কবির এবং তাহার সঙ্গে সঙ্গে অল্প অনেকের এই আশা ফলবতী হইল না। এখন কেবল সাক্ষ্য এই,

“যে ফুল না ফুটিতে

ঝরেছে ধরণীতে,

* * *

জানি গো জানি তাও

হয় নি হারা।”

উমা দেবী কোন কোন মাসিক কাগজেও লিখিতেন। “বিচিত্রা”য় তাঁহার “কাজলী” নামক উপন্যাস বাহির হইয়াছিল। ছোট গল্প রচনাতেও তাঁহার দক্ষতা ছিল,



উমা দেবী

“প্রবাসী”তে তাঁহার “ছায়াছবি”গুলি পড়িয়া আমাদের পাঠকেরা প্রীত হইয়াছেন।

উমা দেবীর আদ্যাশ্রম বাসরে রবীন্দ্রনাথের এই আশীর্ষচন পঠিত হইয়াছিল,—

“বীণার তার হঠাৎ ছিঁড়ে গিয়ে গান যদি অকালে তুচ্ছ হ’য়ে যায়, তবে তার অন্তঃপ্রবাহ স্রোতার মনে নীরবে সমাপ্তির মুখে চলতে থাকে। উমার অসম্পূর্ণ জীবন তেমনি ক’রে অকালমৃত্যুর মধ্যে দিয়ে তার প্রিয়জনদের মনের মধ্যে একটি অন্তরতর গতি লাভ করেছে। সংসারে স্নেহ দেবার এবং স্নেহ পাবার ইচ্ছা তাঁর জীবনের সব চেয়ে একান্ত ছিল। ফুল যেমন

আলো চায় এবং গন্ধ দেয়, সে তাঁর অন্নায় জীবলীলায় তেমনি ক’রেই প্রীতি দিয়েছে এবং নিয়েছে। এই দেওয়া-নেওয়ার অবসান হ’ল, এখন একথা মনে ক’রে যেন বিলাপ না-করি। জীবিতকালেই সে অহুভব ক’রেছিল যে, তার স্পর্শশক্তি মৃত্যুর অন্তরাল অতিক্রম ক’রেছে; আজ শ্রদ্ধার সঙ্গে যেন মনে করি যে, তাঁর আত্মিক শক্তি ইহলোক পরলোকের মাঝখানে আত্মীয়তার সেতু রচনা ক’রে আছে এবং আত্মীয়-বন্ধুদের কাছ থেকে শোকস্মৃতির অর্ঘ্য গ্রহণ ক’রে এই মৃত্যুভেঁই তাঁর হৃদয় স্নিগ্ধ হ’ল। তাঁর আত্মা শান্তি লাভ করুক, তৃপ্তিলাভ করুক, মর্ত্যজীবনের সমস্ত অপূর্ণতা থেকে মুক্তিলাভ করুক, এই কামনা করি।”

হিন্দু শিক্ষায় অনগ্রসর

অনেকের ধারণা আছে, হিন্দুরা বিদেশের সভ্য-জাতিদের তুলনায় শিক্ষায় অনগ্রসর হইলেও ভারতবর্ষে অগ্ণাত ধর্ম সম্প্রদায়ের তুলনায় অগ্রসর। ১৯২৮-২৯ সালের সমগ্র ভারতবর্ষের যে শিক্ষা রিপোর্ট গত ফেব্রুয়ারী মাসে বাহির হইয়াছে, তাহা দেখিলে এই ধারণা দূর হইবে। ঐ রিপোর্টের দ্বিতীয় পৃষ্ঠা হইতে নীচের তালিকাটি উদ্ধৃত করিয়া দিতেছি।

জাতি বা ধর্মসম্প্রদায়	সমগ্র লোকসমষ্টির শতকরা কতজন শিক্ষালয়ে পড়ে।
ইউরোপীয় ও ফিরিকী	১৮.৫
ভারতীয় খ্রীষ্টিয়ান	১৩.৭
হিন্দু	৪.৭
মুসলমান	৫.২
বৌদ্ধ	৫.৪
পার্সী	২২.৭
শিখ	৭.১
অগ্ণাত	২.১

হিন্দুদের কয়েকটি “উচ্চ” জাতির মধ্যে শিক্ষালয়ে ছাত্র খুব বেশী বটে। কিন্তু সমগ্র হিন্দুসমাজের তুলনায় এই “উচ্চ” জাতির লোকদের সংখ্যা কম। অল্প হিন্দুদের মধ্যে শিক্ষার বিস্তার সামান্যই হইয়াছে। এই কারণে হিন্দুরা শিক্ষায় অনগ্রসর। সেইজন্য এই সব “নিম্ন” শ্রেণীর শিক্ষায় খুব মন দেওয়া দরকার।

লোকসংখ্যায় সমগ্র ভারতে হিন্দুর নীচেই মুসলমান। সমগ্র ভারতবর্ষ ধরিলে মুসলমানরা হিন্দুদের চেয়ে এখন শিক্ষায় বেশী মন দিতেছে। তাহাও কিন্তু বাস্তবিক বেশী নয়। অতএব, হিন্দুদের মত মুসলমানদিগকেও শিক্ষায় মন দিতে হইবে।

—

বাংলা দেশ শিক্ষায় অনগ্রসর

হিন্দুরা শিক্ষায় অগ্রসর, এটি যেমন স্ভাভিক ও অনিষ্টকর ধারণা, বাঙালীরা শিক্ষায় অগ্রসর, ইহাও তেমনি মিথ্যা ও অনিষ্টকর ধারণা। তাহাও ভারতবর্ষের ১৯২৮-২৯ সালের শিক্ষা-রিপোর্ট হইতে দেখাইতেছি। নীচের তালিকায় কোন্ প্রদেশের সমগ্র লোকসংখ্যার শতকরা কতজন শিক্ষালয়ে পড়ে, তাহা দেখান হইয়াছে।

প্রদেশ	সমগ্র অধিবাসীর শতকরা কতজন শিক্ষালয়ে পড়ে
মাদ্রাজ	৬.২
বোম্বাই	৬.২
বাংলা	৫.৩
আগ্রা-অযোধ্যা	৩.২
পঞ্জাব	৬.০
ব্রহ্মদেশ	৫.১
বিহার-উৎকল	৩.১
মধ্যপ্রদেশ ও বেরার	৩.০
আসাম	৪.০
উত্তর-পশ্চিম সীমান্ত প্রদেশ	৩.৪
কুর্গ	৬.৭
দিল্লী	৬.৭
আজমের মেরোয়ারা	৩.৬
বালুচিস্তান	২.০
বাল্গালোর	১২.৪
অন্ধ্র প্রদেশ	৮.৪

—

বাংলা দেশে শিক্ষার ব্যয়

বাংলা দেশে যে আশাতরুপ শিক্ষার বিস্তার হয় নাই, তাহার একটি কারণ এই প্রদেশে গবন্মেণ্ট অল্প অনেক প্রদেশ অপেক্ষা শিক্ষার জন্ত ব্যয় কম করেন। কোন

প্রদেশের মোট শিক্ষাব্যয়ের শতকরা কত অংশ গবন্মেণ্ট দেন, এবং শতকরা কত অংশ ছাত্রেরা বেতন রূপে দেয়, নীচের তালিকায় কয়েকটি প্রদেশের ক্ষেত্রে তাহার হিসাব দিতেছি।

প্রদেশ	গবন্মেণ্ট শতকরা কত দেন	ছাত্রেরা কত দেয়
মাদ্রাজ	৫০.৬	১৭.০
বোম্বাই	৪২.৬	১৮.৩
বাংলা	৩৫.২	৪১.১
আগ্রা-অযোধ্যা	৫৫.৭	১৫.০
পঞ্জাব	৫৬.০	২০.০
ব্রহ্মদেশ	৪২.৫	১৮.৬
বিহার-উড়িষ্যা	৩৫.৫	২১.৪
মধ্যপ্রদেশ ও বেরার	৫৮.২	১২.৫
আসাম	৫৮.৮	১৬.৩
উ.-প. সীমান্ত প্রদেশ	৬৬.২	৮.৮

এই তালিকা হইতে পাঠকেরা দেখিতে পাইবেন, গবন্মেণ্ট বাংলা দেশে শিক্ষাব্যয়ের সকলের চেয়ে কম অংশ বহন করেন, এবং বাঙালী ছাত্রেরা অল্প সব প্রদেশের চেয়ে শিক্ষাব্যয়ের বেশী অংশ বহন করে।

—

ভারতবর্ষের লোকসংখ্যা বৃদ্ধি ও দারিদ্র্য

ভারতবর্ষের বর্তমান দারিদ্র্যের জন্ত ইংরেজ রাজত্ব অংশতঃ দায়ী কিনা এবং দায়ী হইলে কি পরিমাণে দায়ী, এই অল্পসন্ধান চাপা দিবার জন্ত ইংরেজরা প্রায়ই বলিয়া থাকে, ভারতবর্ষে লোকসংখ্যা অত্যন্ত দ্রুত ও অত্যন্ত বেশী বাড়িয়াছে। কিন্তু অগ্রাঙ্গ দেশে ভারতবর্ষের চেয়ে শতকরা অনেক বেশী লোক বাড়িয়াছে এবং ভারতবর্ষ অপেক্ষা ঐ সব দেশ প্রাকৃতিক ঐশ্বর্যে অধিকতর সমৃদ্ধ নহে। অথচ তাহার ভারতবর্ষের মত দরিদ্র নহে। কয়েকটি দেশে ১৮৭০ হইতে ১৯১০ পর্যন্ত ৪০ বৎসরে শতকরা কত লোক বাড়িয়াছে, তাহা নীচের তালিকায় দেখান হইল।

দেশ	১৮৭০ হইতে ১৯১০ পর্যন্ত শতকরা লোকবৃদ্ধি
ভারতবর্ষ	১৮.৯
ইংলণ্ড	৫৮.০
জার্মানী	৫২.০
রাশিয়া	৭৩.৯
সমগ্র ইউরোপের গড়	৪৫.৪

এই তালিকা শ্রীযুক্ত ব্রজনারায়ণের “Population Problem of India” হইতে গৃহীত।

অধ্যাপক সত্যেন্দ্রনাথ বসু

কুমিল্লা ডিস্টোরিয়া কলেজের অধ্যাপক-অধ্যাপক সত্যেন্দ্রনাথ বসু মহাশয়ের মৃত্যুতে বঙ্গদেশ এক জন রুতী শিক্ষাদাতা হারাইল। তিনি অল্প বয়সে পিতৃহীন



অধ্যাপক সত্যেন্দ্রনাথ বসু

হইয়া নিজের চেষ্টায় কলিকাতা বিশ্ববিদ্যালয়ের তাৎকালিক উচ্চতম শিক্ষা লাভ করেন, এবং শিক্ষাদান-কাৰ্য্যে ব্রতী হন। কুমিল্লার কলেজের ক্রমোন্নতি তাঁহার জীবনোতিহাসের সহিত জড়িত এবং এই উন্নতি অনেক অংশে তাঁহার চেষ্টা ও শিক্ষানৈপুণ্যের ফল। আমরা একবার যাত্রা কুমিল্লা গিয়াছিলাম। তখন তাঁহার সহিত সাক্ষাৎ হইয়াছিল। তাঁহার সহধর্মিণীর ও তাঁহার সৌজন্য চিরকাল মনে থাকিবে। আমেরিকা-প্রবাসী অধ্যাপক সত্যেন্দ্রনাথ বসু পরলোকগত সত্যেন্দ্রনাথ বসু মহাশয়ের অল্প সহোদর।

ডক্টর বনওয়ারীলাল চৌধুরী

পরলোকগত ডক্টর বনওয়ারীলাল চৌধুরী অভিনবরায় বিশ্ববিদ্যালয়ের ডি. এস-সী ছিলেন। তিনি প্রাণিবিজ্ঞ-বিষয়ক গবেষণা দ্বারা এই উপাধি প্রাপ্ত হন। তিনি

কলিকাতা হাইণ্ডিয়ান মিউজিয়ামের প্রাণিবিদ্যা-বিভাগের সুপারিন্টেন্ডেন্ট ছিলেন। কয়েক বৎসর পূর্বে পেন্সান লইয়া নানা প্রকার দেশহিতকর কাৰ্য্যে কালক্ষেপণ করিতেছিলেন। তাঁহার বিদ্যাবত্তা ও ধনশালিতা দুই-ই ছিল। এইজন্য তাঁহার বিনয়নয়নতা সমধিক স্ফোজন প্রতীত হইত। তাঁহার পত্নী শ্রীমতী প্রমদা চৌধুরাণী ও তিনি কলিকাতায় সঙ্গীত বিদ্যালয় দ্বারা বাঙালী সমাজে সঙ্গীত শিক্ষার বিশেষ সহায়তা করিয়া আসিতেছিলেন। তিনি তত্ত্বাবোধিনী পত্রিকার অল্পতর সম্পাদক ছিলেন এবং তাহাতে মধ্যে মধ্যে জ্ঞানগর্ভ প্রবন্ধ লিখিতেন।

বঙ্গের বাজেট

১৯৩১-৩২ সালে সমগ্র ব্রিটিশ-শাসিত ভারতবর্ষের এবং তাহার ভিন্ন ভিন্ন প্রদেশের সরকারী আয়ব্যয় কিরূপ হইবে, তাহার এক একটা আনুমানিক হিসাব রাজস্ব মন্ত্রীরা ভারতবর্ষীয় ও প্রাদেশিক ব্যবস্থাপক সভাসমূহে দেখাইতেছেন। সর্বত্রই এক কথা—আয়ে ঘাটতি পড়িবে। ভারতীয় এবং প্রাদেশিক বাজেটগুলিতে, আয় কেন কম হইবে তাহার একটি প্রধান কারণ বলা হইতেছে সত্যগ্রহ বা অহিংস আইনলঙ্ঘন প্রচেষ্টা। তাহা বলিয়া রাজপুরুষেরা যে দোষটা গবন্মেণ্টের ঘাড়েই চাপাইতেছেন, তাহা তাঁহারা বুঝিতেছেন কি? এখন গবন্মেণ্ট ভারতীয়দিগকে যতটুকু রাষ্ট্রীয় অধিকার দিতে চাহিতেছেন, তাহাতে এখন তাহারা সন্তুষ্ট হইতেছেন না; কিন্তু কয়েক বৎসর পূর্বে যখন স্বরাজের দাবি করা হইয়াছিল, তখন এতটুকু দিলেও সত্যগ্রহ আরম্ভ হইত না। তখন ভারতবর্ষের লোকদিগকে শক্তিশীন ও হেয় জ্ঞান করায় এবং তাহাদের দাবি সেইজন্য উপেক্ষণীয় বিবেচিত হওয়ায় উহা অগ্রাহ্য হয়। সত্যগ্রহ-প্রচেষ্টার উৎপত্তির ইহাই কারণ। অতএব সত্যগ্রহের জন্ত যদি রাজস্বের হ্রাস হইয়া থাকে, তাহার জন্য গবন্মেণ্টই দায়ী।

বাংলা দেশের বাজেটে, ভারতের ও অন্যান্য প্রদেশের বাজেটের মত, ঘাটতি পড়িবে। আয় কমিলে গবন্মেণ্ট-সমূহ তিন উপায় অবলম্বন করিতে পারেন; বায়-সংক্ষেপ, নূতন ট্যাক্স দ্বারা আয়বৃদ্ধি, এবং ঋণগ্রহণ।

বায়সংক্ষেপ করিতে হইল মোটা বেতনের কর্মচারীদের বেতন কমাইতে হয়; কিন্তু তাহা কোথাও করা হইতেছে না। পঞ্জাবের ব্যবস্থাপক সভায় একজন সভ্য এই প্রস্তাব করিয়াছিলেন, যে, উচ্চপদস্থ কর্মচারীরা শ্বেচ্ছায় কম বেতন লউন। ঐ প্রস্তাব অগ্রাহ হইয়া যায়।

খবরের কাগজে দেখা যায় নিউজীল্যান্ডের ব্রিটিশ গবর্নর-জেনার্যাল লর্ড ব্রেডিনো তাঁহার প্রধান মন্ত্রী মিঃ ফর্সুকে স্বতঃপ্রবৃত্ত হইয়া লেখেন, যে, তিনি তথাকার পালেমেণ্টের সভ্য ও সিবিলিয়ানদের মত নিজের বেতনের শতকরা দশ ভাগ কমাইয়া লইতে রাজী আছেন। নিউজীল্যান্ডের সরকারী রাজস্বের অবস্থা ভাল নহে বলিয়া প্রধান মন্ত্রী গবর্নর-জেনার্যালের প্রস্তাব কৃতজ্ঞতার সহিত গ্রহণ করিয়াছেন।

ভারতবর্ষের বিদেশী কর্মচারীরা খুব উচ্চ হারে বেতন পাইয়া থাকেন; কিন্তু তাহারা কেহ এরূপ কর্তব্য বৃদ্ধির পরিচয় দেন নাই। বরং বঙ্গের বাজেট হইতে বিপরীত রকমের দৃষ্টান্ত দেওয়া যায়। যথা—

বঙ্গের ১৯২৯-৩০ সালের বাজেটে লাট সাহেবের কর্মচারীদের এবং গাহঁস্থা ভৃত্যাদির বেতন প্রভৃতি বাবদে ৫,৭৮,০০০ টাকা খরচ হইয়াছিল। ১৯২৯-৩০ অপেক্ষা ১৯৩১-৩২ দুর্বৎসর হইবার সম্ভাবনা আছে। অথচ এই বৎসরের জ্ঞাত বাজেটে উক্ত বাবদে ৬,১২,০০০ টাকা বরাদ্দ ধরা হইয়াছে অর্থাৎ এই বাবদে ১৯২৯-৩০ সাল অপেক্ষা ১৯৩১-৩২ সালে ৩৪,০০০ টাকা বেশী খরচ হইবে। ১৯২৯-৩০ সালে লাট সাহেবের ভ্রমণব্যয় ১,০০,৩৮২ হইয়াছিল। কিন্তু ১৯৩১-৩২ সালে এই বাবদে বরাদ্দ ধরা হইয়াছে ১,৩৬,০০০ টাকা। অর্থাৎ এই দুর্বৎসরেও লাট সাহেবের সফরে ১৯২৯-৩০ অপেক্ষা ৩৫,৬১৮ টাকা বেশী খরচ হইবে। লাট সাহেবের বাদ্যকর, দেহরক্ষী প্রভৃতি বাবদে অনেক ব্যয় হয়। এই সকল ব্যয়ের কোন হ্রাস হইবে না। কিন্তু এদিকে অর্থাভাবের অজুহাতে বেসরকারী কলেজ-সমূহের সরকারী অর্থ সাহায্য অপ্রদত্ত আছে এবং কলিকাতা বিশ্ববিদ্যালয়কেও তাহার প্রার্থিত টাকা দেওয়া হয় নাই।

সমগ্র বঙ্গের ছাত্র-সম্মেলন

সমগ্র বঙ্গের ছাত্র-সম্মেলনের কার্য আরম্ভ করিবার জন্য সংস্কৃতির (culture-এর) ক্ষেত্রে অন্ধ্রদেশের বিখ্যাত নেতা শ্রীযুক্ত সি. আর. রেড্ডীর কলিকাতায় শুভাগমন হইয়াছিল। তিনি তাঁহার বিদ্যাবত্তা এবং শিক্ষা বিষয়ে অভিজ্ঞতার জন্য অন্ধ্রদেশের বিশ্ববিদ্যালয়ের ভাইস-চ্যান্সেলার নির্বাচিত হইয়া ঐ কাজ অনেক দিন করিয়া ছিলেন। সত্যাগ্রহ বন্ধ করিবার জন্য গবর্নেন্ট যে



শ্রীযুক্ত কমলাদেবী চট্টোপাধ্যায়

নিগ্রহনীতি প্রবর্তিত করেন এবং যাহা অনুসরণ করিয়া সমস্ত ভারতবর্ষে পুলিশের গুলি ও লাঠি চালান অতি-মাত্রায় বাড়িয়া গিয়াছিল, তিনি তাহার প্রতিবাদ-স্বরূপ ভাইস-চ্যান্সেলারের উচ্চ পদ পরিত্যাগ করেন। আমরা কাগজে পড়িয়া প্রীত হইলাম, যে, তিনি কলিকাতায় যথোচিত সমাদর লাভ করিয়াছিলেন।

ছাত্র-সম্মেলনের সভাপতির কাজ করিবার জন্য শ্রীযুক্ত কমলাদেবী চট্টোপাধ্যায় আহৃত হইয়া উপস্থিত হইয়াছিলেন। তিনি ভারতবর্ষে শিক্ষিত সমাজে

সুপরিচিত। সত্যাগ্রহ উপলক্ষ্যে তিনি বোম্বাই শহরে বিশেষ দক্ষতা ও পরিশ্রমের সহিত কাজ করিয়াছিলেন। তাহার পুরস্কারও পাইয়াছিলেন। গবর্নেন্ট তাঁহাকে গ্রেপ্তার করিয়া সেইদিনই বিচার করাইয়া তাঁহাকে নয় মাসের জন্য জেলে পাঠাইয়াছিলেন। ছাত্র-সম্মেলনের সভানেত্রী মনোনীত হইবার কয়েক দিন পূর্বে তাঁহার কারামুক্তি হয়। যেদিন তাঁহার জেল হয়, সেই দিন সাংবাদিকদিগের কনফারেন্স উপলক্ষ্যে আমরা বোম্বাইয়ে ছিলাম। তাঁহার গ্রেপ্তার ও কারাদণ্ডে বোম্বাইয়ে উত্তেজনা লক্ষিত হইয়াছিল। ইণ্ডিয়ান সোশ্যাল রিফর্মারের সম্পাদক নটরাজন্ মহাশয়ের কন্যা কমলা দেবীর বন্ধু। তাঁহার বিচার দেখিয়া আসিয়া নটরাজন্-ছহিতা অশ্রুসজলচক্ষে যখন পিতাকে তাঁহার শাস্তির সংবাদ দিলেন, তখন সেই মুহূর্তের বিষাদগাভায়া ও গৌরব আমরা অহুভব করিলাম। তাহার পর আজাদ্ ময়দানে সর্বসাধারণের সভায় নটরাজন্ মহাশয় কমলাদেবীর কারাদণ্ডের উল্লেখ করিয়া গবর্নেন্টের দমননীতির তীব্র সমালোচনা করেন।

কমলা দেবী মাদ্রাজ প্রেসিডেন্সীর কন্যা। দাক্ষিণাত্যের হায়দরাবাদের কবি হারীন্দ্রনাথ চট্টোপাধ্যায়ের সহিত তাঁহার বিবাহ হওয়ায় তিনি চট্টোপাধ্যায় পদবী পাইয়াছেন। তিনি অধুনা রাজনীতিক্ষেত্রে প্রসিদ্ধি লাভ করিয়াছেন বটে, কিন্তু ইহা তাঁহার প্যাতির একমাত্র কারণ নহে। নানা প্রদেশে নারীজাগৃতির কারণ ও ফল যে প্রাদেশিক ও সমগ্র ভারতীয় নানা নারীশিক্ষা কনফারেন্স প্রচেষ্টা, কমলাদেবী তাহার অন্ততম অতি কশিষ্টা নেত্রী। তাঁহার যেরূপ বাগ্মিতা আছে, কণ্ঠ ব্যবস্থা করিবার ক্ষমতাও সেইরূপ আছে। তিনি বিদুবা এবং তাঁহার স্বামীর ত্রায় অভিনয়ে তাঁহার দক্ষতা আছে।

আমরা আশা করি, বঙ্গের ছাত্রছাত্রীরা ত্রীযুক্ত সি. আর. রেড্ডি এবং ত্রীযুক্তা কমলাদেবী চট্টোপাধ্যায়ের বক্তৃতা দ্বারা ও সংস্পর্শে আসিয়া উপকৃত হইয়াছেন। ভারতবর্ষের সকল প্রদেশের লোকদের সকল প্রদেশের অগ্রগীর্দগকে সম্মান করিতে পারা হুশিক্ষার লক্ষণ।

মুসলমান বাঙালীদের শিক্ষা

যদিও অমুসলমান বাঙালীরা দুর্ভিক্ষ জলপ্রাবন মহামারী বড় ভূমিকম্প প্রভৃতিতে বিপন্ন মুসলমান বাঙালীদিগকে তাহাদের স্বধর্মীদের চেয়ে অধিক সাহায্য করিয়া আসিতেছে, এবং যদিও অমুসলমান বাঙালীদের স্থাপিত শিক্ষালয়-সমূহে মুসলমান বাঙালীরাও শিক্ষা পাইয়া আসিতেছে, তথাপি মুসলমান বাঙালীদের অনেক নেতা অমুসলমান বাঙালীদিগকে তাহাদের অহিতকামী মনে করেন—অন্ততঃ হিতকামী মনে করেন না। আমরা যে মুসলমান বাঙালীদের হিতৈষী সেরূপ দাবি করিতেছি না। তাহার বিচার অগ্রহণ করিবেন। কিন্তু নিজেদেরই হিতের এবং বাংলা দেশের কল্যাণ-সাধন ও শক্তিবৃদ্ধির জন্ত মুসলমান বাঙালীদের মধ্যে শিক্ষার উন্নতি ও বিস্তৃতি চাই, এই দাবি করিতেছি। আমাদের এই স্বার্থপরতা সত্য বলিয়া আমাদের প্রতি অসঙ্কট মুসলমান বাঙালীরাও ইয়ত স্বীকার করিতে পারেন।

লেফ্টেন্যান্ট-কর্ণেল হাসান হুজাওয়ালী এখন কলিকাতা বিশ্ববিদ্যালয়ের ভাইস-চ্যান্সেলর। তিনি উহার গত কনভোকেশ্যান্ অর্থাৎ উপাধিদান সভায় মুসলমান বাঙালীদের শিক্ষায় অনগ্রসরতার উল্লেখ করিয়া দুঃখ প্রকাশ করেন। এ বিষয়ে তাঁহার সহিত আমাদের মহাভুক্তি আছে। আমাদের মনে হয়, মুসলমান বাঙালীদের শিক্ষায় অনগ্রসরতার জন্ত তাঁহারা নিজে—বিশেষতঃ তাঁহাদের সমাজের নেতা ও ধনী লোকেরা—প্রধানতঃ দায়ী। বাংলা দেশের সব শিক্ষালয়ের খবর আমরা রাখি না; কিন্তু মোটামুটি বলিতে পারি, কলেজগুলির মধ্যে কলিকাতার সংস্কৃত কলেজ এবং বিদ্যাসাগর কলেজ এবং স্কুলগুলির মধ্যে কলিকাতার হিন্দু স্কুল এবং সম্ভবতঃ মকঃম্মলের দুই একটি স্কুল ছাড়া আর সমস্ত সরকারী ও বেসরকারী স্কুল কলেজে অমুসলমানদের পড়িবার যেরূপ অধিকার আছে, মুসলমানদেরও সেইরূপ আছে। তন্নিম্ন হিন্দুদের জন্ত যেমন সরকারী একটি কলেজ ও একটি স্কুল আছে, তেমনি মুসলমানদের জন্তও একটি একটি সরকারী

কলেজ ও সরকারী স্কুল আছে। টাকার বরাদ্দ সবগুলির জন্ত সমান না হইতে পারে; কিন্তু আমরা এখন কেবল পড়িবার স্বযোগটার জন্ত শিক্ষালয়ের কথাই বলিতেছি। মুসলমানদের মধ্যে অনেক গরীব লোক আছে। কিন্তু ধনীলোক একান্ত বিরল নহে। হিন্দু ধনী ও মধ্যবিত্ত শ্রেণীর লোকেরা অনেক স্কুল কলেজ ও বৃত্তি স্থাপন এবং বিশ্ববিদ্যালয়ে এক একজন বহু লক্ষ ও বহু সহস্র টাকা দান করিয়াছেন, এবং প্রায় সকল স্থলেই সকল ধর্মসম্প্রদায়ের ছাত্র এই সকল দান হইতে লাভবান হইবার অধিকারী। ধনী ও মধ্যবিত্ত মুসলমান বাঙালীরা গরীবদের বিদ্যাশিক্ষার ও বিদ্যার সাহায্যের জন্য এ প্রকার দান আদি বাহ্য করিয়াছেন, তাহা অতি সামান্য।

মোটের উপর ইহা সত্য, যে, বঙ্গের মুসলমানেরা সকলের জন্ত অপ্রতিষ্ঠিত শিক্ষালয়-সকলের সুবিধাগ্রহণে তৎপরতা দেখান নাই, কেবল তাঁহাদের নিজেদের জন্ত স্থাপিত শিক্ষালয়গুলির সুবিধাও পূর্ণমাত্রায় গ্রহণ করেন নাই। ধনী মুসলমানরা বিদ্যোৎসাহিতা সামান্যই দেখাইয়াছেন।

নিজেদের বিদ্যাবৃত্তা ও যোগ্যতা অপেক্ষা সরকারের অনুগ্রহে এবং সাম্প্রদায়িক লোকসংখ্যার জোরে চাকরি পাইবার আগ্রহও মুসলমান বাঙালীদিগকে বিদ্যালোভে যথেষ্ট উৎসাহ দেখাইতে নিবৃত্ত রাখিয়াছে।

শিক্ষাক্ষেত্রে মুসলমান বাঙালীদের অনগ্রসরতার আর একটি কারণ, তাঁহাদের মক্তব মাদ্রাসার উপর ঝোঁক। তাঁহারা নিজেদের ধর্মশাস্ত্র ও অন্ত ইসলামীয় সাহিত্য অধ্যয়ন করিবার জন্ত আরবী ফারসী শিখুন, ইহা আমরা চাই। কিন্তু আধুনিক লৌকিক শিক্ষারও প্রয়োজন আছে। সেদিকে মুসলমান সম্প্রদায়ের লোকদের যথেষ্ট দৃষ্টি নাই। মক্তব মাদ্রাসার প্রতি ঝোঁক ক্রিষ্ণ হইতেছে, তাহা আমরা বলিলে মুসলমান বাঙালীরা বিশ্বাস না করিবার সম্ভাবনাই বেশী। সেই জন্ত আমরা এ-বিষয়ে এখন একজন মুসলমান নেতার কয়েকটি বাক্য উদ্ধৃত করিব, বাহার নিজ সম্প্রদায়ের উন্নয়ন অস্বীকার করিবার জো নাই। তিনি এলাহাবাদ

বিশ্ববিদ্যালয়ের ইতিহাসাধ্যাপক, ১৯৩০ খ্রীষ্টাব্দের এপ্রিল মাসে চট্টগ্রামে সমবেত বেঙ্গল মুসলিম এডুকেশনাল কন্ফারেন্সের নির্বাচিত সভাপতি, গোলটেবিল বৈঠকের সভ্য ডক্টর শফা'ত আহমদ খান, এম্. এল্. সি। তিনি পঞ্জাব, আগ্রা অথোধ্যা এবং আজমের মুসলিম এডুকেশনাল কন্ফারেন্সেরও সভাপতিত্ব করিয়াছেন। তাঁহার চট্টগ্রামের অভিভাষণে তিনি বলিতেছেন :—

A priori, I am in favour of the abolition of special institutions. I believe that they are a handicap to Muslims in their struggle for existence. Again, they are undoubtedly inefficient as compared with the ordinary board schools. They provide few opportunities for a thorough mastery of the elements of secular instruction. Again, it must be admitted that they do not fit in with the educational system, and are virtually a *cul-de-sac* for the majority of students. True, some of them can join the Islamia Intermediate Colleges, and, later on, the Dacca University, but if they take the ordinary subjects of the school curriculum they find themselves handicapped, and are outstripped by students who come from other institutions. Moreover, it must be admitted that they do not provide opportunities for free and unrestrained intercourse of Hindu and Muslim students. These are defects which are very serious indeed, and we should consider with great care whether some modification of the existing system is not possible.

I am aware of the fact that the system has taken root in Bengal; I admit that it has preserved our community from the blighting effects of illiteracy. We know that if special institutions of this nature had not existed, the position of Muslims in primary education would have been precisely the same as that occupied by them in secondary and University education. It is because they had special schools of their own that the entire Muslim community did not relapse into illiteracy. Again, it must be acknowledged that the reformed Madrasah scheme, which is in operation in the majority of these institutions, is an immense improvement on the old system, or rather, lack of system.

উপর উদ্ধৃত বাক্যগুলি হইতে পাঠক দেখিবেন, ডক্টর শফা'ত আহমদ খান মক্তব ও মাদ্রাসাগুলির দ্বারা মুসলমান বাঙালীদের যে উপকারটুকু হইয়াছে, তাহা স্বীকার করিয়াছেন, অথচ বলিয়াছেন, “আমি বিশেষ (সাম্প্রদায়িক) শিক্ষালয় উঠাইয়া দিবার পক্ষে” (“I am in favour of the abolition of special institutions”)।

অন্তঃপর তিনি বলিতেছেন,—

While I am conscious of the value of the work which the Makhtabs and Madrasahs are doing, and have done in Bengal, I am compelled to ask if any modification in the existing system is not

possible. I am convinced that it is not only possible but necessary. We must consider these institutions from the point of efficiency, and efficiency alone. Efficiency must be tested with reference to our capacity to hold our own in the public life of Bengal. Are we able to compete with other communities on a footing of equality? Will the education we are receiving in these Madrasahs enable us to establish our influence in the commercial, political and social life of Bengal?

এই ছুটি প্রশ্নের উত্তর যে “না,” তাহা স্ববিদিত।

প্রশ্নগুলির পরে ডক্টর খান বাহা বলিয়াছেন, তাহা হইতে বুঝা যায়, যে, তাহারও উত্তর “না।”

আর একটি কথা মুসলমান বাঙালীরা ভাবিয়া দেখিতে পারেন। হিন্দু বাঙালীরা ইংরেজীর সাহায্যে লৌকিক শিক্ষা যথাসাধ্য ও যথাসম্ভব গ্রহণ করেন। কিন্তু তাহা সন্তোষ (অথবা হয়ত তাহা করেন বলিয়াই), তাহাদের মধ্যে প্রাচীন হিন্দু সাহিত্যজ্ঞ এমন অন্ততঃ কয়েক জন ছিলেন ও আছেন যাহাদের পাণ্ডিত্যের খ্যাতি ভারতবর্ষের অগাধ প্রদেশে এবং ভারতবর্ষের বাহিরেও পৌঁছিয়াছে। মুসলমান বাঙালীরা হিন্দু বাঙালীদের চেয়ে ইংরেজী এবং ইংরেজীর সাহায্যে আধুনিক লৌকিক বিদ্যা কম শিখেন বলিয়া তাহাদের মধ্যে প্রাচীন ইসলামীয় সাহিত্য ও বিদ্যায় পারদর্শী এমন লোক কি বেশী ছিলেন বা আছেন যাহাদের আরবী ও ফারসীর জ্ঞান বর্ষের বাহিরে ও ভারতবর্ষের বাহিরে আদৃত?

ইসলামীয় বিদ্যার চর্চা

ডাক্তার মুহাম্মাদী তাহার কনভোকেশন অভিভাষণে কলিকাতা বিশ্ববিদ্যালয়ে ইসলামীয় বিদ্যাকে উৎসাহ দিবার নিমিত্ত এবং তজ্জন্য যে ব্যবস্থা আছে তাহার নূতন শৃঙ্খলাবিধান করিবার জন্ত নির্দ্বন্দ্ব প্রকাশ করেন। তাহা করা আবশ্যক হইলে নিশ্চয়ই করা উচিত। কিন্তু নূতনতর ব্যবস্থার অভাবেই মুসলমান বাঙালীরা ইসলামীয় বিদ্যার উচ্চতর ও উচ্চতম স্তরে পৌঁছিতেছে না, ইহা আগে সপ্রমাণ হওয়া দরকার। বর্তমান ব্যবস্থাতেও কিছু মুসলমান ছাত্র ত থাকা উচিত। কয়জন আছে, জানি না। তবে অল্প একটি খবরের বিষয় ডক্টর মুহাম্মাদী চিন্তা করিয়া দেখিতে পারেন। তাহা এই—

হায়দরাবাদের মুসলমান নৃপতি বিশ্বভারতীতে ইসলামীয় বিদ্যার অনুশীলনের জন্য কয়েক বৎসর হইল এক লক্ষ টাকা দান করিয়াছেন। এই মূলধনের আয় হইতে ইসলামীয় বিদ্যায় সুপণ্ডিত একজন হাঙ্গেরীর অধ্যাপক ডক্টর জুলিয়াস গামেহুসকে নিযুক্ত করা হইয়াছে। তিনি ইংরেজীতে বক্তৃতা আদি করেন। আরবীতেও করিতে পারেন, কিন্তু তাহার মাত্র একজন মুসলমান শ্রোতা ও ছাত্র জুটিয়াছে এবং সেই ছাত্রটিও আসিয়াছে দিল্লীর জাতীয় বিশ্ববিদ্যালয় হইতে, কলিকাতা বা ঢাকা বিশ্ববিদ্যালয় হইতে নহে। ইংরেজী প্রবাসবাক্যে বলে, ঘোড়াকে জলের কাছে, কিম্বা জল ঘোড়ার কাছে, আনা যায়, কিন্তু ঘোড়ার প্রবৃত্তি না থাকিলে তাহাকে জলপান করান যায় না।

বিশ্বভারতীর লাইব্রেরীতে মিসর দেশের রাজা ফুয়াদ কর্তৃক প্রদত্ত হ্রনির্বাচিত আরবী গ্রন্থসংগ্রহ আছে।

ডাক্তার মুহাম্মাদী ও অন্যান্য মুসলমান নেতৃবর্গ মুসলমান বাঙালীদের মধ্যে শিক্ষার উন্নতি ও বিস্তৃতির জন্ত এবং উচ্চতর ইসলামীয় বিদ্যার চর্চার জন্ত বাধ্য বন্দোবস্ত যাহা করিতে চান, তাহা অবশ্যই করিবেন; কিন্তু তাহাদের স্বধর্মীদের মনের মধ্যে বিদ্যামুগ্ধতা ও বিদ্যোৎসাহিতা বাড়াইবার চেষ্টাও তাহার সঙ্গে সঙ্গে অথবা তাহার আগেই করা দরকার।

রবীন্দ্রনাথের সপ্ততিতম জন্মদিনের উৎসব

আগামী ২৫শে বৈশাখ রবীন্দ্রনাথ ঠাকুর মহাশয়ের সত্তর বৎসর বয়স পূর্ণ হইবে। সেই উপলক্ষ্যে উৎসব করিবার আয়োজন হইতেছে। এই জয়ন্তী উৎসব সম্বন্ধে আমরা নিম্নলিখিত চিঠিখানি পাইয়াছি,—

বধ্যাযোগ্য সম্ভাবনপূর্বক নিবেদন—

আগামী ১৩০৮ সনের ২৫শে বৈশাখ পূজাপদ শ্রীযুক্ত রবীন্দ্রনাথ ঠাকুরের সত্তর বৎসর বয়স পূর্ণ হইবে। তদুপলক্ষ্যে আমরা শান্তি-নিকেতনে হৃদয়ভাবে একটি জয়ন্তী উৎসব অনুষ্ঠান করিবার সঙ্কল্প করিয়াছি। ইহাতে কবি এবং তাহার অনুষ্ঠানের সহিত ঐতিহাসিক সঙ্কল্পবর্গের গুণেচ্ছা ও সহযোগ লাভ করিব, ইহাই আমাদের একান্ত বাসনা।

এই সময় বিশেষভাবে আমাদের প্রাক্তন ছাত্র, অধ্যাপক, কর্মী,

অথবা ষাঁহারা যে কোনে ভাবে মনে মনে আশ্রমের সঙ্গে যোগযুক্ত, তাঁহারা তাঁহাদের বর্তমান ঠিকানা জানাইলে আমরা অত্যন্ত আনন্দিত হইব।

প্রাক্তন আশ্রমবাসীদের ঠিকানা, এবং জন্মোৎসব সম্পর্কে চিঠিপত্রাদি শান্তিনিকেতনে শ্রীযুক্ত ক্ষিত্তিমোহন সেন মহাশয়ের নিকট পাঠাইলে তাহা সাদরে গৃহীত হইবে।

ইতি—১৩ই ফাল্গুন, ১৩৩৭ সন।

নিবেদক

শ্রীবিধুশেখর ভট্টাচার্য্য
শ্রীক্ষিত্তিমোহন সেন
শ্রীনলিনচন্দ্র গঙ্গোপাধ্যায়
শ্রীনেপালচন্দ্র রায়

শ্রীনন্দলাল বসু
শ্রীপ্রমোদগুপ্তন ঘোষ
শ্রীগৌরগোপাল ঘোষ
শ্রীহেমবালা সেন

শ্রীআশা অধিকারী

ষাঁহাদের উদ্দেশে এই চিঠি লিখিত হইয়াছে, আশা করি: তাঁহারা অহুগ্রহপূরক পণ্ডিত ক্ষিত্তিমোহন সেন মহাশয়ের নিকট নিজ নিজ ঠিকানা পাঠাইয়া দিবেন। অত্র কিছু জানাইবার ও জানিবার প্রয়োজন থাকিলেও তাঁহাকেই চিঠি লিখিলেই চলিবে।

পরে জানা গেল, কবির জন্মদিনের অহুষ্ঠান শান্তিনিকেতনে অবশ্য ২৫শে বৈশাখই হইবে। সত্তর বৎসর বয়স পূর্ণ হওয়ার জয়ন্তী উৎসব ১০ই শ্রাবণ রবিবার ২৬শে জুলাই হইবে।

২৫শে বৈশাখ অনেক শিক্ষা-প্রতিষ্ঠান গ্রীষ্মাবকাশ উপলক্ষে বন্ধ থাকিবে। তখন শান্তিনিকেতনে গ্রীষ্মাতিশয্য এবং জলের দুষ্সাপ্যতাও ঘটবার সম্ভাবনা। এই অত্র জয়ন্তী উৎসবের কমিটি ১০ই শ্রাবণ (২৬শে জুলাই) হইবে স্থির করিয়াছেন।

এই উপলক্ষে দুখানি পুস্তক প্রকাশিত হইবে। একখানিতে বাংলা ও অত্রাণ্ড কোন কোন ভারতীয় ভাষায় লিখিত প্রবন্ধ মুদ্রিত হইবে। তৎসম্বন্ধে কমিটি, যে-সকল লেখকের নাম ও ঠিকানা জানেন, তাঁহাদিগকে নিম্নমুদ্রিত চিঠিখানি পাঠাইয়াছেন,—

রবীন্দ্র-পর্যচয়-সভা
শান্তিনিকেতন

সবির নিবেদন—

পূজাপাণ্ড শ্রীযুক্ত রবীন্দ্রনাথের সপ্ততিম জন্মোৎসব সমাগতপ্রায়। আশ্রমবাসীদের ইচ্ছা, তাঁহার এই জয়ন্তী-উৎসবটি আশ্রমে ভালরূপে সম্পন্ন হয়। আমরা জানি, আপনি কবির একজন বিশিষ্ট অনুরাগী। আমাদের দেশে ও বিশ্বজগতে কবির দান সম্বন্ধে আপনি যে-কোনো দিক্ হইতে যদি কোনো লেখা এই উপলক্ষে আমাদের দিকে যেন, তবে আমরা অতিশয় অহুগৃহীত হইব। ভিন্ন ভিন্ন চিত্তে এই মহাকবি

ভাব কিরূপে ভিন্ন ভিন্ন ভাবে প্রতিবিম্বিত হইয়াছে, এই উপলক্ষে তাঁহার একটা সংগ্রহ করিতে আমরা ইচ্ছা করিয়াছি। রচনা মাতৃভাষায় অথবা ইংরাজিতে—যাহাতে আপনার সুবিধা হয়, আপনি লিখিতে পারেন। আগামী ৩১শে মার্চের মধ্যে লেখাটি “শ্রীযুক্ত আশা অধিকারী, শান্তিনিকেতন” এই ঠিকানায় পৌঁছানো প্রয়োজন। ইতি—শ্রীপঞ্চমী, ১৩৩৭ সন।

ভবদায়

শ্রীবিধুশেখর ভট্টাচার্য্য
শ্রীক্ষিত্তিমোহন সেন
শ্রীনলিনচন্দ্র গঙ্গোপাধ্যায়
শ্রীনেপালচন্দ্র রায়

শ্রীনন্দলাল বসু
শ্রীপ্রমোদগুপ্তন ঘোষ
শ্রীগৌরগোপাল ঘোষ

অত্র একখানি বহিতে ইংরেজী ও অত্র কোন কোন পাশ্চাত্য ভাষায় লিখিত প্রবন্ধাদি এবং বহুবর্ণে মুদ্রিত কয়েকখানি ছবি থাকিবে। সুবিধাত ফরাসী লেখক রম্যা রল। তাঁহার এতদ্বিষয়ক চিঠিতে “গোল্ডেন বুক অব্ ট্যাগোর” (Golden Book of Tagore) নাম দিয়া প্রস্তাবিত এই বহিটির উল্লেখ করিয়াছেন। অনুরোধ পত্রটি ফরাসী ভাষায় তাঁহারই লেখা; ইংরেজীটি তাঁহার অনূবাদ। তাঁহার রচিত একটি কাব্যাংশ ইতিমধ্যেই পাওয়া গিয়াছে। বহিটি সম্বন্ধে অনেক লেখকের ও চিত্রশিল্পীর নিকট নিম্নমুদ্রিত অনুরোধ-পত্র প্রেরিত হইয়াছে। অনুরোধ-পত্রের পরিবর্তে কাহাকেও কাহাকেও মোখিক বা স্বতন্ত্র পত্র দ্বারা অনুরোধও করা হইয়াছে। কবিকে ষাঁহারা ভালবাসেন ও শ্রদ্ধা করেন, এরূপ সমৃদ্ধ লেখক ও শিল্পীর নাম ও ঠিকানা কমিটির জানা না থাকায় হয়ত সকলের নিকট অনুরোধ-পত্রটি যায় নাই।

TAGORE BIRTHDAY CELEBRATION : 1931.
“Golden Book of Tagore.”

On the 8th of May next Radindranath Tagore completes his seventieth year. This occasion ought to bring together his friends all over the world round him—friends whose lives have been lighted up, broadened, ennobled by his own life. He has been for us the living symbol of the Spirit, of Light and of Harmony—the great free bird which soars in the midst of tempests—the song of Eternity which Ariel strikes on his golden harp, rising above the sea of unloosened passions.

But his art has never remained indifferent to human misery and struggles. He is the “Great Sentinel.” In tragic hours, he is the clear-eyed and bold watchman of his own people and of the world.

In the name of thousands whom his melodious voice has nourished with faith, hope and beauty, we invite his poet, artist, scholar and other friends to come forward and present to him on his

seventieth birthday a sheaf of their spiritual fruits and flowers. As a token of gratitude, therefore, everyone might offer him a twig from his own garden—a poem, an essay, a chapter of a book, a piece of scientific research, a drawing, a thought, etc.

For all that we are and we have created, have had their roots and branches bathed in that Great Ganges of Poetry and Love.

Jagadis Chunder Bose
Mohandas Karamchand Gandhi
Romain Rolland
Albert Einstein
Costis Palamas.

All contributions are to be sent to—
Mr. RAMANANDA CHATTERJEE,
SANTINIKETAN, BENGAL, INDIA.

উত্তর-পশ্চিম সীমান্ত প্রদেশের “বিচার” পদ্ধতি

উত্তর-পশ্চিম সীমান্ত প্রদেশের প্রধান শহর পেশাওয়ারে গত বৎসর যে ভীষণ কাণ্ড ঘটয়াছিল, তাহা এরূপ, যে, তৎসম্বন্ধে ভারতীয় ব্যবস্থাপক সভার ভূতপূর্ব সভাপতি বিঠ্‌লভাই পটেল মহাশয়ের সভাপতিত্বে বেসরকারী কমিটি যে রিপোর্ট প্রকাশ করেন, তাহা প্রকাশিত হইবামাত্র সরকার কড়ক বাজেয়াপ্ত হয়। কিন্তু এই কাণ্ডটি সম্বন্ধে বলা যাইতে পারে, যে, উত্তর-পশ্চিম সীমান্ত প্রদেশ সাধারণ আইনের বিধিত দেশ বলিয়াই যে এরূপ ঘটয়াছিল, তাহা নহে। কারণ, অমৃতসর প্রভৃতি অত্র কোন কোন সাধারণ আইন অহুসারে শাসিত অঞ্চলেও এরূপ ব্যাপার ঘটয়াছে।

কিন্তু সম্প্রতি উত্তর-পশ্চিম সীমান্ত প্রদেশে এরূপ একটি কাণ্ড ঘটয়াছে, যাহার সম্বন্ধে ভারতীয় ব্যবস্থাপক সভায় তর্কবিতর্ক না হইলে আমরা জানিতেই পারিতাম না, যে, ঐ প্রদেশে আইন নামে অভিহিত একটি অভূত জিনিস আছে। ব্যাপারটি এই,—

হবাব নূর নামক এক ব্যক্তি একজন সরকারী ইংরেজ কর্মচারীকে গুলি করে, কিন্তু তাহাতে ইংরেজটি হত হয় নাই, গুরুতর আঘাতও পায় নাই। অবিলম্বে হবাব নূরের বিচার হয়। সে বলে, যে, সে ইংরেজটিকে বধ করিবার জন্য গুলি করিয়াছিল। বিচার আরম্ভ হইবার দিনই তাহার ফাঁসীর ছুঁম হয়, এবং তাহার পর দিনই তাহার ফাঁসী হয়। যদি ইংরেজটি মারা পড়িত

তাহা হইলে হবাব নূরের দুইবার ফাঁসী হইত কি? অভিযুক্ত ব্যক্তিকে আপীল করিবার সুযোগ দেওয়া হয় নাই।

এই ব্যাপারটি লইয়া ভারতবর্ষীয় ব্যবস্থাপক সভায় তর্কবিতর্ক হয়। তাহাতে সরকার-পক্ষ পরাজিত হন। তর্কবিতর্ক হওয়ায় জানা গিয়াছে, যে, উত্তর পশ্চিম সীমান্ত প্রদেশে ১৯০১ সালে একটি “আইন” জারি হয়, যাহার বলে ধর্মোন্মত্ত (fanatical) নরহতাকারী বা নরহত্যাপ্রয়াসীর এইরূপ সরাসরি বিচার ও ফাঁসী হইতে পারে। ১৯০১ সাল হইতে এ পর্যন্ত চৌদ্দবার এই আইন অহুসারে অভিযুক্ত ব্যক্তিদিগকে শাস্তি দেওয়া হইয়াছে।

এই নমুনা হইতে পাঠকেরা বুঝিতে পারিবেন, উত্তর-পশ্চিম সীমান্ত প্রদেশ কিরূপ কঠোরভাবে শাসিত হয়।

এই প্রদেশের লোকেরা চান, যে, সেখানে ব্রিটিশ শাসিত ভারতবর্ষের গবর্ণর ও ব্যবস্থাপক সভা যুক্ত অন্য সব প্রদেশের ন্যায় সাধারণ আইন ও বিচারপ্রণালী প্রচলিত হয়। ভারতীয় কোন শ্রেণী বা সম্প্রদায়ের লোক এই দাবির বিরোধী নহে। সকলেই ইহার সম্মত করিবে।

কিন্তু উত্তর-পশ্চিম সীমান্ত প্রদেশের সংখ্যাভূষ্টি মুসলমান সম্প্রদায় (তাহারা তথাকার লোকসংখ্যার শতকরা ৯৫ জন) চান, যে, এই প্রদেশের জন্য একজন আলাদা গবর্ণর নিযুক্ত হন, একটি আলাদা ব্যবস্থাপক সভা হয়, ইত্যাদি। এই প্রস্তাবের বিপক্ষে অনেকে মত প্রকাশ করিয়াছেন। তাহার সমুদায় কারণ এখানে আলোচনা করা অনাবশ্যক। একটা প্রধান কারণের উল্লেখ এখানে করা যাইতে পারে।

এই প্রদেশে যে রাজস্ব আদায় হয়, বায় তাহা অপেক্ষা অনেক বেশী হয়। এই অতিরিক্ত টাকা ব্রিটিশ-শাসিত ভারতবর্ষের অন্যান্য প্রদেশের রাজস্ব হইতে দিতে হয়। এই প্রদেশে গবর্ণর নিযুক্ত হইলে ব্যবস্থাপক সভা হইলে এবং বড় বড় অল্প সব প্রদেশের হায় অন্যান্য সব বন্দোবস্ত করিতে হইলে, খরচ আরও বাড়িয়া

বাইবে, এবং সেই অতিরিক্ত খরচও অন্য সব প্রদেশের রাজস্ব হইতে দিতে হইবে। সকলেই জানেন, সব প্রদেশেই টাকার অভাবে শিক্ষা স্বাস্থ্য কৃষি বাণিজ্য শিল্প প্রভৃতির উন্নতির যথেষ্ট আয়োজন করা সম্ভব হয় না বলিয়া গবর্ণমেন্ট বলেন। এই কারণে অন্য সব প্রদেশকে আরও বঞ্চিত করিয়া উত্তর-পশ্চিম সীমান্ত প্রদেশে গবর্ণর নিয়োগাদি ব্যয়সাধ্য ব্যবস্থার সমর্থন করা যায় না। এই প্রদেশে আইন, বিচারপ্রণালী, শিক্ষা, স্বাস্থ্যরক্ষার ব্যবস্থা, কৃষি বাণিজ্য শিল্পের উন্নতির ব্যবস্থা অন্য সব প্রদেশের মত উৎকৃষ্ট হউক। তাহার জন্য যত ব্যয় হইতে পারে, তাহা ঐ প্রদেশ নিজের টাকায় করিতে না পারিলে অন্যান্য প্রদেশের রাজস্ব হইতে দেওয়া যাইতে পারে।

ঐ প্রদেশে সরকারী আয় অপেক্ষা ব্যয় কত বেশী হয় তাহার একটা চারি বৎসরের হিসাব সম্প্রতি প্রকাশিত একটি সরকারী রিপোর্টে পাওয়া যায়। রিপোর্টটির নাম, “Report of the Special Committee appointed to investigate certain facts relevant to the economic and financial relations between British India and Indian States.” তাহার ৫১ পৃষ্ঠা হইতে নীচের তালিকাটি সঙ্কলিত হইল। তাহাতে দৃষ্ট হইবে আয় অপেক্ষা ব্যয় বাড়িয়াই চলিয়াছে।

বৎসর	প্রাদেশিক রাজস্বের অতিরিক্ত ব্যয়
১৯২৭-২৮	২,০৬,০০,০০০ টাকা
১৯২৮-২৯	২,৩১,১২,০০০ ”
১৯২৯-৩০	২,৫৫,০৫,০০০ ”
১৯৩০-৩১	২,৭০,০৬,০০০ ”
চারি বৎসরের মোট	৯,৬২,২৩,০০০ টাকা

বর্তমান বন্দোবস্তই চারি বৎসরে উত্তর-পশ্চিম সীমান্ত প্রদেশের ব্যয়নির্বাহার্থ, ব্রিটিশ-শাসিত ভারতবর্ষের অন্তর্গত অংশ হইতে সংগৃহীত রাজস্ব হইতে ৯ কোটি ৬২ লক্ষ ২৩ হাজার টাকা দিতে হইয়াছে। ঐ প্রদেশে গবর্ণর নিয়োগাদি ব্যবস্থা করিলে আরও অনেক অতিরিক্ত ব্যয় হইবে। তাহা ভারতবর্ষের

অন্য সব প্রদেশ হইতে লইবার কোন ন্যায্যতা দেখা যাইতেছে না—বিশেষতঃ সকলেরই যখন টাকার টানাটানি।

ভারতীয় বাজেট

১৯৩০-৩১ সালের ভারতীয় বাজেট করিবার সময় অনুমান করা হইয়াছিল, যে, ১৯৩১ সালের ৩১শে মার্চ পর্যন্ত ব্যয় করিয়া ৮৬ লক্ষ টাকা উদ্ধৃত থাকিবে। এখন রাজস্ব-সচিব দেখিতেছেন, যে, রাজস্ব-আদায় মোটের উপর ১৯ কোটি ৪২ লক্ষ টাকা কম দাঁড়াইবে। তাহা হইলে ১৯৩০-৩১ সালের আয় ব্যয় খতাইয়া মোটের উপর ১৩ কোটি ৫৬ লক্ষ টাকা ঘাটতি হইতেছে।

ইহা পুরাইয়া লইবার জন্ত এবং যাহাতে আগামী ১৯৩১-৩২ সালে ব্যয় অপেক্ষা আয় কম না হয়, তাহার জন্ত রাজস্ব সচিব নূতন ট্যাক্স বসাইবার প্রস্তাব করিয়াছেন। ব্যয়-সংক্ষেপ যথেষ্ট করা হইয়াছে বলিয়া আমরা মনে করি না। কিন্তু তাহা বলিয়া কোন লাভ নাই। যদি বাজেটের প্রত্যেক দফা পরীক্ষা করিয়া দেখাইয়া দেওয়া যায়, যে, যথেষ্ট ব্যয়-সংক্ষেপ হইতে পারিত এবং যদি বাজেটের অনেক বরাদ্দ ট্রাসের প্রস্তাব ব্যবস্থাপক সভার অধিকাংশ সভ্যের মতে গৃহীত হয়, তাহাতেও কোন লাভ নাই। কারণ, বড়লাট নিজের ইচ্ছা অনুসারে বরাদ্দ ঠিক পূর্ববৎ করিয়া দিতে পারেন। বর্তমান আইন ও রীতি এইরূপ। যদি ভবিষ্যতে আয়-ব্যয়ের উপর ব্যবস্থাপক সভার প্রভুত্ব জন্মে, তখন বাজেটের বিস্তারিত সমালোচনা সার্থক হইবে।

রাজস্ব-সচিব আয়বৃদ্ধির জন্ত যে-যে ট্যাক্স বাড়াইবার বা নূতন ট্যাক্স বসাইবার প্রস্তাব করিয়াছেন, তাহার মধ্যে কয়েকটি ঠিক হইয়াছে। মদ্যের উপর শুল্কবৃদ্ধি ঠিক হইয়াছে। শর্করার উপর শুল্কবৃদ্ধির দ্বারা যদি দেশী চিনি ও গুড়ের ব্যবসার সুবিধা হয়, তাহা হইলে তাহা সমর্থনযোগ্য হইবে। বিদেশী কাপড়ের উপর শতকরা পাঁচ শুল্কবৃদ্ধিও ভাল, কেরোসিনের উপর শুল্ক-বৃদ্ধির আমরা সমর্থন করি না; কারণ ইহা গরীব লোকেরাও বহু পরিমাণে ব্যবহার করে। মোটর

গাড়ী চালাইবার পেটলের উপর শুষ্কবৃদ্ধি একান্ত প্রয়োজন স্থলে করা যায়; কারণ সাধারণতঃ সড়তিপন্ন লোকেরা ও ব্যবসাদাররা নানাবিধ মোটর যান ব্যবহার করে। ইনকম-ট্যাক্স বা আয়ের উপর কর বাড়াইবার প্রস্তাব হইয়াছে। এখন যেমন বায়িক দু' হাজার টাকা কম আয়ের উপর ট্যাক্স লওয়া হয় না, ভবিষ্যতেও সেই ব্যবস্থা রাখিবার প্রস্তাব করা হইয়াছে। ইহা সুবিবেচনার পরিচায়ক। কিন্তু ট্যাক্সের হার বাড়ান হইয়াছে। এ বিষয়ে বক্তব্য এই, যে, যে-সব নির্দিষ্ট বেতনভোগী ব্যক্তিকে ইনকম-ট্যাক্স দিতে হয়, কিছুকালের জন্ত ট্যাক্স-বৃদ্ধি তাঁহাদের পক্ষে বিশেষ অসুবিধাজনক না হইতে পারে; কারণ তাঁহাদের বেতন কমে নাই। এবং অনেক জিনিষপত্রের দাম কমিয়াছে। কিন্তু যে-সকল ব্যবসাদারকে এই ট্যাক্স দিতে হয়, তাঁহাদের অসুবিধা হইতে পারে। কারণ, প্রায় সব ব্যবসাতেই মন্দা পড়িয়াছে।

গবর্নমেন্টের অমিতব্যয়িতা

কোন বৎসর রাজস্ব-আদায় কম হইলেই গবর্নমেন্ট নূতন ট্যাক্স বসান কিম্বা পুরাতন ট্যাক্সের হার বৃদ্ধি করেন। কিন্তু যখন হাতে টাকা থাকে, তখন মিতব্যয়িতার দ্বারা সঞ্চয় করিবার দিকে রাজপুরুষদের দৃষ্টি থাকে না। তাহার অনেক দৃষ্টান্ত আছে। নূতন দিল্লী নির্মাণ তাহার একটি। ভারতবর্ষের রাজধানী দিল্লীতে উঠাইয়া লইয়া যাইবার কোন নায্য প্রয়োজন আমরা বুঝিতে পারি নাই। এই পরিবর্তন দ্বারা দেশের কোন হিত হইয়াছে বলিয়াও প্রমাণিত হয় নাই। কিন্তু নূতন দিল্লী শহরে বডলাটের প্রাসাদ ও অনেক সরকারী আপিস আদালতের বাড়ি এবং নূতন রাস্তা নির্মাণ করিতে ১৯৩০ খ্রীষ্টাব্দের ডিসেম্বর মাস পর্যন্ত ১৫ (পনের) কোটি টাকা খরচ হইয়াছে। নজা আদি করিবার জন্তই দুজন ইংরেজ শিল্পী চল্লিশ লক্ষ টাকা পাইয়াছেন। নূতন দিল্লীর “গৃহ প্রবেশ” অস্থান উপলক্ষে সরকার বাহাদুর সেদিন আতঙ্গবাজীতেই কুড়ি হাজার টাকা ফাঁকিয়া দিয়াছেন।

রেলওয়ে বাজেট

অগ্নাত বাজেটের মত রেলওয়ে বাজেটেও এবার কয়েক কোটি টাকা ঘাটতি পড়িয়াছে। রেলওয়ে বাজেটে ঘাটতি পড়া এই প্রথম। ব্যবস্থাপক সভার অনেক বেসরকারী সভ্যের মতে রেলওয়ে বোর্ড অত্যন্ত অমিতব্যয়ী। এইজন্য রেলওয়ে বোর্ডের বরাদ্দে এক লক্ষ পনের হাজার টাকা কমাইবার একটি প্রস্তাব শ্রীযুক্ত বি. দাস উপস্থিত করেন। তাহাতে বেসরকারী দলের পরাজয় হয়। কিন্তু তাহার পর শ্রীযুক্ত রাজুর ঐরূপ একটি প্রস্তাব অধিকাংশ সভ্যের মত অনুসারে গৃহীত হয়।

জেলের বরাদ্দ না-মঞ্জুর

বাংলার ব্যবস্থাপক সভা উহার শাসন-পরিষদের সভা জ্ঞার প্রভাসচন্দ্র মিত্রের একটা দাবি না-মঞ্জুর করিয়াছেন। জেলসমূহের ভার তাঁহার উপর আছে। তিনি বন্দে নূতন জেল ও উপ-জেল নির্মাণের জন্ত টাকা চাহিয়াছিলেন। ব্যবস্থাপক সভা অধিকাংশ সভ্যের মতে তাহা না-মঞ্জুর করেন। এই কারণ দেখাইয়া তাহা করা হয়, যে, জেলে রাজনৈতিক বন্দীদের প্রতি দুর্ব্যবহার করা হয়। উক্ত সভার ন্যাশনালিষ্ট দলের নেতা শ্রীযুক্ত বিজয়চন্দ্র চট্টোপাধ্যায় আরও বলেন যে, যে-সকল সত্যগ্রহীকে গ্রেপ্তার করা হয়, তাহাদের গ্রেপ্তার এবং বিচারের পূর্বেই পুলিশ তাহাদিগকে প্রহার করে।

আকাশযানের ডাক

আগে বিলাত হইতে ভারতবর্ষে ডাক আসিত জাহাজে। কিছু দিন হইতে আর একটি ডাক আসিতেছে দিল্লী পর্যন্ত আকাশযান দ্বারা। উহা কেন দিল্লী ছাড়াইয়া কলিকাতা ও রেঙ্গুন পর্যন্ত পাঠাইবার ব্যবস্থা হইতেছে না, সে বিষয়ে বিলাতী পার্লামেন্টে প্রশ্নোত্তর হইয়া গিয়াছে। ভারতসচিব মিঃ বেন তাহার কিছু কারণ দেখাইয়া বলিয়াছেন, যে, এই (খ্রীষ্টীয়) বৎসরের শেষ নাগাদ আকাশযানে কলিকাতা পর্যন্ত বিলাতী ডাক

চলিবে। আর আম্মেল হোর বলেন, ইহা বড়ই দুঃখের বিষয়, যে, ফ্রেন্স ওলন্দাজ আকাশযানগুলি ভারতবর্ষের উপর দিয়া ভারতবর্ষ লঙ্ঘন করিয়া উড়িয়া যাইতেছে, কিন্তু ব্রিটিশ আকাশযান-সমূহ তাহা করিতেছে না। তাহার কারণ এই, যে, ইংরেজেরা পৃথিবীতে সব জাতির চেয়ে “একশিয়েন্ট”, এবং ওলন্দাজদের অধিকৃত যবদ্বীপে এবং ফরাসীদের অধিকৃত আনাম-কাছোভিয়া প্রভৃতি দেশ ভারতবর্ষ অপেক্ষা ইউরোপের নিকটবর্তী।

পারস্যে আকাশযান

“একশিয়েন্ট” ব্রিটিশ শাসনে ভারতবর্ষের সব দিকে যেরূপ উন্নতি হইয়াছে জাপান বাদে এশিয়ার আর কোথাও না-কি তেমন আশ্চর্য উন্নতি হয় নাই। কিন্তু ইংরেজদের সম্পাদিত ইন্টার-ন্যাশনাল রিভিউ অব মিশ্যন্স নামক প্রসিদ্ধ ঐক্যীয় ত্রৈমাসিকের জাহুয়ারী সংখ্যার ৮৫ পৃষ্ঠায় দেখিতেছি, পারস্যে

“Aeroplanes carry passengers and mails between the most important cities, and the Persian Air mail links up at Bushire with the Imperial Airways. A letter posted in London may be delivered in Isfahan in five days.”

তাৎপর্য। “পারস্যে প্রধান প্রধান শহরের মধ্যে এরোপ্লেনে যাত্রী ও ডাক বহন করে। পারস্যের আকাশ-ডাক বুশায়ারে ব্রিটিশ ইম্পিরিয়াল আকাশ-মার্গের সহিত সংযুক্ত। লণ্ডনের চিঠি পাচ দিনে ইসফাহানে পৌঁছে।”

শ্যামদেশের কথা

উপর্যুক্ত ত্রৈমাসিক ফাগজের ১২২ পৃষ্ঠায় দেখিতেছি,

“Among the nations of the East today Siam alone is a land of peace and quiet, free from all foreign intervention and on terms of utmost friendship with the nations of the West.”

তাৎপর্য। “প্রাচ্য জাতিদের মধ্যে বর্তমানে কেবল শ্যামই শান্তি ও নিরুপদ্রবতার দেশ। ইহার সকল ব্যাপার বিদেশীদের হস্তক্ষেপ হইতে মুক্ত, এবং ইহার সহিত সমুদয় পাশ্চাত্য জাতির খুব বন্ধুত্ব আছে।”

বলা বাহুল্য, এই দেশের উপর ইংরেজ বা অন্য কোন পাশ্চাত্য জাতি কখনও রাজত্ব করে নাই।

এই দেশটিতে কেবল যে শান্তি বিরাজ করিতেছে, তাহা নয়; এখানে নানা দিকে উন্নতিও হইতেছে। ইহার বর্তমান রাজার নাম প্রজাধিপক, তাহার পূর্বে রাজা ছিলেন ষষ্ঠ রাম, তাহার পূর্বে চুলালকরণ (চুডালকরণ)। পূর্বোক্ত পত্রিকাতে আছে :—

“The reign of King Chulalongkorn was conspicuous not only because of its length, which was forty-two years, but because of the marked advance made in his country during that period, one of King Chulalongkorn's first acts as King was to re-affirm this decree (of religious liberty). A second signal act of his was to free the slaves. Slavery is illegal in Siam to-day.

“Other notable steps were taken along progressive lines. The literacy of the country also was greatly increased. The whole country was unified and consolidated and its resources conserved. Railroad lines were planned and built.”

গ্রামে ধর্মবিষয়ক স্বাধীনতা, দাসদের মুক্তি, শিক্ষার বিস্তার, সমগ্র দেশের একত্বসাধন ও প্রাকৃতিক সম্পদ সংরক্ষণ, রেলওয়ে-নির্মাণ প্রভৃতির কথা উপরে ইংরেজী কথাগুলিতে আছে। নানা দিকে উন্নতি রাজা চুডালকরণের পরেও চলিয়া আসিতেছে।

ভারত সরকারের আফগানিস্থানকে

অন্ত্রশস্ত্র ও অর্থ দান

“অমৃতবাজার পত্রিকা” জিজ্ঞাসা করিয়াছেন, ভারত গবন্মেণ্ট আফগানিস্থানের রাজাকে দশ হাজার বাইফল্ বন্দুক, এক লক্ষ সত্তর হাজার পাউণ্ড অর্থ(বাইশ লক্ষ ছেয়টি হাজার ছয় শত সাতষট্টি টাকা) এবং পঞ্চাশ লক্ষবার বন্দুক ছুঁড়িবার মত বারুদ ও গুলি কেন দিতেছেন? আফগানিস্থানের কি অন্ত্রবিপদ না বহিবিপদের আশঙ্কা ঘটিয়াছে? সর্বসাধারণে যত দূর জানে, আফগানিস্থানের প্রতিবেশী পারস্য, চীন, সোভিয়েট রুশিয়া, বা তিব্বতে আফগানিস্থান অভিমুখে ফোজের কুচ হয় নাই। যদি নাদির খান প্রজারাই অশান্ত হইয়া থাকে তাহাও তাহাকে সাহায্য করিবার কারণ হইতে পারে। কিন্তু আমানুল্লাহ বিরুদ্ধে যখন বিদ্রোহ হইয়াছিল, তখন ভারত গবন্মেণ্ট তাহাকে সাহায্য দেন নাই কেন, তাহা প্রকাশ পায় নাই।

প্রস্তাবিত কেন্দ্রীয় মহিলা কলেজ

বড়লাটের পত্নী লেডী আরুইন দিল্লীতে একটি নূতন কেন্দ্রীয় মহিলা কলেজের জন্ম তের লক্ষ টাকা চাহিয়া একটি অমরোপ-পত্র বাহির করিয়াছেন। এই কলেজে শিক্ষা-প্রণালী বিষয়ে গবেষণা হইবে, গার্হস্থ্য-বিজ্ঞান সম্বন্ধে শিক্ষা দেওয়া হইবে, শিক্ষয়িত্রীদিগকে শিক্ষা-প্রণালী শিখাইয়া তাঁহাদের কাজের জন্ম প্রস্তুত করা হইবে, এবং গবেষণা ও কার্যতঃ শিক্ষাদান-প্রণালী শিখাইবার নিমিত্ত কলেজের সঙ্গে একটি বালিকা-বিদ্যালয় থাকিবে।

এই উদ্দেশ্যগুলি ভাল। আমরা চাই, দেশী লোকদের দ্বারা সমগ্র ভারতে এইরূপ একটি নয়, প্রত্যেক প্রদেশে অন্ততঃ এইরূপ একটি করিয়া কলেজ স্থাপিত হয়। আমরা জানি, আমাদের দেশের অনেক ধনী লোক সদন্তুষ্ঠানের প্রয়োজনীয়তা বুঝিয়া টাকা দেন না, বড় কোন রাজপুরুষ বা তাঁহার পত্নীকে খুশী করিবার উদ্দেশ্যে টাকা দেন; দেশী লোকে মহিলা কলেজের জন্ম টাকা চাহিলে তাঁহার অনেক কিছুই দিবেন না। তথাপি আমরা সেই ভবিষ্যৎ কালের দিকে তাকাইয়া থাকিব, যখন বিদেশী কোন নামের মোহ সদন্তুষ্ঠান আরম্ভ করিবার ও বাঁচাইয়া রাখিবার জন্ম আবশ্যক হইবে না। বিদেশী নামের জাহুতে আমাদের জাতীয় আত্মসম্মানে আঘাত লাগে। অধিকন্তু, বিদেশীর প্রভাবে যে-প্রতিষ্ঠান স্থাপিত ও পরিচালিত হয়, তাহাতে দেশী লোকদের যোগ্যতার সমুচিত আদর ত হয়ই না, তদ্বারা দেশী লোকদের শক্তির বিকাশ পরোক্ষভাবে বাধাপ্রাপ্ত হয়।

১৯৩১-এর সেপ্টেম্বর

বর্তমানে ১৯৩১ সালের সেপ্টেম্বর যে-ভাবে লওয়া হইয়াছে, তাহার বিরুদ্ধে নানা অভিযোগ খবরের কাগজে বাহির হইয়াছে। ইহার ভারপ্রাপ্ত রাজকর্মচারীর অভিযোগের উত্তর দিতেও চেষ্টা করিয়াছেন। আমার বোধ হয় অন্ততঃ কতকগুলি অভিযোগ সত্য। সেই ঐ এ বিষয়ে আমার অভিজ্ঞতা জানাইতেছি।

আমি জাহুয়ারী মাসের তৃতীয় সপ্তাহে শান্তিনিকেতনে আসিয়াছি। তাহার পূর্বে একটি লোক আমার ভবানীপুরের বাসায় আসিয়া জিজ্ঞাসা করেন, আমার বাড়িতে চাকরবাকর-সমেত কত লোক থাকে। তিনি কেবল সংখ্যাটি লইয়াই চলিয়া গেলেন। কাহারও বয়স, জাতি (স্ত্রী বা পুরুষ), ধর্ম, লিখনপঠনক্ষমতা, মাতৃভাষা ইত্যাদি সম্বন্ধে কিছু জিজ্ঞাসা করেন নাই, এবং কোন ফারম পূরণ করিতেও দেন নাই। তাহার পর কেহ ঐ বাসায় আসিয়া ঐরূপ কোন তথ্য সংগ্রহ করিয়া লইয়া গিয়াছেন কিনা, জানি না।

এখানে শান্তিনিকেতনেও কোন কর্মচারী আমার বয়স, ধর্ম, ভাষাজ্ঞান, পেশা, ইত্যাদি কোন খবর লইতে আসে নাই। আমার এখানে অস্তিত্বও সম্ভবতঃ তাঁহার অবিচিত।

১৯০১ সালের সেপ্টেম্বর সময় আমি এলাহাবাদে চাকরি করিতাম। একটি ভ্রমলোক আমার বাসায় ফারম পূরণ করিতে আসিয়াছিলেন। আমার চট্টোপাধ্যায় পদবী আছে এবং আমি নিতান্ত নিরীহ লোক দেখিয়া তিনি কোন মতেই আমাকে জাতিতে ব্রাহ্মণ না লিখিয়া ছাড়িবেন না; আমিও বলিতে লাগিলাম, আমি কোন জাতি মানি না। শেষে তাঁহাকে নাছোড়বান্দা দেখিয়া আমি ফারমটি লইয়া জাতির (Caste-এর) ঘরে পরিষ্কার অক্ষরে “No Caste” লিখিয়া দিলাম। তখন তিনি নিরস্ত হইলেন। সংখ্যাটি গণনাকারী এরূপ কর্মচারী এখনও থাকিতে পারেন।

মুসলমান বাঙালীদের বংশ-পরিচয়

মুসলমান বাঙালীদের বংশ-পরিচয় দিবার অভিপ্রায়ে মার্চ মাসের ‘মডার্ন রিভিউ’ পত্রিকায় একজন লেখক একটি প্রবন্ধ লিখিয়াছেন। তিনি ইংরেজ লেখকদিগের গ্রন্থ হইতে যে-সকল মত ও তথ্য উদ্ধার করিয়াছেন, তাহা হইতে এই সিদ্ধান্তে উপনীত হইতে হয়, যে, অধিকাংশ মুসলমান বাঙালীর পুরুষপুরুষ বাঙালীদের মত এই দেশেরই মাহুষ ছিলেন, এবং

১। বিশেষ কোন দেশের মানুষ হওয়া লক্ষ্য্য নহে—ভারতবর্ষের মানুষ হওয়াও লক্ষ্য্য বিষয় নহে। ভারতবর্ষের অতীত ও বর্তমান কালের মানুষদের অগৌরব ও গৌরবের কারণগুলি বিবেচনা করিলে ভারতীয়দিগকে অল্প কোন দেশের মানুষের চেয়ে নিকৃষ্ট মনে হইবে না।

মুসলমান বাঙালীদের পূর্বপুরুষদিগকে যে হিন্দু-সমাজ ত্যাগ করিয়া অল্প সমাজে যাইতে হইয়াছিল, ইহা বরং হিন্দুসমাজের পক্ষেই অগৌরবের বিষয়। সামাজিক অবজ্ঞা ও উৎপীড়ন হইতে মুক্তি পাইবার জন্ত অনেক হিন্দু অতীত যুগে মুসলমান হইয়া থাকিবেন। ইহা তাত্‌কালিক হিন্দুসমাজের পক্ষে প্রশংসার বিষয় নহে। কেহ কেহ ধন-মান উচ্চপদের প্রলোভনেও ধর্ম্মান্তর গ্রহণ করিয়া থাকিবে। ইহাও নিন্দনীয়। অনেকে প্রাণভয়ে বা অল্প কোন বিপদের ভয়েও মুসলমান হইয়া থাকিবে। ইহার দ্বারা হিন্দুসমাজের নিজের লোকদিগকে সাহসী করিবার এবং রক্ষা করিবার ক্ষমতার অভাব সূচিত হয়। ধর্ম্মের আকর্ষণেও কেহ কেহ মুসলমান হইয়া থাকিবেন। হিন্দুশাস্ত্রে অতি উচ্চ অঙ্গের ধর্ম্মোপদেশের অভাব নাই। হিন্দুসমাজের নেতারা এই সকল উপদেশকেই শ্রেষ্ঠ স্থান বরাবর দিয়া আসিলে এবং তৎসমুদয়ের জ্ঞান সর্বসাধারণের মধ্যে প্রচার করিয়া আসিলে কোন হিন্দুকেই ধর্ম্মের জন্ত হিন্দুসমাজ ত্যাগ করিয়া অল্প সমাজের আশ্রয় লইতে হইত না।

মুসলমান বাঙালী সমাজের একটি ক্রটি বরাবর হইয়া আসিয়াছে এবং এখনও বিদ্যমান রহিয়াছে। তাহা এই, যে, বঙ্গ সাহারা মুসলমান হইয়াছে তাহাদের সাধারণ শিক্ষার এবং উচ্চাঙ্গের ইসলামীয় শিক্ষার যথোচিত ব্যবস্থা কোন সময়েই করা হয় নাই।

শান্তিনিকেতনে গান্ধী পুণ্যাহ

গান্ধী গান্ধী অনেক বৎসর পূর্বে কিছু দিন শান্তিনিকেতনে ছিলেন। তখন এখানকার ছাত্রদিগকে

সকল বিষয়ে আত্মনির্ভরশীল হইতে তিনি বলেন। তাঁহার এখানে অবস্থিতির সশ্রদ্ধ স্মৃতিচিহ্ন-স্বরূপ ছাত্র ও ছাত্রীরা বৎসরে একটি দিন বিশেষ ভাবে ধাপন করেন। এবার ২৬শে ফাল্গুন মঙ্গলবার সেই দিন পড়িয়াছিল। এই দিন আশ্রমের সমুদয় ভৃত্য ছুটি পায় এবং ছাত্র-ছাত্রীরা তাহাদের সমুদয় কাজ নিজে করে। মেথরের কাজও ছাত্রেরা করে। রন্ধন পরিবেশণ প্রভৃতি কাজও তাহারা করে। আশ্রমে অনেক দেশের, প্রদেশের, ধর্ম্মের ও জাতির ছোট বড় সাহারা বাস করেন, তাহাদের অধিকাংশ একত্র ভোজন করিয়া থাকেন—শুধু গান্ধী দিবসে নহে অল্প সময়েও। এখন এখানে ভারতবর্ষের নানা প্রদেশের লোক ছাড়া আমেরিকা, জাপান, চীন, তিব্বৎ, সিংহল, হাঙ্গেরী, ডেনমার্ক ও হল্যান্ডের লোক আছেন। হিন্দু ছাড়া এখানে জৈন, বৌদ্ধ, খৃষ্টিয়ান, পারসী ও মুসলমান আছেন। যেখানে ছাত্রীরা থাকেন তাহার নাম শ্রীভবন। সেখানে বাঙালী মেয়েদের মধ্যে একটি বিবাহিতা মুসলমান বালিকা আছেন এবং একটি পারসী, একটি সিংহলী ও একটি জাপানী মেয়ে আছেন।

সেন্সসে নানা ধর্ম্মাবলম্বীর সংখ্যা

ভারতবর্ষে সেন্সসের সময় ভিন্ন ভিন্ন ধর্ম্মের লোকদের সংখ্যা গণনা করা হয়। তাহা হইতে এই ধারণা হইতে পারে, যে, যে-সব দেশে লোকসংখ্যা গণিত হয় সর্বত্রই কোন ধর্ম্মের কত লোক তাহা গণনা করা হয়, কিন্তু তাহা সত্য নহে। আগামী ২৬শে এপ্রিল গ্রেট ব্রিটেনের লোকসংখ্যা গণিত হইবে। এই উপলক্ষ্যে যে কারমু প্রস্তুত হইয়াছে, তাহাতে ধর্ম্ম লিখিবার কোন ঘর নাই। বস্তুতঃ, ১৮৫১ খ্রীষ্টাব্দের পর ব্রিটেনের কোন ধর্ম্মবিষয়ক সেন্সস গৃহীত হয় নাই। ধর্ম্মবিষয়ক সেন্সস যে বিলাতে হওয়া উচিত, নানা কারণে তাহার আলোচনা এখন সে দেশে হইতেছে। একটা কারণ, সে দেশে অনেকে বলে খ্রীষ্টীয় ধর্ম্মের এবং মোটের উপর ধর্ম্ম জিনিষটি প্রভাব তথায় কমিয়া গিয়াছে এবং লোকে ধর্ম্ম প্রয়োজনই স্বীকার করে না। ধর্ম্মবিষয়ক সেন্সস লইতে

যা যায এরূপ উক্তি কি পরিমাণে সত্য বা মিথ্যা। যাহারা কোন ধর্মই মানে না এবং তাহা বলিবার সাহস রাখে, তাহারা সেন্সসের ফারমে তাহা লিখিয়াই দিতে পারে। যাহারা বাস্তবিক অন্তরের সহিত বিশেষ কোন ধর্মে, যেমন ধর্ম, খ্রীষ্টীয় ধর্মে, বিশ্বাস করে না, তাহারা যদি আপনাদিগকে খ্রীষ্টীয়ান বলিয়া লেখায়, তাহা হইলেও বৃদ্ধিতে হইবে তাহারা ধর্মের প্রভাব একেবারে অতিক্রম করিতে পারে নাই। অবশ্য, বিলাতে সাম্প্রদায়িক নিরীচান নামক বিভীষিকা নাই ও তাহার নিমিত্ত ভিন্ন ভিন্ন ধর্মের লোকের সংখ্যা গণিবার দরকার নাই, যদিও ভিন্ন ভিন্ন ধর্মসম্প্রদায় সেখানেও আছে।

সভা দেশসমূহের মধ্যে আরও কয়েকটি দেশে ধর্মের দ লওয়া হয় না। আমেরিকার ইউনাইটেড স্টেটস তাহার মধ্যে একটি। তথাকার কোন কোন খবরের কাগজ এরূপ সেন্সস মধ্যে মধ্যে লইয়া থাকে; ইউরোপের মধ্যে ফ্রান্স, বেলজিয়মে ও স্পেনে ধর্মের দ লওয়া হয় না।

ভারতীয় ফৌজের ছোট বড় নায়কত্ব

অনেক বৎসর হইতে ইংরেজ গবর্নমেন্ট, ভারতীয় সৈন্যদলের ছোট বড় নায়কত্বের যে-সব কাজে ইংরেজেরা নিযুক্ত হয়, তাহাতে ক্রমশঃ কেবল ভারতীয় লোক-গকেই নিযুক্ত করিবেন বলিয়া আসিতেছেন। গোলটেবিল বৈঠকেও এইরূপ একটা আশ্বাস দেওয়া হইয়াছে, কিন্তু এ পর্য্যন্ত কাথ্যতঃ যাহা হইয়া আসিয়াছে, তাহাতে এই আশীকারটা যে কথার কথা মাত্র, তাহা স্পষ্টই বুঝা যায়। কোনো কাজে এক জাতির বদলে যদি পৈষ পর্য্যন্ত কেবলমাত্র অল্প এক জাতির লোকের নিয়োগ করিবার আন্তরিক ইচ্ছা থাকে, তাহা হইলে নূতন নিয়োগের বেলায় প্রথমোক্ত জাতির লোক অপেক্ষা শেষোক্ত জাতির লোকই খুব বেশী করিয়া লওয়া দরকার। অর্থাৎ যদি ইংরেজের বদলে ভারতীয় লইতে হয়, তাহা হইলে নূতন যত লোক প্রতি বৎসর নিযুক্ত হইবে, তাহার মধ্যে ইংরেজের চেয়ে ভারতীয় ক্রমশঃ অধিক হইতে অধিকতর হওয়া চাই, এবং বছর কয়েক পরে

ইংরেজের নিয়োগ একেবারে বন্ধ করা চাই। কিন্তু ভারতীয় সৈন্যদলের কর্মচারী নিয়োগে কি দেখিতে পাই?

রাষ্ট্রপরিষদে (কৌন্সিল অব স্টেট) সৈদীন সৈয়িদ হুসেন ইমামের একটি প্রশ্নের উত্তরে প্রধান সেনাপতি যাহা বলেন তাহাতে দেখা যায়, ১৯২৫ হইতে ১৯৩০ খ্রীষ্টাব্দ পর্য্যন্ত ভারতীয় সৈনিক বিভাগে নেতৃত্ব পদে যত লোক নিযুক্ত হইয়াছেন, তাহার মধ্যে চারি শত একানব্বই জন ইংরেজ এবং কেবল সাতান্ন জন ভারতীয় অর্থাৎ প্রতি নয় জন ইংরেজে একজন ভারতীয় অপেক্ষা সামান্য বেশী! এ ভাবে অনন্ত কাল ধরিয়া ভারতীয় নিয়োগ করিলেও ইংরেজদের সংখ্যাই বরাবর বেশী থাকিয়া যাইবে।

জেলে প্রায়োপবেশন

খ্রীযুক্ত শান্তিশেখরেশ্বর রায় বন্দী ব্যবস্থাপক সভায় জেলে বন্দীদের মধ্যে প্রায়োপবেশন সম্বন্ধে প্রশ্ন জিজ্ঞাসা করেন। স্ত্রীর প্রভাসচন্দ্র মিশ্র বলেন, জেলে কয়েদীরা দলবদ্ধভাবে থাকে, সুতরাং কতগুলি লোক যে কবে খাইল না, তাহা বলা কঠিন। তথাপি তিনি প্রায়োপবেশন ৫১৩ বার ঘটিয়াছে বা ৫১৩ জন কোন-না-কোন সময়ে করিয়াছে, বলেন। খেয়ালের বেশে, সখ করিয়া বা রাগ করিয়া কম লোকেই আহার ত্যাগ করে। সুতরাং প্রায়োপবেশনের ৫১৩টি দৃষ্টান্ত বাংলা দেশের জেলে পাওয়া গিয়া থাকিলে জেলের পরিচালন কি ভাবে হয়, তাহা বৃদ্ধিতে বাকী থাকে না।

জেলে মশারি

জেলে প্রথম ও দ্বিতীয় শ্রেণীর কয়েদীদিগকে মশারি দেওয়া হয়, কিন্তু তৃতীয় শ্রেণীর কয়েদীদিগকে দেওয়া হয় না। তাহাদিগকেও দেওয়া উচিত। মশারির প্রয়োজন দুটি—মশকদংশনরূপ নিদ্রার ব্যাঘাত দূরীকরণ এবং ম্যালেরিয়ার মশকদংশনরূপ কারণ দূরীকরণ। জেল-বিভাগের কর্তৃপক্ষ যদি এই দুটি প্রয়োজন প্রথম ও দ্বিতীয় শ্রেণীর কয়েদীদের বেলায় স্বীকার করেন, তাহা

হইতে তৃতীয় শ্রেণীর বন্দীদের বেলাতেও তাহা স্বীকার করিতে হইবে। কারণ, তাহারাও মানুষ। যদি উভয় প্রয়োজন বা কোন একটি প্রয়োজন তৃতীয় শ্রেণীর বেলায় অস্বীকার করেন, তাহা হইলে প্রথম ও দ্বিতীয় শ্রেণীর বেলাতেও অস্বীকার করা উচিত। এই শ্রেণী-বিভাগটাই আমরা পছন্দ করি না—বিশেষতঃ যখন উহা বিচারকেরা অনেক সময় খামখেয়ালীভাবে করেন।

শারদা আইন ও বালিকাদের শিক্ষা

বাংলা দেশের ১৯২২-৩০ সালের শিক্ষা-বিষয়ক রিপোর্টের কিয়দংশ যাহা খবরের কাগজে বাহির হইয়াছে, তাহা হইতে দেখিয়া প্রীত হইলাম, যে, উচ্চশ্রেণীর বালিকা-বিদ্যালয় সকলে ছাত্রীদের সংখ্যা শতকরা ৪০ জন বাড়িয়াছে। ইহার দুটি কারণ বলা হইয়াছে। প্রথম, নতুন নয়টি উচ্চ বালিকা বিদ্যালয় খোলা হইয়াছে; দ্বিতীয়, বাল্যবিবাহনিরোধক শারদা আইন হওয়ায় অনেক বালিকা আগেকার চেয়ে বেশী বয়স পর্য্যন্ত অবিবাহিতা থাকিতেছে, সুতরাং আগেকার চেয়ে উচ্চশ্রেণী পর্য্যন্ত পড়িবার সময় ও সুযোগ পাইতেছে। ইহা বালিকাদের পক্ষে ও দেশের পক্ষে কল্যাণকর।

ভারতীয়দের দেশশাসনের যোগ্যতা

যাহারা ভারতীয়দিগকে নিজেদের দেশশাসন করিবার অধিকার দিতে চান না, তাহারা বলেন, তাহাদের এ-বিষয়ে কোন অভিজ্ঞতা নাই, সুতরাং তাহারা এই কাজ হঠাৎ করিতে পারিবে না। কিন্তু পাক্ষাত্য স্বাধীন দেশ সকলের যে-সব লোক বড় রাজনীতিজ্ঞ হন, তাহারাও ত বজ্রস্বর ধরিয়া জ্ঞাতিস্মর হইয়া অভিজ্ঞতা সঞ্চয় করেন না, নিজের নিজের জীবিত কালের মধ্যেই রাষ্ট্রীয় কার্যের অভিজ্ঞতা লাভ করেন। আমরাও সুযোগ পাইলেই ইহা করিতে পারি।

আমরা একটা যুক্তিও ভারতীয় স্বরাজের বিরোধীরা

উপস্থিত করেন, তাহারা বলেন, ব্যক্তিগতভাবে কোন মানুষ কোন এক প্রকারের অভিজ্ঞতা সঞ্চয় না করিলেও স্বশ্রেণীস্থ অল্প লোকদের তরুণ অভিজ্ঞতার সুবিধা সংসর্গ দ্বারা পাইয়া থাকেন; ভারতীয়েরা তাহাও পায় না। সুতরাং ভারতবর্ষের শাসনভার হঠাৎ ভারতীয়দের হাতে রাখা উচিত নয়।

কিন্তু ইংলণ্ডের আধুনিক ইতিহাসেই এই যুক্তির খণ্ডন রহিয়াছে, এবং তাহা ইংলণ্ডের পাল্‌মেণ্টের অন্যতম সভ্য মিঃ উইলফ্রেড ওয়েলক্‌ ফেব্রুয়ারী মাসের ‘মডার্ন রিভিউ’ পত্রিকার একটি প্রবন্ধে ভারতীয় পাঠকদের নিকট উপস্থিত করিয়াছেন। তিনি লিখিয়াছেন,—

“The existence of a Labour Government in Great Britain is not without significance for modern India. That this country should be governed by a set of ministers who, with one or two exceptions, never held office prior to 1924, and yet the land remain quiet and the people peaceful and satisfied, is a powerful argument for sudden change.”

“Not many years ago Mr. Winston Churchill stated, with considerable Press approbation, that Labour was not fit to govern. Within a very short time of that statement being made, the first Labour Government was formed...”

তাৎপৰ্য্য। “গ্রেট ব্রিটেনে শ্রমিক গবর্নেন্ট থাক। আধুনিক ভারতবর্ষের পক্ষে অর্থহীন নহে। এই দেশ (বিলাত) যে একদল মন্ত্রীদ্বারা শাসিত হইতেছে যাহাদের মধ্যে দু-এক জন ছাড়া ১৯২৪-এর আগে কেহ সরকারী কাজ করে নাই এবং তথাপি দেশ নিরুদ্ভাব এবং লোকেরা শান্ত ও সন্তুষ্ট রহিয়াছে, ইহা শাসন-প্রণালীর ও শাসকদলের হঠাৎ পরিবর্তনের স্বপক্ষে একটি প্রবল যুক্তি। বেশী দিনের কথা নয়, মিঃ উইনস্টন চার্চিল এই বলিয়া খবরের কাগজ মহলে অনেকটা অনুমোদন পাইয়াছিলেন, যে, শ্রমিকদল দেশশাসন করিবার যোগ্য নহে। এই মত প্রকাশের অল্পকাল পরেই প্রথম শ্রমিক গবর্নেন্ট গঠিত হয়।”

শ্রমিক মন্ত্রীদের যেমন ব্যক্তিগত ভাবে রাষ্ট্রীয় বিষয়ের অভিজ্ঞতা ছিল না, তেমনই শ্রেণীগতভাবেও খনি কারখানা এবং মিল সকলে মজুরী করিতে অভ্যস্ত শ্রমিকদের রাষ্ট্রীয় অভিজ্ঞতা সামান্যই ছিল; অথচ তাহারা দেশের রাষ্ট্রীয় কার্য চালাইতেছে।

স্বতরাং শিক্ষিত ভারতবাসীরাও তাহা চালাইতে পারিবে। এই কথা মিঃ ওয়েলক্‌ নিম্নোক্ত বাক্যগুলিতে বলিয়াছেন।

"Now obviously, if the British Parliamentary Labour Party, the great majority of whose members have been brought up in the hard school of mine, workshop and factory, could suddenly take over the reins of Government, it may not be too much to suggest that educated Indians, who have watched the working of the political machine which we have controlled in India, and have to some extent participated in the work of administration, might be able to take over the reins of Government with almost equal suddenness."

যাহাকে গণতান্ত্রিক শাসনপ্রণালী বলা হয় তাহা নাস্ত: বহুকাল হইতে বিলাতে প্রচলিত থাকিলেও তন্ময় ভারতবর্ষের উচ্চজাতিদের মত একটি শাসকজাতি বরাবর ছিল, জনসাধারণ ও শ্রমিকেরা তাহার অন্তর্গত ছিল না; স্বতরাং শেষোক্ত শ্রেণীর লোকদের রাষ্ট্রীয় অভিজ্ঞতা কমই ছিল; অথচ তাহারা হঠাৎ রাষ্ট্রীয় কার্যের ভার পাইয়া কয়েক বৎসর হইতে অল্প সব রাজনৈতিক দলের মতই দেশের কাজ চালাইতেছে। নীচের অল্পক্ষেত্রে ওয়েলক্‌ মহাশয় এই কথাই লিখেছেন,—

"Notwithstanding that what is known as democratic government has long been in existence in this country, until quite recent years the task of governing has been relegated to a comparatively small number of families. Our political history has created certain traditions which, with the necessary press support, sufficed to place political power into a limited number of hands. That tradition was never quite broken down until the emergence of the Labour Party. According to it, Eton and Harrow, supported by the Universities of Oxford and Cambridge, were divinely ordained to provide this country with its rulers. Thus for generations we had a ruling class in this country which came as near to an Indian caste as anything outside India is ever likely to be."

পররাষ্ট্রীয় ব্যাপার ও মজুর গবন্মেণ্ট

অতঃপর মিঃ ওয়েলক্‌ বলিতেছেন, যে, বিলাতের বেসব বড় ঘরানা মনে করিতেন এবং এখনও করেন, যে, মজুর শ্রেণীর লোকেরা কখনই দেশের রাষ্ট্রীয় কাজ চালাইতে পারিবে না, তাহারা বিশেষ করিয়া বিধাস করেন, যে, বিদেশের সহিত সম্পর্কযুক্ত বিষয়সমূহ

সম্বন্ধে কাজ চালান মজুরদের পক্ষে নিশ্চয়ই হইবে। অথচ যে মিঃ আর্থার হেগার্সন এখন বি মন্ত্রীসভায় পররাষ্ট্র সচিব, তিনি মজুর-পরিবারে গ্রহণ করেন, লোহা চালাইয়ের একটি দোকানে করিতেন এবং তাহার কেতাবী শিক্ষা প্রাথমিক স্তরে সমাপ্ত হয়। কিন্তু তিনি পৃথিবীর সর্বত্র খুব কৃত পররাষ্ট্র মন্ত্রী বলিয়া পরিগণিত।

গোলটেবিল বৈঠকে এইরূপ প্রস্তাব হইয়া গিয়াছে, যে, ভারতবর্ষের পররাষ্ট্রবিষয়ক সমুদয় ব্যাপার কোন ভারতীয় মন্ত্রীর হাতে যাইবে না, বড়লাটের হাতে "রক্ষিত" (reserved) থাকিবে। তাহার মানে, যে, বিলাতের মজুরের ছেলে প্রাথমিক পাঠশালায় এবং লোহা চালাইয়ের দোকানে অভিজ্ঞতা লাভ পৃথিবীর অল্পতম হৃদয় পররাষ্ট্র মন্ত্রী হইতে প কিন্তু উচ্চশিক্ষাপ্রাপ্ত এবং রাজনৈতিক অভিজ্ঞতা ভারতবর্ষের কোন ব্যক্তি ভারতীয় পররাষ্ট্র হইতে পারেন না!

মিঃ ওয়েলক্‌য়ের কথাগুলি নীচে উদ্ধৃত করিতেছি

"Perhaps they (the old school of politicians, particularly the Tory Party) got the worst shock of all when they realized that the coming of a Labour Government would ultimately mean that foreign affairs would be controlled by working men. That really was too much. It was bad enough to have working men in charge of finance, of the health services, and of the police—but to take charge of the country's relations with foreign Powers was unthinkable. With them it was an article of faith that Britain's affairs abroad must lie in the hands of gentlemen. It is assumed that Britain's dignity cannot possibly be maintained by any other than an Eton accent."

"The Foreign Office is the last stronghold of the old political school. To the unspeakable dismay of the Victorian politicians, this final fortress is falling under the fire of democracy. The fiercest fights in the House of Commons during the last twelve months have been over foreign policy. The Tory Party simply cannot accustom itself to the idea that a Labour Government dare attempt to control foreign policy without the aid and advice of the old gang. In every one of their attacks upon the Government they have assumed that present Foreign Secretary could never dream of determining British policy without the consent of the Tory Party. To have to submit to the dismissal of Lord Lloyd in Egypt, the resumption of diplomatic relations with Russia, the Three Powers Naval Agreement, and new arbitration machinery of the League of Nations, is a task which proving most difficult to them, for these

সাধনার্থ কোন প্রকার বল প্রয়োগ বা হিংসার
(হননেচ্চার) অভিযোগে বা সনেহে দণ্ডিত হইয়াছেন,
ঔহাদের মুক্তির জন্তও উভয়পক্ষের একটি বুঝাণ

চাই। মহাত্মা গান্ধী যেমন কংগ্রেসের পক্ষ হই
বড়লাটকে প্রতিশ্রুতি দিতে পারিয়াছেন, যে, অহিংসা

সত্যাগ্রহ বন্ধ করা হইবে এবং বড়লাট গাঁহা গ্রহণ
করিয়াছেন, সেইরূপ অন্য কেহ বলপ্রয়োগ ও হিংসা-

নীতির সমর্থকদের শঙ্ক হইতে বড়লাটকে প্রতিশ্রুতি

হইবে? স্বাধীনতালাভার্থ অহিংস প্রচেষ্টার সার্থক

কংগ্রেসের প্রভাব ও শক্তি বাড়াইয়া যদি মহাত্মা
গান্ধীর পক্ষে একরূপ প্রতিশ্রুতি দেওয়া সম্ভব হয়, তাহা

হইলে তিনি তাহা অবিলম্বেই দিবেন বলিয়া অঙ্গীকার
করি। কিন্তু তিনি বলপ্রয়োগবাদীদের নেতা নহন

বলিয়া সম্ভবতঃ কোন প্রতিশ্রুতি দিতে পারেন নাই।
বলপায়াগবাদীদের যদি কোন সর্বোচ্চ নেতা

থাকেন, তাঁহার পক্ষে আবুপ্রকাশ করিয়া প্রতিশ্রুতি

কিন্তু তাঁহারাও আশা করি আমাদের অবলম্বিত

গান্ধী-আরুইন রফা প্রকাশিত হইবার পর গান্ধীজী

নিশ্চিন্ত হইয়া .. ড়িয়াছেন মনে করিবার কোন হেতু নাই।
খুব সম্ভব, রাজনৈতিক কারণে যে-সব শ্রেণীর লোক

কতিগ্রন্থ ও দণ্ডিত হইয়াছেন, তাঁহাদের সকলের
বিষয়ই তিনি জারিতেছেন এবং বড়লাটের সহিত

এখনও হয়ত তাঁহার কথাবার্তা চলিতে পা.র।

জন্ম চেষ্টা নিশ্চয়ই হওয়া উচিত ও হইবে।

কংগ্রেসের আগামী অধিবেশনে, বিনা নির্দিষ্ট
অভিযোগে ও বিনা বিচারে বঙ্গে ও অন্ত্র যাহাদের

স্বাধীনতা হৃত হয়ে যাচ্ছে, তাঁহাদের মুক্তি দাবি করি।
একটি পক্ষের নিশ্চয়ই সর্বসম্মতিক্রমে ধার্য হইবে।

উচিত।

অহিংস সন্তাগ্রহী কয়েদীরা যেমন ...-স পাইয়াছেন,
রাজনৈতিক কারণে বন্দী অনোরাও কো... প্রকার বল-

৭ যোগের অস্থিযোগে দণ্ডিত হইলেও যাহাতে খালাস
পান, তাহারই লক্ষ্য রাখা যেন হইয়াছে তাঁহাদের আশঙ্কায়

বদলে আর কোন দণ্ড হয়, বিনা বিচারে আবদ্ধ লোকেরা

পান, ইহা আমরাও চাই। খুব সম্ভব,
দ্বিজাঙ্গীও বড়লাটকে এই সকল লোকের কথা

৫. যাচ্ছেন। কিন্তু অহিংস সত্যাগ্রহী বন্দীদের মুক্তি অন্যদের মুক্তির মধ্যে যে একটি প্রভেদ আছে, তাহা

চলিবে না।

ন আছেন, লাজন বন্ধ করিবেন, সরকার

